





A 11 6 51

R. P. F. GABRIELIS
A S. VINCENTIO

CARMELITAE EXCALCEATI

IN VNIVERSAM PRIMAM PARTEM

SVMMÆ ANGELICÆ

Vbi quæ à Salmanticensibus eiusdem Ordinis
Patribus fusè traduntur,

Ad faciliorem, & breuiorem Methodum reuocantur. Et quæ ab ipsis
prætermittuntur, eadem Methodo seruata, ponuntur.

*Opus non tantum Sacræ Theologiæ Studiosis, verum etiam Lectoribus, & Ma-
gistris, per quàm utile.*

DOCTISS. SAPIENTISS. ET. SANC'TISS. S. R. E. DOCTORIBVS

D. AVGVSTINO, ET D. THOMAE

D I C A T V M.

*Perinet D.
de Vrbe ibi.*



Con. S. Fran. u.

R O M A E.

Typis Philippi Mariæ Mancini. M.DC.LXIV.

SVPERIORVM LICENTIA.

RECEIVED

DECEMBER 10 1891

U.S. DEPARTMENT OF AGRICULTURE

WASHINGTON, D.C.

RECEIVED

DECEMBER 10 1891

U.S. DEPARTMENT OF AGRICULTURE

WASHINGTON, D.C.


RECEIVED

DECEMBER 10 1891

U.S. DEPARTMENT OF AGRICULTURE

WASHINGTON, D.C.

RECEIVED



RECEIVED

DECEMBER 10 1891

U.S. DEPARTMENT OF AGRICULTURE

WASHINGTON, D.C.

D. A V G V S T I N O

E T

D. T H O M A E

A Q V I N A T I

DOCTORIBVS HIERARCHICIS,

Theologiæ Magistris, Magistrorum Theolo-
gis, Dynasticis Petri Cymbæ Rectoribus:

*Altissimarum Scientiarum, Virtutum singularium, Heroicarum, Caelestium,
Diuiinarum, Odore, Pretio, Splendore radiantibus.*

F. GABRIEL A S. VINCENTIO D. C. D.



D. locum vnde Theologiæ meæ
fluuiolus exiuit, reuertitur, vt
iterum fluat. Amari vestro ma-
gno, & spatioſo manibus exiuit,
ad illud reuertitur, & mare ve-
ſtrum non redundat. Aſcendi
mare in intelligentiæ veſtræ nauibus, & vidi opera
Dei, & mirabilia eius in profundo doctrinæ, & ſa-
pientiæ veſtræ. Summa ſapientia veſtra per ſe ſem-
per ſibi ſufficiet, non tamen omnibus, niſi de miſſio-
ribus inſinuetur characteribus: humana namque
prouidentia, non quid ipſa dicere, ſed quid auctor,
& lector

THE NATIONAL

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

George W. Smith

James B. Smith



OF THE

OF THE

OF THE

D. A V G V S T I N O

E T

D. T H O M A E

A Q V I N A T I

DOCTORIBVS HIERARCHICIS,

Theologiæ Magistris, Magistrorum Theolo-
gis, Dynasticis Petri Cymbæ Rectoribus:

*Altissimarum Scientiarum, Virtutum singularium, Heroicarum, Cælestium,
Diuinarum, Odore, Pretio, Splendore radiantibus.*

F. GABRIEL A. S. VINCENTIO D. C. D.



D. locum vnde Theologiæ meæ
fluuiolus exiuit, reuertitur, vt
iterum fluat. A mari vestro ma-
gno, & spatioſo manibus exiuit,
ad illud reuertitur, & mare ve-
ſtrum non redündat. Aſcendi
mare in intelligentiæ veſtræ nauibus, & vidi opera
Dei, & mirabilia eius in profundo doctrinæ, & ſa-
pientiæ veſtræ. Summa ſapientia veſtra per ſe ſem-
per ſibi ſufficiet, non tamen omnibus, niſi demifſio-
ribus inſinuetur characteribus: humana namque
providentia, non quid ipſa dicere, ſed quid auditor,

& lector quilibet capere possit attendit; ut sic velut fons per tenues venarum erumpat meatus, atque angustis sensim serpat in riuulis, donec digno successu in totam se fluuij latitudinem prorumpat, & se valenter in mare vestrum effundat. Quidam intelligentiæ vestræ naues non ascendunt, ut opera Dei, & mirabilia eius intueantur. Quidam ascendunt, sed mare non intrant. Cum Augustinianam, Thomisticamque doctrinam, non profiteantur. Illi namque profitentur, qui non solum ea quæ ab istis dicuntur, apprehendunt, sed ea sentiunt, quæ illi senserunt, ijs ducuntur rationibus, quibus illi ducebantur; ijs conuincuntur argumentis, quibus illi conuicti fuerunt: qui eorum doctrinam ita retinent, ut si quid noui moliri, si quid reconditi proferre velint in medium, omnia ex ipsorum pronunciatis, tanquam ex mari incorruptæ doctrinæ deriuant. Non satis est indagare feram, nisi præda capta potiaris. Absoluta rerum scientia non externa innititur auctoritate, sed ex intima, perfectaque cognitione innascitur. Nudi AVGVSTINI, & THOMAE sectatores similes canibus odorarijs esse videntur, qui per summum laborem, vepribus explicatis fatigati, ac faucij prædam quandoque indigitant, quam ipsi non consequuntur. Illi ergo profitentur, illi ascen-

dunt

dunt naues altissimæ horum heroum doctrinæ, illi intrant in magnum, & spatiosum mare nostrorum Sapientissimorum doctorum, qui Theologiæ difficultates inuolucris, atque tegumentis inclusas, ex eorum principijs, & doctrina recludunt, distinguunt ambiguam, latentem educunt, obscuram aperiunt, vt ipsemet AVGVSTINI, & THOMAE animus, ac vultus, in altissimo quasi fundo delitescens, ipsorum arte percussus, atque regeſtus, tanquam in Sedato, tranquillo, & ad imum vsque perspicuo mari resplendeat. Antiochus Epiphanes pancratiaſtes suos in arenam educendos, oleo, opobalsamis, alijsque odoratis crassamentis, fictiui diapasmate donabat; vt per odorem recreato cerebro, & alacrius, & sapientius decertarent. Nostri sapientissimi Doctores, suos sectatores aduersus Ditis incurſus comuniunt, seruant, firmant, stabiliunt in suprema doctrinæ alea. Quantum autem hic cælestis doctrinæ Oceanus sua dilatauerit, & extenderit spatia, vniuersi ferè orbis scholæ testantur, quæ horum doctorum æmulæ triumphorum, vniuersum orbem, quasi ex multarum honore gemmarum conferto diademate coronarunt. In horum ergo excellèntia doctorum, merito est excellentius gloriandum; cum eos gratia Dei in tantum apicem inter omnia Ecclesiæ membra

bra prouenerit, vt in corpore cuius caput est Christus, vnum constituent sapientiæ, sanctitatis, & doctrinæ solum. De horum namque meritis, sapientia, doctrina, & virtutibus, quæ omnem loquendi superant facultatem (sunt verba magni Leonis). nihil diuersum, nihil debemus sentire discretum; nam & doctrina pares, & labor similes, & Sanctitas fecit æquales. Merito ergo ad vestrum mare, meus tendit fluuiolus, vt inde iterum fluat. Vobis hæc minima meæ deuotionis, & gratitudinis argumenta reuerenter, deuotè, humiliterque dico, offero, & exhibeo; deprecorque vt in sinum clementiæ vestræ, vitam, & finem vitæ meæ excipiat, vt vndeque omnia respondeant ad animi vota. Romæ in Conuentu S. Mariæ de Victoria die XXV. Octobris M. DC. LXIV.

DISPUTATIONVM ET DVBIORVM INDEX.

DISPUTATIO I.

Quid sit, & ad qua se extendat Theologia.
num. 2.

- Dub. 1. An sacra Theologia sit ad salutem necessaria. ibid.
Dub. 2. An sacra Theologia distinguatur à fide. 5.
Dub. 3. An Theol. sit habitus naturalis, an supernaturalis. 8.
Dub. 4. An Theol. sit scientia. 13.
Dub. 5. An Theol. sit vna scientia. 17.
Dub. 6. An Theol. sit scientia practica, an speculativa. 20.
Dub. 7. An Theol. sit dignior, certiorque alijs scientijs. 24.
Dub. 8. An Theol. sit sapientia, vbi alia. 27.
Dub. 9. Quodnam sit obiectum Theologiae. 30.
Dub. 10. An sit argumentativus. 32.
Dub. 11. An sacra scriptura habeat plures sensus. 34.
Disp. 2. De existentia Dei. 37.
Dub. 1. An Deum esse sit per se notum. num. 38.
Dub. 2. An Deus sit primum cognitum, vbi alia curiosa. 41.
Dub. 3. An dari possit ignor. inuincibilis Dei. 47.
Dub. 4. An Deū esse sit demonstrabile. 49.
S. 1. An à priori. 50.
S. 2. An à posteriori. 51.
S. 3. Ponuntur notabilia pro intellectu demonstrationum D. Thomæ. 51.
S. 4. Expeditur 1. demonstratio ex motu. 52. S. 5. Expeditur 2. demonstratio ex efficientia. 55.
S. 6. Proponitur 3. demonstratio per viam contingentiae. 56.
S. 7. Proponitur 4. demonstratio per viam eminentiae. 57.
S. 8. Proponitur 5. demonstratio, & est via finis. 57.
S. 9. Ponuntur aliae demonstrationes. 58.
S. 10. Soluuntur argum. in contrarium. 59.
Disp. 3. De simplicitate Dei. 61.
Dub. 1. An in Deo sit compositio materiae, & formæ. 61.
Dub. 2. An sit compositio ex essentia, & esse. 62.
Dub. 3. An Deus componatur ex genere, & differentia. 64.
Dub. 4. An simplicitas sit perfectio simpliciter, vbi alia curiosa. 68.
Disp. 4. De perfectione Dei. 71.
Dub. 1. An Deus sit perfectus. 71.
Dub. 2. An in Deo sint omnium rerum perfectiones, vbi alia. 73.
S. 1. Quotuplex sit perfectio. 74.
S. 2. Quomodo rerum perfectiones sint in Deo. 75.
S. 3. quid sit perfectius, Deus solus, an Deus, & vniuersum. 77.
Dub. 3. An aliqua creatura possit esse similis Deo. 78.
Disp. 5. De bono in communi. 79.
Dub. 1. In quo consistat ratio boni. 80.
Dub. 2. An bonum sit passio entis. 83.
Dub. 3. An bonum rectè diuidatur, in honestum, &c. 86.
Disp. 6. De bonitate Dei. 90.
Dub. 1. An Deus sit summum bonum. 90.
Dub. 2. An solus Deus sit bonus per essentiam. 92.
Disp. 7. De infinitate Dei. 93.
Dub. 1. An Deus sit infinitus. 93.
S. 1. Notabilia pro intellectu rationis D. Thomæ. 96.
S. 2. Soluuntur aliqua quaesita pro absolute

I N D E X

ra diuine infinitatis cognitione. 97.
 S. 3. Soluuntur argum. in contrarium. 98.
Dub. 1. An aliquid extra Deum possit esse
 infinitum secundum essentiam. 99.
Disp. 8. De existentia Dei in rebus. 101.
Dub. 1. An Deus sit in omnibus rebus. ib.
S. 1. An infinitas Dei ex eius operatione
 colligatur. 102.
S. 2. Soluuntur argum. in contr. 104.
Dub. 2. An Deus sit vbique. 106.
Dub. 3. An Deus sit in spatijs imaginarijs.
107.
S. 1. Quid sit spatium imaginarium, & an
 detur. 108.
S. 2. Deus potestate est in spatijs imaginarijs.
109.
S. 3. Soluuntur argum. in contr. ibid.
Dub. 4. An Deus sit vbique per essentiam,
 presentiam, & potentiam. 110.
S. 1. Vnicus, Soluuntur aliqua quæstia. 111.
Disp. 9. De immutabilitate Dei. 112.
Dub. 1. An Deus sit omnino immutabilis.
113.
Dub. 2. An esse immutabile sit proprium
 Dei. 115.
Disp. 10. De aternitate Dei. 115.
Dub. 1. An definitio aternitatis sit recta.
 nu. 116.
Dub. 2. An aternitas sit formaliter duratio.
117.
Dub. 3. An aternitas dicat in sua ratione
 formali, rationem mensuræ. 119.
Dub. 4. An esse æternum sit proprium
 Dei. 121.
S. Vnic. Soluuntur aliqua quæstia. 124.
Disp. 11. De unitate Dei. 125.
Dub. 1. An unitas addat aliquid supersens.
125.
Dub. 2. An Deus sit maximè vnus. 128.
 Dubium incidens, vbi explicatur seita
 necessaria de attributis. 129.
S. 1. An attributa habeant in sua linea infinitatem,
 vbi de transcendencia. 131.
S. 2. An attributa distinguantur ex natura
 rei inter se, & ab essentia. 133.
S. 3. Ponuntur capita distinctionis virtualis.
135.
S. 4. Soluuntur argum. in contr. 136.
Disp. 12. De visione Dei. 138.
Dub. 1. An visio clara Dei sit possibilis. ib.

Dub. 2. An possibilitas visionis Dei possit
 per lumen naturale euidenter cognosci. 141.
Dub. 3. An in natura intellectualem detur
 appetitus innatus ad visionem Dei.
 nu. 144.
Dub. 4. An detur appetitus elicitus. 145.
Dub. 5. An essentia diuina vniatur per
 modum speciei intelligibilis in visione
 beata. 147.
Dub. 6. An essentia diuina vt habet rationem
 speciei intelligibilis concurret
 actiue, &c. 152.
Dub. 7. An sit possibilis species impressa
 creata &c. 155.
Dub. 8. An rationes D. Thomæ probent
 impossibilitatem dictæ speciei. 158.
S. 1. Examinatur 2. ratio. 160. S. 2. exami-
 natur 3. ratio. 165.
Dub. 9. an in beatis detur Verbum 163.
Dub. 10. an impossibilitatem Verbi rectè
 probet S. Doctor. 165.
Dub. 11. an essentia diuina videri possit
 oculis corporeis. 168. S. vnic. Soluuntur
 quæstia curiosa de eadem materia.
 nu. 172.
Dub. 12. an sit possibilis intellectus, qui
 proprijs vitibus possit videre Deum. 183.
Dub. 13. an sit possibilis substantia, aut
 intellectus, quibus sit connaturale lumen
 glorie. 175.
Dub. 14. an lumen glorie concurret per
 modum speciei ad visionem Dei. 178.
Dub. 15. an dictum lumen sit dispositio ad
 hoc vt diuina essentia recipiatur in intellectu, &c. 180.
Dub. 16. an dictum lumen desideretur
 ad visionem Dei recipiendam. 182.
Dub. 17. an intellectus sine lumine glorie
 cum solo concursu, &c. possit videre
 Deum. 183.
Dub. 18. an essentia diuina videri possit in
 ratione luminis. 185.
Dub. 19. an visiones beatificæ sint æquales.
 num. 187.
Dub. 20. an differant essentialiter. ibid.
Dub. 21. an melior intellectus cum æquali
 lumine clarius videat, &c. 189.
Dub. 22. an intellectus creatus possit comprehendere
 Deum. 191.
Dub. 23.

I N D E X

- Dub. 1. 3. an videntes Deum videant omnia absoluta, quæ sunt formaliter in Deo. 194.
- Dub. 2. 4. an essentia diuina videri possit sine personis, & vna persona sine alia. ib.
- Dub. 3. 5. an beati videant libera decreta Dei. 197.
- Dub. 2. 6. an beati videant effectus existentes in aliqua tēporis differētia. 198.
- Dub. 2. 7. an videantur creaturæ possibiles. 200.
- Dub. 2. 8. an viator possit videre Deū. 203.
- §. 1. an B. Virgo in vita viderit diuinam essentiam. ibid. §. 2. quid de Moyse, & Paolo. 205.
- Disp. 13. De nominibus, seu ineffabilitate Dei.* 206.
- Dub. 1. an Deus sit nominabilis à nobis. ib.
- Dub. 2. an ineffabilitas sit attributū. 208.
- Dub. 3. an hoc nomen *qui est* sit proprium Dei. 209.
- Dub. 4. an hoc nomen Deus, sit nomen nature, vbi alia. 210.
- Disp. 14. De scientia Dei.* 211.
- Dub. 1. an in Deo sit cognitio intellectiua formaliter. ibid.
- Dub. 2. an D. Tho. rectè probet Deum esse summè intelligibilem, ex eo, quod est summè immaterialis. 212.
- Dub. 3. an in Deo sit scientia propriè dicta, & respectu quorum. 215.
- Dub. 4. an scientia Dei sit attributum illius. 216.
- Dub. 5. an sit vera prima differentia. quā ponit D. Tho. inter cognoscētia, & non cognoscētia. 219.
- Dub. 6. an sit vera secunda differentia quam ponit idem S. Doctor inter cognoscētia, & non cognoscētia. 221.
- Dub. 7. an Deus se ipsum primatiō intelligat. 223.
- Dub. 8. quodnam sit specificatiū diuinæ intellectiōis. 224.
- Dub. 9. an constitutiōem diuinæ essentiae sit ratio substantiæ spiritualis. 226.
- Dub. 10. an constitutiōem diuinæ essentiae sit esse intellectiū, vt pertingit ad actuale intellectiōem. 228.
- Dub. 11. an scientia Dei sit causa rerū. 231.
- Dub. 12. quēnā scientia sit causa rerū. 232.
- Dub. 13. an dicta scientia sit etiam principium exquens. 234.
- Dub. 14. quomodo Deus cognoscat mala. num. 237.
- Dub. 15. an Deus cognoscat futura contingentia absoluta. 239.
- Dub. 16. an Deus certò cognoscat futura libera per suam essentiam, & ideas antecedenter ad decretum suæ voluntatis num. 242.
- Dub. 17. an Deus cognoscat futura contingentia absoluta in suo decreto vt futuro. 244.
- Dub. 18. an Deus cognoscat dicta futura in comprehensione suarum causarum antecedenter ad determinationem suæ voluntatis. 247.
- Dub. 19. an Deus cognoscat dicta futura in eorum veritate obiectiua antecedenter ad diuinum decretum. 248.
- Dub. 20. an Deus cognoscat dicta futura in decreto, seu in essentia determinata per decretum. 253.
- Dub. 21. an sufficienter probetur, quod dicta futura sint realiter præsentia Deo in æternitate. 256.
- Dub. 22. an præsentia rerum in æternitate sit necessaria vt Deus cognoscat dicta futura. 260.
- Dub. 23. an Deus cognoscat futura contingentia disparata, &c. 262.
- Dub. 24. an in Deo dentur decreta conditionata, &c. 264.
- Dub. 25. an iuxta sacram scripturam sit admittenda scientia media. 266.
- Dub. 26. an scientia media sit necessaria vt Deus certò prædestinet, & prædestinat libetum voluntatis cōsensum. 269.
- Dub. 27. an scientia media sit incompatibilis cum prædestinatione adulatorum. pag. 271.
- Dub. 28. ex quibus alijs capitibus probetur impossibilitas scientiæ mediæ. 273.
- Disp. 15. De Ideis.* 275.
- Dub. 1. an in Deo sint ideæ. ibid.
- Dub. 2. in quo consistat ratio ideæ. 277.
- §. 1. ponitur 2. concl. 278. ponuntur aliæ conclusiones. 279.
- Dub. 3. an in Deo sint plures ideæ. 280.
- Dub. 4. vnde desumatur pluralitas idearum. 281.

I N D E X

- rum. 281.
 Dub. 5. quarum rerum idem sint in Deo. pag. 285.
Disp. 16. De veritate. 286.
 Dub. 1. ponuntur quæ de veritate transcendentali necessaria sunt. ibid. §. 1. in quo consistat ratio veritatis transcendentalis. ibid. §. 2. an obiectum intellectus sit ens ratione veri, an verum ratione entis. 287.
 Dub. 2. ponuntur quæ de veritate formalis necessaria sunt. 288. §. 1. an veritas formalis sit in intellectu componente, &c. ibid. §. 2. in qua conformitate consistat veritas formalis. 289. §. 3. referuntur quæ docet S. Doctor in alijs articulis. 290.
Disp. 17. De falsitate. 291.
 Dub. 1. an falsitas sit in rebus. ibid.
 Dub. 2. ponuntur quæ docet S. Doctor in alijs art.
Disp. 18. De vita Dei. 293.
 Dub. 1. an sit omnium rerum naturalium viuere.
 Dub. 2. an Deus propriè viuat, & in quo eius vita consistat. 294.
 Dub. 3. an omnia in Deo sint vita. 295.
Disp. 19. De Voluntate Dei. 297.
 Dub. 1. an in Deo sit voluntas, & an hoc probet ratio D. Th. 298.
 Dub. 2. an voluntas Dei sit potentia, an actus purissimus. 301.
 Dub. 3. an coheret cum voluntate per modum purissimi actus, quod in ea sint virtutes affectiuæ virtualiter ab illa distinctæ. 303.
 Dub. 4. an voluntas, seu velle spectat ad formalissimum constitutum diuinæ essentia. 305.
Dub. 5. an in Deo sit volitio creaturarum. pag. 307.
 Dub. 6. an Deus velit alia à se tanquam obiecta particularia, an obiectum ad quatum sit sola bonitas diuina. 308.
 Dub. 7. an Deus necessariò velit suam bonitatem. 310.
Dub. 8. an Deus velit se ipsum amore propriè dicto, an solum actu gaudij. 312.
 Dub. 9. an Deus necessariò tam quoad specificationem, quam quoad exerci-
 rium amet creaturas possibiles. 315.
 Dub. 10. an Deus amet necessariò creaturas existentes in aliqua temporis differentia. 317.
 Dub. 12. an Deus ita liberè amet creaturas, &c. ut poterit eius voluntas manere suspensa. 320.
 Dub. 13. an voluntas diuinæ vè natura, & ut libertas distinguantur virtualiter. pag. 322.
 Dub. 14. quid addat actus liber supra volitionem necessariam. ibid. 324.
 §. 1. an addat realem perfectionem. ibid.
 §. 2. an formalitatem realem virtualiter distinctam. 325. §. 3. an formalitatem realem solum ab essentia inclusa per modum transcendentis. 326. §. 4. an addat relationem rationis. ibid. §. 5. an denominationem extrinsecam, &c.
 Dub. 15. in quo consistat actus liber Dei. 327. §. 1. an in connotatione extrinsecæ actionis Dei. ibid. §. 2. an in connotatione creaturarum, ut obiectum volitum. 328. §. 3. explicatur alio modo natura actus liberi. 330.
 Dub. 16. quid sit voluntas antecedens, consequens, &c. 331. §. 1. an voluntas antecedens sit secundum quid, & consequens simpliciter. ibid. §. 2. an voluntas antecedens in Deo sit actus eminens. 332. §. 3. recensentur aliæ diuisiones voluntatis. 333.
 Dub. 17. an diuina voluntas prædefiniat actus causarum secundarum. 334.
 Dub. 18. an diuinæ voluntatis prædefinitio tollat libertatem. 336.
 Dub. 19. quomodo coheret cum libertate creata quod in sensu composito non possit non elicere actum prædefinitum, bene tamen in sensu diuino. 339.
 Dub. 20. an diuina voluntas prædefiniat materiale peccati. ibid. 341.
Disp. 20. De amore Dei. 346.
 Dub. 1. traduntur aliqua de amore, ut passio est. ibid.
 Dub. 2. traduntur aliqua de amore Dei. pag. 348.
Disp. 21. De iustitia, & misericordia Dei. pag. 350.
 Dub. 1. ponuntur plura de misericordia. ni

I N D E X

- in communi. 351
- Dub. 2. ponuntur aliqua de misericordia Dei. 352.
- Disp. 22. De providentia Dei.* 351.
- Dub. 1. an in Deo sit providentia, & in quo illius ratio consistat. 353.
- Dub. 2. an omnia cadant sub diuina providentia, & quid de peccatis. 354.
- Dub. 3. an Deus immediatè omnibus provideat. 355.
- Dub. 4. an diuina providentia imponat necessitatem rebus. 356.
- Disp. 23. De prædeterminatione, & reprobatione.* 357.
- Dub. 1. an conueniens fuerit dari prædeterminationem hominum. 358.
- Dub. 2. an de facto Deus aliquos prædestinauerit. 360.
- Dub. 3. an prædeterminatio sit actus intellectus, an voluntatis. 361.
- Dub. 4. in quo actus intellectus consistat prædeterminatio. 364.
- Dub. 5. an sit pars subiectiva providentia.* pag. 368.
- Dub. 6. explicantur definitiones prædest. pag. 371.
- Dub. 7. an sit in prædestinante. 373.
- Dub. 8. an visio beatifica sit effectus prædest. 374.
- Dub. 9. an omnis iustificatio sit effectus prædest.* 376.
- Dub. 10. an omnes electorum vocationes sint effectus prædest. illorum. 377.
- Dub. 11. an actus supernat. sint effectus prædest. 380.
- Dub. 12. an esse prædestinati, & omnia entia naturalia sint effectus prædest. electorum. 382.
- Dub. 13. an permissiones peccatorum sint effectus prædest. 385.
- Dub. 14. an in Deo deur reprobatio. 387.
- Dub. 15. in quo actu consistat. 389.
- Dub. 16. an in Deo detur voluntas excludendi aliquos à regno ante prævisionem meritorum. 390.
- Dub. 17. an detur causa reprob. quoad primam permissionem, &c.* 393.
- Dub. 18. quinam sint effectus reprobationis. 397.
- Dub. 19. an electi ad gloriam sit ante prævisionem meritorum. 400.
- Dub. 20. an opera naturalia sint dispositio, vel meritoria prædest. 405.
- Dub. 21. an opera facta ex gratia sint dispositio, &c. 409.
- Dub. 22. an merita vnus possint esse causa meritoria prædest. alterius.* 411.
- Disp. 24. De libro vitæ* 412.
- Dub. vnica. quid sit liber vitæ, &c. ibid.
- Disp. 24. De diuina potentia.* 415.
- Dub. 1. an in Deo detur potentia, vbi alia. ibid.
- Dub. 2. quodnam sit obiectum diuinæ potentia vbi alia curiosa. 418.
- Disp. 26. De diuina beatitudine.* 421.
- Dub. vnicum recensentur quæ à D. Th. traduntur de diuina beatitudine. ibid.
- Disp. 27. De processione diuinarum personarum.* 423.
- Dub. 1. an in diuinis sit aliqua processio. pag. 424.
- Dub. 2. an processionem diuinæ sint actus intellectus, & voluntatis, an naturæ. 426.
- Dub. 3. an actus intellectus, & voluntatis diuinarum processionum, sint actus intelligendi, & volendi, &c.* 428.
- Dub. 4. an dicti actus sint quædam emanationes, an propriæ actiones.* 431.
- Dub. 5. quid sit generatio in communi, & generatio viuentium, & an reperiatur in diuinis.* 433.
- Dub. 6. an processio Verbi sit generatio. pag. 436.
- Dub. 7. an hoc probet ratio D. Th. 439.
- Dub. 8. an formalissima ratio Verbi, sit formalissima ratio filij.* 442.
- Dub. 9. an in diuinis detur processio per voluntatem. 445.
- Dub. 10. an processio Spiritus S. sit generatio. 450.
- Dub. 11. an hoc probet ratio D. Th. 454.
- S. vnica. ponuntur obiectiones contra prædicta. 460.
- Disp. 28. De relationibus diuinis.* 463.
- Dub. 1. an in Deo dentur relationes reales. ibid.
- Dub. 2. an relationes diuinæ secundum ad sint reales. 465.
- Dub. 3. an dictæ relat. distinguantur ab essentia sicut res à re. 469.

I N D E X

- Dub. 4. an distinguatur ex natura rei. 470.
Dub. 5. an dicæ relationes includant essentialitatem. 476.
Dub. 6. an sint de intinseca ratione essentialitæ. 482.
Dub. 7. an afferant perfectionem. 484.
Dub. 8. an dicant perfectionem secundum esse ad. 486.
Dub. 9. an relationes existant per proprias existentias relativas. 496.
Dub. 10. an distinguantur realiter ab invicem. 505.
Dub. 11. an sint tantum quatuor. 510.
Dub. 12. an spiratio distinguatur realiter à paternitate, & filiatione. 514.
Disp. 29. De personis divinis. 517.
Dub. 1. an persona rectè definiatur. *ibid.*
Dub. 2. an ratio personæ inveniatur in divinis. 519.
Dub. 3. quodnam sit significatum nominis persona. 521.
Dub. 4. an divinæ personæ habeat proprias subsistentias relativas. 525.
Dub. 5. an etiam subsistant subsistentia absoluta. 539.
Disp. 30. De pluralitate personarum in divinis. 537.
Dub. 1. ponuntur notabilia per tres 538. & 539.
Disp. 31. De his quæ ad unitatem, vel pluralitatem pertinent in divinis. 540.
Dub. 1. an in divinis dentur tres res, tres unitates, &c. *ibid.*
Dub. 2. an in divinis detur numerus transcendentalis. 545.
Dub. 3. an termini numerales ponant aliquid in divinis. 549.
Dub. 4. an sit utendum nomine Trinitatis. 552.
Dub. 5. an ratio personæ divinæ dicatur univoce, & quidditative. 555.
Disp. 32. De divinarum personarum cognitione. 560.
Dub. 1. quid sit notio divina. *ibid.*
Dub. 2. an notiones ponendæ sint in divinis. 562.
Dub. 3. an sint tantum quinque. 564.
 Synonymum q. 33. *ibid.* 573.
Disp. 33. De persona signi. 574.
Dub. 1. an Verbum procedat ex cognitione omnium, quæ sunt formaliter in Deo. *ibid.*
Dub. 2. an Verbum procedat ex cognitione possibilium. 586.
Dub. 3. an procedat ex cognitione futurorum. 597.
Disp. 34. De imagine. 601.
Dub. 1. an imago reperitur in divinis, & an dicatur personaliter. *ibid.*
Dub. 2. an ratio imaginis solum conveniat Verbo. 604.
Disp. 35. De persona Spiritus S. 608.
Dub. 1. an Spiritus S. procedat à filio. 609.
Dub. 2. quo sensu, & qua utilitate inquiratur, quod si Spiritus S. non procederet à filio, distingueretur ab illo. 614.
Dub. 3. an si Spiritus S. non procederet à Filio, distingueretur realiter ab illo. *pag.* 617.
 Additio ad dubium præcedens. 618.
Dub. 8. an Spiritus S. per se procedat à duabus personis, &c. 643.
Dub. 9. an procedat ex amore omnium, quæ sunt in Deo, possibilium, & futurorum. 648.
Disp. 36. De nomine amoris, Spiritus S. & domini. 649.
Dub. 1. an Pater, & Filius diligant se Spiritu S. *ibid.*
Dub. 2. an esse donum dicatur essentialiter, & personaliter, seu notionaliter. *pag.* 652.
Dub. 3. an sit proprium Spiritus S. esse donum. 654.
Disp. 37. De personis ad essentialitatem relatis. 657.
Dub. 1. an nomina essentialia in concreto prædicentur pluraliter in divinis. *ibid.*
Dub. 2. an ad multiplicationem concreti substantiæ, requiratur multiplicatio formarum, & suppositorum, &c. 660.
Dub. 3. an nomina essentialia concreta, possint supponere pro personis. 661.
Dub. 4. an nomina abstracta essentialia, possint supponere pro personis. 663.
Disp. 38. De personis in comparatione ad relationes, siue proprietates. 665.
Dub. 1. an in divinis personis sint aliquæ proprietates, quibus constituentur, &c. *ibid.*
Dub. 2. an proprietates constituentur sint absolute.

I N D E X

- absolutæ, an relatiuæ. 666.
- Dub. 3. an relationes constituent secundam rationem originum, &c. 669.
- Dub. 4. an constituent secundum quod dicunt ad. 671.
- Disp. 39. De missione diuinarum personarum. 675.*
- Dub. 1. an alicui personæ diuinæ conueniat mitti. 676.
- Dub. 2. an mitti conueniat cuilibet personæ diuinæ, &c. 678.
- Dub. 3. missio diuiditur inuisibilem, & inuisibilem, & an utraque Filius, & Spiritus S. mittantur. 681.
- Dub. 4. an missio inuisibilis, fiat solum ratione gratiæ an etiā per alia dona. 684.
- Dub. 5. an etiam ipsæ personæ mittantur. pag. 687.
- Disp. 40. De processu creaturarum à Deo. 691.*
- Dub. 1. an detur creatio. ibid. S. 1. Deus cuncta creauit ex nihilo. 692. S. 2. creatio fuit in tempore. 694. S. 3. soluantur arg. probantia mundum fuisse ab æterno. ib. S. 4. soluantur arg. probantia mundum non potuisse esse ab æterno. 695.
- Dub. 2. quid sit creatio. 697. S. 1. quid addat creatio supra actionem Dei. ibid. S. 2. quid addat supra creaturam. 699.
- Dub. 3. quænam creati possint. 700.
- Dub. 4. an aliqua creatura possit esse causa principalis creationis. 703.
- Dub. 5. an creatura possit esse instrumentum creationis. 706.
- Disp. 41. De substantia Angel. absolutæ. 711.*
- Dub. 1. an Angelus sit incorporeus. 712.
- Dub. 2. an Angelus sit compositus ex materia nostra. 716.
- Dub. 3. an componatur ex materia spiritali. 720.
- Dub. 4. an numerus Angelorum excedat numerum specierum materialium. 723.
- Dub. 5. an de facto Angeli differant specie. 727.
- Dub. 6. an sub eadem specie atomi, dari possint plures Angeli. 729.
- Dub. 7. an de potentia absoluta possint esse plures Angeli sub eadem specie. pag. 733.
- Dub. 8. an Angeli sint incorruptibiles. 735.
- Disp. 42. De comparatione Angelorum ad corpora. 738.*
- Dub. 1. an Angelus sit in loco propriè. ib.
- Dub. 2. an Angeli substantia sit ratio immediata essendi in loco. 742.
- Dub. 3. quænam sit ratio formalis per quam Angelus est in loco corpore. 748.
- Dub. 4. per quid Angelus sit in loco violento. 759.
- Dub. 5. an ex contactu virtutis Angeli ad locum, resultet aliquid ubi. 760.
- Dub. 6. an Angelus sit in loco diuisibili, & an vbique. 764.
- Dub. 7. an Angelus possit esse in minori, & minori loco, & an in puncto. 765.
- Dub. 8. an Angelus possit esse in pluribus locis simul. 767.
- Dub. 9. an plures Angeli possint esse in eodem loco. 772.
- Dub. 10. an Angelus possit esse tanquam in loco in essentia alterius Angeli, aut animæ rationalis. 777.
- Disp. 43. De motu locali Angelorum. 778.*
- Dub. 1. an Angelus possit moueri localiter. 779.
- Dub. 2. quid sit motus localis Angeli. 780.
- Dub. 3. an Angelus moueatur motu continuo. 784.
- Dub. 4. an Angelus possit moueri motu discreto, &c. 788.
- Dub. 5. an Angelus possit moueri de extremo in extremum sine medio. 790.
- Dub. 6. an motus localis siue discretus, siue continuus sit in Angelo ut in subiecto. 796.
- Dub. 7. an motus localis Angeli continuus possit fieri in instanti. 798.
- Dub. 8. an motus discretus possit fieri in instanti. 802.
- Dub. 9. an rationes D. Tho. hoc probent. pag. 803.
- Summarium q. 54. de cognit. Angeli. 807.*
- Dub. 1. an D. Th. probet, quod intelligere Angeli non sit sua essentia. 807.
- Dub. 2. an rectè probet, quod intelligere non est esse Angeli. 810.
- Disp. 44. De modo cognit. Angelici. 812.*
- Dub. 1. an Angelus cognoscat omnia per suam essentiam. ibid.
- Dub. 2. an Angelus accipiat species à rebus corporeis. 815.
- Dub. 3. an Angelus cognoscat immaterialia per species illorum. 817.
- Dub. 4.

I N D E X

- Dub. 4. an species Angelorum sint proprietates eorum. 820.
 Dub. 5. an Angeli superiores intelligant per species uniuersaliores. 825.
Disp. 45. De cognitione Angelorum ex parte rerum immaterialium. 833.
 Dub. 1. an Angelus intelligat se ipsum per suam essentiam. ibid.
 Dub. 2. an Angelus cognoscat alium per propriam essentiam, an per essentiam Angeli cogniti. 836.
 Dub. 3. an Angeli inferiores comprehendant superiores. 840.
 Dub. 4. per quid Angelus cognoscat Deum. pag. 845.
 Dub. 5. quomodo essentia Angeli concurrat ad intellectum Dei. 847.
Disp. 46. De cognitione Angelorum respectu rerum materialium. 849.
 Dub. 1. an Angeli cognoscant res materiales. ibid.
 Dub. 2. an cognoscat materialia singularia. 851.
 Dub. 3. an per eandem speciem cognoscat naturam, indiuidua, & accidentia. 852.
 Dub. 4. an cognoscat futura contingētia. 854.
 Dub. 5. an cognoscat cogitationes cordis. pag. 858.
Disp. 47. De modo cognitionis Angelica. 863.
 Dub. 1. an Angelus possit simul plura intelligere. 864.
 Dub. 2. an intelligat discutiendo. 866.
 Dub. 3. an diuidendo, & componendo. 870.
 Summarium q. 59. 60. 61. & 62. ibid.
Disp. 48. De Angelorum malitia. 874.
 Dub. 1. an possit dari creatura impeccabilis ex sui natura. ibid.
 Dub. 2. an possit dari substantia intellectualis impeccabilis circa finem naturalem. 879.
 Dub. 3. an de facto deus creatura intellectualis quę directē sit impeccabilis circa finem naturalem. 882.
 Dub. 4. an primum Angeli peccatum fuerit superbia. 886.
 Dub. 5. quodnam fuerit obiectum excellentiæ, circa quod Angelus superbiuit. pag. 889.
 Dub. 6. an Angelus appetierit unionem hypostaticam, uel uoluit subijci Christo, & dignitauit illius. 894.
 Dub. 7. an Angelus peccauerit appetendo tyrannicam potestatem, seu principatum supra creaturas inferiores, maxime intellectuales. 896.
 Dub. 8. an obiectum circa quod Angelus peccauit, fuerit sua beatitudo naturalis, & quomodo. 897.
 Dub. 9. an Angelus etiam superbe deliquerit circa beatitudinem supernaturalem per se primò. 902.
 Dub. 10. an Angelus potuerit primò peccare alio peccato, quam superbia. 905.
 Dub. 11. an ad primum peccatum Angeli debuerit præcedere aliquis error intellectus, uel inconsideratio. 908.
 Dub. 12. an Angelus in primo instanti sui esse, potuerit peccare. 913.
 Dub. 13. an Angelus malus lapsus fuerit post primum instans, & bonus delibet se, & omnia sua in Deum finem, supernaturalem retulerit. 920.
 Dub. 14. an Angeli boni in eodem instanti sui meriti acceperint uisionem clarā Dei, & mali in eodem instanti sui demeriti, fuerint damnati. 922.
 Dub. 15. an totum negotium Angelorum duobus instantibus, an tribus sit peractum. 925.
Disp. 49. De pena demonum, & obstinatione eorum. 928.
 Dub. 1. ex quibus capitibus oriatur obstinatio in demonibus. 929.
 Dub. 2. an dæmones possint aliquod bonum opus patrare. 933.
 Dub. 3. Quomodo dæmones torquantur ab igne. 934.
Disp. 50. De illuminatione Angelorum. 936.
 Dub. 1. an vnus Angelus, aliū illuminet. ib.
 Dub. 2. an vnus Angelus illuminet alium per hoc, quod infundat ei physice aliquid. 937.
 Dub. 3. quomodo fiat dicta illuminatio in Angelis. 939.
 Dub. 4. De quibus rebus fiat illuminatio. pag. 941.
Disp. 51. De locutionibus Angelorum. 941.
 Dub. 1. an vnus Angelus alteri loquatur. pag. 942.
 Dub. 2. in quo cōsistat locutio Angelica. ib.
 §. vnica. examinatur aliqua circa articulum 2. 3. 4. & 4. D. Thomæ.

IESVS + MARIA

Concedimus R.P.F. Gabrieli à S. Vincentio Priori N. Conuentus Nouocomensis, vt in lucem edere possit opus cuius titulus est: *Primam partem S. Thomae*, & alia opuscula ab ipso composita, vel componenda, dummodo ab vno, vel altero ex nostris videantur, & digna luce iudicentur, & hoc quantum ad nos attinet. In quorum fidem praesentes dedimus sigillo nostro munitas, ac propria manu subscribas. Datum Ferrariae die 13. Martij anno 1652. *Padre Gabriele mio auerta che gli commando, che non solo stampi quest'opra, mà ancora le altre che hà composte, & per l'auuenire comporrà, & questo li serua per sempre, se da alcuno de miei successori non gli sarà ordinato l'opposto, solo desidero che gli significhi questo mio commando.*

Fr. Franciscus à Sanctissimo Sacramento Generalis.

Opus in *Primam partem S. Thomae* P. Fr. Gabrieli à S. Vincentio Sacrae Theologiae in Conuentu S. Mariae de Victoria Lectoris Primarij Excommiffione R. adm. Patris Francisci à Sanctissimo Sacramento Praepositi Generalis Carmelitarum Discretorum per facultatem ipsi Auctori traditam. Ego Fr. Io: Thomas à S. Philippo Sacrae Theologiae Lector attentè vidi, & accuratè perlegi, & praedictum opus tantum abest, quod Catholicae Doctrinae Fidei, vel minimum dissonum sapiar, potius ipso Tura Veritas, Profunda claritas, Breuitas copiosa, facilitas singularis, adeo perluceat vt Sacrae Theologiae Professoribus gustu maximo, & Profectu fas sit inoffenso pede percurrere, Opus equidem ipsius auctoris, & Sapientiae, & nomini minimè dispar, cum quidquid non solum PP. Salmanticenses in Theologicis suis tractatibus prolixè conscripserunt, paucis ad faciliorem omnium intelligentiam percludat, sed claritatem suo in nomine Gabrieli æmulans Angelicam ad Lectoris commodum, ad Scholae Thomisticae splendorem caelestem Sacrae doctrinae veritatem annuntiet.

Fr. Io: Thomas à S. Philippo Carmelita Excalceatus Theologiae Praeflor.

In virtute facultatis mihi concessæ à R. adm. P. N. Fr. Francisco à sanctissimo Sacram. Praeposito Generali. *Vidi Compendium Salm.* in primam partem à R. P. Fr. Gabriele à S. Vincentio elaboratum, perfectum, clumatum. Vidi sudatissimi patum laboris, & immortalis dignum elogio praedico hunc Auctorem. Quot deterrebat ab erudita vulgarorum Lectione voluminū, immensa magnitudinis conspecta moles integra Methodo, concinna breuitate suis quibusque locis, aucta luminibus, vnus alliciet Gabriel vniuersos. Quæ multiplici verborum circuitu, latoque calamo exarauere Sapientissimi Interpretes, Angelico complectens intuitu, sub vno veluti radio oculis subiecit fidelibus contemplanda. Breuitas claritatem non minuit, obscuritatem non parit. Siquidem Angeli Superioris Hierarchy illuminantis in morem, per pauciores intelligentes species quos intra se conceptus efformat, facili Magisterio extra se pandit, idemque sibi angelico (pauè dixerim) concludit instanti longissimi temporis spatia in euoluendis aliorum paginis consumenda. Denique laudem, quam sibi praecipuam Doctor adsciuic Angelicus, summa conscribens, clariorem praeteritis hereditatem pro testamentum transmissam (ausim dicere) quodammodo æmulatus est Gabriel. Post tot elucubrata volumina, edit compendium, Thomisticae Scholae studiosis illibatae doctrinae nepotibus profuturū. Foucant igitur praeclarissima litteratorum lyceæ, excipiat Carmelus laxato gratitudinis sinu succosissimum opus Ingentis laboris, & gloriae, quod cum inueniet in Orthodoxae fidei, & ad apicem bonis moribus consonum, nulla dignum censura iudico, sed corona.

Fr. Antonius Franciscus à S. Iacobo Carm. Excalce. Sac. Theol. Praeflor.

Impri-

Imprimatur.

Si videbitur Reuerendis. P. Magistri Sacri Palatij
Apostolici.

O. Archiep. Patrac. Viceff.

Imprimatur.

Fr. Hiacynthus Libellus Sacri Palatij Apost. Magist.
Ordinis Prædicatorum.

R.P.F.

R. P. F. GABRIELIS

A S. VINCENTIO

CARMELITAE EXCALCEATI

SCHOLASTICA

COMMENTARIA

In Vniuersam Diui Thomæ Doctoris Angelici Summam.

TRACTATUS I.

DE SACRA DOCTRINA,

DEI EXISTENTIA,

PRAECIPVISQUE ILLIVS ATTRIBVTIS.

CUILIBET discipline inferiori necesse est indemonstrata esse discētibz principia. Si namque Geometrie prima principia non cēdas, durum erit inde symperasma deducere. Idem in Arithmetica; in primis namque immorantes elementis, principia minimè demonstrantur. In quolibet etiam studio, quod ordine in finem procedit, primorum subiectorum demonstrationes non exquiruntur, sed necesse est omnium artium, quæ probatio-

ne nituntur, principia sine vestigatione posita, reliqua, quæ deinceps sequuntur, cum ratione ostendere. Non sic se habet Sacra Theologia, nam vt potè scientia, & sapientia perfectissima, est quodammodo reflexiua, suæque demonstrat principia, eo modo quo demonstrabilia sunt; hinc probat Dei existentiam, simplicitatem, infinitatem, æternitatem, bonitatem, aliaque illius attributa, de quibus postea dicemus; hunc ordinem seruantes, vt quæ à N. Salmanticensibus petrauantur ad breuiorem formam reducemus, & quæ ab illis prætereuntur, nostro labore ponentur, seruata eadem forma.

DISPUTATIO

IN QVÆST. I. D. THOMÆ

Qualis sit, & ad quā se extendat Theologia.



HINC titulum habet prima quæstio D. Thomæ; pro cuius intelligentia nota, quod Theologia ex nomine significat scientiam, seu doctrinam de Deo, rebusque divinis; & dividitur in naturalem, & supernaturalem. Naturalis Theologia est cognitio, seu doctrina de Deo, quæ naturalis rationis, ac intelligentie beneficio investigatur. Hanc habuerunt nonnulli sapientes Philosophi, & sapientes gentiles, qui cognoverunt Deum esse unum, omnipotentem, æternum, incorporeum, summe sapientem, primam rerum omnium causam, omnia gubernantem, immutabilem, simplicissimum, &c. & hanc sapientiam altissimam, metaphysicam appellaverunt, de quo videri potest S. Thomas 1. 2. 2. *constr. Gent.*

3 Theologia supernaturalis, est scientia de Deo, rebusque divinis, accepta ex doctrina divinitus revelata. Differunt hæc duæ Theologiæ, inter se, non specie tantum, sed & genere. Naturalis sine supernaturali imperfecta est, nec iuvat ad æternam vitam consequendam, sicut supernaturalis, in qua multa proponuntur, explicanturque credenda, quæ omnem naturalis intelligentie facultatem longe superant.

4 Theologia supernaturalis vera, & christiana, paritur in positivam, & scholasticam. Positiva, est doctrina, quam Deus immediate sanctis hominibus, & præsertim sacræ scripturæ scriptoribus, revelavit. Primò Moyse, coeterisque Prophetis, Apostolis, & Evangelistis. Hanc positivam Theologiam explicarunt, ac defenderunt, primi sanctæ Ecclesiæ Pa-

tres, & Doctores, qui in expositione sacræ scripturæ, eiusque defensione, contra hæreticos strenuè, sollicitèque laborarunt, Græci pariter, & Latini, aliarumque linguarum Christiani Doctores.

5 Theologia scholastica, est doctrina, quæ certis legibus, & ordine, siue sæculari, ac certo docendi artificio, positivam Theologiam explicat, ac declarat, & adversus negantes, aut eam explicantes, defendit. Huius scholasticæ Theologiæ formam apud Græcos primùm secutus invenitur sanctissimus Pater noster Ioan. Damascenus, sanctitate, eruditione, ac doctrina celebris, qui unum de Deo, hominum quæ salutem doctrinam in positivam Theologiam, id est, in sacris scripturis, & Patribus contentam, quatuor libris artificiose tradidit. Ad cuius imitationem apud Latinos idè præstitit quatuor libris sententiarum Theologicarum Petrus Longobardus Novatiensis, Episcopus Parisiensis, qui ob id, titulum Magistri sententiarum apud posteros sibi comparavit. Hanc plurimi imitati, artificium Theologiæ scholasticæ maximopere illustrarunt, auxeruntque; quibus omnibus vnus D. Thomas Aquinas, maxime per suæ summe scripturionem longè præcellat. Hunc reliquis multis sapientissimis nostræ Religionis Doctoribus, toto corde sequimur.

DVBIVM I.

An Sacra Theologia sit ad salutem necessariæ.

6 **H**OC dubium vniuersalioribus verbis proponit S. Tho. in primo articulo, dicens. *Vtrum sit necessarium*

rium præter physicas disciplinas, aliam doctrinam haberi, & duo dicit. Primum, quod necessarium fuit ad humanam salutem, quod daretur doctrina quædam reuelata excedens quasque physicas disciplinas. Probat, quia cum homo sit ad Deum ordinatus, & eleuatus tanquã ad finem supernaturalem, dari debet doctrina, seu ratio per quam cognoscatur, ut possit in illum se ipsum, suas intentiones, & actiones ordinare, ergo dari debet sacra doctrina, &c. Secundum est, quod etiam dari debuit sacra doctrina, ut ea quæ humana ratione de Deo inuestigari possunt per physicas disciplinas, perfectè cognoscantur. Probat, quia, quæ de Deo humana ratione inuestigantur, non nisi longo labore, à paucis, & cum multis erroribus habentur; & per sacram doctrinam habentur facili, à multis, & sine errore;

7 Conueniunt omnes, quod si per sacram doctrinam intelligamus habitum fidei, quo omnia reuelata à Deo creduntur, tunc sacra doctrina est ad salutem necessaria, iuxta illud: *sine fide impossibile est placere Deo.* Pariformiter si sacra doctrina accipitur, non pro habitu fidei, quo reuelata creduntur, quique est habitus principiorum Theologiæ, sed pro ipsa doctrina sacra, seu pro ipsa sacra scriptura, tunc huius cognitio actualis non est absolurè necessaria ad salutem, ut constat in paruulis, cum baptismo ante usum rationis decedentibus. Adultis tamen necessaria est quoad illorum cognitionem, quæ ab adultis necessario credi debent, de quibus dicemus, Deo dante, in tractatu de fide.

8 Difficultas procedit de ipsa sacra doctrina prout accipitur pro ipso habitu conclusionum, qui propriè Theologia vocatur, siue artificiosa sit, ut scholastica, siue sapiat naturam Theologiæ positivæ, quæ etiã positiua vocatur, ut erat Theologia Sanctorum Patrum, qui ex fidei principijs conclusiones deducebant, & probabant non stricta arguendi, & respondendi forma, sed rationibus fusè, positiuoque sermone protrahis, qui duo

modi licet modo differrent; non tamen re; nam noster modus scholasticus in illo positiuo continetur, & nostræ rationes in illis. Vnde nostra Theologia, à Sanctorum Patrum Theologia deducta est. De hoc inquam habitu conclusionum, seu de hac Theologia argumentatiua procedit difficultas, an sit necessaria ad salutem.

9 Prima sententia videtur esse Raphaelis Ripæ *art. 1. q. 1. prima partis disp. 1.* post alios, quos citat, quod Theologia explicata, non sit necessaria necessitate simpliciter, sed solum ad melius esse. Huius sententiæ fundamenta, postea referemus, & soluemus.

10 Nostra sententia sequenti conclusionem explicatur. *Sacra Theologia ut est habitus conclusionum, seu prout ex principijs deducit conclusiones, & prout explicat eandem fidem, suadet, tuetur, eius sensa explicat, pandit, &c. est simpliciter necessaria toti Ecclesiæ, licet non particulari- bus fidelibus.* Hanc sententiam tuetur Caiet. Bannes, & communiter Thomistæ in isto art. 1. Quod sacra Theologia non sit necessaria singulis fidelibus, constat, quia ut singuli fideles saluentur, & salutem consequantur, sufficit, quod fidei mysteria credant, quæ ad salutem necessaria sunt, & ex dilectione mandata Dei obseruent, nec necesse est, quod discant Theologiam, cæteroquin rudes, & simplices, saluari non possent; quod autem sacra Theologia sit necessaria toti Ecclesiæ.

10 Probatur 1. quia toti Ecclesiæ necessaria est scientia, seu doctrina, quæ sacram scripturam, & fidei dogmata, explicet, interpretetur, quæ conclusiones in bona consequentia colligat, non solum ad ædificationem fidelium, verum etiam ad eiusdem fidei defensionem; contra hæreticos, & per fidos homines, sed hæc est sacra Theologia: ergo sacra Theologia est toti Ecclesiæ necessaria. Minor, & conseq. constat. Per Theologiam namque nil aliud intelligimus, quam habitum, qui dicta munia exequatur. Maior probatur, quia in sacra sci-

scriptura sunt *quædam difficilia intellectu*, ut dicitur 2. Petri 3. *qua homines indocti, & instabiles deprauant in suam perditionem*, ergo necessaria est aliqua scientia, seu doctrina, quæ dubia exponat, difficultia interpretetur, non solum ad populi ædificationem, verum etiam contra hæreticos, aliosque peruersos homines. De qua doctrina dicit clarissimum Ecclesiæ lumen August. lib. 14. de Trin. cap. 1. *Hæ scientia est, quæ fidei saluberrima gignitur, nutritur, roboratur, & defenditur. Quæ quidem scientia non pollens fideles plures, &c.*

11 Probatur 2. & confirmatur præcedens argumentum, quia necesse est, quod in Ecclesia sint viri in sacra scriptura versati, qui scilicet ex eadem sacra scriptura inferant conclusiones ad mores pertinentes, quibus fideles instruantur, ut sciant quid agere debeant, ut æternam beatitudinem consequantur: sed hoc fit per sacram Theologiam; ergo sacra Theologia est corpori Ecclesiæ necessaria; necesse namque est, quod in Ecclesia sint, qui populum doceant, instruant, erudiant; ut colligitur ex illo Apostoli ad Timot. 1. *Opus est Episcopum sine crimine esse, &c. amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt arguere*. Colligitur etiam ex Sanctissimo P. August. loco citato, ubi post verba allata subdit. *Quamuis fide polleant. Aliud enim est scire tantummodo, quid credere debeat homo propter adipiscendam beatitudinem; & aliud est scire quomodo hoc ipsum pijs opusculetur, & contra ipsos defendatur*. Soluuntur fundamenta partis oppositæ.

12 Obijciunt 1. quia si sacra Theologia esset toti Ecclesiæ necessaria, ita, quod aliqui, vel aliqui esse deberent, qui eam calerent, ob fines iam dictos, sequeretur, quod semper, & pro omni statu fuisset necessaria; atqui non sic fuit; ergo. Maior nota est. Minor probatur, nam in illo temporum intervallo à mundi exordio, usque ad legem scriptam, nõ fuit hæc Theologiæ necessitas, cum enim

tunc non esset sacra scriptura, quæ interpretaretur, quæ explicaretur, quæ à perfidis impugnaretur, & defenderetur à doctis, non erat hæc doctrina necessaria; deficiente namque fundamento, corruiet ædificium, ut etiam ex humanis legibus habemus *Unam origo, ff. quod vi, aus clā. l. egi tecum, ff. de excep. rei iudic. & cap. cum Paulus, 1. qu. 1.* Resp. concedendo maiorem, & negando minorem; nam etiam in statu illo ante legem scriptam fuit illi Ecclesiæ pro eodem statu sacra doctrina, seu Theologia necessaria, non quidem scripto, sed verbo, quam Adam à Deo hausit, haustamque alijs propinavit, & isti alijs; & sic etiam tunc erant qui declararent, explicarent, & defenderent, non solum præcepta purè naturalia, verum etiam supernaturalia, pro vita æterna consequenda, & illa impugnantes arguerent, reprehenderent, & sufficienti eruditione, ingenij acie agentes, de ipsis triumpharent.

13 Obijciunt 2. quia ad salutem consequendam sufficit fides, iuxta illud Marci ult. *Qui crediderit, & baptizatus fuerit, saluus erit*. Et Ecclesia canit in hymno corporis Christi. *Ad firmandum cor sincerum, sola fides sufficit*. Nec ultra sacrum Euangelium aliquid ultra est necessarium ad salutem consequendam, ut aduertit os aureum Chrysost. hom. 1. in epist. ad Tim. dicens. *Euangelium conueniet omnia, præsentia, futura, & omnia quæ ad pietatem sunt necessaria*. Et clarissimum Ecclesiæ lumen tract. 49. in Ioan. sic fatetur. *Non omnia, quæ fecit Dominus Iesus scripta sunt, ut Ioan. testatur, selecta tamen sunt, quia scribuntur omnia, quæ generi humano sunt necessaria ad salutem*. Ut autem omnia, quæ in Euangelio continentur, habeantur, sufficit alio habitu à sic distincto. Resp. hoc argumentum solum probare, quod sacra Theologia non sit necessaria singulis hominibus, non tamen probat, quod non sit necessaria toti Ecclesiæ, & in aliquibus, maxime in illis, qui alijs præfunt, & tenentur ad aliorum instructionem, illis declarant.

rando, quæ ad salutem sunt necessaria. Quocirca Apost. Ephes. 4. dicit, quod Deus dedit quosdam quidem Apostolos, quosdam autem prophetas, alios vero Evangelistas, alios autem pastores, & doctores ad consummationem sanctorum in opus mysteriorum, in ædificationem corporis Christi. Dicitur ad consummationem sanctorum, in opus mysteriorum, ut intelligatur, quod Apostoli, Prophetæ, Evangelistæ, Pastores, & Doctores, potissimè dati sunt in opus ministerij, hoc est in bonum aliorum, ut scilicet alios regant, instruant, doceant, &c. Tum quia in Evangelio non solum reperiuntur difficillima, quæ sine sacra doctrina haud facile haberi non possunt: verum etiam veluti in compendio continentur profundissimæ quæstiones Theologales, de Verbi diuini productione, de Spiritus Sancti processione, de Incarnatione; ob quam rationem D. Ioan. Evangelista, qui has quæstiones præ alijs profundissimè tetigit, Theologus vocatur. Tum etiam, quia in sacro Evangelio plures continentur argumentationes, quæ ad plenam, perfectamque intelligentiam, Theologico habitu indigent. Ioan. 10. sequens sic argumentatio ad phariseos conuincendos. *Nonne scriptum est in lege vestra: ego dixi Dñi estis. Si illos dixit Deus, ad quos sermo Dei factus est, & non potest filius scripturæ, quem Pater sanctificauit, & misit in mundum, vos dicitis quia blasphemus, quia dixi, filius Dei sum?* Et Luc. 11. sic supremus doctor, & magister noster Christus arguit. *Si ergo vos cum suis mali, nostis bona data dare filijs vestris, quanto magis Pater caelestis dabit spiritum bonum petentibus se.* Aliæ plures argumentationes habentur in sacro Evangelio, ut est illa de numismate, & illa aduersus blasphemantes, quod in Balaam principe daemoniorum eiceret demonia, & similes, quæ ut plenè intelligantur, declatentur, & defendantur, Theologico indigent habitu.

An Sacra Theologia distinguatur à Fide.

14 **H** Vius dubij resolutio omnino necessaria est pro pleno intellectu euidem articuli 1. D. Thomæ, ubi videtur confundere habitum fidei, seu sacram doctrinam, quæ habetur per reuelationem, cum habitu conclusionum, seu cum habitu Theologiæ, qui ab eadem sacra doctrina. per discursum deducitur, ut in dicto art. videre licet: nam in corpore articuli, non nisi de doctrina reuelata loquitur. Sic enim concludit. *Necessarium igitur fuit præ philosophicis disciplinis, quæ per rationem inuestigantur, sacram doctrinam per reuelationem haberi.* Verum in solutione 2. agit de habitu scientifico, & dicit. *Vnde nihil prohibet de eisdem rebus, de quibus philosophica disciplina tractant, secundum quod sunt cognoscibilia lumine naturalis rationis, & aliam scientiam tractare, secundum quod cognoscuntur lumine diuina reuelationis; unde Theologia, quæ ad sacram doctrinam pertinet, differt secundum genus ab illa Theologia, quæ pars philosophiæ ponitur, scilicet metaphisica.* Vbi ut vides, videtur vel le S. Doctor, quod licet Theologia differat genere à metaphisica, à sacra tamen doctrina, scilicet ab habitu fidei non distinguatur, quia ad illam pertinet, quod ad sacram doctrinam pertinet.

15 Hinc prima sententia est Scoti, quem multi sequuntur, tum ex suis, tum ex extraneis, qui in 3. sent. dist. 35. q. unica, expressè docet, quod habitus cognoscendi articulos fidei, non sit alius formaliter ab habitu cognoscendi conclusiones, ex ipsè articulis deductas, quod explicans dist. 24. eiusdem lib. sub lit. m. dicit, quod Theologia triplex accipitur, sicut & fides, & huius muna, sunt etiam muna illius. Primum pro notitia simplici, & incomplexa sui obiecti, scilicet articulorum fidei. Secundò pro notitia complexa eorumdem articulorum à Deo obscurè reuelatorum. Tertio pro

notitia conclusionum, quæ ex illis deducuntur. Quocirca cum eadem munera ad utrumque habitum formaliter pertineant, sequitur, quod non possunt esse duo habitus ex æquo, & secundum rem distincti, sed vnus tantum.

16 Nostra sententia sequenti explicatur conclusione. *Habitus fidei, & habitus Theologiæ, sunt duo habitus realiter, formaliterque distincti.* Hæc conclusio est expressa D. Thomæ sententia, vt aperte colligitur ex hoc eodem art. in solutione 2. quatenus vult, quod vltra fidem, & physicas disciplinas detur alia scientia, scilicet Theologia, patet autem, quod habitus fidei non sit habitus scientiæ; idem tradit Caiet. ibid. quatenus dicit, quod S. Doctor per sacram doctrinam non intellexit neque fidem tantum neque Theologiam tantum, sed aliquid abstrahens. Subtilia Caietani verba sunt. *Sacra doctrina neque sumitur pro fide, vt distinguitur contra Theologiam, neque pro Theologia vt distinguitur contra fidem, sed sumitur pro cognitione à Deo reuelata, siue formaliter, siue virtualiter, vt habet rationem disciplina, & doctrina abstrahendo à ratione crediti, & sciti.* Idem tradunt cæteri D. Thomæ discipuli.

17 Probat 1. nostra conclusio, quia in omnibus alijs scientijs distinguuntur habitus principiorum, & habitus conclusionis, ergo etiam in sacra Theologia; sed habitus fidei in Theologia habet rationem habitus principiorum, & ipsa scientia Theologiæ est habitus conclusionum, ergo distinguuntur. Concedunt namque omnes, & etiam Scotus, vt ex relictis constat, quod Theologia ex principijs creditis, inferat conclusiones. Antecedens constat, alioquin frustra Aristoteles, cæterique Philosophi, & Theologi distinguerent habitum principiorum ab habitu scientiæ. Tum quia ibi habitus distinguuntur, vbi diuersa habituum ratio reperitur, sed habitus principiorum, & scientiæ habent diuersam habitus rationem; ergo distinguuntur. Habitus namque principiorum respicit res vt sunt per se notæ; at habitus scientiæ

respicit res, vt sunt notæ ex alijs, scilicet ex principijs.

18 Oecurrit ex Scoti doctrina concedendo antecedens in habitibus purè naturalibus, & purè acquisitis, negando in creditis, seu. qui ex principijs creditis procedunt. Ratio disparitatis est, quia, in acquisitis, intellectus assentitur vero complexo propter euidentiā rei: alia namque est euidentiā principiorum ex proprijs ipsorum terminis, alia est euidentiā conclusionum ex principijs, à quibus causatur. Non sic est in creditis, & in conclusionibus ab ipsis deductis, quibus propter solam reuelantis veritatem assentimur. Verum hæc Scoti doctrina licet subtilis videatur, non tamen mihi vera videtur. Nam falsum videtur, quod intellectus sub eodem motiui diuinæ reuelationis assentiat articulis fidei, & conclusionibus ab ipsis deductis. Articulis namque fidei assentitur ex motiui diuinæ reuelationis, seu diuinæ veritatis reuelantis, at conclusionibus deductis ex ipsis fidei articulis, licet virtualiter assentiat ex eodem motiui diuinæ reuelationis, aut veritatis, quatenus assensus præmissarum virtualiter extenditur ad conclusionem. Nihilominus intellectus formaliter non assentitur conclusionibus sub motiui diuinæ reuelationis, seu veritatis, sed sub motiui deducibilitatis ex præmissis ex quocunque motiui cognitis. Sicut enim in demonstrationibus naturalibus intellectus non tendit in conclusionem, sub motiui illo quo tendit in præmissas, sed prout ex præmissis deducitur; in præmissis præcisè tendit secundum se, at in conclusionem tendit, prout ex præmissis sic artificiosè ordinatis deducitur. Vnde in conclusione formaliter, & ex necessitate non attenditur euidentiā consequentis, sed consequentiæ, seu illationis. Quando præmissæ sunt per se notæ, causant in consequentiā duplicem euidentiā, vnam materiale, ex parte materiæ, alteram formalem ex parte formæ Syllogisticæ, quæ, euidentiā illationis vocatur, & hanc euidentiā respicit per se habitus scientificus. Pro quo

quod nota (quod articulo seq. magis explicabimus) quod adhuc vt conclusio sit sententia, sufficit certitudo, & evidentia illationis; non tamen requiritur evidentia in parte materie, seu in esse rei. Conclusio Theologica, quæ per Theologicam demonstrationem produciatur, habet certitudinem rei, seu ex parte materie, quæ à præmissis certissimis participat, habet evidentiam illationis ex parte forme; non habet evidentiam rei, quia hanc præmissæ causare non possunt, cum eam non habeant, nemo enim dat, quod non habet, vt etiam leges nobis tradiderunt, vt constat ex *l. i. ad iur. ff. de acquir. rer. doman. & l. nemo plus, ff. de reg. iur. & l. si filius, C. de donat. & cap. quomodo, de offere. & dist. 4. & cap. quod dicitur, de iure patron. & cap. nemo plus, de reg. iur. in c.*

19. Probatur 2. conclusio, & est maior confirmatio argumenti præcedentis. Quia in acquisitis non assentimur conclusionibus propter evidentiam rei ex terminis, sed propter evidentiam illationis, seu quia evidenter sequuntur ex principiis; ergo etiam in creditis; Theologus namque non assentitur conclusionibus Theologicis, propter evidentiam rei ex terminis, alioquin non indigeret forma syllogistica, nec discussu ulla arificio, sed posset illis assensum eodem modo sine ulla; vt præcisè sunt propolitiones complexæ, quod nemo dicit. Occurrit ex Scoti doctrina, negando antecedens, quia cum in acquisitis conclusiones formaliter habeant propriam evidentiam, licet causatam ab evidentia principiorum, sequitur, quod illis assentiamur propter evidentiam rei, seu propter evidentem veritatem, & connexionem terminorum, quam formaliter habent; quæ evidentia cum non sit in conclusionibus Theologicis, sequitur, quod non sub alio moriuo cognoscantur, quam sub moriuo præmissarum, hoc est sub moriuo diuine veritatis reuelantis, seu sub moriuo diuine reuelationis. Sed contra quia in acquisitis, intellectus non assentitur conclusionibus Theologicis, quæ

conclusiones sunt ex principiis deductæ, ob veritatem terminorum præcisè seu ob connexionem prædicati cum subiecto præcisè, sed ratione forme syllogisticæ, scilicet ratione mediæ, cum quo prædicatum, & subiectum in præmissis unita sunt; quæ namque sunt eadem cum modo debent esse idem inter se; in quo nota ars syllogistica fundatur. Cum autem hoc idem reperitur in conclusionibus Theologicis, sequitur, quod intellectus illis assentiat sub ratione formalis; diuersa ab ea quæ assentitur præmissis.

20. Probatur 3. quia intellectus assentitur conclusionibus propter principia; id tantum namque dicimus cognoscere conclusiones, in quantum cognoscimus principia; ergo conclusionem non cognoscimus sub eodem lumine sub quo cognoscimus principia, sed sub diuerso, quatenus scilicet ex principis inferuntur. Principia namque cognoscimus secundum se, conclusiones vero propter principia, seu prout ex principis deducuntur. Responderi potest ex Scoto concedendo antecedens si ly *propter* sit nota causæ efficientis, eo quod re ipsa principia sunt causæ efficiens conclusionis, & evidentia principiorum, est causæ efficiens evidentie conclusionis; quod si ly *propter* accipiat ut est nota causæ formalis in quantum quod principia tamen si aliis obiecta, ratione forme syllogisticæ causant evidentiam conclusionis, non quidem in se, sed ratione illationis, tunc negari debet antecedens. Verum si hæc responsio semel admitteretur, tota ars syllogistica destrueretur, ars namque syllogistica, vt iam dictum est, inferit ratione forme evidentiam illationis, licet non inferat evidentiam rei in se, vt ex dictis constat.

21. Probatur 4. quia si Deus reuelaret alicui clarè evidentiam aliquorum articulorum fidei, iste posset ex illis articulis clarè cognitis inferre conclusiones, per quas sibi habitum diuinitus compararet ab eo lumine quo principia, seu articulos illos cognouisset; ergo etiam modo, habitus qui comparatur ex illationibus

nibus conclusionum medijs principijs fidei, debet esse diuersus ab illo, quo principia obscure cognoscuntur. Antecedens non negabitur à Scotis, nam sicut in scientijs naturalibus habitus conclusionum est diuersus ab habitu principiorum clarè cognitorum; ita cum in dicto casu conclusiones clarè cognoscantur ex principijs clarè cognitis debet habitus conclusionis distingui ab habitu, vel lumine, quo principia cognoscuntur. Consequenter ostenditur, quia sicut quando conclusiones euidenter deducuntur ex principijs euidentibus, habitus principiorum, & conclusionis distinguuntur, ut etiam constat in scientijs naturalibus; ita quando conclusiones obscure in se ipsis, deducuntur ex principijs obscuris, distinguuntur debet habitus quo principia obscure cognoscuntur, & habitus quo conclusiones obscure ex illis deducuntur, ceteroquin assignetur ratio disparitatis, quare scilicet principia per se nota, seu clara, cognoscantur per habitum diuersum à conclusionibus claris; & principia obscura, non cognoscantur per habitum obscurum diuersum ab illo, quo conclusiones obscure cognoscuntur.

22 Scoti fundamentum iam tactum, & solutum est; nam, inquit Scotus, eodem lumine fidei assentimur principijs Theologicis, scilicet articulis fidei, & conclusionibus ex illis deductis, cum enim assensus conclusionis obscurus sit, & inevidens, non potest non esse assensus fidei. Ad hoc enim respondetur ex dictis, quod dupliciter possumus assentiri conclusionibus, Primò in esse rei, quatenus scilicet continentur in principio, seu quatenus sunt aliquid principiorum, & tunc in virtute eorundem principiorum cognoscuntur, & lumen, quod deseruit ad cognoscenda principia, deseruire potest ad cognoscenda ea, quæ in iisdem principijs virtute continentur. Secundò in esse illati, & formaliter, quatenus scilicet in vi artis Syllogisticæ ex principijs artificiosè dispositis deducuntur, & hoc modo non cognoscuntur eo lumine, vel habitu quo cognoscuntur

principia in se ipsis. Adde, quod habitus fidei non cognoscit illa principia, seu illos fidei articulos, prout sunt sic artificiosè dispositi, sed secundum se præcisè, ergo sicut alius habitus requiritur ad illos sic disponendos, ut euidenter, seu euidentia illationis conclusiones deducantur, ita alius habitus requireretur ad inferendas dictas conclusiones, & ad illas sic cognoscendas.

D V B I U M III.

An Sacra Theologia prout est habitus conclusionum, sit habitus naturalis, an supernaturalis.

23 Cogitatio tripliciter dici potest supernaturalis. Primò ex parte obiecti tantum, ut cum quis fide acquisita credit Deum trinum, & vnum, sicut credunt plures hæretici admittentes mysterium Trinitatis, & alia mysteria negantes. Secundò ex parte modi tantum. ut quando catholicus rusticus, qui non habet scientiâ huius, quod Deus sit, credat. Tertiò ex parte vtriusque, obiecti scilicet, & modi, ut cum catholicus ex motu diuinæ reuelationis credit Deum esse trinum, & vnum. Res etiam tripliciter dici potest supernaturalis. Primò quoad substantiam tantum, ut actus fidei in peccatore, qui quoad entitatem suam, & substantiam est supernaturalis, non quoad modum, cum in finem supernaturalem in Deum videlicet summò dilectum non referatur. Secundò quoad modum tantum ut cum actus virtutis naturalis refertur ad charitatem in Deum summè dilectum. Tertiò quoad vtrumque, ut est actus charitatis, qui & entitativè supernaturalis est, & quoad modum, cum in finem supernaturalem referatur. His positis.

23 Est prima sententia Scoti, quod sacra Theologia sit entitativè supernaturalis, ex eo, quod non sit alius habitus à fide infusa distinctus, quoniam sententiam dubio præcedenti reiecit. Dicit tamen Scotus in 4. dist. 43. q. 4. quod dictus

Aut habitus Theologiæ potest dici naturalis per ordinem ad intellectum possibilem in quo recipitur. Pro quo notat Scotus ibid. quod nomen *naturale*, plures habet significationes, secundum quod diuersis opponitur; diuersa namque oppositio, ut dicit Aristot. 1. Topic. 12. *est una doctrina cognoscendi multiplex*, idest, est una doctrina per quam rei multiplicitas cognosci potest. Nam naturale vno modo opponitur supernaturali: secundo modo libero, seu voluntario; tertio modo inuoluntario. Nam accepta naturalitate per ordinem ad principium actuum, sibi tantum opponitur liberum, & supernaturalis agens. At spectata naturalitate prout se tenet ex parte principij passiuæ, opponitur voluntario, in quantum naturaliter moueri dicitur, seu pati contra suam naturalem inclinationem. Licet ergo, inquit Scotus habitus Theologiæ, non sit naturalis, nec sic vocari possit per ordinem ad agens, potest tamen vocari naturalis per ordinem ad principium passiuum, quia non est contra naturalem inclinationem, & propensionem ipsius. De quo *ut puto*, nulla potest esse difficultas, habitus namque supernaturales non sunt contra naturalem inclinationem, & propensionem, sed præter, ut alibi ostendo.

24 Est secunda sententia Vasquez, & aliorum hoc loco, quod habitus Theologiæ nullo modo sit supernaturalis, eo quod non producat ab habitu fidei infusæ, sed acquisitæ, ac proinde non excedit rationem habitus fidei acquisitæ, imò est idem, putat enim, quod eodem habitu fidei acquisitæ, & assensum principijs, & conclusionibus, sicut & in quacumque scientia particulari, eodem lumine assensum principijs, & conclusionibus. Hæc sententia quantum ad hoc secundum, quod sacra Theologia nil aliud sit, quam habitus fidei acquisitæ, quo assensumur principijs, & conclusionibus, manet sufficienter impugnata ex dictis dubiis præcedenti, & magis impugnetur in sequentibus. Pro modo solum dico, quod si semel in scientia, quæ ver-

satur circa prima, & vniuersalissima principia distinguuntur habitus primorum principiorum, & habitus scientiæ, etiam in scientijs particularibus distinguere debent. Non enim ideo in scientijs vniuersalissimis habitus principiorum, & habitus scientiæ distinguuntur, quia principia sunt prima, & vniuersalissima, ac proinde non possunt pertinere ad habitum scientiæ, sed quia principia in quacumque scientia alio modo respiciuntur ab habitu primorum principiorum, & ab habitu scientiæ, ut enim principia sunt, cognoscuntur ut per se notas, siue quoad euidentiā, & certitudinem ut in scientia subalternante, siue quoad certitudinem tantum, ut in scientia subalternata, quæ non attingit euidentiā principiorum, sed illam supponit in subalternante. Quoad primum dictum P. Vasquez, quod Theologia nullo modo sit supernaturalis, constabit ex dicendis pro nostra conclusione.

25 Nostra sententia sequenti explicatur conclusione. *Nostra Theologia est supernaturalis quoad modum*. Hanc conclusionem sequuntur communiter Thomistæ art. 1. & 2. huius primæ quæst. Videntur Nazar. d. art. 2. controu. 1. *verf. sexto sciendum, in fine ibi: Non esse quidem secundum substantiam, sed participatione quadam supernaturalem*.

26 Probatur 1. conclusio, quia habitus conclusionum in quacunque scientia dependet, & causatur ex habitu principiorum: ergo habitus Theologiæ dependet, & causatur ex habitu fidei. Sed implicat, quod habitus Theologiæ causetur ab habitu fidei nisi participet saltem supernaturalitatem modalem; ergo Prima consequenter tenet. Si enim semel in quacunque scientia habitus conclusionum causatur ex habitu principiorum, sequitur, quod etiam Theologia debeat causari à suo habitu, qui est habitus fidei, non acquisitæ, sed infusæ, ut ex dictis, & ex dicendis magis constabit. Antecedens admittunt omnes Philosophi post Aristotelem 1. *Post. à cap. 1. vsque ad 4. & 6. Ethic. cap. 6. vbi propterea definit*

scientiam, quod sit *habitus per demonstrationem acquisitus*. Et demonstrationem definit idem Phil. quod sit *ex veris, primis, immediatis, notionibus, prioribus, causisque conclusionis*. Minorem summarptam ostendo, quia principia non causant conclusiones nisi sub suo lumine saltem virtuali, ergo neque habitus fidei causabit habitum Theologiæ, nisi sub suo lumine saltem virtuali, quod est diuina reuelatio; diuina autem reuelatio, etiam solum virtualiter talis, non potest non esse falsè modaliter supernaturalis.

27 Probatur 2. & explicatur præcedens argum. quia lumen per quod cognoscuntur principia nostræ Theologiæ, est lumen diuinæ reuelationis; sed hoc insluit in conclusiones: ergo conclusiones aliquid participant ex eo lumine; non participant supernaturalitatem quoad entitatem, seu substantiam, quia conclusiones non sunt hoc modo supernaturales, cæteroque caderent immediate sub diuina reuelatione, & non essent conclusiones Theologiæ, sed principia eiusdem Theologiæ, ergo debent participare quendam modum supernaturalitatis. Pro quo nota, quod principia in quacunque scientia dupliciter considerari possunt. Primò secundum se, prout scilicet attinguntur quasi incomplexè, & sine discursu, & hoc modo attinguntur per habitum primorum principiorum, & in Theologia per habitum fidei; habitus namque fidei respicit articulos fidei, non prout ex illis inferuntur conclusiones, seu prout in illis virtute continentur, sed secundum se prout scilicet cadunt sub diuina reuelatione. Respicit fides articulos fidei non prout habent rationem causæ efficientis consequentiæ illatæ, sed prout habent rationem effectus Dei dicentis, seu reuelantis. Secundò considerati possunt secundum quod habent rationem causæ conclusionum, secundum quod continent virtualiter conclusiones, secundum quod sunt rationes inferendi conclusiones, & secundum hanc rationem respiciuntur ab habitu Theologiæ, sicuti hoc modo omnia principia respici-

untur à suis scientijs. Vnde sicuti in omnibus conclusionibus quarumcumque scientiarum resplendent sua principia, sicut causa resplendet in suo effectû, ita principia Theologiæ debent resplendere in conclusionibus Theologicis. Ideo namque aliarum scientiarum principia relucent in suis conclusionibus, quia conclusiones à principiis recipiunt veritatem, certitudinem, & etiam evidentiam in scientijs subalternantibus, ita quia conclusiones Theologiæ recipiunt à principiis fidei veritatem, & certitudinem, debent dicta principia reluere in dictis conclusionibus.

28 Dices cum Vasquez, principia Theologiæ non esse articulos fidei creditos fide infusa, sed fide acquisita, sub qua etiam conclusiones attinguntur. Sed cõtra, quia fides acquisita ex sua propria ratione, cum non innitatur rationi infallibili, ex proprio modo credendi, cum non sequatur infallibilem Ecclesiæ regulam, est fallibilis, debilis, mutans, & infirma; ergo etiam Theologiæ habitus, qui illi innititur erit fallibilis, non certus, non scientificus, sed incertus, nutans, & formidolosus, & sic hæretici, ethnici, & infideles omnes, ex illius authoris doctrina poterunt argumenta nostra Theologica prompto animo recitare, vt fallibilia, vt incerta, vt nutantia. Tum quia non est verum, quod dicit Vasquez, quod scilicet idem habitus fidei acquisitione tendat in principia, & conclusiones, & nequit idem esse habitus principiorum, & conclusionum; quod ultra ea, quæ dub. præcedenti adduximus contra Scotum, sic confirmo; quia in omnium sententia, vbiunque noua, & formalis reperitur difficultas, ibi nouus habitus poni debet, sed in assensu conclusionum noua, & formalis reperitur difficultas supra assensum præmissarum, seu principiorum secundum se; ergo nouus poni debet habitus. Maior nota est. Minorem proba, quia articulis fidei secundum se, assentitur intellectus sub formali ratione diuinæ reuelationis. At conclusioni, non assentitur sub formali ratione diui-

revelationis, sed sub ratione formalis discursus; patet autem hanc rationem addere novam, & formalem difficultatem supra illam, ergo, &c.

29. Obijcies 1. pro prima sententia, quod scilicet habitus Theologicus, & eius assensus sit entitatiuè supernaturalis, quia assensus Theologicus, & subinde habitus inde productus causatur ex principiis reuelatis, ac subinde ex habitu fidei, ergo est entitatiuè supernaturalis. Antecedens est certum, habitus namque conclusionum, sicut & ipsa conclusio ex præmissis causatur; & ex habitu principiorum, quo præmissæ cognoscuntur, & constat ex dictis n. 26. ex Arist. cæterisque Philosophis. Consequentia probatur, quia qualis est causa, talis est effectus, sed causa est entitatiuè supernaturalis; ergo etiam effectus; lumen namque supernaturale, non nisi lumen supernaturale causare potest. Resp. distinguendo antecedens, assensus Theologicus, ac subinde habitus Theologicus inde productus causatur ex principiis reuelatis tantum & negatur; causatur ex principiis reuelatis, & simul ex naturali lumine intellectus, & conceditur; deinde negatur consequens. Explicatur distinctio. Duo concurrunt ad productionem assensus conclusionis, habitus principiorum medijs iisdem principiis, & naturale lumen intellectus disponens, ac ordinans principia, ut ex illis sic artificiosè dispositis inferat conclusionem, illique in virtute principiorum, & luminis disponentis, seu ipsius dispositionis assentiatur; ita, quod ratio proxima, & immediata assensus conclusionis Theologicæ, non sit lumen fidei, seu diuina reuelatio formalis, sed lumen ex ea tanquam ex causa efficiente causatum, quod vocari potest reuelatio virtualis, quæ est quidam splendor luminis supernaturalis, & quadam illius participatio, & lumen ipsum naturale intellectus. Quocirca lumen fidei solum remouet ad assensum conclusionis concurrunt, proximè namque producitur ab ea reuelatione virtuali, seu ab eo splendore luminis supernaturalis, & à

lumine naturali rationis, quæ duo lumina vnâ adæquatam integrant, & complent causam assensus conclusionis, & habitus Theologici inde resultantis, ita tamen, ut lumen naturalis rationis, attingat substantiam dicti assensus Theologici, & habitus ex eo producti, & illa virtualis reuelatio attingat modum illius supernaturalem; ad eum modum, quo voluntas cum actu charitatis supernaturalis attingit actum misericordie naturalis in Deum relatæ; nam entitas actus attingitur à voluntate, modus autem supernaturalitatis, quo ille actus intrinsecè refertur in Deum, est ab habitu, vel actu charitatis referentis; Suppono enim pro modo, quod actus relatæ, seu imperatus recipiat aliquam modalitatem ab actu imperante, de quo alibi. Ex quibus patet negandam esse consequentiam, quod scilicet causa supernaturalis non possit attingere, seu concurrere ad productionem effectus naturalis. Licet enim verum sit, quod causa naturalis nequeat producere effectum supernaturalem, ex eo, quod effectus supernaturalis non possit præcontineri in causa naturali, quia res superioris ordinis non præcontinetur à re inferioris ordinis, tamen, causa supernaturalis concurrere potest ad productionem effectus naturalis, cum res ordinis inferioris continueatur in re ordinis superioris. Quocirca docent communiter Theologi, quod ex frequentatione actuum supernaturalium v. g. fidei producitur quadam facilitas ad producendos consimiles actus naturales, quæ facilitas remanet etiam per aliquot tempus in eo, qui fidem amittit. Non puro tamen improbabilem illorum sententiam, qui putant Theologiam nostram esse entitatiuè supernaturalem non ex principio Scoti, sed quia principia ex quæ procedit sunt supernaturalia. Licet enim vna præmissa sit aliquando naturalis, & ut talis nequeat producere assensum supernaturalem, bene tamen vt eleuata. Oppositum tamen est probabilius, quia illa eleuatio cum non exuhat præmissam ab entitate naturali, sed solum fiat

supernaturalis quoad modum; solum hoc modo poterit concurrere ad productionem conclusionis Theologicæ.

30 Obijcies pro secunda sententia Vasquez, quia si assensus conclusionis esset saltem quoad modum supernaturalis, non maneret in hæretico, sed hoc est contra experientiam, ergo, &c. Maior probatur, quia in hæretico negante unum articulum, non manet assensus ex lumine infuso circa alium, vel alios, ut in materia de fide dicitur, ubi autem mutatur assensus principiorum, etiam assensus conclusionis mutari debet, ac proinde in hæretico non maneret assensus conclusionis, cum mutetur assensus præmissarum. Resp. transeat maior, de qua numero seq. & negatur minor, quia ut mox dicemus, in hæretico non manet verus assensus Theologicus, nec habitus Theologicus, sed quoddam illius eaduer.

31 Sed quæres 1. an in hæretico maneat assensus Theologicus, & habitus Theologicus? Resp. negativè, sic tradunt communiter Thomistæ hac q. 1. ar. 2. & nominatim Nazarius *controverf. 1. vers. sexto sciendum ad fin.* Sed manet solum quoddam eaduer Theologicus, seu quidam habitus opinativus, nutans, & fallibilis. Ratio est evidens, quia lumen Theologicum, quod est ratio formalis Theologicæ, & est quoddam lumen, quidam splendor, quædam revelatio virtualis, fundatur in lumine fidei, seu habet suam certitudinem, & firmitatem ex lumine fidei; ergo ubi non manet firmitas fidei, ut in hæretico, neque manebit firmitas, certitudo, & infallibilitas luminis Theologici, quod ab illo dependet.

32 Dices, dependere solum quoad fieri, non quoad conservari, ac proinde licet lumen Theologicum, & habitus productus non possit produci sine habitu fidei, tamen eo producto potest sine illo conservari. Resp. dictum lumen Theologicum pendere ab habitu fidei non solum in fieri, verum etiam in conservari. Ita namque se habet propor-

tionali modo lumen Theologicum respectu fidei, sicut lumen naturale intellectus respectu intellectus, & aliud quodcunque respectu sui principij productivi, nam natura cuiuscunque luminis est, pendere à suo principio productivo non solum in fieri, verum etiam in conservari. Quocirca etiam in scientijs naturalibus destructo lumine primorum principiorum, destruitur lumen scientificum, eo quod notitia scientiæ dependet, non solum in fieri, verum etiam in conservari à notitia principiorum.

33 Quæres 2. an habitus Theologicus sit solum declarativus, an etiam adhæsius? Aureolus *in prol. sent.* putat habitum Theologicum esse solum declarativum, non adhæsius, quia cum habitus Theologicus non generet scientiam, sed opinionem, non erit adhæsius, sed tantum declarativus. Ad hanc sententiam revocari potest Vasquez quatenus hoc loco *disp. 5. cap. 3.* probat assensum fidei esse opinativum, de cuius ratione cum sit involvere formidinem, & hæsitacionem, siue expressè, siue tacitè, sicut facit fides humana, sequitur, quod non possit habitus Theologicus esse adhæsius, sed solum declarativus. Unde per istos auctores habitus Theologicus non deseruit habenti ut firmiter, & certò adhæreat conclusionibus Theologicis, quæ ex principijs fidei inferuntur, sed solum ut ex illis fallibiliter fidei principia explicentur. Sed quam falsum sit hoc, constat ex dictis; & constabit magis ex dicendis dub. seq.

D V B I U M IV.

An sacra Theologia sit scientia, ubi alia.

34 **H**OC dubium proponit D. Th. art. 2. ubi illud sic resolvit. *Dicendum sacra doctrinam esse scientiam. Sed sciendum est, quod duplex est scientiarum genus. Quædam enim sunt, quæ procedunt ex principijs notis lumine naturali intellectus, sicut Arithmetica, Geometria, & huiusmodi. Quædam vero sunt, quæ*

ignat procedens ex principijs notis lumine superioris scientia: sicut perspectua procedit ex principijs notis scilicet per Geometriam, & Musica ex principijs per Arithmetica notis. Et hoc modo sacra doctrina est scientia, quia procedit ex principijs notis lumine superioris scientia, que scilicet est scientia Dei, & Beatorum. Unde sicut Musica creditur principia tradita sibi ab Arithmetico, ita doctrina sacra creditur principia revelata sibi à Deo. Vbi, ut vides, vult S. Doctor Theologiam nostram esse scientiam, sed subalternatam Theologiæ Dei, & Beatorum. Hoc supposito de mente D. Thomæ videndum est quid sentiant Theologi.

35. Prima sententia est, quod sacra Theologia sit solum scientia nomine, non re. Hanc sententiam sequuntur Valentia, Molina, & Vasquez relati à Nazario. hoc loco art. 2. contram. 1. Eandem sententiam sequitur Scotus cum tota sua Schola, teste eod. Nazario ibid. Caietanus eodem articulo 2. dicit Scoti sententiam concordari posse cum sententia D. Thomæ dicendo nostram Theologiam non habere rationem scientiæ perfectæ, ex eo, quod non resoluit conclusiones in principia evidentia, ac proinde esse scientiam imperfectam ratione status, & hoc voluit Scotus. Ex alia parte eum scientia imperfecta non sit extra latitudinem scientiæ, habebit substantialem scientiæ, & hoc vult S. Thomas. Et hoc expressè videtur tenere idem S. Doctor 2. 2. q. 1. art. 5. vbi sic dicit. Theologia nostra, licet secundum suam speciem sit scientia, non tamen est in statu scientia: habet enim imperfectum statum, sicut perspectua, quæ scientia est Geometria secundum suam speciem subalternata, sed non pervenit adhuc ad perfectum statum scientia, & propterea non facit scire nisi inchoatiue, & imperfectè, quia ut dicitur in primo posteriorum, non sciet carens resolutione usque ad principia evidentia sibi. Theologia verd in nobis viatoribus est secundum se vera scientia subalternata, non tamen in statu scientia, quousque continuatur cum evidentia principiorum. Verum, quicquid

sit de Caietani sententia, quoad concordiam D. Thomæ cum Scoto, nullo modo potest eiusdem D. Thomæ sententia concordari cum sententia Valentia, Molina, & Vasquez. Nam D. Thomas vult, quod nostra Theologia sit vera, & propria scientia, licet non perfectæ, sicut est omnis scientia subalternata quandiu non coniungitur cum sua subalternante, non illi.

36. Nostra sententia seq. conclusionem explicatur. *Nostra Theologia est vera, & propria scientia, licet nondum assequatur perfectam statum scientia.* Secunda pars conclusionis ab omnibus admittitur, & constat ex dicendis prima, quam sequuntur. Diui Thomæ Discipuli, Nazario. 4. contram. 1. Ripa hic disp. 1. cap. 1. cum seq. Bannes dub. 1. concl. 2. & alij omnes.

37. Probatur 1. auctoritate sacre scripturæ, nam 1. Cor. 13. dicitur. *Sine prophetia enuabuntur, siue lingua cessabunt, siue scientia destruetur.* Vbi Apostolus nomine scientiæ non aliam intelligere potest, nisi illam, quæ procedit ex lumine obscuro fidei, quæ quoad obscuritatem enuabuntur, sicut enuabuntur prophetiæ aduentante lumine gloriæ. Malachiæ 2. scribitur. *Labiis Sacerdotis custodiunt scientiam,* scientiam scilicet diuinorum eloquiorum, seu, quæ ex diuinis eloquijs per discursum deducitur pro instruendo populo. Et Ier. 3. dicitur de iisdem Sacerdotibus. *Pascens vos scientia, & doctrina, scilicet sacra.* Et Ose. 4. habetur. *Quia tu repulisti scientiam, ego repellam te, ne sacerdotio fungaris mihi.* Et 1. Cor. 1. legimus. *Non in omnibus est scientia.*

38. Probatur 2. quia nostræ Theologiæ conuenit definitio scientiæ, quam ex Arist. tradunt omnes Dialectici 1. Poster. scilicet. *Scientia est habitus per demonstrationem acquisitus.* Demonstratio autem sit ex veris, primis, immediatis, notioribus, causisque conclusionis. Ut autem videamus an sacra Theologia nostra sit scientia per demonstrationem acquisita, videndum est, an fiat ex primis im-

immediatis, &c. Si enim semel ex istis fiat, patenter sequitur, esse scientiam. Quod autem ex istis fiat, sic breuiter ostendo. Nam sit ex primis, hoc est, ex principiis primis, quia principia fidei respectu nostri, sunt prima principia, cum omnia resoluantur in ista, ista autem non resoluuntur in alia. Sunt etiam principia fidei immediata, quia ex illis immediatè deducuntur conclusiones. Sunt vera, cum innéantur diuinæ reuelationi. Sunt notiora conclusionibus, cum veritas principiorum sit causa veritatis conclusionum, sunt priora, & causæ conclusionum, ut ex se constat, ergo &c.

39 Probatur 3. quia sacra Theologia est habitus, seu virtus intellectualis, non alius nisi scientiæ, seu sapientiæ ergo. Major constat, quia virtus intellectualis est habitus determinans intellectum, vt bene se habeat in ordine ad aliquam partem sui obiecti, scilicet in ordine ad aliquod verum; habitus namque sunt determinationes potentie in ordine ad aliquod particulatè obiectum illius, quod exprimit aliquam difficultatem supra rationem formalem eiusdem potentie. Minor probatur, quia sacra Theologia non determinat intellectum in ordine ad principia fidei, quia in ordine ad ista determinatur ab habitu fidei; non determinat in ordine ad factibilia, & operabilia supernaturalia, quia ad ista determinatur per prudentiam infusam, & artem, vel quasi artem proportionatam, vt est habitus dirigens intellectum ad sacras ceremonias rectè peragendas; ergo est habitus dirigens intellectum in ordine ad conclusiones ex principiis fidei deductas.

40 Ad hanc rationem respondent aliqui auctores sententiæ oppositæ, quod sacra Theologia non est virtus intellectualis ex eo, quod non attingit verum euidenter, sed est veluti simulacrum, virtutis, ac proinde erit solum scientia nomine, non re, seu erit solum scientia largè, & imperfectè. Verum hæc responsio facile corrueat, si consideretur, quod non est de ratione virtutis intellectualis,

quod annexam habeat euidentiam, vt videre est in fide, quæ est vera, & propria virtus intellectualis, cum tamen careat euidentia; sicut enim ad rationem virtutis voluntatis sufficit, quod semper inclinet ad bonum, & nunquam ad malum, ita de ratione virtutis intellectualis solū est, quod inclinet semper, & immobiliter ad verum, tamen non habeat connexionem euidentiam. Nam perfectio essentialis intellectus est veritas, non euidentia; & perfectio essentialis habitus intellectualis est certitudo veritatis, non euidentia illius. Tum quia ratio quare requiritur euidentia in principiis scientiarum, vt pertingant ad rationem virtutis intellectualis, est, vt intellectus firmiter, & certò suis adhæreat principiis, & conclusionibus ab illis deductis, sed intellectus per fidem infusam firmiter, certiusque adhæret principiis Theologiæ, scilicet articulis fidei, quam per quamcumque euidentiam luminis naturalis, seu quam per quamcumque euidentiam principiorum naturalium euidentissimorum, vt ex dicendis constabit, ergo.

41 Probatur 4. quia Theologia Dei, & Beatorum, est verè, & propriè scientia; ergo etiam Theologia nostra. Antecedens quoad Theologia Dei, sic ostendo. Quia de ratione scientiæ in statu perfecto, cui alia, vel aliæ subalternantur sunt tres conditiones, quas omnes Theologi, & Philosophi admittunt. Prima, quod sit notitia certa. Secunda, quod sit de obiecto necessario, necessitate saltem infallibilitatis. Tertia, quod sit cum rei euidentia. Sed Theologia, seu scientia Dei, quam habet tum de suis attributis, tum de creaturis, est huiusmodi; ergo. Minor probatur, nam scientia Dei est notitia certissima; attributa namque inueniuntur in sua essentia, quæ est ratio eorum à priori; creaturas possibiles videt in eadem essentia tanquam in causa certissima; futura respicit etiam in sua essentia determinata per suæ voluntatis decretum, quod licet non ponat in illis necessitatem, ponit tamen omnimodam infallibi-

libilitatem. Ex quibus patet secunda, & tertia conditio, nam scientia Dei, ut est de attributis illius, & de creaturis possibili- bus, est de necessarijs, ut est de contin- gentibus ut stant sub eius decretis, & ut sunt presentia in eternitate, de rebus est infallibilibus, & sibi evidentibus.

42. Quod autem Theologia Beato- rum sit verè, & propriè scientia, licet negetur à Vasquez hoc loco, sic tamen ostenditur. Nam Theologia Beatorum, est assensus certus, & evidens conclusio- num cognitarum in suis principiis evi- denter cognitis, seu notis ergo est verè, & propriè scientia. Antecedens constat, quia Beati habent evidentiam articulo- rum fidei, & ex illis evidentè deducunt conclusiones. Conseq. benè inferitur cum sit à definitione ad definitum. Tum quia Beati per lumen gloriæ videntes in di- vina essentia tres personas in vna dei- tate subsistentes, evidentè colligunt dari in divinis quatuor relationes personales. Tum quia Beati habent scientias acqui- sitas, quæ minoris valde perfectionis sunt, quam scientia beata; habent scien- tiam infusam, qua plura cognoscunt ex- tra verbum; ergo etiam habere debent hanc, quæ est in Verbo.

43. Nec valet dicere cum Vasquez, quod scientia Dei, & Beatorum non sit propriè scientia, eo quod non sit discursi- va. Nam contra est, quia ad rationem scientiæ non requiritur discursus forma- lis, sed sufficit virtualis; quod enim est virtualiter tale, facit id, quod faceret si esset formaliter tale; in Deo autem, & Beatis datur discursus virtualis, & emi- nens, quia licet nec Deus, nec Beati ex vno prius cognito, cognoscant aliud cum successione cognitionum, tamen per vnum cognoscunt aliud, ut per causam, effectum; per principia, conclusiones, in quo virtualis discursus, & ad scientiam perfectissimam sufficientissimus, reper- tur. Solvuntur argum. in contrarium.

44. Primum argum. quia de ratione scientiæ est, quod sit notitia certa, & evidens; sed nostra Theologia non est huiusmodi, ergo. Minor nota est, quia,

immitur principiis fidei, quæ sunt obscura, principia autem obscura, & inevidentia non possunt causare evidentiam conclu- sionis, quia nemo dat, quod non habet. Maior est Aristotelis 1. *Post.* 2. vbi scientiam definit. *Scire est rem per causam cognoscere, propriè quam res est, & illius esse causam, & fieri non posse, ut res aliter se habeat.* Ex quibus verbis inferant interpretes, quod de ratione scientiæ est, quod sit certa, & evidens. Resp. non nec- cessariò inferri ex dictis verbis Aristote- lis, quod scientia debeat esse evidens: quia solum ibi dicitur, quod de ratione scientiæ est, quod res cognoscatur per causam, & quod illius causa est, & quod non potest aliter se habere; Nam qui ex principiis fidei inferit conclusionem, rem per causam cognoscit, quia principia fi- dei sunt causa conclusionum deducta- rum, & inferens, seu deducens hoc cog- noscit, & item cognoscit, quod dictæ conclusiones deductæ, aliter se habere non possunt. Tum quia evidentia non est de ratione scientiæ, quia solum re- quiritur propter certitudinem, quæ nat- uraliter haberi non potest sine eviden- tia, ac proinde non ponitur ut essentialis scientiæ, sed ut necessaria ad habendam conditionem necessariam eiusdem sci- entiæ; quocirca cum in nostra Theolo- gia habeatur certitudo sine evidentia, habetur totum id, quod ad rationem essentialem scientiæ requiritur, quæ in hoc consistit, quod faciat certò, & infal- libiliter attingere verum. Tum etiam, quia evidentia solum requiritur in scien- tia subalternante, non in subalternata, ut constat ex testimonio D. Tho. in prin- cipio dubij adducto. Vnde bene aduer- tit Caiet. in hoc art. 5. ad evidentiam, & 5. *quod eius secundum punctum.* Bannes ibid. Nauarrete *controversia* 4. §. 4. & alij, quod articuli fidei, qui sunt principia nostræ Theologiæ, non sunt per se ob- scuri, sed solum per accidens, ratione scilicet status, posse namque petunt evi- dentiam, eamque habent in proprio sta- tu, scilicet in clara Dei visione. Tum denique, quia licet nostra Theologia,

non

non habeat evidentiā rei, habet tamen evidentiā illationis, modo supra explicato.

45 Secundum argum. quia de ratione scientiæ est, quod vel habeat principia per se nota, vel saltem quæ ad per se nota reduci possint, seu quæ à sciente possint resolui in per se nota; Sed Theologia nostra nec habet principia per se nota, nec resolvable in per se nota; ergo non est scientia. Maior est communis sententia Theologorum, & Philosophorum; minor nota est. Resp. negando maiorem: ad rationem namque scientiæ non est necesse, quod principia sint per se nota, vel quod à sciente resoluantur in per se nota, sed sufficit, quod principia sint certa, & cognoscantur ut talia: ut enim diximus evidentiā non requiritur in scientiis ratione sui, sed ratione certitudinis. Deinde dico, quod illa maior procedit de scientiis subalternantibus, non subalternatis harum enim principia non debent esse per se nota ipsi scienti, sed habenti scientiam subalternantem: unde Deo, & Beatis nota sunt nostræ Theologiæ principia.

46 Tertium argum. Nam si discursus Theologicus esset scientificus, seu demonstratiuus, conuinceret intellectū ad assentiendum: sed non conuincit, ut patet de infideli; imò & de fideli, qui non ut conuictus assentitur, sed liberè. Resp. quod discursus Theologicus ut conuincat intellectum debet illum supponere bene dispositum circa principia, id est, debet illis assentiri fide diuina. Sicut enim in scientiis naturalibus, discursus non conuincit illum, qui est malè dispositus circa principia, ut si circa illa erraret; ita in discursu nostræ Theologiæ, ille non conuincitur, qui circa principia fidei non est bene dispositus.

47 Quartum argum. Quoniam scientia est de vniuersalibus, & necessariis; sed Theologia non est huiusmodi; ergo. Maior est Arist. 6. ethic. 3. Minor constat, quia in Theologia agitur de Deo, qui est singularissimus, agitur de mysterio Incarnationis, de Sacramentis, de mundi

creatione, & de alijs pluribus singularibus. Resp. 1. cum D. Tho. in solus. 2. quod singularia plura traduntur in Theologia, non quia de eis sit principaliter Theologia, sed quia adducuntur in exemplum, ut constat de auctoritate eorum virorum per quos diuina reuelatio facta est. Secundò resp. quod agitur in Theologia de singularibus sub aliqua ratione communi; agitur etiam de singularibus immaterialibus, & æternis de quibus scientia esse potest, non tamen de singularibus corruptibilibus, sola namque corruptio, & mutabilitas repugnat scientiæ. Tertiò resp. quod scientia etiam potest esse de singularibus corruptibilibus; sed prout subsunt diuinis decretis, & prout sunt præsentia in æternitate, quia hoc modo sunt infallibilia, ac proinde possunt terminare veram cognitionem scientificam.

48 Sed quæres 1. an Theologia nostra subalternetur Theologiæ Dei, & Beatorum? Negant Molina, Valentia, Vasquez, & alij hoc loco. Affirmant D. Thomas in hoc art. 2. quem optimè defendunt, explicant, & declarant Caietanus, Gonzal. Ripa, & N. Complut. in Logica, quia ad veram, & propriam subalternationem ex communi consensu dialecticorum, hoc requiritur, & sufficit, quod scientia inferior sua accipiat principia à superiori, & ad illam suas conclusiones resoluat; sed nostra Theologia accipit sua principia à Theologia Dei, & Beatorum, scilicet mysteria fidei, quæ à nobis creduntur, & ab illis sciuntur, & suas conclusiones ad illam resoluit, ergo. Videantur dicta à dictis Complut. in Logica.

49 Quæres 2. an nostra Theologia subalternetur Theologiæ Beatorum matutinæ, an vespertinæ, an vtrique? Resp. subalternari solum Theologiæ matutinæ, non vespertinæ. Pro quo nota ex communi consensu Theologorum, quod in Beatis duplex datur Theologia, seu scientia vna dicitur matutina, & est illa, qua formaliter Beati sunt, & est ipsa visio essentiae diuinæ, in qua quicquid

vi-

vident, clarè, evidenter, & scientificè vident: vident principia vt per se nota, & conclusiones in suis principijs, & prout ab illis inferuntur, non quidem per discursum, sed vnico, simplicique intuitu. Altera dicitur vespertina, quia non est ita clara, vixilla prior, & est illa per quam per species hic acquisitas cognoscunt conclusiones ex suis principijs, & hæc poterit esse, & cum discursu, & sine illo. Hoc postea, dico, quod nostra Theologia non subalternatur Theologiæ Beatorum vespertinæ, sed tantum matutina. Ratio clara est, quia etiam illa Theologia vespertina subalternatur matutinæ, quia eius evidentia dependet, ex Theologia Dei, & ex Theologia matutina Beatorum. Differt autem nostra Theologia à Theologia vespertina Beatorum, quod nostra solum potestare coniungitur cum sua subalternante, at Theologia vespertina Beatorum adu cum illa coniungitur.

50 Quæst. 3. an nostra Theologia maneat in patria? Certum est, quod maneat in patria quoad species hic acquisitas: species namque cum non habeant contrarium, non possunt corrumpi, nisi ex corruptione, seu destructione subiecti, quod subiectum cum maneat in patria, etiam species in illo subiectatæ manebunt. Difficultas est, an nostra Theologia maneat in patria quoad entitatem habitus? Dico quoad entitatem habitus, quia quoad suam rationem formalem quæ procedit, videtur certum, quod non maneat, cum enim de ratione nostræ Theologiæ sit in eadem cum procedat ex principijs obscuris, seu reuelatis, & hæc ratio in patria non maneat, sequitur, quod nostra Theologia quoad suam rationem formalem sub qua procedit, non maneat in patria; & hoc colligitur ex illo Apost. 1. Cor. 13. *Sine lingua cessabunt, sue scientiæ destruentur.* Tum quia cum in patria non remaneat fides, nec prophetia, neque remanebit Theologia prout à fide procedit. De sola ergo entitate habitus procedit difficultas, de qua aliqui dicunt, quod

non remaneat in patria sicut non remanet habitus fidei, vt in tractatu de hie docent Theologi communiter cum D. Thoma, quicquid mustient aliqui. Nihilominus puro, quod nostra Theologia maneat in patria quoad entitatem habitus. Ratio constat ex dictis in hoc eodem dubio, quia licet nostra Theologia procedat pro hoc statu sub principijs obscuris, non tamen petit sic semper procedere, sed solum quandiu non coniungitur cum sua subalternante, tunc enim potest habere evidentiam suorum principiorum, vt ex dictis constat.

D V B I U M V.

An nostra Theologia sit vna scientia.

51 **I**N art. 3. proponit D. Thomas hoc dubium, & per hæc verba sic resoluit illud. *Dicendum sacram doctrinam vnam scientiam esse. Est enim unitas potentia, & habitus considerata secundum obiectum; non quidem materiam, sed secundum rationem formalem obiecti; puta homo, asinus, & lapis conueniunt in vna ratione formali colorati, quod est obiectum visus. Quia igitur sacra scriptura considerat aliqua secundum quod sunt diuinitus reuelata (secundum quod dictum est) omnia quacunque sunt diuinitus reuelabilia, communicant in vna ratione formali obiecti huius scientiæ, & ideo comprehenduntur sub sacra doctrina, sicut sub scientia vna. Vbi, vt vides, vult S. Doctor, quod sacra Theologia sit vna scientia, seu vnus habitus in specie atomæ, quia procedit sub vna ratione formali diuinæ reuelationis, non quidem formalis, quia diuina reuelatio formalis, est ratio habitus fidei, qui est habitus principiorum nostræ Theologiæ, sed virtualis, modo dicto in dubijs præcedentibus.*

52 Contra hanc D. Thomæ sententiam tenent Ochamus, Gabriel, & alij in prolog. sent. Ylamb. hoc loco disp. 4. ar. 3. & alij, quorum fundamenta postea referemus, & soluemus.

33 Nostra sententia sequenti concl. explicatur. *Nostra Theologia est una in omnibus viatoribus; imò est una cum Theologia vespertina Beatorum (de qua dub. precedenti) unitate specifica. & infima.* Quod nostra Theologia sit vna cum Theologia vespertina Beatorum, constat ex dictis loco citato, est enim idem habitus in via acquisitus, & in patria perseverans. Quocirca si nostra Theologia erit vnus, idemque habitus in specie infima, cum idem perseveret in patria, erit idem cum illa. Ut autem facile percipias unitatem nostræ Theologiæ nota, quod, ut rectè tradunt Caiet. Bannes, Nazar. & alij Thomistæ hoc loco, & rectè expendunt N. Complut. in Logica, unitas specifica habituum, scientiarum, virtutum, potentiarum, & actuum, desumitur à ratione formali sub qua illorum, vel ut alij volunt, à motivo, ac proinde ubi vna erit ratio sub qua, vnumcūq; motivum, vnus habitus, vna scientia, &c. erit. Vbi vero plures rationes sub qua, pluraq; motiva, plures habitus, plures scientiæ &c. erunt. His positis.

34 Probatur nostra conclusio, quia nostra Theologia procedit sub vna ratione formali sub qua revelationis virtualis; ergo est vnus, idemque habitus. Conseq. constat ex dictis. Antecedens probatur, quia principia nostræ Theologiæ procedunt sub vna ratione formali sub qua revelationis formalis; ergo Theologia procedit sub vna ratione formali sub qua virtuali. Antecedens est notum, quia principia nostræ Theologiæ sunt articuli fidei, de quibus certum est, quod procedant, & attingantur sub motivo divinæ revelationis formalis. Conseq. ostenditur, quia ratio formalis principiorum extenditur virtualiter ad conclusiones, cum principia sint rationes inferendæ conclusiones, ac proinde ratio formalis principiorum, virtualiter extenditur ad conclusiones, sicut virtus causæ efficientis virtute extenditur ad suum effectum.

35 Occurrit Ysambertus loco citato, hanc rationem currere respectu illarum

conclusionum Theologicarum, quæ deducuntur ex duabus præmissis de fide; ex namque vnum, eundemque habitum specie atoma causant, non respectu illatum, quæ deducuntur ex vna, præmissa de fide, & altera naturali lumine nota, ut cum dicitur. Vbi sunt duæ naturæ rationales, ibi sunt duæ voluntates; in Christo sunt duæ naturæ rationales, scilicet divina, & humana; ergo in Christo sunt duæ voluntates. Maior est nota lumine naturali; minor est de fide. Vel cum dicitur. Omnis homo est risibilis, Christus est homo; ergo Christus est risibilis. Maior est nota lumine naturali, minor est de fide. Dicit ergo Ysambertus, quod ex illis, & similibus demonstrationibus causatur habitus diversus specie, ab illo, qui causatur ex demonstratione Theologica, in qua ambæ præmissæ sunt de fide, quis quanto ambæ præmissæ sunt de fide, tunc divina revelatio est ratio adæquata conclusionis, ac proinde conclusiones sic deducit, cum procedant sub eadem ratione formali divinæ revelationis virtualis, eundem specie habitum producat, verum quando vna præmissa est de fide, & altera naturali lumine nota, divinæ revelationis non est ratio adæquata, sed inadequata tantum, ac proinde produci debet habitus à priori diversus, in quo reluceat aliquid revelationis virtualis, & aliquid luminis naturalis. Confirmatur, quoniam propositio naturalis coniuncta propositioni de fide in demonstratione Theologica, non si habet per modum nudæ applicationis, sed per modum causæ Theologici assensus, alia horummodi demonstrationes non essent deductivæ, sed explicativæ tantum, contra communem Theologorum sensum.

36 Sed contra, quia quæcunque demonstratio Theologica, siue ambæ præmissæ sint de fide, siue altera tantum, procedit sub dicta revelatione virtuali, ac proinde sub eadem ratione formali sub qua, ergo vnum, eundemque habitum constituunt. Conseq. constat, antecedens sic ostendo. Nā certitudo Theologi-

logica conclusionis est eadem, seu est eiusdem rationis, siue præmissæ sint ambæ de fide, siue altera tantum, at hoc non obliam rationem, nisi quia procedunt sub eadem ratione formali sub qua divine reuelationis; ergo. Antecedens probatur, quia præmissa nota lumine naturali, non concurret per lumen naturale secundum se; neque se habet per modum nudæ applicationis, sed concurret ut subordinata alteri præmissæ cognitæ lumine fidei. Cum enim intellectus non subordinet præmissam cognitam lumine fidei illi, quæ cognoscitur lumine naturali, cum lumen superius non subordinetur luminis inferiori, sed de contra, inferiori superiori, sequitur, quod præmissa cognita lumine naturali insuat in consensionem ut subordinata præmissæ cognitæ lumine fidei, ac proinde sub reuelatione virtuali.

57 Adde esse etiam valde probabile, quod præmissa cognita lumine naturali concurret solum ut conditio applicans propositionem de fide conclusioni, ita quod tota veritas conclusionis Theologicæ in demonstratione constante una præmissæ de fide, & altera cognita lumine naturali à sola præmissæ de fide eauctur, & propositio cognita naturali lumine solum concurret ut conditio applicans propositionem, seu præmissam de fide: Pro quo nota, quod intellectus in scientia superiori non procedente per discursum, sed simplici intuitu, in causa cognoscit effectum, ac proinde in ista propositione *Christus est homo*, cognoscit istam, *Christus est risibilis*; & sic ut hæc cognoscatur, non est necesse, quod in demonstratione ponatur ista præmissa lumine naturali nota: *omnis homo est risibilis*; nos autem quia indigemus discursu ad applicandam veritatem latentem in illa *Christus est homo*, & deducendam istam *Christus est risibilis*, vimur altera præmissæ nota lumine naturali, non ut causa influente, sed ut conditione necessaria applicante propositionem de fide, ac proinde conclusio ex solo lumine præmissæ de fide deducetur, & infer-

retur, & sub eadem ratione formali divine reuelationis virtualis, & sic idem specie habitus productur. Per quæ patet ad ea, quæ Ysambertus pro se adducit. Soluuntur argum. in contrarium.

58 Primum argumentum est, quia ratio formalis constitutiva habitus, vel potentie, &c. debet esse intrinseca rei constitutæ; sed ratio divine reuelationis non est intrinseca habitui Theologico; ergo non potest esse ratio constitutiva illius, ab illa sumi nequit vnitas habitus Theologicæ. Resp. quod quando dicitur, quod potentia, vel habitus constituantur ab obiectis, seu ab hac, vel illa ratione formali sibi extrinseca, non est sensus, quod illud obiectum extrinsecum, seu illa ratio formalis extrinseca sit constitutivum habitus, aut potentie, sed habitudo, seu ordo transcendentalis ad illa. Cum enim habitus, & potentie sint aliquo modo respectivæ, seu cum respiciant aliquid extrinsecum, debent etiam constitui per ordinem ad illud extrinsecum, quod respiciunt, non ab ipso extrinseco inspecto. Vnde cum dicitur, quod visus specificatur à colorato, non est sensus, quod ipsum coloratum specificet, seu sit constitutivum visus, sed ordo, seu habitudo ad coloratum. Ita, &c.

59 Secundum argumentum. Licet omnes scientiæ naturales suas deducant conclusiones medio eodem naturali lumine; non tamen suam accipiunt formalem vnitatem ab illo, eorumque omnes scientiæ naturales essent eiusdem speciei; ergo licet nostra Theologia suas deducat conclusiones ex eodem lumine divine reuelationis, non tamen hinc sequitur, quod ex eo lumine vno, vna sit Theologia. Resp. concedendo antecedens, & negando consequentiam, ratio disparitatis est, quia lumen naturale in scientiis naturalibus non se tenet ex parte ipsarum, sed se tenet ex parte potentie intellectus, reddendo illam in ratione principij, elicitiui potentem percipere obiectum. Verum virtualis, seu mediata reuelatio, non se

tenet ex parte potentiae, sed ex parte habitus Theologiae, quatenus se tenet ex parte obiecti, seu medijs illius, ut ex se constat, ac proinde ex lumine fidei desumetur unitas Theologiae, cum hæc ab obiecto, seu medio desumatur, & ex lumine naturali non desumetur unitas scientiarum naturalium, cum hæc à principio non desumatur, ex parte cuius lumen naturale se tenet, ut dictum est.

60 Tertium argum. Nam si Deus alicui omnes scientias naturales revelaret, omnesque earum conclusiones, tunc hæc revelatio non faceret, quod dictæ scientiæ essent una scientia, tamen omnes eodem lumine revelarentur: ergo pariter ex eo, quod omnes conclusiones Theologicæ fiant sub eadem divina revelatione non sequitur, quod causent unum, eundemque habitum Theologicum. Resp. concedendo antecedens, & negando consequentiam. Ratio discriminis est, quia ea revelatio pertineret solum ad modum quo dictæ scientiæ acquirerentur, non ad modum quo operantur, quia postquam sic essent insulæ, ex proprijs motibus operarentur, non ex motu divini revelationis. At revelatio in sacra Theologia pertinet ad modum operandi illius, quia modus quo operatur, est dicta revelatio virtualis, seu mediata, ut dictum est.

D V B I V M VI.

An sacra Theologia sit scientia practica, an speculativa.

61 **H**oc dubium proponit, & resolvit S. Doctor *ar. 4. dist. 9. l. vbi* sic habet. *Sacra doctrina una existens, se extendit ad ea, quæ pertinent ad diversas scientias philosophicas propter rationem formalem, quam in diversis attendis: scilicet prout sunt divino lumine cognoscibilia. Vnde licet in scientijs philosophicis alia sit speculativa, & alia practica: sacra tamen doctrina comprehendit sub se utramque, sicut & Deus eadem scientia se cognoscit, & ea qua facit. Magis tamen est specula-*

tiva quam practica; quia principalius agit de rebus divinis, quam de actibus humanis, de quibus agit secundum quod per eos ordinatur homo ad perfectam Dei cognitionem, in qua æterna beatitudo consistit. Vbi, ut vides sacra Theologia est speculativa, & practica, licet magis speculativa sit, quam practica.

62 Difficultas solum est, an sacra Theologia sit formaliter practica, & speculativa, an tantum eminenter, seu virtualiter, an formaliter, & eminenter simul. Prima sententia est, quod sit omnino practica, sic Scotus *q. 4. prologi*. Secunda sententia est, quod sit omnino speculativa, sic Henric. Gandav. *in sum. art. 8. q. 3.* Tertia sententia est, quod sit eminenter practica, & speculativa, sic Caiet. & alij.

63 Nostra sententia sequenti explicatur conclusione. *Sacra Theologia est formaliter, & eminenter practica, & speculativa.* Hanc conclusionem tradunt communiter Thomistæ, pro qua videri possunt Bann. Nazar. Ripa, & alij in hoc *art. 4.* non dissentit Caiet. solum enim videtur velle, quod Theologia sit eminenter practica, & speculativa accepto practico, & speculativo prout sunt differentie essentielles scientiarum inferiorum, prout scilicet practicum, est tantum practicum, seu prout accipitur ut est involutum in imperfectionibus, & prout speculativum, est tantum speculativum, & est in imperfectionibus involutum, hoc enim modo Theologia solum eminenter est practica, & speculativa. Cœterum si practicum, & speculativum accipiantur seclusis imperfectionibus, scilicet ut vniuntur in scientia superiori, tunc Theologia est formaliter practica, & speculativa.

64 Pro huius rei intelligentia, nota 1. ex Arist. 6. Met. quod scientia speculativa est illa, quæ suspensè natura respicit obiectum speculabile, absque eo quod extendatur ad regulandam voluntatem, aliamque potentiam inferiorum, illi ostendendo, seu præscribendo modum operandi, quod explicuit idem Arist.

Arist. loco citato, dum dicit, quod finis scientiæ speculatiuæ, est ipsam speculari, ac proinde, quod scientia speculatiua, est gratia sui, non gratia alterius, cuius sit regula. Nota 2. quod scientia practica ea est, quæ suapte natura ad regulandam praxim ordinatur, vt de eius finis est opus, cuius ea scientia est regula. Quocirca scientia practica constituitur per respectum ad praxim, seu per respectum conformitatis, & regulabilitatis praxis. Nota 3. quod notitia practica potest esse duplex, vna practica speculatiua, alia practica practica. Prior est notitia principiorum continentium iudicium practicum vniuersale, vt quod Parentes sint honorandi, religio seruanda, Deus colendus, alienum non surripendum, &c. Posterior est iudicium conclusiuum, dirigens proximè, & immediatè ad praxim, seu ad opus rationi conformè. Vt autem opus dicatur propriè praxis, seu practicum, duas requiritur conditiones; vna, vt sit actus regulabilis per dictamen rationis; altera, vt sit posterior eodem dictamine; ex quo deducitur, quod praxis vt regulans, sit actus rationis; vt regulata, sit actus voluntatis vel elicitus, vel imperatus. Nota demum, quod speculationum, & practicum bifariam possunt considerari. Primum prout sunt differentie oppositæ diuidentes habitus ordinis inferioris, vbi cum imperfectionibus limitationis, & coarctationis reperiuntur. Speculatiuum namque in habitu v.g. philosophiæ dicit perfectionem, & imperfectionem, quia dicit speculationem, seu contemplationem, quæ tantum sit speculatio, vt non sit regula operationum. Et practicum dicit perfectionem, quatenus dicit esse causam, & regulam operis, quod est maxima perfectio; dicit tamen imperfectionem, quia nullo modo ad contemplationem ordinatur. Secundo practicum & speculatiuum accipi possunt non prout sunt differentie oppositæ habituum interiorum, prout scilicet dicunt perfectionem, & imperfectionem, sed prout dicunt perfectionem sine imperfectioni-

bus, prout scilicet sunt differentie non se excludentes, vt cum habitus perfectè disponit ad opus, seu est perfectè regula operis, tamenli compatiatur secum rationem speculationem: item cum habitus perfectè disponit ad contemplationem, & tamen cum hoc conseruat, quod etiam sit regula operationum. Quare habitus, qui hoc modo esset speculatiuus, & practicus, diceretur formaliter, & eminenter talis, quia qua parte disponit ad speculationem, est formaliter speculatiuus, & qua parte non excludit esse regulam operationum, erit eminenter practicus, & de contra, quia tunc temporis speculatio continet praxim, & praxis speculationem.

65 His positis probatur, quod Theologia sit formaliter, & eminenter practica, & speculatiua. Nam est speculatiua, eo quod plura tradit speculabilia, & modo speculabili, vt sunt ea quæ traduntur 1. p. summæ D. Thomæ, scilicet de Deo vno, & Trino, de Angelis, &c. Est practica, quia multa practicè considerat, tradendo modum quo sunt facienda, vel fugienda, vt constat ex ijs, quæ traduntur 1. 2. & 2. 2. de actibus humanis, de virtutibus, & vitijs, & 3. p. de Sacramentis, quorum administrandorum, recipiendorumque modum legitimum tradit. Quod autem sit etiam eminenter practica, & speculatiua, constat ex dictis nu. præcedenti ad finem, quia dum tradit speculabilia, non excludit regulationem operationum in Deum vt finem vltimum, imò modo quodam eminenti includit, inillat, & fundat; & dum tradit practica, non excludit speculationem diuinorum, sed ad illam inuitat, inclinatur, rapit. Si enim ipsa philosophia inuitat ad amorem illius, vnde definitur, quod sit amor sapientiæ, quanto magis id ipsum præstabit sacra Theologia. Et si ex sapientia datur progressus ad prudentiam, multo magis hoc fiet ex nostra altissima sapientia.

66 Obijcies 1. quia duæ differentie essentielles non possunt vni, eidemque rei competere, sed practicum, & speculati-

latium sunt duæ differentie essentialis; ergo non possunt vni, eidemque Theologiae habitui competere. Maior nota est, quia differentie essentialis se mutuo excludunt, & vna infert negationem alterius. Minor constat ex dictis. Nec valet dicere, quod practicum, & speculativum sunt differentie essentialis respectu habituum inferiorum, non respectu habituum superiorum; nam differentie, quæ semel essentialis sunt, & æqualiter diuidunt genus, semper sunt tales, vbiunque reperiantur; ita namque se habent differentie respectu generis, sicut se habent par, & impar respectu numeri; & rectum, & curuum, respectu linearum; sed par, & impar, rectum, & curuum, &c. vbiunque reperiantur, semper conseruant, quod sint differentie essentialis, ergo. Resp. distinguendo maiorem. Duæ differentie essentialis non possunt vni, eidemque rei competere, quando respectu eiusdem rei conseruant rationem differentie essentialis, & conceditur. Quando non conseruant, & negatur. In nostro autem casu practicum, & speculativum non conseruant rationem differentie essentialis, ac proinde possunt competere eidem habitui Theologiae, sicuti competunt eidem intellectui, qui formaliter, & eminentur practicus est, & speculativus; sicuti etiam competunt eidem visioni beate, quæ & speculativa est; quatenus contempletur Deum vnum, trinumque; & practica, quatenus iudicat Deum esse totis viribus diligendum. Sicuti demum competunt vni, eidemque scientie Dei, quæ prout formaliter respicit, seu prout est notitia diuinæ naturæ, speculativa est, prout verò est cognitio modi producendi creaturas, & prout propter se ipsum Deus ipsas respicit, tanquam propter finem vltimum, practica est formaliter. Et si fides, quæ est habitus primorum principiorum Theologiae est simul practica, & speculativa, etiam habitus per fidem productus idipsum habebit, cum habitus principiorum telucere debeat in habitu conclusionum.

67. Ve autem edgnoscamus quando differentie sint essentialis, & non possint eidem habitui conuenire, & quando accidentales, & conuenire possint habitui superiori, videndum est, an sint adæquatæ, & totales, an in adæquatæ, & partiales. Quando namque differentia adæquat totum habitum, vt non possit extra illius latitudinem se extendere, tunc erit essentialis, cum sit proprium differentie essentialis adæquare totum illud cuius est differentia; at quando non adæquat, erit differentia accidentalis. Cum autem practicum, & speculativum in habitibus inferioribus, ita se habeant, quod vnaqueque totum habitum adæquet, sequitur, quod sint differentie essentialis; at in habitibus superioribus, vt in habitu Theologiae cum neutra earum, adæquet totum habitum, sequitur quod non sint differentie essentialis, sed accidentales, tantum, ac proinde eidem habitui conuenientes.

68. Obijcies 1. quia habitus generari non potest, nisi per actus sibi correspondentes; sed nullus dari potest actus Theologiae, qui simul sit practicus, & theoreticus, seu speculativus; ergo neque habitus. Resp. quod ad hoc vt generetur habitus, non est necesse, quod actus per quem generatur, feratur in totum obiectum habitus, sed sufficit, quod actus generatiuus habitus terminetur ad aliquod obiectum particulare eiusdem habitus, sed sub ratione formali illius. Vnde habitus v. g. Logicae generatur per primam demonstrationem illius, & tamen illa demonstratio tendit in aliquod obiectum particulare Logicae, non in totum obiectum illius. Deinde dico, non repugnare, quod vnus, idemque actus, simul, ratione tamen obiectorum diuersorum, sit practicus, & speculativus, vt de Dei scientia, de visione beata, &c. diximus.

69. Sed quæres 1. an verum sit, quod tenet S. Doctor in principio huius dubij citatus, quod sacra Theologia sit principaliter speculativa, & minus principaliter practica? Resp. affirmatiue, si consi-

de-

deretur quoad dignitatem subiectorum de quibus agit; nam si consideretur quoad multitudinem eorumdem subiectorum de quibus tractat, magis est practica, quam speculativa. Est Theologia magis speculativa si consideretur quoad dignitatem subiectorum, quia eius obiectum primum est Deus, vnus, & Trinus; eius obiectum attributionis est Verbi incarnatio, quæ principalius speculabilia sunt. Est magis practica si consideretur quoad multitudinem subiectorum, quia de istis agitur tota 1. 2. tota 2. 2. & tota ferè 3. p.

70. *Quæres 3. an praxis desumatur magis ab opere, seu ab obiecto operabili, an à fine?* Certum est praxim desumi tum ab opere, tum à fine. Ab opere, quia regulatur fine, quia ad ipsum regulatur. Difficultas est, à quo magis desumatur, an ab opere quod regulatur, an à fine ad quem regulatur. Certum etiam est, quod praxis proximè desumatur ab opere regulato, & remotè à fine. Item certum est etiam, quod ab opere, seu per ordinem ad opus praxis desumatur intrinsecè, & à fine extrinsecè, ac proinde absolūtè loquendo praxis magis desumatur ab opere, quam à fine. A fine namque solum extrinsecè desumitur, & quasi manifestatiuè, & ab opere, intrinsecè, & essentialiter. Dices ex Aristotele 2. & 6. *Met.* quod finis speculatiuè, est veritas, & practicè, opus; ergo opus, & finis sunt idem. Resp. quod opus est finis proximus, sicut etiam veritas, est finis proximus speculatiuè. Verum ab hoc fine proximo desumitur praxis intrinsecè, quia finis proximus, & obiectum specificationis, sunt idem. Ultra hunc finem proximum damus etià finem remotum praxis, & est Deus, à quo prima cuiuscunque rei regulabilis regula desumitur.

71. *Quæres 3. an notitia practica, regulat praxim, seu opus practicum, quod diximus esse actum elicito, vel imperatum voluntatis, determinando voluntatem physicè ad operandum secundum illius dictamen, an solum mo-*

raliter, inclinando, & obiectiue alliciendo. Resp. quod notitia practica regulat voluntatem moraliter inclinando, suadendo, alliciendo, præscribendo media quibus rectè operetur, quia licet probabile sit, & fortè verum, quod intellectus per intellectionem physicè concurrat ad actum voluntatis non solum quantum ad actus necessarios, vt constat in Verbo diuino, quod physicè concurrat, & influat in productionem Spiritus Sancti; verum etiam quantum ad actus liberos, inclinando, & determinando eandem voluntatem per verum, & proprium influxum liberum in virtute eiusdem voluntatis, vt cum voluntas post liberam mediorum electionem applicat intellectum ad actum imperij quoad exercitium, & intellectus mouet postea physicè voluntatem ad vltim, licet hæc applicatio sit quoad specificationem prout præcisè est ab intellectu, & quod exercitium prout est in virtute eiusdem voluntatis. Tamen loquendo de regulatione, prout, quod hæc tantum fiat moraliter, non physicè, regulare namque non est physicè influere, determinare, aut prædeterminare, sed moraliter.

72. Sed dices, ex Arist. 3. de anima 11. 14. vbi constituens ordinem mouentium, & motorum, dicit, quod appetibile est mouens, non motum; appetitus vero est mouens, & motus, ab obiecto scilicet appetibili; ergo voluntas priusquam moueat, mouetur ab obiecto sibi ab intellectu præsensento per dictamen rationis. Resp. hoc argumentum solum probare, quod intellectus moueat voluntatem, non tamen, quod eam moueat physicè secundum quod præcisè habet rationem regulæ; appetibile namque præcisè mouet solum metaphoricè voluntatem, alliciendo, invitando, inclinando, &c.

73. Dices 2. quia voluntas est secundum se potentia indeterminata, & indifferens ad contradictoria, ergo exigit extrinsecum determinata; hoc est intellectus practicus; ergo. Resp. quod intellectus determinat voluntatem ad spec-

speciem actus, & voluntas determinat intellectum quoad exercitium, ita tamen, quod intellectus prout determinat voluntatem præcisè ut eius regula non eam physicè inclinet, sed tantum moraliter.

74 Dices 3. ex Arist. 9. *Metaph. tex. 3. & 10.* quod potentia contraditionis non potest determinare se ipsam, quia simul produceret contraria; ergo debet determinari ab intellectu non tantum moraliter, sed etiam physicè, alioquin voluntas physicè se determinaret, & produceret contraria. Resp. duplicem esse potentiam indeterminatam, vnam imperfectam, quæ à se determinari non potest, ut est habitus scientiæ, qui à se non determinatur ut hunc potius actum scientificum eliciat, quam illum, uti etiã sunt omnes potentia à voluntate, quæ à proponente obiecta determinantur, ut constet de potentia visiva, auditiva, &c. Altera est potentia indeterminata perfecta, ut est voluntas, & ista ut determinetur, saltem in ratione puræ regulæ non indiget alio determinante, sed præsentato sibi obiecto, sufficienter determinatur à se, ut suo loco dicitur.

• • • • • D. V. B. I. V. M. VII. • • • • •

*An Sacra Theologia sit dignior & certiorq;
alijs scientijs.*

75. **D**E hoc dubio hæc ponit S. Doctor art. 5. Cum ista scientia quantum ad aliquid sit speculativa & quantum ad aliquid sit practica, omnes alias transcendit tam speculativas quam practicas. Speculativas enim scientiarum una altera dignior dicitur, cum propter certitudinem, tum propter dignitatem materie; & quantum ad utrumque hæc scientia alias speculativas scientias excedit. Secundum certitudinem quidem; quia alia scientia certitudinem habent ex naturalis lumine rationis humane, quæ potest errare: hæc autem certitudinem habet de lumine divina scientia; quæ devipi non potest. Secundum dignitatem verò mat-

rie; quia ista scientia est principaliter de his, quæ sua altitudine ratione transcendunt. Alia verò scientia considerant eam tantum, quæ rationi subduntur. Prædictarum vero scientiarum illa dignior est, quæ ad ulteriorem finem ordinatur, sicut civilis militari. Nam bonum exercitus, ad bonum civitatis ordinatur. Finis autem huius doctrine in quantum est practica, est beatitudo æterna, ad quam sicut ad ultimum finem ordinantur omnes alij fines scientiarum practicarum. Unde manifestum est, secundum omnem modum eam digniorem esse alijs. Vbi, ut vides, vult S. Doctor, quod sacra Theologia, quæ speculativa est, est dignior omnibus scientijs speculativis; & quæ practica, est dignior omnibus practicis: Primum probat, quia dignitas scientiæ speculativæ ex duobus desumitur, scilicet ex certitudine, & ex dignitate materie. Sacra Theologia quoad certitudinem præstat cæteris scientijs, quia ista innuntiantur lumine naturali illi divino. Quoad materie dignitatem constat, quia sacra Theologia explicat prædicata de Deo, quæ minime à sensibilibus abstrahuntur; quod cæteræ scientiæ non faciunt. Secundum ostendit, quia practicarum scientiarum illa est dignior, quæ ad ulteriorem finem non ordinatur. Theologia cum ordinetur ad æternam beatitudinem, quæ ulterius ordinabilis non est, ad ulteriorem finem non ordinatur. Cæteræ autem scientiæ cum respiciant fines particulares, ulterius ordinari possunt. Ex his D. Thomæ dictis, de vno solo est aliqua controuersia inter Theologos, quomodo scilicet verum sit, quod sacra Theologia sit certior alijs scientijs de quibus agitur in prædicto.

76. Sequentes sententias reperio. Nam Raym. & d. Lullus, ut refertur in *dis. res. inquisit. p. 2. q. 9. §. 5. error. 193.* tenet, quod Theologia non est ita certa sicut scientia naturalis, quemadmodum nec fides, Sylvest. tenet, quod hæc Theologia Dei, & Beatorum sit certior omnibus scientijs naturalibus, non tamen Theologia nostra, quantum ad quietationem

tionem intellectus, bene tamen quantum ad adhesionem M. Zúmel putat, quod hoc principium: *Quodlibet est, vel non est*, sit magis certum, quam nostræ Theologiæ principia. Molina in *Concordia* q. 14. art. 13. diff. 8. dicit, quod assensus naturalis certior esse potest assensu fidei, & quod hæreticus certius potest assentiri fidei veritatibus, suis erroribus, falsisque principiis, quam catholicus per habitum fidei; ab hac sententia parum discordat Vasquez *hic art. 5. in dub. circa text.*

77 Nostra sententia sequenti conclusioni explicatur. *Nostra Theologia est certior qualibet scientia, naturali lumine acquisita, imò ipso habitu primorum principiorum, & quibuscumque principijs naturaliter notis.* Hanc conclusionem sequuntur omnes Thomistæ in hoc art. 5. pro qua videri possunt Bannes, Ripa, Nazar. & alij. Constat ex ratione D. Thomæ in testimonio allato, & colligitur ex ijs quæ docet idem S. Doctor 1. 2. q. 4. art. 8. ubi dicit. *Homo certior est de eo, quod audit à Deo, quam de eo, quod videt propria ratione;* cum autem fides, quæ est sacre Theologiæ principium, refundat suam certitudinem in Theologiam, quæ est habitus conclusionum, sequitur, quod sicut fides vincit certitudine omnia prædicta, ita & Theologia; sed agamus rationibus.

78 Prima ratio. Certitudo scientiæ desumitur ex principiis, ex lumine, & medio, quibus procedit; sed sacra Theologia procedit ex principiis, ex lumine, & ex medio, quæ in certitudine vincunt principia, lumen, & medium cuiuscumque scientiæ; ergo sacra Theologia vincit in certitudine quamcunque scientiam naturali lumine acquisitam. Maiorem tradunt omnes Dialectici, & Philosophi, & non negant aduersarii, quibus cum disputamus. Minorem probō, quia sacra Theologia procedit per principia fidei, per lumen diuinæ reuelationis, & per medium, quod est aliqua veritas reuelata; imò procedit ex quodam Spiritus Sancti instinctu ad assen-

sum principiorum, ex quibus deducuntur conclusiones Theologiæ, sed hæc omnia vincunt in certitudine omnia principia, &c. cuiuscumque scientiæ naturali lumine acquisitæ; ergo, Quod sacra Theologia ex dictis procedat, constat ex dictis supra, & constabit ex dicendis infra. Quod dicta vincant in certitudine principia cuiuscumque scientiæ, & habitus naturalis, patet, quia horum certitudo est altioris, & superioris ordinis; veritas autem, & certitudo ordinis superioris vincit eam, quæ est ordinis inferioris.

79 Secunda ratio. Nam ad hoc videtur, quod sacra Theologia sit magis certa, quam quælibet scientia naturalis, sufficit, quod causet assensum firmiter, & magis certum quam quælibet scientia naturalis, sed hoc facit nostra Theologia; ergo. Maior nota est. Minorem probō, quia sacra Theologia minorem, imò nullam permittit dubitationem quantum est ex parte sua, quamvis ex infirmitate intellectus imperfectè participantis, & remissè percipientis tum habitum fidei, tum Theologiæ, infusgat dubitatio.

80 Tertia ratio. Certitudo principiorum Theologiæ vincit certitudinem principiorum cuiuscumque scientiæ naturalis; ergo etiam certitudo conclusionum Theologicarum ex illius principijs deductarum, superabit, & vincet certitudinem conclusionum deductarum ex quibuscumque principijs lumine naturali notis. Consequenter bene inferunt, principia namque sunt causa efficiens conclusionis, & quodammodo formalis, effectus autem causæ efficientis, naturaliter agentis debet proportionari suæ causæ, ac subinde causa fortior, fortiorum producet effectum. Antecedens ostendo; quia principia nostræ Theologiæ sunt articuli, seu mysteria fidei, quæ certiora sunt, quam sit hoc principium, notissimum: *Quodlibet est, vel non est.* Causæ namque certitudinis fidei, articulorumque eius longè firmiores sunt, quam causæ certitudinis dicti principij.

D

Quod

Quod sic ostendo. Nam tres sunt præcipuæ causæ certitudinis nostræ fidei. prima est Deus revelans, seu dicens. Secunda est lumen ordinis divini. Tertia est Spiritus Sancti instinctus supernaturalis, & ordinis divini. At causæ dicti principij sunt Deus ut dans lumen naturale, ipsum lumen naturale, naturaleque instinctum; sed priores causæ sunt magis certæ, magisque infallibiles, ut ex se constat; ergo nam naturalia transibunt, non Dei verba; iuxta illud Christi D. Luc. 21. *Cælum, & terra transibunt; verba autem mea non transibunt.* Solvuntur arg. in contrariū.

81 Primum argum. est, quia nullus negat hoc principium. *Quodlibet est, vel non est*, nec ullum ex alijs principijs naturaliter, & per se primò notis, ex Arist. 4. metaph. & tamen plures negant non solum conclusiones Theologicas, verum etiam ipsa principia illius, quæ sunt articuli fidei; non negarentur autem si essent magis certæ; ergo. Resp. quod ideo nullus negat dictum principium, nec alia naturali lumine nota, non quia certiora sunt, sed quia evidētia, & clara, claritate ejusdem ordinis cum intellectu nostro. Loquendo namque de certitudine, & fides, & Theologia certiora sunt; unde videmus, quod fideles, & Theologi catholici potius negabunt dicta principia, quam vnum fidei articulum, & quam conclusionem ex fidei principijs deductam, & rectè cognitam, de quo magis n. seq.

83 Secundum argum. quia nec principia scientiarum naturalium, nec conclusiones ex illis deductæ admittunt dubitationem, aut formidinem, ut facit conclusio Theologica, imò & principia illius; ergo Theologia non est certior alijs scientijs. Antecedens constat, quia & ipsi fideles patiuntur dubitationes, & formidines de ipsis fidei articulis; unde aliqui adeò graviter tentantur nonnumquam, ut deficiant. Consequentia nota est, quia si principia Theologiæ, & conclusiones illius essent certiora principijs, & conclusionibus scientiarum natura-

lium, non admitterent illas dubitationes, & formidines, usque ad defectum; sicut non admittunt scientiæ naturales. Resp. concedendo antecedens, & negando conseq. Illa namque formido, & dubietas, imò & defectus, non oritur ex defectu minoris certitudinis principiorum fidei, & conclusionum deductarum supra principia, & conclusiones scientiarum naturalium; sed ex defectu ejusdem certitudinis. Unde illa formido, & dubietas non se tenet, nec causatur à principijs Theologiæ, nec à conclusionibus ejusdem, sed se tenet, & causatur à subiecto, non veniente lumine fidei, sed lumine naturali; si enim intellectus utatur lumine fidei, magis certificabitur per hoc lumen de mysterijs fidei, & de conclusionibus ab ipsis deductis, quam certificetur per lumen scientiæ, & per quamcumque conclusionem scientificam. Verum quando intellectus circa mysteria fidei, conclusiones deductas non utitur dicto lumine fidei, nec habitu Theologico, sed lumine naturali, non solum patitur formidinem, & dubitationem, verum etiam defectum. Cum enim lumen naturale, & lumen scientificum cuiuscunque scientiæ naturalis, non ostendunt, nec ostendere possint, cum sint inferioris ordinis, certitudinem mysteriorum fidei, præbent occasionem formidinis, dubitationis, & defectus.

84 Tertium argum. quia conclusio Theologica non inferitur ex principijs fidei necessariò, prout inferuntur conclusiones scientiarum naturalium; positis namque earum principijs, necessitatur intellectus ad inferendam conclusionem; sed inferitur libere, cum enim intellectus ex fidei principijs non convincatur, non necessitatur ad inferendam conclusionem ex illis, sed potest illam suspendere; ergo non est maior certitudo Theologiæ, quam sit certitudo scientiarum naturalium. Probatur consequentia, quia si certitudo Theologiæ esset maior, convinceret intellectum non minus quam certitudo aliarum

rum

rum scientiarum. Tum quia certitudo, quæ est tanta, ut conuincat intellectum, ut necessario inferat conclusionem, est maior illa, quæ hæc non præstat. Resp. quod intellectus necessitetur ad inferendam conclusionem alicuius scientiæ naturalis: ex suis principiis, non prouenit ex illorum maiori certitudine, sed ex euidencia, quæ ipsum conuincit; nos autem non loquimur de euidencia, sed de certitudine. Euidencia namque sumitur ex principiis in se visis, quæ in articulis fidei non reperitur. At certitudo sumitur in nostro casu ex causis in certia ratione allatis, quæ certiores sunt omnibus alijs causis scientiarum naturalium, principiorumque illarum.

85 Quartum argum. nam in argumento Theologico ubi vna præmissa est nota lumine naturali, & altera lumine fidei, conclusio non potest esse certior præmissa nota lumine naturali, cum semper conclusio sequatur debiliorem partem, unde in hoc syllogismo: Omnis homo habet voluntatem; Christus est homo; ergo Christus habet voluntatem. Conclusio sequitur maiorem, naturali lumine notam, ergo non potest esse certior illa; ceteroquin certior esset certior sua causa. Resp. quod cum conclusio non caueatur ab vna tantum præmissa, sed ab ambabus, erit certior illa præmissa naturali, cum in assensum conclusionis non ea solum influat, sed vtraque, & illa præmissa naturalis non induit, ut regitur à lumine naturali, sed ut regitur à lumine fidei. Lumen namque fidei, & lumen Theologicum vtuntur etiam lumine naturali, & propositionibus naturalibus, cum naturalia deseruiant supernaturalibus, sicut inferiora superioribus. Illud autem dictum, quod conclusio sequitur debiliorem partem, non est sic intelligendum, quod conclusio debeat esse ita debilis sicut est altera præmissarum, sed sic intelligi debet, quod si in conclusione est aliqua debilitas, ea refandi debet in præmissam debiliorem.

D V B I V M VIII.

An sacra Theologia sit sapientia, vbi alia cursu.

86 **E** Gregiè hoc dubium resoluit S. Doctor art. 6. vbi sic fatetur. *Hæc doctrina maxime sapientia est, inter omnes sapientias humanas non quidem in aliquo genere tantum, sed simpliciter. Cum enim sapientia sit ordinare, & iudicare, iudicium autem per altiore, causam de inferioribus habeatur: ille sapiens dicitur in vnoquoque genere, qui considerat causam altissimam illius generis: ut in genere edificij artifex, qui disponit formam domus, dicitur sapiens, & architector, respectu inferiorum artificum, qui dolant ligna, vel parant lapides. Vnde dicitur 1. Cor. 3. Vt sapiens architector fundamentum posuit. Et rursum in genere totius humana vita prudens sapiens dicitur, in quantum ordinat humanum actus ad debitum finem. Vnde dicitur prou. 10. Sapientia est viro prudentia. Ille igitur qui considerat simpliciter altissimam causam totius vniuersi, quæ Deus est, maxime sapiens dicitur. Vnde & sapientia dicitur esse diuinorum cognitio (ut patet per Aug. 12. de Trin.) Sacra autem doctrina propriissime determinat de Deo secundum quod est altissima causa; quia non solum quantum ad illud quod est per creaturas cognoscibile (quod Philosophi cognouerunt ut dicitur Rom. 1. Quod notum est Dei, manifestum est illis.) Sed etiam quantum ad id, quod notum est sibi soli de se ipso, & alijs per reuelationem communicatum. Vnde sacra doctrina maxime dicitur sapientia. Vbi, ut vides sacra Theologia est sapientia absolute, & simpliciter, quia perfectissimo modo habet ea, quæ ad rationem sapientię spectant, ut scilicet procedat per causas altissimas, & rectè iudicet de omnibus.*

87 Contrā hæc D. Thomæ sententiam tenent Conrad. 1. 2. q. 57. ar. 2. Molina in hoc art. 6. quatenus dicit, quod sapientia non est vnus habitus specialis,

D 2 sed

sed quoddam aggregatum ex habitu principiorum; & conclusionum supremæ scientiæ. Vnde per Molinam sacra Theologia est quidem scientia suprema, non sapientia, quia sapientia in nostro casu nil aliud est, quam aggregatum ex habitu fidelis & Theologiæ.

88. Nostra sententia sequenti conclusionis explicatur. *Sacra Theologia est vera, & propria sapientia, seu est unus, & idem habitus simplex, qui non solum scientia est, verum etiam sapientia.* Hæc conclusio est ipsissima alicuius S. Doctoris, ut constat ex verbis relatis, & eam tenent Caiet. Bannes, Zamel, Ripa, Nazari, & alij hoc loco. Constat ex ratione D. Thomæ, quia illa est vera, & propria sapientia, quæ procedit per causas altissimas, seu quæ considerat causas altissimas; talis est sacra Theologia; ergo.

89. Deinde probatur ratione alia desumpta ex Arist. 2. Met. & D. Thomæ ibidem, quia illa est sapientia, quæ habet condiciones sapientiæ, quas adducit ibidem Arist. scilicet, quod sapientia sit circa omnia; quod versetur circa difficultia; quod sit certa; quod doceat per causas altissimas; quod sit, & quærat, propter se; & quod sit architectonica, princeps, & domina scientiarum; sed sacra Theologia nobilissimo, & excellentissimo modo habet omnes has condiciones; ergo est vera, & propria sapientia. Primum namque sacra Theologia est circa omnia, cum sit vniuersalissima, & versetur circa causas vniuersalissimas sub quibus omnia continentur, & ad quas omnia ordinantur; agit enim de Deo creatore, sanctificatore, glorificatore; de ultimo fine, de substantijs spiritualibus; de omnibus virtutibus, & vitijs; de actibus liberis, & necessarijs, & nullum est scibile, quod ab hac diuinissima sapientia suo modo non attingatur. Versatur circa difficultia, agit enim non solum de Deo, vno, & Trino; de Verbi Incarnatione, de sacramentis, de substantijs separatis, quæ difficultia sunt, verum etiam de multis alijs difficultissimis, ut de Deificientia, de præde-

stinazione, de reprobatione; de sanctificatione, de iustificatore, &c. Est certissima, & certior omni alia scientia humanitus acquisita; ut dubius pœt oculenti vidimus. Docet per causas altissimas, ut constat ex dictis. Quæritur propter se, quia soli diuine, & Beatorum scientiæ subalternatur, & quodis scientiæ inferiores sibi subdit, illisque vritur tanquam ancillis. Est architectonica; princeps, domina; Regina, & magistra scientiarum, cum ratione obiecti nobilioris, tum ratione abstractionis, tum ratione vniuersalitatis, tum ratione finis, tum ratione certitudinis, &c.

90. Sed obieciens 1. quoniam sacra Theologia est vera, & propria scientia; ergo non est sapientia. A. recedens constat ex dictis supra. Consequenter ostenditur, quia virtus intellectualis per Arist. 6. Ethic. cap. 4. & 8. diuiditur in intellectum, sapientiam, scientiam, artem, & prudentiam; non posset autem virtus intellectualis diuidi in sapientiam, & scientiam, si sapientia, & scientia identificarentur; membra quæque diuidentia debent se mutuo excludere. Resp. quod Arist. diuisit virtutem intellectualem in sapientiam, & scientiam non tanquam in duo membra ex æquo diuidentia, seu tanquam in duo genera se mutuo excludentia, sed tanquam speciem perfectissimam generis scientiæ in alias minus perfectas eiusdem generis. In genere namque scientiæ nobilissima, & perfectissima species est sapientia, scientiæ autem puræ, quæ scilicet non procedunt per causas altissimas, non habent condiciones sapientiæ; nu. prædentialitate, sunt quidem species eiusdem generis, sed minus nobiles. Quomodo autem sapientia non sit alius habitus à scientia, quæ sit 1. dicitur.

91. Obieciens 2. quia sapientia est maxima inter virtutes intellectuales, ex eo, quod cæteras iudicat, ordinat, dirigat, obiecta, mediaque præstat ex Arist. 2. Metaph. cap. 1. & D. Thomæ ibidem; sed Theologia non est hæc, ergo. Minor probatur, nam sacra Theologia

non est maior habitu suorum principiorum; quæ est habitus fidei, cæteroquin causa excederet à suo effectui; habitus autem principiorum, est causa habitus conclusionum. Resp. concedendo maiorem, & negando minorem. Licet enim verum sit, quod Theologia non sit maior, digniorque habitu fidei, iudicat tamen, ordinat, dirigit, &c. non quidem demonstrando mysteria fidei, sed reflectendo super illa, eaque explicando, declarando, defendendo ab impugnantibus, eorum argumenta solvendo, fallacias aperiendo, &c. Sic obferuat clarissimus Ecclesie lumen 14. de Trinitate, ubi loquens de sacra Theologia sic facit. *Hæc scientia est, qua fides saluberrimo gignitur, nutritur, roboratur, definitur, &c.*

92. Obijcies. 3. nam Theologia si esset sapientia; vel esset sapientia naturalis, vel supernaturalis. Non naturalis, quia esset metaphysica; non supernaturalis, aut revelata, quia est acquisita; ergo, &c. Resp. quod nostra Theologia quantum ad principia est supernaturalis, & revelata, seu infusa formaliter. At quantum ad conclusiones est solum virtualiter revelata. An autem aliqua conclusio Theologica possit esse etiam immediata, & formaliter revelata, resp. affirmativè; ut est illa conclusio; ergo in Christo sunt duæ voluntates, cum sit ab Ecclesia definita. Vnde dicta conclusio qua parte est definita, est revelata formaliter, qua autem parte per discursum deducitur, est virtualiter revelata; nulla namque est repugnantia, quod una, eademque propositio respectu diversorum sit formaliter, & virtualiter revelata.

93. Sed quæres 1. an sacra Theologia prout est sapientia, & scientia sit unus, idemque habitus? Resp. affirmativè, ut colligitur ex dictis in solutione primi argumenti, nam sapientia formaliter est scientia, & differt ab alijs scientijs sicut species perfectissima à minus perfectis, quia eas regit, regulat, mensurat, &c. Verum ut noster lector habeat aliqualem cognitionem eorum, quæ de sapien-

tia ab antiquis Philosophis dicebantur. notandum 1. quod sapientia quantum ad nominis etymologiam derivatur à verbo *sapio*, quod est gustu rei saporem apprehendo, ac discernio; unde sapientia dicitur quasi sapida scientia, & scientia dicitur quasi simplex quædam notitia; Sapientia dicitur Cicero lib. 1. offic. quod sit rerum deumarum, humanarumque scientia. De hac cecinit Lucretius sat. 13.

*Paulatim vitia, ac errores exiit omnes
Prima docens rectum sapientia plurima
salix.*

Et de ipso sapiente hæc profert Horatius lib. 1. epist.

*Ad summum sapiens uno minor est
Ioue: diues;*

*Liber. honoratus, pulcher, Rex denique
Regum.*

Hinc illud vulgatum. *Sapiens dominabitur astris.* Vir namque sapiens à suæ mentis constantia non mutatur, nec à rebus prudenter, rectèque gerendis, ob quamcunque immutationem celestium impressionum, aerisque perturbationes, vel quæcunque alia pericula.

94. Quæres 2. quod conditiones requirantur ad verum, perfectumque sapientem? Resp. quod secundum antiquos Philosophos quatuor requirebantur conditiones, quæ ab illis quatuor bonorum genera appellabatur, quibus sapiens debebat esse ornatus. Primum est immunitas à vitijs, ad quam requiritur moderatio omnium affectionum, & continentia ab omni luxu, & delicijs: imò paupertas, & vilis in cibis, vestitu, & reliquis necessarijs. Ob id Socrates, ut scribit Laertius voluit esse pauper, nudis pedibus incedebat, sordido pallio contentus, honores, & omnia terrena contemnebat. Et Crates Thebanus proiccto in mare non parvo auri pondere, dixit. *Abite Pessum male cupiditate; ego vos mergam, ne ipse mergar à vobis.* Secundum requisitum in sapiente est gloria recti facilium. Ad hanc gloriam pertinere indicantur Ethnici, ut sapiens floretet in studijs, &

om-

sed quoddam aggregatum ex habitu principiorum, & conclusionum supremæ scientiæ. Vnde per Molinam sacra Theologia est quidem scientia suprema, non sapientia, quia sapientia in nostro casu nil aliud est, quam aggregatum ex habitu fidelis & Theologiæ.

83. Nostra sententia sequenti conclusi explicatur. *Sacra Theologia est vera, & propria sapientia, seu est unus, & idem habitus simplex, qui non solum scientia est, verum etiam sapientia.* Hæc conclusio est ipsissima mens S. Doctoris, ut constat ex verbis relatis, & eam tenent Caier. Bannes, Zumel Ripa, Nazari, & alij hoc loco. Constat ex ratione D. Thomæ, quia illa est vera, & propria sapientia, quæ procedit per causas altissimas, seu quæ considerat causas altissimas; talis est sacra Theologia; ergo.

89. Deinde probatur ratione alia desumpta ex Arist. 2. Met. & D. Thomæ, ibidem, quia illa est sapientia, quæ habet condiciones sapientiæ, quas adducit ibidem Arist. scilicet, quod sapientia sit circa omnia; quod versetur circa difficultia; quod sit certa in quod doceat per causas altissimas; quod sit, & quærat, propter se; & quod sit architectonica princeps, & domina scientiarum; sed sacra Theologia nobilissimo, & excellentissimo modo habet omnes has condiciones; ergo est vera, & propria sapientia. Primum namque sacra Theologia est circa omnia, cum sit vniuersalissima, & versetur circa causas vniuersalissimas sub quibus omnia continentur, & ad quas omnia ordinantur; agit enim de Deo creatore, sanctificatore, gloriificante; de ultimo fine, de substantijs spiritualibus; de omnibus virtutibus, & vitijs; de actibus liberis, & necessarijs, & nullum est scibile, quod ab hac diuinissima sapientia suo modo non attingatur. Versatur circa difficultia, agit enim non solum de Deo, vno, & Trino; de Verbi Incarnatione, de sacramentis, de substantijs separatis, quæ difficultia sunt, verum etiam de multis alijs difficultissimis, vt de Deificentiâ, de prae-

destinatione, de reprobatione, de sanctificatione, de iustificatione, &c. Est certissima, & certior vniuersa scientia humanitus acquisita, vt dubio per se idem vidimus. Docet per causas altissimas, vt constat ex dictis. Quæritur propriè se, quia soli diuine, & hæc omnia scientiæ subalternatur, & cunctas scientias inferiores sibi subdit, illisque vitur tanquam ancillis. Est architectonica princeps, domina, Regina, & magistra scientiarum, tum ratione obiecti nobilioris, tum ratione abstractionis, tum ratione vniuersalitatis, tum ratione finis, tum ratione certitudinis, &c.

90. Sed obieciens 1. quoniam sacra Theologia est vera, & propria scientia; ergo non est sapientia. Antecedens constat ex dictis supra. Contingit ostenditur, quia virtus intellectualis per Arist. 6. Ethic. cap. 4. & 8. dividitur in intellectum, sapientiam, scientiam, artem, & prudentiam; non possit autem virtus intellectualis diuidi in sapientiam, & scientiam, si sapientia, & scientia identificarentur; membra quæque diuidenda debent se mutuo excludere. Resp. quod Arist. diuisit virtutem intellectualem in sapientiam, & scientiam non tanquam in duo membra ex æquo diuidenda, seu tanquam in duo genera se mutuo excludentia, sed tanquam speciem perfectissimam generis scientiæ in alias minus perfectas eiusdem generis. In genere namque scientiæ nobilissima, & perfectissima species est sapientia, scientiæ autem puræ; quæ scilicet non procedunt per causas altissimas, non habent condiciones sapientiæ: nunc precedentia allata, sunt quidem species eiusdem generis, sed minus nobiles. Quomodo autem sapientia non sit alius habitus à scientia, quæ sit 1. dicetur.

91. Obieciens 2. quia sapientia est maxima inter virtutes intellectuales, ex eo, quod eas per iudicem, ordinem, dirigat, obiecta, & mediaque præstat ex Arist. 2. Metaph. cap. 1. & D. Thomæ ibidem; sed Theologia non est sic; ergo. Minor probatur, nam sacra Theologia

NON

non est maior habitus suorum principiorum; qui est habitus fidei, ceteroquin causa excederet a suo effectui; habitus autem principiorum, est causa habitus conclusionum. Resp. concedendo maiorem, & negando minorem. Licet enim verum sit, quod Theologia non sit maior, digniorque habitu fidei, indicat tamen, ordinat, dirigit, &c. non quidem demonstrando mysteria fidei, sed reflectendo super illa, eaque explicando, declarando, defendendo ab impugnantibus, eorum argumenta soluendo, fallacias aperiendo, &c. Sic tribuitur clarissimum Ecclesiae lumen 14, de Trinitate, ubi loquens de sacra Theologia sic fatetur. *Hae scientia est, qua fides saluberrima gignitur, nutritur, roboratur, definitur, &c.*

92. Obijcies 3. nam Theologia si esset sapientia, vel esset sapientia naturalis, vel supernaturalis. Non naturalis, quia esset metaphysica: non supernaturalis, aut revelata, quia est acquisita; ergo, &c. Resp. quod nostra Theologia quantum ad principia est supernaturalis, & revelata, seu infusa formaliter. At quantum ad conclusiones est solum virtualiter revelata. An autem aliqua conclusio Theologica possit esse etiam immediata, & formaliter revelata, resp. affirmativè; ut est ista conclusio; ergo in Christo sunt duae voluntates, cum sit ab Ecclesia definita. Vnde dicta conclusio qua parte est definita, est revelata formaliter, qua autem parte per discursum deducitur, est virtualiter revelata; nulla namque est repugnantia, quod una, eademque propositio respectu diversorum sit formaliter, & virtualiter revelata.

93. Sed quæres 1. an sacra Theologia prout est sapientia, & scientia sit unus, idemque habitus? Resp. affirmativè, ut colligitur ex dictis in solutione primi argumenti, nam sapientia formaliter est scientia, & differt ab alijs scientijs sicut species perfectissima à minus perfectis, Vnde eam regit, regulat, mensurat, &c. Verum ut noster scilicet habeat aliqualem cognitionem eorum, quæ de sapien-

tia ab antiquis Philosophis dicebantur, notandum 1. quod sapientia quantum ad nomen etymologiam derivatur à verbo *sapio*, quod est gustu rei saporem apprehendo, ac discernio; unde sapientia dicitur quasi sapida scientia; & scientia dicitur quasi simplex quædam notitia; Sapientia definiunt Cicero lib. 1. *offic.* quod sit *verum divinarum, humanarumque scientia*. De hac cecinit Iuvenalis sat. 13.

*Paulatim vitia, ac erroris exiit omnis
Prima docens rectum sapientia plurima
salix.*

Et de ipso sapiente hæc profert Horatius lib. 1. epist.

*Ad summum sapiens uno minor est
Ioue: diuus;*

*Liber, honoratus, pulcher, Rex denique
Regum.*

Hinc illud vulgatum. *Sapiens dominabitur astris*. Vir namque sapiens à suæ mentis constantia non mutatur, nec à rebus prudenter, rectèque gerendis, ob quamcunque immutationem celestium impressionum, aerisque perturbationes, vel quæcunque alia pericula.

94. Quæres 2. quot conditiones requirantur ad verum, perfectumque sapientem? Resp. quod secundum antiquos Philosophos quatuor requirebantur conditiones, quæ ab illis quatuor bonorum genera appellabantur, quibus sapiens debebat esse ornatus. Primum est *immunitas à vitijs*, ad quam requiritur moderatio omnium affectionum, & continentia ab omni luxu, & delicijs: imò paupertas, & vilicis in cibis, vestitu, & reliquis necessarijs. Ob id Socrates, ut scribit Lælius voluit esse pauper, nudis pedibus incedebat, fessidus pallio contentus, honores, & omnia terrena contemnebat. Et Cæsar Thebanus proiecto in mare non parvo auri pondere, dixit. *Abite Pessum mala cupiditatis; ego vos mergam, ne ipsæ mergat à vobis*. Secundum requisitum in sapiente est *gloria rectè factorum*. Ad hanc gloriam pertinere indicantur Ethnici, ut sapiens florere in studijs, &c.

om-

omnium virtutum actibus, & quidem pluribus, & sublimioribus, quam ceteri hominum. Tertium requisitum est *notitia rerum sublimium*, quia sapiens in omni scientia præcellere debet, & res arduas ac difficiles, quas non facile alij cognoscunt, ipse peruestigare debet. Quartum requisitum, est *patientia in aduersis*, quia putabant Ethnici Philosophi, quod nulla re melius lædentiur improbitas finiatur, ac quando qui læditur, dolorem dissimulat.

95 Quæres 3. quænam differentia sit inter sapientiam virtutem, & sapientiam donum Spiritus Sancti? Resp. breuiter, hoc interesse quod sapientia ut est virtus intellectualis, iuuat, & confortat rationem ad rectè iudicandum de rebus diuinis secundum suam inquisitionem, ut ex dictis constat. Verum ut est donum Spiritus Sancti iuuat, & confortat rationem ad iudicandum de iisdem rebus diuinis secundum quandam experientiam, quæ nascitur ex charitate Dei, quam S. Tho. 2. 2. q. 45. art. 2. vocat connaturalitatem cum Deo; nam qui adhaeret Deo, eius spiritus efficitur cum eo, 1. Cor. 6. Vel dicas, quod sapientia virtus inclinat intellectum ut se moueat circa diuina; & ut donum fortificat intellectum ut facile moueatur à Spiritu Sancto ad iudicandum de rebus diuinis per causas altissimas; sed de hoc suo loco.

96 Quæres 4. an sacra Theologia sit sapientia, & scientia formaliter, aut tantum eminenter? Resp. cum Cal. 1. poster. cap. 10. Nazar in hoc 6. art. & alijs, quod tam sapientia, quam scientia possunt accipi dupliciter, quantum ad præsens attinet. Primò prout per demonstrationem adquiruntur. Secundò prout sunt virtutes, quæ bonum reddunt habentem. Si accipiuntur primo modo, sapientia est formaliter scientia, cum acquiratur per demonstrationem ut illa, licet non acquiratur per quæcumque demonstrationem, sed per illam solum, quæ procedit per causas altissimas. Si vero accipiuntur secundo modo, tunc sapientia est scientia formaliter, & emi-

nenter, quia perficit intellectum ut illa, & modo nobiliori, & superiori perficit, in ordine scilicet ad primam causam, & finem vltimum, quod non facit scientia præcisè.

D V B I V M. IX.

Quodnam sit obiectum Theologia.

97 **P**robat S. Tho. art. 7. quod sacre Theologiæ subiectum sit Deus, sic enim facit. *Sic enim se habet subiectum ad scientiam, sicut obiectum ad potentiam, vel habitum, propriè autem illud assignatur obiectum alicuius potentia, vel habitus; sub cuius ratione omnia referuntur ad potentiam, vel habitum: sicut homo, & lapis referuntur ad visum in quantum sunt colorati: unde coloratum est propriè obiectum visus. Omnia autem pertrahuntur in sacra doctrina sub ratione Dei, vel quia sunt ipse Deus, vel quia habent ordinem ad Deum, ut ad principium, & finem; unde sequitur, quod Deus vere sit subiectum huius scientia. Quod etiam manifestum fit ex principijs huius scientia, quæ sunt articuli fidei, quæ est de Deo. Idem autem est subiectum principiorum, & totius scientia, cum tota scientia contineatur in principijs. Quidam vero attendentes ad ea, quæ in ista scientia tractantur, & non ad rationem secundum quam considerantur, assignauerunt aliter subiectum huius scientia, vel res, & signa: vel opera reparationis: vel totum Christum, id est caput, & membra, de omnibus enim istis tractatur in ista scientia, sed secundum ordinem ad Deum. Vbi, ut vides, vult S. Doctor, quod solus Deus sit sacre Theologiæ subiectum, cum omnia quæ in illa tractantur ad Deum referantur.*

98 Nonnulla tamen difficultas est de quo subiecto, vel obiecto loquatur D. Thomas; nam relictis Magistro in 1. sent. dist. 2. qui affirmare videtur, quod Theologiæ subiectum sint signa, seu symbola rerum diuinarum, & res ipsæ significatæ. Durando q. 3. prologi, qui dicit obiectum Theologiæ esse actum meri-

torium vite æternæ, quia iste potissimè intenditur in Theologia. Bonavent. *q. 1. prologi*, qui affirmat Christum D. esse Theologiæ subiectum. Gregor. de Arimino, Marsilio, Alberto, & alijs existimantibus obiectum Theologiæ esse Deū glorificatorem.

99 Prima sententia est, quod D. Thomas loquatur de subiecto, seu obiecto adæquato, ita quod Deus sub ratione Deitatis sit obiectum adæquatum scientiæ Theologiæ, sic tenent Caiet, Bannes, Ripa, & alij in hoc art.

100 Nostra sententia sequenti conclus. explicatur. D. Thomas loquitur in hoc articulo de subiecto primisatis, seu principalitatis; ita quod Deus sub ratione deitatis sit obiectum principalitatis, diuina reuelatio sit obiectum specificatum, seu ratio formalis sub qua, & Christus d. sit obiectum, seu subiectum attributionis. Quod Deus sit solum obiectum principalitatis, & hoc solum intendat S. Thomas, tenent Petr. Bergom. Porrecta, Sylu. & alij in hoc art. & tradit idem S. Doctor in *q. prologi sent. art. 4.* ubi sic dicit, *Si autem volumus inuenire subiectum, quod hæc omnia comprehendat, possumus dicere, quod ens diuinum per inspirationem cognoscibile est subiectum huius scientiæ, omnia enim, quæ in hac scientiâ considerantur.* Et post aliquæ subdit. *Deus non est subiectum, nisi sicut principaliter intentum, sub cuius ratione omnia, quæ sunt in scientiâ, considerantur.*

101 Probatur, & simul declaratur conclusio, nam in qualibet scientiâ datur triplex primitas in subiecto esse enim subiectum sit primò inspectum; triplicem habere debet primitatem. Primò datur primitas perfectionis, & principalitatis; secundò datur primitas adæquationis, seu specificationis; tertio datur primitas attributionis. Vnde in logica subiectum primum primitate perfectionis, & principalitatis, est demonstratio. Subiectum primum primitate adæquationis, & specificationis est ens rationis per D. Thomam in *4. Metaph.* subiectum

primum primitate attributionis, est syllogismus, seu argumentario. In physica subiectum primum primitate perfectionis, & principalitatis, est primus motor, qui omnes res naturales nobilitate præstat. Subiectum primum primitate adæquationis, & specificationis est ens mobile, quia omnia quæ in physica tractantur, sub ratione entis mobilis tractantur. Subiectum primum primitate attributionis, est corpus mobile. In metaphysica subiectum primum primitate perfectionis, & principalitatis, est Deus, & intelligentiæ. Subiectum primum primitate adæquationis, & specificationis, est ens abstrahens à creato, & increato, reali, & rationis. Subiectum primum primitate attributionis, est substantia. Ita pariformiter in sacra Theologia subiectum primum primitate principalitatis, est Deus sub ratione deitatis. Subiectum primum primitate adæquationis, & specificationis, quod alio nomine vocatur obiectum quod, seu ratio formalis quæ, est omne cadens sub diuina reuelatione, ipsa autem diuina reuelatio est ratio formalis sub qua. Et subiectum primum primitate attributionis, est Christus D. N. sub ratione saluatoris, & redemptoris.

102 Verum pro nouis Theologis non ita perfectè terminos tenentibus, notandum, quod nomen *subiectum* quantum ad præsens pertinet, tripliciter capitur. Primò, pro subiecto inhesionis, quomodo intellectus est subiectum omnium scientiarum; voluntas suarum virtutum, corpus colorum, &c. Secundò accipitur subiectum pro subiecto prædicationis, ut in hac propositione *Petrus est homo*; nam Petrus est subiectum prædicationis, quia de eo homo prædicatur. Tertio accipitur pro subiecto considerationis, ut in præfenti; differunt autem subiectum, & obiectum. 1. quod obiectum magis latè patet quam subiectum, quia obiecta potentiarum, etiam non cognoscentium dicuntur obiecta, non subiecta, cum nullam terminent considerationem, ut faciunt subiecta. 2. quod etiam

etiam in scientijs idem dicitur obiectum secundum quod terminat scientiam, & dicitur subiectum, secundum quod substat passionibus, quæ de ipso in scientia demonstrantur.

103 Obijcies 1. nam proprietates, quæ in aliqua scientia demonstrantur, debent convenire saltem obiecto principalitatis; sed nõ conveniunt in nostro casu; ergo. Maior constat; minor probatur. Nam innascibilitas, seu esse ingenitum, est quædam proprietas, quæ à Theologia demonstratur, & tamen non convenit subiecto principalitatis, scilicet Deo sub ratione deitatis, sed convenit Deo sub ratione paternitatis: ergo obiectum principalitatis non potest esse Deus sub ratione deitatis, sed sub aliqua alia ratione superiori sub cuius ratione omnia, quæ sunt in scientia, considerantur, ut loquitur D. Tho. in testimonio pro nostra sententia allegato. Respond. quod Theologia non demonstrat solum proprietates obiecti principalitatis, sed etiam aliorum; dummodo reducantur ad obiectum principalitatis, ut contingit in nostro casu; nam innascibilitas licet proximè conveniat Deo ratione paternitatis, tamen & paternitas, & innascibilitas tandem refunduntur in naturam divinam de cuius ratione est, quod in prima persona asserat paternitatem, & innascibilitatem, &c.

104 Obijcies 2. quia scientia utitur essentia, vel definitione illius tanquam medio ad demonstrandas proprietates eiusdem essentia, ut probat Arist. 1. poster. quando passiones à priori de essentia demonstrantur, ut cum demonstranda est risibilitas de homine, utimur definitione essentia eiusdem hominis, dicendo: omne animal rationale est risibile, homo est animal rationale; ergo est risibile. Sed diuinæ essentia non possumus habere definitionem, quæ ut medium probet de eadem essentia suas proprietates, seu attributa; ergo Theologia non potest esse verè, & propriè scientia, quæ de suo obiecto à priori passionibus demonstrat. Resp. hoc argum.

ad summum probare, quod sacra Theologia non possit à priori per demonstrationem *propter quid* probare de diuina essentia sua attributa, non tamen probat, quod non possit procedere à posteriori per demonstrationem *quia*. Deinde dico, quod licet sacra Theologia non probet de diuinitate attributa à priori per definitionem diuinæ essentia, probat tamen per aliquid æquiualens, seu per medium non minus certum, licet obscurum, & est ratio, seu medium diuinæ reuelationis.

105 Obijcies 3. quia nulla scientia probat de suo obiecto quod sit, sed supponit; at Theologia probat de Deo, quod sit, ut disputatione seq. videbimus; ergo non est scientia. Resp. quod licet nulla scientia probet à priori, aut quasi à priori de suo obiecto adequato quod sit, probat tamen de suo obiecto inadæquato, & principalitatis, ut etiam fecit Arist. 1. de celo, probando, quod sit partiale obiectum philosophia. Deinde dico, quod licet scientia inferiores non probent sua obiecta, hoc tamen faciunt scientia superiores, ut metaphysica, & Theologia, ut ex dictis supra constat, & ex mox dicendis ex D. Tho. constabit.

D V B I U M X.

An Sacra Theologia sit argumentatiua; ubi alia.

106 **M**Odum quo sacra Theologia est argumentatiua explicat D. Tho. art. 8. dicens. *Sicut alia scientia non argumentatur ad sua principia probanda, sed ex principiis argumentantur ad ostendendum alia in ipsis scientijs; ita hæc doctrina non argumentatur ad sua principia probanda, quæ sunt articuli fidei; sed ex eis procedit ad aliquid ostendendum, sicut Apost. 1. ad Cor. 15. ex resurrectione Christi argumentatur ad resurrectionem communem probandam. Sed tamen considerandum est in scientijs philosophicis, quod inferiores scientia, nec probent sua principia, nec contra negan-*

tem disputant, sed hoc relinquunt superiori scientia, suprema vero inter eas, scilicet metaphysica, disputat contra negantem sua principia, si aduersarius aliquid concedit: si autem nihil concedit, non potest cum eo disputare; potest tamen soluere rationes ipsius, sic. Igitur per S. Doctorem, sicut metaphysica, quia est scientia superior probat sua principia, arguendo ex principijs concessis ab aduersario, vel saltem respondendo rationibus illius, easque soluendo, & falsitatem demonstrando, sic sacra Theologia argumentatur contra haereticos ex aliquo articulo concessio, ad alium negarum; & contra negantes omnes, aliter se gerit, saltem eorum argumenta soluendo, eorum falsitatem ostendendo, &c. Et sic patet quomodo sacra Theologia sit argumentatiua: & ita habetur 2. ad Timot. 3. *Omnia scriptura diuinitus inspirata utilis est ad docendum, ad arguendum, &c.* Ut autem res ista clarius fiat, aliqua quaestiones sunt proponenda, & breuiter soluenda.

107 Quæres 1. an sacra Theologia probet sua principia? Hoc quaesitum iam constat ex proximè dictis; maioris tamen claritatis gratia iterum dico, proprium esse sacrae Theologiae probare sua principia: vnum namque ex præcipuis Theologi muneribus, est fidem tueri contra negantes illam. Pro quo nota 1. quod sacrae Theologiae principia sunt in duplici differentia; alia mediata, vt quod in Christo sint duæ voluntates, quod ex alijs infertur. Alia mediata, vt quod Deus sit vnus, & Trinus. Item alia Theologiae principia ex sola diuina reuelatione habentur, vt quod Deus sit vnus, & Trinus. Alia habentur etiam ex lumine naturali, vt quod Deus sit æternus, infinitus, immensus, immutabilis, prima causa, &c. de his principijs diuina reuelatione creditis procedit difficultas. Ad quam dico 1. quod sacra Theologia nequit neque à priori, neque à posteriori demonstrare principia immediata, potest tamen ea demonstrare argumento ad hominem, ex aliquo principio concessio. Primum patet, quia di-

cta principia nec habent causam sui per quam demonstrantur; nec habet effectum per quem demonstrantur, vt patet. Secundum constat, quia ex aliquo ab aduersario concessio potest Theologus probare Deum esse vnum, & Trinum. Dico 2. principia mediata possunt à Theologia demonstrari à priori, scilicet per principia immediata correspondentia, vt quod in Christo dentur duæ voluntates, quia vltra naturam humanam datur etiam diuina.

108 Quæres 2. an sacra Theologia possit probare, quod sua principia sint possibilis? Resp. negatiue, ratio clara est, quia, quod demonstratur possibile, demonstratur non excedere fines naturæ; nihil enim vt possibile demonstratur nisi per medium naturæ fines non excedens. Neque etiam demonstrari possunt esse impossibilia, quia nullum verum vt sunt omnia fidei mysteria, demonstrari potest impossibile. Possunt tamen demonstrari credibilia per ipsa motiua fidei, quæ sunt miracula, fidei puritas, auctoritas sacrae scripture, &c. Aduerte etiam, quod aliud est probare possibilitatem mysteriorum nostræ fidei positiue, & aliud probare negatiue. Tunc probatur positiue, quando assertur medium ostendens intrinsecam aptitudinem ad illius mysterij existentiam. Tunc autem probatur negatiue, quando remouetur omne id, quod probare videtur impossibilitatem. Verum de his *intract. de fide, vlt. comite.*

109 Quæres 3. an, & quomodo sacra Theologia soluere possit argumenta, quæ sunt contra fidei mysteria? Resp. quod licet non possit Theologia soluere dicta argumenta euidenter positiue, potest tamen ea soluere euidenter negatiue. Primum constat, quia non habet Theologia medium aliquod per quod demonstret euidenter oppositum mysterium esse falsum. Sit exemplum. Si quis infidelis sit probare conetur impossibilitatem mysterij Sanctissimæ Trinitatis. *Ibi est distinctio naturæ, ubi est distinctio personarum; in diuinis est distinctio*

personarum; ergo etiam naturarum. Non habet Theologus medium aliquid per quod euidenter demonstrat falsitatem maioris, ut patet, ac proinde nequit Theologus soluere dictum argumentum euidenter positivè. Potest tamen illud soluere euidenter negativè, negando maiorem, & afferendo pro ratione infinitatem divinæ essentiae, quæ movet intellectum ad non assentiendo illi propositioni. Moveri autem potest intellectus ad non assentiendum, sed ad negandum dictam propositionem ex lumine naturali, confortato lumine fidei.

110 Quæres 4. an conclusio Theologica sit æqualis certitudinis, cum propositione de fide? Affirmat M. Canus *lib. 8. de locis Theologicis cap. 8.* Communior sententia negat. Ratio clara est, quia ubi est inæqualitas motuorum inferentium assensum, ibi est inæqualitas certitudinis eorundem assensuum; sed propositio de fide, & conclusio Theologica sunt huiusmodi, ergo. Minorem probō; nam motuum quo intellectus assentitur propositionibus fidei, est divina revelatio formalis, & motuum quo intellectus assentitur conclusioni Theologicæ, est lumen Theologicum, lumen complexum, involvens dicursum, non revelatio simplex formalis, & incoplexa.

111 Obijcies 1. pro Cano, quia hæc propositio *Christus est risibilis*, est tantum Theologica, deducta ex illo principio: *Christus est homo*, & tamen qui illam negaret puniretur ut hæreticus; ergo. Resp. quod qui eam propositionem negaret non puniretur ut hæreticus, ex eo præcisè, quod negaret illam propositionem ut conclusionem Theologicam, sed quia censeretur negare istum *Christus est homo*. Quod si quis admitteret Christum esse hominem, negaret tamen esse risibilem, quia putaret hominem non esse risibilem, vel quia ex lumine non bene inferatur risibilitas, non posset ut hæreticus puniri.

112 Obijcies 2. quia conclusio debet assimilari principiis, sed principia sunt de fide quando syllogismus est to-

tus Theologicus; ergo etiam conclusio. Resp. quod licet conclusio habeat similitudinem aliquam cum præmissis, non tamen omnimodam; ut etiam patet in demonstrationibus scientiarum inferiorum, ubi conclusio non est tantæ euidentiæ, quantæ sunt principia.

113 Quæres 5. ex quibus locis procedat sacra Theologia? Resp. quod communiter numerantur sequentes. I. est auctoritas sacre scripture. II. sunt sacre, divinæque traditiones. III. Est auctoritas Ecclesiæ. IV. est auctoritas Concilij. V. est auctoritas Sanctorum Patrum. VI. est auctoritas Theologorum, & iuris Pontificij peritorum. VII. est naturalis ratio. VIII. est auctoritas Philosophorum, & humanæ historiæ, de quibus post M. Cano agunt hoc loco Theologi, Bannes, Nazar, Gonzales, & alij, nec volumus in hac parte aliorum diligentiam, quam non solum sufficientem, verum etiam redundantem existimamus, nostro calamo insicere.

114 In *art. 9.* agit S. Thomas a sacra scriptura vitatur metaphoris, & respondet affirmativè, quia etiam metaphoræ, & symbola deferuntur possunt ad fidelium instructionem, de quo nihil scribendum occurrit. Solum noto breviter causas ob quas sacra scriptura vitatur metaphoris. Prima est desumpta ex hominis connaturalitate qua facilius movetur, & instruitur per sensibilia. Secunda est multorum rudium incapacitas ad spiritualia. Tertia est studiosorum exercitium in illis interpretandis, & aliæ de quibus Sanctus Thomas in *4. ar. 9.* & alij.

D V B I V M XI.

An Sacra Scriptura habeas plures sensus.

115 **H**OC dubium proponit S. Doctor in *art. 10.* unde sumemus occasionem explicandi omnia, quæ à Theologo sciri debent de sacra scriptura, quæ est nostræ Theologiæ fundamentum. Sic ergo dubium resolvit Angelicus. *Auctor sacra scriptura est Deus,*

in cuius potestate est, ut non solum voces ad significandum accommodet (quod etiam homo facere potest) sed etiam res ipsas. Et ideo cum in omnibus scientiis voces significantes, hoc habet proprium illa scientia, quod ipse res significata per voces, etiam significant aliquid. Illa ergo prima significatio, qua voces significant res, pertinet ad primum sensum, qui est sensus historicus, vel literalis. Illa vero significatio, qua res significata per voces iterum res alias significant, dicitur sensus spiritualis, qui super litteram fundatur, & eum supponit. Hic autem sensus spiritualis tripartitus dividitur. Secundum quod ea, quae sunt veteris legis, significant ea, quae sunt nouae legis, est sensus allegoricus. Secundum vero, quod ea, quae in Christo sunt facta, vel in his, quae Christum significant, sunt signa eorum, quae nos agere debemus, est sensus moralis. Prout verò significant ea, quae sunt in aeterna gloria, est sensus anagogicus, &c. Sacra ergo scriptura habet plures sensus, scilicet litteralem, & spirituales, spiritualis est triplex, allegoricus, & est ille, quo ea, quae sunt veteris legis, significant ea, quae in noua sunt gesta, siue gerenda. Moralis, siue tropologicus, est ille, quo ea, quae Christum significant, vel quae in Christo facta sunt applicantur nobis, ut ea faciamus, & moribus impleamus. Et anagogicus, & est ille, quo scriptura interpretatur in ordine ad vitam aeternam. Hi sensus his duobus versibus comprehenduntur.

Littera, gesta docet, quid credas allegoria;

Moralis, quid agas; quo tendas, anagogia.

116 Virra hos sensus assignatur communiter alter, qui accommodatius appellatur, & tunc est, quando aliqua sacra scripturae sententia, vel plures, quae secundum primam, & propriam significationem ad ea referuntur, quorum verborum contextus meminit. Verum ob quandam similitudinem, vel conuenientiam eorum cum alijs, secundario etiam, si idem, tanquam

de eis scripta essent, accommodantur, seu appropriantur. Vnde bella, & persecutiones populi Iudaei, ad haereticorum, & Tyrannorum persecutiones contra Ecclesiam accommodantur. Pariformiter Ecclesia accommodatur multa ex libro Salomonis B.V. Mariae, quae de sapientia aeterna scripta sunt. Et multa ex lib. Cant. ad fideles animas accommodantur.

117 Sed quaeres 1. quoniam sit auctor sacrae scripturae? Resp. quod Deus solus inspirauit sacris scriptoribus ea, quae scriptis mandarunt, ut tradit Apostolorum Princeps epist. 2. cap. 3. dicens. Non enim voluntate humana alius est aliquando prophetia: sed Spiritu sancto inspirati loquuti sunt sancti Dei homines. Quocirca S.P. August. lib. 2. de Gen. ad litt. cap. 5. & lib. 11. de ciuit. Dei cap. 1. dicit. Maiorem esse sublimitatem, & amplitudinem sacrae scripturae, quam sit omnis humani ingenij capacitas. Superant namque sacrae scripturae omnes alias scripturas antiquitate, quia omnium Gentium scriptores fuerunt Moyses posteriores. Superant veritate, quia Deum habent auctorem, qui omniscius est, & errare, fallique nullatenus potest. Superant certitudine, quia confirmatae sunt innumerabili fidelium multitudine. Superant spirituali fructu, & occultae virtute ad exaltandum hominis ingenium. Vnde Origenes hom. 10. in Iosue. dicit, quod sacra scripturae habent tacitam virtutem ut pellant, ac fugant malignos spiritus, praesertim attenta psalmodum recitatio. Idem tradit Marcellus Scitiora ex prato spirituali cap. 152. & Abbas Nilus in suis sententijs.

118 Quaeres 2. quot habeat versiones sacra scriptura? Resp. quod habet sequentes. I. Est versio in linguam Graecam, quae facta fuit per septuaginta duos viros Iudaeos in vtraque lingua peritissimos, rogante Ptolemaeo Philadelphio, annis ducentis octoginta ante aduentum Christi D. N. de quibus interpretibus hoc memoriae proditum est, singulos in singulis cellulis a se inuicem fe-

paratos, omnes libros Veteris Testamenti, in Græcam linguam vertisse: & postea, collatione mutuo facta, nihil penitus inter se dissentientes scripsisse, reperiuntur. Quod manifestum iudicium facit, ab uno, eodemque spiritu Dei singulos affatos, atque directos, versionem istam elaborasse. Baron. *10. 2. Anno Christi 131.* Addens, quod post Christi D. aduentum hæc versio fuit deprauata, & ab Origene primò, deinde à Luciano, tandem ab Hefychio, emendata fuit; hinc in Ecclesiâ datur triplex 70. interpretum versio. II. Est versio Aquilæ, qui ex Gentili factus fuit Christianus, sed vanæ Astrologiæ deditus, cum reprehensionem Doctorum Ecclesiæ ferre non posset, defecit ad Iudeos, eorumque linguam adeptus duplicem Bibliorum versionem, utramque corruptam, posteriorem tamen fideliorē elaborauit. Baron. *10. 2. Anno Christi 137. sub fin.* III. Versio est Theodotionis, qui ex alia, atque alia hæresi discessionem faciens, tandem ad Iudeos se conuertit; à quibus circumcissus, & in lingua hæbraica eruditus, veteris testamentum ex hæbreo in Græcum conuertit, quæ versio melior fuit versione Aquilæ. Baron. *anno Christi 184. sub fin.* IV. versio est Symmachii, qui ex Christiano Ebionitarum hæresim amplexus, duplicem veteris testamenti interpretationem ex hæbreo in linguam Græcam elaborauit. Baron. *an. 203.* V. est auctoris incerti, quam Origenes studiosissimus sacrarum scripturarum indagator inuenit in ciuitate Hierico in dolo occultatam, eamque cæteris adiunxit. Baron. *ann. 219. in prin.* VI. est alterius auctoris incerti, quam inuenit idem Origenes Nicopoli apud Actium, in dolijs inclusam. Baron. *anno Christi 230. in fin.* Origenes ipse pro suo amore, ac reuerentia in sacram scripturam varias habuit versiones ex hæbreo in Græcum, ut altera per alteram explicaretur, & sic prima 70. interpretum à Iudeis, vel hæreticis corrumperetur, ex alijs posset emendari. Vade primò coniunxit quatuor versiones toti-

dem columnis eas in singulis paginis libri distinguens, scilicet septuaginta, Aquilæ, Theodotionis, & Symmachii, & libro imposuit nomen Tetrapla, id est quatuor versionum. Postea addidit duas proprias versiones per. 6. columnas cum alijs distinctas, & hoc volumen vocauit Hexapla. Deinde per alias duas columnas addidit duos textus hæbraicos, & volumen vocauit Octapla eo quod octo columnis esset distinctum, Baron. *d. 10. 2. Anno 231. & alij.*

119 Postea additæ sunt versiones Latinæ. Versiones veteris testamenti ex Græca interpretatione 70. in linguam latinam, primis Ecclesiæ temporibus plures fuerunt, præcipua tamen ea fuit, quæ Itala, seu Romana appellabatur; deinde accessit versio D. Hieronymi ex hæbreo, & Græco. Ut translatio Romana diceretur, verus, & D. Hieronymi, noua. Verum cum temporum progressu orirentur contentionēs inter vires ipsidem, dum alij veterem, alij nouam præferendam putarent, Dei providentia singulari factum est, ut ex ambabus, vna fieret; quæ deinceps vulgata translatio dicta est. Baron. loco citato. Vide præfationem in nouis Biblijs ad lectorem. Hanc vulgatam ex Trident. *sess. 4. cap. 2.* sequi debemus.

120 Quæres 3. an versio vulgaris admitti debeat? Resp. quod Ecclesiâ non profus prohibet versionem vulgatam, cum eius vsus possit esse aliquibus necessarius, ut Parochis simplicioribus ad erudiendos suos vulgares subditos. Verum primò curandum est, ut versio sit vera, recta, Ecclesiæque iudicio approbata; deinde vt legere volens, si Clericus sit, facultatem habeat ab Episcopo, & si Regularis à suo Prelato, aut confessario docto, qui possint discernere an sit expediens quod facultatem petens, legat; non enim consilium est, ut quibuslibet liberum sit sacram Bibliam vulgarem legere, ex 4. *Indicis regulæ lib. prohib.*

121 Quæres 4. quare Deus voluit, quod sacra scriptura esset intellectu diffi-

fici-


fielis, tamen verba sine quandoque simplicia. Resp. ob sequentes rationes. I. vt seruaretur eiusdem sacre scripturæ dignitas, & auctoritas, ne facilitate intelligentiæ vilesceret legentibus. II. Vt hominum ingenia excitarentur, ad perscrutanda mysteria diuina, quæ in eadem sacra scriptura continentur; & sic paulatim ad clariorem Dei noticiam peruenirent. Sic enim composita sunt hominum ingenia; vt recondita magis desiderata, ardentius inquirent, & inuenta suauius gustent. III. Vt superba hominum ingenia, perquirendæ veritatis caelestis labore comprimerentur; suamque in iisdem intelligendis inscientiam agnoscentes, dicerent cum illo Eunucho Aethiope, *act. 8. Et quomodo possumus hac intelligere, nisi aliquis ostenderit nobis*; IV. Vt seruaretur ordo in Ecclesia, dum alij docent, alij discunt.

122 Quæres 5. quam poenam mereantur, qui verba sacre scripturæ ad iocos, & ludricia adducunt? Resp. hæc statui in Concil. Trid. *sess. 4. sub fin.* vbi sic legitur. *Post hæc temeritatem illam reprimere volens, qua ad prophana qua-*

que conuertuntur, & torquentur verba, & sententia sacra scriptura, ad scurrilia scilicet, fabulosa, vana, adulationes, detractiones, superstitiones, impias, & diabolicas incantationes, diuina nonet, sortes, libellos etiam famosi: mandat, & præcipit ad tollendam huiusmodi irreuerentiam, & contemptum, ne de cætero quisquam, quomodo libet verba scriptura sacra ad hæc, & similia audeat usurpare; vt omnes huius generis homines, temeratores, & violatores verbi Dei, iuris, & arbitrij penis per Episcopos coercantur. Sic eoloci Concilium.

123 Quæres 6. ex quo ex dictis supra sacre scripturæ sensibus Theologus valida desumere debet argumenta contra hæreticos, infideles, aliosque? Resp. quod ex literali tantum, & nunquam ex sensibus spiritalibus, nisi quando illi sunt, vel per Christum D. vel per Apostolos explicati, aut per Ecclesiam approbati tanquam de fide, sic post D. August. Hieron. & Tho. quos citat, tenet Ylambertus, *de Deo, & attribut. disp. ult. art. 1. ad fin.* Et N. Incognitus in *psal. 1.*

DISPUTATIO II. DE DEI EXISTENTIA IN QVÆST. II. D. THOMÆ.

1  RÆCEDENTI disput. explicuimus cum D. Thoma sacre Theologiæ prolegomena, nunc cum eodē incipimus agere de eiusdem sacre Theologiæ obiecto, qui est Deus, modo præced. disput. explicato. Incipit autem D. Thomas agere de Deo, non de creaturis notioribus, ex quibus ad Deum ascendimus, iuxta illud Apost. Rom. 1. *Inuisibilis enim*

ipsum à creatura mundi, per ea, que facta sunt intellecta, conspiciuntur; sempiterna quoque eius virtus, & diuinitas. Quia in traditione doctrinæ de prioribus prius determinandum est, siue processus sit per viam ascensus, vt per rationem naturalem, siue per viam descensus, vt per principia revelata, licet quoad eorum notitiam acquirendam à notioribus inchoetur. Verum vt ea quæ tradit S. Doctor de Dei existentia tota q. 2. habeantur, sit.

DVBIUM I.

An Deum esse, sit per se notum.

Hoc dubium sic resoluit S. Doctor art. 1. q. 2. *Contingit aliquid esse per se notum dupliciter, uno modo secundum se, & non quoad nos. Alio modo secundum se, & quoad nos. Ex hoc enim aliqua propositio est per se nota, quod predicatum includitur in ratione subiecti, ut homo est animal, nam animal est de ratione hominis. Si igitur notum sit omnibus de predicato, & de subiecto quid sit, propositio illa erit omnibus per se nota; sicut patet in primis demonstrationum principijs, quorum termini sunt quedam communia, quae nullus ignorat, ut ens, & non ens, totum, & pars, & similia. Si autem apud aliquos notum non sit de predicato, & subiecto quid sit, propositio quidem, quantum in se est, erit per se nota, non tamen apud illos, qui predicatum, & subiectum propositionis ignorans. Et ideo contingit, ut dicit Boetius in lib. de hebdomada, quod quedam sunt communes animi conceptiones, & per se nota, apud sapientes tantum, ut incorporalia in loco non esse. Dico ergo, quod haec propositio Deus est, quantum in se est, per se nota est; quia predicatum est idem cum subiecto. Deus enim est suum esse, ut infra patebit. Sed quia nos non scimus de Deo quid est, non est nobis per se nota, sed indiget demonstrari per ea, quae sunt magis nota quoad nos, & minus nota quoad naturam, subiecto per effectus. Vbi habes clarissime, & profundissime probatum, quod haec propositio Deus est, est per se nota quoad se, quia predicatum, est de ratione subiecti, cum sit idem cum subiecto, cum ipsum esse, sit de ratione Dei. Non tamen est per se nota nobis, quia nescimus quid est Dei, seu quod esse Dei, sit ipsa essentia, seu quidditas Dei, ac proinde indiget demonstrari per effectus nobis notos.*

3 Pro clariori intellectu, nota 1. quod illa propositio dicitur per se nota, quae terminis explicatis, seu obiectiue

cognitis, apta, nata est cognosci; vel illa propositio dicitur per se nota, quae adeo claram praefert veritatem, ut cognita essentia praedicati, & subiecti, intellectus statim ei prebet assensum. Vnde ad hoc ut aliqua propositio dicatur per se nota, duae conditiones requiruntur. Una est, ut cognitis terminis, illius veritas cognoscatur. Altera, quod nullum detur medium rei per quod deueniamus à priori in cognitionem coniunctionis praedicati cum subiecto; quia veritas propositionis per se notae est independens à quacunque alia priori veritate, & sic idem est propositionem esse per se notam, ac esse immediatam, quam Aristoteles vocat dignitatem, sic enim factus 1. poster. cap. 3. *Propositio immediata, quae est dignitas, illa est, quam in mente, docendum quemlibet sine doctore, necesse est habere.* Per quod manet exploris. Molina hoc loco art. 1. s. addebamus etiam; quatenus negat distinctionem propositionis per se notae secundum se, & quoad nos, si sermo sit de propositionibus vocalibus, & mentalibus, ut significantes; bene tamen loquendo de rebus ipsis significatis; vnde concludit quod D. Thomas improprie loquutus fuit, dum eam distinctionem posuit. Sed non bene loquitur Molina; nam non solum dantur propositiones per se notae fundamentaliter, seu quoad res significatas tum quoad se, tum quoad nos; verum etiam dantur propositiones ipse notae quoad se, & quoad nos, ut constat ex traditis ex Aristotele, & ex communi consensu Dialecticorum, Philosophorum, & Theologorum, maxime exppositorum D. Thomae hoc loco.

4 Verum ut Molinae dicti falsitas appareat: Sic contra illud breuiter arguo. Nam negari non potest, quin detur propositio cuius praedicatum est de ratione subiecti, ut non habeat medium per quod à priori demonstretur, & quin detur propositio cuius praedicatum est de ratione subiecti, & habet medium, per quod probetur conuenire subiecto; seu & in idem recidit, negari non potest.

test, quin detur propositio immediata, & mediata; quæ caret medio, & habet medium; sed propositio cuius prædicatum convenit subiecto, seu cuius prædicatum est de ratione subiecti, est per se nota secundum se, vel etiam nobis, si hoc nobis innotescat, & propositio cuius prædicatum non est de ratione subiecti non est per se nota; ergo. Minor nota, est, nil enim est aliud propositionem esse per se notam, nisi quod prædicatum est de ratione subiecti, vel nisi propositionem carere medio per quod prædicatum demonstratur convenire subiecto; vel nisi propositionem esse immediatam.

5. Constat 1. quoniam negari non potest quin sint aliquæ propositiones quibus necessario assentimur sine aliquo priori assensu ab ipsa propositione requisito, licet ex nostra ignorantia aliquis prior assensus quandoque ponatur: & aliquæ sunt propositiones quibus assentimur sine priori assensu, qui nec requiratur ex ipsa propositionis natura, neque ex parte nostri; quia nobis complexio propositionis clara est. Sed hoc aliud est, nisi esse propositiones per se notas secundum se, & esse propositiones per se notas, & secundum se, & nobis, vel nobis tantum; ergo. Minor constat. Maior ostenditur. Nam propositio in qua definitio prædicatur de definito, cum careat medio per quod prædicatum probetur de subiecto, est talis naturæ ut illi assentiamur sine priori assensu ex parte propositionis requisito, licet aliunde ex nostra ignorantia prærequiratur quandoque, & quandoque non requiratur quando termini sunt ex se clari. Sunt enim termini quandoque ita noti, quod præcedens assensus non requiratur, & quandoque non sunt ita noti, quod præcedens assensus requiritur. Confirmatur 2. quia negari non potest, quin eadem propositio ab uno concipiatur distinctè, & ab alio indistinctè, & confusè, ac proinde eadem propositio potest vni esse nota, & alteri ignota, donec illi declarentur termini vel per discursum per effectus ipse in-

claram propositionis cognitionem deueniat.

6. Nota 2. ex dictis, quod propositio per se nota est duplex, alia est per se nota secundum se tantum, alia est per se nota secundum se, & quoad nos simul. Propositio nota secundum se tantum, est illa, quæ, ut dictum est, est cognoscibilis per suos terminos, ut nullum habeat medium per quod eius veritas probetur, seu à quo rei veritas dependeat, licet habere possit medium, quod vocant cognitionis, per quod à nobis cognoscatur, ut æternitas per eius immutabilitatem. Propositio nota secundum se, & quoad nos, est illa, quæ caret medio rei, tum medio cognitionis, & constat cuius cognoscendi terminos; ut est hæc; *Omne totum est maior sua parte.*

7. His positis sit prima conclusio. *Tā hæc propositio Deus est, quam eius significatio, scilicet Deus existit, est per se notum secundum se.* Prima huius conclusionis pars nota est ex secunda; propositio namque dicitur vera, vel falsa ex eo quod res est, vel non est. Vnde utrumque simul probari potest. Nam illud est per se notum secundum se, cuius termini ex se, & ex natura sua sunt cognoscibiles absque alio medio rei, licet ex parte nostri requiratur medium rationis, sed Deum existere est maxime cognoscibile; ergo est per se notum secundum se. Maior nota est ex dictis. Minorem proba, quia illud est maxime cognoscibile, quod est maxime immateriale: immaterialitas namque est ratio cognoscibilitatis, unde quantum magis aliquid est immateriale, tantum magis est cognoscibile; sed Deus, cuiusque existentia est maxime immaterialis, ergo est maxime cognoscibilis.

8. Constat præcedens ratio, quia Deus, cuiusque existentia caret omni medio quo vniatur, & connectantur; ergo Deum existere erit per se notum. Antecedens constat, quia existentia Dei est de intrinseco conceptu diuinæ essentia, ut colligitur ex illo Exod. 3: *Ego sum qui sum; & in hoc distinguuntur essentia diuina à creatura, quod essentia diuina in-*

includit in suo conceptu existentiam; non creata; unde respectu Dei idem est Deum esse, seu habere essentiam, ac existere, non sic respectu creaturæ.

9 Secunda conclusio *Deum esse, non est per se notum quoad nos*. Probatur conclusio, quoniam ad hoc ut aliquid, vel aliqua propositio sit nota quoad nos, duo requiruntur. Vnum, quod eius veritas habeatur ex sola, & simplici terminorum cognitione. Alterum, quod careat tum medio rei, tum medio cognitionis; sed hæc propositio *Deus est*, seu quod *Deus existat*, non cognoscitur ex sola, & simplici terminorum cognitione; ergo non est nota quoad nos. Minor probatur, quia multi negarunt Deum esse, quod signum evidens est, hanc propositionem non esse evidentem quoad nos. Tum quia hæc propositio non caret medio, quia probari potest ex effectibus per demonstrationem à posteriori ut articulo 2. ostendit D. Thomas.

10 Confirmatur præcedens argumentum, quia id nequit esse notum quoad nos, quod nec quidditatiue, nec per propriam speciem cognoscitur; sed Deus à nobis non cognoscitur per hoc statum nec quidditatiue, nec per propriam speciem; ergo Deum esse non est notum quoad nos. Minor nota est, quia Deus solum quidditatiue, & per propriam speciem cognoscitur in patria, & in hac vita solum cognoscitur quoad an est; vel ad summum quidditatiue imperfecte, & quasi arguitiue, in speciebus quidditatum materialium. Maior probatur, quia quod cognoscitur solum in aliena specie, non potest esse notum quoad nos, cum non cognoscatur in se, sed in alio prius cognito, ac proinde in medio, seu per medium rei, vel cognitionis; item quod non cognoscitur quidditatiue, non potest esse notum quoad nos, cum eius quidditas non cognoscatur.

11 Sed dices, quia ista propositio *quodlibet est, vel non est*, est nota secundum se, & quoad nos, & tamen non cognoscitur quidditatiue; ergo ad hoc ut hæc propositio *Deus est*, sit nota quoad

nos, non est necesse, quod cognoscatur quidditatiue. Minor constat, quia ens, quod est materia dictæ propositionis non cognoscitur quidditatiue saltem distincte, licet cognosci possit quidditatiue confusè, & indistincte. Deinde ens nec habet propriam speciem, nec cognoscitur immediate, sed per speciem representantem materiale. Resp. concedendo maiorem, & negando minorem, ens enim quod est subiectum dictæ propositionis cognoscitur quidditatiue, eo modo quo cognoscibile est; cum enim ens non habet quidditatem nisi confusam, & indistinctam; non nisi hoc modo cognoscibile est. In dicta autem propositione, non nuda entis quidditas importatur, sed per ordinem ad existentiam, quæ nobis notissima est, ac proinde ea entis quidditas sit nobis nota, & manifesta, & ex confusa transit in claram, ratione existentie nobis notissimæ; notum namque nobis est, quod quodlibet est, vel non est. At si loquamur de Deo, nec eius quidditas, nec eius existentia nobis nota est, cum transcendat quamcumque creatam intelligentiam; Ad illud, quod ens non cognoscatur per speciem propriam, dico, quod quilibet species quidditatis materialis, est etiam propria quidditatis entis, licet immediatius, seu prius, via perfectionis, species representet quidditatem materiale, & deinde rationem entis, & via imperfectionis rationem entis; ac proinde ens eo modo quo representari potest, & cognosci, representatur, & cognoscitur. Dici etiam potest, quod ens in dicta propositione, non stat pro conceptu confuso entis, sed pro ente indeterminato, contracto tamen per existentiam, seu prout reperitur à parte rei extra causas, & de hoc verificatur quod est, vel non est. Soluuntur argumenta in contrarium.

12 Primum argumentum est, quia nulla res, nullæque propositio potest dici nota, nisi in ordine ad nos; ergo omnis propositio nota secundum se, est etiam nota secundum nos, ac subinde si Deum esse est

est notum secundum se, erit etiam notum quoad nos. Antecedens constat, quia nihil dicitur notum, nisi per ordinem ad solentem, seu nisi quia cognosci potest. Resp. concedendo antecedens, & negando consequ. aliud namque est esse notum in ordine ad nos, aliud esse notum quoad nos. Esse notum in ordine ad nos, est esse notum per ordinem ad nostrum intellectum à quo cognosci potest, quod etiam convenit propositioni, quam diximus esse notam secundum se, non quia hoc non habeat per ordinem ad nostrum intellectum, sed quia quantum est ex suis principiis intrinsecis nihil requiritur ut cognoscatur, licet aliunde requiratur aliquid ex parte intellectus eam non perfecte penetrantis.

13 Secundum argumentum est, quia propositiones negativæ, in quibus vnum negatur de alio sunt notæ secundum se, ut homo non est Leo: homo non est lapis, & tamen exigunt priores assensus de quidditatibus eorum, contra id, quod supra dicebamus; ergo, &c. Minorem probō, quia prius est rem esse, quam ab alia distingui, ergo assensum distinctionis, supponit assensum essentiae, seu supponit assensum quidditatis rei; prius namque intelligimus hominem esse, seu hominis quidditatem, quam hominem non esse Leonem, seu distingui à Leone. Responderetur concedendo maiorem, & negando minorem. Ad probationem negatur antecedens, quia in quacunque re illud ipsum quod constituit rem in sua essentia, aut quidditate, facit etiam eam distinguere à quacunque alia; iuxta illud commune proloquium: *idem est constitutum, & distinctum*; unde inter rem, & eius distinctionem nihil mediat; & idem est rei quidditas, definitio, essentia, & distinctio.

14 Tertium argumentum, quia hoc principium: *quodlibet est, vel non est*, est notum tum secundum se, tum quoad nos; ergo etiam erit notum quoad se, & quoad nos hoc quod est, *Deum esse*. Antecedens est certum. Consequ.

probatur, quia illud principium est notum quoad se, & quoad nos; ergo etiam quicquid sub illo principio continetur; sed *Deum esse* continetur sub illo principio; ergo *Deum esse* erit notum quoad se, & quoad nos. Resp. concedendo antecedens, & negando consequentiam. Ad probationem conceditur antecedens, & negando consequentia, & negatur minor subsumpta, nam sub illo principio non continetur *Deum esse*, sed hæc distinctiva: *Deus est, vel non est*; cum enim principium illud sit distinctivum, etiam contenta sub illo debent accipi distinctivè, ex hoc autem quod distinctivè notum sit, quod Deus sit, vel non sit, non sequitur esse notum quoad nos, quod determinatè Deus sit.

15 Quartum argumentum, quia hæc propositio: *Deus est colendus* est nota etiam quoad nos; ergo etiam ista: *Deus est*. Antecedens est certum, quia hæc propositio *Deus est colendus*, est principium practicum circa ultimum finem, à quo omnia alia dependunt, ab ultimo namque fine, seu à cognitione ultimi finis omnis ratio agendorum dependet. Consequentia ostenditur, quia hoc quod est *Deum esse colendum*, supponit *Deum esse*; ergo si *Deum esse colendum* est per se notum etiam quoad nos, eodem modo erit per se notum *Deum esse*. Resp. cum Bannes hoc loco in solutione primi argumenti, concedendo antecedens, & negando consequentiam. Potest enim aliquid esse per se notum etiam quoad nos practicè, & non esse speculativè, ut videre est in hac propositione: *Parentes sunt honorandi*, est nota practicè etiam quoad nos; non tamen speculativè, quia quoniam sint parentes, quis ignorare potest.

16 Quintum argumentum, quoniam cunctæ nationes compellant Deum nomine quatuor litterarum, ut plures advertunt; nam latinè vocatur *Deus*, Magi, Persæ, & Syri Deum vocant *Oris*, Aegyptij, Teuti Arabes, Alfa, & sic aliarum nationes, quod ideo factum est, ut observant Platonici, ut intelligatur qua-

triplex Dei perfectio, scilicet in essentia, in esse, in virtute, in operatione; & sic cum nulla sit ratio quare Deum aliquem non agnoscat, ut observat Tullius 1. de natura deorum. Sequitur, quod Deus sit notus etiam quoad nos. Quocirca videmus, quod in repentinis Deum inuocamus. Resp. quod ex hoc quod omnes nationes Deum inuocent, & recognoscent, non sequitur, quod sit notum quoad nos Deum esse, sed solum per discursum. Vnde dicta excellentia solum per discursum cognoscuntur. Deinde omnes Deum inuocant etiam in repentinis, quia à pueritia hoc discimus, quare autem à pueritia discuntur, firmiter tenentur, ut notat S. Thom. 1. contra Gent. cap. 11.

17 Sextum argum. nam homo quando pervenit ad vsum rationis tenetur se convertere in Deum, ut tradit D. Tho. 1. 2. q. 89. art. 6. ergo debet tunc Deus cognosci; non teneretur autem, si Deus non cognosceretur; nec tunc cognosci potest per discursum, cum sit primum instans usus rationis; ergo, &c. Resp. quod per instantum dicitur teneri se convertere in Deum, in quantum tenetur se referre in bonum tunc cognitum per synderesim, & sic propositum, quod nihil aliud est nisi bonum virtutis, in quo virtualiter continetur Deus; de quo suo loco.

18 Septimum argum. Nam notum est dari aliquam veritatem secundam; ergo notum est dari veritatem primam; nullus namque est, qui neget dari omnem veritatem, & si negaret, adhuc convinceretur; nam vel tunc diceret verum, vel falsum; si verum, habemus intentum; si falsum etiam habemus intentum, quia falsum opponitur vero. Resp. quod licet sit per se notum dari aliquam veritatem, non tamen est per se notum, quod detur prima veritas, ut ex dictis liquet.

D V B I U M II.

An Deus sit primum cognitum, ubi alia curiosa.

19 **H**oc dubium iam fere manet solutum ex dictis dubio precedenti, si enim Deum esse, non est notum nobis, seu quoad nos, sed solum secundum se, non potest esse primum cognitum respectu nostri, tamen quia aliqua non levia à parte aduersa obijciuntur nobis, placet illud in particulari proponere.

20 Prima sententia tenet Deum esse primum cognitum, quippe primum consentaneum nostro intellectui. Hanc sententiam sequitur Henricus in summa art. 21. q. 2. & art. 24. q. 7. Noster Baconius, quem tanquam antesignanum, & ducem sequitur nostra Camelitana Religio, in 1. dist. 3. q. 1. art. 3. & 4. & sequi debent illi, qui docent Deum esse per se notum secundum nos. Huius sententia argumenta postea referemus, & soluemus.

21 Nostra sententia sequenti conclusionem explicatur. Deus non est primum cognitum respectu nostri, seu respectu nostri intellectus pro hoc statu. In hac sententia conveniunt D. Thomas in 1. dist. 3. q. 1. art. 3. & Scotus ibid. q. 2. quibus addo ex antiquis Ocam ead. d. q. 5. Aureolum dist. 2. art. 2. Gherard. disp. 3. art. 1. Pro intellectu huius conclusionis adverte, eam non procedere de primo cognito via perfectionis, cum certum sit Deum hoc modo esse primum cognitum, cum sit omnium cognitorum perfectissimum. Neque procedit de primo cognito via causalitatis, cum etiam certum sit Deum esse primum cognitum via causalitatis, cum sit prima omnium causa; movens, & non mota, cum sit causa causarum, cuius causalitatem nihil subterfugere potest, non tam in esse reali, quam in esse intentionali, influendo in omnes cognitiones. Neque procedit de primo cognito primatibus adz.

adequationis, cum certum sit Deum non esse obiectum adequatum, & specificationem nostri intellectus, cum hoc fit ens in tota sua latitudine, neque potest esse obiectum proportionatum pro hoc statu, cum hoc obiectum sit quidditas materialis, ut cum D. Tho. ostendunt N. Complut. de anima. Sed procedit solum de primo cognito obiectivè, quod scilicet Deus non sit primum, quod nostro intellectui obijciatur, seu primum quod nostro intellectui occurrit.

22 Conclusio sic explicata probatur; nam noster intellectus pro hoc statu est immersus in materia; ergo primum cognitum illius debet esse quid materiale, sed Deus est omnino separatus à materia, ergo non potest esse primum cognitum nostri intellectus. Antecedens est certum, cum enim intellectus sit in anima, & anima nostra pro hoc statu sit in materia, etiam intellectus debet esse in materia. Bene verum est, quod cum non sit affixus organo corporeo habet operationes aliquo modo elevatas supra materiam; quidditas namque materialis, quæ est obiectum proportionatum intellectus pro hoc statu est aliquo modo separata à materia, cum sit abstracta à conditionibus materialibus, seu individuantibus. Consequencia notanda est, quia obiectum debet proportionari potentie, ac proinde cum intellectus sit aliquo modo in materia, licet non affixus organo materiali, etiam obiectum illius debet esse tale. Minor subsumpta constat, Deus namque est obiectum maximum materiale, & ab omni materia physica, tum metaphysica, remotum, ac proinde nequibus esse primum cognitum.

1723. Confirmatur, quia ut docet S. Doctor 2. contr. Gent. cap. 4. & colligitur ex illo Apost. Invisibilia Dei per ea, quæ facta sunt, intellectu conspiciuntur. Via naturalis procedimus à creaturis ad creatorem, à rebus creatis ad Deum, licet via fidei è contra procedatur, scilicet à Deo ad creaturas; ergo via naturali Deus non est primum cognitum. Nec

dicat saltem via fidei esse primum cognitum, quia via fidei supponit viam naturalem.

24 Occurrunt Baconius, & Henric. quod aliquid dupliciter cognosci potest. Vno modo perceptibiliter, altero modo imperceptibiliter. Primo modo cognoscitur creatura, & à creatura ascendimus ad creatorem. Secundo modo cognoscitur primò Deus, & à Deo descendimus ad creaturas. Alij sic dicunt, quod primum cognitum negativè est Deus, positivè est creatura; intellectus autem incipit à privatione, ut scilicet obiectum non sit hoc, aut illud. Alij etiam sic occurrunt, quod primum cognitum est Deus, licet intellectus putet se concipere creaturam. Verum omnia ista facile reiciuntur, quia noster intellectus non cognoscit aliquid esse imperceptibile, nisi per discursum, quod enim primò obijciatur, non obijciatur ut imperceptibile, sed ut perceptibile, cum obijciatur ut quidditas materialis, quæ est obiectum proportionatum intellectus. Nec verum est, quod intellectus incipiat à negatione, vel privatione, quia omnis negatio, vel privatio supponit formam quæ privatur, aut negatur; item negatio supponit affirmationem. Nec est dicendum, quod intellectus in sua prima operatione, & respectu sui primi cogniti decipiat, putans esse creaturam, cum sit Creator.

24 Vtcrius confirmari potest nostra sententia. Quoniam noster intellectus nihil cognoscere potest, nisi per speciem ipsum representantem, sed in hac vita nulla datur species, quæ Deum immediate representet; ergo Deus nequibus esse primum cognitum. Maior nota est. Minor ostenditur, quia nequit assignari vnde proveniat hæc species representativa Dei, cum certum sit, quod omnis species pro hoc statu ab obiecto creato, & sensibili desumitur, & nulla producat ab obiecto insensibili, & spiritali, ut utroque species non transirent ad intellectum per sensus, & frustra daretur intellectus agens de nudis

species à conditionibus materialibus, & indiuiduantibus.

25 Obijcies 1. quia illud est primum cognitum, quod est vniuersalissimum, & indeterminatissimum, ex Arist. 1. *Phys.* 4. Sed Deus est huiusmodi; ergo Deus est primum cognitum. Maior non solum est Aristotelis loco citato, verum etiam ipsa experientia docetur; dum enim videmus aliquid à longè, prius cognoscimus quod est ens, vel aliquid, deinde quod est animal; si moueri videatur, postea, quod est homo; demum quod est talis homo v.g. Petrus. Minor ostenditur, nam cum Deus sit infinitus, & immensus, debet esse vniuersalissimus, & omnis determinationis expertus, cum careat omni termino. Resp. distinguendo maiorem: primum cognitum debet esse vniuersalissimum, & indeterminatissimum in prædicando & conceditur; in essendo & negatur. Deus autem est vniuersalissimus in essendo, non tamen in prædicando. Est autem differentia inter vniuersale in essendo, & in prædicando, quod vniuersale in essendo non excludit singularitatem, sed illam dicit, & includit, & ab ea separari non potest, neque per nostrum intellectum cum fundamento in re, & hac vniuersalitate in essendo solus Deus gaudet. Verum vniuersale in prædicando excludit singularitatem à qua postea contrahitur. Differunt etiam vniuersale in essendo, & in prædicando, quod vniuersale in essendo dicit, & exprimit infinitam perfectionem. At vniuersale in prædicando dicit imperfectionem, cum enim vniuersale excludat differentias si est genus, quæ differentiarum maximam dicant perfectionem cum sint formæ, & constitutiuæ rerum; vel excludat singularitatem, si est species, quæ etiam perfectio est, sequitur, quod vniuersale in prædicando dicat imperfectionem, ac proinde nequit conuenire Deo. Quod autem primum cognitum nostri intellectus nequeat esse vniuersale in essendo, sed in prædicando, constat, nam obiectum nostri intellectus est quidditas à

singularitate separata, quæ non potest esse vniuersale in essendo, sed in prædicando tantum. Aristoteles autem in argum. citatus loquitur de vniuersali in prædicando, non in essendo, cum velit, quod nostro intellectui prius occurrat ratio vniuersalis, quam particularis, seu singularis, vt ex exemplo ab ipso adducto constat; dicit enim. *Pueri primum omnes viros patres appellant, & matres feminas: posteriorem autem determinant bonum virumque.*

26 Obijciunt 2. quoniam in quolibet obiecto creato prius confusè agnoscitur ratio entis generalissima, sed in hac cognoscitur Deus; ergo. Resp. dato, quod prius cognoscat ratio generalissima entis, quam talis entis; adhuc non sequitur, quod Deus sit primum cognitum, quia primum cognitum erit illa ratio generalissima entis, in qua Deus cognoscitur, non Deus ipse. Deinde non est verum, quod in illa ratione generalissima entis, Deus immediate cognoscatur, licet cognosci possit mediâtè, & arguitur; ea namque ratio entis non potest esse species representans Deum, cū non possit non esse ratio entis, seu quidditatis materialis, vt ex dictis constat. An autem illa ratio sit primum cognitum postea dicetur.

27 Obijciunt 3. quia *unumquodque sicut se habet ad esse, ita ad cognosci*, Arist. 2. *metaph.* 10. 4. Sed Deus est primum esse, seu primum, quod se habet ad esse; ergo etiam erit primum, quod se habebit ad cognosci, ac proinde erit primum cognitum, sicuti est primum ens. Resp. distinguendo maiorem: vnum quodque sicut se habet ad esse, ita se habet ad cognosci, quoad cognoscibilitatem secundum se, & conceditur, quoad cognoscibilitatem secundum nos; & negatur. Cognoscibilitas namque secundum se, sequitur esse, non cognoscibilitas secundum nos; nam hæc nos sequitur, nostrumque imperfectum modum cognoscendi.

28 Obijciunt 4. quia nulla creatura perfectè cognoscitur, nisi perfectè cognos-

gnoscatur Deus; ergo nulla creatura potest esse perfectè cognita, nisi prius, perfectiusque cognoscatur Deus, ac proinde Deus erit primum cognitum. Antecedens in quo est difficultas ostenditur, quia creatura dicit ordinem, & dependentiam ad Creatorem, id autem, quod ab alio dependet, seu quod per ordinem ad aliud constituitur, simpliciter, & perfectè cognosci non potest, non cognitio eo per ordinem ad quod constituitur. Resp. quod si creatura capiatur ut talis, non potest perfectè cognosci non cognito Deo, non quidem perfectè quidditatiuè, & in se ipsa, sed quoad an est, & prout est causa illius; at hoc modo Deus non est primum cognitum, cum non nisi ex creatura cognoscatur, tanquam ex effectû. Deinde creatura eo modo cognita, non est primum cognitum, sed prout est nota in se ipsa; nec ex hoc, quod creatura sit nota in se ipsa sequitur cognitio Dei nota. Vnde Angelus in statu viæ perfectè cognouit se ipsum, non tamen perfectè, & quidditatiuè cognouit Deum.

29 Sed quæres 1. an primum cognitum sit ratio generalissima entis, an gradus atomus, an beccitas? Resp. quod primum cognitum nostri intellectus viâ perfectionis, est gradus atomus, & specificus, qui relucet in specie à conditionibus indiuiduantibus, denudata; tum quia hæc est quidditas materialis, quæ primò, & perfectè relucet in specie. At si loquamur viâ imperfectionis, & inquisitionis, primum cognitum est ratio generalis entis materialis; intellectus namque noster viâ inquisitionis, & imperfectionis incipit à notioribus, & vniuersalioribus, & paulatim descendit ad minus vniuersalia, magisque recondita. Singularia autem nulla viâ possunt esse primû cognitum, cum non cognoscantur nisi vel per speciem representantem quidditatem materialem prout est illa intellectus conuertitur ad phanasmata; vel nisi per speciem propriam producta ex illa cognitione conuersua ad phanasmata, de quibus videri possunt N. Complut. de anima.

30 Quæres 2. quodnam sit primum cognitum animæ separatæ, & Angelorum? Resp. quod primum cognitum, tam animæ separatæ, quam Angelorum, est cognitio sui ipsorum; anima namque separata in primo suæ separationis instanti cognoscit intuitiue se ipsam, hoc enim est obiectum primò sibi occurrens, sibi proportionatum, & conueniens. Pariformiter Angeli in primo suæ creationis instanti, intuitiue suam essentiam cognouerunt, hæc enim est obiectum proportionatum, & primum, quod intellectibus eorum occurrit cum essentia Angelo fungatur officio speciei respectu proprii intellectus, & sit sibi intimè præsens, intimèque vnita, ut in tractatu de Angelis dicitur.

31 Quæres 3. an Deus sit primum cognitum; seu per se notus quoad sapientes? Affirmant Aegidius Romanus antesignanus Illustrissimæ scholæ Augustinianorum, in 1. dist. 3. q. 2. et Argen-
tina *ibid.* q. 1. art. 3. Gherard. *ibid.* art. 3. & alij. Communis tamen sententia negat cum D. Tho. *hæc q. 2. art. 1.* quatenus absolutè tenet, quod hæc propositio *Deus est*, nulli est per se nota, si autem esset per se nota quoad sapientes, absolutè esset per se nota. Ratio constat ex dictis dubio 1. quia nulli viatori est per se nota connexio prædicati cum subiecto huius propositionis *Deus est*; tum quia etiam sapientes cognoscunt Deum per speciem creatam, per creaturas tanquam per effectû, ac proinde per aliud.

32 Sed dices 1. quia hæc propositio: *incorporea*, seu *immaterialia non sunt in loco*, est propositio per se nota sapientibus, ut ex Boetio tradit D. Tho. *dicto ar. 1. q. 2.* & tamen incorporea nec cognoscuntur quidditatiuè, nec per propriam speciem; ergo tamen Deus à sapientibus non cognoscatur quidditatiuè, nec per propriam speciem adhuc erit illis per se notus. Respondet P. Blasius in *sua metaph. disp. 9. q. 1. S. 2. n. 4. cum seq. tripliciter*. Primò, quod cum illa propositio sit negatiua, non potest esse per se nota, quia negatiuum supponit positium,

tium, & affirmatiuum quod prius intelligitur. Secundò, quod D. Thomas affert illam propositionem ex Boetio solum in exemplum, exemplorum autè non requiritur veritas. Tertiò, quod in propositionibus negatiuis non requiratur, quod cognoscatur quidditatiuè, & perfectè, sed tantum imperfectè, ex eo, quod in propositione quidditatiua non cognoscatur quid subiecto conueniat, sed quid non conueniat, secus est in propositione affirmatiua, ac proinde hæc propositio *Deus est*, non est per se nota, ex eo, quod Deus nō cognoscatur quidditatiuè; verum ista propositio *incorporea non sunt in loco* erit per se nota sapientibus, tametsi incorporea non cognoscantur quidditatiuè ab illis. Contra hæc posset aliquis obijcere, quia ideo hæc propositio, *incorporea non sunt in loco* est per se nota, quia prædicatum remouetur à subiecto, non ob aliud nisi ex vi quidditatis subiecti, cui repugnat esse in loco, si enim remoueretur per accidens, seu per aliud, remotio non esset nota per se, sed per aliud, ergo non minus debet cognosci in propositione negatiua quidditas subiecti ex vi cuius trahitur negatiua, quam in affirmatiua, quando ex vi eius trahitur affirmatio, cum vtrumque trahatur per se ex quidditate subiecti.

33 Pro clara dicti argumenti intelligentia nota differentiam inter conceptum quidditatiuum Dei, & creaturarum, quod conceptus quidditatiuus Dei proprius, & perfectus dicit actuale exercitium existentie, at conceptus quidditatiuus creaturarum quarumcunque non dicit exercitium existentie. Existencia namque exercita, est de sola essentia. Dei, est prædicatum essentiale Dei, est eius constitutiuum; vnde hæc propositio de secundo adiacente *Deus est*, est essentialis. At existentia in creaturis prout exercita, est prædicatum accidentale; vnde hæc propositio de secundo adiacente *Petrus est*, vel *Angelus est*, est accidentalis. Hinc fit quod conceptus quidditatiuus, & essentialis Dei haberi

ut vt est, non possit, nisi eius existentia exercita cognoscatur; nequit autem existentia vt exercita cognosci nisi cognitione intuitiua, non abstractiua, quia hæc præcindit ab existentia, illa ad existentiam, seu ad rem vt existentem tendit. Ex quibus inferitur, quod loquendo de Deo quoad eius conceptum quidditatiuum perfectum, cognosci non potest, nisi intuitiue cognoscatur, ac proinde per speciem propriam, at hæc propositio *Deus est*, non potest esse nota quoad nos, cum Deum nec quidditatiuè cognoscamus in hoc statu, nec per propriam speciem. At loquendo de creaturis earum conceptus quidditatiuus haberi potest per cognitionem abstractiuam, & per speciem rei alienæ, vt in Angelis contingit respectu sapientis. Quocirca dicta propositio *incorporea non sunt in loco*, est propositio per se nota, respectu sapientis, quia est essentialis de tercio adiacente, præcindens ab existentia, & eius conceptus quidditatiuus cognoscitur per cognitionem abstractiuam, & per species rerum materialium, & facit hunc sensum, quod conceptus, seu quidditas, seu essentia rerum incorporearum fundat conceptum incommensurabilitatis ad locum circumscriptiuum, qui conceptus est per se notus sapienti, licet aliunde habeatur per species rerum materialium. Aliud namque est vnde ista cognitio, iste conceptus essentialis, & abstractiuus habeatur, seu originem ducat, & aliud est, an sit per se notus postquam à sapiente habitus est.

34 Dixi conceptum quidditatiuum perfectum Dei non cognosci nisi intuitiue, & per propriam speciem, vt significarem, quod aliquis conceptus quidditatiuus Dei haberi potest per cognitionem abstractiuam, & per species creaturarum. Sapientes namque per cognitionem abstractiuam, quam habent de Deo in hac vita, & per species creatas cognoscunt Deum esse summum ens, summum bonum, infinitum, immensum, suum esse, & alia prædicata Dei quidditatiua, ac proinde cognoscunt Dei quiddita-

ditatem imperfectè, abstractiue, & connotatiue; qua cognitione posita formare possunt propositiones essentielles abstractiue de tertio adiacente sibi per se notas. Hæc enim propositio est per se nota sapientibus *eius infinitè bonum, est infinitè appetibile.*

35 Dices 2. quia omnis propositio, cuius oppositum ne cogitari quidem potest, est per se nota; sed hæc propositio *Deus est*, est talis quoad sapientes, qui habent demonstrationem, & euidentiā illius; ergo *Deum esse*, est per se notum sapientibus. Resp. cum D. Thomas in hoc art. 1. ad 2. ubi dicit. *Dato, quod quilibet intelligat, hoc nomine Deus, significari hoc quod dicitur, scilicet illud, quo maius cogitari non potest; non tamen propter hoc sequitur, quod intelligat id, quod significatur per nomen esse in rerum natura, sed in apprehensione intellectus tantum.* Vult dicere, quod possit quidem apprehendi Deum esse summum bonum, immensum, &c. imò etiam existentem, sed in intellectu tantum, seu per cognitionem tantum abstractiui, imperfectè, secundum quid, & connotatiue; ex cognitione autem existentie abstractiue non licet descendere ad existentiam exercitam, quæ sola cognitione intuitiua habetur, ac proinde à nullo sapiente in hac vita haberi potest.

D V B I V M III.

An dari possit ignorantia inuincibilis Dei, seu de existentia Dei.

36 **S**upposito quod Deum esse non est notum quoad nos, neque respectu sapientis animum pulsat inquire an possit de Deo dari ignorantia inuincibilis, & licet hæc questio soleat pertrahari in 2. 2. in materia de fide, ratione tamen connexionis doctrinæ placet hic eam proponere, maximè cum ex dictis in duobus dubijs præcedentibus pullulet; dum enim statimus existentiam Dei non esse per se notam nobis,

in quæstionem venit, an possit esse nobis simpliciter ignota, seu an possit inuincibiliter ignorari. Ignorantia inuincibilis ea est, secundum quam in mentem non cadit veritas, sub rationabili dubio, de qua ignorantia procedit. Hoc dubium tractant etiam hoc loco aliqui expositores D. Thomæ, & N. Blausius in sua metaph. disp. 9. q. 2.

37 In duobus, vt patet, conueniunt omnes. Primum est, quod nulla detur integra ratio, Respublica, aut communitas, quæ habeat ignorantiam inuincibilem Dei; vnde Soto de iust. lib. 2. q. 4. ar. 2. dicit hoc esse de fide. Constat ex psal. 18. *Cæli enarrant gloriam Dei, & opera eius enunciant firmamentum: dies dei erubescat verbum, & nox nocti indicat scientiam, non sunt loquela, neque sermones, quorum non audiantur voces eorum.* Id est, solus cælorum aspectus sufficiens est, non solum ad arguendam Dei existentiam, verum etiam magnificentiā, & gloriam. Item Dei scientiam parit dies, succedens diei, & non succedens nocti. Item non sunt loquela, seu idioma, seu natio, quæ non percipiat voces cælorum manifestantium Deum. Hinc dicebat magnus Antonius, testè D. Athanasio in eius vita, quod *cælum erat liber idiosorum.* Tum quia nulla est lingua, seu natio; aut integra communitas, quæ ignoret multa alia minus patentia quam Deus, de quo prosequitur in eodem psal. quod *in omnem terram exiuit sonus eorum*, id est cælorum enarrantium gloriam Dei, & *in fines orbis terra verba eorum*, & quod Deus *in sole posuit tabernaculum suum*, ibi enim apparet Dei existentia, veluti in tabernaculo; nam nulla est natio, quæ ignoret bonum esse appetendum, malum fugiendum, &c. Tum etiam, quia moraliter impossibile videtur, quod ex tot, qui in vna communitate reperiuntur, nullus sit, qui videns pulcherrimam illam Solis machinam, cælos, sydera, non affurgat in cognitionem primæ causæ illorum, aut primi motoris eorundem, vel saltem qui non incipiat dubitare, an ab aliquo facta sint.

sint, nec ne; an ab aliquo regantur, nec ne, & quod ea dubitatio à perspicacioribus in quotidiano consuetu ad rudiores non transfundantur. Quod si de aliqua natione dicatur, quod nullam agnouit deitatem, vt de Brasiliensibus dicitur, dicendum est non habuisse ignorantiam inuincibilem, sed vincibilem, & crassam. Quare nulla natio habuit ignorantiam existentie deitatis, licet illam malè applicauerit, vt soli, Ioui, monti, &c.

38 Secundum in quo puto omnes conuenire est, quod dari possit ignorantia inuincibilis negatiua, seu inaduertertia negatiua inuincibilis in aliquo particulari individuo, de Dei existentia. Ratio clara est, quia dari potest infidelitas negatiua, vt cum D. Tho. tradunt Theologi 1.2. in materia de fide. Tum quia adulto ratione viiente, potest per aliquod temporis intervallum, non occurrere cogitatio de Deo etiam auctore naturæ, maxime si sit valde rudis, & sit educatus in syluis, vel si sit alijs curis ad vitam necessarijs distractus, & occupatus. Sic tenet Victoria *relect.* ad quædam tenetur, vbi sic fatetur. *Pro tempore posse habere ignorantiam inuincibilem de Deo.* &c. dicit *pro tempore*, quia moraliter est impossibile, quod quis diu habeat ignorantiam inuincibilem, etiam negatiua de Deo. Impossibile namque videtur, quod quis diu viuat, & nunquam sibi occurrat cogitatio de Deo auctore naturæ per quam tollatur dicta ignorantia inuincibilis negatiua, sicuti impossibile videtur, quod quis diu maneat in aliquo pulcherrimo palatio, omnibus numeris absoluto, & nulla sibi occurrat cogitatio de domino illius, vel de architecto, vt præclare argumentatur Eusebius lib. 7. de præparat. Euangel. cap. 2. vbi dicit. *Sicut domum sine artifice, & adificatore, ita mundum sine Deo non esse factum certum est.*

39 Tota ergo difficultas ad hoc reuocatur, an de Deo, seu de Dei existentia possit dari error, seu ignorantia inuincibilis positiua; de quo prima sententia affirmat, hanc tenere videtur Medina 1.2. q. 89. art. 6. Zumel *ibid.*

concl. 3. Trigof. *ibid.* dub. 1. ad 4. & alij. Huius sententie fundamentum posita adducetur, & soluetur.

40 Nostra sententia sequenti conclus. explicatur. *Nequit de Dei existentia dari error seu ignorantia inuincibilis positiua.* Hanc conclusionem docent communiter expositores D. Thomæ 1.2. de fide, & hoc loco, pro quo videri potest Gonzal. *disput.* 11. *concl.* 4. vbi dicit hanc esse communem inter Theologos. Probatur, quia error, aut ignorantia inuincibilis positiua requirit positium assensum ad propositionem contrariam sine rationabili dubio de opposito: sed in nullo quantumvis rudi, rustico, in syluis educato, dari potest positiuus assensus, quod non detur Deus, quod non detur prima causa, primus quidam gubernator, sine vilo dubio de opposito: ergo in nullo dari potest error, seu ignorantia inuincibilis positiua. Maior constat, ex differentia ignorantie inuincibilis negatiue, & positiue; illa namque nullum requirit assensum de opposito, ista requirit, vt omnes tradunt. Minor probatur nō vel ponitur quis ita se habere vt ei ratio occurrat ad assentiendum, quod non detur Deus, prima causa, primus gubernator, & rector; & tunc multo magis occurreret quod detur Deus, prima causa, &c. vel saltem occurreret dubium, quod detur Deus prima causa, &c. plura, imò omnia clamant, & suadent, quod Deus sit, & nihil, quod Deus non sit. Vel certe ponitur quis ita agrestis vt ei ratio non occurrat, quod Deus non sit, & tunc non habebit ignorantiam inuincibilem positiuam, sed tantum negatiuam; ergo.

41 Fundamentum primæ sententie est, quia vt supra diximus existentia Dei, non est per se nota nobis, sed vt innotescat opus est demonstratione ab effectibus desumpta; sed hæc demonstratio potest à rustico, & rudi ignorari, etiam ad longum tempus, & per totam vitam, ergo ad longum tempus, & per totam vitam potest Deus ab aliquo ignorari. Deinde tamen hæc propositio

Deus

Deus est, esset per se nota ex terminis, seu scientibus terminos; adhuc posset ignorari ab ignorantibus terminos, vt contingere posset in eo, qui in syluis esset enutritus, ille namque sicut potest ignorare plures alios terminos, ita potest ignorare istum. Resp. hoc argumentum probare solum posse dari ignorantiam inuincibilem negatiuam, non positiuam, de qua nostra procedit conclusio. Alias rationes pro conclusione ponit P. Blasius loco citato, & alia argumenta adducit, & soluit pro sententia contraria, sed ex dictis soluta manent, nec opus est aliorum laborem transcribere.

42 Sed quæres 1. an licet de Dei existentia nequeat dari error, siue ignorantia Inuincibilis vt probatum est, possit saltem dari dubium, seu dubitatio positiua inuincibilis, seu inculpabilis? De dubio positiuo procedit quæsitum; nam de negatiuo nulla est difficultas ex dictis; si enim dari potest ignorantia negatiua inuincibilis de Dei essentia, quia illa dicit negationem cognitionis Dei, quæ pro aliquo tempore esse potest, modo dicto nu. 38. ita dari potest dubium negatiuum, eo quod nullam afferat cognitionem, nec rationem, nec assensum magis pro vna parte, quam pro alia, quod pro aliquo tempore in aliquo, saltem rudi, esse potest. Verum si loquamur de dubio positiuo, quod assert vtriusque partis cognitionem, rationem, &c. Maior est difficultas, ad quam respondebunt illi, qui volunt dari posse ignorantiam positiuam inuincibilem de Deo, quod etiam dari possit dubium positiuum inuincibile. Nihilominus dicendum est, quod nullo modo dari possit dubium inuincibile positiuum de existentia Dei. Ratio clara est, quia, qui incipit dubitare positiue de hac veritate, quod Deus est, tenetur indagare veritatem, quod si faciat, dubium vincet tot creaturis pro dicta veritate clamantibus; si vero non faciat, dubium inuincibile est, & culpabile.

43 Quæres 2. an sicut dari potest

ignorantia inuincibilis negatiua de Deo expressè cognito, ita dari possit de Deo confusè, & implicitè cognito? Aliquis dicit vtrunque dari posse, eo principio ductus, quod taciti, & expressi idem sit iudicium, l. cum quid, ff. si certum petatur, l. si filius fam. ff. eod. l. item quia, ff. de pactis, l. ult. C. qui bonis credere possunt. Ergo si potest dari ignorantia inuincibilis negatiua de Deo expressè cognito, ita dari poterit de eodem confusè, & implicitè cognito. Nihilominus puto, quod nequeat dari ignorantia inuincibilis de Deo confusè, & implicitè cognito, etiam negatiua. Ratio est, quia Deus confusè, & implicitè continetur in ratione honestatis moralis, in ratione finis honesti, & rationi conformis, sed implicat, quod quis ratione vtatur, & ignoret quod debeat honestè operari, in hoc enim consistit vsus rationis, seu discretio, vt discernat bonum à malo, honestum ab inhonesto, ergo. Tum quia omnis ratione vtens appetit bonum, sed in bono implicat, & confusè continetur Deus, ergo. Nec principium adductum probat, quia procedit quando est eadem ratio taciti, & expressi, secus quando non est eadem ratio, vt contingit in nostro casu, & rationes allatæ ostendunt, & obseruat Mar. Antonin. var. resoll. 2. resoll. 57. n. 72.

D V B I U M IV.

Vtrum Deum esse sit demonstrabile.

44 **D**E hoc dubio agit S. Doctor art. 2. & 3. q. 2. In art. 2. docet, quod Deus demonstrari possit à posteriori, in 3. assert quinque demonstrationes, quibus probatur existentia Dei. Nos hunc ordinem seruabimus, primum videbimus, an Deus demonstrari possit à priori, an solum à posteriori, deinde examinabimus demonstrationes D. Thomæ, demum videbimus, an dentur aliæ, easque examinabimus, quod in diuersis §. fiet.

S. I. An Deus sit demonstrabilis à priori.

45 **P**ro intellectu difficultatis prius notandum est, quod ponit S. Doctore in art. 2. scilicet, quod duplex est demonstratio, una, quæ est per causam, & dicitur propter quid, & hæc est per priora simpliciter; alia est per effectum, & dicitur demonstratio quia; & hæc est per ea, quæ sunt priora quoad nos; cum enim effectus aliquis est nobis manifestior, quàm sua causa, per effectum procedimus ad cognitionem cause: ex quolibet autem effectu potest demonstrari propriam causam eius esse, sit tamen eius effectus sint magis noti quoad nos, quia cum effectus dependant à causa: positio effectus, necesse est causam præexistere. Vnde Deum esse secundum quod non est per se natum, quoad nos demonstrabile est per effectus nobis notos. Vbi, ut vides, clarè docet Angelicus, quod Deum esse solum demonstrari possit quoad nos, scilicet per effectus nobis notos.

46 Non defuerunt tamen qui dixerunt, quod Deum esse demonstrari possit à priori, hos refert Gillius lib. 1. tract. 8. cap. 4. Citantur etiam Scotus, & Ocamus: ille in 1. dist. 2. qu. 2. ille in proleg. sent. 9. 1. Sed immerito quoad Scotum quem vidi: quoad Ocamum nescio, quem non vidi, quia librum non habeo.

47 Nihilominus dicendum est, Deum nullo modo demonstrari posse à priori: ita post D. Tho. tradunt omnes expositores dicto art. 2. & 3. Variæ afferuntur rationes ad probandum non posse demonstrari à priori. Prima est Aegidij Romani in 1. dist. 2. qu. 3. quia substantia non est demonstrabilis à priori 6. metaph. tex. 1. Sed quicquid est in Deo est substantia; ergo. Verum hæc ratio nil probat, quia attributa Dei sunt substantia, & tamen demonstrari possunt à priori per essentiam tanquam per rationem à priori, & vnum attributum potest per aliud à priori demonstrari, ut æternitas per immutabilitatem

tem tanquam per rationem à priori. Alij probant cum Mziore in 1. dist. 2. qu. 2. quia Deus est conceptus simpliciter simplex; ergo non est definibilis, ac proinde neque probabilis, quia demonstratio à priori procedere debet à definitione ad definitum. Hæc ratio si procedat de omnibus diuinis, nil probat, probat, quia omnia diuina sunt vnus conceptus simpliciter simplex formaliter, licet multiplex virtualiter, & tamen attributa demonstrantur tanquam per rationem à priori per essentiam; & vnum attributum per aliud, ut dicebamus, tamen si procedat de ipsa essentia diuina, & de eius existere, bene probat, quia essentia diuina, & eius existere nec habent rationem à priori, nec habent definitionem, cum sint indefinibilia, cum nequeant fundare conceptum generis, & differentie.

48 Fasilius sic probat; quia existentia est prædicatum genericum, seu commune Deo, & creaturis, seu est prædicatum commune, & transcendens omnia quæ sunt in Deo, essentialia, attributalia, & personalia, ac proinde est prædicatum dicens prioritatem ad omnia, ac subinde indemonstrabile. Sed hæc ratio plura continet falsa; nam nulum datur prædicatum commune Deo, & creaturis. Deinde quomodo existentia est prædicatum commune, & genericum, & simul transcendens, hæc enim duo simul esse non possunt; nam de ratione generis est quod excludat differentias, & de ratione transcendens est, quod illas includat, cum illarum conceptum transcendat. Tum quia non est verum, quod transcendens sit prius, & non possit demonstrari; nam passionibus entis transcendunt omne ens, & tamen à priori probantur per ipsum ens.

49 Vera ratio desumitur ex dicto D. Thomæ testimonio, & ex doctrina eiusdem tradita in art. 1. eiusdem questionis, quia scilicet diuina essentia, seu diuinum existere nullam habet causam, neque rationem à priori per quam demonstrantur; omnis namque demonstra-

stratio à priori, seu propter quid debet procedere, ex Arist. 1. Topic. 1. ex veris, primis, immediatis, prioribus, notioribus, causisque conclusionis, quæ respectu diuinæ existentiz non habentur.

S. II. An Deus sit demonstrabilis à posteriori.

50 **P**rima sententia tenet Deum esse, non posse neque à posteriori demonstrari. Sic tenent aliqui, quos superpresso nomine refert S. Tho. 1. contra Gent. cap. 124. & 10. de verit. art. 12. hanc sententiam tribuit Rabi Moysi. Idè tradunt Gabr. in 1. diff. 2. q. 10. art. 3. Alliac. ibid. qu. 3. art. 2. & 3. Basol. d. diff. 2. q. 1. art. 3. Maior. diff. 1. concl. 2. Adam. diff. 2. q. vntc. Carthus. ibid. art. 2. & alij.

51 Secunda sententia vera, & communis est, quod Deus sit demonstrabilis à posteriori, in hac sententia conueniunt S. Doctor, & Scotus cum omnibus eorum asseclis. Hæc sententia colligitur aperte ex sacra scriptura. Sapient. 13. sic dicitur. *A magnitudine speciei, & creatura cognoscibiliter poterit creator eorum videri.* Job. 39. legitur. *Omnes homines vident eum, cuiusque intuetur procul, idest per creaturas, per effectus, &c.* Roman. 1. habetur. *Quod notum est Deis manifestum est illis.* Deus enim illis manifestauit: inuisibilis enim Dei per ea quæ facta sunt, intellecta conspiciuntur; sempiterna quoque eius virtus, & diuinitas; *ita ut sint inexcusabiles, &c.* Hunc locum non vrgere dicit Vasquez hoc loco, quia licet dicatur quod Philosophi ex creaturis habuerint certam Dei cognitionem, ut redderentur inexcusabiles, tamen dici potest, quod illa certitudo non fuerit certa demonstratiue, sed solum moraliter; tum quia inexcusabilitas non cadit supra cognitionem quam habuerunt, sed supra glorificationem, quam non habuerunt. Sed errat Vasquez, tum quia istum locum communiter intelligunt SS. PP. & Theologi de cognitione scientifica, quam ex effectibus habue-

runt Philosophi de Deo. Tum quia non est verum, quod inexcusabilitas non cadat supra cognitionem, sed supra glorificationem, cum cadat supra verum; ut constat ex illis verbis. *Cum cognouissent Deum, non sicut Deum glorificauerunt.* Si enim non cognouissent, excusati fuisset, ex eo quod non glorificassent. Audiat Vasquez, quid dicat Doctor maximus in illud Apost. *intellecta conspiciuntur:* scilicet. *Tam euidenter intellecta sunt, ut conspecta dicantur.* Vnde non est verum, quod dicit Vasquez; quod contraria sententia nullam mereatur censuram. Nam S. Thomas de ver. q. 10. art. 12. dicit *esse manifestè falsam, & 1. contr. gent. esse errorem.* Bannes hoc loco, dicit *esse temerariam in fide, alij dicunt hæreticam.* Meum sit de dicta sententia iudicium; si dicta sententia ita intelligatur, quod Deus ex creaturis tanta certitudine cognosci non possit, quæ sufficiat ad inducendum debitum cultum, puto esse hæreticam; & in hoc sensu nullo modo à suis auctoribus defenditur. Si autem ita intelligatur, quod non cognoscatur Deus tanta certitudine ex creaturis, quæ faciat veram, & propriam scientiam, certam, claram, & euidentem, non puto hæreticam, sed solum falsam, & errorem, ut eam vocat S. Thomas.

S. III. Ponuntur aliqua notabilia pro intellectu demonstrationum, quibus D. Thomas demonstrat Deum esse.

52 **N**otandum 1. quod Deus O.M. triplici potissimum via potest per suos effectus, scilicet per creaturas cognosci. Primò via causalitatis, cum enim creatura non sit à se, sed ab alio, & in hoc nequeat dari processus in infinitum, ad aliquam primam causam deuenire debemus. Secundò via excellentiæ, quatenus omnis perfectio, & excellentia, quæ in effectibus reperitur, reperiri debet in sua causa. Tertiò via negationis, auferendo à Deo omnes defectus, omnesque imperfectio-

nes, quas in creatoris reperimus.

53. Notandum 3. quod in tantum ex effectibus possumus deuenire in cognitionem causæ, eamque demonstrare, in quârum dicti effectus nobis noti sunt, ex effectibus namque ignotis, & occultis, non possumus arguere causam. Ratio autem ob quam ex effectibus notis inferimus causam est, quia effectus sunt connexi, seu habent connexionem cum causa; effectus in communi, necuntur eum causa in communi, & effectus in particulari, & determinari, necuntur cum causa determinata, & in particulari. Pro quo nota, quod aliqui effectus sibi solum determinant causam in genere, aliqui in specie, aliqui in individuo. Effectus æquiuocus, sibi determinat causam in genere, ut ignis qui procedere potest ab igne, & à Sole. Effectus uniuocus sibi determinat causam in specie; & omnis creatura sibi determinat primam causam in individuo, determinat, & in particulari, quia secundum quamcumque determinationem, secundum quamcumque rationem determinaram, secundum quamcumque formalitatem ab illa procedit, & dependet.

54. Notandum 3. quod ad hoc ut per effectus causa demonstretur, necesse est, quod in effectû causa non confusè, sed clarè cognoscatur, quod tripliciter contingere potest. Primò quando penetratur essentia effectus sibi talem causam determinantis. Secundò quando penetratur actio qua effectus à sua causa determinatè dependet. Tertiò quando facta inductione colligimus talem effectum non posse procedere nisi à tali causa; ut cum video hunc hominem produci ab hoc homine, illum ab illo, infero hominem non nisi ab homine posse procedere. Si semel ex creatoris cognoscere possumus illam connexionem cum Deo, an illis Deum demonstrare poterimus. Loquendo de Angelo non dubito quin possit Deum eo modo cognoscere. Nam Angelus penetrat essentiam creaturæ, ac proinde cognoscit il-

lius dependentiam ad Deum, cognoscit ordinem transcendentalem, quem habet ad Deum. Cognoscit actionem quam creatura dependet à Deo, quæ est actualis dependentia huius ab hoc; unde ex actione infert principium. Cognoscit connexionem creaturæ cum Deo explicitissimam, & perfectissimam inductionem qua perfectissimè cognoscit et hanc, & illam, & omnem creaturam à Deo dependere. Et loquendo de homine, certum est, quod non potest cognoscere Deum in rerum essentis clarè cognitis, quia has clarè non cognoscit; neque videt actionem, & dependentiam creaturæ à Deo; videt tamen, & cognoscit per inductionem; cognoscendo clarè, quod hæc creatura non est à se, nec illa est à se, neque illa, ac proinde debet à Deo procedere; cum enim & hæc creatura ducat in cognitionem primæ causæ, & illa ducat in eandem cognitionem, & illa eodem modo ducat, clarè cognoscit intellectus vnus primam causam ex plurium inductione, ad quod etiam deseruit cognitio qualiscunque essentiarum, & dependentiæ à Deo, & cognitio actionis, qua vnus creatura à Deo dependet, quæ omnia in sequentibus magis patebunt.

S. IV. Expenditur prima demonstratio D. Thomæ, ex motu.

55. **P**rimam demonstrationem sic proponit S. Doctor in d. art. 2. *Prima, & manifestior via est, qua sumitur ex parte motus. Certum est enim, & sensu constat aliqua moueri in hoc mundo: omne autem quod mouetur, ab alio mouetur. Nihil enim mouetur nisi secundum quod est in potentia ad illud ad quod mouetur, mouet autem aliquod secundum quod est actu. Mouere enim nihil aliud est, quam adducere aliquid de potentia in actu. De potentia autem non potest aliquid reduci in actu, nisi per aliquod ens in actu, sicut calidum in actu, ut ignis, facit lignum, quod est calidum in potentia, esse actu calidum, & per hoc mouet, & alterat ipsum*

ipsum. Non est autem possibile ut idem sit simul in actu, & potentia secundum idem, sed solum secundum diversa, quod enim est solidum in actu, non potest simul esse solidum in potentia, sed est simul frigidum in potentia. Impossibile est ergo, quod secundum idem, & eodem modo aliquid sit mouens, & motum, vel quod moueat se ipsum: omne ergo quod mouetur oportet ab alio moueri. Si ergo à quo mouetur moueatur, oportet & ipsum ab alio moueri, & illud ab alio: hic autem non est procedere in infinitum, quia sic non esset aliquod primum mouens, per consequens nec aliquid aliud mouens; quia mouens secunda non mouent nisi per hoc quod sunt mota à primo mouente, sicut baculus non mouet nisi per hoc quod est motus à manu: necesse est deuenire ad aliquod primum mouens, quod à nullo mouetur, & hoc omnes intelligunt Deum. Hanc demonstrationem ex motu fecit prius Aristoteles, 8. phys. tex. 34. ubi sic dicit. Necesse est, omne, quod mouetur, ab aliquo moueri; & aut ab eo, quod mouetur ab alio, aut non, & si ab alio quidem, quod mouetur; necesse est aliquid esse primum mouens, quod non ab alio. Vis huius argumenti consistit in hoc. Omne quod mouetur ab alio mouetur; sed aliqua mouentur; ergo ab alio mouentur. Rursus de illo alio currit argumentum; vel scilicet ab alio mouetur, vel à nullo; si à nullo, iam datur primum mouens immorum, si ab alio, rursus de hoc inquiritur, usque dum deueniatur ad unum in quo steter, & illud erit mouens immorum. Tota vis huius argumenti consistit in illa maiori, scilicet omne quod mouetur, ab alio mouetur, in qua probanda totus est Arist. & D. Tho. in tex. cit. & 1. contr. gent. cap. 13. quia impossibile est, quod idem secundum idem sit simul in actu, & in potentia, quod enim est in actu, habet formam, per quam est in actu, quod est in potentia caret forma ad quam est in potentia; idem autem non potest habere formam, & carentiam illius; sed quod mouetur est in potentia ad id ad quod mouetur; quod mouet

est in actu secundum id, quod mouetur ergo idem non potest esse mouens, & motum. Hanc rationem defendunt Thomistæ, & Scotistæ.

56 Verum Suarez tom. 2. Metaph. disp. 2. sect. 2. & alij dicunt esse frivolum, aut esse idem cum via efficientia, ita, quod sit idem omne quod mouetur ab alio mouetur, ac omne quod fit, ab alio fit, quod est contra Arist. qui utramque rationem tradidit; illam 8. phys. tex. 40. hanc 12. Metaph. & contra D. Thomam in hoc art. ubi utramque ut diuersam tradidit; sed quicquid sit, contra eam obijciunt 1. quoniam ex motu coelorum, (de quo potissime loquitur Arist.) non potest colligi motor spiritualis; ergo nullus. Consequenter tenet, quia de ratione primi motoris est, quod sit spiritualis, ut sit immotus, impartibilis, indiuisibilis, ut etiam aduertit Arist. d. tex. 40. dicens: omne, quod mouetur, esse partibile; quia primum mouens debet esse impartibile. Antecedens ostenditur; quia si colligeretur, maxime quia semper mouet, & nunquam defatigatur; sed ex hoc non colligitur primum motorem esse spiritualement, quia fingi possunt plures motores corporei, qui vicissim celos moueant, sibi que inuicem succedant; ergo. Resp. quod, nec Aristoteles, nec D. Thomas colligunt primum motorem spiritualement ex eo, quod non defatigetur, sed ex eo, quod coeli moueantur, regulariter, seu ex eo, quod moueantur ab intellectu ordinante motum regularem, ad finem certum; iste autem intellectus, vel dirigat ut directus, vel non: si hoc secundum datur primus motor intellectualis. Si primum, iterum formetur argumentum, usque dum sistatur in regulante motum, & non regulato.

57 Obijciunt 2. quia si ex motu coelorum per Aristotelem demonstraretur primus motor immobilis, demonstraretur falsum, quod scilicet Angelus motor primi mobilis esset primus motor, prima causa, Deus; ergo. Resp. negando antecedens quoad primam partem, quod scilicet demonstraretur falsum,

sum; quia Angelos motor primi cœli non est primus motor, sed à primo motore applicatus. Bene verum est, quod secundum Philosophum, motor primi cœli est absolute primus; at secundum rei veritatem non est. Argumentum autem semper manet in sua vi, quia ille erit primus motor in quem omnis motus fit; & à quo incipit, quicquid sit an intelligentia illa sit mouens mota.

58 Obijciunt 3. quia dato, quod ex motu inferatur motor immobilis, non tamen inferatur ens primum simpliciter; est enim fallacia à secundum quid, ad simpliciter; nec tenet consequ. à primo motore, ad primum ens. Resp. negando antecedens; implicat enim concipere primum motorem; & non concipere primum ens. Motor namque nulli subordinatus, non potest non esse primum ens.

59 Obijciunt 4. nam dato, quod omne, quod mouetur, ab alio moueatur, adhuc non inferatur ens immotum, cum non repugnet processus in infinitum in mouentibus, & motis, sicut iuxta Aristotelem ponentem mundum ab æterno datur processus in cœlorum circulationibus, in generantibus, & genitis; & iuxta illos, qui secundum fidem catholicam negant mundum fuisse ab æterno, dicunt tamen potuisse esse. Resp. negando antecedens, ex motu namque inferatur ens primum immotum, ut ex supra dictis constat; ad probationem dico, cum Aristotele loc. cit. quod licet in causis non essentialiter subordinatis possit dari processus in infinitum, vt namquam deueniamus ad primam, non tamen in causis essentialiter subordinatis, quarum vna recipit motum ab alia. Circulationes non subordinantur in causando, sed in essendo, quia vna ab alia non causatur: generantes, & geniti, non subordinantur in generando, in actionibus, quia vna generatio, non causat aliam, sed in essendo. Verū in causis essentialiter subordinatis res sic se habet, quod vna dependet ab alia in causando, vt actio secundæ dependet à

prima, ac proinde in his nequit dari processus in infinitum. Ratio Aristotelis est, quia causa quæ mouet vt mota; mouet vt quasi instrumentum alterius; impossibile autem est, quod omnia sint instrumenta, sed deueniendum est ad vnā causam principalem, quæ moueat immota. Vnde etiam si darcemus infinita instrumenta intermedia, cum non possint sine causa principali moueri, deberet dari vna causa principalis; quæ omnia illa instrumenta intermedia moueret. Deinde implicat, quod dicitur ista infinita instrumenta intermedia, quia cum vnuquodque dictorum instrumentorum debeat habere propriam actionem; & causalitatem, quoties deberet aliquis effectus poni, deberent poni infinitæ causalitates, infinitæ motiones; est autem absurdum, quod ad ponendum ens finitum, & limitatum requirantur infinitæ causalitates, infinitæ motiones, impertransibiles.

60 Obijciunt 5. quoniam falsum est, quod id, quod mouetur ab alio moueatur; nam multa mouentur, & non ab alio, vt ea quæ mouentur motu adductiuo, vt sunt viuentia, quæ ab intrinsicco mouentur, & elementa, quæ se ipsis ad centrum tendunt. Item multa mouentur motu productiuo, quæ ab alio non mouentur, vt cum formæ reducunt se ad antiquum statum, ad pristinas qualitates vt facit aqua quæ renouat se ad antiquam frigiditatem. Item potest vitales mouent se ad actus vitales. Item voluntas quæ est potentia libera mouet, & determinat se ipsam. Resp. quod omnia quæ mouentur, ab alio mouentur, quocumque motu moueantur. Ad illud de viuentibus dico, quod corpus mouetur ab anima, & licet anima hoc motu non moueatur ab alio; mouetur tamen quoad esse. Ad illud de elementis, dico, quod mouentur à generante, sicut & formæ dum mouent se ad pristinas qualitates. Formæ vitales etiam ab alio mouentur; nam cognoscitiuæ à speciebus, ab obiectis; voluntas à fine, &c. moueatur.

Obij-

61. Obijciunt 6. quia non videtur verum illud principium Aristotelis, & D. Thomae, quod idem non potest esse moueus, & motum, ex eo, quod idem non potest esse in actu, & in potentia. Nam ad summum hoc valet in causis vniuocis, quae actu continent formam quam causant; non in aequiuocis, quia sol causat aurum, quod non continet. Aqua reuocat se ad frigiditatem, quam non continet in actu, sed tantum in potentia. Item in motu locali, quia Angelus dum mouet se de loco ad locum non continet actu locum ad quem se mouet; ergo est falsum, quod omne id quod mouet, debet esse in actu secundum id ad quod mouet. Resp. argumentum Aristotelis procedere directe de causis vniuocis, & indirecte de aequiuocis, secundum id in quo cum vniuocis conueniunt.

S.V. Expenditur 2. D. Thoma demonstratio, ex efficientia.

62. Secundam rationem sic proponit S. Doctor. *Secunda via est ex ratione causae efficientis. Inuenimus enim in istis sensibilibus esse ordinem causarum efficientium, nec tamen inuenitur, nec est possibile, quod aliquis sit causa efficiens sui ipsius, quia sic esset prius se ipso, quod est impossibile: non autem est possibile, quod in causis efficientibus procedatur in infinitum; quia in omnibus causis efficientibus ordinatis, primum est causa medijs, & medium est causa ultimi; prae media sunt plura, siue vnum tantum; remota autem causa, remouetur effectus: ergo si non fuerit primum in causis efficientibus, non erit ultimum, nec medium. Sed si procedatur in infinitum in causis efficientibus, non erit prima causa efficiens, & sic non erit nec effectus ultimus, nec causa efficiens media, quod patet esse falsum; ergo est necesse ponere aliquam causam efficientem primam, quam omnes Deum nominant.* Haec demonstratio sic efformari potest. Etiam sensibus constat aliqua fieri de nouo; quae vel sunt à se,

vel ab alio; non à se quia nihil potest causare se ipsum, ceteroquin idem esset causa, & effectus, prius, & posterius; ergo ab alio, iuxta illud: *omne quod fit, ab alio fit*; de isto alio rursus quaeritur an fiat ab alio usque dum deueniatur ad vnum, quod non fiat. Haec ratio ut magis pateat, arguentis, & eorum solutionibus decorabitur.

63. Obijcies 1. quia non videtur verum, quod id quod fit, ab alio fiat; nam si verum est, quod multi teneant, quod idem influat in sui conseruationem, potest etiam influere in sui productionem, cum conseruatio sit productionis continuatio, modo in eodem instanti ab alia causa idem esse recipiat. Resp. negando antecedens; certum namque est, quod idem non possit producere se ipsum, ut omnes Philosophi tradidere, quia idem esset prius, & posterius, causa, & effectus, dependens, & id à quo dependet; supponeretur existere, & non supponeretur. Tum quia prius est esse, quam posse, prius posse, quam agere; si autem idem posset producere se ipsum, prius posset quam ageret, & prius ageret, quam posset. Nec instantia de conseruatione sui ipsius est ad rem, quia actio conseruatiua supponit rem prius existere, ac proinde non sequitur dictae contradictiones.

64. Obijciunt 2. quia dato eo principio, quod id quod fit, ab alio fiat, adhuc nil sequitur contra Atheistas, quia negant consequ. quod scilicet deueniendum sit ad ens primum non factum, quia deueniri potest ad duo entia, quae se inuicem causant; non enim implicat mutua entium causalitas; nam materia, & forma se mutuo causant ipso diuerso genere causae, ac proinde non impleabit, quod etiam duo se mutuo causent in eodem genere causae efficientis. Resp. quod licet dari possit mutua entium causalitas in diuerso genere causae, non tamen in eodem, & maxime in genere causae efficientis, quia contradictiones in solutione argumenti praecedentis ad quae currunt etiam hoc loco, cum enim

de

de ratione causæ efficientis sit, quod non agat, nisi existat, cum existentia sit ultimum complementum virtutis actiue, sequitur quod idem nequeat facere, & fieri, producere, & produci, agere, & agi, quia ut agit existit, ut agitur, non existit. Tum quia idem esset prius, & posterius se ipso; prius ageret, quam posset, &c.

65 Obijciunt 3. quia tota vis dictæ demonstrationis in hoc fundatur, quod non possit dari processus in infinitum in causis efficiētib; quod negavit Atheus & negant Atheistæ, & de facto negavit Aristoteles ponens mundum ab æterno; nam tunc dari debent infinitæ hominum, leonum, equorum, &c. generationes, quarum una est ab alia. Nam designato hoc leone, dicitur: iste est ab alio; idem de illo, vsque in infinitum, & nunquam deueniendum est ad hominem, vel leonem ingenitum, quia in infinito non est assignare primum. Resp. quod licet dari possit processus in infinitum in causis subordinatis per accidens, non tamen in causis essentialiter subordinatis. Pro quo nota, quod ex causis per accidens, aliæ sunt quæ nullam habent subordinationem, nullumque influxum, ut musica respectu ædificationis: unde musica est causa puræ per accidens respectu ædificij, quia musica nil influit in ædificium. Aliæ sunt quæ habent subordinationem, & influxum, non tamen essentialem, ut series hominum ab Adamo, series Leonum à primis Leonibus creatis, &c. nam in his causa in individuo non determinat sibi talem numero effectum, sed accidit Petro, quod sit causa Pauli: accidit Leoni A. quod sit causa Leonis B. At subordinationatio essentialis tunc est, quando una causa essentialiter dependet in causando ab alia, ut particularis, ab vniuersali. Hoc posito dico; quod dato illo processu in causis per accidens subordinatis, adhuc deueniendum est ad vnā primam causam independentem; sic enim potest argumentum efformari; nam tota illa indiuiduorum infinitas per accidens

subordinata, est quædam infinita collectio entis dependentis, cum intra illam seriem nullus homo, aut Leo sit independentens. ergo debet supponere causam aliquam independentem. Tum quia si species Leonis, v. g. esset producta ab alia specie superiori, cum à se producta non sit, nec possit, & illa ab alia superiori, & sic in infinitum; non solum deberent dari supra Leonem infinitæ species superiores, quod constat esse falsum, sed etiam ad illam producendam deberent concurrere species superiores, ut est species Leonis, patet autem, quod species hominis non concurrat ad productionem alicuius speciei inferioris, ergo.

S. VI. *Propositur tertia demonstratio D. Thoma, & est via contingentia.*

66 **T**ertiam demonstrationem hoc modo proponit Angelicus in eodem art. 3. *Tertia via sumpta est ex possibili, & necessario, quæ talis est. Inuenimus enim in rebus quadam, quæ sunt possibilia esse, & non esse, cum quadam inueniantur generari, & corrumpi, & per consequens possibilia esse, & non esse. Impossibile est autem omnia quæ sunt talia, semper esse; quia quod possibile est non esse, quandoque non est. Si igitur omnia sunt possibilia non esse; aliquando nihil fuit in rebus. Sed si hoc est verum, etiam nunc nihil esset; quia quod non est, non incipit esse, nisi per aliquid quod est. Si igitur nihil fuit ens, impossibile fuit, quod aliquid inciperet esse: & sic modo nihil esset, quod patet esse falsum. Non ergo omnia entia sunt possibilia: sed oportet aliquid esse necessarium in rebus. Omne autem necessarium vel habet causam suā necessitatis aliunde, vel non habet; non est autem possibile, quod procedatur in infinitum in necessariis, quæ habent causam suā necessitatis, sicut nec in causis efficientibus, ut probatum est; ergo necesse est ponere aliquid, quod sit per se necessarium, non habens causam necessitatis aliunde, sed quod est causa necessitatis*

hæc alij, quod omnes dicunt Deum esse ratio sic potest efformari: nam non omne ens est possibile seu contingens ad esse, & non esse; seu non omne ens potest esse, & non esse; ergo dari debet aliquid, quod non sit contingens, quod non possit non esse, seu de cuius ratione sit esse impossibile non esse; hoc erit Deus, de cuius ratione est, quod non possit non esse. Antecedens ostendit S. Th. quia quod est contingens seu quod est impossibilitate esse, & non esse, aliquando non fuit; ergo si omne ens est contingens, seu est possibile ad esse, & non esse, de omni dici poterit, quod aliquando non fuit; quod est impossibile, ut bene inferit S. Doctor, quia si aliquid quando nō fuit, impossibile fuit, ut recipere aliquid de novo esse. Cum enim contingens de se non habeant esse, fuissent in non esse, seu sub non esse, ac proinde sublato ente necessario à quo trahuntur ad esse; nunc non essent, ac subinde nihil esset.

S. VII. Proponitur quarta demonstratio. D. Thom. & est via quintæ.

Quinta demonstratio D. Thom. sic se habet. Quanta via sumitur ex gradibus, qui in rebus inveniuntur: ducuntur enim in rebus aliquid magis, & minus horum, & rerum, & nobile, & sic de alijs huiusmodi; sed magis, & minus ducitur de diversis secundum quod appropinquat diversitate ad aliquid, quod maxime est; sunt magis calidum, est quod magis appropinquat maxime calido. Est igitur aliquid, quod est verissimum, & optimum, & nobilissimum, & sic. Consequens maxime vera, sunt maxime entia, ut dicitur: metaph. secundum autem dicitur maxime tale in aliquo genere est causa omnium, quæ sunt, & generantur. Assignat, qui est maxime calidus, est causa omnium calidorum, ut in eodem libro dicitur. Ergo est aliquid, quod omnibus entibus est causa esse, & bonitatis, & cuiuslibet perfectioris, & hoc

dicimus Deum. Hæc ratio sic efformatur. Datur in entibus bonum, & melius ergo datur optimum. Antecedens est notum; consequens demonstratur; quia sicut magis, & minus mensurantur à maxima, ita bonum, & melius ab optimo; id est melius dicitur, quod magis appropinquat ad optimum. Deducitur hæc ratio ex illo Aristotelis principio, quod in quoquoque genere debet dari primum, quod sit cæterorum mensura. Confirmatur hæc ratio, quia datur aliquid ens finitum; seu datur ens excessum, ergo etiam ens excedens.

S. VIII. Proponitur quinta demonstratio. D. Thom. & est via finis.

Quinta demonstratio est talis. Quintæ via sumitur ex gubernatione rerum: videmus enim, quod aliqua, quæ cognitione carent, scilicet corpora naturalia operantur propter formam, quod apparet ex hoc, quod semper aut fructuantur eodem modo operantur, ut cetera sequantur id quod est optimum. Unde patet, quod non à casu, sed ex intentione perveniunt ad finem. Ea autem, quæ non habent cognitionem, non tendunt in finem, nisi directæ ab aliquo cognoscente, & intelligente; sunt sagittæ à sagittante, ergo est aliquid intelligente, à quo omnes res dicuntur ordinantur ad finem, & hoc dicimus Deum. Hæc est ultima D. Thom. demonstratio, quæ demonstrat dari Deum, quæ sic formari potest. Videmus multa cognitione carentia operari propter finem; ergo dari debet mens superior ordinis, regulans, & dirigens dicta cognitione carentia ad finem, istam dicimus Deum; ergo. Antecedens ostendit S. Doctor quia dicta agentia naturalia semper eodem modo operantur, autemque semper eodem modo, & tempore nidificant, animalia suæ rectitudinis, sive aquatilia eodem modo, & tempore concipiunt, pariunt, &c. Consequens probatur, quia omnis directio ad finem debet esse ab aliquo præcognoscente finem, quia finis non movetur nisi cognitus.

H Con.

Confirmatur hæc ratio, quia videmus hanc mundi machinam ordine admirabili colligatam, quod nudis rerum essentis tribui non potest, cum enim rerum essentia sint inter se se valde disparatae, ab alio superiori debuerunt ad certum finem, & ordinem dirigi, & colligari. Ex quo colligere poteris quam vanum fuerit Democraticis figmentum, ponentem mundum ex atomis casu factum, quia impossibile est, quod opus adeo perfectè ordinatum, sine suprema providentia, ordinatione, & suprema ordinante sit factum. Ridiculum esset dicere, quod palatium omnibus numeris absolutum; esset casu ex atomis factum. Rideret qui audiret, quod horologium affibere compactum ad certam horarum normam, sine artifice factum, sed casu, ex atomis.

69 Alio modo ex fine, Dei existentiam contra Atheistas probare possumus. scilicet, datur ens finibile, idest ad finem ordinabile; ergo datur ens finitum, idest reiminatium ut finis; vel enim hoc est ad aliud ordinabile, vel non: si hoc secundum, ergo datur Deus, cum non habeat prius in genere finis; si primum, iterum de illo formetur argumentum usquequod deveniatur (sunt verba Scoti cuius est argumentum in 1. dist. 3. q. 2. & in tract. de primo princ. cap. 3. conclus. 7. cum seq.) ad finitum, quod non sit per aliud finibile. Nec in causa finali dari potest processus in infinitum ut probat Arist. 2. metaph. à 100. §. usque ad 10. quia si in finibus daretur processus in infinitum, omnia haberent rationem medij, quod est impossibile. Maior patet, quia finis qui ulterius ordinatur, habet rationem medij; tunc autem omnia ad aliud ordinarentur, ac proinde omnia essent media. Quod autem hoc sit impossibile patet, quia intermedia habent rationem instrumenti; implicat autem, quod deus sit instrumentorum sine causa principali à qua moveantur. Tum quia fines intermedij non habent propriè rationem finis sed secundum quid, quod in simpliciter

ter tale debet revocari. Hoc argumentum maximam habet vim si applicetur ad inclinationem cuiuscunque rei ad consequendum proprium finem, & maxime hominis, qui in nullo sine creato quiescit.

§. IX. Ponuntur alia demonstrationes, ostendentes Deum existere.

70 **P**rimam in ordine ponunt communiter Theologi, quam bene perpendit P. Blasius in suis verbis. dist. 9. q. 3. §. 6. quam ego sic propono. Datur effectus ex nihilo creatus; ergo datur causa ex nihilo creans; sed hæc est Deus; ergo datur Deus. Antecedens constat in materia prima; quæ est primum subiectum, & non potest habere esse à se, quia esset Deus, neque ab alia materia, cum prima nequeat supponere priorem. Consequens constat, quia causa, quæ ex nihilo aliquid facit, debet infinita virtute pollere, quia tanto agens debet esse fortius, quanto agit in distantius, sed nihil infinite distat ab esse; ergo. Hoc idem argumentum potest ad animam rationalem applicari, nam evidens est animam rationalem esse spiritalem, & formam in suo esse abstractam, & modo quo est abstracta in sub intellectu; sed hæc non potest educi de potentia materie; ergo debet creari. Minor ostenditur, quia si produceretur de potentia materie, pateret conditionem materie; ac proinde esset materialis; patet autem non esse materialem cum habeat operationem eleuatam supra materiam, quæ neque sit dependenter ab organo materiali, ut constat de intellectione.

71 Secunda demonstratio in ordine est, quia causa secunda nequeunt agere sine prima, & universali; ergo datur causa prima, & universalis; hæc est Deus, ergo. Antecedens ostenditur, quia causa secunda secundum se sunt indeterminatæ, ad producendum hoc magis individuum, quam aliud; ergo debet dari causa prima ipsas determinans.

nans. Cum enim intra virtutem causæ plura individua continentur, & causa ipsa non habeat ab intrinseco unde determinetur ad hoc potius individuum producendum, quam aliud, ad aliud extrinsecum principium recurrendum est.

73 Tertia demonstratio in ordine est, quia non est impossibile ens independentis, ergo de facto datur. Consequenter, quia cum ex una parte tot rationes habeamus ad asserendum Deum esse; si semel probetur non esse impossibile, manet probatum esse. Antecedens ostenditur, quia omne prædicatum, quod non destruit obiectum ex vi suæ positionis, potest possibiliter affirmari de eodem subiecto, quod enim subiectum non destruit, est compossibile cum eo; sed ratio independentis non destruit rationem entis, quia negatio entis est negatio etiam independentiæ, non tamen negatio independentiæ est negatio entis, ergo.

S. X. Solvantur aliqua argumenta probantia Deum esse, non posse demonstrari.

73 **P**rimum argumentum proponit S. Doctor art. 2. sic, quia Deum esse, est articulus fidei, sed ea quæ sunt fidei non sunt demonstrabilia, quia, demonstratio facit scire, fides autem de non apparentibus est; ergo Deum esse, non est demonstrabile. Respondet hoc modo Deum esse, & alia huiusmodi, quæ per rationem naturalem nota possunt esse de Deo, ut dicitur Rom. 1. non sunt articuli fidei, sed præambula ad articulos. Sic enim fides præsupponit cognitionem naturalem, sicut gratia naturam, & ut perfectio perfectibile; nihil tamen prohibet illud quod secundum se demonstrabile est, & scibile ab aliquo, accipi ut credibile, quod demonstrationem non capit. Aliqui sic intelligunt D. Thomam, quod velit esse peculiare existentie Dei, quod de ea, possit esse scientia, & fides, & quod in hac re supponat scientiam sicut gratia naturam, ut dicit idem S. Doctor in test. allato. Hoc sic explicant, quia fides

supponit antecedentem evidentiam, credibilitatis, quæ circa duo versatur, unum quod Deus revelet ea, quæ credenda proponuntur; alteri, quod Deus sit verax, & utrumque inuoluit existentiam Dei. Nam licet ad evidentiam, credibilitatis secundum omnia quæ includit, sufficiat certitudo moralis; tamē cum agitur de existentia, quæ non nisi per medium physicum potest indagari, dari debet evidentia physica. Non tamen necessaria est in quolibet, sed sufficit, quod sit apud sapientes, à quibus per fidem humanam transfunditur ad rudes. Unde utrique habent evidentiam. Sapientes habent evidentiam per demonstrationem, & rudes per fidem, humanam credendo ijs, qui habent demonstrationem. Verum quicquid sit de hoc, de quo agemus Deo dante in 2. 22 Dico mentem Divi Thomæ esse, quod de hac, vel simili propositione, Deus est, debet haberi fides, si non habetur scientia, quia accedente ad Deum oportet credere quia est, &c. scilicet, si non sciatur, nam fides, & scientia de eadem re, simul esse non possunt, neque quoad habitum, ut suo loco ostendimus.

74 Secundum argum. sic proponit idem S. Doctor ibid. quia medium demonstrationis est quod quid est, sed de Deo non possumus scire quid est, sed solum quid non est, ut dicit Damasc. ergo non possumus demonstrare Deum esse. Respondet. Cum demonstratur causa per effectum, necesse est uti effectui loco definitionis cause ad probandum causam esse, & hoc maxime contingit in Deo, quia ad probandum aliquid esse necesse est accipere pro medio quid significet nomen, non autem quod quid est, quia quæstio quid est sequitur ad quæstionem an est, nomina autem Dei imponuntur ab effectibus, ut postea ostenditur: unde demonstrando Deum esse perfectum, accipere possumus pro medio, quid significet hoc nomen Deus. Sed contra, quia demonstratio debet procedere ex necessarijs, ex Arist. 1. post. 7. Sed probatio Dei per effectus, non procedit ex necessarijs, sed ex contingentibus; cum

H 2 omnis

omnis effectus Dei ad extra sit contingens, & non necessarius; ergo. Respondent aliqui, esse differentiam inter causam primam, & secundam quantum ad effectum argumenti, quod argumentum in quo probatur existentia causæ secundæ ex eius effectu, est fallibilis, & sic non potest esse demonstratio; quia causa, quæ demonstratur fallibilis est, & contingens. At argumentum quo probatur existentia causæ primæ ex eius effectibus infallibile est, ac proinde demonstratio, quia causa prima infallibilis est, & indeficiens. Verum hæc solutio nil facit, quia hoc est, quod est in questione, quomodo scilicet ex effectu contingenti inferri possit causa infallibilis, & necessaria. Respondent alii, quod causa prima non demonstratur ex secunda ratione existentia, quæ contingens, & fallibilis est; sed ratione essentia, quæ infallibilis, & contingens non est. Sed neque hæc solutio placet, quia cum rerum essentia ut in plurimum sit ignota, non posset ex illis prima causa demonstrari. Resp. ergo, quod licet rerum, seu effectuum Dei existentia sint in se contingentes, tamen dependentia à prima causa, essentialis est; tanta namque est colligatio, & connectio causæ secundæ à primâ; tanta dependentia, quod non solum eorum essentia dependeat, verum etiam eorum existentia: à prima causa omnia essentialiter dependent, tum necessaria, tum contingentia, ut ex se constat.

75 Tertium argumentum proponit idem S. Thomas hoc modo: *Si demonstraretur, Deum esse, hoc non esset nisi ex effectibus eius; sed effectus eius non sunt proportionati ei, cum ipse sit infinitus, & effectus finiti finiti autem ad infinitum, non est proportio, &c.* Vult dicere, quod quotiescunque ex effectu cognoscitur causa, debet esse proportio inter causam, & effectum, ex proportionem namque in essendo, oritur proportio in cognoscendo sed inter Deum, & creaturam, nulla est proportio; ergo. Confirmatur 1. quoniam vel cognoscitur

creatura formaliter ut talis, & reduplicatiue ut est effectus Dei, vel materialiter, & specificatiue. Nequit cognosci primum, quia noster intellectus non penetrat essentiam creaturæ, nec cognoscit intrinsecum, & essentialem ordinem illius ad Deum; tum quia non potest cognosci ordo, seu habitudo inter aliqua extrema, nisi cognoscantur eadem extrema; Deus autem, qui est aliter extremorum non antea cognoscitur; ergo neque cognosci poterit ex alio. Quod si cognoscatur secundum, non poterit cognosci Deus, quia cognitio tantum materialis creaturæ, non potest inducere in cognitionem Dei. Confirmatur 2. quia ex effectu iam producto non inferitur actualis existentia causæ, sed solum quod vel existat, vel existerit. Respondet S. Doctor ad argumentum principale sic. *Per effectus non proportionatos causæ, non potest perfecta cognitio de causâ haberi; sed tamen ex quocunque effectu potest manifestè nobis demonstrari causam esse, ut dictum est. Et sic ex effectibus Dei, potest demonstrari Deum esse, licet per eos non perfecte possimus eum cognoscere secundum suam essentiam.* Vult dicere Angelicus; quod adhuc ut ex effectu probeior causâ, non requiritur proportio in essendo, sed sufficit proportio in causando, seu in ratione causæ, & effectus, & tunc ex cognitione effectus non inferitur cognitio causæ in essendo, sed solum in causando, ac subinde in existendo, quia causa efficiens non causat nisi existat. Ad 1. confirmationem dico, quod tunc debet cognosci creatura ut talis formaliter, & non tantum materialiter, quod ut fiat non est necesse, quod cognoscatur essentia, vel intrinseca habitudo expressè, sed sufficit, quod cognoscatur confusè, & quasi vagè, quatenus cognoscitur talis dependentia, quæ non inferat esse, vel cognitionem causæ primæ in essendo, sed tantum in causando, ac subinde in existendo. Per quæ patet ad 2. Confirmationem.

DISPUTATIO III.

IN QVÆST. III. D. THOMÆ.

DE SIMPLICITATE DEI



N. articulo ostendit Angelicus Dēum non esse corpus. Primò quidem quia nullum corpus mouet non motum, & potest inducēdo per singula.

Deus autem est primum mouens immobile ut disp. precedenti ostensum est. Secundo, quia necesse est id, quod est primum ens, esse in actu, & nullo modo in potentia: omne autem corpus est in potentia, quia continuum in quantum diuisibilis, diuisibile est in infinitum. Primum autem ens non potest esse in potentia cum alia debeat ad actum reducere; id autem, quod alia ad actum reducit, debet esse in actu. Tertiò, quia Deus est id, quod est nobilissimum in entibus: impossibile est autem aliquod corpus esse nobilissimum in entibus. Quia corpus aut est viuum, aut non viuum, corpus autem viuum manifestum est, quod est nobilius corpore non viuo: corpus autem viuum non viuic in quantum corpus, quia si omne corpus viuere oportet igitur, quod viuat per aliquid aliud, sicut corpus nostrum viuic per animam. Illud autem, per quod viuic corpus, est nobilius quam corpus; impossibile est igitur Deum esse corpus. Ut autem, quæ de Dei simplicitate iradit S. Doctor in sequentibus articulis habeantur, sit.

D V B I V M I.

Utrum in Deo sit compositio materie, & forme.

Hoc dubium sic resoluit S. Doctor art. 2. dictæ q. 3. Impossibile est in Deo esse materiam. Primò quidem

quia materia est id, quod est in potentia, & estensum est autem quod Deus est purus actus, non habens aliquid ac potentialitatem: unde impossibile est, quod Deus sit compositus ex materia, & forma. Secundò, quia in hoc compositum ex materia, & forma est perfectum, & bonum per suam formam: unde oportet, quod sit bonum per participationem, secundum quod materia participat formam. Primum autem quod est bonum, & optimum quod Deus est, non est bonum per participationem, quia bonum per essentiam, prius est bono per participationem; unde impossibile est, quod Deus sit compositus ex materia, & forma. Tertiò, quia unumquodque agit per suam formam: unde secundum quod aliquid se habet ad suam formam, sic se habet ad hoc quod sit agens: quod igitur primum est, & per se agens, oportet quod sit primò, & per se forma. Deus autem est primum agens, cum sit prima causa efficiens, ut ostensum est. Est igitur per essentiam suam forma, & non compositus ex materia, & forma.

3. Ex quibus habes esse prorsus impossibile, quod Deus componatur ex materia, & forma. Primò, quia Deus est purus actus, omnem excludens potentialitatem; nullamque habens potentiam passiuam ad aliud; materia autem est potentia passiuæ ad formam, & proprietates, atque accidentia. Secundò, quia Deus per suam essentiam est primum bonum; materia autem suam habet bonitatem à forma, ac proinde ex se bonitatem non habet; sed solum per participationem. Tertiò, quia in unoquoque ratio agendi est forma, ergo primum agens, debet esse tantum forma, & actus, ac proinde excludens omnem

nem materiam, quæ non est ratio agendi, sed recipiendi, & patiendi, quæ in primo agente esse non possunt. Alias rationes tradit S. Doctor 1. *contr. gent. cap. 18.* Prima, quia Deo tribui debet esse nobilius; sed quo quid simplicius, eo nobilius; ergo: tum quia unitas nobilior est multitudine, ac proinde Deus simplicissimus, & maximè vnus est. Secunda, quia omne compositum posterius est partibus componentibus; Deus est ens primum, ac proinde ex partibus componi nequit. Tum quia omne compositum indiget componente, tanquam efficiente ipsum, Deus autem cum sit primum, à nullo effici potest; causa namque prima ab alia causari nõ potest. Tertia, quia Deus est primum, & vniuersale agens, ac proinde secundum se totum agens; agere autem solum formarum est, ac subinde Deus tantum forma esse potest, nullam admittens materiam. Quarta, quanto aliquid est perfectius tanto elongari debet à suo contrario; sed Deus est actus infinitè perfectus, ergo infinitè elongari debet à materia prima quæ actui contrariatur, ac proinde debet illam omnino excludere. Quinta, quia Deus producit primam materiam; ergo non potest illam in se habere, conseq. probatur, quia vnum quodque agit in quantum quod est in actu, ac proinde, qui producit materiam primam, debet illam excludere.

4. Obijciunt 1. quia materia est principium indiuiduationis; sed Deus videtur indiuiduum; non enim de multis prædicatur ergo est compositus ex materia, & forma. Hoc argum. proponit S. Doct. in eod. art. 2. ad quod sic respondet. *Quod forma, quæ sunt receptibiles in materia, indiuiduantur per materiam, quæ non potest esse in alio, cum sit primum subiectum substantiæ: forma vero quantum est de se, nisi aliquid aliud impediatur, recipi potest à pluribus. Sed illa forma, quæ non est receptibilis in materia, sed est per se subsistens; ex hoc ipso indiuiduatur, quod non potest recipi in alio; & huiusmodi*

forma est Deus; unde non sequitur, quod habeat materiam. Vbi habet unde desumatur indiuiduatio formarum receptibilium in materia, & inreceptibilium vt est Deus, & Angeli. Non desumitur autem hæc formarum receptibilium indiuiduatio à materia, seu per ordinem ad materiam prout est vna negatiue, sed prout est hæc positue, prout scilicet est radix tantæ quantitatis, de qua re Deo dante alibi agemus, interim videri possunt N. Salm. in suo tract. de princip. indiuid. & N. P. Blasius suamet. diff. 3. per totam.

5. Obijciunt 2. quia vbi est anima ibi est compositio ex materia, & forma, sed Deo attribuitur anima; Heb. 10. ibi; *quod si subtraxeris se, non placebis anima mea*, vbi Deus inducitur sic loqui. Respondet S. Doct. ibid. *Anima attribuitur Deo per similitudinem actus, quod enim volumus aliquid nobis, ex anima nostra est; unde illud dicitur placitum anima Dei, quod est placitum voluntati ipsius.*

D V B I U M II.

An in Deo detur compositio ex essentia, & esse.

6. DE hoc dubio agit S. Doctor art. 4. nam art. 3. probat, quod Deus est sua essentia, sua deitas, sua vita, de quo nil scribendum occurrit, maximè quia parebit ex dicendis in hoc dubio, & seq. Probat ergo in d. art. 4. quod in Deo non est compositio ex essentia, & esse, seu quod in Deo sit idem essentia, & esse, hoc modo. *Deus non solum est sua essentia, vt ostensum est, sed etiam suum esse, quod quidem multipliciter ostendi potest. Primo quidem, quia quicquid est in aliquo, quod est præter essentiam eius oportet esse causatum, vel à principijs essentia, sicut accidentia propria consequentia speciem, vt risibile consequitur hominem, & causatum ex principijs essentia lib. speciei, vel ab aliquo exteriori sicut calor in aqua causatur ab igne. Si igitur ipsum esse rei sit aliud ab eius*

esse sententia, necesse est, quod esse illius
rei vel sit causatum ab aliquo exteriori,
vel à participante essentialibus eiusdem rei.
Impossibile est autem, quod esse sit causa-
tum tantum ex principijs essentialibus
rei; quia nulla res sufficit, quod sit sibi
causa essendi, si habens esse causatum.
Opponet ergo, quod illud, cuius esse est
aliud ab essentia sua, habeat esse causa-
tum ab alio, hoc autem non potest dici de
Deo, quia Deum dicimus esse primum
causam efficientem & impossibile est ergo,
quod in Deo sit aliud esse, & aliud eius es-
sentia. Hæc ratio efficacissima est, &
potest sic proponi. Deus est sua essen-
tia; ergo etiam est suum esse. Antece-
dens constat; quia in ijs quæ ex mate-
ria, & forma non componuntur, suppo-
situm non differt à natura, ut suo loco
tridetur. Consequentia probatur, quia
id cuius esse est aliud ab essentia, de-
bet esse causatum; sed Deus non ha-
bet esse causatum; ergo in Deo essen-
tia, & esse non distinguuntur, ac subinde
Deus non componitur ex essentia, &
esse seu existentia. Minor certa est,
cum enim Deus sit prima causa, non
potest habere esse ab alio causatum.
Maior probatur, quia quovis esse est
aliud ab essentia, debet esse causatum
vel ab aliquo principio exteriori, vel à
principijs essentialibus eiusdem rei. A
principijs essentialibus tantum, esse cau-
sati non potest, quia nulla res potest,
esse sibi principium essendi, &c.

7. Secundo id ipsum demonstrat S.
Doctor, sic. Quia esse est actualitas om-
nis forme, vel nature, non enim bonitas,
vel humanitas significatur in actu, nisi
prout significamus eam esse; oportet igitur
quod ipsum esse comparatur ad essentiam,
quæ est aliud ab ipso, sicut actus ad poten-
tiam; cum igitur in Deo nihil sit potentiale,
et essentia est supra, sequitur, quod non
sit aliud in eo essentia, quam suum esse.
Hanc rationem sic propono, quoniam esse, seu
existentia distinguitur ab essentia, debet
ad illam comparari sicut actus ad po-
tentiam; sed in Deo nulla est potentia

ergo in Deo nequit distinguì ab essentia.
Maior probatur, quia esse, est ultima
actualitas omnis forme, vel nature; ergo
comparatur ad illam ut actus ad poten-
tiam. Antecedens ostenditur, quia bo-
nitas, vel humanitas non significatur in
actu, nisi prout significamus eam esse;
ergo.

8. Tertiò sic idem demonstrat S.
Doctor. Quia sicut illud, quod habet ignem,
& non est ignis, est ignitum per parti-
cipationem; ita illud, quod habet esse, &
non est esse, est ens per participationem.
Deus autem est sua essentia, ut actus
est; si igitur non sit suum esse, erit ens per
participationem; & non per essentiam; non
ergo erit primum ens, quod absurdum est
dicere; est igitur Deus suum esse, & non
solum sua essentia. Hanc rationem sic
formo. Esse, quod non est tale per essen-
tiam, est ens per participationem; sed
Deus non est ens per participationem;
ergo est suum esse per essentiam; ac
proinde sua essentia, est suum esse. Ma-
ior constat exemplo rei, quæ habet ignem,
& non est ignis, tunc enim est ignita per
participationem. Minor nota est, quia
aliud Deus non esset primum ens.

9. Confirmantur dictæ rationes, quia
quod non continet esse, non potest cau-
sare esse, sed ab alio causari debet; sed
essentia, quæ non est esse, sed distingui-
tur ab esse, non continet esse; ergo non
potest causare esse. Maior constat, quia
vnumquodque agit in quantum habet esse,
seu in quantum est actu per esse; ergo,
quod non continet esse, non potest cau-
sare esse; Minor probatur, quia essentia
quæ non est esse, sed distinguitur ab
esse, est in potentia ad esse; seu compa-
ratur ad esse ut potentia ad actum; eo
quia essentia non existit nisi per esse tan-
quam per actum, quod autem sic com-
paratur non continet esse; ergo. Tum
quia si esse Dei distingueretur ab essen-
tia eiusdem, non esset finitum, & limi-
tatum; cum omnis actus finitur, & li-
mitetur ab eo in quo recipitur. Tum
etiam quia si esse Dei distingueretur ab
essentia Dei, iam Deus non esset actus

pu-

purus, quia essentia compararetur ad esse tanquam potentia ad actum.

1. *Obijciat* 1. quia ea distinguuntur, quorum unum cognosci potest sine eo, eodem enim modo res se habet ad esse, quo se habet ad cognosci; sed de Deo scire possumus, imò & demonstrare, quod sit, & demonstrare non possumus quid sit; ergo essentia, & esse in Deo distinguuntur. Maior constare videtur si enim essentia, & esse idem essent, non posset unum sine alio demonstrari. Minor constat ex dictis disp. precedenti, ubi pluribus demonstrauimus Deum existere, seu Deum esse, & non demonstrauimus, nec demonstrare possumus quod quid est ipsius Dei, seu essentiam Dei. Respondet S. Doctor sic. *Esse dupliciter*, dicitur: uno modo significat actum essendi; alio modo significat compositionem propositionis, quam anima adiunxit, coniungens: predicatum substantia. *Primo* igitur modo accipiendo esse, non possumus scire esse Dei, sicut nec eius essentiam, sed solum secundo modo. Scimus enim, quod hac propositione quam formamus de Deo: cum dicimus Deus est, vero est. & hoc scimus, ex suis effectibus; videantur dicta disput. precedenti.

2. *Obijciat* 2. quia illa propositio in qua prima ratio D. Thome fundatur, scilicet nulla res sufficit, ut sit sibi causa essendi, non videtur vera; nam homo est causa sufficiens rationalitatis, sol luminis, ignis caloris, aqua frigiditatis, &c. ergo erit etiam sufficiens causa sui esse. Antecedens constat. Consequ. probatur, quia si non repugnat, quod homo causet suam rationalitatem, & sic de alijs sensentibus, neque repugabit, quod causet suum esse. Nec valet dicere cum Bannes hoc loco, esse differentiam, quia ideo homo potest causare suam rationalitatem, quia iam supponitur ut suppositum existens, & essentia non potest causare suam existentiam, quia non supponitur prius in rerum natura. Nam contra est, quia hinc sequeretur, quod essentia nullo modo copuleretur ad productionem suae existentiae; sed solum sic

haberetur respectu illius tanquam causa pure receptiua, quod videtur falsum. Resp. negando antecedens, ad probationem; conceditur hominem esse causam rationalitatis, non tamen sui esse: tum quia respectu rationalitatis iam supponitur existens, non respectu sui esse. Tum etiam quia homo est causa principalis rationalitatis, non sui esse; cum enim esse sit effectus vniuersalissimus, debet tribui causae vniuersalissime, ut ostendit S. Tho. 1. 2. q. 45. art. 5. Caiet. & contrarietate disceptat ibidem. Quocirca aliter Deus concurret ad productionem rationalitatis, & existentiae; ad productionem namque rationalitatis concurret solum ut causa vniuersalis, ut concurret ad ceterarum rerum productionem; at ad productionem existentiae concurret ut causa particularis, attingens illam ut proprium effectum, & specialissimum, ut suo loco Deo dante huius ostendamus.

D. V. B. I. V. M. III.
An Deus componatur ex genere, & differentia.

*H*oc dubium sic proponit D. Thomas art. 3. illudque sic resoluit. Aliquid est in genere dupliciter: uno modo simpliciter, proprie, sicut species, quae sub genere continentur; alio modo per reductionem, sicut et principia, & priuationes, sicut punctus, & unitas, reducuntur ad genus quantitatis sicut principia, raritas autem, & omnis priuatio reducitur ad genus sui habitus. Neutro autem modo Deus est in genere. Quod autem non possit esse species alicuius generis, simpliciter ostendi potest. *Primo* quidem, quia species constituitur ex genere, & differetia; semper autem id, a quo sumitur differentia constituitur speciem, si habes ad illud, unde sumitur genus, sicut alius ad potentiam; animal enim sumitur a natura sensitiua per modum concretionis; hoc enim dicitur animal, quod nunc am sensitiuam habet; rationali vero sumitur a natura intellectiua, quia rationalis est, quod

naturam intellectuum habet: intellectuum autem comparatur ad sensum, sicut actus ad potentiam, & similiter manifestum est in alijs. Vnde cum in Deo non adiungatur potentia actui, impossibile est, quod sit in genere tanquam species. Vis huius rationis consistit in hoc, quod Deus non potest consistere genere, & differentia, quia genus sumitur à potentia, & differentia ab actu; sed in Deo nihil est, quod habeat rationem potentie; ergo in Deo non potest concipi ratio generis, quæ tanquam potentia se habeat ad differentiam, cum enim Deus sit actus purus omnem excludens potentialitatem, nequit poni sub genere.

13 Secunda ratio D. Thomæ est, quia cum esse Dei, sit eius essentia, ut ostensum est, si Deus esset in aliquo genere, oporteret, quod genus eius esset ens; nã genus significat essentiam rei, cum prædicatur in eo, quod quid est. Ostendit autem Phil. in 3. metaph. quod ens non potest esse genus alicuius: omne enim genus habet differentias, quæ sunt contra essentiam generis; nulla autem differentia posset inveniri, quæ esset extra ens, quia non ens non potest esse differentia; unde relinquatur, quod Deus non sit in genere. Hæc ratio sic breuiter efformatur, quia si Deus esset in genere, seu sub genere, maximè sub genere entis: sed ens non potest esse genus; ergo, Maior constat, quia genus significat essentiam, cum prædicetur in quid; essentia autem Dei, est eius esse, seu est ratio entis diuini; ens autem non nisi sub ente poni potest. Minor probatur, quia genus excludit differentias; ens autem nullam differentiam excludere potest, alioquin non esset ens.

14 Tertia ratio D. Thomæ sic habet. Quia omnia quæ sunt in genere vno, communicant in quidditate, vel essentia generis, quod prædicatur de eis in eo, quod quid est; differunt autem secundum esse; non enim idem est esse hominis, & equi, nec huius hominis, & illius hominis; & sic oportet, quod quæcumque sunt in genere, differant in eis esse, & quod quid est, id est essentia; in Deo autem non differt,

ut ostensum est; unde manifestum est, quod Deus non est in genere, sicut species. Ex hoc patet, quod non habet genus, neque differentiam, neque est definitio ipsius, neque demonstratio, nisi per effectum; quia definitio est ex genere, & differentia, demonstrationis autem medium est definitio. Hanc rationem ad sequentem formam reuoco. In ijs, quæ sunt in genere differunt; ergo Deus non est in genere. Maior probatur; quia quæ sunt in genere, debent in eo communicare, & per differentiam differre, seu debent in vno communicare, scilicet in essentia, & in alio differre, scilicet in esse; quia genus sumitur ab essentia, & differentia, ab existentia, quæ est modus diuersus habendi essentiam, ac proinde nihil potest esse in genere, nisi in eo distinguatur essentia, & esse. Minor constat ex dictis dubio præcedenti, quod scilicet in Deo nõ distinguatur essentia, & esse.

15 Quod autem Deus neque reductiue ponatur in genere, sic probat idem S. Doctor. Quod autem Deus non sit in genere per reductionem, ut principium manifestum est ex eo, quod principium quod reducitur in aliquod genus, non se extendit extra genus illud; sicut punctum non est principium nisi quantitatis continua, & unitas quantitatis discreta; Deus autem est principium totius esse, ut infra ostendetur, unde non continetur in aliquo genere sicut principium. Ex quibus clarissime habes, quod Deus non est in genere, ac proinde non componitur ex genere, & differentia.

16 Contra hæc veritatem tenent in primis illi, qui in ente vniuersalissimo prout præcendit à Deo, & creaturis, ponunt vniuocationem, ut sunt Scotistæ. Tenent etiam illi, qui volunt gradum substantiæ esse commune Deo, & creaturis, & sunt Nominales in 1. dist. 8. Pro harum sententiarum intelligentia, nota, quod dictarum sententiarum defensores ponunt triplicem vniuocationem, physicam, logicam, & me-

rathysicam. Vniuocatio physica, seu vniuocum physicum est illud, quod dicit naturam, quæ ex natura rei est vna, secluso omni opere rationis, seu dicit naturam vnam vnitatem reali, & hoc modo dicunt, quod ens non est vniuocum, sed tantum species specialissima, seu atoma. Vniuocum logicè est illud, quod dicit primam intentionem, sub secunda intentione, & hoc modo ens est vniuocum, quia dicit primam intentionem, sub secunda intentione, quæ est vniuersalitas. Vniuocum metaphysicum est illud, quod dicit conceptum realem, seu primam intentionem abstrahibilem per intellectum à pluribus ex natura rei, circumscripta, quacunque secunda intentione logicali. Et hoc etiam modo dicunt ens in tota sua latitudine esse vniuocum. Volunt etiam dictarum sententiarum defensores, pro illarum defensione, quod analogia stare non potest cum vniuocatione physica, bene tamen cum metaphysica. Volunt etiam quod cuilibet conceptui vniuoco correspondeat duplex realitas: vna in se, alia in suis inferioribus: prima est obiectiua, secunda subiectiua. Prima abstrahit ab existentia, & non existentia; secunda concernit actualem existentiam. Demum volunt, quod conceptus obiectiuus entis, est ipsa entitas non determinata ad hanc, vel illam entitatem; nec ad existere, vel non existere, nec ad hunc, vel illum modum essendi, secundum quam rationem habet propriam vnitatem, & esse obiectiuum. Verum conceptus subiectiuus est ipsa entitas prout est determinata, & plurificata in suppositis actu existentibus, & secundum hanc non habet propriam vnitatem, sed diuersitatem.

17 Nihilominus nullo modo est recedendum à sententia D. Thomæ, quam duplici conclusione propono 1. *Ens nullo modo est vniuocum, ac proinde nec genus sub quo Deus contineatur.* Hanc conclusionem tenent omnes Thomistæ partim hoc loco, partim in metaphysica lib. 4. vbi Aristoteles reiecit vniuocationem entis. Idem tradunt N. Complut. in Logica, quatenus volunt, quod ens

sit analogum tum analogia proportionalitatis, tum attributionis secundum diuersos respectus. Quod ens analogice dicatur, non oportet probare, cum sit ab omnibus concessum; quod autem non sit vniuocum, ex seq. proba.

18 Prima ratio. Ens, per aduersarios, non est vniuocum physicè; ergo neque logicè, neque metaphysicè. Probat per consequens quoniam vniuocatio logica, fundatur in vniuocatione metaphysica, sicut gradus logici fundantur in gradibus metaphysicis; & vniuocatio metaphysica fundatur in vniuocatione physica, sicut gradus metaphysici, fundantur in gradibus physicis; ergo si ens non est vniuocum physicè, neque erit vniuocum metaphysicè, & logicè. Consequenter tenet. Antecedens breuiter ostenditur; quia gradus logici etiam per aduersarios sunt ipsi gradus metaphysici, seu primæ intentionis, vt substant secundis intentionibus logicalibus; & gradus metaphysici cum sint primæ intentiones à speciebus, & indiuiduis abstractæ, non possunt non fundari in gradibus physicis. Tum quia hoc patenter colligitur ex recitatis n. præcedenti demum aduersariorum, nam quicquid dicit naturam vnam vnitatem reali, est vniuocum physicè; sed ens non dicit naturam, seu entitatem vnam vnitatem reali, cum omne vniuersale debeat vnitatem realem habere supra quam fundetur vnitatem secundæ intentionis; ergo, &c.

19 Secunda ratio, quoniam de ratione vniuoci est, quod dicat vnam rationem abstractam, & contrahibilem ab inferioribus, seu ab illis à quibus abstracta est; sed ens non dicit vnam rationem obiectiuam abstractam, & contrahibilem ab inferioribus, v. g. à Deo, & creaturis, à substantia, & accidente; ergo ens non est vniuocum. Maior constat ex definitione vniuoci, v. g. generis, scilicet, *genus est id, quod est prædicabile in quid de pluribus differentibus specie*, quod autem est prædicabile, est etiam contrahibile. Minor probatur, quia si ens diceret vnam rationem abstractam, & contrahibilem, cum per aduersarios

illa

illa ratio sit prima intentio; ac proinde realis, peto vel hæc ratio est à se, vel nõ: si primum, est Deus, si secundum, est creatura; de quolibet namque est vera affirmatio, vel negatio ex metaphysica, ergo, &c.

20 Tertia ratio, quia omne vniucum habet aliquid per quod contrahatur ab inferioribus; sed ens nil habet per quod contrahatur; ergo non est vniucum. Maior constat. Minorem probabo, quia contrahens debet esse extra rationem contracti, vt dicit Arist. 7. Met. Sed nihil datur, quod sit extra rationem entis; ergo. Hæc minor constat, quia, ens de omnibus prædicatur, non tantum identice, verum etiam formaliter; vnde hoc modo prædicatur de suis passionibus, & de omnibus differentiis, quas omnes transcendit. Confirmatur hoc, quia dari non potest ratio communis vniuoca ei, quod de se est ens, & ei, quod de se non est ens, sed non ens; sed Deus ex se est ens, & creatura de se est non ens, ergo ens non potest esse commune vniuoco Deo, & creaturæ. Maior constat, quia cum ens, & non ens sint contradictoria, & primò diuersa, non possunt habere vnā rationem communē, cum primò diuersa in nullo conueniant. Tum quia si entis, & non entis daretur aliqua ratio communis, sequeretur, quod sicut quidditas, quæ de ente prædicatur est positia, etiam quidditas quæ de non ente prædicaretur, esset positia, quod esse nequit. Minor probatur, quod scilicet Deus de se sit ens, & creatura sit de se non ens; nam quod Deus de se sit ens constat, quod creatura sit de se non ens, ostendo, quia creatura habet esse ens à primo ente, ergo de se non est ens; tum quia, quod non habet esse à se, sed ab alio, à se non est ens.

21 Secunda conclusio. Substantia nullo modo est genus respectu substantiæ increatae, & creatæ, ac subinde Deus non est in genere substantiæ. Hanc conclusionem sequuntur omnes Thomistæ, cum D. Thomas hoc loco, constat ex rationibus pro prima conclusione adductis.

Deinde probatur 1. quia si daretur substantia abstracta à Deo, & creaturis, contrahibilis ad Deum, & creaturas, de illa peterem, aut necesse est esse, aut non esse necesse esse, sunt enim ista contradictoria, quæ de quacunque re formati possunt, & non habent medium si primum, ergo de omni substantia ad quam contrahetur, verum erit dicere, quod necesse est esse, ac proinde omnis substantia esset necessaria, primum & Deus. Si secundum, sequitur quod Deus non sit suum esse, quod possit non esse, quod nõ sit necesse esse, cum in eo contrahatur gradus substantiæ, de cuius esse non est esse, sed non esse. Secundò probatur, quia quæ se totis distinguuntur non possunt in vno gradu vniuoco conuenire, sed substantia increata, & creatæ se totis distinguuntur; ergo non possunt in vno gradu vniuoco substantiæ conuenire. Maior nota est, quæ enim in vno gradu conueniunt, non possunt se totis distinguere. Minorem probabo, quia Deus est substantia à se, creatura est substantia ab alio; Deus est substantia increata, creatura creatæ; Deus est substantia infinita, creatura finita, &c. ita se totis distinguuntur; ergo. Respondent, quod ista distinguatur se totis subiectiue, non obiectiue; contra quia conceptus obiectiue fundatur in subiectiue; ergo si prædicta prædicata non sunt vniuoca subiectiue, neque obiectiue.

22 Obijciunt 1. quia vbi est vnitas conceptus, ibi est gradus vniuocus, sed ens concipitur vt est commune Deo, & creaturis, vno conceptu ergo est vniuocum. Maior constat ex differentia vniuoci, & analogi, quod vniuocum fundatur in vnitare conceptus, at analogum in pluralitate saltem inadæquata. Minor probatur, nam quod vno conceptu concipitur debet habere vnum conceptum, sed ens vt est commune Deo, & creaturis vnico conceptu concipitur, ergo. Minorem ostendo, quia Deus vnico, & formalissimo conceptu cognoscit se, & creaturas. Respondet aliquis concedendo, quod Deus vnico conceptu cogno-

seat se, & creaturas, adhuc tamen non sequitur, quod Deus, & creatura conveniant univocè; nam etiam Deus univoco conceptu intelligit omne ens reale, & rationis, omnes privationes, negationes, & habitudines, & tamen ista non conveniunt in vno gradu univocò; tum quia intellectus non solum divinus, sed etiam angelicus univoco conceptu intelligit canem terrestrem, caelestem, & marinum, & tamen non univocantur, sed analogantur; univocatio ergo non debet desumi ex unitate conceptus, sed ex unitate, & æqualitate rationis contrahibilis, quæ in univoco entis conceptu non reperitur, sicut non reperitur in vno conceptu entis realis, & rationis; in univoco conceptu canis terrestris, caelestis, & marini. Resp. distinguendo maiorem, ubi est unitas conceptus, ibi est gradus univocus, quando ille conceptus est univocus re, & ratione, seu secundum rationem adæquatam, & conceditur; quando ille conceptus est univocus re, sed multiplex ratione, aut secundum rationem inadæquatam, & negatur. Licet ergo Deus univoco conceptu re concipiat ens creatum, & increatum, ens reale, & rationis; eanem terrestrem, caelestem, & marinum; tamen ratione, aut saltem inadæquate plurificantur; ita quod cognoscat Deus, quod ens increatum est ens primum suæ intellectiōis, & ens creatum est ens seu obiectum secundarium, & materiale eiusdem intellectiōis; ac proinde cognoscit, quod non univocantur, sed analogantur. Vel dico, quod Deus univoco conceptu formali cognoscit ens increatum, & creatum, non univoco obiectivo, se tenente ex parte rerum cognitarum, nam iste est multiplex.

23 Obijciunt 2. quia quicquid prædicatur quidditatiuè de multis, prædicatur univocè, sed tam ens vñ sic prædicatur quidditatiuè de ente increato, & creato, quam substantia prædicatur quidditatiuè de substantia increata, & creata; ergo prædicantur univocè. Resp. negando maiorem, aliud namque est prædicari quidditatiuè, aliud prædicari

univocè, adhuc ut aliquid prædicetur quidditatiuè, sufficit quod sit prædicatum essentialiter. Verum ad hoc ut prædicatum sit univocum, requiritur ulterius, quod eius ratio æqualiter dicatur de illis, de quibus prædicatur; quod enti vñ convenit, nec substantiæ respectu increatæ, & creatæ, ut ex dictis constat.

D V B I U M IV.

An simplicitas sit perfectio simpliciter, seu quid importet simplicitas pro formali, ubi alia curiosa tractantur.

24 **T**Ametsi duæ partes tituli videantur omnino diverſæ, tamen non sunt; nam si semel simplicitas pro formali nil positivum dicat, sed solum negationem, tunc simplicitas formaliter non erit perfectio simpliciter; si vero dicat aliquid positivum pro formali, erit perfectio simpliciter. Prima ergo sententia tenet, quod simplicitas pro formali dicit negationem compositionis, ac proinde pro formali non dicit perfectionem, cum negatio non innovat perfectionem. Pro hac sententia P. Blas. in sua metaph. disp. 10. q. 4. citat Caiet. de ente, & essen. cap. 2. & Nazari. hoc loco. Certè si hæc opinio vellet, quod simplicitas dicat nudam tantum negationem divisionis, absque ulla inclusionem, vel connotationem saltem in obliquo alicuius positivi, non videtur probabilis; nam præcisâ ratione negationis tam bene tribui potest entibus rationis, negationibus quibuscumque: & nostri intellectus figmentis, quam aliquibus entibus realibus. Si vero velit simplicitatem in recto dicere negationem, & in obliquo connotare aliquid positivum, scilicet talem, vel talem entitatem, aut essentialitatem, non omnino displicet.

25 Nihilominus communior, & probabilior sententia est, quod simplicitas in recto dicat aliquid positivum, connotans, seu inferens negationem compositionis. Pro hac sententia d. P. Blas. citat Ledelm. Scorum, Zumelium, &

¶ D. Thomam, quatenus 1. *contr. gent.* c. 18. dicit. *In quolibet genere tanto aliquid est nobilius, quanto simplicius*, non potest autem inferre maiorem nobilitatem ex maiori simplicitate, si simplicitas non esset formaliter aliquid positivum, ac proinde perfectio simpliciter.

26 Hanc conclusionem aliqui sic probant. Simplicitas in Deo est attributum, ergo est aliquid positivum, ac proinde perfectio simpliciter simplex; inter conditiones namque attributi, una est, quod dicat perfectionem in Deo formaliter existentem, quia ideo Theologi agunt de attributis divinæ essentiae, ut eius perfectionem explicant. Pro quo notant, quod ad rationem attributi proprie dicti, hæc conditiones requiruntur. Prima, ut prædicetur de Deo, seu de divina essentia per modum quasi proprietatis adjacentis, seu per modum perfectionis quasi superadditæ essentiae iam constitutæ. Vnde à ratione attributi per hanc conditionem excluduntur omnia prædicata eiusdem essentiae constitutiva. Secunda conditio est, quod attributum habeat rationem formæ absolutæ; unde excluduntur prædicata personalia, quia ista non se habent ad essentiam divinam per modum formæ, aut proprietatis adjacentis, & ab illa pullulantis. Tertia, quæ ex dictis inferitur, quod dicat aliquam perfectionem formaliter in Deo existentem, quæ enim negationem dicunt, nec pullulare intelliguntur, nec habere rationem formæ, nec proprietatis essentiae adjacentis.

27 Verum hæc ratio nil probat, quia ex communi Theologorum consensu, attributa sunt duplicis generis; alia namque sunt affirmativa, alia negativa, ex D. Dionysio *cap. 7. de divinis nominibus*, dicente: *Deum à nobis, & scientia cognosci, & ignoratione*. Deum cognoscimus scientia dum positiva, seu affirmativa eius attributa cognoscimus. Deum vero ignoratione cognoscimus quatenus habemus cognitionem attributorum eius negativorum. Ea autem dicuntur attributa affirmativa, seu posi-

tiva, quæ tam voce quæ exprimentur, quam re per illam importata significant perfectionem divinæ essentiae adjacentem, ut sunt bonitas, iustitia, misericordia, &c. Illa vero dicuntur negativa, quæ ipsa voce significant alicuius imperfectionis remotionem, ita tamen, quod per illam negationem, seu imperfectionis remotionem significetur aliqua perfectio formaliter in Deo existens, siue sit tantum fundamentum dictæ negationis per primam sententiam: siue ea perfectio simul in recto importetur cum ipsa negatione, ut aliqui volunt, quod non placet; siue ea perfectio importetur in recto, & negatio in obliquo, ut putamus nos. Vnde argumentum ex attributis desumptum non probat simplicitatem esse aliquid positivum pro formali, nisi supposita nostra sententia, quæ ex alio capite est probanda.

28 Probatur ergo conclusio 1. simplicitas est æqualitas, & sūma simplicitas est summa æqualitas; sed actualitas in suo conceptu formali dicit perfectionem; ergo etiam simplicitas. Minor constat, actualitas namque cum excludat potentiam, quæ est radix omnis imperfectionis, debet asserre in suo conceptu perfectionem; quanto enim vnum contrarium aliud excludit, tanto magis habet de eius opposito, ac proinde quanto æqualitas excludit de potentialitate, tanto magis habet de perfectione. Maior probatur, nā simplicitas excludit compositionem, ergo includit actum; potentia namque est radix compositionis, & actus est radix simplicitatis, quanto namque aliquid participat de actu, tanto excludit de compositione. Vnde ideo Deus excludit omnem compositionem, quia excludit omnem potentiam, & est purissimus actus.

29 Probatur 2. quia omnimoda simplicitas imbibit rationem primi entis, seu dicit rationem primi entis formalissimè; ergo in suo conceptu dicit aliquid positivum. Consequenter. Antecedens ostenditur, quia primum ens ut tale, dicit ens simplicissimum; ergo om-

nimo.

nimoda simplicitas dicit rationē primi entis. Antecedens probatur, quia si primū ens, non diceret ens simplicissimum iam non esset primum; partes namque componentes sunt priores toti cōposito.

30 Probatur 3. quia illud, quod perfectius est, debet in esse Deo; sed perfectius est importare perfectionem, & entitatem positivam in recto, & negationem in obliquo, quam importare perfectionem, & entitatem positivam solum tanquam fundamentum, & pro materiali, & pro formali negationem; ergo illud, non hoc Deo inesse debet.

31 Obijcies 1. ex D. Thoma in 4. dist. 11. q. 2. art. 1. quæstion. 2. ad 1. ubi appetit dicit, quod ex simplicitate non debet venari nobilitas rei, sed ex perfectione, cum dentur plura simplicia imperfectiora, & ignobiliora compositis; sic enim fatur. *Vnde perfecta bonitas inuenitur in uno simplici, simplex est nobilior quam compositum: quando autem ē conuerso simplex est imperfectum, compositum verò perfectum, tunc compositum est nobilior quam simplex, sicut homo est nobilior terra.* Respondet P. Blas. d. 10. metaph. q. 4. §. 2. n. 22. quod D. Thomas vult, quod ex sola simplicitate non sit petenda nobilitas, sed etiam ex alijs perfectionibus. Verum hæc responsio non satisfacit, non enim S. Thomas solum vult, quod nobilitas non possit etiā peti ex alijs perfectionibus, de quo nulla potest esse difficultas; sed vult, quod quandoq; simplicitas est imperfectio, & signum imperfectionis; dicit enim.

Quando autem ē conuerso simplex est imperfectum, &c. Resp. ergo ex dictis, duplicē esse simplicitatem, vnam desumptam ex actualitate, seu dicentem, & inuoluentem actualitatem, & hæc ex genere suo dicit perfectionem, quia quo maior est actualitas, eo maior est simplicitas, & ē conuerso. Alteram desumptam ex potentia, & ista est imperfectio, & eo maior est imperfectio, quo maior est potentia. Hoc sensu composita quippe actualiora sunt perfectiora elementis, homo namque ut dicit S. Doctor, est

perfectior terra; & totum est perfectius suis partibus.

32 Obijcies 2. quia materia prima est simplicissima, & tamen non dicit perfectionem; ergo, &c. Respondet P. Blas. loco citato, quod materia habet perfectionem sibi conuenientem: eo namque modo quo est simplex, dicit perfectionem. Verum admitti non debet, quod materia prima dicat perfectionem, cum nullum dicat actum, sed simplicitas materiæ primæ cum non ab actu sumatur, sed à potentia, summam dicit imperfectionem.

33 Sed quæres 1. an simplicitas sit attributum diuinæ essentiae, an prædicatum essentiale? Pro intellectu difficultatis notandum est ex sanctissimo, & doctissimo P. N. Ioanne Damasc. lib. 1. de fide cap. 4. quod in Deo sunt duo genera prædicatorum, alia dicuntur constitutiva diuinæ essentiae, & ingrediuntur formalem illius constitutionem, ut sunt intelligere, vivere, esse, &c. Alia dicuntur attributalia, quæ non ingrediuntur formalem constitutionem eiusdem essentiae diuinæ, sed de illa prædicantur tanquam adiuncta, seu per modum adiacentis, & quasi proprietatis, ut est iustitia, misericordia, bonitas, &c. Modo quæritur, an simplicitas sit prædicatum essentiale, an attributale. Resp. esse prædicatum essentiale, pertinens ad formalem diuinæ essentiae constitutionem; ratio est, quia simplicitas, est ipsa actualitas, vix dictis constat, sed ratio actus, & purissimi actus in Deo est prædicatum essentiale, ergo etiam simplicitas; tum quia sicut simplicitas desumpta à potentia non distinguitur ab ipsa potentia; ceteroquin in materia prima simplicitas ab ipsa distingueretur non ut potentia, à potentia, sed ut actus à potentia, & sic materia prima includeret actum, & non esset pura potentia; ita simplicitas desumpta ab actu, non distinguitur ab actu.

34 Quæres 2. quinam errores fuerint circa Dei simplicitatem? Resp. fuisse sequentes. Primus fuit Priscillianista.

nissarum; qui cum Democrito, & Pythagora dixerunt Deum esse animam mundi, vel mundum esse magnum quoddam animal, cuius anima est Deus, ut videre est apud S. B. August. lib. 7. de ciuit. Dei cap. 6. Secundus fuit Almarinorum, qui dixerunt Deum esse formam omnium rerum. Tertius fuit cuiusdam Davidis de Dinando, qui nesciens distinguere inter simplicitatem, quæ sumitur ab actu, & quæ sumitur à potentia, & videret primam materiam esse simplicissimam, putauit Deum esse materiam primam.

35 Quæres 3. an Deus possit alicui

communicare suam simplicitatem. Resp. negatiue, cum enim simplicitas Dei sit purissima, & actualissima, ac subinde prædicatum essentiale illius, nequibit illam alteri à se communicare. Tum quia omnimoda simplicitas repugnat creaturæ, quia eo ipso, quod est creatura, habet potentiam obiectiuam, seu non repugnantiam ad non existendum, & existendum, quod repugnat omnimodæ simplicitati. Tum etiâ quia creaturæ repugnat negatio omnis compositionis, quia saltem componi debet ex essentia, & esse.

DISPUTATIO IV.

IN QVÆST. IV. D. THOMÆ.

DE PERFECTIOE DEI



QUOD sol est sēlibus, hoc est Deus intelligentibus. Sol mundum illuminat visibilem; Deus inuisibilem: sol visum corporalem illustrat,

Deus verò naturas intellectuales splendidas reddit. Sol hic videntibus, & visibilibus, his quidem, ut videantur, illis ut videantur subministrat, ipseque inter visibilia pulcherrimus: Deus intelligentibus, & intellectis his ut intelligantur suppeditat, illis ut intelligant; & ipse inter intelligibilia, & intellectus altissimus, & perfectissimus. Non sicut ignis naturæ necessitate, aut apes ceras fricant, vel telas araneæ, ita Deus operatur: sine suæ perfectionis diminutione suis communicat perfectiones. Ut sol semper plenus conspicitur, nec vnquam minuitur, sic Deus perpetuò perfectus existit, plenus potentia, sapientiâ, bonitate, & cunctis perfectionibus. Non sicut Luna occumbit, eiusque potentia emoritur, sed semper perfectissimus permanet, immutatus permanet, licet & et

cuncta moueri. De infinita, & immensa Dei perfectione agit S. Thomas qu. 4. per tres articulos, ex quibus sequentia dubia ponimus.

D V B I V M I.

Vtrum Deus sit perfectus.

HOC dubium proponit S. Doctor art. 1. dicta q. 4. sicque resoluit. Philosophus narrat in 12. meta. quod quidam antiqui Philosophi, scilicet Pythagorici, & Leucipus, non ascribuerunt optimum, & perfectissimum primo principio. Cuius ratio est, quia Philosophi antiqui considerauerunt principium materiale tantum, primum autem principium materiale imperfectissimum est. Cum enim materia in quantum huiusmodi, sit in potentia, oportet, quod primum principium materiale sit maximè in potentia, & ita maximè imperfectum. Deus autem ponitur primum principium, non materiale, sed in genere causa efficientis, & hoc oportet esse perfectissimum, sicut enim

ma-

materia in quantum huiusmodi, est in potentia, ita agens in quantum huiusmodi, est in actu: unde primum principium actiui oportet maximè esse in actu, & per consequens maximè esse perfectum: secundum hoc enim dicitur aliquid esse perfectum secundum quod est actu; nam perfectum dicitur, cui nihil deest secundum modum suæ perfectionis. Vbi, vt vides, hæc efficacissima ratione probat S. Doctor, quod Deus sit infinitè perfectus contra Pythagoricos, aliosque Philosophos; quoniam Deus est primum principium, non materiale, sed efficiens; atqui primum principium efficiens est perfectissimum; ergo Deus est perfectissimus. Maior constat ex dictis supra. Minorem probat Angelicus, quia vnum, quodque est perfectum, secundum quod est in actu, & maximè perfectum secundum quod est maximè in actu, sed principium efficiens est in actu, quia vnumquodque agit secundum quod est in actu; ergo.

3 Confirmari potest hæc veritas alijs rationibus, quas adducit idem S. Doctor 1. *constr. gen. cap. 28.* Primò, quia Deus est ens omnino necessarium, vnde non potest se ipsum aliquo sibi requisito priuare: est ens supremum, & independens, vnde non potest ab aliquo alio impediri, ne habeat, quæ sunt suæ naturæ propria, & debita. Secundò, quia Deus est summè actu, seu habet rationem essendi in summo, & perfectissimo gradu; caret omni, & qualibet potentialitate, ac proinde ratione harum, infinitarumque aliarum perfectionum, debet necessariò habere quidquid requiritur, & pertinet ad perfectissimam suæ naturæ conditionem. Tertiò confirmari potest ex ordine rerum. Nam omne imperfectum debet esse ab aliquo perfecto, quod enim est tale secundum quid, debet resolui in id, quod est tale simpliciter; cum ergo bona creata, & perfectiores creata sint tales secundum quid, debent resolui in perfectionem, quæ sit talis simpliciter.

4 Pro clariori intellectu nota, quod

vt tradit Arist. 5. *metaphy. text. 21.* tripliciter aliqua dicuntur perfecta, seu tres sunt perfectionis gradus; infimus, medius, & summus. Gradus infimus perfectionis, est earum rerum, quæ perfecta dicuntur comparatiuè, seu per ordinem ad aliud, vel in genere causæ efficientis, quo modo medicina illa dicitur perfecta, quæ perfectam inducit sanitatem; vel quia vnum respicit aliud vt subiectum formam, quæ ratione dicitur quis perfectus in scientia, in virtute, in sanctitate; vel etiam quia vnum respicit aliud, quia illud representat, vt filius patrem in moribus, in virtutibus; vt etià representat imago suum protoypum, &c. Gradus medius perfectionis est, quo aliqua dicuntur perfecta in aliquo tantum genere, quia scilicet nihil deest eis eorum, quæ ad illius generis perfectionem pertinent, sicut homo tunc dicitur perfectus, quando habet ea, quæ homini à natura non deficiente conceduntur. Gradus supremus perfectionis est, quo nihil deest in omni genere quo modo solus Deus perfectus est.

5 Obijcies 1. quia vt notat S. Doctor in primo argum. d. art. 1. *Perfectum dicitur quasi totaliter factum; sed Deo non conuenit esse factum, ergo nec esse perfectum.* Confirmat hoc dictum S. Gregorij relatum à D. Tho. *ibid. in solut. 2.* scilicet. *Balbutiendo. vt possumus, excelsa Dei resonamus: quod enim factum non est, perfectum propriè dici non potest.* Respondet S. Doctor. *In his quæ sunt, tunc dicitur aliquid esse perfectum, cum de potentia educitur in actum, transmittitur hoc nomen perfectum ad significandum omne illud, cui non deest esse in actu, sine hoc habeat per modum perfectionis, siue non.* Pro quo nota, quoddam inquitur, an Deus sit perfectus, nomen perfectum, non accipitur secundum suam notationem, seu grammaticalem significationem, prout idem sonat ac totaliter esse factum. Cum enim Deus sit ens increatum à se, & independens à quocunque alio, etiam iuxta communem hominum conceptionem, non potest iuxta hæc accip-

ceptionem esse perfectus; sed hoc nomen perfectus eo sensu hic accipitur, quo apud Arist. lib. 5. meta. tex. 21. & communiter apud omnes Philosophos illud dicitur esse perfectum, cui nihil deest secundum modum suæ perfectionis, hoc est, quod actum habet omnia, quæ debentur, & conueniunt propriæ naturæ. Aduerte etiam, quod aliud est querere, an Deus sit perfectus, & an habeat omnes omnium rerum perfectiones. Nam primus inquirendi modus petit solummodo, an Deus habeat omnia requisita ad suam essentiam. At secundus inquirendi modus, amplius petit, nimirum, an Deus sit tale ens; quod habeat omnes omnium rerum perfectiones, abstrahendo ab eo, quod requirantur, vel non requirantur ad propriæ essentię, seu naturæ constitutionem. Nam rectè intelligimus hominem, vel Angelum habentem requisita suæ naturæ, licet non habeat omnes, omnium rerum perfectiones.

6 Obijcies 2. quia si ob aliquam rationem Deus esset perfectus, maxime quia est primum principium, sed ex hoc non inferitur perfectio; ergo. Probarur minor, nam semen ex principium animalium, & plantarum, & tamen est imperfectum. Nec satisfacere videtur responsio S. Thomæ d. art. 1. ad 2. vbi sic dicit. *Principium materiale, quod apud nos imperfectum inuenitur, non potest esse simpliciter primum, sed præceditur ab alio perfecto. Nam semen, licet sit principium animalis generati ex semine, tamen habet ante se animal, vel plantam, unde deciditur. Oportet enim ante id, quod est in potentia esse aliquid actu, cum ens in potentia non reducatur in actum, nisi per aliquid ens in actu.* Nam licet verum sit, quod principium materiale debeat esse in potentia; tamen quocunque modo aliquid est principium debet esse perfectius principiato, si semel ratio principij aliquam afferat perfectionem. Resp. quod si ratio principij desumatur ab actu, tunc quo actus est perfectior, eo principium est perfectius. At si ratio

principij desumatur à potentia, tunc quo magis aliquid participat de potentia, eo magis ratio principij habet imperfectionem. Quare loquendo de semine, habet quidem aliquam rationem principij, etiam per modum actus, sed valde imperfecta, ac proinde inferioris principiato. Habet rationem actus, quia concurrat actiue ad generationem; sed valde imperfecta, quia concurrat tanquam virtus alterius, scilicet generantis.

7 Obijcies 3. quia essentia Dei est ipsum esse, sed esse videtur imperfectissimum, cum sit communissimum, & recipiens omnium additiones; ergo, &c. Respondet S. Doctor d. art. 1. ad 3. quod ipsum esse est perfectissimum omnium, comparatur enim ad omnia ut actus: nihil enim habet actualitatem, nisi in quantum est; unde ipsum esse est actualitas omnium rerum, & etiam ipsarum formarum: unde non comparatur ad alia sicut recipiens ad receptum, sed magis sicut receptum ad recipiens; cum enim dico esse hominis, vel equi, vel cuiuscunque alterius, ipsum esse consideratur ut formale, & receptum, non autem illud, cui competit esse. Hoc ipsum magis explicat idem S. Doctor in ar. 2. d. 4. ad 3. & Caiet. ibid.

D V B I V M II.

An in Deo sint omnes omnium rerum perfectiones, vbi alia.

8 AD hoc dubium affirmatiue respondendum est cum D. Thom. ar. 2. vbi sic habet. *In Deo sunt perfectiones omnium rerum; unde & dicitur vniuersaliter perfectus, quia non deest ei aliqua nobilitas, quæ inueniatur in aliquo genere, ut dicitur Comment. in 5. Meta. Et hoc quidem ex duobus considerari potest. Primum quidem per hoc, quod quidquid perfectionis est in effectu, oportet inueniri in causa effectiua, vel secundum eandem rationem, si sit agens vniuersum, ut homo generat hominem, vel eminentiori modo, si sit agens æquiuocum, sicut in Sole est similitudo eorum, quæ generantur per virtutem solis.*

K

Ma-

*Manifestum est enim, quod effectus prae-
existit virtute in causa agente; praexistere
autem in virtute causa agentis, non est
praexistere imperfectiori modo, sed perfe-
ctiori; licet praexistere in potentia causa
materialis, sit praexistere imperfectiori
modo, eo quod materia, in quantum huius-
modi, est imperfecta; agens vero in quantum
huiusmodi, est perfectum. Cum ergo Deus
sit prima causa effectiua rerum, oportet om-
nium rerum perfectiones praexistere in
Deo secundum eminentiorem modum. Quo-
ratio sic tradi potest, perfectio effectus
debet praexistere in sua causa, vel for-
maliter si causa est uniuoca, vel eminent-
ter, si est aequiuoca; sed omnes res sunt
effectus Dei ergo omnium illarum per-
fectiones, debent praexistere in Deo;
praexistere autem in causa efficiendi, est
praexistere perfectiori modo.*

9 Deinde ponit S. Thomas aliam
rationem sic. *Secundo verò ex hoc, quod
supra ostensum est, quod Deus est ipsum
esse per se subsistens; ex quo oportet, quod
totam perfectionem essendi in se contineat.
Manifestum est enim, quod si aliquod cali-
dum non habeat totam perfectionem cali-
di, hoc ideo est, quia calor non participa-
tur secundum perfectam rationem; sed si ca-
lor esset per se subsistens, non posset aliquid
desse de virtute caloris, unde cum Deus
sit ipsum esse subsistens, nihil de perfectio-
ne essendi posset ei desse. Omnium autem
perfectiones pertinent ad perfectionem essen-
di, secundum hoc enim aliqua perfecta sunt,
quod aliquo modo esse habent; unde sequi-
tur, quod nullius rei perfectio Deo desit.
Quae ratio sic breuiter proponitur, Ens
per se subsistens continet omnium rerum
perfectiones, Deus est ens per se subsis-
tens; ergo continet omnium rerum per-
fectiones. Minor constat ex dictis. Maio-
rem probat Angelicus exemplo caloris,
nam ideo aliquod calidum non habet
totam perfectionem caloris, quia calor
non participatur secundum perfectam
rationem; si enim calor esset per se sub-
sistens, haberet totam perfectionem ca-
loris; cum ergo Deus sit per se subsis-
tens, debet participare perfectiones omnium*

subsistentium, & existentium. Verum
ut rem istam clarè intelligamus pono
sequentes S.

S.I. *Quotuplex sit perfectio apud Theolo-
gos, & quid sit.*

10 **D**ividunt Theologi omnium
rerum perfectiones, in per-
fectiones simpliciter simplices, & in per-
fectiones tantum simplices, seu secundū
quid. Illa perfectio dicitur tantum sim-
plex, seu secundum quid, quae in suo for-
mali conceptu habet aliquam imperfec-
tionem sibi admixtam, vel repugnantē,
vel oppositā cum maiori, aut sibi aequali
perfectione, ita quod nequeat ambae in
eodem subiecto residere; quo modo sa-
pientia, scientia creata, & omnes habi-
tus, & potentiae creatae qua qualitates
sunt, sunt solum perfectiones secundum
quid, quia sunt perfectio inuoluens im-
perfectionem, scilicet dependentiam à
subiecto. Perfectiones simpliciter sim-
plices sunt illae, quae in suo conceptu nul-
lam inuoluunt in perfectionem, nec sunt
impossibiles cum aliis, vel aliis aequa-
libus, vel maioribus in eodem ente, qua-
tenus est ens, seu quatenus habet ratio-
nem entis sumpti generalissimè. Quod
explicari solet ex definitione, quam ex
D. Anselmo in *Monologio* cap. 14. tradunt
communiter Theologi, scilicet. *Perfectio
simpliciter simplex est illa, qua in vnoquoq;
melior est ipsa, quā non ipsa, id est melius
est alicui quatenus ens est illam habe-
re, quam non habere, seu quam habere
oppositam, vel aliam cum illa incompof-
sibilem, ut explicat Caiet. cop. 2. de ente,
& essen.* Vbi etiam aduertit, quod per-
fectio simpliciter simplex debet conue-
nire alicui ut ens est, & perfectio secun-
dum quid, debet convenire quatenus
tale ens, seu quatenus ens huius, aut il-
lius speciei, quia ut sic etiam perfectio
secundum quid melior est ipsa, quam
non ipsa. Verbi gratia lapidi qua lapis
est, melius est non viuere, quam viuere,
non tamen qua ens, ac proinde viuere
est perfectio simpliciter simplex. Duri-
ties

ries est lapidi perfectio tantum simplex, quia qua lapis est, seu qua tale ens, melior est durities quam vita. Quocirca ad perfectionem simpliciter simplicem duæ conditiones desiderantur, una est, quod sit perfectio, seu ut alijs placet ut sit quid positivum, qua ratione excluduntur negationes, & privationes. Altera quod ea perfectio non excludat aliā perfectionem æqualem, aut maiorem, aut minorem, in suo conceptu, qua ratione excluditur relatio, de cuius ratione est, quod aliam æqualem excludat. Igitur loquendo de Deo certū est, quod omnes omnium rerum perfectiones siue simpliciter simplices, siue tantum simplices, seu secundum quid, sunt in eo, sic colligitur ex sacra scriptura, ut Exodi 3. ubi Moyſi desideranti videre faciem Dei, ait ipse Deus. *Oſtendam tibi omne bonum.* Et sapient. 7. dicitur spiritus Domini continere omnem virtutem, idem traditur alibi; unde ad minus esset temerarium, & sapiens hæresim, tenere oppositum. Difficultas est de modo quo Deus continet dictas singularum creaturarum perfectiones, de quo ſeq.

S. II. Quomodo omnes omnium creaturarum perfectiones sint in Deo.

Non est difficultas, an Deus contineat, & quomodo contineat omnes rerum perfectiones in esse cognoscibili, certum namque est, quod Deus hoc modo dictas perfectiones contineat; neque est difficultas an Deus contineat dictas perfectiones in genere causæ efficientis illas producendo, & conservando; sed an Deus illas in se habeat quasi subiectivè. Pro quo nota; quod tripliciter aliquid potest esse, & contingere in alio, scilicet formaliter, eminenter, & virtualiter, seu virtute. Id in alio formaliter continetur, quod est in eo secundum totum illud, quod de formali asserti, seu quod est de eius essentia, & ratione formali, ita quod ratione huius formalis continentiz de eo formaliter prædicetur, illudque formaliter deno-

minet, quo modo albedo est in corpore, illudque formaliter denominat. Id in alio continetur eminenter, quod est in illo secundum quoddam esse elevatum, seu secundum formam, seu rationem formalem perfectiorem; quæ forma, seu ratio formalis perfectior non solum contineat virtute quicquid est perfectionis in contento, sed etiam possit præstare modo nobiliori totum id, quod contentum præstabat. Quocirca ad continentiam eminentialem duæ conditiones requiruntur. Una, quod contentum contineatur in continente secundum aliquam rationem, seu formam nobiliorem suam, propria forma, eiusque imperfectiones excludat. Altera, quod continens possit nobiliori modo præstare totum id, quod ipsum contentum præstabat, ut sol continet eminenter per lucem calorem, quia per eandem lucem potest præstare modo nobiliori totum id, quod præstat calor. Id dæmum continetur virtute in alio, quod ab illo potest quoquo modo produci, tamen continens careat utraq; prædicta conditione ad eminentialem continentiam. Attende etiam, quod perfectiones simpliciter simplices, ut vivere, intelligere, scire, velle, &c. possunt duobus modis considerari. Primò secundum suum conceptum præcisum, præscindendo ab eo, in quo cum alijs conveniunt, & à modo quo dictæ perfectiones sunt in nobis, seu possidentur à nobis, ut præscindendo quod sint qualitates, quod dependent, quod sint quid creatum, quod inhæreant, &c. Secundò illas considerando cum istis imperfectionibus. His positis rem totam duplici conclusione expedit.

1. Prima concl. *Perfectiones simpliciter simplices secundum suum conceptum formalem considerata sunt formaliter in Deo.* Hæc conclusio est certissima, & colligitur ex sacra scriptura, nam bonitas, sapientia, veritas, &c. ponuntur in Deo. Ratio constat ex dictis, & confirmant adducta ex Diuo Thoma. Tum quia modus prædicandi sequitur modum essendi, ut docent Dia-

loquaci; sed tam ex sacra scriptura, quam ex SS. Patribus, & ex communi consensu Theologorum, & Philosophorum, perfectiones simpliciter simplices secundum suum formalem, & precisum conceptum predicantur formaliter de Deo, eique propriè conueniunt; ergo sunt formaliter in Deo.

13. Secunda conclus. *Loquendo de perfectionibus simpliciter simplicibus ut sunt in nobis, inuolutæ imperfectionibus, & loquendo de perfectionibus tantum simplicibus, non sunt formaliter in Deo, sed tantum eminenter.* Hæc conclusio communiter traditur, & constat ex notatis n. 11. Quod enim perfectiones simpliciter simplices ut sunt in nobis inuolutæ imperfectionibus non sint in Deo formaliter, constat, quia in Deo nulla potest imperfectio; quod sint eminenter, etiam constat, quia continentur per formam, seu rationem formalem nobiliorē, nobiliori quē modo præstantem id, quod præstat ea perfectio in nobis; scientia namque Dei, vel sapientia, est forma nobilior, quam sit nostra sapientia, quæ est qualitas inherens, & nobiliori modo præstat, quod præstat nostra sapientia. Quod autem perfectiones tantum simplices, seu secundum quid, non sint in Deo formaliter, sed tantum eminenter, ut ratio lapidis, grauitatis, albedinis, qualitatē, discursiui, &c. constat ex modo dictis.

14. Obijcies 1. quia relatio dicit perfectionem non simpliciter simplicem, sed simplicem tantum, & ramen est formaliter in Deo; ergo malè dictum est, quod perfectio tantum simplex non sit formaliter in Deo, sed tantum eminenter: quod relatio dicat perfectionem, constat, nam essentia diuina est ens absolutum simul, & relatiuum, vel saltem in relatiuo transcendit. Quod relatio non dicat perfectionem simpliciter simplicem, patet, quia nec est quid absolutum, nec quid ad se, sed ad aliud; ac proinde non intelligitur perficere simpliciter, sed tantum secundum quid, scilicet in ordine ad aliud. Quod autem sit

hæc relationis perfectio in Deo formaliter, etiam constat, quia paternitas filiatio, & spiratio passiuā, sunt propriè relationes, quæ formaliter in diuinis personis reperiuntur, nec incompōssibilitas facit quominus in Deo non reperiatur formaliter. Resp. negando antecedens, ut enim infra trademus, relationes diuine nullam dicunt perfectionem.

15. Obijcies 2. nam si perfectiones, quæ sunt in creaturis esset in Deo formaliter, vel eminenter, vel essent eadem numero, vel specie, aut genere; non sunt eadem numero, nec specie, nec genere, ergo nullo modo. Quod non sint eadem numero, constat, quia non potest una, eademque res numero esse in duplici subiecto; tum quia multa sunt de conceptu huius, aut illius perfectionis numero prout est in creatura, quæ ut sic repugnant Deo: v. g. de conceptu huius sapientiæ creatæ est, quod dependeat ab hoc subiecto, quod sit quid creatum, finitum, limitatum, &c: quæ in Deo nullo modo esse possunt: Neque possunt esse eadem in specie, quia nihil potest esse in Deo, sit quod eiusdem speciei cum aliquo creato; tum quia de ratione, seu conceptu specifico sapientiæ creatæ est, quod sit qualitas, quæ ratio nullo modo potest esse in Deo. Neque possunt esse eadem genere, ob eandem rationem, quia nihil diuinum potest genericè conuenire cum ente creato, ut *dispræced. dub. 3.* dictum est. Resp. poni in Deo solum secundum quandam analogiam causæ efficientis, & exemplaris, ut colligitur ex illo Ioan. 1. *Omnia per ipsum facta sunt: quod factum est in ipso vita erat;* Deus namque dum aliquid producit, agit per intellectum, & agens per intellectum habet in se exemplar rei quam producit unde omne, quod à Deo dependet, in Deo supponitur nobiliori, perfectiori quē modo, quam sit in se ipso. Res in Deo sunt veluti originalia, in se, sunt veluti copiæ valde deficientes, & inferiores: in Deo vitam habent, & vitam diuinam: *in ipso vita erat,* in se vel non habent

viam, vel deficientem, ut constat.

§. III. Quid sit perfectius, Deus solus, an Deus, & vniuersum simul.

Conueniunt plerique, quod Deus, & vniuersum simul non sunt aliquid melius, perfectiusque, quam sit Deus solus, loquendo de perfectione intensiua. Vnde dicit S. P. Aug. lib. 6. de Trinitate cap. 8. *Cum creatura adhuc sit Creatori, illa sit maior, quam erat, non ille, idem tradit S. Tho. 1. 2. q. 34. art. 3. ad 2. & ratio est conuincens, quia illud est intensiue melius, perfectiusue, quod habet plures perfectionis gradus, alios alijs perfectiores, melioresue; sed Deus, & vniuersum simul non habent plures gradus perfectionis; quam habeat solus Deus; cum in Deo sint omnes omnium creaturarum perfectiones formaliter, & eminenter; ergo, &c.*

Difficultas procedit de perfectione extensiua, de qua re tres inuenio sententias. Prima negatiua est Zumelis hac q. 4. art. 2. in appendice ad secundam suam quest. Secunda est Nazarij infra q. 6. art. 2. contr. unica, vbi dicit, quod loquendo de perfectione extensiua proprie, Deus, & vniuersum non sunt magis perfectum, quam Deus solus, bene tamen loquendo de perfectione extensiua improprie. Perfectionem extensiua proprie eam vocat, quando idem est numero bonum, eadem numero perfectio, quæ dicitur magis, aut minus extensa, ut quando eadem numero albedo est magis extensa, ad maiorem superficiem. Vnde hoc modo illa scientia est magis extensa, quæ ad plura seibilia extenditur. Perfectionem extensiua improprie vocat, quando non seruatur rei identitas numerica. Quod dupliciter fieri dicit; primo modo quædo res est diuersa quidem numero, eadem tamen specie, ut cum dicitur, quod plures albedines sunt quid melius extensiue, quam vna; & plures homines, quam vnus, & de hoc modo non procedit dif-

ficulas, quia etiam isto modo potest absolute aliquid esse melius extensiue, licet non ita proprie. Secundo, quando res est diuersa non solum numero, specie, & genere, sed etiam quacunque ratione vniuoca, & solum conuenit analogice, & tunc extensio aggregati analogici, non facit maiorem perfectionem extensiue, nisi secundum quid. Cum autem Deus, & vniuersum simul constituent aggregatum perfectionum analogice tantum conuenientium, sequitur, quod Deus, & vniuersum simul non sit magis perfectum extensiue proprie, quàm Deus solus, sed solum improprie.

Tertia sententia est Durandi in 1. dist. 44. q. 3. & aliorum communiter, quod absolute loquendo sit magis perfectus Deus, & vniuersum simul, perfectione extensiua, quàm Deus solus; Hanc sententiam probo, nam ad hoc ut aliquid dicatur absolute perfectius, & melius extensiue, sufficit, quod perfectio sit maior numero in illo, quod dicitur extensiue perfectius, quam in altero, quod dicitur non esse tale; sed perfectioes sunt maiores numero in Deo, & vniuerso, quam in Deo solum; ergo Deus, & vniuersum sunt perfectius extensiue, quam Deus solus. Minor nota est; certum namque est, quod aliam unitatem numericam habent perfectiones in Deo, & in vniuerso; nam alia est sapientia increata numero, & alia creata; item creata numero adhuc plurificatur. Maior probatur; nam plura opera meritoria Christi D. dicuntur perfectiora extensiue, vno tantum opere, cum tamen contingere possit, quod aliqua solum analogice conuenirent. Tum quia, quod perfectiones in Deo habeant modum essendi nobiliorem, taliter, quod non nisi analogice conueniant cum nostris perfectionibus, soli arguit, quod Deus, & creatura non sit quid perfectius intensiue, non extensiue, alioquin assignetur ex quo alio capite colligatur, quod Deus, & vniuersum non sint quid perfectius intensiue, si ex illa eminentia non colligitur.

D V B I V M III.

An aliqua Creatura possit esse Deo similis

19 **H**oc dubium proponit S. Doctor art. 3. d. 9. 4. & quia illud doctissime resoluit, ponam eius verba, ut meus lector ea in proutu habeat, sic ergo habet. *Cum similitudo attendatur secundum convenientiam, vel communicationem in forma, multiplex est similitudo, secundum multos modos communicandi in forma. Quadam enim dicuntur similia, quae communicant eandem rationem, & secundum eundem modum, & haec non solum dicuntur similia, sed aequalia in similitudine, sicut duo aequaliter alba, dicuntur similia in albedine: & haec est perfectissima similitudo. Alio modo dicuntur similia, quae communicant in forma secundum eandem rationem; & non secundum eundem modum: sed secundum magis, & minus, ut minus album dicitur simile magis albo; & haec est similitudo imperfecta. Tercio modo dicuntur aliqua similia, quae communicant in eadem forma, sed non secundum eandem rationem, ut patet in agentibus non uniuocis. Cum enim omne agens agit sibi simile in quantum est agens, agit autem unumquodque secundum suam formam, necesse est, quod in effectu sui similitudo forma agentis. Si ergo agens sit contentum in eadem specie cum suo effectu, erit similitudo inter facitis, & factum in forma secundum eandem rationem speciei, sicut homo generat hominem: si autem agens non sit contentum in eadem specie, erit similitudo, sed non secundum eandem rationem speciei, sicut ea, quae generantur ex virtute solis, accedunt quidem ad aliquam similitudinem solis, non tamen ut recipiant formam solis, secundum similitudinem speciei, sed secundum similitudinem generis. Si igitur sit aliquod agens, quod non in genere contineatur, effectus eius adhuc magis accedens remotè ad similitudinem forma agentis, non tamen ita, quod participet similitudinem forma agentis, secundum eandem ratio-*

nem speciei, aut generis, sed secundum aliqualem analogiam, sicut ipsum esse est commune omnibus. Et hoc modo illa quae sunt à Deo, assimilantur ei in quantum sunt entia ut primo, & uniuersali principio totius esse. Ex quomodo clarè ostendit S. Doctor, quod creatura, sola, analogia similitudine Deo similis esse potest, cum solum hoc modo causetur, & cum Deo conueniat.

20 Igitur certum est, quod creatura nequit esse similis Deo similitudine uniuocae: siue specifica, siue generica, ut constat ex illo psal. 82. *Deus quis similis tibi?* & ex illo psal. 85. *Non est similis tui in Dijs Domine.* Vbi Ecclesiae lumen dicit. *Quodlibet aliud cogitet homo, non est simile, quod factum est, illi qui fecit:* Et hoc habetur cap. *Damnamus, de sum. Trinis.* Quod etiam ratione efficaci desumpta ex citato D. Thomae testimonio ostenditur, quoniam tunc vnum dicitur simile alteri similitudine uniuocae, quando habet formam eiusdem ordinis eum eo, cui dicitur simile: sed nulla creatura habet, vel habere potest formam eiusdem speciei cum Deo (excipitur visio beata, ubi habetur similitudo in esse intelligibili, de quo postea) ergo, &c.

21 Potest tamen creatura esse similis Deo secundum convenientiam analogam; constat, quia similitudo fundatur in convenientia formae, sed quolibet creatura quatenus est ens, vel quatenus habet aliquem gradum entis, cum Deo in eo communicat analogicè, eo quod quodlibet ens creatum, est aliqua analogia participatio entis increati, ut ex supradictis constat, ergo, &c. Quod explicans D. Tho. ibid. ad 1. sic ait. *Cum sacra scriptura dicat aliquid non esse simile Deo, non est contrarium assimilationi ad ipsum. Eadem enim sunt similia Deo, & dissimilia, similia quidem secundum quod imitantur ipsum, prout conigit eum imitari, qui non perfecte imitabilis est. Dissimilia vero secundum quod deficiunt à sua causa, non solum secundum intentionem, & remissionem, sicut minus album deficit à magis albo, sed quia non est*

con-

conuenientia nec secundum speciem, nec secundum genus.

22 Obijciēs 1. quia similitudo est quædam comparatio, sed comparatio non fit inter ea, quæ sunt diuersi totum genere; ergo neque similitudo; Deus autem, & creatura non sunt eiusdem generis, vt supra visum est. Maior constat ex definitione similitudinis quam tradit Arist. 1. *metaph. cap. de ad aliquid*, quod ea sint similia, quorum qualitas vna est; vbi per qualitatem non intelligit prædicamentum qualitatis, sed conuenientiā vnius generis. Minor etiam constat ex modo dictis, & quia nemo dicit, quod dulcedo sit similis albedini, sed alteri dulcedini; ergo. Ad hoc argumentum sic respondet S. Doctor ad 2. quod Deus non se habet ad creaturas, sicut res diuersorum generum, sed sicut id, quod est extra omne genus, & principium omnium generum. Vbi, vt vides, duo significat, vñum, quod ea, quæ non sunt in eodem genere, sed conueniunt in diuersis generibus non possunt ad inuicem comparari, ac subinde nequeunt esse similia. Alterum, quod Deus est extra omne genus, quatenus est principium omnium generum, ac proinde potest creaturæ comparari. Quare ea, quæ sunt diuersorum generum præcisè, ad inuicem comparari non possunt, quo modo quantitas, non comparatur qualitati, sed alteri quantitati; tamen secundum quod conueniunt analogicè, comparari pos-

sunt, prout v.g. magis, vel minus participant de ratione entis; sic etiam creaturæ cum Deo comparari possunt, vt aduertit idem S. Doctor *ibid. ad 3.*

23 Obijciēs 2. quia in similibus, est mutua similitudo, quia simile est simili simile; sed Deus nõ dicitur similis creaturæ; ergo neque creatura dicitur similis Deo. Ad hoc argumentum sic respondet S. Doctor *ibid. ad 4. Licet aliquo modo concedatur, quod creatura sit similis Deo, nullo tamen modo concedendum est, quod Deus sit similis creatura, vt dicit Dionys. 9. cap. de diuin. nomin. In his, quæ vnius ordinis sunt, recipitur mutua similitudo, non autem in causa, & causato. Dicimus enim, quod imago sit similis homini, non è conuerso; & similiter dici potest aliquo modo, quod creatura sit similis Deo, non tamen. quod Deus sit similis creatura. Vbi; vt vides, distinguit duplicem similitudinem, vel melius distinguit similia in duplicem differentiam; nam alia sunt vnius, & eiusdem ordinis, alia comparatur vt causa, & causatum. Quæ sunt eiusdem ordinis recipiunt mutuam similitudinem, ac proinde fundant relationem similitudinis æquiparantiz, seu mutuam. Quæ sunt similia seu fundant similitudinem in ratione cause, & causati, fundant relationem similitudinis æquiparantiz, seu non mutuam; vnde licet imago dicatur similis suo representato, vt homini, non tamen homo dicitur similis imagini.*

DISPUTATIO V.

IN QVÆST. V. D. THOMÆ.

DE BONO IN COMMUNI



N hac quæstione agit S. Doctor de bono in communi, & in sequenti de bonitate diuina, de bono in communi, primò tradit eius formalem rationem, identitatē,

& diuersitatem ab ente, quod in eius conceptu imbibitur; deinde tradit prioritatem entis à bono, ordinem, & conuertibilitatem; tradit boni causalitatem; demum descendit ad bonum creaturæ in communi, explicando, an consistat in modo speciei, & ordine, ipsumque diuidendo

dendo in honestum, vile, & delectabile. Nos necessaria tangemus, & vtilia; vnde sit.

D V B I V M I.

In quo consistat ratio boni, seu quam sit ratio formalis boni.

2 *S* Doctör hoc dubium sic proponit: *utrum bonum differat secundum rem ab ente, sed in idem recidunt, nam id in quo bonum ab ente differt, est eius ratio formalis constitutiva, id enim quod constituit, etiam distinguit; cum idē sit constitutivum, & diuisivum.* Sic ergo rem resoluit Angelicus art. 1. *Bonum, & ens sunt idē secundum rem, sed differunt secundum rationē tantum, quod sic patet. Ratio enim boni in hoc consistit, quod aliquid sit appetibile. Vnde Phil. in 1. et ibi. dicit, quod bonum est, quod omnia appetunt; manifestum est autem, quod unumquodque est appetibile, secundum quod est perfectum, nam omnia appetunt suam perfectionem. In tantum est perfectum unumquodque, in quantum est actus; vnde manifestum est, quod in tantum est aliquid bonum, in quantum est ens; esse enim est actualitas omnis rei, ut ex superioribus patet. Vnde manifestum est, quod bonum, & ens sunt idem secundum rem, sed bonum dicitur rationem appetibilis, quam non dicit ens.* Vbi, ut vides, vult S. Doctör, quod ratio formalis constitutiva boni, quæ ab ente distinguitur sit ratio appetibilis, quæ ratio appetibilis enti superaddita non potest esse ens rationis, quia nihil appetit ens rationis, sed bonum, seu perfectum, seu suam perfectionem.

3 Non Ievis tamen difficultas est, an bonum dicat solum hanc rationem convenientiæ, & in quo consistat; de qua P. Blas. in sua metaph. disp. 24. q. 1. d. n. 2; has ponit sententias. Prima est Durandi in 2. disp. 340. Suarez in metaph. disp. 30. sec. 1. d. n. 13; & aliorum dicentium, quod bonum addit supra ens rationem convenientiæ, non ad appetitum. ut vult S. Doctör in testimonio adducto,

sed ad alterū extremū reale cui dicitur conueniens, v. g. calor; dicitur bonus igni, non per conuenientiam ad appetitum. Frigus dicitur bonum aquæ, seu per comparisonem ad aquam, cui conuenit. Secunda sententia dicit; quod bonum est duplex, vnum absolutum, aliud relatum. Bonum absolutum, consistit non in aliqua conuenientia, sed in ipsa rei integritate, & bonum hoc modo sumptum, est passio entis. Alterum est bonum relatè, quod non est passio entis transcendentalis, & hoc dicit relationem conformitatis, seu conuenientiæ ad appetitum, Hanc sequitur Vasquez ibid. relat.

4 Nostra sententia sequenti explicatur concl. *Bonum non consistit formaliter in conuenientia cum alio extremo cui conueniens dicitur: neque in integritate rei, sed in conuenientia cum appetitu: primò quidem cum diuino, secundo cum humano.* Hanc conclusionem tenent post D. Thomam omnes eius discipuli hoc loco, præsertim Caiet. Bann. Nazar. Ripa, & alij, eandem tenet N. Blas. loc. cit. Prima pars, quod bonum non dicatur tale per conuenientiam ad aliud extremum, constat, quia bonū, quod est passio entis, non debet desumi per ordinē, seu per cōuenientiam particularem, sed communem, & analogam, in omni ente participialiter, seu dicente existentiam, sed quod aliquid conueniat alteri extremo, cui dicitur conueniens, non est ratio conueniens omni enti adverbialiter, sed solum tali, vel tali enti cum quo est conuenientia qualificatum, nature, inclinationis, sympathiaque & consensio; ergo, &c. Maior nota est, cum enim bonum sit passio entis participialiter, debet conuenire omni enti participialiter, seu dicenti existentiam. Minor probatur, tum quia non omne bonum, quod est passio entis, dicit conuenientiam cū altero extremo; nam Deus est infinitè bonus, & tamen nō est talis per conuenientiam cū creaturis, cū tamen illis maxime cōueniat, Angeli qui nos custodiant sunt nobis maxime boni, & tamen nemo dicit,

cit, quod sint boni per convenientiam ad nos: Celi sunt nobis maximè boni, & tamèn non sunt tales per convenientiam ad nos, &c. Tum etiam quia bonū, quod est passio entis, debet habere vnū, idemque in omnibus constitutum; ea autem convenientia cum alio extremo, non est vna, eademque in omnibus, sed varia, pro varietate extremorum, pro varietate qualitatum, sympathiæ, consensionis, naturæ, inclinationis, &c.

5. Secunda pars conclusionis, quod bonum transcendentale non constituitur formaliter, seu non consistat tantum in ipsa rei integritate. Probat, quia rei integritas, non distinguitur ab ipsa re, nec potest habere rationem passionis eiusdem; nemo enim dicit, quod integritas, seu perfectio, & complementum substantiæ, intra lineam substantiæ, sit passio substantiæ; sed passio censetur aliquid suens, à substantia integra, & completa intra propriam lineam; ergo pariformiter passio entis, eo modo quo passio est, debet supponere ens in sua linea integrum, perfectumque, ac proinde bonum, quod est passio entis, debet illud supponere integrum, perfectumque, ac subinde nequit in ipsa integritate entis, vel rei consistere formaliter.

6. Tertia pars conclusionis constat ex testimonio D. Thomæ, & ratione eiusdem, si enim scilicet bonum non constitueretur per ordinem ad appetitum, non testè diceret Arist. ibid. citat. quod bonum est, quod omnia appetunt. Vnde, secundum commune Sanctorum Patrum, & Scholasticorum sententiam, bonum secundum proprium suum conceptum idem est, quod appetibile, pro quo vltra D. Thomam in test. relato, videri possunt D. Dionys. 4. de diuin. nomin. D. Basil. in psal. 44. D. Ambros. lib. de Isaac, & anima, cap. 7. D. Greg. Nyssenus lib. de beatitud. D. Bernard. epist. 66. ad Guidonem, & D. Ansel. in epist. ad Philom.

7. Pro huius clariori intellectu aduerte, quod dupliciter aliquid potest habere rationem appetibilis, formaliter scilicet, & fundamentaliter; tunc aliquid

habet rationem appetibilis formaliter quando dicitur actualem conformitatem, ad appetitum, ipsa namque relatio convenientiæ ad appetitum, constituit bonum in ratione appetibilis formaliter; & ista relatio, cum distingatur realiter ab ente, non potest esse ratio constitutiui bonitatis transcendentalis. Tunc autem aliquid habet rationem appetibilis fundamentaliter, quando dicitur intrinsecam rei perfectionem, non præcisè, sed quatenus est appetitus perfectiua, ac subinde alterius rei, siue sit perfectiua per modum finis, siue per modum medij. Quocirca bonitas vt est passio entis non dicitur solam rei integritatem, nec solam relationem convenientiæ, sed dicitur rei integritatem, seu perfectionem, seu rationem ipsam entis participialiter, vt est fundamentum relationis conuenientie, seu prout dicitur convenientiam ipsam, quæ est fundamentum relationis.

8. Hoc posito sic efficaciter probatur conclusio, quia licet bonum formaliter dicat aliquid absolutum, non tamè præcisè, quia hoc non distinguitur ab ente, quicquid enim absolutum, & posituum est, secundum hunc conceptum præcisè, ens est, sed dicitur aliquid absolutum prout fundat relationem conuenientie, siue in ratione finis, siue medij; ergo, &c. Antecedens ostenditur, quia bonum idem est ac perfectibile; eū enim bonum sit obiectum voluntatis, sicut verum intellectus, & obiectum comparetur ad potentiam tanquam perfectiū illius sequitur, quod idem sit bonum, ac perfectiū: perfectiū autem ex necessitate duo includere debet, & posituum quod perficere possit, & relationē, seu fundamentum relationis ad suum perfectibile. Quod autem perfectiū dicere debeat aliquid posituum, & non tantum relationem, constat, quia relatio vt talis non dicitur perfectionem cum sit purum ad, ac proinde non potest esse perfectiua. Quod autem perfectiū debeat dicere saltem fundamentum relationis, & relationem fundare, etiam constat, quia perfectiū, & perfectibili-

le sunt relatiua. Igitur bonum formaliter dicit integritatem, seu perfectionem absolutam, vt fundamentum relationis ad appetitum: primò diuinum, tanquam ad primam regulam, & perfectum per modum finis vltimi respectu creaturæ, respectu vero sui, per modum finis, seu quasi finis virtualiter. Secundò ad appetitum creaturæ tanquã ad secundum perfectum, ad suum perfectibile.

9 Obijcies 1. quia bonum idem est ac perfectum, sed perfectum non dicit relationem conuenientie, seu non dicitur per conuenientiam ad appetitum, sed dicit integritatem rei in se; ergo bonum dicit integritatem rei in se, non vt conformem appetitui. Maior est nota ex D. Th. in hoc art. ad 1. vbi dicit. *Sed bonum dicit rationem perfecti, unde quod est vltimò perfectum, dicitur bonum simpliciter.* Colligitur etiam ex illo Gen. 1 *Vidit Deus cuncta quæ fecerat, & erant valde bona, id est perfecta, vt natura cuiuscunque rei postulabat.* Resp. quod bonum est perfectum materialiter, nõ formaliter, formaliter namque bonum addit supra perfectum fundamentum relationis conuenientie. Vel die, quod bonum dicit rationem perfecti, vt substat conuenientie fundamentali; sicut enim verum transcendente non dicit ens quocunque modo, sed dicit rationem conuenientie ad intellectum; ita bonum non dicit ens participialiter, seu perfectum quocunque modo, sed prout fundat relationem conuenientie cum appetitu. Dicit etiam potest, quod cum D. Thomas, & alij dicunt, quod bonum idem est ac perfectum, ly *perfectum* accipitur non pro perfecto in se, sed pro perfecto relate, seu pro perfectiuo.

10 Obijcies 2. quia si alicui rei desit aliquid ex ijs, quæ pertinent ad illius integritatem, non dicitur bona; ergo bonum idem est ac integrum, & perfectum in se, non relate. Tum quia bonum, & malum opponuntur; ac proinde constitui debent per rationes oppositas; sed malum dicitur aliquid in se, ex eo, quod aliquid ei desit ex ijs, quæ ad eius natu-

ram pertinent, non per disconuenientiam ad aliquem appetitum; ergo &c. Minor probatur, quia si aliquid diceretur malum ratione disconuenientie, non diceretur absolute malum, sed solum quibusdam, quia nulla res datur quæ sit omnibus disconueniens, sed solum quibusdam rebus. Resp. quod quando alicui rei desit aliquid ex ijs, quæ pertinent ad eius integritatem, non dicitur bona, quia bonum supponit rei integritatem, & addit conuenientiam ad appetitum, ac proinde si desit aliquid ex sibi conuenientibus desinet esse bonum ex definitione fundamenti. Ad illud quod additur, dico, quod eo modo quo bonum, & malum opponuntur, constituntur per rationes oppositas, ac proinde sicut bonum dicit fundamentum relationis conuenientie ad appetitum; ita malum dicit fundamentum disconuenientie ad eundem appetitum. Bene verum est, quod sicut bonum particulare affert particularem conuenientiam ad hanc, & illam rem quæ erit ratio fundandi conuenientiam ad appetitum, ita malum particulare dicit particularem disconuenientiam ad aliquam rem, quæ erit fundamentum disconuenientie ad appetitum. Est tamen verum, quod cum bonum sit ex integra causa, & malum ex quocunque defectu. Vt aliquid dicatur bonum, nihil illi debet deesse, vt autem dicatur malum, sufficit, quod aliquid desit.

11 Quæres 1. an sicut bonum creatum dicitur per conuenientiam ad diuinam voluntatem primario, & tanquam ad primam regulam, & secundariò ad voluntatem creatam, tanquam ad secundam regulam; ita bonum diuinum sit tale per ordinem, seu conuenientiam ad propriam voluntatem primariò, & secundariò per conuenientiam ad voluntatem creatam? Suarez loco supra citato, & alij post ipsum putant non posse diuinam bonitatem dicere rationem conuenientie ad voluntatem creatam vt primum perfectiuum ad secundum perfectibile, quia ab æterno nulla dabatur creatura cui talem conuenientiam di-

seret. Verum hæc ratio nō probat, cum enim hæc ratio convenientiæ, seu perfectiui non serelatio formaliter, sed tantum fundamentaliter, non requirit terminum actu existentem, sed sufficit, quod sit possibilis. Nam sicut ad hoc vt Deus ab æterno dicatur omnipotens, nō est necesse, quod terminus eiusdem omnipotentia existat, sed sufficit, quod sit possibilis; ita adhuc vt dicatur ab æterno bonus respectu secundi perfectibilis, non est necesse; quod secundum perfectibile existat, sed sufficit, quod sit possibile.

12. **Q**uæres an perfectum vt tale, sit appetibile? Resp. negatiue, ratio clara est, quia formalis ratio boni in perfecto vt sic non reperitur; ergo perfectum vt sic, non est appetibile. Consequenter, vbi namque non reperitur ratio boni; nō reperitur ratio appetibilitatis. Antecedens ostendo, quia ratio formalis boni, in eo propriè posita est, ad quod proximè sequitur appetibile, sed appetibile non sequitur ad perfectum, sed ad perfectiuium. g. Maior constat, quia appetibilitas consequitur ad bonum tanquam propriis, & adæquata eius passio. Minor probatur ex dictis, quia de ratione boni est esse fundamentum convenientiæ ad appetitum tanquam ad regulam suam primam, siue secundam: cum quia bonū est, quod omnia appetunt; ac proinde vbi non est ratio perfectiui, non potest esse ratio appetibilitatis, quia vnumquodque appetit sui perfectiuium; vel quod habet rationem perfectiui, tum sui, tum aliorum, quomodo & nobis, & alijs appetimus sanitatem, virtutem, scilicet, &c.

D V B I V M II.

An bonum sit passio entis.

13. **C**onueniunt omnes, bonum esse passionem entis, sicut & verum, cum ista de ente in metaphysica demonstrantur, ceteroquin metaphysica non esset scientia, cum eius obiectum

scilicet ens, non haberet passiones, quæ de ipso demonstrarentur. Difficultas est, cuius entis bonum sit passio. Pro quo nota ex communi metaphysicorum consensu, quod ens accipitur dupliciter, vno modo nominaliter; alio modo participialiter. Ens nominaliter, est ipsum ens prout dicit essentiam secundum se, præscindendo ab existentia; nomen namque significat sine tempore, vt dicunt Dialectici; ac proinde ens nominaliter, erit ens præscindens a tempore, seu ab existentia, quæ non nisi in tempore esse potest, vel per correspondentiam, seu connotationem temporis, loquendo de existentia rerum; quæ tempore mesurantur. Ens verò participialiter dicit ipsum ens vt inuoluit, seu connotat aut dicit existentiam. Participium namque, sicut & verbum significant rem, cum tempore, seu connotando tempus, ac proinde rem in aliqua temporis differentia existentem.

14. De qua te, prima sententia est, quod bonum sit passio entis nominaliter. Hanc sententiam sequitur P. Blasius in sua metaphys. disp. 24. q. 2. n. 9. cuius fundamenta postea soluentur.

15. Nostra sententia sequenti explicatur conclusione. Bonum est passio entis participialiter. Hanc conclusionem tuentur lauellus 1. p. 9. 5. art. 3. Nazarius. art. 3. §. primum est, ibi. Ex qua differentia sequitur in mathematicis, vt scilicet, non esse bonum, quod attenditur secundum esse. Idem tradunt N. Salm. de volunt. disp. 5. dub. 1. n. 24. ibi: Quia bonum non est passio entis præcisè nominaliter sumpti, sed vt etiam dicit existentiam in aliqua differentia temporis, & ita omnes passionem entis, quæ sub illa dictione Reubau, continentur, cum ente sic sumpto conuertuntur; non verò cum illo solum nominaliter accepto, vt ex D. Tho. n. 16. & 17. dicemus. Nec valet responsio d. P. Blasij, quod Salm. loquuntur de bono in actu exercito, non in actu signato, quia loquuntur de bono secundum quod potest in actu exercito terminare actum voluntatis diuinæ; solum autem bonum in actu

Aut exercitio potest terminare actum voluntatis, &c. Verum hæc responsio non placet; nullus namque dicit, quod solum bonum exercitum possit terminare voluntatem, cum omne bonum sit voluntatis obiectum. Tum quia non solum bonum exercitum terminat voluntatem, sed etiam signatum, & secundum se, cæteroquin in Deo non daretur voluntas antecedens, quæ tendit in bonum secundum se, sed solum consequens, quæ tendit in bonum exercitum, particulare, & circumstantionatum.

16 Probatur 1. conclusio, quia si bonum esset passio entis nominaliter, non solum Deus esset bonus secundum suam essentiam, sed quilibet creatura; sed hoc est falsum; ergo. Maior probatur, quia boni sequeretur ens nominaliter, quod dicitur essentiam, & cum eo converteretur, ac proinde ubique conciperetur ratio essentiae, conciperetur ratio entis, & ratio boni. Minor constat, quia solus Deus est bonus secundum suam essentiam, ac proinde bonitas est solius Dei prædicatum quasi essentialiale, respectu vero creaturæ, est prædicatum contingens; ut ostendit D. Tho. q. 6. ar. 3. ubi sic dicitur. *Solus Deus est bonus per suam essentiam, Vnumquodque enim dicitur bonum secundum quod est perfectum. Per se. Alio autem alicuius rei triplex est. Prima quidem, secundum quod in suo esse consistit. Secunda vero prout ei aliqua accidentia superadduntur ad suam perfectam operationem necessariam. Tertia vero perfectio alicuius est per hoc, quod aliquid aliud attingit sicut finem: ut potest prima perfectio ignis consistit in esse, quod habet per suam formam substantialem; secunda vero eius perfectio consistit in caliditate, leuitate, & siccitate. Et huiusmodi: Tertia vero perfectio eius est, secundum quod in loco suo quiescit. Hæc autem triplex perfectio nulli creaturae competit secundum suam essentiam, sed soli Deo, cuius solius essentia est suum esse, &c. Ideo autem soli Deo competit bonitas quoad essentialia præcisè, quia solus Deus est sua existentia, seu suum esse.*

17. Probatur 2. ratione desumpta ex testimonio D. Thomæ allato n. 2. quia vnumquodque in tantum est bonum, in quantum est appetibile; bonum namque est, quod omnia appetunt, ut dub. præcedenti est dictum, in tantum autem aliquid est appetibile, in quantum est perfectum, seu perfectum, in tantum est aliquid perfectum, in quantum est in actu, seu in quantum dicitur actum, seu existentiæ; esse enim (subdit idem S. Doctor) est actualitas omnis rei, ac proinde completens, & perficiens rationem boni. Bonum namque, ut dubio præcedenti dictum est, dicitur perfectum; & integrum prout substantiæ relationi convenientiæ ad appetitum: nihil autem potest esse perfectum, & integrum, nisi dicatur existentiam, vel saltem ordinem ad illam, ac proinde nisi dicatur ens participialiter. Hinc Arist. 3. metaph. & D. Tho. art. 3. ad 4. huius q. dicitur, quod in mathematicis non est bonum, ex eo, quod à materia; & existentia abstrahunt. Verba D. Thomæ sunt. *Mathematica non subsistunt separata secundum esse, quia si subsisterent, esset in eis bonum; scilicet ipsum esse ipsorum; sunt autem mathematica separata secundum rationem tantum, prout abstrahunt à motu, & à materia; & sic abstrahunt à ratione finis, qui habet rationem mouentis. Non est autem inconueniens, quod in aliquo ente secundum rationem, non sit bonum, vel ratio boni, cum ratio entis sit prior, quam ratio boni. Vbi duo possumus habere. Vnum, quod mathematica non sunt bona, ut talia, quia abstrahunt ab existentia, & non subsistunt separata secundum esse. Alterum, quod dicitur potest ratio entis, in qua ratio boni non reperitur, quia ens est prius quam bonum; hæc autem ratio entis in qua non reperitur ratio boni, non potest esse ratio entis participialiter etiam per P. Blas. ergo erit ratio entis nominaliter, ac subinde bonum, cum non converteretur eugente nominaliter, non erit passio illius. Adde hoc ipsum fieri eundem Patrem q. 3. dicta disp. 24. ubi probatur, quod entia mathematica non sunt bona bonitate.*

transcendentali, ut pertinent ad considerationem mathematicam, quia ut sic, praescindunt ab existentia, & ab ordine ad illam. Verba illius P. sunt. *Entia illa, quae non solum abstrahunt ab existentia, & à fine proprio, sed etiam à tendentia, tum in finem, tum in existentiam, non possunt ut sic dici formaliter bona; atqui entia mathematica, ut talia, non solum abstrahunt secundum rationem ab existentia, & à fine proprio, sed etiam à tendentia, tum in finem, tum in existentiam; ergo. Maior est certa; quia ex D. Th. 1. p. q. 6. art. 3. in corp. ratio perfecta bonitatis coalescit ex coniunctione rei cum existentia, &c. Tum quia entia mathematica ut sic, non possunt non esse, ens nominaliter, cum dicant essentiam secundum rationem abstractam, ergo deberent per illum auctorem esse bona, cum tamen hec per ipsum nec per Arist. nec per D. Thomam sint bona.*

28. Probatur 3. quia ut bene aduertunt p. Sal. loco cit. n. 18. existentia aliter integrat aliquid, quam alia, quae ad rei integritatem spectant. V. g. proprietates ita integrat essentiam; ut sine illa maneat integra integritate essentiali, quia proprietates non integrat inter gradum, vel ordinem essentiae. Verum existentia integrat essentiam intra gradum, vel ordinem essentiae, cum sit ultimum essentiae complementum, unde seclusa existentia saltem ut futura, & ut apprehensa, ita quod nullo modo connotetur, nulla importabitur integritas nec completa per aetuationem eiusdem existentiae, nec incompleta per connotationem illius, ac subinde nulla importabitur bonitas, cum integritas; bonitas supponatur, ut dubio precedenti est dictum.

29. Probatur 4. ex communi sententia Thomistarum, quod bonum cum sit obiectum voluntatis, quae in hoc differt ab intellectu, quod intellectus tendit in suum obiectum ut est tractum, seu ut est in ipso intellectu, & voluntas tendit in suum obiectum ut est recta, seu tendit in suum obiectum ut est in se, debet esse magis contractum, quam ens;

quod est obiectum intellectus; non efficitur autem magis contractum, nisi saltem diceret ordinem ad existentiam, nec posset voluntatem trahere, nisi saltem haberet existentiam ut futuram; nam essentia, seu ens nominaliter tantum, est tractum, cum sit ab existentia, vel ab ordine ad illam, separatum, non trahens, ut ex se constat; ceteroquin si ens nominaliter tantum, & ut puram significat essentiam, sine ullo ordine ad existentiam, saltem ut futuram, trahere posset, posset Deus amare creaturas possibles, quod negant Thomistae cum D. Thoma, & bene ostendunt praedicti patres Salmat. loco cit. Soluuntur argum. P. Blasij.

20. Primum argumentum est, quia per hoc distinguitur passio, seu proprietates ab accidenti communi, quod proprietates conveniunt omni, soli, & semper, ut patet ex Logica; sed bonum non potest semper convenire enti in actu exercito, & participialiter considerato, sed solum enti nominaliter sumpto, & in actu signato; ergo bonum non est passio entis participialiter sumpti, sed nominaliter sumpti. Maior constat. Minore probatur, quia ens participialiter seu in actu exercito considerato non semper est, sed aliquando est, & aliquando non est, cum existentia in actu exercito, enti creato contingenter conveniat. Resp. concedendo maiorem, & negando minorem, si intelligatur de ente participialiter sub ratione entis, seu sub conceptu communis; secus si intelligatur de hoc, aut illo ente in particulari. Pro quo nota, quod sicut contingetia potest accipi dupliciter; scilicet essentialiter, & contingenter seu prout est praedicatum essentialiale, & accidentiale, seu contingens. Tunc contingetia consideratur ut praedicatum essentialiale, quando consideratur secundum se, secundum quam rationem contingetia non contingit, ut patet in hac demonstratione. Datur primum effectibile contingens, ergo datur primum effectivum necessarium, vel etiam sic:

ficidatur contingentia in sebus; ergo datur ens necessarium; ubi effectibilitas, & contingentia, accipiuntur ut prædicata essentialia, & necessaria; alioquin ex creaturis, quæ sunt effectus contingentis Dei, non posset demonstrari existentia Dei, quod est falsum. Tunc autem contingentia consideratur ut prædicatū accidentale, quando non consideratur secundum se, sed prout descendit ad hoc, vel illud particulare. Pariformiter existentia tunc consideratur ut prædicatū essentialia, quando consideratur secundum se; quo modo ex existentia creaturarum demonstratur existentia creatoris; tunc autem consideratur ut contingens, quando consideratur respectu huius, & illius individui, cuius respectu aliquando est, & aliquando non est. Licet ergo bonum respectu huius, & illius entis existentis non possit esse propria passio, quia modo ad est, modo abest; tamen respectu entis ut sic, dicentis ordinem ad existentiam, seu respectu entis participialiter, est propria passio; & habet rationem prædicati proprii, & inseparabilis, modo explicato.

22. Secundum argument. quia propositiones in quibus prædicatur propria passio de essentia subiecti, sunt æternæ veritatis, & in materiâ necessaria; ergo cum ens in actu exercitio, seu participialiter consideratum, dicat ens secundum aliquem modum contingentie, secundum quem potest aliquando esse, aliquando non esse, non poterit hoc modo consideratum esse subiectum in propositione æternæ veritatis, & per consequens bonum non erit proprietas illius in actu exercitio, sed in actu signati; & nominatim considerati. Confirmat, quia in scientiâ passio demonstratur de essentia subiecti; ergo cum scientiâ sit de æternis, & necessariis, non verò de contingentibus, & de ijs, quæ aliquando possunt esse, & non esse, debet subiectum passionis, in quantum subiectum illius est, esse quid æternum, & absolute ad tempore; ergo, &c. Respondeo dictis concedendo antecedens, & negando con-

sequ. loquendo de existentia secundum se; nam hoc modo est prædicatum essentialia, entis, participialiter accepti, & non potest esse, & non esse, nec illo modo est contingens, sed ipsa contingentia non contingit, sed necessario est talis; ut videre est in hac perfectissima demonstratione, quæ est in darij; quod est ens contingens, datur ens necessarium, in quo radicitur contingens; sed dabile est ens contingens; ergo datur ens necessarium; ubi contingens aliquo modo præcindit à tempore. Vnde existentia respectu entis participialiter præcindit à tempore, seu consideratur quasi præcindens à tempore, & ut prædicatum necessarium, de quo bonum, ut vera passio prædicatur. Per quæ patet ad confirmationem.

Art. D. V. B. I. V. M. III.

Utrum bonum recte diuidatur in bonum, utile, & delectabile, ubi

hæc quæstio alia curiosa, quædam

22. Vbi hunc sic resoluit præ-

Dictor Augustinus art. 6. ubi sic fatur. *Hæc diuisio proprie videtur esse boni humani. Si tamen alius, & communius rationem boni consideremus, inuenitur hæc diuisio proprie competere bono; secundum quod bonum est. Nam bonum est aliquid, in quantum est appetibile; & terminus motus appetitus; tunc quidem motus terminatio considerari potest ex consideratione motus corporis naturalis. Terminatur autem motus corporis naturalis; simpliciter quidem ad ultimum, secundum quid autem etiam ad medium, per quod itur ad ultimum; quod terminat motum; & dicitur aliquis terminus motus; in quantum aliquam partem motus terminat. Id autem quod est ultimus terminus motus, potest accipi dupliciter; vel ipsa res, in quam tenditur, ut post; locus, vel forma; vel quies in re illa. Sic ergo in motu appetitus id, quod est appetibile, terminat motum appetitus secundum quid ut mediū, per quod tenditur in aliud, vocatur utile. Id autem quod*

quod appetitur ut ultimum terminans totaliter motum appetitur, sicut quædam res, in quam per se appetitus tendit, vocatur honestum: quia honestum dicitur, quod per se desideratur. Id autem quod terminat motum appetitus, ut quies in re desiderata, est delectatio. Bonum ergo secundum suam rationem formalem, quæ est ratio appetibilis diuiditur in honestum, utile, & delectabile. Bonum honestum est illud, quod appetitur propter honestatē, quam habet in se, seu quod ex se est desiderabile, & satians, & hoc primo loco est Deus, quia satiat ut ultimus finis, & summum bonum. Secundo loco sunt alia per se appetenda respectu inferiorū, ut sunt virtutes, & alia bona creata in hac linea per se appetibilia, ut est amicitia, tamen secundum aliquos non sit propriè virtus. Bene verum est, quod in ordine ad summum bonum etiam virtus habet rationem boni utilis, quia iuuat ad consequendum idem bonum summum. Bonum utile, idem est ac bonum medium, propter aliud desiderabile, seu desiderabile propter bonum melius, ut virtus propter Deum. Bonum delectabile est illud, quod satiat appetitum, velut quies in re desiderata.

23 Obijcit 1. S. Tho. quia bonum ex Phil. 1. *est* tria diuiditur per 10. predicamenta, ratio autem honesti, utilis, & delectabilis reperiri potest in eodē predicamento; ergo non rectè diuiditur bonum per illa tria membra. Respondet, quod bonum in quantum est idem subiecto cum ente, diuiditur per decem predicamenta; sed secundum propriam rationem, competet sibi ista diuisio; vult dicere, quod subiectum boni, sunt decem predicamenta; ac proinde Philosophus dum diuisit bonum in 10. predicamenta, diuisit illud ratione subiecti, non ratione suæ rationis formalis; verum bonum acceptum secundum suam rationem formalem diuiditur in dicta tria membra, quæ sunt velut tres formalitates eiusdem rationis appetibilitatis, ratio namque appetibilis, vel dicit rationem appetibilis secundum se, & est ratio honesti; vel di-

cit rationem appetibilis propter aliud, & est ratio utilis; vel dicit rationem quietantis appetentem, & tunc est ratio delectabilis. Bene verum est, quod istæ tres rationes, non sunt vniuocæ, sed analogicæ, ut patet, ac proinde eorum subiecta erunt veluti membra analogæ, non vniuocæ, ut ex se liquet.

24 Obijcit 2. quia omnis diuisio fit per opposita; sed hæc tria membra non sunt opposita; ergo. Minor probatur, quia bonum honestum, est delectabile, & nullum in honestum est vile. Respondet, quod hæc diuisio non est per oppositas res, sed per oppositas rationes. Dicuntur tamen illa propriè delectabilia, quæ nullam habent aliam rationem appetibilis tatis, nisi delectationem, cum aliquando sint & noxia, & inhonesta. Vtilia verò dicuntur, quæ non habent in se, unde desiderantur: sed desiderantur solum, ut sunt ducentia, in alterum, sicut sumptio medicina amara. Honesta verò dicuntur, quæ in se ipsis habent unde desiderantur. Quando ergo diuiditur bonum in illa tria bona, non est diuisio in res oppositas, quia in vna, & eadem re, reperiri potest ratio honesti, & delectabilis; virtus namque est honesta, & delectabilis, imò & utilis in ordine ad bonum superius, sed est diuisio in oppositas rationes, mutuo se excludentes, ut ex dictis constat.

25 Obijcit 3. quia vbi vnum est propter alterum, ibi est vnum tantum; sed vile est propter honestum, vel delectabile; ergo vile non potest diuidi contra honestum, & delectabile. Respondet, quod bonum non diuiditur in ista tria, sicut vniuocum æqualiter de his predicatum, sed sicut analogum quod predicatur secundum prius, & posterius; per prius enim predicatur de honesto, & secundariò de delectabili, tertio de utili.

26 Quæres 1. an bonum ultra diuisionem traditam, habeat alias? Resp. affirmatiuè, habet namque sequentes ex parte materiæ. Prima est, quæ bonum diuiditur in naturale, morale, & supernaturale. Bonum naturale, est illud, quod omnia naturalia appetunt

Bo.

Bonum morale est illud, quod respicit regulas morum, ut hic, & nunc date eleemosinam. Bonum supernaturale est, quod pertinet ad ordinem gratiæ, ut gratia ipsa, Dei dona, gratiæ, & gloriæ. Secunda boni diuisio est illa, qua bonum aliud est corporis, aliud animæ, & aliud fortune, seu rerum exteriorum. Bonum animæ naturale, ut intellectus, voluntas, memoria, & ceteræ naturales animæ potentie. Bonum animæ morale, ut virtutes, & scientiæ. Spirituale, ut sanctitas, iustitia, & cetera dona supernaturalia. Bonum corporis, ut sanitas, robur, species. Bona fortune, ut claritas natalium, diuitiæ, potentia, dignitas, fauor hominum, &c. Tertia boni diuisio est, ut aliud sit honorarium, aliud non honorarium. Non honorarium sunt commoditates, cibi, potus, &c. Honorarium est quinquplex, scilicet Laus, Honor, Fama, Gloria, Reuerentia. Laus, est sermo magnificus, seu eludicans magnitudinem alicuius boni in laudato reperti. Honor, est exhibitio reuerentiæ, in testimonium alicuius excellentiæ, sine relatione ad alium finem. Fama, est illese dignitatis status, legibus, ac moribus approbatus, in nullo diminutus, sed hæc est definitio famæ bonæ, in communi namq; est multorum de aliqua re, voce prolata opinio. Gloria, est clata cum laude, vel honore notitia, ut cum quis aut verbis, aut factis clarus ostenditur. Reuerentia, est reputatio, seu existimatio animi, qua quis alicuius bonitatem magni facit, & suam, illius collatione, parat. Solet etiam bonum diuidi, in bonum vitæ, famæ, & fortune. Item alia sunt bona coelestia, & æterna, alia spiritualia, & gratuita; alia terrena, & transitoria. Item alia sunt Ecclesiastica, alia civilia, alia patrimonialia, alia castrensis, &c. de quibus egimus in tractatu de iustitia, & iure.

27 Quæres 2. quomodo bona in genere appeti possint? Resp. quod bona temporalia licite appeti possunt propter vitæ necessitatem; debet tamen hæc necessitas referri ad gloriam Dei, quia nimium ita appeti debent bona tempora-

lia, ut habeantur vitæ necessaria, ut possimus tranquillius, attentius, perfectiusque Deo seruire: iuxta illud Apost. 1. Cor. 10. Siue ergo manducatis, siue bibitis, vel aliud quid facitis, omnia in gloriam Dei facite. Aduerte tamen, quod qui temporalia querit ante spiritualia, ut plurimum priuatur utrisque. Et diuerso, qui spiritualia querit ante temporalia benedictionem obtinet à Deo in utrisque, iuxta illud Christi D. *Querite primum regnum Dei, & iustitiam eius, & hæc omnia addicientur vobis.*

28 Quæres 3. quomodo quinque bona honoraria iam recensita rectè, & piè appeti possint? Resp. quod ob hos fines rectè possunt appeti. Primò appeti possunt ad glorificandum Deum; id est, ut alij propter ista Deum glorificent in nobis, & nos quoque idiplum faciamus, qui talia bona benignè concessit. Secundo possunt appeti ob spiritualem proximi nostri utilitatem. Hos duos fines habet S. Tho. 2. 2. q. 132. art. 1. ubi docet vanum, & inane esse propriæ gloriæ appetitum, si in debitum finem non referatur, puta ad honorem Dei, & proximi utilitatem. Tertiò ritè appeti possunt dicta bona ob bonum nostrum spirituale, quo incitemur, & animemur ad perseuerandum in bonis operibus inceptis, vel ad faciendum alia similia. Quæritur propter bonum aliquod honestum proprium, vel aliorum, ut qui laudari querunt, & optant ob suum genus clarum ob proprias animi dotes, ob bonam corporis habitudinem, elegantiam, &c. ut facilius congruentes sibi adinueniant nuptias: ut qui cupiunt laudari ob dona à Deo accepta: ut qui cupiunt laudari, ut eorum filijs, cognatis, &c. aliquid detur, donetur, beneficium conferatur, &c. ut qui laudari cupiunt de labore, opere, industria, fide, diligentia, in exequendo officio suo pro quanto (non ultra) promeriti sunt; nam sicut ob officium præstitum aliquibus debetur tributum, ita alijs debetur honor, iuxta illud Apost. Rom. 13. *Reddite omnibus debita, cui tributum, tributum; cui amorem, amorem;*

Qui bonorem, bonorem. Nec est necesse, se, quod recipiens aliquid ex dictis bonis, vel appetens, illud directe, vel immediate referat in ultimum finem, sed sufficit, quod referatur in quemcunque bonum finem virtutis, præsertim iustitiae, quando ob hanc debetur. Aduertere, nullum esse peccatum, expetere, vel accipere aliquid ex dictis bonis plusquam virtus, aut dignitas, aut personæ conditio meretur, quando dantur ut donum gratuitum, seu quando præstantur humilitatis, charitatis, aut gratitudinis ergo, ut cum dignior caput aperit minus digno, cum eum salutat honorifice, cum verbis, tum scriptis, cum ei inter sedendum, locum concedit priorem. Si enim & alia dona ab alijs accipere licet, & licet expetere ut dentur charitatis, benevolentiae, humanitatisue ergo, ita id in hoc casu licebit. Colligitur ex D. Tho. 2. 2. q. 106. art. 1.

29 Quæres 4. quando dicta quinque bona honoratiæ vanæ, & inaniter appetantur. Resp. quod in seq. casibus. Primò ex parte rei, seu materiæ, de qua est appetitus, ut si appetatur de excellentia, quæ aut nulla est, aut non tanta, ut mereatur tantum laudis, quantum appetitur. Secundò ex parte ipsius appetentis, ut cum ea appetit tanquam maius, aut certis testimonium, quam sunt. Tertio ex parte finis propter quem appetuntur, ut si appetantur ob finem prauum.

30 Quæres 5. an falsò laudatus possit de falsa laude lætari? Resp. negatiuè, potest quidem falsò laudatus lætari de eleganti laudatoris arte, ingenio, dexteritate: hoc modo Princeps Penegyrico falsò laudatus, lætari potest, maxime ad hoc ut eius subditi desinant scandalizari de ipsius vitæ moribus. Nota etiam quod falsò laudatus per litteras commendatitias tenetur primò cauere ne sibi falsa laus placeat, quia falsum nulli placere debet, sicut nec malum. Secun-

dò, ne re, vel signo ostendat id ita esse, ut laudator scitipic, aliqui mentiretur. Tertio cauere debet, ne inde damnum tertio oriatur, quia tunc tenetur contradicere laudationi, secus non. Quarto potest gratias agere laudatori falsò laudatus, non reflexendo, nec approbando laudem.

31 Quæres 6. quando appetitus dictorum bonorum sit perniciosus? Resp. in sequentibus casibus. Primò, quando quis querit laudem, aut appetit ex se mortaliter mala. Secundò, quando dicta bona appetuntur cum notabili Dei irreuerentia. Tertio, quando bonum, quod appetitur, plurius sit, quam ipse Deus, ut contingit, quando quis ut dictum bonum consequatur, est paratus transgredi aliquod præceptum. Quarto, quando quis ponit ultimum finem in aliquo dictorum bonorum, ut in gloria, aut honore humano. Quintò, quando dicta bona, vel eorum aliquod appetitur, aut acceptatur cum graui proximi damno. Igitur dicta bona numquam appeti debent primo, & principaliter propter se, sed virtutes, quibus illa debentur.

32 In art. 5. dictæ q. 5. inquit S. Doctor, an ratio boni consistat in modo, specie, & ordine, & respondet affirmatiuè, quia vnumquodque dicitur bonum in quantum est perfectum, ad hoc autem, ut aliquid sit perfectum, debet habere modum, speciem, & ordinem, quia ad hoc ut alicui nihil desit, debet ista tria habere: nam forma per quam vnumquodque est perfectum, dat speciem, species præsupponit modum, quia ad formam præexigitur determinatio, siue principiorum commensuratio, tum materialium, tum efficientium; & ad formam, & modum sequitur ordo, quia ad formam sequitur inclinatio ad finem, aut ad actionem, aut ad aliquid huiusmodi, quæ ad ordinem, seu naturæ pondus pertinent. Verum de hoc nihil scribendum occurrit.

DISPUTATIO VI.

IN QVÆST. VI. D. THOMÆ.

DE BONITATE DEI



PRETIOSVM conficere monile, & elaboratum induitria ex auro excellenti, non est mirum, at ex vili, abiectoque plumbo efficere aurum purum, hoc est dubio procul mirabile. Ex auro quilibet artifex, monile conficiet, sed ex infimo cupro, pretiosum aurum educere, & monile conflare, emblemate pictum, & mirabiliter elaboratum, cælestis alchimia est. Ex bono bonum facere, bonum est, sed humanum, at ex vitio virtutem depromere, Dei opus est. Homines ex virtutum auro, monilia conficiunt meritorum, sed aurifex ille, qui ex peccatorum, scelerumque plumbo extrahit aurum virtutum, Deus est. Solius Dei est ex culpa nostra, nostrum elicere commodum, ex nostris culpis, elicere utilitatem, & gloriam. Vnde Eusebius Emisenus *bo. 4. de Epiphania*, sic ad rem facit. *Sicut improbi male utuntur bonis Dei; ita Deus bene utitur malis operibus iniquorum.* Et Plutarchus *in moralibus*, dicit. *Leuius malum est, Deos omnino non credere, quàm credere noxios.* Verum, ut quæ à D. Thom. traduntur de Dei bonitate, habeantur, sic.

DVBIUM I.

An Deus sit summum bonum.

2 Certum est, quod ratio boni Deo conveniat, ut probat S. Thomas art. 1. ceteroquin eius effectus non essent boni, sunt namque effectus, quædam suæ causæ participationes, ac proinde illorum bonitas debet in sua causa præexistere. Vnde solum aliquis

difficultas esse potest, an hæc ratio boni in Deo sit summo modo, seu an Deus sit summum bonum; ad quod sic respondet Angelicus art. 2. *Deus est summum bonum simpliciter, & non solum in aliquo genere vel ordine rerum.* Sic enim bonum Deo attribuitur, ut dictum est, in quantum omnes perfectiones desiderata effluunt ab eo, sicut ab agente uniuoca, ut ex superioribus patet: sed sicut ab agente, quod conuenit cum suis effectibus neque in ratione speciei, neque in ratione generis. Similitudo autem effectus in causa quidem uniuoca inuenitur uniformiter, in causa autem æquiuoca inuenitur excellentius, sicut calor excellentiori modo est in sole, quam in igne. Sic ergo oportet, quod cum bonum sit in Deo sicut in prima causa omnium non uniuoca, quod sit in eo excellentissimo modo, & propter hoc dicitur summum bonum. Vbi, ut vides, concludit D. Thomas Deum esse summum bonum.

3 Verum aliqui non intelligentes vim discursus D. Thomæ, dicunt, ex illo non colligi Deum esse summum bonum formaliter, sed tantum eminenter, nam ex hoc, quod omnes effectus sunt in Deo tanquam in causa æquiuoca, ac proinde excellentiori modo, non videtur deduci, quod bonitas creaturarum sit in Deo tanquam in causa formaliter, sed tantum virtualiter, & eminenter; sicut probat exemplum à D. Th. allatum calor licet excellentiori modo sit in sole, quam in igne, non tamen sequitur, quod sit in sole formaliter, sed tantum virtualiter, aut eminenter, quia effectus non reperitur in causa æquiuoca formaliter, sed virtualiter, aut eminenter tantum; solum effectus resplendet formaliter in causa uniuoca, qualis non est Deus, non in æquiuoca, qualis est Deus. Pro intellecta

Idem rationis D. Thomæ nota, quod effectus dupliciter dicitur contineri in causa, æquiuoca modo excellentiori. Primo formaliter, & eminenter, seu virtualiter simul; quo modo lumen, & diaphaneitas corporum inferiorum reperitur in corporibus celestibus. Secundo eminentet, seu virtualiter tantum, quo modo calor reperitur in sole. Bonitas creaturarum non continetur in Deo solum hoc secundo modo, sed primo modo, ut ex dictis in præcedentibus constat, ac proinde discursus D. Thomæ rectè probat Deum excellentissimo modo esse, non tantum eminentet, verum etiam formaliter summum bonum.

4. Obijcies 1. quia Deus dicitur bonus in se, per comparisonem autem ad creaturas dicitur bonum summum, ut ex S. Thoma colligitur art. 1. & 2. huius quæst. Sed hoc videtur falsum, quia hinc sequeretur, quod si Deus nunquam produxisset creaturas, non fuisset bonus; per ordinem namque ad creaturas possibiles Deus non potest dici bonus, cum in illis nulla reperitur bonitas, ut cum eodem D. Thoma infra dicemus de scientia Dei. Resp. quod dupliciter bonum dici potest summum. Vno modo positivè, quomodo requirit existentiam, vel saltem futuritionem aliorum bonorum. Cum enim summum dicatur relativè, & relatio requirat extrema relata in quibus fundetur, sequitur, quod si Deus nihil creasset, non potuisset dici summum bonum positivè per ordinem ad solam possibilem bonitatem creaturarum. Alio modo bonum potest dici summum negativè, quoad hunc sensum, quod eo nihil sit, aut esse possit, aut excogitari melius, & hoc modo Deus dici potuisset summum bonum, tametsi alia bona nec essent, nec futura fuissent in rerum natura.

5. Obijcies 2. quia summum bonum non potest compari malum existere, sed quantum est de se, destruit illud; sed Deus patitur malum esse; ergo non est summum bonum. Resp. maiorem ad summum esse veram, si summum bonum

ageret ex necessitate naturæ, tunc enim omne malum impediret, quia cum tunc ageret toto suæ naturæ impetu, destrueret totum malum, quod destrucere posset. Verum Deus non agit ad extra ex necessitate naturæ, sed liberè, ac proinde non destruit quodcunque malum, sed plura sinit esse ob bonum finem, maxime ut ex illis, bona eliciat, ut bene advertit S. P. August. in *enrich.* cap. 11. Et ex eodem Sanctissimo Patre sic legit Ecclesia in Dominica septuagesimæ: *Melius enim iudicavit de malis bene facere, quam nulla mala esse permittere.*

6. Obijcies 3. quod est bonum per comparisonem ad alterum, quod potest non esse, non potest esse absolutè, & simpliciter bonum, sed tantum secundum quid; sed Deus dicitur summum bonum per comparisonem ad creaturas, quæ possunt non esse; ergo non potest esse bonus absolutè, & simpliciter, sed tantum secundum quid. Maior de qua est difficultas ostenditur, quia, quod est bonum per comparisonem ad alterum, accipit esse bonum per ordinem ad illud, ac proinde per ordinem ad id, quod potest non esse, seu quod potest non refundere bonitatē, uti sunt creaturæ, quæ cum possint non esse possunt non refundere suam bonitatem in Deum, ac subinde possunt cum sua bonitate frustrare. Resp. quod ex hoc, quod creaturæ possint non esse, solum sequitur, quod potuerit in Deo non esse relatio rationis ad bonitatem creaturarum, ratione cuius Deus dicitur bonus comparativè ad illas; non tamen sequitur, quod potuerit non esse bonus in se, cum Deus non sit bonus dependenter à creaturis, sed è diversò.

7. Quæres 1. quæplex bonitas in Deo reperitur? Resp. duplex, scilicet transcendentalis, quam disput. præcedenti explicuimus, & diximus consistere in rei integritate, ut dicit ordinem, seu conformitatem, seu convenientiam ad appetitum; ac proinde bonitas divina erit Dei integritas, seu infinita Dei perfectio dicens convenientiam ad divinam

voluntatem, tanquam ad primam regulam, & ad voluntatem creatam, tanquam ad secundam regulam, seu secundum perfectibile; & moralis, quæ in actibus liberis reperitur quatenus procedunt à voluntate recte rationi subordinata, tanquam perfectæ regulæ in fine bonum regulantis, & dirigentis. Deus ergo non solum est bonus bonitate illa transcendentali de qua nulla potest esse difficultas, verum etiam bonitate morali. Quod sic ostendo, 1. ex illo Christi D. *Nemo bonus, nisi solus Deus*, de bonitate namque morali Christi D. responso, maxime processit. Respondit enim cuidam iuveni, qui eum vocauerat bonum bonitate morali, quia de ea interrogauit, quæ ad consequendam vitam æternam requiritur, ac proinde responsio de eadem bonitate morali, quæ Deus dat vitam æternam, processit. II. Quoniam actus liberi Dei sunt maxime conformes cum rectitudine perfectissima iudicii eiusdem; sed ubi est summa conformitas actuum liberorum, ibi est summa bonitas moralis; ergo. Hæc autem bonitas in solis actibus liberis reperitur, non in necessariis, ac proinde actus voluntatis, quo Spiritus Sanctus producit, non dicitur bonus bonitate morali, sed transcendentali tantum.

8. Quæres 2. an tam bonitas transcendentalis, quam moralis sint attributum Dei? Resp. negativè; ratio est, quia attributum habet rationem quasi formæ specificæ consequentis in gradu atomi ex diuina essentia iam constituta; quæ ratio formæ atomi habet rationem veluti passionis, in Deo existentis, ut supra explicuimus; sed tamen bonitas transcendentalis, quam moralis non dicitur rationem formæ in gradu atomi constituta, sed dicuntur rationem transcendentem: nam bonitas transcendentalis, transcendit omnia diuina necessaria; bonitas moralis transcendit omnes actus liberos tum ad ordinem naturalem, tum ad ordinem supernaturalem pertinentes; ergo, &c.

9. Quæres 3. quomodo bonum, &

pulchrum etiam in diuinis distinguantur? Huius quæstioni resolutio, dependet ex cognitione distinctionis, boni, & pulchri secundum se. Pro quo nota; quod pulchritudo ex Platone in *Phædo*, est quædam gratia, & splendor rei, qui mentes, auditu, vel visu perceptis, allicit animam? Unde hoc est discrimen inter bonum, & pulchrum, quod pulchrum dicitur ordinem ad potentiam cognoscentem; at bonum dicitur ordinem ad potentiam appetentem. Quocirca licet res omnes appetant bonum, non tamen omnes appetant pulchrum, sed solum illæ, quæ habent quoddam iudicium discriminis pulchritudinis. Nota deinde pulchritudinem esse triplicem; una est corporis, quam S. P. Aug. lib. 22. de *ciuitate* cap. 19. definit, quod sit, *debita membrorum congruentia cum quadam coloris suauitate*, de qua agit Arist. 4. *ethic.* 3. Secunda est *ordinis*, & consistit in quadam vocum harmonia, quæ exurgit ex quadam numerorum proportionem, & ex quibusdam notarum intervallis. Tertia est spiritus, & reperitur in rebus spiritualibus, & eo surgit ex debita proportionem potentiarum creaturarum in ordine ad perfectionem suæ speciei, & ad proprium finem, quæ per virtutes, & habitus maxime perficitur. Verum loquendo de Deo; eius pulchritudo consistit in infinita perfectione intellectus, voluntatis, & omnium attributorum; quatenus maxime congruunt diuinæ essentia. Ex alio etiam capite Deus dicitur pulcherrimus, quatenus scilicet diuinæ personæ sunt ad invicem realiter distinctæ, cum maxima proportionem æqualitatis in una, eademque essentia diuina.

D V B I U M II.

An solus Deus sit bonus per essentiam.

10. Solum Deum esse bonum per essentiam sic ostendit S. Tho. art. 3. *Vnumquodque enim dicitur bonum, secundum quod est perfectum. Perfectio au-*

autem alicuius rei triplex est. Prima quidem secundum quod in suo esse constituitur. Secunda vero prout ei aliqua accidentia superadduntur ad suam perfectam operationem necessaria. Tertia vero perfectio abicuius est per hoc, quod aliquid aliud attingit, sicut finem, ut patet prima perfectio ignis consistit in esse, quod habet per suam formam substantialem. Secunda vero eius perfectio consistit in caliditate, lenitate, & siccitate, & huiusmodi. Tertia vero perfectio eius est, secundum quod in loco suo quiescit. Hæc autem triplex perfectio nulli creato competit secundum suam essentiam, sed soli Deo cuius solius essentia est suum esse, & cui non adueniunt aliqua accidentia, sed qua de alijs dicuntur accidentaliter, sibi conveniunt essentialiter, ut esse potentem, sapientem, & huiusmodi. Sicut ex dictis patet. Ipse etiam ad nihil aliud ordinatur sicut ad finem, sed ipse est ultimus finis omnium rerum. Unde manifestum est, quod solus Deus habet omnimodam perfectionem secundum suam essentiam, & ideo ipse solus est bonus per suam essentiam.

II. Esse bonum per essentiam variè accipitur. Nam P. Blas. *disp. 4. sua met. q. 4. a. princ.* dicit, quod esse bonum per essentiam accipitur duobus modis. Primo prout hæc particula *per essentiam* contrahitur contra *accidentaliter*, seu per accidens. Secundo, prout contrahitur contra *per participationem*. Unde Deum esse bonum per essentiam, idem erit ac esse bonum per se, & non per accidens, vel idem erit ac esse bonum à se. Nazar. hoc loco post Caier. dicit, quod particula *per essentiam* potest terminare tam subiectum, quam prædicatum. Prout terminat subiectum, facit sensum, quod Deus solus per essentiam suam formaliter, & non per aliquid, quod sit extra essentiam sit bonus. Unde esse bonum per essentiam, idem est, quod esse bonum ratione essentia. Prout terminat prædicatum facit sensum, quod Deus est bonus essentialiter, seu quod bonitas sit prædicatum essentielle Dei. In omnibus istis sensibus accipi

potest illa particula *per essentiam*. His positis.

12. Prima sententia est, quod non solus Deus est bonus per essentiam, seu ratione suæ essentia; verum etiam creaturæ; nam etiam creatura est bona per essentiam, seu ratione suæ essentia; quia etiam essentia creaturarum, bona est, ac proinde esse bonum, erit prædicatum essentielle creaturæ, cum bonitas dicatur de essentia, cum sit passio, quæ cum ente nominaliter convertitur. Hanc sententiam sequuntur Vasquez, quem refert dictus P. Blas. loco cit.

13. Nostra sententia sequentibus conclusionibus explicatur. Prima conclusio Deus est bonus ratione suæ essentia. Hanc conclusionem docet S. Tho. in testimonio allato, & omnes Thomistæ hoc loco. Probatur ratione eiusdem D. Thomæ: quia Deus per id est bonus, per quod habet omnes perfectiones suæ naturæ debitas, sed Deus ratione solius essentia suæ habet omnes perfectiones sibi debitas, ergo Deus ratione solius suæ essentia; est bonus. Maior constat, quia bonitas licet pro formali dicat conveniuntiam ad appetitum, tamen tanquam fundamenta dicit integritatem, & perfectionem debitam rei quæ perfecta, & bona dicitur. Maiorem probat, expectando rationem D. Thomæ, quia etiam eius perfectio ex tripli capite oriri potest. Primo ratione existentia; per quā in esse actuali, completo, & perfecto constituitur. Secundo ratione accidentia; quæ vel tanquam necessaria, vel vilia rei superueniunt, tanquam illius complementum, & perfectio, quo modo anima suis completur potentijs, & perficitur. Tertiò, ratione consecutionis, seu possessionis proprii finis. Sed Deus habet hæc tria ratione solius essentia suæ: ergo, &c. Maior ex se constat. Minorem demonstro. Nam loquendo de existentia, ipsa est de intrinseco, & essentiali conceptu Dei, non autem creaturæ; Deo namque essentialiter convenit existentia, creaturæ contingenter. Secundum constat, quia Deus non est capax

accidentium: unde quod in nobis operantur potentia, operatur in Deo sua essentia, suaque attributa. Tertium etiam constat, quia Deus non ordinatur ad finem; sed omnia ad se tanquam ad finem ordinat: est Deus sibi in se ipso finis: est, id est, in se ipso beatus, in se ipso quiescit.

14. Secunda conclusio. *Soli Deo proprio convenit esse bonus per essentiam, seu ratione sua essentia.* Sic D. Thomas, & omnes Thomistae loco cit. Constat ex illo Christi D. Nemo bonus, nisi solus Deus. Hoc ipsum ratio D. Thomae convincit. Quoniam tria illa capita, de quibus nu. precedenti, ex quibus bonitas, & perfectio prout potest, soli Deo conveniunt ratione suae essentiae, non ulli creaturae. Existencia namque non est de conceptu essentiali alicuius creaturae, ut ex dictis supra constat. Potentia, & accidentia, quibus creaturae substantiae perficiuntur, & bonae integre, & perfectae dicuntur, sunt extra conceptum essentialem illarum. Item nulla creatura potest sibi esse ultimus finis, nec in se potest esse beata, nec in se ipsa quiescere, ergo, &c.

15. Tertia conclusio. *Licet nulli creaturae conveniat esse bonus per essentiam, seu ratione sua essentia, ut in precedenti conclusione dictum est, tamen sunt bona bonitate Dei efficiente, exemplari, & finali, non tam formali.* Hanc concl. tradit D. Tho. art. 4. ubi sic dicit. *Sic ergo unumquodque dicitur bonum bonitate divina, scilicet primo principio exemplari, effectivo, & finali totius bonitatis.* Dicitur creatura bona bonitate Dei efficiente, quia efficit for-

mallem bonitatem ipsius. Dicitur bona bonitate Dei exemplari, quia ad eius similitudinem creaturae bonitas producit. Dicitur bona bonitate finali, quia ad eam tanquam ad proprium finem creata bonitas ordinatur.

16. Sed queres 1. an in divinis filiis, & Spiritus Sanctus sint boni per essentiam, cum eam non habeant à se, sed filius à patre, & Spiritus Sanctus à patre, & filio? Resp. affirmative, ratio est, quia tam filius, quam Spiritus Sanctus habent essentiam divinam, quae à se est bona, seu quae est bona ratione sui, ac proinde ratione illius tam filius, quam Spiritus Sanctus sunt boni per essentiam seu ratione essentiae.

17. Queres 2. an creaturae in ratione bonitatis possint analogari cum Deo in ratione boni? Resp. affirmative, & utraque analogia. Analogantur analogia attributionis, in qua ratio, quae analogatur est intrinsicè in principali analogato, & extrinsicè in secundario. Et hoc modo sic analogantur creaturae cum Deo in ratione boni; quia bonum divinum, integrum, & omnino perfectum intrinsicè in solo Deo reperitur, & extrinsicè denominat creaturas bonas; creaturae namque denominantur extrinsicè bonae à bonitate intrinseca Dei. Analogantur analogia proportionalitatis, ratione propriae bonitatis sibi intrinsicè, hoc modo, quia sicut se habent creaturae ad propriam bonitatem creatamita se habet Deus ad suam propriam bonitatem increatam.

DISPUTATIO VII.

IN QVÆST. VII. D. THOMÆ.

DE INFINITATE DEI.



VID voce clatius,
quid vento fortius,
quid odore violentius?
Hæc per æra feruntur,
ad nostrosque
sensus veniunt, non
tamen negamus, sed esse fatemur, licet
luminum acie non cernantur, sed ab
alijs corporis partibus sentiantur. Deus
O. M. non aspectu nobis, alioñe fragili
sensu cognoscitur, sed mentis oculis est
intuendus. Et si dixerit aliquis, si Deus
infinitus est, si eius essentia incompre-
hensibilis, cur tu de his disseris? Nun-
quid quia totum fluvium ebibere non
possam, id quod mihi commodum est,
sub mensura non hauriam? Quia solem
oculis comprehendere nequeo, etiam
vsum lucis illius abijciam? Quia hortum
magnum ingressus, omne fructuum ge-
nus comedere non valco, nullum car-
pam, & vacuus exibo? Quia viridarium
ingressus, omnes flores carpere non pos-
sum, florilegus non ero? Et Deus im-
mensus, incomprehensibilis, infinitus,
omnem nostram longè superans intelli-
gentiam, non tamen ob hoc cessare de-
bemus ab illis disputationibus, quas de
eo indeficienter movemus; ex infinitate
huius fluvij aliquid bibemus; ex immen-
sitate huius hori, aliquem fructum car-
piemus; ex vastitate huius viridarij, ali-
quem flosculum carpemus, vnde sit.

DUBIUM I.

Vtrum Deus sit infinitus.

Hoc dubium sic proponit, &
resolvit D. Tho. art. 1. *Infinitum*
dicatur aliquid ex eo, quod non est
finis, finitur autem quodammodo, & ma-

teria per formam, & forma per materiam.
Materia quidem per formam, in quan-
tum materia, antequam recipiat formam,
est in potentia ad multas formas; sed cum
recipit unam, terminatur per illam. For-
ma verò finitur per materiam, in quan-
tum forma in se considerata, communis
est ad multas; sed per hoc, quod recipitur in
materia, fit forma determinata huius rei.
Materia autem perficitur per formam,
per quam finitur, & ideo infinitam, se-
cundum quod attribuitur materia, habet
rationem imperfecti; est enim quasi mate-
ria non habens formam. Forma autem
non perficitur per materiam, sed magis
per eam eius amplitudo contrahitur. Vnde
infinitum secundum quod se tenet ex parte
forme, non determinatur per materiam,
habet rationem perfecti; illud autem, quod
est maxime formale omnium, est ipsum
esse, ut ex superioribus patet. Cum igitur
esse divinum non sit esse receptum in ali-
quo, sed sit suum esse subsistens, ut supra
ostensum est, manifestum est, quod ipse
Deus sit infinitus, & perfectus. Vbi, ut
vides, probat S. Doctor Deum esse in-
finitum, quia est forma, seu actus per se
subsistens, & irreceptus, ac proinde
non habet à quo finiatur, & limitetur.

3 Igitur Deum esse infinitum, om-
nes concedunt, etiam antiqui Philoso-
phi. Difficultas est, an hoc probet ratio
D. Thomæ, negant Scotus, & Vasquez
apud Nazar. hoc loco.

4 Nihilominus tenendum est, ra-
tionem D. Thomæ rectè probare Deum
esse absolutè, & simpliciter infinitum.
Hanc conclusionem tenent omnes Tho-
mistæ Caiet. Nazar. Bann. Ripa, Zumel,
& alij. Pro intellectu difficultatis, no-
tandum I. quod infinitum dicitur multis
modis I. Extensivè, siue quoad dura-
tio-

cionem, siue quoad molem, siue quoad multitudinem, quod infinitum, dato, quod dari possit, in sola quantitate, vel continua, vel discreta dari poterit. II. Intensivè, seu quoad gradualitatem, secundum quam rationem aliqui dicunt animam Christi D. habere infinitos gratiæ gradus, quos Deus efficere potuit, simulque in vno individuo collocare. III. Dicitur aliquid infinitum formaliter in sua entitate in determinato entis genere, seu gradu, & erit illud, quod in eo gradu continet totalitatem, & plenitudinem entis sub illo gradu, vel genere, itaut nil ei desit, seu nullam dicat finitionem, seu determinationem in illo gradu, vel genere, quo modo divina attributa dicuntur infinita in suo genere, quia continent imaginabilem perfectionem in eo genere. IV. dicitur aliquid infinitum formaliter secundum suam essentiam, seu entitatem in genere entis absolutè, & est illud, quod continet in se, & per se omnem plenitudinem, & totalitatem entitativæ perfectionis, seu est illud, quod continet in se omnem excogitabilem perfectionem in ratione entis ut sic conientam.

5 Conveniunt omnes, quod Deus non sit infinitus exensivè, cum neque habeat molem, neque successivam durationem, neque infinitatem in multitudine. Neque etiam potest Deus esse infinitus intensivè, quia non habet in se nec infinitos gradus physicos intensivis, neque metaphysicos. Neque est Deus infinitus in aliquo solum gradu entis, sed in omni gradu, & in omni genere.

S. I. Ponitur 2. notandum, pro intellectu rationis D. Thomæ.

6 **C**ognitio efficaciæ rationis D. Thomæ, magna ex parte dependet ex cognitione importati in nomine infinitatis Dei. Pro quo adverte, quod cum infinitas dicat negationem finitatis, videndum est, quidnam sit illud, quod ipsa negat. Aliqui volunt in-

finitem Dei negare hoc, quod est esse ab alio, seu quod est esse dependens ab alio, ac proinde infinitatem Dei in hoc consistere, quod non sit ab alio, seu quod non dependeat ab alio. Verum ex hoc non inferitur absoluta Dei infinitas, & in omni genere nam dato quod Deus sit independens, & quod omnia ab eo dependeant, adhuc infinitas inquiri potest. Quocirca Theodoretus lib. 2. de provid. duo ista prædicata recenset, & tanquam formaliter distincta ponit, scilicet esse independens, seu non esse ab alio, & esse infinitum. Alij volunt negationem importatam ab infinitate Dei, esse negationem esse recepti in alio, ac proinde ideo Deus est formaliter, & entitativè, & in omni genere in finitus, quia est ir-receptus. At neque hoc placet, quia, esse, vel non esse receptum supponit rem esse in se, ac proinde prius Deus intelligatur infinitus, quam intelligatur ir-receptus; quia sicut prius est rem esse in se, quam esse in alio, ita prius intelligatur esse in se finitam, aut infinitam, quam esse, vel non esse receptam. Alij denique volunt Dei infinitatem importare negationem termini cuiuscunque perfectionis, ac proinde Deum esse infinitum nihil aliud esse, nisi quod Deus sit summè perfectus, seu quod in suo esse importet perfectionem sine villo sine, sine villo termino, seu interminabilem. Rationem assignant, quia conceptus infinitatis in Deo, importat conceptum rei, qua nihil maius excogitari potest, sed iste est conceptus perfectionis interminabilis, ergo.

7 Nihilominus puto conceptum infinitatis in Deo importare negationem limitationis essentialis, seu importare conceptum essentiae illimitatæ, seu carentis limitatione essentiali, seu intralinearum essentiae, qui conceptus sufficienter exprimitur per hoc, quod Deus est ens à se, seu, quod habet essentiam ir-receptam. Hinc patet profunditas rationis D. Thomæ, scilicet: Deus est suum esse; ergo est infinitus. Antecedens est certum; esse namque est proprium præ-

di-

dicatum solius Dei. Consequentia ostenditur, quia eo ipso, quod Deus est suum esse, debet esse ens à se, debet esse independens, debet esse irreceptus in ratione generali entis, & non tantum in hoc, aut illo genere, ac proinde debet esse ens absolutè, & simpliciter illimitatum, interminatum, debet habere carentiam omnis finitionis, limitationis, & contractionis, ac subinde debet esse infinitus.

8 Confirmatur, & explicatur hæc ratio D. Thomæ, quoniam illud censetur esse formaliter absolutè, & in omni genere infinitum, quod ita est perfectum in sua essentia, ut neget omnè, & quemlibet terminum perfectionis etiam possibilis in eadem sua essentia; sed ex hoc, quod concipitur Deus esse suum esse, habere esse irreceptum, concipitur ut negans omnem, & quemlibet terminum perfectionis etiam possibilis; ergo ex hoc concipitur infinitus. Maior nota est, cum sit ipse infinitas conceptus. Minor probatur, quia conceptus essendi à se, conceptus entis irrecepti, conceptus entis, quod ad hoc pertingit ut sit suum esse (qui omnes conceptus in idem residuat) sunt conceptus rei illimitatæ, carentis omni termino in generalissimo entis conceptu, ac proinde rei negantis omnem, & quemlibet terminum perfectionis, etiam possibilis. Quod enim habet esse à se, debet habere à se omnia, quæ ab ipso esse profluunt, ac proinde omnia intelligentur esse à se, & sic illimitatè, indeterminatè, & modo infinito.

9 Alij alio modo conantur ostendere Dei infinitatem, ut quod Dens nõ contineatur in aliquo rerum ordine, seu genere, sed perfectiones rerum omnium contineat. Item quod in omni perfectione rerum, primam, seu supremam, oportet esse infinitam, quæ melior exco- gitari non possit; unde in linea esse, debet dari infinitum esse; in linea sapientie, infinita sapientia; in linea bonitatis, infinita bonitas; in linea potentie, infinita potentia, &c. Item ex hoc colligunt infinitatem, quod Deus solus ex

nihilo aliquid faciat; facere namque aliquid ex nihilo arguit infinitam virtutem, virtus autem infinita non potest esse in essentia finita, sed in infinita. Verum licet omnes istæ rationes optimè sint, ratio tamen D. Thomæ videtur à priori, & assignat primam diuine infinitatis radicem.

5. II. Soluuntur aliqua quæstia pro absoluta diuina infinitatis cognitione.

10 **Q**UÆRES 1. an Dei infinitas sit formaliter negatio, an aliquid positium ad quod negatio sequatur? Resp. quod licet infinitas spectata secundum nominis etymologiam, seu secundum expressam nominis significationem sit formaliter negatio, infinitum namque idem est quod interminu, tamen re ipsa non dicit solam negationem, sed positium, ad quod sequitur negatio, seu positium inferens negationem. Est autem hoc positium ipsum esse Dei à se, seu est ipsamet essentia diuina, non sub conceptu essentiae, sed sub conceptu talis modi, quo exprimit esse maximè vnā, simplicissimam, summā, quodā spiritualem cuiuscunque perfectionis magnitudinem; seu quatenus exprimit continetiam omnium perfectionum, & omnium graduum illarum, etiam possibilem, cum negatione, aut exclusionem cuiuscunque termini, cuiuscunque finitionis, aut limitationis. Vnde cum infinitas Dei, sit infinitas virtutis, explicari potest exemplo infinitatis molis; nā sicut infinitas molis non dicit puram negationem termini, sed substratum ad quod ea negatio sequitur, ita infinitas virtutis dicit substratum, scilicet diuinam essentiam modo explicatā, ad quā sequatur negatio termini, & limitationis, cuiuscunque perfectionis illius. Et sicut infinitu molis est illud ex quo semper est aliquid acciperet, ita infinitum virtutis, & perfectionis erit illud ex quo semper erit aliquid accipere.

11 QUÆRES 2. an negatio importata ab infinitate Dei, sit vna absque di-

N fin-

distinctione virtuali, an verò sit virtualiter multiplex? Resp. quod si loquamur de infinitate ipsius essentiae Dei, quae est infinita in genere entis, seu essentiae, & in omnigenere saltem radicaliter, prout est ratio, seu radix omnium attributorum, hæc importat vnam dumtaxat negationem formaliter, absque distinctione virtuali; si verò loquamur de infinitate in hoc, vel in illo genere, qua ratione omnia attributa sunt infinita in proprio genere, tunc tot dantur negationes, quot dantur infinitates attributales à se inuicem, & ab essentia distinctæ. Bene verum est, quod cum vnumquodque attributum sit etiam infinitum in omni genere, quatenus per modum transcendentis continet, seu imbibit essentiam diuinam, & reliqua attributa, tunc in quocunque attributo erunt omnium aliorum negationes, sicuti sunt omnium aliorum perfectiones, modo infra explicando, dum agemus de actu libero.

13 Quæres 3. an infinitas Dei, sit attributum illius? Certum est, quod infinitas attributalis, quæ reperitur in quocunque attributo, secundum quod vnumquodque est infinitum in propria linea, non sit attributum ab attributis distinctum, alioquin attributi esset attributi. Si verò loquamur de infinitate diuinæ essentiae, puto probabiliter esse attributum illius, eo quod concipiatur ut aliquid pullelans ab eadem essentia, virtualiter ab ea distinctum, prout dicit essentiam illo particulari modo, & determinato, ut dicit negationem termini cuiuscunque perfectionis, etiam possibilis. Dini probabiliter, quia puto esse probabilius infinitatem non esse propriè attributum. I. Quia attributum concipiatur per modum forme quasi atomæ, seu in specie atoma constitutæ, infinitas autem non sic concipitur. II. Quia non videtur prædicatum ab essentia virtualiter distinctum, sed est ipsa met essentia dicens negationem termini suæ perfectionis.

S. III. Soluuntur argumenta probantia Deum non esse infinitum.

13 **P**rimum argumentum est, quoniam omnis entitas infinita, est entitas indeterminata; sed Deus non est entitas indeterminata; ergo neque infinita. Maior constat, quia idem est carere sine, ac esse infinitum, idem est esse infinitum, ac carere termino, sed carens sine, & termino, est indeterminatum; ergo. Minor nota est, quia si Deus esset entitas indeterminata, non esset distincta ab omnibus alijs rebus; ergo. Resp. quod dupliciter aliquid potest dici indeterminatum. Vno modo secundum prædicationem, & esse indeterminatum hoc modo, dicit imperfectionem, quia dicit rationem vltioris contrahibilitatis. Alio modo dicitur aliquid indeterminatum secundum esse, seu secundum perfectionem, ex eo, quod excludat quemcunque suæ perfectionis terminum, etiam possibilem. Deus dicitur entitas indeterminata hoc secundo modo, non primo, quia in primo inuoluitur imperfectio, non in secundo.

14 Secundum argum. quia si Deus esset in sua entitate infinitus, sequeretur quod ex eius effectibus vnus non esset alio nobilior; hoc secundum non est verum, ergo neque primum. Sequela probatur, quia si Deus esset infinitus, infinitè distaret ab eius effectibus, vbi autem est infinita distantia non est vnum, alio nobilior. Resp. negando sequelam, ratio negationis est, quia maior, aut minor nobilitas effectus, non desumitur ex maiori, aut minori distantia illius à sua causa, sed ex perfectiori communicatione eiusdem causæ, ita in casu nostro dato, quod omnes Dei effectus æquè distarent à Deo, non ob id sequitur, quod omnes sint æquales, cum non omnes participant æqualiter Dei perfectiones.

15 Tertium argum. quia prima omnium rerum mensura non potest esse infinita; sed Deus est prima rerum omnium mensura; ergo non potest esse infinitus.

Maior

Maiores constat, quia ideo aliquid dicitur alterius mensura, quia illud mensurando notificat, sed mensura infinita non potest nec mensurare, nec notificare, ex eo quod infinitum, est ignotum, ergo. Resp. quod dupliciter aliquid dici potest mensura, vno modo per sui replicationem, & hoc modo palmus est mensura ædificij, quia per sui replicationem notificat quantitatem eiusdem ædificij, & hoc modo Deus nequit esse rerum omnium mensura. Alio modo vnum dicitur alterius mensura, ex eo, quod virtualiter continet illud, quo modo albedo dicitur mensura colorum, quia eminentius continet coloris naturam, quam quicunq; alius color, & hoc modo Deus est mensura rerum omnium.

16 Quantum argum. quia nihil de prima causa naturaliter cognosci potest, nisi per effectus sensatos, ut sæpè dicit Philosophus; sed nullus est Dei effectus infinitus; ergo per nullum effectum cognosci potest infinitas Dei, ac proinde non erit infinitus. Resp. quod dupliciter effectus Dei possunt nos ducere in cognitionem primæ causæ. Vno modo ratione propriæ perfectionis, seu propriæ entitatis, & hoc modo nullus effectus arguit causam esse infinitam; alio modo quantum ad modum quo producuntur, & hoc modo arguunt infinitatem Dei virtutem, maxime illi effectus qui immediate sunt per creationem; quia cum creatio sit productio totius entis ex nihilo arguit infinitam virtutem in creatore.

17 Quintum argum. quia cuiuslibet potentia actiua, correspondet sua æquata potentia passiva; sed nulla datur potentia passiva infinita; ergo neque actiua. Resp. quod adhuc ut virtus actiua sit infinita, non est necesse, quod detur potentia passiva positiue infinita, sed negatiue, & hæc datur respectu Dei, & est nihilum, seu non subiectum, in quod Deus solus agere potest, & ad quod virtus actiua infinita requiritur.

18 Sextum argum. quia si Deus esset infinitus, infinitæque virtutis, posset mouere, v.g. cælum in non tempore;

sed hoc est falsum; ergo non est infinitus, infinitæque virtutis. Maior constat, nam si Deus esset infinitæ virtutis posset non minori velocitate mouere cælum, quam agens naturale potest mouere graue à se genitum in vacuo; sed agens naturale moueret corpus in vacuo in nō tempore, seu in instanti, ut tradit Phil. 4. Phys. tex. 71. ergo, &c. Tum quia vbi nulla est resistentia, ibi est infinita velocitas, sed primo motori nulla est resistentia, ergo. Tum etiam quia omnes effectus, quos causa secunda potest producere in tempore, causa prima potest producere in instanti, ergo. Minor probatur, quia in nulla re potest esse motus, nisi sit prius, & posterius; in instanti non est prius, & posterius, ergo in instanti non est motus. Tum quia motus esse nequit sine successione, cum motus vel sit successio, vel forma succedens; in instanti non potest esse successio; ergo neque motus. Resp. negando maiorem ob rationes adductas pro confirmatione minoris; ex hoc enim, quod Deus sit infinitæ virtutis, non potest facere contradictoria, quod scilicet idem sit prius, & posterius, quod idem corpus sit simul in pluribus locis, v.g. in oriente, & occidente, quæ contingerent in casu, quo Deus moueret, v.g. cælum in non tempore; nec ea quæ pro maiori obijciuntur obstant, non primum, quia neque in vacuo motus potest esse in instanti, quia licet non sit resistentia medij, est tamen resistentia mobilis ad motorem, quia mobile est tale in potentia, quale est mouens in actu, & habet situm contrarium ei, quem intendit motor. Per quæ patet ad alia obiecta.

D V B I V M II.

An aliquid extra Deum possit esse infinitum per essentiam.

19 **D** Vbi hoc ponit S. Doctor art. 2. illudque sic resoluit. *Aliquid præter Deum potest esse infinitum secundum quid, sed non simpliciter, si enim*

loquamur de infinito secundum quod competit materia, manifestum est; quod omne existens in actu habet aliquam formam, & sic materia eius est determinata per formam. Sed quia materia secundum quod est sub una forma substantiali, remanet in potentia ad multas formas accidentales, quod est finitum simpliciter, potest esse infinitum secundum quid: utpotè lignum est finitum secundum suam formam, sed tamen est infinitum secundum quid, in quantum est in potentia ad figuram infinitas. Si autem loquamur de infinito secundum quod convenit formæ, sic manifestum est, quod illa, quorum forma sunt in materia, sunt simpliciter finita, & nullo modo infinita. Si autem sint aliqua forma creata non recepta in materia, sed per se subsistentes, ut quidam de Angelis opinantur, erunt quidem infinita secundum quid, in quantum huiusmodi forma non terminantur, neque contrahuntur per aliquam materiam, sed quia forma creata sic subsistens habet esse, & non est suum esse, necesse est, quod ipsum eius esse, sit receptum, & contrarium ad determinatam naturam. Vbi clarè habes, quod licet aliquid præter Deum possit esse infinitum secundum quid, non tamen simpliciter, eo quod quodlibet creatum habeat esse determinatum; quæ namque ex materia, & forma componuntur, determinata sunt, quia materia determinat formam, & forma materiam; formæ vero subsistentes, licet non determinentur per materiam, quia ea carent, determinantur tamen per esse, quod recipiant, cum non sint suum esse.

20 Hanc rationem D. Thomæ sic confirmo, quia illud tantum est propriè infinitum in essentia, quo nihil potest excogitari maius, quodque de facto in se claudit omnes perfectiones, non tantum illas, quæ de facto in creaturis reperiuntur, verum etiam quæ esse possunt: sed implicat dari aliquid præter Deum, quo nihil maius excogitari possit; ergo etiam implicabit, quod præter Deum detur aliquid, quod sit infinitum secundum essentiam. Maior constat ex

dictis supra; minorem probò, quia cum illud necessariò esset aliquid creatum, ac proinde à Deo dependens, illo aliquid melius, perfectiusque excogitari potest, scilicet Deus, qui est suum esse independents. Deinde data quacunque creatura, Deus semper potest aliam perfectiorem in infinitum producere; nec vlla vnquam dari potest, quæ totam exhaustiat diuinæ omnipotentis latitudinem.

21 Obijciēs 1. quia non repugnat aliquid ens creatum infinitum secundum magnitudinem; ergo neque secundum essentiam. Antecedens probatur, quia in scientijs non inuenitur falsum, ex eo, quod abstrahentium non est mendacium ex 2. phys. sed scientiæ mathematicæ videntur infinito secundum magnitudinem, cum dicant, & supponant lineam infinitam, ut cum dicitur, quod duæ lineæ parallelæ in infinitum protellæ, nunquam se intersecant. Tum quia magnitudo est diuisibilis in infinitum ex 3. phys. diuisioni autem opponitur additio, & augmentum; ergo si illa non repugnat quætitati, neque istud. Resp. 1. cum D. Thoma art. 3. in corpore, quod aliud esse infinitum secundum suam essentiam, & secundum magnitudinem. Dato enim, quod esset aliquod corpus infinitum secundum magnitudinem, utpotè ignis, vel aer, non tamen esset infinitum secundum essentiam, quia essentia sua esset determinata ad aliquam speciem per formam, & ad aliquod indiuiduum per materiam. Deinde resp. 2. negando antecedens, quia repugnat etiam corpus infinitum secundum magnitudinem, siue sermo sit de corpore physico, seu naturali, siue de corpore mathematico. Corpus mathematicum est illud in quo consideratur sola quantitas, & corpus naturale est illud in quo consideratur materia, & forma. Corpus naturale infinitum ex eo repugnat, ut ostendit idem S. Doctor, quia habet determinatam formam, & materiam; tum quia corpus naturale debet habere aliquem motum naturalem; corpus autem infinitum nequit habere motum.

naturalem, non rectum, quia occuparet omnem locum; neque circula rem, quia in hoc motu una pars transferretur ad locum ubi erat alia, quod nequit esse in corpore infinito: cum enim tunc omnes linee distarent infinite à centro nunquā una poterit transferri ad locum alterius. Ex eo etiā repugnat corpus mathematicum, quia debet habere aliquam figuram, seu formam à qua finiatur.

22 Obijcies 2. quia si mundus fuisset ab æterno creatus, iam transissent infinite generationes Leonum, homi-

num, animalium, & infinite celorum, circulationes, ac proinde iam daretur infinitum in actu saltem quoad multitudinem; ergo non repugnat aliquod extra Deum infinitum in essentia saltem, extensivè, aut quoad illius multiplicationem. Resp. cum D. Tho. in d. art. 3. ad 4. non repugnare infinito in motu, tempore, & in quacunque successione in qua tota collectio non est in actu, sed successiva est, nec in ea assignari potest initium cum sit æterna, & careat principio.

DISPUTATIO VIII.

IN QVÆST. VIII. D. THOMÆ.

DE EXISTENTIA DEI IN REBUS.

NIHIL à Deo vacat, nihil indiget, ubique est, cælum, terramque replet. Nec ab illo vacat, in quo non habitat, & totus adest; quamvis cum ille non habeat: illi in quo habitat, totus est præsens, quamvis cum non ex toto capiat. Neque enim ad habitudinem dividit se per hominū corda, & corpora, aliam sui partem huic tribuens, aliam illi, sicut lux ista materialis per aditus, fenestrasque domorum partitur. Sonum non capit surdus, surdaster non tantum capit: sed tantò magis alius alio capit, quantò est acutioris, tantò aut minus, quantò est obtusioris auditus, cum tamen ei æqualiter appropinquet, cum non variè magis, minusve insonet, & in loco in quo est, sit præsto æqualiter omnibus. Quantò excellentius, inquit S. P. Aug. de præsentia Dei ad Dardanium cap. 8. Deus natura incorporea, & immutabiliter vivax, qui non sicut somnus, per temporum moras tendi, & dividi potest, sed æterna stabilitate in se ipso manens, totus adest rebus omnibus potest, ut in hac disp. trademus, sit ergo.

D V B I V M I.

An Deus sit in omnibus rebus.

IN 1. art. dictæ q. 8. hoc dubium proponit S. Doctor, sicque resolvit. Deus est in omnibus rebus, non quidem sicut pars essentia, vel sicut accidens, sed sicut agens adest ei, in quod agit. Oportet enim omne agens coniungi ei, in quod immediate agit, & sua virtute illud contingere, ut in 7. phys. probatur, quod motum, & movens oportet esse simul. Cum autem Deus sit ipsum esse per suam essentiam, oportet, quod esse creatum sit proprius effectus eius, sicut ignis est proprius effectus ipsius ignis. Hunc autem effectum causas Deus in rebus, non solum, quando primo esse incipiunt, sed quandiu in esse conseruantur, sicut lumen causatur in aere à sole, quandiu aer illuminatus manet. Quandiu igitur res habet esse, tandiu oportet, quod Deus adsit ei secundum modum, quo esse habet. Esse autem est illud, quod est magis intimum cuilibet, & quod profundius omnibus inest, cum sit formale respectu omnium, quia in re sunt. Unde oportet, quod Deus sit in omnibus rebus.

rebus, & intimè. Vbi, vt vides probat D. Thomas, quod Deus sit intimè præfens rebus omnibus. I. Ex hoc, quod omne agens, debet coniungi ei, in quod immediatè agit, & debet sua virtute illud contingere, alioquin non ager in illud; Deus autem est agens totius esse creati, vt proprii effectus non solum in fieri, verum etiam in conseruari; esse namque per participationem, debet esse proprius effectus ipsius esse per essentiam. II. Quoniam Deus est in rebus secundum quod causat; ac proinde debet esse illis intimè præfens, cum esse sit illud, quod est magis intimum, & profundius inest rebus.

3 Contra hanc veritatem obijcies 1. quia omnia sunt in Deo, vt profundè tradit S. P. August. *lib. 83. quæst. 9. 10.* Ergo si Deus esset in omnibus, omnia esset in omnibus, & consequenter in se ipsis: si enim omnia sunt in Deo, & Deus est in omnibus, sequitur, quod omnia sunt in singulis, ac subinde singula erunt in se ipsis. Quod confirmari potest ex illo; quæ sunt eadem vni tercio, sunt eadem inter se; ergo si omnia sunt idem cum Deo, erunt idem inter se. Resp. concedendo antecedens, & negando consequens. aliter namque, & aliter res sunt in Deo, & aliter Deus est in rebus. Res namque sunt in Deo eminenter, sunt in Deo tanquam in causa efficienti, & exemplari. Verum Deus est in rebus tanquam causa in suo effectum quem producit, & conseruat, est per essentiam, præsentiam, & potentiam, modo infra explicando. Nec illud, quod adducitur in confirmationem aliquid facit, quia procedit, quando res eodem modo se habet, secus quando diuerso modo, vt in nostro casu contingit.

4 Obijcies 2. nam aut ista præsentia Dei in rebus est aliquid reale, aut non; si est aliquid reale, ergo debet realiter conuenire Deo ab æterno, alioquin mutaretur. Resp. esse aliquid reale, quod conuenit Deo in tempore, non per mutationem factam in Deo, sed per

positionem connotati. Præsentia Dei in rebus, duobus modis considerari potest; vno modo: in actu primo, & hoc modo est ipse Deus, qui ratione suæ immensitatis habet totum id, quod requiritur, vt posita re, in illa sit absque vlla ipsius Dei mutatione, aut additione. Alio modo in actu secundo, & hoc modo ponit mutationem in connotato, & dicit terminationem ad illud tanquam fundamentum relationis rationis, vt de actu libero dicemus.

S. I. *An immensitas, seu præsentia Dei in rebus ex operatione colligatur.*

5 Hæc dubium alij sic proponunt, an scilicet operatio Dei, sit ratio essendi in loco respectu Dei; alij sic, an Deus sit in loco per operationem, ita quod formalissima ratio ob quam Deus est in loco, sit eius operatio. Pro intellectu huius difficultatis aduerte 1. Quod Dei omnipotentia, qua omnia efficit, seu quod potentia executiua in Deo, est ipsamet scientia visionis, seu practica Dei, connotando tamen tanquam aliquid præsuppositum, liberum diuinæ voluntatis decretum, determinans eandem scientiam, & applicans ad operationem, seu productionem rei, vt infra de scientia Dei dicemus. Ex quo fit, quod cum prius sit esse rem, quam terminare relationem præsentie, sequitur, quod prius intelligamus diuinam omnipotentiam terminari ad productionem rei, quam diuinam essentiam, seu diuinam immensitatem ad eam se extendere; vnde extensio diuinæ immensitatis ad contingendam rem, vt sit illi intimè præfens supponet tanquam aliquid prius omnipotentiam terminari ad rei productionem. Aliter namque res se habet ad esse, & aliter se habet ad operari; seu alius est ordo essendi, & alius operandi. Nam in Deo prius intelligimus essentiam, quam omnipotentiam; quoad operationem tamen ad extra, prius intelligimus rem produci, quam essentiam.

di-

diuinam in illam illabi, & præsentem ipsimè esse.

6 Aduerte 2. quod quando dicitur, quod Deus est in rebus ratione suæ immensitatis, potest intelligi dupliciter, primo, vt immensitas diuinæ substantiæ, seu essentia sit ratio formalis, qua Deus sit præsens ante omnem operationem, seu contactus, & hoc falsum est in sententia D. Thomæ, & Thomistarum, quia in horum sententia, nulla est præsentia ratio, nisi operatio, quæ est quidam rei contactus, ratione cuius Deus est eidem rei immediatus. Secundo vt ipsa immensitas diuinæ essentia, sit id, quod est præsens, & etiam prima radix præsentia, & hoc est verum. Cum enim Deus sit immensus, & infinitæ naturæ, vt disp. præcedenti visum est, habet, vt absque ulla sui mutatione sit in se in qualibet re, quæ prius nullum habebat esse, nunc autem diuinæ virtutis operatione, illud habet.

7 Aduerte 3. quod quando inquitur, an Deus sit in loco per operationem, seu rationem operationis, nomine operationis intelligimus quamlibet operationem Dei ad extra, siue illa sit rei productio, siue illius conservatio, siue gubernatio, siue alia quæcunque.

8 Aduerte 4. ex communi Theologorum sententia, esse tres agendi modos in aliquod patiens. Primus est, quando agens agit in passum mediatione virtutis tantum, vt cum pater in humanis communicat filio potentiam generandi alium filium, ad cuius tamen generationem, seu productionem ipse pater non concurret, hoc est enim agere in aliud mediatione virtutis tantum, quando alteri communicatur virtus agendi tantum, absque eo, quod communicas virtutem ad rei productionem concurret. Secundus est, quando agens agit in passum immediate virtutis tantum, quod tunc fit, quando agens per virtutem à se diffusam contingit passum, seu effectum, vt cum Sol per influentiam, quæ est quædam virtus ab illo diffusa, agit in interiores terras par-

tes. In hoc autem determinatur isti duo modi agendi, quod in priori, agens non est principium quod effectus, nec agit per virtutem à se diffusam, tamquam à principio quo. At in posteriori, agens est principium quod effectus producti, cum agat per virtutem sibi inhaerentem tanquam principio quo. Tercius est, quando agens agit immediate virtutis, & suppositi, quod tunc contingit, quando agens ita agit in effectum per virtutem sibi inexistentem, vt non solum virtus contingat passum, verum etiam suppositum, ita quod dictum agens habeat suppositum indistans ab ipso patiente.

8 His notatis, sunt de hac re duæ sententia. Prima est, quod ratio formalissima ob quam Deus est in loco, & in quacunque alia re, sit diuinæ essentia, seu substantia immensitas, non eius operatio, ita quod localis similitudo Dei quoad suam existentiam substantialem, tam cum rebus omnibus, quam intra res omnes à Dei operatione ad extra, non colligatur, sed ab eius immensitate. Hanc sententiam tradunt Doctor subtilis in 1. sent. dist. 37. q. vn. Ocam, Gabr. & ceteri Scoti Discipuli.

9 Nostra sententia, sequenti conclus. explicatur. *Deus est in loco formalissimè, & in quacunque alia re, per operationem ad extra.* Hanc tradunt D. Thomas in hoc art. 1. vt constat ex illis verbis: *Deus est in omnibus rebus, sicut agens ad effectum, in quod agit, & omnes eius Discipuli hoc loco, vt Caiet. Bannes, Nazar. Ripa, & alij, quibus addo N. P. Blasium in sua metaph. disp. 14. q. 1. Colligitur hæc sent. ex sacra scriptura, quæ ita probat existentiam Dei in rebus, vt eam refundat in eius operationem transeuntem. Nam psal. 138. dicitur. *Si ascendero in caelum tu illuc es, si descendero in infernum ades, &c.* & subiungit causam, seu rationem formalem, etenim *illuc manus tua deducit me, & tenebis me dextera tua;* deducere, & tenere, sunt operationes ad extra. Actor. 17. dicitur de Deo: *Non est longe ab unoquoque nostrum,* hoc est, est om-*

omnibus nobis præsentissimus, & subditur ratio per causalem enim: *In ipso enim vivimus, movemur, & sumus.*

10 Probatur 1. ratione D. Thomæ in hoc art. quoniam agens, quod agit immediate tam virtutis, quam suppositi, debet esse præsens passo in quod agit, sed hæc præsentia desumitur ab ipsa actione, tanquam à ratione formali, ergo Deus, qui eo modo agit, erit præsens passo ratione eiusdem actionis, tanquam rationis formalis. Maior nota est, non enim potest agens agere, nisi contingat passum, illudque sibi subdat, ac proinde agens immediate tam virtutis, quam suppositi, debet utroque modo passum contingere. Minor ostenditur, quia non alia ratione agens passum sibi subdit, nisi per actionem per quam in illud agit; præcisa namque actione, agens non est agens, nec passum sibi subdit. Quod autem Deus agat immediate cum supposito, cum virtutis, constat, quia in Deo esse, & eius virtus non distinguuntur, ac proinde si est præsens passo ratione virtutis, erit etiam ratione suppositi. Cum autem Deus non sibi subdat creaturam per rationem suppositi, sed per virtutem, seu operationem, quia per solam operationem eam producit, & conservat, sequitur, quod per solam operationem tanquam per rationem formalem divina immensitas ad creaturas extendatur; unde operari trahit esse, non esse operati.

11 Probatur 2. non potest intelligi nova præsentia, sine nova aliqua mutatione, non quidem in Deo, qui immutabilis est, sed in creatura; ergo per id Deus fit formaliter præsens creaturæ, per quod in ipsa fit mutatio; atqui hæc non fit nisi per operationem, ergo non est Deus in loco, & præsens creaturæ nisi per operationem. Tum quia nequit Deus intelligi præsens creaturæ antequam sit, nec esse in loco, antequam locus sit, ergo ratio ob quam Deus est in loco, aut in creatura, erit id per quod locus, & creatura sunt hoc est ipsa Dei operatio ad extra, ergo.

S. II. *Solvuntur fundamenta contraria sententia.*

12 **P**rimum argumentum est, quoniam immensitas, & omnipotentia Dei sunt attributa diversa, ita quod immensitas intelligatur prior omnipotentia; ergo licet Deus sit præsens rebus per immensitatem, & omnipotentiam, prius tamen intelligetur præsens per immensitatem, quam per omnipotentiam, eo namque ordine ista duo attributa debent poni in rebus, quo ponuntur in Deo; in Deo immensitas est prior omnipotentia; ergo etiam in creaturis. Resp. quod licet in Deo prius intelligatur immensitas divinæ essentie, quam omnipotentia, nihilominus in creaturis prius intelligitur omnipotentia, quam immensitas, quia immensitas quæ est præsentia per essentiam, supponit prius res esse per omnipotentiam, implicat namque divinam essentiam fieri præsentem rebus antequam sint. Nec valet responsio Scotistarum, quod ex nostra responsione solum sequitur, quod Deus prius materialiter sit præsens per potentiam, & operationem, quam per immensitatem, non formaliter ex eo, quod omnipotentia, & operatio ponit quidem rem, ad quam divina immensitas extendatur, non tamen est ratio talis extensionis. Nam contra est, quia non solum operatio materialiter præcedit extensionem divinæ immensitatis, quia hæc non prius ad rem extenditur, quam sit, verum etiam præcedit formaliter, tanquam id per quod res contingitur, & agenti subditur; id enim per quod passum agendi subditur, est ratio per quam agens passo fit præsens, cum enim essentia secundum se non sit immediate operativa, nec secundum se passum sibi subder, nec secundum se illi præsens fiet, sed media operatione; ignis namque non fit præsens ligno, nec illud sibi subdit, nisi medio calore, ut ex se constat.

13 Secundum argum. quia si Deus esset

esset præsens rebus per operationem, deberet operatio prærequiri ad hanc præsentiā, sed non prærequiritur: ergo. Maior constat. Minorem ostendunt, 1. Ex actione Dei, qua mundum, & spatium produxit, hæc enim cum fuerit prior natura mundo, & spatio, non potuit prærequirere præsentiā Dei in spatio, cum enim prius natura fuerit spatium, quam Deus in spatio, & prior sit actio Dei quam spatium, quia actio est prior suo termino, sequitur, quod prius natura fuerit Deus agens, quam extiterit in spatio, ut omnis causa est prior suo effectu, ac subinde Deus prius natura fuit agens spatium, quam præsens per operationem spatio; in eo autem priori in quo est agens spatium, & nondum intelligitur per operationem præsens spatio, debeat, ut agat, intelligi præsens per immensitatem, aut saltem operatio non erit formalissima ratio præsentiæ Dei in spatio, & in rebus creatis. II. Quia Deus potest producere substantiā spirituale, quæ in loco non est, tanquam in spatio circumscriptivo: ergo actio productiva Dei nullam habet connexionem cum præsentiā Dei in spatio, & in rebus. III. Quia sicut agens creatum, quod est virtus virtutis finitæ ad hoc ut agat non requirit intimam præsentiā cum passio, sed solum requirit vicinitatem, & contiguitatem, ita agens increatum cum sit infinitum, & illimitatum virtutis, non requirit ut agat per intimam præsentiā tum virtutis, tum suppositi, sed sibi sufficit præsentiā virtutis, vel etiam nulla, cum agere possit in distans. Quod enim est tantæ virtutis ut agere possit in non subiectum, in nihil, poterit etiam agere in distans; maximè cum nihil infinitè distet à Deo, si non positivè, saltem privativè, aut negativè. Resp. concedendo maiorem, & negando minorem; divina namque operatio omnino prærequiritur ad hoc ut Deus sit rebus omnibus præsens. Ad primam probationem, dico prius esse, quod divina operatio producat spatium, quam quod sit in illo, cum enim hæc præsentiā sit

prædicta, non supponit spatium, sed producit illud, quo producto, illud replet; nec debet Deus pro illo priori quo spatium producit, quod repleat, esse præsens illi, cum adhuc non sit, sed sufficit, ut agat, quod existat in se. Ad 2. probationem dico, quod eo modo, quo res producta est tum in se, tum in loco, Deus est illi præsens: & cum Angelus secundum se non sit in loco circumscriptivè, neque Deus ex vi productionis Angeli erit eo modo in illo, sed erit in Angelo eo modo quo est, & erit in loco definitivè, eo modo quo Angelus est. Ad illud de agente creato, dico, quod licet ad hoc ut agens creatum agat, sufficiat, quod sit præsens virtute, non tamen ad hoc ut agens increatum agat, tum quia in agente increato ubi est eius virtus, ibi debet esse eius suppositum, cum non minus vnum, quam aliud extendatur, cæteroquin non essent æquè infinita. Tum etiam quia est de ratione agentis perfectissimi agere immediatione tum virtutis, tum suppositi, & sicut agens increatum cum producat, & conservet ipsum esse, debet esse non solum contiguum, sed intimè præsens ipsi esse per virtutem, ita & per suppositum.

14. Ex quibus inferitur 1. quod licet operatio Dei ad extra, sit ratio formalis, & à priori quare Deus est in loco, & in rebus omnibus, quia ea circumscripta, ratio essendi in loco circumscribitur; tamen ratio radicalis essendi in loco desumi debet à divina immensitate, seu ab infinitate divinæ essentiae, quoniam ex immensitate divinæ essentiae, tanquā à prima radice oritur, quod omne ens creatum sit quædam Dei participatio, & quod Deus habeat infinitam virtutem creandi, conservandi, gubernandi, regendi, providendi, &c. quibus actionibus sit postea Deus præsens rebus creatis, conservatis, gubernatis, &c. Inferitur 2. quod si per impossibile daretur aliquid extra Deum sine actione Dei, Deus in eo non esset per essentiam, cum deficeret ratio formalis ob quam divina essentia est in loco, & in rebus, scilicet

cet operatio; deficientenamque ratione formali essendi in loco, deficere debet ipsum esse in loco, seu esse præsens loco, & rebus, licet non deficeret ratio radicalis.

· · · D V B I V M II.

An Deus sit ubique.

15 **S**ic resoluit hoc dubium S. Doctor ar. 2. *Cum locus sit res quedam, esse aliquid in loco, potest intelligi dupliciter. Vel per modum aliarum rerum, id est, sicut dicitur aliquid esse in alijs rebus, quocunque modo, sicut accidentia loci sunt in loco. Vel per modum proprii loci, sicut locata sunt in loco. Vtroque autem modo secundum aliquid, Deus est in omni loco, quod est esse ubique. Primo quidem sic est in omnibus rebus, ut datus eis esse, & virtutem, & operationem; sic enim est in omni loco ut datus ei esse, & virtutem locatiuam. Item locata sunt in loco, inquantum replent locum, & Deus omnem locum replet; non sicut corpus (corpus enim dicitur replere locum, inquantum non compatitur sibi aliud corpus:)* sed per hoc, quod Deus est in aliquo loco, non excluditur, quin alia sint ibi: imò per hoc replet omnia loca, quod datur esse omnibus locatis, quia replent omnia loca. Vbi, ut vides, vult D. Thomas, quod Deus duobus modis sit in omni loco. I. per modum aliarum rerum, id est eo modo quo aliquid dicitur esse in alijs rebus, quemadmodum accidentia loci sunt in loco; aut per modum agentis, cum enim Deus det esse, & virtutem locatiuam loco, debet esse in eo per modum agentis. II. per modum loci, sicut locata sunt in loco; sicut enim locata sunt in loco inquantum replent locum, sic cum Deus repleat omnem locum conferuando omnia locata, et in loco per modum loci. Cum differentia tamen, quia intantum vnum corpus dicitur replere locum, inquantum non compatitur aliud corpus; at Deus dicitur replere locum, non per hoc, quod excludat cor-

pus, aut corpora ab eodem loco, sed per hoc, quod datur esse omnibus locatis, quæ locum replent.

16 Pro maiori huius rei claritate, nota 1. quod locus sumi potest dupliciter. Vno modo pro ipsa superficie corporis ambientis abstrahendo à spatio, seu concauitate intermedia, quæ intra talem ambitum continetur. Secundo sumi potest pro ipso spatio, seu concauitate intermedia apprehensa intra talem superficiem, seu pro determinata parte spatij occupati à re locata. Si locus primo modo consideretur, potius stat pro re, quam pro loco; quia sic habet in se, & intra se locatum. Locus secundo modo consideratus, propriè locus est. Nota 2. quod Deum esse in loco, dupliciter intelligi potest. 1. repletivè, seu causaliter, quatenus Deus aliquid in loco producit, quod illum repleat. 2. repletivè formaliter, non quidem ad modum corporum, quæ taliter loca replent, ut naturaliter non compatiuntur alia, sed ad modum rerum spiritualium, quo modo Angelus replet locum in quo existit, & anima replet spatium in quo subsistit corpus existit.

17 His positis gratia claritatis pono hanc conclusionem. *Deus est in omnibus locis, ac proinde ubique etiam ut formaliter loca sunt, non repletivè formaliter ad modum corporum, sed repletivè causaliter, vel ad modum rei spiritualis.* Quod sit in locis formaliter, etiam quatenus loca sunt, constat, quia Deus non est in loco per accidens, seu tantum ratione alterius, v.g. corporum productorum, sed ratione suæ immensitatis ut radice, & ratione suæ operationis, ut rationis formalis, ut dubio præcedenti est dictum. Quod non sit in locis formaliter ad modum corporum, non indiget probatione, quia ut dictum est, ita Deus est in loco, ut non excludat corpora, quæ in eo sunt. Quod Deus sit in loco formaliter causaliter, etiam constat, quia cuncta, quæ sunt in loco à Deo causantur, cum ab eo dependant in fieri, & conservari. Quod autem Deus sit in loco repletivè ad

ad modum rei spiritusalis, ostenditur ex dictis, quia Deus substantialiter est in omnibus locis, eaque sua immensitate, seu substantia replet, ita quod nulla loci particula fingi, aut imaginari potest, in qua Deus per suam substantiam non sit, iuxta illud Hier. 23. *Cælum, & terram ego impleo*. Est tamen sciendum, quod Deus ita est per suam substantiam, est sentiam, & existentiam in omni loco, ut non sit in eo localiter, seu circumscriptiue, hoc enim est proprium rerum corporearum, quæ habent partes extrinsecas partes correspondentes partibus loci. Neque est Deus in loco definitiue, quia illud est definitiue in loco, quod est totum in toto, & totum in qualibet parte, ita tamen, quod ex vi istius modi repugnet esse, & reperiri naturaliter extra locum, in quo res dicitur esse definitiue. Sed dicitur Deus esse in loco, & in omnibus locis, ut ita dicam *immesuratus*, quia ita est in toto mundo totus, & totus in singulis eius partibus, ut ex sua natura, ex sua infinitate, & immensitate possit esse in pluribus, & pluribus mundis, si crearentur. Quo sensu dicitur, quod Deus est ita ubique, ut nusquam sit, quia nullo finitur, aut circumscribitur loco.

18 Obijcies 1. quia esse ubique, est esse in omni loco, sed Deus nequit esse in omni loco, ergo nequit esse ubique. Maior constat, minor ostenditur, quia id nequit esse in omni loco, quod nequit esse in loco, sed Deus nequit esse in loco per Boet. in *lib. de hebdom.* ubi dicit, quod incorporalia non sunt in loco. Resp. cum D. Thoma ad 1. quod incorporalia non sunt in loco per contactum quantitatis dimensionis, sicut corpora, sed per contactum virtutis.

19 Obijcies 2. quia ita se habet tempus ad successiva, sicut locus ad permanentia; sed vnum indivisibile actionis, aut motus non potest esse in diuersis temporibus; ergo neque vnum indivisibile permanens in diuersis locis; sed Deus est prorsus indivisibilis, ergo. Resp. cum S. Thoma *ibid.* ad 2. quod indivisibile est duplex, vnum, quod est terminus

continui, ut punctus in permanentibus; & instans; seu momentum in successivis, & ista nequeunt esse in pluribus locis, neque in pluribus temporibus. Alterum aut, quod est extra genus continuum; ut sunt substantiæ incorporeæ, ut Deus, Angelus, & anima rationalis, & ista possunt esse in pluribus partibus, nam etiam anima rationalis est tota in toto, & tota in qualibet parte.

D V B I V M III.

An Deus sit in spatijs imaginarijs.

20 **A**liqui se proponunt hoc dubium, an scilicet Deus sit extra mundum; alij distinguunt hæc duo esse extra mundum, & esse in spatijs imaginarijs; volunt enim Deum esse extra mundum, ut de facto dicitur de Christo d. quod sit extra ultimum cælum, iuxta illud: *Qui ascendit super omnes cælos*, & S. Doctor 3. p. q. 57. art. 4. aperte docet, quod corpus Christi d. est extra totam contingentiam corporum cælestium; non tamen est in spatijs imaginarijs. Quod si ab istis queratur, quomodo Deus sit extra cælum, & non sit in spatijs imaginarijs; dicunt, quod Deum esse realiter extra mundum, nil aliud sit, quam Deum esse in se, in sua essentia, in sua immensitate, & non claudi mundo; eo proportionali modo quo diceretur de mundo, quem Deus extra ipsum crearet; iste namque mundus esset extra ipsum, & tamen non esset in alio, quia supra mundum nihil extaret, sed diceretur esse in se ipsa Deus extra mundum non est in alio, cum non detur hoc aliud, sed est in se ipso. At quando dicitur, quod Deus est in spatijs imaginarijs sit sensus, quod non solum Deus sit in se, verum etiam quod sit in ipsodem spatijs. Verum hæc distinctio vana est, quia cum extra mundum nihil sit positum, sed solum spatia imaginaria, idem erit inquirere, an Deus sit extra mundum, ac inquirere, an Deus sit in spatijs imaginarijs, sed ut clarius procedamus, sit.

S. I. Quid sit spatium imaginarium, & an detur.

21 **C**onueniunt Philosophi, & Theologi, quod spatium imaginarium non sit aliquid reale positium extra Deum, aliàs autem mundum conditum esset aliquid positium extra Deum; cum enim hoc spatium non sit à Deo creatum, sed sit æternum, si semel esset aliquid positium, iam daretur ab æterno aliquid positium extra Deum, quod creatum non esset. Item conueniunt omnes, quod hoc spatium non sit aliqua priuatio, quia omne priuatiuum supponit aliquid positium in quo fundetur, extra mundum autem nihil positium datur, in quo hæc priuatio detur. Tandem conueniunt omnes, quod spatium imaginarium nil aliud sit, quam negatiua quædam intercapedo, seu negatiua distantia occupabilis ab aliquo corpore, si ibi à Deo crearetur, seu poneretur; vel ut alijs placet, & in idem redit, est non repugnantia, seu negatio repugnantie replebilitatis, secundum distantiam negatiuam, per aliquod ens, quod Deus ibi creare, vel producere, aut ponere potest; cum enim spatium imaginarium, sit res quædam possibilis, debet sapere naturam, & conditionem possibilem, possible autem ea sunt, quæ dicunt non repugnantiam ad esse, ita spatium imaginarium dicitur locus possibilis, qui aliud non exprimet, nisi non repugnantiam ad esse locum positium, seu ad hoc ut habeat existentiam, per quam actu sit locus; cæteròquin si aliquid aliud diceret, iam diceret aliquid esse extra Deum, quod à Deo in tempore creatum non esset, cum omne creatum à Deo intra mundum, vel ad mundum, seu vniuersum pertineat.

22 Hinc colligitur secundum, quod propositum est, an scilicet detur hoc spatium imaginarium, datur namque suo modo etiam nullo intellectu cogitante, sicut enim nullo intellectu cogitante dantur cætera possible, ita & illud, seu

ista intercapedo negatiua, ista non repugnantia ad recipienda corpora si ibi à Deo crearentur, aut ponerentur, seu ista replebilitas negatiua. Vnde hoc spatium non ideo dicitur imaginarium, quia sit aliquid nostri intellectus signentum, sed ex eo quod cum sit pura negatio, concipitur à nobis per modum entis, aut spatij realis.

23 Obijcies 1. quia si daretur spatium imaginarium modo explicato, deberet esse infinite extensum negatiue; sed hoc dici nequit; ergo dictum spatium imaginariū dari non potest. Maior constat, quia dictum spatium imaginarium debet concipi tantæ extensionis, quod possit in se recipere infinitam corporum molem, quam Deus in infinitum creare potest. Minor probatur, quia omne negatiuum cognosci debet per aliquod positium; sed nullum datur extra Deum ens positium infinitum, quod manu ducatur in cognitionem illius infinitæ interapedinis; ergo. Resp. concedendo maiorem, si intelligatur, ut intelligi debet, quod illud spatium imaginarium concipitur ut infinite extensum syncategorematicè negatiue. Deinde neganda est minor, quia dato, quod omne negatiuum concipi debeat per aliquod positium, non est tamen necesse, quod concipiatur ita restrictè, ut illud, sicut neque quando ex vno positiuo inferatur, & concipitur aliud, ut cum ex creaturis venimus in cognitionem Dei, tum via perfectionis, tum via remotionis, & negationis.

24 Obijcies 2. quia si semel daretur illa spatia imaginaria essent æterna, tunc à parte ante, tum à parte post; sed hoc videtur falsum; ergo non dantur. Maior constat, quia essent à parte ante æterna, quia nunquam existerent cœperunt, cum intelligantur ante mundi creationem. essent æterna à parte post, quia nunquā desinent. Tum quia quicquid est æternum à parte ante, est etiam æternum à parte post, non è contra; nam Angeli, & anima rationalis sunt æterna à parte post, & nō à parte ante. Minor probatur, quia

quia cum dicta spatia sint mera quædā negatio, non possunt concipi vt incorruptibilia; de ratione namque negationis est, quod destruat, & destrui possit positione eius, cui oppositur; nam cæcitas destruitur visu, &c. Cum ergo Deus possit in illis spatiis imaginarijs creare spatia realia, vti fecit quando creauit mūdum, sequitur, quod destrui, seu corrumpi possint. Resp. quod illa spatia imaginaria sunt æterna tum à parte ante, tum à parte post, non positiuè, sed negatiuè, sicut sunt omnes rerum essentia secundum se. Vnde patet concedendam esse maiorem modo explicato, deinde neganda est minor, ad cuius probationem, dico, quod illa negatio, seu non repugnantia ad recipiendā corpora, in quo consistit essentia dictorum spatioꝝ, corrumpi non potest; nec vt sic habet oppositum nisi in comuni, seu vniuersali, quod eum vt sic nunquam ponatur à parte rei, non habebit destruere dictam negationem. Potest quidem destrui in particulari, per suum oppositum in particulari, vt exempli aliorum possibilium constat; nam natura humana vt sic, est æterna tum à parte ante, tum à parte post, intellecta de æternitate purè essentiali, & negatiua, & hoc modo nunquam corrumpitur; corrumpitur tamen, & de facto corrumpitur in particulari.

S. II. Resoluitur, quod Deus non reperitur actum in spatijs imaginarijs, sed tantum potestate.

25 **H**is positis sit vnica conclusio. Deus actu non existit in spatijs imaginarijs, ac proinde neque extra ealū, sed tantum potentia, seu potestate, quatenus ibi potest aliquid producere. Hæc concl. tradunt hoc loco Thomistæ, & alij communiter; quibus addo P. Blas. in sua metaphys. disp. 24. q. 3. qui pro sententia contraria citat Suarez, Molinam, Valentiam, & Pesantium. Nostram sententiam docuit S. P. Aug. lib. 3. contra Maximū cap. 21. vbi cum interroga-

retur vbi nam esset Deus antequā crearet mundum, respondit: *In se ipso*; quod non dixisset si putasset, quod etiam esset in spatijs imaginarijs, si namque in illis esset, semper fuisset. Idem tradit Doctor mellissus lib. 5. de considerat. Vbi sic fatur: *Alias vero vbi erat Deus antequam mundus fieret, ibi est, non est, quod queras ultra vbi erat, præter ipsum nihil erat, ergo in se ipso erat.* Ex magnus Tertullianus lib. contra Praxeam, cap. 5. sic loquitur. *Ante omnia Deus erat solus, & ipse sibi & locus erat, & omnia.* Ratio à priori constat ex dictis dub. præcedenti, quia ratio formalis ob quā Deus est præsens rebus, est eius operatio, sed Deus in spatijs imaginarijs nihil operatur, cum nihil sint positiuū; ergo Deus in spatijs imaginarijs præsens non est. Tum quia implicat Deum esse præsentem præsentia actuali loco possibili, sed spatia imaginaria nihil sunt, nisi locus possibilis; ergo implicat Deū esse actu præsentem spatijs imaginarijs; sicut enim locus præsens infert præsentiam actualē; ita locus possibilis infert solū præsentiam possibilem. Quocirca quando SS. Patres dicunt, quod Deus est extra cœlos, aut super cœlos, intelligi debent potestate, non actu; vel hoc dicunt vt significant, quod Deus non contineatur à cœlis, sed contineat cœlos; vel quod Deus est extra mundum negatiuè, non positiuè, id est non intra mundum tanquam limitatus à mundo; diuina namq; omnipotentia non est ad hunc mundum limitata, sed ipsum in infinitum excedit.

S. III. Soluuntur argumenta in contrariū.

26 **P**ura argumenta proponūt Nazar. Gonzal. Blas. & alij, ego refero potiora. Primum argumentum est Molinæ super istum art. quia si Deus non existeret in spatijs imaginarijs, mutaretur; atqui mutari non potest; ergo. Maiorem probat, quia si Deus crearet alium mundum, ibi existeret, cum prius in eo spatio non fuisset, ac proinde inciperet

peret ibi esse, ubi prius non erat, quod est mutari. Explicat hoc Molina exemplo Angeli, qui mutatur dum suam extendit operationem ad maius spatium ubi prius non erat. Hoc idem explicat Suarez, qui eodem vitur argumento, quia rem esse ubi operatur, non est denominatio extrinseca desumpta ab operatione, aut termino eius, sed est proprietas, aut conditio requisita ex parte agentis ad operandum, ac proinde nequit de nouo conuenire absque mutatione. Resp. negando maiorem, ad probationem dico, quod si Deus crearet alium mundum extra istum, ibi de nouo inciperet esse, non per mutationem in ipso factam, sed in coniectato, scilicet in positione noui mundi. Unde mundus de nouo productus positivè non esset nisi in se ipso, ut ex dictis constat. Nec explicatio Molina est ad rem, quia Angelus est capax mutationis per nouam operationem, aut per positivam extensionem illius, non Deus; quod exemplo libertatis diuinæ, & Angelicæ explicari potest. Similiter explicatio Suarez non est ad rem, quia licet in creatis esse in loco de nouo, asserti nouam mutationem per acquisitionem nouæ præsentia, non tamen in Deo, quia Deus ex parte sua habet totum id, quod requiritur ad hoc ut sit in quocunque loco, eo ipso, quod est, absque vlla additione alicuius ex parte sui se tenentis, sed sufficit positio loci; non tamen creatura ratione suæ limitationis requirentis aliquid de nouo ex parte sui, ut in loco de nouo ponatur, aut ad maiorem extendatur.

27 Secundum argum. est eiusdem Molina apud Nazar. hoc loco, quoniam spatium est quædam capacitas, quædam non repugnancia ad recipiendum quicquid à diuina omnipotentia in ea ponitur; sed in hac capacitate reperitur Deus; ergo. Si enim Deus in ea capacitate reperitur postquam res producta est, etiam ante debet reperiri. Resp. concedendo maiorem si sensus sit, quod spatium imaginarium est quædam capacitas purè negatiua, secus si sensus sit,

quod sit aliquid positivum. Deinde neganda est minor, quia in ea capacitate, seu non repugnancia negatiua, Deus actu non reperitur, licet reperiri possit si in ea aliquid positivum ponatur.

28 Tertium argum. Molina est, quia si Deus esset in rebus, & non in spatio vacuo, mutaretur; hoc est falsum! ergo debet esse in spatio vacuo, seu imaginario. Maiorem probat, quia datur, quod Deus destruat omne corpus intra orbem Lunæ, & postea ponat in illo vacuo lapidem, cumque moveat, tunc enim Deus in lapide mouebitur, & non mouebitur in vacuo, cum ibi nullum sit corpus, ergo mutabitur. Resp. negando maiorem, ad minorem dato casu, dico, quod Deus non mutaretur, quia tunc non moueretur neque per accidens ad motum lapidis; ad hoc enim ut quis moueatur per accidens ad motum alterius, requiritur quod sit in eo vel circumscriptivè, aut saltè definitivè, ut scilicet ita sit in eo, ut non sit extra. Deus autem, nec circumscriptivè, nec definitivè est præsens rebus, ut supra vidimus. Idem esset si Deus transferret istum mundum aliquò, quia tunc nec per accidens Deus ipse transferetur.

29 Quartum argum. est, quia Christus D. per D. Thomam, est in conuesso cœli empirei, ubi etiam erunt corpora beatorum post diem iudicii; ergo est extra mundum, ac proinde in spatii imaginarii. Resp. quod Christus D. dato quod sit extra cœlum, non sequitur, quod sit in spatio imaginario, sed est in se ipso, habet enim quantitatem, quæ est ratio situs; sicut enim iste mundus nō est præsens spatio imaginario, sed est in se ipso, quia sibi est ratio situs, ita & c.

D V B I U M IV.

An Deus sit ubique per essentiam, præsentiam, & potentiam.

30 **S** Thomas articulo 3. ponit modos quibus Deus est præsens rebus, qui ad quinque reuocantur. Primus

De Existentia Dei in rebus. I I I

mus est, quo Deus dicitur esse in rebus per essentiam. Dicitur autem Deus esse in rebus per essentiam, quia eius essentia, seu substantia est indistans ab omnibus rebus. Tam quia non minus extenditur eius essentia, quam extendatur eius virtus, seu omnipotentia, cum non distinguantur; propterea diximus supra Deum operari immediate suppositi, & virtutis. Dicitur II. Deus esse ubique, & in omnibus rebus per praesentiam, quia omnia intuetur, omnia perit, & aperta sunt intuitui eius cognitioni, iuxta illud Apost. hebræ. 4. *Non est ulla creatura inuisibilis in conspectu eius.* Sed dices, quia isto modo potius res dicuntur praesentes Deo obiectivè, quàm Deus praesens rebus. Resp. quod hoc modo potius Deus dicitur praesens rebus, quàm res sibi, quia iste modus in eo totus consistit, ut qui sic dicitur in alio existere, cognoscat illum, & advertat advertentia rationis, ac proinde illi coexistat. Tunc ergo res dicitur mihi praesens, quando mihi obijcitur, sed non plenè, perfectèque aduerto ad illam. At quâdo plenè perfectèque ad illam aduerto, ego dico illi praesens, illique coexistere, sic S. P. & Propheta. noster Eliseus dum esset absens corpore dixit se fuisse praesentem 4. Reg. 5. quando Giezi servus eius cucurrit post Naman, & ab eo accepit munera. Sic enim ibid. dicitur. *Vnde venit Giezi? Qui respondit. Non iuit servus tuus quoquam. At ille ait: non, ne cor meum in praesenti erat, quando reversus est homo de curru suo in occursum tui? Nunc igitur accepisti argentum, &c.*

31 Dicitur III. Deus esse ubique, per potentiam, quatenus ubique, & in rebus univ ersis operatur, eas producendo, conservando, regendo, gubernando, providendo, &c. Dicitur IV. Deus esse in creaturis rationalibus ut cognatum in cognoscente, & ut amatum in amante. Hinc est, quod Deus dicatur esse in fidelibus per fidem, in iustis etiâ per amorem per charitatem, quia etiam ratione dicuntur iusti templum Dei, 1. Cor. 3. Ob eandem rationem dicitur

Deus Ioa. 14. & epist. 1. cap. 4. manere in iustis. Dicitur V. Deus esse in humanitate Christi per unionem hypostaticam, quia ex vi, & efficacia talis unionis divina essentia est indistans ab eadem humanitate. His quinque modis alij alios addunt, ut quod Deus sit in Ecclesia, per directionem, & assistentiam specialem; quod sit in coelo empirico per maiestatem, & gloriam; quod sit in inferno per iustitiam. Verum omnes isti, & alij modi similes revocantur ad primos tres, tanquam ad tria capita generalia, ex quibus alij modi deducuntur, ut res ex se claret. Bene verum est, quod etiâ ex tribus prioribus modis, solus primus pertinet ad considerationem attributi immensitatis. Modus namque essendi in rebus per praesentiam, pertinet ad attributū divinae scientiae visionis. Item modus essendi in rebus per potentiam, pertinet ad attributum omnipotentiae.

§. *unicus. Solvuntur aliqua quaestio pro coronide huius materiae.*

32 **Q**UAERES 1. quid formaliter importet immensitas, positivè, an negativum, seu negationem? Resp. quod licet nomen *immensitas* secundū grammaticalem significationem importet formaliter aliquid negativum, sicut nomen *infinitas*; illud enim dicitur grammaticaliter immensum, quod caret mēsurā, seu quod non metitur; iuxta illud Ciceronis lib. 1. de nat. Deor. *Fuit quaedam ab infinito tempore aeternitas, quam nulla temporum circumscriptio metiebatur.* Tamen secundum quod hic accipitur à Theologis, immensitas Dei formaliter est aliquid reale, virtualis scilicet quaedam magnitudo infinîtè spiritalis, seu est quaedam infinita extensio divinae essentiae, ratione cuius intelligitur habere totum id, quod requiritur ex parte sui, ut repleat omnem locum, & infinita loca si essent, & solum requiratur, quod loca ponantur, ad hoc ut ad illa extendatur. Sicut enim substantia materialis plus, aut minus extendi potest.

potest ad locum per quantitatem, secundum quod intelligitur quasi virtualiter maior, aut minor. Ita essentia diuina intelligitur habere in se infinitam quandam capacitatem, vt per immensitatem extendatur infinite, quod ex sequenti quaesito clarius habebitur.

33 Quæres 2. an immensitas sit attributum diuinæ essentiae? Res. affirmatiue, ratio est, quia intelligitur ab ipsa pullulare tanquam quid in specie atomis constitutum, & ad modum quasi proprietatis, seu quasi passionis illius; per immensitatem namque intelligimus infinitam quandam magnitudinem virtualem, seu infinitam quandam quantitatem virtutis, potentem extendere infinite ipsam essentiam diuinam. Sicut enim substantia creata est extensibilis per quantitatem formalem, quæ ab ipsa promanat tanquam passio illius; ita substantia diuina est infinite extensibilis virtualiter per immensitatem, tanquam per infinitam quantitatem virtutis. Vnde essentia, seu substantia diuina dicit infinitam extensibilitatem virtualem, passiuam; & immensitas dicit infinitam extensuitatem quasi actiuam, quæ explicari potest per hoc, quod dicatur in-

finita quantitas virtutis.

34 Quæres 3. an si Deus crearet aliquod corpus extra cælum in spatijs imaginarijs, illudque moueret, diceretur moueri per spatium imaginarium? Item, an si Deus moueret istum mundum, diceretur moueri per spatium imaginarium quod occupat. Item, an si daretur vacuum intra hoc spatium à concavo Lunæ vsque ad terram, & per illud moueret Deus vnā columnam, diceretur mouere per illud spatium imaginarium, quod in vacuo intelligitur esse? Resp. negatiue, vt enim corpus moueatur, non est necessarium aliquod spatium præexistens ab ipso corpore extenso, quod mouetur distinctum. Quia ipsum corpus extensum motu suo subinde nouum, & nouum spatium constituit, non supponit, acquirendo successiue nouam, & nouam partium suarum extensionem, vi cuius formaliter corpus locus est, aut esse potest alterius corporis locus, & alteri corpori localiter extenso coextenditur; quare in hac re dum agitur de spatio imaginario, corrigi debet imaginatio, qua imaginamur hunc mundum non ponere spatium, sed iam positum occupare.

DISPUTATIO IX.

IN QVÆST. IX. D. THOMÆ.

DE IMMVTABILITATE DEI.

IRRIFICVM est, atque horrendum, na-
uem videre onerariā
medio in freto hinc
inde à ventis impeti,
agitari, spondalique
fluctibus aperire, ingemiscere, remisq;
faticere, ac suo modo nauarum, alioqui
metu exanimatorum implorare subli-
dium. Sic horrendum, imò horribilius
id esset spectaculum, si humanis cerni

posset oculis Deum improborum corda
suo vehementi spiritu in medio ipso ya-
nitatis, atque ambitionis pelago, exagi-
tare. Superbis, & elatis indignatur Deus,
non tamen mutatur: tu autem idem ipse
es, & anni tui non deficient. Sed quid
dicit Ambrosius. *Nouit Deus mutare
consilium, si tu noueris mutare delictum?*
quid est hoc? *Ego Deus, & non mutor*,
Malach. 3. Ex breuiter dicendis in hac
disp. omnia concordabuntur, sit ergo.

DV B I V M I.

An Deus sit omnino immutabilis.

Rem totam sic breuiter resoluit S. Doctor art. 1. *Ex premissis patet, Deum esse omnino immutabilem. Primò quidem, quia supra ostensum est, esse aliquod primum ens, quod Deus dicimus, & quod cuiusmodi primum ens oportet esse purum actum absque permutatione alicuius potentia, & quod potentia simpliciter est posterior actu. Omne autem, quod quocunque modo mutatur, est aliquo modo in potentia. Ex quo patet, quod ita impossibile est, Deum aliquo modo mutari. Secundò, quia omne, quod mouetur quantum ad aliquid manet, & quantum ad aliud transit; sicut quod mouetur de albedine in nigredinem, manet secundum substantiam, & transit secundum albedinem, & sic in omni eo, quod mouetur, attenditur aliqua compositio. Ostensum est autem supra, quod in Deo nulla est compositio, sed est omnino simplex. Vnde manifestum est, quod Deus moueri non potest. Tertiò, quia omne, quod mouetur, motu suo aliquid acquirit, & pergit ad illud, ad quod prius non pertinebat. Deus autem cum sit infinitus comprehendens in se omnem plenitudinem perfectionis totius esse, non potest aliquid acquirere, nec extendere se in aliquid, ad quod prius non pertinebat. Vnde nullo modo sibi competit motus. Et inde est, quod quidam antiquorum, quasi ab ipsa veritate coacti, posuerunt primum principium esse immobile.*

3 Pro clariori intellectu notandum 1. quod mutatio, siue motus est duplex, physicus, & metaphysicus. Motus physicus vel est talis propriè, quem definit Arist. 3. phys. quod sit actus entis in potentia, prout in potentia, vel est talis impropriè, & est mutatio instantanea, vt generatio, illuminatio, &c. quæ ab Arist. 2. de gener. definitur, quod sit transitus de non esse ad esse, nullo remanente subiecto sensibili. Notandum 2. quod nomen

mutationis duobus modis accipi potest. Primò propriè pro accessu, vel recessu alicuius formæ siue substantialis, siue accidentalis, subiecto remanente sub vtraque parte contradictionis, & hoc modo comprehendit motum tum propriè, tum impropriè dictum, de quo in 1. notando est dictum. Secundò impropriè, quatenus significat simplicem transitum de non esse ad esse, secundum quem res, quæ creatur, aliter se habet, quam antea se haberet. Mutatio propriè, solet à plerisque vocari mutatio ex parte subiecti. Et mutatio impropriè, vocari solet mutatio ex parte termini.

4 His positis, dico 1. Si loquamur de mutatione ex parte termini, prout h. ex parte termini se tenet ex parte Dei, Deus est omnino immutabilis. Probatur, quia in tantum aliquid dicitur mutabile ex parte termini, in quantum potest in virtute alicuius principij extrinseci transire de non esse ad esse, seu in quantum terminat actionem productiuam alterius per quam mutatur sed Deus nullo modo potest terminare virtutè productiuam alterius; ergo nō potest transire de non esse ad esse, alioquin non esset ens à se, non esset primum ens, primæ causæ, &c. ergo nullo modo potest mutari mutatione ex parte termini, ex parte ipsius se tenentis.

5 Dico 2. quod si loquamur de mutatione ex parte termini, se tenentis ex parte eiusdem termini, quatenus noua denominatio aduenit Deo per mutationem factam in ipso termino, tunc licet non possit dici Deus mutari, potest tamen habere nouam denominationem per mutationem factam non in ipso Deo, sed in ipso termino. Hæc conclusio clara est, quia hoc modo solunt Theologi omnes denominationes; quæ Deo in tempore adueniunt, per mutationem factam in termino, seu in connotato. Denominatur Deus in tempore liberè volens saluationem Petri, per mutationem factam in Petro, quia licet ab æterno dectur in Deo actus potens tribuere denominationem, non tamen de facto tribuit ex

defectu connotati, quod solum in tempore fuit positum. Eodem modo Deus in tempore denominatur Dominus, etc., gubernans, regens mundum, &c.

6 Dico 3. *Quod loquendo de mutatione ex parte subiecti, quæ est per accessum, vel recessum forma substantialis, aut accidentalis, nullo modo Deus hoc modo mutabilis est.* Ratio clara est, quia ad Deum nulla forma substantialis, nulla accidentalis accedere potest, & nulla recedere; cum nullum detur subiectum, quod maneat sub utroque termino, ceteroquin esset Deus compositus ex materia, ex forma, & non esset actus purus, quod supra improbauimus.

7 Sed obijciens 1. quia illud propriè mutatur, quod transit de non esse, ad esse; sed Filius, & Spiritus Sanctus, dum producuntur in diuinis, transeunt de non esse ad esse, ergo mutantur, ac proinde Deus non erit omnino immutabilis, Resp. concedendo maiorem, & negando minorem. Ratio negationis est, quia transire de non esse ad esse, non est vicumque produci, sed ex nihilo sui, & dato termino, à quo transeat, & ad quem transeat. Verum diuinæ personæ non sic transeunt; producuntur quidem, & habent principium à quo emanant, non tamen transeunt de non esse, ad esse: cum non habeant terminum ex quo transeant, & veluti abijciant, cum non poterint non esse; quod eorum non potuit non esse, non potest dici transire de non esse ad esse: quia deberet dari saltem aliquod signum in quo poterit non esse, quod diuinis personis non conuenit.

8 Obijciens 2. quia Deus in tempore denominatur creator, Dominus, &c. sed illæ denominationes non possunt Deo de nouo aduenire, sine mutatione aliqua, ergo, &c. Nec valet dicere, quod illæ denominationes sunt quid extrinsecum, seu quod sint denominationes extrinsecæ, quia non videtur verum, quod Deus solum extrinsecè sit creator, seu denominetur creator à forma existente in creatura, quia forma

creata nequit denominare Deum creatorem: forma namque creata tribuet denominationem creati, non creatoris. Similiter creatura non potest tribuere denominationem Domini, sed serui, alioquin forma tribuere posset denominationem nobiliorem se. Tum quia negari non posset, quin Deus diceretur mutatus. Quia illud mutari dicitur, quod transit de contradictorio in contradictorium, siue intrinsecum, siue extrinsecum, eo namque modo quo transit mutatur. Resp. concedendo maiorem, & negando minorem. Ad probationem constat ex dictis, quod scilicet illæ denominationes non tribuantur à forma creata, sed ab increata, posito connotato. Vnde illæ denominationes quoad formam denominantem sunt intrinsecæ, ratione connotati, sunt quid extrinsecum. Per quæ patet ad aliam probationem.

9 Obijciens 3. Deus fuit mutatus per assumptionem humanitatis, ergo. Antecedens probatur, quia mutari est aliter se habere nunc intrinsecè, quam se haberet antea; sed Verbum diuinum sic se habet, ergo. Minorem probò, quia Verbum diuinum ante assumptionem non erat intrinsecè vnitum humanitati, modo est illi intrinsecè vnitum, ergo est mutatum, cum transierit de contradictorio in contradictorium intrinsecè, & non tantum extrinsecè. Resp. negando antecedens. Ad probationem dico, quod mutari nō est vicumque, aliter se habere etiam intrinsecè nunc, quam antea, sed requiritur quod aliter se habeat nunc quam antea intrinsecè subiectiue non tantum terminatiue. Verbum autem diuinum assumendo humanitatem non aliter se habet subiectiue, sed tantum terminatiue. Vnde ad hoc ut quis mutetur nō sufficit, quod transeat de contradictorio in contradictorium tantum terminatiue, sed subiectiue. Licet ergo Verbum diuinum intrinsecè terminet Christi D. humanitatem, eam assumendo ad intrinsecam vnionem cum propria subsistentia, hæc tamen est pura terminatio,

tio, & in hoc ordine intrinseca, licet nihil intrinsecè recipiat, ratione cuius dicatur subiectiue mutari.

D V B I V M I I.

An esse immutabile sit proprium Dei.

10 **P**ONO resolutionem D. Thomæ ex art. 2. ubi sic fatetur. *Solus Deus est omnino immutabilis, omnis autem creatura aliquo modo est mutabilis. Sciendum est enim, quod mutabile potest aliquid dici dupliciter. Vno modo per potentiam qua in ipso est. Alio modo per potentiam, qua in altero est; omnes enim creatura antequam essent, non erant possibiles esse per aliquam potentiam creatā, cum nullum creatum sit æternum, sed per solam potentiam diuinam, in quantum Deus poterat eas in esse producere. Sicut autem ex voluntate Dei dependet, quod res in esse producat, ita ex voluntate eius dependet, quod res in esse conseruat; non enim aliter eas in esse conseruat, quam semper eis esse dando, unde si actionem eis subtraheres omnia in nihilum redigerentur, ut patet per August. super Gen. ad litt. Vnde saltem ex hoc capite omnis crea-*

tura est mutabilis, & Deus nullo modo mutabilis cum sit suum esse, & à nullo dependens. Alia etiam sunt mutabilia, quia habent principium intrinsecū rransmutationis, scilicet materiam; alia sunt mutabilia tantum quoad aliquas operationes, non quantum ad esse, ut patet in substantijs per se subsistentibus, ut Angeli, & animæ rationales, quorum esse intrinsecè immutabile est, & solum ex cessatione conseruationis Dei finire potest.

11 Ex quibus inseritur solum Deum esse immutabilem, eiusque immutabilitatem explicare possumus per tres negationes, quæ consequuntur ad illam. Prima est negatio deperditionis alicuius rei. Secunda est negatio acquisitionis alicuius rei. Tertia est negatio subiectionis sub alio aliquo, à quo eius esse, aut conseruari dependeat. E' diuerso mutabilitas creaturæ explicari potest per dictarum negationum destructionem, seu ablationem. Vel enim creaturæ corrumpi potest, aut mutari per acquisitionem alicuius rei; vel per deperditionem; vel ratione subiectionis sub aliquo à quo destitui potest.

DISPV TATIO X.

IN QVÆST. X. D. THOMÆ.

DE AETERNITATE DEI.

1 **I**N AEC sententia mundo data est, hæc Dei lex est, ut omnia orta occidant, & aucta senescant, infirmetur fortia, & magna minuantur, & cum infirmata, & diminuta fuerint, seniantur. Pulchritudo momentanea, prius marcescit, quam floreat. In certa sanitas infirmitatibus obnoxia; robur, morbis expagnatur: sensuum integritas, viriosis humoribus facile corrumpitur. Corruptur iuuenis in virum,

vir in senem, puer in iuuenem, infans in puerum, & qui heri fuit, in eum qui est hodie; quique hodie est, in crastinū, & nullus manet idem. Alia modo amamus, alia odimus, alia laudamus, alia viruperamus: alijs verbis vtimur, alijs passionibus mouemur, modo hanc, modo aliam figuram habemus. Solus Deus immutabilis est, solus æternus, solus incorruptibilis, solus inuariabilis, solus orrum non habet, & interitum. O' æternitas interminabilis: ò miserabilis humana conditio: omnis caro fœnum, &

omnis gloria eius quasi flos scæni. O' in quam miserabilis humana conditio, & cæca hominum mens, quia quantum sit vitæ sequentis æternitas non attendit, soliditatem perennitatis non considerat, exilium patriam, tenebras lucem, cursum stationem putat. Æternitatem hanc disputationem damus; vitæ autem percipiamus, & quæ veræ æternitatis sunt agamus.

D V B I U M I.

An Boetiana æternitatis definitio rectè assignetur.

2 **B**oetius 3. de consolat. sic æternitatem definit: *Est interminabilis vita, tota simul, & perfecta possessio.* Hanc definitionem sic explicat S. Thomas art. 1. d. q. 10. *Sicut in cognitionem simplicium oportet nos venire per compositionem, ita in cognitionem æternitatis oportet nos venire per tempus, quod nihil aliud est, quam numerus motus secundum prius, & posterius. Cum enim in quolibet motu sit successio, & una pars possit alteram, ex hoc, quod numeramus prius, & posterius in motu, apprehendimus tempus, quod nihil est aliud, quam numerus prioris, & posterioris motus: in eo autem, quod caret motu, & semper eodem modo se habet, non est accipere prius, & posterius. Sicut igitur ratio temporis consistit in numeratione prioris, & posterioris in motu, ita in apprehensione uniformitatis eius, quod est omnino extra motum, consistit ratio æternitatis. Item ea dicuntur tempore mensurari, quæ principium, & finem habent in tempore, ut dicitur in 4. phys. & hoc ideo, quia in omni eo, quod movetur, est accipere aliquod principium, & aliquem finem. Quod verò est omnino immutabile, sicut nec successionem, ita nec principium, aut finem habere potest. Sic ergo ex duobus manifestatur æternitas. Primò ex hoc, quod id, quod est in æternitate, est interminabile, id est principio, & fine caret, ut terminus ad utrumque referatur. Secundò per hoc, quod ipsa æternitas successione ca-*

ret, tota simul existens.

3 Verum pro clariori intellectu nota 1. quod nomen æternitatis tanquam analogum, de pluribus variè dicitur, & multiformiter sumitur. Primò pro duratione diuturna, quo modo montes dicuntur æterni, tamen si corruptibiles sint, iuxta illud psal. 75. *Illuminans tu mirabiliter à montibus æternis.* Secundò sumitur æternum pro immutabile secundum esse, quo sensu cæli, & Angeli dicuntur æterni, sicut etià terra, iuxta illud Ecc. 3. *terra autem in æternum fiat.* Tertio accipitur pro operatione intransmutabili, quo modo visio beata dicitur æterna, iuxta illud Ioan. 17. *Hæc est vita æterna, ut cognoscant te solum verum Deum.* Quarto accipitur pro sæculo, Exod. 15. *Dominus regnabit in æternum, & ultra.* Quintò pro rebus, quæ nunquam desinent, quo modo ignis inferni vocatur æternus, quia interminabilis, cum tamen ob pœnarum varietatem, ac mutationem, potius in inferno sit tempus licet æternum, non æternitas, iuxta illud psal. 80. *Erit tempus eorum in sæcula.* Sextò, necessaria dicuntur æterna, quatenus vera sunt, verum autem est in intellectu, ideoque nec æternum, nisi in intellectu æterno, qui est Deus. Accipitur ultimò propriè, & strictè secundum sensum de quo hoc loco disputatur, pro duratione omnino immutabili.

4 Nota 2. quod multa quandoque à nobis de æternitate dicuntur, secundum nostrum intelligendi modum, quæ re ipsa aliter se habent, ut cum Deo temporis differentie tribuuntur, ut cum illi dies, & anni æterni tribuuntur, iuxta illud psal. *Cogitavi dies antiquos, & annos æternos in mente habui.* Nota 3. quod æternitas est id, quod facit omnia esse Deo præsentia, ita quod in ea omnia, verè existant, continet namque æternitas omnes temporis differentias, ac subinde omnia, quæ in illis existunt. Hinc Deus æterna sua scientia scit omnia quæ fuerunt, sunt, & futura sunt, tanquam sibi perfectissimè præsentia cum omnibus

bus eorum accidentibus. Omnes cogitationes meæ, omnia verba, omnia facta, studia, vita, mores, anni, dies, momenta totius vitæ meæ, punctus mortis, & omnia, sunt Deo præsentia.

5 His positis vñia conclusione respondemus quæsitò in titulo dubij proposito. *Aeternitas videtur à Boetio in dicta definitione, definitur.* Hanc concl. tradit post D. Thomam omnes Theologi hoc loco, eaque soli Deo competit essentialiter. Etenim æternitas non habet initium, neque finem; non successiōnem, non ante, non post, non præteritum, neque futurum; sed est perpetuum *nunc*, stans, & continens in se omnia tempora; continens in se omne principium, omnem finem, omnem successiōnem, omnem præteritum, omne præsens, omne futurum;

6 Obserua tamen Boetianam definitionem tradidisse ex nominibus exclusiuis; quia noster intellectus, non capiat simplicia nisi per remotionem compositionis. Dicitur æternitas *interminabilis vita*, quia est vita, non essentia, cum sit perpetua duratio operationis primæ vitæ: dicitur *tota simul*, contra iune temporis, quod est imperfectum: dicitur *perfecta possessio*, propter immutabilitatem, quæ non inuenitur in temporis duratione; tempus namque nunquam possidetur, cum semper fluat, & in se præsens non sit, nisi ratione instantis. Ratio diuinæ æternitatis per essentiam, est ratio immutabilitatis, sicut motus est ratio temporis, vt ex dicendis postea constabit.

7 Sanctus Gregorius Nazian. *ora. 38. in Christi Natiuit.* sic æternitatem definit. *Aeternitas, nec tempus, nec temporis pars, vlla est.* Aeternitas non est tempus, nec pars temporis, quia tempus, & partes eius transeunt, æternitas non transiit. O Deus, æternitas est immutabilitas, immortalitas, incorruptibilitas, est immensum quoddam sparium, quod semper in eodem statu permanet: vbi ceciderit lignum, ibi in æternum manebit.

DVBIUM II.

An æternitas sit formaliter duratio.

8 **T**ribus modis de æternitate loqui possumus. Primò secundum se, illam considerando quoad illa, quæ dicit in suo formali conceptu, abstractahendo à subiecto in quo est. Secundo considerando illam prout est in suo subiecto, scilicet in Deo. Terriò considerando illam in ordine ad alias durationes, & secundum has tres consideraciones inquirere possumus, an sit formaliter duratio, tamen si semel secundum se sit formaliter duratio, etiã prout in Deo, & prout cum alijs durationibus comparabitur, retinebit formalem durationis rationem:

9 Est autem duplex duratio; vna, interna; externa altera; ea dicitur duratio interna, quæ seclusa quacunque alia re, & quacunque intellectu, operatione, res existens, durare intelligitur; ea verò dicitur duratio externa, quæ est aliquid distinctum extrinsecum, & discretum à re durante, cuiusmodi est motus primi mobilis respectu rerum corruptibilium. Sic Philosophi ponunt duplex tempus: intrinsecum, & extrinsecum. Tempus intrinsecum, seu internum dicunt consistere in permanentia rei corruptibilis in suo existere, & est quid virtualiter distinctum ab ipsa re, quæ durat, seu est quidam modus virtualiter distinctus ab ipsa existentia rei, quæ durare dicitur, vt in physicis explicari solet. Tempus extrinsecum consistit in motu, seu circulatione primi mobilis. Modo hic solum agimus de duratione interna, seu intrinseca, sicut & ipsa æternitas intrinseca est subiecto in quo reperitur, & inquiremus an æternitas sit formaliter duratio, seu an includat in suo conceptu formali durationem.

10 Prima sententia est, quod æternitas in suo conceptu formali nec sit duratio, nec durationem includat, sed est ipsa vis rei, quæ est æterna ad attin-

gen;

gendum omne tempus imaginabile, ita ut nullam dicat, aut connotet negativam successionem, aut virtutalem; seu eminentialem, cui coexistat. Hanc sententiam tenent Aureolus apud Capreolum in 1. diff. 9. Bannes, & Zumel hoc loco.

11. Nostra sententia sequenti cōcl. explicatur. *Aeternitas secundum suum conceptum formalem est formalis duratio Dei, ita ut ratio formalis qua Deus durare dicitur, sit ipsa aeternitas.* Hæc conclusio traditur à D. Tho. art. 2. ubi probans quod Deus sit æternus, sic dicit. *Ratio aeternitatis consequitur immutabilitatem, sicut ratio temporis consequitur motum, ut ex dictis patet. Unde cum Deus sit maximè immutabilis, sibi maximè competis esse æternum. Nec solum est æternus, sed est sua aeternitas, cum tamen nulla alia rei sit sua duratio, quia non est suum esse, Deus autem est suum esse uniforme. Unde sicut est sua essentia, ita sua aeternitas.* D. Thomam sequuntur eius Discipuli hoc loco, Caiet. Sylv. Nazar. Gonzal. & alij. Item Capreolus loco citato, Durand. in 2. diff. 3. quibus addo P. Blas. in sua metaphys. disp. 16. q. 3. concl. 2. Colligitur clarè hæc concl. ex sacra scriptura, quæ passim loquens de Deo ut æterno, dicit illum vivere in æternum, permanere in æternum, annos eius non deficere, &c. quibus modis dicendi exprimitur formalis Dei duratio ab ipsa æternitate procedens.

12. Probatur ratione, quia ita se habet æternitas ad rem æternam, sicut se habet tempus internum ad rem temporalem; sed tempus internum est formaliter duratio rei temporalis; ergo etiam æternitas erit formalis duratio rei æternæ. Dices cum Banneo, quod nec tempus, nec ævum, nec æternitas sunt formaliter duratio, sed sunt mensuræ durationis. Durat quidem Deus, & durant Angeli, & durant alia, non tamen æternitas est ipsa duratio, sed mensura durationis Dei; idem dic de Angelis, aliisque durantibus. Sed contra, quia idem est esse durationem, ac esse mensuram; ergo si æternitas, tempus, &c. sunt me-

sura formaliter, erunt etiam formaliter duratio. Consequenter antecedens probatur, quia omnis mensura, eo modo, quo est mensura, debet quandam extensionem importare, si est mensura quantitatis, debet importare extensionem pertinentem ad ordinem quantizationis; si est mensura motus, debet importare talem extensionem, quæ mensuraret motum, quæ extensio aliud esse nequit, nisi duratio, cum enim motus sit quædam duratio mensurabilis, eius mensura, debet esse duratio mensurans; illa erit duratio quasi passiva, hæc quasi activa; cum ergo diuinum esse duret, & eius duratio sit mensurabilis; æternitas, quæ est eiusdem diuini esse mensura, debet esse duratio mensurans, & quasi activa.

13. Confirmatur, quia Deus formaliter durat; non per aliud quam per æternitatem; ergo æternitas est formalis duratio, quia Deus durare dicitur. Maior nota est; durare namque est persistere in esse, ut tradunt Philosophi, cum autem Deus in suo esse persistat, durare dicitur. Minore proba, quia præter æternitatem nihil aliud in Deo poni potest per quod Deus durare censetur; si enim aliquid esset, maximè ipsum esse, per auctores oppositæ sententiæ, sed hoc non est; ergo. Minor probatur, quia esse ad summum est duratio quædam passiva, & mensurabilis; ergo dari debet aliquid aliud, quod habeat rationem mensuræ quasi activæ per quam ipsum esse Dei, & omnia diuina mensurentur; dari namque debet duratio mensurata, & duratio mensurans; sicut in quacunque alia re datur res mensurata, & ipsa mensura: datur quantitas mensurata, & quantitas mensurans.

14. Obijcies 1. pro parte opposita, quia omnis duratio importat successionem; sed in æternitate nulla datur successio; ergo in æternitate nulla datur duratio. Resp. negando maiorem; duratio namque in suo conceptu formali nō importat successionem, sed permanentiam, seu persistentiam in esse, in qua
ad

ad formam importatur successio æquivalens, virtualis, & eminens, sine ulla imperfectione, sed eum summa actualitate, & immutabilitate.

15 Obijcies 2. quoniam immensitas solum importat vim quandam ad attingendum omne spatium, omneque locum; ergo etiam æternitas importabit vim quandam ad attingendum omne tempus, ac proinde non importabit in suo formali conceptu rationem durationis, sed solum rationem extensionis ad omne tempus. Resp. negando antecedens; immensitas namque in suo conceptu adæquato duos habet conceptus inæquatos; vnum quo exprimit rationem quantitatis virtutis, qua intelligitur respicere essentiam divinam, illique hanc rationem tribuere; alterum quo intelligitur respicere eandem essentiam divinam, prout illam extendit ad omne spatium. Ita pariformiter æternitas in suo conceptu adæquato duos involuit conceptus inæquatos; vñ quo respicit divinam essentiam, seu divinū esse ipsū mensurando, tāquam duratio activa, suam passivam. Alterum quo respicit eandem essentiam divinam, seu divinum esse faciendo ipsū coexistere omni tempori tam vero, quam imaginario, seu tribuendo illi vim ad attingendum omne tempus.

16 Obijcies 3. quia essentia Dei, & eius existens antecedit æternitatem; sed in illo priori divina existens intelligitur durare, ergo duratio non est de formali conceptu æternitatis, si enim duratio esset de formali conceptu æternitatis, non posset ad illam præintelligi; quod autem divina essentia, & existens præcedant æternitatem, patet quia eum æternitas sit attributum essentiae, debet illam supponere. Resp. concedendo maiorem; deinde distinguitur minor: divina essentia, seu existens in illo priori intelligitur durare, duratione quasi passiva, & mensurabili, & conceditur duratione quasi activa, & mensurativa, & negatur, hæc enim cum sit de formali conceptu æternitatis, non

intelligitur non intellecta æternitate.

D V B I V M III.

An æternitas dicat in sua ratione formali, rationem mensuræ.

17 **N**otandum 1. quod mensura ex Arist. 1. metaphys. cap. 2. nihil est aliud, quam id, quod tanquam medio utimur ad cognoscendam quantitatem alicuius rei. Vna namque est mensura, quia ea vimur ad cognoscendam quantitatem panni. Multiplicator autem mensura ad multiplicationem quantitatis, ut toruplex sit mensura, quotuplex est quantitas; quantitas autem alia est molis, alia multitudinis, alia perfectionis, alia demum durationis; ita mensura, alia erit molis, ut vna; alia multitudinis, ut unitas, bonitas, &c. alia perfectionis, qua primum in vnoquoque genere, est mensura cæterorum; alia durationis, ut æternitas, ævum, tempus. Notandum 2. quod mensura debet esse congenita mensurato, idest eiusdem rationis cum illo. Nam mensura molis, solum quantitatem molis potest mensurare. Mensura multitudinis, scilicet unitas, & numerus, solum quantitatem multitudinis mensurat. Mensura perfectionis, solum hanc quantitatem mensurat. Et mensura durationis, solum durationem mensurat.

18 Notandum 3. quod quantitas, prout est mensura, est duplex, vna interna, seu intussecæ rei, quæ mensuratur, ut quantitas panni, quæ substantiā panni extendit illamque intrinsecè mensurat. Alia externa, ut est vna respectu panni, & sic de alijs quantitatibus multitudinis, perfectionis, & durationis, proportionē servata. Ex quibus inferitur, quod mensura debet habere conditiones habere. 1. quod sit eiusdem generis cū mensurato; 2. quod sit notior illo; 3. quod aliquo modo distingatur ab illo.

19 His positis. Prima sententia tenet, quod æternitas sit formaliter mensura divinæ essentiae, & divini esse, sed hæc

hæc ratio formalis mensuræ non fit ali-
quid reale, sed relatio rationis ad men-
suratū; mensura namque formaliter di-
cit relationem ad mensuratum, in no-
stro casu non potest dicere relationem
realem; ergo rationis. Pro hac senten-
tia P. Blas. *disp. 26. q. 2.* citat Ferrar. 1.
contra gent. cap. 15. Sylvest. in *conflas. hac*
q. 10. Zumel, & Baonesium. Secunda
sententia tenet, quod æternitas forma-
liter, imò nullo modo dicat rationem
mensuræ, pro hac sententia idem Blas.
citatur Vázquez, & Suarez. Tertia senten-
tia est eiusdem P. Blas. quod æternitas
non dicat rationem mensuræ formalis,
sed tantum virtualis.

20. Cum iudicium sequentibus
explicatur conclusionibus. Prima concl.
Si ratio mensura accipitur propriè, ut est
mensura durationis, de qua solum est ser-
mo, æternitas est vera, & propria men-
sura Dei. Hanc concl. tradit S. Doctor
art. 5. ubi in medio corporis articuli di-
cit. *Est ergo dicendum, quod cum æterni-*
tas sit mensura esse permanentis, &c. &
circa finem idem repetit dicens. *Esse*
autem, quod mensurat æternitas, &c.
Cum autem D. Thomas loquatur ab-
solutè, simpliciter, & propriè, dicendum
est, quod æternitas verè, & propriè sit
mensura essentia diuine, seu diuini esse.
Et in hoc non puto discordare aucto-
res. Constat ex definitione mensuræ
in principio dubij traditæ, quod scilicet
sit id. per quod quantitas rei, quæcun-
que illa sit, cognoscitur, sed per æter-
nitatem cognoscitur quantitas intermi-
nabilis durationis diuini esse; ergo æter-
nitas est verè, & propriè mensura diui-
ni esse. Tum quia ratio mensuræ in
suo conceptu formali non dicit imper-
fectionem, alioquin Deus non esset mē-
sura creaturarum quoad perfectionem,
quod est falsum. Secundum namque
maiorē, vel minorem perfectionem,
creaturæ à diuinis perfectionibus men-
surantur.

21. Secunda conclusio. *Æternitas*
prout mensurat esse diuinum, est in Deo
formaliter; prout uero mensurat creatu-

ras tanquam secundum mensurabile, est
in Deo virtualiter, & eminenter. Quod
æternitas sit formaliter, & non tantum
virtualiter, aut eminenter prout mensu-
rat proprium esse, constat ex testimo-
nijs Diui Thomæ; cum enim mensura
respectu proprii mensuralis, seu respec-
tu mensurabilis directe inspecti, de-
beat esse eiusdem rationis cum illo, ut
constat ex 2. notando, sequitur, quod
cum esse diuinum, quod est proprium
mensurabile æternitatis, sit in Deo for-
maliter, etiam eius mensura debeat esse
in eo formaliter. Quod autem æterni-
tas respectu creaturarum non sit men-
sura formalis, sed tantum virtualis, aut
eminens, constat, quia res mensurata,
scilicet creaturæ, sunt solum secundum
mensurabile, ac proinde non conge-
geum, sed longe inferius, conueniens
cum æternitate solum analogicè, ac sub-
inde ipsa æternitas respiciet creaturas
solum tanquam mensura eminens, non
tanquam mensura formalis.

22. Tertia conclusio. *Ad hoc ut*
æternitas dicatur mensura formalis, suffi-
cit, quod fundet relationem rationis men-
sura ad mensuratum. Hæc concl. con-
stat ex dictis; eo namque ipso, quod
æternitas concipitur ut duratio forma-
lis, & quæ sit fundamentum, seu præbeat
fundamentum relationis rationis, con-
cipitur ut excreans rationem mensuræ.
Nec verum est, quod dicit P. Blasius,
quod ad rationem mensuræ propriè di-
ctæ requiratur distinctio realis inter
mensuram, & mensuratum, nam suffi-
cit distinctio virtualis, id ipsum namque
sufficit ad rationem mensuræ, & men-
surati, quod sufficit ad rationem dura-
tionis actiua, & passiuæ, seu quod suffi-
cit ad ponendam rationem durationis
quasi actiua, & quasi passiuæ, sed adhuc
sufficit distinctio virtualis, cum æternitas
quæ est quasi duratio actiua, & esse,
quod est quædam duratio passiuæ, solum
virtualiter distinguantur, & licet æter-
nitas qua parte identificatur cum esse,
dici possit duratio interna, & non ita
propriè, & rigorosè, tamen qua parte

distinguitur virtualiter sapit conditionē durationis quasi externā, ac proinde erit propria, & rigorosa mensura diuini esse, illi prorsus congenca. Argumenta partis oppositæ non refero, quia ex allatis soluta manent.

23 Ex dictis inferitur, quod æternitas est attributum à diuina essentia, & cæteris attributis distinctū, habet namque veras attributi conditiones. Et primò quidem est quid reale. positium, ut ex dictis constar, cum sit formalis duratio fundans conceptum relationis rationis, quod fundamentum, reale quid est, nec aliquid includit in suo conceptu, quod sit purum ens rationis; & licet explicetur terminis negatiuis, nihilominus non dicit in recto negationem, sed positium, ad quod sequitur negatio. Vnde interminabilitas, quæ ponitur in definitione æternitatis non est pura termini negatio, sed infinita quædam diuinæ vitæ extensio carens principio, & fine; seu carens termino tum à parte ante, tum à parte post. Secundò, æternitas dicit specialem perfectionem à diuina essentia, & ab attributis distinctam; ratio namque infinitæ, & interminabilis durationis in suo formali conceptu est vera perfectio absoluta in Deo existens, & ab essentia, & attributis alijs virtualiter determinata. Tertiò, æternitas intelligitur tanquam ratio atomata, à diuina essentia iam constituta procedens, & tanquam quid illi adiacens, prius enim intelligimus Deū existere, quam permanere, æternitas namque est permanentia ipsius existere; illudque quasi actiue mensurat.

D V B I V M IV.

An esse æternum sit proprium Dei.

24 **P**ono huius dubij elegantem D. Thomæ resolutionem ex art. 3. vbi sic loquitur. *Æternitas verè, & propriè in solo Deo est; quia æternitas immutabilitatem consequitur, ut ex dictis patet. Solus autem Deus est omnino*

immutabilis, ut est superius ostensum. Secundum tamen, quod aliqua ab ipso immutabilitatem percipiunt, secundum hoc aliqua eius æternitatem participant. Quadam ergo quantum ad hoc immutabilitatem sortiuntur à Deo, quod nunquā esse desinunt; & secundum hoc dicitur Eccl. 1. de terra, quod in æternum stat; & sic æternitas Angelis attribui potest, secundum illud psal. illuminant tu mirabiliter à montibus æternis. Quadam etiam æterna in scripturis dicuntur propter diuturnitatem durationis; licet corruptibilia sint; sicut in psal. dicuntur montes æterni, & Deuter. 33. etiam dicitur: depomiti collum æternorum. Quadam autem amplius participant de ratione æternitatis, in quantum habent intransmutabilitatem, vel secundum esse, vel vltèrius secundum operationem, sicut Angeli, & Beati, qui Verbo fruuntur; quia quantum ad illam visionem Verbi, non sunt in sanctis volubiles cogitationes, ut dicit Aug. 15. de Trin. Vnde & videntes Deum dicuntur habere vitam æternam, secundum illud Ioan. 17. Hæc est vita æterna, ut cognoscant, &c. Vbi, ut vides, loquendo de æternitate per essentiam, solus Deus est æternus, quia licet, ut multi valde probabiliter volunt, non repugnet aliquam creaturam esse ab æterno, & durare in æternum, sicque habere æternitatem ex vtraque parte interminabilem, tamen non erit æterna per essentiam, sed tantum per participationem; repugnat namque dari creaturam, quæ ex sua naturali conditione exigat æternitatem, cum enim implicet, quod detur creatura, quæ non sit creatura, quæ Deo non subijciatur, quæ ab eo non dependeat tum in esse, tum in conservari, implicabit, quod detur creatura exigens ex suis principijs æternitatem. De essentia namque creaturæ est, quod sit ex nihilo, & quod in nihilum reduci possit. Verum si loquamur de æternitate per participationem, hæc creaturis aliquibus etiam de facto communicatur.

25 Dupliciter autem potest aliquid par-

Q

par-

participare aeternitatem, vt colligitur ex relato D. Thomae testimonio. Primò secundum immutabilitatem, quantum ad hoc, quod nunquam esse desinēt, tamen secundum se corruptibilia sint, vt sunt elementa; & de hac aeternitate valde imperfecta, & deficienti, nihil scribendum occurrit. Secundò secundum intransmutabilitatem, vel secundum esse, vel vterius, secundum operationem naturalem, vt sunt Angeli, & animae rationales, quae & secundum esse, & secundum operationes aliquas, illas scilicet quas necessitas habent, & est propria cognitio, amor sui, & Dei, vt proprium esse conseruat, de quo intra tract. de Angelis. Haec autem aeternitas participata vocatur aem, quod mensurat esse, & dictas operationes intransmutabiles. Tertiò participat aeternitatem intransmutabiliter, & in ordine supernaturali, & modo perfectissimo visio Beata, est enim vita perfectissima, qua Beati perfectissimè viuunt vita diuinissima, & estque nobilissima participatio vitae Dei qua ipse viuit, in quo Dei aeternitas consistit, vt constat ex definitione eiusdem aeternitatis, in qua dicitur, quod est possessio vitae interminabilis, & de hac aeternitate sequentia quaerita pono.

26 Quaes. 1. an visio Beata mensuretur aeternitate participata? Scotus in 2. dist. 2. q. 4. putat visionem Beatam mensurari aeo. Vasquez disp. 36. cap. 2. ad finem putat mensurari tempore. Hos refert P. Blas. in met. disp. 26. q. 5. Nihilominus omnino dicendum est visionem beatam mensurari aeternitate participata; constat ex testimonio D. Thomae relato; & art. 5. ad 1. sic fatetur. *Creatura spirituales, quantum ad affectionem, & intelligentias, in quibus est successio, mensurantur tempore; quantum vero ad eorum esse naturale mensurantur aeo. Sed quantum ad visionem gloriae participans aeternitatem.* Et sic tradunt Thomistae ibidem, & P. Blas. loco cit. Deinde probatur ratione, quia non potest mensurari aeo, quia aem est mensura ordinis naturalis & rei naturalis; mensura autem natu-

ralis non potest mensurare rem supernaturalem. Tum quia visio Beata est immutabilior, quam sit ipsa substantia Beati, siue Angeli, siue Animae rationalis; ergo non potest mensurari aeo, quod primò, & per se mensurat substantiam intransmutabilem, deinde operationes intransmutabiles. Consequenter, quia propria rei mensura non potest esse inferior mensurae. Antecedens ostenditur, quia visio Beata est ordinis diuini, quae est immutabilior quocunque ordine creato. Tum quia, vt notat Caiet. d. art. 5. visio Beata continet plura mutabilia immutabiliter, nam una, eademque visio Beata, absque mutatione continet eminenter visionem omnium spectaculorum ad hoc vniuersum continet virtualiter a deiectionem omnium bonorum desiderabilium. Per eandemque intellectus consequitur summum bonum, quod est immutabilis essentia bonitatis. Tum etiam, quia per talem visionem intellectus transformatur in Deum, inò sit Deus in esse intelligibili, ac prout consequitur maximam immutabilitatem, quae est ratio à prioris aeternitatis. quam non consequitur ratione sui ipsa Beati substantia, sed ratione visionis Beatae.

27 Neque etiam potest visio Beata mensurari tempore, vt vult Vasquez; non tempore primi mobilis quo ista inferiora corruptibilia mensurantur, quia cum tempus primi mobilis sit ordinis naturalis, non potest esse mensura rei superioris, & ordinis diuini; maxime quia tempus primi mobilis est materiale, & visio illa Beata purè spiritalis. Tū quia tempus est mensura variabilis, visio autem Beata est inuariabilis. Neque etiam mensurari potest tempore Angelico, quia omne tempus etiam Angelicum defectibile est, & variabile, non visio illa Beata est inuariabilis. Neque etiam mensurari potest visio Beata, non continuo, quia tempus continuū in Angelis, est actio Angelica continens effectum continuum quem producit,

cit, ut est translatio corporis ab vno in alium locum, quia effectus à visione Beata extra se productus, non reperitur. Non discreto, quia hoc coalescit ex pluribus actionibus Angelicis eiusdem ordinis, sibi inuicem in eodem subiecto succedentibus, quod in visione Beata non reperitur.

28 Quæres 2. quid sit æternitas participata? Sunt de hac re duæ sententiæ; prima est, quod æternitas participata, quædam sit duratio creata, realiter distincta ab æternitate per essentiam, quæ est ordinis diuini, & supernaturalis, & est duratio visionis Beatæ, primi Beati scilicet animæ Christi D. quæ cæterorū visionum Beatorum durationes mensurantur. Hanc sententiā, sequuntur Caiet. Gonzal. & alij hoc loco, & P. Blas. in *met. disp.* 26. q. 6. Secunda sententia tenet æternitatem participatam, esse eandem æternitatem per essentiam prout se extendit ad secundum mensurabile; unde æternitas per essentiam, & æternitas participata solum distinguuntur ex parte mensuratorum. Hanc sententiam sequuntur Ferrar. in 3. *contr. gent. cap. 6.* Iauel. hoc loco. Nauaret. *contron.* 32. & alij communiter.

29 Dico 1. loquendo de æternitate participata prout dicitur mensura nobilissimam, & perfectissimam eiusdem ordinis cum re mensurata. Visio Beata Christi D. erit mensura visionum omnium aliorum Beatorum. Patet, quia primum in vnoquoque genere, est mensura cæterorum; sed visio Beata Christi D. est excellentissima omnium visionum creatarum; ergo ut prima, erit cæterarum mensura, nulla autem est implicantiæ quod prima inter æternitates participatas, sit aliarum mensura. Dico 2. tam visio Beata animæ Christi D. quàm omnes aliæ visiones Beatæ purè creaturæ mensurantur æternitate per essentiam tanquàm mensura superiori, nobiliori, digniori, excellentiori: ita quod æternitas diuina respicit vitam diuinam, vitam per essentiam, tanquàm primum mensurabile; deinde respicit secundariò, &

tanquàm secundarium mensurabile diuinissimam illam vitam Beatorum, scilicet visionem Beatam. Si enim essentia diuina tanquàm primum perfectibile, respicit proprium intellectum, & intellectum creatum respicit tanquàm secundum perfectibile, propterea cum conuenitur per modum speciei, quare diuina æternitas non poterit propriam vitam, seu proprium esse (vivere namque viventibus, est esse) respicere tanquàm primum mensurabile, & visionem Beatam, quæ est perfectissima Beatorum vita, tanquàm secundum mensurabile; maximè quia visio Beata est ordinis diuini, ac proinde eiusdem ordinis cum propria mensura.

30 Quæres 3. à quo mensurentur gratia, charitas, fides, spes, & cæteri habitus supernaturales? Resp. quod gratia consumata, seu gratia patriæ eodem modo mensuratur, quo Beatæ visiones mensurantur. Nam tanquàm à mensura eiusdem prorsus ordinis, & speciei, mensuratur à gratia Christi; at tanquàm à superiori mensura à diuina æternitate; cum enim gratia sit formalissima participatio diuini esse, debet ab eadem mensura diuini esse mensurari. Idem prorsus dicendum est de charitate patriæ. Verum si loquamur de gratia, & charitate viæ, de fide, spe, &c. dico quod eodem modo mensurantur; nam tanquàm à mensura homogenea, seu eiusdem ordinis mensurantur à fide, spe, &c. quæ reperiuntur in subiecto nobiliori; at tanquàm à mensura superiori, mensurantur æternitate, non enim mensurantur tempore, neque æuo; cum istæ mensuræ sint ordinis naturalis, & illi habitus ordinis supernaturalis, & c. proinde mensurabuntur æternitate, & eo modo quo sunt, & dantur. Nam sicut visio Beata data per modum transeuntis, hoc modo æternitate mensuratur; ita & illi habitus æternitate mensurabuntur quando dabuntur, & cessabunt mensurari quando aut per peccatum, aut ratione status cessabunt.

5. *Vnicuius. Soluuntur aliqua quæstia pro complemento huius materiae.*

31. **Q**UÆRES 1. an si res existeret solum per instans, diceretur durare? Negant aliqui, quia duratio, est persistens in esse, sed res existens solum in instanti, seu per instans, non dicitur persistere, sed solum quasi sistere; persistere namque significat quandam existentiam continuationem, & quandam, quasi esse, seu existentiam, extensionem; ergo. Nihilominus puto verius, quod res, quæ per solum instans existit, dicatur per instans durare; cum enim duratio sequatur esse, veluti illius affectio, & proprietas, sequitur, quod quantum est esse, tanta sit illius duratio, ac proinde si esse, est solum per instans; etiam duratio erit solum per instans; nec duratio magis extendi potest, quam esse. Vnde dum res incipit esse in primo instanti, incipit durare.

32. QUÆRES 2. quid addat duratio intrinseca supra esse, seu existentiam rei durantis? Aliqui volunt nihil prorsus addere, ac proinde durationem esse ipsum esse rei, absque vlla prorsus distinctione. Verum hæc sententia placere non potest, quia esse secundum proprium conceptum suum respicit rem, cuius est esse, veluti vltima forma, aut actus illius. At duratio dicit quandam rationem extensionis, quandam correspondentiam, quandam connotationem ad aliquid extrinsecum, seu quasi extrinsecum cui corresponder, ut ad aliquam extensionem, seu latitudinem virtutalem, aut saltem imaginariam. Alij dicunt cum Scotus in 2. dist. 2. q. 1. sub litt. A. quod duratio addat solum supra rei existentiam negationem desitionis, & definibilitatis, ac proinde in recto duratio sit ipsa rei existentia, quod probari potest, quia est impossibile concipere rem existere, seu existentem, & non concipere durationem. Tum quia si duratio esset aliquid distinctum ab existentia, & ad illam consequutum, iam exi-

stentia non esset vltima actualitas, contra commune Philosophorum placitum. Tum etiam quia, quando concipimus aliquid durare per horam, per mensem, per annum, nil aliud concipimus nisi rem illam existere per horam, per mensem, per annum, & non definire per horam, per mensem, per annum, ac proinde duratio solum addet supra rem durationem negationem desitionis pro tempore quo durat. Nihilominus dicendum est durationem addere supra existentiam rei durantis aliquem modum, seu formalitatem saltem virtualiter ab existentia distinctam; aliis in diuinis æternitatis non esset attributum virtualiter distinctum ab essentia diuina, & cæteris attributis. Quocirca duratio non dicit esse, sub generali, & proprio conceptu esse, sed determinato modo prout scilicet fundat, seu dicit fundamentum relationis rationis ad rem durantem, & ad quandam virtutalem, aut imaginariam extensionem. Vel dicit ipsum esse determinato modo, scilicet non sub conceptu esse absolute, sed sub conceptu esse dicentis negationem desitionis, seu definibilitatis, ita quod esse importetur in recto, negatio, in obliquo, & tanquam connotatum, & hoc forte est, quod voluit Scotus. Placet etiam modus dicendi aliquorum, quod duratio addat supra rationem existentiam conceptum, seu rationem mensuræ; ex eo, quod duratio completa intelligatur per rationem mensuræ, modo intelligatur de duratione actiua; nam si sermo sit de duratione quasi passiva, hæc complebitur per rationem mensurabilitatis, ut supra explicuimus.

33. QUÆRES 3. an immutabilitas ratio à priori æternitatis? Supra ex D. Thoma testigimus immutabilitatem esse rationem à priori æternitatis, ita quod in Deo prius intelligamus pullulare attributum immensitatis, & postea ratione illius intelligamus pullulare attributum æternitatis. Pro quo nota, quod duobus modis potest aliquid dici immutabile. Primò, quia non potest ad ali-

aliquam formam mutari. Secundò quia non potest ab esse definere, seu non potest ab esse simpliciter non esse conuerteri. Priorem immutabilitatem habet Deus proximè ex attributo simplicitatis, seu ab ipsa simplicitate diuinæ essentia; & hæc habetur ex eiusdem essentia diuinæ infinitate, seu ex hoc, quod est suum esse. Posteriorem immutabilitatem habet Deus ex necessi-

tate formali, & absoluta essendi; ex quo intelligitur pullulare aeternitas. Ex hoc inferitur, quod si per impossibile Deus non esset æternus, adhuc esset immutabilis, quia destructo posteriori, non sequitur destructio prioris. Si tamen per impossibile Deus non esset immutabilis, non esset æternus, quia destructo priori, intelligitur destrui posterius.

DISPUTATIO XI.

IN QVÆST. XI. D. THOMÆ.

DE VNITATE DEI

In exercitu, teste Lactantio lib. 1. cap. 3 & lib. de ira cap. 2. tot essent Imperatores, tot duces, ac rectores, quot cohortes, quot cunei, quot alæ, nec instrui posset acies, vnoquoque periculum recusante; nec regi facilè, aut temperari valeret, quòd suis proprijs consilijs vtantur omnes, quorum diuersitates plus noceant, quam prosint. Sic, nisi in hoc naturæ rerum ordine, nisi vnum sit principium, vnaque causa, ad quam totius summæ cura referatur, vniuersa soluentur, & corruent. Rex ille potentissimus esset, qui totius Orbis haberet imperium; illius namque essent; quæ vbiq; sunt omnia; ad eumque solum omnes vndique copiæ congererentur. Si plures, partirentur orbem, minus cerèd opum, minus vinum haberent singuli, cum intra præscriptam portionem continerentur. Sic si plures essent dij, minus valerent, alijs tantundem in se habentibus. Ex hoc ergo, quod Deus est vnus, perperad perfectus existit, plenus potentia, sapientia, immortalitate, immutabilitate, omnique bonitate, & perfectione. Verum, vt quæ de Dei vnitata à D. Thoma in hac q. 11. traduntur, quantum satis est habebantur, sit.

DVBIVM I.

An Vnitas addat aliquid supra ens.

Hoc dubium sic expedit S. Doctor art. 1. dicens. *Vnum non addit supra ens rem aliquam, sed tantum negationem diuisionis. Vnum enim nihil aliud significat, quam ens indiuisum. Et ex hoc ipso apparet, quod vnum conuertitur cum ente. Nam omne ens, aut est simplex, aut compositum; quod autem est simplex, est indiuisum & actu, & potentia. Quod autem est compositum, non habet esse, quandiu partes eius sunt diuise: sed postquam constituunt, & componunt ipsum compositum. Vnde manifestum est, quod esse cuiuslibet rei consistit in indiuisione. Et inde est, quod vnum, quodque, sicut custodit suum esse, ita custodit suam vnitatem.* Vbi, vt vides, vult S. Doctor, quod vnum non addat supra ens rem aliquam, sed tantum negationem diuisionis; vnde ob hoc vnum per negationem solet definiri, sic. *Vnum est ens indiuisum in se, & diuisum à quolibet alio.* Hæc quæstio cum metaphysica sit, summis tantum labijs erit attingenda; & tantum, quantum est sufficiens, vt quæ de Dei vnitata dicuntur, intelligantur.

3 Prima sententia est Doctoris subtilis in 1. dist. 3. q. 1. sub littera E. ubi tenet, quod vnitas addat supra ens quandam formalitatem ab ente ex natura rei distinctam. Eandem sententiam tenere videntur Bannes, Zumel, & alij hoc loco. Huius sententiæ fundamenta, postea referemus, & soluemus.

4 Nostra sententia sequenti concl. explicatur. *Vnitas nihil posituum addit supra ens, sed tantum negationem diuisionis, modo postea explicando.* Hæc est plana mens D. Thomæ, & constat ex testimonio allato, & tradunt eius discipuli communiter hoc loco, præsertim Nazar. & P. Blas. in sua metaphys. disp. 2. 1. q. 4. concl. vnica. Quod vnitas nihil posituum addat supra ens, probatur, quia de illo quod additur, inquiri potest, an sit ens, nec ne. Si dicatur esse ens, ergo non distinguitur ab ente; si dicatur non esse formaliter ens, ergo erit nihil.

5 Confirmatur, & explicatur præcedens ratio, quia sicut in conceptibus complexis non est abire in infinitum, cæteroque omnis scientia periret, quia conclusio sciri non potest, nisi cognoscantur præmissæ, & præmissæ quando mediatæ sunt, cognosci non possunt nisi cognoscatur aliqua propositio prior, ac proinde si esset abire in infinitum, nulla esset propositio primò cognita, in quam omnes aliæ resolverentur. Ita in conceptibus simplicibus debet dari aliquis primus conceptus in quem omnes alij conceptus resolverentur, alioquin esset abire in infinitum; iste autem est conceptus entis, in quem etiam conceptus passionum illius ut boni, veri, vnius resolverentur; non resolverentur autem nisi essent ens, ergo.

6 Quod autem vnitas addat supra ens indiuisiōnem, seu negationem diuisionis, probatur, quia ut dicit Arist. 5. met. cap. de relatiuis, identitas fundatur super vnitatem, & tunc identitas est, quando aliquid ad se ipsum refertur; sed aliquid refertur ad se ipsum, est, in quantum est indiuisum in se, sicut a se; ergo iden-

titas fundatur in indiuisiōne in se, & fundatur etiam super vnitatem immediatam; ergo vnitas est ipsa indiuisiō in se, quantum ad id, quod addit vnitas supra ens.

7 Confirmatur hoc 1. quia vnitas v.g. diuinæ naturæ, dicit formaliter eandem diuinam naturam sub duplici negatione acceptam, sicut & quælibet alia vnitas, scilicet sub negatione importata per indiuisiōnem à se, seu in se, & diuisionem à quolibet alio, (diuisiō namque dicit negationem vniōis, seu vnitatis; ergo vnitas nihil addit supra ens, nisi negationem diuisionis primò in se, & negationem indiuisiōis à quolibet alio. Antecedens probatur, quia si vnitas diuinæ essentię diceret formaliter aliquid posituum distinctum à diuina essentia, vel diceret illud ipsum, quod dicit diuinam essentia, vel aliud si illud ipsū ergo non addit aliquid distinctū. Si aliud, ergo diuina essentia non est vna in se, nec indiuisa in se. Tum quia vel illud, quod additur erit vnū, vel plura, & ita daretur processus in infinitum. Dices ex Scoti doctrina, quod vnitas dicit tantum naturam diuinam realiter, non tamen formaliter, ac proinde nō sequitur processus in infinitum, quia entitas, quam formaliter importat vnitas, nec vna, nec plures est in recto, quia non est ipsa res, quæ dicitur vna, sed solum dicitur vna in obliquo, cum sit ratio quæ aliud est formaliter vnum. Nam contra est, quia omnis positiua entitas realis habet propriam vnitatem, tanquam affectionem illi proportionatam; ergo cum vnitas sit quædam entitas, debet esse vna non per se ipsam, sicut nec ipsa essentia per Scotum, ergo per aliquid aliud, & sic dabitur processus in infinitum. Dices iterum hanc nostram instantiam esse tantum veram de entitate, quæ est ens in recto, & quidditatiuè, non autem de ea, quæ solum in obliquo est ens, quatenus est aliquid eius. Sed contra, quia vnitas, & quælibet alia passio entis, est quidditatiuè ens, ergo erit in recto ens, ac proinde erit

in

in recto vna; & sic deinceps, si semel addit aliquid positum supra ens. Antecedens ostendo, quia si vnitas, & quolibet passio entis non esset formaliter, & quidditatiue ens, non predicaretur formaliter, & quidditatiue ens de suis passionibus, hoc est falsum; ergo & illud ex quo sequitur. Maior patet, quia ens solum de ente quidditatiue predicari potest; sicut animal, solum de animali quidditatiue, seu in quid predicatur. Minorem probo, quia si ens non predicaretur quidditatiue de suis passionibus, neque predicaretur quidditatiue, seu in quid de omnibus contentis sub iisdem passionibus; sed hoc est prorsus falsum, & constat ex illa dialecticorum regula: diversorum generum, & non subalternatum positum, diuersae sunt species, & differentiae, & ideo si vnitas non includit formaliter, & quidditatiue conceptum entis, nec ei subalternatur, nihil per se contentum sub vnitate, includit conceptum entis, quod est falsum, vt ex se constat.

8 Confirmatur 2. quia Deus in sua quidditate, & essentia est formaliter singularis; ergo etiam in sua quidditate, & essentia erit formaliter vnus; singularitas namque est ratio vnitatis, & vbi est in recto, & formaliter singularitas, ibi est eodem modo vnitas. Soluuntur argumentum, in contr.

9 Primum argumentum est, quia si vnitas non distingueretur ex natura rei ab ente, sed positiue esset vnum, & idem cum eo, sequeretur, quod praedicatio in qua ens praedicatur de vno, non esset formalis, doctrinalis, & propria, sed esset identica, & nugatoria, cum idem secundum eadem formalitatem predicaretur de se ipso; vnde idem esset dicere ens est vnum, vel e diversum, ac dicere ens est ens; vnum est vnum, quod est falsum. Resp. quod licet ens, & vnum dicant eadem rationem positivam, non tamen eodem modo; ens enim dicit entitatem secundum se, vnum vero vt substat illis negationibus, secundum quam rationem dicit esse fundamentum relationis

rationis ad ens, & ad negationes dictas, quod postea magis explicabitur.

10 Secundum argumentum quoniam in compositis fit resolutio ad simpliciter simplicia, ad vltimum scilicet actum, & ad vltimam potentiam, quae ita sunt diuersa, quod se mutuo excludunt; ergo etiam in conceptibus debet fieri resolutio ad conceptus simpliciter simplices, & primo diuersos, se mutuo excludentes ita, quod vnus sit determinabilis tantum, & est conceptus entis; & alter tantum determinatiuus, & est conceptus passionis vt veritatis, ac subinde vnus debet alium excludere. Resp. concedendo antecedens, & negando consequentiam. Ratio discriminis est, quia in compositis est vnum, quod habet rationem materiae scilicet subiectum; alterum, quod habet rationem formae scilicet praedicatum; & sic cum resolvuntur, resolui debent in primam rationem subiecti, & in primam rationem formae, scilicet in potentiam, & actum, quae sunt primo diuersae. At loquendo de conceptibus, cum praescindant à ratione potentiae, & actus, resolui debent in vltimum, in quod tam ratio potentiae, quam ratio actus resolvuntur, & est conceptus entis.

11 Sed quaeritur 1. an vnitas dicat ens secundum suam realitatem vt sic, aliquomodo? Resp. quod vnum non dicit ens secundum realitatem entis vt sic, alioquin non posset intelligi vt passio entis, & tanquam aliquid fluens ab ente; sed dicit ipsum ens determinatum modo, seu nouo modo expressum, & quasi declaratum, prout scilicet concipitur per modum fundamenti dictarum duarum negationum, secundum quam rationem non exprimitur ens sub nomine entis. Quare passio entis, v.g. vnitas, non importat nomen, distinctumque conceptum à conceptu entis, sed eundem simplicem conceptum, alio modo expressum, vt scilicet fundat duplicem negationem dictam. Vnde in hoc differunt passionem entis ab alijs passionibus rerum inferiorum, quod passionem aliae expriment conceptum saltem virtualiter

ter

ter distinctum à re cuius sunt passionēs, at passionēs entis non exprimunt diuersum conceptum ab ente, sed dicunt eundem prorsus conceptum, solum nouo modo expressum.

12. Quæres 2. an vnum dicat ens vt formale, & negationem diuisionis vt materiale, vel è contra? Resp. quod cum passionēs entis nequeant illi superaddere nouas entitates, neque nouas formalitates, neque nouos modos intrinsecos formaliter ab ipso ente distinctos, cum nulla detur entitas, nulla formalitas, nullus modus, de quo conceptus, seu ratio entis non prædicetur, sequitur, quod passionēs entis nequeant illi superaddere nisi quādam maiorem expressionem, ac proinde hæc maior expressio habebit rationem formalis; & ipsa ratio entis secundum se, habebit rationem materialis; quia vna passio non potest distingui ab alia, nisi per suū formale; quod autem est distinctiūm, est etiam constitutiūm. Quocirca omnis passio entis significat aliquid vt formale, & aliquid vt materiale, ita tamē, quod materiale significatur vt substantia formalis. g. Bonū significat ens vt fundat conuenientiā ad appetitū, ita quod in bono ens se habeat vt materiale, appetibilitas vt formale. Verum significat ens vt fundat conuenientiā cum intellectu, ita tamen, quod in vno ratio entis importetur de materiali, & conuenientiā dicta de formali. Pariformiter vnum dicit de materiali ens, & de formali substantare diuisioni. Hinc fit, quod si quis velit definire passionēs entis in concreto, subiectum ponetur in recto, & formale item in recto, vt obseruatur in omnibus definitionibus concretorum, in quibus subiectum, quod de materiali importatur, ponitur in recto, & formale pariter in recto, vt simum est nasus curuus, & vnum est ens indiuisum in se, &c. Bonum, est ens appetibile. Si vero velit eas definire in abstracto, & definitione propriè dicta, & essentiali, quæ ab importato formaliter desumitur, ponit formale in recto, & ens, quod

est materiale in obliquo, vt definiuntur abstracta, vt finitas, est curuitas nasi; vnitas, est indiuisio entis; bonitas, est appetibilitas entis, &c.

13. Quæres 3. an vnum, & multa opponantur? Hoc quæstum sic resoluit S. Doctor art. 2. *Vnum opponitur multis diuersimodè. Nam vnum, quod est principium numeri, opponitur multitudini, qui est numerus, vt mensura mensurato. Vnum enim habet rationem primæ mensuræ, & numerus, est multitudo mensurata per vnum, vt patet ex 10. Metaph. Vnum, verò quod conuertitur cum ente, opponitur multitudini per modum priuationis, vt indiuisum diuiso.*

D V B I U M : II.

An Deus sit vnus, & maxime vnus.

14. **V**trumque indubio propositum explicat S. Doctor; 1. articulo 3. & secundum art. 4. *Articulo ergo 3. sic probat Deum esse vnum. Primò quidem ex eius simplicitate. Manifestum est enim, quod illud, unde aliquid singulare est hoc aliquid, nullo modo est multis communicabile. Illud enim unde Sortes est homo; multis communicari potest, sed id unde est hic homo, non potest communicari, nisi vni tantum. Si ergo Sortes per id esset homo, per quod est hic homo, sicut non possunt esse plures Sortes, ita non posset esse plures homines; hoc autem conuenit Deo, nam ipse Deus est sua natura, vt supra ostensum est. Secundum igitur idem est Deus, & hic Deus. Impossibile est igitur esse plures Deos. Secundò probat idem ex infinitate perfectionis Dei, quia si essent plures Dij, puta duo, aut tres, vnus eorū non esset simpliciter perfectus, eo quod in vno deesset perfectio alterius. Tertiò probat ex vnitate mundi, quia oportet, quod illud sit vnum, per quod omnia in vnum ordinem reducuntur.*

15. His alijs rationibus ostendi potest, Deum esse vnum. Primò, quia Deus debet esse maximè ens, ergo maximè

ximè vnus, cum nihil in se habeat per quod determinetur, vt sit hoc ens. Ex hoc autem, quod Deus est maximè ens debet esse maximè indiuisus, ac simplicissimus, vt neque actus, neque potentia sit diuisibilis, iuxta illud Boetij. *Inter omnia, quæ vnum dicuntur, arcem tenet vnitas diuina Trinitatis*. Secundò, quia Deus est summum bonum, sed summum bonum debet esse maximè vnum, ergo Deus debet esse maximè vnus. Tertiò, quia qui in principatu præsidet, vnitatem desiderat; vnde Imperium Monarchicum, præstantissimum iudicatur: tum quia multorum membrorum vnum est caput, non plura.

16 In art. 4. sic probat S. Doctor, quod Deus debet esse maximè vnus. *Cum vnum sit ens indiuisum, ad hoc vt aliquid sit maximè vnum, oportet, quod sit & maximè ens, & maximè indiuisum. Vtrumque autem competit Deo. Est enim maximè ens, in quantum est non habens aliquid esse determinatum per aliquam naturam, cui adueniat; sed est ipsum esse subsistens omnibus modis indeterminatè. Est autem maximè indiuisum, in quantum neque diuiditur actu, neque potentia secundum quemcunque modum diuisionis, cum sit omnibus modis simplex, vt supra ostensum est*. Procedunt ista de vnitatis nature diuine in concreto sumptæ, prout significatur hoc nomine *Deus*, non de vnitatis hypostasis, aut personæ, aut relationum, quibus diuinæ personæ constituuntur, & distinguuntur; certum namque est; quod dantur in diuinis tres personæ realiter inter se distinctæ.

17 Pro quo aduerte, hoc nomen *Deus*, in concreto per se primò supponere pro singulari deitatis, quod est hic *Deus*, formaliter omnino à parte rei præscindens à tribus personis diuinis. Vnde si hoc nomen *Deus* per se primò, & adæquate supponeret pro hypostasi, tunc *Deus* esset vnus, cum sint tres hypostases. Propriè tamen nomen *Deus* non supponit pro hypostasi, sed pro natura, seu pro diuinitate, seu deitate, quæ sapientia natura est singularissima.

18 Obijcies 1. quia summa vnitas, omnem excludit pluralitatem; sed in Deo datur vera personarum pluralitas; ergo non datur perfectissima vnitas: Resp. quod summa vnitas omnem excludit pluralitatem in ea ratione in qua ea vnitas est summa; essentia autem Dei in sua linea omnem excludit pluralitatem, ac proinde in hac ratione est summa, & tanta vt excludat omnem distinctionem, excepta virtuali; quocirca diuina essentia identificatur cum omnibus perfectionibus formalibus, & absolutis; in alio tamen ordine, scilicet in ordine relationis admittit pluralitatē, quæ nihil officit summæ vnitati diuinæ essentiæ.

19 Obijcies 2. quia vnitas numeri, seu quæ est principium numeri, est maxima vnitas, ergo non est vnitas diuinæ essentiæ. Resp. quod vnitas numeri, est maxima negatiuè, non positiuè; non enim est maxima quantum ad entitatē, sed tantum quantum ad indiuisibilitatem; at diuina essentia quantum ad vtrumque est maxima, vt ex dictis constat.

20 Obijcies 3. quia omne ens, est vnum per essentiam; ergo omne ens, est maximè vnum; ergo non sola essentia diuina est maximè vna. Resp. concedendo antecedens, & negando consequens. Fit enim æquiuocatio quantum ad esse vnum per essentiam; ens namque dicitur vnum per essentiam, eo quod ad conceptum entis, sequitur conceptus vnitatis, tanquam quasi passio illius, de qua ens in quid, seu essentialiter prædicatur; non est tamen maximè vnum, quia est vnum per participationem, & ab alio, Deus autem à se.

DVBIVM INCIDENTS.

Vbi explicantur scitu necessaria de attributis in communi.

21 **V**Tex Damasceno tradunt communiter Theologi attributum esse rationem quadam absolutam necessariam, & formaliter in Deo existentem, subsecuta

R

vir-

virtualiter ad eius essentiam, tanquam aliquid in certa quadam specie constitutum. Dicitur *actio absoluta*, ut excludantur diuinæ relationes, quæ non sunt proprietates attributales essentiae diuinæ, sed personales, siue constitutivæ, siue consecutivæ. Dicitur *necessariò, & formaliter in Deo existens*, ut excludantur actus liberi, qui non sunt in Deo necessariò; & ea quæ solum sunt in Deo virtualiter, & eminenter. Dicitur *subsecuta*, &c. ut explicetur, quod attributum supponit essentiam, non constituit, & ad illam subsequitur per modum passionis, & proprietatis. Dicitur *tanquam aliquid in certa specie constitutum.* Ut excludantur rationes communes, seu transcendentes. Solet etiam attributum sic definiri, quod sit *perfectio ad lineam essentia pertinentem absoluta, & secundaria, quæ reperiens in creaturis, à Deo attribuitur secundum suam rationem formalem, omni ab ea imperfectione sublata.*

22 Verum pro elariori intelligentia, nota 1. quod sicut quilibet res potest multis modis spectari, v. g. homo, potest spectari Primò ut ens secundum se, & præcisè. Secundò ut substantia. Terriò, ut animal rationale. Quartò, ut risibilis, ut admirativus, ut natura mansuetus, &c. Quintò, ut nobilissimus, & perfectissimus animalis. Ita Deus multis modis considerari potest, absq; ulla fictione, sed cum fundamento in re. Primò sub rationibus communibus, & transcendentalibus. Secundò sub ratione substantiæ, spiritus, vitæ, &c. Terriò ut est realis entitas absoluta, suapte natura existens formaliter infinita à se, &c. Quartò, sub rationibus absolutis attributalibus. Quinò, sub ratione relativa ad intra producentis, & producti, & ad extra sub ratione creatoris, gubernatoris, reparatoris, &c. Ratio ergo sub qua hoc loco Deum consideramus, est sub ratione attributali, prout scilicet Deus dicit suas quasi affectiones, proprietates, &c.

23 Nota 2. quod attributa diuina, alia sunt positiva, alia negativa. Positi-

ua dicuntur illa, quæ in suo conceptu exprimunt aliquid positivum, ut est iustitia, misericordia, &c. Negativa verò dicuntur, quæ pro fundamento dicunt aliquid positivum, connotans negationem, ita tamen, quod negatio non habeat ut constitutum, sed ut quid illatum, aut connotatum necessarium sine quo positivum non intelligitur constitui attributum, ut iam diximus de attributo simplicitatis, immensitatis, infinitatis, &c.

24 His positis certè ponimus conclusionem. *In Deo dantur attributa, tum positiva, tum negativa.* Hanc conclusionem tradunt omnes Theologi, tamq; desumpserunt ex SS. PP. S. Ioann. Damasc. Noster lib. 1. de fide cap. 4. sic scribit. Si bonum, *similum, si quodcumque aliud dixeris, non natura dicitur Dei, sed quæ naturam eius circumflans.* Sanctus P. & Ecclesiæ lumen Aug. 15. de Trinit. cap. 3. sic satur. Si dicam, *eternum, immortale, incorruptibile, immutabile, vivus, sapiens, potens, beatus, spiritus, bonum omnium novissimum, quod posui, videtur tantum significare substantiam, cetera verò huius substantia qualitates.* Ratio autem ob quam in Deo dantur attributa, est, quia re vera Deus à parte rei est sapiens, iustus, misericors, increatus, incorporeus, infinitus, immensus, immutabilis, incomprehensibilis, invisibilis, ineffabilis, &c. ac proinde verè à parte rei habet attributa.

25 Quæres 1. an divisio attributi in negativa, & positiva sit adæquata? Resp. affirmatiue, inter positivum namque, & negativum non datur medium, cum privatiue opponantur. Deinde attributa positiva si amplè accipiantur, dividuntur, in absoluta, & respectiva. Attributa negativa, dividuntur in ea quæ nullum dicunt respectum ad extra, & in ea, quæ ad extra huiusmodi respectum præferunt.

26 Quæres 2. an attributa dici debeant essentialia, seu ad essentiam pertinere, an esse extra essentiam Dei? Ratio dubitandi est, quia si dicantur essentialia.

tialia, pertinebunt ad quidditatem Dei. Si dicantur esse extra essentiam, duo sequi videntur. Vnum essentiam diuinam non dicere formaliter omnem diuinam perfectionem. Alterum, quod attributa sint formaliter accidentia. Resp. quod diuina attributa formaliter sunt extra essentiam, cum intelligantur pullulare ab essentia iam constituta. Nec ex hoc duo illa sequuntur. Non primum, quia essentia diuina formaliter solum debet continere perfectionem infinitam propriæ lineæ; licet radicaliter, & etiam per modum transcendentis contineat perfectiones omnium attributorum, vt sequenti §. dicitur. Neque secundum, quia ex hoc, quod attributa non pertineant ad conceptum essentiae, non sequitur, quod sint accidentia, sicut hoc non sequitur de passionibus entis. Aliqui sic respondent, quod scilicet attributa non sint accidentia physica, sed metaphysica, quatenus sunt prædicata extranea, quo modo omne id, quod est extra quidditatem alterius dicitur accedens illius.

§. I. An attributa habeant in sua linea propriam infinitatem, ubi de transcendentia illorum.

Illi qui volunt, quod attributa negatiua nō dicunt pro formali, & in suo conceptu aliquid positium, sed tantum negationem, aut relationem rationis, putant, quod ista attributa negatiua non sint infinita in propria linea, nec infinitam dicant perfectionem suæ lineæ, sed solum de materiali, & hæc est ipsa perfectio diuinæ essentiae. Horum ratio clara est, quia ea sententia supposita, nec negatio, nec relatio rationis afferunt perfectionem, ac proinde dicta attributa non dicunt perfectionem infinitam in sua linea. Verum nos, qui putamus, quod attributa negatiua non constituentur per negationem, sed per positium connotans, seu inferens, aut substantiæ negationi, dicimus, quod non solum attributa positia, verum etiam

negatiua in suo conceptu formali, & in propria linea, dicunt perfectionem infinitam, seu sunt infinita in sua linea. Cum enim in sua linea sint quid diuinum, non possunt non dicere infinitatem perfectionis in sua linea.

28 Aliter tamen, & aliter diuina essentia dicit perfectionem, & attributa; nam essentia diuina spectata solum in sua quidditate, ratione formali, & in sua linea, vt præcindit ab attributis, cæterisque perfectionibus diuinis habet infinitatem non solum formaliter propriam, sed etiam primam, fontalem, & omnium aliarum radicem, non solum quia eam habet à se, & ex se, verum etiam quia aliae infinitates, ab infinitate diuinæ essentiae incipiunt. Vnde essentia diuina dicitur infinita formaliter, & fundamentaliter, seu radicaliter, tanquam pelagus, vnde omnes aliae diuinæ perfectiones pullulant. Quocirca essentia diuina habet plenitudinem omnis entitatis per modum cuiusdam totalitatis simpliciter in ratione primi entis, seu entis à se, ac proinde sola essentia diuina est infinita in genere entis, cum sit suapte natura prima entitas ex se existens, vnica omnino, & prima, continens totam entis plenitudinem. Bene verum est, quod licet essentia diuina modo dicto sit infinita, tamen non continet formaliter perfectiones alias, v. g. attributales prout considerantur in se formaliter, quia conceptus formalis ac subinde infinitas diuinæ essentiae in suo conceptu formali, non est conceptus misericordiae, & è diuerso. Cæterum attributa habent quidem infinitatem formalem suæ lineæ, non tamen primam, fontalem, & radicalem. Licet hoc ita sit, loquendo formaliter, tamen loquendo transcendentialiter, & essentia diuina continet perfectiones formales attributorum, prout ab illis transcenditur; & attributa continent omnem perfectionem diuinæ essentiae, prout ab illa transcenduntur. Quicquid namque in Deo est, debet esse in omni genere perfectum, ac proinde continere debet omnes perfectiones ea

rogitabiles saltem per modum transcendē-
dentis. Quia namque ratione diuina mi-
sericordia est sub conceptu misericor-
diæ, exprimit infinitatem misericordiæ,
seu lineæ misericordiæ; at qua ratione
continet per modum transcendentis
diuinam essentiam, & cœtera attributa,
continet perfectiones omnium aliarum
linearum. Verum de hac re infra dice-
mus, dum agemus de actu libero.

29 Quæres 1. an attributa diuinæ
sint infinita, non solum infinitate inten-
siua iam explicata, verum etiam infini-
tate extensiua, ita quod dentur in Deo
infinitæ rationes attributales, an solum
numero finitæ? Aliqui absolute dicunt
diuinas perfectiones esse finitas. Primò,
quia sicut personæ diuinæ sunt finitæ,
cum sint tantum tres, ita diuinæ perfe-
ctiones absolute erunt numero, & mal-
titudinæ finitæ, quemadmodum etiam
finitæ sunt relationes, notiones, proces-
siones. Secundò, quia attributa diui-
na, vel conueniunt Deo ratione essen-
tiæ, vel ratione intellectus, & voluntatis,
utrouis modo conueniant non pos-
sunt infinitari, ergo. Non ratione essen-
tiæ, quia hæc vna est formalissimè; non
ratione intellectus, & voluntatis, quia
hæc sunt tantum duo, ergo. Verum neu-
tra ratio probat. Non prima, quia se-
queretur, quod sicut personæ sunt tan-
tum tres, ita & perfectiones absolute,
quod est falsum. Neque secunda, ob
eandem rationem, quia tam attributa,
quæ consequuntur essentiam plurificā-
tur, vt vita, simplicitas, immensitas, &c.
quam quæ consequuntur intellectum,
vt scientia, sapientia, ars, prudentia, &c.
& voluntatem, vt iustitia, misericor-
dia, &c.

30 Meum sit de hac difficultate
iudicium. Loquendo de eodem attri-
buto secundum suam rationem forma-
lem, non plurificatur, ac proinde non
infinitarur, quia in Deo est vna nume-
ro, & specie, seu quasi specie sapientia,
simplicissima, implurificabilis, conti-
nens totalitatem sapientiæ; cœteroquin
non esset formaliter in sua linea infini-

ta, cum non contineret simplicissimo
modo, & implurificabiliter totam sa-
pientiæ latitudinem; & de hoc nulla
potest esse difficultas. Verum loquendo
de plurificatione diuinorum attributo-
rum, diuinorumque formalitatum ab-
solutarum, puto esse infinitas, secundū
quam essentia diuina intelligitur infini-
tè terminabilis, ab infinitis perfectioni-
bus, sicut intelligitur infinitè participa-
bilis à creaturis: implicat namque in-
telligere pelagus infinitum, sine infini-
ta perfectionum multitudine. Dices,
natura abhorret infinitatem in creatu-
ris; ergo etiam in creatore, in ente per-
fectissimo. Resp. quod in creaturis in-
finita multitudo repugnat, eamque ob
hoc abhorret natura; in Deo autem
non repugnat, sed repositur, id eius
natura dicente.

31 Quæres 2: quomodo attributa
diuina de diuina natura, & de se inui-
cem enunciari possint? Certū est, quod
in concreto, attributa diuina, & de se
inui cem, & de essentia diuina formali-
ter prædicantur. Istæ namque prædica-
tiones, formales, non identicæ sunt: *Deus est sapiens, Deus est iustus; sapiens
est iustus, iustus est sapiens*, &c. Bene
verum est, quod propositiones in qui-
bus attributa de essentia diuina prædi-
cātur, non sunt in primo, sed in secun-
do modo dicendi per se, cum non sint
prædicata essentialia, sed attributalia, vt
ex dictis constat: idem dici potest, quā-
dò attributa ad inuicem prædicantur
in concreto. Maior difficultas est, an
quando attributa in abstracto, de essen-
tia, & de se inuicem prædicantur, ea
prædicatio sit formalis, an tantum
identica? Ad quam pro modo dico
eam prædicationem esse formalem,
ratio patebit ex dicendis. S. sequen. vbi
dicemus, quod in diuinis omnia sunt
vna simplicissima formalitas absque
distinctione actuali formali, ac proinde
in abstracto formaliter prædicabuntur.
Vnde istæ prædicationes sunt formales
misericordia, est iustitia; essentia diui-
na, est iustitia, &c. Sequens dicendum
esset

esset in sententia Scoti, quæ vult, quod attributa diuina, & ab inuicem, & ab essentia diuina distinctione formali ex natura rei distinguantur.

S. II. An attributa ab essentia diuina, & inter se se ex natura rei distinguantur.

32 **P**RO huius difficultatis expeditione, notandum est, dari ex omnium Theologorum consensu, distinctionem tum realem, tum rationis. distinctio realis, est distinctio rerum, quæ triplex est. Vna suppositorum tantum, quæ solum inter diuinas personas reperitur. Altera naturarum tantum, quæ solum in Christo D. locum habet, vbi in vno supposito, duplex datur natura, diuina scilicet, & humana. Tertia suppositorum, & naturarum, quo modo duo homines inter se distinguuntur. distinctio rationis est illa, quæ potissime à ratione desumitur, & est duplex, scilicet rationis ratiocinantis, & rationis ratiocinatæ, distinctio rationis ratiocinantis, tunc est, quando intellectus sine fundamento in re, sed ex solo imperfecto modo cognoscendi aliqua distinguit, quæ nec distinguuntur, nec præbent aliquid distinctionis fundamentum, vt cum intellectus in propositione idèrica distinguit prædicatum à subiecto, vt in hac propositione *Petrus, est Petrus*. distinctio rationis ratiocinatæ ea est, in qua intellectus aliqua duo distinguit, quæ re ipsa non distinguuntur, habet tamen intellectus aliquod fundamentum distinctionis, & est, vel ipsa eminentia obiecti, quod est tantæ excellentiæ, quod plura præstat, ac si re ipsa esset plura; vel est ipsa obiecti contentia, quia licet in se vnum sit formaliter, multiplex tamen est virtualiter. Vnde distinctio rationis ratiocinantis, tota fundatur in intellectu; at distinctio rationis ratiocinatæ habet fundamentum in re.

33 Modo est difficultas, an vltra distinctiones assignatas debeat dari alia media inter realem, & rationis cum

fundamento in re, quæ minor sit distinctione reali, & maior sit distinctione rationis ratiocinatæ, quæ tunc continget dicitur quando intellectus duobus actibus concipit duo obiecta formalia, seu format duos conceptus, quibus à parte rei correspondet, vel diuersæ res, vel diuersæ realitates, vel diuersæ formalitates, quarum vna formaliter nõ est altera, seu quarum vna formaliter non continetur in altera.

34 His positis, est prima sententia Scoti in 1. dist. 8. q. 4. quod detur diuersa distinctio media, seu ex natura rei, ea quæ attributa à diuina essentia distinguantur, & inter se. Scotum sequuntur eius discipuli, quorum fundamenta postea referemus, & soluemus.

35 Nostra sententia sequenti conel. explicatur. *Non datur distinctio illa media seu ex natura rei, ac proinde attributa diuina nec inter se se, nec à diuina essentia ea distinctione distinguuntur, sed solum distinguuntur distinctione rationis ratiocinatæ seu virtuali, seu eminentiali.* Hanc conel. docet S. Doctor 1. p. q. 13. art. 4. & 12. 1. contr. gent. cap. 47. & 73. de potent. q. 7. art. 6. & alibi frequenter. Traduntur eius discipuli 1. p. q. 28. art. 2. Caiet. de ente, & essent. q. 12. & 1. p. q. 39. art. 1. Capreol. in 1. dist. 8. q. 4. art. 1. & alij passim. Quod diuina attributa distinguantur virtualiter, seu ratione ratiocinatæ, constabit, si semel probetur, quod non distinguantur ex natura rei. Quod nõ detur ea distinctio.

36 Probatur 1. arguendo ad hominem contra Scotum, nam in 1. dist. 45. q. 2. quaerit an voluntas Dei sit essentia diuina, & respondet affirmatiue, & rationem reddit, *quia hæc est simplicitas diuina, quod est, quidquid habet, excepto relatiuo*; sed relatiua, per Scotum, distinguitur ab essentia diuina ex natura rei; ergo si voluntas, quæ est attributum diuinum hoc modo non distinguitur, quia essentia diuina est quidquid habet, sequitur, quod nec voluntas, nec alia attributa ex natura rei ab essentia diuina distinguantur, cum ab essen-

essentia diuina omnia habeantur, excepto relatiuo.

37 Probatur 2. quia diuinæ relationes non distinguuntur ex natura rei ab essentia; ergo neque attributa. Consequentia tenet ex Scoto. Antecedens ostenditur ex Concilio Florentino sess. 18. ubi Ioan. Theologus declarans doctrinam Ecclesiæ Latinæ sic dixit. *Diuina substantia, & persona re quidem sunt idem, secundum autem intellectum nostrum modum, differre videntur*. Cui doctrinæ Marcus Theologus pro Ecclesiæ Græcæ coram vniuersis Concilij Patribus consensus. Et sess. ult. eiusdem Concilij, in confessione fidei missa ad Græcos, sic Latini Patres loquuntur. *Porro, ne identitatem, coniunctionemque diuinæ substantiæ distribuere, ac ipsam substantiam re, non autem sola ratione ab hypothesis, & personis differre, credere videamur, &c.* Hoc confirmat elegans Sanctissimi Patris Aug. testimonium lib. 7. de Trinitate, ubi sic fatetur. *Non est aliud Deo esse, aliud personam esse, sed omnino idem, quod confirmat exemplo attributorum, dicens: Quemadmodum hoc illi est esse, quod Deum esse, quod magnum, quod bonum esse, ita hoc illi est esse, quod personam esse.*

38 Probatur 3. ratione D. Bernardi contra Gilbertum Porretanum, in Concil. Remens. & habetur *serm. 80. in Cant.* Quia si sapientia non est à parte rei ipse Deus, sed est id quo Deus est sapiens; vel est nihil, vel aliquid. Primum dici non potest, denominatio namque sapientis realis est, ac proinde à forma reali procedens in Deo formaliter existens. Neque secundum, quia illud aliquid, quod ante mentis operationem dicitur esse formaliter quicquid distinctum à Deo, seu à diuina essentia, vel est minus, vel æquale, vel maius ipsa essentia; non maius, neque minus, quia ista in primo, & perfectissimo ente repugnant; neque æquale, quia non distingueretur ab essentia, quod enim æquale est diuinæ essentia, debet esse ipsa diuina essentia, quæ vnica est, sicut

quod est æquale Deo, est ipse Deus; qui vnus est.

39 Probatur 4. quia si diuina attributa ab essentia, & inter se, ex natura rei distinguerentur, destrueretur Dei simplicitas, eiusque loco vera formalitatum, licet non entitatum, compositio induceretur; hoc dici nequit; ergo. Maiorem probō, quia sicut vbique à parte rei, ante intellectus operationem est multitudo, seu pluralitas entium receptorum in vno, eodemque subiecto, vel supposito, ibi est vera, & realis entium compositio, ita vbique reperitur multitudo, seu pluralitas formalitatum realium ante intellectum ex natura rei distinctarum, in eodē quasi subiecto, ibi est vera, realisque formalitatum compositio; hæc autem repugnat summæ, & infinitæ simplicitati, quæ Deus gaudet, ex Innocentio III. in Concil. Later. & refertur cap. *firmiter, de summa Trinit.* ergo.

40 Respondent Scotistæ ex Scoti doctrina loco cit. q. 3. lit. I. & alibi, quod compositio non solum expostulat multipliciter actuale rerum, vel realitatum à parte rei actu distinctarum, sed expostulat, quod altera res, seu realitas habeat rationem potentie; & altera actus, quod esse non potest in ente infinito, ubi ea compositio esse non potest, cum non detur aliquid, quod habeat rationem actus, & aliquid, quod habeat rationem potentie. Nam contra est, quia dato, quod ad faciendam compositionem propriè dictam requiratur, quod vnum habeat rationem potentie, & aliud rationem actus, tamen negari non potest, quin ibi sit compositio aliqua, siue sit perfecta, siue non, ubi reperitur pluralitas siue entitatum, siue formalitatum. Cum enim essentia diuina habeat rationem subiecti respectu suorum attributorum, si semel attributa comparantur ad illam tanquam formalitates reales, & ex natura rei, seu ante intellectum distinctæ, non possunt non facere aliquam compositionem eī eadem essentia diuina. Tum quia negati

gati non potest, quin subiectum habeat rationem potentie respectu suarum passionum, seu proprietatum; ergo si semel attributa distinguuntur ab essentia diuina ante intellectum; ad eam comparabuntur tanquam actus ad potentiam ex natura rei distinctam. Tum etiam, quia ad minus facient compositionem ex multis ex natura rei distinctis, & diuersis, qualē conspicimus in aggregatis.

41 Probatur 3, quia frustra ponitur distinctio ex natura rei, vbi per solam virtualem distinctionem; quæ est fundamentum distinctionis ratiocinatæ omnia perfectissime saluari possunt; sed in diuinis omnia saluari possunt per solam distinctionem virtualem; ergo frustra ponitur distinctio media, seu ex natura rei. Maior constat; quia in diuinis imaginabilis, summa, & perfectissima simplicitas poni debet; & quæ quæsum fieri potest, omnem excludat distinctionem. Minorem ostendo, quia quoties aliquid ens est ita simplex, & perfectum, vt per eandem vnica simplicissimam, & indistinctam entitatem, seu formalitatem, præstat omnia; quæ nos præstamus per multas virtutes, per multas perfectiones, siue realiter, siue formaliter inter se distinctas, tunc multa illa in eo contenta, sufficienter præstari intelliguntur cum sola distinctione virtuali, seu rationis ratiocinatæ; maxime quando noster intellectus non vno conceptu, sed pluribus inadæquatis apprehendit ens illud simplex, & perfectum. Sed diuina essentia, eiusque attributa, sunt vna simplicissima entitas, ita vna simplicissima formalitas, præstans omnia, quæ in nobis præstantur per plures virtutes, per plures perfectiones, per plures realitates, per plures formalitates etiam ex natura rei distinctas; ergo cum sola distinctione virtuali, omnia illa præstantur. Vnde si noster intellectus adæquatè vno conceptu omnia conciperet, cognosceret, quod diuina essentia, est tantè eminentiæ, vt cum sola illa virtuali distinctione præstat ea, quæ sunt essentia, attri-

butorum, relationum, omniumque diuinarum perfectionū; quia tamen concipit ea diuersis conceptibus inadæquatis, supra distinctionem virtualem, tanquam supra fundamentum, fundat distinctionem rationis.

Si. III. Ponuntur, & explicantur capita distinctionis virtualis.

42 **A** Necquā soluamus argumēta partis contrariæ, placet exponere capita distinctionis virtualis inter essentiam diuinam, & attributa, & inter ipsa attributa inter se se. Sunt archyista capita duo. Primum est, summa excellentia, & eminentia diuinæ naturæ, vt adnotauit S. Th. in 1. dist. 2. q. 1. art. 1. Hæc autem eminentia in duobus consistit. Primò in infinitate, deinde in simplicitate ipsius diuinæ naturæ prout adæquatè sumitur. Ex primo, quod dicit essentiam ambire omnem entis rationem, quæ vniuersaliter sumpta, comprehendit tum rationem absolutam, tum relatiui, sit, quod eadem essentia diuina adæquatè sumpta sit ens absolutum, & relatiuum simul. Ratione suæ simplicitatis, continet tam absolutum, quam relatiuum, & omnes perfectiones, & attributa, cum summa, adualitate, identitate, & indiuisibilitate. Patet hoc exemplo diuinæ eternitatis; cum enim eternitas sit infinita in ratione durationis, debet ambire omne tempus, omnesque differentias temporis; & cum sit indiuisibilis, & simplicissima, continet easdem absque actuali distinctione. Tamen quia dicta eternitatis duratio, & simplicitas sunt infinita, & eminens quedam ratio, continens infinite nunc nostri temporis, omnes temporis differentias, & quatenus continet vnā, ita perfectè eam continet, ac si eam solam contineret, & sic de alijs, sequitur, quod eadem eternitas sit virtualiter, & eminenter plura, ac proinde hæc virtualis distinctio, sufficiens præbet fundamentum nostro intellectui distinctionis rationis ratiocinatæ.

naturæ. Ita pariformiter essentia diuina, cum ratione suæ infinitatis, & simplicitatis contineat relatiuum, & absolutum, attributa, & cœteras omnes diuinas perfectiones, & adeo perfectè, quod prout continet absolutum, ita perfectè continet illud, ac si esset tantum absolutum; & prout continet relatiuum, ita perfectè continet illud, ac si esset tantum relatiuum; prout continet misericordiam, ita perfectè eam continet, ac si tantum misericordia, & sic deinceps; præstabit plura, ac si esset plura, & sic est vna virtute, seu virtualiter, quia ita præstat plura, ac si esset virtute plura, imò, ac si esset re ipsa plura, & hoc modo essentia diuina est virtualiter multiplex, ac subinde hæc multa distinguuntur virtualiter, tum ab eadem essentia diuina, tum inter se se.

43 Secundò hæc virtualis distinctio, oritur etiam tanquam ex secunda radice ex ipsa intellectus creati imbellicitate, cuius efficacia, & virtus, cum sit longè inferior, intelligibilitate essentia diuinæ consideratæ adæquatè, illam parit in plures conceptus inadæquatos, quibus eandem simplicem diuinæ essentia entitatem considerat; per vnumquemque ramen conceptum inadæquatum, non tota entitas concipitur, sed vna tantum quasi porcio, vñ tantum munus, non omnia illius munera; & sic intellectus in illa infinita simplicitate cum videat tot munera, tot quasi virtutes præstandi officia plurium, habet sufficiens fundamentum distinguendi eandem diuinam simplicitatem in plures conceptus inadæquatos virtualiter inter se se distinctos, & fundantes distinctionem rationis ratiocinatæ. Potest hoc explicari exemplo illius virtutis quam videmus in Sole ad calefaciendum, ad indurandum, ad emolliendum, & ad alios quam plurimos effectus præstandos, quæ virtus formaliter est vna, eademque simplex entitas, & tamen quia intellectus videt eam præstare plura, in plures cœceptus inadæquatos diuidit, & distinctio-

ne ratione ratiocinatæ distinguit, ita, &c.

S. IV. Soluuntur argumenta sententia Scotica.

44 **P**rimum argum. est, quia in diuinis est essentia ex natura rei, sapientia, bonitas, iustitia, etiam ex natura rei formaliter, cum perfectio omnis, simpliciter sit ibi in re formaliter; sed formalitas vnus, non est formalitas alterius secluso omni opere intellectus; quia melius, perfectiusque est habere formaliter dictas perfectiones, quam eminentet, vel virtualiter; ergo dictæ perfectiones distinguuntur ante intellectum formaliter, & non virtualiter tantum. Resp. concedendo maiorem; certum namque est dictas perfectiones esse in Deo formaliter, ex natura rei, & ante intellectum. Deinde negatur minor, loquendo adæquatè, licet inadæquatè vnus formalitas, non sit formalitas alterius. Adæquatè tamen, omnes dictæ perfectiones constituunt vnā, eandemque formalitatem, quæ est virtualiter multiplex, & secundum conceptus inadæquatos virtualiter inter se distinctos. Vnde aliud est, quod omnes dictæ formalitates sint in Deo formaliter, & aliud est an distinguantur formaliter: sunt in Deo formaliter, sed non distinguuntur formaliter, sed solum virtualiter.

45 Secundum argum. quoniam distinctio virtualis est per comparisonem ad nostrum intellectum, qui potest de vna re simplicissima à parte rei, ob illius eminentiam, plures conceptus inadæquatos formare; sed attributa, cum dicant formaliter diuersas perfectiones, non possunt distingui per habitudinem ad intellectum creatum; etenim in Deo datur perfectio sapientia, scientia, voluntatis, iustitia, misericordia, &c. ergo non sunt solum diuersæ perfectiones virtute, quatenus possunt diuersos conceptus inadæquatos terminare. Resp. ex dictis S. præ-

ce-

cedenti, quod distinctio virtualis non desumitur per comparationem ad intellectum creatum, sed ex infinitate, eminentia, & simplicitate diuinæ essentia: ita præstat plura plurimum pertinentium, etiam ad diuersas lineas, ac si re ipsa esset formaliter plura; bene verum est, quod hæc virtualis distinctio præbet fundamentum nostro intellectui formandi distinctionem rationis ratiocinata: formando diuersos conceptus inadæquatos, tanquā inadæquatos, eosque inter se distinguendo; vt iam explicatum est.

46 Tertium argumentum, quia si in Deo intellectus, & voluntas non distinguantur ex natura rei, sed essent vnā simplex formalitas, solum virtualiter multiplex, sequeretur, quod non magis filius procederet per intellectum, quam per voluntatem; & Spiritus Sanctus non magis diceretur procedere per voluntatem, quam per intellectum; sed hoc est falsum; ergo. Minor nota est. Maior probatur, quia ex eo, quod res est, vel non est, oratio, seu propositio dicitur vera, vel falsa; ergo si à parte rei intellectus, est formaliter voluntas, non pronuntiaret falsum intellectus dicendo: *Filius in diuinis producit per voluntatem, & Spiritus Sanctus per intellectum*. Resp: negando sequelam. Pro quo nota, quod intellectus, & voluntas, sicut & quodlibet attributum, duobus modis possunt considerari. Primò, secundum totum id quod inadæquate dicit. Secundò prout dicit, seu appellat, vel reduplicat proprium, & explicatum conceptum, quem formaliter, & per modum quasi differentia: dicit, & exprimit, quod est considerare intellectum, voluntatem, & quodlibet attributum, prout exercet distinctionem virtualem ab alio attributo, eique virtualiter, secundum proprium conceptum opponitur. Hoc posito dico, quod cum dicitur filius in diuinis procedit per intellectum, ly intellectus accipitur secundum proprium conceptum inadæquatum, secundum quem dicit rationem quasi propria: differentia:, & secundum quod exercet distinctionem virtualem à voluntate, & prout illi quasi

opponitur, secundum quam rationem, non currit illa enuntiatio. Licet enim intellectus secundum omnia, quæ adæquate dicit, sit voluntas, sit misericordia, sit iustitia, &c. non tamen sub nomine expresso intellectus, quia secundum hanc rationem importat proprium conceptum inadæquatum, prout exercet distinctionem virtualem à voluntate.

47 Quartum argum. illa distinguuntur ex natura rei, seu ante intellectum, quæ definiuntur diuersis definitionibus; sed essentia diuina, & attributa, imò & attributa inter se, definiuntur diuersis definitionibus; ergo distinguuntur ex natura rei. Minor constat. Maior probatur, quia definitiones diuersæ, diuersas supponunt rationes formales, diuersos conceptus obiectiuos, ac proinde distinctionem ante intellectum. Resp: concedendo maiorem, quando aliqua definiuntur diuersis definitionibus adæquatis, scilicet inadæquatis: attributa autem cum diuersis definitionibus definiuntur, non definiuntur secundum proprium conceptum adæquatum, ac proinde nec diuersis definitionibus adæquatis, sed secundum conceptum inadæquatum, secundum quod exercet distinctionem virtualem; per quæ patet ad probationem maioris.

48 Quintum argumentum, quia aliqua affirmantur de vno attributo, quæ non possunt affirmari de alio; nam dici non potest, quod iustitia subleuet miseriam, & quod misericordia iustum faciat, aut puniat. Imò contradictoria in diuinis enuntiantur, quæ enuntiatio sine distinctione formali ex natura rei fieri non potest, vt cum de essentia dicitur, quod est communicabilis, & de relatione, quod est incommunicabilis, quæ duo nequeunt eisdem conuenire. Resp: quod si attributa concipiantur adæquate, plura enunciari possunt quæ videntur opposita, etiam contradictoria: vnde de eodem conceptu adæquato entitatis diuinæ prout præscindit ab essentia sub conceptu essentia:, à misericordia sub conceptu misericordia:, à iustitia sub conceptu iustitia:, de absoluto, & relatiuo, enunciari potest, quod faciat

clat iustum, quod misereatur, quod sit communicabilis, & incommunicabilis, sed secundum diuersos conceptus inadæquatos. Verum loquendo de concepti-

bus ipsis inadæquaris, de vno, aliquid enunciarī potest, quod de alio nequit enunciarī, vt ex dictis constat.

DISPUTATIO XII.

IN QVÆST. XII. D. THOMÆ.

DE VISIONE DEI

1



VI innauigabile Oce-
num nauigare contē-
dit, dum non potest
transire, necessum est,
vt per eandem viam
reueratur, vnde in-
gressus est: Sic antiqui Philosophi, &
Oratores sine lumine fidei, de Dei natu-
ra querere contententes, victi sunt in-
genio, defecerunt sermone, & in vltimo
nihil amplius se inuenire potuisse con-
fessi, nisi quia Deus est incognoscibilis.
Verum nos lumine fidei cognoscimus
Deum in se ipso cognoscibilem esse, &
de facto cognosci ab intellectu gloriæ lu-
mine perfuso, licet comprehendi non
possit, quæ omnia explicantur à D. Tho-
ma in hac q. 12. & nos post N. Salmanti-
censes ibidem, idem præstabimus, sit
ergo.

D V B V M I.

*Vtrum visio clara Dei per essentiam, sit
possibilis intellectui creaturæ*

Hoc dubium sic resoluit S. Do-
ctor art. 1. dicens. Cum vnum-
quodque sit cognoscibile secundum quod est
in actu, Deus qui est actus purus absque om-
ni permixtione potentia, quantum in se est,
maximè cognoscibilis est. Sed quod est ma-
ximè cognoscibile in se, alicui intellectui co-
gnoscibile non est propter excessum intelli-
gibilis supra intellectum. Sicut Sol qui est ma-
ximè visibilis videri non potest à vesperti-
lione propter excessum luminis. Hoc igitur
attendentes quidam posuerunt, quod nullus

intellectus creatus essentiam Dei videre potest.
Sed hoc inconuenienter dicitur. Cum enim
ultima hominis beatitudo in altissima eius
operatione consistat, quæ est operatio intel-
lectus, si nunquam essentiam Dei videre po-
test intellectus creatus, vel nunquam bea-
titudinem obtinebit, vel in alio eius beati-
tudo consistet quam in Deo, quod est alienum
à fide. In ipso enim est vltima perfectio ra-
tionalis creaturæ, quod est ei principium ef-
fendi. In tantum enim vnumquodque per-
fectum est, in quantum ad suum principium
attingit. Similiter etiam est præter ratio-
nem, inest enim homini naturale desiderium
cognoscendi causam, cum intuetur effectum,
& ex hoc admiratio in hominibus consurgit.
Si igitur intellectus rationalis creaturæ per-
tingere non possit ad primam causam re-
rum, remanebit inane desiderium naturæ.
Vnde simpliciter concedendum est, quod
Beati Dei essentiam videant. Vbi, vt videtur,
non solum est possibilis visio clara Dei,
verum etiam de facto datur, vt postea
magis declarabitur.

3 Licet hoc ita sit, non defuerunt he-
retici, quos suppositio nomine refert S. Do-
ctor in testimonio relato, & magnus Gre-
gor. lib. 12. moral. cap. 38. qui dixerunt, vi-
sionem Dei per essentiam esse impossi-
bilem, & quod Beati solum videant quen-
dam fulgorem diuinitatis, quandam cla-
ritatē diffusam, pro quo stant aliqua argu-
mēta, quæ postea referemus, ac soluemus.

4 Veritas catholica seq. cōcl. explicatur.
Intellectus creatus potest eleuari ad videndū
Deum per essentiam. Habetur hæc veritas
Matt. 5. Beati mundo corde, quoniam ipsi
Deum videbunt. & cap. 18. Angeli eorum
sem-

semper vident faciem Patris mei, qui est in celis. & 1. Cor. 3. dicitur. *Videmus nunc per speculum in enigmate, tunc autem facie ad faciem.* & 1. Ioann. 3. habemus. *Scimus quoniam cum apparuerit, similes ei erimus, quia videbimus eum sicuti est.*

5 Probat^{ur} 1. quia vnumquod inclinatur vt coniungatur cum suo principio iuxta modum suum; sed Deus est principium rationalis creaturæ; ergo rationalis creatura ad hoc inclinatur vt modo rationali, seu intellectuāli cum Deo coniungatur. Minor constat. Maiorem probō, quia vnumquodque in tantum est perfectum, in quantum cum suo principio coniungitur; ergo cum vnumquodque inelinetur in suam perfectionem, debet inelinari in suum principium in cuius coniunctione suam perfectionem, & quietem consequitur. Antecedens probatur, quia lapis tunc consequitur suam perfectionem, quando coniungitur cum centro, quo medio censetur coniungi eū Deo; non enim alio modo lapis cum Deo coniungitur, & suam perfectionem consequitur.

6 Probat^{ur} 2. quia visus effectibus, vt dicit S. Doctor in testimonio allato, inest in homine, v.g. naturale desiderium videndi, & cognoscendi causam; ergo visus effectibus Dei consurgit naturale desiderium videndi ipsum secundum suam essentiam, ac proinde ne tale desiderium sit frustraneum, & inane, debet visio Dei esse possibilis.

7 Probat^{ur} 3. quia obiectum intellectus est quoddam est, id est rei essentia, & quidditas, ex Arist. 3. de anima, sed noster intellectus ex effectibus Dei non cognoscit Deum secundum quod quid est, seu secundum essentiam, & quidditatem, ergo quandiu non cognoscit ipsum secundum essentiam, & quidditatem non quiescet naturale eius desiderium, quandiu namque intellectus non pertingit ad cognoscendum quod quid est obiecti, eius naturale desiderium ad hoc cognoscendum, non quiescet.

8 Probat^{ur} 4. quoniam essentia diuina continetur sub obiecto adequato, & specificatio intellectus creati ergo intel-

lectus creatus poterit eleuari ad ipsam videndam, & cognoscendam. Conseq. est aperta, quoniam quævis potentia eleuabilis est ad attingendum quoduis obiectum sub suo obiecto adequato, & specificatio contentum; vt constat de visu nostro, qui à Deo eleuari, confortarique potest, vt clarè Solem intueatur. Antecedens probatur, quia licet obiectum proportionatum nostri intellectus, sit quidditas materialis, tamen cum habeat esse eleuatum supra materiam, habet respicere omne cognoscibile supra materiam; sed Deus est actus purissimus supra materiam; ergo. Tum quia noster intellectus cognoscit obiecta prout eleuata supra materiam, seu prout habent rationem actus, ergo quanto magis aliquid habebit rationem actus, tanto magis erit secundum se cognoscibile; sed Deus est huiusmodi, ergo. Tum etiam quia noster intellectus pro hoc statu cognoscit Deum imperfectè, & quoad an est, ergo non implicabit, quod cognoscatur perfectè, & quoad quid est; quotiescunque enim potentia vtrumque potest attingere aliquod obiectum proprijs viribus, poterit illud perfectè attingere per additionem nouarum virium.

9 Primum argum. est desumptum ex sacræ scripturæ auctoritatibus, in quibus Deus dicitur inuisibilis. Prima ad Tim. 1. dicitur. *Regi seculorum immortalī, & inuisibili, & cap. 6. legitur. Lucem inhabitat inaccessibilem, quem nullus hominum vidit, nec videre potest.* Resp. procedere dicta testimonia vel de visione per oculi corporeum, secundum quam rationem Deus est omnino inuisibilis; vel procedunt de hac vita mortali secundum communem cursum; vel etiam intelligi possunt de cognitione comprehensiva, quo modo Deus est inuisibilis, scilicet comprehensivè.

10 Secundum argum. quoniam essentia diuina prout est in se non continetur intra latitudinem obiecti nostri intellectus, nec cuiuscunque alterius creati; ergo nequit ab intellectu creato videri per nullam eleuationem, aut confortationem.

Conseq. nota est, quia nulla potentia potest eleuari extra latitudinem sui obiecti. Antecedens probatur, quia essentia diuina in se ipsa est infinita tum in genere entis, tum in genere obiecti; ergo nequit contineri intra latitudinem obiecti potentie finitæ, & limitatæ, vt est intellectus creatus, inter obiectum namque, & potentiam debet esse proportio, qualis esse nequit inter obiectum infinitum, & potentiam finitam. Resp. negando antecedens, ad probationem dicitur, quod licet inter finitum, & infinitum non detur proportio propria, & mathematica, quæ est inter quantitates determinatas, datur tamen proportio impropria, quæ attenditur in ratione potentie, & obiecti, quæ in hoc consistit, quod potentia sit accommodata, & coaptata in ordine ad tale obiectum, quæ coaptatio iam datur in intellectu creato in ordine ad Deum, modo sufficientes addantur vires, quibus confortetur.

11 Tertium arg. Magis distat Deus prout in se ipso ab intellectu creato, quàm Angelus à potentia visua, sed nulla virtute potest Angelus contineri intra latitudinem potentie visui; ergo, &c; Minor constat. Maior probatur, quia Angelus, & potentia visua conueniunt in ratione entis creati; at Deus, & intellectus creatus non sic conueniunt, ergo. Resp. distinguendo maiorem: magis distat Deus prout est in se ab intellectu creato, quam Angelus à potentia visua in genere entis, & conceditur, in ratione potentie, & obiecti, & negatur. Angelus enim nullo modo continetur intra obiectum potentie visui, quia ne habet lucem materiam, nec colorem, at Deus continetur intra obiectum intellectus, cum sit ens.

12 Quartum argum. quia intellectus creatus essentialiter est potentia naturalis, ac proinde eius obiectum, erit quid naturale, sed Deus prout in se ipso est ens supernaturalis; ergo non continetur intra latitudinem obiecti naturalis. Respondetur. 1. quod in intellectu creato, est duplex formaliter potentia, vna naturalis, quæ terminatur ad ens naturale, & secundum

hanc, Deus non continetur intra latitudinem obiecti intellectus creati. Altera obediens, quæ licet entitatiuè, & identicè sit naturalis, formaliter tamè est supernaturalis, & terminatur ad ens supernaturale, secundum quam rationem Deus continetur intra latitudinem obiecti intellectus creati. Respondetur 2. quod intellectus secundum se, nec dicit esse potentiam naturalem, nec obediens, sed respicit eius obiectum, v.g. ens secundum se; si postea ens sit naturale, intellectus denominabitur potentia naturalis, si sit supernaturale dicitur potentia obediens. Vel intellectus dicitur potentia naturalis prout connotat obiectum proportionatum, & dicitur potentia obediens prout connotat obiectum superexcedens.

13 Quintum argum. obiectum intellectus creati debet esse vniuocum, sed Deus nequit conuenire vniuocè cum ente creato, ab intellectu creato per se inspecto; ergo Deus nequit contineri sub obiecto intellectus creati. Resp. distinguendo maiorem, obiectum quod, seu ratio formalis quæ obiecti intellectus creati, debet esse vniuoca, & negatur, sufficit enim quod sit analoga, vti est etiam obiectum quod connaturale intellectus creati, scilicet ens creatum, quod est tantum analogum. Obiectum quo, seu ratio formalis sub qua intellectus tendit in suum obiectum, debet esse vniuoca, & conceditur. Modus namque quo intellectus tendit in suum obiectum, cum se teneat ex parte ipsius, & specificeet ipsum intellectum creatum, debet esse quid vniuocum. Quinam autem sit ille modus, dico, loquendo de intellectu nostro pro hoc statu, quod est tendere per discursum; intellectus Angelicus tendit sine discursu, & diuinus tendit in suam essentiam, sub ratione primi entis, seu entis à se. Est etiam probabile, quod omnis intellectus creatus Angelicus, & humanus sint eiusdem speciei in ratione potentie cognoscitiue, licet in ratione proprietatis, & passionis sint diuersæ speciei. Non tamen cum intellectu diuino, vt patet.

14 **Sextum argum.** Nequit intellectus creatus eleuari ad cognoscendum simul, & in proprio genere totam collectionem creaturarum possibilem; ergo neque eleuari poterit ad videndum Deum in se ipso. Antecedens constat, quia ad videndam totam eam collectionem requireretur lumen infinitum, quod est impossibile. Consequenter ostenditur, quoniam difficilius est cognoscere essentiam diuinam in se ipsa, quam totam illam creaturarum collectionem, est enim essentia diuina infinite perfectior, tam in esse entis, quam in esse obiecti, tota creaturarum collectione. Resp. concedendo antecedens, & negando consequent. Ad probationem dicitur esse difficilius cognoscere totam creaturarum collectionem, quam essentiam diuinam in se ipsa; quia ea creaturarum collectio cognosci nequit, absque eo, quod Deus comprehendatur, cum tota ea collectio sit obiectum adæquatū diuinæ omnipotentiae. Tum quia licet essentia diuina sit infinita, potest tamen vni modo finito, non tota ea creaturarum collectio, quæ vni non potest, nisi per species infinitas, & per lumen infinitum, vt ex infra dicendis magis constabit.

D V B I V M II.

An possibilitas visionis Dei per essentiam, possit per lumen naturale euidenter cognosci.

15 **P**rima sententia tenet partem affirmatiuam quam sequuntur aliqui Theologi relati à P. Gonzal. *disp. 24. sect. 2.* quibus addunt N. Salm. Vasquez *1. 2. disp. 20. cap. 2.* argum. huius sententiae postea referemus, & soluemus.

15 Nostra sententia duplici conclusione explicatur. Prima conclusio. *Lumen naturale secundum se, & præcisè sumptum, non potest euidenter cognoscere, seu demonstrare possibilitatem visionis Dei per essentiam respectu intellectus creati.* Pro hac concl. referunt N. Salm. D. Thomam, Caiet. Zamel. Machin. Sylu. Medina, Martinez, Aluarez, aliosque.

16 Probatur 1. quia visio Dei per essentiam, est in se, & secundum se supernaturalis, ergo nequit lumine naturali demonstrari. Antecedens constat; consequenter ostenditur, quia principia naturalia, nequeunt demonstrare, & ostendere nisi naturalia; & supernaturalia nequeunt cognosci nisi in principiis supernaturalibus; implicat namque quod principia inferiora producant effectum superiorem. Tum quia visio beata nequit per principia naturalia demonstrari neque à priori, vt patet, quia principia naturalia non possunt esse causa, seu ratio à priori distictæ visionis; neque à posteriori per effectus, quia visio beata nequit habere effectus naturales, quia causa, & effectus debent proportionari, & debent esse eiusdem ordinis; ergo. Tum etiam quia quoties media nequeunt demonstrari, neque finis demonstrari poterit; sed possibilitas mediorum quibus visio beata consequi potest, nequit per naturale lumen demonstrari; ergo neque ipsa visio. Quod autem media quibus vita æterna consequi potest, nequeant demonstrari, constat, quia fides, spes, & charitas, quæ sunt potissima media ad vitam æternam consequendam, naturali lumine non cognoscuntur.

17 Nec valet respondere cum Vasquez, quod licet nequeant demonstrari media pro vita æterna consequenda, in particulari, possunt tamen demonstrari vagè per lumen naturale. Nam contra est, quia vel in medijs vagè acceptis relucet ratio supernaturalitatis, vel non. Si primum, ita erunt indemonstrabilia per lumen naturale media vagè, ac media determinata, si semel in vtrisque relucet ratio supernaturalitatis. Si secundum, non poterit illis demonstratis, demonstrari finis, cum media ordinis naturalis, nec sint media ad consequendum finem supernaturalem, nec illis demonstratis, finis demonstratur.

18 Probatur 2. quia nullus ex antiquis, & nobilissimis Philosophis, qui solo naturali lumine ducti de Deo disputarunt, assecutus est, posse intellectum creatum Deum clarè, & prout est in se, videre.

re; ergo lignum est, non posse id solo naturali lumine demonstrari. Nec valet solutio Vasquez, quod solo lumine naturali non possunt demonstrationes inueniri, sed ad hoc requiritur lumen fidei, tamen ijs adiuuentis, solo naturali lumine forrari possunt, & ostendi Deum posse videri prout est in se. Nam contra est, qui si semel naturali lumine demonstrari potest visibilitas diuinæ essentiae, non requiritur lumen fidei ad eas demonstrationes inquirendas, ergo, &c.

19 Secunda conclusio. *Intellectus creatus non secundum se, & prae se sumptus, sed adiutus, & excitatus lumine fidei, potest demonstratione Theologica, aut rationibus probabilibus, aut alijs coniecturis ostendere possibilitatem visionis Dei per essentiam.* Hæc conclusio communiter recipitur. Procius intelligentia aduerte, quod intellectus creatus dupliciter vti potest lumine fidei; vel deducendo conclusionem ex principijs reuelatis, & ex alijs naturali lumine notis. Vel vt solum lumine fidei excitetur ad vtendum principijs naturalibus, non vero reuelatis, in ordine ad aliquam conclusionem deducendam; priori modo intellectus potest demonstratione Theologica demonstrare possibilitatem diuinæ visionis, sic arguendo ex vno principio reuelato, & ex alio naturali lumine noto. Intellectus habet inclinationem, & desiderium consequendi finem ad quem ordinatur, sed de facto intellectus est eleuatus à Deo, & ordinatus ad videndum Deum; ergo, &c. Quod si solum per fidem excitetur ad vtendum principijs naturalibus, tunc solum probabiliter, & coniecturaliter poterit eam diuine visionis possibilitatem ostendere. Sicut enim intellectus illustratus lumine fidei potest ex naturalibus adinuenire rationes probabiles quibus probabiliter ostendat alia fidei mysteria, ita, &c.

20 Primum argum. quoniam euidentis est lumine naturali intellectum creatum posse, aut propria virtute, aut ex Dei eleuatione, cognoscere quicquid continetur intra suum obiectum adequatum; sed est euidentis Deum contineri intra obiectum

adequatum intellectus creati; ergo. Maior nota est. Minor ostenditur, quia euidentis est Deum contineri sub ente, & euidentis est obiectum intellectus creati esse ens. Resp. concedendo maiorem, & negando minorem, ad probationem dico non esse euidentis, quod obiectum intellectus creati sit ens prout abstrahit à naturali, & supernaturali.

21 Secundum argum. Lumine naturali cognoscimus, quod perfectio conueniens potentiae inferiori competat superiori quādo ambæ ad idem genus pertinent, sed euidentis est lumine naturali visum, & intellectum spectare ad genus potentiae cognoscitiuæ, ita vt intellectus sit longe nobilior visus cum; visus possit attingere omne visibile, etiam intellectus poterit attingere omne cognoscibile. Respod. 1. non esse euidentis, quod perfectio conueniens potentiae inferiori, conueniat superiori, nam homo, & coelum spectant ad genus corporis, & tamen incorruptibilitas cæli non conuenit homini, licet sit superior, cum habeat corpus viuum. Deinde visio corporea est euidentis, & tamen actus fidei, qui est cognitio, & sub genere cognitionis, non est euidentis, sed obscurus. Resp. 2. non esse euidentis, quod Deus clarè visus contineatur sub obiecto intellectus, licet enim de facto contineatur, non tamen hoc euidenter demonstratur; imò oppositum colligitur ex paritate de visu, sub quo non cadit ens supernaturalis, nec obiectum ordinis superioris.

22 Tertium argum. Intellectus creatus secundum suam naturam est capax visionis beatæ; sed Angelus comprehendit intellectum creatum; ergo euidenter cognoscit hanc eius capacitatem. Maior in qua est difficultas, probatur, quia euidentis est essentiam intellectus creati consistere in coaptatione, & commensuratione essentiali ad ens in communis alioquin non posset eleuari ad videndum Deum; sub ente autem in communi, quod est specificatiuum intellectus, & sine quo comprehendi non potest, continetur Deus clarè visus. Resp. 1. distinguendo maiorem.

rem. Intellectus creatus est capax visionis beatificæ secundum quod dicit formalitatem potentie naturalis secundum quam ab Angelo comprehenditur, & negatur secundum quod dicit formalitatem potentie obediencialis, secundum quam ab Angelo non comprehenditur, & conceditur. Resp. 2. concedendo maiorem, & minorem; & negando consequentiam. Ratio est, quia ad hoc ut Angelus comprehendat intellectum creatum, non est necesse, quod cognoscat obiectum illius specificatiuum prout amplectitur, tam obiecta connaturalia, quam supernaturalia, & superexcedentia, sed sufficit quod cognoscat dictum obiectum specificatiuum prout comprehendit obiecta connaturalia, & proportionata alias Angelus cognosceret cogitationes cordium, & cognosceret creaturas possibiles ad quas intellectus creatus se extendere potest, ut sunt creature ordinis naturalis alterius vniuersi, quod est falsum, cum non pertineant ad obiectum connaturale illius.

23. Quantum arguitur. Lumen naturale euidenter cognoscit esse credibile, fide diuina, quod intellectus creatus possit clarè videre Deum; ergo cognoscit hoc esse euidenter verum. Antecedens constat, quia omnia fidei mysteria sunt euidenter credibilia. Consequenter probatur, quia est euidenter lumine naturali, quod fides diuina non potest inclinare ad falsum, cura innitatur diuinæ revelationis, cui falsum subesse nequit. Tum quia valet iste discursus, quod est euidenter credibile, est euidenter possibile, Deum posse videri ab intellectu creato; est euidenter credibile, cum sit de fide, ergo erit euidenter possibile. Resp. concedendo antecedens, & negando consequens non enim valet, hoc est euidenter credibile, ergo est euidenter verum cum ex alio capite desumatur euidentia credibilitatis, & veritatis; illa sumitur ex principio extrinseco; ista ex principiis intrinsecis ostendentibus euidentiam illationis, tum quia non est euidenter hoc, aut illud credibile, contineatur sub fide. Neque ex hoc, quod aliquid sit euidenter

credibile, sequitur, quod sit euidenter possibile, cum ex alio capite sumatur euidentia credibilitatis, & euidentia possibilitatis; illa sumitur ex principiis extrinsecis, ex miraculis, ex puritate religionis, &c. ista sumitur ex principiis intrinsecis ostendentibus non repugnantiam terminorum ad esse. Vnde ex euidentia credibilitatis solum sequitur euidentia possibilitatis contrariè, non positiuè, seu solum sequitur, quod id, quod est euidenter credibile, non est euidenter impossibile.

D. V B I V M III.

An in natura intellectuali secundum se sumpta sit appetitus innatus ad visionem Dei per essentiam.

24. **D**uplex datur appetitus, vnus innatus, alter elicited. Appetitus innatus, seu naturalis, est quedam inclinatio, seu propensio, aut quoddam pondus nature, seu rei in proprium bonum, ut est inclinatio grauis deorsum, & leuis sursum, & iste appetitus non constituit speciale genus potentie, sed est ipsum pondus rei, vel potentia in suum perfectum. Appetitus elicited, est actus appetendi, seu est actus potentie appetitiuæ, quo tendit in bonum cognitum sub ratione boni, & est duplex, rationalis, & sensitius. His positis.

25. Prima sententia est, quod datur in natura intellectuali dictus appetitus innatus ad claram Dei visionem. Hanc sequuntur Scotus, Durandus, Palud. Sor. Valentia, & alij relati per N. Salma. huius sententiae fundamenta postea referemus.

26. Nostra sententia sequenti concluditur. *Non datur in natura intellectuali appetitus innatus ad visionem claram Dei prout est in se.* Pro hac sententia referant Salm. D. Tho. Caiet. Bannem, Zumellum, Nazar. & alios.

27. Probatur 1. quia Deus clarè visus quocunque modo consideretur, siue ut vnus siue ut trinus, siue ut prima causa, est

est obiectum supernaturale, & superexcedens, ac subinde improporcionatum respectu creaturæ intellectualis; ergo creatura intellectualis non habet appetitum innatum ad illud. Antecedens constat; consequ. probatur, quia appetitus innatus, est naturalis; ergo non potest tendere nisi in obiectum connaturale, & proportionatum, alioquin inclinatio naturalis tenderet in perfectiū supernaturale, & tendentia vinceret, & superaret inclinationē.

28 Probatur 2. quia inclinatio naturalis est indita à Deo auctore naturali, nō supernaturali, ergo solum potest tendere in Deum auctorem naturalem. Antecedens constat. Conseq. probatur, quia nulla inclinatio potest ultra se extendere, quam se extendat suū principium; ergo non potest se extendere ultra Deum auctorem naturæ.

29 Probatur 3. quia ubi datur inclinatio ad aliquem finem debent etiam dari media, instrumenta, & vires ad consequendum illum finem, sed intra ordinem naturæ, in natura intellectuali non dantur media, instrumenta, & vires ad consequendam beatitudinem supernaturalem, ergo neque intra ordinem naturæ dabitur appetitus ad eandem beatitudinem supernaturalem. Maior constat, quia frustra daret natura inclinationem naturalem ad aliquem finem; si non daret instrumenta, & vires pro consecutione eiusdem finis. Frustra natura dedisset lapidi inclinationem ad centrum, si non dedisset gravitatem qua tenderet ad centrum. Frustra natura dedisset igni inclinationem ad propriam spheram, si non dedisset leuitatem qua ad illam pergeret. Minor est de fide; certum namque est secundum fidem non habere hominem instrumenta, media, vires intra ordinem naturæ, quibus æternam beatitudinem consequatur.

30 Nec valet occurrete cum Scoto, quod eo ipso, quod beatitudo est vltimus finis naturæ intellectualis, habebit inclinationem ad illum, tamen tñ intra ordinem naturæ non datur instrumenta; & vires pro consecutione eiusdem finis, ut constat in anima separata, quæ naturaliter appe-

tit vnionem cum corpore, cum tamen intra naturæ ordinem non datur vires ad eam vnionem ponendam. Item homo inclinatur ad viuendum in omnibus secundum rectam rationem, & ut sic viuatur, & nunquam peccet, indiget speciali Dei auxilio. Nam contra est, quia quantumvis beatitudo vltima sit finis vltimus creaturæ rationalis, semper tamen conseruat, quod sit supernaturalis, superexcedens, & improporcionatus; ergo ad illum non potest dari appetitus naturalis innatus. Antecedens constat. Conseq. probatur, quoniam natura non tendit, nec inclinatur nisi in finem naturalem, sibi proportionatum, ergo. Inclinatio namque naturalis fundatur in quadam convenientia, cognitione, & sympathia, quæ in natura non reperitur cum fine supernaturali. Tñ quia appetitus innatus est inclinatio ad formam debitam; beatitudo æterna, non est debita, ergo. Tum etiam, quia ad finem supernaturalem, & superexcedentē non datur inclinatio actiua, sed tantum obedientialis passiva, cum hæc sola sit eiusdem ordinis cum illo; ergo. Ad primum exemplum de anima, dicitur, quod adhuc ut inclinatio animæ ad corpus dicatur naturalis, sufficit, quod tempore debito fuerit cum eo vnita, nec requiritur, quod pro omni tempore sit ad actum reducibilis; nec anima ut separata, & in sensu composito habet inclinationem naturalem ad vnionem; nisi velis dicere eam inclinationem, & vnionem esse naturalem ex parte termini, licet ex parte principij, quo ea vnio exequitur, sit supernaturalis. Ad 2. dicitur, quod homo habet inclinationem ad viuendum secundum rectam rationem diuiniue non collectivē, ut in tractatu de gratia ostendo.

31 Primum argum. quia datur appetitus innatus ad finem vltimum; sed æterna beatitudo est finis vltimus; ergo ad illam datur appetitus innatus. Minor nota est. Maior probatur inductione; vnaquæque namque res in suum finem vltimum inclinatur. Tum quia appetitus naturalis creaturæ rationalis nunquam quiescit quandiu non pertingat ad claram Dei

visionem, iuxta illud S. P. Aug. *Inquietum est cor nostrum, donec requiescat in te.* Respondendo maiorem: datur appetitus innatus ad finem ultimum naturalem, & conceditur; ad supernaturalem, superexcedentem, & improporcionatum, & negatur. Ad probationem dicitur, quod stante in linea naturali, appetitus sufficienter quiescit in cognitione Dei abstractiva, & perfecta, quæ ex creaturis haberi potest. Dictum S. P. Aug. procedit de appetitu nostro supposita eleuatione, & cognitione Dei auctoris supernaturalis per fidem.

32 Secundum argum. quoniam Deus prout est in se pertinet ad obiectum specificatum intellectus creati; ergo naturaliter inclinabitur ad eum videndum secundum istam considerationem; vnaqueque namque potentia naturaliter inclinatur in suum obiectum specificatum, tanquam in suum perfectiuium essentiale. Resp. quod dupliciter potest aliquod obiectum contineri sub obiecto specificatiui, vel tanquam obiectum connaturale, vel tanquam obiectum superexcedens; potentia non inclinatur naturaliter in obiectum superexcedens, sed in connaturale. Nec contra hoc facit, quod Deus continetur, & attingatur sub vna, eademque ratione formali *sub qua*, ac proinde eodem modo in Deum inclinabitur intellectus, ac inclinatur in alia obiecta. Ad hoc namque dicitur, quod inclinatio potentie, seu appetitus innatus illius, non est ad rationem formalem *sub qua*, sed ad rationem formalem *qua*, & connaturale; aliud namque est id in quod potentia tendit, seu ad quod inclinatur, & aliud est ratio formalis, seu modus sub quo inclinatur. Modus se tenet ex parte potentie, id in quod inclinatur, ex parte obiecti. Nec verum est, quod potentia tendat in specificatum, sed sub ratione sui specificatiui. Dici etiam potest, quod intellectus secundum quod est potentia naturalis, inclinatur in suum obiectum naturale, & secundum quod est potentia eleuata, & obiectualis, inclinatur in Deum clarè visum.

D V B I U M IV.

An detur in natura intellectualem secundum se sumpta, appetitus elicitus naturalis, respectu visionis claræ Dei.

33 **A**ppetitus elicitus, quantum ad præsens attinet, est duplex; vnus absolutus, & efficax, alter conditionatus, & inefficax. Prior, est ille qui ita bonum appetit, vt quantum est de se inferat executionem, & affectionem rei appetite. Posterior est ille, qui non est executiuus, sed res tantum conditionatè appetit. Prior explicatur per *volo*, aut *appeto*. Posterior explicatur per *vellem*, aut *appeterem*; vnde cum non sit executiuus, sed solum expressiuus affectus conditionati, potest etiam tendere in impossibile, vt *vellem infinitas diuitias, si possem*. Vtque appetitus dici potest naturalis, vel prout naturale distinguitur contra supernaturale; vel prout distinguitur contra liberum. Dupliciter potest appetitus dici liber, vel quoad specificationem, & exercitium simul, vel quoad exercitium tantum; tunc est liber quoad specificationem, & exercitium simul, quando non solum potest poni, & non poni actus, verum etiam quando potest poni oppositus, seu actus alterius speciei. Tunc autem est liber quoad exercitium tantum, quando solum potest poni, & non poni actus, tamen ex suppositione, quod ponitur, debet esse huius speciei. Ex opposito, aliquando est necessarius quoad specificationem, & exercitium simul, aliquando, quoad specificationem tantum.

34 His positis. Prima sententia tenet, quod licet non detur appetitus elicitus, & efficax respectu visionis claræ Dei, datur tamen conditionatus, & inefficax necessarius quoad specificationem tantum respectu Dei vt est trinus, & vnus, quam respectu eiusdem vt est auctor nature, & gratie. Sic Vasquez, Suarez, Valentia, & alij, apud Salmant. Secunda sententia tenet, quod iste appetitus, non sit neces-

farius respectu Dei ut est trinus, & vnus, & auctor gratiæ, sed solum quoad rationem primæ causæ rerum naturalium, & quoad ea prædicata, quæ ex creaturis cognoscuntur. Ita Ferrar. 3. *constr. Gen. cap. 50*

35 Nostra sententia, duplici conclusione explicatur. Prima conclusio. *Non datur appetitus elicitus, & efficax respectu visionis claræ Dei quoad omnia prædicata, etiam quoad ea, quæ ex effectibus naturalibus colliguntur viribus naturæ, datur tamen appetitus inefficax.* In hac conclusione conueniunt omnes. Prima pars patet, quoad appetitum elicitum efficacem, quia, ut dicebamus, iste appetitus est secundum se expeditus, executiuus, & applicatiuus mediorum, sed intra naturæ ordinem non dantur ista media, per quæ Dei visio clara consequatur; ergo neque datur appetitus. Quod autem detur appetitus inefficax, & conditionatus constat, quia cum iste appetitus sit imperfectus, naturæ viribus haberi potest; nam eo bono proposito, potest voluntas in illud inefficaciter, & conditionatè ferri, sicut potest voluntas hoc modo ferri etiam in impossibile; nulus namque est, qui non possit inefficaciter appetere maximum bonum sibi propositum.

36 Secunda concl. *dictus appetitus secundum nullam rationem est necessarius quoad specificationem, in non vidente Deum.* Sic Salmant. post Caiet. Conrad. Nazar. Martinez, Alvarez, aliosque. Constat ex dictis dubio præcedenti; nam vbi non datur appetitus innatus naturalis, neque dari potest elicitus efficax, & absolutus; in natura intellectuali non datur appetitus innatus naturalis ad claram Dei visionem; ergo neque dabitur elicitus efficax. Maior constat, quia appetitus elicitus, qui est propriè talis, quando est absolutus, & efficax, fundatur, & supponit appetitum innatum; alioquin appetitus elicitus non esset naturalis, sed violentus, aut præternaturalis; ergo vbi non datur innatus, neque elicitus dari poterit.

37 Probatur 1. voluntas solum necessitatur à suo obiecto adæquato, & per se inspecto; sed visio claræ Dei non est

huiusmodi; ergo. Minor constat, cum plura alia inspiciantur à voluntate. Maiorem ostendo, quia obiectum inadæquatum, eo ipso quod tale, & non adæquat potentiam, non habet vim trahendi, & inclinandi potentiam, ut in illud feratur. Tum quia eo ipso, quod obiectum non est adæquatum, & non satians potentiam, includit aliquam rationem mali respectu eiusdem potentiz, vbi autem non apparet omnis ratio boni, sed aliqua ratio mali, non datur ratio necessitandi, quod explicari potest exemplo albi, quia eo ipso, quod non adæquat potentiam visuam, non illam necessitat, saltem ut subest imperio voluntatis; & sic eum etiam Deus pro hoc statu non adæquet voluntatem, non habebit eam pro hoc statu necessitare.

38 Occurrunt aduersarij, quod sicut voluntas necessitatur à bono, seu à beatitudine in communi, ita necessitabitur à clara Dei visione, eo quod omnis ratio boni contenta in beatitudine in communi, continetur eminenter in clara Dei visione. Nam contra est, quia licet clara Dei visio contineatur in se eminenter quæcumque rationem boni reperram in beatitudine in communi, tamen in hac via non proponitur voluntati tanquam bonum, & obiectum adæquatum; sed inadæquatum; ergo licet in patria necessitet voluntatem tam quoad speciem, quam quoad exercitium, tamen in via neutro modo habet necessitare.

39 Probatur 2. quia licet aliquod bonum ex se sit adæquatum, & etiam vtale proponatur, tamen nisi clarè & euidenter ut tale proponatur, nunquam voluntas necessitabitur; ergo tamen si visio beata per fidem firmissimè ex parte luminis, seu ex parte fidei proponatur, adhuc tamen cum non euidenter proponitur, ex parte subiecti non infertur necessitas; solum namque ex euidentia infertur necessitas, non ex ineuidentia, licet aliàs ex parte luminis firmissima detur certitudo.

40 Primum argum. pro prima sententia desumitur ex D. Thoma in testimonio n. 2. relato, vbi desiderium videnti

di Deum vocat naturale, ac proinde necessarium. Resp. quod desiderium videntis causam ex effectibus, quod est solum inefficax, & conditionarum, vocatur à D. Thoma naturale, seu necessarium quoad specificationem, non quia sit simpliciter tale, vt est desiderium beatitudinis in communi, sed quia est tale vt in pluribus, quo modo desiderium vite, seu appetitus vite, valetudinis, scientiæ, &c. vocatur necessarius, quia vt in plurimum sic contingit.

41 Secundum arg. in visione Dei per essentiam nulla apparet ratio mali, ergo inducet necessitatem specificationis. Consequenter tenet, quia bonum vt bonum nequit odio haberi. Antecedens ostenditur, quia visio clara Dei proponitur vt summum bonum, in quo nulla ratio mali esse potest. Resp. negando antecedens, tum quia proponitur pro hoc statu tanquam obiectum non satians, non adæquans; tum etiam quia proponitur vt difficilis acquisitionis, ac proinde sub aliqua ratione mali.

D V B I U M V.

An essentia diuina vnietur de facto cum intellectu beati, per modum speciei intelligibilis.

43 **H**oc dubium sic expedit S. Doctor *art. 2.* vbi sic dicit. *Ad visionem tam sensibilem, quam intellectualem duo requiruntur. scilicet virtus visiva, & vnio rei visæ cum visu. Non enim fit visio in actu, nisi per hoc, quod res visæ quodam modo est in vidente.* Et post aliqua sic concludit. *Requiritur ergo ad videndam Deum aliqua Dei similitudo ex parte visiva potentia, quæ scilicet intellectus sit efficax ad videndum Deum. Sed ex parte rei visæ, quæ necesse est aliquo modo vniri videnti, per nullam similitudinem creatæ Dei essentia videri potest.* Lumen gloriæ, quod ex parte intellectus se tenet, ipsum confortando, & eleuando. vocat similitudinem, quia eo medio Beatus fit Deo similis effectiue vt infra dicemus, essentia

autem diuina est similitudo formalis ex parte rei visæ, seu obiecti, & per quam Deus per se ipsum videtur.

43 Circa dubium ergo propositum, est prima sententia, quæ tenet Deum non vniri cum intellectu beati per se ipsum, seu per suam essentiam in ratione speciei intelligibilis, sed per speciem creatam, quam volunt esse vel lumen gloriæ, vel aliam qualitatem productam. Pro hac sententia citant N. Salmant. Aureolum, Vasquez, & Ricardum. Secunda sententia tenet, quod Deus nec vnietur per speciem increatam, nec per creatam, sed quod Deus per concursum extrinsecum, sine vnione, attingat dictam visionem. Sic Suarez apud Salmant.

44 Nostra sententia sequenti concluditur. *Diuina essentia vnietur de facto cum intellectu beati per modum speciei intelligibilis ad clarandam Dei visionem.* Hanc conclusionem docet S. Doctor in testimonio allato, & *art. 5.* dicit. *Cum autem aliquis intellectus creatus videt Deum per essentiam, ipsa essentia diuina sit forma intelligibilis intellectus.* Idem tradit *3. contr. gent. cap. 5* & *3. p. q. 9. art. 3. ad 3.*

45 Probatur conclusio ratione, sic. Quotiescunque obiectum est per se ipsum intelligibile, intellectui proportionatum, & cum ipso vnitum, non indiget specie intelligibili à se distincta; sed essentia diuina est huiusmodi respectu intellectus creati lumine gloriæ perfusi; ergo non indiget specie creata distincta. Maior probatur, quia species intelligibilis solum datur ex defectu alicuius ex tribus enumeratis capitibus. Quocirca quia essentia Angeli, est respectu proprii intellectus de se intelligibilis, illi proportionata, & intimè vnita, non indiget specie distincta vt intelligatur. Quod autem essentia diuina sit per se ipsam intelligibilis constat, quia est summè immaterialis, cum sit actus purissimus, & suum esse. Quod sit proportionata intellectui beati etiam constat, quia intellectus perfusus lumine gloriæ fit ordinis diuini, ac proinde diuine essentia proportionatus. Quod sit vnita cum dicto intellectu perfuso lumine gloriæ,

etiam constat, quia est intimè præsens per inimum illapsum; est intimè indistans, & cum sit actus purissimus, se ipsum vnitur.

46 Respondet Valquez, quod in ista ratione supponitur, quod obiectum in ratione obiecti debeat habere concursum specialem, ac proinde quando obiectum habet prædictas rationes debeat habere rationem speciei, seu concurrere in ratione speciei, quod est falsum, quia sufficit, quod essentia diuina concurrat per modum causæ vniuersalis; vnde essentia Angeli non habet illum concursum specialem in ratione obiecti, aut speciei. Sed contra, quin negari non potest, quia obiectum habeat concursum per modum obiecti in cognitionem, quod constat, tum ex illo communi axioma, quod ex obiecto, & potentia paritur notitia, quod desumitur ex S.P. Aug. lib. 9. de Trin. cap. 10. & lib. 14. cap. 17. Vnde S. Doctor infra q. 77. art. 3. dicit, *Obiectum comparari ad actum potentia passiva, sicut principium, & causa motus*. Tum quia in intellectione interuenit quidam partus, ubi scemina est potentia, & obiectum habet rationem masculi. Tū etiam, quia verbum productum assimilatur obiecto, ac proinde obiectum debet concurrere per modum principij; semper namq; verbum assimilatur illi, quod habet rationem principij, sicut & quilibet effectus assimilatur suæ causæ; hinc est, quod in diuinis verbum assimilatur Patri, estque imago illius.

47 Confirmatur 1. quia obiectum habet specialem influxum respectu volitionis, ergo etiam illum habebit respectu intellectiōis; ideo namq; obiectum habet influxum respectu volitionis, siue in genere causæ efficiētis, siue finalis, quia voluntas fertur ad res, ad quod inclinatur obiectum cognitum; ergo cum intellectus trahatur ad se res, obiectum habebit influxum in intellectiōem, cum per illud intellectiōem ad se trahatur. Confirmatur 2. quia obiectum specificat volitionem, & etiam cognitiōem; ergo si ob hanc rationem obiectum concurrat ad volitionem, ita concurrat ad cognitiōem.

48 Occurrit Suarez, quod Deus non

vnitur per modum speciei, quia ad hanc vnionem indispensabiliter requiritur inhaerentia, & informatio, sed Deus simul cum intellectu sine vlla vnione coëfficiet eam visionem. Sed contra, quia falsum est, quod species intelligibilis debeat inhaerere, etiam in esse entitatiuo, loquendo de diuina essentia; nam diuina essentia respectu proprii intellectus habet veram, & formalissimam rationem speciei intelligibilis, & tamen non inhaeret; ergo non est de ratione diuinæ essentia: ut fungitur officio speciei, quod inhaereat. Tum quia species expressa, scilicet verbum in diuinis, non inhaeret; ergo non est de ratione speciei inhaerere.

49 Confirmatur 1. quia species intelligibilis, non se tenet ex parte potentia, sed ex parte obiecti, ergo si aliunde est sua intelligibilitas, vt est essentia diuina, non potest inhaerere, id enim petit inhaerere, & quod complet potentiam ex parte illius, & ex parte illius se tenet, non vero quod se tenet ex parte obiecti, quantum est ex vi huius, nisi aliunde id petat ex eo, quod in esse entitatiuo est accidens, aut forma, quæ non est suum esse; sicut enim ob hanc rationem subsistentia Verbi non petit inhaerere, sed solum vniri per modum puri termini, ita, &c. Confirmatur 2. quia essentia diuina non est vtrūque species, sed ex se, cum sit forma de se intelligibilis, & suum esse intelligibile, & per se subsistens; ergo nullo modo potest inhaerere, sed fungetur officio speciei sine inhaerentia.

50 Est etiam falsum, quod dicit Suarez, quod essentia diuina sine vnione cum intellectu coëfficiat eam visionem; nam non potest obiectum effectiue concurrere ad visionem Dei, nisi sit aliquo modo vnium cum intellectu per modum principij, non quidem in esse naturali, sed in esse intelligibili; quotiescunque enim duorum concursus requiritur in actu secundo ad aliquem operationem, necessum est vt sicut in actu secundo vniantur, ita supponantur vnita in actu primo, aliàs daretur integer, & completus actus secundus, sine integro, & completo actu primo. Tum quia cum Deus sit ipsa intelligibilitas poterit

terit vniri cum intellectu creato, ipsum complendo, actuando, perficiendo absque eo, quod in esse entitativo inhaereat, aut informet.

51 Sed obiecit 1. quia essentia diuina, & eius attributa sunt formae tum in esse naturali, tum in esse entitativo, & quia sunt sui esse, sine inhaerentia reperiuntur in Deo, & tamen non possunt vniri cum aliqua creatura, quia hoc sine inhaerentia, & informatione facere nequeunt; implicat namque quod creatura sit sapientia sapientia diuina; ergo tamen si diuina essentia sit suum esse intelligibile, non poterit vniri absque inhaerentia, & informatione. Si enim sapientia v. g. licet sit suum esse, non potest vniri cum intellectu creato sine inhaerentia; ita essentia diuina vniri non poterit in esse intelligibili sine inhaerentia, tamen si sit suum esse in hoc ordine. Respond. 1. magnam esse disparitatem inter esse naturale, & intelligibile, quod esse naturale limitatur, non esse intelligibile, cum non se teneat ex parte subiecti, vt illud, sed ex parte obiecti, vnde essentia diuina vniri potest in esse intelligibili cum intellectu creato, non in esse naturali; attributa autem cum non habeant rationem formae intelligibilis neutro modo vniri possunt cum aliqua re creata. Non in esse naturali, quia deberent inhaerere, & limitari; non in esse intelligibili, quia huius rationem non habent. Cum Deo autem vniri possunt in esse naturali sine inhaerentia, & limitatione, quia cum omnia sint aequae illimitata, vnum nequit limitare aliud.

52 Resp. 2. quod licet attributa habeant esse naturale, non tamen habent, aut habere possunt rationem formae naturalis, haec enim in suo conceptu inuoluit imperfectionem; vnde ad hoc vt sapientia diuina tribueret creaturae denominationem suam, deberet tanquam forma naturalis in ea poni, quod esse nequit. At essentia diuina licet non possit habere rationem formae naturalis, quia ratio formae naturalis respicit subiectum, & limitatur; potest tamen habere rationem formae intelligibilis cum haec se teneat ex parte obie-

cti, & non limitetur, sed recipitur secundum totam suam vniuersalitatem. Sicut enim cognoscentia habent esse magis amplum, quam non cognoscentia, ita forma naturalis, quae est non cognoscentium debet esse coarctata, & limitata, non forma cognoscentium, cum ista recipiatur secundum totam suam amplitudinem, & vniuersalitatem. Tum quia forma naturalis subordinatur suo principio, cum se teneat ex parte illius; at forma intelligibilis potius sibi subordinat suum principium operatum. Tum etiam quia forma in esse naturali dicitur esse quid incompletum, non forma intelligibilis.

53 Obiecit 2. quia quantitas est suum esse quantum, & tamen inhaeret subiecto, quod extendit, illique esse quantum tribuit; ergo tamen si essentia diuina sit suum esse intelligibile, adhuc inhaerere debet. Resp. concedendo antecedens, modo intelligatur, quod quantitas sit suum esse quantum vt quod, cum hoc non habeat ab alio, & in hoc sua essentia consistat; deinde negatur consequens, quia quantitas est forma naturalis, diuina essentia est forma intelligibilis. Quantitas est suum esse quantum incompletum, essentia diuina est suum esse intelligibile completum. Quantitas non est esse, quod tribuit. Essentia diuina est illud esse quod tribuit intellectui. Soluuntur argum. in contrarium.

54 Primum arg. primae sententiae est, quia potissima causalitas speciei, est in genere causae formalis, sed Deus nequit hoc genus causae supplere; ergo non potest in visione beata fungi officio speciei intelligibilis. Resp. causalitatem potissimam speciei esse in genere causae formalis intelligibilis, non naturalis, vt ex dictis constat.

55 Secundum argum. de ratione speciei intelligibilis est, quod constituat intellectum in actu primo, tribuatque illi virtutem ad operandum; sed essentia diuina hoc praestare nequit sine inhaerentia, aut informatione, quod illi prorsus repugnat; ergo nequit fungi officio speciei. Maior nota est, cum enim intellectus in esse intelligibili sit pura potentia, debet

in

in actum reduci per speciem. Minor probatur, quia nisi essentia diuina vnietur intrinsecè, ac subinde per informationem, intellectus intrinsecè manebit sicut prius. Resp. concedendo maiorem, & negando minorem; ad probationem dicitur, quod essentia diuina vnietur intrinsecè cum intellectu, illumque intrinsecè complet ex parte obiecti, & per modum formæ intelligibilis, de cuius ratione est, ex dictis, quod non informat, non inhereat, sed secundum suam amplitudinem, & vniuersalitatem recipiatur.

56 Tertium argum. Essentia diuina non potest habere rationem potentiz respectu visionis beatæ; ergo non potest constituitur intellectum in actu primo, quia, actus primus est in potentia ad actum secundum, & per illum perficitur. Resp. concedendo antecedens, & negando consequentiam, quia solus intellectus perfusus lumine gloriæ est in potentia ad actum secundum, non essentia diuina; cum intellectio recipiatur in eo, quod habet rationem potentiz, & se tenet ex parte potentiz, non in eo, quod se tenet ex parte obiecti. Quod exemplo Christi diliquet, nam subsistentia Verbi complet suppositum, & tamen actiones Christi in supposito non recipiuntur, quia non complet per modum formæ, sed puri termini.

57 Quatum argum. Essentia diuina nullum effectum formalem præstare potest respectu intellectus beati; ergo vnio cum ipso non potest. Antecedens probatur, quia si aliquem effectum præstare posset, vel esset creatus, vel increatus; non potest esse creatus, quia forma est increata, non increatus, quia incipit in tempore; nec etiam mixtus, vt patet. Resp. quod essentia diuina præstat effectum increatum, quia facit intellectum esse in esse intelligibili Deum, vt postea dicitur; iste autem effectus ponitur in tempore, quia in tempore ponitur lumen gloriæ sine quo essentia diuina non vnietur, nec illum effectum præstat.

58 Quintum arg. Ex vnione speciei cum intellectu debet aliquid per se vnum resultare; sed ex essentia diuina, & intel-

lectu beati nequit aliquid per se vnum resultare; ergo. Maior patet, quia ex potentia, & eius actu non potest non aliquid per se vnum resultare. Minor ostenditur, quia ex essentia diuina, & intellectu non potest coalescere vna substantia, neque vnum accidens; neque, vnum mixtum ex substantia, & accidenti. Resp. 1. quod ex specie, & intellectu debet vnum per se resultare in esse entitativo, & negatur; in esse intelligibili, & conceditur: hoc enim quod resultat est vnio in esse intelligibili speciei cum intellectu; & hoc vnum, est vnum per identitatem. Resp. 2. quod ex specie intelligibili, & intellectu non resultat aliquid tertium, sed vnum extremum fit aliud per identitatem in esse intelligibili; intellectus namque fit res intellecta in esse intelligibili. Bene verum est, quod hæc identitas admittit distinctionem actuale[m] virtuale[m], & reale[m] potentialem, quia extrema sunt separabilia.

59 Sextum argum. si essentia diuina vniretur cum intellectu in ratione speciei, deberet dari aliqua actio per quam hæc vnio poneretur, sed hæc actio non datur; ergo. Maior patet, quia nequit dari nouus effectus, sine noua actione. Minor ostenditur, quia hæc actio non potest esse ipsa intellectus productio, quia cum hæc sit ordinis naturalis, non potest producere effectum supernaturalem. Nec potest esse actio productiua luminis gloriæ quia sicut productio luminis fidei non est productio, nec vnio specierum fidei discernientium, ita productio luminis gloriæ non potest esse vnio essentiz diuinæ cum intellectu. Resp. actionem qua essentia diuina vnietur intellectui beati, esse ipsam productionem luminis gloriæ; actio namque attingens vltimam dispositionem ad formam, attingit eandem formam; lumen autem gloriæ est vltima dispositio, cum sit vltimum complementum potentiz, ad diuinæ essentiz receptionem per modum speciei intelligibilis. Verum lumen fidei non est vltima dispositio ad habendas species materiales, cum ex sensibus ad-

quirantur.

60 Septimum argum. Species intel-

li.

ligibilis recipi debet in intellectu; sed essentia divina recipi non potest; ergo. Maior constat, quia cum species intelligibilis habeat rationem formæ respectu intellectus, non potest non in eo recipi. Minor probatur, quia essentia divina est forma totalis, & per se subsistens, ac proinde recipi non potest; tum quia limitaretur. Nec valet, quod recipiatur tantum in esse intelligibili, quia nequit uniri in esse intelligibili, quin admisceatur aliqua unio in esse naturali, ut patet in unione essentiae diuinæ cum proprio intellectu; in unione essentiae, seu substantiae Angelicæ cum proprio intellectu; & in unione aliarum specierum. Resp. concedendo maiorem, & negando minorem intellectam in esse intelligibili. Ad 1. exemplū de essentia diuina, quod scilicet uniat cum proprio intellectu, tam in esse intelligibili, quam in esse naturali, & entitativo, dico hoc ita esse, quia essentia diuina respectu proprii intellectus nullo modo distinguitur, neque in esse naturali, neque in esse intelligibili, ac proinde secundum utranque rationem illi unitur absque distinctione virtuali. Verum eadem essentia diuina respectu intellectus beati omnino distinguitur in esse naturali, & entitativo, ac proinde nequit secundum hoc esse recipi in intellectu beati nisi inhaereat, aut informet, & limitetur, quod non contingit in esse intelligibili, ut ex dictis constat. Ad secundum exemplum, quod essentia Angeli uniat cum proprio intellectu in esse intelligibili, & entitativo, dico ita esse, quia est finita, & limitata, & non repugnat sic uniri; at essentia diuina est infinita, & illimitata, & repugnat sibi hoc modo se unire, scilicet in esse naturali, & entitativo cum intellectu finito, limitato, & coarctato. Per quod patet ad 3. exemplum de alijs speciebus creatis, quæ cum sint accidentia in esse entitativo, debent inhaerere, licet non inhaereant in esse representativo.

61. Octauum argum. quia diuina essentia ut pertinet ad ordinem entitativum; & intelligibilem non distinguitur virtualiter; ergo nequit uniri ut pertinet ad ordi-

nem intelligibilem, quin etiam uniat ut pertinet ad ordinem entitativum; hoc modo uniri non potest, ergo neque illo. Resp. concedendo antecedens, & negando consequens. Ad hoc enim ut essentia diuina uniat ut pertinet ad ordinem intelligibilem & non ut pertinet ad ordinem entitativum, non requiritur, quod isti duo ordines distinguantur virtualiter, sed sufficit quod uniat ut secundum quod prestat vnum munus, & non ut prestat aliud; ut constat ex unione eiusdem essentiae in esse speciei, & non in esse intellectus, cum tamen esse speciei, & intellectus, & intellectus, neque virtualiter distinguantur. Vnde etiam in Christo D. uniat essentia diuina in esse existentiae, & non in esse naturæ, cum tamen hæc duo neque virtualiter distinguantur.

62. Nonum argum. unio speciei in esse intelligibili, est maior, & intimior, quam unio materię, & formæ, ergo debet esse per informationem, & inhaerentiam, imò in hoc genere per quandam identitatem. Resp. concedendo antecedens, & negando consequens, ut enim ex dictis constat, hæc unio in esse intelligibili est per quandam identitatem, admittentem solum distinctionem virtuales actuales, & realem potentialem.

63. Decimum argum. quia si unio in esse intelligibili non esset per informationem, vel inhaerentiam, esset per intimum illapsum; sed hoc est falsum; ergo. Minor probatur, quia unio essentiae diuinæ per illapsam, est tantum in esse naturæ, & ad effectum conseruationis, ac proinde insufficientis ad unionem in ordine supernaturali, & per modum speciei intelligibilis. Tum quia essentia diuina non uniat per modum speciei intelligibilis ante infusionem luminis gloriæ, cum tamen per modum illapsi prius unia intelligatur. Tum etiam quia essentia diuina illabitur cuilibet intellectui, etiam non beato, cum omnem conferret; ergo. Resp. negando maiorem; unio namque per illapsam, est unio per modum agentis inimi cum suo effectu, unio autem diuinæ essentiae per modum speciei, est unio per modum formæ intelligibilis; bene verum est, quod unio esset.

essentia diuinæ per modum speciei supponit eandem essentiam diuinam intimè illapsam intellectui, tum quia intellectum conseruat, tum quia lumen gloriæ producit.

64 Vltimum argum. pro sententia P. Suarez est, quia ad hoc vt essentia diuina influat cum intellectu, non est necessè, quod ipsum intrinsecè constituat sed sufficit quod sit illi intimè præsens, & sic cum illo visionem coëfficiat, cum enim intellectio sit quidam partus, debet imitari partum materialem in quo masculus non informat, nec constituit potentiam, sed simul cum ea partū producit. Resp. negando antecedens, ad probationem de partu materiali, dicitur esse diuersam rationem, quia in partu materiali, masculus habet rationem puræ causæ efficientis, non formalis, at in partu intellectuali, species habet etiam rationem formæ intelligibilis.

D V B I V M VI.

An essentia diuina vt habet rationem speciei intelligibilis concurrat actiue ad visionem beatam.

65 **P**rima sententia tenet, quod diuina essentia non concurrat actiue ad visionem beatam, volunt enim huius sententiæ patroni, quod in diuina essentia duo distingui debeant, sicut & in qualibet specie. Vnum, est vnire obiectum potentia, & media hac vnione illam formaliter determinare ad intellectionem; & hoc volunt esse indispensabile in quacunque specie; alterum est concurrere actiue, & hoc volunt esse dispensabile, & nõ posse conuenire diuinæ essentiæ respectu visionis beatæ. Hanc sententiam sequitur Bannes, & alij iuniores Thomistæ apud N. Salm.

66. Nostre sententiæ seq. concl. explicatur. *Essentia diuina vt habet rationem speciei intelligibilis concurrat, seu influit actiue vnà cum intellectu beati in visionem claræ Dei.* Hanc sententiam sic positam sequuntur Caiet. Nazar. Zumel. N. Cöplut. de anima disp. 18. q. 4. Salmât. hoc loco, & alij. Pro hac sententia referunt plu-

ra testimonia D. Thomæ d. Salm.

67 Probatur. 1. Essentia diuina vnitur cum intellectu in ratione obiecti, ipsum determinando ad hanc speciem cognitionis, seu vt eliciat cognitionem huius speciei, & non alterius; ergo concurrat actiue. Antecedens constat, quia intellectus de se est indeterminatus ad prædictam specificationem cognitionis, determinatur autem per receptionem diuinæ essentia per modum speciei. Tum quia forma complens, & constitutens permanentem virtutem actiuam, vnitur cum ea vt eam determinet ad specificationem actus, vt constat in omnibus potentijs, quæ per receptionem formarum determinantur. Consequentiam ostendo, quia determinatio virtutis actiue, fieri nequit nisi per virtutē actiuam; quia sicut potentia actiua concurret ad specificationem actionis, ita, quod illam determinat, complet, perficit, concurret actiue.

68 Occurrunt aliqui dicentes, intellectum esse sufficienter determinatum per lumen gloriæ, quia intellectus sic perfusus nequit aliam cognitionem producere, nisi visionem beatam. Sed contra, quia lumen gloriæ solum determinat determinatione se tenente ex parte potentia, non ex parte obiecti; ergo vltra hanc dari debet alia, quæ ipsum determinet ex parte obiecti, quod est diuina essentia, per modum speciei. Hinc est, quod licet lumen propheticum, aut lumen fidei sufficienter determinent intellectum ex parte potentia, adhuc tamen debent dari speciei, quæ ipsum determinent ex parte obiecti. Tum quia cum intellectio sit quidam partus, oportet, quod sit determinata non solum ex parte formæ, verum etiam ex parte masculi, qui est obiectum. Tum etiam quia essentia diuina cum sit lum esse intelligibile, & actus purissimus, debet habere rationem determinatiui, rationem operandi, & rationem virtutis actiue, hoc enim competit cuiusq; habenti rationem actus in linea operatiui. Tum deniq; quia intellectio vt actio specificatur ab obiecto, & ideo est huius speciei, nõ alterius, quia versatur circa hoc obiectum.

Autem, non circa illud; ergo obiectum, ut tale debet determinare, & influere actiue in dictam operationem; quia in hac re idem est actionem specificari ab obiecto, ac à principio, quia obiectum habet rationem principij.

69 Probat 2. quia omnis perfectio reperta in creatura, debet poni in Deo, scilicet imperfectionibus; sed in nobis species intelligibilis concurret actiue ad intellectionem, ergo hoc idem debet poni in diuina essentia, ut fungitur officio speciei in ordine ad visionem claram Dei. Maior constat. Minorem ostendunt d. Complut. loc. cit.

70 Respondent, quod species intelligibilis in nobis concurret quidem actiue, sed cū imperfectionibus subordinationis, & dependentiæ ab intellectu, quæ cum non possint esse in diuina essentia, sequitur non concurrere actiue cum intellectu beati. Sed contra, quia ideo in nobis species concurret actiue per subordinationem, & dependentiam ab intellectu, quia est accidens, ac proinde principium quo, subordinatur principio quod; sed diuina essentia non est accidens, sed substantia, & suum esse, ergo non debet subordinari principio quod, sed potius sibi subordinat ipsum principium quod. Quod maxime verum habet in hac materia, ubi principium quod, transit in principium quo, cum fiat vnum cum illo in esse intelligibili, ac proinde in hoc esse, neque species creata subordinatur intellectui, sed potius sibi subordinat intellectum, quatenus ita eum eleuat, ut fiat vnum per identitatem cum ipsa.

71 Sed obijciunt, quia essentia Angeli ut habet rationem speciei intelligibilis respectu proprii intellectus, non concurret actiue ad sui intellectionem; ergo non est de ratione speciei concurrere actiue, cuius tenet. Antecedens ostenditur, quia substantia creata non est immediate operativa, esset autem si essentia Angeli concurreret actiue ad sui intellectionem. Resp. 1. quod essentia Angeli ad sui intellectionem non concurret actiue, proximè, & immediate, sed solum

radicaliter, id exigente rei natura. Pro quo nota, quod intellectus Angelicus fuit, seu oritur ab essentia Angeli tam ut est intellectiua, quam ut est intelligibilis, & habet rationem obiecti intelligibilis. Prout fuit ab essentia Angeli ut est intellectiua intelligit sine nouo influxu essentia in ipsum. Prout vero fuit ab eadem essentia ut est intelligibilis, præstat influxum actiuum in intellectionem, quem essentia, ut species præstare debebat, cum secundum hanc vim ab essentia profuaret; vno vero, seu munus vnionis, in quo nullus præstatur influxus, ab ipsamet Angeli essentia præstatur.

72 Dices 1. si ad hoc ut essentia Angeli habeat rationem speciei sufficit, quod ad sui cognitionem concurrat radicaliter, & proximè per intellectum ut ab ea profuit ut est intelligibilis, hoc idem dicendum erit de essentia diuina, quod scilicet concurrat solum radicaliter, & proximè per lumen gloriæ, quod ab ea profuit ut est intelligibilis. Resp. negando paritatem, quia non est verum, quod lumen gloriæ fluat ab essentia diuina ut est intelligibilis, sed solum ut est intellectiua. Ratio est, quia si lumen gloriæ fluaret ab essentia diuina ut est intelligibilis, deberet esse eiusdem immaterialitatis cum illa, quia cum esse intelligibile se teneat ex parte obiecti, debet esse eiusdem rationis cum illo, quod nulli creaturæ conuenire potest; quod verò fuit ab eadem essentia diuina in esse intellectiui, cum se teneat ex parte potentia, & non commensuretur cū obiecto, non debet esse eiusdem ordinis, & immaterialitatis cum illo. Verum intellectus Angelicus potest esse eiusdem ordinis, & immaterialitatis cum sua essentia, ac proinde ab ea fluere potest etiam quatenus intelligibilis est.

73 Dices 2. quia si semel intellectus Angelicus fuit etiam ab essentia sua quatenus intelligibilis est, habebit primò, & directè rationem speciei intelligibilis; hoc est falsum; ergo. Sequela probatur, quia intellectus prout fuit ab essentia Angeli, ut est intellectiua, est primò, & directè intellectiuis; ergo prout fuit ab eadem es-

sentia ut est intelligibilis, erit primò, & directè intelligibilis, ac proinde habebit rationem speciei. Resp. negando maiori, ad hoc enim ut intellectus Angelicus haberet rationem speciei, deberet fluere secundum primum munus speciei, quod est vñre obiectum potentie, eamque determinare ex parte obiecti, quod in presenti non contingit.

74 Resp. 2. ad principalem obiectionem, quod licet essentia, seu substantia non sit immediatè operativa, in esse naturali, bene tamen in esse intelligibili, ac proinde essentia Angeli prout fungitur officio speciei immediatè erit operativa, & immediatè influet vñā cum intellectu in sui cognitionem. Ratio est, quia concursus speciei in esse intelligibili non est per modum potentie actiue, sed per modum determinationis potentie actiue, quod non repugnat substantiæ.

75 Sed contra hanc solutionē dices 1. quia ut ostendit S. Doctor 1. p. q. 54. ar. 2. substantia Angelica ideo non est immediatè operativa per modum potentie actiue, quia in creaturis esse, & operari distinguuntur realiter; sed hæc ratio etiam probat, quod eadem substantia Angelica nequeat immediatè operari prout fungitur officio speciei ergo. Minor probatur, quia esse substantiæ Angelicæ, & operari illius, scilicet intellectio, distinguuntur realiter, ergo. Resp. 1. quod esse, & operari speciei in esse intelligibili scilicet intellectio, non distinguuntur realiter, quia species existit per ipsam intellectiōnem, ut infra de scientia Dei dicitur. Resp. 2. dato, quod esse, & operari etiam in ordine intelligibili distinguuntur realiter, adhuc argumentum nō probat contrarios, quia substantia Angeli in esse intelligibili non respicit per se primò esse, ut facit in esse naturali, sed respicit per se primo operationem, seu intellectiōnem, ac proinde cum substantia Angelica in esse intelligibili per se primò respiciat operationem, & hoc modo detur ad operari, & secundariò respiciat esse, in ipsa esse, & operari non distinguuntur realiter; cum tunc solū realiter distinguantur,

quando per se primò vñrñq; inspicitur. 76 Dices 2. quia intellectio creatæ necessariò est accidens; ergo substantia Angeli nequit illam immediatè inspicere ac proinde neque poterit in illam immediatè influere. Antecedens est certum. Consequens ostenditur, quia substantia nequit inspicere aliquid extra proprium predicamentum, cum sit in ordine ad se. Resp. quod sicut essentia Angeli in ordine etiam intelligibili est substantia, sic intellectio ut formaliter terminat in ordine intelligibili habet rationem substantiæ, quia non terminat qua accidens est, sed qua quædam vñio est in actu secundo intellectus cum suo obiecto, quo modo comparatur cum sua substantia, quæ prout fungitur officio speciei intelligibilis habet rationem vñionis in actu primo intellectus cum suo obiecto. Vnde in dicta specie esse substantiam quasi de materiali importatur, & de formali quod sit vñio in actu primo modo explicato.

77 Dices 3. Ordo intelligibilis est aliquid reale, ergo formaliter debet esse substantia, vel accidens, ac proinde substantia Angeli prout fungitur officio speciei, & vñionis in actu primo, vñiendo intellectum cum suo obiecto debet esse formalissimè substantia, & intellectio, debet esse formalissimè accidens, ac subinde non poterit substantia eam intellectiōnem respicere, ne aliquid extra proprium predicamentum respiciat. Resp. quod reuera species, quæ vñit intellectum cum obiecto, quod est substantia, debet esse substantia, in esse intelligibili, & quæ vñit eū obiecto, quod est accidens, est in esse intelligibili accidens. Cum hoc tamen fiat, quod species ut præcisè habet vñire intellectum cum obiecto, non dicat rationem substantiæ, nec accidentis, licet vel vñum, vel aliud debeat esse, sed dicat præcisè rationem vñionis potentie cum obiecto. Soluuntur argumenta in contrarium.

78 Primum argum. quia si species impressa concurreret actiue, deberet concurrere ut principium vitale; sed loquendo de diuina essentia, nequit concurrere ut principium vitale; ergo. Maior patet, cum

cum enim intellectio sit actus vitalis, id quod ad illam concurrir, debet esse vitale. Minor probatur, quia si diuina essentia concurreret vt principium vitale, cum non esset principium vitale quod, deberet esse principium vitale quo, principium autem vitale quo debet subordinari principio vitali quod, diuina autem essentia nequit hoc modo subordinari. Resp. ex dictis, quod in hac materia diuina essentia cum sit suum esse intelligibile, non subordinatur principio quod, sed illud sibi subordinat. Quomodo autem species dicatur vitalis, dico esse viralem quatenus est determinatio potentie vitalis; cum enim species non concurrat ad intellectum nisi vt determinatio potentie vitalis ex parte obiecti, non nisi hoc modo erit vitalis. Quare licet species sensibiles non habeant vitalitatem ex parte principij, cum non procedant a principio vitali, habent tamen vitalitatem dictam quatenus sunt determinationes potentie vitalis; determinatio namque potentie vitalis formaliter sumpta, habet ab intrinseco concurrere ad operationes eiusdem potentie.

79. Secundum argum. quia aliàs essentia diuina concurreret ad visionem immediate per suam substantiam, ac proinde naturaliter, & quatenus est, non quatenus vult. Hoc est absurdum, ergo. Maior constat, quia proprium est obiecti influere naturaliter, non liberè, quia sicut res per suam substantiam est obiectum intelligibile, ita per eandem influet, ac proinde naturaliter. Minor etiam constat, quia Deus ad extra operatur liberè, non naturaliter; aliàs influxus diuinae essentie, esset infinitus, cum à propria voluntate non limitaretur. Resp. quod diuina essentia non alio modo operatur, quam vt applicata per suam voluntatem, & ad mensuram dispositionis, scilicet luminis gloriæ, secundum quam diuinae essentie influxus temperatur.

80. Tertium argum. quia si diuina essentia concurrir actiue ad visionem Dei, etiam diuinae relationes eodem modo concurrerent; hoc est falsum, quia diuinae relationes qua tales non sunt operatiue; et-

go. Maior patet, quia ideo diuina essentia concurrir actiue, quia vnitur cum intellectu in ratione speciei intelligibilis; sed etiam relationes diuinae hoc modo vniuntur; ergo. Resp. negando maiorem, quia essentia diuina cum sit suum esse intelligibile fungitur officio speciei, non sic diuinae relationes, quæ cum non sint suum esse intelligibile non funguntur officio speciei, sed per ipsam essentiam diuinam representantur.

DV B I V M VII.

An per diuinam omnipotentiam sit possibilis species impressa creata per quam Deus clarè cognoscatur.

81. **P**artem affirmatiuam tuentur Aureolus, Scorius, Suarez, Vasquez, & alij relati à N. Salm. quorum fundamenta postea referemus, & soluemus.

82. Nostra sententia sequenti concl. explicatur. *Per nullam potentiam dari potest species impressa creata per quam Deus clarè, & intuitiue cognoscatur.* Pro hac sententia referunt Salm. D. Thò. Capreol. Caiet. Ferrar. Sot. Palud. Bann. Zumel. Nazar. aliosque plures.

83. Probarur concl. Essentia diuina est sua intelligibilitas, seu est ipsamet intelligibilitas; ergo non potest fieri intelligibilis per aliquid aliud, ac proinde implicabit species creata per quam cognoscatur. Antecedens constat, cum enim essentia diuina sit suum esse, sit actus purus, omnino immaterialis, non potest non esse sua intelligibilitas, seu ipsamet intelligibilitas. Conseq. quoad primam partem probatur, quia quod est tale per se, nequit fieri tale per aliud, sicut vnio non vnitur alia vnioni; existentia, non existit alia existentia, &c. ita quod est immateriale per se, nequit fieri tale per aliud; quod est intelligibile per se, nequit fieri intelligibile per aliud. Deinde probatur eadem consequentia quoad secundam partem, quia de ratione speciei intelligibilis est, quod reddat obiectum intelligibile, ad hoc enim species dantur, ergo

V 2 quo-

quoties obiectum nequit reddi intelligibile cum sit ipsa intelligibilitas, nequibit dari species illius.

84 Respondent 1. solum sequi ex hac ratione, quod diuina essentia nequeat fieri intelligibilis per speciem creatam respectu proprii intellectus, non tamen respectu intellectus creati. Non potest fieri intelligibilis respectu proprii intellectus, quia respectu illius est proportionata; potest fieri intelligibilis respectu intellectus creati, quia illius respectu est improporcionata. Sed contra, quia quod Deus sit improporcionatus respectu intellectus creati, ut nequeat ipsum quidditatiue intelligere, non oritur ex defectu intelligibilitatis diuinæ essentia, sed ex imperfectione ipsius intellectus; ergo ob illam improporcionem non potest essentia diuina fieri intelligibilis per speciem creatam; species namque cum se teneat ex parte obiecti, datur ad supplendum defectum obiecti, non potentia. Quando namque obiectum est improporcionatum, ex eo, quod est superexcedens, nihil addi debet ex parte obiecti, sed debet confortari potentia; non enim quia sol superexcedit visum noctuæ, debet dari species, quæ reddat Solem visibilem, sed oculi noctuæ confortari debent.

85 Respondent 2. quod licet ex hoc quod Deus est primum principium immediate productuum creaturarum non ob id excluditur concursus eorumdem creaturarum ad productionem aliarum; ergo neque ex hoc, quod Deus sit primum intelligibile, & immediate tale, non excluditur concursus alterius medijs, scilicet speciei. Nam contra est, quia ideo Deus non excludit concursum causarum secundarum, quia talis concursus non excludit, nec facit, quod Deus non sit causa prima, sed potius supponit. At concursus alterius speciei facientis Deum intelligibilem respectu intellectus creati, faceret Deum non esse actum purum, & suam intelligibilitatem.

86 Respondent 3. quod licet Deus sit sua intelligibilitas, tamen adhuc sit intelligibilis quoad *an est*; ergo etiam po-

terit fieri intelligibilis quoad *quid est* & quidditatiue. Sed contra; quia intelligibilis quoad *an est*, non est propria intelligibilitas diuinæ essentia, sed est intelligibilitas desumpta ex creaturis; at intelligibilitas diuinæ essentia prout est in se, est propria intelligibilitas eiusdem essentia diuinæ, quæ sibi per nullam rem creatam competere potest.

87 Respondet 4. quod licet nequeat dari species creatam, quæ faciat Deum intelligibilem propria intelligibilitate, quæ est esse intelligibilem quidditatiue, & comprehensiuè, non tamen repugnabit species, quæ faciat Deum esse intelligibile intelligibilitate non propria, quæ etiam creaturis communis est, ut est esse intelligibilem intelligibilitate tantum quidditatiua; cognoscibilis namque tantum quidditatiua Dei cum inuoluat aliquam imperfectionem, sicut cognoscibilitas tantum, quoad *an est* haberi poterit per speciem creatam. Sed contra, quia Deum esse cognoscibilem, & representabilem tantum quidditatiue respectu proprii intellectus arguit imperfectionem, quia cum intellectus diuinus sit capax cognoscendi Deum quidditatiue, tum comprehensiuè; si diuina essentia utramque rationem non representaret, inuolueret aliquam imperfectionem; & si utramque rationem secundum se representaret, & intellectus non cognosceret; denotaretur aliqua imperfectio in intellectu, non potente se extendere ad totum id, quod per suam essentiam representatur. Verum quod de facto intellectus creatus non cognoscat Deum comprehensiuè non oritur ex defectu speciei, sed ex defectu intellectus non potentis recipere eandam essentiam diuinam secundum utramque rationem, & non potentis se extendere ad utramque rationem representatam. Vnde si daretur species creatam, quæ Deum quidditatiue representaret, deberet etiam quantum est de se eum representare comprehensiuè. Soluuntur argum. in contrarium.

88 Primum argum. Quoties in aliquo ordine non repugnat actus intellectionis, nec virtus intellectualis creatam;

ne-

neque repugnat species impressa, creata, sed non repugnat visio Dei in se, nec lumen gloriæ, ergo neque repugnat species. Resp. negando maiorem; licet enim in potentijs intellectiuis naturalibus, vbi non repugnat actus cognitionis, nec virtus cognoscendi, creata, non repugnat species, non tamen in visione beata, vbi repugnat species ex eo, quod nequeat esse eiusdem immaterialitatis cum diuina essentia. Maxime quia in visione beata, intellectus non concurret naturaliter, sed vt eleuatus, ac proinde vt commensurabilis cum specie, & obiecto supernaturali, & superexcedente.

89. Secundum argum. Intellectus perfusus lumine gloriæ exigit connaturaliter concursum alicuius speciei impressæ; non increata; ergo creata; Maior parer, quia potentia vltimatè completa, in linea cognoscitiui, exigit connaturaliter concursum alicuius speciei. Minor probatur, quia intellectus creatus non potest exigere speciem, quæ sit actus purus, summè immaterialis, suum esse intelligibile, &c. sed debet exigere speciem sibi proportionatam, quæ sit eiusdem immaterialitatis, &c. Resp. concedendo maiorem, & negando minorem; cum enim lumen gloriæ sit quædam participatio diuini intellectus, & habeat rationem vltimæ dispositionis ad diuinam essentiam per modum speciei recipiendam, sequitur quod non aliam speciem exigat, nisi diuinam essentiam. Ex hoc autem, quod diuina essentia sit summè immaterialis, sequitur, quod non potest exigi tanquam à primo perfectibili, & sibi omnino proportionato, nisi à proprio intellectu; ab intellectu autem creato perfuso lumine gloriæ exigit tanquam à secundo perfectibili. Vnde solus intellectus diuinus habet omnimodam connaturalitatem, cum essentia diuina, non intellectus creatus etiam lumine gloriæ perfusus.

90. Tertium argum. Ad hoc vt detur species impressa representatiua Dei, non est necesse, quod sit infinitè perfecta; ergo dari potest. Antecedens probatur, quia visio clara Dei, non est infinitè perfecta;

ergo neque species, quæ ad illam eliciendam requiritur non debet esse infinitè perfecta. Resp. negando antecedens, ad probationem dicitur, quod licet visio clara Dei non sit infinitè perfecta, species tamen illi deseruiens, debet esse infinitè perfecta, quia species impressa non desideratur ad claram Dei visionem vt aliquid se tenens ex parte potentie, sed ex parte obiecti. Bene verum est, quod diuina essentia vt species intelligibilis, quatenus est de se influeret in visionem infinitè perfectam, si reciperetur secundum totam suam latitudinem, sed non sic recipitur, sed ad mensuram dispositionis, scilicet luminis gloriæ.

91. Quàrum argum. quia si daretur talis species representans quidditatiuè diuinam essentiam, non produceretur naturaliter, sed liberè; ergo posset à Deo produci limitatè; agens namque liberum potest suum concursum limitare. Resp. quod si daretur illa species produceretur, & non produceretur naturaliter; non produceretur naturaliter, sed liberè, eo ipso, quod esset aliquid ad extra productum. Produceretur naturaliter, quia esset infinitè immaterialitatis, suum esse, actus purus, ac ipse Deus.

92. Quinrum argum. Ipsa clara visio Dei, est formalis similitudo Dei; ergo etiam dari poterit species creata, quæ sit similitudo Dei; conseq. constat ex paritate rationis. Antecedens probatur ex illo Ioann. 3. *Cum apparueris similis ei erimus; quoniam videbimus eum sicuti est.* Et S. P. Aug. lib. 14. de Trin. cap. 17. dicit. *Tunc in nobis perfectam, & plenam futuram esse Dei similitudinem, cum perfecta, & plena fueris eius visis.* Resp. quod visio beata non est formalis similitudo Dei, sed quasi effectiua, quatenus est tendentia quædam in Deum, vniens potentiam in actu secundo, & completo cum Deo. Vel dicitur similitudo obiecti, quatenus est quædam tentio illius per quam intellectus fit similis obiecto. Vnde ad argumentum in forma breuiter dicitur, quod visio beata est similitudo, vel actiua, quia vnit; vel passiuæ, quia producitur à similitudine sci-

scilicet ab essentia Dei, quæ est formalis similitudo Dei; vel etiam dici potest similitudo, quia est vltima actualitas, & complementum dictæ similitudinis.

D V B I V M VII.

An rationes D. Thomæ rectè probent impossibilitatem speciei impressa creatæ in visione beata.

93 **A**utores 1. sententiæ relatæ dubio præcedenti tenent rationes D. Thomæ non probare efficaciter impossibilitatem dictæ speciei creatæ. Tres rationes adducit S. Doctor ad probandâ impossibilitatē dictæ speciei creatæ. Prima sic habet. *Quia sicut inquit Dionys. cap. 1. de diuin. nom. per similitudines rerum inferioris ordinis nullo modo superiora possunt cognosci: sicut per speciem corporis non potest cognosci essentia rei incorporeæ; multo igitur minus per speciem creatam quamcunque potest essentia Dei videri.*

94 De hac ratione sit vnica conclusio. *Hæc ratio D. Thomæ est legitima, & efficaciter ostendit impossibilitatē speciei creatæ in visione beata.* Sic tenent omnes D. Thomæ discipuli. Pro quo nota, quod D. Thomæ ratio in hoc fundatur, quod cum species debeat esse eiusdem naturæ cum obiecto, & nulla res creata possit esse eiusdem naturæ cum Deo, sequitur euidenter, quod dari nequeat species creata quæ Deum clarè, & prout est in se representet. Vnde D. Thomæ ratio potest sic proponi. Species debet esse eiusdem naturæ cum obiecto representato; sed nulla creatura potest esse eiusdem naturæ cum Deo, ergo nulla creatura potest esse species representans quidditatiuè, & clarè Deum. Maior, in qua est difficultas sic probat S. Doctor qu. 8. de veritate art. 1. quia nisi species sit eiusdem naturæ cum obiecto, seu nisi habeat eandem naturam cum obiecto non potest descruire ad cognitionem illius; nam si conueniat solum secundum rationem genericam, illud solum secundum hanc rationem representabit, ac proinde solum secundum hanc ratio-

nem cognoscetur. Si solum representet secundum rationem specificam, solum secundum hanc rationem cognoscetur; ergo vt cognoscatur secundum rationem propriam, debet illud secundum hanc rationem representare, ac proinde debet species continere, seu esse, in esse representatiuo ipsamet naturæ obiecti, vt hæc ipsissima cognoscatur, & non aliud quid distinctum.

95 Occurrit Vasquez dicens falsum esse, quod species debeat esse eiusdem naturæ, eiusdemuè ordinis cum obiecto in esse representatiuo; cum aliquando obiectū sit substantia, & species accidens. Sed contra, quia hoc ipso, quod species creata representat Deum prout est in se, debet dicere relationem similitudinis ad illum, sed relatio ista similitudinis nequit fundari in vnitate analogæ, quia per similitudinem analogam nequit cognosci obiectum nisi secundum hanc conuenientiam. Neque in vniuoca generica, aut specificatiua, tum quia hæc non datur inter Deū, & creaturam, tum quia si daretur adhuc non cognosceretur Deus quidditatiuè prout est in se clarè, sed solum secundum dictam conuenientiam; ergo. Nec illud quod dicit Vasquez illi prodest; quia licet species representans substantiam possit esse accidens secundum esse materiale, & entitatiuum, tamen in esse representatiuo est formalissimè substantia, cum sit formalissimè obiectum representatum.

96 Occurrunt alij, quod relatio similitudinis speciei ad obiectum fundetur in mensura, & mensurato, vt patet in relatione similitudinis qua imago Cæsaris refertur ad Cæsarem. Sed contra, quia repugnat aliqua esse similia, & non esse conuenientia, similitudo namque, & conuenientia, est vnitas, ea enim conuenire dicuntur, quæ in vnum veniunt. Nec illud quod de imagine Cæsaris dicitur, est ad rē, quia illa imago non representat quidditatem Cæsaris, sed solum externa quædam accidentia, ac proinde solum in illis debent conuenire. Deinde dato, quod species fundaret solū relationem mensuræ, deberet in aliquo ea mensura fundari,

non

non in proportionem analogam, & vniuocam: ergo in ipsa rei identitate.

97 Occurrit Arubal dicens nullum esse inconueniens, quod species sit eiusdem naturæ cum Deo in esse representatiuo tantum, quia hoc nil aliud est, quàm Deum representare. Sed contra, quia esse representatiuum non est aliquid esse fictum, sed verum esse reale intrinsecum, ac proinde si species intelligibilis creata est eiusdem naturæ cum Deo in esse representatiuo, erit eiusdem naturæ cum Deo in aliquo vero esse reali, quod est omnino falsum. Magna namque differentia est inter id, quod representat aliquid quidditatiuè, & prout est in se, & id, quod solum representat per extrinsecam hominum impositionem, hocque solum modo est simile rei representatæ; nam id quod representat quidditatiuè, debet esse eiusdem naturæ, & ordinis cum eo, quod representat; at id, quod solum representat ex hominum impositione, vt imago Cæsaris, Cæsarem, non est eiusdem naturæ cum re representata, sed solum conuenit cum illa in externis accidentibus. Vnde representare aliud quidditatiuè non potest fieri, nisi per aliquam conuenientiam realem cum re representata, quæ cum non possit esse inter creaturam, & Deum, sequitur, quod nulla species creata potest representare Deum quidditatiuè, nec esse eiusdem naturæ cum eo in esse representatiuo.

98 Occurrunt alij, quod ad hoc vt species creata representet Deum, non est necesse, quod hæc representatio sit formalis, sed sufficit, quod sit virtualis, ac proinde, quod sit similis virtualiter, & per modum quasi seminis. Sed contra, quia negari non potest, quin species sit similitudo formalis obiecti; nā productio creata verbi, est quædam vitalis generatio, & verbum procedit aliquo modo vt filius in esse intentionali, & representatiuo, sed hoc esse nequit nisi species sit similitudo formalis obiecti; ergo. Maior constat, ob hanc enim rationem dicitur, quod ex obiecto, & potentia, paritur verbum, & noticia. Tum quia productio verbi creati est

origo viuens à viuentem coniuncta in similitudinem naturæ, ac proinde erit generatio. Tum etiam, quia productio Verbi diuini ob hanc rationem, est vera, & propria generatio. Minor probatur, quia quod procedit vt genitum; & vt filius, non potest non esse simile suo principio; si procedit in esse naturali, est simile suo principio in esse naturali; si procedit in esse representatiuo, erit simile in hoc esse.

99 Sed dices 1. solum hinc haberi, quod verbum debeat esse simile suo principio, scilicet obiecto, non species impressæ, quæ est veluti semen obiecti. Filius namque est similis patri, non semini. Resp. quod cum species sit ipsum obiectum in esse representatiuo, idem est verbum esse simile speciei, & obiecto, cum species, & obiectum quantum ad hoc, non ponant in numero; tum quia generatio verbi, est intellectualis, & immanens, ac proinde debet verbum assimilari obiecto prout est ad intra, scilicet in specie intelligibili, ratione cuius habet rationem principij productiui.

100 Dices 2. verbum, & species impressa non possunt esse eiusdem naturæ, ergo tametsi verbum esset similitudo obiecti, non tamen species impressa. Antecedens probatur, nam verbum per se, & ab intrinseco est facile transiens, & pendet ab intellectu in fieri, & conseruari. At species impressa est de se permanens, & non facile transiens, quæ non pendet in fieri, & conseruari ab intellectu, sed potius intellectio à specie impressa dependet hoc modo. Tum quia debent distingui saltem numero, ac proinde duo accidentia solo numero distincta essent in eodem subiecto. Tum etiam quia verbum & species non possunt non distingui specie in esse entitatiuo, ac proinde etiam in esse representatiuo, cum id, quod res habet in esse entitatiuo, & naturali, debeat etiam habere in esse representatiuo, & e contra. Resp. quod sicut obiectum, & verbum sunt eiusdem naturæ, sub diverso tamen modisita verbum, & species impressa; nam verbum habet modum efficiendi facile transiensem, & species impressa

per

per modū habitus, & permanentis. Quare natura obiecti secundum se præscindit à modo essendi naturali, quem habet à parte rei, & à modo essendi intentionali, tum permanenti, tum transeunti, & omnes secundum diuersos status possunt sibi accidere. Quare verbum, & species secundum naturam, neque numero distinguuntur; secundum modos, distinguuntur specie; & sic non sequitur, quod duo accidentia solo numero distincta sint in eodem subiecto.

101 Dices 3. quia si species impressa, & verbum differunt specie, sequitur, quod Verbum diuinum non sit propriè filius, cum propriè non generaretur, cum non procederet in similitudinem naturæ specificæ cum suo principio. Resp. quod similitudo non attenditur in modo diuersio Verbi, & speciei, sed in natura, quæ formalissimè Verbo diuino comunicatur.

102 Occurrit quidam Iunior, quod D. Thomas solum dicit, quod Deus videri non possit quidditatiuè, & prout est in se per species rerum inferiorum, hoc est, directè representantes res inferiores, non tamen dicit, quod per speciem inferiorem non representantem rem inferiorem, sed ordinatam, & productam ad solum Deum representandum representari non possit. Nam contra est, quia apud D. Thomam, & veritatem idem est speciem esse rerum inferiorum, & esse speciem inferiorem, species namque eo ipso, quod est inferior, ordinatur ad representandum rem inferiorem.

103 Occurrit tandem Suarez, quod licet nequeat dari species creata, quæ representet Deum infinitè, non tamen repugnat species creata, quæ Deum representet modo finito; sicut enim ad videndum Deum modo infinito, requireretur lumen infinitum, & ad illum videndum modo finito sufficit lumen finitum; ita, &c. Sed contra, quia ideo ad videndum Deum modo finito sufficit lumen finitum, quia lumen se tenet ex parte potentiæ, sed species se tenet ex parte obiecti, & debet esse eiusdem naturæ cū ipso obiecto, quod speciei creatæ nequit conuenire. Tum

quia si daretur talis species; deberet procedere naturaliter, ac proinde illimitatè, & vt infinitè representatiua: Nec valet, quod limitaretur ex parte subiecti, quia recipitur secundum totam vniuersalitatem in esse representatiuo, quantum est de se, cum secundum hoc esse non inhereat, neque informet, cum non dicat esse substantiam, vel accidens, sed vnitur per identitatem.

S. T. An secunda ratio D. Thomæ probet impossibilitatem speciei creatæ in visione beata.

104 **S**ecunda ratio D. Thomæ est talis. *Essentia Dei est ipsum eius esse, vt supra ostensum est, quod nulli formæ creatæ competere potest. Non potest igitur aliqua forma creata esse similitudo representans videnti Dei essentiam. Ideo ergo vult S. Doctor, quod dari nequeat species creata representans essentiam Dei, quia deberet esse suum esse, sicuti essentia diuina representata, est suum esse. Hanc rationem dicimus esse efficacissimam, quod magis apparebit adducendo aduersariorum euasiones, easque improbando.*

105 Occurrunt 1. aduersarij, dicentes; quod sicut species, quæ est accidens, potest representare substantiam; ita species, quæ non est suum esse, poterit representare suum esse. Sed contra; quia, vt iam pluries replicauimus, licet species representans substantiam possit in esse entitatiuo esse accidens, tamen in esse representatiuo est substantia; ac proinde ex hoc ipso, quod daretur species creata, representans suum esse, deberet in esse representatiuo esse suum esse; imò deberet etiā esse suum esse in esse entitatiuo, quia esse entitatiuo debet proportionari cum suo esse; representatiuo. Tum quia sicut repugnat, quod intellectus per modum potentiæ simplicis, & ex proprijs viribus attingat obiectum superexcedens, quidditatiuè, & clarè, ita repugnat, quod species representet aliquod obiectum, si ab eodem superetur in gradu immaterialitatis; cum ergo implicet, quod deus species

ciēs creata, quæ sit eiufdē immaterialitatis cum Deo; implicabit, quod eum quidditatiuē repræsentet. Tum etiam quia cognitio fit secundum quod cognitum est in cognoscente modo proprio, & proportionato ipsius cognoscentis; ergo implicat, quod aliquid cognoscatur prout est in se, si excedat immaterialitate cognoscentem, quia ut habeatur cognitio perfecta, & quidditatiua tam potentia, quam virtus, quam species debent esse in eodem gradu immaterialitatis.

106 Confirmatur, quia iuxta multiplicatē graduum immaterialitatis, multiplican- & distinguuntur cognitiones, facultates, & species; ergo signum est, quod ad ponendam cognitionem obiecti, debet supponi conuenientia in gradu immaterialitatis, quæ cum seruari nequeat inter speciem creatam, & Deum, sequitur, quod Deus, ut est in se, cognosci non poterit per speciem creatam. Antecedens probatur adducendo gradus immaterialitatis quos adducit D. Tho. 1. 2. 4. Primus est res, quæ habent esse in materia individuali, & sunt res singulares, & materiales, quæ sufficientem habent elevationem ut per sensus cognosci possint; & huic obiecto correspondet potentia sensitiua, & species sensitiua, & sic omnia ista sunt in eodem gradu. Secundus est earum rerum, quæ quodammodo sunt in materia individuali, & sensibili, & quodammodo separata ab illa, & sunt quidditates rerum materialium, quæ licet sint in materia, tamen per intellectum possunt separari; & huic obiecto correspondet potentia, quæ est quodammodo in materia, & quodammodo separata a materia, & correspondet species intelligibiles, quæ partim sunt separatae a materia, partim coniunctæ cum illa, quia per intellectum agentem a materia separantur, & sunt spirituales. Tertius est earum rerum, quæ sunt separatae a materia, sed non a potentialitate, & huic obiecto correspondent similes species, similisque potentia, ut in Angelis. Quartus est entis, quod est actus purus, separatus ab omni potentialitate; & huic obiecto correspondet intellectus

diuinus, qui est actus purus, & species, quæ est actus purus, & suum esse.

107 Sed obieciunt 1. quia Angelus inferior cognoscit quidditatiuē superiorem, & tamen exceditur in immaterialitate; ergo falsum est, quod ad cognitionem quidditatiuam, & connaturalem requiratur, quod obiectum non excedat in immaterialitate potentiam. Resp. distinguendo antecedens: Angelus inferior exceditur in immaterialitate a superiori, immaterialitate formali, seu de formali importata, & negatur; immaterialitate importata de materiali, & conceditur. Immaterialitas de formali importata in Angelis, & in qua omnes formaliter conueniunt, & secundum quam cognitio attenditur, est immaterialitas gradus, quatenus omnes abstrahunt a materia physica, non tamen a metaphysica. Immaterialitas importata de materiali, est propria vniuscuiusque Angeli perfectio, quæ alium in perfectione excedit; quæ perfectio licet comparata inter Angelum, & Angelum sit specifica, formalis, & essentialis, comparata tamen ad rationem illam gradualem, est materialis. Vel dic, & in idem redit, quod gradus immaterialitatis Angelicus in esse entis, est genericus, & vltierus contrahibilis per diuersos modos, seu differentiales rationes immaterialitatis, constituentes diuersas Angelorum species; tamen formaliter, est vnus in specie atoma quatenus ab alijs distinguitur. Cum autem gradus intelligibilitatis diuinæ, soli Deo conuenire possit, sequitur nullam dari posse speciem creatam, quæ Deū quidditatiuē, & prout est in se representet.

108 Sed dices 1. quia lumen gloriæ conuenit cum diuina immaterialitate solum analogicè, & tamen hæc conuenientia sufficit adhuc ut possit Deum quidditatiuē attingere; ergo hæc etiam conuenientia analogica sufficit in specie. Resp. concedendo antecedens, & negando consequens. 1. quia lumen gloriæ solum se tenet ex parte potentia, species autem ex parte obiecti, ut pluries repetitum est; quia visio beata soli Deo connaturalis est, non

lumini gloriæ, cum non sit principium omnino integrum dictæ visionis, sed solum per modum virtutis eleuatæ, & quantitatis virtutis potentie.

109 Dices 2. quia ad eleuandam potentiam ad videndum Deum sufficit lumen; ergo etiam sufficit quod species eleuetur; sicut enim potentia eleuata per lumen, est potens ad videndum Deum, ita species creata poterit eleuari ad Deum representandum. Resp. esse disparem rationem, quia cum species debeat quidditatiue representare obiectum, debet hoc habere à se, non ab aliqua virtute eleuante, sola namque potentia eleuatur, non species, cum species non representet per eleuationem, sed per obiectum in esse representatiue contentum.

110 Obijciunt 2. quia gratis dicitur, quod gradus immaterialitatis sufficiens ad hoc ut Angelus inferior cognoscat conaturaliter superiorem, sit solum illa convenientia quam habent Angeli in hoc, quod sint separati à materia physica, non à potentialitate; quia non potest de hoc reddi sufficiens ratio, quare scilicet hæc sufficiat, & non maior. Resp. negando antecedens, & ratio sufficiens colligitur ex dictis, quia licet Angelus inferior cognoscat quidditatiue superiorem, ad hoc tamen sufficit, quod illum primario cognoscat secundum illam communem convenientiam, licet deinde cognoscat excessum prout substat illi convenientiæ.

111 Obijciunt 3. quia non videtur sufficiens illa convenientia gradualis ad hoc ut Angelus inferior cognoscat quidditatiue superiorem, quia species intelligibilis Angeli superioris est eiusdem prorsus naturæ cum ipso Angelo superiore, ac proinde maioris immaterialitatis, quàm sit intellectus Angeli inferioris; ergo vel Angelus inferior non cognosceret conaturaliter superiorem, vel ad cognitionem connaturalem non requireretur idem gradus immaterialitatis. Resp. negando antecedens, ad probationem dicitur, quod in specie Angeli superioris, quæ est eiusdem naturæ cum ipso Angelo superiore, duo possunt considerari, sicut & in ipso

Angelo superiore. Primum, & formalissimum, est representare rationem illam, gradualem in qua Angeli conueniunt. Secundum, est representare illum excessum perfectionis eiusdem Angeli superioris, & iste excessus de materiali importatur, & quasi secundariò, sicut & in ipso Angelo sic importatur.

112 Obijciunt 4. quia ex hoc quod species Angeli superioris in Angelo inferiori non est tantæ immaterialitatis in esse entitativo, quantæ est ipse Angelus superior in eodem esse entitativo, sed solum est tantæ immaterialitatis quantæ est ipse Angelus inferior, ideo conaturaliter in Angelo inferiori recipitur. Ita quia in esse intelligibili illa species est immaterialior, non recipitur conaturaliter in eodem Angelo inferiori; vel dicendum, erit, quod ad ponendam cognitionem conaturalem non requiratur illa convenientia in gradu immaterialitatis. Resp. quod cum esse entitativum in specie se teneat ex parte potentie, ad hoc ut species conaturaliter recipiatur debet dari in hoc ordine convenientia. Unde species Angeli superioris in Angelo inferiori non est tantæ immaterialitatis, quantæ est Angelus superior, sed quantæ est Angelus inferior, & è contra. At species in esse representativo commensuratur cum obiecto tum formali, tum materiali, ita quod species primario, & formaliter representet rationem gradualem, & sub ratione illius representet excessum, aut defectum Angeli representati.

113 Obijciunt 5. quia in sensibus cognoscitiuis non sufficit convenientia generica quam ex D. Thoma assignauimus, omnibus sensibus communem, sed requiritur convenientia atomi inter potentiam, & obiectum; ergo etiam in Angelis. Consequenter, nota videtur ex paritate rationis. Antecedens ostenditur, quia si in sensibus sufficeret illa convenientia generica, & omnibus sensibus communis, iam quibus sensus posset tendere, & percipere obiectum alterius, quod est falsum. Resp. concedendo antecedens, & negando consequentiam. Ratio disparitatis est, quia

quia in Angelis intra rationem gradualē continentur respectu cuiuscunque intellectus Angelici omnes Angeli, non sic intra rationem gradualē sensuum continentur omnia obiecta sensuum, & hoc respectu cuiuscunque sensus. Igitur, ideo in Angelis sufficit illa ratio gradualis, quia hæc continet rationem obiectiuam cuiuscunque intellectus, ex eo quod quilibet Angelus est obiectum cuiuscunque alterius; at in sensibus non est sic, quia licet obiectum cuiuscunque sensus contineatur sub ratione gradualī, non tamen sub obiecto cuiuscunque alterius sensus; non enim obiectum auditus continetur sub obiecto visus. Vnde gradus immaterialitatis sensuum est genericus, diuisibilis per diuersas rationes formales obiectales, non sic gradus Angelicus, cum solus sit diuisibilis per diuersas rationes materiales, non obiectales.

114 Obijciunt 6. quia anima separata cognoscit quidditatiuē Angelos, & tamen non est eiusdem immaterialitatis, eo quod immaterialitas Angelorum, est omnimoda separatio à materia, & ab ordine ad materiam; at anima separata, licet sit separata à materia, non tamen ab ordine ad illam. Resp. 1. animam separatam, conuenire in eodem gradu immaterialitatis; vnde intellectus Angelicus, & humanus in ratione potentie cognoscitiue sunt eiusdem speciei, licet sint diuersæ in ratione proprietatis, ut probant N. Complut. *de anima disp.* 17. n. 34. Resp. 2. animam separatam non cognoscere quidditatiuē perfectē Angelos, sed solum alias animas cum quibus conuenit in eodem gradu immaterialitatis, & gradus immaterialitatis animarum separatarum reuocatur ad gradum immaterialitatis hominis, tamen cum teneant statum quandam medium, possunt imperfectē extendi ad cognitionem Angelorum.

S. II. An 3. ratio D. Thomæ probei impossibilitatem speciei impressæ creatæ in visione beata.

115 **T**ertia D. Thomæ ratio est. Diuina essentia est aliquod in-

circumscriptum, continens in se supereminenter quiddam potest significari, vel intelligi ab intellectu creato. Et hoc nullo modo potest per aliquam speciem creatam representari, quia omnis forma creata est determinata secundum aliquam rationem, vel sapientiam, vel virtutis, vel ipsius esse, vel alicuius huiusmodi, &c. Hæc ratio efficacissima est, si rectè intelligatur: vis autem eius in hoc potissimè consistit, quod cum diuina essentia excludat omnem rationē potentialitatis, & sit vsquequaque infinita, & interminabilis, non potest circumscribi, finiri, terminari per speciem creatam. Vnde potest hæc D. Thomæ ratio sic breuiter proponi. Essentia diuina est aliquid incircumscriptum, continens in se supereminenter quiddam potest significari, vel ab intellectu creato intelligi; ergo per nullam formam, seu speciem creatam videri potest. Antecedens est certum, cum enim essentia diuina sit ens à se, infinitum, immensum, interminabile, debet esse incircumscripta. Consequenter probatur, quia quod est incircumscriptum per nullam formam creatam representari potest, quia omnis forma creata est determinata secundum aliquam rationem, vel sapientiam, vel virtutis, vel ipsius esse, vel alicuius huiusmodi; quod autem est determinatum, finitum, limitatum, non potest representare ens infinitum, ilimitatum incircumscriptum.

D V B I U M IX.

An in beatis detur Verbum, seu species expressa representans Deum quidditatiuē, prout est in se.

116 **T**Res sunt de hac re sententiæ. Vna est, dari verbum necessarium, ad hoc ut essentia diuina videatur, ita quod si beati non producerent Verbum, non viderent diuinam essentiam. Sic Suarez lib. 2. *de attributis* cap. 11. & alij. Altera sententia est, quod de facto beati producant verbum; potest tamen Deus videri per se ipsum sine verbo producto. Hanc tenent Vasquez in *praesenti disp.* 38.

X 2 Adu-

Arrubal, *disp.* 17. *cap.* 2. & alij relati à N. Salmant. hoc loco.

117 Nostra sententia seq. concl. explicatur. *Beati neque de potentia Dei absolute possunt producere verbum representans Deum per essentiam.* Ita D. Tho. apud Salmant. Caiet. Bann. Nazar. Zumel. Nauarete, Gonzal. & communiter alij. Prima ratio est, quia ideo nequit dari species impressa representans Deum quidditatiuè, & prout est in se, quia deberet esse eiusdem naturæ cum Deo, vt supra vidimus, sed etiam verbum si daretur, deberet esse eiusdem naturæ cum Deo, quod implicat; ergo. Secunda ratio supra expensa, est, ideo non potest dari species impressa representans Deum quidditatiuè, & prout est in se, quia deberet esse eiusdem immaterialitatis cum eo, quod implicat; sed etiam verbum, si daretur, Deum clarè, quidditatiuè, & prout est in se representans, deberet esse eiusdem immaterialitatis; ergo. Hæc conclusio fortius probabitur dub. seq. Modo soluamus argum. in contrarium.

118 Primum argum. Visio beata, est vera actio vitalis, verumq; fieri; ergo per illam debet produci terminus; hic aliud esse nequit, nisi verbum; ergo. Antecedens declaratur; vel enim visio beata est qualitas, vel actio prædicamentalis; si primum, erit verbum, cum verbum nil aliud sit quam qualitas mentis immediate procedens ab intellectu, prout intellectus in esse representatio est similis obiecto. Si secundum, producet verbum, quia implicat dari actionem, quæ sit verum fieri, sine aliquo facto esse, quod in præsentia aliud esse non potest, nisi verbum. Resp. distinguendo antecedens. Visio beata est vera actio vitalis, verumq; fieri de prædicamento qualitatis, & conceditur, de prædicamento actionis, & negatur. Actio de prædicamento actionis est coniuncta cum motu, consistit in fluxu, & esse vitali: & actio de prædicamento qualitatis est forma perfecta, continens modo eminenti rationem actionis, & termini, ex eo, quod ratione suæ perfectionis, & eminentiæ æqualeat actioni transeunti,

& termino eius; vnde ista actio est fieri, & factum esse, est eminenti quodam modo fieri sui ipsius, secundum diuersos conceptus inadæquatos, secundum quod correspondet actioni transeunti, & termino illius. Hinc est, quod actio de prædicamento qualitatis non ex necessitate petit terminum, cum non sit essentialiter tantum fieri; at actio de prædicamento actionis ex necessitate petit terminum, cum sit essentialiter tantum fieri, & non factum esse.

119 Secundum argum. nam visio beata cum sit quid creatum, vel procedit ab intellectu *ut quod*, vel *ut quo*, & *ut quod* si *ut quo* tantum, debet aliquid producere, quod aliud non erit, nisi verbum; si *ut quo*, & *ut quod*, erit fieri sui ipsius, quod esse nequit, cum omnis causa debeat distinguì à suo effectu. Resp. ex dictis, quod visio beata procedit modo quodam eminenti, & *ut quo*, & *ut quod*, & est fieri sui, modo explicato.

120 Tertium argum. Nam verbum constituit intellectum in ratione formaliter intelligentis; ergo non potest dari visio sine verbo producta. Antecedens probatur, 1. ex illo S. P. Aug. *q. de Trinit. cap.* 10. quod scilicet verbum sit notitia. Secundo ex S. Tho. 3. p. q. 34. art. 1. ad 3. ubi dicit. *Intelligere importat solam habitudinem intelligentis ad rem intellectam, in qua nulla ratio originis importatur, sed informatio quadam in intellectu nostro, prout intellectus noster fit in actu per formam rei intellectæ.* Resp. negando antecedens, ad primam probationem ex S. P. Aug. desumptam, respondet S. Thoma *infra q.* 34. ar. 1. quod verbum dicitur notitia producta, seu genita, eo modo quo verbum diuini dicitur sapientia genita. Ad testimonium D. Tho. dicitur, quod ibi loquitur de intelligere prout distinguitur à dicere, quia dicere importat rationem originis, intelligere verò tantum, non importat rationem originis, sed solam habitudinem intelligentis ad rem intellectam; & tunc intelligere est sola informatio in intellectu prout intellectus fit in actu per formam rei intellectæ; scilicet per speciem impressam.

121 Quartum argum. quia intellectio est actualis manifestatio per quam res intellectu manifestatur, sed hoc est verbum; ergo verbum, & intellectio sunt idem. Maior paret, quia nihil est aliud rem fieri manifestam intellectui, quam quod intellectus percipiat eam, quod facit per intellectionem. Minor etiam paret, quia cum verbum sit actualissima obiecti representatio, non potest non esse manifestatio. Resp. distinguendo maiorem; intellectio est actualis manifestatio per modum vitalis operationis, & conceditur, per modum obiecti, & similitudinis, & negatur; intellectio ergo est manifestatio prior; verbum est manifestatio posterior.

122 Quintum argumentum. Essentia divina est actualis intellectio omnium intelligibilium, illa representat, & actualissime manifestat: sed hoc idem facit verbum; ergo intellectio, & verbum erunt idem. Resp. ex dictis, quod essentia divina ut est intellectio, seu ut fungitur officio intellectionis est solum manifestatio per modum vitalis operationis, non per modum obiecti, ut verò fungitur officio speciei impressæ, est formalissima manifestatio per modum obiecti in actu primo; ut verò fungitur officio speciei expressæ, est actualissima manifestatio per modum obiecti in actu secundo. Bene verum est, quod omnia ista in Deo non distinguuntur, ut suo loco dicitur.

123 Sextum argum. Intellectus per speciem impressam constituitur in actu primo intellectivus; ergo per verbum constituetur in actu secundo intelligens; ac proinde verbum, & intellectio erunt idem. Antecedens est novum. Consequ. bene sequitur ex paritate rationis. Resp. concedendo antecedens, & negando consequ. species namque impressæ, ob duo munera datur. Vnum est, ut faciat obiectum intelligibile; alterum, ut per modum materialis faceret intellectum ut partem producat, scilicet notitiam, & terminum illius, quando producit. At verbum datur ob vnum tantum munus, ut scilicet reddat obiectum actu intellectum, non

ut constituat ipsum intellectum actu intelligentem, nam hoc modo constituitur per operationem vitalem, non per aliquam representationem.

124 Septimum argum. Intellectus trahit ad se res per verbum, per quod actualissime representantur, sed trahit per intellectionem; ergo intellectio, & verbum idem sunt. Vnde videmus, quod cum volumus aliquid perfecte intelligere, conamur formare intra nos perfectam similitudinem. Resp. quod intellectus trahit res in actu secundo per verbum, & per intellectionem. Per illud tanquam per similitudinem; per hanc, tanquam per vitalem operationem.

125 Octavum argum. Ad hoc ut aliquis sit intelligens in actu, debet esse res intellecta in actu, sicut ad hoc, quod aliquis sit intelligens in habitu, debet esse res intellecta in habitu; sed non potest esse quis rem intellectam in actu sine eo, quod verbum producat; ergo in quacunque intellectione producat. Resp. concedendo maiorem; nullus namque est intelligens in actu, nisi fiat res intellecta in actu, sicut nullus potest esse in habitu intelligens nisi sit in habitu intelligens, sed sicut potest quis esse in habitu intelligens, vel per speciem distinctam ab obiecto, vel per idem obiectum fungens officio speciei impressæ, ita potest quis dupliciter fieri in actu intelligens, & res intellecta, in actu vel per verbum productum; vel per ipsum obiectum quod per se ipsum actu terminat intellectionem, ut in visione beata contingit.

RESP. DUBIUM .X.

An ex hoc, quod Deus est suum esse, restat a D. Thoma probetur impossibilitas verbi producti in visione beata.

126 P Attem negantem tunc auctores relati pro prima sententia dubij præcedentis; Nostra sententia sequenti concl. explicatur. Ex eo, quod Deus est essentialiter suum esse quidditativum

intellectum, rectè probatur impossibilitas verbi creati in visione beata. Hanc conclusionem sequuntur omnes discipuli D. Tho. hoc loco. Ratio D. Thomæ sic proponitur. Ex eo, quod essentia diuina est suum esse intelligibile, rectè probatur impossibilitas speciei impressæ creatæ in visione beata; ergo ex eo, quod eadem diuina essentia est suum esse actum intellectum, rectè probabitur, quod in eadem visione beata non detur verbum productum. Antecedens supra ostendimus, quod enim est suum esse intelligibile, non potest fieri intelligibile per aliud, sicut unio, non vnitur per aliam unionem, substantia, & existentia, non subsistunt, & existunt per aliam subsistentiam, & existentiam. Consequenter tenet ex paritate rationis. Si enim ex eo quod essentia diuina est suum esse intelligibile nequit fieri intelligibilis per aliud, ita ex eo, quod est suum esse actum intellectum, non poterit fieri actum intellectum per verbum productum, creatum. Tum quia si in visione beata daretur verbum, constitueret, & non constitueret Deum in ratione intellecti, seu in hoc, quod est terminare actum visionem beatam. Constitueret, quia hoc est proprium munus verbi. Non constitueret, cum Deus sit in se sic constitutus. Tum etiam quia, ideo Angelus producit verbum in cognitione suæ essentiae, quia licet sua essentia sit actum intelligibilis, non tamen est tantæ immaterialitatis, ut sit actum intellecta; Sed diuina essentia est tantæ immaterialitatis, ut sit ipsa cognoscibilis in actu secundo, ergo in eius cognitione à beatis non produceretur verbum.

127 Occurrunt aduersarij, quod licet pertineat ad perfectionem diuinæ essentiae quod sit intelligibilis ab intellectu creato, non tamen, quod sit actum intellecta. Hoc probant tripliciter. Primò, quia si diuina essentia non esset intelligibilis ab intellectu creato non esset infinite perfecta in ratione obiecti intelligibilis; at ex hoc, quod non sit actum intellecta, nulla in ipsa sequitur imperfectio, quia tamen à nullo intellectu creato esset actum intellecta, seu actum visa, adhuc esset eodem mo-

do perfecta, ac si ab omnibus videretur. Secundò, quia in diuina essentia esse actum intellectam ab intellectu creato non conuenit illi ante intellectionem, ac proinde non potest pertinere ad perfectionem illius; ergo. Tertiò, quia licet essentia diuina sit actum intellecta ab intellectu diuino, non tamen ab intellectu creato, ac proinde licet ob hanc rationem non produceretur verbum in intellectione diuinæ essentiali, quia essentia diuina respectu illius est actum intellecta, tamen quia non est actum intellecta ab intellectu creato, debet produci verbum.

128 Sed contra, quia falsum est, quod diuina essentia non sit etiam actum intellecta respectu intellectus creati. Nam essentiam diuinam esse actum intellectam, respectu etiam intellectus creati, nihil aliud est in bona Theologia, nisi, quod essentia diuina ex parte sua, est tantæ perfectionis, & immaterialitatis, ut se ipsa absque additione alicuius ex parte ipsius se tenentis terminet actu intellectionem creatam; sed hoc pertinet ad perfectionem diuinæ essentiae; ergo. Minor nota est, sicut enim pertinet ad perfectionem diuinæ essentiae, quod sit tantæ immaterialitatis, ut se ipsa fungatur officio speciei impressæ, ita pertinet ad perfectionem eiusdem essentiae diuinæ, quod se ipsa fungatur officio speciei expressæ, seu verbi, seu quod se ipsa terminet intellectionem beatam. Maiorem sic declaro, quia sicut essentiam diuinam esse intelligibilem dicit tantam immaterialitatem ut se ipsa sit obiectum motuum; ita essentiam diuinam esse actum intellectam dicit tantam immaterialitatem ut se ipsa sit obiectum terminatum, quidquid sit, ac actu terminet nec ne. Quare sicut esse intelligibile dicit duas denominationes in obiecto, vnam extrinsecam, prouenientem ab intellectu potente intelligere. Alterâ intrinsecam prouenientem ab immaterialitate obiecti, quod se ipso per modum speciei impressæ vniri potest. Ita esse actum intellectum in obiecto dicit duas denominationes, vnam extrinsecam prouenientem ab actuali exercitio intellectus actu intelligentis obiecti.

obiectum; aliam intrinsecam provenientem ab actualitate obiecti, quæ est tanta, ut se ipso terminet intellectionem, absque additione alterius.

129 Confirmatur 1. quia verbum ideo datur ut suppleat aliquem defectum obiecti, eo quod vel non est intra intellectum, vel si est intra, non est tantæ actualitatis, & immaterialitatis ut sit actu intellectum, seu ut se ipso terminet intellectionem; sed in divina essentia isti defectus non reperiuntur respectu visionis beatæ, ergo in visione beata non producit verbum. Cum enim de essentia verbi sit actu terminare, sit actu intelligi, hoc est sit esse tantæ perfectionis ut se ipso terminet, sequitur, quod cum divini essentia non minore habeat perfectionem quam quodlibet verbum, se ipsa terminabit, & non medio verbo.

130 Confirmatur 2. quia proprium est intellectus trahere res ad se, sicut proprium est voluntatis ferri ad res; ergo sicut quando obiectum non est de se intelligibile trahitur per speciem distinctam, & quando est de se intelligibile trahitur per se, seu ratione sui habet rationem motui; ita quando obiectum non est actu intellectum, trahitur per verbum distinctum; & quando obiectum est actu intellectum, seu quando est tantæ perfectionis, & immaterialitatis ut se ipso possit fungi officio verbi, seu quando se ipso potest esse obiectum terminativum, non indigebit specie expressâ, seu verbo producto. Sed divina essentia est tantæ perfectionis ut se ipsa possit esse obiectum terminativum in visione beata; ergo in ea non producet verbum.

131 Nec ea, quæ adducunt pro confirmanda dicta responsione, aliquid evincunt. Non primum, quia, ut constat ex dictis, si divina essentia non esset actu intellecta prout dicitur illam denominationem intrinsecam explicatam, non esset infinite perfecta, cum indigeret aliquo à se distincto, ut esset actu intellecta, seu cum indigeret aliquo distincto, scilicet verbo, ut eam redderet tantæ actualitatis, ut esset obiectum terminativum in visione beata. Neque secundum, quia licet esse actu

intellectum prout dicitur terminationem extrinsecam provenientem ab intellectu creato non dicat perfectionem convenientem Deo ante intellectionem, seu visionem beatam; tamen esse actu intellectum prout dicitur denominationem intrinsecam explicatam, convenit Deo ante intellectionem, seu visionem beatam. Quod explicari potest exemplo subsistentiæ Verbi divini terminantis naturam humanam, quæ quoad denominationem provenientem ab ipsa natura humana convenit in tempore, & quoad denominationem intrinsecam provenientem ab ipsa actualitate, & perfectione divini subsistentiæ quæ se ipsa absque additione alicuius, ex parte ipsius se tenentis, convenit Deo ab æterno. Per quæ patet ad tertium, quod pro confirmanda dicta responsione obijciebatur.

132 Primum argum. pro prima sententia est, quia si daretur verbum creatum quidditative representans Deum, non redderet Deum eo modo cognitum ab intellectu creato, quo in se, & respectu proprii intellectus, cognitus est; ergo non repugnat. Consequenter nota est. Antecedens probatur, quia propria ratio obiecti cogniti in divina essentia, est quod sit obiectum cognitum tum quidditative, tum comprehensive; sed verbum, si daretur, solum redderet Deum obiectum cognitum quidditative, & non comprehensive; ergo non redderet illum cognitum secundum proprium modum ipsius. Res. 1. quod si daretur verbum creatum in visione beata licet non redderet Deum cognitum quidditative, & comprehensive simul, sed tantum quidditative, eo quod intellectus creatus solum hoc modo possit Deum cognoscere, tamen negari non posset, quin redderet Deum actu cognitum, secundum hanc rationem inadaptatam, ac proinde sequeretur, quod Deus secundum hanc rationem, non esset infinite perfectus, non esset tantæ actualitatis ut posset se ipso terminare, & esse obiectum terminativum, sicut est se ipso obiectum morium. Resp. 2. quod si daretur dictum verbum, quantum est de se redderet Deum & quidditative, & comprehensive actu cognitum, licet

licet ex defectu potentiz, & intellectiois, non possit secundum utramque rationem terminare.

133 Secundum argum. In diuinis producit Verbum propriè dictum, & tamen non tribuit essentiz esse actu intellectam, quia hoc habet ex se; ergo etiam si in visione beata producat verbum, non tribuet essentiz diuinæ esse actu intellectam, cum hoc ex se habeat. Resp. concedendo antecedens, & negando consequ. ratio disparitatis est, quia Verbum diuinum per paternam intellectioem productum, non distinguitur essentialiter à diuina essentia, neque in esse entitativo, neque in esse representatiuo, sed ipsum Verbum diuinum habet esse representatiuum ab essentia, vt à forma, seu natura quam includit, ac proinde Verbum diuinum non facit essentiam diuinam esse intellectam, sed potius è contra. Ceterum verbum creatum, si daretur, in esse entitativo distinguere-
tur realiter à diuina essentia, eamq; redderet actu intellectam, vt ex dictis constat.

134 Tertium argum. Visio beatifica prius natura habet, quod sit in fieri, quam ia facto esse; ergo connaturaliter loquendo erit simul actio, & verbum. Antecedens ostenditur, quia intellectio prout pendet ab intellectu influente, consideratur in fieri: & prout de facto est completa, & determinata, consideratur in facto esse: deinde prout consideratur in fieri est actio, & prout consideratur in facto esse, est verbum. Resp. concedendo antecedens, & negando consequ. quia verbum non est *factum esse* intellectiois, quia ipsa intellectio procedit vt *quo*, & vt *quod*, & per modum operationis vitalis, ex parte potentiz se tenentis; at verbum procedit per modum formæ intellectæ, ex parte obiecti se tenentis.

135 Quartum argum. quia verbum, quod format Angelus, non est necesse vt adæquet in perfectione entitativa, aut in esse representatiuo totam speciem impressam, per quam producit; ergo neque verbum representans essentiam diuinam debebit in aliquo esse aut reali, aut representatiuo adæquare eandem vt fungitur

officio speciei. Antecedens est certum; quoniam Angelus ex vniua specie impressa potest diuersa cognoscere, ac proinde diuersa verba producere; consequ. tenet ex paritate rationis. Resp. concedendo antecedens, & negando consequ. quia licet verbum non debeat adæquare totam latitudinem speciei, debet tamen adæquare illa prædicata ad quæ de facto deferuit, ex quorum cognitioue producit, quod in essentia diuina esse nequit, cum nequeat adæquare prædicata quidditativa Dei.

136 Quintum arg. quia Pater æternus producit verbum ex fecunditate, ergo etiam beati; ex hoc autem, quod Verbum ex fecunditate producat, non debet reddere essentiam diuinam actu intellectam. Resp. concedendo antecedens, & negando consequ. solus namque ille intellectus potest verbum ex fecunditate producere, qui habet eandem immaterialitatem cum Deo clarè viso, cum dicuntur verbum debeat esse eiusdem naturæ cum eo intellectu, & è contra. Tum quia ille solus intellectus potest producere verbum ex fecunditate, qui potest illi communicare eandem naturam numero tam in esse intelligibili, quam in esse entitativo cum obiecto intellecto, quod solum intellectui Paterno conuenire potest, non intellectui creato, vt ex se constat.

D V B I U M XI.

An essentia diuina videri possit oculis corporeis.

137 **P**Artem negatiuam resoluit S. Doctor art. 3. dicens, impossibile esse Deum videri oculo corporeo, quia nulla potentia sensitiva potest se extendere ultra sensitiua, & corporalia; cum enim potentia sensitiva sit affixa organo corporeo, non potest se extendere ultra corporalia.

138 Contra hanc resolutionem, ex varijs principijs tenent varij. Nam illi heretici, qui putabant Deum esse corporeum, putabant consequenter posse videri oculis corporeis. Hinc Ariani dicebant teste

D.

D. Athanasio in *disput. contra Arium*, & D. Aug. 2. de *Trinit. cap. 8.* Verbum diuinū esse visibile oculo corporeo. Illi qui putant Deum esse ens spirituale, diuī sunt; nam aliqui putant (& isti sunt hæretici) Deum videri de facto oculo corporeo glorificato, sic tenuit quidam Episcopus Anonymus apud D. Aug. *epist. 111.* Sic etiam tenuit Celsus, vt refert Origen. *lib. 7. contr. Cels.* Sic demum tenuit Versius Caluiniſta dicens. *Externa oculorum inspectione Deum uisuri sumus.* Refert Beccan. 1. p. 6. 9. 6. Ex Gentilibus tenuit Dion. *orat. 12* quatenus putabat. Bruta quoque eleuari posse ad Deum percipiendum. Alij (& sunt catholici) putant, quod licet de potentia ordinaria Deus videri nequeat oculis corporeis, tamen de potentia absoluta videri potest, quia putant posse de potentia absoluta res spiritualis, vt Angelus, anima, gratia, charitas, &c. per oculum corporeum videri; huic sententiæ accedit Valentia *hoc loco, puncto 8.* quatenus dicit *Id non satis constare.* Huius sententiæ fundamenta postea soluuntur.

139 Nihilominus conclusio certissima est. *Nullo modo essentia diuina videri potest oculis corporeis.* Hanc tradunt omnes Discipuli D. Thomæ, concordant Scholastici, & omnes Theologi. Conuincit ratio D. Thomæ, quam sic primò confirmo, quia si Deus videri posset oculo corporeo, esset, & non esset visibilis, esset, quia à potentia visua corporea videri posset; non esset, quia omne visibile debet esse corporeum coloratum, hoc enim est obiectum potentie visuæ corporeæ; Deus autem non est corporeus coloratus; ergo. Confirmo secundò, quia si Deus videri posset per visionem corpoream, illa visio esset visio, & non esset visio: esset vt supponitur; non esset, quod probatur, quia visio constituitur in esse talis per respectū ad visibile vt tale, sed Deus, nec vllum ens spirituale est visibile, cum omne visibile debeat esse corporeum coloratum; ergo, &c.

140 Primum argum. est, quia si Deus videri non posset oculis corporeis, maxime ob rationem D. Thomæ, quia scilicet

potentia visua cum sit affixa organo corporeo, se nequit extendere nisi ad corporalia; sed hæc ratio non conuincit; ergo. Minor probatur, quia ex improprietate corporei ad incorporeum non probatur nisi repugnantia naturalis, non obedientialis, quæ repetitur in quacunque re ad faciendum quicquid non implicat contradictionem. Tum quia non est minor improprietate inter intellectum creatum, & obiectum increatum, quam inter oculum corporeum, & rem spiritualement; sed non obstante illa improprietate naturali inter intellectum creatum, & obiectum increatum in ordine naturali, datur potentia obedientialis, quæ dictum ponat ordinem in ordine supernaturali; ergo etiam licet inter potentiam visuam, & ens spirituale sit improprietate naturalis, dabitur potentia obedientialis per quam proportionentur.

141 Nec valet dicer e esse disparem rationem, quia obiectum increatum continetur intra latitudinem obiecti specificatiui intellectus, ac proinde per potentiam obedientialem poterit ad illud perungere, seu poterit eleuari ad illud attingendum; verum ens spirituale non continetur intra latitudinem obiecti specificatiui visuæ corporei. Nam contra est, quia licet ens spirituale non contineatur intra latitudinem obiecti proportionati potentie visuæ, continetur tamen intra latitudinem obiecti specificatiui, tanquam obiectum improprietate, & superexcedens, ad quod per potentiam obedientialem, & per eleuationem poterit se extendere; sicut enim aqua eleuatur ad producendam gratiam, & ignis eleuatur ad producendum dolorem spirituale in damnatis, secundum multorum sententiam, ita, &c.

142 Resp. concedendo maiorem, & negando minorem. Ad probationem dico, quod ex improprietate corporei ad incorporeum probatur omnimoda repugnantia etiam per respectum ad quamcunque potentiam Dei. Pro quo nota, quod obiectum adæquatum potentie visuæ, non est nisi corporeum, extra quod potentia extendi nequit; licet enim verum sit, quod potentia extendi possit extra la-

itudinem obiecti proportionati, & intensiui, non tamen extra latitudinem obiecti adæquati, & specificatiui. Cum enim implicet mutari essentialia etiam per diuinā potentiam, implicabit etiam, ut id participet rationem obiecti, quod est extra latitudinem illius. Quod autem obiectum adæquatum potentie visive sit solum quid corporeum, per exclusionem entis spiritualis, ostendi potest, recensendo plures actus, qui sunt circa plura obiecta partialia, & deveniendo ad aliquam rationem communem, in qua & actus, & obiecta, adunantur; nam visio corporea fertur in album, nigrum, viride, cæterosque colores, conuenientes in ratione coloris, licet enim lumen, & sit ratio videndi, & videatur, *ut quod*, nihilominus comprehenditur sub ratione coloris, sub qua omnes colores continentur, cum enim color nil aliud sit quam admixtio perspicui cum opaco, & lumen sit primum perspicuum, & mensura omnium colorum, quatenus illi perfectiores sunt, qui plus participant de perspicuo luminis, sequitur, quod lumen reducat ad rationem coloris, prout color comprehendit omnia habentia rationem perspicui, siue mixti, & imperfecti, & dicuntur proprie, & communiter colores; siue simplices, puri, & perfecti, ut est lumen. Cum ergo videamus potentiam visivam tendere in obiectum suum sub ratione coloris, sequitur, quod hæc ratio sit obiectum suum specificatiuum, extra quod per nullam potentiam exire potest. Si enim ob hanc rationem dicta potentia non fertur in sonum, non fertur in odorem, non fertur in quantitatem, in qualitatem, in substantiam materialem, cum omnia sint materialia; & sensibilia saltem per aliud; quomodo ferri poterit in spiritualia? quæ sunt altioris, superioris, diuersique ordinis. Si intellectus in Deum fertur, ideo est, quia eodem modo fertur in alia entia, & omnia in ente conueniunt non sic se habet potentia visiva. Per quæ patet ad illud, quod dicebatur, quod non est minor proportio inter intellectum creatum, & obiectum increatum, quam inter oculum corporeum, & rem spiritualement. Vnde

optima est solutio ibid. tradita, contra quæ nil facit impugnatio ibidem posita, quia ens spirituale est omnino extra sphaeram obiecti specificatiui, & non solum proportionati, & naturalis, ac proinde per nullam eleuationem poterit visio corporea ad illud se extendere. Ad 1. exemplum de aqua ibi positum, dico, quod cum aqua attingat gratiam solum instrumentaliter, non est necesse, quod contineatur intra sphaeram actiuitatis illius; at si potentia visiva eleuaretur ad videndum Deum, eam visionem produceret tanquam causa principalis, ac proinde oporteret, quod obiectum dictæ visionis contineretur intra latitudinem obiecti eiusdem potentie visive. Cum enim ea visio esset actio vitalis, deberet elici à principio vitali sibi commensurato saltem quoad essentialia, ac proinde tanquam à causa principalis; actio namque vitalis, cum suo principio commensurari debet. At productio gratiæ ab aqua, cum non sit ab illa tanquam à causa principali, sed tanquam à causa instrumentali, non debet commensurari cum illa, sed cum virtute causæ principalis, intra cuius virtutis latitudinem continetur gratiæ productio. Per quæ patet ad 2. exemplum ibidem adductum.

143 Secundum argum. quia quod Deus sit inuisibilis ab oculo corporeo non colligitur, neque ex sacra scriptura, neque ex hoc, quod Deus sit ens spirituales ergo non est Deo denegandum. Consequentia videtur nota, quia Deo in ordine ad finem supernaturalem non est denegandum, quod non colligitur ex sacra scriptura, vel ex principiis intrinsecis repugnantibus. Antecedens quoad primam partem constat, quia loca, quæ dicunt Deum esse inuisibilem, possunt bene, & congruenter interpretari de potentia ordinaria, de quæ oculis non glorificatis. Quoad 2. partem etiam constat, quia nulla inuoluitur implicantia in hoc, quod potentia corporea per diuinam potentiam possit se extendere ad ens spirituale. Tum quia in hoc videtur inclinari S. P. & Ecclesiæ lumen. Aug. lib. 2. 1. de ciuit. cap. 29. ibi. *Visuri sunt Sancti Deum in ipso corpore, sicut nunc videmus*

demus solem: & post aliqua loquens de oculis corporeis, sic fatetur. *Longè alterius erunt potentia, & per eos videbitur incorporea illa natura.* Resp. negando antecedens, quoad utramque partem; quantum ad loca sacre scripture ubi Deus dicitur inuisibilis, dico, quod non possunt interpretari de potentia ordinaria, cum hoc modo sit etiam inuisibilis ab intellectu viatoris. Quoad secundam partem, iam constat ex dictis in solutione argumenti precedentis.

144 Tertium argum. Intellectus ferri potest extra suum obiectum; ergo etiam visus. Conseq. tenet. Antecedens ostenditur, quia obiectum nostri intellectus est ens; & tamen fertur in non ens, ergo. Resp. quod non ens dupliciter accipitur, vel contrariè, vel priuatiuè, & negatiuè; non ens contrariè, est falsum, ad quod intellectus nequit se extendere, cum sit extra obiectum intellectus; non ens priuatiuè, & negatiuè, sunt reales priuationes, & negationes, que licet sint non ens, non tamen sunt extra obiectum intellectus, quod est verum; unde etiam priuationes, negationes, & falsitates, ab intellectu tanguntur, quatenus ratio veri ad illa extendi potest; est enim verum quod falsum, est falsum, &c.

145 Quartum argum. quia visus potest cognoscere non ens, quod ex modo dictis pertinet ad obiectum intellectus, ergo etiam poterit cognoscere ens incorporeum; magis namque elongatur non ens à visu, quam ens incorporeum. Antecedens probatur; quia quando per oculum videmus remum rectum, fratum in aqua, tunc videmus non ens; quando videmus colores apparentes in collo columbæ, videmus non ens, ut constat, ergo. Respondent aliqui, quod sicut intellectus ex specie format species, ita imaginatio, ita & sensus externi, maximè quando est aliquis defectus in medio. Vade in dictis casibus, visus non percipit non ens, sed ens coloratum, sic à producta specie representatur. Verum melius dicitur, quod noua species non producat, sed per eandem speciem, vel diuisam per medium, ut in casu remi fracti, vel etiam indiuisam, sed colores apparentes representantem; & sic

visus semper tendit sub ratione coloris, & in colores, vel veros vel apparentes. Cum autem respectu Dei cesset ratio sub qua coloris, quæ Deo communis esse non potest, sequitur, quod per oculum corporeum videri non possit.

146 Quintum argum. non repugnat, quod eleuetur entitas oculi ad producendam non vitaliter intellectionem entis spiritualis; ergo neque repugnabit ut eleuetur ad visionem entis spiritualis. Antecedens admitteri debet, si enim non repugnat, quod eleuetur aqua ad producendam gratiam, ita non repugnabit, quod eleuetur entitas oculi, vel ipsa visio ad intelligendum ens spirituale. Tum quia tunc non eleuaretur oculus ut potentia visiva est, quæ improprietatem inuoluere videtur, sed ut ens est, & non ad visionem, sed ad intellectionem Dei sub ratione entis in qua conueniunt; tunc enim oculus non comparatur ut potentia visiva ad visibile, sed tanquam ens, ad ens. Conseq. ostenditur, quia etiam visio corporea, & ens spirituale comparantur ut visuum, & visibile, non ut corporeum, & coloratum. Resp. concedendo antecedens si intelligatur, quod entitas oculi eleuetur per modum instrumenti ad producendam non vitaliter intellectionem spiritualis entis, quia ut dicebamus in hoc casu non attenditur cõmensuratio cum ipso instrumento, sed cum ipsa causa principali. Secus si intelligatur quod eleuetur per modum causæ principalis, ob rationem oppositam. Igitur non repugnat, quod entitas oculi eleuetur ad producendam intellectionem entis spiritualis, modo dicto, bene tamen repugnat ut eleuetur ad videndum ens spirituale.

147 Sextum argum. Potest potentia frigidatiua aquæ eleuari ad frigidandum ens spirituale, ut Angelum; ergo etiam poterit potentia visiva eleuari ad videndum eundem Angelum. Antecedens constat, quia sicut non repugnat, quod accidens spirituale ponatur in subiecto corporeo, ita non repugnabit, quod accidens corporeum ponatur in subiecto incorporeo. Conseq. videtur nota tum ex paritate rationis, tum ex eo, quod non minus di-

stant potentia frigeſcitiua ab Angelo, quā potentia viſiua ab eodem. Reſp. concedendo antecedens, & negando conſeq. quia in priori caſu currit ratio cauſę inſtrumentalis, in poſteriori currit ratio cauſę principalis, vt iam explicatum eſt. Tum quia in frigeſcitione ens ſpirituale non comparatur vt terminus, ſed vt ſubiectum, ſaluata ſemper ratione termini eſſentialis frigeſcitionis, quod eſt frigus, ſiue producat in ſubiecto corporeo, ſiue ſpiritu-ali; at in viſione rei ſpirituſalis, non ſaluatur ratio termini eſſentialis viſionis corporeę, qui eſt ratio coloris.

§. Vnicus. Soluuntur aliqua quaſita curioſa pro complemento dubij præcedentis.

148 **Q**uaeres 1. an poſſit Deus facere, quod oculus corporeus producat viſionem ſpiritualem, per quam Deus ipſe, aut alia res ſpirituſalis videatur? Reſp. negatiue. Ratio clara eſt, quia illa viſio ſpirituſalis per quā Deus videri poſſet, alia non poſſet eſſe, niſi intellectio, ſed intellectio cum ſit actio vitalis, non poſſet procedere niſi ab intellectu; ergo. Tum quia operatio cauſę principalis, debet in ea ſaltem radicaliter contineri; viſio autem ſpirituſalis, nullo modo continetur in potentia viſiua; intellectio namque eſſentialiter dicit eſſe operationem intelligentis; poſſet quidem ſecundum probabilem multorum ſententiā oculus eſſe intellectuſcius, non tamen intellectuſcius. Nam reſpectu primi, dicit eſſe inſtrumentum ad productionem intellectioſis; at reſpectu ſecundi dicit eſſe cauſam principalem.

149 Quaeres 2. an poſſit Deus collocare in oculo corporeo intellectum, & viſionem diuinę eſſentię? Partem affirmantem tenet Ioan. Salas 1. 2. q. 3. *tract. 2. diſp. 5. ſect. 1.* vbi dicit non eſſe improbabile, quod accidentia ſpirituſalia poſſint poni in ſubiecto corporeo, ac proinde intellectus poni poterit in oculo, cui ſi concedatur lumen glorię, & ſpecies, ſcilicet diuina eſſentia per modum ſpeciei, eliciet viſionem

Dei. Ratio illius eſt, quia Deus per ſe ipſum poſſet ſupplere concurſum cuiuſcunque cauſę efficientis etiam vitalis, & poſſet ſe ſolo producere extra ſubiectum, omnem actum vitalem, & etiam in ſubiecto quocunque. Pro huius difficultatis intelligentia, dico primo. *Poteſt Deus potere, ſeu producere accidentia ſpirituſalia vitale in ſubiecto corporeo, vt eſt motio ſpirituſalis in aqua ad producendam gratiam in anima.* Ratio eſt, quia accidentia iſtiusmodi vialia, ſeu quę ſe habent per modum motionis, non commenſurantur cum ſubiecto, ſed cum terminis; ſubiectum namque non reſpiciunt vt ſubiectum, ſed vt mobile ad terminum. Dico 2. *Accidentia ſupernaturalia permanentia, non poſſunt poni in ſubiecto corporeo.* Cumenim iſta accidentia reſpiciant ſubiectum, vt ſubiectum debent illi proportionari, quia inter potentiam, & actum debet dari proportio. Namque cum potentia, vt talis eſſentialiter ordinetur ad actum, & talis potentia ad talem actum; & actus vt actus ordinetur ad potentiam, & talis actus ad talem potentiam, ſequitur, quod nec potentia corporea reſpiciat actum ſupernaturalem, nec ſpiritualem; nec actus ſupernaturalis, & ſpirituſalis, potentiam corpoream; cum ſint ordinum diuerſorum; vnde hoc modo nequibunt accidentia ſupernaturalia, & ſpirituſalia poni in ſubiecto corporeo. Dico 3. *Nec intellectus, nec intellectio poni poſſunt in oculo corporeo;* conſtat ex modo dictis, & ex ſpeciali iſtorum natura, quia cum vialia ſint, non poſſunt ſeparata manere, & operari independentem à principio vitali. Licet enim Deus ſupplere poſſit cauſam purę efficientem, non tamen vitalem; Poſſet illam ſupplere, quia illius effectus non habent ab ea dependentiam eſſentialem; non poſſet hanc ſupplere, quia huius effectus eſſentialiter ab ea dependent. Actus namque vitales cum dicant eſſentialiter vitam; eſſentialiter dependere debent à principio vitali. Deinde dato, quod Deus ſe ſolo producere poſſet intellectioſum, v.g. in intellectu, aut in viſu; eodem intellectu, aut viſu merę paſſiue ſe habente, adhuc illa intellectio non denominaretur,

nec

nec intellectum, nec animam, nec oculum intelligentem, aut videntem; quia intelligere non est tantum habere actum intellectus, sed est illum vitaliter producere, vitaliterque in se habere.

150 Quæritur 3. an possit dari per divinam potentiam aliqua potentia sensitiva per quam possit Deus videri, vitaliterque prout in se est, attingi? P. Valentia hoc *art. 3. p. 8.* affirmare videtur, quatenus dicit non constare implicantiā talis potentie sensitivæ, quæ vel natura sua, vel aliquo dono gratuito superaddito vitaliter attingere possit obiectum spirituale, Deumque percipere. Ratio est, quia tota implicantiā desumitur ex potentia visiva, quæ est de facto, & specificatur à corpore colorato; sed hoc nihil facit, quia potest Deus producere aliam potentiam visivam perfectiorē, habens obiectum latius, quod scilicet comprehendat corporeum, & spirituale; sicut de facto produxit nostrum intellectum, in cuius obiecto continetur tum ens potentiale, tum actus purus. Sed oppositum omnino tenendum est, cum D. Thomas, & discipulis eius. Et ratio videtur omnino convincens. Nam vel illa, potentia visiva, quæ ex Valentia habilis est, est eiusdem speciei cum nostra, vel diversa. Si primum, correret eadem ratio cū nostra, quia haberent idem specificativum. Si secundum, iam non erit potentia visiva; cum specie distinguatur ab illa; & de illa videndū erit, quodnam obiectum habeat, ut videatur ad, quid, se extendere possit.

D V B I V M XII.

An per potentiam Dei absolutam sit possibilis aliquis intellectus, qui per vires proprias ordinis naturalis possit videre Deum prout est in se.

151 **S** Doctor *art. 4.* hoc dubium proponit, & postquam assignavit quatuor modos cognoscibilitatis, sic dubium resolvit. Relinquitur ergo, quod cognoscere ipsum esse subsistens, sit connaturalē soli intellectui divino, & quod sit supra sa-

culatē naturalem cuiuslibet intellectus creati, quia nulla creatura est suum esse, sed habet esse participatum. Non igitur potest intellectus creatus, Deum per essentiam videre, nisi in quantum Deum per suam gratiā se intellectus creato coniungit, ut intelligibile ab ipso. Contra hanc determinationem Angelicam tenet Molina, *art. 5. huius q. disp. 2. §. quod 2. ero.*

152 Nostra sententia seq. concl. explicatur. Non potest per divinam potentiam dari intellectus ordinis naturalis, qui proprijs viribus Deum prout est in se videre possit. Est expressa sententia D. Thomæ tum in verbis citatis, tum in præcedentibus, quatenus dicit. *Impossibile est, quod aliquis intellectus creatus per sua naturalia, essentiam Dei videat.* D. Thom. sequuntur communiter Theologi, ut Salm. testantur.

153 Probatur 1. quia quoticus cognoscens est intra ordinem naturæ, etiam cognitio illius debet esse intra eundem naturæ ordinem, seu debet ad obiectum naturale terminari, sed visio Dei per essentiam est ordinis supernaturalis, & divini; ergo nullus intellectus per vires naturales poterit dictam visionem elicere. Maiorem probat D. Thomas, quia cognitio fit secundum quod cognitum est in cognoscente; est autem cognitum in cognoscēte secundum modum suum, ac proinde cuiuscunque cognoscentis cognitio, debet illi proportionari; non proportionatur autem cognitio naturalis, cum obiecto supernaturali, ergo.

154 Probatur 2. quia potentia intellectiva, quæ ex proprijs viribus connaturaliter attingit aliquod obiectum quidditativē, debet esse eiusdem immaterialitatis cum illo; sed implicat dari intellectum ordinis naturalis, qui sit eiusdem immaterialitatis cum Deo; ergo implicabit, quod detur intellectus creatus ordinis naturalis, qui proprijs viribus attingat Deum quidditativē. Maior probatur, quia si intellectus, & obiectum non conveniunt in gradu immaterialitatis, non poterit attingi obiectum quidditativē, & ad sufficientem æqualitatem; sed modo tantum inferiori. Confirmatur hoc argumentum, quia im-

implicat intellectum esse ordinis naturalis, & respicere Deum prout est in se, quod enim est supra totam naturam creatam, & creabilem, nequit conaturaliter, & proprijs viribus inspicere à potentia naturali.

155 Prob. 3. Cognoscere Deum clarè, & intuitivè, est solum proprium, & connaturale Dei, ergo non potest convenire alicui creaturæ. Antecedens probatur, quia actus purissimus solum connaturaliter attingi potest ab actu purissimo, sed Deus est actus purissimus, ergo solum ab intellectu purissimo attingi potest. Tum quia operari per propriam formam, & ex proprijs viribus, solum potest esse connaturale illi, cui forma est propria, & intima; sed essentia divina est huiusmodi solum respectu proprii intellectus; ergo.

156 Sed dices 1. hinc sequi intellectum creatum non posse esse causam principalem visionis beatæ, sed tantum instrumentalem; hoc non admittitur; ergo. Sequela probatur, quia id, quod est proprium superioris naturæ, non potest attingi ab inferiori natura proprijs viribus, sed solum virtute illius cuius est proprium, ac proinde instrumentaliter. Tum quia quando actio est propria superioris naturæ, semper illi tribuitur, vt agenti particulari, non vt agenti vniuersali, cui talis actio correspondet. Vnde illuminare semper tribuitur soli vt causæ particulari, & principali. Tum etiam quia aqua calida solum tribuitur calefacere, vt sustentanti, non vt causæ particulari. Resp. negando sequelam. Pro quo nota, quod natura inferior est duplex. Vna, quæ nullam habet virtutem respectu actionis communicatæ à superiori agente, ac proinde solum se habet vt sustentantialem actionem agentis principalis, & tanquam instrumentum illius. Altera quæ habet virtutem saltem radicalem respectu dictæ actionis, eo quod prædicta actio continetur intra obiectum adæquatum illius; & hæc concurret ad dictam actionem per modum causæ principalis, licet indigeat elevatione, vt contingit in nostro intellectu respectu visionis beatæ. Verum aqua calida concurret solum vt instrumentum ad calefaciendum, quia non continet eam

calefactionem neque radicaliter.

157 Dices 2. quia si intellectus non posset proprijs viribus attingere visionem beatam, sed per virtutem eleuantem, & non extrahentem illum à ratione causæ principalis, sequeretur, quod respectu eiusdem visionis darentur duo agentia principalia particularia; hoc non videtur dicendum, quia ea actio, seu visio esset totaliter ab vno, & non esset; quod contradictoria inuoluit. Sequela probatur, quia ad illam visionem concurreret intellectus vt causa particularis, & Deus cui concursus intellectus subordinatur. Resp. concedendo sequelam modo actio attingatur sub duplici ratione subordinata. Vnde primus actus Angelicus hoc modo processit ab Angelo, & à Deo, ob quam rationem non potuit esse peccaminosus. Igitur in nostro casu visio beata, vt est quædam participatio visionis increatæ Dei, à Deo prodit, vt verò est vitalis tum vitalitate naturali, tum supernaturali procedit ab intellectu, Deo subordinato.

158 Dices 3. hinc fieri Deum videre se ipsum per visionem creatam; hoc dici nequit, ergo. Maior ostenditur, quia denominationatio videndi, tribui potest videnti, seu producenti visionem tanquam causam particularis; Deus sic se habet in nostro casu, ex dictis; ergo. Resp. negando maiorem, quia cum visio sit actio immanens, non denominatur nisi principium à quo immediate elicitur; Deus autem solum medio lumine eam actionem attingit. Tum quia cum visio sit actio vitalis non denominatur nisi principium vitale intrinsecum, Deus autem solum medio lumine est principium vitale dictæ visionis. Soluuntur argum. P. Molinæ.

159 Primum argum. Intellectus cum lumine gloriæ est aliquid finitum, ergo poterit Deus producere aliquem intellectum ordinis naturalis, tantæ virtutis ad intelligendum, quantæ est intellectus cum lumine gloriæ. Resp. concedendo antecedens, & negando consequens, quia quantumcumque res inferioris ordinis crescat nunquam potest pertingere ad perfectionem rei superioris ordinis, Quantumcumque crescat in per-

perfectiōne musca, numquam pertinet ad perfectiōnem hominis, vel Angeli, &c.

160 Secundum argum. Deus est intra latitudinem obiecti intellectus, ergo poterit intellectus ad eo crescere, vt attingat Deum prout in se proprijs viribus. Res. concedendo antecedens, & negando consequ. ob rationem dictam, nisi addantur vires, quibus fiat ordinis diuini.

D V B I V M XIII.

An sit possibilis substantia, aut intellectus, quibus sit connaturale lumen gloriæ, ac proinde proprijs viribus possit videre Deum.

161 **A**liqui sic hoc dubium proponunt, an per diuinam potentiam dari possit substantia, & intellectus supernaturalis, qui absque lumine gloriæ, seu absque eleuatione possit videre Deum prout est in se; sed in idem redit, quia intellectui supernaturali, corresponderet lumen supernaturale. Partem affirmantem tuncur Maior in 4. dist. 49. q. 4. Molina ar. 5. seq. disp. 2. §. quod vero, & alij.

162 Nostra sententia sequenti concluditur. *Implicat contradictionem dari substantiam aut intellectum supernaturalem seu cui sit connaturale lumen gloriæ.* Pro hac sententia stat S. Doctor in hoc art. & 3. contra gent. cap. 5. 2. & art. seq. ad 3. ibi: *Lumen gloriæ non potest esse naturale creatura, nisi creatura esset natura diuina, quod est impossibile.* Pro hac sententia stant omnes Theologi exceptis auctoribus primæ sententiæ, vt testantur N. Salm. hoc loco.

163 Probatur 1. Solus Deus potest habere essentiam diuinam, vt formam connaturalem, ergo lumen gloriæ non potest esse connaturale alicui substantiæ creatæ. Antecedens constat, quia cum essentia diuina sit infinitæ perfectiōnis, actualitatis, & immaterialitatis, non potest esse connaturalis, nisi Deo qui est eiusdem perfectiōnis, actualitatis, & immaterialitatis; quia inter formam intelligibilem, & intellectum debet esse proportio, & conuenientia. Tum quia sicut habere formam ignis non potest

esse connaturale nisi igni, ita habere naturam, & essentiam diuinam, non potest esse connaturale nisi Deo. Consequentia probatur, quia cui est connaturalis vltima dispositio ad formam, debet esse connaturalis forma; sed lumen gloriæ est vltima dispositio ad diuinam essentiam in esse intelligibili recipiendam; ergo cui erit connaturale lumen gloriæ, erit connaturalis diuina essentia.

164 Occurrit 1. Valentia hoc loco, disp. 1. pun. 3. quod id cui est connaturalis dispositio physica, est etiam connaturalis forma physica ad quam disponit, non tamen cui est connaturalis dispositio ad habendam formam intentionalem, est connaturalis ipsa forma intentionalis, ac proinde licet lumen gloriæ sit vltima dispositio ad diuinam essentiam recipiendam, non tamen sequitur, quod cui est connaturale dictum lumen, sit connaturalis diuina essentia. Sed contra, quia quoties in quocunque ordine dispositio est alicui connaturalis, etiam forma debet esse connaturalis; ergo cui in ordine intelligibili est connaturalis dispositio, debet etiam esse connaturalis forma. Antecedens ostenditur, quia in quocunque ordine dispositio, & forma comparantur tanquam forma cum suo susceptiuo vltimatè dispositio, quæ non possunt non dicere connaturalitatem. Adde, quod intellectus, forma intelligibilis, & lumen, debent esse eiusdem immaterialitatis, ac proinde connaturaliter se respicere debent.

165 Occurrunt 2. alij, quod licet repugnet, quod diuina essentia sit alicui extra Deum connaturalis in esse rei, seu vt forma naturalis, nõ tamen repugnat quod sit alicui connaturalis in esse intelligibili. Sed contra, quia nulla forma in quocunque ordine, potest esse connaturalis, nisi respectu proprii receptiui; sed solus intellectus diuinus quippe eiusdem puritatis, & immaterialitatis, est proprium receptiuum diuinæ essentiæ in esse intelligibili; ergo.

166 Occurrunt 3. alij, quod lumen gloriæ non disponit intellectum creatum vt primum receptiuum diuinæ essentiæ, sed vt secundum, ac proinde non sequitur,

tur, quod cui est connaturalis dispositio, sit etiam connaturalis forma, quia hæc connaturalitas solum esse potest respectu primi receptiui, non secundarij, & inferioris. Sed contra, quia licet de facto intellectus perfusus lumine gloriæ sit solum secundarium receptiuum diuinæ essentia, quia nõ comparatur per modum potentia simplis ad diuinam essentiam recipiendam, sed per modum potentia eleuatæ, eo tamen in casu cum intellectus non indigeret eleuatione, sed esset potentia simplex, haberet rationem primarij receptiui.

167 Occurrit vltimò Molina, quod in ratione D. Thomæ supponitur, quod lumen gloriæ sit connaturale ipsi Deo, quod est falsum, quia cum sit accidens, debet respicere nõ Deum, sed receptiuum creatum. Sed contra, quia lumen secundum id, quod in suo conceptu formali importat, præscindibile est à ratione accidentis, & ab omnibus imperfectionibus, secundum quod non potest esse connaturale alicui creaturæ, cum sit formalissima participatio diuinæ intellectualitatis, licet quæ ratione accidens est, & est inuolutum imperfectionibus, possit à Deo gratuito alteri conuenire.

168 Probatur 1. quia si daretur substantia cui esset connaturale lumen gloriæ & visio Dei prout est in se; esset gratia subsistens, & esset creata vt supponitur, & increata, & Deus. Hoc est impossibile; ergo & illud ex quo sequitur. Sequela probatur, quia ratio cuiuscunque naturæ, à prima operatione illius desumitur; sed prima operatio diæ substantia denotaret eam esse gratiam subsistentem, ac subinde Deum, ergo. Minor probatur, quia prima operatio, vel quasi operatio diæ naturæ, seu substantia, esset emanatio luminis gloriæ, sed hæc denotaret illam substantiam esse Deum; ergo. Minor probatur, quia modo lumen gloriæ emanat à gratia consummata de ratione namque luminis gloriæ est, quod ad gratiam consummatam consequatur, sed tunc temporis pullularet ab illa substantia; ergo illa esset gratia, & gratia subsistens, quæ aliud non est, nisi Deus; quod autem Deus sit ipsa gratia

subsistens, & irrecepta, patet, quia nostra gratia est participatio diuinæ essentia, ac proinde diuina essentia erit gratia subsistens, & irrecepta, & illimitata.

169 Confirmatur 1. quia si daretur talis substantia cui esset connaturale lumen gloriæ, visio Dei esset illi connaturalis; sed visio Dei nequit esse connaturalis alicui creaturæ, ergo illa substantia esset Deus; tum quia tunc Deus esset obiectum illius connaturalissimum; tum quia quilibet intellectus nascitur determinatus ad cognoscendam propriam substantiam, ac proinde lumen gloriæ tunc temporis ad hoc inclinaret ex vna parte, & ex alia in Deum & sic hæc duo æquarentur. Confirmatur 2. quia si tunc intellectus esset natus ad cognoscendam propriam substantiam, vt quilibet nascitur, seu oritur, non posset connaturaliter tendere in Deum; cum propria cognitio sit prima, connaturalis, aliarumque mensura.

170 Probatur 3. quia nihil potest esse supernaturale, nisi habeat supernaturalitatem, aut per essentiam, aut per participationem. Sed nequit dari substantia creata, quæ sit his modis supernaturalis; ergo. Maior constat, cum enim non detur ens, quod non sit vel à se, vel ab alio, seu per participationem, ita non dabitur tale ens scilicet supernaturale, quod non sit vel à se, vel ab alio, seu per participationem, & communicationem. Minor quoad primam partem, est nota; cum enim illa substantia esset creata, & supernaturalis, non posset esse à se supernaturalis, sed ab alio. Secunda pars in qua est difficultas ostenditur, quia de ratione substantia est; quod non respiciat aliquid extra proprium prædicamentum, vel tanquam obiectum, vel terminum, vel finem; sed quod est supernaturale per participationem, debet essentialiter respicere id, quod participat, ergo.

171 Occurrunt 1. hinc solum sequi non posse dari substantiam completam supernaturalem, non in completam; quæ potest vt talis, aliquid extra respicere, nam materia specificatur à forma, & è contra. Nam contra est, quia substantia incompleta per modum partis, specificatur ab alia

alia comparte; at nulla dari potest substantia supernaturalis, quæ ut pars, respiciat Deum ut compartem; ergo. Dantur tamen modi substantiales, & supernaturales, ut est unio humanitatis Christi Deum Verbo, quia isti sunt entia incompleta, de quorum ratione est, quod sint talia per ordinem ad aliud. Verum nec substantia completa, nec incompleta dari potest, quæ sit supernaturalis.

172 Occurrunt 2. posse substantiam dicere ordinem ad aliquid extrinsecum, non tanquam ad subiectum, sed tanquam ad specificatum; nam de facto substantia creata dicitur habitudine ad Deum tanquam ad creatorem. Sed contra, quia ut dicebamus, est de ratione substantiæ, quod nihil extra respiciat, eo quod intra proprium prædicamentum totam suam specificationem habeat, quod enim habet esse per se, & est; per se subsistens intra propriam lineam, non potest emendicare suam perfectionem, & specificationem extra. Ideo namque accidentia, respiciunt aliquid extra, quia sunt entis entia, ergo cum substantia sit primum subiectum completum, non poterit aliquid extra respicere. Ad illud, quod dicitur de substantia creata, quod ut talis respiciat creatorem, dico ita esse, sed iste respectus est transcendens, & communis omnibus entibus creatis, quia entia creata sunt, ac proinde non est prædicatum proprium, & quidditativum substantiæ, sed commune. Verum si daretur illa substantia creata supernaturalis, quæ talis deberet respicere Deum tanquam proprium specificationium supernaturalitatis participatæ. Licet ergo Deus in se, sit ens supernaturale, non tamen omnia participari Deum secundum rationem supernaturalitatis; tunc participatur prout est supernaturalis, quando participatur aliqua ratio illius, secundum modum proprium, quo est in Deo; tunc participatur & non prout supernaturalis, quando aliqua ratio illius participatur, non secundum modum quo in Deo resplendet, sed secundum modum quo esse potest ea ratio in creaturis. Qui enim participat, non totum capit, sed partem capit, & partem relin-

quit. Quomodo autem cum his coereat, quod Deus considerari possit ut auctor naturæ, & supernaturalis, constat ex ijs quæ dicuntur à nobis in tract. de gratia disp. 3. n. 83. solvuntur argum. in contrar.

173 Primum argum. Non repugnat substantia supernaturalis ex eo, quod est substantia supernaturalis, cum in Deo detur ratio substantiæ supernaturalis; neque ex eo quod est creata, neque ex parte utriusque, quia unio hypostatica est aliquid substantiale creatum, ergo. Resp. repugnare ex parte utriusque, quod autem detur hypostatica unio creata, & supernaturalis, patet, quia non est substantia, sed modus substantialis; qui cum sit quiddam imperfectum in linea substantiæ potest respicere aliquid extra.

174 Secundum argum. de facto datur lumen gloriæ, quod est ordinis supernaturalis; ergo etiam dari poterit substantia eiusdem ordinis; quia quodcumque accidens debet dicere ordinem ad substantiam proportionatam, & eiusdem ordinis; non enim potest accidens supernaturale, respicere substantiam naturalem. Resp. concedendo antecedens, & negando consequens. Ad probationem dicitur, quod accidens supernaturale licet tanquam specificatum respiciat rationem supernaturalem quam participat, tamen tanquam subiectum respicit substantiam naturalem, quam eleuet, & cum qua habet proportionem ratione potentie obedientialis.

175 Tertium argum. Visio beata est actio vitalis supernaturalis, ergo debet esse connaturalis alicui substantiæ supernaturali. Resp. concedendo antecedens, & negando consequens, sufficit enim, quod sit connaturalis virtuti eleuanti, & etiam ipsi substantiæ, ut eleuetur, non substantiæ supernaturali.

176 Quartum argum. Cæteræ perfectiones divinæ participari possunt, ergo etiam ratio substantiæ, aliàs participatio ordinis supernaturalis esset imperfecta; nam in ordine naturali divina substantia participatur, & participari non posset in ordine supernaturali. Resp. quod etiam ratio substantiæ supernaturalis participa-

tur; nam eam participat gratia, quæ datur ad esse in linea supernaturali. Neque hinc sequitur, quod participatio naturalis sit perfectior participatione supernaturali; quia nobilitas participationis non desumitur ex modo essendi, sed ex modo quo fit participationis; patet autem, quod gratia sanctificans nobilissimo modo participat divinam essentiam, seu substantiam. Tum quia participatio, quæ fit in modo essendi substantiali in linea naturali, non oritur ex perfectione ipsius substantiæ naturalis, sed potius ex imperfectione, quia non participatur ratio substantiæ modo proprio Dei, seu secundum modum quo est in Deo, sed secundum modum proprium creaturatum.

177 Quintum argum. Quia ex hoc, quod daretur substantia supernaturalis, non sequeretur, quod esset eiusdem naturæ cum Deo; ergo dari potest. Antecedens probatur, quia ex hoc, quod alijs, secundum alias rationes se communicet, non se communicat infinito modo, nec sequitur, quod res producta sit ens à se, sed est ab alio; ergo. Resp. negando antecedens, constat enim ex dictis, quod si daretur talis substantia supernaturalis esset ens à se, creator, non creatura.

D Y B I U M XIV.

An lumen gloria concurras per modum speciei impressæ ad visionem Dei per essentiam.

178 Prima sententia est, quod lumen gloriæ in visione beata concurret tanquam species intelligibilis, ac proinde tanquam daas virtutem requisitam ex parte obiecti, non ex parte potentie. Sic Vasquez hoc loco disp. 43. cap. 3. & 7. quem aliqui sequuntur.

179 Nostra sententia sequenti concel. explicatur. Lumen gloria nullo modo concurret ut species impressæ, nec dat virtutem ex parte obiecti. Hæc conclusio videtur definita in Clement. ad nostrum de hæreticis, ubi sequentes Beguinarum, & Beguardorum errores condemnantur. Primo

quod homo in vita presenti tantum, & talis perfectionis modum potest acquirere, quod reddatur penitus impeccabilis, & amplius in gratia proficere non valet. Secundo, quod ieiunare non oportet hominem, nec orare postquam gradum huiusmodi perfectionis fuerit assequutus, quia tunc sensus ubi est ita perfectus spiritus, & rationi subiectus, quod homo potest libere corpori concedere quicquid placet. Tertiò, quod illi, qui sunt in prædicto statu perfectionis, & spiritu libertatis, non sunt humana subiecti obedientia, nec ad aliqua præcepta Ecclesiæ obligantur; quia, (ut asserunt) ubi spiritus Domini, ibi libertas. Quarto, quod homo potest ita finalem beatitudinem, secundum omnem gradum perfectionis in presenti assequi, situs eam in vita obtinebit beata. Quinto, quod qualibet intellectualis natura in se ipsa naturaliter est beata; quodque anima non indiget lumine gloriæ ipsum eleuante ad Deum videndum, & eo beate fruendum. Sexto, quod si in actibus exerceat virtutem, est hominis imperfecti, & perfecta anima licentia à se virtutes. Septimò, quod mulieris osculum (cum ad hoc natura non inclinet) est mortale peccatum; actus autem carnalis (cum ad hoc natura inclinet) peccatum non est. Octauò, quod in eleuatione corporis Christi, non debeant assurgere, nec ei reuerentiam exhibere, asserentes, quod esset imperfectionis eiusdem, si à puritate, & altitudine sua contemplationis descenderent, &c. Vbi, ut vides, dicebant hæretici isti in quinto errore, quod anima non indiget lumine gloriæ ipsam eleuante ad Deum videndum; qui error cum ibi eum alijs damnetur, sequitur, quod lumen gloriæ requiratur ad visionem beatam tanquam dispositio eleuans, & non tanquam species, quia eleuatio se tenet ex parte potentie, species, ex parte obiecti.

180 Probatur 1. Lumen gloriæ complet intellectum tribuendo ei actiuitatem, quæ ex parte potentie desideratur ad visionem claram Dei producendam; ergo non tribuit eam quæ desideratur ex parte obiecti, ac proinde non fungetur officio speciei impressæ. Hæc vltima consequentia nota est, quia si non tribuit actiuitatem

se

se tenentem ex parte obiecti, non fungitur officio speciei, idem enim est fungi officio speciei, ac tribuere actiuitatem se tenentē ex parte obiecti. Prima etiam consequenter, quia cum actiuitas ex parte potentiae, & ex parte obiecti sint diuersae, sequitur, quod ab eodem lumine tribui non possint actiuitas namque ex parte potentiae, est actiuitas per modum foeminae, & actiuitas ex parte obiecti, est per modum masculi. Antecedens in quo difficultas esse potest, probatur. Nam intellectus secundum se, non habet virtutem proportionatam, non habet quantitatem virtutis ad visionem. Dei producendam; cum enim Deus clarē visus sit obiectum improporionatum, & superexcedens, & intellectus secundum se improporionatus, debet illi superaddi aliqua virtus per quam proportionetur, & fiat potens ad eam visionem eliciendam; hoc aliud esse nequit, nisi lumen gloriæ; ergo. Vel assignetur quid illud sit. Tum quia sicut ad reliquos actus supernaturales, v.g. fidei ultra species obiectum representantes requiritur lumen fidei; per quod potentia fiat potens ad attingendos actus fidei, ita, &c.

181. Probatur 2. quia sicut ad hoc, quod intellectus eliciat actus naturales, ultra speciem representantem obiectum, indiget lumine naturali, quod est illius virtus, & actiuitas, ita ad hoc, quod eliciat actum supernaturalem visionis beatificæ, ultra speciem, requiritur lumen supernaturale, quod det virtutem, & actiuitatem ad dictam visionem producendam.

182. Occurrit 1. ex Vasquez, quod lumen gloriæ ratione suæ eminentiæ, & perfectionis utrumque munus præstat, & eleuat potentiam ut lumen, & vnit obiectum, ut species. At in actu fidei est aliquid, quod correspondet lumini, scilicet assensus. & iudicium, & aliquid, quod correspondet speciebus, scilicet apprehensio, ac cum visio beata sit actus simplicissimus, totus correspondet lumini, prout fungitur dictis muneribus. Sed contra, quia nequit lumen gloriæ præstare dicta munera; nam quoties agentia principalia distinguuntur realiter in esse entitatio, & vnum concur-

rit per modum masculi, & aliud per modum foeminae, non possunt principia proxima esse vnum, idemque in ordine entitatio; sed visio beata oritur ab intellectu, ut foemina, & à Deo ut ab obiecto, in esse entitatio distinctis, ergo etiam eorum virtutes proximæ, scilicet lumen, & species, debent distingui realiter. Implicat namque, quod vnum, & idem sit virtus proxima adeo diuersorum, scilicet intellectus, & obiecti, masculi, & foeminae. Nec illud quod addit Vasquez, est ad rem, quia etiam in visione beata datur assensus, & iudicium, quod correspondet lumini, & obiecti apprehensio, quæ correspondet speciei. Tum quia non est minus simplex actus fidei, quam visio beata; ergo si ad actum fidei requiritur ultra species, lumen, ita ad visionem beatam.

183. Occurrit 2. ex eodem auctore, quod intellectus, & lumen ut habet rationem speciei, concurrunt ad eandem visionem, sed diuisiuè, quatenus intellectus attingit illam secundum rationem generalem intellectionis ad quam habet actiuitatem, & non indiget eleuante; at lumen attingit illam secundum rationem specificam supernaturalitatis, ac proinde lumen gloriæ se tenebit ut parte obiecti, tribuentis specificationem. Sed contra, quia falsum est, quod intellectus attingat solum, illam visionem secundum generalem rationem intellectionis; cum enim visio beata sit actio vitalis vitalitate particulari, non potest non esse ab intellectu tanquam à principio vitali particulari, & cum intellectus sine aliquo eleuante nequeat eam attingere, debet ex necessitate superaddi lumen gloriæ per quod fiat potens ad eam attingendam. Tum quia, quævis potentia attingit ultimam rationem suorum actuum etiam in adæquatorum; ergo etiam intellectus debet attingere ultimam rationem dictæ visionis. Tum etiam, quia intellectus beati non solum denominatur intelligens, sed etiam videns Deum, ac proinde debet eam visionem attingere secundum ultimam, & atomam rationem. Est etiam falsum, quod ratio illa generalis intellectionis sit naturalis, quia in ea visione non

distinguuntur, scilicet intellectus, ratio intellectiōis, & talis intellectiōis. Soluuntur argum. in contrarium.

184 Primum argum. Lumen gloriæ non influit in visionem ex parte potentie, ergo vel nullo modo influit, vel influit per modum speciei vicem gerentis obiecti. Antecedens probat Vasquez, quia intellectus ex parte sua tantum attingit visioē secundum generalem rationem intellectiōis, ad quam non desideratur, nisi ipsa natua virtus intellectus; ergo. Resp. negando antecedens. Ad probationem iterum negatur antecedens, & constat ex dictis.

185 Secundum argum. quia si lumen non influeret per modum speciei, non posset causare visionem secundum gradum specificum; sed causat; ergo. Maior probatur, quia in visione sunt duo: quod sit visio, seu intellectio ut sic, & quod sit talis. Ratio prima causatur ab intellectu; ergo si secunda non causatur à lumine, à nullo causabitur. Resp. quod ratio specifica visionis beatæ causatur ab intellectu, & lumine, ex determinatione formæ, seu diuinæ essentie ut habet rationē speciei. Quod si fiat distributio inter ea quæ ad visionem beatam concurrunt; intellectus, & lumen concurrunt ex parte potentie, seu prout in hoc partu integrant vnā potentiam cōpletam; & species concurret ex parte obiecti, ut habet rationem masculi.

186 Tertium argum. quia lumen gloriæ præstat cum concursu, quem obiectum præstare deberet in ordine ad dictā visionem; ergo concurret per modum speciei. Antecedens probatur, quia concursus obiecti, seu actiuitas illius solum est determinare intellectum ad speciem actus concurrente simul cum eo; at hoc præstat lumen eleuando intellectum ad videndum hoc determinatē obiectum; ergo. Resp. negando antecedens; ad probationem dicitur, quod est duplex determinatio; vna ex parte potentie, & hanc ponit lumen, alia ex parte obiecti, & hanc ponit species. Prior determinatio consistit in eleuatione potentie ad talem actum; posterior, in vnione potentie cum tali obiecto per talem speciem.

D V B I U M XV.

An lumen gloriæ sit dispositio necessaria, ut essentia diuina vniamur per modum speciei cum intellectu beati.

187 **P**artem negantem tuetur Vasq. hoc loco disp. 43. cap. 3. vbi dicit, quod essentia diuina non fungitur officio speciei, tamen adhuc hoc dato, lumen gloriæ non posset esse dispositio necessaria ad hoc ut diuina essentia per modum speciei vniretur cum intellectu beati.

188 Nostra sententia seq. concl. explicatur. *Requiritur lumen gloriæ in intellectu beati tanquam dispositio necessaria ad recipiendam essentiam diuinam in ratione speciei impressæ.* Hanc concl. tradit S. Doctor art. 5. vbi sic dicit. *Cum autem aliquis intellectus videt Deum per essentiam, ipsa essentia Dei sit forma intelligibilis intellectus.* Vnde oportet, quod aliqua dispositio supernaturalis ei superaddatur, ad hoc quod eleuetur in tantam sublimitatem. D. Thomas sequuntur omnes eius discipuli, quos refertur N. Salm. hoc loco.

189 Hanc conclusionem sic probat S. Doctor. *Omne quod eleuatur ad aliquid, quod excedit suam naturam, oportet, quod disponatur aliqua dispositione, qua sit supra suam naturam.* Sed in visione beata intellectus eleuatur ad aliquid, quod est supra suam naturam; ergo debet per aliquid disponi, quod sit supra suam naturam, hoc est lumen gloriæ, ergo. Minor, & conseq. constant. Maiorem sic probat: *Sicut si aer debet accipere formam ignis, oportet, quod disponatur aliqua dispositione ad talem formam.* Tum quia vltima dispositio ad formam, debet esse eiusdem ordinis cum forma, ad quam disponit.

190 Occurrit 1. ex Vasquez, quod licet ad recipiendam formam naturalem, quæ inhæret requiratur dispositio, non tamen ad recipiendam diuinam essentiam, quæ non inhæret. Sed contra, quia licet essentia diuina non inhæreat; vnitur tamē cum intellectu per modum formæ intelligibi.

gibilis, ad proinde requireret dispositionem, sicut eam requirit forma naturalis, quæ est longè inferior. Tum quia forma intelligibilis non vnitur, nisi potentia supponatur habere virtutem sufficientem ad intelligendum; sed intellectus sine lumine gloriæ nō habet hanc virtutem, vt patet, ergo.

191 Occurres 2. ex eodem auctore, quod licet ad formam naturalem requiratur dispositio, non tamen ad formam supernaturalem, quia cum etiam hæc dispositio esset supernaturalis, indigeret alia dispositione, & ista alia, vsque in infinitum. Sed contra, quia dispositio non requiritur ad recipiendam dispositionem, nec ad recipiendam quaecunque formam siue naturalem, siue supernaturalem; sed ad recipiendam dumtaxat eam formam, quæ in suo ordine habet rationem naturæ, & est vltima, sed essentia diuina est huiusmodi, vt constat, ergo. Vnde cum etiam gratia sanctificans sit talis, requirit aliquam dispositionem, vt infundatur. Tum quia intellectus in ordine intelligibili, est pura potentia, & diuina essentia purus actus, & cum non possit potentia transire à pura potentia in purum actum nisi aliquid intermediet, debet dari lumen per quod pura potentia ad purum actum transeat. Soluuntur argum in contrarium.

192 Primum argum. Vnio hypostatica, est maior vnione beata, & tamen nullam requirit dispositionem, ergo neque eam requirit vnio beata, in qua essentia diuina vnitur cum intellectu beati. Resp. concedendo pro modo antecedens, & negatur consequ. Ratio discriminis est, quia vnio hypostatica fit in subsistentia, quæ nō potest requirere aliam subsistentiam, sicut nec existentia requirit aliam existentiam, nec aliam dispositionem accidentalem, aliàs prius esset esse secundum quid, quam esse simpliciter. At essentia diuina non vnitur ad subsistendum, vel existendum; cum iam supponat intellectum existere, ac proinde capacem dictæ dispositionis.

193. Secundum argum. Ad hoc vt aliqua potentia recipere possit speciem alicuius obiecti, sufficit, quod habeat virtutem aliquam circa illud secundum ra-

tionem generalem obiectiuam; sed intellectus hanc habet virtutem, ergo. Nec valet, maiorem esse veram quando obiectum est proportionatum, secus quando est superexcedens. Nam contra est, quia nullus sensus indiget confortari; vt recipiat speciem sensibilis excellentis; ergo neque ea confortatione indigebit intellectus. Antecedens probat tum experientia, tum quia species vehementis sensibilis, non opponitur temperamento potentie, nec eam lædit, sed potius perficit. Resp. sustinendo traditam responsionem; ad probationem dicitur totam esse falsam, cum notum sit, quod vehemens sensibile lædat sensum.

194 Tertium argum. Intellectus creatus perfusus lumine gloriæ est inferioris rationis ipsa essentia diuina, vt habet rationem speciei intelligibilis; ergo nil refert quod intellectus secundum se sit inferior; si enim inferioritas potentie nil refert in primo casu, nil etiam refert in secundo. Resp. quod licet intellectus perfusus lumine gloriæ sit inferior ipsa essentia diuina, cum non sit in eodem gradu immaterialitatis, est tamen iam eleuatus ad ordinem diuinum; non sic intellectus sine lumine gloriæ. Vnde illa prior inferioritas est intra eundem ordinem; hæc extra, & in diuersis ordinibus.

195 Quartum argum. Ad receptionem luminis gloriæ, nulla requiritur dispositio, ergo neque ad receptionem diuinæ essentiae. Antecedens communiter admittitur. Conseq. probatur, quia lumen gloriæ est forma supernaturalis, & ordinis diuini; ergo si hæc recipi potest sine dispositione, & alia quæcunque recipi poterit. Resp. concedendo antecedens, & negatur consequ. ad probationem dicitur, quod dispositio non requiritur ad dispositionem sed ad formam vltimam. Sola diuina essentia per modum speciei, habet rationem formæ vltimæ, non lumen gloriæ. Sed dicet, quod neque species sit forma vltima, cum hæc existat in esse intelligibili per ipsam intellectionem. Resp. quod licet existentia requiratur ad agendum, non est tamen forma actiua, ac proinde sola

spe-

species erit ratio agendi, & in hoc ordine
ultima, non illius existentia.

D V B I V M XVI.

*An lumen gloriae necessariò desideretur, ad
visionem Dei recipiendam.*

196 **P**rima sententia negat, hanc se-
quitur Scotus in 4. dist. 49. q.
15. & in 3. dist. 14. Vsq. hic disp. 43. &
alij. Nostra sententia sequenti concl. ex-
plicatur. *Lumen gloriae necessariò requiri-
tur ad visionem Dei recipiendam.* Pro hac
concl. citant Salm. D. Thomam, & omnes
eius discipulos. Pro quo, notandum 1.
hoc esse discrimen inter habitum, seu dis-
positionē ex vna parte, & potentiā ex alia.
Quod habitus, & dispositio naturales non
dantur ad simpliciter posse, sed solū ad be-
ne, vel male, seu facilius posse. At potentia
naturalis, & alia quaecunque datur ad sim-
pliciter posse. Notandum 2. quod habi-
tus, & dispositio supernaturalis, dantur
ad simpliciter posse, & facilius posse. Vnde
habitus, & dispositio supernaturales qua
parte participant aliquid de habitibus, &
dispositionibus naturalibus, dant facilius
posse, qua parte participant de potentijs,
dant simpliciter posse. Cum enim im-
plicet dari potentias supernaturales, & sub-
stantiam supernaturalem, ipsi habitus, &
dispositiones fungentur officio potentiarū
& dabunt simpliciter posse; his positis.

197 Probatur 1. conclusio. Quia de
ratione actionis vitalis & immanens per-
fecta est, ut recipiatur in eadem potentia
proxima, à qua elicitur, ut visio in visu,
auditio in auditu, &c. sed visio beata elici-
tur ab intellectu perfuso lumine gloriæ;
ergo recipietur in intellectu perfuso lumi-
ne gloriæ. Solus namq. intellectus perfusus
lumine gloriæ est potentia proxima elicitiua
visionis. Vnde sicut intellectio Angelica
non nisi in intellectu Angelico recipitur,
quia ab hoc solo elicitur; ita visio beata
in solo intellectu lumine gloriæ perfuso
recipitur, quia ab isto solo elicitur.

198 Probatur 2. quia licet intellectio
non petat recipi in suo principio adequato

elicitivo, nam non recipitur in specie in-
telligibili, petit tamen recipi in eo toto,
quod se tenet ex parte potentie, & con-
currit per modum potentie; sed lumen
gloriæ ita se habet; ergo. Cum enim
intellectio sit quidam partus, debet recipi
in eo, quod habet rationem foeminae, non
in eo, quod habet rationem masculi, nam
in nulla generatione foetus recipitur in
masculo, sed in sola foemina.

199 Probatur 3. quia illud ipsum
desiderabitur ad receptionem visionis,
seu intellectiois beatæ, quod desideratur
ad receptionem speciei impressæ, & in
nostro casu, ad receptionem diuinæ essen-
tiæ, ut fungitur officio speciei impressæ;
sed lumen gloriæ requiritur ad receptio-
nem diuinæ essentiae, ergo etiam ad recep-
tionem intellectiois. Maior probatur,
quia ut infra de scientia Dei dicetur
intellectio est existentia speciei in esse in-
telligibili, ergo ubi recipietur species, re-
cipietur eius existentia; & quod desidera-
tur ad receptionem primi, desiderabitur
ad receptionem secundi. Soluuntur at-
gum. in contrarium.

200 Primum argum. Habitus non
est dispositio ad recipiendum actum; sed
lumen gloriæ comparatur ad visionem tan-
quam habitus ad actum; ergo, &c. Ma-
ior probatur, nam habitus fit per actus,
ac proinde præsupponitur ad actus; ergo
habitus non disponit ad actum; aliàs pos-
terius disponderet ad prius. Tum quia
gratia non disponit ad actum dilectionis;
sed è contra, dilectio disponit ad gratiam
Resp. quod licet in habitibus acquisitis
actus disponat ad habitum, non habitus
ad actum; tamen in habitibus infusis, &
constituentibus potentiam in esse poten-
tiæ, habitus disponit ad actum, ut in casu
nostro. Ad illud de gratia dico, quod &
gratia disponit ad dilectionem, & dilectio
ad gratiam in diuerso genere causæ. Nā
actus dilectionis requiritur ad receptionē
gratiæ, in genere causæ materialis dispo-
sitiuæ; gratia vero requiritur ad receptio-
nem dilectionis non in genere causæ dis-
positiuæ, sed per modum constituentis pri-
mum subiectum illius per modum subie-
cti connaturalis.

Sc-

201. Secundum argum. quotiescunq; subiectum ordinatur ad plures formas recipiendas, prius recipit perfectissimam; sed intellectus ordinatur ad plures formas, inter quas visio beata est perfectissima, ergo prius hanc recipiet. Maior patet, quia licet materia prima ordinetur ad formas substantiales, & accidentales, prius tamen recipit formam substantialem, quam accidentalem. Minor etiam patet, nam visio beata cum sit vltima beatitudo creaturæ intellectualis, erit perfectissima illius forma. Resp. quod licet quando plures formæ ita comparantur, ut una sit substantialis, & alia accidentalis, tunc prius recipitur substantialis, quam accidentalis, ut patet ex exemplo aliato materię primæ; tamen quando omnes sunt accidentales, & superioris ordinis, non sic res currit, sed illa prior recipi debet, quæ constituit potentiam, ut in nostro casu lumen gloriæ, & postea recipitur illa, quæ à potentia sic constituta produciatur, ut est visio beata.

202. Tertium argum. Intellectus secundum se, est proportionatus ad recipiendam dictam visionem beatam, ergo non requiritur lumen ut proportionetur. Antecedens probatur, quia intellectus secundum se, est proportionatus ad recipiendum ipsum lumen, sicut anima ad recipiendam gratiam; & idem intellectus ad recipiendum habitum fidei, ergo, &c. Resp. negando antecedens, ad probationem, conceditur, quod intellectus sit proportionatus ratione potentie obedientialis ad recipiendum lumen, quia hoc immediatè causatur à Deo ut à causa principalis; at visio beata causatur ab intellectu perfulso lumine gloriæ, & causatur tanquam actio vitalis, & immanens, quæ recipi debet in principio eliciente.

203. Quartum argum. quia alias intellectus ageret in lumen gloriæ, eliciendo visionem, quæ in eo recipienda est; hoc autem est falsum, quia inferius ageret in superius. Resp. negando antecedens, quia intellectus, & lumen non comparantur tanquam duæ causæ, sed tanquam una, eademq; vnde intellectus non agit in lumen, sed intellectus perfulsus lumine, agit in

se ipsum, producendo visionem in se.

D V B I V M XVII.

An intellectus sine lumine gloriæ, cum solo concursu concomitante diuinæ essentia, possit videre Deum.

204. **P** Artem affirmantē tueretur Suarez, Vasq. Molina, & alij relati à N. Salm. Nostra sententia seq. concl. explicatur. *Etiā per diuinā potentiam, non potest intellectus creatus per puram, & nudā potentiam obedientialem, ipse cum solo concursu concomitante in visionem, non in intellectum, visionem beatam producere.* Pro hac conclusione referunt N. Salm. D. Aug. D. Tho. Hug. Aluar. Capreol. Sor. Nazareth. Banq. Nazar. aliosque. Probat ex Clement. ad nostrum, de heret. errore quinto, quam supra retulimus n. 179. vbi damnantur illi, qui dicunt, quod ad videndum Deum non requiritur lumen gloriæ tanquam dispositio eleuans, si autem cum solo concursu concomitante posset ea visio produci, neque lumen gloriæ requiretur.

205. Probat ex deinde ratione. Causa de se insufficientis ad aliquam altiore operationem, non potest illam elicere, nisi vel superaddatur intensio, si insufficientia procedat ex huius defectu; vel alia virtus specie distincta; sed intellectus non potest propria virtute producere visionem beatam, ergo ut illam eliciat, debet aliqua virtus specie distincta superaddi, cum insufficientia non procedat ex defectu intentionis, sed ex defectu formæ, seu virtutis, ac proinde non sufficit influxus simultaneus. Maior constat, quia causa insufficientis cum solo concursu simultaneo, non sit sufficiens, & proportionata, ad attingendam operationem. Quod autem intellectus sit de se insufficientis ad visionem beatam producendam, constat.

206. Respondent 1. posse Deum per suam omnipotentiam supplere defectum luminis, quia omnis efficiencia causæ secundæ potest suppleri à prima. Sed contra,

tra, quia licet possit Deus supplere concursum puræ causæ efficientis, non tamen vitalis; nec facere potest, quod causa vitalis eliciat actionem vitalem, sine sufficenti virtute, & efficacia; cum enim de essentia actionis vitalis, sit prodire à principio vitali implicat contradictionem, quod actio vitalis prodeat, à principio insufficienti. Tum quia lumen gloriæ non concurrat solum in genere causæ efficientis, sed etiam formalis, quod genus causæ à Deo suppleri non potest, cum inuoluat imperfectiorem. Quod autem lumen gloriæ concurrat etiam ut causa formalis; patet, quia se tenet ex parte potentiz ipsam eleuando, confortando, & tribuendo virtutem proximam ad videndum.

207 Respondent 2. quod intellectus concurrat solum tanquam virtus partialis, & lumen tanquam alia virtus partialis, ac proinde poterit huius concursus à Deo suppleri. Sed contra, quia intellectus secundum se non habet nisi virtutem radicalem, & nullam proximam; ergo falsum est quod concurrat tanquam virtus partialis. Si enim intellectus non habet virtutem proximam partialem ad actus fidei eliciendos, ut colligitur ex Trident. sess. 6. can. 3. quatenus definitur, quod homo indigeat gratia præueniente, ut illos eliciat ita nec habet ad visionem beatam. Tum quia si intellectus concurreret partialiter; vel concurreret partialiter naturaliter, vel partialiter supernaturaliter, non primum, quia cōcursus debitus deberet esse naturalis, quia causa partialis naturalis nequit exigere concursum supernaturalem. Non secundum, quia intellectus consideratur hoc modo ab huius sententiæ auctoribus in linea naturalis; causæ autem naturali partiali debetur solum concursus naturalis. Tum etiam quia intellectus per suam potentiam obedientialem non potest habere virtutem partialem proximam etiam instrumentalem per quam præcontineat in actu primo opera miraculosa; ergo neque eam habebit per quam præcontineat visionem beatam; quod enim nequit aliquid continere per modum instrumenti à fortiori nequit illud continere per modum

causæ principalis, ac proinde si intellectus nequit præcontinere opera miraculosa, per modum instrumenti, multo minus præcontinere poterit visionem beatam ut causa principalis etiam partialis. Antecedens probatur, quia si intellectus haberet causæ virtutem, tunc illa potentia obedientialis esset infinita, cum effectus miraculosi se excedant in infinitum.

208 Respondent 3. quod intellectus solum instrumentaliter concurrat ad visionem beatam, ac proinde non indiget, nisi motione seu influxu principalis agentis, quia cum instrumentum non eleuetur ad esse, sed solum ad operari, non erit necesse, quod aliquid causæ imprimatur sed sufficiet concursus in operatione. Sed contra, quia dato, quod intellectus concurrat solum ut instrumentum, ad beatam visionem, adhuc debet aliquid illi imprimi, per quod in actu contineat instrumentaliter dictam visionem. Deinde dico falsum esse quod intellectus solum instrumentaliter concipiat ad visionem beatam. Primum, quia intellectus attingit eam visionem ut eleuatus; ac proinde ut causa principalis. Secundo, quia ea visio non est extra latitudinem obiecti adequati intellectus. Tercio, quia quævis natura concurrat ut causa principalis ad proprias operationes, gratia autem in linea supernaturali habet rationem naturæ, & operatur per suam virtutem tanquam per rationem proximam scilicet per lumen gloriæ, ergo.

209 Primum argum. quia lumen gloriæ solum datur, ut suppleatur virtus efficiens intellectus; ergo potest suppleri à Deo; nam intellectus habet virtutem ut producat eam visionem qua vitalem, & solum indiget lumine, ut eam producat vitalem. Resp. concedendo antecedens, & negando consequ. ad probationem constat ex dictis supra quod intellectus non habet vim producendi dictam visionem, nisi radicaliter; si enim semel posset eam attingere qua vitalis est, etiam qua talis est, attingere posset; cum ratio vitalitatis, & talis, non distinguantur nisi per intellectum

210 Secundum argum. Actus fidei, & cha-

charitatis supernaturalis fieri possunt sine habitibus proportionatis; ergo etiam actus visionis Dei. Resp. quod licet dicti actus fieri possint sine habitibus non tamen sine aliquo, quod gerat vicem habitus, aut dispositionis, modo suo loco explicando.

D V B I V M XVIII.

An essentia diuina vniri possit in ratione luminis saltem de potentia absoluta, in visione beata.

211 **A**ffirmant aliqui apud Salmant. Nostra sententia duabus conclusionibus explicatur. Prima conclusio. *Implicat contradictionem Deum vniri in ratione luminis gloria cum intellectu creato, ac proinde non potest predictus intellectus sine lumine creato eidem inherere elicere visionem beatam.* Pro hac conclusione referunt N. Salm. D. Thomam, Caiet. Bann. Zumel, Sot. Capreol. alioque.

212 Probatur 1. Implicat, quod Deus vniatur in ratione formæ petentis finiri, & limitari; sed lumen gloriæ est forma, quæ petit finiri, & limitari; ergo implicat, quod Deus vniatur in ratione luminis gloriæ. Maior constat, quia si Deus vniri posset in ratione formæ petentis finiri, & limitari, posset finiri, & limitari, ac proinde Deus esset finitus, & infinitus. Minor probatur, quia lumen gloriæ se tenet ex parte intellectus ipsum eleuans, & confortans, ac proinde petit finiri, & limitari; virtus namque tenens se ex parte potentie operatiue eleuans, & confortans eum in actu primo, dicit essentialem habitudinem ad eandem potentiam, estque propter illam, illi commensuratur, est tota virtus illius, tota efficacia proxima.

213 Probatur 2. Implicat, quod Deus vniatur cum intellectu creato in ratione formæ naturalis; ergo implicat, quod vniatur in ratione luminis. Antecedens constat, quia ratio formæ naturalis importat limitationem, & coactionem; Consequens ostenditur, quia lumen non vnitur in ratione formæ intelligibilis, ergo vnitur in ratione formæ naturalis. Antecedens pro-

batur, quia forma intelligibilis se tenet ex parte obiecti at lumen gloriæ se tenet ex parte potentie, ipsam eleuando; nam intellectus simul cum lumine eleuante, tantum habet rationem puræ potentie in ordine intelligibili respectu diuinæ essentie, & visionis illius.

214 Probatur 2. quia ideo Deus vniri potest in ratione speciei intelligibilis cum intellectu creato tanquam eum secundario perfectibili. Et ideo vniri potest in ratione subsistentie, & existentie cum humanitate Christi D. quia habet rationem formæ intelligibilis respectu proprii intellectus, & rationem puri termini respectu suæ essentie, sed diuina essentia non habet rationem formæ naturalis respectu Dei, quia conceptus istius formæ inuoluit imperfectionem, non conceptus formæ intelligibilis; ergo neque id ipsum habebit respectu intellectus creati.

215 Respondent aduersarij, quod adhuc vt Deus vniatur in ratione luminis, non est necesse, quod vniatur in ratione formæ naturalis, seu in esse entitativo, sed sufficit, quod vniatur in ratione actus entitativi; cum enim essentia diuina sit actus purissimus, hoc modo vniri potest. Sed contra, quia si diuina essentia vniri posset in ratione actus, eum non posset vniri in ratione actus vt sic, debet vniri in ratione determinata actus, seu vt est talis actus; sed quilibet actus aut est naturalis, aut intelligibilis; ergo. Tum quia licet essentia Angeli sit actus, non tamen vniri potest in ratione actus cum alio Angelo; tum quia essentia diuina vniri non potest per modum puri termini, quia in suo conceptu non dicit rationem termini, sed formæ intelligibilis. Tum etiam, quia frustra laborarent Theologi in explicando quomodo Verbum diuinum vniatur per modum puri termini.

216 Secunda conclusio. *Lumen gloriæ quod indispensabiliter requiritur ad visionem beatam, est vel per modum habitus, vel per modum dispositionis, seu per modum transiuntis.* Pro hac concl. referunt Salm. D. Thomam 2.2 q. 173. art. 3. ad 2. & alibi, & est omnino certa, & probatur, quia

A a lumen

lumen gloriæ sicut & aliæ qualitates constituentes aliquam potentiam in actu primo, possunt participari tum per modum habitus, tum per modum dispositionis; ergo, &c. Antecedens probatur, tum ex communi consensu metaphysicorum, distinguuntur has qualitates in habitum, & dispositionem; seu in qualitatem quæ datur per modum permanentis, & per modum transeuntis. Tum quia voluntas constituitur in actu primo ad actum charitatis, tum per habitum, tum per dispositionem, scilicet per auxilium, ut quando cum habitu intenso ut 4. elicit actum intensum, ut 5. Tum etiam quia Moyses, & Paulus cum viderent divinam essentiam habuerunt lumen gloriæ per modum transeuntis. Pro quo videri possunt quæ dicuntur à nobis in tract. de merito *disp. 19. n. 64.* & infra n. 308.

217 Primum argum. Essentia diuina est suum esse in omni genere; ergo poterit vniri in ratione luminis. Antecedens constat. Conseq. probatur, quia ideo essentia diuina potest vniri cum intellectu creato in ratione speciei, quia est suum esse in hac ratione; sed est etiam suum esse in ratione luminis, ergo etiam in hac ratione vniri poterit. Resp. concedendo antecedens, & negando conseq. Ad probationem, dico, quod ideo essentia diuina potest vniri in ratione speciei, quia & est suum esse, & hæc vnio nullam inuoluit imperfectionem; at licet essentia diuina sit etiam suum esse in ratione luminis, hæc tamen vnio cum sit in ratione forme naturalis inuoluit imperfectionem.

218 Secundum argum. Lumen gloriæ pertinet ad ordinem intelligibilem; ergo Deus poterit vniri in ratione luminis, sicut ob hanc rationem potest vniri in ratione speciei. Resp. quod lumen gloriæ pertinet ad ordinem intelligibilem per modum potentie in hoc ordine, Deus autem non potest hoc modo vniri, cum inuoluet imperfectionem, ut ex dictis liquet.

219 Tertium argum. quia ideo causa formalis indiget informatione, aut inhaerentia, ut tribuat suum effectum formalem,

quia non est talis effectus formalis; sed diuina essentia in ratione luminis est suus effectus formalis; ergo non indiget informatione, aut inhaerentia ut illum tribuat. Resp. quod etiam forma naturalis est suus effectus formalis, quem alio modo non producit nisi per dationem sui, & sic etiam essentia diuina in hoc sensu est suus effectus formalis, quem non nisi per dationem sui tribuere potest, quod essentia diuinæ repugnat, ut ex dictis constat.

220 Quartum argum. quia aliæ causæ inferiores, absque eo, quod aliquid illis superaddatur, cum sola coniunctione, & subordinatione ad superiorem agere possunt, & effectum producere, quem aliis producere non possent; ergo hoc idem præstare poterit intellectus sine luminis gloriæ superadditione, cum sola coniunctione, & subordinatione ad Deum. Antecedens constat; nam colores cum sola coniunctione cum lumine redduntur visibiles. Phantasma cum sola subordinatione ad intellectum agentem producit speciem. Cogitativa cum sola subordinatione ad intellectum possibilem habet aliquem discursum. Resp. negando antecedens. Ad 1. exemplum de colore, dico, quod à luce participat aliquam virtutem ratione cuius producat species immutativas sensuum. Idem dico de Phantasmate, & cogitativa.

221 Quintum argum. quia ut docet S. Doctor *in 1. q. 106. art. 1.* Angelus inferior illuminatur à superiori ex sola subordinatione ad ipsum, absque eo, quod aliquid recipiat; ergo eodem modo intellectus beati à Deo illuminari poterit absque eo quod aliquid recipiat. Resp. concedendo antecedens, & negando conseq. ratio discriminis est, quia illuminatio Angelorum fit solum per modum magisterij proponendo obiectum modo proportionato ipsi Angelo inferiori. Cæterum in nostro casu debet aliquid imprimi in intellectu ut confortetur, eleuetur, & fiat potes ex parte potentia ad videndum Deum. Quare quando S. Doctor, & alij dicunt, non necessarium requiri lumen gloriæ ad videndum Deum, intelligi debent ad sensum primæ conclusionis, cum non sit necessarium

rius lumen per modum habitus, sed sufficiat per modum dispositionis.

D V B I V M XIX.

An visiones beatificæ sint æquales?

221 **H**oc dub. sic expedit S. Doctor art. 6. *Videntes Deum per essentiam unus alio perfectius cum videbis: quod quidem non erit per aliquam Dei similitudinem perfectiorem in uno, quam in alio, cum illa visio non sit futura per aliquam similitudinem, ut ostensum est; sed hoc erit per hoc, quod intellectus unus habeat maiorem virtutem, seu facultatem ad videndum Deum, quam alterius.* Hæc S. Thomas, claritatis tamen gratia, duas pono conclusiones.

223 Prima concl. *Inter visiones beatas reperitur inæqualitas.* Constat ex illo Ioan. 14. *In domo Patris mei mansiones multe sunt.* Er sic sentiunt Sancti Patres contra Iovinianum. Ratio clara est, quia loquendo de adultis, visio beata conferatur illis per modum coronæ, ac proinde debet in ea seruari iustitia, ut detur secundum proportionem meritorum; unde cum merita non sint in omnibus æqualia, etiā visio beata æqualis non erit. Colligitur totum hoc ex illo Apostoli 2. ad Tim. 4. *In reliquo reposita est mihi corona iustitiæ, quam reddet mihi Dominus, &c.* Tum quia Deus in alia vita servat iustitiam in punitione peccatorum; ergo etiam servabit in præmio meritorum; ut sic plus puniatur, qui plus peccavit; ira plus premio largiatur, qui plus promeruit.

224 Obijciebat Iovinianus illam parabolam Christi D. Matt. 10. ubi omnibus in vinea diversimodè laborantibus vnicus denarius datus est, quæ parabola ex communi Patrum consensu significat eternam beatitudinem, in qua diversimodè laborantibus, idem præmium conceditur. Resp. quod in illa parabola per denarium non intelligitur beatitudo formalis, quæ diversa est, pro diversitate meritorum, sed intelligitur beatitudo obiectiva, quæ in omnibus æqualis est; quod autem illi qui

sustinuerunt pondus diei, & æstus conquiescerentur, nil facit, cum in parabolis non requiratur omnimoda similitudo, & convenientia.

225 Secunda concl. *Visiones beatæ possunt etiam esse æquales.* Sunt æquales in pueris cum baptismo ante rationis usum decedentibus, cum illis gratia æqualis sit, cum detur per modum hæreditatis ex meritis Christi. Possunt etiam esse æquales in aliquibus adultis, cum contingere possit, quod aliqui cum æqualibus meritis decedant.

D V B I V M XX.

An inæqualitas visionum beatarum, sit solum intensiva, & extensiva, an etiam specifica, & essentialis.

226 **P**rima sententia est, quod visiones beatæ non solum sunt inæquales intensivè, & extensivè, sed etiam essentialiter; ita quod visiones hominum sint vnus speciei, & visiones Angelorum aliarum specierum, sicut Angeli non solum specie distinguuntur ab hominibus, verum etiam inter se. Sic Maior in 4. dist. 49. q. 1. Secunda sententia admittit de facto solum inæqualitatem intensivam, & extensivam, non specificam; tamen de possibili eam admittit. Sic Navarrete hoc loco contra 39. S. 2.

227 Nostra sententia sequenti concl. explicatur. *Visiones beatarum possunt esse inæquales intensivè, & extensivè, non tamen specificè, aut essentialiter.* Pro hac sententia referunt N. Salm. D. Tho. Caiet. Gonzal. Machin. aliosque. Probatur 1. tota inæqualitas visionis beatificæ, ex sola inæqualitate luminis gloriæ desumitur; sed lumen gloriæ solum potest esse inæquale in intentione, & extensione, non imperfectione essentiali, ergo. Maior constat ex infra dicendis; cum enim lumen gloriæ sit tota virtus proxima videndi Deum, sequitur, quod diversitas potentialium, & perfectio earum naturalis se habeat de materiali in ordine ad eliciendam dictam visionem beatam. Minor ostenditur, quia essentia

cuiuscunque luminis gloriæ est tendere, permanenter in Deum prout est in se, in quo non datur diuersitas specifica, ac proinde lumina omnia erunt eiusdem speciei. Solum variabuntur in intensiōe, & in extensiōe, quatenus extenduntur ad plura obiecta secundaria, ad plures creaturas, modo infra explicando.

228 Respondent quod lumina gloriæ distinguuntur specie quatenus sunt magis, aut minus immaterialia, quatenus magis aut minus accedunt ad immaterialitatem supernaturalem diuini intellectus, quam participant, & deinde conueniant genere in ratione habitus clarè cognoscitui Dei. Sed contra, quia quod dicta lumina sint magis, aut minus immaterialia modo dicto non arguit differentiam specificam, sed solum accidentalem secundum maiorem, aut minorem intensiōem eiusdem rationis. Tum quia ideo intellectus Angelici differunt specie, quia quo vnus est perfectior eo vitur minori numero specierum; sed omnes beati vtuntur vnicā, eademque specie diuinæ essentia, ergo non possunt specie distinguī eorum visiones, neque eorum lumina; vbi namque lumina essentialiter distinguuntur, etiam species illis discernentes distinguī debent.

229 Probatur 2. Visio beata animæ Christi D. est longè perfectior quacunque visione beata cuiuscunque Angeli, imò quam sint omnes beatorum visiones simul, sed si visiones Angelorum differrent specie à visionibus hominum, non esset talis, ergo. Respondet 1. Maior, quod visio beata Christi D. est perfectior in ratione beatitudinis, non in ratione cognitionis. Sed contra, quia visio beata Christi D. etiam quatenus beatitudo, est cognitio, ergo si est nobilior in ratione beatitudinis, erit etiam nobilior in ratione cognitionis, & è contra. Respondet 2. Visionem Christi D. non esse perfectiorem quoad entitatem visione Angelica, sed solum quoad valorem præmij, & in ordine ad satiandum appetitum, sicut aurum quoad entitatem est perfectius quocunque argento, tamen quoad valorem superari potest, ita &c. Sed contra, nam vel est sermo de valore intrin-

seco, vel extrinseco, in ordine ad aliquem vsum extrinsecum; si de primo, visio quæ est nobilior secundum speciem, est etiam nobilior secundum valorem intrinsecum, suæ naturæ conuenientem. Si de 2. nihil facit, quia ibi non datur finis, aut vsum extrinsecum ratione cuius vna visio sit alia perfectior.

230 Primum argum. Intellectus humanus, & Angelicus distinguuntur specie, ergo etiam visiones ab ipsis procedentes, debent distinguī specie, quia causæ speciei distinctæ, debent producere effectus speciei distinctos. Resp. concedendo antecedens, & negando consequ. ad probationem dico, quod tunc causæ speciei distinctæ producant effectus speciei distinctos, quando agunt prout specie distinguuntur, scilicet quando agunt per virtutem proximā eiusdem speciei, in ordine ad quam distinctio specifica se habet de materiali, vt contingit in nostro casu.

231 Secundum argum. In cognitione prophetica datur distinctio, & inæqualitas specifica, cum versetur circa diuersa obiecta, ergo etiam in visione beatifica; consequ. probatur, tum ex paritate rationis, tum quia Deus ratione suæ eminentiæ æquualet pluribus obiectis specie diuersis. Resp. transeat antecedens, & negatur consequ. tum quia lumen propheticum quippe imperfectum potest habere plura obiecta in quæ diuersimodè tendat; at lumen gloriæ simplicissimum habet obiectum. Tum etiam quia eminentia Dei non est causa distinctionis specificæ, sed vniōis.

232 Tertium argum. vnus beatus est essentialiter, seu beatitudine essentiali beatiori alio; ergo debent beatitudines distinguī essentialiter. Resp. quod omnes beati fruuntur beatitudine essentiali, quæ consistit in cognitione matutina, non tamen essentialiter diuersa.

233 Quartum argum. quod est fundamentum secundæ sententiæ. Nam si ob aliquam rationem visiones beatæ non possent specie distinguī, maximè quia omnes tendunt in Deum secundum se; sed hæc ratio est nulla; ergo. Minor probatur, quia visio creata, & increata distinguuntur essentialiter.

sentialiter, & tamen vtraque terminatur in Deum secundum se. Tum quia visio Dei, & beatorum distinguuntur, quia illa est infinitè clarior, non ista, ergo penes minorem, & maiorem accessum distinguuntur, &c. Tum etiam quia intellectiones Angelorum ordinis naturalis distinguuntur specie, penes maiorem ac minorem immaterialitatem; ergo etiam intellectiones beatæ hoc modo distingui possunt. Resp. concedendo maiorem, & negando minorem. Ad probationem conceditur antecedens, quia intra lineam obiecti beatifici sunt duo modi, seu duæ differentie essentielles attingendi Deum prout est in se, scilicet comprehensivæ, & iste modus est solius Dei, & non comprehensivæ, & iste est omnium creaturarum intellectualium. Per quæ patet ad alia, quæ adducuntur.

D V B I V M XXI.

An melior potentia intellectiva clarius essentiam divinam intueatur cum lumine æquali.

234 **A**ffirmant Ricardus in 4. dist. 49 q. 8. art. 2. Maior q. 10. Scotus dist. 50. q. 6. Durand. in 3. dist. 14. q. 1. & alij relati à N. Salmant. Nostra sententia sequenti concl. explicatur. *Visio beata cum lumine gloriæ omnino commensuratur, ac proinde nequit perfectior intellectus cum æquali lumine Deum perfectius intueri.* Hanc conclusionem tradit S. Doctor in hoc articulo 3. & in 4. dist. 49. q. 2. art. 4. & 3. contr. gent. cap. 58. quem sequuntur omnes eius discipuli, ut testatur N. Salmant.

235 Probatur 1. Intellectus nequit proprijs viribus Deum videre; ergo neque per maiores vires poterit magis videre. Antecedens constat ex dictis supra; nam sine lumine gloriæ ipsum eleuante, Deum videre non potest. Conseq. probatur, quia sicut se habet simpliciter ad simpliciter, ita magis ad magis; ergo sicut intellectus per naturæ vires nequit videre Deum, neque per maiores vires. Quoniam ideo non potest intellectus simpliciter videre Deum, quia eius vires simpliciter sunt inferiores,

& visio beata est simpliciter superior, & superexcedens, sed etiam maiores vires intellectus sunt inferiores maiori perfectione visionis beatæ, & maior perfectio dictæ visionis superexcedit maiorem perfectionem naturalem intellectus, ergo. Tum quia sunt eiusdem ordinis primus gradus visionis beatæ, ac reliqui; ergo si ex Clement. ad Nostrum, de hæreticis ad ponendam visionem beatam quoad primum gradum requiritur lumen gloriæ eleuans, ita ad attingendos reliquos gradus requiritur maius lumen eleuans.

236 Probatur 2. quia visio beatifica non tribueretur vnicuique iuxta proportionem suorum meritorum; hoc est falsum, ergo. Sequela probatur, nam sunt duo qui habeant merita æqualia, & alter habeat intellectum perfectiorem, iste elicere poterit visionem clariorem, quæ maior claritas non corresponderet meritis, sed naturali perfectioni intellectus; ergo.

237 Respondet Molina; quod licet in casu dicto produceretur æqualis visio, quia illi qui habet intellectum præstantiorem dabitur lumen correspondens meritis, & insuper clarius videbit ratione intellectus præstantioris, tamen erit iste æqualis alteri, quia isti dabitur maius auxilium per quod adæquet alterius visionem. Vel certe habenti intellectum præstantiorem dabitur minus auxilium, ut nō prorumpat in visionem intensiorem. Sed contra, quia Deus debito connaturalitatis debet dare auxilium iuxta exigentiam virtutis, ac proinde habenti intellectum nobiliorē, dari debet auxilium intensius. Tum quia Deus ut retributor præmij operatur secundum communes leges, & non miraculosè; ergo debet conferre auxilium, iuxta exigentiā causæ. Tum etiam quia ille, qui habet intellectum imperfectiorem, cum maiori auxilio, prorumperet in æqualem visionē, & non prorumperet; prorumperet, ut supponitur; non prorumperet, quia per auxilium maius non constituitur intellectus in actu primo potens elicere clariorem visionem, cum hoc sit officium luminis.

238 Respondet 2. Molina; quod in casu dicto vni tribuitur minus lumen, ut sic

fic æqualis visio producat; unde tunc visio correspondebit meritis æqualibus non lumen. Sed contra, quia si lumen non tribuitur iuxta proportionem meritorum neque premium, scilicet visio non dabitur iuxta proportionem eorum meritorum nam illa portio visionis quæ correspondet maiori perfectioni intellectus, non dabitur ex meritis, nec habebit rationem præmij. Tum quia inde fieret, quod illa maior intensio visionis, quæ correspondet maiori perfectioni naturali intellectus non esset supernaturalis. Tum etiam quia, habens merita ut quatuor, cum intellectu perfectiori, habet charitatem ut quatuor, cum gratia, & charitas augeatur iuxta augmentum meritorum; qui habet charitatem ut 4. debet habere amorem beatificum ut 4. qui ex visione ut 4. procedit. Deinde falsum est, quod lumen gloriæ non habet rationem præmij, est enim donum patriæ; Denique quia si maior intensio gratiæ, & charitatis in via habent rationem præmij, ita maior intensio luminis habebit rationem præmij.

239 Primum argum. desumitur ex testimonio D. Tho. 3. p. q. 10. art. 4. ad 2. ubi dicitur: *gradus in visione secundum perfectionem, magis attenditur secundum ordinem gratiæ, quam secundum ordinem naturæ.* Illud autem magis, cum sit comparativum denotat, quod perfectio visionis etiam attendatur secundum ordinem naturæ. Resp. quod ly *magis* non accipitur comparative sed negative, & exclusivè alterius extremi Sicut accipitur illud *ad hebr.* 11. ubi de Moyse dicitur, quod *eligitur magis affligi cum populo Dei, quam temporalis peccati habere iucunditatem.*

240 Secundum argum. Quotiescunque duæ causæ concurrunt ad vnum eundemque effectum toties per incrementum cuiuscunque producit maior, & perfectior effectus; sed ad visionem Dei concurrunt intellectus, & lumen gloriæ; ergo per incrementum cuiuscunque visio perfectior producet. Tum quia perfectior causa, cum meliori instrumento nobiliorem effectum producit; g. Res. concedendo maiorem in causis partialibus secus in causis princi-

palibus operantibus per virtutem superadditam, quæ est tota virtus proxima agendi, ut contingit in nostro casu; nam cum intellectus suapte natura nequeat prodrompere in visionem beatam, sed indigeat lumine gloriæ, quod est tota virtus proxima agendi, ex eo sola maior, aut minor perfectio operationis desumitur. Quare licet verum sit, quod concursus radicalis, sic concursus in genere causæ efficientis, non tamen proximæ, sed radicalis, & elevati per virtutem proximam, quæ est tota vis agendi.

241 Tertium argum. Intellectus concurret ad visionem beatam prout dicit potentia obedientialis; sed potentia obedientialis, secundum valde probabilem sententiam de quo supra, est ipsamet entitas intellectus, quæ specie est diversa in homine, & Angelis, ergo diversimodè concurret in utroque. Maior constat ex dictis. Minor etiam ex dictis à nobis constat. Cōsequ. bene sequitur. Nam si intellectus concurret ad visionem beatam per potentiam obedientialem, & hæc est ipsamet entitas intellectus connotando tamen defectum efficacitatis proximæ; seu quantitatis virtutis ad visionem; sequitur, quod ubi hæc potentia obedientialis variabitur, etiam influxus intellectus variabitur; variatur in intellectu perfectiori; g. Res. concedendo maiorem, & distinguendo minorem. Potentia obedientialis est entitas intellectus secundum rationem generalem intellectus creati ut sic, in qua conveniunt omnes intellectus creati, & conceditur, est ipsamet entitas intellectus creati secundum rationem particularem talis, vel talis intellectus perfectioris, & negatur; non enim potentia obedientialis sumitur à perfectiori ratione intellectus, sed in intellectu fundatur, & Deum sub ratione omnipotentis respicit, & ad illum specificatur; unde maior intellectus perfectio de materiali importatur.

242 Quartum argum. quia intellectus humanus, & Angelicus influunt in visionem beatam non qua intellectus, ut sic, sed qua humanus, & Angelicus, qua differunt specie; ergo qua diversimodè influunt;

fluunt; non enim possunt influere, quæ specie differunt, nisi diuersimodè influant. Antecedens probatur, quia licet Deus contineatur sub obiecto tum intellectus humani, tum Angelici, tamen diuersimodè, nam sub obiecto intellectus Angelici continetur vt est attingibilis modo proprio Angelorum, at sub obiecto intellectus humani continetur vt est attingibilis modo proprio illius; ergo cum diuersimodè sit attingibilis, diuersimodè etiam attingetur. Resp. negando antecedens, cum enim intellectus humanus, & Angelicus assumantur ad visionem beatam, secundum quod dicunt potentiam obedientialem, & hæc non diuersificetur in illis, sequitur, quod non assumantur quæ differunt, sed quæ conueniunt. Et licet intellectus humanus, & Angelicus, quæ tales in linea naturali diuersimodè Deum respiciant, non tamen in linea supernaturali, vbi ratio respiciendi est eadem.

243 Quintum argum. quia maior intellectus perfectio cum æquali lumine fidei perfectius attingit alios actus supernaturales; g. Antecedens probatur, quia intellectus perfectior cum æquali lumine fidei magis, & perfectius penetrat fidei mysteria, vt constat in Theologo; g. Resp. negando antecedens. Ad probationem, dico, quod perfectior intellectus potest quidem perfectius apprehendere, perfectius, clariusque explicare mysteria fidei, non tamè perfectius assentiri; perfectior namque assensus, ex perfectiori lumine desumitur.

244 Sextum argum. Intellectus perfectior cum æquali lumine gloriæ potest magis conari in ordine ad visionem magis perfectam; ergo intellectus perfectior perfectius videbit. Antecedens probatur, quia conatus ad operationem, non conuenit potentie ratione habituum, sed è contra, quia non potentia subordinatur habitibus, sed habitus potentie in ordine ad operari, quia habitibus vtimur quādo volumus; g. Resp. negando antecedens; quia sicut intellectus sine lumine non potest efficere visionem; ita sine maiori lumine non poterit magis efficere. Ad probationem dico, quod in ordine ad actus supernatura-

les conatus conuenit potentie ratione habituum, quia isti habitus non subordinantur potentijs, sed sibi potentias subordinant. Quod autem habitibus vtamur cum volumus, non denotat conatum, sed libertatem potentie.

D V B I V M XXII.

An Intellectus creatus possit per diuinam potentiam comprehendere Deum.

245 **D** Thomas art. 7. determinat, quod nullus intellectus creatus potest Deum comprehendere, quia non potest cum cognoscere quantum cognoscibilis est; nam comprehendere, est totum comprehendere, seu tenere, iuxta illud S.P. Aug. 20. de ciuit. cap. 8. *Quidquid scientia comprehenditur, scientis comprehensione fitur, quatenus nihil est in re sic cognita, quod sit extra cognitionem comprehendentem illam.* & epist. 112. cap. 9. dicit. *Totum comprehenditur videndo, quod ita videtur, quod nihil eius lateat videntem, aut cuius fines conspici, vel circumscribi possunt.*

246 Prima tamen sententia est, quod licet Deus de potentia ordinaria comprehendendi nequeat ab intellectu creato, comprehendendi tamen potest de potentia absoluta, sic Valentia, *disp. 1. q. 12. p. 5.* licet sub dubio loquatur. Nostra sententia seq. concl. explicatur. *Nullus intellectus creatus quocumque lumine gloriæ persusus, potest per quamcunque potentiam comprehendere Deum.* Pro hac concl. stat cōmunis Theologorum consensus, vt testantur N. Salmant. Stat etiam sacra scriptura, nam Ier. 32. dicitur. *Fortissimè, magnè, & potens Dominus exercituum, nomen tibi magnus consilio, & incomprehensibilis cogitatu.* Et Rom. 11. dicuntur iudicia Dei incomprehensibilia. Idem traditur cap. *firmiter, de summa Trinit. & cap. damnamus*; cod.

247 Probatur 1. quia ad hoc quod intellectus comprehendat aliquod obiectum, debet illud cognoscere, quantum cognoscibile est; ita quod nihil lateat cognoscentem; sed nullus intellectus creatus potest hoc modo cognoscere Deum; ergo

ergo nullus intellectus creatus potest illū comprehendere. Maior constat ex definitione comprehensionis ex D. Augustino tradita. Tum quia ad hoc ut aliqua cognitio sit comprehensiva, requiritur quod sit æqualitas inter cognitionem, & obiectum cognitum, ut illa tantum extendatur, quantum hoc. Tum etiam quia ad hoc ut obiectum comprehendatur, requiritur, quod non solum cognoscatur quoad ea, quæ sunt in eo formaliter, verum etiam quoad ea, quæ sunt in eo eminenter. Minor probatur, quia ut dicit S. Doctor, nullus intellectus creatus potest cognoscere Deum cognitione infinita, ut cognoscibilis est. Tum quia ad comprehensionem requiritur, quod cognitio vel sit superioris immaterialitatis, vel saltem eiusdem; sed nullus intellectus creatus potest esse eiusdem immaterialitatis cum Deo; Tū etiam quia Deus non est minus intelligibilis, quam intellectus; sed est infinitè intellectus, ergo etiam erit infinitè intelligibilis.

248 Probatur 2. quia operatio, quæ alicui convenit per naturam, & ex vi propriæ formæ, convenit perfectè, & in summo; & quæ convenit per participationem convenit imperfectè, & deficienter; sed cognitio Dei prout est in se, convenit Deo per naturam, & creaturis per participationem, ergo Deo conveniet perfectè, & creaturis imperfectè, & deficienter, ac sub inde solus Deus comprehendet se ipsum, non creatura.

249 Primum argum. Non minus est infinita essentia divina quàm eius attributa; sed eius attributa comprehendendi possunt; ergo etiam essentia. Maior nota est. Minor probatur, quia ut docet S. Doctor 3. p. q. 10. art. 4. anima Christi d. comprehendit scientiam visionis, eo quod cognoscat omnia quæ Deus scit scientia visionis, sicut enim ille comprehenderet scientiam simplicis intelligentiæ, qui cognosceret omnia possibilia, ad quæ se extendit, ita ille comprehendit scientiam visionis, qui videt omnia, ad quæ hæc scientia extenditur. Resp. concedendo maiorem, & negando minorem, ad probationem dico, quod

anima Christi d. non cōprehendit scientiā visionis, quia licet extendatur ad cognoscenda omnia ad quæ de facto se extendit, non tamen se extendit ad ea omnia cognoscenda ad quæ se extendere potest, si ponantur in aliqua differentia temporis.

250 Secundum argum. Quilibet beatus videt essentiam divinam tam secundū suam entitatem, quam secundum omnes modos, qui in ipsa reperiuntur, ergo eam comprehendit. Consequentia tenet, quia comprehendere nil aliud est, quam videre aliquid totum, & totaliter, eo autem ipso, quod essentia divina videtur tam secundum suam entitatem, quam secundum omnes modos illius, videtur tota, & totaliter. Antecedens probatur, quia tota entitas divinæ essentię, & omnes modi eius, sunt vna, eademque simplicissima realitas, ergo nequit videri secundum aliquid, & secundum aliquid nō videri. Nec valet dicere, videri essentiam divinam secundum id, quod dicit formaliter, non secundum id, quod dicit eminenter; nam illa eminentia est Deus, ac proinde formaliter in Deo reperitur. Resp. negando antecedens, ad probationem dico, quod licet essentia divina, & omnes modi eius sint vna simplicissima realitas, si accipiantur secundum id, quod de formali, & fundamentaliter important, secus si accipiantur secundum suas particulares terminationes, seu connotationes ad creaturas in particulari. Dico in particulari, quia divina omnipotentia prout quasi specificatur ad creaturas in communi, cognosci non potest, sine ordine ad illas consideratas hoc modo; at creaturas in particulari cum non sint virtuale eius specificatum, non respicit formaliter, sed quasi materialiter, ac proinde visa omnipotentia, secundum quod dicit formaliter, non est necesse, quod videantur ille particulares terminationes, & extensiones, sine quibus essentia divina tota, & totaliter non cognoscitur, cum isti modi particulares non cognoscantur, ex vi cognitionis divinæ, essentię, & omnipotentię; ex vi namque cognitionis huius, solum factibile ut sic cognoscitur, non particularia factibilia, imò

imò implicat, quod hæc omnia cognoscantur.

251 Tertium argumen- quia cum dicitur, quod Deus à beatis videtur totus, sed non totaliter, vel *ly totaliter*, dicit aliquem modum tenentem se ex parte rei visæ, & hoc non, quia quicquid est in Deo, est vna, & simplicissima realitas, & formalitas, ac proinde nequit secundum aliquid videri, & secundum aliquid non videri; vel dicit modum se tenentem ex parte vidētis, & neque hoc, quia potentia tota sua virtute Deum videt. Tum quia ad comprehensionem non desideratur, quod obiectum omni modo se tenente ex parte vidētis videatur, aliàs solus Deus comprehenderet res, & vna creatura non comprehenderet aliam, quod est falsum. Resp. 1. quod *ly totaliter* non dicit modum se tenentem ex parte rei visæ formaliter consideratæ, quia hoc modo quilibet beatus videt Deum totum, & totaliter, quatenus videt omnes formalitates in Deo repertas. Sed dicit modum se tenentem ex parte rei visæ in genere, seu in ratione obiecti, quia obiectum non cognoscitur secundum particulares terminationes, & extensiones ad creaturas in particulari. Resp. 2. quod *ly totaliter* dicit etiam modum se tenentem ex parte rei visæ formaliter, quia licet quilibet beatus videat omnes formalitates in Deo repertas, non tamen eadem claritate, qui enim habet maius lumen gloriæ, licet non plura videat formaliter, clarius tamen videt, sicut enim qui vident eandem tabulam, sed diuerso lumine, v. g. vnus candelæ parvæ, & magnæ, vident omnes colores eiusdem tabulæ, seu picturæ, sed non eadem claritate; ita, &c.

252 Quartum argu. Intellectus creatus eleuari potest ad videndum ea, quæ sunt in Deo formaliter, & eminenter; ergo potest comprehendere Deum. Quod intellectus eleuari possit ad videndum ea, quæ sunt in Deo formaliter, constat; quod autem eleuari possit ad videndum ea, quæ sunt in Deo eminenter probatur, quia Deus secundum ea, quæ dicit formaliter, & eminenter, non est obiectum perfectius, quam sit solus Deus, prout scilicet dicit ea,

quæ sunt in eo formaliter tantum; sed ad hoc eleuatur, ergo & ad illud eleuari poterit. Resp. negando antecedens, quoad secundam partem. Ad probationem dico, quod eminentia tria dicit, 1. formalitatem in Deo repertam, & hoc modo nihil addit. 2. ipsa factibilia, seu connotata, seu terminationes passivas, & hoc etiam modo nihil addit. 3. dicit terminationem actiuam, vt petit cognosci tanto lumine, vt exprimit tantam, vel tantam perfectionem, & tunc aliquid dicit, & addit in ratione obiecti, scilicet tantam cognoscibilitatem, & hoc, quod est petere tantum lumen per quod tali modo cognoscatur.

253 Quintum argum. quia omnipotentia non est factiua factibilis vt sic, sed huius, & illius factibilis, ergo cognosci non potest, quin cognoscatur hoc, & illud factibile. Antecedens probatur, quia omnipotentia est factiua practica; potentia autem practica respicit hoc, aut illud obiectum in particulari, non vt sic. Resp. concedendo antecedens, & negando consequentiam; aliud namque est, an potentia factiua sit solum factiua rei particularis, & determinatæ, & aliud est, an ad hoc vt cognoscatur necesse sit quod cognoscantur rationes particulares. Est verum, quod visus non videt practicè, nisi hoc, aut illud visibile, & tamen, an ad hoc vt potentia visua cognoscatur, non est necesse, quod cognoscatur hoc, & illud visibile; sed sufficit, quod cognoscatur visibile vt sic; ita, &c.

254 Sextum argum. quia Deus totus, & totaliter continetur intra obiectum intellectus creati; ergo poterit eleuari ad eum videndum, ac subinde comprehendendum; antecedens est notum, cum Deus secundum quamcunque rationem sit ens. Conseq. etiam constat, quia vnaquæque potentia potest eleuari ad tendendum in totum suum obiectum. Resp. Deum totum, & totaliter contineri intra obiectum adæquatum intellectus vt cognoscibilem infinitè, ab eodem intellectu creato, & negatur; vt cognoscibilem modo sibi proportionato; & conceditur.

255 Septimum arg. Deus potest communicare intellectui creato lumen infinitum

tè intensum, ergo per illud poterit comprehendere Deum. Antecedens probatur, quia lumen gloriæ non petit limitationem quoad intensionem, & efficacitatem ex propria ratione formalis, cum sit formalis participatio luminis divini, Resp. negando antecedens. Ad probationem dico, quod licet ratio participata sit infinita, id tamen quod participat debet esse finitum, quia omne participans dicit essentiam finitam. Tum quia subiectum creatum non est capax formæ infinitæ. Deinde dato, quod dari posset lumen infinitum, adhuc per illud non posset comprehendere Deum, qui est infinitus infinitus, qui est infinitus non in vna tantum serie, sed in omni; tum quia dato vno lumine infinitè intenso, adhuc dari posset aliud magis, & magis intensum.

D V B I V M XXIII.

An videntes Deum videant omnia absoluta, & quæ formaliter sunt in illo.

256 **P**ro parte negante referunt aliqui Henricum *quodlibet*. 7. q. 4. Godofredum *quodlibet*. 6. q. 3. Victoriam, ac Tenorium etus Magistrum. Nostra sententia seq. concl. explicatur. *Omnes beati vident in Deo omnes perfectiones absolutas, & necessarias formaliter in ipso existentis, quoad omnem realitatem, quam in ipso ponunt.* Pro hac concl. stant D. Thomas, & omnes discipuli eius, vt testantur N. Salmant. Ratio clara est, quia essentia divina cum omnibus absolutis, quæ sunt in ipsa, est vna simplex, & indivisibilis formalitas, est vnum, simplex, & indivisibile obiectum; ergo omnia à videntibus eam clarè, & intuitivè, videri debent.

257 Primum argum. quoniam in Deo sunt infinitæ perfectiones absolutæ virtualiter inter se distinctæ; istæ videri nequeunt sine lumine infinito; ergo. Maior probatur quia Deus est imitabilis, & communicabilis modis infinitis, & specie distinctis; ergo. Resp. quod licet in Deo sint infinitæ perfectiones virtualiter distinctæ, non tamen actu, ac proinde non constituunt

aliquem numerum actu, sed virtute tantum, ac subinde eodem lumine quo actu videtur vna, videntur omnes, cum omnes sint vna, simplexque formalitas. Bene, verum est, quod ad videndas illas infinitas perfectiones prout virtualiter inter se distinguuntur, & prout vna est alia perfectior in infinitum, requireretur lumen infinitum.

258 Secundum argumentum. Maius lumen requiritur ad videndas omnes Dei perfectiones, quam ad cognoscendas omnes creaturas possibiles; sed ad cognoscendas omnes creaturas possibiles; requiritur lumen infinitum; ergo, &c. Resp. negando maiorem; nam ad videndas divinas perfectiones sufficit lumen finitum, cum sint vna simplicissima formalitas, quæ se ipsam ad mensuram luminis communicat, ac proinde finito modo; verum ad videndas creaturas possibiles, vel secundum quod in Deo dicunt illas infinitas participabilitates, vel secundum quod in se ipsis dicunt suas essentias, lumen infinitum requiritur, vt ex se constat.

259 Tertium argum. nam in Deo sunt infinitæ, idæ, quarum quælibet per se, & in particulari respicit per se primò illam creaturam, cuius est idea; sed quilibet beatus videt has omnes ideas, ergo. Resp. negando maiorem; idæ namque divinæ secundum id, quod formaliter important sunt vna simplicissima ratio formalis virtualiter indistincta, quam omnes beati vident secundum quod respicit creaturas in communi, non secundum rationes particularium determinationum.

D V B I V M XXIV.

An divina essentia videri possit sine personis, & vna persona sine alia, de personis absoluta.

260 **P**Artem affirmativam defendit Scotus in 1. diff. 1. q. 2. quem omnes eius discipuli sequuntur. Nostra sententia sequenti concl. explicatur. *Simpliciter contradictionem, quod essentia divina videatur prout est in se sine personis, aut vna per-*

persona sine alia. Pro hac concl. referunt Salmant. Caiet. Medinam, Sotum, Gabre-ram, aliosque. Colligitur ex illo Ioan. 14 *Philippe qui videt me, videt & patrem*, cuius rationem assignans Dominus dicit. *Non credis quia ego in patre & pater in me est?* Vnde S.P. Aug. lib. 1. de Trin. cap. 8. sic fatetur. *Sine ergo audiamus, offende nobis filiū suū audiamus, offende nobis patrem, tantundem valet, quia neuter sine altero potest ostendi.*

261 Probatur 1. Diuinæ personæ cōstituuntur relationibus, sed relationes sunt simul natura, & cognitione, ergo non potest vna videri sine alia, ac subinde quin videatur natura, cum non possit clarè, & quidditatiuè videri persona, seu relatio, quin videatur essentia, & natura illius, in qua est. Maiorem docent Theologi. Minorem Dialectici. Respondet Lorca 1. 2. q. 3. disp. 13. Hinc solum sequi, quod non possit videri pater sine filio, & è contra, quia relatiuè dicuntur, non tamen sine spiritu sancto, cum quo relatiuè non dicuntur, nam cognio patre, & filio non est necesse cognoscere spirationem actiuam, quæ harum duarum personarum constitutiva non est, sed potius eas supponit constitutas. Sed contra, quia licet pater non constituatur per spirationem actiuam, est tamen suppositum per illam relatum, ergo implicat, quod pater quidditatiuè cognoscatur quin cognoscatur vt suppositum relatum ad Spiritum Sanctum, ac subinde quin cognoscatur Spiritus Sanctus. Tum quia paternitas, & spiratio actiua sunt vna simplex formalitas, ergo non potest cognosci paternitas intuitiue, quidditatiuè, & clarè, quin cognoscatur spiratio actiua, ac subinde, quin cognoscatur Spiritus Sanctus.

262 Probatur 2. Implicat, quod essentia diuina videatur quidditatiuè, quin videantur eius prædicata quidditatiua, sed essentia diuinum esse communicatam personis, seu hoc, quod est essentiam diuinam esse in tribus personis, est prædicatum illius quidditatum; ergo implicat essentiam diuinam videri quidditatiuè, quin videantur tres personæ diuinæ. Licet enim personæ diuinæ non sint de conceptu quid-

diatiuo essentiae, cum sint solum quidam modi, aut quasi modi illius, tamen est prædicatum quidditatum essentiae, quod sit illis communicata. Respondent ex hoc solum sequi, quod non possit videri essentia diuina, quin videatur ratio personæ vt sic, non tamen hæc, & illa persona. Sicut ad hoc vt videatur diuina omnipotentia, quidditatiuè sufficit, quod videatur factibile vt sic, non factibilia determinatè. Sed contra, quia essentia diuina non respicit personas vt sic, sicut omnipotentia factibile vt sic, sed eas respicit determinatè, nam essentia diuina est connexa cum tribus personis diuinis determinatè, non diuina omnipotentia. Essentia namque diuina per se primò respicit personas diuinas, vt constituunt Trinitatem.

263 Confirmatur 1. quia essentia diuina non est vtunque communicabilis, sed intellectualem modo, scilicet per intellectum, & voluntatem, ac proinde per filij generationem, & Spiritus Sancti processionem. Confirmatur 2. quia de ratione quidditatie visionis est, quod percipiat Deus prout est in se formaliter, & expressè nexus cum suis formalitatibus, relationibus, proprietatibus, modis, &c. Confirmatur 3. quia ideo viso Deo non est necesse, quod videantur creaturæ possibiles in particulari, quia hoc modo non necitur formaliter, & primariò, sed materialiter, & secundariò; sed diuina essentia necitur cum personis formaliter, & primariò, ergo.

264 Primum argum. Diuinæ relationes non pertinent ad obiectum primarium visionis beatificæ, ergo poterit essentia diuina videri, illis non visis. Conseq. tenet, antecedens ostenditur, quia relationes nõ videntur ratione sui, sed ratione essentiae, ex eo, quod non habent distinctam rationem visibilitatis, & fruibilitatis. Resp. 1. concedendo antecedens, & negando conseq. Licet enim relationes pertineant ad obiectum secundarium, sunt tamen cum primariò maximè connexæ, ob rationes dictas, ac proinde non poterit videri obiectum primarium, quin videatur secundarium. Resp. 2. negando antecedens, quia licet essentia diuina sit obiectum prima-

rum quo, personæ tamen sunt obiectum primarium quod, terminans eandem visionem.

265 Secundum argum. Pater æternus prius origine videt essentiam suam, quam sit productus filius, & Spiritus Sanctus, & tamen in illo priori est beatus; ergo beatitudo haberi potest ex sola visione essentia diuinæ. Resp. quod licet Pater æternus sit prior origine, quam filius, & Spiritus sanctus, non tamen est prius beatus, quia cum beatitudo sit prædicatum commune, & essentialē, in eo non datur prioritas originis. Nec est verum, quod pater producat filium ex cognitione diuinæ essentia, si intelligatur de productione actiua, quia per illam particulam ex denotatur ordo originis inter cognitionem, & productionem actiuam filij, quod est falsum, cum ipsa cognitio, sit actualis productio.

266 Tertiū argum. quia si filius, & Spiritus Sanctus, pertinerent ad obiectum primarium visionis paternæ, tunc Pater haberet aliquid ab his duabus personis, ac proinde non esset simpliciter prior illis, sed hoc est falsum; ergo. Maior ostenditur, quia obiectum primarium visionis, est principium illius, ergo. Resp. negando maiorem. Ad probationem dico, quod licet obiectum primarium quo, seu motiū sit principium visionis, non tamen terminatiuum.

267 Quartum argum. Pater æternus est à se beatus, ergo esset beatus tametsi per impossibile non esset filius, & Spiritus sanctus; quia quod est à se tale, semper est tale, etsi quodlibet aliud non sit. Resp. quod Pater est à se beatus, sed per visionem diuinæ essentia vt est in tribus, non prout à tribus præcindit, ac proinde prout cum illis habet connexionem necessariam.

268 Quintum argum. Essentia diuina potest vni in ratione speciei intelligibilis cum intellectu beato, non vni in personis; ergo potest videri essentia, non visus personis. Antecedens probatur, quia essentia diuina communicatur filio, non communicata paternitate; ergo etiam potest communicari per modum speciei, non commu-

nicata eadem paternitate. Resp. negando antecedens. Ad probationem dico, esse disparē rationem, quia paternitas ratione oppositionis nequit communicari filio, bene tamen essentia, quæ filiationi non opponitur; at cum essentia diuina non habeat oppositionem cum paternitate, & aliunde sit illi essentialiter communicata, non poterit non eam representare. Maxime quia essentia diuina vt habet rationē speciei respectu sui, & relationum, neque virtualiter distinguitur.

269 Sextum argum. Si ob aliquam rationem diuina essentia videri non posset sine relationibus, maxime quia identificaretur cum illis, & contra relationes identificarentur cum illa, essentque illi valde intrinsecæ, sed hæc ratio nulla est, ergo. Minor probatur, quia non obstante illa, identificatione, & connexionē adhuc diuina essentia vnitur Verbo, & non vniuntur aliæ relationes; ergo. Resp. rationem esse non solum identificationem, sed vniōnem cum intellectu vt est in se, clarè, intuitiue, & quidditatiue. Tum quia, vt dictum est, diuina essentia in ratione obiecti visibilis simul cum omnibus, quæ sunt in Deo constituit vnam formalissimam rationem absque distinctione virtuali.

270 Septimū argum. Deus præcisus relationibus est prima causa creaturæ intellectualis, ergo etiam illis præcisus erit vltimus finis earum, ac proinde poterit sub hac ratione videri. Antecedens constat, quia Deus non agit ad extra ratione relationum, cum non sint actiua; tum quia si per impossibile Deus non subsisteret, nisi per vnicam subsistentiam absolutam, adhuc esset prima causa creaturarum. Consequenter probatur, quia prima causa, & vltimus finis coincidunt, quia Deus non agit nisi propter semetipsum vt finem vltimum. Vltima consequenter, quia cum visio beatifica sit consecutio vltimi finis, nil aliud desideratur ex parte obiecti nisi id, quod ad rationem vltimi finis desideratur. Resp. concedendo antecedens, & negando consequenter, quia licet ratio primæ causæ, & vltimi finis realiter coincidunt, formaliter tamen diuersificantur, quia in ratione primæ cau-

causæ, cum attendatur unica virtus agendi, non attenduntur relationes; in consecutione autem ultimi finis, cum attendatur consecutio Dei prout est in se, etiam relationes attenduntur.

271 Octauum argum. Filiatio terminat se sola humanitatem; ergo etiam se sola poterit terminare visionem beatam. Antecedens constat. Conseq. probatur, quia ideo filiatio se sola terminat humanitatem, quia se sola habet totam rationem terminabilitatis; sed etiam se sola habet rationem visibilitatis; ergo. Resp. concedendo antecedens, & negando conseq. Ad probationem dico, quod filiatio sola habet rationem terminabilitatis, non visibilitatis, imò vt dictum est, nullam habet se sola, seu ratione sui visibilitatem, sed tantum ratione essentiae diuinæ, vt iam pluries dictum est.

D V B I V M XXV.

An Beati ex vi visionis diuinæ essentia, videant libera decreta Dei.

272 **P** Artem negatiuam defendunt Durandus in 3. dist. 14. n. 12. Vasq. hoc loco disp. 50. cap. 3. n. 23. alique relati à N. Salus. Nostra sententia duplici conclusi. explicatur. Prima conclusi. *Actus liberi Dei possunt à beatis videri immediatè, & in se ipsis, ex vi visionis diuinæ essentia; seu actus liberi Dei possunt formaliter videri per visionem beatam.* Pro hac conclusi. referunt prædicti Salmant. D. Thomam, quem Theologi communiter sequuntur. Huius conclusionis sensus est, quod dicti actus liberi Dei videantur immediatè, & in se ipsis, non quia non videantur in diuinæ essentia tanquam aliquid illius; non enim habent propriam, & distinctam intelligibilitatem ab illa, vt ex dictis dubio præcedenti constat; sed quia non videntur in diuinæ essentia tanquam in causa, prout videtur creatura, neq. videntur in eadē diuinæ essentia tanquam in obiecto, prius viso, & penetrato, quia neq. hoc modo videntur, non enim beati in diuinæ essentia prius penetrata, vident actus liberos Dei,

aliās omnes viderent. Sed quia diuinæ essentia concurret ad visionem actuum liberorum, vt species intelligibilis, eos actus representans beatis, quos Deus voluerit;

273 Probatur 1. Deus videt suos actus liberos tanquam aliquid sui, ergo etiam beati. Consequentia tenet, quia visio beatorum est participatio visionis Dei, ac proinde si Deus videt sua decreta libera tanquam aliquid sui, eodem modo proportionali videbuntur à beatis. Antecedens probatur, quia actus liberi Dei sunt reales, realitate diuinæ, sunt aliquid Dei, ac proinde sunt in se ipsis cognoscibiles, sicut sunt hoc modo cognoscibilia attributa diuinæ, aliæque Dei perfectiones.

274 Probatur 2. quia vnus Angelus attingit actus liberos alterius tanquam aliquid illius, dummodo ad illum ordinentur; ergo etiam beatus cognoscat actus liberos Dei, tanquam aliquid illius modo ad illum Deus eos ordinet. Conseq. tenet ex paritate rationis; antecedens traditur in materia de Angelis: dicti namque actus liberi sunt in se ipsis cognoscibiles modo ordinentur.

275 Secunda conclusi. *Nullus beatus videt, nec videre potest omnia decreta libera Dei in particulari, seu vt ad effectus creatas in particulari terminantur, bene vnusquisq. ex vi visionis videat ea quæ versantur circa effectus ad proprium statum pertinentes.* Quod nullus beatus videat omnia decreta libera Dei, constabit ex dicendis infra, quia cum diuinæ voluntas non potuerit manere suspensa circa fortitudinem, aut non futuritionem creaturarum; sequitur; quod ista decreta sint infinita, ac proinde à nullo beato cognosci possunt. Quod autem vnusquisque beatus ea videat, quæ ad suum statum pertinent, tradit D. Thomas 3. p. q. 10. art. 2. & 3. contragent. cap. 59. & colligitur ex Concil. Senonensi, vbi dicitur, quod beati videt quidquid eorum interfit. Ratio est, quia quilibet beatus naturaliter appetit scire ea, quæ ad suum statum pertinent, ac proinde sciri debent, aliās visio beata non esset perfecta beatorum fatiatis.

276 Primum argum. quia licet quis

v.g. Angelus intuitiue, & quidditatiue cognoscat essentiam hominis, eiusque voluntatem, non ob id cognoscit decreta eius libera; ergo tamen beati intuitiue, & quidditatiue cognoscant essentiam Dei, eiusque voluntatem, non ob id ex vi huius cognoscent decreta eius libera. Resp. argumentum solum probare, quod sicut ex vi cognitionis quidditatiue voluntatis hominis, non cognoscit Angelus in ea tantumquam in causa actus liberos illius, possit tamen eos cognoscere si ordinentur; ita beati, modo explicato.

277 Secundum argum. Si decreta libera Dei ex vi visionis diuinæ essentiae viderentur, aut videri possent, deberent, & possent videri omnia; omnia videri non possunt; ergo nullum. Maior probatur, quia si semel viderentur ex vi visionis, hoc esset quia sunt aliquid Dei, quia cum diuinæ essentia identificantur; sed hæc ratio conuenit omnibus, ergo omnia videri possent. Resp. distinguendo maiorem; deberent videri omnia secundum suam realitatem, seu formalitatem, quam in Deo habent, & conceditur, secundum particulares terminationes, & negantur; & nil aliud probat ratio adducta pro confirmatione maioris.

278 Tertium argum. quia si ex vi visionis diuinæ essentiae videri possent decreta libera Dei, sequeretur, quod visio beata cresceret in perfectione ex eo, quod ad illa extenderetur, hoc repugnat, ergo & illud. Sequela probatur, quia extensio ad aliquod obiectum maxime diuinum, & infinitæ puritatis, ut sunt decreta libera Dei, non potest non refundere aliquam perfectionem in visionem. Resp. negando sequelam: ad probationem dico, quod omnes beati, ut dictum est, vident omnia decreta Dei secundum eorum realitatem, licet non secundum particulares terminationes; extensio autem ad illas particulares terminationes non refundit in visionem perfectionem essentialem sed accidentalem tantum, quia lumen quod est sufficiens ad attingendam terminationem ad talem speciem, est etiam sufficiens ad attingendas terminationes particulares

ad particularia indiuidua.

279 Quartum argum. Actus, seu decreta libera Dei non possunt videri nec ex vi luminis, nec essentiae diuinæ; ergo nullo modo. Antecedens probatur, quia illi actus liberi sunt per se occulti, ergo non possunt videri, neque ex vi luminis, neque ex vi essentiae diuinæ. Tum quia si dicti actus viderentur ex vi luminis, aut essentiae diuinæ, fieret inde, ut magis beatus plura decreta videret, & non ea tantum, quæ pertinent ad proprium statum. Resp. quod dicti actus liberi videntur ex vi luminis, & diuinæ essentiae, posita ordinatio, ne illorum; vnde antecedenter ad ordinationem non videntur, & sunt omnino occulti. Quocirca, quod beatus plura, aut pauciora decreta videat, non desumitur ex quantitate luminis, sed ex ordinatione diuinæ voluntatis.

D V B I U M XXVI.

An Beati ex vi visionis diuinæ essentiae, vident effectus, in aliqua temporis differentia existentes.

280 **N**egant Durandus in 3. dist. 14. q. 2. n. 4. & in 4. dist. 49. q. 3. nu. 15. & alij relictæ a N. Salmant. Nostra sententia sequentibus concl. explicatur. Prima conclusio. *Possunt beati ex vi visionis diuinæ essentiae videre effectus existentes in aliqua differentia temporis.* Pro hac concl. referunt prædicti Salmant. D. Thomam, Capreolum, Caiet. Sor. Ferrar. aliosque multos. Sensus huius conclusionis est, quod ipsa visio diuinæ essentiae, sit etiam visio dictorum effectuum ratione propriæ perfectionis, ita quod nil aliud desideretur ad hoc ut essentia diuina dictos effectus representet, nisi quod determinetur per decretum liberum suæ voluntatis; tunc enim tanquam in obiecto prius cognito cognoscuntur.

281 Probatur 1. quia essentia diuina ut determinata per decretum liberum suæ voluntatis potest esse ratio per modum obiecti cogniti, seu potest per modum speciei intelligibilis representare dictos effectus

Deus in aliqua temporis differentia existens; ergo ex vi visionis dictæ essentia diuinæ sic determinatæ cognosci possunt. Antecedens constat, quia causa continens aliquem effectum, & habens sufficientem immaterialitatem, & unionem cum intellectu potest habere rationem speciei ad representandum dictum effectum: ut constat de essentia Angeli, quæ potest esse species intelligibilis respectu aliquorum effectuum, nam passionem, & actum illarum cognoscuntur per eandem essentiam Angeli, modo sit sufficienter determinata; sed essentia diuina est huiusmodi, ut patet. Consequenter probatur, quia ex vi visionis aliquis essentia ea omnia videtur possunt, respectu quorum potest habere rationem speciei.

182. Prob. 2. quia Deus in sua essentia determinata per suum decretum videtur prædictos effectus in aliqua temporis differentia existentes, ergo etiam beati. Consequenter tenet ex paritate rationis. Antecedens probatur, quia Deus nullum effectum creatum videt extra se, per speciem distinctam à sua essentia; sed omnia in illa inueniuntur, in qua perfectissime representantur.

183. Respondet Vasquez, quod licet Deus videat dictos effectus in diuina essentia tanquam in specie, non tamen tanquam in causa, aut obiecto prius cognito; Sed contra, quia qui cognoscit causam, ut eminenter continet aliquem effectum, videt in ea cognoscere eundem effectum; sed Deus, & beati possunt cognoscere essentiam diuinam ut eminenter continent dictos effectus. Tum quia cum creature non aliter continentur in essentia diuina nisi ut in causa, ita quod prius sit eam esse, vel concipi ut causam, quam representare. Species autem non alio modo representat obiectum, nisi quatenus continet illud.

184. Sed dices 1. quia si semel essentia diuina habet rationem speciei respectu effectuum existentium in aliqua temporis differentia, prout est causa illorum, frustra dari deberet determinatio per decretum diuinæ voluntatis, cum sufficeret ipsa species, & existentia effectuum. Sicut ad hoc,

quod species Angelica representet aliquod obiectum, quod prius non representabat, sufficit representabilitas ex parte speciei, & existentia effectus, absque alia voluntatis determinatione. Resp. negando antecedens; nec est simile in specie Angelica; nam hæc non representat effectus ut causa, sed ut simplex species, ad quod nil aliud requiritur nisi existentia effectus; at diuina essentia representat quidem virtute dictos effectus, sed cum secundum se sit indeterminata, nisi determinetur, non representabit.

185. Dices 2. quia essentia diuina est infinita in genere representandi, ergo ad hoc ut representet effectus existentes in aliqua temporis differentia, nil aliud requiritur, nisi existentia illorum. Resp. concedendo antecedens, & negando consequenter. non enim ponimus determinationem liberam diuinæ voluntatis, ut addat aliquam rationem representabilitatis diuinæ essentia; sed ut determinet virtutem representandi illius, vel ut determinetur essentia ut causa ad productionem effectus pro tali differentia, qua determinatione posita, representatur, nam ante cum effectus non sit, nequit representari.

186. Secunda conclusio. *Potest essentia videri absque eo, quod videatur prædicti effectus siue in communi, siue in particulari.* Hanc conclusio tenent communiter Theologi, ut testantur N. Salmant. Ratio clara est, quia diuina essentia non habet connectionem cum istis effectibus existentes in aliqua temporis differentia, neque in communi, neque in particulari, ut patet cum sint effectus liberi, & per se occulti. Hinc dicitur indicium dicitur nasci Matt. 24. & Marci 13. quatenus dicitur. *De die autem illa, vel hora nemo scit, neque Angeli in celo, neque filius, nisi pater.*

187. Primum argumentum. Effectus existentes in aliqua temporis differentia, representantur libere à diuina essentia, ergo nequeunt videri ex vi visionis. Antecedens constat, quia representantur ut continentur, continentur libere, ergo representantur libere. Consequenter probatur, quia ea dicuntur videri ex vi visionis diuinæ essentia;

sentia, quæ necessariò videntur, ergo. Resp. concedendo antecedens & negando consequens. ad probationem dico, quod videre ex vi diuinæ essentia, non est necesse. quod sit videre necessariò, sed etiam liberè, data libera determinatione diuinæ voluntatis.

288 Secundum argum. Si effectus existentes in aliqua temporis differentia, viderentur ex vi visionis diuinæ essentia, viderentur etiam effectus possibiles, hoc dici nequit, ergo. Resp. quod ex vi visionis diuinæ essentia videri etiam possunt effectus possibiles, sed cum differentia, quia existentes videntur in essentia determinata per liberum decretum diuinæ voluntatis, at possibiles non. Sed contra, quia, tunc visio variaretur, quia esset intuitiva, & abstractiva, esset intuitiva prout terminaretur ad creaturas existentes in aliqua differentia temporis, esset abstractiva prout terminaretur ad creaturas possibiles præscindentes ab existentia. Resp. quod ea visio esset intuitiva, & abstractiva simul eminenter respectu diuersorum obiectorum materialium.

D V B I U M XXVII.

An ex vi visionis diuinæ essentia, videri possint creaturae possibiles.

289 **N**Egat Vasquez loco dub. 25. citato, quem aliqui ex modernis sequuntur. Nostra sententia sequens conclusio explicatur. Beati ex vi visionis diuinæ essentia possunt videre aliquas creaturas possibiles, plures, aut pauciores, iuxta maiorem, aut minorem perfectionem luminis, non tamen possunt videre omnes. Hanc conclusionem tradunt communiter Theologi, ut testantur Salmant. & expressè eam tradit S. Doctor art. 8. Ratio constat ex dictis quoad primam partem, quia qui cognoscit, & penetrat causam, potest, & debet ex vi cognitionis illius cognoscere saltem aliquem effectum illius, sed quilibet beatus penetrat diuinam essentiam, quæ est causa creaturarum possibilium, seu quæ est causa possibilitatis earum; ergo debet videre aliquas illarum, iuxta modum, &

mensuram qua penetratur. Quoad 2. partem constat, quia nullus beatus potest penetrare diuinam essentiam quo modo penetrabilis est, ad hoc enim requiretur lumen infinitum, & comprehendi deberet, quod implicat. Soluuntur argum. in contrarium.

290 Primum argum. Essentia diuina non habet necessariam connexionem cum creaturis possibilibus, ergo nequit esse ratio videndi illas. Antecedens constat, quia quod est necessariò connexum cum aliquo, dicit habitudinem ad illud, sed diuina essentia nequit dicere habitudinem ad creaturas possibiles; ergo non habet necessariam connexionem cum illis. Consequens etiam nota est, quia quæ non sunt necessariò connexa quoad esse, neque sunt talia quoad cognosci. Resp. negando antecedens. Ad probationem dico, quod non omnia, quæ sunt necessariò connexa, afferunt dictam habitudinem, ut patet in obiectis scientiarum, quæ sunt necessariò connexa cum suis scientiis, & tamen non dicunt habitudinem ad illas; licet ergo diuina essentia, & omnipotentia dicant connexionem cum possibilibus, non tamen dicunt habitudinem ad illa, cum sint omnino libera, & absoluta, ab omni respectu ratione suæ eminentiæ.

291 Secundum argum. Quia tamen si nulla esset possibilis creatura, adhuc esset diuina essentia, & omnipotentia; ergo non dicunt necessariam connexionem cum illis. Essentia namque diuina, & diuina omnipotentia, sunt entia magis necessaria, & independentia. Resp. negando antecedens, nam ex implicatione creaturarum possibilium sequitur implicancia diuinæ essentia, & diuinæ omnipotentia; & posteriori, & ex implicancia diuinæ essentia, & omnipotentia sequitur implicancia creaturarum à priori. Unde ex hoc, quod implicare creaturæ, sequitur, quod iam prius implicauerit diuina essentia, diuinaque omnipotentia.

292 Tertium argum. quia non potest assignari ratio ob quam magis istæ, quam illæ creaturæ possibiles videantur; ergo nulla. Antecedens probatur; nam non potest oriri

oriri ex parte essentiae, quia ista aequaliter continet omnes; non ex parte luminis; quia est eiusdem rationis, & speciei in omnibus; ergo. Nec valet, quod desumatur ex maiori, aut minori intensioe, quia maior, aut minor intensio luminis non est ratio quod ista, aut illa videantur, sed quod ista clarius videantur; ut patet in lumine scientifico, quod non est ratio; quod magis ista, quam illa conclusiones cognoscuntur. Resp. negando antecedens, ad probationem dico, provenire tam ex parte luminis, quam ex parte divinae essentiae, quod istae positi creaturae quam illae cognoscantur. Ex parte quidem divinae essentiae, quatenus aliqua creaturae possibiles sunt magis latentes, aliae minus. Ex parte etiam luminis, cum maior, aut minor luminis intensio multum conducatur ad magis, aut minus penetrandam essentiam divinam. Illae autem creaturae possibiles dicuntur magis latere, quae sunt perfectiores tam secundum essentiam, quam secundum modum essendi, & illae dicuntur magis parentes, manifestiores, & non ita in intimioribus, & profundioribus divinae omnipotentiae sinibus latentes, quae minus perfectae sunt tam quoad essentiam, quam quoad modum essendi. Ideo autem creaturae perfectiores dicuntur magis latere, quia connotant maiorem actualitatem, maiorem activitatem, maiorem quasi virtutem, seu quantitatem virtutis in divina omnipotentia, ut producantur; eo autem ipso, quod dicuntur creaturae perfectiores connotant maiorem activitatem in divina omnipotentia, petunt etiam maius lumen, ut ea maior perfectio cognoscatur; & sic patet, quod ex utroque capite dicto oritur, quod haec creaturae potius, quam illae cognoscantur. Nec est verum, quod maior intensio luminis scientifici, non possit esse ratio cognoscendi plures conclusiones ex eodem principio, ut patet. Imò ex hoc colligitur maior elucidatio nostrae rationis. Quia sicuti in quacunque scientia procedendo scientificè, prius cognoscuntur, & discuntur prima principia, deinde conclusiones magis proximae, & faciliores, deinde remotae, & difficiliore, & sic deinceps.

Ita in visione beata, prius cognoscuntur prima quaedam principia, omnibus beatis communia; deinde iuxta maiorem luminis cognoscuntur conclusiones suo ordine. Bene verum est, quod adhuc ut creatura dicatur magis latens, & magis contineri in suis quasi principiis debet esse perfectior tum quoad essentiam, tum quoad modum essendi, aliàs si sufficeret perfectio maior in essentia tantum, gratia esset magis latens, quod est falsum, de quo postea.

293. Quartum argum. quia aliàs visa essentia divina, posset videri infinitae creaturae possibiles distinctae speciei, hoc est impossibile; ergo & illud. Sequela probatur, quia infra quamlibet creaturam possibilem, & signatam sunt aliae infinitae minoris, & minoris perfectionis essentialis; sicut supra quamlibet signatam, sunt aliae infinitae maioris, & maioris perfectionis essentialis; ac proinde lumen, quod est sufficiens ad videndam illam determinatam, sufficit ad videndas omnes inferiores. Falsitas sequelae ostenditur, quia ad videndam unam creaturam, requiritur aliquod lumen; ergo ad videndam aliam, maius lumen, & ad videndas infinitas, requiritur lumen infinitum. Resp. concedendo sequelam maioris, modo procedat de infinitis creaturis possibilibus contentis infra perfectionem alicuius essentiae, & determinatam. Lumen namque, quod est sufficiens ad videndum in essentia divina plene, & perfecte speciem hominis; seu lumen, quod est sufficiens ad videndam essentiam hominis prout exprimit eam perfectionem virtutis, seu activitatis, quae ad productionem hominis desideratur, sufficit ad attingendum omnes creaturas minoris perfectionis. Ad probationem in contrarium dico, quod licet ad videndum unam creaturam requiratur aliquod lumen, ad videndum aliam aliud; non est tamen necesse, quod cuilibet creaturae correspondeat lumen determinatum, sed indeterminate, & habens partes proportionales; sicut enim creatura non se excedit in perfectione alicuius, non indeter-

194 Sed contra prædicta objicies 1. quod si cognita creatura determinata, & perfectior quoad essentiam, & modum, cognoscuntur ex vi illius omnes creaturæ imperfectiores quoad essentiam, & quoad modum; ita cognita creatura perfectiori quoad essentiam tantum, ut gratia, deberent videri omnes inferiores, quoad essentiam, licet non quoad modum. Nam si cut essentia divina ut continet creaturam perfectiorem quoad essentiam, & modum, est ratio cognoscendi omnes inferiores, quia exprimit tantam adiuuitatem modo explicatiora quia essentia ut continet creaturam perfectiorem quoad essentiam exprimit maiorem perfectionem quoad essentiam, erit ratio cognoscendi omnes inferiores quoad essentiam. Resp. quod essentia divina ut continet creaturam perfectiorem quoad essentiam tantum, v.g. gratiam exprimit maiorem perfectionem in esse rei, non in esse obiecti, ac proinde in esse obiecti gratia est valde patens, & ab omnibus beatis videtur, licet in esse rei sit gratia perfectior, cum dicat essentiam perfectiorem omni essentia cuiuscunque creaturæ. Est ergo gratia, (licet quoad essentiam sit perfectior omni creatura,) valde patens, quia est participatio formalissima diuinæ essentiae, cum eaque valde conueniens. Non sic Angelus v.g. qui est perfectior gratia quoad essentiam, & modum essendi simul, nam iste est valde latens.

195 Dices 2. hinc fieri esse magis latentem formicam in diuina essentia quā hominem, cum homo magis conueniat cum Deo, quam formica. Resp. quod ad hoc vt homo ratione maiorem conuenientiam diceretur minus latens, quam formica oporteret, quod participaret aliquod prædicatum prout est in Deo, seu modo proprio ipsius Dei, ut facit gratia.

196 Dices 3. quod si quilibet beatus videt gratiam, debet etiam videre visionem beatam cuius est radix, ac proinde creaturam intellectualem, quæ eam est cllicitura, ac proinde non erit intellectus creaturæ magis abscondita quam formica. Resp. quod cognita gratia cognoscitur creatura intellectualis quoad rationem potentie obedientialis, quæ ad ordinem supernaturalem spectat. Vel dic quod cognoscitur natura intellectualis quoad an est, non quoad quid est.

197 Dices 4. quia ad hoc quod Deus contineat hominem, non est necesse, quod contineat formicam, ergo non erit necesse, quod viso homine videatur formica. Antecedens probatur, quia non ex hoc, quod implicaret homo, implicaret formica. Resp. 1. concedendo antecedens, & negando consequens ex suppositione namque, quod sub homine est formica, viso homine, videri debet formica. Resp. 2. negando antecedens, quia si semel implicaret formica, implicaret homo, implicarent omnes creaturæ possibiles, implicaret diuina omnipotentia.

198 Dices 5. quia si cognita creatura nobiliori tam quoad essentiam, quā quoad modum, deberent cognosci inferiores quoad essentiam, & quoad modum, sequeretur, quod cognita gratia, quæ est perfectior quoad essentiam, deberent cognosci omnia accidentia possibilia, quæ sunt infra gratiam, & sunt imperfectiora quoad essentiam; sed hoc dei nequit, tunc enim videri deberent omnes substantie, cum omnia accidentia, ad suas substantias ordinentur, & sine illis cognosci nequeant. Resp. quod licet visa gratia debeant videri omnia alia accidentia supernaturalia, quæ ab ipsa dependent, illique subordinantur; non tamen ex vi visionis gratiæ videri debent accidentia naturalia; tum quia ista non participant essentiam diuinam secundum prædicata in ea formaliter distincta, modo dicto; tum quia regula supradicta procedit de naturis integris, ut scilicet illæ, quæ sunt perfectiores quoad essentiam, & modum, sint rationes videndi inferiores; non verò de accidentibus, quæ ex sui ratione dicunt solum esse entis entia, esse quantitatem virtutis aliorum, ac proinde eorum cognoscibilitas, sicut & esse, ex cognoscibilitate, & esse substantiæ desumitur.

D V B I V M XXVIII.

An homo viator possit videre Deum per essentiam?

399 **D**E homine viatore procedit hoc dubium, nam si loquamur de homine beato, nullum est dubium; de fide namque est omnes homines refutecturos cum corpore, ut docet Apost. 1. Cor. 15. ac proinde beatos visuros esse Deum in corpore. Certum est etiam, quod de lege ordinaria, homo viator, seu in statu presentis vite, non potest videre Deum per essentiam, ut colligitur ex illo Exod. 33. ad Moysen: *Non poteris videre faciem meam; non enim videbit me homo, & vivet.* Est autem lex ordinaria, ille modus operandi, qui est iuxta cursum ordinarii naturæ; Vnde idem est aliquid fieri, vel non fieri de lege ordinaria, quod fit, (vel non fit naturaliter; quocirca cum nullus possit Deum videre per facultatem naturæ, neque eum videre poterit de lege ordinaria. Potest autem lex ordinaria dupliciter accipi, scilicet absolute, & ex suppositione. Lex ordinaria absolute accepta, est ipse naturæ ordo. Lex ordinaria ex suppositione, potest etiam esse in ordine gratiæ. Potest namque ex suppositione, alicuius extraordinarii dari lex ordinaria. Et hoc dupliciter. Primò ex mero arbitrio, ut quod homo eleuetur ad statum gratiæ; ex institutione, ut quod gratia conferatur per sacramenta; vnde si aliter conferatur, diceretur non conferri de lege ordinaria, sed miraculose. Est autem de lege ordinaria, quod visio beata non detur homini viatori, ac proinde sine nouo miraculo homo viator Deum videre non potest. Ratio clara est; quia modus cognoscendi, sequitur modum essendi, sed intellectus noster in via habet modum essendi aliquo modo in materia, ergo etiam modus cognoscendi dependere debet suo modo à materia, scilicet à phantasmatibus, quia oportet intelligentem phantasmata speculari; Deus autem hoc modo quidditatiue co-

gnosci non potest, ut patet.

300. **M**odo difficultas est, an de potentia extraordinaria possit homo viator videre Deum per essentiam. Negant aliqui, ob rationes mox subiiciendas. Nihilominus omnino tenendum est, posse intellectum viatoris eleuari ad videndum Deum per essentiam. De anima namque Christi d. omnino negari non potest, quæ dum adhuc esset in via, vidit diuinam essentiam. Ratio clara est, quia non minus impedimentum est visionis immersio in potentialitate, quam in materia; cum prior immersio sit per identitatem, posterior per coniunctionem. Sed intellectus per priorem immersionem non impeditur quin possit eleuari ad videndum Deum per essentiam; ergo neque impiedietur per posteriorem.

301. **O**biiciunt 1. quia intellectus viatoris non potest intelligere sine phantasmatibus ex Arist. 3. de an. tex. 32. Sed repugnat Deum videri per phantasmata, aut per illa representari; ergo. Respondeo intellectus viatoris dependet quidem naturaliter, sed non essentialiter, ac proinde potest eleuari ad videndum Deum, & aliud quodcunque independentè à phantasmatibus.

302. **O**biiciunt 2. implicat quod idem simul sit in via, & in termino, cum terminus sit post viam; sed in hac vita sumus in via quæ ad patriam pergitur; ergo. Respondeo licet respectu eiusdem nequeat quis esse in via, & in termino, bene tamen respectu diversorum, ut habemus in Christo d. quia erat in termino quoad rationem, habitus luminis gloriæ, & fuit in via quoad rationem scientiæ infusæ, & acquisitæ; fuit in termino quoad animam secundum apicem superiorem, fuit in via quoad corpus, & quoad partem inferiorem animæ in qua dolebat pro peccatis nostris.

S. I. *An Beata Virgo viderit diuinam essentiam, dum esset in via.*

303. **N**egabunt auctores 1. sententiæ n. 300. relatæ. Sed partem affirmantem docent communiter Theologi.

D. Bonau. *de sept. grad. cont.* D. Antonia. 4. p. tit. 15. cap. 17. S. 2. Medina 3. p. q. 27. art. 5. Bann. *loc. cit.* art. 1. 1. dub. 1. alijque plures. Idem tradunt S. Patres, vt S. Bernardin. *Sen. 10. 2. ferm. 51. art. 1. ca. 2.* Dionys. Carthus. in *Dionys. de celesti hierarch. cap. 4. art. 9.* vbi sic dicit: *An alijs sit concessum quia natus est? Imò & de supermundifirma Virgine, non exilimo dubitandum.* S. Cyprianus *firm. de Nativ.* sic dicit, *Virgini debebatur abundantior gloria, quæ spirituali, & corporali, intus, & extra, Christi præsentia fruebatur.* Doctor maximus de *Nativ.* Maria sic loquitur: *Quotidie diuina visione fruebatur, quæ eam à malis omnibus custodiebat, & bonis omnibus redundare faciebat.* Idem tradunt S. Petr. Damian. *ferm. 1. de nativ.* Rupert. in *tant. lib. 3.* in illa verba oculi tui columbarum. D. Bernard. *ferm. de verb. Apoc. & alij plures.*

304 Probatur rat quia videtur inconueniens, quod aliquod priuilegium concedatur seruo; quod non concedatur matri, ex D. Tho. 3. p. q. 27. art. 1. Sed vt S. frequentius dicitur, hoc priuilegium concessum fuit D. Paulo, & Moyfi, ergo concedi debuit B. V. Vnde D. Bernardus *in 4. ferm. 36. p. 3.* ad rem sic fatetur: *Virginem plusquam Paulus raptam in tertium celum; quia si essent tot Pauli, quot creaturæ, non attingerent eius contemplari: nam Paulus fuit vni electionis, Maria fuit vni diuinitatis.* Tum quia conueniens fuit, quod illa, quæ electa fuerat ad maternitatem Dei, illi communicaretur visio Dei; non enim poterat B. V. perfectè cognoscere Dei maternitatem, sine visione beata, vt patet. Tum etiam quia non poterat B. V. perfectè exercere munus, & cutam filij Dei, nisi illum perfectè cognosceret. Tum deinde, quia conueniens fuit, quod mater assimilaretur filio in visione Dei, sicut assimilabatur in alijs. Tum denique, quia congruum fuit, quod illa, quæ ab alijs ordinarijs legibus exempta est, etiam in hac eximeretur. Primum namque exempta fuit à peccato originali. Secundo ab impedimento vsus rationis à primo instanti conceptionis, in quo ratione vti coepit, vt communiter tenetur. Tertiò exempta fuit ab omni peccato

actuali, vt definitur in Trident. *sess. 6. can. 23.* Quarto à fomite. Quiprò exempta fuit ab impedimento exercitij libertatis in fomno. D. Ambros. *lib. 2. de Virg. Rupert. lib. 7. in cant.* super illo verb. *Ego dormio, & cor meum vigilat.* Sexto exempta fuit à doloribus partus. Septimò, ab omni morbo, vt affirmat Sophronius in epist. *suod. art. 11.* Caiet. *10. 2. quæst. cap. 13.* nam in cuius anima peccatum non extitit, neque humor peccare debebat in corpore. Octauo exempta fuit à doloribus mortis, quia vt ait S. P. N. Ioan. Damas. *erat. 2. de dormit.* absque dolore fuit eids ex hac vita excessus. Nonò exempta fuit à corruptione carnis post mortem, &c.

305 Quæres 1. an beata Virgo viderit diuinam essentiam in sua prima sanctificatione? Affirmant Salazar *de concept. arg. 7. cap. 32. n. 54.* vbi citat Hieronymum de Florentia, aliosque viros doctos, & tenere videtur D. Bernard. *Sen. 10. 2. ferm. 51. art. 1. cap. 2.* dicens: *In prima sanctificatione reuelati sunt perfecti naturam increantam diuinalem.* Cum enim tunc fuerit B. V. M. communicata maxima gratiæ plenitudo, potuit etiam hæc gratia communicari.

306 Quæres 2. an B. V. viderit essentiam diuinam in sua natalitate? Affirmant aliqui apud Salazar *loc. citato cap. 32. nu. 65.* quia non debuit prius aperire oculos carnis, quam mentis; non prius videre debebat Solem corporalem, quam spiritualem. Ego salvo meliori iudicio, dicerem, quod Beata V. neque in hoc, neque in præcedenti casu viderit diuinam essentiam, quia non videtur nec necessarium, nec congruum, quod Deum clarè videret ante filium suum.

306 Quæres 3. an Beata V. viderit diuinam essentiam in instanti Incarnationis Verbi? Affirmat post alios Salazar *loc. citato*, & mihi videtur valde congruū, quia cum tunc B. V. eleuaretur ad dignitatem maternitatis, quæ perfectè cognosci non potest sine clara visione diuinæ essentia; diuinumque personarum, debuit congruenter hæc cognitio illi communicari; Tum quia ex tunc datum est illi regimen filij Dei; ac proinde debuit illum

clare cognoscere. Tum etiam quia cum fecerit Virgo gloriosa tunc actum fidei præstantissimum, præbendo assensum Angelo, congruum fuit quod post illum actum succederet visio.

307 Quæres 4. an Beata Virgo viderit diuinam essentiam in nascititate filij sui? Affirmat Salazar loca cit. post alios, & videtur valde congruum, quia cum tunc primò viderit Dei filium sua carne indutū, ac proinde cum illum viderit secundum carnem, etiam videre debuit secundum humanitatem. Tunc Dei filius vidit beneficio matris lucem creaturæ, de matre videre debuit beneficio filij lucem increatā. Tum quia tunc p̄ se p̄ se appatuit paradysus, vbi Angeli sancti in Verbo incarnato cunctis reatibz videbant, ergo idipsum negari non debuit Regine Angelorum. Puto etiam valde probabiliter, quod B.V. viderit diuinam essentiam in filij resurrectione, quando sibi gloriosus apparuit. Item puto probabiliter, quod eandem diuinam essentiam viderit quando vidit filium ascendentem in coelum. Item in die Pentecostes, & in fine mortis articulo.

9. *Ita An Moyses, & Paulus viderint diuinam essentiam.*

308 **N**egant Maldonat. & Tolet. in cap. 1. Ioan. Molini hoc loco art. 11. disp. 2. concl. 1. & 2. Vasquez disp. 55. cap. 2. Suarez 1. p. tract. 1. lib. 2. cap. 2. & alij. Nihilominus tenendum est cum D. Thoma, & Discipulis eius hoc loc. art. 11. Moysen, & Paulum vidisse diuinam essentiam. Hanc D. Thoma sent. tenent ex alijs Hentic. in sum. tract. 4. q. 2. D. Bonau. opus super Gen. ser. 9. D. Antonin. p. 3. tit. 30. cap. 4. Durand. in 3. dist. 3. reg. 3. Carthus in 4. dist. 49. q. 4. Abulens. in cap. 12. Num. q. 34. & alij passim. Rationem elegantem assignat S. Doctor art. 1. ad 2. vbi sic satur. Sicut Deus miraculose aliquid supernaturaliter in rebus corporeis operatur,

ita etiam & supernaturaliter, & præter ordinem ordinem mentes aliquorum in hac carne viuentium, sed non sensibus carnis quiescentium, usque ad visionem suæ essentiae eleuauit; ut dicit Ang. 12. super Gen. ad lit. & in lib. de videndo Deum, de Moysē, qui fuit magister Iudæorum, & Paulo, qui fuit magister gentium. Et de hoc plenius tractabimus, cum de raptu eius agemus. Quod fact. 2. 2. q. 173. art. 3. Idem tradit D. Basilus Magnus ho. 1. in exam. vbi sic dicit. Moysen spectatorem fuisse faciei diuinæ per aquas Angelis. De Ambrosio in exam. cap. 2. sic scribit. Moysen non per anigmata. sed clarā, & perspicua præsentia diuinā dignitate donatur.

309 Obiiciunt 17 quia Exod. 33. hæc vniuersalis lex fertur. Non videbis me homo, & viuet: ex quo loco sequens formari potest argumentum; quociescunque ex sacra scriptura habetur aliqua lex vniuersalis, non debet facile præsumi priuilegium, sed in loco citato habetur lex vniuersalis, ergo non debet facile præsumi priuilegium. Resp. quod dicta lex procedit de lege ordinaria, non ex speciali priuilegio, & ex speciali dispensatione diuina facta cum Magistro Iudæorum, & Gentium. 310 Obiiciunt 2. illud Ioan. 1. Lex per Moysen data est; gratia, & veritas per Iesum Christum facta est. postea subditur. Deum nemo vidit unquam. Vniuersus qui est in sinu Patris, ipse enarrabit. Et Ioan. 6. habetur. Non quia Patrem vidit quisquam nisi is, qui est à Deo: hic vidit Patrem. Resp. quod ista loca ponunt differentiam inter visionem Christi, & aliorum, quod sola Christi D. visio, dicitur absolute talis; cum quia non competeat Christo ex speciali priuilegio, sed per naturam, vt Dei filio; alijs autem ex speciali priuilegio. Tum etiam quia Christo competeat per modum permanentis, alijs per modum transiensis. Quid autem de N. S. P. & Prophetæ alia dicendum sit, ostendit in tract. de merito disp. 19. à num. 54.

DISPUTATIO XIII.

IN QVÆST. XIII. D. THOMÆ.

DE NOMINIBVS DEI.

Seu de Dei ineffabilitate.



VIA Mathematici, & Philosophi, ceterique rerum naturalium peruestigatores perfectè cerereque scire non possunt cuiusq; stelle qualis sit essentia, quale lumen, quæ influentia, quota magnitudo, non op id studium relinquunt, sed querunt alacriter, nullo parcunt labore, nulla industria, & diligentia, oblectanturque rationibus verisimilibus, propter geminum discendi desiderium, scientes, quod: *Non cubas in molli veneranda scientia lecto*; sicut (sunt verba D. Hieronymi Epist. ad Heliod.) *Corpus asfuctum tunicis, lorica capus non fere, caput opertum linco, galeam recusfas, mollem ocio manum, duras exasperas capulus*. Eodem modo, licet D. O. M. capere non valeamus, cernere non possumus, intelligere ut ut est nequeamus, imò neque nominare adæquato nomine nostrum non sit, debemus tamen eum indefinenter querere, de eo continuò cogitare, eum quibus possumus nominibus interpellare; res enim hæc summè delectabilis est. Solem hunc nemo est qui non laudet, qui non nominet, ipsius magnitudinem, simulque pulcritudinem, & radorum simetriad, & lucis splendorem admirans. Si tamen in eo pertinacius intuebitur, & in dies aspectus eius eum considerabit, nò solum quæ sensit in eo deprehendet, sed oculorum acie debilitatus abscedet. Non sic qui Deum humili corde intuetur; quanto enim quis eum intuetur, tantum mentis angustie dilantur; ineffabilis quidem est, multam tamen præbet materiam; innominabilis

est, sed multam dæcorum nominum præbet rationem verum sit.

D V B I V M I.

Vtrum Deus sit à nobis nominabilis.

Hoc dubium resoluit S. Doctor art. 1. dicens, quod licet Deus possit à nobis nominari ex creaturis, non tamen nomine, quod significet ipsam essentiam prout in se est. Etenimque modo Deus potest à nobis nominari, quo cognoscitur: à nobis non cognoscitur per essentiam, sed solum secundum rationem principij, secundum rationem excellentie, & remotionis, ac proinde solum hoc modo poterit nominari.

3. De hac ergo re, prima sententia est, quod Deus non sit ineffabilis, seu innominabilis, sed nominabilis, imò, quod de facto nominetur à viatore proprio nomine, significante diuinam essentiam ut in se est, non quidem comprehensivè, sed quidditativè, sic Scotus in 1. dist. 22. q. 1. Ocham. q. 1. art. 1. Vasquez, Molina, & alij, extra scholam D. Thomæ.

4. Nostra sententia seq. concl. explicatur. *Deus est innominabilis inter viatores nomine significante ipsum ut est in se*. Sic expressè S. Doctor in art. dicto, quem sequuntur eius discipuli hoc loco, & alij communiter. Habetur cap. firmius, de summa Trinit. ubi Deus dicitur ineffabilis. Habetur proverb. 30. ibi: *Quod est nomen eius, & quod nomen filij eius suavit* Vnde S. Dionys. Areop. cap. 1. de diuin. nomin. dicit. *Theologi Deum laudant tanquam*

Nullius nominis, & omnis nominis. Quod explicans Cyparissiora *dec. 4. cap. 10.* dicit. *Deus nullius nominis quoad quid est, multorum; quatenus ex istis, quæ fecit, probatur esse; & ratio D. Thomæ allata conuincit quia eo modo Deum nominare possumus, quo cognoscimus; Deum pro hoc statu quid dicitur non cognoscimus; ergo neque hoc modo nominare possumus.*

5 Pro quo nota, quod nomina, quæ de Deo dicuntur, cōparatione nostri modi concipiendi, & loquendi, sunt diuersa. Alia namque sunt negatiua, quibus quid Deus non sit, significamus, vt cum dicimus: Deus est incorporeus, immortalis, infinitus, inuisibilis, ineffabilis, & id genus similia. Alia sunt nomina positiua, quæ quid Deus sit, positiuè significant, vti sunt ens, substantia, spiritus, actus purissimus, & similia. Hæc nomina positiua duplicis generis sunt: quædam enim sunt propria, vt sunt iam recensita; quædam verò metaphorica, & sunt illa, quæ ex creaturis assumimus, Deo; imponimus ad significandam non illius essentiam, aut substantiam, sed varias eius virtutes, vt sunt Agnus, Leo, Petra, lapis angularis, &c. Nomina positiua, quæ propriè, & non per metaphoram Deo conueniunt, adhuc duplicia sunt. Nam alia dicuntur de Deo ex tempore, vt sunt Dominus, creator, Redemptor, Gubernator, &c. Et alia sunt, quæ Deo conueniunt ab æterno, vt quod Deus sit ens a se independens, infinitum, &c. Demum nomina huiusmodi adhuc secretantur in essentialia, quæ sunt communia tribus diuinis personis; & in notionalia, quæ imponuntur ad significandum diuinas personas, vt Patet, Filius, Spiritus Sanctus; item ingeneritum, Verbum, Spiratum, &c. De quibus omnibus dico, quod prout à nobis viatoribus significantur, non expriment diuinam essentiam prout est in se, sed prout à nobis concipitur. Nos enim nominare non possumus, nisi quod cognoscimus.

6 Quæres 1. an Deus sit ineffabilis, seu innominabilis etiam respectu beatorum? Respon. quod Deus vt est in se, est ineffabilis, seu nominabilis beatis inter se

se. Sic tradunt communiter Theologi hoc loco, & colligitur ex illo Zach. 14. *Eris in die illa Dominus vnus, & nomen eius vnū.* Quæ verba sic explicat ibid. Liranus. *In presenti enim nominatur à nobis pluribus nominibus, quia nominamus eum sic cognoscimus in cognitionem autem Dei deuenimus ex perfectioribus creaturarum, quæ sunt plures, & distinctæ. Sed in patria videtur per se ipsum immediatè, & sic nominatur vno simplici nomine, ab vna simplici perfectione.* Ratio clara est ex dictis, quia idco Deus est nobis viatoribus ineffabilis, & innominabilis prout est in se, quia hoc modo est nobis incognoscibilis; sed à beatis cognoscitur prout est in se, ergo hoc modo illis effabilis est; quia tamen beati Deum non comprehendunt, propterea comprehendit, & quidditatè à solo Deo Deus nominari potest, vt ex se cōstat. Vide inf. n. 8.

7 Quæres 2. an Deus prout est in se sit effabilis beatis respectu viatorum? Respond. quod est beatis ineffabilis, & innominabilis. si cum viatoribus loquantur. Ratio clara est, quia voces sunt signa adhibita à loquente, respectu ad audientem, vt ipse audiens percipiat, quod dicitur; ac proinde voces in tantum possint esse signa, in quantum possunt ingenerare in audiente conceptum eius rei, quam significant. Sed beati non possunt talia nomina, talesuè voces proferre, quæ ingenerent in audiente viatore conceptum Dei vt est in se. Hinc Apocal. 2. dicitur. *Vincenti dabo manna absconditum, & dabo illi calculum candidum, & in calculo nomen nouum scriptum, quod nemo scit nisi qui accipit.*

8 Aduerte tamen, quod licet n. 6. dictum sit Deum esse effabilem beatis inter se, quia non audeo recedere à communi Theologorum sententia, tamen saluo meliori iudicio dicerem Deum esse ineffabilem etiam respectu beatorum inter se, quia licet beati Deum quidditatè, & prout est in se cognoscant, non tamen possunt eum aliis beatis hoc modo nominare. Ratio videretur conuincens, quia de ratione nominis est, quod ex vi prolutionis illius & ex efficacia auditionis audiens efformet sibi cognitionem rei significatæ, sed

non

non potest beatus efformare tale nomen, quod ex vi prolationis eius aliter beatus audiens efformet cognitionem, seu conceptum quodquid est Dei; iste namque conceptus esset extra visionem Dei, quod esse nequit. Ob quam rationem Apostolus post raptum, non poterat efformare nomina eorum, quæ in verbo audierat. Formalis namque conceptus Dei per solam visionem Dei efformari potest, non extra; extra ineffabilis est Deus.

D V B I V M II.

An ineffabilitas sit attributum Dei.

9 **P**rima sententia est quorundam existimantium ineffabilitatem non esse attributum Dei, quia eo modo res est ineffabilis, seu innominabilis, quo est incognoscibilis; sed plura dantur incognoscibilia nobis, ut sunt Angeli pro hoc statu, res omnes supernaturales, ut gratia, charitas, fides, spes, &c. Alii absolute dicunt ineffabilitatem, seu innominationem esse attributum Dei.

10 Pro intellectu difficultatis nota 1. duplicem esse ineffabilitatem. Una est absoluta, altera respectiva. Ineffabilitas respectiva, non est propria Dei, quia ista convenit creaturæ respectu ad aliam tantum, quo modo Angeli dicuntur ineffabiles respectu nostri tantum; nam in invicem, & absolute, tales non sunt. Ineffabilitas absoluta, est propria Dei, quia Deus absolute, respectu cuiuscunque creaturæ creatæ, & creabilis, ineffabilis est. Nota 2. quod ineffabilitas absoluta dupliciter potest alteri competere. Primo primario, & per se, secundo, secundario, & per accidens. Primo modo, soli Deo competit secundo modo competit creaturis maxime supernaturalibus, quæ sunt ineffabiles per accidens, seu per aliud, & ratione termini, scilicet Dei, quem suo modo participant.

11 His positis rem totam duabus conclusionibus explico. Prima conclusio. *Ineffabilitas absoluta primo, & per se soli Deo competit, tanquam attributum illius.* Ratio

constat ex dictis, quia solus Deus est incognitabilis a se, alia autem ad mensuram participationis divinitatis, & ineffabilitatis Dei. Eodem passu currunt ineffabilitas, & inuisibilitas. Deus enim nec videri, nec nominari nisi a se ipso primo, & per se potest, per participationem, potest.

12 Secunda conclusio. *Res supernaturales sunt ineffabiles secundario, & per aliud.* Ratio clara est, quia res supernaturales, cum sint quædam participationes divinitatis, debent etiam esse participationes eius ineffabilitatis, ac innominabilitatis, sicut & incognoscibilitatis. Hinc inferitur 1. gratiam, & gloriam esse secundario, & per aliud, id est ratione termini, seu ratione propriæ participationis, ineffabiles; quo modo dicit Magister Gregorius, hom. 37. in Euang. *Qua autem lingua dicere, vel quis intellectus capere sufficit, illa superna civitatis quanta sint gaudia.* &c. Inferitur 2. visionem hypolliticam esse hoc modo ineffabilem, Verbi incarnationem, &c. iuxta illud Iſaï 3. *Generationem eius qui enarrabit.* Inferitur 3. B.V. Mariæ maternitatem esse hoc modo ineffabilem, est enim donum supernaturale incognoscibile primo, & per se ab omni intellectu creato, ac proinde ineffabile. Unde de Virgine dicitur Cant. 4. *Quam pulchra es amica mea: oculi tui Columbarum, absque eo, quod intrinsecus laetetur, seu ut ex hebreo fonte vertitur extra silentium tuum.* Quasi dicat de Virgine cælestis sponsus, quæ de te dicuntur, sunt extra silentium tuum, hoc est, extra id, quod de te filii debet, quia deiparæ laus propria, silentium est.

D V B I V M III.

An hoc nomen qui est, sit proprium Dei.

13 **P**rofunde hoc dubium resolvit S. Doctor art. 11. dicens quod nomen *qui est*, est maxime proprium Dei, inter nomina, quibus Deus ad captum viatorum nominari potest, & est communis Patrum sententia, qui videri possunt apud Lipomanum in cætera in 3. cap. Exod. ad illud: *Ego sum, qui sum, & qui est, misit me ad vos.*

Pro-

DUBIUM IV.

An hoc nomen *Deus* sit nomen naturæ,
vbi alia.

14 Probatur hæc ratione, quia illud nomen est maximè proprium Dei, quod significat eius essentiam eo modo quo à nobis viatoribus cognoscibilis est; sed hoc nomen *qui est*, est huiusmodi; ergo est nomen maximè proprium Dei. Maior nota est, minor probatur, quia vt dicit S. Doctor, *esse*, seu *existere*, est solum de essentia Dei, ipsum existere, est ipsum constitutum Dei, ergo per *esse*, maximè explicatur essentia Dei, quantum à viatoribus cognosci potest. Notant Theodoretus in *Exod.* Clem. Alex. lib. 5. *Strom.* Genbrard. lib. 1. de *Trin.* & alij apud Lipoman. vbi supra, quod nomen *qui est*, est idem, ac nomen *Tetragrammaton*, ac *Iehoua*; solum differunt, quod dicantur Latine, Græcè, & Hebraicè: nomen *qui est*, est latinus *Tetragrammaton*, est græcum; & *Iehoua*, hebraicum.

15 Obijcies 1. quia nomen *qui est*, per se primò significare videtur æternitatem Dei, seu significare videtur perseverantiam in *esse*; ergo non significat per se primò diuinam essentiam, seu naturam. Resp. negando antecedens, *esse* namque est prædicatum soli Deo conueniens in primo modo dicendi per se. Bene verum est, quod æternitas supponit hoc *esse*, seu dicit quasi præsuppositiuè, & de materiali ipsum *esse*, seu existentiam Dei positiuam.

16 Obijcies 2. quia in textu hebræo legimus, *ego ero, qui ero*; non *ego sum, qui sum*, ac proinde per illud nomen non videtur significari essentia diuina, sed perseverantia in *esse*. Resp. concedendo antecedens, & negando conseq. Ratio est, quia hebræi eo vtuntur loquendi modo, quia carent tempore præsentis; vnde per tempus futurum, explicant præsens. Deinde non mirum, quod Deus eodem nomine vtrumque Moyse significare voluerit; & *esse*, seu essentiam, & perseverantiam in *esse*; illud vt prius, hoc vt posterius.

17 Hæc dubium resoluit S. Doctor art. 8. dicens, *Deus* est nomen operationis quantum ad id à quo nomen imponitur ad significandum; naturæ verò quantum ad id, ad quod significandum imponitur. Est nomen operationis, quia est impositum ab vniuersali providentia, qua per Deum intelligimus habentem vniuersalem providentiam; est nomen naturæ, quo significatur natura diuina in se. Pro quo obserua, quod nomina, quæ Deo attribuntur, sunt in triplici differentia, quædam enim significant operationem, vt creator, prouisor, gubernator, &c. quædam significant quædam eiusdem naturæ diuinæ perfectiones, & attributa, vt sapiens, æternus, &c. Et quædam significant ipsam diuinam naturam vt hoc nomen *Deus*, & *qui est*, cum differentia tamen, quia nomen *qui est*, significat diuinam naturam magis obscure, & nomen *Deus* magis clare.

18 Probatur ex D. Ambrosii in prolog. lib. 2. de fide, vbi dicit. *Deum esse nomen naturæ*. Idem tradit D. Hierony. epist. 136 D. Athanasius in epist. in decretis Nicenæ Synodi. Et ratio conuincit, quoniam communis animi conceptio est *Deum esse*, esse propositionem per se notam; ergo hoc nomen *Deus*, est nomen naturæ; antecedens constat, conseq. probatur, quia si hoc nomen *Deus* non significaret naturam, sed aliquam Dei operationem, aut attributum, seu perfectionem, hæc propositio *Deus est*, non esset per se nota, non esset prima, sed aliam supponeret, in quam resolveretur, quod est falsum.

19 Sed quæres 1. quænam sit ethymologia nominis *Deus*? Resp. quod vox *Deus* apud Latinos idem est, quod *diuus*, quasi *diues in omnes* ex Apost. Rom. 10. Apud Græcos *Asis*, significat timorem, quia Deus timendus est, vnde psal. 88. dicitur *magnus, & terribilis*, apud eisdem

Dd Græ.

Græcos Οἶος, idem est, quod videns, quia Deus omnia videt, *omnia nuda, & aperta sunt oculis eius*, Hebræi. 4.

20. Quæres 2. quibus nominibus Hebræi Deum cognominarent? Resp. quod quinque præcipue scilicet Iehoua, Elohim, El, Zor, & Adonai. Iehoua, deductum tradunt interpretes à Verbo *Hata*, idest vita, seu *esse*, quia viuere viuētibus est esse; vnde idem significat, quod Deum habere vitam per se subsistentem. Nomen *Elohim*, in singulari, & *Elohe* in plurali, significat iudicium, & iustitiam; Deus enim tacit iudicium, & iustitiam. *El* significat fortitudinem, vnde significat Deum fortem. *Non est fortis sicut Deus noster*. 1. Reg. 2. Idem significat *Zor*. *Adonai* idem est ac dominus, vt testatur D. Hierony. *epist. ad Marcellam*.

21. Quæres 3. quomodo intelligatur illud Iacob gen. 28. *Si fueris Dominus mecum, & cussideris me in via, per quam ambulo, & dederis mihi panem ad vescendum, & vestimentum ad induendum, reuersusque fuero prosperè ad domum patris mei; eris mihi dominus in Deum*: quid sibi vult: erit mihi dominus in Deum? Abulensis ibid. rem sic explicat. *Eris mihi dominus in Deum, idest, iste dominus, qui mihi apparuit hic, & qui excellentissimè dominus, & Deus est, erit mihi in Deum, idest, ego colam eum, vt Deum*. Pro clariori intelligentia, nota, quod Ecclesia diuersimodè se gerit in fine officij diuini, & in fine mensæ; nam in fine diuini officij, sic Deum compellat: *Dominus des nobis suam pacem*, at in fine mensæ, sic dicit: *Deus des nobis suam pacem*. Quorsum in fine officij dicitur *Dominus*, & in fine mensæ, seu refectiois dicitur *Deus*, cum Deus nos pascendo potius se gerat vt dominus, quam vt Deus? Resp. ex dictis quod nomen *Deus*, est nomen naturæ, infinitæ, immensæ, ineffabilis, incomprehensibilis, &c. & sic sub nomine *Deus*, Deus à nobis respicitur, vt colatur, vt benedicatur, vt laudetur, vt honoretur. At nomen *Dominus*, est nomen conueniens Deo per ordinem ad nos, ad creaturas; est nomen quo Deus non respicit, vt beneficiat, vt sustentet, vt nutriet, vt pascat. Post offi-

cium diuinum dicimus *Dominus des nobis*, &c. quia cum prius nos respexerimus eum vt Deum laudando, benedicendo, magnificando, &c. oramus vt nos respiciat vt *Dominus*, nos benedicendo, concedendo nobis pacem, & omnia quæ in pace veniunt. At post refectioem dicimus *Deus*; quia cum prius Deus se habuerit erga nos vt dominus pascendo, &c. oramus vt nos eum respiciamus vt Deum laudando, benedicendo, &c. & concedendo pacem qua ipsum benedicamus colamus, honoremus magnificemus, &c.

22. Alias difficultates mouet D. Thomas de diuinis nominibus. Nam in 2. art. inquit an aliquod nomē dicatur de Deo substantialiter, & dicit, quod nomina, quæ de Deo dicuntur negatiuè, vel quæ relationem ipsius ad creaturam significant, substantiam eius nullo modo significant, sed remotionem alicuius ab ipso, vel relationem eius ad alium, vel potius alicuius ad ipsum. Verum nomina, quæ absolutè, & affirmatiuè de Deo dicuntur, prædicantur quidem de Deo substantialiter, sed deficient à præsentatione ipsius, quia significant quidem substantiam, sed imperfectè, quod ex dictis constat, cum nomina non significant res, nisi eo modo quo concipiuntur: Deus à nobis non nisi imperfectè, & deficienter cognoscitur; ergo.

23. In art. 3. disputat an aliqua nomina dicantur de Deo propriè. & respondet affirmatiuè, imò aliqua magis propriè dicuntur de Deo, quam de creaturis, & per prius de Deo dicuntur quoad rem significatam, quam de rebus creatis; & sunt illa quæ significant perfectionem simpliciter simplicem, vt sapiens, iustus, bonus, &c. In art. 4. inquit an nomina, quæ de Deo dicuntur sint synonymina? Et negat, quia diuersas rationes aut negatas, aut affirmatas significant. In art. 5. petit an nomina quæ dicuntur de Deo, & creaturis, vt sapiens, intelligens, &c. dicantur vniuocè, & respondet negatiuè; constat, quia Deo, & creaturis nil commune vniuocum dari potest. In art. 6. disquirat an nomina per prius dicantur de creaturis, quam de Deo, & dicit, quod nomina, quæ metaphoricè de Deo

Deo dicuntur, per prius de creaturis dicuntur. In art. 7. agit, de nominibus, quæ important relationem ad creaturas dicuntur de Deo ex tempore, & respondet affirmative, ut est nomen creatoris, &c. In art. 9. disputat, an nomen Deus sit communicabile, & dicit, quod est incommunicabile secundum rem, & communicabile secundum opinionem.

Vel est incommunicabile secundum totam suam significationem, & communicabile secundum aliquid eius per quandam similitudinem, ut dicitur dicantur qui participant aliquid diuinum per similitudinem, iuxta illud: *Ego dixi Dñs esilis.*

DISPUTATIO XIV.

IN QVÆST. XIV. D. THOMÆ.

DE SCIENTIA DEI.

SOLVS sapientiz, & scientiz spiritus dat veram sapientiam, & sapientiam facit scientiam: ubi diuina sapientia, & scientia spiritus intrat, tanquam inextimabilis sapor, omnia inuadat, & reficit. Verum vera sapientia, & scientia non intrat in maleuolam animam; hæc ab illo solo est, qui est verè sapiens, & scientia, sapientiaque amator. Sicut enim officium baptizandi, multis concessit Dominus ut ministris; potestatem, verò, & auctoritatem remittendi peccata, sibi ut causæ principali referuat; ut antonomice, & discretè dixerit D. Ioannes: *Hic est, qui baptizat in Spiritu Sancto*; ita de eo dicere possumus; hic est qui sapientia saporem dat, hic est qui sapientia facit scientiam; sermo datur liquidem multis, scientia, & sapientia paucis. Hanc distribuit Dominus cui vult, & quomodo vult. Orandum ergo est, ut Deus nos faciat suæ sapientia, & scientia participes, ut suam sapientiam, scientiamque altissimam, & profundissimam cognoscamus; nõ quantum cognoscibilis est, quia hoc esse nequit, sed quantum humana ratio percipere potest; verum sic.

DVBIUM I.

An in Deo sit cognitio intellectiua formaliter.

VERITAS catholica seq. concl. explicatur. In Deo datur cognitio intellectiua formaliter. Cõstat ex sacra scriptura Iob. 31 dicitur. *Nonne ipse considerat vias meas?* & psal. 137. legitur. *Excelsus Dominus, & humilia respicit & alta à longe cognoscit.* & psal. 93. assignatur ratio ibi: *Qui plantauit aurem non audiet & aut qui fixauit oculum, non considerat, qui docet hominum scientiam, &c.* quasi dicatur. Repugnat, quod ille carcat intelligentia, seu scientia, qui docet hominem scientiam. Nec valet, quod ista testimonia intelligantur in sensu causali, aut metaphorico, non formali: quia ut ex S. P. Aug. tradunt Theologi, & sacre scripture interpretes, loca sacre scripture debent intelligi in proprio sensu, nisi aliquid sequatur absurdum, aliàs nil firmum esset in scriptura.

3 Probat ut. 1. quia esse intelligentem, est perfectio simpliciter simplex, ergo debet poni in Deo. Antecedens ostenditur, quia perfectio simpliciter simplex est illa, quæ in quocunque melior est ipsa, quam non ipsa, & quam quolibet impossibilem ipsa; sed in natura intellectuali melius est esse intelligentem, quam

ignarum, & inciscum; g. Conseq. est nota, quia in ente perfectissimo reponi debet omnis perfectio simpliciter simplex. Confirmatur 1. quia in Deo poni debet summa perfectio, sed summa perfectio reperitur in cognitione intellectiva, ergo in Deo dari debet cognitio intellectiva. Maior patet; minorem proba, quia cognoscens, non solum habet propriam perfectionem, verum etiam habet perfectionem aliarum rerum, cum habeat formas earum, ergo. Confirmatur 2. quod Deo convenit causaliter, aut metaphoricè, convenit ratione intellectus in eo formaliter existens, ut actus ira, convenit Deo metaphorice, et proinde ratione alicuius in eo formaliter existentis, scilicet ratione iustitiae punitivae, quia ita punit, ac si esset iratus; sed Deus causat scientiam, & intelligentiam in nobis, ergo ratione alicuius in eo formaliter existentis, quod aliud esse consequitur nisi intelligere, seu cognitionem intellectivam.

Probatur 2. Deus, sicut omnia agens, debet agere ex intentione, seu desiderio suo, ac proinde ad actionem cognitionis si praecedere debet: ergo in Deo dari debet cognitio praestituens finem, id est eamque dirigens. Antecedens colligitur, quia alias actio casu poneretur: unde non cognoscens eam non posset sibi finem praestituere, supponunt aliud agens à quo praestituatur, & à quo in finem dirigantur.

Obijcies 1. illud D. Dionysii cap. 7. de divinis nominibus, *Quomodo enim intelligit ali-quid intelligibilem, non habens intellectu-ales operationes?* Resp. quod Deus dicitur à D. Dionysio non habere intellectu-ales operationes volubiles, imperfectas, & defectibiles. Sic respondet S. Doctor q. 13. art. 3. ad 2. proprium namque est mystico-rum dicere Deum non esse substantiam, sed su-per substantiam, non esse intelligentem, sed super intelligentem, non esse volentem, sed super volentem, &c. ibi q. 12d

Obijcies 2. quia in lib. de causis pro-polla 7. dicitur, quod cum dicimus Deum intelligentem, non nominamus eum pro-prio nomine, sed nomine sui primi causati, scilicet intelligentiae. Resp. sensum esse,

quod nominat, quia de Deo dicuntur, de-sumantur ex creaturis, licet quoad rem-significatam aliqua per primum dicantur de Deo, quam de creaturis, ut disp. preced. ostendimus. **Obijcies 3.** quia intellectio dicitur imperfectio, ergo nequit formaliter in Deo poni. Antecedens probatur ex Arist. in 3. de anima, ubi dicit, quod intellectio est quoddam pati, pati autem, & moveri dicitur imperfectio. Resp. negando antecedens, ad probationem dico Aristotelem loqui de intellectu creatura, non de intellectu & divina.

D. V. B. I. V. M. II.

An D. Thomas recte probet Deum esse sum-mam intelligentiam, id est, quod est sum-ma in se immaterialis.

Prima sententia negat hanc sequi. **P**ropt. Gabr. in 1. d. 13. q. 2. Aut col. apud Capreol. ibid. p. unica. Nostre sententiae conl. explicatur. Recte probatur sum-ma intellectivitas ex summa immateriali-tate, ac proinde cum Deus sit summa immaterialitas, erit summa intellectivitas. Sic S. Thomas D. 1. q. 1. ubi sic statuit. Unde cum Deus sit in summa immaterialitate sequitur quod sit in summa cognitionis. D. Thomas sequitur eius Discipuli, quos refert N. Salmant. hoc loco.

Probatur 1. Immaterialitas Ange-lorum, & animarum rationalium, quae est talis simplicitas, est ratio intelligendi, ergo summa immaterialitas erit ratio sum-mae intelligendi. Antecedens ostenditur, nam ideo plantae non sunt cognoscitiae, quia sunt nimis materiales; & ideo bruta habent aliquam cognitionem, quia sunt nimis imbecillia; quia habent operatio-nes minus dependentes à materia; ergo quanto magis aliqua sunt immaterialia, tanto magis sunt cognoscitiae. Unde videmus, quod intellectus in animalibus intellectuales, illa sunt magis intellectivae, quae sunt magis immateriales. Tum quia res materiales sunt actu intelligibiles per species intentionales, quae sunt immateriales; et

habeat, ut scilicet sit intellectuum perfectum, & intelligibile in actu; nam anima pro hoc statu est intellectiva, non intelligibilis in actu, in statu separationis utrumque habet, & tunc perfectam vitam intellectuale consequitur.

14. Tertium argum. Noster intellectus pro hoc statu est purè spiritualis, & tamen non est per se intelligibilis; ergo neque erit per se intellectivus ex vi spiritualitatis, seu immaterialitatis. Resp. 1. quod intellectus nec est per se intelligibilis nisi per speciem rerum materialium, nec est per se immediatè intellectivus nisi per superadditionem speciei, ut in prima solutione præcedentis argumenti de anima dictum est. Resp. 2. quod noster intellectus pro hoc statu plus habet de intellectualitate, quam de intelligibilitate, modo dicto de anima in 3. solutione præcedentis argumenti.

15. Quartum argum. Anima rationalis in corpore habet modum esse di-
minus immaterialem, quam separata à corpore, & tamen perfectius intelligit in corpore, quam separata ab illo; ergo maior immaterialitas non est signum maioris intellectualitatis. Antecedens tradit S. Doctor 1. p. q. 89. ar. 1. ubi dicit, quod melius est animæ esse in corpore, & intelligere per conversionem ad phantasmata, quam esse extra illud, & intelligere sine tali conversione. Et 1. 2. q. 54. ar. 5. ad 4. dicit quod separatio animæ à corpore retardat illam ne tota intentione tendat in visionem divinam essentiam. Resp. negando antecedens. Ad 1. probationem dico, quod melius est animæ esse in corpore, & intelligere dependentè à corpore secundum quod consideratur ut pars, quia melius est parti esse in toto; non tamen est melius absolute. Ad 2. probationem dico, S. Doctorem solum velle animam separatam deinieri à perfectione extensivæ beatitudinis, non intensivæ.

16. Quintum argum. quia si immaterialitas est ratio cognoscibilitatis sequeretur, quod ubique est cognoscibilitas; ibi deberet supponi aliqua immaterialitas; sed hoc est falsum, ergo. Minor probatur,

quia in brutis est aliqua cognoscibilitas, & tamen nulla est immaterialitas. Tū quia bruta sunt prorsus materialia quoad modum essendi; ergo etiam quoad modum operandi. Resp. concedendo maiorem, & negando minorem; ad probationem dico, quod bruta habent aliquam immaterialitatem; tum quia habent aliquas operationes elevatas supra materiam, scilicet sensationes; tum etiam quia operantur sine passione, & motu propriè dicto, quæ sunt propriæ conditiones materiæ; sensationes namque nec sunt propriæ passionis, nec sunt cum motu propriè dicto; tum deinde quia operationes propriè materiales sunt per primas qualitates, bruta autem operantur etiam per qualitates intentionales, quæ elevantur supra materiam. Tum denique quia bruta non limitant species intentionales quas recipiunt, sed ens recipiunt secundum suam univèrsalitatē, & amplitudinē.

17. Sextum argum. Quoniam hinc sequeretur, quod etiam paries esset cognoscitivus, quia producit species intentionales sine motu, & passione. Item Sol producit lumen in medio, & aer recipiens, esset in linea cognoscitivæ, quia operantur sine passione, & motu, & producant, & recipiunt species, quæ elevantur supra materiam, ergo. Resp. quod omnia prædicta habent modum operandi supra conditionem materiæ, non est tamen ille ex quo infertur cognoscibilitas; iste est enim modus operandi supra materiam sed immans, sicut ipsa cognitio est immanens, & vitalis; at paries, sol, &c. non sic operantur, sed transscendunt, & non vitaliter.

18. Septimum argum. Quia tantum immaterialitas potest tollere, aut impedire virtutem cognoscitivam, in quantum tollit amplitudinem formæ, ex eo, quod est proprium materiæ limitare formam; sed ob hanc rationem non tollit; ergo nullo modo. Minor probatur, quia materia solum tollit amplitudinem formæ quatenus facit quod forma sit hæc, & non illa, seu in quantum est radix individuationis; sed modus iste limitandi formam non tollit virtutem ad cognoscendum; quia etiam in Angelis diffi-

D V B I V M III.

An in Deo sit scientia propria, & formaliter dicta, & respectu quorum.

Aliqui apud D. Thomam in 1. d. 35. art. 1. tenent partem negatiuam. Nostra sententia sequentibus concl. explicatur. Prima concl. *In Deo est scientia propria, & formaliter dicta.* Hæc concl. videtur certa secundum fidem: nam Ester 14. dicitur. *Te domine, qui habes omnium scientiam.* Job. 21. *Nunquid Deum docebit quisquam scientiam.* Psal. 138. *Mirabilis facta est scientia tua ex me.* Rom. 11. *O altitudo diuitiarum sapientia, & scientia Dei.* Coloss. 2. *In quibus sunt omnes thesauri scientia, & sapientia Dei, &c.* Idem tradunt SS. Patres quos testantur N. Salmant. hoc loco.

21. Probatur primò, Deus cognoscit rem per causam ex parte rei cognita, licet non ex parte cognoscentis; ergo Deus habet veram, & propriam scientiam. Antecedens constat, quia Deus perfectissime cognoscit omnes effectus creatos, eorumque causas, & cognoscit, quod sunt cause illorum, & hoc vnico intuitu, vt patet. Cõseq. probatur, quia ad scientiam non requiritur vt sit cognitio rei per causam ex parte cognoscentis, quatenus cognitio conclusionis causetur ex cognitione præmissarum, vt contingit in nobis; sed sufficit, quod sit cognitio per causam ex parte rei cognita, quatenus cognoscitur, quod hoc sit effectus. & illud causa, licet vtrumque simul cognoscatur; sed Deus hoc modo cognoscit ergo habet veram, & propriam scientiam. Maior patet, quia Angeli habent veram scientiam, & tamen non cognoscunt rem per causam ex parte cognoscentis, sed solum ex parte rei cognita.

22. Probatur 2. quia Deus cognoscit perfectissime creaturas in sua essentia tanquam in causas ergo habet perfectissimam illarum scientiam. Antecedens constat, quia cum diuina essentia sit causa creatorum, & diuinus intellectus eam perfectissime penetret, & profundissime cognoscat,

differentia individualis non tollit eorum virtutem cognoscitiuam. Resp. concedendo maiorem, & negando minorem; ad probationem dico, quod licet materia primò solum faciat quod forma sit hæc individualiter, tamen ita eam limitat in essentialitatu, vt minus fiat alia in esse representatio, ad mensuram quo forma magis aut minus immergitur in eadem materia. Bene verum est, quod indiuiduatio præcise non impedit quominus forma non fiat alia, vt patet in Angelis, tamen quanto magis indiuiduatio sapit conditionem materie, tanto minus forma indiuiduata sit alia.

19. Octauum argum. Virtus cognoscitiua non potest probari per immaterialitatem neque à priori, neque à posteriori; ergo. Quod non probetur à priori probatur, quia prius est substantiam esse cognoscitiuam, quam esse immaterialem, per quam recipit species intentionales. Tum quia essentia Dei consistit formalissime in intelligere, ac proinde non potest probari à priori per immaterialitatem. Quod neque probari possit à posteriori, probatur, quia immaterialitas cum abstrahat à vitali, & non vitali, debet esse prior intellectualitate, quæ est vitalis; vniuersalia autem sunt priora particularibus. Resp. quod in Deo summa immaterialitas, non est ratio à priori adæquata intellectualitatis, sed est ratio à priori inadæquata ex parte solius nostri modi concipiendi; in quantum quod in diuino intelligere prius intelligimus tanquam rationem inadæquatam esse immateriale, & postea esse intelligibile; in creatis autem istæ duæ rationes concipi possunt vt distinctæ adæquatè, ita quod immaterialitas sit ratio adæquata intellectualitatis, cum enim Deus sit actus purus, illæ duæ rationes non possunt ex æquo distingui, at cum creatura non sit actus purus, illæ duæ rationes possunt ex æquo distingui.

habere, ut scilicet sit intellectuum perfectum, & intelligibile in actu; nam anima, pro hoc statu est intellectus, non intelligibilis in actu, in statu separationis verumque habet, & tunc perfectam vitam intellectualem consequitur.

14. Tertium argum. Noster intellectus pro hoc statu est pure spiritualis, & tamen non est per se intelligibilis; ergo neque erit per se intellectus ex vi spiritualitatis, seu immaterialitatis. Resp. 1. quod intellectus nec est per se intelligibilis nisi per speciem rerum materialium, nec est per se immediate intellectus nisi per superadditionem speciei, ut in prima solutione precedentis argumenti de anima dictum est. Resp. 2. quod noster intellectus pro hoc statu plus habet de intellectualitate, quam de intelligibilitate, modo dicto de anima in 2. solutione precedentis argumenti.

15. Quartum argum. Anima rationalis in corpore habet modum esse diuinius immaterialem, quam separata à corpore, & tamen perfectius intelligit in corpore, quam separata ab illo; ergo maior immaterialitas non est signum maioris intellectualitatis. Antecedens tradit S. Doctor 1. 2. q. 89. ar. 1. ubi dicit, quod melius est animæ esse in corpore, & intelligere per conuersionem ad phantasmata, quam esse extra illud, & intelligere sine tali conuersione. Et 1. 2. q. 54. ar. 5. ad 4. dicit quod separatio animæ à corpore retardat illam ne tota intentione tendat in visionem diuinæ essentiae. Resp. negando antecedens. Ad 1. probationem dico, quod melius est animæ esse in corpore, & intelligere dependenter à corpore secundum quod consideratur ut pars, quia melius est parti esse in toto; non tamen est melius absolute. Ad 2. probationem dico, S. Doctorem solum velle animam separatam deineri à perfectione extensiuæ beatitudinis, non intensiuæ.

16. Quintum argum. quia si immaterialitas est ratio cognoscibilitatis sequeretur, quod ubicunque est cognoscibilitas, ibi deberet supponi aliqua immaterialitas; sed hoc est falsum, ergo. Minor proba-

tur, quia in brutis est aliqua cognoscibilitas, & tamen nulla est immaterialitas. Tum quia bruta sunt prorsus materialia quoad modum essendi; ergo etiam quoad modum operandi. Resp. concedendo maiorem, & negando minorem; ad probationem dico, quod bruta habent aliquam immaterialitatem; tum quia habent aliquas operationes eleuatas supra materiam, scilicet sensationes; tum etiam quia operantur sine passione, & motu proprie dicto, quæ sunt propriæ conditiones materiæ; sensationes namque nec sunt propriæ passionis, nec sunt cum motu proprie dicto; tum deinde quia operationes propriæ materiales sunt per primas qualitates, bruta autem operantur etiam per qualitates intentionales, quæ eleuantur supra materiam. Tum denique quia bruta non limitant species intentionales quas recipiunt, sed eas recipiunt secundum suam vniuersalitatem, & amplitudinem.

17. Sextum argum. Quoniam hinc sequeretur, quod etiam paries esset cognoscitius, quia producit species intentionales sine motu, & passione. Item Sol producit lumen in medio, & aer recipiens, esset in linea cognoscitiui, quia operantur sine passione, & motu, & producant, & recipiunt species, quæ eleuantur supra materiam, ergo. Resp. quod omnia prædicta habent modum operandi supra conditionem materiæ, non est tamen ille ex quo inferatur cognoscibilitas; iste est enim modus operandi supra materiam sed immans, sicut ipsa cognitio est immanens, & vitalis; at paries, sol, &c. non sic operantur, sed transiunt, & non vitaliter.

18. Septimum argum. Quia intantum immaterialitas potest tollere, aut impedire virtutem cognoscitiuam, in quantum tollit amplitudinem formæ, ex eo, quod est proprium materiæ limitare formam; sed ob hanc rationem non tollit; ergo nullo modo. Minor probatur, quia materia solum tollit amplitudinem formæ quatenus facit quod forma sit hæc, & non illa, seu in quantum est radix indiuiduationis; sed modus iste limitandi formam non tollit virtutem ad cognoscendum; quia etiam in Angelis diffi-

differentia individualis non tollit eorum virtutem cognoscitivam. Resp. concedendo maiorem, & negando minorem ad probationem dico, quod licet materia primo solum faciat quod forma sit hæc individualiter, tamen hæc eam limitat in essentiativo, ut minus fiat alia in esse representativo, ad mensuram quo forma magis aut minus immergitur in eadem materia. Bene verum est, quod individuatio præcise non impedit quominus forma non fiat alia, ut patet in Angelis, tamen quanto magis individuatio sapit conditionem materię, tanto minus forma individuata fit alia.

19. Octavum argum. Virtus cognoscitiva non potest probari per immaterialitatem neque à priori, neque à posteriori; ergo. Quod non probetur à priori probatur, quia prius est substantiam esse cognoscitivam, quam esse immaterialem, per quam recipit species intentionales. Tum quia essentia Dei consistit formalissimè in intelligere, ac proinde non potest probari à priori per immaterialitatem. Quod neque probari possit à posteriori, probatur, quia immaterialitas cum abstrahat à vitali, & non vitali, debet esse prior intellectualitate, quæ est vitalis; universalia autem sunt priora particularibus. Resp. quod in Deo summa immaterialitas, non est ratio à priori adæquata intellectualitatis, sed est ratio à priori inadæquata ex parte solius nostri modi concipiendi; Inquantum quod in diuino intelligere prius intelligimus tanquam rationem inadæquatam esse immateriale, & postea esse intelligibile; in creatis autem istæ duæ rationes concipi possunt ut distinctæ adæquatè, ita quod immaterialitas sit ratio adæquata intellectualitatis, cum enim Deus sit actus purus, illæ duæ rationes non possunt ex æquo distingui, ac cum creatura non sit actus purus, illæ duæ rationes possunt ex æquo distingui.

D V B I V M III.

An in Deo sit scientia propriè, & formaliter dicta, & respectu quorum.

20. **A**liqui apud D. Thomam in 1. d. 35. art. 1. tenent partem negativam. Nostra sententia sequentibus concl. explicatur. Prima concl. *In Deo est scientia propriè, & formaliter dicta.* Hæc concl. videtur certa secundum fidem; nam Ester 14. dicitur. *Te domine, qui habes omnium scientiam.* Job. 21. *Nunquid Deum docebit quisquam scientiam.* Plal. 138. *Mirabilis facta est scientia tua ex me.* Rom. 11. *O altitudo diuitiarum sapientię, & scientię Dei.* Colos. 2. *In quibus sunt omnes thesauri scientię, & sapientię Dei;* &c. Idem tradunt SS. Patres quos referunt N. Salmant. hoc loco.

21. Probatur primò, Deus cognoscit rem per causam ex parte rei cognitæ, licet non ex parte cognoscentis; ergo Deus habet veram, & propriam scientiam. Antecedens constat, quia Deus perfectissimè cognoscit omnes effectus creatos, eorumque causas, & cognoscit, quod sunt cause illorum, & hoc vnico intuitu, ut patet. Cõseq. probatur, quia ad scientiam non requiritur ut sit cognitio rei per causam ex parte cognoscentis, quatenus cognitio conclusionis causetur ex cognitione præmissarum, ut contingit in nobis; sed sufficit, quod sit cognitio per causam ex parte rei cognitæ, quatenus cognoscitur, quod hoc sit effectus. & illud causa, licet vtrumque simul cognoscatur; sed Deus hoc modo cognoscit, ergo habet veram, & propriam scientiam. Maior patet, quia Angeli habent veram scientiam, & tamen non cognoscunt rem per causam ex parte cognoscentis, sed solum ex parte rei cognitæ.

22. Probatur 2. quia Deus cognoscit perfectissimè creaturas in sua essentia tanquam in causis; ergo habet perfectissimam illarum scientiam. Antecedens constat, quia cum diuina essentia sit causa creatorum, & diuinus intellectus eam perfectissimè penetret, & profundissimè cognoscat,

seat, debet eam ut dictarum creaturarum causam cognoscere. Conseq. nota est, cum ad scientiā nil aliud requiratur, nisi quod cognoscatur, quod illa sit causa, & quod non possit aliter se habere. Est autem divina essentia causa creaturarum non solum in communi, verum etiam in particulari, ac proinde cognoscitur ut est causa huius, ac si esset solum causa huius.

23 Secunda conclusio. *Deus habet veram, & propriam scientiam suorum attributorum, & proprietatum, & etiam quarumcunque veritatum creaturarum.* Hanc conlruentur communiter Theologi, ut testantur N. Salmant. Probatur. Nostra Theologia est verè, & propriè scientia, demonstrans de Deo sua attributa, & proprietates per essentiam, non tanquam per causam, sed tanquam per rationem à priori; ergo etiam scientia Dei erit verè, & propriè scientia: antecedens ostensum est supra q. 1. Conseq. probatur, quia nostra Theologia subalternatur scientiæ Dei, ergo si scientia subalternata est verè scientia, etiam subalternans erit talis, cum principia subalternatæ sint nota in subalternante. Tum quia metaphysica est verè scientia, & tamen ens non est causa suarum passionum, quæ in ipsa demonstrantur, sed tantum ratio à priori.

24 Probatur 2. quoad veritates etiam necessarias creaturarum, quia istæ veritates debent habere causam suæ necessitatis, & veritatis, ergo sunt per eam scibiles. Antecedens constat, quia ens necessarium debet habere causam suæ necessitatis, sicut ens liberum habet causam suæ libertatis, debet enim esse ens ab alio, dependens, finitum, &c. Conseq. probatur, quia vnumquodque est scibile per suam causam, nil enim aliud est scire, nisi rem per causam cognoscere; ergo, &c.

25 Primum argum. Scientia est habitus conclusionis, sicut intellectus est habitus principiorum; sed Deus nil cognoscit per modum conclusionis, ergo. Resp. quod de ratione scientiæ solum est, quod sit certa, seu quod sit cognitio certa per causam suam, seu rationem à priori; quod autem sit habitus, quod sit qualitas, quod

sit per discursum sunt imperfectiones scientiæ in nobis.

26 Secundum argum. quia quod scitur, per notius scitur, sed Deo nihil potest esse notius; ergo in Deo non potest esse scientia. Resp. quod licet Deo nil sit magis, aut minus notum ex parte cognoscentis; datur tamen magis, aut minus notum ex parte rei cognitæ, nam divina essentia secundum se est magis nota, quam sit quæcunque alia res, ut ex dictis in superioribus constat.

27 Tertium argum. Cognitio Dei per se primò terminatur ad suam essentiam, & in illa sic cognita attingit attributa, & creaturas; ergo non est in Deo scientia propriè dicta. Antecedens constat. Conseq. probatur, quia scientia respicit per se primò conclusiones, & intelligentia, seu intellectus respicit per se primò principia; ergo cum cognitio Dei per se primò terminetur ad principia, scilicet ad divinam essentiam, non erit scientia, sed intelligentia, seu intellectus. Resp. concedendo antecedens, & negando consequentiam, ad probationem dico 1. quod scientia, quæ est tantum scientia ad solas conclusiones per se primò terminatur; at scientia, quæ est eminenter sapientia, etiam ad principia terminatur. Dico 2. quod dato, quod sapientia, & scientia non terminentur ad principia, tamen sapientia, quæ est etiam eminenter intelligentia, ad illa terminatur, de quo n. 36.

28 Quartum argum. Omnis scientia debet esse per causam; sed nec attributa habent causam, nec veritates necessariæ, cum sint æternæ; nec sint aliquid creati. Resp. quod ad hoc, quod de aliquo detur scientia, non est necesse, quod habeat causam propriè dictam, sed sufficit, quod habeat causam virtuales, seu rationē à priori.

D V B I U M IV.

An scientia Dei sit attributum illius.

29 Communis, & vera sententia hæc vnicæ conclusione explicatur. *Scientia Dei est verum, & proprium attri-*

attributum illius, ac proinde nequit pertinere ad constitutum diuinæ essentia. Hæc est expressa D. Thomæ, & Thomistarum, & communis sententia, vt testantur N. Salmant. Manebit hæc conclusio probata, si offendamus, quod diuina scientia, distinguatur virtualiter à diuino intelligere, quod vt infra patebit, est constitutum Dei, eo namque ipso, quod diuina scientia distinguitur virtualiter à diuino intelligere, iam supponit essentiam per illud constitutam, ac proinde intelligere, ab illa proficere tanquam ratio absoluta, ne cessario, & formaliter in Deo existens, & tanquam aliquid subsecutum, & constitutorum in specie atoma, quæ sunt de ratione attributi, vt supra vidimus.

30 Probat,ur ergo, quod diuina scientia, & diuinum intelligere distinguantur virtualiter. Illa distinguuntur virtualiter, quæ habent obiecta virtualiter distincta; sed diuinum intelligere, & diuinum scire sunt huiusmodi; ergo distinguuntur virtualiter. Maior constat; Minor probatur, nam obiectum diuini intelligere, est ens diuinum vt sic, & obiectum diuini scire, est ens diuinum hoc determinato modo vt scilicet est cognoscibile per causam aut rationem à priori. Sed hæc duo non possunt non distingui virtualiter, ergo. Vnde videmus, quod etiam in creatis intellectus, cui in diuinis correspondet intelligere, cum in Deo non detur intellectus per modum potentia, sed purissimi actus, & scientia, cui in Deo correspondet diuinum scire, habent obiecta diuersa, modo explicato. Tum quia diuinæ essentia potest pertinere ad obiectum primum, imò est ipsum obiectum primum diuini intelligere, & nullo modo potest pertinere ad obiectum diuini scire, cum non possit cognosci per causam, aut rationem à priori.

31 Confirmatur 1. quia ad hoc vt diuinum intelligere sit constitutum diuinæ essentia, non est necesse, quod sibi identificent diuinum scire, sed sufficit, quod sit infinitum in propria linea, & sibi identificent omnia, quæ ad propriam lineam spectant, non quæ spectant ad alias li-

neas. Diuinum namque intelligere constituit primam lineam, primordiale, primariam, non diuinum scire; ergo optimè potest diuinum intelligere constitutare diuinam essentiam, tamen non sibi identificent absque distinctione virtuali diuinum scire. Confirmatur 2. Ideo diuina voluntas, & diuina misericordia distinguuntur virtualiter, quia diuina voluntas respicit diuinam bonitatem secundum se, & vt sic, seu secundum suam amplitudinem; & diuina misericordia respicit diuinam bonitatem hoc determinato modo, prout scilicet est ratio subleuandi miseria; ergo etiam intelligere, & scire diuinum distinguuntur, quia illud respicit ens diuinum secundum suam amplitudinem, & hoc, determinato modo.

32 Primum argum. Intelligere Dei est constitutum diuinæ essentia; ergo etiam diuina scientia. Consequenter probatur, quia constitutum diuinæ essentia debet esse infinite perfectum intra lineam intelligendi; sed non esset tale nisi ad hoc pertingeret vt esset intelligere scientificum, seu nisi etiam diuinam scientiam sibi identificent absque distinctione virtuali; ergo. Resp. concedendo antecedens, & negando consequenter ad probationem dico, quod intelligere Dei adhuc vt sit constitutum diuinæ essentia, sufficit, quod sibi identificent ea quæ pertinent ad propriam lineam, & etiam quod sit radix aliarum linearum, vt ex dictis constat.

33 Secundum argum. Ad hoc, quod diuinum intelligere sit constitutum Dei, debet esse comprehensum, sed non potest esse tale nisi sibi identificent scientiam, ergo. Maior constat, quia intelligere conuenit cum Deo in eodem gradu immaterialitatis, ac proinde debet esse comprehensum, cum tantum extendatur, quantum Deus; tum quia debet esse tantæ intellectualitatis, quantæ est essentia constituta in ratione intelligibilitatis. Minor probatur, quia intelligere diuinum vt sit comprehensum, debet attingere diuinam essentiam secundum omnia quæ dicis; sed dicit esse rationem à priori attributorum, & causam creatorum; ergo

debet secundum hanc rationem attingere; attingere autem hoc modo, est scire. Resp. concedendo maiorem, & negando minorem. Ad probationem dico, quod diuinum intelligere attingit essentiam diuinam secundum omnia, quæ dicit, etiam secundum quod est ratio attributorum, & causa creaturarum, sed secundum rationem generalem entis diuini, non secundum hunc modum determinatum, prout est ratio attributorum, & causa creaturarum. Quare ad hoc ut diuinum intelligere sit comprehensuum, debet attingere omnia dicta, sed secundum suam rationem formalem, & generalem, non hoc determinato modo; & licet essentia diuina sit attingibilis utroque modo, scilicet tam sub illa generali ratione entis diuini, quam sub ratione illa determinata; tam sub illa priori ratione est attingibilis à diuino intelligere, & sub posteriori à diuina scientia.

34 Tercium argum. In nobis esse radicaliter scientes pertinet ad constitutum nostræ naturæ; ergo in Deo esse actum scientem pertinebit ad constitutum illius. Antecedens constat, quia intelligi nequit adæquatus essentia hominis, quin intelligatur cum potentia radicali ad sciendum. Conseq. probatur, quia quod in nobis pertinet ad constitutum per modum potentia, in Deo pertinere debet per modum purissimi actus, ergo si in nobis scire radicaliter, & per modum potentia pertinet ad constitutum nostræ naturæ, in Deo pertinebit per modum purissimi actus, & dempsit omnibus imperfectio- nibus. Resp. quod in nobis esse radicaliter scientes non pertinet ad constitutum nostræ naturæ, nisi per esse radicaliter scientes intelligatur esse radicaliter intelligentes; ita in Deo esse actum intelligentem pertinebit ad essentia constitutum, non esse actum scientem. Nam sicut ex hoc, quod esse radicaliter volituum in nobis pertinet ad constitutum essentia, non sequitur, quod esse actum volituum in Deo pertineat ad eius constitutum; quia esse radicaliter volituum in nobis stat pro radicali intellectu.

35 Quartum argum. Quia in Deo potentia non multiplicatur virtualiter, sed est una, eademque qua creat, qua conseruat, qua patrat miracula, qua conuer- tit panem in Corpus Christi, &c. ergo non multiplicatur intellectio, sed una, eademque que erit intelligere, scire, &c. Resp. concedendo antecedens, & negando conseq. ratio discriminis est, quia illæ rationes potentia sunt inadæquate, & respectu obiecti secundarij; at in nostro casu diuinum intelligere, & diuinum scire habent rationes adæquatas respectu obiecti primarij, ut dictum est.

36 Quintum argum. Quia si diuinum intelligere distingueretur à diuina scientia, deberet etiam distingui ab habitu, seu quasi habitu principiorum, qui vocatur intellectus, seu intelligentia; sed hoc dici nequit; ergo. Maior pater, quia tam est virtus intellectualis intelligentia, quam scientia, ac proinde si diuinum intelligere non pertingit ad hoc, ut sibi identifice- ret scientiam, neque pertingeret ad hoc, quod identificet sibi intelligentiam. Minor probatur, quia intelligentia habet idem obiectum, ac intelligere; tendit namque intelligentia in essentiam diuinam secundum se, non prout ex illa inferuntur conclusiones. Resp. concedendo maiorem, & negando minorem. Ad probationem dico, quod licet tam intelligere, quam intelligentia tendant in diuinam essentiam tanquam in rationem qua, tendunt tamen sub diuersa ratione formali sub qua; quia intelligere tendit in diuinam essentiam secundum se præcisè, & secundum suam vniuersalitatem; at intelligentia, tendit hoc determinato modo, ut scilicet est per se nota. Vnde licet diuinum intelligere tendat in diuinam essentiam, quæ est per se nota, specificatiuè, non tamen reduplicatiuè ut facit intelligentia.

37 Sextum argum. Quia si diuina scientia distingueretur à diuino intelligere, deberet etiam distingui à diuina sapientia, & ab alijs virtutibus intellectua- libus, ut ab arte, à prudentia, ab Eubolia, quæ est virtus consiliatiua, à Synesi, & Gnome, quæ sunt virtutes iudicaturæ de rebus

bus agibilibus; sed hoc est falsum; ergo. Maior constat, cum non sit maior ratio de istis quam de illis. Minor probatur, quia perfectissima scientia debet procedere per causas altissimas, ac proinde debet ad hoc pertinere ut sit sapientia; debet etiam pertinere ad hoc ut sit perfectissima scientia practica, ac proinde pertinere debet ad hoc ut sit ratio agendorum, & faciendorum. Resp. quod scientia divina licet non distinguatur à divina sapientia cum habeant idem obiectum, distinguitur tamen ab alijs virtutibus intellectualibus, cum habeant obiecta formalia diuersa, nam ars respicit diuinam essentiam ut est ratio factibilium, & prout tribuit facultatem boni operis, non bonum usum illius. Prudentia respicit diuinam essentiam, prout est recta ratio agibilium, & bonum facit habentem. Eubulia respicit diuinam essentiam ut est recta ratio consiliandi; Syneſis respicit eandem essentiam diuinam ut est recta ratio iudicandi secundum regulas communes. Et Gnomia respicit eandem essentiam ut est recta ratio iudicandi præter regulas communes.

38 Vltimum argum. Quia in Deo non ponimus plures scientias, physicales, metaphysicales, &c. ergo neque debemus ponere scientiam à diuino intelligere distinctam. Resp. concedendo antecedens, quia in Deo non dantur illæ scientiæ formaliter, sed virtualiter, aut eminenter tantum, & illarum obiecta à Deo sub vna ratione formali attinguntur; at diuinum intelligere, & diuinum scire habent diuersa obiecta, modo explicato.

D V B I U M V.

An sit vera prima differentia quam ponit D. Thomas inter cognoscentia, & non cognoscentia.

39 **H**anc ponit differentiam S. Doctor inter cognoscentia, & non cognoscentia in art. 1. huius q. 14. quod cognoscentia habent formas aliarum rerum, non cognoscentia verò habent tan-

tum propriam formam. Pro quo notandum 1. quod non dicit S. Doctor, quod sit proprium cognoscentium habere aliam formam, sed habere formam rei alterius, seu formam, quæ est in altero; aliud namque est habere aliam formam, & aliud habere formam quæ est in altero; etiam non cognoscentia habent aliam formam, ut eum aqua habet calorem, non tamen habent formam rei alterius, seu formam in altero existentem. Dum enim cognoscentia habent species intentionales aliarum rerum, habent formas in alijs existentes, quia putat, quod in specie intentionali reperiatur sub alio modo essendi, scilicet sub modo essendi intentionali, eadem forma, seu natura rei cuius est illa species. Notandum 2. hoc dubium non esse de solo nomine, ut aliqui volunt, sed de re. Nam aduersarij solum volunt, quod species representet obiectum per quandam virtualem representationem, ita tamen, quod in specie non reperiatur ipsa eadem obiecti natura; at D. Thomas, & eius discipuli volunt, quod species contineat ipsam obiecti naturam, licet sub diuerso modo essendi; nam in obiecto natura habet modum essendi naturalem, in specie habet modum essendi intentionalem.

40 Prima ergo sententia tenet, quod species non est eiusdem naturæ cum obiecto, ac proinde discrimen allatum à D. Thoma inter cognoscentia, & non cognoscentia sit nullum, sic tenent Fonseca. Molina, Vasq. Suarez, & alij, relati à N. Salmant. Nostra sententia seq. concl. explicatur. *Species intentionales sunt eiusdem prorsus natura cum suis obiectis, solumque differunt in modo habendi illam, ac proinde discrimen allatum à D. Thoma inter cognoscentia, & non cognoscentia, est optimum.* Pro hac conclusione referuat Salmant. Aristotelem, & plura D. Thomæ testimonia, & sequuntur omnes D. Thomæ discipuli, ab iisdem Salmant. relati.

41 Probatur 1. Species representans hominem, est similis illi; ergo dicit relationem similitudinis ad illum; sed relatio similitudinis fundatur in identitate naturæ; ergo species, & obiectum habent identi-

Ec 3 titi-

titatem naturæ, seu habent eandem naturam, licet sub diuerso modo essendi naturali, & intelligibili.

42 Probatur 2. Quoniam in hoc discernantur cognoscencia à non cognoscencibus, quod non cognoscencia solum habent appetitum innatum, seu innatam inclinationem ad propriam formam, seu ad connaturalia, & consensura propriæ formæ. At cognoscencia habent appetitum elicitum etiam ad habendas formas aliarum rerum per sensus, & intellectum; ergo debent species ad hoc deseruiens, continere formas, seu naturas earundem rerum. Brutum namque non potest inclinari ad hoc, vel illud pabulum determinatè, nisi in specie illius esset eadem natura pabuli, sub alio tamen modo essendi. Soluuntur argum. in contrarium.

43 Primum argum. desumitur ex testimonio D. Thomæ q. 8. de veritate ar. 11. ad 3. ubi sic dicit. *Inter cognoscens, & cognitum non exigitur similitudo, quæ est secundum convenientiam in natura, sed secundum representationem tantum. Constat enim, quod forma lapidis in anima, est longe alterius naturæ, quam lapis in materia.* Resp. quod D. Thomas loquitur de specie intelligibili, non in esse intelligibili, sed in esse naturali, & entitativo, in quo species, & obiectum sunt diuersæ naturæ. Pro quo nota, quod nomen speciei intelligibilis impositum est ad significandam eandem speciem, non solum secundum suam naturam, & secundum quod est eiusdem rationis cum obiecto, verum etiam ut est sub modo quodam essendi adæptato, & proportionato ad hoc ut uniatur obiectum ipsam cum potentia, trahendo illud cognoscibiliter ad eandem potentiam. Et sic in specie sunt duo ordines rerum scilicet natura obiecti in esse representatio, & modus illius, qui dictum esse representatiuum sustentat, ratione quorum diuersa prædicata dicuntur, ut ex dicendis magis constabit.

44 Secundum argum. Diuina essentia habet rationem speciei respectu creaturarum, & tamen non est eiusdem naturæ cum illis; ergo non est de ratione spe-

ciei, quod sit eiusdem naturæ cum obiecto. Resp. concedendo antecedens, & negando consequ. si procedat de obiecto primario, seu si procedat de obiecto secundario; species namque intelligibilis solum debet esse eiusdem naturæ cum obiecto primario, cum quo commensuratur, non cum secundario, quod non ratione sui, sed alterius representatur.

45 Tertium argum. Species Angelorum supremorum sunt vniuersalissimæ in representando, ita quod representent plures naturas specificas essentialiter diuersas; ergo non possunt esse eiusdem naturæ cum illis; implicat namque, quod vna, eademque species sit eiusdem naturæ cum tot speciebus. Resp. quod dictæ species Angelorum primario representant vnā rationem communem in qua tot illæ naturæ continentur, secundario autem representant easdem naturas; cum autem species debeat esse solum eiusdem naturæ cum obiecto primario, non cum secundario, sequitur, quod dictæ species Angelorum solum debeant esse eiusdem naturæ cum illa ratione communi, non cum naturis secundario representatis.

46 Quartum argum. Quia si species essent eiusdem naturæ cum obiecto, sequeretur, quod duo accidentia solo numero diuersa essent in eodem subiecto; hoc est falsum; ergo. Sequela probatur, nam species duarum albedinum, duorum hominum, duorum lapidum, &c. possunt esse in eodem oculo; ergo si sunt eiusdem naturæ cum obiectis representatis, solo numero differunt, sicut & obiecta. Resp. negando sequelam, quia natura, & specificatio speciei v.g. visibilis albedinis A. & albedinis B. representat hoc album, ut est hoc, representando etiam differentiam individualement, ac proinde ut sic distinguuntur specie. Vel dic, quod dictæ species quoad proprium modum representandi sunt diuersæ speciei: licet quoad naturam, solum differant numero; & tunc non sequitur, quod duo accidentia solo numero diuersa sint in eodem subiecto, tanquam indiuiduata ab illo, quod esse nequit, sed tanquam indiuiduata à naturis à parte rei existentibus.

Quin.

47 Quintum argum. Species sensibiles, quæ in medio recipiuntur, aut in speculo, non sunt eiusdem naturæ cum suis obiectis; ergo neque illæ, quæ recipiuntur in potentijs sensitiuis, aut intellectuivis. Antecedens probatur, quia species, quæ recipiuntur in medio, non tribuunt illi, quod habeat formam rei alterius; ergo signum est quod non sunt formæ rei alterius, quia si tales essent, eam denominationem tribuerant. Resp. negando antecedens, ad probationem dico, quod ideo species non tribuunt medio quod habeat formam rei alterius, quia non est capax, tum quia, non recipit eas vitaliter; tum quia non recipit per modum subiecti, sed per modum medi; quia in illo non inhaerent ut ibi stant, sed ut ad potentias transiant.

48 Sexum argum. Nam species intelligibilis est accidens quoddam spirituale, obiectum verò sæpe est substantia: Itē species non impedit sensationem; obiectū verò impedit: Item albedo, & nigredo sunt inter se contraria, & mutuò se expellunt, non earum species; ergo. Resp. quod species intelligibilis in esse representatio est substantia, vel accidens, si representet substantiam, vel accidens; in esse ramen entitativo est accidens excepta essentia diuina, & substantia Angelica dum funguntur officio speciei; quod autem obiectum impediatur sensationem non species, oritur ex modo essendi entitativo, & materiali; secundum quam rationem albedo, & nigredo contrariantur; & mutuò à subiecto se expellunt.

DVBIUM VI.

An sit vera secunda differentia, quam D. Thomas ponit inter cognoscentia, & non cognoscentia.

49 **S**ecunda differentia quam ponit S. Doctor inter cognoscentia, & non cognoscentia, est: quod cognoscentia sunt per identitatem alia res in esse cognoscibili, siue representatio, quod probat ex Arist. 3. de anima, quod anima est quodammodo omnia: hinc est illud dictum: *intelle-*

ctus intelligendo fit omnia. De hac re prima sententia est eorum, qui dubio precedenti relati sunt, qui dubio nullo modo cognoscentia fieri per identitatem res cognitæ in esse cognoscibili, seu intelligibili, & representatio, medijs speciebus.

50 Nostra sententia sequenti concl. explicatur. *Cognoscentia sunt per identitatem res cognita, non in esse naturali, & entitativo, sed in esse representatio, quatenus hoc modo identificantur cum specie intelligibili.* Pro hac concl. citant N. Salm. Arist. in 3. de anima tex. 37. & 38. D. Thomam, & Thomistas.

51 Probatur 1. cognoscentia debent vniri cum rebus cognitis ut habent esse in specie intelligibili per vnionem immaterialem, & eleuatorem, quam sit vnio per quam formæ naturales vniuntur cum suis obiectis; ergo per identitatem. Antecedens constat, quia cum cognoscentia sint magis immaterialia, magisque eleuata supra conditionem materiæ, debent cum suis formis immaterialiori, & eleuatori vnione vniri, quæ scilicet habeat eleuationem supra conditionem materiæ: Conseq. probatur; nam formæ naturales vniuntur cum suis subiectis in esse entitativo, & naturali per inhaesionem, & informationem; ergo cum cognoscentia aliori vnione vniri debeant, debent vniri per identificationem: vnio namque eleuatio supra vnionem naturalem per informationem, & inhaesionem, est vnio per identificationem in esse intelligibili, & representatio. Cum enim esse intelligibile sit esse indeterminatum, amplum, & eleuatum, petit vnionem similem per quam non limitetur forma intelligibilis, sed in sua amplitudine recipiatur; limitaretur autem si per informationem, aut inhaesionem recipiatur: cum enim non possit species vniri purè in ratione termini, ut vnitur Verbum diuinum humanitati, neque possit vniri per inhaesionem, aut informationem ex modo dictis, sequitur, quod vniri debeat per identitatem.

52 Probatur 2. Species intelligibilis formaliter considerata solum per accidens, & de materiali habet, quod sit substantia,

vel

vel accidens in esse entitativo, & naturali; ergo solum de materiali, & per accidens habebit, quod vniatur per inhaerentiam, aut informationem. Antecedens probatur, quia species intelligibilis aliquando est substantia in esse entitativo, & naturali ut in Angelis essentia Angeli respectu proprii intellectus. Aliquando est accidens, ut species essentiae, seu substantiae Angeli in intellectu alterius; ergo est solum de materiali, & per accidens, quod in esse naturali, & entitativo sit substantia, aut accidens. Per se solum est, quod esse entitativum speciei sit tantae immaterialitatis, quae sufficiat ad deferendum, & vniendum obiectum cum potentia. Consequenter constat, quia inhaerere, aut informare convenit per se solum illi formae, quae est accidens in esse entitativo. Solvantur argum. in contrarium.

53 Primum argum. desumitur ex testimonio D. Thomae. in 1. diff. 35. q. 1. art. 1. ad 3. ubi sic habet. *Sicut anima non est aliud ab homine, ita intellectus in actu non est aliud ab intellectu intelligente actu, sed idem: non tamen ita, quod species illa fiat substantia intellectus, vel pars eius nisi formalis, sicut nec anima sit corpus.* Vbi, ut vides, eodem modo negat speciem fieri idem cum intellectu, quo negat animam fieri corpus. Resp. D. Thomam loqui de specie in esse entitativo, & naturali, quo modo comparatur ad intellectum ut forma, hoc enim modo ita se habet ad intellectum, sicut anima ad corpus.

54 Secundum argum. Species intelligibilis quocunque modo considerata, non vniatur nisi per inhaerentiam, aut informationem; ergo intellectus nunquam fiet idem per identitatem cum specie, ac subsiste cum obiecto. Antecedens probatur, quia species intelligibilis quocunque modo considerata educitur de potentia intellectus, alioquin secundum aliquid sui crearetur, sed quod educitur, vniatur cum intellectu per inhaerentiam, aut informationem; ergo. Resp. quod quando species in esse entitativo est accidens, tunc in hoc esse per se educitur, ac in esse intelligibili non educitur, sed coeducitur, ad educationem sui esse entitativi.

55 Tertium argum. Forma naturalis est efficacior, quam forma intelligibilis, sed forma naturalis non vniatur per identificationem, sed per inhaerentiam, aut informationem; ergo etiam forma intelligibilis. Resp. quod forma naturalis est efficacior, quam forma intelligibilis quoad unionem per inhaerentiam, aut informationem; non tamen quoad identificationem, quia hanc non habet forma naturalis, bene tamen species in ordine intelligibili.

56 Quartum argum. Intellectus noster petit, quod obiectum, ac proinde species gerens vicem illius non vniatur cum illa per identitatem; ergo vniiri debet per informationem, aut inhaerentiam. Antecedens ostenditur, quia noster intellectus cum sit in infimo intellectualitatis gradu, habet ab intrinseco, quod sit potentia receptiva specierum; solus intellectus divinus nullam involuit potentiam, sed quod est in potentia receptiva petit unionem per inhaerentiam, & informationem, ut patet; ergo. Resp. negando antecedens intellectum de speciebus in esse intelligibili. Ad probationem dico, quod intellectus est in potentia ad speciem cum in esse entitativo, in quo non sit identificatio; tamen in esse intelligibili, in quo esse licet fiat identificatio, conservant tamen distinctionem virtualem actualem, & realem potentialem; ac proinde atque intellectus recipiat species, est in potentia ad illas, ut fiat vnum cum illis realiter actualiter, conservando distinctionem actualem virtualem, & realem potentialem. Et licet aliquando obiectum non existat in se, existit tamen in specie.

57 Quintum argum. Quia intellectus vniatur cum specie, dicit relationem tertii generis ad obiectum; ergo non potest fieri vnum per identitatem; ubi enim est vnum per identitatem, ibi realis relatio esse nequit. Antecedens probatur, quia intellectus vniatur cum specie intelligibili comparatur ad obiectum tanquam potentia completa mensurabilis, ad suam mensuram. Resp. concedendo antecedens, quia ad hoc, quod intellectus dicat talem relationem, sufficit, quod distinguatur ab ob-

Ad quoadmodum diuersum habendi naturam, vt ex dictis constat.

58 Sextum argu. Si intellectus identificaretur cum specie intelligibili, ac subinde cum obiecto sequeretur, quod prædicata species essent prædicata intellectus, & è contra; vnde loquendo de intellectu beati fieret diuinæ essentia, & intellectus prædicatorum communicatio, & sic intellectus dici posset actus purus, infinitus, immensus, &c. & diuina essentia dici posset actus non purus, finitus, limitatus, &c. Sed hæc sunt aperte falsæ; ergo. Resp. negando sequela ad hoc enim vt non fiat ea prædicatorum communicatio, sufficit, quod inter intellectum, & speciem intercedat distinctio virtualis actualis, & realis potentialis cum separari possint; vt etiam constat inter absolutam, & relativam in diuinis, vbi ob solam distinctionem virtutalem non fit prædicatorum communicatio secundum proprios conceptus expressos, quia conceptus expressus relationis, non est expressus conceptus absoluti.

59 Septimum argum. Quia hinc fieret, quod intellectus Petri, & Pauli identificarentur inter se, quæ namque sunt eadem vni tectio, sunt idem inter se; sed intellectus Petri, & Pauli identificatur cum diuina essentia in esse intelligibili, ergo identificantur inter se. Resp. negando sequela: ad hoc enim vt intellectus Petri, & Pauli identificarentur inter se, deberent identificari cum diuina essentia re, & ratione, quod in nostro casu non contingit, cum distinguantur actualiter virtualiter, & realiter potentialiter.

60 Octauum argum. Quia si intellectus beati, & essentia diuina identificarentur in esse intelligibili, existerent per eandem existentiam, scilicet per visionem beatam: intellectio namque est existentia in ordine intelligibili; sed hoc dici nequit, cum non possit essentia diuina existere per existentiam creatam, finitam, & limitatam. Maior probatur, quia quæ sunt idem per identitatem, debent per eandem existentiam existere; sed intellectus, & diuina essentia sunt idem per identitatem in esse intelligibili; ergo debent existere per

eandem existentiam, scilicet per visionem beatam. Resp. negando maiorem; cum enim diuina essentia prius supponatur existens per intellectionem diuinam sibi commensuratam, non potest denuo existere per existentiam secundum perfectibilis, finiti, & limitati; nec identitas diuinæ essentia facit quod debeant existere per eandem existentiam, cum conseruent distinctionem virtutalem actualem, & realem potentialem.

DVBIUM VII.

An Deus se ipsum primario intelligat.

61 **V**eritas catholica sequenti conc. explicatur. *Deus est obiectum primum suæ intellectionis.* Pro hac conclusione stat S. Thomas, & communis Theologorum consensus, vt testantur N. Salman. Probatur 1. Quia intellectio sumit suam speciem, & perfectionem ab obiecto primario; sed implicat, quod diuina intellectio sumat speciem, & nobilitatem à creaturis; ergo creaturæ nequeunt esse obiectum primum diuinæ intellectionis, ac proinde solus Deus erit obiectum primum dictæ intellectionis diuinæ. Confirmatur, quia illud est obiectum primum, & per se primum cognitum, quod per se primum, & primario in specie representatur; sed quod per se primum, & primario representatur in diuina essentia, est ipse Deus; ergo.

62 Probatur 2. quia vel obiectum primum diuinæ intellectionis est Deus, vel creaturæ, vel aliquid abstraens ab utroque; sed non sunt hæc duo posteriora, ergo primum. Non possunt esse creaturæ, cum non conueniant in eodem gradu immaterialitatis. Non potest esse aliquid abstraens, ob eandem rationem; ergo.

63 Sed obieci 1. quia diuinus intellectus in eodem signo rationis, & eodem simplicissimo actu attingit essentiam diuinam, & creaturam; ergo creaturæ non possunt esse obiectum secundarium diuinæ intellectionis: obiectum namque secundarium attingi debet in posteriori signo, ipso obiecto primario. Antecedens constat, quia

quia enim cognitio Dei sit in quocunque signo infinita, & comprehensiva, debet in quocunque signo terminari ad diuinam essentiam, & creaturas. Resp. concedendo antecedens, & negando consequens. Ad hoc enim ut essentia diuina attingatur per modum obiecti primarij, & creaturæ per modum obiecti secundarij, non requiritur, quod illa attingatur in aliquo signo priori, & hæc in posteriori; sed sufficit, quod illa attingatur ratione sui, & istæ ratione essentij, tametsi omnia attingatur in eodẽ signo.

64 Obijcies 2. quia si ad rationem obiecti secundarij sufficit, quod attingatur ratione alterius, sequitur, quod etiam essentia diuina secundum aliquam considerationem possit esse obiectum secundarij, & creaturæ, primarij. Quando namque Deus cognoscit creaturas, cognoscit directè illas, & cognoscit dependentiam illarum ab essentia diuina, ac proinde cognoscitur dicta essentia diuina ut terminans dictam dependentiam, & sic indirectè, & secundariò. Resp. quod hoc toto dato, non sequitur, quod diuina essentia sit obiectum secundarium, & creaturæ primarium, quia tota ista cognitio ortum habet tanquam à fonte à primaria diuinæ essentia cognitione.

65 Obijcies 3. quia intellectio Dei est formalissimè ipsè Deus; ergo nequit habere pro obiecto primariò ipsum Deum, aliàs haberet pro obiecto se ipsam, & sic esset reflexa, & intellectio intellectiois. Resp. concedendo antecedens, & negando consequens. Diuina namque intellectio, & est intellectio, & obiectum intellectum, eminens; est eminenter directæ, & reflexa.

66 Obijcies 4. Primum intelligibile, nõ potest esse prima intellectio; sed Deus est prima intellectio; ergo non potest esse primum intelligibile, ac subinde erunt creaturæ. Resp. negando maiorem loquendo de Deo, ubi primum intelligibile, est prima intellectio, & primum nobile, est prima volitio, secus in creatis ubi intellectio, & volitio sunt aliquid causatum ab intelligibili, & volibili.

67 Obijcies 5. Inter intellectioem, & obiectum debet dari saltem relatio tran-

scendentalis, sed hæc non datur inter intellectioem diuinam, & diuinam essentiam; ergo diuina essentia nequit esse obiectum primarium diuinæ intellectiois, & sic erunt creaturæ. Resp. quod licet in creatis dari debeat relatio transcendentalis inter intellectioem, & obiectum, non tamen in diuinis, ut constat.

D V B I V M VIII.

An obiectum primarium, & specificatum diuina intellectiois, essentialis sit essentia diuina ut distincta ab attributis, & relationibus, an prout ista expressè dicit.

68 **P**rima sententia tenet, quod obiectum primarium, & specificatum diuinæ intellectiois essentialis, sit diuina essentia ut completitur omnia, quæ sunt formaliter in Deo sive sine attributis, siue relationes, sic Gonzal. disp. 35. n. 4. & alij. Nostra sententia seq. concluditur. *Obiectum primarium, & specificatum diuinæ intellectiois essentialis, est sola essentia diuina, ut distincta ab attributis, & relationibus.* Pro hac conclusione refertur N. Salmant. D. Thomam, & eius discipulos communiter.

69 Probat 1. Illud est obiectum primarium, & specificatum diuini intelligere constitutiui Dei, quod cum ipso idèntificatur; sed sola essentia diuina prout distinguitur ab attributis, & relationibus identificatur absque distinctione virtuali cum diuino intelligere; ergo ea sola est obiectum diuini intelligere. Maior ostenditur, quia ad intellectioem desideratur vnio cum obiecto intellecto, & quoperfectior est intellectio, eo perfectior erit vnio illius cum suo obiecto primario intellecto; sed diuinum intelligere est infinitè perfectum, & summum; ergo vnio illius cum suo obiecto debet esse infinitè perfecta, ac proinde excludens omnem distinctionem. Tum quia diuinum intelligere est per se subsistens; ergo debet idèntificare sibi obiectum intellectum, aliàs

aliàs non intelligeretur per se subsistens ex proprijs metijs. Tum etiam quia, diuinum intelligere est prima formalitas constituens primam lineam diuinam; ac proinde debet identificare sibi obiectum suum primarium. Vnde cum diuinum scire non sit prima linea, sed secunda, non identificat sibi suum obiectum; sicut nec diuina volitio.

70 Probatur 2. Quia illud est obiectum primarium, & specificatum aliquius potentie, quod attingitur ratione sui, & cetera ratione illius; sed sola essentia diuina attingitur ratione sui, & attributa, & relationes ratione essentie; ergo. Minor probatur, quia ita se habet res ad cognosci, sicut ad esse; sed attributa, & relationes quoad esse supponunt essentiam diuinam; ergo etiam quoad cognosci.

71 Probatur 3. quia illud est obiectum per se diuini intelligere, quod per se primò Verbo diuino communicatur; sed Verbo diuino per se primò communicatur essentia diuina, non attributa, non relationes; ergo. Si enim semel attributa, possent ratione sui, & per se primò vniri in ratione speciei cum diuino intellectu, non possent non per se primò communicari. Quod autem per se primò non communicentur constat, quia Verbum per se primò est filius, non voluntas, non misericordia, ac proinde per se primò debet illi natura diuina communicari.

72 Primum argum. Quoniam intellectio summè perfecta debet habere obiectum summè perfectum, talis est essentia diuina prout complectitur omnem rationem formalem in Deo reperiendam, siue absolutam, siue relativam; ergo. Resp. distinguendo maiorem: intellectio summè perfecta debet habere obiectum summè perfectum, quod sibi identificet absque distinctione virtuali, & conceditur, quod distinctionem virtualem asserat, & negatur. Cum enim diuinum intelligere constituat primam lineam debet habere obiectum primæ, & fontalis lineæ, sibi absque distinctione, identificatum. Vel dic: intellectio summè perfecta debet habere

obiectum summè perfectum, quod sit eiusdem immaterialitatis cum ipso, & conceditur, quod non habeat eandem omnino conuenientiam in gradu immaterialitatis, & negatur. Sola autem diuina essentia habet omnimodam immaterialitatem cum diuino intelligere.

73 Secundum argum. Essentia diuina, & omnia quæ sunt formaliter in Deo possunt, & debent vniri per se cum diuino intellectu; ergo omnia pertinent ad obiectum specificatum illius. Antecedens constat, quia omnia illa habent omnia requisita ad hoc vt se ipsis vniantur cum diuino intellectu. Resp. negando antecedens; sola namque essentia diuina potest fungi officio speciei, cum sola sit suum esse, & actus purissimus.

74 Tertium argum. Diuinæ personæ pertinent ad obiectum primarium diuinæ intellectiois, ergo etiam attributa, & omnia essentialia. Antecedens ostenditur, tum quia obiectum diuinæ intellectiois debet esse quid supernaturale; sed Deus præcisè vt vnus non importat quid supernaturale, bene vt trinus; ergo. Tum etiam quia cognitio Dei est quidditativa, & intuitiva, ac proinde debet terminari ad essentiam diuinam prout est in tribus. Resp. 1. quod personæ diuinæ habent rationem obiecti quod, non quo, obiectum autem specificatum est obiectum quo, & motuum, non tantum terminatum. Resp. 2. negando antecedens; ad probationem dico, quod etiam Deus vt vnus, est ens supernaturale, & transcendens totam naturam creatam, & creatibilem.

75 Quartum argum. Essentia diuina, attributa, & relationes sunt in eodem gradu immaterialitatis cum diuino intelligere; ergo omnia pertinent ad obiectum primarium illius. Antecedens probatur, quia omnia prædicta sunt actus purus intra propriam lineam. Resp. quod licet essentia diuina, & attributa, & relationes pertineant ad eundem gradum immaterialitatis, tamen diuina essentia intra illum gradum dicit omnimodam, primam, primordiale conuenientiam, seu dicit conuenientiam primæ, & fontalis lineæ;

Ff

at

et attributa dicunt convenientiam aliarum linearum, quasi secundariorum; unde illa quasi maior convenientia non importatur de materiali ut in Angelis contingit; sed de formali, cum sit convenientia primæ, & fontalis linear. Essentia namque diuina formalissimè, ut talis, pertinet, tamquam constitucione primam lineam ad gradum immaterialitatis diuinum; at Angeli pertinent solum secundum generalem rationem separationis à materia physica in qua omnia Angeli conueniunt.

DUBIUM IX.

An constitutum diuina essentia, et natura sit ratio substantia spiritalis per essentiam.

76 **P**rima sententia tenet, quod constitutum diuinæ essentia prout virtualiter distinguitur à diuina natura (potest enim quod essentia diuina, & natura distinguantur virtualiter) sit substantia spiritalis per essentiam; at constitutum diuinæ naturæ sit ipsum intelligere diuinum. Pro hac sententia stat N. Cotnexus, & alij plures ex modernis, ut testantur Salmant. hoc loco.

77 Nostra sententia seq. concl. explicatur. In diuinis ratio essentia, & natura non distinguuntur virtualiter, ac proinde diuina essentia non potest constitui per rationem substantia spiritalis per essentiam. Pro hac conclusione stat S. Doctor & omnes communiter, ut testatur N. Salmant. Secunda pars conclusionis pendet ex prima. Si enim semel probetur, quod in diuinis ratio essentia, & natura non distinguuntur virtualiter, sequitur, quod illud, quod erit constitutum naturæ, erit etiam constitutum essentia, ac proinde ratio substantia spiritalis cum non sit constitutum diuinæ naturæ, etiā per suos auctores, neque erit constitutum diuinæ essentia.

78 Probatur 1. In Deo non datur duplex esse existentia virtualiter distinctum, ergo essentia, & natura non distinguuntur virtualiter. Consequentia tenet, quia si

essentia, & natura diuina distinguerentur virtualiter, etiam earum esse distingui deberent virtualiter. Unde quia in creatis essentia, & natura distinguuntur virtualiter, etiam earum esse hoc modo distinguuntur; & quia esse naturale, & esse intelligibile distinguuntur realiter, etiam eorum esse distinguuntur realiter. Antecedens probatur, quia si in diuinis daretur duplex esse virtualiter distinctum, scilicet esse essentia, quod spectat ad ordinem naturalem, & esse naturæ intellectuales, quod est esse intelligibile, ex illis resultaret formalissimè loquendo vnum per accidens; tum quia ex duabus existentis, seu ex duobus entibus in actu, fit ens per accidens, tum quia quicquid aduenit enti in actu, aduenit accidentaliter. Quocirca tradunt Theologi, quod diuinæ relationes non habent propriam existentiam, sed existunt per existentiam communem; & quod in humanitate Christi D. non datur propria existentia, ne ex duabus existentis fiat ens per accidens.

79 Occurrunt 1. non esse contra rationem vnius, quod constituitur ex duplici ente in actu partialiter, siue inter se subordinato. Sed contra, quia ex duplici ente in actu etiam partiali, & subordinato, non potest fieri vnum per se, quia deberent comparari per modum actus, & potentia, quod in existentis esse nequit.

80 Occurrunt 2. nullum esse inconueniens, quod in Deo detur vnitas, quæ formalissimè, & solum virtualiter sit ens per accidens. Sed contra, quia vnitas per accidens etiam solum formalissimè, & virtualiter talis, dicit imperfectionem, cū non sit summa, & perfectissima, sed infirma, & imperfecta, quæ in Deo dari non debet. Tum quia aliās in diuinis poni posset ratio formæ informantis, & inhaerentis formalissimè, licet indenicè, & realiter formaliter non poneretur. Tum etiam quia repugnat, quod ponatur in Deo id, quod secundum suam formalissimam rationem est solum tale secundum quid ut sapientia secundum quid, bonitas secundum quid, &c. ergo etiam repugnabit in Deo vnitas formalissimè acciden-

dentalis, cum sit talis secundum quid. Tum denique, quia licet in Deo non repugnet distinctio virtualis, quia hæc solū dicit eminentiam diuinæ essentiae ad præstandum plura, ac si esset plura, repugnat tamen vnitas accidentalis, quia ista non exprimit eminentiam diuinæ essentiae, sed imperfectionem, excludentem purissimam rationem actus purissimi.

81 Probatur 1. Nam in creatis essentia, & natura distinguuntur virtualiter; ergo in Deo erunt omnino idem. Antecedens constat. Consequ. probatur, quia ea quæ in nobis ratione limitationis distinguuntur realiter, in Deo non distinguuntur tanta distinctione; ergo quæ in nobis ratione eiusdem limitationis distinguuntur virtualiter, in Deo nullo modo distinguuntur, ratione maximæ puritatis diuinæ essentiae.

82 Occurrunt 1. hoc argumentum, nihil probare, quia in nobis ratio vnitatis, & bonitatis distinguuntur virtualiter, & tamen etiam in Deo retinent eandem distinctionem; ergo tamen in nobis ratio essentiae, & naturæ distinguuntur virtualiter, etiam in Deo retinere poterunt eandem distinctionem. Sed contra, quia ideo ratio vnitatis, & bonitatis etiam in Deo retinent distinctionem virtualem, quia in nobis non distinguuntur virtualiter ratione limitationis, & coarctationis, sed quia ex genere suo sic petunt distingui; sed ratio essentiae, & naturæ in nobis, non nisi distinguuntur ratione limitationis, & sic in Deo translata, hæc distinctio non distinguuntur. Maior constat ex metaphysica, cum enim vnum, & bonum sint passionibus entis ut sic, non afferunt distinctionem ratione limitationis, sed ratione generalitatis, & vniuersalitatis entis. Minor probatur, quia ideo in nobis ratio essentiae, & naturæ distinguuntur virtualiter, quia essentia non pertingit ad tantam puritatem, ut sit actus purissimus, sua immaterialitas, sua intelligibilitas, ac essentia diuina ad hoc pertingit; ergo.

83 Occurrunt 2. quod ex hoc, quod diuina essentia est purissimus actus, & summè immaterialis, solū sequitur, quod

debeat identificari cum suo esse existentia, non cum sua intellectione, quæ est formalissima ratio naturæ. Nam contra est, quia eo ipso, quod diuina essentia est actus purissimus, & summè immaterialis debet sibi identificare speciem, intellectum, & intellectiōnem, cum omnia ista pertineant ad eandem lineam. Tum quia, ut infra dicitur, intellectio, est ipsa, existentia in esse intelligibili; ergo.

84 Probatur 3. Essentia diuina identificatur formalissimè cum suo intellectu, ergo etiam cum virtute radicali ad intelligendum, & cum ipso intelligere, ac subinde cum natura diuinæ cum enim conceptus naturæ consistat in esse radicaliter intellectiūm, & in ipso intelligere, seu cum conceptus naturæ diuinæ, quæ intellectualis est incipit ab esse radicaliter intellectiūo, & pertingat vsque ad actuale intelligere, si semel essentia diuina identificatur cum suo intellectu, etiam identificabitur cum intelligere radicali, & actuale, ac proinde cum ipsa natura diuina, quæ in his consistit, & omnia ista absque distinctione virtuali afferit. Antecedens in quo est difficultas probatur, quia intellectus diuinus connaturalissimè fertur in essentiam diuinam intelligendo, & comprehendendo illam, ergo debet esse eiusdem immaterialitatis cum illa, quæ auicem cōueniunt in eodem gradu immaterialitatis, non distinguuntur virtualiter inter se; & sic intellectus, intelligere, & species ob hanc conuenientiam non distinguuntur virtualiter.

85 Sed contra hæc obijciēs quia scientia Dei fertur tanquam in obiectum connaturalissimū in diuinam essentiam, & tamen distinguitur virtualiter ab illa; ergo tamen intellectus fertur connaturalissimè in diuinam essentiam, adhuc poterit distingui virtualiter ab illa. Resp. distinguendo antecedens, scientia Dei fertur in diuinam essentiam tanquam in obiectum connaturalissimū respectiue, & cōceditur, absolute, & negatur. Essentia, namque diuina est obiectum connaturalissimū respectu scientiæ respectiue, quia scientia non habet aliud magis connatu-

rale; non est tamen obiectum connaturalissimum absolute, quia hoc solum habet respectu diuini intelligere, cum quo diuina essentia connaturalissime conuenit, & est in eodem profus gradu immaterialitatis, secundum conuenientiam primæ lineæ. Soluuntur argum. in contrarium.

86 Primum argum. desumitur ex D. Thoma *infra* q. 39. art. 2. ad 3. ubi dicitur *Natura designat principium actus, essentia uero ab essendo dicitur, possunt dici aliqua vnius nature, quæ conueniant in aliquo actu, sicut omnia calefacientia; sed vnius essentia dici non possunt, nisi quorum est vnum esse. Et idem magis exprimitur unitas diuina per hoc, quod dicitur, quod tres persone sunt vnius essentia, quam si diceretur, quod sunt vnius nature.* Vbi aperte distinguit viuiua, licet essentiam diuinam, à natura. Resp. quod S. Doctor non loquitur de essentia, & natura in sensu nostro in quo ea, quæ sunt eiusdem essentia, sunt etiam eiusdem nature; sed loquitur de natura secundum quod præcisè dicit esse principium actionis, quo in sensu ea solum dicuntur esse eiusdem nature, quibus correspondet actio eiusdem rationis, quo modo ignis, & Sol dicuntur eiusdem nature in ordine ad vnā actionem calefaciuam.

87 Secundum argum. In creatis essentia, & natura virtualiter distinguuntur; ergo etiam in diuinis. Antecedens constat, quia pertinent ad diuersum ordinem, scilicet essendi, & operandi. Hinc Aristoteles tradidit duas animæ definitiones, vnā qua definit animam ut essentiam cum dixit *est actus primus corporis, &c.* Alteram, qua eam definit ut naturam, ut eum dixit *est quæ primo viuimus, &c.* Conseq. probatur ex paritate rationis. Resp. concedendo antecedens, & negando conseq. ratio discriminis constat ex dictis, quia in creatis illa distinctio oritur ex imperfectione, & limitatione; quæ eum cessent in diuinis, cessabit etiam distinctio.

D V B I U M X.

An constitutum diuina essentia, vel natura sit esse intellectuum radicaliter prout distinguitur virtualiter ab intellectu, an prout cum illa identificatur.

88 **P**rima sententia tenet, quod constitutum diuinæ essentia, seu nature sit esse intellectuum radicaliter, seu in actu primo, sic Curiel. lib. 2. *contra.* contr. 3. n. 166. & alij relati à N. Salmant. Nostra sententia sequenti concl. explicatur. *Constitutum diuina essentia, seu natura est intelligere radicaliter, prout absque distinctione identificat sibi intelligere actuale, seu ipsam intellectionem. Vel est ipsum intelligere per modum actus purissimi.* Pro hac concl. stat S. Doctor, & eius discipuli, alijq; non pauci apud prædictos Salmant. hoc loco.

89 Probatur 1. Constitutum diuinæ essentia, seu nature debet pertinere ad ordinem intellectuum, ergo debet esse talis intellectualitas, ut absque virtuali distinctione sit ipsum intelligere. Antecedens constat, eum enim essentia diuina, & natura non distinguantur virtualiter, ut dub. præcedenti visum est, sequitur, quod cum natura sit in ordine intelligibili, eia essentia debet esse in eodem ordine, ac proinde constitutum essentia, seu nature diuinæ debet esse in ordine intelligibili, seu debet esse ratio intelligibiliteris. Conseq. probatur, quia constitutum diuinæ essentia, seu nature debet sibi identificare vltimam actualitatem in ordine intelligibili; eum constitutum sit vltima actualitas pertinet ad lineam constituti. Tum quia constitutum actus purissimi, debet intelligi per modum actus purissimi, sed intellectualitas tantum radicalis non est huiusmodi ergo. Tum etiam quia quælibet linea debet sibi identificare omnia, quæ ad ipsam pertinent, incipiendo à prima potentialitate, usque ad vltimam actualitatem.

90 Probatur 2. quia vnumquodque

cus

ens completum constituitur per actualitatem, & non per id, quod habet rationem potentiz; id enim, quod habet rationem potentiz, non constituit, sed constituitur, cum constitui sit potentiz, & constituere sit actus; ergo etiam constitutum diuinæ essentiz debet habere rationem actus, non potentiz; sed intellectualitas radicalis habet rationem potentiz, & actualis, actus, g. non illa, sed ista habebit rationem constitutui diuinæ essentiz. Tum quia intelligere diuinum est existentia Dei in ordine intelligibili, ut infra dicetur, ergo debet identificari cum ipsa essentia diuina, seu natura, ita ut non solum sit ipsa intelligibilitas radicalis, verum etiam ipsa intelligentia, alijs non esset existentia in ordine intelligibili. Tum etiam quia in Deo ordo entitatus, & intelligibilis, non distinguuntur virtualiter; ergo quod est vltima actualitas in ordine intelligibili, & existentia in hoc ordine, erit etiam in ordine entitativo. Soluuntur argum. in contrarium.

91. Primum argum. De ratione constitutui realis est, quod aliquo modo distinguatur à re constituta, saltem virtualiter; sed si semel intelligere radicaliter identificatur cum actuali intelligentia, non potest esse, nec vnum, nec aliud virtualiter distinctum à diuina essentia, quia omnia ista absque virtuali distinctione identificabuntur, ergo, &c. Maior probatur, quia ubi non datur neque distinctio virtualis inter constitutum, & constitutum, non potest esse realiter constituens, & constitutum. Tum quia id, quod est existentia in ordine intelligibili, non potest absque distinctione virtuali esse ipsa essentia, sed intelligere ex nostris rationibus est existentia in ordine intelligibili; ergo non potest in hoc ordine esse essentia, ac proinde debet ab illa saltem virtualiter distinguari. Tum etiam quia de ratione radicis est, quod saltem virtualiter distinguatur ab eo, quod ab illa radice procedit; sed intelligere radicaliter habet rationem radicis; ergo debet distinguere ab actuali intelligere, quod ab illa radice procedit. Resp. quod licet in constitutione, quæ sit per compositionem debeant constitutui,

& constitutum aliqua distinctione distinguere; non tamen in constitutione, quæ sit per modum purissimi actus; ut in nostro casu contingit. Ex quo ad illud, quod de existentia dicitur constare; nam dupliciter potest aliquid dici existentia, aut terminus naturæ. Primum, ut sit solum formaliter existentia, vel terminus naturæ. Secundum, ut sit formaliter, & eminenter existentia, vel terminus, & res terminata. Diuinum intelligere est formaliter, & eminenter existentia & natura, est simul eminenti quodam modo terminus vltimus in linea intelligibili, & res terminata. Per quæ etiam patet ad illud, quod de radice dicitur; nam id, quod est tantum radix, debet distinguere ab eo, quod ab illa procedit; non id, quod est formaliter, & eminenter radix, & id, quod ex radice pullulat, ut in nostro casu, intelligere radicaliter est eminenter formaliter ipsum intelligere actualiter.

92. Secundum argum. Quia si in Deo esse radicaliter intellectuum, intelligere, intelligi, obiectum intellectum, & species, non distinguuntur virtualiter, sequitur, quod non sit maior ratio, quod diuina essentia, & natura constituatur per intelligere radicaliter, quam actualiter, quam per intelligi, quam per obiectum, quam per speciem, ergo. Cum enim prædicta non distinguantur virtualiter, non est cur potius dicamus constitui per vnum, quam per aliud. Resp. negando sequelam, licet enim omnia prædicta sint vnum absque distinctione virtuali, tamen ratio constitutui melius explicatur per actuale intelligere, quam per alia recensita. Constitutum namque melius explicatur per id, quod exprimit rationem vltimæ actualitatis; & cum in linea intellectuali ratio vltimæ actualitatis explicetur per ipsum intelligere actu, non per esse radicaliter intellectuum, neque per speciem, neque per obiectum, sequitur, quod constitutum diuinæ essentiz, vel naturæ explicari debeat per ipsum intelligere in actu. Quod si dicas melius explicari sub nomine ipsius esse, aut sub nomine entis v.g. diuini, quod est abstractius formaliter ab-

abstractione, quam ipsum intelligere; dico, quod per ipsum esse, seu per ipsum qui est, non explicatur ratio constitutivi, sed constituti, quatenus est ens à se, & hoc in sensu qui est, est nomen maximè propriū Dei, nomina autem imponuntur ad significanda constituta, non constituenta. Neque enim melius explicatur tanquam per quid abstractius sub nomine entis, ratio constitutiva Dei, quia licet ratio entis sit abstractior abstractione vniuersaliori, cum de pluribus dicatur, non tamen est abstractior abstractione propriè formali, & quasi specifica, quia diuinum intelligere concipitur hoc modo abstractum, seu concipitur per modum actus quasi specfici, & constitutivi; non ratio entis, quæ dicit conceptum transcendentis, non specfici, ac proinde, neque constitutivi.

93 Tercium argum. Natura hominis, & natura Angeli constituitur per hoc, quod sit radicaliter intellectiua; ergo etiā natura diuina. Antecedens est certum. Conseq. probatur, tum ex paritate rationis, tum ex ratione ipsa; quia natura humana v.g. constituitur per esse radicaliter intellectiuum, quia esse radicaliter intellectiuum est primum prædicatum: quod in homine reperitur, sed hoc idem currit in Deo; ergo. Resp. concedendo antecedens, & negando conseq. ratio disparitatis constat ex dictis, quia natura humana ratione suæ imperfectionis non pertingit ad hoc vt sibi identificet esse intellectuū radicaliter, cum actuali intellectione, sicut nec natura Angelica, bene tamen diuina ratione suæ infinitæ puritatis, immaterialitatis, & actualitatis, non enim esset actualissima nisi ad vltimam vsque actualitatem pettingeret.

94 Quartum argum. Gratia sanctificans est formalis participatio diuinæ naturæ; sed non participat ipsum actuale intelligere, sed solum radicale; cum solum tribuat ius ad visionem Dei, non ipsum videre Deum; ergo natura diuina solum per radicale intelligere constituitur. Resp. quod gratia non est participatio essentie diuinæ quoad omnia munia, quæ dicit, sed solum quoad primum, & inadequa-

tum, quod dicit, & est esse participabile, vt est ratio intellectui radicaliter.

95 Dices hinc sequi, quod qui participaret miraculosè ipsam visionem Dei, & non participaret gratiam, melius participaret essentiam diuinam, quam qui solum participaret gratiam, hoc est. contra communem sensum Theologorum; ergo. Sequela probatur, quia vt dictum est, melius explicatur essentia diuina per ipsum intelligere actuale, quam per intelligere radicale; gratia participat hoc secundum, visio beata primum; ergo. Resp. negando sequelam, qui enim participaret visionem Dei, non participata gratia, non participaret diuinam essentiam, aut naturam secundum quod dicit diuinum intelligere. Ratio est, quia licet possit participari diuinā essentia secundum primum munus, scilicet secundum quod dicit esse radicaliter intellectiuam, absque eo quod participetur secundum aliud munus, vt est actuale intelligere; non tamen potest hoc munus participari non participato primo; cum enim intelligere actuale supponat intelligere radicale, nequit illud participari, hoc non participato.

96 Quintum argum. Multa continentur in diuino intelligere, quæ non continentur in diuina essentia; ergo signum est, quod diuinum intelligere non est constitutum diuinæ essentie; quidquid enim continetur in constitutiuo; debet contineri in constituto. Antecedens probatur, quia peccatum continetur formaliter in diuino intelligere, quod non continetur in diuina essentia, quia licet Deus intelligat peccatum, non tamen illud causal. Resp. negando antecedens. Ad probationem dico, quod peccatum eodem modo quo continetur in diuino intelligere, eodem modo continetur in diuina essentia; in diuino intelligere continetur tanquam obiectum secundariò cognitum, eodem modo continetur in diuina essentia; non tamen continetur tanquam in causa; nisi ratione materialis.

97 Sextum argum. Illud est constitutum diuinæ essentie, aut naturæ per quod continet omnes creaturas; sed hoc est

est intelligere radicale; ergo. Minor probatur, quia intelligere actuale, solum continet creaturas in esse intentionali, non in esse naturali, at intelligere radicale continet illas utroque modo; g. &c. Resp. concedendo maiorem, & negando minorem. Ad probationem dico, quod intelligere actuale continet creaturas secundum utrumque esse, cum enim dictum intelligere identificent sibi tam esse entitativum, quam esse intentionale, poterit utroque modo continere creaturas.

98 Septimum argum. Intellectio est posterior ratione veri, seu supponit rationem veri, & ratio veri supponit entitatem iam constitutam; ergo etiam intellectio supponit entitatem, seu essentiam constitutam à qua pullulet ratio veri, & deinde intellectio. Resp. quod in creatis intellectio supponit rationem veri, & ratio veri supponit rationem entis à qua pullulat, & à qua virtualiter distinguitur, non tamen in divinis. Ratio discriminis est, quia in creatis distinguuntur ratione limitationis, quia ratio entis non pertingit ad hoc ut sic ipsa ratio veri, & intellectiois, ut contingit in divinis ratione infinitæ perfectionis entis divini, divini veri, & divinx intellectiois.

99 Octavum argum. Intelligere essentialiter, est vera operatio naturæ intellectualis, ergo non potest esse constitutio illius, sed supponit illam constitutā. Consequenter constat, quia de ratione operationis est, ut supponat saltem virtualiter esse operantis, quia vnumquodque operatur secundum quod est in actu, &c. Antecedens probatur. Tum quia intelligere est operatio immanens. Tum quia est actus perfectissimus quo Deus vivit. Tum etiam, quia Dei beatitudo debet esse operatio; aliā nostra beatitudo, quæ est participatio beatitudinis Dei non esset operatio. Resp. 1. concedendo antecedens, & negando consequenter. Ad probationem dico, quod licet operatio, quæ est tantum operatio, ut contingit in creatis supponat saltem virtualiter esse operantis; non tamen operatio eminens, quæ identificant sibi quicquid ad hanc primam intellectualem pertinet,

ut est intellectio divina. Resp. 2. negando antecedens, quia intelligere divinum ex parte rei conceptæ non est operatio, sed actus purissimus, & forma perfectissima, ex se subsistens. Nam operatio dicitur egressum ab operante, qui divino intelligere non convenit, bene tamen divinx scientiæ, cum non sit constitutiva Dei, sed ab illo constitutio egrediatur virtualiter. Vnde de divinum intelligere dicitur actus purissimus immanens, non operatio. Est actus perfectissimus quo Deus vivit, non operatio. Quod autem nostra beatitudo sit operatio, provenit ex imperfectione ipsius, quia concipi potest ut egressus, non beatitudo Dei, cum sit primum prædicatum in Deo repertum, & constitutum, ac proinde nequit intelligi ut quid egrediens.

D V B I U M XI.

An Scientia Dei sit aliquo modo causa rerum.

100 **H**oc dubium sic resoluit S. Doctor art. 8. *Scientia Dei est causa rerum. Sic enim scientia Dei se habet ad omnes res creatas sicut scientia artificis se habet ad artificiatas. Scientia autem artificis est causa artificialium, eo quod artifex operatur per suum intellectum. Vnde oportet, quod forma intellectus sit principium operationis, sicut calor est principium calefactionis.*

101 Vnde est certissima conclusio. *Scientia Dei est causa rerum.* Habetur hæc conclusio psal. 103. ibi. *Omnia in sapientia fecisti.* & psal. 135. *Qui fecit calor in intellectum, id est in sapientia, ut exponit glossa.* Prou. 3. *Dominus sapientia fundavit terram.* Et sic tradunt S. Patres, & Theologi omnes, & conuincit ratio D. Thomæ, quia scientia Dei eo modo comparatur ad creaturas, sicut scientia artificis creati confertur ad res artificiatas; sed scientia artificis est causa artificialium; ergo scientia Dei est causa creaturarum. Maior constat, quia in Deo reperiuntur scientiæ, & artis rationes. Minor probatur, quia scientia artificis creati præscribit modum secundum, quem artefactum fieri debet, dirigique & in-

insultat ad illud, ac proinde erit causa illius;

102 Probatur alia ratione, quoniam primæ, & perfectissimæ causæ debetur modus operandi perfectissimus; sed ista est operari per scientiam; ergo. Confirmatur, quia intelligere, est ipsum esse Dei; ergo Deus continet, & causat creaturas per suum intelligere; vnaquæque namque causa suos causat effectus eo modo quo continet illos; Deus continet creaturas per intelligere, quod est eius esse; ergo per intelligere causat illos; ita tamen, quod per intelligere causat quasi radicaliter, & per scientiam, proximè.

103 Obijcies 1. Diuinæ ideæ sunt causa primaria creaturarum; ergo non est scientia; Conseq. constat, quia vnus, & idem effectus non potest habere plures causas primarias. Antecedens probatur, quia effectus maximè assimilantur ideis: id autem cui effectus assimilatur est causa primaria illius. Resp. Non implicare, quod respectu eiusdem effectus dentur plures rationes primariæ diuersimodè influentes, vt in nostro casu contingit nam ideæ concurrunt per modum causæ exemplaris, & scientia per modum principij efficientis.

104 Obijcies 2. quia si scientia esset causa rerum, iam res essent ab æterno, ac proinde tolleretur contingentia à tribus; hoc dici nequit ergo. Antecedens ostenditur, quia posita causa ponitur effectus; scientia est ab æterno; ergo etiam effectus. Resp. negando antecedens; ad probationem dico, quod scientia non est causa rerum nisi iuxta præscriptum diuinæ voluntatis, quæ non voluit effectum poni ab æterno, sed pro tali, aut tali differentia temporis.

D V B I U M XII.

Quanam Scientia sit causa rerum.

105 **P**RO intellectu dubij nota, quod scientia Dei respectu creaturarum diuiditur tanquam in duas rationes inæquatas constituentes vnum attributum scientiæ, in scientiam simplicis intelligentiæ, & in scientiam visionis. Scientia

simplicis intelligentiæ tendit in creaturam cognitione abstractiua; & scientia visionis tendit ad creaturas cognitione intuitiua prout scilicet existunt in aliqua tempore differentia. Scientia visionis subdiuiditur in scientiam visionis tantum, & hæc versatur circa malas; & in scientiam approbationis, & hæc versatur circa bona.

106 His positis. Prima sententia est, quod scientia, quæ est causa rerum sit scientia simplicis intelligentiæ. Sic Molina, Valentia, Vasquez, Suarez, & alij Patres Societatis, vtræstatur N. Salmant. hoc loco.

107 Nostra sententia duabus explicatur concl. Prima concl. *Scientia, quæ est causa rerum in actu primo, est scientia simplicis intelligentiæ.* Pro hac conclusione D. Thomas, & omnes eius discipuli, discrepant auctores primæ sententiae. Ratio clara est, quia scientia quæ virtutem habet in actu primo est causa rerum, & quasi in actu primo est causa rerum, debet antecedere actum liberum diuinæ voluntatis; sed hæc est sola scientia simplicis intelligentiæ; ergo hæc sola est causa rerum virtute, seu in actu primo. Maior probatur, quia ars, quæ est causatiua rerum, antecedit actum liberum diuinæ voluntatis, ergo etiam scientia. Tum quia scientia habet virtutem in actu primo ad producendas creaturas ex eo, quod continet ordinem illarum perfectiones, quod illi conuenit independentem à voluntate. Tum etiam quia voluntas quoad speciem ad determinatur ab intellectu, licet quoad exercitium, intellectus determinetur à voluntate; non posset autem intellectus terminare voluntatem quoad speciem, actus in ordine ad creaturas nisi in intellectu supponeretur vis causatiua earum.

107 Secunda concl. *Causa actus creaturæ est scientia visionis, & approbationis.* Sic D. Thomas, & eius discipuli, N. Salmant. & alij. Probatur. Illa scientia est causa causans creaturas, quæ subsequitur ad liberam determinationem diuinæ voluntatis; sed hæc est scientia visionis, & approbationis; ergo. Maior constat ex ratione D. Thomæ, quia forma, potentia intelligibilis, ex eo, quod est compositum non producit effectum determinatum.

minatum nisi determinetur ad vnum per appetitum; scientia autem Dei secundum se, cum sit oppositorum, est indeterminata, ac proinde in actu secundo non causabit, nisi ab appetitu, seu voluntate determinetur. Quod autem scientia visionis, & approbationis supponant determinationem liberam voluntatis, constat, quia, cum ista scientia tendat in creaturas in aliqua temporis differentia existentes, non potest non supponere voluntatem.

108 Primum argumentum est, quia causa causatiua alicuius effectus in actu primo, debet etiam illum causare in actu secundo; sed scientia simplicis intelligentiæ est causatiua creaturarum in actu primo; ergo debet eas causare in actu secundo. Resp. quod licet sit eadem scientia, quæ est causatiua in actu primo, & quæ causat in actu secundo, non tamen semper dicit eandem determinationem; nam ad hoc vt sit causatiua non connotat nec supponit determinationem diuinæ voluntatis; bene tamen vt actu causet.

109 Secundum argum. Quia simul stare non possunt, quod scientia Dei sit causatiua in actu primo, & quod hoc habeat antecedenter ad liberum decretum diuinæ voluntatis; ergo ratio pro nostra assertione adducta non conuincit. Antecedens docet S. Thomas in testimonio allato, num. 100. *quod forma intelligibilis non nominat principium actionis secundum quod est tantum in intelligente, nisi adiungatur ei inclinatio ad effectum, quæ est per voluntatem*, ergo scientia simplicis intelligentiæ non dicit esse principium actionis nisi adiungatur ei inclinatio per voluntatem. Resp. negando antecedens. Ad probationem dico, D. Thomam non loqui de scientia causatiua in actu primo, sed in actu secundo, ad quam requiritur determinatio voluntatis, non ad illam.

110 Tertium argum. scientia simplicis intelligentiæ licet cognoscat mala culpe, non tamen est causatiua illorum neque in actu primo, eo quod non supponat determinationem liberæ voluntatis; ergo. Resp. quod non ideo scientia simplicis intelligentiæ non est causatiua malorum,

culpe, quia non supponit decretum liberæ diuinæ voluntatis; sed quia illa neque in actu primo continet.

111 Quartum argum. Illa scientia est causa rerum, quæ correspondet scientiæ, quæ est in artifice creato ad causanda artificialia; sed hæc non est scientia visionis, sed simplicis intelligentiæ; ergo. Maior est D. Thomæ in tex. allato dub. præcedenti. Minor probatur, quia artifex creatus non causat effectum per scientiam intuitiuam illius, per quam contemplatur eundem effectum vt existentem; ergo neque Deus causabit effectus per scientiam visionis, per quam eosdem effectus contemplatur. Resp. concedendo maiorem, & negando minorem; ad probationem dico, quod etiam artifex creatus actu causat practicè per eam scientiam per quam effectum contemplatur, licet prius sit, quod illum causet, quam quod contempletur. Differunt tamen scientia artificis creati à scientia artificis increati, quod scientia artificis creati, post absolutam sui effectus productionem, est purè contemplatiua, cum effectus non amplius ab illa dependeat; at scientia artificis increati semper est practica, cum semper effectus illius ab ea dependeat saltem in conseruari.

112 Quintum argum. Quoniam prius res sunt futuræ, quam sciantur per scientiam visionis; ergo non possunt res causari ab eadem scientia visionis. Antecedens probatur, quia scientia visionis supponit determinationem liberæ voluntatis, ergo supponit iam res esse productas ex vi talis determinatiōis. Resp. negando antecedens, loquendo de futuritione propriè dicta, & formali, non inchoata. Ad probationem dico, quod à libera diuinæ voluntatis determinatione res habent esse futurum solum inchoatè, & initiatè, ac proinde relinquitur locus scientiæ, vt causet earumdem futuritionem formalem, & completè.

113 Sextum argum. Scientia visionis est intuitiua ac proinde supponit rem existentem, ergo non potest eam producere. Resp. quod scientia visionis est intuitiua,

& facit rem quam intuetur; unde licet prius sit prioritate à quo quod rem producat, quam quod intueatur, non tamen prioritate in quo.

114 Septimum argum. est, quia, inquit, Patres loquentes de scientia visionis dicunt, quod non ideo res sunt futuræ, quia Deus cognoscit eas esse futuras; sed è contra, ideo Deus scit res esse futuras, quia sunt futuræ; ergo non possunt esse futuræ per scientiam visionis. Resp. quod quando Patres dicunt, quod non ideo res sunt futuræ, quia à Deo cognoscuntur, loquuntur de scientia generaliter sumpta, non de scientia determinata, scilicet visionis; nam scientia generaliter sumpta ut sic præcindens à libera diuinæ voluntatis determinatione, non est causa futuritionis. Quod si aliqui loquantur de scientia visionis, illa propositio. *Quia res est futura, Deus scit illam esse futuram*, intelligi debet in sensu illativo, non causali: in sensu namque illativo verum est, quod si res est futura, à Deo sciatur; at in sensu causali oppositum dicendum est, scilicet, ideo res est futura, quia Deus scit esse futuram. Vel etiam dici potest, quod quando SS. Patres dicunt *ideo Deus scit rem esse futuram, quia est futura*, ideo hoc dicunt vñouat, quod scientia Dei non imponit necessitatem. Pro istis explanationibus referunt N. Salmant. D. Augustinum, D. Thomam, & Magistrum sententiarum, & satisfaciunt quibusdam obiectionibus P. Suarez, quæ quia nullam habent vim non refero.

D V B I V M XIII.

An Scientia Dei sit solum causa dirigens ad productionem creaturarum, an etiam sit principium exequens.

115 **C**onueniunt omnes scientiam Dei concurrere, seu influere in productionem creaturarum per modum dirigentis; difficultas solum est, an etiam concurrat, seu influat per modum principij effectiui, seu executiui, an vero potentia executiua distinguatur virtualiter ab ipsa

scientia. Prima sententia est, quod scientia Dei non sit principium immediatè effectiuum, seu executiuum, sed solum directiuum ad productionem creaturarum, ac proinde potentiam executiuam esse aliam à scientia, sic Durandus, Vasquez, & alij relati à nostris Salmant. hoc loco.

116 Nostra sententia seq. concl. explicatur. *Potentia immediatè executiua, est scientia practica Dei, connotando voluntatem.* Hæc conclusio est expressè de mente S. Thomæ ars. 8. ibi. *Vnde necesse est, quod sua scientia sit causa rerum, secundum quod habet voluntatem coniunctam.* Loquitur autem quoad rationem principij effectiui, ut constat ex illis verbis. *Oportet, quod forma intellectus sit principium operationis, sicut calor est principium calefactionis.* Vnde infra q. 25. dicit. *Ipsa scientia secundum quod est principium effectiui, habet rationem potentia.* Pro hac sententia referunt Salmant. Alvarez, Nazar. Gonzal. Caiet. etque communis inter Thomistas.

117 Probatur. Illa quæ habent convenientiam secundum aliquam formam, ita se habet, quod vnum causatur ab alio, vel vtrumque ab aliquo tertio; sed scientia Dei, & creaturæ habent convenientiam huiusmodi; ergo vel scientia Dei debet causari à creaturis, vel creaturæ à scientia, vel vtrumque ab aliquo tertio: Scientia Dei non causatur à rebus, nec res, & scientia à tertio, ergo res causari debent à scientia. Maior probatur, quia ex eo, quod Petrus, & Paulus habent convenientiam in forma, siue in natura, debet vnus causari ab alio, vel à tertio. Ex eo, quod duo artefacta conueniunt inter se, debet vnus causari ab alio, vel à tertio; ergo, &c. Tota quia effectus nequeunt esse simplices suis causis, ac proinde reduci debent in aliquam causam, sicut omnia calida reducuntur in vnum calidum, reducuntur autem in illam cum qua habent similitudinem. Minor explicatur, quia res scitæ à Deo sunt tales, quales scientia ipsius practica dicitur ut sint. Tum quia ideo creaturæ habent aliquam convenientiam cum diuino intelligere constitutivo Dei, quia illas perfectissimè continet intelligibiliter sed

sed hoc idem currit in diuina scientia; ergo.

118 Sed contra hanc rationem obijciens primò, quia ex illa sequitur, quod ipsa essentia diuina sit potentia executiua, quia creaturæ magis assimilantur diuinæ essentię cum ab illa intelligibiliter represententur, quam scientiæ, imò scientiæ nullo modo assimilantur, cum nullo modo ab illa represententur. Tum quia magis assimilantur ideis, quam scientiæ: dato, quod scientiæ assimilarentur. Resp. quod ad rationem potentię executiue non requiritur conuenientia formalis, siue naturalis, siue representatiua, sed requiritur conuenientia effectiua, quatenus forma reperitur in effectu producto, iuxta virtutem, seu vim productiuam; hoc modo creaturæ conueniunt cum diuinā scientia, quoad rationem formalem, magis, imò absolute conueniunt cum diuina essentia; & cū diuinis ideis. Dici etiam potest, quod in tantum potentia executiua habet conuenientiam effectiuiam; non formalem, in quantum facit, quod creaturæ producantur similes diuinis ideis.

119 Obijciens 2. quia ex dicta ratione sequeretur, quod etiam æternitas, & bonitas diuina essent potentiæ immediatè executiue durationis creaturæ & bonitatis creaturæ, cum inter illa detur conuenientia, sed hoc dicere negari, ergo. Resp. negando maiorem; ad hoc enim vt aliquid attributum diuinum habeat rationem potentię executiue; debet respicere creaturas, æternitas autem, & bonitas diuina non sunt talia per respectum ad creaturas, vt patet.

120 Obijciens 3. quia ex conuenientia prædicta non sequitur, quod vnum cause- tur ab alio, aut à tertio immediatè, sed tantum radicaliter; vt constat in duobus ignibus, nam vnus causeatur ab alio, aut à tertio solum radicaliter, quia ignis, seu substantia ignis nō est nisi hoc modo operatiua. Resp. quod nostræ propositionis sensus est, quod quando aliqua habent conuenientiam in forma, debet vnum causeari ab alio, aut vtrumque à tertio, & hoc immediatè, vel per se ipsum, vel per suam virtutem, vt in exemplo de igne

constat. Vnde si conuenientia sit in natura, ipsa natura cōcurrerit per modum principij radicalis. Quod si conuenientia sit in forma habentis rationem primi attributi, siue proprietatis naturæ radicaliter operatiue, tunc, saltem in naturis intellectuales, illud primum attributum erit potentia immediatè executiua; quia tunc dicta natura explicat in eo suam virtutem radicalem. Quocirca cum scientia practica Dei sit primum attributum illius, sequitur, quod in eo explicabitur virtus radicalis operatiua naturæ diuinæ. Ex quibus inferitur, quod tamen si dentur alia attributa quæ respiciant creaturas, sola tamen scientia est primum; cum post intelligere constitutum Dei, & in quo consistit ipsa essentia Dei, sequatur scire, in quo explicatur virtus radicalis operatiua ipsius intelligere. Bene verum est, quod alia attributa dicentia ordinem ad creaturas, intra suum ordinem, & lineam concurrent ad illarum productionem, sed non tanquā potentia executiua; sed vel tanquam ratio determinatiua eiusdem potentię executiue, vel tanquam ratio finibilis, vt ars; vel tanquam causa exemplaris vt ideę, &c.

121 Probatür 2. Illud in diuinis debet exercere officium potentię executiue, quod primò respicit creaturas tanquam virtuale specificatum illius; hoc est diuinum scire practicum; ergo hoc erit potentia immediatè executiua. Maior patet, quod enim non respicit creaturas tanquam virtuale specificatum, non potest intelligi vt exercens rationem potentię executiue. Pro quo nota, quod licet nihil diuinum possit respicere creaturas tanquā specificatum formale, ex eo, quod nihil diuinum potest dicere ordinem essentialē ad aliquid extra, tamen illud respicere potest tanquam specificatum virtuale, quia si semel illud diuinum posset habere aliquid extra, esset hoc, non aliud, ac prinde haberet connexionem cū hoc, non cum alio. Hinc est, quod cum essentia diuina ratione suæ perfectionis sit absolutissima, non habet connexionem cum creaturis, nec illas respicit tanquam specificatum virtuale, sed solum radica-

liter. Vnde illud, quod primò respicit creaturas tanquam specificatiuum virtuale, erit potentia executiua, quia in hoc intelligitur primò explicata virtus radicalis diuinæ essentiz, qua radicaliter continet tanquam causa dictas creaturas. Minor probatur, quia cum Deus sit in linea entis intellectiui, primum attributum per quod primò respicit creaturas, & in quo suam primò explicat illarum continentiam, debet esse in linea intellectiui, & hoc est diuina scientia.

123 Probatur 3. & explicatur præcedens argum. Diuinum intelligere est ipsum esse Dei, vt ex supra dictis constat; ergo per illud tanquam per principium radicale debet creaturas producere, & per scientiam connotando voluntatem debet illas immediatè producere. Antecedens constat, & etiam consequ. quoad primam partem; in essentia namque cuiuscunque rei continentur effectus radicaliter, qui ab illa procedunt. Quoad 2. partem probatur, quia intelligere continet creaturas radicaliter; ergo primum attributum illius debet continere formaliter, nil namque aliud est cui magis hoc munus tribui possit, quam diuinæ scientiæ; cum enim continentia radicalis sit intelligibilis, etiam continentia proxima, debet esse intra eundem ordinem; inter ea autem, quæ ad dictum ordinem spectant nihil est cui magis hoc munus conueniat, quam scientiæ, quæ easdem creaturas intelligibiliter continet, vt consideranti patebit. Soluuntur argum. in contrarium.

123 Primum argum. desumitur ex duplici testimonio D. Thomæ. Primum habetur infra q. 19. art. 4. ad 4. vbi sic fatetur. *Eiusdem effectus scientia est causa vt dirigent, & voluntas vt imperans, sed potentia est causa exequens, quia nominat immediatum principium operationis.* Secundum habetur q. 25. art. 1. ad 4. vbi sic scribit. *Potentia non ponitur in Deo vt aliquid distinctum à scientia, & voluntate secundum rem sed secundum rationem, inquantum scilicet potentia importat rationem principij exequentis id, quod voluntas imperat, & ad quod scientia dirigit, &c.* Resp. quod in

primo testimonio D. Thomas nil dicit contra nos, quia scientia Dei vtrumque munus præstat, & dirigit, & exequitur, quod voluntas imperat. Ad 2. dico, quod D. Thomas ibi tradit duplicem solutionem 2 in vna dicit, quod potentia exequens distinguitur virtualiter à scientia: in alia, quod non, & hanc videtur magis approbare, & hanc sequimur nos. Vel dici etiam potest, quod potentia executiua distinguatur ratione à scientia ratione obliqui importati, scilicet ratione voluntatis, quæ connotat potentia executiua.

124 Secundum argum. Scientia Dei, & potentia executiua diuersimodè respiciunt creaturas; ergo distinguuntur. Antecedens probatur, quia scientia respicit creaturas dirigendo voluntatem in ordine ad productionem illarum; at potentia executiua respicit creaturas supponendo voluntatem iam directam. Tum quia obiectum primarium diuinæ scientiæ est Deitas; obiectum verò primarium ipsius potentiæ executiue sunt ipsæ creaturæ. Tum etiam quia scientia versatur tam circa creata, quam circa increata, at potentia executiua solum circa creata, ergo. Resp. negando antecedens. Ad primam probationem, dico, quod scientia præstat vtrumque illud munus inadæquatum, & dirigendo voluntatem, & exequendo, quod à voluntate directâ imperatur. Ad 2. dico, quod deitas est obiectum primum diuinæ scientiæ, vt præstat prædicta munera quia respicit deitatem vt est ratio factiua creaturarum. Ad 3. dico, quod scientia practica Dei semper versatur circa diuinam essentiam, vt est ratio creaturarum, seu vt est ratio producendi creaturas, vt ex dictis constat.

125 Tertium argumentum, quia scientia Dei est æterna, & potentia executiua actû est temporalis, executio namque est in tempore; ergo distinguuntur virtualiter; quod enim æternum est, vt est scire, habet necessariam connexionem cū Deo, non executio. Resp. quod tam scientia Dei æterna est, quam executio prout dicit actum Dei, secus prout dicit connotatum, seu executionem passivam.

Et

Et sic executio actiua, quæ est actus Dei, est æterna, executio passiuæ, quæ dicit creaturam executam, est in tempore.

126 Quartum argum. In nobis potentia executiua distinguitur realiter ab intellectu, & eius scientia, nec non à voluntate, ergo etiam in Deo. Conseq. tenet, quia quæ in creaturis distinguuntur realiter, in Deo debent distingui virtualiter. Antecedens probatur, quia potentia executiua, v. g. motus progressui subiectatur in membris; vnde videmus, quod illis impeditis localiter moveri non possumus, quantumvis intellectus, scientia, & voluntas imperet. Resp. 1. concedendo antecedens, & negando conseq. Ad probationem dico, non omnia, quæ in nobis distinguuntur realiter, in Deo distinguuntur virtualiter, sed illa dumtaxat, quæ pertinent ad diuersas lineas, quod non currit in nostro casu. Resp. 2. negando antecedens; ad probationem dico, quod ideo membra impedita, non obediunt rationi ad motum, quia carent debitis dispositionibus, & qualitatibus quibus disponantur vt facile recipiant rationis imperium.

127 Quintum argum. Nam diuina essentia connotando voluntatem potest esse potentia immediatè exequens productionem creaturarum; ergo non erit scientia. Antecedens probatur, quia ideo in creaturis potentia executiua distinguitur ab essentia, quia est finita, & limitata, & non continet rationem entis creati, sed diuina essentia est infinita, illimitata, & continet omnem rationem entis creati; ergo. Tum quia est maxima perfectio diuinæ essentia, quod se ipsa absque virtute superaddita possit immediatè attingere productionem cuiuscunque creaturæ. Tum etiam quia ideo in creaturis potentia operatiua, & essentia distinguuntur realiter, quia esse, & operari distinguuntur realiter; sed in Deo esse, & operari, scilicet intelligere, non distinguuntur neque virtualiter ergo neque potentia operatiua, & essentia distinguuntur virtualiter. Resp. negando antecedens. Ad 1. probationem, dico, quod licet diuina essentia contineat omnem rationem entis radicaliter, non ta-

men proxime. Ad 2. probationem dico, quod potius est imperfectio substantia, quod immediatè, & proxime respiciat operationem, cum substantia per se primò detur ad esse, non ad operari.

128 Sextum argum. quia Deus non agit ad extra præcisè quatenus est infinitus in ratione scientis, & volentis, sed quatenus est infinitus in ratione entis; ratio namque creandi in Deo, est infinitas in ratione entis; ergo potentia executiua non potest esse scientia, sed natura, quæ dicit infinitatem in ratione entis. Resp. quod Deus vtroque modo agit ad extra, & quatenus est infinitus in ratione entis, & quatenus est infinitus in ratione scientis, & volentis; cum discrimine tamen, quia quatenus est infinitus in ratione entis, agit solum radicaliter; quatenus est infinitus in ratione scientis, & volentis, agit proxime; quatenus est infinitus in ratione scientis, agit ad extra effectiue, & quatenus est infinitus in ratione volentis, agit determinatiue, & secundum intentionem.

129 Septimum argum. Quia Deus non est omnipotens quia scit omnia, sed ideo scit omnia quia est omnipotens, & eminenter continet omnia; ergo omnipotentia non potest esse idem absque distinctione virtuali cum scientia. Resp. quod in scientia diuina, quæ est idem cum diuina omnipotentia, duo munia distinguuntur; sed inadæquata, & constituentia, vnum adæquatum attributum; primum, est continendi omnia factibilia eminenter; alterum, est sciendi illa; proxime continentur in eadem omnipotentia tanquam in causa immediata, & radicaliter in essentia diuina tanquam in causa radicali.

D. V. B. I. V. M. XIV.

Quomodo Deus cognoscas mala.

130 **C**ertum est, quod Deus cognoscit mala siue pœnæ, siue culpæ, vt constat ex illo psal. 68. *Delicta mea à te non sunt abscondita.* Et ratio ipsa conuincit; quia verum est obiectum intellectus, sed non solum est verum, quod bo-

num

num sit bonum, quam quod malum sit malum, ergo. Tum quia malorum cognitio nunquam vituperatur, maxime in gubernatore, principe, superiori. Quod si aliquando dicatur, quod Deus non cognoscat mala, intelligi debet, quod non cognoscit mala per scientiam approbationis.

131 Difficultas est de modo quo Deus cognoscit mala. Pro quo nota, quod aliud est, an malum non cognoscatur, non cognito bono, & aliud est, an malum non cognoscatur nisi per bonum. Sicut aliud est, an relatio non cognoscatur non cognito termino, & aliud est, an relatio non cognoscatur nisi per terminum. Certum est, quod Deus non cognoscatur malum non cognito bono cui opponitur, cum enim malum opponatur bono, non potest perfecte cognosci, eo non cognito. Sicut non possunt multa bona cognosci, non cognitis malis oppositis, vel quia in remedium malorum producta sunt, ut est Verbi divini Incarnatio, quæ in remedium peccati originalis primo facta est. Unde non est tituli sensus, an Deus cognoscatur mala per bona, tanquam per speciem, cum certum sit Deum non vti alia specie, quam sua essentia. Sed sensus est, an bonum, quod Deus in sua essentia cognoscit, sit ratio ex parte obiecti, non principij, cognoscendi mala.

132 Prima sententia tenet, quod Deus non cognoscatur mala per bona creata quibus opponuntur, sed per suam essentiam, seu per suam bonitatem. Sic Zumerli hoc loco, alios referens. Nostra sententia sequenti concludit explicatur. *Deus non potest cognoscere mala, nisi per bona creata quibus opponuntur.* Pro hac sententia, & consilium referunt Salmant. hoc loco, D. Aug. & glossa in psalm. 13. D. Thomam, & testatur de communi.

133 Probat, quia nullum malum opponitur immediate Deo, & bono divino, sed solum bono creato; ergo Deus non potest malum cognoscere ut opponitur bono divino, sed creato. Antecedens probatur, quia opposita sunt nata fieri circa idem, sed nullum malum potest fieri

circa Deum; ergo. Tum quia nihil potest opponi illi bono; a quo nihil potest auferri; sed a Deo, & bono illius nihil potest auferri; ergo Deo, & bono illius nihil potest opponi.

134 Primum argum. desumitur ex D. Dionys. 7. de divinis nominibus. ubi dicit, quod Deus cognoscit mala sicut lumen, si esset cognoscitium, cognosceret tenebras; sed tunc lumen non cognosceret tenebras per aliud; ergo. Resp. quod D. Dionys. loquitur de modo quo Deus cognoscit bona creata, quæ ab ipso vocantur mala, & non entia comparatiue ad Deum. Quo sensu dicitur Isa. 40. *Omnes gentes quasi non sint, sic sunt coram illo.* & Matt. 7. ad eundem sensum dicitur. *Si ergo vos cum sitis mali, natis bona dare filiis vestris.* &c.

135 Secundum argum. In Deo reperiuntur omnes peculiare rationes boni, quibus mala habent oppositionem; ergo per illas prout sunt in Deo, & habent esse diuinum, mala cognosci possunt. Tum, quia alias Deus acciperet cognitionem ab aliquo extrinseco, scilicet a bono creato. Tum etiam, quia nullum est malum, quod secundum suam propriam, & atomam rationem non habeat oppositionem cum bono diuino, quodlibet namque malum discordat ab arte, & regula diuina, quæ est bonum diuini intellectus. Resp. concedendo antecedens, & negando consequens. Ratio est, quia bonitatibus creatis prout sunt in Deo, & sunt ipse Deus; nil potest esse oppositum, ut constat. Ad primam probationem, constat, quia bona non sunt rationes cognoscendi ex parte Dei, sed ex parte obiecti, ut dictum est. Ad 2. etiam constat ex dictis, quia licet mala habeant oppositionem cum regula diuina, hanc tamen habent medio bono creato cui opponuntur. Unde mala non possunt cognosci ut discordantia ab illa regula, nisi prius cognoscatur concordantia, quam habet bonum creatum cum illa.

136 Tertium argum. Multoties malum poenæ, culpæ, & naturæ consistunt ita positum; ergo tunc per se ipsa sciri poterunt. Consequens tenet. Nam ignis inferni est malum poenæ, & est quid positum. Pec-

catum commissionis, est malum culpæ, & tamen est quid positivum, ut plures volūt. Calor in aqua est malum naturæ, & tamen quid positivum est. Resp. transeat antecedens, & negatur conseq. quia licet prædicta, quatenus entia positiva, possint se ipsis cognosci, non tamen quatenus talia entia idest quatenus deficientia, & mala.

137 Quartum argum. Malum culpæ lethalis opponitur Deo; ergo prout sic cognosci poterit. Antecedens probatur, quia dictum malum est averſio à Deo ut fine ultimo, & est, quantum est de se, destructivum Dei. Tū quia opponitur legi æternæ, definitur enim, quod sit *dictum, factū, vel concupitum contra legem æternam*. Unde in hoc differunt ex D. Thomæ. 48. *ar. 6.* malum culpæ, & penæ, quod illud opponitur bono diuino, hoc creato. Resp. distinguendo antecedens. Malum culpæ lethalis opponitur Deo ut formæ, & negatur, ut finis, & personæ offensæ, & conceditur. Ut formæ namque peccatum non opponitur Deo, sed bono creato, scilicet gratiæ quam expellit, & habitibus quibus opponitur. Ad 1. probationem dico, quod peccatum opponitur legi æternæ medio bono creato, quia lex æterna prius dicit id, quod cum ea concordat, quam id, quod discordat. Ad illud discrimen ex D. Thomæ altariū dico, quod malum culpæ opponitur quidem Deo obiectivè, non formaliter, modo explicato.

138 Quintum argum. Malum in communi directè opponitur bono diuino, ergo poterit hoc modo sciri à Deo. Antecedens tradit S. Doctor de Verit. q. 2. *ar. 15.* & in 1. dist. 36. q. 3. *ar. 2.* Tum quia malum secundum rationem communem mali dicit omne malum; omne autem malum opponitur omni bono. Resp. 1. negando antecedens, ad probationem dico D. Thomam loqui de malo negativè, quia non bonum, negat omnem rationem boni. Vel dici potest, quod summum malum opponatur summo bono non secundum rem, sed secundum vocem; vel illi opponitur ut finis, ut personæ offensæ, & obiectivè, non formaliter.

D V B I V M XV.

An Deus cognoscat futura contingentia absoluta.

139 **D**E hac materia agit S. Doctor *art. 13.* Propleña intelligentia nota, quod futurum est illud, quod habet determinationem in suis causis ad hoc ut sit in aliquo determinato tempore, aut duratione subsequente illud inflans, pro quo dicitur esse futurum. Illud autem dicitur contingens, quod potest esse, & non esse, attenda lege ordinaria, quia attenda lege absoluta, etiam necessaria, ut motus Solis, potest non esse. Futurum vero contingens est illud, quod potest esse, & non esse; quod variè dividitur. Primo dividitur in illud, quod potest esse, & non esse respectu solius Dei, ut Angeli, cæli, &c. & quod potest esse, & non esse respectu causæ secundæ. Futurum, quod potest esse, & non esse respectu causæ secundæ, dividitur in illud, quod procedit à causa ab intrinseco determinata ad productionem effectus, tamen impeditibili ab alia causa secunda, ut fructus, qui à grandine impediiri possunt; & in illud, quod est à causa libera, & indifferenti, ut sunt actus liberi, de quibus præcipuè currit disputatio inter Theologos hoc loco. Decum futura contingentia libera, alia sunt absoluta, quæ de facto erunt in aliqua temporis differentia; alia conditionata, quæ nunquam exitura sunt, existentes tamen si conditio, nunquā ponenda, poneretur.

140 His positis queritur, an Deus certò sciat futura contingentia conditionata. Prima sententia, seu potius error, tenet, quod Deus certò non cognoscat dicta futura. Sic Commentator 12. *metaphys. tex. 62.* Arist. teste Clem. Alex. *lib. 1. Strom.* & Gregor. Nyss. *lib. 8. Pbilicet S. Doctor q. 2. de verit. ar. 3. & 4.* cum à prædicto errore defendat. Idem tradidit Cicero teste D. Aug. *lib. 5. de ciuit. cap. 9.* Idem tradiderunt illi de quibus dicitur *psal. 93. Non videtis Dominum, nec intel-*

liges

liget Deus Iacob. Nostra sententia sequenti concl explicatur. *Deus certò scit futura contingentia absoluta.* Constat hæc concl. ex sacra scriptura. Psal. 138. dicitur. *Intellexisti cogitationes meas de longe.* &c. Daniel. 13. legitur. *Domine qui nosti omnia antequam fierent.* &c. Idem legitur alibi frequenter. Tum quia frustra darentur prophetiæ, si futura à Deo non scirentur. Plures SS. Patres referunt N. Salmant. hoc loco.

141 Probatur 1. Quoniam scientia Dei, connotando voluntatem est causa futurationis omnium rerum; ut ex dictis constat; ergo non possunt non cognosci futura. Conseq. probatur, quia sicut calor non producit calorem nisi calefaciendo; ita scientia non producit futura, nisi sciendo, & certò cognoscendo. Probatur 2. quia Deus certò scit futura dum existunt in sua temporis differentia; ergo etiam certò ea cognoscat ab æterno. Antecedens constat, quia in nobis pertinet ad perfectionem res cognoscere; ergo etiam in Deo. Tum quia si Deus nesciret futura quando sunt, non posset esse iudex actionum liberarum. Tm etiam quia dicta futura, quando sunt habent essentiam determinatam; ergo cognosci possunt. Conseq. probatur, quia aliàs scientia Dei esset variabilis, quia posset pari additionem, & diminutionem in tempore.

142 Obijcies 1. Quia si Deus cognosceret futura contingentia absoluta, sequeretur, quod vel scientia Dei esset fallibilis, vel quod futurum esset necessarium; hoc est falsum; ergo Deus non cognoscit dicta futura. Sequela probatur; nam vel illud futurum scitum à Deo potest aliter euenire, vel non; si potest aliter euenire; ergo potest scientia Dei falli; si non potest aliter euenire, ergo est necessarium. Resp. negando sequelam. Ad probationem dico; quod illud futurum potest aliter euenire, & hoc cognoscit Deus, cognoscit namque Deus futurum, & modum eius; quia cognoscit, & quod infallibiliter erit, & quod potest non esse.

143 Obijcies 2. quia si dictum futurum, v. g. sciret D. Petri à Deo cogni-

tus re ipsa non daretur, tunc diuina scientia falleretur, ergo cum possit non poni, potest scientia Dei falli, quia quod facit actus actus, facit potentia possibiliter. Resp. concedendo antecedens, & negando consequ. arguitur enim à sensu composito, ad sensum diuisum. Antecedens est in sensu composito, quia facit sensum quod si scitis; præscitis à Deo non daretur, scientia falleretur, quod est verum; at consequ. facit sensum diuisum, quia scitis præscitis potest non esse secundum se, non prout præscitis. Ad illud: *quod scitis actus actus, facit potentia possibiliter*, dico ita esse, quando illi potentie assignatur actus proportionatus, qui est positiu scitis secundum se, non vt præscitis. Quando namque Deus præscituit scitum, duo præscituit: vnum quod scitis est infallibiliter futurum: alterum, quod secundum se potest non esse. Vnde adhuc quod scientia Dei falleretur, oporteret, quod poneretur huius præscientiæ oppositum, vt quod data illa præscientia scitis pro tali tempore, daretur pro eodem omisso eius; vel quod ille scitis esset impossibilis; vel quod non posset non esse; vel quod posset coniungi omisso illius cum præscientia eiusdem.

144 Obijcies 3. quia possibile ex Aristotele est illud, quo posito nullum sequitur impossibile; sed si scitis Petri præscitis de factio non poneretur, sequeretur impossibile, quod scilicet præscientia Dei de illo falleretur ergo. Resp. quod possibile est illud, quo posito nullum sequitur absurdum, si ponatur eo modo quo possibile est, & in hoc sensu conceditur maior. Ad minorem dico, quod si ponatur scitis Petri eo modo quo possibilis est, scilicet secundum se, & præscindendo à præscientia, nullum sequeretur absurdum. Vel dic illam propositionem Aristotelis intelligi debere quando possibilitati rei non est coniuncta infallibilis, & certa futuriu oppositi, vt contingit in nostro casu.

145 Obijcies 4. quia eo ipso, quod scientia Dei de aliquo obiecto non est fallibilis, non potest aliter esse ac est, seu nō potest aliter terminari ad obiectum, ac terminatur, ergo obiectum non potest ali-

ter

ter esse, ac proinde non erit contingens. Resp. distinguendo antecedens; eo ipso, quod scientia Dei non est fallibilis non potest aliter esse, ac est in sensu composito, & conceditur; in sensu diuiso, & negatur; eodem modo distinguendum est consequens. Vel dic, quod ex eo, quod scientia Dei non est fallibilis, non potest aliter esse infallibiliter, absolute tamen potest aliter esse, sicut hoc modo potest aliter esse eius obiectum.

146 Obijcies 5. Quia si Deus cognoscit sicutum v.g. D. Petri, non erit in potestate eiusdem D. Petri tollere hoc antecedens, *Deus praeiuit meum sicutum*; ergo neque erit in potestate eiusdem D. Petri tollere hoc consequens, *quod sit de facto sicuturus*. Antecedens constat, quia scientia Dei de sicutu, sicut & de quacunque alia, re, est aeterna, ac proinde immutabilis, & inuariabilis, & inaufertibilis. Consequenter probatur, quia qui non potest tollere antecedens, neque consequens tollere potest. Resp. 1. distinguendo antecedens: non erit in potestate D. Petri tollere hoc antecedens *Deus praeiuit meum sicutum*, potestate absoluta, & negatur; potestate infallibilitatis, & conceditur; quia licet de facto Deus praesciuerit dictum sicutum, potuit tamen non praescire absolute; cum enim potuerit non poni, potuit non praesciri, ac proinde potuit D. Petrus absolute tollere dictam praescientiam; licet ex suppositione quod sit, tolli non possit, sed hoc solum ponit necessitatem suppositionis, & infallibilitatis, non absolutam; & sic patet, quomodo potuerit D. Petrus tollere antecedens, & consequens. Resp. 2. quod licet non possit tolli antecedens, poterit tamen tolli consequens; unde illa regula. Qui non potest tollere antecedens, non potest tollere consequens, intelligi debet cum hac limitatione, ut procedat quando antecedens est necessarium, & necessarium inferens consequens, secus quando antecedens est talis naturae, & causalitatis, quod ponat, seu inferat liberè consequens, seu facit quod praedictum consequens liberè auferatur, tunc enim non est necesse, ut tollatur consequens, quod auferatur an-

tecedens; sed sicut positio antecedentis desideratur ad hoc ut consequens liberè fiat, & inferatur, ita ad hoc ut possit non subsequi. Quocirca cum scientia Dei liberè inferat sicutum D. Petri, non est necesse ut tollatur antecedens, ut tolli possit consequens. Alio modo, & in idem redit soluit hoc argumentum D. Tho. in 1. dist. 39. q. 1. art. 1. ad 4. & in hoc art. 13. ad 2. quod quando in antecedenti ponitur aliquod verbum significans actum animae, ut in nostro casu, potest non tolli antecedens, & potest tolli consequens.

147 Obijcies 6. quia ex antecedenti necessario, sequitur consequens necessarium, sed hoc antecedens est necessarium *Petrus curret, si esset praescitum à Deo*; ergo sequetur consequens necessarium: *Petrus curret*, ac proinde ex diuina praescientia tollitur contingentia. Maior constat, quia in bona dialectica ex Arist. 1. Poster. 17. ex necessario non sequitur nisi necessarium, sicut ex vero non sequitur nisi verum. Minor probatur, quia omne praeteritum est necessarium, quia praeteritum non potest non esse praeteritum; sed esse praescitum à Deo, est praeteritum, ergo. Resp. concedendo maiorem, & negando minorem; ad probationem dico, quod licet esse praescitum externa specie videatur praeteritum, tamen secundum rem praeteritum non est, quia nec scientia Dei, nec aliquis actus eius transit in praeteritum.

148 Obijcies 7. Scientia Dei debet esse de necessarijs, ergo si Deus habet scientiam de futuris, erunt necessaria. Tū quia per medium necessarium non potest cognosci aliquid contingens, quia ex medio necessario sequitur conclusio necessaria; sed Deus omnia cognoscit per medium necessarium, scilicet per suam essentiam; ergo. Resp. quod ad scientiam sufficit quod sit de necessarijs ex suppositione, ut ex dictis disp. 1. constat. Nec verum est, quod diuina essentia prout representat futura sit medium necessarium, quia illa representat ex determinatione voluntatis.

149 Obijcies vltimo, quia si Deus certò cognosceret futura contingentia, a-

H h

au-

auferetur omnis humana providentia, cura, & sollicitudo de rebus, & præcipue de salute spirituali; quia prudenter poterit unusquisque dicere, aut Deus certo scit me consenturum vocationi, vel habiturum dolorem de peccatis, vel non: si primum consentiam, si secundum, nunquam consentiam. Resp. quod Deus scit hoc includendo diligentias, & sollicitudines, non excludendo, ac proinde poni debent. Aliàs posset quis hoc modo discurre: vel Deus scit quod ego sim victurus hac hebdomada, vel non: si primum vivam, tamen si non comedam: scit Deus te victurum, sed comedendo, ita, &c.

DUBIUM XVI.

An Deus certo cognoscat futura libera absoluta per suam essentiam, & diuinas ideas, antecedenter ad decretum suæ voluntatis.

150 **C**ertum est, quod Deus cognoscat futura contingentia per suam essentiam, & ideas, quia diuina essentia habet rationem speciei intelligibilis respectu illarum, & ideæ sunt quædam exemplaria earumdem. Difficultas solum est, an diuina essentia, & ideæ exerceant hoc munus representandi creaturas ante decretum suæ voluntatis, an eo dumtaxat supposito. Prima sententia tenet, quod essentia diuina, diuinæque ideæ representent creaturas antecedenter ad quodcunque decretum suæ voluntatis. Sic tradunt Suarez, Molina, & alij relati à N. Salmant. hoc loco. Nostra sententia sequenti concl. explicatur. *Deus nullo modo cognoscit futura contingentia absoluta in sua essentia, aut ideis antecedenter ad decretum liberum, & efficax suæ voluntatis.* Pro hac concl. referunt N. Salmant. plura D. Thomæ testimonia, & tenetur ab omnibus D. Thomæ discipulis.

151 Probatur 1. Essentia diuina vt habet rationem speciei intelligibilis, aut ideæ, non repræsentat creaturas, seu futura contingentia, vt existunt in aliqua temporis differentia, nisi vt determinatur per

decretum suæ voluntatis; ergo non cognoscet illa ante decretum suæ voluntatis. Conseq. constat, quia nihil cognosci potest per essentiam, & ideas, quod per illas non repræsentatur; ergo si ante decretum diuinæ voluntatis futura non repræsentantur per essentiam diuinam, diuinasque ideas, per illas non poterunt cognosci. Antecedens probatur, quia diuina essentia, & diuinæ ideæ antecedenter ad diuinum, & liberum decretum voluntatis repræsentant omnino naturaliter, & necessariò, ergo solum possunt repræsentari obiecta necessaria; futura contingentia non sunt huiusmodi, ergo.

152 Probatur 2. Futura contingentia antecedenter ad decretum liberum diuinæ voluntatis non sunt futura, ergo antecedenter ad illud nec repræsentari, nec cognosci possunt. Conseq. tenet, quia sicut antecedenter ad diuinam omnipotentiam nihil potest repræsentari vt possibile, quia antecedenter ad diuinam omnipotentiam nihil est possibile; ita si antecedenter ad diuinum decretum nihil est futurum, nihil vt futurum repræsentari poterit. Antecedens ostenditur; quia nullæ res potest esse futura, aut existere in aliqua temporis differentia antecedenter ad liberum diuinæ voluntatis decretum. Tum quia translatio creaturæ à statu possibilitatis ad statum futuritionis non nisi à diuina voluntate esse potest; cum enim creatura ipsa nequeat hanc translationem facere, à solo Deo liberè volente fieri poterit. Tum etiam quia libera Dei voluntas est prima radix cunctæ futuritionis, licet potentia exequens sit ipsa scientia; ergo.

153 Occurrunt aliqui, quod adhuc vt futura cognosci possint ante decretum, sufficit, quod tunc habeât veritatem obiectiuam; sed hæc solutio impugnatur infra dub. 19. Occurrunt alij, quod futura cognosci possunt in essentia diuina determinata per decretum suæ voluntatis vt futurum; nam essentia diuina determinata per decretum suæ voluntatis vt præsens, est ratio cognoscendi existentia, seu præsentia; & determinata per decretum vt futurum, est

ratio cognoscendi futura; decretum namque ut futurum, potest causare futuritionem. Verum hæc solutio impugnabitur dub. seq. quia decretum Dei nullo modo potest habere rationem futuri, ac proinde in illo signo in quo, seu à quo intelligitur diuina essentia decernere futuritionem, non potest aliquid ut futurum cognosci. Tum quia futurum habet rationem futuri à diuina voluntate. Tum etiam quia ab eadem causa habet res, quod sit futura, & quod sit existens, ergo eum à diuina voluntate res recognoscant existentiam, ab eadem recognoscant futuritionem.

154 Occurrunt aliqui ad has impugnationes, quod licet ex decreto ut futuro non habeant futura suam futuritionem, habent tamen futuritionem futuritionis. Sed contra, quia si semel futuritio oritur à decreto, etiam futuritio futuritionis ab eodem decreto oriri debet. Tum quia hæc futuritio futuritionis reduci debet in Deū tanquam in causam; ergo in diuinum decretum ut existens, quia de ratione causæ efficiens est, quod existat ut causet.

155 Alij etiam sic occurrunt, quod respectu futuritionis non debeat assignari causa existens, ex eo, quod futuritio non est aliquis effectus realis in rerum natura existens. Sed contra, quia dato, quod esse futurum non sit aliquis effectus in rerum natura existens, negari saltem non potest, quin sit realis denominatio extrinseca, proueniens à forma alteri intrinseca, & ipsi futuro extrinseca; sed hæc denominatio non potest non oriri à libero decreto diuinæ voluntatis; ergo. Deinde falsum est, quod esse futurum non sit aliquis effectus procedens à diuino decreto, ac proinde supponens causam efficientem. Quod sic ostenditur, quia futura contingentia absoluta habent aliquam veritatem; ergo eam habere debent dependentem à diuina voluntate tanquam à prima radice, primoque determinantem; omnis namque veritas secunda per participationem, debet esse à prima per essentiam; voluntas autem diuina est primum indifferens, primumque, se determinans, ac proinde secundum indifferens, secundumque determinans ab

illa debet dependere. Tum quia possibilitas creaturarum refunditur tanquam in causam efficientem in diuinam omnipotentiam; ergo etiam futuritio earum refundi debet in diuinam voluntatem tanquam in causam efficientem. Si enim possibilitas recognoscit causam efficientem, à fortiori eam recognoscet futuritio, cum sit quædam determinatio, & deputatio creaturæ ad existendum, possibilitati superaddita. Tum etiam quia, quod est causa efficiens formæ tribuentis aliquam denominationem, est etiam causa efficiens eiusdem denominationis; sed diuina voluntas est suo modo veluti causa decreti denominantis creaturas futuras; ergo erit etiam causa futuritionis earum.

156 Primum argum. desumunt ex S. Doctore in hoc art. 13. quatenus dicit, quod Deus cognoscit futura quatenus sunt sibi præsentia in æternitate. Respond. quod D. Thomas tantum vult, quod Deus non solum cognoscat dicta futura in sua essentia, & ideis prout determinantur per decretum suæ voluntatis, verum etiam quod cognoscat illa prout eius intuitus fertur super illa, ut sunt actu in æternitate.

157 Secundum argum. Essentia diuina, & diuinæ idæe antecedenter ad diuinum decretum sunt infinitæ in repræsentando; ergo in illo priori repræsentabunt. Antecedens constat, quia sunt infinita in propria linea, quæ est ratio repræsentandi. Conseq. probatur, quia aliàs non essent infinitæ repræsentabilitatis. Tum quia aliàs variaretur repræsentatio. Tum etiam quia aliqua perfectio illis accresceret ex decreto, quia poneret in illis repræsentationem, quam ante non habebant. Resp. concedendo antecedens, & negando consequ. Nec probatio in contrarium aliquid euincit, quia ad hoc, quod essentia, & idæe diuinæ sint infinitæ in repræsentando, sufficit, quod repræsentent omne repræsentabile, futura autem contingentia cum non sint ante decretum, neque sunt repræsentabilia. Ad 1. probationem dico non fieri variationem in repræsentabilitate, sed in repræsentato, ut patet, non enim non repræsentatur ex defectu virtutis repræsen-

tatiæ, sed ex defectu rei repræsentatæ, quæ tunc non est. Ad 2. probationem constat ex modo dictis, quia decretum non ponit repræsentabilitatem in diuina essentia, sed ponit id, quod est repræsentandū; vnde ex decreto non ponitur perfectio in essentia, sed in cōnotato, quod producitur.

158 Tertium argum. Ideæ non exercent formalissimè rationem idearum nisi respectu creaturarum futurarum; sed antecedenter ad decretum sunt dictæ ideæ, ergo antecedenter ad decretum creaturæ futuræ cognosci possunt. Maior probatur, quia ideæ sunt formæ necessariæ non liberæ. Tum quia constituunt vnum attributum, attributa autē sunt perfectiones necessariæ in Deo existentes: imò non sunt vtrunque attributum, sed intellectuale, quod est prius attributis ad voluntatem pertinentibus. Resp. quod ideæ in actu primo exercent rationem idealem ante decretum, sed in actu secundo, non nisi post decretum. Vnde ideæ in actu primo sunt formæ necessariæ, non in actu secundo: in actu primo sunt attributum intellectuale, non in actu secundo prout repræsentat creaturas futuras, antea existentes, sed de hoc infra disp. 15.

159 Quartum argum. Nam si per impossibile Deus non liberè vellet futura contingentia, sed essent à casu, aut ab alia causa, adhuc cognosceret illa, & non in decreto, quod non esset; ergo. Resp. quod dato illo impossibili, Deus non cognosceret futura, quia non præcontingerentur in sua essentia tanquam in causa, ac proinde non posset illa cognoscere tanquam in medio prius cognito, aliàs acciperet scientiam à creaturis, quod esse nequit.

D V B I V M XVII.

An Deus cognoscat futura contingentia absoluta in suo decreto vs futuro.

160 **A**firmant Suarez, Fonseca, & alij relati per Salmant. hoc loco. Nostra sententia sequenti concl. explicatur. *Deus nullo modo cognoscere potest dicta futura in suo decreto vs futuro.* Pro

haec concl. referunt N. Salmant. D. Thomā, eiusq; discipulos, aliosque multos. Quod etiam tradunt plures ex Patribus Societatis, vt Vasquez, Molina, Granado, Herice, & alij.

161 Probatur 1. Decreta libera Dei non possunt habere rationem futuri, ergo in ipsis vt futuris non possunt futura cognosci. Conseq. constat. Antecedens probatur, quia decreta libera Dei mensurantur æternitate vt propria, & adæquata eorum mensura; sed quod hoc modo mensuratur non potest habere rationem futuri, ergo. Maior nota est, quia decreta libera Dei sunt actus Dei, ac proinde mensurari debent mensura propria Dei, quæ est æternitas. Minor probatur, quia sicut de ratione æternitatis est, quod non habeat rationem futuri, cum sit nunc permanens, & omnino inuariabile; ita & quæ æternitate mensurantur talia esse debent.

162 Probatur 2. & explicatur præcedens argum. quia id, quod est æternum æternitate increata, non potest transire in præteritum; ergo neque potest esse futurum. Antecedens constat; quia id, quod transit in præteritum, non potest esse æternum, quia quod transit in præteritum, non ambit omne tempus, ac proinde æternum non est. Conseq. ostenditur, quia id, quod est futurum, potest transire in præteritum. Tum quia id, quod est futurum nequit esse æternum, quia quod est futurum non est præsens omni durationi, quod est contra rationem æterni.

163 Probatur 3. quia repugnat aliquid esse immensum, & non esse præsens omnibus locis, & quibuscunque in diuisibilis eorum; Item repugnat aliquid esse infinitum in ratione luminis, aut virtutis cognoscitiue, & quod in aliquo signo non se extendat ad omne cognoscibile; ergo etiam repugnabit esse aliquid æternum æternitate increata, & quod in aliquo signo non sit actu præsens, sed futurum. Antecedens constat. Conseq. probatur, quia non est minus infinita æternitas, quam immensitas; ergo, &c.

164 Sed contra has nostras rationes insurgit Suarez lib. 2. de scientia Dei cap. 8.

&

& obijcit 1. quia licet decretum Dei sit æternum, & actu præsens, tamen cognosci potest ut sic, independentem ab actuali præsentia. Probat hoc, quia si per impossibile decretum Dei non esset æternum, sed in tempore sequenti Deus esset habiturus illud, tamen Deus semper cognovisset, quod sua voluntas est illud habitura; ergo tamen nunc sit æternum, potest cognosci secundum se, ut præscindens ab actuali præsentia. Resp. negando antecedens, loquendo de cognoscendo dictum decretum quidditative, & prout est in se, ut est Deus.

165 Obijcit 2. quia licet divinum decretum mensuretur æternitate, nihilominus prius ratione intelligimus Deum scire suam voluntatem, ut potentem libere velle, quam ut actu velit; ergo potest cognosci ut prius volitura, quam ut actu volens. Resp. quod prius cognoscitur divina voluntas ut volitura, quam ut actu volens prioritate à quo, & conceditur; prioritate in quo, & negatur.

166 Obijcit 3. quia Verbum divinum non procedit ex cognitione actuum liberorum; ergo in illo signo rationis in quo Pater æternus intelligitur se ipsum, & divinam essentiam comprehendere, non cognoscit prædictos actus. Resp. concedendo antecedens, & negando consequens. quia non datur illud signum in quo Pater æternus intelligat se ipsum, & essentiam, & non intelligat prædictos actus, licet ex illis Verbum non procedat, cum eius processio sit necessaria. Unde illa cognitio actuum liberorum se habet ibi concomitanter.

167 Obijcit 4. quia licet decretum Dei liberum sit æternum, potest cognosci ut possibile, ergo etiam ut futurum. Antecedens constat, aliàs esse non posse. Consequens probatur, quia possibilitas magis distat ab actuali esse, & præsentia quam futurum; ergo si per hoc, quod decretum est æternum non tollit maiorem distantiam, neque tollit minorem. Resp. negando antecedens, loquendo de possibilitate proprie dicta; illud enim proprie possibile dicitur, quod est effectus divinæ omnipotentiae, seu quod recognoscit ut sui causam

divinam omnipotentiam; decreta autem Dei non sunt huiusmodi. Quod si procedat dictum antecedens de possibilitate impropria, quæ tantum dicit, quod id, quod possibile dicitur, non repugnat esse, tunc admitti debet, quia divina decreta hoc modo possible sunt, & transeunt à possibilitate ad esse, sine futuritione, ac proinde in eodem signo in quo, & sunt, & possible sunt; secus dicendum est de possiblebus proprie, quia ista non transeunt à possibilitate ad esse, nisi per futuritionem. Unde si Deus crearet Angelum ab æterno cum liberè amantem, non cognosceretur prius prioritate in quo esse quam amare, sed tantum prioritate à quo.

168 Obijcit 5. quia æternitas prius ratione competit divinæ essentiae; & perfectionibus eius necessariis, quam actibus liberis; ergo in illo priori non intelliguntur decreta libera. Resp. distinguendo antecedens; æternitas prius competit divinæ essentiae, & perfectionibus eius prioritate à quo, & conceditur; prioritate in quo cum fundamento in re, & negatur.

169 Obijcit 6. quia non obstante, quod decreta Dei sint æterna, comparantur per modum intentionis, & electionis; sed intentio est prior electione, & electio habet esse futuram ratione intentionis, & efficacia intentionis finis infert efficacem futuritionem mediorum. Resp. concedendo maiorem. Ad minorem dico, quod intentio est solum prior electione prioritate à quo, non in quo, cum fundamento in re; & hæc prioritas à quo, est sufficiens ad inferendam electionem, & electionem mediorum.

170 Probatur 4. nostra conclusio. quia si decreta libera Dei habent rationem futurorum, tunc in illo signo in quo per aduersarios, intelliguntur futura, divina voluntas erit determinata ad habenda in sequenti signo illa; quæ sunt futura, & ad non habenda illa, quæ non sunt futura; sed ex hoc læderetur divina libertas; ergo. Maior probatur, quia eo ipso quod decreta in illo signo intelliguntur futura, intelliguntur determinata ad essendum; & quæ intelliguntur non futura, intelli-

gun-

guntur indeterminata ad essendum; ac proinde voluntas pro illo priori intelligitur determinata ad habenda decreta futura, & ad non habenda non futura. Minor constat, quia ea determinatio lædit libertatem, quæ præsupponitur ad omnia decreta libera, cum enim hæc determinatio sit antecedens libertatem, illam lædit. Vnde cognitio qua Deus cognoscit se ipsum, amor quo amat se ipsum ideo sunt necessaria, quia antecedunt diuinam libertatem, seu quodcumque liberum decretum; g.

171 Probatur 5. quia eo ipso quod diuinus intellectus certo scit in quam partem sit inclinanda eius voluntas antequam habeat liberam electionem; non proponet obiectum indeterminatè, & indifferenter utramque partem, sed alteram tantum, scilicet illam in quam scit suam voluntatem esse determinandam; sed tunc voluntas non manet cum sufficienti indifferetia ad utramque partem; ergo non manet libera.

172 Respondent 1. hanc determinationem non tollere libertatem, quia licet sit ante decretum ut præsens, non tamen ut futurum. Sed contra, 1. quia ut dubio præcedenti, & in hoc dubio dictum est, decreta Dei non possunt habere rationem futuri. 2. Quia determinatio diuinæ voluntatis ad habenda decreta futura, est inferens necessitatem; omnis namque determinatio voluntatis, quæ non oritur ex natura intrinseca ipsius diuinæ voluntatis est determinatio antecedens, & non ex suppositione consequenti, ac proinde lædens libertatem: Quod sic ostendo. Nam diuinam voluntatem in illo priori ante decretum de creatione mundi esse determinatam ad habendum illud, ita quod in sensu composito nequeat habere oppositum, nequit provenire ex prælentialitate decreti, quia nondum præsens est; neque ex futuritione illius; ergo erit omnino antecedens. Quod illa determinatio non oriatur ex futuritione decreti, probatur, quia voluntatem esse sic determinatam ad liberè volendam mundi creationem, est aliqua ratio realis, in actu, & exercitio existens, & se habens ad instar affectionis

ipsius, sed hæc non potest oriri nisi ab aliqua ratione priori, à qua actiue, seu quasi actiue procedat; hæc autem cum existere debeat non potest esse decretum ut futurum, cum res futura nequeat actiue, seu quasi actiue efficere. Tum quia suppositio, & determinatio futuritionis, non potest convenire diuino decreto secundum esse, quod in illo priori habet, cum re ipsa non habeat; ergo secundum esse, quod habet in suo principio, seu quasi principio, scilicet in diuina voluntate; ergo prædicta voluntas erit ex se ipsa determinata ad futuritionem illius decreti, ac proinde non erit indifferens.

173 Respondent 2. quod illa determinatio non tollit libertatem, quia illa decreta non prævidentur nisi ut futura liberè; nam & Christus D. per suam scientiam beatam præcognouit quid sua voluntas esset factura; & D. Petrus ex Christi D. reuelatione præcognouit trinam negationem, & tamen nec in Christo D. neque in D. Petro libertas fuit læsa; ergo cum etiam in casu nostro diuinus intellectus præcognoscat in quam partem sit sua voluntas inclinanda, cum illud decretum in quod inclinanda est, cognoscatur futurum, eo modo quo futurum est, scilicet liberè, ea determinatio diuinæ voluntatis ad habendum illud non lædet diuinam libertatem. Sed contra, quia ideo actus liberi Christi D. & negatio D. Petri fuerunt liberè, & infallibiliter futuri, quia ortum habuerunt ex decreto positiuo, & permissiui diuino; hoc enim ipso, quod decretum est in Deo positiue, est prima radix, & causa libertatis; sed in nostro casu illa determinatio diuinæ voluntatis ortum non habet à ratione ponente libertatem, & indifferetiam, ergo libertas, & indifferetia diuinæ voluntatis non poterit non lædi; decretum namque ut futurum non potest realem rationem causare, ac proinde libera determinatio, & indifferetia non poterit poni ab illo decreto ut futuro. Soluuntur argum. in contrarium.

174 Primum argum. Deus pro illo signo rationis antequam intelligatur habere liberum decretum, comprehendit suam

suam essentiam, & voluntatem; ergo scit quid sua volumas sit volitura in sequenti signo. Resp. negando suppositum, quia nullum datur signum rationis cum fundamento in re in quo Deus comprehendat suam essentiam, & voluntatem, & non cognoscat eius decreta libera.

175 Secundum argum. Decreta libera Dei in illo signo, in quo scientia Dei præcedit illa, non intelliguntur actu præsentia in se ipsis, sed tantum futura, ergo sciuntur à Deo ut futura. Resp. eodem modo, negando suppositum.

D V B I V M XVIII.

An Deus cognoscat futura contingensia absoluta in comprehensione causarum secundarum, antecedenter ad liberam determinationem diuinæ voluntatis.

376 **P** Attem affirmantem tenet Molina hoc loco disp. 24. cons. 2 ratione 2. Baccan. hoc loco cap. 20. q. 9. & alij. Nostra sententia seq. concl. explicatur. Deus nullo modo cognoscit prædicta decreta absoluta prædicta à libertate creata in comprehensione causarum suarum, & circumstantiarum occurrentium, antecedenter ad liberum suæ voluntatis decretum. Pro hac concl. referunt N. Salman. plura D. Thomæ testimonia, innumerosq; auctores eam sequentes, etiam ex Patribus Societatis.

177 Probatur 1. Causa libera antecedenter ad decretum liberum diuinæ voluntatis, est indifferens ad vtrumlibet; ergo ex vi comprehensionis ipsius non quæritur, & determinatè cognosci futurum contingens vel ab ea eliciendum, ut sunt actus liberi, vel ab ea dependens, & ab alijs causis secundis producendum. Antecedens est certum, & ab omnibus admittitur, alijs non esset causa libera. Conseq. probatur, quia in causa indifferenti ad vtrumlibet, non potest ex vi comprehensionis cognosci nisi indifferentia ad vtrumlibet, non quid determinatum, cum non sit. Sicut enim ex vi comprehensionis causæ ad vnum determinatæ, non potest

cognosci indifferentia ad vtrumlibet, ita ex vi comprehensionis causæ indifferentis nõ potest cognosci effectus determinatus.

178 Respondet Molina, quod licet ex vi comprehensionis causæ indifferentis non possit cognosci effectus determinatè futurus, bene tamen ex vi supercomprehensionis: supercomprehensio autem Dei ratione suæ eminentiæ extenditur etiã ad effectus futuros. Sed contra, quia effectus non potest cognosci in sua causa siue comprehendatur, siue supercomprehendatur, nisi eo modo quo continetur in illa; sed futurum contingens antecedenter ad diuinum decretum non continetur in sua causa determinatè; ergo non potest determinatè cognosci. Maior constat, quia quantumvis causa supercomprehendatur non potest ex ea elici id, quod in ea non continetur. Minor etiam liquet, quia causa indifferens ad vtrumlibet, non potest continere futurum determinatè.

379 Confirmatur 1. quia vel ista supercomprehensio dicit excessum perfectionis supra comprehensionem ex parte cognoscentis tantum; vel ex parte rei cognitæ, inquantum quod supercomprehensio aliquid attingat, quod non attingit comprehensionis. Si primum, non distinguitur à comprehensione nisi in quadam maiori claritate. Secundum dici nequit, alijs voluntas creata à solo Deo comprehendi posset. Tum quia comprehensio; iam non esset comprehensio, quia aliquid lateret comprehendentem, quod cognosceret supercomprehendens.

180 Confirmatur 2. quia Molina non videtur sibi constans, quia de Deo duo dicit, quæ sibi non coherent. Nimirum Deum in comprehensione suæ voluntatis non cognoscere determinationes liberas ipsius, & in comprehensione, seu supercomprehensione voluntatis creatæ cognoscere actus liberos, qui ab ea sunt elicendi. Nam dum Deus supercomprehendit voluntatem creatam, non eam perfectius cognoscit quam cognoscat suam, alijs aliquid pertinet ad perfectionem cognitionis cognosceret in voluntate creata, quod non cognosceret in sua. Tum quia

quia eo ipso, quod Deus non cognoscit determinationes propriæ voluntatis, nequit cognoscere determinationes alterius.

181 Probatur 2. quia quoties effectus dependet à duabus causis per se, debet adhuc ut cognoscatur futurus. cognosci determinatio utriusque causæ: sed futura contingentia dependent à Deo, & à creatura tanquam à duabus causis per se, ergo ut cognoscatur, cognosci debet utriusque determinationes. Atqui Deus per Molinam non cognoscit determinationes propriæ voluntatis; ergo necque cognoscet determinationes voluntatis creaturæ, nec subinde futura ab illa dependentia. Solvuntur argum. in contrarium.

182 Primum argum. Angelus in comprehensione voluntatis creaturæ cognoscit actus ab illa futuros coniecturaliter, & valde probabiliter; ergo Deus cognoscet illos certò, & infallibiliter. Antecedens constat. Conseq. probatur. Tum quia cognitio Dei est longe perfectior cognitione Angelica. Tum etiam quia Angelus solù comprehendit voluntatem creatam; at Deus eam supercomprehendit. Resp. concedendo antecedens, & negando conseq. Ad 1. probationem dico, quod ex eo, quod cognitio Dei sit perfectior, non potest cognoscere quod non est, sed eo modo quo est. Nec in Deo dari potest cognitio coniecturalis ex parte cognoscentis, quia inuoluit imperfectionem. Ad 2. probationem constat ex dictis, quia supercomprehensio extendi nequit ad cognoscendum determinatè id, quod est indeterminatum.

183 Secundum argum. quia sicut effectus naturalis habet dependentiam à causa naturali, ita effectus liber, & contingens à causa libera, & contingente; ergo sicut ex eo, quod Deus comprehendit causam naturalem cognoscit eius effectus determinatè, ita ex eo, quod comprehendat liberam, cognoscet determinatè eius effectus liberos. Resp. concedendo antecedens, & negando conseq. Ratio discriminis est, quia effectus naturales continentur in sua causa determinatè, non liberi, & contingentes.

D V B I V M XIX.

An Deus cognoscat futura contingentia absolute in eorum veritate obiectiva antecederet ad diuinum decretum.

184 **S**ensus dubij est, an futura contingentia antecederet ad diuinum decretum habeant certam, & determinatam suæ futuritionis veritatem obiectivam ratione cuius cognosci possint. Alij sic hoc dubium proponunt, an Deus cognoscat dicta futura in veritate, aut falsitate propositionum, quæ de ipsis formari possunt. Alij etiam sic: an ex duabus propositionibus de futuro contingenti una sit determinatè vera, altera determinatè falsa, ratione veritatis, aut falsitatis obiectivæ earum. Pro parte affirmante referunt N. Salmant hoc loco Suarez, Vasquez, Herice, aliosque.

185 Nostra sententia seq. concl. explicatur. *Deus nullo modo cognoscit prædicta futura antecederet ad suum decretum in veritate obiectiva eorum; nec propositiones de illis efformata habent determinatam veritatem, aut falsitatem.* Pro hac concl. referunt dicti Salmant. Aristotelem, & plura D. Thomæ testimonia; eam tenent omnes D. Thomæ discipuli, alijque plures, ab ipsè Salmant. relati.

186 Probatur 1. quia si futura contingentia pro quouis signo, seu antecederet ad decretum diuinæ voluntatis haberent determinatam futuritionem, vel determinatam non futuritionem; seu, quod in idem redit, si omnis affirmatio, vel negatio in singularibus, vel futuris esset pro omni signo determinatè vera, vel falsa; omnis affirmans, vel negans pro quouis signo determinatè diceret verum, vel falsum; sed hoc est falsum; ergo. Maior nota est. Minor probatur, quia necesse esset omnia determinatè esse, vel non esse, & consequenter cuncta ex necessitate evenirent; & sic tolleretur contingentia, & libertas.

187 Probatur 2. quia si futura contingentia haberent determinatam futuritionem

nem

nem ante decretum efficacis diuinæ voluntatis, & propositiones de illis efformatæ essent in illo priori determinatæ veræ, vel determinatæ falsæ, tunc illa futura haberent rationem futurorum ex natura rei, & ab intrinseco; & propositiones illæ essent ex natura rei, & ab intrinseco necessariae, sed hoc esse nequit, ergo, &c. Maior probatur, quia quicquid conuenit rebus antecedenter ad decretum liberum diuinæ voluntatis, quæ est prima radix eundem libertatis, non conuenit liberè, vel contingenter, sed ex natura rei, & omnino necessarii; ergo. Minor nota est, quia tunc tolleretur contingentia rerum, ut constat.

188 Respondent aduersarij, quod tunc non tollatur contingentia rerum, quia tunc futura non habent determinationem ex natura rei, sed facta suppositione, & secundum quid, scilicet ex suppositione euentus futuri; ita etiam propositiones non erunt determinatæ veræ, vel falsæ ex natura rei, sed ex suppositione futuri euentus, ac proinde ratione veritatis obiectivæ. Vnde ex suppositione, quod Petrus cras peccet, modo propositiones habent determinatam veritatem, aut falsitatem obiectivam ex futuro euentu. Sed contra, quia illa determinatio est aliquis effectus realis, ergo debet habere causam existentem realem; sed euentus futurus, non est causa realis existens, ergo non potest causare illam realem determinationem, neque illam veritatem obiectivam, cum realis esse debeat. Tum quia illa suppositio euentus futuri non potest esse libera, cum non recognoscat primum liberum; ergo erit necessaria. Tum etiam quia ex hoc, quod cras Petrus peccet, non sequitur, quod pro quouis signo antecedenti illud peccatum habeat determinatam veritatem, alias tale peccatum non liberè, & contingenter poneretur. Tum denique quia futurum contingens habet determinatam veritatem ante productionem Verbi diuini, & propositiones de illo enunciatae pro illo priori essent determinatæ veræ, vel falsæ; quod esse nequit, cum nil possit esse determinatè futurum, ante diuinarum personarum productionem.

189 Probatur 3. quia antecedenter ad diuinum decretum creaturæ in Deo non habent esse determinatè futurum; ergo non possunt à diuina essentia ut futura representari, ac proinde non poterunt cognosci. Antecedens probatur, quia sicut creaturæ non habent esse possibile, antecedenter ad diuinam omnipotentiam, ita non habent esse futuræ antecedenter ad liberam Dei voluntatem. Tum quia possibile ut tale, est indifferens ad hoc ut sit, vel non sit futurum, & ratio futuri sita est in determinatione, seu contractione possibilitatis, ergo primum fundamentum futurationis, habebit rationem primi contrahentis, & determinantis fundamentum possibilitatis, scilicet diuinam omnipotentiam; sed hoc est diuina voluntas, ergo repugnat quod ante decretum liberæ voluntatis deat aliquid certò, & determinatè futurum.

190 Ad hoc argumentum respondent primò aduersarij, quod ad hoc ut futura contingentia contineantur determinatè in diuina essentia, ac proinde ad hoc ut habeant rationem futuri ante decretum liberum diuinæ voluntatis, sufficit, quod Deus decreuerit, vel sit paratus ad tribuenda auxilia sufficientia ad illorum productionem, & quod postea re ipsi euentus sequatur, abque eo, quod Deus efficaciter prædefiniat, & decernat prædictum euentum. Nam contra hoc est, quia ratio futuri contingentis, non potest desumi ex præsentia rei contingentis, quæ est in tempore futuro; quia ut supra dicebamus cum futurum sit aliqua realis determinatio supponere debet causam efficientem existentem. Neque ratio futuri desumi potest ex eo, quod Deus intelligatur paratus ad tribuenda auxilia sufficientia, quia ex illa præparatione non tollitur indifferentia, nec ponitur positiva aliqua determinatio.

191 Respondet Suarez, quod futura absoluta ante decretum non habent determinationem absolutam, sed conditionatam tantum, quocirca ante decretum dicuntur habere determinatam futurationem tantum obiectivam, quia futura quæ

in esse absoluto postea futura sunt, præsupponuntur ad se ipsa in statu conditionato, in quo habent veritatem obiectivam, & futuritionem conditionatam, quæ per scientiam conditionatam attingitur; hæc enim scientia attingit quicquid creata voluntas est futura in hac, vel in illa rerum serie. Sed contra, quia futurum absolutum per istum auctorem nequit habere veritatem absolutam ante decretum; ergo etiam futurum conditionatum nequit habere veritatem conditionatam ante decretum conditionatum. Tum quia ideo vult Suarez, & alij suæ Societatis, quod futura conditionata habent determinationem ante decretum; & quod ante decretum quodcumque habent veritatem obiectivam per quam in statu conditionato cognoscantur, quia ex duabus propositionibus contradictorijs de futuro contingenti una est determinatè vera, & altera determinatè falsa; sed hoc idem currit in futuro absoluto, de quo similes propositiones efformari possunt; ergo. Tum etiam quia iuxta istorum doctrinam sequeretur, quod prius esset determinatio in causa secunda, quam in prima, quia prius Deus videt voluntatem esse consentiendam in statu illo conditionato, quàm quod Deus velit prædictum consensum. Tum denique quia hinc sequitur, quod Deus expectaret, quid voluntas nostra sit futura, antequam decerneret cum illa determinatè concurrere; quod omnino falsum videtur.

191. Probatur 4. quia quicquid habet esse reale, & infallibile, vel habet esse in se, vel in sua causa; sed futura contingentia ante decretum efficax divinæ voluntatis non habent esse infallibile in se, nec in suis causis; ergo ante decretum divinæ voluntatis nequeunt certo, & infallibiliter cognosci. Maior constat. Minor etiam nota est, quod enim prædicta futura non habeant esse in se ante decreta divinæ voluntatis, patet, quia nondum existunt. Quod neque habeant esse infallibile, seu determinatum in suis causis, etià constat ex dictis, siquidem causæ ante decretum, non sunt determinatæ, sed indi-

ferentes ad utrumlibet; ergo. Tum quia præsens ut præsens necessario dicit actuali existentiam, præteritum ut tale necessario dicit carentiã existentie; & futurum necessario dicit se habiturum existentiam, seu dicit esse determinatum ad habendam existentiam; sed ante decretum divinæ voluntatis non est per quod habeatur ista determinatio; nec enim habetur à causis indifferentibus, nec à divina voluntate, ergo.

193. Huic argumento occurrunt, quod futura contingentia antècedenter ad divinum decretum non habent determinationem, & infallibilitatem nec in se, nec in suis causis exercitam, sed tantum obiectivam, & in actu signato, quo modò existentie reales dicuntur habere esse obiectivum reale, quia dicuntur ordinem ad existentiam realem ita pariformiter lectio futura cras, hoc ipso quod eras, determinatè sit, oportet, quod in quovis signo antècedenti habeat determinationem futuritionem per ordinem ad existentiam determinatam, quæ illi cras conveniet. Sed contra 1. quia futurum habet esse tale ex suppositione quod est futurum sicut præsens habet esse determinatè, ex hoc, quod est præsens, & præteritum habet esse determinatè tale; quia est præteritum; ergo sicut ob hoc præsens, & præteritum non habent esse determinatum ex veritate obiectivam, sed ex suo esse, ita, & futurum. 2. Quia vel illud esse obiectivum consistit in hoc, quod sit obiectum actu terminans cognitionem certam, & infallibilem, vel in hoc, quod sit fundamentum aptum ad terminandum. Primum falsum est, quia esset ens rationis. Si secundum dicatur, sequitur, quod esse obiectivum non distinguatur ab esse reali, quod habet futurum à parte rei; esse namque reale futurum est formaliter aptum, & proportionatum, ut cognoscatur. 3. Quia esse obiectivum non potest esse ipsum esse essentie tantum, sed debet importare aliquid reale superadditum, ab esse essentie distinctum, conveniens futuro vel in se, vel in suis causis; antècedenter autem ad divinum decretum nullum reale esse determinatum contingit.

tinetur in suis causis; sicut enim esse obiectum possibile, nil aliud dicit nisi essentiam rei sine vlla determinatione ad esse, vel non esse futurum; ita esse obiectuum futurum nil aliud dicit nisi ordinem ad existentiam sine vlla determinatione ad habendam, vel non habendam eandem; & sicut esse obiectuum possibile est ipsa essentia possibilis prout continetur in suis causis possibilibus, ita esse obiectuum futurum erit ipsum futurum, prout habet esse in suis causis; atqui antecederet ad decretum, futurum contingens non habet esse determinatum; sed indifferens ad verumlibet; ergo non habet esse obiectuum nisi hoc modo indifferens ad verumlibet; ac proinde in eo esse obiectivo nequit certò, & infallibiliter futurum cognosci. 4. Quia esse obiectum si semel est aliquid ens teale, debet esse vel tale per essentiam, vel participationem; non primum, ergo secundum; omne autem esse per participationem, debet esse, vel in se, vel in suis causis; vt ex dictis constat. 5. Quia, quod lectio crastina sit determinatè futura, & veritas obiectiva illius sit vera, & realis, non potest oriri ex eo præcisè, quod die crastino verificabitur, quod existit, ergo ex eo provenire debet quod habet esse determinatum in suis causis pro die hodierna. Conseq. tenet, quia non datur extra suas causas vnde illud esse obiectuum fundetur. Antecedens probatur, quia actualitas essentiae, & existentiae pro instantibus presentibus, & subsequenter extrahunt rem extra indifferentiam suae causae, & ponunt eam in statu determinato; at actualitas essentiae, & existentiae ante instantis praesens, seu antecederet ad instantis praesens, non extrahunt rem extra indifferentiam suae causae; ergo determinatio futurationis lectionis crastinae non potest oriri à lectione crastina, quia praesentia lectionis crastinae determinat à pro tempore illo quo est, & sequenti, non pro præcedenti. Soluuntur argum. in contrarium.

134. Primum argum. Futurum contingens ex suppositione suae verae futurationis habet certam, & necessariam de-

terminationem ad essendum antecedenter ad decretum diuinæ voluntatis; ergo antecederet ad decretum diuinæ voluntatis habet sufficientem certitudinem, & veritatem obiectivam, vt certò à Deo cognosci possit. Antecedens probant ex D. Aug. lib. 26. contra Faustum cap. 4. vbi sic habet. *Tam non possunt futura non fieri, quam non fuisse facta præterita.* Et D. Anselm. de concordia cap. 1. dicit. *Rem verò futuram necesse est esse futuram; quoniam futurum esse nequit, & non futurum.* Sicut ergo præteritum est determinatè præteritum, ita futurum est determinatè, & certò futurum. Resp. negando antecedens; ad probationem dico D. August. & D. Anselm. loqui de futuro propriè dicto, quod scilicet supponit decretum diuinæ voluntatis. Pro quo nota ex D. Thoma. 1. 2. q. 19. art. 7. ad 2. quod futurum est in triplici differentia. Aliud enim est futurum solum in ordine ad causas secundas, vt mors Ezechiae Isa. 38. quia attendendo ad causas secundas inducentes morbum, mori debebat. Aliud est futurum in ordine ad solam causam primam, vt erat Lazari resurrectio, & hæc supponebat decretum diuinæ voluntatis, & erat propriè futura, non mors Ezechiae. Tertiò dicitur aliquid esse futurum in ordine cum ad causam primam, tum ad causam secundam, vti est aduentus Antichristi, & etiam hoc futurum cum supponat diuinum decretum, habet determinatam futurationem, & veritatem; cæterum futura primo modo cum non supponant diuinum decretum non habent determinatam veritatem obiectivam, nec ex suppositione quod sint futura, quia ea suppositio se tenet solum ex parte supponentis, & nihil ponit in re supposita, sed eam in sua indifferentia, & indeterminatione relinquit.

135. Secundum argum. Adueniente tempore in quo futurum habebit existentiam, tunc futurum, v.g. lectio, non est indeterminata adhuc vtr sit, vel non sit, quia id quod est, necessariò, & determinatè est; ergo in quouis signo antecedenti nequit prædicta lectio esse indeterminata ad fore, vel non fore, sed determinata. An-

recedens est certum . Conseq. probatur, quia ideo quando lectio est, determinata est, quia de qualibet debent verificari hæc duo principia: vnum, necessarium esse, quod de qualibet re verificetur altera pars contradictionis; alterum, quod nihil potest simul esse, & non esse; sed hæc duo principia currunt de eadem lectione crastina, vt futura; ergo . Tum quia illud ipsum, quod cras erit præsens, prius habet esse futurum; ergo si quando erit, determinatè erit, quando erit futurum, erit determinatè futurum . Tum etiam quia futuritio lectionis crastinae dicitur talis per comparationem ad esse, ac proinde determinatio talis futuritionis desumetur per ordinem ad esse determinatum . Vnde hoc ipso, quod Adam præterijt, potest nunc verificari quod exijt; ita ex hoc, quod Antichristus erit, poterit pro quocunque signo antecedenti verificari, quod erit . Resp. concedendo antecedens, & negando conseq. arguitur namque à sensu composito futuri cum existentia, ad sensum diuisum ex parte potentiz . Aduenientie namque tempore in quo futurum habet existentiam, tunc futurum non potest manere suspensum inrer esse, & non esse; seu non potest manere cum indifferencia ad vtrumlibet, at antequam habeat existentiam ex eo præcisè, quod futurum habet esse in suis causis antecedenter ad diuinum decretum, manet cum indifferencia ad vtrumlibet; per quæ patet ad probationes consequentiz .

196 Tertium argum. Quia in illo priori signo antequam intelligatur decretum diuinæ voluntatis, vna ex his propositionibus de futuro contingenti habet determinatam veritatem, aut falsitatem, scilicet, *Antichristus erit*, *Antichristus non erit*; ergo in illo priori cognoscet Deus quænam sit vera, & quænam falsa; Antecedens probatur, quia etiam in illo signo dictæ propositiones sunt contradictoriæ; ergo etiam in illo signo vna erit determinatè vera, & altera determinatè falsa . Tum quia hæc disiunctio *Antichristus erit, vel non erit*, est pro omni signo vera, & necessaria, ac proinde altera pars erit vera, &

consequenter habebit veritatem obiectiuam per quam cognoscatur . Resp. negando antecedens, quia licet propositiones contradictoriæ pro quouis instanti reali ita se habeant, quod vna sit determinatè vera, altera falsa, non tamen, pro quouis signo rationis, vt constat in ipsi propositionibus contradictorijs: *Petrus est albus*, *Petrus non est albus*; quia in eo signo in quo Petrus concipitur secundum sua essentialia, nec est albus, nec non albus . Vnde pro signo antecedenti ad diuinum decretum, quod licet re ipsa non detur, vt constat ex dictis, & sic semper deberet negari suppositum, tamen ad vberiolem doctrinam dato, quod detur, propositiones illæ nec sunt formales propositiones, nec earum termini formaliter significant, sed materialiter tantum, quatenus sunt aliàs impositæ ad significandum . Deinde dic, quod lex contradictoria non est, quod vna sit vera, & altera falsa formaliter, non materialiter; dicuntur contradictoriæ formaliter veræ, vel falsæ, quia nunquam contingit, quod vtræq; sit vera, vel falsa, quicquid sit an materia earum in individuo sit vera, vel falsa . Sicur quando dicitur, quod ad videndum requiritur oculus, hæc propositio est vera de oculo formaliter, non materialiter determinato . Dicit etiam potest, & est 3. responsio, quod propositiones contradictoriæ antecedenter ad decretum Dei; ita se habent, vt vna sit determinatè vera, altera falsa, loquendo de veritate murabili, & fallibili, non de inuitabili, certa, & infallibili, per quæ patet ad probationes adductas; vt enim disiunctiua sit vera, satis est, quod sit vera formaliter, non materialiter .

197 Quartum argum. Quia propositionem esse determinatè veram, vel falsam nil aliud est, quam esse determinatè conformem, vel disformem rei significatæ; sed antecedenter ad decretum Dei hæc propositio *Antichristus erit*, est conformis rei significatæ; ergo . Minor ostenditur, quia tunc propositio est conformis rei significatæ, quando res significata ita se habet sicut per propositionem enunciat, sic contingit in præsentia, quia enun-

datur de Antichristo, quod pro tempore futuro erit, & hoc ita erit, sicque res se habebit; ergo. Resp. 1. concedendo maiorem, & negando minorem; nam ante decretum nec dantur formaliter propositiones, nec termini formaliter significant, ut dictum est, sed solum sunt termini alijs significativi. Ad probationem dico, nihil referre, quod se ipsa postea sic contingat, quia hoc erit, quia in sequenti signo dabitur decretum, ratione cuius res sic continget. Resp. 2. concedendo etiam maiorem, & negando minorem intellectam de conformitate determinata, secus si intelligatur de conformitate indeterminata, mutabili, & fallibili, ut dictum est. Quod autem postea verificetur, quod res sic se habeat, oritur ex positione divini decreti, à quo res illa determinatè ponitur, & à quo determinatam habuit futuritionem.

198 Quintum argum. & est maior confirmatio præcedentis. Nam si ob aliquam rationem ea propositio non esset ante decretum cõformis suo obiecto, maxime quia ante illud, causæ non sunt determinatæ ad illius productionem, sed hæc ratio est nulla; ergo. Minor probatur, quia per illam propositionem non enunciat, quod causæ sint determinatæ, sed enunciatur, quod res illa sit futura, quæ cum se ipsa futura sit, tametsi causæ non sint determinatæ, propositio erit suo obiecto cõformis. Resp. negando minorem; ad probationem dico, quod licet in propositione determinatio causarum non enuncietur, supponitur tamen tanquam radix veritatis determinatæ ipsius futuri.

199 Sextum argum. Quia omni propositioni de futuro contingenti, correspondet sua deïnesse determinatè vera, vel falsa; ergo quælibet propositio de futuro contingenti pro quovis signo est determinatè vera, vel falsa. Conseq. notè est, quia propositio de futuro regulatur per suam deïnesse, ut illa sit vera cui aliquando correspondet sua deïnesse vera. Vnde si huic propositioni *Petrus currit*, aliquando correspondebis sua deïnesse vera, scilicet *Petrus currit*, illa prior toto tempore antecedenti erit vera. Antecedens probatur.

Quia de hac propositione *Antichristus erit*, aliquando verificabitur ista; *Antichristus est*, vel *non est*, &c. Resp. negando antecedens loquendo pro omni signo; antecederet namque ad decretum, nec est propositio, nec illi correspondet ceterò, & infallibiliter sua deïnesse; & quod de facto correspondeat, hoc erit ob causarum determinationem, à divino decreto factam.

200 Septimum argum. Quia ut tradit Arist. 6. *metaphys.* verum, & falsum in propositionibus, sunt immediatè contraria, sicut sanum, & ægnum respectu animalis; sed inter contraria in nullo signo datur medium; ergo in quocunque signo rationis quælibet propositio de futuro contingenti erit determinatè vera, vel falsa. Resp. ex dictis, quod verum, & falsum sunt contraria in propositionibus de futuro contingenti pro quocunque signo reali, non pro quocunque signo rationis, ac proinde pro illo priori antecederet ad divinum decretum non dicunt contrarietatem; maxime quia ut dicebamus, in illo priori neque sunt formaliter propositiones. Aliqua alia obijciuntur, quæ quia & levia, & ex dictis soluta manent, prætermittuntur.

D V B I V M XX.

An Deus cognoscat futura contingentia absoluta in decreto exercitio sua voluntatis, seu in sua essentia per decretum determinata.

201 **T** Res sunt de hac re sententiæ. Prima est, quod Deus nulla futura cognoscat in suis decretis, nec in divina essentia per decreta sua determinata, siue illa futura dependant à sola voluntate divina, ut est creatio Angeli, opera miraculosa, &c. siue dependant etiam à voluntate creata, ut sunt volitiones liberæ, tum hominum, tum Angelorum. Hanc defendit Vasquez *hoc loco disp. 65.* Secunda sententia est, quod licet Deus in suis decretis cognoscat futura contingentia, quæ à sua voluntate dependent, non tamen ea quæ dependent à causis secundis libetis. Hanc sententiam quoad pri-

primam partem sequuntur omnes serè Theologi; quoad posteriorem sequuntur Vasquez loco citato, Molina *disp.* 13. Suarez, Arubal, Herice, & omnes serè Patres Societatis, vt testantur N. Salm. hoc dub.

202. Nostra sententia seq. concl. explicatur. *Deus certò, & infallibiliter cognoscit cuncta futura contingenta absoluta in decreto efficaci sua voluntatis.* Colligitur apertè hæc conclusio ex illo Isa. 14. *Iurauit Dominus exercituum dicens: si non ut putauit ita erit: & quomodo mente traclauit, sic eueniet.* Ex post aliqua subditur. *Hoc cõ. filium, quod cogitauit super omnem terram, Dominus enim exercituum decreuit: & quis poterit infirmare? manus eius extenta, & quis euerget eam?* Eonamque ipso, quod Deus scit suam voluntatem esse efficacissimam, iuxta illud psal. 134. *Omnia quacunq; voluit fecit.* & iuxta illud Rom. 9. *Voluntati eius quis resistet,* scit, quod id, quod ab ipsa decerneretur, infallibiliter erit. Pro hac concl. referunt dicti Salmant. plura testimonia SS. Patrum, Augustini, Thomæ, Hilarij, &c. Item referunt omnes D. Thomæ discipulos, aliosque plures.

203. Probat 1. Diuina voluntas est vniuersalissima, & efficacissima, ratione cuius debet efficaciter prædefinire tam quoad substantiam, quam quoad modum quicquid fit à quacunque causa secunda; sed in hoc decreto Deus certò, & infallibiliter cognoscit quicquid postea fit; ergo Deus certò, & infallibiliter cognoscit in suo decreto, quicquid postea fit, seu cuncta futura. Maior nota est, quia cum Deus sit agens vniuersalissimum, & agat per voluntatem, debet eadem voluntas esse efficacissima, & vniuersalissima in volendo, & causando, inferendo efficaciter quicquid sub eius volitione cadit, & eo modo quo cadit, ac proinde debet prædefinire cuncta tam quoad substantiam, quam quoad modum; aliàs nec esset vniuersalissima in volendo, nec efficacissima in causando. Minor ostenditur, quia qui cognoscit diuinum decretum esse efficacissimum in volendo, & causando non potest non cognoscere volitum, & causatum; sed Deus hoc cognoscit clarè, intuitiue, & comprehensiuè; ergo.

204. Probat 2. Deus cognoscit cuncta possibilia in sua omnipotentia, seu in sua essentia tanquam in causa prius cognita; ergo etiam cognoscet cuncta futura; in sua voluntate, & in sua essentia per voluntatem, seu decretum eius determinata tanquam in causa earum; sicut enim diuina omnipotentia est causa possibilem, ita diuina voluntas est causa futurorum. Confirmatur, & explicatur hoc, quia diuina voluntas non vticumque est causa rerum; sed prima, ac proinde eius efficacia erit indepèdens à quacunque efficacitate causæ secundæ; ergo Deus in hac efficacia, & indepèndentia suæ voluntatis cognoscet futuritionem, quam de quocunque futuro decernit.

205. Respondent aliqui, quod ex dictis rationibus non colligitur, quod Deus certò, & infallibiliter cognoscat futura, nam cum non pendeant à sola causa prima, sed etiam à secunda, in solo decreto causæ primæ cognosci non possunt, cum non sit illorum causa adæquata. Sed contra, quia ideo in virtute productiua Solis v. g. non potest certò, & infallibiliter cognosci fructus alicuius arboris, quia Sol non potest infallibiliter inferre dispositionem arboris ad illorū productionem, nec potest infallibiliter impedire contrarium; sed diuina volūtas ratione suæ vniuersalitatatis, qua omnis causa secunda sibi subiacet, prædicta præstat; ergo. Tum quia licet diuina voluntas non excludat concurrentiam causæ secundæ, tamen effectum producit in suo ordine totū, & totaliter, aliàs daretur aliqua entitas, formalitas, aut modus, qui subterfugeret diuinam causalitatem, ac proinde in hoc sufficienter cognoscetur effectus infallibiliter.

206. Respondent alij, quod ex hoc, quod Deus cognoscat suum decretum nõ sequitur, quod cognoscat futurum, quod ex eo sequitur, quia primus actus liber hominis sequitur ex iudicio naturali, & tamen Angelus cognoscit hoc iudicium, & non cognoscit dictum actum liberum. Sed contra, quia falsum est, quod primus actus liber sequatur immediatè ex iudicio naturali, sed ex iudicio primo naturali, sequitur

tur in voluntate volitio boni vniuersalis, quæ necessaria est, ex qua mouet se voluntas ad bona particularia, in ordine ad quæ potest mouere intellectum; modo alibi explicando.

107 Respondet Suarez, quod Deus non potest efficaciter prædefinire aliquid futurum pendens à voluntate creata, nisi prius per scientiam conditionatam prævideat quid prædicta voluntas in tali occasione, vel cum talibus circumstantijs volitura sit, aliàs tolleretur libertas creata. Tum quia ad saluandam rationem primæ causæ in diuina voluntate, sufficit, quod habeat decretum inefficax, & conditionatum de præbendo concursu ad quod voluntas in talibus circumstantijs se applicuerit. Sed contra, quia decretum Dei quantumuis efficax non tollit libertatem, sed ponit, vt infra de voluntate dicemus; Deinde falsum est, quod Deus per scientiam mediam cognoscat prius in quam partem sit inclinanda humana voluntas, cum nihil sit, in quo hoc cognoscatur, vt ex dictis constat. In decreto namq; inefficaci, & indifferenti, non potest cognosci certò, & infallibiliter effectus futurus contingens. Est etiam falsum, quod ratione solius decreti inefficacis saluetur sufficienter ratio primæ causæ; nam ex hoc, quod Deus habeat dictum decretum inefficax respectu actus liberi creari, non sequitur prædictum actum esse futurum, in specie, & in individuo consideratum; ergo ex vi dicti decreti inefficacis non sequitur Deū esse primam causam illius actus secundum omnem considerationem; non enim iste actus in individuo, & determinatè cadit sub illa Dei voluntate inefficaci, sed solum in communi, & vagè, ac proinde solum hoc modo saluabitur ratio primæ causæ, nō respectu actus determinatè, & in individuo.

108 Respondet quidam iunior, quod Deus in suis decretis solum cognoscat futura contingentia quoad an est, non quoad quid est. Sed contra, quia qui cognoscit perfectè causam, cognoscit etiam perfectè, & quidditatiuè effectus in illa coniectos; sed Deus perfectè cognoscit sua decreta, quæ sunt causa futurorum, ergo

etiam quidditatiuè debet cognoscere dicta futura; non enim futura continentur in diuinis decretis solum quoad an est.

209 Primum argum. quod est fundamentum primæ sententiæ est, quia nullum futurum, quodcunque illud sit, cognosci potest in diuina essentia nudè sumptis; ergo neque prout per decretum est determinata. Antecedens constat. Conseq. probatur, quia decretum supra essentiam addit solum relationem rationis; sed hæc nihil confert ad cognitionem dictorum futurorum; ergo. Tum quia, inquit Vasquez, decretum secundum id, quod addit supra essentiam, cognoscitur ex vi cognitionis futurorum, ergo secundum illam, rationem non potest esse ratio cognoscendi dicta decreta. Conseq. tenet, aliàs idem esset prius, & posterius cognitum, quod esse nequit. Antecedens probatur, quia relatio non cognoscitur nisi ex cognitione fundamenti, & termini; sed futura contingentia sunt terminus dictorum decretorum, ergo, &c. Resp. concedendo antecedens, & negando consequentiam. Ad probationem dico falsum esse, quod decretum addat supra essentiam solum relationem rationis, addit enim actum necessarium vt fundat relationem rationis, seu vt connotat ipsum futurum, tanquam aliquid, quod non habet necessariam connexionem cum ipso actu Dei, modo in tract. de voluntate explicando. Per quod patet ad probationem quam adducit Vasquez.

210. Secundū argu. quod est primum fundamentum secundæ sententiæ, est, quia effectus cognoscitur in sua causa vnica, adæquata, totali, & quæ impediri nequit sed hoc solum currit de futuris quæ à sola diuina voluntate dependent, non de illis, quæ dependent etiam à voluntate creata; ergo illa sola, non ista cognoscuntur in diuinis decretis. Decretum namque efficax diuinæ voluntatis solum est causa vnica, totalis, & adæquata futurorum ab ipsa sola dependentium. Verum respectu futurorum dependentium etiam à voluntate creata, mutabili, variabili, impedibili, in solo decreto cognosci non possunt. Resp.

Resp. ex dictis, quod etiam futura dependentia à voluntate creata sunt inuariabilia, immutabilia, &c. non prout præcisè dependent à voluntate creata, sed prout subsunt diuinis decretis.

212 Tertium argum. Posito quocunque decreto voluntas creata manet indifferens ad vtrumlibet ergo ex vi cognitionis dicti decreti cognosci certò non potest futurum contingens, ab ipsa voluntate creata dependens. Antecedens constat, quia cum decretum Dei non tollat libertatem, debet relinquere voluntatem cum sua indifferentia. Conseq. probatur, quia si ex cognitione voluntatis creatæ præcisè sumptæ non cognoscuntur futura ab ipsa dependentia, neque cognoscuntur ex vi decreti, cum relinquat voluntatem creatam indifferentem vt prius. Resp. concedendo antecedens, & negando conseq. Ad probationem dico, quod licet diuinum decretum non tollat in differentiam voluntatis, sed potius ponat, ponit tamen infallibilitatem, & sic in decreto ponente hanc infallibilitatem, futurum certò cognosci potest. Vel dicatur, quod decretum tollit in differentiam potentie, tollit tamen indifferentiam suspensionis, de quo suo loco.

213 Quartum argum. quia vel decretum habet infallibilem, & simul necessariam connexionem cum futuro, vel solum fallibilem; si primum, tollitur libertas; si secundum, non potest futurum certò, & infallibiliter cognosci. Resp. quod futurum habet infallibilem, non necessariam connexionem cum futuro, ac proinde ex vi illius certò cognoscetur.

214 Quintum argum. quia futura contingentia saltem peccaminosa non possunt in diuinis decretis cognosci, quia Deus non vult illa; ergo neque alia. Resp. quod futura contingentia peccaminosa cognoscit Deus in decreto permisso, & in decreto positio materialis peccati, vt ex dicendis infra q. 19. constabit.

D V B I V M XXI.

An sufficienti ratione probetur, quod futura contingentia absoluta, sint ab æterno realiter Deo præsentia in mensura æternitatis.

215 **Q**Varitur, an realis futurorum præsentia in æternitate sufficienti probetur ratione, quia an probetur ex sacra scriptura; ex Sanctis Patribus, & presentim ex D. Thoma, fusè ostendunt N. Salmant. hoc loco *disp. 3. dub. 2.* nec est necesse, ea quæ dicti Patres promunt transcribere, vel ad formam breuiorem, reducere, cum sufficiat illos videre. Prima ergo sententia est, quod non probetur sufficienter dicta futurorum præsentia in æternitate. Hanc sententiam sequuntur Suarez, Valentia, Vasquez, Herice, & alij relati à dictis Salmant.

216 Nostra sententia sequenti concl. explicatur. *Probatur sufficienti ratione, quod futura contingentia absoluta sint præsentia Deo ab æterno in mensura æternitatis, & ratione huius certò à Deo cognoscuntur.* Pro hac concl. referunt N. Salmant. omnes D. Thomæ discipulos, aliosque per multos.

217 Probatur 1. quia æternitas est duratio infinita, tota simul, æquivalens temporis infinito, tam à parte ante, quam à parte post; ergo continet omnes temporis differentias, & cunctas res, quæ eidem coexistunt. Antecedens constat, quicquid enim est in Deo, debet esse infinitum debet æternitas cum sit mensura Dei, esse tota simul, & æquialere temporis infinito, alioquin in ratione mensuræ non esset infinita. Conseq. etiam constat, quia si æternitas non contineret omnes temporis differentias, ac subinde quicquid illis coexistit, non esset infinita in ratione durationis; duratio namque, quæ est infinita, & tota simul tam à parte ante, quam à parte post, debet ab æterno virtualiter extendi, vt pertingar ad omnes temporis differentias, illas ambiens, ac subinde omnia, quæ in illis existunt.

218 Confirmatur hæc ratio, quia hoc ipso, quod æternitas est duratio infinitè perfectà, & tota simul absque successione, debet esse mensura infinito, & immutabili modo mensurans omnes durationes creatas futuras; & quicquid in illis continetur, ergo debet semper, ab æterno, & immutabili modo mensurare omnes illas, & cuncta, quæ in illis sunt, alias non esset mensura immutabilis, sed in ea esset mutatio, & successio.

219 Occurrūt aduersarij, quod ad hoc ut æternitas sit infinita, & tota simul, non est necesse, quod semper, & ab æterno coexistat omnibus differentijs temporum, & rebus in eis existentibus, sed satis est, quod quantum est de se, illis coexistere possit, quod si non coexistat, non proueniat ex defectu eiusdem æternitatis, sed ex defectu temporis, & rerum in eo existentium. Sicut ad hoc ut immensitas sit infinita in sua linea non est necesse, quod repleat loca futura, sed sufficit, quod repleat loca existentia, & quod si non repleat loca futura, non proueniat ex defectu immensitatis, sed ipsorum locorum, quæ talis repletionis capacia non sunt, quandiu non existunt. Sed contra, quia sicut immensitas non esset infinita, si non repleret, aut contineret omnes differentias loci, quæ sunt ante, & retro, futurum, & corsum, propinquum, & remotum; ita æternitas non erit infinita si non contineat differentias temporis scilicet præsens, præteritum, & futurum; quod autem immensitas non extendatur ad loca futura, ideo est, quia ratio futuri, est differentia temporis, non loci. Tum quia sicut de ratione immensitatis est, quod contineat omnia loca, & indiuisibilia illorum, & ad omnia in illis contenta; ita de ratione æternitatis est, quod extendatur ad omnia tempora, indiuisibilia illorum, & ad res in illis contentas.

220 Occurrunt alij, quod de ratione æternitatis non est quod contineat omnes differentias temporis, sed sufficit, quod eminenter contineat omnes illarum perfectiones. Nam contra est, quia sicut ad infinitatem scientiæ pertinet quod non so-

lum contineat perfectiones creaturarum, verum etiam, quod easdem in esse scientiæ modo intelligibili contineat; ita ad perfectionem æternitatis spectabit, quod non solum contineat perfectiones temporum, & differentiarum illorum, rerumque in illis coexistentium, verum etiam quod ista contineat in sua ratione, scilicet in ratione mensuræ.

221 Probatur 2. Scientia Dei est inuariabilis; ergo nullum futurum potest respectu illius habere rationem futuri, ac proinde omnia debent esse sibi præsentia in nunc æternitatis. Antecedens constat. Conseq. probatur, quia si Antichristus, v.g. ab æterno esset physicè, & realiter futurus respectu scientiæ Dei, ac proinde non esset præsens in nunc æternitatis, tunc scientia Dei variaretur; quia ab æterno cognouisset Antichristum ut futurum, postea cognosceret ut præsentem.

222 Occurrūt auctores oppositæ sententiæ, hinc non sequi variationem diuinæ scientiæ, quia Deus ab æterno cognouit Antichristum futurum, præsentem, & præteritum respectu æternitatis, non respectu vnius differentiæ temporis, sed diuersarum. Cognouit namque Deus, quod Antichristus ab æterno vsque ad tempus suæ natiuitatis est sibi futurus, & à natiuitate vsque ad mortem est sibi præsens; & à morte vsque in perpetuum, est sibi præteritus. Sed contra, quia ex hoc, quod Deus cognouit ab æterno Antichristum esse sibi futurum, præsentem, & præteritum in distinctis temporis differentijs, sequitur, quod non cognoscat illum ut sibi præsentem ab æterno vsq; ad tempus natiuitatis; & tunc non amplius cognoscat illum ut futurum, sed præsentem in æternitate; ergo adueniente natiuitate cessat cognitio Antichristi ut futuri, & incipit cognitio illius ut præsentis, ac proinde cognitio Dei mutatur. Nec valet dicere quod illa cognitio in se non mutetur, sed solum connotatum mutatur. Nam contra est, quia denominatio scientis, non est denominatio extrinseca, sed intrinseca, & mensurata æternitate; ergo non potest ex aliquo capite variari, sed omnia connotata, quæ ad ip-

sam desiderantur, debent esse immutabilia, ac proinde immutabiliter coexistere æternitati tanquam mensuræ superiori, & superexcedenti à qua prædictam habent immutabilitatem. Tum quia licet possit aliqua denominatio intrinseca de nouo aduenire per solam mutationem factam, in connotato, ut contingit in speciebus Angelicis representantibus singularia, quando ponuntur, quæ prius non representabant, & postea representant per solam mutationem connotati; non tamen hoc fieri potest, quando iam forma intrinsecè denominans, quam connotatum diuersimodè non mensurantur; vnde cum denominatio cognoscentis secundū quod ex parte Dei terminatur non solum in actu signato, verum etiam in actu exercito ad creaturas mensuretur æternitate, oportet quod sit fixa, & stabilis ab æterno, & vsque in æternum perseverans. Tum etiam, quia licet aliqua denominatio intrinseca conueniat Deo in tempore, ut est denominatio creatoris, Redemptoris, &c. non tamen quoad ea, quæ in recto ea denominatio importat, sed solum quia connotat aliquod obiectum creatum prout est præsens in sua propria mensura; sed denominatio scientis non conuenit Deo secundum quod connotat obiectum creatum in mensura temporis, sed secundum quod connotatum dicit mensuram superiorem, quia cognitio sit secundum quod cognitum est in cognoscente; ergo denominatio cognoscentis non potest Deo in tempore conuenire. Soluuntur argum. in contrarium.

223 Primum argum. Nihil potest realiter, & physicè alteri coexistere in aliqua duratione, nisi prius in se ipso existat. Sed futura, v.g. Antichristus, modo non existit in se, ergo neque poterit coexistere æternitati. Maior constat, quia coexistentia duorum in aliqua duratione, supponit, quod eorum quodlibet habeat in se realem, & physicam existentiam, alioquin non poterunt realiter coexistere. Minor etiam constat, quia res creata antequam sit in propria mensura, est in se ipsa verè, & realiter nihil, ac proinde nequit alteri coexistere. Resp. distinguendo maiorem,

nihil potest alteri coexistere tanquam mensuræ superexcedenti, ut est æternitas, nisi prius existat in se ipso pro aliqua differentia temporis, & conceditur, pro illa, v.g. & negatur. Cum enim æternitas ambiat omnes differentias temporis, omnesque tangat, ad omnes ab æterno extendatur, sequitur, quod adhuc ut aliquid illi coexistat, sufficiat, quod in aliqua differentia temporis existat. Per quæ patet ad confirmationem, quod prius sit rem existere in propria mensura, quam in aliena.

224 Secundum argum. Quia quod non verificatur de rebus in propria mensura, non potest de iisdem verificari in aliena; sed rem existere ab æterno non verificatur in propria mensura; ergo neque in aliena. Maior probatur, quia mensura aliena, & communis, non attingit res, nisi secundum conditionem, quæ ipsis rebus comperit, aliàs non eas attingeret prout sunt, ergo, &c. Minor nota est. Resp. quod omnia prædicata, quæ conueniunt rei in æternitate, comperunt etiam eidem in propria mensura, præterquam prædicata essendi in æternitate. Quia cum modus essendi in æternitate diuersus sit ab eo, qui conuenit rei in propria mensura, non potest in propria mensura conuenire. Licet ergo res non existat in propria mensura ab æterno, dicitur tamen existere in æternitate, modo explicato.

225 Tertium argum. Nam vel res creata existit ab æterno in æternitate per propriam existentiam creatam, vel non? Si primum, ergo res illa erit ab æterno producta per actionem ad ipsam terminatam; secundum, non poterit dici existere ab æterno. Resp. quod res dicitur existere ab æterno, seu in ipsa æternitate, in quantum quod æternitas amplectitur illam differentiam temporis in qua res est producta. Vnde non dicitur res producta per actionem terminatam ad rem prout est in æternitate, sed per actionem terminatam ad rem prout est in propria differentia temporis, ratione cuius est in æternitate.

226 Quartum argum. Quia æternitas non respicit eodem modo rem, dum actu existit, & dum habet esse præteritū,

& futurum; sed dum actu existit respicitur ab æternitate ut sibi præsens; dum est futura, & præterita, ut non sibi præsens; ergo futura nequeunt esse præsentia eidem æternitati. Resp. quod re vera æternitas non respicit eodem modo rem dum actu existit in propria mensura, dum est futura, & præterita in propria mensura, sed diuersimodè prout scilicet diuersas illas tēpotis differentias continet. Prout namque continet æternitas illam temporis differentiam in qua res est præsens dicitur continere eandem rem ut præsentē; prout continet illam temporis differentiam in qua res est futura, dicitur ab æterno continere futuritionem. Prout continet illam temporis differentiam in qua etie præterita, dicitur ab æterno continere præteritionem; & sic æternitas secundū vnum quasi finem cōtinet præsentialitatem rei, secundum alium futuritionem, & secundum aliū præteritionem.

227 Quintum argum. Nam si futura contingentia essent præsentia æternitati, sequeretur, quod in æternitate daretur multitudo actu infinita, scilicet omnes cogitationes beatorū futuræ per totam æternitatem; sed hoc est falsum, quia repugnat infinitum in actu secundum multitudinem; ergo, &c. Resp. negando sequelam, quia licet in æternitate sit tota multitudo cogitationum futurarum per totam æternitatem, tamen ea multitudo non dicitur actu infinita, sed solū in potentia; res namque solum dicitur simpliciter esse, aut existere in propria mensura; in aliena autem mensura dicitur solum existere secundum quid, & cum addito. Tum quia res non aliter dicuntur existere in æternitate, quam sint in propria mensura; in propria mensura cogitationes beatorum futuræ, non dicuntur infinitæ nisi syncategorematicè, & in potentia, ut nunquam possit assignari vltima, ita eodem modo continentur in æternitate.

228 Sextum argum. Quia si futura essent Deo præsentia in æternitate, sequerentur plura absurda. Primum, quod eadem res bis produceretur, semel in æternitate, & semel in tempore; quia non po-

test res esse, ubi non producitur. Secundum, quia esset verum dicere. Antichristus est in æternitate; ergo Antichristus est, & in quolibet instanti temporis. Tertium quia res non posset creari, quia iam supponeretur in æternitate. Quartum, quia Adam, & Antichristus coexistenter, cum enim coexistant æternitati, etiā inter se debent coexistere. Quintum, quia plures contradictoriæ verificarentur de vna, eademque re respectu æternitatis, scilicet Antichristus est, Antichristus nō est. Petrus est mortuus, & viuus, &c. cum enim in æternitate sit tempus in quo quis est mortuus, & viuus, sequitur, quod respectu æternitatis illæ contradictoriæ sint veræ. Resp. negando sequelam. Ad 1. dico, quod falsum est, quod res producat in æternitate, quia ut dicebamus, non aliter res est in æternitate, nisi quatenus est in sua mensura. Ad 2. quod ex hoc, quod Antichristus est in æternitate ratione differentie temporis in quo existeret, non potest inferri: Antichristus est in æternitate, ergo est in hoc instanti temporis. Ad 3. dico, quod non supponitur res in æternitate ante creationem, cum non aliter sit in æternitate, nisi prout creatur in propria mensura. Ad 4. dico, quod Adam, & Antichristus non coexistit neque in æternitate, cum non aliter ibi sint, nisi secundum quod æternitas per diuersos sinus continet diuersas illorum temporum differentias. Ad 5. dico, quod non verificantur diuersæ contradictoriæ respectu eiusdem continentie, sed respectu diuersarum, seu respectu diuersorum sinuum, diuersas temporis differentias continentium.

229 Vltimum argum. Quoniam si futura essent Deo præsentia in æternitate, tolleretur libertas arbitrij creati; hoc est falsum; ergo, Sequela probatur, quia si actus liberi ab æterno existunt in æternitate, non erit in potestate eiusdem liberi arbitrij alio modo eos producere quam sint in æternitate. Tum quia si futurum contingens liberum haberet esse in tempore antequam fieret à libero arbitrio, nō esset contingens, & liberum; ergo cum

supponatur in æternitate, respectu liberi arbitrij non erit contingens, & liberum. Resp. negando sequelam. Ad 1. probationem dico, quod licet in sensu composito non sit in potestate liberi arbitrij alio modo producere suos actus, quam sint in æternitate, tamen in sensu diuiso, & absolute potest. Ad 2. probationem dico, quod præsuppositio actus liberi arbitrij in tempore tolleret & contingentiam, & libertatem, non præsuppositio in æternitate, quia in æternitate non aliter reperitur, nisi quatenus est in sua differentia temporis à libero arbitrio productus.

D V B I U M XXII.

An presentia rerum in æternitate sit necessaria ad hoc ut Deus cognoscat futura contingentia antequam sint.

230 **I**N duplici sensu, seu hypothesi potest hoc dubium discuti. Primò an æternitas sit ita necessaria ad cognoscendum dicta futura antequam sint, quod si per impossibile diuina cognitio mensuraretur æuo sempiterno à parte ante, & à parte post, posset illa cognoscere? Secundò, an si diuinum esse, & omnia diuina mensurarentur æternitate, ex vna parte, & ex alia non coexistere ab æterno rebus futuris, adhuc Deus posset certò, & infallibiliter cognoscere dicta futura contingentia ab æterno, & antequam quoad nos essent. Prima sententia tenet, æternitatem in neutro ex sensibus explicatis esse necessariam ad hoc ut Deus certò, & infallibiliter cognoscat prædicta futura antequam sint in propria, & adæquata mensura, sic tenent auctores relati dub. præcedenti num. 215.

231 Nostra sententia duplici concl. explicatur. Prima concl. Si Deus per impossibile mensuraretur æuo ex se defectibili, non æternitate, non posset certò, & infallibiliter cognoscere futura contingentia absoluta antequam sint. Sic Salmant. post D. Thomam, eiusque discipulos dub. præced. suppressio nomine relatos.

232 Probatur 1. quia futura contin-

gentia solum possunt certò sciri vel in se ipsis, vel in suis causis, nempe in diuino decreto, aut alijs causis secundis illi subsunt; Sed si diuinum esse, eius operationes, ac proinde ipsum diuinum velle non mensurarentur æternitate ut propria mensura, non possent dicta futura in aliquo horum certò sciri ergo, &c. Maior constat ex dictis supra. Minor probatur, nam non possent cognosci in se ipsis, quia non sunt cum sint futura; neque in diuino velle, seu decreto, dato quod non mensuraretur æternitate, sed æuo fallibili ex se, quia in duratione defectibili non potest cognosci aliquid indefectibiliter.

233 Sed dices, quia licet æum Angelicum sit ex se defectibile, tamen ex suppositione quod est, naturaliter deficere nequit, ergo ex illius vi infallibiliter cognosci potest futurum contingens, maxime si eo mensuraretur primum ens. Resp. 1. quod æum Angeli licet ab intrinseco defectibile sit, est tamen omnino indefectibile ab extrinseco, scilicet ratione diuini decreti; non sic esset æum Dei, si per impossibile daretur. Resp. 2. quod æum Angeli est defectibile per ordinem ad potentiam Dei extraordinariam, ac proinde non habet omnimodam infallibilitatem, ac proinde in eo non posset cognosci certò futurum, quod etià de Deo dicendū esset.

234 Secunda concl. Si per impossibile diuinum esse, & omnia diuina mensuraretur æternitate, ut de facto mensurantur, res tamen non essent physice, & realiter presentis æternitati, non possent certò, & infallibiliter cognosci, ac proinde presentia in æternitate est omnino necessaria ad hoc, quod res, seu futura à Deo certò, & infallibiliter cognoscantur. Pro hac concl. referunt N. Salmant. D. Thomam, eiusdemque discipulos. Ratio constat ex dictis supra, quia licet diuina cognitio mensuraretur æternitate, si tamen futura non sunt presentia illi, sed fierent presentia quando existunt, tunc illa cognitio mutaretur, quia transiret de abstractiua in intuitiuam; & rursus haberet Deus in tempore aliquam cognitionem, quam non habuisset ab æterno. Vnde sicut si modo Deus produceret crea-

turam, quam ab æterno non decreuit producere, mutaretur, si mutaretur si modo cognosceret Antichristum præsentem, quem ab æterno ut præsentem non cognovit.

235 Ex quibus inferitur, quomodo conciliari possit scientia Dei, cuiusque infallibilitas circa futura contingentia absoluta cum libertate creata. Nam remotè sumitur ex diuina essentia per suum decretum determinata; cum enim diuinum decretum sit efficacissimum, fortissimum, simulque suauissimum, ut non solum velit, quod effectus, vel actus liberi fiant, sed quod fiant libero modo, & quod ita fiant ut possint non fieri, sequitur, quod omnino liberè fiant, & nullo modo ex illis libertas creata lædatur, sed ponatur. Vult enim Deus, quod actus fiant, & quod liberè fiant. Ex qua parte vult eos fieri, infallibiliter fiunt. Ex qua parte vult, quod fiant libero modo, sic fiunt. Proximè autem sumitur hæc reconciliatio diuinæ scientiæ cum libertate creata, ex eo, quod diuinus intuitus attingit futura, seu actus liberos nostros futuros in sua æternitate, in qua sunt realiter præsentis; sicut enim, ut bene notauit S. Doctor q. 2. de veritate art. 12. nosse visus non fallitur videndo contingentia præsentia, nec tollit, quod non ponantur liberè, & contingenter, ut cum video te sedere, meus intuitus non facit quin liberè sedeas; ita diuinus intuitus non fallitur videndo contingentia sibi in æternitate præsentia, nec facit, quod non sint contingentia, sed ut sunt inæternit. Soluuntur argum. in contr.

236 Primum argum. Si per impossibile Deus desineret esse antequam produceret Antichristum, illum cerèd, & infallibiliter cognosceret; & tamen tunc Deus nō mensuraretur æternitate, sed quoque scibili, nec Antichristus coexistere æternitati; ergo cognitio futuri contingentis non dependet ab æternitate. Maior patet, quia Dei cognitio est infinita, ac proinde se extenderet ad cognitionem Antichristi, modo dicto. Minor etiam constat ex suppositione dicti impossibilis. Respond. negando maiorem; ad probationem dico, quod scientia Dei, vel non ef-

set infinita, vel dato, quod esset infinita, non esset infallibilis, cum nil esset à quo infallibilitas sumeretur, ut ex dictis constat.

237 Secundum argum. Cognitio Dei certa, & infallibilis præcedit præsentiam rerum in æternitate; ergo ab æternitate suam non sumit certitudinem. Antecedens probatur, quia præsentia rerum in æternitate supponit voluntatem Dei volentis illas creaturas; volitio autem creaturarum supponit certam, & infallibilem cognitionem ipsarum; ergo. Resp. distinguendo. Cognitio Dei præcedit præsentiam Dei in æternitate prioritate à quo, & conceditur; prioritate in quo, & negatur. Deus namque cognoscendo prædicte res, eas facit esse æternitati præsentis.

238 Tertium argum. Deus nullam accipit perfectionem à creaturis; ergo scientia Dei non potest suam desumere certitudinem à præsentia creaturarum in æternitate; hæc enim præsentia, est aliquid creatum. Resp. quod præsentia futurorum in æternitate potest accipi dupliciter. Primò ex parte æternitatis ad ipsa futura. Secundò ex parte futurorum ad ipsam æternitatem. Primò modo est ratio certitudinis, & infallibilitatis diuinæ scientiæ. At secundò modo habet rationem conditionis ex parte obiecti.

239 Quartum argum. Decretum efficace diuinæ voluntatis circa futura contingentia, habet infallibilem connexionem cum illis; ergo eam habet tametsi diuinæ operationes non mensurentur æternitate. Resp. habere connexionem infallibilem ratione præsentia in æternitate. Si tamen decretum non mensuraretur æternitate, & futura non essent illi præsentia, tunc decretum non nisi fallibilem connexionem haberet cum illis.

240 Quintum argum. Deus cerèd cognoscit futura conditionata in decreto efficaci, & conditionato, & tamen ista futura nunquam sunt præsentia in æternitate; quia nunquam existent; ergo ad certam cognitionem futurorum non requiritur illa præsentia. Resp. concedendo, quod non requiratur præsentia futurorum conditionatorum in æternitate, requiritur tamen

præ-

præsentia futurorum absolutorum, ut certè, & infallibiliter cognoscantur. Ratio discriminis est, quia cum futurum conditionatum nunquam sit exiturum, non habet, quod modo existat, modo non existat, ac proinde in solo decreto conditionato habet totum id, quod requiritur ad hoc ut certè cognoscatur. At futurum absolutum habet quod modo existat, modo non existat in se, ac proinde nisi habeat esse determinatum in mensura superiori, non poterit certè cognosci, sed variabilitet tantum. Alia leuia argumenta prætereo.

D V B I V M XXIII.

An sufficienti ratione probetur Deum certè, & infallibiliter cognoscere tam futura contingentia conditionata disparata, quàm ea, quæ tantum habent probabilem, & coniecturalem nexum ex parte obiecti cum conditione.

241 **A**D hunc titulum N. Salmant. hoc loc. disp. 9. duos alios præmittunt, quos fusiè prosequuntur dubio 2. & 3. dictæ disp. scilicet, an iuxta sacram scripturam, & Patres, Deus certè, & infallibiliter cognoscat dicta futura in suis decretis. Verum in hoc non immor, maxime cum ex rationibus huius, & frequentis dubij res tora apertè colligatur. Pro intellectu dicendorum notandum 1. futurum conditionatum posse dupliciter accipi. Primò pro eo futuro conditionato, quod de facto erit, quia conditio erit, seu purgabitur, & dicitur futurum conditionatum, quia ponetur dependenter à conditione. Quo sensu Verbi diuini Incarnatio habuit rationem futuri conditionati, quia pendeat ex peccato Adami. Secundò pro eo futuro conditionato, quod de facto non habebit existentiam, quia dependet à conditione quæ exitura non est, ut si dicatur. *Si Iudas non se suspendisset, saluaretur.* Hoc futurum conditionatum diuiditur in illud, quod necitur cum conditione, ex eo, quod conditio aliquo modo insuit in illud, siue talis influxus sit per modum causæ, aut occasionis, vel condi-

tionis sine qua non, ut est hoc: *Si Petrus audiret concionem, conuerteretur.* Et in illud, quod quantum est de se non habet connexionem cum conditione, sed secundum se spectata habet se solum concomitanter ad illud, & dicitur futurum disparatum, ut si dicatur. *Si Petrus cantaret Mediolani, Paulus dormiret Roma.* Deinde futurum conditionatum; quod habet connexionem cum conditione, est triplex. Vnum, quod necitur necessario cum dicta conditione. *Ut si sol lucret, dies esset: si Petrus ambularet, moueretur.* Alterum, quod tantum habet connexionem infallibilem; ut si dicatur. *Si Iudas efficaciter fuisset à Christo vocatus, non suspenderetur, sed conuerteretur.* Et aliud quod solum habet probabilem connexionem cum sua conditione, ut si dicatur. *Si Petro sitienti propinaretur vas aquæ, biberet illam.* Item futurum disparatum conditionatum, aliud est, in quo positio conditionis dependet à causa libera, effectus verò à causa necessaria: ut si dicatur. *Si Petrus iret Bononiam, Paulus occideretur à fulmine.* Aliud in quo ratio positi conditionis, quam positio effectus dependet à causa libera creata, ut si dicatur. *Si Petrus curreret Mediolani, Paulus dormiret Roma.*

242 Notandum 2. non esse hęc sermonem de futuris conditionatis, quæ habebunt existentiam, quia conditio purificabitur, & transibunt in absoluta, quia de his est eadem ratio ac de absolutis, de quibus iam dictum est in dubijs præcedentibus. Neque agemus de illis futuris, quæ habet necessariam connexionem cum sua conditione. Sed præcipuè de illis agemus quæ habent connexionem infallibilem, sed simpliciter liberam cum conditione, & habent connexionem probabilem, & coniecturalem cum eadem conditione, licet ratione connexionis doctrinæ aliquæ dicentur de illis, quæ sunt omnino disparata.

243 De hac re tres sunt sententiæ: Prima tenet, quod Deus cognoscat futura conditionata habentia connexionem coniecturalem, & probabilem cum sua conditione, non tamen disparata. Pro hac sent.

sunt, referunt N. Salm. Curielem, & Connexum hoc loco. Secunda sententia tenet, quod Deus certo, & infallibiliter futura cognoscat. Sic relati à dictis Salmant. loco cit.

244 Nostra sententia sequenti concl. explicatur. *Sufficienter probatur, Deum habere certam, & infallibilem cognitionem prædictorum futurorum conditionatorum, ita tamen quod dicta Dei scientia sit infallibilis tam ex parte subiecti, quam ex parte obiecti materialis.* Sic post D. Thomam, Thomistas, aliosque tradunt N. Salmant. Ratio fundamentalis est, quia Deus habet decretum efficax, & conditionatum, ex parte obiecti circa quodcumque futurum conditionatum, etiam disparatum, quo efficaciter decernit, quod posita conditione determinatè erit pro tempore futuro, vel determinatè non erit; ergo in hoc decreto certò, & infallibiliter tam ex parte subiecti, quam obiecti materialis cognoscat Deus omnia futura prædicta. Antecedens ostenditur dub. seq. Conseq. nota est, quia dictum decretum habet certam, & infallibilem connexionem cum prædictis futuris, ita quod non stet, nec stare possit in sensu composito, quod Deus efficaciter præfiniat, quod posita illa conditione quæcumque illa sit, habeat esse libero modo pro tempore futuro, & quod infallibiliter non sit.

245 Primum argum. pro prima sent. est. Quia futura contingentia disparata nullam habent veritatem, quæ sciri possit. Ergo non potest ostendi quod aliquo modo certè sciantur. Antecedens ostenditur, quia in propositionibus de futuro conditionato significatur dependentia operis à conditione; sed quando conditio est disparata, nulla talis reperitur dependentia; ergo. Resp. quod licet dicta decreta nullam habeant ex se veritatem, quæ sciarur, quia cum conditione ex se non necuntur, habent tamen, & necuntur medio diuino decreto, ut explicatum est.

246 Secundum argum. pro ead. sent. est. Nam vel propositiones de futuro conditionato disparato reddunt sensum illatum; & ita sunt falsæ vel denotant nu-

dam, & puram concomitantiam; & sic etiam sunt falsæ, nec habent unde eventus futurus cognoscatur, ergo nulla ratione probari potest, quod à Deo infallibiliter cognoscatur. Resp. quod reddunt sensum illatum non ratione connexionis cū conditione, sed ratione diuini decreti, quia eo posito infallibiliter infertur, quod dicta futura erunt, eo modo, quo fuerunt determinata per diuinum decretum.

247 Terrium argum. quod est fundamentum 1. secundæ sententiæ, est, quia prædicta futura non possunt certò cognosci nec per scientiam simplicis intelligentiæ, nec per scientiam visionis; ergo nullo modo. Non per scientiam simplicis intelligentiæ, quia hæc terminatur tantum ad possibilia, & necessaria. Non per scientiam visionis, quia hæc terminatur tantum ad res existentes in aliqua temporis differentia; prædicta autem futura in nulla temporis differentia sunt exitura; ergo. Resp. quod dicta futura cognoscuntur per scientiam simplicis intelligentiæ. Scientia, namque simplicis intelligentiæ, & visionis, non distinguuntur per hoc, quod illa sit necessarium, & ista liberorum; sed per hoc, quod illa est abstractiua, hæc intuitiua.

248 Quartum argum. Quia prædicta futura si cognosci possent, vel possent cognosci secundum esse quod habent in se ipsis, & hoc non, quia nullum habent, vel secundum esse quod habent in suis causis; & neq; hoc, quia nō habent esse nisi incertū ergo. Resp. cognosci secundum esse, quod habent in causis non secundum se præcisè, sed prout stant sub decretis diuinis.

249 Quintum argum. Quoniam, scientia horum futurorum in Deo dicit imperfectionem, ergo non potest aliqua ratione suaderi, quod in Deo detur. Antecedens probatur, quia iudicium, quod ex natura sua est prædicum, & suum non sortitur effectum, est imperfectum; sed huiusmodi est cognitio conditionatorum; ergo, &c. Resp. negando antecedens, pertinet namque ad diuinam perfectionem, quod Deus sit omniscius, ac proinde quod attingat etiā futura conditionata quæcūq; DV.

D. V. B. I. V. M. XXIV.

Am in Deo sint ponenda decreta conditionata, & efficacia circa omnia futura conditionata, ut certo cognosci possint.

250 **D**upliciter potest Dei decretum dici conditionatum. Vno modo ex parte actus, seu subiecti, & obiecti simul, alio modo ex parte obiecti tantum. Tunc decretum est conditionatū ex parte subiecti, seu actus, quando reuera non datur, daretur tamen si poneretur aliqua conditio. Tunc autem decretum dicitur conditionatum ex parte obiecti, quando reuera datur, tamen per illud non determinatur aliquid, quod sit absolutē futurum, sed tantum sub conditione. Hoc decretum est duplex, efficax, & inefficax. Efficax est illud, quod poneret futurum, si conditio poneretur, seu purgaretur; Inefficax est illud, quod non poneret futurum tamen si conditio poneretur. Demum decreta conditionata, alia sunt positiva, quæ dicunt actum posituum voluntatis, quo positiue vult obiectum. Alia negativa, non vtrumque, sed suspensiva, seu interpretatiua, ex eo, quod pro eo signo pro quo deberet voluntas habere actum, illum non habet.

251 Prima sententia tenet, quod nō dentur prædicta decreta conditionata, ac proinde, quod Deus sine illis possit certē, & infallibiliter cognoscere dicta futura, sic Vasquez, Herice, & alij apud N. Salmant. hoc loco.

252 Notra sententia triplici concl. explicatur. Prima concl. *Dantur in Deo prædicta decreta conditionata, & efficacia, circa omnia futura contingentia, & conditionata, per qua Deus decernit, vel quod determinat, sine prætempore futuro, vel quod determinat non sint, si illa conditio ponatur.* Sic N. Salmant. post D. Aug. D. Thomam, Thomistam, & alios.

253 Probat. concl. quia futura conditionata habent aliquam futuritionem, scilicet conditionatam; sed hanc non possunt habere ex se ipsis, quia non possunt

se ipsa abstrahere à statu possibilitatis, & ponant se in statu futuritionis etiam conditionate; ergo debēt hoc habere à prima causa, medio suæ voluntatis decreto, ac proinde debet Deus habere decretum efficax, quodque sit illud per quod res. extrahantur à statu possibilitatis, & ponantur in statu futuritionis conditionate. Argumentum, si rectē percipiatur, est conuincens. Confirmatur, quia hæc futura conditionata, non habet esse futurum determinatum in se ipsis, cum non sint; ergo habere debent hanc determinationem in suis causis determinatis, non secundis, quia istæ secundum se sunt indeterminatæ, ergo prout substant. primæ; prima autem non determinat nisi per suum decretum, vt ex se liquet.

254 Respondent aduersarij, Deum non habere certam, & infallibilem cognitionem horum futurorum, quia vel tanquam habent rationem purē possibilium, vt sunt futura disparata; vel ad summum habent rationem futurorum coniecturaliter, & probabiliter tantum, ac proinde nequit de illis dari decretum efficax, aliis essent infallibiliter futura. Sed contra, quia vt infra dicemus quæst. 19. de voluntate, diuina voluntas ob suam eminentiam, actualitatem summam, & perfectionem infinitam, non potuit manere suspensa circa aliquod volibile; ac proinde de quocunque debuit decernere, quod sit, vel non sit, absolutē, aut conditionatē. Nam sicut ad perfectionem diuini intellectus spectat, quod extendatur ad omne scibile, vt nullum detur scibile, quod à diuino intellectu non sciatur; ita ad perfectionem diuinæ voluntatis spectabit, quod extendatur ad omne volibile, eo modo quo volibile est, decernendo de quocunque, quod sibi maluerit.

255 Secunda concl. *Si Deus non haberet decreta positua circa dicta futura, sed tantum negatiua, seu suspensua, seu interpretatiua, in illis infallibiliter Deus cognosceret dicta futura.* Pro hac concl. sunt omnes discipuli D. Thomæ, vt testantur N. Salmant. hoc loco. Ratio clara est, quia si diuina voluntas in eo signo, quod erat de-

fina-

stinatum ad volendum, vel nolendum, maneret suspensa, in ea suspensione semper maneret, cum enim sit immutabilis repugnat, quod in sensu composito maneat suspensa, & in ea suspensione non semper maneat; ac proinde cognosceret Deus, quod illa circa quæ diuina voluntas est suspensa, nunquam erunt; non quidem quia maneant in statu puræ, & nudæ possibilitatis, sed quia habent contrariè, quod non sint futura, id est, quod ita sint non futura, quod eis repugnet futuritio, quod est extra statum puræ, & nudæ possibilitatis.

256 Tertia concl. Si Deus pro eo signo deputato ad habenda decreta de futuritione, aut non futuritione rerum, nullum haberet decretum positium, sed maneret suspensus modo explicato, nihil cognosceret esse futurum positivè, sed tantum contrariè. Hæc conclusio constat ex dictis, nihil enim potest esse positivè futurum etiam conditionatè, nisi ex vi decreti positivi; ergo cum in eo casu, nullum esset decretum positium, nullum esset futurum positium, ac proinde solum essent decreta interpretatiua, & quasi contraria, & sic solum essent futura contrariè, ac proinde ista sola cognoscitur.

257 Primum argum. pro prima sententia est. Quia nequit dari in Deo actus liber, & efficax circa creaturas, nisi aliqua realis mutatio ponatur in illis. Sed in dictis creaturis conditionatis nulla realis mutatio ponitur ergo circa illas nulla decreta efficiacia dantur. Maior patet, quia diuina voluntas non supponit, sed facit obiectum, quod vult, ac proinde debet in eo inferre aliquam mutationem per quam transeat de non esse ad esse. Minor etiam patet, quia creaturæ sub illo statu conditionato, seu futura dicta nunquam sunt habitura esse, nec vnquam transibunt à non esse ad esse. Resp. concedendo maiorem, & negando minorem. Ad probationem dico, quod licet creaturæ ex vi decreti conditionati non sint exituræ absolutè, bene tamen conditionatè, si conditio ponetur, & sic mutantur mutatione conditionata, licet non absoluta. Vnde ex vi voluntatis, seu decreti conditionati ponitur in creatu-

ra aliquis ordo, seu habitudo ad aliquem effectum faciendū à causis secundis, quando etiam ab ipsis effectus dependet; vel ad recipiendum, cum à solo Deo, si conditio ponatur, produci debeat.

258 Secundum argum. Decretum liberum Dei poni non potest sine mutatione aliqua creaturæ, sed hæc non ponitur respectu dictorum futurorum; ergo: Minor probatur, quia hoc ipso, quod Deus habet decretum erga aliquid, debet inrer illud, & rem volitam mediare aliqua relatio rationis, sed hæc dari nequit respectu dictorum decretorum, neque creaturarum sine mutatione aliqua, quæ in hoc casu non reperitur; ergo. Vbi namque non datur terminus actu existens, nec relatio, nec mutatio esse potest. Resp. ex dictis dari mutationem sufficientem conditionatam, ad fundandam relationem rationis ad terminum conditionatè existentem.

259 Tertium argum. Quia ex positione horum decretorum ponitur imperfectio in Deo, ergo poni non debent. Antecedens probatur. Tum quia otiosa sunt. Tum quia volitio conditionata circa aliquod obiectum non est vltima resolutio, sed quasi dependens, & suspensa, solum illis competens, qui procedunt de imperfecto ad perfectum. Resp. negando antecedens. Ad 1. probationem dico non esse otiosa, sed conducentia tum ad gubernationem, & providentiam gubernantis, vt paratum se exhibeat ad multa faciendā, quæ de facto non fiant. Tum ad ostensionem diuinæ bonitatis, quæ ad multa patranda est disposita, quæ tamen impediuntur vel propter nostra peccata, vel ad ostendendam libertatem nostri arbitrij. Tum ad saluandam summam actualitatem diuinæ voluntatis, &c. Ad 2. probationem dico, quod voluntas conditionata est vltima resolutio in suo genere.

260 Quartum argum. Quia alias Deus haberet decreta conditionata circa infinitas combinationes, quod est ridiculum, & absurdum, cum multæ possint esse ridiculæ, & absurdæ. Resp. quod licet multæ possint esse ridiculæ, & absurdæ, respec-

et nostri, non tamen respectu summae actualitatis Dei.

261 Quintum argum. Quia aliis propositiones conditionatae essent solum verae ex vi illationis diuini decreti, ac proinde eorum cognitio solum pertineret ad cognitionem simplicis intelligentiae. Resp. quod habent veritatem etiam in se, sed conditionatam, & infallibilem ex positione diuini decreti, alia leuia praeterito.

D V B I V M XXV.

An iuxta Sacram Scripturam admittenda sit scientia conditionata, seu conditionatorum, quam mediam vocant.

262 **N**on sunt idem scientia media, & scientia conditionata, quam adstruunt omnes D. Thomae discipuli. Nam scientia conditionata, seu conditionatorum quam admittunt D. Thomae discipuli est illa qua Deus cognoscit futura, conditiona in decreto efficaci suae voluntatis, & non constituit aliquam scientiam media inter naturalem, & liberam, sed est simpliciter libera, quippe cum supponat decretum liberum, & efficax; At scientia media, seu conditionata quam admittunt aliqui Theologi conuenit Deo ante decretum efficax diuinæ voluntatis, quia per illam, ut eius auctores adstruunt, Deus cognoscit futura conditionata ante omne decretum efficax, seu cognoscit in quam partem sit inclinanda eius voluntas sub hac, vel illa conditione, seu in hac, & illa circumstantia, in hac, & illa occasione, antequam decernat quid facere velit. Putant eius scientiæ auctores hanc scientiam esse necessariam ad hoc vt Deus efficaciter velit alicuius actus liberi futuritionem, ne eius libertas lædatur. Si enim absque tali præuisione Deus decerneret efficaciter aliquem actum liberum, libertas læderetur, secus si prius præuideat in quam partem voluntas sit inclinanda in hac, vel illa occasione.

263 Vocatur hæc scientia media, quia mediat inter scientiam simplicis in-

telligentiæ, & scientiam visionis; tum quia est parum necessaria vt scientia simplicis intelligentiæ, ex parte scilicet subiecti, & partem libera vt scientia visionis, & hoc habet ex parte obiecti, quod est liberum, & contingens. Tum quia mediat inter cognitiones Dei erga creaturas. Nam prima cognitio est scientiæ simplicis intelligentiæ qua Deus cognoscit creaturas sub statu possibilitatis. Secunda est scientiæ mediæ, qua cognoscit easdem creaturas nec sub statu possibilitatis, nec sub statu futuritionis absolutæ, sed sub statu futuritionis conditionatæ. Tertia est scientiæ visionis, qua cognoscit dictas creaturas sub statu futuritionis absolutæ. Tandem vocatur etiam scientia media ratione obiecti, quod mediat inter possibile, & futurum absolutum: Vocatur etiam conditionata ex parte obiecti, quia est futurum conditionatum.

264 His positis. Prima sententia est, quod scientia media admittenda sit iuxta sacram scripturam. Sic tenent Patres Societatis post Molinam in sua concordia. Nostra sententia sequenti concl. explicatur. *Iuxta sacram scripturam nullo modo scientia media est admittenda.* Hanc sequuntur Thomistæ, & alij plures quos referunt, & sequuntur N. Salmant. *hoc loco disp. 10. n. 126.* Plura sacra scripturae loca referuntur, sed vnus sufficiat.

265 Probatur ergo nostra conclusio ex illo Apost. 1. Cor. 4. *Ne supra quam scriptum est vnus contra alium inisset supra alio. Quis enim te discernit? quid autem habes quod non accepisti? si autem accepisti, quid gloriari quasi non acceperis?* Locus iste non potest coherere cum scientia media; ergo scientia media iuxta sacram scripturam non est admittenda. Probatur minor subsumpta; Nam demus, quod Petrus, & Paulus eadem voluntate præueniantur à Deo, & vnus pro sua libertate conuertatur, non alter, & Deus per scientiam mediam hoc præuideat, tunc Petrus, qui pro sua libertate conuertitur posset gloriari aduersus Paulum, qui non conuertitur, quia cum eadem voluntate fuerint præuenti, se ipso, & sua voluntate, se ab illo

illo discreuerit; hoc est contra Apostolum in testimonio citato; ergo, &c.

266 Respondent 1. aduersarij, quod discretio Petri à Paulo, quod scilicet ille, non iste gratiæ consentiat, & conuertatur; non oriatur ex solis viribus naturalibus suæ voluntatis, sed simul ex gratuita Dei voluntate. Sed contra, quia Deus per scientiam mediam, vt volunt eius auctores, cognouit, quod Petrus, & Paulus sunt præuenti eadem voluntate gratuita Dei, & quod Petrus est consensurus; non Paulus; ergo cognoscit, quod Petrus discernitur à Paulo, non ratione gratiæ voluntatis, sed ratione innatæ libertatis. Tum quia hoc ipso, quod in statu illo conditionato, qui ad scientiam mediam præsupponitur, non habet Deus decretum efficax de conuersione Petri præ Paulo, ratione cuius videat illum consensurum, non istum; videt, Petrum pro illo priori non esse sibi magis debitorem, quam Paulum; ergo videt discretionem Petri à Paulo refundendam esse in libertatem arbitrij Petri, qui voluit consentire, non Paulus. Antecedens est notum, conseq. probatur, quia, quoties aliqua in aliquo conueniunt, non possunt in eo in quo conueniunt, discerni; sed Petrus, & Paulus in voluntate Dei gratuita conueniunt, & sunt æquales; ergo in ea discerni nequeunt.

267 Confirmatur 1. præcedens impugnatio, quia Petrus, & Paulus in euenitu seceruntur, & sunt inæquales in actu secundo, quia ille conuertitur, non iste; ergo debent seceri, & esse inæquales in actu primo; sed inæqualitas in actu primo non potest provenire à gratia, seu à gratuita Dei voluntate, eum hæc æqualis sit; ergo provenire debet à libero arbitrio.

268 Confirmatur 2. quia licet verum sit, quod consensus Petri non procedat à sola libertate suæ voluntatis, sed etiam à gratuita Dei voluntate; tamen Deus prævidet, quod prima radix, quod Petrus consentiat, quod se discernat à Paulo non est æqualis Dei voluntas erga utrumque, sed innata arbitrij Petri libertas; sicque potest Petrus de hoc gloriari præ Paulo. Antecedens constat, quia gratuita Dei

voluntas erga Petrum, & Paulum non tollit indifferentiam ad utrumlibet, nec determinat voluntatem magis ad vnam partem, quam ad aliam, relinquendo in potestate voluntatis vt si velit consentire consentiat, & si nolit dissentiat; ergo quod Petrus consentiat, est à suâ voluntate, ac proinde & discretio. Tum quia, vt volunt aduersarij, gratuita Dei voluntas erga Petrum non magis eum inclinatur, quam Paulum; nec magis exigit consensum in vno, quam in alio; ergo quod Petrus ponat consensum non Paulus, à voluntate Petri pendet, non Pauli, &c.

269 Impugnatur 2. solutio tradita n. 266. Supponendo communem sententiâ Patrum Societatis post Molinam, quod scilicet liberum arbitrium concurret tanquam causa partialis ad actus supernaturales eum gratia tanquam eum alia causa partiali, licet non possit idem liberum arbitrium in actum supernaturalem influere nisi associatum gratiæ. Hoc supposito sic illa solutio impugnatur. Potest homo prævideri seceri, vt gratiæ consentit, ab alio non consentiente, & hoc ex proprijs liberi arbitrij; hoc est contra Apostolum in testimonio citato; ergo. Apostolus namque non tribuit arbitrio, quod vnus præ alio consentiat, sed gratiæ. Sequela probatur, quia hoc ipso, quod liberum arbitrium habeat de suo virtutem proximam, licet partialem, quæ à voluntate gratuita non tribuitur, sed supponitur, oportet, quod illa partialis efficientia, vt præcisè correspondet suæ virtuti proximæ, & innatæ, prævideatur à Deo vt aliquid, quod non est formaliter ab illa voluntate gratuita, sed ab ipsa arbitrij natura; ergo Petrus consentiens prævidebitur vt se discernit à Paulo non consentiente, per id, quod habet ex proprijs liberi arbitrij. Tum quia illa discretio non prævidetur vt procedens tota, & totaliter à gratia, ergo vt etiam procedens partialiter à libero arbitrio tanquam à causa partiali, secundo quam Petrus gloriari poterit præ Paulo.

270 Respondent 2. quod quando dicitur, quod ex duobus præuentis æquali voluntate gratuita vnus conuertitur, non

LI 2 alter,

alter, intelligi debet, quod præueniantur æqualiter physicè, non moraliter; physicè sunt æquales, quia non datur gratia maior uni, quam alteri; moraliter sunt inæquales, quia huic datur gratia in illa rerum serie in qua præuideretur consensurus, & non in illa in qua præuideretur non consensurus; & alteri datur in illa serie, seu ordine in quo præuideretur non consensurus. Sed contra, quia tunc temporis Petrus, & Paulus in actu secundo per consensum inueniuntur discreti, non solum physicè, verum etiam moraliter; ergo eodem modo debent discerni in actu primo; ergo cum hæc discretio non præuideatur à Deo ut proveniens à gratia, præuideri debet ut proveniens à libero arbitrio, ut associato gratiæ. Tum quia falsum est, quod in dicto casu in gratia detur inæqualitas moralis: nam quod iste in hoc rerum ordine consentiat, non provenit à gratia, sed à libero consensu. Vnde moralitas maior, & inæqualis potius in arbitrium refundi debet, quam in gratiam. Tum etiam, quia cum dicatur, quod in casu dicto intercedit maior gratia moralis, quia datur in tali rerum ordine in quo Petrus est consensurus, vel inter circumstantias illius ordinis numeratur consensus voluntatis ut corresponder virtuti naturali, vel non? Si primum, ergo numeratur ibidem discretio partialis ab arbitrio; secundum id, quod habet de suo. Secundum dici nequit, quia non potest præuideri consensus à gratia, quin præuideatur etiam prout est à libero arbitrio; cum enim sit partialis, & inefficax, præuideri non potest, sine alia comparte, &c.

271 Respondent 3. quod ille qui cōuerteretur plus gratiæ recipiat, ac proinde Deus erga istum haberet maiorem voluntatem gratuitam, quia iste accipit consensum supernaturalem, & concomitantem Dei. Sed contra, quia ista inæqualitas recipiendi hunc concursum ex quo ponatur consensus, provenit tanquam à causa partiali à libero arbitrio secundū suam naturam, & proximam virtutem; quod enim Deus præstet concursum simultaneum, seu concomitantem ordinis super-

naturalis pender indispenfabilitèr ex eo, quod liberum arbitrium præstet suum, & è contra; ergo à libero arbitrio tanquam à prima radice incipiet discretio Petri consentientis, à Paulo non consentiente. Tum quia discretio vnus præ alio non desumitur à concursu concomitante, sed à voluntate Dei gratuita; cum discretio in actu secundo, supponat discretionem in actu primo. Soluuntur argum. in contrarium.

272 Primum argum. desumunt ex illo Matt. 11. & Luc. 10. *Ve tibi Corozaim, ve tibi Bethsaida, quia si in Tyro, & Sidone facta fuissent virtutes, quæ in te factæ sunt, olim in cilicio, & cinere poenitentiam egissent.* Vbi Christus D. exprobrat Bethsaimis, & Corozais defectum poenitentiae, ex eo, quod Tyris, Sidonijque illam egissent, si apud illos illa signa, & miracula patrata fuissent. Quæ exprobratio inanis esset, si ideo Tyris, Sidonijque egissent poenitentiam, quia Deus eos efficaciter præuenisset, si dicta signa vidissent. Nam tunc possent Bethsaimæ, & Corozaitæ respondere, quod etiam ipsi egissent poenitentiam si efficaciter præuenti fuissent. Resp. quod ad hoc idem argumentum tenentur satisfacere aduersarij, si contra eos sic obijciatur, quia etiam Bethsaimæ, & corozaitæ sic possent respondere Christo D. quare non posuisti nos in illo rerum ordine, in illa occasione, vel circumstantiarum serie, in qua præuidisti, quod eramus consensuri, sicut posuisti Tyrios, Sidoniosque? Et sicut ipsi nil aliud respondebunt, nisi quod habuerunt omnia gratiæ auxilia quibus poterant vocationi respondere in illa serie in qua positi sunt, quod si vocationi non responderunt ex eorum voluntate prouocari, & quod non tenebatur eos ponere in illa serie in qua eorum consensum præuidit. Ita dicimus nos, quod non poterant Bethsaimæ, & Corozaitæ conqueri de Christo, quod non habuerit erga illos voluntatem efficacem, sed sufficit, quod illis dederit auxilia sufficientia, quibus vocationi possent correspondere si vellent.

273 Secundum argu. quod est maior confirmatio præcedentis, est tale. Quia
fi

si Christus D. parraturus esset externa signa longe maiora apud Gentiles, scilicet Tyros, Sydoniosque, quam apud Iudæos de quibus in dicto testimonio fit sermo, tunc enervaretur vis increpationis Iudæorum, scilicet Bethsamaritarum, & Corozairarum, ergo multo magis enervabitur data inequali voluntate gratuita ex parte Dei erga Gentiles, & Iudæos. Probatur conseq. quia data voluntas efficaci respectu Gentilium, & non respectu Iudæorum, ea magis conducet ad effectum prædefinitum, quam omnia signa externa. Resp. quod iametsi Christus D. longe maiora signa esset parraturus apud Gentiles, quam apud Iudæos, adhuc Iudæi increpationem potuissent, modo habuissent signa sufficientia ad eorum conversionem; & sic tametsi erga Gentiles habuisset voluntatem gratuitam efficacem; & erga Iudæos solam illam qua præberet auxilia sufficientia ad eorum conversionem, increpationem poterant, si eam non posuissent.

D V B I V M .XXVI.

An scientia media sit Deo necessaria ad hoc ut certo, possit prædestinare, vel consensum voluntatis creata absque latione libertatis, efficaciter prædestinare.

374 **P** Attem affirmantem defendunt omnes auctores scientiæ mediæ. Nostri sententiæ sequentibus conclusionibus explicatur. Prima concl. *Scientia media non est necessaria ad hoc ut Deus prædestinat efficaciter consensum liberum voluntatis creatæ, salua eius libertate; imò data tali scientia nequit Deus talem consensum prædestinare sine latione libertatis tum creatæ, tum diuinæ.* Pro hac concl. stant omnes Thomistæ, & omnes negantes scientiam mediæ, ut testantur N. Salmant. *disput. 1. n. 2.* Prima pars concl. probatur ex dictis in superioribus, quia eo ipso quod diuina voluntas est vniuersalissima, & efficacissima, potest velle efficaciter quicquid sibi placuerit, & eo modo quo placuerit, ut scilicet actus fiat & secundum substantiam, & secundum modum eius, scilicet

libertatis; ergo ex hoc, quod Deus prædestinat actum liberum fieri, non tollit libertatem; sed ponit, alias diuina voluntas non esset vniuersalissima, & efficacissima, cum non posset ponere actum liberum creatum ante illius futuram præuisionem sub statu conditionato, absque latione libertatis. Secunda pars conclusionis ostenditur, quia data scientia media tolleretur libertas increata, & creata; quia data scientia media diuina voluntas antecederet ad liberum eius decretum esset determinata ad tendendum in obiectum scientiæ mediæ; omnis autem determinatio, quæ antecedit liberam voluntatem, ponit necessitatem. Quod autem diuina voluntas esset tunc determinata ad tendendum in obiectum scientiæ mediæ, patet, quia debet in illud tendere prout proponitur ab intellectu, intellectus autem proponit illud, quod videt futurum, non aliud, ne legatur libertas &c.

275 *Secunda concl. Scientia media non est necessaria ad certitudinem diuinæ prædestinationis, sed sine illa potest optime Deus quem sibi placuerit prædestinare.* Sic omnes Thomistæ, & quotquot negant scientiam mediæ. Ratio constat ex dictis, quia eo ipso, quod diuina voluntas est efficacissima, ut quicquid voluerit fieri à creatura libero modo, id fiat; & hoc cognoscat Deus per scientiam simplicis intelligentiæ, sequitur, quod poterit Deus certissime quem sibi maluerit prædestinare, & ita erit, cum diuina voluntas frustrari non possit.

276 *Tertia concl. Si daretur scientia media tolleretur certitudo diuinæ prædestinationis.* Sic omnes Thomistæ, ut testantur N. Salmant. Probat. 1. quia de essentia prædestinationis est, quod sit causa efficax mediorum conducentium ad consecutionem æternæ vitæ; seu de essentia prædestinationis est, quod sit certa; sed si supponeret scientiam mediæ non esset certa; ergo, &c. Maior nota est, tum quia cum prædestinatio sit perfectissima quædā prouidentia debet esse certissima causa eorum mediorum, quæ ad finem ipsius considerantur. Tum etiam, quia prouidentia

pra-

practica, & specialis, qualis est, prædestinatio, supponit efficacem voluntatem finis, efficax autem voluntas finis infert efficaciter executionem mediorum ad illū finem deferuentium. Minor probatur, quia si daretur scientia media, per quam Deus cognoscat antecedenter ad prædestinationem, & independentem ab illa, quod si Petrus in his, & illis occasionibus vocetur, & constituatur, consentiet, & perseverabit, & vitam æternam consequetur, tunc ista media, & vitæ æternæ consecutio non penderet à prædestinatione tanquam à causa illorum, cum per scientiam mediam prævideantur pendere à voluntate creata. Ergo data scientia media, prædestinatio non erit certa, cum intantum sit certa, inquantum certū, & infallibiliter infert media efficaciter inferentia consecutionem.

277 Probatur 2. quia cum dicitur Deum cognoscere, quod si Petrus vocetur in his, aut illis circumstantiis consentiet, & perseverabit, vel in hoc obiecto continetur etiam prædestinatio saltem implicite, ut fiat sensus, quod si Petrus prædestinetur, & vocetur in dictis occasionibus, consentiet, & perseverabit, vel non continetur? Si primum, ergo illud obiectum non cognoscetur per scientiam mediam, sed per scientiam simplicis intelligentiæ, quia hæc consequentia formalis est, & cuique nota: Si Petrus prædestinetur, salvabitur. Si secundum, ergo scientia illa, qua cognoscitur prædictum obiectū independentem à prædestinatione, non poterit coherere, cum essentia eiusdem prædestinationis, de cuius ratione est, quod obiectum ab illa dependeat.

278 Probatur 3. Petrus in sensu absoluto ordinatus in vitam æternā, illam non consequitur nisi dependentem à prædestinatione tanquam à causa illius consecutionis; ergo etiam in sensu conditionato non ordinabitur, nec respiciet vitam æternam nisi dependentem ab eadem prædestinatione sub eodem statu conditionato; ac proinde antecedenter ad prædestinationem non poterit per scientiam mediam certū cognosci Petri v. g. prædestinatio, cum

enim non dependeat nisi à prædestinatione conditionata, antecedenter ad hanc non cognoscetur. Antecedens constat, & non negatur ab adversariis. Consequenter probatur, quia quod requiritur ex parte causæ executioni mandetur futurum absolutum, desideratur sub hypothese ut executioni mandetur futurum conditionatum, cum eadem sit causa rei sub statu conditionato, & sub statu absoluto.

279 Probatur 4. Quia illa scientia debet præcedere ut necessaria ad certitudinem prædestinationis per quam cognoscitur specialitas doni perseverantiæ, & infallibilis nexus, quem habet cum ipso perseverare; & illa scientia repugnat præcedere ad illam ut quid necessarium ad eius certitudinem per quam prædicta specialitas, & nexus cognosci nequit sed hoc cognosci nequit per scientiam mediam, ergo repugnat, quod hæc detur ut necessaria ad prædestinationem. Maior nota est, quia ad prædestinationem requiritur, quod præcedat scientia, & certitudo mediorum. Minor probatur, quia specialitas doni perseverantiæ affert secum bonitatem consequentiæ, ita quod hæc sit legitima consequentia. Si Petro tribuetur donum perseverantiæ, perseverabit; sed circa hoc obiectum non versatur scientia media, quæ non insituit bonitati consequentiæ, sed versatur tantū circa veritates conditionatas per suos auditores; ergo, &c. Tum quia aliās prædestinatio solum adderet supra providentiam Dei generalem, certitudinem præscientiæ, quatenus de prædestinato solū scit Deus, quod non deficiat à consecutione eiusdem salutis; hoc est magnum inconueniens; ergo. Maior nota est, quia divina voluntas nil efficaciter vult prædestinato sub statu conditionato, sed solum scit quid faciet in illa rerum serie. Minor probatur, quia aliās prædestinatus non differret à non prædestinato ex parte ordinis, seu directionis divinæ, & peculiaris efficacitatis ipsius; & sic præscientia esset causa prædestinationis, & non esset omnino gratuita, &c.

280 Primum argum. est, quia non potest Deus aliquem ad ultimum prædestinare,

nare, per prædestinationem omnino certam, nisi sciat media, quibus est vitam æternam consequutus; sed hæc media sciuntur per scientiam mediam; ergo. Maior nota est, aliàs temere, & non certo Deus prædestinaret. Minor probatur, quia hæc media non possunt esse alia, nisi quod in tali, aut tali occasione consentiet, & perseverabit, quod etiam si urgeatur talibus, aut talibus tentationibus, non succubet, &c. sed hæc pertinent ad obiectum scientiæ mediæ; ergo. Resp. concedendo maiorem, & negando minorem. Ad probationem dico, quod mediæ per quæ adultus consequitur vitam æternam sunt bona opera, quæ ut cognoscantur non est necessaria scientia mediæ, sed sufficit scientia simplicis intelligentiæ per quam cognoscit Deus efficacitatem suæ voluntatis, quod quicquid voluerit, & eo modo quo voluerit, fieri & quod si hæc, aut illa bona opera præstiterit, per quæ vita æterna consequatur, liberè, & infallibiliter ponentur.

281. Secundum argum. est, quia si Deus aliquid prædestinat dependens à voluntate creata antequam per scientiam mediam prævideat eius consensum, tollitur libertas arbitrii creati, quia infallibilitas talis consensus provenit ab aliquo extrinseco, quod non est in potestate voluntatis, ergo, &c. Resp. negando antecedens, divina namque voluntas non tollit, sed ponit libertatem, & est tale antecedens, quod licet infallibiliter inferat consequens, liberè tamen, non necessariò infertur.

D V B I V M XXVII.

An scientia mediæ habeat specialem impossibilitatem cum prædestinatione adultorum.

282. **N**egant auctores scientiæ mediæ. Nostra sententia seq. concl. explicator. *Scientia mediæ habet specialem impossibilitatem cum prædestinatione adultorum quatenus istorum prædestinatio, falsum conaturaliter, debet fieri independenter à præiudiciis meritis, & futuris.* Hanc conclus. tenent Thomistæ, & alij plures, ut te-

stantur N. Salmant. Quod prædestinatio non debeat fieri ex præiudiciis mentis, infra ostendetur q. 23. & tradit Apost. Rom. 9. ibi. *Cum enim nondum nati fuissent, aut aliquid boni, aut mali egissent (ut secundum electionem propositum Dei maneret) non ex operibus, sed ex vocante dictum est ei, quia maior serviet minori, sicut scriptum est Iacob dilexi, Esau autem odie habui.* Quæ verba sic explicat Ecclesiæ lumen Aug. lib. 2. contra duas epist. Pelag. cap. 7. *Propter quod desipitis, qui dicente veritate non ex operibus, sed ex vocante dictum est, vos dicitis ex futuris operibus, quæ Deus illum futurum esse præsciebat, &c.*

283. Ratio conclusionis est, quia si Deus per scientiam mediam prævideat, quod Petrus sit resistiturus gratiæ, & non perseveraturus in hac rerum serie, in hoc, aut illo rerum, & occasionum ordine, non posset illum prædestinare, hoc est falsum; ergo & id vnde sequitur. Maior probatur, quia secundum auctores oppositæ sententiæ ad hoc ut Deus aliquem adultum prædestinet, requiritur indispensabiliter ut per scientiam mediam prius videat, quod si homo prædestinandus constituitur in hoc, aut illo rerum ordine non resistet gratiæ, sed consentiet; & perseverabit; ergo si prævideat, quod in hoc rerum ordine non consentiet, nec perseverabit, non poterit eum prædestinare, aliàs lædet eius libertatem. Quod ergo Deus aliquem prædestinet, dependet à bono consensu prius cognito per scientiam mediam. Si enim negatio est causa negationis, & affirmatio est causa affirmationis.

284. Huic efficacissimæ rationi respondent primò aduersarij, casum esse impossibilem, quia licet Petrus non sit consensurus, & perseveraturus in hoc rerum ordine, dabuntur tamen alij plures in quibus consentiet, & perseverabit. Sed contra, quicquid sit an in alijs ordinibus possit consentire vocationi, & perseverare; tamen in eo in quo prævidetur dissensurus, & non perseveraturus, in eo prædestinari non poterit, ne eius libertas lædatur. Tum quæ non potest assignari ratio sufficiens propter quam sit infallibile, Petrum

trum

trum constitutum in hac serie esse consensurum, & non in alia, & è contra, maxime cum voluntas Dei vocantis, & præcedens consensum Petri non sit efficax, & infallibiliter inferens effectum.

285 Respondet Suarez, quod cum bona opera adultorum futura sub conditione non possint habere rationem meriti, sequitur, quod ut præquisita per scientiam mediam non possint concurrere ad prædestinationem eorum tanquam causa, aut motuum diuinæ voluntatis, licet præcognosci debeant per scientiam mediam, sicut & futurus consensus, ad hoc ut prædestinatio sit certa. Sed contra, quia licet ex hac solutione sequatur, quod prædestinatio non dependeat ex ipsis operibus, nõ tamen saluatur, quod eadem prædestinatio non dependeat ex præquisitione dictorum operum, & maxime ex consensu prædestinandorum. Tum quia negari non potest, quod si semel bona opera cognoscuntur ut futura sub statu conditionato, non habeant rationem meriti in hoc statu. Si enim bona opera, per auctores scientiæ mediæ, sub statu absoluto habent rationem meriti, id ipsum habebunt sub statu conditionato. Tum etiam quia, si semel admititur esse indispensabiliter requisitum ad hoc quod Deus aliquem adultum prædestinet, quod prius per scientiam mediam prævideat bonum consensum voluntatis, & perseverantiam in gratia, negari non potest, quod prædestinatio non fiat ex bonis operibus; bonus namque voluntatis consensus, & perseverantia in bono opere, non possunt non esse opera bona.

286 Respondet alij, quod licet Deus prævideat opera bona Petri si poneretur in illo rerum ordine, ita etiam prævidet illius demerita in alio rerum ordine, & tunc nulla est ratio ob quam magis ponatur in illo rerum ordine in quo est habiturus merita, quam in illo in quo est habiturus demerita. Et sic prædestinatio ex pura misericordia est, magna namque est misericordia, quod Petrus ponatur in illo ordine, in quo habet merita, & non in illo in quo habet demerita. Sed contra, quia non occurritur axiomati adducto, quod si af-

firmatio est causa affirmationis, ita negatio est causa negationis; ac proinde si ex hoc, quod Deus prævideat Petrum non esse consensurum vocationi, non prædestinatur; ex hoc quod prævidetur consensurus, prædestinabitur, & sic prædestinatio erit ex meritis. Tum quia licet non detur causa ob quam magis ponatur in hoc rerum ordine, in quo prævidetur Petrus consensurus, tamen coelecto in quo bonus consensus prævisus est, non potest non prædestinatio pendere ab illo bono consensu prævisio.

287 Sed obijcies, quia in quacunque sententia prædestinatio adulti dependet à libero consensu illius, qui cum sit bonus, sequitur, quod in quacunque sententia, prædestinatio dependeat ex bonis operibus. Deinde prædestinatio dependet ex meritis possibilibus, quia Deus non potest adultum eligere ad gloriam per modum coronæ, nisi prævideat illum posse habere merita quibus illam consequetur. Resp. quod in nostra sententia requiruntur merita non tanquam causa prædestinationis, sed tanquam effectus illius; at in sententiâ opposita merita sunt ratio à priori prædestinationis. Vnde in nostra sententia non dicitur prædestinatio fieri ex meritis prævisis, sed illatis, at in sententiâ opposita, prædestinatio fieri dicitur ex prævisis meritis.

288 Ex dictis poni potest alia conclusio, scilicet. *Data scientia media nunquam potuisset Deus prædestinare aliquem ex illis, qui in peccato letali mortui sunt.* Ita D. Thomæ discipuli, ut testantur N. Salmant. Ratio conclusionis est, quia de Iuda, v.g. possunt formari hæ duæ contradictoriæ. Si Iudas creetur, morietur in peccato; Non si Iudas creetur, morietur in peccato, nam data scientia media, scit Deus ante suum decretum efficax, quænam ex illis sit determinatè vera, & quænam determinatè falsa; non sciuit affirmatiuam esse falsam, quia euentus demonstravit esse veram, quia de factis mortuus est in peccato mortali; ergo si sciuit Deus Iudam fore mortuum in peccato mortali non potuit illum, data hac prævisione per scientiam

mediam, saluare. Hoc argumentum applicari potest omnibus alijs damnatis.

D V B I V M XXVIII.

Ex quibus alijs capitibus probetur impossibilitas scientia media.

289 **I**mpossibilitas scientia media ex sequentibus conclusionibus constabit. Prima conclusio. *Scientia media est impossibilis à priori, seu eius impossibilitas à priori ostendi potest.* Sic post alios N. Salm. disp. 12. dub. 1. Probatur. Ante decretū efficacis, seu absolutum, seu conditionatū diuinæ voluntatis, nihil habet rationem futuri siue absoluti, siue conditionati; ergo repugnat, quod cognoscat per scientiam mediam; ac proinde scientia media est impossibilis; ubi enim repugnat obiectum scientiæ, ibi repugnat scientia; si ergo ante decretum, nullum est futurum, nulla erit scientia, quæ cognoscat illud. Antecedens ostensum est supra, quia sicut esse possibile est tale per dependentiam à diuina omnipotentia, ita esse futurum est tale per dependentiam à diuina voluntate; quia, sicut nihil habet esse possibile à se, ita nihil habet esse futurum à se; sed sicut possibilitas incipit à diuina omnipotentia, ita futuritio incipere debet à diuina voluntate. Tum quia ante decretum diuinæ voluntatis non datur aliquod medium in quo futura quæcunque cognoscantur; si aliquid namque esset, maximè diuina essentia, sed hæc ante decretum, sola possibilia repræsentat; ergo.

290 Secunda conclusio. *Scientia media est impossibilis, quia si daretur, tolleretur à Deo rationem primæ causæ, primique auctoris gratia.* Sic Salmant. loco cit. dub. 2. Probatur 1. Quia ex positione scientia media sequitur, quod prima radix futuritionis conditionatæ nostri actus liberi etiam boni non refundatur in Deum, sed in voluntatem creatam, & sic conuersio v.g. Petri sub statu conditionato, non deberetur Deo ut primo auctori, sed propriæ illius voluntatis, quod est auferre à Deo rationem primæ causæ, primique auctoris

gratiæ; illi namque debetur Petri conuersio, à quo primo oritur eius futuritio; hæc primò oritur à voluntate Petri; ergo.

291 Respondent 1. auctores scientia media, quod Deus est prima causa talis futuritionis, non ratione decreti efficacis conditionati actū existentis, quo talis conuersio sit volita sub conditione; sed ratione diuini decreti, quod obiectiue præcedit dandi auxilium sufficiens pro illa conuersione ponenda. Sed contra, quia per tale decretum obiectiue præfens de dando auxilio sufficienti, non est magis volita conuersio, quam non conuersio, ergo ratione illius præcisè non potest Deus esse prima radix, primusque auctor gratiæ. Antecedens probatur, quia per illud decretum, solum vult Deus concurrere ad conuersionem Petri si ipse voluerit, vel ad non conuersionem, si noluerit, ergo quod de facto ponatur conuersio, non habet ortum à diuino decreto, sed à libera Petri voluntate. Tum quia voluntas illa Dei quæ ponitur obiectiue præfens, & est prior ordine rationis, quam Deus nostro modo intelligendi cognoscat an voluntas Petri sit consensus, nullo modo determinat eandem Petri voluntatem ad consensum, sed eam indifferentem relinquit; ergo quod Petri voluntas determinetur ad consensum non est ab illa Dei voluntate, sed à voluntate Petri. Tum quia illa voluntas diuina non dat Petro actū conuerti, sed solum posse conuerti; ergo ipsum actū conuerti, non erit ab illa Dei voluntate.

292 Respondent alij, quod ea conuersio debeat tribui Deo, quia illa voluntas fuit congrua. Sed contra, quia illa voluntas pro eo signo quo tam ipsa, quam liberum arbitrium Petri præsupponit ad scientiam mediam qua Deus cognoscit Petri conuersionem ut determinatè futuram, non potest dici congrua per se, & quantum est ex vi sua, sed solum potest dici congrua accidentaliter, & ab effectu; ergo præcisè ratione illius non potest talis conuersio tribui Deo ut primo auctori. Antecedens probatur, quia pro illo priori in quo intelligimus Deum habere illam voluntatem erga Petrum, nondum scit

M m quid

quid sit factura Petri voluntas, quousque in posteriori rationis videat illius operationem, ergo pro illo priori ea voluntas non est congrua.

293 Probatur 2. quia ex positione scientiæ mediæ solum sequitur, quod Deus sit causa huius, quod voluntas creata ponatur in hoc, aut illo rerum ordine, in quo isti, aut illi actus ex se futuri sunt, non tamen quod sit causa illorum actuum quoad substantiam, & alias circumstantias; ergo Deus nō erit prima causa dictorum actuum, cum à Deo non cognoscantur per scientiam mediam ut profecturi à divina voluntate, sed à voluntate creata in illo, aut illo rerum ordine, &c.

294 Respondent 1. Deum esse primam causam, quia elegit hunc rerum ordinem in quo isti actus ponentur, non illum in quo non ponentur. Sed contra, quia ex hoc quod Deus elegit hunc rerum ordinem non dicitur producere actus liberos qui in eo ponuntur independentem à voluntate creata, sed dependentem, & ex suppositione, quod ab illa producantur; ergo adhuc non saluatur in Deo ratio primæ causæ, quoad omnem rationem, sed quoad ordinis electionem. Tum quia, secundum auctores scientiæ mediæ non vidit Deus hos, aut illos actus à voluntate creata futuros, quia ipse suo decreto eos præfinierit, sed quia voluntas creata eos productura erat; ergo. Tum etiam quia licet potnerit Deus pro sua libertate non condere hunc rerum ordinem, tamen ex suppositione quod illum condidit non potuit facere nisi illa eadem quæ per scientiam mediam facta invenit in illo obiectu.

295 Respondent 2. esse disparem rationem inter effectus, qui pendet à sola Dei voluntate, ut quod hoc uniuersum producat, quod iste aut ille ordo ponatur, &c. & inter effectus qui simul pendet à voluntate diuina, & creata, ut sunt actus liberi; quod effectus primi generis totaliter debent esse à prima causa; at effectus secundi generis non possunt esse à causa prima nisi dependentem à concursu, & consensu secundæ. Sed contra, quia aliud est

quod Deus sit causa actus liberi dependentem à consensu, & concursu causæ secundæ tanquam ab effectu infallibiliter secuto, & aliud est quod Deus sit causa, actus liberi dependentem ab ipsomet consensu creato, ut aliquid saltem obiectiue præcedens.

296 Respondent 3. quod voluntas illa Dei non est indifferens ad volendum, & nolendum, sed est ad volendum, seu ut absolutè creata voluntas velit, ut consentiat, non ut dissentiat, includendo tamen conditionem implicitam, si voluerit. Unde inquit, Deus non offert concursum determinatum, sed plures, ad diuersa obiecta diuersosque actus. Sed contra. Quia vel Deus per illum concursum ita determinatè concurrat ad actum amoris, ut etiam voluntas possit ponere odium, vel non, & primum; ille concursus iam erit indifferens; si secundum, iam voluntas prædestinetur, quod illi volunt. Tum quia Deus aliàs non influeret per modum libertatis, sed naturæ; nam vel voluntas in vim illius voluntatis potest velle oppositum, vel non. Si primum, est indifferens; si secundum erit per modum naturæ.

297 Tertia concl. *Scientia media est impossibilis, quia ea data non posset Deus ea adimplere, quæ promittit circa fidem, vel conuersionem creatura rationalis.* Sic Salmant. dicta disp. 12. dub. 3. post alios. Ratio clara est, quia data scientia media nō potuit Deus polliceri Abraham filios spirituales, quod scilicet esset pater multarum gentium, sed debebat prius videre per scientiam mediam, an illi essent consensuri vocationi; quæ scientia nisi supponatur, non potest Deus dare Abraham filios spirituales, nec eum patrem multarum gentium constituere.

298 Quarta concl. *Scientia media est impossibilis, quia ea data poneretur in Deo ignorantia, & cecitas, & operaretur ignorantem, & cæco modo.* Probatur 1. quia data scientia media, Deus influeret, ut auctores eius volunt, per voluntatem quandam indifferentem, quæ paratus est influere ad id, quod Petrus v. g. voluerit; sed iste modus influendi supponit ignorantiam, quia

quia pro illo priori nescit Deus determinatē in quam partem sit inclinanda voluntas, si enim hoc sciret, non offeret concursus indifferenter, sed determinatē pro ea parte in quam voluntas est inclinanda.

299 Respondet, quod Deus per scientiam mediā determinatē cognoscit, quid sit illud, quod à Peito eligendum sit. Sed contra, quia nos loquimur de illa voluntate quam habet Deus ante scientiam mediā, ad hoc ut ipsa scientia mediā attingat illud futurum conditionatum. Scientia namque mediā non facit suum obiectum, sed supponit illud futurum sub conditione, cum omnibus causalitatibus futuris in illo statu conditionato; inter illas autem causalitates est illa Dei voluntas concurrenti sub conditione cum voluntate creata: In illo ergo signo in quo intelligitur Deus paratus antecedenter ad scientiam mediā,

intelligitur operari cæco modo nesciens quid ex sua voluntate sequi debeat in posteriori signo. Supposito namque, quod scientia mediā non sit practica, ac proinde factiva obiecti, sed speculativa, debet supponere eius obiectum cum omnibus dependentiis essentialibus, inter quas una est, quod à Deo dependet per illam voluntatem saltem qua Deus intelligitur paratus ad concurrendum cum voluntate creata, ac proinde cum hæc voluntas præcedat scientiam mediā, cæco modo ponetur.

300 Probat 2. quia data scientia mediā Deus scit, seu discit ex euentu futuro, quod prius nesciebat. Quia in illo priori in quo Deus intelligitur dare auxilia sufficientia, inspirare, illustrare intellectum nostrum, non cognoscit ex vi illorum quid sit futurum, sed attendit per scientiam mediā quid re ipsa erit ex libertate creata.

DISPUTATIO XV.

IN QVÆST. XV. D. THOMÆ.

DE IDEIS.

ROBORAE arbores cum dentæ sunt folijs, alitudinis excessu, belè dispositæ, pulchritudinem referunt: & tamen non habent fructum hominibus apum, sed porcis. Vineæ autem per terram repens, maturarum: vuarum dulcem affert fructum. Quid ergo vis vineam habere, an arborem? puto te vineam eligere magis, quam arborem. Quid apertius est, quid paucius pulchrius? quid formica sapientius? & apis quidem dulcedinem in se habet, & aculeum, paucius verò solummodo in pennis est, non in fructu decorus: Formica contemptibilis hominibus, sed est virtutis magistra. Creaturas non in terra tantum, sed in cælo, sed in Deo attendamus; in terra sunt arbores, sunt vineæ, sunt apes, sunt alia, in

Deo sunt Deus; prius sunt in Deo, quam in se ipsis; in Deo sunt veluti in suo originali, in se sunt veluti copia, seu exemplaria; unaquæque habet in Deo suam formam, suam ideam, quam imitatur. Divina namque vita eminentissima est, & fecundissima, prius res in se concipit, quam pariat extra. Habet prius in se, rectum omnium notiones, quam ad extra producat; de his notionibus, seu ideis agit S. Doctor in hac q. 19. ex qua quæ necessaria sunt, promemus. Sic ergo.

D V B I V M I.

An in Deo sint ideæ.

Hoc dubium sic resolvit S. Doctor art. 1. *Necesse est ponere in mente divina ideam. Idea enim græcè, latine forma*

ma dicitur. Vnde per ideas intelliguntur forma aliarum rerum præter ipsas res existentes. Forma autem alicuius rei præter ipsam existens ad duo esse potest, vel ut sit exemplar eius cuius dicitur forma, vel ut sit principium cognitionis ipsius, secundum quod forma cognoscibilem dicuntur esse in cognoscente, &c.

3 Pro clariori intellectu, nota 1. quod primi ante Platonem fuerunt Philosophi Heraclius, & Cratylus, qui rerum naturalium formas separatas, ac stabiles exco-
gitant, ut certam de ijs scientiam tradi-
re possent. Hoc inuentum excoluit Plato,
ita tamen, ut eas formas præexistere di-
ceret in intellectu diuino, non in se ipsis
separatas, incorruptibiles, immortales.
Quo nomine laudatur à Cicetone lib. 1.
Tusculan. A' Seneca *epist.* 66. A' S. Iustino
martire, in *admonitorio aduersus gentes.* A'
clarissimo Eeck sive lumine lib. 7. *de ciuit.*
cap. 28. & lib. 83. *qu.* 46. Vnde non bene
Aristoteles in *metaphys.* impingit Platoni,
quod docuerit ideas alicubi separatas sub-
sistere extra diuinum intellectum. Ban-
nes hoc loco, & alij.

4 Nota 2. Ideas variè definiti. Alij sic
definiunt. *Est forma intellectui obiecta in-
tra ipsum existens, ad quam artifex inten-
dendi operatur.* Communis definitio sic tra-
ditur ex D. Aug. lib. 12. *de ciuit.* cap. 25.
Ex D. Thoma in testimonio relato, & de
veritate q. 3. art. 1. quod sit *forma intelli-
gibilis, quam effectus imitatur.* Dicitur *for-
ma intelligibilis*, ut intelligatur, quod est
extrinseca effectui, & ut intelligatur, quod
idea distinguitur ab externis exemplari-
bus, quæ artifices sæpè sibi proponunt, ut
cum pictores sibi proponunt imagines ex-
teriores, ut suum forment opus ad illarum
imitationem. Dicitur, *quam effectus imi-
tatur*, ad illas formas excludendas, quas
alix non imitantur.

5 Nota 2. quod ad rationem ideæ
tria requiruntur, primò ut sit forma intel-
ligibilis; secundo ut representet opus; tertio
ut dirigat agentem per intellectum ad ef-
formandum opus, per quod excluduntur
illæ formæ, quæ sortitò aliquam habent
similitudinem ad quosdam effectus. Ex-

cluditur etiam per hanc tertiam conditio-
nem forma naturalis, quæ licet producat
effectum sibi similem, ut ignis ignem, non
tamen per intellectu determinat sibi finem.

6 His positis sit vnica conclusio. *In
Deo dantur idea.* Hanc conclusionem tra-
dunt omnes Theologi cum D. Thoma hoc
loco, & omnes scholastici, & non desunt
qui putent eam esse de fide, cum Ioann. ri-
sic habeatur. *Quod factum est in ipso vita
erat*, id est, quod ad extra à Deo factum
est, seu creatum; in ipso Deo viuit; non
secundum suum esse reale ad extra, cum
secundum illud non semper extiterit, &
fuerit tantum in tempore creatum, & inter
ea, quæ sunt creata multa sint vitæ exper-
tia, sed secundum illud esse, quod habet
in Deo, quod est esse viuens, intellectu-
ale, & importatur nomine ideæ. Et sic vni-
quodque creatum viuit in Deo secundum
suam ideam in ipso existentem. Colligi-
tur etiam nostra concl. ex illo Apost. He-
bræor. 11. *Fide intelligimus operata esse se-
cula Verbo Dei, ut ex inuisibilibus, visibilia
fierent.* Certè per res inuisibiles ex quibus
visibiles fiunt, aliud Apostolus intelligere
non potuit nisi diuinas ideas, quæ in mente
diuina inuisibiliter existentes sunt exem-
plaria, formæ, vel ratio, ex quibus visibi-
lia ista fiunt.

7 Probatur ratione desumpta ex cõ-
tato D. Thomæ testimonio, quoniam om-
ne agens in tantum agit per formam, in
quantum similitudo formæ in ipso præexi-
stet. Vnde si agens sit naturale, in ipso præ-
existit forma secundum esse naturale; si
agens agat per intellectum, forma debet
in eo præexistere secundum esse intelli-
gibile; sed Deus est agens, seu producit crea-
turas per intellectum; ergo agere debet
per formam intelligibilem in ipso præexi-
stentem, hæc autem forma aliud esse ne-
quit, nisi idea, ergo, &c.

8 Confirmatur 1. quia Deus non co-
gnoscat res per species illarum, nec per
earum essentias, quia in Deo non dantur
formaliter species rerum, nec earundem
rerum essentia; ergo cognoscat illas per
earum similitudines, quæ aliud non sunt
nisi earum ideæ. Confirmatur 2. quia

spe-

D V B I V M II.

In quo consistat ratio ideæ.

speculum non ducit in cognitionem rerū, nisi earum similitudines in eo resplendeant; sed diuina essentia est speculum ducens in cognitionem omnium creaturarum; ergo debent in ea esse similitudines omnium illarū, hæc autem sunt ideæ; ergo. Quo modo autem ideæ in diuina essentia resplendeant, quomodo ab ipsa distinguantur, & alia, infra dicetur.

9 Obijcies 1. ex D. Anselmo in monologio cap. 29. sic dicens. *Satis manifestum est, in Verbo per quod facta sunt omnia, similitudines rerum non esse, sed simpliciter essentiam*; ergo si in Verbo non sunt similitudines rerum, non erunt ideæ. Confirmat hoc, dictum D. Dionysij Areop. cap. 7. de diuin. nom. scilicet: *Deus non cognoscit res secundum ideam*. Recip. quod sensus est, quod in Verbo non sunt similitudines à rebus desumptis, nec Deus cognoscit res per similitudines earumdem rerum; nec cognoscit easdem res per illarum ideas ex parte ipsarum se tenentes. Pro quo nota, quod idea aliquando, licet improprie accipitur pro conceptu obiectiuo rerum, seu pro essentia rerum, prout intellectui obijciunt, & hoc modo Deus non cognoscit res per suas ideas: proprie autem idea est forma in intellectu existens, ut ex dictis colligitur, & ex dicendis magis constabit.

10 Obijcies 2. quia de ratione ideæ est, quod sit formalis similitudo ideati; sed essentia diuina non est formalis similitudo creaturarum; ergo non est idea illarum. Maior nota est, ex illo Platonis. *Ideas esse rerum similitudines*. Minor constat, quia Deus non potest dici similis creaturis, sed creaturæ dicuntur similes Deo. Respond. quod de ratione ideæ non est, quod sit tantum similitudo ideati, sed quod sit similitudo formalis, & eminens; diuina autem essentia licet non sit tantum similitudo creaturarum, est tamen similitudo formalis, & eminens, sed hæc ex infra dicendis magis constabunt.

11 **P**rima sententia est Scori, Ocharmi, & aliorum in 1. sent. dist. 36 quod ideæ diuinæ sunt ipsæ creaturæ secundum quoddam esse obiectiuum, quod habent in mente Dei. Nostra sententia sequentibus conclusionibus explicatur. Prima concl. *Ideæ diuinæ nō sunt ipsæ creaturæ obiectiuè existentes in mente Dei, sed sunt aliquid formaliter nostro modo loquendi in Deo subiectiuè existens*. Colligitur hæc conclusio ex D. Dionysij de diuin. nom. cap. 5. ubi ideæ vocat substantificas. Et ex D. August. lib. 11. de ciuit. cap. 10. ubi dicit ideas esse immutabiliter permanentes. Et lib. 8. 3. q. 46. dicit ideas Dei esse tales, ut ex earum inspectione beatitudo obiectiuè consistat, & quod Deus fabricando mundū non inspexit ad aliquid extra.

12 Probatur 1. Deus cum sit agens per intellectum, & voluntatem non potest ad extra agere sine ideis; sed potest agere sine creaturis; ergo diuinæ ideæ, quibus Deus vtitur ad agendum ad extra non possunt esse ipsæ creaturæ obiectiuè existentes in mente Dei.

13 Probatur 2. quia eadem res numero ab artifice producenda, nequit esse sui ipsius idea; ergo creaturæ obiectiuè in mente Dei existentes nō possunt esse ideæ; conseq. nota est, quia creaturæ obiectiuè in mente Dei existentes non distinguuntur, sed sunt ipsæ res numero, id enim, quod habet esse in se, in Deo habet esse obiectiuè. Antecedens probatur, quia idea est causa ideati; sed est impossibile, quod idem sit causa, & effectus; quod idē se ipsum causet. Maior constat, quia eo ipso, quod idea habet rationem saltem formæ exemplaris non potest non habere aliquem ipsi fluxum, saltem determinando agens ad agendum. Minor probatur, quia causalitas causæ exemplaris in hoc posita est, quod ad eius imitationem aliquid fiat; nihil autem potest se ipsum imitari.

14 Sed obijcies 1. Finis in esse cognito, seu obiectiuè apprehenso concurrat ad

ad productionem sui in esse reali; ergo etiam una, eademque res in esse obiectiuo potest esse idea sui in esse reali. Resp. concedendo antecedens, & negando consequens. ratio discriminis est, quia causalitas finis, est solum metaphorica excitando ad desiderium sui, ad quod sufficit, quod proponatur voluntati per intellectum bonitas illius apprehensa, & ut consequibilis. At causalitas causæ exemplaris causat per realem convenientiam, & proportionem, inclinando, & determinando agens ad productionem idearum, quod conuenire non potest nisi formæ realiter existenti.

15 Obijcies 1. Sicur se habet domus, seu arca præconcepta ut factibilis ab artifice, ad se ipsam in re arte facta; & sicut se habet sanitas in mente arte medica præconcepta ad se ipsam à medico in corpus infirmi introductam, ita se habent res omnes ab intellectu diuino ab æterno præcognitæ ut possibiles ad se ipsas realiter productas, sed arca ab artifice præconcepta, & sanitas à medico præconcepta, habent veram rationem idearum, respectu arcæ exterius elaboratæ, & sanitatis in corpus infirmi inductæ; ergo etiam creaturæ præconceptæ ut possibiles, & ut obiectiue præsentis, habebunt rationem idearum, respectu earumdem ut extra productarum. Antecedens est Arist. 7. Metaphys. cap. 3. ubi dicitur. *Domum extra, fieri à domo in mente*, & cap. 7. dicitur. *Sanitatem corporis fieri à sanitate in mente* scilicet tanquam ab idea, & exemplari. Hinc videmus domificatorem omni studio curare efficere ad extra eandem numerum domum, quam intra concepit, aliàs idea non esset regula directrix, & determinatrix actionis artificis. Consequentia nota est ex antecedenti. Nec valet respondere, quod idem non possit esse sui ipsius causa; Nam licet hoc verum sit secundum idem esse, non tamen secundum diuersum esse; eadem namque res in esse representatiuo, seu obiectiuo potest esse causa sui ipsius in esse naturali, ut constat de domo in mente artificis, quæ est causa sui ipsius in esse naturali.

16 Respond. 1. quod domus, arca, & quodlibet artefactum in mente artificis

creati, ut est obiectiue præsens in eius intellectu, non est propriè loquendo idea; res; idea namque etiam in artifice creato non est ipsa res facienda obiectiue præsens, sed, est similitudo rei mente præconcepta, realiter distincta à re facienda, ad quam similitudinem res fit exterius, ac proinde neque in Deo idea erit res facienda prout obijciunt cognitioni illius. Pro quo nota, quod idea duo præcipuè habet munia, ut communiter traditur. Vnum, quod dirigat actionem agentis intellectus, ut in certum terminum, & scopum tendat. Alterum, quod mensuret opus ideatum, seu exemplatum tanquam propria, & adæquata regula illius; ipsæ autem creaturæ in Deo obiectiue existentes nequeunt hæc munia exercere, cum nequeæ dirigere actionem Dei, sed sint id, ad quod actio Dei tendit.

17 Resp. 2. quod dato, quod artefactum ut est obiectiue præsens artifice creato esset propriè idea, non tamen hoc dici potest de Deo; nulla namque creatura obiectiue præsens in mente Dei, potest esse idea respectu Dei ad productionem dictæ rei obiectiue præsentis, sicut potest esse in artifice creato; & hoc propter discrimen quod intercedit inter modum sciendi, & operandi Dei, & artificis creati. Nam modus sciendi, cognoscendi Dei, & operandi, est, quod non accipiat cognitionem, scientiam, & regulam operandi rebus, sed à se, ut constat; at modus sciendi, cognoscendi, & operandi artificis creati oppositus est; & sic artifex creatus potest habere ideam à se distinctam; non Deus; si enim idea qua Deus utitur ad producendum hominem esset homo obiectiue præsens, iam Deus ab homine acciperet scientiam hanc practicam productionem hominis ab homine; ab homine obiectiue præsentem regularetur, & dirigeretur, quod est absurdum.

S. I. Ponitur 2. conclusio de ideis, & explicatur.

18 **S**ecunda conclusio. *Idea diuina, sunt ipsam et essentia diuina. Hæc*
con-

conclusionem tradunt omnes D. Thomæ discipuli & constat ex dictis pro 1. conclusione. Si enim ideæ diuinæ non sunt ipsæ nec creaturæ obiectiue præsentēs Deo, sequitur, quod debeant esse aliquid diuinum, quod habeat rationem formæ exemplaris dirigentis, & regulantis Deum ad productionem creaturarum, hoc autem non nisi diuinæ essentia copetere potest, hæc enim sola potest esse in intellectu. Sed quia essentia diuina dupliciter potest intelligi esse in intellectu diuino. Vno modo per modum speciei expressæ, & quasi subiectiue, alio modo per modum speciei impressæ, seu verbi, & quasi obiectiue; ideo videndum est secundum quam rationem essentia diuina habeat rationē ideæ, an secundum primum munus, an secundum alterum, an secundum vtrumque simul. Dico 1. Essentia diuina non exercet rationem ideæ quatenus habet rationem speciei impressæ. Probat, quia essentia diuina vt habet rationem speciei impressæ solum habet rationem obiecti motui, & est veluti semen obiecti, ac proinde vt sic non habet rationem exemplaris ad quod Deus respiciat vt operetur; tum quia essentia diuina vt fungitur officio speciei impressæ non dirigit intellectum ad productionem, cum secundum hanc rationem non sit similitudo expressa, sed tantum effectiua; tum etiam quia essentia diuina hoc modo non cognoscitur vt medium cognitum, quod dirigat ad operationem, sed ad summum cognoscitur vt quo.

19 Dico 2. Essentia diuina non fungitur officio ideæ, secundum quod eminenter continet creaturas. Probat, quia ad rationem ideæ requiritur formalis similitudo secundum esse intelligibile ad opus producendum; sed diuina essentia vt continens in se ipsa eminenter creaturas, non est huiusmodi; ergo, &c. Maior constat ex dictis; Minor probatur, quia essentia diuina non aliter representat creaturas, nisi quatenus est causa illarum, vt *disp.* 14. dictum est, hoc autem modo eas non representat vt forma, sed vt efficiens; omnis namque causa vt talis, ducit in cognitionem suorum effectuum. Vnde essentia di-

uina vt continet creaturas eminenter, ad summum eas representat vt factibiles, non vt idea edcata.

20 Dico 3. Essentia diuina fungitur officio idearum secundum quod fungitur officio verbi, seu prout est in intellectu diuino obiectiue, & cognoscitur vt imitabilis à creaturis; seu & in idem recidit, essentia diuina est idea prout obijcitur vt imitabilis tali, vel tali modo à creaturis. Sic Thomistæ hoc loco, & Capreol. in 1. diff. 36. q. 1. ad argum. Aureol. Ferrar. in 1. contra gent. cap. 54. & alij. Ratio clara est ex dictis, quia essentia diuina vt concipitur à diuino intellectu vt imitabilis tali, vel tali modo, habet omnia, quæ ad rationem ideæ desiderantur, habet namque rationem exemplaris decretantis, & dirigentis diuinum intellectum ad productionem creaturarum, est perfectissima idearum regula; &c.

§. II. Ponuntur alia conclusiones pro completa idearum intelligentia.

21 **T**ertia cōcl. Diuina essentia prout præintelligitur cognitioni creaturarum, non exercet rationem ideæ. Ratio est, quia diuina essentia, non est idea nisi prout obijcitur diuino intellectui, seu nisi prout cognoscitur vt imitabilis diuersimodè à creaturis; sed hoc modo cognosci non potest sine creaturis; ergo prout cognoscitur vt præcedens cognitionem creaturarum, non potest esse idea, seu non potest habere rationem ideæ. Maior nota est ex dictis. Minorem ostendo. 1. Quia imitabile, & imitatum; idea, & ideatum, dicuntur correlatiue, ergo non potest vnū cognosci sine alio. Secundò, quia essentia diuina non exercet rationem ideæ in quantum quod est essentia, sed in quantum quod est similitudo, vel ratio huius, aut illius rei; ergo non exercet rationem ideæ antequam cognoscatur vt similitudo, aut ratio huius, illiusve rei.

22 Hinc resolues dubium, quod ab aliquibus in hac materia proponitur, an scilicet essentia diuina exerceat rationem ideæ pro quocunque signo, v. g. ante originem

ginem Filij, & Spiritus Sancti. Ad quod dico, quod si diuina essentia concipiatur ut exercet rationem ideæ in actu primo respectu creaturarum possibilem, tunc fungitur rationem ideæ ante originem diuinarum personarum. Cum enim Verbum diuinum procedat ex cognitione etiam creaturarum possibilem, ut communiter tradunt Theologi cum D. Thoma *infra q. 27. cum seq.* & nos ibi trademus, sequitur, quod diuina essentia ut præintelligitur processioni diuinarum personarum, scilicet Filij, & Spiritus Sancti, exerceat rationem ideæ. Si verò essentia diuina consideretur ut exercet rationem ideæ in actu secundo, supponit completum processum prædictarum processionum, seu originum. Cum enim hoc modo ratio ideæ supponat liberum diuinæ voluntatis decretum, & hoc supponat completum processum dictarum originum, sequitur, quod diuina essentia prout hoc modo exercet rationem ideæ, supponat dictas diuinas personas productas, opera enim ad extra cum libera sint, sunt indiuisa Trinitatis.

23 Quarta concl. *Idea exercet rationem causæ formalis, efficientis, & finalis.* Sic Thomistæ hoc loco. Quod idea exerceat rationem causæ formalis, constat ex dictis, idea namq; concurret tanquam obiectum cognitum, ad quod attendens artifex producit ideatum simile suæ ideæ, seu suo exemplari. Quod autem concurret etiam tanquam causæ efficiens, etiam constat, quia dirigat, & determinat agens ad agendum, & ad agendum tali, vel tali modo, scilicet secundum exemplar. Quod etiam concurret in genere causæ finalis, patet, quia obiectiue mouet ut finis; potissima tamen ideæ causalitas, est formalis, ut constat.

D V B I V M. III.

An in Deo sint plures idee.

24 **H**oc dubium expedit S. Doctor art. 2. dicens: quod in Deo debentur plures idee, cum in eo sint plures rationes participabilitatis; seu quod plurali-

tas idearum desumatur à pluralitate modorum, quibus Deus cognoscit suam essentiam esse participabilem, seu imitabilem à creaturis. Deus namque cognoscit suam essentiam perfecte, atque adeo secundum omnem modum quo cognoscibilis est, ac proinde non solum prout habet esse in se, verum etiam prout est imitabilis à creaturis, & sic prout est idea creaturarum; D. Thomam sequuntur communiter Theologi.

15 Contra hanc D. Thomæ, & communem Theologorum sententiam tenet Aureolus in 1. dist. 26. q. 1. dicens in Deo esse unicam tantum ideam. Eandem sententiam tenuit Auicena ex principio erroneo, quo putabat Deum non creasse nisi primam intelligentiam, per ideam illius, & quod hæc intelligentia per ideam à Deo receptam creauit aliam, & sic deinceps.

26 Nostra sententia seq. concl. explicatur. *In Deo dantur plures idee creaturarum.* Hanc conclusionem tradunt omnes Theologi, & scholastici. Et ratio ipsa conuincit, quia, ut dicebamus, idea nil aliud est quam ipsa essentia diuina prout cognita à diuino intellectu ut imitabilis à creaturis; sed est diuersimodè imitabilis, seu cognoscitur ut diuersimodè imitabilis à diuersis creaturis, & quatenus cognoscitur ut imitabilis ab vna, non cognoscitur ut imitabilis ab alia; ergo non vna, sed plures dantur imitabilitates, seu ideæ in essentia diuina. Tum quia essentia diuina, ut dicit D. Thomas in 2. testimonio allato, secundum se cognita, non est idea, sed cognita sub ratione imitabilitatis, sed hæc imitabilitas non est vna, sed plures; ergo idea non est vna, sed multiplex.

27 Primum argum. est, quia in Deo est vnica idea totius vniuersi; ergo idea non multiplicatur. Conseq. nota est, quia partes producuntur per ideam totius; ergo si semel datur vnica idea totius vniuersi, per eam omnes partes illius fieri possunt. Antecedens est D. Thomæ in hoc articulo, ibi *Si ipse ordo vniuersi est per se creatus à Deo, & insensibilis ab ipso, necesse est, quod habeat ideam ordinis vniuersi.* Vbi ut vides aperte tenet, quod Deus unicam habeat ideam totius

totius domus; ita & artifex increatus vnicam habebit ideam huius magnæ domus vniuersi. Resp. concedendo antecedens, & negando consequens. habet namque Deus non solum vnicam ideam, quæ representat ordinem totius vniuersi, verum etiam habet ideam partium eius. Cum enim poterit Deus Producere vnâ solam partem huius vniuersi, alijs relictis, debet habere cuiuscunque partis propriam ideam, distinctam ab idea totius. Et sic tenet S. Doctor, qui post verba allata, habet: *Ratio autem alicuius totius haberi non potest, nisi habeantur propria rationes eorum, ex quibus totum constituitur. Sicut adificator speciem domus concipere non potest, nisi apud ipsum esset propria ratio cuiuslibet partium eius.* Sic igitur oportet, quod in mente diuina sint propria rationes omnium rerum. Per quæ patet ad illud, quod subditur de domo.

28 Secundum argum. In Deo non datur nisi vnica ars, vnica scientia practica ad faciendum omnia; ergo etiam solum dabitur vnica idea. Antecedens constat ex ijs, quæ dicit S. Doctor in hoc art. 2. ad 2. Consequens bene sequitur ex paritate rationis; tum quia idea est complementum artis; tum etiam quia sicut ars concurret actione ad artificia, ita etiam idea eodem modo concurret. Resp. concedendo antecedens, & negando consequens. videmus namque, quod etiam in creatis artifex vnus artis, & per vnicam artem plures sibi ideas format intra suam artem, & tot, quot artes facta producit. Rationem disparitatis assignat S. Doctor in ead. solut. ad 2. quia ars, sicut & scientia nominant principium cognitionis, ac prout si in Deo multiplicarentur, inuoluerent aliquam imperfectionem in diuina simplicitate, ex co quod ea multiplicatio poneretur in Deo antecedenter ad diuinam cognitionem. At idea nominat terminum cognitionis, cui non implicat multiplicari per ordinem ad obiecta etiam secundaria. Vel dic differentiam desumi à natura vtriusque; nam habitus respicit obiectum secundum se, & particularia, solum respicit secundatiò, & de materiali; at de ratione ideæ est, quod respiciat hoc immediatè factibile, scilicet imi-

tabile secundum suas speciales rationes imitabilitatis.

29 Tertium argum. quia in Deo non datur nisi vnicum Verbum, quo cognoscantur creaturæ in illo representatæ; ergo etiam dabitur vnica idea, qua eorum imitabilitas representetur; si enim vnicum Verbum sufficit ad omnes creaturas representandas, etiam vnica sufficit idea ad representandas earumdem creaturarum imitabiles. Resp. concedendo antecedens, & negando consequens. Ratio discriminis est, quia ratio Verbi desumitur per ordinem ad dicentem, & ad obiectum primariò dictum; at ratio ideæ desumitur per ordinem ad particularem rationem imitabilitatis.

30 Quartum argum. In Deo datur vnica omnipotentia, quæ omnes creaturas respicit sub vnica ratione factibilis; ergo etiam dabitur vnica solum idea, quæ easdem creaturas respiciat sub vnica ratione imitabilis; & sicut ratio factibilitatis de materiali multiplicata, non multiplicat omnipotentiam; ita ratio imitabilitatis de materiali multiplicata, non multiplicabit ideas. Resp. concedendo antecedens, & negando consequens. Ratio discriminis constat ex dictis, quia omnipotentia respicit creaturas solum sub ratione factibilis vt sic, & rationes particulares solum de materiali inspicuntur; at idea respicit immediatè particulares imitabiles, tamen quam proprias rationes, non tanquam rationes materiales, & secundatiò inspectas.

D V B I V M IV.

Vnde desumatur pluralitas idearum.

31. C Vm essentia diuina non dicat rationem ideæ secundum se, sed prout dicit rationem imitabilitatis, & ratio imitabilitatis sit respectiua, sequitur, quod intelligi nequeat ratio ideæ sine respectu ad creaturam, quæ cum non possit esse realis, debet esse rationis. Hinc oritur difficultas à quo intellectu iste respectus cognoscatur. Si dicatur, quod à solo intellectu creato, sequitur, quod idearum distinctio per ordinem ad solum intellectum

Nn

cra.

creatum defumatur, & non per ordinem ad intellectum diuinum, ac proinde diuina essentia prout præcisè cognoscitur ab intellectu diuino non dicitur idearum pluralitatem, nisi fundamentalem, quatenus cognoscet eam ut fundamentum super quod noster intellectus fundat dictos respectus rationis. Si dicatur, quod illi respectus cognoscuntur ab intellectu diuino, tunc idearum distinctio formaliter cognoscetur ab eodem intellectu diuino; ita quod implicante intellectu creato adhuc diuinae ideæ distinguuntur, seu pluralificantur.

32. Prima sententia est Scoti quodlibet 1. art. 1. quem sequuntur Vasquez, Valentia, & alij hoc loco, quod idearum pluralitas non defumatur per ordinem ad intellectum diuinum, non potentem cognoscere, nec formare dictos respectus rationis; sed per ordinem ad intellectum creatum tantum, qui eos respectus rationis fundat, format, cognoscit.

33. Nostra sententia sequi conel. explicatur. *Idea distinguuntur, seu pluralificantur per actum intellectus diuini, cognoscentis suam essentiam diuersimodè imitabilem, ac proinde ut dicentem diuersos respectus rationis, ad passiuas, & varias creaturarum imitabiles.* Hanc conel. tradunt omnes D. Thomæ discipuli hoc loco, & est expressa eiusdem S. Doctoris sententia. Nam in solutione 2. sic habet. *Dens non solum intelligit multas res per essentiam suam, sed etiam intelligit se intelligere multa per essentiam suam; sed hoc est intelligere plures rationes rerum, vel plures ideas esse in intellectu eius, ut intellectus.* Et clarius in solutione 3. sic dicit. *Huiusmodi respectus, quibus multiplicatur idea, non causantur à rebus, sed ab intellectu diuino, comparante essentiam suam ad res.* Pro quo nota non esse mentem D. Thomæ, quod ratio ideæ consistat in ipso respectu ad creaturas, sed in fundamento huius respectus, ita quod in recto idea dicat essentiam diuinam ut imitabilem passiuè à creaturis, & in obliquo connotet, seu dicat, seu funder respectum ad creaturas, quæ sunt quædam imitabiles actiue. Similiter non est sen-

sus D. Thomæ, quod distinctio idearum sit secundum omnem rationem, rationis, seu ordo rationis, sed quod idearum distinctio duo dicat: vnum reale, & aliud rationis. Reale, est ipsa essentia diuina ut passiuè imitabilis à creaturis. Rationis, & est vltimum complementum distinctionis idearum, est respectus diuersæ imitabilitatis. Sicut enim, ut supra de actu libero dicebamus, actus liber dicitur pro fundamento ipsum actum necessarium, & secundariò ipsum respectum ad creaturas, sine quo actus liber in Deo non intelligitur, ita idearum pluralitas pro fundamento dicit essentiam diuinam ut secundum se imitabilem, & pro formali dicit ipsum respectum rationis ad creaturas, quæ sunt eiusdem essentia imitatiue. Quocirca eo ipso, quod intelligimus intellectum diuinum intelligere suam essentiam diuersimodè imitabilem à creaturis, intelligimus pullulare diuersos respectus rationis ex quibus idearum pluralitas consequitur. His positis.

34. Probatur conel. 1. Quia diuinus intellectus est infinitè cognoscitiuus; ergo debet se extendere ad infinitam suæ essentia cognoscibilitatem; sed diuina essentia in sua cognoscibilitate dicit diuersos modos imitabilitatis respectu diuersarum creaturarum, ergo diuinus intellectus debet omnes istos modos clarè distinguere, & secundum suas particulares determinationes cognoscere; hoc nil aliud est, quam cognoscere diuersas rerum rationes, seu diuersas imitabiles, diuersas ideas, ergo. Nec valet dicere, quod Deus cognoscat omnes illos modos imitabilitatis ut diuersos fundamentaliter, & formaliter per ordinem ad intellectum creatum, non per ordinem ad proprium intellectum nõ potentem formare entia, seu respectus rationis. Sed contra, quia non repugnat, quod Deus cognoscat respectus rationis, cum in hoc nulla inuoluatur repugnantia, & imperfectio, sed summa perfectio, fundata in eminentia suæ essentia, quæ tanta est, ut cum vna sit, & simplicissima, cognosci potest ut æquiualens pluribus pertinentibus, non solum ad vnā, eandemque

que lineam, verum etiam ad plures, & diuerfas. Tum quia ea comparatio essentie diuine pluribus; ea imitabilitas varia, non potest perfecte cognosci, non cognitis rebus, quæ variè eandem essentiam imitantur. Tum etiam quia sicut non potest Deus perfecte cognoscere distinctionem horum duorum actuum: volo creare mundum: nolo creare mundum, sine diuersis respectibus ad futuritionem, vel non futuritionem mundi, ac proinde sine eo, quod formet eos respectus; ita, &c.

35 Probatur 2. Deus cognoscit distinctionem idearum, sed non per ordinem ad intellectum creatum, ergo per ordinem ad proprium intellectum, ac proinde diuinus intellectus cognoscet respectus rationis, sine quibus idearum distinctio cognosci nequit. Maiorem admittunt aduersarij, & negant minorem, quam sic probo, quoniam cognitio distinctionis idearum conuenit Deo ex eius infinita perfectione, pertinet namque ad infinitam diuini intellectus perfectionem, quod cognoscat infinitas suæ essentie imitabiles; ergo. Tum quia esset maxima imperfectio, quod ad hoc ut Deus cognosceret infinitas suæ essentie imitabiles, deberet recurrere ad imperfectionem intellectus creati. Tum etiam, quia cum intellectus creatus etiam beatus non possit cognoscere infinitas Dei imitabiles, aliàs posset comprehendere Deum; sed solum aliquos, sequeretur, quod Deus non cognosceret omnes suæ essentie imitabiles, sed eas solum quas intellectus creatus cognosceret, ac proinde non esset verum, quod eum D. Thoma in hoc articulo dicunt, omnes Theologi, quod diuinus intellectus cognoscat essentiam suam omnibus modis quibus cognoscibilis est.

36 Probatur 3. quia in Deo sunt plura ideata actu, scilicet essentie omnium rerum ad diuinam essentiam representatarum; ergo etiam debent esse plures ideæ. Antecedens constat, creaturæ namque non aliter à diuina essentia representantur quàm ut quædam participationes illius. Consequenter, quia effectus in actu, præsup-

ponit causam in actu, & implicat, quod ideatum detur ante ideam; & ad nihil deservirét idea si non præsupponeretur ad ideatum, neque idea esset ratio producendi, & cognoscendi ideatum. Soluuntur argumenta in contrarium.

37 Primum argumentum. Intellectus cognoscens, & concipiens rem sicuti est, nullam concipit distinctionem rationis; sed intellectus diuinus concipit essentiam diuinam sicuti est, ergo in ea nullam format distinctionem rationis. Qui enim concipit distincta, quæ in re indistincta sunt, non concipit rem sicuti est; qui concipit absolutam, ut relata, non concipit rem sicuti est, nec format proprium rei conceptum, sed diuersum. Cum ergo diuinus intellectus concipiat diuinam essentiam sicuti est, nec illam in se mutare possit, sequitur, quod cum diuina essentia in se sit indistincta, non possit concipi ut distincta: cum sit absoluta, non possint concipi ut relata, aliàs magna poneretur imperfectio in diuino intellectu, qui suam essentiam sicuti re ipsa est, non conciperet, sed in se mutaret, referendo, quæ non referuntur, & distinguendo, quæ non distinguuntur. Resp. distinguendo maiorem: Intellectus cognoscens rem sicuti est, non concipit, aut format distinctionem rationis, quando eam rem concipit secundum ea, quæ sibi intrinsecè competunt, & conceditur; quando illam rem concipit secundum ea quæ sibi competunt per ordinem ad extrinseca, & negatur. Licet ergo diuinus intellectus nullam format distinctionem rationis concipiendo suam essentiam secundum ea, quæ sibi intrinsecè competunt, eam tamen format dum eam concipit per ordinem ad participantia: cum enim ista sint plura, non potest non plures ordines in diuina essentia concipere per ordinem ad illa. Neque ex hoc sequitur, quod diuinus intellectus concipiat essentiam diuinam aliter ac est, sed solum sequitur, quod perfectissimè eam ut vult cognoscat; cum enim diuina essentia ratione suæ eminentiæ præbeat fundamentum talis cognoscibilitatis, & diuinus intellectus nequeat hoc fundamentum plenè cognoscere sine dictis ha-

bitudinibus, sequitur, quod essentia diuina dum sic cognoscitur, cognoscitur secundum id, ad quod ipsa præbet fundamentum.

38. Secundum argum. Ideo nos formamus relationes rationis, quia non cognoscimus res prout sunt, nec vnico conceptu, sed pluribus, distinguendo vnum conceptum in plures, eosque ad inuicem comparando; sed diuinus intellectus non facit sic, ergo non format relationes rationis. Resp. quod in nobis distinctio rationis provenit ex imperfectione nostri intellectus, non potentis rem adæquatè concipere, sed distinguendo, quæ distingui non debent. At in Deo provenit ex perfectione diuini intellectus cognoscentis eminentiam suæ essentię & cognoscentis id, cuius ipsa essentia præbet fundamentum, quod certè maxima perfectio est.

39. Sed quæres 1. an idearum distinctio sit rationis ratiocinantis, an rationis ratiocinatæ, quæ alio nomine vocatur virtualis, & cum fundamento in re, an sit sine fundamento in re, ita quod idæ solum distinguantur tanquam conceptus inadæquati, an tanquam conceptus adæquati? Ratio dubitandi est, quia si dicamus, quod idæ distinguantur virtualiter, & tanquā conceptus adæquati, tot constituent attributa virtualiter distincta, quot sunt idæ; attributa namque non aliam habent inter sese distinctionem nisi virtualem; ponere autem in Deo tot attributa idealia, quot sunt idæ non videtur dicendum. Si verò dicamus, quod non distinguantur virtualiter, & ratione ratiocinata, sed solū ratione ratiocinantis, & tanquam conceptus inadæquati, non videtur verum quod absolute docet S. Thomas supra relatus, quod in Deo dentur plures idæ, sed absolute dabitur tantum vnica idea, adæquatè, & completè, & secundum quid plures, inadæquatè, & incompletè. Tum quia, sequendo istum modum dicendi, falsum erit, quod n. præcedenti est dictum, quod distinctio idearum fundatur in eminentia diuinæ essentię, & quod intellectus diuinus formando eam distinctionem concipit id, cuius fundamentum sibi sua

præbet essentia. Tum etiam quia idea representat idearum secundum suam particularem determinationem, ita quod idea huius, taliter est idea huius, vt nequeat esse illius; cum terminatio particularis diuinæ essentię ad hoc idearum, non sit ad aliud. N. Salmant. de *visione Dei disp. 7. n. 5.* sequuntur primum modum dicendi. Quod facit difficultatē in illo primo modo dicendi contra secundum, est illud; quod pro illius confirmatione adduximus, & innuunt prædicti Salmant. de vnitate attributi, quia si semel idæ distinguuntur ratione ratiocinata, seu virtualiter, dabuntur plura attributa idealia in Deo. Ad quod dico, quod licet idæ vere sint plures ratione ratiocinata, & virtualiter, non tamen constituunt plura attributa, sed vnum tantum quasi atomum. Pro quo nota, quod non quælibet distinctio rationis ratiocinatæ, seu virtualis multiplicat attributa, sed illa solum, quæ tenet ex parte Dei, seu ex parte principij non ex parte termini. Pluralitas idearum non sumitur ex parte diuinæ essentię, seu ex parte principij, sed ex parte obiecti cogniti à Deo, seu ex parte ideati, vel ideatorum, quæ cum plurescuntur, ex parte ipsorum afferuntur diuersi respectus; & cū attributum non desumatur ex parte creaturarum, seu obiectorum creatorum, sed ex eo, quod formaliter est in Deo, seu ex parte principij, & hoc sit formalissimè, & absque distinctione virtuali vnum, sequitur, quod attributum idæ hoc modo erit vnum. Bene verum est, quod hoc attributum hoc modo intellectum non erit idea nisi fundamentaliter, non formaliter, vt ex dictis constat.

40. Quæres 2. an idæ dici debeant pertinere ad intellectum practicum, an speculatiuum? Resp. quod idea etiam prout pertinet ad ordinem possibilem, seu prout est rei possibilis, pertinet ad intellectum practicum in actu primo; cum enim idea dicat rationem factibilis, & ratio factibilis inspicitur ab intellectu practico; sicut ratio speculabilis à speculatiuo, sequitur, quod idea ad intellectum practicum pertineat, an etiam aliquo modo pertinere

tinere possit ad intellectum speculativum, dub. seq. dicetur.

D V B I U M V.

Quarum rerum idea, in Deo reperiantur.

41 **S**ic hoc dubium expedit S. Doctor art. 3. dicens, quod idea ut pertinet ad rationem principij cognitionis tantum, secundum quam ratione aliquo modo pertinet ad cognitionem speculativam, est respectu omnium rationum, seu omnium essentialium, & sic in Deo datur omnium essentialium idea. At idea ut est principium factionis, datur respectu omnium rerum quæ in aliqua temporis differentia sunt. Vnum aduerte, quod idea ut est principium cognitionis, & dicitur pertinere ad cognitionem speculatiuam, est illa, quam n. præcedenti diximus pertinere ad intellectum practicum in actu primo; ratio namque practici in actu primo nonnunquam ratio speculatiua appellatur, comparatiue ad rationem practicam practicæ; Verum ut huius articuli materia perfecte habeatur, & breuiter.

42. Quæres 1. an Deus habeat ideam sui, & Patris Filij, & Filij Spiritus Sancti? Resp. negatiue, ratio clara est, quia de ratione ideæ est; quod sit causa ideati, ac proinde est tantum eorum, quæ à Deo liberè fieri possunt; sed Filius, & Spiritus Sanctus non sunt huiusmodi, cum eorum productio sit ad intra, ac proinde omnino necessaria, ergo, &c. & sic tradunt communiter Doctores.

43. Quæres 2. an Deus habeat ideam vniuersalem, ut rationis genericè, specificè, &c. Resp. negatiue, ratio est ex dictis cum D. Thoma, quia idea est exemplar eorum, quæ Deus facere potest in aliqua differentia temporis; atqui Deus nequit producere vniuersalia, quia generatio, & productio est singularium, ergo. An autem Deus habeat ideam vniuersa-

lium prout idea dicit esse principium cognoscitivum, & assert essentiam, seu rationem rei, videtur dicendum quod non, quia hoc modo idea dicit rationem completam, & adequatam, seu rationem essentiae; at dicta vniuersalia dicunt solum partem essentiae; partes autem non habent ideam distinctam à suo toto essentiali. Sic D. Thomas ad 4.

44. Quæres 3. an Deus habeat ideam priuationum, & negationum? Resp. negatiue, ratio est, quia idea est exemplar, & ratio factibilium, ac proinde entium positiuorum; sed negationes, & priuationes non sunt entia positiua; ergo non habet ideam eorum; vnde scurista non causatur nisi ratione formæ, ita non nisi ratione formæ cognoscuntur, seu ratione eorum, quibus priuant, aut negant.

45. Quæres 4. an Deus habeat ideam malorum? Resp. negatiue, constat ex dictis supra q. 14. vbi diximus, quod Deus non cognoscit mala, nisi per bona creata quibus opponuntur, ac proinde mala non habebunt propriam ideam; si enim haberent propriam ideam, ratione sui cognoscerentur, non ratione honorum quibus opponuntur. Sic D. Thomas d. art. 3. ad 1.

46. Quæres 5. an Deus habeat ideam propriam materię primæ? Affirmant omnes illi, qui dicunt materiam primam habere propriam existentiam, & posse produci separatam à formâ, tunc enim habet rationem factibilis propriam, distinctam à formâ, & à composito. Negant illi, qui dicunt materiam primam non habere propriam existentiam, nec posse produci separatam à formâ, ac proinde non habere rationem ideati à formâ distinctam. Et sic tenet S. Doctor art. 3. ad 3. vbi sic dicit: Sed quia nos ponimus materiam creatam à Deo, non tamen sine formâ, habet quidem materia ideam in Deo, non tamen aliam ab idea compositi. Nam materia secundum se, neque esse habet, neque cognoscibilis est.

DISPUTATIO XVI.

IN QVÆST. XVI. D. THOMAE.

DE VERITATE.

PER DIX optimus cibus est, sed non comeditur cruda, nullus est enim stomachus, qui eam possit digerere. Sic veritas est pabulum excellentissimum sed non est proponenda cruda, sed assa, aut cocta. aut prudentiæ sale temperata. Nullus est stomachus, qui crudam velit recipere veritatem. Eundem aerem omnia spirant animalia, sed alia aliter, & ad diuersum quidpiam sic pluri mi ad veritatem accedunt, sed alij aliter. Multi veritatem contemplantur, non omnes eam consequuntur. Est veluti rosa, veritas quæ in spinis nascitur, & citra noxam vix carpitur. Est margarita in Astræi carne infossa, quæ non nisi à perito artefice inuenitur. Hanc margaritam iam defossam proponit D. Thomas d. q. 16. ex qua nos ea carpemus, seu colligemus, quæ ad nostrum pertinent institutum. Sit ergo.

DUBIUM I.

Ponuntur, quæ de veritate transcendentali necessaria sunt.

EX omnium metaphysicorum consensu veritas est duplex, alia formalis, & est in intellectu, alia transcendentalis, & reperitur in rebus. In hoc dubio ponuntur ea, quæ de veritate transcendentali necessaria videntur, in sequenti ponuntur alia, ad veritatem formalem pertinentia, & gratia claritatis rem per suos S. distinguemus.

S. I. In quo consistat ratio veritatis transcendentalis.

Veritas transcendentalis etiam appellatur veritas in essendo, sicuti veritas formalis appellatur veritas in cognoscendo, seu veritas cognitionis, quæ est quædam conformitas intellectus cum obiecto apprehenso, vel iudicatio secundum esse, quod re ipsa habet; unde hæc veritas dependet ab obiecto, quia cum obiectum ita se habet sicut intelligitur, intellectus dicitur verus, cum verò secus se habet, dicitur falsus. Aduerte dari etiam veritatem scripturæ, & locutionis, quæ etiam posita est in commensuratione ad mentis conceptum, & tunc est, quando quis ita loquitur, vel scribit, sic ab eo mente concipitur. Item datur etiam veritas moralis, quæ consistit in integritate eorum omnis, quæ rei debent conuenire secundum rectum rationis dictamen, seu secundum exigentiam obiecti operabilis à quo principia practica sumuntur. De sola veritate transcendentali, seu in essendo hoc loco disputamus, inquientes in quo eius essentia, & ratio consistat.

4 Prima sententia est, quod veritas transcendentalis, quæ est passio entis, nil addat reale supra ens, sed solum denominationem extrinsecam provenientem ab intellectu siue creato, siue increato, rem speculatiuè, aut practicè cognoscente. Sic Vasquez *prima part. q. 77. cap. 3.* Aureol. in *1. dist. 13. q. 3.* putat veritatem consistere in sola negatione formali, quia, inquit, ens dicitur verum, quia non est falsum, aut falsum. Fonseca *4. metaph. cap. 2. q. 16.* & alij putant veritatem transcendentalem addere supra ens solam relationem rationis.

5. Nostra sententia seq. conel. explicatur. Veritas prout abstrahit à creatà, & increata addit supra ens hoc, quod est esse fundamentum conformitatis ad intellectum; ita tamen quod veritas diuina addit solum supra ens hoc, quod est esse fundamentum conformitatis ad diuinum intellectum, supra quod fundatur relatio rationis conformitatis. At veritas creata addit supra ens hoc, quod est esse fundamentum conformitatis, ex quo sequitur relatio realis transcendentalis conformitatis primò tanquam ad primam regulam ad intellectum diuinum, diuinæque ideas, quibus re ipsa conformatur; & secundariò ad intellectum creatum. Veritas diuina addit solum esse fundamentum conformitatis, quæ sit relatio rationis ad diuinum intellectum, quia cum ab eo non distinguatur, aliam relationem asserre non potest. At veritas creata, cum re vera distinguatur ab intellectu diuino, & creatò, potest asserre fundamentum dictæ relationis realis, vel transcendentalis, vel etiã prædicamentalis mensurati ad suam mensurans. Hanc conel. sic explicatam tradunt omnes Thomistæ hoc loco, & N. P. Blasius in suis metaph. disp. 2. q. 2. conel. 2. Eam tradit S. Doctor att. 1.

6. Probatur 1. quia veritas, est realis entis proprietates, ergo in suo conceptu formalis debet importare aliquid reale; non aliud nisi hoc, quod est esse fundamentum conformitatis ad intellectum diuinum, & ideas diuinas primò, secundò ad intellectum creatum; ergo. Antecedens constat ex communi consensu metaphysicorum. Conseq. nota est, passio namque realis constitui debet per aliquid reale; & est inauditum, quod passio realis formaliter constituatur per denominationem extrinsecam, aut per relationem rationis, Minor subsumpta patet, quia non est in quo realitas veritatis consistat nisi in dicta conformitate.

7. Probatur 2. & confirmatur præcedens argumentum, quia ut dicit S. Doctor in testimonio allato res dicitur vera per conformitatem ad suam similitudinem, ut donus in tantum dicitur magis, aut minus

vera in quantum magis, aut minus conformatur cum sua idea à qua dependet, ergo cum omnia dependant à diuinis ideis, & diuino intellectu, per ordinem ad illa dicentur magis, aut minus vera. Tum quia sermo, aut scriptura tunc dicuntur magis, aut minus vera, quando magis, aut minus conformantur cum mente loquentis, aut scribentis; hinc est, quod oppositum veritatis scilicet mendacium tunc contingit quando verba, non conformantur menti, quocirca mentiri dicitur contra mentem, ites sed hæc conformitas non potest non esse saltem fundamentaliter aliquid reale, ut explicatum est; ergo.

8. Probatur 3. quia passiones entis conuertuntur cum ente secundum suam essentiam, ut ostendunt metaphysici, & nominatim Soncinas 4. metaph. q. 18. sed non possunt hoc modo conuerti si passiones adderent aliquid rationis, ut patet, ergo.

9. Sed contra hæc obieciens, quia si verum adderet aliquid reale enti, non posset cum eo conuerti; nam vel illud realiter, quod additur est ens, vel non. Si primum, ergo nihil enti superaddit, nam enti non superadditur ens. Si secundum, non potest esse aliquid reale; sed solum quid rationis: ergo. Resp. quod id, quod superadditur est quidem ens, imò est ipsum ens, sed non sub expresso conceptu entis, sed sub expresso conceptu fundamenti conformitatis ad intellectum. Vnde licet passiones entis conuertantur cum ente secundum essentiam, non tamen secundum expressionem conceptuum, nam expressus conceptus veritatis, non est expressus conceptus entitatis, & è contra.

Sc. II. An obiectum intellectus sit ens ratio-
nis, an veri, an verum ratione entis.

10. Breuiter hanc difficultatem resol-
uo, constat ex dictis de anima, & in metaphysica. Aliqui putant obiectum intellectus esse ens ut sic, prout abstrahit à ratione entis, & veri; alij volunt esse ens sub ratione entis, communis, & vera sententia est, quod obiectum intellectus sit verum, seu ens sub expresso conceptu veri,

verit, seu prout fundat conformitatem ad intellectum; & ratio clara est, quia nihil potest intelligi, aut apprehendi ab intellectu nisi sub ratione veri; ergo ratio veri est obiectum formale intellectus. Consequenter. Antecedens probatur, quia sicut vnaquaque potentia tendit in obiectum sibi conforma, & proportionatum, ita intellectus debet tendere in obiectum sibi proportionatum, ita quod ratio proportionis sit ratio formalis sub qua tendat, & id, quod est proportionatum sit id, in quod tendit; sed ratio veri dicit proportionem, ratio ensis dicit id, quod est proportionatum; ergo, &c. Pro quo nota, quod alio quando ratio veri, seu ratio proportionis ad intellectum solum intelligitur ut quo, quando id quod cognoscitur est ens. Alio quando cognoscitur ut quo, & ut quod; quando id, quod cognoscitur est ipsa ratio veri, seu conformitatis.

D V B I U M II.

Ponuntur, quæ de veritate formali necessaria sunt ad præsens institutum.

11 **V**eritas formalis, est veritas cognitionis, quæ ut cognitio, dicit veritatem formalem, ut ens conforme diuino intellectui, diuinisq; exemplaribus, est vera veritate transcendentali, de qua currunt ea, quæ dubio præcedenti sunt dicta. Veritas ergo formalis, est veritas cognitionis, de qua est.

§. I. An Veritas formalis sit in intellectu componente, &c.

12 **R**em resoluunt S. Doctor art. 2. Vbi aperte docet, quod veritas proprie solum reperitur in intellectu componente, & diuidente, non in intellectu cognoscente quod quid est, neque in sensu. Quia intellectus in tantum est verus, in quantum veritatem cognoscit; sed intellectus solum cognoscit veritatem componendo, & diuidendo; ergo veritas proprie solum est in intellectu componente, & diuidente. Maior constat, quia, ut in-

quit Angelicus, omnis res in tantum est vera, in quantum habet formam suæ naturæ, forma autem intellectus in quantum est cognoscens, est veritas, seu est cognitio veritatis, seu est veritas ut cognita; à veritate namque ut cognita, intellectus denominatur verus. Minor probatur, quia forma intellectus in quantum denominatur verus est conformitas, ut postea dicitur, sed hanc non cognoscit nisi componendo, & diuidendo; nam tunc intellectus cognoscit conformitatem ad rem intelligibilem, seu intellectam, ac subinde dicit verum, quando iudicat rem ita se habere, sicut est forma quam de re apprehendit; quod non nisi componendo, & diuidendo facit; applicando scilicet formam prædicato, vel eam ab eo remouendo.

13 Hanc D. Thomæ doctrinam non bene intellectam impugnant plerique extra scholam D. Thomæ, quia inquirunt, negati non potest quin veritas reperitur in prima intellectus operatione, quæ dicitur simplex apprehensio, ut testatur idem S. Doctor de verit. qu. 1. art. 2. ad 3. Cum enim veritas sit obiectum intellectus implicat, quod datur aliqua illius operatio, quæ circa veritatem non versetur, & veritatem non cognoscat. Tum quia cum veritas sit adæquatio rei, & intellectus, & hæc reperitur in prima apprehensione, sequitur, quod in illa sit veritas. Tum etiam quia intellectus cognoscendo quod quid est, semper est verus, ut tradit Arist. 3. de anim. sex. 16. Et etiam S. Doctor. q. seg. art. 3. Tum denique quia negari non potest quin cognitio Dei, & Angelorum non sit vera, cum tamen eorum cognitio non sit compositio, & diuisio; sed simplex quedam intuitio, ergo.

14 Deinde dato, quod in simplici apprehensione non esset veritas, ea tamen negati non potest in simplici iudicio, quod pertinet ad secundam intellectus operationem. Cum enim veritas ut dicebamus, sit adæquatio rei; & intellectus, & hæc in simplici iudicio reperitur, cum iudicare sit rem adæquatè, & ut est cognoscere, sequitur, quod in iudicio veritas proprie reperitur. Tum quia veritas sequeretur, ope-

operationem imperfectiorem; nam quod intellectus componat, & diuidat, ex imperfectione est, quia scilicet non potest vnica conceptione rem totam apprehendere, eamque diuicere, sed prius simplices conceptus de ea format, postea vnum alteri comparat.

15 Verum, vt dixi, omnia ista procedunt ex malo intellectu doctrinæ D. Thomæ, non enim dicit, quod in prima intellectus operatione non reperiatur veritas, sed quod veritas propriè reperiatur in compositione, & diuisione; quia solum in compositione, & diuisione nostri intellectus veritas est ratio cognita, quia solum dum componit, & diuidit expresse, & directe cognoscit comparationem cognitionis ad rem cognitam, iudicando rem ita se habere, sicut comparat. Licet ergo noster intellectus sit verus in prima operatione dum cognitio conformatur formæ apprehensæ; non tamen est propriè verus cum non cognoscat nisi vtrū, & imperfectè conformitatem cognitionis cum forma apprehensa. Licet etiam sit verus intellectus in simplici iudicio, & magis quàm in prima operatione, non tamen ita perfectè cum adhuc dictam comparationem non ita clarè cognoscat; at in compositione, & diuisione est perfectè, & completè verus noster intellectus, quia clarè, & distinctè cognoscit comparationem non solum cognitionis ad formam apprehensam, verum etiam prædicatū, & subiectū, iudicando rem ita se habere sicut concepit. Et licet hoc vltimum iudicium supponat comparationem, ac proinde quandam imperfectiorem in potentia ratione cuius nequit rem totam vnico conceptu concipere; & plenè diuicare, tamen quoad rationem iudicii, & comparatiuè ad præcedentem operationem, quæ est veluti via, & medium ad ipsam comparationem, est longe perfectior. Hanc doctrinam in substantia colligo ex Caiet. Nazar. & alijs Thomistis hoc loco. Alij rem sic explicat, quod in prima operatione est veritas velut inchoatè, & quasi in semine, at in secunda operatione, quæ est iudicium perfectum ex comparatione prædicatū cum

subiecto sit veritas completè, & perfectè, cum tunc perfectè comparatio cognoscatur. Per quæ patet ad obiecta.

S. II. In qua conformitate consistat veritas formalis.

16 **D**Vbio præcedenti diximus veritatem transcendentalè consistere in conformitate rei cum diuino intellectu, diuinique ideis, primò; secundò cum intellectu creato; cum enim diuinus intellectus, diuinæque ideæ sint principia veritatis rei, seu transcendentalis, sequitur, quod etiam debeant esse prima mensura. Modo videndum est in qua conformitate consistat veritas formalis, seu veritas cognitionis, quæ vt diximus completè, & perfectè consistit in compositione, & diuisione, seu in affirmatione, & negatione, seu, & in idem recidit in propositione quæ vocari solet iudicatiua.

17 De triplici conformitate præsens procedere potest difficultas; de conformitate scilicet conceptus obiectiui cum re ad extra; de conformitate cognitionis cū conceptu obiectiui; & de conformitate cognitionis cum re cognita vt habet esse ad extra, seu à parte rei. Prima sententia est, quod tunc intellectus sit verus, quando conceptus obiectiui conformatur cū re ad extra, ac proinde veritas formalis consistit in conformitate conceptus obiectiui cum re ad extra. Sic Durandus in 1. dist. 19 q. 5. & 6. Vasquez 1. p. disp. 76. cap. 1. apud P. Blas. in sua mesaph. disp. 3. q. 3. quos alij sequuntur. Secunda sententia tenet, quod veritas formalis consistat in conformitate cognitionis cum obiecto ad extra, ac proinde quod tunc intellectus sit verus, quando dicit verum, seu quando cognitio est conformis cum obiecto prout est à parte rei. Sic tenent aliqui moderni.

18 Nostri sententia sequenti concluditur. *Veritas formalis consistit in conformitate intellectus, seu cognitionis cum conceptu obiectiui, seu verbo, seu cum obiecto cognito, aut representato.* Vnde tunc intellectus est verus quando conformatur cum conceptu obiectiui, & tunc est falsus

O o

quan-

quando non conformatur. Pro hac conclusio-
plures citat, & sequitur P. Blas. loco cita-
to. Probatur conclusio. nam conformitas
conceptus mentalis, seu obiectiui, cum
obiecto ad extra, non est veritas formalis
sed potius obiectiua; in hoc enim distin-
guunt metaphysici veritatem formalem
ab alijs, quod hæc sit *in intellectu compo-*
nente, & diuidente, ut dicit S. Tho. in d. ar.
2. illa autem conformitas conceptus obie-
ctiui cum re representata, non est in intel-
lectu componente, & diuidente, ut patet,
ergo. Tum quia veritas formalis defini-
tur, quod sit adæquatio rei, & intellectus,
vel ut alijs placet, quod sit adæquatio in-
tellectus ad rem, non rei ad rem. Sicuri
veritas transcendentalis, est adæquatio
rei ad intellectum; ergo debet veritas for-
malis consistere in conformitate intel-
lectus ad rem conceptam, non rei conceptæ
ad se ipsam à parte rei. Neque potest ve-
ritas formalis consistere in conformitate
cognitionis, seu intellectus cum re prout
est à parte rei, quia hæc solum de mate-
riali importatur, non de formali. Vnde
videmus, quod ille solus dicitur verus for-
maliter qui rem cognoscit prout re ipsa,
reducit in verbo, non prout reperiunt à
parte rei. Et ille dicitur mendax, qui rem
aliter dicit, quam cognoscit; quod si ali-
quis rem dicat prout cognoscit, & re ipsa
à parte rei non ita sit, non dicitur mendax
formaliter, sed tantum materialiter; for-
maliter namque tunc verus erit.

S. 117. Referuntur breuiter, quæ docet S.
Thomas in alijs articulis d. g. 16.

19 **I**N articulo 3. quaerit S. Doctor,
an verum, & ens conuertantur,
& respondet affirmatiue. Pro quo nota,
quod tripliciter aliqua dicuntur conuerti.
Primò conceptibiliter, & tunc aliqua di-
cuntur conceptibiliter conuerti, quando
conuertuntur quoad conceptus, ita quod
nihil rei, aut rationis elaudatur in vno con-
ceptu, quod non claudatur in alio, quo
modo synonyma conuertuntur, & definitio,
& definitum. Hoc autem modo ve-
ritas, & ens non conuertuntur, cum ha-

beant diuersos conceptus expressos ut ex
dictis supra liquet. Secundò dicuntur ali-
qua conuerti essentialiter, quando eadem
essentia, quæ est in vno, reperitur in alio,
saltem implicite; quo modo genus prædi-
catur de specie, & rationale conuertitur
cum homine, & hoc modo verum, & ens
conuertuntur, eo quod nihil est essentiali-
ter in ente, quod non reperiatur in vero,
& è contra. Tertiò denominatiue, ea au-
tè dicuntur conuerti denominatiue, quan-
do licet vnum essentialiter non sit aliud,
tamen vnum non potest esse sine alio, ut
homo, & risibile, & hoc etiam modo ens,
& verum conuertuntur.

20 In art. 4. inquit S. Doctor, an bo-
num secundum rationem sit prius quam
verum, & respondet negativè. In art. 5.
inquit, an Deus sit veritas, & resoluit
affirmatiue, quia est ipsa conformitas cum
proprio intellectu. In art. 6. quaerit an sit
vna sola veritas, secundum quam omnia
sunt vera, & respondet, quod res omnes
sunt veræ vna prima veritate diuini intel-
lectus, quia quoties aliquid dicitur analo-
gicè de multis, inuenitur secundum prop-
riam rationem, & per prius de primo
analogato, & per posterius de alijs dicitur,
sic se habet veritas, per prius dicitur
de Deo, per posterius de creaturis. In art.
7. petit, an veritas creata sit æterna. Res-
pondet. *Res denominantur vera à veri-*
tate intellectus. Vnde si nullus intellectus es-
set æternus, nulla veritas esset æterna. Sed
quia solus intellectus diuinus est æternus, in
ipso solo veritas æternitas habet. Nec prop-
ter hoc sequitur, quod aliquid aliud sit æter-
num, quam Deus, quia veritas intellectus
diuini est ipse Deus. In art. vii. inquit, an
veritas sit immutabilis, & respondet. *Res*
dicuntur vera à veritate, quæ est in aliquo
intellectu. Vnde mutabilitas veritatis con-
sideranda est circa intellectum. Cuius qui-
dem veritas in hoc consistit, quod habeat
conformitatem ad res intellectas; quæ quidè
conformitas variari potest dupliciter, sicut
& qualibet alia similitudo ex mutatione al-
terius extremi. Vnde vno modo variatur
veritas ex parte intellectus ex eo, quod de
re eodem modo se habente aliquis aliam opi-
nio-

nionem accipit. Alio modo, si opinione eadem manente, res mutetur. Et utroque modo fit mutatio de vero in falsum. Si ergo sit aliquis intellectus, in quo non possit esse alteratio opinionum, vel cuius acceptionem non po-

ssit subterfugerè res aliqua, in eo est immutabilis veritas. Talis autem est intellectus divinus &c. Circa quæ, cum planè sint, nihil scribendum occurrit.

DISPUTATIO XVII.

IN QVÆST. XVII. D. THOMAE.

DE FALSITATE.



FALSITATEM esse nemo est qui dubitet, quid autem ea sit, non est ita facile percipere, si enim dicas falsitatem esse

difformitatem, sicut veritas, est conformitas, sequitur, quod omnia forè extra Deum sint falsa, cum nihil sit, quod non sit akeri difforme. Falsus esset Crocodillus, qui solus in mandendo superiorem oris partem movet; falsi essent omnes homines, falsa omnia animalia, falsa omnis res, cum nulla sit quæ aliteri rei dissimilis, difformisq; non sit. Imò ipsa rerum similitudo, quæ ad oculos pertinet, mater esset falsitatis. Quis enim in speculum attendat, & rectè dicat se esse in omnibus illi imagini similem, an non potius magis dissimilem. Verùm quo ista tendant ex dicendis breuiter videbis.

DVBIUM I.

An falsitas sit in rebus.

Cum verum, & falsum opponantur, ut dicit S. Doctor in art. 1. huius q. 17. & cum tot modis dicatur vñ oppositorum, quot modis dicitur aliud, sequitur, quod cum veritas alia sit rerum, quæ dicitur transcendentalis, alia cognitionum, & dicitur formalis, etiam falsitas alia erit rerum, seu transcendentalis, alia cognitionum, & est formalis; & sicut veritas transcendentalis consistit in conformitate primum cum intellectu divino, diuinisq;

ideis; ita falsitas transcendentalis per oppositam rationem constitueretur; & sicut veritas transcendentalis secundò dicitur per conformitatem ad intellectum creatum; ita falsitas transcendentalis secundariò dicitur per ordinem ad intellectum creatum cui est difformis. Deinde sicut veritas formalis consistit in conformitate cognitionis, seu intellectus ad obiectum cognitum; ita falsitas formalis consistet in difformitate cognitionis ad dictum obiectum cognitum.

3 Ut autem breuius habeas, quæ de hac materia fuscè tractat S. Doctor in dicto art. 1. Dico 1. *Res proprie, & simpliciter dicitur falsa per ordinem ad intellectum à quo dependet, ut per ordinem ad intellectum à quo non dependet, res non dicitur falsa nisi secundum quid.* Ratio clara est, quia vñ quodque nominatur simpliciter tale secundum id, quod conuenit ei per se; cum autem tam falsitas, quam veritas conueniat rebus per dependentiam ab intellectu; sequitur, quod illa res dicitur simpliciter falsa per ordinem ad intellectum à quo dependet, & dicitur solum secundum quid falsa per ordinem ad illum intellectum à quo non dependet. Hinc est, quod artefactum, quod non assequitur artificis ideam à quo factum est, respectu illius dicitur simpliciter falsum; at respectu aliorum à quibus non dependet, sed solum eius defectus cognoscitur, solum dicitur falsum secundum quid.

4 Dico 2. *In rebus à diuino intellectu, diuinisque ideis dependentibus non datur*

simpliciter falsitas, seu res quæ à Deo causantur, respectu illius non possunt dici falsa. Ratio est, quia tantum res artificiales, quæ ab intellectu creato dependent sunt falsæ, in quantum deficiunt à forma artis; sed res naturales, quæ à Deo causantur, non possunt deficere à diuino intellectu, diuinisq; ideis, cum Deus eas omnino producat, vt diuino intellectu, & diuinis ideis conformantur, ergo in illis nulla potest esse falsitas; quicquid enim in rebus accidit, ex diuina ordinatione accidit. Quocirca cum defectus naturales apparent, cum monstra videntur, licet eueniant contra intentionem naturæ particularis, non tamen contra intentionem naturæ vniuersalis, & Dei.

5. Dico 3. *In actionibus prouenientibus ab agentibus creatis voluntarijs inueniri potest falsitas simpliciter per comparisonem ad intellectum diuinum, diuinasque ideas, quatenus per peccata se subtrahunt, & subducunt ab ordine diuini intellectus.* Hinc est, quod peccata in factis scripturis appellantur falsitates, & mendacia iuxta illud psal. 4. *Vt quid diligitis vanitatem, & queritis mendacium.* Sicut per oppositum, inquit S. Doctor: *Operatio virtuosa veritas ipsa nominatur, in quantum subditur ordini diuini intellectus, sicut dicitur Ioan. 3. Qui facis veritatem venit ad lucem, &c.* Et ratio clara est ex eodem S. Doctore, quia agentia creata voluntaria habent potestatem ratione suæ libertatis, subducendi se ab ordine diuini intellectus per malum culpæ; ergo.

6. Dico 4. *Res naturales per ordinem ad nostrum intellectum possunt dici falsa non simpliciter, sed secundum quid; & hoc dupliciter. Primo, secundum rationem significati; secundò, per modum causa.* Sic expressè S. Doctor in d. ars. 1. Quod confirmat pulchro Philopoli dicto in 5. metaph. dicens. *Quod falsa dicuntur quæcunque apta nata sunt apparere, aut qualia non sunt, aut quæ non sunt.* Et per hunc modum etiam dicitur homo falsus in quantum est amatiuus falsarum opinionum, vel locutionum; non autem ex hoc, quod potest eas confingere; quia sic etiam sapientes, & scientes falsi dicuntur, vt dicitur in 5. metaph. Igi-

tur in rebus artificialibus, quæ à nostro intellectu dependent potest esse falsitas simpliciter; at in rebus naturalibus, quæ à nostro intellectu propriè non dependent, non potest esse falsitas nisi secundum quid, & secundum duos modos à D. Thoma assignatos.

7. Ex quibus duo colligere licet. Vnū, quod falsitas transcendentalis potest esse in vno solum genere, non in quocunque, vt cum artificialia deficiunt à propria regula, tunc sunt falsa quæ artificialia sunt v. g. quæ domus, non tamen quoad alia genera in ea contenta, vt quoad genus ligni, lapidis, calcis, &c. Alterum, quod peccata; & possunt dici falsa, & possunt dici mala; dicuntur mala quatenus opponuntur regulis moris: dicuntur falsa, quatenus deuiant à diuino intellectu, diuinisq; ideis.

8. Quantum ad falsitatem formalem solum est aduertendum, quod sicut veritas reperitur etiam in prima operatione, licet non ita propriè, & magis propriè in secunda, scilicet in compositione, & diuisione, ita etiam proportionali modo de falsitate dicendum est, videantur, quæ disp. præcedenti de veritate formali dicta sunt.

D V B I U M II.

Ponuntur breuiter, quæ in cæteris articulis ponit S. Thomas.

9. **I**N art. 2. querit S. Doctor, an in sensu sit falsitas. Et respondet, quod non. Sic enim habet. *Falsitas non est querenda in se, nisi sit ibi est veritas. Veritas autem non est in sensu, ut sensus cognoscat veritatem, sed in quantum veram apprehensionem habes de sensibilibus. Quod quidem contingit, eo quod apprehendit res ut sunt.* Igitur cum in sensu non sit veritas propriè dicta, cum sensus non cognoscat conuenientiam rei cum sensu, nec conuenientiam sensus cum re sensibili, vt facit intellectus, sequitur, quod nec in sensu sit falsitas propriè dicta ob oppositam rationem, quia scilicet sensus non cognoscit propriè disconuenientiam rei cum sensu, nec

nec è contra. Dicitur tamen sensus secundum quid falsus quatenus decipitur erga obiectum suum. Pro quo nota ex eodem S. Doctore in d. art. 2. quod sensus circa obiectum proprium non est falsus nisi per accidens; at respectu sensibilis communis, & sensibilis per accidens potest esse falsus per se. Sensus ergo quædam cognoscit per se primo, ut visus colorem, quædam per se non primo, ut motum, distantiam, &c. & quædam per accidens, seu per aliud ut substantiam. Respectu ergo sensibilis proprii, non nisi per accidens fallitur, at respectu aliorum, etiam per se. Circa sensibilia propria sensus solum per accidens

fallitur, ut cum visus fallitur circa colores ob indispositionem organi, ut cum lingue infectæ infirmi cibi videntur amari. At circa sensibilia communia, & per accidens ut circa figuram, distantiam, &c. & circa substantiam potest sensus per se decipi, cum horum non habeat proprias species sed in illa feratur ratione aliorum.

10 In 3. art. dicitur S. Doctor verum falsitas sit in intellectu; & respondet affirmatiue, quod constat ex dictis. In art. 4. quærit, an verum, & falsum sint contraria, & respondet affirmatiue, sicut affirmatio, & negatio, de quo nihil scribendum occurrat.

DISPUTATIO XVIII.

IN Q V A E S T. XVIII. D. THOMAE.

DE VITA DEI.

SOLVS Deus vivit immortalis, invariabilis, immutabilis, & indefectibilis. Vita nostra miserabilis est; quicquid temporis vivitur, totum de spatio

vivendi dimittitur, & quotidie fit minus, quod restat, per id, quod per exigua festinantis temporis momenta vita protrahitur. Nihil est aliud huius vitæ tempus, quam cursus ad mortem, in quo aliqui paulum stant, alij tardius ire permittuntur. Omnes tamen pari motu perurguntur, nec diverso impelluntur accessu. Unde bene dicit clarissimè Ecclesiæ lumen, lib. 13. de civit. cap. 10. *Nunquam in vita homo est, ex quo est in corpore, illo moriente potiusquam vivente, si & in vita, & in morte simul non potest esse. An potius & in vita, & in morte simul est; in vita scilicet in qua vivit, donec tota detrahatur, in morte autem quia iam moritur cum vita detrahatur.* Sed non est locus pertrahendi cælamum. Nec sit semper tempus emittendi suspitium; ut enim alibi dicit idem Pater

sanctissimus. *Melius est modica amaritudo in faucibus, quam æternum tormentum in visceribus.*

D V B I U M I.

An sit omnium rerum naturalium vivere.

HOC dubium resolvit S. Doctor art. 1. d. q. 18. dicens, quod non omnes res naturales dicuntur vivere, sed ille tantum, quæ secundum aliquam speciem motus se movent, siue motus sit actus imperfecti, siue sit actus perfecti, ut est sensatio, & intellectio. Unde quando animal incipit se movere, incipit vivere, & quando incipit moveri tantum ab alio, iam mortuum est.

3 Contra hanc D. Thomæ doctrinam insurgunt aliqui neuterici, quia corpora gravia, & levia viventia non sunt, quæ licet à generante moveantur quoad actum primum, ex se ipsis tamen moventur quoad actum secundum; ergo differentia assignata à S. Thoma non videtur consentanea. Quod autem gravia, & levia se ipsa

mo-

moueant quoad actum secundum, sic probant, quia qui habet formam, quæ nata est agere in aliud subiectum, potest etiam agere in proprium subiectum, quando est capax talis actionis, vel motus; sed lapis v. g. existens sursum est capax recipiendi motum deorsum à forma grauis quam in se habet; ergo. Resp. quod grauiæ, & leuiæ mouentur à generante, non solû quantum ad actum primum, verum etiam quantum ad actum secundum; quod enim mouet ad primum, mouet etiam ad secundum. Maximè quia actio qua viucentia se mouent, est immanens, & vitalis, actio autem qua grauiæ, & leuiæ mouentur sursum, aut deorsum, est transiens.

4 In articulo secundo inquit S. Doctor, an vita sit quædam operatio, & dicit, quod vita est esse substantiale in tali natura, minus tamen propriè est operatio. Seu vita in actu primo est ipsa substantia quæ est capax moueri à se; vita in actu secundo est ipsa operatio immanens. Vel dic, aliud esse à quo nomen imponitur, & aliud, ad quod significandum imponitur; id à quo nomen vitæ desumitur, est operatio; id ad quod significandum imponitur est ipsa substantia viucentis, seu ipsum esse viucentis; iuxta illud: *viuere viucentibus est esse*.

D V B I U M II.

An Deus propriè uiuat, & qualis sit eius vita, & in quo essentialiter consistat.

5 **I**N Deo esse maximè vitam probat S. Doctor arr. 3. d. q. 18. quia illud cuius natura est suum intelligere, summè obrinet vitæ gradum; sed Deus est suum intelligere, ergo est in summo vitæ gradu. Maior patet, quia quanto perfectus aliquid ex se ipso operatur, tanto perfectius uiuit; at ille cuius natura est ipsum intelligere, per se ipsum operatur, & non tanquam motus ab alio; ergo, &c. Minor probatur, quia esse Dei est suum intelligere, ut ex dictis supra constat; ergo eius vita erit intelligere.

6 Aristoteles 12. Metaphys. tex. 51.

hac pulchra ratione probat Deum viuere vita intellectuali; quia, inquit, si Deus non est actu intelligens, nihil honorabile, ei inerit, se habebit enim ut dormiens. Quocirca si diuina essentia, quæ optima substantia est ex Aristot. lib. habens in se omnes perfectiones simpliciter, careret intellectu, careret summa, & maxima perfectione.

7 Clarissimum Ecclesiæ lumen S. Pater Augustinus 15. de Trinitate cap. 4. hac ratione probat Deum viuere vita perfectissima. *Ille nobis mentem, rationemque naturalem dedit, qua viucentia, non viucentibus, prædicta sensibus non sentientibus, &c. beata miseris præferenda iudicemus, ac per hoc quoniam rebus creatis, creatorem naturaliter sine dubitatione præponimus, oportet eum, & summè viuere, & cuncta sentire, atque intelligere.* Pulchra eximij Doctoris consequentia. Si naturalis ratio dicat, beatum esse meliorem misero; ergo Deus beatus est. Rursus, si naturalis ratio etiam dicat viucentia esse non viucentibus præferenda; ergo Deus est viuens, vita supremæ, summa, beata, &c.

8 Igitur de fide est Deum formalissimè, & propriissimè viuere, constat ex illo psal. 17. *Viuit Dominus, & benedictus Deus meus, & psal. 83. Cor meum, & caro mea exultauerunt in Deum viuum.* Constat etiā ex illa D. Perri confessione à Christo D. approbata. *Tu es Christus filius Dei uiui.* Hæc autem vita Dei non nisi intellectualis esse potest, ut constat, non enim potest esse vegetatiua, ut est vita plantarum; nec sensitiua, ut est vita animalium; sed intellectiua, & in supremo gradu intellectualitatis.

9 Obijcies 1. Deus non dicitur formaliter animatus; ergo non dicitur formaliter viuens. Antecedens constat, quia Deus non dicitur formaliter corporeus; ergo neque dicitur formaliter animatus; anima namque ex Arist. est *actus corporis physici, organici, potentia uitam habentis.* Conseq. probatur, quia ubi non est principium vitæ, ibi non potest esse vita; sed in Deo non est anima, quæ est principium primum vitæ; ergo neque potest esse vita. Quod autem anima sit primum vitæ principium,

cipium, constat ex illa Aristotelis definitione: *anima est quo viuimus; sentimus, mouemur, & intelligimus primò*. Resp. concedendo antecedens, & negando consequens. Ad probationem dico Aristotelem non definisse quamcunque vitam, sed illam tantum quam anima tribuit corpori; non illam quæ est purè spiritualis, vt est vita Angelorum, animarum separatarum, & Dei.

10 Obijcies 2. quia vita intellectualis specialiter exercetur per operationem vitalem qua exercetur circa aliquid obiectum in quo aliquam consequatur quietem, seu felicitatem, seu beatitudinem; sed Deus nequit aliquam operationem huiusmodi exercere, neque circa se ipsum neque circa aliquid extrinsecum; ergo Deus non dicitur vivere: non circa se ipsum, quia est sibi summè vnitus; non circa aliquid extrinsecum, cum sit ab omni extrinseco independentis, ergo. Resp. Deum potissimè exercere vitam intellectualem, erga se ipsum intelligendo, & amando se ipsum; neque ad hoc requiritur, quod sit à se ipso distinctus, sed cum maxima vnione, & identificatione sibi coniunctus, hæc summo modo saluantur, vt dictis supra constat.

D V B I V M III.

An omnia in Deo sint vita.

11 **O**Mnia in Deo esse vita, probat S. Doctor art. 4. ex illo Ioan. 1. *Quod factum est, in ipso vita erat*. Et hac ratione ostendit. *Viuerè Dei est eius intelligere, in Deo est idem intellectus, & quod intelligitur, & ipsum intelligere eius; unde quicquid est in Deo vt intellectum, est ipsum viuere, vel vita eius; unde cum omnia, quæ facta sunt à Deo, sint in ipso vt intellecta, sequitur, quod omnia in ipso, sunt ipsa vita diuina*. Hinc S. P. Aug. & Ecclesiæ lumen in cap. 1. Ioan. per citato verbo, dicit. *Res cognita est in Verbo vita creatrix*. Et S. Thomas alibi dicit. *Ab æterno creatura nihil est, nisi fortè in mente creatis; ubi non est creatura, sed creatrix natura; quia*

cognitio Dei, est vita creatrix: & quod de cognito dicitur obiectinè, hoc in ipsa cognitione inueniri oportet, ratione cuius quilibet creatura in mente diuina habet esse simpliciter verius, & perfectius, quam extra in proprio genere existens.

12 Pro quo aduerte 1. quòd creaturæ dupliciter dici possunt contineri in Deo. Vno modo secundum esse, quod habent in Deo. Alio modo secundum esse, quod habent, vel habuerunt sunt in se ipsis. Primo modo creaturæ dicuntur esse in Deo virtualiter, seu eminentè, quatenus omnes quarumcunque creaturarum perfectiones demptis imperfectionibus in Deo continentur. Vel etiam creaturæ dicuntur contineri virtualiter in genere causæ efficientis, & in diuina omnipotentia, quatenus secundum quod in ea continentur, produci possunt. Secundò modo creaturæ dicuntur contineri in Deo secundum esse, quod habent, vel habuerunt sunt in se ipsis, & hoc in esse cognito; quatenus Deus in sua essentia, vel in suis ideis, cognoscit illud esse; quod creaturæ habent extra Deum, vt est esse essentia respectu creaturarum tantum possibile, quod esse essentia nil aliud est, nisi non repugnantia prædicari, & subiecti, seu terminorum, ad essendum. Et esse existentia, quod habent creaturæ in proprijs temporibus differens.

13 Aduerte 2. quòd Deus, in omni sententia, cognouit ab æterno omnes creaturas possibles, secundum illud esse essentia negatiuum, quod extra Deum, modo explicato, habere dicuntur, scilicet secundum illud esse; quod illis non repugnat; adeo vt licet principii dictæ cognitionis non fuerit aliquid esse reale creatum, vel creabile positum extra Deum, sed solum essentia diuina quatenus eminentè continet omnem rationem intelligibilis, secundum illud omne perfectionis, quod in ea continetur in quantum est suprema ratio intelligendi omne intelligibile; tamen esse essentia, aut existentia proprium creaturarum, verè est terminus licet secundarius diuinæ cognitionis. Aduerte 3. ex dictis, quòd nomen vitæ quasi primariò, & propriè significat essentiam; quia

seu naturam, deinde operationem.

14. His positis, Dico 1. *Res creatæ, aut creabiles, nullo modo sunt vita in Deo prout vita accipitur pro essentia rei viventis.* Hæc conclusio constat ex se, nec puto posse aliquem dissentire; suppono namque, quod essentia Dei sit propriè ipsa vita Dei, & creaturæ quocunque modo accipiantur, non sint ipsa essentia Dei, sequitur, quod creaturæ quocunque modo accipiantur, non sint hoc modo vita in Deo. Si enim creaturæ accipiantur secundum illud esse, quod habent in se ipsis, non possunt esse ipsa essentia, seu natura Dei. Pariformiter si accipiantur secundum illud esse, quod habent in Deo, siue in genere causæ efficientis, siue in genere causæ formalis representatiuæ, siue secundum perfectionem eminentem, aut formaliter in eo contentam, siue in esse obiectiuo, seu in esse cognito, supponunt essentiam diuinam, seu diuinam naturam in se constitutam.

15. Dico 2. *Creatura siue creabiles, siue creata, non sunt in Deo ipsa ultra Dei prout vita accipitur pro operatione vitali actiue, verbi gratia; pro ipsa intellectiue.* Hæc etiam conclusio nota est; creaturæ namque quocunque modo considerentur non sunt ipsa vita Dei actiue, v.g. ipsa intellectiue, ipsa omnipotentiæ, ipsa volitio, sed terminus secundarius diuinæ intellectiue, &c.

16. Dico 3. *Creaturæ sunt vita in Deo, secundum illud esse, quod habent in eo, tum in genere causæ efficientis, tum formalis, tum obiectiue.* Sunt vita in Deo, prout in eo continentur in genere causæ efficientis, quia effectus prout continetur in causa vitali, vitaliter continetur, tamen si in se, extra causam, nō sit vitalis & sic licet lapsi in se, non sit, vitalis, tamen prout continetur virtuti, & eminenter in Deo ut in causa, vitalis est; sicut & causa vitalis est. Sunt creaturæ vita in Deo secundum illud esse, quod habent in eo ratione perfectionis illarum, quia perfectiones creaturarum in Deo sunt Deus, ac proinde, viuunt vita Dei. Sunt etiam vita in Deo creaturæ secundum illud esse, quod habent in eo in esse representatiuo, seu in esse cognito,

quia ut dicit § Doctoresse intelligens, & esse intellectum in Deo, sunt idem, ac proinde sicut esse intelligens, in Deo est vita, ita & esse intellectum. Ex ijs colliges quare in Deo viuunt non solum ea, quæ viuunt in se ipsis, verum etiam ea, quæ in se ipsis non viuunt vt lapsi.

17. Obijcit 1. contra se Sanctus Doctor. Videtur, quod non omnia, vita sint in Deo, dicitur enim Act. 17. *In ipso viuimus, mouemur, & sumus;* sed non omnia in Deo sunt motus, ergo non omnia in Deo sunt vita. Respondet. *Creatura in Deo dicuntur esse dupliciter. Vno modo in quantum continentur, & conseruantur virtute diuina; sicut dicimus ea esse in nobis, quæ sunt in nostra potestate. Et sic creatura dicuntur esse in Deo etiam prout sunt in proprijs naturis.* Et hoc modo intelligendum, est verbum Apost. dicentis. *In ipso viuimus, mouemur, & sumus;* quia etiam nostrum viuere, & nostrum esse, & nostrum moueri, causantur à Deo. Alio modo dicuntur res esse in Deo, sicut in cognoscente: Et sic sunt in Deo per proprias rationes, quæ non sunt aliud in Deo ab essentia diuina. Et quia essentia diuina est vita, non autem motus, inde est, quod res hoc modo loquendi in Deo non sunt motus, sed vita.

18. Obijcit 2. quia omnia sunt in Deo, sicut in primo exemplari; ergo non omnia in Deo sunt vitæ; antecedens constat. Consequ. probatur, quia exemplar debet conformari exemplato, & è contra; sed non omnia exemplata viuunt, vt patet; ergo neque in diuinis exemplaribus omnia viuere debent. Respondet, *Exemplata oportet conformari exemplari secundum rationem formæ, non autem secundum modum essendi; nam alterius modi esse habet forma, quandoque in exemplari, & in exemplato. Sicut forma domus in mente artificis habet esse immateriale, & intelligibile, in domo autem, quæ extra animam, habet esse materiale, & sensibile. Vnde, & rationes, quæ in se ipsis non viuunt, in mente diuina sunt vita, quia in mente diuina habent esse diuinum.*

19. Obijcit 3. quia substantia viuens est melior substantia non viuente, ergo si

ea quæ sunt in Deo viuunt, & vita sunt, verius, & nobilius habebunt esse in Deo, quam in se ipsis; sed hoc est falsum, quia in se ipsis res sunt in actu, in Deo verò in potentia; nemo enim dicit, quod idea domus in mente artificis nobilius esse habeat quam in se ipsa, cum prout in artifice ordinetur ad se ipsam extra tanquam medium ad finem, tanquam imago ad imaginatum; tanquam exemplar ad exemplatum. Respondet. Si de ratione rerum materialium non esset materia, sed tantum forma, omnibus modis veriori modo essent res naturales in mente diuina per suas ideas, quam in se ipsis; propter quod Plato posuit, quod homo separatus erat verus homo; homo autem materialis est homo per participationem. Sed quia de ratione rerum naturalium est materia, dicendum, quod res naturales verius esse habent simpliciter in mente diuina, quam in se ipsis, quia in mente diuina habent esse increatum, in se ipsis autem esse creatum, sed esse hoc, visum homo, vel equus verius habens esse in propria natura, quam in mente diuina, quia ad veritatem hominis pertinet esse materiale, quod non habens in mente diuina. Sicut domus nobilius esse habet in mente artificis, quam in materia; sed tamen verius dicitur domus quia est in materia, quam quia est in mente; quia hac est domus in actu, illa autem domus in potentia.

Igitur, quantum ad hoc, quod est esse verius in actu, domus v.g. in se ipsa est magis vera domus, quam in Deo, at quantum ad esse simpliciter, verius esse habet in Deo, quam in se, quia in Deo habet esse increatum, in se, creatum. Dices res in Deo habent esse secundum quid: v.g. in esse cognito; at in se habent esse simpliciter, ergo. Resp. quod esse cognitum non est esse secundum quid, & diminutum respectu diuinæ cognitionis, sed est esse absolute in se, ut est aliquid sub illa, vel comparatione rei in se ipsa existentis.

20 Obiecit 4. quia si ex hoc quod aliqua sciuntur à Deo essent vita, sequeretur, quod in Deo essent vita, non solum, quæ fiunt, sed & quæ fieri possunt, imò, & ipsa peccata, cum & ista sciuntur à Deo; sed hoc est falsum; ergo. Respondet, quod licet mala sint in Dei scientia, in quantum sub Dei scientia compræhenduntur, non tamen sunt in Deo, sicut creata à Deo, vel conseruata ab ipso, neque sicut habentia rationem in Deo. Cognoscuntur enim à Deo per rationes bonorum. Vnde non potest dici, quod mala sint vita in Deo. Ea verò, quæ secundum nullum tempus sunt, possunt dici esse vita in Deo, secundum quod viuere nominat intelligere tantum, in quantum intelliguntur à Deo; non autem secundum quod viuere importat principium operationis.

DISPUTATIO XIX.

IN QVÆST. XIX. D. THOMÆ.

DE VOLVNTATE DEI.

ANC disput. exordiarum cum illis verbis Eccles. 11. Sicut ignoras, quomodo anima iungatur corpori, & ossa compingantur in utero prægnantis; sic nunquam intelligere poteris rationem vilius earum rerum quas Deus fecit tam multas, & varias. Qui de Deo omnia scire vult, & cuncta improba temeritate

rimari, hic quid sit Deus ignorat. In fluminibus pars maior tuta est, paucique sunt fluctus, atque profunda: at in Deo pars maior occulta, imperferutabilis, inuestigabilis. Qui igne calefieri desiderat, sufficit si accedat, si tangat illum; nam si interius mittat manum, pro eo, quod potuit calefieri, comburitur. Sic & qui profundius, vel altius de Deo disputare presumit pro eo, quod gloriosius quid vult ostendere,

Pp dere,

dere, in blasphemiam cadere potest, dum comprehendere diuinorum altitudinem dogmatum præsumit. Dum curris dieito, Deus virtutum dedit equo meo, vr currat, Deus dedit tibijs meis perseverantiam vt starent. Non putes, quod te libertas arbitrij ita habeat, quasi naue[m] per quam vis euadere barbaros de littore, per quam vis euadere pelagi tumentes fluctus; per quam vis ad patriam quam desideras peruenire, sed si dominus imperauerit ventis prosperis, & aduersis flatibus silentium dederit, si larentes vados demonstraerit; si ab'que læsione portum ingredi fecerit, ages Deo gratias, non nauigages gratias Deo, non nautis. Nec naue[m], & nauem omnino excludimus, sed magis, & nauem oneramus, imò, & ornamus, & nautas, quibus Deum præfulem confitemur. Iam habes, quod intendimus; diuinæ efficaciam voluntatis, nostram non adimit libertatem, sed ponit. Si naus non esset, nec dominus eam regeret, gubernaretq; si nautæ non essent, nec ens dominus excitaret, dirigeret, moueretque. De hac re plura in hac disput. dicentur, sed collo, oculisque dimissis, in omnibus recognoscentes diuinorum inscrutabilitatem. Verum sit.

D V B I U M I.

An in Deo sit voluntas, & an hoc probet ratio D. Thomæ.

2 **H**oc dubium sic resoluit S. Doctor art. 1. dicta disput. 19. vbi sic facit. *Dicendum in Deo voluntatem esse sicut & in eo est intellectus. Voluntas enim intellectum consequitur. Sicut enim res naturalis habet esse in actu per suam formam, ita intellectus intelligens actu, per suam formam intelligibilem. Qualibet autem res ad suam formam naturalem hanc habet habitudinem, vt quando non habet ipsam tendat in eam, & quando habet ipsam, quiescat in ea. Idem est de qualibet perfectione naturali, quod est bonum natura. Et hac habitudo ad bonum in rebus carentibus cognitione, vocatur appetitus naturalis. Vnde &*

natura intellectualis ad bonum apprehensum per formam intelligibilem similem habitudinem habet, vt scilicet cum habet ipsum quiescat in illo, cum verò non habet, querat ipsum, & utrumque pertinet ad voluntatem. Vnde in quolibet habente intellectum est voluntas. Sicut in quolibet habente sensum est appetitus animalis. Et sic oportet in Deo esse voluntatem, cum sit in eo intellectus. Et sicut suum intelligere est suum esse, ita & suum velle.

3 Hæc S. Doctoris resolutio, quod in Deo sit voluntas, est de fide. Constat ex illo Rom. 17. *Vt probetis, quia sit voluntas Dei*, & ex illo ad Thessal. 4. *Hæc est voluntas Dei sanctificatio vestra*. Constat ex illo orationis Dominicalis. *Fiat voluntas tua*. Dices, si in Deo daretur appetitus elicitus, scilicet voluntas, deberet etiam dari appetitus innatus, vt tangit D. Thom. in testimonio relato; sed non potest dari appetitus innatus, ergo neq; elicitus. Minor probatur, quia appetitus innatus inuoluit imperfectionem, cum non sequatur cognitionem, & sit quid commune brutis, & rebus inanimatis. Tum quia appetitus innatus ad summum potest ijs rebus conuenire, quæ consumatæ non habent perfectionem, vel quæ ea priuari possunt quod namque suam possident perfectionem indefectibiliter, non habet, quod naturaliter appetat. Resp. negando minorem. Ad primam probationem dico, quod licet appetitus innatus non supponat necessariò cognitionem, eam ramen non excludit, imò potest in ipsa cognitione includi. Vnde eadem cognitio potest esse naturalis tendentia in suum bonum, seu in obiectum. Ad 2. probationem dico, solum probare, quod in Deo non detur appetitus innatus per modum desiderij in ordine ad proprias perfectiones; non tamen probat, quod nõ possit dari per modum complacentiæ, & quietis in illis.

4 Maior difficultas est, an ratio D. Thomæ probet dari in Deo voluntatem. Negat Vasquez hoc loco, dicens rationem D. Thomæ non esse efficacem, sed solum quandam congruentiam, seu quandam explicationem appetitus rationalis in natura intelligente. No-

5. *Nostre sententia seq. concl. explicatur. Ratio D. Thomae. 2. relata, optimè probat dari in Deo voluntatem.* Hanc concl. docent omnes D. Thomae discipuli hoc loco, quos referunt, & sequuntur N. Salmant. hoc loco dub. 2. Vnde arguendus est P. Herice hic, quatenus dicit, quod D. Thomas in hac ratione sua aliquid supposuit, quod probare debebat: Verum antequam satisfaciamus obiectis sententiae oppositae reducamus rationem D. Thomae ad formam syllogisticam. Voluntas consequitur ad intellectum; in Deo datur intellectus; ergo in Deo datur voluntas. Difficultatem faciunt in maiori, quam sic probat S. Doctor, quia ad quamcunque formam sequitur appetitus proportionatus illi formae; nam ad formam naturalem sequitur appetitus naturalis, & innatus; ad formam intentionalem, sequitur appetitus intentionalis, & elicitus.

6. Confirmatur, & explicatur efficacia rationis D. Thomae, quia est de intrinseca ratione viventis intellectualis, ut habeat appetitum, quo vitaliter appetat bonum cognitum, seu apprehensum per intellectum, querendo illud si non habet, & quiescendo in eo si habet; res namque quilibet habet appetitum suae naturae proportionatum; sed Deus est vivens vita intellectuali, ut constat ex dictis supra q. 14. ergo Deus habet voluntatem. Tum quia omnis perfectio nullam includens imperfectionem debet esse formaliter in Deo, ut supra vidimus, sed voluntas est quaedam perfectio nullam involvens imperfectionem; ergo, &c. Solvuntur arg. in contrariū.

7. Primum arg. est, quia ex proportionem quam ponit S. Thomas inter res naturales, & naturam intellectualem, quod sicut illae constituuntur in actu per formam naturalem, ita ista per formam intelligibilem, non sequitur, quod detur voluntas, sed solum sequitur, quod sicut res naturalis inclinatur ad formam naturalem; ita natura intellectualis inclinabitur ad formam intelligibilem, non in bonum apprehensum. Resp. quod proportio D. Thomae recta est, si rectè intelligatur. Pro quo nota, quod proportio D. Thomae, & compa-

ratio non est inter formam naturalem constitutivam, sed inter formam perfectivam, seu perfectionem, & bonum proportionatum rei per suam formam constitutivam, ac proinde comparatio stat in hoc, quod sicut res naturalis essentialiter constituta inclinatur in suam perfectionem: v. g. ignis sursum, terra deorsum, &c. ita intellectus constitutus per suam formam intelligibilem debet inclinari in suam perfectionem, scilicet in bonum cognitum, & apprehensum, ac proinde debet dari voluntas per quam ad tale bonum inclinetur, talem perfectionem consequatur, si eam non habeat, & si habeat in ea quiescat. Per quae patet ad id, quod pro confirmatione dicti argumenti addit, quod scilicet S. Doctor arguat in 4. terminis, quia in maiori, & minori non meminit boni apprehensi, & in conclusione intulit dari inclinationem ad illud. Nam ut constat ex dictis non arguit S. Doctor in quatuor terminis, quia apud D. Thomam, & apud veritatem praesentem, bonum apprehensum, & forma, seu perfectio ad quam natura intellectualis actuat per formam intelligibilem dicitur habitudinem, sunt idem.

8. Secundum argum. quia gratis admissio, quod à forma intelligibili potuerit S. Tho. divertere ad bonum apprehensum, adhuc ex illius discursu non sequitur dari voluntatem in Deo, ergo, &c. Antecedens patet, quia ex illa proportionem inter res naturales habentes esse per suas formas, & inter intellectum actuat per formam intelligibilem, tantum sequitur, quod sicut res naturales se ipsis, & ratione suae formae appetunt proprium bonum, absque aliqua facultate superaddita; ita intellectus constitutus in actu per formam intelligibilem, se ipso, & ratione suae formae, absque aliquo superaddito inclinabitur in bonum apprehensum, haec autem inclinatio non est voluntas, sed ad summum appetitus innatus. Respon. negando antecedens, ad probationem dico, quod bene sequitur, quod ex intellectu actuario per formam intelligibilem sequatur appetitus elicitus, seu inclinatio elicita. Appetitus namque ad formam sequutus de-

bet proportionari formæ; appetitus sequutus ad formam naturalem, & in esse rei, debet esse naturalis, & in esse rei; & appetitus sequutus ad formam intentionalem, & intelligibilem, seu intellectualem, debet esse intellectualis, seu cognoscitivus seu sequi debet ad cognitionem, ac subinde non potest non esse voluntas. Deinde appetitus innatus cum sequatur ad formam in esse rei, & in actu primo, debet esse appetitus in actu primo. At appetitus sequens ad formam intentionalem pertinet ad actum secundum, ac proinde debet esse elicitus.

9 Tertium argum. quia S. Thomas in sua ratione non videtur servasse debitam proportionem in subiectis; nam ex eo, quod res naturalis inclinatur in suam formam à qua in actu constituitur, deberet colligere ipsum intellectum, quem asserit esse actu intelligentem per formam intelligibilem, inclinari in illam, & tamen hoc non intulit, sed in natura intellectuali esse prædictam inclinationem. Resp. negando antecedens, ad probationem dico, quod ex hoc, quod intellectus est in actu constitutus per formam intelligibilem bene sequitur, quod idem intellectus inclinetur in formam intelligibilem, ac subinde quod in natura intellectuali detur prædicta inclinatio. Sicut enim in re naturali actuata per formam sequitur appetitus ad propriam perfectionem; ita ex intellectu actuato per formam cognoscitivam, debet sequi appetitus sequens cognitionem.

10 Quartum argum. quia voluntas est prior intellectione, & specie intelligibili; ergo non bene inferitur à S. Thoma voluntas ex intellectione, seu ex intellectu actuato per speciem intelligibilem. Antecedens constat, quia voluntas subsequitur ad intellectum, non ad intellectiorem. Conseq. patet, supposita veritate antecedentis. Resp. concedendo antecedens, & etiam conseq. quia S. Doctor non intulit voluntatem ex intellectione immediate, sed mediatè, seu præsuppositivè, nam ex eo, quod volitio sequitur ad intellectiorem, sequitur, præsuppositivè, quod

voluntas sequatur ad intellectum.

11 Quintum argum. quia S. Thomas duo supponit ut fundamenta in sua ratione, quæ tamen falsa sunt. Primum, quod intellectus constituitur in actu intelligens per formam, seu speciem intelligibilem, sicut res naturalis fit in actu per suam formam. Alterum est, quod res naturales hanc habent habitudinem ad suam formam, ut cum eam non habent, tendant in illam, quæ duo falsa sunt ergo. Primum falsum est, quia intellectus non constituitur in actu intelligendi per formam intelligibilem, quia intelligere non est effectus formalis speciei, sed actio vitalis ab illa realiter distincta, aliàs quoties adesset species, toties adesset intellectio. Secundum falsum est, quia res naturales non possunt habere prædictam habitudinem, quia si cur dum non habent eam non sunt tales res; ita neque potest esse ea habitudo. Resp. fundamenta D. Thomæ esse verissima. De secundo nulla est difficultas, Primum etiam notum est, quia non ideo dicitur, quod species intelligibilis constituat intelligentem quia sit ipsa intellectio, sed quia intellectio est existentia speciei in esse intelligibili. Sed dices 1. quia intellectio indiget alia existentia; ergo non potest esse existentia speciei. Resp. indigere existentia in esse rei, non in esse intelligibili. Dices 2. species intelligibilis est extra causas ante intellectiorem; ergo requirit per illam existere. Resp. esse extra causas prout pertinet ad ordinem quasi naturalem, non prout pertinet, & excipit rationem intelligibilis. Dices 3. species effectivè causat intellectiorem, ergo non potest per illam existere. Resp. eodem modo. Dices 4. quia species est de se permanens; intellectio fluens; ergo. Resp. eodem modo, est permanens secundum suum esse quasi naturale, at prout pertinet formalissimè ad ordinem intelligibilem est fluens.

DVBIUM II.

*An voluntas Dei habeat rationem potentia,
an purissimæ actus.*

12 **P**rima sententia tenet dari in Deo voluntatem per modum potentia realis, sic Villegas *controu. 9. cap. 1. vbi* refert Scot. *in 2. dist. 25. q. unica §. dico* ergo, ibi, *sed dico aliter*. Et Mayronem *in 1. dist. 36. q. 1. art. 2. & q. 2. art. 1. & 2. & dist. 46. q. 3. art. 3.* Secunda sententia tenet dari ex parte rei conceptæ.

13 Nostra sententia seq. concl. explicatur. *Non datur in Deo voluntas quæ sit potentia secundum rem; neque etiam secundum rationem cum fundamento in re, seu prout ea ratio se tenet ex parte rei conceptæ; sed solum secundum nostrum imperfectum modum concipiendi.* Pro hac concl. referunt N. Salu. D. Thomam, eiusque discipulos.

14 Quod in Deo nõ detur voluntas quæ sit potentia secundum rem, probatur. Nam ratio voluntatis, quæ sit potentia secundum rem, indispensabiliter requirit, quod ab illa aliquid procedat, quod realiter sit ab illa diuersum, & verè, realiterque in ea receptum; sed diuina voluntas nequit esse huiusmodi; ergo. Minor nota est, aliàs nõ esset actus purissimus, vt bene ostendit §. Doctor 2. *contra gent. cap. 10.* Maiorem probo, quia, ex qua parte voluntas, quæ est potentia secundum rem, est actiua; debet aliquid realiter producere, ac proinde id quod produceatur erit realiter diuersum; & ex qua parte esset potentia passiva secundum rem, debet aliquid realiter recipere; & cum actio voluntatis sit immanens, si semel ab illa aliquid realiter procedit, debet realiter in illa recipi. Tum quia in hoc distinguitur ratio potentia secundum rem ab alijs attributis, v.g. æternitate secundum rem, quod ad rationem æternitatis secundum rem, non est necesse, quod ab illa aliquid ad intra realiter procedat, se solum requiritur, quod sit duratio infinita Dei, ambiens omnem creatam durationem. At ad rationem potentia secundum rem necesse est, quod aliquid procedat, quocirca, quia ponitur

in Deo potentia generatiua Verbi diuini, ideo Verbum realiter ab ipsa procedit; ergo si semel voluntas in Deo habet rationem potentia secundum rem respectu propriorum actuum, debent isti realiter tanquam aliquid diuersum ab illa procedere.

15 Quod autem in Deo non detur voluntas, quæ sit potentia ex parte rei conceptæ probatur; quia si diuina voluntas ex parte rei conceptæ esset potentia secundum rem, deberet hoc modo aliquid ab illa secundum rem procedere, in eaque hoc modo recipi; sed hoc est falsum; ergo. Minor probatur, quia diuinæ voluntatis actus non intelliguntur secundum rem ex parte rei conceptæ formaliter ab illa procedere, in eaque eodem modo recipi; quod sic ostendo, quia in Deo non distinguuntur adhuc virtualiter voluntas à sua volitione, aliàs voluntas in Deo non esset per modum actus purissimi; ergo in Deo voluntas non habet rationem potentia ex parte rei conceptæ. Antecedens est notum. Conseq. probatur, quia absque distinctione virtuali nequit dari ratio potentia secundum rem; vbi enim distinctio est, solum ex parte nostri modi concipiendi, etiam ratio potentia solum erit ex parte nostri modi concipiendi, & non secundum rem.

16 Sed dices 1. amplius requiri adhuc vt aliquid tribuatur alicui secundum rem, quam adhuc vt tribuatur ex parte rei conceptæ, & secundum rationem cum fundamento in re; ergo licet non possit diuina voluntas esse potentia secundum rem, non repugnabit tamen, quod sit potentia secundum rationem. Antecedens probatur, 1. quia amplius est esse tale secundum rem, & ex parte rei conceptæ, quam esse tale ex parte rei conceptæ, & secundum rationem; ergo amplius est esse tale secundum rem, quam secundum rationem. 2. Quia licet diuina attributa non distinguantur secundum rem, distinguuntur tamen secundum rationem, & ex parte rei conceptæ. Resp. antecedens esse verum de ijs, quæ Deo solum virtualiter conueniunt, vt est distinctio attributorum; non verò de ijs, quæ Deo conueniunt formaliter;

liet; loquendo namque de istis idem est conuenire ex parte rei conceptæ, & secundum rem, quo modo esset ratio potentia, si enim semel conueniret Deo ex parte rei conceptæ, etiam secundum rem conueniret. Per quæ patet ad probationes dicti antecedentis.

17 Dices 2. hinc sequi, quod saltem poterit tribui diuinæ voluntati, quod ex parte rei conceptæ, & secundum rationem sit vera, & propria potentia virtualiter, & cum fundamento in re respectu proprii actus, quia ad hoc sufficit eminentia diuinæ voluntatis. Resp. negando sequentiam, quia voluntas, & eius volitio virtualiter non distinguuntur, cum pertineant ad eandem lineam, aliàs voluntas non esset infinite perfecta, cum non pertingeret ad ultimum actum suæ lineæ. Soluuntur argum. in contrarium.

18 Primum argum. pro prima sententia est, quia voluntas, & volitio diuina ex natura rei distinguuntur; ergo voluntas habet rationem potentia respectu propriæ voluntatis. Conseq. bene sequitur, quia hoc ipso, quod voluntas, & volitio ex natura rei distinguuntur, seu ante intellectum, non potest voluntas non habere rationem potentia respectu propriæ voluntatis. Antecedens probatur, quia ante intellectum essentia volitionis, non est essentia voluntatis, & è contra, quia de essentia volitionis non est, quod sit volitua, sed actualis volitio. Resp. negando antecedens. Ad probationem dico, quod de essentia voluntatis diuinæ est, quod non sit tantum volitua, sed ipsa actualis volitio, vt ex dictis constat.

19 Secundum argum. quia diuina voluntas potuit elicere actum saluationis Iudæ, quem tamen non elicit, ergo comparatur per modum potentia respectu illius. Resp. concedendo antecedens, & negando conseq. quia ad hoc vt poneretur electio Iudæ non requiritur, quod ponatur in Deo nouus actus, sed sufficit, quod ponatur noua terminatio, vt ex dicendis de actu libero constabit.

20 Tertium argum. quod est fundamentum secundæ sententiæ est, quia posse

diligere, est perfectio simpliciter simplex, ergo debet esse in Deo, ac subinde dabitur in Deo ratio potentia ex parte rei conceptæ. Antecedens constat, quia posse diligere, est melius, quam eius oppositum. Prima conseq. constat, quia perfectiones simpliciter simplices, in Deo reponuntur. Vltima conseq. probatur, quia voluntas per modum potentia secundum rationem cum fundamento in re, nihil est aliud nisi virtus, seu posse ad diligendum. Tum quia in nobis posse, seu potentia ad volendum pertinet ad perfectionem naturæ intellectualis; ergo etiam in Deo. Resp. quod posse diligere, quod sibi identificat ipsam actuale dilectionem, est perfectio simpliciter simplex, & ponitur in Deo; non posse diligere, quod distinguitur etiam tantum virtualiter ab ipsa actuali dilectione, hoc enim cum importet imperfectionem, non est perfectio simpliciter simplex, in Deo reperta. Deinde dato, & non concessio, quod voluntas, & volitio distinguerentur virtualiter; adhuc non sequeretur, quod in Deo daretur voluntas per modum potentia formaliter secundum rationem, seu ex parte rei conceptæ, sed virtualiter tantum.

21 Quartum argum. Voluntas, & volitio in Deo distinguuntur virtualiter, seu ratione ratiocinata; ergo voluntas habet rationem potentia secundum rationem ratiocinatam. Antecedens probatur, quia tunc aliqua distinguuntur ratione ratiocinata, seu virtualiter, quando licet à parte rei identificentur, tamen præstant propria plurium, non minus ac si essent plura; sic se habent voluntas, & volitio; ergo. Resp. negando antecedens. Ad probationem dico, quod ad hoc vt aliqua distinguantur virtualiter non sufficit, quod vtrunque præstant propria plurium, sed pertinentiū ad diuersas lineas; voluntas autem, & volitio pertinent ad eandem lineam. Quando autem vna formalitas præstat propria plurium eiusdem lineæ, tunc non æquualet illis vt pluribus, secus quando præstat plura pertinentia ad diuersos ordines, seu lineas.

22 Quintum argum. quia volitio est ap-

appetitus elicitus; ergo elici debet à virtute elicitiua; repugnat autem, quod eadē res sit appetitus elicitus, & virtus elicitiua. Resp. quod in Deo volitio non est propriè appetitus elicitus, sed volitio infinita, & vitalis. Si enim semel volitio esset appetitus formaliter elicitus, deberet supponere virtutem elicitiuam; & sic cum in Deo voluntas non sit propriè elicitiua, sed eliciens per modum actus purissimi, sequitur, quod volitio Dei non sit propriè appetitus elicitus. Alia argum. leuiā, & ex dictis soluta prætereo.

D V B I V M III.

An cohereat cū voluntate per modū purissimi actus, quod in ea sint virtutes affectiuæ virtualiter ab illa distinctæ.

23 **C**ommunis Theologorum sententia, sequenti conclusione explicatur. *Virtutes affectiuæ, vt misericordia, infinita, liberalitas, &c. à diuina voluntate virtualiter distinguuntur, tametsi sis actus purissimus.* Hanc concl. docet S. Doctor pluribus in locis, & omnes ferè Theologi, vt testantur N. Salmant. hoc loco.

24 Probatur 1. Illa distinguuntur virtualiter, quæ habent obiecta formaliter diuersa; sed holusmodi sunt diuina voluntas, & diuina misericordia v. g. ergo distinguuntur virtualiter. Maior patet ex communi consensu Philosophorum, & Theologorum. Minor probatur, nam obiectum diuinæ voluntatis, est diuina bonitas in omni sua amplitudine, & prout est in se; & obiectum diuinæ misericordię est diuina essentia, seu diuina bonitas hoc particulari modo, prout scilicet est ratio subleuandi alienam miseriam; sed hæc obiecta sunt formaliter diuersa, vt ex se constat; ergo.

25 Probatur 2. quia ad hoc vt voluntas sit infinita, & actus purus intra propriam lineam, requiritur, & sufficit, quod imbibat per modum transcendentis totam infinitatem, & perfectionem diuinæ essentię, & aliorum attributorum, saltem tanquam aliquid pertinens ad alias lineas;

deinde, quod intra propriam lineam pertingat vsque ad vltimum, vt scilicet sit ipsa volitio, tendens in bonum diuinum secundum suam amplitudinem; sed ad hoc non requiritur, quod sibi identificent absque distinctione virtuali virtutes affectiuæ, v. g. misericordiam; ergo. Minor patet, quia misericordia v. g. est extra lineam voluntatis, & obiectum illius extra obiectum voluntatis, vt ex se, & ex dictis constat.

26 Probatur 3. & explicatur præcedens argum. quia ad hoc vt aliqua ratio formaliter recepta in Deo, & creaturis sit infinita, requiritur, & sufficit, quod præter amplitudinem in creaturis receptam, & convenientem, habeat etiam ex vi suæ lineæ infinitam amplitudinem, incipientem à potentialitate suæ lineæ, & pertingentem vsque ad vltimum actum eius; ergo non est necesse, quod absque distinctione formali sibi identificent ea, quæ ad alias lineas pertinent; huiusmodi sunt diuina voluntas, & diuina misericordia; g. Sicut enim tunc linea prædicamentalis intelligitur completa, quando continet ea, quæ ad eam pertinent; ita linea misericordię tunc intelligitur completa, quando continebit ea, quæ ad lineam misericordię pertinebunt.

27 Sed dices, quod ad actum misericordię non possumus deuenire nisi per actum voluntatis; ergo misericordia non est intra suam lineam completa sine voluntate, ac proinde sine actu voluntatis non intelligitur misericordia, & sic ad eandem lineam pertinebunt. Resp. hinc solum colligi, quod misericordia præsupponat voluntatem, non quod voluntas, & actus illius pertineat ad lineam misericordię; sicut ex hoc quod actus scientię sit actus intellectus, solum sequitur, quod scientia supponat intellectum, & actum illius, non quod scientia non distinguatur ab intellectu, & actu illius. Soluuntur argum. in contrarium.

28 Primum argum. Virtus misericordię pertinet ad lineam voluntatis, ergo ab illa virtualiter non distinguitur. Antecedens ostenditur, quia linea voluntatis est infinita in lineam volendi, ergo ambit quicquid pertinet ad eandem lineam volendi,

lendi; sed misericordia pertinet ad lineam volendi, est enim virtus voluntatis, ergo debet eam voluntas ambire. Resp. negando antecedens. Ad probationem dico, quod voluntas est quidem infinita in linea volendi primaria, & primordiali, non tamen in omni linea; tot enim in linea volendi sunt lineæ, quot sunt objecta formalia per se inspecta. Voluntas ambit, quæ sunt suæ lineæ, non aliarum.

29 Secundum argum. Diuina voluntas nequit distingui virtualiter ab actualitate misericordiæ, ergo neque ab ipsa virtute misericordiæ. Antecedens probatur, quia actus misericordiæ non potest non esse actus voluntatis, ac proinde nequit ab actu voluntatis distingui; quod enim est intra lineam alicuius virtutis affectiue, est etiam intra lineam voluntatis, quia voluntas ad omnia se extendit, ad quæ eius virtutis affectiue se extendunt. Resp. negando antecedens. Ad probationem dico, quod in actu misericordiæ sunt duo, & quod sit actus misericordiæ, & quod sit volitio; secundum priorem considerationem respicit obiectum speciale misericordiæ; & secundum posteriorem considerationem respicit obiectum voluntatis, & sic virtualiter distinguuntur.

30 Tertium argum. Diuina voluntas se ipsa formalissime est determinata ad speciem actus misericordiæ, ergo virtus misericordiæ frustra illi superadditur. Antecedens probatur, quia implicat diuinam voluntatem exercere actum crudelitatis, quod est vitium misericordiæ oppositum; ergo erit se ipsa determinata ad actus misericordiæ. Resp. distinguendo antecedens; diuina voluntas est determinata ad speciem actus misericordiæ secundum rationem communem boni honesti, & conceditur, secundum particularem rationem misericordiæ, & negatur. Quod autem diuina voluntas nequeat exercere actum y. g. crudelitatis, iniustitiæ, &c. oritur ex illa priori determinatione ad bonum honestum.

31 Quartum argum. nam ideo nos non indigemus virtute superaddita ad amandum proprium esse, quia sumus determi-

nati ad illud amandum; sed etiam diuina voluntas est determinata ad actum misericordiæ; ergo. Resp. concedendo antecedens, & negando consequens. ratio discriminis est, quia nos sumus determinati ad amandum proprium esse vt tale, & non tantum secundum rationem communem boni honesti; at diuina voluntas est determinata ad miserendum, solum secundum rationem communem boni honesti, non secundum determinatam rationem subleuandi miseriam, hanc enim non nisi media misericordia respicit.

32 Sed contra hanc solutionem dicemus, non posse voluntatem esse determinatam ad amandum proprium esse vt tale, quia voluntas non tendit in aliquod vt tale, sed sub ratione boni vt sic, quæ est propria ratio obiecti voluntatis. Deinde si semel voluntas creata est determinata, se ipsa ad volendum proprium esse, non videtur posse negari, quin etiam voluntas diuina non possit se ipsa extendi ad volendam miseriam alienæ subleuationem. Ideo namque voluntas creata potest diligere proprium esse, quia ad hoc determinatur secundam rationem generalem sui obiecti; sed hoc idem currit in voluntate diuinæ; ergo. Resp. quod propria ratio amandi proprium esse, non est sola ratio specifica obiecti voluntatis, sed & maxime ratio obiecti connaturalissimi voluntatis; cum enim proprium esse sit suppositum in quo est voluntas, sequitur, quod summè inclinetur, & connaturalissimè ad illud diligendum. Verum si loquamur de aliena miseria, non est obiectum connaturalissimum voluntatis, ac proinde indigebit virtute superaddita. Et licet in nobis subleuatio alienæ miseriæ afferat difficultatem, tum ex parte subiecti, tum ex parte obiecti; in Deo tamen non affert difficultatem nisi obiectalem.

33 Quintum argum. Prouidentia Dei naturalis, supernaturalis, & hypostatica non sunt distincti actus intellectus virtualiter; ergo neque actus misericordiæ distinguuntur virtualiter à voluntate. Antecedens constat, quia specifica distinctio prouidentie, desumi debet ex fine vltimo pro-

prouisoris, non ex finibus intermedijs, & particularibus rerum prouisoriam, finis autem vltimus prouisoris tantum est vnus, scilicet offensio suæ bonitatis, & attributorum. Conseq. suaderetur, quia ratio finalis diuinæ volitionis, debet esse vniuersalissima, cum sit volitio primi, & vniuersalissimi entis, ac proinde erit vnica, scilicet offensio diuinæ bonitatis, & attributorum. Resp. concedendo antecedens, & negando conseq. ratio discriminis est, quia prouidentia diuina ideo vnica est, absque distinctione virtuali, quia fundatur in vnica suprema ratione dominij, scilicet in diuina omnipotentia, seu in potentia creatiua, siue productiua. At voluntas licet vt talis respiciat vnica rationem vniuersalissimam, hanc tamen non possunt respicere eius virtutes, sed respicere debent particulares, & proprias rationes specificas.

D V B I V M IV.

An diuina voluntas, seu diuinum velle spectet ad formalissimum conceptum essentia.

34 **P**rima sententia affirmat, quam tenet Suarez *to. 2. metaphys. disp. 30. sect. 6. n. 4. & sect. 16. n. 13.* & alij, apud N. Salm. hoc loco. Nostra sententia seq. concl. explicatur. *Diuina voluntas non pertinet ad formalissimum conceptum diuinæ essentia, sed ipsam supponit integrè constitutam intra propriam lineam.* Pro hac cōclusionem referunt prædicti Salm. D. Thomam, Capteolum, & Caiet. & est communis sententia Thomistarum.

35 Probatur 1. quia vt supra dicebamus, volitio supponit intellectionem, & formam apprehensam, iuxta illud. *Nihil volitum, quia præcognitum*, ergo volitio diuina supponit intellectionem diuinam, ac proinde naturam iam constitutam. Ex hoc enim præcisè, quod Deus intelligatur habere naturam intellectualem ita perfectam, vt sit ipsa sua intellectio per essentia, concipitur vt constitutus in sua natura, cum tunc concipitur vt distinctus à quibuslibet alijs.

36 Probatur 2. quia ideo processio Spiritus Sancti non est generatio, vt est processio verbi diuini, quia Spiritui Sancto ex vi suæ processionis non communicatur natura diuina, sed tantum voluntas, seu ratio amoris, & impulsus diuini; sed si voluntas pertineret ad conceptum diuinæ essentia, vel naturæ, communicata voluntate, communicaretur formalissimè ipsa natura, ac proinde Spiritus Sanctus procederet per veram, & propriam generationem, quod est falsum; ergo voluntas nullo modo pertinet ad rationem naturæ, seu essentia diuinæ.

37 Occurrit quidam Iunior ex Patr. Societ. ad primum argum. quod diuinum intelligere constituit diuinam essentiam solum inadæquatè, & sic relinquatur locus voluntati, vt secundum aliam rationem inadæquatam constituat. Ad 2. dicit, quod licet tam Verbo, quam Spiritui Sancto communicetur tam intellectus, quam voluntas; tamen Verbo, primariò communicatur intellectus, seu intelligere, & Spiritui Sancto communicatur velle; & cum illa sit prima formalitas tribuit rationem generationis, & filiationis, non ista. Tum quia communicato priori, sequitur communicatio posterioris, non è conuerso.

38 Sed contra primam solutionem, est, quia intellectio diuina constituit essentiam diuinam intra propriam lineam, ergo eam constituit adæquatè, eamque adæquatè ab alijs distinguet. Antecedens constat, quia intelligere non nisi in hac linea constituet. Conseq. constat, quia gradus intellectualitatis in sua linea est vltimatus constitutus, sunt namque quatuor gradus vi sua constituti, scilicet esse, viuere, sentire, intelligere. Tum quia intellectio intra suam lineam est productiua sibi similis, ergo debet supponere naturam constitutam. Tum etiam quia vis appetendi, seu voluntas, nec non & ipsa appetitio vitalis, scilicet volitio, ex propria ratione supponunt constitutam naturam appetentis, ac proinde voluntas diuina debet supponere essentiam diuinam constitutam. Antecedens constat, quia voluntas, & volitio sunt inclinatio in bonum naturæ ap-

petentis, ac proinde naturæ constitutæ.

39 Contra secundam solutionem est, quia cum diuinum intelligere sit prima formalitas, & radix omnium, quæ in Deo reperiuntur, nil illi deest, ad hoc ut constituat diuinam naturam, ac proinde Verbum diuinum cum ex vi suæ processionis recipiat diuinum intelligere, recipiet naturam diuinam per illud constitutam. Tum quia si semel diuinum intelligere non constituit adæquatè naturam diuinam, sed solum inadæquatè, & diuina voluntas constituit eandem essentiam diuinam secundum aliam rationem inadæquatam, sequitur, quod Verbo diuino directè communicetur diuina voluntas, & tanquam differentia constitutiva magis propria; quò nāque differentia est magis vltima, eò est magis propria, & intima, est enim magis actualis, ac subinde magis propriè communicabitur Verbo diuino. Tum etiam quia ex illa solutione sequitur, quod Spiritus Sancti processio sit propriissima generatio, quia esset actio assimilatiua in eo, quod potissimè, & magis vltimatè habet in Deo rationem naturæ, quod est propriū generationis. Tum denique, quia illa productio, quæ est communicatiua rationis magis vltimæ, & atomæ, est etiam communicatiua totius esse, ut inductiue in omnibus constat; ergo si Spiritui Sancto communicatur voluntas, quæ est ratio magis vltima constitutiva diuini esse, ipsum diuinum esse communicabitur. Soluuntur argum. in contrarium.

40 Primum argum. est desumptum ex varijs testimonijs D. Thomæ, in quibus docet, quod Deus causat omnia per suum esse, quia causat illa per voluntatem, quæ est suum esse; quod verum non esset nisi voluntas pertineret ad constitutum diuinæ essentię. Resp. mentem D. Thomæ esse, quod diuina voluntas, & omnia diuina in Deo pertineant ad diuinum esse, quia sunt vnum, & idem realiter, licet virtualiter distinguantur. Tribuitur autem magis voluntati creaturarum productio, quia proprium est voluntatis mouere, quod ex eorum productione effectuum.

41 Secundum argum. quia nomine

Dei intelligimus ens summè perfectum, quo nihil melius excogitari potest; sed conceptus quidditatiuus entis summè perfecti includit in se omnem perfectionem simpliciter simplicem; ergo etiam includere debet diuinam voluntatem, cum sit perfectio simpliciter simplex. Resp. quod ad conceptum quidditatiuum Dei concipiendum, sufficit, quod concipiatur ut habens omnem perfectionem realiter, & formaliter, quia in Deo omnia sunt vnica formalitas, non tamen est necesse, quod omnia concipiantur tanquam vnum absq; distinctione virtuali.

42 Tertium argum. Perfectiones creaturarum, quæ in Deo eminenter continentur, pertinent ad conceptum quidditatiuum diuinæ essentię, ergo etiam perfectiones, quæ in Deo formaliter continentur, vti est voluntas. Consequ. constat. Antecedens probatur; quia in Deo præhabentur cuncta creata quatenus est ens primum, ens de se necessarium, sed iste conceptus pertinet ad essentiam Dei formalissimè, ergo, &c. Resp. distinguendo antecedens: pertinent ad conceptum quidditatiuum diuinæ essentię, prout in ea continentur radicaliter, & conceditur, prout præcisè dicunt ipsam continentiam eminentialem, & negatur hoc enim modo supponant essentiam constitutam, sicut & perfectiones attributales.

43 Quartum argum. Ex rebus per se vnitatis, & alicui supposito communicatis resultat aliqua essentia per se, ut patet in materia, & forma, in potentia, & actu metaphysico, ac intellectio, & volitio, & alia attributa in Deo vniuntur, & magis quam materia, & forma, cum sint vna, eademq; formalitas; ergo ex illis resultat vna essentia. Resp. concedendo maiorem loquendo de ijs rebus, quæ ex sua, & ex propria linea apta sunt constituere vnum per se, seu vnam essentiam, ut constat in exemplis allatis; cæterum in diuinis, licet voluntas, & cætera attributa constituant vnicam formalitatem, non tamen vnam constituunt essentiam, cum ad illam comparentur tanquam attributa, & quasi proprietates illius, ac proinde illam supponunt

nunt constitutam, non constituunt.

44 Quintum argu. Quia in Deo nulum est accidens, aut affectio accidentalis etiam secundum nostram rationem cum fundamento in re, ergo quicquid est in Deo est substantia, ac proinde pertinebit ad intrinsecum conceptum Dei. Resp. concedendo antecedens, & etiam primam conseq. modo sensus sit, quod attributa sint realiter, & formaliter substantia, quatenus sunt vna, eademque formalitas cum diuina substantia, licet secundum expressum eorumdem attributorum conceptum non expriment rationem substantiæ, sed affectionis illius, ac subinde nisi hoc modo pertinent ad conceptum intrinsecum Dei.

45 Sextum argum. In nobis ratio volitiui radicaliter pertinet ad intrinsecam constitutionem nostræ naturæ; ergo in Deo actualis eius volitio pertinebit ad intrinsecam constitutionem illius. Antecedens patet, quia natura humana se ipsa formaliter est radix volendi, sicut & omnium aliarum proprietatum ab ipsa dimanantium. Conseq. probatur, quia omnis perfectio conueniens naturæ intellectuali, alio modo competit Deo; ac proinde si naturæ humanæ competit esse radicaliter volitiuam; naturæ diuinæ competit esse actualiter volitiuam. Resp. concedendo antecedens, & negando conseq. ratio discernis est, quia in nobis esse volitium radicaliter idem est, ac esse intellectuum radicaliter, ac proinde pertinet ad essentiam hominis. At in Deo licet esse volitium radicaliter perueniat ad essentiam Dei, non tamen esse volitium actualiter, quia sit transitus ab vna linea ad aliam; à linea constitutiva, ad lineam attributalem. Alia leuia, ex dictis soluta prætereo.

D V B I V M V.

An in Deo sit volitio creaturarum.

46 **C**ommunis sententia est affirmatiua, quam sequenti concl. proponimus. *In Deo datur volitio creaturarum.* Hæc concl. est de fide, constat ex illo psal. 134. *Omnia quæcumque voluit Dominus se-*

cit. Et ex illo Ioan. 3. *Sic Deus dilexit mundum; &c.* Hanc concl. sic probat S. Doctor att. 2 huius q. 19. Res naturales per appetitum naturalem inclinantur in communicationem propriæ bonitatis; ergo etiâ res intellectuales per appetitum rationalem debent eodem modo inclinari, ac proinde etiam diuina voluntas: bonum, namq; est diffusiuum, & communicatiuum sui. Confirmatur hæc ratio, quia quicumque amat aliquod bonum secundum se, & propter ipsum, amat etiam ex consequenti omnia illa in quibus tale bonum reperitur; sicut qui amat dulcedinem, fertur in omnia dulcia; sed Deus amat suam bonitatem secundum se, & propter se; ergo etiam amare debet creaturas in quibus di. & bonitas reperitur participatue.

47 Sed dices hinc non sequi Deum de facto velle creaturas, sed solum posse eas velle; sicut ex hoc, quod res naturales inclinentur ad sui communicationem, non sequitur, quod de facto se communicent, sed solum, quod possint se communicare. Resp. rationem D. Thomæ conuincere, supposita productione creaturarum; nam ante illam solum in Deo intelligimus posse se communicare, non actu se communicare. Soluuntur argum. in contrarium.

48 Primum argum. Si Deus vellet creaturas, maxima illi ex hoc accresceret perfectio; sed hoc est falsum, ergo Deus non vult creaturas. Maior ostenditur, quia voluntati, & cuiusque potentie aliæ aduenit maxima perfectio ex eo, quod circa particularia objecta versantur, & quò in plura feruntur, eò perfectiores euadunt. Resp. quod ex hoc, quod Deus vult creaturas, nulla ei accrescit perfectio, cum omnium illarum perfectiones contineat eminentissime. Sed contra hoc est, quia licet objectum voluntatis creare sit bonum in communi, ac proinde ambiat omnem excogitabilem bonitatem, siue creatam, siue increatam; nihilominus voluntas creata non sumit totam perfectionem à bono vt sic, sed etiam se extendendo ad bona particularia; ergo idem dicendum erit de voluntate diuina. Tum quia in illo possessori in quo diuina voluntas post volitio-

nem propriæ bonitatis, intelligitur velle creaturas, non potest non concipi cum aliqua habitudine ad easdem creaturas, quæ habiundo cum sibi realis, nouam afferre debet perfectionem. Deinde dato, quod illa habiundo sit aliquid rationis, adhuc afferre debet reale fundamentum, ac subinde aliquid perfectionis. Resp. concedendo antecedens, & negando consequens, quia obiecta particularia afferunt nouam perfectionem respectu voluntatis creatæ, non respectu voluntatis diuinæ. Tum quia bonum ut sic, quod est obiectum voluntatis creatæ non continet in actu omnem rationem boni, ac proinde voluntas creata perficitur per extensionem ad obiecta particularia. Coeterum bonum diuinum ut sic, quod est obiectum diuinæ voluntatis, continet in actu omnem rationem boni, ac proinde voluntas diuina per extensionem ad bonitates creatas nullam acquirit perfectionem. Per quæ patet ad illud, quod additur, quia licet diuina voluntas non posset concipi sine creaturis, non tamen inde sequitur, quod per extensionem ad illas aliquam adquirat perfectionem, ut constet de diuina omnipotentia, quæ sine ordine ad creaturas concipi non potest, & tamen non ob hoc capit aliquam perfectionem ab illis.

49 Secundum argum. Quoniam si in Deo admittitur talis volitio, vel erit ipsi intrinseca, vel non? Non primum, quia potuit non esse in Deo, cum potuerit Deus nihil decernere de productione creaturarum: Neque secundum, quia si semel ea volitio admittitur, non potest non esse intrinseca; cum volitio sit de genere immanentium, & Deus sibi identificent omnia, quæ in ipso sunt. Resp. dictam volitionem esse Deo intrinsecam quoad suam entitatem, non tamen quoad terminationem, quia hæc separari potest, & potuit non esse quoad dictam terminationem.

50 Tertium argum. Nam si in Deo esset volitio creaturarum, vel illas diligere tribuendo eis bonitatem; vel non neutrum esse potest; ergo. Primum patet, quia vellet, & non vellet creaturas. Vellet, ut supponitur: non vellet, quia in illo priori

antequam tribuat bonitatem, velle non potest, cum adhuc non habeant bonitatem. Neque secundum, quia cum creaturæ habent bonitatem participatam, non possunt non esse volitæ, ut ex supra dictis constat. Resp. quod diuina voluntas vult creaturas tribuendo illis bonitatem. Ad improbationem, dico, quod illud prius, est solum a quo, non in quo. Vel dic, quod sicut intellectio distinguitur in se ipsam ut est dictio, & ut est intellectio, & illud prius præcedit istud. Ita voluntas prius intelligitur, ut quasi dicens, seu præcedens creaturas, deinde ut diligens illas.

D V B I U M VI.

An Deus velit alia à se tanquam obiecta particularia, an obiectum adequatum sit sola bonitas diuina.

51 **P**rima sententia tenet, quod obiectum diuinæ voluntatis adæquatum sit bonum in communi, ac proinde bonitas creaturarum, est obiectum formale inadæquatum. Pro hac sententia referunt N. Salmant. hoc loco Aureolum, Durandum, Suarez, Pesantium, Hecce, aliosque.

52 Secunda sententia tenet, quod licet diuina bonitas sit obiectum adæquatum motuum, non tamen terminationum, quia hoc conuenit bonitati in communi, ut abstrahit à creatis, & increatis. Sic aliqui iuniores apud Salmant. ubi supra. Tertia sententia asserit, quod obiectum perfectionis diuinæ voluntatis, est sola bonitas diuina; at obiectum terminationis, & extensionis, est etiam bonitas creaturarum. Sic Artubal in præfenti.

53 Nostra sententia sequenti concludit. *Obiectum adequatum diuinæ voluntatis tam motuum, quam terminationum; tam perfectionis, seu entitatis, quam terminationis, est sola diuina bonitas.* Pro hac sententia referunt N. Salmant. plura D. Thomæ testimonia. Vnde hanc conclusionem tuentur non solum omnes D. Thomæ discipuli, verum etiam innumeri alij ab iisdem Patribus citati. Pro intellectu

et

Et rationis fundamentalis notat d. Patres ex D. Thoma, & D. Bernardo, quod in amore Dei duæ rationes distingui possunt ex parte nostri modi concipiendi, scilicet ratio amoris affectionis, & effectiõnis. Ratio amoris, seu amor affectionis, est ille, quo quis afficitur, & mouetur ad volendum, seu amandum. Ratio amoris, seu amor effectiõnis, est ille, quo quis tribuit, producit, communicat bonum absque eo, quod erga illud afficiatur. Et licet in Deo erga se ipsum, suamque bonitatem ponatur amor affectionis, non tamen erga creaturas; erga namque creaturas solus amor effectiõnis poni potest; non enim potest Deus inclinari ad creaturas, sed potius eas inclinari ad se. Vnde ille idem amor, qui est effectiõnis erga creaturas, est affectionis erga ipsum Deum: cum Deus moueatur ad bonificandas creaturas ex affectu propriæ bonitatis.

54 Ex quibus sequens ratio deducitur pro nostra concl. Nam amor, & volitio Dei erga creaturas, non est affectionis, sed effectiõnis; ergo sola diuina bonitas est obiectum formale tam motiui, quàm terminatiui. Antecedens constat ex dictis. Conseq. probatur, quia ad hoc vt creaturæ habere possint rationem obiecti formalis motiui, & terminatiui respectu amoris, seu volitionis diuinæ, requiritur vt dilectio, & volitio Dei erga illas sit affectiuus, ita quod diuina voluntas ex affectu ad illas, in eas tendat, & ab earum bonitate ad ipsas moueatur; seu volendo illas, in eas inclinetur, & ordinetur, & in eas quodammodo transformetur; sed hæc implicantes; ergo, &c.

55 Probatur deinde, quia diuina bonitas est obiectum simpliciter, & omnibus modis primum diuinæ voluntatis; ergo est obiectum adæquatum tum motiui, tum terminatiui eiusdem. Conseq. constat, idem namque est obiectum adæquatum, ac simpliciter, & omnino, seu omnibus modis primum. Antecedens probatur, quia si semel diuina bonitas non esset obiectum primum aliquam contineret imperfectionem, quia non haberet omnem, & infinitam rationem volibilis.

Tum quia aliàs diuina bonitas non esset primum volibile. Tum etiam quia sicut diuina veritas habet omnem rationem intelligibilis, ita diuina bonitas habet omnem rationem volibilis, &c.

56 Demum probatur concl. Creaturæ sunt solum obiectum materiale, & secundarium diuinæ voluntatis; ergo non possunt pertinere ad rationem obiecti adæquati. Conseq. constat. Antecedens ostenditur, quia illud est obiectum materiale, aut secundarium, quod attingitur ratione alterius, huiusmodi sunt creaturæ; illæ namque attinguntur in diuina essentia, & ratione illius, cum non habeant proprias species in Deo, quibus attingantur.

57 Primum argum. Quia in voluntate diuina non solum est amor charitatis qua Deus amat se propter se, sed etiam aliæ virtutes, vt iustitia, misericordia, fidelitas, &c. sed hoc non esset si obiectum diuinæ voluntatis esset sola diuina bonitas; nam hæc est obiectum solius charitatis; prædictæ autem virtutes etiam bonitatem creatam respiciunt. Resp. distinguendo maiorem, & negando minorem. Ad probationem dico, quod omnes virtutes, quæ in diuina voluntate reponuntur, habent pro obiecto diuinam bonitatem, sed aliter, & aliter; nam charitas respicit diuinam bonitatem prout est in se; misericordia respicit eandem modo magis contracto, vt scilicet est ratio subleuandi miseriam, &c.

58 Secundum argum. Finis est obiectum voluntatis, sed Deus præter suam essentiam, & bonitatem habet alium finem immediatum suæ voluntatis, ergo. Minor probatur, quia Deus amat nos amore charitatis, & amicitie, quo vult nobis bonum propter nos, & non immediate propter se. Nec valet dicere, quod Deus dicatur amare nos amore amicitie, quia amat nos, non propter nos, sed propter se, tanquam propter vltimum finem, in quo consistit vera charitas, veraque amicitia. Nam contra est, quia de ratione amoris amicitie est, quod persona ametur propter se ipsum; ergo si Deus amat nos propter se met ipsum, non amabit nos amore amicitie, sed

sed concupiscentiæ. Tum quia in Deo periret liberalitas, & magnificentia; ideo namque Deus maximè liberalis est, quia nobis sua dona non confert ob suam, sed ob nostram utilitatem, &c. Resp. sustinendo solutionem traditam. De ratione namque amicitiae, si vera, & honesta est. quod seruet regulas honestatis, quæ in hoc consistunt, quod persona ametur, & respiciatur, secundum rectum rationis dictamen; est autem secundum rationis dictamen, quod creatura rationalis ametur in ordine ad suum finem ultimum, & propter illum, & est contra dictamen rationis, quod ametur propter se ipsam, tanquam finem ultimum, cum non sit, nec esse possit. Vnde charitas supernaturalis, est vera amicitia, & tamen proximus amatur propter Deum tanquam propter finem ultimum. Ad illud, quod de liberalitate, & magnificentia dicitur, dico, quod dupliciter Deus dici potest agere propter se. Primò propter se petticiendum, nobiliandum, &c. & si hoc modo Deus nobis sua bona conferret non esset liberalis, nec magnificus. Secundò, propter se, quia sic decet suam bonitatem, & hoc modo est liberalis, magnificus, &c. cum sua dona confert.

59 Tertium argum. Nam Deus amat suam bonitatem non solum secundum, quod diuina est, verum etiam secundum, quod est bona, quæ ratio prior, vniuersaliorque est bonitate diuina; ergo obiectum diuinæ voluntatis est hoc, non illud. Antecedens constat, quia ratio boni ut sic, secundum suam vniuersalitatem, amabilis est; ergo. Resp. negando antecedens, Deus namque non amat suam bonitatem, nisi qua diuina est. Ad probationem dico, quod Deus amat bonitatem ut sic sub ratione sui obiecti specificatiui, seu sub ratione diuinæ bonitatis, & non nisi hoc modo bonitas ut sic est diligibilis à diuina voluntate. Et per hæc paret ad fundamenta aliarum sententiarum.

D V B I U M VII.

An Deus necessariò velit suam bonitatem.

60 **C**onclusio de fide est, quod Deus necessariò iam quoad specificationem, quam quoad exercitium velit, seu diligat suam bonitatem; cum enim secundum fidem Spiritus Sanctus procedat à Patre, & Filio necessariò per eam voluntatem qua se mutuo diligunt, sequitur, quod ea dilectio debeat esse necessaria utraque necessitate dicta. Tum quia Deus secundum fidem est beatus per essentiam; ad beatitudinem autem sequitur amor, & fruitio.

61 Hanc concl. sic probat S. Doctor art. 3. præsentis q. 19. *Voluntas diuina necessariam habet habitudinem ad bonitatem suam, qua est proprium eius obiectum. Vnde bonitatem suam esse, Deus ex necessitate vult, sicut & voluntas nostra ex necessitate vult beatitudinem; sicut & qualibet alia potentia necessariam habet habitudinem ad proprium, & principale obiectum, ut visus ad colorem, quia de sui ratione est, ut in illud tendat.* Vázquez hoc loco dicit, quod D. Thomas per hanc rationem intendit probare utramque necessitatem, sed eam non probat. Caiet. Bannes, & Zumel in hoc art. & Ferrar. 1. *contra gent. cap. 80. & 81.* dicunt, quod D. Thomas in hoc articulo, & per rationem dictam non intendit probare nisi necessitatem specificationis, non exercitij. Nam ex eo, quod beatitudo ut sic, seu bonum in communi sit obiectum adæquatum voluntatis creatæ non rectè inferitur, quod necessitate quoad exercitium feratur in illud, sed solum quod feratur necessitate specificationis. Et ex eo quod obiectum visus sit color, non sequitur, quod visus feratur in colorem necessitate exercitij, sed tantum specificationis; ergo ex hoc, quod diuina bonitas sit obiectum diuinæ voluntatis, non sequitur, quod necessiteretur necessitate exercitij, sed tantum specificationis.

62 Nihilominus dicendum est cum reliquis Thomistis, ut testatur Salm. quod D. Tho-

D. Thomas probet utramque necessitatem; quia ut constat ex toto articulo, S. Doctor id concedit voluntati diuine ex vi rationis dictæ, quod negat potentijs naturalibus, sed potentijs naturalibus respectu suorum obiectorum negat necessitatem exercitij, & solum concedit necessitatem specificationis; ergo, &c. Tum etiam quia probat S. Doctor in hoc articulo, quod Deus diligit se ipsum necessitate absoluta; absoluta autem necessitas, est non tantum specificationis, verum etiam exercitij. Nec ratio in contrarium adducta probat; quia licet ex habitudine potentiæ ad suum obiectum, quando non est intimè eidem potentiæ vnitum, non inferatur nisi necessitas specificationis, tamen quando est intimè vnitum, ut in nostro casu contingit, inferitur necessitas etiam exercitij. Si enim ex hac vnione beati necessitantur vtraque necessitate, à fortiori necessitabitur diuina voluntas.

63 Primum argum. quia si Deus vult necessariò se ipsum, debet etiam necessariò velle quamuis perfectionem suam; sed hoc repugnat; g. Maior constat, quia qui necessariò vult aliquid, debet etiam necessariò velle omnia, quæ cum eo coniuncta sunt. Minor probatur, quia quodlibet attributum, non importat omnimodam rationem boni, sed solum infinitam bonitatem in proprio genere; ergo non necessariò est volitum à Deo. Nec valet dicere, quod attributa non solum sunt infinita in proprio genere, verum etiam in omni genere, inquantum continent diuinam essentiam per modum transcendentis. Nam contra est, quia hinc solum sequitur, quod attributa materialiter, & identicè contineant omnem rationem bonitatis, & totam entis latitudinem, ac proinde, quod solum hoc modo sint necessariò volita, non prout sunt talia formaliter. Resp. sustinendo traditam solutionem; ad impugnationem, dico, quod essentia diuina non solum materialiter imbibitur in attributis, sed etiam formaliter, quia reperitur in illis licet non sub conceptu essentiae, sed sub conceptu attributi. Pro quo nota, quod sicut in rationalitate possumus mentis præ-

cisione distinguere penes implicium, & explicitum modum illum, seu rationem differentialem in qua imbibitur ratio entis, & ipsam rationem entis imbibitam. Ita in voluntate diuina possumus distinguere modum, seu rationem propriam voluntatis, quæ per conceptum expressum voluntatis exprimitur, & in qua diuina essentia per modum transcendentis imbibitur; & ipsam essentiam diuinam ut habet rationem transcendentis. Licet in hoc sit aliqua disparitas inter exemplum allatum, & essentiam diuinam. Quia in exemplo allato non est eadem formalissima entis portio quæ descendit ad rationalitatem, & ad reliquas animalis differentias; at in nostro casu eadem prius essentia diuina absque virtuali distinctione descendit ad voluntatem, & ad reliqua attributa, ac proinde quantum ad rationem transcendentis eadem exprimitur perfectionem, licet quoad expressionem proprii conceptus vnum attributum sit alio perfectius.

64 Secundum argum. operari absque dominio actus dicit intrinsecè imperfectionem; sed operari necessariò, est operari absque dominio actus, ergo, &c. Resp. quod operari absque dominio actus, seu necessariò, quando hæc necessitas est aut violenta, aut innata, & absque consortio cognitionis intellectualis dicit imperfectionem. Secus quando operari oritur ex ipsa obiecti natura, & illud operari est vitale, voluntarium, & cum perfectissima cognitione summi boni.

65 Tertium argum. Ideo voluntas creata habet necessitatem quoad specificationem, & libertatem quoad exercitium respectu sui obiecti specificantis, scilicet boni in communi, quia simul habet rationem naturæ, & libertatis; sed hæc ratio procedit etiam in voluntate diuina; ergo. Maior constat; nam ex quo capere voluntas est natura, non potest non habere aliquam necessitatem erga suum obiectum; & ex quo capere est libertas, non potest non habere aliquam libertatem circa idem obiectum. Minor etiam constat, quia ratio naturæ, & libertatis; saltem in actu primo

primo dicunt perfectionem, ac proinde etiam in diuina voluntate reperiri debent. Resp. concedendo maiorem; nam voluntas creata respectu eiusdem obiecti specificantis vtrumque habet, & rationem naturæ, & libertatis. Deinde neganda est minor si intelligatur in ordine ad eius obiectum specificatiuum; diuina namque voluntas necessitatur vtrique necessitate erga suum obiectum specificatiuum, cum sit summum bonum, intimè præsens, & perfectissimè cognitum, quod non contingit in voluntate creata respectu boni in cōmuni. Dixi si intelligatur in ordine ad eius obiectum specificariuum; nam si intelligeretur in ordine ad obiectum materiale, & secundarium, scilicet creaturas, est perfectissima libertas.

66 Quartum argum. Deus non odit necessariò peccatum, vt necessariò velit ipsum non esse; ergo nec necessariò vult suam bonitatem. Antecedens patet, quia si Deus necessariò vellet non esse peccatum, re ipsa non esset. Conseq. probatur, quia peccatum opponitur diuinæ bonitati, & quantum est de se eam destruit; ergo si Deus non vult necessariò non esse peccatum; nec vult necessariò suam bonitatem; quia eadem necessitate qua quis amat aliquid, odit malum eidem oppositum. Resp. concedendo antecedens. Odit quidem Deus peccatum simplici quodam odio. Est in Deo circa peccatum simplex quædam displicentia, simplex quædam abominatio, non odium efficax, quo efficaciter, & necessariò velit non esse peccatum. Deinde negatur conseq. Ad probationem dico, quod peccatum non opponitur diuinæ bonitati formaliter, sed obiectiue, & quasi affectiue, ac proinde ex hoc, quod Deus necessariò amet suam bonitatem, non sequitur, quod debeat necessariò odio habere peccatum.

67 Quintum argum. Quia si ob aliquam rationem Deus necessariò amaret se ipsum, vt cessare non posset, maximè quia aliquin posset intrinsecè mutari; hæc ratio est nulla; ergo Minor probatur, quia Deus eodem modo immutatus, nunc vult creaturas; ergo, &c. Resp. concedendo

maiorem, & negando minorem: ad probationem dico, esse disputatam, quia diuina bonitas, est obiectum primarium, diuinæ voluntatis, & creaturæ sunt obiecta secundarium; si diuina bonitas posset non amari, posset non esse entitas actus diuini, qui ad illam terminatur, ac ex hoc, quod possint non amari creaturæ non sequitur, quod possit definire entitas actus, sed solum connotatum.

D V B I U M VIII.

An Deus velis se ipsum amore propriè dicto, an solum actu gaudij.

68 **I**N voluntate nostra ad similitudinem concupiscibilis, & irascibilis, ponuntur vndecim motus, scilicet amor, desiderium, odium; fuga, tristitia, timor, audacia, ira, gaudium, spes, & desperatio. Certum est, quod in Deo non detur desiderium, cum nullum detur bonum desiderabile, quod in Deo non sit. Item certum est, quod in Deo non detur odium, proprii boni, sicut nec fuga, nec tristitia, timor, nec audacia, nec ira; nec spes, cum sit de bono arduo; nec desperatio ob oppositam rationem. Est etiam certum, quod in Deo detur gaudium de proprijs bonis. Item certum est, quod in Deo detur amor generaliter prout accipitur pro quouis affectu voluntatis ad bonum terminato. Difficultas solum est, an detur amor propriè dictus, prout scilicet est actus voluntatis, qui tendit in bonum in communi, seu secundum se, prout præscindit à præsentia, & absentia.

69 Prima sententia asserit, in Deo non esse amorem strictè, & specialiter distinctum respectu sui. Sic tenent Herice, & Arrubal hoc loco apud Salmant. & alij. Nostra sententia seq. conclusionibus explicatur. Prima concl. *In Deo datur amor strictè, & propriè dictus circa propria bona.* Pro hac concl. referunt Salmant. plura D. Thomæ testimonia; eamq; tuentur Caiet. Ferr. Gonzalez, & alij.

70 Probatur 1. quia de ratione amoris strictè, & propriè dicti non est, quod non

non tendat in bonum possessum, sed quod non tendat in illud formaliter ut possessum, sed secundum se, seu ut bonum est; sed diuina voluntas tendit in bonum diuinum, quod quidem possessum est, sed prout bonum est; ergo amat illud amore strictè, & propriè dicto. Maior quoad primam partem probatur, quia actus amoris strictè dictus, est primus actus voluntatis, à quo alij ceteri ortum ducunt, quia nullus desiderat nisi bonum amatum; nullus gaudet, nisi de bono amato; nullus odit, nisi id, quod contrariatur bono amato, &c. Si autem esset de ratione amoris, quod non tenderet in bonum possessum; non posset esse principium actus gaudij, de cuius ratione est, quod tendat in bonum ut possessum. Tum quia aliàs in Deo non esset amor finis, seu sui ut finis, sed tantum gaudium, quod non est verum, quia ex gaudio præcisè nemo mouetur ad electionem mediorum. Deinde probatur eadem maior quoad secundam partem, quod scilicet ad rationem amoris propriè dicti sufficiat, quod tendat in bonum possessum, quia ratione bonum est; quia cum amoris actus sit primus motus voluntatis, debet tendere in bonum secundum quod bonum est, non ut dicit ratione boni magis contracta, aliàs non esset primus voluntatis motus. Tum quia bonum non solum est amabile ut possessum, sed etiam secundum se, &c.

71 Probatur 2. quia amor strictè, & specialiter dictus, duo habet. Primum, quod fundatur in vnione amantis, & amati. Secundum, quod ipse amor est vnio quædam stricta, & specialis eiusdem amantis cum re amata; ergo non est contra rationem amoris, quod amans, & res amata sint inter se coniunctissima. Antecedens quoad primam partem, patet, quia ob id magis amamus eos, quos nobis vnit generis origo, conuersationis vsus, &c. Tum quia cum vnumquodque naturaliter appetat proprium bonum per appetitum sibi proportionatum, & proprii boni appetitus sit fundamentum amandi alia, sequitur, quod quanto bonum est vnium, eo maiorem habeat diligibilitatis rationem. Quoad secundam partem constat idem antec-

dens ex ijs, quæ omnes trahunt ex D. Dionysio. *de diuin. nomin. cap. 4.* Ex D. Thoma ibid. ex D. Aug. *lib. 8. de Trinit. cap. 10.* quod amor est vinculum amantis, & amati, quod est vis quædam miscens amantem, & amatum, quod est vitæ duo copulans, &c. Consequenter probatur, quia sicut omnino sunt perfectissima intellectio cum summa vnione intellectiois cum re intellecta, ut est diuina intellectio, & essentia diuina; ita optime habunt perfectissimus amor cum summa vnione cum re amata.

72 Secunda conclusio. *Amor propriè dictus in Deo repertus, non est tantum formaliter amor, sed est simul gaudium, absque distinctione virtuali; ac proinde prædictus amor est formaliter, & eminenter talis.* Pro hac conclusio citant N. Salmant. D. Thomam *q. 20. art. 1 ad 1.* eiusque discipulos. Huius conclusionis sensus est, quod sicut practicum, & speculatiuum possunt duobus modis considerari: & secundum esse limitatum, secundum quod sunt differentie diuidentes scientiam; seu considerari possunt secundum quod sunt practicum, & speculatiuum formaliter tantum. Et considerari possunt secundum quod non dicunt esse limitatum, seu non dicunt esse tantum formaliter practicum, & speculatiuum, sed formaliter, & eminenter, secundum quam rationem non sunt differentie diuidentes scientiam, sed in eadem scientia esse possunt, ut *disp. 1.* diximus de Theologia. Ita amor, & gaudium considerari possunt secundum esse limitatum, ut sunt talia formaliter tantum, ut in nobis contingit; & secundum esse illimitatum prout sunt talia formaliter, & eminenter, seu prout amor, non est tantum amor, sed est amor eminens, qui simul est gaudium, & talis est amor Dei erga propriam bonitatem.

73 Probatur 1. Voluntas in nobis absque distinctione, est dilectiua, & gaudiosa, ut sic dicamus, proprii esse; ergo in Deo dilectio erit simul gaudium respectu proprii esse, seu propriæ bonitatis. Antecedens constat, quia in nostra voluntate non datur distincta virtus ad amandum, & gaudendum de proprio esse; cum nec ad

amandum, nec ad gaudendum de proprio esse, habeat difficultatem. Consequenter, quia eandem perfectionem, quam habet voluntas creata per modum potentiae, habet voluntas divina per modum purissimi actus: Ergo si voluntas creata per modum potentiae sibi identificat rationem potentiae ad amandum, & gaudendum; hoc faciet voluntas divina per modum actus purissimi.

74 Probatur 2. quia ideo scientia Dei absque distinctione virtuali est simul practica, & speculativa, quia eius obiectum, scilicet Deitas, habet in ratione obiecti formalis ipsius tantam eminentiam, ut se ipsa formalissimè utramque rationem obiectivam speculativam, & practici tanquam rationes inadæquatas, ex parte solius modi concipiendi distinctas, contineat; sed etiam divina volitio est huiusmodi; ergo absque distinctione virtuali erit simul actus amoris, & gaudij. Maior constat. Minor probatur; nam obiectum divinæ voluntatis, est bonitas divina, de cuius ratione est; ut sit infinite bona, & simul sit quasi obiecta, & possessa ab ipso Deo, & istæ sint duæ rationes inadæquatæ ex parte solius modi concipiendi distinctæ; ergo volitio in eam tendens habebit tum rationem amoris, tum rationem gaudij absque distinctione virtuali.

75 Sed dices 1. hinc sequi voluntatem, & misericordiam non distingui in Deo virtualiter, quia solum afferunt distincta munera ex parte nostri modi concipiendi, est enim bonitas divina una, eademque; ergo. Resp. quod bonitas divina respectu voluntatis, & misericordiae, est quidem una in esse rei, sed multiplex in esse obiecti, & affecti diuersa munera pertinentia ad diuersas lineas; non sic respectu amoris, & gaudij, ut ex dictis liquet.

76 Dices 2. quia tamen in nobis bonitas proprii esse habeat tum rationem bonitatis, tum rationem possessi, nihilominus actus amoris, & gaudij de illa distinguuntur realiter; ergo in Deo distinguuntur virtualiter. Resp. concedendo antecedens, & negando consequens, quia ut ex dictis patet, sicut practicum, & speculativum in inferioribus distinguuntur essentialiter, &

non in scientia superiori, ita gaudium, & amor in nobis distinguuntur realiter ratione limitationis, non in Deo ubi sine limitatione reperiuntur.

77 Dices 3. quia si ratio nostra probarer, convinceret, quod in Deo voluntas, & misericordia, & iustitia, &c. non distinguuntur virtualiter; quia tum in voluntate nostra, tum in voluntate divina vis ad amandum, & miserendum, & iustum faciendum, &c. non distinguuntur, sicut non distinguuntur vis ad amandum, & gaudendum. Resp. negando antecedens. Ad probationem dico, quod licet vis radicalis ad amandum, & miserendum non distinguatur, bene tamen vis proxima; nam voluntas, & misericordia pertinent ad diuersas lineas; non amor, & gaudium.

78 Primum argum. quia amor ut distinctus à gaudio, & desiderio non terminatur ad rem ut consecutam, & quasi inexistentem in subiecto, cui amatur, quia hoc est proprium gaudij; ergo non minus repugnat Deo hic affectus, quam actus desiderij. Consequenter probatur, quia ideo nequit esse in Deo actus desiderij, quia sibi, & perfectionibus eius repugnat futuritio; desiderium namque est rerum futurarum, sed non minus Deo repugnat bonitas indifferens, seu præcindens à presenti, & absenti; ergo. Resp. distinguendo antecedens; non terminatur ad rem ut consecutam reduplicativè, & tanquam ad rationem formalem *sub qua*, & conceditur; non terminatur ad rem ut consecutam specificativè, & tanquam ad rationem formalem *qua*, & in esse rei, & negatur. Unde in hoc differt amor à desiderio, quod desiderium tendit in rem non consecutam, ut talem; at amor potest tendere in rem tum consecutam, tum non consecutam, sed secundum se. Et ut amor est eminenter gaudium, tendit etiam in rem consecutam, licet secundum propriam rationem inadæquatam, non dicat, sed præcindat à consecratione.

79 Secundum argum. Implicat divinum intellectum contempleri suam bonitatem ut præcisam ab existentia, ergo etiam implicat in Deo aliquis affectus erga suam boni-

bonitatem, qui ad eam terminetur, & non ut obtentam, ut possessam. Antecedens constat, quia divina bonitas non potest non esse possessa, & consecuta à Deo, ac proinde divinus intellectus cum cognoscat eam vi est, non potest non eam ut possessam cognoscere. Consequenter etiam constat, quia ad volitionem requiritur cognitio, ac proinde ubi cognitio non præscindit, nec etiam volitio præscindere potest. Resp. concedendo antecedens, & distinguendo consequens: qui non terminetur ad eam ut possessam reduplicatiue, & negatur specificatiue, & conceditur. Ad probationem dico, quod licet divinus intellectus non possit proponere voluntati suam bonitatem ut non consecutam, sed consecutam, potest tamen illam proponere; & ut consecutam reduplicatiue, & consecutam specificatiue.

80 Tertium argum. quia in intellectu divino solum ponuntur duo status cognitionis, scilicet possibilitatis, & præsentialitatis; ita in divina voluntate solum ponibent duo status volitionis, scilicet præsentialitatis, seu actualitatis erga Deum, & possibilitatis, seu quasi abstractionis erga creaturas. Resp. hoc argumentum solum probare, quod divina voluntas non possit tendere in divinam bonitatem ut absentem, sed præsentem, non tamen reduplicatiue.

81 Quartum argum. quia erga divinam bonitatem in Deo actu existentem, & possessam solum duo affectus esse possunt: unus qui in illam tendat secundum se, non ut habitam qui affectus potest hac hypothese explicari: si per impossibile divina bonitas non existeret in Deo, aut non ab ipso possideretur, adhuc esset illi gratissima, quia continet omnem rationem bonitatis. Alter qui tendit in divinam bonitatem ut possessam; ex istis, primus Deo repugnat, ergo amor strictè acceptus Deo repugnat. Minor probatur, quia dictus affectus est simplicis complacentiæ, ac proinde imperfectus, & inefficax, non tendens vi sua ad consecutionem talis bonitatis, ac subinde Deo repugnans. Resp. transeat maior, & negatur minor; ad probationem

dico, talem affectum eo ipso, quod tendit in bonum possessum, esse in sua linea completum, nec debere esse efficacem, nec efficaciter ponere executionem, aliàs complacentia quam Deus habet de propriis bonis esset actus imperfectus, quod non est verum, cum non ponat dictum bonum.

82 Quintum argum. quia per nullum affectum nisi per gaudium animus quiescit in bono; ergo hic solus est ponendus in Deo respectu suæ bonitatis. Antecedens constat, quia alij affectus prosecutionis, potius sunt tendentiæ in bonum, quam quies in illo; unde solum gaudium, seu delectatio definitur, quod sit animi quies. Consequenter etiam constat, quia affectus ex se viales, dicunt imperfectionem in ratione affectuum, ac proinde à Deo sunt relegandi. Resp. negando antecedens, tam enim per gaudium, quam per amorem quiescimus in bono; aliter tamen, & aliter. Nam per gaudium quiescimus quatenus bono fruimur; nec restat rursus alius affectus exercendus. At per amorem quiescimus, quatenus amor ex se est unitus amanti cum re amata; ac proinde actus amoris perfectissimus, & de re præsentis, unit perfectissimè amantem cum amato; & quando est eminenter gaudium, utraque ratione importabit, ut in nostro casu.

83 Possent adduci aliqua argumenta P. Suarez, quibus nititur probare amorem, & gaudiū distingui virtualiter, sed quia & leuia sunt, & ex dictis manent soluta, prætereo.

D V B I V M IX.

An Deus necessariò tam quoad specificationem, quam quoad exercitium, amet creaturas possibiles.

84 **P**rocedit hoc dubium de creaturis possibilibus secundum illud esse possibile proprium, quod habent in se ipsis; non verò secundum illud esse, quod habent in Deo, hoc enim modo dubio procul utraque necessitate amantur, cum sint ipse Deus. Pro quo nota, quod in ordine ad creaturas secundum esse, quod in se ipsis habent, triplici modo intelligi po-

test, diuinam voluntatem versari. Primò efficaciter volendo illas. Secundò voluntate in efficaci, seu ineffaciter seu voluntate conditionata, quæ intelligitur esse quoddam quasi desiderium existentiz illarum, sed inefficax. Tertiò, per quandam simplicem complacentiam circa essentias earum, quatenus cognoscuntur habere tantam, vel tantam bonitatem possibilem, seu capacitatem illius. Primus, & secundus modus cum respiciat existentiam nõ cadunt sub titulo, sed tantum terrius, & de isto inquiritur, an Deus circa illas versetur, & qua necessitate.

85 Prima sententia tenet Deum habere complacentiam de creaturis possibilibus, & hæc esse necessariam etiam quoad exercitium. Sic Vasquez, Arubal, Herice, Beccan, & alij apud Salm. hoc loco. Secunda sententia tenet, posse Deum amare creaturas posibles non necessariò, sed liberè. Si Scorius, & alij ex iunioribus, vt testantur prædicti Salmant.

86 Nostra sententia seq. concl. explicatur. *Deus nec diligit, nec complacet de creaturis possibilibus.* Pro hac concl. referunt Salm. plura D. Thomæ testimonia, & eam sequuntur eiusdem D. Thomæ discipuli, vt Caiet. Ferrar. Bann. Zumel, Nauarrete, Gonzal. & alij apud eosdem Salm.

87 Probatur 1. Nam in Deo non datur amor affectionis erga creaturas, sed tantum effectiõis; sed erga creaturas posibles non habet Deus amorem effectiõis, quia nihil circa illas efficit, ergo. Maior constat, quia, vt supra vidimus, Deus ratione suæ eminentiæ nequit transformari in rem amatam, cum tamen hoc sit de ratione amoris affectionis. Quod si aliquando Sancti Patres dicunt, quod Deus amando creaturas extasim patiatur, & extra se quodammodo exeat, & in illas transformetur, intelligi debent vt loquantur intransitiuè, hoc est, quod eas transformet in se, non quod ipse Deus transformetur in illas.

88 Probatur 2. creaturæ posibles nec existunt, nec dicunt ordinem ad existentiam; ergo non sunt capaces dilectionis, aut complacentiæ. Antecedens est

certum; si namque dictæ creaturæ posibles existerent, aut dicerent ordinem ad existentiam, non essent posibles, sed existerent, aut futuræ essent. Conseq. probatur, quia nihil potest esse bonum, nisi existat, aut saltem connoiet existentiam; bonum enim cum sit idem ac integrum, & perfectum, non potest non dicere existentiam; cum enim existentia sit vltimus actus non potest non esse integrans, & perficiens rem.

89 Confirmatur 1. quia proprium est voluntatis ferri in rem prout est in se, ergo bonum, quod est eius obiectum, & in quod fertur voluntas, non potest esse nisi ens in se, seu existens, aut saltem connotans existentiam. Confirmatur 2. quia res posibles, tantum sunt possibiliter bonæ, ergo solum sunt possibiliter diligibiles; quia non aliter diligi possunt, nisi quatenus sunt bonæ. Confirmatur 3. quia si bonum possibile esset capax dilectionis, etiam malum possibile esset capax odij, & sic Deus odio haberet beatos, & diligeret damnatos, cum illis sit possibile malum, & istis sit possibile bonum.

90 Probatur 3. quia amare, est velle bonum; sed Deus creaturis possibilibus nullum vult bonum, sed potius malum, cum nolit eas existere, ergo non diligit eas. Tum quia Deus vult creaturas posibles catere omni entitate, ac proinde non diligit eas. Tum etiam quia si Deus aliquid annihilaret, diceretur illud odisse, non diligere, quia tolletur ab eo existentiam; ergo etiam diceretur odisse, non diligere creaturas posibles, quia denegar illis existentiam. Soluuntur argum. in contrarium.

91 Primum argum. est, quia res possible, quatenus possible, est verè bona, ergo Deus potest in ea complacere. Antecedens probatur, quia res possible est ens, dicit enim essentiam metaphysicam, necessariam, inuariabilem, & realiter veram, ac proinde de illa datur vera, & propriè scientia. Conseq. constat, quia bonitas est passio entis, ac proinde conuertitur cum ente: Tum quia essentia creata est quædam diuinæ perfectionis participatio,

patio; sed quod participat diuinam perfectionem non potest non esse bonum, ac proinde diligibile; ergo. Tum etiam quia in nobis finis mouet voluntatem ad efficacem intentionem, ac proinde pro illo priori non potest, non habere bonitatem; ergo etiam respectu voluntatis diuine, cum creaturæ possibiles eam moueant ad earum productionem, non possunt non habere bonitatem. Resp. negando antecedens, ad probationem dico rem possibilem esse ens nominaliter, quod dicit essentiam, cuius bonitas non est passio; bonitas namque est passio entis participialiter, quod connotat existentiam, & est magis concretum. Ad illud, quod essentia est participatio diuinæ perfectionis; dico, quod si nomine diuinæ perfectionis intelligatur ratio bonitatis, essentia hanc non participat; si verò nomine perfectionis intelligatur ratio, v.g. veritatis, tunc essentia creaturae suo modo eam participat. Ad illud, quod in nobis finis mouet voluntatem ad intentionem, dico ita esse, quia proponitur cum aliquo ordine ad existentiam. In Deo autem non est sic, quia non mouetur à bonitate creaturarum, vt illas producat, sed à propria bonitate.

92. Secundum argum. Quia si creaturæ possibiles implicarent contradictionem, Deus non esset omnipotens, ac per consequens nec prima causa, nec Deus; ergo necessario amat illas vt possibiles. Antecedens constat. Conseq. probatur, quia, amans necessario suum esse, necessario fertur in omne id sine quo esse non potest; ergo si implicantibus creaturis implicaret diuinum esse, necessum est, quod si Deus suū esse diligit, debeat etiam diligere creaturas possibiles sine quibus illud non esset. Tum quia Deus amat suam omnipotentiam, ergo etiam amare debet creaturas sine quibus diuina omnipotentia non est factiua illarum. Resp. transeat antecedens, & negatur conseq. ad 1. probationem dico, quod ex hoc, quod quis amat aliquid, non sequitur, quod amet omnia connexa cum illo, nisi habeant bonitatem ob quam amentur. Quocirca licet creaturæ possibiles connexæ sint cum diuina omnipotentia

& cum diuino esse, cum aliis non habeant bonitatem, non sequitur, quod si diligitur diuina omnipotentia, debeant etiam diligere creaturæ connexæ cum illa. Dici etiam potest, quod qui aliquid diligit, debeat etiam diligere id, quod cum eo connexum est, tanquam ratio à priori, non tanquam quid consequens, illatum, & tanquam ratio à posteriori creaturæ autem solum hoc secundo modo connectuntur cum diuina omnipotentia; non primo. Ad fundamentum secundæ sententiæ dicendum, quod si semel creaturæ possibiles haberent bonitatem, non liberè, sed necessariò diligerentur, propter necessariam connexionem cum diuina omnipotentia.

D V B I V M X.

An Deus amet necessariò creaturas existentes in aliqua temporis differentia, & qua necessitate.

93. **P**rima de hac re sententia est, quod Deus nulla necessitate, sed omnino liberè amet creaturas existentes in aliqua temporis differentia; sic aliqui iniores apud Salmant. hoc loco. Secunda sententia præcedenti ex diametro opposita tenet Deum omnino necessariò diligere creaturas existentes in aliqua temporis differentia. Hanc tenent aliqui, quos suppreſſo nomine refert S. Doctor 2. contr. gent. cap. 23. & iuxta mentem Ferrar. ibidem eam docuerunt Arist. Auicenna, & Commentator.

94. Nostra sententia sequētibz concl. explicatur. Prima concl. *Deus quoad voluntatem efficacem, seu operatiuam necessitatur quoad specificationem circa aliqua obiecta secundaria, & communia, imò etiā particularia, quatenus subsunt rationibz communibus, in aliqua temporis differentia, saltem in suis singularibus exercitiis.* Hæc conclusio communis est, & euident, nam cum diuina voluntas sit ipsa reſcituſo per essentiam, necessum est, vel quod non eliciat operationem, vel si eam elicere vult, debet esse honestissima, & de obiecto honestissimo, ac proinde erit necessaria quo-

ad

ad specificationem. Tum quia charitas est sit quædam diuinitatis participatio quoad attributum voluntatis, vel non prorumpit in actum, vel si prorumpit, in rectum, honestumque prorumpere debet.

95 Secunda concl. *Deus quoad voluntatem simplicis complacentia, aut displicentia necessitatur quoad specificationem.* Nam si Deus vult versari circa bonum, non potest non habere complacentiam, & si vult versari circa malum culpæ, non potest non habere displicentiam. Imò nullum est inconueniens admittere, quod circa malum exercitum sit Deus necessitatus quoad specificationem, & exercitum ad illud abominandum; quia non potest non habere se ut offensum, & non potest non auferre gratiam suam à peccatore.

96 Tertia concl. *Licet Deus habeat necessitatem prædictam adhuc tamen manet liberissimus libertate perfectissima, tam quoad specificationem, quam quoad exercitum respectu productionis, & volitionis creaturarum.* Hæc conclusio certissima est, quia diuina voluntas liberè potest velle, & nolle quamcunque creaturam, & quam vult liberè vult; & quam non vult, liberè non vult, & in hoc honestissima est, siue velit, siue nolit; quod autem ex suppositione, quod sit, debeat habere complacentiam si bona est, aut displicentiam si mala; non tollit omnimodam illam libertatem, quoad productionem, aut volitionem, &c.

97 Primum argum. pro prima sententia est, quia diuina voluntas non minus perfecta est in ratione libertatis, quàm in ratione naturæ; sed in ratione naturæ terminatur ad obiectum omnino necessarium, & modo omnino necessariò, ergo etiam quatenus libertas debet terminari ad obiectum liberum, & modo omnino libero, scilicet & quoad specificationem, & quoad exercitum; hoc autem obiectum, sunt creaturæ, ergo. Tum quia aliàs Deus non haberet summum dominium suorum actum. Resp. quod diuina voluntas debet terminari ad obiectum liberum, & modo omnino libero, quantum patitur ipsius honestas, & rectitudo, quæ talis est, quod ex suppositione, quod vult versari circa

bonum honestum creatum, non potest habere de eo displicentiam. Nec ad perfectionem libertatis, aut dominij desideratur, ut eius usus possit esse ad turpia, & inhonestia; sed ad honesta duntaxat.

98 Secundum argum. quia ideo diuina voluntas est necessitata quoad specificationem respectu propriè bonitatis, quia est obiectum formale adæquatum illius, capitque ab eo suam specificationem; sed creaturæ sunt solum obiectum materiale, & secundarium; ergo diuina voluntas circa illas non necessitabitur, necessitate specificationis. Resp. ex dictis, quod licet diuina voluntas, primariò, & ex natura obiecti sit necessitata quoad specificationem solum respectu sui obiecti primarij, tamen quasi secundariò etià necessitatur respectu obiecti secundarij, ratione scilicet suæ rectitudinis, & honestatis, erga bonum honestum, ut non possit de eo habere displicentiam, & erga malum turpe, ut non possit habere complacentiam.

99 Tertium argum. quia non ob aliud creata voluntas necessitatur quoad specificationem in ordine ad bonum in communi; nisi quia est beatitudo illius prout est in via; innatum namque est cuilibet potentie ferri per modum naturæ in propriam beatitudinem; sed creaturæ existentes in aliqua temporis differentia nec sunt nec esse possunt beatitudo Dei; ergo Deus erga illas nequit necessitari quoad specificationem. Resp. ex dictis, quod necessitas diuinæ voluntatis respectu boni honesti creati, modo dicto non oritur ex meritis obiecti, neque ex hoc, quod diuina voluntas habeat aliquam beatitudinem respectu illius, sed ex honestate, & rectitudine dictæ diuinæ voluntatis.

100 Quartum argum. quia si ob aliquam rationem diuina voluntas necessitaretur quoad specificationem, maximè quia non potest velle id, quod malum est, sed si aliquem actum erga malum habere debet, necessum est, ut sit abominationis, & circa bonum honestum debet habere actum complacentiæ; sed hæc ratio nulla est; g. Minor probatur, quia quantumvis aliquod obiectum respectu nostri malum sit, tamen si di-

si di-

si diuina voluntas illud velit, malum non erit; iuxta illud D. Anselmi in prologo cap. 11. *illud est iustum, quod vis, non iustum quod non vis*. Tum quia diuina voluntas est regula non solum diuinorum, verum etiam creaturarum operationum, ita ut tunc creata voluntas sit recta, quando est diuinæ conformis. Tum etiam quia, ideo Deus semper facit, quod melius est, quia semper operatur, quod mauult, & eius voluntas est forma omnis rectitudinis. Tū denique, quia nihil est peccatum nisi inquantum est à diuina voluntate prohibendum; cō autem ipso, quod diuina voluntas vult aliquid, cessat prohibitio, ac proinde cessat ratio peccati. Resp. concedendo maiorem, negando minorem. Ad 1. probat. ex D. Anselmo, dico, quod cum diuina voluntas non possit velle nisi bonum, rectè dicit, quod illud est bonum, quod ipsa vult. Ad 2. probat. dico, quod quia diuina voluntas est prima regula operationum, ideo non potest velle nisi bonum. Per quæ pater ad tertiam probationem. Ad vltimam dico, quod antecedenter ad diuinam voluntatem, & legem æternam, nihil est malum formaliter, est tamen malum fundamentaliter, ut est omne peccatum, quod dicitur prohiberi quia malum, & illud non potest esse volitum à Deo, modo suo loco explicando. Vel dic, nostrum argumentum, & nostram doctrinam procedere formaliter, supposito, quod aliquid sit malum, nam tunc diuina voluntas non potest habere de eo ut sit complacentiam, sed displicentiam.

101 Quintum argum. & primum secundæ sententiæ, est, quia Deus nequit liberè velle suam bonitatem; ergo nec creaturas. Conseq. probatur, quia hoc ipso, quod velit liberè creaturas, debet eadem libertate velle suam bonitatem; enim per illam volitionem amet eas ut media, necesse est ut amet Deus se ipsum per eandem vi finem. Tum quia vel Deus ut terminans illam volitionem liberam per modum finis dicit omnimodam, & infinitam perfectionem, vel non. Si primum, debet amari necessariò, ac proinde creaturæ nequibunt amari liberè. Si secundum, Deus

secundum illam rationem nequit habere rationem vltimi finis. Resp. distinguendo antecedens, Deus non potest liberè velle suam bonitatem secundum se, & in se, & conceditur, ut est ratio diligendi creaturas, seu ut exerceat rationem finis creaturarum, & negatur. Per quæ patet ad primam probationem. Ad 2. dico, quod Deus ut terminans volitionem liberam creaturarum dicit omnimodam, & infinitam perfectionem, connotantem tamen quid finitum tanquam rationem materialeni terminandi, ratione cuius non necessariò, sed liberè diligitur.

102 Sextum argum. Si Deus liberè diligeret creaturas, sequeretur aliquid modo esse Deum, quod potuit non esse Deus; sed hoc implicat; ergo. Sequela probatur, nam illa libera volitio necessariò debet esse Deus; quicquid enim est in Deo, Deus est; sed hæc potest non esse; ergo aliquid quod est Deus, potest non esse Deus. Resp. negando maiorem. Ad probationem dico, quod illa volitio secundū suam realitatem, est Deus, & secundum hanc rationem non potuit non esse in Deo potuit tamen non esse secundum terminationem, secundum quam non est Deus, sed de hoc infra.

103 Septimum argum. quia ex eausa, seu ratione à priori necessaria, non potest non oriri effectus necessarius; sed volitio Dei est necessaria, & est ratio à priori volitionis creaturarum, ergo & hæc erit necessaria. Resp. quod licet volitio Dei in se sit necessaria, non tamen necessariò necitur cum creaturis, ut ex dictis constat.

104 Octauum argum. Misericordia, liberalitas, & cæteræ aliæ virtutes, quas Deus habet in ordine ad creaturas, sunt infinitæ quasi intensiue, quippe habentes totam perfectionem excogitabilem intra propriam lineam; ergo dicunt infinitam inclinationem ad creaturas, ac proinde necessariò propendit in illas; quāto namque maior est inclinatō in obiectum, tantō fortior est tendentia, & cum inclinatio sit infinita, ita & tendentia, ac proinde necessaria. Resp. quod dictæ virtutes dicunt infinitam inclinationem, sed semper se-

cundum naturam voluntatis, quæ creaturarum respectu est libertas, ac proinde dictatum virtutum inclinatio semper libera erit, & libera voluntati diuinæ omnino subordinata.

D V B I V M XII.

An Deus ita liberè amet creaturas, ut non solum potuerit velle, aut nolle, sed etiam velle, & non velle manente voluntate suspensa, aut negatiuè se habente.

105 **P**rima sententia est, quod diuina voluntas potuerit manere suspensa, seu negatiuè se habere respectu creaturarum non futurarum. Pro hac sententia referunt Salmant. hoc loco Scotum, Aureolum, Basolium, Curielem, Durandum, aliosque.

106 Nostra sententia seq. concl. explicatur. *Diuina voluntas non potest manere omnino suspensa circa creaturas, sed necessariò circa quamlibet habere debet vnum ex his actibus, scilicet vel actum quo velis ut sint, seu existant; vel actum quo velis ut non sint; vel actum quo nolis ut sint.* Pro hac concl. referunt dicti Salm. Sanctos Augustinum, & Thomam, Nauartete. Nazar. Gonzalem, Ripam, aliosque multos. Differunt duo vltimi actus in hoc, quod actus quo Deus vult rem non esse, habet quali modum prosecutionis, quatenus tale non esse potest prodesse ad aliquod bonum. Alter vero habet se per modum quasi fugæ, & recessus ab illa, quatenus concipitur opponi alicui bono voluto.

107 Probatur 1. Non minus est infinitè perfecta diuina voluntas, quam sit diuina scientia; sed diuina scientia ratione suæ infinitæ perfectionis se extendit ad omne scibile; ergo etiam diuina voluntas se extendere debet ad omne volibile; & sicut diceremus diuinam scientiam non esse infinitè perfectam, si daretur aliquod scibile, quod eo modo quo scibile est, non sciretur, ita non esset infinitè perfecta diuina voluntas, si daretur aliquod volibile, & non esset volitum eo modo quo voli-

bile est; non enim minus desideratur ad infinitatem diuinæ voluntatis, quam diuinæ scientiæ.

108 Probatur 2. quia inter intellectum, & voluntatem est maxima sympathia, consensio, & correspondentia, ut voluntas tendat in quodcunque obiectum liberè volibile, aut nolibile, eo modo quo sibi ab intellectu propositus; ita quod ex imperfectione voluntatis oritur, quod voluntas circa obiectum propositum nullum actum habeat; ergo cum diuinus intellectus proponat omnes creaturas ut liberè volibiles, aut nolibiles, voluntas in vnum ex illis actibus prorumpet, ac proinde non poterit manere suspensa.

109 Occurrunt dicendo esse differentiam inter intellectum, & voluntatem, quod intellectus fertur necessariò in res scibiles, supposita earum scibilitate; at voluntas fertur liberè, ac proinde potest terminari, & non terminari ad creaturas. Sed contra, quia tametsi voluntas liberè feratur in creaturas, tamen non minus debet extendi diuina voluntas, quam extendatur diuina scientia; hoc enim suadet non minor infinitas diuinæ voluntatis, quam diuinæ scientiæ; & summa sympathia inter voluntatem, & intellectum.

110 Occurrunt alij, quod ad hoc ut saluetur summa actualitas, & perfectio diuinæ voluntatis, eiusque libertatis, non est necesse, quod habeat vnum ex dictis actibus, sed sat est, quod habeat actum, quo velit non habere actum, volendi, aut nolendi, &c. Sed contra, quoduis possibile est per se, & directè volibile à diuina voluntate in ordine ad esse, vel non esse; ergo nisi voluntas habeat actum liberum, quo positiuè, directè, & per se velit esse, vel non esse illius, non erit summè, & infinitè actualis, sicut si daretur aliquod scibile directè, & per se tale, & non sciretur à diuina scientia, non esset infinitè actualis in linea scientiæ.

111 Probatur 3. quia libertas diuina non est ad terminari, & non terminari purè negatiuum, sed positium, seu ad hanc positiuam terminationem, & ad oppositam; ergo diuina voluntas non potest manere

nere suspensa. Conseq. nota est. Antecedens ostenditur, quia libertas diuinæ voluntatis, debet esse summè perfecta, summè, & perfectissimè libera in actu secundo, sed terminari, & non terminari purè negatiuum, non est perfectissima libertas in actu secundo, sed ad summum quædam libertas imperfecta, secundum quid, & interpretatiua, ergo. Soluuntur argum. in contrarium.

112 Primum argum. quia in illo signo in quo Deus decreuit de prædestinatorum salute, merè negatiuè se habuit circa reprobos in ordine ad æternam eorum salutem, nunquam futuram; ergo diuina voluntas potest merè negatiuè se habere respectu effectuum non futurorum. Antecedens probatur, quia cum in illo signo nondum præuisa sint reproborum demerita, non potuit Deus actu positiuo illos non eligere, seu positiuè excludere à regno, aliàs ageret contra rationem summæ pietatis, summæque clementiæ ipsius. Resp. negando antecedens. Ad probationem dico, quod licet tunc non habuerit actum exclusionis à regno ante præuisionem demeritorum, habuit tamen actum quo noluit dare gloriam illis efficaciter ut est beneficium indebitum, de quo infra disp. 23.

113 Secundum argum. quia adhuc ut aliquis effectus non sit futurus, non requiritur voluntas Dei positia; ergo poterit diuina voluntas manere negatiuè. Antecedens probatur, quia non esse rei sicut nihil est, ita non requirit causam à qua producatur; ergo. Tum quia ad hoc ut res sit, desideratur actus positius, quo Deus velit eam esse; ergo eo ipso, quod Deus careat actu, non erit. Tum etiam, quia non magis pendet à Deo non esse effectus producibilis ab ipso, quam non esse effectus producibilis à creatura, pendet ab illa; sed adhuc ut aliquis effectus non sit producibilis à creatura nulla requiritur actio; ergo neque adhuc ut non sit producibilis à Deo. Resp. hoc argumentum, nil probat contra nos, quia quod diuina voluntas non possit manere suspensa non oritur ex hoc ut effectus non sit futurus,

quia, ut bene probat argumentum, adhuc non requiritur actus positius, sed oritur ex summa actualitate eiusdem diuinæ voluntatis; vnde illa necessitas non est obiectiua, seu non oritur ex parte obiecti, sed est subiectiua, orta ab ipsa summa actualitate diuinæ voluntatis, ut ex dictis constat.

114 Tertium argum. quia si voluntas diuina non posset manere suspensa, sed deberet habere vnum ex dictis actibus, sequeretur hoc fore illi essentialiale, saltem eo modo quo attributa dicuntur esse essentialia; sed hoc est falsum; ergo. Sequela constat; nam si semel diuina voluntas nequit manere suspensa, hoc pertinebit ad intrinsecam eius perfectionem, ac proinde ad eius essentiam aliquo modo pertinebit. Minor probatur, quia aliàs diuina voluntas esset prius reducta ad actum secundum volitionis, vel nolitionis creaturæ, quam essent productæ diuinæ personæ; essentialia namque sunt priora notionalibus; & sic non solum Verbum diuinum procederet ex cognitione possibilem, verum etiam futurorum, & Spiritus Sanctus procederet ex amore futurorum. Resp. quod hoc prædicatum non est omnino essentialiale, saltem primariò, sed ad summum secundariò, & ratione particulatis terminationis, ac proinde non est necesse, quod præcedat diuinarum personarum processiones; sed potius illas supponit; ut enim dicitur in tract. de Trinitate, etiam Spiritui Sancto communicatur perfectissima libertas; sed quasi expectatur, quod hæc persona sit producta, & tunc libertas in ipsa, & alijs personis intelligitur.

115 Quartum argum. Non potest dari in diuina voluntate omnimoda necessitas ad habendum actum volitionis determinatum, nisi obiectum habeat bonitatem infinitam; ergo neque dari poterit in eadem voluntate necessitas ad habendum actum vagè, & indeterminatè sumptum, seu ad habendum actum quo velit, vel nolit esse rei. Resp. quod diuina voluntas non necessitatur ad habendos actus dictos ex natura obiecti, sed subiecti, ut pluries dictum est.

116 Sed dices 1, quia non minus est
sf actua-

322 Disputatio XIX. Dubium XIII.

Actualis diuina misericordia, liberalitas, & omnipotentia, quam diuina voluntas, seu libertas; sed ad actualitatem misericordiae, non desideratur vt prorumpat in actum secundum, & idem est de alijs dictis ergo neque ad actualitatem voluntatis, & libertatis diuinæ desiderabitur, quod in actum secundum prorumpat, sed poterit manere suspensa. Maior constat. Minor probatur, quia tamen Deus nihil produceret, adhuc prædicta attributa cum sua actualitate manerent. Resp. diuersam esse actualitatem voluntatis, & misericordiae, cæterorumque attributorum, quod actualitas misericordiae, non est actualitas libertatis, & indifferentiae, quia misericordia non est formaliter libera, & indifferens ad vtramque contradictionis partem, quia ipsum velle non miseri non est actus misericordiae; vnde misericordia non inclinat ad misereri, & ad eius oppositum; hoc enim est proprium voluntatis. Ratio à priori est, quia misericordia, & quodlibet aliud simile attributum, sunt quædam determinationes voluntatis ad speciale obiectum illius, ac proinde in suo conceptu non afferunt indifferentiam.

117 Dices 2. diuina subsistentia est actualissima in ratione terminandi, & tamen ex hoc, quod actus non terminat plures naturas, sed negatiue se habeat, nil derogatur actualitati illius; ergo id ipsum de voluntate dici potest. Resp. concedendo antecedens, & negando consequens. ratio discriminis patet ex modo dictis de misericordia.

D V B I U M XIII.

Vtrum diuina voluntas vt natura, & vt libertas, distinguantur virtualiter, & quem ordinem seruent.

118 **P**rima sententia tenet, quod diuina voluntas vt natura, & vt libertas distinguantur virtualiter, ac proinde quod habeant inter se ordinem prioris, & posterioris, quatenus vt natura præcedit se ipsam vt libertas. Sic plures ex recentioribus, vt testantur Salmant. hoc loco.

119 Nostra sententia seq. concl. explicatur. *Diuina voluntas vt natura, & vt libertas non distinguuntur virtualiter, sed solum ex parte nostri modi concipiendi, ac proinde, solum hoc modo seruant ordinem prioris, & posterioris.* Hæc concl. est communis inter Thomistas, vt testantur dicti Salmant. Probatur, quia potentia non distinguuntur etiam virtualiter penes obiecta materialia, & secundaria, aut ex diuerso modo se habendi circa illa, sed solum penes habitudinem ad obiecta primaria, & adæquata; sed obiectum primum diuinæ voluntatis, & adæquatum, est sola diuina bonitas, & creaturæ sunt obiectum secundarium; ergo diuina voluntas vt respicit diuinam bonitatem, per ordinem ad quam habet rationem naturæ, non distinguitur virtualiter à se ipsa vt respicit creaturas per ordinem ad quas habet rationem libertatis.

120 Respondent aduersarij hinc solum haberi, quod diuina voluntas vt natura, & vt libertas non distinguantur virtualiter à se ipsa per ordinem ad bonitatem creaturarum, secus tamen per ordinem ad bonitatem diuinam, prout in ratione obiecti est virtualiter multiplex, nam prout consideratur secundum se, terminat diuinam voluntatem vt natura est, & prout est ratio diligendi creaturas, terminat eandem voluntatem vt libertas est. Sed contra, quia bonitas diuina secundum se, & prout est ratio diligendi creaturas non distinguitur virtualiter, nec in esse rei, nec in esse obiecti; ergo neque voluntas diuina vt natura, & vt libertas distinguuntur virtualiter. Conseq. nota est; antecedens ostenditur; quia etiam respectu nostræ voluntatis, bonum vt sic, & bonum particulare vt liberè diligibile non distinguuntur in esse obiecti, cum bonum particulare, vt liberè diligibile habeat rationem obiecti materialis, respectu boni vt sic, quod est obiectum specificationum; ergo, &c.

121 Confirmatur, quia si ob aliquam rationem obiectum diuinæ voluntatis vt est natura, & vt est libertas distinguuntur virtualiter, maxime quia diuina bonitas vt est obiectum voluntatis vt natura di-

cit

dicit se ipsam vt necessario diligibilem; & vt est obiectum eiusdem voluntatis vt libertas, dicit se ipsam, vt liberè diligibilem; sed hæc ratio est nulla, ergo. Minorem probo, quia bonitas diuina vt diligibilis necessario per charitatem beatorum, non distinguitur virtualiter à se ipsa vt est diligibilis per charitatem viatorum, aliàs charitas viæ, & patriæ, non esset vna, eademque, ergo, &c. Soluuntur argum. in contrarium.

122 Primum argum. Illæ facultates distinguuntur virtualiter, & cum fundamento in re, quæ respiciunt obiecta formalia, virtualiter saltem distincta; sed diuina voluntas vt natura, & vt libertas sunt huiusmodi, ergo. Minor probatur, quia obiectum voluntatis, vt naturæ, est diuina bonitas vt necessario diligibilis, & obiectum eiusdem vt libertas, est eadem bonitas vt liberè diligibilis; sed diuina bonitas, vt necessario, & vt liberè diligibilis distinguitur virtualiter, quia secundum priorem rationem terminat actum necessarium, & secundum posteriorem actum liberum; ergo. Resp. concedendo maiorem, & negando minorem: Ad probationem conceditur maior, & negatur minor, quia vt ex dictis constat, diuina bonitas vt necessario, & vt liberè diligibilis non affert rationes diuersas formales adequatas, sed solum rationem primarij, & secundarij, quæ rationes non distinguunt facultates, vt ex dictis liquet.

123 Secundum argum. quia diuina voluntas vt libertas non fertur ad diuinam bonitatem vt præcisè est finis in actu primo creaturarum, sed vt est actu finalizans; sed vt est actu finalizans distinguitur virtualiter à se ipsa vt est finalizatiua; ergo, &c. Nam diuina bonitas sen. per est finalizatiua, non semper est actu finalizans; nam illa ratio illi conuenit necessario, hæc liberè; tum quia ratio actus secundi addit aliquid supra rationem actus primi. Resp. transeat maior, & negatur minor: nam in diuina voluntate esse finalizatiuam, & actu finalizare, non distinguuntur quoad id, quod in recto, & de formali importatur, secus quoad id, quod importatur de ma-

teriali, scilicet ratione creaturarum, ratione cuius materialis desumi nequit distinctio virtualis, vt ex dictis liquet.

124 Tertium argum. vel diuina voluntas vt libertas respicit diuinam bonitatem secundum se, vel non? Non primum, aliàs liberè ferretur in bonitatem infinitam. Si secundum, ergo iam habet rationem obiectiuam diuersam, ac proinde distinguuntur virtualiter. Resp. diuinam voluntatem vt libertatem ferri in diuinam bonitatem, vt est ratio attingendi creaturas. Verum cum hæc ratio sit quid secundarium non affert distinctionem virtualem, vt ex dictis liquet.

125 Quartum argum. Ita se habet diuina bonitas respectu voluntatis vt libertas, & vt natura est, sicut se habet in scientijs idem principium respectu duarum conclusionum ex illo elicibilium, quarum vna sit necessaria, & alia solum contingens, aut probabilis; sed tale principium licet sit idem realiter respectu illarum est tamen virtualiter diuersum, ergo, &c. Maior nota est. Minor probatur, quia illud principium vt est ratio eliciendi conclusionem probabilem indiget motione voluntatis, ad assensum prædictæ conclusionis; at vt est ratio inferendi conclusionem necessariam, non indiget tali motione, ac preinde importabit rationem saltem virtualiter distinctam. Resp. negando minorem; ad probationem dico solum inferri, quod principium necessarium indigeat motione voluntatis ad inferendam conclusionem probabilem, non tanquam ratione formali diuersa, sed tanquam connotato, & ratione materiali, seu tanquam conditione materiali sine qua non dicta conclusio non eliceretur.

126 Quintum argum. Ea quæ habent definitiones distinctas non possunt non distingui saltem virtualiter; sed voluntas vt natura, & vt libertas habent definitiones distinctas, vt patet, ergo. Vbi namq; sunt definitiones distinctæ, debent esse quidditates distinctæ. Resp. concedendo maiorem quando illæ definitiones sunt distinctæ adequatè, secus quando sunt de diuersis conceptibus, seu rationibus in-

dequatis, ut in nostro casu contingit.

127 Ultimum argum. Quia ideo misericordia diuina distinguitur virtualiter à diuina iustitia, quia Deus prout punit, non miseretur, & prout miseretur non punit, sed etiam diuina voluntas ut natura non est libertas, & è diuerso; ergo. Resp. concedendo maiorem, quia ibi interuenit diuersitas obiectorum formalium, non in casu nostro, ut ex dictis constat.

D V B I U M XIV.

Quid addat actus liber Dei supra voluntatem necessariam illius.

128 **E**xplicata quidditate diuinæ voluntatis, tam ut habet rationem naturæ, quam ut habet rationem libertatis quasi in actu primo; restat ut videamus, & explicemus naturam eiusdem libertatis in actu secundo, de quo est grauissima difficultas; & quia res difficiles prius solent explicari per negationes, & remotiones, videndo quid non sint, ut inde quid sint cognoscatur; ideo in hoc dubio prius quid non sit actus liber videbimus, visuri in dubio sequenti quid sit, ut autem clarius procedamus rem per diuersos §. proponemus.

§. I. An actus liber Dei addat supra actum necessarium aliquam realem perfectionem.

129 **P**rima sententia est, quod actus liber addat supra actum necessarium aliquam realem perfectionem licet liberam, ita tamen, ut hoc, quod est esse liberam, sit conditio diminuens rationem perfectionis, ac proinde non sit inconueniens hanc in Deo posse abesse, & consequenter realiter saltem modaliter ab eo distingui. Pro hac sententia referunt iuniores aliqui Caietanum in hoc ar. 2. Sed ab hac iuniorum impostura bene Caietanum defendit Ioannes à S. Thoma hoc loco. Eam tamen defendunt aliqui Neoterici, quorum fundamenta postea referemus, & soluemus.

130 Nostra sententia sequenti concluditur. *Actus liber in Deo non im-*

pat realitatem, & perfectionem liberam distinctam ab actu necessario, aut ab illo separabilem. Hanc conclus. docent omnes ferè Theologi, post D. Thomam. ut reprehendant oppositam.

131 Probatur 1. quia ex opposita sententia sequeretur, quod in Deo esset aliquid quod maximam includit imperfectionem; hoc est falsum; ergo. Maior probatur, quia poneretur aliquid, quod potest non esse; hoc dicit maximam imperfectionem; quia id, quod est formaliter in Deo, & est Deus, non potest non esse in Deo, & non potest non esse Deus. Tum quia per aduersarios illa perfectio actus liberi est diminuta; sed est maximum inconueniens ponere in Deo aliquid diminutum; ergo. Nec valet, quod illa perfectio actus liberi posquam semel in Deo est, non potest amplius non esse; Nam contra est, quia illa perfectio solum potest non esse ex hypothesi, non absolute, quod maxima imperfectio est.

132 Probatur 2. & explicatur, quia aliàs illa realitas actus liberi non esset Deus, non esset creator: sed creatura; hoc est plusquam falsum; ergo. Sequela probatur, quia, quod re ipsa à Deo distinguitur non est Deus; sed realitas illa actus liberi, distingueretur à Deo; ergo non esset Deus. Maximè quia illa realitas est in Deo, ut in eo potuerit non esse. Tū quia esse ab alio tanquam à causa; est creatura; illa realitas esset à Deo tanquam à causa, cum distingueretur ab eo; ergo esset creatura.

133 Probatur 3. quia dato, quod illa realitas non esset creatura, adhuc ex illa sententia sequeretur grauissima absurda; ergo non est admittenda. Probatur sequela, nam sequeretur, quod Deus non esset actus purus, nec summè immutabilis, nec simplicissimus, sed compositus; &c. Quod non esset actus purus constat, quia potentia quæ elicit actum realiter ab ipsa distinctum, realiterque ab ipsa separabilem, non est actus purus; sic runc temporis esset diuina voluntas; ergo. Quod Deus non esset summè immutabilis constat, quia potuit non habere illam realitatem; quam modo

modo habet. Quod autem Deus esset cōpositus (nam constat, quia compositio, est distinctorum unio; in Deo autem hæc daretur ergo.

134 Primum argum. Quia denominatio, seu quasi effectus formalis volendi creaturas, non conuenit Deo necessario, sed liberè; ergo ab aliqua perfectione libera; quia sicut realitas necessaria affert suam perfectionem necessariam, ita realitas libera debet afferre suam perfectionem liberam. Resp. concedendo antecedens, & negando consequentiam; ut enim dubio sequenti dicitur ipsa realitas actus necessarij tribuit denominationem liberi prout habet connotare creaturas, cū quibus non habet necessariam connexionem.

135 Secundum argum. Quia si actus liber adderet supra necessarium solum terminationem ad creaturas, pero, an illa terminatio sit aliquid reale, vel rationis; non rationis, quia hæc nequit esse ratio realis denominationis; ergo est aliquid reale, ac proinde addit aliquam realitatem, supra actum necessarium. Vel dic, quod illa terminatio, non potest esse aliquid extrinsecum; ergo aliquid intrinsecum superadditum. Resp. quod illa terminatio actiue est ipse actus necessarius; passiuè est connotatum in obliquo importatum, scilicet creatura, licet inuoluatur aliquis respectus rationis, ut postea dicitur. Per quæ patet ad illud an sit aliquid intrinsecum, vel extrinsecum.

S. II. An actus liber addat supra necessarium formalitatem realem virtualiter distinctam à formalitate actus necessarij, & liberè separabilem.

136 **P** Artem affirmatiuam defendit Salas. 1. 2. q. 6. tract. 3. disp. 1. se. 8. 5. 7. & 8. & alij, quam probabilem putat Basilus Legionensis in suis opusculis var. disput. q. 6. scolastica cap. 2. Nostra sententia seq. concl. explicatur, *Actus liber Dei non consistit in aliqua formalitate reali, realiterque à Deo separabili*. Hanc concl. tradunt omnes scetè Theologi, ut testatur N. Salmant. hoc loco.

137 Probatur 1. ex dictis §. præcedenti. Quia sequeretur, quod in Deo daretur aliqua formalitas realis, quæ posset non esse, ac proinde quæ formaliter non esset Deus, cum enim illa formalitas liberè esset in Deo, deberet esse indifferens ad essendum, & non essendum in eo, ac proinde non esset Deus, sed creatura; solum namque esse non posset ex hypothesi, quod sit, non tamen absolute.

138 Nec valet respondere cum dicto Basilio Legionensi, quod illa formalitas nec esset creata, nec increata, quia ista prædicata solum possunt enuncijari de entitatibus, non de formalitatibus. Nam, contra est, quia ratio entis siue creati, siue increati transcendit quæcumque formalitatem, & prædicatur de illa; implicat enim, quod detur formalitas aliqua realis, & non sit formaliter ens. Tum quia, formalitates reales pertinent directè ad prædicamentum, ut patet de actione, & passione, quæ sunt formalitates in vna entitate motus identificate; ergo debent esse formaliter ens: in prædicamenti namq; sola entia ponuntur.

139 Probatur 2. quia aliàs Deus posset esse longè perfectior perfectione intrinseca, quam modo est; sed hoc est falsum, & contra intrinsecam rationem Dei, quæ in hoc consistit, quod sit ens perfectissimum; ergo, &c. Maior probatur, quia loco plurimum actuum iustitiæ potuit habere plures actus misericordiæ, præter eos, quos de facto habuit; actus autem misericordiæ sunt perfectiores actibus iustitiæ.

140 Primum argum. Quia necesse est actum liberum distingui aliqua distinctione ex rebus ipsis petita, ab actu necessario; sed hæc distinctio nequit esse realis; ergo erit formalis. Resp. ex infra dicendis, quod actus liber secundum id, quod affert in recto nullo modo distinguitur ab actu necessario, & secundum id, quod affert pro connotato, distinguitur.

141 Secundum argum. Realitas formalis, quam dicit actus liber, potest non esse in Deo; ergo distinguitur virtualiter ab actu necessario, & per modum formalitatis affectentis ex se propriam realitatē, prout

prout realitas ambit quicquid non est nihil. Antecedens probatur, quia aliqui non possent non talis volitio esse semper, & indispensabiliter in Deo, ac proinde esset volitio necessaria, non libera. Tum quia potuit in Deo deesse volitio; ergo potuit deesse aliquid, saltem aliqua realitas prout distinguitur contra nihil. Tum etiam quia filio deest paternitas, & spiratio passiva, quæ sunt realitates; ergo deest aliqua realitas. Resp. negando antecedens; realitas namque actus liberi cum sit ipsa realitas actus necessarij, nullo modo potest Deo deesse. Potest quidem actus liber deesse quoad connotatum, non tamen quoad entitatem. Ad 1. probationem dico, quod actus liber quoad entitatem non potest non esse in Deo. Ad 2. dico; quod volitio potuit non esse quoad connotatum; non, quoad entitatem. Ad 3. dico, quod non debet fieri transitus ab ordine relativi; ad ordinem absolutum, maximè quia relationes non solum opponuntur, sed neque dicunt perfectionem, de quo infra.

§. III. An actus liber Dei consistat in aliqua formalitate virtualiter addita actui necessario, qua solum sit realis, & infinita ab essentia divina per modum transcendentis inclusa, qua possit adesse, & abesse à Deo.

142 **P** Artem affirmatorem tuentur plures ex iunioribus, in eamque valde inclinat Nauarrete 10. 2. controu. contro 4. Nostra sententia seq. conclusionem explicatur. *Actus liber Dei non potest consistere in illa formalitate in titulo recensita.* Hanc conclusionem tradunt cõmuniter Theologi, vt testantur Salm. hoc loco.

143 Probat 1. Quia id, quod à se ipso existit, seu quod non habet sui causam realem, est ens omnino necessarium; sed omnis ratio realis, quæ formaliter, & intrinsecè est in Deo, quæque imbibit diuinam essentiam, existit à se, seu nullam habet sui causam; ergo est omnino necessaria, ita quod nullo modo possit non esse; ac subinde implicabit hæc duo coniungere, scilicet, quod formalitas actus liberi

imbibat diuinam essentiam, & simul possit non esse quoad suam intrinsecam entitatem, seu formalitatem.

144 Confirmatur 1. nam vel illa formalitas est suum existere per essentiam, vel non? Si primum existit cum omnimoda necessitate. Si secundum, non potest esse Deus, nec imbibere diuinam essentiam, cum de huius ratione sit, quod sit suum existere. Confirmatur 2. quia implicat aliquid imbibere diuinam essentiam, & esse Deum, & quod sit inuoluntum imperfectionibus; sed maxima imperfectio est, quod illa formalitas possit non esse, ergo implicabit, quod imbibat diuinam essentiam. Tum quia sequeretur, quod id, quod modo est purum nihil, poterit imbibere diuinam essentiam, & quod id, quod est modo formaliter Deus poterit non esse Deus.

145 Probat 2. impugnando directè dictam sententiã, & evertendo illius fundamentum, quia licet hoc ipso, quod desit actus liber, non desit essentia diuina, quæ illum transcendebat, & illi dabat esse reale, tamen deest illa formalitas quasi confurgens ex propria ratione differentiali illius actus, & ex essentia diuina, quæ dicit realitatem distinctam secundum rationem ab eadem essentia diuina; ergo deest aliquid reale. Tum quia hoc ipso, quod desit illa formalitas, non potest non deesse Deus per modum operationis vitalis liberæ; ergo, &c. Tum etiam quia sicut deesset aliquid reale, si deesset misericordia, & aliqua relatio in quibus est essentia diuina per modum transcendentis, tamen non deesset ipsa essentia diuina, &c. Argumenta, quæ in fauorem huius sententiæ adduci possent, ex dictis soluta manent.

§. IV. An actus liber addat supra actum necessarium Dei, aliquam relationem rationis.

146 **N** On desunt Theologi, qui putent actum liberum addere supra necessarium solum relationem rationis, specantem ad intrinsecum complementum illius; quia sola relatio rationis po-

potest in Deo deficere, potest sola non esse, adesse, & abesse. Nostra sententia seq. concl. explicatur. *Actus liber Dei non consistit, nec complitur aliqua relatione rationis formaliter sumpta.* Hanc concl. tuerentur communiter Theologi. Probatur efficaciter; nam sacra scriptura proclamatur, & definit, Deum diligere creaturas: Ioan. 3. *Sic Deus dilexit mundum.* Et volitione eius esse causam creaturari. iuxta illud. *Saluum me fecit, quoniam voluit me;* quæ loca, & alia, vel intelliguntur de vero, & reali amore, de vera, & reali causa; vel solum de amore, & causalitate, quæ sint entia rationis. Si primum, ergo actus liber, non est sola relatio rationis; secundum dici nequit; ergo.

S. V. *An actus liber consistat in aliqua denominatione extrinseca desumpta ex productione transiente ad extra, vel ex rebus productis, & actus necessario superaddita.*

147 **P** Artem affirmantem tuerentur Altisiodorensis 1. p. *summa cap. 13. Aureol. apud Capreol. in 1. diff. 45. quæst. 1. art. 2. & 3. & alij apud Salmant. hoc loco.* Nostra sententia seq. concl. explicatur. *Actus liber Dei non potest consistere in prædicta denominatione extrinseca.* Sic tradunt communiter Theologi. Ratio potissima, & fundamentalis est, quia actus liber Dei, est actus vitalis immanens; ergo debet esse Deo intrinsecus, ac proinde nequit consistere in denominatione extrinseca. Tum quia cognitio Dei erga creaturas futura est vera, vitalis, & intrinseca notitia illarum in Deo residens, non denominatio extrinseca ab aliqua creatura desumpta; ergo idem proportionem seruata dicendum est de volitione libera creaturarum. Probatur consequenter, quia cognitio, & volitio sibi mutuo correspondent. Tñ etiam quia actus liber Dei non potest consistere in denominatione extrinseca desumpta ab actione transeunte Dei, quia Deus ad extra, non operatur actione transeunte formaliter. Nec hæc denominatio desumi potest ab effectibus productis, seu volitis, quia isti sunt effectus actionis liberæ Dei; sunt ætermini sunt obiectum, ac proinde debent

actionem liberam supponere, non consistere. Tum denique quia omnes Sancti Patres clamant, quod dona nobis diuinitus collata, sunt exigua, & infinitè distantia, si conferantur cum infinito amore Dei erga nos, qui est radix talium donorum; ergo non potest Deus constitui in ratione diligentis creaturas per denominationem extrinsecam ab ipsis donis desumptam; aliàs sicut ista sunt finita, non possent tribuere nisi denominationem amoris, & volitionis finitæ.

D V B I V M XV.

In quo formaliter consistat actus liber Dei.

S. I. *An actus liber Dei consistat in formalitate necessaria diuina volitionis connotando extrinsecam actionem Dei.*

148 **P** Artem affirmatiuam defendunt D. Bonau. in 1. diff. 45. art. 2. q. 2. Arubal. Granado, hoc loco, & alij à Salmant. relati hoc eodem loco. Nostra sententia hæc conclus. explicatur. *Actus liber Dei nequit consistere in formalitate necessaria diuina volitionis, connotando actionem transeuntem Dei.* Pro hac concl. citant Salm. D. Thomam eiusdemq. discipulos.

149 Probatur 1. diuina volitio liberè terminatur ad aliqua obiecta creata, nihil positiuè efficiendo ad extra, neque ab aliqua positiua actione cessando; ergo actus liber non constituitur per formalitatem necessariam connotando respectum extrinsecum actionis transeuntis, seu connotando actionem transeuntem, aut cessationem illius. Antecedens ostenditur. Nam quando Deo placet dispensare in aliqua lege positiua, quam ipse condidit, aut in aliquo voto, vt res promissa reddatur, ei integrum est id præstare liberè, tametsi nihil operetur ad extra, aut cesset ab aliqua actione, quam antea, dum hæc obligabant, exerceret.

150 Nec valet respondere, cum aduersariis non posse Deum tollere obligationem legis, aut voti media dispensatione;

ne, nisi intimando volitionem qua dispensat; sed hæc intimatio fieri nequit sine actione ad extra, per quam dicta volitio significatur; ergo. Sed contra, quia ad intimationem liberæ volitionis dispensandi essentialiter præsupponitur ipsa libera volitio; ergo ipsa libera volitio fiet sine dicta connotatione actionis ad extra. Nam obiectum dictæ intimationis non est dispensatio faciendæ, aliàs vouens non maneret dispensatus, sed adhuc obligatus; sed est dispensatio facta, ac proinde supponitur dispensatio libera ante connotationem intimationis. Requiritur quidem intimatio, vt innotescat dispensatio, non vt fiat; sicut requiritur intimatio vt innotescat lex facta, non vt fiat.

151 Probatur 2. inquirendo, an actio productiua ad extra huius vniversi habeat ex proprijs meritis, & antecederet ad volitionem liberam Dei esse futuram, ac proinde id, quod sequitur ad hoc vt sit connotatum, vel tantum id habet ex vi eiusdem volitionis. Non primum, quia nihil habet esse futurum, nisi Deo liberè decernente; tum quia aliàs necessariò esset futurum. Si secundum, iam præsupponitur volitio ad actionem, & futurationem. Tum quia Deus non operatur ad extra per actionem transcurrentem.

*S. II. An actus liber Dei consistat in forma-
tione actus necessarij, vt connotat
creaturas vt obiectum
volitum.*

152 Communis; & vera Theologorum sententia quam pro nostra conclusione posuimus, affirmat. Pro cuius intelligentia nota, quod sicut diuinum intelligere ratione suæ infinitatis, nõ solum in genere entis, verum etiam in genere intelligendi, est ipsa actualis attingentia omnis veri, ita quod ad hoc vt illud attingat nil aliud requiratur, nisi positio veritatis obiecti; ita pariformiter diuinum velle ratione suæ infinitatis non solum in genere entis, verum etiam in genere volendi erit actualis attingentia omnis volibilis, absque eo quod aliquid ex parte

ipsius addatur, sed sufficiet ipsa obiecti volibilis positio; cum enim in Deo nec intellectus, nec voluntas dentur per modum potentie, sed per modum purissimi actus, sequitur, quod nihil ex parte ipsarum poni debet vt ad sua obiecta materialia extendantur. Verum vt hæc clarius habeantur sequentia quæ sita propono.

153 Quæres 1. quomodo realitas diuinæ volitionis, qua Deus diligit creaturas, sit necessandi in Deo, & tamen liberè terminetur ad illas, vt potuerit non terminari? Resp. rationem esse, quia non necessariò necitur cum creaturis, quod plene intelligitur si notetur differentia diuini velle à velle, seu voluntate creatæ; quod velle creatum capit speciem ab obiecto creato; vnde habet inclinationem, & habitudinē intrinsecam ad suum obiectum, & ab illa nequit separari. At velle diuinum nullam capit speciem à creaturis, nec habet suam realitatem ab illis dependentem, sed independentem, ac proinde ab habitudine, seu à terminatione ad illas potest separari. Petit enim linea voluntatis ratione, huius intrinsecam indifferentiam.

154 Quæres 2. an sicut diuinum velle ratione huius independentiæ denominat Deum liberè volentem creaturas absque reali additione; ita cur non potest id ipsum præstare absque additione dictæ terminationis, aut connotationis? Resp. rationem esse, quia ea independentia non exercetur, sine dicta terminatione. Diuinum namque velle quatenus dat Deo denominationem liberè volentis creaturas, habet, quod vt quid independentis, & infinitum respiciat illas vt obiecta secundaria cum quibus non habet connexionem, sed independentiam.

155 Sed dices, vel hæc denominatio liberè volentis in Deo prouenit ab obiecto, & est creata, vel prouenit à forma increata, & est increata. Non primum, quia nullum obiectum creatum potest Deum denominare liberè volentem, quia ante obiectum creatum Deus est liberè volens. Neque secundum, quia forma increata, est Deo intrinseca, ac proinde non potest Deum extrinsecè denominare; denominatio

natio autem liberè volentis debet esse extrinseca, quia licet desit, non ob id mutatur Deus. Tum quia denominatio procedens à forma increata, non potest ad esse, & abesse. Resp. quod denominatio liberè volentis non oritur ab obiecto, sed à volitione increata, & necessaria, sed prout est liberè connexa cum creaturis. Vnde hæc denominatio liberè volentis in Deo non oritur tantum ab actu necessario, nec à creaturis tantum, sed ab actu necessario, ut liberè connectitur cum creaturis. Quare prædicta denominatio ex parte formæ illam dantis, est increata, ex parte connotati est creata, seu connotat aliquid creatum. Vnde licet id, quod est creatum non possit per modum formæ intrinsecæ dare Deo denominationem liberè volentis, potest tamen ad hoc concurrere per modum obiecti, & tanquam connotatum formæ intrinsecæ. Ex quibus patet, quod denominatio liberè volentis in Deo non est extrinseca, sed intrinseca, à forma intrinseca proveniens. Tria exempla afferri possunt pro præcedentium intelligentia. Primum est species Angelica, quæ ex non representante indiuidua, sit representans absque additione alicuius, sit sola positione, seu connotatione præsentia illorum. Secundum est materia prima, quæ sine mutatione intrinsecâ transit de desiderante formam quam non habet, in non desiderantem, quando eam habet. Tertium relatio paternitatis creatæ, quæ absque additione extenditur ad secundum filium, ad quem pater non se extendebat.

156. Sententia, & conclusio sic explicata probari potest 1. ex inductione, nam actus liber non potest consistere in formalitate reali à Deo separabili, neque in formalitate virtuali, neque in formalitate necessaria connotando actionem transeuntem; & c. ergo in formalitate necessaria, ut connotat creaturas, modo explicato.

157. Probat 2. quia actus diuini non terminantur per se primo ad creaturas tanquam ad obiectum formale quod, vel quod, sed tanquam ad obiectum materiale, & secundarium, ergo seipsis absque aliquo intrinseco superaddito, connotan-

do solum easdem creaturas; ut obiectum materiale, & secundarium, ad illas terminari poterunt. Antecedens constat, Consequens patet exemplo diuinæ scientiæ, quæ absque additione intrinseca potest terminari ad creaturas connotando eas, & non ob aliam rationem, nisi quia sunt obiectum materiale, & secundarium.

158. Sed contra hanc rationem obijciens 1. quia per gratiam sanctificantem, reddimur obiectum congruum diuinæ dilectionis; ergo homo ut gratus erit obiectum formale diuini amoris, & non tantum materiale; sicut quia sapor reddit cibum obiectum congruum gustus, ideo est obiectum formale illius. Resp. quod per gratiam sanctificantem reddimur obiectum congruum materiale, non formale. Ad illud de sapore, conceditur, quia iam sapor est obiectum primum gustus.

159. Obijciens 2. nam actus diuinæ omnipotentia nequeunt per se primo terminari tanquam ad obiectum formale quod ad diuinam bonitatem; ergo non omnes actus diuini habent pro obiecto formali quod bonitatem diuinam. Antecedens probatur, quia obiectum formale omnipotentia, est factibile vtiq; ergo solum terminabitur ad rem factibilem; sed non diuina bonitas, sed solæ creaturæ sunt factibiles; ergo. Hoc argumentum potest etiam formari de diuina misericordia, iustitia, &c. Resp. quod diuina omnipotentia non terminatur ad diuinam essentiam ut factibilem, sed prout est ratio factibilitatis.

160. Probat 3. Volitio diuina necessaria cum sit infinita intra lineam volendi est ex se sufficiens per modum actus secundi ad hoc ut ab illa exeat, vel non exeat effectus futurus; ergo absque aliqua additione poterit creatura habere ab ea quod sit futura, vel non futura. Cum enim, ut supra vidimus, diuina voluntas ut natura, & ut libertas non distinguantur, sequitur, quod ut naturæ poterit tribuere formationem rebus, si illas connotet, ratione cuius transit in libertatem.

S.III. Explicatur alio modo natura actus liberi.

161 **H**unc modum explicandi actum Dei liberum, sequenti concl. explicamus. *Probabile est, quod actus liber consistat in formalitate quadam vitali, quæ est in Deo intrinseca, virtualiter ab actu necessario, & à reliquis attributis distincta, quæ imbibit cuncta diuina, & solum potest ad esse, & ab esse secundum quod dicitur carentiam vltioris contrahibilitatis; seu secundum quod dicitur rationem vltimitatis, non secundum aliquid positium.* Sic Salmant. hoc loco. Hæc conclusio magis eget explicatione quam probatione.

162 Pro quo notandum est, quod diuina attributa ita inter se comparantur, vt non solum realiter identificentur in vna, eademque formalitate, sed etiam quod vnum includit perfectionem reliquorum, & omnem modum positium in eisdem inuentum, aliàs non esset infinitum in genere entis, nec esset omnibus modis perfectum. Vnde tam diuina essentia, quam rationes attributales, in duos conceptus distinguenda sunt, scilicet in se ipsas prout habent rationem transcendentis, & in easdem prout constituunt attributa, & habent denominationem talium. Item, quod tam ratio transcendentis, quam ratio attributalis vt talis, non dicit præcisè quid positium tantum, sed insuper connotat quandam priuationem, seu carentiam. Rationes namque attributales prout sunt transcendentis, dicunt rationem vltioris quasi modificabilem, & contrahibilem ab eo, quod transcenditur. At vt attributa dicunt, & expriment rationem omnino vltimam, & atomam, & quasi modificantem alias ibidem inuentas; ratio autem vltioris modificabilitatis, & contrahibilitatis, & ratio vltimitatis, cum sint quædam carentiæ, non dicunt aliquid positium, cum omne positium transcendat.

163 Ex his colligitur, quod secundum istum modum dicendi, actus liber diuinus importabit formalitatem quadam vitalem Deo intrinsecam, quia ex genere suo

est actus immanens, & vitalis, qui, sicut alia attributa, dupliciter considerari poterit. Primò, per modum transcendentis, secundum quam rationem non tribuit denominationem volentis, nec se ipsam, nec alia. Secundò, per modum attributi, secundum quam rationem tribuit prædictam denominationem; & licet volitio necessaria tam vt transcendens, quam vt attributum sit necessariò in Deo; formalitas tamen liberæ volitionis, licet per modum transcendentis non possit non esse in Deo, tamen vt habet rationem quasi attributi, & tribuit denominationem liberè volendi potuit non esse; quia secundum hanc rationem affert formalissimè illam rationem vltimitatis, seu carentiam vltioris contrahibilitatis, quæ carentia absque vlla imperfectione, potest non esse.

164 Sed obijcies 1. Nam non solum est aliquid reale, & Deus formalitas actus liberi per modum transcendentis considerata, sed etiam quatenus in se imbibit cuncta diuina, & est vltima positivè in sua linea; sed si actus liber vt tribuit denominationem liberè volentis posset ab esse, non esset quid positium, & Deus; ergo. Maior patet, quia hoc ipso, quod aliquid maneat in Deo vt imbibens cuncta diuina, non potest non esse quid positium, tamen si ad hoc subsequatur carentia vltioris contrahibilitatis. Resp. quod actus liber etiam sub ratione transcendentis habet, tum quod imbibat cuncta diuina, aliàs non haberet infinitatē in genere entis; tum quod sit positivè vltimus, seu asserat modum positium idoneum ad constituendum latitudinem illius actus, v.g. amoris. Item actus liber sub ratione quasi attributi, cum imbibat cuncta diuina, debet esse quid positium; tamen hoc positium quasi completur per dictam carentiam, quæ si absit, illud positium nec tribuit denominationem liberi, nec manet sub ratione attributi. Quod potest explicari exemplo quantitatis, cuius quævis pars semper conservat quod sit quantitas, non tamen semper conservat, quod sit pars, nisi quando asfert suam carentiam constitutivam.

165 Obijcies 2. quia non potest deesse for-

formalitas actus liberi vt vltima positivè ; ergo neque vt vltima negativè . Conseq. probatur, quia vltimitas negativa tantum addit carentiam vterioris contractionis in suo ordine ; ac dum transcendit in alijs formalitatibus vt vltima positivè, tantum contrahitur per modos aliarum latitudinum , ac proinde semper retinet carentiam vterioris contractionis, in illo suo ordine, & latitudine . Resp. concedendo antecedens , & negando conseq. Ad probationem dico, quod actus liber vt tribuit denominationem liberi non addit solum carentiam vterioris contractionis in suo ordine, quia hanc habet etiam vt est transcendens, sed addit carentiam omnino vltimam, per quam non solum est in ordine actus liberi , sed per quam vltimò terminatur , & vocatur carentia vterioris contractionis, seu vocatur vltimitas , vt ex dictis constat , & hæc adesse , & abesse potest . Abest, cum actus liber non terminatur ad volendam v.g. Petri conversionem ; adest cum ad illam terminatur .

166 Obijcies 3. quia ex eo quod deest illa carentia dicta, videretur deesse aliqua repetitio formalitatis actus amoris. v.g. quatenus sub illa carentia dictus actus exit tam secundum esse positivum, quam secundum carentiam illam vltimam ; ea autem repetitio, est aliquid positivum . Resp. quod si desit ea repetitio, ponetur alia ; vt si desit repetitio volitionis , seu illius actus vt est volitio, ponetur idē actus vt est volitio . Vel dic non deesse aliquam repetitionem , sed solum carentiam illius actus, seu deesse solum vltimitatem .

D V B I V M XVI.

Quid sit voluntas antecedens , & quid consequens, & an hæc divisio sit adequata, &c.

167 **B**onum dupliciter considerari potest . Primò absolutè , & secundum se , seu secundum ea , quæ assert ab intrinseco, & ex genere, ac specie sua . Secundò, secundum quod est adiunctum, & vestitum particularibus circumstantijs,

tunc occurrentibus . Hoc posito . Dico 1. *Voluntas antecedens est illa quæ tendit in bonum secundum se, præscindendo à circumstantijs, & voluntas consequens est illa, quæ fertur in bonum circumstantiationatum* . Sic Theologi communiter . Dico 2. *Divisio voluntatis in antecedentem, & consequentem, est adequata* . Sic omnes Theologi excepto Vasquez, qui vult dari etiam voluntatem concomitantem ab assignatis distinctam . Probatur, quod dicta divisio sit adequata . Voluntas antecedens est illa, quæ tendit in bonum secundum se, & voluntas consequens est illa quæ tendit in bonum non secundum se, sed circumstantiationatum, sed inter ista non datur mediū ; ergo . Hinc arguendi sunt illi, qui dicunt, quod voluntas antecedens est illa quæ nostrum consensum antecedit, & voluntas consequens est illa, quæ illum consequitur, & est quid posterius bono secundum se.

S.I. An voluntas antecedens sit voluntas secundum quid, voluntas verò consequens sit voluntas simpliciter .

168 **D**ico 1. *Voluntas Dei antecedens, est voluntas secundum quid, voluntas verò consequens, est voluntas simpliciter* . Sic omnes Thomistæ post D. Thomam, vt testantur N. Salmant. hoc loco contra vnicum Vasquez . Ratio clara est, quia talis est voluntas, quale est bonum in quod fertur ; sed bonum secundum se, præscindens à circumstantijs, est bonum secundum quid, & bonum circumstantiationatum, cum omnibus circumstantijs loci, temporis, personarum, &c. est bonum simpliciter, ergo etiam voluntas quæ tendit in bonum secundum se, erit voluntas secundum quid, & voluntas quæ tendit in bonum circumstantiationatum erit voluntas simpliciter . Tum quia illa est voluntas simpliciter, quæ saltem in affectu ponit rem à parte rei ; & illa est voluntas secundum quid, quæ neque in affectu ponit rem à parte rei ; sed voluntas consequens saltem in affectu ponit rem à parte rei, & voluntas antecedens neque in affectu po-

nit rem à parte rei; ergo illa est voluntas simpliciter, non ista. Hinc colligitur, quod voluntas illa qua Deus vult omnes homines saluos fieri, est voluntas antecedens, & secundum quid.

169 Dico 2. quod voluntas antecedens, & consequens non ita inter se opponuntur, ut id, quod est volitum voluntate antecedente, debeat esse nolitum voluntate consequente, quamvis id saepe contingat, sicut & oppositum. Hæc conclusio certa est. Ratio est clara, quia saepe id, quod secundum se est bonum, & appetibile, potest hic, & nunc quatenus adiunctum peculiaribus circumstantijs, vel esse malum, saltem quatenus privat maiori bono; vel non esse appetibile quatenus non ita conducit ad aliquod aliud bonum, quod appetens intendere potest, &c.

S. II. An voluntas antecedens in Deo sit verus actus, an solū sit actus eminent.

170 **P**rima sententia tenet, quod voluntas antecedens qua Deus dicitur velle hominum omnium salutem, non reperiatur in Deo formaliter, sed solum eminenter, quatenus nimirum vult, & causat in nobis volitionem, qua velimus omnes saluari, & consequenter in Deo nulla datur voluntas, quæ non impleatur, omnis namque diuina volitio petit impleri. Sic D. Bonau. in 1. dist. 46. art. 1. q. 1. Vbi Scotus, & alij apud Salmant. hoc loco.

171 Nostra sententia seq. concl. explicatur. Etenim verè, & formaliter habet voluntatem possitivam, & antecedentem circa salutem omnium hominum, ac proinde voluntas antecedens est verè, & formaliter in Deo. Hæc conclusio communis est inter Theologos. Secunda pars ex prima dependet. Prima autem satis apertè colligitur ex illo 1. ad Tim. 2. Deus vult omnes homines saluos fieri, & ad agnitionem veritatis venire. Nam Apostolus de ea voluntate saluandi omnes homines loquitur, ex qua deducit esse Deo gratum opus orandi pro omnibus, & ex qua exhortatur ad huius orationis exercitium; sed nisi hæc volun-

tas verè esset in Deo non posset sumi hoc motiuum: ergo. Maior constat ex contextu. Minor probatur, quia ex complacencia, quæ est in Deo solum quasi speculatiue creandi alios mundos, aut assumendi ad vnionem hypostaticam singulorum hominum naturas, quatenus hoc est bonum secundum se, non sumitur prudens exhortatio orandi vt creentur alij orbes, vel vt sumantur ad vnionem hypostaticam omnes homines; ergo cum Apostolus ex voluntate illa saluandi omnes homines sumat prudentem exhortationem orandi pro omnium salute, oportet dicere, quod illa voluntas verè, & propriè in Deo temperiatur, & non tantum speculatiue, sed aliquo modo practice. Tum quia ideo Deus vult etiam nos velle salutem omnium, quia eam ipse vult; non præcisè quia velle nos facit, vt colligitur ex illo capite. Tum etiam quia verba sacre scripturæ debent intelligi in proprio sensu, nisi aliquod sequatur absurdum, vt de facto in hoc casu non sequitur.

172 Probat etiam, quia non vtunque Deus naturam rationalem produxit, sed illam in finem supernaturalem ordinauit; non potest autem concipi, quomodo Deus omnem hominem ordinauerit in finem supernaturalem, nisi volendo omnium illorum salutem: Tum quia si ob aliquam rationem prædicta voluntas non esset in Deo admittenda, maxime quia non impletur; sed hæc ratio nulla est; ergo. Minor probatur, quia licet non omnes diuinis obediunt præceptis, non tamen ob id Deus caret voluntate qua velit ea obseruari; ergo, &c.

173 Primum argum. desumitur ex auctoritate sacre scripturæ, vbi diuina voluntas dicitur semper impleri, vt est illud psalm. Omnia quacunque voluit fecit; Et illud Isaia. Omnis voluntas mea fiet. Idem confirmant ex testimonijs Sanctorum Patrum. Resp. quod illa testimonia procedunt de volūate consequenti, seu efficaci.

174 Secundum argum. est, quia cum aliquis potest aliquid saluare, & non saluat, non censetur habere voluntatem saluandi; sed Deus potest saluare omnem ho-

hominem, & non saluat; ergo non habet formaliter voluntatē saluandi illos. Resp. quod qui potest aliquem saluare, & non saluat, non habet voluntatem efficacem, & consequentem, potest tamen habere inefficacem, & antecedentem.

175 Tertium argum. Cum hoc, quod est velle aliquem saluum fieri non solum habet oppositionem reprobatio positua, qua Deus prauis peccatis decernit punire poena aeterna habentem illa, sed etiam reprobatio negatiua, quæ est ante malorum operum prauisionem, & consistit in non electione ad gloriam, siue in voluntate non eligendi; sed Deus circa multos habuit hanc non electionem; ergo non potuit habere erga omnes illam voluntatem saluandi. Tum quia licet deus, quod ea voluntas saluandi omnes non opponatur cum alia voluntate; adhuc dari non debet, quia otiose in Deo reponitur; quia si Deus voluntate consequente vult plures non saluari, ad nihil deseruit illa voluntas saluandi omnes. Resp. negando antecedens, quia voluntas saluandi omnes, est voluntas secundum se, & tendens in salutem omnium secundum se, seu prout est bonum secundum se: at reprobatio utroque modo attendit salutem circumstantionatam; nam reprobatio negatiua respicit salutem, in illis; & in istis circumstantiis boni indebiti, ratione ostensionis attributorum, libertatis creatæ, &c. hæc autem cum sine de obiectis diuersis non afferunt oppositionem. Ex quibus inferitur eam voluntatem non esse otiosam, cum habeat proprium obiectum volibile; tum quia Deus in virtute dictæ voluntatis manet obligatus vt provideat de medijs sufficientibus, quibus omnes possint consequi salutem æternam.

176 Quartum argum. quia omnis libera voluntas Dei est efficax, sed hæc voluntas saluandi omnes non est efficax; ergo non est in Deo. Maior probatur, quia voluntas inefficax est imperfecta, quippe impotens ad effectum quem intendit. Tū quia hoc ipso, quod Deus habet internum voluntatis affectum, quo vult esse alicuius rei, iam res illa exire censetur ab statu

puræ possibilitatis, & transire ad statum futuriionis, ac proinde res illa suo tempore ponetur ad extra ex vi prædictæ voluntatis. Resp. distinguendo maiorem: omnis libera voluntas Dei est efficax, efficacitate actus, & conceditur; efficacitate obiecti, & negatur; sola autem voluntas inefficax inefficacia actus, est imperfecta, non quæ sola inefficacia obiecti est inefficax. Per quæ patet ad primam probationem; ad secundam, dico, quod per effectum inefficacem; res transit ad statum futuriionis secundum quid, non absolute, & simpliciter. Voluntas autem consequens sic dicitur, quia est aliquid posterius bono secundum se.

S. III. Recensentur alia diuisiones diuina voluntatis.

177 **V**ltra diuisionem voluntatis in antecedentem, & consequentem, Sancti Patres, Scholastici, & Theologi cum D. Thoma in hac q. art. 11. & 12. diuidunt voluntatem, in voluntatem signi, & beneplaciti. Voluntas signi nil aliud est, quam tale signum externum circa rem aliquam à Deo editum, quale nos edere solemus ad declarandum nostrum velle, aut nolle. Qui enim aliquid præcipit, indicat se id velle, quod præcipit. Vnde præceptum Dei est signū voluntatis eius; & hoc signum vocatur per metaphoram voluntas Dei; ad eum modum, quo etiam præceptum hominis vocatur voluntas hominis. Quocirca ob quinque signa diuine voluntatis, diuina voluntas signi dicitur quintuplex: scilicet præcepti, prohibitionis, consilij, operationis, & permissionis; quæ omnia hoc versu continentur.

Præcipit, ac prohibet, permittit, consulit, implet.

178 Voluntas beneplaciti, nil aliud est, quam ipsa actualis volitio Dei, prout terminatur, & applicatur, volendo alicui certo obiecto, quod Deo placet, vnde voluntas dandi gloriam prædestinatis, est voluntas beneplaciti. Est autem distinctio inter

inter has voluntates, quod voluntas beneplaciti est formaliter in Deo: voluntas vero signi, non est formaliter in Deo; item illa dicitur propriè voluntas, hæc, tantum metaphoricè. Demum, quod voluntas signi, significat aliquam voluntatem beneplaciti; aliàs voluntas signi esset falsà, quia nil significaret. Vnde præceptum ut agamus poenitentiam, significat voluntatem Dei qua vult nostram poenitentiam.

179 Sed dices, quod Deus Gen. 22. præcepit Abrahæ ut immolaret filium suum, quem de facto impediuit, ne re ipsa immolaret; ergo. Resp. quod præceptum illud non emanauit à voluntate beneplaciti de occisione Isaac perficienda, sed tantum pendebat ex voluntate beneplaciti, qua Deus volebat grandem illam Abrahæ beneuolentiam. Vnde voluntas signi non semper significat eam voluntatem, quam nos primo aspectu concipimus.

180 Diuiditur etiam diuina voluntas in absolutam, & conditionatam; illa est voluntas absoluta quæ versatur circa rem circumstantiationatam, estque efficax, & semper implètur. Ea verò dicitur voluntas conditionata, quæ talis est, ut habeat aliquam conditionem, & non est semper efficax, sed tunc solum cum conditio ponitur, seu purgatur.

D V B I V M XVII.

An sufficienti ratione probetur, quod diuina voluntas decreto absoluto, & efficaci, prædestinat omnes actus causarum secundarum.

181 **Q**uo ad rationem procedit hoc dubium, quia videtur clarum, quod secundum sacram scripturam Deus prædestinat omnes actus causarum secundarum, ut rectè ostendunt N. Salm. hoc loco disp. 10. dub. 1. Constat ex illo Apost. ad Ephes. 1. *In quo etiam nos sorte vocati sumus prædestinati secundum propositum eius, qui operatur omnia secundum consiliū voluntatis suæ.* Idem constat de mente Sæctorum Patrum, præsertim D. Augustini, & D. Thomæ, ut fusè ostendunt prædicti

Salmant. loco cit. dub. 2. An ergo sufficienti ratione hæc veritas probetur, hoc loco inquiritur.

182 De qua re prima sententia negat, quæ defendunt Herice, Molina, Granado, Arubal, & alij hoc loco. Nostra sententia seq. concl. explicatur. *Diuina voluntas prædestinat omnes actus causarum secundarum, tam liberarum, quam necessariorum prædestinatione absoluta, & efficaci.* Sic tenent ferè innumeri quos referunt, & sequuntur N. Salmant. *dicta disp. 10. dub. 3.*

183 Probat 1. Supponendo esse valde diuersum operari cum aliquo, & operari per illud, seu facere per suum decretum efficax, ut aliud efficaciter operetur. Primum solum denotat simultatem concurrentium. Secundum requirit, quod agens, quod operatur per aliud non solum concurrat simultaneè, sed quod per suum decretum efficax agat, ut alterum agat, & operetur. Hoc posito sic ratio efformatur; quoniam licet prima, & secunda causa concurrant ad eandem actionem, cum hoc tamen discernim, quod Deus non solum est causa illius actionis prout est à se, sed etiam est causa illius actionis prout est à causa secunda; at causa secunda est solum causa illius actionis prout est ab ipsa; ergo Deus non solum causat realiter illam actionem; sed etiam facit, quod causa secunda agat. Antecedens constat, quia cum actio prout est à creatura sit aliquid creatum in rerum natura existens, necesse est, quod ut sic sit à Deo tanquam à causa prima efficiente; cum nihil dari possit in rerum natura, quod non recognoscat primam causam. Consequentia ex antecedenti deducitur; quia idem est actionem causare secundæ prout ab illa esse à Deo, ac quod Deus faciat, quod creatura faciat, aliàs licet illa actio esset à Deo, non tamen quatenus est à creatura.

184 Respondent auctores oppositæ sententiæ, quod illa actio licet realiter sit à Deo non tamen prout à causa secunda, quia etsi vna actio possit esse à duplici causa; attamen prout est ab vna, non potest esse ab alia, sed sufficit cōcursus simultaneus, quia ad dependentiam causæ secundæ à

dæ à prima in agendo, sufficit, quod non possit agere, quin simul illa actio sit realiter à prima. Sed contra, quia dependentia actionis à causa secunda formaliter sumpta, non est purum ens rationis, sed est aliquid verum, & reale in terfū natura exercitū; ergo debet esse ens participatū actū, & immediatē ab ente per essentiam; non potest dari aliqua ratio entis, aliqua formalitas, aliquis modus, qui subterfugiat diuinam causalitatem; aliās Deus non esset causa vniuersalissima. Tum quia actiones vitales secundum rationem vitalitatis debent pendere à Deo, quia omnis vita per participationem, debet pendere à vita per essentiam; sed actio v.g. volitio, prout est à causa secunda est vitalis; ergo debet pendere à vita per essentiam.

185 Probatur 2. quia si diuina voluntas non prædefinitet actiones causarum secundarum, sequeretur, quod causa secunda v.g. voluntas, esset primum se mouens, & primum se determinans ad suam operationem; hoc est falsum; ergo & id vnde sequitur. Sequela probatur, quia causa cuius actio non præfinitur, & prædeterminatur à diuina voluntate, seu à primo prædefiniēte, & primo prædeterminante, est primum se mouens, & primum se determinans, ergo, &c.

186 Respondent 1. quod ad rationem primi se mouentis, & primi se determinantis, sufficit, quod habeat esse à se, quod non conuenit causæ secundæ. Sed contra, quia quod non habet esse à se, neque habet quod sit primum principium operandi seu quod sit primum se determinans; sed causa secunda non habet esse à se; ergo habebit, quod sit primum determinans; operatio namque sequitur esse. Tum quia ex ista solutione licet sequatur, quod causa secunda non sit primum ens simpliciter; non tamen sequitur, quod non sit primum operans.

187 Respondent 2. quod ad hoc vt causa secunda non sit primum mouens se ipsam, sufficit, quod nequeat operari sine concursu simultaneo primæ causæ. Sed contra, quia ex hoc, quod Deus non calefaciat nisi simul cum igne, non tamen

tollitur per aduersarios, quod Deus non sit primum se mouens; ergo è diuerso, ex hoc, quod voluntas non possit operari sine concursu simultaneo Dei non tollitur quin sit primum se mouens, si semel à Deo non moueatur, non determinetur, sed se ipsam determinet. Tum quia respectu actionum vitalium non potest Deus concurrere ad illas efficiendas nisi simul concurrat voluntas, ergo, quod desideretur concursus simultaneus non tollit rationem primæ causæ, primi se mouentis, &c.

188 Probatur 3. Causa secunda nequit agere quin Deus simultaneus cum illa agat; ergo nequit agere quin à diuina voluntate præmoueatur. Antecedens constat. Conseq. probatur, quia quoties ad aliquam actionem desideratur concursus duarum causarum, oportet, vel quod vna moueat aliam, vel quod vtraque moueatur ab aliqua tertia, aliās casu coniungeretur ad simultaneam agendum; sed causa secunda non mouet primam, nec est exco-gitabilis tertia à qua vtraque moueatur; ergo restat vt prima moueat secundam. Aliās Deus cæco modo vniatur cum secunda, nesciens quando debeat incipere agere.

189 Respondent, quod Deus per scientiam mediam cognoscit quando debeat incipere actionem; scit enim, inquit, per hanc scientiam, quando causa secunda libera in hac, vel in illa circumstantia, sit, vel non sit operatura. Sed contra, quia loquendo de causis naturalibus, nescit an debeant aliunde impediti, etiam ab ipso operante supernaturaliter. Deinde loquendo de causis liberis, non est in quo Deus possit certò præuidere illarum concursum vt non cæco, & ignorantī modo concurrat, vt *disp.* 14. ostensum est.

190 Probatur 4. quia quoties causa est efficax ad agendum, effectus consequitur ipsam, non tantum secundum id, quod fit, sed etiam secundum modum fiendi, vel essendi; sed diuina voluntas est efficacissima; ergo ex ipsa sequetur effectus non solum secundum suam entitatem, sed etiam secundum omnem modum illius. Maior constat, quia ideo filius nascitur quando-que

que diffimilis patri, quia in semine, seu virtute est aliquis defectus; in diuina autem voluntate nullus potest esse defectus; ergo.

191 Primum argum. est, quia in Deo non est ponenda nisi illa volitio, quæ sufficiat adhuc ut per modum primæ causæ influat in volitionem v.g. creatam; sed ad hoc sufficit, quod diuina voluntas influat per volitionem generalem, & quasi conditionatam, si voluntas creata voluerit; ergo non est necessaria illa prædefinitio. Maior constat; minor probatur, quia hoc ipso, quod Deus decernat concurrere cum voluntate creata, v.g. conditionatè, præstat omnem concursum; qui ad rationem causæ primæ desideratur; sicut etiam id facit cum præstat concursum generalem. Tum quia sicut quando voluntas creata, aliquid sub conditione decernit, tunc si purificetur, seu adimpleatur conditio, sine alia voluntate absoluta executioni mandari id, quod decreuit; unde addere dictam voluntatem, esset superuacaneum; ergo hoc idem dici debet de voluntate diuina. Tum etiam quia per voluntatem concurrenti simulancè cum causa secundâ, saluatur essentialis dependentia, tum causæ secundæ, tum actionis eius à primâ; ergo nil aliud requiritur; Antecedens ostenditur, quia causa prima potest operari sine secundâ, non tamen secundâ sine primâ. Resp. negando antecedens, ille namque modus operandi licet admitti possit in creaturis, non tamen in Deo, cum inuoluat imperfectionem, maximè quia ageret tunc Deus præter intentionem, & cœco modo; ad illud de concursu simultaneo, quod scilicet saluetur essentialis dependentia, constat ex dictis.

192 Secundum argum. Influxus generalis Dei est indifferens ad hoc ut per concursum causæ secundæ modificetur ad talem, vel talem speciem actionis; ergo actus causarum secundarum in particulari & cum omnibus circumstantijs non prædefiniuntur. Antecedens constat, quia influxus Dei ideo vocatur generalis, quia quantum est ex vi sua, nisi determinetur per causam secundam, non attingit effe-

ctum in particulari. Consequenter probatur, quia eò, & non amplius se extendit diuina prædefinitio, quò se extendit eius influxus; ergo si prædictus influxus non se extendit ad effectum in particulari, nisi modificetur, & determinetur per concursum causæ secundæ, neque prædefinitio se extendet. Tum quia non aliter res sunt volitæ à Deo in æternitate, quàm eo modo quo in tempore exequuntur; ergo si Deus in tempore non præstat nisi concursum generalem, & indifferenter, non alio modo res in æternitate erunt volitæ. Resp. quod ut in sequentibus dicitur nullus dabilis est concursus indifferens, & modificabilis à causa secundâ: quod autem aliquis Dei concursus dicatur generalis, non ideo est, quia sit indifferens, sed quia datur omnibus causis iuxta modum proprium vniuersuiusque.

D V B I V M XVIII.

An diuina voluntatis prædefinitio tollat libertatem.

193 **A**ffirmant auctores n. 182. relati. Nostra sententia seq. conel. explicatur. *Diuina voluntas prædefiniendo actus liberos voluntatis creatæ, non adimit libertatem.* Hanc conel. sequuntur omnes quos supressio nomine retulimus dicto n. 182. Pro quo est sciendum, quod quantum ad præsens attinet dupliciter intelligi potest, quod voluntas creata prædeterminetur; vno modo; per prædeterminationem, quæ sit per actum secundum, quæ est talis naturæ, & conditionis, quod facit, ut voluntas non se determinet per consilium, & deliberationem, & hæc cum sit contra naturam voluntatis, illius libertatem adimit, quæ in hoc consistit, quod voluntas per consilium, & deliberationem agat. Alio modo per prædeterminationem quasi in actu primo, & præcedens actum secundum, quæ ita determinat voluntatem ad actum ut non tollat, sed potius facit, quod voluntas se ipsam determinet per consilium, & deliberationem, & ista tantum abest, quod tollat libertatem, quod potius

potius eam ponit, cum faciat, quod voluntas liberè agat per consilium, & deliberationem.

194 His positis probatur 1. conclusio. Divina voluntas ita determinat voluntatem, ut faciat, quod se ipsam determinet per consilium, & deliberationem, ergo non tollit, sed potius ponit exercitium libertatis. Conseq. nota est. Antecedens ostenditur, quia non est de ratione liberi ut se primò determinet, sed ut determet se iuxta suam naturam; unde primum liberum, debet se primò determinare, & secundum liberum debet se secundariò determinare, & primario determinari debet à primo libero; hoc autem facit, dum ita nostram determinat voluntatem, ut faciat quod se ipsam per consilium, & deliberationem determinet. Tum quia idem est voluntatem liberè se determinare ad aliquem actum, & quod habeat dominium illius; sed divina voluntas prædefinendo actum liberum nostræ voluntatis, non facit, quod non habeat dominium illius; ergo. Cum enim divina voluntas sit universalissima domina, à qua nos habemus omnè dominium; non potest per prædictam prædefinitionem auferre nostrum dominium, sed potius debet illud ponere.

195 Probatur 2. quia divina voluntas prædefinendo causam secundam liberam ad operandum, non facit utcumque, quod voluntas faciat, sed quod liberè, & infallibiliter faciat; ergo non tollit, sed ponit libertatem. Antecedens probatur, quia efficacia divinæ voluntatis, non solù se extendit adhuc, quod voluntas creata eliciat actum quoad substantiam, sed etiam se extendit ad modum libertatis, volendo, & faciendo, quod illum eliciat liberè, & infallibiliter, alias non esset efficacissima, & universalissima, & daretur aliquis modus, qui eius causalitatem subterfugeret. Tum quia, Deus, ut dicit Ecclesiæ lumen de correctione, & grat. cap. 14. magis habet in sua potestate hominum voluntates, quàm ipsi suas; ergo si ex hoc, quod homo habet in sua potestate suam voluntatem, cum se determinat ad operandum, liberè se determinat; ita Deus illum liberè determi-

nabit. Tum etiam quia causa secunda, subordinatur primæ ad nutum, quia illi plenariè subiicitur quoad omnes suas perfectiones, & modos bonos, tam quoad fieri, quàm quoad esse, & operari; ac proinde hoc ipso, quod causa prima vult aliquid fieri à secunda, fiet eo modo quo voluerit, scilicet liberè, &c.

196 Primum argum. quia si divina voluntas prædefiniret actiones liberas voluntatis create, eius libertatem adimeret; ergo. Antecedens probatur, quia non esset in potestate voluntatis create deponere talem prædefinitionem, & facere oppositum eius, quod prædefinitum est. Nec valet dicere, quod voluntas in sensu composito non potest dictam prædefinitionem deponere, & oppositum illius facere, bene tamen in sensu diuiso; nam contra, inquit, quia hinc sequitur voluntatem solum esse liberam in sensu diuiso, si auferatur prædefinitio, non in sensu composito. Nec etià valet dicere, quod posita prædefinitione potest voluntas dissentire si velit, nihilominus nunquam actu dissentiet, sed infallibiliter consentiet. Nam contra, quia si voluntas potest dissentire, cur non aliquando dissentiat? cur est infallibile; quod consentiet? Tum quia si semel voluntas creata manet libera, nullà prædefinitio potest esse ea superior, ut tollat eius indifferentiam. Resp. negando antecedens, licet enim illa prædefinitio sit antecedens, non tamen tollit libertatem, quia ea suppositio est iuxta naturam, & inclinationem voluntatis, modo explicato. Ad probationem dico, solutiones ibidem traditas esse optimas si intelligantur iuxta dicenda dubio sequenti. Ad illud, quod dicitur, quod si semel voluntas creata manet libera, nullà prædefinitio potest esse ipsa superior, ut tollat eius indifferentiam, dico, quod præmotio divinæ voluntatis respiciet ut proprium eius effectum duos terminos à quo, & ad quem. Ex parte termini à quo, tollit resistantiam, & duritiam cordis, & ex parte termini ad quem tribuit consensum, & infallibiliter infert actum pro quo datur. Ex parte termini ad quem infert finitè, quia modo infert actum intentum ut tria,

V u modo

modo ut quinque &c. At ex parte termini à quo, influit infinitè syncategorematicè, quia omnem, & quamcunque tollit cordis resistèntiam. Exemplo actuum fidei, charitatis, vel contritionis, qui licet ex parte termini *ad quem*, sint virtutis finitæ; ex parte tamen termini à quo, sunt virtutis syncategorematicæ infinitæ, quia nullum est peccatum, quod per contritionem non deleatur.

197 Verùm pro clariori intelligentia nota, quod diuina voluntas per suam prædefinitionem vnam tollit voluntatis indeterminationem, & aliam relinquit, vel etiam ponit. Tollit indeterminationem priuatiam, seu suspensionem, quam habebat ad actum v.g. amoris, vel odij; seu tollit illam indifferentiam quam habebat in ordine ad Deum, ut ad primam causam præmouentem, seu præfinientem; quæ ratione diuina prædefinitio, præmotioque, vocatur prædeterminatio, quatenus tollit illam indifferentiam, seu indeterminationem, seu suspensionem voluntatis. Relinquit, aut etiam ponit aliam indifferentiam, quæ opponitur determinationi ad vnum, sine potentia ad oppositum, quia re vera diuina voluntas per suam prædefinitionem relinquit intactam potentiam ad vtrumlibet, quia ita applicat voluntatem ad amorem, ut relinquat potentiam ad odium; quod alijs verbis in idem recidentibus, alijs explicant dicentes, quod diuina voluntas prædeterminat voluntatem creatam non per modum naturæ, sed per modum liberi, quia tollit quidem indifferentiam priuatiam, seu negatiuam, & suspensionem, quæ non magis suspensa erat ab vno; quam ab alio actu; relinquit tamè potentiam ad vtrumlibet; licet applicet ad vnum determinatè, seu licet vnum determinatè prædefiniat.

198 Est etiam notandum pro intelligentia eorum, quæ dicuntur, quod diuina voluntas per suam prædefinitionem, seu quod diuina prædefinitio respicit vtramque partem, licet diuersimodè; nam vnam respicit ut inferendam; aliam ut possibilem inferri, v.g. prædefinitio ad amorem respicit illum ut actu inferendum; at alteram

partem nempe non amorem, vel odium, ut possibilem inferri. Et ratio est, quia cum diuina voluntas per suam prædefinitionem prædefiniat actum amoris v.g. tam quoad substantiam, quam quoad modum libertatis, necesse est, ut velit, quod creata voluntas ita amet, ut possit non amare, ac proinde non determinabit per modum naturæ scilicet ad vnum tantum, sed per modum liberi præfiniendo vnum inferendum, & relinquendo potentiam ad oppositum.

199 Secundum argum. quia si diuina voluntas prædefiniret actiones causarum secundarum, sequeretur, quod causæ libere nequirent facere nisi id ad quod sunt præmotæ, & prædefinitæ, & sic non possit illis imputari violatio præcepti, v.g. amoris, quia quando violatur, non datur hæc prædefinitio ad illud seruandum. Antecedens constat, quia hæc prædefinitio ponitur ut omnino necessaria ad agendum, quia cum illa actio ponitur, & sine illa non ponitur. Nec valet dicere, quod diuinæ voluntatis præfinitio non requiritur ad posse, sed ad agere; vnde licet sine illa voluntas non agat, potest tamen agere, quia sine illa non caret potentia ad agendum. Nam contra est, quia id, quod pertinet ad ordinem operarium, & non tanquam actio, nec tanquam pura conditio ad agendum, debet pertinere tanquam virtus agendi, ac proinde tanquam dans virtutem, & posse ad actionem; huiusmodi est diuina præfinitio; ergo. Tum quia id sine quo potentia non est sufficiens ad agendum requiritur ad posse; at voluntas sine hac præfinitione non est sufficiens ad simpliciter agendum; ergo. Resp. negando antecedens, ut enim ibi bene respondetur, diuina prædefinitio non datur ad posse, sed ad agere; si enim daretur etiam ad posse, voluntas creata non esset defectibilis; quare voluntas non habens præmotionem ad amorem, si enim amat quando tenetur, ea transgressio sibi imputatur ad culpam, quia poterat amare, & habebat potentiam per gratiam sufficientem expeditam ad illud præceptum seruandum. Quod etiam explicari potest exemplo concursus concomitant-

mitantis, qui licet non detur quando præceptum seruandum est, adhuc transgressio voluntati creatæ imputabitur; quia sine illo voluntas potest agere, licet de facto non agat; nec ille concursus datur ad posse, sed datur ad agere. Per quæ patet ad alia, quæ in argumento ponuntur.

D V B I V M XIX.

Quomodo cohereat cum libertate creatæ, quod in sensu compositio non possit non elicere actum ad quem est prædefinitio, bene tamen in sensu diuiso.

200 **A**D hoc dubium sequenti cōcl. respondetur. *Optimè coherere quod voluntas creatæ in sensu composito nequeat elicere actum oppositum prædefinitioni, bene tamen in sensu diuiso. Et in hoc fiat perfectissima eius libertas.* Hanc conclusionem docent omnes Thomistæ, & alij Theologi communiter. Indiget magis explicatione, quàm probatione. Pro quo notandum est primò, quod in libero arbitrio ut tali est simul potentia ad opposita, non tamen est in illo simul potentia ad opposita simul habenda; est in libero arbitrio simul potentia ad consentiendum, & dissentiendum, quæ opponuntur contrariè; item est potentia ad consentiendū, vel non consentiendum, quæ sunt opposita contradictione; non tamen est in eo potentia ad simul habendum utrumque extremum; nam potentia ad dictos actus nō repugnant, bene tamen ipsi actus contrariè, aut contradictione oppositi. Quod alij explicant dicentes, quod in libero arbitrio est si multas potentia ad opposita, non tamen potentia simultatis, id est potentia ad simul habenda opposita. Hinc est, quod qui amat, liberè amat, cum retineat potentiam ad non amandum, tamen si nequeat coniungere, seu componere amorem, & odium, seu amorem, & cessationem illius.

201 Notandum 2. quod cum diuina voluntas prædefiniens v. g. actum amoris cum infallibiliter inferat, sequitur, quod

idem iudicium ferendum sit de illa, ac de ipso actu v. g. amoris. Quocirca sicut dum quis amat, non habet potentiam ad coniungendum utrumque; actum scilicet amorem, & odium; aut amorem, & cessationem illius; ita non habet potentiam ad habendam simul præmotionem ad amandum, & carentiam amoris, quod est non habere potentiam in sensu composito, quodque non derogat libertati. Et sicut dum quis amat habet potentiam ad non amandum; ita qui est prædeterminatus ad amandum, retinet potentiam ad non amandum. Vnde hæc propositio: voluntas præmota potest dissentire, vera est, quia cum præmotione retinet potentiam ad dissentium, & facit sensum diuisum; secus esset si intelligeretur in sensu composito.

202 Sed contra prædicta obijcies 1. Illud, quod est talis conditionis, ut eo posito sequatur aliquod impossibile, non potest esse possibile, quia ex possibili nullum sequitur impossibile, licet ex impossibili sequatur quodlibet; at si voluntas in hoc instanti in quo eam diuina voluntas prædefiniuit ad amorem, non amaret, aut odio haberet, sequeretur necessariò aliquod impossibile; ergo non est possibile in nullo sensu, quod voluntas tunc non amet, ac proinde auferatur ab ea potestas ab utrumlibet. Maior constat. Minor probatur; quia si semel voluntas prædefinita ad amandum in hoc instanti, non amaret irritum redderet tum amorem, tum prædefinitionem illius; tum quia sequeretur, quod illa prædefinitio non esset efficax. Resp. quod & hoc, & alia similia argumenta, etiam ab aduersarijs sunt soluenda si applicentur ad compositionem peccati mortalis cum gratia sanctificante; vel ad actum odij, cum actu amoris in eodem instanti, ut consideranti patebit. Nihilominus responderetur, quod licet ex te possibili præcisè nullum sequatur impossibile, tamen nullum est inconueniens, quod facta aliqua suppositione sequatur aliquod impossibile, & absurdum, si ponatur in rerum natura; quod exemplo amoris constat; nam licet possibile sit, quod dum quis amat

Deum, possit illum non amare; tamen facta suppositione quod quis in hoc instanti amet Deum; si in hoc eodem instanti non amaret, aut odio haberet, sequeretur aliquid impossibile, quod scilicet amaret, & non amaret, &c. Igitur posita prædefinitione ad actum amoris in hoc instanti, odiū aut cessatio amoris, est solum possibilis secundum se, non hic, & aūc supposito amore, & prædefinitione illius; alias esset possibilitas compositionis, non diuisionis; non esset solum similitas potentia, sed potentia similitatis, contra prædicta.

203 Obijcies 2. quia videtur sequi ex nostra doctrina, quod voluntas possit irritam, & inefficacem reddere diuinæ voluntatis prædefinitionem, seu præmotionem, cum possit facere actum, qui si esset, redderet illam irritam, & inefficacem; quod enim facit actus actu, facit potentia possibiliter; ergo si actus actu faceret irritam diuinam prædefinitionem si daretur, cum dari possit, poterit irrita reddi. Resp. negando antecedens, ad hoc enim vi voluntas posset reddere irritam diuinam prædefinitionem, oporteret, quod posset coniungere odium v.g. cum amore de quo est prædefinitio, vel cum ipsa prædefinitione ad amorem; illa autem potentia voluntatis ad odium, dum est proxima ad amorem, est potentia secundum se, non ad coniungendum odium cum prædefinitione ad amorem, &c. Ad illud: quod facit actus actu facit potentia possibiliter, dico esse verum, quando actus correspondet illi potentia, secus aliter.

204 Obijcies 3. Ad hoc vt voluntas creata prædefinita ad actum amoris possit in sensu diuiso non amare, requiritur, vt possit ponere carentiam amoris, vel odiū, quæ si essent, destruerent tum amorem, tum prædefinitionem illius; sed voluntas creata prædefinita ad amorem potest absolute, & simpliciter destruere talem prædefinitionem; ergo. Resp. concedendo maiorem, & negando minorem; non enim, vt ex dictis constat, datur in voluntate creata talis potentia similitatis, sed solum similitas potentia.

205 Obijcies 4. quia semel præsup-

posita diuinæ voluntatis prædefinitione ad actum amoris in hoc instanti eliciendum, tunc idem est, quod voluntas ponat non amorem, vel odium, ac quod ista componat cum prædefinitione ad amorem; sed voluntas tunc potest ponere non amorem, vel odium, ergo tunc poterit componere. Resp. transeat maior, & negatur minor; ibi illo namque instanti voluntas potest ponere non amorem, vel odium secundum se, non tamen præsupposito amore, aut prædefinitione illius; potest in quā voluntas ponere in illo instanti non amorem, aut odium secundum se, non prout illud instans supponitur mensura amoris; & prædefinitionis illius; deinde non mirum, quod aliquid absolute ponibile, poni hic, & nunc non possit, facta suppositione alius cuius impossibile.

206 Obijcies 6. quia posse componere vnum cum alio in aliquo instanti, nihil est aliud, quam posse facere, quod vnū existat in illa duratione, in qua existit aliud; sed eo ipso, quod prædefinito ad amorem in hoc instanti est inauferibilis, & ex alia parte poni potest in eodem instanti non amor, potest fieri vt non amor existat in eodem instanti in quo est prædefinitio ad amorem; ergo potest componi non amor, cum prædefinitione ad amorem. Resp. concedendo maiorem, & negando minorem; potest quidem voluntas ponere in hoc instanti non amorem secundum se, non tamen facta suppositione amoris, aut prædefinitione eiusdem, vt ex dictis constat.

207 Obijcies 7. quoniam qui posito vno extremo inauferibili relationis, potest ponere aliud extremum, quod est fundamentum correlationis, potest etiam ponere relationem ipsam subsequutam; vt patet in eo qui posito in hoc instanti vno albo, potest ponere in eodem instanti aliud album, quod est fundamentum relationis similitudinis. Ergo qui posito vno extremo inauferibili relationis similitatis, scilicet prædefinitione ad amorem, potest ponere in eodem instanti aliud extremum scilicet odium, quod est fundamentum alterius correlationis similitatis, poterit ponere

nere relationem simultatis. Resp. concedendo antecedens, quando qui potest ponere aliud extremum, non utunque illud ponere potest, sed prout est fundamentum correlationis. Ac in nostro casu voluntas prædefinita ad amorem, non potest ponere odium ut est fundamentum correlationis simultatis, sed tantum secundum se. Ex quibus solui possunt alia huius generis argumenta quæ ab aduersarijs nobis obijciuntur, quæq; ab ipsis etiam solui debent, si ipsis obijciantur, ut supra aduertimus.

D V B I V M XX.

An Diuina voluntas decreto efficaci prædefinit ipsam materialem peccati.

208 **D**E solo materiali peccati præfens procedit dubium, nam de formali, nullum potest esse dubium, cum nequeat à Deo esse volitum iuxta illud psal. 5. *Non Deus volens iniquitatem tu es.* Pro quo notandum primò, quod peccatū, v.g. odium Dei, tripliciter potest considerari. Primò quoad suam entitatem physicam nihil considerando de deformitate, aut ordine ad regulas moris. Secundò quatenus formaliter respicit prædictas regulas, abstrahendo tamen ab hoc, an dictus ordo sit conformitatis, vel diffinitivæ, seu considerando illud, non secundum ultimam rationem, sed secundum quod est actus moralis ut sic, seu secundum quod est individuum genericum immediate contentum sub actu morali genericè sumpto. Tertio, secundum quod dicit deformitatem ad regulas moris.

209 Notandum 2. quod peccatum v.g. odij, quoad suum materiale, & fundamentum malitiæ, quam intrinsecè annexam habet, potest dupliciter considerari: primò quoad prædictum materiale, & fundamentum reduplicatiuè in ratione materialis, & fundamenti. Secundò specificationè, siue absolute acceptum; idest, quoad id, quod aliàs est materiale, & fundamentum malitiæ, non prout fundamentum. Vel dici potest, & in idem recidit, quod illud materiale potest formaliter co-

siderari prout fundamentum, vel materialiter, quod aliàs est fundamentum. Difficultas proposita non procedit de maiori peccati formaliter accepto, quia hoc modo est malum: tum quia agens attingens materiale, seu fundamentum formaliter acceptum, non potest non attingere malitiam. Vnde creatura quia hoc modo attingit materiale, seu fundamentum peccati, ideo peccat. Sed procedit tantum de materiali peccati materialiter accepto, quod secundum se non exprimit dissonantiam ad regulas moris, ut cum quæ sine rationis aduertentia, elicit actum odij: ibi enim est materiale peccati materialiter, non formaliter.

210 Prima sententia tenet, quod Deus nullo modo prædefinit materiale peccati. Sic plures ex modernis, præsertim ex Patribus Societatis, ut testantur N. Salm. hoc loco. Nostra sententia sequi concludit. *Deus prædefinit materiale peccati materialiter sumptū, seu prædefinit omnes rationes peccati, v.g. odij, quæ non exprimunt malitiam.* Sic tradunt Capreolus, Ferrar. Alvarez. Nauarrete, Nazar. Ripa, & alij apud prædictos Salm. hoc loco dub. vlt. Colligitur aperte ex illo act. 2. *Hunc (scilicet Iesum) defuncto consilio, & præscientia Dei traditum per manus iniquorum affigentes interemisistis.* Et cap. 4. dicitur. *Sicut conuenerunt Herodes, & Pontius Pilatus cum gentibus, & populis Israel facere, quacunque manus tua, & consilium suum decreuerunt fieri.* Cumque ista loca nequeant de decreto quoad formale peccati, intelligi debent de materiali. Alia plura loca, sicut & testimonia Sanctorum Patrum, videri possunt in prædictis Salmant.

211 Probatur 2. quia diuina voluntas prædefinit omnes actus bonos, ut ex dictis supra constat, sed materiale peccati, est actus bonus siue ut pertinet ad lineam physicam, siue moralem, non exprimentem malitiam; ergo præfinitur à Deo. Hinc bene dicit P. Suarez apud Salmant. n. 147. *in fine*, quod hoc ipso, quod dicatur Deus præfinire omnes actus bonos, nequit consequenter affirmari, quod etiam materiale peccati materialiter sumptum, non præfinia-

niatur. Maior huius argumenti constat. Minor etiam nota est ex dictis; quia sicut fundamentū relationis materialiter sumptum, non spectat ad lineam relationis, sic nec fundamentum malitiæ, materialiter sumptum, spectat ad lineam malitiæ, sed ad lineam physicam, aut moralem; non afferentem disconuenientiam ad regulas morum.

212 Probatur 2. quia ad omne id extenditur diuina voluntas per suum decretum prædefinitiuum, ad quod tanquam ad obiectum materiale per se tale, extenditur diuina omnipotentia per suam causalitatem; sed diuina omnipotentia per suam causalitatem extenditur ad materiale peccati materialiter sumptum, seu secundum illud esse quod pertinet ad lineam naturalem, seu physicam; ergo ad hoc ipsum extenditur diuina voluntas suo efficaci decreto. Maior constat, quia diuina omnipotentia nil operatur nisi applicata per diuinam voluntatem, ac proinde ad id omne extenditur diuina voluntas, ad quod extenditur diuina omnipotentia. Minor ostenditur, quia diuina omnipotentia est causa vniuersalissima physica; ergo extendi debet ad omnem entitatem physicam, ad omnem modum, ad omnem formalitatem ad lineam physicam spectantem. Tum quia ad omne id extenditur diuina omnipotentia, quod est ordinabile ad bonitatem diuinam tanquam ad vltimum finem; sed omne esse physicum, & materiale est huiusmodi; ergo. Maior constat, quia primum, & vniuersalissimum efficiens, quale est diuina potentia, debet per se terminari ad ea, quæ cadunt sub primo, & vniuersalissimo fine, scilicet diuinam bonitatem, ut sic causa efficiens, & finalis proportionentur. Minor etiam constat, si quidem Deus ut auctor naturæ est primum efficiens, & vltimus finis huius ordinis.

213 Probatur 3. quoniam voluntas creata quatenus liberè elicit actum odij Dei ut pertinet ad lineam physicam, non est causa deficiens, & deuians ab ordine ad Deū ut ad vltimum finem, sed est causa secunda efficiens, & ordinans prædictū actum ad diuinam bonitatem ut ad vlti-

mum finem totius esse physici ergo debet Deo subordinari ut efficienti primo, ut primo ordinati, &c. Antecedens constat, quia licet prædictus actus ut pertinet ad lineam moralem deficiat ab ordinatione ad Deū, non tamen ut pertinet ad lineam physicam. Consequenter probatur, quia secundum efficiens, & secundum ordinans, debet subordinari primo efficienti, primo ordinanti; ergo.

214 Respondent his rationibus. aduersarij, quod Deus nequit prædefinire dictum materiale peccati, quia est indispensabiliter connexum cum malitia: Sed contra, nam ut rectè dicit S. Thomas in 2. dist. 37. quæst. 2. art. 2. ad 5. *Deus dicitur causa illius actionis in quantum est actio, & non in quantum est de formis, hoc modo, quod actionem non faciat à deformitate separatam, sed quia in actione deformitati coniuncta hoc quod est actionis facit, & quod deformitatis non facit. Et si enim in aliquo effectu plura inseparabiliter coniuncta sunt, non oportet, ut quicquid est causa eius quantum ad vnum, sit etiam causa eius quantum ad alterum.* Tum quia licet obiectum vnius potentie sit cum obiecto alterius identificatum, ut constat in obiecto intellectus, non tamen potentia attingens vnum, debet attingere & alterum, cum sit extra sphaeram suæ actiuitatis. Exemplum sit etiam in essentia diuina, quæ ergo cum intellectu beati in ratione speciei, non in ratione intellectiois. Item Pater æternus communicat Verbo essentiam, non communicat paternitatem. Verbum ipsum communicat naturæ humanæ Christi D. subsistentiam, & existentiam, & non communicat essentiam; & hoc non ob aliam rationem, nisi quia vnum continetur intra sphaeram, non aliud. Cum ergo entitas physica peccati sit intra sphaeram diuinæ efficientiæ, non peccati malitiæ, tametsi aliæ coniunctæ sint, & connexæ, vnum attingetur, non aliud. Addi potest exemplum D. Thomæ de tibia curua, nam motus est à virtute progressiua, claudicatio à curuitate tibiæ. Addi etiam potest exemplum conuersus simultanei, quia per istum in sententia suorum auctorum, Deus attingit

git materiale peccati partialiter, malitiam autem nec partialiter attingit. Soluuntur argum. in contrarium.

215 Primum argumentum est, quia Deus 1. Iacobi dicitur *intentator malorum*, sed si præsenteret materiale peccati, magis tentaret, quam tentet propria concupiscentia, à qua homo tentari dicitur ibidē: *unusquisque tentatur à concupiscentia sua*; ergo, &c. Tum quia in Tridentino dicitur. *Si quis dixerit mala opera ita ut bona Dei operari, non permittendo solum, sed etiam propriè, & per se adeo ut sit proprium eius opus non minus proditio Iuda. quam vocatio Pauli, anathema sit.* Tum etiam quia decretum permissiuum tantum datur respectu eius, quod quis potest impedire, sed si Deus haberet decretum absolutum prænitiuum materialis peccati, non posset impedire malitiam eius, ergo non posset illud permittere. Resp. quod licet Deus prænariat materiale peccati, non tamen tentat, ut facit concupiscentia; *Deus enim intentator malorum est.* Licet ergo concupiscentia secundum suam speciem essentialem secundum quam est eiusdem rationis atomæ cum concupiscentia brutorum, non extendatur ad concupiscendum id, quod obiectiue, seu quantum est ex parte obiecti, est peccatum, & veritum; bene tamen prout est in homine, quia hoc modo habet quandam speciem modalem superadditam ex coniunctione ad eundem hominem, & voluntatem eiusdem. Nam licet quando concupiscentia ferri necessariò, & per modum naturæ in peccatum, non sit formaliter peccatum ex defectu libertatis, non tamen ex defectu obiecti concupiti: quia intra obiectum concupiscentiæ continetur peccatum obiectiue sumptum, ut obiectum veritum: quocirca quoties concupiscentia per modum naturæ tendit in illud, dicitur tentare hominē, quia impellit ad peccatum obiectiue tale, seu ad id, quod quantum est ex parte obiecti refunderet in concupiscentia peccatum, si liberè ad ipsum tenderet. Verum Deus prædefiniendo materiale peccati, non dicitur tentare hominem, quia diuina prædefinitio non extenditur ad pec-

catum obiectiue tale, & formaliter sumptum, nec ad eius fundamentum, quatenus fundamentum, cum hæc sint extralatitude obiecti materialis, duæ voluntatis, diuinæq; præfinitiones. Illud Tridentini non est contra nos; solum enim definit, quod Deus neque indirectè causet peccatum, ut consideranti patebit. Ad illud; quod posito decreto efficaci non potest impediri malitia, dico, quod in sensu composito impediri non potest, bene tamen in sensu diuiso; & licet posito decreto efficaci de materiali peccati voluntas creata ratione suæ deficientiæ nequeat non ponere malitiam, in sensu composito, adhuc tamen requiritur decretum permissiuum ut voluntas creata ponat dictam malitiam, quia omnia cadere debent suo modo sub diuina prouidentia; vnde cum malitia nequeat cadere positiue, debet saltem cadere permissiue.

216 Secundum argum. Deus nequit præfinire peccatum v. g. odium Dei quoad suum materiale materialiter acceptum, quin præfiniat illud materiale formaliter acceptum, seu ut fundat malitiam; sed hoc fieri nequit; ergo neque illud. Maior probatur, quia hoc ipso, quod præfiniat illud materiale, præfiniat ipsum quatenus hic, & nunc est auersio libera à Deo ut ab obiecto; sed tunc habet rationem materialis formaliter accepti, quia est auersio libera à Deo ut ab obiecto; ergo. Tum quia materiale peccati formaliter est ens positiuum formaliter; ergo etiam hoc modo præfiniri debet, si semel ob hanc rationem præfiniatur materiale materialiter acceptum. Resp. negando maiorem. Ad probationem, quod Deus præfiniat illud materiale quatenus est auersio libera à Deo ut ab obiecto, dico ita esse, quia hoc est purum physicum, & materiale odij Dei, neque hoc est materiale formaliter acceptum, sed materiale materialiter acceptum; tunc autem est materiale formaliter acceptum, quando non solum est auersio purè physica, verum etiam quando dicit auersionem moralem, seu esse fundamentum, & radicem malitiæ. Ideo namque odium Dei ut à voluntate creata liberè

berè exercitum habet formaliter rationem fundamenti respectu malitiæ, quia procedit ab illa ut est libera avertiō a Deo non solum in ordine physico præcisè sumpto, sed etiam intra ordinem, & lineam moralem initiatiuè sumptam, & radicalè respectu malitiæ. Ad illud, quod materiale peccati formaliter acceptum est ens positivum formaliter, ac proinde debet præfiniri, dico, quod secundum eam rationem est quidem quid positivum, sed exprimens malitiam fundamentalem. Quare Deus attingit per suam prædefinitionem omnem rationem entis, sed non secundum omnem expressionem, scilicet secundum expressionem malitiæ, ut n. seq. magis dicitur.

217 Tertium argum. quia hoc ipso, quod Deus prædefiniat materiale peccati materialiter acceptum, debet prædefinire hanc numero portionem entis, quæ transcenditur in formalitate odij ut est fundamentum malitiæ, nec non in positivo malitiæ si semel malitia consistat in positivo, quia sicut non causatur à parte rei ratio entis ut sic, sed hæc portio entis, ita si prædefinit materiale peccati, debet illud prædefinire secundum hanc portionem entis, quæ est contracta ad hanc rationem formalem prout etiam est fundamentum malitiæ, &c. Resp. debere Deum prædefinire hanc portionem entis ut pertinet ad lineam physicam, & conceditur, ut exprimit rationem malitiæ, & negatur. Quare licet illa portio entis in esse physico sit coniuncta inseparabiliter eum malitia, nihilominus eam non dicit prout præcisè pertinet ad lineam physicam.

218 Quartum argum. quia data hac prædefinitione materialis peccati, voluntas creata non potest non peccare, si faciat, quod per eam prædefinitionem præfinitum est; ergo signum est prædefinitionem non terminari tantum ad materiale peccati, materialiter acceptum; si enim prædefinitio posset terminari ad materiale peccati materialiter acceptum, posset voluntas creata illud solum attingere; at non potest, ut patet; unde hæc prædefinitio est talis naturæ, quod voluntas creata

debet illam abijcere, ut non peccet, quod signum est, quod non ad solum materiale materialiter extendatur. Resp. distinguendo antecedens. Si faciat quod præfinitum est, sistendo ibi, & negatur; non sistendo ibi, ut re ipsa ex suo defectu non sistit, & conceditur; non enim voluntas peccat ex hoc, quod ponit entitatem physicam adus v.g. sed ex hoc, quod ex physica procedit ad moralem. Quare licet voluntas creata debeat non sequi diuinam prædefinitionem ad materiale. odij Dei v.g. materialiter sumptum, & ut pertinet ad lineam physicam ut non peccet, quia in sensu composito, quod illam sequatur nequit non excedere ab ea, hoc tamen non provenit ex eo, quod illa prædefinitio sit ad malum, vel ad fundamentum illius ut tale, sed quia voluntas propter sui defectibilitatem nequit in sensu composito, quod sequatur talem prædefinitionem, non sequi illam ut est fundamentum malitiæ, imò nequit non ponere illam, tum ratione connexionis, tum quia continetur intra sphaeram suæ defectibilitatis. Unde debet voluntas ob hoc abijcere illam prædefinitionem.

219 Quintum argum. Quoniam si Deus consuleret alicui odium ipsius Dei liberè exercitum absque dubio peccaret, vel esset peccati causa, quia esset causa moralis prædicti odij. Item esset causa peccati Deus si a se concurreret ad idem odium liberè exercitum; ergo etiam erit causa peccati præfiniendo materiale eiusdem odij. Conseq. probatur, quia efficacior est diuina prædefinitio ad hoc ut ex illa sequatur odium liberum Dei quam consilium sine prædefinitione; Item prædefinitio magis influit quam concursus; Resp. quod si Deus consuleret odium liberè exercitum, reuera peccaret, quia tunc Deus se haberet ut agens morale, ad quod pertinet attendere ad omnia, quæ ex suo consilio sequi possunt. At agens physicum quod est primum, uniuersale, & prima causa, tantum attendere debet ad lineam physicam, ac proinde potest præfinire materiale peccati materialiter sumptum, licet alias ex parte voluntatis crea-

tæ sit annexa malitia. Ad illud, quod de concursu dicitur, dico, quod ex concursu præcisè ad entitatem physicam, non sequitur concursus ad malitiam.

220 Sextum argum. quia ista prædefinitio videtur contra summam Dei bonitatem, quæ non debet inclinare ad id ex quo sequitur malitia; videtur esse contra viscera misericordiæ diuinæ, immensa, & infinita, quæ omnibus salutem desiderat; videtur esse contra iustitiam, nam iniustus videtur, quod iudex damnet aliquem, propter peccatum, ad quod ipse inclinavit quoad materiale illius, quando ex tali inclinatione infallibiliter sequitur peccatum. Resp. quod diuina prædefinitio nec est contra diuinam bonitatem, nec contra viscera diuinæ misericordiæ, nec contra iustitiam. Non contra diuinam bonitatem, quia dicta prædefinitio non est ad malum, sed ad bonum; ordinabile in Deū, & in ipsam diuinam bonitatem. Non est contra viscera diuinæ misericordiæ, quia voluntas illa saluandi omnes, est voluntas antecedens, quæ cum ista præfinitione non repugnat, maxime cum Deus non denegat auxilia quibus peccata vitari possunt. Non est contra iustitiam, quia non inclinat ad malum, nec ex vi illius sequitur malitia, sed ex culpa voluntatis creatæ.

221 Septimum argum. quia ex opposito sequitur hominem odientem Deum, habete rationabilem sui peccati excusationem, & Deum esse potiorē sui peccati causam, hæc sunt absurda; ergo, &c. Maior quoad primam partem patet, quia prædefinitio impellit efficacissime, & infallibiliter ad actum peccati, & ea posita infallibiliter ponitur peccatum; ex hoc autem oritur rationabilis excusatio, ergo. Quoad secundam partem probatur eadē maior; nam dum aliquis graui tentatione vexatur, & ex vna parte cogitat ea, quæ ab illo peccato retardant, & ex alia, quæ ad ipsum inclinant, tunc si Deus prædefiniat materiale peccati illius, statim inclinabitur voluntas creata ad illud patran-

dum, ac proinde potior pars in illo peccato erit Dei, quia voluntas inclinabitur, quia Deus præfinit, aliàs non inclinata fuisset. Resp. negando sequelam quoad viamque partem. Ad probationem primæ, dico, quod tamen si Deus præfinit dictum materiale peccati, homo non habet rationabilem excusationem sui peccati, quia quod illud peccatum infallibiliter fiat, non prouenit ex diuina prædefinitione, cum sit extra obiectum illius, sed ex defectibilitate creatæ voluntatis. Ad probationem 2. partis dico, quod tamen si Deus voluntatem à dæmone tentatam, & pendulam inter bonum, & bonum, efficaciter præmoueat, nihilominus non inclinat illam ad malum formaliter, neque ad fundamentum illius ut tale, sed ad id, quod aliàs est fundamentum, quodque quantum est ex vi diuinæ præmotionis nõ est infallibiliter nexum cum malitia, ut pluries dictum est.

222 Octauum argum. Nam diuina præfinitio discerneret odientem, à non odiente, sicut prædefinitio qua amor Dei præfinitur, discernit consentientem diuinæ vocationi à non consentiente. Resp. negando antecedens, cum enim Deus solum attingat materiale peccati materialiter sumptum, solum quoad hoc materiale potest prædefinitus, discerni à non prædefinito, non odiens, à non odiente.

223 Nonum argum. quia aliàs licitum esset, & laudabile velle entitatem odij Dei, ut liberè elicitam à nostra voluntate, hoc videtur falsum, ergo, &c. sequela probatur, quia licet non sit semper licitum velle quoad volitum materiale, id quod Deus vult, est tamen licitum, & laudabile velle, quod Deus vult nos velle; sed Deus vult nos velle caritatem physicam; ergo. Resp. negando sequelam; ad probationem dico, licitum esse velle, quod Deus vult voluntate signi, ut consilij, præcepti, legis, &c. & conceditur; quod Deus vult ex præcisiã ratione primæ causæ, & negatur, sed de hac re in prima secundæ.

DISPUTATIO XX.

IN QVÆST. XX. D. THOMÆ.

DE AMORE DEI.

1



TOLLE ex hominibus amorem, solem à mūdo sustulisse videberis. Amor si rectus sit, tollit omnem rusticitatē, omnem immunditiam, cum sit omnis elegantix, omniumque mundiciarum pater. Vnde venuste Plautinus senex amorem appellat Deum mundiciantem, cumque nitidis nitoribus ait antecellere. Da hominem efferum, da truculentum, hunc amor ē vestigio mollem reddet, & mansuetum: da rudem, & rusticanum, ab amore statim fiet urbanus, & ingeniosus: da incultum, ab amore cultissimus efficietur. Ex amoris concubernio omnis segnities eliminatur, somnus lethargicus, marcor, squalor, incuria, negligentia depelluntur. In vero amante, industria, diligentia, vigilantia, solertia, cultus, nitor, commorantur. Malus amor multos mortalium demences fecit; multos à semita virtutum, in viam vitiorum declivem præcipitavit: multis exitium concinnavit. Verum non est ista amoris culpa, sed hominum, qui amare nesciunt: est modus in rebus, sunt quidam præscripti fines; quos ultra progredi nephas est. Sic verus amor, sit amor Dei, qui ardeat in mente per desiderium, & splendeat in facie per exemplum. Amori hæc disputatio dicatur, in qua aliqua breviter tanguntur de amore passione, aliqua de amore divino, remittendo lectorem ad ea, quæ à nobis dicuntur in nostra anagogia Christiana, ubi ponuntur proprietates, & conditiones amoris Dei erga nos, & amoris nostri erga Deum.

DUBIUM I.

Traduntur aliqua de amore, ut passio est.

2 **A**MOR ut passio, est appetitio veri boni, aut putati veri, seu est principium motus in qualibet re, in amatum finem tendente. Vel, est complacencia rei appetibilis. Hanc complacenciam sequitur motus in dictam rem appetibilem, qui motus dicitur desiderium: cum res acquiritur, cessat desiderium, cessat tendencia, & motus, & sequitur gaudium, quod redit amantem quietum. D. Thom. 1. 2. q. 26. art. 1. & 2. Amor est vera appetitus concupiscentis passio, quia ex re amata appetitus immutatur, & patitur. Et licet amor propriè sit in appetitu concupiscentie, ut passio, communiter tamen, acceptus est in voluntate.

3 Intereſt inter amorem, amicitiam, dilectionem, & charitatem, tamenſidem obiectum commune habeant. Amicitia namque sonat habitum, amor, & dilectio sonant actum, charitas viroque modo se habet. Amor ut actus est communis omni appetibili. Dilectio, eorum dumtaxat est, quæ per iudicium rationis ut amanda eliguntur; charitas addit amori bono perfectionem; vnde charum dicimus, quod pretiosum est.

4 Sed quæres 1. quotuplex sit amor, seu quænam sint amoris partitiones? Resp. amorem esse triplicem, scilicet naturalem, sensitiuum, & rationalem. Naturalis, est quoddam naturæ pondus, quædam inclinatio, & propensio cuiusunque rei in suum finem absq; cognitione, seu apprehensione; hic enim amor cognitionem non sequi-

sequitur, nisi illius, respectu saltem inanimatorum, qui dictam dedit inclinationem. Amor sensitivus, est appetitus rerum appetibilem cum aliqua apprehensione, sed ex naturæ necessitate, non cum iudicii libertate, ut in brutis contingit. Amor rationalis est bonorum appetitus cum cognitione, seu apprehensione, liberoque iudicio, ut in hominibus contingit, & amor iste dicitur intellectivus, & voluntas. Bene verum est, quod appetitus sensitivus in hominibus, non est ut in brutis, cum participet aliquam libertatem & quatenus obedit rationi, & quatenus cum ratione in eodem supposito coniungitur. Deinde amor alius est amicitiae, alius concupiscentiae. Amor amicitiae est, quo quis vult bonum illi quem amat. Amor concupiscentiae est, quo quis alterum amat propter bonum, quod ab eo sperat, vel accipit, tam pro se, quam pro alijs, seu propter beneficia, quæ is tribuit alijs, ut consanguineis, amicis suis, &c.

5 Quæres 2. quænam sint amoris causæ potissimæ? Resp. esse sequentes. Prima amoris causa, est bonitas, seu bonum, quatenus conveniens, vel quatenus est connaturale amanti, siue verum sit, siue putatū. Secunda amoris causa, est cognitio intellectiva, boni discretiva. Ignoti namque, nulla cupidō. Tertia amoris causa est similitudo quæpiam amantis, & amati; & quidem si sit similitudo affectuum inter eos, quam animorum coniunctionem vocant, nascitur inde amor amicitiae. Quod si similitudo sit adhuc in potentia, ita ut quis ab altero velit amari, ut ab eo beneficium accipiat, est amor concupiscentiae. Cæteræ passionēs, ut desiderium, spes, delectatio, augent amorem, licet non sint primæ amoris causæ; ipse namque amor est prima harum, aliarumque passionum causa.

6 Quæres 3. quænam sint potissimi amoris effectus? Resp. esse sequentes. Primus est, unio amantis cum amato. Hæc autem unio duplex est. Una per realem præsentiam; alia per affectum. Prima, oritur ex amore affectivæ, quia movet amantem ad desiderandam, & quærendam præsentiam amati. Posterior verò

oritur ex amore formaliter, quia ipse amor est unio, nexusque amantium. Secundus amoris effectus est inhaesio amantis in amato per affectum, quando ei vult bonum æquæ ac sibi ipsi, & hoc proprium, est amoris amicitiae; quod si amor reciprocus sit, aut mutuus, inhaesio ætior erit, & amicitia firmior. Etiam amor concupiscentiae affert inhaesionem, imò ferventiorē, quia non cessat, donec amatum perfecte consequatur, & habeat, ad intimaque ipsius perveniat. Est etiam quædam inhaesio amantis, & amati per solam apprehensionem, quando mens se oblectat in contemplatione; boni, quod est in amato, vel putat esse.

7 Tertius amoris effectus est extasis, quæ tum ex apprehensione amati per intellectum, tum ex eius amore per affectum exoritur. Qui namque supra naturæ vires in speculatione rei amatæ intendit, facile in stuporem, imò & in amentiam vertitur. Quod si amans in amatum ardentius feratur amore amicitiae, quam recta ratio dicit, idem eveniet. Amor concupiscentiae non ita facile extasim patitur, quia magis est intra amantem, & amor amicitiae est magis extra, & sic sensus secum rapit. Quartus amoris effectus est zelus, qui est quædam æmulatio pro re amata, ad repellendum, quæ ei adversantur. Invenitur zelus tam in amore amicitiae, quā concupiscentiae, ex eorumdem intensione. In amore concupiscentiae zelus est ferventior, at in amore amicitiae est verior, & constantior.

8 Quintus amoris effectus est, quod reddat amantem meliorem, atque perfectiorem, quando obiectum est bonum; quod si obiectum sit malum reddit hominem deteriore, ut in amore turpi contingit. Quatenus amor est passio appetitus sensitivi, aliquam facit mutationem in corpore, & lædit illud, quando est vehementis, propter excessum in immutatione. Liquefactio autem, delectatio, languor, & fervor, sunt proximi amoris effectus, ad modum eius pertinentes. Nam liquefactio oritur ex facili admissione amati in amantem. Delectatio, ac fruiō

oritur ex amati præsencia. Languor, seu tristitia oritur ex eiusdem amati absentia. Feruor, ac vehemens desiderium, ex eiusdem amati absentia oritur, sed cum spe acquisitionis. Sextus amoris effectus est, quod faciat omne agens ex amore operari omne namque agens agit propter finem; finis autem est quoddam bonum desideratum, & amatum; & licet multa dicantur fieri ex alijs passionibus, tamen tanquam à prima causa, ex amore sunt, cum omnes alie passionis ex amore oriuntur.

D V B I U M II.

Traduntur aliqua de amore Dei.

9 **C**ertum est in Deo esse amorem, non sentientem, sed rationalem, constat ex sacra scriptura. Sapientie 11. dicitur. *Diligis omnia quæ sunt, & nihil odisti eorum, quæ fecisti.* Et Ier. 31. legitur. *In caritate perpetua dilexi te.* Et Ioan. 3. habetur. *Sic Deus dilexit mundum.* Et 1. Ioan. 4. scribitur. *Deus caritas est.* Hoc probat Sanctus Doctor art. 1. dictæ q. 20. sic dicens. *Necesse est ponere amorem in Deo. Primus enim motus voluntatis, & cuiuslibet appetitus virtutis, est amor. Cum enim actus voluntatis, & cuiuslibet appetitus virtutis tendat in bonum, & malum, sicut in propria obiecta: bonum autem principaliter, & per se, est obiectum voluntatis, & appetitus; malum autem secundario, & per aliud, in quantum scilicet opponitur bono, oportet naturaliter esse priores actus voluntatis, & appetitus, qui respiciunt bonum, ijs qui respiciunt malum. Rursus quod est communius, naturaliter est prius, &c.* Et sic cum amor & sit circa bonum, & sit circa illud secundum se, & secundum rationem magis communem, debet præcedere illos actus, qui versantur circa idem bonum, sed secundum rationes magis contractas, particulares, & determinatas.

10 Sed quæres 1. an Deus omnia diligat? Hoc quæstum sic resoluit S. Doctor art. 2. dictæ q. *Deus omnia existentia amat;*

nam omnia existentia in quantum sunt, bona sunt. Pro quo nota, quod cum amare sit velle bonum, & Deus omnibus creaturis in aliqua temporis differentia existentibus velit aliquod bonum, ut existentiam, & alia, sequitur, quod Deus omnia diligat. Tum quia Deus debet amare boni; omnia autem quæ sunt, bona sunt, & similitudinem quandam habent diuinæ bonitatis. Tum etiam, quia omnis artifex amat suum opus, omnia autem creata sunt opus Dei, ac proinde ab illo diligere debent.

11 Quæres 2. an Deus odio habeat aliquid? Resp. negatiue, quia odium propriè dictum est motus voluntatis in malum alterius; sed Deus nulli vult malum, sed omnia diligit, ergo nihil odisse potest. Dicitur autem odisse peccata per quandam similitudinem bifariam, primò quia vult bonum, ideo non vult esse malum, quod bono aduersatur. Huc facit illud Zach. 8. *Vnusquisque malum contra amicum suum ne cogitet in cordibus vestris; & iuramentum mendax ne diligatis: omnia enim hæc sunt quæ odi, dicit dominus; sed huiusmodi mala non sunt res subsistentes, quarum propriè est odium, vel amor. Secundò, quia Deus vult aliquibus maiora bona, & hæc absque priuatione minoris boni consistere non possunt, ideo finit minus bonum interire, & eatenus dicitur illud odisse, cum potius hoc sit amare. Hæc secus ac Chirurgus amans infirmum, curat amputari pedem, aut manum, ne totum corpus pereat; nam ex amore melioris boni, pedem curat amputari. Aliud simile: Deus vult ordinem iustitiæ, ac boni vniuersi, sed hunc non potest conseruare sine aliquorum punitione, ac corruptione. Et hos dicitur odisse, quia aduersantur ordini iustitiæ, quem Deus vult, & amat. Verè tamen non odit Deus eos, sed tantum propter bonum vniuersi eos tollit, vt de Chirurgo dictum est. Et sic exponendæ sunt sacre scripturæ de odio Dei. Vt illud Malach. 1. *Esaui autem odic habui.* Cum enim Deus vellet Iacob fratrem Esau exaltare, maiora dona ei concessit, quam Esau. Sic quia Deus vult iustitiam coli ab omnibus, non vult peccata, quod est ea odisse:*

iuxta

iuxta illud, *odisti omnes qui operantur iniquitatem; perdes omnes qui loquuntur mendacium: virum sanguinem, & dolosum abominabitur Dominus. Pſal. 5.* Habet tamen Deus de peccato quandam abominationem, & displicentiam, non tamen odium saltem efficax, aliàs non fieret ut ex alibi dictis constat.

12 Quæres 3. an Deus omnia æqualiter diligat? Hoc quæsitum sic resoluit S. Doctor art. 3. dicit q. 20. ubi sic fitur. *Cū amare sit velle bonum alicui, duplici ratione potest aliquid magis, vel minus amari. Vno modo ex parte ipsius actus voluntatis, qui est magis, vel minus intensus. Et sic Deus non magis quadam alijs amat, quia omnia amat uno, & simplici actu voluntatis, & semper eodem modo se habent. Alio modo ex parte ipsius boni, quod aliquis vult amare; & sic dicitur aliquē magis alio amare, cui volumus maius bonum, quamvis non magis intensa voluntate; & hoc modo necesse est dicere, quod Deus quadam alijs magis amat. Cum enim amor Dei sit causa bonitatis rerum, ut dictum est, non esset aliquid alio melius, si Deus non vellet uni maius bonum, quam alteri. Igitur si amor Dei consideretur ex parte actus, est æqualis, quia vnicus est, nullam in se ipso admittens inensionem, vel remissionem; si autem spectetur ex parte effectus, quem ponit in creaturis, inæqualis est, ex eo, quod Deus det aliquibus maiorem perfectionem quam alijs.*

13 Quæres 4. an Deus semper magis diligat meliora? Hoc etiam quæsitum sic resoluit S. Doctor art. 4. *Necesse est dicere secundum prædicta quod Deus magis diligat meliora. Dictum est enim, quod Deum diligere magis aliquid, nihil aliud est, quam ei maius bonum velle; voluntas enim Dei est causa bonitatis in rebus; & sic ex hoc sunt aliqua meliora, quod Deus eis maius bonum vult, unde sequitur, quod meliora plus amat.*

14 Sed obiicit sibi S. Doctor, hoc argumentum. Melior est innocens poenitens, cum poenitentia sit secunda rabula post naufragium; & tamen Deus plus diligit poenitentem quam innocentem, iuxta

illud Luc. 15. *Dico vobis, quod maius gaudium erit in cælo super uno peccatore poenitentiam agente, quam super non agitantem iustis, qui non indigent poenitentia.* Respondet, quod poenitentes, & innocentes se habent sicut excedentia, & excessa; nam siue sint innocentes, siue poenitentes, illi sunt meliores, & magis dilecti, qui plus habent de gratia; cæteris tamen paribus innocentia dignior est, & magis dilecta. Dicitur tamen Deus plus gaudere de poenitente, quam de innocente, quia plerumque poenitentes cautiore, & seruiore resurgunt. Vnde Gregor. dicit ibidem, quod dux in pralio eum militē plus diligit, qui post fugam conuersus fortiter hostem premit, quam qui nunquam fugit, nec unquam fortiter fecit. Vel alia ratione: quia æquale donum gratia plus est comparatum poenitenti, qui meruit poenam, quam innocenti, qui non meruit. Sicut centum marchæ maius donum est si dentur pauperi, quam si dentur Regi.

15 Deinde obiicit sibi argumentum de iusto reprobo, & de prædestinato peccatore, sic enim dicit. *Melior est iustus præfinitus, quam peccator prædestinatus; sed Deus plus diligit peccatorem prædestinatum, quia vult ei maius bonum, scilicet vitam; ergo Deus non semper magis diligit meliora.* Respondet, quod cum voluntas Dei sit causa bonitatis in rebus, secundum illud tempus pensanda est bonitas eius, qui amatur à Deo; secundum quod dandum est ei ex bonitate diuina aliquod bonum. Secundum ergo illud tempus, quo prædestinato peccatori dandum est ex diuina voluntate maius bonum, melior est, licet secundum aliquod aliud tempus sit peior; quia & secundum aliquod tempus non est nec bonus, neque malus. Nunc ergo pro nunc magis diligit iustum reprobum, quā peccatorem prædestinatum, nunc tamen pro tunc magis diligit peccatorem prædestinatum, quam iustum reprobum; quia nunc pro nunc maius bonum vult iusto reprobo: nunc pro tunc maius bonum vult peccatori prædestinato, quia illi vult gloriam, quæ maius bonum est, quam gratia quam modo vult iusto reprobo.

16 Quæres 5. an actus voluntatis qui dicuntur passionēs, reperiantur in Deo? S. Do-

S. Doctor 1.2. q. 23. & alibi enumerat vndecim actus nostræ voluntatis, correspondentes vndecim actibus appetitus sensitivi, irascibilis scilicet & concupiscibilis; videlicet *amorē, desiderium, delectationē, odium, fugam, tristitiam, spem, desperationem, audaciam, timorē, & iram*. De amore iam dictū est, quod in Deo reperiatur: spes, desperatio, audacia, & tristitia in Deo locum non habent: non spes, quia hæc dicit tendentiam in aliquod obiectum arduum, consequendū virtute aliqua superioris, & potentioris, qui possit illud conferre; quod enim quis in sua habet potestate, sperare non dicitur; hæc autem Deo convenire nō possunt. Non desperatio, quia is dicitur desperare, qui ob nimiam difficultatem desistit à prosecutione alicuius boni, ex eo quod illud ut impossibile apprehendat. Deo autem nihil est impossibile. Non audacia, illa enim includit in suo obiecto defectum potestatis, ratione cuius aggreditur pericula; quæ impedire videntur rei

consecutionem, qui defectus nequit esse in Deo. Non tristitia, quia est displicentia mali præsentis, accidens contra propriam voluntatem. Deo autem nullum malum potest accidere. Neque etiam timor in Deo esse potest, quia Deus nullum malū timere potest. De odio iam dictum est quomodo sit in Deo. Gaudium, & delectatio, seu fruitio sunt formaliter in Deo, ut constat ex dictis supra q. præcedenti. Quoad iram dico, quod si ira sumatur præcisè ut est appetitus vindictæ, est in Deo, huiusmodi namque appetitus secundum se consideratus habet honestatem in superiore habente potestatem puniendi delicta: Deus autem habet omnimodam potestatem puniendi peccata, ac proinde quantum ad hoc, ira est in Deo. Secus est quatenus sumitur prout irascens contristatur de malo, commouetur, &c. tunc enim est tantum metaphoricè, ut tradunt Sancti Patres, & Theologi communiter.

DISPUTATIO XXI.

IN QVA EST. XXI. D. THOMÆ

DE IUSTITIA ET MISERICORDIA DEI

ICERE solent nunquam aliqui, ut quid mihi sic facit Deus? quare hoc? Ecce iniqui regnant, iusti affliguntur; vincunt cum iudicantur: *ut vincas cum iudicaris*. Ut Medicus qui desperatis iubet ad velle serviri, & omnia quæ desiderant præcipit non negari; quo s autem scit posse sanari, iubet eos arctari, amaribus potionibus potari, ferro secari, cauteriari. Sic fiet, ut dū saluati fuerint abstinentes, & mortui fuerunt desiderij proprijs acquiescentes, iustificabitur Medicus in sermonibus suis. Deus affectu non ducitur ut ab hominibus timeatur; misericordia totus dum studet

homini, vult ex imperio timoris fieri, quod profuturum ipsi homini pro certo cognoscit. Sicut qui litteras docent, timorem discipulis, & terrorem inducunt, non utique necessarium magistris, sed discipulis valde profuturum. Dei opera sunt misericordia, & iustitia; sic agit ut pater clementissimus, qui puniens eum qui filium occidit, & gladium, & enssem, per quæ filius occisus est, destruit, & in multas partes diuidit, ut & iustitiam ostendat in occisorem, & misericordiam, & affectum in filium. De iustitia, hoc loco nihil agendum est, cum iam de illa fusè egerimus in nostro tractatu de iustitia, & iure. De sola misericordia aliqua tangemus, quæ necessaria videbuntur ad nostram instructionem.

DV.

D V B I V M I.

Ponuntur plura de misericordia in comuni.

2 **M**isericordia ex eo dicta est, quasi miserum habeat cor super alterius miseria; & definitur, quod sit alienæ miseriæ compassio, qua utique si possumus subuenire compellimur. D. Tho. 2. 2. q. 30. art. 1. ex D. Augustino. Misericordia est compassio appetitus rationalis, non sensitui, orta ex cognitione intellectiva alienæ miseriæ; & pro diuersitate, ac gravitate miseriæ, compassio pariter, & subuentio ordinantur. Oritur misericordia ex aliquo miserantis affectu, ut amoris, aut timoris. Compatimur enim alterius miseriæ, aut quia miserum amamus, & amicitie iure illius miseriam, ut nostram putamus; aut quia timemus similem miseriam etiam nobis posse euenire. Ideoque ad misericordiam præ alijs mouentur homines erga propinquos, amicos, &c. Senes prudentes, solent esse misericordes; item debiles, formidulosi, & timidi. Qui autem se felices arbitrantur raro sunt misericordes, sicut fortes, & robusti, & qui miseriam non sunt experii, solent enim isti miseros contemnere, iudicantes miseriam esse iuxta illorum delictorum poenam. Notat etiam S. Thomas dicta q. 30. art. 2. quod illi quos iracundia occupat, aut vehemens timor misereri haud queunt propter mentis perturbationem. Est etiam sciendum, quod misericordia non est erga propriam miseriam, neq; erga miseriam eorum qui nobis proximè coniuncti sunt, ut erga miseriam filiorum, parentum, uxoris, & similibus; super horum namque miseriam potius est dolor, quam misericordia, quia tunc pati censetur, cum lædimur.

3 **Quæres 1.** an misericordia sit virtus? Resp. quod si misericordia accipitur pro eo animi motu, qui secundum rationis iudicium, dicat, & inclinat ut subueniatur necessitatem patiens, est moralis virtus, & in republica maximè necessaria; de virtutis namque ratione est, quod sit animi motus, rationis iudicio moderatus.

Est misericordia omnium virtutum maxima inter omnes virtutes, quæ sunt ad alterum; per illam namque homo se effundit super alium, eiusque indigentiam subleuat; quocirca est perfectissimus quidam charitatis actus erga proximum. Laudatur hæc virtus præcipue in Deo propter largam eius subuentionem, quam in nos miseros homines declarat indefinenter. Congruit hæc virtus maximè superioribus, & diuitibus, qui melius, quam cæteri subuenire possunt.

4 **Quæres 2.** quot sint opera misericordiæ? Resp. quod sunt duplicia, alia spiritalia, alia corporalia; vtrique numero septenario comprehensa. Spiritalia sunt peccatorem corrigere, ignorantem docere, dubitantibus rectè consulere, pro salute proximi orare, mæstos consolari, iniurias patienter ferre, offensas remittere, quæ duobus his versibus continentur.

Corrige, consolor, doceo, precor, inde remitto:

Consilium præsto, latus iniqua fero.

Corporalia sunt, esulentem pascere, potum dare sitientibus, nudos operire, captiuos redimere, ægros inuifere, peregrinos hospitio recipere, mortuos sepelire, quæ hoc vñico versu continentur.

Visito, poto, cibo, redimo, tego, colligo, condo.

5 **Quæres 3.** quos obliget misericordia? Resp. quod misericordia ut est virtus animi omnibus, etiam pauperimis est communis, omnes enim habere debent affectum miserendi, & subleuandi si possent proximi miseriam; at quoad subuentionem vnusquisque tenetur pro posse. Iudices autem, aut alij superiores sic debent misericordiam erga subditos exercere, ne deferatur iustitiæ disciplina, quam pia seueritate in eosdem debent exercere, iuxta cap. disciplina, dist. 45. Nec Iudex inferior debet misericordiam præstare contra legem sui superioris, iuxta cap. est iniusta, 23. qu. 4.

D V B I U M II.

Ponuntur aliqua de misericordia Dei.

6 **C**ertum est in Deo esse misericordiam, misericordia namque alienam miseriam subleuat, & Deus continuo subleuat miseras nostras. Vnde passim in sacra scriptura promittitur adiutorium in tribulationibus, ac miseris hominum; *Orphanis tu eris adiutor, psal. 9. Adiutor in tribulationibus, qui inuenerunt nos nimis, psal. 45. & psal. 110. dicitur. Misericors, & miserator Dominus. Et Ipse autem est misericors, & propitius fiet peccatis eorum, psal. 77. & : misericordia Domini plena est terra. psal. 32.*


7 Quæres 1. an misericordia Dei, tollat eius iustitiam, & iudicium, cum aliquid præstat ultra quam iustum est? Resp. negatiue, quia misericordia est quædam iustitiæ plenitudo, vnde Iacobi 2. dicitur: *Misericordia superexaltat iudicium.* Hinc dicunt Theologi, quod Deus præmiat beatos supra condignum, & damnatos punire citra condignum.

8 Quæres 2. an misericordia, & iustitia concurrant in operibus Dei? Resp. affirmatiue. Ratio est, quia Deus nil agit, agere uero potest, quod ordini diuinæ sapientiæ non congruat, bonitatisque suæ; in quo consistit iustitia ad se ipsum; neque etiam agit contra ordinem in rebus à se institutum, in quo consistit iustitia eius ad res. Et quatenus Dei ordinatio in rebus à sua provenit bonitate, ipse pro sua immensa largitate, semper ultra, quam prima ordinatio postulet, ipsi dem benefaciat; dicitur in omni eius opere etiam esse misericordia; hinc psal. 24. dicitur. *Omnes via Domini misericordia, & veritas.* Bene verum est, quod sacra scriptura in aliquibus operibus commendat iustitiam, in alijs misericordiam, tametsi in utrisque tam misericordia, quàm iustitia inueniantur. Iustificatio impij, tribuitur misericordie, quatenus requiritur contritio extra sacramentum. Impiorum damnatio tribuitur iustitiæ. *Afflictio piorum in hac vita opus iustitiæ dicitur, quia per illam Deo satisfaciunt. Acceptatio satisfactionum Christi tribuitur magis iustitiæ, licet etiam misericordia maxima, inueniatur, &c.*

DISPUTATIO XXII.

IN QVAEST. XXII. D. THOMAE

DE PROVIDENTIA DEI.

1  **V**IS nesciat mundum hunc tam mirabili ratione profectum, aliqua providentia gubernari? Quandoquidem nihil est, quod possit sine ullo moderatore consistere. Sic domus ab habitatore deserta dilabitur. Nautis sine gubernatore pessum abit, & corpus relictum ab anima defluit. Qui ergo cuncta creauit, cuncta gubernat, singula ordinat, regit, dirigit. Sicut enim qui agonibus præsumunt, eos qui ad certamen veniunt, nō

utique, neque fortuito inrer se sinunt inire certamina, sed diligenti examinatione, prout corpora viderint, aut etate, equissima comparatione iungenres illum cum illo: pueros cum pueris, viros cum vicis, qui sibi vel auxi, vel roboris propinquitate conueniant. Sic diuina providentia regit, gubernat disponit omnes, qui in hos humanæ vitæ descenderint agones, ut alius quidem pugnet aduersus carnem, alius in tantum tempus, alius in tantum; alius resistat aduersus inimicam potentiam, & sic omnia rectè disponuntur, licet

non

non omnia à nobis rectè cognoscantur; verum vt quæ de prouidentia necessaria sunt percipiantur sit.

D V B I V M I.

An in Deo sit prouidentia, & in quo illius ratio consistat.

Primam huius dubij partem resoluit Sanctus Doctor art. 1. dicit q. 22. sic dicens. *Neceſſe eſt ponere prouidentiam in Deo. Omne enim bonum, quod eſt in rebus, à Deo creatum eſt. In rebus autem inuenitur bonum, non ſolum quantum ad ſubſtantiam rerum, ſed etiam quantum ad ordinem earum in finem, & præcipuè in finem vltimum, qui eſt bonitas diuina. Hoc igitur bonum ordinis in rebus creatis exiſtens, à Deo creatum eſt. Cum autem Deus ſit cauſa rerum per ſuum intellectum, & ſic cuiuslibet ſui effectus, oportet rationem in ipſo præxiſtere, neceſſe eſt, quod ratio ordinis rerum in finem, in mente diuina præxiſtat. Ratio autem ordinandorum in finem, propriè prouidentia eſt. Ex quibus habes, quod prouidentia in Deo reperitur. Conſtat hoc ex ſacra ſcriptura. Nam Sap. 8. dicitur. *Attingit à fine uſque ad finem, ſortiter, & diſponit omnia ſuauiſter.* Et pſal. 146. legitur. *Qui dat tumens; eſcam ipſorum, & pullis cornuorum inuocantibus eum.* Et Matt. 6. habetur. *Reſpice volatilia cæli, & Pater veſter cæleſtis paſcit ea.**

3 Probatur ratione deſumpta ex dicto D. Thomæ testimonio, quia Deum prouidere rebus, nihil eſt aliud, quam eas dirigere in ſuum finem, per apta, & ſufficientia media; ſed hoc Deus facit, quia producit illas propter finem, & ex intentione finis, cum ſit agens per intellectum, & voluntatem, eiſque media ſubminiſtrat, ergo. Tum quia cum prouidentia ſit ordinatio rerum in finem vltimum; in eo erit vniuerſalis prouidentia, qui omnia ordinabit in dictum finem: à Deo omnia ſic ordinantur; ergo. Qui namque omnia facit, omnia dirigere debet, & ordinare. Tum etiam quia cum in Orbe ſit ordo inter res diuerſiſſimas, debet eſſe aliquis vniuerſa-

lis gubernator, ordinator, & inſtitutor, qui res adeo diuerſas inſtituat, gubernet, ordinet. Tum denique, quia cum omnes res agant propter finem, & plerique ignorent ſuum finem, ab aliquo vniuerſali intelligente in finem dirigi debuiſſe alius non eſt niſi Deus; ergo.

4 Quod ſpectat ad alteram difficultatem in titulo propoſitam; aduertendum eſt, duplicem diſtingui poſſe finem rerum omnium, quæ à Deo diriguntur; vnum commune, & generale, qui alius non eſt, quam diuinæ perfectionis manifeſtatio, qui finis prouiſoris appellari poteſt. Alterum particularem qui appellari poteſt finis rei prouiſæ, veſt vira æterna reſpectu hominis. Aduerte etiam, quod ſicut ſupra admiſimus, in Deo datur duplex voluntas, vna antecedens, altera conſequens, ſic etiam duplicem diſtinguimus prouidentiam; vnam generalem, aliam ſpecialem. Generalis eſt illa, qua Deus omnia ordinat in ſuos fines per media conueniëntia, & ſufficientia ad aſſecutionem finis; ſpecialis eſt illa, quæ reſpicit finem in particulari, per certa media, non tantum ſufficientia, verum etiam efficacia. Hoc poſito difficultas eſt, in quo conſiſtat ratio prouidentiz, an ſcilicet conſiſtat in conſecutione finis.

5 Omnis ſententiarum varietas circa præſentem difficultatem componi poteſt ſequenti conſeſſione. *Prouidentia generalis non includit inſallibiliter conſecutionem rei prouiſæ, bene tamen prouidentia ſpecialis.* Quod prouidentia generalis nõ inferat conſecutionem finis rei prouiſæ patet in reprobis; hæc enim prouidentia cum conſequatur ad voluntatem illam antecedentem, & hæc vi ſua non inferat niſi media ſufficientia, ſequitur, quod non inferat conſecutionem. Verum ſi loquamur de prouidentia ſpeciali cum iſta procedat per media efficacia, finem rei prouiſæ conſequetur. Quod ſi loquamur de fine prouiſoris puto, quod iſte ſemper habeatur, tam per illam generalem, quam per ſpecialem, quia diuina bonitas non ſolum manifeſtatur per miſericordiam in prædeſtinatos per quam finis rei prouiſæ conſe-

Y y qui.

quitur, quam per iustitiam in reprobos per quam licet non habeatur consecutio finis rei prouisæ, consequitur tamen finis prouisoris; & sic Deus nunquam sine sui ut prouisoris est, frustratur; unde providentia respicit solum ordinem in finem non euentum.

DVBIUM II.

An omnia sint subiecta diuinæ providentiæ, ubi quid de peccatis dicendum sit.

Hoc dubium sic expendit S. Doctor art. 2. *Quidam totaliter providentiam negauerunt, sicut Democritus. & Epicurei, ponentes mundum factum esse casu. Quidam verò posuerunt incorruptibilia tantum providentiæ subiacere, corruptibilia verò non secundum individua, sed secundum species. Sed necesse est dicere omnia diuinæ providentiæ subiacere, non in vniuersali tantum, sed etiam in singulari. Quod sic patet. Cum enim agens agat propter finem, tantum se extendit ordinatio effectuum in finem, quantum se extendit causalitas primi agentis. Causalitas autem Dei, qui est primum agens se extendit usque ad omnia entia, non solum quantum ad principia speciei, sed etiam quantum ad individualia principia; &c.*

7 Obijcies 1. quia si omnia essent subiecta diuinæ providentiæ, nullus daretur effectus fortuitus, nullus casualis; sed datur ergo. Respondet S. Doctor d. art. 2. ad 1. sic. *Dicendum, quod aliter est de causa vniuersali, & de causa particulari. Ordinem enim causa particularis aliquid potest exire, non autem ordinem causa vniuersalis. Non enim subducitur aliquid ab ordine causa particularis, nisi per aliquam aliam causam particularem impediendam; sicut lignum impeditur à combustionem per actionem aquæ. Unde cum omnes causa particulares concludantur sub vniuersali causa, impossibile est aliquem effectum ordinem causa vniuersalis effugere; in quantum igitur aliquis effectus ordinem alicuius causa particularis effugit, dicitur esse casuale, vel fortuitum respectu causa particularis; sed respectu causa uni-*

uersalis, à cuius ordine subtrahi non potest, dicitur esse prouisum, sicut & conuersus duorum feruorum, licet sit casualis in quantum ad eos, est tamen prouisus à domino, qui eos scienter sic ad unam locum misit, ut unus de alio nesciat.

8 Obijcies 2. quia sapiens prouisor excludere debet defectum, & malum ab illis quorum curam gerit; sed Deus non sic agit, quia videmus multa mala in rebus esse, & potest ea impedire, & non impedit, ergo, &c. Respondet idem S. Doctor ad 2. ibid. sic. *Dicendum, quod aliter est de eo, qui habet curam alicuius particularis, & de prouisore vniuersali, quia prouisor particularis excludit defectum ab eo, quod eius cura subditur quantum potest, sed prouisor vniuersalis permittit aliquem defectum in aliquo particulari accidere, ne impediatur bonum totius. Unde corruptiones, & defectus in rebus naturalibus dicuntur esse contra naturam particularem, sed tamen sunt de intentione naturæ vniuersalis, in quantum defectus vnius cedit in bonum alterius, vel etiam totius vniuersi, uam corruptio vnius, est generatio alterius, per quam species conseruatur. Cum igitur Deus sit vniuersalis prouisor totius entis, ad ipsius providentiæ pertinet, ut permittat quosdam defectus esse in aliquibus particularibus rebus, ne impediatur bonum vniuersi perfectum. Si enim omnia mala impedirentur, multa bona deesset vniuersi; non enim esset visio Leonis, si non esset occisio animalium; nec esset patientia martyrum, si non esset persecutio tyrannorum.*

9 Obijcies 3. quia qui sibi dimittitur non subditur providentiæ gubernantis; sed Deus dimittit homines; ergo illius providentiæ non subduntur. Minor probatur ex illo Eccles. 5. *Deus ab initio constituit hominem, & reliquit eum in manu consilij sui, & quantum ad malum, est illud psal. Dimisit illos secundum desideria cordis eorum.* Respondet S. Doctor ibid. ad 4. dicens. *Hoc quod dicitur Deum hominem sibi reliquisse, non excluditur homo à diuinæ providentiæ, sed ostenditur, quod non prafigitur ei virtus operantis determinata ad unum, sicut rebus naturalibus, quæ aguntur tantum,*

sum, quæ ab altero directæ in finem, non autem se ipsa agunt, quæ si dirigentia in finem, ut creaturæ rationales per liberum arbitrium, quæ consiliantur, & eligunt, unde signanter dicit in manu consilij sui.

10. Obijcies 4. illu. Apostoli 1. Cor. 9. Non est Deo cura de bobus. Respondet idē S. Doctor, ibid. ad ult. Quod creaturæ rationalis habet per liberum arbitrium dominium sui actus, speciali quodammodo subditur diuina prouidentia, ut scilicet ei imputetur aliquid ad culpam, vel ad meritum, & reddatur ei aliquid ut pœna, vel præmium. Et quantum ad hac curam Dei Apostolus à bobus remouet, non tamen ita, quod in diuina irrationalem creaturam ad Dei prouidentiam non pertineant, ut Rabbi Moyses existimauit. Dicitur ergo Deus non habere curam de bobus, quia non eodem modo curam habet de illis, ac de creaturis liberis.

11. Sed non leuis difficultas est quomodo peccata cadant sub diuina prouidentia: videtur namque D. Thomas docere, ut constat ex verbis n. 8. relatis, quod peccata, sicut omnes defectus cadant sub diuina prouidentia, quia licet defectus nō sint secundum intentionem causæ particularis, sunt tamen secundum intentionem causæ vniuersalis. Rem totam sequentibus conclusionibus explicō. Prima concl. Entitas physica peccatorum secundum se considerata, prout præscindit à malitia, cadit sub diuina prouidentia. Ratio clara est, ex D. Thoma in d. art. quia tantum se extendit causalitas agentis, quantum se extendit ordinatio effectuum in finem, cum autem diuina causalitas se extendat ad materiale peccati, materialiter acceptum, ut disp. præced. dub. ult. dictum est, etiam ad illud extendetur diuina prouidentia.

12. Secunda concl. Loquendo de malitia, seu de formalitate peccati, hæc non cadit sub diuina prouidentia. Ratio ex opposito rationis D. Thomæ colligitur, quia quod non cadit sub diuina causalitate, neque cadit sub diuina prouidentia: malitia peccati non cadit sub diuina causalitate; ergo neque sub diuina prouidentia. Dicit tamen potest, quod licet peccata non cadant sub

prouidentia quam vocant approbationis, cadunt tamen sub prouidentia permissionis. Tertia conclusio. Peccata ratione boni secuti pertinent ad prouidentiam approbationis, seu effectiōis. Constat ex illo, quod canit Ecclesiā. O felix culpa, quæ talens ac tantum meruit habere Redemptorem. Ex culpa namque Adam effectus nobilissimū, & perfectissimū consecutus est, Verbi scilicet diuini Incarnatio. Ex alijs autem peccatis hominum, plura bona consequi possunt, præsertim manifestatio iustitiæ in reprobis, & misericordiæ in electis.

D V B I V M III.

An Deus immediatè omnibus prouideat.

13. **E** Gregiè hoc dubium resoluit S. Tho. art. 3. dicens. Ad prouidentiam duo pertinent, scilicet ratio ordinis rerum prouisarum in finem, & executio huius ordinis, quæ gubernatio dicitur. Quamuis igitur ad primum horum Deus immediatè prouidet omnibus, qui in suo intellectu habet rationem omnium etiam minimorum, & quascunque causas ab quibus effectibus præfecit, dedit eis virtutem ad illos effectus producendos; unde oportet, quod ordinem illorum effectuum in sua ratione præhabuerit. Quantum autem ad secundum, sunt aliqua media diuina prouidentia, quia inferiora gubernat per superiora, non propter defectū suæ virtutis, sed propter abundantiam suæ bonitatis, ut dignitatem causalitatis etiam creaturis communicet. Vbi, ut vides; duo dicit S. Doctor. Vnum, quod Deus immediatè omnibus prouideat quoad rationem ordinis, quia Deus in suo intellectu habet omnium rationem, & quascunque causas aliquibus effectibus præficit, dedit eis virtutem ad illos effectus producendos, ac proinde quoad ordinem illorum illos præhabet, & quantum ad hoc omnibus ipse prouidet. Alterum, quod Deus per aliqua media prouideat quantum ad executionem, cum gubernet inferiora per superiora.

14. Pro quo nota, quod ut colligitur ex citatis D. Thomæ verbis ad prouidentiam duo pertinent, excogitatio ordinis

rerum, eas in suis fines dirigendo, & executio eiusdem ordinis excogitati. Primum solius Dei est, quia solus Deus per semetipsum nulla intercedente causa media res omnes ad proprios fines ordinat, dirigit; At secundum etiam creaturarum est. Hec autem immediatio Dei, seu diuinæ providentiæ non est tantum virtutis, verum etiam suppositi quia licet inter Deum, & actus humanos ab ipso ordinatos, mediare videatur humana ratio, non est tamen verum, & propriè medium, cum neque sit medium quo Deus eorum actuum ordinem in finem intellectu concipiat, neque quo diuina cognitio ad illos terminetur, licet per hoc, ut bene aduertit Caietanus, non excludantur intermedij, seu medij executores, & prouisoires. Pro quo aduertendum, posse nos duplicem imaginari prouisoire medium inter Deum primum prouisoire, & res prouisas. Vnum, qui sit prouisor tantum, & non executor ordinis in Deo præfiniti, & hunc prouisoire excludit S. Doctor, quia tunc Deus non statueret in mente sua totum rerum omnium ordinem in finem, sed partem tantum, & reliquam relinqueret medijs prouisoribus excogitandum, quod esse nequit. Alium, qui non sit tantum prouisor, sed etiam executor, & hoc admittere, summam in Deo arguit perfectionem, quia ponitur in eo perfectissima, & vniuersalissima providentia, à qua alia quæcunque derivatur, & cui omnis alia deseruit. Et sic Deus est ille prouisor tantum, qui primò excogitat ordinem; at creatura potest esse prouisor, & executor simul, qui excogitat quidem ordinem, sed non primò, cum in ipsa cogitatione à primo prouisore moueatur qui primò talem ordinem excogitauit.

D V B I U M IV.

An diuina providentia rebus prouisis necessitatem imponat.

15 **S**ic hoc dubium resoluit S. Doctor art. 4. *Providentia diuina, quibusdam rebus necessitatem imponit, non autem*

omnibus. Et quidam crediderunt. Ad prouidentiam enim pertinet ordinare res in finem. Possit bonitatem autem diuinam, quæ est finis à rebus separatam, principale bonum in ipsis rebus existentem, esse perfectio vniuersi, quæ quidem non esset, si non omnes gradus essendi inuenirentur in rebus. Unde ad diuinam prouidentiam pertinet, omnes gradus entium producere. Et ideo quibusdam effectibus præparatis causas necessarias, ut necessariò euenirent; quibusdam vero causas contingentes, ut euenirent contingenter, secundum conditionem proximarum causarum.

16 Obijcies 1. quia omnis effectus, qui habet aliquam causam per se, quæ id est, vel sui, ad quam de necessitate sequitur, provenit ex necessitate; sed providentia Dei cum sit æterna, præexistit, & ad eam sequitur effectus de necessitate, cum non possit diuina providentia frustrari, &c Respondet S. Doctor d. art. 4. ad 1. *Quod effectus providentiæ non solum est aliquid euenire quocunque modo, sed aliquid euenire vel contingenter, vel necessariò. Et ideo euenit infallibiliter, & necessariò, quod diuina providentia disponit euenire infallibiliter, & necessariò; & euenit contingenter, quod diuina providentia ratio habet, ut contingenter euenias.* Ex quo habes, quomodo ex diuina providentia procedant necessaria necessariò, & libera, liberè, seu contingenter; cum diuina providentia omnia attingat secundum modum suum; & habet quomodo infallibilitas euentus ex diuina providentia non tollat libertatem, cum infallibilitas non opponatur libertati, sed maxime cum illa cohereat.

17 Obijcies 2. vniuersique prouisor statuit opus suum quantum potest, ne deficiat; Sed Deus est summè potens, erga necessitatis firmitatem rebus à se prouisus tribuit. Respondet S. Doctor, ad 2. *Quod in hoc immobilis, & certus diuina providentia ordo, quod ea, quæ ab ipso prouidentur cuncta eueniunt, eo modo, quo ipse prouidet siue necessariò, siue contingenter.* Hic alii qui tractant; an diuinæ prædefinitiones adimant libertatem, an eam ponant, sed hoc sufficienter actum est supra disp. 19.

DISPUTATIO XXIII.

IN QVAEST. XXIII. D. THOMAE

DE PRAEDESTINATIONE, ET
REPROBATIONE.

ASPICATOS iciendis
nuptiarum foederibus
fontes, & puteos, quic-
quid de hoc sēserit suo-
rum heroum acta vertigi-
ne delusa Gentilitas,

nemini sacrarum scripturarum vel oscitanter studio, dubium esse non potest. Isaac ad meditandum in agro inclinata iam die foras progresso ad puteum occurrit Rabecca. Eandem Eliazer iuxta puteū aquae inuentam filio Domini sui vxorem subarrauit. Jacob Cananearū coniugia patre suadente aspernatus, vxorem sibi in Mesopotamia Syriæ quæsiturus ad puteum confedit, ibi Rachelem vidit, eius amator factus, ruit in oscula, iungit vxorē. Moyses ad puteum Sephoram inuenit, quam non sine cœlesti & nutu, & numine duxit vxorem. Quod valde perpendens nobilissimus sacrarum scripturarum interpres, imò & interpretum magister Adamantius Origenes: *Nasquam, inquit, receditur à puteis, nusquam desinitur ab aquis. Nunquid hoc casu contigisse putamus, ut Patriarchæ ad puteos veniant, & ad aquas coniugia sortiantur? Ita putet animalis homo, non percipiens ea, quæ sunt spiritus Dei.* Nos Origenem secuti, in sanctorum nuptijs hominis cum diuina sapientia coniunctionem designari arbitramur; & in carnalis coniugij corileæ, spirituales nuptias obseruamus. Quod verò hæ nuptiæ celebrantur ad puteos, hæc foedera reiciantur ad aquas, reconditos habet sensus, à nobis in præsentiarum inuestigandos. Nec prius id sequi permitteretur, quam quid in

puteis designari velit arcanus scripturarum sermo penetremus. Origenes, diuinorum librorum instructionem, quæ est totius Theologiæ, & scientiarum omnium fundamentum figuraliter signari existimat. Iudæus Philo in puteis scientiam, hieroglyphicè notari arbitrat. Aptè uterque in rem meam. Illud igitur inprimis ratum, firmumque maneat, sacræ Theologiæ maritales amplexus, quibus anima cum Deo coniungitur, nulli obuenturos, nisi prius in diuinorum lectione librorum, fodiendisque variarum difficultatum puteis, ætatem trauerit incanuerit. At quæ puteo, & scientiæ affinitas, quæ conuentio? Multa per omnem modum. Illud inter fontanæ, & putealem aquam discriminis est, nemo non nouit, quod illa in superficie, hæc in profundo; illa in propatulo, hæc sit in abdito: illa facile, hæc nonnisi cum labore paratur. Aptissimus igitur sacræ Theologiæ, & cuiuscunque scientiæ symbolum puteus est; nam quæcunque scientia, velut putealis aqua soapie natura in profundo sita est, non in superficie, nec in propatulo solet esse, sed in abdito; nec facile, sed vix multo labore comparatur. Quod certè nō solum in seiprijs magnas, obscurasq; contemplationes habentibus, verum etiam in vilissimis, licet intueri. Eligite quamecunque artem, non exiniis, sed omnium obscurissimam, quam nemo liber in vrbe educatus excreret; tui verò vix seruus à duro, morosoque domino coactus, hanc quoque multiplicem, variam, quærulam, difficilem, studio, curaq; plenam, laboribus, ac sudoribus refer-
tam

ram competitis. Hinc etiam in grammatica, geometria, philosophia alius alio perfectior inuenitur, quia perfectus, & incrementa certis terminis nequeunt circumscribi; plura semper quam dicuntur, discenda supersunt, ut etiam qui se finem scientiæ attigisse arbitratur, semiperfectus sub alio iudice habeatur: imò si veritatis iudicium sit subeundum, adhuc circa principia ipsa videbitur hæsitare. Fundo, si quæ caret omnis scientiæ puteus, alijs studiosorum ingenijs, potest alias contemplationes subotricibus difficultatibus, multas ex se pariente anima, multas natura non obtulis mentibus vltro ingentente. Quod adeo certum existimauit Philo, ut non ob aliam rationem puteum illum in quo Iacob in Haram profecturus soluit, puteum iuramenti cognominatum fuisse dicat, quam ut detur intelligi, nihil cecius affirmari, quâ scientiam sine, ac crimine carere, ac proinde id vel iniurato credere debeamus; quod si quis parû credulum se præbeat, saltem iurato assentiat.

2 Quod si grauiorem huius veritatis testem lubet audire, Christum recolite, ad puteum cum Samariide colloquentē. Putei illius aquam exaltabat mulier, quæ potus Iacob, poti eius filij, quin etiam pecora sitim leuare consueverant. Optime inquit Christus, at qui abierit ex hac aqua sitiet iterum; ea quippe est humanæ scientiæ conditio, ut sitim sedare videatur, at non extinguit redituram, quin etiam quo plura scit aliquis, plura adhuc seire appetit, ut non immeritò de his aquis illud liceat pronuciare: *Quo plus sunt potæ, plus sitiuntur aqua*. Sitim quippe non extingunt, non mitigant, non leuant, sed magis accendunt. Quotus quisque vestrum rationis alicuius energia profundissimè hausta, vel vestro iudicio inuenta, vel ex dicendis ore excepra, sibi omnino satisfactum purat, qui tamen rursum cogitans de his in quibus requieuerat, dubitabit, rursum exardescit sitis, proripitur, incalcescit sciendi ardor, & æstus.

3 Quæ omnia cum adeo clara sint, ut luce meridiana clariora appareant, quo nos sensu affici debet de Deo locuturos,

nec de Deo quomodocunque, sed occultissimam eius prædestinationem scrutaturos? Profundi sunt ceterarum omnium scientiarum putei, profundissimè iste: abditior alij, abditissimus iste: altus est, & in quo hauriar, nemo ex se habet. Ambiguo nos committimus pelago contrarijs in eo difficultatibus concurrentibus. Illud infinitæ profunditatis est; sed tamen idem vadis, & scopulis periculosum. Immensum est æquor, idem tamen est angustissimum fretum inter libertatem meritorum, & prædestinationem ita conclusum, ut æstuet, concietur, & effervescat vudis sententiarum, & mutua argumentorum collisione, iactet quæ vix pateat exitus: conterminæ hæreses fretum hoc adeo periculosum reddunt, ut inter difficultatum æstus, nunc cum Apostolorum principe exclamare cogamur: *Domine salua nos, perimus*. Modo cum Gentium Doctore: *O altitudo diuitiarum sapientiæ, & scientiæ Dei: quam incomprehensibilia sunt iudicia eius, & inuestigabiles viæ eius? Quis cognouit sensum Domini, aut quis consularius eius fuit?* Duo Patres sanctissimi, & doctissimi Augustinus, & Thomas nobis cœlestia erunt lumina, quæ in ambiguo hoc pelago nauigantibus viam ostendunt; qui aquam in profundissimo hoc puteo demonstrabunt. Ad rem igitur venerabundi, & Spiritus Sancti nomine prius inuocaro propius accedamus, sit.

D V B I U M I.

An conueniens fuerit dari prædestinationem hominum

4 PRO intellectu difficultatis notandum primò; quod hoc verbum *prædestino*, compositum est, ex particula *præ*, & *destino*. Hoc verbum plura significat. Primò vt sit idem ac *statuo*, seu *destino*, 2. Cor. 9. *Vnusquisque prout destinauit in corde suo*. Secundò, vt idem sit ac *de signo*, aut *deputo*, Mach. 14. *Successorem sibi destinasse*. Tertiò, vt sit idem ac *mitto*, seu *dirigo*. 1. Mach. 1. *destinauit aliquos de populo, & abierunt ad Regem*. Quartò, vt idem sit ac *paro*, Ecclel. 17. *destinauit illi sor-*

fortem, id est parauit. Hoc loco propriè magis accipitur in tertia acceptione, licet etiam aliæ acceptiones ad præsentem intelligentiam accomodari possint, vt intuenti constabit.

3 Notandum 2. quod illa particula *pro* triplicem potest denotare præcedentiam, seu prioritatem, scilicet durationis, dignitatis, & causalitatis. Prædestinatio habet prioritatem durationis, cum sit ab æterno. Habet prioritatem dignitatis cum sit actus Dei perfectissimus, & nobilissimus, vt postea dicitur. Habet prioritatem causalitatis, quia est causa efficax mediorum, quibus prædestinati certissimè liberantur.

6 His positis aliqui hæretici quos refert S. P. Aug. lib. 2. *de dono perseverantia cap. 14. D. Prosper cap. 2. ad obiectiones Gallorum*, dixerunt non fuisse convenientem prædestinationem hominum. Nostre sententia seq. concl. explicatur. *Conueniens fuit Deum homines prædestinare.* Hæc conclusio est de fide, vt constabit ex locis sacra scripturæ sequenti dubio referendis, sic tradunt sancti Patres, & Theologi. Ratio fundamentalis est, quia conuenientissimum est Deo, se summo modo intellectuali creaturis communicare, sed hoc facit media prædestinatione, qua homines ad æternam beatitudinem transmittit, ergo. Maior nota est, cum enim Deus sit summum, & perfectissimum bonum, debet perfectissimo modo se communicare, cum de ratione boni sit, quod sit sui diffusivum. Minor est etiam nota, quoniam hominis beatitudo est perfectissima Dei communicatio, vt constat ex dictis supra *disp. 12.* Tum quia conuenientissimum est manifestari diuitias gloriæ, & bonitatis Dei, sed per prædestinationem per quam homines transmittuntur ad æternam beatitudinem fit dicta manifestatio; ergo, &c.

7 Sed obiejes primò contra hanc rationem, quia ex illa ad summum sequitur esse conuenientissimum, quod Deus aliquem ex hominibus, vel Angelis prædestinauerit, non verò, quod plures; ergo. Antecedens probatur, quia ex eo, quod Deus est summum bonum, &c. sequitur

solum, quod fuerit conueniens, quod per vnionem hypostaticam vni soli naturæ se communicauerit, ergo ob eandem rationem solum sequitur, quod fuerit conueniens, quod vni homini, aut Angelo se communicauerit in visione beata, &c. Resp. negando antecedens; ad probationem dico, esse disparem rationem de communicatione per vnionem hypostaticam, & per visionem beatam; conueniens namque erat, quod vna sola natura assumeretur ad vnionem hypostaticam, & cōueniens erat, quod plures assumerentur ad visionem beatam. Nam visio beata est finis peculiaris creature rationalis, ac proinde congruus erat, quod plures illam consequerentur; at vnio hypostatica non est peculiaris finis alicuius naturæ. Tum quia Christi D. prædestinatio est diuersa à prædestinatione nostra; nam, ille fuit prædestinatus vt esset filius Dei naturalis, vt esset caput totius corporis mystici, nos autem membra.

8 Obijcies 2. quia non fuit conueniens, quod aliquis prædestinaretur pro statu innocentia, vbi tamen Deus homini dona perfectissima communicauit; ergo neque fuit conueniens, quod se communicaret pro statu isto naturæ corruptæ. Respond. concedendo antecedens, & negando consequentiam, ratio discriminis est, quia ille innocentia status non erat perseveraturus, ac proinde conueniens non erat quod aliquis in eo prædestinaretur; at noster iste status perseveraturus erat, & multum duraturus, ac proinde aliqui in eo congruenter prædestinari debebant.

9 Obijcies 3. quia si esset conueniens, quod aliqui de specie humana prædestinarentur, esset etiam conueniens, quod omnes species Angelicæ prædestinarentur; nam in vno solo Angelo tota species continetur, & vno solo damnato, tota species damnatur; ergo si esset incongruum, quod tota species humana periret, erit etiam incongruum, quod tota vna species Angelica pereat. Resp. negando paritatem; nam in Angelis non alio modo ostendi potest illorum libertas, & desecubilitas, nisi per hoc, quod integra species pereat, cum ibi non sit sola numerica multiplicatio; at

in

in hominibus non sic, cum sint numero multiplicati. Soluuntur argumenta hæreticorum.

10. Primum argum. est, quia non est conueniens tolli libertatem arbitrij, tolli utilitatem orationis, prædicationis, & salutarium admonitionum; sed si daretur prædestinatio, ista tollerentur; ergo, &c. Minor probatur, quia cum prædestinatio sit certissima, & efficacissima, ponet effectum sicut Deus prædestinavit, siue oratio ponatur, siue non; siue ponatur prædicationis, siue non, &c. Resp. quod prædestinatio ea non tollit, sed potius ponit; ponit namque efficaciter media quibus prædestinatus consequitur vitam æternam; unde cum prædicta sint media, à prædestinatione ponentur, non tollentur.

11. Secundum argum. refert S. Augustinus *lib. 2. de dono perseverantia cap. 5.* eoque fuit convictus quidam monachus, qui postea apostatavit, quia si daretur prædestinatio hominum esset occasio, vel summæ negligentia, vel summæ desperationis; cum enim cuique notum sit, quod prædestinatio est infallibilis, potest sic argumentari. Vel sum prædestinatus, vel non. Si sum, quomodocunque operer saluabor, ac proinde erit occasio summæ negligentia. Si non sum, quomodocunque operer, deficiam, & sic paratur occasio summæ desperationis. Resp. negando antecedens, sed est occasio diligentia, quia prædestinatio ponit diligentiam, & felicitudinem, cum ponat media. De qua re dari possunt plura exempla; nam si Deus alicui reuelaret, quod tempore messis erit abundantia tritici, non cessabit seminare, nec colere terram, sed omnia diligenter præstabit, quia scit, quod abundantia non nisi per ista media habebitur.

D V B I U M II.

An de facto Deus aliquos homines prædestinauerit.

12. **N**egarunt Vuicleph, & alij, negant Calvinistæ. Nostra sententia seq. concl. explicatur. *Deus de facto aliquos homines prædestinauit.* Est de fide. Constat ex illo Rom. 8. *Quos prædestinauit, hos vocavit, &c.* Ad Ephes. 1. *Qui prædestinauit nos.* Et alibi. Pro intellectu rationis qua vitur D. Thomas 3. *contra gent. cap. ult.* & alibi, ad probandam hanc veritatem, notandum 1. quod res fienda duobus modis sumi potest. Uno, modo speculatiue secundum suam essentiam, quatenus res fienda est in mente agentis per intellectum media specie, idea, vel verbo. Cum enim species sit ipsa met ratio rei, siue virtualiter, siue formaliter, sub alio tamen modo essendi, consequens est, quod si illa est in mente actoris antequam agat, erit in eo speculatiue. Alio modo ratio rei fiendæ potest esse in mente actoris, scilicet practice, & tunc est per imperium, per quod sufficienter agens determinatur, ut ordinet rem illam quam prius habet speculatiue in finem suum, & habeat completè esse futuram. Tunc res fienda, & eius ratio dicitur esse practice in mente actoris, quando in eo habet esse completè futuram, ac proinde actor est ultimatè determinatus ad eius productionem.

13. Notandum 2. quod uterque modus existendi rei fiendæ in mente actoris conducit ad hoc, quod Deus homines prædestinet, licet magis deferuiat secundus; nam cum Deus sit agens per intellectum, dirigatque per illum homines in suam beatitudinem, necesse est ut ratio istius directionis, & transmissionis sit in mente illius speculatiue prius, per speciem, ideam, aut verbum, deinde practice per imperium, non enim imperium potest esse transmissio practica, nisi rei prius conceptæ, & cognitæ.

14. His positis sic. formatur ratio. D. Thomæ,

Thomæ, quia in agente per intellectum debet præexistere ratio rei sciendæ prius speculatiuè per speciem, ideam, aut verbum, deinde practicè per imperium quo dirigat, & ordinet rem in suum finem, sed Deus de facto habet rationes hominum tum speculatiuè, tum practicè per imperium per quod illos transmittit in vitam æternam; ergo de facto aliquos homines prædestinat. Maior nota est; minor etiam constat ex sacra scriptura, & ex vsu Ecclesiæ in sanctorum canonizatione; ergo.

15 Sed dices, quod ex ista ratione sequitur, quod etiam anima Christi D. saltem instrumentaliter physicè prædestinet nos, quia est agens per intellectum, & in nobis causat gratiam qua vitam æternam consequimur; sed hoc dici nequit; ergo. Resp. negando maiorem, ad hoc enim vt anima Christi prædestinaret nos saltem instrumentaliter, deberet esse causa omnium effectuum eiusdem prædestinationis, quod esse nequit, quia non potest physicè concurrere, seu non potest instrumentaliter causare illum concursum quo Deus concurrit cum illa ad merendâ nostram prædestinationem, sicut neque potest concurrere ad ponendum actum diuini imperij, quo Deus prædestinatos transmittit in vitam æternam. Fuit tamen anima Christi causa meritoria nostræ prædestinationis, quia mouit per suum meritum diuinam voluntatem vt nos prædestinaret, & terminaretur ad omnes effectus illius.

16 Primum hæreticorum argum. Nam si Deus prædestinaret homines aufertur ab eis libertatem peccandi; hoc dici nequit; ergo. Maior probatur ex illo 1. Ioan 3. *Qui natus est ex Deo peccatum non facit, quoniam semen ipsius in eo manet, & non potest peccare, quoniam ex Deo natus est.* Quæ verba exponuntur à D. Bernardo ser. 1. de septuag. & de grat. & liber. arbitr. de prædestinatis, dicens eos non posse peccare, quia semen Dei, id est prædestinatio manet in eis. Resp. negando maiorem, ad probationem, dico illum locum procedere reduplicatiuè, & in sensu composito.

17 Secundum argum. quia aliòquin Deus magis diligeret peccatorem prædestinatum, quam iustum reprobum; sed hoc non videtur dicendum, ergo. Minor constat, quia diuina voluntas cum rectissima sit debet vnumquemque pro meritis diligere. Resp. quod Deus nunc pro nunc magis diligit iustum reprobum, quam peccatorem prædestinatum; secus nunc pro iunc. Vel dic, quod Deus amore electiuo magis diligit peccatores prædestinatos, at amore executiuo, magis diligit reprobos iustos.

18 Tertium argum. quia aliàs prius Deus voluisset beatitudinem quam ipsos homines; hoc videtur inconueniens; ergo. Maior patet, quia volitio finis est prior volitione eorum, quæ sunt ad finem. Minor etiam patet, quia beatitudo supernaturalis est volita homini prædestinato amore concupiscentiæ, nihil autem potest esse sic volitum, quin præcedat volitio eius cui res est volita, seu concupita. Tum quia implicat intelligere beatitudinem, supernaturalem hominis, sine ipso homine, cum sit quoddam accidens illius. Ref. distinguendo maiorem prius Deus voluisset beatitudinem, quam ipsos homines, prius prioritate *in quo*, & negatur; prius prioritate *à quo*, & conceditur, & deinde negatur minor. Ad 1. probationem dico, quod beatitudo est quidem volita homini amore concupiscentiæ; sed tanquam vltimus finis, quod autem est sic volitum est simpliciter prius eo cui vltimus finis est volitus; finis enim cuius gratia, est prior fine cui. Ad aliam probationem dico, quod finis vltimus est prius volitus prioritate causalitatis; & in esse intentionis, licet in esse executionis sit prius volitus finis cui.

D V B I V M III.

An prædestinatio sit actus intellectus, an voluntatis.

19 **P**rima sententia tenet prædestinationem esse essentialiter actus voluntatis, sic tenent Suarez, Vasquez, & alij

Zz

alij

362 Disputatio XXIII. Dubium III.

alij apud Salm. hoc loco. Secunda sententia tener, quod prædestinatio formaliter, & essentialiter consistat in vtroque actu intellectus, & voluntatis, sic Molina, Becanus, & alij relati à dictis Salmant.

20 Nostra sententia sequenti concl. explicatur. *Prædestinatio formaliter in actu intellectus consistit, connotando actum voluntatis.* Pro hac concl. referunt Salmant. plura D. Thomæ testimonia, eamque sequuntur omnes D. Thomæ discipuli hoc loco. Quod prædestinatio debeat connotare actum voluntatis, probatur 1. Quia non potest dari efficax ordinatio in finem, nisi præcedat efficax volitio finis; sed prædestinatio est efficax ordinatio in finem, ut postea dicitur; ergo debet præcedere efficax volitio finis. Probatur 2. quia in nobis providentia, seu prudentia, habet se ad instar cuiusdam ratiocinantis, cuius principia sunt fines, & eorum volitiones; ergo supponit prudentia, & providentia ipsam volitionem finis; cum autem sit eadem ratio proportionis servata in providentia divina, sequitur, quod prædestinatio, quæ est pars dictæ providentiæ debeat supponere volitionem finis. Probatur 3. quia repugnat, quod actus duarum potentiarum constituent ex æquo unam formalissimam rationem qualis est prædestinatio; ergo cum prædestinatio consistat in actu intellectus ut postea probabitur, non poterit ex æquo consistere in actu voluntatis. Antecedens ostenditur, quia unica formalissima ratio, ad unicam lineam tantummodo debet formaliter, & in recto pertinere; ergo, &c.

21 Sed dices, nullum esse inconueniens, ut ea, quæ in vno ordine, siue genere pertinent ad diuersas lineas, possint secundum aliam rationem ad vnam, eandemque lineam pertinere; ergo, &c. Antecedens constat in numero, v.g. senario, qui tamen componitur ex binario, & quaternario, tanquam ex rebus diuersarum linearum. Resp. concedendo antecedens in creatis, ubi id, quod est in vno genere completum potest esse in alio incompletum, non in diuinis.

22 Quod autem prædestinatio for-

maliter, & in recto solum essentialiter consistat in actu intellectus probatur 1. Quia prædestinatio formaliter, & in recto est perfectissima, & peculiarissima providentia, qua Deus de prædestinatis providet; sed providentia est formaliter, & in recto actus intellectus; ergo & prædestinatio. Maior patet, quia Dens ut prædestinans dicitur peculiarissime curare, & providere de prædestinatis, providendo, & præparando eis media efficacia, quibus æternam salutem consequantur. Tum quia, ut infra dicitur, prædestinatio est præparatio beneficiorum, quibus certissime liberantur quicunque liberantur, hæc autem præparatio est præstantissima providentia. Minor probatur, quia providentia est pars prudentiæ, ad quam duæ alix partes ordinantur, scilicet memoria præteritorum, & intelligentia præsentium, prout ex præteritis memoratis, & præsentibus intellectis, coniectamur de futuris providendis; sed prudentia pertinet ad intellectum, ergo & providentia, ac subinde prædestinatio.

23 Probatur 2. quia prædestinatio formaliter, & in recto nihil est aliud quam actus Dei peculiaris, quo per certa, & efficacia media ordinat, & dirigit prædestinatos in vitam æternam, sed hæc ordinatio formaliter, & in recto consistit in actu intellectus; ergo, &c. Maior patet tum ex ipsa nominis significatione; tum quia cum supernaturalis beatitudo sit finis superexcedens ad quem homo suaptis viribus non potest se ipsum ordinare, debet dari aliquis à quo ordinetur, & dirigatur; qui alius esse nequit nisi Deus per suam providentiam. Tum etiam quia id ipsum importat formaliter, & in recto prædestinatio, quod providentia generalis circa quamcunque rem aliam, quæ à Deo provisa est; sed providentia generalis Dei formaliter, & in recto dicit ordinationem omnium rerum in suos fines; ergo etiam prædestinatio erit ordinatio creaturæ rationalis in vitam æternam. Minor ostenditur, quia ordinare est sapientis, cum enim ordinare dicat quandam collationem, seu dicat hoc, quod est unum conferre cum alio,

alio, & hoc sit proprium sapientis ac subinde intellectus, sequitur, quod ordinare sit actus intellectus Tum quia opus naturæ, dicitur opus intelligentiæ, quia est ordinatissimum. Tum etiam quia licet voluntas velit media propter finem, volitio tamen mediorum non est eorum ordinatio in finem, sed solum est volitio talis ordinationis, & rei antecedenter ordinatæ ab intellectu cognoscente proportionem mediorum ad finem, & conferente prædicta media cum fine.

24 Sed contra hanc rationem obijciens 1. non posse inter se coherere, quod prædestinatio sit ordinatio prædestinatorum in finem, & quod eadem prædestinatio sit ratio eiusdem ordinationis, & transmissionis in finem; quia ratio rei sciendæ non est actus intellectus, sed est ipsius rei ratio, seu essentia representata per modum obiecti in specie, in idea, in verbo; ergo si prædestinatio est actus divini intellectus, non potest esse ratio ordinis, aut rei ordinatæ in finem. Resp. negando antecedens, idem namque actus intellectus secundum unum munus est ordinatio prædestinatorum in finem, & secundum aliud est ratio transmissionis in finem, non quidem speculativa, sed practica; sicut enim divinum intelligere, & est actus intelligendi, & est essentia divina intellecta; ita divinum imperium, & est actus intellectus, & est ipsa transmissio, seu ratio transmissio in finem, ac proinde prædestinatio dicitur tum rationem quasi formæ, seu exemplaris transmissionis, & rei transmissæ in finem.

25 Obijciens 2. quia si prædestinatio dicitur tum rationem actus, tum rationem exemplaris, & forma excogitatæ, coincidet cum idea, ac proinde non distinguetur virtualiter ab idea, hoc est falsum, & contra communem Theologorum sententiam; ergo. Resp. negando antecedens, nam licet prædestinatio identificent sibi absque distinctione virtuali formam illam excogitatam, seu rationem transmissionis actus per quam prædestinati transmittuntur in finem vite æternæ, nihilominus distinguuntur virtualiter ab idea, quia ad ideam non desideratur indispensabiliter adiun-

ctus actus voluntatis; at prædestinatio divini voluntatis actum habet adiunctum, ut ex dictis constat; quocirca idæ ratio non convenit Deo liberè, bene tamen prædestinatio, & ratio illa transmissionis in vitam æternam. Solvuntur argu. in contrarium.

26 Primum argum. desumitur ex auctoritate sacræ scripturæ, & sanctorum Patrum vocantium prædestinationem propositum, consilium, dilectionem, electionem, &c. qui sunt actus voluntatis. Resp. quod per illos modos loquendi sacræ scripturæ, & Sanctorum Patrum datur intelligi, quod nos docuimus, quod scilicet prædestinatio dicatur præsuppositivè, & connotativè actum voluntatis.

27 Secundum argum. quia si Deus velit efficaciter tribuere gloriam Petro, tunc illam Petrus suo tempore consequetur; ergo prædestinatio consistet in actu voluntatis. Antecedens constat, quia non stat Deum efficaciter velle alicui gloriam, quin eam suo tempore consequatur. Conseq. probatur, quia consecutus gloriæ est effectus prædestinationis, ergo prædestinatio in eo actu consistit, per quem gloria consequitur; sed consequitur per actum voluntatis, ergo. Resp. distinguendo antecedens; tunc illam Petrus suo tempore consequitur ex vi dictæ volitionis itaquam causæ adæquate, & negatur tanquam causæ remotæ, & radicalis, & conceditur. Bene verum est, quod posita illa volitione efficaci sequetur actus intellectus per quem ea volitio exequetur.

28 Tertium argum. quia posito quocunque actu intellectus, & secluso actu voluntatis Petrus de facto non salvabitur ergo signum est prædestinationem consistere in actu voluntatis. Resp. concedendo antecedens, & negando conseq. cum enim ad prædestinationem uterque actus requiratur, sequitur, quod secluso quocunque non ponetur.

29 Quartum argum. quia non dicimus illos providos, qui sciunt facere, & nolunt; sed qui volunt; ergo providentia magis respicit voluntatem, quam intellectum. Resp. quod ad providentiam uterque actus requiritur, ut dictum est, & per utrumque

actum homo rectè disponitur. Alia argumenta leuia prætereo.

D V B I V M IV.

In quo actu intellectus consistat prædestinatio.

30 **P**ro intelligentia difficultatis notandū est 1. quod in nobis antequam efficaciter intendamus aliquem finem, illumque executioni mandemus, sequentes actus intercedunt. Primò ex parte intellectus supponitur cognitio multarum rerum, & inter illas cognitio finis intendēdi. Secundò ponitur in voluntate intentio eiusdem finis, seu electio vnius finis præ alio. Tertiò sequitur in intellectu actus consilij de medijs eligendis. Quattò actus iudicij, quo iudicatur quænam media sint vtilia, quæuē inutilia. Quintò intellectus per alium actū à iudicio proponit media iudicata vtilia voluntati; vt eligat quæ maluerit. Sextò in voluntate ponitur electio mediorum, quæ sibi magis placeant. Septimò secundum mentem Aristotelis, & D. Thomæ ponitur in intellectu imperium quo efficaciter imperet executionem operis per media electa. Octauò ponitur in voluntate vsus, per quem voluntas applicat potentias executivas. Nono ponitur executio ipsa.

31 Notandum secundò, quod in Deo, proportionē seruata dantur conformes actus, qui hoc modo possunt ordinari. Nam primò Deus per scientiam simplicis intelligentiæ cognoscit omnia possibilis, & inter ea tres rerum ordines scilicet naturæ, gratiæ, & vniōis hypostaticæ, secundum quos potest se creaturis communicare, & insuper cognoscit omnia media possibilis quibus proprius finis dictorum trium ordinum poterat obtineri; cognoscit etiam per dictam scientiam efficacitatem suæ voluntatis, & infallibilem connexionem, quam sine læsione creatæ libertatis habet cum actibus liberis creatis, si ab eadem diuina voluntate prædestinantur. Post hanc cognitionem intelligimus Deum voluisse ostensionem, seu com-

municationem suæ bonitatis per istum triplicem ordinem, ita ramen, quod prius voluerit incarnationem, seu Christum D. vt Redemptorem tanquam finem omnium, & inter alia pro gloria Christi voluit beatificare aliquas creaturas rationales; ita tamen vt licet istam beatitudinem voluerit tanquā medium respectu gloriæ Christi, voluit ramen illam vt finem respectu ordinis naturæ, & gratiæ, atque adeo, voluit etiam res naturales; & creaturas rationales ex quibus aliquas elegit, & dilexit, non alias. Tertiò, diuinus intellectus ex hac intentione finis quasi motus, iudicauit hæc, & illa media esse vtilia ad hoc vt creaturæ rationales istam ad beatitudinem electæ eam consequantur. Quattò, hæc eadem media vt vtilia, & conuenientia, suæ voluntati proposuit. Quintò, diuina voluntas quæ maluit elegit. Sextò secutus fuit actus imperij, quo efficaciter intellectus imperauit dictorum mediorum executionem determinato tempore faciendam. Septimò sequitur in voluntate vsus, Vltimò executio.

32 His positis, de duobus actibus intellectus dubium proponitur, an scilicet prædestinatio consistat in actu iudicij, an imperij. Prima sententia tenet, quod prædestinatio consistat in actu iudicij, quo Deus postquam aliquem elegit ad beatitudinem, iudicauit bonum illum perdere ad illam per media efficaciter acceptata, & approbata à diuina voluntate. Sic Molina, Vazq. Arubal, & alij in præsentia.

33 Nostra sententia sequenti concludit explicatur. *Prædestinatio in recto, formaliter, & essentialiter consistit in actu imperij, connotando proxime, & immediate electionem.* Hæc conclusio est aperta D. Thomæ sententia, pro qua N. Salm. plura referunt illius testimonia; eandem sequuntur non solum eiusdem S. Doctoris discipuli, verum etiam plures alij, quos referunt prædicti Patres Salmant.

34 Probat 1. quia in nobis post actū iudicij de conuenientia mediorum, & electione eorūdem datur actus imperij, atque etiam in Deo: ergo prædestinatio in illis consistit. Hæc secunda conseq. ex priori con-

constat, quia prædestinatio consistere debet in actu efficaci diuini intellectus, quo efficaciter ordinantur illa media per quæ suo tempore creatura consequitur suum finem, semel autem dato imperio in diuino intellectu, hoc habet; ergo. Prima, consequens bene sequitur ex antecedenti; nam actus, qui dantur in nobis, & non inuoluunt imperfectionem, debent etiam dari in Deo; huiusmodi est imperium; vt ex dicendis constabit; ergo, &c. Antecedens, in quo est difficultas, probatur, nam illud admisit Cicero lib. 1. de leg. dicens. *Lex est ratio summa, quæ iubet ea, quæ facienda sunt, prohibetque contraria.* Illud admisit Aristoteles 6. ethic. à cap. 8. vbi dicit, quod *prudencia præceptiua est; finis enim ipsius est quidnam sit agendum, aut non agendum præcipere.* Item recta ratio illud dari conuincit; nam vsus est actus voluntatis, ab electione distinctus, quia electio potest separari ab executione, secus vsus, cum consistat in actuali applicatione potentie executiue; ergo ultra iudicium, quod præcedit electionem, debet dari imperium, quo voluntas dirigatur ad vsum. Nam ad quemlibet actum voluntatis, debet præcedere actus rationis dirigens, & intimans quid sit agendum, & hoc ipso quod talis actus rationis subsequitur ad electionem efficacem non potest non habere vim mouendi efficaciter ad vsum, & subinde ad executionem. Tum quia iudicium dictans convenientiam electionis mediorum, vocatur practicus speculatiue, & verum per conformitatem ad re. At vsura hoc dari debet aliud iudiciū practicum practice, quod est verum per conformitatem ad appetitum rectum, & hoc est imperium. Tum etiam quia in Principe est imperium civile, & politicum quo dirigit, regitque subditos vt operentur secundum leges; ergo in homine debet esse imperium monasticum, quo homo teger, dirigatque suas potentias vt operetur secundum rationis dictamen.

- 35 Occurrunt aduersarij, quod licet detur in voluntate vsus, qui sit actus ab electione distinctus, tamen ad ipsum regulandum non requiritur imperium, sed

sufficiet iudicium perseverans, & continua- tum vsq; ad ipsum actum vsus actiui. Sed contra, quia vel illud iudicium dictat solummodo media esse eligenda; vel etiam dictat esse exequenda. Si primum, non potest deservire ad ipsam mediorum executionem, sed solum ad electionem, quia ad id tantum iudicium potest deservire, quod dictat. Si secundum, adhuc non potest deservire ad actum vsus quo fit applicatio potentie executiue, quia aliud est dictare, & cognoscere difficultatem, & aliud est illam experiri; in ipsa namque executione reperitur noua difficultas retardans voluntatem creatam ab ipso vltu actiui, & executione mediorum electorum. Multi namque bene eligunt, sed dum instat executio, deficiunt; ob nouam difficultatem quam in ipso vsu, & executione experiuntur, quæque molesta apparet, & voluntatem deturbat, eamque ab opere discedere facit. Tum quia licet noua illa difficultas, quæ est in executione potuerit per iudicium prævideri, non tamen potuit eo modo proponi, quo in executione occurrat; nam executio aliter proponitur quando est à longe, & apprehenditur vt futura per iudicium præcedens electionem, & dnm proximè, & immediatè instat, tunc enim apparet longè difficilior, ac proinde per aliam virtutem supra iudicium vinci debet. Tum etiam quia iudicium, & imperium habent diuersa obiecta formalia, ergo distinguuntur. Antecedens probatur, in medijs vt habent rationem eligibilium, & exequendorum reperitur ratio formalis obiectiua diuersa, ratio diuersæ utilitatis; nam iudicium habet pro obiecto vtile quasi futurum; imperium autem habet pro obiecto vtile quasi præsens; quæ duæ rationes non possunt non asferre diuersitatem obiectiuam formalem, inferentem diuersitatem actus.

36 Probatur 2, quia prædestinatio non potest consistere in illo actu iudicii, qui præcedit electionem; ergo nec etiam in illo met vt approbato per electionem subsequenter; ergo consistit in actu imperij. Antecedens probatur, quia prædestinatio est ordinatio illorum dumtaxat

mediorum, per quæ prædestinatus postea consequitur finem vitæ æternæ, alias non esset ordinatio efficax. Sed ille actus iudicii qui præcedit electionem est ordinatio, seu propositio plurium mediorum quam sint ea, quæ à diuina voluntate efficaciter eliguntur; electio namque est quædam segregatio vnius, aut plurium ex alijs; ergo, &c. Consequentia constat, quia iudicium etiam approbatum per electionem nequit esse ordinatio efficax prædictorum mediorum, & inferens infallibiliter executionem eorum, vt constat, cum non possit tollere nisi difficultatem præuisam; ergo, &c.

37 Probatur 3. quia prædestinatio consistere debet in eo actu rationis prædictæ versante, & ordinante media, qui sit omnium efficacissimus, qui tam in ordine intentionis, quam executionis sit summè efficax: sed actus iudicii antecedens electionem, non est huiusmodi, ergo in eo non consistet, sed in imperio. Maior, quoad primam partem patet, aliàs non esset prædestinatio efficax transmissio creaturæ rationalis in vitam æternam. Quoad secundam partem ostenditur, quia actus rationis qui non sit efficax in vtroque ordine, intentionis, & executionis non est omnium efficacissimus, quia isti ordines inter se coniunguntur, vt primus comparatur ad secundum vt non ita perfectum ad perfectum, & vt ab illo eatur ad istum, ac proinde quandiu actus non pertingit ad efficaciam ordinis executionis, non sortitur plenam, perfectamque efficaciam. Minor ostenditur, quia actus iudicii pertinet ad ordinem intentionis, non ad ordinem executionis; ad hunc namque ordinem pertinet imperium, vsus, & executio.

38 Probatur 4. quia prædestinatio est actus prudentiæ; sed actus prudentiæ est actus intellectus, qui est imperium, ergo & prædestinatio. Maior patet, quia prædestinatio est quædam specialissima providentia, est actus quidam quo Deus specialissimè providet prædestinatis, providentia autem est pars prudentiæ; vnde qui est magis providens, est etiam magis prudens. Minor etiam patet, quia prudentiæ non opponuntur vitia opposita iudicio,

sed imperio; nam iudicio opponitur inconsideratio, & imperio prudentiæ opponitur inconstantia, & negligentia. Tum quia perfectio prudentiæ consistit in præcipiendo, non in iudicando; multi namque rectè iudicant, sed prudentes non sunt, quia non rectè præcipiunt.

39 Primum argu. quia in nobis non datur imperium; ergo neque in Deo, ac proinde prædestinatio nequibit in illo consistere. Consequenter tenet, quia de actibus intellectus diuini discurremus ad modum actuum intellectus creati, proportionem seruata. Antecedens probatur, quia si daretur imperium debet mouere voluntatem vel quoad specificationem, vel quoad exercitium; non quoad specificationem, quia hoc modo mouetur per iudicium; non quoad exercitium, quia hoc modo voluntas mouet cæteras potentias, non mouetur ab eis. Tum quia in brutis non datur dictum imperium; ergo neque in nobis, quo enim agentia sunt superiora, eò minoribus actibus indigent. Tum etiã quia non datur donum Spiritus Sancti correspondens imperio, sicut correspondent dicta dona cæteris intellectus actibus. Tum denique, quia non requiritur imperium ad efficacem intentionem finis, & electionem mediorum; ergo neque ad alios actus. Resp. negando antecedens. Ad 1. probationem dico, imperium mouere voluntatem tam quoad specificationem, seu obiectiue, proponendo obiectum, quam quoad exercitium, in virtute tamen electionis efficacis. Pro quo nora, quod in imperio duo possunt considerari, seu in motione efficaci imperij duo considerari possunt. Vnum est efficacia mouendi quoad exercitium. Alium est specialis modus mouendi cum quadam intimatione, & ordinatione ad alterum. Primum reperitur in imperio participatiue ab electione, quatenus applicat intellectum, & virtutes eius imperativas ad imperandum, & ita semper est verum voluntatem mouere se, & alias potentias ad exercitium. Secundum verò competit ipsi imperio secundum se, & non à voluntate. Ad 2. probationem, dico, quod cum imperare sit ordi-

dinare, & cum in bratis non sit ordinatio, nec imperium erit. Loco tamen imperij succedit motus primi intelligentis, seu primi mouentis, & intelligentiæ ad illa deputatæ. Ad 3. probationem dico, correspondere imperio donum Spiritus Sancti, quod est consilium, quod ideo sic vocatur, quia dona Spiritus Sancti dantur ut mens facile moueatur, ut se habeat potius ut mora, quam ut se moueat, hoc autem melius denotatur sub nomine consilij, quam præcepti, sic D. Tho. 2. 2. q. 52. art. 2. ad 1.

40 Ad 4. probationem, dico 1. non requiri imperium propriè dictum, nisi ad vsum, ubi est noua, maior, & specialior difficultas. Dico 2. requiri etiam imperiū ad intentionem, & electionem. Pro quo nota, duplicem esse ordinem actuum intellectus, & voluntatis, directum scilicet, & reflexum; directus est respectu actuum ut feruntur in sua obiecta, & in hoc ordine directio electio præcedit imperium, & imperium præcedit vsum, ut ex se constar. Ordo reflexus. est quo actus intellectus, & voluntas reflectuntur supra se ipsos; & in hoc ordine imperium præcedit electionem. Nam cum volumus aliquod obiectum, ut cum amamus amicum, ille amor, est consensus in ipsum amorem, & electio eiusdem quoad exercitium, & insuper habet rationem vsus voluntatis, quo eam ad dictum amorem applicamus, & in hoc ordine imperium præcedit electionem, non ut est electio reflexa sui, sed ut habet rationem vsus, & applicationis voluntatis in ordine ad se ipsam, ut est electio directa alicuius mediij, v.g. sumptionis medicinæ, & per hæc patet ad illam 4. probationem.

41 Sed dices, quia in actu electionis ut est vsus, non est noua difficultas præter illam, quæ est in illo ut est electio; ergo non requiritur imperium ad illum actum ut est vsus, sicut non requiritur ut est electio. Tum quia facta collatione inter electionem ut est electio, & ut est vsus, prius est ratio vsus, quam ratio electionis, quia ideo voluntas eligit, quia vitur; ergo si electio ut vsus indiget imperio, etiam indigebit prout est electio, cum secundum hanc rationem pendeat à se ipsa ut est vsus.

Tum etiam quia si ideo daretur hoc imperium in ordine reflexo, quia voluntas vult se velle, daretur processus in infinitum, quia etiam illud velle quo virtualiter vult suum velle, est etiam virtualiter volibile. Resp. esse nouam difficultatem ratione diuersam, non realiter. Ad primam probationem dico, quod licet sit prius ratio vsus, quo electio consentit in se ipsam, & eligit se ipsam, quam sit ratio reflexa electionis sui; tamen est prior ratio vsus sui ut est electio directa mediij directè voliti, quam sit ratio reflexa electionis. Ad 2. dico, non dari processum in infinitum, quia sicut in medijs directis deuenitur ad vnum primum in illo ordine, ita & in reflexis.

42 Secundum argum. quia si daretur imperium, quo efficaciter voluntas moueretur ad actum studiosum, tolleretur libertas voluntatis, & necessitas ponendi virtutes, & daretur processus in infinitum in actibus imperantibus, & imperatis; ergo, &c. Antecedens probatur. Tolleretur libertas, quia imperium est infallibiliter efficax. Tolleretur necessitas ponendi virtutes, quia ideo in membris exterioribus non datur virtus, quia horum actus necessario sequuntur ad actum interiorum. Et ideo ad actum gaudij non datur virtus, quia necessario sequitur ad actum charitatis; ergo, &c. Quod daretur processus in infinitum, constat, quia si semel datur imperium ad vnum actum, dari debet ad omnes vsque in infinitum. Resp. negando antecedens. Ad 1. probationem dico, quod posito imperio, ponitur actus imperatus necessitate consequentiæ, non consequentis; ponitur namque liberè, in virtute libertatis electionis. Ad 2. probationem, dico, quod in membris exterioribus ideo non ponitur virtus, quia actus sequitur omnino necessario, non sic in voluntate. Ad 3. probationem patet, non dari processum in infinitum, quia ad actus necessarios, ut ad primam cognitionem quæ procedere solet ex instinctu naturæ non datur imperium.

43 Tertium argum. quia imperium non est simplex apprehensio, nec compositio,

litio, & diuifio, nec difcurfus; ergo non datur. Relp. quod illi actus funt actus intellectus fpeculatiui, non practici, ad intellectum namque practicum, & imperium, & executio, &c. pertinent.

44 Quartum argum. quia iftud imperium non eft conceptus vltimatus, nec non vltimatus, ergo non eft actus intellectus; nō eft conceptus non vltimatus, quia non eft conceptus vocum, fed debet effe conceptus rerum, vt voluntas moueatur: non eft conceptus vltimatus, quia videtur conceptus vocum quia intimatio voluntatis folet fieri per verba mentalia proprii idiomatis. Relp. effe conceptum vltimatum, licet videatur nobis eam intimationem fieri verbis proprii idiomatis.

45 Quintum argum. quia licet in nobis daretur imperium, non tamen in Deo, ergo in eo non poteft confiftere prædeterminatio. Antecedens probatur, quia imperium eft ad alterum, & fuperioris ad inferiori, quod in Deo effe nequit, cum neque detur potentiarum diftinctio. Tum quia ideo in nobis datur imperium, quia datur difficultas in electione mediorum; at in Deo nulla difficultas dari poteft; ergo. Relp. quod licet imperium Regale, ciuile, &c. fit ad alterum, non tamen imperium monafticum. Ad aliam probationem dico, quod licet in Deo non detur difficultas fubiectiua, datur tamen obiectiua.

46 Sextum argum. nam prædeterminatio non poteft confiftere in imperio quod dirigatur ad prædeterminatos, nec ad Deum; ergo. Non ad prædeterminatos, quia antequam fint, non funt capaces imperij; neque ad Deum, quia fi ad Deum dirigetur, maxime ad eius voluntatem, fed voluntas cum fit cognitionis experta, non eft capax imperij; ergo. Relp. negando antecedens. Ad probationem primæ partis, dico, quod licet creaturæ non fint capaces imperij vt eft quædam intimatio, bene tamen prout dicit efficaciam, à qua habent effe futurum. Ad probationem fecundæ partis dico, quod homo non dicitur imperare voluntati, fed fibi, ficut hoc modo dicitur imperare fibi cum imperat membris externis, quæ non funt capacia cognitionis.

47 Septimum argum. quia prædeterminatio non poteft confiftere in imperio, quo Deus obligat prædeterminatos, quia eius leges impofitæ funt tam prædeterminatis, quam reprobis; ergo. Relp. quod imperium, quoad efficaciam diuerfimodè fe habet erga prædeterminatos, & reprobos; hos ſenim efficaciter dirigit, illos non fic, vt ex dictis conſtat.

48 Octauum argum. quia imperium nequit effe actus qui ordinet alios voluntatis actus ad beatitudinem hominis conſequendam; ergo prædeterminatio nequit confiftere in imperio ordinante dictos diuinæ voluntatis actus. Relp. negando antecedens, licet enim diuinum imperium non fit caufa aliorum actuum diuinorum, eft tamen ratio illorum, qui ex ipſo lequi intelliguntur. Vnde imperium diuinum eft quædam etiam intimatio, quam Deus ſibi facit, vt applicet ſuam voluntatem, & ea mediante potentiam executiuam ad opus; item eft ratio operis faciendi, habetque efficacitatem, & ſuperioritatem in creaturas, non in ipſum Deum, vt ex dictis liquet.

D V B I U M, V.

An prædeterminatio ſit pars ſubiectiua, an obiectiua diuina providentia.

49 **P**Ro huius dubij intelligentia notandum primò, quod illa dicitur pars ſubiectiua, quæ ſub alio effentialiter continetur, tanquam inferior ſub ſuo ſuperiori, ita quod illud ſuperius habeat rationem totius potentialis, ſeu generis, & iftud habeat rationem partis effentialis, ſeu ſpeciei: vel illud ſit quoddam ſuperius analogum, & iftud ſit ſub illo, contineaturque tanquam ſub ratione analogâ, intrinſeca, & effentiali. Illa autem dicitur pars obiectiua, quæ habet obiectum, ſub obiecto alterius contentum. Intellectus v. g. noſter reſpectu intellectus vt ſic, eſt pars ſubiectiua, quia eſt ſpecies ſub genere. At intellectus noſter practicus, reſpectu intellectus ſpeculatiui, eſt ſolum pars obiectiua, quia licet intellectus præ-

At-

cticus, & speculatiuus non distinguuntur, neque tanquam pars subiectiua à toto potentiali, neque tanquam duæ partes subiectiuae, distinguuntur tamen ratione obiecti materialis, quia obiectum intellectus practici, est pars materialis intellectus. Notandum secundò, quod vt ex modo dictis colligitur, esse partem obiectiuam, nil aliud est, quam habere obiectum solum materialiter distinctum. Vnde idem est inquirere, an prædestinatio sit pars obiectiua diuinæ providentiæ, ac inquirere, an prædestinatio sit idem formalissimè cum diuina providentiæ, & solum distinguatur ex parte nostri modi concipiendi, & inadæquatè, scilicet ratione obiecti materialis, non formalis.

50 Prima sententia est, quod prædestinatio sit pars subiectiua diuinæ providentiæ, seu quod sit species diuinæ providentiæ, quia huius sententiæ defensores putant, quod providentiæ vt sic, sit quoddam genus, quod diuiditur in tres species scilicet in providentiæ naturalem, gratiæ, seu prædestinationis, & vnionis hypostatice. Sic Gonzal. hoc loco, & alij apud Salmant.

51 Nostra sententia seq. concl. explicatur. *Prædestinatio est tantum pars obiectiua diuinæ providentiæ.* Sic D. Tho. art. 1. præsentis q. dicens. *Et sic patet, quod prædestinatio, quantum ad obiecta, est pars providentiæ.* Sanctum Doctorem sequuntur Caiet. Bann. Nazar. & alij, à N. Salm. relati.

52 Ratio fundamentalis est, quia de ratione diuinæ providentiæ est, quod sit vna simplicissima, secundum vltimam quasi speciem, & quod sit singularissima absque distinctione etiam virtuali; ergo prædestinatio non potest esse pars subiectiua illius, ac proinde erit tantum pars obiectiua. Antecedens probatur, quia hoc ipso, quod diuina providentiæ est infinita, intra propriam lineam, debet habere vim ad dirigendam creaturam in suum finem, siue naturalem, siue superexcedentem, & per quævis media siue naturalia, siue superexcedentia; hæc autem non haberet, nisi esset vna simplicissima absque distin-

ctione virtuali, ergo. Ideo namque diuina misericordia est vna simplicissima absque multiplicatione virtuali, quia cum sit infinita in linea miserendi, extendi potest ad subleuandam quæcumque miseriam ad quemcumque ordinem spectet. Er ideo diuinus intellectus non multiplicatur virtualiter, quia cum sit infinitus in linea intelligendi, extenditur ad omne intelligibile; ergo, &c.

53 Respondent aduersarij, quod paternitas v.g. est infinita intra suam lineam, & tamen non ambit omnem relationem, sed est pars subiectiua, & non tantum obiectiua relationis; ergo ex hoc, quod diuina providentiæ est infinita in propria linea, potest admitti plures providentias quasi specie distinctas. Ad hoc enim vt providentiæ naturalis sit infinita, sufficit, quod se extendat ad providendum omnibus entibus naturalibus: ad hoc vt providentiæ ordinis gratiæ sit infinita, sufficit, quod absque aliquo superaddito extendi possit ad providendum omnibus in hoc ordine; ergo, &c. Sed contra, quia respectu ordinis naturæ, gratiæ, & vnionis hypostatice non potest multiplicari providentiæ; ergo debet esse vna simplicissima. Antecedens ostenditur, quia respectu illorum trium ordinum non multiplicantur tres intellectus, naturalis, gratiæ, &c. Nec tres voluntates; nec tres omnipotentia; ergo neque tres providentiæ; item per ordinem ad illos tres ordines non multiplicantur tres repræsentabilitates, sed eadem essentia diuina immultiplicata repræsentat omnia, quæ ad illos tres ordines spectant, ergo. Tum quia ideo prædicta non multiplicantur virtualiter, quia sunt principia vniuersalissima, & respiciunt modo infinita cuncta, vt vniuersaliaissima, & eminentissima ratione; nam intellectus diuinus respicit illos tres ordines sub ratione diuinæ veritatis; & voluntas sub ratione diuinæ bonitatis; & omnipotentia sub ratione factibilis vt sic; sed etiam providentiæ diuina respicit eosdem tres ordines sub vniuersali ratione offensionis diuinæ bonitatis; ergo non plurificabitur. Tum quia non datur triplex virtus religionis ad

recognoscendum Deum secundum illos tres ordines, sed vna tantum, ob vnicam rationem dominij quam in Deo recognoscimus, quæ ratio dominij non solum dicit tanquam fundamentum diuinam omnipotentiam, sed etiam providentiam, seu potestatem ordinandi res in suos fines. Tū etiam quia, non multiplicatur in Deo ratio creatoris, & gubernatoris; ergo neque multiplicabitur ratio prouisoris. Tum denique, quia in nobis multiplicatur prudentia regalis, militaris, politica, & œconomica, quia ordinantur ad diuersos fines adæquatos; sed hoc non contingit in tribus illis prouidentijs, quia habent vnum, eundemque finem adæquatum, scilicet ostensionem diuinæ bonitatis; ergo. Ad illud de relationibus dicitur n. 57.

54 Primum argum. quia prædestinatio aliquid addit supra prouidentiam diuinam, per quod determinetur ad hoc vt sit peculiaris quædam prouidentia; ergo est pars subiectiua illius. Antecedens docet S. Doctor q. 6. de veris. art. 1. & in 1. dist. 40. q. 1. art. 2. & ibid. ad Anibald. art. 1. Consequ. sequitur ex antecedenti. Resp. distinguendo antecedens: aliquid addit formaliter, & adæquatè distinctum, & negatur; aliquid addit inadæquatum, & materialiter tantum distinctum, & conceditur. Vt enim ex dictis constat, prædestinatio cum sit pars obiectiua prouidentie addit super illam suum obiectum materiale, per quod non inducitur formalis, aut virtualis distinctio, sed solum distinctio rationis rationcinantis, & ex parte nostri modi concipiendi tantum.

55 Secundum argum. quia prædestinatio, & prouidentia naturalis Dei conueniunt in ratione prouidentie, quia vtrique ordinat media in finem, & postea distinguuntur per hoc, quod prædestinatio ordinat media supernaturalia in finem supernaturalem, & prouidentia naturalis ordinat media naturalia in finem naturalem, sed hæc non possunt non inducere distinctionem specificam, & rationem, partis subiectiue; ergo. Minor probatur, quia respiciere ordinationem mediorum naturalium in finem naturalem, non po-

test non distingui ex æquo ab hoc, quod est ordinare media supernaturalia in finem supernaturalem. Tum quia ordinatio in finem non sumit speciem à fine ultimo, sed à fine proximo; virtutes namque affectiue per ordinem ad finem proximū specificantur; aliis omnis prouidentia esset hypostatica, quia prouidentia naturalis, & ordinis gratiæ ad hypostaticam ordinantur. Tum etiam quia si non daretur prouidentia ordinis gratiæ, & vnionis hypostaticæ, adhuc daretur prouidentia naturalis, si naturalia fuissent creata, & non vterius ordinata. Tum denique, quia ea quæ sunt diuersi ordinis non possunt non essentialiter in se distingui, ergo cum prouidentia naturalis, & prædestinatio sint diuersi ordinis non poterunt non essentialiter distingui.

56 Resp. transeat maior, quia quæ sunt vnum, idemque non possunt propriè dici conuenire. Deinde negatur minor. Ad 1. probationem dico, quod rationes illæ naturalis, & supernaturalis solum inducunt distinctionem materialem, ratione obiectorum materialium, & inadæquatorum, vt constat ex proximè dictis. Ad 2. probationem dico, quod licet virtutes affectiue particulatæ non specificentur per ordinem ad finem vltimum, sed per ordinem ad proprios fines, tamen virtutes amplissimæ, & generales specificantur per ordinem ad finem vltimum, vt constat in charitate, & sic cum prouidentia sit virtus amplissima, quæ tantum extenditur quantum diuina omnipotentia, & quantum charitas Dei, cum omnibus illis prouideat qui sub illis cadunt, sequitur, quod à fine ultimo, qui est ostensio diuinæ bonitatis specificabitur. Ad 3. probationem, quod si non daretur prouidentia ordinis gratiæ, & vnionis hypostaticæ adhuc dari posset prouidentia naturalis, dico ita esse, at non ob hoc sequitur, quod distinguantur, sed quod tunc non darentur illa obiecta materialia, & inadæquata. Ad vltimam, quod ea quæ sunt diuersi ordinis non possunt nō distingui, dico ita esse, si vt sic considerentur, secus si considerentur in ordine ad aliquam aliam rationem superiorem, vt patet

ret de practico, & Speculatio; quæ in inferioribus distinguuntur, non in scientijs superioribus.

57 Tertium argum. quia ex hoc, quod prædestinatio sit pars subiectiua diuinæ providentiæ nullam inuoluit imperfectiorem; ergo negari non debet. Antecedens probatur, quia ex hoc, quod in diuinis dentur 4. relationes, sub relatione vt sic, nulla est imperfectio; ergo ex hoc quod dentur 3. providentiæ sub providentia vt sic, nulla erit imperfectio. Tum quia prædestinatio hominum, & Angelorum distinguuntur essentialiter; nam nostra prædestinatio est quidam motus à contrario in contrarium, scilicet à statu miseriæ, ad statum gratiæ; at prædestinatio Angelorum est quidam motus à negatione ad habitum. Tum etiam quia prædestinatio Christi non potest non esse diuersa ab alijs prædestinationibus, quia illa est ad esse filium naturalem, & aliæ ad videndam diuinam essentiam. Resp. negando antecedens; maxima namque imperfectio esset, quia diuina providentia non esset vna simplicissima, cum non pertingeret ad omnia suæ lineæ, nisi cum addito essentiali, & virtualiter distincto. Ad 1. probationem de relationibus, dico distinctionem relationum summi tum ab oppositione illarum, tum à diuersitate obiectorum earundem, quæ in nostro casu non currunt. Paternitas namque secundum se tota, & adæquatè est ad filium, &c. Ad 2. probationem, dico falsum esse, quod prædestinationes hominum, & Angelorum distinguantur specie, quia illæ rationes sunt solum materiales, se tenentes ex parte obiecti materialis. Idè dic de prædestinatione Christi D. quod scilicet illa diuersitas solum se teneat ex parte obiecti materialis; obiectum namque formale est idem vbiq; scilicet ostensio diuinæ bonitatis.

58 Quartum argum. quia parti obiectiue alicuius totius debent convenire eedem conditiones, quæ conveniunt alijs partibus eiusdem totius; sed prædestinationi convenire non possunt conditiones aliarum partium diuinæ providentiæ ergo non est pars obiectiua illius. Maior con-

stat, quia cum pars obiectiua tantum, non distinguatur essentialiter ab alijs, necessum est, quod illi conveniant conditiones indispensabiles aliarum partium. Vnde partibus Theologiæ conveniunt conditiones indispensabiles illius, cum omnes procedant ex principijs diuinæ revelationis. Minor probatur, quia aliæ partes diuinæ providentiæ non important certam, & infallibilem consecutionem finis, sicut importat prædestinatio, cum ob id dicat imperium efficax per quod infallibiliter ponuntur media, efficaciter, & infallibiliter inferentia finem. Quod autem aliæ partes providentiæ non important dictam infallibilitatem, constat in providentia naturali, in qua non omnia quæ sub illa cadunt, suū consequuntur finem, aliàs non essent defectus, monstra, &c. Resp. concedendo maiorem si intelligatur de conditionibus indispensabilibus, quæ conveniunt providentiæ, & partibus eius ratione obiecti formalis, secus si intelligatur de conditionibus materialibus, quæ conveniunt huic, aut illi parti ratione obiecti materialis. Ratione namq; obiecti formalis providentiæ, omnes partes obiectiue illius conveniunt, quæ est ostensio diuinæ bonitatis; nam hæc habetur siue finis rei proviisæ habeatur, siue non habeatur, quia ad ostensionem diuinæ bonitatis spectat, quod non semper finis rei proviisæ habeatur, modo habeatur finis provisoris. In prædestinatione autem vterque finis habetur, quia hæc est natura, & conditio ipsius prædestinationis, vt ex dictis constat.

D V B I V M VI.

Explicantur definitiones prædestinationis.

59 **P**rimò definitur prædestinatio à D. Tho. in 1. art. huius q. quod sit *ordinatio mediorum, quibus creatura rationalis transmittitur à Deo in finem vitæ æternæ*. Hæc definitio constat ex dictis; cum enim prædestinatio consistat in imperio diuino, & hoc sit efficax ordinatio mediorum quibus creatura rationalis transmittitur in vitam æternam, sequitur hanc

definitionem esse optimam. Secunda D. Thomæ definitio ex eodem art. desumpta est, quod sit *ratio transmissionis creature rationalis in finem vite æternæ, in mente diuina ab æterno existens*. Hæc etiā definitio constat ex dictis; cum enim imperium, vt ex dictis constat, sit ratio practica rei faciendæ, sequitur, quod in nostro casu prædestinatio erit ratio transmissionis, seu erit imperium, quod est ratio transmissionis creature rationalis in finem vite æternæ, &c.

60 Tertia prædestinationis definitio, quæ communiter circumferretur, est S. P. Augustini *lib. de dono perseverantia cap. 14*. Scilicet *prædestinatio est præscientia, & præparatio beneficiorum Dei, quibus certissime liberantur quicumque liberantur*. Hæc etiā definitio optima est, & indiget magis explicatione, quam probatione. Dicitur *præscientia*, quia imperium diuinum in quo prædestinatio formaliter, & in recto consistit supponit scientiam approbationis, quæ Deus electos per voluntatem suam approbat in ordine ad vitam æternam. Vbi etiam potest, quod nomine scientiæ non intelligatur scientia strictè sumpta, sed generaliter, prout est idem, ac cognitio, seu intellectus, & tunc ly *præscientia* stabit pro ipso actu imperij prout dicit munus cognitionis, secundum quod præcedit se ipsum secundum quod dicit munus directionis, seu præparationis mediorum, seu beneficiorum, &c. Dicitur *præparatio beneficiorum Dei*, non quia sit præparatio prout se tenet ex parte prædestinati, seu passivè, sed prout se tenet ex parte prædestinantis, seu activè, ac proinde prout dicit diuinum imperium, quod est actiua, & efficax beneficiorum Dei præparatio. Itaque, quod si per præscientiam intelligamus scientiam approbationis, ly *præparatio*, dicit imperium, adæquatè, & prout est cognitio, & prout est præparatio, ordinatio, &c. Si vero per præscientiam intelligamus imperium secundum munus cognitionis, ly *præparatio*, dicit imperium secundum aliud munus inadæquatam, quod est præparare, ordinare, dirigere, &c. Dicitur *quibus cer-*

tissime liberantur, &c. vt significetur, efficacia prædestinationis, supra rationem providentiæ generalis.

61 Sed obijcies 1. quia si præscientia importaretur tantum vt connotatum prædestinationis, non poneretur in Augustiniana definitione in recto, sed in obliquo; connotata namque in recto non importantur; ergo vel præscientia non est connotatum prædestinationis, vel directè pertinet ad essentiam prædestinationis. Resp. quod præscientia reuera est connotatum, seu importatur tanquam connotatum prædestinationis, licet importetur in recto, quod ideo fit vt detur intelligi, quod prædestinatio identificatur cum scientia approbationis; vel cum imperio secundum quod præscientia accipitur pro cognitione, modo explicato.

62 Obijcies 2. quia non videtur verum, quod præscientia sit connotatum præuium, seu præsuppositum, nam scientia approbationis identificatur cum scientia, seu potentia executiva, sed hæc est posterior prædestinatione; ergo & illa. Resp. quod licet scientia approbationis sit posterior prædestinatione secundum munus exequendi, est tamen prior secundum munus approbandi, quod à voluntate electum est.

63 Obijcies 3. quia scientia approbationis non cognoscit res, nisi in sua causa, sed imperium est causa efficax prædestinationis electorum; ergo in dicto dumtaxat imperio electi cognosci possunt, ac proinde scientia approbationis est post prædestinationem. Resp. quod scientia approbationis non cognoscit prædestinatos secundum suam adæquatam futuritionem nisi in imperio, ac proinde hoc modo est post imperium; verum secundum illorum futuritionem inadæquatam, & inchoatam quam habent ex vi electionis, illos cognoscit ante imperium. Alia argum. leuia omitto.

D V B I V M VII.

An prædestinatio sit in prædestinante, an in prædestinato.

64 **C**ommunis Theologorum sententia duabus explicatur conclus. Prima concl. *Prædestinatio secundum se, seu secundum suum præcisum significatum nihil ponit in prædestinato, sed tantum in prædestinante.* Constat ex definitione prædestinationis; quod sit præscientia, &c. sed præscientia, non est in præscitis, sed in præsciente; ergo prædestinatio non est in prædestinatis, sed in prædestinante. Tum quia ad rationem cognitionis, ut talis, & secundum quod non est actualis executio rei cognitæ, petitur, quod tam activè, quam passivè maneat in eliciente illam, licet possit extrinsecè denominare externam materiam; sed prædestinatio, ut hoc nomine significatur, significat actum divinæ cognitionis quatenus talis, quatenus non dicit esse actualem executionem; ergo secundum hanc rationem est in solo prædestinante.

65 Occurres, quod licet prædestinatio dicat actum divinæ cognitionis, ac proinde secundum hanc rationem sit immanens, tamen est virtualiter transiens, quatenus causat in prædestinatis suos effectus; ergo saltem passivè prædestinatio est in prædestinatis. Sed contra, quia prædestinatio sub nomine prædestinationis, non est virtualiter transiens, ergo, &c. Pro quo notandum est, quod prædestinario quatuor munera inadæquata potest exercere, seu in prædestinatione quatuor munia concipi possunt. Primò, quod sit actus peculiaris contrahens divinam cognitionem, ut est actus formaliter immanens in Deo. Secundò, quatenus contrahit divinam cognitionem, ut est virtualiter transiens ad creaturas, causando in illis aliquos effectus, aut dirigendo eas, non quidem ut sint actu extra causas, sed ut præcisè habent esse futurum. Tertiò quatenus in exercitio ponuntur ad extra, secundum proprium esse. Quartò, prout

prædestinatio identificatur cum potentia executiva. His positis, constat, quod prædestinatio secundum primum munus, est solum in prædestinante, quia cognitio qua talis, præscindit ab hoc, quod sit virtualiter transiens. Etiam constat, quod secundum aliud munus, est tantum in prædestinante, quia licet secundum hoc munus sit virtualiter transiens, & tribuat extrinsecam denominationem futuri, tamen secundum hanc rationem nihil ponit in prædestinatis, quia futuritio est solum extrinsecæ denominationis desumpta ab actu in Deo existente, & nihil est in re futura, aliàs creari nequiret, cum aliquid sui supponeretur. Quod si prædestinatio sumatur secundum duo posteriora munera, prout scilicet creaturæ ad extra, & in actu secundo ponuntur, ponit quidem aliquid in creaturis, sed tunc prædestinatio non est sub nomine prædestinationis, sed potentia executiva.

66 Tum quia ideo prædestinatio tribuit ab æterno denominationem intrinsecam prædestinantis, & creaturæ denominationem extrinsecam prædestinationi, quia secundum se sumpta tantum denotat illa munera, quæ non inferunt actualem, & temporalem mutationem in creatura, sed ad summum futuram; ergo prædestinatio sub conceptu prædestinationis nihil punit in prædestinatis. Tum etiam quia denominatio prædestinati non convenit prædestinato secundum esse, quod habet in se; sed secundum esse, quod habet in prædestinante, sicut denominatio sciti non convenit scito secundum esse, quod habet in scito, sed secundum esse, quod habet in sciente; aliàs neutrum conveniret Deo ab æterno.

67 Probatur deinde conclusio ratione Divi Thomæ in art. 2. huius q. 23. quia prædestinatio est pars providentiæ, sed providentia non est in rebus provisis, sed in providente; ergo & prædestinatio erit in prædestinante. Confirmatur, quia prædestinatio sub nomine prædestinationis, non est efficax per modum causæ physicae, sed per modum causæ moralis, seu directivæ, & ordinativæ; sed causa moralis præ-

374. Disputatio XXIII. Dubium VIII.

præcisè nihil ponit in effectu; ergo. Maior probatur, nam prædestinatio cum formalissimè, & in recto consistat in imperio, quod præcedit executionem, non potest habere efficaciam physicam, sed moralem dumtaxat, quod enim executionem præcedit, physicè non causat. Vnde licet prædestinatio ut distincta ab executione causet rerum futuritionem, non tamen aliquid ponit in prædestinatis, ut ex dictis liquet.

68 Secunda concl. *Executio prædestinationis actiue accepta est tantum in Deo, passiuè est intrinsecè in creaturis.* Hæc concl. nota est. Quod prædestinationis executio actiue accepta sit solum in Deo, patet, quia executio prædestinationis actiua, est ipsa met potentia executiua, quæ cum sit ipsa scientia Dei approbationis, in solo Deo esse potest, cum sit actus Dei immanens. Quod autem executio prædestinationis passiuè sit in prædestinatis; constat, quia executio prædestinationis passiuè sunt ipsi met effectus prædestinationis, qui non nisi in prædestinatis recipiuntur.

69 Primum argum. quoniam in definitione prædestinationis ponitur aliquid temporale, scilicet gratia, & beneficia, quibus certissimè liberantur, quicumque libetantur; ergo prædestinatio non solum quoad executionem passiuam est in prædestinatis, verum etiam formaliter, alias non inuolueret aliquid temporale. Resp. distinguendo antecedens, ponitur aliquid temporale tanquam aliquid pertinens ad essentiam prædestinationis, & negatur tanquam effectus futurus illius, & conceditur; licet enim futuritio effectus pertineat ad prædestinationem, non tamen ex vi illius ponitur aliquid in prædestinatis, ut ex dictis liquet.

70 Secundum argum. quia si ob aliquam rationem prædestinatio nihil esset in prædestinato maximè ob rationem D. Thomæ, quia prædestinatio est præparatio agentis; sed hæc ratio est nulla; ergo. Minor probatur, quia præparatio agentis, non est in agente, sed in materia quam agens præparat; ergo. Resp. quod præparatio agentis intellectualis est in ipso

agente, secus est præparatio agentis materialis. Quod autem præparatio agentis intellectualis sit in ipso agente, constat, quia illa præparatio est ipsa ratio rei sciendæ quæ est in mente agentis.

71 Tertium argum. quia ex vi prædestinationis causantur in prædestinatis in tempore plures effectus; ergo ratione illorum est in prædestinatis. Resp. quod dicti effectus causantur in tempore à prædestinatione prout sibi identificat potentiam executiuam, non ab ipsa prædestinatione sub nomine prædestinationis, ut ex dictis liquet. Alia leuia argumenta omitto.

D V B I V M VIII.

An glorificatio, seu visio beatifica sit effectus prædestinationis.

72 **A**D hoc ut aliquid sit effectus prædestinationis, tria requiruntur. Primum est, quod sit bonum; cum enim effectus prædestinationis debeat esse à Deo dirigente, imperante, & distante, & malum nequeat esse à Deo, sequitur, quod solum bonum debet esse effectus prædestinationis. Secundum, quod aliquo modo de facto conducatur ad beatitudinem. Tertium, quod oriatur ex efficaci voluntate, & intentione Dei tribuendi beatitudinem. Ex defectu huius conditionis Incarnatio Verbi, & operatione scius non sunt effectus nostræ prædestinationis, quia licet sint à Deo, & de facto, & cum effectu conducant ad beatitudinem, nihilominus non fuerunt ex efficaci intentione nostræ beatitudinis, quin potius hæc intentio, & tota nostra prædestinatio ex parte obiecti considerata, est effectus Incarnationis, & meritorum Christi D. vnde Incarnatio prius fuit volita ut finis nostræ prædestinationis.

73 Sed dices 1. quia in hac tertiarum conditione includuntur duæ priores: eò namque ipso, quod aliquid datur à Deo hac intentione tribuendi beatitudinem, debet esse bonum, & debet cum effectu conducere ad beatitudinem; ergo frustra asseri-

assignantur illæ tres conditiones ad hoc, quod aliquid sit effectus nostræ prædestinationis. Resp. concedendo antecedens; ponuntur enim illæ tres conditiones per extensum, maioris claritatis gratia.

74 Dices 2. quia meritum ordinatur ad præmium tanquam medium ad finem; sed operationes Christi D. sunt meritorie nostræ beatitudinis, & prædestinationis, ergo habebunt rationem medij in ordine ad illam, ac proinde erunt volitæ ex intentione efficaci eiusdem beatitudinis. Resp. quod non omne meritum ordinatur ad finem tanquam medium, sed illud dumtaxat, quod est inferius fine, non quod est excellentius; merita autem Christi D. longè sunt excellentiora nostra beatitudine; vel dic quod merita Christi ordinantur ad nostram beatitudinem tanquam ad finem effectum, non tanquam ad finem cuius gratia; vel ordinantur ad illam tanquam ad finem cui, non cuius gratia.

75 Dices 3. quia illæ tres conditiones sunt insufficientes, deest namque alia, quod prædestinatio sit effectus meritorum Christi. Resp. hanc conditionem quidem de facto requiri, non tamen ex natura rei; illæ autem tres conditiones positæ sunt tanquam ex rei natura requisitæ.

76 His positis, prima sententia est, quod beatitudo non sit effectus nostræ prædestinationis, sed finis. Sic Durandus in 1. dist. 41. q. 2. n. 11. & alij. Nostra sententia sequenti concl. explicatur. *Beatitudo seu glorificatio electorum, est effectus prædestinationis eorum.* Constat ex illo Apostoli Rom. 8. *Quos prædestinavit hos & vocavit, quos vocavit, hos & iustificavit, quos autem iustificavit, illos & glorificavit.* Vbi glorificatio ab Apostolo inter effectus prædestinationis reponitur. Pro hac concl. referunt Salmant. alia Sacre scripturæ testimonia, sanctorumque Patrum, præsertim Sancti Thomæ. Unde eam docent Theologi communiter.

77 Ratio fundamentalis est, quia prædestinatio est causa efficax mediorum, quibus vita æterna consequitur; ergo etiā est causa efficax finis, scilicet ipsius vitæ

æternæ; Antecedens constat. Consequ. probatur, quia quod est causa efficax mediorum inferentium finem, est etiam causa finis; sed prædestinatio est causa efficax mediorum quibus consequitur beatitudo, ergo etiam erit causa efficax eiusdem beatitudinis. Sicut enim ars medicinæ dicitur causa efficax sanitatis, in quantum est causa efficax mediorum quibus consequitur; ita &c.

78 Primum argum. quia prædestinatio versatur circa media, non circa finem, ergo sola media non finis sunt effectus prædestinationis. Antecedens probatur, quia prædestinatio ob id definitur per hoc, quod sit præparatio mediorum conducentium ad beatitudinem. Tum quia prædestinatio est pars providentiæ, providentia autem non est de fine. Resp. quod prædestinatio versatur immediatè circa media, & mediatè circa finem; eo namque ipso, quod est causa efficax mediorum, est etiam causa efficax finis ab illis producti. Ad illud de providentia dico, quod providentia supponit finem in intentione, & illum per media causat in executione.

79 Secundum argum. Nam prædestinatio supponit voluntatem efficacem dandi gloriam, cum supponat dilectionem, & electionem efficacem electorum; ergo beatitudo supponitur futura antecedenter ad prædestinationem, ac proinde non erit effectus illius. Resp. concedendo antecedens, & distinguendo consequens, supponitur futura initiatiuè, seu inchoatiuè, & inadæquatè, & conceditur: adæquatè, & negatur; seu supponitur in intentione, & causatur in executione.

80 Tertium argum. Deus ut vnitus in ratione speciei intelligibilis, nequit esse effectus prædestinatus; ergo neque ipsa beatitudo. Consequ. patet, quia beatitudo necessariò includit hanc vnionem. Antecedens constat, quia diuina essentia ut vnita in ratione speciei intelligibilis non potest ordinari ad aliquem finem, sicut nec ipsa deitas. Resp. concedendo antecedens prout diuina essentia se tenet ex parte Dei, secus ut se tenet ex parte intellectus, seu secundum quod in obliquo.

quo affert intellectum, seu ratione ipsius intellectus, aut intellectionis, seu visionis; ipsa namque visio, quæ est beatitudo formalis, est effectus prædestinationis.

DUBIUM IX.

An omnis iustificatio electorum sit effectus prædestinationis eorum.

81 **D**ubium maximè procedit de iustificatione interrupta; nam de iustificatione non interrupta nulla potest esse difficultas, ob illud Apost. *Quos prædestinavit, &c. hos & iustificavit*. Prima sententia tenet, quod iustificationes interruptæ non sint effectus prædestinationis electorum, sic Vasquez *hoc loco disp. 93. & alij.*

82 Nostra sententia sequenti concl. explicatur. *Gratia sanctificans electorum interrupta, est effectus prædestinationis ipsorum, ac proinde omnis iustificatio est effectus prædestinationis.* Colligitur hæc conclus. ex illo Apost. *Quos prædestinavit, hos & vocavit, & quos vocavit, hos & iustificavit*. Cum enim Apostolus loquatur de iustificatione absolute, non debet restringi ad solam non interruptam, ut bene explicat Sanctus Doctor ibid. lect. 6. & tradunt eius Discipuli hoc loco, quos referuntur N. Salm. hic.

83 Probat. 1. quia gratiæ interruptæ conveniunt omnes conditiones requisitæ ad hoc ut aliquid dicatur effectus prædestinationis; ergo non est cur excludatur. Antecedens probatur; nam in primis gratia concessa, licet postea interrupta, est secundum se bona, cum à Deo concedatur. Quod autem cum effectu conducat ad vitam æternam probatur, quia gratia primò concessa dedit ius ad gloriam, & tale ius non amittitur per peccatum, sed semper manet in diuina acceptione, quamvis per peccatum sit impeditum, ne actu, & cum effectu ex vi illius acquiratur beatitudo. Vnde cū tollitur peccatum, illud ius quasi explicatur, hæc enim ablatio habet tantum rationem remouentis prohibens, ac proinde de facto

habet suum effectum ergo &c. Tum quia quantitas gloriæ, & incrementum illius, non solum datur iuxta quantitatem, & incrementum reparationis, sed etiam iuxta quantitatem gratiæ primò concessæ, ut ostendo in tract. de merito. Quod etiam dicta gratia detur à Deo ex efficaci intentione dandi gloriam dictis prædestinatis, constat ex dictis; quia omne bonum, quod de facto conducit ad æternam beatitudinem, provenit ex efficaci intentione dandi illam, non enim casu Deus dictam gratiam confert.

84 Probat. 2. quia gratia Adamo in statu innocentie collata, & per peccatum interrupta, non fuit, ut primò concessa, effectus prædestinationis ipsius, quia licet fuerit à Deo, non conduxit cum effectu ipsum Adamum ad æternam beatitudinem, neque ortum habuit ex efficaci voluntate tribuendi illi beatitudinem; sed gratia aliorum electorum etiam interrupta conducit cum effectu ad beatitudinem, & hac intentione à Deo datur; ergo erit effectus prædestinationis eorum; Quod autem gratia pro statu innocentie collata Adamo, non fuerit data ut cum effectu conduceret Adamum ad beatitudinem, licet tribueret ius ad illam, sicut hoc præstat gratia electis concessa, patet, quia & Adami prædestinatio, & illius gratiæ reparatio, & gloriæ consecutio, sunt ex meritis Christi. Tum quia probabile est, quod gratia Adamo concessa in statu innocentie, non fuerit postea reparata, nec adhuc fuerunt Christi D. merita applicata. Est etiam probabile, quod gratia Adamo collata in statu innocentie ortum habuerit ex efficaci intentione dandi illi gloriam, quia Deus taliter habuit voluntatem permittendi eius interruptionem per peccatum, ut simul haberet voluntatem reparandi illam, ac proinde ea gratia fuit hoc modo effectus prædestinationis Adami, & fuit ex meritis Christi, ut sic reparata, & ad ipsius gloriam ordinata.

85 Occurrit Vasquez quod licet gratia interrupta, sit à Deo data intentione conferendi gloriam, non tamen potest esse

esse effectus prædestinationis, quia non coniungitur cum alijs effectibus, & cum fine, cum interrompatur; ergo, &c. Sed contra, quia non stat, quod gratia sit à Deo data intentione efficaci conferendi gloriam; & quod hoc non habeat ob interruptionem, seu discontinuationem ab alijs medijs, & à fine; aliàs illa Dei voluntas esset, & non esset efficax. Tum quia licet illa gratia in se discontinuetur, continuatur tamen in diuina voluntate, in cuius acceptione manet; hoc enim ipso, quod prædicta gratia procedit ex voluntate efficaci dandi gloriam, non potest non vna cum alijs medijs in illa voluntate coniungi. Tum etiam quia, ut infra dicemus, ipsæ peccatorum permissiones sunt effectus prædestinationis electorum; ergo à fortiori ipsa gratia tametsi interrupta.

86 Primum argum. quia gratia per peccatum interrupta non conducit cum effectu ad gloriam; ergo non potest esse effectus prædestinationis. Antecedens constat, quia gratia interrupta non redit per poenitentiam, eadem numero, sed solum in specie; ergo illa eadem non conducit cum effectu ad gloriam. Resp. quod ad hoc ut gratia sit effectus prædestinationis, non est necesse, quod perseueret eadem numero, sed sufficit quod perseueret in suo effectu, vel inæquivalente, vel in eodem iure in diuina acceptione.

87 Secundum argum. Productio gratiæ sanctificantis, & restitutio illius sunt à Deo volitæ diuersis actibus; ergo ex vi illius actus quo prima productio volitæ est, non potest cum effectu conducere ad finem vitæ æternæ. Resp. negando antecedens, cum enim gratia illa primò data fuerit ex voluntate conducendi prædestinationem in vitam æternam, oportet, quod simul processerit ex voluntate dandi, & reparandi illam.

88 Tertium argum. quia gratia electorum interrupta, est ipsis communis, & reprobis tam secundum se, quam quoad voluntatem ex qua proficitur; ergo non est effectus prædestinationis. Resp. negando antecedens, illa namque gratia in electis habet effectus peculiare, quos non

habet in reprobis; illos enim cum effectu conducit ad vitam æternam, non istos.

DV B I V M X.

An omnes electorum vocationes sint effectus prædestinationis illorum.

89 **P**RO huius dubij intelligentia notandum 1. quod vocatio ordinis supernaturalis de qua est hic sermo, est duplex. Vna externa, quæ fit ore prædicantis, &c. Alia interna, estque quidam mentis instinctus, quo mouetur cor hominis, aut excitatur à Deo ad assentiendum v.g. ijs, quæ sunt fidei, virtutis, &c. Deinde vtraque hæc vocatio potest esse duplex, scilicet efficax, & inefficax. Efficax est illa cui homo correspondet, ponendo actum ad quem vocatur, seu excitatur. Inefficax est illa cui homo non consentit, non eliciendo actum ad quem vocatur, seu excitatur.

90 Notandum 2. quod in omnium sententia, vocatio efficax non interrupta, siue sit interna, siue externa, est effectus prædestinationis; tum quia hæc vocatio est propria electorum; tum etiam quia saltem de hac intelligi debet Apostolus Rom. 8. *Quos prædestinauit, hos & vocauit.* Constat etiam ex dictis dub. præcedenti, quod vocatio efficax interrupta, est effectus prædestinationis electorum. Vnde tota huius dubij difficultas ad hoc reuocatur, an vocationes efficaces, siue interruptæ, siue non, sint effectus electorum.

91 Prima sententia tenet, quod illæ vocationes inefficaces, non sunt effectus prædestinationis, sed solæ efficaces. Sic Vasquez, Valentia, & alij relati à N. Salmant. hoc loco. Nostra sententia seq. conclus. explicatur. *Vocationes inefficaces electorum, sunt effectus prædestinationis illorum.* Pro hac conclusione citant d. Salmant. D. Thomam, eiusque discipulos, Caiet. Rip. Bannem, Nazari. &c.

92 Ratio fundamentalis est, quia inter alia, quæ habent rationem executionis passivæ, seu quæ habent rationem executionis prædestinationis passivæ sumptæ,

B b b

est

est vocatio Dei inefficax; ergo est effectus prædestinationis. Antecedens probatur, quia Deus medijs dictis vocationibus, vt quid pertinens ad ordinem gratiæ redemptiue exequitur vltimum prædestinationis effectum; cum enim vocationes istæ pertineant ad ordinem gratiæ redemptiue sunt capaces cadendi sub prædestinatione. Tum quia sunt causa motiua, vel occasio efficaciter, & cum effectu excitandi prædestinatum ad maiorem poenitentiam, gratiarum actionem, &c. Licet enim istæ vocationes sint inefficaces quoad actum principalem pro quo datur, tamen se ipsa excitant, vocant, mouent; & postea ad memoriam redactæ excitant ad confusionem, poenitentiam, humilitatem, illum qui eas recepit, & non consensit, restitit, reiecit, &c. Tum etiam quia potuerunt sic à Deo dari, vt medijs tot effectibus productis conducant ad vitam æternam. Tum denique, quia cum emolliant cor prædestinati, & paulatim disponant vt facilius cum gratia efficaci conuertatur, non possunt non habere aliquem influxum ad vitam æternam.

93 Sed contra hanc rationem obijciens 1. quia vocationes inefficaces non excitant ad humilitatem, ad poenitentiam, &c. ex vi sua, aliàs efficaces essent, sed in virtute, seu ex vi efficacium. Tum quia ad memoriam redactæ dictæ vocationes inefficaces, non excitant ad poenitentiam, nisi vt subsunt vocationi efficaci, quæ à Deo tribuitur in ordine ad illam; hoc autem modo non habent rationem vocationum inefficacium, sed efficacium. Tum etiam quia dictæ vocationes inefficaces quatenus emolliunt cor, & illud disponunt ad faciliorem conuersionem, mediante vocatione efficaci, non sunt inefficaces, sed efficaces, cum sortiantur efficaciter effectum emolliendi cor. Resp. distinguendo antecedens, non excitant ex vi sua si cum præcisione sumantur, seu si sumantur secundum se tantum, & conceditur; si sumantur vt subordinatæ efficaci, & negatur; hoc enim modo dictæ vocationes inefficaces, suum sortiantur effectum. Per quæ patet ad 1. probationem. Ad secundam

patet ex dictis, quod dictæ vocationes inefficaces habeant efficaciam in ordine ad excitationem, &c. licet non in ordine ad actum principalem ad quem dantur.

94 Obijciens 2. quia contingere potest, quod prædestinatus nunquam ad memoriam reducat, quod dictis vocationibus inefficacibus resisterit; vel si hoc ad memoriam reducat, quod non exciteretur ad poenitentiam, vel ad aliquem actum bonum. Item contingere potest, quod aliqua vocatio inefficax ita leuiter tangat cor prædestinati, vt non emolliatur, maximè quando prædestinatus esset valde auersus ab obiecto illo ad quod dicta vocatio inefficax excitat, seu inclinatur. Item contingere potest, quod aliqua vocatio inefficax detur prædestinato in ordine ad aliquem actum eliciendum, respectu cuius illa vice dumtaxat per totum vitam decursum à Deo inuitetur; tunc enim cum illa vocatio non reperatur, non emolliet cor paulatim, nec illud paulatim disponet, &c. Resp. quod licet contingere possit, quod vocationes inefficaces in sensu diuino non conducant cum effectu ad vitam æternam, non tamen in sensu composito, cum istæ vocationes, & omne beneficium Dei collatum prædestinatis, illis detur ex complacentia, & intuitu eterne vitæ iuxta illud Apost. Rom. 8. *Diligentibus Deum omnia cooperantur in bonum, ijs qui secundum propositum vocati sunt Sancti.* Vnde saltem ex parte prædestinantis, dictæ vocationes coniunguntur tum cum alijs medijs, tum cum ipso fine. Deinde non est necesse ad hoc vt d. vocationes emolliant cor, quod distinctè ad memoriam reuocentur; nec quod sensibilibiter excirent ad poenitentiam, sed sufficit, quod hoc præstent. Nec dabitur aliqua vocatio inefficax, quæ ita leuiter tangat cor, quod aliquem effectum non præstet. Quod si contingat casus, quod solum semel in vita, aliqua vocatio inefficax detur, etiam suum habebit effectum emolliendo cor; ad hoc enim vt cor paulatim emolliatur, non est necessaria vocationum inefficacium repetitio; sed vna sufficit, formaliter, aut virtualiter perseverans.

95 Obij-

95 Obijcies 3. quia si vocationes inefficaces essent effectus prædestinationis, quia ad memoriam reuocare excitant ad poenitentiam, sequeretur, quod etiam vocationes inefficaces collatae Adamo in statu innocentie fuissent effectus suæ prædestinationis; sed hoc nemo dicit; ergo. Sequela probatur, quia Adam potuit dictas vocationes post lapsum ad memoriam reuocare, & excitari ad dolorem, ad poenitentiam, &c. Resp. negando sequelam; solæ namque vocationes ex Christi D. meritis concessæ sunt effectus prædestinationis. Quod autem Adam potuerit excitari ad poenitentiam ex memoria illarum vocationum, quibus in statu innocentie non consensit, parum refert, quia ista excitatio fuit effectus prædestinationis ipsius, quia fuit ex meritis Christi, non tamen illa vocatio inefficax.

96 Primum argum. desumitur ex auctoritate S. P. August. de prædest. Sanct. cap. 16. ubi dicit. *Vocat Deus prædestinatos multos filios suos, ut eos faciat membra prædestinati: nisi filij, sed non ea vocatione, qua vocati sunt, qui noluerunt venire ad nuptias.* Resp. Sanctissimum, & doctissimum Patrem nil aliud velle in hoc, & similibus testimonijs, nisi, quod electi non tantum vocationibus inefficacibus fuerint vocati, ut sunt reprobi, sed efficacibus; si enim prædestinati solis vocationibus inefficacibus vocarentur, non discernerentur à reprobis.

97 Secundum argum. quia ad hoc ut aliquid sit effectus prædestinationis, requiritur ut ex intentione gloriæ præparetur; sed vocationes inefficaces non præparantur ex intentione gloriæ; ergo. Minor probatur, quia nemo prudens præparat media inefficacia ex intentione efficaci finis; ubi enim finis efficaciter intenditur, media efficacia præparantur. Resp. negando minorem. Ad probationem, dico, quod ex intentione efficaci finis possunt præparari & media efficacia absolute ad actum scilicet principalem, & media efficacia solum ad aliquem actum immediatum, ut in nostro casu contingit in vocationibus inefficacibus, quæ licet non inferant actum

principalem in ordine ad quem dantur, inferunt tamen aliquem alium actum, & vel aliquam excitationem, poenitentiam, &c. Vnde licet vocationes inefficaces tribuantur tam electis, quam reprobis, tamen in electis habent aliquem effectum quem non habent in reprobis.

98 Tertium argum. quia aliàs rueret tota essentia prædestinationis, quæ in hoc sita est, quod sit efficax præparatio beneficiorum, quibus certissime liberantur quicumque liberantur; vocationes namque inefficaces non sunt beneficia quibus certissime liberantur quicumque, cum repellantur. Resp. negando sequelam, licet enim vocationes inefficaces repellantur, tamen inferunt aliquos effectus quibus prædestinatus certissime liberatur. Tum quia illa prædestinationis definitio per media propria, & efficacia, & per se, datur; non per media quæ ex intentione dantis sunt effectus eiusdem prædestinationis.

99 Quartum argum. quia in prædestinatis alij debent esse effectus voluntatis antecedentis, quia Deus vult omnes homines saluos fieri; in virtute namque huius voluntatis datur gratia sufficiens. Alij debent esse effectus gratiæ efficaciæ; at si vocationes inefficaces essent effectus prædestinationis, essent effectus voluntatis consequentis, seu efficaciæ; ergo. Resp. quod in prædestinatis omnes effectus oriuntur ex providentia speciali illorum, seu ex voluntate efficaci; non ex providentia generali. Vnde vocationes inefficaces reproborum oriuntur ex providentia generali seu ex illa voluntate antecedenti. At vocationes inefficaces electorum, seu prædestinatorum, oriuntur ex voluntate efficaci, seu ex providentia speciali erga eosdem prædestinatos, siue immediate causentur ab eadem providentia speciali; siue causentur à providentia generali, sed ex imperio, seu motione providentiæ specialis.

D V B I V M XI.

An actus supernaturales electorum sint effectus prædestinationis eorum, prout ab eorum libero arbitrio procedunt.

100 **N**egat Molina hoc loco art. 5. disp. 1. membro 10. quia cum liberum arbitrium concurrat simultaneè ad actus supernaturales, sequitur, quod licet actus supernaturalis prout à gratia sit effectus prædestinationis, non tamen prout est partialiter à libero arbitrio, cum hoc modo sit putè naturalis. Nostri sententia seq. concl. explicatur. *Actus supernaturales electorum prout procedunt à libero arbitrio, sunt effectus prædestinationis eorum.* Sic tradunt S. Aug. Chrysost. Bernard. & alij apud N. Salmant. hoc loco. Et Sanctus Thomas art. 5. huius q. & q. 6. de verit. art. 2. ad 11. quem sequuntur eius discipuli, Caiet. Bann. Ripa, Nazar. Gonzal. & alij hoc loco.

101 Probat 1. quia liberum arbitrium creatum, ut disp. 12. ostensum est, non habet virtutem agendi proximam in ordine ad actus supernaturales, sed tantum remotam, & radicalem, ac proinde tota virtus agendi proxima est à gratia; ergo actus supernaturales prout sunt à libero arbitrio sunt effectus prædestinationis. Antecedens constat ex dictis loco citato. Conseq. ostenditur; quia si totus actus proximè est à gratia; ergo totus est effectus prædestinationis, cum id totum sit effectus prædestinationis, quod à gratia procedit. Tum quia id totum est effectus prædestinationis, quod habet rationem medij efficacis ad consecutionem finis illius, sed actus supernaturales prout sunt à prædestinatis sunt huiusmodi; ergo. Tum etiam quia hoc ipso, quod Deus per prædestinationem vult dare gratiam efficacem adultis in ordine ad actus supernaturales, debet etiam velle, quod ea rectè vtenitur; imò debet ea gratiæ collatio ad hoc ordinari, ut actus supernaturales eliciantur; ergo bonus vsus liberi arbitrij,

quo utitur dicta gratia erit effectus prædestinationis; aliàs Deus non vellet, quod adulti prædestinati elicerent actus supernaturales; non enim possunt illos elicere, nisi bene utendo gratia efficaci.

102 Probat 2. quia proprius gratiæ efficacis effectus est facere efficaciter ut arbitrium creatum rectè illa utatur; iuxta illud Ezechielis 36. *Faciam ut in præceptis meis ambuletis, & operemini.* Et iuxta illud D. Aug. de gratia, & lib. arbitrii cap. 15. *Certum est nos velle cum volumus; sed ille facit ut velimus. Certum est nos facere cum facimus; sed ille facit ut faciamus, præbendo vires efficacissimas voluntati.* Ergo hoc ipso, quod Deus tribuit gratiam adultis prædestinatis in ordine ad actus supernaturales, debet etiam velle, quod liberum arbitrium ea utatur rectè; aliàs non faceret, ut facerent, & operarentur prædestinati.

103 Probat 3. Deus per prædestinationem, & mediante diuina gratia, est causa perfectissima, & vniuersalissima, actuum supernaturalium prædestinatorum, quibus efficaciter consequuntur vitam æternam; ergo erit causa eorumdem prout à libero arbitrio. Antecedens constat, quia sicut Deus semper insinit per modum entis perfectissimi, & perfectissimè in actu constituit; ita semper insinit per modum causæ perfectissimæ; Deus autem ut prædestinans sicut est vniuersalissimum ens, ita est vniuersalissima, & efficacissima causa. Conseq. probatur, quia causa, quæ non causet effectum quoad omnem rationem, quæ in eo est, non concurret per modum causæ perfectissimæ, & vniuersalissimæ. Tum quia Deus ut prædestinans non operaretur per modum primi, & vniuersalissimi prouisoris, primæque causæ, de cuius ratione est, ut quicquid procedit à causis secundis, procedat, & causetur ab illa.

104 Occurrit Molina, quod licet Deus sit causa summæ, & infinite perfectæ, ac vniuersalissima in causando, nihilominus ex abundantia suæ bonitatis se accommodauit causis secundis, præsertim liberis, partialiter cum illis influendo, itaut

ita ut etiam libero arbitrio locus detur. Sed contra, quia non potest Deus se accommodare cum secundis causis ea accommodatione quæ sibi dedecet, rationemque primæ causæ, vniuersalissimi prouisoris, primi, & vniuersalissimi entis auferat; sed taliter se accommodare, quod causa secunda concurrat simultaneè ad operationes supernaturales, & immediatè, tollit à Deo rationem primæ causæ, vniuersalissimi prouisoris, primi, & vniuersalissimi entis; ergo nequit eo modo Deus cum causis secundis se accommodare. Maior nota est. Minor probatur, quia hoc ipso, quod actus ille supernaturalis prout est à libero arbitrio non est à Deo immediatè, iam hæc formalitas essendi à libero arbitrio vt talis, non refunditur in Deum, vt in causam immediatè causantem illam, sed solum remotè, quatenus dedit liberum arbitrium, ac proinde non concurrerit per modum vniuersalissimæ causæ, per modum vniuersalissimi prouisoris, & vniuersalissimi entis.

105 Confirmatur 1. nam vel actus supernaturales prout à libero arbitrio creati, sunt effectus immediatè causati à diuina providentia, vel non? Si primum habemus intentum, ac proinde erunt à diuina prædestinatione, eruntque effectus illius. Si secundum dicatur, ergo diuina providentia, non est prouidentia primi, & vniuersalissimi prouisoris, de cuius ratione est, vt quicquid est extra Deum, cadat immediatè sub illa, sicut cadere debet sub diuina omnipotentia.

106 Confirmatur 2. quia si Deus ita posset se accommodare cum libero arbitrio, vt eius concursus non esset immediatè ab ipso, ac subinde nec à prouidentia illius, seu prædestinatione, sequeretur, quod Deus non solum influeret partialiter partialitate causæ, verum etiam partialitate effectus, ita quod pars effectus esset assignanda Deo, & alia pars arbitrio creato; sed hoc est falsum; ergo & id vnde sequitur. Maior patet, vbi enim causæ sunt partiales, & influxus partialis, & proprius, etiam effectus debet esse partialis, ita ut pars parti assignetur; vnde in actu

supernaturali dabitur portio correspondens gratiæ, & portio correspondens libero arbitrio; gratiæ correspondebit supernaturalitas, & arbitrio naturalitas, quæ in tali actu per Molinam reperitur. Minor probatur, quia arbitrium creatum, obtineret primatum aliquod, & multum haberet in bonis operibus vnde gloriaretur, quæ omnia videntur falsa. Soluuntur argumenta in contrarium.

107 Primum argum. quia libertas in actu supernaturali secundum quam est eapax laudis, honoris, & virtutis, non potest oriri à gratia, sed à libero arbitrio, ergo vt sic non est effectus gratiæ, ac proinde nec prædestinationis. Antecedens probatur, quia gratia non habet rationem potentæ liberæ, & indifferentis ad verumlibet, cum sit determinatio ad influendum in actum bonum, vt non possit in oppositum. Resp. quod libertas actus supernaturalis proximè oritur à gratia, radicaliter à libero arbitrio; ad probationem dico, gratiam esse liberam vt quo, & licet determinet voluntatem tollendo indifferentiam suspensionis, non tamen tollit, sed ponit indifferentiam libertatis; taliter inclinando ad vnam partem, vt relinquat potentiam ad aliam.

108 Secundum argum. quia actus supernaturales, vt præcisè dicunt respectum ad liberum arbitrium, & procedunt ab illo, non sunt à Deo; ergo secundum istam considerationem non sunt effectus prædestinationis. Antecedens probatur, quia vt procedunt à libero arbitrio excludunt Deum, ergo non procedunt à Deo. Tum quia dicti actus procedunt ab innata libertate, tanquam à causa partiali, & à Deo tanquam ab alia causa partiali, ergo &c. Resp. negando antecedens, licet enim expressus conceptus procedendi à libero arbitrio non sit expressus conceptus procedendi à Deo, tamen quæcumque entitas, quæcumque formalitas, quæcumque ratio, aut modus qui est à libero arbitrio, est etiam à Deo, alias Deus non esset primus, & vniuersalissima causa, primum, & vniuersalissimum ens, &c.

D V B I V M XII.

An esse prædestinati, & omnia entia ordinis naturalis, sint effectus prædestinationis electorum.

109 **P**artem negantem tenent Gabriel, Ocham, Maior, et alij in 1. dist. 40. q. 1. Vasquez Arubal, Herice, & alij hoc loco. Nostra sententia seq. concl. explicatur. *Ipsam esse seu substantiam prædestinati, & omnia entia naturalia sunt effectus prædestinationis electorum.* Pro hac concl. referunt Salmant. aliqua D. Augustini, & D. Thomæ testimonia, eandem sequuntur Scotus in 2. dist. 20. q. 2. & in 3. dist. 23. & alibi, & D. Thomæ discipuli, Nazar, Bannes, & alij apud dictos Salmant.

110 Ratio fundamentalis est, quia substantia prædestinati, & aliæ res naturales possunt esse effectus prædestinationis, & valde congruum est, ut sint; ergo de facto erunt effectus prædestinationis; Conseq. entia est, quia quicquid maximè redundat in maiorem Christi D. gloriam, & in maiorem honorem ipsorum prædestinatorum, admitti debet, si semel & esse, & congruum esse ut sint; ergo si semel esse prædestinati, & omne esse naturale potest cadere sub prædestinatione, & congruum est ut cadat; de facto tenendum est, quod cadat, cum hoc redundet in maiorem gloriam capitis prædestinatorum, & membrorum illius; magna namque gloria est capitis Christi, & prædestinatorum, quod omnia naturalia ordinentur in bonum illorum, tanquam inferiora in superius. Antecedens ostenditur quoad primam partem, quia nulla apparet repugnantia, quod tam esse prædestinati, quam omnia entia naturalia sint effectus prædestinationis; quænam namque repugnantia est, quod Deus ex intentione saluandi electos produxerit omnes res naturales. Si enim res naturales possunt cadere sub merito, quare non etiam cadere poterunt sub illa Dei intentione saluandi electos? Quod autem hoc congruum sit, quod & esse præ-

destinatorum, & omnia naturalia cadant sub effectû prædestinationis. Probatur, quia ipsum esse prædestinati indispensabiliter requiritur ad prædestinationem, dictum esse prædestinatorum, vna cum hoc vniuerso productum est, ut sit tanquam instrumentum, quo manuducimur ad cognoscendum, & laudandum Deum. Constat autem, quod sit valde congruum, vtrid, quod est quoddam requisitum ad prædestinationem, debeat esse effectus illius, & sit datum hac intentione ut illi deserviat. Tum quia sicut congruum fuit, quod substantia beati esset propter beatitudinem, quia sine illa beatitudo esse non potest; ita quia prædestinatio sine esse prædestinati esse non potest, ideo congruum fuit, quod ob illam crearetur.

111 Confirmatur quoniam hæc congruitas clarè deducitur ex sacra scriptura: nam Rom. 8. dicitur. *Diligentibus Deum omnia cooperantur in bonum ipsi, qui secundum propositum vocati sunt sancti.* Si omnia electus, sanctis, seu prædestinatis cooperantur in bonum; ergo & ipsum esse prædestinati, & omnia naturalia in bonum illorum cooperabuntur, ac proinde intuitu ipsorum producta extant. Et 1. Cor. 3. dicitur. *Omnia vestra sunt, siue Paulus, siue Apollo, siue Zephas, siue mundus, siue vita, siue mors, siue presentia, siue futura: omnia enim vestra sunt; vos autem Christi, Christus autem Dei.* Vbi Apostolus aperte docet, quod omnia naturalia sunt creata propter bonum, & vtilitatem electorum, electi ob gloriam Christi; & Christus est propter gloriam Dei.

112 Sed Inquiret aliquis, an omnes, & singulæ res ordinis naturalis sint effectus prædestinationis singulorum prædestinatorum, an satis sit, quod omnes, & singulæ ex illis sint effectus prædestinationis alicuius, vel aliquorum ex prædestinatis, ita quod omnes res naturales sint propter corpus mysticum prædestinatorum? Resp. quod omnes res naturales sunt propter corpus mysticum prædestinatorum; illæ autem, quæ huic, aut illi prædestinato deserviunt, sunt effectus peculiaris illius; & de illis prædestinatus habebit

bebit in patria aliquod gaudium accidentale. Soluuntur argumenta in contrarium.

113 Primum argum. quia Apostolus ad Rom. 8. enumerat effectus prædestinationis. *Quos prædestinavit hos, & vocavit, &c.* & non ponit substantiam prædestinati, nec res naturales; sed solum supernaturales, scilicet vocationem, iustificationem, & glorificationem; ergo, &c. Resp. quod Apostolus solum recensuit effectus proportionatos, & eiusdem ordinis; nos vero ponimus etiam improporcionados, & diversi ordinis, qui solum habent esse effectus ex ordinatione, & intentione prædestinantis, non ex rei natura; cum ex rei natura nil influere possit in finem prædestinationis. Imò neque adduxit Apostolus omnes effectus super naturales, nam non recensuit vocationes efficaces exteriores, cum tamen istæ, in omnium sententia, sint effectus prædestinationis.

114 Secundum argum. quia oppositam sententiam tenet S. P. Aug. epist. 95. & 105. ubi dicit. *Abijciat ab humanis cordibus ista fallacia. Nam omnino non istam gratiam commendat Apostolus, qua creati sumus, ut homines essemus, sed iustificati sumus, ut homines iusti essemus; ista est enim gratia per Iesum Christum Dominum nostrum; etenim Christus non pro nullis, ut homines conderentur, sed pro impijs mortuus est, ut iustificarentur.* Vbi, ut videt Sanctissimus Pater ab effectibus prædestinationis omnino reiciit gratiam creationis. Eiusdem sententiæ videntur Patres Concilij Africani, qui vnâ cum eodem Patre Aug. gratiam creationis, à gratia prædestinationis distinguebant, ut colligitur ex epist. 95. Tum quia si gratia creationis pertineret ad gratiam prædestinationis, non fuisset dissensio inter S. Aug. & Pelagianos volentes dari causam prædestinationis; nam si semel gratia creationis pertineret ad gratiam prædestinationis, euidenter non daretur causa prædestinationis ex parte nostra, cum euidenter non daretur ex parte nostra, causa creationis. Respondetur, quod Sanctissimus Pater so-

lum vult, quod gratia creationis non sit effectus proportionatus nostræ prædestinationis, ac proinde loquendo de effectibus proportionatis pro quibus Christus D. mortuus est, omnino excludi debet gratia creationis. Igitur, per Augustinum gratia creationis excluditur tanquam effectus improporcionados, remotus, & diversi ordinis, non tanquam id, quod intra propriam lineam, & ordinem naturalem, non quidem præcisè, sed subordinatum diuinis auxilijs habet conducere ad finem vitæ æternæ. Vel clarius dic, quod S. Pater solum voluit, quod esse prædestinati, & omnia naturalia vt præcisè talia, non sint effectus prædestinationis, nec pro illis vt sic, mortuus sit Christus, bene tamen si considerentur vt subduntur ordini supernaturali, diuinis auxilijs, diuinæ gratiæ ordinationi diuinæ, &c. Per quæ patet ad alia, quæ in argumento dicuntur.

115 Tertium argum. quia esse prædestinati, & res ordinis naturalis sumunt suam perfectionem intrinsecam, & effectivalem ex fine naturali, ergo prius ordinantur ad finem naturalem, quam ad supernaturalem. ac proinde prius attinguntur à Deo vt auctore naturæ, quam vt auctore supernaturali, & sic non erunt effectus prædestinationis, cum prius supponantur esse, &c. Respondeatur antecedens, & distinguitur consequens. Prius ordinantur ad finem naturalem ex proprijs meritis, ex vi propriæ inclinationis, & ponderis, & conceditur. Prius ordinantur ad finem naturalem ordinatione extrinseca, primi agentis intellectualis qui eas produxit, & negatur. Sicut enim in actu elemosinæ est ordinatio intrinseca operis, & extrinseca operantis, ita in rebus naturalibus, est ordinatio eorum intrinseca ad proprium finem naturalem, & est ordinatio operantis ad bonum prædestinatorum.

116 Quartum argum. quoniam prædestinatio cum sit pars diuinæ providentiæ versatur circa media efficacia in ordine ad acquisitionem vitæ æternæ; sed esse prædestinati, & res naturales non sunt media efficacia ad consequendam vitæ æternam; ergo, &c. Resp. quod licet esse præ-

de-

destinati, & res naturales secundum se, non sint media efficacia ad consequendam vitam æternam, sunt tamen prout cadunt sub diuina ordinatione. Imò ipsum esse prædestinati cadit tanquam subiectum doctorum mediorem efficacium.

117 Quintum argum. quia per electionem efficacem Petri vult Deus dare illi donum quoddam accidentale suæ naturæ superadditum; ergo ad talem electionem præsupponitur ipse Petrus ut subiectum capax talis doni, ac proinde non poterit esse effectus prædestinationis, cum ad hanc supponatur. Resp. concedendo antecedens, & distinguendo consequens, præsupponitur ipse Petrus ut subiectum capax talis doni in executione, & in genere causæ materialis, & conceditur; in genere causæ finalis, & negatur. Subiectum namque solum supponi debet formæ in executione, & in genere causæ materialis, non finalis, cum contingere possit, quod subiectum sit propter formam, quando est superioris, nobiliorisque ordinis.

118 Sextum argum. quia ad decretum prædestinationis supponitur voluntas antecedens saluandi omnes; ergo debet etiam supponi decretum de productione substantiæ ipsius prædestinati, ac proinde non erit effectus ipsius prædestinationis. Antecedens probatur, quia voluntas saluandi omnes, pertinet ad providentiam generalem; hæc autem supponitur speciali, qualis est prædestinatio. Tum quia decretum prædestinationis, est decretum voluntatis consequentis, voluntas autem consequens supponit antecedentem. Respond. negando antecedens. Ad probationem dico, quod voluntas antecedens pertinet ad providentiam generalem, sed hæc non supponitur speciali, sed supponit specialem, quia in tantum Deus providet rebus naturalibus, in quantum providet specialiter de electis, in ordine ad æternam vitam. Vnde Deus ex voluntate efficaci dandi electis gloriam, habet voluntatem antecedentem saluandi omnes, & creandi omnia naturalia. Ad illud, quod dicitur, quod decretum voluntatis consequentis, supponit decretum voluntatis anteceden-

dis, seu quod voluntas consequens supponat voluntatem antecedentem, dico ita esse respectu eiusdem personæ, non respectu diuersarum, & diuersorum finium, ut in nostro casu contingit; cum in nostro casu voluntas illa antecedens, sit propter consequentem; & ex voluntate consequenti saluandi electos oriatur illa antecedens de salute ut sic, aliorum.

119 Sed dices hinc sequi, quod Deus erga electos duas habeat voluntates, scilicet antecedentem, & consequentem; sed hoc videtur falsum; ergo. Minor probatur, quia voluntas antecedens respectu electorum videtur superflua, & inutilis; ergo. Resp. quod supposita voluntate efficaci non est superflua, sed necessaria; tum quia ex illa proueniunt auxilia sufficientia; tum etiam, quia poni debet, quia diuina voluntas circa nullum volubile potest manere suspensa.

120 Vltimum argum. quia ea quæ ordinantur ad aliquem finem, debent participare aliquam bonitatem, seu perfectionem ab illo fine; sed esse prædestinati, & res naturales nullam participant bonitatem à fine supernaturali beatitudinis; ergo non possunt ad illam ordinari. Maior constat, tum in actibus imperatis à charitate: tum quia effectus debet correspondere suæ causæ, ac proinde si causa est supernaturalis, effectus debet participare aliquam supernaturalitatem. Tum etiam quia nisi res naturalis participet aliquam supernaturalitatem, non potest ad finem supernaturalem conducere. Resp. maiorem esse veram, quando id quod ordinatur, est eiusdem ordinis cum fine, secus quando est diuersi ordinis, & ordinatio non est intrinseca, sed extrinseca tantum ab ipso ordinante, ut contingit in nostro casu. Ad primam probationem de actibus imperatis à charitate, dici potest pro modo, quod charitas suis actibus imperatis communicat aliquid supernaturale, v.g. motionem, & ordinationem intrinsecam; non tamen sic facit Deus per prædestinationem cum prodicit res naturales, quia simpliciter eas ordinat ad bonum prædestinatorum, non constituendo eas me.

media proportionata, sed relinquendo media remota, & improporionata. Ad 2. probationem dico, illam correspondentiam dari debere in effectibus proportionatis, non in improporionatis, & diuersi ordinis, & qui non aliter sunt effectus, nisi quatenus extrinsecè, & remotè à prædestinante ad illum finem diriguntur. Ad ultimam probationem constat ex modo dictis, quia res naturales non intrinsecè ad dictum finem ordinantur, sed extrinsecè tantum, vt ex dictis constat.

D V B I V M XIII.

An permissiones omnium peccatorum sint effectus prædestinationis electorum.

121 **P**rima sententia negat, quam tueritur Vasquez, Arubal, Herice, & alij in præsentī. Nostra sententia seq. concl. explicatur. *Omnes permissiones peccatorum tam in electis, quam in reprobis sunt effectus prædestinationis electorum.* Hanc conclusionem tenet S. Doctor pluribus in locis apud Salmant. eandem sequuntur omnes D. Thomæ discipuli, vt Caiet. Bann. Ripa, Nazar. Gonzal. & alij hoc loco. Colligitur ex Sacra Scriptura. Rom. 8. dicitur. *Diligentibus Deum omnia cooperantur in bonum;* Si omnia, ergo etiam permissiones peccatorum, maxime cum permissiones sint quid bonum, & possint dari hoc animo, vt deseruiant prædestinato ad consecutionem vite eterne. Et Rom. 11. habetur. *Conclusis enim Deus omnia in incredulitate, vt omnium misereatur;* quæ verba sic explicat Ecclesiæ lumen lib. 21. de ciuit. *Deus permisi prædestinatores ex Iudais, & Gentibus incidere in peccatum infidelitatis, vt de amaritudine illius penitendo confusi, & de dulcedine diuinæ misericordiae credendo conuersi, dicant illud Psalm. 30. Quam magna multitudo dulcedinis tua Domine, quam abscondisti timentibus te.* Et Psalm. 57. legitur. *Latus erit iustus cum videris vindictam, manus suas lauabit in sanguine peccatoris.* Quæ verba sic explicat ibi idem S. Pater. *Iustus qui videt vindictam pec-*

catoris, proficit ipse, & mors unius valet ad vitam alterius. Ex quibus sequens ratio deduci potest, quoniam in hæc, & simili materia id asseri debet, quod est magis conforme sacris scripturis, & sanctis Patribus, sed quod permissiones peccatorum sint effectus prædestinationis electorum est magis conforme sacris scripturis, & sanctis Patribus, vt ex mox relatis deduci potest, ergo est asserendum.

122 Primum argum. est, quia prædestinatio, est præparatio gratiæ, & beneficiorum, quibus prædestinati certissime liberantur; sed permissiones non sunt effectus prædestinationis. Maior constat. Minor probatur, quia permissiones peccatorum, non sunt id, per quod prædestinatus liberatur, sed potius sunt id per quod gratia subtrahitur, & subtrahuntur auxilia quibus peccata etant vitanda. Tum quia effectus prædestinationis conferunt nobis per Christum, cum sit causa finalis, & meritoria omnium effectuum prædestinationis; sed permissiones peccatorum non conferunt nobis per Christum, cum Christus D. nec venerit in mundum propter dictas peccatorum permissiones, nec pro illis mortuus sit. Tum etiam quia possent fundi preces ad Deum vt nos permitteret peccare, cum licitum sit petere effectus prædestinationis. Resp. concedendo maiorem, & negando minorem. Licet enim permissiones peccatorum secundum se, & ex proprijs meritis præcisè non sine præparatio gratiæ, & beneficiorum Dei; quibus prædestinati certissime liberantur, hoc tamen habent prout ex Dei misericordia conducunt, & ordinantur ad maius bonum prædestinatorum. Per quæ patet ad primam probationem. Ad 2. dico, quod permissiones peccatorum prout ex Dei misericordia conducunt ad bonum maius prædestinatorum dantur ex meritis Christi, & hoc modo pro illis mortuus est, non tamen prout considerantur secundum se. Ad 3. probationem, dico, quod non possunt fundi preces vt Deus permittat nos peccare, cum ex parte nostræ detur culpa. Possunt quidem peti illi effectus prædesti-

nationis qui ex parte nostri nullam afferunt culpam, non tamen illi, qui eam afferunt.

123 Dices, hinc solum inferri, quod permissio peccati secundum se non possit à Deo postulari, possit tamen postulari ut est bona prædestinato, & prout est effectus prædestinationis illius ex diuina misericordia, & ordinatione. Tum quia licitum est nobis petere martyrium, & tyranni persecutionem, quatenus est necessaria, & conducens ad illud; ergo etiam licitum erit petere permissionem peccati, ut est bona prædestinato. Tum etiam quia si Deus potest velle dictam permissionem peccati ob finem bonum, & honestum, id ipsum poterit velle prædestinatus ob eundem finem honestum, & bonum. Resp. negando antecedens, quia qui petit aliquid ex quo sequitur malum à se faciendum, virtualiter petit malum. Ad 1. probationem de martyrio, dico, quod solum petere possumus passiuam tormentorum tolerantiam, abstrahendo ab inflictione actiua. At petens permissionem peccati præcindere non potest ab actiua productione peccati. Ad 2. probationem, dico esse dispatem rationem, quia Deus non tenetur facere, quod peccata non fiant ab hominibus, & homines tenentur vitare peccata in se ipsis, & etiam quantum possunt in alijs; Deus est agens vniuersale, homo particulare.

124 Secundum argum. quia si semel peccatorum permissiones possent esse volitæ, maximè ex amore poenitentiae; sed hoc modo non possunt esse volitæ; ergo nullo modo. Maior constat, quia non aliter possunt dictæ permissiones esse volitæ, nisi prout conducunt ad vitam æternam; at non possunt conducere nisi media poenitentia; ergo. Minor probatur, quia si Deus vellet permissiones ob poenitentiam, prius vellet poenitentiam, quam permissiones; sed has velle non potest sine peccatis permissis; nam qui vult efficaciter aliquid debet velle ea omnia sine quibus dari nequit, at poenitentia dari nequit sine peccatis; ergo, &c. cum autem nequeat velle peccata, neque poenitentiam velle poterit. Tum quia

aliàs Deus ex se ipso absque aliqua occasione ex parte nostra vellet poenitentiam, cum tamen poenitentia sit data in remedium peccatorum commissorum post baptismum, cum sit secunda tabula post naufragium. Tum etiam quia posset aliquis licitè peccare, quia quando manet bonitas intentionis, non potest electio esse mala, maximè si sit erga medium necessarium, sine quo finis haberi non potest; sed poenitentia haberi non potest sine peccato, & cum sit medium necessarium illius, sequitur quod ex intentione eiusdem ut finis, poterit eligi hoc medium. Tum denique si Deus permitteret peccatum, ut illud per poenitentiam sanaret, esset crudelis, sicut crudelis esset medicus, qui hoc modo se gereret. Resp. transeat maior, & negatur minor. Ad 1. probationem, conceditur maior, & negatur minor; ex hoc enim, quod quis vult efficiat finem non vult omnia, quæ sunt necessariò connexa cum illo fine, sed sufficit, quod velit ea, quæ ipsæ præstat, ac proinde, eo ipso, quod Deus vult poenitentiam, non debet velle peccata, sine quæ in exercitio non datur dicta poenitentia, sed sufficit, quod velit dictam poenitentiam prout secundum se est remedium contra peccata, quod solum in genere causæ materialis præsupponuntur. Ad 2. probationem dico, quod ad hoc ut Deus velit poenitentiam, sufficit, quod supponatur fragilitas, seu defectibilitas nostræ naturæ. Ad 3. dico non esse licitum peccatum, quia hoc non potest esse medium respectu finis prædestinationis, bene tamen permissio modo dicto. Ad 4. dico, quod Deus esset crudelis si permitteret peccatum ut illud sanaret per poenitentiam præcisè, conceditur, ut illud sanaret maiori fructu, negatur.

125 Tertium argum. quia peccatum est maius malum, quam poenitentia bonum; ergo non potest esse à Deo volitum ob bonum illius, aut ex affectu illius, ac subinde neque ex affectu beatitudinis. Antecedens probatur, quia peccatum ut habet rationem offensæ, est malum in se ipsum ut cum D. Thoma 3. p. qu. 1. art. 2. respondetur

dunt eius discipuli, ac bonum poenitentis est finitum, & limitatum. Tum quia innocentia est maius bonum quam poenitentia; ergo non potest Deus velle, amissionem innocentie, vt inde eliciat bonum poenitentie. Antecedens ostenditur, quia innocentia importat dignitatem irreparabilem, non poenitentia; tum quia deberet Deus quoties permittit aliquod peccatum, facere quod peccator resurgeret cum maiori gratia; quod est falsum cum frequenter resurgat cum minori, ob minimam dispositionem. Tum etiam quia sequeretur, quod etiam infamia, & lassitudo essent effectus prædestinationis, cum sint effectus peccatorum iuxta illud Sap. 5. *Lassati sumus in via iniquitatis*, & tamen infamia ex peccato, & lassitudo non sunt effectus prædestinationis, aliàs deberent per illam præsumi, & prædeterminari. Quod infamia, & lassitudo ex peccato deberent esse effectus prædestinationis, patet, quia non minus ex istis, quam ex permissionibus peccatorum possunt boni effectus colligi, vt humilitatis, ruboris, &c. ex infamia ex peccato orta.

126 Recip. distinguendo antecedens; peccatum est maius malum quam sit poenitentia bonum in ratione offensæ, & conceditur; in ratione malitiæ moralis, & negatur. Imò poenitentia licet secundum se sumpta non sit tantum bonum, tamen vt est pars vniuersi, & integrat hoc bonum diuinum, est maximum bonum. Deinde dico, quod prudens prouisor permittit quandoque maiora mala, vt inde inferat minora bona secundum se, valde tamen vtilia, & congruentia ad consequendum finem quem intendit. Quod maximè currit in prouisore vniuersalissimo, qui debet providere rebus iuxta naturam ipsarum, ostendendo earum defectibilitatem. Deinde poenitentia deseruit ad consequendam visionem beatam, vbi datur essentia ipsa diuina per modum speciei, quæ est bonum infinitum. Ad illud de innocentia, dico, quod licet innocentia secundum se sit maius bonum quam poenitentia, tamen hic & nunc prout deseruit ad humilitatem, ad dolo-

rem peccatorem, ad maiorem feruorem; &c. poenitentia est maius bonum. Ad illud, quod peccator deberet resurgere cum maiori gratia, dico, id esse verum, vt in tractatu de gratia ostendo. Ad illud de infamia, & lassitudine ex peccatis, dico concedi posse, quod sint effectus prædestinationis, & prædefiniiri possint tanquam effectus secuti ex peccato, sicut prædefinitur poena damni, vel sensus, quæ ex eodem peccato sequuntur.

DVBIUM XIV.

An in Deo detur reprobatio.

127 **C**Esta conclusio est secundum fidem; *Dari in Deo reprobationem.* Habetur Rom. 9. vbi dicitur: *Volens Deus ostendere iram suam, & notam facere potentiam suam sustinuit in multa patientia vasa ira apta in interitum, vt ostenderet diuitias gloriae suae in vasa misericordiae, quæ præparauit in gloriam.* Et 2. ad Timot. 2. legitur. *In magna domo non solum sunt vasa aurea, & argentea, sed & lignea, & fictilia, & quadam quidem in bonorem, quadam autem in contumeliam.* Quæ verba ibid. explicat S. Doct. de electis, & reprobis.

128 Nec deest sufficiens ratio, quia in Sacra scriptura illud vocatur reprobum, quod deficit à suo fine, quando habet omnia necessaria ad consecrationem illius; sed de facto, vt fides docet, defecerunt, & deficient ad consecrationem finis æternæ beatitudinis quam plures; ergo de facto sunt plures reprobi, ac proinde in Deo dabitur reprobatio. Maior nota est, nam Hebr. 6. reprob. vocatur terra; quæ fructum non facit competentem cum habeat sufficientem humorem ad fructificandum. Minor probatur ex illo Matth. 25. *Discedite à me maledicti in ignem æternum, qui paratus est Diabolo, & Angelis eius.* Tum quia reprobum vocatur, quod reicitur, exploditur, & separatur ab alijs, iuxta illud Psal. 117. *Lapidem quem reprobauerunt adificantes.* Et Ierem. 6. *Argentum reprobum vocate eos, quia Dominus proie-*

cis illos. Sed plures excluduntur ab æterna beatitudine; ergo plures reprobantur.

129 Probari etiam potest conclusio, quia omnia opera Dei eò tendunt, vt diuina attributa ostendantur; sed sine aliquorum reprobatione non possunt omnia ostendi; ergo. Maior nota est, & tradit S. Doctor in cap. 9. *Epistolæ ad Rom. lect. 4.* dicens. *Considerandum est, quod finis omnium diuinorum operum, est manifestatio diuinæ bonitatis. Prou. 16. vniuersa propter semetipsum operatus est Dominus, &c.* Minor probatur, quia si non daretur reprobatio, non daretur iustitiæ punitiue manifestatio. Tum quia dati etiam debebat reprobatio vt manifestaretur libertas, & defectibilitas, & virum imbecillitas liberior arbitrij creati; sicut etiam ad manifestandas vires gratiæ datur prædestinatio, ita ad manifestandam imbecillitatem virium nostrarum, dari debebat reprobatio.

130 Sed contra has rationes obijcies 1. Quia potest Deus in vna, eademque persona manifestare tum misericordiam, tum iustitiam punitiuam, cum electorum peccata temporaliter punit, tum in hac vita, tum in Purgatorio. Resp. quod per punitionem temporalem Deus non ostendit sufficienter, & perfecte diuinam iustitiam: sicut enim Deus non ostenderet sufficienter suam misericordiam per largitionem temporalem bonorum gratiæ; ita non ostenderet perfectè suam iustitiam per punitionem temporalem; sed sicut misericordia bene respundet in acquisitione boni infiniti in gloria, ita iustitia bene respundet in amissione eiusdem boni infiniti in gehenna.

131 Obijcies 2. defectibilitas arbitrij creati, & vires gratiæ sufficienter manifestantur per hoc, quod Deus permittat peccata, quamuis inde æterna punitio non sequatur; ergo, &c. Resp. ex dictis, quod defectibilitas arbitrij creati non ostenditur sufficienter, nisi permittatur deficere finaliter.

132 Obijcies 3. quia si in Deo daretur malorum reprobatio, daretur in eo

libet mortis, sicut datur liber vitæ, ex eo, quod datur prædestinatio, sed hoc communiter negatur; ergo. Sequela probatur, quia ideo in Deo datur liber vitæ, quia per suos actus intellectus, & voluntatis, quibus creaturas rationales prædestinat, designat eas in vitam æternam; sed per reprobationem creaturas rationales designaret in æternam mortem; ergo. Resp. dari librum vitæ, non mortis, quia vt notat S. Doctor q. 7. de verit. art. 8. in libro scribitur notitia priuilegiata, & rerum approbatarum, non reprobatarum, quæ merentur non scribi, sed deleri, si scripta essent.

133 Obijcies 4. quia nullus prudens excludit à consecratione finis id, quod propter consecrationem finis produxit; sed Deus fecit omnes homines propter gloriam, ergo nullum debet excludere. Respondet ad hoc argum. S. Doctor in 1. ad Anibald. dist. 40 q. vn. art. 3. ad 3. dicens. *Humana natura habes quidem ordinem ad beatitudinem, non tamen necessarium, cum possit deficere; & ideo, vt natura conditio manifestetur, Deus permittit, quod aliqui ab illo bono deficient.* Quando ergo id, quod tendit in finem, est defectibile, & tendit defectibiliter, prudentis est, quod quandoque deficere permittatur.

134 Obijcies 5. quia data reprobatione darentur in Deo duæ voluntates oppositæ scilicet saluandi omnes, & non saluandi omnes. Resp. quod reprobatio non opponitur illi voluntati, qua Deus vult omnes homines saluos fieri; quia illa voluntas est secundum se, & voluntas reprobandi est circumstantionata, seu attendit circumstantias ostensionis diuinorum attributorum, &c.

135 Obijcies 6. Quia non debet tribui Deo, quod sapit crudelitatem; sed reprobatio sapit crudelitatem, cum sit voluntas excludendi aliquem perpetuè à gloriæ ergo. Resp. quod licet sit crudelitas velle aliquem punire solum ex intentione puniendi, non tamen ex intentione complendi bonum vniuersi, ostendendi iustitiam punitiuam, &c.

D V B I V M XV.

In quo actu consistat reprobatio.

136 **P**rima sententia est, quod reprobatio consistat in actu voluntatis. Hanc sequuntur illi, qui dicunt prædestinationem consistere in actu voluntatis, de quo supra. Secunda sententia tenet, quod consistat in actu iudicii. Tertia, quod consistat in recto, & ex æquo in actu voluntatis, & intellectu. Sic illi, qui id ipsum dicunt de prædestinatione, de quo supra. Nostra sententia seq. concl. explicatur. Licet reprobatio supponat actum voluntatis, tamen formaliter, & in recto consistit in actu imperij, quo Deus imperat permissionem peccati, seu negationem gratiæ efficaciæ, & permissionem finalis impenitentia, ut ita reprobo sua culpa peccanti, & in peccato perseveranti, infligat penam æternæ damnationis, & sic ostendatur iustitia punitiva, & alij fines, à Deo intenti subsequantur. Hæc conclapertè traditur à D. Thoma hic art. 3. vt expendunt N. Salmant. & sequuntur omnes D. Thomæ discipuli, & notissimè P. Ioan. à S. Thoma hoc loco. Quod reprobatio supponat actum voluntatis, constat ex dictis supra de prædestinatione, quia nullus imperat media nisi electa, & ex intentionis finis.

137 Secunda pars, quod consistat in actu imperij connotante actum voluntatis, sic breviter ostendi potest, quia reprobatio est pars diuinæ providentiæ; ergo consistet formaliter, & in recto in actu imperij. Antecedens constat, quia ad diuinam providentiam spectat imperare executionem permissionis aliquorum defectuum in rebus, ac proinde imperare aliquando permissionem culpæ in hominibus, seu derelictionem gratiæ, ita quod sua culpa, non ex defectu Dei peccantes, & in peccatis persistentes, deficiant à consecutione ultimi finis, vt quantum fas est, ostendatur vindex Dei iustitia. Conseq. probatur, quia diuina providentia consistit formaliter in eo imperio, quod imperat executionem eorum mediorum quæ con-

ducunt ad finem ab illa intentum; quæ media in nostro casu nequeunt esse alia, nisi quæ recensita sunt, scilicet permissio peccati, gratiæ subtractio, &c.

138 Sed contra hanc rationem obijcies 1. quia non videtur verum, quod pertineat ad diuinam providentiam permittere, quod homo deficiat à consecutione ultimi finis, seu impræcare media ad hoc vt permissionem peccati, gratiæ derelictionem, &c. quoniam ad perfectissimam providentiam spectat providere, vt id, quod sub ea cadit, infallibiliter suum consequatur effectum, seu finem præstitutum; sed providentia diuina est perfectissima; ergo, &c. Resp. negando antecedens, quoniam ad perfectissimam providentiam tantum spectat, vt habeat viam, vt perducatur prouisa in suum finem, non vt de facto, & cum effectu perducatur; pertinet namque ad perfectissimam providentiam in quocunque ordine, tum naturali, tum gratiæ permittere aliquos defectus, vt magis appareat bonitas vniuersi, efficacia eiusdem prouidentia in illos effectus, qui cum effectu finem consequuntur, quod maximè verum habet in ordine ad finem superexcedentem.

139 Obijcies 2. quia licet ad diuinam providentiam spectet permittere aliquos defectus, non tamen debet permittere, vt res prouisæ deficiant à suo ultimo fine; ergo, &c. Antecedens ostenditur, quia ideo debent permitti corruptiones, vt habeantur generationes; sed ex hoc, quod aliquæ creaturæ rationales finem vltimum consequantur, non debent aliz illum non consequi, ergo. Resp. negando antecedens. Ad probationem dico, quod non ideo aliquæ creaturæ rationales consequuntur vitam æternam, quia aliz deficiunt, sicut ideo datur aliquarum rerum generatio, quia datur aliarum corruptio, sed quia spectat ad diuinam providentiam permittere aliquarum defectum, vt eadem providentia magis splendeat in illas, quæ finem vltimum consequuntur.

140 Obijcies 3. quia non videtur verum quod reprobatio consistat in imperio,

rio, cum reprobatio sit tantum pars providentiæ negatiua, non positiua; ergo. Antecedens probatur, tum quia reprobatio in Sacra Scriptura explicatur nominibus negatiuis; vt cum dicitur Matt. 18. *Non est voluntas antepatrem vestrum, ut pereat vnus de pusillis istis*, Et cap. 25. dicitur de reprobis; *Nescio vos*. Tum quia ad actualem vitam æternæ consecutionem requiritur, quod Deus positiuè eligat; ergo ad non consecutionem, non requiretur electio, sed sufficiet non electio. Tum denique quia permissio peccati, aut gratiæ denegatio, quæ sunt potissima media reprobationis consistunt in aliquo priuatiu, aut negatiuo; ergo etiam ipsa reprobatio. Resp. negando antecedens; contra namque perfectionem diuinæ providentiæ est, non disponere positiuè de rebus prouisis. Ad 1. probationem, dico, quod in Sacra Scriptura reprobatio communiter explicatur nominibus positiuis. Malach. 1. *Esaudio habui*. Et licet aliquando explicetur nominibus negatiuis, sicut tamen pro positiuis. Ad 2. dico non sufficere non electionem, aliàs omnia possibilis dici possent suo modo reproba; Tum quia cum diuina voluntas non possit manere suspensa, ita nec diuina providentia; ac proinde de quocunque prouiso debet decernere positiuè vt consequatur, aut non consequatur finem. Per quæ pater ad 3. probationem.

121 Primum argum. pro 1. sententia est, quia actus reprobationis, est actus diuinæ iustitiæ, sed iustitiæ actus, est actus voluntatis; ergo & actus reprobationis. Maior constat, quia Deus non reprobatur, nisi propter peccata, sed reprobatio propter peccata est actus iustitiæ; ergo. Tum quia reprobatio opponitur electioni, sed electio est in voluntate; ergo & reprobatio. Resp. negando maiorem; supponit quidem reprobatio actum voluntatis, ex eo, quod diuina providentia, cuius reprobatio est actus, connotat actum voluntatis, scilicet intentionem finis, & electionem meritorum. Vnde reprobatio quoad id, quod præsupponitur, opponitur electioni, non quoad id in quo formaliter, & in recto consistit.

122 Secundum argum. quod est fundamentum secundæ sententiæ est, quia reprobatio opponitur prædestinationi, sed prædestinatio consistit in actu iudicii; ergo & reprobatio. Tum quia in Deo non datur actus imperij distinctus ab actu iudicii; ergo. Resp. ex dictis supra, quod tam reprobatio, quam prædestinatio consistunt in actu imperij. Per quæ etiam patet ad fundamentum tertiæ sententiæ.

D V B I U M XVI.

An in Deo detur voluntas excludendi aliquos à Regno ante præuisionem demeritorum.

142 **P**rima sententia tenet non dari in Deo voluntatem excludendi aliquos à regno ante præuisionem demeritorum, sed tam voluntatem excludendi à regno, quam intentionem, seu voluntatem puniendi poena æterna esse post præuisionem mala reproborum demerita. Ita plures citati à N. Salmant. hoc loco præsertim Scotus, Henricus, Maior, &c.

143 Nostra sententia duplici conel. explicatur. Prima conel. *Laquendo de reprobatione positiua, seu de voluntate quam Deus intendit infligere poenam æternam reprobis, est ex præuisione demeritorum, seu peccatorum.* Ratio clara est, quia poena, est propter culpam, & poena non infligitur, nisi propter culpam; ac subinde non potest dari voluntas infligendi poenam, nisi ob culpam; ergo reprobatio vt supponit voluntatem infligendi poenam, non potest poni nisi ex præuisione culpæ.

144 Sed obijcies 1. quia licet Deus non beatificet adulos nisi ob merita; tamen illos eligit ad gloriam ante præuisionem meritorum; ergo pariformiter licet Deus in exercitio non puniat reprobos nisi ob demerita tamen poterit eos ante demeritorum præuisionem ordinare ad gehennam, sicut illos ordinat ad gloriam. Resp. concedendo antecedens, & negando conseq. Ratio discriminis est, quia dona dari possunt ante præuisionem meritorum; non tamen poenæ intendi potest vt infligenda, nec infligi potest ante præuisionem.

uisionem demeritorum. Potest quis ante merita, & præuisionem illorum, dare, & intendere dare aliquod donum alicui; non tamen potest quis infligere alteri poenam, vel intendere inflictionem illius ante culpam, vel præuisionem illius.

145 Obijcies 2. Deus ante præuisionem peccatorum vult punire reprobum, vt ostendat iustitiam suam; ergo prius vult æternam illius poenam, quam quod præuideat peccata eius. Antecedens ostenditur, quia finis reprobationis, est ostensio iustitiæ punitiæ Dei; ergo prius vult punire, quam peccata permittere, quia facta collatione inter punitiorem, & permissionem, punitio est medium immediatius, ad ostensionem iustitiæ punitiæ Dei, quam permissio; medium autem immediatius finis, est prius volitum. Resp. distinguendo antecedens: Deus ante præuisionem peccatorum vult punire reprobum, seu vult ostensionem iustitiæ punitiæ, in genere causæ finalis, & conceditur; in genere causæ materialis, & negatur; sicut enim in genere causæ finalis est prius volita Incarnatio, quam ordo naturæ, in genere tamen causæ materialis, oppositum contingit; ita, &c.

146 Secunda concl. *Loquendo de reprobatione quoad voluntatem excludendi à regno, prout ea exclusio est negatio beneficii indebiti, non datur ex parte reprobæ causæ illius, ac proinde Deus hoc modo reprobos excludit ante præuisionem demeritorum.* Pro hac conclusione referunt Salmant. Plura D. Thomæ testimonia; et sequuntur communiter Thomistæ, & alij plures. Ratio clara est, quia negatio beneficii indebiti, non fit sub hoc præciso conceptu ob demerita illius, cui denegatur, aliàs ea denegatio non esset pura denegatio rei indebitæ, sed haberet etiam rationem poenæ, & esset denegatio rei debiti; sed regnum coelestis potest hoc modo denegari; ergo, &c. Videatur Ioan. a S. Thoma hoc loco.

147 Sed obijcies 1. quia licet Deus absolute non debeat creaturæ rationali regnum æternum, tum ex suppositione electionis illius in finem supernaturalem,

illud illi debet, & constituit quodammodo se debitorem ad illud dandum, nisi ob peccata excludatur; ergo antecedenter ad præuisionem peccatorum, non potest iuste dictam creaturam sic eleuatam excludere. Se enim Deus obligauit ad conferendum regnum dictæ creaturæ rationali, nisi per ipsam steterit. Resp. quod Deus ex hoc, quod eleuauit creaturam rationalem in vitam æternam, constituit solum se debitorem ad illam saluandam voluntate antecedenti, & secundum se, non attentis circumstantiis. quæ attenduntur in illa voluntate excludendi aliquos à regno, vt ex dictis constat.

148 Obijcies 2. quia istæ duæ voluntates videntur impossibiles, scilicet denegare beatitudinem per modum beneficii indebiti, ante præuisionem peccatorum, & eam denegare per modum poenæ post præuisionem peccatorum; quia denegare per modum beneficii indebiti, est denegare non ex demeritis; & denegare per modum poenæ, est denegare ex demeritis, sed hæc duæ voluntates opponuntur; ergo. Resp. negando antecedens; ad probationem, distinguitur illud: *non ex demeritis*; & concedendo si *ly non ex demeritis*, idem fit ac præcindendo à demeritis; & negando, si *ly non ex demeritis* idem fit ac negando; & excludendo demerita.

149 Primum argumentum primæ sententiæ desumitur ex auct. sacre script. nam 2. Reg. 14. dicitur. *Non vult Deus perire animas, sed retrahat cogitans, ne penitus pereat, qui abiectus est.* Et sap. 1. legitur. *Deus mortem non facit, nec latatur in perditione viuorum.* Vbi clarè significatur, quod Deus ante præuisa peccata ex se, neminem à gloria excludit. Tum quia si daretur talis exclusio, non posset verificari illud Isa. 30. *Expectas Dominus, et misereatur vestri.* Quomodo namque Deus posset dicti expectare eos, quos positivè à suo regno excludit? Et quomodo expectat Deus, quod non est futurum, supposita illa positiva exclusionem? Resp. quod duo priora loca procedunt de reprobatione in poenam; nos autem loquimur de simplici exclusionem ratione beneficii indebiti. Ad illud, quod

quod Deus expectat peccatores, dico, ita esse, quia non statim deicit; sed confert auxilia sufficientia quibus conuerti possunt, & ratione cuius dicuntur expectari. Ad testimonia Sanctorum Patrum quæ adduci possunt, dico, loqui de reprobatione prout habet rationem pœnæ, de qua prima, non secunda nostra conclusio procedit.

150 Secundum argum. quia reprobare aliquem, est odio habere illum; sed Deus neminem odio habet nisi ob culpā; ergo neminem reprobatur, nisi ob culpam. Maior patet, quia odio habere aliquem est velle illi malum; at Deus reprobandum vult summum malum; ergo. Minor etiam constat ex illo sap. 11. *Diligis omnia quæ sunt, & nihil odistorum quæ fecisti.* Rcip. quod reprobare aliquem est odio habere illum, vel odio negatiuo, si reprobatio accipitur pro simplici exclusionē à regno tanquam à beneficio indebito; vel reprobare est odio habere reprobū odio positiuo, quod consistit in hoc, quod est velle malum, & hæc reprobatio supponit culpam, ob quam Deus vult reprobo malum pœnæ, & damni.

151 Tertium argum. quia excludere aliquem ab æterna beatitudine ante præuisa demerita, ac proinde reprobare aliquem absque causa ex parte reprobi, nec decet diuinam bonitatem, nec Dei iustitiam, nec paternā viscera erga creaturas; ergo. Antecedens ostenditur, quia non est consentaneum diuinæ bonitati, nec iustitiæ, &c. quod non excitatus Deus à culpis hominum, sed ex se solum, velit illis tantum malum, quantum est exclusio à regno. Resp. negando antecedens, quia non est contra bonitatem diuinam, nec contra iustitiam, &c. quod beneficium indebitum vt tale denegetur; bene esse, si tale beneficium esset debitum absolutè, & attentis illis, illiusuē circumstantiis.

152 Quartum argum. quia reprobatio hominum supponit præscientiam peccati originalis, ergo datur causa reprobationis, ipsum scilicet peccatum originale. Antecedens ostenditur; quia reprobatio hominum supponit prædestinationem; &

nostra prædestinatio supponit prædestinationem Christi D. & hæc supponit peccatum originale, in cuius remedium Christus D. venit; ergo à primo ad vltimum reprobatio supponit peccatum originale. Resp. distinguendo antecedens, reprobatio supponit peccatum originale in genere causæ materialis, & conceditur; in genere causæ formalis, & demeritoriz, & negatur. Deinde neganda est consequ. Ad probationē antecedentis, dico verum esse, quod reprobatio supponat prædestinationem, & quod nostra prædestinatio supponat prædestinationem Christi. Tamen Christi D. prædestinatio non supponit peccatum originale vt opponitur gratiæ redemptiue, sed solum vt est morbus naturæ, & vt opponitur iustitiæ originali. Hinc tamen non sequitur, quod dictum peccatum originale habuerit influxum quoad efficaciam, licet habere potuerit quoad sufficientiam; in reprobationem illam purè exclusiuam, cum non supponeretur vt opponitur gratiæ redemptiue, sed iustitiæ originali, pro quo statu, nec reprobatio, nec prædestinatio fuit. Vel dic, quod prædestinatio Christi solum supponit peccatum originale in genere causæ materialis, in quo genere non attenditur influxus, nec ratio causæ demeritoriz; Vel etiam dic, quod solum supponit peccatum originale tanquam materiā circa quam, non tanquam causam formalem demeritoriam.

153 Quintum argum. Permissio peccati originalis non potest esse effectus reprobationis, ergo erit causa illius. Antecedens ostenditur, quia eiusdem peccati non potest dari duplex permissio, sed intelligitur futurum, & permissum antequā intelligatur reprobatio, ac proinde permissio peccati originalis non potest esse effectus reprobationis; ergo erit causa illius. Resp. quod licet permissio peccati originalis, vt est malum naturæ, vt opponitur iustitiæ originali non sit effectus reprobationis, est tamen effectus illius vt opponitur gratiæ redemptiue. Et sic peccatum originale duas habuit permissiones; vnā qua est malum naturæ, & opponitur iustitiæ originali, alteram vt opponitur

ponitur gratiæ redemptiuz; & sic secundum nullam est causa reprobationis, ut dicit simplicem exclusionem à regno ut à beneficio indebito.

154 Sextum argum. quia Deus potuit reprobare hominem propter peccatum originale, cum secundum se sit causa sufficiens reprobationis, & decens fuit, quod ita faceret, ne homines villo apparenti colore, de Deo conquererentur; ergo. Resp. potuisse quidem Deum reprobare homines ob peccatum originale, tamen magis decuit, quod non sic reprobarerentur, sed excluderentur primò à regno tanquam à beneficio indebito, ut sic magis appareret gratia, benignitas, & misericordia in electos. Nec homines conqueri possunt, quod priuentur beneficio indebito, bene si priuarentur debito, quod in nostro casu non contingit.

155 Septimum argum. quia in Deo etiam postquam præiudic peccata, non intelligimus, quod ex se habeat affectum etiam simplicem, & voluntatem antecedentem excludendi aliquem à beatitudine; ergo multo minus habebit antequam peccata præiudeat. Consequ. nota est. Antecedens probatur, quia statim ac Deus præiudic primum peccatum; scilicet originale, prouidit de Aduentu Christi in remedium illius, ac proinde habuit voluntatem saluandi, non excludendi: qui enim habuit voluntatem antecedentem de fine, non potest habere voluntatem antecedentem de bono illi contrario, & à fortiori non poterit habere voluntatem consequentem, & efficacem. Resp. transeat antecedens, & negando consequ. nam licet repugnent voluntas antecedens de largiendo aliquo bono, & de eodem denegando; non tamen repugnant voluntas antecedens de largiendo aliquo bono, & consequens de eo denegando; & sic voluit Deus voluntate antecedenti omnibus gloriam, Christi reparationem, sed voluntate consequenti, non sic fuit.

DVBIUM XVII.

An detur causa reprobationis quoad primam permissionem primi peccati: conducentis cum effectu ad æternam damnationem reprobi.

156 **H**oc dubium alij sic excitant, an ante præiudic aliqua demerita, seu independenter ab eorum præiudice habeat Deus voluntatem, qua velit primam permissionem primi peccati, cum effectu conducentis ad æternam reprobationem? Alij sic proponunt, an scilicet detur causa meritoria ex parte reprobi respectu primi effectus reprobationis. Alij etiam sic proponunt, an scilicet detur ex parte reprobi causa meritoria omnium effectuum reprobationis? Cæterum omnes isti inquirendi modi in idem redeunt, ut ex dicendis constabit.

157 Prima ergo sententia est, quod detur causa reprobationis quoad primam permissionem primi peccati. Hanc sequuntur plures quos referunt N. Salmant. *dub. 1. disp. 8. presentis tract.* Nostra sententia seq. concl. explicatur. *Reprobatio quantum ad primam permissionem primi peccati efficaciter conducentis ad reprobationem, non habet causam meritoriam ex parte eiusdem reprobi.* Colligitur hæc concl. ex illo Apost. Rom. 9. *An non habet potestatem singulus luti ex eadem massa facere aliud quidem vas in honorem, aliud vero in contumeliam?* Vbi, ut vides prædestinati vocantur vasa facta in honorem, & reprobi vocantur vasa facta in contumeliam; non possent autem reprobi vocari vasa facta in contumeliam, si ex parte ipsorum daretur causa permissionis primi peccati per quam postea ad æternam contumeliam ordinantur. Pro hac sententia referunt dicti Salmant. Diu. August. D. Thomam, Magistrum, Durandum, Ricardum, Albertum Magnum, Caiet. & reliquos Diu. Thomæ discipulos.

Ddd

Ra-

158 Ratio fundamentalis est, quia respectu permissionis primi peccati, non potest aliud peccatum esse causa illius, aliàs illa permissio non esset primi peccati; neque etiam est causa illius peccatum illud primum permissum, quia hoc est simpliciter posterius. Ipsa permissio; ergo nulla datur causa meritoria dictæ permissionis; seu nulla datur causa demeritoria gratiæ efficacis per quam illud peccatum erat vitandum. Antecedens constat. Consequenter probatur, quia solum peccatum potest esse causa dictæ permissionis; sed non datur peccatum, quod possit esse causa dictæ permissionis; ergo. Minor probatur, nam non potest esse causa dictæ permissionis peccatum illud primum permissum quia hoc supponit illam primam permissionem; nec aliud peccatum posterius ob eandem rationem; nec aliud prius, quod non datur; ergo, &c.

159 Nec valet 1. respondere cum aduersarijs, quod hinc solum habetur, quod nullum peccatum actuale sit causa dictæ primæ permissionis. non tamen quod peccatum originale, cum hoc supponatur ad reprobationem. Sed contra, quia, loquendo de illis, quibus peccatum originale non remittitur, ac proinde ob illud damnantur, tunc illius permissio est primus effectus reprobationis. Item est aliquo modo effectus reprobationis respectu illorum, qui non damnantur ob peccatum originale, cum in illis fuerit remissum, fuit tamen aliquo modo occasio conducing ad alia peccata ob quæ damnantur; nam tunc permissio dicti peccati originalis dicitur prima, nullam habens causam meritoriam sui ex parte reprobi.

160 Confirmatur, & explicatur hæc ratio, quia permissio quæ Adamus fuit permissus cadere in peccatum, potuit esse effectus reprobationis eorum, qui damnantur ob peccatum originale, quatenus eum effectu conducit ad eorum damnationem, sicut etiam potuit esse effectus prædestinationis Adami, prout cum effectu conduxit ad hoc, ut cauior, & humilior resurgeret; ergo dictum Adami peccatum, non potuit secundum commu-

nem cursum esse causa reprobationis. quæ ad primum eius effectum, seu quoad primam permissionem primi peccati. Antecedens constat, quia eo ipso, quod permissio peccati Adami, respectu eorum, qui ob peccatum originale damnantur, conducit eum effectu ad eorum damnationem, ratione peccati eiusdem Adami, non potest non esse effectus reprobationis eorum, qui ob dictum peccatum damnantur. Consequenter probatur, quia ad hoc ut peccatum esset causa primæ permissionis, quæ est primus effectus reprobationis, debet esse causa eiusdem permissionis, quæ ipsum peccatum permittitur; sed hoc repugnat, ut patet; ergo, &c. Quod si sermo fiat de reprobo, cui peccatum originale remittitur, ac proinde per illud non damnatur, tunc non reprobatur dependenter ab eo ut à causa meritoria reprobationis, ac proinde præiudicio dicti peccati non conducit ad talem reprobationem tanquam causa meritoria, hoc enim ipso, quod remittitur, non conducit cum effectu ad reprobi damnationem.

161 Nec etiam valet respondere, cum aduersarijs, quod tamen peccatum originale remittitur quoad reatum poenæ æternæ, manere tamen potest quoad reatum poenæ temporalis, ac proinde etiam quoad reatum, seu debitum cæcendi gratiæ efficaci in ordine ad evitandum peccatum. Sed contra, quia non possunt inter se coherere, quod Deus remittat peccatum originale reprobo, & quod propter illud permittat primum peccatum propter quod damnatur; sed Deus de facto habuit efficacem voluntatem, remittendi aliquibus reprobis peccatum originale; ergo non potuit simul habere efficacem voluntatem damnandi eosdem propter peccatum originale remittendum, tanquam propter causam meritoriam. Minor nota est secundum fidem. Maior probatur, quia si Deus haberet illas duas voluntates, verificarentur de illo duæ contradictoriæ, quod scilicet veller efficaciter remittere dictum peccatum originale reprobis baptizatis, & non veller; vellet, ut supponitur, non veller, quia vult eos damna-

damnare propter illud tanquam propter causam meritoriam. Tum quia ex dicta aduersariorum doctrina sequeretur, quod dictum peccatum originale non plene remitteretur in baptizatis, sed aliquid damnationis maneret in illis, contra Trident. sess. 5. can. 5. Secundò, quod aliquid admitteretur contra suauem legem Dei, quia statuit se amplius non recordaturum de peccatis semel dimissis. Tertiò, quia alias ultra quatuor vulnera naturæ, contraherent homines per peccatum originale aliud quintum vulnus, scilicet incurrendi permissionem peccati, & debitum carenti auxilijs efficacibus; quod est omnino falsum. Manent quidem post remissionem peccati originalis pœnalitates, quia sunt reatus temporales, sed non possunt manere pœnæ spirituales dictæ, quia illæ pœnalitates remanent ad agonem, ad meritum, ad exercitium, non sic permissio peccati, debitum carenti diuinis auxilijs, &c.

162 Sed quæres, quomodo ordinandi sint actus diuini circa reprobationem. Resp. quod duobus modis hæc ordinatio explicari potest. Primò sic. Quia vt ostenderet Deus quam liberaliter, & absque villo debito prædestinatos ad gloriam elegerit, seu vt ostenderet immensam suæ misericordiæ largitatem erga prædestinatos, voluit hanc gratiam reprobis denegare, eosque à coelesti regno tanquam à dono illis indebito excludere. Deinde hoc ipso, quod Deus habet voluntatem excludendi dictos reprobos à regno, tanquam à dono indebito, habet etiam voluntatem denegandi eis gratiam efficacem, qua prædictum regnum est comparandum; ac subinde habet etiam voluntatem permittendi peccatum in quo reprobis perseveret usque ad vitæ finem. Tandem peccato hoc præuiso habet Deus voluntatem ostendendi iram suam vindicem, & ex hac voluntate vult reprobum æterna pœna punire propter dictum peccatum.

163 Secundò, & melius sic explicari potest, dicendo, quod Deus ex voluntate quam habuit ostendendi diuitias suæ misericordiæ erga prædestinatos, voluit tum negare reprobis regnum cœlestis tanquam

donum indebitum; tum etiam ostendere iram suam vindicem erga reprobos. Hoc enim ipso, quod reprobi sint deputati veluti vasa contumeliæ ad ostendendam iustitiam Dei vindicem, satis ostendit quam felices fuerunt prædestinati, & quam misericorditer Deus erga illos se gesserit, &c. Et licet Dei misericordia esset extensiuè maior si omnes saluaret, est tamen nunc maior intensiuè in electos. Deinde vt Deus ostenderet suam iustitiam vindictiuam in reprobis, voluit eos æterna pœna punire, ex qua voluntate ortum ducit voluntas permittendi peccata in quibus deuiuant. Vnde ordine intentionis prius in genere causæ finalis voluit punitionem, quam permissionem perseverandi in peccato; & hanc prius quam permissionem illius; licet in genere causæ materialis, & dispositiue prius voluerit dictas permissiones, quam punitionem.

164 Hinc fit non bene dixisse Herice hoc loco disp. 33. n. 37. non posse inter se coherere, quod Deus reprobet ante præuisa demerita, & quod non velit punitionem æternam nisi post eadem demerita; quia hoc ipso, quod Deus velit aliquem excludere à regno ante præuisa demerita vult illum punire pœna æterna, cum hoc ex illo sequatur, cum non detur status medius inter hoc, quod est aliquem excludi à regno, & eum pœna æterna puniri. Sed contra, quia licet ex conclusione à regno sequatur infallibiliter, saltem infallibilitate consequentiæ, quod sic exclusus sit pœna æterna multandus, tamen hæc duo sunt inter se distincta, vt vnum possit esse volitum ante præuisionem peccati, non vero aliud, vt ex se notum est.

164 Primum argum. quia ex sacra Scriptura colligi videtur discrimen inter prædestinationem, & reprobationem, quod prædestinatio non fiat ex meritis, secus reprobatio; at hoc discrimen nullum est, nisi detur causa primi effectus reprobationis, seu permissionis primi peccati, ergo, &c. Minor probatur, quia etiam prædestinatio quoad aliquem effectum, scilicet collationem gloriæ, & quoad effectus intermedios datur in executione.

propter merita; ergo ut dictum discrimen subsistat, necesse est, quod ex nostra parte non detur causa primi effectus prædestinationis. Resp. concedendo maiorem. loquendo de reprobatione prout dicit voluntatem, non simpliciter excludendi à regno, sed puniendi reprobos. Deinde neganda est minor. Ad probationem dico, quod prædestinatio, & reprobatio etiã quoad effectus intermedios distinguuntur, quia peccata sunt in nobis ex nobis, & nõ ex Deo; at opera bona non sunt in nobis ex proprijs vitibus, sed ex Dei gratia.

165 Secundum argum. desumunt ex auctoritate Concilij Trident. sess. 6. c. 11. vbi sic dicitur. *Deus sua gratia semel iustificatos non deserit, nisi ab eis prius deseratur.* Si autem prima permissio peccati, non esset propter peccatum in genere causæ materialis dispositivæ, & meritoriz ad illam præsuppositum, non posset verificari, quod Deus semel iustificatos non deserit, nisi prius ab illis deseratur, quia nõ desererent Deum per peccatum, sed prius desererentur à Deo per illã primam permissionem peccati. Tum quia id significavit S. Doctor 1. p. q. 94. art. 4. ad 5. vbi dicit, quod in intentione non est subuentum Adæ, quia iam præcesserat peccatum in animo, & ad diuinum auxilium recursus non habuit, vbi sermo est de prima permissione peccati Adæ. Tum etiam quia idem S. Doctor 2. 2. q. 2. art. 5. ad 1. dicit, quod auxilium gratiæ quibuscunque datur, misericorditer datur; & quibus non datur in pœnam præcedentis peccati, saltem originalis non datur. Resp. Concilium non esse contra nos; solum enim vult, quod Deus neminem deserit cum gratia habituali priuando, nisi prius ab eo per peccatum mortale deseratur. Ad 1. probationem ex D. Thoma dico, solum velle, quod peccatum Adami præcessit in genere causæ materialis, non meritoriz, quia hæc ad causam efficientem reuocatur. Ad 2. probationem dico, eam esse pro nobis, quia supponit, quo auxilij denegatio fit in pœnam præcedentis peccati saltem originalis, ac proinde, quod iam supponat permissionem illius.

166 Tertium argum. quia peccatum, quod primò permittitur, seu quod cum effectu perducit reprobum ad damnationem, habet omnia requisita ad hoc ut sit causa permissionis illius, ergo, &c. Antecedens probatur, quia iam præsupponitur ad dictam permissionem in genere causæ materialis, ergo, &c. Tum quia est id circa quod vetatur dicta permissio. Tum, etiam quia peccatũ illud opponitur gratiæ efficaci per quam erat vitandum, ac proinde disponit ad carentiam illius, in qua dicta permissio consistit. Resp. negando antecedens. Ad 1. probationem dico, quod dictũ peccatum præsupponatur ad permissionem illius in genere causæ materialis, non sequitur, quod sit causa meritoria illius, cum adhuc ultra præcedentiam in genere causæ materialis, requirebatur præcedentia etiam in genere causæ moralis meritoriz, & quasi efficientis moraliter.

167 Quartum argum. quia si ob aliam quam rationem primum peccatum non posset esse causa meritoria primæ permissionis, maximè quia sunt simul in eodem instanti, sed hæc ratio est nulla; ergo. Minor probatur, quia in eodem signo in quo Deus ab æterno decreuit punire reprobos propter illorum peccata, habuit voluntatem permittendi peccata; & nihilominus ista fuerunt causa reprobationis ex parte pœnæ, & intentionis infligendi illam, ex eo, quod in genere causæ materialis ad utrumque præsupponebantur; ergo, &c. Resp. negando maiorem; non enim illa repugnancia oritur præcisè ex eo, quod sint in eodem instanti, sed quia peccatum solum supponitur in genere causæ materialis respectu permissionis illius; non in genere causæ efficientis meritoriz; sicut hoc modo præcedit respectu pœnæ postea infligendæ cū respectu illius habeat rationem meriti; non respectu suę permissionis.

168 Quintum argum. quia illa prima permissio est malum respectu hominis, cum ea posita infallibiliter sequatur peccatum; at non est malum culpæ, cum sit à Deo; ergo pœnæ; ac proinde peccatum illud erit causa demeritoria ipsius, cum pœna

poena non nisi ob culpam infligatur. Resp. quod dicta permissio secundum se nec est malum culpæ, nec poenæ, sed est quid homini disconueniens; ad eum modum, quo qualitates quibus homo non bene se habet, sunt illi disconuenientes. Quod autem ex dicta permissione sequatur peccatum, est ex parte defectibilitatis eiusdem hominis.

D V B I V M XVIII.

Quam sint effectus reprobationis.

169 **R**em totam sequentibus concl. explicabimus. Prima concl. *Permissio primi peccati propter quod reprobis damnatur; permissio perseuerantia in illo; Item permissioes aliorum peccatorum propter quæ etiam reprobis damnatur, & perseuerantia in illis; item damnatio, seu pæna æterna, & carentia diuinæ visionis, etiam ut est beneficii indebiti, sunt effectus reprobationis.* Peccatum, seu peccata ipsa permissa sunt extra effectus reprobationis. Hanc concl. defendunt omnes D. Thomæ discipuli, & alij relati à Salm. hoc loco. Quod permissio primi peccati sit effectus reprobationis constat ex dubijs præcedentibus. Quod reliquæ permissioes aliorum peccatorum sint effectus reprobationis, satis liquet, quia cum prima permissio sit causa reliquarum, sequitur, quod si prima est effectus reprobationis, etiam sequentes debeant esse tales. Tum quia omnes istæ permissioes sunt media quibus reprobi suum finem cōsequuntur. Cum enim reprobatio sit pars providentiæ, debet providere de medijs, quæ sub ea cadunt. Tum quia non solum primum opus bonum est medium, & effectus prædestinationis, sed etiam alia, ita pariformiter, non solum prima permissio erit medium reprobationis, sed etiam alia. Quod autem æterna damnatio, & carentia diuinæ visionis iam dicta, sit effectus reprobationis, etiam liquet, quia providentiæ, attingens efficaciter media conducentia ad aliquem finem, debet etiam attingere ipsum finem per talia media exequibilem;

ergo cum reprobatio efficaciter attingat dictas permissioes, quæ sunt media efficacia conducentia ad æternam damnationem, & carentiam diuinæ visionis, quæ sunt finis reprobationis, debet etiam ad ista se extendere. Tum quia æterna damnatio, & dictæ visionis carentia sunt effectus maxime proprius reprobationis, & maxime intentus. Quod tandem peccata ipsa permissa nequeant esse effectus reprobationis, constat, quia effectus reprobationis debent esse à Deo reprobane, quia Deus debet causare media suæ reprobationis; peccata autem causare non potest: sed contra hæc sit.

170 Primum argum. quia prima peccati permissio, ob quod reprobis damnatur, nequit habere rationem pœnæ, cum nullam supponat culpam, vt dub. præced dictum est; ergo nequit pertinere ad iustitiam vindictivam, quæ solum culpam punit; ac subinde neque ad reprobationem, quæ essentialiter includit actum iustitiæ vindictivæ Resp. concedendo antecedens, & primam conseq. quia necesse non est, quod omnis effectus reprobationis sit actus iustitiæ vindictivæ, sed sufficit, vel quod sit actus iustitiæ vindictivæ, vel quod ordinetur ad manifestationem eiusdem iustitiæ.

171 Secundum argum. quia videtur esse nimia crudelitas in Deo, quod permittat primum peccatum ex intentione damnandi reprobum, sicut esset crudelis medicus, qui immitteret infirmitatem, gravem in aliquem, vt illum sanaret, & multo magis si dictam infirmitatem immitteret absque intentione sanandi; quanto ergo maioris crudelitatis erit permittere gravissimam animæ mortem, qualis est peccatum mortale, eo sine vt homo æterna damnatione puniatur; maxime quando nullum præcessit demeritum ad dictam permissionem; vt in prima contingit. Resp. quod esset seuitia, & crudelitas si Deus permitteret hominum peccata ex voluntate efficaciæ damnandi illos, si talis damnatio esset à Deo volita secundum se, & vt præcisè est malum hominis. Sed nõ sic res se habet, sed permittit hominibus repro-

reprobatorum peccata ex efficaci voluntate damnandi eos propter offensionem practicam suæ iustitiæ punitivæ, & propter maiorem offensionem suæ misericordiæ erga prædestinatos. Sicut enim causare potest aliquod malum in homine propter maius bonum, sicut cæcus illæ Ioan. 5. dicitur sic natus, ut manifestarentur opera Dei in illo, ita, &c. Tum quia ille dicitur crudelis, qui excedit in infligendis pœnis; & ille dicitur serire, seu squire, qui in inflictione pœnæ non attendit ad culpā puniti, sed solum in cruciatio illius, delectationem, quæ duo nullo modo currunt in Deo.

172 Tertium argum, quia non est effectus reprobationis (inquit Suarez lib. 5. de reprob. cap. 7. nisi qui à Deo fit ex intentione deliberata damnandi hominem propter peccata sua; sed hoc solum conuenit permissioni finalis impoenitentiae, non alijs præcedentibus, cum hæc non fundentur in intentione diuina damnationis, sed solum illa ultima, quæ fundatur in culpa desperata; ergo. Confirmat, nam ex voluntate reprobandi per se tantum sequitur pœna alterius vitæ, quæ est puræ vindictiua; pœnæ namque huius vitæ quantum est ex parte Dei, medicinales sunt, si homo conuerteri velit; ergo sola pœna alterius vitæ, quæ medicinalis non est, & permissio finalis impoenitentiae, possunt esse effectus reprobationis. Resp. negando maiorem, nam non solum finalis impoenitentiae permissio est effectus reprobationis, & infert æternam damnationem, verum etiam aliæ permissiones præcedentium peccatorum non dimissorum, sed perseverantium vsque ad mortem. Ad confirmationem dico, quod licet pœnæ huius vitæ in electis sint medicinales, & etiam in reprobis prout oriuntur à voluntate antecedenti saluandi omnes, non tamen prout oriuntur à voluntate reprobandi, tunc enim medicinales non sunt, sed cum effectus, & efficaciter conducunt ad damnationem æternam.

173 Quartum argum. quia carentia diuinæ visionis ut est beneficium indebitum, non habet rationem pœnæ; ergo non potest ut sic esse effectus reprobationis, cum

nullam supponat culpam. Resp. ex dictis, quod ad hoc ut aliquid habeat rationem effectus reprobationis, non est necess., quod supponat culpam, sed sufficit, quod ordinetur, saltem in executione, ad offensionem diuinæ iustitiæ, & misericordiæ in electos, &c.

174 Secunda concl. *Ipsa substantia reprobis est effectus sua reprobationis.* Hæc conclusio communiter admittitur. Ratio fundamentalis est, quia ideo prædestinatio extenditur ad substantiam prædestinati, quia est imperium efficax quo homines ad æternam beatitudinem deputantur; sed etiam reprobatio est imperium efficax quo reprobi deputantur æternis supplicijs; ergo etiam reprobatio extenditur ad substantiam reprobi, tãquam ad effectum illius. Minor, & conseq. ex maiori deducuntur, sicut enim est proprium prædestinationis extendi ut ad suum effectum tum ad media, tum etiam ad id, quod per eadem media in finem dirigendum est, scilicet ad subiectum prædestinatum; ita idem de reprobatione dicendum est. Tum quia sicut prædestinatio est transmissio creature rationalis, ita & reprobatio, &c.

175 Confirmatur 1. quia vt supra obseruauimus, substantia reprobi est effectus prædestinationis electorum, quatenus efficaciter conducit ad manifestationem maioris misericordiæ Dei erga prædestinatos, ergo etiam erit effectus reprobationis eiusdem reprobi, quatenus conducit ad eiusdem eodemnationem. Confirmatur 2. quia si substantia reprobi est effectus prædestinationis electorum, quatenus conducit ad maiorem eorum gloriam, & felicitatem, etiam poterit esse effectus reprobationis, quatenus conducit ad maiorem gloriam Dei, ad maiorem offensionem suæ iustitiæ punitivæ, &c.

176 Sed obiecis 1. quia prædestinatio est prior reprobatione, finis namque istius, ad finem illius ex parte obiecti ordinatur; ergo si substantia reprobi est effectus prædestinationis electorum, intelligetur futura autem reprobationem, ac proinde non poterit esse effectus illius. Resp. quod substantia reprobi est effectus remou-

tus prædestinationis, & proximus repro-
bationis, & à prædestinauone, erit quasi
imperatiuè, à reprobatione quasi execu-
tiuè; quo modo actus humilitatis est pro-
ximè ab humilitate, & remotè à charitate
imperante.

177 Obijcies 2. nam substantia re-
probi est effectus voluntatis antecedentis,
qua Deus vult omnes homines saluos
fieri, sed hæc supponitur ad reprobatio-
nem, ergo non poterit dicta substantia
esse effectus reprobationis. Resp. distin-
guendo maiorem; substantia reprobi est
effectus voluntatis antecedentis, qua Deus
vult omnes homines saluos fieri, si sub-
stantia illa consideretur secundum quod
est subiectum capax beatitudinis, & con-
ceditur; secundum quod eius productio
de facto, & cum effectu conducit ad finem
reprobationis, & negatur. Vna namque,
eademque res à duplici illa voluntate se-
cundum diuersam rationem dictam oriri
potest.

178 Obijcies 3. quia ea quæ proce-
dunt à voluntate reprobandi, & damnan-
di, sunt volita ex præuisione peccati, tan-
quam causæ meritoria, quia nemini est
volita damnatio, nisi propter peccata; er-
go substantia reprobi nequit esse effectus
sue reprobationis. Probatur conseq. quia
substantia reprobi est principium, & cau-
sa peccati, principium autem meriti siue
boni, siue mali non cadit sub merito. Resp.
negando antecedens, vt enim ex dictis
constat, non omnes effectus reprobatio-
nis sunt ex præuisione peccati, seu cadunt
sub merito, seu habent causam meritoriam
ex parte reprobi, vt de exclusionem à regno
dictum est, & de prima permissione peccati.

179 Obijcies 4. quia peccatum origi-
nale transfusum ad posteros est prius
reprobatione, cum sit prius prædestinatio-
ne Christi; sed hoc peccatum supponit
substantiam; ergo etiam reprobatio sup-
ponit illam. Resp. quod peccatum origi-
nale transfusum solum supponitur in ge-
nere causæ materialis, vel vt est malum
naturæ, vel vt præcisè opponitur iustitiæ
originali, non prout opponitur gratiæ re-
demptiue, vt ex dictis supra constat.

180 Tertia concl. *Omnia bona natu-
ralia reprobis concessa, & omnia dona super-
naturalia eisdem tributa sunt effectus repro-
bationis illorum.* Hanc concl. tuerentur Ban-
nes, Granado, & omnes recentiores Tho-
mistæ, vt testantur N. Salmant. hoc loco.
Ratio clara est, quia omnia prædicta con-
ducunt reprobum cum effectu ad damna-
tionem illius. Tum quia reprobis, ob di-
cta habebit maiorem poenam saltem acci-
dentalem, considerans, quod per sua
naturalia adiuta per gratiam, æternas poe-
nas effugere poterat. Tum etiam, quia
Deus ideo derelinquit eum, & permittit vt
tandem damnaretur, quia dictis bonis
non fuit bene vsus, sed abusus fuit. Vnde
sicut omnia ista sunt effectus prædestina-
tionis, quia cum effectu conducunt ad
gloriam, & ex illis prædestinatus habebit
ultimam gloriam accidentalem, ita, &c.

181 Sed obijcies 1. quia dona super-
naturalia conceduntur reprobis ex volun-
tate salutis eorum, ergo non ex voluntate
damnationis eorumdem. Resp. quod di-
cta dona, prout procedunt ex voluntate
antecedentis, conceduntur ex voluntate
salutis reproborum, vt sic; at prout sunt
ex voluntate consequenti, dantur ex vo-
luntate damnationis eorumdem reprobo-
rum, &c.

182 Obijcies 2. quia ex ratione dicta
videtur, quod omnia dona naturalia, &
supernaturalia concessa prædestinatis, sint
effectus reprobationis damnatorum, hoc
concedi nequit, ergo. Maior probatur,
quia omnia prædicta conducunt cum effe-
ctu ad maiorem poenam reprobatorum;
Resp. concedendo maiorem, quoad effe-
ctus naturales, & negando quoad effectus
supernaturales. Eodem modo neganda, &
concedenda est minor. Quod autem effe-
ctus naturales concessi prædestinatis sint
effectus reprobationis reprobatorum, con-
stat, quia cū dicti effectus naturales quo-
ad suam realitatem oriantur proximè, &
quasi elicitiuè à prouidentia naturali, non
inconuenit, quod duæ aliæ prouidentie ex
parte nostri modi concipiendi distinctæ,
habeant remotè imperare eisdem effe-
ctus secundum quod pertinet ad proprias
quasi

quasi lineas. Benè verum est, quod dicti effectus naturales prout imperantur à pignificatione in ordine ad maiorem gloriam electorum, non possunt imperari à reprobatione sicut prout sunt à reprobatione imperantur à prædestinatione, quia inferius non imperat superiori. Quod verò effectus supernaturales prædestinationis electorum non possint esse à reprobatione tanquam effectus illius, constat, quia reprobatio nequit applicare prædestinationem, nec illi imperare, maximè quantum ad effectus supernaturales.

183 Quarta concl. *Totum hoc uniuersum ordinis naturalis est effectus reprobationis reproborum.* Sic cõmuniter Theologi, cum enim totum hoc uniuersum sit effectus prædestinationis electorum, quia totum illis deseruit, cum omnia illis cooperentur in bonum; ita totum est effectus reprobationis reproborum, quia ex eo toto desumpserunt reprobi occasionem suæ perditionis. Hinc dixit S.P. Aug. in soliloquijs cap. 18. quod reprobis, & ipsa oratio vertetur in peccatum, occasionaliter, & ex malitia eorumdem reproborum.

DUBIUM XIX,

An electio efficax prædestinatorum ad gloriam sit omnino gratis, & ante præuisionem meritum, an verò ex iustitia, & post præuisionem merita.

184 **E**X hoc puncto potissimè hoc dubium pendet, an scilicet prius intelligamus Deum decreuisse dare gratiam, & merita, & postea pro meritis velle tribuere gloriam; si enim sic res se haberet, electio ad gloriam esset ex iustitia, & post præuisionem merita. Si verò non prius intelligamus Deum velle mediâ gratiam, & merita, sed finem, in quantum prius intelligimus Deum efficaciter decreuisse dare prædestinatis gloriam, quæ est finis, seu elegisse eos ad gloriam, & quod ex ista voluntate efficaci fuerit motus, seu quasi motus ad tribuendum ipsis gratiam, & merita, quibus gloriam con-

sequantur, tunc ea electio cum sit ante præuisionem meritum, dicetur omnino gratis, & ly *ante*, dicit prioritatem causalitatis, & efficacis, quia dicta merita infalibiliter inferet.

185 Prima sententia tenet, quod electio qua Deus intendit dare prædestinatis gloriam non fuit omnino gratuita, & ante præuisionem merita; sed post præuisionem eorum, ac subinde ex iustitia. Sic Molina, Vasquez, Lessius, Becanus, Herice, & alij apud Salmant. hoc loco.

186 Nostra sententia seq. concl. explicatur. *Deus voluntate omnino gratuita, & efficaci, ac ante præuisionem merita, elegit prædestinatos ad beatitudinem, seu intendit dare illis gloriam, ac proinde ea electio non fuit ex iustitia, propter merita prius volita, & præuisionem.* Pro hac concl. stant S.P. Aug. D. Thomas, Scotus, Durandus, & alij innumeri quos refertur, & sequuntur prædicti Salmant. hoc loco dub. 3. n. 78. Hanc concl. probat S. Doctor art. 4. præsentis q. 23. ex illo Apost. Ephes. 1. *Elegit nos in ipso ante mundi constitutionem ut essemus sancti & immaculati, in conspectu eius; elegit nos non quia eramus, sed ut essemus sancti per gratiam; ac proinde electio non supponit gratiam, sed tribuit.*

187 Probatur etiam ex alijs sacrae scripturae locis. Et primò ex illo Loc. 12. *Nolite timere pusillus grex: quia complacuit Patri vestro dari vobis Regnum.* Si enim regnum daretur, seu prepararetur à Patre ex præuisionem meritis, & ex iustitia, non daretur ex complacentia Patris, ut patet. II. Probatur ex illo Ioan. 15. *Non vos me elegistis, sed ego elegi vos.* Quæ verba intelligit S.P. Aug. lib. de patientia cap. 20. 21. & 22. de electione efficaci ad gloriam. III. Probatur ex illo Ephes. 1. *Qui prædestinauit nos in adoptionem filiorum per Iesum Christum, secundum propositum voluntatis suæ, in laudem gloriae gratia ipsius.* Et post pauca. *In quo nos sorte vocati sumus, prædestinati secundum propositum eius; si namque ex meritis vocati essemus, non sorte vocati essemus.* IV. Probatur ex illo Rom. 9. *Cum nondum nati fuissent, aut aliquid boni egissent, aut mali (ut secundum ele-*

electionem propositum Dei moueret) non ex operibus, sed ex vocante dictum est, quia maior seruiet minori. Sicut scriptum est Iacob dilexi, Esau autem odio habui. Item tradunt Sancti Patres; quos longa manu refertur N. Salm. hoc loco disp. 9. dub. 2. Sed agamus rationibus.

188 Prima ratio, quoniam de decretis liberis Dei non est aliter sentiendum à catholico, quam ex sacra scriptura, & Patribus habemus; sed ex sacra scriptura, & ex Patribus habemus electionem prædestinatorum ad gloriam esse omnino gratuitam, liberalem, & ante præuisa merita, ergo ita sentiendum est à viro catholico. Maior constat ex communi Theologorum consensu. Minor etiam habetur ex citatis sacra scripturae testimonijs, & ex Sanctis Patribus ibidem.

189 Secunda ratio est, quia voluntas, seu intentio efficax finis, est ante voluntatem, seu electionem efficacem mediorum; ergo voluntas efficax dandi gloriam erit in Deo ante voluntatem efficacem dandi gratiam, & merita, ac proinde voluntas dandi gloriam erit omnino liberalis, & gratuita. Antecedens constat, quia cum media efficacia sint propter finem, non possunt esse volita, nisi ex volitione finis, ac proinde prior erit volitio finis, ut inde eatur ad volitionem mediorum. Consequenter constat, quia voluntas efficax dandi gloriam, est voluntas finis, & voluntas efficax dandi gratiam, & merita, est voluntas, seu electio mediorum; gloria namque est finis, & gratia medium ad talem finem. Tum quia re vera gloriosa est finis gratiae, & meritorum, & illis in executione posterior, & in intentione prior; quæ namque sunt in executione posteriora, sunt in intentione priora.

190 Tertia ratio, nam de facto prædestinati discernuntur à non prædestinatis per hoc, quod à Deo recipiunt media efficacia ad consecutionem gloriæ, quæ non prædestinati non recipiunt; sed hæc discretio facta in tempore, supponere debet aliquam discretionem in Deo ab æterno, quæ alia esse nequit, nisi intentio efficax dandi prædestinatis gloriam, non istis,

ante meritum præuisionem; ergo. Maior nota est. Minor probatur; quia discretio de medijs, supponit discretionem de finis; ergo cum prædestinati in tempore discernantur à non prædestinatis per media, debent ab æterno discerni per finem, qui alius esse nequit nisi intentio dandi gloriam, quæ discretio cum præcedat media, scilicet merita, erit sine meritis.

191 Quarta ratio, quia electio efficax ad gratiam est ante omnia opera nostra, licet executio, & collatio illius non sit sine nostra cooperatione; ergo similiter licet collatio, & executio beatitudinis sit post nostra merita, electio tamen ad ipsam erit ante præuisionem eorumdem meritum. Antecedens ostenditur, quia in executione nec gratia habitualis, nec auxilium conceduntur adultis sine eorum consensu, & operatione. Gratia namque habitualis non infunditur adultis sine eorum dispositione; nec auxilium dantur efficacia sine actuali operatione, v.g. conuersionis; & tamen electio ad gratiam non præsupponit præuisionem cooperationis, cum cōponat, non supponat. Consequenter constat ex paritate rationis, quia si semel in electione ad gratiam non seruat idem ordo intentionis, & executionis, ita neque in electione ad gloriam.

192 Respondet Lessius 1. quod Deus ex intentione gloriæ vult solum conferre prædestinatis media efficacia materialiter, non formaliter, & per hæc prædestinati discernuntur à non prædestinatis; volitio autem conferendi gloriam efficaciter, est post præuisa merita efficacia. Sed contra, quia hæc solutio destruit essentiam prædestinationis, de cuius ratione est, quod sit præparatio beneficiorum efficacium, quibus certissime liberantur, quicumque liberantur. Tum quia dicta solutio facit Deum ignorantem, & imprudentem; peto enim, an quando Deus eligit media efficacia ad gloriam, cognoscat eorum efficaciam, vel eam ignorat. Si primum, ergo eorum efficaciam intendit, cum sciens, & prudens illa applicet, aliàs à casu, & imprudenter ea applicaret. Si secundum, ergo est ignorans.

Ecc

Ref.

193 Respondet 2. Lessius, quod intentio finis non est prior volitione mediorum, quando finis intenditur ut primum, ut in presenti. Sed contra, quia intentio finis tametsi intendatur ut primum semper est prior intentione, seu electione mediorum, ergo, &c. Antecedens probatur, quia intentio finis semper est ratio volendi media, quæcumque illa sint, siue physica, siue moralia, ergo intentio finis debet esse causalitè prior. Consequenter tenet antecedens ostenditur exemplo Iacob, qui servivit ut sibi daretur Rachel in uxorem, & exemplo David, qui pugnavit, ut sibi daretur Michol, cum tamen hæc intenderentur ut præmia, &c.

194 Respondet 3. quod beatitudo prius intenditur in genere, & in confuso sine applicatione ad aliquem in particulari, quam prævideantur merita, ut autem applicata singulis non prius intenditur absolute, sed conditionatè, si perfenerauerint in gratia, ac proinde si habebunt merita. Sed contra, quia licet noster intellectus ratione sui modi imperfecti concipendi concipere possit Deum efficaciter velle beatitudinem aliquibus, non concipiendo pro tunc quinam sint illi, quibus in particulari decrevit dare efficaciter eandem beatitudinem; Deus tamen pro eodem signo pro quo vult beatitudinem efficaciter à se dandam, vult eam ut applicatam in particulari ordine intentionis ijs, qui postea ordine executionis illam sunt consecuturi. Tum quia Dei cognitio per scientiam simplicis intelligentiæ, quæ ad efficaciam electionem præcedit, est omnino distincta, non confusa, & terminatur in particulari ad omne cognoscibile, ad omnesque homines elegibiles in ordine ad æternam salutem; ergo electio ad hæc cognitionem distinctam sequens, non est vaga, & confusa; quia ob naturalem sympathiam, consensionem, & correspondentiam inter intellectum, & voluntatem, ubi est cognitio distincta, est etiam volitio distincta, nisi voluntas aliunde, ut ex passione impediatur, ut in nobis. Tum etiam quia non est distinguendus in Deo ordo, prioritas, aut multiplicitas signorum, nisi

prout ex parte obiecti voliti est talis ordo, &c. Sed volitio efficax beatitudinis in communi, non est ratio volendi eandem in particulari; ergo, &c. Ideo namque intellectus, & voluntas diuina absque nota imperfectionis, & potentialitatis possunt terminari prius ad vnum, quam ad aliud, ut ad essentiam suam, quam ad creaturas, quia illa est ratio cognoscendi istas; sed beatitudo vagè, & confusè cognita, non est ratio quare sit volita magis istis, quam illis in particulari applicata, ergo, &c.

195 Sed dices, quod diuina bonitas est prius volita, quam prædestinati in particulari eligerentur à Deo, & tamen diuina bonitas sic volita non est ratio quare hi potius, quam illi eligerentur; ergo licet illa electio vaga, & confusa non sit ratio ante præiusta merita, quare hi, non illi eligantur, adhuc tamen talis electio erit prior, quam electio in particulari, & post præiusta merita. Resp. concedendo antecedens, quoad priorem partem, quod scilicet diuina bonitas sit prius volita, quam in particulari eligantur prædestinati ad gloriam, & deinde negatur quoad secundam partem, quod non sit ratio quare hi potius eligantur; habet namque diuina bonitas ex proprijs meritis, connotando tamen liberum voluntatis actum, quod potius sit ratio eligendi hos, quam illos, magis enim resplendet in horum, quam in illorum electione.

196 Respondet Molina, quod Deus eligit media efficacia ad beatitudinem, absque præiusta efficaci intentione finis; qui enim scit medicinam esse efficacem, illam eligit absque præiusta intentione sanitatis. Sed contra, quia vel Deus per media efficacia vult dare gloriam ut finem, vel non. Si primum, ergo supponitur intentio finis. Si secundum, imprudenter agit, volendo media sine fine.

197 Respondent alij, quod intentio gloriæ virtualiter includitur in volitione mediorum. Sed contra, quia ad hoc ut quis non agat temere, debet ex præiusta intentione finis agere, & non ex sola intentione finis inuoluta in electione mediorum; tum quia expressa finis intentio, dicitur per-

perfectiorem; ergo non debet Deo denegari. Tum quia intentio finis virtualiter contenta in electione mediorum, est simpliciter posterior ipsa electione. Tum etiã quia sicut est perfectio cognoscere principia non solum vt virtualiter continentur in conclusione, verum etiam in se ipsis, & prout ex illis inferitur conclusio, ita, &c.

198 Respondet Vasq. 1. quod ad electionem efficacem mediorum sufficit, quod præcedat inefficax intentio finis; nam ex inefficaci intentione saluandi omnes habet Deus efficacem intentionem mediorum quibus prædestinati vitam æternam consequantur, ex quo inferit, quod discretio, & inæqualitas amoris erga prædestinatos, & reprobos non incipit ab intentione gloriæ, sed à communicatione gratiæ. Sed contra, quia cum intentio finis sit ratio, seu causa electionis mediorum non potest maior efficacia esse in effectu, quam sit in causa; sicut hoc ipso, quod principia sunt inspeculabilibus causa conclusionis, non potest maior certitudo esse in conclusione, quam in principiis, cum quicquid est in effectu, debeat relucere in causa. Tum quia sicut se habet simpliciter ad simpliciter, ita magis, ad magis; ergo si ad electionem mediorum simpliciter supponitur volitio finis; ita ad magis efficacem, debet supponi magis efficax, &c. Nec est verum, quod dicit Vasquez, quod discretio inter prædestinatos, & reprobos incipiat a primo auxilio gratiæ eisdem concessio; nam collatio tam gratiæ habitualis, quam actualis, potest esse communis tam prædestinatis, quam reprobis.

199 Respondet Vasq. 2. quod etsi electio efficax mediorum respectu finis obtinendi ab illo, qui habet intentionem illius, debeat præsupponere intentionem efficacem: non tamen electio efficax mediorum respectu finis ab alio consequendi. Et sic cum Deus non eligat media ad beatitudinem à se consequendam, sed à prædestinatis, sufficit, quod præcedat intentio inefficax. Exemplo Patris, qui tribuit filio media efficacia ad studendum, & tamen in Patre non datur voluntas efficax finis, cum talis finis non sit in potestate Patris. Sed

contra, quia licet Deus non intendat beatitudinem à se consequendam, inrendit tamen illam vt à se efficaciter dandam, ergo sicut si intenderet illam vt à se efficaciter acquirendam, deberet illam efficaciter intendere; ita cum intendat illam vt efficaciter dandam. Nec exemplum adductum à Vasq. illi fauet; quia cum Pater non intendat efficaciter studium à filio ponendum, sed solum quantum est de se, ita prouidet de medijs solum quantum est de se sufficientibus, non inferentibus efficaciter in filio studium. Tum quia si vera esset illa solutio, numquam Deus intenderet efficaciter aliquem finem creatum, cum nullus sit ab ipso exequendus, seu consequendus.

200 Respondent alij, quod licet efficax electio mediorum supponat in genere causæ finalis intentionem efficacem finis, est tamen dicta electio prior in genere causæ materialis, ac proinde hoc modo erit illa intentio ex præiis meritis in hoc genere prioribus. Verum hæc solutio ex dictis in præcedentibus manet impugnata quia præcedentia in solo genere causæ materialis non est sufficiens vt illa intentio dicatur esse ex meritis, quia merita sunt simpliciter priora præmio, & non tantum secundum quid.

201 Respondent tandem alij, quod licet electio efficax mediorum debeat supponere aliquam intentionem efficacem, non est tamen necesse, quod hæc sit intentio dandi gloriam, sed intentio ostendendi sua attributa. Sed contra, quia intentio ostendendi attributa est finis communis, & remotus. ergo debet assignari finis proximus, peculiaris, & vltimus ipsius creaturæ rationalis.

202 Sed quæres, an dicta electio gratuita, & ante præiis merita, non solum sit ad gloriam vtrumque, sed vt dandam tanquam coronam? Respondeo ad eam vt dandam tanquam coronam. Ratio clara est, quia cum electi in exsecutione gloriæ consequantur ex meritis, & vt coronam, debet hoc procedere ex intentione efficaci dandi eandem gloriam vt coronam; ac proinde cum dicta efficax intentio Dei sit

omnino gratuita, consequens est, ut obiectum illius non sit gloria utriusque in executione danda, sed danda per modum coronæ. Tum quia hoc ipso, quod intentio est efficax, debet velle totum id, quod posita in executione ponitur, aliàs ea intentio non esset efficax, & illa executio cum non esset inuenta fieret à casu. Tum etiam quia est discrimen inter voluntatem infligendi poenam, & voluntatem qua Deus ex sua bonitate, & ex motu misericordiae habet actum intentionis quo vult electis beatitudinem ut dandam in executione, tanquam coronam; quod illa prior voluntas est actus iustitiae punitivæ, ac proinde debet in aliquo genere supponere debitum solvendi poenam. At secunda voluntas est actus misericordiae, & liberalitatis, ac proinde licet sit de danda gloria ut coronæ, tamen cum hæc intentio à misericordia imperetur, debet esse ante præiussa merita.

203 Primum argum. quoniam electio gratuita, & ante præiussa merita non coheret cum illa sincera voluntate, qua Deus ex intimo cordis affectu, & ex se ipso, ante præiustionem meritorum voluit omnes saluos fieri. Neque coheret cum divinis promissionibus, quibus ante eandem præiustionem promittit omnibus vitam æternam conditionatè, si mandata custodierint. Nec etiam coheret cum efficacia quam habent opera bona perseveranter patrata, ad hoc ut cum effectu perducant operantem in vitam æternam; ergo. Prima pars antecedentis probatur, quia tam pauci eliguntur, & reliqui omnes negliguntur. Secunda pars constat, quia Deus ante præiussa merita decernit gloriam dandam, ac proinde nequit postea illam velle dare conditionatè. Tertia constat, quia si vult dare gloriam ante merita præiussa, illam sic consequuntur electi, tametsi non ponant opera. Resp. negando antecedens. Ad 1. probationem constat ex pluribus dictis, illas duas voluntates cum sint de diversis obiectis non repugnare, quod etiam fateri debent aduersarij, dum non obstant illa voluntate saluandi omnes, admittunt probationem eodem modo respondetur, quia

voluntas conditionata, optimè coheret cum absoluti, quæ circumstantias attendit. Ad 3. dico, quod dupliciter intelligi potest, quod Deus vult gratuito eligere homines ad gloriam. Primò, ut *ly gratuitum* cadat supra verbum vult, & sit sensus, quod misericorditer, & liberaliter voluit eligere homines ad gloriam in executione dandā ex meritis. Secundò ut *ly gratuito*, & ante præiussa merita cadat non tantum supra verbum vult, verum etiam supra executionem, & hoc est falsum, quia iuxta priorem sensum vult Deus dare electis gloriā.

204 Secundum argum. quia vult Deus dare gloriam adultis, ut coronam ergo non vult dare illam gratuito. Antecedens constat ex illo Apostoli. in *reliquo reposita est mihi corona iustitiæ*. Consequenter probatur, quia id quod datur ut coronæ, debet etiam esse intentum ut coronæ. Tum quia idem est aliquid esse volitum, ut coronæ, ac esse volitum ut dandum in retributione meritorum, seu laborum. Tum etiam quia quoties aliquid est medium ad finem sicut causa moralis, tunc is qui alteri promittit finem per illud consequendum, nunquam dat, aut intendit dare eundem finem donec videat mediū; sed merita sunt media moralia ad gloriam; ergo, &c. Tum deinde quia si Rex proponeret aliquod præmium bene meritis, ea lege, ut nullus illud adipisceretur, nisi qui victoriam in aliquo certamine reportaret, tunc quantumvis aliquem amore prosequeretur, & ei præmium expeteret, nunquam tamen ea voluntate priori persistente, decerneret dare illi tale præmium, antequam eum victorem videret, ergo etiam Deus &c. Tum denique quia Deus eodem modo modo dat in tempore sua dona, quo ab æterno disposuit, & intendit; ergo eum cum in tempore det gloriam, propter merita, debet sic ab æterno disposuisse. Resp. concedendo antecedens, & distinguendo consequens: non vult dare illam gratuito; si *ly gratuito* cadat supra verbum vult, & negatur; si cadat supra verbum dare, & conceditur. Deus namque gratuito, & ante præiussa merita intendit da-

re gloriam in executione ob merita. Vnde Deus habet duplicem voluntatem circa gloriam: vnam intentionis, & hæc est ex misericordia: alteram executionis, & hæc est ex iustitia. Ad 1. probationem dico, quod in executione idem est dare gloriam in remunerationem, & in coronam: in intentione, non sic, quia remuneratio supponit merita, intentio autem dandi gloriam vt coronam non supponit merita, sed infert in executione. Ad 2. probationem dico, quod licet in executione non detur finis nisi supposita causa morali illius, in intentione tamen prius intenditur finis, quam medium, quod est illius causa moralis. Per quod patet ad 3. probationem. Ad vltimam probationem dico, quod Deus eodem modo dat gloriam in tempore, quo ab æterno disposuit si ly eodem modo cadat supra verbum *dare*, secus si cadat supra verbum *disposuit*, aut intendit, quia intentio fuit gratuita, & datio est ex meritis.

205 Tertium argum. quia voluntas eligendi efficaciter ad gloriam gratuito, & ante præiussa merita, pugnat cum hoc, quod est velle postea dare in executione propter merita; ergo, &c. Antecedens probatur, quia idem est velle dare gloriam gratuito, & ante præiussa merita, ac velle illam dare, & non ex meritis; ergo, &c. Tum quia voluntas dandi gloriam ante præiussa merita est liberalis, voluntas dandi illam ob merita, est ex iustitia, sed hæc duæ voluntates repugnant; ergo. Tum etiam quia vel illa voluntas dandi gloriam ante præiussa merita est actus iustitiæ remuneratoriæ, vel misericordiæ. Si primum, non est ante præiussa merita. Si secundum non dabitur gloria ex iustitia. Tum denique quia ad eandem virtutem pertinere debet intentio dandi aliquod bonum, & actualis datio illius, ergo si actualis datio est actus iustitiæ, etiam intentio erit actus iustitiæ. Resp. negando antecedens, quia ly *gratuito* modificat voluntatem eligendi, non dandi, vt ex dictis constat. Ad 1. probationem constat ex dictis, quia velle, & dare sunt diuersa: dare ex meritis, & non dare ex me-

ritis, pugnant, non tamen ipsum velle gratuitum, cum dare ex meritis. Ad 2. probationem dico, quod etiam voluntas dandi gloriam ex meritis, est liberalis, licet ipsa datio sit ex iustitia. Ad 3. probationem, dico, quod voluntas dandi gloriam propter merita est ex misericordia, licet ipsa datio sit voluntas remuneratiua. Ad vltimam probationem dico, quod intentio potest ad vnam virtutem pertinere, & executio ad aliam, vt non solum in nostro casu contingit, sed etiam in alijs sexcentis, vt consideranti patebit.

206 Quartum argum. quia in Deo non est ponendum decretum liberum, & efficax nisi habeat aliquem effectum ad extra tanquam connotatum; sed voluntas efficax dandi gloriam ante præiussa merita, nullum ponit effectum ad extra, quia gloria non datur sine meritis; ergo, &c. Resp. concedendo maiorem, & negando minorem, habet enim pro effectu ipsam gloriam ex iustitia datam.

D V B I U M XX.

An opera naturalia prædestinati possint esse aliquo modo dispositiua, vel meritoria ordine executionis respectu primi effectus sue prædestinationis, seu respectu omnium.

207 I Am vidimus quomodo electio prædestinatorum ad gloriam sit ante præiussionem meritorum, & ex pura liberalitate, & misericordia Dei. Modo videndum, an hoc idem dicendum sit in ordine executionis, ita quod ex parte prædestinati nulla detur causa primi effectus sue prædestinationis, nulla dispositio, v. g. primæ vocationis congruæ. Nominem autem primi effectus, non intelligimus primum effectum remotum, deficientem, & inferioris ordinis, vt est substantia ipsius prædestinati; sed intelligimus primum effectum procedentem à prædestinatione, qui sit ordinis supernaturalis,

vt

ut est prima vocatio congrua, quæ ex proposito, seu voluntate, & intentione Dei datur pro salute eorumdem prædestinatorum. Per vocationem autem congruam intelligimus quodecumque auxilium Dei, siue intrinsecum, siue extrinsecum procedens à Deo auctore supernaturali. Quoad præsens autem arripit idem est inquirere an detur causa prædestinationis, quoad primum effectum illius, an detur causa respectu omnium; quod enim erit causa primi, erit etiam causa aliorum sequentium. De operibus prædestinati dubium procedit, quia an opera Christi Dom. sint causa prædestinationis quoad primum, & omnes effectus, constat ex alibi dictis.

208 Prima sententia tenet, quod opera moraliter bona facta à prædestinato naturæ viribus, sint causa dispositiva, seu meritoria de congruo primi effectus suæ prædestinationis. Pro hac sententia citantur aliqui antiqui, & ex modernis eam sequitur Molina hoc loco, qui addit, quod dicta opera ita sunt causa meritoria dicti effectus prædestinationis, ut infallibiliter illum inferant, ex eo, quod Christus D. hoc à suo Patre obtinuit, cum eoque pepigit, ut quodcumque nostrum liberum arbitrium conaretur ad faciendum, quod in se est, toties Deus conferat auxilia gratiæ, quibus credat, doceat de peccatis sicut oportet ad iustificationem.

209 Nostra sententia duplici conclusione explicatur. Prima conclusio. *Opera bona moraliter, facta ex solis viribus naturalibus liberi arbitrij, non sunt causa meritoria de congruo respectu primi effectus prædestinationis, nempe primi auxilij gratiæ, seu primæ vocationis efficaciæ, & congruæ.* Hanc conclusionem sequuntur ferè omnes Theologi, quos longa manu referunt N. Salmani. hoc loco. Colligitur ex sacra scriptura. Nam Ioan. 6. dicitur. *Nemo potest venire ad me, nisi Pater, qui misit me, traxerit eum.* Quæ verba sic explicat Ecclesiæ lumen lib. 1. contra duas Epist. Pelag. cap. 19. *Dixit, traxerit eum, & non dixit, donauerit eum, ut intelligatur*

nullam præcessisse voluntatem hominis ad auxilium, nullus enim trahitur, si iam volebat. Item Ioan. 15. legitur. *Sine me nihil potestis facere.* Et 2. Cor. 3. dicitur. *Non sumus sufficientes cogitare aliquid ex nobis, quasi ex nobis.*

210 Ratio fundamentalis est, quia si homo per opera naturalia posset mereri primum gratiæ auxilium v.g. gratia daretur ex operibus, ac proinde gratia iam non esset gratia, cum non gratis, sed ex meritis daretur. Hoc est falsum, & contra illud Apost. Rom. 11. *Si autem gratia, iam non ex operibus, alioquin gratia, iam non esset gratia.* Sequela probatur, quia quod datur ex merito, non datur omnino gratis, & liberaliter; ergo si illud primum gratiæ auxilium datur ex merito per Molinam, non dabitur gratis, & liberaliter, & sic iam gratia, non erit gratia.

211 Respondent, quod licet meritum de condigno faciat, quod id quod ex illo datur, non omnino gratis, & liberaliter detur; non tamen meritum de congruo. Quod duplici exemplo explicant; nam licet secundum multorum sententiam gratia sanctificans detur propter actum fidei tanquam propter dispositionem, & meritum de congruo, non ob id desinit dicta gratia dari gratis. Item licet in humanis petitio inducat rationem meriti congrui. non tamen id, quod datur, desinit esse donum gratuitum. Sed contra, quia Apostolus, & Patres volunt, quod primum auxilium gratiæ supernaturalis, ita sit gratia, ita detur gratis, ut omnino gratuitò, & liberaliter donetur, & sic sit donum purè gratuitum, & liberale; sed si præcedat opus naturale meritorium de congruo, non dabitur omnino gratis, & liberaliter; ergo. Tum quia meritum, quodcumque illud sit, aliquam inducit obligationem, ita quod meritum de condigno inducat obligationem omnimodam, & meritum de congruo, aliqualem, aliàs non esset meritum. Vnde donatio antidota, seu remuneratoria, non censetur omnino gratuita, & liberalis. Tum etiam quia aliàs posset aliquis gloriari in se ipso, quod ex se, & ex suis naturalibus aliquid

con-

conculit ad primum effectum suæ prædestinationis, per quod se ab alio discruit, contra illud Apost. *Quis se discernit, &c.* Tum denique quia si primum gratiæ donum non est omnino gratuitum, & gratis datum, quomodo alia quæ subsequuntur erunt gratuita? Nec primum exemplum suis fauet auctoribus, quia in primis fides est eiusdem ordinis cum gratia; deinde ipsa fides erit primum donum, non gratia ad quam ipsa de congruo disponit. Ad 2. exemplum dico, quod preces ideo non tollunt rationem doni gratuiti, quia non sunt meritum neque congruum, cum non habeant rationem obsequij in gratiam alterius præstiti, quod est de ratione meriti, vt in tract. de merito ostendo.

212 Secunda concl. *Opera bona moraliter, ex solis natura viribus facta, non possunt esse causa dispositiva respectu primi effectus prædestinationis, seu respectu primæ vocationis efficacia, & congrua.* Colligitur hæc conclusio ex locis Sacræ Scripturæ pro 1. concl. adductis, & traditur in Tridentino sess. 6. cap. 5. & cap. 6. vbi dicitur. *Disponuntur autem ad ipsam iustitiam, dum excitati diuina gratia, & adiuti, fidem ex auditu concipientes, liberè mouentur in Deum.*

213 Ratio clarissima est ex Philosophia, quia forma, & dispositio ad illam requisita, debent esse eiusdem ordinis; sed opera bona moralia naturalia non sunt eiusdem, sed inferioris ordinis cum illo primæ gratiæ auxilio; ergo. Maior constat, aliàs forma, & dispositio ad illam, non haberent debitam proportionem, & commensurationem. Minor est de fide. Tum quia dispositio etiam remota ad formam, est quoddam exordium formæ; exordium autem formæ est eiusdem ordinis, cum forma; actus autem purè naturalis, non est huiusmodi cum gratia, ac proinde non potest esse dispositio etiam remota ad illam. Tum etiam quia dispositio ad gratiam tametsi remota sit, exigit saltem remotè eandem gratiam, & gratia est illi hoc modo debita: sed gratia nullo modo potest esse debita operi naturali; ergo, &c. Tum denique quia dispositio ad gratiam,

tametsi remota, debet per se primò dicere habitudinem ad eandem gratiam tanquam ad finem proprium illius, & ab ea initiatiuè, & radicaliter petitam; si quidem omnis dispositio ex hoc modo propter formam ad quam disponit, tanquam propter finem; sed hoc habere nequit res ordinis naturalis, respectu rei ordinis supernaturalis; ergo, &c.

214 Respondent 1. quod opera moraliter bona ordinis naturalis, non sunt dispositiones ad gratiam ex natura rei, & physicè, sed morales, ac proinde non requiritur inter eas proportio secundum entitatem, & eiusdem ordinis, sed solum secundum prudentem æstimationem, quæ in hoc casu inuenitur. Sed contra, quia de nulla dispositione pure naturali potest prudenter æstimari, quod sit exordium formæ supernaturalis, quod illam vt finem respiciat. Tum quia de nullo actu naturali potest prudenter æstimari, quod per illum prædestinatus se discernat à non prædestinato, &c.

215 Respondent 2. quod opera purè naturalia non sunt dispositio ad gratiam primam nec ex natura rei, seu physicè, nec moralis, sed ex diuina ordinatione, quatenus Deus legem statuit se daturum gratiam facienti quod est in se ex viribus nature, hæc autem lex videtur colligi per Molinam ex illo Ezechiel 33. quod Deus non vult mortem peccatoris, sed vt conuertatur, & viuat; & ex illo Apoc. vbi dicitur, quod Deus stat ad ostium, & pulsat. Et ex illo Matt. 25. vbi talenta distribuuntur vnicuique secundum propriam virtutem. Sed contra, quia gratia eo ipso quod gratia nequit cadere sub nullo merito etiam ex dispositione diuina, aliàs non esset gratia; nam supposita dicta lege teneretur Deus aliquo modo gratiam conferre operanti bene naturaliter. Nec ex locis citatis Sacræ Scripturæ aliquid colligitur, quia intelliguntur procedere ex viribus gratiæ. Ad illud de distributione talentorum, dicendum, procedere de gratis gratis datis, vel quod Deus sic ex sua benignitate disposuit, non ex aliquo merito, aut dispositione.

216 Primum argum. desumunt ex illo Ioan. 1. *Dedit eis potestatem filios Dei fieri*. Non enim homines habent potestatem vt filij Dei fiant, nisi per opera quæ ab ipsis sunt, scilicet per opera bona moraliter naturaliter. Tum quia in Sacra scriptura promittitur gratiæ auxilium peccatoribus facientibus opera bona moraliter, vt facientibus eleemosynam, iuxta illud: *Peccata tua eleemosinis redime*: & illud: *Eleemosyna extinguit peccatum*. Tum quia id docere videtur S. Doctor 3. *contra Gent. cap. 159.* vbi dicit. *Deus quantum in se est, paratus est omnibus gratiam dare*. Resp. malè interpretari Molinam illum locum Ioan. sed intelligi debet secundum mentem Sanctorum Patrum, præsertim S. P. Aug. lib. 1. *contra duas Epist. Pelag.* vbi ex eodem tex. notat, quod potestas, quam habent homines vt fiant filij Dei, debet esse data, seu donata, ac proinde ex auxilio gratiæ supernaturalis. Ad 1. probationem dico, quod eleemosyna extinguit peccatum, quādo procedit ex auxilio gratiæ efficacis, ponentis dispositionem supernaturalem ad gratiam; non prout præcisè est opus bonum morale naturale. Ad 2. dico, ita esse, quod Deus voluntate antecedenti paratus est dare gratiam omnibus, sed ponentibus ex eadem gratiam proportionatam, & conuenientem dispositionem.

217 Secundum argum. quia licet fuerit misericordia, quod homines eleuarentur ad finem supernaturalem, tamen electione supposita, gratia sibi aliquo modo ex iustitia debetur, ad quem sensum dicit S. Doctor *q. 21. art. 4.* quod in omnibus operibus Dei inuenitur misericordia, & iustitia. Tum quia sicut est consentaneum diuinæ providentiæ, quod eleuet naturam intellectualem ad ordinem gratiæ ita etiam consentaneum est, quod actione naturalem moraliter bonam acceptet vt dispositionem, & meritum de congruo ad gratiam, seu ad primum effectum predestinationis. Tum etiam quia quantitas gratiæ data est Angelis iuxta capacitatem naturalem illorum ex D. Tho. 1. *p. 62. art. 6.* & 2. *q. 24. art. 3. ad 3.* ergo signum est,

quod opera bona naturalia habent aliquā dispositionem, & aliquale meritum respectu primi auxilij gratiæ. Resp. quod ex eleuatione illa extrinseca Dei, opera bona naturalia non sunt proportionata, & eiusdem ordinis cum gratia, sed manent impropportionata. Ad illud, quod ex D. Thoma additur, dico, quod in quocumq; opere Dei inuenitur misericordia, & iustitia, ita quod prius incipiat misericordia, & postea sequatur iustitia, quod etiam in ordine gratiæ contingit. Nam primum auxilium datur ex misericordia, alia autem gratiæ dona possunt mereri, ac proinde dici solent gratiæ pro gratia, non sic primum. Ad 1. probationem dico, quod ex eleuatione illa intrinseca non ponitur alia exigentia nisi illa quæ est ex gratia: datur quidem ex illa eleuatione potentia obediēcialis passiva per quam opera possunt ex gratia dignificari non actiua. Ad 2. probationem patet ex dictis, quod Deus ex sua liberalitate voluit conferre Angelis quantitatem gratiæ, iuxta quantitatem perfectionis naturalis, non ex aliquo merito, aut dispositione.

218 Tertium argum. quia aliās homines non essent admonendi vt bene operarentur moraliter, sed solum vt expectarent auxilium supernaturale; & iustificatio impij esset opus miraculosum, cum ad illam non posset per vires naturæ se disponere. Resp. negando antecedens, nam admonendi sunt homines vt bene operentur etiam moraliter, cum saltem per ista bona opera mitigentur passionēs. Ad illud, quod iustificatio esset opus miraculosum dico, quod licet transcendat totam naturam, non est tamen opus miraculosum, cum ad hoc homo habeat potentiam obediēcialem passiuam, sed de hac re in meo tract. de gratia.

219 Quartum argum. quia facienti, quod est in se, Deus non denegat gratiam, quod intelligi debet ex viribus naturæ; vnde enutritus in syluis, si perueniens ad usum rationis faciat, quod est in se ex viribus naturæ iustificabitur, vt docet S. Doctor 1. 2. *q. 89. art. 6.* Resp. quod illud axioma intelligitur de faciente, quod est

in se ex viribus gratiæ, vt qui facit, quod est in se ex gratia actuali, Deus non denegat gratiam habitualement, & ita intelligitur S. Doctor, vt in tract. de gratia ostendo.

D V B I V M XXI.

Utrum opera facta ex gratia, sint causa meritoria, vel dispositiua primi effectus prædestinationis, vel saltem præuisio eius sit conditio ad illum prærequisita.

220 **P**rima sententia duo distinguit in operibus à gratia procedentibus. Primum est ipsius gratiæ influxus. secundum est cooperatio liberi arbitrii: De primo dicit esse effectum gratiæ, & prædestinationis. De secundo dicit esse rationem, & causam primi effectus prædestinationis. Sic Alenf. Baconius, & Henric. apud Salmant. *hoc loco*. Secunda sententia oppositum tenet, quod scilicet actus supernaturalis vt est à gratia, est effectus prædestinationis, at vt est à libero arbitrio non est effectus prædestinationis, sed conditio antecedens, & requisita ad hoc vt prædestinatio habeat rationem prædestinationis, & quod primus effectus illius habeat rationem effectus. Sic Molina *hoc loco*, & Valentia. Quam sententiam tenere debent, inquit Gonzal. *hoc loco*, omnes auctores scientiæ mediæ; ideo namque isti hanc scientiam adstruunt, quia putant, quod Deus salua libertate, creata non possit decernere dare nobis gratiam, gloriam, & opera bona, & persequerantiam in illis, nisi ex præscientia nostri futuri consensus, ita quod prædestinatio etiam ab illa pendeat, non è contrarium.

221 Nostra sententia duplici conclusione explicatur. Prima concl. *Opera supernaturalia vt à libero arbitrio, non sunt causa meritoria, ac dispositiua primi effectus prædestinationis*. Hanc concl. expresse tradit S. Doctor hac q. 23. art. 5. cumque sequuntur omnes eius discipuli *hoc loco*, quos referunt, & sequuntur N. Salmant.

hic disp. 10. dub. 2. Quod dicta opera non sint causa meritoria. Probatur 1. quia vt dub. præcedenti diximus; si primum gratiæ auxilium, quod est effectus prædestinationis caderet sub merito operis supernaturalis, prout tale opus est à libero arbitrio, ita quod saltem anticipata solutione daretur propter causam meritoriam, tunc illud auxilium gratiæ non esset gratia, nec omnino gratis daretur, cum daretur in remunerationem operis futuri; sed hoc est falsum, vt ex dictis constat, ergo. Secundò probatur, quia quicumque actus supernaturalis etiam prout à libero arbitrio est effectus gratiæ, & prædestinationis; ergo repugnat, quod dicta cooperatio nostri liberi arbitrii sit causa meritoria primi effectus prædestinationis, ac subinde omnium aliorum; alià se esse causa sui ipsius.

222 Quod dicta cooperatio liberi arbitrii non sit causa dispositiua primi effectus prædestinationis, ac subinde nec totius seriei effectuum ex illa procedentium, probatur, quia primus effectus prædestinationis, non est vterque primum gratiæ donum, sed illud quod à Deo auctore supernaturali procedit, ita quod prius sit, quod à Deo oriatur, quam quod in homine recipiatur. Secundum quod est à Deo, non potest habere rationem dispositionis, quia dispositio se tenet ex parte dantis; sic est primus effectus prædestinationis secundum quod est à Deo, ergo &c. Tum quia hoc ipso, quod dictum auxilium est primus effectus non potest habere alium priorem, aliàs non esset primus, quod si daretur alius prior, qui ad istum esset dispositio, ille non iste, esset primus effectus prædestinationis.

223 Secunda concl. *Actus supernaturalis prout est à libero arbitrio, seu bona cooperatio eiusdem liberi arbitrii, præuisa vt futura, non est conditio requisita, & antecedens, seu absolutè, & simpliciter prior*. ac proinde non potest hoc modo influere in primum effectum prædestinationis. Pro hac concl. citant prædicti Salmant. Plures sanctos Patres Aug. Prosp. Hilar. Celestinum, Thomam, &c. Ratio fundamentalis est,

Fff quia

quia actus supernaturalis prout à libero arbitrio, est effectus prædestinationis; ergo supponit primum gratiæ auxilium mediante quo eliciatur; ergo dictus actus supernaturalis prout à libero arbitrio, non potest præcedere dictum primum auxilium, non potest prævideri ut futurus ante illud; nec poterit influere per modum conditionis ad illud. Antecedens constat ex dictis supra. Conseq. patet, quia dictus actus non potest non oriri à dicto auxilio: quod si quoad esse, esse nequit dictus actus, sine dicto auxilio, à quo causatur, ita neque prævideri potest sine illo.

224 Primum argum. pro prima sententia est, quia propter opera supernaturalia subsequuta post gratiam, potest anticipata solutione tribui ipsa gratia, & primum gratiæ auxilium, ergo talia opera erunt causa meritoria, & per consequens etiam dispositiva illius. Antecedens probatur, quia sicut nihil obest, quod detur denarius mercenario in mercedem operis futuri anticipata solutione, ita nihil obest, quod detur gratia anticipata solutione propter opera supernaturalia ad ipsam subsequuta tanquam opera illius meritoria. Resp. cum D. Tho. 1. 2. q. 114. ar. 5. ad 3. negando antecedens, ad probationem dico cum eodem S. Doctore, quod denarius non est principium operis, quo mercenarius postea meretur; secus est gratia respectu operis supernaturalis; & ita denarius potest cadere sub merito operis subsequuti, non verò ipsa gratia, respectu primi operis supernaturalis, quia principium meriti, non cadit sub merito.

225 Sed contra hanc solutionem dices 1. quia possunt tribui militi arma, & equus ad pugnandum, ita ut bono illorum usu compenseetur illorum pretium, & valor, ac proinde propter opera, quæ ipsis mediantibus parraturus est in bello; ergo potest aliquid dari in præmium operis futuri, licet res data in præmium sit principium prædicti operis, ut sunt arma, & equus. Tum quia potest quis vendere vineam. Propter fructus percipiendos ex eadem vinea, in quibus nulla intercedat indu-

stra emptoris. Resp. quod in dicto casu miles non meretur arma, & equum per laborem, & industriam procedentem ab armis, & equo, sed per laborem, & industriam procedentem ab eodem milite præcisè, & sic principium meriti non cadit sub merito. At cum in nostro casu gratia sit principium meriti, non poterit cadere sub merito. Ad illud de vinea, dico, quod licet vinea vendi possit pro fructibus futuris ex industria ipsius emptoris, non tamen pro fructibus sine emptoris industria, quia isti sunt pars ipsius rei vendite, res autem vendi non potest pro parte sui pro pretio, de quo videri possunt, quæ à nobis dicuntur in *tract. de iustitia, & iure, ubi de empt. & vendit.*

226 Dices 2. quia tamen si gratia sit principium operis meritorij, potest tamen cadere sub merito operum subsequentiũ, cum in diuerso genere causæ concurrant. Nam gratia insluit in opera ut causa physica efficiens; opera verò concurrunt ad gratiæ collationem in genere causæ moralis, & meritorie. Resp. negando antecedens, quia licet opera sint causa meritoria, non tamen possunt hoc habere respectu gratiæ à qua procedunt; quia cum sint simpliciter posteriora in genere causæ efficientis; si essent causa meritoria essent etiam in hoc genere simpliciter priora in eodem genere causæ efficientis, quia meritum ad causam efficientem reuocatur, licet etiam reuocari possit ad causam materiale, quatenus etiam subiectum disponit.

227 Secundum argum. quia Christus D. per opera subsequuta ad Incarnationem, illam meruit, seu meruit vocationem hypostaticam, iuxta illud Apoc. 5. *Dignus est agnus, qui occisus est accipere virtutem, & diuinitatem, &c.* ergo, &c. conseq. constat ex paritate rationis. Resp. negando antecedens, nec locus citatus aliquid euincit, solum enim probat, quod ex morte diuinitas innotuit, virtus, & diuinitas accepta, &c. Alia argumenta leuia omittuntur, maximè quia pertinent ad tract. de gratia, de quibus in meo tract.

DVBIVM VLT.

*An merita vnus puri hominis possint esse
causa meritoria prædestinationis alteri-
us, quoad omnes suos effectus
considerata.*

228 **C**ertum est ex D. Thom. 1. 2. q. 114. art. 6. quod licet merita puri hominis sint meritoria de condigno gloriæ, & aliorum effectuum ad ipsam conducentium, respectu ipsius meritis, non tamen respectu aliorum, quia gratia nostra, est gratia particularis; non sic Christus D. cuius gratia, est gratia capitis. Vnde præsens difficultas solum procedit de merito congruo, an scilicet purus homo possit alteri de congruo mereri suam prædestinationem, quoad omnes suos effectus. Dixi quoad omnes suos effectus, quia aliquem mereri potest; plura namque sunt dona supernaturalia, quæ Deus largitur prædestinatis propter merita alterius ut constat de conuersione S. Pauli, quæ orationibus S. Stephani tribuitur.

229 Partem affirmatiuam teneat Vasquez in præfati disp. 94. cap. 5. Nostra sententia seq. concl. explicatur. *Merita vnus puri hominis non possunt esse secundum communem cursum causa meritoria prædestinationis alterius, quoad omnes suos effectus adquatè considerata.* Constat ex Sacra Scriptura, refundente prædestinationem in solum Deum: *elegit nos in ipso*: Et: *non vos me elegistis, sed ego elegi vos*, &c. Pro hac sententia refertur N. Salmant. D. August. Prosper. Thomam, &c.

230 Ratio fundamentalis est, quia id, quod est effectus prædestinationis alicuius hominis v. g. D. Pauli, non potest esse causa omnium effectuum prædictæ prædestinationis, aliàs idem esset causæ sui ipsius: sed orationes v. g. fuxæ ab vno iusto pro alio, ut oratio Stephani pro Paulo, sunt effectus prædestinationis Pauli, quia quicquid efficaciter conducit ad salutem, est effectus prædestinationis, &c.

ergo dictæ orationes non possunt esse causa prædestinationis Pauli v. g. quoad omnes suos effectus.

231 Primum argum. quia idem est mereri prædestinationem quoad omnes effectus, ac promereri eam quoad primū sed vnus purus homo potest mereri prædestinationem alterius quoad primū; eius effectum; ergo etiam quoad omnes. Minor probatur, quia potest quis promereri alteri primam vocationem; ergo. Resp. concedendo maiorem, & negando minorem. Licet enim vnus iustus possit de congruo promereri alteri primam vocationem internam, non tamen quamcunque scilicet omnia principia extrinsecæ, quæ Deus supernaturali providentia præparauit ad illum effectum, ut prædicationem, signa, virtutes, &c. inter quæ numeratur ipsa oratio vnus pro alio.

232 Secundum argum. quia Christus D. de condigno meruit omnes effectus nostræ prædestinationis; ergo id ipsum facere poterit de congruo purus homo. Sicut enim vnio hypostatica est sufficiens principium merendi de condigno, ita gratia erit sufficiens principium merendi de congruo; maxime quia Deus facit voluntatem timentium se, & deprecationem eorum exaudit. Tum quia inter fidei articulos datur *sanctorum communio*, qua communicant sancti in bonis operibus. Resp. concedendo antecedens, & negando conseq. Ratio discriminis est, quia Christi D. merita cum sint merita filij naturalis, non adoptiui, non sunt effectus nostræ prædestinationis, ac proinde erunt causa, maxime cum procedant à gratia capitis, ut ex dictis constat.

233 Tertium argum. quia orationes quas vnus iustus pro alio fundit, non sunt effectus prædestinationis eius pro quo funduntur; ergo poterunt esse causa prædestinationis quoad omnes effectus illius. Antecedens probatur, quia merita Christi D. non sunt effectus nostræ prædestinationis, quia procedunt ab alia superiori providentia; sed etiam orationes vnus iusti procedere possunt ab alia providentia: v. g. generali ergo. Resp. negando

antecedens. Ad probationem, neganda est paritas, inter Christum D. & purum hominem. Vt enim constat ex dictis, providentia specialis erga prædestinatos non potest imperare providentiæ hypostatice

quippe superiori; imperat tamen providentiæ generali, tanquam inferiori, & hæc de prædest. quæ omnia iudicio S. M. Ecclesiæ subijcio.

DISPUTATIO XXIV.

IN QVAEST. XXIV. D. THOMAE

DE LIBRO VITAE.

1



TRANSIENS super alicuius fluminis profunda, per arctissimi pontis angustias, tamen maiorem partem inoffenso transierit

pede, & iam periculum euasisse se credat; si in ultimi pontis spatio, paululum titubauerit, easum quem in medio spatio timebat, incurrit. Nobis dum in hac vita à Domino peregrinamur simile frequenter contingit, nam tamen magna huius vite pars prosperè videatur transacta, fiduciam præsumentibus, adhuc periculum pars extrema minatur. Non deponamus arma ante finem certaminis; aut victoriæ sententiam. Sancti viri sub timore degunt, ac tremore, nescientes quid de illis agendum sit, an scilicet eos scripserit Dominus in suo libro, an cum impijs non sint scripti; timent continuo ne *deleatur de libro viventium, & cum impijs non scribantur*. Hinc clamant quotidie viri sancti: *Confige timore tuo carnes meas*, quia licet habere videantur in se flantem prosperum ventum spiritus sancti, non tamen desinunt formidare, ne ventus aduersariæ potestatis insurgat, qui flatur, & tempestatem, fluctusque moueat tentationum, & sic cadant, & de vite libro deleantur. De hoc vite libro agit S. Doctor dicta q. 24. per tres articulos. Nos breuiter quæ necessitaria sunt dicemus. Sit ergo.

DUBIUM VNICVM.

Quid sit liber vite, & qui in eo scribantur, ubi alia curiosa,

2

Quid sit liber vite, bene explicat S. Doctor art. 1. dicens. *Liber quæ dicitur in Deo metaphorice, secundum similitudinem à rebus humanis acceptam. Est enim consuetum apud homines, quod illi, qui ad aliquid eliguntur, conscribuntur in libro, utpote milites, vel consiliarii, qui olim dicebantur patres conscripti. Pates autem ex præmissis, quod omnes prædestinati eliguntur à Deo ad habendam vitam æternam. Ipsa ergo prædestinatorum conscriptio dicitur liber vite. Dicitur autem metaphorice, aliquid conscriptum in intellectu alicuius, quod firmiter in memoria tenet, secundum illud Prov. 3. Ne obliuiscaris legis meæ, & præcepta mea cor tuum custodiat; & post pauca sequitur: describe illa in tabulis cordis tui; nam & in libris materialibus aliquid conscribitur ad succurrendum memoria. Unde ipsa Dei notitia, quæ firmiter retinet se aliquos prædestinasse ad vitam æternam, dicitur liber vite; nam sicut scriptura libri, est signum eorum, quæ fienda sunt, ita Dei notitia est quoddam signum apud ipsum, eorum qui sunt perducendi ad vitam æternam, secundum illud 2. Tim. 2. Firmum fundamentum Dei stat, habens signaculum hoc, novis Dominus, qui sunt eius.*

Quid

3 Quid sit liber, & unde dicatur, trado in *tract. de censuris disp. 4. ex nu. 94.* Quantum ad præsens attinet nota, quod libri nomen tripliciter sumi potest. Primò in amplissima significatione, pro omni eo, quod continetur in se ea omnia, quæ conferunt ad eformandam, & retinendam eorum noticiam, quæ ad gratiam, gloriamque pertinent, sicque primò libri nomen significat sacram scripturam, quia vitæ æternæ promissiones, & præcepta necessaria ad illius consecutionem continent. Secundò libri nomen accipitur in significatione minus ampla, ut significet illud, cuius virtute omnia gesta præsentis vitæ ponuntur ante oculos vniuscuiusque in iudicio extremo, iuxta illud sequentiæ mortuorum: *Liber scriptus proficietur, in quo totum continetur, unde mundus iudicatur.* De quo libro agit S. P. Aug. lib. 20. de *civit. cap. 14. ex cap. 20. Apocal.* Tertiò accipitur libri nomen in præssa significatione, ut significet illam Dei noticiam, quæ firmiter nouit eos, quos ad gloriam prædestinauit; & hoc modo accipitur hoc loco à D. Thoma, & definitur, quod sit *notitia qua firmiter retinet eos quos ad gloriam effuaciter elegit.*

4 Sed quæres 1. ex quibus locis desumatur dari in Deo istum vitæ librum? Resp. ex sequentibus. Exod. 32. dicitur à Moysè. *Aut si non facis, dele me de libro tuo.* Psal. 39. *In capite libri scriptum est de me.* Ad Philip. 4. *Quorum nomina sunt in libro vitæ.* Apoc. 21. *Qui scripti sunt in libro vitæ.* Luc. 10. *Nomina vestra scripta sunt in calis, &c.*

5 Quæres 2. quare iste liber in quo prædestinati exarantur, vocetur liber vitæ? Resp. quod ob duplicem causam vocatur vitæ, primo ad significandam naturam, seu differentiam libri in quo dicti prædestinati scribuntur, ab alijs libris, quoad id, quod libris materialiter conuenit, scilicet, prout est subiectum scripturæ; quia alijs libri non sunt vita, non sunt viuentes; at liber iste, vita est, & viuens, imò ipsa vita formalissimè, cum ipse sit intellectus diuinus, seu diuinum intelligere, quod est ipsa vita Dei. Secundò dicitur vitæ, prout significat libri

obicctum, seu rem illam quæ in eo inferibitur, seu prout significat rem illam ad cuius noticiam conseruandam liber orditur, & sic dicitur liber vitæ, quia in eo illi scribuntur, qui vitam æternam habituri sunt, & iste est proprius dictæ distinctionis vitæ sensus.

6 Quæres 3. an sicut datur liber vitæ, ita detur liber mortis? Affirmat Vasq. hoc loco in exposit. art. 2. Sed oppositum tenendum est cum D. Thoma de *verit. q. 7. art. 8. ad 2.* Vbi sic habet. *De eo, quod in libro scriptum habetur, habet aliquis aliquam noticiam præ alijs privilegiatam. Vnde & respectu illorum scitorum à Deo liber dici debet, de quibus aliquam specialem noticiam, præ alijs habet. Est autem in Deo duplex cognitio, scilicet simplicis notitiæ, & scientiæ approbationis. Scientia simplicis notitiæ, communis est omnibus, malis, & bonis; scientia autem approbationis, est bonorum tantum, & ideo bona habent aliquam privilegiatam cognitionem in Deo præ alijs, ratione cuius in libro scribi dicuntur, non autem mala, & ideo non dicitur liber mortis, sicut dicitur liber vitæ.*

7 Sed dices, quia Apocal. 20. dicitur. *Et indicati sunt mortui ex his, quæ scripta erant in libris, scilicet vitæ, & mortis.* Resp. optimè intelligi de libris diuinæ legis, secundum quam singula omnium hominum opera sunt iudicanda. Explicari etiam potest dictum testimonium secundum S. P. Augustinum apud Nazar. hoc loco art. 1. de sanctis, & electis, qui libri dicuntur, quia in eorum vita, & moribus, obseruantia præceptorum Dei cognoscitur, & constabit fuisse omnibus possibilem, ac proinde per eorum comparationem alij iudicabuntur, & condemnabuntur.

8 Quæres 4. quomodo liber vitæ distinguatur à prædestinatione? Resp. distinguui in hoc, quod prædestinatio licet in reo consistat in actu intellectus, connotat tamen actum voluntatis, ac proinde prædestinatio est aliquid practicum; at liber vitæ, est quædam prædestinatorum, notitia speculatiua, seu est tantum quidam prædestinatorum catalogus in mente Dei exi-

existens, præsupponens tamen actum prædictum ipsius, quo hic, & nunc iste est efficaciter electus, & ad vitam æternam ordinatus. Aliqui duplicem distinguunt librum vitæ: vnum in quo conscribuntur prædestinationis præparatoria, scilicet media gratiæ; alterum in quo conscribitur saluandorum gloria; qui solum ad media, scilicet ad gratiam, & non ad gloriam, conscribuntur, dicuntur scribi solum foris, & extrinsecus. Qui verò ad vtrumque, etiam intrinsecus conscribuntur. Hinc liber Dei dicitur scriptus intus, & foris.

9 Quæres 5. an aliquis deleri possit de libro vitæ? Hoc quæsitum proponit, & resoluit S. Doctor art. 3. huius q. per hæc verba. *Est liber vitæ conscriptio ordinatorum in vitam æternam, ad quam ordinatur aliquis ex duobus, scilicet ex prædestinatione diuinæ, & hæc ordinatio nunquam deficit. Et ex gratia, quicunque enim gratiam habet, ex hoc ipso est dignus vita æterna, & hæc ordinatio deficit interdum, quia aliqui ordinati sunt ex gratia habita ad habendam vitam æternam, à qua tamen deficiunt per peccatum mortale. Illi igitur, qui sunt ordinati ad habendam vitam æternam ex prædestinatione diuinæ, sunt simpliciter scripti in libro vitæ, quia sunt ibi scripti ut habituri vitam æternam in se ipsa, & isti nunquam delentur de libro vitæ. Sed illi qui sunt ordinati ad habendam vitam æternam, non ex prædestinatione diuinæ, sed solum ex gratia, dicuntur esse scripti in libro vitæ non simpliciter, sed secundum quid, quia sunt ibi scripti ut habituri vitam æternam, non in se ipsa, sed in sua causa, & tales possunt deleri de libro vitæ, ut deletio non referatur ad notitiam Dei, quasi Deus aliquid præsciat, postea nesciat, sed ad rem scitam; quia scilicet Deus scit aliquem prius ordinari in vitam æternam, & postea non ordinari, cum deficit à gratia.*

10 Quæres 6. quomodo intelligatur illud Exo. 32. vbi Moyses sic Deum orabat. *Aus dimitte eis hanc noxam, aut si non facis, dele me de libro tuo, quem scripsisti?* Resp. quod intelligitur de singulari affectu Moysis erga Deum, non erga populum, quo Dei honorem præferbat, visio-

ni diuinæ essentiae, quod est signum ardentissimi amoris. Videns enim Moyses, quod si Deus deleteret populum illum, futurum esset, ut nomen Dei blasphemaretur ab Aegyptijs, dicerentque, quod calidè eduxit eos, ut interficeret illos in montibus; & è terra deleteret; idèdque ad vitandam hanc blasphemiam, offert in aliquam satisfactionem tantæ iniuriæ Deo illatæ à populo, ut deleatur de libro vitæ, seu ut priuetur diuina visione S.P. August. lib. quæst. in Exod. q. 147. Sic dictum text. interpretatur, quod Moyses non dixit absolute, ut deleteretur de libro vitæ, sed ex singulari quadam confidentia, seu fiducia, qua confidebat Deum, multò libentius esse remissionem illud peccatum filijs Israel: hoc enim modo argumentabatur; vel dimitte eis hanc noxam, aut dele me de libro vitæ; sed non delebis me de libro vitæ; ergo dimitte eis hanc noxam.

11 Quæres 7. quomodo intelligatur illud Apost. Rom. 9. *Optabam ego anathema esse à Christo pro fratribus meis?* Resp. quod iste locus, ut communiter Sancti PP. exponunt, intelligitur de tempore, quo Apostolus adhuc erat in Iudaismo, & de zelo, quo tunc prosequabatur populum Israeliticum, & antiquæ legis cæremonias. Cum enim præcedenti capite multa dixisset de exclusionem illorum à gratia, ne Iudæi putarent id dici ab Apostolo ex odio, affirmat se dolere de illorum reprobatione, & in sui doloris testimonium dicit se olim tanto amore persecutum fuisse populum Iudaicum, & cæremonias legis eorū, quod optauerit esse separatus à Christo.

12 Quæres 8. quomodo intelligatur illud Psalmi 68. *Deleantur de libro viuentium, & cum iustis non scribantur?* Nam sermo fieri videtur de libro vitæ pressè sumpto, cum liber vitæ pressè sumptus, sit liber viuentium, & saluandorum, &c. Respondetur ex D. Thoma n. 9. cit. quod hoc loco per librum viuentium intelligitur ille liber in quo secundum præsentem iustitiam, illi qui sunt in gratia, & prædestinati non sunt, scribuntur; in quo libro scribuntur iusti reprobi, non peccatores prædestinati. Quando autem iusti

iusti reprobi peccant mortaliter, de hoc libro delentur, & neque cum iustis præ-

destinatis, neque cum iustis reprobis scribuntur.

DISPUTATIO XXV.

IN QVÆST. XXV. D. THOMÆ.

DE DIVINA POTENTIA.

DVBIVM I.

An in Deo sit potentia, ubi alia.



REGIVS vates de Deo loquens Psal. 103. sic fatur. *Qui fundasti terram super stabilitatem suam non inclinabitur in sæculum sæculi.*

Legit S. Ioan. Chrysoſt. hom. 12. in Gen. *Qui fundavit terram super aquas, non inclinabitur in sæculum sæculi.* Quæ humana ratio hoc comprehendere poteſt? Terra non eſt fundata ſuper aquas, ſed aquæ fundatæ ſunt ſuper terram. Et quomodo res fundata ſuper aquas non inclinabitur in sæculum sæculi? Cum homines domos ædificant, & fundamenta iacere volunt, prius fodiunt; & ubi ad profunda perueniunt, ſi vel paruum viderint humorem, omnia faciunt, ut omnem ipſum exhauriant, & ſic fundamentum locent. Non ſic agit Deus, ſed ſuper aquas ædificat. Et quare? Rem ſic reſolvit Chryſoſtomus loco citato. *Propterea epifex omnium, omnia ſecus, quam homines facit, ut ex hoc diſcas ineffabilem potentiam.* Si ergo ex infimo elemento, ſi ex terra meditullium fortia, tanta diuinæ omnipotentia claritas deſumitur, quid deſumetur ex conſideratione aquarum, aerisque vtriuſque ſuſi, ſuiſque contenti terminis? Quid ſi conſideres cælum perpetuo orbem volui, continereque omnia; erraticas verò, fixasque ſtellas modulatè moveri, ſummaque cum harmonia, ad rerum vniuerſarum vtilitatem? De diuina omnipotentia agit S. Doctor in d. q. 25. per 6. articulos, nos ea trademus, quæ neceſſaria videbuntur. Sit ergo.

Hoc dubium ſic reſolvit S. Doctor art. 1. *Duplex eſt potentia, ſcilicet paſſiva, qua nullo modo eſt in Deo, & actiua, quam oportet in Deo ſummè ponere. Manifeſtum eſt enim, quod unumquodque ſecundum quod eſt in actu, & perfectum ſecundum hoc eſt principium actuum aliorum. Paſſiva autem unumquodque ſecundum quod eſt deſiciens, & imperfectum. Offenſum eſt autem ſupra, quod Deus eſt purus actus, & ſimpliciter, & vniuerſaliter perfectus, neque in eo aliqua imperfectio locum habet. Unde ſibi maxime competit eſſe principium actuum, & nullo modo paſſi. Ratio autem actiui principii conuenit potentia actiua; nam potentia actiua eſt principium agendi in aliud, potentia verò paſſiva eſt principium paſſendi ab alio, ut Phil. dicit 5. Met. relinquitur, ergo, quod in Deo maxime ſit potentia actiua.*

3 Vbi, ut vides, in Deo nullo modo dari poteſt potentia paſſiva, cum inuoluat imperfectionem, & ſit contra Dei ſimplicitatem, & puritatem. Datur tamen potentia actiua, quia hæc in ſuo conceptu dicit actualitatem, & perfectionem. Quare, quando inter explicandum æternam diuini Verbi generationem, & Spiritus Sancti proceſſionem vtiſimur verbis paſſiuis, id tantum oritur ex noſtro imperfecto cognofcendi modo, qui neſcimus hæc ſublimia myſteria tam bene, & appoſitè intelligere, & explicare, quàm re ipſa ſint à parte rei, prouenit etiam ex defectu verborum experimentium rem ipſam prout de facto

facto est. Vnde cum dicimus Verbum diuinum esse in Patre, recipi in Patre, Patrem producere Verbum ad intra, non est sensus, quod Verbum diuinum recipiatur in Patre per inhaerentem, vt contingit in nostro verbo, sed id eo sensu dicimus, vt significetur, quod sicut verbum creatum est terminus intellectionis, ita increatum, & sicut illud est in intelligente, ita & istud, non tamen, quod sicut illud inhaeret, ita & istud.

4 Igitur in Deo datur potentia actiua, vt fides docet, & omnes creaturæ clamant, & testantur Psal. 99. dicentes. *Scisote, quoniam Dominus in se est Deus, ipsi fecit nos, & non ipsi nos.* Idem traditur Psal. 64. 88. 105. & alibi. Vnde est illud Iob. *Contra filium, quod vento rapitur, ostendis potentiam tuam.* Ratio etiam ipsa conuincit, quia omnis perfectio simpliciter simplex, est formaliter in Deo, sed potentia actiua est huiusmodi; ergo. Maior nota est, minor probatur, quia potentia, dicit tantum esse principium alicuius effectus, qui ab illa dependeat, non importando, quod hæc potentia ab aliquo dependeat; sed esse talis conditionis, quod alia à se dependeat, non hæc ab alio, est perfectio, ergo, &c.

5 Quæres 1. quomodo potentia vt sic diuidatur? Resp. potentiam primò sic diuidi, vt alia sit potentia logica, alia physica, seu realis. Potentia logica dicit modum quandam compositionis ab intellectu efformatæ, inter aliqua, quorum esse formaliter non inuoluit contradictionem; vnde potentia logica pro formali dicit compositionem, aut diuisionem intellectus, & pro materiali connotat à parte rei non repugnantiam terminorum. Potentia physica, idem est ac potentia realis. Secundò diuiditur potentia in obiectiuam, & formalem; obiectiua, est illa cui actus existentie opponitur, & se tenet ex parte eius, quod non est, esse tamen potest. Formalis est illa, que in aliquo realiter existente reperitur; Et subdividitur in passiuam, & actiuam, de quibus iam diximus. Certum est ex dictis dari in Deo potentiam actiuam, vt ex dictis constat, sicut & formalem. Nò nulla difficultas esse potest, an datur in

Deo potentia logica, & obiectiua. Ad quæ, dico 1. dari in Deo tum ad intra, tum ad extra potentiam logicam. Ratio clara est, quia potentia logica dicit modum quandam compositionis, & diuisionis formalis, in Deo emimentialis ab intellectu factæ inter ea, quæ non habent repugnantiam à parte rei, vt vel coeant in vnum, vel secedantur; sed hoc datur in Deo tum ad intra, cum cognoscit diuinus intellectus non repugnare, quod Pater generet Filium, & Pater, & Filius spirant Spiritum Sanctum; tum ad extra, cum cognoscit Deum multa posse facere, quæ facit, & multa posse facere, quæ non facit. Dico 2. In Deo ad intra nò datur potentia obiectiua, benè tamen ad extra. Non ad intra, quia ad intra nihil est, quod ab existentia præscindat. Datur ad extra, saltem respectu creaturarum, possibile, quæ nullam dicunt existentiam.

6 Quæres 2. an potentia actiua Dei sit formaliter ipsa essentia diuina? Affirmat Suarez in *metaphys. disp. 30. sect. 17. n. 47.* & alij. Communis, & vera sententia, quam tradunt Scholastici in 1. *dist. 38.* & Theologi cum D. Thoma hoc loco est, quod potentia actiua Dei, in suo conceptu formalissimo, non est ipsa diuina essentia, sed virtualiter ab ipsa distinguitur; constat ex dictis disp. 14. vbi ostendimus potentiam Dei executiuam esse ipsammet scientiam practicam Dei, seu esse scientiæ approbationis, quæ est primum attributum Dei, licet connotet voluntatem. Ex quibus sequens ratio formari potest; quia illud, quod in suo formalissimo conceptu est attributum diuinæ essentiae, non est formalissimè ipsa diuina essentia, quia de ratione attributi est, supponere essentiam à qua intelligitur quasi profluens; sed potentia Dei est attributum diuinæ essentiae; ergo in suo conceptu formali non inuoluit ipsam diuinam essentiam. Minor præter quam quod constat ex ibid. dictis, sic breuiter ostenditur, quia potentia supponit essentiam, à qua profluere intelligitur, sicut operario supponit esse, nihil enim intelligitur esse operarium quandiu non in-

intelligitur in suo esse completè constitutum; ergo, &c.

7 Dices, illud habet in Deo rationem potentie actiue; per quod Deus continet omnia producibilia eminenter; sed Deus per suam essentiam continet eminenter omnia producibilia; ergo essentia in Deo habet rationem potentie. Resp. quod essentia diuina continet omnia eminenter non proximè, & immediatè, sed mediatè, & radicaliter, at omnipotentia continet omnia producibilia proximè, & formaliter.

8 Quæres 3. an potentia immediatè operatiua Dei sit idem ac intellectus, & voluntas Dei, an ab illis virtualiter distinguatur: Scotus in 1. distinct. 37. Valentia hoc loco, [Vasq. disp. 102. cap. 3. & alij volunt, quod potentia actiua Dei sit idem ac intellectus, & voluntas ipsius. Nihilominus vera sententia, & tenenda est, quod sit attributum virtualiter ab intellectu, & voluntate distinctum, scilicet scientia practica Dei, seu scientia approbationis, vt cum D. Thoma, & Thomistis vidimus d. disp. 14. Et ratio est, quia illa distinguuntur formaliter virtualiter in diuinis, quorum conceptus sunt distincti, & extra se inuicem eodem modo sunt tales; sed conceptus potentie actiue Dei distinguitur virtualiter formaliter à conceptu intellectus, & voluntatis; ergo, &c. Minor probatur, quia conceptus intellectus, est conceptus respicientis ens; & conceptus voluntatis, est conceptus respicientis bonum, verum conceptus potentie, est conceptus respicientis operabile, seu producibile; patet autem istos conceptus distingui virtualiter formaliter, tanquam rerum diuersarum linearum, ergo.

9 Quæres 4. an actiua potentia Dei sit infinita? Pro huius quesiti intelligentia, noto, quod non eodem modo sunt attributa infinita, sicut est infinita diuina essentia. Essentia namque diuina infinita est ex se, in se, & à se, habet infinitatem non tantum formalem, & propriam, sicut attributa, sed etiam habet infinitatem fundamentalem, radicalem, & primam quia omnino infinita est in omni genere entis, & à se. **Attributa verò sunt quidem infinita in se,**

& ex se, sed non à se; idèque habent infinitatem formalem, & propriam, seu propriam lineam, sed non primam. Hinc est, quod attributa dicantur tantum infinita in suo genere proprio; at essentia dicitur infinita simpliciter, & in genere entis. Vnde cum potentia Dei sit attributum illius, erit infinita in genere proprio, non in genere entis. His positis, dico 1. Potentia actiua Dei est infinita, non tantum extensiuè secundum durationem, sed etiam intensiuè secundum virtutem, & vigorem. Ratio clara est, quia potentia Dei actiua, essentia à qua quasi profuitur commensurantur, at essentia diuina est infinita, ergo etiam eius virtus, & potentia debet esse infinita, in ratione virtutis causatiue, ac proinde intensiuè, & secundum eius vigorem. Tum quia ideo Deus est infinitus in genere entis, quia eminenter continet omne ens, sed etiam eius potentia continet eminenter omne factibile; ergo, &c.

10 Dico 2. Potentia Dei prout virtualiter distinguitur ab essentia, & à ceteris attributis, habet propriam infinitatem sui generis. Ratio clara est, quia attributa diuina non solum sunt infinita quatenus cum diuina essentia identificantur, sed etiam quatenus ab ea secernuntur; ergo quatenus dicitur suam rationem formalem virtualiter ab essentia diuina distinctam. Imò adco est nota infinitas diuinæ potentie, quod eam cognouit, & demonstrauit Arist. 8. Physicorum, & alij Philosophi antiqui. Ex motu namque cognoscitur diuinæ potentie infinitas: nulla namque virtus potest mouere motu infinito, seu per infinitum tempus, nisi sit infinita, sed Deus cum à se moueat, mouet per infinitum tempus, cum non habeat à quo finiatur; ergo, &c. Cognoscitur etiam infinitas diuinæ omnipotentie, ex modo producendi ex nihilo, in quo infinita virtus requiritur, vt ex alibi dictis constet. Item cognoscitur dicta infinitas ratione obiecti, quia non tot producit effectus, quin plures producere possit. Item cognoscitur ratione actionis, quia non operatur tam perfectè, quin possit perfectius, & perfectius operari, de quibus ex dicendis magis constabit.

DVBIVM II.

*Quodnam sit obiectum diuinæ potentia, ubi
plura curiosa resoluntur.*

11 **V** Asquez *diff.* 104. *cap.* 5. & alij volunt diuinam potentiam, seu omnipotentiam versari non solum circa possibile, verum etiam circa impossibile, & contradictionem inuoluens, sicut visus versatur circa tenebras, quia eadem est potentia oppositorum. Sed fallitur Vasquez, vt bene obseruat Nazar. *hoc loco art.* 3. quod sic ostendo, quia quicquid attingitur à diuina omnipotentia, vel attingitur per concursum positium, vel per subtractionem concursus; sed diuina omnipotentia neutro modo attingit non ens, seu impossibile, & contradictionem inuoluens; ergo impossibile, & contradictionem inuoluens non potest contineri sub obiecto diuinæ omnipotentia. Maior nota est, quælibet namque potentia operativa, solum illis duobus modis tendere potest circa obiectum suum operabile. Minorem proba; nam non potest diuina potentia tendere in impossibile, seu non ens, & contradictionem inuoluens per concursum positium, quia deberet impossibile ab illo concursu positiuo recipere aliquod esse, quod implicat; neque potest versari per subtractionem concursus, quia id tantum hoc modo attingitur, quod vel annihilatur, vel corrumpitur, vel quod iam supponitur esse, à quo concursus subtrahatur, sed hæc nequeunt conuenire non enti, impossibili, contradictionem inuoluenti; ergo, &c. Nec est verum, quod visus tendat in tenebras, nisi per cessationem actus; & hoc modo intelligitur, quod potentia est oppositorum. Potentia namque visiva est in lucem, & tenebras, in lucem per actum, in tenebras per cessationem actus, in Angelum, aut sonum, nullo modo, cum non opponantur. Ita diuina omnipotentia potest in ens factibile per actum positium, in non ens autem, per actus negationem, in impossibile autem, & contradictionem

inuoluens, nullo modo, quia ista non habent oppositionem ad ens, nisi quatenus sunt non ens.

12 Ex quibus patet, quod obiectum diuinæ potentia, est illud omne, quod ita non implicat contradictionem, vt tamen non sit ens necessarium, sed contingens; omne namque factibile, à Deo liberè est factibile, non necessariò, sic D. Thomas in præfati q. art. 5. Alij dicunt, & in idem recidit, quod obiectum diuinæ omnipotentia est omne possibile, absolute sumptum, seu, quod sumptum præcisè nullam inuoluit repugnantiam, vt sit, seu etiam cuius prædicatum non repugnat subiecto. Ratio est, quia quicquid potest habere rationem entis ab alio per aliquam efficientiam, est obiectum adæquatum diuinæ potentia; potentia, oamque, seu omnipotentia sonat causam efficientem, & finis efficientia, est conferre aliquod esse; sed omne id, quod ita non implicat, vt non sit necessariò, sed liberè ponendum, potest habere rationem entis ab alio per efficientiam, quia sic est aliquod factibile; ergo illud omne, quod non implicat, &c. est obiectum diuinæ potentia;

13 Hinc sequitur 1. quod licet naturali lumine cognoscamus Dei potentiam, non tamen cognoscere possumus singula, & particularia, ad quæ se extendit; vt enim aliqua potentia cognoscatur non est, necesse vt cognoscantur obiecta materialia, & particularia, sed sufficit, quod cognoscatur obiectum specificatum, seu quasi specificatum; obiectum autem specificatum diuinæ potentia, est ipsamet essentia diuina vt est ratio factibilis vt sic, ac proinde factibile vt sic est obiectum virtuale diuinæ potentia, quod solum ex necessitate cognosci debet à cognoscente potentiam; constant ista ex dictis *diff.* 14.

14 Sequitur 2. Plinium *lib.* 7. *naturalis historia* malè negare Deum esse omnipotentem, ex eo, quod non potest sibi mortem consciscere, sicut etiam malè dicunt, qui Deo denegant omnipotentiam quia peccare non potest; hæc enim Deo possibi-

possibilia non sunt, quia inuoluunt contradictionem; cum enim Deus sit primum ens, & per se viuens, & vita ipsa, mori non potest, cum vita opponatur morti. Similiter cum Deus sit bonus per essentiam, non potest admittere peccatum, quod maximum malum est; nec posse peccare dicit potentiam, sed potentie defectum.

15 Sequitur 3. quod non ideo res dicantur possibiles, quia possunt fieri à Deo, sed è contra, ideo possunt fieri à Deo, quia sunt possibiles, quia non repugnant, quia nullam inuoluunt contradictionem. Vnde rei impossibilitas non se tenet ex parte Dei, sed ex parte obiecti, quod esse repugnat. Vnde S. Doctor in *d. art. 3.* monet melius dici, quod hæc, vel illa, non possunt fieri, quam quod Deus non potest hæc, vel illa facere.

16 Sed dices, quod si mox dicta essent vera, sequeretur, quod sublata Dei potentia, res adhuc essent possibiles, cum non ideo sint possibiles, quia possunt fieri à Deo, sed è contra, ac proinde illæ, vt sic nullam habebunt à Deo dependentiam, cum tamen supra disp. 14. diximus quod omnipotentia est ratio à priori possibilitatis, ac proinde, quod sublata omnipotentia, nulla possibilitas remaneat in rebus. Resp. 1. quod possibilia nullam propriè habent dependentiam, cum nullam habeant existentiam; dependere namque est tali, vel tali modo existere. Resp. 2. quod in Deo duplex distingui potest potentia, vna radicalis, formalis altera; sublata formali, seu non intellecta formali, adhuc creaturæ intelligitur possibiles à radicali; & sic potentia radicalis intelligitur præcedere; formalis, intelligitur illas supponere tanquam obiectum virtuale. Resp. 3. quod in rerum possibilitate, duo distingui possunt. Vnum est ipsa non repugnans extremorum; & hæc intelligitur præcedere rationem potentie formalis. Alterum est quædam possibilis coniunctio extremorum inter se, per ordinem ad realem existentiam possibilem, & hoc intelligitur subsequi à diuina omnipotentia formali.

17 Sed quæres 1. an Deus facere possit, quod præterita non fuerint, quod præsentia non sint, & quod futura, non sint futura? Hoc quæsitum sic resoluit S. Doctor art. 4. dicens. *Sub omnipotentia Dei non cadit aliquid, quod contradictionem implicat, præterita autem non fuisse, contradictionem implicat.* Pro quo nota, quod in re v. g. præterita duo sunt. Vnum est res ipsa, quæ transijt in præteritum; alterum est præteritio ipsa. Conueniunt omnes, quod res ipsa præterita (idem dic de futura, & de presenti) possit à Deo reproduci, maximè si res permanens est; sicut potest rem præsentem annihilare, & rem futuram facere, vel impedire vt non eueniat. Ratio clara est, aliis nec futura esset corporum resurrectio, nec Lazarus potuisset à morte reuocari, nec Sacramenta possent præterita peccata delere, & vitæ nouitatem conferre, quæ sunt absurda. De ipsa ergo præteritione, præsentia, & futuritione rerum dubium procedit, & dico ex communi sententia, quod Deus non potest facere quod præterita, vt talia, vt substantia tali denominationi; nec præsentia vt talia, non sint præterita, præsentia, & futura. Constat quia implicat contradictionem, quod præteritum vt tale, non sit præteritum, quod præsens vt tale, non sit præsens, & quod futurum vt tale, non sit futurum.

18 Sed obijcies D. Hieronym. in *Ep. ad Eustochium*, de custodia virginis dicens, quod Deus non possit de non virgine, facere virginem; cum tamen potuerit à principio virginem creare. Resp. quod locus istæ Doctoris maximi procedit de virginitate accepta non secundum formam absolutam, quam præcisè importat virginitas quatenus est nientis perfectio, seu integritas, vel dispositio in carne, sed præcisè pro ea negatione actus præteriti, vt nunquam ceciderit mente, vel corpore in actum libidinis. Quod si dicas; si Deus potest restituere totum absolutum, quod est in virginitate reserget etiam poterit reddere aureolam non virgini, cum aureola correspondere videatur illi absolute perfectioni, quam virginitas im-

portat. Resp. negando sequelam, ratio est, quia aureola virginittis est quoddam gaudium accidentale datum virginibus de earum innocentia, quod nunquam ceciderint in actum libidinis, quod fieri non potest, vt ex dictis constat.

19 Quæres 2. an possibilia intelligantur talia antequam à Deo cognoscantur? Resp. ex dictis n. 16. quod possibilia, prout præcisè dicunt non repugnantiam, seu non inuoluere contradictionem, cum hoc habeant à se, prius hoc modo intelliguntur, quam intelligatur diuina cognitio. Si vero accipiantur prout extrema dicunt quandam possibilem coniunctionem ad existentiam possibilem, tunc prius intelligitur diuina cognitio à qua ponitur ista possibilis coniunctio, & ordinatio.

20 Quæres 3. an Deus possit facere, quæ non fecit? Hoc quæsitum sic resoluit S. Doctor, quod scilicet possit Deus alia facere, quæ non fecit, & concludit sic. Vnde diuina sapientia non determinatur ad aliquem ordinem rerum, vt non possit alius cursus rerum effluere. Pro quo nota 1. quod in Deo duplex potentia distingui potest; vna ordinaria, alia absoluta. Deus dicitur illud posse de potentia ordinaria, quod potest, stante ordinatione, & decreto, quod habuit de faciendo hoc, vel illo, quæ potentia ab aliquibus vocatur ordinata, quia est regulata ex decreto legis iam positæ, cui Deus liberè, & pro sua voluntate sese adstrinxit. Illud autem dicitur Deus posse de potentia absoluta, quod simpliciter, & absolute potest facere, solo habito respectu ad suæ potentie virtutem, & infinitatem, & non repugnantiam terminorum. Nota 2. quod sicut in Deo duplex decretum distinguimus; vnum quod est tantum de ijs, quæ pertinent ad ordinem naturæ; alterum de ijs, quæ pertinent ad ordinem gratiæ; sic sæpè dicitur, quod illud sit potentia extraordinaria, quod sit ex decreto ad ordinem gratiæ spectante, quo

modo miracula dicuntur fieri de potentia extraordinaria. Nostrium autem quæsitum tantum procedit, an Deus possit facere multa, quæ tamen non fecit, nec faciet, nec facere determinauit. Et pars affirmatiua de fide est, constat ex illo Luc. 3. *Potens est Deus de lapidibus istis, suscitare filios Abrahæ; & ex illo Matth. 26. An putas, quia non possum rogare Patrem meum & exhibebit mihi plusquam duodecim legiones Angelorum.*

21 Quæres 4. an Deus facere possit meliora ea quæ fecit? Hoc quæsitum sic resoluit S. Doctor art. vlt. *Bonitas alicuius est duplex; vna quidem quæ est de essentia hominis, & quantum ad hoc bonum, Deus non potest facere aliquam rem meliorem, quàm ipsa sit, licet possit facere aliquam aliam eam meliorem. Alia bonitas est, quæ est extra essentiam rei, sicut bonum hominis est esse virtuosum, vel sapientem, & secundum tale bonum potest Deus res à se factas, facere meliores; simpliciter autem loquendo qualibet res à se facta potest Deus facere aliam meliorem.* Vbi, vt vides, non potest Deus facere meliora essentialiter ea, quæ fecit, potest tamen accidentaliter. Non potest essentialiter, quia essentia sunt inuariabiles, nihil illis addi, aut detrahi potest. Potest accidentaliter, quia potest dare maiores perfectiones naturales, & supernaturales. Vnde & hoc vniuersum potest esse perfectius perfectione accidentali.

22 Sed dices, non potest Deus facere aliquid perfectius humanitate Christi vt Verbo vnita; nec potest facere aliam matrem perfectiorem ipsa matre Dei, ergo, &c. Resp. quod potest adhuc facere aliquid perfectius perfectione accidentali, & extensiuæ; nam humanitas Christi posset vniri tribus diuinis personis, & B. Virgo posset concipere humanitatem illis unitam, quod esset quid perfectius extensiuè.

DISPV TATIO XXVI.

IN QVAEST. XXVI. D. THOMAE

DE DIVINA BEATITVDINE.

1



VE MADMODVM
variae sunt viuendi
rationes ; ita multae
sunt apud Deum .
sedes pro sua cuique
dignitate distribu-
tae , & assignatae .

Hinc vnus quidem hanc virtutem exercet,
ille illam , alius aliam ; hic plures , ille
omnes , si fieri potest ; modo , progredia-
tur , ad idque quod est ante contendat , &
pro viribus sequatur egregium itineris di-
cem , qui per viam , portarumque angustias ,
ad beatitudinis planitiem peruenit , alio-
que perducit . O ! si homines cognosce-
rent , quid illis prae parauerit Deus ; si co-
gnoscerent , quanta sit longitudo , lati-
tudo , & profunditas diuinæ beatitudinis .
Habitat Deus lucem inaccesibilem . Si illi ,
qui solis lucem conspicari nequeunt , omni
morte miseriorem vitam degunt , quid
eos perpeti credendum est , qui illa inac-
cessibili luce priuantur ? Siquidem in so-
lo isto cæcitatæ dumtaxat damnum est ,
tantum visus læditur , quamuis hæc sola
privatio grauissima sit , vt neque sic par
esset supplicium ; quid ibi erit vbi anima
ipsa Dei carentia læditur ? tantò id grauius
quantò lux illa , quam ista , est sine com-
paratione præstantior . Lucem ergo ha-
bitare Deus inaccesibilem ; infinita , im-
mensa , incomprehensibilis est Dei bea-
tutudo , de qua agit S. Thomas in dicta
q. 26. & nos de illa pauca dicemus , suppo-
sitis dictis q. 12. & dicendis in prima 2.

DVBIUM VNICVM.

*Recensentur , quæ à D. Thoma traduntur de
Diuina Beatitudine .*

IN 1. art. querit S. Doctor , an Bea-
tutudo competat Deo ? Et respon-
det affirmatiuè per hæc verba . *Deo beati-
tudo maxime conuenit . Nihil enim aliud sub
nomine beatitudinis intelligitur , nisi bonum
perfectum intellectus naturalis naturæ , cuius est
suum substantiam cognoscere in bono , quod
habet , & cui competit , ut ei contingat ali-
quid , vel male , vel bene , & sit suarum ope-
rationum domina . Vtrumque autem illor-
um excellentissimè Deo conuenit , scilicet
perfectum esse , & intelligentem . Vnde beati-
tudo maxime conuenit Deo .* Pulchra illa-
tiones . Ex hoc , quod intellectu naturali nature
competit , vt ei contingat aliquid malè ,
vel benè , sequitur eam esse capacem bea-
titudinis , tanquam proprii boni ; ex hoc
verò , quod suam in bono sufficientiam
agnoscit , sequitur beatitudinem , quæ in
cognitione consistit , esse perfectum illius
bonum : ex hoc , quod est suarum operatio-
num domina , sequitur beatitudinem , non
solum esse bonum , sed etiam perfectum
bonum ipsius naturæ intellectualis .

3 In art. 2. inquit , an Deus dicatur
beatus secundum intellectum ? Respon-
det . *Beatus sicut dictum est , significat
bonum perfectum intellectus naturalis naturæ . Et
inde est , quod sicut vnacuique res appetit
suum perfectionem , ita & intellectus natu-
ra naturaliter appetit esse beatus . Id autem ,
quod est perfectissimum in qualibet intelle-
ctuali natura , est intellectualis operatio , se-*

CND-

cundum quam capis quodammodo omnia. Vnde cuiuslibet intellectualis natura creata beatitudo consistit in intelligendo. In Deo autem non est aliud esse, & intelligere secundum rem, sed tantum secundum intelligentia rationem. Attribuenda ergo est Deo beatitudo secundum intellectum, sicut & alijs beatis, qui per assimilationem ad beatitudinem ipsius, beati dicuntur. De quo pro modo nihil scribendum occurrit.

4 In art. 3. disquirat, an Deus sit beatitudo cuiuslibet beati? Et sic respondet. Beatitudo intellectualis natura consistit in actu intellectus; in quo duo possunt considerari, scilicet obiectum actus, quod est intelligibile & ipse actus, qui est intelligere. Si igitur beatitudo consideretur ex parte ipsius obiecti, scilicet solus Deus est beatitudo, quia ex hac solo est aliquis beatus, quod Deum intelligit secundum illud Aug. in 5. lib. conf. Beatus est, quia nouit, etiam si alia ignoret; sed ex parte actus intelligentis, beatitudo est

quid creatum in creaturis beatis, in Deo autem est etiam secundum hoc aliquid increatum. Res clara est, & explicanda in 1. 2.

5 In art. ult. quaerit, an in Dei beatitudine, omnis beatitudo includatur? Et sic respondet. Quicquid est desiderabile in quacunque beatitudine, vel vera, vel falsa, totum eminentius in diuina beatitudine praexistit. De contemplatiua enim felicitate habet continuam, & certissimam contemplationem sui, & omnium aliorum: de actiua uero, gubernationem totius uniuersi. De terrena uero felicitate, qua consistit in uoluptate, diuitijs, potestate, dignitate, & fama, secundum Boet. in 3. de consolat. habet gaudium de se, & de omnibus alijs pro delectatione; pro diuitijs habet omnimodam sufficientiam, quam diuitia promittunt; pro potestate, omnipotentiam; pro dignitate, omnium regimen; pro fama uero, admirationem totius creaturae.



TRACTATUS SECUNDVS

DE

SACROSANCTO TRINITATIS MYSTERIO.

DISPVATIO XXVII.

IN QVAEST. XXVII. D. THOMAE.

DE PROCESSIONE

Diuiinarum Personarum.



SACRATISSI-
MVM Trinita-
tis Myſterium
celſitudine ni-
mia, profunditate ſumma, omnem creatam tranſcendit intelligen-

tiam, eſt enim denſiſſimis nebulis circumdatum, inacceſſibili luce perfulſum, & vndeque circumſcriptum. Omnium namque bonorum Deus, veritatis, & intelligentie ille adminiſtrator, & Saluatoris Pater, prima vite cauſa, immortalitatis planta, ſons vite ſempiternæ, biſſuam quandam Filij, & Spiritus Sancti, cognoscibilem ad nos per idem demitſit gratiã. Et quemadmodum cum humor neceſſarius, à fonte aliquo aquarum copioſè ſcaturiens, profluuiò ſuo abundantiam oſtē-

dit, inde lapſu perenni in flumina duo inciditur, vnicam ex vno fontis ortu à principio vini continens, biſſoria fluminum formator ſpecies, ſine nocumento tamen eſſentiz, flumen illud diuiditur. Humor enim poſitione tantum, fluor ille diſcriminetur, at humori qualitate, vnã, eandemque continet, tamen flumen vtrumque, & longè diſtare, opponique videantur. A Patre velut à fonte perenni Filius, ab vtroque Spiritus Sanctus procedunt, vt Pater nullum in eſſentia nocumentum patiat. Eſt Trinitas margarita ſpecioſiſſima, vndique ſimilis, & æqualiter ſplendens; ſi in aliqua parte derurpatur, tota eius gratia euaneſcit. Pater honorem non ſuſcipit, ſi Filium deboneſtas; Pater, & Filius non glorificantur, ſi Spiritus Sanctus nõ credatur; crede ergo Trinitatem: *quod non capis, quod non vides, animoſa ſeruat fides, prætes rerum ordinem; vtrum vt ea quæ*

quæ, fide supposita, de hoc mysterio traduntur, habeantur, sequentia promentur, sit ergo.

D V B I U M I

An in diuinis sit aliqua processio.

2 **N**on defuerunt plures, diuersique hæretici, qui ex varijs capitibus partem negantem tenuerunt, vt refert S. Doctor art. 1. præsentis quæstionis. Veritas catholica sequenti conclusione explicatur. *In diuinis, seu intra Deum dantur verè, & reales processiones.* Hæc concl. est de fide. Constat ex illo Ioan. 8. *Ego ex Deo processui, & ueni, &c.* & ex illo. *Exiui à Patre, & ueni in mundum.* Et de Spiritu Sancto dicitur Ioan. 13. *Cum uenerit Paracletus, quem ego mittam uobis à Patre Spiritum ueritatis, qui à Patre procedit,* similia testimonia de diuinis processionibus habentur passim.

3 Probatur 1. Quia de Trinitatis mysterio, & de diuinis processionibus, illud sentiendum est, quod ex sacra scriptura habemus; sed ex facia scriptura, vt constat ex locis citatis, habemus dari in diuinis processiones; ergo hoc sentiendum, tenendumque est. Tum quia secundum fidem in diuinis datur Trinitas personarum, iuxta illud: *Fides autem catholica hæc est, ut unum Deum in Trinitate, &c. ueneremur.* Sed Trinitas personarum dari non potest sine processionibus; ergo. Minor probatur, quia omnis multitudo debet reduci ad vnum. Tum quia aliàs darentur plures personæ improductæ, pluraque prima principia, plures naturæ; ac proinde neque daretur Trinitas in vnitate vnus essentia.

4 Sed obieciens 1. quod ex vnitate essentia in tribus personis diuinis potius colligitur quod omnes sint improductæ, & non quod vna ab alia procedat; quod enim ab alio procedit: debet habere esse distinctum; distinctamque naturam, saltem numero, ab eo, à quo procedit, vt in creatis ceinere licet: ergo. Resp. negando antecedens. Ad 1. probationem dico, quod ad hoc vt vnum ab alio procedat

sufficit, quod ab illo personaliter distinguatur, non secundum naturam, modo etiam natura eadem communiceatur; vt colligere licet ex productione verbi creati, ubi non diuersa, sed eadem natura cum obiecto, & specie impressa communicatur.

5 Obieciens 2. Quia licet in creaturis omnis pluralitas debeat resolui, seu reduci in vnitatem, scilicet in primum ens, non tamen in diuinis; de ratione namque diuinarum personarum est, vt habeant naturam diuinam, sintque ens à se, non ab alio. Tum quia de ratione Dei est, quod sit primum ens, primumque principium; quibus repugnat esse ab alio; ergo. Resp. quod personarum pluralitas non resoluitur in primum ens, cum omnes sint primum ens; cum non sint ab alio tanquam à causa communicante eandem naturam, sed sint ab alio tanquam à principio omnino æquali, & habenti, & communicanti eandem naturam. Ad probationem dico, quod persona diuina dicitur primum ens, primumque principium, quantum ad hoc, quod non est ab alio tanquam à causa, vt est primum principium creaturarum.

6 Obieciens 3. Quia vnitas, & immultiplicabilitas diuinæ essentia, ex eius infinitate probatur, non ex eo, quod in diuinis non dentur duo innascibiles; ergo, &c. Resp. quod ex infinitate diuinæ essentia vtriusque colligitur, quod sit immultiplicabilis, & quod personæ nequeant distingui nisi ratione oppositionis relativiæ, ac proinde, quod nequeant dari duo innascibiles, quia tunc relatiuè non opponerentur.

7 Probatur 2. Quia in natura intellectuali creata datur processio verbis ergo à fortiori dabitur in natura intellectuali perfectissima qualis est Deus. Antecedens constat in omnibus intellectionibus naturalibus tum humanis, tum Angelicis. Cōsequ. probatur, quia si intra naturam intellectualem creatam, imperfectam, productam, productum verbum imperfectionibus inuolutum, hoc ipsum concedi debet naturæ intellectuali perfectissimæ, vt scilicet producat Verbum perfectissimum.

Sed

8 Sed dices ex hac ratione nil convinci, quia in visione beata, quæ perfectissima est non producit verbum; ergo neque in Deo producit. Resp. 1. hanc rationem non esse convincentem absolute. sed supposita fide, & sensus nostræ rationis est, quod sicut in natura intellectuali in ordine ad obiectum sibi connaturale producit verbum; ita in divinis; si enim intra lineam naturalem producit verbum in natura intellectuali creata, etiam in natura intellectuali increata. Resp. 2. quod per nostram rationem nil aliud intenditur, nisi quod ex ijs, quæ in nobis experimur de verbi productione manudu, camur ad id, quod fides docet de Sanctissimo Trinitatis mysterio; cum enim verbi productio in creatis afferat perfectionem, non debet in divinis denegari.

9 Primum argum. hæreticorum est, quia creaturæ puræ intellectuales, ut sunt Angeli, non producant aliam personam Anglicam; ergo neque una persona divina producat aliam. Antecedens constat; consequ. probatur, quia ea, quæ reperiuntur in Deo, hæc non debeant esse ad instar eorum, quæ inveniuntur in creaturis imperfectioribus, debent tamen esse ad instar eorum, quæ inveniuntur in creaturis perfectioribus, ut sunt Angeli. Resp. concedendo antecedens, & negando consequ. ad probationem dico, quod ea quæ reperiuntur in divinis debent esse ad instar eorum, quæ reperiuntur in creaturis perfectioribus, non tamen prout suam involunt imperfectiorem; quod enim Angelus nequeat aliud Angelum producere, ex imperfectiōne procedit, quia intellectus Angelicus non est eius substantia, & verbum ab illo productum, est entitatiuè accidens non substantia, non sic in Deo.

10 Secundum argum. Quia repugnat in divinis esse plures personas realiter distinctas; ergo intra Deum nulla datur processio. Probatur antecedens, quia idcirco dicimus naturam divinam esse immultiplicabilem, quia est infinita, sed etiam persona divina, hoc ipso, quod divina, est infinita; ergo etiam persona erit immultiplicabilis. Resp. negando antecedens: Ad

probationem conceditur antecedens, & negatur consequ. Ratio discriminis est, quia infinitas personarum ut talis, est relativa, ac proinde debet dicere oppositionem cum alia persona, & sic debet de necessitate multiplicari; at infinitas divinæ essentiae cum non sit relativa, sed absoluta, caret principio multiplicationis.

11 Tertium argum. Quia aliàs Deus non esset summè simplex, hoc est falsum; ergo. Sequela probatur, quia quoties unus procedit ab alio, debet esse aliquid utriusque commune, quod procedenti communicetur; & aliquid proprium, quod non communicetur, & per quod procedens distinguatur à producente. & tunc datur pluralitas, ac subinde carentia simplicitatis; ergo. Resp. quod licet in Filio sit aliquid commune Patri scilicet natura, & aliquid proprium scilicet relatio, non tamen est ibi compositio, quia relatio est essentia secundum rem, ut postea videbitur.

12 Quartum argum. Omne procedens ab alio, aliquid recipit ab eo; sed quod recipit est indigentis naturæ; ergo nihil potest intra Deum procedere. Maior nota est, aliàs si procedens nil reciperet, nil esset in quo procederet. Minor ostenditur, quia nisi recipiens esset indigentis naturæ, nihil ei deesset, & ita nihil reciperet. Resp. distinguendo minorem, recipiens est indigentis naturæ, quando receptioni supponitur, & conceditur; quando receptioni non supponitur, & negatur. Personæ autem divinæ, scilicet Filius, & Spiritus Sanctus, non supponuntur receptioni divinæ naturæ; tum quia cum recipiant eandem naturam, non possunt esse indigentes, ut patet. Sed dices: quia creatura est indigentis naturæ, & tamen non præexistit receptioni quæ à Deo recipit esse. Tum, quia omne, quod non habet aliquid, nisi secundum quod recipit illud ab alio, oportet ut in se consideratum, careat illo, licet habeat potentiam ad illud habendum; ergo si Filius, & Spiritus Sanctus non habent esse nisi à Patre, necesse est, quod si secundum se considerentur, nihil sint, quamvis non repugnet ut habeant esse ab eodem Patre. Tum etiam quia, quod recipit

H h h

cipit

cipit esse ab aliquo, dependet ab illo, quia illud non haberet, nisi daretur, aut communicaretur. Tum denique, quod procedit secundum suum esse ab aliquo, procedit ab illo adhuc ut sit, quod autem procedit ut sit, non semper fuit, ergo.

13 Resp quod re vera creatura est indigentis naturæ, quia antequam esse recipiat licet non coexistat Deo, imò tamen illi coexistere, prius natura præintelligeretur esse sub nihilo: tum quia creatura indiget libera Dei conseruatione. Verum in diuinis non est sic, quia cum non præsupponantur personæ procedentes prius esse sub nihilo, non indigent libera conseruatione ut sint, & mancant. Ad 1. probationem negatur antecedens, quando illud, quod recipit ab alio, est talis conditionis, ut in suo conceptu includat, quod semper, & necessariò habeat illud ab altero, ab eoque omnem recipiat excogitabilem perfectionem. Ad 2. probationem neganda est maior absolutè, licet enim verum sit, quod id, quod recipit esse ab alio, saltem numero distinctum, dependeat ab illo, non tamen, quod recipit ab alio idem prorsus esse, quod est in illo. Ad ultimam probationem, dico, quod tunc id, quod procedit ab alio procedit ut sit, quando eius processio non est æterna, sed prius supponitur sub non esse, quod diuinis personis procedentibus non conuenit, ut ex dictis liquet.

D V B I U M II.

An Diuina processiones sint actus intellectus, & voluntatis; an solius naturæ diuinæ.

14 **P**rima sententia est, quod diuinæ processiones sint actus solius naturæ diuinæ, ut præintellectus actibus intellectus, & voluntatis, sic tradit Durandus in 1. dist. 9. q. 2. Vbi infert, quod si per impossibile Deus non esset intelligens, aut volens, nihilominus darentur diuinæ processiones. Pro hac sent. refertur etiam Greg. ab Arimino in 1. dist. 10. q. unica, & dist. 13. q. etiam unica.

15 Nostra sent. sequenti concl. explicatur. *Diuina processiones non sunt actus solius naturæ diuinæ, ut præintelligitur suo intellectui, & voluntati, sed sunt actus intellectus, & voluntatis, seu sunt emanationes, & productiones ordinis intelligibilis.* Colligitur hæc concl. ex sacra scriptura, ubi Filius vocatur Verbum, vocatur Sapientia, vocatur Veritas. Et Spiritus Sanctus vocatur Charitas, vocatur Amor, &c. quæ ad intellectum, & voluntatem spectant, non ad naturam, ut præintellectam, ad intellectum, & voluntatē. Hanc concl. docent communiter Sancti Patres, quos referunt N. Salman. & omnes Scholastici, & Theologi.

16 Probat 1. quia diuinæ processiones debent esse secundum actionem immanentem naturæ purè intellectuales uti est natura diuina; ergo debent esse secundum operationes intellectus, & voluntatis. Antecedens constat, nam diuinæ processiones nequeunt esse secundum operationes transcentes, aliàs non essent intra Deum: debent etiam esse diuinæ actiones, seu operationes naturæ purè intellectuales, cum natura diuina sit purè intellectualis. Consequ. probatur, quia in natura purè intellectuali nulla datur operatio immanens præter operationem intellectus, & voluntatis. Tum quia operationes naturæ purè intellectualis viuientis vita intellectuali, debent esse vitales vitalitate purè intellectuali, at hæc sunt solum operationes intellectus, & voluntatis. Tum etiam quia operationes naturæ purè intellectualis, debent esse eleuatae supra materiam; tales dumtaxat sunt operationes intellectus, & voluntatis; ergo. Tum denique, quia sicut operationes naturæ purè vegetatiuæ, tantum sunt operationes potentiarum vegetatiuarum; & operationes naturæ purè sensitiuæ, à solis potentijs sensitiuis oriuntur; ita operationes naturæ purè intellectiue, tantum erunt operationes intelligendi, & volendi.

17 Respondetis ex doctrina Durandi, quod licet in naturis finitis debeat processio, & communicatio esse secundum potentias, & vires proximas proprias illius

naturæ, non tamen in natura infinita, & infinite fecunda, ut est natura diuina, hæc enim propter suam infinitatem, & eminentiam, se per se ipsam communicat, & non medijs suis proximis viribus ad intelligendum, & volendum. Sed contra, quia ex hoc, quod diuina essentia sit infinite fecunda, & perfectissima, non tollitur quominus pertineat ad aliquem gradum entis, ex ijs, qui sunt naturę constitutiu, scilicet ad gradum intellectualitatis; ergo neque etiam tollitur, quod processiones ab illa ut à principio quo ortum ducentes, non sint secundum vires proximas, & proprias gradus intellectualitatis. Antecedens constat. Conseq. probatur, quia licet infinitas diuinę essentia faciat, quod eius vires proximę ab ipsa non distinguantur realiter, non tamen facit, quod per illas non agar, alijs sibi tales vires frustra darentur; si enim semel natura immediate potest agere, frustra dantur vires ab ipsa aliquo modo distinctę ad agendum.

18 Probatur 2. quia processiones in diuinis debent esse actus illarum virium, ex quibus sufficiens ratio summi possit, cur vna earum sit prior, & alia posterior: cur vna sit generatio, non alia: cur tantum sint duę processiones non plures; sed si dicte processiones essent actus naturę diuinę ut præintelligitur intellectui, & voluntati, non posset reddi sufficiens ratio prædictorum; bene si dicamus, quod sunt actus intellectus, & voluntatis; ergo, &c. Maior constat, cum enim processiones suam sumant quasi speciem ex suis principijs, talia debent assignari earum principia ex quibus depromi possint rationes eorum, quę processionibus essentialiter competunt, ut quod sint duę tantum, quod vna sit alia prior, &c. Minor probatur. Nam eo ipso, quod dicte processiones procederent immediate à natura diuina, non esset ratio quare vna esset alia prior, cum vtręque esset immediatę à natura, non esset ratio quare vna esset generatio non alia, quia per vtramque immediatę communicaretur natura; non esset ratio quare ef-

ferent tantum duę, & non plures, cum natura sit infinita, infiniteque fecunda. Verum si dicamus dictas processiones esse operationes intellectus, & voluntatis, hæc omnia egregie saluantur. Nim cum intellectus sit prior voluntate, sequitur, quod processio, quę est per intellectum, sit prior illa, quę est per voluntatem. Et cum processio per intellectum, sit generatio, non quę per voluntatem, saluatur quare vna, non alia sit generatio; & cum vires naturę intellectualis sint tantum duę, intellectus, & voluntas, sequitur, quod processiones ordinis intellectualis sint tantum duę.

19 Primum argum. desumitur ex diuersis Sanctorum Patrum auctoritatibus, qui dictas processiones attribuunt naturę diuinę, naturalesque; seu naturę eas vocant. Resp. quod loquendo de processione Verbi, cum sit per intellectum, quod est ipsa natura Dei, licet non sub nomine, & expressione intellectus, potest dici naturalis, seu naturę, quia per illam formalissimę communicatur natura. Deinde dico, quod dicte processiones vocantur naturales, seu naturę, quia sunt omnino necessarię, non liberę, quod autem est omnino necessarium, naturale dici solet.

20 Secundum argum. quia intellectus, & voluntatis actus, sunt essentialis, & toti Trinitati communes: sed processiones sunt actus notionales, & proprij, quia Pater, non Filius generat: Pater, & Filius spirant, non Spiritus Sanctus. Resp. quod actus intellectus, & voluntatis vt essentialis, sunt toti Trinitati communes, non tamen vt notionales; vnde actus intellectus vt connotat paternitatem, & producit Filium, est in solo Patre, &c.

21 Tertium argum. Nam in creaturis fecunditas, & naturę communicatio non conuenit illis per intellectum, & voluntatem, ergo neque processiones in diuinis. Antecedens constat; nam creature experies intellectus, & voluntatis non communicant suas naturas per intellectum, & voluntatem; sicut neque creaturę, quę habent intellectum, & voluntatem, nam

nec homo, nec Angelus suas communicant naturas per intellectum, & voluntatem. Consequenter, ex paritate rationis. Tū quia per actus immanentes nihil produciunt; non enim actus immanentes sunt instituti ad producendum, sed ad vniendam potentiam v. g. intellectum cum obiecto. Tum etiam quia intelligere, est esse rem intellectam in esse intelligibili, in quo nulla involuitur productio. Tum denique, quia actus nostri intellectus non sunt actiones de predicamento actionis, cum non sint purum fieri, & productio termini, &c. Resp. negando antecedens, si intelligatur de communicatione naturæ in esse intelligibili, & concedendo si intelligatur de communicatione in esse naturali. Et deinde negatur consequens. nec vlla est hic paritas actionis, ut constat, cum illius oppositum sequatur; nam sicut in creaturis intellectualibus communicatur per intellectum naturæ, licet modo imperfecto, ita in suprema natura intellectuali communicabitur naturæ perfectissime. Ad 1. probationem dico, quod etiam per actiones immanentes produciuntur quandoque terminus, non ob consentientiam actionis ut in transeuntibus actionibus contingit, sed ob naturam, & necessitatem obiecti, quod se ipso terminare non potest. Ad 2. probationem dico, quod licet intelligere sit esse rem intellectam, tamen ad hoc requiritur verbum productum in intelligentibus, in quibus obiectum nequit per semetipsum germinare dictam intelligentiam. Ad 3. probationem, dico, ita esse, quod intellectio non sit actio de predicamento actionis, sed qualitas, cum non sit tantum fieri, sed sit fieri, & factum esse, ac proinde non ex sui exigentia habeat terminum, licet permittatur habere illum.

DUBIUM II.

An actus intellectus, & voluntatis diuinorum processionem, sint actus intelligendi, & volendi, an alij ex æquo distincti.

22 **P**rima sententia tenet, quod actus ex quibus sunt diuinæ processionis, non sint actus intelligendi, & volendi, sed alij ex æquo distincti, pro quo notant, quod in Patre duplex intellectus actus distinguitur; vnus est intelligere essentialis, & commune tribus personis; alter est dicere, soli Patri conueniens quod dicere licet sit actus intellectus, non est tamen formaliter intellectio, sed virtualiter ab illa distinctus. Idem proportionem seruata dicunt de productione Spiritus Sancti. Hanc sententiam sequitur Scotus in 1. diff. 2. q. 7. & tota eius Schola.

23 Nostra sententia sequens conclusio explicatur. *Diuina processionis sunt intelligere, & velle, non alij actus ex æquo distincti. Non sunt tamen intelligere, & velle præcisè sed modificata per quandam modum eis virtualiter superadditum.* Pro hac sententia referunt Salmant. hic dub. 3. D. August. D. Tho. Fulg. Anselm. & omnes D. Thomæ discipulos, aliosque communiter. Et licet conclusio de vtraque processione procedat, claritatis tamen gratia potissime de processione Verbi tractabitur ostendendo, quod ipsum dicere Patris, quo Verbum producit, sit ipsa diuina intellectio prout connotat paternitatem, seu modum quandam fecunditatis, quem habet intellectio in Patre, non in alijs personis.

24 Quod dictio, quæ est Verbi diuini productio, debeat importare ultra intelligere aliquem modum fecunditatis, aliquam modificationem superadditam, seu ipsam paternitatem, constat, quia intelligere essentialis ut sic, est commune toti Trinitati, cum tamen non habeat in singulis personis rationem dictionis, ut ex se constat. Tum quia, quod intellectio producat

ducatur Verbum, non dicitur specialem habitudinem ad rem intellectam, sed solum specialem modum, ac proinde adhuc ut intellectio sit dictio non noua intellectio, sed modificatio importari debet. Quocirca licet diuina intellectio in recto, seu ex parte recti habeat totum id, quod requiritur ad productionem Verbi, quod est ratio cognitionis, seu intellectio, non tamen habet id, quod ex parte obliqui, seu connotati requiritur. Unde cum hoc solum habeat in Patre, solum in Patre est dictio, non in Filio, &c. In Filio habet rectum, non habet obliquum, seu connotatum.

25. Quod autem dictio dicatur in recto ipsam intellectioem, seu quod sit ipsa intellectio. Probatur 1. quia generaliter loquendo omne verbum intellectuale, procedit ex noticia rei intellectæ formaliter sumpta, ergo procedit ab intelligere, non utcumque, sed ut modificato, modo explicato. Consequenter constat. Antecedens ostenditur, quia ex hoc præcisè, quod producat verbum, res intellecta, habet esse intellectam, id est habet terminare intellectioem ratione verbi, ergo verbum procedit ex noticia rei intellectæ, aliàs per hoc, quod verbum produceretur, res intellecta non terminaret intellectioem, quod est falsum, cum res in verbo cognoscantur. Tum quia de ratione verbi, est, quod procedat ab intellectu tanquam terminus lux operationis, operatio autem adæquata intellectus est noticia rei intellectæ; sicut operatio adæquata visui, est noticia rei visibilis. Tum etiam quia cognitio essentialis Dei, est infinitè perfecta, ac proinde infinitè efficax, & fecunda, ut si addatur illi modus, seu relatio Paternitatis, ratione cuius cum Verbo opponatur, producat Verbum perfectionis infinitæ.

26. Respondent cum Henrico quod libeto 6. quod in Deo datur duplex intelligere, vnum per modum simplicis apprehensionis, & quasi imperfectum, per quod nullum producit verbum. Aliud notionale, & perfectissimum, & est productio verbi, & ex æquo distinguitur ab illo intelligere primo, & essentiali. Sed

contra, quia in diuinis non datur duplex intelligere, sed vnum dumtaxat essentialè, quod non nisi per additionem modi sit notionale; sicut enim in Deo non datur duplex iustitia; duplex misericordia vnà essentialis, notionalis alia, ita neque dabitur duplex illud intelligere, essentialè, & notionale. Tum quia si daretur hoc intelligere notionale, adhuc non posset distinguì ab essentiali nisi per relationem, quia notionalia non nisi hoc modo ab essentialibus distinguuntur, ac proinde solum ratione modi, seu modificationis. Tum etiam quia dato, quod in Patre esset duplex intelligere, adhuc tamen intelligere essentialè haberet ex parte recti rationem expressionis verbi, & ita esset in recto ipsum dicere. Nam dictum intelligere esset perfectissimum, ac proinde eminenti modo contineret perfectionem simplicis apprehensionis, compositionis, discursus, assensus, iudicii directi, & reflexi, & perfectionem intellectiois notionalis.

27. Nec verum est, quod dicitur in dicta solutione, quod per intelligere imperfectum in creaturis, seu quod per simplicem apprehensionem non producat verbum, quia per omnem intellectioem creatam excepta visione beatæ, producit verbum. Ratio est, quia ad omnem intellectioem creatam requiritur, quod obiectum terminans illam, sit inera intellectum aut per se ipsum, aut per verbum, extra visionem beatam nullum datur obiectum, quod sit tante immaterialitatis ut queat per se ipsum vniri potentie per modum verbi, & intellectioem terminare, ergo.

28. Probatur 2. quia in Deo potentia generatiua, est ipsamet diuina essentia connotando paternitatem, cum eodem diuinum intelligere sit ipsum constitutiui Dei, ac proinde sit ipsa diuina essentia, in idem recidit, quod potentia generatiua sit ipsa diuina essentia, aut ipsum diuinum intelligere connotando paternitatem; ergo actualis generatio Verbi diuini consistet in prædicto intelligere connotando paternitatem. Facultates namque, & vires in diuinis, debent esse per modum

actus

actus purissimi, ac proinde id ipsum, quod est intellectus, & intellectio, & quod est potentia generatiua, erit per modum purissimi actus generatio.

29 Respondent, quod, sicut diuinum intelligere est radix volitionis, & tamen volitio est actus secundus virtualiter, & ex æquo distinctus à diuino intelligere, ita licet diuinum intelligere sit potentia generatiua, poterit prout est radix actualis generationis, seu dictionis, distingui virtualiter, & ex æquo ab illa; intelligere namque, & dicere comparantur tanquam actus primarius, & secundarius, sicut intelligere, & velle. Sed contra, quia intelligere, quod est radix volitionis, & volitio, comparantur tanquam res diversarum linearum, non sic intelligere, & intellectio, ac proinde illa distingui possunt virtualiter, & ex æquo, non ista. Cuius namque potentia generatiua, debet sua generatio correspondere, tanquam quid pertinens ad eandem lineam. Tum quia generatio, & communicatio naturæ diuinæ, est actus per se primus potentia generatiua, non secundarius, vt illi voluit; non enim ista potentia alium actum habet cui ratio primarietatis tribui possit; licet enim Verbi diuini generatio non sit actus omnino per se primus respectu Dei, cum eius naturam non constituat, est tamen actus per se primus respectu potentia generatiua, sicut volitio est actus per se primus respectu voluntatis, licet non sit respectu Dei, cum non pertineat ad lineam primam, ad lineam constitutiuam, sed attributi.

30 Respondent alij, quod etsi lineæ dicentes aliquid absolutum dumtaxat, sint talis conditionis, vt in eis actus primus, & secundus non distinguantur, tamen lineæ coalescentes ex absoluto, & relatiuo, vt in potentia generatiua contingit, oppositum habent. Vnde licet intelligere. Del connotando paternitatem sit potentia generatiua, ipsa tamen generatio cum connotet relationem, scilicet paternitatem, erit alius actus ex æquo ab ipso intelligere distinctus. Sed contra, quia tota ratio propter quam lineæ dicentes solum ali-

quid absolutum, debent pertingere vsque ad actum secundum, & vltimum, absque distinctione virtuali, est, ne secundum suas rationes formalissimas, sint aliquid potentiale; ratio namque formalis, quæ non pertingit ad hoc, vt se ipsa formalissimè dicat vltimam actualitatem suæ lineæ, est ratio trunca, & imperfecta, dicensque aliquid potentialitatis, & expectans aliquid à quo vltimò compleatur; sed hoc idem currit in lineis coalescentibus ex absoluto, vt rectio, & ex relatiuo vt connotatio; ergo. Tum quia lineæ dicentes aliquid absolutum in recto, & aliquid relatiuum in obliquo, debent esse quid summè actuale, tum ex parte absoluti, tum ex parte relatiui; ergo id, quod ex parte recti in hoc casu, & est absolutum, importatur, scilicet diuinum intelligere, debet esse tantæ actualitatis vt sit ipsa actualis generatio. Tum etiam quia licet id, quod in hoc casu importatur in obliquo permeat ad diuersam lineam, ac proinde obliquum virtualiter distingatur à recto; tamen ipsum rectum, debet esse actualissimum, & debet pertingere vsque ad vltimum suæ lineæ diuersæ distinctione virtuali.

31 Primum argum. sententiæ oppositæ, est; Intelligere in diuinis est esse, seu existentia Dei; dicere, est productio Verbi, ergo distingui debent virtualiter. Quod intelligere Dei, sit existentia Dei, constat ex dictis supra de scientia Dei; cum enim existentia sit vltima actualitas, & intelligere sit vltimum in ordine intelligibili, sequitur, quod constitutiuum Dei in ordine intelligibili, sit ipsum actuale intelligere per modum actus purissimi. Consequenter probatur, quia existentia termini producti per aliquam productionem, & productio ipsa, debent saltem virtualiter distingui; &c. Resp. concedendo antecedens, & negando consequens. Ad probationem dicendum, quod sit intelligatur de productione rei, & existentia illius in esse intelligibili, tunc eadem productio, & est productio, & est existentia in esse intelligibili, est productio, vt est fieri rei v. g. Verbi; est existentia, secundum

dum quod intelligitur esse ultima actualitas eiusdem verbi in esse intelligibili, prout scilicet est cognitio, seu contemplatio rei in verbo. Secus dicendum est in esse naturali, ubi rei productio non est eiusdem rei existentia, ut ex se constat.

32 Secundum argum. Quia dictio seu productio actiua verbi diuini se tota distinguitur realiter à productione passiuæ eiusdem verbi; ergo non includit in suo conceptu intellectionem, nec intellectio dictionem. Antecedens probatur, quia dictio, seu actiua diuini Verbi productio se tota opponitur realiter relatiuè productioni passiuæ eiusdem verbi; mutuo enim se totis respiciunt relationibus realibus productionis actiuæ, & passiuæ. Resp. negando antecedens, nam non distinguuntur ratione ipsius intelligere, sed ratione relationum tantum, sicut Pater, & Filius non distinguuntur ratione essentiae, sed ratione relationum oppositarum dumtaxat.

33 Tertium argum. quia in nobis intellectio, & dictio sunt duo actus formaliter, seu virtualiter distincti, vt vnus non includat alterum; ergo etiam in diuinis. Conseq. tenet ex paritate rationis. Antecedens tenet D. Thomas 1. p. q. 34. art. 1. ad 3. dicens. *Intelligere importat solum habitudinem intelligentis ad rem intellectam in qua nulla ratio originis importatur.* Tum quia intellectio reperitur sine productione Verbi, non dictio. Tum etiam quia dicere importat tantum proferre verbum; proferre autem verbum neque est, neque includit intellectionem. Resp. negando antecedens, licet enim intellectio vt est pura verbi contemplatio non importet rationem originis, sed solum habitudinem intelligentis ad rem intellectam, quod est id, quod intendit S. Doctor in allegato testimonio, vt tamen est dictio, semper includit intellectionem, per quæ patet ad reliquas probationes.

34 Quartum argum. quia in nobis dictio est prior intellectione, ergo non includit illam, ergo tamen in diuinis intellectio sit prior dictione, nihilominus non includet illam. Antecedens probatur,

quia intellectio præsupponit verbum, eo quod in illo tanquam in obiecto contem. platur rem intellectam; ergo multò magis præsupponet dictionem à qua verbum producit. Tum quia non potest in præ. senti habere locum illa distinctio, quod verbum sit prius intellectione in genere causæ formalis, & intellectio sit prior in genere causæ efficientis, in quantum quod intellectio producit verbum, & in verbo producto rem intellectam contempletur; quia id, quod est prius alio in genere causæ efficientis, debet etiam esse prius in genere causæ formalis, cum vnumquodque agat in quantum est in actu per formam. Resp. prænotando, quod intellectio potest considerari tripliciter. Primò incoatiue, & in via; secundò completiue, & in esse quieto; tertio vt præscindit ab vtroque statu. Intellectio primo modo præcedit verbum. Secundo modo, est posterius verbo, cum rem in verbo contempletur. Et tertio modo præscindit, & secundum se consideratur. Benè verum est, quod illa prioritas, & posterioritas non est in quo, sed à quo tantum; per quæ patet ad obie. cia, & constat cum alijs ex dictis de ani. ma, & supra q. 12. 14. &c.

D V B I V M IV.

An actus intelligendi, & volendi, sint quædam emanationes, an sint verè, & propriè actiones, seu operationes.

35 Prima sententia est, quod diuinæ processionis, non sint actiones, seu operationes intellectus, & voluntatis, sed quædam emanationes intelligibiles, seu ad ordinem intelligibilem spectantes. Sic Suarez lib. 1. de Trinit. cap. 8. n. 5. Molina hic, & alij. Nostra sententia suq. concl. explicatur. *Diuinæ processionis sunt verè, & propriè actiones, siue operationes intellectus, & voluntatis, siue ad ordinem intelligibilem spectantes.* Sic tenet S. Doctor hac q. 27. art. 1. ubi sic dicit. *Sic igitur processio verbi in diuinis habet rationem generationis, procedit enim per modum intelligibilis actionis, quæ est operatio viua.* Idem tradit art.

3. & 5. & 9. 10. de *Potentia* art. 2. & alibi
Vnde S. Doctor sequuntur eius discipuli.

36 Probatur 1. quia processiones in diuinis debent esse ex ijs, quæ in creaturis nobilioribus, scilicet intellectualibus; ut talibus, reperiuntur, ita quod, quicquid in his processibus reperitur denudabile ab imperfectionibus, debeat diuinis processibus conuenire, ab iisdem imperfectionibus denudatum; sed processiones reperiuntur in creaturis intellectualibus; sunt verè, & propriè actiones immanentes, pertinentes ad ordinem intelligibilem, & sunt denudabiles ab imperfectionibus; ergo etiam in diuinis processiones erunt actiones immanentes, &c. Maior constat de rationibus namque diuinis discurrimus ad modum rationum creaturarum demptis imperfectionibus. Minor etiam constat, in nostro namque intellectu processio verbi est eiusdem intellectus operatio; nec datur in nostro intellectu processio, quæ sit emanatio, & non operatio, seu actio, & ab imperfectionibus denudabilis.

37 Respondet Molina. quod in nobis ratio actionis immanentis nequeat denudari ab imperfectionibus motus versantis inter duos terminos à quo, & ad quem, seu ab imperfectionibus motus definiti ab Arist. 3. *phys.* quod sit *actus entis in potentia*; prout *in potentia*; neque denudari potest ab imperfectionibus causandi terminum habentem saltem distinctam numero essentiam, à producente. Sed contra, quia dicitur imperfectiones solum comitantur indispensabiliter actiones creatas, vel aliquas ex illis, & illas maximè, quæ sunt actiones de prædicamento actionis, non qualitatibus; non actiones, seu operationes diuinas. Sicut enim relatio creata v.g. affert indispensabiliter, quod sit ad aliud habens essentiam saltem realiter numericè distinctam, & quod sit quasi via, & eadem distincta inter utrumque correlatum, & tamen ratio relationis ad diuinam transferri sine dictis imperfectionibus; ita licet actio creata verbi productiua habeat dictas imperfectiones, ad diuinam tamen sine illis transferretur. Tum

quia intellectio creata non est admixta imperfectionibus motus physici versantis inter duos terminos à quo, & ad quem, cum non sit actio de prædicamento actionis expectans essentialiter terminum, ut ex alibi dictis satis constat.

38 Respondet aliqui ex doctrina dicti Molinæ, & Suarez. quod intellectio, & quæcunque alia actio immanens licet possit denudari ab imperfectionibus motus physici, non tamen denudari potest ab alijs duabus imperfectionibus, scilicet, quod supponat potentiam passivam in eliciente illam, ad hoc ut in ea maneat, & recipiatur; & quod per veram elicientiam ab agente procedat, ac proinde realiter ab illo distinguatur. Sed contra, quia non est contra rationem actionis immanentis, quod communicet eandem numero naturam sub modo essendi tam naturali, quàm intelligibili, quæ est in producente, scilicet in Patre; ergo neque erit contra rationem actionis immanentis, maximè infinitæ intra suam lineam, quod non supponat potentiam receptivam, quod non procedat per elicientiam distinctam à producente, sed quod identificetur absque distinctione virtuali, ratione recti, à producente, scilicet à diuina essentia, & diuino intellectu.

39 Probatur 2. quia conceptus virtutis actiue, siue potentie actiue in Deo est denudabilis ab imperfectionibus; ergo etiam conceptus actionis, siue operationis, ac proinde diuinæ processiones erunt verè, & propriè operationes, seu actiones immanentes. Antecedens probatur, quia cum potentia conueniat rei prout est in actu, sequitur, quod sicut hoc, quod est esse in actu, ut est ratio entis est denudabile ab imperfectionibus; vnde Deus est ens in actu absque imperfectionibus, ita etiam potentia actiua erit denudabilis ab imperfectionibus ut fiat potentia in actu, & non sub potentialitate; vnde in Deo datur potentia, sed per motum purissimi actus. Consequenter probatur, quia ratio actionis cum dicat rationem maioris actualitatis, quam ratio potentie, debet esse magis denudabilis ab imperfectionibus, quæ sit

fit ratio potentie, ergo si ratio potentie est denudabilis ab imperfectionibus, cum tamen dicatur minorem actualitatem, quam ratio actionis, seu operationis; à fortiori erit denudabilis ab imperfectionibus ratio actionis.

40. Confirmatur 1. quia Deus respectu creaturarum, seu per respectum ad extra habet potentiam activam proprie dictam, denudabilem ab imperfectionibus; item actus illi correspondens, est denudabilis ab imperfectionibus, cum sit actio immanens identificata cum eadem potentia; ergo actio immanens ad intra, denudari poterit ab imperfectionibus. Antecedens constat, alias in Deo non daretur omnipotentia; nec vlla actio producens effectum ad extra, cum tamen eadem actio sit immanens, cum Deus non operetur ad extra per operationem transeuntem. Consequentia constat ex paritate rationis.

41. Confirmatur 2. quia in Patre datur potentia generativa respectu Verbi divini, ut infra probabimus; ergo etiam dabitur vera generatio, habens veram, & propriam actionis rationem; de ratione namque generationis est, quod involuat rationem actionis. Tum quia si daretur generatio, quæ esset pura emanatio non includens in suo conceptu veram rationem actionis, esset imperfecta in ratione influens in rem genitam; nam non nisi ut subordinata alteri actioni, & eam involvens, aut præsupponens, non attingeret rem genitam, quod maximam arguit imperfectionem.

42. Occurrit quidam iunior, quod saltem in termino veræ, & propriæ actionis, semper invenitur aliqua imperfectio. Unde licet omnipotentia, & eius actio sint libera ab imperfectionibus; eorum tamen terminus eas involuit unde cum ad intra nequeat dari terminus imperfectionibus involutus, neque actio dari poterit, ac proinde divinæ processiones non erunt actiones, sed simplices emanationes. Sed contra, quia potentia activa, & eius actio, ab imperfectionibus nuda, non ponunt imperfectionem in termino, quod si illam habeant, non erit ex vi dictæ potentie, &

actionis, cum illam non habeant, nemo enim dat, quod non habet, sed erit ex ipsius termini natura, ut contingit in creatura, quæ est terminus actionis Dei ad extra; ergo ubi terminus repositus omnimodam perfectionem, ut contingit ad intra, non poterit imperfectionibus involui ex vi actionis perfectissima, & absolutissima.

43. Primum argum. desumitur ex testimonio D. Tho. art. 1. præsentis q. ubi sic fatur. *Non ergo accipienda est processio secundum quod est in corporibus; sed secundum emanationem intelligibilem, ut patet Verbi intelligibilis à dicente, quod manet in ipso.* Resp. quod D. Thomas nomine emanationis, non intelligit emanationem simpliciter distinctam ab actione, sed intelligit actionem, seu operationem liberam ab imperfectionibus, quas habet actio, seu generatio in corporalibus; tum quia per D. Thomam non datur alia emanatio intelligibilis, nisi ea quæ est per actionem intelligibilem.

44. Secundum argum. quia si processiones divinæ essent veræ, & propriæ actiones, id quod per eas produceretur, haberet veram rationem effectus; hoc autem esse nequit, quia ratio effectus dicit imperfectionem; ergo. Maior patet, quia vera actio, verum producit effectum. Respond. quod actio de prædicamento actionis producit effectum, at actio de prædicamento qualitatis producit terminum, & habet rationem principij, non causæ. Alia levia argumenta prætereo.

D V B I V M V.

Quid sit generatio in communi, & generatio Vincentium, & an illa in divinis repetitur.

45. **D** Vbi hunc sequentibus conclusionibus explicabitur. Prima concl. *Generatio in communi; seu prout est communis ad omnia generabilia, & corruptibilia substantialia rectè definitur, quod sit mutatio de non esse ad esse.* Sic S. Doctor art. 2. huiusq. 27. Arist. 8. phys. & in 1. de Generat. & communiter Philosophi, & Theologi. Ratio est, quia generatio sub-

specialis prout est communis ad omnia generabilia & corruptibilia, non aliter ipsius competit, nisi quatenus exeunt de potentia in actum; seu, nisi quatenus materia prima, quæ est in potentia ad aliquam formam substantialem, illam actu recipit, & transit ab hoc, quod est esse in potentia ad eam, ad hoc, quod est actu habere illam; quod aliud non est quam mutari, ac subinde generatio vt sic, rectè definitur, quod sit *mutatio de non esse ad esse*. Benè verum est, quod ex præsupposito miraculo potest generatio non viuendum fieri sine mutatione propriè dicta, vt cum ex speciebus sacramentalibus generatur ignis; tunc enim, non supponitur materia quæ maneat sub utroque termino, de qua res dixi in *trakt. de Euch.*

46 Secunda concl. Generatio viuentium optime definitur, quod sit: *Origo viuentis à viuentis coniuñcto in similitudinem naturæ eiusdem speciei* Sic D. Tho. *hic art. 4. & 4. contra Gent. cap. 11. & tradit Arist. 7. metaph. cap. 8. & 1. de gener. cap. 1. & 2. & 8. Ethic. cap. 12.* Philosophi, & Theologi communiter. Dicitur *Origo viuentis*, vt denotetur, quod proprius illius terminus debet esse viuens, hoc est suppositum per se subsistens. Dicitur *à principio viuente*, vt denotetur, quod non solum terminus generationis debet esse suppositum viuens, sed etiam principium. Vnde viuentia quæ sunt à sole, non sunt per generationem; nec Eux productio ex Adami costa, quia Adamus non concurret ad illam vitaliter. Ponitur illa particula *coniuñcto*, vt significetur, quod generatio viuendum debet esse talis conditionis, vt sit de substantia, seu de aliquo substantiæ generantis, quod saltem à principio sit cum illo coniuñctum vt est semen, ac proinde viuens genitum debet secundum aliquid sui esse coniuñctum, saltem in initio generationis cum suo principio viuente, à quo procedit. Ponitur in *similitudinem naturæ specificæ*, vt innuatur, quod ad rationem generationis viuentium requiritur, vt viuens, quod per illam conaturaliter procedit, sit saltem eiusdem naturæ specificæ; quo modo vermiculi ab homine per actionem vitalem

ex proprio humore producti, non dicuntur generari. Quod si viuens procedat à eadem natura numerica, generatio nobilior, perfectiorque erit.

47 Obijcies 1. quia generatio muli ex accessu asini ad equam, est generatio viuentium, & tamen non est in similitudinem naturæ specificæ; ergo, &c. Resp. quod nostra definitio procedit de generatione non monstruosa, non de monstruosa, vt est generatio muli. Tum quia ad generationem satis est, quod quantum est ex vi virtutis generatiuæ producatur genitum eiusdem naturæ, licet per accidens oppositum contingat.

48 Obijcies 2. quod ad hoc vt dicta definitio esset rectè tradita, & vt deserui-ret ad explicandam diuini Verbi generationem, debebat poni in ea, quod principium illius sit viuens, non qualiscunque, sed cognoscens, & quod illius terminus sit etiam cognoscens. Respondent Molina in *presenti*, Valsq. *diff. 113. cap. 1.* Et Coniungit ad *Gener. cap. 4. v. 10. art. 1.* quod reuera debeant addi illæ particule, quod confirmant ex D. Tho. 3. p. q. 32. art. 3. *quatenus dicit, quod nomen Patris, & Filij in solis cognoscentibus reperiatur; tum quia ex græca etymologia, nomen Filij significat amorem, qui in solis cognoscentibus reperiatur. Sed contra, quia vel nomine cognoscentis intelligitur cognoscere, actualiter, an radicaliter, non primum, quia ad hoc vt genitor generet non est necesse quod actualiter cognoscat, vt constat in hominibus. Neque secundum, quia cum terminus cognoscitiuorum sit natura radicaliter cognoscitiua, eo ipso, quod dicitur procedere in similitudinem naturæ, sufficienter illud exprimitur, ac proinde necesse non est vt addatur; maxime cum nec Aristoteles, nec D. Thomas, nec aliquis ex Philosophis antiquis, nec ex Theologis fecit dictarum particularum mentionem. Ad 1. probationem ex D. Thomas dico, quod ex hoc, quod D. Thomas dicat, quod nomen Patris, & Filij solis viuentibus comperat, non ob id sequitur, quod in definitione generationis debeant dictæ particule addi. Ad illud de etymo-*

mo-

mologia nominis Filij, dico, quod aliud est id à quo nomen desumitur, aliud id ad quod significandum imponitur.

49 Tertia concl. *Ratio generationis substantialis ut est communis tam generationi viuientium, quam non viuientium non conuenit processioni Verbi diuini.* Hæc conclusio communis est. Ratio euidentis est, quia ratio generationis ut est communis generationi viuientium, & non viuientium importat, vel petit mutationem, que in Deo esse nequit, iuxta illud Iacobi 1. *Apud quem non est transmutatio, nec vicissitudinis obumbratio.* Tum quia generatio prout importat, aut petit mutationem, tantum potest conuenire rebus, quæ exiunt, aut exire possunt de potentia in actum; sed Verbum diuinum non est sic, ut patet, cum sit actus purus, ergo, &c. Tum etiam quia processio nostri verbi non est motus propriè dictus, ergo multo minus processio Verbi diuini, ac proinde ratio generationis substantialis ut est communis generationi viuientium, & non viuientium, sicut non competit processioni nostri verbi, nec processioni Verbi diuini competit.

50 Sed obieciens 1. quia processioni Verbi diuini competit definitio generationis viuientium, ut dub. seq. dicitur; ergo etiam competit definitio generationis prout est communis viuentibus, & non viuentibus. Conseq. probatur, quia cui competit ratio aliqua, debet etiam competere ratio illius superior, sicut cui competit esse hominem, competit etiam esse animal; ergo cum illa ratio generationis substantialis, communis viuentibus, & non viuentibus sit ratio superior generationi viuientium, sequitur, quod cui competit ista, & illa competit. Tum quia vel ratio generationis prout dicit esse mutationem de non esse, ad esse competit generationi viuientium per modum rationis genericæ, seu essentialiter superioris, vel non? Si primum, sequitur, quod cui conuenit ratio generationis viuientium, etiam competat ratio generationis illius communis. Secundum dici nequit, quia aliàs illa ratio non esset communis, &c. Resp. quod processioni Verbi diuini competit definitio

generationis viuientium dupliciter. Primo prout abstrahit à creatà, & increata. Secundò prout competit creaturis, quoad id, quod dicit perfectionis, non tamen, quoad id, quod dicit imperfectionis; per quæ patet ad intelligentiam antecedentis. Deinde negatur conseq. quia generatio prout est communis generationi viuentiũ, & non viuientium, non includitur in generatione viuientium, nec prout abstrahit à creatà, & increata; nec etiam prout accipitur secundum id, quod dicit perfectionis. Ad probationem dico, quod ratio generationis prout dicit mutationem est solum communis generationi viuientium ut dicit imperfectionem, non prout modo dicto abstrahit, & dicit perfectionem.

51 Obieciens 2. potest concipi ratio generationis creatorum secundum id quod dicit perfectionis, & ab ea sic concepta, potest abstrahi ratio communis generationis, conueniens etiam processioni Verbi diuini; ergo etiam concipi poterit generatio non viuientium quoad id, quod est perfectionis, scilicet prout est productio naturæ substantialis per se subsistentis; ac proinde abstrahi poterit ratio communis generationi viuientium, & non viuientium, creatorum, & increatorum, &c. Resp. concedendo antecedens, negandoque consequentiam, quia generatio non viuentiũ, tam secundum rationem communem viuentibus, & non viuentibus, quam secundum suam rationem differentialem exprimit imperfectionem; nam secundum rationem genericam dicit rationem mutationis substantialis de non esse, ad esse, siue dicat esse, & non esse vitæ; vel esse, & non esse, non vitæ. Et secundum rationem differentialem dicit mutationem de non esse ad esse, excludens vitam.

52 Obieciens 3. quia hæc propositio: *Generatio viuientium prout abstrahit à creatà, & increata, est essentialiter generatio;* negari non potest; ergo ratio generationis prout est communis viuentibus, & non viuentibus, conuenit essentialiter generationis viuientium, prout abstrahit à creatà, & increata; ac proinde processioni Verbi diuini. Antecedens constat. Conseq.

probatnr, quia prædicatum dictæ propositionis non est generatio viuētium, prout abstrahit à creata, & increata, vt ex terminis ipsis constare videtur, aliàs illa propositio esset omnino identica; ergo erit generatio vt sic, prout abstrahit à generatione viuētium, & non viuētium. Resp. concedendo antecedens, & negando consequens. Ad probationem dico, quod licet prædicatum dictæ propositionis non sit ex vi verborum præcisè sumptorum generatio viuētium in abstractione explicata, tamen secundum rem, est eadem generatio viuētium, seu stat pro generatione viuētium, non pro generatione illa communi abstrahente à generatione viuētium, & non viuētium; & ratio clara est, quia prædicatum tale est, quale exigitur à suo subiecto, ac proinde restringitur dictum prædicatum ratione subiecti ad hoc, vt ex parte rei prædicatæ solum prædicetur generatio viuētium, non tamen sub præcisa ratione abstractionis, vt est subiectum, sed quod aliàs abstractum est. Vnde dicta propositio ex parte rei prædicatæ est identica, non est parte modi prædicandi.

53 Obijcies 4. quoniam Verbum diuinum produciatur de substantia, seu ex substantia patris tanquam ex actu purissimo; ergo sibi conuenit ratio generationis communis, &c. Antecedens constat; consequens probatur, quia si semel Verbum diuinum produciatur de substantia Patris, tunc generatio illius conueniet cum generatione abstrahente à viuētibz, & non viuētibz, cum hæc dicat præcisè productionem substantiæ vt sic. Resp. quod, vt ex dictis constat, generatio illa communis non potest non importare aliquam imperfectionem mutationis, transmutationis, transitus, &c. quæ generationi Verbi diuini competere nequit.

DV B I V M VI.

An Processioni Verbi diuini conueniat ratio generationis viuētium.

54 **V**eritas Catholica sequenti conclusionis explicatur. *Ratio generationis viuētium competit processioni Verbi diuini.* Hæc conclusio est de fide, quam probat Apostolus ad Hebræos 1. ex illo Psal. 2. *Filius meus es tu, ego hodie genui te.* Sic dicens. *Cui enim dixit aliquando Angelorum, Filius meus es tu, ego hodie genui te.* Qui locus de æterna generatione communiter à Sanctis Patribus intelligitur. Nec refert, quod hoc testimonium intelligatur etiam ab Apostolo Act. 13. de Christi D. resurrectione, dicens. *Resuscitans Iesum, sicut & in Psal. 2. scriptum est: Filius meus es tu, ego hodie genui te.* Ad hoc namque dicitur, quod vnus, idemque Sacræ Scripturæ locus multiplicem sensum habere potest, etiam literalem, vt in præsentis contingit. Tum quia ex illo loco Act. voluit Apostolus colligere æternam Christi generationem, in resurrectione manifestatam. Constat etiam conclusio ex illo Matt. 11. *Nemo nouit Filium, nisi Pater, &c.* vbi autem est filius, ibi est viuētium generatio. Idem habetur alibi passim.

55 Probatur 1. Quoniam processionem Verbi diuini conueniunt omnes particulæ definitionis generationis viuētium; ergo est vera, & propria generatio. Antecedens ostenditur, nam processio Verbi diuini est *Origo viuētis à viuēte*, Verbum namque est viuēs à Patre viuēte procedens, iuxta confessionem Principis Apost. Matt. 16. *Tu es Christus Filius Dei viui.* Et Ioan. 11. dicitur. *Sicut Pater habet vitam in semetipso, sic dedit & Filio habere vitam in semetipso.* Tum quia Verbum diuinum procedit per operationem vitalem, scilicet per intellectionem paternam. Est diuini Verbi processio à principio coniuncto, vt constat ex illo Ioann. 1. *Vniuersitas Filius, quæ est in sinu Patris;* habet namque eandem numero

mero naturam cum Patre. Tum quia procedit per actionem immanentem quia in Patre manet. Procedit in omnimodam naturam similitudinem, cum eadem numero naturam recipiat. Tum quia, ut rectè vidit S. Doctor, recipit diuinum intelligere, quod est natura Dei, ut disp. 14. ostendimus.

56 Probatur 2. quia processio Verbi creati est generatio vitalis, licet imperfecta, & secundum quid; ergo generatio Verbi diuini erit generatio vitalis perfecta, & simpliciter talis. Antecedens ostenditur, quia generatio verbi creati est productio verbi similis suo principio in eadem numero natura sub modo essendi imperfecto, scilicet representatiuo, &c. Consequenter probatur, quia id, quod imperfectè reperitur in processione verbi creati, debet modo perfectè, & de ceteris omnibus imperfectionibus reperiri in processione Verbi increati.

57 Respondebis, hinc solum haberi, quod diuini Verbi processio sit in similitudinem naturæ sub modo essendi infinite representatiuo tantum, non sub modo essendi naturali, & representatiuo simul, si quidem verbum creatum solum procedit simile in natura sub modo essendi representatiuo, tantum finito, & Verbum diuinum ex vi huius rationis procedit solum hoc modo, scilicet sub modo essendi representatiuo, licet infinito. Sed contra, quia linea representatiua tametsi in hoc ordine infinita, si ad hoc non pertingat vt sibi identificent lineam naturalem, est imperfecta; ergo hoc ipso, quod Verbum diuinum procedat vt simile in natura in esse representatiuo, debet etiam procedere in esse naturali, & entitatiuo, aliàs eius processio non esset omnino perfecta non communicando esse naturale, sed representatiuum tantum. Tum quia Verbum diuinum generari debet ea vitali generatione, quæ sit talis simpliciter, ac proinde per quam fiat simile suo principio non solum in esse representatiuo, verum etiam in esse naturali; ad generationem namque viuentium simpliciter talia requiruntur processio etiam in esse naturali.

Tum etiam quia identitas in natura sub modo essendi intentionali, est identitas ex se imperfecta, nisi asserat identitatem etiam sub modo essendi naturali. Tum denique quia esse intelligibile, & naturale in Deo idem sunt absque distinctione, virtuali, ac proinde nequit communicari vnum, quin communicetur & aliud.

58 Confirmatur 1; quia sicut intra lineam speciei intelligibilis datur species, quæ est accidens, & quæ est substantia; ita intra lineam verbi dari debet verbum, quod sit accidens, & quod sit substantia; ergo sicut species, quæ est accidens, est idem cum suo obiecto representato, & species quæ est substantia, est idem cum eodem suo obiecto tam in esse naturali, quam in esse representatiuo; ita verbum, quod est accidens erit idem cum suo obiecto representato, & quod est substantia, debeat esse idem tam in esse naturali, quàm in esse representatiuo, cum suo obiecto representato.

59 Confirmatur 2. quia verbum, quod est eiusdem naturæ tantum in esse intelligibili cum suo obiecto formali, & cum suo principio intelligente ipsum, tribuit illis, quod sint intellecta, seu quod sint actu terminantia intellectionem; sed Verbum diuinum non potest tribuere diuinæ essentia, nec suo principio scilicet Patri, quod sint actu intellecta; ergo, &c. Maior constat inductiue in omnibus verbis, quod tantum in esse intelligibili sunt eiusdem naturæ cum obiectis, & principiis producentibus; quo circa diximus disp. 12. quod in visione beata nullum verbum creatum dari potest.

60 Primum atqum. quia Prou. 8. de Sapientia, seu Verbo æterno dicitur: *Domini crenit me.* Et Eccles. 24. legitur de eadem sapientia. *Ab initio, & ante secula creata sum.* Quæ generationem expolunt. Resp. S. Doctor 4. contra Gent. cap. 8. dicens. *Quod autem dicitur sapientiam esse creatam: primo quidem potest intelligi non de sapientia, quæ est Filius Dei, sed de sapientia quam Deus indidit creaturis.* Potest etiam referri ad naturam creatam assumptam à Filio. Vel per hoc, quod sapientia

ria & creata, & genita nun cupatur, modus diuine generationis nobis inueniatur, quod scilicet fiat sine mutatione, seu transmutatione, & nullo presupposito, quod transmutetur, & maneat sub utroque termino.

61 Secundum argum. quia generatio viuientium non est perfectio simpliciter simplex; ergo non est formaliter in Deo. Antecedens probatur, quia perfectio simpliciter simplex, est illa quæ est melior, quam non ipsa; sed generatio viuientium non est huiusmodi, siquidem non esset melius spiritui sancto, quod generaretur, quam quod spiraretur. Tum quia generatio in viuientium est essentialiter coniuncta imperfectio, quod scilicet ordinetur ad filium tanquam ad finem, & proprium specificationum realiter distinctum. Item habet adiunctas duas alias imperfectiones inclusas in illa particula *à principio coniuncto*. Prima est, quod genitum producatur mediante semine, siue aliqua parte viuientis generantis, quæ genito communicatur, & in eo manet. Secunda quod genitum, non sit coniunctum generanti, nisi in principio generationis, nec habet completam rationem geniti donec à generante separetur. Resp. negando antecedens; nam generatio diuina quoad id, quod in recto importat est perfectio simpliciter simplex, scilicet quoad rationem diuinæ essentiae, quæ etiam in Spiritu Sancto per modum transcendentis reperitur; diuina namque essentia etiam spirationem ipsam transcendit. Verum diuina generatio quoad connortum, scilicet paternitatem non est perfectio simpliciter simplex, cum diuinæ relationes non dicant perfectionem, & sic quantum ad hoc nec est melius, nec non melius generari. Ad 2. probationem, dico, quod licet generatio prout est inuoluta imperfectionibus, ut in creatis habeat adiunctas imperfectiones recensitas, non tamen eas dicit in suo conceptu formali, & essentiali, sed ab illis purgari potest. Per quæ patet ad 2. probationem.

62 Tertium argum. Quoniam processio Verbi diuini non est uniuoca; ergo nec erit generatio viuientium. Conseq. constat, quia generatio viuientium nisi mon-

struosa sit, & præter generantis intentionem, debet esse uniuoca, vt ex dictis constat. Antecedens probatur, quia principium, & terminus prædictæ generationis differunt specie, aut quasi specie ratione proprietatum personalium, ergo. Resp. negando antecedens; ad probationem dico, quod uniuocatio, imò identitas processionis, seu generationis non debet desumi à termino importato in obliquo, sed in recto, scilicet à natura, quæ est prorsus eadem in Patre, & in Filio, &c.

63 Quartum argum. Nam essentia Verbi creati non est intelligere, sed intelligi, seu esse obiectum actu terminans intellectionem; ergo etiam de essentia Verbi diuini ut formalissimè procedit per intellectionem diuinam erit intelligi, licet identicè communicetur etiam intelligere; ergo ex vi suæ processionis non est viuens, cum non communicetur operatio viuientis, quæ est intelligere, sed solum intelligi. Antecedens constat, quia verbum creatum licet sit obiectum intellectum, seu terminans intellectionem, non est tamen intelligens, ac proinde ex vi suæ processionis non recipit intelligere. Tum quia quando intellectus intelligit se ipsum, & suam intellectionem, tunc Verbum non procedit simile illis in esse naturali, & entitativo, sed solum in esse intentionali, & intelligibili; ergo etiam cum Pater æternus intelligit se ipsum per intellectionem essentialem, in qua eius essentia, & natura consistit, tunc verbum procedet simili illi in esse intelligibili infinitè perfectio, non in esse naturali, & entitativo. Resp. concedendo antecedens, & negando conseq. ad essentiam namque Verbi diuini spectat non solum intelligi, sed etiam intelligere absque distinctione virtuali. Ratio discriminis est, quia ad essentiam verbi creati tantum spectat, quod repræsentet obiectum, & quod sit ipsum intelligi, seu quod actu terminet intellectionem. At de essentia Verbi diuini est quod sit ipsum intelligi, & ipsum intelligere tum in esse naturali, tum in esse intelligibili, & ratio est, quia licet existentia creata sit tantum existentia, & non

ef.

essentia; existentia tamen increata, & est existentia, & est essentia, seu natura. Diuinum namque intelligere, & est natura, & existentia Dei. Ea sic cum Verbo diuino communicetur natura diuina, seu diuinum intelligere, quod est, existentia Verbi in esse intelligibili, & naturaliter, quod dum communicatur intelligi, etiam intelligere tanquam existentia illius communetur. Per quæ patet ad probationem adductam.

64 Quintum argum. Processioni Verbi diuini non conuenit vltima particula definitionis generationis viuientium, quod scilicet terminus procedat in similitudinem nature; ergo, &c. Antecedens probatur, quia de ratione verbi cuiuscunque est, vt non procedat simile nature intelligentis, quatenus intelligens est, sed speciei intelligibili, seu obiecto cognito; sed de ratione essentie diuine non est, quod habeat rationem speciei intelligibilis, aut obiecti cogniti, sed quod sit intelligens; ergo Verbum diuinum non procedit simile suo principio in eo, quod habet rationem essentie, seu nature; &c. Resp. negando antecedens; ad probationem dico, quod omne verbum procedit simile nature representate in specie intelligibili, & etiam procedit simile eidem nature quoad modum intelligibilitatis. Quare cum de ratione nature diuine sit, quod sit intelligens, etiam verbum procedet vt intelligens.

65 Sextum argum. Quia processio intelligibilis non potest habere pro termino formali nisi rem procedentem, quatenus intelligibilem, & non quatenus intellectam; ergo, &c. Antecedens ostenditur, quia obiectum ad quatum intellectus vt sic, est ens intelligibile; & obiectum ad quatum intellectus diuini, est ens diuinum intelligibile, non intellectum. Resp. quod licet ratio formalis sub qua intellectus sit ratio veri, seu entis intelligibilis; tamen ratio qua primario inspecta in diuina essentia est non intelligi, sed intelligere.

D. V. B. I. V. M. VII.

An ratio D. Thomæ, quod intelligere Dei sit esse Dei, probet efficaciter diuini Verbi generationem.

66 Tene verba D. Thomæ art. 3. premissis q. 17. Sic igitur processio Verbi in diuinis habet rationem generationis: procedit enim per modum intelligibilis actionis, qua est operatio visa, & a principio contumela; & secundum rationem similitudinis. Quia conceptio intellectus est similitudo rei intellecta, & in eadem natura existens. Quia in Deo idem est intelligere, & esse. Vnde processio Verbi in diuinis, dicitur generatio, & ipsum Verbum procedens, dicitur Filius. Idco ergo S. Doctorem processio Verbi diuini est generatio, quia in diuinis idem est intelligere, & esse, seu intelligere, & intelligi. Verum vt ratio D. Thomæ suam explicet energiâ, sequentes pono conclusiones.

67 Prima conclusio Efficacitas prædicationis in hoc primo consistit, quod supposita fide, processio diuini Verbi est generatio, & hoc desumitur tanquam ex primo, & potissimo capite ex eo, quod esse Verbi diuini, quod est intelligi, & in Deo intelligi, & intelligere sunt absq. distinctione virtuali vnum, & idem esse. Hunc intellectum rationis D. Thomæ tradunt omnes Thomistæ loco isto, quos referunt N. Salm. disp. 1. dub. 3. Pro quo notandum 1. ex dictis, quod intelligere est existentia in ordine intelligibili respectu speciei intelligibilis, intellectus, & verbi, secundum quod pertinent ad ordinem intelligibilem; hoc autem non habet intellectio vt est productio Verbi, seu vt est illius contemplatio, hoc enim modo est vltima illius actualitas. Notandum 2. quod etsi intelligere sit existentia prædictorum in esse intelligibili, tamen vt est existentia intellectus, & speciei intelligibilis significatur actiue, & dicitur intelligere esse existentiam eorundem; at quatenus est existentia verbi significatur passiue, per intelligi, & idco dicitur, quod intelligi, est existentia verbi. Ratio ho-

horum est, quia existentia debet sapere, & induere rationem rei cuius est existentia, & sic cum intellectus, & species in ordine intelligibili sint elicitiua; seu actiua, etiam existentia debet intelligi actiue; & cum de ratione verbi sit intelligi, etiam existentia eius debet exprimi per intelligi quocirca dicitur quod esse verbi est intelligi, & quod intelligi est existentia verbi. Notandum 3. quod verbum in creatis vi suae processionis, seu ut est terminus illius habet quodammodo esse causam formalem intellectus prout est existentia illius, & ita ex vi sua illam infert. In diuinis autem Verbum secundum suam existentiam consideratum, & ex vi suae processionis consistit in ipso intelligere, seu intelligi, non vtunque, sed ita vt existat per illud, tanquam per quid ad eius lineam spectans.

68 Ratio autem quare verbum creatum inferat intellectum, vt existentiam sui, est, quia licet intellectus prout dictio supponatur ad verbum; tamen prout est contemplatio, ad illud subsequitur. Vnde verbum eam determinat vt sit contemplatio huius potius obiecti, quam alterius; ac subinde verbum habet esse quodammodo causam formalem suae intellectus, vt est existentia illius; quod etiam de specie intelligibili respectu intellectus dicendum est, quia etiam ista sic determinat intellectum, & intellectum.

69 His positis sic probari potest conclusio. Substantia diuini intellectus, est ita actualis vt sit suum intelligere, tanquam quid perticiens ad suam lineam; & essentia Dei est ita actualis vt sit suum existere, tanquam quid ad eius lineam spectans; sed etiam essentia, seu substantia Verbi diuini est ita actualis vt sit suum intelligere, & intelligi; ergo erit ita actualis vt sit suum existere tanquam quid pertinens ad propriam lineam, & hoc ex vi suae processionis; ergo ex hoc, quod Deus sit suum existere, seu suum esse, sequitur, quod etiam Verbum hoc modo procedat; vt sit suum esse, suum existere, suum intelligi, & intelligere, ac proinde processio Verbi hoc modo facta, oritur tan-

quam ex prima radice, ex eo, quod esse, est existentia Dei, &c. non solum in esse intelligibili, verum etiam in esse naturali, ex eo, quod ista duo esse in Deo neque virtualiter distinguantur.

70 Sed obijcies 1. quia intelligi est tantum denominatio extrinseca in re intellecta, & in verbo, ergo non potest esse ipsa existentia verbi, cum hac esse debeat quid intrinsecum rei existenti. Resp. quod licet intelligi prout sit tantum denominatio extrinseca; ipsum tamen intelligi, seu intelligere prout est contemplatio, ponit aliquid intrinsecum, scilicet se ipsum in verbo productum. Aliiter tamen, & aliter in creatis, & in diuinis. Nam in creatis intelligere prout est contemplatio rei intellectae, & verbi, communicat se ipsum verbo tanquam forma, aut quasi forma suo subiecto, seu tanquam terminus terminabilis; cum illi per modum existentiae vnatur. At in diuinis intelligere communicatur Verbo per modum essentiae, & existentiae, ac proinde tanquam quid cum illo identificatum, vt nulla sit distinctio inter essentiam, & existentiam.

71 Obijcies 2. quod intelligi est essentia verbi, ergo nequit esse existentia illius; nam in creaturis essentia, & existentia distinguuntur realiter. Resp. quod in verbo creato est de eius essentia intelligi, prout hoc dicitur esse obiectum actu terminans intellectum; at existentia eiusdem verbi est ipsum intelligere quatenus habet rationem contemplationis modo dicto.

72 Obijcies 3. quia materia, & forma habent vnum, idemque esse existentiae, in sententia Thomistarum, & tamen non habent eandem essentiam; ergo non recte inferunt Verbum habere eandem essentiam, cum suo principio producente, scilicet cum Patre, ex eo, quod existant per eandem existentiam, scilicet per idem intelligere. Resp. concedendo antecedens, & negando consequens. Ratio discriminis est, quia licet materia, & forma existant per eandem existentiam, ea tamen existentia non est debita materiae, & formae ratione sui, sed toti composito; nec existentia creata spectat ad lineam essentiae.

tiæ, ac proinde in creatis ex vnitæ & existentie non potest colligi vnitæ essentie. At in diuinis existentia spectat per se primo ad rationem verbi, & principij eius, & spectat ad lineam essentie, ac proinde in diuinis ex vnitæ existentie infertur rectè vnitæ essentie.

73 Obijcies 4. quia Spiritus Sanctus secundum id, quod habet vt terminus processionis existit per existentiam Dei, & tamen quatenus est terminus dictæ processionis non habet naturam diuinam, aliàs procederet vt Filius; ergo, &c. Maior patet, quia omnia quæ sunt in Deo existunt per existentiam Dei, nec Spiritus Sanctus habet propriam existentiam, vt infra tradetur. Tum quia diuina attributa virtualiter distinguuntur ab essentia diuina, & tamen existunt per eandem existentiam. Resp. quod licet Spiritus Sanctus, & attributa existant per existentiam diuinam, non tamen illis per se primo communicatur, & tanquam aliquid pertinens ad eorum lineam, vt communicatur Verbo.

74 Obijcies 5. quia cuius termino per se primo productio per aliquam actionem debet ex vi productionis communicari existentia, aliàs talis productio non esset vera, & realis, & extrahens terminum extra suas causas, aut quasi causas. Resp. negando antecedens, sufficit enim quod quoquomodo existentia communicetur; vt enim res ponatur extra causas, sufficit, quod producat essentia, & ratione nexus, siue ab intrinseco, siue ab extrinseco provenientis cum alia actione communicetur existentia. Vt etiam videre est in humanitate Christi, vbi existentia diuina non fuit communicata ex vi productionis eiusdem humanitatis, sed ex vi actionis vnitæ, seu ex vi assumptionis à Verbo diuino.

75 Obijcies 6. non rectè inferri, quod diuinum intelligere pertineat ad lineam essentie Verbi diuini, ex eo, quod essentia Verbi est esse obiectum actu terminans diuinam intellectionem, & est purissima actualitas; ergo ratio D. Thomæ, quæ in hoc fundatur, corrui. Antecedens probatur, quia etiam diuina bonitas est obiectum

essentially actu terminans diuinam volitionem, & est actus purus in sua linea, & tamen volitio Dei non pertinet ad lineam diuinæ bonitatis; vnde volitio, & bonitas Dei non identificantur; ergo, &c. Resp. negando antecedens; ad probationem, conceditur antecedens, & negatur consequens. Ratio disparitatis est, quia est solum proprium primæ lineæ, quod intellectio sit idem absque distinctione virtuali cum obiecto intellecto; in alijs distingui potest virtualiter, vt patet in diuina essentia, quæ adhuc prout est ratio subleuandi miseriam distinguitur virtualiter à misericordia.

76 Obijcies 7. quod tamen essentia Verbi diuini consistat in ipso intelligi, tamen hoc intelligi Verbi non est essentialē, sed personale; ergo ex hoc, quod Verbo diuino communicetur intelligi, non sequitur, quod communicetur essentia. Tum quia intelligi Verbi diuini consistit in hoc, quod sit obiectum secundarium, diuini intellectus; ergo, &c. Resp. quod intelligi Verbi diuini secundum se, seu quoad naturam, est essentialē, quoad connotatum est personale. Item est obiectum secundarium quoad connotatum, non quoad naturam.

77 Secunda concl. Ratio D. Thomæ etiam ex alio capite probat Verbum diuinum procedere per veram generationem vnitæ; quia terminus formalis, & per se primus alicuius productionis vniuoca, & principium immediatum illius debent esse eiusdem rationis. Huius conclusionis sensus apertè traditur à D. Thoma in d. art. quia vt ostendat diuini Verbi processionē esse generationem, adduxit hæc duo principia. Quod Verbum procedat per intelligere, & quod hoc intelligere sit formalissimè ipsum esse, & essentia Dei, vt inde colligat, quod Verbo communicetur ipsum esse, & essentia diuina; ac proinde; quod procedat, & sit eiusdem essentie cum producente. Tum quia vel processio Verbi est vniuoca, vel æquiuoca. Si primum, iam terminus est eiusdem rationis cum suo principio. Aequiuoca esse non potest, quia arguit imperfectionem in termino, ex eo,

K k k

quod

quod non adæquat vim, & perfectionem sui principij.

78 Obijcies 1. quia Verbum diuinum ex vi suæ processionis, non procedit vt habet naturam sub conceptu naturæ; ergo ratio D. Thomæ, quæ in hoc fundatur, corruit. Antecedens ostenditur, quia principium proximum processionis Verbi diuini non dicit naturam diuinam sub conceptu naturæ, quia conceptus naturæ dicit fecunditatem radicalem, non proximam, & immediatam, quam habet diuinum intelligere, ergo ex hoc, quod communicetur Verbo diuino diuinum intelligere, non sequitur, quod communicetur natura sub conceptu naturæ. Respondetur negando antecedens, ad probationem dico, quod natura diuina sub conceptu naturæ dicit tam fecunditatem radicalem quam proximam absque vlla distinctione virtuali, ac proinde vtrique communicatur, licet secundum conceptum quasi inadæquatum prius intelligatur natura communicata vt est proximè fecunda, deinde vt radicaliter talis.

79 Obijcies 2. quia visio beata est participatio intellectiōis essentialis Dei, & tamen non est participatio formalissimè naturæ diuinæ sub conceptu naturæ; quia participat intelligere actuale non radicale; ergo pari ratione, licet verbo communicetur intelligere actuale Dei, non tamen communicabitur natura sub conceptu naturæ. Resp. concedendo antecedens, & negando consequ. Ratio discriminis est, quia visio creata beatorum non est communicatio intellectiōis essentialis omnino connaturalis; nec est communicatio vniuoca, nec adæquata, sed analogica, inadæquata, & per participationem, ac proinde non pertingit ad hoc vt sit participatio naturæ sub conceptu naturæ, cum adhuc requireretur quod adæquatè participaretur. At Verbo diuino communicatur diuinum intelligere adæquatè, vniuocè, & secundum omnem rationem, ac proinde communicatur natura sub conceptu naturæ.

80 Tertia concl. Ratio D. Thomæ etiam ex hoc capite efficax est, quia in Deo principium intelligendi, intellectiō, & Ver-

bum, conueniunt in eodem gradu immaterialitatis. Ratio est, quia hoc ipso, quod omnia prædicta conueniunt in eodem gradu immaterialitatis, oportet, quod si diuinum intelligere est ipsum esse Dei, etiam Verbum sit ipsum esse, & sit in eodem gradu immaterialitatis, ac subinde oportet, quod cum ipsi communicetur intelligere, communicetur ipsum esse in eodem gradu immaterialitatis. Verbum autem, quod est in eodem gradu immaterialitatis cum suo principio non potest non vniuocè procedere ab illo, ac proinde per veram, & propriam generationem. Tum quia ideo Spiritus Sancti processio non est generatio, quia vultio ex vi suæ linear non pertingit ad tantam immaterialitatem, vt sit suum, esse, ergo cum processio Verbi diuini, intelligere, &c. sint tantæ immaterialitatis, vt sint suum esse, erit vera, & propria generatio.

81 Quarta concl. Ex hoc etiam principio tueri potest efficacia rationis D. Thomæ, quia intelligere perfectissimum, debes producere verbum summè idem cum suo principio, scilicet in eadem natura numerica, ac proinde fiet per veram, & propriam generationem. Ratio est, quia cum intellectiō vi sua producat terminum, seu verbum, sequitur, quod quod fuerit perfectior, eò perfectius verbum producet, ergo cum intellectiō diuina sit infinitè perfecta, debet producere verbum infinitè perfectum.

D V B I U M VIII.

An formalissima ratio Verbi diuini, sit formalissima ratio Filij.

82 **P** Artem negantem tuentur Ferrar. 4. contra gent. cap. 13. Nazar. q. 34. art. 3. controu. 3. & alij. Nostra sententia seq. concl. explicatur. Processio Verbi diuini est generatio, ita vt formalissima ratio Filij ex parte rei concepta, seu absque distinctione etiam virtuali, licet ex parte nostri modi concipiendi distinguantur. Sic D. Tho. q. 34. art. 2. ad 3. dicens. In nomine Verbi eadem proprietas importatur, qua in nomine Filij. Vnde dicit August. Eò dicitur Verbum, quo Filius, &c. Idem tradunt cō-

muni-

munites Theologi hoc loco. Bene verum est, quod sicut essentia divina ratione suæ eminentiæ sibi identificat rationem principij actualis, radicalis, speciei, &c. Ita & Verbum sibi identificat rationem Filij, imaginis, &c. & sicut essentia divina non obstante illa identificatione præstat plura munera, ac si esset pluraliter virtualiter; ita Verbum diuinum idem præstat; tametsi illa munera Filij, Verbi, imaginis, &c. non distinguantur virtualiter, sed solum ex parte nostri modi concipiendi.

83 Probatur nostra conclusio. Processio Verbi diuini, est formalissimè generatio, ergo Verbum diuinum est formalissimè Filius, &c. contra. Conseq. constat, quia si Verbum, & Filius non essent formalissimè idem, processio Verbi, non esset formalissimè generatio, quia formalissimè generari, est proprium Filij. Antecedens probatur, quia processio verbi diuini est origo viuientis à viuente in similitudinem naturæ, vt ex dictis supra constat. Tum quia in diuinis tantum dantur quatuor relationes reales, & duæ processiones, & quinque notiones; sed hæc vera non essent, si formalissima ratio Verbi non esset formalissima ratio Filij; ergo. Minor ostenditur; nam aliàs relationes essent sex, quia ultra quatuor ab omnibus admissas, darentur aliæ duæ, scilicet Verbi ad dicentem, & dicentis ad Verbum: deinde processiones iam essent tres, scilicet Filij, Spiritus Sancti, & Verbi: & notiones essent septem, quinque iuxta assignandas, & insuper relatio dicentis qua notificaretur Pater, & relatio dicti, seu Verbi, qua notificaretur Filius.

84 Respondent ad rationem, quod sicut in Petro est esse genitum, & creatum, & vtrumque pertinet ad rationem Petri. Ita in Verbo sunt duo, ratio Filij, & ratio Verbi, & vtrumque pertinet ad eius rationem. Ad id quod in confirmationem addidimus respondent, quod non multiplicantur relationes supra quatuor, quia relatio Filij, & Verbi est vna, & eadem, solum differt, quod in Filio dicit in recto rationem relationis filiationis, & connotat essentiam; at in Verbo dicit in recto essen-

tiam vt manifestatiuam eorum, quæ in Verbo repræsentantur; ex quo sequitur, quod neque processiones erunt plures quam duæ, nec notiones plures erunt quam quinque. Sed contra, quia Verbi diuini productio non solum includit generationem, sed est formalissima generatio, & origo viuientis à viuente, &c. Aliàs secunda Trinitatis persona duplici processione virtualiter distincta procederet, & ex utraque tanquam ex rebus virtualiter diuersis constaret. Deinde Pater non esset generans eadem formalissima ratione qua dicit; & sic etiam Pater ex diuersis coalesceret. Nec id quod dicitur pro responsione confirmationis, est ad rem quia tam Filius dicit in recto filiationem, & connotat naturam, quam Verbum; nam etiam Verbum affert relationem ad dicentem, & connotat naturam. Tum quia si Verbum in recto diceret naturam, iam Verbum diceretur pluraliter, quia principaliter diceret naturam plurium manifestatiuam, ac proinde diceret ordinem repræsentatiui ad plura. Tum etiam quia verbum creatum principaliter dicit ordinem ad dicentem, ita & Verbum diuinum.

85 Obijcies 1. quia vnumquodque principaliter affert suam essentiam, & naturam, ergo tam Verbum, quam Filius dicent quid absolutum, & non relatiuum. Resp. quod licet vnumquodque principaliter afferat naturam, saltem sub aliqua ratione, vel sub aliquo nomine, non tamen sub omni vnde etiam persone diuinæ idem afferunt, sed non sub nomine personæ, Filij, Verbi, spirati, &c. sub istis namque nominibus principaliter, & in recto afferunt relationes, & in obliquo naturam, secus sub nominibus significantibus naturam, vt sub nomine Dei, æterni, &c.

86 Obijcies 2. quia id, quod est formaliter genitum, & Filius, debet de formaliter importare id, per quod habet rationem termini formalis quo generationis; sed Verbum, & Filius, sunt geniti, ergo adhuc sub conceptu Verbi, & Filij debent importare naturam, quæ est terminus formalis quo generationis. Resp. Est, quod est formaliter genitum debet importare id,

quod est terminus formalis quo generationis, quando significatur nominibus importantibus dictum terminum formalem quo, & conceditur; quando significatur nominibus importantibus relationem, & negatur. Sub nomine autem Filij, Verbi, geniti, &c. importatur relatio, non terminus formalis quo generationis, scilicet natura.

87 Obijcies 3. Pater æternus, vt generans, & dicens, dicit in recto suam essentiam, & in obliquo paternitatem, quia dictio, sue generatio, & potentia generativa, dicunt in recto essentiam, & in obliquo paternitatem; ergo etiam Filius, & Verbum, dicunt in recto essentiam, & in obliquo filiationem. Antecedens constat, quia Pater vt generans, vt dicens, &c. dicit virtutem generativam in recto, quæ non est paternitas, sed natura. Conseq. pater, tum ex patitate rationis, quia processio activa, & passiva mutuo sibi correspondent, ac proinde si generatio activa dicit essentiam in recto, etiam passiva debet eam dicere. Resp. concedendo antecedens, & negando conseq. Ratio disparitatis est, quia relatio etiam in recto est producibilis, non tamen potest esse ipsa productio, virtus, aut vis ad producendum. Tum quia natura ipsa divina connotando paternitatem, est fecunda, non tamen paternitas etiam connotando essentiam; vnde verbum vt dicit in recto filiationem potest esse terminus generationis, quia secundum hanc rationem est producibile, non tamen secundum quod dicit naturam, quia natura divina non est in recto producibilis. Solvuntur argum. primæ sententiæ.

88 Primum argum. Quia ratio formalis Filij dicit in recto relationem quasi prædicamentalem, seu secundum esse, ratio verò formalis Verbi dicit in recto essentiam divinam, vt est representativa, obiecti intellectui, ergo non est omnino eadem ratio Filij, & ratio verbi. Quod ratio formalis Filij dicat in recto relationem, constat, quia totum esse Filij, est ad Patrem, ac proinde dicit de formali relationem qua est ad Patrem. Quod verò ratio Verbi in recto dicat naturam, tradit S. Doctor in 1. dist. 22. art. 2. dicens. *Hoc nomen*

Verbum, ex virtute vocabuli potest personaliter, & essentialiter accipi; non enim significat tantum relationem sicut hoc nomen Pater, vel Filius, sed imponitur ad significandum rem aliquam absolutam, simul cum respectu. Et q. 4. de verit. art. 5. dicit. *Hoc nomen Verbum imponitur ad significandum aliquid absolutum cum aliquo respectu adiuncto: est enim idem Verbum, quod sapientia genita, vt dicit Augustinus.* Tum quia est eadem formalissima ratio Verbi, & speciei intelligibilis, & solum differunt quoad diuersum modum essendi, quatenus species representat obiectum habitualiter, & Verbum actualiter, & per modum similitudinis expressæ; sed species formalissimè dicit aliquid absolutum, scilicet essentiam; ergo etiam Verbum. Tum etiã quia verbum creatum non dicit aliquid relatiuum secundum esse, sed tantum secundum dici, ac proinde aliquid absolutum; ergo id ipsum dici debet de Verbo, diuino.

89 Resp. 1. negando antecedens quoad secundam partem, quod scilicet ratio Verbi sit dicere in recto essentiam. Ad 1. probationem ex S. Doctore dico, quod loquitur de verbo creato, quod de formali dicit tantum relationem transcendentalem, seu secundum dici, non secundum esse, ratio autem transcendentalis non extrahit illud à ratione absolvi quoad significatum principale. Verum Verbum increatum dicit de formali, & principali significato relationem secundum esse, & relatio namque originis in diuinis non potest esse secundum dici, aliàs non daretur oppositio, nec constitutio personarum in diuinis. Resp. 2. cum Caiet. & alijs, Sanctum Doctorem q. 34. art. 3 ad 4. correxisse, quod in sententijs docuerat, & de Veritate. Ad 2. probationem distinguitur maior, quatenus Verbum concipitur, & significatur nomine Verbi, & negatur, quatenus concipitur, & significatur sub cõceptu, & nomine obiecti intrinseci intellectiõis, & conceditur. Ad 3. probationem constat ex dictis

90 Secundum argum. quia Filius in diuinis solum importat respectum ad Patrem, & Verbum importat respectum ad totam Trinitatem, & ad omnes creaturas

quas

quas repræsentat; ergo non est eadem ratio Filij, & Verbi. Antecedens quoad primam partem constat, quia etiam in humanis Filius ad solū Patrem dicitur. Quoad secundam partem probatur, quia Verbum in diuinis est repræsentatiuum totius Trinitatis, & omnium creaturarum; repræsentat namque omnia quæ intelliguntur per illam intellectionem qua produciuntur; per eam autem intellectionem cum sit comprehensua, omnia prædicta intelliguntur. Tum quia in diuinis Filius non præsupponit omnes Trinitatis personas, cum à Patre, & Filio procedat Spiritus Sanctus; at Verbum supponit omnes tres personas diuinas; si quidem Verbum deseruit ad intuitum earum cognitionem. Tum etiam quia Verbum secundum suam ultimam rationem consideratum est simile suo principio, nempe Patri, non sic Filius quatenus Filius; nam Filius qua Filius, seu secundum suam ultimam rationem, nempe secundum Filiationem opponitur Patri: qui cum in ratione Patris specie ab ipso distinguatur, non potest esse similis illi. Resp. quod sicut Filius ratione Filiationis tantum dicit respectum ad Patrem; ita & Verbum ratione relationis, tantum dicit relationem ad Patrem. Et sicut Filius ratione essentia in obliquo importat dicit relationem ad alias personas, & creaturas; ita & Verbum. Bene verum est, quod ex patre nostri modi concipiendi, & ratione conceptum inæquatorum Filius videtur importare essentiam diuinam quasi in esse naturali, & Verbum in esse intelligibili. Ad 1. probationem dico, quod ad hoc ut in Verbo diuina personæ videatur, sufficit quod omnia sint in eodē signo in quo, licet non à quo. Ad 2. probationem dico, quod tam Verbum, quam Filius sunt similia suo principio ratione essentia, non ratione relationis præcisè.

91 Tertium argum. quia si Verbum, & Filius essent omnino idem, posset forma Sacramenti Baptismi tradi sub nomine Patris, Verbi, & Spiritus Sancti: hoc non admittunt Theologi communiter; ergo necque illud admitti debet. Sequela constat, quia Sacramentorum formæ non

variantur ex sola nominum idem significantium variatione, ut docet S. Thomas 3. p. 4. 66. art. 5. ad 7. & nos ibi tradidimus. Respondet Calet. ibidem concedendo sequeclam, cum per illam dictionem *Verbum*, sufficienter persona Filij significetur. Alij oppositum docent, non quia Verbum, & Filius non sint idem, sed quia Sacramentorum formæ tradi debent per nomina vtiatiora. Vnde licet apud Scholasticos nomen Verbi sit vtiatissimum; non tamen secundum vsum commune.

92 Quartum argum. Nam Verbum diuinum sub nomine Verbi, vel sub conceptu Verbi non producit Spiritum Sanctum per voluntatem, sed per modum formæ intelligibilis; at Filius quo Filius producit Spiritum Sanctum per voluntatem; ergo est diuersa ratio Verbi, & Filij. Sicut enim in nobis, verbum non influit in amorem nisi per modum formæ intelligibilis, non per voluntatem, ita & in Deo. Tum quia in Deo Filius ut talis, non est ratio intelligendi Patri, bene tamen Verbum, cum de ratione Verbi sit, quod sit forma actualissima per quam intellectus fit in actu res intellecta; id autem per quod res intellecta sit intellecta, est ratio intelligendi. Resp. quod ut ex dicendis infra patebit, Verbum diuinum & per modum formæ intelligibilis, & per voluntatem concutit ad productionem Spiritus Sancti. Ad probationem dico, quod Filius si accipiat secundum munus inæquatorum, quod dicit in esse naturali, non est ratio Patri intelligendi; verum si accipiat adæquare prout identificatur cum esse intentionali, est ratio intelligendi Patri.

D V B I V M IX.

An in diuinis detur alia processio per voluntatem.

93 **V**eritas catholica sequenti concle. explicatur. In diuinis præter processionem Verbi, quæ est per intellectum, datur alia processio per voluntatem. Constat ex illo Ioan. 13. Spiritum, veritatis, qui à Patre procedit. Et Ioan. 14. habet.

tur. *Ego rogabo Patrem, & alium paracletum dabit vobis.* Ex quibus constat Spiritum Sanctum procedere à Patre, & esse alium à Filio, ac proinde procedere alia processione à processione Verbi, scilicet per voluntatem.

94 Probat ut concl. à D. Tho. art. 3. congruentia satis efficaci, supposita fide. Nam in natura intellectuāli creata, præter processionem verbi, datur alia processio per voluntatem, ergo etiam in natura diuina præter processionem Verbi dati debet processio per voluntatem, & est processio Spiritus Sancti. Antecedens probatur, quia sicut obiectum intellectum debet esse in intellectu ad hoc quod intelligatur; ita obiectum amatum debet esse in amante ad hoc ut ametur; ergo sicut per intellectionem creatam produciuntur verbum, ut eo medio obiectum sit in intellectu, ita per volitionem creatam debet produci aliquis terminus ut eo medio obiectum amatum sit in voluntate amante. Conseq. constat, tum ex paritate rationis, tum quia ea, quæ sunt in diuinis, intelligi debent ad instar eorum quæ in creaturis perfectioribus, scilicet intellectualibus repetiuntur. Tum etiam quia hoc, quod est creatam voluntatem per suum velle producere terminum, dicit perfectionem, sicut quod intellectus idem præstet; ergo non debet denegari diuinæ voluntati, sicut non denegatur diuino intellectui, &c.

95 Respondet Valentia hanc D. Th. congruentiam inniti falso fundamento, quod scilicet per voluntatem creatam producatur aliquis terminus, sicut produciuntur per intellectum; quod probat ex D. Thoma de veritate q. 4. art. 2. ad 7. quatenus ex operandi modo quo intellectus operatur trahendo ad se, & voluntatis, quæ fertur in obiectum, hæc inferit. *Et ideo voluntas non habet aliquid progrediens à se ipsa, quod in ea sit, nisi per modum operationis; sed intellectus habet in se ipso aliquid progrediens ab eo, non solum per modum operationis, sed etiam per modum rei operatæ.* Et ideo verbum significatur, ut res procedens; sed amor ut

operatio procedens.

96 Verum antequam contra Valentiam agamus; supponendum 1. hanc esse differentiam inter actionem transeuntem, & immanentem, quod actio formaliter transiens, est per se loquendo, extra ipsum agens, sicut & obiectum illius, at actio immanens, sicut & obiectum illius, est intra agens, iuxta tamen modum, & naturam eiusdem agentis, & actionis illius. Quando namque actio est infimi ordinis, ut sunt actiones vegetatiuæ, non est semper necessarium, quod obiectum sit intra principium proximum agendi, sed sufficit minor coniunctio, ut constat. Si vero actiones sint altioris ordinis, nempe ordinis sensitiui, tunc si actio in hoc ordine fuerit omnium infima, ut est actio sensuum externorum, tunc obiectum erit partim intra, partim extra principium proximum sentiendi. Hinc est, quod sensus externi habent ad intra obiectum sensibile eis vnitum in ratione obiecti motiui, non in ratione obiecti terminantis actu sensationem. Quod si actio immanens habeat esse eleuatum, tunc si fuerit cognitio, seu perceptio obiecti, habebit idem obiectum ad intra tam rationem obiecti motiui, quæ terminatiui, & hoc siue per se, siue per suam similitudinem. Si autem actio immanens sit partis affectiuæ, obiectum illius habebit ad intra tum rationem motiui tum rationem obiecti actu terminantis, ita tamen, ut ex vi modi operandi voluntatis, non debet obiectum esse ad intra, per suam entitatem naturalem, neque per suam similitudinem, quia vis appetitiua non exigit obiectum esse hoc modo ad intra, sed per modum inclinationis, propensionis, & quasi ponderis, cum & ipsa vis appetitiua sit inclinatio, & propensio; & illa inclinatio ad obiectum gerit vicem obiecti, cum vnumquodque ad se ipsum inclinetur. Et quia voluntas est inclinatio per modum potentia, non termini, debet addi aliquid, quod sit inclinatio per modum termini, & obiecti, & quæ sit per modum ponderis: non vtraque tamen est per modum actus primi; nam voluntas est incli-

inclinatio per modum potentie in actu primo, & hoc pondus, quod est inclinatio per modum termini, & obiecti, est in actu secundo, quod obiectum est ad intra in actu terminans volitionem.

97 Supponendum 2. quod obiectum debet esse intra intellectum vel per se, vel per suam similitudinem, ita quando obiectum non terminat per se ipsum volitionem, debet illam terminare per dictam inclinationem, propensionem, seu pondus. Et sicut quando obiectum est intra intellectum in ratione motui, & non terminatiui, ut in Angelis contingit, debet dari verbum per quod sit intra per modum actu terminantis. Ita quando obiectum est intra voluntatem per modum motui, & in actu primo per ipsam voluntatis inclinationem, adhuc debet dari aliquid per quod sit intra per modum terminatiui, seu actu terminantis in actu secundo, scilicet dictum pondus. Et sicut quando intellectio est infinite perfecta, & obiectum est intra utroque modo, tunc ratione infinite fecunditatis, non ex indigentia producit terminum ad intra, scilicet Verbum, ita cum diuina volitio sit infinite fecunda, & obiectum sit ad intra utroque modo per se ipsum, ratione infinite fecunditatis, non ex indigentia producat terminum, scilicet Spiritum Sanctum.

98 His premissis, sustinendo dictam D. Thomae congruentiam, sic contra Valentiam arguimus. Quoniam in actionibus immanentibus creatis, ut est volitio, debet obiectum esse intra principium proximum, scilicet voluntatem, per modum inclinationis, & ponderis; ergo per volitionem creatam semper produceretur hæc inclinatio, & pondus; ergo etiam produceretur per voluntatem diuinam, non ex indigentia, sed ex fecunditate, ac proinde in diuinis ultra processionem Verbi, dabitur alia Spiritus Sancti. Antecedens constat ex primo premissis. Consequens constat ex secundo, quia obiectum dilectum per voluntatem creatam, si sit finitum, non habet sufficientem actualitatem ad hoc ut uniat per se in ratione obiecti actu terminantis amorem,

seu per modum termini qui sit impulsus, & pondus in obiectum, de cuius ratione est terminare actu amorem.

99 Nec testimonium, quod pro se adducit Valentia ex D. Thoma, illi prodest, quia ut optime vidit Caiet. hoc loco, solum vult assignare differentiam inter intellectum, & voluntatem, quod res quæ in intellectu est terminus, habet modum, & nomen termini, res vero terminans in voluntate, licet re ipsa sit terminus, non tamen habet modum, & nomen termini, quia & est, & significatur ut in aliud tendens, in aliud autem tendere proprium est viæ, & actionis, non termini. Et hoc confirmat testimonium secundo loco adductum ex q. de veritate, quod scilicet per voluntatem non producitur aliquid, nisi per modum operationis. Vel dici potest cum Capreolo in 1. dist. 10. q. 1. ad 1. Scoti, & alijs, quod S. Doctor solum vult, quod per volitionem non producatur terminus qui sit imago, & similitudo rei volitæ, sicut est terminus per intellectum productus.

100 Sed obijcies 1. in fauorem sententiae Valentianæ, quia voluntas fertur ad res non prout sunt ad intra, sed prout sunt ad extra in se ipsis; ergo nullus terminus per voluntatem produceretur. Antecedens constat. Consequens probatur, quia ideo per intellectum producitur terminus quia trahit ad se res, sed voluntas trahitur, ergo, &c. Resp. quod licet proprium sit intellectus trahere, & voluntatis trahi, non ob id sequitur non produci terminum per voluntatem; nam debet dari aliquid, quod sit inclinatio actualis per modum termini in rem amaram; debet namque dari aliquid in voluntate per quod amatum sit in voluntate, ut eam trahat, & hoc est illa inclinatio, seu pondus in rem amaram; hinc dicitur, quod amatum per illud pondus, per illum impulsus, per illam inclinationem est in amante, non ut tractum, sed ut trahens. Quocirca licet intellectus mediante verbo transeat ad intelligendum obiectum secundum esse naturale, & entitatum, quod in se habet, & etiam voluntas mediante dicto termi-

no quem producit transeat ad amandas res, prout sunt in se ipsis; aliter tamen, & aliter; nam verbum ita mediat, vt sit formalissima ratio sub qua obiectum ad extra terminat intellectionem, quia propriū est intellectus terminari ad res prout sunt ad intra; vnde licet obiectum ad extra habeat quod requiritur vt sit ratio formalis quæ, non tamen vt sit ratio formalis sub qua. At dictus impulsus præcisè solum habet rationem intermedij respectu obiecti amati, & solum assumitur vt obiectum intermedium ad perueniendum ad obiectum amatum, non verò se habet vt ratio formalis, quia hæc est sola obiecti amati bonitas.

101 Obijcies 2. quia iuxta doctrinam D. Thomæ *quod libet* 5. *art. 9. ad 2.* per actiones sensuum exteriorum, vt per visionem, non producit aliquis terminus intrinsecus correspondens verbo intellectus, & hoc non ob aliam rationem, nisi quia vilis fertur in res prout sunt in se; ergo neque ob eandem rationem producit terminus per voluntatem. Resp. concedendo antecedens, & negando consequens. Ratio discriminis est, quia sensus externi tenent infimum locum in ratione virtutis cognoscitiuæ, ob quam imperfectionem habent obiectum ad intra solum in ratione motiui, non terminatiui, ac proinde non producant verbum, vel aliquid ad instar verbi. Vnde hoc quod est videre, seu terminare visionem non est aliquid intrinsecum neque in obiecto viso, neque in aliquo alio obiecto ad intra, sed est solum denominatio extrinseca, à visione proveniens. Cæterum alie virtutes cognoscitiuæ eleuationes, & virtutes affectiuæ habent obiectum sibi vnitum ad intra modo explicato.

102 Obijcies 3. quia cum amatur aliquod obiectum ad extra, v. g. diuitiæ, tunc nihil aliud ad intra diligitur, vt obiectum; è contra verò cum intelligitur aliquid ad extra existens, debet dari aliquod obiectum interius, quod per modum obiecti sit intellectus; ergo licet per intellectum producat verbum, non tamen per voluntatem producit aliquis terminus.

Resp. negando antecedens sicut enim esse verbi est intelligi, ita esse terminum per voluntatem productum, est amari.

103 Dices, quia si de ratione dicti termini voluntatis est amari, non potest non dictus terminus esse formalissima ratio terminandi respectu obiecti amati; ideo namque verbum est formalissima ratio intelligendi obiectum ad extra, quia eius essentia est intelligi; ergo si de essentia dicti termini voluntatis est amari, erit formalissima ratio attingendi obiectum dilectum. Quod enim est essentialiter tale, habet ratione sui esse tale, & cætera alia ratione illius, &c. Resp. quod de ratione dicti termini voluntatis est amari, non per modum obiecti formalissimi, vt est de ratione verbi intelligi; sed per modum obiecti intermedij; ac proinde non habet esse rationem formalem sub qua, vt ex dictis constat.

104 Aureolus in 1. *dist. 10. q. 1.* Durandus *ibid. dist. 10. q. 2.* ex alio capite reiciunt dictam congruentiam D. Thomæ, quia putant esse falsum, quod amatum sit in amante, sed potius amans est in amato, ac proinde nullus terminus produci debet. Quod autem amans sit in amato, non è diuerso, sic probant 1. quia de ratione amoris actualis est, quod sit motus quidam in rem amatam; quocirca dicitur, quod amans exit quodammodo extra se, & transformatur in amatum, & colligitur ex illo Matth. 6. *Vbi est thesaurus tuus, ibi est, & cor tuum.* Et S.P. August. *lib. 13. confess. cap. 9.* ad rem dicit. *Amor meus pondus meum, illo feror quocumque feror.* Et lib. 11. de ciuit. cap. 28. sic fatetur. *Ita corpus pondere, sicut animus amore feretur, quocumque feretur.* Resp. quod licet amans per amorem sit in amato, nihilominus per eundem amorem, & per terminum intrinsecum per illum productum etiam amatum est in amante; vbi enim est aliquo modo res, ibi est eius inclinatio, & pondus. Quocirca licet in testimonijis citatis significetur, quod amans est in amato, in alijs significatur, quod amatum est in amante, vt *Cons. 8.* cum dicitur. *Pone me vt signaculum super cor tuum*

sum. Ad Philip. 1. dicitur. *Eo quod habeam vos in corde.* Et 1. Ioan. 4. legitur. *Qui manes in charitate, in Deo manet, & Deus in eo;* de quo magis n. seq.

105 Probat 2. quia amatum non est in amante secundum suam naturalem entitatem, ut notum est, neque secundum suam similitudinem, seu secundum suum esse representatiuum, quia hoc modo esse, est proprium intellectus; ergo nullo modo; his enim tantum duobus modis res potest esse in alio. Resp. quod ultra illos datos modos essendi in alio, superest tertius, quo res dicitur esse in alio, ex eo, quod detur in eo pondus, & inclinatio, seu impulsus in illud. Ratio autem ob quam amatum est in amante per pondus, est, quia hoc pondus causatur ab amato, saltem in genere causæ finalis, ac proinde est virtus ipsius, impressa amanti ad hoc ut tendat in ipsum amatum; vnumquodque namque dicitur esse in virtute, sibi proportionata, & à se alteri impressa. Igitur amatum est in amante per istum terminum intrinsecum, quatenus, & amor & terminus iste sunt virtutes impressæ amanti, ab amato, & ratione illarum habet res amata, quod sit obiectum amatum & sic res amata medio amore, & termino dicitur, esse in amante; at quatenus amans per istum terminum, & per amorem tendit in amatum, dicitur amans esse in amato.

106 Probat 3. quia ad hoc ut amatum sit in amante non est necesse quod producatur iste terminus. Tum quia ad hoc ut amatum sit in amante, sufficit, quod detur in voluntate actus amoris per quem ametur. Tum etiam quia ille terminus non est necessarius; non enim est necessarius per modum obiecti prius amati, & in quo obiectum ad extra prius ametur. Neque est necessarius per modum principij amoris, aliàs non esset terminus, sed principium. Tum denique qui si semel aliquis terminus produci deberet, potius deberet esse aliquis habitus facilitatis amorem. Resp. negando antecedens. Ad 1. probat: dico, quod per ipsum amorem amatum non est in amante nisi per modum tendentiæ non per modum termi-

ni, & completè. Ad 2. dico, quod est necessarius per modum obiecti intermediij prius amati, & etiam aliquo modo per modum principij licet non per modum rationis formalis, ut dictum est. Ad ult. dicendum, quod non debet produci habitus, sed illud pondus, quia hoc potest esse terminus, non ille. Habitibus namque non sunt instituti ut sint termini, &c. Soluuntur aliqua argumenta, quæ ab Hæreticis contra veritatem catholicam proponuntur.

107 Primum argum. est, quia processio Verbi diuini est infinita in ratione processionis, sicut misericordia est infinita in ratione misericordiæ; ergo ultra processionem Verbi, nequit dari alia aliàs non esset infinita; sicut non esset infinita misericordia si plurificaretur. Tum quia per processionem Verbi communicatur illi omnis perfectio excogitabilis; ergo exhaurit totam vim quæ est in Deo adhuc ut ab illo aliquid ultra ad intra procedat. Tum etiam quia, eo ipso, quod Verbo diuino communicatur omnis perfectio excogitabilis, communicatur natura diuina quantum communicabilis est ad intra; ergo non dabitur alia communis ratio, ac proinde nec alia processio. Tum denique quia vni naturæ tantum, vnici tantum modus conuenit communicationis, ex eo quod actiones communicantes naturam non sunt multiplicabiles; non multiplicationis terminis formalibus nempe ipsis naturis; ergo si semel natura diuina communicatur per intellectum, non poterit tursus communicari per voluntatem. Resp. negando antecedens, processio namque Verbi diuini licet sit infinita in sua linea, scilicet in linea generationis, non tamen in linea processionis, aliàs non daretur processio Spiritus Sancti. Nec est simile illud quod dicitur de misericordia, quia misericordia est vna in specie atoma, ac proinde immultiplicabilis, & infinita in sua linea, at processio, non est vna in specie atoma, sed quasi subalterna, & sic plurificata, ac proinde vna non potest continere infinitatem totius speciei subalternæ, sed suam dumtaxat. Ad 1. probationem

nem dicendum, quod Verbo diuino communicatur omnis excogitabilis perfectio suæ lineæ, & exhaurit totam vim ad suam lineam spectantem, non ad lineam voluntatis. Ad 2. probationem, eodem modo respondetur, quia scilicet communicatur natura quantum communicabilis est intra lineam communicationis pertinentis ad intellectum, non pertinentem ad lineam voluntatis. Ad 3. dicendum, quod vni naturæ vnica competit communicatio in linea naturæ præcisè; communicatio autem per processionem Spiritus Sancti non est formalissimè in linea naturæ, sed voluntatis.

108 Secundum argu. quia aliàs posset Deus vniri cum voluntate creata in ratione termini inclinantis illam in aliquod obiectum, nempe in se ipsum; hoc autem videtur inconueniens; ergo, &c. Sequela probatur: nam ex eo, quod datur in diuinis personalitas, habens rationem termini naturæ, Deus potest vniri in ratione termini cum natura creata. Et quia Verbum habet rationem termini intellectiōis, Deus est vnibilis in ratione Verbi in visione beata; ergo etiam si in diuinis datur terminus productus per voluntatem, poterit in ratione prædicti termini vniri eum voluntate creata. Resp. 1. probabile esse, quod sicut essentia diuina vniri potest cum intellectu beati in ratione verbi, ita Dei bonitas poterit vniri cum voluntate beatorum in ratione termini dilecti: quia sicut essentia diuina est actus purus, & essentialiter intellectus; sic etiam diuina bonitas est essentialiter dilecta, & actus purus in sua linea; vnde sicut ob hanc rationem potest Deus vniri in ratione obiecti intellecti, ita ob eandem rationem diuina bonitas erit vnibilis in ratione obiecti dilecti. Resp. 2. negando sequelam. Ratio disparitatis est, quia de ratione termini voluntatis est, quod sit in principio intrinseco, quod sit inclinatio voluntaria intrinsece, quod sit inclinatio intrinseca illius voluntatis, quæ per eam inclinatur in bonum dilectum, ac proinde cum non possit à Deo intrinsece causari non poterit Deus hanc intrinsece supplere; non sic se

habet verbum; non est intrinsece voluntarium, nec est essentialiter à principio intrinseco, cum sit ab alio supplebile, vt cū obiectum per se ipsum intellectui vnitur.

109 Tertium argu. quia si in diuinis daretur aliqua processio per voluntatem, tunc id, quod per illam procederet, esset Spiritus Sanctus; sed non est Spiritus Sanctus; ergo. Maior probatur, quia Spiritus, vt ex scripturis sacris colligitur non est Deus, sed creatura; nam Gen. 1. dicitur. *Spiritus Domini ferebatur super aquas*; Ferri autem, seu moueri, est proprium creaturæ. Resp. ad hoc, & similia sacre scripturæ testimonia, quod vel intelliguntur metaphorice, vel non intelliguntur de Spiritu Sancto, sed de vento: qui etiam spiritus appellatur.

D V B I U M X.

An processio Spiritus Sancti sit generatio.

110 **V**eritas catholica seq. concl. explicatur. *Processio Spiritus Sancti non est generatio*. Sic traditur in symbolo D. Athanasij, ibi. *Spiritus Sanctus à Patre, & Filio, non factus, nec creatus, nec genitus, sed procedens*. Et in symbolo Niceno canitur. *Qui ex Patre, Filioque procedit*. Hinc Verbum appellatur vnigenitus: Ioan. 1. *Vnigenitus Filius, qui est in sinu Patris*; &: *vidimus gloriam eius, gloriam quasi vnigeniti à Patre*. Etcap. 3. *Sic Deus dilexit mundum, vt Filium suum vnigenitum daret*. Dices, quod etiā Salomon vocatur vnigenitus coram matre sua *Prou. 4.* cum tamen Dauid ex eadem foemina habuit alios filios. Ad hoc namque dicitur cum Lyrano ibidem, Abul. 1. *Pharalip. cap. 3. q. 4.* quod ideo Salomon appellatur vnigenitus coram matre sua, quia ex Dauid non fuit Bersabæ alius filius qui posset connumerari in populo Dei, quia ille quem habuit sine circumcissione mortuus est. Vel dic, quod eo loco nomen vnigeniti non sumitur proprie, sed metaphorice, scilicet pro filio singulariter dilecto. Dices etiam, quod Christus D. Hebræ. 1. vocatur primogenitus, ac proinde dari de-

debet secundò genitus. Nam ad hoc dicitur, quod Christus D. vocatur primogenitus collatione ad creaturas; vel quia ante illum nullus alius natus est, secundum quam rationem vocatur etiam primogenitus Virginis.

111 Probatur 1. congruentia D. Thomæ, quæ supposita fide est efficax, quia Verbum procedit per modum naturæ, & Spiritus Sanctus procedit per modum voluntatis; ergo illa, non ista est generatio. Quod Verbum diuinum procedat per modum naturæ, constat, quia cum natura sit primum, quod inuenitur in re, ita id quod primò procedit, procedit in modum naturæ; processio autem Verbi diuini cum prima sit, erit per modum naturæ. Quod autem Spiritus Sanctus procedat per modum voluntatis, etiam constat, quia cum in diuinis sint tantum duæ processiones, vna per intellectum, alia per voluntatem, & Verbum procedat per intellectum; Spiritus Sanctus procedet per voluntatem. Conseq. bene sequitur, quia illa sola est generatio in qua natura communicatur, patet autem, quod natura solum communicatur per intellectum, non per voluntatem; tum quia cum processio Spiritus Sancti sit processio secunda, non potest in ea communicari natura, cum enim natura sit primum, primò communicari debet.

112 Probatur 2. quia natura intellectualis est prius radicaliter intellectualis, quam volitiva; ergo prius erit intelligens, quam volens, ac subinde prius intelligetur communicatio per intellectum, quam per voluntatem; in illa vt priori communicabitur natura, non in ista posteriori, ac proinde illa erit generatio, non ista; in illa natura communicatur, in ista communicatur amor. Vnde S. Doctor in 1. dist. 13. q. 1. art. 2. dicit, quod ideo processio Verbi diuini est generatio, quia est *vnus ab vno*, at processio Spiritus Sancti, est à duobus, ac proinde illa est prima, & sic communicatur natura, ista est secunda, & non communicatur natura, sed amor.

113 Sed obieciēs 1. quia processioni Spiritus Sancti conuenit definitio genera-

tionis; ergo est generatio. Antecedens probatur, quia Spiritus Sanctus verè habet naturam diuinam viuam, cum Patre, & Filio, ergo erit origo viuientis à viuente, &c. Resp. quod licet Spiritus Sanctus habeat naturam diuinam viuam, non tamè ex vi sue processions; quia Spiritui Sancto ex vi sue processions non communicatur natura diuina sed solum amor, & impulsus diuinus, tanquam terminus formalis diuine communicationis, vt ex sequentibus magis patebit.

114 Obieciēs 2. Nam vel Spiritus Sanctus habet naturam diuinam à se, & vi sua, eo modo quo illam habet Pater æternus, vel ab alio, seu communicatam per processionem. Non primum aliàs esset innascibilis; ergo secundum, ac proinde ex vi sue processions. Tum quia Spiritus Sanctus procedit vt Deus spiratus; ergo procedit vt Deus, ac proinde ex vi sue processions recipit naturam diuinam. Conseq. patet, quia procedere vt Deum spiratum non est conditio diminuens, & tollens ab eo rationem deitatis, ergo. Resp. quod Spiritus Sanctus habet naturam diuinam per processionem, non tamen ex vi sue lineæ, sed ratione identificationis diuine processions, seu spirationis cum diuina essentia. Ad probationem dicendum est, non rectè procedere argumentum, quia variatur appellatio. Nam in antecedenti dictio *vt* reduplicat rationem spirati tanquam formalem, cum dicitur Spiritus Sanctus procedit vt Deus spiratus, quia sit sensus, quod ratio spirati, seu ratio impulsus, & amoris diuini sit terminus formalis processions Spiritus Sancti. Ar in consequenti *vt*, reduplicat rationem deitatis tanquam terminum formalem prædictæ processions. Vnde licet procedere vt Deum spiratum non sit conditio diminuens, tollens diuinitatem identice sumptam, tollit tamen formaliter, vt per talem spirationem formalissimè non communicetur, licet ibi reperitur ratione identificationis cum dicta spiratione.

115 Obieciēs 3. quia aliàs Spiritus Sanctus non esset formalissimè loquendo Deus, sed tantum identice; hoc dici nequit.

LII 2 ergo.

ergo. Major constat, quia solum identicè natura diuina illi communicatur; quia solum identicè dicta processio est Deus. Minor probatur, quia aliàs Spiritus Sanctus non esset perfectè Deus; vt aliæ personæ, siquidem perfectiori modo est Deus, quod formalissimè habet rationem Dei, quam id, quod solum identicè est Deus. Tum quia licet intellectus beati vnitus cum diuina essentia vt habet rationem speciei intelligibilis, sit identicè Deus in esse intelligibili, tamen quia hic modus essendi Deum identicè, est imperfectus, & secundū quid, ideo arguit, quod diuina essentia non ita perfectè habeatur, sed imperfectè; g. &c. Resp. quod Spiritus Sanctus est formalissimè Deus, licet non habeat naturam diuinam formalissimè ex vi suæ processionis. Aliud est ergo, an Spiritus Sanctus sit formalissimè Deus, & aliud est an habeat deitatem formalissimè per processionem, an solum identicè. Est Spiritus Sanctus formalissimè Deus, quia habet naturam diuinam, quæ est formalissima ratio deitatis; non tamen habet deitatem ex vi suæ processionis formaliter, sed identicè. Alij sic argumentum resoluunt, quod Spiritus Sanctus est formalissimè Deus in esse entis, non in esse procedentis, seu vt nominatur nominibus suæ processionis, vt spiritus, amoris, &c. Ad probationem patet ex dictis, quia vno diuinæ essentiae cum intellectu beati, non est plena, cum admittat distinctionem realem potentialem, & sit in solo esse intelligibili.

116. Obijcies 4. quia si Spiritui Sancto communicatur natura diuina identicè, sequeretur, quod Spiritus Sanctus esset identicè filius, & eius processio esset identicè generatio; hoc est falsum, ergo. Sequela probatur, quia si per dictam processionem communicaretur formalissimè natura diuina, ea processio esset formalissimè generatio, & Spiritus Sanctus esset formalissimè filius, ergo cum per dictam processionem communicetur natura identicè, erit generatio identicè, & Spiritus Sanctus erit identicè filius.

117. Confirmatur hoc argumentum. Nam vel per hoc, quod secundum ea,

quæ identicè affert talis processio, tollitur, quod Spiritus Sanctus per eam procedens habeat naturam diuinam ita perfectè, ac reliquæ personæ, eique ita perfectè communicetur, vel non? Non primum, quia perfectius est habere naturam diuinam formaliter, quam identicè, ergo secundum, ac proinde talis communicatio saltem identicè erit generatio, siquidem saltem identicè præstat, & continet id, quod præstat, & continet generatio, nempe communicationem diuinæ naturæ Resp. negando sequelam. Ad probationem conceditur antecedens, & negatur conseq. quia ad hoc, quod Spiritus Sancti processio esset generatio identicè, deberet identificari cum aliqua formali generatione Spiritus Sancti, quod in præsentī non contingit. Vnde ex dicto argumento solum sequitur, quod Spiritus Sanctus ratione identificationis procedat vt Deus modo explicato. Ad confirmationem patet ex dictis, quod licet Spiritui Sancto non communicetur natura diuina ex vi suæ processionis, sed ratione identificationis cum illa, tamen ita perfectè communicatur ac reliquis personis. Licet enim processio per voluntatem non exprimat tantam perfectionem, ac processio per intellectum, tamen includit totam perfectionem, quam includit processio per intellectum. Aduertendum tamen, quod cum dicimus processionem Spiritus Sancti non esse identicè generationem, solum dicere volumus, quod non sit identicè generatio formaliter talis; non tamen negamus esse identicè generationem virtualiter, aut quasi virtualiter talem, quatenus identificatur cum diuina natura, quæ virtualiter eam continet.

118. Obijcies 5. quia ad rationem generationis tantum desideratur, quod communicetur natura generantis, non verò, quod hoc sit ex vi processionis; hoc enim non reposcitur in definitione generationis; ergo cum Spiritui sancto communicetur re ipsa natura diuina, re ipsa generabitur. Resp. negando antecedens, eo namque ipso quod dicitur, quod generatio est origo viuētiū à viuēte in simili.

liundinem naturæ, denotatur, quod terminus formalis illius sit natura, seu quod natura sit terminus formalis illius.

119 Obijcies 6. Nam Spiritus Sanctus ex vi suæ processionis procedit ut persona diuina, ergo procedit ut Deus. Conseq. tener, quia persona diuina non potest non dicere naturam diuinam, ac proinde quod procedit ut persona diuina, non potest non procedere ut Deus. Antecedens probatur, quia Spiritus Sanctus ex vi suæ processionis procedit ut subsistens in aliqua natura, non in natura creata, ut patet; ergo in diuina. Tum quia Spiritus Sanctus ex vi suæ processionis procedit ut distinctus realiter à Patre, & Filio; sed non distinguitur nisi ut persona diuina; ergo ex vi suæ processionis procedit ut persona diuina. Tum etiam quia si Spiritus Sanctus non procederet ut persona diuina ex vi suæ processionis, haberet hoc aliunde, & per accidens; quod enim conuenit alicui, & non ex vi suæ processionis, conuenit aliunde; ergo, &c. Tum deinde quia ex vi processionis Spiritus Sancti debet ei aliquid diuinum communicari, aliàs eius processio non esset diuina; ergo debet communicari, quod sit persona diuina; conseq. probatur, quia illud diuinum quod Spiritui Sancto communicatur non debet esse quid inherens, quid subsistens in natura diuina, ac proinde persona. Tum denique quia Spiritui Sancto ex vi suæ processionis communicatur amor substantialis, ergo subsistens, ac proinde erit persona diuina, &c.

120 Resp. negando antecedens secundum quod persona affert primariò naturam, nam ut pluries dictum est, terminus formalis processionis Spiritus Sancti, non est natura, sed amor, impulsus, &c. Ad 1. probationem, dicendum, quod Spiritus Sanctus ex vi suæ processionis non procedit ut subsistens in aliqua natura, licet identicè, seu secundum id quod identicè affert accipiar, quod subsistat in natura diuina. Ad 2. probationem resp. concedendo maiorem, & negando minorem; nam Spiritus Sanctus distinguitur à

Patre, & Filio, secundum quod est amor subsistens subsistentia relatiua. Ad 3. probationem dico, quod etsi processio Spiritus Sancti habeat aliunde, & non ex vi sua communicare naturam diuinam eidem Spiritui Sancto, non tamen habet hoc per accidens, sed per se, quia id per se formaliter identicè habet. Ad 4. probationem dico, quod Spiritui Sancto communicatur aliquod diuinum, prout *ly diuinum* sumitur non pro natura sub conceptu naturæ, sed prout sumitur pro formalitate diuinæ; communicatur namque amor diuinus, ut ex dictis constat. Ad ultimam probationem dico, quod Spiritui Sancto communicatur amor subsistens, non prout dicit naturam diuinam, sed subsistentiam ut sic. Vel dico, quod Spiritui Sancto communicatur amor diuinus ut talis, non ut subsistens, sed ut transcendens.

121 Obijcies 7. Nam Spiritui Sancto ex vi suæ processionis communicatur ratio entis diuini; ergo etiam communicabitur ratio naturæ diuinæ. Antecedens probatur, quia cuilibet rei procedenti communicatur ex vi suæ processionis entitas in eadem re inuenta; sed in Spiritu Sancto reperitur entitas diuina; ergo illi ex vi suæ processionis communicatur. Tum quia Spiritui Sancto communicatur ratio impulsus, & amoris; ergo communicatur ratio entis diuini, cum hæc intrinsecè claudatur in amore, impulsu, &c. Conseq. bene sequitur ex antecedenti, quia actio infinite perfecta attingens vi sua rationem communem, & transcendentem repertam in re producta, attingit etiam omnes rationes sub illa contentas; ergo si processio Spiritus Sancti, est infinite perfecta attingit vi sua rationem entis diuini in eo inuentam, attinget etiam naturam diuinam, quæ sub ente diuino continetur. Tum quia non solum ratio entis diuini est ratio communis, & transcendens, imbibita in quacunque ratione diuina, verum etiam natura diuina habet rationem transcendentis, & imbibitur in quacunque ratione diuina; ergo Spiritui Sancto ex vi suæ processionis communicabitur natura diuina per

per modū transcendentis, Resp. concedendo antecedens, sumēdo rationem entis diuini non prout dicit naturam diuinam, sed prout dicit rationem entis inclusam in ratione amoris, & impulsus diuini. Licet enim processio spiritus sancti non attingat rationem dictam entis diuini tanquam eius terminum formalem, attingit tamen illam quodammodo ex vi processionis, quatenus per se, & intra propriam lineam attingit illam entis portionem, quæ specialiter includitur, & transcenditur in amore diuino. Deinde negatur conseq. Ad 1. probationem dico, quod licet actio infinite perfecta ad adequatē considerat, attingat omnia, quæ inueniuntur in re producta, non tamen considerata inadæquatē, & ex vi suæ lineæ præcisē. Ad 2. probationem dico, quod ratiō in amore essentiali imbibatur natura diuina, non tamen sub conceptu naturæ, sed sub conceptu transcendentis; & tanquam aliquid alterius lineæ, vt ex alibi dictis constat, & ex infra dicendis magis constabit.

122 Obijces 8. Principium quo processio Spiritus sancti, est voluntas diuina, & ipsa natura diuina vt est radix illius; ergo Spiritui sancto communicatur tam voluntas diuina, quam natura ipsa diuina. Antecedens constat. Conseq. probatur, quia ex quo capite processio Spiritus sancti est vniuoca, debet communicari principium quo suæ productionis; & ex quo capite ea, quæ sunt in diuinis non possunt esse idem secundum speciem, & multiplicari secundum numerum, oportet vt idem principium quo, secundum numerum repperitur in Patre, & Filio, communicetur Spiritui sancto ex vi suæ processionis, ac proinde tam voluntas, quam natura hoc modo communicabitur, cum vtrumque sit principium quo dictæ processionis. Tum quia ideo Verbo diuino communicatur ex vi suæ processionis intellectus, intellectio, & vis radicalis ad intelligendum, quia omnia ista sunt principium quo respectu processionis vniuocæ illius, ergo est etiam natura, & voluntas sint principium quo processionis Spiritus sancti, ex vi pro-

cessionis illi communicari debent. Resp. concedendo antecedens, & negando conseq. Ad 1. probationem dicendum est, quod ad hoc vt processio sit vniuoca, sufficit similitudo, & communicatio formalis principij quo proximi, non remoti in nostro autem casu principium quo proximum est voluntas, & hæc Spiritui sancto ex vi suæ processionis communicatur. Ad 2. probationem dico, quod Verbo diuino etiam natura communicatur, & omnia recensita, quia omnia illa pertinent ad eandem lineam; non sic in nostro casu, nam voluntas, & natura pertinent ad diuersas lineas.

123 Obijces 9. quia Spiritui sancto communicatur tum natura diuina, tum attributum amoris; sed hoc communicatur ex vi suæ processionis; ergo & illa. Maior constat, & etiam minor; conseq. probatur, quia quoties tam natura, quam proprietas alicui communicantur, si proprietas communicatur ex vi processionis, etiā natura eodem modo communicabitur. Resp. concedendo maiorem, & minorem, & negando conseq. Ad probationem constat, quia non est necesse vt communicato posteriori, communicetur prius sub eadem ratione formali, nec è contra, nam in generatione substantiali communicatur natura sub conceptu naturæ, & in aggeratione communicatur natura vt subest distinctæ parti quantitatis, &c. Quod maxime habet locum in nostro casu cum natura, & amor pertineant ad diuersas lineas.

D V B I U M XI.

An ratio D. Thoma probet processionem Spiritus sancti non esse generationem.

124 **S**ic probat Angelicus art. 4. processionem Spiritus sancti non esse generationem. *Intellectus fit in actu per hoc, quod res intellecta est in intellectu secundum suam similitudinem. Voluntas autem fit in actu, non per hoc, quod aliquid similitudo voluti fit in voluntate, sed ex hoc, quod voluntas habet quandam inelinationē*

in rem voluntam. Processio igitur, qua attenditur secundum rationem intellectus, est secundum rationem similitudinis. Et in tantum potest habere rationem generationis, quia omne generans generat sibi simile. Processio autem, qua attenditur secundum rationem voluntatis, non consideratur secundum rationem similitudinis, sed magis secundum rationem impellentis, & mouentis in aliquid. Et ideo quod procedit in diuinis per modum amoris, non procedit ut genitum, vel ut filius, sed magis procedit ut spiritus. Quo nomine quadam vitalis motus, & impulsio designatur, prout aliquis ex amore dicitur moueri, vel impelli ad aliquid faciendum. De hac ratione.

125 Prima sententia est, quod hæc ratio D. Thomæ bona non sit, pluraque contra eam obijciunt. Sic Vasquez hoc loco disp. 113. cap. 6. & 7. Torres hic art. 2. in 4. parte comment. & alij. Nostra sententia seq. concl. explicatur. Ratio D. Thomæ sufficienter, supposita fide, probat processionem Spiritus sancti non esse generationem. Sic tenent Caiet. Nazar. Ripa, Bannes, Zumel, & alij plures hoc loco, quos citant, & sequuntur N. Salmant. In præsent.

126 Probatur concl. expendendo rationem D. Thomæ. Processio Verbi diuini ex sua ratione formali producit terminum sibi similem; & processio Spiritus Sancti ex sua ratione formali non producit terminum sibi similem; ergo illa, non ista illa est generatio. Antecedens constat; nam in hoc distinguitur intellectus à voluntate, quod intellectus cum vatur rerum similitudinibus, producit terminum sibi, & suo proprio similem, at voluntas cum sit appetitus; & non vatur rerum similitudinibus, non producit terminum sibi similem. Consequens nota est, quia ubi terminus est similis suo principio, ibi est generatio, & ubi terminus non est similis suo proprio ibi nulla est generatio. Tū quia intellectus intelligit trahendo ad se res, quod facit per earum similitudines, voluntas verò tendit ad res, ad quod non indiget similitudinibus.

127 Respondent Torres, & Vasq. locis citatis, quod ex vi rationis D. Thomæ

licet sequatur, quod per voluntatem ut sic, non communicetur natura; non tamen sequitur, quod non communicetur natura diuina per voluntatem diuinam; sicut per intellectum ut sic non communicatur natura, bene tamen per intellectum diuinum. Solum differunt, quod Verbo communicatur ratio imaginis, non Spiritui Sancto, ac proinde licet utrique personæ communicetur natura diuina ex vi suæ processionis, solum tamen Verbum est Filius, quia illi communicatur ratio imaginis; non Spiritus Sanctus, quia illi ratio imaginis non communicatur. Ideo autem ad rationem Filij non sufficit, quod communicetur natura ex vi processionis, sed rursus requiritur, quod communicetur ratio imaginis, quia videmus, quod in creatis ad filiationis rationem non solum requiritur, quod communicetur natura, sed rursus requiritur, quod communicetur ratio imaginis. Vnde in generationibus æquiuocis, ut in generatione muli, aliqua ratio imaginis reperitur. Et in generationibus vniuocis, Filius est imago Patris, & repræsentariuus Patris; quocirca nomen *Filius* non significat substantiam, sed relationem ad Patrem.

128 Sed contra, quia contra rationem processionis per voluntatem est, quod ex vi sua communicetur natura; hæc namque communicatio naturæ competit processionis per se primæ tam in intentione, quam in executione, non per se secundæ. Tum quia cum dicitur, quod Spiritui Sancto communicatur natura quatenus hæc processio non dicit rationem processionis utrumque per voluntatem, sed per voluntatem diuinam; vel intelligitur de voluntate diuina, prout ly *diuina* significat quicquid est in Deo, & habet esse identicè Deum; vel prout tantum denotat processionem per voluntatem perfectissimam secundum ea præcisè, quæ intra propriam lineam, & ex vi eiusdem lineæ dicit. Si primum dicatur, tunc Spiritui Sancto solum communicabitur natura diuina identicè. Secundum dici nequit, quia à voluntate quantumuis perfectissima ex vi suæ lineæ nequit communicari natura diuina, cum sit extra lineam voluntatis quantumuis perfectissimæ.

fectissima, & ex hoc quod voluntas sit perfectissima, solum sequitur, quod perfectissimo modo communicentur ex vi sua, ea quæ sunt propriæ linear, non ea, quæ sunt alterius linear. Nec valet, quod voluntas diuina qua diuina includat per modum transcendentis naturam diuinam; quia hoc nihil est; nam transcendentia sub conceptu transcendentium, non producant terminos sibi similes, sed potius similes rei, seu formalitati, quam transcendent. Et ratio clara est, quia transcendentia vt talia veluti formalizantur per modos, aut differentias, seu quasi differentias atomas eorum in quibus intimè imbibuntur, & quasi ad lineas eorumdem trahuntur, iuxta illud: *transcendentia sunt talia iuxta salitatem reliquam transcendent*: unde ens in substantia, est substantia, in accidenti est accidens, &c. ac proinde natura diuina in voluntate, erit sub ratione, & conceptu voluntatis, ac subinde essentia diuina vt transcendit voluntatem, & est sub conceptu voluntatis, non potest formalissimè se ipsam Spiritui Sancto communicare. Quare falsum est; quod natura diuina sub conceptu transcendentis possit habere rationem principij quo radicalis, vt ex dictis liquet.

129 Est etiam falsum, quod dicitur in dicta responsione, quod ex vna parte parte Spiritui Sancto communicetur ex vi suæ processionis natura diuina, & quod ex alia non sit imago Patris, & Filij à quibus naturam diuinam formaliter recipit; hæc enim inter se coherere non possunt. Si quidem hoc ipso, quod Spiritui Sancto ex vi processionis communicetur eadem natura, quæ est in suo principio, habet ex vi eiusdem processionis produci ad imitationem eiusdem principij tanquam prototypi Spiritus Sancti; ac proinde non potest non producere per modum imaginis.

130 Nec satisfacit, quod addit Vasquez, quod scilicet ad rationem imaginis non sufficiat, quod ex vi processionis producatur similis in natura, sed insuper consideratur, quod producatur sic similis ad representandum. Nam contra est, quia hoc quod est aliquid produci simile ad representandum, solum potest addere supra

hoc, quod est produci simile in natura ex vi suæ processionis, quod hæc similitudo per se intendatur ex parte operantis in illa productione, seu communicatione; sed totum hoc reperitur in processione Spiritus Sancti, si semel ex vi suæ processionis natura diuina ei communicatur; ergo. Maior nota est; minorem probo, quia implicat, quod aliquid communicetur Spiritui Sancto ex vi suæ processionis, & non intendatur à principio communicante, ergo si semel Spiritui Sancto communicatur natura diuina ex vi suæ processionis in qua ratio similitudinis, & imaginis reperitur, debet hoc intendi. Tum quia res dicitur procedere ad representandum vel ex expressa artificis intentione; vel ex intentione operis, & naturæ, quatenus talis procedit ex vi processionis, vt eo ipso representet id à quo procedit; sed hoc conuenit Spiritui Sancto eo ipso, quod ex vi suæ processionis accipit naturam diuinam in qua ex intentione operis, magis ratio imaginis attenditur, quam ex intentione operatiua in creatis ille filius non esset imago sui Patris, vbi eius Pater non intendit hanc rationem imaginis in productione filij.

131 Nec etiam satisfacit, quod ad hanc vltimam instantiam adducit Vasquez, quod scilicet in humanis ad hoc vt filius sit imago Patris, & procedat ad representandum, sufficit, quod procedat similis in natura; non tamen in diuinis, quia, insuper requiritur, quod procedat cum proprietate personali, quæ est propria Verbi diuini; Spiritus autem Sanctus non procedit cum proprietate ista, ac proinde non procedet ad representandum. Nam contra est; quia eo ipso, quod Spiritui Sancto ex vi suæ processionis communicatur natura diuina procedet infinite similior suo principio, quam procedit in humanis filius suo patri; ergo si iste ratione similitudinis quam ex vi suæ processionis habet, procedit ad representandum; non est cur Spiritui Sancto denegetur. Tum quia eo ipso quod Spiritus Sanctus recipit naturam diuinam ex vi suæ processionis, debet habere proprietatem personalem

lem correspondentem; sicut in humanis eo ipso quod filio communicatur natura ex vi processionis non communicatur relatio paternitatis, aut alia, sed correspondens naturæ communicatæ ex vi processionis, scilicet filiationis; ac proinde cum in diuinis non communicetur, signum euidentis est, quod non communicetur natura ex vi processionis, & sic Spiritus sanctus ex vi suæ processionis non habebit naturam diuinam, sicut non habet personam correspondentem ad representandum.

132 Duas alias solutiones adhibet Vasquez. Prima est, quod ad rationem imaginis desideratur, vt alicui representet, Spiritus autem sanctus nulli representat, non Patri, non Filio, quia non cognoscunt se Spiritu sancto; nec sibi ipsi, quia nec in se eos cognoscit. Secunda est, quia non omne, quod procedit simile alteri ex vi processionis, representat suum principium; quia vnus ignis procedit similis alteri, & tamen non representat illum, nec est imago eius, quia non est magis similis illi, quam alij. Quare cum Spiritus sanctus non sit magis similis Patri, quam Filio, ideo non representat Patrem, aut Filium. Sed contra primam est, quia Pater, & Filius non se cognoscunt Spiritu sancto, sicut nec idem Pater se cognoscit Filio, tamen vterque cognoscit se in eodem Spiritu sancto tantum in correlatiuo habente eandem naturam cum ipsis; ac proinde si Spiritus sanctus ex vi processionis habet naturam diuinam, habet ratione illius representatione Patrem, & Filium. Contra secundam est, quia non est de ratione imaginis, vt sit similior suo principio in natura, quam alij; nam vnus homo in natura non est similior Patri, quam alij; sed ad hanc peculiarem representationem satis est, quod id per quod est similis accipiat à suo principio ex vi suæ processionis. Nec vnus ignis est similis alteri ex vi processionis, cum vnus ignis non communicet alteri suam substantiam, nec partem illius, sed in noua substantia, seu materia forma ignis introducit.

133 Respondent alij recentiores Theologi, falsum esse illud principium, cui ratio D. Thomæ innititur, quod per processionem per voluntatem diuinam intra propriam lineam sumptam, non communicetur Spiritui sancto ex vi processionis diuina essentia; licet enim Spiritui sancto communicetur essentia ex vi processionis, non tamen communicatur natura, quod erat necessarium vt esset Filius, & imago. Ratio autem, per istos modernos, ob quam Spiritui sancto non communicetur natura licet communicetur essentia, Verbo autem communicetur natura, sub conceptu naturæ, est, quia essentia vt sic, seu sub conceptu essentiae, non dicit fecunditatem, at conceptus naturæ est conceptus fecunditatis, ex eo, quod natura est principium motus; cum autem Verbo communicetur essentia vt fecunda ad productionem Spiritus sancti, & non Spiritui sancto, cum ex illo nulla persona procedat, sequitur quod Verbum cum recipiat naturam, scilicet essentiam vt fecundam, procedat vt filius quia ex vi suæ processionis recipiat essentiam vt sic, non tamen naturam, cum non recipiat essentiam vt fecundam. Sed contra, quia Spiritui sancto per istos communicatur essentia, ergo etiam communicatur natura; Consequentiam probō, tum quia in diuinis natura, & essentia non distinguuntur; ergo communicata essentia, etiam natura communicari debet. Tum etiam quia ad rationem naturæ non sequitur motus in alio, sed eius in quo est; natura namque est principium motus eius in quo est; sed essentia diuina communicata Spiritui sancto est principium motus in quo est, scilicet in Spiritu sancto, est enim principium intelligendi, imò est ipsum, intelligere, ergo essentia diuina in Spiritu sancto est natura, illa namque est natura, cui conuenit definitio naturæ. Quare licet Filius producat simul cum Patre Spiritum sanctum, non tamen dicitur recipere naturam fecundam fecunditate ea, quam habet in Patre ad genetandum, sed alia, scilicet ad spirandum; quæ non est propria Patris, sed sibi, & Patri communis.

M m m

Alij

134 Alij etiam sic ex Granado in. Præfenti respondent, quod ex eo, quod terminus procedens per intellectum procedat per modum similis, non sequitur, quod ex vi processionis, siue immediatè, ac per se primo communicetur illi natura diuina, sed tantum similitudo in ea: & sic Verbo ex vi processionis, & per se primò solum communicatur diuina sapientia, quæ formalissimè non exprimit diuinam naturam, licet eam repræsentet, sitque ei similis. Similiter ex hoc, quod processio Spiritus Sancti sit per voluntatem, non sequitur, quod non communicetur illi eodem modo ac Verbo natura diuina, quia vtrique immediatè communicatur, vt per modum transcendentis inclusa in termino per se primo, & immediato suæ processionis. Verbo quidem vt inclusio in sapientia genita; Spiritui verò Sancto, vt inclusa in amore; & sic processio Verbi est generatio, ex eo, quod ex vi processionis, & per se primò communicatur similitudo in natura, non verò ipsa natura, licet ad eandem generationem requiratur, quod prædicta natura mediatè communicetur, & per modum transcendentis inclusa. Verum processio Spiritus Sancti non est generatio, quia tametsi eodem modo communicetur natura per modum transcendentis, tamen id, quod per se primò, & immediatè terminat, est tantum amor, secundum rationem amoris, secundum quam non exprimit similitudinem cum natura diuina. Fundatur hæc responsio in hoc, quod in definitione generationis viuientium solum dicitur, quod procedens, procedat in similitudinem naturæ, non in identitate naturæ.

135 Sed contra, quia falsum est, quod terminus primarius processionis Verbi sit similitudo in natura, non verò ipsa natura; tum quia est contra S. Thomam art. 2. in corpore, & ad 2. & ad 3. & 4. contra Gent. cap. 11. & alibi. Tum quia in creatis filius accipit ex vi processionis, & tanquam formalem terminum naturam patris & non solum aliquam similitudinem; maximè cum ipsa natura sit ipsa similitudo, vel fundamentum, vel ratio fundandi simi-

litudinem; ergo etiam in diuinis Verbum debet recipere naturam tanquam formalem terminum, & non tantum aliquam similitudinem. Antecedens admittit etiam ipse Granado. Consequ. probatur, quia de rebus diuinis philosophari debemus ad instar creatorum, demptis imperfectionibus; vnde ratio generationis Verbi diuini cognoscitur à nobis ex his, quæ in generatione viuientium creatorum reperiuntur.

136 Nec satisfacit prima disparitas, quam adducit Granado inter generationem creatam, & incretam; quod in generatione creata, non potest communicari similitudo, quin communicetur natura; at in generatione increta communicatur similitudo, non communicata natura; communicatur namque sapientia, quæ est similitudo, & repræsentatio naturæ diuinæ. Nam contra est, quia terminus formalis generationis naturalis viuientium creatorum, vt distinctæ à generatione intentionali verbi creati, non est similitudo, aut repræsentatio naturæ generantis, prout excludit vnitatem, & identitatem naturalem in eadem natura, tanquam rationem formalem, & per se primò terminantem; neque est similitudo, vt abstrahit à similitudine secundum representationem puram, & à similitudine, quæ est idem ac entitas, & vnitatis naturalis in eadem natura, saltem secundum speciem; ergo erit identitas in eadem natura, itaut non de materiali, & per accidens, aut quasi per accidens communicetur eadem natura, itaut non de materiali, & per accidens, aut quasi per accidens communicetur eadem natura, sed de formali, & tanquam formalis terminus; ergo etiam in generatione Verbi diuini non communicabitur aliqua similitudo distincta à natura, sed natura ipsa. Antecedens est certum; terminus namque generationis naturalis vt distinguitur ab intentionali non est aliqua similitudo, seu repræsentatio, sed natura. Consequ. probatur, quia generatio Verbi diuini, eo ipso, quod est vera & propria generatio viuientium debet cōuenire in termino formali cum generatio-

ne

ne viventium creatorum; ergo si hæc habet pro termino formali naturam, & illam habere debet. Tum quia filio naturali in humanis non communicatur vnitas, seu identitas in eadem natura ad supplendum similitudinem, & representationem; ergo identitas naturalis per se primò intenditur per generationem, & que illius formalis terminus. Antecedens ostenditur, nam vnitas, seu identitas naturalis non intenditur, nec ordinatur ad supplendam representationem, sed representatio intenditur, & ordinatur ad supplendum esse naturale, vt ex se notum est; nec enim curatur de esse representationis, nisi ad supplendum esse naturale, seu nisi ob esse naturale. Tum etiam quia naturam diuinam communicari ex vi generationis pertinet ad perfectionem diuini esse, & ad communicationem per intellectum. Pertinet ad perfectionem diuini esse, sicut & communicatio aliarum formalitatum pertinet ad perfectionem earum. Pertinet ad communicationem per intellectum, quia sicut verbo creato communicatur natura obiecti, ita Verbo diuino.

137 Nec etiam satisfacit secunda Granado differentia inter generationem creatam, & in creatam, quod in creatam, non communicantur eadem numero proprietates, sed diuersæ, ac proinde debet etiam communicari diuersa natura numero, à qua pullulant dictæ proprietates; at in diuinis communicantur eisdem numero proprietates, v. g. eadem numero sapientia, quæ cum iam supponatur emanata, non debet communicari natura, vt emanet. Nam contra est, quia etiam in homine communicantur eadem numero proprietates, scilicet eisdem numero intellectus, & eadem numero voluntas, quæ prius naturali intelliguntur emanare ab anima rationali, & tamen adhuc communicatur eadem anima, quæ est illarum radix, ergo tamen Verbo diuino ex vi suæ processionis communicetur sapientia Patris, non tollatur quin etiam communicetur natura diuina, quæ est radix illius. Tum quia repugnat communicationi per intellectum, quod communicetur aliquod attri-

butum per se primò, & non communicetur natura diuina; ergo, &c. Antecedens ostenditur, quia id debet per se primò communicari ex vi processionis per intellectum Verbo diuino, quod per se primò vnitur cum eo in ratione speciei intelligibilis; sed sola diuina essentia potest hoc modo vniri cum intellectu diuino; ergo. Sola namque diuina essentia est eiusdem prorsus immaterialitatis cum diuino intellectu, cum ipsa sola sit summe esse absque distinctione virtuali; item sola diuina essentia est obiectum per se primum formale; ergo, &c.

138 Nec tandem satisfacit tertia Granado differentia, seu disparitas inter generationem creatam, & increatam, quod generatio creata naturalis, non est emanatio intelligibilis, sed naturalis, ac proinde natura communicari potest. At generatio increata est emanatio intelligibilis, est actus immanens intellectus, de cuius ratione est, vt illi per se primò communicetur actus intelligendi, qui cum non spectet ad naturam, sed illam supponat; inde est, vt ex vi processionis per intellectum, natura diuina non debeat communicari. Sed contra, quia proprium processionis per intellectum est, vt ex dictis constet, quod natura communicetur. Tum quia cum communicetur ipsum intelligere, & hoc sit formalissime ipsa natura diuina, sequitur, quod natura diuina debeat communicari formalissime. Tum etiam quia falsum est, quod supponit dictus Granado, quod sapientia, seu actus intelligendi sit formalis similitudo, vt constat ex dictis supra disp. 12. Deinde dato, quod actus intelligendi esset formalis similitudo obiecti, deberet cum illo conuenire in gradu formalissimo immaterialitatis, imò in natura, cum potissima similitudo, in natura attendatur, non in proprietatibus, non in alijs. Tum denique, quia non bene coherent dicta Granado, quod natura diuina æquè immediatè communicatur Verbo, & Spiritui sancto, ex eo quod vtrique communicetur per modum transcendentis, & quod solum processio Verbi sit generatio, non processio

Spiritus Sancti, cum enim ratio generationis attendatur penes naturam, si æquæ vtrique communicatur, æquæ vtrique generabitur, quod est falsum. Deinde, natura per modum transcendentis in sapientia diuina, non est sub conceptu naturæ, sed sub conceptu sapientiae, ergo ex hoc, quod natura diuina communicetur sub conceptu transcendentis, non potest poni generatio; cum ad hoc requiratur communicatio naturæ sub conceptu naturæ.

S. Vnic. Ponuntur, quæ contra dicta dubio præcedenti resoluta sunt.

139 Pura dubio præcedenti dicta sunt, & plura contra illa obijciuntur. Prima ergo obiectio eo tendit, vt probet, quod si processio per intellectum est secundum rationem similitudinis, quia intellectus constituitur in actu per similitudinem obiecti, etiam processio per voluntatem, erit secundum rationem similitudinis, quod sic ostenditur. Quia etiam voluntas constituitur in actu per similitudinem obiecti tanquam per formam vltimè illam constituentem in actu primo in ordine ad suam operationem; ergo si processio Verbi est per similitudinem, etiam processio Spiritus sancti erit per eandem similitudinem. Antecedens ostenditur; quia voluntas ratione suæ inclinationis in bonum, non est vltimatè potens ad producendum suum terminum, & prosequendum suum obiectum; sicut nec intellectus ratione suæ virtutis intellectiue; sed sicut intellectus est indifferens ad hæc, & determinatur per similitudinem obiecti, sic voluntas est indifferens ad illa, & determinatur ab obiecto existente in intellectu per similitudinem sui; ergo sicut intellectus per hanc determinationem constituitur vltimatè potens ad productionem sui termini per similitudinem obiecti tanquam per formam, ita & voluntas. Tum quia id habet rationem formæ respectu alienius agentis, à quo sumitur specificatio actionis, & termini per illam producti; sed specificatio actionis voluntatis, &

termini per illam producti sumitur ab obiecto, & eius similitudine; ergo. Minor probatur, quia ideo actus voluntatis, & terminus illius, est huius speciei, non illius, quia obiectum mediante eius similitudine determinat potius ad hanc actionem, quam ad illam.

140 Resp. quod voluntas determinatur per similitudinem obiecti in esse cogniti, & conceditur, in esse rei, & negatur. Seu, voluntas determinatur per verbum in intellectu existens, de cuius ratione est esse cognitum & conceditur, determinatur per similitudinem in actu primo, seu per speciem impressam in ipsa existentem vtdeterminatur intellectus, & negatur. Est autem differentia inter determinationem in esse rei, seu per formam intelligibilem in actu primo, seu per speciem impressam, & per verbum, quod determinans per modum formæ intelligibilis habet veram rationem formæ, & intrinsecè vnitur rei cuius est forma, scilicet intellectui; at determinans tantum in esse cognito, & quasi extrinsecè non habet strictè rationem formæ, sed solum rationem cuiusdam determinationis, nec intrinsecè inhæret, aut vnitur, & hæc est determinatio voluntatis per verbum. Aliud discrimen ex priori desumptum, est, quod prius determinans cum sit forma intrinseca, & realiter vnita intellectui, habet effectum realem; determinat namque intellectum, & simul cum eo concurrit ad productionem Verbi. At forma determinans posteriori modo, scilicet solum in esse cognito, vt existens in intellectu, non producit per veram efficientiam effectum, sed solum alliciendo, ostendendo obiectum, attrahendo potentiam, vt moueatur, & tendat in bonum cognitum. Hinc est, quod effectus sic productus non euadit similis verbo, sicut euadit in prima forma. Per quæ patet ad confirmationem.

141 Secunda obiectio, eo tendit vt probet, quod non est de ratione intellectus tantum quod producat simile, sed etiam est de ratione voluntatis. Nam producere simile non conuenit intellectui secundum gen-

generalem rationem intellectus, sed secundum specialem, prout est intellectus diuinus; sed etiam voluntas, licet secundum generalem rationem voluntatis non producat terminum similem in natura, tamen hunc producit secundum rationem specialem, ut est voluntas diuina; ergo differentia quare processio Verbi sit generatio, non processio Spiritus sancti, non potest defumi ex eo, quod illa sit per intellectum, & ista per voluntatem. Maior patet, quia eo ipso, quod istae processiones sint diuinae, debent producere aliquid diuinum, & increatum, ac proinde ens à se, & terminum qui sit Deus. Tam quia processio creata, producit terminum qui est creatura, ergo processio increata producat terminum, qui sit Deus.

143 Pro solutione huius argumenti notandum est, quod quadrupliciter diuina voluntas potest dici diuina. Primò prout esse diuinum denotat esse identitatem cum natura diuina sub conceptu naturae. Secundò prout significat idem, ac includere naturam diuinam per modum transcendentis. Tertiò prout dicitur ens diuinum, quod est commune communitate rationis ad omnes lineas, quae sunt in Deo, prout vnaquaeque est infinita, & summè perfecta intra propriam lineam, & ex vi eiusdem lineae, quae rationis sit sumpta distinguitur à natura diuina sub conceptu transcendentis; quia haec est communis communitate, & transcendentia; rei; illud verò per solam communitatem rationis, propterea pertinet ad lineam, eius quod transcenditur, nec distinguitur virtualiter ab eo. Ob hanc rationem multiplicatur virtualiter in omnibus formalitatibus diuinis, & illa quasi portio quae imbibitur v.g. in voluntate non est illa nec absque distinctione virtuali, quae imbibitur in intellectu. Vnde praedicta ratio entis abstrahit ab absoluto, & relatiuo, & talis conditio ut possit imbibiri in omnibus lineis. Quartò intelligitur potest, quod voluntas sit diuina, secundum quod dicit diuinum propriae lineae, hoc est, prout dicit esse diuinum elicitiuè, & obiectiue, seu quod dimanat à Deo per modum inclina-

tionis, seu ponderis, quod tendit in Deum ut obiectum volitum. Idem dic de processione voluntatis, quod scilicet his quatuor modis potest dici diuina. Est autem magnum discrimen inter istos quatuor modos, quibus Dei voluntas potest dici diuina. Nam primus modus non est ita intimus ut secundus, aut tertius, quia ille dicit solum, quod voluntas sit diuina identice. Secundus dicit esse diuinum per modum transcendentis. Tertius dicit modum transcendentis intimiorem secundo, ut constat. Quartus, adhuc intimior est, quia conuenit voluntati intra propriam lineam. Intellectus dicitur diuinus per omnimodam identitatem, quia est ipsa nec essentia diuina absque distinctione virtuali. Non est diuinus primò modo, ob rationem dictam. Neque secundò modo ob eandem rationem; Neque quarto modo, quia non dimanat ab essentia, cum sit ipsa essentia, neque tendit in essentiam ut in obiectum virtualiter distinctum, ut voluntas; dicitur tamen diuinus tertio modo ab ente diuino communi absoluto, & relatiuo, quod ad intellectum descendit, & modo absoluto imbibitur.

143 Est etiam notandum, quod sicut voluntas dici potest diuina multis modis, ita etiam dici potest ens à se, aut esse quid increatum; voluntas namque diuina dici potest ens à se, quatenus per hoc denotatur, quod non est ens ab alio, siue tanquam à causa; siue tanquam à ratione à priori; vel denotatur, quod non sit ab alio tanquam à causa tantummodo, tamen si habeat rationem à priori; idem dicendum est de ratione increati. Esse ens à se priori modo, est esse ens à se per modum naturae diuinae sub conceptu naturae. Posteriori autem modo, dicitur rationem, quandam communem omnibus formalitatibus diuinis.

144 His positis, ad argumentum dico, quod licet intellectus secundum rationem generalem non producat sibi simile tam in esse intentionali, quam in esse naturali, & entitatiuo, sed secundum, quod est intelligere diuinum, seu prout est ipsum esse diuinum absque distinctione

ne virtuali; hoc tamen non conuenit voluntati, cum non sit absque distinctione virtuali ipsum esse diuinum, seu ipsa essentia diuina, seu ipsa natura diuina. Non enim voluntas ex vi suæ lineæ sibi identificat absque distinctione virtuali ipsam naturam diuinam sub conceptu naturæ, ut facit diuinus intellectus, quod necessarium erat ad hoc ut voluntas produceret sibi simile. Vnde ex hoc, quod voluntas identificat sibi esse diuinum; sed cum distinctione virtuali, non est ipsa natura diuina formalissimè, ac proinde secundum hanc rationem nequit producere sibi simile. Et ex hoc quod voluntas est diuina, prout diuinum includit naturam diuinam per modum transcendentis, non potest producere sibi simile, cum non includat naturam sub conceptu naturæ, sed per modum transcendentis, & sub conceptu voluntatis. Et ex hoc, quod includat esse diuinum commune absoluto, & relativo, non potest producere sibi simile, cum ratio illa communis nequeat esse ratio producendi sibi simile, ut patet. Et tandem ex hoc, quod includit esse diuinum, secundum quod dicit esse diuinum propriæ lineæ, elicitiuè, & obiectiue, non potest producere simile sibi cum hoc modo dicat esse pondus dimanans à diuina essentia, & tendens in illam obiectiue, seu ut in obiectum, ac proinde dicat quid virtualiter ab essentia distinctum, &c.

145 Tertia obiectio, quia omne productum intendit producere sibi simile non solum in principio proximo agendi, sed etiam in principio primo, & radicali; ergo etiam Deus ut producat per suam naturam, & voluntatem Spiritum sanctum intendit producere illum sibi similem, non solum in principio proximo producendi, verum etiam in primordiali, scilicet in natura diuina. Resp. concedendo antecedens, si procedat de prima productione, & primariò inspecta, in ea enim agens, seu productum intendit producere omnino sibi simile, tum in principio proximo, tum in remoto, seu natura, secus est si procedat de secunda productione, in hac enim sufficit producere sibi simile

in principio proximo, scilicet in voluntate, non in natura.

146 Quarta obiectio, quia proprium est voluntatis amans producere terminum, qui sit vnio amantis cum re amata; ergo voluntas diuina producat terminum, qui sit summa vnio Dei amantis, cum se ipso amato, ac proinde talis terminus erit similis in natura. Antecedens constat, consequens probatur, quia ideo species intelligibilis diuina dicit ipsam naturam, quia vi sua est summa Dei vnio in ratione intellectiui cum ipso intellectu diuino, & cum Deo intellecto; & ideo Verbum diuinum continet ipsam naturam diuinam, quia est perfectissima, & actualissima vnio in ratione intellecti cum Deo intellecto; ergo si voluntas diuina est summa Dei vnio in ratione amantis, & amati, non poterit non vi sua afferre naturam diuinam. Resp. quod non quæcunque vnio affert formalissimè naturam diuinam, sed solum naturalis; non actualis, voluntas affert vnionem amantis cum amato affectualem, non naturalem; hanc affert vnio quæ fit per diuinam essentiam per modum speciei, & Verbi, non quæ fit per voluntatem.

147 Quinta obiectio, quia fundamentum D. Thomæ, quod processio Verbi sit generatio, non processio Spiritus sancti, non videtur verum; quia scilicet intellectus intelligit trahendo ad se, & voluntas tendendo, & mouendo se in suum obiectum; at ex hoc fundamento nil probare videtur; ergo. Minor probatur, quia motus, & inclinatio voluntatis tendentis, & amantis obiectum, est motus in illud ut in id cui vnitur non verò ut in id à quo recedit; ergo si ille motus, & tendentia fuerit infinite perfecta, habebit ex vi processionis, pro termino summam, & perfectissimam vnionem cum obiecto amato, ac subinde summam identitatem in natura. Tum quia amor est motus per quem amans transformatur in amatum; ergo amor imperfectus erit motus per quem amans in amatum imperfectè transformabitur, & amor perfectus erit motus per quem amans perfectè in amatum transformabitur.

transformetur, ac proinde per identitatem in natura. Resp. negando minorem; ad probationem dico, quod motus voluntatis est id per quod voluntas vnitur affectui, & in esse naturali, vt ex dictis con-

stat. Vnde ex summa perfectione dicti motus solum sequitur summa, & perfectissima vniō affectiua, non effectiua, & in esse naturali.

DISPUTATIO XXVIII.

IN QVÆST. XXVIII. D. THOMÆ.

DE RELATIONIBVS DIVINIS.

POST disputationem de diuinis processionibus transimus cum D. Thoma ad relationes, sunt enim diuinæ processiones veluti fundamenta diuinarum relationum. Duo præcipue pertractabimus in hac disputatione cum eodem S. Doctore. Vnum, an sint & quid sint relationes in Deo. Alterum quot sint. Incipiendo à primo, sit.

DVBIVM I.

An in Deo dantur relationes reales.

Arius, & Sabellius diuinas negarunt relationes. Arius negabat, quia putabat Filium, & Spiritum sanctum esse creaturas, & solum Patrem esse Deum. Sabellius negabat relationes in diuinis, quia existimabat diuinas personas non distingui realiter inter se, siquidem ad istas realis requiritur extremorum distinctio.

3 Veritas catholica seq. concl. explicatur. *In diuinis dantur relationes reales.* Hæc conclusio est de fide, vt testatur S. Doctor *de potentia q. 8. art. 1.* dicens. *Sententiâ fidei catholica sequentes oportet dicere in diuinis relationes reales esse.* Pro hac veritate referunt N. Salmant. plures Sanctos Patres. Hanc conclusionem sic probat S. Doctor *art. 1. huius q. in argum.* Sed contra, dicens. *Pater non dicitur nisi à paternitate,*

& Filius à filiatione; si igitur paternitas & filiatio non sunt in Deo realiter, sequitur, quod Deus non sit realiter Pater, aut Filius, sed secundum rationem intelligentiam tantum, quod est hæresis Sabelliana.

4 Sed obijcies 1. quia Deus est realiter Dominus, & tamen relatio dominij Dei ad creaturas non est realis, sed rationis; ergo ex hoc, quod in diuinis Pater sit realiter Pater, & Filius sit realiter Filius, non bene inferitur, quod paternitas, & filiatio sint relationes reales. Resp. 1. quod Deus non dicitur realiter Dominus à relatione rationis ad creaturas, sed vel à ratione fundandi talem relationem, seu à fundamento ipsius, quæ est potestas realis coercendi subditos; vel à relatione reali seruitutis existente in creaturis. Resp. 2. quod dato, quod Deus diceretur Dominus realiter à relatione rationis, adhuc Pater æternus non potest denominari realiter Pater à relatione rationis, quia Pater denominatur realiter Pater per oppositionem ad Filium, quæ oppositio non nisi per relationes habetur, iuxta illud. *In diuinis omnia sunt idem, ubi non obuiat relationis oppositio.*

5 Obijcies 2. quia ex vi rationis D. Thomæ solum sequitur, quod vna ex dictis relationibus sit realis, non quod vtræque; ergo. Sequela probatur, quia ad hoc, quod Filius sit realiter Filius, sufficit, quod Pater, sit realiter Pater; sicut Deus denominatur realiter Dominus à relatione seruitutis existente in creatura; & Christus D. dicitur realiter Filius Virginis per relationem

nem realem maternitatis. Resp. negando sequelam. Ad probationem dico, quod Deus, & creatura sunt diuersi ordinis, & sic cum Deus nequeat dici Dominus per relationem in ipso existentem, dicitur per relationem existentem in creatura. At Pater, & Filius in diuinis sunt eiusdem ordinis diuini, ac proinde vtraque persona constitui debet per relationem in se ipso existentem. Idem dicendum de Christo D. qui cum sit ordinis superioris ratione eminentiæ, non potest ordinari ad Virginem, ac proinde dicitur eius filius per relationem maternitatis ad ipsum.

6 Probat etiam hanc veritatem S. Doctor loco citato de potentia ex eo, quod numerus sequitur aliquam distinctionem; ergo cum in Deo sit numerus trium personarum, debet esse aliqua distinctio; sed hæc non potest esse ratione alicuius absoluti, quia hæc in diuinis debent esse communia, aliàs aliquid absolutum esset in vna persona, quod non esset in alia, & sic diuinæ personæ non essent omnino æquales; ergo desumi debet à relationibus, ac proinde in diuinis dabuntur relationes. Soluuntur aliqua argumenta hæreticorū.

7 Primum argum. est, quia quæ dicunt imperfectionem, non attribuuntur Deo, sicut priuatio, materia, potentia, motus, &c. Sed relatio est huiusmodi, ergo. Minor ostenditur, nam relatio inter omnia entia habet debilius esse; unde præter subiectum cui inhæret indiget fundamento, & termino; estque totius actiuitatis expers, & ad illam non est per se motus. Resp. dictas imperfectiones esse proprias relationis creatæ, non increatæ; quæ cum sit per se subsistens ab omnibus imperfectionibus est immunis.

8 Secundum argum. quia illud est perfectum cui nihil deest eorum, quæ sibi debentur 3. phys. Sed diuina substantia, vna cum suis attributis est perfectissima, ergo nihil illis deest, ac proinde non est cur superaddantur relationes. Ideo namque superaddi debent, quia sunt necessariæ ad complendam diuinam perfectionem. Resp. quod illud est perfectum: cui nihil deest si concipiatur secundum suum con-

ceptum adæquatum, at si concipiatur secundum conceptum inadæquatum potest non dicere omnem excogitabilem perfectionem, vt etiam in ente diuino contingit. Tum quia cum relationes non dicant in suo conceptu perfectionem, non possunt illam superaddere diuinæ essentiae. Tum etiam, quia relationes non dicuntur superaddi diuinæ essentiae cum sint de illius substantia, seu cum identificentur cū illa.

9 Tertium argu. quia cum Deus sit summum rerum principium, & vltimus finis, non possunt in eo poni, quæ ad alia, priora reducuntur, sed ea solum poni debent, ad quæ alia reducuntur; vnde cum esse mobile reducat ad esse immobile, & esse per accidens ad esse per se, ideo in Deo nec esse mobile, nec esse per accidens ponuntur; sed relationes reducuntur ad aliquid prius, scilicet ad esse absolutum; ergo in Deo poni non possunt. Resp. quod in Deo poni non debet, quod ad aliud reducitur tanquam imperfectum ad perfectum, vt est esse mobile, & esse per accidens. At relatio non reducitur ad absolutum tanquam imperfectum ad perfectum, cum relatio sequatur quandoque etiam in creatis ad perfectionem, vt patet in intellectu vbi sequitur ad intellectionem, quæ est eius perfectio.

10 Quartum argum. quia relatiuum pendet ab alio, ex eo, quod sine illo nec esse, nec intelligi potest; sed intra Deum non potest esse dependentia; ergo neque relatio. Tum quia si in diuinis darentur relationes reales, v.g. paternitas, tunc Pater diceret realem relationem ad Filium; sed hoc esse nequit, ergo. Minor probatur, quia Deitas esset, & non esset in Patre vt in primo fonte. Ex qua namque parte Pater est prima persona Trinitatis, esset in eo deitas vt in primo fonte, & ex qua parte esset relatiuus ad Filium, haberet esse ab eodem Filio. Resp. quod relatio in suo conceptu formali non dicit dependentiam, sed dicit purum ad. Nec ex eo, quod sit relatiuus ad filium habet esse à Filio, sed habet esse ad Filium.

11 Quintum argum. quia, quæ relatiue dicuntur, habent oppositionem relatiuam,

tiam, sed in Deo non potest dari oppositio; ergo. Minor probatur, quia, quæ relatione opponuntur, sunt simul natura, & intellectu, seu cognitione; sed personæ diuinæ hoc non habeat, cum inter se ita comparentur ut prima persona sit principium secundæ, & utraque, tertię, quod non potest stare cum hoc, quod est esse simul naturā, & intellectu, ut in creatis cernitur. Tum quia in Deo non dantur aliæ species oppositionis, ut contraria, priuatiua; ergo neque relatiua. Resp. concedendo maiorem, & negando minorem. Ad 1. probationem dicendum, quod diuinæ personæ sunt simul natura, & intellectu, ad quod non obstat, quod prima sit principium secundæ, &c. quia ex hoc solum inferitur prioritas *à quo*, non *in quo*. Ad 2. dico, quod aliæ oppositiones repugnant, quia saltem vnum extremorum importat imperfectionem; non sic in oppositione relatiua.

D V B I V M II.

An diuina relationes prædictæ secundum esse ad, sint reales.

IN relationibus creatis, quantum ad præsens spectat, duo considerantur, scilicet ratio *Ad*, & ratio *In*, seu esse *Ad*, & esse *In*. Esse *Ad*, est ordo ad terminum, & esse *In*, est ordo ad subiectum, cui inhaeret; ex ratione generali accidentis. Muneri *Ad* in diuinis correspondet *Ad* propriè dictum. At muneri *In* non correspondet *In* ut tale, sed esse substantiale per se, & absolutum diuinæ essentialitatis; quia relationes in Deo repetitæ, cum non sint accidentia, inhaerere non possunt. De ratione ergo *In* nulla est difficultas, cum certum sit relationes diuinas secundum hanc rationem esse reales. Vnde solum est difficultas de ratione *Ad*, an scilicet sint reales secundum hanc rationem.

13. Prima sententia est, quod relationes secundum esse *Ad*, non sunt reales. Pro hac sententia Ruiz refert plures Doctores, ut Paludanum, Capreolum, Canariensem, &c. Nostra sententia seq. con-

clus. explicatur. *Relationes diuinae non solum secundum quod includunt essentiam diuinam per modum transcendentis, aut identificantur cum illa, ut induit rationem naturæ, sed etiam secundum esse.* Ad proprium ipsarum, dicunt aliquid reale. Sic tradit D. Thomas in hoc art. in argum. Sed contra, & in 1. diff. 35. art. 4. ad 3. & alibi. Pro hac sententia referunt Salmant. plures DD. aduertentes, quod illi, qui pro contraria citantur, eam expressè non tenent. Constat ex dictis dub. præcedentis si enim semel relationes diuinæ sunt constitutivæ diuinarum personarum, non possunt non esse reales, cum non constituant nisi per id, quod habent ex propria linea, scilicet secundum esse *Ad*.

14. Probatur conclusio, quia Verbum diuinum, ut fides docet, est consubstantiale Patri; ergo eius origo debet esse realis. Antecedens est certum. Consequ. ostenditur, quia Verbum diuinum non aliunde est consubstantiale Patri, ac proinde est reale, nisi ex vi suæ originis, ergo eius origo debet esse realis; non potest autem origo passiuæ Verbi diuini esse realis, nisi filiatio per quam passiuè oritur secundum id, quod ex propria linea dicit, sit realis. Tum quia ideo in creaturis datur relatio realis secundum esse *Ad*, ad Deum, quia ab illo procedunt per veram processionem, seu productionem; licet non detur relatio realis ex parte Dei, ex eo, quod natura accepta est longe inferioris ordinis. Ex ideo in humanis datur relatio mutua genitoris, & geniti, quia re ipsa genitus accipit naturam à genitore; & sunt eiusdem ordinis; sed etiam in diuinis Filius re ipsa recipit naturam à Patre, & sunt eiusdem ordinis; ergo debent mutuo referri per relationes, secundum hoc munus, reales. Tum etiam quia quoties aliquid absolutè, & simpliciter procedit ex ipsis rerum naturis, absque intellectus beneficio aliquid contingit, toties illud est aliquid reale. Sed relatio filiationis in diuinis, sic procedit, ergo est aliquid reale; sed procedit secundum esse *Ad*, ergo secundum hoc esse est realis.

15. Obijcies 1. quia licet sit reale id, N n n quod

quod ab alio procedit in eadem natura secundum speciem, & diuersa secundum numerum, quia tunc vtrique datur sufficiens fundamentum relationis realis procedentis, & illius à quo procedit, non tamen quando eadem numero natura communicatur; ergo, &c. Minor probatur, quia in casu maioris datur id ad quod esse reale relationis desumitur, scilicet quod sit ad aliud, ac in casu minoris non datur, quia nec Pater est aliud à Filio, nec Filius est aliud à Patre, cum habeant eandem numero naturam. Resp. concedendo maiorem, & negando minorem, quia quod vnum procedat ab alio in eadem numero natura non tollit veram, & realem processionem, sed solum liberam ab imperfectionibus, ac proinde neq; tollit, quod relatio inde secuta non sit realis. Realitas namq; relationis filiationis, desumitur ex reali ratione fundamenti, quæ est realis processio. Et licet in creatis ob imperfectionem, ex eo, quod natura multiplicetur, detur aliud, & aliud inter Patrem, & Filium; non tamen in diuinis, vbi cum natura non multiplicetur, non datur aliud, & aliud, sed alius, & alius. Vel dicitur, quod etiã in diuinis detur aliud, & aliud, non quidem ratione naturæ, sed ratione relationum: quia Ad filiationis, est aliud à paternitate, & è contra; vnde ad saluandam definitionem relationis etiam in diuinis, sufficit, quod etiam ibi relatio sit ad aliud relatiuum, non absolutum.

16 Obieciens 2. quod ex ratione D. Thomæ solum sequitur, quod in diuinis dentur relationes, quæ sint absolutæ, & simpliciter reales ratione diuinæ essentia, quam per modum transcendentis includunt, non tamen quod sint reales secundum esse Ad, ergo, &c. Antecedens ostenditur, quia etiam in creatis relatio prædicamentalis est realis secundum quod dicitur esse In, seu secundum quod In, per modum transcendentis includitur in esse Ad. Resp. negando antecedens, ad probationem dico quod etiã relatio prædicamentalis creata est realis non tantum secundum quod includit esse In, sed ipsum Ad præcisè secundum id, quod affert in pro-

pria linea, est realis In namque inclusum, & transcendens Ad, est quid absolutum, ac proinde non potest tribuere esse reale relatiuum, & sic ipsum Ad erit reale ex proprijs meritis. Tum quia esse Ad relationis siue creatæ, siue diuinæ, vt distinguitur ab esse absoluto, non est aliquid abstrahens ab esse reali, & rationis; neque est determinatè aliquid rationis, aliàs non posset contrahere, aut determinare esse In reales; non enim esse In reale, & determinatum potest transcendere esse Ad rationis, aut præseindens ab esse reale, & rationis; ergo debet esse determinatè aliquid reale. Tum etiam quia esse Ad relationis diuinæ distinguitur virtualiter ab essentia diuina tam vt habet rationem transcendentis, quam vt habet rationem naturæ, siquidem secundum vtramque rationem est quid absolutum, ergo non potest recipere realitatē ab essentia diuina; nihil enim potest recipere realitatem ab eo, à quo iam supponitur distingui. Tum denique quia oppositio relatiua nō potest non esse realis; sed relationes diuinæ opponuntur relatiuè, ergo non possunt non distingui realiter. Soluuntur argum. in contrarium.

17 Primum argum. primæ sententiæ, est desumptum ex D. Thomæ testimonio de potentia q. 2. art. 5. vbi sic dicit: *Relatio secundum rationem sui generis, in quantum est relatio, non habet, quod sit aliquid, sed solum quod sit ad aliquid, &c.* ergo si relatio per S. Doctorem non est aliquid, sed tantum ad aliquid, non erit realis, omne namque reale est aliquid, cum aliquid cum ente reali conuertatur. Resp. mentem D. Thomæ esse, quod relatio secundum propriam rationem sui generis, non est aliquid absolutum, seu non ponit aliquid absolutum, sed tantum relatiuum. Vel respondetur 2. prænotando, quod in genere relationis, duplex Ad distingui debet secundum nostram considerationem. Vnum quod sit Ad illimitatè sumptum, prout abstrahit ab Ad reali, & rationis. Aliud est Ad determinatum, constituens prædicamentum relationis secundum suam ultimam rationem considerationem. Inter ista duo Ad, seu inter conside-

rationes horum duorum *Ad*, est hoc discriminē, quod prima non includit necessarium, & determinatē, quod prædictum *Ad*, habet causam realem, seu quod sit aliquid reale determinatē, bene tamen secunda; cum *Ad* prædicamentale ex vi suæ linearum dicat realitatem. Hoc postea dico, quod cum D. Thomas dicit, quod relatio secundum rationem sui generis non habet, quod sit aliquid, loquitur secundum priorē considerationem secundū quod relatio præcindit à reali, & rationis; nam secundum hanc rationem relatio, & *Ad* illius non sunt aliquid, cum aliquid sit affectio entis realis, non dicto modo præcedentis.

18. Secundum argu. quia relationes creatæ secundum esse *Ad*, non dicunt realitatem; ergo neq. diuinæ. Antecedens docet S. Doctor art. 1. huius q. 28. ubi sic fatur solum in his, quæ dicuntur ad aliquid, inueniuntur aliqua secundum rationem tantum, & non secundum rem. &c. Resp. ex dictis numero præcedenti, quod cum D. Thomas dicit, quod solum in his, quæ dicuntur ad aliquid inueniuntur aliqua secundum rationem tantum, loquitur de relatione secundum dictam rationem analogam, prout hoc modo abstrahit à relatione reali, & rationis. Ad prædicamentum namque relationis utraque ratio pertinet, quod non contingit in alijs prædicamentis. Quod relatio limitatē considerat, prout dicit realitatem determinatā pertineat ad prædicamentum relationis, & consistat; quod autem etiam pertineat secundum considerationem illam illimitatam, analogam, & communem relationi reali, & rationis, breuiter ostenditur, quia in solo prædicamento relationis, ut distinguitur ab alijs prædicamentis absolutis inuenitur ratio analogica communis, quæ abstractione analogica abstrahat à reali, & rationis, scilicet ratio *Ad*, illimitata, & communissimè sumpta, quia tam relatio realis, quam relatio rationis dicit esse *Ad*.

19. Sed dices 1. quod adhuc non apparet peculiaris aliqua ratio propter quā sit proprium prædicamenti ad aliquid ut

distinguitur à reliquis, quod in eo distinguatur hæc duplex ratio *Ad*, scilicet illa communis, & analogica, & inconuertibilis cum prædicamento ad aliquid, & alia, particularis, limitata, & conuertibilis; quia si semel *Ad* prædicamentale est quid reale, sicut quantitas, qualitas, &c.: non est cur in prædicamento relationis dicitur alia ratio *Ad* inconuertibilis, quæ abstrahat ab *Ad*, reali, & rationis, & quod hæc ratio non detur etiam in alijs prædicamentis. Resp. rationem discriminis esse, quia etsi *Ad* ut constituit prædicamentum relationis dicat esse *Ad* reale realitare relatiua, tamen aliunde sumitur specificatio ipsius *Ad*, & realitas eius. Nam realitas sumitur ex fundamento, seu ex ratione fundandi tanquam ex causa aliquo modo effectiua illius, ac proinde ratio formalis *Ad* ut dicit realitatem sita est in habitudine ad fundamentum, seu rationem fundandi. At specificatio ipsius *Ad*, quod est reale, non sumitur formaliter à prædicto fundamento, aut ratione fundandi, sed per ordinem ad correlatiuum, ac proinde relatio realis sub hoc conceptu expresso, seu sub hoc monere respiciendi terminum, seu correlatiuum, non concipitur sub conceptu *Ad* realis, licet implicite ibidem inuoluatur. Hinc est, quod sub hoc conceptu dicit illam rationem communem analogam, quā alia prædicamenta non dicunt.

20. Dices 2. quia specificatio relationis est realis, & sumi debet à termino formalis quidem terminus tribuit illi veram, & propriam specificationem; & deinde realitas relationis debet esse relatiua, ac proinde in ordine ad terminum; ergo malè dictum est, quod aliunde sumitur specificatio, & realitas. Tm quia realitas ex aliquo absoluto desumpta debet esse absoluta; ergo realitas relatiua relationis non potest desumi per ordinem ad fundamentum, & rationem fundandi. Resp. quod cum dicitur, quod relatio aliunde sumit suam realitatem scilicet à fundamento, & aliunde suam specificationem, scilicet à termino, non est sensus, quod ita ad dandam realitatem influat fundamentum, quod non concurrat etiam in

suo genere terminus; & quod ita specificatio sumatur à termino quod etiam non concurrat. & insinuat fundamentum, cum realitas relationis sit etiam ad terminum, & specificatio etiam à fundamento causetur; sed sensus est, quod licet utrumque in sub ordine concurrat tam ad realitatem, quam ad specificationem, tamen realitas tribuitur fundamento, & specificatio termino; quia realitas non desumitur per ordinem ad terminum, nisi prout subest fundamento, seu rationi fundandi, quæ est illius causa. Similiter specificatio non accipitur ex fundamento, nisi prout subest termino.

21 Dices 3. quod actio secundum suum conceptum expressum non dicitur *In*, sicut nec ratio illud dicitur; ergo etiam in prædicamento actionis dabitur aliquid secundum rem, & aliquid secundum rationem tantum, sicut in prædicamento relationis. Resp. quod licet actio secundum suum conceptum expressum non dicatur *In*, cum dentur actiones non dicentes *In*, seu non inherentes ut actiones Dei; tamen ille conceptus semper est realis, ac proinde in prædicamento actionis non datur aliquid quod sit secundum rationem, ut de relatione dictum est.

22 Tertium argum. principale desumunt ex auctoritate D. Thomæ q. 8. de potentia art. 2. & in isto art. ad r. Vbi respondens ad testimonium Beati negantis prædicari de Deo prædicamentum ad aliquid, dicit sensum esse, non prædicari secundum propriam rationem formalem relationis tanquam formam inhaerentem, aut convenientem alicui subiecto; quia ratio, quæ est esse *Ad*, non accipitur secundum comparisonem ad illud, cui inest relatio in quo significare videtur, quod esse *Ad* ut est ratio propria prædicamenti ad aliquid, non est aliquid reale, quia hoc necessario diceret ordinem ad subiectum. Item dicere videtur art. 2. huius q. Resp. Sanctum Doctorem solum velle, quod relatio secundum propriam rationem formalem, secundum quam respicit terminum, non est forma inhaerens, nec potest prædicari tanquam forma inhaerens, sed

per modum ad aliud se habentis.

23 Quartum argum. Relationi prædicamentali creatæ non debetur modus essendi per se, nec modus essendi *In*, ergo secundum esse *Ad*, præcinit ab esse reali; ergo idem dicendum est de relationibus divinis. Quod relationi creatæ non conveniat modus essendi per se, constat, quia est accidens. Quod neque conveniat modus essendi *In*, probatur, quia esse *In*, est per ordinem ad subiectum; *Ad* autem ut *Ad* est ad terminum. Resp. quod licet relationi secundum dictam rationem communem, & analogam non conveniat *In* reale, secus tamen relationi secundum rationem limitatam, determinatam, seu secundum quod dicitur *Ad*, constitutum prædicamentum relationis; nam secundum istam rationem convenit illi ratio accidentis abstrahentis ab *In* absoluto, & clarius. *In* absolutum sistit in subiecto; *In* relatum trahit illud ad terminum. Et licet *Ad* ut *Ad* non exprimat *In*, illud tamen dicitur, ex eo quod *Ad* est in subiecto, trahendo illud ad terminum. Ex eo tamen, quod non exprimat *In*, non sequitur, quod non dicatur illud. Quare in hoc distinguitur prædicamentum v.g. quantitatis, à prædicamento relationis, quod licet utrumque contrahat rationem accidentis; tamen quantitas illam contrahit per *In* absolutum, in quo convenit cum qualitate, & per aliud *In* etiam absolutum per quod respicit substantiam, & à qualitate distinguitur. At relatio prædicamentalis contrahit rationem generalissimam accidentis etiam per duplex *In*; vnum est *In* absolutum, consistens in hoc, quod dicatur rationem accidentis, prout accidentis esse, est inesse subiecto ut reali. Alium est *In* relatum, per quod respicit subiectum ut medium, per quod tendit ad terminum, illudque afficit trahendo, non sistendo in eodem subiecto. Hoc ultimum esse *In* pertinet ad prædicamentum relationis, per illud, relatio convenit cum alijs accidentibus.

24 Quintum argum. Quoniam esse ad aliud convenit simpliciter, & absolute, tam relationi reali, quam relationi rationis

nis, ergo esse. Ad ex vi sua non est reale, nisi ad summum ratione esse in. Antecedens ostenditur, quia sicut absolute, & simpliciter concedimus totum esse Patris esse ad Filium; ita dicimus totum esse generis esse ad speciem. Resp. ex dictis, quod licet esse ad aliud secundum rationem communem, & analogam dicatur tum de relatione reali, tum de relatione rationis, modo pluries significato; non tamen esse ad aliud limitatum, & contractum ad predicamentum relationis. Secundum, quam rationem modus loquendi in argumento adductus est solum per quandam analogiam.

D. V B I V M III.

An relationes diuina distinguantur realiter ab essentia Dei, sicut res à re.

25 **G**ilbertus Porretanus Episcopus Picauiensis auctor libri *sex principiorum*, de quibus agitur in Logica, tenuit relationes diuinas distinguere à diuina essentia tanquam res à re, sic enim colligitur ex eius verbis, quæ ex actis Concilij Rhemensis habentur. Scilicet. *Tres persona sunt tres res æternæ, & ad inuicem à diuina substantia numero differentes*. Hunc errorem tribuunt Gilberto S. Thomas in art. 2. dictæ q. 28. & alij omnes, si vnum Vasquez excipias, qui dicit Gilbertum solum voluisse diuinas relationes distinguere realiter formaliter à diuina essentia, non tanquam res à re.

26 Veritas Catholica seq. concl. explicatur. *Diuina relationes non distinguuntur realiter ab essentia tanquam res à re*. Sic S. Doctor in hoc art. 2. & omnes Theologi cum eo, & contra eundem Gilbertum, qui tamen suum errorem in dicto Concilio Rhemenfi retractauit. Constat ex illo Ioan. 10. *Ego, & Pater unum sumus*. Et 1. Ioan. 5. *Hi tres unum sunt, &c.* Et ita tradunt Sancti Patres, & definitum fuit non solum in dicto Concilio, sed etiam in alijs vt ostendunt N. Salmant. hoc loco.

27 Probatur 1. ratione D. Thomæ in *argum.* Sed contra, dicti art. 2. Quæ sic se

habet. *Omnis res, quæ non est diuina essentia, est creatura: sed relatio realiter competit Deo; si ergo non est diuina essentia, erit creatura, & ita ei non erit adoratio latræ exhibenda: contra quod cantatur in praefatione. Vt in personis proprietas, & in maiestate adoretur aequalitas*. Maior D. Thomæ sic explicari potest, quia id, quod distinguitur realiter ab aliquo vt res à re, non potest esse idem realiter cum illo; aliàs simul esset idem, & non idem, si simul esset identificatum, & distinctum ab eo, vt res à re, quod implicat; ergo si relationes diuinæ sic distinguuntur ab essentia, non erunt realiter ipsa essentia, sed creaturæ, quippe tum ens reale adæquatè diuidatur in increatum, & creatum; ac proinde quod non erit increatum, & diuina essentia, erit creatura.

28 Probatur 2. Nam vel dictæ relationes ab essentia diuina distinctæ tanquæ res à re, sunt ens à se, vel non? Si primum ergo erunt Deus etiam vt distinctæ ab essentia vt res à re, ac proinde dabuntur tres Dij. Si secundum: ergo erunt creaturæ; quod enim non est ens à se, sed ab alio vt à causa efficiente, est quid creatum, ac proinde non erunt adorandæ adoratione latræ, vt bene infert D. Thomas.

29 Nec valet respondere, non sequi ex hoc, quod relationes non sint realiter ipsa essentia diuina, debeant esse creaturæ; quia datur medium inter hæc duo. Scilicet diuinæ relationes, seu personalitates. Item non sequitur, quod ex hoc, quod sint ens à se, id est non ab alio tanquam à causa, & quod ab essentia diuina distinguantur, dentur tres Dij; quia etiam diuinæ personalitates adhuc realiter distinctæ ab essentia, debent non esse ab alio tanquam à causa, eum sint proprietates diuinæ essentia, quæ non est ab alio. Sed contra, quia hoc ipso, quod relationes distinguantur ab essentia diuina, non possunt esse ens à se, id est non ab alio tanquam à causa; ergo eo ipso erunt aliquid creatum. Antecedens ostenditur, quia hoc ipso, quod paternitas v. g. distinguitur realiter ab essentia diuina, non potest non realiter ab illa procedere, aliàs esset ita

ita æque primò ens à se, sicut diuina essentia, quod est contra rationem personalitatis. Tum quia prædictæ relationes, vtrab essentia realiter distinctæ non sunt accidentia, vt constat; neque substantiæ realiter completæ, aliàs non essent relationes personales; ergo erunt substantiæ incompletæ, æi proinde create, quippè imperfecte. Nonibus inuolutæ.

30 Primam Gilberti argum. est, quia de essentia diuina, aliqui realiter dicuntur, quæ dici nequeunt de relationibus, & è diuerso, ergo essentia diuina, & relationes distinguuntur realiter, ac proinde sicut res à re. Antecedens probatur, nam de essentia dici nequit, quod realiter generet, aut generetur, quod personis conceditur, ac proinde relationibus; ergo. Conseq. probatur, quia si non distinguerentur realiter, sed essent realiter idem, quod realiter diceretur de essentia, realiter etiam dici deberet de relationibus, & è contra. Resp. quod ad hoc vt aliqui dicantur realiter de essentia, & non de relationibus sufficit distinctio virtualis, vt dubio seq. dicitur.

31 Secundum arg. quia relationes vt tales non habent esse *In*, sed esse *Ad*, ergo nō sunt intrinsecè affixæ, sed extrinsecè assistentes, ac proinde distinguuntur realiter ab essentia cui extrinsecè assistunt. Resp. ex dictis dub. præcedenti, quod relationes dicunt esse *In* imbibitum in ipso *Ad*, licet non expressum, ac proinde falsum est, quod extrinsecè assistant. Tertium Gilberti argum. est illud principium. *Quæcunque sunt eadem uni tertio, sunt eadem inter se*, de cuius axiomatis intellectu dicitur infra, cum D. Thoma.

D V B I V M IV.

An relationes diuine distinguantur à diuina essentia ex natura rei.

32 **D**istinctio ex natura rei per suos auctores; est distinctio actualis, quæ est minor distinctione reali tanquam res à re; & maior distinctione rationis, quæ est per intellectum; quæ dis-

tinctio solet etiam media appellari. Prima sententia affirmat, scilicet diuinas relationes distingui ex natura rei, seu distinctione media à diuina essentia. Sic Scotus in 2. diff. 2. q. 7. §. Sed hic restat, & §. Breuiter igitur dico. Idem tradunt Okam, Gabriel, Marfilus, Durandus, & alij Scoti discipuli.

33 Nostra sententia seq. conplexatur. *Essentia diuina, & relationes, non distinguuntur ex natura rei, seu distinctione media, seu actu, & secluso intellectu, sed solum distinctione virtuali, & ratione ratiocinata.* Hanc conclusionem deducunt Salmant. ex Concilio Florentino sess. 18. eam tradunt D. Bernard. D. Dionys. D. Damascen. D. Thomas, & omnes eius discipuli. Quod dictæ relationes distinguantur ab essentia virtualiter, seu ratione ratiocinata, constat, quia relationes important respectum ad oppositum, qui non importatur in nomine essentia. Tum quia, ea distinguuntur in Deo cum fundamento in re, seu virtualiter, & ratione ratiocinata, quæ æquivalent in nobis pluribus rebus realiter distinctis, & ad diuersas lineas spectantibus, sed essentia diuina, & relationes æquivalent essentia, & relationibus creatis pertinentibus ad distinctas lineas, diuersos ordines, diuersaque realiter genera; ergo, &c. Quod autem essentia diuina, & relationes non distinguantur ex natura rei, sed solum virtualiter.

34 Probatur 1. Nam relatio in nobis est accidens inherens subiecto; ergo translata in Deum erit substantia diuina; ergo non distinguetur ex natura rei, seu actu, & secluso intellectu à diuina essentia. Antecedens constat. Conseq. probatur, quia quicquid in creaturis est accidens, translatus in Deum est substantia; quod autem est substantia diuina, debet esse absq; distinctione virtuali ipsa Dei essentia, cum essentia diuina, & substantia diuina, actualiter distingui non possint.

35 Respondebis ex Scoti, Scotistarumque doctrina, quod non omne, quod est substantia diuina, est ipsa essentia diuina absque distinctione actuali, & secluso intellectu, quia in Deo reperiuntur plu-

res

res rationes substantiales ex natura rei diuerse; & ita Paternitas potest esse relatio substantialis, & personalitas Patris, licet ex natura rei sit ab essentia distincta. Sed contra, quia in relatione creata non distinguuntur ante intellectum *in* relatiuum, seu *in* respectum ad terminum, & ipsum *Ad*, nec *in* absolutum; ergo neque in diuinis. Consequenter nota est. Antecedens probatur, quia in relatione creata, vt ex dictis liquet, hæc duo considerari possunt. Vnum est respicere subiectum vt trahibile ad terminum, secundum quam rationem dicitur *in* relatiuum, cui in diuinis correspondet relatio secundum id, quod affert ex propria linea. Alterum est pendere à subiecto vt à sustentante, vt reliqua accidentia, secundum quam rationem, dicitur *in* absolutum; & in diuinis correspondet esse absolutum, seu esse essentiae; sed istæ duæ rationes in creatis non distinguuntur actu ante intellectum; ergo neque diuinis esse absolutum, seu esse essentiae, distinguetur ab esse relationis. Minor probatur, quia in relatione *in* absolutum, de quo solum potest esse difficultas ita se habet respectu relationis, sicut ratio accidentis respectu quantitatis, v. g. sed ratio accidentis in quantitate non distinguitur ante intellectum à quantitate, vt patet, ergo. Deinde dato, quod dictæ rationes in creatis distinguerentur ante intellectum, translatae in Deum non debent sic distinguui, quia rationes create translatae in Deum debent ob eminentiam secundum quam ibi sunt, excludere imperfectionem non solum accidentium, sed etiam compositionem; sed non excluderent imperfectionem si admitterent illam distinctionem ex natura rei, cum non intelligerentur habere omnem excogitabilem infinitatem, & actualitatem, ergo.

36 Tum quia hoc ipso, quod relatio, v. gr. Paternitatis translata in Deum sit substantia, debet esse subsistens, & esse ipsam personalitatem Patris; ergo eo ipso erit ipsa substantia, & essentia Dei, absque distinctione actuali. Consequenter probatur, quia in diuinis id quod est, & id quo aliquid est, non possunt secluso intellectu

distingui; sicut nec id quod habet, & id quod habetur. Tum etiam quia, sicut essentia diuina est infinita in ratione entis, ita est etiam infinita in ratione formalitatis, & relationis; ergo sic quia est infinita in ratione entis identificat sibi omnia diuina, vt non sit ibi multiplex actu entitas diuina; sic quia est infinita in ratione relationis, & formalitatis, identificabit sibi omnes relationes, & formalitates absque distinctione actuali. Tum denique, quia sicut relatio ob eminentiam secundum quam debet reperiri in Deo debet denudari à ratione accidentis, à finitate, & limitatione: ita denudari debet à distinctione qua à substantia distinguebatur; aliàs limitaret diuinam essentiam, & limitaretur ab ea; ita enim se haberent sicut id, quod habet, & id, quod habetur essentia diuina haberet relationem, & relatio haberetur ab ea.

37 Probatur 2. quia persona diuina, constans ex relatione, & essentia diuina, est simplicissima; ergo essentia, & relatio non distinguuntur actu, & secluso intellectu. Antecedens est certum, & ab omnibus Theologis receptum. Consequenter probatur, quia si persona diuina constaret ex essentia, & relatione actu, & secluso intellectu distinctis, non esset simplicissima; omnimoda namque simplicitas non stat cum distinctione actuali ante intellectum.

38 Respondet Durandus, quod distinctio ex natura rei inter essentiam diuinam, & relationes, non tollit summam simplicitatem, neque infert compositionem, ex eo, quod modus non facit compositionem cum essentia, relatio autem est modus essentiae. Sed contra, quia licet ex re, & modo non fiat compositio omnium maior, vt est compositio ex duobus rebus, negari tamen non potest quin fiat aliqua compositio ex re, & modo. Compositio namque nil aliud est, quam distinctorum vnio ad constituendum aliquod tertium ab vnoquoque ex constituentibus secluso intellectu distinctum; sed si essentia, & relatio distinguuntur secluso intellectu, vnientur tamquam plura actu, & secluso intellectu distincta, ad

constituendum vnum tertium, scilicet vnā personam diuinam, actu distinctam ab essentia, & relatione sigillatim sumptis; ergo ibi erit aliqua actualis compositio, ac prout non omnimoda simplicitas. Ex terminis namque ipsis constat, quod hoc ipso, quod aliquid constet ex pluribus actu & secluso intellectu distinctis, non sit summe simplex.

39 Tum quia ideo in Deo non est compositio ex rebus, & entibus, quia in eo nihil admittitur; quod sit distinctum per modum rei, & rei. Ergo si ante intellectum admittuntur aliqua distincta, per modum rei, & modi, dabitur compositio per modum rei, & modi: eo namque modo datur compositio, quo modo datur distinctio. Tum etiam quia personalitas creata, iuxta multorum sententiam, est modus, & tamen facit compositionem.

40 Respondet Scotus, quod tametsi relatio ex natura rei distinguatur ab essentia diuina, non ob id facit compositionem, quia essentia, & relatio non comparantur per modum actus, & potentie, quod est necessarium ad faciendam compositionem. Vnde licet distinguantur ex natura rei, & per modum formalitatis, & formalitatis actus, & secluso intellectu distinctarum; tamen positiue identificantur in vna, & eadem entitate per identificationem excludentem distinctionem per modum rei, & rei. Verum hæc responsio sufficienter manet impugnata ex dictis contra Durandum. Specialiter tamen sic impugnari potest. Primò, quia si semel realitas essentie est distincta ex natura rei, à realitate, seu formalitate reali diuinæ relationis, non possunt non vt sic distincte comparari per modum actus, & potentie, quæ licet non sint res, & res, sunt tamen formalitas, & formalitas comparata inter se per modum actus, & potentie. Quia licet formalitas essentie, & relationis identificentur in vna, eademque entitate, adhuc tamen manent actu distincte formaliter, ita quod formalitas essentie sit terminabilis, & actuabilis à formalitate relationis, & hæc sit terminatiua, & actuatiua.

41 Secundò, quia nomine actus, &

potentie non intelligimus materiam, & formam proprie dictam, sed quæcumque actu distincta, quæ ita se habeant, vt vnus informet, aut aduet, aut perficiat, aut terminet aliud. Tum quia ad veram compositionem sufficit, quod duo distincta, comparentur per modum termini, & terminabilis ali quo ex modis recensitis. Quia circa licet personalitas Verbi, & natura humana solum comparentur per modum termini, & terminabilis, adhuc tamen, persona Christi D. est composita; ergo, &c.

42 Tertiò, quia licet ad componendum vnum per se, requiratur vnio per modum actus, & potentie; tamen ad componendum vnum per accidens, & per aggregationem, hoc non requiritur, sed sufficit multitudo constans ex pluribus per se non ordinatis; ergo licet ex essentia, & relatione non fiat vnum compositum per se, ex eo, quod non comparantur per modum actus, & potentie, fiet tamen vnum per accidens, tanquam ex pluribus per se non ordinatis;

43 Quatò, quia cum dicit Scotus, quod essentia, & relatio licet distinguantur formaliter ex natura rei, tamen identificantur, seu sunt vnum identice in vna; & eadem entitate; petimus, an essentia, & relatio sint tantum identice vnum per se, non verò formaliter, ita vt formaliter non constituent vni per se; an vero etiam formaliter constituent vnum per se? Si primum, sequitur, quod formaliter faciant vnum per accidens. Si secundum, assignari debet aliquis modus vnionis per se, per quem vniantur. Non potest esse vnio per identitatem; quia hæc solum tribuit esse vnum identice non formaliter. Neque per modum actus, & potentie, quia hæc vnio infert compositionem, ergo vniuntur vnione per accidens.

44 Quintò, quia essentia, & relationes prout ex natura rei distinguantur formaliter, ita comparantur, quod essentia secluso intellectu præbet se ipsam relationibus; & relationes se ipsas formaliter communicant essentie, non enim se communicant vt in vna, eademque entitate, idca-

identificantur. Vel ergo se formaliter communicant, vt habeant rationem termini, & terminabilis, seu actiabilis, vel non? Si primum, dabitur ibidem compositio, si secundum, vnum per accidens.

45 Probatur 3. quia si relatio distingueretur ex natura rei ab essentia diuina, sequeretur, quod formaliter sumpta non esset Deus; hoc dici nequit, ergo. Maior probatur, quia quod à diuinitate distinguitur, non est Deus; ergo si relationes à diuinitate, seu essentia distinguuntur formaliter, non erunt formaliter Deus; quod autem non est formaliter Deus, erit formaliter creatura; omnis namque tum realitas, tum formalitas rectè paritur in eamque est per essentiam, & in eamque est per participationem. Tum quia dicta formalitas relationis, non possit non intelligi dimanare ab essentia, non per modum entis à se, sed per modum entis, seu formalitatis ab alio, ac proinde per modum creaturæ; nam ex quo capite distinguitur secluso intellectu, emanabit secluso intellectu, & ex quo capite vt sic distincta non est à se, erit ab alio, ac proinde per modum creaturæ. Soluuntur argum. in contrarium.

46 Primum argum. quia duo prædicata contradictoria non possunt de vno, eodemque verificari absque distinctione actuali ante intellectum; sed de essentia diuina, & relationibus prædicatur prædicata contradictoria; ergo debent distinguí distinctione actuali ante intellectum. Maior nota videtur, quia si duo contradictoria prædicarentur de vno, & eodem absque distinctione ante intellectum, iam duo contradictoria de vno, & eodem verificarentur, quod implicat. Minor probatur, quia de essentia diuina verificatur, quod est communicabilis, & de relatione, quod est incommunicabilis; de essentia verificatur, quod est quid absolutum, de relatione, quod est quid relatiuum; esse autem communicabile, & non esse communicabile; esse absolutum, & non esse absolutum opponuntur relatiuè; ergo. Resp. negando maiorem, ad hoc enim vt duo contradictoria de aliquo dici possint,

sufficit distinctio virtualis, seu rationis^s ratiocinatur; dara namque distinctione virtuali, duo contradictoria non prædicantur de vno, eodemque formalissimè, sed secundum diuersas rationes virtuales, seu secundum diuersa munia virtualiter distincta.

47 Sed dices 1. quod ad verificanda prædicata contradictoria vnicumque, requiritur aliqua distinctio in eo, de quo verificantur; ergo ad verificanda prædicata contradictoria ante intellectum, requiritur distinctio ante intellectum. Resp. concedendo antecedens, & negando consequens. Ratio negationis est, quia cum distinctio virtualis in Deo reperia sit talis, vt æquiualeat ob sui eminentiam pluralitati, & distinctioni reali actuali formaliter tali, inde est vt sit satis ad hoc vt de Deo verificentur secluso intellectu prædicata contradictoria. Quod enim est virtualiter tale, facit idem, quod faceret si esset formaliter tale.

48 Dices 2. quia ad verificanda prædicata contradictoria, ibi poni debet distinctio, vbi exercenda est contradictio; sed contradictio prædicatorum contradictoriorum à parte rei, & secluso intellectu talium exercetur actu, & secluso intellectu, ergo ibidem scilicet à parte rei, & secluso intellectu, poni debet distinctio in eo, de quo verificantur. Resp. concedendo maiorem, & minorem, & etiam consequens si intelligatur, vt intelligi debet, quod distinctio virtualis debeat esse à parte rei, secus si intelligatur, quod à parte rei, dari debeat ante intellectum aliqua distinctio actualis.

49 Dices 3. quia si actu, & ante intellectum non est ibi duplex formalitas sed tantum vnica actu, sequitur, quod non sit ibi aliud, & aliud; ac proinde neque de illa prædicari poterit aliud, & aliud: quia id solum de aliquo prædicari potest, quod in eo continetur; ergo eum in illa vnica formalitate non sit aliud, & aliud, neque aliud, & aliud prædicari poterit, ac proinde nec duo contradictoria. Resp. quod sicut in diuinis non est duplex formalitas actu, sed tantum virtualiter; ita non est aliud, & aliud, nisi virtualiter; vn-

474 Disputatio XXVII. Dubium IV.

de de illa formalitate non potest prædicari aliud, & aliud formaliter, sed tantum aliud, & aliud virtualiter. Vnde cum prædicantur contradictoria non prædicantur nisi aliud, & aliud virtualiter.

50 Dices 4. quia aliqua distinguuntur actu, & secluso intellectu nihil aliud est, quam quod aliquid conveniat actu, & secluso intellectu alicui ex illis, quod non conveniat alteri sed divinæ essentia actu, & secluso intellectu convenit, quod se ipsa non opponatur cum filiatione, & paternitati convenit, quod illi opponatur, ergo essentia, & filiatione, vel paternitas distinguuntur ante intellectum. Maior probatur, quia hoc ipso, quod aliquid conveniat actu, & secluso intellectu vni, & non alteri, habet vnum actu aliquid reale, quod non habet alterum; quæ autem sic se habent, actu distinguuntur; ergo. Resp. distinguendo maiorem: aliqua distinguuntur, &c. nihil aliud est, quam quod aliquid virtualiter distinctum conveniat vni, quod non conveniat alteri, & negatur; quam quod aliquid actu distinctum conveniat vni, quod non convenit alteri, & conceditur. Ad minorem, sed divinæ essentia actu, & secluso intellectu convenit; quod non opponatur filiationi ita ut ista distinguantur actu ante intellectum, & negatur; ut distinguantur virtualiter, & conceditur. Deinde negatur consequens.

51 Dices 5. quia non potest vna, eadēque formalitas esse formalitatem essentia, & relationis actu, & ante intellectum, g. plures. Antecedens ostenditur, quia si vna, eadēque formalitas actu, & ante intellectum esset formalitas essentia, & relationis, vna, eadēque, esset ante intellectum communicabilis, & incommunicabilis, absoluta, & relativa, ac proinde de illa verificaretur, quod sit communicabilis, & incommunicabilis, sed hoc dici nequit; ergo. Maior constat. Minor probatur, quia esse communicabile, & non communicabile sunt prædicata contradictoria, ac proinde non possunt convenire vni, eidemque formalitati. Resp. negando antecedens. Ad probationem dico, quod si illa formalitas accipitur adæquatè secundum omnia

munia & est communicabilis, & non incommunicabilis. Si vero accipitur sub munere essentia, est communicabilis, & sub munere relationis est incommunicabilis. Cum autem sunt istæ propositiones, & prædicationes non accipitur essentia adæquatè, sed inadæquatè, ac proinde sub istis conceptibus illæ prædicationes non conveniunt vni, eidemque secundum eundem conceptum, sed secundum diversum, ac proinde de vno, eodemque secundum eandem rationem, seu conceptum non verificantur contradictoria.

52 Secundum argu. principale est, quia actu, & secluso intellectu communicatur Filio essentia divina, & non communicatur paternitas; ergo essentia, & paternitas distinguuntur actu ante intellectum. Antecedens est de fide. Consequens probatur, quia si essentia, & paternitas essent actu idem, non posset vnum communicari, non communicato alio, sicut ob hanc rationem non potest communicari essentia, non communicata ratione entis. Tum quia actio communicativa divinæ essentia, debet illam communicare prout est in se; ergo si in se est paternitas, debet essentia communicari ut est paternitas. Resp. quod cum dicitur, quod Filio communicatur essentia, & non communicatur paternitas, tunc essentia accipitur sub munere essentia, & non sub munere relationis; quæ munia licet solum virtualiter distinguantur, hæc tamen virtualis distinctio est sufficiens ut secundum vnum munus, aliquid dicatur, quod non dicitur secundum aliud. Ad 1. probationem, negatur antecedens. Ad illud de ratione entis, dico, quod hæc cum essentia formalissimè communicatur, quia neque quoad munera, neque quoad conceptus habent oppositionem cum Filio, sicut habet paternitas. Addo, quod si per rationem entis intelligant illam rationem communem relativo, & absoluto, neque hæc ut in paternitate imbibitur, communicatur. Ad 2. probationem dico, quod actio communicativa divinæ essentia debet illam communicare prout est in se, secundum conceptum essentia, seu secundum

dum id, quod dicit in linea essentiae, vel prout exercet munus essentiae; non secundum quod exercet alia munia filiationi opposita.

53 Dices, quod hoc ipso, quod essentia diuina videtur prout est in se, videtur etiam quoad personalitates, ergo hoc ipso, quod communicatur prout est in se, debet etiam communicari quoad personalitates. Resp. concedendo antecedens, & negando consequ. Ratio discriminis consistat ex modo dictis, quia quantum ad personalitates non habet essentia diuina oppositionem cum intellectu beati, bene iam cum filiatione v. g.

54 Tertium argum. quia essentia diuina, & relationes habent distinctas definitiones, seu quasi definitiones; ergo distinguuntur ex natura rei. Antecedens constat, quia relationes definiuntur per ordinem ad terminum, seu definiuntur per aliquid respectiuum, at essentia hoc modo definiti non potest, sed per aliquid absolutum. Consequ. probatur, quia cum definitio explicet essentiam rei, ubi sunt plures definitiones, ibi sunt plures essentiae, ac subinde distinctio ex natura rei. Tunc quia, quando definitiones dantur per aliquid pertinens ad rationem, & habent esse beneficium intellectus, tunc quae differunt definitione differunt tantum per intellectum; ergo quando dantur per aliquid reale, & conueniens definitis ex natura rei, ut in praesenti contingit, tunc quae differunt definitionibus, differunt ex natura rei. Resp. distinguendo antecedens: essentia diuina, & relationes habent distinctas definitiones quarum quaelibet non adequat illam formalitatem secundum omnia quae dicuntur, & conceditur; quarum quaelibet adequat, & negatur. Illae ergo definitiones dantur de illa formalitate ratione diuersorum munerum virtualiter distinctorum, ac proinde ex illis non colligitur distinctio formalitatum actu, ante intellectum. sed solum virtualiter. Ad probationem constat ex dictis; nam quando solum dantur per aliquid pertinens ad intellectum, non inseritur ex hoc praecise neque distinctio virtualis, secus quando dantur per ordi-

nem ad diuersa munera adequata.

55 Quartum argum. Nam filiationis v. g. non identificatur actu adaequate cum diuina essentia; ergo aliquo modo differunt actu, & secluso intellectu. Antecedens constat, quia ad adaequatam identificationem requiritur ut vnum sit actu omne aliud per identificationem, quod est illud, cum quo identificatur. Filiationis autem non est identice omne illud, quod est essentia diuina; nam essentia diuina, est etiam paternitas per identitatem, non tamen filiationis. Consequ. probatur, quia cum identitas opponatur distinctioni, oportet, ut ea, quae actu, & secluso intellectu non identificantur adaequate, debeant actu, & secluso intellectu aliquo modo distingui. Resp. distinguendo antecedens: filiationis non identificatur actu adaequate cum diuina essentia, secundum ea, quae eadem essentia affert intra propriam lineam, seu sub conceptu essentiae, & negatur. Secundum ea, quae affert extra propriam lineam, & conceditur. Deinde negatur consequ. Ad cuius probationem dico, solum inferri distinctionem inter essentiam, & filiationem, quoad id in quo non identificantur adaequate, seu quoad id, in quo filiationis non adequat essentiam, quantum ab ea, quae sunt extra lineam, & conceptum essentiae.

56 Quintum argum. Nam Pater differt realiter à Filio; sed non differt realitate essentiae, ergo realitate filiationis per quam fit distinctio in essentia. Maior est de fide. Minor etiam constat, quia ad id essent plures Dii. Consequ. videtur sequi ex praemissis, quia nisi realitas relationis esset saltem ex natura rei distincta à realitate essentiae, non posset tribuere Patri, quod per illam distinguatur realiter à Filio, hoc enim ab ipsa realitate essentiae praecise tribui non potest. Resp. concedendo maiorem & distinguuntur minores non differt realitate essentiae sub conceptu essentiae, & conceditur; prout identificatur cum paternitate, & negatur. Ex hoc tamen non sequitur, quod essentia, & paternitas distinguantur ex natura rei, sed solum virtualiter, ut ex dictis constat.

476 Disputatio XXVIII. Dubium V.

57 Sextum argum. quia aliqui Sancti Patres videntur indicare, quod essentia, & relationes distinguantur secluso intellectu. Resp. quod Sancti Patres solum denotare volunt intercedere inter essentiam, & relationes distinctionem virtualem, quæ idem facit ac si esset ante intellectum, vt ex dictis constat.

D V B I U M V.

An tanta sit identitas inter essentiam, & relationes diuinas, quod eam includat.

58 **P**rocedit dubium de relationibus diuinis vt virtualiter distinctis ab essentia diuina, quia prout cum illa formalissimè identificantur, seu prout concipiuntur sine prædicta distinctione virtuali vt certum supponitur essentiam diuinam in relationibus contineri. Item dubium procedit de prædictis relationibus in abstracto, quia in concreto consideratæ quoad omnia quæ dicunt, etiam prout virtualiter à diuina essentia distinguuntur, eam includunt, & tunc hæc distinctio erit includentis, & inclusæ aliàs essentia diuina in concreto non prædicaretur formaliter de Parte, v. g.

59 Prima sententia tenet, quod essentia nō includatur in relationibus prout virtualiter ab illa distinguuntur. Sic Molina in explicat. præsentis art. Vsq. disp. 121.c.2. & alij apud Salm. hoc loco. Pro intellectu difficultatis notandum 1. quod tã essentia, seu natura diuina, quam attributa possunt distingui in duos conceptus, scilicet in se ipsa vt habent rationem transcendentium, & in se ipsa vt sortiuntur rationem essentia, seu naturæ diuinæ, & attributorum, exercentq; formalissimè, & expressè hæc munera. Notandum 2. quod essentia diuina, seu natura, & attributa secundum conceptum transcendentium, & secundum proprios conceptus naturæ, & attributorum non distinguuntur penes aliquid positium, sed penes diuersas carentias quas connotant; quicquid enim positium est in vno conceptu, reperitur etiam in alio. Differunt tamen

dictæ carentiæ in hoc, quod carentia, quam prædicta dicunt per modum transcendentis, dicit negationem vltimitatis, & terminationis, quia possunt imbibi in alijs lineis, & in eis contrahi per modos, seu differentias proprias illarum linearum. At carentia, quam prædicta, v. g. essentia diuina dicit secundum conceptum naturæ, dicit negationem vltioris contractionis. Quare linea v. g. voluntatis, vt habet rationem attributi voluntatis, est ratio propria voluntatis vt imbibit per modum transcendentis omnes rationes formales, saltem absolutas, secundum rationes differentiales positivas quas afferunt, ita quod ratio differentialis voluntatis sit omnino vltima in hac linea, vt sit positivè, quæ negativè vltima. His positis.

61 Prima concl. *Essentia diuina, sub conceptu essentia, aut natura, & vt hoc munus exercet, non includitur intrinsecè, & essentialiter in conceptu relationum vt virtualiter ab eadem essentia distinctarum.* Hanc conclusionem tradunt communiter Theologi, vt testantur N. Salmant. hoc loco. Ratio clara est, quia natura diuina sub conceptu naturæ, non dicit vtrumque totum positium, quod ad suam lineam pertinet, scilicet diuinum intelligere primordiale, sed quatenus dicit carentiam vltioris contractionis in quavis linea; ergo repugnat, quod sub hoc conceptu contrahatur. Tum quia conceptus naturæ diuinæ vt talis, dicit diuinum intelligere primordiale vt est radix relationum, & attributorum, sed sub hoc conceptu non imbitur in illis, vt patet, ergo.

61 Secunda concl. *Diuina natura vt habet rationem transcendentis, intrinsecè, & essentialiter clauditur in conceptu relationum, quoad omne positium, quod dicta essentia, seu natura affert.* Pro hac sententia citant Salmant. diuersa D. Thomæ testimonia. Vnde eam sequuntur eiusdem D. Thomæ discipuli, Zumi, Bannes, Nazar. & alij hoc loco.

62 Probatur 1. Quoniam de diuinis relationibus debemus philosophari ad instar relationum creaturarum, remotis imperfectionibus, & illis tribuendo omnem

excogitabilem perfectionem, quæ cum earum rationibus formalibus non repugnat; sed relationes creatæ præter esse *ad* relatiuum, quod ex suis rationibus formalibus dicunt includit intin:è, & essentialiter esse *in* absolutum; ergo etiam diuinæ relationes *ultra* esse *ad*, includunt essentialiter aliquod esse *in* absolutum, remotis imperfectionibus, seu includunt aliquid absolutum, & perfectissimum, correspondens esse *in* absoluto relationum creatarum, scilicet esse absolutum, & perfectissimum diuinæ essentiae. Maior caret difficultate, & constat in omnibus diuinis formalitatibus, vt in misericordia, iustitia, liberalitate, &c. de quibus philosophamur ad instar eorum, quæ in creatis reperiuntur, demptis imperfectionibus. Minor etiam constat, quia relatio creata respicit subiectum, vt illud trahat ad terminum, secundum quam rationem dicit esse *in*. Tum quia nisi relatio creata diceret esse *in*, non posset à subiecto sustentari. Consequenter bene sequitur ex præmissis.

63 Respondet 1. Vsq; 2. quod vnaquæque relatio siue creata, siue increata affert esse *ad*, & *in*, aliter tamen, & aliter. Nam relatio creata importat *in* secundum rem, seu reale; at relatio increata importat *in* secundum rationem, quatenus concipitur à nobis quasi inesse in essentia diuina; ac proinde non requiritur, quod relatio diuina includat in suo conceptu aliquod *in* absolutum, & reale, seu ipsum esse absolutum, & per se subsistens diuinæ essentiae. Sed contra, quia sicut relationi creatæ quatenus dicit esse *ad* relatiuum, correspondet in diuina relatione *ad* relatiuum, & reale, vt illud; ita esse absoluto dicte relationis creatæ, debet correspondere in relationibus diuinis esse absolutum reale semotis imperfectionibus; hoc autem aliud esse nequit nisi esse absolutum diuinæ essentiae. Tum quia licet relatio diuina, v. g. Filiatio non non inhæreat per modum veri, & realis accidentis in Filio, aut essentia diuina in Filio existente, tamen præbet fundamentum nostro intellectui ad hoc vt concipiat illam quasi inhærentem; semotis im-

perfectionibus, seu præbet fundamentum vt illam concipiat quasi afficientem Filiū, aut diuinam essentiam; ergo sicut relatio creata dicit duplex *in* reale, vnum relatiuum, quo inest subiecto trahendo illud ad terminum, & aliud absolutum, quo respicit subiectum stendendo in illo. Ita relatio diuina præbet fundamentum nostro intellectui vt concipiat in illa duplex *in* secundum rationem, semotis in perfectionibus vnum quo intelligatur afficere personam, v. g. Filiū, trahendo illam ad Patrem; & aliud, quod afficiat diuinam essentiam, respiciendo illam eo modo, quo proprietas respicit essentiam; vel naturā vt talem, à qua dimanat, quauis afficitur, seu quasi afficitur, hoc autem secundum *in*, vt patet, est quid absolutum.

64 Respondet 2. quidam iunior, quod ex nostra ratione ad summum sequitur, quod relatio diuina debeat includere aliquod esse absolutum per se subsistens, non tamen, quod hoc esse absolutum sit esse diuinæ essentiae; ex hoc enim, quod sapientia creata dicat *in* absolutum, & accidentale, solum sequitur, quod sapientiae increatae correspondeat ratio substantiae diuinæ independentis ab alio vt à subiecto, quæ est communis communitate rationis omnibus formalitatibus diuinis, non tamen, quod correspondeat esse absolutum diuinæ essentiae. Sed contra, quia ex hoc, quod relatio creata dicat *in* absolutum, sequitur, quod relatio diuina contineat esse absolutum diuinæ essentiae. Quod vt intelligatur, notandum, quod *in* absolutum repperum in relatione creata, non est *in* absolutum vt sic, sed est *in* contractum per speciale, & atomum esse. Et ratio clara est, quia id, quod est commune, & transcendens communitate rationis, habet duo. Vnum, quod non distinguatur virtualiter ab eo in quo transcenditur, ens enim in rationalitate inclusum, ab illa virtualiter non distinguitur. Alterum, quod non constituit lineam specialem, sed est illius linea in qua transcenditur. Vnde ens imbutum in relatione creata, est formaliter relatiuum; & inclusum in re absoluta, est absolutum.

Hinc

478 Disputatio XXVIII. Dubium V.

Hinc est, quod *in* absolutum inclusum in relatione creata per modum transcendentis, cum sit commune communitate rationis, cum *in* absoluto cæterorum prædicamentorum, non potest transcendere nec *ad*, nec *in* relatiuum, aliàs non esset commune cum cæteris prædicamentis, sed debet transcendere *in* absolutum, dicens rationem accidentis *ut sic*; *in* autem, quod transcendit relationem creatam est speciale *in* iam explicatum, quod in relatione creatæ sub conceptu, & sub linea relationis. Ex quibus sic impugnatur dicta solutio; quia *in* quod reperitur in relatione creata, qua relatio est, non est illud *in* commune, sed speciale iam explicatum; ergo etiã illud esse absolutum, quod in diuina relatione correspondet illi *in* absoluto, non erit esse diuinum *ut sic*, quod est commune communitate rationis omnibus formalitatibus diuinis absolutis, sed erit esse diuinum absolutum includens, & contrahens specialem modum in relatione reperiunt, quod est esse diuinum diuinæ essentia, seu naturæ. Esse namque absolutum quasi atomum contrahit intra lineam absoluti, si distingueretur ab esse absoluto diuinæ essentia, & attributorum, non posset esse nisi ex eo, quod afferret, & contineretur in esse relatiuo qua tale, quod esse nequit, cum ultra hoc esse, debeat etiam dari esse absolutum, aliàs relationes solum afferrent esse *ad*, non esse *in*.

65 Sed contra ista obiicies 1. non posse coherere cū natura relationis creatæ quod dicar duplex *in* explicatum; ergo ratio dicta ruit. Antecedens probatur, quia relatio creata definitur per hoc, quod totum suum esse sit *ad* aliud, ergo non includit essentialiter *in* absolutum commune, & multo minus *in* absolutum speciale, sed solum *in* relatiuum, quod identificatur cum ipso *ad*. Antecedens constat, conseq. probatur, quia aliàs non posset saluari, quod totum esse relationis esset *ad* aliud, sed solum pars. Tum quia, aliàs prædicamentum relationis, non esset simplicissimum, sed compositum ex absoluto, & relatiuo, & ex duplici illo *in*.

Resp. negando antecedens. Ad 1. probationem dico, quod si relatio accipitur adæquatè, non habet totum suum esse *ad* aliud, bene si accipitur in adæquatè, & secundum suum formalissimum constitutum, quod est *ad*; Ad 2. probationem dicendum est, quod relatio est simplicissima accepta secundum suum constitutum formalissimum, non sic si accipitur secundum omnia quæ dicit.

66 Obiicies 2. quod si in relatione creatæ dicta illa duo *in* ita se habent, quod *in* absolutum non includatur in relatiuo, sed solum inter se identificantur, etiam ex hoc capite ruit ratio n. 62. aduicta; ergo, &c. Antecedens probatur, quia si in relatione creatæ *in* absolutum, & relatiuum, solum identificantur, & vnum non includitur per modum transcendentis in alio, etiam in diuinis relationibus hoc solum concludetur ex vi dictæ paritatis. Tum quia non videtur esse quid intimius in diuinis relationibus essentia in illis inclusa, quam in relationibus creatis, & in quouis accidente *in* absolutum; ergo si in conceptu relationis creatæ quoad esse *ad*, non transcenditur *in* absolutum, neque in diuinis idem *in* absolutum, quod est essentia diuina transcendet esse *ad* earumdem relationum diuinarum. Tum etiam quia si *in* absolutum relationis creatæ contrahi debet per modum specialem absolutum, quia dictum *in* est essentialiter quid superius ad illam; ergo neque *in* absolutum in diuinis contrahi debet per suum modum absolutum, & non per relationem; maxime cum esse relatiuum, non sit quid inferius ad esse absolutum. Resp. quod adhuc ut inferamus diuinam essentiam transcendere diuinas relationes ex paritate relationum creatarum, sufficit, quod in relationibus creatis *in* absolutum includatur, prout adæquatè concipiuntur, secundum id, quod intrinsecè, & essentialiter dicunt. Ratio est, quia in creatis ratio absoluta propter suam finitatem, & limitationem non potest *ut talis*, secundum suam rationem atomam esse transcendens bene tamen essentia diuina ob suam infinitatem, & illimitationem. Ad 1. probationem.

tionem patet ex modo dictis, unde scilicet sumatur paritas, & disparitas ex relationibus creatis ad increatas. Ad 2. probationem negatur antecedens, quia licet relatio creati, & quodlibet accidens creatum includat adequatè in absolutum, non tamen secundum rationem inadaequatam, scilicet secundum ipsum esse ad formalitatem, quod tamen includit relatio diuina. Ad 3. probationem, dico, quod licet id, quod est commune communitate rationis, quod est verum, & reale in absolutum, & in communi sumptum non contrahatur nisi per modos absolutos propter eius limitationem; tamen id, quod est commune communitate rei, id est, quod est singularissimum sit, potest tamen esse pluribus commune, potest ob suam infinitatem, & illimitationem contrahi etiam per modos, seu etiam per rationes relationes.

67 Probatur 2. quia diuina essentia non solum debet esse infinita, sed etiam debet habere eminentiorem, & vniuersaliorem infinitatis modum, qui possit excogitari; sed si non includeretur per modum transcendentis in diuinis relationibus, non haberet eminentiorem, & vniuersaliorem infinitatis modum qui posset excogitari; ergo includi debet, seu imbibere per modum transcendentis in diuinis relationibus. Maior constat, aliàs essentia diuina non esset propria Dei, de cuius ratione est; quod sit ens perfectissimum, & prorsus infinitum, vt nil eo melius excogitari possit. Minor etiam constat, quia si essentia diuina tantum identificaretur cum diuinis relationibus, & eas intimè non peruaderet, intimèque, & essentialiter in eis vt distinctis virtualiter ab ea non includeretur, tunc eius infinitas, & modus illius non esset amplissimus, & vniuersalissimus, cum solum ad identificationem, non ad transcendentiam, & summam imbibitionem, extenderetur.

68 Occurrit 1. quod essentia diuinæ vt distincta virtualiter à relationibus solum conuenit modus identificationis, & iste est perfectissimus, qui intra lineam

essentiæ excogitari potest; nam iste conuenit essentiæ intra lineam essentiæ; ille, autem de quo ratio procedit est extra lineam essentiæ; si enim essentia transscenderet relationes, & attributa, esset infinita non solum in linea essentiæ, verum, etiam relationum, & attributorum. Sed contra, quia repugnat, quod aliquis actus sit purissimus, vt careat omni receptiuo, omni potentialitate, & omnis potentialitatis vestigio, & non habeat infinitatem, & eminentiorem infinitatis modum, qui excogitari possit; ergo etiam repugnabit, quod essentia diuina non habeat ex vi propriæ lineæ, quoad positiuum, quod affert quod includatur in relationibus diuinis, diuinisque formalitatibus. Conseq. probatur, si enim essentia diuina ex vi suæ lineæ solum haberet vt identificaretur cum diuinis relationibus, & diuinis formalitatibus, & illas non transscenderet, non, aliunde hoc posset prouenire nisi ex eo, quod non haberet omnem amplitudinem, sed haberet aliquod receptiuum, aut potentialitatem, potentialitatisue vestigium.

69 Occurrit 2. evertendo etiam rationem mox positam. Quoniam ad tollendam infinitatem simpliciter alicuius formæ sufficit, quod recipiatur in aliquo subiecto, aut quod habeat potentialitatem; at ad contrahendam, minorandumue vt sic dicatur, alicuius infinitatem, & amplitudinem, sufficit distinctio virtualis, vt in præsentì contingit, vbi enim aliquæ virtualiter distinguuntur, licet sint infinita, infinitas tamen non est tanta, vt ad hoc extendatur, vt in altero extremo includatur, à quo virtualiter distinguitur. Sed contra, quia licet virtualis distinctio sufficiat ad hoc vt in diuinis dentur plures lineæ virtualiter distinctæ, & non confusæ, non tamen sufficit ad hoc vt linea diuinæ essentiæ, & aliæ lineæ absolute non includantur in diuinis relationibus per modum transcendentis. Quod sic ostenditur, quia sicut distinctio virtualis essentiæ diuinæ à Paternitate non tollit quominus non sit infinita, quod non habeat tantam amplitudinem, & vniuersalitatem,

tatem, ut sit communis communitate rei, per modum nature alijs diuinis personis: ita non tollit prædicta distinctio, quod eadem natura, seu essentia diuina non sit communis communitate rei per modum transcendentis diuinis relationibus. Tum quia distinctio virtualis duorum non infert exclusionem omnimodam vnius à conceptu alterius; homo namque distinguitur virtualiter à rationalitate per modum includentis, & inclusi.

70 Sed contra hanc rationem obijcies 1. quod si prædicta ratio aliquid probaret, conuinceret etiam, quod relationes diuinæ includerentur essentialiter, & per modum transcendentis in diuinam essentia; sed hoc est falsum ut dubio sequenti dicitur; ergo. Maior probatur, quia etiā diuinæ relationes sunt puræ formæ irreceptæ sine vestigio potentialitatis, ac proinde non habent vnde limitentur. Resp. negando maiorem. Ad probationem dico, quod ex duplici capite oriri potest, quod aliqua forma, vel actus limitetur, vel eius infinita amplitudo quasi contrahatur, & minoretur. Primum ex eo, quod recipiatur in aliqua potentia quæ sit talis secundum rem, aut secundum rationem cum fundamento in re. Secundum quia opponitur alteri, vel saltem his in quibus illud alterum per modum transcendentis essentialiter includitur. Per hoc secundum diuinam relationem nequit transcendere diuinam essentiam, quia licet non habeat oppositionem cum diuina essentia, opponitur tamen cum suo correlatiuo, in quo eadem diuina essentia includitur per modum transcendentis. Vnde cum ob hoc nequeat transcendere suum correlatiuum, ita neque diuinam essentiam, de cuius ratione est, ut secundum omnia, quæ continet, includatur in omnibus relationibus, & formalitatibus diuinis.

71 Obijcies 2. saltem ex dictis sequi, quod Paternitas, aut Filiatio includatur in spiratione actiua per modum transcendentis, & è conuerso, ex eo, quod non habent oppositionem. Resp. negando sequentiam, ratio est, quia spiratio actiua includitur per modum transcendentis in Filia-

tione, & ita si Paternitas includeretur hoc modo in spiratione actiua, deberet etiam per modum transcendentis includi in ipsa Filiatione, quod ut seq. dub. dicitur, implicat; ac proinde non potest dicta Paternitas includi per modum transcendentis in diuina essentia. Quod autem spiratio actiua includatur per modum transcendentis in Paternitate, & Filiatione est, quia sicut dicta spiratio actiua est communis Patri, & Filio communitate rei, ita est communis communitate prædicati essentialis transcendentis, & intimè inclusi Paternitati, & Filiationi cum illis non opponatur. Tum quia dicta spiratio actiua nec opponitur cum Paternitate v. gr. nec cum alio, in quo ipsa Paternitas debeat transcendentaliter includi.

72 Probatur 3. quia repugnat summe simplicitati, & actualitati Dei, quod in eo sit compositio ex genere, & differentia, vel alia metaphysica compositio, quæ sit tanta, quanta est compositio ex genere, & differentia, ergo etiam repugnabit quod diuina essentia non includatur in diuinis relationibus. Antecedens constat. Conseq. probatur, quia si semel diuina essentia non includitur in diuinis relationibus, faciet compositionem cum illis quæ enim ita se habent, quod vnum non includatur in alio, facit compositionem cum illo.

73 Respondet Vasquez, quod cum hæc compositio sit tantum secundum rationem, non obest diuinæ simplicitati. Sed contra, quia dato, quod hæc compositio sit solum secundum rationem, nihilominus est secundum rationem cum fundamento in re; sed compositio in Deo cum fundamento in re, repugnat diuinæ simplicitati, ut constat; ergo. Tum quia etsi non repugnet summe veritati, & simplicitati Dei, quod in eo detur distinctio rationis cum fundamento in re, orta ex summa eminentia, & actualitate diuina, ratione cuius licet sit simplicissima, æquiualeat pluribus spectantibus ad diuersas lineas; tamen cum dicta vnitatem, & simplicitatem repugnat, quod detur distinctio secundum rationem orta ex aliqua po-

gen-

rentialitate, aut potentialitatis vestigio; ergo etiam repugnabit, quod detur compositio orta ex aliqua potentialitate, quæ in præfenti esset, si extrema essent talis conditionis, quod vnum non includeretur in alio. Soluuntur argum. in contrarium

74 Primum argum. Quoniam relatio diuina v. g. Paternitas, vt virtualiter ab essentia distincta, ad illam comparatur vt quid incommunicabile, & propriū Patris, ad aliquid cōmunicabile, & commune, communitate rei; est namque diuina essentia communis tribus diuinis personis; ergo relatio vt virtualiter ab essentia distincta, non includit intrinsecē illam. Antecedens constat; consequ. probatur, quia commune, & proprium, cōmunicabile, & incommunicabile virtualiter distincta, opponuntur in suis rationibus formalibus, ac proinde cōmunicabile nequit includi in incommunicabili. Tum quia si relatio Paternitatis includeret essentiam diuinam, communicaretur Filio, sicut communicatur ipsa essentia diuina, quod implicat. Resp. concedendo antecedens, & negando consequ. Ad 1. probationem dico, quod essentia diuina ex proprio conceptu est cōmunicabilis, at prout per modum transcendentis imbibitur in relationibus, sub illarum conceptu est incommunicabilis. Ad 2. probationem negatur sequela; nam licet essentia diuina communicetur Filio sub conceptu essentiae, non tamen prout imbibitur in Paternitate, & sub conceptu Paternitatis.

75 Secundum argum. quia relatio vt virtualiter ab essentia distincta, intelligitur aduenire illi; eamque determinare, modificare, & contrahere ad esse Patris; ergo vt sic distincta non includit intrinsecē eandem essentiam. Antecedens videtur notum; quia relationes sunt quidam modi diuinitatis. Tum quia prius intelligitur hic Deus, vt est concretum præcisè correspondens deitati, quam Paternitas; essentialia namque sunt priora notionalibus. Consequ. probatur, quia id, quod intelligitur aduenire alicui, modifi-

care illud, determinare, &c. non includitur in illo, nec est diuerso. Resp. concedendo antecedens, & negando consequ. ad probationem dico id esse verum quando aduenientia, & modificantia sunt finita, vt constat de differentiis contrahentibus genus. Vnde relationes secundum proprium conceptum expressum modificant, seu quasi modificant essentiam sub expresso conceptu essentiae, & eadem essentia per modum transcendentis imbibitur in conceptu relationum.

76 Tertium argum. Nam Paternitas v. g. vt distincta virtualiter ab essentia, est forma constitutiva Patris; ergo nequit eadem essentiam intrinsecē includere. Antecedens constat. Consequentia probatur, quia alias non esset forma constitutiva Patris; constituens namque, & essentia constituta non se includunt. Tum quia, alioqui in constitutione diuinæ personæ committeretur aperta nugatio; quia persona bis includeret essentiam, semel prout essentia intelligitur constituta, & semel prout includitur intrinsecē in Paternitate. Tum etiam quia, hoc ipso, quod Paternitas est forma constitutiva Patris vnā cum essentia, oportet, quod ista constitutio resoluitur in Paternitatem, & essentiam vt in duo extrema virtualiter distincta, quorum vnum non includat aliud in suo conceptu. Resp. concedendo antecedens, & distinguendo consequens: nequit includere diuinam essentiam, vt habet rationem constituti, & conceditur; vt habet rationem transcendentis, & negatur. Per quæ patet ad 1. probationem. Ad 2. negatur sequela; includit quidem diuinam personam diuinam essentiam, & tanquam quid constitutum per relationem, & per modum transcendentis; non tamen committitur nugatio, cum diuersimodè contingatur. Ad 3. probationem, dico, quod se vera dicta constitutio resoluitur in essentiam vt habet rationem essentiae constitutæ, & in relationem; per quod non tollitur, quod dicta essentia diuina sub alio conceptu, scilicet transcendentis, non includatur in relationibus.

77 Quartum argum. Quoniam ex
Ppp op-

opposito fieret hanc propositionem esse in sensu formali veram. *Pater Paternitate intelligit, & Paternitate est sapiens.* Hoc admitti nequit; ergo &c. Sequela probatur, quia si semel essentia diuina includitur in Paternitate, debet illi suum effectum formalem irribuere: effectus autem formalis diuinæ essentiae, quæ est ipsum intelligere primordiale, est intelligere, & esse sapientem. Tum quia iste est optimus syllogismus. *Pater essentia diuina intelligit, sed Paternitas est essentia diuina; ergo Paternitate intelligit.* Resp. negando sequelam. Ad 1. probationem dico, quod licet intelligere sit effectus formalis diuinæ essentiae sub conceptu essentiae, non tamen sub conceptu transcendentis, hic enim est tribuere relationibus infinitatem in genere entis. Ad 2. probationem dico, illum symbolum laborare duplici defectu. Primus est; quod essentia diuina sub diuersa ratione sumitur. Secundus est, quod medium non completè distribuitur in maiori, vt reddat verum sensum, vt se constat.

78 Quintum argum. quia in singulis personis Sanctissimæ Trinitatis debet admitti aliquid nempe personalitates, seu relationes diuinæ, quæ ita sint propriæ vniuscuiusque personæ, vt nihil habeant commune cum alijs communitate rei; ergo non debent secundum suum conceptum formalissimum includere essentiam diuinam, quæ est communis communitate rei. Antecedens constat; consequ. probatur, quia si essentia diuina includitur in relationibus, cum hæc sit communis communitate rei, etiam relationes essent hoc modo communes. Resp. distinguendo antecedens: vt nihil habeant commune communitate rei sub conceptu relationum, & conceditur: vt nihil habeant commune sub ratione transcendentis, & negatur.

79 Sextum argum. quoniam videtur aperta contradictio, quod relationes distinguantur virtualiter ab essentia, & quod quatenus sic distinctæ, illæ essentia-liter includant, ergo &c. Antecedens probatur, quia in eo euentu essent, & non

essent virtualiter ab essentia distinctæ. Essent vt supponitur, non essent, quia illam in suo formalissimo conceptu includerent. Resp. negando antecedens. Ad probationem dico, quod formalissima inclusio non tollit virtualem distinctionem, vt ex dictis liquet.

D V B I U M VI.

An tanta sit identitas inter diuinam essentiam, & relationes, vt illa sint de intrinseca illius ratione.

80 **A**liqui volunt diuinās relationes esse de intrinseca ratione essentiae. Nostra sententia duplici conclusione explicatur. Prima conclusio. *Diuinæ relationes non sunt de intrinseco, & quidditatiuo conceptu diuinæ essentiae; neque tanquam pradicatum transcendentis, neque tanquam constitutum, neque tanquam ratio differentialis.* Pro hac conclusione citant N. Salmant. D. Thomam q. 33. art. 3. ad 1. dicunt eam admittere Theologos communiter.

81 Ratio fundamentalis est, quia si aliquo ex prædictis modis relationes essent de intrinseca ratione diuinæ essentiae, omnes, & singulæ relationes essent de intrinseca ratione cuiusvis ex illis, & sic Filiatio esset de intrinseca ratione Paternitatis, sed hoc videtur apertè implicare, quia vnum oppositum nequit esse de intrinseco conceptu alterius, ergo. Sequela probatur, quia id, quod est de intrinseco conceptu diuinæ essentiae, debet esse quoad id positum, quod affert de intrinseco conceptu relationum, de quarum conceptu est ipsa diuina essentia. Quocirca quia attributa sunt de intrinseco conceptu diuinæ essentiae, quatenus per modum transcendentium in ea imbibuntur, ideo in singulis relationibus imbibuntur.

82 Occurres 1. quod licet relationes transcendant essentiam diuinam, ac proinde hoc modo sint de illius conceptu, tamen non est necesse, quod vna relatio sit de conceptu alterius, quia diuina essentia non transcendit Paternitatem vt imbi-

imbibit Filiationem, sed secundum aliam quæ dicitur. Sed contra, quia vel Filiatio imbibitur in essentia diuina tanquam aliquid pertinens ad eius conceptum, seu tanquam ratio formalissima illius, vel non? Si hoc secundum: ergo Filiatio non pertinet ad quidditatem diuinæ essentiae ut prædicatum quidditatum, & transcendens; prædicatum namque transcendens pertinet ad formalissimam rationem illius quod transcenditur. Si primum, repugnabit, quod in essentia diuina imbibatur Paternitas, & non imbibatur Filiatio, cum sit de eius conceptu formalissimo.

83 Occurrit 2. quod licet in Paternitate non possit imbibere Filiatio sub conceptu Filiationis, potest tamen imbibere sub conceptu transcendentis, quia sic considerata non habet oppositionem cum illa, quod sequentibus exemplis explicant. Primum est generalissimi relationis, aut relationis v.g. identitatis ut sic, si considerentur ut sunt communia communitate rationis, licet enim non habent oppositionem in actu exercito cum aliquo, cum sub hoc conceptu non respiciant terminum. Secundum est eiusdem relationis Filiationis, secundum munus constituendi personam, secundum quod supponitur sibi ipsi secundum munus referendi Filium à se constitutum secundum primum munus, ad Patrem. Tertium est in voluntate, quæ licet transcendat omnia diuina, non tamen sub formalissimo conceptu amoris, non enim tribuit intellectui esse formalissimè amantem.

84 Sed contra, quia hoc ipso, quod relatio Filiationis includitur in Paternitate per modum transcendentis, oportet ut ibidem imbibatur, sit illi opposita. Hoc enim est de conceptu prædicati transcendentis ut sit in re quam transcendit sub suo conceptu proprio, & quidditativo; ergo cum Filiatio sit in Paternitate sub conceptu proprio, & quidditativo, debet esse in ea ut opposita Paternitati. Nam transcendens sub proprio conceptu distinguitur virtualiter à rebus quas transcendunt, ut contingit in essentia diuina quæ & sub conceptu essentiae distin-

gitur virtualiter ab attributis, & sub conceptu transcendentis. Si autem Filiatio ut transcendit Paternitatem non diceret esse oppositam Paternitati, non distingueretur virtualiter ab ea in ratione transcendentis. Tum quia Filiatio ut transcendit Paternitatem si illi non opponitur, non distinguitur ab ea neque realiter, ut patet, neque virtualiter, cum non retineat proprium suum conceptum. Tum etiam quia sicut alia prædicata conseruant sub ratione transcendentium, proprias rationes formales, sic etiam id ipsum facere debent relationes.

85 Nec exempla in contrarium adducta aliquid euincunt. Non primum, quia idcirco generalissimum relationis, & relatio identitatis ut sic non referuntur in actu exercito, quia sub illa præcisione, & communitate non habent correlatiuum cui opponantur. At Filiatio habet suum correlatiuum, ut patet. Neque secundum, quia Filiatio non constituit personam Filij secundum vnum munus, & secundum aliud eam refert, sed constituit secundum formalissimum conceptum Ad. Verùm dato quod secundum diuersa munera ea præstaret, adhuc secundum rationem transcendentis debet opponi Paternitati, cum secundum hanc rationem afferat vtrumque munus. Neque etiam tertium, quia quod voluntas non transcendat intellectum sub ratione expressæ amoris, non provenit ex aliquo positiuo, quia omne positiuum voluntatis est in intellectu, sed ratione alicuius carentiæ, ut ex alibi dictis constat. Filiationem autem opponi Paternitati, est positiuum relationis, ac proinde deberet poni in Paternitate.

86 Sed obieciens, quia essentia diuina est intra suam lineam ens per essentiam, & omnino irreceptum; ergo intra suam lineam includit omnem excogitabilem formalitatem, ac proinde, & omnes relationes, & sic non opponentur prout in ea includuntur. Antecedens constat. Consequens probatur, quia sicut albedo irrecepta dicit totam speciem albedinis; & natura Angelica Gabrielis, dicit totam

speciem, quia important formam irreceptam; ergo essentia diuina cum sit irrecepta, debet dicere omnem entis rationem, ac proinde etiam ens relatiuum. Resp. quod si nomine entis per essentiam intelligatur ipsum esse per essentiam, prout est omnibus modis idem ac ipsum existere per essentiam, secundum quam rationem linea naturæ consiliuiur: tunc verum est includere intra propriam lineam omnem excogitabilem rationem entis, seu existentiae, quæ est in diuinis: siquidem sola diuina essentia habet propriam existentiam ad suam lineam spectantem, alia autem existunt per existentiam essentiae. Item si nomine entis per essentiam intelligatur ens, quod non est ab alio, nec tanquam à causa, nec tanquam à ratione à priori, tunc etiam est verum, quod diuina essentia continet intra propriam lineam omnem excogitabilem perfectionem. Ex hoc tamen, quod essentia diuina sit ens à se his duobus modis, seu ex hoc, quod sit dictis modis ens irreceptum, non sequitur, quod includat relationes, quæ nec habent propriam existentiam nec sunt ens à se, sed ab alio tanquam à ratione à priori; siquidem relationes oriuntur ab essentia diuina tanquam à ratione à priori. Quod si nomine entis à se intelligatur id, quod non est ab alio tanquam à causa, tunc etiam relationes sunt ens à se nec in diuinis datur vnum, quod absque distinctione virtuali sit ens à se, sed ponuntur tot lineæ, quot sunt formalitates virtualiter distinctæ, & vnaquæque est insipita in sua linea, vt bene probant exempla in argumento alata.

87 Secunda concl. *Diuina relationes sunt quodammodo de intrinseca ratione diuina essentia tanquam modi illius.* Sunt enim diuinæ relationes modi quidam essentialis diuinæ essentiae, & hoc fortè est, quod dicere voluerunt oppositum sentientes primæ conclusionis. Vnde hanc conclusionem tradunt communiter Theologi, maxime Thomistæ post D. Thomam, vt ostendunt N. Salm. hoc loco.

88 Probatur concl. Quoniam diuinæ

relationes terminant essentiam diuinam iam constitutam, determinantque illam ad esse v. g. Patris, & ita intimè ad eam requiruntur, vt nec esset secunda, nec haberet rationem naturæ infinitè perfectæ si eis careret; ergo sunt modi, aut quasi modi intinseci illius, & vt sic dicamus, essentialis; quo modo, proportionem seruata subsistentia Petri est modus essentialis illius. Non adducuntur argumenta in contrarium, quia ex dictis facile solui possunt, & quæ militare videntur contra primam conclusionem, probant hanc secundam.

D V B I U M - VII.

An diuina relationes vt virtualiter ab essentia distinctæ, afferant perfectionem.

89 **C**onsulto in titulo inquirimus an diuinæ relationes vt virtualiter distinctæ ab essentia afferant perfectionem, præscindendo ab hoc an dicta perfectio sit virtualiter distincta ab eadem essentia, quia de hoc dubio sequenti dicitur. Prima sententia est Scoti in 1. dist. 8. q. 4. & in 3. q. 1. & 4. & quodlibet. 5. art. 1. & 2. Durandi in 3. dist. 1. q. 3. n. 13. & aliorum dicentium, quod diuinæ relationes vt virtualiter distinctæ à diuina essentia, nullam afferant perfectionem.

90 Nostra sententia seq. concl. explicatur. *Diuina relationes adhuc vt virtualiter distinctæ ab essentia afferunt infinitam perfectionem.* Hanc conclusionem videri definitam in 6. Synodo generali actione 18. dicunt N. Salmant. hoc loco dist. 6. dub. 1. Est expressa sententia D. Thomæ apud dictos Salmant. quatenus dicit dictas relationes diuinas vt virtualiter distinctas ab essentia esse adorandas.

91 Probatur 1. conclusio, quia diuinæ relationes vt virtualiter distinctæ ab essentia, includunt illam per modum transcendens; ergo vt sic distinctæ dicunt perfectionem infinitam ratione essentiae inclusæ. Antecedens constat, quia vt ex dictis supra constat, distinctio relationum
ab

ab essentia, non est distinctio virtualis excludentis, & exclusi, sed includentis, & inclusi. Consequentia etiam constat, quia sicut homo vt virtualiter distinctus à sua animalitate, cum distinguatur distinctione includentis, & inclusi affert perfectionem eiusdem animalitatis, ita &c.

92 Sed contra obijcies 1. quia diuinæ relationes, ex hoc quod includant diuinam essentiam, quæ est ipsam intelligere, non ideo intelligunt, cum diuinum intelligere ipsis non communicetur; ergo neque ex hoc, quod includunt eandem diuinam essentiam, quæ est infinita perfectio sequetur, quod sint infinite perfectæ. Resp. concedendo antecedens, & negando consequens. Ratio discriminis est, quia intelligere, & denominatio intelligentis conueniunt essentiæ, vt habet rationem essentiæ, seu vt est sub conceptu essentiæ, non vt habet rationem transcendentis. At ratio bonitatis, & perfectionis est prædicatum, quod ex genere suo habet esse transcendens, vt constat, ac proinde hoc, non illud communicatur diuinis relationibus.

93 Obijcies 2. quia dato, quod relationes diuinæ afferant perfectionem, non tamen prout virtualiter distinguuntur ab essentia; ergo, &c. Antecedens probatur, quia ratio importandi perfectionem non est esse præcisum, seu distinctum ab essentia, sed illam includere. Respond. negando antecedens. Ad probationem constat ex dictis, quod ex hoc quod relationes distinguantur virtualiter ab essentia, non sequitur eam non includere; tum quia licet relationes possint concipi non concepta essentia, tamen in illo conceptu includi debet essentia. Vnde non minus sunt impræcendibiles ab inclusione essentiæ, quam sit homo à sua animalitate.

94 Obijcies 3. quia Paternitas v. gr. concipi potest vt est secundum se totam incommunicabilis; ergo concipi potest vt omnino præcisa ab essentia. Antecedens probatur, quia Paternitas diuina concipi potest vt secundum se totam est constituta personæ Patris, sed hoc non habet, nisi

quatenus secundum se totam est incommunicabilis; ergo. Resp. quod Paternitas est incommunicabilis secundum id, quod dicit ex vi suæ linear, non secundum id, quod ex alijs lineis per modum transcendens habet.

95 Probatur 2. Diuinæ relationes vt virtualiter ab essentia distinctæ, sunt obiectum congruum diuinæ dilectionis, & à Deo amantur necessario. Item vt sic distinctæ possunt terminare naturam v. gr. humanam, & plures, pluresque vsque in infinitum. Item vt sic distinctæ sunt incomprehensibiles à creaturis, ergo vt sic afferunt infinitam perfectionem. Antecedens quoad omnes suas partes communiter conceditur. Consequens probatur. Nam quod necessario amatur à Deo, debet asferre bonitatem infinitam. Quod potest plures, & plures naturas terminare in infinitum, debet asferre perfectionem, & bonitatem infinitam; ex perfectione namque & bonitate oritur vt possint alienam naturam terminare. Quod est incomprehensibile à creatura debet esse infinite perfectionis.

96 Primum argum. Nam Filiatio diuina v. g. nec dicit perfectionem simpliciter simplicem, nec secundum quid; ergo nullam. Antecedens probatur. Nam non dicit perfectionem simpliciter simplicem, quæ est illa, quæ in quolibet: *Est melior ipsa, quam non ipsa, & quolibet impossibilis cum ipsa*: constat autem, quod Filiatio non est melior Paternitate, quæ est impossibilis cum eadem Filiatione. Neque dicit perfectionem secundum quid, quia hæc dicit imperfectionem. Resp. negando antecedens. Nam Filiatio v. g. vt distincta ab essentia diuina importat perfectionem simpliciter simplicem, scilicet perfectionem diuinæ essentiæ. Nec ex assignata definitione aliquid in contrarium euincitur, quia non est illius sensus, quod in quolibet supposito illius naturæ sit melior ipsa, quam non ipsa; sed quod in proprio individuo talis naturæ sit melior ipsa quam non ipsa, quod in Filiatione optime verificatur.

Se-

97 Secundum argum. Nam aliàs essentia diuina vt præintellecta relationibus non esset infinite perfecta in genere entis; hoc est falsum; ergo, &c. Maior ostenditur, quia si relationes vt virtualiter distinctæ ab essentia dicerent perfectionem, iam essentia diuina vt illis præintellecta non diceret omnem perfectionem, quia non clauderet eorum perfectionem. Resp. negando maiorem, quia perfectio relationum non est alia à perfectione diuinæ essentia, cum relationes secundum esse *Ad* formaliter, nullam dicant perfectionem, vt dub. seq. dicitur.

98 Tertium argum. quia alioquin in vna persona diuina non esset perfectio quæ est in alia; hoc est falsum, ergo. Maior probatur, nam si Filiatio v.g. diceret perfectionem, cum hæc non sit in Patre, aliqua perfectio esset in Filio, quæ non esset in Patre, & è contra. Resp. ex dictis, quod cum Filiatio, & aliæ relationes secundum propria earum, seu secundum esse *Ad*, non dicant perfectionem, sed omnis perfectio ab absolutis desumatur, quæ in omnibus personis reperiuntur, sequitur, quod omnis perfectio, quæ est in vna persona diuina, sit in omnibus.

99 Quartum argum. est, quia ex opposito sequeretur, quod Pater, & Filius essent perfectiores Spiritu Sancto; hoc dici nequit; ergo. Sequela probatur, nam in Patre, & Filio sunt plures relationes, quam in Spiritu Sancto; est enim in illis etiam inspiratio actiua vltra proprias relationes personales. Resp. ex dictis, quod relationes secundum propria, seu secundum esse *Ad*, nullam dicunt perfectionem. Vnde non sequitur, quod in diuinis dentur tres bonitates, tres perfectiones, tres magnitudines; cum omnia absoluta sint in tribus, nec multiplicentur, sicut multiplicantur relationes.

D V B I V M VIII.

An relationes diuine dicant perfectionem secundum quod dicunt, seu expriment esse ad.

100 **R** Ei perfectio dupliciter sumi potest. Primò pro omnimoda perfectione illius dimanante, aut quasi dimanante ex omnibus illis, quæ ei debentur, quo sensu illud perfectum dicitur cui nihil deest secundum modum suæ perfectionis; Et hoc modo certum est, quod diuinæ relationes secundum esse *ad*, non dicant omnimodam perfectionem, quæ eis quoquomodo debetur. Nam si per impossibile daretur purum *ad*, seu secundum quod præcisè dicit esse relatiuum, non haberet vel inclusam, vel identificatam diuinam essentiam. Secundò, pro peculiari perfectione (licet non omnimoda) rei, quæ ex peculiari aliqua ratione illius, quasi dimanat, & est veluti partialis rei perfectio collata cum omnimoda, & totali, seu quasi totali. Et de perfectione in isto sensu procedit dubium propositum, an scilicet relationes secundum esse *ad*, dicant perfectionem non omnimodam, & in esse entis, quæ à diuina essentia proveniunt, sed in sua tantum linea relatiua. Vnde alij sic dubium proponunt: an relationes diuinæ importent perfectionem relatiuam, secundum expressum conceptum relatiuum, seu secundum esse *ad*.

101 Prima sententia affirmat, quam sequuntur Suarez, Valentia, Granada, Arubal, Ruiz, & alij hoc loco. Nostra sententia seq. concl. explicatur. *Diuina relationes, vt distinctæ virtualiter ab essentia, secundum quod expriment esse ad, non expriment proximè perfectionem aliquam virtualiter ab eadem essentia distinctam, seu diuina relationes non dicunt perfectionem relatiuam.* Hæc conclusio est aperta, & manifesta sententia D. Angustini; & D. Tho. vt bene ostendunt N. Salmant. hoc loco. Eandem sequuntur Capreolus, Ferr. Caietanus, Bann. Nazar. Ripa, & alij plures

ex discipulis D. Thomæ, quos referunt prædicti Salmant.

102 Probatur 1. quia ratio perfecti, & perfectionis, est ratio absoluta; ergo non potest conuenire relationibus secundum prædictum conceptum *ad*. Consequenter, quia cum perfectio relationis secundum esse *ad* non possit non esse *relatiua*, sequitur, quod hæc non detur, si semel de ratione perfectionis est, quod sit absoluta. Antecedens, in quo est difficultas ostenditur; nam ratio perfectionis solum inueniri potest vel in natura substantiali ratione eiusdem naturæ, vel in proprietatibus, aut accidentibus, seu quasi accidentibus illius: constat autem, quod in omnibus his ratio perfecti, & perfectionis, est absoluta. Vt enim competit naturæ substantiali, est perfectio competens dictæ naturæ in ordine ad se, cum illa natura dicatur perfecta secundum suam rationem formalem, & secundum modum sibi debitum in ordine ad se. Similiter ratio perfecti, & perfectionis vt competit proprietatibus, siue accidentibus, aut quasi accidentibus naturæ substantialis debet de illis dici per ordinem ad ipsam naturam quam efficiunt, ac proinde per ordinem ad subiectum, aut quasi subiectum; nam illa proprietas naturæ est perfecta, quæ habet eam rationem formalem, cumque essendi modum, quem illa natura reposcit, unde patet, quod dictarum proprietatum perfectio est absoluta, non *relatiua*.

103 Occurrunt aduersarij negando antecedens, quia ratio perfecti, & perfectionis tantum attèditur penes hoc, quod ratio illa, quæ perfecta dicitur, habeat integritatem in sua ratione formali, ac proinde quæcunque ratio formalis siue absoluta, siue *relatiua*, modo sit integra in sua ratione formali, eò ipso erit perfecta. Vnde licet ratio perfecti in naturis substantialibus sit quid absolutum; in accidentibus tamen, seu proprietatibus erit vel quid absolutum, si proprietas sit absoluta; si tamen sit *relatiua*, etiam perfectio erit *relatiua*. Quocirca sicut res absoluta habet perfectionem absolutam si

habeat modum consonum in ordine ad se; ita relatio habebit perfectionem *relatiuam*, si habeat modum essendi consonum per ordinem ad terminum.

103 Verum hæc responsio in multis deficit. Nam in primis falsum est, quod dicitur, scilicet ad rationem perfecti, seu perfectionis satis esse si res sit integra in sua ratione formali; nam ratio specifica v.g. hominis si cum præcisione sumatur, habet integritatem in sua ratione formali, & tamen vt sic considerata, non est perfecta. Cum enim perfectum, & bonum conueniant rebus prout sunt existentes, consequens est, quod ratio hominis ab existentia abstracta, etiam à perfectione abstrahat; quocirca entia mathematicalia cum ab existentia abstrahant, non dicuntur perfecta, ex D. Tho. *de verit. qu. 12. art. 2. & alibi*.

105 Tum quia gratis admissio, quod ad hoc vt res dicatur perfecta sufficiat integritas in ratione formali, adhuc tamen de sola ratione absoluta dici posset, non de *relatiua*. Quod sic ostenditur. Quoniam tunc integritas in ratione formali inducit ex vi sua perfectionem, quando affert ex vi sua talem essendi modum, qualis sibi debetur, sibi que consonus est; sed modus iste rei consonus desumitur proximè, & formaliter per ordinem, aut quasi ordinem ad id cui debetur, cuique est consonum, non per ordinem ad terminum; ergo, &c. Sicut enim esse aliquid positivè dissonum, esseque contrarium eis, quæ illi debentur, desumitur per ordinem ad id cui est dissonum, ita &c. diuerso.

106 Est etiam falsum, quod in dicta solutione innuitur, quod ad huc vt relatio dicatur perfectio, sufficit, quod respiciat subiectum non vt subiectum, non sistendo ibi, sed trahendo illud ad terminum. Nam licet ratio perfectionis possit aliquando respicere subiectum, aut quasi subiectum, vt hic respectus vltimè transeat ad vltiorem terminum, quando res, quæ perfecta dicitur est *relatiua* transcendentaliter, seu secundum dici, tamen tunc ratio proxima terminatiua est subiectum.

ctum. Siquidem eatenus aliquid habet perfectionem, quatenus habet suam rationem formalem, & modum essendi consonum, debitum, & proportionatum, ita quod proxima illius mensura formalis sit subiectum; quod in relatione prædicamentali, seu secundum esse non contingit: cum enim relatio ista respiciat subiectum non sistendo in eo, cum formalis ratio respiciendi sit terminus, sequitur, quod ratio respiciendi subiectum non sit sufficiens ad refundendam perfectionem in relationem. Tum quia, ea quæ in esse entis habent habitudinem transcendentalem ad aliquid extrinsecum, si considerentur sub conceptu perfectionis, & rei perfectæ sunt proximè in ordine ad se, ut patet in potentia visiva, quæ in esse entis dicit habitudinem transcendentalem ad suos actus, tamen ut est sub conceptu perfectionis dicit esse consonum, & debitum eidem potentie visivæ, ita ut ipsa sit quasi proxima mensura, & formalis per se inspecta à se ipsa, ut dicit perfectionem.

107 Tandem falsum est, quod in dicta solutione supponitur, quod relationes secundum esse relatiuum habeant propriam rationem formalem sibi debitam, & modum essendi sibi debitum. Nam licet ratione eius, quod implicite dicunt, scilicet ratione essentis per modum transcendentis inclusæ, dicant rationem formalem, & modum essendi sibi debitum, non tamen hoc dicunt secundum rationem præcisam ad, quia modus, seu conceptus afferendi formalitatem, aut modum sibi debitum, & consonum rei, est conceptus rei in ordine ad se, ac proinde absolutum non relatiuum. Tum quia formalitas relationis, & modus essendi illius secundum conceptum ad, non dicitur esse consonus relationi, sed potius termino, qui est proxima, & formalis ratio per se inspecta à relatione, non subiecto, quod solum de materiali à relatione inspicitur.

108 Sed dices 1. relationem dicere perfectionem, non quatenus est ratio, aut formalitas, & modus afficiens subiectum, sed quatenus est perfectio termini. Resp. quod relatio non potest dici perfectio ter-

mini cum illum non afficiat, sed ei opponatur. Tum quia ad hoc, quod aliquid sit perfectio alterius, à quo realiter distinguitur, vbi est relatio respectu termini, oportet, quod sit perfectio in se, seu quod sit in se perfecta, ut sit & perfecta, & perfectio. Prædicata namque transcendentia, ut est perfectio, bonitas, veritas, &c. sunt talis conditionis, ut id ipsum, quod est abstractum sit quodammodo concretum sui. Quocirca cum relatio secundum esse ad, non sit relatiue perfecta, non poterit esse perfectio sui termini.

109 Dices 2. quod perfectio non defumitur per ordinem ad id, cui consona dicitur, sed ex eo, quod est talis in se, ergo. Antecedens probatur, quia perfectio transcendentis est quid reale, sed si desumetur per ordinem ad id cui consona dicitur, non esset quid reale, sed esset habitudinem quædam rationis, cum non distinguatur realiter ab eo, quod per illam perfectum redditur, ergo, &c. Resp. quod perfectio tunc temporis non consisteret in illa relatione rationis, sed in illo, quod præbet fundamentum dictæ relationis.

110 Probatur 2. Quoniam diuinæ personæ constitutæ per relationes, sunt æqualis prorsus perfectionis; ergo diuinæ relationes relatiuum non afferunt perfectionem. Antecedens constat ex illo Symboli D. Athanasij. *Sed tota tres personæ coætæna sibi sunt, & coæquales.* Tū quia cum personæ diuinæ sint eiusdem prorsus naturæ numerice, debent esse coæquales, seu eiusdem omnino perfectionis; quæ namq; habent eandem numero naturam, habent eandem omnino æqualitatem, & perfectionem; cum modus perfectionis debet, sit secundum modum naturæ. Conseq. probatur, quia si diuinæ relationes propriam afferrent perfectionem relatiuum, tunc vna ex illis esset perfectior alijs, ac subinde etiam vna persona esset alijs perfectior; nam sicut in ratione relatiua relationes distinguuntur specie, aut quasi specie, ita debent taliter comparari, ut vna sit alia perfectior, ex eo, quod species, teste Arist. 8. metaphys. sunt sicut numeri, quorum quilibet exceditur ab alio

alio specie distincto. Tum quia relationes personales in diuinis, ita inter se comparantur, vt omnes tres personæ per illas constitutæ, simulq; sumptæ, non sint perfectiores, quam vnica dumtaxat, vt omnes catholici tradunt, quod verum non esset si diuinæ relationes haberent propriam perfectionem relatiuam. Tres namque perfectiones relatiuæ, sunt quid maius quam vna tantum.

111 Respondent. i. aduersarij, ex hac ratione solum haberi, quod Pater æternus, Filius, & Spiritus Sanctus sint perfectiores extensiuè, quam vnica tantum persona, non intensiuè; nam etiam omnia attributa sunt perfectiora extensiuè, non intensiuè, quam vnum. Sed contra, quia vbi est specifica distinctio, aut quasi specifica in aliqua ratione perfectionis, ibi dari debet excessus in perfectione non solum extensiuæ, sed etiam intensiuæ; sed diuinæ personæ ratione relationum distinguuntur quasi specificè; g. si semel habent propriam perfectionem relatiuam, omnes tres habebūt maiorem perfectionem non solum extensiuam, sed etiam intensiuam, quam vna solum. Nec exemplū de attributis aliquid euincit, quia omnia attributa se mutuo includunt, ac proinde vnum non est extensiuè perfectius alio, sed solum vnum præcisè sumptum, secundum suum conceptum expressum, non exprimit perfectionem aliorum. Quare si attributa non se includerent, sicut Paternitas, & Filiatio, tunc duo ex illis, v.g. intellectus, & voluntas essent quid intensiuè nobilius, quam vnum ex illis, v.g. quam sola voluntas.

112 Respondent. 2. cum Suarez, quod et si relationes dicant perfectionem relatiuam, & cuiuslibet personæ diuinæ desint perfectiones relatiuæ aliarum vt formaliter habitz, non tamen desunt vt habitz eminenter ratione diuinæ essentiz in qua eminenter continentur omnes perfectiones etiam relatiuæ. Sicut non sequitur, quod Christus D. vt Deus, & homo sit perfectior quam vt solus Deus, licet vt Deus, & homo dicat perfectionem humanitatis, quā non dicit vt est præcisè Deus,

quia tota perfectio humanitatis eminenter præhabetur in Verbo. Sed contra, quia perfectius est habere relationem Paternitatis tam eminenter, quàm formaliter, quàm habere illam solum eminenter, si verè affert propriam perfectionem relatiuam; ergo maiore perfectionem ponet Paternitas in Patre, à quo habetur formaliter, & eminenter, quā in Filio, à quo solū eminenter habetur ratione diuinæ essentiz. Consequ. constat. Antecedens probatur, quia si Paternitas habet propriam perfectionem formalem relatiuam tamen si hæc reperitur eminenter, & quasi inuoluta in diuina essentia, melius tamen est habere illam quasi explicatam, & formaliter; maximè cum omnia diuina secundum suam rationem formalem dicant infinitatem in sua linea, ac proinde vbi aliqua formalitas est solum eminenter, & non formaliter, non est secundum totam suam perfectionem, imò illi deesset infinita perfectio quam affert illa formalitas secundum conceptū expressum suæ lineæ.

113 Confirmatur 1. quia id, quod dicit quicquid perfectionis aliud dicit, & insuper addit aliquid, quod ex se, & quoad modum habendi affert perfectionem propriam, excedit in perfectione illud prius: sed Pater in diuinis ratione essentiz dicit quicquid perfectionis affert Filius, nam ratione essentiz habet eminenter Paternitatem, quam etiam hoc modo habet Filius, & superaddit eandem Paternitatem formaliter, quæ hoc modo propriam habet perfectionem relatiuam per aduersarios, ergo Pater dicit maiorem perfectionem, quam Filius.

114 Confirmatur 2. quia licet essentia vt intelligitur præcedere diuinas relationes, eminenter contineat illas; tamen eadem essentia vt in sequenti signo intelligitur habere illas formaliter, intelligitur habere plus realitatis formalis, quam intelligebatur habere in illo priori signo, in quo solum eminenter intelligitur illas præhabere; ergo pariformiter, licet dicta essentia vt præit dictas relationes quoad perfectionem relatiuam, contineat illas eminenter, & secundum hanc

rationem sit æquæ, in omnibus personis diuinis; tamen ut intelligitur habere illas formaliter, & quoad perfectionem formalem, habebit maiorem perfectionem formalem. Conseq. nota est, ex paritate rationis. Antecedens probatur, quoniam diuina essentia, ut continet eminenter relationes præcisè, non est multiplex formaliter; nec dicit formalitatem, & formalitatem relatiuam virtualiter distinctam; at ut dicit relationes formaliter dicit formalitatem, & formalitatem, & est multiplex virtualiter; g. ut continet dictas realitates eminenter tantum, non intelligitur continere totam realitatem, quam continet prout etiam formaliter easdem realitates, seu relationes continet. Quando namque essentia diuina intelligitur continere voluntatem, aut misericordiam formaliter, intelligitur magis perfectæ, ac quando intelligitur solum ea continere virtualiter, aut eminenter.

115 Ad exemplum de Christo D. in illa solutione allatum, resp. 1. sequendo doctrinam Gonzal. 1. p. disp. 12. ubi tradit, quod in Deo non sunt eadem numero perfectiones, quæ sunt in creaturis, quia eadem numero perfectiones creaturarum non possunt denudari à suis imperfectionibus, & retinere eandem unitatem numericam, ac proinde solum eminenti modo in Deo contineri possunt; quod si ita est, sequitur, quod Christus D. ut Deus, & homo non sit absolutè, & simpliciter quid perfectius etiam extensiuè quam ut solus Deus. Cum hoc tamen fiat, quod quantum ad modum essendi est aliquid perfectius Christus D. ut Deus, & homo, quam ut præcisè Deus. Quia perfectio numerica humanitatis, ut talis in solo Deo continetur solum eminenter, at in Christo Deo, & homine, etiam formaliter. Vnde ex dicto exemplo sequitur fortè argumentum contra aduersarios. Nam si Christus D. ut Deus, & homo saltem quoad modum est quid perfectius solo Deo, etiam in diuina essentia erit quid perfectius habere relationes non solum eminenter, verum etiam formaliter. Ex hoc autem, quod diuina es-

sentia caret illa formali perfectione v. g. humanitatis, non ideo dicit imperfectionem, quia est inuoluta imperfectionibus à quibus denudabilis non est.

116 Quod si dicamus cum Caiet. q. 14. art. 6. & alijs, quod omnis numerica perfectio in creaturis reperiatur, sublati imperfectionibus reperitur in Deo; tunc id quod addit creatura supra Deum, quod formaliter in eo non reperitur, solum est id in creatura, quod dicit imperfectionem, & potentialitatem; ac proinde non mirum, quod Christus D. ut Deus, & homo non sit perfectius adhuc extensiuè, quam ut solum Deus. Non quia solummodo eminenter præconineat id, quod perfectionis est in creaturis, sed quia formaliter earum perfectionem adhuc numericam, seclusis imperfectionibus, sub diuerso, & excellentiori modo essendi, continet. Si enim res à parte rei habet modum essendi naturalem, & in specie intentionalem, ita, &c. Assumit, ut ita dicamus Deus creaturarum perfectiones, relinquens imperfectiones.

117 Respondent Ruiz, & Granado, quod ex nostra ratione non sequitur, unam personam v. g. Patris, esse alia perfectionem, aut illi deesse aliquam perfectionem, sed non habere illam perfectionem relatiuam eo modo, quo alia persona eam habet. Nam licet Filio desit Paternitas, ut formaliter habita, non tamen deest illi, ut eminenter præhabita. Licet non habeat illam constitutiuè, habet tamen illam terminatiuè. Item habet illam per incircumfessionem; quatenus personalitas Patris identificatur cum essentia communis omnibus personis.

118 Sed contra, quia ex hoc, quod Filio desit Paternitas ut formaliter habita, & solum illam habeat, ut habita eminenter, fit, quod licet Filius habeat perfectionem dictæ Paternitatis quoad substantiam, non tamen quoad formalitatem; negari namque non potest, quin modus habendi illam tam formaliter, quam eminenter non sit perfectior. Negari non potest, quin modus habendi illam constitutiuè, non sit perfectior, quam modus ha-

habendi illam tantum terminatiuè, ac tantum per incircumfessionem. Tum, quia per hoc, quod desit Filio Paternitas formaliter habita, licet illam habeat eminenter, sequitur, quod non solum desit illi modus habendi Paternitatem, sed etià desit Paternitas ipsa quoad rem habità; ergo ex hoc, quod desit Filio dicta Paternitas, desit illi non tantum modus habendi illam perfectionem, sed etiam ipsa perfectio relatiua. Cum autem Paternitas sit perfectior Filiatione, consequens est, ut Pater sit perfectior Filio.

119 Respondent alij, non quaecunque distinctionem specificam, aut quasi specificam constituere inæqualitatem in perfectione inter aliqua, sed illam, quæ habet quasi latitudinem gradualem, siue quantitatem virtualem. Cæterum diuinæ personæ licet quasi specificè differant ratione personalitatum, & ratione earum dicant perfectionem relatiuam, non tamen ita ut habeant latitudinem gradualem, seu quantitatem virtualem, ac proinde non sunt inæquales in perfectione. Quomodo autem diuinæ personalitates dicant perfectionem relatiuam, & non afferant latitudinem gradualem, seu quantitatem virtualem, potant explicari ex D. Aug. 1. de fide ad Petrum, quem referunt Magister in 1. dist. 19. & D. Thom. q. 42. art. 1. dicente. *Filium esse æqualem Patri, quia Pater nec precedit æternitate, nec excedit magnitudine, nec superat potestate.* Quantitas namque virtualis debet dicere ordinem ad aliquam extensionem. Extensio autem explicari potest, vel secundum quod essentia Dei se extendit ad occupanda omnia loca, per imensitatem, quo modo constituit quantitatem magnitudinis in essentia. Vel secundum quod diuina existentia per durationem æternitatis, se extendit ad omnia tempora, quo modo constituit quantitatem virtualem existentiam in æternitate. Vel secundum quod diuina omnipotentia se extendit ad omnia factibilia, & hoc modo constituit quantitatem virtualem in eadem diuina omnipotentia; in diuinis autem personalitatibus nulla ex his re-

peritur extensio, ac proinde nulla latitudo, nulla inæqualitas in perfectione.

120 Sed contra, quia nequeunt hæc duo inuicem coherere, quod scilicet diuinæ relationes afferant relatiuam perfectionem, & quod hæc relatiua perfectio non dicat quasi gradualem quandam latitudinem virtualem, & eminentem, seu quantitatem virtualem perfectionis. Quod sic ostenditur. Primò, quia si semel relationes dicunt perfectionem, debet esse libera ab omnibus imperfectionibus; ergo debet esse infinita in ratione perfectionis relatiuæ; quod enim est liberum ab imperfectionibus, debet etiam esse liberum à finitate, & limitatione; quod autem est infinitum in perfectione, debet habere quasi gradualem latitudinem in ratione perfectionis, seu debet habere quantitatem virtualem perfectionis pertingentem ad hoc, quod sit actus maior, & maior usque in infinitum, intra prædictam lineam.

121 Secundò, quia si detur relatio perfecta ut tria, habebit quasi gradualem, seu virtualem quantitatem, aut latitudinem ut tria: si detur relatio perfecta ut sex habebit eandem quantitatem gradualem ut sex; ergo si detur relatio perfecta infinite, habebit dictam quantitatem gradualem virtualem infinitam. Tertiò quia ex eo, quod diuina omnipotentia est tantæ excellentiæ in ratione perfectionis, ut æquiualeat omnibus, & singulis potentijs creatis, earumque perfectionibus, sitque illis infinite nobilior, dicimus in ipsa esse quasi gradualem latitudinem perfectionis; ergo cum perfectio relatiua, si semel datur, debeat esse talis conditionis, quod æquiualeat omnibus, & singulis perfectionibus relatiuis creatis, sequitur, quod habere debeat quasi gradualem latitudinem, seu quantitatem virtualem perfectionis relatiuæ. Quartò, quia relationes diuinæ distinguuntur quasi specie, etiam in ratione perfectionis si eam habent; ergo in eadē ratione perfectionis debent afferre quasi specificam latitudinem, seu gradualitatem. Vnde apertè hæc duo implicare

videntur: relationes diuinas afferre perfectionem quasi specificè diuersam, & nō afferre latitudinem gradualem saltem virtualem, cum hæc sit de ratione specificæ rationis.

122 Dices, quod Paternitas secundum esse relatiuum distinguitur quidem quasi specie in sua infinitate, & perfectione relatiua à Filiatione, tamen in hac ratione relatiua non sunt inæquales, vt vna excedat aliam, vel in infinitate, vel in aliqua ratione ad ordinem rei spectante. Nam contra est, quia si sumatur Paternitas secundum esse relatiuum quod exprimit, quodammodo excedit Filiationem, excessu non spectante ad ordinem perfectionis, sed excessu spectante ad ordinem rei, prout præscindit ab ordine, & excessu perfectionis. Hic autem excessus in hoc consistit, quod Paternitas secundum esse relatiuum habeat plura munerà inadaequata, quam Filio, & quodcumque ex his muneribus dicit nexum cum alio. Paternitas autem fundat innascibilitatem, respicit Filium, & radicaliter terminatur ad Spiritum Sanctum, estque connotatum generationis actiue eiusdem Filij, &c. Cum tamen Filiatio secundum suum formalem conceptum quem exprimit, non habeat tot munerà, vt inuenti constabit.

123 Nec testimonium adductum ex S. P. Aug. fauet dictæ solutioni, imò potius obest, quia ideo Pater non excedit magnitudine Filium, aut potestate, aut eternitate, quia in ambobus est eadem eternitas; & potestas; ergo cum ex mente aduersariorum relationes diuinæ dicant perfectionem, & non sit eadem in ambobus, debent diuersam perfectionem afferre: Soluuntur argum. in contrarium.

124 Primum argumentum formant ex testimonijs Concilij Constantinopolitani I. Sextæ Synodis, & ex varijs auctoritatibus D. Thomæ. Verū omnia nil aliud probant; nisi quod diuinæ relationes dicant perfectionem; ratione scilicet diuinæ essentia inclusæ, non secundum proprias earum formalitates.

125 Secundum argum. à ratione peti- tum est, quia personalitas Verbi diuini,

quæ est eius relatio personalis, habet ratione sui, & vt distincta ab alijs diuinis personalitatibus, sanctificare humanam naturam Christi D. quam terminat; ergo ratione sui affert propriam perfectionem relatiuam. Consequ. constat. Sanctitas namque dicit bonitatem, & perfectionem; maxime illa, quæ humanitate, à persona Verbi communicatur; hæc enim maiorem bonitatem, & perfectionem communicat, vt ex se notum est. Antecedens probatur; nam personalitas Verbi diuini ratione sui tribuit humanitati impeccabilitatem; sed id quod reddit impeccabile, reddit sanctum, ac proinde debet esse bonum, & perfectum; ergo. Tum quia relatio personalis est munditia formalis, habens oppositionem cum labe peccati, vnde si daretur, quod humanitas prius fuisset in peccato, illam mundaret. Tum etiam quia relatio personalis Verbi ratione sui reddit humanitatem obiectum magis congruum diuinæ dilectionis, quàm gratia sanctificans. Tum maxime, quia prædicta humanitas ratione terminationis dictæ relationis sit digna adoratione latræ, ac proinde sit bona, perfecta, sancta. Tum deinde, quia Verbum diuinum ratione suæ relationis personalis terminat naturam humanam, illiq; se communicat; sed se communicare, se distingere, est proprium bonitatis; ergo. Tum denique; quia Verbum diuinum ratione suæ personalitatis, seu relationis personalis dignificat actiones Christi D. sed hoc non esset nisi dicta personalitas afferret dignitatem, bonitatem, perfectionem, & valorem moralem; ergo. Ille namque valor si tribueretur à diuina essentia, esset communis tribus personis, quod esse nequit.

126 Resp. negando antecedens; licet enim relatio Filiationis sanctificet humanitatem ratione diuinæ essentia quam continet per modum transcendens, non tamen sub expresso conceptu ad. Ad 1. probationem dicendum, quod Filiatio secundum conceptum ad non reddit naturam humanam impeccabilem, nisi initiatione, prout est talis conditionis, quod per mo-

modum transcendentis continet essentiã diuinam, quę dictã naturã humanã reddit formaliter impeccabilem, sanctã, bonã, & perfectã. Per quẽ patet ad 2. probationem. Ad 3. probationem dicendum, quod relatio secundum conceptum expressum *ad*, non reddit humanitatem obiectum magis congruum diuinę dilectionis quam gratia. Benè verum est, quod licet neque gratia reddat humanitatem obiectum formale magis cõgruum diuinę dilectionis, cum hoc solum prestat diuinã bonitas, reddit tamen obiectum materiale magis congruum; cum neque gratia, neque res alia creata possit esse obiectum formale, sed solum materiale diuinę voluntatis, vt alibi vidimus. Reddit tamen dicta relatio Filiationis humanitatem obiectum magis congruum diuinę dilectionis ratione essentię in ea per modum transcendentis inclusę. Ad 4. probationem eodem modo respondetur, quod scilicet dicta humanitas sit digna, adoratione latræ ratione diuinitatis inclusę. Ad 5. probationem, dicendum, quod communicare se per modum termini præcisè non dicit perfectionem ratione sui, licet illam dicat ratione inclusi, quo cum necitur, & inuoluit. Ad vltimam probationem negatur antecedens; valor namque operum Christi D. non desumitur immediatè, & reduplicatiuè ab ipso *Ad*, quoniam ipsum *Ad* sic sumptum tantum se habet per modum quasi deferentis, & secum imbibitam trahentis dignitatem; & perfectionem diuinę essentię per modum transcendentis; ipsa autem diuinã essentia est, quę proximè affert perfectionem, ab eaque fluit valor, & dignitas prædictorum operum. Cum autem iste valor non tribuitur à diuinã essentia, vt est communis, sed prout est appropriata Filio, seu prout imbibitur in Filiatione, ideo non tribuitur reliquis personis.

127 Tertium argum. Quoniam aliquin Sacratissimum Trinitatis Mysterium vt tale nullam diceret perfectionem; sed hoc videtur absurdum; ergo, &c. Sequela probatur; quia Sanctissimæ Trinitatis Mysterium coalescit ex relationibus, seu

personalitatibus secundum suum esse *ad*; ergo si secundum hoc esse relationes non dicunt perfectionem, nec Trinitatis mysterium eam dicit. Quod autem hoc sit falsum, probatur. 1. Quia est maxima, perfectio diuinę essentię, quod sit communicabilis tribus; sicut est imperfectio essentię creatę, quod sit tantum vni communicabilis; sed hoc dicit perfectionem in relationibus; ergo, &c. Si namque relationes non dicerent perfectionem, non esset perfectio in diuina essentia, quod sit illis communicabilis. 2. Quia esse id cui natura diuina communicatur, & esse id, quod habet vim ad illam terminandam, & suppositandam, non potest non dicere maximam perfectionem; item esse id, quod est per se subsistens, est maxima perfectio. 3. Quia quælibet ex his relationibus est infinita in sua propria ratione, ac proinde debet dicere perfectionem; siquidem infinitas non potest non dicere aliquam quantitatem virtutis, aut perfectionis. 4. Quia Deus necessitatur ad amandum, & complacendum de hoc mysterio tam quo ad speciem, quàm quo ad exercitium, quod non esset, si dictę relationes non afferrent perfectionem. 5. Quia licet non afferre perfectionem in hoc, aut illo genere non dicat imperfectiorem; tamen non potest non esse imperfectio nullam afferre perfectionem. 6. Quia in nobis tam essentia, quam personalitas dicunt perfectionem, ergo idem erit in Deo; aliàs diuinę personalitates essent inferiores conditionis nostris, quod non est dicendum.

128 Resp. distinguendo sequelam maioris; mysterium Trinitatis nullam diceret perfectionem ratione ipsius *ad* præcisè, & conceditur; ratione ipsius *ad*, vt imbibit essentiam diuinam per modum transcendentis, & negatur. Ad 1. probationem, quia improbarur falsitas consequentis, conceditur maior, est enim maxima perfectio diuinę essentię, quod se, suamque perfectionem communicet illi, quod ex vi suę lineę non affert perfectionem. Per quod patet ad probationem. Ad 2. probationem, dicendum, quod esse

se id cui diuina natura communicatur; quodque vim habet ad illam suppositandam, ex hoc præcisè non dicit perfectionem, licet sit capax illius. Ad illud quod de subsistètia dicitur, dico, quod licet subsistentia absoluta dicat perfectionem, non tamen relatiua. Ad 3. probationem conceditur antecedens, & negatur consequens, nam infinitas præcisè in ratione referendi, & terminandi, non dicit perfectionem. Quando ratio terminandi est relatiua. Nec verum est, quod infinitas relatiua dicat quantitatem virtutis. Dicit tamen potest, quod habeat se ad instar alienius quantitatis, siue molis, siue perfectionis, quatenus dicit vim ad referendum, & terminandum, æquiualentem omnibus relationibus creatis quoad vim ad referendum, & terminandum, quatenus hæc sola vis diuinæ relationis est maior, quàm sit tota illa vis, quæ in alijs relationibus inuenitur. Quia tamen hæc vis non est in ordine ad se, seu ad subiectum, non dicit maiorem perfectionem, sed solam maiorem explicatam. Hoc potest explicari exemplo veri necessarij, & contingentis, nam verum necessarium cum habeat causas firmiores suæ veritatis, est magis verum quàm contingens; cum tamen hæc maioritas non dicat ex vi suæ linear maiorem bonitatem, seu perfectionem, seu non dicat maiorem perfectionem, in ratione perfectionis, sed solum in ratione entis.

129 Ad 4. probationem dicendum, quod necessariò non amantur à Deo neque quoad speciem, neque quoad exercitium, diuinæ relationes, sed tantum ratione diuinæ essentia: inclusæ, vt ex dictis constat. Ad 5. probationem resp. quod licet non asserre perfectionem ex se, id est, ex nullo modo ad illam rem intimè pertinentem, vt ex modo transcendentis, aut alio intrinseco, sit signum imperfectionis. Tamen non asserre perfectionem ex aliquo munere, seu ex aliqua præcisâ ratione, formali, non est signum imperfectionis, dummodo ex alio, vel alijs modis illam asserat, vt in nostro casu contingit. Ad illud, quod aliqui addi possunt, quod asserre perfectionem sit perfectio; ergo ex

opposito, illam non asserre erit imperfectio; dicitur hoc non sequi, sed solum sequi, quod non asserre perfectionem sit non perfectio. Quia asserre, & non asserre ex se perfectionem non opponuntur priuatiue, sed contradicitoriè, ac proinde non opponuntur vt perfectio, & imperfectio, sed vt perfectio, & non perfectio. Ad 6. probationem conceditur antecedens & negatur consequens. Ratio discriminis est, quia personalitas creata, est absoluta, & diuinæ personalitates sunt relatiuæ.

130 Quartum argum. Relatio secundum esse ad formalissimè dicit veram realitatem relatiuam, seu dicit veram formalitatem relatiuam virtualiter distinctam à realitate, seu formalitate diuinæ essentia: ergo etiam dicit perfectionem relatiuam virtualiter distinctam à perfectione diuinæ essentia: Antecedens constat; Consequens probatur, nam bonum, seu perfectum, & ens conuertuntur. Tum quia eo ipso quod relatio distinguitur virtualiter ab essentia diuina, debet ultra realitatem asserre alias entis passiones ab eadem essentia virtualiter distinctas, vt quod sit vna propria vnitate relatiua, & transcendentali: ergo etiam asserre debet propriam perfectionem relatiuam. Tum etiam quia bonitas, & perfectio rei, nihil est aliud quam integritas in sua ratione formali. Nam hoc ipso, quod in ea sit integra, est perfecta in illa. Sed diuina relatio est in sua ratione formali integra, cum dicat veram realitatem relatiuam habentem vim ad referendum in finitè vnâ personam ad aliam; ergo erit in sua ratione formali perfecta.

131 Resp. quod bonitas, seu perfectum non conuertitur cum ente nominaliter, sed cum ente participialiter, seu cum ente in actu, & ac proinde cum ente habente quicquid requiritur ad hoc, vt sit existens. Ceterum diuina relatio nequit esse in actu, neque existens, nisi vt imbibet essentiam diuinam per modum transcendētis. Et sic non est conuertibilis cum bono seu perfecto, nisi vt imbibet eandem essentiam. Per quæ patet ad 1. probationem; Ad 2. probationem, dico, quod cum dicitur

etis relationibus non omnes entis passiones conuertuntur, sed illæ dumtaxat, quæ sunt passionis entis nominaliter, vt quod relatio sit vna, res, &c.

132 Sed obijcies, quod ad hoc vt ens dicatur bonum, non est necesse, quod actu existat, sed sufficit, quod connotet existentiam, sed diuinæ relationes sunt huiusmodi; ergo, &c. Resp. esse discrimen inter res absolutas, & relatiuas, quod relatiuæ non habent, ex vi eius, quod exprimiunt, aliquid, quod ex se, connotando existentiam inferat proximè perfectionem cum totum illud, quod relatio exprimit secundum conceptum suæ linæ sit ad aliud. Tum quia relatio formalissimè non connotat existentiam, sed terminum. At res absolutæ habent aliquid per quod connotent existentiam, scilicet proprias entitates. Per quæ patet ad vltimam probationem præcedentis argumenti, ad hoc enim vt aliqua res sit perfecta non sufficit quæcumque integritas, sed talis quæ sit ad se, seu quæ respiciat subiectum, non terminum, vt ex dictis supra constat.

133 Quintum argum. Nam ratio boni, & perfecti, nihil est aliud, quàm ratio entis vt conuenientis, seu quàm ratio consona rei, quæ bona, & perfecta dicitur. Sed relatio personalis, vt dicitur ad relatiuum, est quid conueniens, & consonum personæ per illam constitutæ; ergo secundum hanc rationem erit bona, & perfecta. Maior constat, siquidem per hoc quod aliquid habeat id, quod est sibi conueniens, & consonum; dicitur esse perfectum. Minor probatur, quia id quod constituit, & distinguit rem, est illi consonum, & conueniens; nihil enim est magis consonum, magisque conueniens, quàm suum proprium constitutiuum, & distinctiuum; sed diuinæ relationes constituunt, & distinguunt diuinas personas; ergo, &c. Tum quia Paternitas v. g. secundum suum esse ad connaturalissimè constituit, & distinguit personam Patris; ergo est illi non solum conueniens, sed conuenientissima, & connaturalissima, ac proinde erit maximum illius bonum, maximaque eiusdem

perfectio. Tum etiam quia Paternitas non est vacuumque Patri conueniens, sed est illi conueniens per conuenientiam distinctam virtualiter ab essentia cui dicitur conueniens; sed hoc dicit secundum esse relatiuum formaliter tale; ergo, &c. Maior constat. Minor probatur, quia est conueniens secundum illud esse, secundum quod constituit personam Patris, sed constituit illam secundum quod virtualiter ab essentia distinguitur, vt ex se notum est; ergo, &c.

134 Resp. concedendo maiorem, & negando minorem, vt enim constat ex dictis, diuinæ relationes secundum esse ad præcisè præscindunt à ratione conuenientie, & consonantie cum re, seu persona, quam constituunt, licet ratione inclusi eam afferant; vt enim dicerent rationem conuenientie, deberent secundum illum expressum conceptum dicere ordinem ad subiectum cui conueniunt, &c. Ad 1. probationem dicitur, quod licet id, quod constituit, debeat esse conueniens, non est tamen necesse in relatiuis, quod ex eodem capite, ex quo expressè constituit relatiuè, habeant exprimere esse conueniens, vt ad rationem perfecti requiritur. Licet enim relatio constituat personam, ac proinde hoc modo eam aliquo modo respiciat, non tamen respicit vt ibi sistat, quod ad rationem perfectionis requirebatur, sed vt eam ad terminum referat; quocirca non respicit eam quasi propter se, sed propter terminum. Ad 2. probationem constat ex dictis, quoniam tamen si Paternitas constituat Personam Patris connaturalissimè, tamen eam respicit vt ad terminum referat, non vt ibi sistat. Vel dicatur, quod Paternitas constituat connaturalissimè Patrem ratione essentie incluse, ratione cuius eam respicit, cum secundum esse ad præcisè respiciat terminum. Ad 3. probationem negatur maior, vt enim ex mox dictis constat conuenientia relationis ad Patrem, nõ habetur à relatione secundum conceptum relationis, sed prout includit essentiam per modum transcendentis; relatio namque vt talis non est ad se, seu ad subiectum, aut quasi subiectum, sed

sed ad terminum. Sicut enim relatio creata ut dicitur *ad*, ut *ad*, non est ad subiectum, sed ad terminum, ita & relatio diuina. Et sicut relatio creata non respicit subiectum, nisi secundum quod dicitur rationem *in*, ita & diuina. Ad probationem maioris dicitur, quod relatio secundum illud esse secundum quod constituit personam, continet essentiam per modum transcendentis, & secundum hanc rationem distinguitur virtualiter ab eadem essentia secundum quod exprimit conceptum essentiae, secundum quam rationem concurrat, ad constituendam personam.

D V B I U M IX.

An relationes diuinae existant per proprias essentias relatiuas.

135 **V**T certum supponitur, quod essentia diuina ut praeintellecta personis existat per propriam existentiam absolutam, ut colligitur ex illo Exodi 3. *Ego sum, qui sum: qui est, misit me ad vos.* Vbi innuitur, quod existentia sit propria Dei, ut vnus est, ac proinde ut personis praeintelligitur. Tum quia Deus ut praeintelligitur personis, est intelligens, & volens, ac subinde existens per propriam existentiam; quod enim non existit, nequit intelligere, & velle. Tum quia, antequam intelligantur aduenire personae, debet Deus concipi ut aeternus, & immutabilis; aeternitas autem, & immutabilitas supponunt existentiam; duratio namque supponit esse rei durantis, ut etiam in creatis cernitur.

136 Sed obiecijs, quia existentia est vltima rei actualitas; ergo nequit conuenire Deo praeintellecto relationibus, sed post illas, alias non esset vltima actualitas conueniens Deo. Resp. quod quando dicitur, quod existentia est vltima actualitas, facit sensum, quod existentia est maior actualitas, seu quod se habet per modum actus respectu eorum, quae per ipsam existunt. Vel existentia dicitur vltima actualitas illius lineae, seu formalitatum.

illius lineae quae per ipsam actuantur: vel dicitur vltima actualitas, quia vltimo aduenit in sua linea; non autem est vltima, actualitas, nec vltimo aduenit post omnes lineas.

137 Cum ergo existentia sit vltima actualitas respectu essentiae, & essentia existat antecedenter ad intellectum relationum, restat inquirendum, an relationes quando intelliguntur aduenire, afferant propriam existentiam relatiuam, an vero existant existentia absoluta diuinae essentiae, ita quod existentia absoluta prius intelligatur tribuere suum effectum formalem diuinae essentiae, & attributis illius deinde aduenientibus relationibus etiam ad illas extendatur, tribuendo etiam illis existere.

138 Prima sententia est, quod diuinae relationes non existant existentia absoluta diuinae essentiae, sed relatiua, ita quod vnaquaeque relatio propriam habeat existentiam, ac proinde in diuinis dentur quatuor existentiae, vna absoluta, & tres relatiuae. Sic Scotus in 1. dist. 11. q. 2 ad 1. Suarez, Pefant, Ruiz, Arubal, & alij hoc loco. Eandem sententiam tenent etiam omnes illi, qui putant subsistentiam, & existentiam non distingui.

139 Nostra sententia sequitur conclusionem explicatur. *Diuinae relationes non existant per proprias essentias relatiuas, sed per existentiam absolutam diuinae essentiae.* Et sic non dantur in diuinis tres existentiae relatiuae virtualiter ab existentia diuinae essentiae distinctae, & distinctae realiter inter se. Colligitur nostra conclusio ex illo Sancti Athan. *Non tres aeterni, sed vnus aeternus.* Si enim diuinae personae existerent proprijs existentijs, iam essent tres aeterni, nam duratio, ut est aeternitas, est permanentia in esse; ergo ubi sunt tres existentes, erunt tres permanentes in esse, ac proinde tres aeterni. Vnde nostram conclusionem sequitur S. Doctor, ut constat ex pluribus testimonijs illius quae afferunt N. Salmant. & bene expendunt, & eius discipuli, Caiet. Bannes, Nazari. & alij plures quos referunt dicti Salmant.

140 Probatur 1. In diuinis non datur

tur tres æterni; nec tres in creati, vt constat ex testimonio citato D. Athan. ergo neque dantur tres existentie relatiue. Antecedens constat. Conseq. probatur, quia si darentur tres existentie relatiue, darentur tres æterni, tres increati; non dantur tres æterni, neque tres increati; ergo neque tres existentie relatiue. Maior probatur, quia tres existentie relatiue, sunt tres formæ, aut quasi formæ constituentes æternos; seu sunt tres æternitates, seu tres durationes æternæ; duratio namque vt dicebamus, est permanentia in esse, seu est continuatio in esse. Vbi autem sunt tres existentie, sunt tres durationes, tres permanentie in esse; tres æternitates, ac proinde tres æterni.

141 Occurrit 1. Suarez lib. 3. de Trinitate. cap. 17. n. 6. §. 10. 1. in 3. p. disp. 11. scilicet. 11. dicens, non sequi dandas esse tres æternitates, ac proinde nec tres æternos; quia æternitas est attributum absolutum Dei, sed solum sequi, debere dari ultra æternitatem, tres durationes relatiuas, quæ formalissimè loquendo, non sunt æternitates; hoc autem nullum est inconueniens, sicut non est inconueniens, quod dantur tres rationes formales relatiue actuales, seu existentes. Quod autem tres illæ durationes non sint tres æternitates, patet, quia non pertingunt ad hoc vt sint mensuræ diuinæ essentie, vt pertingit æternitas. Deinde non sequitur ex vi dictæ rationis, quod non dantur tres increati substantiue, nec tres formæ, quia increatum substantiue, & forma, aut quasi forma constituens illud, dicit id, quod se ipso posituè habet completè, & formaliter non esse ab alio tanquam à causa efficienti.

142 Sed contra, quia falsum est, quod ex vi dictæ rationis non sequatur, quod non dantur tres æternitates, ex eo, quod æternitas est attributum absolutum, hoc enim est petitio principij. Ratio namque nostra in hoc fundatur, quod quælibet duratio in Deo inuenta, est æternitas, ergo si in Deo dantur tres durationes, quantis relatiue, dabuntur tres æternitates relatiue. Quo circa cum responderetur, quod æternitas est quid absolutum, committi-

tur vitium petitionis principij. Tum quia non possunt hæc duo inter se coherere, quod in diuinis dantur tres durationes relatiue, & non dantur tres æternitates relatiue. Durationes namque non multiplicantur, nec distinguuntur, nisi secundum diuersos gradus mutabilitatis, aut immutabilitatis, quem habet æternitas; sed illæ durationes si darentur, essent immutabiles, ergo essent æternitas. Maior nota est ex Philosophia, cum enim duratio sit permanentia rei in esse, diuersitas huius permanentie aliunde desumi non potest, quam ex diuersitate mutabilitatis, & immutabilitatis. Minor constat, quia quælibet ex illis durationibus affert omnimodam immutabilitatem, vt patet. Tum etiam quia duratio, vt omnes tradunt, adequatè diuiditur in æternitatem, tempus, & æuum; sed illæ durationes non essent tempus, neque æuum, ergo essent æternitates. Maior constat, quia tot sunt durationes, quot sunt gradus mutabilitatis, & immutabilitatis; sed isti sunt tantum tres; scilicet mutabilitatis secundum esse, & operationem, & hæc constituit tempus; mutabilitatis secundum operationem, & non secundum esse, & hæc constituit æuum, & immutabilitatis omnimodæ, & hæc constituit æternitatem. Tum denique, quia proprietates æternitatis est, quod ab intrinseco, & omnino necessariò careat principio, & fine; sed tres illæ durationes relatiue essent huiusmodi, ergo essent tres æternitates. Vnde nil obest, quod non pertingerent ad tantam perfectionem, vt essent mensuræ diuinæ essentie, quia ratio æternitatis non desumitur ex eo, quod mensurat, sed eius ratio, & perfectio desumitur ex ratione omnimodæ immutabilitatis, à qua desumitur gradus iste durationis. Neque desumitur à subiecto, sed à ratione sua graduali.

143 Est etiam falsum, id, quod in ea solutione dicitur, quod scilicet ex eo, quod dantur tres existentie relatiue realiter inter se distinctæ, non ideo dantur tres formæ, aut quasi formæ, ratione quarum dantur tres increati substantiue, ex eo, quod

quod relationes cum suis existentijs, ex vi propriæ lineæ, tantum dicunt quandam non repugnantiam non essendi ab alio tanquam à causa efficiēti, &c. Huius dicti falsitas sic ostenditur, quia hoc ipso, quod relationes dicant tres existentias relatiuas realiter inter se distinctas; non possunt nō habere ex vi propriæ lineæ proprium esse creatum, aut increatum; non creatum, ergo increatum; ac proinde à se, non illam repugnantiam non essendi ab alio. Tum quia diuinis relationibus non solum competit non repugnantia essendi, sed positiuam habent repugnantia essendi ab alio vt à causa, ac proinde ex vi suæ lineæ erunt quid increatum positiuè, & non tantum negatiuè. Tum etiam quia quod est ab alio ex vi sua tanquam à principio per processionem, non potest esse ab alio tanquam à causa, ac proinde illi hoc positiuè competit, sed diuinis relationibus competit esse ab alio tanquam à principio ex vi suæ processionis; ergo illis positiuè competit non esse ab alio tanquam à causa. Tum denique quia essentia diuina, & Deus est positiuè quid increatum, quia ex vi propriæ esse repugnat aliquod genus dependentiæ, ac proinde aliquod genus essendi ab alio tanquam à causa; Et ideo suppositum creatum, est vt quod creatum, quia illius esse vt quod dicit dependentiam ab alio tanquam à causa; sed diuinis relationibus repugnat aliquod genus dependentiæ; ergo, &c.

144 Occurrunt alij, dicentes, quod ex vi nostræ rationis non sequitur, quod non dentur tres æterni, aut tres increati substantiuè absolutè, non tamen, quod non dentur cum addito, scilicet tres æterni, aut tres increati relatiuè. Sanctus autem Athanasius solum negat tres æternos, aut increatos absolutè, & simpliciter, non cum addito, scilicet relatiuè. Sed contra quia hoc ipso, quod dentur tres æternitates, aut tres formæ, aut quasi formæ per quas tres illæ relationes dicuntur substantiuè tres increati, tres æterni, oportet, quod illæ æternitates sint perfectissimæ in ratione æternitatis, cum pertingant ad perfectissimum gradum immutabilitatis;

ergo absolutè, & simpliciter, & sine addito dicuntur, & erunt tres æternitates. Tum quia relatio creata, iuxta aduersariorum opinionem, non minus constituit prædicamentum completum, nec minus habet esse existentie, durationis, aut entis creati, quam alia nouem prædicamenta, hæc namque prædicata, de omnibus prædicamentis dicuntur; ergo à fortiori dicuntur de diuinis relationibus absolutè, & simpliciter, cum sint quid substantiale, & completum in sua linea, & per aduersarios afferunt proprium esse.

145 Alij etiam sic occurrunt, quod duratio sit quid distinctum ab esse, seu ab existentia rei, & sic licet in Deo sint tres existentie, non tamen tres durationes relatiuæ. Licet enim in creaturis totum compositum substantiale, & proprietates illius habeant distinctas existentias, non tamen habent distinctas durationes; omnes namque illæ durationes si darentur, solo numero distinguerentur; ac proinde plures rationes accidentales solo numero distinctæ essent in eodem subiecto, quod in via D. Thomæ esse nequit. Sed contra, quia etsi duratio in creatis distinguereur realiter, aut formaliter, aut modaliter, aut ex natura rei à re durante & in diuinis virtualiter; tamen si semel affert propriam existentiam, colligetur afferre etiam propriam durationem, cum duratio sequatur existentiam; ex existentia namque sequitur permanentia in esse, seu durare. Tum quia duratio conuenit rebus ratione existentie, ergo ubi est propria existentia, erit etiam propria duratio. Tum etiam quia ideo materia, & forma non habent distinctas durationes, quia non habent distinctas existentias, & ideo diuina essentia, & attributa non habent distinctas existentias; ergo, &c. Ad illud de composito substantiali dicitur, quod cum in eo accidentia habeant propriam existentiam, etiam habent propriam durationem, nec sequitur, quod plura accidentia solo numero distincta sint in eodem subiecto, quia licet subiectum quod sit vnum, subiecta ita tamen quo, sunt plura; accidentia namque

que solo numero distincta, modò habeant diuersa subiecta *quò*, possunt esse in eodem subiecto *quò*, vt constat.

146 Probat 2. Nostra conclusio, quia in creatis totum compositum, & illius suppositualitas, & omnia, quæ faciunt vnum per se cum illo, existunt per vnica & indiuisibilem existentiam; sed in diuinis natura, attributa, & relationes, & omnia diuina, constituunt vnum per se cum Deo; ergo debent vnica, & indiuisibili existentia existere. Si namque vnica existentia creata finita, & limitata potest facere existere omnia prædicta; aliàs si essent plures existentie non fieret vnum per se, à fortiori hoc faciet existentia increata, infinita, & illimitata.

147 Confirmatur 1. quia diuinæ relationes existunt per existentiam absolutam diuinæ essentie; ergo non existunt etiam existentij relatiuæ. Consequenter videtur perspicua, quia impossibile videtur rem existere duabus existentij; cum enim existentia sit vltima actualitas, & non possint in vna, eademque re, dari duæ vltimæ actualitates, sequitur non posse dari duas existentias. Antecedens ostenditur, quia existentia absoluta diuinæ essentie, est infinita, & perfectissima; ergo debet reddere existens quicquid est capax existentie. Tum quia vbi communicatur natura, ibi debet etiam communicari existentia naturæ; tum quia omnia essentialia, sunt communia tribus; sed existentia absoluta est essentialis; ergo, &c.

148 Confirmatur 2. quia existentia relationis create non est formaliter relatiua, sed absoluta; ergo etiam existentia relationum diuinarum, non erit formaliter relatiua, sed absoluta. Consequenter nota est; si enim existentia absoluta potest facere existere relationem creatam, à fortiori poterit hoc facere existentia absoluta diuinæ essentie. Antecedens probatur, quia si relatio creata haberet propriam existentiam in quacumque relatione daretur duplex relatio, v. gr. in Paternitate esset ipsa relatio Paternitatis, & relatio existentie; seu ipsa existentia, quæ cum sit relatiua debet esse ad aliud; ac proinde esset

relatio. Tum quia existentia est vltima actualitas; ergo existentia relationis, est vltima actualitas illius, sed esse vltimam actualitatem per quam res est extra causas, non dicit ordinem ad existentiam, sed ad subiectum à quo educitur, ergo.

149 Occurres ex doctrina aduersariorum, 1. Ex Suarez, quod etiam in composito substantiali tot sunt existentie, quot entitates, & modi, aut formalitates in illo reperiuntur; quod etiam de diuinis, proportionem seruata, dici debet. Secundò ex alijs, quod dato, quod compositū substantiale existeret per vnica existentia, non tamen hoc videm dicendum esse de diuinis. Quia in creatis omnia sunt absoluta tam compositum, quam eius suppositualitas; non sic in diuinis vbi suppositualitates sunt relatiue. Tertiò etiā ex alijs dicentibus, vnica existentia esse admittendam in composito substantiali creato, non in diuinis, vbi ex eo, quod datur vnica substantia absoluta, & perfectissima potius colligitur, quod dentur etiam aliæ tres relationes, quia id, quod subsistit perfectissime in linea absoluta, petit subsistere in omni alia linea. Ita etiam, quod perfectissime existit absolute, petit existere in omni alia linea, etiam relatiua.

150 Ad 1. confirmationem respondent, quod diuinæ relationes non possunt existere per existentiam absolutam diuinæ essentie; quia nihil existere potest per existentiam alterius. Deinde dato, quod possent existere per existentiam illam absolutam, non ob id debet excludi propria; nec ratio ibidem tradita aliqui inuincit, quia licet non possit vna, eademque res terminari duobus vltimis terminis, seu duabus vltimis actualitatibus eiusdem ordinis, bene tamen diuersi ordinis. Sicut licet non possit quis esse sanctus duabus sanctitatibus eiusdem ordinis, bene tamē diuersi ordinis, vt patet de Christo D. qui simul est sanctus sanctitate gratiæ, & vnionis hypostatice.

152 Ad 2. confirmationem dicunt; quod existentia relationis create non est absoluta, sed relatiua. Ad probationem 1. in contrarium respondent, quod non.

sequitur dari duas illas relationes in Paternitate v.g. quia existentia relationis, & relatio non distinguuntur. Ad 2. probationem dicunt, quod etsi vltima actualitas rei absolute dicat ordinem ad subiectum, non tamen vltima actualitas relationis, hæc enim est ad terminum, sicut & ipsa relatio.

153 Verum nulla est dictis solutionibus aliquid euincit. Non 1. quia si semel omnia, quæ pertinent ad compositum substantiale, & constituunt vnum per se possunt existere per vnicam tantum existentiam, non debet hoc denegari omnibus substantialibus diuinis, vnum per se constituentibus, tamen si aliqua ex illis sint relatiua, cum ratio relatiua nõ tollat proportionem inter existentiam, & id, quod existit. Sicut ex hoc, quod natura diuina est absoluta, non tollitur quin subsistat per tres subsistentias relatiuas. Et ex hoc, quod natura humana est absoluta, non tollitur, quin terminetur, & subsistat per subsistentiam relatiuam Verbi diuini, ergo, &c. Tum quia licet existentia absoluta tribuat existere relationibus, non tamen primariò, sed secundariò, & tanquam secundariò perfectibili; proportio autem non debet attendi in ordine ad secundarium perfectibile, sed primarium; vt constat in diuina essentia, quæ cum sit actus purissimus, solum petit, quod primum actuabile per illam sit actus purissimus, scilicet diuinus intellectus, non intellectus beati cum quo vnitur in esse intelligibili. Vt etiam constat in nobis, quia licet materia prima, & homo sint quid corporeum, nihilominus existunt per existentiam spiritualem animæ, quia cõmensuratio solum attendi debet cum primo susceptibili, quod est anima. Deinde ad hoc vt inter aliqua sit sufficiens proportio, & cõmensuratio, sufficit, quod comparentur per modum actuatiui, & actualis; quo modo attendi debet ratio eiusdem ordinis inter actum, & potentiam. Per quæ patet ad 2. responsionem.

154 Ad 3. responsionem, quod sicut ex perfectione diuinæ substantiæ absolute colligimus dari tres subsistentias relati-

uas, ita ex perfectione existentie absolute colligere debemus dari etiam tres existentias relatiuas, dicendum, esse maximam disparitatem, quia ideo ex perfectione subsistentie absolute colligimus tres subsistentias relatiuas, quia quod est perfectissimè subsistens in natura diuina, debet secum asserre, quod simul sit subsistens per modum personæ in eadem natura, cum natura diuina petat esse in tribus incommunicabiliter, quod per subsistentiam absolutam non habet, sed potius habet, quod subsistat communicabiliter; subsistere autem incommunicabiliter in diuinis personis non potest haberi nisi ex oppositione, ac proinde, nisi ex subsistentiis relatiuis. Cõterum existentia in diuinis non dicit incommunicabilitatem, quia hoc est proprium personalitatis, ac proinde nihil pertinet ad latitudinem existentie, quod ab existentia absoluta præstari non possit; ac proinde ex summa diuinæ existentie perfectione oppositum sequitur subsistentie. Vnde in creatis videmus, quod hoc ipso, quod aliquid siue absolutum, siue relatiuum, concipitur esse extra causas, concipitur vt formaliter existens, nec est necesse concipere illud vt incommunicabile, cum ratio existentie non definiatur per ordinem ad terminum, sed per ordinem ad causas, quatenus est extra illas.

155 Nec 1. solutio ad primam confirmationem fauet suis auctoribus. Falsum namque est, quod nihil existat per existentiam alterius, vt videre est in homine, vbi materia prima existit per existentiam formæ, & in alijs compositis, per existentiam totius. Tum quia etiam in diuinis existentia absoluta simul cum diuina essentia imbibitur per modum transcendētis, vt etiam tradit Suarez, ac proinde debet effectum suum formale illis tribuere.

156 Nec etiam secunda solutio ad eandem primam confirmationem adhibita aliquid probat, quia plures vltimi termini præcisè quia vltimi, nequeunt terminare vnam, eandemque rem, seu rationem formalem; ergo dictæ existentie tamen si sunt diuersi ordinis non poterunt vnam, eandemque relationem ter-

minare. Antecedens probatur, quia ob hanc rationem plures figuræ totales tametsi sint diuersæ rationis, nequeunt terminare eandem quantitatem, quia vnaquæque habet rationem vltimi termini terminabilis. Tum quia ratio vltimi termini positiue talis, petit ex vi huius conceptus, vt post ipsum nullus alius sit terminus, cum ipse positiue sit vltimus, ergo duo vltimi termini repugnant respectu vnus, eiusdemque formalitatis. Tum etiam quia existentia ex genere suo est actus vltimus non aliquorum tantummodo, sed omnium pertinentium ad aliquam formalitatem, v.g. substantialem; vnde, quandiu non intelligitur existens, non intelliguntur omnia illa esse sub vltima actualitate; ergo ex genere suo est impossibilis existentia etiam diuersæ rationis; vnaquæque namque ex illis deberet vltimo loco, & post aliam aduenire.

157 Nec etiam solutio ad 2. confirmationem aliquid valet, certum namque est existentiam relationis maximè in via D. Thomæ esse absolutam, cum existere accidentium, etiam relatiuorum non sit ad terminum, sed ad subiectum. Existentia relationum non sequitur esse ad, sed esse in. Neq; id, quod ad 1. probationem dicitur, quod scilicet relatio, & existentia illius non distinguantur, habet verum, quia in creatis essentia, & existentia distinguuntur realiter; nec existentia potest esse de essentia creaturæ. Neque etiam id est verum, quod dicitur ad 2. probationem, quod scilicet vltima actualitas relationis sit ad terminum, hæc enim, vt ex dictis constat, cum sit esse existentia habet respicere causas rei, non terminum.

158 Probatur 3. conclusio nostra, quia Deus, & quælibet persona diuina, constituta per suam relationem personalem constituunt vnum per se; ergo diuina natura, & personæ diuinæ non existunt per plures existentias, sed per vnam, eandemque. Antecedens constat, aliàs Deus esset vnum per accidens, quod est omnino falsum. Consequenter probatur, quia quod aduenit enti in actu, & affert propriam existentiam, constituit vnum per accidens,

vt constat ex illo communi Philosophorum proloquio: *Ex pluribus entibus in actu, non potest fieri vnum per se*; si autem relationes haberent propriam existentiam, essent plura entia in actu, seu existentia, vt pater.

159 Occurrunt 1. aduersarij, quod ex pluribus entibus in actu totalibus, non potest fieri vnum ens per se, bene tamen ex pluribus entibus in actu partialibus. Sed contra, quia si ex pluribus entibus in actu partialibus posset fieri vnum ens per se, oporteret, quod existentia illæ partiales posset comparari per modum actus, & potentia, vt ex se constat, atqui existentia nequeunt sic comparari, cum omnes sint essentialiter vltima actualitas; ergo. Tum quia quælibet deberet esse vltima, quod esse non potest.

160 Occurrunt 2. cum Suarez, quod cum esse relationis, & esse diuinæ essentia non distinguantur realiter, sed solum virtualiter, licet esse relationum ad inuicem distinguantur realiter non possunt facere vnum per accidens, cum non sit ibi pluralitas nisi virtualis, vt constat de spiratione actiua, quæ aduenit Patri iam constituto, & tamen non facit vnum per accidens, ratione indistinctionis. Sed contra, quia quod existentia absoluta diuinæ essentia, & relationis non distinguantur nisi virtualiter, non realiter, solum facit, quod ex illis duobus entibus in actu, & ex illis duabus existentijs non fiat vnum per accidens identicè, non tamen facit, quod non fiat vnum per accidens formalissimè, cum formalissimè distinguantur. Hoc enim ipso, quod ex pluribus entibus in actu realiter distinctis fiat vnum per accidens realiter per exclusionem vnitatis per se realiter; ita hoc ipso, quod ex pluribus entibus in actu virtualiter, seu formaliter distinctis fiat vnum, debet esse vnum per accidens formaliter, licet non identicè, quod in ente perfectissimo, & maximè vno dedecet. Nec instantia de spiratione actiua est ad rem, quia cum non habeat propriam existentiam, non aduenit vt ens in actu, sed vt existat per existentiam absolutam.

Oc.

161 Occurrunt alij 3. dicendo non esse inconueniens, quod in Deo detur vnitas, quæ solum formalissimè sit per accidentalis, dummodo aliàs detur vnitas per se identicè. Sed contra, quia à Deo debemus excludere quicquid in suo conceptu affert imperfectionem, sed vnitas per accidens, est huiusmodi; ergo. Soluuntur argum. in contrarium.

162 Primum argumentum desumit ex testimonijs Sanctorum Patrum, Augustini, Cyrilli, Ricardi de S. Victore, &c. Verum Sancti Patres nihil dicunt contra nos, sed quod relationes habeant existere, sed per existentiam absolutam, & quasi sibi appropriatam. Dicitur etià potest, quod per existentiam, intelligunt substantiam, quod fieri solet.

163 Secundum argum. Quia relatio in creatis habet propriam existentiam, distinctam ab existentia subiecti in quo est, ergo etià relationes diuinæ habebunt propriam existentiam. Conseq. constat ex paritate rationis. Antecedens probatur, quia relatio creata est accidens distinctum à subiecto in quo est, ergo habet existentiam ab illo distinctam. Antecedens constat, conseq. probatur, quia vnūquodque accidens, maximè si sit completum, vt est relatio, cum constituat proprium prædicamentum, debet habere propriam existentiam, aliàs non esset ens completum, cum non ratione sui terminaret influxum causarum. Resp. concedendo antecedens, & negando conseq. Ratio disparitatis est, quia relatio creata habet quidem propriam existentiam, sed absolutam, quæ in creaturis multiplicari potest, non in diuinis, aliàs Deus non esset vnus ens per se. Tum quia non inconuenit, quod relatio, fundamentum, & subiectum dicantur substantiæ, tria creata, tria durantia, quod de diuinis dici non potest. Tum etià, quia relatio creata facit vnus per accidens cum eo cui inest, ac proinde potest habere propriam existentiam, non sic relatio increata, hæc enim facit vnus per se. Neque hinc fit relationem creatam fore perfectiorem, cum afferat propriam existentiam, & non

increata. Nam non est perfectionis signis afferre propriam existentiam, sed imperfectionis, cum hinc colligatur esse accidens, non facere vnus per se, sed per accidens cum eo cui inest. Sicut est imperfectio, quod sapientia creata, scientia creata, misericordia creata afferant proprium esse, & non sapientia increata, scientia increata, &c. per quod denotatur, quod illa sint accidentia, & faciant vnus per accidens cum eo cui inest, non ista.

164 Tertium argum. Quia si diuinæ relationes existerent per existentiam diuinæ essentia, & non per proprias, maximè quia diuina essentia imbibetur in illis per modum transcendentis, ac proinde tribueret illis suum esse existentia; sed diuinæ relationes non possunt reddi existentes à diuina essentia sic imbibita; ergo. Maior videtur certa, quia non potest aliquid imbibere in alio secundum aliquam rationem, & non communicetur illa ratio; ergo cum diuina essentia vna cum existentia imbibatur in relationibus, non potest non communicari dictum esse existentia, ac subinde supersuente alie existentia. Minor probatur, quia existentia est vltima actualitas adueniens postea, quæ pertinent ad rationem formalem, & a rationem rei; sed id, quod imbibitur in alio per modum transcendentis, non sic aduenit, vt patet, ergo. Resp. negando maiorem, ad probationem dicendum, quod sicut essentia diuina per modum transcendentis imbibitur in relationibus non tribuit illis, quod sint intelligentes, quia licet diuina essentia sit suum intelligere, non tamen imbibitur vt est sub hoc expresso conceptu, vt ex alibi dictis constat, ita licet diuina essentia sit sua existentia, non tamen est transcendens sub expresso conceptu existentia; ac proinde diuina essentia vt est transcendens non tribuit relationibus esse existentia. Quare diuina essentia per suam existentiam non reddit relationes existentes, nisi quatenus consideratur per modum vltimæ actualitatis, & muneris pertinentis ad lineam diuinæ essentia, sub conceptu essentia, & naturæ, & habet esse

esse talis conditionis vt postquam reddit existentem diuinam essentiam, secundario extendatur ad terminanda, & actiua omnia diuina, trahendo illa ad vnum, idemque esse existentia, vt sic constituitur vnum per se, perfectissime tale.

165. Quartum argum. Quia ex opposita sententia sequeretur quatuor absurdum. Primum, quod hæc propositio esset concedenda: *Pater diuinus est à se*; quod est contra rationem relatiui, quod est ad aliud. Secundum, non esse processiones in Deo. Tertium, personas non constitui proprietatibus relatiuis. Quartum, humanitatem Christi D. vel non existere absolute, & simpliciter, vel non existere per existentiam Verbi diuini. Primum absurdum probatur, quia quod existit per existentiam absolutam, est ad se. Secundum probatur, quia ad veram processionem requiritur productio alicuius existentis; esse autem absolutum non producit. Tertium etiam probatur, quia forma constitutiva rei, debet tribuere illi aliquod esse existentia; nam existentia est effectus formalis formæ. Quartum demum probatur, quia si personalitas Verbi non existeret per propriam existentiam relatiuam; sed tantum per absolutam, tunc humanitas solum vniretur cum prædicta existentia mediata, ac proinde non existeret absolute, & simpliciter; existere namque tantum mediatè, non est simpliciter, & absolute existere.

166. Resp. negando sequelam. Ad 1. probationem dicendum, quod aliud est an existentia relationis sit ad se, an ipsa relatio sit ad. Primum infert illa probatio, non secundum. Existentia semper est ad se, res existens vbi est relatio, non est ad se. Ad 2. probationem dicendum quod ad veram processionem sufficit, vel quod existentia producat, vel quod communicetur, vt in presenti contingit, vt in productione hominis videre est, vbi existentia animæ communicatur. Ad 3. probationem, dicendum, quod ad rationem formæ constitutiuæ in esse personæ, sufficit, quod tribuat rationem subsisten-

di incommunicabiliter, & quod hæc ratio quodammodo determinet ad hoc, quod existentia alterius formæ subsistentis in persona constituta vniamur cum illa, & illi tribuat esse existentia. Ad 4. probationem negatur sequela. Pro quo nota, quod dupliciter dici potest, quod aliquid vniamur alteri mediatè. Primum, vt hæc vnio solum fiat cum illo cui dicitur vniri immediatè, & non transeat ad illud cui mediatè vnitur, quo modo intellectus humanus dicitur vniri mediatè materiæ primæ. Nam solum immediatè vnitur animæ, & non transit ad materiam primam, sed in anima sistit; sic solum media anima vnitur. Secundò, quando res quæ dicitur vniri mediatè, transit etiam ad vnionem cum re, cui mediatè vniri dicitur; & dicitur vniri mediatè, non quia non vniamur etiam huic immediatè, sed quia non vnitur huic, nisi quatenus vnitur illi priori. Quia ratione existentia animæ dicitur vniri primæ materiæ, quia licet & illi immediatè vniamur, tamen non nisi mediante anima; quod autem sic mediatè existit, simpliciter, & absolute existit; non quod existit mediatè primò modo. Quod si loquamur de humanitate Christi D. existit mediatè secundo modo, quia media personalitate Verbi, transit existentia absoluta diuinæ essentia ad terminandam dictam humanitatem immediatè.

167. Quintum argum. Quoniam tres relationes diuine sunt ex vi suæ tres entitates, siue realitates actuales, inter se realiter, & ab essentia diuina ratione, seu virtualiter distinctæ, ergo habent tres existentias relatiuas inter se realiter distinctas, & ab essentia virtualiter, seu ratione. Consequ. videtur legitima, quia existentia rei, nil aliud est, quam eius entitas, aut realitas actualis, ac proinde vbi sunt plures actualitates, seu entitates actuales, erunt plures existentia. Antecedens probatur; nam relationes diuine ex vi suæ lineæ sunt tres realitates relatiuè oppositæ, ergo cum non sint potentiales, seu in potentia tantum, erunt actuales. Resp. distinguendo antecedens; sunt

tres entitates, seu actualitates pertinentes ad ordinem essentiae, & conceditur: pertinentes ad ordinem existendi, seu existentiae, & negatur. Nam & essentia, seu natura habet in sua linea suam actualitatem, & entitatem, pertinentem ad lineam essentiae, & existentia habet suam actualitatem, & entitatem pertinentem tum ad ordinem essentiae, cum & ipsa habeat suam essentiam; tum ad ordinem existentiae, cum sit ultima actualitas rei. Cum ergo relatio habeat suam essentiam, habebit suam entitatem, & actualitatem pertinentem ad ordinem existentiae, quod ex ijs quae in creatis videmus, explicari potest. Pro quo nota, quod essentia creata considerari potest in triplici statu; scilicet possibilitatis, & tunc non dicit aliquod esse actuale, neque in linea essentiae, sed solum dicit esse possibile, seu praedicata essentialia. Secundo considerari potest ut est in egredi, exerceri, seu fieri, & tunc dicit esse actuale essentiae. Tercio considerari potest ut est iam in egresso esse, seu ut ultimo terminat exercitium suae causae, & tunc dicit esse non essentiae, sed existentiae quatenus tunc intelliguntur causae, vel causa, quasi exhausta quoad omne exercitium per ultimam actualitatem ad ordinem existendi pertinentem. Cum ergo etiam relationes divinae habeant suam essentiam relativam, antecedenter ad esse existentiae, quod sibi ab existentia relativa tribuitur, intelliguntur habere actualitatem essentiae, quae est quidem ultima in linea essentiae, sed est vialis in ordine ad actualitatem existendi, quae est absolute ultima, cum aetuet, & terminet ultimum, ipsam actualitatem essentiae. Igitur relationes sunt tres actualitates ad ordinem essentiae pertinentes tantum, non amplius.

168 Sextum argum. quod est confirmatio praecedentis, est, quia praedictae relationes ex vi sua, & intra propriam lineam sunt tres realitates actu dimanantes a divina essentia per virtutalem dimanationem, cum comparentur ad illam per modum proprietatum personarum, ergo ex vi sua dicuntur realitates

actuales, ac proinde existentiam. Resp. ex dictis, quod tres relationes divinae, ex vi sua, & intra propriam lineam sunt tres realitates ad ordinem essentiae pertinentes, & etiam sunt tres actualitates ad hunc ordinem spectantes, & sunt reales realitate essentiae, quae est vialis, modo explicato.

169 Septimum argum. Nam multiplicato concreto, multiplicari debet forma constitutiva illius, sicut multiplicato homine, multiplicatur anima; sed relationes divinae sunt tres realitates actuales, & existentes, secundum quam rationem sunt concreta coalescentia, aut quasi coalescentia ex propria realitate, ex propria actualitate, seu existentia; ergo multiplicatis his concretis, multiplicari debet eorum forma constitutiva, scilicet actualitas, seu existentia. Resp. concedendo maiorem, & negando minorem; propria namque forma constitutiva horum concretorum, seu relationum, non est actualitas existentiae, ut dictum est; sed actualitas illa vialis, seu essentiae; actualitas namque existentiae est communis tribus relationibus divinis; ac proinde est una forma tribuens suam denominationem tribus relationibus dictis; sicut eadem existentia absoluta Dei tribuit suam denominationem Verbo, & humanitati assumptae. Quare dictae relationes solum multiplicantur quoad actualitatem essentiae propriae, non quoad actualitatem existentiae.

170 Sed dices, quod divinae relationes non habent ex vi suarum linearum, esse in dimanari, esse in egredi, esse vialis, sed in dimanato esse, in egresso esse, &c. ergo nullam dicunt actualitatem essentiae, quae in hoc consistit, ut explicatum est. Antecedens probatur, quia ratio formalis relationis est omnino indivisibilis, ut non sit partim intra, partim extra principium a quo virtualiter dimanat, sed debet esse, vel omnino intra, vel omnino extra principium. Tum quia darentur tres in creati, tres aeterni, si dantur tres dimanantes ab essentia divina; cui enim ex vi sua convenit proprium dimanari, etiam

con.

conueniet proprium esse increatum, &c. Tum etiam, quia in creaturis post actualitatem existentie adueniunt proprietates; ergo creaturæ non censentur in facto esse vsquedum habeant non solum esse essentia, esse existentie, & proprietates ex essentia existente dimanantes. Resp. quod quando dicitur, quod diuinæ relationes quoad actualitatem essentia intelliguntur in dimanari, in egredi; non est sensus, quod secundum suam emittentem sint partim intra, partim extra principium à quo dimanant, sed eatenus dicuntur in emanari quatenus pro eo priori non intelliguntur habere ultimam actualitatem existentia; licet intelligantur habere actualitatem essentia, seu illam actualitatem per quam tendunt proximè ad existentiam, seu per quam sunt proximè capaces existentia, quod exemplo materie primæ explicari potest.

173 Ad 1. probationem, dicendum, quod ex hoc quod dantur tres realitates essentiales in diuinis, non sequitur, quod dantur tres æterni, tres increati, cum illæ realitates nondum intelligantur existere, sed esse quasi in via ad existentiam, ratione cuius dicitur relatio increata, æterna. Ad 2. probationem, dico, quod existentia dicitur vltima actualitas respectu omnium, quæ per illam existunt: unde si extenderetur etiam ad proprietates, sicut in diuinis extenditur ad attributa, etiam illorum respectu diceretur vltima actualitas.

D V B I V M X.

An diuina relationes distinguantur realiter ab inuicem.

173 **D** Vbiū indefinitè procedit, an scilicet in diuinis, aliquæ saltem relationes realiter distinguantur ab inuicem. Veritas catholica seq. concl. explicatur. *In diuinis datur realis distinctio inter relationes saltem aliquas, ibidem repperas.* Hæc conclusio est de fide, & eam tenent omnes Theologi. Colligitur ex Concilio Lateran. III. cap. 1. Ex Concil. Tolet. XI. in Confess. fide. Ex Concil. Flo-

rent. sess. 18. & ex alijs. Si enim relationes non distinguerentur in diuinis, non daretur trinitas personarum, cum personæ per illas constituantur. Tum quia in diuinis dantur relationes mutuo se respicientes, ergo inter illas est mutua oppositio, ac proinde realiter distinguuntur; realis namque oppositio, realem petit distinctionem.

173 Sed dices, quod ex eo, quod aliqua opponatur relativiè, non sequitur distinctio realis rei à re inter ipsa; ergo, &c. Antecedens probatur, quia plura accidentia dicunt relatiuam oppositionem cum substantia, respiciendo illam per relationem realem distinctionis, & tamen non omnia distinguuntur realiter distinctione rei à re ab eadem substantia, Resp. rationem adductam procedere de relationibus realis fundatis, aut quasi fundatis in vera, & propria actione, per quam communicetur principium proximum eiusdem actionis. Sic autem se habent diuinæ relationes, vt patet. Solum sunt aliqua argum.

174 Primum argum. contra conclusionem positam, est, quia si diuinæ relationes distinguerentur realiter inter se, sic daretur syllogismus expositorius, in quo præmissæ essent legitimæ, & tamen ex illis non deduceretur bona consequentia; hoc est falsum; ergo. Sequela probatur, nam iste syllogismus est expositorius. *Hæc essentia est Pater; hæc essentia est Filius; ergo Pater est Filius.* Vbi præmissæ sunt veræ, & consequentia est falsa. Resp. 1. hunc syllogismum non esse expositorium, quia subiectum illius scilicet *hæc essentia*, demonstrata diuina, non est omnino singulare, quod est necessarium ad hoc vt syllogismus sit expositorius. Nam hæc essentia diuina licet non sit communis communitate rationis, est tamen communis communitate rei. In syllogismo autem expositorio vt sit legitimus, & bona inferatur consequ. ex præmissis legitimis, debet subiectum esse omnino singulare, & incapax distributionis; essentia autem diuina cum sit modo dicto communis, est capax distributionis, & sic cum diuersi-

modè distribuatur in maiori, & in minori, non mirum, quod falsa inferatur consequentia.

175 Resp. 2. quod dato, quod iste syllogismus sit expositivus, adhuc est defectuosus, ac proinde consequens infertur falsum. Defectus autem is est, quod terminus ille singularis, qui est medium, est communis, communitate rei, ac proinde deberet perfectè distribui sicut alij termini communes. Distribueretur autem perfectè, si diceretur: *Hæc essentia, ut est in tribus personis, est Pater, hæc essentia ut est in tribus personis est Filius, ergo Pater est Filius*, & tunc consequens est falsum, quia ambæ præmissæ sunt falsæ. Dicitur etiam perfectè distribui prædictus terminus, si addatur sine categoria omnis, ut si dicatur: *omnis res, quæ est hæc essentia divina est Pater; Filius est hæc essentia divina, ergo Filius est Pater*. Sed tunc maior est falsa, & idè consequens est falsum.

176 Secundum argum. Quia si divinæ relationes inter se realiter distinguerentur, non esset verum illud commune proloquium: *Quæ sunt eadem uni tertio, sunt eadem inter se*. Eo namque ipso, quod Paternitas, & Filiatio sunt idem cum divina essentia, debent esse idem inter se, ac proinde non possunt realiter distinguui, quod si realiter distinguantur, proloquium illud non erit verum. Resp. 1. cum Capreolo in 1. diff. 2. qu. 3. art. 1. quod ad salvandum dictum axioma sufficit, quod vnum eorum realiter sit idem, quod alterum, vel saltem ut id, quod est idem vni eorum, sit etiam idem alteri, nam eo ipso sunt etiam idem inter se, vel ratione sui, vel ratione tertij. Sic contingit in divinis; nam ex eo, quod Paternitas, & Filiatio identificantur, seu sunt idem cum essentia, bene sequitur quod sint idem inter se, non ratione sui, sed ratione tertij, scilicet ratione essentiae. Eodem scè modo explicat dictum axioma in divinis Caiet. hoc loco, Ferrar. 2. contr. gens. cap. 9. Scotus in 1. diff. 2. qu. 4. §. ad primum. Et insinuat à S. Thom. 8. de potent. art. 2. ad 10. & in 1. diff. 33. q.

1. art. 1. ad 2. quod scilicet ea, quæ sunt idem uni tertio, sunt idem inter se ratione illius tertij, & quoad illam præcisam, rationem in qua identificantur cum illo tertio. Et sic cum Paternitas, & Filiatio identificantur cum divina essentia tanquam cum tertio, identificabuntur inter se in essentia, in qua sunt idem, quæque habet rationem tertij.

177 Cæterum iste posterior modus (ac proinde etiam prior cum quo coincidit) explicandi dictum proloquium displicet Molinæ, Suarez, Valentiz, & alijs hoc loco, unde contra illum sic obijciunt 1. Quoniam in syllogismo non inferimus in conclusione, quod maior extremitas sit idem cum minori in illa eadem identitate præcisè in qua sunt idem cum medio, sed absolute colligimus maiorem extremitatem competere, aut non competere minori propter connexionem, seu identitatem quam, utraque habet in præmissis cum medio; ergo, &c. Resp. quod licet in pluribus syllogismis absolute inferatur, quod maior extremitas identificetur, aut conveniat minori propter identificationem, aut connexionem utriusque, significatam in præmissis; tamen quantum est ex vi dicti axiomatis formalissimè sumpti, conclusio semper intelligenda est de identitate cum medio quoad illam rationem secundum quam extrema identificantur cum eodem medio. Aliud autem, quæ est, quid identitatis inferatur ex vi axiomatis d. inter extrema inter se, & aliud est, quid inferatur ratione materiæ cui applicatur; ex vi dicti axiomatis solum inferatur ea identitas inter extrema, quam habent ratione medij, seu in medio; at ratione materiæ potest etiam inferri identitas absoluta inter eadem extrema inter se.

178 Obijciunt 2. quia secundum dictam expositionem idem esset dicere: *Quæ sunt eadem uni tertio, sunt eadem inter se*, ac dicere: *quæ sunt eadem uni tertio, sunt eadem illi tertio*; & sic esset probare idem per idem. Antecedens probatur, quia extrema identificari præcisè quoad illam rationem in qua cum tertio identi-

fican-

ficanur, idem prorsus est, ac identificari cum tertio. Resp. negando antecedens. Aliud namque est inferre identitatem extremorum cum tertio, & aliud est inferre identitatem extremorum inter se ratione tertij, & quoad rationem in qua identificantur cum tertio; nam dum infertur identitas extremorum cum tertio, tunc extrema huius identitatis, sunt ex vna parte illud tertium, & ex alia sunt extrema. At cum infertur identitas extremorum cum tertio, & ratione tertij, & quoad illam rationem præcisam, in qua illi tertio identificantur, tunc extrema huius identitatis, sunt extrema; tertium verò, præcisè est ratio, seu fundamentum talis identificationis extremorum in eodem tertio, ac proinde est ibidem diuersa identificatio, nec probatur idem per idem, vt constat.

179 Obijciunt 3. quia secundum dictam solutionem non saluatur, quod intenditur, scilicet quomodo diuinæ relationes identificentur cum essentia, & nihilominus distinguantur realiter ab inuicem, ergo, &c. Antecedens ostenditur, quia si semel quæ sunt eadem vni tertio, quoad id in quo sunt illi eadem, debent esse eadem inter se, consequens est; quod Paternitas, & Filiatio quoad suas proprias realitates debeant esse idem inter se, siquidem secundum illas identificantur eū tertio, scilicet, cum diuina essentia. Resp. negando antecedens. Ad probationem dicitur, ex ea solum probari, quod extrema, scilicet relationes, sint idem inter se secundum eam rationem, secundum quam sunt idem cum diuina essentia.

180 Obijciunt 4. quia prædictum axioma æquualet huic propositioni hypotheticæ: *Qua ita sunt eadem vni tertio, vt ab eo realiter non distinguantur, debent etiam ita esse idem inter se, vt ab inuicem non distinguantur realiter*; ergo prædictum axioma non rectè fuit in dicta solutione explicatum, per hoc præcisè, quod quæ sunt eadem vni tertio, sint idem inter se, quoad propriam rationem tertij. Tum quia hæc expositio plus iusto videtur ar-
bitrare prædictum axioma; siquidem in om-

nibus rebus creatis apertè constat, quod quæcunque sunt eadem vni tertio, sunt eadem inter se, quoad proprias rationes, & non solum quoad rationem tertij. Resp. quod etià illa propositio hypothetica admittit vtamque expositionem supra traditam. Nam quæ ita sunt eadem realiter vni tertio, vt ab eodem realiter non sint distinctæ, non est necesse, quod absolute non differant realiter inter se; sed sufficit vt non distinguantur realiter inter se in ratione tertij. Ad probationem dicendum, quod dictum axioma ex vi sua, vt abstrahit à Deo, & creaturis, non petit amplius extendi, quam iuxta traditam expositionem.

181 Respondetur secundò ad dictum principale argumentum, quod dictum axioma est intelligendum quando aliqua sunt eadem cum tertio adæquatè, & convertibiliter, non vero quando sunt eadem cum illo inadæquatè, & non convertibiliter, vt in præsentī contingit. Nā Paternitas v.g. non est idem adæquatè cum diuina essentia, nec cum illa conuertitur, licet è contra essentia identificeat sibi adæquatè quamlibet ex relationibus. Vnde in diuinis valet: *hæc realitas, est Paternitas; ergo est essentia diuina*; non tamè è contra; *hæc realitas est essentia; ergo est Paternitas*; nam etiam Filiatio est essentia diuina, non tamen est Paternitas. Ratio dictæ solutionis est, quia hoc ipso, quod vnum non identificetur adæquatè cum alio, non potest ita extendi ac illud, ac proinde non erit idem cum illo in omnibus. Quod explicari potest exemplo nostri temporis, præsentis, præteriti, & futuri. Futurum namque cum solum inadæquatè sit præsens æternitati, non valet futurum est præsens æternitati, præsens similiter, &c. ergo tempus præsens, & futurum sibi sunt præsentia, seu coexistētia.

182 Cum hac solutione, seu explicatione dicti axiomatis, coincidit alia, quam tradunt Capreolus, Durandus, & alij, quod scilicet dictum axioma intelligi debet de his, quæ identificantur realiter eidem tertio, non tantum singulari, sed omnino incommunicabili pluribus; cuius

oppositum contingit in essentia divina, quæ licet sit singularis, est tamen communis communitate rei non tollente eius singularitatem. Hæc solutio coincidit inquam cum præcedenti, quia quod est solum inadæquatè idem cum alio, ideo est quia illud aliud est commune, & identificatur cum alijs.

183 Sed obijcies 1. quia in hoc Syllogismo: *omnis homo est animal: Petrus est homo: ergo Petrus est animal*, minor extremitas non identificatur adæquatè cum medio, sed solum inadæquatè; & similiter medium etiam est terminus communis, & tamen ex hac identificatione colligitur in conclusione, prædictam minorem extremitatem, identificatam vñ cum maiori extremitate in medio, scilicet in homine, esse idem cum prædicta maiori extremitate. Resp. quod identitas vtriusque extremitatis in conclusione non colligitur præcisè ex meritis identificationis inadæquatæ, qua minor extremitas identificatur cum medio. Sed ex meritis identificationis adæquatæ, qua maior extremitas identificatur cum eodem medio, quæ talis est, vt non solum adæquet prædictum medium, sed etiam superexcedat illud. Et ideo hoc ipso, quod identificet adæquatè minorem extremitatem, oportet vt maior extremitas adæquans medium, & superexcedens illud, cum ipso identificata, habeat etiam ex vi huius identificare minorem extremitatem.

184 Obijcies 2. quia dicta solutio videtur petere principium, & non euacuare difficultatem, si quidem in creaturis nõ datur identitas illa inadæquata, & axioma ipsum concludere videtur non posse inueniri. Resp. negando antecedens; nulla namq; committitur petitio principij. Ad id, quod dicitur, quod scilicet in creaturis illa inadæquata identitas non reperiatur, dico, quod si loquatur de identitate inadæquata duorum extremorum cum tertio singulari, & simul communicabili sub modo essendi naturali, & enitativo, re vera non datur in creatis, sed solum in diuinis. Inuenitur tamen in creatis identitas, inadæquata aliquorum extremorum cum

quodam tertio non singulari, sed communi communitate rationis. Inuenitur etiam identitas inadæquata extremorum cum tertio, considerato vt abstrahit à modo essendi naturali, & intelligibili; ita vt illud tertium sit singulare, & communicabile pluribus; patet hoc in natura v. g. albi, quæ simul, est singularis, & communicabilis pluribus, scilicet speciei imperfectæ, expressæ, & obiecto, cum qua natura illi modi essendi identificatur.

185 Resp. vltimò ad dictum argum. quod illud axioma non est necessarium, & irrefragabiliter verum, nisi in ijs, quæ sunt idem cum tertio re, & ratione, vt iunica, & indumentum, non tamen in illis, quæ non sunt idem re, & ratione. Sic S. Thomas *art. 3 huius q. ad 1.* & sic cum diuinæ relationes non sint idem re, & ratione cum diuina essentia, propterea ex illarum identitate cum eadem essentia non inferitur identitas inter se. Hoc explicat D. Tho. exemplo actionis, & passionis, quæ cum non sint idem cum motu re, & ratione, sed re tantum, non inferunt, quod sint idem inter se. Hæc solutio D. Thomæ displicet Molinæ, Suarez, Vasquez, & alijs quocirca contra illam sequentia obijciunt.

186 Obijciunt 1. quia data dicta solutione periret ars syllogistica, quæ in hoc axiome fundatur, si quidem ex connexionem, seu vnitatem medij cum extremitatibus, colligitur secundum artem syllogisticam connexio, seu vnitatem extremorum inter se, licet extremitates non sint idem re, & ratione cum medio. Et propterea, ex eo, quod animal, & Petrus identificentur cum medio, scilicet cum homine, colligitur eorum identitas inter se, in hoc syllogismo: *Omnis homo est animal: Petrus est homo: ergo Petrus est animal*. Resp. negando antecedens, quia ars syllogistica non innititur illi principio: *Quæ sunt eadem vni tertio, sunt eadem inter se*, nisi illa extrema sint eadem tertio re, & ratione, vt cum D. Thoma tradidimus, quantum est ad artem syllogisticam formalitè, licet aliud de ratione materiæ possit oppositum contingere. Pro quo nota, quod ad hoc vt ex identificatione extre-

motum cum tercio, colligatur identitas eorumdem extremorum inter se, oportet, quod dicta extrema sint eadem re, & ratione cum tercio, prout esse idem re, & ratione excludit distinctionem secundum rationem, seu excludit distinctionem rationis ratiocinatæ, seu distinctionem virtutalem. Vnde sensus illius axiomatis est, abstractendo ab hac, vel illa materia, quod tunc ex vi unitatis, seu connexionis eorumdem extremorum inter se, quando extrema non asserunt proprias rationes diuersas virtualiter à ratione tertij, & important inter se oppositionem. Nam si extrema asserant proprias rationes virtualiter diuersas à tertio, & inter se oppositas, tunc quantum est ex vi rationum, formalium terminorum dicti axiomatis, non colligitur identitas extremorum inter se ex identificatione eorum medio. Quare ad exemplum in argumento relatum dicitur, quod extrema illius, ideo ex identificatione cum tercio identificantur inter se, quia non habent oppositionem inter se: vel dic, quod ex vi identificationis cum tercio non sequitur identificatio inter se cum distinguantur ratione, sed sequitur ratione materiæ, non ex vi dicti axiomatis formaliter.

187 Obijciunt 2. Nam si solum illud axioma accipiendum esset in synonymis, ut videtur insinuare D. Tho. dum apposuit exemplum in illis, videretur inane, & nullius momenti: nullus enim indiget probatione, ut ostendat gladium, & enssem esse idem inter se. Aristoteles vero 7. *Topic. cap. 1. loco 4.* dicit prædictum axioma esse locum communem, ut probemus, quæ sint eadem inter se: qui locus, dubio procul, seruire debet non ad probanda synonyma esse idem inter se, sed alia difficiliora. Vnde Aristoteles sic statuit. *Rursum considerandum, si cui alterum idem, & alterum, nam si non ambo eadem eadem, manifestum est, nec sibi inuicem.* Cum ergo in omnibus rebus creatis verum sit, semper esse idem secundum rem ea, quæ sunt eadem vni tertio, & rursus esse eadem prædicatione inter se, quæ

prædicantur de aliquo tertio, non debet dictum axioma ita limitari, sed debet planè explicari in quibus rebus locum habeat. Resp. falsum esse, quod iuxta mentem D. Thomæ debeat dictum axioma explicari, & verificari in solis synonymis. Licet enim Angelicus Doctor synonyma in exemplum attulerit, non tamen hoc fecit quia senserit, quod in solis synonymis dictum axioma verificetur: sed quia in synonymis est prædictum, axioma vniuersaliter verum, licet non in illis solis verificetur.

188 Obijcies 3. Nam D. Tho. 2. *contr. gent. cap. 9.* ex eo probat potentiam Dei, & eius operationem esse idem secundum rem, quia sunt idem cum essentia, at potentia, & operatio Dei non sunt synonyma, cum ratione saltem differant; ergo non in solis synonymis dictum axioma verificatur. Resp. bene intulisse D. Thomam, identitatem diuinæ potentie, & operationis inter se, ex identitate cum diuina essentia, non quia sint synonyma, sed quia non distinguuntur re, & ratione inter se: cū in Deo potentia operatiua, & eius operatio pertineant ad eandem lineam, & non habeant oppositionem inter se. Vnde licet attributa distinguantur virtualiter à diuina essentia, cum tamen non habeant oppositionem inter se possunt ad inuicem identificari, & ex identificatione cum tercio admixta cum distinctione virtuali colligitur similis identitas eorum inter se.

189 Obijciunt 4. ex Suarez, quia actio & passio differunt ratione à motu cum quo identificantur, & tamen non distinguuntur realiter inter se; ergo ad hoc ut ex identificatione reali cum tercio colligatur identitas eorum realis inter se, non requiritur, quod ita identificentur cum illo tertio ut non distinguantur ratione ab ipso; ergo tradita solutio non est firma. Resp. quod actio, & passio distinguuntur ad inuicem distinctione reali formali, cum sint formalitates cōstituētes diuersa predicamenta; deinde distinguuntur à motu distinctione reali modali, seu formali, ut formalitas à modo; ac proinde sicut inter se distinguuntur distinctione ante intellectum, ita, & à motu. Dicuntur autem
iden-

identificari in vna entitate motus, quia non habent aliam entitatem, nisi illam motus. Deinde dato, quod actio, & passio distinguerentur à motu solum ratione ratiocinata, non tamen colligi potest similis solum distinctio inter se, cum non sint idem cum motu re, & ratione, sed re tantum, & aliunde sint inter se opposita tanquam duo pertinentia ad duo prædicamenta primo diuersa.

190 Obijciunt vltimo Molina, & alij ex Aurcolo, quod licet sola distinctio rationis extremorum à medio, seu tertio, impediat quominus extrema sint inter se idem secundum suam rationem formalem, seu absque distinctione rationis, non tamen impedit, quominus vt sunt eadem prædicto tertio, scilicet per identitatem, realem admittentem distinctionem rationis, sint eadem inter se; ergo, &c. Antecedens probatur, quia vniuersaliter verum est, vt non habeat aliquam instantiam in rebus creatis, quod quæ sunt eadem vni tertio, sunt eadem inter se, eo genere identitatis, quo sunt eadem cum illo tertio; ergo, &c. Resp. negando antecedens, loquendo formaliter, licet ratione materiæ oppositum contingere possit. Nam, quæ sunt eadem vni tertio, sunt eadem inter se eodem genere identitatis ac sunt cum tertio, solum est verum cum dictum axioma applicatur ad peculiarem materiam, scilicet ad res creatas, non vt applicatur ad diuina, ob specialem oppositionem relationum, quam inter se habent, quæ cum tertio identificatur.

D V B I V M X I.

An in Deo sint tantum quatuor relationes reales.

191 **D**E relationibus in Deo existentibus, præfens dubium procedit; de relationibus inquam in Deo existentibus etiam quoad ipsarum terminos, procedit dubium, nam de relationibus habentibus terminos extra, vt est relatio creatoris, Domini, &c. hoc loco non agitur. Neque inquiritur relationum in

Deo existentium distinctio, quia de hoc postea, sed solum inquiritur dictarum relationum numerus, existentia, saltem quoad aliquas, supposita.

192 Veritas Catholica sequenti conclus. explicatur. *In Deo sunt tantum quatuor relationes, scilicet Paternitas, Filiatio, Spiratio, & Processio, seu spiratio actiua, & passiuæ.* Ista conclusio ratione illius exclusiue tantum, duas habet exponentes. Prima est: *In Deo sunt quatuor relationes.* Secunda: *In Deo sunt quatuor relationes, & non aliæ,* seu non sunt nisi dictæ quatuor. Prior exponens est magis certa quam secunda; & magis certum est, quod dentur Paternitas, Filiatio, & Processio, seu spiratio passiuæ, quam spiratio actiua. Tamen ex Concilijs, & Patribus est etiam certum dari spirationem actiuam; si enim hæc non daretur, non esset respectus Patris, & Filij ad Spiritum sanctum.

193 Rationem fundamentalem tradit D. Thomas in art. 4. præfentis q. quæ potest ad hanc formam reduci. Nam relationes reales tot sunt in Deo, quot dantur actiones, & passionēs, seu quasi passionēs, non transeuntes, sed immanentes; sed istæ sunt tantum quatuor; ergo quatuor tantum erunt relationes reales in Deo iam enumeratæ. Maior constat; nam in Deo non possunt esse relationes nisi in actione, aut quasi actione, & passionē, aut quasi passionē fundatæ. Pro quo nota, quod in Deo non possunt dari relationes reales fundatæ in quantitate, non modis, cum ibi non detur; non modalis, quæ est res modum habens quantitatis, prout vnum in substantia facit idem, & sic fundat relationem identitatis; & vnum in qualitate facit simile; & multitudo, seu numerus facit diuersum, & dissimile in eisdem (omnia namque ista vocantur quantitates modales, seu habentia modum quantitatis, ex eo, quod vnitatis, numerus, ac multitudo, sint modi quantitatis, vel habent se ad instar modorum quantitatis.) Et ratio est, quia relationes fundatæ in quantitate siue modis, siue modali, requirunt fundamenta, siue rationes fundandi, saltem numericè di-

distinctas; ita quod si relatio sit in unitate substantiæ, quæ est relatio identitatis in natura, requiritur vna cum unitate, siue specifica, siue generica, quod natura sit multiplex, saltem numericè, in vtroque extremo. Si relatio sit similitudinis in qualitate, requiritur qualitas multiplex, saltem numericè. Vnde si vnica humanitas esset in duplici supposito, non esset ibi relatio identitatis; & si vna albedo esset in duobus subiectis, non esset ibi relationes similitudinis, &c. Neque possunt esse in diuinis relationes fundatæ super rationem mensuræ, & mensurabilis; quia relationes, quæ versantur inter personas eiusdem ordinis, & naturæ, sunt mutue, at relationes fundatæ in ratione mensuræ, & mensurabilis, sunt non mutue. Tum: quia relationes mensuræ, & mensurabilis sunt illæ, quæ versantur inter facultates, scientias, virtutes, & similia, & inter sua obiecta; hæ autem relationes in Deo nequeunt esse reales, ex defectu realis distinctionis inter facultates, & virtutes, & sua obiecta. Tum etiam quia vna persona diuina non potest esse mensura alterius, cum omnes sint eiusdem prorsus naturæ. Vnde cum in diuinis nequeant dari relationes fundatæ in istis duobus fundamentis iam dictis, restat vt solum dentur illæ quæ in actione, & passione, seu quasi passione fundantur.

194 Minor dictæ rationis D. Thomæ probatur, nam in natura intellectuali, tantum dantur duæ actiones immanentes, scilicet intelligere, & velle, & secundum vnamquamque ex istis, tantum duplex relatio dari potest: vna principij producentis ad terminum productum; & alia termini producti ad suum principium, & sic erunt quatuor tantum relationes, scilicet Paternitas, quæ est in principio generante, Filiatio, quæ est in termino genito. Spiratio actiua, quæ est in principio spirante, & spiratio passiuæ, quæ est in termino spirato. Illa prior est generatio, non ista posterior.

195 Sed obieciēs 1. quia falsò supponitur, quod relationes diuinæ supponant fundamentum, aut rationem fundandi,

ergo tota ratio ruig. Antecedens ostenditur, quia ideo relationes creatæ supponunt fundamentum, aut rationem fundandi, quia sunt accidentia, & non sunt per se subsistentes, sed relationes diuinæ sunt per se subsistentes; ergo non supponunt fundamentum, seu rationem fundandi. Resp. negando antecedens. Ad probationem dicendum, quod relationes creatæ, quæ accidentia sunt, & imperfectionibus inuolutæ, indigent fundamento cui inhaereant, at quæ relationes sunt, secundum se, præscindendo ab imperfectionibus requirunt fundamentum, seu rationem fundandi, ac proinde etiam relationes diuinæ licet subsistentes sint; requirunt suas rationes fundandi, quia istæ non petuntur ob indigentiam, aut imperfectionem, sed tamquam aliquid peculiariter determinans ad hoc, vt in diuinis dentur relationes, secundum proprium, & expressum munus ad, hoc enim supponit subiectum; non cui inhaereat, sed quod referat, &c.

196 Obieciēs 2. quia falsum videtur, quod dictum est in explicatione maioris, quod scilicet relationes fundatæ in quantitate modali, vt relatio identitatis, seu similitudinis, requirant, quod natura illa in qua fundantur sit saltem numericè multiplex in vtroque extremo; ergo. Antecedens probatur, quia ad relationem v.g. identitatis, satis est, quod natura fundans hanc relationem, habeat diuersum modum essendi in vtroque extremo, licet sit eadem numero in vtroque, vt constat de natura v.g. albi quæ est eadem numero in obiecto, in specie impressa, & expressa. Ergo cum essentia diuina habeat diuersum modum essendi in Patre, Filio, &c. poterit fundare relationem identitatis, non minus quam natura in obiecto, specie, &c. Tum quia relationes secundi generis, quæ in actione, & passione fundantur, requirunt distinctam rationem fundandi in vtroque extremo, & tamen in diuinis, actio, & passio sola ratione distinguuntur, secundum id, quod in recto importatur; ergo eadem ratione ad relationes identitatis, fundatas in quantitate modali, sufficiet, quod sit eadem natura, licet debeat con-

notarediuerſum modum eſſendi, &c. Reſp. concedi poſſe, quod poſſit dari relatio identitatis in eadem natura exiſtente ſub diuerſo modo eſſendi, ſeu ratione diuerſi modi eſſendi, quādo illi modi eſſendi pertinent ad lineam naturę, quia illa diuerſitas modorum, quaſi reddit naturā diuerſam, vt cōtingit in exemplo allato, vbi tam modus eſſendi naturalis, quam intelligibilis pertinent ad lineam naturę. Nō tamen quando modi eſſendi pertinent ad diuerſam lineam, vt in noſtro caſu contingit, vbi relationes pertinent ad diuerſam lineam à linea diuinę eſſentię; quare cum pertineant diuerſam lineam, & ſint quaſi ordinis diuerſi non cenſentur multiplicare naturam. Per quę patet ad confirmationem.

197 Obijcies 3. Non rectę inferri in dicta ratione, quod debeant dari tantummodo quatuor relationes diuinę, ex eo, quod dentur tantum duę actiones, ſeu operationes, ſeu proceſſiones, quia vnicuique correfpondet duplex relatio. Nam licet ibidem ſint tantum duę actiones, ſeu proceſſiones, poſſunt tamen eſſe plures relationes; ſicut enim in humanis ex vnica generatione plures oriuntur relationes, ſcilicet Paternitatis, Filiationis, identitatis, & diuerſitatis, diſtinctionis genitoris à genito, ita ex vnica generatione Verbi diuini, vltra relationes Paternitatis, & Filiationis, alię poſſunt reſultare, vt relationes diſtinctionis inter Patrem, & Filium. Tum quia quęlibet perſona diuina eſt in alia, ergo præter dictas relationes, dabuntur alię mutux præſentię, vel inexiſtentię vnus perſonę in altera; quę cum habeant diſtincta fundamenta, & ex natura rei ſit prædicta habitudo inter eandem diuinās perſonas, non poterunt non eſſe reales. Reſp. negando antecedens. Ad 1. probationem dico, quod in creatis facile relationes multiplicantur, non in diuinis. Datur quidem inter diuinās perſonas relatio diſtinctionis, ſed iſta oritur formaliffimē à dictis relationibus v.gr. Pater per Paternitatem diſtinguitur realiter à Filio, non per aliam relationem à Paternitate diſtinctam. Cui rei optimum adducit exemplum S. Doct. *infra q. 42. art.*

1. ad 4. quia vna relatio nequit fundare aliam, aliās daretur proceſſus in infinitum; quia iſtę diſtinguerentur relatiuē per alias, iſtę alię per alias, & ſic in infinitum. Nec obſt ſi dicas, quod loquendo de Filiatione, aut proceſſione, ratio fundandi illas, adhuc in recto, eſt ipſa relatio; ergo vna relatio fundat aliam. Nam ad hoc dicitur, quod Filiatione non fundat relationem vt relatio, ſed ipſa Filiatione vt habet rationem originis paſſiue, fundat Filiationem qua talem.

198 Ad 2. probationem, dicitur, quod licet vna perſona ſit in alia, non tamen per relationem diſtinctam, ſed per eandem relationes; nam diuinę perſonę ſe mutuo includunt, tum ratione diuinę eſſentię; tum etiam quia fundantur in actionibus immanentibus, quarum termini, & principia ſunt ibi inuicem coniuncta. Nec valet, quod relationes Paternitatis, & Filiationis, ſunt diſquiparantię, at verò relationes inexiſtentię, aut præſentię, ſunt æquiparantię; vna autem, eademque relatio nequit eſſe æquiparantię, & diſquiparantię. Ad hoc namque dicitur, quod licet vna, eademque relatio ſub eodem conceptu expreſſo nequeat eſſe æquiparantię, & diſquiparantię, bene tamen ſub diuerſis nominibus, & conceptibus inadx quatis.

199 Obijcies 4. quia ex hoc, quod proceſſus amoris ſupponat proceſſionem Verbi, non ſequitur, quod dari debeant proceſſus actiua, & paſſiua; ſed tantum, ſequitur, quod dari debeat proceſſus paſſiua, ex proceſſione Verbi procedens; ergo, &c. Antecedens probatur, quia principium produciuum amoris, eſt Pater, & Verbum, ſeu Filius, qui præſupponuntur conſtituti in ratione principij quod; ergo, non debet illis ſuperaddi noua relatio vt ſint principium ſpirationis paſſiue. Reſp. quod licet ſpiratio actiua competat Patri, & Filio, tamen Paternitas, & Filiatione non ſunt ipſa ſpiratio actiua, ſed ſe habent per modum veluti conditionum indiſpenſabiliter requiſitarum ad hoc, vt dicta ſpiratio actiua illis communicetur. Quomodo autem diſtinguatur à Paternitate, & Filia-

tio-

tionem, postea dicitur.

200 Obijcies 5. quia ratio adducta solum probat, quod in diuinis sint tantum duę processionis in genere, non in specie; nam intelligere, est vna operatio in genere, per quod vt est primordiale producit vnum Verbum; vt est scientificum, aliud; vt est intelligere prudentię, aliud; vt est artis, aliud, &c. Ex vi namque dictę rationis non conuincitur, quod solum vnicum Verbum producat; idem argumentum formari potest, de voluntate. Nec valet dicere, quod hoc ipso, quod per intelligere essentiale producat Verbum, exhauritur omnis vis productiua. Verbi in diuinis, ex eo, quod dictum Verbum est infinitum in ratione verbi, & representat perfectissimę omne representabile.

201 Nam contra hoc est, quia licet verbum productum per intellectionem, essentialem sit infinitum, nihilominus habet vnde distingui posset ab alijs verbis productis per actum scientię, artis, prudentię; cum enim habeant distincta obiecta, habebunt quibus distinguantur; sicut habent vnde distinguantur illi actus, &c. Tum quia intelligere essentiale non exhaurit totam vim intellectiuam Dei; ergo neque exhaurit totam fecunditatem, quę est in vi intellectiua Dei ad productionem verbi. Antecedens probatur, quia si dictum intelligere exhauriret totam vim intellectiuam Dei non superessent alij actus quasi specie distincti, & proprii virtutum intellectiualium. Tum etiam quia dictum intelligere primordiale solum exhaurit vim intellectiuam primordialem, & primę linę, non aliarum. Resp. negando antecedens; licet enim diuinum intelligere primordiale habeat obiectum distinctum ab alijs actibus diuini intellectus, ac proinde actus in argumento recensiti distinguantur virtualiter, sicut & illorum obiecta. Verbum tamen non potest produci nisi per intelligere essentiale, connotando Paternitatem. Actio namque per quam producit Verbum, debet esse talis conditionis, vt non ex indigentia, non ex necessitate, sed ex pura, & summa fecunditate illud producat, hoc autem non potest conuenire nisi intelligere primordiali. Sicut producere ex pura fecunditate aliquem impulsus, non potest provenire nisi principio potissimum, & principali, & actualissimo partis affectiue. Pro quo duplex ratio assignari potest. Prima est, quia vt fides docet in diuinis non producit verbum nisi per intelligere primordiale, & essentiale, non per actus scientię, artis, prudentię, &c. Neque impulsus aliquis per virtutes affectiuas, sed solum per intellectionem primordialem, & per voluntatem tantum; hoc autem denotat id repugnare. Secunda, desumenda est a contrario his, quę in creaturis contingunt. Nam in illis quod tam intellectus, quam virtutes intellectuales producant verbum, oritur ex indigentia, & licet sit ibi aliquid fecunditatis, est tamen inuolutum cum indigentia, qua deficiente, non est in creaturis illa fecunditas, vt in visione beatifica contingit; quo circa cum iste modus fecunditatis in creaturis sit adeo imperfectus, potest competere tam intellectui, quam eius virtutibus intellectiualibus, quia tam illę, quam istę indigent obiecto vnito in ratione obiecti terminantis cognitionem, ac proinde omnia ista debent producere verbum. At in diuinis tam productio Verbi, quam impulsus sunt ex pura fecunditate, & hæc ratio est adeo eleuata, vt solum intelligere, & velle primordialibus competere possit. Ad hunc sensum solutio inter arguendum adducta, admitti debet. Ad 1. probationem negandum est antecedens. Nam Verbum productum in diuinis non potest habere aliud obiectum, præter id, quod habet intelligere primordiale; quia sicut actio per quam producit, est tantę excellentię vt sit ipsum intelligere primum, & constitutum Dei; ita & Verbum productum debet esse ita perfectum, vt sit per processionem omnino perfectā. Tum quia cum Verbum in diuinis ex sola fecunditate producat, & hæc sit naturę, per solum diuinum intelligere exprimi potest, quod est ipsa natura. Ad 2. probationem dicendum, quod diuinum intel-

T t t ligere

ligere exhaurit totam intelligibilitatem primam, quæ est intelligibilitas naturalis, cui fecunditas tribuitur, licet non exhauriat fecunditates secundarias. Unde Verbum diuinum exhaurit totam intelligibilitatem fecundam, non Verbum creatum.

D V B I V M XII.

An spiratio distinguatur realiter à Paternitate, & Filiatione.

202 **S**upponimus vt certum, quod Paternitas, Filiatio, & Processio, seu spiratio passiuæ distinguantur realiter, & vocamus in dubium an hoc idem dici debeat de spiratione, an scilicet realiter distinguatur à Paternitate, & Filiatione. Prima sententia est, quod spiratio actiua distinguatur à Paternitate, & Filiatione actu à parte rei, non distinctione rei à re, sed distinctione ex natura rei. Sic tradunt Scotus quodlibet. 5. art. 2. Durand. in 1. dist. 13. q. 2. a. n. 14. & alij.

203 Nostra sententia seq. concl. explicatur. *Spiratio actiua non distinguitur à Paternitate, & Filiatione realiter, aut ex natura rei, sed virtualiter tantum.* Colligitur ex Concilio Lateran. & refertur cap. *Damnatus, de sum. Trinit.* vbi damnatur in Deo quaternitas, quæ esset si spiratio actiua distingueretur à Paternitate, & Filiatione aliqua distinctione actuali antea intellectum. Vnde nostram concl. tradunt S. Doctor q. 40. art. 1. ad 1. Et omnes Thomistæ hoc loco, & alij communiter.

204 Probat 1. Quia Deus est summe simplex, ergo repugnat in eo compositio; ergo etiam repugnabit in Patre eterno v.g. quod in eo sint duæ relationes realiter, aut ex natura rei distinctæ, scilicet Paternitas, & spiratio actiua. Antecedens & prima conseq. constant. Secunda probatur, quia in Patre tunc temporis esset compositio coalescens ex Patre, & ex spiratione actiua. Sicut enim in creatis esse album, est compositum coalescens ex subiecto, & albedine. Et sicut in creatis est

compositio ex subiecto, & relatione, ita & in Patre; quia illa relatio adueniret Patri iam constituto.

204 Probat 2. ex illo communi axioma, ab omnibus Theologis recepto: *In diuinis omnia sunt idem, vbi non obuiat relationis oppositio.* Sed spiratio actiua non opponitur Paternitati, nec Filiationi, licet opponatur spirationi passiuæ; ergo non distinguitur à Paternitate, & à Filiatione, sed solum à spiratione passiuæ.

205 Licet ergo spiratio actiua non distinguatur à Paternitate, & Filiatione, aliqua distinctione reali actuali, distinguitur tamen virtualiter. Quod sic ostendi potest. Nam relationes correspondentes diuersis relationibus realibus debent distinguere virtualiter, licet ex defectu oppositionis non distinguantur realiter; sed Paternitas v.g. & spiratio actiua correspondent diuersis relationibus realibus; ergo Paternitas, & spiratio actiua debent distinguere virtualiter. Maior constat, quia relationes realiter distinctæ, petunt terminos formales, vel virtualiter distinctos, sicut potentia, aut actus realiter distincti, proportionem seruata, petunt obiecta saltem virtualiter distincta, sed relationes alijs relationibus realiter distinctis correspondentes, comparantur cum eis per modum terminorum formalium, ergo debent virtualiter distinguere. Minor etiam constat. Si quidem Paternitas correspondet Filiationi, vt terminus illius; spiratio verò actiua correspondet spirationi passiuæ tanquam terminus ab illa inspectus, licet inter ipsam Paternitatem, & spirationem passiuam non sit iste respectus, & oppositio.

206 Confirmatur, quia ratio specifica relationis consistit in hoc, quod est aliud se habere; ergo duabus relationibus totalibus distinctis secundum speciem, vt sunt Filiatio, & spiratio, non poterit correspondere ex parte Patris vna tantum relatio secundum speciem, ac proinde relationes illis correspondentes, nimirum Paternitas, & spiratio actiua erunt speciei, ac subinde virtualiter distinctæ.

207 Sed dices hinc sequi, quod inter

Paternitatem, & spirationem actiuam dari cbeat distinctio aliqua ante intellectum, seu ex natura rei. Nam in creaturæ relationes correspondentes alijs relationibus realibus, realiter inter se distinctæ; distinguuntur realiter inter se, licet non habeant ad inuicem oppositionem; ego, &c. Tum quia spiratio, & Paternitas, specie, aut quasi specie totali sunt distinctæ, ac proinde exigunt fundamenta totalia, & adæquata, & terminos totales, & adæquatos; ergo non solum virtualiter, sed etiam actualiter, & secluso intellectu distinguuntur; relationes namque specificæ distinctæ, & quæ habent fundamenta, & terminos adæquatos, debent distingui realiter. Resp. negando antecedens. Ad 1. probationem dico, esse disparem rationem inter relationes creatas, & diuinas. Nam creatæ possunt ad inuicem distingui sine oppositione ab inuicem, ratione limitationis. At in diuinis solum ratione oppositionis relationes realiter distingui possunt. Ad 2. probationem dicendum, quod licet in creatis relationes specie totali distinctæ distinguantur realiter, ratione oppositionis, non tamen in diuinis. Nam, tamen relationes specie, aut quasi specie ibidem distinguantur, nisi tamen opponantur, non distinguuntur realiter ab inuicem. Soluuntur argum. in contrarium.

208 Primum argum. desumitur ex testimonio D. Thomæ q. 32. art. 3. ad 3. vbi dicit, quod Paternitas, & spiratio actiua, non possunt ad inuicem prædicari, vt dici non possit: *Paternitas est spiratio*; vel *spiratio est Paternitas*; sed si Paternitas, & spiratio actiua solum virtualiter distinguerentur, posset fieri illa prædicatio, ergo, &c. Sicut quia essentia in diuinis, & relatio, sapientia, iustitia, &c. solum virtualiter distinguuntur, ad inuicem prædicantur, vt dici possit essentia est relatio, &c. Resp. quod licet distinctio virtualis non impediatur, quominus ea, quæ identificantur, possint prædicari de se inuicem etiã in abstracto, dummodo vel ratione alicuius adiuncti, vel ratione modi significandi non denotetur terminos illius sumi in sensu formali, non in solo sensu identico. Nam

tunc sola distinctio virtualis inter extrema satis est ad hoc vt prædicatio sit falsa, quia tunc denotatur non solum in sensu identico, sed etiam in sensu formalissimo, & absque distinctione virtuali, vnum extremum esse aliud. Dum ergo dicitur quod: *Paternitas est spiratio actiua*, si fiat sensus, ex modo significandi terminorum, formalissimus, hæc propositio non est concedenda. Verum cum dicitur: *essentia est Paternitas*, non fit sensus formalissimus, sed formalis, & identicus, ideo hæc propositio est concedenda. Facilius autem relationum termini accipiuntur formalissime, quam aliorum, quia relationes ex vi modi significandi non significant identitatem, sed expressionem ad terminum, vt ex se constat.

209 Secundum argum. quia relationes producentis, & producti, debent realiter distingui, vt constat in Paternitate, & Filiatione: sed Filiatio est relatio producti ad suum producentem, & spiratio est relatio producentis ad suum productum, scilicet ad Spiritum sanctum, ergo Filiatio, & spiratio debent distingui realiter. Resp. quod relationes producentis, & producti respectu eorundem extremorum distinguuntur realiter, non tamen respectu diuersorum extremorum. Nam licet Filius sit productus respectu Patris, est tamen produciens respectu Spiritus sancti.

210 Tertium argum. Quoniam sicut se habet Paternitas ad Filiationem, ita spiratio ad Processionem, cum vtrobique sit distinctio, & oppositio realis relatiua: ergo à permutata proportionem, sic se habebit Paternitas ad spirationem actiuam, sicut Filiatio ad Processionem; ergo cum Filiatio, & Processio distinguantur realiter, etiam Paternitas, & spiratio realiter distinguuntur. Antecedens constat. Consequ. etiam constat, quia argumentum à permutata proportione est legitimum, vt si dicatur: *Sicut se habent octo ad quatuor, ita sex ad duodecim; ergo sicut se habent octo ad duodecim; ita quatuor ad sex*: quia non magis superatur, seruata proportione numerus octonarius à duodenario, quam quaternarius à senario. Resp. quod tamen si

detur, quod argumentum à mutata proportionem valeat in quantitatibus, non tamen est semper legitimum in alijs rebus. Vnde non est admittendus similis discursus. Sicut se habet Pater ad Filium, ita spiratio ad Spiritum sanctum, ergo à permutata proportionem sic se habebit Pater ad spiratorem, sicut Filius ad Spiritum sanctum; ergo cum Filius, & Spiritus sanctus distinguantur realiter vt duæ personæ, etiam Pater, & spirator eodem modo distinguantur realiter vt duæ personæ.

211 Quantum argum. quia Paternitas v. g. & spiratio actiua sunt duæ relationes reales; ergo etiam erunt duæ res, ac proinde distinguantur realiter ante intellectû. Duæ namque res, non possunt non realiter distingui. Antecedens constat ex dictis dub. præcedenti. Conseq. probatur, quia multiplicato inferiori, non potest nõ multiplicari superius; sicut multiplicato homine, multiplicatur, animal, sed relatio realis est quid inferius ad rem in diuinis; ergo si multiplicatur relatio in Paternitate, & spiratione, vt sint duæ relationes reales; debet etiam in eis multiplicari res, ita vt sint duæ res. Tum quia si Paternitas, & spiratio actiua non essent duæ res, sed vna, & eadem; vel essent vna, & eadem res absoluta tantum, vel relatiua? Non primum, vt patet. Neque secundum, quia Paternitas & spiratio non possunt esse vna, eademque relatio. Tum etiam quia hoc ipso, quod spiratio, & Paternitas sunt duæ relationes, oportet, quod ibidem sit dualitas realis in ratione relationum realium; ergo etiã oportet, quod ibidem inueniatur numerus binarius, ac subinde distinctio secluso intellectu; numerus namque binarius exigit distinctionem, & multiplicationem ante intellectû. Resp. concedendo antecedens, & negando conseq. Ad 1. probationem dico, quod multiplicato inferiori secundum eam rationem qua est inferius directè respectu superioris, debet etiam multiplicari supe-

rius, vt in exemplo ibidem allato constat. Secus quando non multiplicatur inferius secundum eam rationem, secundum quam continetur directè sub superiori, sed secundum connotata extrinseca, vt in præfati contingit. Nam spiratio, & Paternitas non sunt duæ relationes reales, ita quod sit ibidem realis actualis multiplicatio, secundum ea, quæ intrinsecè, & in re cõdicunt (secundum quam rationem continentur directè sub suo superiori eisdem incluso, scilicet sub res, siue realitate diuina) sed solum multiplicantur realiter actualiter quoad connotata, siue terminos per se inspectos; nam licet ipsæ sint tantum virtualiter duæ quoad intrinseca, & in re cõ importata, tamen termini ab ipsis inspecti sunt realiter actualiter inter se distincti. Quare dictæ relationes dicuntur duæ tam quia sunt duæ virtualiter, ita quia respiciunt duos terminos realiter actualiter distinctos. Distinctio autem realis terminorum quodammodo refunditur in relationes, cum proprium sit relationum distingui, quoad rationem ad, per ordinem ad terminos, licet quoad rationem in, distinguantur, per ordinem ad subiecta.

212 Ad 2. probationem, dico, quod Paternitas, & spiratio actiua, sunt vna, eademque res relatiua, cum multiplicitate tamen virtuali, vt dictum est. Hinc tamen nõ sequitur esse duas dualitate actuali, sed virtuali tantum quoad intrinseca, licet quoad extrinseca, seu quoad terminos, & connotata sint duæ dualitate actuali. Ad 3. probationem dicendum ex dictis quod Paternitas, & spiratio sunt duæ relationes secundum intrinseca, tantum virtualiter distinctæ; licet quoad extrinseca, sint duæ dualitate actuali. Ad hoc autem vt Paternitas, & spiratio sint duæ, & duæ reales dici possint, sufficit, quod sint virtualiter distinctæ, & quod termini formales sint realiter diuersi, vt ex dictis constat.

DISPUTATIO XXIX.

IN QVAEST. XXIX. D. THOMAE

DE PERSONIS DIVINIS.

1



LOSSA in *Clement.*
quoniam, de vita, &
honestat. cleric. cuius
verba refero in meo
tract. de censur. disp. 6.
num. 224. plures po-

nit personæ significationes. Nam aliquando persona dicitur histrio, representator comædiarum, qui diuersis modis personat, diuersas præsentando personas. Aliquando etiam secundum grammaticos persona accipitur pro supposito; aliquando pro proprietate suppositi; aliquando pro proprietate vocis; aliquando pro voce ipsa; aliquando pro modo significandi; aliquando pro personali proprietate. Aliquando etiam persona in Ecclesia dicitur, qui dignitatem habet præ cæteris, vnde dignitas personatus; verum hoc loco persona accipitur pro substantia indiuidua naturæ rationalis; prout sequens dubium dabit.

D V B I V M I.

An persona rectè definiatur à Boetio, quod sit: rationalis natura indiuidua substantia.

Communis, & constans Theologorum sententia, seq. concl. explicatur. *Persona rectè definiatur per hoc, quod sit rationalis natura indiuidua substantia* Huius conclusionis rationem rectè assignauit D. Tho. in *art. 1. præsentis q. 29* Nam persona duo dicit. Primum in quo cum alijs substantijs conuenit, non habentibus rationem personæ, & per quod distinguitur ab accidentibus, nempe, quod tam persona, quam quæcunque

alia substantia, debeat esse indiuidua completa, non indiuidua ex aliquo extrinseco, sicut indiuiduantur accidentia, quæ per ordinem ad subiectum indiuiduantur. Vnde accidentia indigent extrinseco sustentante, non persona, nec quæuis alia substantia. Secundum, per quod differt ab alijs substantijs non habentibus rationem personæ; nam aliæ substantiæ non afferunt naturam rationalem, bene tamen persona. Hinc personæ proprium est per se agere, seu agere cum dominio actus; hoc enim solum naturæ rationalis proprium est. Sed hæc duo propria personæ clauduntur in dicta definitione, ergo dicta definitio est legitima. Maior nota est, hoc enim ipso, quod aliquid habeat illa duo recensita, ex communi omnium consensu censetur habere quicquid requiritur ad rationem personæ. Minor etiam satis constare videtur. Nam hoc ipso, quod intelligamus aliquid esse completum, esse ex se indiuiduum, ac proinde non pendere ab aliquo extrinseco ut sustentante, sed subsistere per se ipsum, intelligimus primum, quod ad rationem personæ requiritur; hoc autem explicatur per hoc quod dicitur: *indiuidua substantia*. Deinde hoc ipso, quod intelligamus aliquid habere naturam rationalem; intelligimus habere dominium proprii actus, seu cum dominio operari;

3 Confirmatur, quia hæc definitio datur per proprium genus, aut quasi genus, & propriam differentiam, aut quasi differentiam; ergo est legitima. Antecedens probatur, nam *substantia* ponitur loco generis, prout dicit substantiam completam, in quo persona conuenit cum primis substantijs, & differt ab accidentibus.

Ad-

Additur illa particula *individa* per modum differentie; nam per illam persona convenit cum primis substantijs, & differt à secundis. Adijcitur *rationalis natura*, per quam particulam persona distinguitur à primis substantijs, quæ non sunt personæ.

4 Obijcies 1. quia falsum est, quod substantia differat ab accidentibus in hoc, quod accidentia individuantur ab aliquo extrinseco, secus vero substantia, ergo &c. Antecedens probatur, quia tam accidentia, v.g. albedo individuantur ab aliquo extrinseco, scilicet à subiecto, quæ substantia, v.g. homo, qui individuat à quantitate. Et sicut in albedine ordo ad subiectum est aliquid intrinsecum, secus tamen ipsum subiectum. Ita in hoc homine ordo ad quantitatem est aliquid intrinsecum, licet ipsa quantitas sit aliquid extrinsecum. Resp. negando antecedens. Primò, quia persona hic definitur secundum rationem communem ad creatam, & incretam; vnde illa particula *substantia*, ut advertit Caiet. *hic art. 1.* non accipitur solum pro substantia creata, & multo minus pro substantia materiali tantum quæ per quantitatem individuat, sed pro substantia completa, abstracta à creata, & increta, quæ sic considerata non individuat ab aliquo extrinseco. Omnia autem accidentia secundum rationem generalissimam, individuantur ab aliquo extrinseco, non sic persona hic definita. Secundò, quia dato, quod persona hic definita sit substantia materialis, adhuc non individuat ab aliquo extrinseco, ut accidentia sed ab aliquo intrinseco; nam substantia materialis non individuat à quantitate ut habita, aut secundum suum esse formale sumpta, sed ut præhabita, & præcontenta in hac materia, secundum quam rationem non est accidens extrinsecum, sed ipsa materia intrinseca, ut alibi dictum est.

5 Obijcies 2. quia illud in cuius definitione ponitur substantia pro genere, seu loco generis, debet esse species substantiæ, sed persona non est species substantiæ; ergo inconuenienter ponitur sub-

stantia loco generis, in definitione personæ. Maior patet, nam genus est illud, quod habet species sub se. Minor probatur, quia si persona esset species substantiæ, deberet conuideri contra alias species substantiæ, sed istæ non sunt; ergo. Resp. quod diuisio substantiæ in primam, & secundam non est diuisio proprii generis in species, sed quasi generis in diuersos modos essendi; nam secunda substantia significat naturam generis secundum se absolutam; at prima substantia significat eandem naturam ut individualiter subsistentem. Quate cum individualiter subsistat, continetur quidem in genere substantiæ, non tamen ut species, sed ut specialem modum essendi determinans.

6 Obijcies 3. quoniam definitio debet conuerti cum definito, sed hæc non est talis. Minor ostenditur, quia essentia diuina secundum quod est essentia, est rationalis naturæ individua substantia, & tamen non est persona; ergo. Resp. concedendo maiorem, & negando minorem ad probationem dico, quod essentia diuina est quidem individua secundum rem, non tamen secundum prædicationem, quia prædicatur de pluribus personis diuinis. De ratione autem personæ est, ut non prædicetur de pluribus, ut advertit S. Doctor *de Potent. q. 9. art. 2. ad 12.*

7 Obijcies 4. quia humana natura Christi D. est rationalis naturæ individua substantia, & tamen non est persona, aliàs in Christo essent duæ personæ, quod est falsum; ergo illa definitio conuenit alijs à definito. Maior ostenditur, quia humanitas Christi est substantia rationalis, & individua, cum non sit accidens, neque inuenerale, aut quid commune. Resp. cum D. Tho. loco cit. *ad 13.* quod humanitas Christi non est persona, quia non est subsistens per se, sicut nec manus, nec pes, nec aliquid eorum, quæ non subsistunt per se ab alijs separata.

8 Obijcies 5. quia de ratione personæ est, quod sit incommunicabilis passiuè alteri ut supposito; vnde persona non est assumptibilis, sed sola natura; quod enim

est

est per se subsistens, vt est persona non potest trahi ad hoc, vt subsistat in alio; aliàs esset per se, & in alio; sed hæc ratio incommunicabilitatis non explicatur in dicta definitione; ergo dicta definitio non adæquat definitum. Respon. concedendo maiorem, & negando minorem; eo nãque ipso, quod particula illa *subsistens*, stat pro substantia completa, sufficienter explicatur personæ incommunicabilitas; nam substantia completa, & indiuidua, est incommunicabilis.

D V B I V M II.

An ratio persona inueniatur in diuinis.

9 **V**eritas catholica seq. concl. explicatur. *Ratio persona verè, & formaliter reperitur in Deo.* Constat ex illo D. Athanasij in Symbolo: *Alia est enim persona Patris, alia Filij, alia Spiritus Sancti.* Idẽ traditur in confessione fidei, quam scripsit S. Damasus ad Paulinum, dicens. *Si quis tres personas non dixerit veras, Patris, & Filij, & Spiritus Sancti, anathema sit.* Idem traditur in Concil. Tolet. XI. in Lateran. & refertur cap. *Firmius, de sum. Trin.* & alibi. Tenent Sancti PP. & Theologi omnes.

10 Ratio fundamentalis est, quam assignat S. Tho. *art. 3. huius q.* quia persona denotat id, quod est perfectissimum in tota natura, scilicet subsistens in rationali natura, ergo ratio personæ debet reperiri formaliter in Deo. Id enim, quod perfectissimum est in tota natura rationali, debet formaliter reperiri in Deo, ex eo, quod Deus debet continere omnem excogitabilem perfectionem. Vnde quæ in suo conceptu inuoluunt aliquam imperfectionem, continentur in Deo solum virtualiter, aut eminenter, ea verò quæ non inuoluunt aliquam imperfectionem debent reperiri formaliter. Tum quia persona continet naturam dignissimam, scilicet rationalem secundum se, præcipientem à creatura, & increata, & modum essendi perfectissimum, scilicet essendi per se, quæ duo Deo maximè conueniunt.

11 Obijcies 1. quia natura specifica

nobilior est, quam persona; ergo falsum est, quod persona dicat id, quod est nobilissimum in natura. Antecedens probatur, quia persona de formali tantum, dicit personalitatem, sed hæc eum fit modus, aut quasi modus naturæ non potest esse ita perfecta vt est natura. Nec valet dicere rationem D. Thomæ non procedere de personalitate collata cum natura specifica, cum certum sit secundum hanc rationem personalitatem non adæquare perfectionem naturæ; sed procedit de integra persona, quæ coalescit ex natura, & personalitate; hoc enim modo persona est perfectissimum quid in tota natura, nõ ratione solum personalitatis, sed etiam ratione naturæ. Nam contra est, quia indiuidua materialia sunt propter naturam specificam, & conseruationem illius tanquam propter finem; vnde non intenduntur propter se, sed propter conseruationem naturæ; ergo natura non habet perfectissimum modum essendi prout subsistit in indiuiduis, cum hoc modo ordinetur ad se ipsam secundum se. Resp. sustinendo solutionem traditam; nam natura eum personalitate, est perfectior se ipsa nuda; sicut natura vt operans est perfectior se ipsa solitarie, & sine operatione sumpta. Ad impugnationem dico, quod ex hoc, quod indiuidua materialia ordinentur ad conseruationem naturæ, solum sequitur, quod natura sit perfectior indiuiduis quantum ad id, quod naturæ superaddunt, non verò, quod natura secundum se sit perfectior toto illo coniuncto. Nec sequitur, quod idem sit propter se ipsum, quia dum dicitur, quod persona humana, est propter naturam, tunc persona vt respicit naturam vt finem, dicit in recto personalitatem, & in obliquo naturam, & natura, quæ terminat dictum ordinem, vel est natura secundum se, vel vt dicit in recto naturam & in obliquo personalitatem. Adde 1. quod hic non fit sermo de indiuiduis materialibus, sed de natura substantiali, & intellectualem vt sic, de qua prout sic, non est, quod indiuidua ordinentur ad illius conseruationem per illorum multiplicationem, vt patet in Angelis, & in Deo.

Adde

Adde 2. ex Sylu. hoc loco art. 4. quod dum D. Thomas dixit personam esse perfectissimum in tota natura, non contulit personam cum natura specifica quam includit, sed cum suppositis omnium aliarum naturarum, ut sit sensus, quod inter omnia supposita in cunctis naturis reperta, persona excellit.

12 Obijcies 2. quia distinctio in diuinis, est in personis, sed personæ non dicunt perfectissimum in tota natura; ergo. Maior constat. Minor probatur, quia in diuinis dempta natura in personis non est perfectissimum. Resp. quod diuinæ personæ dicunt perfectissimum ratione naturæ inclusæ per modum transcendentis, ut enim supra vidimus diuina natura transcendit diuinas personalitates.

13 Obijcies 3. quod ex dictis videtur sequi quod in diuinis dentur tres hypostases, hoc non videtur concedendum; ergo neque concedi debet, quod dentur tres personæ. Maior patet, quia id, quod est persona, est hypostasis. Minor probatur, quia licet persona sit hypostasis, non tamen è contra; nam hypostasis dicit substantiam incommunicabiliter subsistentem in quacunque natura; at persona significat eandem substantiam ut incommunicabiliter subsistentem in natura tantum rationali, ut ex supra visis constat. Pro solutione huius argumenti nota, quod apud antiquos Patres magna fuit concertatio, an in diuinis darentur tres hypostases, an vna tantum; an hypostasis sit idem ac persona, an sit idem ac essentia: aliqui dicebant hypostasim esse idem ac essentia, seu *ousia*, Græcè, Latine essentia, & ita tenebant Patres Græci, & ex Latinis D. Hieronymus in epistola ad Damasum. Verum Latini dicebant hypostasim non significare *ousiam*, seu essentiam, sed substantiam, sed personam, & modo apud Catholicos res est adeo certa, quod in diuinis dentur tres hypostases, seu personæ, quod oppositum sine aliqua nota temeritatis teneri non possit. Vnde S. Doctor art. 3. huius q. ad 3. rem sic concordat. *Nomen hypostasis non competit Deo quantum ad id, à quo est impositum nomen,*

cum non subsistat accidentibus. Competit autem quantum ad id, ad quod est: impositum est enim ad significandum scilicet rem subsistentem. Per quæ patet ad argumentum.

14 Obijcies 4. quia si in Deo datur ratio personæ, non poterunt non admitti tres substantiæ; sed in Deo non dantur tres substantiæ, ergo neque tres personæ. Maior probatur, quia multiplicato definito, multiplicatur genus, aut quasi genus eiusdem definiti; sicut multiplicato homine, qui definitur per animal rationale, multiplicatur animal; ideoque tres homines, sunt etiam tria animalia. Sed substantia ponitur tanquam genus, aut quasi genus in definitione personæ; ergo si in Deo dantur tres personæ, dabuntur etiam tres substantiæ. Tum quia eadem ratione sequeretur dandas esse in diuinis tres substantias indiuiduas, siue tres primas substantias, aut tria indiuidua diuinæ naturæ; ergo. Sequela probatur, nam quæuis persona est substantia indiuidua; est prima substantia, est indiuiduum illius naturæ, in quo persona dicitur subsistere, ut in creatis licet cernere. At in diuinis illæ sequelæ concedendæ non sunt; ergo. Tum etiam quia sumpta substantia, ut distinguitur contra accidens, seu prout dicit esse per se, tunc in diuinis non multiplicatur ratio substantiæ, ergo neque ibidem reperietur ratio personæ, quia hæc multiplicata, non potest non multiplicari ratio substantiæ. Resp. quod aliqui Sancti Patres admittebant absolute tres substantias, cum hypostasis græcè idem sit ac substantia, quicquid enim est in Deo, substantia est, prout substantia distinguitur ab accidentibus. Tamen propter nominis æquiuocationem, non debent absolute in Deo admitti tres substantiæ, sed cum addito, ut tres substantiæ relatiuæ: tres substantiæ indiuiduæ, ut admitit D. Tho. q. 9. de Potent. art. 2. ad 9. quia tunc supponit pro hypostasi, seu substantia. Per quæ patet ad probationem. Ad 2. dico, quod licet possint admitti in Deo tres substantiæ indiuiduæ, idest omnino incommunicabiles alteri tanquam supposito, quia hoc est idem ac admittere tres hypostases,

ses, non tamen possunt admitti tria indiuidua naturæ diuinæ, aut tres primæ substantiæ, in diuinis. Nam hoc est discrimen inter hoc nomen suppositum, & indiuiduum, quod suppositum, saltem pro formali dicit suppositiuitatem, seu hoc quod est esse per se incommunicabiliter: at indiuiduum dicit pro formali hanc rationem singularem. Quare cum in diuinis ratio essendi per se incommunicabiliter multiplicetur, non ratio naturæ, & essentię singularis, sequitur, quod in diuinis possunt concedi tres hypostases, tres personæ, non tamen tria indiuidua. Sicut etiam verius est, non dari in diuinis tres primas substantias, quia hoc nomen denotat, non qualemunque naturam importari ab eo, quod dicitur prima substantia, sed naturam singularem, quod in diuinis non contingit, cum non sit triplex natura singularis.

15 Ad 3: probationem quidam respondet concedendo antecedens, quia, inquit darentur tres essentię in diuinis, quod dici non debet. Tum quia ratio essentię in diuinis consistit in eo, quod sit substantia à se, & non ab alio vt à causa efficiente; sed tres personæ diuinę in eo euentu essent tres substantię à se, & non ab alio vt à causa efficiente; etgo eo ipso darentur tres essentię diuinæ. Deinde negat conseq. ad probationem dicit non esse necessarium ad multiplicationem personæ, multiplicationem substantię, sed satis esse multiplicationem incommunicabilitatis. Verum hæc solutio non placet, quia hoc ipso, quod multiplicatur ratio substantię, aut essentię, prout est idem ac hypostasis, debet multiplicari ratio substantię generalissimè sumptæ, scilicet prout distinguitur contra accidens. Tum quia ratio realitatis, prout abstrahit à realitate absoluta, & relativa, est communis communitate rationis respectu diuinarum personarum; ergo etiam ratio substantię prout distinguitur contra accidens præcisè, erit eodem modo proportionali communis tribus diuinis personis, ac proinde multiplicabitur ad illarum multiplicationem, cum sit commu-

nis tantum communitate rationis.

16 Igitur ad argum. negatur antecedens, prout namque substantia accipitur in ea vniuersalitate prout distinguitur ab accidentibus, tres hypostases, sunt tres substantię; quod si aliquando Sancti Patres dicant non dari in diuinis tres substantias, non loquuntur in hac acceptione, sed prout substantia est idem ac natura, in quo sensu nullo modo dantur tres substantię, nec tres essentię, sed vna substantia, vna essentia.

17 Obijcies 5. quia de ratione personæ est, quod sit rationalis naturæ indiuidua substantia; sed in diuinis nõ datur natura rationalis, cum non detur ratiocinatio; ergo. Resp. quod idem est natura rationalis, ac intellectualis. Qua ratione S. Greg. Magn. *ho. 10. in Euang.* vocat Angelum animal rationale, hoc est substantiam intellectualem. Potest etiam dici, quod *ly rationalis*, accipiatu sine formaliter, siue eminenter.

D V B I V M III.

Quodnam sit significatum siue directum, siue indirectum huius nominis persona in diuinis.

18 **N**otandum 1. quod significatum directum nominis, est illud, quod in recto significatur. In directum verò est illud quod significatur, seu importatur in obliquo. Exemplum sit in definitione tradita personæ in communi; vbi significatum directum, est substantia indiuidua, quia hæc in recto importatur, at verò natura rationalis, est significatum indirectum, & in obliquo importatum. Notandum 2. quod significatum directum diuiditur in formale, & materiale. Formale est illud, quod directè, & expressè explicatur ipso nomine, ex vi suæ significationis. Materiale est illud, quod non ita directè exprimitur, sed importatur virtualiter, & implicitè, tanquam id, extra quod non saluatur significatum formale. Exemplum sit hoc nomen *li-nea*, vt est continuatiua superficiæ; nam

V u u de

de formali significato importat eandem lineam, ut est indiuisibilis secundum latitudinem. At de materiali, extra quod nequit saluari significatio formale, significat eandem lineam ut est diuisibilis secundum longitudinem.

19 Notandum 3. quod hoc nomen *persona diuina*, quamuis videatur terminus complexus, tamen ponitur ad circumloquendum nomen incomplexum, quo significatur id, quod in natura diuina habet rationem personæ, & sub significato personæ in communi tanquam inferius sub suo superiori analogicè tali continetur, sicut si animal rationale poneremus loco hominis. Bene verum est, quod quantum ad præsens attinet, non ponitur ad circumloquendum utrumque prædictum incomplexum, sed ad illud circumloquendum (saltem præcipue, & expressè) ut à nobis cognoscatur per conceptus confusos, & imperfectos, quos in via formamus de persona diuina; non verò per conceptus distinctos, & perfectos; quia diuinæ personæ ut hoc modo concipiuntur, constituuntur per relationes, secundum quod exprimunt ad, ut infra dicetur.

20 Notandum 4. quod linea relatiua in diuinis, v.g. Paternitas in concreto sumpta, prout est idem ac Pater, si sumatur adæquatè, secundum id, quod pertinet ad propriam lineam, est ratio adequatinens, ut æqualeat, tum personis creatis, secundum id, quod in recto dicunt, tum etiam quibusvis relationibus creatis paternitatis. Vnde præstat hæc duo munera realiter in creatis distincta, non minus ac si in ea distinguerentur. Et licet utrumque munus pertineat ad lineam relatiuam, ex eo, quod ratio Patris secundum primum munus constituit subsistens incommunicabile, & secundum aliud munus opponitur relatiuè cū Filio, & constituit personam expressè, & formaliter relatiuam. Tamen illud primum munus ut concipitur per nostros conceptus confusos, & imperfectos, non concipitur expressè ordo, quem Pater dicit ad Filium, licet implicite illum in-

cludat. At secundum munus adhuc secundum nostros conceptus imperfectos dicitur ordinem ad correlatiuum. Vnde hoc secundum munus vocatur absolute relatiuum. Primum vero ex parte modi significandi, vocatur absolutum. Quare inquirimus an nomen Persona diuina dicat relatiuum, secundum utrumque munus.

21 Prima sententia tenet, quod significatum huius nominis *persona diuina*, sit aliquid negatiuum, nempe negatio communicabilitatis. Sic Scotus in 1. dist. 23. q. unic. in solut. 3. argum. Molina in præsentis q. art. 1. disp. 2. & alij.

22 Nostra sent. sequentibus concl. explicatur. Prima concl. Si nomine *persona* intelligatur id, quod est relatiuum ex parte rei conceptæ, siue exprimas ordinem ad correlatiuum, siue non: vel clarius, si nomine relatiui intelligamus quodcumque munus directe spectans ad lineam relatiuam, tunc significatum formale, & directum huius nominis *persona diuina*, erit aliquid relatiuum. Sic tenet S. Doctor in art. 4. & in 1. dist. 23. q. 1. art. 3. & dist. 26. q. 1. art. 4. & de Potent. q. 9. art. 4. & alibi. Idem tenent omnes Theologi, ut testatur N. Salmant. hic dub. 3.

23 Ratio fundamentalis est, quia persona diuina, ut ex dicendis magis patebit, significat substantiam per se subsistentem incommunicabiliter, tanquam significatum directum, & formale, eiusdem, licet dictum significatum dicat in obliquo diuinam naturam ut id in quo subsistit; ergo significatum formale, & directum debet esse aliquid relatiuum. Antecedens constat. Conseq. probatur, quia ratio substantiæ incommunicabiliter subsistentis, est ratio relatiua, quia in diuinis absoluta, & ad lineam absolutam spectantia, sunt communia, & communicabilia.

24 Confirmatur, quia significatum formale directum personæ diuinæ, debet pertinere ad illam lineam, ad quam spectat significatum formale directum cuiusvis personæ diuinæ in particulari sumptæ; sed significatum formale, & directum cuiusvis

cuiusvis personæ diuinæ in particulari, debet esse aliquid relatiuum; ergo etiam significatum formale directum personæ diuinæ erit aliquid relatiuum. Maior constat. Minor probatur, quia significatum formale, & directum cuiusvis personæ diuinæ in particulari, dicit id, per quod una persona diuina distinguitur ab alia; hoc autem debet esse aliquid relatiuum, quod quidem personæ diuinæ in absolutis non distinguuntur.

25 Sed dices, quia significatum formale directum potentie generatiue in diuinis est aliquid absolutum, & tamen dicit aliquid substantiale in Patre, quod est incommunicabile Filio, & Spiritui sancto, per quodque Pater ab utroque distinguitur; ergo ex hoc quod persona dicat aliquid incommunicabile, & in unaquaque persona dicat id, per quod una persona distinguitur ab alia, non bene colligitur, quod significatum formale, & directum personæ diuinæ sit aliquid relatiuum. Resp. quod in significato formali, & directo potentie generatiue non includitur in communicabilitas, ut importetur in recto, sed tantum in obliquo; nec Pater distinguitur ab alijs personis per id, quod in recto importatur per potentiam generatiuam, sed per id, quod importatur in obliquo. At esse incommunicabile, seu esse incommunicabiliter subsistens importatur in recto à persona diuina, & à persona ut sic, ut ex ipsa personæ definitione constat.

26 Secunda concl. Relatiuum, quod diximus esse significatum formale, & directum personæ diuinæ, non est relatiuum exprimens ordinem ad suum correlatiuum, sed est relatiuum dicens expressè substantiam, non per modum essentia, sed per modum hypostasis subsistentis in natura diuina; seu est relatio ut incommunicabiliter subsistens. At significatum materiale, & directum eiusdem, est illudmet relatiuum ut exprimit ordinem ad correlatiuum, seu secundum illud munus, quod absolute, & per antonomasiam dicitur relatiuum. Sic S. Doctor hic art. 4. & de potent. q. 9. art. 4. & alibi. Nazar. Sylu. & alij, quos referunt, & sequuntur saluant. hoc loco.

27 Prima pars concl. quod significatum formale, & directum nominis personæ diuinæ, non sit relatiuum exprimens ordinem ad correlatiuum, sed sit relatiuum dicens expressè substantiam subsistentem, seu relationem incommunicabiliter subsistentem, probatur, quia significatum formale, & directum nominis personæ, quod est quid relatiuum, ut dictum est, debet dicere dictum munus relatiuum, secundum quod directè continetur sub significato personæ ut sic; sed munus relatiuum directè contentum sub significato personæ ut sic, dicit expressè substantiam non per modum essentia, sed hypostasis subsistentis in natura diuina, seu dicit relationem incommunicabiliter subsistentem; ergo hoc erit significatum formale, & directum illius. Minor nota est. Maior probatur: Nam significatum nominis significantis aliquid directè contentum sub alio, debet esse id, & secundum illud munus, secundum quod directè continetur sub illo, & secundum quod directè ei correspondet, & contrahit ipsum: sicut significatum directum, & formale hominis, directè contentum sub animali, debet esse id, quod continetur sub animali, quodque contrahit ipsum, nempe hoc animal rationale.

28 Confirmatur 1. quia persona humana significat directè, & formaliter substantiam subsistentem incommunicabiliter in natura humana. Similiter persona Angelica, habet pro significato directo, & formali substantiam subsistentem incommunicabiliter in natura Angelica; ergo etiam persona diuina significabit directè, & formaliter, substantiam per modum hypostasis, incommunicabiliter subsistentem in natura diuina.

29 Confirmatur 2. quia relatio constituens personam in diuinis, est per se subsistens incommunicabiliter; unde est ipsa personalitas constituens per simplicitatem personam diuinam; ergo hoc nomen persona diuina significabit directè, & formaliter relationem ut incommunicabiliter subsistentem.

30 Secunda pars concl. quod scilicet

Vuu 2 cct

cet significatum directum, materiale tamen dicti nominis *persona diuina* sit relatio, seu relatum secundum quod dicit ordinem ad suum correlatum, sic probatur, quia illud est significatum directum, & materiale alicuius nominis, quod non significatur expresse per illud, bene tamen implicite, & virtualiter, quatenus id, quod directe, & formaliter per illud significatur, non saluatur, aut reperitur extra ipsum; sed munus illud relatum directum, & formaliter significatum per hoc nomen *persona diuina* scilicet esse substantiam per modum hypostasis, seu esse relationem per se incommunicabiliter subsistentem, non saluatur nisi in eadem relatione ut dicente ordinem ad suum correlatum, ut ex se notum est; ergo significatum directum, & materiale dicti nominis, erit prædicta relatio, quoad munus quod implicite dicit, scilicet respiciendi correlatum.

31 Confirmatur, quia licet homo significet directe, & formaliter animal rationale, tamen quia hoc significatum non saluatur nisi in eo, qui habet cor, cerebrum, &c. sine quibus non datur corpus animatum anima rationali, ideo de materiali ista significat. Pariformiter, licet color in niue directe, & formaliter non significet albedinem, tamen quia prædictus color non saluatur in niue, nisi in eadem albedine, ideo significatur directe, sed de materiali: ergo, &c.

32 Tertia concl. *Nomen persona diuina significat indirecte, & in obliquo diuinam naturam.* Item hoc modo significat relationem in abstracto sumptam, siue sumatur quoad munus subsistendi incommunicabiliter ut quo, siue quoad munus expressum respiciendi ut quo suum correlatum. Sic S. Doctor art. 4. præsentis q. & q. 9. de potent. art. 4. Prima pars constat, quia natura rationalis significatur in obliquo in hoc nomine persona ut sic, ut constat ex definitione Boetiana; ergo eadem ratione persona diuina significabit etiam in obliquo naturam diuinam. Tum quia ad multiplicationem diuinarum personarum non multiplicatur natura, ut patet, ergo

solum in obliquo importabitur. Consequenter probatur, quia significatum directum tum materiale, tum formale in diuinis multiplicatur, ut ex dictis constat; ergo cum natura diuina non multiplicetur, non poterit esse significatum formale, aut materiale dictum. Secunda pars constat ex modo dictis. Tum quia id, quod se habet per modum formæ constituens, per nomen rei constituitur significatur in obliquo ut patet in nomine homo, quod solum in obliquo significat animam; ergo cum nomen *persona diuina* significet personam diuinam constitutam, solum in obliquo significabit relationem, quæ est forma constituens.

33 Obijcies 1. pro prima sententia, quia significatum huius nominis *persona diuina*, non potest esse ipsa essentia, aut natura diuina, loquendo de significato formali, & directo; ergo neque potest esse relatio, seu quid relatum, sed debet esse quid negatiuum. Antecedens constat. Consequenter probatur, nam aliàs sicut Pater dicitur Filij Pater, ex eo quod eius significatum est quid relatum, eodem modo persona Patris diuini dici posset persona Filij. Resp. ex dictis, quod hoc nomen *persona diuina* significat quidem directe, & formaliter aliquid relatum, non tamen sub muncere expresso respiciendi correlatum, sed hypostasis, seu subsistentis incommunicabiliter; ac proinde non sequitur quod persona Patris sub hoc nomine, sit persona Filij.

34 Obijcies 2. testimonium S. P. Augustini lib. 7. de Trin. cap. 6. ubi sic loquitur. Neque in hac Trinitate, cum dicimus personam Patris, aliud dicimus: quam substantiam Patris, &c. Ad se quippe dicitur persona Patris, non ad Filium, vel Spiritum Sanctum. Ad hoc argum. respondet S. D. hic art. 4. ad 1. & in 1. dist. 23. q. vn. art. 3. ad 1. dicens. Augustinus attendit significationem persona quantum ad modum significandi, non quantum ad id, quod significatur. Et ideo quamuis significetur relatio, quia tamen significatur per modum substantiæ, ideo dixit, quod significet substantiam.

35 Obijcies 3. contra tertiam assertionem.

no.

tionem. Natura diuina prædicatur in recto de persona, dicimus enim: *persona diuina est Deitas*, siue *Deus*, ergo importatur in recto. Ideo namque animal importatur in recto ab homine, quia de eo formaliter, & in recto prædicatur, ergo, &c. Resp. quod deitas in abstracto, solum identitè prædicatur de persona, non formaliter, in concreto autem prædicatur de eadem persona, non quia significetur in recto, sed quia quicquid continetur in persona, de ea in concreto prædicari potest.

36 Obijcies 4. contra id, quod diximus, quod relatio in abstracto significata importetur in obliquo à persona diuina, nam Deitas importatur in recto ab hoc nomine *Deus* tanquam significatum formale, & directum eiusdem, ex eo, quod Deitas est per se subsistens, ob quam rationem hæc prædicatio est formalissima: *Deitas est Deus*, sicut & ista: *Deus est Deitas*; ergo cum relatio personalis sit per se subsistens, debet importari in recto à diuina persona. Resp. quod si Deitas consideretur ex parte nostri modi concipiendi, & significandi distinguitur à Deo, tunc non importatur in recto, sed in obliquo à nomine *Deus*. Quod si sumatur prout ex parte rei conceptæ est idem cum Deo absolute distinctione virtuali, & constituit Deum constitutione per simplicitatem, & tunc importatur in recto, & est idem ac ipse Deus. Quod etiam de relatione personalis, & persona dici potest.

D V B I V M IV.

An personæ diuine habeant proprias subsistentias relatiuas.

37 **D**E subsistentijs relatiuis dubium procedit, nam an etiam ultra subsistentias relatiuas habeant subsistentiam absolutam, dicitur postea. Nominem autem subsistentiæ relatiuæ idem intelligimus, ac subsistentiam incommunicabilem alteri ut supposito. Alij hoc dubium sic solent excitare, an scilicet den-

tur in diuinis tres subsistentiæ incommunicabiles.

38 Prima sententia tenet, quod in diuinis non dentur tres subsistentiæ relatiuæ, sed quod diuinæ personæ subsistant subsistentia absoluta diuinæ essentiae. Sic tenent Scotus in 3. diff. 1. q. 2. & in 1. diff. 4. q. 2. & diff. 2. Capreolus in 1. diff. 26. q. 1. art. 1. concl. 3. Durand. in 3. diff. 1. q. 2. & in 1. diff. 26. q. 1. & alij relati à N. Salmant. hoc loco.

39 Nostra sententia seq. concl. explicatur. *Personæ diuinæ afferunt proprias subsistentias relatiuas, ac proinde in diuinis dantur tres subsistentiæ relatiuæ, & incommunicabiles.* Hæc conclusio videtur constare, ex Sexta Synodo Generali Actione 11. ubi dicitur. *Sancitissima Trinitas numerabilis facta est personalibus subsistentijs.* In Concilio Generali Nicæno I. dicitur. *Vna est diuinitas Sanctæ Trinitatis, quæ in tribus subsistentijs perfectis, & aequalibus consideratur.* Idem traditur in Concilio Nicæno II. & in Concilio Lateran. particulari secundo approbato à Martino Papa *Leconsul.* 5. can. 2. Idem tradunt Sancti Patres, quos referunt, & expendunt N. Salmant. Idem tradit S. Doctor q. 40. art. 3. & q. 9. de Potent. art. 2. ad 8. & 4. contr. Gent. cap. 14. & alibi, quem sequuntur eius discipuli hic, & alij plures, quos congerunt Salmant. hoc loco.

40 Probatur 1. quia de vnitæte, vel pluralitate diuinarum subsistentiarum, ita sentire debemus, sicut ex Concilijs, & Patribus habemus; sed ex Concilijs, & Patribus habemus tres esse subsistentias relatiuas in diuinis; ergo ita, & non aliter est sentiendum. Nec refert si dicas cum aduersarijs, quod Concilia, & Patres vtuntur nomine abstracto pro concreto. Vnde dum dicunt, quod natura diuina, seu Deitas subsistit in tribus subsistentijs, solum volunt, quod subsistat in tribus subsistentibus, siue personis, ad quod sufficit vnica subsistentia absoluta cum tribus relationibus.

41 Sed contra, quia ex modo loquendi Conciliorum, & Patrum satis clare colligitur, quod velint dari in diuinis tres subsistentias.

sistentias, & non tantum tres subsistentes. Nam loquuntur de prædictis subsistentiis tamquam de formis, aut quasi formis, seu terminis, quibus diuina natura personaliter quasi diuiditur; & numeratur, vt constat ex verbis supra relatis. Tum quia, hoc ipso, quod Concilia, & Patres fidentes subsistentiam in concreto asserant, subsistentiam sic sumptam plurificari in diuinis, non solum volunt plurificari in concreto, sed etiam in abstracto. Ratio clara est, quia ad multiplicationem concreti substantiæ requiritur non solum pluralitas suppositi, seu habentis formam importatam per tale concretum, sed etiam pluralitas prædictæ formæ. Vnde non possunt in diuinis admitti plures Dii, quia hoc nomen *Dens* est concretum substantiæ, & forma per illud importata, nempe Deitas non plurificatur. Sed subsistentia in concreto, seu subsistens personale, est nomen substantiæ, ergo forma, scilicet subsistentia, debet plurificari.

42 Tum quia Concilia, & Patres ita concedunt plurificari substantiam in concreto, vt negent plurificari eodem modo Deitatem, & attributa, vt ex testimoniis adductis potest colligi; sed certum est Deitatem, & attributa in concreto, & adiectiue significata multiplicari ratione suppositorum, propterea admittimus tres habentes eandem Deitatem; ergo cum Concilia, & Patres admittunt substantiam in concreto plurificari, non vero Deitatem, loquuntur de eadem subsistentia in concreto, & substantiue, vt sic assignetur debita differentia inter Deitatem, & subsistentiam. Tum etiam quia adhuc vt aliquod concretum multiplicetur adiectiue, oportet, quod multiplicetur ratio habendi formam ab eodem importatam. Quocirca hoc concretum *habens Deitatem* potest adiectiue multiplicari, quia tametsi Deitas sit vna, eadēque, tamen rationes habendi illam sunt plures; sed si in diuinis daretur tantum vnica subsistentia, non possent plurificari rationes habendi illam; ergo. Major constat. Minor probatur, quia ratio habendi formam, seu quasi formam diuinam, est ipsa subsisten-

tia, ergo si hæc non plurificetur, non plurificabitur ratio habendi illam.

43 Respondent alij, quod Concilia, & Patres nomine subsistentiæ, intelligunt subsistentiam in concreto, non qualitercumque, sed prout est idem ac persona. Est autem hoc discrimen inter personam diuinam, & creatam, quod persona creata addit supra naturam subsistentiam, & incommunicabilitatem, ita quod ab eadem formali ratione vtrumque procedat; subsistentia namque creata ob sui limitationem est incommunicabilis alteri vt supposito, aut personæ. Ceterum persona diuina solum addit supra ea, quæ ad lineam naturæ pertinent incommunicabilitatem; hoc enim quod est subsistere in omnibus diuinis personis prouenit ab ipsa subsistentia absoluta diuinæ naturæ. Quare ex illis duobus, quæ ad personam requiruntur nimirum subsistentia, & incommunicabilitas; primum prouenit proximè, & formaliter ab vna, eademque subsistentia diuinæ naturæ; secundum verò prouenit à relationibus. Vnde ad multiplicationem substantiam huius concreti: *persona diuina*, seu: *subsistentia diuina*, sufficit multiplicatio modorum incommunicabilitatis; & multiplicatio relationum, quo ad munus expressum respiciendi terminum, absque eo, quod subsistentia multiplicetur.

44 Sed contra, quia ex modo loquendi Conciliorum, & Patrum, & ex dictis contra primam responsionem, constat, quod subsistentia habet se per modum formæ, qua numerantur, & constituuntur diuinæ personæ; ergo subsistentia ab ipsis importata, non potest esse absoluta, cum hæc non sit ratio numerandi, & constituendi. Tum quia significatum directum, & formale personæ diuinæ est subsistens diuinum incommunicabiliter, vt constat ex dictis dub. præcedenti, sicut significatum formale, & directum personæ vt sic, est subsistens incommunicabile, seu est substantia indiuidua in concreto sumpta; ergo forma, aut quasi forma proximè constituens personam diuinam, seu hoc concretum: *subsistens diuinum*, prout est idem

ae persona, erit subsistentia incommunicabilis.

45 Confirmatur 1. quia persona diuina, v.g. Patris, ex vi suae lineae, & secundum id quod addit supra essentiam, est principium quoddam actionis notionalis, v.g. generandi, ita vt ratio agendi licet proveniat illi ab essentia, tamen esse illi id quod generat per modum principij quoddam, provenit illi proximè à relatione seu subsistentia relatiua; ergo, &c. Antecedens probatur, quia ratio principij quoddam, constituitur per propriam personalitatem, tanquam per formam, aut quasi formam, ergo non potest constitui per subsistentiam absolutam, sed per propriam. Antecedens constat, quia principium quoddam, debet esse subsistens incommunicabiliter; ergo constitui debet per subsistentiam, reddens illud incommunicabile; subsistentia autem communis non est huiusmodi, ergo, &c.

46 Confirmatur 2. quia incommunicabilitas, quae conuenit personae diuinae, quatenus dicit negationem communicationis, seu communicabilitatis, debet fundari in aliquo positiuo, sed hoc positiuum non potest esse aliud, nisi subsistentia, petens talem negationem communicabilitatis, quae non potest esse subsistentia communis, sed propria, & relatiua; ergo. Maior constat. Minor probatur, quia id, quod non petit negationem communicabilitatis, non potest tribuere rationem subsistentis incommunicabiliter; quocirca cum spiratio actiua non habeat in se dictam negationem incommunicabilitatis, non tribuit illam alicui, sed communicatur duabus personis diuinis, nec ob hoc est proprietas personalis, quia licet dicat esse relatiuum, non tamen dicit esse relatiuum afferens propriam subsistentiam relatiuam. Quare cum subsistentia absoluta non afferat dictam negationem communicabilitatis, non poterit constituere personam incommunicabilem, nec poterit fundare incommunicabilitatem, cum incommunicabilitas non nisi supra subsistentiam fundari possit. Tū quia hoc ipso, quod negatio communica-

bilitalis debeat fundari in aliquo positiuo, quod sit constitutiuum personae, non potest esse per modum formae, aut quasi formae alteri adiacentis, vt subsistentis, sed afferens suam propriam subsistentiam. Aliàs dicta ratio positiuum non esset constitutiuum personae nec esset per simplicitatem ipsa persona constituta. Tum quia res illa, quae praesupponeretur subsistens, haberet ex se, & intra suam lineam rationem formalem suppositi, seu personae, quia supponeretur subsistens, & nihil ei obesset ad rationem suppositi, vel personae, quod communicaretur alteri tanquam formae, &c. Soluuntur argum. primae sententiae.

47 Primum argum. desumunt ex duplici testimonio D. Thomae, nam qu. 8. de potent. art. 3. ad 7. sic habet. *Relatio enim in quantum est relatio, non habet, quod subsistat, vel subsistere faciat, hoc enim solum substantia est, &c.* Et in solutione ad 9. dicit. *Relatio distinguit in quantum est relatio; constituit autem hypostasim, in quantum est diuina essentia.* Resp. mentem D. Thomae esse, quod relatio in quantum est diuina essentia, habet constituere radicaliter, quia nisi relatio identificaretur cum diuina essentia, non haberet constituere hypostasim, suae personae. Igitur ex mente D. Thomae relationes habent à diuina essentia, ratione identificationis vim constitutiuam radicaliter, & ex vi sua habent vim constituendi formaliter hypostasim. Sicut intellectus tanquam à radice habet à diuina essentia, quod sit communicatiuus eiusdem diuinae naturae, at proximè, & formaliter, habet ex vi suae lineae, ita, &c.

48 Secundum argum. Nam natura diuina est per se ipsam essentialiter subsistens, ergo non potest subsistere in personis, proprias substantias afferentibus. Antecedens est notum. Consequ. probatur, quia subsistentia personalis ad hoc tantum datur, vt natura per illam subsistat; ergo si natura praetelligitur subsistens essentialiter ante relationes, seu ante ipsas personas, non poterunt dictae personae afferre proprias substantias. Tum quia aliqui di-

diuina essentia esset simul per se, & in alio: esset per se, quia est per se subsistens, subsistentia absoluta; esset in alio, quia subsisteret in personis, per subsistentias illarum. Tum etiam quia ex eo, quod diuina misericordia est infinita, non datur in diuinis nisi unica misericordia, & sic de omnipotentia, iustitia, &c. ergo cum subsistentia absoluta sit infinita, non dabitur nisi illa. Tum denique, quia ad rationem personarum diuinarum tantum desideratur natura, subsistentia diuina, & incommunicabilitas; sed natura, & subsistentia importantur ab eadem natura, & incommunicabilitas importatur à relatione, ergo nil aliud requiritur.

49 Resp. distinguendo antecedens: natura diuina est per se ipsam essentialiter subsistens subsistentia communicabili, & conceditur, incommunicabili, & negatur. Ad 1. probationem dico, quod subsistentia personalis ad hoc datur, ut natura subsistat tali modo, scilicet incommunicabiliter. Ad 2. probationem dico, quod essentia diuina est in se communicabiliter, & in personis incommunicabiliter. Deinde dico, quod ex hoc, quod diuina essentia sit in personis non dicitur esse in alio, cum sit ipsa personarum per identificationem. Maxime cum subsistentia relatiua proueniat radicaliter ab ipsa essentia, seu natura diuina; unde cum subsistentia relatiua ob hanc rationem, non censeatur aliena, diuina essentia per illam incommunicabiliter subsistens, non dicitur subsistere in alio. Ad 3. probat. conceditur antecedens, & negatur consequens. Ratio discriminis est, quia misericordia v.g. est linea atomica, ac proinde eo ipso, quod est infinita, nequit multiplicari. At linea subsistentiarum diuinarum est subalterna, sicut ratio attributi, & relationis. Tum quia misericordia habet unicam rationem obiectalem; scilicet subleuare miseriam quancunque. Non sic subsistentia absoluta, & relatiua, alias neque relatiuarum multiplicarentur. Ad 4. probat. patet ex dictis, quod subsistentia absoluta nequeat constituere personam relatiuam, eamque facere sic subsistentem.

50 Tertium argum. quia diuinæ per-

sonarum non habent proprias existentias relatiuas, sed existunt per existentiam absolutam diuinæ essentiarum, ut supra vidimus; ergo neque subsistent per subsistentias relatiuas, sed per absolutam diuinæ essentiarum. Antecedens constat. Consequens probatur, quia non minus conuenit diuinis personis existere, quam subsistere; ergo si possent existere per existentiam absolutam, etiam poterunt subsistere per subsistentiam absolutam. Resp. concedendo antecedens, & negando consequens. ad probationem dico esse disparitatem, quia multiplicatio subsistentiarum non solum non derogat diuinæ simplicitati, & unitati per se, sed etiam indispensabiliter requiritur ad multiplicationem diuinarum personarum, cum sit forma constitutiua, & distinctiua earum. At multiplicatio existentiarum derogat diuinæ simplicitati, & unitati, ut ex dictis constat. Tum quia existentia non est forma personarum constitutiua in ratione personarum, ac proinde non debet multiplicari ad personarum multiplicationem.

51 Vltimum argum. Nam subsistentia dicit maximam perfectionem, ergo non potest conuenire diuinæ personæ ex vi sue lineæ. Antecedens constat. Maxima namque perfectio est subsistere per se. Tum quia modus essendi per se soli substantiæ conuenit, tum etiam quia subsistentia exprimit modum essendi perfectissimum, maxime cum est subsistentia constitutiva personarum. Consequens probatur, quia diuinæ personarum constituuntur per relationes tanquam per formas; relationes autem ex vi sue lineæ non dicunt perfectionem. Resp. quod subsistere absolute, seu in ordine ad se, dicitur ex vi sua perfectionem, non tamen subsistere relatiue, & in ordine ad correlatiuum præcisè, bene tamen prout per modum transcendentis includit diuinam essentiam.

DUBIUM V.

An diuina persona non solum subsistat subsistentiis proprijs relatiuis, an etiam subsistat per subsistentiam absolutam.

52 **V**idimus dubio præcedenti diuinas personas subsistere per subsistentias relatiuas modo inquirimus an etiam subsistant per subsistentiam absolutam, sibi à diuina essentia communicatam. Pro quo aduerte, quod vt intelligatur, quid nomine subsistentiæ absolutæ veniat, notandum est, quod cum subsistere nil aliud sit quam esse per se, ideo iuxta triplicem modum essendi per se, triplicem modum subsistendi distinguere possumus. Primus, est latissimus, & improprius, qui tantum petit non esse in alio tanquam in subiecto inhesionis; secundum quem modum, quicquid pertinet ad genus substantiæ, aut participat generalissimam rationem substantiæ, prout distinguitur contra accidens, dicitur esse per se, ac proinde hoc latissimo modo subsistere. Secundus modus essendi per se non est ita latus, itaque improprius, sed magis strictus, & proprius; & dicit talem modum essendi per se, vt non indigeat alio vt subsistente; quod autem sic per se esse dicitur, potest ratione sui, & ratione huius modi essendi per se, existere *ut quod*, seu esse susceptiuum *ut quod* existentiæ, quæ, saltem ex parte nostri modi concipiendi ab ea distinguitur, ac proinde potest habere hoc, quod est esse principium operandi *ut quod*. Tertius modus essendi per se strictus, & proprius ultra prædicta, dicit incommunicabilitatem, & sic assert talem modum essendi per se, vt res quæ sic per se esse, & subsistere dicitur nec sit in alio tanquam in subiecto inhesionis, nec pendeat ab alio tanquam à sustentante, sed sit per se existens, & operans *ut quod*; & insuper sit incommunicabilis, non qualicunque incommunicabilitate, sed tali vt nequeat aliter vt supposito communicari, seu quod nequeat esse in alio tanquam in supposito.

53 Præsens dubium non procedit de primo modo subsistendi, cum certum sit, quod quævis ratio in diuinis reperta, sicut & qualibet ratio substantialis creata non sit in alio tanquam in subiecto inhesionis, ac proinde subsistere per se dicto primo modo improprio, & latissimo. Neque potest dubium procedere de subsistentia tertio modo, cum certum sit, quod subsistentia diuinæ essentiæ absoluta non affert omnimodam incommunicabilitatem; in diuinis namque omne absolutum est communicabile. Quare dubium procedit solum de subsistentia secundò modo, an nimirum diuinæ personæ ultra subsistentias relatiuas, habeant etiam subsistentiā absolutam, quæ eadem numero singulis personis communicetur, sicut communicatur natura: Si semel admittatur, quod diuina natura habeat propriam subsistentiam absolutam à qua neque virtualiter distinguatur, videtur sequi, quod si natura communicatur personis, etiam dicta subsistentia communicabitur; Si verò dicta subsistentia negetur, neque communicabitur.

54 Prima sententia tenet non dari in diuinis aliquam subsistentiam absolutam diuinæ naturæ, ac proinde personas diuinas solum habere subsistentias relatiuas, & nullam absolutam. Sic Vasquez in præfati disp. 125. cap. 3. cum seq. vbi alios refert. Idem tradit Arubal disp. 109. Ruiz disp. 34. sect. 5. & alij.

55 Nostra sententia seq. concl. expli. catur. *Diuina natura habet propriam subsistentiam absolutam quam diuinis personis communicat, vt sit vna numero in illis, ac proinde diuina persona ultra subsistentias relatiuas, habent etiam subsistentiam absolutam.* Sic tradunt D. Thomas postea referendus, Caiet. Aluarez, Zumel, Bannes, Ledesma, Cabrera, Nazar. & alij plures, quos congerunt, & sequuntur N. Salm. hoc loco. Colligitur conclusio ex illo symboli D. Athanasii. *Ita Deus Pater, Deus Filius, Deus Spiritus Sanctus. Et tamen non tres Dii, sed vnus est Deus.* Vbi conceditur in diuinis vnus Deus communis communicate rei, tribus personis diuinis; cum autem vnus Deus sit idem, ac vnus ha-

X x x bent

bens Deitatem, & vnus habens Deitatem sit idem ac vnus subsistens in ipsa Deitate sequitur, quod in d. testimonio concedatur vnus subsistens communis communitate rei dictis personis diuinis.

56 Respondet Vasquez non colligi ex d. testimonio, quod deur in diuinis vnica subsistentia absoluta, vnicumque subsistens absolutum, cum non colligatur dari vnum Deum communem communitate rei tribus diuinis personis, sed solum colligitur dari vnam, eandemque naturam communem tribus personis diuinis. Rationem reddit, quia iste terminus *Deus*, dicit in recto naturam, & non aliud connotat, quod eam habeat, nisi personas, aut in singulari, aut in communi, siue indistincte sumptas. Vnde satis est, quod natura sit communis communitate rei diuinis personis, ad hoc vt verificetur, omnes illas esse vnum Deum, qui sit communis communitate rei eisdem. Sicut quia *hic homo* dicit in recto hanc naturam humanam, & connotat habens illam, seu hanc, vel illam personam indistincte, propterea si tres personae diuinae assumerent vnam, eandemque naturam humanam, tunc de illis verificaretur, quod essent vnus, & idem homo.

57 Sed contra, quia haec glosa Vasquez pugnare videtur cum Concil. Rhemenfis contra Gilbertum, vbi sic habetur. *Credimus, & confitemur simplicem naturam diuinitatis esse Deum: neque aliquo sensu catholico posse negari, quin diuinitas sit Deus, & Deus diuinitas*. Si autem esset vera interpretatio Vasquez, quod diuinitas intra propriam lineam, & vt praecisa à personis non esset Deus, tunc posset eum fundamento in re affirmari, quod diuinitas vt praecisa à relationibus, seu personis, non esset Deus, contra citatum Concilium. Hoc autem ita Concilium declarauit, quia d. Gilbertus dicebat essentiam sine relationibus non esse Deum.

58 Est etiam dicta Vasquez responsio, & sententia contra D. Thomam. In 1. diff. 21. q. 2. art. 1. Vbi sic habet. *Iste terminus Deus predicat naturam diuinam de tribus personis, quae etiam in se est habens*

esse subsistens, nulla personarum distinctione intellecta. Idem tradit q. 39. art. 4. & q. 9. de Potent. art. 5. ad 13. & alibi. Idem tradit Sanctus Pater Aug. 7. de Trin. cap. 4. vbi sic scribit. *Omnis enim res ad se ipsam subsistit: quanto magis Deus*. Et D. Hieronymus, Epist. 57 ad Damasum, sic dicit. *Vna est Dei, & sola natura, quae verè est: id enim, quod subsistit, non habet aliunde, sed suum est*. Idem tradit Nissenus in lib. de mystica interpret. vnde Moyss. Idem tradit N. S. P. Cyrillus Alex. & Anast. in compendieria fidei explicat. quae habetur tom. 8. Bibliot. & alij. Sed agamus rationibus.

59 Prima ratio. Quia habere subsistentiam absolutam, & in ordine ad se, dicit perfectionem in diuina essentia; ergo non potest dicta subsistentia absoluta illi denegari. Conseq. nota est, quia in diuina essentia debet poni omnis excogitabilis perfectio, ac proinde si habere subsistentiam absolutam dicit perfectionem in diuina essentia, non poterit illi denegari. Antecedens probatur, quia habere subsistentiam absolutam, & in ordine ad se, dicit modum essendi adeo perfectum, vt sit independens à relationibus personalibus tanquam à subsistente, & sic existens vt quod, & principium quod operandi per se, & ratione sui, & non solum ratione relationum, quae sunt proprietates personales.

60 Occurrit Vasquez, quod subsistere per subsistentiam absolutam, & in ordine ad se, est quidem perfectio, non tamen simpliciter simplex; non enim est melior, ipsa quam non ipsa, & quauis incompossibile cum ipsa; quia est impossibile cum maiori quadam perfectione, nempe cum hoc, quod est naturam diuinam esse incommunicabilem pluribus personis, & esse in illis, quia natura, quae per se, & ratione sui est subsistens, ac proinde est in se, non potest esse in alio. Huc tendit solutio aliquorum aliorum ex aduersarijs, quod subsistentia absoluta nullam dicat perfectionem veram, & realem, cum solum sit quid chimericum, quia si daretur, esset, & non esset subsistentia; esset vt supponitur; non esset, quia

quia esset communicabilis, quod est contra rationem subsistentiæ.

61 Sed cõtra, quia et si demus, quod hoc, quod est esse in se, & per se repugnat cum hoc, quod est esse in alio realiter actualiter, siue ex natura rei distincto; non tamen esse in alio, quod sit idem absque distinctione reali actuali, seu ex natura rei. Vbi namque non est alia, & alia res, sed id, quod subsistit est idem cum eo in quo subsistit, non potest dici, quod sit in alio, sed in se, & per se, cum id in quo subsistit sit idem prorsus ad id quod subsistit. Tum quia, vt dubio præcedenti notauimus, quando aliquid subsistit in aliquo afferente propriam subsistentiam, nõ dicitur absolute esse in alio, si illa subsistentia afferatur ex meritis eius, quod in illo dicitur subsistere, quia tunc res illa à qua tanquã à prima radice habetur subsistentia, dicitur subsistere in se, seu dicitur esse in se, & per se; cum ex vi sua saltem radicaliter, afferat id, per quod est in se. Cum ergo essentia diuina sit prima radix ex qua est subsistentia relatiua; sequitur, quod dum dicta essentia est in persona, & subsistit per personalitatem, dicitur subsistere in se, & per se non in alio.

62 Nec alia solutio est ad rem, quia non est de ratione cuiuscunque subsistentiæ omnimoda incommunicabilitas, vt ex Concilijs, & Patribus citatis constat. Tum quia vt in principio aduertimus non procedit dubium de subsistentia incommunicabili, & tertio modo, sed de communicabili, & secundo modo. Tum etiam, quia falsum est, quod ad rationem subsistentiæ infinitæ, & increatæ requiratur omnimoda incommunicabilitas respectu propriarum personarum; nam ad hoc vt aliqua natura sit subsistens, sufficit, quod sit per se, ac proinde, quod possit existere, & operari *vt quod*, & quod sit incommunicabilis alteri vt suppositio alieno, realiter, aut saltem ex natura rei distincto. Hoc autem habet natura diuina vt præit relationes, habet enim talem modum, essendi vt repugnet esse in alio tanquam in subiecto alieno; non tamen in proprio.

63 Secunda ratio. Quia essentia di-

uina intra suam lineam est infinita, ergo intra eandem debet esse subsistens. Antecedens est certum. Consequ. probatur, quia ideo natura creata substantialis non subsistit intra propriam lineam, sed ratione sui suppositi, quia est finita, & limitata, ac proinde dependet ab alio, vt à sustentante; ergo cum essentia diuina sit infinita, & illimitata, habebit intra suam lineam esse subsistens. Tum quia essentia diuina ratione suæ infinitatis pertingit ad hoc vt intra suam lineam sit suum esse existentia; ergo etiam pertinget ad hoc vt sit suum esse subsistentia; id enim quod habet propriam existentiam, debet etiam habere propriam subsistentiam. Tum, etiam quia hoc ipso, quod essentia diuinæ competat intra propriam lineam existentia, & quod sit suum esse, conuenit etiam illi intra eandem lineam, quod sit suum operari, cum operari sequatur ad esse, & eo modo aliquid habet operari, quo habet esse; ergo etiam erit suum subsistere, nam operationes sunt existentium, & subsistentium.

64 Occurrit Vsq. quod ad rationem naturæ infinitæ, vt est natura diuina, intra suam lineam, non requiritur, quod sit subsistens, sed sufficit, quod non sit ab alio tanquam à causa: ex hoc namque habet natura diuina suam infinitatem, sicut ex hoc quod natura creata est ab alio tanquam à causa habet suam finitatem, & limitationem. Tum quia sicut non obest infinitati diuinæ essentiæ, quod intra propriam lineam non habeat personalitatem, sed sufficit, quod aliunde, scilicet ex vi aliarum linearum suarum personalitatem cum sit personata, & quod ex vi suæ lineæ sit radicarum. Ita sufficiet ad infinitatem diuinæ essentiæ, quod sit radix subsistentiarum relatiuarum, &c. Tum etiam quia sufficit ad infinitatem diuinæ naturæ, quod sit suum subsistere, non intra propriam lineam, sed intra lineam suarum personarum, ex eo, quod cum illis identificatur absque distinctione actuali, hoc enim arguit infinitatem, cum nulli creaturæ competat.

65 Sed contra, quia lineæ naturæ, cum sit prima, fontalis, & radix omnium alia-

rum linearum diuinarum non solum competit, quod non sit ab alio tanquam à causa, verum etiam, quod non sit ab alio tanquam à ratione à priori, vt sunt attributa, & relationes; insuper, & magis propriè illi competit, quod non sit ab alio tanquam à sustentante; sed si non haberet propriam subsistentiam, esset ab alio tanquam à sustentante; ergo. Maior probatur, quia id, quod est tantæ eminentiæ, & perfectionis, vt non solum non sit ab alio tanquam à causa, verum etiam tanquam à ratione à priori, debet ob eandem eminentiam non esse ab alio tanquam à sustentante; quod enim non potest esse per se, sed est ab alio tanquam à causa sustentante, non potest esse ad eam eminentiam, & perfectum. Tum quia est magis dispensabilis dependentia rei à sua causa, vel principio, aut ratione efficiendi, quam dependentia ab alio tanquam à sustentante; ergo si natura diuina intra suam lineam habet quod non sit ab alio vt à causa, aut ratione à priori, à fortiori non erit ab alio tanquam sustentante. Antecedens probatur, quia videmus, quod suppositum creatum dispensatur in dependentia ab alio tanquam à sustentante, non tamen in dependentia ab alio tanquam à causa efficiente. Nec id, quod primo loco adducitur, aliquid euincit, quia ideo non obest infinitati diuinæ naturæ, aut essentia, quod intra propriam lineam sit personata, quia personalitates pertinent ad aliam lineam omnino diuersam, ac subsistentia absoluta pertinet ad lineam naturæ, cum de ratione subsistendi vt sic solum sit perfectas essendi, non incommunicabiliter essendi. Nec euincit aliquid, quod secundo loco adducitur, quia non sufficit ad infinitam perfectionem diuinæ naturæ, quod sit suum subsistere quoquomodo, sed intra propriam lineam, & indistinctum virtualiter.

66 Tertia ratio. Quia in hoc distinguitur esse diuinum ab esse creato, quod esse creatum est tale, quia est huius naturæ, & non alterius, ac esse diuinum est tale, quia est ipsum esse per se subsistens; ergo esse Dei est subsistens per subsisten-

tiam absolutam. Consequenter videtur nota, quia nisi esse diuinum esset ipsum esse subsistens per propriam subsistentiam absolutam, non staret discrimen in antecedenti positum, quod scilicet solum esse diuinum sit per se subsistens, nam etiam esse Angelicum est subsistens per subsistentiam suppositi. Antecedens probatur, quia esse Angelicum v.g. Michaelis, non est existens vt quod, sed tantum vt quo, quia est id quo natura Michaelis, non Gabrielis existit; & ideo est tale, quia est naturæ Michaelis, & non Gabrielis. & è diuerso. Et hoc non ob aliud, nisi quia est esse finitum, & limitatum, quod non est esse existens vt quo, & vt quod, sed tantum vt quo. Cæterum esse Dei non existit præcisè vt quo, sed existit etiam vt quod. Tum quia est perfectissimum, & infinitum intra primam, & perfectissimam lineam, quæ in diuinis reperiuntur. Tum etiam quia hoc quod est existere præcisè vt quo, non dicit omnem excogitabilem perfectionem in ratione existendi, sicut eam dicit, quod existit vt quo, & vt quod; ergo eum esse Dei debeat dicere omnem excogitabilem perfectionem, debet existere, & vt quo, & vt quod, ac subinde afferre subsistentiam propriam, & absolutam.

67 Occurres ex doctrina Vasquez, & aliorum ex aduersariis, quod licet esse Dei in hoc distinguatur ab esse creato, quod existat vt quo, & vt quod, & sit ipsum esse subsistens, non tamen est subsistens per subsistentiam absolutam, sed per relationes; cum enim identificetur cum illis, subsistet in illis, & per illas. Sed contra, quia vt ratio adducta conuincit, diuinum esse debet subsistere in se, & per se intra propriam lineam, & ratione sui, sed subsistere quod habet à diuinis personis, non est intra propriam lineam, & ratione sui, ergo &c. Tum quia si diuinum existere subsisteret ratione personalitatum, relationum, non subsisteret intra propriam lineam vt quo, & vt quod, cum subsisteret per dictas proprietates ergo. Tum etiam quia in diuinis tantum datur vnicum, & idem esse absolutum, vt supra vidimus,

ergo

ergo debet existere non tantum *ut quo*, sed etiam *ut quod*, quatenus est ipsa natura Dei, & per consequens intra propriam lineam ipsum esse subsistens, & non solum ratione diuinarum personarum. Nam in substantijs, id quod existit per se primo *ut quod*, est subsistens; & id subsistit *ut quod*, quod existit *ut quod*.

68 Confirmatur 1. quia sicut in creaturis id existit *ut quod*, & est subsistens, cui competit *ut quod* esse ab alio, tanquam à causa efficiendi, ergo in Deo id habet existere *ut quod*, ac proinde subsistere, quod non est ab alio tanquam à causa efficiendi, & tanquam à ratione à priori; sed hoc competit soli naturæ diuinæ, ergo natura diuina habebit à se existere, & subsistere *ut quod*, & etiam *ut quo*. Maior probatur, quia existere Dei, est existere à se, & existere creaturæ, est existere ab alio; ergo si creatura existit, & subsistit per hoc, quod est ab alio tanquam à causa, diuina natura existet, & subsistit ex hoc quod est à se, tanquam à causa, & tanquam à ratione à priori. Tum quia esse Dei ita est in tribus personis diuinis, ut se illis communicet absque aliqua distinctione etiam virtuali, ita quod idem profus esse absolutum, quod est in diuina essentia, sit etiam in illis; ergo prædictum esse non solum existit *ut quo*, sed etiam præsupponitur existens *ut quod*, quod autem existit *ut quod*, est etiam subsistens *ut quod*, ergo.

69 Confirmatur 2. quia si natura diuina ex vi suæ lineæ, & intra propriam lineam non esset existens *ut quod*, ac subinde subsistens *ut quod*, multiplicaretur numericè ex multiplicatione diuinarum personarum in quibus habet esse, & subsistere *ut quod*, sed hoc est omnino falsum; ergo & id vnde sequitur. Maior probatur, ideo natura humana multiplicatur numericè in pluribus suppositis, quia nec habet esse, nec subsistere in se, & ex se *ut quod*, sed est in illis suppositis realiter ab ea distinctis, & *ut quod* existentibus, & subsistentibus; sed natura diuina non multiplicatur in diuinis personis, ergo debet præsupponi existens, & subsistens *ut quod*, & non tantum *ut quo*, ut natura humana.

Antecedens probatur, quia id, quod præcisè habet esse *ut quo*, habet illud per ordinem, aut quasi ordinem ad id, quod habet esse *ut quod*, ac proinde debet distinguì, & multiplicari ad multiplicationem illius.

70 Sed dices 1. id esse verum respectu naturæ finitæ, & limitatæ, non verò respectu naturæ infinitæ. Nam naturæ finitæ, tantum competit vnicum suppositum, & hoc ipso, quod est in pluribus, colligimus illam multiplicari. At natura diuina petit plura supposita absque aliqua sui multiplicatione. Sed contra, quia etsi verum sit naturam diuinam esse infinitam, & eius *esse*, esse infinitum, & petere esse in pluribus absque sui multiplicatione; tamen hoc ideo est, quia prædictum *esse*, est ex vi sua subsistens antequam intelligatur esse in personis. At si haberet tantum esse *ut quo*, & eodem modo subsistere, non posset non multiplicari ad multiplicationem eorum in quibus reciperetur, scilicet trium suppositorum relationum. Ad quod facit exemplum adductum naturæ humanæ, quæ multiplicatur ad multiplicationem suorum suppositorum; nam natura diuina habet etiā similem amplitudinem respectu suorum suppositorum. Nec sola infinitas naturæ conducit ad immultiplicationem, sicut nec ad multiplicationem alicuius esse conducit sola limitatio, & finitas, quando in vno solo supposito tota natura recipi potest, ut in Angelis contingit. Vnde multiplicabilitas, vel immultiplicabilitas non debet attendi penes finitatem, aut infinitatem, sed penes multiplicationem ipsius esse, *ut quod*, & subsistere *ut quod*, modo explicato.

71 Dices 2. quia diuina attributa sunt eadem numero in tribus personis diuinis, & ramen non habent propriam subsistentiam; ergo &c. Respondetur 1. quod est valde probabile, quod attributa diuina habeant propriam subsistentiam, licet non propriam existentiam. Nā sicut misericordia creata quia est quiddam completum intra lineam misericordiae creatæ, assert propriam inhaerentiam; ita

misc-

miseriordia diuina, quia est completa intra lineam misericordiae, & est quid substantiale importat proprium modum existendi per se, seu propriam subsistentiam. Resp. 2. probabilius, quod attributa diuina non habent propriam subsistentiam, sed subsistunt per subsistentiam diuinæ essentiae, sicut etiam existunt per existentiam eiusdem diuinæ essentiae. Hinc tamen non sequitur, quod attributa debeant multiplicari adhuc virtualiter ex eo, quod diuinis personis communicentur, quia per prius communicantur diuinæ essentiae iam existenti, & subsistenti, ac proinde subsistunt ad subsistentiam illius. Postea sic subsistentia, & consubsistentia cum diuina essentia communicantur personis, ac proinde non multiplicantur ad multiplicationem personarum; multiplicarentur autem, si non prius supponerentur subsistentia. Soluuntur arg. in contrarium.

72 Primum argum. Quia Concilia nunquam usurpant nomen subsistentiae absolutae, seu communis, sed pro eodem reputant subsistentiam, & personam; ergo sentiunt non dari in diuinis subsistentiam absolutam. Antecedens constat, ex secunda Synodo generali; item ex tertia Synodo generali; ex Concil. Chalcedonenf. & ex alijs, ubi non fit mentio de subsistentia absoluta, sed tantum de tribus relatiuis. Tum quia nomen subsistentiae idem sonat, quod nomen *hypostasis*, hypostasis autem idem est quod persona. Resp. quod sicut nomen substantia aliquando apud Concilia, & Patres sumitur in diuinis pro ipsa essentia, & natura Dei, vnde dicunt, quod in diuinis datur tantum vniuersa substantia; & aliquando accipitur pro relationibus personalibus, vnde dicunt, quod in diuinis dantur tres substantiae. Ita similiter subsistere, & subsistentia aliquando sumitur apud Concilia, & Patres pro subsistentijs relatiuis, vt in locis citatis Conciliorum. Aliquando verò accipitur pro subsistere, seu subsistentia absoluta, vt constat ex testimonijs à nobis adductis. Bene verum est, quod licet tam nomen *substantia*, quam nomen *subsistentia* sumatur modis dictis, tamen est discrimen no-

tandum inter vtrumque, quod nomen *substantia*, quando accipitur pro essentia, vel natura, absolute accipitur; at pro relationibus, non accipitur nisi cum addito, vt cum dicitur substantia relatiua. At contra nomen *subsistentia* absolute accipitur pro subsistentijs relatiuis, & cum addito pro subsistentia absoluta; huius ratio est, quia etiam in creaturis nomen *substantia* prius significat essentiam. Et nomen *subsistentia* prius accipitur pro subsistentijs incommunicabilibus; vnde etiam translata ad Deum retinent dictas significationes.

73 Secundum argum. Quoniam Deitas vt præintellecta personis, non potest esse principium quod generandi ad intra, ergo non est subsistens antequam intelligatur personata. Antecedens constat, quia id, quod præintelligitur personis, est commune toti Trinitati, ac proinde si Deitas vt præintellecta personis, esset principium quod generandi, hoc principium esset commune tribus. Vel etiam distingueretur realiter à Filio, & non esset eadem numero communis tribus; quia in solo Patre, non in alijs hoc haberet. Conseq. probatur, quia sicut id, quod per se primo est principium quod generandi in natura humana per se subsistit, ita in natura diuina idem dicendum est, quod scilicet si haberet propriam subsistentiam, deberet esse principium quod generandi, seu communicandi ad intra diuinam naturam. Resp. concedendo antecedens, & negando conseq. Ad probationem dico, quod ad hoc vt Deus sit principium quod generandi ad intra requiritur saltem tamquam conditio quod connotetur Paternitas vt est ratio subsistendi incommunicabiliter, ex eo, quod ad generandum requiritur distinctio realis inter generans, & genitum, quae non nisi medijs relationibus datur.

74 Tertium argum. quia si propter aliquam rationem natura diuina haberet propriam subsistentiam absolutam, maxime quia antequam intelligantur personae diuinæ, datur *hic Deus*, qui est concretum Deitatis, & per consequens, est habens naturam diuinam, & in illa subsistens; sed

hæc

hæc ratio est nulla; ergo, &c. Maior nota est, minor probatur, quia spiratio actiua non habet propriam subsistentiam, & tamen ex vi suæ lineæ habet suum concretum, scilicet *spiratorem*, ex eo, quod ratione suæ infinitatis intra suam lineam relativum non distinguitur in ipsa abstractū, & concretum distinctione virtuali; sicut ratione infinitatis quam dicit Paternitas intra suam lineam, non distinguuntur in ipsa virtualiter Paternitas, & Pater; sic Deitas, & Deus; misericordia, & misericors; iustitia, & iustus, &c. Resp. 1. esse probabile, quod spiratio actiua habeat propriam subsistentiam relativam, quæ sit communis Patri, & Filio. Si enim probabile est, quod omnia attributa habeant propriam subsistentiam, vt innuere videtur D. Tho. q. 9. de Potent. art. 5. ita etiam probabile erit, quod spiratio actiua habeat propriam subsistentiam, sed communicabilem, quia non est subsistentia personalis, & incommunicabilis. Resp. 2. probabilius, quod nec spiratio actiua, nec attributa habeant propriam subsistentiam, ratio disparitatis inter spirationem actiuam, & relationes personales, est, quod relationes personales sunt incommunicabiles, & spiratio actiua est communicabilis. Ratio autem quare spirationi actiue denegetur subsistentia, quia est communicabilis, & concedatur nature diuinæ, cum sit communicabilis est, quia natura diuina est prima forma, aut quasi forma substantialis, & perfectissima, ac proinde cum non supponat aliquid prius à quo recipiat subsistere, nec possit illud habere à posteriori, debet habere à se. At spiratio actiua iam supponit aliquid prius à quo recipiat subsistere, nec est forma prima; & primordialis, sed quasi secundaria. Quare ad argum. conceditur maior, & negatur minor, ad probationem patet ex modo dictis.

75 Quartum argum. Quia si natura diuina haberet propriam subsistentiam, essetque subsistens, non posset concipi in abstracto; hoc est falsum, ergo. Sequela probatur, quia si diuina essentia haberet propriam subsistentiam, tunc illa subsi-

stentia esset de eius essentia, ergo concipi non posset sine illa, ac proinde non posset concipi nisi vt subsistens. Resp. negando sequelam. Ad probationem dico, quod licet essentia diuina si adæquatè concipiatur, non possit concipi nisi vt subsistens; tamen si concipiatur inadæquatè, & ex parte nostri modi concipiendi, concipi potest vt non subsistens; licet res concepta absque distinctione virtuali subsistat. Vnde in diuina essentia abstractum, & concretum non distinguuntur ex parte rei conceptæ, sed solum ex parte nostri modi concipiendi. Hæc autem distinctio sufficit, vt possimus concipere dictam essentiam diuinam in abstracto, vt ex dictis liquet.

76 Quintum argum. Quia in diuinis non dantur quatuor personæ, ergo neque dantur quatuor subsistentiæ, tres relatiuæ, & vna absoluta. Antecedens constat. Conseq. probatur, quia tot dantur personæ, quot dantur subsistentiæ istæ sunt quatuor, tres relatiuæ, & vna absoluta, ergo etiam dabuntur quatuor personæ, tres relatiuæ, & vna absoluta. Respondetur quod Deus vt subsistens per subsistentiam absolutam, non est persona, quia subsistit communicabiliter. De ratione autem personæ est, quod subsistat incommunicabiliter.

77 Sed dices quod in hac solutione aperta inuoluitur contradictio, scilicet subsistentiam absolutam esse, & non esse incommunicabilem. Non esse, vt supponitur esse autem quia natura diuina, vt subsistens per talem subsistentiam, non esset communicabilis eo modo, quo superius communicatur suis inferioribus, quia ista communicatio tantum est per rationem, cum tamen deberet esse realis. Nec etiam esset communicabilis eo modo quo natura communicatur proprio supposito, quia ista communicatio, est communicatio eius quod tantum habet esse *vt quo*, respectu eius, quod habet esse *vt quod*; quod autem est subsistens non potest communicari *vt quo* cum habeat esse *vt quod*, ac proinde natura diuina manebit omnino incommunicabilis. Tum quia natura diuina

uina vt subsistens per hanc subsistentiam, penderet, & non penderet ab alio, vt à sustentante. Non penderet, quia esset subsistens. Penderet, quia hoc ipso quod est alteri communicabilis vt supposito, haberet esse per se ab illo, ac proinde penderet ab illo, vt à sustentante. Tum etiam quia sicut actio ex eo, quod est ipsum fieri, non habet fieri ab alia actione: & vnio, non habet vniri ab alia vnione: & figura v. g. rotunda, non habet figurari ab alia figura; ita quia subsistentia absoluta est essentialiter subsistentia, non poterit per aliam subsistentiam subsistere; ac proinde non poterit alteri vt supposito communicari. Tum denique quia essentia diuina cum sit essentialiter de se & intelligibilis, & intellecta, non potest reddi intelligibilis per aliud; ergo si eadem diuina essentia est essentialiter subsistens per propriam subsistentiam, non poterit fieri subsistens per subsistentias personarum.

78 Resp. negando antecedens. Est quidem diuina essentia & eius subsistentia communicabilis diuinis suppositis, & eo modo, quo superius communicatur suis inferioribus, scilicet communicatione rei, ac proinde communicatione reali; Vnde licet natura imperfecta, & admixta potentialitati, quæ non est suum esse, suumque operari, communicetur suo supposito, præcisè eo modo quo id, quod habet esse tantum *vs quo*, communicatur ei, quod habet esse *vs quod*; tamen natura perfectissima, quæ est suum esse, suumque operari, vt est natura diuina, debet habere esse *vs quod*, & debet communicari *vs quod* primario, ei quod habet esse *vs quod* secundario, & ratione ipsius naturæ, vt per se primò existentis *vs quod*. Ad 1. probationem, dico, quod dicta subsistentia

absoluta, & natura per ipsam subsistens, non pendet ab alio vt sustentante, etiam, si subsistat etiam per subsistentiam relatiuam, & incommunicabilem. Nam pendere ab alio vt à sustentante, dicit, quantum ad præsens, subsistere ratione alterius ita quod ratione alterius præcisè subsistat, & eo sublato deficiat, nec habeat in se, & ex vi propriæ linear vnde fulciatur, & sustentetur. Non sic contingit in nostro casu, quia subsistentia relatiua solum tribuit essentiæ diuinæ præsubsistenti communicabiliter in ordine ad se per subsistentiam absolutam, quod subsistat alio modo scilicet incommunicabiliter, &c. Ad 2. probationem, dico, quod sicut potest vna, actio fieri per aliam actionem diuersæ rationis; vnde actio creati fit à Deo per intellectum, & voluntatem; & aliqua vnio potest vniri per aliam diuersæ rationis, vnde linea, quæ est vnio partium superficiei, alia vnio vnitur substantiæ; & vna figura potest per aliam diuersæ rationis figurari, &c. ita potest subsistentia absoluta, licet sit in hoc ordine ipsa ratio subsistendi potest tamen reddi subsistens per subsistentiam alterius rationis, quæ diuersum tribuat modum subsistendi. Ad vltimam probationem dico, quod diuina essentia non potest reddi intelligibilis, & intellecta per aliquid aliud quidditatiuè, quia non datur alter modus per quem quidditatiuè reddatur intelligibilis, & intellecta; nil namque datur, nec dari potest, quod sit suum esse intelligibile, & intellectum extra Deum; nil datur, quod habeat eundem gradum immaterialitatis, elcuationis, puritatis. At in nostro casu datur duplex modus existendi, & subsistendi communicabiliter, & incommunicabiliter, vt ex dictis constat.

DISPUTATIO XXX.

IN QVAES. T. XXX. D. THOMAE.

DE PLURALITATE PERSONARVM
IN DIVINIS.

HANC disputationem breuiter absoluemus, quæ enim in ea traduntur à D. Tho. de pluralitate diuinarum personarum, iam fecerunt constant ex dictis, constabuntque magis ex dicendis disp. sequenti. Quocirca quæ in singulis articulis tradit S. Doctor breuiter referemus. In articulo 1. queritur, *Utrum sit ponere plures personas in diuinis?* Et sic resoluit. *Plures personas esse in diuinis, sequitur ex præmissis. Oñsum est enim supra, quod hoc nomen persona, significat in diuinis relationem, ut rem subsistentem in natura diuina. Supra autem habitum est, quod sunt plures relationes reales in diuinis. Unde sequitur, quod sint plures res subsistentes in diuina natura. Et hoc est esse plures personas.*

2. Contra hanc veritatem dices 1. quia persona est rationalis nature indiuidua substantia; sed in diuinis non sunt plures substantiæ, ergo neque plures personæ. Respondet S. Doctor: quod substantia non ponitur in definitione persona, secundum quod significat essentiam, sed secundum quod significat suppositum, quod patet ex hoc quod dicitur indiuidua. Ad significandum autem substantiam sic dictam habent Græci nomen *hypostasis*. Unde sicut nos tres personas, ita ipsi dicunt tres *hypostases*. Nos autem non consueuimus dicere tres substantias, ne intelligerentur tres essentie, propter nominis aquisitionem. Possunt tamen dici tres substantiæ cum addito, scilicet relatiuæ, ut dub. præcedenti ad primum dictum est.

3. Dices 2. quia in Deo nullus est numerus per Boetium *lib. de Trin. ante mediam*, sed ubi est pluralitas, ibi est numerus; ergo, &c. Respondet S. Doctor: *Quod à Deo propter summam unitatem excluditur omnis pluralitas absolute dictorum, non autem pluralitas relationum: quæ relationes prædicantur de aliquo ut ad alterum. Et sic compositionem in ipso, de quo dicuntur, non importat.*

4. Dices 3. quia ubicunque est numerus, ibi est totum, & pars; sed in diuinis non est totum, & pars; ergo non est numerus, ac proinde nec pluralitas personarum. Respondet idem S. Doctor: *Quod numerus est duplex: scilicet numerus simplex, vel absolutus, ut duo, tria, & quatuor. Et est numerus qui est in rebus numeratis, ut duo homines, & duo equi. Si igitur in diuinis accipiat numerus absolute, sine abstracto, nihil prohibet in eo esse totum, & partem, & sic non est nisi in acceptione nostri intellectus; non enim numerus absolutus à rebus numeratis est, nisi in intellectu. Si autem accipiamus numerum, prout est in rebus numeratis, sic in rebus quidem creatis unum est pars duorum, & duo trium, & unus homo duorum, & duo trium. Et sic non est in Deo: quia tantus est Pater, quanta tota Trinitas, ut infra patebit, & nos dicemus disp. sequenti.*

S. 1. *Panuntur quæ tradit S. Doctor in art. 2. dicta q. 30.*

5 **I**N articulo 2. quaerit S. Doctor: *Utrum in Deo sint plures personæ, quam tres.* Et sic resolvit. Necessè est ponere tantum tres personas in divinis. Oportet enim; quod plures personæ, sunt plures relationes subsistentes, ab invicem realiter distinctæ. Realis autem distinctio inter relationes divinas non est, nisi ratione oppositionis relationum. Ergo oportet duas relationes oppositas ad duas personas pertinere. Si quæ autem relationes oppositæ non sunt ad eandem personam, necesse est eas pertinere, Paternitas ergo, & Filiatio (cum sint oppositæ relationes) ad duas personas ex necessitate pertinent, &c. alia autem duæ relationes ad neutram harum oppositionem habent, sed sibi invicem opponuntur, &c. Relinquitur ergo, quod spiratio conveniat, & Persona Patris, & persona Filij, utpotè nullam habens oppositionem relationum, nec ad Paternitatem, nec ad Filiationem. Et per consequens oportet, quod conveniat Processio alteri personæ, quæ dicitur persona Spiritus Sancti, quæ per modum amoris procedit, &c.

6 Sed obijcies 1. quia in divinis pluralitas personarum est secundum pluralitatem relationum: sed in divinis sunt quatuor relationes, scilicet Paternitas, Filiatio, spiratio activa, & passiva, ergo etiam erunt quatuor personæ. Hoc argum. sic resolvit S. Doctor: *Quod licet sint quatuor relationes in divinis, tamen una earum, scilicet spiratio, non separatur à persona Patris, & Filij, sed convenit utriusque.* Et sic, licet sit relatio, non tamen dicitur proprietas (quia non convenit uni tantum personæ) neque relatio personalis, id est, constitutiva personam. Sed hæc tres relationes, Paternitas, Filiatio, & processio dicuntur proprietates personales, quasi personas constituentes, &c. Nam Paternitas constituit Patrem, Filiatio Filium, & Processio Spiritum Sanctum. At spiratio est relatio communis Patri, & Filio iam constitutis.

7 Obijcies 2. quia ex infinita bonita-

te Patris est, quod infinitè se ipsum communicet producendo personam divinam; sed etiam Spiritus sanctus est infinita bonitas, ergo etiam Spiritus sanctus debet producere aliam personam divinam, & illam aliam, usque in infinitum. Respondet Sanctus Doctor: *Quod ratio illa procederet, si Spiritus sanctus haberet aliam numero bonitatem à bonitate Patris.* Oportet enim, quod sicut Pater per suam bonitatem producit personam divinam, ita & Spiritus sanctus. Sed una, & eadem bonitas Patris est, & Spiritus sancti, neque etiam est distinctio, nisi per relationes personarum. Unde bonitas convenit Spiritui sancto, quasi habita ab alio: Patri autem, sicut à quo communicatur alteri, &c.

8 Obijcies 3. Quia omne, quod continetur sub determinato numero est mensuratum numeris namque quædam mensura esset. Sed personæ divinæ non possunt mensurari, cum sint infinitæ; & inmensæ; ergo non possunt contineri sub numero ternario. Ad hoc sic occurrit Doctor Sanctus: *Quod numerus determinatus, si accipiat numerus simplex, qui est tantum in acceptione intellectus, per unum mensuratur; si vero accipiat numerus rerum in divinis personis, sic non competit ibi ratio mensurari, quia eadem est magnitudo trium personarum, idem autem non mensuratur per idem.*

S. 2. *Panuntur notabilia articuli 3. dicta q. 30.*

9 **I**N articulo ergo 3. quaerit D. Th. *Utrum termini numerales, ponant aliquid in divinis.* Ad quod sic respondet Magister in sententijs, ponit, quod termini numerales, non ponunt aliquid in divinis, sed remittunt tantum. Alij vero dicunt contrarium. Ad evidentiam, igitur considerandum est, quod omnis pluralitas consequitur aliquam divisionem. Est autem duplex divisio. Una materialis, quæ fit secundum divisionem continui. Et hæc consequitur numerus, qui est species quantitatis. Unde nullus numerus non est, nisi in rebus materialibus.

bus habentibus quantitatem. Alia est diuifio formalis, quæ fit per oppositas, vel diuerfas formas. Et hanc diuifionem fequitur multitudo, quæ non est in aliquo genere, fed est de transcendentibus, fecundum quod ens diuiditur per vnum, & multa. Et talem multitudinem solum contingit esse in rebus immaterialibus. Et post aliqua subdit. Huiusmodi autem vnum non addit aliquid fupra ens, nisi negationem diuifionis tantum, &c. Vbi docet, quod pluralitas, seu multitudo in diuinis, quæ per terminos numerales significatur, non importat nisi plures vnitates, & sic significat res quæ dicuntur vnæ cum in diuifione circa vnāquamque. Et sic est ibi solum multitudo transcendentalis, quæ constat ex entibus distinctis, non numerus, qui est species quantitatis. Videantur quæ diximus fupra q. 11.

§. 3. Ponuntur notabilia art. 4. dictæ q. 30.

10 **I**n articulo 4. inquit S. Doctor. *Verum hoc nomen persona possit esse commune tribus personis. Affirmatiue respondet, quod scilicet nomen persona fit commune tribus personis diuinis communitate secundum rationem; non sicut genus ad species, sed sicut indiuiduum vagum. Quare reiecta illorum sententia, qui dicebant, quod nomen persona est commune communitate negationis, ex eo, quod in definitione personæ ponatur incommunicabile; & reiecta etiam illorum sententia, qui dicebant, quod dictum nomen persona, est commune communitate*

intentionis, eo quod in definitione personæ ponitur indiuiduum; sicut si dicatur, quod esse speciem est commune equo, & boui. Vterque namque dicendi modus per hoc excluditur, quod nomen persona neque est nomen negationis, neque intentionis, sed rei, sic loquitur. Et ideo dicendum est, quod in rebus humanis hoc nomen persona est commune communitate rationis, non sicut genus, vel species, sed sicut indiuiduum vagum. Nomina enim generum, vel specierum, ut homo, vel animal, sunt imposita ad significandum ipsas naturas communes, non autem intentiones naturarum communium, quæ significantur his nominibus genus, vel species. Sed indiuiduum vagum, ut aliquis homo, significat naturam communem cum determinato modo essendi, qui competit singularibus, ut scilicet sit per se subsistens, distinctum ab alijs, &c. hoc tamen interest: Quod aliquis homo significat naturam, vel indiuiduum ex parte natura cum modo existendi, qui competit singularibus. Hoc autem nomen persona non est impositum ad significandum indiuiduum ex parte nature, sed ad significandum rem subsistentem in tali natura. Hoc autem est commune secundum rationem omnibus personis diuinis, ut vniqueque earum subsistat in natura diuina distincta ab alijs. Et sic hoc nomen persona secundum rationem est commune tribus personis diuinis. Persona ergo non est communis tribus personis diuinis communitate rei, ut est essentia diuina, licet sit aliquid rei, sed communitate rationis, non generis, aut speciei, sed quasi indiuidui vagi.

DISPUTATIO XXXI.

IN QVAES T. XXXI. D. THOMAE

De his, quæ ad unitatem, vel pluralitatem pertinent in diuinis.

HÆC questio in 4. art. diuiditur. In 1. docet S. Doctor, quod hoc nomen Trinitas, dici potest de Deo, non tamen de singulis personis, vt Pater est Trinitas. Quia Trinitas significat pluralitatem personarum determinatam in vna essentia, scilicet pluralitatem in numero ternario, & hæc verè dicitur de Deo, non de qualibet persona. In 2. art. ostendit, quod Pater re-
*re dicitur alius à Filio, & è contra, non aliud, quia alius significat distinctionem in persona, & aliud in natura. Et similiter alia nomina personarum distinctionem excludentia, vt esse vnicum, esse solitari-
 um, vel diuisionem potentie in natura, vt nomen diuisionis, separationis, &c. vi-
 tanda sunt. In 3. art. dicit, quod hoc nomen solus, sit idem ac solitarius, & excludat consortium personarum eiusdè naturæ, ac proinde non est ponendū in Deo. Quod si accipiat, vt non excludat consortium personarū suæ naturæ, sed consortium aliorum extra Deum, potest adiungi termino essentiali, vt dicendo solus Deus est æternus, solus est immortalis, &c. In 4. art. docet, quod dictum nomen solus, propriè non est adiungendū termino personali, dicendo solus Pater est Deus, quia excludit alias personas à consortio prædicati. Admitti tamen potest si accipiat, aduerbialiter, vt si dicatur. Solum Pater est Deus, quia tunc non excludit alium, sed aliud, à diuinitatis consortio. Verum vt ea, quæ tradit S. Doctor in hæc, & præcedenti q. maneant explicata sit.*

DUBIUM I.

An sicut conceduntur in diuinis tres personæ realiter distinctæ, ita sint concedenda tres res, tres unitates, &c.

Q Vantum ad veritatem, est prima sententia, quod licet in Deo non multiplicentur veritates in intelligendo, vel dicendo, quia in Deo est vnū tantum intelligere, quod est veritas in intelligendo, & vna veritas in attestando; tamen sunt in Deo tres veritates in essendo, seu sunt tres veritates obiectiue. Sic tenent Suarez lib. 3. de Trin. cap. 8. Valq. in præfati disp. 122. cap. 7. & alij.

3 Nostra sententia sequentibus concl. explicatur. Prima concl. In diuinis, dantur absolute, & simpliciter loquendo tres res realiter distinctæ: item tres unitates realiter distinctæ. Vtraque pars conclusionis habetur in Concilio Rhemenſi, sub Calixto Papa II. & tradunt Sancti Patres, & omnes Theologi.

4 Prima pars probatur, quia nomen res significat realitatem ratam, & firmam extra animam; sed hoc ipso, quod in diuinis absolute, & simpliciter loquendo dantur tres personæ realiter distinctæ, dantur tres realitates ratæ, & firmæ; ergo dantur tres res absolute, & simpliciter realiter distinctæ. Maior nota est etiam ex ipsa nominis significatione. Minor etiam constat, quia quæuis ex personis diuinis ex vi suæ linæ dicit realitatem ratam, & firmam extra

extra animam, aliàs esset nihil, aut ens rationis.

5 Confirmatur, quia *res* habet se per modum prædicati transcendentis tam respectu diuinæ essentiae, quam respectu relationum: ergo sicut *res* non multiplicatur realiter respectu essentiae, quia essentia non multiplicatur, ita multiplicabitur in relationibus personalibus, quia istæ multiplicantur. Antecedens conitatur, quia *res* intimè includitur tam in essentia, quàm in relationibus, quia tam illa, quam istæ sunt realitas rata, & firma extra animam. Conseq. etiam nota est, quia quod est transcendens respectu essentiae diuinæ, & relationum personalium, ita se habet, quod sicut non convenit essentiae ratione relationum, sed ratione sui, ita non convenit relationibus ratione essentiae, sed ratione sui, & ex vi suæ lineæ, ac proinde multiplicabitur ad multiplicationem earumdem relationum: quod enim est transcendens, est commune communitate rationis, non rei; quod autem est commune communitate rei, non multiplicatur in diuinis, ut patet in natura: at id, quod est commune solum communitate rationis, ut est *res*, multiplicatur ad multiplicationem eorum, quibus est commune.

6 Secunda pars probatur, quia in diuinis absolutè, & simpliciter loquendo, datur pluralitas personarum, nec non numerus transcendentis, ut postea dicetur; ergo etiam dabuntur plures vnitates realiter diuinitatæ, iuxta pluralitatem earumdem personarum, numerumque earum. Vbi namque est pluralitas, & numerus, ibi dari debent vnitates, ut ex se constat. Tum quia vnitas absolutè, & simpliciter loquendo tantum dicit realitatem indiuisam in se, & diuisam à quocunque alio; sed quælibet ex diuinis personis dicit ex vi suæ lineæ realitatem indiuisam in se, & diuisam à quocunque alio; ergo quælibet ex diuinis personis dicit realem vnitatem, ac proinde tres personæ diuinæ dicunt tres reales vnitates.

7 Sed dices, quod nomen rei iuxta Auicenam, quem refert, & sequitur D. Thomas in 1. dist. 25. q. 1. art. 4. sumitur

à quidditate; sed in diuinis est tantum vna quidditas, cum sit tantum vna essentia, & natura; ergo tantum vna *res*, ac subinde non dabuntur tres vnitates realiter distinctæ. Resp. ex eodem S. Doctore ibi. ad 2. quod nomen rei non sumitur à quidditate absolutè, quæ est idem ac essentia, & natura, sed à ratione formali, quæ etiam dicitur quidditas, licet non absolutè, & propriè, sed impropiè.

8 Secunda concl. In diuinis non dantur tria entia substantiuè, sed tantum adiectiuè, loquendo propriè, & simpliciter. Colligitur hæc concl. ex Concil. Lateran. sub Innoc. III. cap. 2. ubi dicitur. *Patrem totam suam entitatem dedisse Filio*. Cum autem Pater non dederit Filio Paternitatè, signum est, quod nomine entis absolutè, & simpliciter, non intelliguntur relationes. Hoc tradit S. Thomas, & omnes Theologi communiter.

9 Ratio fundamentalis est, quia ad multiplicationem nominis substantiuè requiritur multiplicatio tum suppositi, tum formæ formaliter significatæ per illud, & ad multiplicationem termini adiectiuè sufficit multiplicatio suppositotum; sed forma per hoc nomen ens significata, non plurificatur in diuinis, bene tamen supposita; ergo absolutè, & simpliciter loquendo non sunt admittenda tria entia substantiuè, bene tamen adiectiuè. Maior constat ex communi consensu Dialecticorum. Minor probatur, quia forma significata per hoc nomen ens, absolutè, & simpliciter sumptum, est ipsum esse, seu existentia; sed hæc non plurificatur; ergo. Minor constat ex dictis supra. Maior probatur, quia nomen ens desumitur ab esse, ergo forma per illud significata erit ipsum esse. Tum quia sicut hoc nomen *homo* absolutè, & simpliciter dictum imponitur ad significandum id cū quo conuertuntur omnes passionēs hominis; ita hoc nomen ens imponitur ad denotandam illud ens, cum quo omnes passionēs entis conuertuntur; sed omnes passionēs entis conuertuntur cum ente ut significat existentiam, non cum ente ut significat essentiam. Bonitas namque non conuertitur cum ente nominali.

naliter, sed tantum participialiter; ergo. Tum etiam quia abstractum huius nominis *ens*, est entitas; sed entitas absolute, & simpliciter non plurificatur in Deo; ergo neque *ens*. Diximus, quod *ens* absolute, & simpliciter sumptum non plurificatur in Deo. Quia si non sumatur absolute, & simpliciter, sed cum addito, dicendo *ens* relatiuum, secundum quam rationem nō dicit *ens* ut est principium essendi, sed *ens* ut distinguitur contra nihil, seu id quod est, quomocunque sit, tunc poterit plurificari. Quo sensu etiam nos non semel diximus, quod diuinæ relationes habent propriam entitatem, seu essentiam, scilicet relatiuam.

10 Sed obijcies ex Suarez, Vasq. & alijs oppositum sentientibus, quod *ens* absolute, & simpliciter sumptum est superius ad personam, ergo debet multiplicari ad multiplicationem earum. Multiplicationis namque inferioribus, multiplicantur prædicata superiora. Tum quia significatum nominis *ens*, non est existentia, sed entitas; sed hæc multiplicatur in diuinis personis, sicut & ipsæ personæ multiplicantur; nam vna persona est entitas realiter distincta ab alia; ergo. Tum etiam, quia dato, quod *ens* desumatur ab existentia, non tamen significat ipsum esse, sed sufficit, quod significet quamlibet realitatem dicentem vel esse, vel ordinem ad esse. Tum deinde, quia relationes diuinæ ut distinctæ ab essentia, non sunt putandæ nihil, ergo dicunt propriam entitatem. Tum denique quia *res* dicitur pluraliter in diuinis, quia est transcendens, sed etiam *ens* est transcendens, cum conuertatur cum *re*, ergo.

11 Resp: negando antecedens, *ens* enim participialiter sumptum, quod dicit de formali esse, seu existentiam, non est essentialiter superius per superioritatem, & communitatem rationis, de qua procedit argumentum; ad personam, sicut nec *ens* ut dicit principium essendi, sed *ens* ut distinguitur contra nihil, quod non dicitur absolute, & simpliciter *ens*, sed cum addito, scilicet *ens*, ut est idem quod *realitas*; vel prout distinguitur contra nihil,

aut *ens* prout abstrahit ab hoc, quod est esse principium essendi, aut non esse principium illius. Ad 1. probationem dico, quod dato, quod entitas sit forma formaliter significata per hoc nomen *ens*, nihilominus tantum significat, vel existentiam, seu esse, quod dicitur entitas participialiter sumpta, vel entitatem, seu essentiam, ut est principium essendi. Et sic proprie, & simpliciter loquendo, personæ diuinæ non distinguuntur ut entitas, & entitas absolute, & simpliciter dictæ, sed ut *res*, & *res*, quæuis cum addito concedi possit, ut dictum est. Dici namque potest, quod sint tres entitates relatiuæ. Ad 2. probationem dicitur, quod ad hoc ut aliquod dicatur *ens* imperfecte, & secundum quid, sufficit, quod dicat ordinem ad existentiam, ut patet de rebus futuris, quæ non sunt *ens* pure nominaliter, sed participialiter, & imperfectum, quod de diuinis personis dici non potest. Ad 3. probationem dicendum, quod personæ diuinæ secundum id, quod addunt supra essentiam, dicunt aliquam realitatem, prout realitas distinguitur contra nihil, non tamen absolute, & simpliciter addunt entitatem, quia non addunt realitatem, quæ sit ipsum esse. Ad ult. probationem constat ex dictis, quia *ens* ut dicit existentiam, non est transcendens transcendentia rationis, ut dicit *res*. Vnde hoc modo *res*, & *ens* non conuertuntur.

12 Tertia concl. In diuinis proprie, & simpliciter loquendo non dantur tres essentia, seu quidditates, nec tria aliquid, quod est passio entis, ut constat ex illo Reubau, scilicet *res*, verum, bonum, aliquid, vnum, &c. Sic tradunt omnes. Prima pars probatur, quia essentia significat quidditatem prout est principium, aut quasi principium essendi; sed essentia in hac significatione non multiplicatur in diuinis, quia omnia diuina existunt per vnicam, & eandem indiuisibilem existentiam diuinæ essentia; ergo &c. Secunda pars probatur, quia aliquid quod est passio entis, si proprie sumatur, significat non quamcunque realitatem, sed absolutam, nam aliquid, distinguitur contra ad aliquid, ac proinde

proinde conveniunt divinis relationibus, nõ ratione sui, sed ratione divinæ essentia; sed absoluta in divinis non multiplicantur, ergo. Tum quia aliquid significat id, quod est aliud quid; sed in divinis licet sit aliud, & aliud, non tamen aliud, & aliud quid, ergo.

13. Sed dices, quod qualibet ex divinis personarum visus linea habet esse aliquod suppositum, diciturque aliquam realitatem; ergo qualibet ex illis erit aliquid ex vi sue lineæ. Resp. quod cum dicitur, quod qualibet persona divina est aliquod suppositum, non sumitur *hæc* quæ, ut est affectio entis, sed ut est signum modificativum, vel determinativum suppositi.

14. Quarta conclusio. In divinis non sunt tres veritates realiter distinctæ, aut tria vera substantiæ realiter distincta. Pro hac conclusio citant Salernan. D. Aug. Boetium, Anselm. Bernard. Thom. aliosque.

15. Probatur 1. quia in divinis non datur nisi unica magnitudo, & perfectio in tribus personis; ergo neque dantur plures veritates realiter distinctæ. Antecedens est certum, quia si in divinis darentur tres magnitudines, & perfectiones, omnes simul sumptæ dicerent maiorem perfectionem, quam singula ex ipsis. Consequenter probatur, quia si idcirco non possunt dari tres magnitudines, quia omnes essent maiores singulis; ita non potest dari tres veritates, quia omnes personæ simul sumptæ essent aliquid verius, quam una sola persona. Quod autem est verius aliud, est perfectius illo, siquidem veritas est perfectio, & maior veritas est maior perfectio.

16. Probatur 2. quia ratio veritatis fundatur solummodo (formalissime loquendo) supra entitatem absolutam, & simpliciter dictam; siue supra entitatem, ut præcise dicitur principium, aut quasi principium essendi; sed in divinis datur tantum unica entitas, proinde dicitur principium, aut quasi principium essendi, ergo. Minor patet. Maior probatur, quia verum definitur per esse ex D. Aug. quæ refert, & sequitur S. Tho. q. 1. de veritate.

Art. 1. ubi dicitur, Tripliciter veritas, & verum definitur invenitur. Uno modo secundum id, quod præcedit rationem veritatis, & in quo verum fundatur. Et sic Aug. definit in lib. Soliloquiorum. Verum est id, quod est. Et Avicenna in 1. Metaph. Veritas cuiuslibet rei est proprietas sue esse, quod habilitum est rei. Et quidam sic. Verum est indivisum esse, & eius, quod est. Ergo cum in divinis deum tantum videtur esse, dabitur tantum unica entitas, quæ sit principium esse, ac subinde unica veritas. Hoc namque ipso, quod verum fundatur in esse, & esse supponat entitatem, sequitur, quod ubi dabitur unicum tantum esse, dabitur unica tantum entitas, & unica tantum veritas. Unde verum non dicitur realitatem veritatis, sed quæ sit entitas absoluta, & simpliciter dicta, vel quæ sit principium, aut quasi principium unde oriatur esse, seu existentia. Tum quia id est fundamentum veri, ac proinde rei ut intelligibilis, quod est fundamentum formæ, seu speciei intelligibilis; sed id quod est fundamentum speciei intelligibilis non est quæcunque realitas, sed quæ vel sit existens, vel principium existendi; ergo fundamentum veritatis est realiter existens, vel quæ sit principium existendi. Maior constat, quia cum species intelligibilis, & obiectum non ponant in numero, & aliunde obiectum fiat intelligibile, aut quasi intelligibile per speciem, sequitur, quod id erit fundamentum veritatis, quæ est obiectum intellectus, quod est fundamentum speciei intelligibilis veritatem repræsentantis. Minor patet inductione. Solvuntur argumenta 3. conclusioni contraria.

17. Primum argumentum. Quia in Deo licet detur tantum unum intelligere, quod est veritas in intelligendo, & veritas in attestando, quæ est perfectio absoluta, dantur tamen tres veritates in essendo, seu tres veritates obiectivæ, ergo, &c. Antecedens probatur quoad secundam partem ex illo 1. Ioan. 5. *Ut scius in vero Filio eius: hic est verus Deus*; non posset autem Filius dici verus Filius, verus Deus, nisi tam ratione Filiationis, quam ratione

Deitatis afferret veritatem. Resp. quod sicut ex hoc, quod Filius dicatur Deus perfectus, & Filius perfectus, non sequitur, quod habeat perfectionem distinctam, aut quod multiplicetur perfectio, ita ex hoc quod dicatur Filius verus, Deus verus, non sequitur, quod multiplicetur veritas, illa namque veritas non à Filiatione, sed ab essentia sumitur.

18. Secundum argum. sumunt ex D. Tho. *q. 1. de verit. art. 7.* ubi postquam dixit, quod veritas sumitur dupliciter, scilicet proprie, & metaphorice, & quod veritas proprie sumpta dicitur essentialiter, & non personaliter, quævis approprietur Filio. Addit, quod veritas metaphorice dicatur personaliter, sed nomine veritatis metaphorice intelligit D. Thomas veritatem esse, & obiectum, seu prout reperitur in rebus, ergo hæc veritas in diuinis pluralitur. Minor probatur, quia ideo S. Doctor appellat hanc veritatem metaphorice, quia veritas proprie sumpta est in intellectu, ut colligitur ex *his*, quæ ibidem docet. Tum quia ibidem S. Doctor affert testimonium S. P. Augustini in *lib. de vera religione*, ubi dicit, quod veritas diuina est summa similitudo principij sine ulla dissimilitudine. Ex quo inferit, quod veritas in diuinis dicatur proprie, & personaliter, hoc est metaphorice. Resp. quod D. Thomas nomine veritatis metaphorice, seu similitudinariae, non intelligit veritatem in essendo, quæ est una ex passionibus entis, & correspondet veritati obiectivæ, seu in essendo, quæ reperitur in rebus, sed intelligit rem habentem aliqualem similitudinem cum prædicta veritate, quæ est additio sit veritas, scilicet similitudinaria. Consiste autem in hoc hæc similitudo, quod sicut veritas in essendo, quæ est in rebus creatis, dicit similitudinem, & consonantiam cum diuino intellectu, & ab eo à principio procedit. Sic Filius ex vi sue processionis habet summam similitudinem cum suo principio, scilicet communem intellectum. Veritas ergo in essendo, licet sit in Filio, & approprietur Filio, non tamen habetur ex vi Filiationis, sed ex vi diuini essentia,

19. Tertium argum. Quia illæ sunt veritates distinctæ, scilicet, quod Filius sit à Patre genitus, quod Spiritus sanctus procedat ab viroque, quod Pater habet generationem Patris, &c. ergo veritas in diuinis pluralitur, cum enim dictæ veritates sint distinctæ non possunt non esse pluralitæ. Tum quia alio Pater est Pater, & alio Filius est Filius: Sed illo quo Pater est Pater hæc est vera ex parte rerum: *Ratio generat Filium, vel Pater est Pater.* Idem autem quo Filius est Filius, hæc est veritas: *Filius est genitus à Patre.* Ergo loquendo ex parte rerum, dantur in diuinis plures veritates. Tum etiam quia veritas obiectiva nihil est aliud, quam realitas vniuersalisque rei, & conformabilis cum suo proprio conceptu: sed in Deo sunt tres realitates conformabiles cum suis proprijs conceptibus, ergo & tres veritates obiectivæ. Tum denique quia licet homo, & risibile conuertantur, non tamen est eadem veritas harum propositionum: *Homo est homo, & homo est risibile,* quia non est eadem proprietas, & ratio, quam prædicat hoc nomen *homo*, & hoc nomen *risibile*: Sed neque est eadem proprietas, quam prædicat hoc nomen *Pater*, & hoc nomen *Filius*, ergo non habent eandem veritatem obiectivam.

20. Resp. distinguendo antecedens: sunt distinctæ veritates concretivæ, & adiectivæ, & conceditur: sunt distinctæ veritates substantivæ, & in abstracto, & negatur. Nam licet una, & eadem veritas diuinæ essentia sit in illis propositionibus, & in relationibus diuinis, cum in illis per modum transcendens imbibatur, tamen non est ibi multiplex formaliter, & in abstracto, sed materialiter, & in concreto. Vnde licet in dictis propositionibus distinctæ prædicata enuntientur, & distinctæ realitates concipiuntur, tamen ratio formalis conformitatis earundem cum diuino intellectu est unica, & eadem, scilicet ratio veritatis diuinæ essentia per modum transcendens inclusa. Quod potest explicari exemplo bonitatis, perfectionis, & appetibilitatis convenientis diuinis relationibus per modum transcendens.

Ad

21 Ad 1. probationem respondet S. Doctor q. 1 de veritate art. 5. ad 10. Quod quàmvis abo Pater sit Pater, & Filius sit Filius, quia hoc est Paternitas, illud Filiatio: tamen idem est, quo Pater est, & quo Filius est, quia utrumque est per essentiam diuinam, quæ una est. Ratio autem veritatis non fundatur super rationem Paternitatis, & Filiationis, in quantum huiusmodi, sed super rationem entitatis. Paternitas autem, & Filiatio sunt una essentia, & ideo una est veritas utriusque. Ad 2. probati. patet ex dictis, quod ad fundandam proximè veritatem non sufficiat quævis realitas, sed quæ sit principium essendi. Ad 3. probat. respondet S. Doctor loco citato ad 2. dicens, quod proprietas quam prædicat hoc nomen homo, & hoc nomen visibile, non est eadem per essentiam, nec habent unum esse, sicut est de Paternitate, & Filiatione; & ideo non est simile.

22 Quartum argu. Nam diuinæ relationes habent suam propriam immaterialitatem, & depurationem à materialitate, & potentialitate; ergo etiam habent suam propriam intelligibilitatem; ac subinde propriam veritatem. Antecedens constat, quia diuinæ relationes ex vi suæ linæ superant in immaterialitate, & puritate omnia entia creata. Conseq. nota est, quia intelligibilitas sequitur ex immaterialitate; & intelligibilitas subsequitur ad veritatem, ac proinde si relationes habent propriam intelligibilitatem, habent etiam propriam veritatem. Tum quia in creatis personalitas fundat propriam veritatem, ergo etiam in diuinis. Conseq. constat ex paritate rationis. Antecedens probatur, quia in creatis quævis formalitas habet propriam conformitatem obiectiuam cum intellectu. Resp. distinguendo antecedens, habent propriam immaterialitatem constituentem propriū gradum, & negatur; quæ reducat ad immaterialitatem diuinæ essentiz, & conceditur. Intelligibilis autem propria sequitur ad illam immaterialitatem, quæ constituit propriū gradum: vel dic, quod intelligibilitas sequitur ad immaterialitatem, vel proximè, vel remotè, scilicet

ratione transcendentis, scilicet essentiz. Ad probationem conceditur antecedens, & negatur conse. Quia personalitas creata, & est absoluta, & est quodammodo principium essendi, quatenus formaliter determinat ad existentiam. Non sic relationes diuinæ.

D V B I V M II.

An in diuinis reperiatur numerus transcendentis.

23 **D**E numero transcendentali procedit dubium, quia perspicuum est, quod in diuinis non datur numerus quantitatiuus, qui in solis quantitatibus reperitur. At numerus transcendentis in quibusvis rebus, in quibusvis formalitatibus pluralitatē facientibus, reperitur.

24 Communis, & vera sententia, vnica concl. explicatur. In diuinis datur, propriè loquendo, numerus transcendentis personarum. Dicitur personarum, quia non nisi cum addito datur in diuinis numerus. Sic explicat S. Doctor in 1. ad Anibaldum dist. 24. q. 1. art. 1. vbi sic loquitur. Numerus simpliciter importat separationem, & distinctionem, sed numerus secundum quid, importat tantum distinctionem. Cum ergo in diuinis sit personarum distinctio per proprietates relativas, & non separatio secundum essentiam, in diuinis est numerus personarum secundum quid, scilicet personarum, & proprietatum, non numerus simpliciter, scilicet essentiarum, & quidditatum; quàmvis in diuinis proprietates relativæ non sint accidentales.

25 Probatur 1. Quia de hoc mysterio & de ijs, quæ in illo reperiuntur, loqui debemus, iuxta id, quod ex scriptura, Concilij, & Patribus habemus; sed ex omnibus istis habemus dari in diuinis personarum numerum transcendentalem propriè sumptum. Minor probatur, nam ex scriptura diuinarum personarum habemus numerum, nam 1. Ioan. vlt. dicitur. Tres sunt qui testimonium dant in celo, Pater verbum, & Spiritus Sanctus. Ex Concilij

Z z z hunc

hunc numerum frequenter habemus, vt constat ex Concil. Toletano ex VI Synodo Generali, &c. Ex Patribus, Aug. *lib. 7. de Trin. cap. 6.* Damasc. *lib. 3. de fide cap. 5.* Bernardo *lib. 3. de confid. cap. 7.* D. Thoma loco citato, & q. 30. art. 3. & alibi frequenter.

26 Confirmatur, quia tametsi in numero transcendentali creato dentur aliquę imperfectiones, vt quod in illo sit aliqua compositio; quod sit maius, aut minus; quod sit multitudo mensurata per vnum; tamen istę imperfectiones non afferuntur ex generali ratione numeri transcendentalis, vt est quid commune numero creato, & increato, sed afferuntur ex speciali ratione numeri creati; ergo potest in diuinis reperiri. Nam etiā distinctio in creaturis dicit imperfectionem, & tamen quia eam non dicit secundum rationem communem, sicut nec pluralitas, ideo in Deo reperiuntur. Dicitur namque imperfectiones reperiuntur in creaturis ratione limitationis, & coarctationis, quę cum à Deo exulentur, poterunt prædicta in Deo inueniri sine illis defectibus, aut imperfectionibus.

27 Probatur 2. quia quęvis persona diuina habet propriam vnitatem; ergo ex illis tribus vnitatibus resultabit numerus transcendentalis. Antecedens constat. Conseq. probatur, quia vnitates sunt ex se constitutiue numeri, sicut sunt constitutiue pluralitatis, & multitudinis, ergo vnitates liberę ab imperfectionibus, constituēt numerum ab imperfectionibus liberum.

28 Sed obijcies: quia in Concil. Tolet. XI. in confess. fidei sic legitur. *Hæc ergo Sancta Trinitas, quę vnus, & vnus est Deus, nec recedit à numero, nec capitur numero.* Et Boetius lib. de Trinit. dicit. *Hæc vero vnum, in quo nullus est numerus.* Idem tradit S. Ambros. *lib. 1. de fide cap. 2.* & alij Patres. Resp. quod in dictis, & alijs similibus testimonijs, solum excluditur numerus in diuina essentia, non in personis; Vnde Beatissima Trinitas non recedit à numero quantum ad personas; non capitur numero quantum ad naturam, & essentiam.

29 Obijcies 2. quia si in diuinis daretur numerus transcendentalis proprię dictus, sequerentur plura absurda; hoc non est dicendum; ergo, &c. Sequela probatur quia daretur in diuinis cōpositio: daretur in Deo ratio totius, & partis, quod repugnat cum diuina simplicitate: Daretur in Deo maius, & minus, siue magis, & minus perfectum, quod coherere non potest cum equalitate diuinarum personarum: & quod personę diuinę mensurarentur aliqua mensura, quod repugnat diuinę immensitati. Hęc omnia sequuntur ex natura numeri. Cum enim numerus componatur ex vnitatibus sequitur, quod vbi est numerus ibi sit compositio; & comparatio totius ad partes. Vbi est totum & pars, ibi est maius, & minus, cum omne totum sit maius sua parte: & quod continetur sub numero, mensuratur ab illo; est enim numerus multitudo mensurata per vnum.

30 Respondent Suarez *lib. 1. de Trin. cap. 10. & Valq. hic q. 30. in annotat. ad art. 1.* quod dupliciter potest aliquod dici maius, vel minus, ac subinde totum, & pars; perfectius, & imperfectius, &c. in quantitate virtutis, & perfectionis, seu modalis. Scilicet, aut per modum quantitatis discretę, aut per modum quantitatis continuę. Primo modo, quicunque numerus confertur cum suis vnitatibus, tanquā quid maius, aut perfectius, & per modum totius ad suas partes. At secundo modo, non sic comparatur cum illis, nisi vt totus numerus est maioris entitatis, & perfectionis, quam singulę ex suis vnitatibus. Quia esse aliquid maius, & perfectius secundum rationem quantitatis continuę; nihil est aliud quam habere maiorem quantitatiuam perfectionem. Et ita in rebus creatis totus numerus est quid perfectius, & maius singulis vnitatibus, non solum secundum rationem prædictę quantitatis discretę, sed etiam quantitatis continuę, quia importat maiorem entitatiuam perfectionem, quam singulę ex illis. E contra vero in numero diuinarum personarum contingit, ex eo, quod totus ternarius non affert maiorem enti-

entitativam perfectionem, quam singulæ personæ, ac proinde solum comparabitur ad illas per modum totius ad suas partes secundum rationem quantitatis modalis discretæ. Conatur Vasq. hanc suam sententiam confirmare duplici testimonio D. Thomæ ex q. de Potent. art. 5. ad 10. & ex art. 1. q. 30. ubi per numerum abstractum intelligit num. quantitatis discretæ.

31 Sed contra. I. quia hæc solutio est contra D. Thomam d. art. 1. ad 4. ubi docet quod numerus abstractus est tantum in intellectu; constat autem, quod numerus ut habet rationem quantitatis discretæ, adhuc modalis, reperitur in rebus, & non solum in intellectu; ut constat de numero trium diuinarum personarum; ergo D. Thomas per numerum abstractum non intelligit numerum, qui est in rebus, ut habet rationem quantitatis adhuc modalis, & discretæ. II. Quia numerus, qui est in rebus, licet de materiali dicat quantitatem continuam, siue molis, siue virtutis, siue modalem, tamen iuxta mentem D. Thomæ, de formali dicit rationem multitudinis discretæ. Vnde numerus senarius v.g. lapidum, equorum, &c. etiam prout est in rebus, habet veram rationem senarij, iuxta mentem D. Thomæ, ergo iuxta mentem eiusdem, numerus, qui est in rebus, non distinguitur à numero abstracto per hoc, quod ille absoluitur à quantitate discretæ, non iste, ut vult Vasquez. III. Quia D. Thom. per numerum absolutum, seu abstractum, intelligit numerum numerantem, quo intellectus utitur ad hoc ut certificetur de aliqua summa, an sit tanta, vel tanta. Et per numerum, qui est in rebus intelligit numerum numeratum, idest qui ab intellectu per numerum abstractum, seu numerantem, numeratur; ut constat ex exemplis quibus utitur D. Tho. Nam de priori dicit esse ut duo, vel tria, absque determinatione ad aliquam materiam. De posteriori dicit, ut duo homines, duo equi. De priori dicit esse tantum in intellectu, de posteriori dicit esse in rebus numeratis.

32 Deficit etiam illa solutio, quia admittit in diuinis veram rationem totius,

& partis, adhuc secundum veram rationem quantitatis molis discretæ. Hoc enim pugnat cum diuina perfectione, & simplicitate. Nam ubi est ratio totius, & partis non solum non est summa simplicitas, sed nec simplicitas absolute dicta. Nec est summa perfectio libera ab omni imperfectione; nam ubi est pars, est quid incompletum, & quid ordinatum ad componendum aliud. Etiam deficit dicta solutio; quia ponit maiorem perfectionem in numero diuinarum personarum tam intensiuam, quam extensiuam, quam in singulis earum. Nam non possunt tres diuinæ personæ asserre maiorem perfectionem intensiuam quam singulæ diuise, ut constat ex illo D. Athan. *Erin hæc Trinitate, nihil maius, aut minus*. Neque possunt asserre maiorem perfectionem extensiuam, quia hæc non inueniuntur, ubi unitates non dicunt perfectiones, ut in nostro casu.

33 Deinde impugnatur illa solutio, quia aliud est, an numerus diuinarum personarum dicat plus realitatis, quam singulæ unitates, an verò dicat plus perfectionis; licet namque dicat plus realitatis, quia singulæ unitates asserunt propriam realitatem, non tamen dicit plus perfectionis, cum illæ unitates non asserant vi sua perfectionem propriam. Tum quia non videtur consequenter dictum, quod numerus diuinarum personarum sit quid perfectius singulis unitatibus, quatenus plus realitatis contineatur in illo, quam in singulis istis, & quod singulæ unitates asserant propriam perfectionem, non solum ratione realitatis, verum etiam perfectionis, omnes simul quid plus erunt, quam singulæ.

34 Igitur reiecta illorum auctorum solutione, respondetur ad argumentum, negando sequelam; nullum namque ex nostra conclusione sequitur absurdum. Ad primum, quod dato in Deo trium personarum deberet admitti compositio. Dico, quod licet in numero absoluto, & abstracto semper inueniatur compositio, & etiam semper, aut fere semper compositio inueniatur in numero

aliarum rerum non tamen in numero diuinarum personarum; cum enim iste sit numerus relationum subsistentium, & oppositarum, non potest habere rationem numeri per compositionem. Sic D. Th. 9. de Potens. a. 5. ad 15. ubi sic fatur. *Pluralitas rerum in diuinis, est pluralitas relationum subsistentium oppositorum; ex quo non sequitur compositio in diuinis. Nam relatio comparata ad essentiam diuinam non differt re, sed ratione solum; unde non facit compositionem cum ipsa, sicut nec bonitas nec aliud essentialium attributorum. Sed per compositionem oppositarum relationum est pluralitas rerum, non tamen compositio; quia relationes oppositae, in quantum huiusmodi ab invicem distinguuntur. Compositio vero non est ex aliquibus distinctis, in quantum distincta sunt.* Haec D. Thomas. Tum quia, ad compositionem numeri duo requiruntur. Primum est, quod constet ex rebus distinctis. Secundum, quod constet ex ijs, prout inter se vnabilia sunt, vnione ordinis, seu numerabilitatis ita quod vna ex illis rebus, siue vnitatibus habeat rationem formae, & alia materiae. Quocirca, si vnitates non comparentur inter se per modum formae, & materiae, vt contingit, quando sunt distinctae, & oppositae, tunc erit numerus, & non compositio, vt in casu nostro contingit.

35 Ad 2. constat ex dictis, quod in diuinis non datur ratio totius, & partis; ubi namque non datur compositio, neque datur ratio totius, & partis. Ad 3. constat ex dictis, quod in diuinis non datur magis, aut minus perfectum. nam licet in numero abstracto datur, non tamen in numero rerum, nisi iuxta conditionem rerum numeratarum, quando sunt talis conditionis, vt quaelibet afferat propriam perfectionem, scilicet quando eam non dicit, vt in diuinis relationibus contingit. Ad 4. dico, quod cum dicitur, quod id, quod continetur sub aliquo numero, per illum mensuratur, vel nomine numeri intelligitur numerus numerans, vt duo, vel tria, abstractus ab omni materia, sub quo continetur quodammodo numerus numerans trium diuinarum personarum; vel

intelliguntur vnitates importatae ab ipso numero, qui est in rebus. Si intelligatur numerus numerans, concedi potest, quod numerus numeratus trium diuinarum personarum mensuretur per numerum numerantem; sicut non est inconueniens, quod aeternitas quodammodo intelligatur mensurari per tempus imaginarium. Quod si intelligatur de numero numerato, quod scilicet mensuretur vna pars per aliam, vel vnitatem, quo sensu dicitur, quod numerus, est multitudo mensurata per vnum, tunc negandum est, quod Trinitas diuinarum personarum mensuretur, ita quod vna persona per aliam mensuretur, quia, tanta perfectio est in vna, quanta in altera, & in tribus, cum sit eadem perfectio diuine essentiae.

36 Sed contra dicta obijcies. 1. quia, si in numero diuinarum personarum non datur compositio, ex eo, quod praedictus numerus dicit relationes praecise vt inter se distinctas, & oppositas, sequitur, quod neque numerus binarius v.g. Paternitatis, & Filiationis creatae sit compositus ob eandem rationem; hoc est falsum; ergo, &c. Maior constat. Minor probatur tum ex consensu Dialecticorum, & Metaphysicorum, tum ex maxima debilitate relationum creaturarum, quae sicut inter alia entia sunt debilioris entitatis, & realitatis, ita sunt aptiores ad hoc vt intrent in compositionem habeantque rationem partium. Resp. 1. concedendo sequela maioris. Cum enim secundum formalissimum conceptum ad opponantur, & distinguantur, non possunt facere compositionem, sed nudum numerum. Nec contra hoc urget consensus Dialecticorum, & Metaphysicorum, quia non loquuntur secundum dictum conceptum, sed secundum alia muna. Resp. 2. esse disparem rationem inter relationes personales diuinas, & creatas v.g. Paternitatem, & Filiationem; nam illae sunt infinitae intra suas lineas, vnde, vltra oppositionem relativam, non possunt dicere aliud munus, vel rationem formalem, ratione cuius sint vniuersales ad constituendum vnum per compositionem, ita quod vna vnitas habeat rationem materiam;

rix, & alia formæ, quia hoc importat imperfectionem; tum quia oportet, quod dictæ relationes essent quid incompletum, & haberent rationem partis. At relationes creatæ non sunt infinitæ; distinguuntur numericè per ordinem ad subiecta; nec illis repugnat, quod faciant vnum per accidens; nec quod habeant rationem partis, &c.

37 Obijcies 2. Quia non videntur coherere inter se ea, quæ dicta sunt, scilicet quod per numerum abstractum intelligatur numerus abstrahens ab omni materia, & quod per numerum ut est in rebus, intelligatur numerus numeratus, à quo tanquam à materia abstrahitur numerus abstractus, & tamen, quod numerus abstractus sit indispensabiliter compositus, & in eo inueniatur ratio totius, & partis, & non in numero numerato, à quo abstrahitur. Nam id ipsum abstrahitur abstractione formali ab aliqua materia, seu ratione materiali, quod ibidem reperitur; ergo si numerus abstractus dicit compositionem, etiam numerus à quo ille abstrahitur, dicit compositionem. Tum quia, si sapientia v.g. abstracta abstractione formali ab hac, vel illa sapientia, tanquam à ratione materiali diceret imperfectionem compositionis metaphysicæ, non posset reperiri in Deo; ergo si ratio numeri abstracti abstractione formali à numero, qui est in rebus diceret compositionem, non posset in Deo reperiri. Resp. quod numerus numerans dicit compositionem dictam, & etiam numerus numeratus eam dicit ratione materiæ; cum hoc tamen stat, quod aliquis numerus numeratus ratione suæ materiæ, seu quasi materiæ, cui repugnat compositio, nullam admittat compositionem. Ut autem in numero numerante detur compositio, sufficit quod communiter detur compositio, nec est necesse, quod detur in omni materia. Ad probationem constat ex dictis, quia sapientie ex proprijs meritis, vt sic abstractæ competit vt præscindat à compositione metaphysica; aliàs non esset sic abstracta, at numerus ex vi suæ linear dicit compositionem, aliàs non esset numerus nume-

rans, licet numerus numeratus ratione materiæ possit illam non asserre, cum sufficiat quod asserat plures vnitates, tametsi non vniantur ad inuicem vnionis compositionis.

38 Obijcies 3. quia numerus trium personarum diuinarum, re vera est vnicus terminus habens vnicam ternarij essentiam; sed non est vnicus per simplicitatē; ergo erit vnicus per compositionem. Maior nota est; minor probatur, quia quod est vnum, aut est vnum per simplicitatem, aut per compositionem; non est vnum per simplicitatem cum sibi repugnet pluralitas vnitatum, ergo. Resp. concedendo maiorem, habet namque numerus terminatiuus diuinarum personarum vnicam essentiam, non enim est vnum per aggregationem, aut per accedens, adhuc enim desiderabatur, quod vnitates existerent per existentias diuersas. Vnde illæ, quæ existunt per eandem existentiam nō possunt constituere vnum per accidens. Est etiam verum, quod essentia numeri ternarij diuinarum personarum, est vna vnitates per se, & quod non est vna per simplicitatem, cum certum sit importare plures vnitates realiter inter se distinctas. Hinc tamen non sequitur prædictam numeri ternarij essentiam esse vnam per compositionem, quia ad hoc vt aliqua pluralitas sit vna per compositionem, non sufficit, quod plures asserat vnitates inter se realiter distinctas, & oppositas, sed amplius requiritur, quod eas asserat, vt habentes proprias existentias, & quod ad inuicem comparentur per modum vniuersi, vt vna habeat rationem materiæ, alia formæ.

D V B I U M III.
An termini numerales possint aliquid in diuinis, & quid illud sit.

39 Prima sententia tenet, quod tam numerosus quam vnitas in diuinis addant aliquid positiuum, supra res de quibus dicuntur; vnde nominibus numeralibus vnitatis, & pluralitatis significatur de formali aliqua ratio positiua, superaddita enti, aut rebus, de quibus dicuntur, & ab

& ab illis saltem ratione distinguitur. Sic tenent D. Bonau. in 1. dist. 24. art. 1. q. 2. Alen. 1. p. q. 13. memb. 1. Valquez hoc loco disp. 128. & 129. & alij.

40 Nostra sententia sequenti concl. explicat. *Termini numerales in diuinis, et vnum, duo, aut tria non ponunt supra res de quibus dicuntur aliquid posituum, sed priuatiuum, aut negatiuum tantum; unde potius dicuntur remouere, quam ponere.* Explicatur conclusio, nam vnum v.g. cum dicitur de Deo, significat quidem, & ponit illud, quod dicit, & ponit Deum, tamen addit negationem diuisionis; nihil enim aliud est Deus, vt vnus, quam ipse indiuisus. Pariformiter numerus ternarius cum de diuinis personis predicatur, dicit eandem cum duplici negatione circa vnāquamque earum, id est, quod vnaquæque sit indiuisa, seu non diuisa in se, & insuper, quod vna earum non sit alia. Et ita quoad id, quod superaddunt termini numerales in diuinis, potius remouent, quam aliquid ponant. Quatenus verò includunt in sua significatione ea, de quibus dicuntur, debent aliquid ponere, scilicet dictas res. Hanc conclusionem sic explicatam tradit S. Doctor q. precedenti art. 3. & q. 9. de potent. art. 7. & quodlib. 10. q. 1. art. 1. & in 1. dist. 24 q. 1. art. 3. & omnes eius discipuli.

41 Probatur 1. quia numerus in diuinis reperiens non est quantitatiuus, sed transcendentalis, sed numerus transcendentalis solum dicitur, seu ponit aliquid posituum, ex eo, quod ponatur de quo dicitur, nil aliud addendo nisi dictas negationes; ergo. Maior nota est. Minor probatur, quia licet vnitas predicamentalis, seu de genere quantitatis, sit quid posituum, non solum quoad materiale, scilicet quoad quantitatem, sed etiam quoad formale; nam numerus quantitatiuus est speciale ens per se directè contrarium sub predicamento quantitatibus; & termini numerales quantitatiui etiam ponunt aliquid posituum eodem modo, tum vnitas, & numerus transcendentalis, nihil posituum ponunt præter res de quibus dicuntur, & solum addunt di-

ctas negationes; ergo, &c. Probatur antecedens quoad 2. partem; quia aliās vnitas, & numerus transcendentalis constituerent speciale ens aliquo modo à rebus distinctum; ergo, &c.

42 Probatur 2. nam hæc est differentia inter vnitatem predicamentalem, & transcendentalem, quod vnitas transcendentalis consequitur omne ens, & sic si ipsa adderet aliquid posituum, etiam illud posituum additum afferret suam vnitatem, & sic aliud posituum: hoc aliud, vsque in infinitum. Verum vnitas predicamentalis cum non sit transcendens; sed solum consequatur ad quantitatem sequitur, quod etiam si talis vnitas addat aliquid posituum, incompletum tamen, nihilominus tale posituum non est vnum per aliam vnitatem, ac proinde non sequitur processus in infinitum. Soluuntur argum. in contrarium.

43 Primum argum. desumitur ex testimonio Arist. 10. *Metaphys. cap. 5.* vbi postquam assignauit quatuor genera oppositorum, dicit, quod vnitas, & multitudo sint contraria, sed si solum adderent priuationem, non opponerentur contrariè, sed priuatiuè; ergo. Resp. ex D. Tho. ibidem, quod vnum, & multa opponantur contrariè ratione entis, quod includunt, non ratione superadditi; ratione namque huius opponuntur priuatiuè.

44 Secundum argum. per quod præcedens confirmatur, & nostra solutio eueritur, est, quod vnum, & multa si considerentur secundum posituum, quod dicunt, debent ita inter se conferri, quod vnum intret ad compositionem multitudinis; ergo secundum hanc rationem non sunt contraria, nam vnum contrarium non componit aliud, sed potius expellit, & destruit; ac proinde si quæ contrarietas reperitur inter vnum, & multa, debet esse ratione illius, quod superadditur. Resp. quod si hoc argumentum aliquid probaret, etiam conuinceret quod vnum, & multa non essent contraria etiam si aliquid posituum adderent, cum etiam vnum componeret multitudinem secundum illud posituum. Resp. 2. quod vnum, & multa

ra, quoad positium, quod dicunt, possunt considerari dupliciter, vel secundum se, prout scilicet vnum est quid completum in se, & item numerus. Vel prout sunt incompleta, prout scilicet vnum consideratur vt est quid incompletum, & vt pars respicit multitudinem quam componit. Secundum primam rationem opponuntur contrariè, non secundum secundam propter rationem in argumento allatam.

45 Tertium argum. Quia omnis negatio oritur ex aliquo fundamento positivo, sed hoc positium non potest esse ipsa ratio entis, ergo debet esse aliquid illi superadditum, & in hoc consistit ratio v.g. vnitatis. Resp. concedendo maiorem, & distinguendo minorem: non potest esse ipsa ratio entis secundum se, & conceditur; non potest esse ipsa ratio entis, vt dicitur exigentiam negationis, v.g. indiuisiōnis, & negatur; ad hoc enim vt enti adiungatur dicta carentia, sufficit; quod illi addatur expressio prædictæ exigentiæ.

46 Quartum argum. Quia multitudo consistit formaliter in aliquo positivo superaddito enti, aut entibus, quæ multa dicuntur; ergo etiam vnitatis. Consequenter nota est, quia multitudo est talis, iuxta naturam vnitatis ex quibus componitur. Antecedens probatur, quia si multitudo formaliter sumpta, seu secundum id, quod superaddit enti, non diceret aliquid positium, sed solum quid negatiuum, tunc vnitatis, quæ est priuatio multitudinis formaliter, solum esset priuatio negationis, & per consequens non esset vera, & realis priuatio, quia non remoueret verum, & realem habitum. Resp. negando antecedens, ad probationem responderetur cū D. Tho. *quælibet* 10. *quæ* 1. *art.* 1. *ad* 3. quod in ratione multitudinis includitur negatio tantum rei, at in ratione vnitatis includitur negatio rei, & negatio negationis. Vnde patet, quod vnitatis non dicit solum negationem negationis, sed etiam rei.

47 Quintum argum. Quia si vnitatis est negatio, non poterit esse negatio, aut carentia nisi multitudinis; hoc est falsum, ergo. Maior constat, quia si semel vnitatis

est carentia, non poterit esse nisi carentia multitudinis, quod enim in se caret multitudine, est vnum. Minor probatur, quia habitus est prior priuatione, aut carentia talis habitus, sed multitudo non est prior vnitati, sed e contra, cum sit principium illius, ergo. Resp. negando maiorem, nam vnitatis non addit negationem, aut priuationem multitudinis, sed diuisionis. Sic S. Doctor *q.* 30. *art.* 3. *ad* 1. dicens. *Vñ non est remotiuum multitudinis, sed diuisionis, quæ est prior secundum rationem quam vnum, vel multitudo. Sicut multitudo non remouet vnitatem, sed remouet diuisionem circa vnumquodque eorum ex quibus constat multitudo.* Ad probationem dico, quod etsi vnitatis per se primò, & formaliter solum superaddat enti carentiam diuisionis, tamen indirectè opponitur multitudini, quia hæc includit diuisionem. Vnde licet hoc ipso, quod ens careat multitudine, sit vnum, hoc tamen non ideo est, quia vnum consistat in carentia multitudinis. Sed quia carentia quæ vñ directè, & immediatè opponitur diuisioni, habet indirectè extendi ad multitudinem.

48 Sextum argum. Quia neque vnitatis potest esse negatio diuisionis, quia vt dicebatur, habitus est prior priuatione, seu carentia, sed diuisio est posterior vnitati, cum sit partitio vñs in plura; ergo vnitatis non potest esse carentia diuisionis. Tum quia idem prorsus est, vnitatem esse priuationem huius, & illius, ac dicere esse priuationem multitudinis formaliter acceptæ. Vnde iuxta Arist. 10. metaph. cap. 3. Idem sunt vnum, & multa, ac diuisum; & indiuisum. Quod enim diuisum est, multitudo quædam dicitur. Tum etiam quia, alioquin vnum, & multa, non essent opposita, siquidem vnum est tantum priuatio diuisionis, & multum non est idem ac diuisio, seu entia vt diuisa. Resp. quod licet concedatur, quod diuisio quantitativa in plura, præsupponat illud quantum esse vnum. Tamen diuisio, quæ opponitur vnitati transcendentali, non præsupponit ens vt vnum, sed potius vnitatis transcendentalis illius nostro modo

do intelligendi subsequitur ad diuisionem; & ita diuisio potest comparari per modum habitus respectu prædictæ unitatis, & habere prioritatem adhuc, ut per modum habitus respectu illius se habeat. Ad 1. probationem dico, iam constare ex dictis, quomodo distinctum sit, unitatem esse carentiam huius, & illius, quatenus diuisa sunt, ac esse priuationem multitudinis formaliter acceptæ; quia multitudo sic sumpta non solum requiritur ad diuisionem, sed etiam præsupponit unitatem, quæ intelligitur mediare inter diuisionem, & multitudinem; nam multitudo ex unitatibus componitur. Ad 2. probat. negatur sequela, quia multitudo includit diuisionem, & ita, quod opponitur diuisioni, opponitur etiam multitudini, ut includenti prædictam diuisionem.

D V B I U M IV.

An in diuinis sit utendum nomine Trinitatis.

49 **V**eritas catholica seq. conclusione explicatur. Optime catholici utuntur nomine Trinitatis ad significandum numerum trium diuinarum personarum. Habetur hæc concl. ex Concilio Lateran. Nicæno, Constant. Ephesino I. & habetur in Symb. D. Athan. *Et unitas in Trinitate, & Trinitas in unitate veneranda sit.* Tradunt Sancti Patres, vniuersique Theologi. Vnde quando in Concil. Tolet. XI. dicitur. *Nec rectè dici potest, ut in vno Deo sit Trinitas.* Sensus est, quod non sit Trinitas in Deo quia vnus, seu quia dicit essentiam, seu ratione essentia; unde statim additur. *Sed vnus Deus Trinitas,* id est per identitatem cum personis.

50 Ratio fundamentalis est, quia ideo rectè utimur in diuinis nomine pluralitatis, ad significandam pluralitatem personarum, quia re ipsa ibi datur pluralitas dictarum personarum, sed etiam ibidem datur trinitas personarum; ergo etiam rectè utemur nomine Trinitatis ad significandum eandem diuinarum personarum trinitatem.

51 Sed obijcies 1. esse disparem rationem inter nomen pluralitatis, aut numeri ternarii, & nomen Trinitatis, quod numerus ternarius in diuinis significat pluralitatem personarum, scilicet numerum trium illarum, ita quod hoc sit principale significatum, & in recto illius numeri. At nomen Trinitatis, non significat hanc pluralitatem, sed potius significat in recto unitatem, & numerum personarum in obliquo; nam Trinitas nihil est aliud, quam trium vnitas, ergo, &c. Resp. quod licet nomen Trinitatis, secundum etymologiam nominis sit desumptum ad significandum numerum trium personarum in essentia, tamen impositum est ad significandas de principali, & in recto ipsas tres personas, cum negatione diuisionis, in vnaquaque earum, & cum negatione identitatis cum alijs. Sic tradit S. Thom. *hic ars. 1. ad 1. dicens. Nomen Trinitatis secundum etymologiam vocabuli videtur significare vnas essentiam trium personarum, secundum quod dicitur trinitas, quasi trium vnitas. Sed secundum proprietatem vocabuli significat magis numerum personarum vnus essentia; & propter hoc non possumus dicere, quod Pater sit Trinitas, quia non est tres persona.*

52 Obijcies 2. quia si possumus in Deo uti nomine Trinitatis, & nomine trini, ad explicandum numerum ternarium personarum diuinarum; possemus etiam uti nomine triplex, aut triplicitas, ita quod possemus dicere Deum esse triplicem, aut in illo esse triplicitatem; hoc est falsum; ergo &c. Sequela videtur certa ex paritate rationis. Minorem tradunt D. Aug. *lib. 6. de Trin. cap. 6. & 7. & lib. 15. cap. 3. D. Bernard. lib. 5. de consid. cap. 7. & S. Doctor hoc q. 31. art. 1. ad 3. Tum quia aliàs Deus dici posset triformis, cum enim in Deo sint tres relationes, quarum quælibet est forma, seu quasi forma constituens peculiarem personam diuinam, nil impedit, quin ab illis denominetur triformis, sicut ab iisdem denominatur trinus; quod tamen est contra vsum Ecclesiæ.*

53 Respondent Suarez *lib. 3. de Trin. cap.*

cap. vii. Vsq. disp. 13. cap. 3. & alij, quod Trinitas, aut trinus, significat numerum personarum, & earum distinctionem, non tamen assert pluralitatem in essentia, sed vnitatem in illa, vt ex etymologia dicti nominis constat; nam trinitas nihil est aliud, quàm trium vnitas. At nomen, *triplex*, absolute denotat numerum ternarium; & sic terminus cui additur sumptus secundum suum formale significatum ab eo numeratur, ac proinde non potest Deus dici triplex, aut multiplex, quia significaretur pluralitas, aut multiplicatio diuinæ essentia. Potest tamen, inquit concedi personam diuinam esse triplicem, aut multiplicem, aut processionem diuinam esse duplicem, cum ratio personæ diuinæ, aut processionis multiplicetur, seu plurificetur in Deo. Vnde generaliter loquendo de illis omnibus, quæ in Deo plurificantur, potest affirmari, quod sunt multiplicia, duplicia, triplicia, si ad hunc numerum pertingant. Probant, quia D. Thom. q. 10. de potent. art. 2. dicit, quod natura diuina communicatur duplici processione, & N. S. P. Gregor. Nazianz. orat. 45. vocat Fñm, & Spiritum sanctum: Geminum Patris radium. Et orat. 39. in sancta lumina, dicit. Deum cum dico, vno, eodemque triplici lumine persingamini. Triplici quidem quantum ad proprietates, siue hypostases: vno autem, quantum ad substantia, hoc est diuinitatis rationem. Et N. S. P. Cyrillus Alex. dialogo de Trin lib. 3. de Patre, Filioque bis repetit. Duplex est in subsistentijs. Et post pauca dicit. Duplicitas in subsistentijs.

54 Verum nullo modo admitti debet, quod persona diuina sit triplex, aut multiplex, &c. Tum quia est contra id, quod irradit Ecclesiæ lumen lib. 6. de trin. cap. 7. ibi. Nec quoniam Trinitas est, ideo triplex putandus est; alioquin minor erit Pater solus, quam simul Pater, & Filius. Tum etiam quia est contra S. Thom. hac q. 3. art. 1. ad 3. Tum quia si vera est ista propositio per aduersarios: Persona diuina est triplex, etiam ista erit vera: Deus est triplex, quia tunc h. Deus, supponeret pro persona diuina in communi sumpta. Quia

sicut ex hoc, quod Pater generat, est vera ista: Deus generat; non tamen ista: essentia diuina generat. Sic ex eo, quod persona est triplex, erit vera ista: Deus est triplex; non ista: Essentia diuina est triplex. Tum deniq; quia vel significatum directum horum nominum trinitas, & triplex, est vnum, & idem, vel diuersum: si primum, sequitur, quod si Trinitas significat numerum trium diuinarum personarum, etiam triplex, idem significabit, ac proinde falsum erit, quod illi dicunt, quod triplex significat numerum absolute, vt si applicetur terminis essentialibus illis plurificet, vt huic termino: Deus, & si applicetur personalibus, illos numeret. Si dicatur secundum, tunc significatum huius nominis triplex, aut triplicitas, non erit aliud, quam proportio illa inæqualitatis, qua id, quod dicitur triplex, est maius, & perfectius, quàm illud, respectu cuius dicitur triplex, vt docet D. Tho. ex D. Aug. loc. cit. & Boet. in sua Arithmetica lib. 1. cap. 24. & alij Arithmetici communiter. Et sic cum in diuinis reperiri non possit hæc proportio inæqualitatis, non potest dari ista triplicitas, &c.

55 Nec ea quæ adducunt aduersarij in sui fauorem illis prosunt. Non testimonium D. Tho. quia vt constat ex contextu vsus est duplici processione, pro duabus processionibus. Latini namque nonnunquam solent istos terminos confundere. Non testimonia N. Nazianzeni, quia non loquitur de Filio, & Spiritu sancto secundum processionem æternam, sed secundum temporales, secundum quas Filius venit ad nos per Incarnationem, & Spiritus sanctus per sua dona, ad quod explicandum vixit radio lucis corporeæ à sole emanantis.

56 Respondetur ergo ad argum. ex dictis ex D. Aug. & D. Thomæ, quod hoc est discrimen inter hæc duo nomina trinitas, & triplicitas, quod vnitas absolute significat numerum personarum; triplicitas autem significat illam specialem proportionem inæqualitatis, secundum quam id, quod dicitur triplex, est maius, & perfectius, quàm illud respectu cuius

dicatur triplex; quæ cum in diuinis reperiri nequit, neque hoc nomen dici poterit. Dicitur etiam potest ex S. Tho. in 1. diff. 24. q. 2. art. 1. vñ cum D. Aug. 6. de trin. cap. 6. D. Bernard. 5. de considerat. cap. 7. & alij, quod isti termini *triplex*, aut *multiplex*, &c. in rigore accepti opponuntur simplicitati, ut etiam habetur in Thesaurio lingue latinæ vetb. *multiplex*; non sic nomen trinitas, ac proinde hoc, non illa, diuinis applicari possunt. Ad probationem dico cum D. Aug. epist. 177. quod Deus non potest dici triformis, quia forma absolutè accepta significat essentiam, ut constat ex illo Apost. ad Philip. 2. *Qui cum in forma Dei esset*. Sic tradit S. Doctor hac q. 31. art. 2. ad 2.

57 Obijcies 3. quia licet nomen triplex, significet proportionem inæqualitatis, tamen hæc admitti potest in diuinis sine incommodo; ergo non incongruit ut dicto nomine ad diuinarum personarum pluralitatem significandam. Antecedens ostenditur, quia æqualitas, & inæqualitas numeri, necessario concedenda est in Deo, sicut etiam ratio paucioris, & pluralitatis; nam nullus negabit, quod minor sit numerus ternarius diuinarum personarum, quam sit numerus quaternarius personarum humanarum; & quod sint plures quatuor homines, quam tres personæ diuinæ. Itē nullus dicet, quod tres personæ diuinæ non sint plures quā duæ, & duæ quam vna. Tum quia numerus ternarius ex sui ratione, sicut & trinitas, significat proportionem inæqualitatis; nam numerus ternarius ex sui ratione, præcisè, quoad rationem numeri, est plus quam binarius, aut quam vna tantum unitas; de ratione namque ternarij, est afferre tres unitates, & de ratione binarij est afferre tantum duas unitates. Tum etiam quia ut dub. 3. dictum est, numerus ternarius in diuinis licet non dicat plus perfectionis, quam singulæ unitates, dicit tamen plus realitatis; ergo ternarius in diuinis afferet proportionem inæqualitatis non in ratione perfectionis, sed in ratione realitatis.

58 Resp. negando antecedens, lo-

quendo de illa proportionem inæqualitatis de qua loquuntur D. Aug. D. Tho. & nos cum illis; illa scilicet, qua id, quod dicitur triplex absolutè, & simpliciter sumptum est maius, & perfectius sin tanta proportionem, quam illud respectu cuius dicitur triplex. Namque nomen *triplex*, loquendo proprie, dicit peculiarem illam proportionem inæqualitatis, qua totum excedit suas partes, ita quod collatum cum suis unitatibus comparetur cum illis eo modo, & ea proportionem inæqualitatis, qua totum cum suis partibus. Hæc autem reperiri non potest in numero ternario diuinarum personarum, ac proinde nec ratio nominis *triplex*, aut *triplicitas*. Quare licet concedatur æqualitas, & inæqualitas numeri in diuinis ratione realitatis, non tamen concedi debet ratio nominis *triplex*, &c. cum hoc non dicat solum proportionem inæqualitatis in ratione realitatis, verum etiam in ratione perfectionis. Per quæ patet ad 1. probationem. Ad 2. patet ex dictis: nam nomen *ternarius*, & *trinitas*, dicunt solum proportionem inæqualitatis ratione realitatis, non ratione perfectionis, ac nomen triplex dicit etiam proportionem inæqualitatis ratione perfectionis, ac proinde illud in diuinis poni potest, non hoc. Ad 3. probat patet ex modo dictis. Nec valet, quod mathematica non dicant bonitatem, & perfectionem, ac proinde non importabunt proportionem inæqualitatis in ratione perfectionis; Nam dicendum, quod licet illa non dicant in actu, dicunt tamen in potentia. Vel dic, quod licet mathematica vtriusque substantia abstractioni mathematice non dicant bonitatem, & perfectionem, tamen simpliciter loquendo sunt bona, & perfecta, & possunt habere proportionem inæqualitatis, quæ per nomen *triplex* importatur, in ratione scilicet perfectionis.

59 Obijcies 4. Nam in diuinis dantur plures formæ, scilicet plures hypostases, plures namque hypostases, sunt plures formæ hypostaticæ; poterit Deus dici triformis ob illas tres hypostases, seu formas. Respondendo antecedens, quia ut iam dictum est, nomen formæ absolutè, & simpliciter stat

stat pro forma substantiali. Cum addito tamen dici potest, quod denitur tres formæ relatiuæ, hypostaticæ, &c.

D. V. B. I. V. M. V.

*An ratio personæ diuinæ sit communis vni-
uocè respectu trium personarum diui-
narum, & an de illis quidditati-
uè dicatur.*

Prima sententia est, quod perso-
na diuina dicatur vniuocè de
singulis personis diuinis. Sic Caiet. q. 30.
art. 4. Nazari. ibid. contr. vnica; & alij. Se-
cunda sententia tenet, quod persona di-
uina dicatur solum denominatiuè, non
quidditatiuè, seu quasi quidditatiuè de
singulis personis. Ita Valsq. diss. 130. cap. 2.

61 Nostra sententia duabus conclu-
sionibus explicabitur. Prima conclusio.
*Ratio personæ diuinæ non est vniuoca, sed
analogæ respectu trium personarum diuina-
rum.* Hæc conclusio colligitur ex D. Tho.
q. 3. art. 5. quatenus reicit à Deo omnem
compositionem ex genere, & differentia;
si enim semel in diuinis daretur aliqua ra-
tio vniuoca, deberet dari tanta composi-
tio, quanta est compositio metaphysica,
vt ex dicendis cõstabit. Colligitur ex eod-
em S. Doctore in eadem q. art. 7. vbi do-
cer, quod Deus est summè simplex cum
quo stare non potest ratio vniuoca, cum
ad hanc requirantur duæ rationes se inui-
cem excludentes; idem colligitur ex alis
locis, quos referunt, & expendit N. Sal.

62 Probatur 1. quia tres diuinæ per-
sonæ secundum suas rationes particulares
consideratæ, non existunt per existentias
realiter distinctas, sed per vnā, eandem-
que existentiam diuinæ essentia; ergo ra-
tio personæ diuinæ non est cõmunis vni-
uocè respectu personarum diuinarum.
Antecedens constat ex dictis supra. Con-
seq. probatur, quia illa, quæ conueniunt
in aliqua ratione vniuoca, & distinguun-
tur per distinctas rationes specificas, aut
quasi specificas, existunt per distinctas
existentias, saltem quando illa ratio com-
munis vniuoca est completa intra suam
lineam, & contrahitur, aut quasi contra-

hitur per aliquam rationem quasi specifi-
cam constitutiuam entis completi, vt in
præsentî contingit, ergo, &c. Antecedens
constat in omnibus entibus completis cõ-
uenientibus in aliqua ratione vniuoca, &
distinctis secundum speciales rationes
specificas.

63 Occurrunt aduersarij, quod red-
ditur non causa pro causa. Nam quod ali-
qua conueniant in aliqua ratione vniuo-
ca, vel etiam analogæ, non est ratio suffi-
ciens ad hoc vt habeant, vel non habeant
diuerfas existentias, quando per diuerfas
rationes diuiduntur, aut contrahuntur.
Vnde licet ratio entis sit analogæ respec-
tū substantia, & accidentis, tamen dum
hæc ratio intelligitur contrahi ad illa tan-
quam ad diuerfa analogata, vtrumque
intelligitur habere propriam existentiam.
Et è contra, licet ratio substantia partia-
lis sit vniuocè communis respectu mate-
ria, & formæ, tanquam respectu partium
essentialiter distinctarum; nihilominus
materia, & forma existunt per vnā, &
eandem indiuisibilem existentiam.

64 Sed contra, quia licet ex conue-
nientia, seu ratione comuni analogæ,
non inferatur, quod analogata habeant
propriam existentiam; insertur tamen ex
conuenientia, seu ratione comuni vni-
uoca, quod scilicet vniuocata diuiduntur
illam rationem communem per proprias
differentias, aut quasi differentias, de-
beant habere proprias existentias quan-
do illa vniuocata sunt completa. Et ratio
differentia est, quia ratio analogæ, & cõ-
munis communitate rationis, de qua hic
sermo procedit, nihil habet ex hoc capi-
te, vnde ei repugnet, quod absque distin-
ctione etiam virtuali pertingat vsque ad
rationem omnino vltimam per quam cõ-
trahitur; nam ratio analogæ quando di-
uiditur in sua analogata, portio illa, quæ
descendit ad vnum analogatum, potest
non distingui adhuc virtualiter à rationi-
bus vltimis, & actualissimis illius; & ided
si ratio illa vltima sit denudabilis ab im-
perfectioribus, non habebit quantum est
ex parte huius identificationis vnde non
sit denudabilis, aut denudata ab illis; nec
vnde dicat aliquid potentiale, aut non.

contrahatur, aut quasi contrahatur per rationes quasi differentiales liberas ab imperfectionibus, ac proinde vnde finiat, aut limitetur; idcirco nec habet unde ei repugnet, quod in suis analogatis completis existat per diuersas existentias. Sola namque limitatio, solaque potentialitas potest esse ratio in entibus completis habendi propriam existentiam. At ratio vniuoca, & abstracta ab ultimis rationibus, dicentibus actualitatem atomam, ex vi sua, est quid potentiale, quippe non pertingens ex vi sui conceptus formalissimi præcisè sumpti vsque ad aliquam actualitatem atomam; sed illam à suo conceptu excludit. Pariformiter rationes ultimæ excludunt eodem proportionali modo rationem superiorem, & vniuocam à suo conceptu formalissimo, sicut actus excludit potentiam illam quam actuat. Ex quo inferitur, quod cum vniuocata excludant rationem vniuocam, & sic hoc modo limitata, & coarctata, debeant habere proprias existentias, nec possint petere vnicam, & indiuisibilem, cum per vnicam, & indiuisibilem existentiam non possint existere plures species, aut quasi species completæ.

65 Probatz 2. quia si in diuinis daretur aliqua ratio superior, & vniuoca respectu trium personarum, abstracta ab illis, daretur tanta compositio, quanta est compositio metaphysica ex genere, & differentia; sed hoc non potest esse: ergo non datur. Minor constat, quia tunc diuinæ personalitates diuiderent, & contraherent quasi specie rationem personalitatis diuinæ, ac proinde non possent existere per vnicam existentiam; nam idcirco species constantes ex genere, & differentia perunt singulæ proprias existentias, ut constat in homine, leone, &c. quia componuntur ex genere, & differentia; ergo si in diuinis personis daretur compositio ex genere, & differentia, non possent existere per vnicam existentiam. Maior probatur, quia vis compositionis metaphysicæ cōsistit in hoc, quod detur in re in qua inuenitur duplex ratio virtualiter, quarum vna sit potentialis, nō pertingens ex vi sua ad actualitatem speci-

ficam, & atomam, sed illam à suo formalissimo conceptu excludat, per quā sit determinabilis, contrahibilis, & actuabilis. Alia sit actualis, & atoma, contractiua, & determinatiua illius prioris. Sed totum hoc reperiretur in illa compositione, qua persona v.g. Patris, in eo casu componeretur ex ratione personæ diuinæ ut sic, & ex peculiari personalitate Patris, ergo. Minor probatur, nam in eo euentu ratio personæ diuinæ esset quid potentiale, non pertingens ad actualitatem atomam, & peculiarem talis personalitatis, sed haberet esse contrahibile, determinabile, & actuabile per illam; & ratio personalitatis, est ratio quasi specifica, & atoma, contrahens, determinans, & actuans dictam rationem communem personæ diuinæ; ergo in eo euentu in diuinis reperitur tanta compositio, quanta est compositio metaphysica ex genere, & differentia.

66 Occurrunt aduersarij, quod ex hoc, quod aliquid sit, vel non sit compositum tanta compositione, quanta est compositio metaphysica, vel habeat compositionem metaphysicam, non est ratio sufficiens ad hoc ut habeat, vel non habeat eandem, vel diuersam existentiam ab alijs. Nam licet humanitas Christi D. sit metaphysicè composita, tamen non habet propriam existentiam, sed existit per existentiam Verbi. Vnde eadem existentia, tribuit Verbo *existere*, cum tamen non habeat compositionem metaphysicam, & tribuit existere humanitati quæ habet compositionem metaphysicam, imò & physicam.

67 Sed contra, quia si semel in diuinis datur compositio metaphysica, debet etiam dari compositio physica, sed hoc est falsum, ergo & id vnde sequitur. Maior probatur, quia esse metaphysicum, supponit esse physicum, ergo compositio metaphysica supponet compositionem physicam; vbi autem est compositio physica debet dari proprium esse physicum. Antecedens constat, quia esse metaphysicum fundatur in esse physico. Consequens ostenditur tum ex paritate rationis, tum ex ratione ipsa, quia compositio metaphysica, est potentialitas secunda, quæ

necessario supponit primam. Vnde videmus, quod non datur compositio metaphysica, nisi vbi est compositio physica, vt ex materia, & forma, aut ex essentia, & esse, vt in Angelis. Ad illud, quod dicitur de humanitate Christi D. dico, quod dicta humanitas perit propriam existentiam, & solum supernaturaliter existit per existentiam Verbi. Tum quia Verbum, & humanitas solum analogicè conueniunt, non vniuocè, & sic est diuersa ratio, vt ex dictis constat.

68 Probatur 3. quia in quauis ex personis diuinis non distinguuntur virtualiter ratio personæ diuinæ, & ratio peculiaris talis personæ v.g. Patris; ergo ratio personæ diuinæ non est ratio abstrahibilis à peculiaribus personis diuinis, ac proinde non erit ratio vniuoca; ratio namque vniuoca non potest non esse ratio abstrahibilis ab vniuocatis. Antecedens probatur, quia ea, quæ in diuinis sunt communia communitate rationis, vt est persona diuina respectu trium personarum, pertinent ad vnam, eandemque lineam cum ijs in quibus includuntur; ita quidem quod ratio illa communis diuisa in distinctas quasi portiones descendat secundum vnam ad vnum ex suis inferioribus, & secundum aliam ad alterum, & in vnoquoque pertineat ad lineam sui inferioris, & per consequens non distinguetur virtualiter ab illis; quæ namque pertinent ad vnam, eandemque lineam, non admittunt distinctionem virtualem. Quod in realitate diuina explicari potest, quæ ad dictas personas diuinas descendit, sine virtuali distinctione, cum tamen sit quid commune, communitate rationis.

69 Probatur 4. ex discrimine, quod intercedit inter ea, quæ sunt communia communitate rei, & ea quæ sunt communia communitate rationis, quod ea quæ sunt communia communitate rei, vt est essentia diuina, constituunt propriam lineam, quia pertingunt ad aliquam ultimam actualitatem absque eo, quod aliquid eis superaddatur ratione eorum quibus sunt communia, & ideo virtualiter ab eis distinguitur. At ea, quæ sunt com-

munia communitate rationis, non constituunt ex se propriam lineam; ex eo, quod non pertingunt ad aliquam ultimam actualitatem, nisi ratione eorum, quibus sunt communia, ac proinde pertinent ad lineam suorum inferiorum. Sed persona diuina est communis communitate rationis; ergo non distinguetur virtualiter à tribus personis diuinis, ac proinde non poterit esse vniuoca, sed potius analogica. Tum quia ab vltimis constitutiuus, & distinctiuus non potest abstrahi vna ratio communis vniuoca, quando scilicet pertinent ad eandem indiuisibilem lineam, vt in nostro casu contingit.

70 Secunda conclusio. *Licet ratio persona tantum analogicè dicatur de tribus personis diuinis, tamen dicitur de illis quidditatiuè. seu est de conceptu formali earum; unde non dicitur solum denominatiuè de illis.* Sic tradunt communiter discipuli D. Tho. post ipsum, vt testantur N. Salman. hoc loco dub. 5.

71 Probatur 1. quia persona diuina dicitur de tribus personis, eo modo quo indiuiduum vagum dicitur de indiuiduis determinatis; sed indiuiduum vagum dicitur de indiuiduis determinatis quidditatiuè; ergo eodem modo ratio personæ diuinæ dicitur de tribus personis diuinis. Minor constat, quia in ratione formali huius nominis v.g. Petri, includitur, quod sit quidam homo, ac proinde si semel auferetur ab hoc homine, quod esset quidam homo, tolleretur etiam, quod esset hic homo. Maior probatur; nam sicut indiuiduum vagum significat naturam communem cum determinato modo essendi, sic persona diuina significat subsistentem in natura diuina cum determinato modo subsistendi.

72 Probatur 2. quia sub persona diuina directè continetur hæc particularis persona, sicut sub animali vt sic, directè continetur Petrus; ergo sicut ob hanc rationem hæc est prædicatio quidditatiua, Petrus est animal, ita ob eandem rationem hæc etiam erit quodammodo quidditatiua, *Hæc persona diuina, est persona diuina; solum differunt, quod in hac propositione*
per-

persona diuina, non est absolute, & simpliciter quidditas, quia in diuinis nomine quidditatis proprie, & simpliciter, sola essentia, seu natura diuina venit. Vnde licet in diuinis sint tres persone, non tamen sunt tres quidditates. Vnde nomine quidditatis intelligimus conceptum formalem.

73 Probatur 3. quia sicut peculiaris persona diuina dicit rationem peculiarem diuinam subsistentem; ita persona diuina ut sic, dicit relationem diuinam ut sic, quatenus per se subsistentem; sed relatio diuina ut subsistens, dicitur quidditatiue modo explicato de peculiaribus rationibus diuinis per se subsistentibus, sicut relatio creata ut sic dicitur quidditatiue de peculiaribus relationibus creatis, ut de paternitate, filiatione; &c. ergo etiam ratio persone diuine dicitur quidditatiue de peculiaribus personis diuinis.

74 Sed dices, quod indiuiduum vagum, ut *aliquis homo*, predicatur vniocè, & non solum quasi quidditatiue de indiuiduis determinatis, vt docent N. Complut. in *Log. disp. 4. n. 51.* ergo si persona diuina ut sic, predicatur vt indiuiduum vagum de tribus personis diuinis, predicabitur vniocè. Resp. concedendo antecedens, & negando consequens. Ratio discriminis est, quia persona diuina predicatur quidem ad modum indiuidui vagi, sed non obseruat omnia quæ dicit indiuiduum vagum in creatis, v.g. *aliquis homo* nam in hoc dantur omnia, quæ ad dictam prædicationem vniocam requiruntur, scilicet distinctio virtualis saltem, compositio metaphysica, &c. non in diuinis, vt iam dictum est. Soluuntur argum. primæ sententiæ.

75 Primum argu. est, quia S. Doctor in 1. diff. 25. q. 1. art. 3. impugnat sententiam dicentium personam diuinam dici analogicè, analogia proportionalitatis de tribus personis diuinis, & postea asserit, quod est communis, sicut ratio animalis est communis homini, & asino. Pro intelligentia mentis S. Doctoris nota, quod D. Thomas loco cit. & ad Anibald. diff. 9. & art. eodem, ponit duas sententias. Prima erat asseritorium: personam diuinam

dici analogicè analogia proportionalitatis, siue proportionalitatis de tribus personis diuinis, ita tamen, quod ratio analogicè communis, esset relatio quædam rationis; quæ persona diuina refertur ad naturam diuinam in qua subsistit. Verba S. Doctoris sunt. *Vnde alij dicunt, quod est communis secundum rationem proportionis, sicut dicimus, quod sicut se habet Reflor in Ciuitate, ita nauta in mari. Et sic dicunt, quod persona est communis Patri. & Filio: quia sicut Pater se habet ut subsistens ad naturam diuinam, ita & Filius.* Secunda sententia, quam refert ibid. S. Doctor, est dicentium, quod persona diuina dicitur analogicè; ita vt ratio analogica tantum sit aliqua secunda intentio rationis; sicut color, & animal habent conuenientiam in secunda intentione generis. Verba S. Doctoris sunt. *Alij dicunt, quod est communitas secundum rationem intentionis, sicut dicitur, quod color, & animal conueniunt in intentione generis.* Et censet, quod istæ duæ opiniones in idem recidunt, quia, vnaqueque ponit pro ratione analogica aliquid rationis, & vtraque ponit idem genus proportionis, siue proportionalitatis, scilicet communis ad proprium, vel proprii ad communem. Sed hæc duo differunt (sunt verba D. Thomæ) in idem referuntur: quia *communitas intentionum non est, nisi secundum proportionem communis ad proprium, vel è contrario.* Quatenus, sicut persona, Patris se habet ad naturam diuinam communem tribus personis, ita & Filius, ita illa scilicet habitudine rationis. Et similiter, sicut se habet persona Patris ad illam secundam intentionem communem, ita & persona Filij.

76 His notatis, resp. quod mens S. Doctoris in refutandis dictis sententijs, non est impugnare eas, quatenus ponunt diuinam personam esse analogam respectu trium personarum, sed quatenus dicunt, quod illa ratio analogica est solum relatio rationis, aut secunda intentio, non verò quatenus est aliqua ratio rei, vt constat ex verbis eiusdem S. Doctoris ibi. *Sed magis nominat illam rem, cui accedit talis intentio. Vnde communitas persona in diuinis*

minis, non potest esse secundum communis-
tem talis habitudinis, vel intentionis: Sed
istæ communis est, quæ hoc nomen suppo-
situm commune est tribus personis diuinis.
Et ideo aliter dicendum est, quod præter has
communitates, quæ aliquo modo includun-
tur in communitate personæ, est ibi commu-
nitas rationis fundata in re, sicut dicimus,
quod ratio animalis, est communis homini,
& asino. Nota ex contextu, quod hoc
exemplum de animali respectu hominis,
& asini, non est adductum ad asserendam
vniucationem, vt falsè interpretantur
aduersarij, sed adductum est ad explican-
dum, quod communitas, quam dicit per-
sona diuina, est communitas rationis in
re fundata, non vero est sola relatio ratio-
nis, aut sola secunda intentio.

77 Secundum argum. quia ratio per-
sonæ diuinæ competit æqualiter tribus
personis diuinis, aliàs vna persona diuina
esset melior, & perfectior alia; ergo non
potest esse analoga. Antecedens est cer-
tum. Consequens ostenditur, quia omnis ana-
logia siue attributionis, siue proportiona-
litaris fundatur in aliqua inæqualitate.
Resp. quod licet analogia attributionis
fundetur in aliqua inæqualitate, non ta-
men est necesse, quod in hac fundetur
analogia proportionalitatis, sed solum
petit habitudinem inter duas proportio-
nes, ita vt, sicut vnum se habet ad alter-
um, ita aliud se habeat ad illud.

78 Sed dices hinc fieri, quod analogia
proportionalitatis non esset analogia,
nam non conueniret illi definitio analogi-
æ, quæ est, quod ratio communis nec sit
omnino eadem, nec omnino diuersa; quæ au-
tem non sunt omnino eadem, aliquam
inæqualitatem debent admittere. Tum
quia ens dicitur analogicè analogia pro-
portionalitatis de Deo, & creaturis, & de
substantia, & accidentibus; quia licet ratio
entis intrinsecè in omnibus istis repe-
riatur, non tamen æqualiter, sed inæqua-
liter. Tum etiam quia vbi est omnimoda
conuenientia, non est proportionalitas,
sed omnimoda vnitas, secundum illam
rationem communem; vnde ibi non repe-
ritur fundamentum analogiæ, sed vniuc-

cationis; sed diuinæ personæ habent om-
nimodam conuenientiam in ratione per-
sonæ vt sic, ergo ibi non est proportiona-
litas, sed vniucatio. Minor constat. Ma-
ior probatur, nam cum inter hominem, &
equum sit omnimoda conuenientia in ra-
tione animalis, non potest esse analogia
proportionis, vnde hæc comparatio non
est proportionalis, sed omnino eadem, ac
proinde vniuoca: sicut se habet homo ad ra-
tionem animalis, ita se habet equus ad illam.

79 Resp. ita esse, quod ratio analo-
ga nec debet esse omnino eadem, nec om-
nino diuersa, hoc autem habet ex eo,
quod ratio communis non potest omnino
abstrahi à rationibus differentialibus, ad
quod non est necessaria aliqua inæquali-
tas, sed sufficit, quod aliquo modo abstra-
hat, & aliquo modo non abstrahat, quod
illa ratio sit aliquo modo communis, &
aliquo modo non claudatur intrinsecè
in rationibus differentialibus. Ad 1.
probat. conceditur, quod in dictis analo-
giis reperitur inæqualitas, tamen hæc
non desideratur ad rationem analogiæ
proportionalitatis, vt ex modo dictis con-
stat. Ad 2. probat. dico, quod non eodem
prorsus modo quo Pater se habet ad per-
sonam diuinam, se habet Filius, sed com-
parantur ad illam partim eodem, partim
diuerso modo. Nam in conuenientia quæ
habent inuoluuntur necessariò rationes
differentialiales Paternitatis, & Filiationis,
eo ipso, quod ratio personæ diuinæ non sit
omnino præscindibilis: vnde inuenitur
ibidem conuenientia cum diuersitate, vt
ex dictis constat. Soluitur fundamentum
secundæ sententiæ supra relatæ.

80 Fundamentum secundæ sententiæ
est, quia persona diuina dicit de formali
modum incommunicabilitatis, seu inco-
municabiliter subsistendi; sed subsistentia
solum denominatiuè conuenit primis, &
secundis substantijs; ergo ratio personæ
diuinæ, seu incommunicabiliter subsisten-
tis, denominatiuè solum dicitur de singu-
lis personis diuinis. Maior nota est. Mi-
nor probatur, quia subsistentia se habet
ad instantiæ passionis respectu præ-
dicamenti substantiæ; ergo non potest
de

de illa dici quidditatiue, ac subinde solum quodammodo denominatiue, Resp. concedendo maiorem, & minorem, & negando conseq. Ex illis namque præmissis solum infertur, quod substantia non dicitur quidditatiue de prædicamento sub-

stantiæ, non autem quod non dicatur quidditatiue de particularibus personis; quibus modus incommunicabilitatis de per se conuenit, cum sit de proprio illorum conceptu.

DISPUTATIO XXXII.

IN QVAEST. XXXII. D. THOMAE

DE DIVINARVM PERSONARVM COGNITIONE.

INEC quæstio habet 4. articulos. In 1. docet S. Doctor, quod mysterium Trinitatis non potest vlla ratione naturali inuestigari, quia nullus effectus naturalis, & qui naturali ratione attingi potest, manifestare potest Deum, nisi vt causam talis effectus, Deus autem est causa creaturarum ratione suæ virtutis, & potentiae, & artis, quæ omnia sunt Dei in quantum vnus, non in quantum Trinus, ac proinde ratione naturali hoc mysterium inuestigabile est. Quod constat ex dictis supra de Visione Dei, & constabit magis ex alibi dicendis.

2. In 2. art. docet in diuinis esse ponendas notiones, id est formas, seu notas quibus ea discernantur, quæ personalia sunt, ab essentialibus, vt cognoscamus in quo personæ diuinæ sint vnum, & in quo sint plures. Et vt iterum in persona quæ est vna, vt Pater, cognoscatur id, quod est proprium, vt paternitas, & id quod est commune, scilicet spiratio, actiua. Et has notiones, proprietates, & notas tanquam quasdam formas etiam in abstracto significamus, cum sint id. quo, seu ratio cognoscendi personæ diuinæ. In art. 3. docet has notiones rerum personalium esse quinque, quia eodem modis personæ

diuinæ innotescunt. Persona Patris innotescit dupliciter, & per negationem existendi ab alio, & hæc est innascibilitas; & per principium originandi aliud, & est Paternitas: vt principium Spiritus sancti, est spiratio actiua, quæ etiam Filio communis est. Filius innotescit notione propria, quæ est Filiatio, in quantum genitus, & vt spirator innotescit notione communis cum Patre, & est spiratio actiua. Spiritus sanctus innotescit notione procedendi per modum amoris, quæ est spiratio passiva. In art. 4. docet, quod circa notiones licitum est contrariè opinari in his in quibus non sequitur aliquid contrarium fidei, & determinatis per Ecclesiam. Secus in his in quibus sequitur. Verum vt hæc plenius habeantur, sit.

DUBIUM I.

Quid sit notio diuina.

3. **C**ommuniiter definitur notio cum D. Thom. hic art. 3. quod sit ratio propria cognoscendi personam diuinam. Dicitur, quod notio est varia, loco generis, quia in hoc conuenit cum Deitate, sapientia, aliisque rationibus essentialibus, in abstracto significatis; nam sicut

Dei.

Deitas est ratio constitutiva Dei, & sapientia, est ratio constitutiva sapientis, &c. ita notio est etiam ratio; ac proinde conuenit cum alijs rationibus diuinis. Sed dices, quod Sancti Patres vt Aug. 5. de *Trinitate*, cap. 6. Basil. lib. 2. aduers. *Ennomium*, & *Epiph.* 37. ad *Greg. fratrem*. Et N. Cyrillus 1. *Theaur.* i cap. 6. recensent notiones in concreto: dum dicunt: *Genitum*, & *ingenitum* esse notiones Patris, & Filij; ergo non debent notiones significari in abstracto. Resp. quod cum Sancti Patres agerent contra hæreticos, non curarunt de modo loquendi, sed de re ipsa, & de explicatione eius. Maxime cum inrederent explicare diuinarum personarum distinctionem.

4 Ponitur in dicta definitione, aut quasi definitione illa particula *propria*, per quam notio incipit distingui à rationibus essentialibus, nam illa sunt omnibus personis communia; non sic notio, nam ad summum vna potest esse duabus personis communis. Vnde ista particula *propria*, non significat, quod notio debeat vni soli personæ conuenire, sed quod debet esse quasi forma singularis, non communis omnibus. Additur illa particula *cognoscendi*, vt per eam denotetur, tum quod notio distinguatur à significato horum nominum relatio personalis, & proprietatis, non personalis. Tum quo ordine ista inter se neantur. Primum constat, nam relatio personalis dicitur in ordine ad correlatiuum, & est constitutiva personæ. Proprietas, licet non sit personalis, dicit tamen id, quod non conuenit omnibus personis, licet non sit constitutiva personæ. At ratio, dicitur vt est principium proprium cognoscendi. Sic S. Doctor in 1. dist. 26. q. 2. art. 3. Secundum etiam constat, quia nihil potest esse principium notificandi aliud, nisi sit illi proprium: & nihil est proprium alicuius personæ, nisi ipsa persona sit constituta, & distincta ab alijs. Quocirca in diuinis, prius intelligimus relationem personalem, per quam persona constituitur; deinde proprietatem, & demum notionem; quod etiam explicuit S. Doctor loco citato.

5 Ponitur tandem illa particula *personam diuinam*, vt significetur, quod notio significat aliquid pertinens ad originem, & ad dignitatem. Ratio est, quia notio est ratio propria cognoscendi personam diuinam, ac proinde cognoscendi illam secundum sibi propria, nisi cognoscatur secundum aliquid pertinens ad originem, & dignitatem personalem.

6 Dices, personam non addere aliquid perfectionis supra naturam diuinam, vt supra probatum est, ergo falsum est, quod notio dicat aliquid pertinens ad dignitatem propriam personæ diuinæ. Nam respondetur, quod tamen si persona diuina ex vi suæ lineæ, & secundum id, quod dicit in recto non exprimat dignitatem, aut perfectionem, tamen per modum transcendens includit totam perfectionem diuinæ essentiae, & insuper dicit in obliquo eandem diuinam essentiam, vt habet rationem naturæ, ac proinde absolute, simpliciter, & impræscindibiliter affert perfectionem, & dignitatem.

7 Hinc inferitur 1. non esse ad rem definitionem notionis quam tradit Bellarm. lib. 2. de *Christo* cap. 5. scilicet. *Notio est nomen, quæ vna persona cognoscitur distincta ab alijs*. Nam notio, non est nomen; quo significamus vnā personam esse ab alia distinctam, sed est ratio obiectiua, & conditio, ratione cuius cognoscitur persona diuina, & per quam vna persona passiuè cognoscitur distincta ab alia. Tum quia notiones sunt in personis, quarum sunt notiones, vt comparentur tanquam proprietates earum, at nomina non sunt in personis diuinis hoc modo.

8 Inferur 2. reiciendam esse definitionem notionis à Valentia in præfenti dist. 2. q. 6. punct. 2. traditam, scilicet: *Notio est conditio, sine proprietate diuina, non omnibus personis communis, in abstracto significata, quæ propria ratio cuiuscumque persona significatur, atque innotescit*. Tum quia continet superflua, & redigi posset ad formam illius quam ex D. Tho. retulimus. Tum etiam quia si hæc definitio non reducatur ad formam definitionis D. Thomæ, sed accipiat, vt traditur, non

daretur per suam rationem formalem, sed per id, quod se habet per modum materiz; nam ratio formalis notionis, non est, quod sit conditio, aut proprietas, sed ratio cognoscendi personam; quod sit conditio, aut proprietas, est de materiali.

9 Inferitur 3. debere etiam reici definitionem notionis quam tradit Molina, quam approbat Becanus *cap. 7. de notion. q. 1.* scilicet: *Notio est forma, qua una persona cognoscitur distingui ab alia.* Nam in hac definitione non explicatur id, quod in notione primum locum obtinet, nimirum, quod sit ratio cognoscendi personam secundum id, quod est sibi proprium; sed explicatur id, quod secundo loco conuenit notioni, & personæ, scilicet distinctio. Prius namque est personam diuinam habere aliquid sibi proprium quam ab alia distingui.

D V B I V M II.

An notiones ponenda sint in diuinis.

10 **C**erta res est, quod notiones ponantur in diuinis. Ratio prior est, quia loquendo de re ipsa, notiones v.g. Paternitas, Filiatio, &c. sunt ipsæmet proprietates constituentes, & distinguentes personas; sed istæ non possunt non poni in diuinis; ergo etiam notiones in diuinis poni debent.

11 Obijcies quod S. Pater Aug. 5. de *Trinit.* vocat notionem, ipsam notitiam formalem, qua persona cognoscitur, dum dicit. *Alia est notio, qua intelligitur genitor, alia qua ingenuus.* Ergo notio non ponit aliquid intrinsecum in personis, sed denominationem extrinsecam à cognitione qua cognoscuntur, prouenientem. Tum quia si notiones ponerent aliquid in Deo derogaretur simplicitati illius; siquidem esset tunc in eo abstractum, & concretum; ubi autem est abstractum, & concretum, non est summa simplicitas. Resp. quod notio aliquando sumitur pro noticia, aliquando pro ratione obiectiua illi correspondente. Vnde sensus Sanctissimi Patris

Augustini est, quod alia est notio, seu indicium, vel ratio obiectiua ex qua cognoscitur genitor, & alia ex qua cognoscitur ingenuus. Ad aliam probationem dico, quod in diuinis dantur abstracta, & concreta distincta solum ex parte modi nostri significandi, quæ non repugnant cum summa Dei simplicitate.

12 Secunda ratio, quia catholici vti debent nominibus abstractis, quibus occurrant hæreticis, aut infidelibus inquirantibus quare Pater, Filius, & Spiritus sanctus sint vnus Deus, & tres personæ, sed id, quo dictis interrogationibus respondent est notio; ergo in diuinis datur notio. Maior certa est, cum enim Catholici constentur Patrem, Filium, & Spiritum sanctum esse vnum Deum, & tres personas, non possunt sufficienter occurrere argumentis, quibus hæc veritas impugnatur ab hæreticis, & infidelibus, nisi haberent nomina abstracta quibus responderent, quoniam modus sint vnus Deus, & tres personæ. Minor probatur, nam id, quod correspondet nominibus abstractis deservientibus prædictæ interrogationi sunt proprietates personales, Paternitas, Filiationis, & Processionis, sed istæ sunt etiam notiones, cum sint rationes propriæ cognoscendi personas; ergo, &c.

13 Tertia ratio, nam licet Pater v.g. sit vna, eademque persona *tanquam modo*; tamen in illo sunt duæ relationes, scilicet Paternitas, & spiratio actiua, inter se virtualiter distinctæ; ergo dari debent nomina abstracta, & nomen concretum, quibus significetur tum vnitas personæ in illo; tum relationum pluralitas, ac subinde dabuntur notiones. Antecedens constat, quia prædictis relationibus in Patre existentibus correspondent duæ relationes realiter distinctæ, scilicet Filiatio, & spiratio passiva; ergo licet Pater sit vnica persona simplicissima, habet tamen duas relationes virtualiter distinctas; duabus namque relationibus realiter distinctis, debent correspondere duæ relationes saltem virtualiter distinctæ. Prima consequenter ostenditur, quia debent dari nomina quibus cuncta diuina explicentur; sed duæ
illæ

illæ relationes non possunt explicari, nisi nominibus abstractis; ergo. Secunda consequ. constat, quia rationes obiectiue correspondentes dictis nominibus abstractis, quibus dictæ relationes significantur, sunt ipsæ rationes.

14 Sed obieciēs 1. quia malè colligitur, quod in Patre detur duplex relatio virtualiter distincta, ex eo, quod ex opposito corresponsdeant duæ relationes realiter distinctæ; nam si hæc illatio esset legitima sequeretur, quod Paternitas, & spiratio actiua deberent distingui realiter; quia si distinctio virtualis arguit distinctionem realem in relationibus oppositis; ita distinctio realis Filiationis, & spirationis passiuæ, arguet distinctionem realem in oppositis, scilicet in Paternitate, & spiratione actiua in Patre. Resp. esse disparē rationem; nam ex distinctione reali, possumus colligere distinctionem virtualem terminorum, non realem, quia in diuinis realis relationum distinctio non desumitur ex terminis, sed ex oppositione. Et sic cum in Patre Paternitas, & spiratio actiua non opponantur, non possunt distingui realiter.

15 Obieciēs 2. quia vnum album habet tantum vnicam relationem similitudinis in albedine, & tamen dictæ relationi similitudinis correspondent ex aduerso tot relationes similitudinis quot sunt alba. Ergo ex hoc, quod Patri corresponsdeant duæ relationes reales, non sequitur, quod in eodem Patre ponantur duæ relationes virtualiter distinctæ. Resp. concedendo antecedens, & negando consequ. Ratio disparitatis est, quia in casu antecedentis illæ relationes sunt eiusdem speciei, ac proinde possunt respicere vnicam, & eandem rationem formalem termini. At in casu consequentię distinguuntur specie, aut quasi specie, ac proinde requirunt terminos speciei virtuali distinctos.

16 Obieciēs 3. quia in creatis idem filius per vnam, & eandem relationem, refertur ad Patrem, & Matrem, & tamen prædictæ relationi correspondent duæ relationes speciei distinctæ, scilicet Paternitas, & Maternitas; ergo in diuinis ex cor-

respondentia plurium relationum etiam, specie distinctarum respectu vnius relationis, non sequitur distinctio virtualis in illa. Maior pater, nam filius in humanis est tantummodo vnicus, ac proinde, vnicam tantummodo habebit relationem. Minor constat, quia Pater, & Mater diuersimodè concurrunt ad generationem Filij; nam Pater concurret per modum principij actiui, & mater per modum principij passiuī, vt tradit S. Doctor 3. p. q. 35. art. 5.

17 Ad hoc argum. respondent Ferr. 2. contr. gent. cap. 12. Suarez, & Vasquez apud Salinart. quod in filio dantur duæ relationes specie distinctæ in esse relationis formaliter, licet materialiter, & in esse rei sit vna tantum, & videtur tenere, D. Tho. loco proximè cit. ad 3. Tum quia pereunte Patre, & remanente Matre, & è diuerso, remanet relatio quoad personam remanentem, licet pereat quoad pereuntem, sed hoc non esset, si esset vna formalissima relatio; ergo. Tum quia vt dicebamus, in Patre, & matre, est diuersus modus concurrendi, qui propterea fundare debet diuersas relationes, vbi enim sunt diuersi modi concurrendi, sunt diuersi modi fundandi, & vbi isti sunt, debent esse diuersæ specie relationes. Tum denique, quia aliæ relationes specie diuersæ vt Paternitas, & Maternitas, possent definiri per relationem sibi oppositam; & sic Pater posset hoc modo definiri: *Pater est, qui habet Filium, & Mater est, qua habet Filium.*

18 Nihilominus dicendum est in Filio dari vnicam tantum relationem ad Patrem, & matrem, & ratio est, quia vt bene obseruant N. Complut. in Log. disp. 14. n. 87. Licet diuerso modo concurrat vterque parens ad productionem filij, neuter tamen est causa completa, & per se sufficiens, sed concurrunt partialibus generationibus intrinsecè ordinatis ad complendum vnicum totale principium filij; vnica namque natiuitate filius nascitur ex Patre, & Matre; ergo ex parte filij vnica tantum dabitur productio passiuā, quæ est ratio fundandi vnicam tantum relationem. Ex

parte autem parentum vnica tantum datur completa ratio radicalis terminandi, coalescens tamquam ex partibus heterogenijs, ex concursu actiuo Patris, & passiuo matris, & per consequens non dantur due integre rationes terminandi, quod necessarium erat ad hoc vt relatio specificè multiplicaretur. Quare fit, quod neque sola relatio Paternitatis, neque sola relatio maternitatis constituit integrum correlatiuum filiationis, sed sunt quasi partes diuersæ eiusdem integri extremi, & distinguuntur solum in esse termini speciei incompleta, & quasi partialiter.

19 Ad argumentum ergo n. 16. propositum respondetur concedendo maiorem, & distinguendo minorem: & tamen prædictæ relationi correspondent relationes specie distinctæ: specie partiali, & conceditur, specie totali & negatur; vt enim dictum est, dictæ relationes constituunt vnum, & integrum terminum completum, & adequatum filiationis. Deinde negatur consequens, quia in diuinis Filiatio, & spiratio passiuæ sunt relationes totales, & specie integra, & completa constitutæ, habentque rationes fundandi totales, & specie, aut quasi specie diuersas. Ad 1. probationem ex Diuo Thoma dicendum, solum velle, quod relatio Paternitatis, & maternitatis specie partiali distinguantur, ac proinde possunt correspondere vni relationi filiationis. Ad 2. probationem dico, quod pereunte Patre, & remanente matre, non perit filiatio, seu relatio filiationis, sed remanet secundum totam realitatem, licet non remaneat, quoad terminationem; ad Patrem mortuum, neque quoad denominationem relati ad Patrem, quia tunc filius, ex defectu connotati, non denominatur relatus ad Patrem; vt enim hæc denominatio ponatur, requirit non solum realitas relationis, sed etiam existentia connotati. Quod explicari potest exemplo relationis Paternitatis ad duos filios, quæ si pereat vnus, non denominat Patrem relatum, ex defectu connotationis existentie illius. Ad hoc autem vt cesset relatio debet cessare totus terminus secundum omnes par-

tes, nec sufficit, quod cesset extendi ad vnā partem ex defectu existentie illius. Ad 3. probationem patet ex dictis, quod illi concursus Patris, & matris, licet sint partialiter diuersi, tamen componunt vnum adequatum ex actiuo, & passiuo compositum. Ad 4. probationem dico, quod in definitionibus partialibus, vt sunt illæ, debet explicari modus partialis; vnde Pater debet sic definiri: *Pater est, qui habet filium per generationem actiuam: & Mater est, quæ habet filium per materia submistrationem.*

D V B I U M III.

An notiones diuina sint tantum quinque.

20 **C**ommunis, & vera sententia, communi Theologorum, & Scholasticorum calculo firmata, vno excepto Scoto, sequenti concl. explicatur. *In diuinis sunt quinque notiones, nec plures, nec pauciores, scilicet Paternitas, Innascibilitas, Filiatio, Spiratio, & Processio.* Hanc concl. probat Sanctus Doctor *hæc q. art. 3. & in 1. disp. 26. q. 2. art. 3. & disp. 28. q. 1. de Potent. q. 9. art. 9. ad 21. & 27. & q. 10. art. 5. ad 12. & episc. 2. cap. 57. & 58.*

21 Ratio fundamentalis traditur ab eodem S. Doctore *hoc loco art. 3. citato.* Quia notiones in diuinis pertinent ad ordinem originis personarum, & dicunt aliquam dignitatem; ergo illarum numerus sumi debet penes eundem ordinem originis; sed iste est quintuplex, ergo notiones erunt quinque. Antecedens constat ex dictis *dub. 1. huius disp.* Cum enim notio sit ratio cognoscendi personas, & personæ rectè cognoscantur per origines, sequitur, quod tot erunt notiones, quot erunt origines, & quod notiones pertineant ad ordinem originis, habeantque dignitatem personæ, quæ in hoc consistit, quod sit suppositum naturæ perfectissimæ intellectualis. Conseq. sequitur ex antecedenti, quia si notiones pertinent ad ordinem originis, sequitur, quod earum numerus, & pluralitas, ex pluralitate originum debeat desumi. Minor subsumpta proba-

probat, nam in diuinis sunt duæ processiones, vna per intellectum, quæ est generatio, alia per voluntatem, quæ est spiratio, & istæ duæ processiones ita se habent, quod vnaqueque earum fundat duos ordines originis. Generatio fundat ordinem originis eius à quo est alius, & est Paternitas; & fundat ordinem originis eius, qui est ab alio per generationem, & est Filiatio. Secunda processio amoris duos etiam fundat ordines originis. Primus est ordo eius à quo est alius per spirationem, & est spiratio actiua. Secundus est ordo originis eius, qui est ab alio per processionem, seu spirationem passiuam, & communi nomine vocatur processio, seu spiratio passiuæ. Vltra istos modos posituius originis, datur alter modus originis negatiue, quatenus aliquis nullo modo procedit ab alio, & iste fundat notionem innascibilitatis, ergo cum dentur tantum isti quinque ordines originis, & non plures, vt constat, sequitur, quod tantum dabuntur quinque dictæ notiones, & non plures.

22 Confirmatur, & explicatur, quia dupliciter aliquid potest pertinere ad ordinem originis, positiue scilicet, & negatiue; positiue pertinent dictæ quatuor relationes; negatiue pertinet innascibilitas; sed omnia ista innunt dignitatem; ergo omnia ista, & non alia exprimunt rationem notionis. Maior constat. Minor etiam nota est quoad dictas quatuor relationes. Constat namque dictas quatuor relationes asserre dignitatem. Siquidem Paternitas, & Filiatio dicunt rationem intellectualitatis quia Pater intellectualiter est ad Verbum, & Verbum ad Patrem. Spiratio actiua, & passiuæ dicunt dignitatem pertinentem ad ordinem intellectualem; nam amoris productio, & processio est ordinis intellectualis. Quoad secundam partem, constat, quod sola innascibilitas, non alix negationes asserunt aliquam specialem dignitatem ordinis intellectualis. Pro quo nota differentiam inter innascibilitatem, & cæteras negationes, quod alix negationes remouent solum aliquem modum specialem, v.g. pro-

cedendij ad innascibilitatem remouet modum vniuersaliorem, seu remouet omnem modum procedendi ab alio, ac proinde affirmatio, seu habitus, seu dignitas denotata erit specialior, & magis propria, ac proinde rationem notionis habebit. Quod namque aliqua affirmatio, vel habitus, aut quasi habitus alicuius carentiæ est specialior, eò carentia illa est vniuersalior, & pluribus conuenit; & e contra, quod affirmatio, vel habitus est vniuersalior, eò carentia est specialior, vt patet in *non homine*, in *non animali*; nam *non homo*, quia est aliquid specialius, seu quia remouet aliquid specialius, scilicet, non hominem est magis vniuersalis, quam *non animal*, quæ negatio remouet aliquid vniuersalius. Vnde *non homo* pluribus conuenit, quam *non animal*, quia quidquid est *non animal* est *non homo*, non e contra.

23 Totam hanc rem explicat S. Doctor in 1. dist. 26. q. 2. art. 3. sic loquens. *Harum autem notionum quinque sufficientia, sic patet. Ad hoc enim, quod aliquod dicatur notio personæ, tria requiruntur. Primo, quod ad originem pertineat: quia relationibus originis personæ distinguuntur. Secundo, quod pertineat ad dignitatem, quia personæ est hypostasis distincta proprietate ad dignitatem pertinet. Tercio, quod dicat aliquid speciale: quia commune non est sufficiens principium innotescendi. Dico igitur, quod pertinet ad originem, potest significari, vel affirmatiue, vel negatiue. Si affirmatiue, vel dicatur secundum rationem principij, vt à quo alius; vel secundum rationem eius, quod est à principio, vt qui ab alio. Vtrumque istorum dicit originem in communi, vnde neutrum potest esse notio. Oportet ergo, quod determinetur secundum specialem modum originis, qui non est nisi dupliciter, vt supra probatum est, scilicet per modum naturæ, & per modum amoris; & secundum vtrumque habemus duas relationes, vnam, quæ designat rationem principij, & alteram, quæ designat rationem eius, quod est à principio: & sic sunt quatuor notiones, scilicet Paternitas, & Filiatio, quantum ad modum originis naturæ; processio, & communis spiratio, quantum ad modum originis*

ginis amoris. Si significatur negativè, vel negatur ratio principij, vel ratio eius, quod est à principio. Si negatur ratio principij, non est ad dignitatem pertinet; & ideo non potest esse notio Spiritus sancti, nec esse principium alicuius naturæ divinæ. Si negatur ratio eius, quod est à principio, aut in speciali, aut in generali? Si in speciali, non potest esse notio, quia quanto affirmatio est magis specialis, tanto notio opposita est magis communis, sicut non homo est magis commune, quam non animal: quia omne non animal, est non homo, sed non convertitur. Si in generali, sic erit negatio specialis, & ad dignitatem pertinet; unde faciet notionem Patris, quæ est innascibilitas, quæ significat non esse ab alio, secundum quod est proprietas Patris. Hæc D. Thomas.

24 Sed obijcies 1. quia de ratione notionis est, quod pertineat ad rationem originis, ergo quicquid pertinet ad rationem originis erit notio; sed ad rationem originis pertinet etiam generatio, & spiratio, ergo etiam generatio, & spiratio erunt notionis. Antecedens est certum ex dictis. Prima etiam consequens nota est ex dictis, quicquid enim pertinet ad rationem originis, est ratio cognoscendi personam. Minor subsumpta probatur, quia potentia generativa, & spirativa, sunt principium quo Filij, & Spiritus sancti, & prima est propria Patris, secunda Patris, & Filij, & unaquæque ex illis denotat specialem dignitatem, quæ est in persona, cum sint rationes naturæ intellectuales, ut patet. Resp. distinguendo antecedens. De ratione notionis est quod pertineat ad rationem originis in fieri, & negatur; in facto esse, & conceditur. Cum enim de ratione notionis sit, quod significetur per modum formæ, quæ sit ratio cognoscendi personam, & persona significetur ut forma, aut quasi forma in facto esse, etiam notio significari debet per modum formæ, & in facto esse, non in fieri, & per modum viæ, quo modo significantur generatio, & spiratio.

25 Ex alio etiam capite generatio, & spiratio excluduntur à ratione notionis, quia de ratione notionis, cum sit ratio co-

gnoscendi personam, est, quod dicat in recto aliquid pertinens ad personam, & proprium personæ, non aliquid commune. At dictæ potentia important in recto aliquid commune, licet in obliquo dicant aliquid personale. Potentia namque generativa dicit in recto naturam, & potentia spirativa dicit in recto voluntatem, & solum pro cōnotata afferunt relationes originis. Bene verum est, quod si loquamur de dictis potentijs passivè consideratis, tunc probabile est, quod dicant in recto aliquid proprium, ita quod generatio passiva dicat in recto Filiationem, & spiratio passiva relationem processionis, tamen quia ratione huius, quod in recto dicunt non afferunt aliquam aliam rationem, propriam præter illam quam afferunt relatio Filiationis, & spiratio passiva, ideo non constituunt notionis speciales distinctas.

26 Secundum argum. quia dantur alia notionis positivæ, ultra dictas quatuor, ergo &c. Antecedens probatur, nam Patri convenit esse fontale principium. Deitatis. Filio competit esse imaginem Patris, & Spiritui sancto convenit ratio amoris, & doni, & per omnes istas personæ divinæ cognoscuntur, ergo &c. Resp. negando antecedens. Ad probationem, dico, quod in Patre esse fontale principium deitatis, non est ratio distincta à Paternitate. Pariformiter in Filio ratio imaginis non distinguitur à Filiatione, ut supra vidimus. Nec in Spiritu sancto distinguuntur ratio amoris, & doni à spiratione passiva.

27 Tertium argum. quia non minus Pater cognoscitur per viam eminentiæ, & causalitatis, quam per paternitatem, spirationem activam, & in nascibilitatem; ergo si ob hæc ponuntur tres notionis distinctæ, & per illa duæ alia poni debent. Quod argumentum probat, quod etiam in Filio, & Spiritu sancto dari debeant alia notionis, quibus per viam remotivam, & causalitatis, & eminentiæ cognoscantur. Resp. negando consequens. quo ad secundam partem, nam ratio eminentiæ & causalitatis continentur in paternitate, Quar.

28 Quantum argum. quia non sola innascibilitas, sed etiam aliæ negationes fortiuntur rationem notionis ex his, quæ pertinent negatiuè ad rationem originis; ergo. Antecedens probatur, quia in Filio datur quædam specialis negatio pertinet ad rationem originis, scilicet carentia præsupponendi aliam personam procedentem, cum Filius sit prima persona procedens, hæc autem, vt notum esse videtur, pertinet ad ordinem originis negatiuè, ac proinde constituet notionem specialem. Ideo namq; carentia procedendi ab alio in Patre constituit specialem notionem, quia notificat illum speciali ratione distincta ab illa qua notificatur per Paternitatem. Nam per Paternitatem notificatur in ordine ad Filium, per innascibilitatem notificatur per remotionem anterioris principij, seu notificatur vt primum principium. Ita Filius per Filiationem notificatur per ordinem ad Patrem, & per dictam carentiam notificatur vt primum procedens, per remotionem alicuius procedentis ante ipsum. Resp. quod dicta carentia identificatur cum Filiatione, sicut etiam identificatur cum innascibilitate; nam etiam in Patre datur carentia præsupponendi aliam personam. Vnde non potest esse notio dicta carentia, cum pluribus conueniat, & distingui debebat saltem virtualiter ab innascibilitate. Tum quia dicta carentia non est aliquid distinctum à principio supposito: & potest etiam creaturis adaptari cum creaturæ intellectuales à Deo immediatè productæ dicunt negationem, seu carentiam præsupponendi aliam personam cum procedant à Deo vt vnus est.

29 Sed dices, quod prædicta carentia conueniens Filio, non solum est negatio præsupponendi vtrumque aliam personam procedentem, sed est negatio præsupponendi illam ex quocunque capite; sed huiusmodi negatio est solum propria Filij, ergo. Tum quia hæc negatio competens Filio, ita illi conuenit, vt ei repugnet oppositum; non sic negatio competens creaturis, quibus non repugnat supponere aliam personam procedentem, vt

patet. Resp. concedendo maiorem, & negando minorem; quia sicut Filio competit negatio præsupponendi aliam personam procedentem, quæ extrahat illum à ratione Filij producti, vt ex nullo capite supponatur persona alia procedens; ita creaturæ dicunt talem negationem, vt in ratione effectus ex nullo capite supponant aliam personam, in ratione effectus procedentem. Per quæ patet ad instantiam ex creaturis adductam.

30 Quintum argum. quia non rectè inter notiones numeratur spiratio actiua, etgo, &c. Antecedens probatur; quia notio non debet esse communis, sed debet esse proprietas personalis, sed spiratio actiua non est sic, etgo. Maior constat ex ipsa definitione notionis. Minorem tradit S. Doctor in 1. ad Anibald. dist. 27. art. 1. ad 3. dicens. *Innascibilitas autem est proprietas personæ: sed non personæ: communis vero spiratio nec est proprietas personæ, nec personalis, quia non distinguit aliquam personam ab omnibus alijs.* Quod autem non est proprietas, non potest esse notio, cum nequeat esse ratio propria cognoscendi personam. Tum quia si communis spiratio esset notio, ex eo, quod non conueniat omnibus personis, sed tantum duabus, sequeretur, quod etiam non esse spiritum, esset notio Patris, & Filij, cum non spirentur. Resp. negando antecedens. Ad 1. probationem ex D. Thoma, dico Doctorem Sanctum se ipsum declarare *Opusc. 2. cap. 59. vbi sic habet. Hæc autem quinque notiones, personarum dici possunt, eo quod per eas nobis innoscatur in diuinis distinctio personarum: non tamen hæc quinque possunt dici proprietates, si hoc in proprietatis ratione abseruetur, vt proprium esse dicatur, quod conuenit vni soli: nam communis spiratio Patri, & Filio conuenit. Sed secundum illum modum, quo aliquid dicitur proprium aliquibus per respectum ad aliud, sicut bipes homini, & aui per respectum ad quadrupedem nibi prohibet etiam communem spirationem proprietatem dici: quatenus scilicet non conuenit Spiritui Sancto, licet conueniat Patri, & Filio, ac proinde per respectum ad Spiritum Sanctum potest dici proprietas Patris, & Filij.* Ad

31. Ad 2. probationem, dicendum, quod non esse spiratum, etiam quatenus connotat principium quod ad intra alicuius personæ, non potest constituere specialem notionem distinctam ab enumeratione, licet sic determinatum conveniat soli Patri, & Filio; quia ratione illius carentiæ non notificat illos aliqua ratione speciali secundum quam non notificentur per spirationem actiuam. Cum enim hoc, quod est esse spiratum relativè opponatur spiranti, & quævis ratio tribuens alicui se ipsam, tribuat etiam eidem, quod ratione illius non sit suum oppositum, sed potius ab illo distinguatur, eiq; opponatur, sequitur, quod spiratio activa tribuat Patri, & Filio, quod nõ sint spirantes, per modum quasi effectus secundarij. Tum quia non esse spiratum, sicut & non esse genitum, est veluti ratio partialis notionis Patris scilicet innascibilitatis, quia hæc dicit carentiam omnis processiois, & in hoc includitur carentia procedendi per generationem, aut spirationem.

32. Sextum argum. quia falsum est, quod innascibilitas pertineat solum negativè ad ordinem originis, & quod nihilominus dicat aliquid pertinens ad dignitatem personalem, quod est de ratione notionis; ergo &c. Antecedens probatur, nam hoc ipso, quod dicta innascibilitas pertineat tantummodo negativè ad ordinem originis, non potest dicere aliquid positivum, aliàs non perzineret tantum negativè; negatio autem non affert dignitatem, sed remouet positivum, quod est dignitas, & perfectio; ergo. Tum quia si semel innascibilitas, non dicit aliquid positivum, sed tantum carentiam, tunc talis carentia non erit per modum puræ negationis, quia sic conveniret tantum enti, quam non enti, ac proinde non esset propria notio Patris, sed debet sumi per modum privationis, & per consequens non solum non dicit dignitatem personalem, sed potius ponet imperfectionem in eo in quo est; privatio namque est illius, quod natum est haberi, & non haberi.

33. Vasquez in presenti disp. 140. cap.

3. ad hoc argum. sic respondet, quod innascibilitas de formali, & expresso significato importat negationem, aut privationem: materialiter tamen, sed directè significat quandam dignitatem, & rationem positivam Patris, scilicet rationem primi principij. Deinde subdit quod hæc ratio, sit relatio positiva, non realis, sed rationis, constitutiva tamen Patris, ut dicit disp. 159. capite 5. & 7. Per materiale autem significatum, & directum, non intelligit fundamentum talis negationis, vel privationis, quod in obliquo connotatur per nomen innascibilitatis, sed intelligit ipsam positivam relationem primi principij à paternitate distinctam; hanc solutionem putat esse ad mentem D. Tho. q. seq. art. 4. ad 1. ubi videtur dicere, quod esse ingenerum, seu innascibile sit aliquis modus positivus, quem circumscribimus per negationem, aut privationem, sicut est quid positivum ille modus quem circumscribimus per negationem, aut privationem in definitione puncti. Quocirca Sancti Patres frequenter asserunt, quod esse ingenerum non significet substantiam Patris, sed modum existendi, vel subsistendi illius, qui non potest esse alius, quàm subsistere, vel existere per modum principij formalis. Tum quia esse in se, est modus positivus substantiæ quo subsistit; ergo etiam esse à se, erit modus subsistendi positivus in Patre; ac subinde innascibilitas dicens hunc modum, erit aliquid positivum. Tum etiam quia in Filio esse à se, est aliquid positivum, ergo etiam esse à se, erit aliquid positivum, cum non sit minoris dignitatis esse à se, quam esse ab alio. Tum denique quia esse à se, non videtur aliud dicere, quam habere sufficientiam subsistendi sine alio, sed hoc est aliquid positivum, ergo innascibile cum dicat habere sufficientiam subsistendi, erit aliquid positivum.

34. Verum hæc solutio Vasquez est contra clarissimum Ecclesiæ lumen 5. de Trin. cap. 7. ubi multis ostendit, quod nomen ingenerum, seu innascibile, nil aliud significat nisi negationem, seu carentiam passivæ generationis, & quod Pater, non habet

habet genitorem, seu principium à quo procedat. Hoc etiam docuit Concil. Tolet. XI. N. S. P. Cyrillus *Thesauri cap. 2. & 3. & lib. 11. cap. unico.* S. Basilus *lib. 5. contra Eunomium,* & S. Epiphanius *hæres. 73.* Est etiam dicta solutio contra Doctorem Angelicum, ut fusè ostendunt N. Salmant. *hoc loco.*

35 Est etiam dicta Vasquez solutio contra rationem. Nam ratio fontalis principij diuinitatis, quæ est in Patre, nec comparatur ad speciales rationes principij generatiui, & spiratiui existentis in eodem Patre, eo modo, quo id, quod est commune per modum rationis essentialiter superioris, comparatur cum suis inferioribus. Neque illo modo, quo ratio composita, & integrata tanquam totum, aut quasi totum actuale ex pluribus rationibus comparatur eum eis; neque tandem eo modo, quo plures rationes specificæ, & atomæ, & singulares ex æquo distinctæ inter se comparantur, aut conferuntur; ergo nec comparatur cum eis per modum alicuius positiui. Consequenter constat, quia si prædicta ratio esset aliquid positiuum, conferretur cum alijs duabus rationibus principij per generationem, & spirationem aliquo ex tribus modis in antecedenti positis, ut consideranti patebit. Antecedens probatur, quia ratio formalis principij non conuenit cuius ex peculiaribus rationibus principij in Patre existentibus, quia Pater ut est principium spirandi non est fontale principium diuinitatis, aliâ setiam Filius cui conuenit eadem ratio principij spiratiui, esset fontale principium diuinitatis. Deinde dato, quod ratio principij fontalis compararetur eum illis peculiaribus rationibus in Patre existentibus, non idèò ratio illa, constitueret notionem specialem, quia ratio sic communis non ponit in numero cum rationibus particularibus, nec est idonea ad constituendam notionem specialem.

36 Probatur idem antecedens quoad secundam partem, quia hoc quod est esse fontale principij diuinitatis *ut quod,* non conuenit Patri ratione spirationis

actiue, sed præcisè ratione Paternitatis. Tum quia dato, quod ratio principij *quod* diuinitatis cõueniret Patri ratione vniufque relationis, & dictum principium dicar eas simul sumptas, non tamen inde sequeretur, quod fontale principium diuinitatis diceret in Patre aliquam notionem specialem, sed solum quod diceret duas notiones Paternitatis, & Filiationis, quia tunc ad summum intelligerentur munerata inuadæquata, quæ non habent constituere diuersas notiones, ut patet.

37 Probatur demum idem antecedens quoad tertiam partem, quia tunc ratio fontalis principij *quod,* nec diceret in recto aliquid absolutum, alioquin non constitueret specialem notionem; nec tribueret rationem principij *quod* ad intra, quia hæc ratio dicit oppositionem, & distinctionem cum eo, quod dimanat *ut quod,* à tali principio: nec tandem posset esse aliquid relatiuum distinctum ex æquo à Paternitate, & spiratione; nam si illud relatiuum esset aliquid reale, & specificè atomè distinctum virtualiter à Paternitate, & spiratione, darentur in diuinis quinque relationes reales, contra cõmunem Theologorum sententiam. Quod si dicatur esse relationem rationis, tunc cum relatio rationis nequeat esse constitutiva personæ diuinæ, nec possit tribuere rationem principij fontalis, quæ verè, & realiter conueniat Patri, oportet ut hæc relatio habeat fundamentum in Patre, & quod ratione talis fundamenti hoc tribuat Patri, secundum quod dictum fundamentum distinguitur à Paternitate, & spiratione. Quare, eum hoc fundamentum nequeat esse quid absolutum ob rationem supradictam, debet esse aliquid relatiuum, virtualiter, & specificè à Paternitate, & spiratione distinctum, ac subinde dabantur in diuinis quinque relationes.

38 Confirmatur 1. quia ratio principij fontalis solum potest dicere, vel rationem principij omnium diuinarum processionum, vel quod tale principium non sit ab alio, prout non esse ab alio dicit in recto solâ negationem essendi ab alio,

Ccc vel

vel talem modum essendi ex quo sequatur prædicta negatio; sed ob has rationes positiuas non potest constituere in recto notionem specialem. Ergo illam in recto constituet ratione prædictæ negationis. Maior nota est, quia quod non est principium processionum diuinarum, non potest esse principium diuinitatis. Deinde, quod est ab alio, non potest esse principium omnium processionum, aliàs esset principium suæ processionis; ergo ad rationem fontalis principij desideratur, quod sit principium omnium processionum, & quod non sit ab alio. Minor quoad primam partem constat, quia hoc quod est esse principium omnium processionum si constitueret notionem ab alijs distinctam, deberet asserre hanc prout dicit rationem principij superiorem omnibus diuinis, sed hæc non potest esse notio specialis, ut patet, ergo, &c. Quod autem neque possit constituere specialem notionem, ex eo, quod dicat talem modum essendi ex quo sequatur talis negatio, etiam constat, quia ille modus essendi non distinguitur à Paternitate, nisi ex parte nostri modi concipiendi; quia Paternitas ex vi suæ linæ habet hunc modum essendi, ex quo sequitur prædicta negatio, ut postea dicetur. Tum quia illud positium debet esse relatiuum reale, quia debet esse ratio propria; in Patre autem non est ratio positia relatiua realis, nisi Paternitas, & spiratio.

39 Confirmatur 2. quia si innascibilitas solum diceret in recto negationem; non posset dicere aliquid pertinens ad dignitatem; neque relatio rationis formaliter sumpta potest dicere aliquid spectans ad dignitatem; non enim est maioris dignitatis relatio rationis, quam realis negatio; ergo si realis negatio non dicit aliquid dignitatis, ut innuit Vasquez, neque relatio rationis, ac proinde non poterit esse notio.

40 Neque, quæ pro se adducit Vasquez, ei faveat. Non testimonium D. Tho. Nam in definitione puncti, quod sit *cuius pars non est*, aliud est definitum proximum, aliud rethotum. Definitum proxi-

imum, immediatum, & directum, est illud concretum accidentale, quod in recto dicit carentiam partium, & in obliquo entitatem puncti; & definitum remotum est ipsa entitas puncti. Pariformiter, dum, quasi definimus Patrem ut innascibilem, per hoc, quod *non sit ab alio*, est duplex significatum, proximum, & remotum. Proximum, est concretum illud adiectiuum, quod in recto dicit prædictam carentiam, & in obliquo Paternitatem; remotum verò est ipse Pater. Tantum ergo vult S. Doctor, quod scilicet, sicut punctus non significat immediatè quid positium, sed solum in obliquo, loquendo de significato proximo, ita innascibile, &c. Non Sancti Patres; quia per modum existendi, vel subsistendi, intelligunt illam conditionem propriam Patris, consistentem in illa negatione essendi ab alio; propterea dicunt, quod hoc nomen *ingenitum*, potius importat, quid Pater non sit, quàm quid sit.

41 Ad 1. probationem conceditur antecedens, & negatur consequens. Ratio discriminis est, quia esse in se, seu esse per se, dicit in Patre ut tali subsistentiam eius relatiuam, cui correspondet terminus positius, nempe Filius; at innascibilitas, quæ est propria Patris, non habet aliquem terminum positium, quem respiciat, ac proinde non potest consistere in aliquo, quod sit relatiuum in Patre, sed consistit in aliquo Patris proprio; quod est *negatiuum*. Ad 2. probationem dico, verum esse, quod in Filio esse ab alio sit aliquid positium, non tamen esse à se in Patre. Vnde conceditur maior, & negatur minor, intellecta de esse à se quoad id, quod constituit in recto notionem specialem: Nam secundum hanc rationem solum dicit aliquid negatiuum, licet hoc negatiuum denotet eandem personalem dignitatem, quam Filius. Non quia eam ponat ex vi sui significati directi, sed quia ex vi suæ est proprietas negatiua personæ, ac proinde hoc modo innuit dignitatem personalem, non qualemcumque, sed eam quam innuit Filius, quia hæc sumitur ex dignitate naturæ intellectualis. Ad 3. probationem, dico, quod esse à se formaliter, aut in recto,

Deo, non dicit habere sufficientiam subsistendi sine alio, sed dicit, hoc, quod est, non esse ab alio, seu esse sine alio, à quo procedat.

42. Secundò respondet Aureolus ad argu. n. 32. propositum, quod *ingenitum*, aut *innascibilis*, dicat aliquid negatiui in re Deo, supponit tamen, vel connotat aliquid positiuum ex vi sua, scilicet diuinam essentiam, tanquam proprium ipsius fundamentum, ac proinde dicit aliquid pertinens ad dignitatem. Nam eo ipso, quod essentia diuina per se, & ab intrinseco, ac intra propriam lineam habet, quod non sit ab alio, sed à se, erit proprium, & peculiare fundamentum innascibilitatis, quæ dicit negationem essendi ab alio. Tum quia esse creatum dicit relationem ad Deum, ac esse increatum, non dicit relationem, sed essentiam, prout est fundamentum non essendi ab alio. Pariformiter esse productum in Filio dicit quid pertinens ad ordinem originis, ac esse improductum non dicit aliquid pertinens ad ordinem originis, sed ad ordinem essentiae, ac proinde essentia erit proprium fundamentum dictæ negationis.

43. Cœterum hæc solutio in primis est contra D. Thomam q. 40. art. 2. ad 3. ubi dicit, quod remota Paternitate, non manet in Patre ratio ingeni. Si autem ratio ingeni fundaretur in essentia, maneret sublata Paternitate. Tum quia negationes conuenientes ratione essentiae tanquàm proprii fundamenti illarum, conueniunt omnibus personis, cum in omnibus illis reperitur fundamentum dictarum negationum. At innascibilitas soli Patri conuenit, ergo. Nec ea quæ pro Aureoli sententia adducuntur, ei profunt. Non primum, quia ramens diuina essentia non sit per generationem producta, tamen communicatur, sicut & per spirationem. At innascibilitas dicit negationem, seu carentiā omnis processionis, ac proinde etiam carentiam communicabilitatis passivæ. Non secundum, quia esse creatum in creaturis solum dicit negationem ad Deum, tanquam ad causam; ita esse increatum non negat relationem diuinarum perso-

narum inter se, sed solum relationem earundem ad principium extrinsecum, habens veram rationem causæ, quod etiam conuenit diuinæ essentiae. Vtrum esse productum, est commune omni productioni & esse improductum non tantum negat relationem ad principium extrinsecum, sed etiam realem relationem personarum procedentium ad intra; & ita dicit aliquid negatiuum relationum quod sit proprium Patris, non essentiam.

44. Tertiò respondet alij concedendo, quod directum significatum ingeni, seu innascibilis, siue in abstracto, siue in concreto sumpti, sit aliquid negatiuum; tamè proprium fundamentum, quod supponit, & connotat, non est sola Paternitas, sed Paternitas, & spiratio actiua. Sed contra, quia sola Paternitas constituit sufficientem fundamentum prædictæ negationis; ergo. Antecedens ostenditur; nam sola Paternitas constituit suppositum, quod est sufficiens principium quod primæ processionis; ergo etiam constituit sufficiens fundamentum innascibilis ut talis, prout dicit aliquid negatiuum. Antecedens constat, certum namque est, quod sola Paternitas constituat principium quod generationis, quæ est prima processio. Consequenter etiam constare videtur, quia ratio illa positiua à qua Pater habet esse ante omnem originem, est fundamentum sufficiens ad tribuendam illi, quod non sit ab alio; aliis non tribueret illi, quod haberet esse ante omnem originem. Ac proinde si Paternitas constituit Patrem in ratione principij primæ processionis, constituit etiam illum in ratione fundamenti sufficientis prædictæ negationis tribuentis illi, quod non sit ab alio.

45. Tum quia ratio principij ut includit rationem principij generatiui, & spiratiui, non tribuit Patri, quod sit innascibilis, seu quod fundet prædictam negationem; ergo hoc habet à sola Paternitate. Antecedens probatur; nam ratio principij spiratiui conuenit etiam Filio, cum tamen non sit innascibilis. Deinde licet Pater per impossibile non esset principij Spiritus Sancti per spirationem, adhuc

tamen non esset ab alio; quin adhuc nulla esset persona à qua procederet; vnde adhuc esset innascibilis. Tum etiam quia in illo priori in quo intelligimus Patrem vt principium Filij per generationem, intelligimus eum vt innascibilem; ergo ratio Paternitatis constituit fundamentum sufficiens innascibilitatis. Consequenter constat, si enim in illo priori in quo intelligimus Patrem esse principium Filij, intelligimus eum esse innascibilem, cum pro tunc non intelligatur ratio spirationis, sequitur; quod innascibilitas non fundetur in ratione spirationis. Antecedens ostenditur, quia in illo priori intelligimus Patrem habere suum esse personale, sed non intelligimus illud habere ab alio; ergo à se.

46 Ad argumentum ergo n. 32. propositum resp. negando antecedens. Innascibilitas namque in recto sumpta pertinet ad ordinem originis negatiue, ac proinde in recto tantum dicit aliquid negatiuum, connotando tamen Paternitatem. Hinc tamen non sequitur, quod non dicat, vel non ponat dignitatem personalem. Non enim dicimus dictam negationem pertinere ad dignitatem personalem, quia in recto dicat aliquid positium, vel quia hanc afferat qua negatio est, sed qua talis est, seu quæ est negatio talis conditionis vt afferat pro fundamento dignitatem personalem; scilicet Patris personam. Vnde innascibilitas in recto dicit negationem pertinentem ad personam, & eam pro fundamento afferentem. Pater namque & habet proprietatem positivam, & negatiuam consistentem in remotione, & illam peculiariter denotantem. Quocirca sicut illa pertinet ad Patrem, & est illius notio, ponendo aliquid in recto: ita & ista remouendo in recto, & eo ipso ponendo in sensu dicto dignitatem. Per quæ patet ad 1. probationem. Ad 2. dico, quod prædicta innascibilitas, prout est notio Patris, non est per modum puræ negationis, prout pura negatio non determinat sibi aliquid fundamentum speciale, sed est per modum negationis determinantis sibi prædictum fundamentum, seu determinat ad aliquid quod quasi subiectum; vnde est simpliciter

ter negatio, & secundum quid priuatio; vt consideranti parebit.

47 Septimum argum. est contra id, quod ex D. Thoma diximus, quod innascibilitas est negatio magis contracta, & paucioribus conueniens, scilicet soli supposito naturæ intellectualis, seu soli personæ, ex eo, quod dicit carentiam habitus vniuersalioris, nempe cuiusvis generis processionis ab alio, secus verò non spiratum, quia dicit carentiam habitus minus vniuersalis, scilicet procedendi ab alio per spirationem. Nam vel loquimur de carentia omnis processionis, prout dicit puram, & pudam carentiam absolute sumptam, & hoc non, quia sic conuenit tam enti, quam non enti; nam non ens non procedit per realem processionem. Vel loquimur de prædicta carentia vt est determinata ad aliquod quasi subiectum reale, & vt præsupponit fundamentum reale ad se ipsum; & sic tam innascibilitas, quam non esse spiratum conueniunt soli supposito naturæ intellectualis; si quidem non esse spiratum, vt fundamentum in Filiatione diuina, & vt quasi determinat hoc quasi subiectum, non potest non competere personæ diuinæ, & inquirere dignitatem personalem, sicut etiam eam significat innascibilitas; ergo quod innascibilitas conueniat soli personæ, non prouenit ex eo, quod neget, vel non neget habitum vniuersaliorum, sed ex eo, quod dicat dictam negationem, vt fundatum in personalitate diuina, ac proinde si ob hanc rationem innascibilitas est notio, etiam non esse spiratum in Filio erit notio.

48 Tum quia ex hoc, quod innascibilitas remoueat habitum vniuersaliorum non sic non esse spiratum, non colligitur, quod innascibilitas sit negatio specialior, & non esse spiratum, vniuersalior; ergo &c. Antecedens probatur, quia carentiæ specificantur per habitus; ergo carentiæ remouentes habitus vniuersaliores, erunt magis vniuersales, & è contra, carentiæ habitus specialioris, erit carentia specialior. Tum quia innascibilitas, vt est notio Patris, idem est, ac non esse genitum, aut non esse Filium, vt docet S. Doctor q. seq.

seq. art. 4. ex Ecclesiæ lumine; ergo non remouet habitum, aut formam vniuersalissimam, scilicet, omnem processionem ab alio, sed tantum specialem modum procedendi; scilicet per generationem; ergo non benedictum est, quod innascibilitas sit carentia specialior, quam non esse spiratum.

49 Respon. concedendo antecedens quoad secundam partem, quod scilicet hic loquamur de innascibilitate, non ut habet rationem negationis absolutæ, sed determinatæ ad aliquod quasi subiectum speciale, & præsupponentis fundamentum determinatum, scilicet Paternitatē; ita tamen quod *ly determinata* non accipiat in sensu reduplicatiuo, sed specificatiuo, denotante conditionem requisitam. Cum hoc tamen fiat, quod differentia assignata ex D. Thoma inter innascibilitatem, & non esse spiratum, recte procedat; nam innascibilitas determinata habet negationem specialem, quia conuenit soli supposito naturæ intellectualis, seu soli personæ diuinæ, nempe Patri. At non esse spiratum, determinatum ad Filium, & præsupponendo Filiationem tanquam fundamentum huius negationis, non habet secundum id, quod dicit in recto esse specialem negationem, determinatam ad suppositum intellectuale, sed solum hoc habet ratione obliqui, seu fundamenti, aut quasi subiecti. Vnde illa carentia ex vi sua denotat personalem dignitatem, non ista. Et ratio est, quia illa carentia habet ex se, & principaliter denotare dignitatem personalem; connotando aliquid positium proprium suppositi naturæ intellectualis, quæ negat rationem vniuersalissimam, non illa quæ hanc non negat. Sola autem innascibilitas eam negat, non esse spiratum, ut ostendit D. Thomas in eius verbis supra relatis; ergo.

50 Ad 1. probationem n. 48. relatum dico negandum esse antecedens, quia, hoc ipso, quod aliqua negatio remoueat habitum vniuersaliozem, debet habere oppositum prædicti habitus, ac proinde debet esse carentia specialissima. Quocir-

ca rationes motus, & peccati sunt rationes satis vniuersales, continentes sub se plures species, & tamen immobile, quod importat priuationem omnis motus, est vnica indiuisibilis ratio, soli Deo conueniens. Et innocentia, ut dicit immunitatem ab omni peccato, est vnus atomus speciei. Ita licet ratio processionis sit generica, aut quasi generica, & sub ea contineantur plures rationes specificæ, seu plures processionem, tamen omnimoda negatio omnis processionis, est vnica ratio specialis, & specialiter quàm aliæ negationes, negantes tantummodo peculiare processionem. Ad 2. probationem dicendum, quod innascibilitas sumi potest dupliciter, vel prout est idem ac non genitus, aut non Filius, ut tradunt D. Aug. & D. Tho. loco cit. vel prout est idem ac non procedens vilo genere processionis. In primo sensu largo loquuntur Aug. & Thomas loco citato, non in secundo, de quo nos hoc loco cum illis loquimur, & sic explicat, & tenet idem S. Doctor in 1. dist. 28. q. 1. art. 1. ad 4.

Summary Quæst. 33.

Incipit Angelicus Doctor ab hac quæstione agere de personis in speciali, postquam egit hucusque de personis in communi. Et primò agit de persona Patris, de qua tria demonstrat, scilicet, quod sit principium, quod sit Pater, & quod sit ingenuus. In art. 1. ostendit, quod Pater sit principium, quia ab eo aliæ personæ procedunt; non tamen habet rationem causæ, quia non habet diuersitatem substantiæ, nec aliæ personæ ab ipso habent dependentiam, sed originem. In 2. art. ostendit esse proprium primæ personæ, quod sit Pater, quia paternitate constituitur, ab alijsque fecerunt; cum solus ipse generet. Nihil autem est tam proprium alicuius, quàm id quo ab alijs distinguitur. In art. 3. ostendit nomen paternitatis principaliter, & prius dici de Patre secundum quod dicitur relatiuè ad personam Filij, quam secundum quod respicit creaturas, respectu qua-

quarum dicitur auctor, & Pater. Propriissimè tamen dicitur Pater respectu termini geniti, qui est Filius. In art. 4. ostendit, quod esse ingenuum est proprium Patris, secundum quod ly *ingenuum* di-

cit negationem cuiuscunque processionis ab alio, ita quod designatur esse principium sine principio notionaliter. Verum ista omnia iam explicata sunt disput. precedenti, unde ad alia procedendum est.

DISPUTATIO XXXIII.

IN QVAEST. XXXIV. D. THOMAE

DE PERSONA FILII.

IN AEC 34. quaestio habet tres articulos, in primo art. inquit S. Doctor an Verbum in diuinis dicatur notionaliter, seu relatiuè, an essentialiter, seu absolute; & respondet, quod Verbum propriè sumptum, scilicet pro conceptu cordis dicto, dicitur relatiuè ad dicentem, & sic personaliter, non essentialiter se habet, at intelligere dicitur essentialiter. In 2. art. ostendit, quod nomen Verbi, est proprium Filij in diuinis, quia Verbum propriè, & personaliter dictum, est per emanationem intellectus: Filius autem in tantum est Filius, in quantum generatur, & emanat per intellectum. In 3. art. ostendit Verbum sic respicere Patrem ut dicentem reali respectu, quod est expressum omnium, & factum cunctorum.

DUBIUM I.

An Verbum diuinum procedat ex cognitione omnium, quae sunt formaliter, & necessario in Deo.

Prima sententia est, quod Verbum diuinum procedat tantum ex cognitione diuinæ essentiae, non verò ex cognitione personarum. Hanc tenet Secunda in 1. dist. 32. q. 1. & in 2. dist. 1. q. 1. & quodlib. 14. Secunda sententia est,

quod Verbum diuinum procedat ex cognitione diuinæ essentiae, attributorum, & Personæ Patris, ac eiusdem Verbi, non tamen ex cognitione Spiritus sancti, sed Spiritus sancti cognitio solum concomitanter se habeat ad illam processionem; non tamen ut per se petita, & per locum intrinsecum ad dictam processionem. Sic Vasquez in *praedicta* disp. 142. cap. 4.

3. Nostra sententia sequenti concl. explicatur. *Verbum diuinum procedit ex cognitione omnium, quae sunt formaliter, & necessario in Deo.* Ita S. Doctor art. 3. *huius q.* quatenus dicit, quod Verbum diuinum est expressum omnium, etiam creaturarum. Et 2. art. *eiusdem q.* dicit. *Pater enim intelligendo se, & Filium, & Spiritum sanctum; & omnia alia, quae eius scientia continentur, concipit Verbum, & sic tota Trinitas Verbo dicitur, ut etiam omnis creatura.* Alij eiusdem S. Doctoris testimonia referunt N. Salmant. Qui eandem conclusionem colligunt ex N. Nazianzeno, Augustino, Athanasio, Basilio, Fulgentio, Anselmo, & ex N. Cyrillo. Et tradunt omnes discipuli D. Thomae, N. Cornexus, & alij hoc loco.

4. Probatur conclusio; nam Verbum diuinum procedit ex cognitione Paterna; ergo procedit ex cognitione omnium quae sunt formaliter in Deo. Antecedens constat, nam Verbum diuinum, non potest aliunde procedere quam ex cognitione.

Patris, quæ connotando Paternitatem est dictio, & productio Verbi. Conseq. probatur, quia cognitio Paterna indiuisibiliter, & necessariò terminatur ad omnia, quæ sunt formaliter in Deo; eadem namque indiuisibilis cognitio, vno, simplicissimoque intuitu ad omnia prædicta indispenfabilitè fertur, ac proinde si Verbum diuinum procedit ex cognitione Paterna, etiam procedet ex cognitione omnium; quæ sunt formaliter in Deo.

5 Confirmatur 1. quia Verbum diuinum procedit ex cognitione diuinæ essentia; ergo etiam procedet ex cognitione omnium ad quæ diuina essentia extenditur; sed extenditur ad omnia illa, quæ sunt in Deo formaliter; ergo. Antecedens constat. Prima conseq. nota est; implicat namque, quod diuina essentia, clarè, & quidditatiuè cognoscatur, nisi cognoscantur omnia ad quæ eadem diuina essentia extenditur, seu terminatur. Minor etiam subsumpta constat, notum namque est, quod diuina essentia terminetur, & sit connexa cum omnibus in ipsa formaliter existentibus.

6 Confirmatur 2. quia intellectio productiua Verbi diuini, est intellectio essentialis, & primordialis, in qua essentia diuina consistit; sed hæc terminatur ad omnia, quæ formaliter, & necessariò in diuinis reperiuntur; ergo. Maior constat, quia Verbum diuinum procedit ex cognitione per quam illi ex vi processionis communicatur natura diuina, aliàs eius processio non esset generatio; sed diuina natura non communicatur nisi per intellectionem essentialē, primordiale, & in qua ipsa consistit; ergo. Minor probatur, quia intellectio primordialis, in qua natura diuina consistit, debet esse intellectio summè perfecta; sed non esset summè perfecta si non terminatur ad ea omnia, quæ sunt formaliter, & necessariò in Deo; ergo. Tum quia ideò scientia diuina est perfectissima, quia terminatur ad omne scibile, ac proinde ad cognoscendum omnia, quæ sunt formaliter, & necessariò in Deo; ergo cum diuina intellectio primordialis,

seu diuinum intelligere sit perfectissimum debet terminari ad cognoscendum omnia quæ sunt formaliter, & necessariò in Deo.

7 Respondent ex Scoto, quod licet intellectio Paterna in eodem instanti reali æternitatis terminetur ad omnia quæ sunt in Deo formaliter, & necessariò, non tamen pro omni signo rationis. Ac proinde in illo signo in quo datur cognitio Patris ex qua Verbum diuinum procedit, illa cognitio non terminatur, nisi ad essentiam. In illo namque signo Filius non intelligitur productus, cum in illo signo intelligatur Pater vt prior origine Filio. Sicut enim in illo signo in quo essentia est prior prioritate virtuali, siue secundum rationem, quam Paternitas, quæ ab illa, per virtualem dimanationem dimanat, non intelligitur dimanata, ita cognitio Paterna in illo priori non intelligitur terminari ad Filium, nec ad ipsam Patris personam, vt talem cum nequeat intelligi non intellecto Filio, idem dicitur de Spiritu Sancto.

8 Sed contra, quia licet Pater sit prior ordine originis Filio, & vterque Spiritu sancto, & essentia sit prior ipsa Paternitate prioritate virtuali, non tamen prioritate rei, seu instantis, sed sunt simul in eodem instanti, seu in eodem signo *in quo* etiam rationis, ergo omnia cognoscuntur per cognitionem Paternam cognoscet quidem quod Pater est id, à quo Filius realiter procedit, & Filius in illo signo *in quo*, intelligitur vt realiter procedens; idem dic de Spiritu Sancto, & de Paternitate à diuina essentia dimanante, quod licet vtrumque cognoscatur, tamen essentia cognoscetur vt est id à quo Paternitas dimanat, & Paternitas cognoscetur, vt id quod dimanat.

9 Tum quia, quod in diuinis personis sit ordo originis, sicut non tollit ab illis, quod sint formaliter relatiue, ita non tollit quod non sint simul natura, & cognitione; quæ autem sunt simul natura, & cognitione ita se habent, quod vnum non cognoscatur sine alio; ergo. Deinde ex hoc, quod Paternitas dimanet ab essen-

essentia, non tollet quominus non sint simul in eodem signo *in quo*; ergo non tollet quominus simul non cognoscantur. Maxime quia Paternitas præexistit in Patre, & est modus specialis essentia, ratione cuius habet modum specialem, subsistendi, ac proinde nequit cognitio Paterna terminari ad essentiam, quin terminetur ad Paternitatem. Sicut cognitio Angelica non potest terminari ad propriam essentiam, quin terminetur ad modum, subsistendi illius.

10. Tum etiam quia ordo originis, & prioritas originis ex alio capite desumitur, ac ordo instantium, & signorum *in quo* etiam secundum rationem. Nam prioritas originis tantum attenditur penes hoc, quod ille qui dicitur esse prior sit talis conditionis, ut ab illo sit alius; ac prioritas *in quo*, si est realis, petit quod vnum sit sine alio in aliquo instanti reali; si verò sit rationis, petit, quod licet utriusque sit simul in eodem instanti reali; tamen id, quod dicitur prius *in quo* in signo rationis, non dicit esse necessariò, & essentialiter connexum cum eo, respectu cuius dicitur prius. Si namque fuerint essentialiter, & necessariò connexa, ut de ratione vnius sit, quod aliud ab eo actualiter fluat, non poterit vnum eorum esse prius alio in aliquo signo *in quo* etiam rationis, ut patet in creaturis, v.g. in materia prima considerata ut actu causante formam; nam secundum istam considerationem non potest assignari aliquod signum *in quo* etiam secundum rationem, in quo sit sine forma; nam nequit intelligi materia, ut actu causans formam, sine ipsa forma. Cum autem sit de conceptu quidditativus divinæ essentia, ut sit fons actualissimus ex quo per virtualem diminutionem fluit Paternitas, sequitur, quod non dabitur signum *in quo* possit essentia cognosci, sine Paternitate. Pariformiter cum sit de conceptu quidditativus potentia generativæ Patris, quod sit ipsa actualis Verbi generatio: nullum dabitur signum *in quo* cognosci possit Pater sine Verbo: idem dic de Patre, & Filio respectu Spiritus sancti; & sic nequibit cognosci es-

sentia sine Personis, nec vna persona sine alia.

11. Tum deinde, quia quævis prioritas tantum excludit similitudinem illi oppositam, sed prioritas originis personarum solum in hoc consistit, quod vna sit ab alia, ergo tantum excludit similitudinem oppositam, quod scilicet vna non sit ab alia, non verò, quod vna sit quando est alia, modo tunc vna sit ab alia.

12. Confirmatur 1. quia divinæ personæ, & earum processiones, non obstante ordine originis inter ipsas, mensurantur æternitate tamquam mensura propria; sicut & omnia, quæ sunt formaliter in Deo; ergo nequeunt in aliquo signo *in quo* esse posteriores divinæ essentia, neque ad invicem, ergo non post vna sine alia cognosci, neque essentia sine personis. Antecedens constat. Consequenter probatur; quia sicut æternitas, ex eo, quod est duratio, quæ maior excogitari non potest, extenditur ad ambiendam omnem durationem, & omnia signa illarum in rebus fundata: ita id, quod eadem æternitate mensuratur tamquam propria mensura id ipsum habet; ac proinde nulla erit duratio, nullumque signum rationis in rebus fundatum, in quo non sit, aut in quo intelligatur non esse; aliàs in illo signo intelligeretur ut possibile, aut ut futurum, ac proinde, ut non habens omnimodam immutabilitatem. Tum quia, sicut id, quod est immensum debet, quantum est de se, esse præsens omnibus, & quibuscumque locis, eorumque indinabilibus, quocumque modo consideratis cum fundamento in re: ita quod est æternum æternitate increata, tamquam mensura propria, debet esse actu præsens saltem quantum est de se, cuius alteri rei duranti pro quavis duratione, & pro quovis signo illius, quædoquidem non est minus infinita immensitas, quam æternitas; & è diverso.

13. Confirmatur 2. quia ordo originis non tollit, sicut nec diminutio, quominus Verbum debeat procedere ex cognitione comprehensiva divinæ essentia; ergo neque tollit, quod in quocumque

signo *in quo* intelligitur diuina essentia, intelligantur personæ. Conseq. constat, quia non potest dari cognitio comprehensua Dei nisi terminetur ad omnia, quæ sunt in Deo formaliter, & necessario. Antecedens etiam constat, quia ordo originis non tollit quominus Verbum diuinum sit perfectissimum omnium excogitabilem; ergo nec quod procedat per perfectissimam cognitionem, quæ ex cogitari potest, scilicet per cognitionem, comprehensiuam, & primordiale.

14 Dices ex Scoto, quod cognitio Verbi diuini productiua, sit tantum comprehensua Dei secundum ea, quæ ei conueniunt in illo signo; hæc autem tantum sunt diuina essentia, & ad summum attributa, non personæ. Sed contra, quia ut iam dictum est, quicquid competit Deo, debet esse in eodem signo *in quo*, etiam secundum rationem cum *fundamento* in re; ergo, &c. Tum quia de ratione Verbi perfectissimi omnium excogitabilem est, ut procedat per cognitionem comprehensiuam, & perfectissimam inter omnes excogitabiles; sed non potest esse talis nisi attingat essentiam, & omnia quæ in illa sunt formaliter, & necessario, ergo. Tum etiam quia essentia diuina pro nullo priori comprehenditur potest, nisi cognoscatur ut fecunda per intellectum, & voluntatem per modum actus; sed nequit hoc modo comprehensiuè cognosci, nisi intelligantur termini talis fecunditatis, scilicet personæ diuinæ, ergo. Tum denique, quia repugnat, quod cognitio Paterna ex qua Verbum procedit non terminetur ad Patrem tamquam ad obiectum cognitum. Cum enim Verbum ex vi suæ processions, procedat modo intellectuali, & ut imago Patris, non potest non procedere ex cognitione eiusdem Patris. Nam imago alicuius, intellectuali modo procedens, non potest non procedere ex cognitione eius, cuius est imago. Si autem cognitio Patris desideratur ad processionem Filij tamquam obiecti, non potest non eodem modo per modum obiecti, desiderari cognitio Filij, cum nequeat intelligi Pater sine Filio, & ista-

rum personarum cognitio, sine cognitione Spiritus sancti, cum relatiua sint simul cognitione.

15 Respondet Vasquez ad argumentum n. 4. adductum, quod per cognitionem Paternam cognoscantur omnia, quæ formaliter, & necessario sunt in Deo, sed concomitanter, ita ut non cognoscantur ratione productionis Verbi, sed ex alijs capitibus. Nam dicta cognitio Paterna, ut terminatur ad essentiam, & personam Patris, & Filij, est per se necessaria, & requisita ad productionem Verbi non autem prout terminatur ad personam Spiritus sancti; hoc enim modo solum concomitanter se habet ad productionem Filij. Vnde licet per impossibile non esset Spiritus sanctus, antequam cognoscerentur per illam cognitionem Paternam; adhuc daretur Verbi generatio.

16 Sed contra, quia Verbum diuinum procedit formaliter, & non tantum, concomitanter ex cognitione Patris, & Filij tamquam obiecti cogniti, ex eo, quod procedit ex cognitione formaliter comprehensua Patris, & Filij; ergo etiam debet formaliter procedere ex cognitione Spiritus sancti tamquam obiecti cogniti. Antecedens admittit Vasquez, & merito, quia cum Verbum diuinum per se, & formaliter debeat esse perfectissimum, quo nullum aliud perfectius possit excogitari, oportet, ut hoc ipso, quod per se procedat ex cognitione perfectissima, qua nulla alia perfectior possit excogitari, quod procedat ex cognitione Patris, & Filij comprehensua, aliàs non procederet ex cognitione perfectissima. Conseq. ostenditur, quia ad cognitionem comprehensiuam Patris, & Filij per se, & formaliter, desideratur, ut cognoscantur quoad omnia, quæ in ipsis formaliter reperiuntur, ut sunt potentia spiritalia, & relatio spirationis; sed hæc cognosci non possunt sine Spiritu sancto; ergo, &c.

17 Occurrit Vasquez, quod Verbum diuinum per se, & formaliter procedit ex cognitione comprehensua Patris, & Filij, non quantum ad omnia, quæ de ipsis cognosci possunt, sed præcisè quantum

D d d d ad

ad ea, quæ habent rationem principij per modum obiecti, respectu productionis Verbi, inter quæ non connumeratur potentia spiritalis, spiratio, aut Spiritus sanctus. Cum hoc tamen fiat, quod procedat concomitanter ex cognitione comprehensionis eorum, quantum ad omnia, alia, quæ in ipsis formaliter reperiuntur, ac proinde ex cognitione potentie spiritalis, spirationis, & Spiritus sancti.

18 Sed contra, quid licet verum sit, quod Verbum divinum solum formaliter procedat ex cognitione comprehensionis Dei, quoad ea, quæ per modum obiecti cogniti per se requiruntur ad comprehensionem adæquatam Dei. Tamen falsum est, quod cognitio omnium, quæ formaliter requiruntur ad comprehensionem adæquatam Dei vt est cognitio potentie spiritalis, spirationis, & Spiritus sancti, non etiam requirantur ad cognitionem productivam Verbi, seu ad processionem Verbi. Quod sic ostenditur. Nam Verbum divinum ex vi sue processionis, petit, vt ei communicetur natura divina secundum omnia, quæ pertinent ad lineam prædictæ naturæ; aliis non esset Filius ex vi sue processionis; sicut in humanis ille non procedet vt Filius, qui non peteret, quod ex sue processionis vi ea communicarentur, quæ ad lineam sue essentia, & naturæ spectant; ergo etiam petit per se, & formaliter, quod procedat ex cognitione adæquate comprehensionis dictæ essentia, vel naturæ; ac subinde eodem modo exigit, quod procedat ex comprehensione adæquate Patris, ac Filij, & omnium, quæ ad divinam essentiam, & ad has personas pertinent. Antecedens constat. Conseq. probatur, quia intelligere essentialem, & primordiale; in quo divina natura consistit, debet in sua lineam, & ex vi eiusdem esse adæquate comprehensionis divine essentia; ergo debet se extendere ad illa, & quæ dicta essentia extenditur, & formaliter, & necessario continet, ac proinde debet divina natura communicari Verbo secundum omnia, quæ continent, cum non nisi per cognitionem communicetur. Tum quia divinum

intelligere est perfectissimum intra propriam lineam; non esset autem tale nisi esset comprehensum divine essentia ex vi sue lineæ; illiusque perfectissime, communicatum, eodem modo quo illam comprehendit. Tum quia dictum, intelligere primordiale est eiusdem prorsus immaterialitatis cum divina essentia, ex eo, quod est ipsissima Dei natura; ergo est perfectissime illius comprehensum; immaterialitas namque, & intelligibilitas se mutuo respiciunt, & hæc ad illam sequitur.

19 Confirmatur 1. quia eo ipso, quod Verbum divinum petit, quod sibi communicetur natura divina secundum omnia, quæ pertinent ad conceptum, & lineam naturæ, etiam petit ex vi sue processionis, quod communicetur natura in ratione speciei, & obiecti intelligibilis, imò & obiecti intellecti; ergo etiam postulabit ex vi eiusdem processionis, quod natura communicetur secundum quod est representativa omnium quæ sunt in Deo formaliter, & necessario, ac proinde omnium, quæ ad adæquatam eiusdem Dei comprehensionem desiderantur. Antecedens constat, quia omnia illa pertinent ad lineam eiusdem essentia, cum pertineant ad eundem ordinem immaterialitatis. Conseq. probatur, quia esse representativum omnium, quæ in Deo reperiuntur formaliter, & necessario, & quæ pertinent ad adæquatam comprehensionem eiusdem essentia, pertinet ad lineam eiusdem. Verbum autem petit procedere ex cognitione Patris, vt terminata ad omnia illa, quæ in ipsa divina essentia representantur.

20 Confirmatur 2. quia non potest Verbum divinum petere, quod ei communicetur integrè divina essentia, seu natura, quæ in ipso divino intelligere primordiale consistit, quin postulet, vt communicetur illi vt est comprehensum eiusdem essentia, per comprehensionem adæquatam; sed tunc communicatur vt extenditur ad omnia quæ sunt in Deo formaliter, & necessario; ergo. Minor constat, quia essentia divina non aliter perfecte

Atque comprehenditur, nisi prout cognoscitur ut repræsentat omnia, quæ in illa reperiuntur formaliter, & necessariò. Maior probatur, quia quoties petitur ex vi alicuius processionis, quod communicetur aliqua natura intellectualis, petitur etiam, quod communicetur vis comprehensiva illius, qui habet talem naturam, ut patet.

21 Confirmatur 3. nam hoc ipso, quod processio Spiritus sancti in ratione impulsus, & amoris sit perfectissima, debet ex vi eiusdem processionis communicari amor perfectissimus, & veluti comprehensivus diuinæ bonitatis in ratione obiecti diligibilis, ac proinde petit ex vi suæ processionis, quod in Patre, & Filio præcedat amor perfectissimus, & in ratione amoris comprehensivus, & adæquatius diuinæ bonitatis; ergo eadem ratione hoc ipso, quod Verbi processio sit perfectissima in ratione processionis, debet ei communicari ex vi eiusdem processionis perfectissima repræsentatio, & cognitio diuinæ essentiae, & quæ sit adæquatè comprehensiva illius.

22 Nec fundamentum Vasquez, quod si per impossibile, non esset Spiritus sanctus, aut eius cognitio non præcederet in intellectu Paterno, adhuc daretur Verbi processio, ac proinde cognitio Spiritus sancti per locum intrinsecum non desideratur, illi fauet. Nam contra est 1. Quia id per se, & per locum intrinsecum desideratur ad processionem Verbi, ex cuius ablatione tolleretur, aut fieret quod Verbum non procederet eadem ratione, sed si per impossibile non esset Spiritus sanctus, aut eius cognitio non præcederet in Patre, tunc Verbum non procederet eodem modo ac nunc, ergo. Maior constat. Minor probatur, quia in eo euentu non communicaretur Verbo cognitio Spiritus sancti ex vi suæ processionis; nam tunc temporis Pater non haberet prædictam cognitionem; ergo illam non communicaret Verbo: quicquid enim habet Verbum, habet à Patre, ac proinde ex vi suæ processionis.

23 Secundò, quia in data hypothesi

non communicaretur Verbo potentia spiratiua, nec ipsa relatio spirationis; ergo non procederet eodem modo ac nunc. Conseq. constat. Antecedens probatur, quia implicante Spiritu sancto, implicaret potentia spiratiua, & ipsa relatio spirationis; ergo non communicaretur Verbo. Tertiò quia vel Verbum procedit à Patre per vnam, eandemque indiuisibilem processionem, vel per duas saltem virtualiter distinctas? Si primum: ergo quicquid habet Verbum, debet communicari ex vi illius indiuisibilis processionis, ac proinde communicatur cognitio Spiritus sancti. Secundum dici nequit, quia aliàs in diuinis darentur sex relationes reales, nempe quatuor ab omnibus concessæ, & aliæ duæ ab omnibus negatæ, fundatæ in illa processione virtualiter distincta, qua Verbum secundò, & iterum procederet quoad cognitionem Spiritus sancti, virtutem spiratiuam, & relationem spirationis, à Patre, quod est contra commune Theologorum sententiam.

24 Quartò, quia vel Verbum habet aliquid, quod non sit ei communicatum à Patre vel non, sed tantum illud habet concomitanter. Si nihil habet, ergo cognitio Spiritus sancti à Patre procedit ad Verbum. Si habet aliquid, quod non sit à Patre communicatum, ergo Verbum ex vi suæ processionis nõ procedit ut persona formaliter, & propriè, & proximè distincta ab alia persona; siquidem solum distinguitur formaliter, & proximè per relationem spirationis per quam eodem modo opponitur cum Spiritu sancto, sed hoc est ponere imperfectionem in generatione Verbi; ergo. Maior constat. Minorem probo, quia illa generatio, quæ ex vi sua non pertingit ad producendam rem genitam cum sua subsistentia, siue personalitate, ita completa, quod formaliter, & proximè sit distincta à quavis alia persona, vel supposito, non est perfecta, & completa, cum non planè suo muneri satisfaciatur.

25 Quintò, quia ea quæ communicantur alicui personæ tantum concomi-

tanter, & non ex vi processionis, deient conuenire omnibus, & singulis personis; sed spiratio, & relatio spirationis actiue non est talis, cum non conueniat Spiritui sancto: ergo. Maior patet, ideò namque natura diuina est communis tribus personis diuinis, quia solum concomitanter, seu identice communicatur Spiritui Sancto, non ex vi sue processionis. Minori nota est, ergo, &c.

26 Sextò, quia si per locum intrinsecum non desideratur cognitio Spiritus sancti ad cognitionem, & productionem Verbi, nec etiam desiderabitur cognitio Patris, & Filij, sed hoc dici nequit, ergo nec illud. Minor constat etiam ex Vaquez. Maiorem probò, quia quod cognitio Patris extendatur ad cognitionem Spiritus sancti, vel addit illi cognitioni aliquam perfectionem, vel non? Si primum, debet Verbum diuinum procedere ex illa cognitione quæ terminatur ad Spiritum sanctum, aliis Verbum non procederet vt summè perfectum. Si secundum, neque addet perfectionem vt terminatur ad Patrem, & Filium, ergo neque harum personarum cognitio desideratur ad productionem Verbi.

27 Dices non ideo requiri, quod cognitio productiua Verbi debeat terminari ad Patrem, & Filium, quia dicat, vel non dicat perfectionem, sed quia necessariò debet procedere per modum imaginis Patris intellectuali modo productæ, ac proinde Pater, & Filius cognosci debent. Imago namque intellectuali modo producta petit cognitionem eius, cuius est imago, & ipsius imaginis. Sed contra, quia si ex eo, quod Filius est imago intellectualis Patris, debet præcedere cognitio Patris, & eiusdem imaginis, eadem ratione præcedere debebit cognitio Spiritus Sancti. Quia tamen Verbum non sit illius imago, tamen id, cuius est imago, nempe Pater, debet representari vt habens connexionem cum Spiritu Sancto, tanquam principium spirans saltem radicale, cum termino spirato. Vnde si per impossibile Pater non esset spirator, nec esset genitor, quia voluntas infecunda

arguit infecundum intellectum, ob naturalem sympathiam, & consonantiam intellectus, & voluntatis. Soluuntur argum: in contrarium primæ sententiæ.

28 Primum argum. Nam cognitio diuina, seu intelligere primordiale Dei prius in quodam signo rationis terminatur ad essentiam, deinde in alio ad personas, & in alio ad creaturas; sed in illo primo signo terminatur ad productionem Verbi; ergo Verbum solum procedit ex cognitione eorum, quæ sunt in illo primo signo; hoc autem est sola essentia; ergo. Minor constat, quia cum essentia diuina in illo priori dicat essentiam infinitam, & infinite perfectam, cognitio ad illam terminata erit infinita, infinitæque perfecta, ac proinde sufficiens ad productionem Verbi infinite perfecti Maior probatur, quia illud intelligere terminatur ad essentiam diuinam ratione sui, cum sit obiectum formale, & primum diuini intellectus; ad personas autem non terminatur nisi ratione essentiæ: ergo, &c. Tum quia illa cognitio in eo signo in quo terminatur ad essentiam, est cognitio primordialis, & est in Patre pro eo signo, ac proinde in eo signo erit fecunda, & producat Verbum diuinum: ad hoc enim vt cognitio intelligatur fecunda sufficit, quod sit primordialis, & existat in Patre. Tum etiam quia ab eo tanquam ab obiecto cognito per se est processio Verbi diuini, à quo est intellectio Paterna, medianre qua producit; et intellectio Paterna oritur à sola essentia diuina, ab eaque sola quasi pendet, ergo, ab ea tantum est processio Verbi diuini vt ab obiecto cognito. Maior constare videtur. Minor probatur, quia intellectio Paterna, ad solam essentiam terminatur, tanquam ad obiectum formale, & adæquatum; sed à solo obiecto primario, & adæquato intellectio pendet, aut quasi pendet, ergo, &c.

29 Resp. distinguendo maiorem: cognitio diuina prius prioritate à quo terminatur ad essentiam diuinam, & conceditur. Prius prioritate in quo etiam rationis cum fundamento in re, & negatur. Ad cognitionem autem comprehensiuam, vt de.

debet esse Verbi divini productio, pertinet, ut terminetur ad omnia, quæ sunt in eo eodem signo in quo, prout sunt cuncta divina, quæ formaliter, & necessario reperiuntur in Deo, & in quocunque signo in quo. Ad 1. probationem, dico, quod cognitio, seu intelligere præ se terminatur ad essentiam, nec est intelligere primordiale, nec divinum, nec secundum, nec esse potest in Patre; quia ad conceptum quidditativum ipsius intelligere primordialis pertinet, quod non terminatur tantum ad essentiam, sed ad omnia, quæ ab illa pro illo, & quocunque signo representantur. Ad 2. probationem resp. negando maiorem; nam Verbum divinum procedit tanquam ab obiecto cognito, etiam ab obiecto secundario, cum tamen ab illo non pendeat. Unde sufficit, quod intelligere quasi pendeat ab obiecto primario, ad hoc ut intelligatur esse, seu quasi oriri verum illius terminatio debet esse ad omnia quæ pro illo instanti representantur, & cum quo obiectum primarium habet necessariam connexionem.

30. Secundum argum. quia personæ divinæ in eo primo signo; in quo divina intellectio terminatur ad essentiam, non possunt cognosci per cognitionem abstractivam, neque per intuitivam, ergo per nullam. Conseq. constat, quia omnis cognitio vel est abstractiva, vel intuitiva, ex eo, quod debet terminari ad rem, vel ut abstrahentem ab existentia, vel ut habentem illam: priori modo, est abstractiva, posteriori, est intuitiva. Antecedens probatur quoad primam partem; nam in Deo cognitio abstractiva, est cognitio simplicis intelligentiæ, & hæc solum ad creaturas terminatur, quia hæc solum possunt abstrahere ab existentia; non res divinæ, de cuius ratione est, quod sint sua existentia. Deinde probatur quoad secundam partem, nam aliàs Filius v. g. supponeretur, & non supponeretur productus ad talem cognitionem. Supponeretur productus, quia quod attingitur per cognitionem intuitivam in aliquo signo, debet esse existens in illo signo; quod autem est existens, præsupponitur productum. Non

supponeretur productus, quia per illam cognitionem producitur; cognitio autem est prior origine: quam processio, seu quam productio passiva Filij.

31. Respondetur aliqui, quod divinæ personæ in eo signo, quo divinum intelligere terminatur ad essentiam cognoscatur per noticiam abstractivam. Neque hoc putant inconueniens; quia licet esse aliquid sine existentia in aliquo instanti reali denotet imperfectionem creatorum propriam, non tamen, quod illam non habet pro aliquo signo rationis, dummodo eam habeat pro quocunque instanti reali, per hoc enim a creatura distinguetur.

32. Sed contra, quia intellectio tendere in aliquod obiectum abstractivè, dicit imperfectionem vel in intelligente; vel in obiecto; sed in intellectione primordiali productiva Verbi nulla reperiri potest imperfectio, sicut nec in obiecto intellecto, scilicet essentia divina, & divinis personis; ergo non potest dicta intellectio terminari ad personas divinas cognitione abstractiva. Maior constat, nam ad cognitionem abstractivam requiritur, quod terminetur ad obiectum non prout præsens in eadem duratione, in qua est cognitio, sed vel ut possibile, vel ut futurum pro aliquo signo rationis cum fundamento in re; hoc autem oritur, vel ex defectu luminis intellectus, aut intellectiois. ex eo, quod licet obiectum sit præsens in eadem duratione, tamen intellectus non habet sufficientem vim ad attingendum ipsum prout in se est, seu ut est actu existens. Vel ex defectu obiecti, quia in eo instanti in quo est cognitio, est tantum possibile; aut futurum. Aut quia licet in illo instanti reali sit existens, non tamen in illo signo rationis in quo cum fundamento in re. Minor probatur, quia cognitio illa Verbi productiva non potest terminari abstractivè ad personas divinas ob imperfectionem luminis, aut ex defectu sui, ut constat. Neque ex defectu obiecti; non essentia, quia de huius ratione est, quod sit sua existentia. Non personarum, quia de huius conceptu est; quod sint subsistentes in natura divina, ac proinde semper, & pro

pro omni signo includent, quod est Deitati essentialē, scilicet esse suum existere in omni signo *in quo*. Tum quia, quod in aliquo signo *in quo* cum fundamento in re concipitur sub non esse existentiae, concipitur cum eodem fundamento sub nihilitate. Tum etiam quia, quod pro aliquo signo *in quo* rationis cum fundamento in re concipitur sub non esse, non potest mensurari aeternitate, tanquam propria mensura, ac proinde non afferet omnimodam immutabilitatem.

33 Tum denique, quia intellectio productiva Verbi, est intuitiva Deitatis, ergo etiam est intuitiva personarum. Antecedens constat, quia cum Deitas in illo signo priori in quo est illa intellectio sit existens, & sufficienter unita diuino intellectui, ad hoc ut constituat vnum in actu in ordine ad videndam ipsam, ut est existens, non potest dicta intellectio non terminari ad essentiam diuinam ut existentem, ac proinde intuitiue. Consequenter probatur, quia eo ipso, quod cognitio diuinæ essentiae est intuitiua, non potest non terminari ad personas, cum subsistat in illis.

34 Respondent alij ex Scoto, quod diuinæ personæ cognoscantur intuitiue, quia licet non sint in illo signo rationis, sunt tamen omnino determinatæ ad existendum. Ratio autem quare tunc personæ sint determinatæ ad existendum, est; quia illa cognitio in illo signo est actualis productio, & expressio Verbi ex hoc autem habetur omnimoda determinatio ad Verbum, ac proinde ad esse illius, & Spiritus Sancti.

35 Sed contra, quia ad notitiam intuitiuam, omnino requiritur, quod terminetur ad rem ut est extra suas causas; ergo non sufficit, quod terminetur ad eandem ut habet esse in determinatione suarum causarum, vel quasi causarum. Nam quod habet esse in determinatione suarum causarum, aut quasi causarum non adhuc habet esse in se, sed in illis. Tum quia ad notitiam intuitiuam non sufficit terminari ad futurum, quia hoc præscindit ab existentia, sed quod habet esse in determinatione suarum causarum, habet

esse ut futurum, ergo. Tum etiam quia cognitio quam habet Astrologus de eclipsi in determinatione suarum causarum, est abstractiua, ex eo, quod terminetur ad dictam eclipsim ut futuram, & in determinatione suarum causarum; ergo, &c.

36 Alij etiam respondent, quod illa notitia ex qua procedit Verbum diuinum est intuitiua, quia ut in sequenti signo intelligitur esse terminata, attingit obiectum ut existens. Illa namque cognitio terminatur per Verbum productum, & ut intelligitur terminata Verbo producto, intelligitur Verbum esse existens.

37 Sed contra, quia tametsi per hanc responsum saluetur, quod dicta intellectio ut est in posteriori signo terminata per Verbum productum sit intuitiua eiusdem Verbi producti, non tamen saluatur, quod in illo signo in quo attingitur Verbum ut producibile, & non productum sit intuitiua, sed debet in istis signis esse abstractiua, quod sine dictis imperfectionibus esse non potest. Antecedens videtur clarum, quia iuxta hanc solutionem admittuntur signa rationis *in quo*, in quorum aliquo intelligitur Verbum non esse productum, sed producibile; sed in illo signo in quo intelligitur Verbum ut producibile, non intelligitur ea cognitio terminata Verbo producto, sed intelligitur in sequenti signo; ergo pro eo signo non intelligitur Verbum ut existens. Et in eo signo in quo intelligitur Verbum productum, & existens, non intelligitur productum, & existens Spiritus sanctus. Tum quia tamen illa intellectio primordialis, ut est dictio, & productio Verbi non intelligatur esse terminata, nisi intelligatur terminari per Verbum productum, tamen ut est contemplatio sui obiecti, seu secundum quod dicit illam intellectiōnem ut constitutum naturæ diuinæ, non indiget Verbo, ut intelligatur terminata per diuinam essentiam, ut est obiectum per illam intellectum; & prout vnitur cum diuino intellectu non solum in ratione obiecti, & speciei intelligibilis, sed etiam in ratione obiecti intellectus; ergo in eo signo non erit intuitiua personæ Verbi, & Spi-

Spiritus sancti. Conseq. nota est, quia in eo signo istæ duæ personæ non intelliguntur productæ. Antecedens probatur ex differentia intellectiōis creatæ, & increatæ, quod illa producit Verbum ex necessitate, & indigentia, ac proinde non supponitur ante vnionem obiecti; at intellectiō increata producit Verbum ex fœcunditate, ac proinde supponitur &c.

37 Demum respondet alijs, quod dicta cognitio ex qua Verbum procedit sit re ipsa intuitiua, tamen vt est formalissima productiō Verbi neque est intuitiua, neque abstractiua; quia quod cognitio sit intuitiua, vel abstractiua, non sunt conditiones notitiæ vt producentis Verbum. Explicant exemplo actus scientifici, qui licet debeat esse vel intuitiuus, vel abstractiuus, tamen vt est intensus, aut vt est productiuus habitus, neque est notitiua intuitiua, neque abstractiua, sed tunc consideratur tantum vt est productio. Ita & illa cognitio Verbi productiua, vt sic considerata non dicitur, quod sit intuitiua, vel abstractiua, sed quod sit productio.

38 Sed contra, quia argumentum, non procedit, an illa cognitio, illud vt intelligere, vt præcisè exprimit esse productionem Verbi, exprimat rationem notitiæ intuitiua, vel abstractiua; sed an illa productio quatenus dicit, vel inuoluit cognitionem, & perceptionem obiecti intellecti, extendatur ad Verbum, & Spiritum sanctum per notitiā intuitiuam, vel abstractiuam. Cum enim sit proprium cuiuscunque productionis consistentis in recto in intellectu, quod quatenus intellectio est, terminatur ad obiectum intellectum, vel abstrahendo ab existentia, vel vt existens, sequitur, quod intelligere, quod est productio Verbi, terminetur, quatenus intellectio est ad essentiam, & personas, vel vt abstrahunt ab existentia, vel vt illam dicunt, ac subinde vel per notitiā intuitiuam, vel abstractiuam. Tum quia etsi de ratione cognitionis producentis Verbum non sit, quod exprimat se ipsum, quantum ad munus producentis, quod sit clara, & non obscura, tamen, quia ista est propria perfectio, propriaq;

cognitionis conditio, ideo re ipsa debet esse clara, & non obscura. Pariformiter, quia est propria conditio cognitionis, quod sit intuitiua, vel abstractiua, ideo pro illo signo, quo producit Verbum, debet esse vel abstractiua, vel intuitiua. Nec exemplum de actu scientifico fauet suis auctoribus, nam licet ille actus vt est productiuus habitus non exprimat, quod sit intuitiuus, vel abstractiuus, intensus, vel minus intensus, tamen re ipsa hæc habere debet, ita, &c.

39 His ergo solutionibus relictis facile responderetur ad argum. n. 30. propositum, quod illa cognitio ex qua Verbum procedit, est intuitiua, quia tamen si Verbum sit origine posterius quam ipsa intellectio, & productio, tamen quia hæc posterioritas non est *in quo*, sed à quo tantum, sequitur, quod non possit cognosci essentia sine personis, nec vna persona sine alia; ac proinde omnia in eodem signo intuitiue cognoscuntur. Soluuntur argum. secundæ sententiæ supra relatæ.

40 Primum secundæ sententiæ argumentum est, quia sublato Spiritu Sancto, per nostram considerationem, & impossibilem suppositionem, ab intellectu Patris, adhuc Verbum produceretur; ergo signum est, quod illius cognitio per se, & per principium intrinsecum non requiritur ad productionem Verbi. Conseq. constat quia ea, quæ per se, & per locum intrinsecum ad aliquid requiruntur, sunt talis conditionis, vt eis per nostram considerationem, aut suppositionem sublati, non remaneat. Antecedens probatur, quia si per impossibile Spiritus Sanctus non procederet à Filio, adhuc Filius retineret veram, & propriam rationem Filii, & Verbi Paterni; ergo eadem ratione licet Spiritus Sanctus non esset in intellectu Patris tanquam obiectum cognitionis illius, adhuc Filius procederet in esse Verbi diuini. Antecedens constat, siquidem spiratio actiua non constituit Filium in esse personali, neque est quid per se ad hoc desideratum vt veram, & perfectamque diuinæ personæ habeat rationem. Conseq. probatur, quia quod Spiritus Sanctus necessariò debeat

beat præse in intellectu Paterno ad processionem Verbi, ex eo solum oriri potest: quod Verbo debet indispensabiliter, & per locum intrinsecum communicari spiratio actiua, ergo si semel hoc non requiritur, sequitur, quod neque spiratio actiua, neque Spiritus Sanctus equirantur per se, & per locum intrinsecum in intellectu Paterno ad productionem Verbi, & ipsius Spiritus Sancti.

41 Tum quia licet ad productionem intellectualem vnus correlatiui, per se requiratur aliud, ac proinde cognitio illius; non tamen cognitio aliorum, quæ correlatiua non sunt, sicut nec eorum productio desideratur; ergo licet ad productionem intellectualem Verbi diuini desideretur Pater, & cognitio eiusdem, non tamen Spiritus Sanctus; nec cognitio illius; nam Pater, & Filius correlatiua sunt, non Spiritus Sanctus: Tum etiam, quia Pater non habet prius hanc cognitionem Spiritus Sancti, quam Verbum; ergo Verbum non procedet ex hac cognitione Spiritus Sancti. Consequenter, quia cognitio ex qua per se procedit Verbum, debet esse prius in Patre, quam in Verbo. Antecedens probatur, quia Pater prius est Pater, quam Spirator, & consequenter Filius prius est Verbum, & Filius, quam Pater sit Spirator, quia Pater, & Filius simul spirant; unde Filius nunc accipit spirationem per processionem à Patre, sed simul in Patre, & Filio resultat eum produunt Spiritum Sanctum, ergo eadem ratione, cognitio Spiritus Sancti, & spirationis actiue, non erit prius in Patre, quam in Filio. Tum denique, quia Verbo diuino vi generationis, & per locum intrinsecum solum communicatur natura diuina, & proprietates personales Filij, & ea quæ respectu essentiae se habent ad instar passionum, ut conuenit etiam in creatis generationibus, ubi natura v. g. humano, personales illius, vnâ cum existentia, & proprietates communicantur; ergo Verbo diuino solum prædicta communicantur, non cognitio Spiritus Sancti, & spirationis actiue illius.

42 Resp. concedendo, antecedens

de consideratione nostra prius præcisiua, secus si intelligatur de consideratione diuina, vel negatiua. Nam si per considerationem pure præcisiuam auferretur ab intellectu Patris Spiritus Sanctus, tunc remaneret Verbum productum, quia consideratio pure præcisiua solum considerat Verbum productum, non considerando, non attendendo, non concipiendo expressè, an sit productum per hanc, vel illam cognitionem, huius, aut illius obiecti. Quæ namque in diuinis sunt aduata, possunt per nostros conceptus pure præcisiuos, ita concipi, ut vnum expressè concipiatur, non concepto alio. At per considerationem diuina, vel negatiua auferretur ab intellectu Paterno Spiritus sanctus, & tunc non remaneret Verbum productum. De ratione namque Verbi est, ut tradit D. Thom. 1. 2. 3. ar. 2. ad 5. quod sit secundum ordinem ad productionem amoris. Quare licet spiratio actiua non constituat Filium in esse personali, tamen si deesset Filio, eo ipso colligeremus Filiationem non esse eiusdem rationis, ac modo est, & Filium non habere eandem fecunditatem radicalem, quam modo habet.

43 Ad 1. probationem n. 4. r. additam, dico; quod quando relatiuum dicit aliquid subsistens in natura diuina, potest produci per cognitionem perfectissimam, ac proinde comprehensiuam non solum sui, & correlatiui, verum etiam essentiae, in qua subsistit & omnium, quæ cum illa neceuntur formaliter, & necessariò, uti sunt omnes personæ diuinæ. Ad 2. probationem dicendum; quod licet Pater non habeat prius cognitionem Spiritus sancti, quam Verbum, prioritate in quo, habet tamen prius prioritate à quo: unde licet Pater, & Filius simul spirant Spiritum sanctum, tamen Pater hoc habet à se, & Verbum à Patre, cum ab eo etiam voluntatem, seu volitionem habeat, quæ spirat. Ad 3. probationem dico, quod Filio per locum intrinsecum etiam cognitio Spiritus sancti communicatur ex vi sue generationis; ea namque omnia debent per locum intrinsecum, & ex vi genera-

tionis communicari sine quibus vel non procederet, vel non eodem modo procederet, ut dictum est. Quod etiam in humanis faciendum est.

44 Secundum argum. secundæ sententiæ est, quia si Verbum procederet ex cognitione Spiritus sancti per se, & per locum intrinsecum, tunc Verbum esset similitudo Spiritus sancti, imago, & proles illius; hoc dici non potest, ergo, &c. Sequela probatur 1. quia Verbum est similitudo, imago, & proles obiecti, ergo si Verbum procedit ex cognitione Spiritus sancti tanquam obiecti cogniti, erit similitudo, imago, & proles illius. 2. Quia ad hoc ut Verbum sit similitudo, imago, & proles alicuius, non requiritur quod ab illo in esse entitativo procedat, sed sufficit, quod procedat ex cognitione illius, & ab eo sit tanquam ab obiecto cognito, ergo si Verbum hoc modo procedit à Spiritu S. erit similitudo, &c. illius. 3. Quia ad hoc ut aliquid procedat per modum imaginis alterius, sufficit, quod distinguatur realiter ab illo, & quod ab eo procedat, ut similitudo illius, sed si Verbum procederet ex cognitione Spiritus Sancti hæc duæ conditiones verificarentur; ergo. Maior certa est, ob namque dictas conditiones Verbum procedit à Patre ut similitudo, imago, & proles illius. Minor quoad distinctionem, constat, quod autem Verbum esset similitudo &c. constat, quia Verbum est similitudo illius obiecti, ex cuius cognitione producitur.

45 Respondent aliqui, quod re vera Spiritus sanctus habet rationem principij productioni Verbi in esse cogniti, seu in esse intelligibili, sicut etiam hoc modo idem Verbum est principium sui in esse cogniti, seu in esse intelligibili, prout consideratur in esse rei. Nam hoc ipso, quod Spiritus sanctus per modum obiecti concurret ad productionem Verbi, non potest non in hoc ordine esse principium eiusdem Verbi.

46 Sed contra, quia esse principium Verbi, non convenit obiecto cognito præcisè qua cognitum est, sed prout est ratio cognoscendi, seu prout habet rationem

obiecti motui, sed Spiritus sanctus in productione Verbi divini, non est ratio cognoscendi, seu non habet rationem obiecti motui, sed tantum terminativum; ergo Spiritus sanctus non est principium productionis Verbi; sicut nec ipsum Verbum respectu sui. Maior constat, quia esse principium Verbi, non sonat solum esse obiectum purè terminativum, sed motivum, quod se teneat ex parte principij, & non tantum ex parte termini, ut ex se notum est. Minor etiam constat, quia illud solum habet rationem principij, seu obiecti motui in cognitione, quod fungitur officio speciei intelligibilis in cognitione, sed sola essentia divina hoc habet in Patre; ergo sola essentia divina habet rationem obiecti motui in productione Verbi. Tum quia personæ divinæ ut habent rationem obiecti cogniti, non concurrunt per modum principij *quo*, nec per modum principij *quod* ad productionem Verbi, ergo nullo modo habent rationem principij. Consequenter nota est, solum namque duobus illis modis potest aliquid habere rationem principij respectu alterius. Antecedens probatur: nam non possunt habere rationem principij *quo* personæ divinæ ad divini Verbi productionem, quia quod habet rationem principij *quo* habet se per modum rationis agendi, & formæ intelligibilis; sed divinæ personæ præcisè ut sunt obiectum cognitum non se habent per modum rationis agendi, nec per modum formæ intelligibilis, sed hæc duo munia sunt propria divinæ essentiae ergo. Nec possunt habere rationem principij *quod*, quia obiectum cognitum, etiam motivum, non habet rationem principij *quod*, sed tantum *quo*, cum ad summum concurrat per modum formæ intelligibilis.

47 Ad argumentum ergo resp. negando maiorem; ad hoc enim ut Verbum divinum esset similitudo, imago, & proles Spiritus sancti, desiderabatur, quod Spiritus sanctus ut obiectum cognitum haberet rationem principij respectu Verbi, hanc autem non habet, ergo. Non habet rationem principij *quo*, quia hanc

Eccē so-

solum habet essentia diuina; neque habet rationem principij *quod*, quia hanc solum habet Pater æternus. Tum quia Spiritus sanctus non præstat influxum in productionem Verbi, neque in esse rei, ut patet, cum sit posterior origine Filio; neque in esse intelligibili, cum non concurrat per modum obiecti motiui, sed terminatiui tantum. Ad hoc enim ut præstaret influxum, deberet se habere per modum dicentis, & intelligentis, non per modum puri obiecti intellecti.

48 Ad 1. probat. n. 44. adductam, patet ex dictis, quod ad hoc ut Verbum esset similitudo, & imago Spiritus sancti, non sufficit, quod Spiritus sanctus concurrat per modum obiecti, sed requiritur, quod concurrat per modum principij productiui ut *quod*, quia ratione Verbum est imago Patris, & proles illius. Ad 2. probationem etiam patet ex dictis. Ad 3. probationem conceditur maior, & negatur minor, quia ut ex dictis constat, Spiritus sanctus non est principium *quo*, nec *quod* Verbi, sed solum terminus illius cognitionis ex qua Verbum procedit, ac proinde Verbum ab illo non procedit ut imago neque ut *quo*, hæc sola namque est essentia diuina; neque ut imago ut *quod*, quia ab illo non procedit ut à dicente. Bene verum est, quod licet Verbum non procedat à Spiritu sancto secundum nullam rationem, potest tamen dici simile illi, quatenus per hoc significatur, quod habere eandem naturam cum illo, & personaliter ab eo distinguitur, non quatenus similitudo confunditur cum imagine, ut ex se constat, & ex infra dicendis magis constabit.

D V B I U M II.

An Verbum diuinum procedat ex cognitione creaturarum possibilium.

49 **P**rima sententia tenet, quod Verbum diuinum non procedat ex cognitione creaturarum possibilium. Sic Scotus, Vasquez, Pesantius, & Arubal apud Salmant. hoc loco.

50 Nostra sententia sequenti conel. explicatur. *Verbum diuinum procedit ex cognitione omnium creaturarum possibilium* Hanc conclusionem trahit S. Thomas *hæc q. art. 1. ad 3.* quatenus dicit, quod Pater producit Verbum ex cognitione illa, qua omnia in eius scientia continentur, idem tradit alibi, ut ostendunt, & expendunt dicti Salmant. Eandem sententiam tenet clarissimum Eccl. lumen S. P. Aug. 15. *de Trinit. cap. 15.* D. Anselmus, & omnes discipuli D. Thomæ hoc loco, & alij plures, quos longa manu referunt prædicti Salm.

51 Probatur 1. quia Verbum diuinum procedere debet ex cognitione comprehensua diuinæ essentiae; ergo debet procedere ex cognitione creaturarum possibilium. Antecedens constat, quia Verbum diuinum est per se, & ex vi sua perfectissimum omnium excogitabilem; ergo debet procedere ex cognitione perfectissima, ac proinde comprehensua diuinæ essentiae. Tum quia Verbum diuinum per se, & ex vi sua petit procedere ex cognitione, quæ sit tanta in ratione cognitionis, quanta diuina essentia in ratione obiecti cognoscibilis, seu, quæ tantum extendatur quantum extenditur diuina essentia. Cum enim Verbum petat procedere per cognitionem primordiale, quæ consistit in ipsa natura, debet tantum extendi quantum extenditur ipsa natura. Conseq. probatur, quia diuina essentia extenditur ad representandas creaturas posibles; ergo cognitio productiua Verbi debet extendi ad illas cognoscendas, alias illa cognitio non esset comprehensua, ideo namque Beati non comprehendunt Deum, quia visio beata non extenditur ad cognoscendas omnes creaturas posibles. Ut enim aliqua causa comprehendatur debet cognosci omnes effectus, modi omnes quibus est participabilis. Tum quia non potest comprehendi diuina essentia, nisi comprehendatur eius virtus productiua, hæc autem extenditur ad omne factibile. Tum etiam quia Verbum diuinum debet procedere ab intellectu, quæ sit tantæ perfectionis ut extendatur ad intelligendum omnia, quæ sunt in

et.

essentia diuina, non solum formaliter, sed etiam eminenter, & virtualiter, vt sunt creaturæ possibiles.

52 Probatur 2. quia Deus est suum esse per essentiam, ipsumque esse per se subsistens, simpliciterq; infinitum, ac proinde continens perfectiones omnium creaturarum, non solum quoad id, quod est ipsis commune, sed etiam quoad id, quod est eis proprium, nam secundum hanc etiam rationem dicunt perfectionem; ergo non potest perfecte cognosci, nisi cunctæ creaturæ possibiles cognoscantur, ac proinde Verbum diuinum cum debeat procedere ex illa cognitione qua Deus perfecte cognoscitur, debet procedere ex cognitione terminata ad creaturas possibiles. Tum quia Deus ratione suæ essentiae eminentissimæ est causa effectiua saltem radicalis omnium creaturarum possibilibus quoad proprias, & peculiare singularem perfectiones; item est causa exemplaris earundem, quoad omnia prædicta, ex eo, quod ratione suæ summæ perfectionis, non potest dari aliquid perfectionis, siue commune omnibus creaturis, siue proprium singularem, quod non sit ab ipso exemplatum; quæ rationes debent omnino cognosci ab intellectu Verbi productiua. Tum etiam quia omnipotentia Dei, misericordia, & iustitia extenduntur ad omnes creaturas: nam obiectum omnipotentiae est omne factibile; iustitia, & misericordia inueniuntur in omnibus operibus Dei, vt ostendit S. Doctor *supra* qu. 21. art. 4. Sed ex comprehensione omnium istorum Verbum diuinum debet procedere; ergo.

53 Probatur 3. quia Verbum diuinum ex vi suæ processionalis substantialis, & vt per illam producit in sua personali proprietate, non potest non procedere vt infinitè perfectum in ratione Verbi; ergo non potest non procedere ex cognitione omnium creaturarum possibilibus. Antecedens constat, nam cum Verbum procedat vt verus Filius Dei, vt Deus de Deo, eiusdem substantiae, & perfectionis cum Patre, non potest non procedere vt infinitè perfectum. Consequenter probatur,

quia si Verbum non procederet ex cognitione creaturarum non esset ex vi suæ cognitionis infinitè perfectum; non enim potest illud Verbum esse infinitè perfectum, quod repræsentet ea solum, quæ sunt in Deo formaliter, & necessariò, non ea quæ sunt in Deo tantum eminenter; sicut non esset ea cognitio infinitè perfecta, quæ non pertingeret ad cognoscenda ea, quæ sunt in Deo eminenter, sed ad ea tantum, quæ sunt in Deo formaliter, ergo, &c.

54 Respondent 1. aliqui, quod Verbum non procedit ex cognitione creaturarum in particulari, sed solum in communi, & vt sic. Rationem assignant, quia ad comprehensionem alicuius potentiae, aut virtutis, non est necesse cognoscere obiecta materialia, particularia, aut effectus ad quos extenditur, sed sufficit, quod illa cognoscatur secundum rationem communem, in qua conueniunt. Vnde ad hoc vt comprehendatur potentia visiva, sufficit, quod cognoscatur visibile vt sic. Similiter ad hoc vt comprehendatur potentia intellectiua creata, sufficit, quod cognoscatur intelligibile vt sic.

55 Sed contra, quia ideo ad comprehensionem potentiae visivæ non est necesse, quod cognoscantur visibilia in particulari, quia potentia visiva ex se, & ex proprijs meritis non est visiva eorum in particulari, nisi determinetur per species particulares illa repræsentantes; quocirca potentia visiva non continet aliquam visionem in particulari secundum propriam specificationem consideratam, nisi secundetur per speciem illius obiecti; sed essentia diuina, diuinaque omnipotentia continent creaturas in particulari secundum omnes modos proprios vniuersaliusque secundum quos, & ad inuicem, & à Deo peculiariter distinguuntur; ergo non potest comprehendi diuina essentia, diuinaque omnipotentia, nisi omnes creaturæ in particulari cognoscantur; aliàs non cognosceretur dicta diuina essentia, & omnipotentia quantum cognoscibilis est.

56 Confirmatur 1. quia visio vt est hæc v. g. albi, attribuitur obiecto visibili ratione speciei, repræsentatiuæ illius:

at ut est visio, attribuitur visui. E contra productio cuiuscunque creaturæ possibilis, tam quoad rationem communem quam quoad rationes particulares, attribuitur diuinæ omnipotentiae, quia ratione suæ eminentiæ vim habet ad attingendum; & producendum creaturas secundum omnes suas rationes; ergo dato, quod visus comprehendere possit ex sola cognitione visibilis in communi, non tamen diuina omnipotentia, cum hæc sit productiua cuiusvis factibilis quoad omnes rationes in eo inuentas.

57 Confirmatur 2. Quia ita se habet res ad esse, sicut ad cognosci; ergo sicut diuina omnipotentia non esset integrè talis, nisi per suam naturalem virtutem, posset extendi ad quamlibet creaturam, secundum suas rationes particulares consideratam; ita nec integrè cognoscitur, nisi cognoscatur ut potens extendi ad quodcumque factibile consideratum secundum suas rationes particulares.

58 Respondent 2. Vasquez, & Arubal hoc loco, quod Deus non cognoscat suam omnipotentiam ad modum quo nos concipimus illam, nempe ut attributum relatum ad creaturas possibiles; sed concipit illam, ut est entitas, & perfectio quædam purè absoluta ab omni extrinseco; unde ex cognitione suæ omnipotentiae nullam cognoscit creaturam, ac subinde tamen Verbum procedat ex cognitione comprehensiuæ Dei, & suæ omnipotentiae, non ob id procedet ex cognitione creaturarum possibilium.

59 Sed contra, quia diuina omnipotentia habet virtutem ad producendas creaturas, quamvis non sit relata ad illas; vel ergo Deus cognoscit talem suæ omnipotentiae virtutem, vel non. Secundum dici nequit, aliàs cognitio Dei non esset comprehensiuæ, cum non attingeret illam omnipotentiam quoad id, quod ei competit, scilicet quoad virtutem producendi omnes, & singulas creaturas. Tum quia Deus ignoraret aliquam veritatem, etiam ex illis, quæ ad ipsum, & ad suas formales perfectiones, & attributa pertinent, ut est ista, de qua sermo

procedit. Tum etiam quia sequeretur Deum non cognoscere suam omnipotentiam ut talis est. Si quidem omnipotentia in suo conceptu formali, & essentiali dicit vim productiuam cuiusvis rei possibilis, ac proinde si Deus non cognosceret hanc vim, non cognosceret suam omnipotentiam, qua talem, ac proinde nec se esse omnipotentem.

60 Si dicant primum, quod scilicet Deus per cognitionem comprehensiuam sui attingat suam omnipotentiam ut habet virtutem productiuam creaturarum, secundum omnes earum rationes, tunc etiam si non cognoscat eam dicere relationem transcendentalem ad creaturas, cum re vera illam non dicat, tamen non potest non cognoscere dictas creaturas, quoad omnes earum rationes. Nam sicut repugnat, quod comprehensiuè cognoscatur virtus ad producendum hominem secundum propriam hominis rationem, & non cognoscatur idem homo; ita repugnat, quod cognoscatur comprehensiuè virtus diuinæ omnipotentiae ad producendas omnes creaturas possibiles secundum proprias rationes earum, & illæ non cognoscantur.

61 Confirmatur 1. quia ad hoc ut vnum non possit comprehensiuè cognosci sine alio, non est necesse, quod dicat relationem ad illud, sed sufficit, quod sit necessarium, & indispensabiliter connexum cum illo, sicut enim res se habet ad esse, ita ad cognosci; sed diuina omnipotentia licet non dicat relationem ad creaturas, est tamen necessarium connexa cum illis; ergo non poterit comprehensiuè attingi, nisi attingantur & illæ. Maior constat. Minor probatur, quia si per impossibiles non essent creaturæ possibiles, in Deo non esset omnipotentia, non ex indigentia, & dependentia omnipotentiae ab illis; sed ex summa illius eminentia, quæ tanta est, ut non possit non inferre creaturarum possibilitatem, & sic implicaret concipere in Deo vim ad producendum creaturas, si ipsæ creaturæ implicarent, ex quo sequitur intima, & indispensabilis connexio inter omnipotentiam, & creaturam.

creaturas posibles.

62 Confirmatur 2. quia Verbum diuinum per se, & per locum intrinsecum, petit, quod procedat vt Verbum expressiuum Patris, & expressiuum, & simul factiuum creaturarum; ergo petit procedere ex cognitione, quæ etiam extendatur ad creaturas posibles. Antecedens constat: quia hoc ipso, quod Verbum diuinum est perfectissimum, debet esse simul practicum, & speculatiuum ex vi sue lineæ; sicut ex hoc, quod scientia diuina est perfectissima, debet ex vi sue lineæ, & cū primò intelligitur dimanare à diuina essentia, esse simul practica, & speculatiua. Consequ. probatur, quia Verbum diuinum non habet esse practicum, seu factiuum, nisi respectu creaturarum; ergo sicut vt speculatiuum procedit ex cognitione speculatiua Patris, ita ex hoc, quod est practicum, debet procedere ex cognitione practica eiusdem, quæ non, nisi respectu creaturarum possibilium esse potest; imò procedit etiam vt speculatiuum, qua ratione est representatiuum earundem creaturarum.

63 Respondent 3. Vasquez, & Arubal, quod non idè cognitio Dei est comprehensua, quia terminatur ad creaturas posibles, sed quia est comprehensua, terminatur ad illas. Et ideo, in illo signo in quo intelligitur comprehensua potest esse ratio producendi Verbum diuinum, & hoc per se, & per locum intrinsecum, solum procedit ex eadem cognitione vt est in illo signo comprehensua.

64 Sed contra, quia licet illa causalis sit vera, nempe, quod idè cognitio Dei se extendit ad creaturas posibles, quia est comprehensua essentia; tamen ex hoc non inferitur, quod in aliquo signo sit comprehensua, & quod in eo non extendatur ad creaturas, aut quod Verbum procedat ex illa cognitione comprehensua absque eo, quod ad creaturas extendatur. Sicut licet sit vera ista causalis, quia cognitio est circa tale obiectum, idè est talis speciei; tamen non est assignare aliquod signum, in quo cognitio sit de tali obiecto, & non sit talis speciei,

aut quod in ordine ad aliquem effectum, illa cognitio per se petatur, vt versatur circa tale obiectum, & non vt est talis speciei. Et ratio vtroque est eadem, quia ex parte rei conceptæ idem est cognitionem aliquam versari circa tale obiectum formale, & esse talis speciei. Et similiter idem est cognitionem Dei esse, comprehensiuam, & attingere quidquid est in coformaliter, & eminenter vt sunt creaturæ posibles.

65 Confirmatur 1. quia hoc, quod est cognitionem Dei quidditatiuè terminari ad omnia, quæ sunt in Deo formaliter, & eminenter, vt sunt creaturæ posibles, habet se per modum quasi definitionis quidditatiuæ cognitionis comprehensiuæ Dei; ergo non potest per se, & per locum intrinsecum cognitio productiua Verbi non terminari ad creaturas posibles. Consequ. constat. Antecedens probatur, quia definitio, seu quasi definitio cognitionis comprehensiuæ est, quod sit tanta in ratione cognitionis, quantum est obiectum in ratione cognoscibilis, seu quod tantum extendatur, quantum extenditur obiectum, ergo cum obiectum extendatur etiam ad ea, quæ in ipso sunt eminenter, etiam cognitio ad hoc extendi debet.

66 Confirmatur 2. quia data illa causalis, quod cognitio Dei quia est comprehensua extendatur ad omnia, quæ sunt tum formaliter, & necessario; tum eminenter in Deo, debet etiam in eodem sensu causali admitti hæc propositio, quia cognitio Dei extenditur ad creaturas, & ad alia obiecta modo dicto, est comprehensua; ergo, &c. Antecedens probatur quia cognitionem esse comprehensiuam Dei stat in hoc, quod sit perfecta adæquatio inter obiectum, & ipsam cognitionem; ergo, quod cognitio sit comprehensua, ex vtroque desumitur, & ex cognitione adæquante obiectum, & quasi mensurante illud, & ex obiecto mensurato. Tum quia ratio comprehensionis melius explicatur ex parte obiecti, quam ex parte cognitionis, vt si dicamus: illa cognitio est comprehensua, quæ se extendit ad cogno-

gno-

noscendum totum, quod est in obiecto seu formaliter, siue eminenter. Tum quia sicut melius redditur ratio hominis ex definitione ad definitum, quam è conuerso, nam melius dicimus aliquid esse hominem, quia est animal rationale, quam è conuerso; ita melius dicimus cognitionem esse comprehensiuam, quia terminatur ad totum, quod est in obiecto, quam è conuerso, cum procedatur à definitione ad definitum.

67 Respondet alij 4. quod ad cognitionem comprehensiuam Dei non requiratur, quod ipsa formalissimè sumpta extendatur ad creaturas, sed sufficit, quod inferat aliam cognitionem aliquo modo distinctam, per quam attingantur. Nam ratio cognitionis comprehensiuæ Dei debet esse respectu obiecti primarij, non secundarij, vt sunt creaturæ possibiles, ac proinde in illo priori in quo cognitio Dei intelligitur terminari ad essentiam, antequam terminetur ad creaturas, intelligitur sufficiens principium quo productiuum Verbi diuini.

68 Sed contra, quia, vt iam vidimus ad cognitionem comprehensiuam Dei, requiritur vt extendatur ad attingendum omnia, quæ quouis modo sunt in illo necessario, aliàs non esset omnimoda adæquatio inter cognitionem, & obiectum, ac proinde non esset comprehensiuum. Tum quia malè ponunt aduersarij in Deo duplicem cognitionem, vnā ad solam essentiam terminatam; vt ad obiectum primarium; aliam terminatam ad creaturas vt ad obiectum secundarium. Primò, quia hæc virtualis actuum, seu cognitionum distinctio penes obiectum primum, & secundarium, non debet admitti. Secundò, quia ea distinctione admissa, adhuc Verbum diuinum non posset procedere ex vi solius prioris actus terminati ad essentiam præcisè: quia ille actus sic præcisè sumptus non esset comprehensiuus diuinæ essentiae, ex eo, quod non esset tantus, quanta est eadem diuina essentia in ratione obiecti cognoscibilis. Tum etiam quia Patris persona est etiam obiectum secundarium cognitio-

nis Paternæ, ergo per illos auctores etiam persona deberet excludi à cognitione, productiuæ Verbi, quod est falsum. Antecedens constat, quia illa cognitio est tantæ immaterialitatis, vt sit suum esse, absque distinctione virtuali; ergo petit, quod eius obiectum primum sit in eodem gradu immaterialitatis, quod soli diuinæ essentiae, conuenit, non personis.

69 Tum deinde, quia quoties obiectum primum habet connexionem necessariam, & indispensabilem cum secundariò, non potest comprehensiuè attingi primum, quin attingatur secundarium; sed in nostro casu diuina essentia, quæ est obiectum primum dictæ cognitionis est necessariò connexa cum creaturis possibilibus, quæ sunt obiectum secundarium; ergo. Tum denique, quia ex hoc quod creaturæ sint obiectum secundarium respectu diuinæ essentiae, soluta sequitur, quod dicta essentia prius attingatur prioritate à quo, quam creaturæ, in quantum quod essentia diuina est ratio cognoscendi creaturas; non verò, quod diuina essentia prius attingatur prioritate in quo, ac proinde in eodem signo in quo illa cognitio Verbi productiuæ extendetur ad essentiam, & ad creaturas.

70 Confirmatur 1. quia in illo priori, quod præsupponitur ad productionem Verbi, creaturæ possibiles sunt à Deo cognoscibiles, imò habent quod sint cognitæ; ergo Verbum diuinum procedet ex illarum cognitione. Consequenter constat. Antecedens probatur tripliciter. Primò, quia hoc quod est essentiam diuinam præsentare creaturas possibiles, & intellectionem Dei terminari ad illas, est prædicatum essentiale, & necessarium in Deo; ergo debet præsupponi ad notionalia, ac proinde ad productionem personarum. Secundò, quia creaturæ habent esse possibiles ex diuina essentia, & omnipotentia; ergo antecedenter ad productionem diuinarum personarum, ac proinde cognoscuntur antecedenter ad earumdem personarum productionem. Tertiò, quia dictæ creaturæ possibiles antecedenter ad pro-

productionem diuinarum personarum, constituunt ratione diuinæ essentiae intellectum Dei in actu primo in ordine ad intellectum earum, ergo cognoscuntur antecedenter ad earumdem diuinarum personarum productionem; non enim sunt magis cognoscibiles in signo præcedenti ad productionem Verbi, quam post.

71 Confirmatur 2. quia in illo priori signo rationis, in quo Verbum substantialiter generatur in sua proprietate personali, & procedit ex cognitione diuinæ essentiae, communicatur ei perfectè eadem essentia cum omni perfectione, quā habet Pater; ergo communicatur, vt in illo priori est ratio, quare dictæ creaturæ sint intelligibiles, & vt est ratio quare intelligantur; ergo Verbum procedet ex cognitione dictarum creaturarum. Antecedens probatur, quia in illo priori Pater generat Filium vt sibi consubstantialem, & per omnia æqualem, cum sit Deus ex vi suæ generationis. Conseq. probatur, quia Pater in illo priori habet essentiam diuinam, vt est ratio, quare creaturæ possibiles sint intelligibiles, & intelligantur à Deo; cum habeat illam vt continentem eminenter dictas creaturas ergo. Soluuntur argumenta in contrarium.

72 Primum argum. desumunt ex varijs testimonijs D. Thomæ scilicet *q. 4. de veritate art. 5. in corpore, & ad 2. & ad 7. vbi docere videtur, quod si Verbum procederet ex cognitione creaturarum, diceret respectum ad illas, idem tradere videtur D. Anselmus in Monologio cap. 31. & 32. Resp. non esse mentem D. Th. nec D. Anselmi, nec aliorum Patrum, quod Verbum diuinum non procedat ex cognitione creaturarum, sed solum, quod non procedat ex ipsis creaturis; quia non procedit ab illis neque in esse intelligibili vt à principio, cum solum procedat ex cognitione earumdem creaturarum, seu quæ ad creaturas terminatur.*

73 Secundum argum. Spiritus sanctus non procedit ex amore creaturarum possibilem, ergo neque Verbum procedet ex cognitione earum. Si nam-

que amor ex quo producitur Spiritus sanctus est perfectus absque eo, quod terminetur ad creaturas possibiles; ita cognitio ex qua producitur Verbum, erit perfecta absque eo, quod terminetur ad easdem creaturas possibiles. Antecedens est certum & infra constabit. Conseq. probatur, tum ex paritate rationis, tum ex ratione ipsa, quia amor ex quo producitur Spiritus Sanctus ita est perfectus, vt sit (vt sic dicatur) comprehensiuus diuinæ bonitatis, sicut cognitio per quam procedit Verbum est comprehensiuus diuinæ intelligibilitatis: ita enim est tantus amor in ratione amoris quanta est diuina bonitas in ratione amabilis, sicut est tanta cognitio, quanta est diuina cognoscibilitas; ergo sicuti ad hoc vt amor sit tantus quanta est diuina amabilitas, non est necesse, quod extendatur ad creaturas possibiles; ita ad hoc vt cognitio sit tanta quanta est intelligibilitas; non erit necesse, quod extendatur ad creaturas possibiles. Resp. concedendo antecedens, & negando conseq. Ratio discriminis est, quia vtq. 14. diximus, creaturæ possibiles non habent bonitatem qua amari possint, habent tamen veritatem qua possint intelligi; vnde Verbum procedit ex cognitione creaturarum, non tamen Spiritus sanctus ex amore earum.

74 Tertium argum. Nam Pater producit verbum per illam cognitionem qua est beatus, sed non est beatus per suam cognitionem vt terminatur ad creaturas, sed ad suam essentiam, ergo producet Verbum per suam cognitionem qua terminatur ad essentiam, non ad creaturas. Maior patet, quia Pater producit Verbum per cognitionem primordiale, & perfectissimam, hæc autem est illa qua est beatus. Minor probatur, quia sola essentia diuina est obiectum beatificans, sola est obiectum Paternæ beatitudinis; non creaturæ, cum afferant determinationem, limitationem, finitatem: & illa in determinationem, illimitationem, infinitatem. Tum quia beati possunt non videre creaturas possibiles si habeant aded exiguum lumen gloriæ vt per illud solum essentiam prout

prout est in se videant, non tamen possint illam penetrare. Resp. concedendo maiorem, & negando minorem; nam licet Pater non sit beatus per suam cognitionem vt præcisè terminatur ad creaturas, bene tamen vt terminatur ad essentiam extensam ad creaturas: cum enim Pater sit beatus per cognitionem comprehensivam, & hæc terminetur etiam ad creaturas, sequitur, quod cognitio ipsum beatificans, & per quam producit Verbum, debeat ad creaturas terminari. Ad 1. probationem dico, quod ad Patris beatitudinem concutunt non solum essentia, verum etiam creaturæ, aliter tamen, & aliter; nam cognitio essentiae requiritur tanquam cognitio beatitudinis obiectivæ Patris; at cognitio creaturarum desideratur non tanquam cognitio obiecti beatificantis, sed tanquam cognitio alicuius, cum qua essentia divina habet connexionem, & sine quo cognitio essentiae non esset comprehensiva, non esset perfectissima, vt ex dictis liquet. Ad 2. probationem dico, quod licet beatus possit videre divinam essentiam sine eo, quod videantur creaturæ possibiles in particulari, non tamen sine eo, quod videantur in communi, prout sunt obiectum specificationum virtuale omnimoditæ. Hoc tamen non sufficit in beatitudine Patris, quia debet videre creaturas possibiles etiam in particulari, cum cognitio Patris debeat esse comprehensiva, non sic beatitudo creata.

75 Quartum argum. Nam si Verbum procederet ex cognitione creaturarum possibilem ex vi suæ proprietatis personalis, diceret ordinem ad illas; hoc dici nequit, ergo, &c. Sequela probatur, quia omne verbum ex vi eorum, quæ sunt sibi propria, dicit ordinem ad id, ex cuius cognitione procedit, ergo si Verbum procedit ex cognitione creaturarum, dicit ordinem ad illas. Resp. concedendo maiorem loquendo de ordine rationis fundamentaliter. Nam tametsi Verbum divinum habeat ab essentia, tanquam à ratione formali, quod repræsentet creaturas possibiles, & per consequens, quod dicat

relationem rationis fundamentaliter sumptam ad easdem, tamen quia hoc illi convenit ratione suæ proprietatis personalis tanquam conditionis, ex eo, quod ex illius vi petitur, quod ex vi suæ processionis communicetur sibi essentia vt est repræsentativa earundem creaturarum, ac proinde vt fundet prædictum ordinem; ideo dicitur convenire eidem Verbo ex vi suæ proprietatis personalis tanquam conditionis, quod dicat relationem rationis fundamentaliter ad creaturas. Vnde licet etiam Spiritus sanctus ratione essentiae dicat dictam relationem ad creaturas possibiles, non tamen ex vi suæ proprietatis personalis tanquam conditionis, vt Verbum; quia Spiritus Sanctus non petit, quod sibi communicetur essentia divina, ex vi suæ proprietatis personalis, vt petit Verbum.

76 Quintum argum. Essentia divina non habet connexionem necessariam cum creaturis possibilem; ergo potest perfectè, & comprehensive attingi sine illis, ac proinde Verbum non procedet per se, & per locum intrinsecum ex cognitione dictarum creaturarum possibilem. Antecedens in quo est difficultas probatur. Primo, quia divina essentia est multò magis necessaria, quam creaturæ possibiles; ergo non habet necessariam connexionem cum illis. Antecedens constat, quia quod convenit Deo, & creaturis, excellentius convenit illi, quàm istis. Conseq. probatur, quia, quod habet necessariam connexionem cum aliquo, habet maiorem necessitatem, quam illud, nam eo deficiente deficit, & non deficiente, non deficit. Tum quia si per impossibile non essent creaturæ, non sequeretur per se, & per locum intrinsecum non esse Deum, aut eius omnipotentiam. Cum tamen si per impossibile non esset Deus, sequeretur per locum intrinsecum non esse creaturas possibiles.

77 Secundò, quia cognitio creaturarum possibilem in Deo reperta, non est ita necessaria sicut est Verbum divinum; ergo Verbum non potest per se procedere ex cognitione illarum. Conseq. constat, quia principium quo alicuius, debet ha-

habere tantam necessitatem, quam habet terminus productus, quia quidquid necessitatis est in illo communicatur à suo principio. Antecedens probatur, quia cognitio non potest habere maiorem necessitatem, quam suum obiectum; sed creaturæ possibiles non habent tantam necessitatem, quam Verbum; ergo.

78 Tertiò, quia si essentia diuina haberet aliquam connexionem necessariam cum creaturis possibilibus, diceret realem ordinem ad illas; hoc dici nequit, ergo. Minor constat, quia relatio specificatur à termino, nihil autem diuinum specificati potest ab aliquo non diuino. Maior probatur, quia id, quod est necessariò connexum cum alio, dicit ordinem realem ad illum, cum intelligi nequeat sine illo; unde quia potentia visiva est necessariò connexa cum suo obiecto, ideò dicit ordinem ad illud.

79 Quartò, quia Verbum diuinum ut productum, est magis connexum cum diuina essentia, quam creaturæ; ergo cognitio diuinæ essentiae immediatiore habet habitudinem ad Verbum secundum esse productum, quam ad creaturas, ac proinde Verbum non procedet ex cognitione illarum. Antecedens constare videtur; nam Verbum secundum esse productum, est formaliter in Deo, & pertinet ad diuinam naturam per modum propriæ, & connaturalis personalitatis illius, non creaturæ, ac proinde Verbum ut productum erit magis connexum cum diuina essentia, quam creaturæ. Conseq. probatur, quia obiectum secundarium sic nectitur cum cognitione, quæ ad illud terminatur, sicut hoc facit primarium; sed diuina essentia, quæ est obiectum primatiui nectitur immediatiùs quam creaturæ cum diuina cognitione, ergo etiam Verbum, quod est obiectum secundarium. Si Verbum nectitur immediatiùs, quam creaturæ cognoscantur, sequitur, quod non procedat ex cognitione illarum; nam quod est prius connexum cum cognitione, non procedit à minus connexo.

80 Quintò, si per impossibile non essent creaturæ possibiles, non sequeretur

per locum intrinsecum, quod Verbum diuinum non esset processurum ex cognitione diuinæ essentiae, aut processurum diuersimodè ac modo: ergo modo non procedit per se, & per locum intrinsecum ex cognitione earundem creaturarum. Conseq. constat; ideo namque supra collegimus, quod spiritus sanctus procedat à Verbo, quia sublato Spiritu Sancto non procederet, vel non eodem modo Verbum. Antecedens probatur, quia ut Deus sit in se primum ens, & summè perfectum non indiget rebus possibilibus aliàs Deus esset suarum creaturarum indigus; sed ex eo quod Deus est primum ens, & perfectum generat verbum; ergo &c. Tum quia data creaturarum impossibilitate, Deus esset ita omnipotens, ac modo, ac proinde ita posset generare verbum, ac modo. Tum etiam quia ex hoc, quod essentia diuina repræsentet creaturas possibiles, non affert maiorem perfectionem, sicut neque ex eo quod repræsentet futuras; ac proinde si non darentur creaturæ possibiles, Verbum procederet eodem modo perfectum ac procedit modo. Tum denique si tantum esset impossibilis vna, aut altera creatura possibilis v. g. formica, non idcirco Verbum procederet diuerso modo, ac nunc; ergo neque tamen impossibiles essent omnes; Antecedens constat, quia videtur impossibile, quod ex sola implicatione formicæ, mutetur Deus, aut diuina omnipotentia. Conseq. tenet quia est eadem ratio de impossibilitate vnus creaturæ, ac omnium.

81 Ad hoc argum. cum suis probationibus responderet Suarez lib. 6 de Trin. cap. 6. n. 18 & 19 quod ita sunt necessariæ creaturæ possibiles, ac Deus, ac proinde nil ex hoc capite obest quominus Verbum procedat ex cognitione creaturarum possibilem. Ratio huius auctoris est, quia creaturæ habent suam possibilitatem ex diuina omnipotentia, vel ex se ipsis, absque aliqua dependence à Deo; si primum, ita erit necessaria possibilitas creaturarum, ac esse Dei; cum ita sit necessaria diuina omnipotentia cum qua creaturæ conne-

necessitate qua est Dei omnipotentia, eadem necessitate denominat creaturas possibiles, ac proinde tribuit illis esse possibiles. Quod, si dictæ creaturæ possibiles habent suā possibilitatem, & necessitatem ex se ipsis, seu ex intrinseca non repugnātia, & connexionē terminorū, tunc potiori ratione erunt ita necessariæ, ac Deus ipse. Quia tota ratio necessitatis, quod Deus sit, ex hoc oritur, quod ex se ipso, & non dependenter ab alio tanquam à causa, sit; ergo si ita contingit in creaturis, eodem prorsus modo erunt necessariæ, ac Deus.

82 Verum hæc solutio rejici debet. Primo, quia creaturarum possibilitas nō sumitur præcise ex Dei omnipotentia, sed etiam ex habitudine, seu connexionē terminorum, non repugnantium, sed maior est habitudo, seu connexio terminorum inter Deum, & suum esse, quam inter creaturas, & suum esse possibile; ergo magis necessarium est Deum esse, quam creaturas esse possibiles. Maior constat, & non negat Suarez. Minorem ostendo, quia Deus dicitur habitudinem ad suum esse, & est connexus cum illo, tanquam cum aliquo, quod est de eius ratione intrinseca, & conceptu quidditativo. At creaturæ possibiles tantum dicuntur habitudinem ad suum esse, seu tantum sunt connexæ cum illo possibiliter, & tanquam cum aliquo, quod est extra earum essentiam: esse namque existentie in creaturis, est extra essentiam earum.

83 Secundò, quia necessitas essendi dicitur latitudinem gradualem, nam aliqua sunt magis necessaria, quam alia; sicut magis necessarium est, hominem esse rationalem, quam esse risibilem, & esse risibilem, quam esse architetum. Terriò, quia etsi ad completam creaturarum possibilitatem, desideretur prædicta terminorum habitudo, sicut & esse divinum, & divina omnipotentia, tamen hæc duo ita inter se comparantur, ut esse Dei, & eius omnipotentia, sit ratio à priori, vel causa dictæ habitudinis, seu connexionis terminorum, non è contra. Unde est vera ista causalitas: Quia Deus est omnipotens, & habet virtutem ad producendum formicam,

ideo formica est possibilis, non è contra: quia formica est possibilis, ideo Deus potest illam facere, si ly quia dicat rationem à priori, & non solam conditionem illam ex vi divini esse, eiusque omnipotentie. Quando autem aliquid convenit necessitati duobus, & vni ratione sui, & alij ratione alterius, tunc perfectius, & magis necessitati convenit priori, quam posteriori, iuxta illud: *Propter quod unum quodque tale, & illud magis*. Maior patet, quia divina omnipotentia non potest denominare extrinsecè chimæram, nec potest illam facere, ex defectu connexionis terminorum, seu ratione repugnantie eorumdem terminorum inter se; ergo signum est, quod ad possibilitatē creaturarum requiratur etiam connexio terminorum, licet talis connexio oriatur tanquam à ratione à priori à divina omnipotentia.

84 Respondent alij, quod licet non sit æquè necessarium Deum esse, & creaturas esse possibiles, necessitate ab intrinseco; tamen est æquè necessarium necessitate ab extrinseco, quatenus per bonam illationem æquè benè sequitur, quod si Deus est omnipotens, etiam creaturæ sint possibiles: similiter si istæ sunt possibiles, etiam sequitur Deum esse omnipotentem. Quod satis est, ad hoc ut ratione istius connexionis, & æqualis necessitatis sint Deus, & creaturæ connexæ extrinsecè, ut nequeat divina omnipotentia cognosci, non cognitis creaturis possibilibus.

85 Sed contra, quia necessitas illationis, & consequentiae rationalis fundatur in necessaria connexionē antecedentis, & consequentis; ergo hoc ipso, quod non sit æquè necessarium in se, seu necessitate intrinseca Deum esse, & creaturas esse possibiles, non erit æquè necessarium quoad illationem. Nam necessitas illationis fundatur in necessitate in se; & quantitas illius, fundatur in quantitate huius.

86 Pro solutione ergo legitima argumenti, attende, quod licet implicantibus creaturis possibilibus, Deus non esset omnipotens, si modo est, nec creaturæ essent possibiles, si Deus non esset omnipotens, ac proinde sit necessaria connexio.

xio inter prædicta extrema , tamen aliter & aliter hæc duo inter se comparantur . Nam ablatio creaturarum , non est ratio à priori ablationis Dei , sed potius è contra . Quia sicut ex omnipotentia , inferiur à priori possibilis creaturarum , cum non sint factibiles nisi ab ente per essentiam , & vi participationes illius , ita ex eo , quod aufertur dictæ creaturæ possibiles , solum à posteriori aufertur Deus . Sicut ex eo , quod aufertur lux à nostro hemisphærio , tollitur Soli ; non quia ablatio lucis sit ratio à priori ablationis Solis , sed quia ex eo , quod lux abest , sequitur Solem fuisse prius sublatum .

87 His positis , ad argum. n. 76. propositū resp. negando antecedens , ut enim ex dictis constat , essentia diuina habet necessariam connexionem cum creaturis possibilibus . Ad 1. probationem conceditur antecedens , & negatur consequens . quia ad hoc ut res aliqua habeat necessariam connexionem cum alia tanquam cum posteriori , & illata , non requiritur , quod habeat tantam necessitatem , quantum habet illa , quæ est ratio sui à priori . Potest enim id , quod est ratio à priori alterius esse magis necessarium , quam illarū , quam posterius , ut ex se patet , & in nostro casu contingit ; aliās ens necessarium per participationem , esset æquè necessarium ac ens per essentiam , quod est falsum . Sicut falsum est , quod liberum per participationem , sit æquè liberum , ac primum liberum . Ad 2. probationem constat ex dictis , quod licet creaturæ possibiles non sint ita necessariae ac Deus ac Verbum diuinum ; tamen cognitio diuina illarum , ex qua Verbum procedit , est æquè necessaria ac Deus , & Verbum ; ac proinde Verbum , licet non possit procedere , nec procedat ex creaturis , procedit tamen ex cognitione illarum ut principio quo .

88 Ad 3. probationem dico non esse vniuersaliter verum , quod id , quod cum alio connectitur tanquam cum posteriori illato , debeat dicere habitudinem ad illud . Nam obiecta scientiarum sunt necessario connexa cum illis , & tamen non

dicunt habitudinem ad illas , sed è contra ; & sic licet essentia diuina sit necessario connexa cum creaturis , modo explicato , non tamen dicit habitudinem ad illas , neque transcendentalem , neque predicamentalem . Ad 4. probationem respondeo , quod loquendo de essentia comprehensiuè attingibili , distinguendum est antecedens , & concedendum de creaturis sumptis præcisè secundum se , seu ratione sui , & negandum de eisdem ratione diuinæ essentiae . Nam licet verum sit , quod creaturæ secundum se non sint magis , & immediatius connexæ cum diuina essentia , quam Verbum ut productum , tamen ipsa essentia ut fundat respectus ad creaturas , seu ut illas continet , est magis (ut sic dicamus) secum connexa , quam Verbum ut productum ; unde nequit diuina essentia attingi comprehensiuè , nisi attingatur creaturæ possibiles prius quam Verbum producat . Nec probatio ibidem adducta aliquid euincit , solum enim probat , quod creaturæ secundum se , & ut sunt obiectum purè secundarium , sint minus connexæ , quam Verbum , non tamen prout diuina essentia fundat prædictos respectus , nam tunc est intimius , immediatiusque connexa secum , quam Verbum productum , ut dictum est . Dicit etiam potest , quod sicut diuina cognitio , ut est essentialis , est prius se ipsa ut est notionalis ; ita dicit ordinem immediatiorem ad ea cum quibus est connexa in ratione cognitionis essentialis , ut est diuina essentia , & creaturæ , quam ad Verbum , cum quo est connexa qua ratione est notionalis .

89 Ad ultimam probationem dico , negandum esse antecedens . Nam si per impossibile , creaturæ non essent possibiles , Deus non esset omnipotens , ac subinde Verbum non procederet ex cognitione omnipotentiae , nec esset eiusdem rationis ac modo est . Ad 1. instantiam dico , quod etsi adhuc ut Deus sit primum ens , & summè perfectum , non indigeat rebus possibilibus extra se , tamen non esset primum ens , & summè perfectum , si creaturæ non essent possibiles , & hoc , non quia diuinum esse habeat indigen-

riam creaturarum, sed ex summa perfectione, quæ tanta est, ut non possit ratione illius inferre creaturarum possibilitatem, ac proinde ex sublatione possibilitatis earum, sequitur à posteriori, quod Deus non esset ita perfectus ac modo est ac subinde sequitur sublatam fuisse summam Dei perfectionem. Ad 2. instantiam dico negandum esse antecedens; data namque creaturarum impossibilitate Deus non esset ita omnipotens ut modo est, quod à posteriori inferretur, ut ex modo dictis constat. Ad 3. instantiam dico, quod ad hoc ut diuina essentia sit adæquatè sui representatiua, debet representare creaturas. Vnde licet representatio creaturarum non addat perfectionem supra diuinam essentiam. Tamen diuina essentia non perfectè representabitur, sine dictis creaturis; quia dum has representat cognoscitur etiam secundum suas eminentias. Ad ult. instantiam dicendum, quod implicante vna creatura, v. g. formica, Verbum non procederet eiusdem rationis ac modo; non quia diuina omnipotentia specificetur ab illa creatura, sed quia à posteriori colligeremus non esse eandem diuinam omnipotentiam; quia omnipotentiam esse talem colligimus ex cumulo omnium creaturarum, si autem vna implicaret sicut iam, non esset idem creaturarum cumulus, ita non esset eadem omnipotentia.

90 Sed dices 1. quod adhuc ut meritum v. g. sit infinitum, non est necesse, quod detur præmium infinitum; ergo diuina omnipotentia erit finita, & perfectissima tamen non dentur creature possibiles infinitæ, ac subinde licet hæc, aut illa, vel illæ implicarent, esset infinita ut modo est. Antecedens constat in merito Christi D. quod fuit infinitum, cum tamen sibi non correspondeat præmium infinitum; gloria namque sibi data, non fuit infinita. Item eius satisfactio fuit finita, licet non profuit infinitis hominibus. Conseq. probatur. Tum ex paritate rationis, tum quia ad infinitatem diuinæ omnipotentiae satis est, quod quantum est de se habeat vim factiuam crea-

turarum, modo non implicat; sicut ad infinitatem, & meriti, & satisfactionis Christi D. sufficit, quod eius opera sint tantæ efficacitatis, valoris, & eminentiæ, quod quantum est de se mereantur gloriam infinitam, & satisfacere possint pro infinitis hominibus. Resp. 1. concedendo antecedens, & negando conseq. Ratio discriminis est, quia adhuc ut meritum dicatur infinitum, non est necesse, quod causet præmium infinitum in esse rei, sed sufficit, quod modus merendi sit infinitus, seu quod modus sit talis, quod ad illum requiratur infinitas meriti. Sic se habet in nostro casu, nam licet gloria, & nominis manifestatio data Christo D. sit in se finita, tamen modus quo fuit promerita scilicet ex proprijs, est infinitus, & requirit in me mente principium merendi infinitum. Idem dic de satisfactione, quæ prout fuit ex perfectâ iustitia ex modo satisfaciendi fuit infinita, & tamen peccatum deletum non esset in ratione offense infinitum. At loquendo de diuina omnipotentia dico, quod nequit esse finita si implicet creaturas; quia ex infinitate omnipotentiae, infertur creaturas esse possibiles, & illam esse factiuam, & has factibiles.

91 Resp. 2. quod adhuc ut meritum Christi sit infinitum in actu, & categorematice, non est necesse, quod præmium v. g. gloria sit actu, & categorematice infinita secundum intensionem, sed sufficit, quod sit possibilis gloria infinita secundum intensionem syncategorematicè, seu in potentia. Et sic meritum Christi non est infinitum, quia ex se habeat virtutem ad producendam gloriam infinitam in actu; sed quia actus illius immutati permanentes, & absque additione nouæ condignitatis habent vim ad causandam infinitam gloriam in potentia. Quod de omnipotentia dici non potest, si semel creatura, vel creatura non essent possibiles.

92 Dices 2. quia si Deus crearet Angelum ab æterno cum gratia sanctificante, & cum actu charitatis, tunc ille Angelus ratione dicti actus haberet proportionem ex se sufficientem ad merendam gloriam infinitam si esset possibilis; ergo etiam

etiam in Deo concedi potest proportio quantum est de se sufficiens ad producendas creaturas possibles, si essent possibles, ac proinde dabitur omnipotentia simpliciter talis, ac eo modo quo nunc est, tamen si creaturæ omnes, vel aliquæ implicarent. Resp. quod ille Angelus dicitur mereri gloriam infinitam syncategorematicè. At adhuc ut diuina omnipotentia dicatur infinita debet esse ratio à priori possibilitatis creaturarum, quod si creaturæ implicarent, à posteriori colligeretur diuinam omnipotentiam non esse ut modo est.

D V B I V M III.

An Verbum diuinum procedat ex cognitione creaturarum futurarum.

93 **P**rima sententia est, quod Verbū diuinum per se procedat ex cognitione creaturarum futurarum, ex suppositione futuritionis earum. Sic Valentia 1. p. disp. 29. 7. punt. 2. Montoya disp. 63. fess. 4. & alij ex neotericis modernis.

94 Nostra sententia scq. conclusionem explicatur. *Verbum diuinum non procedit ex cognitione rerum futurarum etiam data suppositione quacunque earum.* Pro hac concl. referunt N. Salm. D. Thomam, D. Anselm. in monolog. cap. 30. Caiet. Bann. Nazar. Ripam, aliosque, & est communis Theologorum sensus.

95 Ratio fundamentalis est, quia Verbum diuinum ad sui productionem solum requirit cognitionem perfectissimam Patris, sed ad hanc non requiritur cognitio futurorum; ergo Verbum diuinum non procedit ex cognitione eorum. Maior parer, quia cognitio perfectissima Patris, est cognitio comprehensua, ad quam requiritur, quod extendatur ad ea, quæ sunt in Deo necessariò formaliter, & eminenter. Minor probatur, quia cognitio creaturarum futurarum non pertinet ad perfectionem cognitionis comprehensuæ Dei; nam si Deus decreuisset nullam creaturam producere, tunc nulla creatura esset futura, ac proinde non esset

in Deo cognitio creaturarum futurarum, & tamen adhuc cognitio Dei esset perfectissima, & comprehensua; ergo cognitio creaturarum futurarum non pertinet ad perfectionem Dei.

96 Respondet Ruiz Montoya loco citato, quod etsi ad cognitionem comprehensiuam Dei non requiratur cognitio creaturarum futurarum, tamè ex suppositione, quod sunt futuræ, requiritur, ac proinde Verbum diuinum procedet ex cognitione illarum ex suppositione futuritionis earum.

97 Sed contra, quia licet cognitio comprehensua debeat esse tantæ perfectionis, ut posita creaturarum futuritione debeat extendi ad illas; non tamen ex hoc inferitur, quod debeat absoluta necessitate terminari ad illas, ut sit comprehensua; ergo adhuc facta suppositione futuritionis dictarum creaturarum Verbum diuinum non procedet ex cognitione earum. Antecedens quoad primam partem, constat, quia posita futuritione creaturarum, debet cognitio Dei extendi ad illas, sicuti extenditur ad cognoscendum illas quando sunt in statu possibilitatis. Cum differentia tamen, quia diuina cognitio ad creaturas possibles extenditur necessitate absoluta; ad futuras verò necessitate secundum quid, scilicet suppositionis, ut ex se constat. Secunda, etiam pars antecedentis constat, quia adhuc ut cognitio diuina sit comprehensua, & perfectissima non requiritur quod extendatur ad obiectum cōtingens, quod potest non esse. Cognitio namque comprehensua Dei, debet esse necessaria, ac proinde non potest requirere ad sui consistentiam, quod extendatur ad aliquid, quod potest non esse. Conseq. probatur, quia productio passiva omnino necessaria ut est productio passiva Verbi diuini, non potest procedere ex cognitione nō omnino necessaria, & non habente tantā necessitatē quam habet Verbum productū; ergo Verbum diuinum non potest procedere ex cognitione terminata ad creaturas, cum hæc non sit omnino necessaria; sed solum necessaria ex suppositione.

Conc.

98 Confirmatur 1. quia repugnat, quod conclusio omnino necessaria, deducatur per se ex aliquo principio nō omnino necessario, vt ex principio contingenti, & solum necessario ex suppositione; ergo etiam repugnabit, quod Verbum diuinum, quod est omnino necessarium procedat ex cognitione non omnino necessaria, sed solum necessaria ex suppositione. Antecedens constat ex Summulis, quia non potest esse maior necessitas in conclusione, quā in principiis, aliās quicquid habet conclusio non refunderetur in principia. Conseq. constat ex paritate rationis, nam tota necessitas termini producti, refundi debet in principium producens, & tota necessitas Verbi, refundi debet in cognitionem.

99 Confirmatur 2. quia quando dicitur, quod Verbum procedit ex cognitione alicuius obiecti, vel particula ex denotat cognitionem prædicti obiecti esse principium quo Verbi, vel originem, & vim natiuam, per quam procedit; vel tandem iuxta nostram sententiam denotat esse principium quo, & simul ipsam originem, & vim actiuam Verbi, ita quod indicet formaliter principium quo generationis, & generationem ipsam esse intrinsecē, & quidditatiuē cognitionem talis obiecti, & hanc connotando Paternitatem esse viam, & originem ad Verbum; ergo implicat, posse permanere hanc originem, si non permaneat cognitio obiecti, in quo sita est aut quam formaliter includit. Cū ergo Verbi diuini generatio debeat necessariō permanere, sequitur, quod non includat cognitionem rerum futurarum, etiam facta suppositione earum.

100 Confirmatur 3. quia diuina voluntas, ex suppositione creaturarum, non immutatur, aut aliter se habet ac prius; ergo neque immutabitur diuinus intellectus, neque Verbum illius. Antecedens constat, ex naturali sympathia, & summa colligatione inter intellectum, & voluntatem. Conseq. probatur, quia si Verbum diuinum procederet ex cognitione futurorum ex suppositione futurationis eorum, mutaretur, nec procederet eo-

dem modo, ac si non supponeretur dicta cognitio, & futuritio; nam tunc peteret aliquid ex parte principij, quod non facta illa suppositione non peteret.

101 Confirmatur 4. quia id, quod intimius, & immediatius coniungitur cū Deo, non potest oriri ab eo ratione eius, quod non est ita coniunctum intimē, & immediatē, tamen si fiat suppositio existentie illius, & sint in eodem signo in quo, vt sunt essentia diuina, cognitio, futuritio, & decreta libera Dei. Ergo licet dicta decreta, futuritio creaturarum, & cognitio Dei respectu earum sint in eodem signo vna cum Verbo, & productione passiva illius Verbum diuinum non procedet ex dicta cognitione futurorum, facta quacumque suppositione eorum. Antecedens constat; conseq. probatur, quia Deo intimius coniungitur Verbum, cum coniungatur necessariō, quam cognitio futurorum, cum solum contingenter coniungatur.

102 Ex quibus infertur, Verbum diuinum non procedere per se ex scientia, media futurorum conditionerum. Tum quia dicta scientia in Deo repugnat, vt de scientia Dei vidimus q. 14. Tum etiam quia ea gratis data, non posset stare omnimoda necessitas in essendo Verbi diuini, & productionis illius cum dicta scientia, quæ potuit non esse. Soluuntur arg. in contrarium.

103 Primum argum. desumunt ex testimonio clarissimi Ecclesie luminis 15. de Trin. cap. 13. & 14. vbi dicit, quod Pater æternus Verbum non integrē, perfectēque dixisset, si aliquid minus, vel amplius esset in Verbo, quam in se ipso. Quare, cum in scientia Patris contineatur cognitio futurorum, hoc ipso, quod sunt futura, sequitur, quod eadem contineatur in Verbo, vt integrē, perfectēque dicatur; ac proinde ex suppositione, quod creature supponantur futuræ, debet Verbum ex illarum cognitione procedere. Tum quia idem Sanctissimus, & Doctissimus Pater lib. 83. quæst. 965. ait, quod Verbum dicit respectum ad creaturas vt faciendas; idēque Ioann. 1. Filius Dei

Dei appellatur Verbum, & non ratio, quia Verbum dicitur respectum ad res faciendas; Procedit autem Verbum ex cognitione eorum ad quæ respectum dicit. Tum etiam quia Verbum ex vi suæ processionis repræsentat creaturas futuras, & est id quo dictæ creaturæ dicuntur, ergo procedit ex cognitione earum. Antecedens constat, quia Verbum de facto repræsentat dictas creaturas, & est id in quo dicuntur; sed Verbum nil habet nisi id, quod habet per suam processionem, & ex vi illius, sicut in humanis Filius nil habet in instanti generationis, quod non habeat per eandem generationem. Consequenter probatur, quia Verbum non repræsentat ex vi processionis, nisi illa quorum cognitio desideratur ad suam productionem. Unde, quia ex vi processionis repræsentat possibilia, ideo per se ad sui productionem requirit eorum cognitionem.

104. Resp. bene dicere Augustinum, quod sicut in scientia Patris continetur visio, seu cognitio creaturarum futurarum, ita & in Verbo. Item conceditur, quod Verbum dicat respectum ad creaturas futuras, qui respectus sit rationis. Negamus tamen hinc sequi, quod Verbum procedat ex cognitione creaturarum futurarum. Nam Verbum; ut dictum est, solum procedit per se, etiam facta, quacumque suppositione, ex illorum cognitione, quorum cognitio est omnino necessaria in Patre. Seu solum procedit ex cognitione eorum, ad quæ necessario necessitate omnimoda, & non ex sola suppositione fundat respectum rationis. Per quæ patet ad 1. probat. ex eodem sanctissimo Patre ex lib. 83. *quest.* Ad 2. probationem negatur antecedens, ad cuius probationem dico, quod tamen si Verbum omnia quæ habet, habeat per suam processionem, non tamen ex vi processionis; sicut etiam licet omnia, quæ habet Spiritus sanctus, habeat à Patre, & Filio per processionem, non tamen ex vi processionis. Ad hoc namque quod Verbum, & Spiritus sanctus habeant aliquid ex vi processionis, requiritur, quod habeant illud ex vi eorum, quæ sunt propria lineæ

illius processionis, & semper, necessario, & infallibiliter illi competant. Quocirca diximus supra ex communi Theologorum sensu, quod Spiritus sanctus, licet sit Deus, non tamen ex vi suæ processionis cum natura diuina, quæ illi communicatur non pertineat ad lineam processionis illius. Cum autem Verbum non habeat ex vi suæ lineæ repræsentare futura, cum ad hoc requiratur futuritionis suppositio, sequitur, quod horum cognitionem non habeat ex vi suæ processionis, licet habeat per processionem, ad hoc enim, sufficit, quod illi communicetur, quod processionem habere dicitur, vel identice, ut in Spiritu sancto reperitur diuinitas, vel ratione alicuius modificationis, aut determinationis, non necessaræ, ut in casu nostro contingit, &c. Quare hæc cognitio futurorum intelligitur communicata Verbo post eius essentialem productionem.

105. Secundum argum. Quia cognitio creaturarum possibilem perfecte requiritur ad productionem Verbi; ergo etiam cognitio creaturarum existentium, facta suppositione, quod existant in aliqua differentia temporis; antecedens constat ex dictis dub. precedenti. Consequenter probatur, quia non est minus efficax dictio creaturarum existentium, quam possibilem; ergo non minus ex illa, quam ex ista producit Verbum. Tum quia cognitio creaturarum possibilem ideo per se requiritur ad productionem Verbi diuini, quia essentia diuina, quæ præsupponitur per modum principij *quo*, & habet rationem speciei intelligibilis, est in eo signo *in quo* repræsentatiua earundem creaturarum possibilem; sed eadem diuina essentia in eodem signo *in quo*, habet vim ad repræsentandas creaturas futuras, & istæ ut tales sunt pro dicto signo repræsentabiles, cum decretum per quod sunt futura mensuretur æternitate, ac proinde reperitur in eodem signo *in quo*; ergo, &c. Tum etiam quia, Verbo diuino communicatur à Patre cognitio futurorum, & non censetur finita, seu completa eius generatio usque dum dicta cogni-

gnitio ei communicetur, sicut & decretum de eorum futuritione; ergo Verbum per se procedet ex cognitione qua Pater cognoscit dicta futura.

106. Resp. concedendo antecedens, & negando consequens. Ad 1. probationem dico, quod dictio creaturarum existentium licet secundum se sit infinite efficax, sicut productio Verbi diuini, ac proinde infinite perfecta, tamen prout est formalissime dictio, seu productio creaturarum existentium nihil addit perfectionis supra se ipsam primò modo, sed tantum addit terminationem liberam ad dictas creaturas existentes, vel futuras; & secundum hanc rationem iam supponit Verbum productum, & Pater per illam solum communicat Verbo aliquid quasi accidentale & non addens nouam perfectionem. Nam cum ista cognitio sit libera, supponet omnia necessaria, ac proinde & ipsam Verbi productionem. Vnde ad argumentum in forma respondetur. Non est minus efficax dictio creaturarum existentium, quam possibilium, si intelligatur de efficacia dictæ dictionis ad communicandum Verbo aliquid ei liberè conueniens, & supponens ipsum iam productum, & conceditur: ad communicandum Verbo id per quod constituitur, & negatur. Quare cognitio dictarum creaturarum existentium, aut futurarum solum concomitanter se habet in produ-

ctione Verbi diuini, non vt principium quo productionis illius, tametsi dicta cognitio reperiatur in eodem signo in quo, vt ex dictis constat; Vnde essentia diuina licet representat in eodem signo in quo creaturas posibles, & futuras, tamen illas repræsentat necessario, & per se, non sic istas, nisi per suum decretum determinetur. Ad 2. probationem iam constat ex dictis, quod licet cognitio futurorum, & existentium communicetur Verbo à Patre, non tamen ex vi processionis, sed concomitanter, vt ex dictis constat.

107. Sed dices, quod illa terminatio ad futura nihil addit supra cognitionem Dei vt terminatur ad creaturas posibles; ergo non potest intelligi quod Pater prius habeat cognitionem terminatam ad creaturas posibles; & producat Verbum, & postea ei communicet cognitionem futurorum. Respondetur, quod licet illa terminatio nullam realitatem addat supra cognitionem diuinam, tamen prius prioritate à quo intelligimus diuinam cognitionem terminari ad creaturas posibles, quam ad existentes. Sicut in actu libero terminato nullam addit realitatem supra actum necessarium, & tamen iste est prior à quo illo; prius enim intelligimus amorem necessarium, quam liberum, & iste supponit illum.

DISPUTATIO XXXIV.

IN QVAEST. XXXV. D. THOMAE

DE IMAGINE.

IMEC quæst. 35. D. Th. duos habet articulos. In 1. ostendit, quod imago in diuinis ponitur personaliter, non essentialiter, ex eo,

quod de ratione imaginis est, quod sit similitudo procedens. Processio autem solum in personalibus inuenitur. In secundo art. ostendit, quod ratio imaginis solum conuenit Filio, & non Spiritui sancto; quia licet Spiritus sanctus accipiat naturam Patris, eandem quam accipit Filius, non dicitur tamen Filius, nec natus, nec de ratione eius est similitudo, ut est de ratione Verbi. Verum ut ea quæ tradit S. Doctor maneant explicata sit.

DVBIUM I.

An ratio imaginis reperiatur propriè in diuinis, & an essentialiter, an personaliter dicatur.

Prima sententia est Durandi in 1. dist. 28. q. 3. n. 5. quod ratio imaginis propriè, & formaliter in diuinis non reperiatur. Nostra sententia sequenti concl. explicatur. In diuinis propriè, & formaliter reperiatur ratio imaginis, & dicitur personaliter, non essentialiter. Habetur hæc conclusio ex illo Apostol. ad Collos. 1. *Qui est imago Dei inuisibilis.* Idem traditur ad Hebr. 1. 2. ad Cor. 4. & alibi. Sic docent Sancti Patres: D. Athanas. lib. 2. contra Arian. Verbum diuinum vocat. Splendorem, characterem, & imaginem Patris. D. Hilari. lib. 2. de Trinit. vocat Filium: imaginem inuisibilis Dei.

Eodem modo loquuntur N. S. P. Cyrillus lib. 1. *Theauric. cap. 1.* D. August. 7. de Trin. cap. 1. & alij multi, & sic tradunt omnes Theologi cum D. Thoma contra Durandum.

3 Verum ut fundamentalem nostræ conclusionis rationem intelligamus, nota 1. ex clarissimo Ecclesiæ lumine lib. 83. quæst. 9. 74. & lib. 5. super Deuter. q. 4. & lib. imperfecto super Gen. ad litter. cap. 16. ex D. Thoma in hoc art. 1. & q. 93. art. 1. & 2. & ex communi Theologorum placito, quod ad rationem imaginis tres conditiones desiderantur. Prima est, quod sit similitudo eius, cuius dicitur imago. Rationem huius conditionis assignat S. Doctor in 1. dist. 28. q. 2. art. 1. quia imago dicitur quasi imitatio. Id autem quod fit ad imitationem alterius, debet esse simile illi, aliàs ad imitationem illius non fieret. Secunda conditio est, quod hæc similitudo, non sit qualiscumque, sed in quacumque re, sed in ipsa specie, & natura rei, vel in signo speciei, quale est figura in rebus corporeis. Rationem huius conditionis tradit S. Doctor locis citatis, quia similitudo in gradu præcisè genetico, aut in aliquo accidenti communi non sufficit ad rationem imaginis: quocirca vermiculi producti ab homine, non sunt imago illius, licet conueniant cum illo, & sint similes illi in gradu generico animalis. Pariformiter, licet ad imitationem alicuius hominis albi, producatur in pariete aliquod album, non ob id erit imago dicti hominis, quia hoc, quod est esse album comparatur cum illo per modum accidentis communis.

4 Tertia conditio est, quod hæc similitudo in specie, vel signo speciei du-

eat ortum, & originem ab eo cuius est imago, tanquam à principio eiusdem similitudinis, & imaginis. Hanc conditionem esse necessariam probat S. Doctor, rum auctoritate D. Ang. loc. citat. Tum, quia propter defectum huius conditionis vnum ovum, ut dicit idem Ecclesie lumen, quantumvis sit simile alteri; non dicitur propriè, & formaliter esse imaginem alterius, ex eo, quod vnum non est productum ab alio. Ex quibus conditionibus desumitur definitio imaginis, quam ex eodem Aug. tradunt omnes, scilicet *imago est similitudo in specie, vel in signo speciei, producta ab alio, cuius est similitudo.*

5 Nota 2. quod imago ut communiter traditur, est triplex, scilicet artificialis, naturalis, & intentionalis, & omnibus istis competit dicta definitio. Imago artificialis, est illa quæ sit ab arte, ut cum pictor depingit in tabula figuram Petri ad ipsius imitationem, hæc namque figura est imago Petri; quia est similitudo in delineamento, seu in figura externa, quæ est signum maximè proprium Petri, ad quam ipse Petrus concurrat tanquam causa exemplaris quoad similitudinem quam habet cum illo. Imago naturalis, est filius in humanis, qui est imago sui Patris, eo quod sit similis illi in natura, quæ similitudo illi à Patre communicatur. Imago intentionalis est Verbum repræsentativum v.g. Petri, tale namque verbum dicitur imago intentionalis illius, quia est simile illi in natura, licet ex parte habendi illum sit dissimile; & hæc similitudo produciatur à specie intentionali eiusdem Petri, ut gerentis vicem illius.

6 His notatis probatur concl. Quia dictæ conditiones ad imaginem propriè, & formaliter dictam reperiuntur in divinis, ita tamen ut non conveniant essentialiter, sed personæ, ergo ratio imaginis reperiatur in divinis, non essentialiter, sed notionaliter. Maior patet, quia Verbum divinum est simile Patri; in natura; & hanc similitudinem habet ex vi processionis per quam ab eodem Patre procedit. Minor quoad primam partem, quod sci-

licet illæ conditiones non conveniunt naturæ divinæ, constat, quia id quod importat ordinem originis, non convenit naturæ; essentialia namque non producuntur, non procedunt, sed solæ personæ. Secunda pars patet ex modo dictis, quia solæ personæ procedunt, ac proinde cum ad rationem imaginis requiratur aliqua processio, sequitur, quod imago solum personaliter dici possit.

7 Probatur etiam concl. quia imago secum affert duplicem relationem: vnam producti ad producentem; aliam similitudinis ad prototypum in eo in quo conveniunt, scilicet in natura saltem specifica, vel signo illius: illa prior est realis; non ista, quando ratio fundandi illam est omnino eadem in imagine, & in eo cuius est imago, ut in divinis contingit, ubi natura divina, quæ est ratio fundandi dictam similitudinem, est eadem in Patre, & Filio. At cum in humanis, sit diversa numero, similitudo inter Patrem, & Filium erit realis. Verum similitudo, seu relatio similitudinis inter Verbum Petri, & Petrum, ut multi volunt, est rationis, quia est eadem numero natura in Petro, & Verbo illius, licet habeat in utroque diversum modum essendi; sed neutra ex istis relationibus convenit divinæ essentialiter; ergo ratio imaginis non dicitur in divinis essentialiter, sed tantum personaliter. Maior nota est, & etiam minor quia relatio producentis, & producti non convenit essentialibus, sed tantum personalibus. Soluuntur argum. Durandi.

8 Primum argum. quia una persona divina non est propriè similis alteri; ergo in divinis non datur propria ratio imaginis. Consequenter constat, ubi enim non est propria similitudo, neque est propria ratio imaginis. Antecedens probatur, quia similitudo si esset inter divinas personas, vel esset ratione originis, vel ratione essentialitatis: non ratione originis, quia hæc licet sit in Filio, non tamen in Patre non ratione essentialitatis, quia hæc est eadem prorsus numero in omnibus: unitas autem non fundat similitudinem, sed potius identitatem; nam similitudo est distinctorum
con-

conuenientia. Tum quia si daretur in Deo similitudo, diceret tantum relationem rationis, ac proinde solum esset imago secundum rationem. Tum etiam quia vel ratio imaginis includit in suo conceptu formalem similitudinem, quæ sit relatio æquiparantiæ; vel tantum fundamentalem, quæ est vnitas naturæ? Non primum, quia tunc imago formaliter non esset relatio disquiparantiæ, sed æquiparantiæ, & per consequens denominaret utrumque extremum, non diuerso, sed eodem modo, quod admitti nequit in diuinis, vbi soli Verbo, & non pluribus personis conuenit ratio imaginis; similitudo autem, quæ est relatio æquiparantiæ, pluribus personis conuenit. Si dicatur secundum, tunc ratio imaginis erit quid absolutum, & essentialiter; nam vnitas in natura diuina, est prædicatum absolutum, & essentialiter, sicut & ipsa natura.

9 Resp. negando antecedens. Ad probationem dico, quod illa similitudo est ratione essentialiter; licet enim essentia sit vna, personæ tamen sunt distinctæ; quia ad hoc vt aliqua dicantur, similia, requiritur, & sufficit, quod habeant vnitatem cum distinctione: similia habent in quo sunt idem, & in quo distincta vt videntur in diuinis personis, quæ in natura sunt idem, & in personis distinctæ. Ad aliam probationem dico, quod in diuinis similitudo formalis, est relatio rationis, quia ratio fundandi illam, scilicet natura diuina, est eadem prorsus numero in omnibus diuinis personis. Fundamentaliter tamen est quid totale, dicens in recto identitatem in natura, & in obliquo personarum distinctionem; personæ vero ad inuicem secundum se, non dicuntur similes cum sint diuersæ rationis, & quasi speciei. Ad ult. probationem dicendum, quod imago in diuinis includit dictam similitudinem fundamentalem, eius tamen conceptus formalis est ordo originis ad suum principium, ac proinde non est aliquid absolutum, sed relatiuum.

10. Secundum argum. Quia falsum est, quod ratio imaginis dicatur persona-

liter, & non essentialiter; ergo. Antecedens probatur, quia teste N. S. P. Cyrillo 3, de Trinit. circa princ. exemplar, & imago in diuinis sunt idem; sed esse exemplar creaturarum in Deo, dicitur essentialiter, ergo etiam imago. Tum quia, esse imaginem in creaturis, v.g. in artificialibus, non est quid relatiuum, sed absolutum; ergo etiam in diuinis erit quid absolutum. Antecedens constat, quia, imago artificialis collocatur in prædicamento qualitatis. Conseq. etiam constat, quia de diuinis philosophari debemus ad modum eorum, quæ videmus in creatis; sed in creatis ratio imaginis, est quid absolutum; ergo etiam in diuinis.

11 Resp. negando antecedens. Ad 1. probationem ex N. Cyrillo dico cum S. Thoma in 1. diff. 28. q. 2. art. 2. quod imago ibidem à Cyrillo accipitur largè, prout est idem ac exemplar hic autem accipitur strictè, & propriè, pro similitudine producta ab eo cuius est similitudo. Ad 2. probationem conceditur antecedens, & negatur consequat. probationem dico, quo de diuinis debemus philosophari ad modum humanorum, demptis tamen imperfectionibus, quæ in presenti non demerentur, si in diuinis imago esset quid absolutum, cum hoc produci, seu procedere nequeat.

12 Tertium argum. Quia falsum est, quod ad rationem imaginis desideretur, quod procedat ab eo cuius est imago; ergo, &c. Antecedens probatur, nam Filius in diuinis est imago Deitatis, vt dicitur in Concil. Constantinopol. vbi expressè dicitur: *Verbum esse imaginem Deitatis*; & S. Greg. Nissen. in vita S. Greg. Thaum. narrat instructionem quam illi accepit à Beata Virgine, & S. Ioan. Bapt. vbi inter cætera dicit se accepisse, quod Filius est imago Deitatis. Et ad Hebr. 1. dicitur, quod est figura substantiæ Dei, id est essentia; vt exponit ibid. S. Thomas.

13 Resp. negando antecedens. Ad probationem dico, quod in ijs locis ratio imaginis non accipitur propriè, & strictè, sed largè, prout est idem ac esse re-

presentium quo etiam sensu dicitur, quod Verbum est imago bonitatis Dei: ad hoc namque verbum Verbum dicitur, hoc sensu imago; seu representatio, non requiritur processio, cum Verbum representet Deitatem, & omnia attributa, imò & creaturas, cum tamen non precedat ab illis. Ad testimonium ex Epist. ad Hebr. dici etiam potest, quod per sy substantia intelligatur persona Patris, ut sit sensus, quod Filius est figura, seu imago personae Patris. Quod autem substantia accipitur aliquando pro persona, constat ex dictis in superioribus.

D V B I U M II.

An ratio imaginis solum conveniat Verbo, an etiam Spiritui sancto.

14 **P**rima sententia fuit quorundam haeticorum, & etiam multorum Doctorum Graecorum. Pro eadem refertur à Capreolo in 1. dist. 27. q. 2. Aureolus, quod scilicet ratio imaginis etiam de Spiritu sancto dicatur.

15 Nostra sententia, & catholica, sequitur conclusionem explicatam. *Solum Verbum, seu Filius in divinis, non Spiritus sanctus, est imago.* Colligitur hæc conclusio ex illo ad Collos. 1. *Qui est imago Dei invisibilis: primogenitus omnis creaturae.* Et ad Hebræos 1. *Qui cum suis splendor gloria, & signa substantia eius.* Et Ioan. 6. *Hunc enim Pater signavit Deus.* Hanc conclusionem tradidit S. Patres quorum testimonia referant N. Salmant. hoc loco. Idem probat S. Doctor hic art. 2. & alibi.

16 Probatur 1. quia istud, quod habet rationem imaginis consubstantialis, & naturalis in divinis, debet procedere per modum naturæ, non Spiritus sanctus, ergo solum Verbum divinum est imago, non Spiritus sanctus. Maior constat, quia imagini substantiali, & naturali, debet per suam processionem communicari natura eius cuius est imago, ut

etiam in humanis cernitur; hoc autem solum fit per primam processionem, quæ est processio Verbi, ergo. Minor etiam constat; quia soli Verbo ex vi suæ processionis communicatur natura Patris; ac Spiritui Sancto communicatur voluntas, & amor ex vi suæ processionis, ergo.

17 Probatur 2. quia licet Spiritui sancto communicetur ipsa natura divina, tamen quia ex vi suæ processionis, non procedit per modum similitudinis, sed per modum amoris, ideo Spiritus sanctus neque est Filius, neque Verbum Patris, ergo neque erit imago. Antecedens constat ex dictis supra. Consequenter probatur, quia non minus requiritur ad rationem imaginis similitudo in natura; & quod id, quod est imago procedat per modum similitudinis in natura, quam ad rationem Verbi, & Filij. Ergo si ad rationem Verbi, & Filij in divinis, non sufficit, quod habeat utrumque naturam, sed debet habere illam procedendo per modum similitudinis, & non solum per modum amoris, sequitur, quod Spiritus sanctus, cum non procedat per modum similis, sed per modum amoris, tamen habeat naturam divinam identicè, non sic imago.

18 Responderi potest ex doctrina Graecorum, falsò supponi in illis rationibus, quod ad rationem imaginis desideretur etiam in divinis, quod communicetur natura per processionem per modum naturæ, seu per primam processionem, seu quod procedat naturalis ex vi processionis, sed sufficit, quod communicetur natura per talem processionem, siue sit prima, siue non. Secundo, quod communicetur similitudo, siue hoc fiat ex vi processionis, siue aliunde. Quod exemplo imaginis artificialis explicari potest, nam hæc aliquando casu, & præter intentionem artificis, bonæ ex vi processionis communicatur ratio similitudinis eius, cuius est imago, nec ob id desinit esse imago.

19 Sed conari, quia etiam in divinis imago naturalis non est utrumque similis sup. principio, nec utrumque habet de.

debet naturam communicatam ab eo, cuius est imago, sed requiritur quod habeat illam communicatam per primam processionem; & ex vi sue processionis; ergo etiam in diuinis. Antecedens constat exemplo filij inter nos, qui hoc ipso, quod est filius procedit per primam processionem, & est similis Patri ex vi eiusdem processionis. Consequenter probatur, quia diuina debemus intelligere ad instar humanorum, quando nulla repugnantia ratio apparet. Tum quia procedere non utrumque simile, sed ex vi processionis; & per processionem ex se communicatam similitudinis, est habere dictam similitudinem, non utrumque, non in esse rei solum, sed in ratione termini formalis; ergo sicut in humanis filius habet similitudinem, non in esse rei solum, sed in ratione termini formalis, hoc ipsum debet contingere in diuinis.

20. Confirmatur 1. quia imago intentionalis in creatis, habet, quod ex vi sue processionis procedat similis suo principio, id ipsum habet imago artificialis, etiam quando casu, & prater intentionem artificis procedit similis. Id ipsum etiam habet imago naturalis in creatis, ut numero precedenti diximus; ergo signum est esse de ratione imaginis, quod sic procedat, ac proinde etiam in diuinis hoc contingere debet. Antecedens quoque quoad imaginem intentionalem constat ex dictis supra. 17. & 18. Quoad imaginem artificialem etiam constat, quia licet quando pictor casu, & prater voluntatem facit figuram alicui similem, producat effectum per accidens in ratione voluntarij, & moralis; tamen in ratione effectus artificialis comparati ad suum principium, scilicet ad intellectum artificis determinatum per exemplar, non producit effectum per accidens, sed per se, & ex vi sue processionis procedit similis illi. Quoad imaginem naturalem etiam constat dictum antecedens. Ex quibus patet ad exemplum, quod est imago artificiali adducebatur. Nam imago artificialis, hoc ipso, quod talitatem quam est prater intentionem operis, seu artificis actionis

per quam procedit, licet aliquando sit prater intentionem operantis. Ad hoc autem ut ex vi processionis exeat similis, sufficit, quod nunquam fiat prater intentionem operis, sed ex vi illius communicetur ei similitudo illa.

21. Confirmatur 2. Quia hoc ipso, quod ad rationem imaginis requiratur, quod sit similitudo producta, ut ex illius definitione constat, debet hoc per se ei conuenire, ut ex se constat, quod enim petitur ad rationem alicuius, debet ei per se conuenire; sed non potest imagini per se conuenire, quod sit similitudo producta, nisi dicta similitudo sit terminus per se illius productionis; alius non esset similitudo per se producta, sed orta per accidens; ergo imago debet ex vi productionis esse similis suo principio producenti. Id enim, quod est per se terminus alicuius processionis, debet ex vi eiusdem, ratio termini communicari.

22. Confirmatur 3. quia ex eo, quod generatio viuientium definiatur, quod sit origo viuientis à viuente coniuncto, in similitudinem nature, colligimus hanc similitudinem debere esse terminum per se, & formalem dictæ generationis; ergo etiam eum in definitione imaginis dicatur, quod debeat esse similitudo in specie producta, &c. debet dicta similitudo esse terminus formalis productionis illius, ac subinde debet dicta similitudo communicari ex vi dictæ processionis. Vnde ideo Spiritui Sancto denegamus rationem geniti, quia productioni eius non conuenit, quod terminetur ad similitudinem, ut ad terminum formalem, sed tantum identicè.

23. Secundò responderi potest ex Richardo de S. Victore lib. 6. de Trin. cap. 11. & 19. quod non ideo Verbum est imago, aut non ideo Spiritus sanctus non habet rationem imaginis, quia Verbum producat per modum nature, aut quia euadat simile ex vi sue processionis, non Spiritus sanctus, sed quia ad rationem imaginis desideatur, quod euadat similis in ratione principij; quod Verbo, non Spiritui sancto competit, quia Spiritus sanctus non est principium alterius personæ.

sonæ, ut sunt Pater, & Filius.

24. Verum hanc responsioem impugnat S. Doctor in 1. ad Anibaldum dist. 28. art. 2. his verbis. *Secundum rationem non videtur confusa distinctio Augustini, qui vult, quod secundum relationem originis, non attendatur similitudo, neque aquabilitas, in quibus rationibus confilium imaginis.* Eandem impugnationem prosequitur *opus*, 1. contra errores Græcorum cap. 10. Rursus impugnat potest, quia si Spiritus sanctus, ea præcisa ratione non est imago, quia est habere naturam divinam ex vi processionis, & in ea sit similis suo principio, tamen non evadit similis in aliqua ratione principij, sequeretur, quod neque Verbum esset perfectissima, & exactissima imago Patris, quia non est simile illi quantum ad rationem, seu notionem principij: nam Verbum non procedit simile Patri quantum ad proprietatem personalem, communicandi naturam duabus personis, neque quantum ad hoc, quod est esse fontale principium divinitatis; neque quantum ad esse totale principium aliquius personæ divinæ sine concursu alterius personæ.

25. Tertiò responderi potest ad rationes nostras ex doctrina Rupertii lib. 3. de Trin. cap. 2. & aliorum, quod ideo Spiritus S. non est imago, non quia ex vi processionis non communicetur natura divinæ; aut quia procedat per voluntatem, sed quia ad rationem imaginis requiritur ut non sit similitudo duorum, sed unius tantum, solus autem Filius est similitudo unius, scilicet Patris; Spiritus sanctus verò est similitudo duorum.

26. At hanc rationem impugnat idē S. Doctor hic art. 2. & sic ait. *ad Anibaldum q. 2. art. 2. dicens. Secunda ratio est, quod imago qualibet ducit in unum. Spiritus autem sanctus ducit in plures, videlicet in Patrem, & Filium; si imago diceretur, sed hoc non videtur prohibere. Nam Pater, & Filius sunt unum Spiritus sancti principium.* Tum quia adhuc dato, quod imago debeat esse similitudo unius, non est tamē contra rationem imaginis, quod ducatur in cognitionem plurium sub ratio-

ne unius, seu quatenus sunt unum; quocirca homo dicitur imago totius Trinitatis, licet imperfecta, quia ab ea factus est, quia Deus unus est, quia omnes personæ divinæ habent eandem essentialiam, eandemque omnipotentiam, &c. & sic si semel Spiritus sanctus esset imago Patris, & Filij, eos representaret quia unum sunt, non quia plures personæ, ac proinde haberet veram, & propriam rationem imaginis. Tum etiam quia non est verū quod de ratione imaginis sit, quod sit tantummodo similitudo unius; si enim aliquid procederet à pluribus causis, distinctas virtutes operandi habentibus, posset esse imago illarum; si enim aliquid potest esse imago plurium per modum unius quando plura ut unum representat; ita potest esse imago plurium si plura representet, in quo plura sunt.

27. Quartò responderi potest ex doctrina Gabrielis Valsq. dist. 145. cap. 4. & 5. & Torres q. 27. art. 2. in 4. p. comment. quod non ideo Verbum est imago, quia procedit per modum naturæ, seu quia ex vi sue processionis communicatur illi naturæ, & non Spiritui Sancto, sed quia Verbum est productum ad representandum; seu quia est similitudo producta, & expressa ad representandum rem, cuius est imago; seu quæ eo fine producta est. Tunc autem, inquit, similitudo producta est ad representandum, cum ipsa habet secundum se, & secundum suam naturam repræsentare alicui utenti cognitione. Quare cum Verbum divinum habeat ut terminus cognitionis Patris representare ea, quorum est similitudo, ideo est imago Patris. At Spiritus Sanctus, licet ex vi sue processionis sit similitudo, quia tamen non habet representare alicui intelligenti ea quorum est similitudo, ideo non est imago. Nam Spiritus Sanctus nil representat Patri, & Filio, quia neuter intelligit se Spiritum Sancto, tanquam terminum, aut tanquam formam, nec etiam representat sibi ipsi, nisi quatenus cognoscit se, & alias personas in ipsa intellectione essentiali, & tunc potius cognoscit in essentiali. Neque representat alicui intellectui creato, siue

via-

viatori, siue comprehensori, vt patet, ergo.

28 Sed contra, quia in hac responsione supponitur, quod cognitio diuina solum vtatur vnico medio ad cognoscendas res, scilicet termino intellectionis, ac proinde cum Spiritus Sanctus non sit terminus intellectionis, non erit similitudo representans alicui videnti cognitione; hoc autem est falsum; ergo. Minorem probat quia Pater æternus v. g. cognoscit se, & omnia alia in essentia diuina: item in Verbo: & creaturas in earum ideis. Quocirca poterit Patet æternus in Spiritu Sancto habente eandem naturam, cognoscere se, & omnia alia, licet non cognoscat illa, tanquam in termino producto per intellectionem, aut tanquam forma intelligendi, seu intellectione ipsa, sed tanquam obiecto cognito, aut termino per voluntatem producto, habente ex vi suæ processionis summam similitudinem cum suo principio. Quare nisi denegetur Spiritui Sancto, ex vi suæ processionis sit similis suo principio, vt probant nostræ rationes, negari non potest quin habeat veram, & propriam imaginis rationem.

29 Confirmatur 1. quia repugnat, quod aliquid cognoscatur simile; in quantum est alteri simile, & per illud non cognoscatur alterum simile; sed Pater æternus, imò & quilibet beatus cognoscit Spiritum Sanctum in quantum est similis Patri, & Filio; ergo tam Pater, quam quilibet beatus cognoscat per Spiritum Sanctum Patrem, & Filium; ac proinde nisi Spiritui Sancto, obstat, quod non procedat vt similis, non poterit illi ratio imaginis denegari.

30 Confirmatur 2. quia quilibet beatus, hoc ipso, quod videat Verbum, videt Patrem in ipso, quia Verbum est simile Patri; ergo cum per illos auctores etiam Spiritus Sanctus sit similis Patri, & Filio, erit similitudo representans alicui videnti cognitione, ac proinde erit imago. Tum quia hoc ipso, quod Spiritui Sancto ex vi suæ processionis communicetur natura diuina, vt illi volunt, oportet vt sua personalis proprietas, ex vi suæ processionis, petat eandem naturam, sicut eam pe-

tit proprietas personalis Verbi: ergo oportet, quod tam ratione naturæ, quam ratione suæ proprietatis personalis representet suum principium quoad naturam, quam habet, ac proinde, quod sit similitudo representans alicui videnti cognitione. Tum etiam, quia hoc ipso, quod Spiritui Sancto communicetur ex vi suæ processionis natura diuina, conueniunt ei omnes particulæ definitionis imaginis dub. præcedenti positæ, vt consideranti patebit; ergo Spiritui Sancto competet vera, & propria ratio imaginis, si verum est, quod dicunt illi, quod Spiritui Sancto communicatur natura diuina ex vi suæ processionis.

31 Vltimò respondent alij, quod ad rationem imaginis non desideratur similitudo ex vi processionis secundum speciem, vel naturam, sed sufficit similitudo in signo speciei communicata ex vi processionis; & Spiritui Sancto communicatur hoc signum speciei, siue naturæ diuinæ, scilicet amor diuinus, & infinitus, elicitiue, & obiectiue qui est à Deo, & ad Deum per modum actus puri, &c.

32 Sed contra, quia processio in modum, vel signum speciei, seu naturæ affert similitudinem imperfectam; ergo non potest conuenire Spiritui Sancto; si enim semel Spiritui Sancto ex vi suæ processionis conuenit ratio similitudinis, & imaginis, debet esse perfecta, scilicet in natura, non in signo naturæ. Consequenter constat. Antecedens probatur, quia imago, quæ tantum est similis suo principio ex vi processionis quoad signum speciei, vel naturæ, & non in natura ipsa, est vel imago accidentalis, vel imperfecta, & deficiens, & quantum est ex vi sua, & suæ processionis non pertingens ad habendam naturam proprio typi, vt in imagine accidentalibus contingit. Tum quia tres tantum imaginis gradus enumerantur. Primus est imaginis habentis præcisè similitudinem ex vi processionis in signo speciei. Secundus est imaginis habentis similitudinem in natura distincta numericè, vt inter Patrem, & Filium in creatis. Vel in modo habendi illam, vt in imagine intentionali. Tercius

est imaginis habentis eandem prorsus naturam numericam. In Deo solus tertius gradus imaginis reperitur, secundus autem, & à fortiori primus relegatur. Soluuntur argum. in contrarium.

33 Primum argum. desumunt ex illo Rom. 8. *Quos prædestinavit conformes fieri imaginis Filij sui.* & 1 ad Cor. 15 *sicut portavimus imaginem terreni, portemus & imaginem celestis.* Vbi denotari videtur, quod Spiritus sanctus, sit imago Filij, quod affirmare videtur D. Basilus 5. *contr. Eunom.* cap. 6. & 8. N. S. P. Cyrillus in *Joan.* cap. 25. & lib. 13 *Theodori* cap. 1. & alij. Resp. quod dicta Apostoli testimonia intelligi debent intransitive, id est, non de imagine alia à verbo sed de imagine quæ est ipsum Verbum. vel dici potest, quod intelligatur de imagine largè, prout significat similitudinem in natura, siue sit per processionem, siue

identice & hoc modo intelliguntur sancti Patres Græci &c.

34 Secundum argum. quia Spiritus Sanctus est infinitè similior suo principio, nempe Patri, & Filio, quam homo suo principio, nimirum Deo; sed homo ratione similitudinis imperfectæ quam habet cum Deo, dicitur imago illius; ergo potiori ratione Spiritus Sanctus dicitur imago sui principij, scilicet Patris, & Filij. Respond. quod cum homo sit quoddam artificiatum procedit ut similis arti divinæ, seu idèz divinæ, quæ est principium effectuum, & formale illius; hæc tamen similitudo, & ratio imaginis est imperfecta, ut patet. At Spiritus Sanctus cum non possit habere hanc similitudinem, licet aliàs esset longè nobilior; neque habeat illam perfectam in natura, ex vi suæ processionis, sequitur, quod nullam habeat

DISPUTATIO XXXV.

IN QVÆST. XXXVI. D. THOMÆ.

DE PERSONA SPIRITVS SANCTI.

1



AEC q. Diui Thomæ habet quatuor articulos. In 1. ostendit, quod nomen Spiritus Sancti sit proprium

tertiæ personæ procedentis per voluntatem. Proprium namq; est voluntatis impulsus, inclinatio, & pondus, quæ nomine spiritus significantur, & nomine etiam sanctitatis, cuius proprium est ordinare in Deum per amorem. In 2. art. ostendit, quod Spiritus Sanctus non à solo Patre procedat, sed etiam à Filio, tum quia ab illo distinguitur, ac proinde opponitur relationi, & omnis autem relatiua oppositio est in vi originis, & processionis fundata; vnde cum Filius non procedat à Spiritu Sancto, debet è conuerso Spiritus Sanctus procedere à Filio: tum

quia de ratione amoris est, quod à Verbo, seu intelligentis conceptione procedat; nihil enim amatur nisi secundum quod intellectus conceptione apprehenditur. In 3. art. ostendit verificari, quod Spiritus Sanctus procedat à Patre per Filium, quia licet in vitroque sit eadem virtus spiratiua Spiritus Sancti, tamen Filius est persona à Patre distincta, habetq; hanc virtutem à Patre. In 4. art. docet, quod Pater, & Filius sunt vnum principium Spiritus Sancti, quia hoc nomen *principium*, accipitur substantiuè, & in eo Pater, & Filius non habent oppositionem. Item sunt vnus spirator, licet duo spirantes, quia ly *spirator*, est substantiuè, & ly *spirantes*, adiectiuum. Ut autem ea, quæ tradit S. Doctor in hac q. plenius habeantur sit.

D. V. B. I. V. M. I.

An Spiritus Sanctus procedat à Filio.

DE processione Spiritus Sancti à Filio, dubium procedit, quia de hoc solum fuit in Ecclesia dubitatum, tenentibus Græcis à solo Patre procedere, & Latinis tenentibus procedere à Patre, & Filio, & quo fuit fusè disputatum in Concilio Florentino, ubi à festo. r. vsque ad 18. plura dicuntur de additione illius particulæ *Filiog* facta Symbolo Nicæno. Prima ergo sententia fuit Græcorum dicentium Spiritum Sanctum à solo Patre procedere. Primus apud quem legimus hunc errorem fuit Theodoretus in contradictione anthematis 9. Cyrilli nostri qui oppositum constanter tenuit, ob quod fuit coactus patriam deserere, & ad montem Carmelum confugere, ubi sumpto Religionis Nostræ habitu, illi apparuit B. Virgo, & dixit illi: *hic tuus eris*, ut in eius vita legitur.

3. Veritas catholica seq. concl. explicatur. *Spiritus Sanctus etiam à Filio procedit*. Hæc concl. est de fide. Habetur in omnibus illis sacra scripturæ locis, ubi dicitur, quod Spiritus Sanctus, sit Spiritus Filij, vt ad Rom. 8. *Si quis spiritum Christi non habet, hic non est eius*. Ad Gallatas 4. *Misit Deus Spiritum Filij sui in corde vestro clamantem Abba Pater*. Nec sufficit dicere, quod Spiritus Sanctus dicatur Spiritus Christi secundum humanitatem, quia ipsum, secundum humanitatem repleuit, in ipsoque requieuit. Nam contra est, quia vt rectè notauit S. Doctor q. 10. de potentia art. 4. Spiritus Sanctus potest dici hominis vt habentis, non vt dantis: & Spiritus Sanctus est Christi vt dantis, iuxta illud 1. Ioan. 4. *In hoc cognoscimus, quoniam in eo manemus, & ipse in nobis, quia de spiritu suo dedit nobis*; Et act. 5. dicitur: *quod dedit Spiritum Sanctum obedientibus sibi*, quocirca Spiritus Sanctus dicatur spiritus Filij secundum personam diuinā.

4. Colligitur etiam nostra concl. ex illo Ioan. 16. *Si autem abiero, mittam eum ad vos*. & Ioan. 15. *Cum enim veneris pa-*

ras illis, quem ego mittam vobis à Patre Spiritum veritatis. Missio autem supponit processionem, vt infra dicitur, & obseruat S. Doctor qu. 10. de potentia art. cit. Nec valet dicere cum Græcis, quod Spiritus Sanctus dicatur mitti à Filio non quantum ad personam, sed quantum ad charismata, & dona, quæ nobis Filius tribuit, qua ratione inquit dicitur in Concilio Florent. sess. 3. quod Spiritus Sanctus dicatur *scaturire, hauriri, profund* à Filio. Sed contra, quia Filius secundum utramque rationem, dicitur mittere Spiritum Sanctum ad nos, vt constat ex illo Rom. 5. *Charitas Dei diffusa est in cordibus nostris per Spiritum Sanctum, qui datus est nobis*. Vbi dicitur, quod detur Spiritus Sanctus & per donum charitatis, & per se ipsum. Tum quia cum dicitur, quod Pater misit in mundo Filium suum intelligitur, quod miserit personam, non donum v. g. lapientie tantum. Ergo cum dicitur, quod Filius misit Spiritum sanctum, intelligi debet de persona, non tantum quoad dona. Tum etiam, quia si mittere Spiritum sanctum solum esset tribuere charismata illius; etiam Filius diceretur mittere Patrem, cum per illum tribuantur dona, quæ à Patre sunt; à quo omne donum perfectum descendit.

5. Nec etiam valet dicere cum iisdem Græcis, quod etiam Filius dicitur mitti à Spiritu sancto, vt constat ex illo Isai. 61. *Spiritus Domini super me, eo quod unxerit Dominus me: ad annuntiandum mansuetis misit me*, cum tamen Filius non procedat à Spiritu sancto. Nam contra est, quia licet Filius in quantum factus est homo, dicatur mitti à Spiritu sancto ad prædicandum, non tamen mittitur in quantum est Deus, nisi à Patre. At Spiritus sanctus si semel mittitur, mitti debet in quantum Deus. Quare Filius à solo Patre mittitur ad incarnandum, at postquam incarnatus est, mittitur à Patre à Spiritu sancto, nec non à se ipso ad prædicandum, quatenus actiones humanitatis Christi sunt à tota Trinitate.

6. Probat 1. ratio D. Thomæ hic art. 1. quia Verbum in diuinis procedit per

H h h h

per intellectum, ut Verbum illius, & Spiritus sanctus procedit per voluntatem ut amor; ergo Spiritus sanctus procedit à Verbo. Antecedens constat ex dictis latè superius. Conseq. probatur, quia proprium est amoris, seu eius, quod per modum amoris procedit, quod procedat à Verbo, quia nihil amare possumus, nisi quod verbo concipimus, quod etiam aduertit S. Doctor 4. *contr. gent. cap. 24. & apusc. 2. cap. 49.*

7 Occurrit Rada dicens, quod ex hac ratione non colligitur intentum, cum falsum sit, quod amor procedat à Verbo, cum ad amorem satis sit ex parte intellectus cognitio, & perceptio rei amara. Unde beati in visione beata in sententia D. Thom. non formant Verbum, cum tamen producant amorem, sine intuitu verbi. Tum quia per intellectum essentialem, & per divinam essentiam ut unitam in ratione obiecti intellecti cum intellectu diuino representatur sufficientissime diuina bonitas voluntatis, ac proinde sine influxu Verbi amari poterit.

8 Sed contra. Primò, quia ad amorem non solum desideratur cognitio obiecti amati, sed etiam requiritur, quod obiectum amatum sit in intellectu rationis, verbi propriè dicti, vel ratione alicuius, quod habeat rationem verbi communiter dicti, ratione cuius obiectum unitur cum intellectu per modum obiecti intellecti, siue per modum termini intellectiōnis. Ergo sicut cognitio per se influit in amorem, ita etiam quoties datur verbum propriè dictum præsuppositum ad eundem amorem, influit per se in illum. Et quando deest verbum propriè dictum, & solum datur verbum communiter sumptum, tunc hoc verbum influit in prædictum amorem. Et quando ratione fecunditatis inuentum fuerit utrumque verbum, ut in diuinis contingit, tunc etiam utrumque per se influit. Antecedens videtur conspicuum, quia dari nequit cognitio ad amorem, nisi obiectum quod est amandum sit unitum cum intellectu in ratione obiecti, & termini intellectiōnis, vel per verbum propriè, vel communiter dictum.

Conseq. probatur, quia id, per quod obiectum amatum est intra intellectum, non potest non influere per se in amorem. prædicti obiecti; sed per verbum siue propriè dictum, siue communiter dictum obiectum amatum est intra intellectum; ergo &c. Tum quia, quod per se desideratur ad omnem, & quamuis cognitionem, debet influere cum illa in id, in quod ipsa cognitio; ut talis, influit.

9 Secundò, quia in amorem beatificum per se influit, tum visio beatificum etiam essentia diuina ut unita cum intellectu beato in ratione obiecti intellecti, seu in ratione verbi communiter dicti, & suppletis defectum verbi creati, cui repugnat ob suam finitatem representare Deum ut ut est in se, ut q. 12. aduertimus: unde si beati formarēt verbum in amore beatificum per se influeret; ergo etiam in amorem diuinum influit verbum diuinum. Quod visio beata influit in amorem beatificum, constat. Quod etiam in eum influit diuina essentia ut habet rationem verbi communiter dicti, etiam constat, quia similitudo obiecti intellecti influit in amorem, ut ex se notum est, ergo cum diuina essentia ut unita cum intellectu beato in ratione obiecti intellecti, & suppletis defectum verbi creati sit similitudo illius, debet influere in amorem beatificum.

10 Tertiò, quia ob naturalem sympathiam, & colligationem inter intellectum, & voluntatem, obiectum illius, & illius, oportet, ut tot modis obiectum intellectus concurrat ad amorem, quot modis est intra intellectum; ergo cum obiectum sit intra intellectum tam in ratione obiecti motiui, quam terminatiui, debet secundum utramque rationem influere in amorem; & sic loquendo de amore beatifico in eum influit secundum utramque rationem, ac proinde influit in ratione obiecti intellecti; ergo etiam Verbum increatum influit in amorem increatum. Antecedens constare videtur, & etiam prima conseq. quia si verbum creatum si daretur, influeret in dictum amorem beatificum, ergo etiam in eum influit essentia

his diuina dum illius defectum supplet. Secunda conseq. probatur, quia si Verbum creatum, si daretur influere in prædictum amorem, & de facto in eum influit diuina essentia vt supplet prædictum verbum creatum, non poterit iste influxus denegari Verbo increato.

11 Quartò, quia in diuinis datur tñ amor essentialis, tum notionalis; ergo sicut Verbum essentialiter, & communiter dictum per se influit in amorem essentialem; ira etiam Verbum propriè dictum, quod est Verbum notionale, per se influit in amorem notionalem. Antecedens constat. Conseq. probatur, quia in amorem aliquod verbum influere debet; ergo cum in amorem essentialem, influat Verbum essentialis, ita in amorem notionalem, debet influere verbum notionale.

12 Quintò, nam quod amatum sit in amante (quod fit per amorem productum, seu amoris terminum) provenit etiam ex virtute intellectus, & ex bono intelligibiliter apprehenso; ergo cum in diuinis sit duplex amor, & bis mediante illo, amatum sit in amante, scilicet mediante amore essentiali, & notionali, oportebit, vt etiam bis obiectum amatum sit in intellectu, semel in verbo essentiali, & semel in verbo notionali.

13 Nec ea quæ pro se adducit Rada ei fauent, non primum de visione beatifica, quia vt q. 12. ostendimus in visione beatifica non producit Verbum, sed ipsa diuina essentia, vt dicebamus, supplet vices illius, influens per se in amorem beatificum. Tum quia in beatis non est duplex amor, vilius correspondens amori essentiali, & alius notionali, ac proinde non est necesse, quod detur illis duplex Verbum, quorum vnum influat in amorem essentialem; aliud in notionalē. Non secundum, quia solum ex eo sequitur, quod in diuinis non detur verbum ex indigentia, sed solum ex fecunditate, quo tamen dato, debet habere influxum in amorem notionalem, sicut diuina essentia vt vnita in ratione obiecti intellecti, seu verbi inproducti influit in amorem essentialem.

14 Respondent alij, quod ex vi rationis D Thomæ non habetur, quod Verbum in diuinis influat actiue in amorem, sed solum formaliter, seu per modum formæ, aut quasi formæ determinantis ad speciem actus, vt in verbo creato contingit, quod non concurret actiue. Sed contra, eo ipso, quod verbum influit in amorem, debet influere iuxta naturam ipsius, vt scilicet Verbum increatum influat iuxta naturam suam, & creatum iuxta suam; sed Verbum increatum petit influere in amorem, non solum per modum formæ, aut quasi formæ determinantis ad speciem actus, sed etiam actiue, quia hoc petit summa, & infinita perfectio Verbi diuini, & amoris notionalis. Tum quia cum Verbum diuinum sit substantiale, per se subsistens, summèque in actu, petit influere etiam actiue, non verbum creatum. Tum etiam quia, non alia ratione Verbum, & amor notionalis distinguuntur, nisi quia opponuntur; oppositio autem in diuinis nequit esse nisi per relationes originis, ac proinde actiui influxus, vt du. seq. dicitur.

15 Demum respondent alij, quod ex vi dictæ rationis ad summum sequitur, quod Verbum diuinum influat in amorem per modum formæ, aut quasi formæ, & etiam per modum principij actiui; sed solum *quo*, non *quod*, & per voluntatem. Nam sicut in creaturis totus verbi influxus in amorem, est solum in genere causæ formalis, & ad summum efficientis *quo*, & non *quod*, & nullo modo extenditur ad hoc vt sit influxus per voluntatem; ita in diuinis & ratio videtur eadem vtroque, quia nexus, qui est inter amorem, & verbum, solum est nexus inter illa, tanquam inter terminum intrinsecum intellectio- nis, & amorem inde secutum; sed terminus intrinsecus intellectionis, vt talis, tantum influit per modum termini, & obiecti, non per voluntatem, volendo, g. &c. 16 Sed contra, quia vñ. præcedenti dicebamus, nisi Verbum diuinum influeret actiue in amorem, non distingueretur, nec opponeretur illis ac proinde Verbum diuinum ex sui natura petit influere etiam vt principium *quod*, cum non aliter in-

fluat nisi ut est summè in actu, & per se subsistens. Tum quia in diuinis quod influit solum ut principium *quod*, non distinguitur realiter, nec realiter opponitur illi, in quod tantum ut *qua* influit, ut patet in essentia diuina. Tum etiam quia eo ipso, quod verbum in creatis concurret per modum formæ, aut quasi formæ, & secundum aliquos, per modum principij actiui, ut *quod*, oportet, ut Verbum diuinum altiori modo influat, ac proinde per modum principij *quod*, & per voluntatem. Hoc enim ipso, quod Verbum diuinum est perfectissimum in ratione Verbi, debet esse eiusdem naturæ cum suo obiecto, scilicet esse Deo, & diuina essentia, non solum in esse intelligibili, sed etiam in esse entitativo, & naturali, ac proinde debet esse eiusdem naturæ cum Patre; ergo debet habere cum influxum in amorem notionalem, scilicet in Spiritum Sanctum, qui Patri competit; sed Pater influit ut *quod*, ergo & Verbum.

17. Confirmatur 1. Quia hoc ipso, quod Verbum diuinum procedit ut perfectissimum, & eiusdem naturæ cum Patre, oportet ut solum distinguatur quia Verbum est, & cetera sint virique communia, sed esse principium *quod* Spiritus Sancti non est principium Patris quia Pater est, neque Verbi quia Verbum est, ergo debet esse virique commune, ac proinde sicut Pater est principium *quod* Spiritus Sancti, & per voluntatem; ita & Verbum,

18. Confirmatur 2. quia hoc ipso, quod Verbum procedat per modum verbi perfectissimi, debet illi conuenire quicquid eius summè perfectioni non repugnat, sed hoc quoddam esse principium *quod* Spiritus Sancti, & per voluntatem, non illi repugnat; ergo debet illi conuenire. Maior constat. Minor probatur, quia non repugnat eam summam eius perfectionem ut et Deus, aliàs repugnat etiam Patri; neque ut est Verbum, & Filius; quia secundum hunc conceptum solum dicit procedere à Patre, ergo, &c. Et aliunde cum non repugnet, quod id, quod procedit per eam processionem, sit principium alterius, sequitur non repugnare, quod

Filius, qui procedit per intellectum sit principium Spiritus Sancti, qui procedit per voluntatem.

19. Probatur 2. nostra conclusio alia ratione D. Thomæ in *hoc art.* 2. quia licet in rebus, quæ solè materialiter differunt, possint plura procedere ab vno absq; ordine; nam idem artifex potest producere plures euangelios solum materialiter distinctos, & nullum seruantes ordinem inter se; tamen in rebus in quibus non est sola materialis distinctio, semper inuenitur ordo in multitudine productorum, ut videre est in productione creaturarum formaliter distinctarum; ob hoc, vniuersum dicitur situm esse in quodam ordine, in quo decor diuinæ sapientiæ maximè manifestatur. Ergo etiam in diuinis Filius, & Spiritus Sanctus procedent à Patre aliquo ordine seruato inter se; aliàs non distingueretur inter se; sed hic ordo non potest esse alius quam originis, quia alij, aliquam inuolunt imperfectionem; ergo, &c.

20. Respondebit aliquis negando antecedens, quia etiam in rebus materialibus possunt ab vno plura procedere absq; ordine, ut patet de intellectionibus ab vno, Gabrielis intellectu procedentibus. Tum quia potest Deus omnia immediate producere, absque eo, quod vna creatura ab alia procederet. Tum etiam quia, substantiæ immateriales procedunt à Deo immediate, & tamen non habent inter se ordinem processionis vnius ab alia. Sed contra, quia res immateriales, quæ solo numero differunt, solum materialiter differunt, ac proinde non seruant ordinem; quocirca plures intellectiones Gabrielis solum de materiali differunt, ac proinde possunt procedere absque ordine. Quod non currit inter personas diuinas. Ad 1. probationem dico, quod in dicto casu licet non inueniatur ordo causalitatis, cū omnia à Deo producantur immediate, inuenietur tamen aliquis ordo vel dignitatis, vel exemplaritatis, &c. Per quæ patet ad 2. probationem.

21. Confirmatur ratio præcedens, quia hoc ipso, quod Spiritus sanctus, & Filius non procederent à Patre cum ordi-

ne, vt Filius à Patre productus, produ-
ceret Spiritum Sanctum non haberent eā-
dem naturam; ergo eo ipso, quod proce-
dant per modum plurium habentium,
eandem naturam, debent procedere cum
ordine vt Filius à Patre productus con-
currat ad producti- nem Spiritus Sancti.
Antecedens probatur, quia si in diuinis
darentur duo ingeni, haberent diuer-
sam naturam, ac proinde darentur duo
Dij: eo namque ipso, quod non daretur
ordo originis inter illos, deberet natura
plurificari, ergo si Filius, & Spiritus San-
ctus non seruarent inter se ordinem origi-
nis, deberent habere diuersam naturam.
Nec valet, quod tunc vterque esset à Pa-
tre, quia sicut tunc Pater non tribueret
ordinem originis, ita neque tribueret ra-
tionem distinctionis; quod si semel di-
stingerentur, ratione diuersarum natu-
rarum distinguerentur. Soluuntur argum.
in contrarium.

22 Primum argum. est, quia de di-
uinis, non est licitum asserere, nisi quod
est in Sacris litteris expressum; Sed in
Sacris litteris non est expressum, quod
Spiritus Sanctus procedat à Filio, sed tan-
tum à Patre, vt constat ex illo: *Spiritus
qui à Patre procedit*, Ioan. 4. Tum quia,
in Symbolo Concilij Nicæni, vt ex anti-
quis codicibus constat, solum ponitur,
quod à Patre Spiritus Sanctus procedat;
ergo. Resp. quod processio Spiritus San-
cti à Filio continetur in Sacris litteris, sal-
tem secundum sensum verborum, licet
non ita expressè vt notauit S. Doctor in
hoc art. 2. & 4. contra gent. cap. 25. Ad
probationem dico, quod licet Græci schis-
matici negent in Codicibus Græcis septi-
mæ Synodi generalis haberi illam parti-
culam, *Etique*, sicut nec in alijs Conci-
lij antiquissimis, tamen Andreas Doctor
Latinus in Concilio Florentino probat
haberi ex vetustissimis Codicibus. Sed
quicquid de hoc sit, non est necesse, quod
habeatur, quia tunc temporis hæc diffi-
cultas orta non erat, ac proinde in vni-
uersali fidei confessione solum id ponere
voluerunt, quod ex Sacra scriptura cla-
rissimè habebatur.

23 Secundum argum. desumunt ex
auctoritate Sanctorum Patrum, vt Dio-
nysij, Basilij, Nazianzeni, & aliorum.
Sed nil contra nos. Nam S. Dionysius
solum vult, quod solus Pater est princi-
pium communicandi diuinitatem; tam-
quam principium sine principio. At ver-
bum, tamquam principium de principio.
D. Basilij solum vult, quod Filius se-
cundum quod Filius, seu secundum no-
tionem Filij non producat Spiritum san-
ctum, quia secundum hanc, solum res-
picit Patrem, non tamen negat, quod
non producat Spiritum sanctum secundā
notionem cum Patre communem. Sic
intelligitur Nazianzen. & alij Patres.

24 Tertium argum. est, quia si Spi-
ritus sanctus procederet à Filio, sequeretur
plura absurda. Primum, quod Spi-
ritus sanctus non produceretur sufficienter
à Patre. Secundum, quod Pater, & Fi-
lius essent duo principia Spiritus sancti.
Tertium, quod Spiritus sanctus non esset
omnino simplex. Hæc admitti nequeunt
ergo. Sequela probatur, quod absurdum,
quia si Spiritus sanctus sufficienter
produceretur à Patre, superflueret influxus
Filij. Secundum probatur, quia si
Spiritus sanctus produceretur à Patre, &
Filio cum non possint esse duo principia,
partialia, erunt totalia. Tertium etiam
probatur, quia quod à pluribus principijs
produceretur, debet habere aliquid ab vno,
quod non habet ab alio, ac proinde non
erit omnino simplex.

25 Resp. negando sequentiam. Ad 1.
probationem dico, quod tunc superflue-
ret influxus Filij, si per aliam virtutem
influere; est autem eadem virtus produ-
ctiua in Patre, & Filio, ratione cuius Fi-
lius non potest non simul cum Patre in-
fluere, nec influxus vnus superfluit, cum
non sit diuersus ab influxu alterius. Ad
2. probationem dico, quod Pater, & Fi-
lius non sunt duo principia Spiritus san-
cti, sed vnum, cum non influant per di-
uersam, sed per eādem virtutem, sicut
ob hanc rationem Trinitas respectu crea-
turarum non affert tria principia, sed vnum,
quia tres personæ diuinæ influunt per
can-

614 Disputatio XXXV. Dubium II.

eandem virtutem, scilicet omnipotentiam. Ad 3. probationem constat, quia non obstat simplicitati Spiritus sancti oriri à pluribus per eandem virtutem.

26 Quartum argum. quia Pater prius origine producit Spiritum sanctum, quam Filius, ergo Filius non potest influere in productionem Spiritus sancti. Consequenter constat, quia si Pater prius origine producit Spiritum sanctum, non est quod producatur à Filio. Antecedens probatur, quia prius origine quam Filius sit, habet Pater vim spiratuiam Spiritus sancti, ergo & prius origine spirabit illum; virtus namque spiratua in Patre presupposita, cum debeat esse per modum actus purissimi, si prius est ut virtus spiratua, etiam prius erit ut virtus actu spirans. Resp. negando antecedens, ad probationem dico, quod licet Pater prius origine habeat virtutem spiratuiam, & prius origine spiret, non tamen prioritate in quo prius producit Spiritum sanctum, sed solum prius prioritate à quo.

D V B I U M II.

Quo sensu, & qua utilitate inquirunt Theologi, an si Spiritus sanctus non procederet à Filio, distingueretur realiter ab illo.

27 **I**N duplici sensu potest huius dubij titulus petra tractari. Primus an si Spiritus sanctus non procederet à Filio, ut distingueretur realiter ab illo, non determinando an in eo euentu Filius maneret cum eadem proprietate personali, & similiter Spiritus sanctus, nec ne? Secundus est, an facta suppositione, quod Spiritus sanctus non procederet à Filio, & quod uterque maneret cum iisdem proprietatibus personalibus, ut Filius, & genitus; & Spiritus sanctus, maneret spiratus, tunc realiter inter se distinguerentur. Et de utroque sensu inquiratur, an Theologi inquirant, & qua utilitate inquirant.

28. P. Suarez lib. 10. de Trin. cap. 2. n. 10. putat non posse dubij titulum proce-

dere in secundo sensu, ita scilicet ut supponatur duplex illa conditio, seu suppositio impossibilis, quod nimirum Spiritus sanctus non procedat à Filio, & quod nihilominus maneat cum suis proprietatibus personalibus, quas modo habent, nempe cum Filiatione, & processione. Godofredus quodlibet. 7. q. 4. & Aureol. in 1. dist. 11. q. unica, existimant questionem hanc inutiliter petra tractari à Theologis secundum quemcumque sensum.

29 Nostra sententia duplici concl. explicatur. Prima concl. In duplici sensu recensito inquirunt à Theologis, an si Spiritus sanctus non procederet à Filio, distingueretur realiter ab illo. Quoad primum sensum communiter hæc conclusio recipitur à Theologis, quia saltem in illo sensu disputatur hoc dubium contra Græcos quod enim ipsi de facto volebant, nos hoc de possibili disputamus. Quoad secundum sensum etiam communiter admittitur. Imò iste secundus sensus videtur magis proprius, sic enim solet hoc dubium communiter proponi, an dato, quod Spiritus sanctus non procederet à Filio, & supposito, quod uterque maneret cum sua proprietate personali, tunc Spiritus sanctus, & Filius distinguerentur realiter non esset autem Spiritus sanctus, & non esset Filius, si non manerent cum suis proprietatibus personalibus.

30 Secunda concl. Hæc dubium in utroque sensu excitatum, & satis utile. Probatur, quia ex huius dubij resolutione magis manet stabilita nostra fides contra Græcos Schismaticos, qui hoc negant. Tum quia magis apparet vis rationis, seu rationum quas adducunt Theologi, maxime S. Thomas, ut dub. seq. videbimus. Tum etiam quia non inutiliter plura alia sub hypotesi disputantur, ut, an si Deus non esset immutabilis, esset æternus; an si à Deo tollerentur relationes, adhuc manerent personæ. Soluuntur argum. P. Suarez.

31 Primum argum. quia si semel supponatur, quod Spiritus sanctus non procederet à Filio debet etiam consequenter supponi, quod non maneat hic nunc-

ro Filius, neque hic numero Spiritus sanctus; ergo huius dubij titulus non potest procedere in sensu, quod maneant cum suis proprietatibus personalibus. Consequenter nota est, quia non potest simul supponi, quod maneant, & non maneant cum suis proprietatibus personalibus; sicut quod non maneant, & maneant Filius, & Spiritus sanctus. Antecedens probatur, quia hæc numero processio, quæ nunc est constitutiva Spiritus sancti, per se respicit tamquam adæquatam terminum Patrem, & Filium; ergo non potest hæc numero relatio processionis esse, vel intelligi absque eo, quod utraque persona intelligatur; ergo eo ipso, quod supponatur Spiritus sanctus non procedere à Filio, non potest intelligi manere cum sua proprietate personali quam modo habet. Tū quia hæc numero relatio processionis per se est à Patre, & Filio, ita quod utraque relatio Paternitatis, & Filiationis requiratur tanquam conditio ad productionem Spiritus sancti, ergo si semel Spiritus sanctus non procederet à Filio, tunc iam Filiatio non esset amplius conditio necessaria; ac proinde nec processio terminaretur ad eandem numero personam ac modo. Nec etiam maneret idem numero Filius; quia modo est sufficiens relatio Filiationis ad terminandam relationem Processionis Spiritus sancti, tunc autem temporis non esset sufficiens, ac proinde non remanebit Filiatio ut modo. Tum quia Filiatio, quæ nunc datur, talis est, quod diuina voluntas ut illi coniuncta, est secunda, & habet rationem virtutis spiritalis, seu habet rationem conditionis requisitæ in principio quod, ad spirandum, sed data illa hypothese Filiatio non erit talis virtutis spiritalis; ergo data illa hypothese Filius non maneret ut modo.

32. Pro solutione huius argumenti, & aliorum, & pro intellectu pleniori difficultatis, nota, quod aliud est, an dato, quod secundum rem separantur ab individuo Trinitatis tres personalitates diuinae, tunc remaneret secundum rem hic numero Deus, seu hoc numero indi-

uiduum Trinitatis, quod esset principium productuum creaturarum; Et aliud est, an possit hic numero Deus concipi, non conceptis tribus personalitatibus diuinis, & quod hic numero Deus sic conceptus intelligeretur esse idemmet principium creaturarum; ac proinde dato, quod sic contingeret secundum rem, sicut concipitur nostris conceptibus, & per consequens admissio, quod in eo euentu maneret hic numero Deus, secundum rationem inadæquatam sui, idest, non prout est ratio à priori exigens tres personalitates diuinas, sed secundum quod præcisè exprimit intelligere Dei primordiale subsistens, tunc remaneret idem numero principium productuum creaturarum.

33. Licet ablatis secundum rem tribus diuinis personalitatibus non remaneret hic numero Deus, neque hoc numero principium creaturarum, quia ablata, à Deo quacumque formalitate diuina, omnia euanescent, ac proinde non possit tunc inquiri, an secundum rem remaneat idem numero principium creaturarum, quia tunc opposita supponerentur. Tamen hæc potest concipi hic numero Deus non conceptis tribus personalitatibus: similiter intelligi potest hoc numero principium productuum creaturarum, saltem secundum suam rationem inadæquatam, non intellectus distinctis personalitatibus. Ac proinde inquiri potest, an si res ita cernerent, sicut nostris conceptibus separantibus, & distinguentibus ea, quæ inter se adunata sunt, concipiuntur: ac proinde dato, quod secundum rem separantur ab hoc numero Deo tres personalitates, & quod adhuc in illo casu maneret per impossibile hic numero Deus, saltem secundum rationem inadæquatam, tunc remaneret idem numero principium.

34. Pariformiter philosophamur in nostro casu. Nam aliud est, an dato, quod Spiritus sanctus secundum rem non procedat à Filio, ac proinde, quod secundum rem tollatur, seu separatur ab eo spiratio actiua, tunc relatio personalis Filij maneret secundum rem: & aliud est, an dato, quod Spiritus sanctus non intelligere-

geretur procedere à Filio, ac proinde non conciperetur in ipso spiratio actiua, tunc intelligeretur manere relatio Filiationis, saltem secundum suam rationem inadæquatam constitutivam Filij, & secundum quod refert Filium ad Patrem. Et ap- paret potest concipi, quod Spiritus sanctus non procedat à Filio, ac proinde, quod in Filio non detur spiratio actiua; adhuc concipi potest, quod maneret in Filio Filiatio. Sicut enim possum concipere Filiationem absque eo, quod concipiam spirationem actiuam; ita possum concipere, quod absit spiratio actiua, absque eo, quod concipiam abesse Filiationem. Et sic inquiri potest, an si abesset spiratio actiua eo modo quo ego concipio illam sine Filiatione, abesset ipsa Filiatio.

35 His positis resp. ad argum. n. 31. relatum: si semel supponatur, &c. debet etiam consequenter supponi, quod non maneat hic numero Filius, neque hic numero Spiritus sanctus; quoad rationes adæquatas, & conceditur, cum non maneret in Filio spiratio actiua, & in Spiritu sancto origo passiva ad Filium. Manerent tamen quoad rationes inadæquatas Filiationis constitutivæ Filij, & referentis eundem ad Patrem; & maneret spiratio passiva quoad rationem constitutivam Spiritus sancti, & referentis eundem ad Patrem. Ad 1. probationem, quod hac numero processio, quæ nunc est constitutiva Spiritus sancti per se respicit, tamquam terminum adæquatam Patrem, & Filium, si consideretur adæquatè, & conceditur, si inadæquatè, negatur, ut constat ex modo dictis. Ad 2. probationem, dico, quod hæc numero processio adæquatè, est à Patre, & Filio, secus si consideretur inadæquatè. Ad illud, quod dicitur de Filio, & Filiatione, quod non manerent in dicto euentu, iam patet ex dictis, quod non manerent adæquatè, secundum omnia, quæ dicunt, bene tamen inadæquatè modo explicato.

36. Responderi etiam potest, & ferè in idem recidit, negando antecedens. Et ad 1. probationem, dico, Spiritum san-

ctum per suâ relationem spirationis passivæ non ideò respicere Patrem, & Filium, quia utraque persona respici debet pro omni euentu, & data quacumque hypothesei impossibili; sed quia solum ambæ desiderantur ex parte Spiritus sancti, ut modo est. Per quæ patet ad 2. probationem, & ad illud, quod de Filio, & Filiatione dicitur.

37 Secundum argum. quia suppositio, quæ supponitur, quod Spiritus sanctus non procedat à Filio, supponit etiam quod non maneat eadem habitudo, quæ nunc est inter processionem, & Filiationem, tamquam inter relationem, & terminum formalem ipsius; sed hæc habitudo est de intrinseco conceptu harum numero relationum, ergo prædicta suppositio destruit necessariò has relationes, ac proinde non potest simul cum hac suppositione coherere, quod tales relationes maneant. Tum quia Deus non potest intelligi æternus, quin intelligatur immutabilis, & quin eius æternitas ab immutabilitate oriatur, ergo nec Spiritus sanctus; poterit intelligi Spiritus sanctus, quin oriatur à Filio. Antecedens constat. Consequentia probatur, quia sicut immutabilitas est propria ratio unde oritur æternitas; ita Filius, seu Verbum, est propria ratio unde oritur amor. Resp. negando assumptum, seu suppositum maioris; quia nunc inter Filiationem, & processionem non est habitudo tamquam inter relationem, & terminum eius, non enim Filiatio est terminus formalis processionis, sed materialis, & petitus non ex vi processionis, sed quia aliunde, debet ibi intervenire necessariò, ex eo, quod vis spiratiua; debeat esse etiam in Filio. Terminus autem formalissimè inspicitur, est vis spiratiua; quæ salvaretur in hypothesei, quod Spiritus sanctus non procederet à Filio. Per quæ patet ad probationem. Solvitur fundamentum secundæ sententiæ.

38 Secunda sententia huic fundamento innitur. Quia illud nequit admissa aliqua suppositione, uti licet disputari, quæ data, non potest magis vna pati quam

quam alia contradictione opposito decidi; sed hoc currit in hac hypothefi; ergo. Maior confat, quia utilis diffputatio de aliquo, eò tendit, vt vna pars contradictionis potius quam alia inde eligatur, vt ex fe constat. Minor probatur, quia ex hypothefi impossibili non sequitur determinata aliqua pars, iuxta illud: *ex impossibili, sequitur quodlibet*. Resp. quod ex impossibili, non semper sequitur quodlibet, quoties impossibile est solum ex hypothefi. Vnde in nostro casu sequitur ex illa hypothefi impossibili, quod Spiritus sanctus non distingueretur à Filio; de quodub. seq.

D V B I V M III.

Utrum si Spiritus Sanctus non procederet à Filio, distingueretur realiter ab illo.

39 **P**rima sententia est, quod si Spiritus Sanctus non procederet à Filio, adhuc realiter distingueretur ab illo. Hanc sententiam defendit schola Scottistica post Scotum in 1. dist. 2. q. 7. S. ad secundam quasi. & dist. 22. q. 2.

40. Nostra sententia seq. concl. explicatur. Si Spiritus Sanctus non procederet à Filio, non distingueretur realiter ab illo. Hanc conclusionem defendit schola Thomistica post D. Tho. hic art. 2. & 4. contr. gent. cap. 24. & q. 10. de potent. art. 1. & in 3. dist. 18. q. 1. & Opusc. 1. cap. 49. 50. & 51. & Opusc. 3. cap. 4. & alij plures, quos longa manu referunt Salmant. hoc loco; qui etiam referunt ad confirmandam hanc sententiam Concil. Tol. & in professione Fidei. Concil. Florent. sess. 8. Boet. Aofc. Niffenum, Dionys. Areopa. Athanas. Basilium, N. Cyril. Alex. & Ecclesiaz Iumen D. Aug. Sed ad rationem

Ratioque fundamentalis, & principalis est, quia in diuinis solum potest esse realis distinctio per relationes oppositas, seu per relatiua oppositionem; sed si Spiritus sanctus non procederet à Filio, non esset inter illos relatiua oppositio; ergo non distingueretur realiter. Maior confat, quia ratione essentialium non possunt di-

uinae personae realiter distingui, quia essentialia sunt omnibus diuinis personis communia. Nec potest realis distinctio inter diuinas personas sumi à quibuscunq; relationibus, sed ab oppositis, seu à relatiua oppositione. Nam in Patre dantur duae relationes reales, scilicet Paternitas, & spiratio actiua, & tamen, quia istae duae relationes non opponuntur ad inuicem, non causant in Patre distinctionem realem. Minor etiam constat, quia in diuinis ibi est relatiua oppositio, vbi est ratio originis, seu relatiua oppositio fundatur, seu quae fundatur in processione vnius personae ab alia; ergo cum in eo euentu hoc non esset inter Filium, & Spiritum sanctum, non esset inter eos distinctio realis.

42. Respondent Scotticae, quod licet in diuinis realis distinctio debeat esse per relationes, non tamen est necesse, quod sint oppositae, sed sufficit, quod relationes sint disparatae, & impossibiles, ad hoc vt causent realem distinctionem inter personas; hoc autem habet Filiatio, & processio in data hypothefi, quia fundarentur in duobus modis totalibus accipiendi naturam diuinam, scilicet per intellectum, & voluntatem, qui modi habent inter se condiciones impossibiles, & proinde tunc temporis Filius, & Spiritus sanctus producerentur per duas productiones totales. Ad illud de duabus relationibus in Patre existentibus; dicunt esse diuersam rationem inter Paternitatem, & spirationem actiuam, ratione quarum Pater est principium Filij, & Spiritus sancti, & inter Filiationem, & Processionem, ratione quarum Filius generatur, & Spiritus sanctus spiratur; quia non debet esse tanta distinctio quo ad supposita in principio producente distinctis productionibus, sicut in termino productorum, per distinctas productiones; quia non est impossibile, quod idem suppositum, sic principium productionum totalium, & distinctarum, & quod habeat in se relationes, quae ad easdem productiones consequuntur. Tamen est impossibile, quod idem suppositum producat distinctis, & totalibus productionibus, & accipiat relationes, quae ex

618 Disputatio XXXV. Dubium III.

dictis. productionibus passivis resultant; unde idem homo una productione naturali producit hominem, & productione artificiali producit artificiale; cum tamen non possit idem suppositum utraque productione produci. Ita, licet eadem persona Patris producat Filium per generationem, & Spiritum sanctum per spirationem, non tamen potest eadem persona esse genita, & spirata; habere relationem Filij, & procedentis. Tum quia est discrimin inter spirationem activam, & passivam quia spiratio activa non constituit personam, ac proinde addi potest personae per Paternitatem constitutae; at spiratio passiva constituit personam, ac proinde non poterit addi, vel conuenire personae alteri.

43 Sed contra primum, quia per hanc solutionem non recte saluantur Concilia dum volunt, quod in diuinis, non est relationum oppositio; si quis namque assereret Filium, & Spiritum sanctum de facto realiter distingui per aliam quam per relationes oppositas, aperte contradiceret Concilijs, & Patribus, & omnibus Theologis; ergo non ita consonè ad Concilia, & Patres affirmatur, quod etiam in data hypothesis Filium per relationem Filiationis disparatè se habentem, ad spirationem passivam, habeat sufficientem rationem distinctionis realis à Spiritu sancto; nam quod esset ratio distinctionis realis inter Filium, & Spiritum sanctum in illo euentu, etiam modo esset, quod cum modo non sit, neque tunc esset.

44 Secundò, quia hoc ipso, quod relationes Filiationis, & processionis non sint inter se realiter oppositae, non erunt impossibiles in eodem supposito, ergo male asseritur in dicta solutione, quod data illa hypothesis, quod scilicet Spiritus sanctus non procederet à Filio, tunc haberent relationes, licet non oppositas, bene tamen impossibiles quibus realiter distinguerentur. Consequenter bene sequitur ex antecedenti. Antecedens autem ostenditur, quia ea, quae in creaturis dispersa sunt, realiterque distincta, si ad Deum transferantur, debent ratione simplicitatis, & infinitatis diuinae

esse vnum, idemque realiter, quamuis disparata sint, nisi habeant ad inuicem realem oppositionem. Quocirca, licet in creaturis iustitia, & misericordia sint formae diuersae, disparatae, realiterque distinctae; quia tamen non habent oppositionem ex genere suo, idè in diuinis sunt vnum, & idem absque distinctione reali. Similiter licet in creaturis dicere, & spirare distinguatur realiter, non tamen in Deo ex defectu oppositionis. Item licet in diuinis relatio distinguatur realiter à suo correlatio cui opponitur, non tamen distinguitur realiter ab essentia, quia illi non opponitur; ergo hoc ipso, quod in diuinis non opponuntur, non causabunt realem distinctionem.

45 Confirmatur 1. quia hoc ipso, quod relationes Filiationis, & Processionis non sint inter se oppositae, tunc vel Filius, & Spiritus sanctus non erunt eiusdem naturae; vel saltem dictae relationes identificentur ergo non erunt tunc impossibiles. Consequenter constat, quia quae ad inuicem identificantur in una eademque persona, non sunt impossibilia. Antecedens probatur, nam quae sunt eiusdem prorsus naturae, identificant sibi omnia, quae cum ipsis non habent oppositionem, sicut petunt eandem naturam, ita petunt omnes modos, aut quasi modos illius; qui cum eisdem non habebant oppositionem.

46 Confirmatur 2. nam licet deest, quod ea quae solum materialiter distinguuntur intra eandem speciem, possint distingui realiter, & esse impossibilia, absque eo, quod inter se opponantur: tamen ea, quae formaliter distinguuntur, non sunt inter se distincta, & impossibilia, nisi ratione altius oppositionis; ergo cum diuinae personae distinguantur formaliter, & in una communicent natura numerica, non possunt realiter distinguui, nisi ratione oppositionis. Quae enim habent unam naturam, sicut genericam, & distinguuntur formaliter in ea, debent habere aliquam oppositionem saltem ratione differentiarum contrahentium, & determinantium genus à fortiori; quae

habent vnā tantum naturam numericam.

47 Nec valet respondere cum Rada, quod licet concedatur, quod ad impossibilitatem Filiationis, & Processionis in vna, eademque persona, ac proinde ad distinctionem realem inter Filium, & Spiritum sanctum, requiratur, quod sit aliqua oppositio inter dictas relationes, non tamen ob id desinent esse impossibiles, in vna, eademque persona, quia licet non habent oppositionem relationum, haberent tamen oppositionem secundum affirmationem, & negationem; quia Filiatio esset realiter Filiatio, & non Processio; & Processio esset realiter Processio, & non Filiatio.

48 Sed contra, quia in diuinis non opponuntur secundum affirmationem, & negationem, nisi illa, quæ habent aliam realem oppositionem. Sed in diuinis non potest dari alia realis oppositio, nisi relationum; ergo &c. Minor constat. Maiorem proba, quia quod vna ratio; non pertingat ad hoc vt sit realiter alia, ac proinde, quod opponantur secundum affirmationem, & negationem, non potest oriri, nisi vel ex eo, quod ratio illa sit limitata, ratione cuius limitationis non potest ad hoc pertingere vt sit realiter idem quod alia. Vel ex eo, quod habet aliam realem oppositionem, ad quam subsequatur oppositio secundum affirmationem, vel negationem; ergo cum in diuinis non sit limitatio, & coarctatio, debet esse oppositio realis ad quam subsequatur affirmatio, vel negatio; patet autem quod in diuinis non potest alia oppositio ad hanc supponi nisi relationum.

49 Respondent alij Scotistæ, quod in diuinis præter oppositionem relationum datur oppositio contraria, aut quasi contraria, proveniens à relationibus; non quatenus opponuntur relativi, seu vt se mutuo respiciunt, sed quatenus sunt disparatæ, & habent se per modum duarum specierum, aut quasi specierum contrariarum, participantium differentias quasi specificè diuersas sub eodem quasi genere, & hæc oppositio sufficit ad dictam impossibilitatem.

50 Sed contra, quia vt ex dictis constat, sola oppositio contraria, aut quasi contraria, proveniens ex differentiis disparatis, potest ratione limitationis causare impossibilitatem, non tamen in diuinis, vbi non est illa limitatio, aut coarctatio; quocirca iustitia, & misericordia licet in creatis ratione limitationis distinguantur realiter, non tamen in diuinis, licet habeant differentias contrarias, & disparatas. Tum quia; quod relationes distinguant realiter personas inter se, debet provenire à relationibus formalissimè sumptis, & secundum oppositionem, quæ ipsi solis competit, & idcò ob hanc rationem tribuitur solis relationibus, quod constituent, & distinguant personas, sed personas distingui per relationes disparatas, non est distingui per illas secundum oppositionem, quæ solis ipsis competit; cum hoc sit etiam commune absolutis; ergo Filiatio, & processio quatenus sunt præcisè formæ disparatæ, non constituunt personas, & distinguunt, cum hæc ratio formæ disparatæ sit communis formis absolutis. Tum etiam quia si aliquæ formæ disparatæ possunt in diuinis esse, ratio contrarietatis inducentis impossibilitatem, maximè illæ, quæ pertinent ad ordines qui ex genere suo sunt primò diuersi, vt est ratio entis absoluti, & relativi; nam isti ordines sunt magis disparati, ac proinde species sub illis contentæ hoc ipsum habebunt; sed isti duo ordines in diuinis, tamen si sint adeo disparati, non sunt impossibiles inter se, ex defectu oppositionis relationum; ergo &c. Tum denique quia vt bene obseruat S. Doctor 4. contra gent. cap. 24. sicut pura oppositio contradictoria non inuenitur in diuinis, quia est inter ens, & non ens; nec etiam priuatiua, quia sic distinguuntur perfectæ ab imperfectis; ita nec contraria, quia quæ sic distinguuntur, habent formas diuersas; nam contrarietas est differentia secundum formam, imò est differentia secundum formam limitatam, quod in diuinis repetiri non potest. Maximè quia contrarietas, & impossibilitas secundum illam, semper dicit duas

formas, quarum una realiter excedatur ab alia, ut inductum constat, quod in diuinis esse non potest.

51 Respondent etiam alij ex Scoto discipulis, cum eodem Scoto, quod ad hoc ut saluetur distinctio realis inter Filium, & Spiritum sanctum in data hypothese, quod Spiritus sanctus non procederet à Filio, ac proinde saluandam realem impossibilitatem in una, eademque persona inter Filiationem, & processionem, sufficit, quod dentur productiones totales per quas in dicto euentu, dictæ personæ producerentur. Cum enim duæ productiones totales nequeant conuenire eidem personæ, sequitur, quod Filiatio, & processio debeant esse impossibiles, ac proinde exigentes duas personas realiter distinctas.

52 Sed contra, quia Filiatio, & processio non sunt inter se realiter distinctæ, cum non habeant realem oppositionem, à qua sola realis distinctio desumi potest, ac proinde nec realiter impossibiles, ergo neque productiones erunt realiter distinctæ, & totales, ac subinde, neque impossibiles. Infinitas namque diuinarum personarum petit, ut unaquæque identificentur secum quicquid non habet realem oppositionem cum illa; ergo cum in illo euentu generatio, & processio non habeat realem oppositionem, neque dictæ productiones illam habebunt, ac proinde non habebunt ex quo sint totales, & impossibiles.

53 Confirmatur v. quia hoc ipso, quod inter dictas processionem non sit distinctio ratione oppositionis relatiuæ, sed aliud, ut voluit aduersarij, oportet, quod vel in diuinis sit processio realis; vel quod Spiritus sanctus non sit distinctus à Filio nisi secundum rationem, ac subinde dictæ processionem solum erunt secundum rationem. Antecedens probatur, quia si semel dictæ processionem distinctæ distinguantur oppositione relatiua, distinguantur etiam oppositione absoluta; sed dicuntur tunc rationes limitatas, ac subiade compositionem; ergo, Maior constat, quæ enim distinguitur in diuinis, vel distinguuntur

distinctione propria relatiuorum, vel absolutorum. Minor probatur, quia distinctio, & oppositio realis in absolutis, dicit limitationem, ac proinde, quia in diuinis nulla est limitatio, nulla est compositio, & oppositio in absolutis. Vnde si in diuinis nulla admittitur oppositio relatiua in dicto casu, sed absoluta inter Filiationem, & processionem, sequitur, vel quod dabitur compositio, limitatio, & imperfectio, si illa oppositio est realis, vel si realis non est, sequitur, quod solum secundum rationem distinguantur.

54 Confirmatur 2. quia loquendo de diuinis processionibus, & personis procedentibus, & loquendo à priori, tunc valet; non ideo personæ sunt impossibiles, & realiter distinctæ, quia processionem habent inter se realem impossibilitatem & distinctionem; sed è contra: sicut etiam in creatis, non ideo personæ productæ sunt impossibiles, quia sunt productionibus incommensurabilibus, non è contra; sed in diuinis Filius, & Spiritus sanctus non possunt esse impossibiles in una, eademque persona nisi ratione suppositionis relatiuæ; ergo si hanc oppositionem non habent, non erunt impossibiles. Vnde prima impossibilitas, primæque distinctio realis, quæ reperitur in diuinis, est illa, quæ Pater distinguitur ab utraque persona ab eo procedente, considerata secundum communem rationem procedentis ab ipso, quæ est per oppositionem relatiuam, quæ explicatur, per hæc duo *qui ab alio*, & *qui à nullo*; ac proinde si hoc extremum *qui ab alio* subiudicatur, oportet, quod in extremis huius diuisionis ponatur debeat alia impossibilitas, quæ sit per oppositionem, ut prima; aliàs hæc subiudicatio non fieret per differentias proprias sui generis, sed per extraneas, & accidentales.

55 Confirmatur 3. nam quando dicitur, quod Filius, & Spiritus sanctus sunt personæ impossibiles, quia sunt processionibus impossibilibus; vel ly *quia* dicit tantummodo signum impossibilitatis, non, rationem illius; vel dicit rationem impossibilitatis; ita quod res

lationes non sint impossibiles ratione sui, sed ratione processionum. Si primum, tunc Filios, & Spiritus sanctus non erunt impossibiles in vna, eademque persona nisi ratione oppositionis relatiuæ. Secundum dici nequit, quia productiones in dicto euentu non distinguuntur realiter nec ratione principiorum, scilicet intellectus, & voluntatis, vt patet neque ratione terminorum; ergo non poterunt causare distinctionem in personis. Tum quia daretur circulus, quia personæ distinguerentur ratione processionum; & processionem distinguerentur ratione personarum, seu terminorum. Tum quia in eo casu in personis, seu terminis productis nulla esset oppositio non relatiua vt constat non contraria, quia hæc reperitur inter res absolutas, & quantum vna excedit ab alia in perfectione. Neque contradictoria, aut priuatiua, quia istæ repugnant in diuinis, vt infra constabit.

56 Adde euasione[m] contrariorum deficere etiam ex eo, quod ex vno capite admittit Paternitatem, & spirationem actiuam non esse impossibiles in vna, eademque persona; & ex alia dicit Filiationem, & processionem in dicto casu, quod Spiritus sanctus non procederet à Filio, esse impossibiles in vna, eademque persona, & constituere duas personas realiter distinctas, ex eo, quod vnicuique idemque principium non potest esse ratio duarum productionum totalium. Deficit inquam hæc aduersariarum euasio, quia in Patre principium spiratum, & generatum, non sunt vnum, idemque principium formalissime, sed duo virtualiter distincta, & ad lineas distinctas spectantia; item relatio Paternitatis, & spirationis actiuæ habent etiam diuersas rationes, & constituunt diuersas lineas, ac proinde nisi obstarat diuina simplicitas, & infinitas, constituerent principia realiter distincta; ergo etiam Filiatio, & processio hoc ipso, quod non opponuntur, cum pertineant ad diuersas lineas, constituerent vnicam personam, nisi obstarat diuina simplicitas, & infinitas. Tū quia productiones actiuæ Filij, & Spiritus Sancti,

non sunt impossibiles in vna, eademque persona Patris, quia relatiuè inter se non opponuntur, ergo ab eadem rationem non erunt impossibiles in vna, eademque persona Filijatio, & processio, si semel non opponuntur, nam cuius productioni actiuæ correspondet sua productio passiuæ eidem proportionata, & habens tantam latitudinem, & vniuersalitatem ac illa, ac proinde si productiones actiuæ possunt esse simul, etiam passiuæ poterunt, nisi obster oppositio.

57 Tum etiam quia licet in creatis, vbi potest esse distinctio ratione limitationis, & non tantum ratione oppositionis relatiuæ, possit realiter multiplicari effectus, & terminus productus per multiplicationem realem secundum speciem, quando effectus productus est ita limitatus, vt non adæquet virtutem productiuam in suo principio residente max. quando deest hæc limitatio, & effectus adæquant totam virtutem sui principij, tunc non erit maior distinctio in effectibus, quam in principijs, aliis non adæquant virtutem sui principij, ergo cum in diuinis non sit hæc limitatio, & termini producti adæquant virtutem principij productiui, non erit maior distinctio in terminis, quam in principijs, nisi aliunde obster oppositio. Soluuntur argum. in contrarium.

58 Primam argum. desumunt ex testimonio D. Anselmi in Epist. de processione Spiritus sancti contra Græcos, credunt quidem, vbi sic fatetur, *Filius autem est interim aliam causam dicam, quia nondum constat, quod Spiritus sanctus de illo sit.* Resp. quod D. Anselmus non dixit hoc vt definitionem, sed vt suppositionem disputatim, supponendo, & adquirendo id, quod Græci tenebant, vt inde colligeret quod intendebat, scilicet Spiritum sanctum à Filio procedere. Videatur D. Thomas q. 10. de Potent. art. 5. ad 2. vbi Anselmi mentem egregie explicat.

59 Secundam argum. quia licet Spiritus sanctus non procederet à Filio, ad huc vterque procederet à Patre per duas processionem totales habentes inter se contradictionem.

ditiones repugnantes; ergo adhuc distinguenter realiter. Consequenter constat, quia una; eademque persona nequit realiter procedere per duas processiones totales, & habentes conditiones inter se repugnantes. Tum quia alias per se quasi penderent ab unaquaque ex his processibus, & non penderent, cum unaquaque sit totalis. Antecedens probatur, nam adhuc in eo euentu una ex illis processibus esset generatio, & productio Filij; alia esset inspiratio, & productio amoris; sed istæ duæ processiones sunt totales cum pertineant ad diuersas lineas, scilicet intellectus, & voluntatis; ergo. Tum quia quælibet ex istis processibus habet ex vi sua, & ex propria ratione formali, quod per eam producatur relatio subsistens, & incommunicabilis; ergo in illo casu producerentur duæ relationes subsistentes, & incommunicabiles, ac subinde duæ personæ realiter distinctæ. Vbi autem dantur duæ relationes subsistentes, & incommunicabiles, dantur duæ personæ realiter distinctæ, ut patet. Antecedens probatur, quia generatio ex vi sua habet, quod per eam producatur Filiatio, & inspiratio ex vi sua habet, quod per eam producatur processio; sed istæ duæ relationes sunt subsistentes, & incommunicabiles, ergo. Tum etiam quia istæ duæ processiones data illa hypothese, non solum essent processiones totales, & agentes duas relationes subsistentes, & incommunicabiles, sed etiam haberent inter se ordinem originis; cum namque una processio sit per intellectum, & alia per voluntatem, & processio per intellectum præcedat origine illam, quæ est per voluntatem, sequitur, quod tunc temporis dabitur etiam inter istas duas processiones ordo originis.

66^{ta} Resp. distinguendo antecedens: Filius, & Spiritus sanctus procederent à Patre per processiones totales virtualiter distinctas, & conceditur; realiter distinctas, & negatur. Vnde tunc temporis non haberent conditiones inter se repugnantes, seu impossibiles in una, ea-

demque processione realiter. Ac proinde licet una ex illis processibus, ut virtualiter distincta ab alia, non haberet formalissimè conditiones alterius, haberet tamen realiter; nam realiter, & identicè esset generatio, & productio amoris. Per quæ patet ad 1. probationem antecedentis. Ad 2. conceditur antecedens, & etiam prima consequenter, & negatur secunda, quod scilicet producerentur duæ personæ realiter distinctæ. Nam licet per duas personalitates realiter distinctas constituerentur duæ personæ realiter distinctæ; non tamen per unicam realiter; & virtualiter duplicem; in eo autem casu esset unica personalitas realiter, & duplex virtualiter. Ad 3. probationem dico, quod inter illas duas processiones tunc temporis esset ordo originis virtualis, non realis.

67^{ta} Tertiū argumentum, quia si ob aliquam rationem, in illa hypothese Spiritus sanctus non distingueretur à Filio realiter, maxime propter rationem supra assignatam, quod in diuinis non potest esse distinctio realis, nisi per oppositionem realem relatiuam originis, sed hæc ratio est nulla; ergo. Minor probatur, quia si per impossibile Spiritus sanctus non procederet à Patre, adhuc distingueretur ab illo; & tamen non esset tunc oppositio relatiua inter illos; ergo eadem ratione, si Spiritus sanctus non procederet à Filio; adhuc distingueretur ab illo. Tum quia relatio Paternitatis, & relatio processions distinguuntur secundum se, & inter se realiter, sicut & Filiatio, & Processio, cum tamen inter se, & ratione sui non habeant oppositionem realem relatiuam. Tum etiam quia ad distinctionem realem personarum, sufficit, quod personalitates quibus constituuntur, sint disparatæ, & impossibiles; sed in illo euentu Filiatio, & Processio sunt huiusmodi, ergo. Maior constare videtur. Minor probatur, quia distinctæ relationes non possunt esse compossibiles in una persona, quia constituerent illam per compositionem, quæ enim ex genere suo afferunt distinctam entitatem, nequeunt in-

ter

ter se ordinari, vt vnā simplicissimā entitatem constituent. Maximè quia de ratione personalitatis est, vt non communicetur alteri vt personæ.

62 Resp. concedendo maiorem, & negando minorem. Ad 1. probationem conceditur maior, & distinguitur minor. Si Spiritus sanctus non procederet à Patre distingueretur realiter ab illo, & tamen non esset inter illos oppositio relatiua mediata, negatur. Nam dato, quod Spiritus sanctus non procederet à Patre, opponeretur illi mediata; at si non procederet à Filio, non opponeretur illi nec mediata, nec immediata, ac proinde non distingueretur realiter ab illo. Igitur dato, quod Spiritus sanctus non procederet à Patre, sed à solo Filio, tunc quia Filius procederet à Patre, aliàs non esset Filius, ideò Spiritus sanctus in eo euentu licet non procederet immediatè à Patre, procederet tamen mediata, quia procederet à Filio procedente à Patre; ac proinde Pater, & Spiritus sanctus tunc opponerentur oppositione reali relatiua mediata, & hæc sufficit ad realem distinctionem, vt tradunt communiter Theologi. Et ratio est, quia alioquin Spiritus sanctus procederet à Filio in genere principij actiui; & rursus idem Filius in eodem genere à Spiritu sancto, si semel Pater, & Spiritus sanctus non distinguerentur realiter. Constat autem non posse esse mutuatam causalitatem in eodem genere principij actiui, quod non currit in hypothefi, quod Spiritus sanctus non procederet à Filio.

63 Sed dices cum Rada, quod hæc mediata oppositio per accidens se habet ad distinguendum Patrem à Spiritu sancto; ergo aliud est assignandum. Antecedens probatur, quia tunc Pater respectu prædictæ oppositionis per accidens se haberet, sicut se habet in humanis auis respectu nepotis; nam ipso auo non existente produceretur. Resp. negando antecedens, quia hoc ipso, quod esset oppositio mediata inter Patrem, & Spiritum sanctum, ex eo, quod Filius procederet à Patre, oporteret, quod hæc mediata

oppositio ita requireretur, sicut desideratur oppositio immediata Filij ad Patrem; ac proinde cum Filius per se haberet immediatam oppositionem cum Patre, cum non posset aliunde habere suum esse nisi ab illo, sequitur vt etiam per se requiratur ad productionem Spiritus sancti illa mediata oppositio cum Patre. Sicut in humanis: si Petrus non posset procedere nisi à Paulo, & Paulus non posset procedere nisi à Francisco eius auo, tunc Petrus immediatè per se procederet à Paulo, & per se mediata procederet à Francisco eius auo. Sic proportione seruata currit in præsentia.

64 Ad 2. probationem tertij argum. respondetur, quod Paternitas, & spiratio passiuæ, seu processio, modo opponuntur relatiuè radicaliter, sicut & Filiatio, & processio, quæ radicalis oppositio relatiua sufficiens est ad causandam distinctionem realem, vt postea videbitur; at in casu quo Spiritus sanctus non procederet à Filio, non haberet hanc radicalem relatiuam oppositionem. Ad 3. probationem negatur minor, quia tunc dictæ personalitates essent compossibiles, non quia constituerent vnā personam per realem compositionem, sed per realem simplicitatem, includentem tamen virtualem distinctionem. Ex quibus inferitur, quod in eo euentu in quo Spiritus sanctus non procederet à Filio, ac proinde non distingueretur realiter ab illo, tunc relatio spirationis passiuæ non esset personalitas virtualiter distincta à Filiatione, sed esset quasi affectio quædam, nostro modo intelligendi, adueniens personæ Filij, sicut est spiratio actiua modo in Patre, & Filio.

65 Quartum argum. quia licet Spiritus sanctus non procederet à Filio, ad huc tamen Filius maneret in ratione Filij, & Spiritus sanctus in ratione Spiritus sancti; ergo adhuc realiter distinguerentur. Antecedens constat, quia adhuc Filius procederet per generationem à Patre, atque adeò esset Filius; & Spiritus sanctus procederet per voluntatem, à Patre, ac proinde adhuc esset Spiritus sanctus, seu

seu amor per voluntatem procedens. Tum quia spiratio activa intelligitur esse quasi quædam proprietas Filij, ac proinde tamen intelligatur esse sine illa, adhuc concipi potest in ratione Filij. Sicut separata ab homine risibilitate, adhuc homo maneret in ratione hominis. Consequenter videtur nota, quia nunc processio est ratio sufficiens distinctionis realis Spiritus sancti à Filio, quia Spiritus sanctus non habet aliud per quod realiter distinguatur à Filio, nisi relationem processionis. Similiter Filiatio est etiam ratio sufficiens de facto ad hoc ut Filius realiter distinguatur à Spiritu sancto. Tum quia Filiatio constituit personam Filij in esse talis personæ; ergo in esse personæ distinctæ à quavis alia, quia idem est constitutum, ac distinctum. Tum etiam quia hoc ipso, quod Filiatio constituit Filium in esse personæ, constituit illum ut omnino incommunicabilem alteri personæ; ergo idem eveniet in prædicto eventu. Tum denique quia nunc Filiatio constituit personam Filij in ratione vnius personæ; ergo in ratione indistinctæ in se, & distinctæ à qualibet alia; quia de ratione vnius est, quod sit indistinctum in se; & distinctum à quolibet alio; ergo etiam tunc sic constituitur.

66 Ad hoc argumentum, quod potissime fundatur in illo principio, quod constitutum alicuius, est etiam distinctum illius, responderet Vasquez, quod hoc principium est verum ubi constitutio est realis, non vero ubi est rationis, ut est in personis diuinis. Hanc responsionem impugnat Suarez lib. 7. de Trin. cap. 4. n. 5. dicens eam solam esse inuentam, ad effugiendam vim argumenti, non ut illi satisfaciatur. Primum quia nulla redditur ratio talis distinctionis. Secundum, quia illud principium eandem vim habet in constitutione rationis. Tertio, quia id patet in constitutione speciei, per suam differentiam, ubi constitutio est rationis, & tamen distinguitur ab omni alio. Quarto, quia in tali constitutione, formalitas ac proinde distinctionem. Quin-

to, quia licet hæc constitutio sit rationis, tamen illi correspondet aliquid æquiualens reali constitutioni, ac proinde illi conuenient omnia, quæ sunt propria realis constitutionis, seclusis imperfectionibus; formam autem constituentem etiam distinguere, non includit imperfectionem.

67 Ceterum hæc impugnatio partim placet, partim displicet. Placet quatenus ex illa colligitur nihil obesse ad hoc ut idem sit constitutum, & diuisum, quod illa constitutio sit realis, vel rationis. Displicet, quatenus per eam denotatur, quod in quacunque re idem sit constitutum, & diuisum, seu distinctum, quia ut postea dicitur, licet in rebus absolutis, idem sit constitutum, & distinctum, formalitertale, non tamen in rebus; quocirca prædicta impugnatio P. Suarez solum approbatur quoad constitutiva, & distinctiva rerum absolutarum, non tamen relatiuorum, ut talium; quia spiratio distinguit, non constituit personas.

68 Respondet ipse Suarez loc. cit. n. 9. ad idem argu. quod tam in rebus, quàm in absolutis, idem est constitutum, & distinctum à quocunque alio, & tamen nunc Filiatio constituit, & distinguit realiter Filium à Spiritu Sancto, non tamen in illa hypothesi, quod Spiritus Sanctus non procederet à Filio; quia in illa hypothesi eadem Filiatio realiter, & identice, constitueret Filium, & Spiritum Sanctum, ac proinde non distingueret Filium à Spiritu Sancto, sed tantum à Patre; at nunc Filiatio solum constituit realiter Filium, non Spiritum Sanctum, ac proinde nunc distinguit Filium à Spiritu Sancto. Huius distinctionis rationem assignat, quia nunc est oppositio realis inter Filium, & Spiritum Sanctum, non quia Filius sit correlatum relationis constitutivæ Spiritus Sancti, sed quia Filius, sicut & Pater, sunt termini formales relationis constitutivæ Spiritum Sanctum. Oppositio autem relatiua non solum est inter correlatiua, sed etiam inter relationem, & terminum formalem ipsius, ut constat in relatione creata, quæ formaliter terminatur ad absolu-

zum. At in illa hypothefi Filius non opponeretur relationi constitutionis Spiritus Sancti tanquam terminus formalis illius, ac proinde non distingueretur realiter.

69 Sed hæc responsio non est ex omni parte vera. Nam in primis falsum est, quod in relativis sit necessarium, quod idem sit formaliter constitutum, & distinctum, ut postea videbitur. Deinde est etiam falsum, quod oppositio relatiua sit inter alia, quam inter correlatiua, nam etiam relatio creata habet pro termino aliquid relatiuum, ut eradunt N. Compl. in logica disp. 14. n. 64. Demum falsum est, quod processio terminetur formaliter ad Paternitatem, & Filiationem, quia terminus formalis processionis, seu spirationis passiva, est spiratio actiua, & Paternitas, & Filiatio solum sunt termini materiales. Quocirca Pater, & Filius vnicam tantum habent formalem rationem terminandi, scilicet dictam spirationem actiuam.

70 Respondetur 1. ad 3. argo, quod in eo euentu Filius, & Spiritus Sanctus non manebunt eiusdem omnino rationis adequatæ ut modo, sed solum inadæquatæ, ut supra fuit dictum. Nam modo Filius ut talis, est radicaliter spiratiuus, & Spiritus Sanctus dicitur ordinem ad Filium, ut ad id, à quo procedit, quæ duo in illa hypothefi non reperirentur. Vnde Filius maneret solum ut formaliter respicit Patrem, non prout dicitur esse radicem Spiritus Sancti, ac proinde non maneret secundum suam rationem adequatam, sed inadæquatam tantum. Et Spiritus Sanctus maneret secundum quod respicit Patrem, non Filium, ac proinde solum secundum rationem inadæquatam.

71 Nec vim habet illud axioma, quod idem est constitutum, & distinctum, quia intelligi debet proportionatè ad naturam constitutiui, nam constitutum, relationalium, quod constituit præcisè in ordine ad terminum, solum distinguitur ab illo, & non ab omni alio. At constitutum absolutum, distinguitur ab omni alio. Per quod patet ad id, quod dicebatur de Filiatione constitutente Filium in ratione personæ incommunicabilis, quia solum con-

stitutis incommunicabiliter in ordine ad Patrem, ac proinde solum distinguitur ab illo. Per quod etiam patet ad illud, quod de unitate dicebatur, quia Filiatio solum constituit in ratione vnius personæ ad Patrem, non ad Spiritum Sanctum.

72 Sed dices 1. quod esse radicaliter spiratiuum non conuenit soli Filio, sed etiam Patri, ergo non potest esse ratio distinctionis personalis Filij. Antecedens est certum. Consequentia videtur perspicua: quia distinctio personalis, quæ vna persona distinguitur ab alia, debet esse secundum proprietatem personalem, seu secundum propria illius personæ, non verò secundum communia. Resp. 1. quod licet esse radicaliter spiratiuum, ut abstractum à quocunque modo spirandi, sit quid commune Patri, & Filio, tamen esse radicaliter spiratiuum, secundum modum specialem spirandi, scilicet per modum Verbi, est proprium Filij, & secundum hanc rationem distinguitur personam Filij à persona Spiritus Sancti. Resp. 2. transcat antecedens, & negatur conseq. ad probationem dico, quod ad distinctionem personalem, quæ vna persona diuina v.g. Filius distinguitur præcisè ab vnica alia, nempe à Spiritu Sancto, & non à Patre, non est necessarium, quod talis distinctio procedat à proprietate personalis Filij, secundum ea, quæ sunt propria ipsi Filio, & non secundum communia cum Patre; sed sufficit, quod procedat ex eadem proprietate, secundum ea, quæ sunt incommunicabilia Spiritui Sancto.

73 Dices 2. contra primam solutionem præcedenti instantiæ datam, quod spiratio passiva est vna, & eadem secundum speciem atomatam, & respicit Patrem, & Filium, ut terminum per se, quatenus tam proximè, quam radicaliter habent esse spiratiuum, ergo respicit illos, ut habent vnum, & idem esse spiratiuum; aliàs spiratio passiva, non esset vna, & eadem, cum non haberet vnum, eundemque terminum, sed diuersum. Resp. quod ad unitatem specificatiuam, & atomatam, sufficit, quod terminus sit vnus atomè, & in esse termini, licet materialiter sit multiplex;

Pater ergo, & Spiritus Sanctus sunt duo termini quasi materiales, & inadæquati spiritationis passivæ, complentes tamen unum terminum totalem, adæquatum, & atomum illius.

74. Resp. 2. ad argum. n. 65. propositum, quod non solum Filius, & Spiritus sanctus in illa hypothese non manebunt ut nunc sunt, ut in præcedenti solutione est dictum, sed etiam, quod tunc nec radicaliter, nec proximè, nec formaliter Filius distingueretur realiter personaliter à Spiritu sancto; quia persona Filij inadæquate concepta, seu secundum id, quod formaliter dicit, & exprimit, ut est sub conceptu expresso Filij, non curando de alijs, quæ implicite importat tantum distinguitur per Filiationem à suo correlativo, scilicet à Patre. Quocirca Filiatio ut talis, vispote personalitas relatiua tantum distinguet distinctione reali personali, & formaliter tali Filium à Patre, non tamen à Spiritu sancto, nisi addatur relatio spirationis activæ per quam proximè, & formaliter illum respiciat. Et sic Filius ut continens virtualiter, & per modum radices spirationem, non distinguitur distinctione reali personali formaliter, & proximè tali, sed distinctione personali radicali.

75. Sed dices 1. quia in creatis concreta relatiua constituuntur in suo esse relatiuo per relationes in ordine ad terminum, & tamen per illas non solum distinguuntur realiter à suis terminis, sed etiam à quocunque alio; ergo etiam in divinis licet persona Filij constituatur per relationem in ordine ad Patrem tantum, tamen per illam distinguetur etiam à quocunque alio. Antecedens constat, nam in primis predicamentum relationis in concreto sumptum, constituitur per relationem in communi, & tamen per illam distinguitur à cæteris predicamentis, cum quibus non habet oppositionem relativam. Idem dicitur de eodem predicamento in abstracto sumpto, quod constituitur per ad, & distinguitur hoc modo ab alijs predicamentis.

76. Pro solutione huius argum. & se-

quentium nota, quod relatiuum duplici distinctione, ex duplici capite orta, ab alijs distinguitur, scilicet distinctione relatiua, & distinctione disparata. Distinctio relatiua, oritur ex oppositione relatiua, & distinctio disparata, oritur ex oppositione disparata, quæ reducitur ad oppositionem contrariam. Est autem duplex discrimin inter has duas distinctiones. Primum est, quod distinctio relatiua, est tantum à correlativo, aliàs non esset relatiua. At distinctio disparata est ab omnibus alijs non constitutis per illam relationem, ac proinde per hanc distinctionem relatiui distinguitur ab quibuscunque alijs, & etiam à termino à quo distinguebatur distinctione relatiua, modo prædictus terminus consideretur non ut oppositus relatiuè, & per modum termini, sed ut habet rationem disparatam, ut habent aliæ res.

77. Secundum discrimin est, quod distinctio disparata in relatiuis reperita, aut in quibuscunque alijs, oritur ex imperfectione, & limitatione, quando est realis; non sic distinctio relatiua, quæ præcisè oritur ex oppositione relatiua; unde distinctio disparata in Deo non reperitur, & quæ sic in creaturis distinguuntur, in Deo identificantur, ut patet de iustitia, & misericordia.

78. His positis respondetur ad argum. concedendo antecedens si intelligatur de relatiuis creatis, ut distinguuntur distinctione disparata, secus negari debet, si intelligatur de iisdem relatiuis creatis secundum quod distinguuntur distinctione relatiua ut tali, hoc enim modo solum distinguuntur à correlativo.

79. Dices 2. quia ratio ob quam persona relatiua non distinguitur relatiuè, nisi tantum à suo correlativo, solum convincit, quod persona relatiua distinguitur realiter à suo correlativo per ordinem ad illud, & à cæteris, non per ordinem ad ipsa, sed per ordinem ad dictum correlativum; ergo persona relatiua Filij distinguitur realiter personaliter à persona Spiritus sancti, quæ per Filiationem non constituitur, & sic etiam in relatiuis constitui-

flitutum, est etiam distinctum. Conseq. constat. Antecedens probatur, quia esse personæ relativæ in hoc cõsistit, quod sit in ordine ad terminum, ac proinde tantum distingui debet à suo correlativo, aliàs eius vnitatis per quam est indistincta in se, & distincta ab alio, esset latior, quam eius entitatis: hæc ratio non convincit, quia adhuc v. ista vnitatis non sit latior, sufficit, quod vtriusque personæ relativæ non habet esse, nisi per ordinem ad correlativum, per quem ordinem constituitur, ita non debet ab alijs distingui, nisi per ordinem ad idem correlativum; ergo, &c.

80 Resp. negando antecedens, quia persona relatiua, non distinguitur distinctione relatiua, nisi à correlatiuo. Ad probationem conceditur maior, & negatur minor; quia persona relatiua, vt dicitur esse relatiuum cum suo termino oppositum, secundum quam rationem fundatur unitatem, & distinctionem relatiuum, non comparatur realiter, nisi cum suo termino; ac proinde unitas, & distinctio, nè sit latior quam entitas relatiua, non potest extendi, nisi ad correlatiuum. Cum quod tamen stat, quod sicut relatiua creata, nõ vt fundant distinctionem relatiuum, sed vt fundant distinctionem disparatam cum alijs rebus, quodammodo comparatur realiter cum illis, non tanquam cum correlatiuis, sed tanquam cum extremis disparatis, ac proinde ex hoc, quod habeant unitatem per quam sint indistincta inter se realiter, & distincta disparare à quolibet alio, non inferitur, quod habeant unitatem latiore, quam sit entitas, à qua dimanant. Ita persona relatiua increata, non vt fundat oppositionem relatiuum, cum alia persona; sed vt est ratio oppositionis, & distinctionis disparatæ cum illa, quodammodo comparatur cum ea, non tanquam cum correlatiuo, sed tanquam cum extremo disparato, ac proinde habebit unitatem per quam est indistincta in se, & distincta distinctione disparata, orta ex disparata oppositione cum alia persona; & sic non habebit unitatem latiore, quam sit eius entitas. Bene verum est, quod hæc distinctio disparata in

divinis, ex defectu limitationis non est
realis actualis, sed ad summum virtualis;
& ad summum dicitur realis actualis,
quia coniungitur distinctioni, & opposi-
tioni formaliter relativiæ.

81 Dices 3. quia persona Filij nunc de facto distinguitur personaliter per suā Filiationem ab omnibus personis creatis, & tamen non respicit illas vt correlatiuas, ergo, &c. Tota namque ratio ob quam Filius per Filiationem distinguitur à personis creatis, & non sit latior eius vnitas, quam entitas, est, quia sicut distinguitur à Patre per ordinem ad illum, sic distinguitur à creatoris per eundem respectum quem dicit ad Patrem. Resp. quod persona Filij, non distinguitur à personis creatis per distinctionem relatiuā qua à Patre distinguitur, sed per oppositionem disparatam; licet enim Filij persona non respiciat personas creatas vt terminum, seu vt correlatiuum, respicit tamen vt quid disparatum. Ratio autem ob quam persona Filij distinguitur realiter distinctione disparata à personis creatis, & non à diuinis est, quia in personis creatis reperitur limitatio, non in diuinis.

82. Dices 4. quia actus, & potentie specificantur à suis obiectis, & habent suū esse per ordinem ad illam, & tamen non distinguuntur per hunc respectum ab iisdem obiectis solum, sed etiam ab omnibus alijs, ita tamen, quod ab obiectis distinguuntur per ordinem ad illa; ab alijs verò per ordinem ad eadem obiecta; ergo eodē modo distinguuntur relatiua. Resp. quod actus, & potentie ab obiectis distinguuntur distinctione relatiua transcendentali, ab alijs disparata.

83 Dices 5. non bene supra fuisse
dictum, quod per Filiationem vt radicali-
ter continentem spirationem aëtiuam, no
distinguitur Filius à Spiritu Sancto distin-
ctione reali formaliter tali, sed solum dis-
tinctione reali radicali; quia quæcunque
oppositio realis relatiua, sufficit ad distin-
ctionem realem inter opposita; sed Filia-
tio vt radicaliter continens spirationem
aëtiuam Spiritus Sancti, opponitur oppo-
sitione relatiua reali, & radicali eum Spi-

ritu Sancto, ergo per illam Filius distinguitur realiter à Spiritu Sancto. Minor constat. Maior probatur, quia illa, quæ quovis modo opponuntur realiter realiter, non possunt esse eadem realiter: ergo si Filius distinguitur realiter per Filiationem à Spiritu Sancto quatenus realiter radicaliter continet spirationem actiuam, ab eo distinguetur realiter formaliter; eo namque modo aliqua distinguuntur realiter, quo realiter non identificantur. Tum quia implicat, quod una persona habeat aliquid realiter, quod non habet alia realiter, & quod non distinguatur realiter ab illa; sed Filius, ut constitutus per Filiationem ut continet radicaliter spirationem, habet aliquid realiter, quod non habet Spiritus Sanctus; ergo distinguitur realiter ab illo. Tum etiam quia, cum dicitur, quod Filius distinguitur à Spiritu Sancto per Filiationem solum radicaliter, fit sensus, quod per illam non distinguatur actualiter, sed quod in Filio solum sit debitum, ut per spirationem actiuam distinguatur realiter actualiter? Vel fit sensus, quod etiam per dictam Filiationem ut continet radicaliter spirationem actiuam, distinguatur realiter actualiter? Non primum, quia oppositio relativa realis radicalis, dari non potest cum identitate reali, ut dicebatur, sed petit aliquam realem distinctionem actualem. Præterea Filius ut radicaliter spirativus habet, ut sit talis conditionis, ut implicet, quod realiter identificetur cum Spiritu Sancto. Ergo secundum dici debet. Tum denique, quia repugnat, quod una persona distinguatur ab alia per distinctionem realem personalem, & quod hæc distinctio non sit per aliquid pertinens ad conceptum personæ; sed Filius distinguitur distinctione reali personali à Spiritu Sancto; ergo per aliquid pertinens ad intrinsecum conceptum personæ, ac proinde non proveniens à relatione spirationis actiuæ, sed ab ipsa Filiatione.

84. Resp. negando maiorem. Ad 1. probationem dico, non sequi, quod ex eo, quod tollatur inter aliqua identificatio realis formalis, per distinctionem radica-

lem, quod ex vi huius poni debeat distinctio realis formalis inter illa. Licet enim distinctio radicalis realis tollat identificationem formalem formaliter talem, non tamen ponit distinctionem realem actualem talem. Ad 2. probationem respondetur, quod ex hoc, quod una persona habeat aliquid reale, quod non habet altera, solum sequitur, quod debeant distinguui realiter iuxta oppositionem quam illud reale habet cum illa persona in qua non est. Et sic cum illud reale Filiationis, quod est in Filio, & non in Spiritu Sancto, tantum dicat oppositionem relativam radicalem cum Spiritu Sancto (si hæc namque non obeefferet, Filio esset in Spiritu Sancto, & cum illo identificaretur) sequitur, ut ex eo, quod Spiritui Sancto desit Filio, non colligitur, quod Filius, & Spiritus sanctus per illam ut radicaliter continentem spirationem, debeant realiter actualiter distinguui sed solum realiter radicaliter.

85. Ad 3. probationem constat ex dictis. Ad probationem dico, quod revera oppositio relativa radicalis infert distinctionem actualem realem quatenus infert spirationem actiuam, non præcisè prout est radicalis, ut ex se constat. Ad 4. probationem distinguenda est maior: & quod hæc distinctio non sit aliquid pertinens ad conceptum personæ, si consideretur in ratione distinctæ, & conceditur. Si consideretur præcisè secundum se, prout prægit se ipsam ut distinctam realiter à quocunque alio, & negatur, patet ex dictis.

Additio ad dubium præcedens.

Dum hæc imprimuntur apparuit Schola Theologiæ positivæ velut aprica auis, quæ sole semper gaudet, doctissimi, ac eruditissimi Patris Macedo, diuisa in 20. Scholas. Opus certè doctissimum, in quo auctor se ipsum superavit, cum in alijs alios superasset. Huic operi conquinisco: has conquistissimas Scholas suspicio, ac veneror: in sola 5. non quiesco, licet iuxta Scotica principia conquistè sit pertractata. In quinta ergo Scho-

Sehola docet Macedo cum Scoto, quod si Spiritus sanctus non procederet à Filio adhuc distingueretur ab illo. Vnde cap. 5. sic dicit. *Tria sum in hoc capite monstraturus. Primum Scoti sententiam argumentis valere. 2. Sacra Scriptura, & Patrum doctrina, magis esse conformem. 3. Nichil ei nocere contraria, vel ex auctoritate, vel ex ratione sumpta argumenta. Actunc concludam prorsus alteri esse preferendam.* Sed Scoti sententia, nec argumentis, nec Sacra Scriptura, nec Patrum doctrina est conformis, & contraria D. Thomae sententia, cui quam plurimum nocet, ob validissima argumenta, tum ex auctoritate, tum ex ratione desumpta. Cæterum quia rationes D. Thomae conuincentes esse ostendimus à n. 41. vsque ad 59. & Scoti, Scotistarumque euasiones eneruauimus, idcirco D. Thomae sententiam vno, vel altero testimonio confirmabimus, postea satisfaciemus obiectionibus à P. Macedo; ex quibus clarissime patebit veritas sententiae Thomisticae, & quomodo debeat omnino præferri sententiae Scoticae.

In Concilio Florentino scilicet 18. carta mihi 422. columna secunda in medio sic lego. *Sola namque relatio; quam principalem habitudinem superius nominauimus, apud omnes tam Græcos, quam Latinos Doctores, diuina processione personas multiplicat: cui etiam duo illa à quo, & ad quod, de quibus est supra dictum, conueniunt. Si quidem igitur relationes huiusmodi personas multiplicat, ita ut non vlla alia ratione, quam vi relationis Pater à Filio, ac vna persona ab alia differant, quem quidem in modum Spiritus etiam ab alio est: necesse est, ut iuxta omnes supradictos Doctores, sic intelligere, ut idcirco persona hac, id est Spiritus, dicatur accipere, atque esse, quod ab alio est. Propterea Magnus Basilius, ac Epiphanius asserunt Sanctum Spiritum accipere esse à Filio, ac procedere, idem esse, &c. Postea instante Mar. partes Græcorum sustinente adducitur, & examinatur locus Basilij. Idem tradit Bessarion in eodem Concilio. Archiepiscopus Nicenus.*

Occurrit Macedo loco citato cap. 5. scilicet 4. dicens. *Obseruo nec Vasquez nec Mon-*

teyam ausos fuisse illud, scilicet Concilium Florentinum, pro sententia D. Thomae citare: tantum asserere testimonia Ioannis Dominici, qui priuatam disputatoris in eo Concilio personam agebat, & Bessarionis in oratione habita unionis, qui priuatus item erat Doctor, & orator, non autem totius Concilij. Et quamquam Salmanticenses nimio plus Thomista, Ioannis verba citent nomine Concilij affectui dandum est; at minime ignoscendum, quod multum interest non loquatur ne Dauus, an Heros in scena, sed an loquatur Ioannes, an integrum Concilium.

Patrem Macedo nolo reprehendere quod Ioannem de Monte Nigro, qui pro Spiritu sancto strenue in Concilio pugnavit, & per quem perfecta fuit unio inter Græcos, & Latinos, Dauum appellauerit, quo nomine seruum stolidum, atque omnino mentis impotem, quem admodum Terentius qui primus eo nomine, vsus est, intellexit. Hoc fecerint alij quorum intererit magis eius tamam etiam apud indoctum vulgus sartam, & testam conservare. Ego qui noui non prius Græcos ad Latinos accessisse, quam argumento ex D. Basilio à Ioanne proposito, conuicti fuissent parum curo quid alij dixerint, cum historia Concilij eum Hero quouis, aut Aedipo doctiorem atque acutiorem deprædicer. Potest esse quod sit error impressoris; nam in Horatio de arte poetica ex quo dictum illud est desumptum, dicitur: *Interrerit multum, Diuus nē loquatur, an heros.* Vbi Petrus Nannij in comment. sic ait. *Versus hic diuersimodē legitur: quidam: Dauus nē loquatur, an heros. Alij: Diuus nē loquatur, an heros. Alij rursus: Diues nē loquatur an Iros. Sic Erasmus legebat, & hac lectio per antithesim videtur melior, ut tamen primam non reiiciendam existimen. Dauus nomen est serui apud Comicos: Iros verò pauperrimus fuit mortaliū: unde prouerbiū, Iro pauperior. Communiter tamen legitur: Diuus nē loquatur, &c. & in hoc sensu dictum P. Macedo debet procedere, licet error irrepsit. Sed ad rem venio, impugnando directe traditam solutionem; nam Ioannes in eo*

Con-

Concilio, non erat, vt ita dicam suus, sed Concilij, imò & ipsius Pontificis, Pontificis namque nomine, & tanquam ip-
sius instrumentum loquebatur, vt in prin-
cipio illius sess. testatur dicens: *Beatissimi*
Patris iussu Patres ampl. de Sancti spiritus
processione verba facturus sum, qua qui-
dem plurimum ad fidem spectare videntur,
de quibus maxima cum veneratione loqui
debemus. Rogo igitur vos, atque obsecro,
me attentè audiat. Velim autem, si quid
ambigui-ant alieni à ratione imprudens pro-
tulero, in primis ab eodem ipso Patre san-
ctissimo, qui beatissimi Petri sedem tenens,
pianè religionem excollit, atque defendit, de-
inde à vobis in Theologia clarissimis, corri-
gi, ac emendari; à nullo autem fuit de il-
lo dicto emendatus, neque à suo competi-
tore, ac subinde fuit approbatus. Tum
quia vt docet D. Thomas in 4. dist. 45. q.
2. art. 1. quæstionem, 3. quoties quis loqui-
tur, vel operatur nomine alterius, non-
ipse qui operatur, sed ille cuius nomine
operatur attenditur; vnde quod facit, vel
loquitur legatus, nuncius, procurator,
v. g. Principis, à Principe factum censet-
ur. Instrumentum namque vt tale non-
est suum, & actio instrumentaria non est
sua, sed principalis agentis, & in ea sta-
tus instrumenti attendi non debet, sed
principalis agentis. Hæc D. Thomæ do-
ctrina colligitur apertè ex Apost. i. Cor. 3.
vbi dicitur. Quid igitur est Apollo? quid
verò Paulus? Ministri eius cui credidistis,
& unicuique sicut Dominus dedit, &c. Vbi
Apostolus monet Corinthios vt non res-
piciant Apollum, & ipsum vt tales, sed vt
Ministros Christi, cuius iussu baptizabant
& loquebantur Verbum Dei, ergo etiam
debet Ioannes respici non. vt Dominica-
nus, sed vt instrumentum Pontificis, &
Concilij, ac proinde rectè potuit Conci-
lij citari. Tum etiam quia negari non
potest quin validissimum desumatur ar-
gumentum, ex eo, quod duo illi viri do-
ctissimi Ioannes & Bessarion, D. Thomæ
sententiam docuerint, cum solus Ioannes
in illa sess. Latinorum partes renuerit, &
in fine Concilij solus Bessarion perorauit.
& in ipsa vltima peroratione pro

vnione stabilienda nostram sententiam
docuerit.

Tertium testimonium do ex Concilio
Toletan. XI. cui non poterit Macedo con-
tradecere: vbi non ad Ioannem, & Bessa-
rionem loquentes, recurrere poterit, cum
Concilium ipsum loquatur. Hoc ergo
Concilium in professione fidei, quam
credendam exhibet, & habetur tom. 2.
Concil. fol. mihi 881. colum. 2. post me-
dium, sic habet. *Hæc ergo sancta Trinitas*
qua vnus, & verus Deus est, nec recedis à
numero, nec capitur numero. In relatione
enim personarum, numerus cernitur, in di-
uinitatis verò substantia, quid enumeratum
sit non comprehenditur. Ergo hoc solo nu-
merum insinuant, quod ad inuicem sunt;
& in hoc numero carent, quod in se sunt.
Peto à P. Macedo, quid sibi velint illa
verba: Ergo hoc solo numerum insinuant,
quod ad inuicem sunt, & in hoc numero ca-
rent, quod in se sunt, nisi quod diuinæ
personæ per hoc solum numerantur, &
distinguuntur, quia ad inuicem sunt, seu
opponuntur; patet autem quod per re-
lationes disparatas diuinæ personæ ad in-
uicem non sunt. Ex quo habes an sit ve-
rum quod habet Macedo loco citato, sci-
licet. Concilium Toletanum in confessione
fidei citat Montoya. Sed ibi nihil habetur,
quod faciat ad causam Thomistarum, & sunt
quædam quæ faciunt ad Scotisticam. Nam
pro Thomistica id tantum assertur, quod fa-
teatur Concilium spiritum sanctum esse à Pa-
tre, & Filio, quæ veritas non Thomistica,
sed catholica est, &c. Esse namque inter se
distintas diuinas personas, quia ad inuicem
sunt, non fauet Scotistis, sed Thomistis,
& multum facit ad causam Thomistarum
vt consideranti patebit. Sed ista suffi-
cient: videantur dicta toto dubio præ-
cedenti, quia ex illis D. Thomæ senten-
tia omnino clara, perspicua, & certa vi-
debitur, quod etiam ex eorum solutioni-
bus, quæ nobis opponit Macedo magis
constabit.

Primo arguit Macedo sc& 2. cap. 5. hoc
modo: *Quos, & quibus in sacra scriptura*
locis Filius Dei genitus, & Verbum, & ima-
go dicitur, vs omnibus Personæ Filij à per-
sona

sona spiritus sancti distincta omnino, & diuersa significatur. Est quidem mirum est, quod nullus sit in scripturis locus in quo fiat mentio istius diuersitatis à Spiritu sancto ratione solius spirationis actiue. Igitur radix distinctionis inuitur terminis significantibus Processionem Filij à Patre per generationem, & quæ ex illa notiones sequuntur. Primus cecinit Danid Psal. 2. Filius meus es tu, ego hodie genui te, &c. Postea citat plura loca in quibus Filius generari dicitur, & Verbum, & imago vocatur. Resp. quod istæ auctoritates non militent contra nos, cum esse Filium, generari, esse Verbum & imago non conueniant Filio per ordinem ad Spiritum sanctum, sed per ordinem ad Patrem, ac proinde non mirum, quod in istis non fiat mentio diuersitatis à Spiritu sancto. Nec verum est, quod nullus sit in scripturis locus in quo fiat mentio diuersitatis à Spiritu S. ratione spirationis actiue. Legat P. Macedo D. Thomam q. 10. de Potent. art. 4. & opus. 1. contra errores Gregorij cap. 32. & plura inueniet. Ioan. 16. dicitur. Ille me clarificabit, quia de meo accipiet. Et: Omnia quacumque habet Pater, mea sunt. Propterea dixi, quia de meo accipiet. Et: si autem obiero missam eum ad vos. Et: cum venerit Paraclitus, quem ego missam vobis à Patre spiritum veritatis. Et Rom. 8. vocatur Spiritus Christi: Spiritus Filij Dei ad Galat. 4. Et in Symbolo dicimus, & credimus Spiritus sanctus à Patre, & Filio, non factus, nec creatus, nec genitus, sed procedens. Per relationem autem disparatam Spiritus S. nō procedit. Et Ecclesia canit. Credo in spiritum S. D. & uiificantem, qui ex Patre, Filioque procedit. Vnde Græci in Concil. Florent. sess. 23. ante vnionem dicebant, quod Spiritus S. dicitur: Scaturire, hauriri, profundus à Filio, non tamen procedere, quia hoc significat propriam, & relationum oppositionem. Attendat lector ad sequentia verba, quæ sunt Concilij Tolletani XI. citati, ante verba superius relata. In relatiuis verò personarum nominibus Pater ad Filium; Filius ad Patrem, Spiritus S. ad utroque refertur, quæ cum relatiue tres persona dicantur, una tamen

natura, vel substantia creditur. Nec sicut tres personas, ita tres substantias predicamus; sed unam substantiam, tres autem personas. Quod enim Pater est, non ad se, sed ad Filium est, & quod Filius est, non ad se, sed ad Patrem est. Similiter & Spiritus S. non ad se, sed ad Patrem, & Filium relatione refertur, in eo, quod Spiritus Patris, & Filij predicatur. Videat Macedo an ista saluari possint cum relationibus disparatis; per relationes namque disparatas diuinæ personæ ad inuicem non referuntur.

Secundò arguit Macedo ex Patribus. Premitt maximè in D. Ambrosio cap. 3. Symb. In D. Hilar. lib. 12. de Trin. ad fin. In D. Fulg. de fide ad Petr. In D. August. lib. 5. de Trin. cap. 14. Et tandem in D. Anselm. in Epist. de Process. Spiritus S. contra Græcos. D. Ambros. sic tatur. Spiritus S. verè Spiritus est, procedens quidem à Patre, & Filio, sed non est ipse filius, quia non generatur, nec Pater, quia procedit ab utroque. Hilar. sic dicit. Neque quia te solum innascibilem, & unigenitum ex te natum scitis genitum tamen Spiritum S. non dicitur sum. Fulgent. sic loquitur. Vnus Deus Pater, qui unum Filium genuit: unus Spiritus qui solus essentialiter de Patre, Filioque procedit. August. sic dicit. Illud elucescit, quod multos solet mouere, cur non sit Filius etiam Spiritus S. cum & ipse à Patre exeat, sicut in Euangelio legitur. Exiit enim non quomodo natus, sed quomodo datus, & ideo non dicitur Filius. Anselm. hæc profert. Alio modo intelligitur Filius esse de Patre, & aliter Spiritus S. Filius enim est de Patre suo, id est de Deo, qui est Pater eius. Spiritus S. verò non est de Deo Patre suo, sed tantum de Deo qui est Pater. Hæc itaque sola causa pluralitatis est in Deo, ut Pater, & Filius, & Spiritus S. dici non possint de inuicem, sed alij sicut ab inuicem, quia prædictis duobus modis est de Deo, quod totum potest dici relatio. Nam quomodo Filius existit de Deo nascendo, & Spiritus S. procedendo, ipsa diuersitate natiuitatis, & processionis referuntur ad inuicem, ut diuersi, alij ab inuicem. Vbi Anselmus ponit duos modos nascendi, & procedendi, quos vult esse

esse distinctos antequam intelligatur processio à Filio; & sic per primum distinguitur à Patre, & Filio ex hoc practice quod procedat à Patre. Et per secundum distinguitur denuò ab eodem Filio. Per primum modum diuine personæ distinguuntur ad inuicem, per secundum ab inuicem. Resp. in primis, quod nec Ambrosius, nec Hilarius, nec Fulgentius, nec Augustinus sunt contra nos, sed magis pro nobis. Non Ambrosius, qui aperte docet, quod ideo Spiritus sit vere Spiritus S. quia à Patre, & Filio procedit, ergo si non procederet à Patre, & Filio, non esset vere Spiritus S. dictum Hilarii non est ad rem, cum solum dicat se non dicendum Spiritum S. esse genitum. Nec etiam Fulgentius est contra nos, sed aperit pro nobis, cum dicat, quod Spiritus S. essentialiter de Patre, Filioque procedat; si essentialiter procedit à Patre, & Filio, ergo non potest à solo Patre procedere, & si procederet, non esset essentialiter Spiritus S. Nec etiam est contra nos Augustinus, quia solum dicit, quod ideo Spiritus S. non est Filius, quia exit non quomodo natus, sed quomodo datus.

Ad dictum Anselmi in quo ad eò laborat, præmitte; Macedo respondet D. Thomas qu. 10. de potent. art. 5. ad 2. dicens: *Quod dicit Anselmus, quod Filius, & Spiritus S. per hoc solum ad inuicem distinguuntur, quod diuersa modo procedunt, est omnino verum. Sed, sicut ostensum est, diuerso modo procedere non possunt, nisi Spiritus S. à Filio esset. Unde remoto, quod Spiritus S. non sit à Filio, omnino distinctio Spiritus S. remouetur à Filio. Et autem intentio Anselmi in lib. de process. Spiritus S. prius ponere ea in quibus nos convenimus cum negantibus, Spiritum S. à Filio esse: qui tamē Spiritum S. à Filio dicunt distinguere. Unde verba prædicti Anselmi inducta sunt magis ad disputatiua suppositio, quam veritatis affirmatio. Admisit ergo Anselmus, & supponit illud, quod Graeci concedebant, contra quos disputabat, videlicet inde colligeret, quod intendebat, nimirum, quod Spiritus Sanctus etiam à Filio procederet, & sic admitteret distinctionem Filij, &*

Spiritus sancti per processionem realiter distinctas, nempe per generationem, & processionem, non eustrando pro tunc ex quo capite ea distinctio proveniret, quia hanc processionum distinctionem tam Latini, quam Graeci admitterebant, ut postea ostenderet, quod non aliunde oriretur, quam ex processionē à Filio, quod Graeci negabant. Hoc postea fecit cap. 3. dicens: *Sic ergo huius unitatis, & huius relationis se contemperant consequentia, ut nec pluralitas qua sequitur relationem, trahatur ad ea in quibus prædicta simplicitas format unitatem, nec unitas eobibet pluralitatem, ubi eadem relatio significatur, & quatenus neque unitas amittat aliquando suam consequentiam, ubi non ebitus aliqua relationis oppositio.* En quo modo dicit Anselmus, quod in diuinis pluralitas sequitur relationem, & ibi non sit pluralitas, ubi non est relationis oppositio. Si autem Spiritus S. à Filio non procederet, illi non opponeretur, ac prout ab illo non distingueretur. Ne ergo dicamus Anselmum esse sibi contrarium, admittere debemus D. Thomæ expositionem.

Tertio arguit Macedo dicto cap. 5. sec. 1. sic dicens: *Age verò aduersarius urgeamus. Primum negando distingui Filium per suam relationem prævisā à Spiritu sancto consequenter negamus processionem per intellectum ex eo, quod solus sit esse rationem distinguendi Filium à Spiritu S. At ex hoc sequitur collatione duarum diuersarum processionum, quas magnopere conatur statueri ad 2. p. S. Thom. Patet sequela, qui si processionem per intellectum ex se non est distinctiva à processione per voluntatem, magis inde potest probari numerus duarum processionum, & saluo ex ea doctrina de duabus illas fore duas processionem. Resp. etiam dicendo maiorem, quod scilicet Thomista negat Filium realiter distinguī à Spiritu S. per suam relationem relationis, per hanc enim à solo Patre distinguuntur, sicut conceditur quod Thomista negent, quod processio per intellectum prævisā non est ratio distinguendi Filium à Spiritu S. Id eo namque casu quo Spiritus S. non procederet à Filio, processio per intellectum*

& vo-

& voluntatem, non distinguerentur realiter, sed solum virtualiter, vt trado dub. præcedenti nu. 60. nec aliud vult S. Doctor; nam præcisè relationibus oppositis, dictæ processiones solum virtute distinguuntur, prout hoc modo solum distinguuntur intellectus; & voluntas.

Quartò sic arguit. *Si non est ratio distinguendi Filium à Spiritu S. ratio præcisæ filiationis, sequitur Spiritum S. ex vi sua processiois non opponi Filio; atque adeo non repugnare ei rationem Geniti, & Filij, imò & Verbi, & imaginis, quod est contra fidem. Patet sequela, quia si tota distinctio provenit ex activa spiratione, nulla provenit ex productione per generationem, quæ omnino supponitur ad spirationem actiuam, ac proinde inter generationem, & processioem nulla erit distinctio.* Resp. distinguendo sequelam: lequitur Spiritum S. ex vi suæ processiois præcisè non opponi Filio realiter, si ab eo non procederet, & conceditur: non opponi formaliter virtualiter, & negatur; tunc enim temporis ratio geniti, filij, Verbi, & imaginis non repugnarent realiter Spiritui S. cū essent idem realiter, eademque persona realiter; & sic tunc processio, & generatio solum virtualiter distinguerentur. Vide nu. 60, & infra.

Quintò arguit, quia processio Spiritus S. à Filio, est à persona Filij, ergo ab illo à se distincto; sed non est adhuc spirans in actu secundo; ergo ante istum actum spirandi, iam est Filius distinctus à Spiritu S. aliqui Spiritus S. procedit à se ipso, si non distinguitur à procedente. Resp. distinguendo antecedens: Processio Spiritus S. à Filio: est à persona Filij realiter distincta à Spiritu S. antecedenter ad illius processioem, & negatur: virtualiter, & conceditur: cum enim Filius, & Spiritus S. non distinguantur realiter, nisi ratione oppositionis, sequitur quod ante intellectum dictæ oppositionis, & processiois non intelligatur realis distinctio. Et sic Filius tunc intelligitur vt persona realiter distincta à Patre, non à Spiritu S. pro illo priori.

- Sextò arguit. *Filius non constituitur,*

nec in esse Dei; nec in esse persona per illam rationem spirationis actiuæ; ergo non accipit ab illa nec constitutionem, nec distinctionem. Antecedens probatur quoad primam partem, quia illa virtus non pertinet ad esse Dei, cum non sit in Spiritu S. qui habet totum esse Dei. Quoad secundam suaderetur, quia Filius non potest constitui per id, quod est commune Patri. Resp. quod licet Filius per relationem spirationis actiuæ non constituatur nec in esse Dei, quia hoc modo constituitur per diuinitatem, neque in esse personæ, quia hoc modo constituitur per relationem. Filiationis: constituitur tamen in ratione spiratiui, ac proinde oppositi Spiritui S.

Septimò arguit. *Si quis consideret in Filio rationem Verbi, & imaginis, quam accipit per generationem, & in Spiritu S. rationem amoris, & doni. inueniet præcisè per ista distinguere Filium à Spiritu S. hac autem supponuntur in Filio ad spirandum actiuè; ergo iam illum faciunt distinctum à Spiritu S.* Resp. distinguendo antecedens: si quis consideret, &c. inueniet præcisè per ista distinguere Filium à Spiritu S. virtualiter, & conceditur: realiter, & negatur. Distinctio namque realis à sola oppositione desumitur. Constat ex dictis.

Arguit 8. *Quis, inquit, dices Verbum, & imaginem distinguere intrinsecè per spirationem amoris, & amando actiuè distinguere ab amore producto? Præterea, quomodo distinguetur Filius à Spiritu S. eo per quod non constituitur, non autem eo per quod constituitur? Plures sunt in Filio rationes distinctiue, una quod spirat actiuè, quæ est oppositionis relatiue; altera generationis, & filiationis, quæ est oppositionis disparatæ.* Resp. quod omnes Thomistæ, & nos cum illis dicimus, quod Verbum, & Imago distinguuntur realiter per spirationem amoris, & quod Filius amando actiuè distinguatur ab amore producto. Nec verum est, quod Filius distinguatur realiter à Spiritu S. per id, per quod non constituitur, in ratione spiratiui, & oppositi. Constituitur namque in ratione spiratiui, & oppositi Spiritui S. per spirationem actiuam, & per hanc à Spiritu

ru S. realiter distinguitur. Per filiationem autem constituitur in ratione Filij, & oppositi realiter Patri, non Spiritui S. Vnde verum est quod dicitur, quod in Filio sint plures rationes distinctivæ, scilicet: Filiationis, & spirationis activæ; sed per illam à solo Patre distinguitur. Per istam à solo Spiritu S. Si enim semel relationes disparatæ, quæ tales distinguerent personas realiter, cum in Patre sit Paternitas & spiratio activæ, Pater harum ratione realiter distingueretur à se ipso ut est Pater, & spirativus; quod omnes catholici negant.

Arguit ultimo, *Quomodo*, inquit, *distinguitur Filius à Spiritu S. per id tantum, quod est ei commune cum Patre, & non distingueretur per id, quod est ei proprium, & per quod distinguitur à Patre? sanè si per hoc dumtaxat distinguitur non distinguitur per id, quod propriè in suo esse Filij constituitur. Quod quis affirmet? Demus ergo unâ, & alterâ distinctionem, & illam disparatam, & istam relatiivam.* Resp. nos affirmare, & nō audemus, sed rectè, & catholicè loquimur, dum dicimus, quod Filius non distinguatur realiter à Spiritu S. per id per quod constituitur in esse Filij, sed per id per quod constituitur in esse spirativi, quod est cōmune Patri. Propterea Pater & Filius in hac ratione constituunt unum realiter principium productionis Spiritus S. & illi directè oppositum. Videantur dicta toto dub. præcedenti, & omnia ista clarissima manebunt, rectèque perspiciet lector nō rectè Macedo concludere: quod si auctores velint serid, & sine studio parsum expendere, & quæ nos hic latè, & copiosè diximus maturè considerare non dubito, quin eam deinceps alteri Thomistæ longe præponant.

D V B I U M IV.

An Spiritus Sanctus procedat à Patre per Filium.

86 **C**ommunis sententia sequenti concl. explicatur. Spiritus Sanctus procedit à Patre per Filium. Rationem

fundamentalem adducit S. Doctor h. e. q. 36. art. 3. Quia Filius habet à Patre virtutem spiratiivam, & quod actu spiret Spiritum sanctum; ergo Spiritus sanctus procedit à Patre per Filium. Antecedens constat, quia quicquid est in Filio, est illi communicatum à Patre. Conseq. probatur, quia id, quod producit aliquem terminum per virtutem datam, & communicatam ab alio, est causa, aut quasi causa, ratione cuius dictus terminus ab eo procedat, qui talem tribuit virtutem. Quocirca, malleus attingens artificiatum per virtutem ei ab artifice communicatam, est causa, quod artificiatum procedat ab eodem artifice. Pariformiter causa secunda producens effectum per virtutem sibi à causa prima communicatam, est causa ut causa prima prædictum effectum causet; ergo ex eo, quod Filius producat Spiritum sanctum per virtutem spiratiivam, & per spirationem sibi à Patre communicatam, erit quasi causa Spiritui sancto, ut à Patre procedat; ac proinde Spiritus sanctus per Filium à Patre procedit, & in hoc sensu nostra conclusio procedit.

87 Sed obieciens r. quia si Spiritus sanctus procederet à Patre per Filium, tunc esset aliquis ordo originis inter Patrem, & Filium in actu spirandi, hoc non videtur verum; ergo. Maior constat, quia in his, quæ Filius habet à Patre, est ordo originis inter utrumque; ergo si Spiritus sanctus procedit à Patre per Filium, erit ordo originis inter Patrem, & Filium in actu spirandi. Minor probatur, quia ubi est ordo originis, est etiam prioritas naturæ; sed inter Patrem, & Filium non est prioritas naturæ quoad actum spirandi, quia eo ipso, quod virtus spiratiiva est à Patre communicata, simul actu spikant; licet sit prioritas naturæ quoad virtutem spiratiivam, quia hanc prius habet Pater, postea Filius. Resp. concedendo maiorem, quia re vera nihil habet Filius, quod non habeat à Patre, etiam ipsum actum spirandi; maxime quia in divinis virtutibus spiratiivis, & actus spirandi, non distinguuntur neque virtualiter. Deinde negatur minor, nam ut ex dictis constat, & sic soluitur.

tur dictæ minoris probatio, cum Filius habeat à Patre ipsum actum spirandi, quantum ad hoc, erit prioritas originis, ac subinde naturæ.

88 Obijcies 2. quia si Spiritus sanctus procederet à Patre per Filium, Pater non produceret immediatè Spiritum sanctum, & Filius non attingeret æque principaliter productionem eiusdem Spiritus Sancti, ac Pater; hoc dici nequit; ergo. Maior probatur quoad primam partem, quia id, quod producit aliquid per alium, producit illud per eum, tanquam per medium; sed id, quod producit aliquid per medium, non producit immediatè, sed mediante dicto medio; ergo. Probatur eadem maior quoad secundam partem, quia id, quod alicui tribuit virtutem operandi, & ipsam operationem, principaliter attingit terminum productum, quam illud quod per talem virtutem, & operatione acceptam operatur, ut constet in prima causa, & secunda.

89 Resp. negando maiorem quo ad utramque partem: ad probationem primæ dico, quod Pater quodammodo mediatè producit Spiritum sanctum. Producit quodammodo mediatè, quatenus Filius à Patre habet & spiratiuum virrute[m], & spirationem ipsam. Immediatè verò, quia Filius spirans, non spirat per virtutem, aut actum spirandi, distinctum ab eo, qui est in Patre, sed prorsus per eandem, ac proinde Pater debet hoc modo immediatè producere Spiritum sanctum, ut Filius. Ad probationem secundæ partis, constat ex modo dictis, quia bene probat, quando virtus & operatio accepta, est distincta ab illa quæ est in dante, ut in exemplo causæ secundæ, & primæ apparet; non quando illa virtus, & operatio est indistincta, ut in nostro casu.

90 Sed dices, quia Patri tribuitur auctoritas in spirando, non Filio, ergo Pater principaliter habet virtutem spirandi. Antecedens concedit D. Tho. de potent. q. 10. art. 3. ad 9. & glos. super illud Rom. 5. *Charitas Dei diffusa est*, &c. vbi sic dicit. *In Patre in quantum manet auctoritas, in Filio natiuitas, in Spiritu Sancto com-*

munitas. Resp. quod ideo Patri tribuitur auctoritas, non quia principalius, aut magis influat in Spiritum Sanctum, sed quia spirat à se, & Filius habet spirare à Patre. Sic tenet, & explicat S. Doctor in 1. ad Anibald. dist. 12. art. 4.

D V B I V M V.

An Pater, & Filius sint unum principium Spiritus Sancti.

91 **V**eritas catholica seq. concl. explicatur. *Pater, & Filius sunt unum principium Spiritus Sancti.* Habetur hæc conclusio in Concilio Florent. sess. vlt. in litteris Sanctæ unionis, vbi sic dicitur. *Spiritus Sanctus suum esse subsistens habet ex Patre simul, & Filio, & ex utroq; æqualiter tanquam ab uno principio, & unica spiratione procedit.* Idem ferè traditur in Concil. Lugdun. & refertur cap. unico de Summ. Trinit. lib. 6.

92 Probatur 1. quia in diuinis omnia sunt vnum, vbi non obuiat relationis oppositio; sed Pater, & Filius in hoc, quod est esse principium Spiritus sancti, non opponuntur; ergo sunt vnum in ratione principij Spiritus Sancti; sicut enim ob hanc rationem, sunt vnus Deus, quia in ratione Deitatis, seu diuinitatis non opponuntur; ita quia in ratione spirandi Spiritum Sanctum non opponuntur, erunt vnicum principium.

93 Probatur 2. quia ad multiplicationem nominis substantiui, requiritur multiplicatio formæ, & suppositi, siue habentis illam, nec sufficit multiplicatio suppositi, siue habentis formam. Sed principium Spiritus Sancti est nomen substantiuum; ergo non poterit multiplicari, cum non multiplicetur forma illius, scilicet spiratio actiua, cum sit vna, eademque in Patre, & Filio. Maior constat, ideo namq; non multiplicatur Deus in diuinis, quia est nomen substantiuum, quod non multiplicatur ad multiplicationem suppositorum, sed debet etiam multiplicari forma, scilicet Deitas, quæ cum non multiplicetur, nec nomen Deus multiplicabitur. Mi-

nor etiam constat, ut consideranti patebit.

94 Probatur 3. quia si Pater, & Filius non essent vnum principium Spiritus Sancti, sed plura, tunc nullus eorum sigillatim influeret per modum principij totalis, sed solum per modum principij partialis, sed hoc dici nequit, ergo. Maior constat, quia plura principia eiusdem ordinis, qualia sunt Pater, & Filius non possunt influere per modum principij totalis, sed partialis. Minor probatur, quia principia partialiter influentia imperfecte, per virtutem imperfectam, & insufficientem influunt. Quoties namque duæ causæ, aut quasi causæ partialiter influunt, imperfecte influunt, per virtutem partialem, & insufficientem.

95 Obijcies 1. quia D. Hilari. 2. de Trin. vocat Patrem, & Filium auctores Spiritus Sancti, ergo non sunt vnum principium, sed plura: si namque essent vnum principium, non auctores, sed auctor dicerentur. Resp. quod D. Hilari. sumpsit substantium pro adiectiuo. Vnde sensus est, quod Pater, & Filius sunt spirantes, seu producentes Spiritum Sanctum: sunt enim in diuinis duo spirantes, & vnus spirator.

96 Obijcies 2. quia Filius non communicat cum Patre in ratione spiratiua, ergo non constituunt vnum principium. Antecedens tradit D. Basilii Epist. 37. ad Niffenum, ubi sic fatetur. *Filium nullam propriam notionem communicare secundum proprietatem suam, tam cum Patre, quam cum Spiritu Sancto.* Resp. meniem Basilij esse quod Filius secundum proprietatem suam, seu secundum ipsam Filiationem, non communicat cum Patre, nec cum Spiritu Sancto, cum quo tamen stat, quod communicet cum Patre in ratione spirationis actiue, & in hoc, quod est esse vnum principium Spiritus Sancti.

D V B I V M VI.

Ex quo constituatur principium spiratum Spiritus sancti.

97 **H** Vius dubij sensus est, an virtus spiratiua, seu an principium spiratum Spiritus sancti, constituatur ex essentia, & voluntate diuina, & ex relatione spirationis actiue, ita quod hæc relatio saltem in obliquo desideretur ad illius constitutionem: an verò sufficiat essentia, & voluntas solum connotando in obliquo relationem Paternitatis, & Filiationis: Si solum connotari debeat relatio spirationis actiue, tunc hoc, quod est esse principium Spiritus sancti non afferet pluralitatem neque ex parte recti, neque ex parte obliqui; si autem connotantur relationes Paternitatis, & Filiationis, importabitur pluralitas ex parte obliqui, seu connotati.

98 Prima sententia est, quod non requiratur relatio spirationis actiue ad potentiam spiratiuam, sed quod hæc potentia spiratiua solum consistat in essentia, & voluntate diuina connotando Paternitatem, & Filiationem. Sic Suarez lib. 10. de Trin. cap. 4. & alij.

99 Nostra sententia duobus concl. explicatur. Prima concl. *Principium spirandi Spiritum Sanctum, seu virtus spiratiua Spiritus Sancti, constituitur ex essentia, voluntate, & ex relatione spirationis actiue, connotata in obliquo saltem.* Diximus in obliquo saltem, quia, an importetur in recto, an in obliquo, postea videbitur. Hanc conclusionem teneant D. Thoma in 1. dist. 29. art. 3. & dist. 11. art. 2. & 3. & ad Anibald. eadem dist. 9. unica art. 3. & hic art. 4. & alibi. Terrianius, Grapado, & alij, quos referunt, & sequuntur Salmant. hoc loco dub. 3.

100 Probatur 1. quia sicut principium spiratum ut quod, distinguitur realiter à termino spirato ut quo, ita principium spirandi ut quo, debet distingui ab eodẽ termino spirato ut quod; ergo principium spiratum vltra essentiam diuinam, & voluntatem debet asserre relationem spiratio-

tionis actiue, ratione cuius realiter distinguitur à termino spirato *ut quod*. Antecedens constat, quia sicut principium quod, influat realiter, & *ut quod*, ita principium quo, debet realiter influere in terminum productum; ergo sicut principium quod, quia realiter influat, realiter distinguitur à termino producto, ita principium quo, cum realiter influat, realiter distinguitur. Conseq. probatur, quia essentia, & voluntas diuina præcisè, seclusa relatione spirationis actiue, non distinguuntur realiter à termino spirato; ergo ad hoc ut principium Spiritus sancti distinguatur realiter à termino spirato, debet ultra essentiam, & voluntatem addere dictam relationem spirationis actiue.

101 Respondet Suarez, quod adhuc ut essentia diuina, & voluntas constituantur in ratione potentie spiratiue, & ut sic constitutæ distinguantur realiter à termino spirato, sufficit, quod connotent Paternitatem in Patre, & Filiationem in Filio; quia sicut hæc duæ personæ spirant *ut quod*, & per modum principij quod distinguuntur realiter à Spiritu Sancto; ita essentia, & voluntas diuina ut connotant prædictas relationes, seu coniunctum illud, quod quasi coalescit ex essentia, & voluntate Dei in recto, & ex prædictis relationibus in obliquo, distinguitur realiter ab eodem termino spirato.

102 Sed contra, quia Pater, & Filius ut præcisè dicunt Paternitatem, & Filiationem, quoad id, quod formaliter exprimunt, non distinguuntur realiter à Spiritu Sancto, & prout continent radicaliter spirationem actiuam, distinguuntur solum realiter radicaliter, ut supra docuimus; ergo necesse est, ut importent relationem spirationis actiue ut constituantur in ratione principij quod, & potentia spiratiue in ratione principij quo, constituantur. Nam sicut principium radicale quod, radicaliter continens spirationem actiuam, debet distingui realiter radicaliter à termino spirato; & sicut principium radicale quo, debet eodem modo distingui ab eodem termino spirato: ita principium quod proximum, & formale spirandi,

debet distingui distinctione formali reali ab eodem termino spirato: hoc autem non habetur nisi per spirationem; ergo.

103 Probatur 2. & simul impugnatur præcedens responsio, quia ordo originis ut talis, inferens distinctionem realem ut talem, debet esse inter principium quod, & principium quo ex vna parte, & terminum productum ex alia, sed iste ordo originis non potest esse, nec intelligi præcisè dicta relatione spirationis actiue, ergo, &c. Tum quia sicut Paternitas in Patre quia est infinita intra suam lineam, habet plura munera, & secundum vnum præsupponitur generationi, & ingreditur ad constitutionem potentie generatiue, ut nostro modo intelligendi præcedit eandem generationem; &c. Et pariformiter Filiatio ob eandem infinitatem habet plura munera, scilicet generationis passiue, & termini producti per prædictam generationem, & secundum priorem considerationem præcedit se ipsam secundum posteriorem; ergo etiam relatio spirationis actiue habebit plura munera correspondentia muneribus spirationis passiue, ut secundum prius concurrat ad constitutionem principij quo spirandi, & præsupponetur ad actionem spirandi, & secundum posterius, scilicet secundum quod exprimit ad, subsequetur ad eandem actionem.

104 Nec valet respondere cum aduersarijs, quod sit diuersa ratio inter relationem spirationis actiue, & alias relationes diuinas, quod alie sunt constitutiue personarum, ac proinde præsupponuntur secundum aliquod munus ad actus notionales, & requiruntur ex parte principij productiui; & spiratio actiua non est constitutiva personarum, ac proinde non potest præsupponi secundum aliquod munus ut constitutiva dicti principij productiui.

105 Sed contra, quia licet spiratio actiua non constituat personam, constituit tamen principium productiuum Spiritus Sancti, in ratione distincti distinctione reali formali à persona Spiritus Sancti, & deinde refert dictum principium ad Spiritum Sanctum; ergo eadem munera constitutendi, & referendi poni debent in spiratio-

ratione actiua, quæ in alijs relationibus ponuntur.

106 Secunda conclusio. *Sola relatio spirationis actiua, una cum voluntate, & essentia diuina, tenet se ex parte virtutis, seu principij quo spirandi, & a deus constitutionem quodammodo ingreditur; non Paternitas, & Filiatio, quia ista relationes solum constituunt principium quod adæquatam.* Sic tenent communiter Theologi post D. Thomam, vt bene expendunt Salmant. hoc loco.

106 Probatur 1. quia diuina essentia, & voluntas habent totum id, quod in recto requiritur ad hoc vt sint fecunda per modum principij quo ad spirandum, & solum requirunt aliquod obliquum ratione cuius integrum principium spiratiuum, quo realiter distinguatur a termino spirato; sed hoc habent per spirationem actiuam, non per Paternitatem, & Filiationem, vt ex dictis constat, ergo, &c. Minor constat ex dictis. Maior probatur, quia in creatis natura intellectiua, & voluntas realiter distincta a termino spirandi, sunt principium sufficiens quo spirandi; ergo, &c. Tum quia essentia diuina hoc ipso, quod sit fecunda quoad id, quod dicit in recto principium quo generandi, nil aliud requirit, nisi quod connotet Paternitatem in obliquo; ergo eadem ratione hoc ipso, quod essentia, & voluntas sint ex se fecunda quoad id, quod principium spirandi impotat in recto, nil aliud requiritur ad hoc vt dicta spiratio actu ponatur, nisi quod illis addatur prædicta relatio spirationis, ratione cuius integrum spirationis principium superaddatur.

107 Probatur 2. quia Spiritus sanctus procedit à Patre, & Filio, vt sunt vnū in virtute spiratiua; ergo virtus spiratiua est omnino eadem in vtroque tam secundum id quod affert in recto, quam secundum id, quod dicit in obliquo; ergo solum dicit essentiam, voluntatem, & relationem spirationis actiua, quæ indiuisibiliter est in Patre, & Filio, non Paternitas & Filiatio. Tum quia vis spirandi æqualiter, & integrè est in Patre, & Filio; aliàs non spirarent per integram virtutem; sed

non possunt spicare per vnam, integramque virtutem, nisi illa virtus sit vna tam ex parte recti, quam ex parte connotati; ergo. Tum etiam quia ex eo, quod Pater & Filius influant in Spiritum sanctum per modum principij quod, ideo procedit ab illis vt sunt plura supposita; ergo cum procedat ab illis vt sunt vnū principium, quo debet tale principium esse vnū formaliter tam ex parte recti, quam ex parte connotati, seu obliqui. Soluuntur argumenta in contrarium.

108 Primum argumentum desumunt ex D. Tho. *infr. qu. 4. art. 4.* vbi sic fatetur. *Origo actiue significata prior est secundum intellectum, quam relatio personæ originantis, quæ non est personalis: sicut actus notionalis spirationis secundum intellectum præcedit proprietatem relationis in nominatam communem Patri, & Filio.* Si autem relatio spirationis actiue ingrederetur aliquo modo constitutionem potentie spiratiua, tunc sicut potentia spiratiua præsupponitur secundum intellectum actui spirandi actiue significato; ita prædicta relatio spirationis actiue præcederet actui spirandi, cuius oppositum docet S. Doctor. Resp. quod relatio spirationis actiua considerari potest secundum duplex munus. Primum, secundum quod se tenet ex parte potentie spiratiua, eamque quodammodo constituit, & complet per modum connotati, & conditionis. Secundò, quatenus expressè exercet munus respiciendi correlatiuum: secundum hoc munus præsupponit actum spirandi, & ad illum subsequitur, non secundum primum; quo in sensu loquitur S. Doctor. Bene verum est quod licet in omnibus diuinis relationibus illa duo munera distinguantur, aliter tamen, & aliter; nā paternitas v.g. secundum primum munus, quod vocat formæ hypostatice, ita præsupponitur, vt sine illa nequeat intelligi aliquod principium etiam in adæquatam generandi. At relatio spirationis, actiua licet supponatur ad actum spirandi, tamen ea non intellecta, intelligitur aliquod principium spirandi in adæquatam; cum possit concipi Pater, & Filius; qui sunt quoddam principium quod, saltem materiale

De Persona Spiritus Sancti. 639

riale spirandi; & hoc significare voluit Sanctus Doctor.

109 Secundum argum. quia ad potentiam spiratuum non est necessaria relatio spirationis actiue tanquam aliquid eam aliquo modo constituens; ergo frustra ponitur. Antecedens probatur, quia vel est necessaria ut formaliter complens virtutem spirandi? Et hoc non, quia non complet formaliter virtutem amandi, quæ est virtus spirandi. Vel est necessaria solum ut conditio requisita? Et neque hoc, quia nec requiritur ad constituendam personam Patris, vel Filij, cum utraque persona supponatur iam constituta. Neque etiam est necessaria ut se mutuo ament, quia ad hoc sufficit voluntas, in qua subsistunt. Neque denique, ut se amando mutuo producant, quia etiam ad hoc sufficit voluntas in qua personaliter subsistunt, ergo, &c. Resp. ex dictis, quod relatio spirationis actiue requiritur in obliquo ad potentiam spiratuum; quia ad illius integram constitutionem desideratur, quod prædicta potentia distinguatur distinctione reali formaliter tali à termino spirato, quod non nisi à dicta relatione spirationis actiue procedere potest.

110 Tertium argu. quia relatio spirationis actiue aduenit Patri, & Filio iam constitutis, illosque supponit intelligentes, ergo supponit eisdem producentes Spiritum Sanctum, ac proinde non requiritur ad rationem potentie. Antecedens probatur, tum quia prædicta relatio habet se per modum proprietatis respectu Patris, & Filij, ac proinde supponet illos constitutos, & subsistentes in intelligentia, & volitione diuina; ergo. Tum etiam, quia relatio spirationis actiue non vnitur immediate cum essentia, & voluntate; ergo ex eis, & relatione spirationis actiue, non confurget potentia spiratiua. Antecedens constat, quia essentia diuinæ prius intelligimus aduenire relationem Paternitatis, & Filiationis, ac proinde prius intelligimus Patrem, & Filium constitutum, quam intelligamus dictam relationem spirationis actiue. Consequenter videtur nota, quia prædicta unio requirebatur ad hoc,

ut vnà cum eadem essentia, & voluntate diuina ingrederetur aliquo modo ad constitutionem potentie spiratiue radicaliter, & formaliter talis. Resp. concedendo antecedens quoad primam partem, & distinguendo secundam: supponit illos intelligentes, & volentes volitione essentiali, & conceditur notionalis, & negatur, quia ad volitionem, seu voluntatem notionalem, requiritur ratio principij quod spirandi, non quæcunque, sed realiter distincta à termino spirato, ut ex dictis constat. Per quæ patet ad 1. probat. Ad 2. dico satis esse ad hoc ut relatio spirationis actiue requiratur in obliquo ad potentiam spiratuum, & ad principium quod spirandi, quod immediate vnitur cum Patre, & Filio tanquam cum subiecto, seu quasi subiecto quod, & quod vnitur immediate cum diuina essentia, & voluntate tanquam cum subiecto, seu quasi subiecto quo, ac proinde, quod in suo genere, in ratione subiecti quo, prius intelligatur essentia, & voluntas diuina subiecta, seu vnita prædictæ relationi, quam Pater, & Filius, & ita prædicta relatio ut modo dicto vnita essentia, & voluntati, seu ut sic connotata, ingreditur ad constitutionem potentie spiratiue.

DVBIUM VII.

An relatio spirationis actiue non solum requiratur ad constitutionem virtutis spiratiue, sed etiam sit per se subsistens, & ut sic, spirat ut quod.

111 DVbium hoc sic etiam solet proponi, an detur in diuinis aliquod indiuiduum constitutum ex essentia, voluntate diuina, & relatione spirationis actiue, distinctum ratione à Patre, & Filio, cui conveniat spirare ut quod. At in idem redit, si namque relatio spiratiue est per se subsistens, sequitur, quod ut sic subsistens afferat constitutum quoddam ex eadem essentia, & voluntate diuina, à Patre, & Filio virtualiter distinctum, & cui ut quod conveniat spirare.

Pri-

113 Prima sententia tenet, quod relatio spirationis actiue subsistat *ut quod* per propriam subsistentiam relatiuam in natura, & voluntate diuina, & sic sumpta sit principium *quod* spirandi, ac subinde datur in diuinis quoddam constitutum ex essentia, voluntate, & relatione spirationis actiue, ut afferente propriam subsistentiam, cui conueniat spirare *ut quod*, & sit spirator communis communitate rei Patri, & Filio. Sic tenent Nazar. *hic art. 4. contr. 2. Canar. cod. loco*, Molina *disp. 2. Becanus de Trin. cap. 6.* alios referens.

113 Nostra sententia seq. concl. explicatur. Relatio spirationis actiue non est per se subsistens, ac proinde non est ex se spiratiua *ut quod*, ac subinde in diuinis non datur aliquod constitutum ex essentia, voluntate, & relatione spirationis actiue, ut afferente propriam subsistentiam, quod ratione distinguatur à Patre & Filio, cui competat esse subsistens, & esse spiratiuum *ut quod*, commune communitate rei Patri, & Filio. Hanc conclusionem colligunt Salmant. ex Concilio Lugdunensi, & Florentino; eamque tradunt Capreolus, Caiet. Ripa, Bannes, Zumel, & alij, quos referunt, & sequuntur d. Salm.

114 Probatur 1. quia Pater in diuinis non solum est principium spirandi, sed primum, quocirca dicitur Græcè *Anarcos*, id est principium principale, sive primum. Dicitur etiam principium fontale deitatis, teste Ecclesiæ lumine 4. de Trin. cap. 20. Et D. Dionys. de diuin. nomin. cap. 2. hæc de Patre promittit. *Solus fons supersubstantialis Deitatis Pater.* Ergo in diuinis non debet concedi aliquod constitutum ex essentia, voluntate, & relatione spirationis actiue, cui competat esse principium *quod* spirandi, commune communitate rei Patri, & Filio; Antecedens constat, & communiter conceditur; conseq. probatur, quia si daretur prædictum constitutum, quod esset spirator *ut quod*, commune communitate rei Patri, & Filio, esset primum principium spirandi, non Pater; esset enim dictum constitutum spiratiuum, *ut quod* ratione sui, &

non illi hoc communicaretur à Patre, sed hoc est falsum, quia tunc Pater non esset primus fons diuinitatis; ergo, &c.

115 Probatur 2. quia in diuinis non possunt esse duo prima principia, duoque ingeneriti, aliàs darentur plures Dij; ergo neque dari potest spirator *ut quod* communis communitate rei Patri, & Filio. Antecedens constat. Conseq. probatur. Quia si daretur dictus spirator communis modo dicto, esset ingeneritus, quia ab alio non procederet, & tam Pater, quam communis hic spirator haberet esse primus fons diuinitatis: Pater, quatenus communicat diuinitatem Filio; & hic spirator quatenus illam communicat Spiritui sancto. Esset etiam tunc in diuinis Deorum pluralitas, cum esset pluralitas ingeneratorum; pluralitas namque ingeneratorum non cohæret cum omnimoda unitate nature diuinæ, ut patet.

116 Nec valet respondere cum aduersariis, quod communis iste spirator, non distinguatur nisi ratione à Patre, ac proinde non tollet ab eo, quod sit primum principium spirandi, neque quod sit primum principium, primusque fons diuinitatis. Item non est, inquit, inconueniens, quod dentur duo ingeneriti ratione distincti, nec inde arguitur Deorum pluralitas, sicut argueretur si realiter distinguerentur. Nec tandem, inquit, auferitur à Patre, quod innascibilitas sit propria notio illius, quia tunc Pater secundum omnia quæ includit, esset realiter innascibilis.

117 Sed contra, quia in primis falsum est, quod sufficiat ad saluandum, quod Pater sit primum principium spirandi, primusque fons totius diuinitatis, quod non distinguatur realiter, licet distinguatur ratione à spiratore *ut quod*, communi communitate rei Patri, & Filio, quia iuxta communem Patrum, & Theologorum sententiam, proprium est Patris, non identicè, sed formaliter sumpti, quod solus sit primum spirandi principium, & quod sit primus fons totius Deitatis, ad quod non sufficit, quod solum identicè sit talis, ut in dicta solutione asseritur ab aduer-

aduersarij. Tum quia id, quod formaliter, & ex se est primum principium *ut quod* dicendi, debet etiam esse formaliter, & ex se primum principium spirandi *ut quod*; sed Pater est primum principium *ut quod* dicendi; ergo etiā spirandi. Minor constat. Maior probatur, quia primū principium intelligendi *ut quod*, est etiam primum principium volendi *ut quod*; sed Patri competit primum; ergo etiam secundū.

118 Est etiam falsum, quod in dicta solutione dicitur, quod scilicet non obest diuine vnitati, quod dentur duo ingenti, duoque prima principia, & duo fontes diuinitatis virtualiter solum distincti; nam ex huiusmodi pluralitate virtuali, saltem sequitur pluralitas virtualis diuine nature; quod non potest non esse absurdum, Nam sicut datis duabus primis proprietatibus realiter distinctis, colligitur esse dandas duas naturas realiter distinctas, & sicut datis duabus primis potentijs, seu principijs *quo*, realiter distinctis inferitur pluralitas naturarum realiter distinctarum, cum vna, eademque natura realiter, vnā tantum realiter habeat primam proprietatem, vnumque tantum primum principium operandi *ut quo*; ita vbi dantur plures proprietates, pluraque principia operandi virtualiter distincta, plures dabūt naturę virtualiter distinctę.

119 Falsum tandem est, quod sufficiat identificatio prædicti constituti ex essentia diuina, voluntate, & spiratione actiua per se subsistente cum Patre, ad hoc vt innascibilitas sit propria notio illius: ex eo, quod solus Pater, secundum omnia, quę realiter affert est innascibilis. Nam contra est, quia ratio notionis non competit ex ijs, quę identicę conueniunt; sed ex ijs, quę conueniunt formaliter; at Pater in eo euentu, quatenus esset principium spirandi *ut quod*, non esset innascibilis formaliter, sed solum identicę, ex eo scilicet, quod identificaretur cum communi spiratore, à quo formaliter haberet spirare *ut quod*, ac proinde in eo euentu innascibilitas non esset propria notio Patris.

120 Probatur 3. nostra concl. Quia relatio spirationis actiue, non constituit personam, aliā in diuinis daretur qua-

ternitas personarum, à Concilijs, & Patribus reprobata; ergo non potest dicta relatio asserre propriam substantiam; ac proinde non erit vt subsistens principium spirandi. Antecedens constat. Consequ. probatur, quia si dicta spiratio actiua asserret propriam substantiam relatiuam, tunc secundum illam esset constitutiuā persone, nam hoc ipso, quod esset substantia relatiua, adueniens post relationes Paternitatis, & Filiationis, quę personas constituunt, non esset minus constitutiuā persone, quam prædictę relationes, cum non minus sit per se subsistens quam illę, inō quo maior aliqua substantia est vltima, eō magis est idonea ad constituendum, seu ad tribuendam incommunicabilitatem.

121 Primū arg. desumunt ex D. Tho. in 1. ad Anibald. dist. 29. q. 2. v. ar. 2. vbi sic dicit. *Sicut diuinitas in diuinis non est nisi subsistens; & tamen vna Deitas est Patris, & Filij, quia sunt duo subsistentes, ex alia ratione distincti: similiter & de communi spiratione oportet intelligi.* Resp. mentem D. Tho. non esse quod cōmunis spiratio sit per se subsistens, sicut Paternitas, & Filiatio. sed est, quod communis spiratio subsistat per substantiam absolutam diuinitatis, sicut per illam subsistit eadem diuinitas, licet illa substantia non sit propria dictę relationis, sed sibi à Deitate communicata. Et quia hæc substantia absoluta non est sufficiens ad tribuendam diuinitati rationē principij quod spirandi, propterea solus Pater, & Filius sunt principium quod spirandi.

122 Secundum arg. quia relatio spirationis actiue desiderata ad rationē principij quod spirandi, est per se subsistens, ergo erit principium quod spirandi, quatenus est per se subsistens, & in concreto. Consequ. constat, nā sicut Paternitas in concreto, est principium quod generandi, cum sit ipse Pater; ita relatio spirationis in concreto, erit principium quod spirandi. Antecedens probatur, tum quia in diuinis concreta, & abstracta, non distinguuntur, nisi ex parte nostri modi concipiendi, non ex parte rei conceptę, ex eo, quod forma, aut quasi forma, quę non pertingit ad hoc, vt sit suus quasi effectus forma-

642 Disputatio XXXV. Dubium VIII.

lis, ac proinde ut sit quo aliud est, & quod est, ac subinde subsistens, non dicit infinitam, & summam puritatem intra suam lineam; ergo, &c. Tum etiam quia, id, quod in genere causæ, aut quasi causæ efficiētis, non pertingit ad hoc, ut non solum sit virtus operatiua, sed etiam ipsa operatio, non dicit omnimodam puritatem, & infinitatem intra suam lineam; ergo etiam forma, quæ non fuerit tam id quo aliud est, quam id, quod est, seu quæ non fuerit simul & res habens, & habita, ac subinde per se subsistens, non dicit omnimodam actualitatem, & infinitatem debitam intra suam lineam.

123 Resp. negando antecedens. Ad 1. probationem dico, quod non omnia concreta, & abstracta ita inter se identificantur, ut excludant virtualem distinctionem, bene tamen in aliquibus, ut in Deitate, & Deo, ob sui eminentiam, & excellentiam, ut in Paternitate, & Patre, & alijs relationibus personalibus, ob speciem rationem, quæ ibidem urget, quia scilicet sunt constitutiue personarum. Hinc tamen non sequitur, quod illa abstracta, quæ non identificantur cum suis concretis absque distinctione virtuali, non dicant infinitam puritatem intra suam lineam, ad hoc enim satis est, ut vnumquodque sit absque distinctione virtuali suus quasi effectus formalis, ut in nostro casu contingit. Ad 2. probationem dico, quod ad hoc ut aliquid sit infinitum, & purissimum intra lineam virtutis operatiue, sufficit, quod absque distinctione virtuali sit ipsa actio, & operatio, quæ ab ea, ut à virtute proxima operandi procedit; non verò, quod sit absque dicta distinctione operatio, quæ ab ea virtute radicali præcisè, vel tanquam à principio quod præcisè procedit. Quia virtus præcisè radicalis, quæ simul non est virtus proxima alicuius operationis, non pertinet ad lineam illius operationis; nec operatio ad lineam dictæ virtutis, ut constat in volitione procedente à natura diuina, ut à virtute radicali. Quare ad infinitatem, & omnimodam puritatem alicuius formæ, seu quasi formæ, sufficit, quod

effectus formalis illius prout præcisè ab illa egreditur, ut à causa formali proxima, totaliter ab ea procedat quo ad illam rationem, secundum quam procedit; nec est necesse, quod sit ipsum suppositum, aut res illa subsistens, cui communicatur, ut in nostro casu videre est.

124 Tertium argum. quia relatio spirationis actiue est vna, & eadem in Patre, & Filio; ergo ex vi suæ lineæ est per se subsistens, ac subinde concurret ad spirationem ut principium quod subsistens. Antecedens ab omnibus admittitur. Conseq. probatur, quia forma, aut quasi forma, quæ duobus communicatur suppositis, & non est per se subsistens, multiplicatur in illis; sed dicta relatio spirationis actiue non multiplicatur in Patre, & Filio, ut patet, ergo est per se subsistens. Maior probatur, nam hoc ipso, quod humanitas per realem susceptionem suscipitur in diuersis realiter suppositis, non potest non realiter multiplicari in illis. Hinc est, quod essentia diuina, quæ tribus personis diuinis communicatur, suscipitur in illis ut subsistens, ne in illis intelligatur saltem virtualiter multiplicari. Hinc etiam videmus, quod formæ non subsistentes dum in subiectis recipiuntur, limitantur, & finiuntur. Resp. concedendo antecedens, & negando consequentem dico, quod ad hoc ut saluetur, quod dicta relatio non multiplicetur in Patre, & Filio, sufficit, quod sit subsistens per subsistentiam absolutam diuinæ essentiae, quæ cum non multiplicetur in Patre, & Filio, neque dicta relatio quæ per ipsam subsistit, multiplicabitur, ut constat in attributis, quæ immultiplicata ponuntur in tribus personis diuinis.

125 Sed dices contra hoc, quod licet sufficiat ad hoc, quod attributa non multiplicentur, quod subsistant subsistentia absoluta diuinæ essentiae, non tamen hoc sufficit in relatione spirationis actiue cum habeat rationem proprietatis respectu Patris, & Filij, illosque distinguat à Spiritu sancto distinctione reali formali. Et ratio est, quia sicut proprietates personales,

nalis, v. g. Paternitas, ex eo, quod constituat personam Patris, eumque realiter à Filio distinguat, debet esse per se subsistens, & incommunicabilis alteri à Patre; ita spiratio actiua, licet non constituat personam, constituit tamen vnum spiratorem, & incommunicabilem, & distinctum reddit à termino, scilicet à Spiritu sancto, ac proinde debet esse subsistens, & incommunicabilis. Resp. quod ad proprietatem non constituentem personas, sed præcisè distinguentem, sufficit, quod afferat realem oppositionem, cum suo termino, scilicet Spiritu sancto, vt ex se constat.

D V B I V M VIII.

An Spiritus sanctus per se procedat à duabus personis, ita vt utraque exigatur.

126 **P**ro intellectu difficultatis, nota 1. quod dupliciter possunt plures personæ requiri ad productionem alicuius. Primò quidem, vt hæc personarum pluralitas non petatur per se, & ab intrinseco ex parte rei productæ, sed solum ex parte virtutis productiue; quæ est talis conditionis, vt sit in pluribus personis, & non possit vna per illam virtutem operari, quin omnes operentur. Hac ratione omnes creaturæ procedunt à tribus personis diuinis. Non quia creaturæ ab intrinseco petant trium diuinarum personarum influxum, sed quia virtus creatiua est talis conditionis vt non possit esse in vna tantum persona, sed debet esse in tribus, ac proinde non potest vna operari, quin operentur omnes: secundum quam rationem currit illud axioma, quod *opera ad extra, sunt in diuisa Trinitatis*. Vnde si per impossibile Deus non esset Trinus, sed vnus, adhuc creaturæ procedere possent; & Petrus v. gr. productus per illum, esset eiusdem rationis.

127 Secundò possunt plures personæ requiri ad productionem alicuius, ita vt hæc pluralitas per se, & ab intrinseco

requiratur ex parte rei productæ, & productionis illius; ita quidem, quod si non daretur hæc personarum pluralitas in eius productionem influens, res producta non esset eiusdem rationis; qua ratione Verbum diuinum per se procedit ex cognitione creaturarum possibilium, & omnium; quæ sunt in Deo, siue formaliter, siue eminenter. Nam omnium horum cognitio per se exigitur ad Verbi productionem, tanquam quid petum ex parte ipsius, & suæ processionis. Ac proinde si per impossibile deesset cognitio alicuius ex istis, Verbum vel non procederet, vel non eodem modo. Et in hoc posteriori sensu, dubium hoc procedit.

128 Nota 2. quod Spiritus sanctus dupliciter considerari potest. Primò, secundum omnia, quæ habet ex vi suæ proprietatis personalis, vt nunc est, ac proinde secundum omnia, quæ nunc per se petit. Secundò secundum ea, quæ exprimit, vt præcisè dicit esse impulsus diuinum in Deo existentem, non curando de alijs, quæ implicite in hoc inuoluuntur, sed solum de illis, quæ secundum hanc rationem exprimuntur. Quæ ratio Spiritus sancti intelligeretur manere eadem, quoad id, quod per hoc præcisè exprimit etiam si per impossibile non distinguereetur realiter à Filio, nec realiter ab eo procederet. Imò licet per impossibile intellectus diuinus non esset secundus, & productiuius Verbi, & ex alia parte diuina, voluntas esset fecunda, vim habens producendi diuinura impulsus, intelligeretur manere dicta ratio inadæquata Spiritui sancti, secundum quod præcisè exprimit diuinum impulsus in Deo existentem. Titulus non intelligitur in hoc posteriori sensu, sed in priori, vt ex dicendis magis constabit.

129 Prima sententia est, quod Spiritus sanctus per se, & ex vi suæ processionis, & proprietatis personalis, non exigit pluralitatem personarum Patris, & Filij, & sic quasi per accidens ad illius productionem concurrant. Sic tenent Scotus in 1. dist. 12. q. 1. Gabr. ibid. Durandus dist. 11. q. 3. & alij.

M m m m 2 No-

130 Nostra sententia seq. concl. explicatur. *Spiritus sanctus per se procedit à duabus personis, ita quod ex vi eiusdem Spiritus sancti, & suæ proprietatis personalis id exigatur.* Colligitur hæc concl. ex illo Apost. 1. ad Cor. 13. *Gratia D. N. I. C. & charitas Dei, & communicatio Spiritus sancti.* Vbi Apostolus vocat Spiritum sanctum communicationem Patris, & Filij, idest nexum utriusque, quia, ut ibi exponit S. Doctor, est communis utrique, seu est mutus utriusque amor, & ac proinde ex vi suæ processionis petit ab utroque procedere. Hanc eandem conclusionem tradit Ecclesiæ lumen 6. de Trin. cap. 5. & in Ioan. trañt. 105. D. Prosper in lib. sent. sententia 371. D. Anselm. D. Bernard. Ricard. à S. Viñt. D. Hieronym. D. Thom. Albertus Magnus, Ricard. & omnes ferè Theologi, quos referunt N. Salm. hoc loco disp. 15. dub. 5.

131 Probatur 1. Quia sicut Verbum in diuinis ex vi suæ processionis personalis habet repræsentare creaturas possibiles & omnia, quæ sunt in Deo formaliter, non quia ea repræsentatio sibi competat ex vi proprietatis personalis, quia hæc nõ est repræsentatiua, sed quia ex vi eiusdem proprietatis personalis petit, quod sibi diuina essentia communicetur ut est illarum rerum repræsentatiua. Ita Spiritus sanctus dicitur nexus Patris, & Filij, non quia hoc sibi conueniat formaliter ex vi suæ proprietatis personalis, sed quia ex vi illius exigatur, ut ei communicetur ex vi suæ processionis amor essentialis, ut modificatus per suam proprietatem personalem. Nam eo ipso habebit per modum termini producti, quod solum ipse Spiritus sanctus habeat vnire Patrem, & Filium & quod ei hoc competat ex vi suæ proprietatis personalis, quatenus id petit, & est sibi debitum ut est terminus suæ processionis, ac proinde ex vi eiusdem processionis; sed hæc non intelligitur habere, nisi quatenus à Patre, & Filio petit procedere; ergo. Nisi enim à Patre, Filioque peteret procedere, non peteret esse nexum utriusque.

132 Probatur 2, quia soli Spiritui S,

per se, & ex vi suæ proprietatis personalis conuenit, quod procedat per modum termini, per amorem perfectissimum producti; sed iste est amor perfectissimæ charitatis, & amicitie, quæ duas personas diuinas requirit, scilicet Patrem, & Filium; ergo petit procedere à Patre, & Filio, Maior constat. Minor probatur, quia amor omnium perfectissimus, est amor amicitie, ex eo, quod amoris perfectio consistit in perfectiori vinculo amantis cum re amata; sed amor amicitie est perfectissimum vinculum amantis, & amati; ergo. Amor namque amicitie vnit utrumque extremum in ratione obiecti amati cum amante, & insuper habet vnire efficienter sibi rem amatam, ratione termini amoris quem producit, ratione cuius res amata est in amante, illique intimè vnitur; ac proinde si Spiritus sanctus ex vi suæ proprietatis exigit, quod procedat per modum amoris, & impulsus exigit etiam, quod procedat per amorem amicitie perfectissimæ, de cuius ratione est, quod petat mutuum duorum amorem.

133 Probatur 3. ex discrimine, quod intercedit inter amorem amicitie, & concupiscentie, quod amor amicitie consistit in quadam redamatione plurium conuenientium in aliquo vno: atque adeò ex propria ratione postulat, quod procedat à pluribus suppositis se mutuo amantibus, secundum quod habent inter se aliquam vitæ vniõnem, ut constat ex Phil. 8. Esch. 11. & ex D. Tho. 1. 2. q. 27. art. 3. & q. 28. art. 1. At amor simplicis beneuolentie, seu concupiscentie consistit in simplici motu, vel inclinatione appetitus in obiectum diligibile, & est quidam vniõ tenens se ex parte principij tantum, seu tantum ex parte vnius extremi, scilicet amantis ad rem amatam, quæ cum non sit ita perfecta, non requirit redamationem, nec pluralitatem suppositorum; sed amor inter Patrem, & Filium est amicitie, ergo, &c.

134 Occurrunt aduersarij nostras rationes tantum conuincere, quod Spiritus Sanctus de facto procedat à duabus personis,

sonis, quia de facto est nexus duorum; non verò, quod hoc ei conveniat ex vi eiusdem proprietatis personalis. Vnde quando S.P. Augustinus, & alij Patres dicunt, quod Spiritus sanctus sit nexus, non volunt hanc denominationem illi convenire sub illa formalitate, seu perfectitate, seu ex vi suæ proprietatis personalis, sed solum volunt, quod de facto ita sit. Neque hoc, inquirunt, pertinet formaliter, ad rationem, seu perfectionem amoris. Nam amor Patris quo diligit Filium, non est minus perfectus quam sit amor Patris, & Filij, quo se mutuò diligunt. Et ideo si Pater se ipsum diligeret absque Filio, non minus produceret amorem perfectum, quam modo. Confirmari potest hæc solutio, quia amor notionalis consideratur siue per modum viæ, & originis, siue per modum termini, & impulsus producti; nõ dicit perfectionem; ergo si per impossibile Pater se ipsum diligeret absque Filio, non minus quam modo esset productivus amoris, & non minus perfecti.

135 Sed contra, quia dum Sancti Patres vocant Spiritum sanctum nexum, nõ solum volunt hoc illi de facto convenire, & quasi per accidens, sed quod hoc illi conveniat per se; aliis non ita propriè loquerentur. Tum quia licet amor essentialis, quo Pater, & Filius se mutuò diligunt; non crescat in perfectione ex eo, quod sit in illis, ex relationibus Paternitatis, & Filiationis; tamen à posteriori colligeremus, non esse intra suam lineam summè perfectum, nisi utrique personæ communicaretur, quia non pertingeret adhuc ut esset amor amicitiae; à quo Spiritus sanctus petit procedere, cum petat procedere ab amore perfectissimo.

136 Confirmatur, & explicatur quia sicut potentia generativa in divinis non habet suam perfectionem à relatione Paternitatis, sed à natura divina, tamen natura non explicat fecunditatem per modum potentiae generativæ, nisi prout in Patre; quia ad eius rationem requiritur, ut est sub hoc conceptu, quod realiter distinguatur à Filio, quod non nisi à Paternitate hoc habet; ita licet amor ami-

citiae inter Patrem, & Filium, non habeat suam perfectionem à Paternitate, & Filiatione, sed ab amore essentiali; tamen non explicat suam summam perfectionem fecundam ad productionem Spiritus sancti, nisi se communicet Patri, & Filio, & reddat illos mutuò se amantes.

137 Tum quia ex parte personarum producentium Spiritum S. per se, & ex vi suarum proprietatum personalium exigitur, quod utraque producat Spiritum S. per amorem amicitiae, quo se mutuò diligunt, ut communiter docent Theologi; ergo etiam ex parte Spiritus sancti exigetur ex vi suæ proprietatis personalis, quod procedat ex amore amicitiae Patris & Filij. Antecedens satis constare videtur. Consequenter probatur, quia Spiritus S. ex vi suæ proprietatis personalis habet, quod sit terminus intrinsecus productus ad intra per voluntatem divinam; sed inter terminum intrinsecum, & principium illius debet esse summa adæquatio, ut id, quod per se requiritur ex parte principij, etiam per se requiratur ex parte termini illius; ergo &c. Vnde quia subsistentia est terminus intrinsecus essentie, ideo habet summam adæquationem cum illa; ut quidquid requiritur ex parte essentie ut sit terminabilis, requiratur ex parte subsistentiae ut sit terminativa. Item quia Verbum est terminus intrinsecus dictionis, ideo est summa adæquatio inter illa.

138 Tum etiã quia Spiritus S. exigit ex vi suæ proprietatis personalis, quod producat ab aliqua persona divina; sed non à solo Patre; neque à solo Filio; neque ab aliqua persona divina vagè sumpta; ergo exigit, quod procedat à Patre, & Filio. Maior constat. Minor probatur, quia ideo Pater producit Verbum per intellectum, quia habet hoc modo naturam non communicatam; sed Pater, & Filius habent voluntatem non communicatam; ergo tam Pater, quam Filius debent producere Spiritum S. Divina namque voluntas non soli Patri competit, sed & Filio. Tum deinde, quia persona Spiritus S. est persona determinata; ergo debet ex vi suæ proprietatis personalis exigere

gere determinatam, aut determinatas personas à quibus procedat. Tum denique, quia Spiritus S. ex vi suæ proprietatis personalis postulat produci per actionem personalem, sicut creaturæ petunt produci à Deo per actionem essentialem; ergo sicut creaturæ ob hanc rationem exigunt ut causam sui hunc Deum, ut est hoc individuum determinatum; ita quia Spiritus S. per se procedit per actionem personalem, exigit tanquam principium sui, determinatas personas.

139 Neque id, quod adducitur in confirmationem dictæ solutionis illi fauet, quia si per impossibile Pater posset se ipsum solum diligere, absque eo, quod Pater, & Filius se mutuò diligere, & hoc modo produceret Spiritum S. tunc ille amor, & Spiritus S. productus essent diuersæ rationis, ac nunc, nec dicerent tantam perfectionem ac modo dicunt. Sicut si natura diuina esset solum in Patre esset diuersæ rationis ac modo est, quia de ratione essentiae diuinæ est, quod sit communicabilis tribus.

140 Occurrunt alij ex Scoto, quod in Spiritu S. esse amorem mutuum, addit tantum relationem rationis supra rationem amoris, ac proinde non potest exigi ex parte proprietatis personalis Spiritus sancti pluralitas personarum Patris, ac Filij ad sui productionem, cum ratio relationis rationis non possit intrinsicè pertinere ad rationem proprietatis personalis Spiritus S. Sed contra, quia licet amor mutuus inter Patrem, & Filium non fundat relationem realem inter ipsos, sed solum sit fundamentum relationis rationis, tamen ratio mutui amoris inter Patrem, & Filium, non est relatio rationis, sed est vnus, & simplicissimus actus realiter existens in Patre, & Filio; quo verè, & realiter se mutuò diligunt; ac proinde secundum hanc rationem Spiritus S. ex vi suæ proprietatis personalis petit oriri à duplici persona diuina, scilicet Patre, & Filio, per amorem quo mutuò se diligunt.

141 Probatur deinde nostra conclusio, quia amor ex propria, & intrinseca ratione petit ut procedat à dicente, & ab obiecto

intellecto, & à Verbo concepto, ad eundem amorem præsupposito; ergo Spiritus S. petit procedere ex Patre, ut dicente, & ex Filio ut Verbo concepto. Antecedens constat ex ijs, quæ contingere videmus in amore nostro. Consequenter bene sequitur.

142 Nec valet respondere cum Suarez, Rada, & alijs, hanc rationem solum probare de facto, non tamen, quod hoc Spiritus S. petat per se, & ex principio intrinseco. Quia si per impossibile Deus non esset secundus per intellectum, sed tantum per voluntatem, ad huc procederetur Spiritus Sanctus, & non à Verbo, sed à solo Patre. Sed licet hæc responsio satis impugnat maneat ex dictis, tamen ad hoc sic potest virgeri: nam hic non est sermo de Spiritu S. vtcumque, sed secundum id, quod modo dicit ex vi suæ proprietatis personalis adæquatè sumptæ, quo ad omnia, quæ ad suam intrinsecam rationem pertinent, non secundum id, quod data hypothese impossibili habere intelligeretur, secundum quod inadæquatè conciperetur sed Spiritus Sanctus adæquatè conceptus petit per amorem mutuum procedere, cum petat procedere per voluntatem in Patre & Filio existentem; ergo &c.

143 Probatur vltimo nostra conclusio. Nam Spiritus sanctus ex vi suæ processionis & proprietatis personalis distinguitur realiter à Patre, & Filio, & hoc per se, & à principio intrinseco; ergo ex vi suæ proprietatis personalis petit procedere à Patre, & Filio. Antecedens constat. Consequenter probatur, quia realis distinctio in diuinis non est, nisi per oppositionem reatiuam ac proinde per processionem; ergo si Spiritus S. distinguitur realiter à Patre, & Filio, hoc erit ex vi processionis ab illis.

144 Primum argum. quia ad productionem alicuius effectus per accidens est, quod virtus operatiua sit in hoc, aut illo supposito: sit in vno, aut pluribus, modo sit sufficiens ad dictum effectum producendum; ergo etiam erit per accidens, quod Spiritus Sanctus à duabus personis producat, cum virtus productiua illius sufficiens saluetur in vna persona, v. g. in Pa-

Patre. Conseq. constar. Antecedens probatur, nam in humanitate Christi per accidens est, vt suas producat operationes, quod sit in supposito proprio, vel diuino, ergo, &c. Tum quia quando in aliquo supposito est æquæ perfecta virtus, ac est, in pluribus, tunc per accidens se habet pluralitas suppositorum, vt constar in personis diuinis respectu creaturarum, quia virtus creatiua æquæ perfectè est in singulis, ac in omnibus; sed virtus spiratiua, æquæ perfectè est in Patre, & Filio; ergo, &c. Tum etiam quia, vel Pater perfectè spirat Spiritum Sanctum, vel non? Non hoc secundum, aliàs esset in illo imperfectio; ergo primum, ac proinde non desiderabit influxus Filij. Tum denique, quia processio amoris, vt sic, non exigit, quod sit à pluribus; ergo neque hoc exiget processio amoris diuini. Antecedens constar in amore creato, qui ab vno solo supposito oriri potest.

145 Resp. negando antecedens vniuersaliter; nam dantur effectus qui ex sui natura exigunt pluralitatem suppositorum, vt nostro casu contingit. Per quod patet ad probationem de humanitatis Christi operationibus ibi enim non datur dicta exigentia, sicut & in alijs pluribus; cū quo tamē stat, quod in aliquibus datur. Ad 2. probat. neganda est maior vniuersaliter, quia fieri potest ob specialem rationem, quod aliquis effectus exigit pluralitatem suppositorum ad sui positionem per modum conditionis non per modum virtutis, & rationis agendi. Quare cum Spiritus Sanctus petat produci per amorē perfectissimum, qui est per amor amicitiae, petit diuersitatem suppositorum. Ad 3. probat. dico, quod Pater spirat perfectè Spiritum S. si per ly spirare perfectè intelligatur, quod tota perfectio ad spirandum, quæ est simul in Patre, & Filio, repetiatur etiam in Patre, cum ista perfectio proveniat ex essentia diuina, & amore essentiali. Cum quo tamen stat quod non possit solus Pater producere Spiritum S. quia licet Paternitas, & Filiatio non sint id vnde provenit perfectio requisita ad spirandum, sunt tamen conditio requisita

cum requirantur duæ personæ ad productionem dicti amoris. Ad 4. probat. tria. Antecedens, & negatur conseq. quia in creaturis non est vna, eademque voluntas in pluribus suppositis sicut in diuinis, ac proinde in diuinis idem amor potest esse à duabus personis, non in creatis.

146 Secundum argum. quia non videtur quomodo possit coherere, quod in Patre sit perfecta virtus spiratiua, si tam Paternitas, quam Filiatio requiruntur tanquam conditiones; ergo, &c. Antecedens probatur, quia ideo colligimus in Filio non esse potentiam generatiuam, quia non habet Paternitatem, quæ tanquam conditio requiritur. Et ideo in Spiritu S. non datur potentia spiratiua, quia licet in eo detur voluntas, & amor essentialis, non tamen datur relatio spirationis actiue, quæ vt conditio requiritur; ergo neque in Patre dabitur virtus spiratiua, quia licet in eo detur Paternitas, non tamen datur Filiatio, cum vtraque relatio requiratur vt conditio; idem dic de Filio, cum in eo non detur Paternitas. Tum quia licet aliquid possit habere virtutem, aut potentiam aliquam operatiuam, etsi desit aliqua conditio per accidens requisita, non tamen quando conditio per se requiritur; sed ad spirationis virtutem per se requiritur vtraque relatio Paternitatis, & Filiationis; ergo, &c. Tum etiam quia videtur, quod potentia spiratiua solum dicat in obliquo relationem spirationis actiue, non Paternitatem, & Filiationem; ergo, &c.

147 Resp. negando antecedens; ad 1. probationem dico, quod Paternitas, & Filiatio non dicuntur requiri tanquam conditiones potentie spiratiue, ex eo, quod concurrat ad constitutum dictæ potentie vt est principium quo, eo modo quo Paternitas requiritur ad constitutionem potentie generatiue. Sed dicuntur requiri tanquam conditio respectu principij quod, & quasi materialis, ex eo, quod nisi connotetur dictæ relationes non dabitur amor amicitiae, & mutuus, productiuus Spiritus S. Ad 2. probationem dico, quod ad hoc vt Pater spiret, non requi-

quirit per modum conditionis, quod ipse sit Filius, sed quod simul cum eo Filius spiret, & hac conditio semper adest, semper est cum Patre coniuncta; semper coniungitur cum influxu illius. Ad tertiam probationem constat ex dictis, nam relatio spirationis est conditio virtutis spiratiuæ; & Paternitas, & Filiatio sunt conditiones ipsius actus spirandi, ut scilicet sit à duabus personis modo explicato.

148 Tertium argum. quia si spirare per se exigeret pluralitatem suppositorum, sequeretur, quod Pater haberet quodammodo à Filio, quod spiraret; hoc dici nequit; ergo. Sequela probatur, quia Pater nequit spirare nisi spiret Filius; ergo habet quodammodo spirare à Filio. Resp. negando sequelam, quia influxus quem Filius præstat, habetur à Patre; nec influxus Filij desideratur tanquam dans Patri virtutem ad influendum, & spirandum, sed requiritur tanquam quid datum à Patre, & requisitum per modum conditionis ad hoc ut Pater spiret.

149 Quartum argum. quia si Spiritus S. per se procederet à duabus personis Patris, & Filij, vel procederet ab illis ut vnum sunt, aut ut plures? Si ut vnū, ergo per accidens est ibi pluralitas. Si ut plures, ergo Spiritus S. non est vnus, & idem quasi effectus productus. Nam vnus, & idem effectus, non potest esse vnus, nisi respiciat vnum, idemque principium. Resp. quod Spiritus S. procedit à Patre, & Filio ut sunt plures in ratione personarum, & ut sunt vnum in virtute spiratiua, ac proinde ut absolute sunt vnū principium spiratiuum. Nam principium spiratiuum accipitur substantiue, ad cuius multiplicationem, requiritur tum multiplicatio suppositorum, tum virtutis spirandi, quod in præfenti non contingit.

150 Quintum argum. quia si per impossibile Pater non haberet intellectum, vel non esset fecundus, & haberet voluntatem fecundam, produceret Spiritum S. non aliter ac modo producit illum; ergo concomitantia Filij non requiritur per se. Resp. negando antecedens; nam

tunc temporis Spiritus sanctus non esset eiusdem rationis, ac nunc est, constat ex sæpius dictis.

151 Sextum argum. Nam cum dicitur Patrem, & Filium esse vnicum principium Spiritus sancti, non est pro quo supponat illud prædicatum; *vnū principium*; ergo Pater, & Filius nequeunt esse vnum principium Spiritus S. Antecedens probatur, quia non potest supponere pro vno principio, quod sit Pater; nec pro vno principio, quod sit Filius; nec pro vno principio, quod simul sit Pater, & Filius; aliàs Pater v. g. non posset esse vnum principium; ergo, &c. Resp. quod vnum principium potest in nostro casu diuersimodè sumi, diuersimodè significare, & diuersimodè supponere. Si enim dicatur. *Pater, & Filius sunt vnum principium*; tunc *ly principium* supponit pro vtroque supposito, quatenus habent eandem virtutem spiratiuam; & tunc principium in hac significatione non potest verificari de vna tantum persona, sed de vtraque prout afficitur eadem virtute spiratiua. Quod si dicatur: *Pater est principium Spiritus S. tunc principium* supponit pro supposito Patris habente perfectam rationem spirandi, cum quadam conditione ad spirandum requisita, quæ est connotatio Filiationis, modo supra explicato.

D V B I V M IX.

An Spiritus sanctus procedat ex amore omnium, quæ sunt in Deo formaliter, & necessariò; & an procedat ex amore possibilium, & existentium.

152 **R**esolutio huius dubij, ex alibi dictis constat, propterea breuiter illi satisfacimus per sequentem conclusionem. *Spiritus S. per se procedit ex amore omnium, quæ formaliter, & necessariò sunt in Deo. Nō procedit tamen ex amore possibilium: neque ex amore creaturarum in aliqua differentia existentium.* Primum huius

huius concl. partem docent omnes fere Theologi, & constat ex illis, quæ supra diximus de processione Verbi diuini, quod scilicet procedat ex cognitione omnium, quæ sunt formaliter, & necessario in Deo. Quoad 2. partem, quod scilicet Spiritus S. non procedat ex amore possibile, constat ex ijs, quæ diximus su-

pra de voluntate, quod scilicet Deus non amet creaturas posibles, quia creature posibles vt tales, nullam habent bonitatem. Etiam tertia pars constat, quia amor creaturarum existentium non est necessarius sed liber Spiritus autem Sanctus non nisi ex amore necessario procedere potest.

DISPUTATIO XXXVI.

IN QVAEST. XXXVII. ET XXXVIII. D. THOMAE

De nomine amoris, & de nomine Spiritus sancti, & doni.



QVAESTIO 37. habet duos art. in 1. art. docet S. Doctor, quod amor essentialiter sumptus pro habitudine amantis ad amatum,

non est nomen personale. At sumptus notionaliter pro habitudine ad principium à quo spiratiue procedit, dicitur personaliter, & est proprium Spiritus S. qui per amorem procedit. In 2. art. docet, quod verè, & propriè dicatur, quod Pater, & Filius diligunt se Spiritu S. non sumendo *ly diligere* essentialiter, sed notionaliter. Essentialiter namque diligunt se essentia: notionaliter autem spirant amorem Spiritu sancto, sicut Pater dicit Verbo, & arbor floret floribus, licet non intelligat verbo, sed se ipso.

2. Quæstio 38. duobus constat articulis. In 1. docet, quod nomen *donum*, secundum quod procedit à donante, vt à principio à quo datur, est nomen personale, quia explicatur secundum relationem processionis. In 2. art. dicit, quod donum est proprium nomen Spiritus S. quia donum importat donationem gratuitam: quod autem gratuito datur, primò, & principaliter est ipse amor dantis, qui

est ipsa gratia, seu gratuita voluntas. Et sic cum Spiritus S. procedat per amorem, erit ipsa prima, & increata gratia, seu gratuita Dei voluntas. Vt autem ea, quæ S. Doctor tradit in istis duabus quæst. habeantur, sit.

DVBIUM I.

An Pater, & Filius diligant se Spiritu sancto.

3. Pro intelligentia dicendorum, notandum est, quod, prout aduertit S. Doctor *art. 1. q. 37.* ea quæ pertinent ad intellectum, quippe notiora, habent propria nomina: quocirca processio per intellectum nominatur dictio: terminus per illam productus, vocatur Verbum: actio essentialis vocatur intelligere, &c. Non sic ea, quæ pertinent ad voluntatem, tum quia minus nota, tum ob nominum penuriam. Vnde eadem vox scilicet *diligere* dicitur tam de actione, seu amore essentiali, quam de notionali. Item nomen *amoris*, dicitur tam de amore essentiali, quam notionali; dicitur tam de actione productiua amoris, quam de amo-

Nonna re

650 Disputatio XXXV. Dubium II.

re, seu termino producto; unde Spiritus sanctus amor vocatur. In presenti non sumitur diligere pro dilectione essentiali, sed notionali. Planum namque quæ est, quod Pater, & Filius non diligant se amore essentiali, sed essentialiter diligunt se essentiali, & amore essentiali tantquam forma, seu quasi forma, seu ratione diligendi; non verò se diligunt essentialiter Spiritu S. tanquam forma, aut termino, cum Spiritus S. non sit terminus productus per amore essentialem. Unde tota difficultas huius dubij est, an loquendo de amore notionali, hæc propositio: *Pater, & Filius diligunt se Spiritu S.* sit vera in rigore, & proprietate sermonis Theologici.

4 Prima sententia est Scoti, & Aureol. apud Caiet. *hoc loco*, dictam propositionem non esse veram in rigore Theologico. Nostra sententia seq. concl. explicatur. *Pater, & Filius diligunt se Spiritu S. Si ly diligere accipitur notionaliter; & hæc propositio est vera in rigore, & proprietate sermonis.* Pro hæc conclusione N. Salmant. citant D. Hieronym. Bernard. Richard. à S. Victore, Augustinum D. Thomam, & tenent omnes ferè Theologi, vt testantur dicti Salm.

5 Pro intelligentia communis, & fundamentalis rationis notandum 1. quod actiones sunt in duplici differentia; quædam enim sunt inter quas, & obiectum, quod ultimo attingitur mediatur, seu mediare significatur aliquis effectus proximus, & immediatus talium actionum: vt inter ignem calefacientem, & lignum calefactum mediatur calor, quo lignum calefit, & est terminus immediatus calefactionis. Idem currit in actionibus immanentibus, nam inter dictationem, & rem per illam cognitam mediatur verbum mentale, quod est terminus immediatus dictationis, & quasi forma, & obiectum immediatum, quo mediante res cognita attingitur ab intellectu. Item inter volitionem, & rem amatam mediatur amor per modum termini intrinseci, seu per modum impulsus producti per volitionem, quo mediante volitio attingit rem ama-

tam. Aliæ sunt actiones inter quas, & obiectum, quod ultimo attingitur, non, mediatur aliquis terminus, aut non significatur mediare: sicut inter generationem, & Filium per illam productum: inter ædificationem, & ædificium per illam factum, &c.

6 Est autem hæc differentia inter has actiones, quod agens non solum denominatur ab actionibus primi generis, sed etiam à terminis per illas immediatè productis. Unde ignis dicitur calefaciens, non solum à calefactione, sed etiam à calore producto. Et homo dicituriciens, non solum à dictione, sed etiam à Verbo, quatenus per Verbum productum dicit rem cognitam, &c. Verum agens secundi generis, solum ab ipsis actionibus denominatur, non verò à terminis per illas productis, vt constat ex exemplis adductis. Et ratio clara est, quia in prioribus illis actionibus, quippe non attingentibus terminum, siue obiectum nisi mediatur aliquo priori termino, potest agens denominari, tam ab actione quam ab illo priori termino. At in actionibus posterioris generis in quibus termini immediatè producti non habent terminum, vltiorem ad quem ordinentur, non potest agens ab illo denominari.

7 Notandum 2. quod actiones illius prioris generis, quæ vt dictum est, habent terminum intermedium, sunt talis conditionis vt in earum conceptu, seu intellectu importetur determinatus effectus vt aduertit S. Doctor *q. 37. ar. 2. ad 2.* quod non ideo est, quia istæ solum actiones dicantur intrinsecè, & essentialiter ordinem ad determinatum effectum, sed quia prædictus effectus determinatus, est de conceptu actionis, quatenus se tenet ex parte actionis, secundum illud munus, secundum quod est id, quo mediante actio attingit terminum, seu obiectum vltimum.

8 His positis sic probatur conclusio. nam quando in conceptu actionis clauditur formaliter effectus, seu quando actio habet aliquem terminum immediatum, quo medio attingit terminum, seu obiectum omni-

omnino vltimum, tunc agens denominari potest tum ab actione, tum à termino illo intermedio; sed amor notionalis Patris, & Filij includit in suo conceptu Spiritum sanctum; seu Spiritus S. est terminus intermedius inter Patrem, & Filium ex vna parte, & obiectum vltimò attractū per talem amorem; ergo Pater, & Filius denominabuntur diligentes, non solum ab amore, verum etiam à termino intermedio, scilicet à Spiritu S. Maior patet ex dictis, & ex exemplis à D. Tho. adductis, nam arbor dicitur florere, non solum à floritione, sed etiam à floribus; quia inter ipsam vt florentem, & actionem productiuam florum, mediant ipsi flores vt termini immediati, quibus arbor se ipsam florescere facit, & se ipsam vt florentem attingit. Tum quia, vt iam inuimus, actio denominat agentem secundum omnia, quæ ex parte ipsius se tenent; terminus autem intermedius ex parte actionis se tenet; ergo, &c. Minor probatur, quia dilectio notionalis, est talis conditionis, vt in eius conceptu importetur spiritus S. per talem dilectionem productus, tanquā terminus medius, quo obiectum attingitur, vt patet, ergo.

9 Confirmatur, & explicatur præcedens ratio, quia tam in Deo, quam in nobis, operationes productivæ termini, duobus modis possunt significari. Primo, secundum habitudinem quam dicunt præcisè ad terminum productum, & hoc modo, solum terminum denominant. Secundò quantum ad habitudinem quam dicunt ad subiectum, vel obiectum; & hoc modo tum subiectum, quam obiectum denominantur ab ipsis. Exemplum sit in calefactione, quæ secundum habitudinem ad terminum, illum solum denominat; & secundum posteriorem, denominat subiectum; idem dic de amore notionali.

10 Primum argum. Pater non potest dici sapiens sapientia genita; ergo nec Pater, & Filius possunt dici se diligere Spiritu S. Antecedens ab omnibus conceditur. Conseq. probatur, quia sic se habet sapientia genita, seu Verbum ad Patrem, sicut Spiritus sanctus ad Patrem,

& Filium, quia sicut Verbum est terminus intrinsecus processionis à Patre per intellectum, sic Spiritus sanctus est terminus processionis à Patre, & Filio per voluntatem; ergo. Tum quia si actio notionalis sumatur vt præcisè dicitur habitudinem ad terminum productum, tunc agens non dicitur agere termino producto; vnde Pater non dicitur generare Filios; sed diligere notionaliter, tantum denotat habitudinem ad terminum productum; ergo &c. Resp. esse disparē rationem, inter hanc propositionem: *Pater est sapiens sapientia genita*, seu Filio, & istam: *Pater, & Filius diligunt se Spiritu sancto*. Nam in prima propositione *sapere*, sumitur essentialiter: sapere namque, & intelligere sunt nomina essentialia, est autem notum, quod Pater non sapit, aut intelligit essentialiter: sapientia genita, sed essentia, & sapientia sua essentialiter: nec Pater, & Filius diligunt se Spiritu sancto, sed essentia, & dilectione essentiali, si diligere sumatur essentialiter. Quia tamen diligere sumitur etiam notionaliter, ideo in hoc sensu rectè dici potest, quod Pater, & Filius diligant se Spiritu S. Per quæ patet ad 1. probationem. Ad 2. probationem dico, quod actio notionalis potest etiam sumi prout dicitur ordinem ad principium, & obiectum, vt iam dictum est.

11 Secundum argum. quia dilectio notionalis in voluntate, correspondet generationi in intellectu; sed non potest dici, quod Pater generat se Verbo; ergo neque dici poterit, quod Pater, & Filius dilectione notionali, diligant se Spiritu S. Tum quia idem est dilectio notionalis, quod spiratio; sed Pater, & Filius non spirant se Spiritu S. ergo neque se diligunt Spiritu sancto. Resp. negando maiorem: dilectio namque notionalis, explicata per verbum *diligere*, non correspondet processionis per intellectum, correspondentiam omnimoda, prout processio per intellectum explicatur per verbum *generare*; quia processio per voluntatem vt explicata per verbum *diligere*, exprimit habitudinem non solum ad terminum immediatè productum, verum etiam ad principium, &

652 Disputatio XXXV. Dubium II.

obiectum medio illo attractum. Non sic verbum generare, quod solum ad terminum immediatè productum dicit ordinè. Verbum tamen *dicere* etiam ad principium, & obiectum dicit habitudinem, propterea dici potest, quod Pater dicat se Verbo. Per quæ patet ad probationem, quia *spirare* dicit solum ordinem ad terminum, at *diligere*, etiam ad principium, & obiectum.

12 Tertium argum. quia aliàs dici posset, quod Pater, & Filius diligant creaturas Spiritu sancto; hoc est falsum, ergo. Maior probatur, quia sicut Pater hoc ipso, quod dicat se ipsum Verbo, dicit etiam creaturas; ita si Pater, & Filius diligunt se Spiritu S. diligunt etiam eodem modo creaturas. Minor constat, quia dilectio notionalis solum dicitur illius obiecti, quod primariò, & per se respicitur, aut saltem quod necessariò concomitatur primarium; sed creaturæ non sunt huiusmodi; ergo. Resp. concedendo maiorem cum D. Thom. *q. 37. art. 2. ad 3.* & omnibus Thomistis. Et negatur minor. Ad probationem dico sufficere, quod creaturæ eo ipso, seu ex suppositione, quod diligantur, debeant diligi per prædictam dilectionem.

13 Quartum argum. quia exemplum à D. Tho. adductum, non videtur verum. Nam florere, non significat producere flores, sed esse floridum, ergo. Resp. quod florere dicit producere flores, & deinde illis productis dicit arborem esse floridam: florere dicit principium vitale quo flores producuntur: ut patet.

D V B I U M II.

An esse donum dicatur in diuinis tam essentialiter, quam personaliter, seu notionaliter.

14 **P**rima sententia est, quod distinctio doni in essentialè, & notionalè non sit in differentias per se, & essentielles, sed accidentales, & materiales, se tenentes ex parte rei, quæ donum denominatur, quæ potest esse vel essentia,

vel persona. Sicut per accidens est ad pretium, quod sit aurum, vel argentum, vel vestes, &c. Sic Durand. *in 1. dist. 18. q. 1. n. 5.* & alij.

15 Nostra sententia seq. concl. explicatur. *Donum in diuinis dicitur tam essentialiter, quam notionaliter, seu personaliter, ac proinde utroque modo donum dicitur per se.* Hæc conclusio constare videtur ex sacra scriptura, ubi donum utroque modo dicitur. Essentialiter, cum Deus, & tota Trinitas dicitur donari nobis: Ioan. 14. *Ad eum veniemus, & mansionem apud eum faciemus.* De Filio sic dicitur Ioan. 3. *Sic Deus dilexit mundum ut Filium suum unigenitum daret.* Et de Spiritu S. dicitur. *Cum veneris Paraclitus, quem ego mittam vobis.* Sic tenent D. Tho. *q. 38. ar. 1. Caier.* & ceteri Thomistæ ibidem.

16 Definitur donum ex D. Tho. lococit. & Arist. *4. Topic. 4.* quod sit *res alicuius qui liberaliter eam alteri conferre potest, ad usum, aut fruiionem.* Dicitur *res alicuius*: quia ad hoc ut aliquid donari possit ab aliquo, ac proinde ad hoc ut possit esse donum, debet esse illius à quo donatur. Tripliciter autem aliquid potest esse alterius: I. per identitatem; iuxta illud Aug. *Quid tam tuum est, quam tu?* quo modo quis se ipsum alteri donat, & diuinæ personæ se nobis donant. II. per originem, quo modo Filius dicitur esse Patris. III. ut possessio, quo pacto seruus dicitur esse domini, & omnibus his tribus modis potest aliquid esse donum, vel donari. Dicitur: *Qui liberaliter eam alteri conferre potest*, ut denotetur, quod actio per quam donum confertur, debet esse liberalis; seu ut tradit Arist. loco citato debet esse datio irredibilis; hoc est, quæ recompensationem non quærat, nec utilitatem, nec quæstum, sed debet esse parè gratuita, & ex pura liberalitate profecta. Quocirca licet Pater communicet suam naturam Filio, & uterque Spiritui sancto tamen propriè loquendo natura diuina ut communicata Filio, aut Spiritui sancto non habet respectu illorum rationem doni, ex eo, quod actio qua communicatur non est omnino gratuita, & liberalis, sed omnino

nino necessaria, & ex inclinatione, & propensione naturæ. Ponitur etiam illa particula, ut innuatur discrimen, quod est inter datum, seu donatum, & donum. Quia ad rationem doni non est necessaria actualis datio, sed sufficit, quod possit potentia proxima, & expedita tale donum dari. Vnde Filius ab æterno fuit donum, licet non datum, non donatum. Hinc dicimus Regem habere multa dona: & sponsum habere multa dona parata sponsæ, antequam conferantur. Additur illa particula: *ad usum, aut fruitionem*, ut denotetur, quod cum vlus, & fructio sint actus voluntaris, quorum alter circa finem, alter circa media est: donum essentialiter dicit ordinem ad rem voluntate prædictam, tanquam ad id, cui confertur, nam illi soli propriè fit donum, qui eo uti, fruique potest.

17 His positis, sic probatur conclusio, quia ad rationem doni requiritur, quod sit res alicuius, & quod hæc conferri possit ab illo creaturæ rationali ad usum, & fruitionem eius, ita tamen, quod actio conferendi sit gratuita, & liberalis; sed ista omnia conveniunt tum diuine essentialitæ, tum personis diuinis; ergo ista omnia habere possunt rationem doni, ac proinde donum in diuinis dicitur tam essentialiter, quam notionaliter, seu personaliter. Maior constat ex dictis præcedenti. Minor probatur, nam essentia diuina est sui ipsius, & diuinarum personarum per identitatem; item diuinæ personæ sunt sui per identitatem; Filius est Patris per originem; & Spiritus sanctus est Patris, & Filij per processionem. Deinde tam essentialitæ, quam personæ conferri possunt creaturæ rationali ad usum, & fruitionem ab eo, cuius essentia, & personæ sunt aliquo ex modo dictis. Ad hoc namque, ut conferantur, & sint rationalis creaturæ, non est necessaria aliqua mutatio ex parte Dei, aut personarum diuinarum, sed sufficit mutatio ex parte creaturæ rationalis. Vnde Deus dicitur donari homini iusto; quia per mutationem ipsius media gratia, & charitate, incipit esse in eo specialiter modo, tanquam in templo, & in

amico suo, & ut obiectum intimæ cognitionis, & amoris, &c.

18 Primum argum. quia, quod aliquid sit donantis per identitatem, aut sit eiusdem donantis per originem, aut processionem, potius videtur pertinere ad diuersum modum, quo res donata est donantis, quam ad diuersitatem doni ut sit; ergo quod donum in diuinis dicatur essentialiter, aut notionaliter, sunt differentie accidentales doni se tenentes ex parte potius donantis, quam doni. Resp. quod ex diuersis modis quibus donum est donantis, oriuntur diuersæ quasi potestates ad donandum, ac proinde diuersæ habitudines in dono ad eum qui sic, vel aliter potest illud donare. Vnde alia est potestas ad donandum id, quod est alicuius per identitatem; alia ad id, quod est illius per dominium; alia ad id, quod est eiusdem per originem, &c.

19 Secundum argum. quia omnis ratio in diuinis reperta, & connotans effectum increatum, dicitur tantum essentialiter; sed donum de Deo dictum, connotat effectum in creaturæ, ergo dicitur tantum essentialiter. Maior constat, siquidem omnes effectus creati sunt indiuisibiliter à tota Trinitate. Minor probatur, quia donum importat habitudinem ad creaturam, cui donatur tanquam ad recipientem, ac proinde importat effectum in eadem creaturam. Tum quia Spiritus Sanctus v.g. dicitur donari, quatenus donatur creaturæ in aliquo effectu illius. Resp. quod dupliciter potest aliquod nomen Dei, & ratio per ipsum significata asserre aliquem effectum in creatura, vel respectum, aut quasi respectum ad illam. Primò, ita ut non determinet aliquid, quod peculiariter conueniat vni personæ, potius quàm alteri; & hæc nomina dicuntur essentialia. Secundò, ita quod determinet aliquid peculiariter cōpetens vni personæ, vitra id, quod omnibus personis diuinis correspondet, & ratione huius, quod superaddit, potest prædictum nomen esse personale, ut constat in assumptione humanæ naturæ, ubi importatur actio quædam vnitiua, vniens naturam humanam cum Verbo, quæ est com-

654 Disputatio XXXV. Dubium II.

communis toti Trinitati; & deinde datur terminatio eiusdem naturæ humanæ à Verbo, quæ est propria solius Verbi. Unde primum nomen est essenziale; hoc secundum personale. Sic in præsentī licet donum prout dicit effectum in creatura, sit nomen essenziale. Tamen ut importat in Filio peculiarem habitudinem procedentis à Patre; & in Spiritu sancto processionē ab utroque; tunc est nomen personale.

20 Tertium argum. quia in præsentī est sermo de dono realiter talis; sed donum realiter tale, distinguitur realiter à donante; ergo falsum est, quod ad rationem doni sufficiat, quod sit alieuius; scilicet donantis per identitatem. Maior constat. Minor probatur, quia donum constituitur per habitudinem ad donantem; ergo ad rationem doni realiter talis, requiritur habitudo realis ad donantem, ac proinde realis distinctio inter utrumque. Tum quia adhuc ut in Deo detur potentia, seu vis generatiua Verbi realiter talis, requiritur distinctio realis inter Patrem genitricē, & Filium genitum; ergo etiam adhuc in Deo detur potentia, seu vis ad donandum donum realiter tale, debet dari distinctio inter Deum donantem, & donum donatum. Resp. concedendo maiorem, & negando minorem. Ad 1. probationem dico, quod ad rationem doni ut talis, in Deo repertam non requiritur habitudo formaliter talis inter donantes, & donum; sed sufficit habitudo fundamentalis. Hæc autem non requirit distinctionem realem, sed sufficit fundamentum ut secundum nostram rationem referantur. Ad 2. probationem, negatur paritas; quia potentia generatiua requirit originem formalem realem, non vis ad donandum, sed sufficit, quod donum sit illius à quo donatur, aliquo ex modis supra dictis.

D V B I V M III.

An sit proprium Spiritus Sancti esse donum ex vi sue processionis.

21 **P**rima sententia est, quod donum non sit nomen personale Spiritus

Sancti proprium; nec illi conuenit ex vi sue processionis, & proprietatis personalis, sed solum illi appropriatur, quia per appropriationem dicitur Spiritus Sanctus procedere per modum amoris, qui habet rationem doni. Sic Durand. in 1. diff. 18. q. 1. Præcipuum Durandi fundamentum fuit solutum supra, dum istum auctorem impugnauimus ostendendo diuinas processionēs, non esse operationes naturæ.

22 Nostra sententia seq. concl. explicatur. *Spiritus Sanctus ex vi sue processionis habet rationem doni, ac proinde loquendo de dono ex vi sue processionis, solus Spiritus Sanctus est donum.* Hanc concl. sequuntur Ecclesiaz lumen D. August. 5. de Trinitate. cap. 11. & 4. de Trin. cap. 20. D. Thomas hic q. 38. art. 2. & in 1. diff. 18. q. unic. art. 4. D. Bonau. ead. qu. diff. q. 5. & omnes scholastici ibid. & Theologi dicta q. 38. quos referunt N. Salm. hoc loco dub. 3.

23 Probatur 1. quia Spiritus Sanctus ex vi sue processionis procedit per modum amoris, seu ut amor spiritalis, non ut Verbum; ergo solus Spiritus Sanctus ex vi sue processionis est donum. Antecedens constat ex dictis supra. Conseq. probatur, nam donum propriè dictum, est datio irreducibilis secundum Phil. quia non importat intentionem retributionis; est donum datio gratuita orta ex gratuito, & purè liberali amore; unde amor est ratio cuiusvis donationis gratuita, & primum donum, quod donator tribuit illi cui per amorem vult alia dona; ergo hoc ipso, quod Spiritus Sanctus ex vi sue processionis procedit per modum amoris, seu ut amor spiritalis, habebit ipse solus ex vi sue processionis procedere per modum doni.

24 Probatur 2. quia licet tam Spiritus sanctus, quam Verbum, sint similes Patri, tamen quia solus Filius procedit per modum Verbi, de cuius ratione est, quod sit simile suo principio, ideo solum Verbum dicitur propriè imago Patris, non Spiritus sancti de cuius ratione non est, quod procedat ut similis. Ergo cum ad rationem primi doni requiratur, quod procedat per modum amoris, & hoc competit Spiritui sancto, non Verbo; sequitur.

etur, quod ratio primi doni competat Spiritui sancto, non Verbo.

25 Probatur 3. quia quod conuenit alicui per se, & alijs per illud, conuenit ei ratione suæ rationis formalis; sed Spiritui sancto conuenit per se esse donum notionale, & Verbo conuenit ratione Spiritus sancti: ergo esse donum notionale, seu personale conuenit Spiritui sancto per se, ac proinde ratione sui, seu ratione suæ rationis formalis, seu ratione suæ processionalis. Maior constat, nam ideo calori conuenit per se calefacere, non alijs, quia hoc habet calor ratione sui, cætera hoc habent ratione caloris: ergo. Minor probatur, quia Spiritui sancto conuenit esse amorem ratione sui, cum hoc habeat ratione suæ processionalis; ratio autem amoris est ratio, eaque prima doni ut dictum est.

26 Primum argum. quia licet Verbo diuino non conueniat ex vi suæ processionalis, quod procedat per modum amoris, conuenit tamen illi ex vi eiusdem processionalis ratio amoris; ergo conuenit illi ex vi processionalis, quod sit donum. Consequenter constat, quia Verbo diuino communicatur amor ex vi suæ processionalis, ac proinde communicatur primum donum primæque ratio donandi, ubi autem hæc sunt, non est donum vi processionalis. Antecedens probatur; quia Verbo ex vi suæ processionalis communicatur natura diuina; ergo ex vi eiusdem processionalis communicatur amor, quia habet rationem proprietatis eiusdem naturæ diuinæ; cui namque ex vi processionalis communicatur natura, debet etiam ex vi eiusdem processionalis communicari proprietates naturæ. Resp. distinguendo antecedens: Verbo diuino conuenit ratio amoris ex vi suæ processionalis formalissimè, & per se primò, & negatur; secundariò seu per se secundò, & conceditur; at Spiritui S. communicatur formalissimè, & per se primò.

27 Sed virgebis, quia Spiritus S. ex vi suæ processionalis formalissimè non procedit ut amor creaturarum possibilium, quia hæc non amantur a Deo; nec procedit ut amor creaturarum futurarum, quia

amor iste est liber, & Spiritus S. necessarius; ergo ex hoc, quod procedat per modum amoris secundum id, quod habet ut est terminus necessarius, & per se primus suæ processionalis, non colligitur, quod formalissimè procedat ut donum. Consequenter probatur, quia sicut Spiritus S. ut donum tantum est respectu creaturarum; ita intelligitur procedere ut donum respectu creaturarum. Tum quia si non obstat, quod Spiritus Sanctus ex vi suæ processionalis, non recipit, quod sit amor creaturarum; adhuc ex vi suæ processionalis, est donum; etiam Verbum erit donum, tamen si, non procedat ut amor ex vi suæ processionalis ac Spiritus S. quia si Spiritus S. est donum creaturarum, tamen si non procedat formalissimè ut amor illarum, ita Verbum erit donum; tamen si formalissimè non procedat ut amor. Resp. quod Spiritus S. formalissimè ex vi suæ processionalis procedit ut amor notionalis creaturarum, non Verbum, ac proinde Spiritus S. non Verbum habet, quod sit donum. Spiritus namque sanctus habet omnem actualitatem requisitam adhuc ut sit amor gratuitus, & purè liberalis creaturarum rationalium, quibus donum conferendum est. Per quæ patet ad probat. antecedentis.

28 Secundum argum. quia in Spiritu S. esse donum, & esse amorem, sunt duæ rationes virtualiter distinctæ; ergo ex eo, quod ex vi suæ processionalis procedat ut amor non sequitur, quod ex vi eiusdem processionalis procedat ut donum. Consequenter videtur nota nam cum in Spiritu S. esse amorem, & esse Deum distinguantur virtualiter non bene inferitur ex eo quod ex vi suæ processionalis, procedat ut amor, quod ex vi eiusdem processionalis procedat ut Deus. Antecedens probatur, quia ratio doni desumitur per ordinem ad creaturas quibus donari potest, & ita dicit de formali ordinem donabilitatis, ad id cui donandum est: at ratio amoris solum dicit tendentiam affectiuam in obiectum amatum, & vniorem affectiuam eum illo. Tum quia, de ratione doni est quod fiat, aut fieri possit eius cui datur, dari ut potest

656 Disputatio XXXV. Dubium II.

potest, & in eo recipiatur, at amor non recipitur in amato, sed manet in amante. Resp. negando antecedens; nam sicut in Verbo idem est esse Filium, & esse Verbum; ita in Spiritu S. est idem esse amorē & esse donum. Ad 1. probationem negatur antecedens; nam donum notionale de formali, & in recto dicit relationem ad donatorem; item amor vt notionalis, seu vt spiratus, qui in Spiritu S. est idem ac donum, idem dicit, licet vtrumque dicat in obliquo amorem vt communicatum per voluntatem. Ad 2. probationem dico, quod de ratione primi doni non est, quod fiat amati per inhaesionem, sed sufficit, quod fiat eius per vnionem affectionis, quatenus amans vnā cum amore & medio intelligitur esse quodammodo vnus cum amato, & sic ab illo possideri; sed de materia huius argumenti, magis dicitur nū. seq.

29 Sed contra hanc solutionem urgebis, quia si donum notionale dicit in recto, & formaliter relationem realem ad donatorem, sequitur, quod sicut Spiritus S. ex vi suæ processionis, & proprietatis, personalis est donum; ita etiam Verbum hoc non admittitur, ergo. Sequela maioris probatur, quia etiam Verbum ex vi suæ processionis, & proprietatis personalis dicit relationem Filiationis, ratione cuius est Patris per originem, & dicit naturam Dei in obliquo, ratione cuius dicit ordinem ad creaturas, vt ad id cui donabile est; sicut Spiritus S. in ratione doni dicit ex vi suæ processionis relationem ad spiratorem, cuius est per originem, & in obliquo amorem, ratione cuius respicit creaturas, vt eas quibus donabilis est. Resp. quod ratiō Filio conueniat ex vi suæ processionis relatio ad donatorem, nempe ad Patrem, non tamen ei conuenit ratio doni ex vi suæ processionis formalissimē sumptæ, vt præcisē terminatur ad terminum primarium, sicut conuenit Spiritui S. Nam ad rationem doni potissimē desideratur, quod procedat ex amore purē gratuito, & liberali, ac proinde requiritur prædictus amor, quia donum non habet rationem doni nisi prout ex amore dona-

bile est. Verbum autem non includit hunc amorem ex vi suæ processionis vt dictum est.

30 Tertium argum. quia dato, quod ratio primi doni conueniat amori diuino, tunc deberet hoc cōpetere amori essentiali, nō notionali, ergo non bene colligitur quod Spiritus S. non Filius sit donum. Conseq. cōstat quia amor essentialis æquē competit Filio, ac Spiritui S. Antecedens probatur quia Spiritus S. non habet rationem doni, nisi quia includit amorem essentialē, & rationē illius; ergo amor essentialis per prius, & per se prius nō habet rationem doni. Resp. quod ratio primi doni essentialis, conuenit amori essentiali & ratio primi doni notionalis, seu personalis conuenit amori notionali. Hic autē amor notionalis non conuenit Verbo, sed soli Spiritui S.

31 Sed contra hanc solutionem instabis, quia ex illa sequitur, quod in diuinis detur duplex primum donum; vnum improductum, & est amor essentialis. Alium productum, nempe amor notionalis, seu Spiritus S. Hoc dici nequit, aliās etiam dici posset, quod in Deo detur duplex voluntas, duplex intellectus, &c. Resp. concedendo maiorem, sicut enim in Deo admittitur duplex amor: essentialis, & notionalis; ita admitti potest duplex donum essentialē, & notionale, & illud in isto includitur.

32 Quartum argum. quia si Spiritus sanctus procedit vt amor, & vt donum, habebit duplicem notionem per quam notificetur, scilicet amorem, & donum; sed hoc est falsum, ergo. Resp. negando maiorem, vt enim ex dictis constat, ratio amoris, & ratio doni non distinguuntur neque virtualiter; nam vtrumque connotat eundem amorem essentialē in obliquo, & vtrumque dicit eandem relationem spirationis passiuæ in recto. Notiones autem non multiplicantur, nisi ad multiplicationem saltem virtualem relationis.

33 Quintum argum. quia Deus non agit in creaturas; nec illis aliquid donat per amorem proprium vnus personæ, sed per

per amorem communem toti Trinitati; ergo ratione primi doni non conuenit Spiritus S. Conseq. nota est. Antecedens probatur, quia aliàs plus ageret in creaturas una persona, quam alia. contra illud axioma: *Opera ad extra sunt indiuisa Trinitatis*. Resp. nullum esse inconueniens, quod Deus donet, aut diligat creaturas per amorem proprium vnus personæ, non, tanquam per ratione agendi, sed tanquã

termino; quia ratione diximus dub. n. quod Pater, & Filius diligunt se Spiritu S. & diligunt creaturas eodem modo, scilicet Spiritu S. tanquam termino. Hinc Filius dicitur dari, & ratione amoris essentialis à Trinitate, & dicitur dari à Patre amore personalis, scilicet Spiritu S. tanquã termino, quia Pater diligit Filium, se, & nos Spiritu S. sicut Verbo dicit se, & creaturas, &c.

DISPUTATIO XXXVII.

IN QVÆST. XXXIX. D. THOMAE.

De personis ad essentiam relatis.

D V B I V M I.

An Nomina essentialia in concreto prædicentur pluraliter in diuinis.

PRO dubij intelligentia nota, quod in diuinis tria nominum genera reperiuntur. Alia sunt essentialia, quæ significant essentiam, vel attributa, vt *Deus sapiens, æternus, &c.* Alia sunt personalia, quæ significant aliquid personale, vt nomen *persona*, relationes personales, notionem, &c. Alia sunt transcendentia, vt *ser*, &c. Duo hæc vltima nominum genera certum est prædicari pluraliter in diuinis; nam dantur plures personæ, plures res, &c. Vnde tota difficultas est de nominibus essentialibus, an nimirum in diuinis pluraliter prædicentur. Est etiam certum, quod hæc nomina in abstracto, non pluraliter, sed singulariter dicantur; quia nec plures essentia, nec plures sapientia, &c. in diuinis reperiuntur. Sed difficultas est solum, an in concreto pluraliter dicantur. Nota etiam, quod nomina essentialia, alia sunt substantiua, alia adiectiua; & de his omnibus præsens dubium procedit.

3 Prima sententia est; quod tam concreta adiectiua, quam substantiua essen-

Oooo

tialia

HÆC q. habet 8. articulos. In 1. art. docet D. Tho. quod relationes, & personæ diuinæ ita comparantur ad essentia, vt sint idem cum illa, ac proinde tres personæ sunt vnus essentia, ex diuina simplicitate, & ex eo, quod relationes non sunt accidentia, sed substantia. In 2. art. probatur, quod dici debeat, quod tres personæ diuinæ sint vnus essentia tanquam formæ, & quod essentia est trium personarum tanquam ab illis suppositata, & formata. In alijs articulis seq. egregie pertractat quomodo facienda sit prædicatio inter nomina essentialia, id est significantia essentiam absolutam, & notionalia significantia personas relatiuas, quia licet sint idem secundum rem, & identice persona, & essentia, tamen secundum modum significandi differunt, ac proinde variè sunt prædicationes, quæ vt clarius habeantur sit.

talia possunt prædicari in diuinis pluraliter, si attendatur solum ad rigorem, & proprietatem sermonis, licet ex usu Ecclesie hæc prædicatio prohibeatur, v.g. in *diuinis sunt tres Dii*, ne videamur conuenire cum hæreticis, qui in diuersis personis, diuersas naturas fatebantur, vt Arius, &c. Sic Gabr. in 3. dist. 1. qu. 2. art. 3. dub. 4. Marfilus qu. 2. art. 3. dub. 2. & alij.

4. Nostra sent. sequentibus conclusionibus explicatur. Prima concl. *Nomina essentialia in diuinis, sunt adiectiua, & vt talia sumantur, prædicantur pluraliter in diuinis*. Constat ex illo symboli. *Sed tota persona coæterna sibi sunt, & coæuales*. Sic tradit S. Thomas art. 3. huius q. dicens. *Nominum essentialium, quadam significant essentiam substantiæ iud, quadam verò adiectiua*. *Quæ adiectiua essentiam significant, prædicantur de tribus personis in plurali*. Pro hac concl. citant Salmant. D. August. Nazian. Athanasium, Epiphanium, & alios. Vnde eam sequuntur communiter Theologi.

5. Ratio fundamentalis est, quia nomina adiectiua, etsi aliquando significant substantiam, tamen illam significant per modum accidentis, seu per modum alteri adiacentis; ergo in diuinis dicta nomina, etsi significant substantiam, & sint essentialia, tamen prædicabuntur pluraliter. Antecedens constat. Conseq. probatur, quia sicut accidentia, quia habent esse in subiecto, idè ex pluralitate subiectorum plurificantur; ita quæ significantur per modum accidentis, plurificabuntur ad pluralitatem suppositorum; ac proinde in diuinis adiectiua licet sint nomina essentialia, seu significantia aliquid pertinens ad essentiam, prout essentia distinguitur à relationibus, vt contingit in hoc nomine *æternus*, pluraliter prædicabuntur.

6. Sed obijcies 1. quia nomen *æternus* est adiectiuum, & tamen iuxta D. Athan. in symbolo, non prædicatur pluraliter: *non tres æterni, sed unus æternus*, ergo. Resp. cum D. Tho. in 1. dist. 9. q. 1. art. 2. quod nomina adiectiua solent nonnunquã

sumi in vi substantiuorum, & sic sumpta dicuntur singulariter, quàmuis accepta, vt sunt adiectiua, dicuntur pluraliter: quocirca dicit idem S. Athanas. *Tota tres personæ coæternæ sibi sunt, & coæuales*. Est tamen disparitas inter nomen *coæternus*, & *æternus*, quod *coæternus* non potest dici de tribus personis singulariter, bene tamen *æternus*; coæternus namque quouis modo sumatur, debet dici pluraliter, quia importat habitudinem personæ ad personam. Vnde duplici titulo prædicatur pluraliter; & ratione dictæ habitudinis, & quia est nomen adiectiuum.

7. Obijcies 2. quia nomina adiectiua significant formam, imò directè significat solam formam, iuxta illud Arist. *Nomen albi, nisi qualitatem nihil significat*; ergo nisi forma multiplicetur, non poterit pluraliter prædicari. Tum quia tamen si accidentia multiplicentur ex subiecto, tanquam ex radice; tamen accidentia ipsa in se formaliter multiplicantur: nec stare, potest multiplicatio radicalis, sine multiplicatione formali illorum; ergo ex hoc, quod nomina adiectiua significant formam vt alteri adiacentem, non sequitur, quod multiplicentur, aut prædicentur pluraliter, non multiplicata forma, licet multiplicentur supposita; sed vtrumque forè multiplicandum, vt nomen pluraliter dicatur. Resp. distinguendo antecedens: *adiiectiua significant formam, aut solam formam*, vtrumque negatur; per modum adiacentis subiecto, conceditur. Deinde distinguitur consequens: *nisi forma multiplicetur, &c.* ratione subiectorum, quibus adiacet, & conceditur; *nisi forma multiplicetur, ratione sui*, seu secundum se absolute: & negatur. In adiectiuis ergo ubi forma significatur per modum adiacentis, eorum veritas, aut pluralitas, est quasi respectiua, quia non sumitur ex ipsa forma ratione sui, aut secundum se absolute, sed ex adiacentia ad subiectum; ac proinde licet forma secundum se, & absolute sit vnica, si tamen detur, quod sit in diuersis subiectis, poterit nomen illam significans dici pluraliter, quia tunc forma censetur habere varias adiacentias ex parte subiecto.

etorum, ac proinde non ratione sui, sed illorum, poterit pluraliter dici. Per quæ patet ad probationem.

8 Secunda concl. *Nomina concreta essentialia, & substantiua non pradicantur pluraliter in diuinis.* Sic S. Doctor hic art. 3. & omnes ferè Theologi, & SS. PP. quos referunt Salmant. hoc loco. Ratio fundamentalis est, quia nomina concreta essentialia, & substantiua in diuinis non plurificantur quoad formam significatam secundum se sumptam, quam significant per modum substantiæ; ergo non dicuntur pluraliter in diuinis. Antecedens quoad primam partem constat, quia in diuinis nihil essentialia plurificatur realiter quoad suam formam. Secunda pars constat ex definitione nominis substantiui. Consequitur sequi ex antecedenti, quia sicut substantia habet ratione sui, & suæ formæ esse per se, ita ratione sui, & suæ formæ habet unitatem & pluralitatem, ac proinde non potest plurificari, non plurificata forma; ergo etiam id, quod significatur per modum substantiæ, non poterit plurificari non plurificata forma significata.

9 Confirmatur 1. quia idè adiectiua in diuinis plurificantur, quia forma significatur per modum alteri adiacentis & hoc ipso, quod significatur per modum adiacentis diuersis suppositis, habet distinctas adiacentias, ratione eorundem suppositorum, ratione quarum plurificantur; ergo hoc ipso, quod forma significatur per nomen substantium, seu per se stantis, & per se habentis esse, non plurificabitur, sed in diuinis forma significata per nomen substantium non plurificatur, ergo non dicitur pluraliter.

10 Confirmatur 2. quia licet forma significata per nomen substantium re ipsa adiaceat alteri, aut quasi adiaceat, ab eoque ut à prima radice, saltem in creaturis, desumat suam unitatem, aut pluralitatem, tamen quantum est ex vi modi significandi non significatur ut adiacens; ergo unitas, vel pluralitas nominis concreti substantiui, ut sic significantis formam, non potest plu-

rificari, non plurificata forma.

11 Confirmatur 3. quia licet in substantia materiali forma habeat unitatem à materia, tanquam à radice; tamen si dicta substantia significetur nomine substantiua, v.g. *Leo*, vel *Bos*, tunc non significatur per modum adiacentis illi subiecto, sed per modum per se stantis, & habentis per se esse, & unitatem; ergo nomen substantium cum significet formam, ut habentem esse, & unitatem per se, & dantem illam suo concreto, non poterit plurificari, non plurificata forma, ac proinde hoc idem proportionem seruata dicendum erit in diuinis.

12 Primum argum. desumunt ex illo Gen. 1. *In principio creauit Deus celum, & terram*, ubi lectio hebræa habet: in principio creauit *Elohim*, &c. quod nomen interpretatur *Dij*, siue *iudices*, quæ lectio dicitur vera ob pluralitatem personarum; ergo attendendo ad rigorem sermonis, tres personæ erunt plures dij, & non vnus Deus. Resp. cum D. Tho. hic art. 3. ad 2. quod *Elohim* apud hebræos significat principaliter propteritatem personalem, sicut apud Græcos hypostasis; unde sicut in sermonis rigore apud Græcos dantur in diuinis tres hypostases, & apud Latinos tres personæ; ita apud hebræos tres dij, prout ly dij significatur per *Elohim*, quod significat personas, quasi tres personas.

13 Secundum argumentum, quia tam concreta substantiua, quam adiectiua significant suppositum, ergo tam substantiua, quam adiectiua multiplicabuntur propter multiplicationem suppositorum. Tum quia in diuinis propter multiplicationem suppositorum concedimus tres habentes deitatem; ergo tres Deos in rigore sermonis. Respondetur concedendo antecedens, & negando consequentiã ratio disparitatis patet ex dictis, ratione scilicet diuersi modi significandi. Ad probationem dicendum cum D. Tho. hic art. 3. ad 1. quod licet *Deus* significet habentem deitatem, est tamen alius modus significandi in hoc termino *Deus*, & in hoc habens deitatem. Nam ille significat

substantiue, iste adiectiue. Vnde licet concedatur tres habentes Deitatem; non tamen tres Dei.

D V B I U M II.

An ad multiplicationem concreti substantiui requiratur multiplicatio formarum, & suppositorum, an sufficiat sola multiplicatio formarum.

14 **P**rima sententia est, quod ad pluralitatem concretorum substantiuorum sufficiat pluralitas formarum. Sic Vasq. *disp. 155. cap. 4.* pro qua alios refert. Nostra sententia seq. concl. explicatur. *Ad multiplicationem nominis concreti substantiui, requiritur multiplicatio forma, & suppositorum.* Pro hac concludunt Salm. plura Dñi Thotestimonia, & eam sequuntur omnes Thomistæ, & alij communiter, vt videre est apud eodem Salmant. *hic dub. 2. n. 17.*

15 Quod ad multiplicationem nominis substantiui requiratur multiplicatio forma, constat ex dictis dubiis precedentibus, quia sicut concretum substantiuum significat per modum per sestantis, & habentis esse per se; ita significat eandem formam vt habentem per se unitatem, vel pluralitatem, & eam datam suo concreto; ac proinde nisi prædicta forma multiplicetur, non poterit concretum pluralificari. Quod autem debeant multiplicari supposita, vt dicta *negantur* multiplicentur, probatur, quia licet forma in concretis substantiuis sit ratio formalis unitatis, vel pluralitatis eorum, tamen ad pluralitatem concretorum requiritur, per modum conditionis, pluralitas suppositorum; ergo nisi hæc multiplicentur, non poterunt dicta concreta pluralificari. Conseq. constat. Antecedens ostenditur duplici exemplo. Primum, quia est in Patre sicut duæ potentie actiue, scilicet hæc potentia generatiua, & spiritalis, nõ tamen Pater dicitur esse duo principia secundum, quia licet Verbum assumeret duas naturas humanas, non tamen dice-

retur duo homines, sed vnus, ex eo, quod vtroque deest pluralitas suppositorum.

16 Occurrit Vasq. dicens ad 1. exemplum, quod Pater dici potest duo principia, eo modo quo habet duplicem potentiam actiuam; & quia istæ distinguuntur solum secundum rationem, idè dici potest duo principia secundum rationem. Ad 2. exemplum dicit, quod si Verbum assumeret duas naturas, esset duo homines, &c.

17 Sed contra, quia in multiplicatione nominis substantiui, debet involui multiplicatio suppositi, tanquam conditio illius multiplicationis; ita quod si multiplicatio sit secundum rationem, debeant multiplicari supposita secundum rationem; & si multiplicatio sit realis, multiplicari debeant supposita realiter, ergo &c. Antecedens probatur, quia vt multiplicentur concreta, & dentur v. g. duo homines, oportet vt verificetur, quod vnus non sit alius; sed ad hoc desideratur multiplicitas suppositorum; ergo hoc idè desideratur ad multiplicationem concretorum. Maior videtur certa, quia hoc ipso, quod vnum concretum sit aliud, vt quod vnus homo sit alter, tunc concreta non multiplicantur; quia multiplicatio concretorum ininfectè importat, quod vnum non sit aliud, sicut multiplicatio formarum, & naturarum importat, quod vna non sit alia. Minor ostenditur, quia hoc ipso, quod duæ nature sint in vno, eademque supposito, verificatur, quod concretum vnus sit concretum alterius. Quocirca in Christo D. in quo sunt duæ nature, diuina, & humana, in vna, eademque persona, seu supposito, concretum vnus, est concretum alterius; vnde de Christo D. verificatur, quod hic homo (signato Christo) est hic Deus; & quod hic Deus, est hic homo; ergo, &c.

18 Confirmatur 1. quia licet prædictum realiter à subiecto distinctum possit in prædicatione formali, de illo prædicari, vt constat ex hac prædicatione: *homo est quantitas*, tamen hoc ideo est, quia hoc prædictum, & alia similia habent se per modum forme respectu subiecti. Ve-

rum

rum dato, quod Verbum diuinum assumeret duas humanitates, & prædicaretur, quod vnus homo esset alius; tunc non ideo esset vera propositio, quia vnus homo haberet se per modum formæ respectu alterius; sed ideo vnus homo esset alius, quia concreta non multiplicarentur realiter.

19 Confirmatur 2. quia communicatio idiomatum, quæ reperitur in Christo, debet fundari in aliqua vnitate, & identitate; sed nulla alia datur, nec est aptior, quam ea, quæ tollit multiplicationem concretorum substantiuorum in eo; ergo concreta substantia non multiplicantur, non multiplicatis suppositis. Vnde ob hanc rationem recte dicimus ostenso Christo, quod Deus est mortuus, quod hic homo est creator, &c. Tum quia videmus, quod tamen idem homo habeat plures artes, non ideo dicitur plures auisiles, sed vnus. Nec dicitur plures magistri, aut Doctores; qui plures habent scientias, aut doctrinas, quas in alios diffundat. Nec dicas cum Vafq. quod nomina ista significant naturam ipsam substantialem subsistentem, cui conueniunt formæ significatæ per illam; ac proinde cum in vno homine sit tantum vnica natura substantialis, & subsistens, ideo prædicta nomina non plurificantur. Nam contra est, quia prædicta nomina, hoc ipso, quod sint substantia, significant formam per modum subsistentis v.g. artē, quæ scientiam per modum substantiæ, non ipsam naturam substantialem, cui dicta accidentia conueniunt; aliās dicta concreta non essent substantia accidentalia, significata per modum substantiæ. Per quæ patet ad ea, quæ Vafq. in sui fauorem adducit. Quare non bene dicit auctor iste, quod si Verbum diuinum assumeret duas humanitates, diceretur duo homines non duo: nam ratio ob quam non essent duo, probat, quod essent duo homines, quia illæ duæ humanitates essent in eodem supposito.

20 Primum argum. sumant ex D. Tho. hic art. 3. vbi dicit. Vnde & singularitas, vel pluralitas nominis substantiu;

attenditur secundum formam significatam per nomen. Resp. D. Thomam solum vel le, quod sit necessaria pluralitas formarum, & maxime, ad pluralitatem nominis concreti substantiu. Dixi, & maxime, quia D. Thomas in hoc articulo solum voluit explicare id, per quod nomina concreta tam substantia, quam adiectiua habent vnitatem, vel pluralitatem tanquam ex prima radice formali, non vero tanquam ex conditione.

21 Secundum argum. quia sicut concretum naturæ connotat suppositum, vel personam, & formaliter significat naturam; ita è contra persona formaliter significat personalitatem, & connotat naturam, sed persona pluraliter prædicatur, propter pluralitatem personalitatum, licet sit vnitatis in natura, vt in diuinis videre est; ergo è contra concretum naturæ, v.g. homo, pluraliter prædicabitur, si plures sint naturæ, licet sit tantum vnicum suppositum. Resp. esse proprium concretorum personarum diuinarum, quod hoc ipso, quod multiplicentur personalitates, multiplicentur concreta, in quibus personalitates se habent per modum formæ. Ratio est, quia dictæ personalitates diuinae, secum ferunt suas personas, ex eo, quod constituunt personas per simplicitatem, & sint ipsæ personæ constitutæ; ac proinde in dictis concretis diuinis, multiplicentur tam forma, scilicet personalitas, quam suppositum, siue persona, ac subinde habent omnia requisita ad multiplicationem concretorum substantiuorum.

D V B I V M III

An nomina essentialia concreta in diuinis possint supponere pro persona, & quando supponant pro vna, aut

pro duabus.

22 **P**rima concl. Nomina essentialia in concretis sumpta; possunt supponere pro personis. Sic D. Tho. hic art. 4. in 1. dist. 4. q. 1. art. 2. & ad Anibaldum ibid. & omnes eius discipuli, & alij communi-

munitur. Ratio clara est, quia nomina essentialia, v. g. hoc nomen *Deus*, potest supponere pro habente Deitatem, sed tres personæ diuinæ sunt habentes Deitatem; ergo hoc nomen *Deus*, potest pro illis supponere. Tum quia hoc nomen *homo*, ex modo significandi supponit pro personis humanis, quia ex modo significandi supponit pro habente humanitatem, ergo cum hoc nomen *Deus* ex modo significandi possit supponere pro habente Deitatem, supponere poterit pro personis diuinis habentibus illam.

23 Sed obijcies, quia hoc nomen *Deus* non significat personas diuinas propriè loquendo; ergo neque potest pro illis supponere. Antecedens constat, quia nomen *Deus*, non est impositum ad significandum personas, & nihil significat, nisi ex suppositione. Consequenter probatur ex Phil. in lib. Periherm. quod suppositio propria est acceptio termini pro tempore, quam ex primæua impositione significat. Resp. quod licet personæ diuinæ non sint significatum proprium, & immediatum huius nominis *Deus*, tamen sunt significatum proprium mediatum. Nam sicut essentia diuina per se primò, & immediatè subsistit per subsistentiam absolutam, & ea mediante subsistit in tribus personis diuinis, proprias subsistentias relatiuas afferentibus: ita nomen *Deus* propriè, & immediatè significat Deum subsistentem subsistentia absoluta, & propriè, sed mediatè personas.

24 Secunda conclusio. *Licet nomina essentialia, & concreta, ut Deus, possint supponere pro singulis personis, tamen aliquando eorum suppositio limitatur, & distribuitur, ut supponant pro vna, aut duabus personis, aut tribus simul, aut etiam solum pro essentia diuina subsistente per subsistentiam absolutam, iuxta naturam termini adiuncti, per quem illorum suppositio limitatur, vel distribuitur.* Sic expressè S. Doctor hic art. 4. & omnes eius discipuli.

25 Probatur, quia in his propositionibus. *Deus est Trinitas: Deus est realis communis Pater, & Filius, & Spiritus S.* subiectum supponit pro hoc Deo, & nullo

modo pro personis, ex eo, quod illi adiungatur prædicatum, quod ipsi soli conuenit, non personis; ergo eadem ratione, quando adiungitur aliud prædicatum, aut terminus, qui competat vni, aut duabus personis, &c. vt in his propositionibus; *Deus generat, Deus spirat*, tunc nomen *Deus* in prima propositione supponit pro Patre, qui solus generat; & in posteriori pro Patre, & Filio, quibus competit spirare.

26 Sed obijcies 1. quia in hac propositione *Deus creat*, nihil ponitur limitans, & distrahens suppositionem nominis *Deus*, vt supponat tantum pro hoc Deo, & non pro personis, nam creare est commune omnibus personis diuinis, & tamen solum supponit pro essentia in concreto, seu pro hoc Deo, vt obseruat D. Tho. loco cit. ergo falsò dictum est, quod nomen *Deus*, possit supponere pro personis, nisi eius suppositio limitetur. Resp. sensum D. Thomæ esse, quod in dicta propositione nomen *Deus*, supponat pro essentia in concreto immediatè, & principaliter, seu pro hoc Deo: pro personis verò mediatè, & minus principaliter; quia personæ creant in quantum sunt Deus.

27 Sed vrbis, quia D. Tho. loco citato ponit discrimen inter hanc propositionem *Deus creat*, & istam, *soli Deo honor, & gloria*, quod in prima *Deus* supponit pro hoc Deo, at in secunda, supponit pro tribus personis, cum tamen vtrique videatur esse eadem ratio. Resp. quod discrimen positum à D. Tho. inter dictas propositiones, non consistit in hoc quod vna non supponat immediatè pro hoc Deo, communi tribus personis, & mediatè pro personis, vt bene obseruat Caiet. sed quoad modum supponendi talis subiecti, ex eo, quod in prima taliter supponit immediatè pro hoc Deo, quod mediatè supponat pro singulis personis seorsim, & ideo de quauis sigillatim verificatur, quod creat. At in secunda, non supponit mediatè pro singulis personis seorsim, sed collectiue; vnde sub ista propositione: *soli Deo honor, & gloria*, non licet

licet seorsum, personas designare, vt in-
teratur: ergo soli Patri honor, & gloria,
sed omnes collectiue designandæ sunt.

28 Obijcies 2. quia in hac proposi-
tione *Deus generat*, nomen *Deus*, non
supponit determinatè pro Patre, sed pro
indiudivo Deitatis connotando vagè ali-
quam personam; ergo malè dictum est,
quod in dicta propositione nomen *Deus*
supponat pro Patre. Antecedens osten-
ditur, quia subiectum non determinatur
ad supponendum determinatè pro aliqua
persona ratione adiuncti, nisi adiunctum
se teneat ex parte eiusdem extremi; sed in
dicta propositione adiunctum non se tenet
ex parte subiecti, sed se habet per mo-
dum prædicati, vt patet; ergo non limi-
tabit illud, &c. Resp. negando antecedens
Ad probat. dico, satis esse, quod termi-
nus adiungatur per modum prædicati, vt
distrahat suppositionem subiecti, vt pa-
tet in istis propositionibus: *Deus est Tri-
nitas*, &c. Item est admittenda hæc pro-
positio; *Deus generat Deum*, iuxta illud,
Deum de Deo, & tamen subiectum suppo-
nit pro Patre, & prædicatum pro Filio.
Vnde falsum est, quod dicit Vazquez,
quod nomen *Deus*, in illa propositione,
Deus generat, supponat pro indiudivo
Deitatis, quod enim convenit indiudivo
Deitatis, convenit omnibus tribus perso-
nis diuinis.

29 Obijcies 3. quia in hac proposi-
tione, *Deus non generat*, apponitur ali-
quid, quod potest limitare, & distrahere
suppositionem subiecti ad hoc, vt tantum
supponat pro duabus personis diuinis,
scilicet pro Filio, & Spiritu S. & tamen
nomen *Deus* sic limitatur in dicta propo-
sitione; ergo, &c. Resp. negando ante-
cedens; ratio est, quia propositio nega-
tiua reducitur ad affirmatiuam, ac proin-
de hæ duæ propositiones: *Deus non gene-
rat*, & *Deus generat* sunt contradictoriæ,
natæ fieri circa idem, & sic subiectum
dictæ propositionis, *Deus non generat*
supponit pro Patre, ac subinde est falsa,
& neganda. Tum quia *Deus* in dicta pro-
positione, virtualiter distribuitur ratione

negationis in illa positæ, ac proinde etiam
ex hoc capite est falsa.

D V B I V M IV.

*An nomina abstracta essentialia possint in
diuinis supponere pro personis.*

30 **P** Artem affirmantem tenuit Abb.
Ioachim, relatus à D. Thoma,
hic art. 5. Nostri sententia seq. concl. ex-
plicatur. *Nomina essentialia abstracta non
possunt supponere pro personis, ac proinde
hæc propositio est falsa: Essentia generat.* Hæc
conclusio fuit definita in Concilio Later.
sub Innoc. III. cōtra dictum Abb. Ioachim,
vbi suam sententiam retractauit. Idem
fuerat definitum in Concil. Toletano Lin
in confess. fidei. Hoc tradit S. Doctor *hic
art. 5. & in 1. dist. 5. q. 1. art. 1. & omnes
Patres*, ac Theologi.

31 Ratio fundamentalis est, quia
hoc nomen *Deus* cum significet essentiam
diuinam vt in habente, ideo ex modo sue
significationis, naturaliter habet; quod
possit supponere pro persona; & sic ea,
quæ sunt propria personarum, possunt
prædicari de Deo, vt hoc nomine signifi-
catur, vt si dicatur, quod *Deus est geni-
tus, vel generans*, sed hoc nomen essen-
tia, non habet ex modo sue significati-
onis, quod significet diuinam essentiam,
vt in habente, cum significet illam vt for-
mam abstractam, ergo neque etiam ha-
bebit, quod possit supponere pro perso-
nis; ac proinde hæc propositio, *essentia
generat*, erit falsa, sicut & alix similes.
Tum quia si ea, quæ sunt propria perso-
narum, quibus ad inuicem distiguuntur
vt sunt generare, generari, spirare, spi-
rari attribuerentur essentia, significaretur,
quod esset distinctio in essentia, sicut est
distinctio in personis, ita idem fieret si
abstracta essentialia supponerent pro per-
sonis.

32 Sed obijcies 1. quia non minus
distinguuntur Pater, Filius, & Spiritus S.
Paternitate, Filiatione, & spiratione pas-
siva, quam distinctis originibus, vt sunt

generare, generari, & procedere; sed per hoc, quod concedatur, essentiam esse Patrem, Filium, & Spiritum S. non significatur, quod sit distinctio in essentia, nec aliquod falsum ibi enuntiatur; ergo neque per hoc, quod concedatur, essentiam generare, generari, procedere. Resp. cum D. Tho. *hic art. 5. ad 5.* quod in hoc differunt nomina substantiua, & adiectiua, quod substantiuis competit ferre secum suum suppositum; non verò adiectiuis, solum enim ponunt rem significatam circa substantium. Vnde Pater, Filius, & Spiritus S. quia habent rationem nominum substantiuorum, ideo eis vt talibus conuenit, vt licet importent realem distinctionem ad inuicem, illam tamen non applicant diuinæ naturæ, sed eam secum retinent in proprijs suppositis. Vnde est vera hæc propositio. *Essentia est Pater, Filius, & Spiritus S.* At generare, generari, & procedere, habent rationem nominum adiectiuorum, ac proinde distinctionem realem quam important, ponunt circa substantium, & sic applicant illam naturæ diuinæ, pro qua essentia supponit eum de illa enuntiatur, quod generat, generatur, procedit.

33 Obijcies 2. sequi ex dictis hanc propositionem fore concedendam; *Essentia est generans, generatur, procedit*, si hæc verba adiectiua sumantur in vi prædicatorum substantiuorum; sicut est vera hæc propositio; *Pater, Filius, & Spiritus S. sunt unus aternus, & non tres aterni*, sumpto nomine *aternus* in vi substantiui; & est falsa si accipiat. vt adiectiuum. Resp. quod dicta propositio concedi potest, si illud prædicatum sumatur in vi substantiui, vt si dicatur: *essentia est generans, & simul exprimat. quod prædicatum sumitur substantiue*, tunc enim reddit hunc sensum: *essentia est res generans, scilicet vt quo*. Soluuntur argum. primæ sententiæ.

34 Primum argum. quia in Deo est summa simplicitas, ubi idem sunt essentia, & Deus; ergo sicut Deus potest sup-

ponere pro personis, & hæc est vera: *Deus generat*, ita & essentia pro illis supponere poterit, vt etiam hæc sit vera: *essentia generat*. Resp. quod licet essentia & Deus sint idem ex parte rei conceptæ, non tamen ex parte modi concipiendi. Vt autem duo nomina habeant eundem modum supponendi, debet attendi, non solum ad rem significatam, sed etiam ad modum significandi, & è contra.

35 Sed vrgebis, quia diuersus modus significandi inter Deum, & essentiam seu Deitatem, est sufficiens ad hoc vt Deitas non possit supponere pro eo, pro quo supponit Deus; ergo etiam erit sufficiens ad hoc vt vnum de altero non possit prædicari, & sic hæc erit falsa: *Deus est Deitas*. Resp. concedendo antecedens, & negando consequens, quia cum Deus prædicatur de Deitate, in eo sensu in quo est vera, solum significatur, quod ex parte rei conceptæ, & significatæ Deus est Deus, quod est verum.

36 Secundum argum. quia si ob aliquam rationem dicta propositio esset falsa, maxime quia actiones sunt suppositorum, & essentia non significatur vt suppositum, ac proinde non potest illi tribui actio generandi; sed hæc ratio non obstat, ergo, &c. Maior constat. Minor probatur, quia tametsi esse, & operari conueniant supposito, tamen de *essentia diuinæ* dicuntur prædicata, quæ *denotant existentiam, & operationem*, vt quod intelligit, existit, &c. Resp. concedendo maiorem, & negando minorem. Ad probationem dico, quod dantur aliqua verba, quæ de abstractis possunt prædicari, & sunt illa, quæ significant proprium actum respectu formæ, quæ in abstracto significatur, vt eum dicitur, quod intellectus intelligit, quod sapientia disponit orania suauiter, &c. nam in his propositionibus, non significatur, quod forma illa in abstracto sit produccens, seu agens vt quod, sed vt quo. At cum dicitur, *essentia generat*, facit sensum, quod hoc faciat vt quod.

DISPUTATIO XXXVIII.

IN QVAEST. XXXX. D. THOMAE

De personis in comparatione ad relationes, siue proprietates.

I AEC quaestio 40. habet 4. articulos. In 1. articulo docet S. Doctor, quod relatio sit idem quod persona, quia ad personam pertinent proprietates, quae per relationem significantur. Vnde personae dicuntur esse proprietates propter identitatem, & proprietates dicuntur esse in personis, quia significantur in illis ut formae. In 2. articulo docet, quod personae constituuntur, & distinguuntur formaliter per relationes, non per origines. In 3. art. ostendit, quod remotis relationibus, non remanent supposita, vel hypostases. In 4. art. explicat quomodo actus notionales praesupponant, vel sequantur ad proprietates, seu relationes personales. Verum ut haec clarius habeantur, sit.

D V B I V M I.

An in diuinis personis sint aliqua proprietates quibus constituantur, & distinguantur.

2 Prima sententia duo asserit. Primum non esse in diuinis personis aliquas proprietates. Secundum, personas diuinas constitui se ipsis, non proprietatibus personalibus. Sic tenuit Praepositius apud D. Tho. hic art. 2. quem sequitur Gregor. in 1. dist. 26. & 27. q. 1. art. 2.

3 Nostra sent. seq. conclusione explicatur. In diuinis personis dantur proprietates quibus constituantur, & distinguantur. Haec conclusio est omnino certa, ut opposita, dicatur temeraria ab aliis, ab alijs erronea, pro quo videtur posuisse Salmant. hic disp. 8. dub. 1. a. n. 2.

4 Probatur 1. quia vnumquodque constituitur, & distinguitur per suam formam, aut quasi formam; ergo etiam personae diuinae hoc modo constitui, & distinguui debent; sed in illis nihil aliud datur per quod constitui, & distinguui possint, nisi proprietates personales illarum; ergo, &c. Tum quia quoties aliqua conueniunt, & simul inter se distinguuntur, debent habere aliquam rationem per quam conueniant, & aliam per quam distinguatur: sed diuinae personae conueniunt inter se, & simul distinguuntur; ergo debet assignari aliqua ratio in qua conueniant, & alia per quam distinguantur; ergo cum in illis non sit nisi essentia; & proprietates personales, sequitur, quod in essentia conueniant, & in proprietatibus distinguantur.

5 Respondebis ex doctrina Praepositui, quod quae sunt summè simplicia, non habent formas quibus constituantur, & distinguantur; sed se ipsis hoc habent, quod etiam dicitur ad probationem; eademque solum currit in ijs, quae aliqua compositione, saltem metaphysica, componuntur. Sed contra, quia licet constitutio realis, ex pluribus realiter distinctis per veram, & realem compositionem de-

roget infinitæ simplicitati ; non tamen constitutio per simplicitatem, & absque prædicta compositione ; sed constitutio diuinarum personarum, est per simplicitatem, & solum ex pluribus rationibus virtualiter distinctis ; ergo, &c. Maior constat. Minor etiam patet ex alibi dictis.

6 Primum argum. quia ita simplex est persona, sicut essentia ; ergo sicut essentia ob suam simplicitatem non admittit aliquam constitutionem, sic nec debet eam admittere persona. Resp. negando antecedens ; nam essentia excludit omnimodam constitutionem etiam ex extremis virtualiter distinctis ; at persona solum excludit constitutionem ex extremis realiter distinctis, non virtualiter.

7 Secundum argum. quia si persona constituitur ex essentia, & proprietate, essentia comparabitur per modum partis respectu huius constitutionis, & persona habebit rationem totius in hac compositione ; sed hoc dici nequit ; ergo, &c. Maior nota est, quia id, quod ingreditur constitutionem alicuius, habet rationem partis respectu illius. Minor etiam nota est, quia ratio partis dicit imperfectionem. Tum quia quoties dno constituitur tertium, vnum eorum habet rationem actus, & alterum rationem potentie ; in diuinis autem nil admitti potest, quod habeat rationem potentie. Resp. negando maiorem, quia hæc constitutio est per modum simplicitatis, non compositionis ; maxime quia essentia diuina includitur per modum transcendentis in proprietate personali. Per quæ patet ad probat.

8 Tertium argu. nam in diuinis personis non possunt esse aliquæ proprietates, quibus constituantur constitutione reali, aut rationis ; ergo non dantur in ipsis proprietates constitutivæ, & distinctivæ earum. Conseq. est nota. Antecedens probatur, quoad constitutionem realem, quia inter constitutum, & constitutum constitutione reali, debet esse realis distinctio, quæ in diuinis personis esse non potest inter essentiam, & proprietates constitutivas personarum. Tum quia consti-

tutio alicuius rei, requirit adunationem multorum in vno constituto ; sed hæc adunatio non potest esse in diuinis personis, vbi solum sunt plura per rationem ; ergo. Quod autem illa constitutio nequeat esse rationis, probatur, quia constitutio rationis exigit, quod extrema illius, saltem secundum rationem, se ad inuicem excludant ; sed hoc non contingit in diuinis personis, vbi essentia imbibitur per modum transcendentis in proprietatibus, ergo, &c.

9 Resp. 1. hanc constitutionem esse realem actualem per omnimodam simplicitatem, si loquamur de eo, quod persona Patris v.g. in recto affert, prout est ratio subsistendi incommunicabiliter in natura diuina. Ad hanc namque constitutionem per simplicitatem non desideratur distinctio actualis, vel virtualis inter constituens, & constitutum, sed quod ratio constituens sit ita ampla, & vniuersalis, vt ipsa posita ponatur suum concretum. Resp. 2. quod si dicta constitutio non accipitur solum pro recto, sed adæquate, tunc est realis virtualis, quia eius extrema, scilicet essentia, & Paternitas v.g. distinguuntur solum realiter virtualiter. Per quæ patet ad allata in contrarium. Ad hoc enim vt dicatur, quod personæ diuinæ constituantur suis proprietatibus, sufficit, quod sint reales, licet non realiter distinctæ ab essentia.

D V B I V M II.

An proprietates quibus persona diuina constituantur, & distinguuntur, sint absolute, an relative.

10 **P**rima sententia est, quod personæ diuinæ constituantur, & distinguantur proprietatibus absolutis. Sic tenuit Ioannes de Ripis relatus à Scoto in 1. dist. 26. q. unica, §. tertia opinio, & probabile reputat idem Scotus. Idem tenent Lichetus ibid. Linconensis, & alij relati à Granado to. 3. in 1. p. tract. 12. disp. 13.

11 Nostra sent. sequenti concl. expli. catur. *Persona diuina constituitur, & distinguuntur proprietatibus relatiuis, non ab-*

absolutis. Hæc conel apertè colligitur ex sacra scriptura, quæ semper significat personas diuinas nominibus relatiuis, vt Mat. ult. *Baptizantes eos in nomine Patris, & Filij, & Spiritus S.* Et 1. Ioan. ult. *Tres sunt qui testimonium dant in eo, Pater, Verbum, & Spiritus Sanctus.*

12 Nec valet respondere cum Scotto, hinc solum haberi, quod prædictæ relationes sint in diuinis personis, non quod constituent illas. Ideo namque, inquit, diuinæ personæ significantur nominibus relatiuis in sacra scriptura, licet per illas non constituentur, quia melius per illas cognoscimus distinctionem personarum, quam per proprietates absolutas. Tum quia nominibus relatiuis non solum significatur realis distinctio earum, sed etiam ordo originis inter ipsas. Sed contra, quia Concilia, & Patres ex his testimonijs desumpserunt, quod diuinæ personæ constituentur, & distinguantur relationibus, aliàs non haberemus ex quo constitueretur Sacratissimum Trinitatis mysterium. Tum quia Christus D. voluit tradere nobis explicitam Trinitatis notitiam, dum in verbis relatis tradidit formam Sacramenti baptismi, ac proinde non celauit Christus D. proprietates absolutas, sed illas manifestasset, si illis diuinæ personæ constituerentur. Tum etiam quia falsum est, quod diuinæ personæ melius cognoscantur nominibus relatiuis, si semel absolutis proprietatibus constituuntur, quia cum in creatis, persona constituitur ratione absoluta, per illam melius cognoscerentur proprietates absolutæ diuinarum personarum, quibus constituerentur, & distinguerentur. Eadem conclusio nostra traditur à Concilijs Patribus, & Theologis, quorum aliqui vocant eam adeò certam, vt oppositum dicant errorem, alij impossibile, alij temerarium, pro quo videri possunt Salm. *hoc loco nu. 23. vers. vnde.*

13 Probatur 1. quia de Sacrosancto Trinitatis mysterio, ac proinde de eiusdè personis, & earum constitutiuis, & distinctiuis ex quibus dictum mysterium constat, non aliter sentiendum est, quam secundum id, quod scriptura, Concilia, & Pa-

tres tradunt. Cum enim hoc mysterium sola fide cognoscatur à nobis, ex sola Scriptura, Concilijs, & Patribus colligebet; sed ex sacra scriptura, concilijs, & Patribus patenter colligitur, quod diuinæ personæ relatiuis constituentur, & distinguantur; ergo hoc absolute tenendum est.

14 Occurrit Vasquez, quod ex scriptura, Concilijs, & Patribus solum habetur, quod personæ diuinæ distinguantur relationibus, non quod illis constituentur. Sed contra, quia ex Concil. Florent. in Orat. pro vniione expressè habemus, quod diuinæ personæ relationibus constituentur. Tum quia nomine distinctiui diuinarum personarum venit etiam constitutiuum. Tum etiam quia licet non omne id, quod distinguit vnā personam ab alia, sit constitutiuum illius, tamen id, quod primò distinguit aliquam ex diuinis personis ab alia, licet non ab omnibus, debet esse constitutiuum eiusdem. Vnde spiratio actiua non est constitutiuua Patris, quia licet illum distinguat à Spiritu S. non tamen ipsum primò distinguit, sed Paternitas; ac proinde ab ista, non ab illa constituitur.

15 Probatur 2. quia diuinæ personæ non possunt distingui realiter nisi per relationes, & per oppositionem relatiuam; ergo neque possunt constitui nisi per relationes. Conseq. constat, quia vt modo dicebamus id quod primò distinguit, etiam constituit. Antecedens probatur, quia omnis realis distinctio oritur vel ex limitatione vtriusque extremi, vt in duobus lignis contingit; vel ex limitatione vnius vt creatura respectu Dei; vel oppositione relatiua; non nisi ex hoc vltimo capite possunt diuinæ personæ distingui, ergo, &c. Tum quia diuinæ personæ non possunt distingui per oppositionem contradictoriam, aut priuatiam, quia vnum extremum harum oppositionum debet esse quid negatiuum, aut priuatium, quod nulli ex diuinis personis comperit. Neq; etiam oppositione contraria, quia huius extrema se habent vt nobilior, & vilior, vt album, & nigrum: calor, & frigus, hoc

autem reperiri non potest inter diuinas personas, ergo.

16 Sed dices, quod licet, quæ opponuntur contrariè contrarietate propria, debeant comparari vt nobilius, & vilius, seu vt perfectum, & imperfectum, non est tamen hoc vniuersaliter necessarium in iis, quæ opponuntur contrarietate larga, quæ omnia illa comprehendit, quæ habent rationes formales positiuas disparatas; ergo diuinæ personæ possunt opponi hac oppositione, & per illam distingui, &c. Conseq. est nota; Antecedens probatur, tum quia, quod formæ disparatæ comparentur secundum perfectum, & imperfectum, prouenit ex limitatione, vbi nulla est limitatio, nulla erit comparatio perfecti, & imperfecti. Tum etiam quia relationes creatæ secundum esse ad, vt Paternitas, & similitudo, opponuntur oppositione disparata, & contraria, & tamen non comparantur per modum perfecti, & imperfecti, ergo.

17 Resp. negando antecedens. Ad 1. probationem dico verum esse, prouenire ex limitatione, quod formæ oppositæ oppositione contraria laigè sumptæ, siue disparatæ, comparentur per modum perfecti, & imperfecti, hæc tamen limitatio importatur à formis hac oppositione oppositis. Ad 2. probat. dico, quod licet relationes disparatè oppositè secundum ad præcisè non dicant rationem perfecti, & imperfecti, illam tamen inuoluunt secundum esse in, quod cum in diuinis esse nequeat, neque illa oppositio esse poterit; quod autem dictæ relationes dicant secundum esse in rationem perfecti, constat tum ex dictis, tum ex limitatione earum.

18 Probatur 3. quia diuinæ personæ debent esse æqualis, & eiusdem omnino perfectionis, ita quod tantus sit Filius, quantum est Pater, & è contra; & tantus sit solus Filius, quantum Pater, & Spiritus S. ergo non possunt constitui, & distingui proprietatibus absolutis. Antecedens constat ex illo symboli. *Et in hac Trinitate nihil prius, aut posterius, nihil maius, aut minus: sed tota tres persona coeterna sibi sunt, & coæquales.* Cōseq. probatur, quia si cōsti-

tuerentur, & distinguerentur realiter per proprietates absolutas, maximè quia tunc vnaquæque ex illis diceret ratione sui cōstitutui, & distinctiui propriam, & peculiarem perfectionem, quæ non esset in alia persona, hoc est falsum, vt ex dictis constat, ergo. Soluuntur arg. in contrariū.

19 Primum argum. desumunt ex illo Apocal. 19. *Habens nomen scriptum, quod nemo nouit.* Et ex illo Prou. 30. *Quod nomen est eius, & quod nomen Filij eius, scio nesci?* Vbi significatur, quod nomen telarium Verbi sit notum, & inquiritur, seu significatur, quod nescitur nomen proprium illius: ac proinde constitutiuum. Resp. sensum illorum verborū esse, quod licet secunda Trinitatis persona appelletur Verbum, & Filius, necrum tamen sufficienter, & adæquatè explicat dictam secundam personam, ac proinde relinquatur locus interrogandi de nomine, adæquatè.

20 Secundum argum. desumunt ex testimonio D. August. 7. de *Trinit. cap. 1.* vbi dicit, quod relatiuum est aliquid præter relationem, ac proinde sentit, quod personæ constituentur, & distinguantur per aliquid absolutum. Et in eodem cap. dicit idem Sanctissimus, & Doctissimus Pater, quod persona dicitur ad se. Resp. cum D. Tho. 4. 23. art. 2. ad 2. Sanctissimū Patrem tantum velle quod in relatiuis datur aliquid absolutum scilicet ratio in, & ratione cuius persona dicatur ad se.

21 Tertium argum. desumunt ex S. Doctore 4. 8. de *Potent. art. 3. ad 7.* vbi dicit, quod *relationes constituunt hypostasies, in quantum sunt essentia diuina.* Resp. mentem S. Doctores esse, quod relationes habent ab essentia diuina tanquam ex radice, seu conditione indispensabiliter requisita, ratione identificationis cum d. essentia diuina, quod personas constituent.

22 Quartum argum. quia actiones sunt suppositorum, ac proinde suppositū debet suas actiones præcedere, sicut & relationes ad illas consecutas, & in iisdem fundatas; ergo personæ non possunt constitui relationibus. Antecedens constat. Conseq. probatur, quia quævis relatio re-

perta

perita in persona v.g. Patris, cum sit relatio originis, debet præsupponere actionē in qua fundatur, ac subinde personam Patris constitutam. Resp. concedendo antecedens, & negando consequ. ad probationem constabit ex dicendis dub. ult. huius disputationis. Pro modo dico, quod Paternitas v.g. habet duo munera, vnum formæ hypostaticæ, seu formæ constituentis, & tribuentis subsistere incommunicabiliter; & aliud relationis. Primum supponitur ad secundum, vt postea dicitur.

23 Quintum argum. quia ordo distinguendum, debet respondere ordini distinctionum; sed prima omnium rerum distinctio, est distinctio diuinarum personarum; ergo debet esse per quid absolutum, quia sicut primum in entibus est substantia, ita principium primæ distinctionis debet esse substantia. Tum quia distinctio diuinarum personarum debet esse omnium maxima, sed distinctio per relationes non est omnium maxima; ergo. Sicut enim ens absolutum excedit relatiuum, ita distinctio absoluta erit maior relatiua. Resp. concedendo maiorem, & minorem, & negando consequ. Licet enim primum in entibus sit absolutum. Prima tamen distinctio est relatiua. Vnde prima omnium distinctio realium debet esse omnium minima, quia hoc ipso, quod est prior, debet minus recedere ab unitate; hæc autem non potest præstari ab aliqua ratione absoluta, sed relatiua; quia distinctio relatiua stare potest cum unitate essentiae, non distinctio realis per rationes absolutas. Per quæ patet, ad probationem.

D V B I V M III.

An relationes constituent, & distinguant diuinas personas secundum rationem originum, vel quomodo.

24 **N**otandum 1. pro tituli intelligentia, quod in diuinis relationes, & origines identificantur realiter, & solum distinguuntur secundum rationem. Nam in rationibus relatiuis in

diuinis inuentis sunt duæ rationes; aliæ quæ dicunt ipsas origines, v.g. generationem actiuam, sub conceptu talis. Aliæ, quæ dicunt ipsas relationes secundum munus relationum. Notandum 2. quod hoc loco non conferuntur vtriusque relationes, & origines, sed illa relatio, & origo, quæ vnicuique personæ competit. Vnde loquendo de persona Patris, comparantur inter se Paternitas, & generatio actiua. Loquendo de persona Filij comparantur Filiatio, & generatio passiva, &c.

25 Prima sententia tenet, quod diuinæ relationes constituent, & distinguant personas secundum rationem originum, non secundum rationem relatiuam. Sic Bonau. in 1. dist. 26. q. 2. & Richard. de S. Vi. lib. 4. de Trin. cap. 15.

26 Nostra sententia sequenti concl. explicatur. *Diuina persona non constituuntur, & distinguuntur per relationes vt expriment rationem originis, sed vt expriment munus relationum.* Hæc concl. habetur in oratione pro vnione, in Concilio Florent. cap. 6. Eam tradit S. Thomas hic art. 2. & q. 8. de Potent. art. 3. Idem tradunt Scholastici in 1. dist. 26. q. 6. & Theologi hoc loco.

27 Probatur 1. quia origo actiue concipitur à nobis vt egrediens à persona producente, ac proinde supponit personam iam constitutam. Et origo passiue concipitur à nobis vt via ad personam produendam, ac proinde vt aliquid antecedens per modum viae ad eandem personam; id autem quod præcedit aliud, non potest esse intrinsecum constitutum illius; ergo constitutum, & distinctum diuinarum personarum non potest esse aliquid absolutum.

28 Confirmatur 1. quia nihil constitui potest per suam productionem, siue originem; ergo persona Filij v. g. non potest constitui per suam natiuitatem, seu per suam generationem passiuam formalissimè acceptam. Antecedens constat, quia productio passiva est tantum via ad constitutum, non ipsum constitutum. Consequ. nota est ex antecedenti. Confir-

firmatur 2. quia id quod constituit, & distinguit personam, debet concipi ut subsistens, saltem ut quo, in natura intellectuali communicata, seu habita; sed origo, seu generatio passiva v.g. non intelligitur ut subsistens in natura communicata, seu habita, sed ad summum intelligitur ut subsistens per modum viæ adhuc ut communicetur, & habeatur; ergo origo, seu generatio passiva non poterit esse formale constitutum Filij, ac proinde idem dicendum erit de alijs originibus.

29 Sed obijcies 1. contra prædictam rationem, & eius confirmationes, quia si aliquid probarent, convincerent, quod dictæ relationes non solum non constituerent, & distinguerent diversas personas secundum munus originis, sed neque secundum munus relationis; sed hoc est contra D. Tho. hic art. 2. ubi non dicit, quod personæ divinæ non constituentur originibus, sed quod prius, & principalius constituentur relationibus, quàm originibus, ac proinde vel utrumque excludi debet, vel utrumque admitti. Resp. quod cum D. Thomas dicit, quod divinæ personæ constituentur aliquo modo per originem, loquitur de constitutivum viali, non de formali, quod solum competit relationibus secundum munus relationum.

30 Obijcies 2. quia ad summum videntur probare intetum de personis procedentibus, nempe de Filio, & Spiritu S. quorum origines sunt viæ ad easdem personas, & productiones illarum, non tamē de persona Patris. Nam generatio activa, de qua est controversia, an constituat Patrem, non est viæ ad Patrem. Respon. quod si semel probetur, quod origines passivæ non possunt constituere personas procedentes, bene inferetur, quod neque origo activa constituat Patrem, cum illud supponat constitutum.

31 Probatur 2. quia proprietates constitutivæ divinarum personarum concipi debent ut formæ intrinsecæ earundem personarum; sed origines non concipiuntur ut formæ intrinsecæ personarum; ergo &c. Maior constat, siquidem proprietates constitutivæ, & distinctivæ concipiuntur

ut constitutivæ in esse personali, quod non nisi à forma, seu quasi forma intrinseca, esse potest. Minor etiam constat, quia origo activa, ut talis, concipitur ut egrediens à supposito producente; & origo passiva intelligitur ut viæ ad genitum, ac proinde neutra intelligitur ut forma intrinseca personarum.

33 Sed obijcies 1. contra hanc rationem, quia vel in ea fit sermo de relationibus, & originibus secundum communem rationem accidentis; vel fit sermo de illis secundum suas ultimas, & atomas rationes: si primum, tunc tam relationes, quàm origines concipiuntur ut quid inhærens, seu per modum formæ intrinsecæ. Si secundum, tunc neque origines, neque relationes concipiuntur per modum formæ intrinsecæ. Nam sicut origines v.g. generatio activa, concipitur ut egrediens à generante; ita etiam relatio v.g. Paternitas concipitur ut tendens ad Filium. Ergo si hoc non obstante relatio potest concipi ut forma, intrinseca, ita & origo. Tum quia sicut relatio v.g. Paternitas, potest concipi ut identificata cum Patre, & in eo manens, propterea intelligi potest per modum formæ intrinsecæ; ita etiam generatio activa intelligi potest ut identificata cum Patre, ut in eo manens, & cum intrinsecè denominans generantem.

34 Resp. eligendo secundam partem dilematis, quod scilicet fit sermo de originibus, & relationibus secundum suas ultimas rationes consideratis, quod scilicet relationes concipi possint per modum formæ, aut quasi formæ intrinsecè in facto esse non in esse viali, & quasi in fieri; & origines concipi possint per modum formæ, aut quasi formæ intrinsecæ, quasi in fieri, & in esse viali. Ad 1. probationem constat ex modo dictis, quod scilicet tam relationes, quam origines possint concipi per modum quasi formæ intrinsecæ, sed cum discrimine assignato. Et per hæc patet ad 2. probationem.

35 Obijcies 2. quia divinum intelligere significatur per modum viæ, & per modum actionis procedentis ab intellectu divino, & tamen est constitutivum Dei.

vt *dispositio* 14. ostensum fuit; ergo licet originis concipiantur per modum viæ, & quasi actionis egredientis, poterunt constituere diuinas personas, Resp. quod diuinum intelligere non est esse Dei, nec confusiuum Dei, vt intelligitur quasi in fieri, seu quasi influxu, aut quasi actio egrediens à diuino intellectu; sed prout est actus perfectissimus, maxime per manens, in esse quieto, in facto esse, sub qua ratione diuinum intelligere concipi potest, non origo, quia vt talis, debet concipi sub conceptu viæ, & tendentia.

36 Nec valet dicere, quod si diuinum intelligere in fieri, & in facto esse concipi potest, potius erit constitutum vt in fieri, quam vt in facto esse, cum illa ratio sit prior ista. Tum quia si in diuino intelligere concipi possunt illæ duæ rationes, non est cur non possint concipi in originibus, ac proinde licet prout in fieri, & per modum viæ nequeant constituere diuinas personas, bene tamen prout in facto esse. Resp. quod non omnes rationes quæ primò inveniuntur in aliqua re, sunt constitutivæ, quando res constituta dicit factum esse, & ratio illa dici fieri; nam constitutum in fieri, debet constitui per rationem in fieri, & constitutum in facto esse, debet constitui per rationem in facto esse; & sic cum diuina essentia, & natura sit actus esse, debet constitui per diuinum intelligere in facto esse, non in fieri. Ad probationem, dico non esse contra rationem diuini intelligere, quod concipiatur in fieri, & facto esse, est tamen contra rationem originis vt talis, quod concipiatur in facto esse.

37 Resp. 2. quod intellectio essentialis non dicit ex parte rei conceptæ aliquid vitale, vel fluens, & aliquid facti esse, permanens, & in esse quieto, sed ad summum hoc habet ex parte nostri modi imperfecti concipiendi; quia in diuinis intellectus, & intellectio non distinguuntur virtualiter, sed ex parte solius nostri modi concipiendi, at in originibus ratio viæ, & fluxus est ex parte rei conceptæ, vt postmodum videbitur.

38 Primum argum. quia in vnaquaque persona diuina, v. g. in Patre, reperitur origo, quæ illi vt propria attribuitur, quæ est generatio actiua; ergo origo seu aliquid relatiuum sub conceptu originis, constituet, & distinguet Patrem. Consequ. videtur nota, quia illa est ratio constitutiva, & distinctiva rei, quæ illi primò conuenit: sed origo, seu relatio sub conceptu originis, est huiusmodi; ergo, &c. Antecedens ostenditur, quia relatio debet constituere Patrem, v. g. sub primo conceptu in ea reperto, sed isto est conceptus originis, ergo. Paternitas namque fundatur in generatione actiua, & Filiatio, & Processio, in productionibus passiuis. Resp. concedendo antecedens, & negando consequ. Ad probationem dico, quod illud est constitutum persone diuinæ, & cuiuscumque alterius rei, quod ei intelligitur conuenire per modum formæ in facto esse, non in fieri, vt ex dictis patet.

39 Secundum argum. quia Sancti Patres tribuunt originibus diuinarum personarum constitutionem, & distinctionem. Resp. 1. quod Patres loquuntur de constitutiuo vitali, & satis noto quoad nos, non de proprio, & formali constitutiuo. Resp. 2. quod nomine notionum; intellexerunt relationes originum, vt de D. Aug. docet S. Doctor q. 8. de *Potent. art. 3. ad 14.*

D V B I V M IV.

An relationes constituant diuinas personas secundum, quod dicunt Ad.

40 **P**RO DICENDORUM intelligentia nota 1. quod diuinæ relationes ratione suæ eminentiæ plura habet munera pluresque rationes, scilicet ex parte nostri modi concipiendi distinctas. Nam, inter alia habet munus, seu rationem subsistendi incommunicabiliter. Habent rationem referendi, seu expressum munus *ad*: difficultas præsens est, an relationes constituent, & distinguant diuinas personas secundum munus subsistendi incommunicabiliter, an secundum munus referendi.

672 Disputatio XXXVIII. Dubium IV.

rendi, seu secundum expressum munus *ad*. Nota secundò, quod personæ diuine possunt considerari dupliciter. Primò, ut sunt in se à parte rei, ac proinde prout concipiuntur conceptu distincto, & perfectio qualiter concipiuntur à nobis per fidem per conceptus perfectos, & Theologicos & qualiter concipiuntur à beatis. Secundò prout concipiuntur à nobis ex creaturis, concipiuntur imperfectis, & confusis, ac per analogiam ad constitutionem personarum creaturarum, sine imperfectiōnibus, tamen. Et licet dubium procedat de omnibus personis diuinis, tamē singulariter loquimur de persona Patris de qua est peculiaris ratio explicatu difficilis, cū Pater videatur præsupponi ad Paternitatem, ut ipsum refert ad Filium.

41 Prima sententia est, quod Pater non constituitur Paternitate secundum rationem *ad*, sed secundum modum incommunicabilitatis. Sic aliqui extra schoolam D. Thomæ Secunda sententia tenet quod constituitur per relationem Paternitatis, secundum, quod exprimitur *ad*, sic tenent etiam aliqui ex Thomistis.

42 Nostra sententia explicabitur duabus conclusionibus. Prima conclusio. *Diuina persona prout sunt à patre rei, & prout concipiuntur à beatis, & prout concipiuntur à nobis per conceptus perfectos, & distinctos per fidem, & Theologiam constituuntur, & distinguuntur per relationes secundum quod exprimitur esse ad*. Hanc conclusionem admittunt omnes; certum namque est, quod distinctio, & constitutio diuinarum personarum prout sunt in se, est per oppositionem relatiuā earum, ac proinde debent diuinæ personæ prout sunt in se, constitui, & distinguui per sua propria esse *ad*.

43 Probatur 1. quia ut ex Coneilijs, & Patribus habetur, personæ diuine prout sunt in se, constituuntur, & distinguuntur per relationes, quia in diuinis omnia sunt vnum, ubi non obuiat relationis oppositio; ergo non solum constituuntur per relationes ut dicunt modum incommunicabilitatis, sed etiam ut dicunt esse *ad*. Antecedens constat. Consequ. probatur

quia oppositio relatiua prouenit formaliter ab ipso *ad* quod adæquatè conceptū, & per conceptus perfectos, & distinctos affert utramque rationem, ut ex se constat.

44 Probatur 2. quia Paternitas v. g. secundum suum esse *ad* tribuit Patri peculiare subsistere relatiuum, specie, aut quasi specie distinctum à subsistere Filij; ergo tribuit illi subsistere incommuniabiliter, ac proinde Paternitas prout est in se ipsa, & adæquatè concepta constituit Patrem, distinguendo eum à Filio. Tum quia personæ diuinæ conceptæ per nostros conceptus confusos, & imperfectos constituuntur, & distinguuntur per relationes ut sunt rationes incommuniabiliter subsistendi; ergo eadem personæ prout sunt in se ipsis à parte rei, & ut concipiuntur à nobis per conceptus perfectos, & distinctos, debent concipi ut constitutæ non solum per relationes ut tribuunt dictam incommunicabilitatem, verum etiam ut referunt, seu prout dicunt esse *ad*. Antecedens constat ex dicto dis. nu. seq. Consequ. probatur, quia si ratio incommunicabiliter subsistendi concipitur adæquatè secundum totum quod dicit à parte rei dicit etiam ipsum *ad*, ergo etiam secundum hanc rationem constituitur distingueturque personæ si adæquatè, perfectèque concipiatur, & prout est à parte rei.

45 Secunda conclusio. *Diuina persona concepta per nostros conceptus imperfectos, & confusos, & per analogiam ad modum quo constituuntur persona creata constituuntur per relationes secundum quod dicunt rationes incommunicabiliter subsistendi, non secundum munus ad*. Sic D. Tho. hic art. 4. in corpore, & ad 1. & eius discipuli communiter, alijque plures, ut testantur Salmant. hoc loco dub. 4. nu. 60.

46 Probatur 2. quia persona ut sic, constituitur per rationem subsistendi incommunicabiliter in natura rationali, sicut etiam persona creata constituitur per rationem subsistendi in incommunicabiliter in natura rationali creata; ergo etiam persona diuina ut intelligitur constituitur per analogiam ad personas creatas; & secundum nostrum modum concipiendi confusum

fufum, & imperfectum, conftituetur per rationem fubfiftendi incommunicabiliter in natura diuina, & non per munus expreffum referendi, eum fecundum hunc conceptum nec perfonam vt fic, nec perfonam creata conftituatur.

47 Probatur 2. quia noftro modo concipiendi imperfecto, non concipimus diuina, nifi ex creaturis, vt aduertit S. Doctor q. *seq. art. 2.* fed in creaturis fuppositum iam conftitutum prafupponitur generationi, & generatio fupponitur Paternitati, vt ratio fundandi illam; ergo fecundum eundem modum imperfectum concipiendi prius debemus concipere perfonam Patris conftitutam, quam ipfam generare, & generatio debet concipi relationi tanquam ratio fundandi illa, ac proinde prius, noftro modo concipiendi, intelligimus perfonam Patris conftitutam per rationem incommunicabilitatis, quam referri, ac proinde quam dicere *ad*, vt *ad*.

48 Sed obijcies 1. quia D. Thomas *art. 4.* videtur aperte docere, quod perfonam diuina non conftituatur per relationem adaequatè vt dicit *ad*, diftinguit enim inter relationem, vt eft relatio, & vt habet conftituere perfonam; relatio autem vt eft relatio, eft relatio vt dicit *ad*; hoc autem eft contra primam conclufionem. Respondent aliqui cum Caiet. *hic art. 4. S. ad euidentiam*. Quod Paternitas v.g. poteft, fecundum proprium effe ad, dupliciter concipi. Primò vt concepta, feu fecundum fuam effentiam, feu fecundum fuum conceptum effentialem, & hoc modo conftituit perfonam. Secundò vt exercita, id eft, vt exercet munus referendi, & hoc modo non conftituit perfonam, fed eam refert. D. ergo Thomas dum vult, quod relatio vt relatio, non conftituat perfonam, loquutus eft de relatione vt exercita, non de relatione, vt concepta. Verum hæc folutio non caret difficultate. Nam Paternitas, vt concepta fecundum propriam, & vltimam fuam rationem, feu fecundum proprium effe *ad*, non poteft concipi vt conftituens, feu vt vnita alicui quafi fubiecto, nifi concipiatur vt exercens munus referendi, il-

ludque tribuens fuo quafi fubiecto; ergo non poteft concipi vt conftituens fecundum proprium effe *ad* perfonam Patris, quin ipfum referat ad Filium, feu abftrahendo ab exercitio referendi. Confeq. conftat. Antecedens oftenditur, quia quælibet forma vnita fuo fubiecto, debet concipi vt tribuens ei fuum exercitium formale, vt conftat ex fe, cum forma non caufet nifi per dationem fui.

49 Respondent aliqui huic noftre rationi, quod licet forma absoluta nequeat concipi vt vnita fubiecto quin illi tribuat fuum formale exercitium, hoc tamen non currit in formis relatiuis, iftæ namque concipi poffunt vt vnite fuis fubiectis quin tribuant illis fuum exercitium, fed fufficit, quod tribuant vim ad illud, feu actum, primum ad illud requifitum, quod fequentibus exemplis explicant. Nam generaliffimum prædicamenti relationis in concreto fumpti intelligitur vnitum fuo quafi fubiecto, & non tribuere illi exercitium refpiciendi terminum; quia fecundum eam rationem non poteft concipi vt habens correlatum fibi æquale ad quod habeat hoc exercitium. Deinde relationes fimilitudinis, & æqualitatis fumptæ in communi, & in concreto, non habent exercitium, referendi ex eo quod non habeat fimile in communi, nec alterum æquale; cum omnia fimilia æqualia, contineantur fub æquali, & fimili incommuni. Pariformiter relatio Paternitatis in creatis tribuit Patri exercitium referendi refpectu filij nati, non tamen refpectu nondum nati. Item fpecies intelligibiles Angelorum, funt repræfentatiuæ fingularium antequam exiftant, & tamen non repræfentant illas antequam exiftant. Demum fcientia Dei vt intelligitur præcedere decretum de futuritione creaturarum, eft intuitiua, feu vifiva earum quantum eft de fe, & in actum primò, non tamen effe actum, & in exercitio intuitiua ex defectu termini, fcilicet futuritionis.

50 Sed contra, quia quæcunque forma fiue absoluta, fiue relatiua concepta vt vnita fuo fubiecto, aut quafi fubiecto capaci effectus formalis illius, feu exercitij eius, illud tribuit; ergo &c. Antecedens

dens probatur, quia exercitium formæ, solum dicitur ipsam formam datam subiecto, & causalitatem formalem, qua dicta forma se ipsam illi communicat; implicat autem concipere formam datam subiecto, & eius causalitatem quin concipiatur eius effectus primarius, & exercitium illius. Tum quia sicut in causis efficientibus, data virtute efficienti, & causalitate illius, datur in actu exercito effectus proprius illius, & exercitium prædicti effectus, ita in causis formalibus, data forma, unita subiecto, & causalitate eius, debet dari proprius effectus illius, & exercitium dicti effectus.

51 Nec exempla adducta aliquid euincunt; nam ideo generalissimum relationis, & relationes similitudinis, & æqualitatis in communi non tribuunt exercitium referendi, quia non concipiuntur ut formæ singulares, & indiuiduæ, nec unitæ subiecto singulari, & indiuiduo; exercitium namque formæ, non conuenit illi nisi ut singulari sumptæ, & unitæ subiecto singulari. Ad illud de relatione paternitatis creatæ dico, quod dicta relatio iam habet exercitium respectu prioris filij, ac proinde respectu termini primarij; secundus autem filius, est solum terminus materialis, qui cum non existit, non terminat extensionem dictæ relationis. In diuinis autem iam supponitur existentia filij. Per quæ pater ad duo alia exempla adducta.

52 Respondetur ergo facilis ad objectionem n. 48. propositam, quod quando D. Thomas dicit, quod relatio ut relatio non constituit personam, loquitur de constitutione personæ, non secundum omnem id, quod à parte rei constituitur, nec de constitutione concepta per conceptus perfectos, & distinctos, & secundum sensum primæ conclusionis, sed de constitutione concepta per nostros conceptus imperfectos, confusos, & secundum sensum secundæ conclusionis. Pro quo nota, quod tam in Paternitate, quam in generatione acriua dantur plura munera. Nam in Paternitate datur munus subsistendi incommunicabiliter, non acceptum per

realem processionem ab alio, & hoc munus præsupponitur ad generationem; prius namque est, quod Pater intelligatur incommunicabiliter subsistere, quam generare. Post illud munus incommunicabiliter subsistendi subsequitur generatio, ut est productio filij, quatenus Filius exprimit subsistens incommunicabiliter in natura diuina, & productum per primam processionem, non exprimendo munus referendi, & respiciendi Patrem, nec ipsam generationem prout expressit hoc munus communicat; quia à prima persona constituta in esse subsistentis incommunicabiliter, intelligitur procedere Filius, ut eodem modo subsistens. Post generationem sic inadæquatè sumptam subsequitur eadem relatio Paternitatis sub alio munere, scilicet sub munere referendi, ac proinde ut distinctæ, & perfectæ concipitur, quatenus secundum hoc munus dicit non qualecunque respicere Filium, sed prout exprimit modum incommunicabiliter subsistendi relatiuum. Demum ab eodem Patre sic constituto per hoc ultimum munus intelligitur quasi oriri generatio filij, secundum quod exprimit munus filij, prout dicit non solum esse subsistens incommunicabiliter, sed etiam munus respiciendi Patrem qua talem. Per quæ possunt solui omnia, quæ contra datam solutionem obijci possunt.

53 Obijcies 2. contra secundam conclusionem, quia si persona Patris non constituitur per relationem ut exprimitur ad, loquendo de constitutione per nostros conceptus imperfectos, & confusos, neque etiam poterit constitui per aliquid relatiuum, sed per absolutum. Quod sic probatur, nam vel illud per quod secundum hos conceptus persona constituitur exprimit respicere terminum, seu esse ad terminum, vel non? Si non; ergo est quid absolutum. Si exprimit, erit quid relatiuum. Tum quia relationes diuinæ prout sunt rationes incommunicabiliter subsistendi, non habent unde distinguant diuinas personas ad inuicem, nisi una concipiatur per modum Patris, & alia per modum filij, ac proinde nisi prout relationes

De missione diuinarum personarum. 675

nes dicunt esse *ad*. Resp. negando antecedens. Ad 1. probationem dico, quod illud per quod persona diuina constituitur secundum dictos conceptus confusos, & imperfectos est quid relatiuum formaliter, & expressè, licet formaliter, & expressè non dicar munus respiciendi. Vt enim patet ex dictis, conceptus adequatus Paternitatis, vt dicit quid formaliter, & expressè relatiuum, ac proinde conceptus adequatus ipsius *ad*, non est so-

lummodò munus expressè respiciendi, sed etiam munus speciale incommunicabiliter subsistendi. Ad 2. probationem, negatur antecedens, quia secundum munus incommunicabiliter subsistendi habent suas speciales rationes, secundum quas sunt rationes diuersimodè incommunicabiliter subsistendi. Nam Paternitas tribuit Patri incommunicabiliter subsistere, vt non procedens ab alio. Filiatio vt procedens à Patre, &c.

DISPUTATIO XXXIX.

IN QVÆST. XXXIII. D. THOMÆ.

De missione diuinarum personarum.

ICET nil scribendum occurat circa quæstionem 41. & 42. tamen vt noster lector habeat aliqualem cognitionem eorum quæ S. Doctor in illis tradit, placet earum summarium proponere. In q. 41. agit S. Doctor de diuinis personis comparisone ad actus notionales, & habet 6. articulos. In 1. art. explicat quomodo actus notionales attribuantur personis, & quomodo non distinguantur à relationibus, sunt autem generatio, natiuitas, spiratio, processio. In 2. art. explicat quomodo dicti actus notionales sint naturales, & necessarij, non liberi. In 3. art. explicat quod actus notionales non sint ex nihilo, sed ex ipsa diuina substantia, quia procedere ex nihilo creaturæ est. In 4. art. docet, quod in Deo datur potentia ad processiones internas, ad generandum, ad spirandum, quæ designat principium quo talium processio, & sunt intelligere, & velle. In 5. ostendit, quod potentia generandi in recto dicit essentiam, connotet autem relationem, & oppositionem; relatio namque non est id quod generans generat, quia non designat virtutem operandi, sed dis-

inctionem, & oppositionem. In 6. art. ostendit, quod actus notionales non possunt habere plures terminos, sed vnum: vnum Filium; vnum Spiritum Sanctum.

2 In quæstione 42. agit de æqualitate, & similitudine diuinarum personarum per 6. articulos. In 1. docet dari in diuinis personis æqualitatem, non quantitatis, sed perfectionis, & virtutis, quæ est essentia. Hæc tamen æqualitas, & similitudo, non est relatio realis distincta à relationibus personarum. In 2. art. docet personas diuinas esse æquales in æternitate, seu esse coeternas inter se, eo quod eandem processio est à principio perfecto, & non impedito, necessario, & naturaliter operante. In art. 3. docet, quod non obstante coeternitate personarum, est in eis ordo originis, quia vna persona est ab alia. In 4. art. ostendit personas diuinas esse æquales secundum magnitudinem, quia in Deo magnitudo non est quantitatis, sed perfectionis. In 5. art. docet quomodo vna persona sit in alia triplici modo, 1. ratione essentiae, quia essentia vnius communicatur alteri, & est in illa, 2. ratione relationis, quia vnum relatiuum est in suo correlatiuo, ratione oppositionis, & tendentiae. 3. ratione originis, quia personæ

procedunt per actus immanentes, de quorum ratione est, quod terminus procedens maneat intra ipsum à quo procedit. In 6. art. docet personas esse æquales in potentia, quia habent eandem naturam, eandemque perfectionem, & omnipotentiam.

3 In q. 43. agit de missione diuinarum personarum per 8. articulos. In 1. art. ostendit, quod mitti cōuenit aliquibus personis diuinis, quia & procedunt à mittente, & aliquid ponunt de nouo in creatura, quod pertinet ad terminū missionis, sicut habitudo ad mittentem pertinet ad originem, & processionem. In 2. art. ostendit, quod missio non est æterna, sed tēporalis, propter connotationem termini ad quem fit missio, qui de nouo fit in creatura, licet supponat processionem ab æterno intra Deum, sed hæc pop. denominatur missio quousque ponatur terminus temporalis. In 3. art. demonstrat, quod missio inuisibilis ad animam solum fit connotando effectum gratiæ sanctificantis, quia missio inuisibilis est adhuc ut personæ inhabitet in anima ut possit illis anima frui, quod habetur per gratiam sanctificantem. In 4. art. docet, quod Pater non dicitur mitti, licet se communicet, & inhabitet per gratiam in anima, quia Pater non procedit ab alio. In 5. art. docet, quod etiam Filio conuenit mitti inuisibiliter per gratiam ad animam; nam & procedit à Patre, & inhabitat in anima, & anima fruatur illo, quod sufficit ad missionem. In 6. art. ostendit, quod missio inuisibilis per gratiam, fit ad omnes, qui sunt in gratia, quia nouo modo in illis existunt personæ procedentes. In 5. art. ostendit, quod etiā Spiritui Sancto conuenit mitti visibiliter, non solum Filio; Filius namque visibiliter missus est per incarnationem. Et Spiritus Sanctus visibiliter missus est, apparendo in aliquibus signis sanctificationis, non naturam visibilem assumendo. In art. 8. docet, quod persona missa, solum mittitur ab ea à quo procedit, quantum ad habitudinem processionis; quam importat missio; et tanquam ad terminum ad quem, seu effectum de nouo, quem connotat, etiam persona à qua non procedit mitti-

tur. Verum ut hæc materia missionis fufius habeatur, fit.

D V B I U M I.

An alicui persona diuina conueniat mitti.

4 **M**issio in creaturis, vnde ad diuinam fuit translata, importat quādam motionem, vel processionem vnius rei ab alia transmissæ ad alium locum, vel personam, ut ibi id exequatur, ad quod mittitur, ita quod ab ea accipiat aliquam quodammodo virtutem, potestatem, vel directionem ad id exequendum; quo pacto nuncius mitti dicitur. Vnde missio, ut est nomen commune ad missionem creatam, & diuinam, significat quandam processionem ab aliquo principio, ad aliquē terminum, vbi prius non erat, vel vbi incipit esse de nouo, alio modo quā antea esset. Et sic missio denotat rem missam, cum duplici habitudine: vna ad mittentem; alia ad eum ad quem mittitur, & res missa accipit potestatem à mittente vim, aut directionem, ad aliquid de nouo efficiendum, vel ad existendum in loco nouo vbi non erat, vel modo nouo, vbi antea erat: his positis.

5 Veritas catholica sequenti concl. explicatur. *Alicui persona diuina conuenit mitti.* Constat ex illo ad Galat. 4. & 1. Ioan. 4. *missi Deus Filium suum.* Et ex illo Ioan. 5. *Qui non honorificat Filium, non honorificat Patrem, qui misit illum.* Et cap. 6. legitur. *Sicut misit me Pater, et iuens Pater.* Et cap. 15. *Cum veneris Paraclitus, quem ego misit vobis, &c.*

6 Ratio fundamentalis est, quia missio in diuinis, duas dicit habitudines, vt ex dictis n. 4. constat: vnam personæ missæ ad eam à qua mittitur, quæ consistit in hoc, quod ab ea procedat: alteram saltem fundamentalem, ad terminum ad quem mittitur; ex eo, quod aliquo modo ibi incipit esse, seu ex eo, quod connotet effectum nouum temporalem, à persona missa, ex vi missionis productum; sed hoc totum conuenit alicui personæ diuinæ; ergo alicui personæ diuinæ conuenit mitti. Maior

De missione diuinarum personarum. 677

ior quoad primam partem constar, nam missio dicitur exitum missi à mittentes, sed persona diuina non habet alium exitum à mittente, nisi secundum originem, & processionem æternam; ergo, &c. Tum quia missio in diuinis necessariò includit aliquid notionale, cū conueniat aliquibus personis diuinis, non omnibus; sed notionale pertinet ad æternam originem; g. &c.

7. Quod autem missio afferat secundam habitudinem, & est secunda pars illius maioris, probatur, quia persona diuina non intelligitur exire à mittente, nisi in ordine ad aliquem terminum, ad quem mittitur, & vt ibi producat aliquem nouum effectum, & sic quatenus mittitur, dicit habitudinem ad eundem terminum. Tum quia per missionem debet persona missa esse nouo saltem modo in termino, seu in re ad quam mittitur; ad hoc autem vt isto nouo modo sit ibidem, debet connotare nouum effectum à se productum, ac proinde debet afferri noua habitudo.

8. Sed obieciēs 1. quia secundum Dionys. Angelis superioribus non conuenit ad nos mitti ratione sue dignitatis, sed solum conuenit assistere Deo; ergo multo minus id competet diuinis personis. Resp. cum D. Tho. in 1. ad Anibald. diff. 15. q. vnicā art. 1. ad 3. concedendo antecedens, & negando consequens. ratio discriminis est, quia Angeli superiores non operantur circa nos, nisi medijs Angelis inferioribus; at diuinæ personæ immediatè circa nos operantur. Tum quia missio in Angelis denotat imperfectionem, quia locū mutant, quod non videtur cōuenire Angelis superioribus; at diuinæ personæ cū ad nos mittantur locum non mutant, cum tota mutatio fiat in termino, non in persona missa.

9. Obieciēs 2. quia persona quæ mittitur, non incipit esse nouo modo in creatura ex vi processionis, sed ratione effectus temporalis, quem tota Trinitas operatur; ergo ad missionem parum refert origo, seu processio, vt supponitur. Tum quia ad hoc vt Pater in humanis dicatur mittere filium ad aliquē effectum liberè præstandum ab eodem filio non sufficit, quod illi suam naturam communicauerit

imò hoc per accidens se habet, sed requiritur aliquis moralis influxus, quo per impetum, consilium, aut preces inducat filium ad liberam eiusdem effectus executionem; ergo ad hoc vt in diuinis Filius dicatur mitti à Patre, non sufficit, quod illi communicet naturam per processionem æternam, sed hoc per accidens se habet, sed alius influxus requireretur, ratione cuius diceretur ire ad terminum missionis, qui in diuinis videtur repugnare. Respond. quod dato quod ille effectus ratione cuius persona missa dicitur nouo modo esse increatura, sit à tota Trinitate; non inde tamen sequitur, quod non pertineat per se ad rationem missionis, & productionis dicti effectus, quod persona missa non procedat à persona mittente; quia persona missa non produceret dictum effectum, nec esset nouo modo in termino missionis, nisi hoc haberet sibi communicatum per æternam processionem, à persona mittente. Nam persona missa sicut habet naturam à mittente communicatam, ita habet potentiam operatiuam ad extra, vt velle liberum, &c. communicatam. Ad probationem dico, quod vbi in humanis sufficiunt influxus, imperium, consilium, preces, quæ possunt aliunde haberi, ratione imperfectionis huius missionis, quam à communicante naturam, in diuinis hoc, quod est poni in termino missionis non potest aliunde haberi, quam per processionem, quæ processio nostro modo intelligendi habet quasi vim fluxus vt persona missa ponatur in in termino missionis, & effectum inibi producat.

10. Obieciēs 3. quia missio non est idē ac processio, nec missus est idē ac productus: imò missio sumitur pro legatione, & missus dicitur legatus. Vnde de Filio dicitur Abdix 1. Audistis audiuius à Domino, & legatum ad Gentes missi Vbi glossa interlin. ait Legatus est. Christus Dominus qui mittitur; sed de ratione legationis non est processio secundum originem; ergo nec de ratione missionis. Respondetur quod licet missio non sit idem ac processio, illam tamen supponit, vt ex dictis colligitur

tur. Deinde non est verum, quod missio sit idem, ac legatio, & missus sit idem, ac legatus, quia legatus non habet propriam, & ordinariam potestatem, sed ad tempus communicatam. At Filius habet illam propriam, ordinariam connaturalem, quia non voluntarie, non liberè, sed naturaliter, & necessitati communicatur illi à Patre. Quod autem Christus D. dicatur ab illa glossa legatus, intelligi debet vel latè, vel in quantum homo.

11 Obijcies 4. quia non videtur verum, quod dictum est, quod missio in diuinis dicat aliquid notionale, quia id, quod connotat aliquem effectum ad extra, est essentiale, non notionale; quod enim à tota Trinitate causatur essentiale est, non notionale; ille autem effectus vt dictum est, à tota Trinitate causatur, cum sit aliquid ad extra. Tum quia si missio diceret aliquid notionale, tunc notiones essent plures quam quinque; nam in primis missio secundum se, & absolute, esset quadam notio communis Filio, & Spiritui Sancto. Deinde darentur duæ quasi species missionis; vna conueniens Filio, alia Spiritui Sancto. Resp. hoc argumentum solum probare, quod missio includat & aliquid notionale, & aliquid essentiale; sunt enim in diuinis aliqua, quæ vtrique includunt, sicut potentia generatiua, spiratiua, &c. Sic ergo missio vtrumque dicit de principali tamen dicit quid essentiale, scilicet rationem substantiæ communicatæ, deinde rationem originis, quia nequit esse auctoritas in mittente, nisi quatenus missus procedit à mittente, & hoc secundum substantiam. Ad probationem dico, non multiplicari notiones. Nam si missio sumatur generaliter, vt dicit missionem diuinam vt sic, tunc non affert nouam notionem communem Filio, & Spiritui Sancto, quia missio sic generaliter accepta, non est aliquid commune communitate rei, sed rationis tantum, ac proinde non constituit nouam notionem. Quod si accipiatur pro missione peculiari Filij v.g. tunc Filius vt missus, quoad id, quod notionale est, coincidit cum se ipso vt procedens.

D V B I U M II.

An missi conueniat cuilibet persona diuina; an vna persona missi possit sine alia; an persona missi possit ab illa, à qua non procedit.

12 **R**em totam sequentibus conclusionibus explicabimus. Prima conclusio. *Patri non conuenit mitti.* Sic D. Tho. in hoc art. 4. & omnes Theologi cum eo. Sic etiam tradunt Sancti PP. & Pater Patrum Sanctus August. lib. contra sermonem Arianorum cap. 4. vbi sic fatetur. *Solus Pater legitur non missus, quia solus non habet auctorem, de quo sit genitus, vel à quo procedat.* Ex quo testimonio sequens formatur ratio, quia in omni missione poni debet aliqua auctoritas mittentis admissum; sed in diuinis personis nulla datur auctoritas, nisi secundum originem; ergo nulli personæ diuinæ conuenit mitti, nisi illi, quæ est ab alio, respectu cuius potest in alio poni auctoritas. Hanc rationem tradit S. Thomas hic art. 4. & in 1. dist. 15. q. 2. art. unico. Et sic cum Pater non sit ab alio, illi non conuenit mitti. Tum quia omne mobile, reduci debet in aliquid primum immobile; ergo etiam omne missum, reduci debet in aliquid primum mittens, non missibile; ergo cum in diuinis Filius, & Spiritus S. mittantur, deueniendum est ad Patrem mittentem, non missum, neque missibilem.

13 Sed obijcies 1. quia Patri in diuinis conuenit dari, venire, & inhabitare, iuxta illud. *Ad eum veniemus, & mansionem apud eum faciemus.* Ergo etiam conueniet mitti. Resp. concedendo antecedens, & negando consequens. Rationem discriminationis assignat S. Doctor in 1. dist. 15. q. 1. art. 1. quia datio non importat distinctionem dati, & dantis; quia idem potest dare se ipsum. At missio importat distinctionem missi, & mittentis. Deinde aduentus, seu inhabitatio conuenit toti Trinitati, quia non dicuntur nisi ratione effectus

fectus contingentis ipsi Trinitati, licet effectus ratione appropriationis, magis ducat in vnam, quam in aliam personam. At missio cum dicat auctoritatem, quæ in diuinis non habetur nisi ratione originis, sequitur, quod non Patri, sed alijs tantum personis conueniat.

14 Obijcies 2. quia sicut dona Filio, & Spiritui S. appropriata, sunt communicabilia creature, vt sapientia, & bonitas, ita etiam dona appropriata Patri sunt communicabilia, vt potentia; ergo sicut ratione illorum donorum, Filius, & Spiritus S. dicuntur mitti, ita ratione potentia, dicitur mitti Pater. Resp. quod Filius, & Spiritus S. dicuntur mitti ratione dictorum donorum, non tamen Pater ratione potentia, quia vt aduertit S. Doctor *diff. citata q. 2. art. unico ad 3. potentia quæ appropriatur Patri habet rationem principij, ac proinde non pertinet ad missionem, quæ fit ad reuocandam creaturam rationalem in Deum.*

15 Obijcies 3. quia persona diuina dicitur mitti, quia esse incipit in creatura nouo modo, sed hoc etiam conuenit Patri; ergo, &c. Resp. quod ad missionem, non sufficit nouus modus essendi, sed vltcrius requiritur, quod sit tali modo, scilicet ob auctoritatem mittentis.

16 Secunda conel. *Non potest vna persona diuina mitti sine alia, vt Filius sine Spiritu S. & c. contra.* Sic S. Doctor *hic art. 5. ad 3. & in 1. diff. 15. q. 4. art. 2. & ad Anibald. q. unica art. 5. & eius discipuli, & alij communiter.*

17 Probatur 1. quia missio Filij, & Spiritus S. tam quoad primam habitudinem, scilicet quoad ordinem originis, quam quoad dona, quæ ab ipsis causantur in illis ad quos mittuntur, sunt necessario connexæ; ergo non potest vna persona mitti sine alia. Antecedens probatur, nam in primis quoad ordinem originis certum est missionem Filij, & Spiritus S. inter se esse connexas; origo namque Verbi & Spiritus S. habent inter se necessarium & indissolubilem nexum. Deinde idem conuenit quoad dona in quibus hæ perso-

næ mittuntur; quia Spiritus sanctus mittitur in dono gratiæ sanctificantis, in quo etiam Filius mittitur, & nequit hoc donum causari à Filio, quin causetur à Spiritu sancto, & c. contra. Bene verum est, quod gratia vt est radix intelligendi tribuitur Filio, & vt est radix amandi appropriatur Spiritui S.

18 Probatur 2. quia licet notitia, & quæ ad intellectum pertinent approprientur Filio, & in istis dicatur Filius mitti, tamen hæc notitia debet esse perfecta. Et ad quam sequatur amor, & talis conditionis esse debet, vt sit radicata in gratia sanctificante; & licet amor in quo mittitur Spiritus S. pertineat ad voluntatem, tamen debet esse perfectus, & radicans in gratia, in qua & notitia radicans; ergo nequit fieri missio vnus personæ sine alia. Tum quia amor sequitur notitiam, & notitia perfecta semper inducit amorem, vt obseruat S. Doctor *dicta diff. 15. q. 4. art. 2.* Tum etiam quia Filius, tunc mittitur, cum sapientia datur, sapientia autem est primum donum Spiritus S. vt obseruat idem S. Doctor *loco cit. ad Anibald. art. 5.* vbi hoc confirmat ex illo Ioan. 16. vbi de Spiritu S. dicitur. Doccebit vos omnem veritatem, docere namque veritatem appropriatur Spiritui S.

19 Sed obijcies 1. quia videmus sensibilibiter, quosdam simplices esse feruentes in amore diuino, qui tamen sunt valde hæbetes in cognitione diuinæ sapientia, & c. contra; ergo fit missio Spiritus S. per amorem, sine missione Filij per donum sapientia, & c. conuerso, Resp. quod vbi amor diuinus est feruens, etiam eius notitia, seu etiam notitia diuinæ bonitatis debet esse perfecta; & vbi hæc conceditur, etiam amoris ebullitio dabitur.

20 Obijcies 2. quia missio diuinæ personæ fit secundum gratiam gratum facientem; sed dona ad intellectum pertinentia, quæ appropriantur Filio non pertinent ad gratiam gratum facientem; ergo in illis non dicitur mitti Filius. Maior constat. Minor probatur, quia dona intellectus sunt communia bonis, & malis,

ut dicitur 1. Cor. 1. Resp. concedendo maiorem, & negando minorem, quando illa dona habentur perfecte; dona namque intellectus perfecte habita, sunt solum propria habentium gratiam gratum facientem.

21 Obijcies 3. quia si istæ duæ missiones essent inter se necessario connexæ, haberent inter se aliquem ordinem prioris, & posterioris; sed non habent; ergo. Maior constat. Minor probatur, quia missio Filij non potest esse prior ex eo, quod aliàs Spiritus S. non esset primum donum. Neque missio Spiritus S. potest esse prior, quia ea quæ pertinent ad intellectum sunt priora illis, quæ pertinent ad voluntatem. Resp. quod missio Filij ex parte exitus, seu originis, est prior missione Spiritus S. ut patet. Si autem, missio consideretur ex parte donorum, ea, quæ pertinent ad notitiam, sunt priora illis, quæ pertinent ad voluntatem. Quod si conderentur dona ex parte dantis, cum primum mouens, & inclinans ad dandum sit amor, sequitur, quod datio Spiritus S. sit prior datione Filij, & in hoc sensu dici potest, quod Spiritus S. sit primum donum.

22 Tertia concl. Si missio sumatur secundum primariam eius translationem à creaturis ad diuina, tunc persona missa solum potest mitti ab ea, à qua essentialiter procedit. Quod si accipiat secundum translationem secundariam ad diuina, tunc una persona potest mitti ab illa à qua non procedit, ut Filius à Spiritu S. Huius conclusionis sensus est, quod si missio sumatur, prout significat, quod persona mittens, est principium personæ missæ, tunc persona mitti non potest, nisi ab illa à qua procedit. At si missio accipiat, prout significat, quod persona mittens est principium solius effectus ratione cuius dicitur fieri missio, tunc missio fieri potest etiam à persona à qua persona missa non procedit, ut Filius à Spiritu S. Prima pars huius conclusionis, constat ex dictis, secunda colligitur ex illo Isa. 48. *Et nunc Dominus Deus misit me, & Spiritus eius.* Pro hac conclusione referunt Salmant. mul-

tos Sanctos Patres; plura D. Thomæ testimonia, & communiter tenetur.

23 Probatur 1. quia ad hanc missionem tantum requiritur ex parte personæ missæ, quod ab alia æternaliter procedat & quod nouo modo sit in re, ad quam mittitur, ratione noui effectus producti; & ex parte mittentis, sufficit, quod sit principium noui effectus, ratione cuius persona missa dicatur esse ibidem nouo modo, & manifestari, quantum est ex parte effectus producti, ac proinde, quod persona mittens influat quodammodo in personam missam, non quidem secundum substantiam; sed prout peculiariter est in loco missionis ratione effectus; sed hoc habet Spiritus S. respectu Filij; ergo Spiritus S. hoc modo dicitur mittere Filium. Minor patet, quia in Spiritu S. dantur illa duo in maiori recensita. Maior probatur, tum quia sic saluantur loca scripturæ, sanctorumque Patrum testimonia quod scilicet Filius à Spiritu S. mittatur. Tum etiam quia potest huius acceptionis, reddi sufficiens congruentia, quia sicut ad primariam translationem missionis à creaturis ad diuina, requiratur, quod persona missa sit de de nouo in creatura, ad quam mittitur, & quod sit æternaliter ab alia. Ita ad missionem secundum secundariam translationem, & deficientem ab illa primaria, non requirantur omnia prædicta, sed decet idem quo primaria excedit secundariam, scilicet, quod persona missa non sit secundum substantiam à persona mittente, sed ratione noui modi essendi in re ad quam fit missio.

24 Probatur 2. quia ex eo, quod Filius mittatur ista missione à Spiritu S. solū significatur, quo Filius qui à Patre procedit, factus est existens in creatura per gratiam; sed Spiritus S. influit in hoc coniunctū, licet Filius nō procedat à Spiritu S. ergo hoc modo dicitur, quod Spiritus S. mittat Filium. Minor probatur, quia sicut ad attingendum hoc coniunctū scilicet parietem esse album, nō est necessarium, quod attingens illud producat parietem, sed quod parietem iam productum faciat album. Ita ad hoc, quod Spi-

Spiritus S. attingat hoc coniunctum, nepe, quod Filius à Patre æternaliter procedens fiat existens in creatura per gratiam, non est necesse, quod procedat à Spiritu S. sed sufficit, quod Filius æternaliter à Patre productus existat in creatura per gratiam, eadem gratiam producendo. Hanc rationem adducit S. Doctor in 1. ad Ambald. q. unica art. 4. & alibi. Ex quibus patet non bene Suarez lib. 12. d. Trinitate cap. 3. num. 6. dicere, quod hæc acceptio missionis non sit accipienda necessariò neque de mente Augusti. neque ex usu sacræ scripturæ, quia verbū mittendi semper inuoluit processionem, & distinctionem aliquam realem missi à mittente. Tum quia impropria est, & scriptura cum proprietate est intelligenda, ubi aliud non constat. Non inquam hoc bene dicit. Nam quantum ad scripturam, constat ex testimonio Ista: adducto, quod de missione Filij à Spiritu S. interpretantur D. Hierony. ibid. D. Ambros. lib. 3. de Spiritu S. cap. 1. D. Chrysost. hom. de Sancto, & adorando Spiritu. D. Aug. 2. de Trinitate cap. 5. D. Athanas. lib. 2. contra Arianos, & alij communiter. Quantum ad D. Augustinum constat ex modo dictis, & quia pro ista explicatione, & sententia cum citat S. Doctor in 1. diff. 15. q. 3. art. 2. Quantum ad alios, constat ex dictis à nobis duobus precedentibus.

25 Sed obieciſ 1. quia si ad hanc missionem non requiritur, quod persona missa procedat à mittente secundum substantiam, sequeretur, quod neque deberet procedere ab aliqua alia, 'ac preinde etiam Pater diceretur mitti hoc est falsum; ergo. Resp. negando sequelam, nam ad hoc ut Spiritus S. dicatur mittere Filium in effectu producto in creatura, requiritur, quod prius intelligatur exire à Patre, ut fiat ab illo existens à creatura. Vnde tunc Filius & à Patre mitti dicitur, & à Spiritu S. modo explicato. At Pater cum non exeat ab alio, non potest intelligi fieri existens creaturæ nisi à se, ac proinde non intelligitur mitti.

26 Obieciſ 2. quia si missio in hac acceptione usurparetur in Scriptura, & à Patribus, non rectè deduceretur Spiritum

S. procedere à Filio, ex eo, quod ab eodem mittitur; hoc est falsum, ergo. Sequela probatur, quia illa testimonia possent exponi de hac missione, ex qua non colligitur, quod Spiritus S. procedat à Filio. Resp. negando sequelam, ad probationem dicendum, quod illa testimonia intelligi debeant de missione in primaria significatione. Rationem assignat S. Doctor opuscul. 1. contr. err. Græcorum, quia loca scripturæ significant veram processionem, ut est illud: *de meo accipiet*, quod significat ortum secundum substantiam, & non solum ratione effectus.

D V B I V M III.

An missio rectè diuidatur in visibilem, & in inuisibilem, an utræque Filius & Spiritus S. mittantur, & an utraque sit temporalis.

27 **V**era, & communis Theologorum sententia sequentibus conclusionibus explicatur. Prima conclusio. *Missio diuinarum personarum, rectè diuidatur in visibilem, & in inuisibilem.* Missio visibilis ea est, quæ fit aliquo signo visibili, seu sensibili interioris aduenius; quo modo in die Pentecostes venit Spiritus S. Vel illa dicitur missio visibilis, cum terminus temporalis missionis est aliquid sensibile, qua ratione dicitur ad Gal. 4. *Misti Deus Filium suum, factum ex muliere.* Missio inuisibilis, illa dicitur, per quam producitur effectus internus, absque aliquo signo sensibili externo, quo modo Filius, & Spiritus S. mittuntur ad animam per gratiam. Ratio huius concl. est, quia tot sunt missiones, quot sunt termini illius, sed termini, vel sunt visibiles, vel inuisibiles, ergo missio alia erit visibilis, alia inuisibilis.

28 Sed obieciſ 1. quia missio visibilis non potest conuenire diuinæ personæ; ergo non datur. Antecedens probatur, nam missio in diuinis repetitur, secundum quod persona diuina aliquo nouo modo est in aliquo, quo prius non fuit, sed in nulla creatura visibili potest esse aliquo modo

R r r

modo

modo, quo prius non fuerit; ergo &c. Maior constat. Minor probatur, quia persona divina est in omnibus creaturis per essentiam, potentiam, & presentiam, & in sanctis mentibus per gratiam, quo modo in aliquo visibili corpore esse non potest; ergo &c. Resp. negando antecedens. Ad probationem dico, quod divina persona est in creaturis visibilibus etiam alio modo, scilicet sicut in signo. Aliter tamen, & aliter in Filio, & in Spiritu S. quia in missione Filij creatura visibilis se habet non solum ut per quod, vel in quo ostenditur missio, sed etiam ut ad quod fit missio; naturam namque humanam assumpsit Filius in unitate personæ, secundum quam assumptionem visibiliter in carnem mitti dicitur, per unionem non tantum in anima, sed etiam in carne. At in missione visibili Spiritus S. creatura visibilis non se habet ut ad quod fit missio, sed ut ostendens missionem inuisibilem, ac proinde sicut in signo.

29 Sed dices, quia omnis effectus representans suam causam, est signum illius; sed omnes creaturæ representant Deum tanquam causam, per imaginem, aut vestigium; ergo secundum quod Deus visibiliter mittitur in omnibus creaturis. Tum quia res omnes essent sacramenta, quia de ratione sacramenti est, quod sit signum in quo sit Deus sicut in signo visibili; ergo &c. Resp. quod licet omnis creatura representet Deum, seu significet Deum esse, non tamen significat cum esse per gratiam in aliquo, nisi ad hoc specialiter instituat, sicut ad hoc fuerunt instituta, & causata lingue igneæ in die Pentecostes. Ad probationem dico, quod sacramenta non sunt quæcunque signa, sed practica, & gratiam causantia, & non solum signantia, ut in *trac. de Sacram. in genero* ostendo.

30 Obijcies 2. quia ex nostra ratione sequi videtur, quod dari debeat tertium membrum missionis, scilicet missum ex visibili, & inuisibili; hoc videtur falsum, ergo &c. Sequela probatur, quia ideo datur missio purè inuisibilis, quia infert solummodo effectum inuisibilem. Et ideo datur missio purè visibilis, quia infert ef-

fectum sensibilem, qualis fuit illa quæ Spiritus S. apparuit in Iordane dū Christus D. baptizaretur; ibi namque non fuit effectus inuisibilis gratiæ, in qua inuisibilis fit missio, ut dub. seq. dicitur; ergo etiam datur missio missa, quia datur aliqua, quæ infert tam effectum visibilem, quam inuisibilem, ut fuit illa quæ Spiritus S. apparuit in die Pentecostes, ubi & signum visibile, & gratia inuisibilis data sunt. Resp. negando sequelam, quia missio visibilis nil aliud est, quam ipsa inuisibilis, connotando exteriorem indicationem gratiæ causatæ per missionem inuisibilem, quæ per missionem visibilem significatur. Ad probationem ex exemplo missionis Spiritus S. in specie columbæ super Christum D. in Iordane, dico, quod ad missionem visibilem, non est necesse, quod manifestetur per illam effectus gratiæ de nouo causatus, sed sufficit, quod manifestetur descendus Spiritus S. qui factus fuit in anima Christi tempore conceptionis, & perseveret, & immobiliter maneat quando significatur. Quare tunc manifestata fuit unctio Spiritus S. in conceptione facta.

31 Secunda conclusio. *Persona, quæ mittuntur tam visibiliter, quam inuisibiliter, sunt Filius, & Spiritus S.* Sic tradunt omnes Theologi; unde S. Doctor *hic art. 6.* docet ex D. Aug. quod harum diuinarum personarum missio fiat ad omnes, qui sunt diuinæ gratiæ participes. Deinde Filius visibiliter in carne apparuit; sicut & Spiritus S. in die Pentecostes, & aliis. Ratio autem quare dictæ personæ diuinæ debuerint visibiliter, & inuisibiliter apparere, assignatur à D. Tho. *hic art. 7.* quia Deus prouidit secundum vniuersumque modum; modus autem connaturalis hominis est, ut per visibilia, ad inuisibilia manuducatur; unde per visibiles missiones diuinarum personarum, cognoscuntur inuisibiles.

32 Sed obijcies 1. quia si ratio dicta probaret, conuinceret etiam, quod Filius & Spiritus sanctus eodem modo missionis visibiliter mitterentur, ac proinde sicut Spiritus S. mittitur missione visibili ratione creaturarum irrationalium, ut lingua-

rum,

um, columbæ, nubis lucidæ, &c. ita etiã Filius, quod tamen est falsum, ergo &c. Resp. quod si attendamus ad naturam, & conditionem hominis, qui petit manuduci ad diuina per visibilia, non sibi determinat magis has, quam illas creaturas visibiles, sed per omnes potest manuduci. Cæterum si attendamus ipsarum creaturarum missarum naturas, congruum fuit, quod Filius mitteretur missione visibili, in creatura rationali, hypostaticè sibi vnita, non Spiritus S. Nam Filio in quantum est principium Spiritus S. competit mitti vt sanctificationis auctorem, at Spiritui S. competit mitti tanquam sanctificationis signum, seu indicium. Et sic Filio competit missio in natura rationali cuius est agere, & cui potest competere sanctificari, & Spiritui S. competit missio in creaturis irrationalibus, in quibus competit sanctificationem significare, non sanctificari.

33 Obijcies 1. quia Filius Isa. 6. dicitur missus sub specie carbonis igniti ad purificandum eundem Isaiam, vt tradunt N.S.P. Cyrillus lib. 1. in Isa. cap. 6. & S. Iustinus Martyr q. 44. ad Gent. & tamen apparuit vt sanctificationis auctor, vt colligitur ex illis verbis: *Eccce tetigit hoc labia tua, & auferetur iniquitas tua.* Tum quia etiam Spiritus S. venit super discipulos vt auctor gratiæ eorum; illorum namque gratiam auxit, & in bono eos confirmauit. Tum etiam quia in visionibus visibilibus in quibus mittitur Spiritus S. mittitur etiam Filius vt constat, quia non mittitur vna persona sine alia; ergo &c. Resp. cum D. Tho. in 1. diff. 16. q. 1. art. 1. ad 3. & hic art. 7. quod Filius non fuit missus sub specie illa carbonis; illa namque visio Isaiæ fuit imaginaria, missio autem visibilis non fit per visionem imaginariam, sed per formas corporales, & visibiles ad ostendendam gratiam propter vilitatem aliorum; quocirca ille carbo fuit quædam figuratio, vel reuelatio Filij, non missio eius visibilis, & hoc volunt N. Cyrillus, & Iustinus. Ad 1. probat. dico, quod licet Spiritus S. fuerit etiam auctor illius sanctificationis, non tamen primus auctor, hic enim est Filius, vt ex dictis con-

stat. Ad 2. probationem dicendum, quod tamen Filius etiam mittatur in missionibus visibilibus in quibus mittitur Spiritus S. tamen illæ missiones visibiles non representant per se primò Filium, sed Spiritum S.

34 Tertia concl. *Vtraque missio tam visibilis, quam inuisibilis, est temporalis, non æterna.* Hæc conclusio certa est, & colligitur ex illo ad Gal. 4. *Cum venis plenitudo temporis, misit Deus Filium suum.* Ratio clara est, quia ad rationem missionis requiritur tñ processio personæ æternæ missæ; tum nouus, & specialis modus essendi in creatura, ratione noui, & specialis effectus in ea producti; sed hic nouus effectus non potest non esse temporalis; ergo & missio, quæ per se illum requirit, erit temporalis. Tum quia creatio, & iustificatio actiua licet sint actus æterni Dei, tamen quia non sunt ipsi actus secundum se sumpti, sed prout inferunt effectum, & significant per modum abstractorum, ideò non dicuntur æterni; ergo similiter, licet missio sit ipsa æterna processio personæ diuinæ, siue eam includat, tamen quia illam non dicit secundum se, sed vt attingit effectum temporalem, ideò non debet dici æterna, sed temporalis. Antecedens constat, quia dicti actus ratione abstracti faciunt talem appellationem, vt denotent, quod vt attingunt actum, & in exercitio suos effectus, non sunt æterni. Consequenter probatur, quia missio vt actus, & in exercitio attingit suum effectum, vel terminum, non potest dici æterna; ergo, &c. Tum etiam quia ea, quæ important originem diuinarum personarum, vel dicunt solam habitudinem ad principium, vt processio, & exitus, debent esse æterna, quia quicquid dicunt, est æternum. At ea, quæ cum habitudine ad principium, dicunt etiam terminum, tunc si terminus est æternus, sunt æterna, sicut generatio Verbi, & processio Spiritus S. Si verò terminus est temporalis, vt sunt missio, datio diuinarum personarum, creatio, iustificatio, incarnatio, &c. tunc dicuntur temporales.

35 Sed obijcies, quia, signato Christo, absolutè dicitur, hic homo est æternus.

Rrrr 2 nus.

nus, quia Christus D. affert suppositum, quod est æternum, licet dicat terminum scilicet humanitatem temporalem. Ergo etiam missio dicitur æterna cū dicat emanationem æternam, licet dicat terminum temporalem. Resp. concedendo antecedens, & negando consequens. Ratio discriminis patet ex dictis, quia hic homo, signato Christo, est concretū substantiū, ac proinde supponit pro persona, seu supposito, quod est æternum, ac proinde illa propositio vera est. At missio non supponit pro persona, neque pro processione æterna, cum sit substantiū abstractū, sed prout inserit effectum temporalem, ac proinde non potest dici æterna, nisi cum addito, prout dicit processionem æternam.

D V B I U M IV.

An missio inuisibilis diuinarum personarum solum fiat per dona gratiæ sanctificantis, an etiam per alia dona.

36 **P**er gratiam sanctificantem, seu per dona gratiæ sanctificantis, non intelligimus solam gratiam sanctificantem, quæ est accidens, & per quam homo solum accidentaliter sanctificatur; sed etiam intelligimus gratiam sanctificantem substantialem, vt est gratia vnionis Verbi cum humanitate, per quam substantialiter est sanctificata. Et per missionem diuinarum personarum, intelligimus missionem earum absolutè, & simpliciter talem, non missionem secundum quid tantum.

37 Prima sententia tenet, quod ad missionem inuisibilem diuinarum personarum, non requiratur infusio gratiæ sanctificantis, & donorum ipsius. Pro hac sententia referri solet Caiet. *his art. 3.* & alij, apud Suarez 11. de Trin. cap. 5.

38 Nostra sententia seq. conclusionem explicatur. *Diuina persona non mittuntur inuisibiliter, missione simpliciter tali, nisi per dona gratiæ sanctificantis, non per alia dona.* Colligitur hæc conclusio ex sacra scriptura. Sap. 1. dicitur. *In maluelam animam non introibis sapientia.* Prou. 15.

scribitur. Longe est Dominus ab impijs. Plura alia sacre scripturæ loca, & Sanctorum Patrum testimonia adducunt Salmasius hoc loco. Vnde hanc conclusionem tradunt D. Thomas, eius discipuli, & alij communiter. Ratio fundamentalis est, quia de diuinis personis, earumque missione non possumus melius sentire, quam secundum id, quod ex scriptura, & Patribus habemus; sed habemus, quod diuinæ personæ non mittuntur nisi ratione gratiæ sanctificantis, vt ex testimonijs nuper relatis habemus; ergo.

39 Probatur deinde ratione primò, quia processiones diuinarum personarum ad creaturas, seu missiones diuinarum personarum, sunt respectu creaturarum rationes exeundi à Deo vt à principio, & redeundi in ipsum, vt in vltimum finem; sed non sunt rationes exeundi à Deo vt causat dona naturalia, nec redeundi ad Deum vt finem naturalem; sed per dona supernaturalia gratiæ sanctificantis; ergo, &c. Maior patet, nam propterea in exitu creaturarum à Deo inuenitur, vt loquitur D. Thomas, quædam circulatio, quædam regyratio, eo quod reuertantur in id, vnde exierunt; ergo missio diuinarum personarum erunt rationes exeundi à Deo, vt à principio, & redeundi ad Deum vt ad finem. Minor probatur, quia missio diuinarum personarum ad creaturas rationales non fit vt hæ creaturæ uiuantur cum Deo vnione imperfecta, sed perfecta; at imperfecta habetur per creationem, ergo perfecta per dona gratiæ, haberi debet per missionem.

40 Probatur 2. quia missio diuinarum personarum inuisibilis, de qua loquimur, præter exitum, & processionem æternam à principio, dicit, quod persona missa sit nouo, ac speciali modo in re ad quā mittitur per effectum ibidem productum; sed diuinæ personæ nequeunt hoc nouo, ac speciali modo esse in re ad quam mittuntur, nisi per effectum gratiæ sanctificantis, eiusque donorum; ergo non nisi per hæc missio inuisibilis fieri potest. Maior constat, cum enim personæ diuinæ nequeant esse in re missa per mutationem ipsarum, de.

De missione diuinarum personarum. 685

debent esse per mutationem rei ad quam mittuntur; quæ non nisi per noni effectus productionem esse potest. Minor probatur, & explicatur, afferendo modos quibus Deus potest esse in creaturis. Nam Deum esse in creaturis, dicit vnionem, seu coniunctionem cum illis, sed tribus tantum modis potest cum illis vniri, seu coniungi, ergo, &c.

43 Primus modus quo Deus est in creaturis, & vnitus cum illis, est sicut causa est in suo effectui, seu sicut causa vnitur suo effectui; nam quicquid est in creaturis producit, & conseruat à Deo, vt à primo efficiente, & iste modus appellatur modus essendi Dei in creaturis per essentiam, præsentiam, & potentiam; sed modus iste cum sit generalis, non est sufficiens ad missionem, quæ modum specialem requirit. Secundus modus essendi Dei in aliqua re, specialis est, & est ille, quo personalitas est in natura quam terminat, eique vnita, & intimè coniuncta, est, quo modo Verbum diuinum est in natura assumpta per gratiam substantialè vnionis hypostaticæ, quæ vnio potest etiam esse cum creaturis irrationalibus. Tertius specialior quo Deus solum potest esse in creaturis rationalibus, sicut cognitum in cognoscente, & amatum in amante, ad quod necessariò requiritur gratia sanctificans, & dona illius, per hæc enim persona diuina est in creatura rationali per vnionem perfectissimam, ergo, &c.

44 Probatur 3. nam lequendo non de missione in natura assumpta à Verbo diuino facta, sed de illa qua Deus est in creatura rationali, quo modo cognitum est in cognoscente, & amatum in amante, requiritur gratia sanctificans, charitas, & alia gratiæ dona. Nam adhuc vt persona missa sit in creatura rationali tanquam amatum in amante, requiritur, quod sit in illa tanquam in amante eo amore secundum speciem, quo persona missa, & eius merita possunt amari, aliàs non esset ibidem modo connaturali, nec illa missio fieret modo connaturali; sed persona missa, & merita illius requirunt non qualemcumque amorem, sed amorem à

gratia, & charitate manantem; ergo &c.

45 Probatur 4. quia personæ diuinæ specialiter missæ ad creaturas rationales debent esse in illis mediante speciali earum inclinatione ad Deum, personæque diuinæ vt in vltimum finem; modus namque iste specialis quo Deus est in creaturis rationalibus vt amatum in amante, debet esse per modum vltimi finis, seu inclinationis in vltimum finem, sed hæc inclinatio in Deum vltimum finem habetur à gratia, & charitate, ergo, &c.

46 Ad hæc rationes occurrit potest doctrina aduersariorum, quod ad hoc vt Deus sit speciali modo in creaturis, seu adhuc vt personæ diuinæ sint modo speciali in creatura rationali mediante inclinatione, & amore in Deum vt vltimum finem, sufficit, quod creatura sit ordinata in Deum vt vltimum finem naturalem, & ei communicentur dona ordinis naturalis; ergo non requiritur gratia, donaque illius. Sed contra, quia ex sacra scriptura, & Patribus habemus, quod missio Spiritus Sancti, verbigratia, solum fiat per gratiam sanctificantem, ac proinde per ordinationem in Deum auctorem supernaturalem; ergo, &c. Tum quia modus specialis quo diuinæ personæ sunt in creatura rationali est per modum finis vltimi absolutè, & simpliciter, qui est supernaturalis. Deinde creatura eleuata in finem supernaturalem, non potest solum esse conuersa in Deum auctorem naturæ; eo namque ipso, quod est auersa à Deo auctore supernaturali, debet etià esse auersa à Deo auctore naturaliali, habet ergo duos vltimos fines. Tum etiam quia modus essendi specialis in creatura per modum vltimi finis, infert eam esse templum Dei, vbi colitur per modum vltimi finis; non potest autem esse templum Dei, nisi per dona gratiæ sanctificantis, ergo. Tum deinde, quia hæc specialis missio diuinarum personarum, vnio, & coniunctio earum, cum sit perfectissima, debet competere creaturæ rationali secundum partem supremam, & eminentissimam illius, secundum quod est perfectibilis per dona supernaturalia, quibus redeat in Deum vltimum

timum finem; ergo. Tum deniq; quia iste modus specialis diuinæ missionis ad creaturam rationalem, importat, quod Deus, ipsæque personæ missæ habeantur, & possideantur à creatura; sed ad hoc requiritur gratia sanctificans, & conuersio per illam in Deum vt vltimum finem supernaturalem; ergo. Maior constat. Minor probatur, quia illud habere dicimus, quod possidemus, quod videre possumus, quo vti valeamus, si ad vltimum pertineat, & si ad finem, frui; sed solum per gratiam sanctificantem datur posse radicaliter videndi Deū, eoq; perfectè frui in alia vita; g. &c.

44 Sed obijcies 1. quia ad hoc vt Deus sit in omnibus rebus per essentiam, præsentiam, & potentiam non requiritur gratia sanctificans; ergo neque vt habeatur illo modo speciali. Resp. concedendo antecedens, & negando consequ. quia ille modus communis quo Deus est in omnibus rebus, non tribuit illis propriè, quod sint habentes Deum, sed quod Deus actione sua contineat illas, producendo, & conseruando earum esse. At per istum modum specialem, Deus habetur à creaturis, & est in illis per modum amati in amante. Quare dona gratiæ sanctificantis possunt considerari dupliciter. Primò per modum effectus, & tunc Deus habet rationem causæ efficientis. Secundò prout creatura medijs illis tendit in Deum vt in finem vltimum supernaturalem, cognoscendo, & diligendo ipsum, ac proinde vt illis medijs Deus est speciali modo in creatura per modum cogniti in cognoscēte, & amati tanquam vltimus finis in amante. Modus specialis huius missionis consideratur hoc posteriori modo, non priori.

45 Obijcies 2. quia Deum esse speciali modo in creatura vt amatum in amante, solum exigit ipsum actum amoris, ac proinde Spiritus S. v. g. non erit hoc speciali modo in creatura rationali, nisi quādiu durauerit prædictus amor, & sic non erit hoc speciali modo in parvulis baptizatis in quibus non est Deus tanquam cognitum in cognoscēte, neque tanquam amatum in amante; sed si semel esset, de-

beret esse tanquam cognoscibilis in cognoscituo, & tanquam amabilis in amatiōe. Tum quia ad hoc vt dicatur, quod Deus est in creatura tanquam amatum in amante, sufficit, quod sit in voluntate, per charitatem, non in essentia animæ per gratiam; ergo. Resp. quod ad hoc vt Deus dicatur esse in creatura rationali vt amatum in amante, non est necesse, quod creatura cliciat, vel habeat actu actum amoris, sed sufficit quod habeat in habitu, & inclinatione ad ipsum, tanquam ad vltimum finem supernaturalem. Hæc autem inclinatio sequitur ad aliquam naturam, quæ alia non potest esse nisi gratia, & per hoc patet ad probationem in contrarium. Soluuntur argum. primæ sententiæ.

46 Primum argum. quia ad hoc vt Spiritus S. mittatur ad aliquem, sufficit, quod sit in illo nouo modo, quò antea non erat, sed sine infusione donorum gratiæ sanctificantis potest Spiritus S. esse de nouo in aliquo, vel dari eodem, ergo, &c. Maior constat. Minor probatur, nam Spiritus S. fuit in Virgine nouo modo tempore incarnationis Verbi, iuxta illud: *Spiritus S. superueniet in te*; potuit namque venire ad formandum Corpus Christi, sine dono gratiæ sanctificantis. Item, Christus D. dedit Spiritum S. Apostolis. *Accipite Spiritum S.* cum dedit illis potestatem remittendi peccata, quæ potestas dari potest sine infusione gratiæ sanctificantis, sicut & potestas eiciendi demonia, curandi infirmos, &c. Resp. concedendo maiorem, & negando minorem; ad probationem dico, quod Spiritus sanctus superuenit in Virgine per dona gratiæ per quæ fuit disposita ad gratiam maternitatis. Quod si de potentia absoluta, voluisset, quod B. Virgo fieret Mater Christi, sine gratia sanctificante, tunc Spiritus S. non fuisset simpliciter missus ad Virginem, sed secundum quid tantum. Ad illud, quod de alijs donis dicitur, dico, quod tunc datur simpliciter Spiritus sanctus quando illa dantur cum gratia sanctificante, secus datur solum secundum quid.

47 Secundum argum. quia omne donum, quod creaturæ confertur, ex liberalitate diuinę voluntatis confertur, sed amor est ratio conferendi ex liberalitate; ergo secundum quælibet dona dabitur amor, & in amore Spiritus S. Resp. quod licet in collatione donorum naturalium, & supernaturalium sine gratia sit magna liberalitas, non tamen est illa vltima, & perfecta quæ resplendet in ijs quæ nos ordinant ad vltimum finem supernaturalem, secundum quem solum attenditur specialis iste modus missionis: in alijs enim ad summum erit missio secundum quid.

48 Tertium argum. quia creaturæ in collatione cuiuslibet doni, habet aliquem respectum ad Deum, quem prius non habebat; ergo Deus nouo modo se habet in illa. Tum quia Filius non tantum procedit vt Verbum manifestans Patrem per modum cognitionis, verum etiā per modum naturæ, sed omnes creaturæ habent aliquam similitudinem Verbi, vt procedit per modum naturæ; ergo, &c. Tum etiam quia, dum nobis conferuntur dona supernaturalia, vt illustrationes, & inspirationes ordinis diuini, Deus est in nobis nouo modo, & non per gratiam sanctificantem; ergo, &c. Resp. quod ad missionem istam specialem non sufficit quæcumque relatio ad Deum, sed debet esse aliquid per modum habitus, quo cum Deo coniungamur tanquam cum vltimo fine, modo explicato. Ad 1. probationem dicendum, quod ad istam specialem missionem non sufficit quæcumque similitudo, sed talis, quod per eam creatura redeat ad Deum tanquam ad finem vltimum; illa autem similitudo potius pertinet ad exitum, quàm ad reditum. Ad 2. probationem dico, quod quando ille inspirationes dantur cum gratia sanctificante, per illas datur Spiritus S. simpliciter, secus secundum quid, vt ex dictis constat.

D V B I V M V.

An in missione inuisibili dentur solum dona gratia, an etiam ipsa personæ diuinæ.

49 Prima sententia est, quod personæ diuinę mitti possint ratione donorum, non tamen ipsæ personæ ratione sui, eo quod ipsæmet diuinæ personæ secundum suam substantiam non donentur; nec fiant intimè realiter, & substantialiter præsentibus illi, cui earum dona conceduntur. Sic aliqui relati à Magistro dist. 14.

50 Nostra sententia seq. concl. explicatur. In missione inuisibili diuinarum personarum non solum dantur, seu donantur dona gratia sanctificantis, sed simul donantur, & mittuntur ipsa personæ diuinæ, scilicet Verbum, & Spiritus S. Et sic dictæ personæ per intimam, veram, substantialem, & realem præsentiam, nouo, & speciali modo incipiunt habitare animam eius ad quem mittuntur. Vnde si per impossibile dictæ personæ non essent per essentiam, præsentiam, & potentiam in omnibus rebus, adhuc essent in anima iusti secundum suam substantiam, & personas substantialiter, & personaliter præsentibus, illamque hoc modo inhabitarent. Sicut dato per impossibile, quod Verbum diuinum non esset per immensitatem præsens humanitati Christi D. nihilominus eo ipso, quod est illi hypostatice vnitum debet esse illi intimè præsens modo speciali, & distincto ab eo, quo est in alijs rebus, & in iustis, quibus licet secundum suam substantiam, & personam sit intimè, & personaliter præsens, non tamen trahendo eorum naturas ad esse personale eiusdem Verbi; ita, &c.

51 Colligitur nostra conclusio ex varijs Sactæ Scripturæ testimonijs, præsertim ex Rom. 5. *Charitas Dei diffusa est in cordibus nostris per Spiritum sanctum qui datus est nobis.* Vbi distinguuntur, datio per donum charitatis, & datio Spiritus S. Vnde

Vnde S. Doctor *in 1. diff. 14 q. 1. art. 1.* ex hoc testimonio inferit, quod tam gratia, & charitas; quam Spiritus S. nobis donentur. Colligitur etiam ex illo 1. Cor. 6. *Membra vestra templum sunt Spiritus S. qui in vobis est, quem habetis à Deo.* In quibus verbis fit sermo de ipsa persona Spiritus S. vt ibi explicat S. Doctor lectione 3. Pro hac conclusione referunt Salinart. Plura testimonia D. Thomæ, Diui August. Ambros. Bernard. aliorumque SS. Patrum.

52 Probatur 1. quia missio diuinæ personæ dicit processionem æternam illius cum respectu ad eum, cui fit missio; sed hoc cōuenit ipsi personæ diuinæ missæ secundum se, & non solum donis illius; ergo non solum persona diuina mittetur ratione donorum, sed etiam secundum se. Maior constat. Minor probatur, nam persona diuina secundum se procedit æternaliter. Deinde ex eo, quod creatura incipiat referri ad eam non solum ratione conuenientie, sed etiam secundum se sumptam, quia creatura ratione donorum, & habet dona, & habet personam donatam, & conantem, seu largientem ipsa dona, & se ipsam: habet dona, quibus vritur: habet personam qua fruitor. Tum quia Spiritus S. ex vi sue proprietatis personalis est donum, & amor; sed non est donum ad intra respectu aliarum personarum; ergo debet esse donum ad extra respectu creaturarum.

53 Probatur 2. quia personæ diuinæ catenus dicuntur mitti ad creaturam, quatenus procedunt æternaliter, & media gratia sanctificante sunt in illa tanquam cognitum in cognoscente, & amatum in amante; ergo non dicuntur per se donari, & mitti ex eo, quod detur gratia sanctificans, & dona illius, sed etiam quia mittantur, & donentur persona ipsæ diuinæ, cum dictis donis. Antecedens constat. Conseq. probatur, quia dona gratiæ non sunt id quod directè, & vt quod donatur, seu vt id, quod habet esse in creatura rationali tanquam cognitum in cognoscente, & amatum in amante, sed id quo personæ diuinæ hoc habent, ac proinde ipsæ

personæ diuinæ erunt, quæ cum prædictis donis mittuntur, & donantur.

54 Sed dices, quod ad hoc, quod personæ diuinæ sint in creatura ad quam fit missio vt cognitum in cognoscente, & amatum in amante, non requiritur præsentia secundum substantiam, sed sufficit præsentia obiectiua, & affectiua, vt scilicet amans habeat affectum, & inclinationem in amatum. Sed contra, quia diuinæ personæ media gratia sanctificante, & eius donis, non sunt vtcunque in creatura rationali tanquam cognitum in cognoscente, & amatum in amante, sed tanquam cognitum in cognoscente ea cognitione, quæ sufficiat ad amorem amicitie, & tanquam amatum in amante hoc eodè amore amicitie: sed adhuc non sufficit præsentia obiectiua, & affectiua, sed requiritur substantialis, ergo. Maior constat, amor namque charitatis, est amor amicitie. Minor probatur, quia est proprium amoris amicitie perfectissimæ, vt debet esse iste, quod exigit vnionem personalem, quoad fieri potest, nec contentatur vnione dumtaxat obiectiua, & affectiua; ergo, &c. Quocirca Sancti Patres post D. Dionys. 4. *de diuin. nomin.* duplicem distinguunt amoris vnionem, vnā secundum rem, & perfectissimā, aliam secundum affectum, & minus perfectam.

55 Probatur 3. Deus in beatis, vbi est tanquam cognitum in cognoscente, per supremum actum cognoscitiuum, vt est visio beatifica, seu intellectus persusus lumine gloriæ, quod in gratia sanctificante radicator, non solum est per præsentiam obiectiuam, sed per realem substantialem, ita quod per se ipsum est vnitus cum intellectu beati in ratione obiecti intelligibilis, & intellecti; ergo cum idem Deus vna cum diuinis personis sit in creatura rationali tanquam amatum in amante per amorem perfectissimum, seu per perfectissimam vim ad amandum ipsum, debet realiter, & substantialiter esse præsens eidem. Antecedens est certum. Conseq. probatur, quia hoc exigere videtur summa proportio inter intellectum, & voluntatem, & perfectissimus vtriusque poten-

De missione diuinarum personarum. 689

potentia actus circa Deum. Ac proinde si perfectissimus actus intellectus creari requirit, quod Deus secundum suam substantiam sit illi vnitus, etiam perfectissimus actus voluntatis creatæ erga Deum requireret, quod Deus sit illi vnitus per suâ substantiam, & hoc non solum in Patria, verum etiam in via, cum amor Patriæ, & viæ sint eiusdem speciei. Tum quia si per diuinam potentiam in Patria daretur gratia consummata, sine lumine gloriæ, & visione beatificati, tunc Deus secundum suam substantiam esset illi præsens per modum obiecti radicaliter visibilis, & diligibilis; sed non solum charitas viæ, & Patriæ sunt eiusdem speciei, verum etiam gratia viæ, & Patriæ; ergo si illa facit Deum realiter præsentem vt est radicaliter visibilis, & diligibilis, sic et ista.

56 Probatur 4. quia dum Deus est in creatura rationali, vt amatum in amante per amorem scilicet Charitatis, tunc creatura quiescit, nõ sic quando cetera alia diligit, licet sit in ea per modum amati in amante; sed hoc non esset nisi Deus esset realiter in creatura, non carere, vel dato, quod essent, non haberent vim vt eis habitis creatura in eis quiesceret; ergo &c. Maior quoad primam partem constat, & etiam quoad secundam exemplo mundanorum; nam res creatæ dum non habentur concupiscuntur, & cum habentur fastidium causant, vt bene explicat magnus Gregor. *hom. 36. in Euangel.* Minor quoad primam partem constat, quia cum Deus sit summum bonum, ex se faciat appetitum, cum habetur, & cum non habetur, desideretur, sequitur, quod si semel creatura per amorem amicitia in Deo quiescit, illum habeat, & possideat.

57 Sed obijcies 1. quia non videtur verum; quod perfectissimus amor amicitia requirat præsentiam realem, & non contentetur præsentia affectiua, quia nõ est minus perfecta amicitia, quæ diligitur proximus ex charitate, quam Deus; sed amor amicitia respectu proximi non requirit realem, & intimam præsentiam; ergo neque eam requirit amor amicitia

erga Deum. Maior constat, quia vterque amor, Dei, & proximi, ab eodem prorsus habitu charitatis procedit. Minor nota est, & docet experientia. Resp. negando maiorem, quia Deus diligitur per charitatem amore amicitia tanquam obiectum secundarium. Amicitia autem perfectissima non requirit coniunctionem affectiuam, & realem præsentialem nisi respectu obiecti primarij, non secundarij, & ratione primarij inspecti, maxime quia creatura ratione suæ imperfectionis, & materialitatis, non potest fieri inuicem præsens per se ipsam voluntati, bene tamen Deus.

58 Obijcies 2. quia ad naturalem sympathiam, & proportionem intrinsecum intellectum, & voluntatem non requiritur, quod sicut cognitur est in cognoscente per realem, & intimam præsentiam, quod etiam eodem modo amatum sit in amante; ergo &c. Antecedens probatur nam Angelus est inuicem præsens suo intellectui respectu cognitionis sui, & tamen nõ est intimè præsens suæ voluntati, respectu amoris sui ergo. Tum quia potius proportio inter intellectum, & voluntatem videtur exigere, quod sicut Deus in via non est in creatura rationali, & intellectu illius tanquam cognitum in cognoscente nisi per præsentiam obiectiuam, non per realem, & substantialem; ita neque erit intimè, & substantialiter præsens voluntati. Quod autem in via Deus non sit secundum substantiam intimè præsens intellectui creato constat, quia cognito viæ, est cognito fidei, quæ non exigit Deum inuicem, & substantialiter præsentem.

59 Resp. negando antecedens. Ad 1. probationem dico, quod etiam Angelus est sibi præsens in ratione obiecti intelligibilis, non intellectu, ex defectu immaterialitatis, vt ex alibi dictis constat. Ad 2. probationem constat ex dictis, quia diuinæ personæ non mittuntur simpliciter per fidem, nisi ratione gratiæ sanctificantis.

60 Obijcies 3. quia modus specialis quo Deus est in iustis, explicari communiter solet per hoc, quod sit in illis per

modum protectoris, & curam eorum gerentis; ergo non debet explicari per hoc, quod sit in illis tanquam amatum. Resp. concedendo antecedens, & negando consequens, quia utroque modo est Deus vna cum diuinis personis in iustis. Vel dic, quod hæc præsentia actiue accepta melius explicetur primo modo, scilicet passiuè accepta, melius explicatur per hoc quod sit in creaturis rationalibus tanquam cognitum incognoscente, & amatum in amante.

61. Primum argum. pro 1. sententia est, quia id, quod secundum se est ubique, non potest ad aliquem mitti, sed Deus, & quævis persona diuina est ubique, ergo non potest aliquid mitti. Resp. quod potest mitti secundum modum, secundum quem prius non erat. Sed contra hoc arguunt, quia secundum D. Dionysium, & Authorem lib. de causis: Deus eodem modo se habet ad omnia, licet non omnia eodem modo se habeant ad ipsum; iste autem, modus diuersus in creaturis, est ex diuersis effectibus, seu perfectionibus, quas creature consequuntur à Deo; ergo non ratione sui diuinæ personæ mittuntur diuersimodè, sed dumtaxat ratione effectuum diuersorum.

62. Resp. quod diuinæ personæ sunt diuersimodè in creaturis rationabilibus non per mutationem ipsarum, sed per mutationem suam in ipsis creaturis rationabilibus. Ad impugnationem, dico, quod licet diuersus inodus qua diuinæ personæ se habent in creaturis, diuersificetur ex diuersis perfectionibus, seu donis receptis in creaturis; tamen relatio creature ad Deum non sistit in illis donis, sed vltimè tendit in eum per quem illa dona donantur.

63. Secundum argum. quia gratia, sanctificans, & eius dona sunt quidam effectus speciales Dei; ergo per illos habetur Deus secundum commune, & substantialem præsentiam qua est in omnibus rebus. Resp. quod prout gratia, &

eius dona sunt effectus Dei, Deus est in iustis per immensitatem, sicut in alijs rebus. At prout gratia, & eius dona considerantur speciali iurulo, quatenus tribuunt participium diuinæ naturæ, & aliorum, quæ sunt in Deo considerato uti est in se, in illis speciali modo habetur, & possidetur, ut ex dictis constat.

64. Tertium argum. quia si in missione non solum infunderentur dona gratiæ, sed etiam ipsæ personæ diuinæ secundum realem, & substantialem præsentiam; esset aliquis ordo inter dona, & personas diuinas ibidem existentes, sed hoc est falsum, ergo, &c. Maior constat. Minor probatur, quia Spiritus S. non potest infundi posterius, cum sit primum donum, per quod cætera donantur; neque potest infundi prius, quia aliàs dona illius essent dispositiones ad illius receptionem; ergo. Resp. cum D. Tho. in 1. dist. 4. q. 2. art. 1. ad ult. quod ordo potest dupliciter considerari. Primum ex parte recipientis, seu matriciæ, & hoc modo dispositio est prior eo ad quod disponit, & in hoc sensu prius recipimus dona Spiritus S. quam ipsum. Secundò ex parte agentis, & finis, & hoc modo, quod est propinquius agenti, & fini, dicitur prius, & quantum ad hoc prius recipimus Spiritum S. quam eius dona, & hoc est esse prius simpliciter.

65. Quartum argum. est, quia virtus infusa non est deficientior in operibus meritorijs, quam acquisita in operibus poenitentis; sed acquisita sufficienter dirigit hominem in ciuilibus; ergo etiam infusa in meritorijs, ergo frustra cum illa datur Spiritus S. Resp. cum S. Thoma loc. cit. ad 4. quod virtus infusa est multo sufficientior, quam acquisita, quia ratione sue perfectionis habet, quod nos vniet, & coniungat Deo, secundum quam coniunctionem inaspirat in nobis nouus respectus ad Deum, ratione cuius Deus nobis dari dicitur. Et hæc deincepsabili, & laudando Trinitatis mysterio.

DISPUTATIO XL.

IN QVAEST. XXXIV. D. THOMAE

De processione creaturarum à Deo.

MAEC q. quatuor habet articulos. In artic. 1. ostendit S. Doctor, quod Deus est prima causa efficiens, & quod cetera cuncta sint ab ipso,

ex eo, quod solus Deus est solum esse, & reliqua habent esse per participationem, & sic sunt facta quia participata in esse. In 2. art. demonstrat, quod Deus non praesupponit materiam ad rerum productionem, cum etiam ipsam materiam primam produxerit; quia quicquid est ens, & capax esse, debet esse participatum, & tanto magis à Deo dependens, quanto in se magis indigens, & dependens, ut est materia prima. In art. 3. docet Deum esse causam exemplarem creaturarum, quia determinat formas rerum per suam sapientiam, tanquam artifex, quia omnia facit in intellectu: determinatio autem formarum per intellectum, fit à causa exemplari. In 4. art. ostendit Deum esse causam finalem omnium rerum, quia omni agenti convenit agere propter finem, alijs non determinaretur magis ad hoc, quam ad illud, sed fortuito eveniret quicquid ageret. Agens imperfectum operatur ut finem sibi adquirat ut agens summum operatur ut bonitatem suam alijs communicet, hocque intendit, scilicet suam communicare perfectionem. Verum ut aliqua habeantur de rerum creatione, sit.

DUBIUM I.

An deus de se facio creatio.

Certum est secundum fidem dari creationem. ut constat ex illo Gen. 1. *In principio creavit Deus calum, & terram.* Et ex illo Isa. 40. *Levate in excelsum oculos vestros, & videte quis creavit haec.* Et ex illo 2. Machab. 7. *Peto, nate, ut aspiciat ad calum, & terram, & ad omnia quae in ea sunt, & intelligat, quia ex nihilo fecit illa Deus.* Hoc confirmatur in Symbolo: *Credo in unum Deum Patrem omnipotentem factorem cali, & terra.* Hoc definitum est in Concil. Lateran. sub Innoc. III. & refertur cap. *Firmiter, de summa Trin.*

3 Licet hoc ita sit, non defuerunt tamen tum ex antiquis Philosophis ex Gentilitate, tum etiam ex haereticis, qui hanc veritatem evertere conati sunt, de quibus S. Doctor 2. contra gent. cap. 16. & 31. *hic q. 44. & 45 in 2. dist. 1. q. 1. art. 1. & 5. & opusc. 5. & 6. & opusc. 23.* & alibi. Et licet variè erraverint tam Philosophi, quam haeretici, ad tria tamen capita eorum errores reduci possant. Nam aliqui errarunt circa ipsam creationem, ipsam negando. Alij circa res productas, errarunt, putantes non omnia esse à Deo facta; aut non ab vno primo principio, sed à diversis; aut non immediate ab ipso, sed medijs Angelis plura esse facta: aut non ex primaria intentione omnia, sed aliqua casu, seu ex accidenti esse facta. Alij errarunt circa circumstantiam

temporis; quidam namque putarunt creationem, non in tempore; sed ab æterno fuisse.

4. Veritas catholica sequenti concl. explicatur. *Vnus est creator omnium Deus, qui cuncta ex nihilo creauit, non ab æterno, sed in tempore, seu in initio temporis.* Constat ex locis sacrae scripturae citatis. Habet hæc concl. tres partes. Prima est, quod Deus vnus, seu solus est omnium creator, & hæc constabit infra, ostendentes, quod creatura nequit esse nec causa principalis, nec instrumentaria creationis. Secunda est, quod Deus cuncta creauit ex nihilo. Tertia, quod hæc creatio non fuit ab æterno, sed in initio temporis, de quibus in sequentibus §.

S.I. Ostenditur, quod Deus cuncta creauit ex nihilo.

Probatur 1. quia creatio, vt infra videbimus, est productio rei ex nihilo, seu ex nullo præsupposito subiecto; sed datur productio rei v.g. mundi, ex nullo præsupposito subiecto; ergo datur creatio; ita tamen, quod aliqua sunt immediatè creata, alia mediatè, quæ scilicet ex subiecto iam præcreato producta sunt. Maior est nota ex definitione creationis, de qua infra. Minor probatur, quia si non poueretur aliqua productio ex nihilo, iam omnis productio esset ex aliquo; sed hoc esse nequit; ergo debet esse aliqua productio ex nihilo; Maior constat, quod enim non est ex nihilo, est ex aliquo. Minorem proba, quia si non daretur aliqua productio ex nihilo, sequeretur vel processus in infinitum in causis, & effectibus, vel quod aliquod ens extra Deum non esset factum, non esset creatura; vtrumque est absurdum; ergo &c. Sequela probatur, nam si omnis productio est ex aliquo præsupposito, de hoc præsupposito inquiram, an sit ex alio? ergo vel dabitur processus in infinitum, vel deueniendum est ad vnum, quod non sit ex alio, & de hoc inquireretur, an sit factum? si factum, erit creatura, ac proinde ex nihilo; si non factum, vel erit Deus, vel da-

bitur aliquid extra Deum non factum.

6. Probatur 2. ratione D. Thomæ hic art. 1. quia omne, quod inuenitur a parte rei, vel est tale per essentiam, vel per participationem; Deus est ens per essentiam, ergo omnia alia sunt entia per participationem. Sed id, quod est tale per participationem, non potest non esse creatum, ergo. Hæc minor subsumpta probatur, quia quod habet esse per essentiam, debet esse per se subsistens, quod multiplicari non potest, nec potest esse nisi vnum. At id, quod est per participationem, non potest esse per se subsistens; non potest esse suum esse, ac proinde debet habere esse ab ente per essentiam, sed id, quod habet esse ab ente per essentiam, non supponit aliud ex quo fiat, aliàs non haberet esse ab ente per essentiam.

7. Probatur 3. materia prima est à Deo creata, ergo datur creatio. Antecedens probatur, materia prima est primum subiectum, ergo non potest fieri ex alio subiecto, ergo ex non subiecto; cum enim materia prima non sit purum nihil, sed ens reale, vt pote formarum substantiarum susceptiva, & compositiua compositi simul cum forma tanquam cum altera comparte, & sit capax existentiae media forma, necessum est, quod sit ens reale extra Deum, ac proinde, quod sit ens per participationem, vnde cum non possit esse à se, neque ab æterno, cum tunc non essent formæ a quibus posset habere esse; neque possit esse ex aliquo præsupposito subiecto, aliàs non esset primum subiectum, restat, quod sit à Deo per creationem.

8. Huic argumento occurrunt aliqui Atheorum, quod materia, & forma se mutuo causant non solum in diuerso genere causæ, verum etiam in eodem genere, vt multi volunt in physicis. Sed contra, quia impossibile est, quod duæ causæ se inuicem causent in eodem genere causæ, & maxime in genere causæ efficientis, quod sic ostendo; nam vt lumine naturali constat, idem non potest causare se ipsum, ex eo, quod idem præexisteret ad se ipsum; esset prius, posteriusque se ipso; ergo neq; idem poterit causare suam causam, quia idem

Idem ad suam causam præxisteret, & sic præxisteret ad se ipsum; quod enim est prius priori, est etiam prius posteriori. Tum quia idem respectu eiusdem esset depēdens, & independens. Tum etiam quia est lumine naturæ notum non posse dari circulum in cognoscendo, ut præmissæ sint notæ per conclusionem, & conclusio per præmissas; ergo neque abitur circulos in essendo. Tum quia nihil agit nisi existat, sed materia prima antecedenter ad formam non existit, ergo antecedenter ad formam non agit formam, neque agitur à forma. Se quidem materia, & forma mutuò causant in genere diuerso; nam materia causat formam in genere causæ materialis, se illi præbendo ut subiectum; & forma causat materiam in genere causæ formalis, se illi præbendo ut formam. Soluuntur argum. in contrarium.

9 Primum argum. quia non videtur negandum commune dictum Philosophorum, tot sæculis firmatum, quod *ex nihilo nihil fit*, hoc enim axioma videtur certum ex ipsa rei natura, quia inter nihil, & aliquid, nulla est proportio, nec determinatio ad hoc potius, quam ad illud. Resp. cum D. Tho. q. 45. art. 2. ad 1. quod dictum Philosophorum antiquorum axioma procedit in causis particularibus, à quibus res emanant per transmutationem de vno esse in aliud; ut cum ex non homine fit homo, ex non igne ignis: non autem procedit de prima emanatione ab vniuersali, & primo principio, à quo emanant res secundum omnem entis rationem. Deus ergo habet diuersum modum operandi à causis secundis, quia istæ non attingunt ens in quantum ens, ac proinde supponunt rationem entis. At Deus attingit ipsam formalissimam rationem entis, & sic non supponit subiectum quod transmutet, sed totum facit quicquid est, aliàs non attingeret ens in quantum ens. Pro quo nota, quod aliud est producere ens in quantum ens; & aliud est producere ens simpliciter: nam creatura dici potest producere ens simpliciter, non tamen ens, in quantum ens. Producere namque ens in quantum ens, est producere, totam

rationem entis, seu est taliter rem producere, ut fiat ex non ente; ut nullam supponat rationem entis; nullam entitatem neque actualem, neque potentialem; ac proinde est producere rem ex nihilo. At producere ens simpliciter, est facere, quod res accipiat primum esse actuale, quod est esse substantiæ, ad quod sufficit producere formam substantialem, & supponere aliam entitatem receptiuam illius, ac proinde potentialem, scilicet materiam primam.

10 Secundum argum. quia si ob aliquam rationem posset dari creatio, maxime quia ens per essentiam debet producere ens per participationem; sed omne creatum est ens per participationem; ergo produci debet ab ente per essentiam; ac proinde nihil supponi debet. Sed hæc ratio non videtur conuincens; ergo, &c. Maior nota est, & eam tradunt Theologi cum D. Tho. hic art. 1. & q. 45. art. 2. Minor probatur, quia ignis est essentialiter ignis, & tamen non producit omne ignitum; aliquid namque ignitum causatur à Sole, aliud per antiperistatam, aliud ex collisione duorum corporum, ut duorum lapidum, aut vnus cum ferro. Item homo est essentialiter animal, & tamen non causat omne animatum. Item Angelus est essentialiter intellectiuius, & tamen non causat omnem naturam intellectiuam, nec omnem rationem intelligibilem, ergo. Resp. concedendo maiorem, & negando minorem, ad 1. probationem de igne, dico, quod omne ignitum, per se loquendo, est ab igne vel formaliter, vel eminenter, ut est Sol; vel virtualiter, ut est calor, qui est virtus ignis; quando autem est à motu lapidum, ferri, &c. tunc est ab illo motu ut subordinato causæ vniuersali, quæ est cælum, quod est eminenter ignis, & ignituum. Ad 2. probat. ex exemplo de homine, & Angelo dico, quod licet homo sit essentialiter tale animal, & Angelus sit essentialiter tale intellectiuius, non tamen causant omne animal, & omne intellectiuius, quia non sunt essentialiter talia secundum omnem talia, non enim sunt ipsa animalitas, & intel-

tellectualitas, sed sunt determinatè talia, scilicet tale animal, tale intellectuale, ut non sit quod est participatè animal, & intellectuale. Vel dic, quod sunt essentialiter talia ut se formaliter tantum, & non etiam effecti ut est ignis; & multò magis Deus, qui est non solum in se ens, sed etiam effectiue, ut patet.

S. II. *Explicatur quomodo creatio non fuit ab æterno, sed in tempore, seu in initio temporis.*

11 **S**ANCTUS DOCTOR q. 46. art. 2. de hac re sic fatetur. *Ni mundum non semper fuisse, sola fide tenetur, & demonstratiue probari non potest, sicut & supra de mysterio Trinitatis dictum est. Et huius ratio est, quia nouitas mundi non potest demonstrationem recipere ex parte ipsius mundi. Demonstrationis enim principium, est quod quid est: unumquodque autem secundum rationem sua speciei abstractis ab his & nunc, propter quod dicitur quod universalia sunt ubique. & semper. Unde demonstrari non potest quod homo, aut ævus, aut lapsus, non semper fuit. Similiter neque ex parte cuius agentis, qua agit per voluntatem. Voluntas enim Dei inuestigari non non potest, nisi circa ea, qua absolute necesse est Deum esse. Talia autem non sunt, qua circa creaturas vult. Potest autem voluntas diuina homini manifestari per reuelationem cui fides innuitur. Unde mundum incepisse est credibile, non autem demonstrabile, vel sensibile, &c. Vbi. ut videt docet Angelicus, quod stando in ratione naturali demonstrari non potest, quod mundus fuerit, vel non fuerit ab æterno, cum id deduci non possit nec ex ipsa rerum quidditate, nec ex necessitate Dei agentis, sed sit ex mera ipsius Dei voluntate. Quæ autem sunt ex mera Dei voluntate, demonstrari non possunt, cum nullam habeant connexionem cum illa; sine connexionem autem necessaria demonstrationis non subsistit.*

.3. *Soluntur argumenta probantia mundum fuisse ab æterno.*

12 **P**rimum arguitur, quia si Deus non produxisset mundum ab æterno, debuisset expectare infinitum tempus, ut mundum produceret; sed infinitum tempus est impertransibile; ergo si Deus mundum ab æterno non creasset, numquam creare potuisset. Maior constat, quia æternitas est maior quocumque tempore etiam infinito, vel saltem æqualis; ergo si Deus non produxit mundum ab æterno debuit expectare tantum tempus, quod æquiualeat illi æternitati, in qua mundus non fuit creatus; hoc est tempus infinitum; ergo debuit expectare tempus infinitum. Minor etiam constat, quia de ratione infiniti est, quod sit impertransibile. Resp. quod ad hoc ut Deus produceret mundum, cum non produxerit ab æterno, non debuit expectare infinitum tempus, cum ante mundi productionem tempus non esset, debuit tamen, nostro modo intelligendi, expectare æternitatem à parte ante quæ æquiualeat infinito tempore. Absolute tamen nihil debuit expectare cum æternitas sit tota simul.

13 Secundum arguitur, quia Deus ab ab æterno habuit infinitam virtutem creatiuam; ergo ab æterno non solum potuit, sed etiam debuit creare. Antecedens constat, sicut & conseq. quoad primam partem, quod scilicet potuerit ab æterno creare. Quoad secundam partem probatur, quia conuenit summo, & infinito bono se primo communicare, & non expectare æternitatem à parte ante. Tum quia idè ab æterno se communicauit ad intra, quia est summum bonum; sed hæc ratio currit etiam in communicatione ad extra, ergo. Tum etiam quia si Deus ageret ex necessitate nature, se ab æterno communicaret; ergo cum ad extra agat liberè, debuit liberè ab æterno se communicare. Antecedens constat. Conseq. probatur, quia communicatio libera debet se conformare necessarii; ergo. Resp. conceden-

dendo antecedens, & etiam consequens quoad primam partem; potuit namque Deus ab æterno aliquid creare, ut habes ex D. Tho. q. 46. art. 2. & tradunt ibi Thomistæ. Negatur tamen illa consequens quoad secundam partem. Ad 1. probationem dico, quod conuenit summo bono se etiam ad extra communicare, sed secundum præscriptum suæ voluntatis, quod fuit de communicatione in initio temporis, non ab ipso æternitatis exordio, ut sic dicamus. Per quæ patet ad secundam probationem; communicatio namque ad intra regulatur à necessitate, ac communicatio ad extra regulatur à libera voluntate. Ad 3. probationem constat ex modo dictis.

14 Tertium argum. quia nullum ingentum incipit esse; sed materia prima est ingenta per Phil. in 1. *Phys. text. 82.* Item cælum est ingentum per eundem. Phil. lib. 1. de cælo, & mundo, ergo saltem materia prima, & cælum fuerunt ab æterno. Resp. cum D. Tho. d. q. 46. art. 1. ad 3. distinguendo maiorem: nullum ingentum incipit esse per generationem seu transmutationem, & conceditur: per creationem, & negatur. Quando autem Arist. dixit materiam primam esse ingentam, hoc ideo dixit, quia non habet subiectum de quo fiat. Cælum autem dicitur à Phil. ingentum, quia non habet contrarium. Plures rationes de hac res soluit S. Doctor ibid. ex Aristotele, & q. 45. art. 1. Pro quo nota, quod Arist. circa mundi æternitatem precipue intendit destruere quorundam Philosophorum positiones, qui ponebant mundum incipisse quibusdam modis impossibilibus, & veritati repugnantibus: quod vero de facto mundus fuerit ab æterno, nunquam demonstratiue probauit, imò inter problemata dialectica id numerat lib. 1. *Topicorum*.

15 Quartum argum. nam vel Deus est prior mundo, natura tantum, aut duratione. Si primum cum Deus sit ab æterno, etiam mundus erit ab æterno. Si secundum, sequitur, quod tempus fuerit ante tempus, siue ante mundi productio-

nem, quod implicat. Sequela probatur, nam duratio prioris, & posterioris constituit tempus; sed si Deus esset prior duratione mundo, esset prior duratione dicente rationem prioris, & posterioris. Si enim semel Deus non est prior tantum natura mundo, erit prior duratione, & mundus erit duratione posterior; ac proinde erit ibi duratio inuoluens rationem prioris, & posterioris, ac subinde tempus. Resp. cum D. Tho. loco cit. ad 8. quod Deus est prior mundo non prioritate temporis, sed æternitatis. Vel etiam prioritate temporis, non realis sed imaginarij.

16 Quintum argum. quoniam quod est semper in principio, & semper in fine, nec potest incipere, nec desinere; sed tempus est semper in principio, & semper in fine, ergo nec incipere, non desinere potest, ac proinde ab æterno erit. Maior patet, quia quod incipit, non est in fine, & quod desinit, non est in suo principio. Minor probatur, quia tempus non habet nisi nunc, quod est finis præteriti, & principium futuri; ergo, &c. Resp. concedendo maiorem, & negando minorem. Ad probationem dico, quod in tempore datur prius, & posterius sicut in motu, alias tempus non esset mensura motus; unde sicut in motu datur principium, & finis, ita & in tempore: habet namque tempus suas partes sicut & motus, scilicet priorem, & posteriorem, seu præteritam, & futuram, licet nullam habeat præsentem nisi instans.

§. 4. Soluuntur argumenta probantia mundum non potuisse esse ab æterno.

17 **P**rimum argum. est, quia mundus, nec vlla creatura potuit esse ab æterno; si aliqua namque creatura fuisset producta ab æterno sequerentur duo contradictoria, quod scilicet cepisset, & non cepisset; hoc implicat ergo. Sequela probatur, nam quod incipisset, supponitur, quod non incipisset, ostenditur, quia quod habet esse ab æterno, non incipit, quamuis habeat esse per veram productionem; nam Verbum diuinum habet esse ab æter-

æter-

æterno per verâ generationem; & tamen non incipit. Tum quia si creatura produceretur ab æterno, per creationem produceretur, sed per creationem produci non potest; ergo. Minor ostenditur, nam illa creatio non posset mensurari æternitate; neque ænuo, quia illa creatio transiret, æternitas autem, & ænuum non transiret; neque posset mensurari tempore, quia tempus mensurat successiva, illa autem creatio esset instantanea; ergo. Resp. negando sequelam. Ad probationem dicendum, quod in eo casu absolute dicendum esset, quod mundus non incipisset; illud namque propriè dicitur incipere, quod affert novitatem esse, ita quod prius sit sub non esse, postea sub esse, seu quod habeat esse post non esse. Tunc ergo temporis mundus esset à Deo tanquam à causa efficiente, & semper habuisset esse, & nunquam non esse; semper fuisset sub esse nunquam sub non esse; Sicut Verbum æternum nunquam fuit sub non esse. Ad probationem conceditur maior, & negatur minor: Ad probationem dico, quod creatura mensuraretur æternitate participata. Nec verum est, quod illa creatio transiret, sed duraret per totam illius æternitatem à parte ante, nec tunc creatio distingueretur à conservatione, sed essent idem formaliter. Nunc creatio distinguitur formaliter à conservatione, licet sint una, & eadem actio, quia modo creatio dicit novitatem essendi, seu addit supra conservationem novitatem essendi, at tunc cum creatio non afferret novitatem essendi, neque formaliter distingueretur à conservatione.

18 Secundum argum. quia si mundus fuisset ab æterno, sequeretur, quod tot instantia præcessissent, quot horæ, & non amplius, & tot horæ quot dies, & tot dies quot menses, & tot menses quot anni, & tot anni quot lustra, &c. hoc est falsum; ergo mundus non potuit esse ab æterno. Sequela probatur, nam omnia prædicta essent infinita, vnum autem infinitum non est maius alio. Resp. negando sequelam, ad probationem conceditur, quod omnia illa essent formaliter in-

finita, quia omnia carerent termino à parte ante, tamen vnum esset maius alio materialiter.

19 Tertium argum. quia si daretur mundus ab æterno à Deo productus, vel esset productus ex nihilo, vel ex aliquo. Si ex aliquo, ergo non fuit creatus, creatio namque est ex nihilo. Si ex nihilo; ergo non ab æterno, quia prius fuisset sub nihilo, & sic prius haberet esse post non esse. Respondetur cum D. Thom. q. 46. art. 2. ad 2. quod mundus si daretur ab æterno esset ex nihilo creatus, non quod creatus esset post nihilum, sed quia non esset factus ex aliquo, unde ly *ex nihilo*, non stat positivè, sed privativè, ut fiat sensus, quod mundus fuisset creatus ex nullo præsupposito subiecto.

20 Quartum argum. quia si mundus fuisset ab æterno, iam præcessissent homines infiniti, ac proinde darentur infinitæ animæ rationales, sed hoc implicat, ergo. Maior constat. Minor probatur, si possent dari infinitæ animæ, possent etiam dari infinita corpora, quæ ab illis informatentur, ac proinde daretur infinitum in magnitudine, quod communiter à Philosophis reprobat. Ad hoc argum. sic respondet S. Doctor loco cit. ad ult. Hæc rationem, ponentes æternitatem mundi multipliciter effugiunt. Quidam enim non reputant impossibile, esse infinitas animas æternas, ut patet in metaph. Algaselis, dicentis hoc esse infinitum per accidens. Sed hoc improbatum est superius. Quidam verò dicunt animam corrupti in corpore. Quidam vero quod ex omnibus animabus remanet una tantum. Alij vero (ut Angeli dicunt) posuerunt propter hoc circulum animarum, ut scilicet anima separate à corporibus post determinata temporum curricula, iterum redirent ad corpora. De quibus omnibus in sequentibus est agendum. Considerandum tamen, quod hæc ratio particularis est. Unde posset dicere aliquis, quod mundus fuit æternus, vel saltem aliqua creatura, & Angelus, non autem homo, &c.

21 Quintum argum. quia res corruptibiles non poterunt produci ab æterno; ergo mundus quoad ista saltem non po-

potuit creari ab æterno. Antecedens probatur, quia quod ab æterno est, per totam æternitatem corrumpi non potest; ubi enim non est successio, seu prius, & posterius non potest esse corruptio; nam corruptio supponit rem esse, quæ transeat ab esse ad non esse; tum quia sicut ab æterno non potest esse transitus à non esse ad esse; ita non potest esse transitus de esse ad non esse, quod est de essentia corruptionis. Resp. negando antecedens, non potuit quidem Deus res corruptibiles creare, & facere, quod corrumperentur, sed eas per integram æternitatem debuisse conservare. Sicut si Deus creasset Angelam ab æterno, & actu cognoscentem, debuisse illum conservare in illo actu in quo illum creasset. Si namque Angelus cessaret ab illa libera operatione sequeretur, quod fuisset, & non fuisset ab æterno; fuisset vt supponitur; non fuisset, quia non durasset per infinitam durationem, quod enim est ab æterno, per infinitam durationem durat.

D V B I V M II.

Quid sit creatio tam actiue, quam passiue considerata.

22 **C**reatio duobus modis considerari potest, actiue scilicet, & passiue. Creatio actiue sumpta, se tenet ex parte creatoris, & passiue sumpta se tenet ex parte creaturæ: certum est, quod creatio ex parte Dei, sit actio Dei, & etiam certum est, quod creatio, ex parte creaturæ sit ipsa creatura; an autem creatio ex parte Dei sit tantum actio Dei an aliud afferat, & an creatio ex parte creaturæ sit tantum ipsa creatura, an aliud superaddat, est difficultas examinanda in sequentibus §.

§1. *quid addat creatio ex parte Dei, supra actionem Dei.*

23 **C**ertum est, quod creatio ex parte Dei, sit ipsa actio æterna Dei ex qua nõ sequitur effectus æternus, sed tem-

poralis; vnde S. Doctor q. 1. de potentia r. 1. ad 8. dicit. *Potentia Dei semper est coniuncta operationi, sed operatio Dei non semper est coniuncta effectui;* actio ergo Dei eterna est, quia semper est coniuncta cum potentia Dei, non tamen est semper coniuncta cum effectui, sed pro tempore conceptu, præfinito, & præscripto à diuina voluntate. Difficultas ergo præsens petit quid addat ex parte Dei creatio supra æternam actionem Dei.

24 Aliqui putant se facile expedire ab hac difficultate dicendo, quod creatio ex parte Dei sit actio æterna Dei entitatiue, seu quod creatio entitatiue sit actio æterna Dei, ac denominatiue sit temporalis. Verum hoc non explicat difficultatem, aliud namque est, an denominatio creationis sit temporalis & aliud est, quid addat creatio supra actionem æternam Dei, ratione cuius tribuatur temporalem denominationem creationis: denominatur Deus in tempore creator non per actionem creatiuam præcisè vt est æterna, sed prout connotat aliud quid temporale, quid autem hoc sit, & quomodo sit, explicandum est.

25 Pro quo aduerte, quod in actione tres respectus, seu quasi respectus, vel habitudines considerari possunt, ex communi Philosophorum sensu. Primus actionis respectus est ad terminum ad quem, & est ipse influxus causæ efficientis consideratus per modum ad, scilicet ad terminum. Secundus respectus est ad ipsam causam efficientem, & est influxus eiusdem causæ efficientis, vt dicitur ab, seu egressum, seu exitum ab illa. Tertius respectus est ad ipsam causam efficientem vt dicitur rationem termini à quo, & hoc modo non importatur influxus, aut egressus, sed recessus ab eodem termino à quo relinquendo, & quasi destruendo sub ratione termini à quo. Deinde nota, quod influxus causæ efficientis potest considerari dupliciter, vel vt est faciens, & tunc est in agente, vel vt effectus, & tunc est in termino, vel est ipse terminus. Hæc in creatis aperta sunt. In diuinis explicari debent. Illi namque tres ordines saltem

T t t t t t t t t t

tanquam materia ex parte nostri modi concipiendi distincta, distingui possunt. Actio, namque diuina suam dicit habitudinem ad terminum ad quem, & est ipsa actio prout in tempore concipitur per modum influxus ipsius Dei ad terminum. Item actio diuina v.g. creatio, intelligitur habere esse ab agente, scilicet Deo, seu intelligitur quasi egredi à Deo per modum cuiusdam influxus. Denum intelligitur respicere Deum tanquam terminum à quo sui quasi egressus.

26. Igitur creatio quod dicitur yppm ab æterno, aliud in tempore. Ab æterno, est actio Dei, est actualitas Dei, est actio necessaria Dei, sine ulla potentialitate, sine ullo actu primo quia diuina potentia non indiget reduci in actum, non indiget actuari aut perfici, vt influxat; cum non detur in Deo potentia per modum potentia, sed per modum purissimi actus, sed se ipsa, influxit, se ipsa terminum producit; vnde se ipsa est influxus ex parte Dei. In tempore dicitur influxus ex parte termini, seu dicitur ipsum terminum, quia influxus ex parte termini, ipsum terminum tangens, ipsi dans esse, ipsum producens, non potitur nisi in tempore, ex cuius positione, in Deo ponitur denominatio agendi, seu creandi, & relatio rationis ad creaturam, quæ ex illo influxu actiuo, & terminatiuo resultat. Quocirca actio æterna Dei secundum se considerata nec est creatio, nec tribuit denominationem creationis, vel creatoris, nisi prout in tempore dicitur illum influxum terminatiuum, qui est ratio dicte relationis, & denominationis. Et ratio est, quia denominatio agendi, seu creandi, non sumitur ab actualitate, actionis, neque ab influxu vt est in agente, sed prout se extendit ad terminum, prout terminum tangit, prout cum in esse ponitur, seu sumitur ab actione, non potitur incipit ab agente, prout est actuans ipsum agens, sed prout consumatur in termino. Hæc autem sunt in tempore, non ab æterno; ergo, &c.

27. Sed obieciſ 1. quia denominatio sumitur à forma existente in re, denominata, sed actio prout consumatur in

termino, non est in agente, vel creatore; ergo prout consumatur in termino non potest denominare Deum agentem, seu creatorem. Resp. argumentum bene procedere de denominatione in genere causæ formalis, adhuc enim vt hæc tribuatur requiritur, quod sit in re denominata, eamque actuet, & quasi efficiat, seu informet. Non tamen procedit de denominatione in genere causæ efficiētis, ad hanc enim tribuendam duo requiruntur indispensabiliter, ita quod vnum non sufficit, scilicet forma, seu quasi forma, actuans subiectum, & vterius requiritur, quod dicta forma consumatur in termino, non per transitum ad terminum, sed per tactum termini; nullus namque denominatur efficiens, nisi aliquid efficiat; si enim non efficiat, non denominabitur efficiens.

28. Obieciſ 2. quia non stat actionem esse æternam, & effectum, seu terminum temporalem, ergo &c. Antecedens probatur, quia de essentia, seu conceptu actionis est, quod sit tendentia ad terminum, quod sit productio termini; sed ab æterno non est terminus, non est productio termini; ergo ab æterno non est actio saltem actualis, sed ad summum potentialis. Tum quia si daretur illa actio creatiua ab æterno, vel pertineret ad actum primum, vel ad actum secundum, ad neutrum pertinet; ergo. Maior constat; minor probatur; nam non potest pertinere ad actum primum, quia non esset actio, sed potentia. Non ad actum secundum, quia ab æterno non attingit effectum, nec tunc est actualis egressus effectus à Deo; ergo. Res. negando antecedens. Ad 1. probationem dico, quod de essentia actionis est tendentia actiua, non possiua; illa autem tendentia actiua potest esse sine passiua, ac proinde illa potuit esse ab æterno, & ista in tempore; nam tendentia actiua se tenet ex parte agentis, passiuam tenet se ex parte effectus; ista passiuam identificatur cum effectum, non illa actiua, licet sit effectus causaliter, & originatiue. Ad 2. probationem dico, quod illa actio creatiua ab æterno pertinet ad actum secundum,

dum, quantum ex parte reâi, licet non adhuc attingat effectum, cum adhuc non connotetur ut egrediens, sed ut agreforur.

30 Obijcies 3. quia si actio creatura quoad suam realitatē esset ab æterno, sequeretur, quod denominatio creandi esset ab æterno; sed non est; ergo neque entitas, & actualitas dictæ relationis erit ab æterno. Maior probatur, quia non potest intelligi forma aliqua esse actu in subiecto, & non denominare illud; ergo si ab æterno est in Deo entitas, & actualitas actionis creaturæ debet illam creaturæ denominare. Resp. negando maiorem; ad probationem constat ex dictis, quia licet illa actio quoad entitatem, & actualitatē sit ab æterno, non tamen tribuit denominationem creantis, seu creatoris, quia ad tribuendam hanc denominationem efficientem, ultra formam, requiritur etiam attingentia effectus, quæ cum ab æterno non sit, nec denominatio erit.

S. II. *Quid addat creatio ex parte creatura, seu passivæ supra ipsam creaturam.*

30 **P**rima sententia tenet, quod creatio ex parte creaturæ sit aliquid medium inter Deum, & creaturam, hoc autem medium sit quædam emanatio, seu quidam fluxus, seu actio transiens. Vnde explicant creationem sicut actionem, quæcumque instantaneâ, quæ ab agente creato procedit, remoto motu successivo, & mutatione ex materia, & forma in subiecto, quia in creatione non supponitur subiectum circa quod aliquid fiat, sed totum sit ex nihilo. Sic Suarez in *metaph. disp. 20. sect. 5.* & alij.

31 Nostra sententia seq. conclusionem explicatur. *Creatio passiva considerata, seu ex parte creatura, est ipsamet creatura immediate dependens à Deo in esse, ac proinde non est aliquid medium inter Deum, & creaturam, ipsi creatura superadditum, quod sit ratio influens, & ratio producendi eandem creaturam.* Hanc concl. tradit S. Doctor hic q. 45. art. 3. & q. 3. de potent. art. 3. quem sequuntur eius discipuli hoc

loco, Caiet. Bannes, Nazar. Ripa, & alij.

32 Probatum ratione D. Tho. d. q. 45. art. 3. quia si creatio esset aliquid antecedens ipsum factum esse creaturæ, tanquā fieri illius, vel deberet antecedere per modum eiusdem fieri, vel per modum alicuius rei, seu modi in facto esse; neutrum dei potest; ergo. Maior constat. Minor probatur, & primò quoad primam partem, quod scilicet creatio passivæ, non possit esse aliquid antecedens factum esse creaturæ per modum fieri illius, quia creatio est influxus universalissimus totius entis ex nihilo, ergo non potest ad illam præcedere aliquid fieri à Deo distinctum, & distinctum à re creata. Antecedens constat. Conseq. probatur; nam vel illud fieri esset creatum, vel non; si creatum, etiam ad illud deberet dari fieri. Si non, ergo non est aliquid distinctum à Deo, medium inter Deum, & creaturam. Tum quia illud fieri deberet habere aliquod subiectum in quo subieceretur, quod in hoc casu pro illo priori non haberet, sed deberet subieciari in suo facto esse, & sic esset actio transiens. Tum etiam quia eum creatio sit influxus universalissimus, non potest subieciari in subiecto particulari, & determinato. Deinde probatur secunda pars, quod scilicet non possit esse per modum alicuius rei, vel modi; nam hoc medium non potest esse substantia vel patet; neque potest esse accidens, vel modus; quia accidens, vel modus debet supponere subiectum cui inhercat, vel quod modifiet. Tum quia si daretur hoc medium vel esset factio rei, vel factum esse. Si factio rei, vel actiue, vel passivæ; non actiue, quia factio actiue est Deus: non passivæ, quia factio passivæ non distinguitur à factio rei; in creatione namque fieri, & factum esse non distinguuntur; cum enim creatio sit transitus de non esse ad esse, seu de nihilo ad aliquid; & eum fieri non sit nihil, debet esse aliquid, ac proinde factum esse. Solvuntur arg. in contrarium.

33 Primum argu. quia in omni causa efficiente ultra causalitatem qua causat seu qua constituitur in esse causantis in actu secundo, debet dari influxus illius in

effectum, sed iste influxus est aliquid distinctum tum à causa, tum ab effectu, ergo, &c. Maior constat. Minor probatur: nam non est ipsa causa, cum sit id, quo causa agit; non est ipse effectus, cum effectus ex influxu nascatur, oriatur, & procedat; nihil autem nascitur, oritur, & procedit à se ipso; ergo. Resp. distinguendo maiorem: debet dari influxus actiuus, & conceditur: passiuus in effectu producto receptus, & negatur. Ad probationem dico, quod ille influxus actiuus est ipsamet actio ut connotans terminum productum, ut inferens ad extra effectum; quod si quis velit illum influxum etiam passiuè considerare, tunc erit idemmet effectus productus. Bene verum est, quod in alijs causis extra Deum, datur influxus transiens, receptus in subiecto, quod præsupponitur; at in creatione cum nullum supponatur subiectum in quo recipiatur, non dabitur, ob rationes adductas.

34 Secundum argum. quia esse actu non est de essentia alicuius creaturæ, sed solius Dei, ergo nec actu dependere, & multò minus nec ipsa dependentia; sed si non medietur aliquid inter Deum creatantem, & rem creatam, res creata essentialiter dependeret, imò esset ipsa dependentia, cum nullo medio dependeret, ergo. Minor constat, si enim creatura se ipsa dependet, erit ipsa dependentia. Minor etiam constat, quia dependentia rei à Deo, est variabilis. Nam ante consecrationem Deus conseruat quantitatem media substantia, post illam immediatè conseruat, ac proinde immediatè dependet, cum prius mediatè dependeret. Respon. concedendo maiorem, & negando minorem; ad probationem dico, quod dependentia passiuæ creaturæ à Deo, est ipsamet creatura ut dicit relationem facti esse à Deo tanquam à causa.

D V B I V M III.

Quanam propriè creati dicantur.

35 **H**oc dubium proponit, & refoluit S. Doctor q. 45. art. 4. vbi

sic fatur. *Creari est quoddam fieri; fieri autem ordinatur ad esse rei. Vnde illi propriè conuenit fieri, & creati, quibus conuenit esse, quod quidem conuenit propriè subsistentibus: siue sint simplicia, siue substantia separata: siue sint composita sicut substantia materiales. Illi enim propria conuenit esse, quod habet esse, & quod est subsistens in suo esse. Forma autem, & accidentia, & alia huiusmodi, non dicuntur entia, quasi ipsa sint, sed quia eis aliquid est, ut albedo ea ratione dicitur ens, quia eius subiectum est album. Vnde secundum Philosophum, accidens magis propriè dicitur ens, quam ens. Sicut igitur accidentia, & forma, & huiusmodi, quæ non subsistent, magis sunt coexistentia, quam entia, ita magis debent dici concreata quam creatæ. Propriè verò creatæ sunt subsistentia. Vbi, ut videt creati propriè conuenit subsistentibus, simplicibus, vel compositis; accidentibus autem, formis, & huiusmodi, conuenit concreari. Verum ut ista magis habeantur, aliqua quæ sita breuiter proponemus, & soluemus. Prius tamen notandum est, quod ad creationem duæ conditiones requiruntur. Vna ex parte termini ad quem, & est, quod totum suum esse, & quicquid ad rationem entis pertinet accipiat ex vi actionis creaturæ. Altera est ex parte termini à quo, & est, quod ex nihilo, seu ex nullo præsupposito subiecto producatur. Hæc duas conditiones coniungere, solius primæ causæ est, ut postea videbitur.*

36 Sed quæres 1. an gratia, & cœtera dona supernaturalia creentur? Certum est, gratiam, & cœtera dona supernaturalia infundi à Deo. Difficultas est, an creentur. Aliqui antiqui Scholastici putarunt gratiam creati, fundabantur in illo psal. 50. *Cor mundum crea in me Deus*, & in illo Apost. ad Ephes. 2. *Creati in Christo Iesu in operibus bonis*. Nihilominus dicendum est gratiam, & cœtera dona non creati, nec concreari, sed educi de potentia subiecti. Sic S. Tho. de verit. q. 27. art. 3. ad 9. & 1. 2. q. 110. art. 2. ad 3. & de potent. q. 3. art. 8. ad 3. quem sequuntur eius discipuli, & alij communiter. Ratio est, quia gratia fit in anima per veram, & propriam mutationem.

tationem, ergo non per creationem, aut concretionem. Conseq. constat. Antecedens probatur, quia gratia supponit subiectum scilicet animam, per cuius dependentiam fit, & per illius transmutationem; producitur namq; supponens causam materiale receptivam, & ab illa educitur per potentiam supernaturalem; ab agente namque naturali fieri non potest; ea autem educitio non fit ab anima prout dicit potentiam naturalem, sed obedientialem, ut in *tract. de Gratia* explicuimus.

37 Quæres 2. an res simplices subsistentes, siue subsistentia completa ut Angeli, siue incompleta, ut anima rationalis creati possint? Resp. affirmatiue, sic D. Thomas in testimonio allato. Ratio D. Thomæ est, quia illa propriè fieri, & creati dicuntur, quibus conuenit esse, sed dictis subsistentibus conuenit esse, ergo propriè creati dicuntur. Tum quia prædicta habent esse per modum rei, non educæ ex alia, neq; pendet ex aliquo tanquam ex subiecto. Angeli namque non sunt ex aliquo subiecto, neque ex aliquo præsupposito, cum sint formæ simplices in se partibus carentes. Neque recipiuntur in subiecto extrinseco, nec ab illo possunt dependere, cum non sint formæ inherentes, sed per se subsistentes. Item anima rationalis est per se subsistens independentiæ corpore, licet ei uniatur, & infundatur; licet enim creetur occasione corporis, non tamen subsistit dependentiæ à corpore.

38 Quæres 3. an formæ substantiales, & accidentales creati possint? Resp. affirmatiue si producantur sine subiecto, & dependentia ab illo, ut produci possunt, secus si producantur cum subiecto, & cum dependentia actuali ab illo, seu cum transmutatione illius, tunc enim educuntur. Si autem à Deo simul cum subiecto immediatè producantur, concrebuntur. Nec valet, quod esse dictarum formarum, & accidentium sit dependens à subiecto, sit per ordinem ad subiectum, sit potens uniri illi, tamen si non sit illi actu unitum. Ad hoc enim dicitur, quod aliud est an esse dictarum forma-

rum, & accidentium sit potentia, & aptitudine in subiecto, & an fiat cum dependentia à subiecto. Primam est verum, non secundum vbi à Deo creantur.

39 Quæres 4. an composita subsistentia, ut composita sunt, propriè creati possint per modum cuiusdam totius? Negat Vasquez *hic cap. 4. dum sentit*, quod singula partes totius compositi habeant proprium esse, ac proinde per singulas productiones producantur. Nihilominus dicendum est, quod dicta composita substantialia verè, & propriè creati dicantur, quando per modum totius primò, & per se fiunt, non solum ratione aliquius partis, sic apertè docet S. Doctor *q. 45. art. 4. tum in corpore, tum in solutione*. Ratio clara est, quia illud propriè creati dicitur, quod ex nihilo producitur; sed compositum substantiale potest produci ex nihilo; ergo creati potest. Maior constat. Minore proba, quia illud per se primò, ex nihilo produci potest, quod per se primò habet esse, seu cui per se primò conuenit esse; sed hoc est ipsum totum, & non partes; ergo. Maior patet, quia illius est creati cuius est fieri, & illius est fieri cuius est esse. Minor probatur, quia pars ut pars non habet esse per se in composito, sed ratione ipsius compositi; ergo sicut fieri non est partis, ita nec creati. Tum quia processus à partibus ad totum inuoluit imperfectionem, & est proprium agentium deficientium, & procedentium ab imperfecto ad perfectum. At primum agens non sic procedit, sed eius actio tendit immediatè ad ipsum perfectum, scilicet ad totum, ergo &c.

40 Quæres 5. an materia prima creetur, an concreatur? Vasquez loco citato putat materiam primam creati, sicut creatur anima rationalis, fundamentum illius est quia existimat materiam primam non esse puram potentiam in esse extititui, sed tantum ingenere formali, Nihilominus dicendum est materiam propriè non creati, sed concreari: nam creatur ut dependens à forma in suo esse. Sic D. Tho. *huc q. 44. art. 2. ad 3. & q. 45. art. 4. ad 3. & q. 3. de potent. art. 1. ad 12. quem*

quem sequitur omnes eius discipuli hoc loco, & alij communiter. Ratio est, quia per se, & ratione sui illud creari dicitur quod non producit ut accessorium alterius, ut alteri adiunctum, sed ratione sui; & illud dicitur concreari, aut produci, quod ut alteri coniunctum producit, sed materia prima est huiusmodi ergo. Maior constat. Minor probatur, quia cum materia sit pars, ens incompletum, pura potentia, carens propria existentia, non potest terminare actionem productivam ratione sui, sed ratione totius compositi in quo est. Tum quia eius est fieri, cuius esse esse; materiam non est esse, sed coesse; ergo neque erit fieri, sed confieri.

41 Sed obieciēs 1. quia materia prima fit ex nihilo, ergo per creationem: ergo antecedenter ad esse compositi recipit esse. Hæc ultima consequenter probatur, quia implicat, quod creatio terminetur ad aliquod ens, & non det illi esse; ergo. Tum quia actio creativa potest terminari ad solam materiam primam, ut cum corrumpuntur species sacramentales, tunc enim sola materia creatur, & forma v.g. vermis, in virtute agentis naturalis educitur. Tū etiam quia sequeretur, quod quævis forma adveniēns, daret novum esse materiæ, ac proinde quod oridie materia mutaretur, & fieret immediatum subiectum huius mutationis. Tum deinde quia, materia non conservaretur solum à Deo, sed etiā ab agente naturali, inducendo esse in illam per novæ formæ educationem. Tum denique quia aliās materia non fieret per creationem, quia non fieret ex nihilo, sed ex forma, cum ab illa recipiat esse.

42 Resp. concedendo antecedens, & negando utramque consequentiam. Primam quidem, quia, ut dictum est, materia non fit per creationem, sed per concreationem, ex eo, quod actio productiva materiam est concreatio, non creatio; quia terminus à quo. est nihil, & non ponitur in esse, nec reducitur sola ad terminum ad quem, nisi ut coniuncta formæ, siue forma concreatur, siue educatur, si totum generetur. Ad 1. probationē dico, quod dato casu crea-

tionis materiam, & educationis formæ in virtute agentis naturalis ut in exemplo dato de corruptione specierum sacramentalium, adhuc materia dicitur concreari, non quia forma vermis creatur, aut concreatur, sed quia actio productiva materiam ad illam nudè non terminetur, sed ut est sub forma. Quare quando totum creatur tunc una tantum datur actio Dei attingens totum, & in illo partes. At quando totum generatur, tunc dantur duæ actiones, una Dei, quæ terminatur ad materiam sub forma, & alia agentis naturalis educens formam de potentia materiam. Est autem iste ordo inter istas actiones, licet sint in eodem instanti reali, quod actio Dei est prior actione agentis creati; & materia supponitur formæ in genere causæ materialis dispositivæ. Ad 2. probationem conceditur sequela; mutatur quidem esse materia dum mutat formas, & fit subiectum talium mutationum. Illa tamen mutatio non recipitur immediatè in materia, sed in composito, sicut esse immediatè afficit compositum, & deinde materiam. Ad 3. probationem dico, quod sicut Deus producit materiam ut dependentem à forma, ut à determinante esse illius, non ut dependentem à subiecto, ac propterea concreatur, ita illam hoc modo conservat.

43 Obieciēs 2. quia quando materia prima creatur, non creatur forma, nisi illa forma sit per se subsistens ut est anima rationalis, ergo non potest materia concreari. Antecedens constat. Consequenter probatur, quia concreari, est simul cum alio creari, ergo si altera pars non creatur, scilicet forma; neque materia concreabitur. Resp. ex dictis, quod quando forma educitur, ut in generatione vermis, ex speciebus consecratis, non dicitur materia concreari, quia totum creatur, sed quia materia non terminat illam actionem creativam ratione sui, sed ratione formæ à qua dependet tanquam à determinante, & tribuente esse illius; licet nec ab illa, nec ab alio dependeat ut à subiecto.

D V B I V M IV.

An aliqua creatura possit esse causa principalis creationis.

44 **C**ertum est, quod de facto nulla creatura est causa principalis creationis, est enim creatio proprius effectus diuinæ omnipotentis. Colligitur aperte ex sacra Scriptura. Ierem. 32. dicitur. *Ecce Domine tu fecisti calum, & terram in fortitudine tua magna, & in brachio tuo extenso.* Et Isa. 44. legitur. *Ego Dominus faciens omnia, extendens calos solus, stabilis calos, & nullus mecum.*

45 Difficultas est, an de potentia absoluta possit Deus communicare alicui creaturæ virtutem creandi, seu educendi res ex nihilo. Affirmat Durandus in 2. dist. 1. q. 4. quatenus dicit, quod oppositum non ostenditur implicare.

46 Communis, & vera Theologorum sententia, sequenti concl. explicatur. *Implicat creaturam esse causam principalem creationis.* Hanc concl. docent omnes Theologi cum D. Tho. hic q. 45. art. 5. & omnes Scholastici cum Magistro in 4. dist. 5. cap. ult.

47 Probatur 1. ratione D. Thomæ loco citato, & 2. contra Gent. cap. 21. & q. 3. de Potent. art. 4. quia actio creatiua non potest conuenire vt causæ principali, nisi habenti virtutem infinitam. Seu causa principalis creationis, debet habere virtutem infinitam; sed nulla creatura habet, nec habere potest virtutem infinitam, ergo nulla creatura potest esse causa principalis creationis. Maior in qua est difficultas probatur, quia licet producere effectum finitum præcisè non ostendat potentiam infinitam, eam tamen demonstrat quando producit ex nihilo, quia virtus facientis non solum consideratur ex substantia facti, verum etiam ex modo faciendi; nam quanto potentia est magis remota ab actu, tanto maior virtus requiritur in agente; sed nihil, infinite distat ab actu; ergo ad agendum in nihilum infinita virtus requiritur.

48 Huic rationi occurrunt aliqui non videri bene deduci, quod virtus creatiua sit infinita. Nam licet virtus creatiua plena, quæ scilicet respicit totam collectionem entis creabilis debeat esse infinita, non tamen illa, quæ vnâ tantum creaturam respicit, nec ex eo, quod mundus sit ex nihilo sequitur dari debere virtutem infinitam; modus namque fiendi sequitur modum essendi. Tum quia licet inter ens infinitum, & nihilum detur distantia infinita, non tamen inter nihilum, & ens finitum; aliis non esset maior distantia inter nihilum, & ens infinitum, quam inter nihilum, & ens finitum. Tum etiam quia nullus dicit, quod requiratur æqualis virtus ad creandum Angelum, & formicam.

49 Sed contra, non solum requiritur infinita virtus in ordine ad eam collectionem creaturarum, sed etiam ad creandum vnâ tantum, vt vnâ viliissimam formicam, non quidem ex parte rei factæ, sed ex parte modi fiendi ex nihilo, ergo, &c. Antecedens probatur, quia maioritas virtutis agentis maximè attendi debet ex improprietate termini à quo, ad terminum ad quem; ergo vbi est eadem improprietate requiritur eadem virtus; sed inter nihilum, & esse, quodcumque illud sit, est improprietate, & distantia infinita; ergo, &c. Hæc minor subsumpta, probatur, quia nihil, excludit omne ens, fieri namque ex nihilo, est fieri ex nulla ratione entis, est nullam supponere rationem entis, & hæc est ratio termini à quo. At terminus ad quem est vniuersalissima, seu est tota ratio entis, hæc autem ratio duo dicit, & æqualitatem effectuum productorum quantum ad hoc, seu dicit æqualem virtutem respectu omnium effectuum, & distantiam infinitam inter terminum à quo, & ad quem; negatio namque omnis entis, & positio omnis entis, seu rationis formalissimæ entis, non possunt non infinite distare. Per quæ patet ad illa duo quæ in illa responsione adducuntur.

50 Adde, quod quocies agens non, supponit subiectum præparatum, & determinatum ad hunc potius quam illud esse.

effectum producendum, vt producat hūc, aut illum, aliunde debet determinari; ergo cum in creatione nullum supponatur subiectum præparatum, nulla determinatio, aliunde, scilicet ab extrinseco debet desumi determinatio huius, aut illius effectus; ac proinde ex pura Dei voluntate erit, quod ex nihilo fiat formica, aut Angelus; & ex parte termini à quo, & ad quem ea virtus, quæ sufficiet ad producendam formicam, sufficiet ad producendum Angelum. Tum quia proportio, seu distantia inter nihil, & ens, non attenditur secundum magis, vel minus rei creatæ, vt quod sit Leo, aut Musca, sed penes hoc, quod terminus à quo distet ab omnibus prædicatis inclusis in re producta, quia nullum eorum supponitur, sed omnia ex nihilo fiunt; in hoc enim terminus à quo, æquè distat à Leone, & Musca.

51 Probatur 2. alia ratione S. Thomæ loc. cit. quia implicat dari creaturam quæ tanquam causa principalis attingat proprium, & particularem effectum primæ, & vniuersalissimæ causæ, scilicet Dei, ergo implicat quod virtus creatiua communicetur creaturæ, vt sit causa principalis creationis. Antecedens constat; quia si daretur creatura, quæ tanquam causa principalis attingeret proprium effectum Dei, iam non esset creatura, sed creatrix natura. Causa namque prima, debet habere proprium, & particularem effectum distinctum à proprio, & particulari effectui causæ secundæ. Si enim effectus confundantur, etiam causæ confundentur. Tum quia si creatura posset attingere proprium effectum Dei, deberet attingere per virtutem propriam Dei, ac proinde propria virtus Dei iam esset propria creaturæ. Consequenter videtur nota, quia virtus creatiua est propria Dei, ergo si implicat communicari virtutem propriam Dei, implicabit communicari virtutem creatiuam. Quod autem virtus creatiua sit propria Dei, probatur, quia illa virtus est propria Dei, quæ attingit effectum proprium Dei; virtus creatiua est huiusmodi; ergo. Maior constat. Mi-

nor probatur, nam virtus creatiua attingit formalissimam rationem entis; quæ est proprius effectus Dei. Tum quia influxus totius rationis entis, non potest esse creatus: ergo non potest esse à creatura. Consequentia constat. Antecedens probatur, quia si esset creatus, non posset non supponere influxum superioris agentis, vt de se constat; sed influxus attingens totam rationem entis non potest supponere influxum superioris agentis; ergo. Minor probatur, quia vbi effectus non supponit effectum, sed est primus, nec influxus supponit influxum, sed erit primus; in nostro autem casu vniuersalissima ratio entis est primus, & vniuersalissimus effectus, ac proinde influxus illam attingens debet esse primus, ac subinde increatus, non creatus. Alias rationes accumulatur N. P. Blasius in sua metaph. disp. 17. quæst. 2. per totum, quæ in ipso videri possunt, & ad duas prædictas D. Thomæ reducuntur.

52 Primum argum. quod supra inuimus, est, quia inter nihilum, & creaturam non datur infinita distantia, ergo ad creaturam producendam ex nihilo non requiritur virtus infinita, ac proinde Deus alteri poterit eam communicare. Consequenter constat, ideo namque diximus ad creandum requiri virtutem infinitam, quia inter nihil, & creaturam datur infinita distantia; ergo si semel non datur infinita distantia non requireretur infinita virtus. Antecedens probatur, quia distantia infinita datur inter ens infinitum, & nihilum, non inter nihilum, & ens finitum, & limitatum vt est creatura. Nec valet respondere cum D. Tho. loco supra cit. de Potent. ad 2. *Quod nihil prohibet aliquam distantiam imaginari infinitam ex vna parte, & ex alia finitam; ex vtraque autem parte infinitam imaginamur distantiam, quando vtrumque oppositorum ponitur infinitum. Distantia ergo infiniti entis à non esse simpliciter, est infinita ex vna parte tantum, ex parte scilicet non entis, & nihilominus requirit potentiam infinitam agentem.* Nam contra est, quia in primis distantia infinita ex vna parte tantum, non est simpliciter

citer infinita, sed tantum secundum quid, ac proinde superabilis virtute à Deo communicata creaturæ. Tum quia illa distantia est solum infinita negatiuè, non positiuè, quo modo inter hominem, & muscam est distantia infinita negatiuè, quantumvis namque musca crescat in perfectione, nunquam potest perungere ad perfectionem hominis. Tum etiam quia si dicta distantia faceret, quod creatura virtute diuina non posset creare, etiam faceret, quod musca non posset generare muscam ex homine, vel ex non homine, vel etiam ex non musca.

53 Resp. solutionem D. Thomæ esse optimam, si rectè intelligatur, vt intelligi debet. Non enim dicta solutio fundatur tantum in distantia infinita negatiuè ex parte vnus extremi, aliàs neque musca fieri posset ex non musca præcisè, cum etiam hic sit aliqualis infinita distantia inter esse muscæ, & non esse, ex quo fit, licet ex parte rei factæ, seu termini positiui in quem finit muscæ generatio sit absolutè finitas; quod etiam in creatione contingit, vbi ex parte termini creati, in quem creatio terminatur, est finitas. Sed fundatur in infinitate fundata in negatione omnis entis, omnis subiecti, ac proinde prout dicit terminum à quo, non habentem terminum ex hac parte, vbi non est reperire aliquid vnde illa distantia incipiat, vt habet generatio muscæ cum ex non musca generatur, habet enim terminum, scilicet illam materiam ex qua generatur, habet subiectum, &c. Quare sicut æternitas potest esse infinita à parte post, ita distantia, & improprio potest esse infinita à parte termini à quo, & finita ex parte termini ad quem.

54 Secundum argum. quia ex dictis rationibus inferitur, quod non sit maioris virtutis creare Angelum, quam formicam, hoc videtur aperte falsum; ergo, &c. Sequela maioris constat, quia ratio vniuersalissima entis, quæ per creationem attingitur æquè est in formica, ac in Angelo, & quod res creata sit formica, aut Angelus, per se non inspicitur in creatione. Minor probatur, cum quia etiam in

diuina essentia creatura nobilior exprimit maiorem virtutem, ob idque dicitur magis latens; Et imperfectior dicitur minus latens, ex eo quod non non exprimat tantam actiuitatem in agente. Tum etiam quia termini specificant productiones, & productiones diuersificantur per terminos, ergo vbi termini sunt ad eò diuersi, vti est Angelus, & formica, creationes non possunt non esse diuersæ, & se excedere ad proportionem terminorum inspectorum. Resp. concedendo sequelam, modo supradicto; deinde negatur minor, ad vtramque probationem simul respondeo, solum probare, quod creatio formicæ excedatur à creatione Angeli ex parte rei factæ secundum omnia quæ dicit, secus ex parte termini à quo, & ad quem per se, & directè inspectum, vt supra explicuimus.

55 Tertium argum. quia non videtur verum, quod creatio terminetur formalissimè ad vniuersalissimam rationem entis, tanquam ad effectum proprium Dei; ergo, &c. Antecedens probatur, quia etiam loquendo de Deo non attingit vniuersalissimam rationem entis, vt sic, sed vt contractam ad speciales rei rationes. Dum namque Deus creat animam rationalem, attingit omnes rationes in illa contentas, prout de facto in illa continentur; sed rationes vniuersalissimæ in anima rationali sunt contractæ per propriam differentiam; ergo. Ex quo inferitur minus bene dicere illos qui ex hoc quod creatio terminetur ad vniuersalissimam rationem entis, inferunt, quod si creatura posset per creationem illam rationem attingere, posset etiam attingere se ipsam, cum illam attingere posset vbiunque reperitur. Resp. negando antecedens. Ad probationem dicendum, quod dupliciter attingi potest ratio vniuersalissima entis. Primum quatenus illa ratio est contracta, & quasi alligata ad rationes particulares, seu ratione formæ, quatenus ab eadem forma procedunt omnes gradus superiores, & tunc gradus superiores non attinguntur ratione sui, & per se primum, sed ratione graduum parti-

cularium, & specificorum, & hoc modo generans attingit gradus superiores; cum enim attingat animam, non potest non attingere omnes gradus, qui ab illa proveniunt, sed superiores attingit ratione inferiorum. Cum enim agens intendat assimilare sibi passum secundum formam qua agit, & agens creatum agat secundum formam, & per formam secundum rationem specificam, & ariam, secundum quam intendit assimilare sibi passum, sequitur quod per se primò attingat gradus específicos, & per se secundò, & ratione istorum attingat supremos. Secundò ratio vniuersalissima entis, & gradus superiores attingi possunt, non ratione alterius, non ratione graduum specificorum, non rationem formæ, sed immediatè, per se primò, & ratione sui, & gradus inferiores per se secundò, & ratione superiorum; & hoc modo attingitur ratio entis à Deo. Ratio clara est, quia vis, virtus, & potentia supremi agentis tanta est, & tam vniuersalis, vt nihil omnino supponat, neque ipsam entitatem vt potentialem, & ad plura indifferentem, sed eam producat, ab illa incipiendo, alias non crearet, sed educeret, generaret, &c. Vnde impossibile est, quod primum agens per actionem creaturam attingat per se primò, & immediatè rationem specificam, quæ necessario supponit rationes potentiales, generales, contrahibiles. Per quæ patet ad illud, quod dicitur contra illationem, quia si creatura attingeret per se primò generalissimam rationem entis creati, etiam se ipsam attingeret, cum in illa contineatur.

D V B I U M V.

An creatura possit esse instrumentum physicum creationis.

56 **D**E physico instrumento, non de morali dubium proponitur, quia de solo physico est difficultas inter Theologos, & Philosophos. Certum namque est, quod Deus possit assumere creaturam ad creandum tanquam

instrumentum morale, hoc enim nullum debet habere influxum in effectum, sed potius in agens, quatenus illius intuitu mouetur ad agendum. Et sic Deus potest intuitu orationis Petri moueri ad creandum Angelum, sicuti in Lege veteri intuitu meritorum Christi venturi mouebatur ad sanctificandos homines, &c.

57 De solo ergo instrumento physico, quod physicum debet habere influxum, dubium præsens procedit. De quo prima sententia est, quod creatura licet non possit esse instrumentum physicum naturale, de quo nulla potest esse difficultas, potest tamen esse instrumentum supernaturale, seu ex diuina virtute, creationis: Sic tenuit Magister in 4. dist. 5. Durand. in 2. dist. 1. q. 3. Gabriel in 4. dist. 1. q. 1. & alij, quam sententiam tenuit etiam D. Tho. in 4. dist. 5. Licet eam retractet hic q. 45. art. 5. & 2. contr. Gent. cap. 21. & q. 3. de Potent. art. 4.

58 Nostra sententia seq. concl. explicatur. *Creatura nullo modo potest esse instrumentum physicum creationis, nec naturale, nec supernaturale.* Primam partem ponimus contra aliquos Philosophos, & Hæreticos. Nam Auicenna vt refert S. Thomas dicto art. 5. dicebat, quod licet creare sit proprium prime causæ, tamen in virtute illius potest aliqua causa inferior creare; vnde volebat, quod prima substantia intellectualis post Deum creet aliam post se, & hæc aliam, vsque ad illam quæ mouet primum orbem, & quod hæc creet suum orbem, & animas; postea substantia orbis creat materiam primam corporum inferiorum. Auicennam sequuti sunt alij Philosophi; inde Arius dicebat, quod Verbum Dei erat factum à Deo, vt ei deferuaret ad faciendum omnia tanquam instrumentum. Secundam partem conclusionis ponimus contra citatos Theologos. Hanc præcipuè impugnabimus, quia impugnata, & prior impugnata manebit. Hanc conclusionem tenent omnes Thomistæ hoc loco, & plerique alij, quibus addo N. P. Blas. in sua *Metaph. disp. 17. q. 3.*

59 Probatur 1. ratione D. Thomæ dicto

dicto art. 5. quæ talis est. *Causa secunda instrumentalis non participat actionem causæ superioris, nisi in quantum per aliquid sibi proprium dispositivè operatur ad effectum principalis agentis*; sed creatura nihil agere potest in creatione, secundum id, quod est sibi proprium; ergo, &c. Maiorem probat S. Doctor, tum quia aliàs non oporteret esse determinata instrumenta, ad agendum, quod est falsum, quia artes habent determinata instrumenta, & varia pro determinatis, & varijs effectibus. Tum etiam quia videmus, quod securis sciendendo lignum (quod habet ex proprietate suæ formæ) producit formam scamni, quæ est effectus proprius principalis agentis. Minor prædictæ rationis constat, quia in creatione, cum non sit ex aliquo præsupposito subiecto, nihil datur, quod disponi possit per actionem agentis instrumentalis; esse namque absolute, quod est proprius effectus Dei creantis, est illud, quod omnibus alijs præsupponitur. Hæc ratio D. Thomæ habet maiorem vim in agente corporeo, quia hoc præexigit aliquod præexistens, quod possit tangi, & moveri, cum nullum corpus agat, nisi tangendo, vel movendo, quod in creatione esse non potest.

60 Hanc rationem D. Thomæ impugnat Suarez in *Metaph. disp. 20. sect. 3. & 3. p. disp. 31. sect. 8.* vbi sententiam Durandi, & aliorum sequitur. Eandem rationem recitat Molina *hic disp. 2.* Vasquez *disp. 176. cap. 2.* & alij. Alij etiam dicunt, quod ratio D. Thomæ bene probet de instrumentis naturalibus, quæ scilicet suapte natura habent virtutes ordinatas ad aliquem effectum, non de supernaturalibus in quibus solum supponitur potentia obedientialis ad hoc vt eleventur ad effectus improporcionados, & superiores. Quocirca dicunt esse differentiam inter instrumenta naturalia, & supernaturalia, quod instrumenta naturalia requirunt subiectum circa quod agant, quodque disponant, quia sunt veluti semen, aut virtus principalis agentis ab eodem agente principali diffusa, & mediante,

qua suum operatur effectum. At agentia instrumentalia supernaturalia, cum suapte natura non ordinentur ad effectum principalis agentis, habent solum potentiam obedientialem vt eleventur, ac proinde nullum supponunt subiectum circa quod agant, ad quod diffundant virtutem agentis principalis, quodque disponant ad receptionem influxus eiusdem agentis principalis. Hinc infert Albertinus in *1. coroll. Theologico, ex 2. principio Philosophico*, quod Sacramenta concurrere possint ad creationem, & *difficultate 6. n. 52.* dicit posse creaturam assumi ad producendum omne possibile præter se ipsam.

61 Verum antequam agamus contra istos modos dicendi, nota, quod instrumentum dupliciter comparari potest ad actionem agentis principalis. Primò quia non solum conducit ad effectum principalis agentis, sed illo indiget agens principale ad suos effectus producendos, nam sine illo, vel nullo modo, vel non ita bene dictos effectus produceret, quo modo pictor indiget penicillo, scriba calamo, artifex malleo, securi, ferra, ascia, &c. Secundò, quia licet conducatur ad effectum principalis agentis, non tamen eo indiget, vt cum quis potens per se ipsum scribere, scribit per alium. Et in hoc casu opus est, quod agens principale communicet instrumentum suam virtutem, seu motionem, eo ipso, quod eo uti vult: necesse tamen est, quod virtus, seu motio principalis agentis contemperetur ipsi instrumento, illique accommodetur. Quocirca, quando Deus pro sua benignitate, non necessitate vitur aliqua creatura vt instrumento, oportet, quod eius virtus, eiusque motio accommodetur instrumento; non enim est res creata eapax virtutis infinitæ, & illimitatæ, sed in ea recipi debet finito, & limitato modo, ac proinde effectus debet producere ab instrumento modo limitato, finito, determinato, & inferiori. His positus.

62 Probatur insufficiencia modorum dicendi n. 60. relatorum. Causa secunda non potest participare motionem causæ primæ, nisi modo finito, determinato, &

limitato, ac proinde non potest deferre illius virtutem ad effectum, seu vt attingat effectum nisi vt limitatum, & determinatum, ergo non potest esse instrumentum creationis. Antecedens constat ex dictis. Conseq. probatur, quia ad creandum requiritur virtus infinita, sed in hoc casu non daretur, sed solum finita, limitata, & determinata, cum finiretur, determinaretur, & limitaretur per instrumentum creatum, cui attemperatur, & accommodatur; ergo. Tum quia eo ipso, quod aliquis effectus procedat ab aliquo instrumento, debet procedere modo inferiori quam à causa principali, modus autem inferior alius esse non potest, nisi quod procedat modo limitato, & determinato, qui modus non potest non impedire creationem, ad quam requiritur, quod effectus procedat modo quodam infinito, & illimitato. Tum etiam quia si Deus videretur aliquo instrumento ad creandum, vel illi communicaret aliquam virtutem ad hunc effectum præstandum, vel non. Si hoc secundum, iam creatura non erit instrumentum, nec ager in virtute Dei, eum ab eo nihil recipiat. Si primum, iam illa virtus recepta in instrumento erit finita, limitata, creata, ac proinde insufficientis ad creandum.

63 Probatur 2. & simul confirmatur præcedens impugnatio, quia si creatura posset esse instrumentum Dei ad creandum, oporteret, quod operatio instrumentalis à qua procederet res creata, esset accidens, ac proinde deberet indigere subiecto in quo reciperetur; & ex quo operaretur; sed hoc implicat cum ratione creationis, vbi nullum datur subiectum; ergo, &c. Maior constat, quia operatio instrumentalis esset creata, ac proinde accidens; in creatis namque nulla datur operatio, quæ sit formaliter substantia, sed accidens. Minor probatur, quia de ratione accidentis est, quod habeat subiectum cui inherere, & de ratione operationis est, quod habeat subiectum ex quo operetur, quod sit quasi medium operandi, quod deferat virtutem, & actiuitatem ad effectum; sed hoc non habetur in crea-

tione; ergo. Tum quia eo ipso, quod actio est accidens debet se tenere non solum ex parte agentis vt actus secundus filius, sed etiam debet se tenere ex parte termini, cum sit fieri, tendentia & via ad illum, & per ordinem ad illum specificetur, non tanquam à termino extrinseco, solum extrinsece affecto, sed tanquam à termino intrinsece immutato, producto, & facto, sed hoc nõ potest dari vbi non datur subiectum ipsius fieri; aliàs fieri, tendentia, factio, subiectarentur in suo facto esse, vel essent sine subiecto, ergo.

64 Obijcies 1. anima rationalis fit per creationem, vt fides docet, & tamen supponit materiam dispositam per virtutem agentis creati; ergo non est contra rationem creationis, quod supponat actionem præuiam dispositiuè concurrentem ad effectum agentis principalis. Respon. concedendo antecepens, & negando consequentiam. Si enim aliquid probaret, conuinceret etiam, quod agens naturale esset causa principalis creationis animæ, cum sit causa principalis dispositionum; quod enim principaliter disponit subiectum ad formam, est etiam causa principalis formæ. Vel saltem sequeretur, quod agens naturale esset instrumentum naturale creationis animæ rationalis, si esset causa instrumentaria dictarum dispositionum naturalium. Igitur anima rationalis supponit quidem materiam dispositam, ab agente naturali, sed talis dispositio nõ extenditur ad attingendum animam rationalem. Tum quia instrumentum, vt ex dictis colligitur, non attingit solum effectum principalis agentis in genere causæ materialis dispositiuæ; sed etiam effectiuè. Instrumentum namque est causa efficiens, non materialis; licet actio instrumentaria possit esse aliquo modo dispositio vt ipsum instrumentum recipiat virtutem, influxum, & motionem agentis principalis.

65 Obijcies 2. quia non implicat, imò de facto contingit, quod actio productiuæ termini, identificeetur cum eodem termino, vel subiectetur in termino; ergo non requirit subiectum in quo recipiatur. Conseq. nota est, si enim actio subiectetur in

termino, non indigeret alio subiecto à termino distincto. Antecedens constat tum in actionibus transeuntibus, tum ipsa actione creatura Dei, quæ passivè accepta, est ipsamet creatura. Resp. concedendo antecedens, & negando consequens. Licet enim actio transiens in statu completo, & in facto esse subiectetur in termino, tamen prout est fieri termini, prout est via, & tendentia, ad terminum indiget alio subiecto distincto à termino, quod in creatione non datur, & si daretur, destrueretur natura, & essentia creationis. Ad illud quod dicitur de actione creatura Dei, constat, quia, non potest esse formaliter transiens, sed sufficit, quod connotet, & ponat ob suam infinitatem effectum factum, seu productum.

66 Obijcies 3. quia in instrumentis supernaturalibus, & elevatis non requiritur actio prævia circa subiectum, in quo ponitur actio principalis agentis, neque requiritur, quod huiusmodi instrumenta effectum tangant, nec subiectum, aut quod in illo sit, neque quod operentur ex subiecto; ergo creatura potest elevari ad creandum. Consequens bene sequitur ex antecedenti; ideo namque exclusimus creaturam à ratione instrumenti creationis, quia debet habere actionem præviā, quæ disponat, & deferat virtutem principalis agentis, & sit quasi vehiculum illius: item quia instrumentum debet tangere effectum; item quia debet habere subiectum, quod sit in subiecto, & quod ex subiecto operetur; ergo si ista non requiruntur, poterit creatura esse instrumentum creationis. Antecedens probatur; quia sacramenta producunt gratiam in animam, in qua nullam habent actionem, dispositivam, sed tangunt corpus, & animam lauant. Item ignis inferni torquet spiritum in quem nullam habet actionem. Item potest Deus assumere actum immanentem intellectus, aut voluntatis tanquam instrumentum, ad producendum aliquem effectum ad extra, cum tamen dicti actus nihil ponant ad extra in subiecto circa quod operantur. Item transubstantiatio est actio operans ex non subiecto, nullum enim ibi manet subiectum, cum tota

substantia panis, & vini in corpus, & sanguinem Christi conuertatur.

67 Resp. distinguendo antecedens: in instrumentis supernaturalibus non requiritur actio prævia quæ producat effectum distinctum ab effectu principalis agentis, & conceditur; quæ producat eundem effectum principalis agentis limitando virtutem illius ad modum proprium operandi, & negatur. Quare de ratione instrumenti est, quod habeat propriam actionem, quæ sit prævia ad rationem principalis agentis per quam virtus illius limitetur, & accommodetur ipsi instrumenti, & modo operandi illius. Ad illud, quod dicitur de sacramentis, dico, quod sacramenta non causant in animam aliquem effectum virtutis propriae, habent tamen causare ut mota à principali agente, & per virtutem illius gratiam. Vnde gratia & est effectus Dei, & instrumenti Dei ut causæ principalis; instrumenti, ut causæ instrumentalis. Ad illud de igne inferni constat ex modo dictis; sicut etiam constat ad illud de actibus immanentibus, quando namque dictæ actiones assumerentur ut instrumentum, non producerent effectum distinctum ab effectu principalis agentis, sed eundem, & illa actio instrumentaria se haberet dispositivè, modo dicto, ad actionem principalis agentis, quia illam sibi appropriarent, & accommodarent. Tandem ad illud quod de transubstantiatione dicitur, dico, quod ibidem non manet quidem commune subiectum, non tamen fit creatio, cum maneat ratio entis, seu cum non fiat ex non ente, seu ex nihilo. Sed ex ente fit ens: ex substantia panis, fit substantia corporis Christi. Actio autem conuersiva subiectatur in re in quam fit conuersio, ut explicui in *tract. de Euchar.*

68 Obijcies 4. ex Vasq. quia intellectus sine habitu luminis gloriæ cum solo divino auxilio potest videre Deum, & tunc intellectus se habet tanquam instrumentum, & tamen non habet actionem præviā. Item phantasma est instrumentum intellectus agentis ad producendam speciem in intellectu possibili, cum tamen phantasma nullam habeat præviā actionem circa

circa ipsum intellectum. Resp. falsum esse, quod intellectus dato illo casu se habeat tanquam instrumentum, sed se habeat ut causa principalis; non enim solum movetur, sed se movet, & vitaliter se movet, & ad obiectum contentum intra proprium obiectum extensum, licet non intra obiectum intensum. Ad illud, quod dicit Vasquez de phantasmate dico 1. quod licet phantasma se ipso non habeat actionem in intellectum possibilem, habet tamen actionem instrumentariam ad producendum eundem effectum causæ principalis, scilicet intellectus agentis, qui effectus est ipsa species intelligibilis. Dico 2. sufficere quod actio phantasmatis, limitet virtutem causæ principalis, modo supra dicto. Dico 3. quod phantasma non est instrumentum ad productionem speciei, sed est materia ex qua intellectus agens producit speciem, ipsum denudando à conditionibus materialibus, & individuantibus.

69 Obijcies 5. ex Molina, quia falsum est, quod instrumentum habeat aliquam actionem propriam, & praviam, quia ut constat etiam in effectibus artis instrumentum nihil producit; nam securis, aut ferra non se movet, sed ut impulsæ, & motæ ab artifice, ac proinde tota actio tribuitur artifice, & nulla ferræ. Patet etiam in igne calefaciente per aerem, nam totus effectus tribuitur igni, & aer nihil operatur ad talem effectum, cum tamen aer sit instrumentum ignis. Resp. negando antecedens. Ad 1. probatio-

nem dico, quod tota sciscio ferræ v. g. ut artificiosa, est ab artifice, non ut sciscio, est; ad scedendum namque sufficit ipsa dispositio ferræ. At ad scedendum artificiosè impelli debet ab artifice. Ad 2. probationem dico, quod aer est subiectum ignis non instrumentum. Sicut aqua calida est subiectum caloris, non instrumentum illius.

70 Obijcies 6. quia creatura potest assumi ad annihilandum, ergo etiam ad creandum; Conseq. tenet, oppositorum namque eadem ratio est, & disciplina. Antecedens probatur, quia ut multi volunt, in consecratione tota substantia panis annihilatur cum neque materia, neque forma maneat. Resp. 1. negando antecedens, neque verum est, quod in consecratione intercedat annihilatio; terminus namque annihilationis est nihil, & terminus consecrationis est corpus, & sanguis Christi D. Vnde sicut solus Deus potest creare, ita solus potest annihilare, ut docet S. Doctor 3. p. q. 13. art. 2. & eius discipuli communiter, & rationes quæ probant primum, probant etiam secundum, ut intuitu constabit. Resp. 2. transcat antecedens, & negando consequentiam. Ad probationem dico, quod contrariorum est eadem ratio, & disciplina, quando cætera sunt paria, in hoc autem casu cætera non sunt paria, quia in creatione non datur subiectum actionis instrumentariæ, at in annihilatione datur, quod postea simul cum illa actione in nihilum redigitur.

TRACTATUS

TERTIVS

DE ANGELIS

DISPUTATIO XLI.

IN QVÆST. L D. THOMAE.

De Substantia Angelorum absolute.

POSTQVAM D. Thomas egit de Deo vno, & Trino, & de productione, seu creatione rerum in communi, in hac questione

incipit agere de creaturis procedentibus, de earumque distinctione in spirituales, & corporales, & ex his compositas, quæ est homo, quod præstat vsque ad finem huius primæ partis. Et primò agit de creatura purè spirituali, quam antiqui Philosophi intelligentiam, Theologi Angelum vocant, de quo disputat S. Doctor ab ista q. vsque ad 63. In hac q. considerat Angeli substantiam absolute, & in se. In 1. art. ostendit dari substantias omnino incorporeas, quia datur substantia intelligens sicut anima nostra, & intelligere de se non indiget corpore, ac proinde tantò erit perfectius, quantò erit à corpore abstractius. In 2. art. demonstrat has substantias esse simplices, hoc est non compositas ex materia, & forma, quia hæc non diuiditur nisi per quantitatem, quæ à substantijs incorporeis longè abest. In 3. art. ostendit Angelos in magno esse numero, non secundum numerum spec-

cierum sensibilibum, vt posuit Plato, neque secundum numerum primorum mobilium, idest cælorum, vt posuit Aristoteles, sed secundum Dei ordinationem, qui substantias superiores produxit secundum maiorem excessum, quam inferiores. Vnde sicut corpora incorruptibilia, idest cæli, excedunt incomparabiliter in magnitudine corpora corruptibilia, ita substantiæ immateriales excedunt incomparabiliter in numero, substantias materiales. In art. 4. demonstrat Angelos differre, & multiplicari solum secundum speciem, eo quod careant omni materia, & totum quod sunt, formæ sunt. Ex forma autem sumitur multiplicatio specifica, & ex materia numerica. In art. 5. ostendit Angelos esse incorruptibiles, licet sint annihilabiles, quia ad hoc secundum sufficit suspensio, & retractio concursus causæ efficientis dantis esse. At ad primum requiritur materia, quæ vna forma recepta, aliam excludat, & corrumpat, quia corruptio non est sine generatione. Vt autem ea, quæ hic disputari solent ad manus habeas, sit.

D V B I V M I.

An Angelus sit omnino incorporeus.

1 **A** Nrequam ulterius progrediamur prius explicare debemus huius tituli terminos. Primus est *Angelus*, quod nomen græcum est, officij potius, quam naturæ, vt communiter tradunt Sancti Patres. Latine idem est ac *Nuncius*, seu *Legatus*, quo in sensu Christus D. Malachia 3. vocatur Angelus, quia à Patre missus est vt nouum testamentum nuntiaret. Hic tamen dictum nomen pro substantijs separatim accipitur, de quibus cum D. Thoma agemus. Hos Angelos, Aristoteles vocauit intelligentias. Plato vocauit superiores, *Dei*, inferiores, *dæmones*. Secundus terminus est *sit*, qui sumi potest vel quatenus solam essentiam vel prout solam existentiam, vel vt vtrūque simul importat. In præsentem accipitur hoc posteriori modo, vt fiat sensus, an Angelus, qui est incorporeus existat in rerum natura, vt sic detur locus questionis. Tertius terminus est *omnino*, qui dicit omnimodam negationem corporei in sensu modo explicando.

3 Quartus terminus est *incorporeus*, qui dicit negationem corporis; cuius autem explicandum est. Pro quo nota, quod corpus potest tripliciter accipi. Primò pro tota specie quantitatis continuæ, scilicet pro corpore importante trinam dimensionem. Secundò, pro materia prima, quæ est radix quantitatis. Tertiò, pro toto composito ex materia, & forma substantiali. Hoc loco *incorporeus* accipitur prout dicit negationem corporis primo modo, vnde sensus tituli est, an Angelus sit inextensus quantitatiue omnimodè, scilicet, & quoad substantiam, & quoad operationem, quia an sit incorporeus per exclusionem materiæ, tractat D. Thomas in art. 3.

4 Prima sententia est, non dari Angelos, qui sint omnino incorporei, seu inextensi quantitatiue. Sic tenuerunt sadocti, quos refert D. Tho. in præsentem

sic tenuerunt aliqui antiqui Philosophi, quorum meminit Arist. 4. Physic. quorum fundamentum postea soluemus.

5 Nostra sententia seq. concl. explicatur. *Dantur Angeli, qui sunt omnino incorporei, seu inextensi per quantitatem.* Hæc conclusio habet duas partes: vna. quod dentur Angeli, altera quod sine omnino incorporei. Prima, est de fide; constat ex pluribus sacre scripturæ locis, præsertim ex illo matt. 18. *Angeli eorum in calis.* &c. Secunda pars est etiam certa, & non obscurè probatur ex illo psal. 103. *Qui facit Angelos suos spiritus.* Colligitur etiam ex verbis Concilij Later. quæ referuntur cap. *firmiter, de summa Trinitis.* scilicet: *creator omnium: sua omnipotenti virtute simul ab initio temporis vtramque de nihilo condidit creaturam, spiritualem & corporealem, Angelicam videlicet, & mundanam, &c.* Aduerte tamen nos colligi ex hoc loco nostram sententiam esse de fide, quia Concilium solum definiuit vtramque creaturam esse à Deo conditam. Colligitur tamen esse omnino veram.

6 Probatur conclusio quoad vtramque partem simul, quia hoc vniuersum debet esse simile Deo saltem quoad aliquam sui partem; sed hoc non esset nisi daretur natura purè intellectualis, & incorporea; ergo debet dari hæc natura purè intellectualis, & incorporea. Maior constat, quod enim est valde bonum, & valde perfectum, debet esse valde simile, & perfecte simile Deo; hoc vniuersum est valde bonum, vt constat ex illo Gen. 1. *Vidit Deus cuncta, quæ fecerat, & erant valde bona*, ergo. Tum quia effectus debet assimilari suæ causæ; ergo. Minor probatur, quia Deus est summè spiritualis, & incorporeus; ergo debet dari aliqua creatura spiritualis, & incorporea; Antecedens est certum, Conseq. probatur, tum quia si non daretur aliqua creatura purè spiritualis, & incorporea non daretur aliquid in quo reluceret formalissimè virtus causæ, scilicet Dei. Tum etiam quia ad perfectam similitudinem spectat, quod in effectu resplendat aliquid quod ostendat

De Substantia Angelorum absolute. 713

dat rationem, seu modum agendi causæ; ergo cum Deus agat per solum intellectum, & voluntatem, & non per aliquam potentiam materiale debet dari in effectu, scilicet in toto hoc vniuerso aliquid, quod sit purè intellectuale, ac proinde purè spirituale, & in corporeum.

7 Confirmatur 1. quia ad hoc vt hoc vniuersum sit perfectum, perfectèque simile Deo, debet in eo dari gradus purè intellectualitatis; ergo dari debet creatura purè intellectualis, & incorporea. Conseq. tenet. Antecedens probatur, quia ad hoc vt vniuersum sit perfectum, perfectèque simile Deo, debent dari alij gradus imperfectiores, scilicet viuendi, & sentiendi, ergo multo magis dari debet gradus intelligendi, qui est magis perfectus, & in quo magis vniuersum assimilatur Deo, & in quo magis virtus agendi Dei resplendet.

8 Confirmatur 2. quia in homine, qui est mundus minor, vniuersum paruum, epilogus, & microcosmus, dantur vniuersi gradus essendi, viuendi, sentiendi, & intelligendi; ergo in mundo maiori etiam dari debent: in illo vt in epilogo, vniti, & indistincti; in isto diuisi, & distincti, ac proinde dabuntur creaturæ purè intellectuales, & incorporeæ.

9 Sed obiecis 1. contra rationem, quia non potest sufficienter probari, quod Deus creauerit creaturas purè intellectuales, & incorporeas, nisi desumatur ex sacra scriptura, & Patribus, vel expremento, vel ex effectibus; sed ratio facta ex nullo horum capite procedit; ergo. Maior constat, quia sicut id, quod ex nobis liberè operantibus procedit, non probatur, nisi Deo, vel nobis reuelantibus, vel experimento, vel effectibus, ita &c. Minor patebit consideranti rationem num. 6. propositam. Respondetur concedendo maiorem, & negando minorem, eo namque ipso, quod ex fide, & Patribus habeamus hoc vniuersum esse à Deo creatum, virtualiter habemus quod in eo sint omnes gradus essendi, qui ad illius perfectionem spectant. Sicut ex eo, quod Deus creauit hominem colligimus posuisse in ipso veluti in epilogo

omnes dictos gradus, ita &c.

10 Sed dices, quod licet manus, aut pes pertineant ad integram hominis perfectionem, ex eo tamen, quod constat ex aliqua reuelatione, vel auctoritate hominem esse productum, non inde constaret dictum hominem habere manus, vel pedes, cum aliquando homo sic producat abscque eo, quod ordo, & providentia Dei inuertatur; ergo licet gradus purè intellectualitatis pertineat ad perfectionem vniuersi, non tamen ex vniuersi productione sequitur, quod dictus gradus sit re ipsa productus. Resp. 1. quod si constaret Deum per se ipsum produxisse hominem, sufficientissimè probaretur illi fore integrum, ac proinde idem. etiam in nostro casu inferri potest. Resp. 2. &c. negando conseq. Ratio discriminis est, quia licet possit aliquando deesse aliquid pertinens ad complementum naturæ particularis ob defectum alicuius causæ secundæ; non tamen deesse potest id quod spectat ad perfectionem, & complementum naturæ vniuersalis. Defectus namque particularis potest ordinari ad perfectionem naturæ vniuersalis, ac defectus naturæ vniuersalis vltius ordinari non potest.

11 Obiecis 2. contra eandem rationem, quia in agentibus per intellectum effectus tantum debet esse similis rationi agendi per modum formæ intelligibilis, seu debet esse similis rationi agendi Dei per modum formæ intelligibilis, scilicet idem, non in alijs rationibus agendi; ergo ex hoc, quod in hoc vniuerso debent dari effectus similes Deo, non sequitur, quod dari debeant creaturæ purè intellectuales, & incorporeæ. Antecedens constat, quia domus producta ab artifice solum debet esse similis idem, non alijs rationibus agendi, vt intellectui, & voluntati. Conseq. etiam constat, quia diuinus intellectus licet sit ratio agendi, non tamen per modum formæ, seu idem. Tum quia ex eo, quod aliquid sit simile formæ intelligibili, non sequitur, quod sit intellectuum, vt constat in exemplo allato de domo. Resp. distinguendo antecedens: effectus tantum debet esse similis rationi

agendi per modum formæ intelligibilis, quando non procedit omnino similis, sed utrumque solum, & conceditur: quando procedit ut perfectè similis, & negatur. Domus autem solum utrumque similis procedit. At vniuersum quoad aliquam sui partem debet procedere perfectè simile Deo, ac proinde etiam quoad intellectum, qui est formalissima ratio agendi.

12 Sed dices, quod forma intelligibilis, cui vniuersum assimilatur, est idea diuina; sed idea vtpotè attributum distinctum ab essentia, non est formaliter intellectiua, sed solum est intelligibilis per modum termini, & obiecti cogniti; ergo ex hoc, quod vniuersum assimilatur formæ intelligibili, non sequitur, quod dari debeant creaturæ purè intellectuales. Resp. quod non sola idea habet rationem formæ intelligibilis, sed etiam species intelligibilis, quæ etiam ex parte rei conceptæ est intellectiua; essentia namque diuina est ipsa met intellectio diuina. Tum quia licet idea formalissimè non sit intellectiua, sunt tamen ex parte rei conceptæ, seu ex parte modi essendi secundum quem Deus operatur, ac proinde adhuc ut vniuersum perfectè assimiletur etiam ideis ex parte modi essendi, debet assimilari diuino intellectui, qui est ipsa ratio essendi diuinarum idearum.

13 Obijcies 3. quia si ob aliquam rationem deberet dari natura intellectualis, maximè quia debet dari natura, quæ cognoscat vniuersalia; natura autem corporea cum sit extensa, & non possit operari nisi per organum corporeum, non potest extendi nisi ad singularia; sed hæc ratio est nulla; ergo. Minor probatur, quia natura extensa, & operans per organum corporeum potest attingere rationem vniuersalem, v.g. quidditatem materialem, seu rationem communem corporis; ergo. Antecedens ostenditur, quia quidditas materialis, & ratio communis corporis, non excedit rationem organi corporei, cum organum corporeum habeat quidditatem materialem, contineatque communem rationem corporis. Resp. concedendo maiorem, &

negando minorem. Ad probationem, negatur antecedens; ad cuius probationem dico, quod licet quidditas materialis non excedat organum corporeum in esse rei, illud tamen excedit in esse obiecti. Ratio est, quia ratio corporis in communi, & ratio quidditatis materialis, est quodammodò in materia singulari, & quodammodò extra illam. Est in materia singulari, quia à parte rei identificatur cum illa. Est quodammodò extra illam, quia prout repræsentatur in specie abstrahit ab illa, quatenus repræsentatur sine singularitate. At organum est omnino in materia, ac proinde dicta quidditas materialis in esse obiecti excedit organum corporeum, nec per illud, vel in eo attingi poterit cum sit conuenientia in eodem gradu immaterialitatis.

14 Obijcies 4. contra primam confirmationem, quia esse intellectuale per modum actus purissimi constituit in Deo gradum diuinæ intellectualitatis, & tamen iste gradus non communicatur creaturis, nec reperitur in vniuerso; ergo ex hoc, quod esse intellectuale sit supremus gradus, non bene colligitur, quod debeat dari in creaturis, scilicet in Angelis, ne perfectio istius gradus desit vniuerso. Tum quia iste gradus intellectualitatis iam reperitur in homine, ac proinde iam ex hoc vniuersum habet omnium graduum perfectionem, & sic ex hoc non bene colligitur, quod debeat dari creatura alia purè intellectualis, & incorporea. Resp. quod gradus intellectualis per modum actus purissimi est gradus proprius Dei, & dicit intellectualitatem secundum modum proprium quo est in Deo, ac proinde est incommunicabilis creaturis: non sic gradus intellectualitatis de quo loquimur, qui admittit aliquam potentialitatem, ac proinde est communicabilis creaturis.

15 Sed dices hinc sequi, quod non pertineat ad perfectionem vniuersi, quod communicentur alicui creaturæ gratia, & gloria, aliaque dona supernaturalia, & vniò hypostatica, quia ista sunt participationes diuinarum perfectionum prout sunt in Deo, & modo proprio ipsius Dei.

Resp.

Resp. 1. quod ex vi dictæ rationis solum sequitur, quod communicetur intellectualitas dicta; non gratia, gloria, &c. Licet ex alijs capitibus colligatur, quod etiâ ista aliquo modo debuerint communicari, tanquam pertinentia ad perfectionem vniuersi. Resp. 2. quod ex illa ratione etiam colligi potest, quod etiam dicta dona debuerint communicari, non quidem in sua plenitudine, & modo proprio quo sunt in Deo, sed modo illo, quo possunt creaturis communicari, scilicet ut sunt quædam accidentia, &c. quod autem unio hypostatica dari debuerit, ex alio principio deducitur ut scilicet non deesset vniuerso iste alter gradus unionis hypostaticæ, qui vniuersum perficeret, & compleret in ordine supernaturali, &c. Ad probationem patet ex dictis, quod scilicet in homine est quidem gradus intellectualitatis, sed imperfectior quàm in Angelis, & veluti in epilogo, & in microcrosmo, in quo etiam alij gradus reperiuntur, at etiam debebat dari distincti, & in distinctis subiectis.

16 Obijcies 5. contra secundam confirmationem, quia ex eo, quod omnes gradus sint uniti in homine tanquam in mundo paruo, non sequitur, quod in mundo maiori detur gradus sentiendi, qui non sit simul viuendi. & essendi: ergo neque sequitur, quod detur gradus intelligendi, qui non sit simul sentiendi, ac promde, quod detur creaturæ purè intellectuali. Antecedens constat, quia gradus sentiendi supponit gradum essendi, & vegetandi; nec datur creatura, quæ sit tantum sensitiva. Conseq. patet ex paritate rationis. Tum quia ex eo, quod in homine dentur simul sensitiuum, & loco motiuum per motum progressiuum, imò & intellectiuum, non inferitur, quod in vniuerso detur loco motiuum sine sensitiuo, neque intellectiuum sine sensitiuo; ergo ex eo, quod in homine detur vegetatiuum, & sensitiuum coniunctum cum intellectiuo, non bene inferitur, quod detur gradus intellectiui separatus à vegetatiuo, & sensitiuo. Resp. nostram rationem procedere seruata natura, & condi-

tione cuiuscunque gradus, ut illi dentur separati in vniuerso, qui in homine adunati, separabiles sunt; gradus autem purè intellectiui separabilis est tam à gradu loco motiuo, quam sensitiuo; at gradus sentiendi est omnino inseparabilis à gradu essendi, & vegetandi, cum illos indispensabiliter supponat. Soluuntur argum. primæ sententiæ.

17 Primum argum. desumunt ex sacra scriptura; Gen. 9. dicitur. *Videntes Filij Dei, Filias hominum, quod essent pulchre, &c.* & secundum lectionem antiquam septuaginta de qua meminit D. August. lib. 15. de ciuit cap. 27. sic legitur. *Videntes Angeli Dei Filias hominum, quia bona sunt, &c. generabans eis.* Quæ verba de veris Angelis intelliguntur plures Sancti Patres, quod esse non posset si Angeli essent incorporei. Resp. quod illa verba non de veris Angelis, sed de hominibus nobilibus, vel potentibus, vel fortibus, vel bonis, ut iudicibus illius temporis, vel Filijs Seth; ut explicat post plures Sanctos Patres D. Tho. 9. sequenti art. 6. ad 3. Colligitur apertè hæc interpretatio ex eodem cap. ubi Deus statuit homines perdere ob illud peccatum, dicens: *Non permanebis Spiritus meus in homine, quia caro est.* Bene verum est, quod aliqui Sancti Patres illum locum de veris Angelis intellexerunt, vel quia putarint Angelos esse corporeos, vel quia putarint tunc genuisse ex hominum semine transportato.

18 Secundum argum. quia in Concilio Nicæno II. videtur definitum, quod Angeli sint corporei, ob idque pinguntur ut iuuenes. Resp. quod solum ibi dicitur, quod pingi possint cum corpore, nō quod corpus re ipsa habeant. Sic enim dicitur. *Ostendis Pater, quod Angelos pingere oporteat, quando circumscribi possunt, & ut homines apparuerunt.*

19 Tertium argum. quia demones in inferno per ignem cruciantur, ergo sūt entens per quantitatem. Antecedens constat ex illo Matt. 25. *Dissolite maledicti in ignem eternum, qui paratus est diabolo, & Angelis eius.* Conseq. probatur, quia quod non est extensum per quanti-

ratem, non potest in se recipere actionem extensam, vt est actio ignis cruciantis; subiectum namque *quo* accidentis corporci est quantitas. Resp. quod ignis inferni cruciat quidem dæmones, non tamen impimendo in illis aliquam actionem corpoream, pro qua recipienda indigeant quantitate. Quomodo autem dæmones ab igne crucientur, infra dicetur.

20 Quantum argum. quia plures res corporeæ habent virtutem fugandi dæmones, ergo non sunt putè spirituales, & incorporei. Antecedens probatur, tum ex vsu Exorcistarum qui vtuntur fumo rerum foetidarum, vt assæ foetidæ, stercoris caprini, & hypericonis, quod à latinis vocatur fuga dæmonum. Tum quia Tobiz 6. dæmon fugatus fuit fumo iccoris cuiusdam piscis. Et 1. Reg. 16. habetur, quod dæmon recedebat à Saule virtute musicæ Davidis. Resp. quod dæmones fugantur rebus corporeis, vel tanquam instrumentis diuinæ virtutis, vel quatenus contrariantur alijs rebus quibus alligantur. Vel quia sunt signa aliquorum, quæ ipsi sunt in horrore vt res sacræ, spirituales, & etiam tormenta, quæ in inferno subsistent, &c.

D V B I V M II.

An Angelus sit compositus ex materia eiusdem rationis cum nostrâ.

21 **P**rima sententia fuit Anicembri lib. fontis vita, quem citat D. Tho. 2. 2. & opusc. 15. cap. 5. qui putabat, quod Angeli non essent quidem extensæ, componerentur tamen materia prima materiali, seu eiusdem rationis cum nostrâ. Vnde volebat quod materia vt sic, esset genus ad materiam nostram, & Angelotum.

22 Nostra sententia seq. concl. explicatur. *Angeli non constant materia eiusdem rationis cum nostrâ, neque alia materia materiali, seu corporea, & forma spiritali.* Sic tradunt Sancti Patres, & Theologi omnes, & deducit S. Thomas dict. opusc. 15. cap. 18. ex sacra scriptura, psal.

102. Luc. 21. & alibi, vbi Angeli vocantur *virtutes*, quod enim materiale est, non est virtus. sed habens virtutem.

23 Probatur 1. Angelus est putè intellectualis, & incorporeus, vt dub. præcedenti visum est; ergo est expertus materie materialis. Antecedens constat ex dictis. Conseq. probatur, quia immaterialitas est ratio intellectualitatis, ergo vbi est pura intellectualitas, debet esse pura immaterialitas; sed in Angelis est pura intellectualitas; ergo pura immaterialitas. Quod autem immaterialitas sit ratio intellectualitatis, patet ex opposito, quia vbi est plus de materialitate, est minus de intellectualitate, seu intelligibilitate, vt ex se constat.

24 Confirmatur 1. quia intellectio est operatio pcoris immaterialis, ergo etiam substantia intellectualis, quæ est principium illius, debet esse purè immaterialis. Conseq. nota est, quia operatio, est secundum modum suæ substantiæ, nec potest excedere suum principium. Antecedens probatur, obiectum intellectiōis est penitus immateriale; ergo & ipsa intellectio. Conseq. nota est, quia inter intellectiōem, & obiectum illius, debet esse proportio. Antecedens constat quia obiectum intellectiōis, est abstractum ab omni indiuiduatione, & per consequens ab omni materia, quæ est principium indiuiduationis.

25 Confirmatur 2. quia forma intelligibilis recipitur in intellectu, & substantia illius, secundum ipsam rationem formæ; ergo intellectus Angelicus, & substantia illius debent omni materia carere. Antecedens probatur, aliàs limitaretur, & non reciperetur secundum totam suam vniuersalitatem, & amplitudinem, quod constat esse falsum. Conseq. constat, quia proprium est materie coarctare, & limitare formam, tollendo ab illa suam amplitudinem, & vniuersalitatem; ergo si semel forma intelligibilis recipitur secundum totam suam vniuersalitatem, nullam debet supponere materiam.

26 Sed dices 1. primam confirmationem pati plures defectus. Primò, quia non

non videtur verum, quod obiectum intellectiōis sit omnino abstractum à materia, quia est abstractum ab indiuiduatione; & quod materia sit indiuiduationis principium; nam materia non solum est principium indiuiduationis, sed etiam naturæ specificæ, & materialis, vt est abstracta à conditionibus indiuiduantibus. Secundò, quia non rectè probatur, quod Angelus sit expertus materiæ, ex eo, quod obiectum intellectus abstrahat à materia; nam obiectum directū intellectiōis Angelicæ, est etiam singulare materiale, cum etiam ista directè cognoscat, ergo. Tertiò, quia si ex obiecto immateriali colligitur immaterialitas potentie, & substantiæ; etiam ex obiecto materiali colligeretur materialitas, & sic cum Angeli etiam materialia cognoscant, essent materiales.

17 Resp. negando antecedens. Ad 1. probationem dico, quod nomine obiecti in dicta confirmatione, non excluditur materia communis, sed illa solum, quæ impedit ne obiectum sit simpliciter in suo gradu immaterialitatis, quæ est materia singularis. Vnde licet illa materia, vel natura abstracta à conditionibus indiuiduantibus, sit natura specificæ, & ab ea defumatur ratio naturæ specificæ, non tamen impedit quin potentia in illud tendens non sit spiritualis; solum enim singularitas materiæ in obiecto tollit spiritualitatem potentie, vt patet in obiectis sensuum. Ad 2. probationem dico, quod illa potentia, quæ tantum se extendit ad singulare materiale, debet esse materialis, at illa quæ vterius extenditur ad rationes vniuersales non potest non esse spiritualis, quia si semel esset materialis, ad solas rationes materiales, & singulares extenderetur. Per quæ patet ad 3. probationem; quia materialitas potentie non potest defumi ex extensione ad singularem; sed ex sola extensione ad singularem. Intellectus autem Angelicus non ad solas rationes singulares extenditur, sed etiam ad vniuersales.

18 Dices 2. contra secundam confirmationem, quia in homine forma intelligibilis recipitur secundum rationem for-

mæ, & tamen componitur ex materia, & forma; ergo ex eo, quod formæ intelligibilis in Angelis sint receptæ secundum rationem formæ, non sequitur, quod sint immateriales. Resp. concedendo antecedens, & negando consequens. Ratio discriminis est, quia in homine intellectio, & forma recipiuntur in vna solum parte, at in Angelis recipiuntur in toto.

19 Dices 3. quia forma intelligibilis limitatur in esse entitativo per hoc, quod recipiatur in intellectu, & tamen ob hanc limitationem non ponitur in intellectu compositio ex materia, & forma; ergo ex opposito ex hoc, quod non limitetur in esse repræsentativo non erit neganda illa compositio. Antecedens constat. Consequens probatur, quia si carentia limitationis est causa carentiæ compositionis, etiā limitatio erit causa compositionis. Resp. concedendo antecedens, & negando consequens. ratio discriminis est, quia ad limitationem in esse entitativo sufficit esse in alio tanquam in subiecto, & ad hoc non est necessaria materia prima. At ad limitationem in esse repræsentativo requiritur materia prima, hæc enim sola habet limitare in esse repræsentativo, vt patet.

30 Dices 3. quia species intentionalis coloris recipitur in duplici oculo eadem numero in esse repræsentativo, & in hoc esse non limitatur, & tamen oculus non est immaterialis, ergo ex hoc, quod aliquid non limitet in esse repræsentativo, non sequitur, quod sit immateriale. Respond. licet oculus non limitet species in eo receptas in esse repræsentativo secundum omnem rationem, ratione aliqualis eleuationis supra materiam, limitat tamen simpliciter, quatenus non potest talis species repræsentare colorem sine indiuiduatione.

31 Dices 4. quia etiam species Angelica repræsentat naturam humanam cum singularitatibus, ac proinde nō recipitur sine ista limitatione simplicitate; ergo &c. Resp. quod speciem hominis repræsentare naturam humanam cum suis singularibus, denotat magnam amplitudinem, & illimitationem, & est modus iste
sic

sic repræsentandi talis conditionis, vt possit illa species etiam deferuire ad cognoscendam humanam naturam sine suis singularibus quod denotat magnam illimitationem in dicta specie.

32 Probatur 2. nam Angelus non est compositus neque ex materia eiusdem rationis cum nostra, neque alia materiali diuersæ rationis; ergo ex nulla materiali compositus est. Consequenter constat. Antecedens probatur quoad vtramque partem, & quidem quoad primam; nam Angelus est inextensus vt dub. præcedenti visum est; ergo non potest in eo dari pars materiæ in qua forma recipiatur; materia namque nostra præcisa quantitate in partes diuidi non potest; quod si diuidi non potest, non erit eiusdem rationis cum nostra; & si est eiusdem rationis, debet dari vna pars in qua simul recipi possit cum forma Angeli forma nostra, & sic idem indiuiduum esset simul corporale, & spirituale; & duæ formæ informarent eandem materiam. Secunda pars illius antecedentis ostenditur, quia adhuc vt daretur materia materialis, diuersæ rationis à nostra, deberet dari in illa capacitas ad recipiendas alias formas materiales, præter Angelicam; materia namque, quæ non habet capacitatem ad recipiendas formas materiales, non potest esse materialis. Quod si habet capacitatem ad recipiendas formas materiales, iam erit eiusdem rationis cum nostra, & curret argumentum præcedens.

33 Confirmatur, quia prædicta materia, vt sic dicamus materialis, siue sit eiusdem rationis cum nostra, siue diuersæ, vel ex natura sua postulat quantitatem vt sit in rerum natura, vel solum habet indifferentiam vt habeat eandem quantitatem, vel vt careat illa. Si primum, non poterit naturaliter informari forma Angelica, quæ est incapax quantitatis, ac proinde non poterit Angelus ex illa componi. Secundum dici non potest, quia quælibet entitas, vt existat, determinatè postulat vel modum essendi indiuisibilem, per carentiam quantitatis, vel diuisibilem per quantitatem. Cum enim isti duo mo-

di sint impossibiles, & oppositi, non possunt exigi ab vna, & eadem re. Sed vel determinatè vnum, vel alterum exigere debet.

34 Occurres 1. rationi, quod materia illa communis Angelis, & rebus corporeis non recipit secundum vnam, eandemque partem formam Angeli, & formam corpoream, sed secundum diuersas; nam secundum illam, quæ habet quantitatem, recipit formam corpoream, & secundum illam, quæ eam non habet, recipit formam Angelicam. Sed contra, quia licet quantitas diuidat, & constituat illam partem in qua est, non tamen illam, in qua non est. Deinde quomodo sub diuersis formis Angelorum potest materia diuidi sine quantitate? Nec valet dicere, quod materia Angeli sit diuisibilis quantitatiue secundum se, & in sensu diuiso, licet in sensu composito vt stat sub forma Angeli non sit diuisibilis. Nam contra est, quia materia quæ est capax quantitatis, est etiam capax diuisionis, ac proinde si sub forma Angeli non est capax quantitatis, neque erit capax diuisionis; ac proinde non erit per quid diuidatur sub diuersis formis Angelorum. Tum quia, quod est radix quantitatis, est etiam radix diuisionis, & nihil prohibere poterit, quod quantitas ab illa materia non fluat, cum sit radix illius.

35 Occurres 2. quod ad hoc vt materia distinguatur in partes, non est necessaria quantitas; sed distinguetur per ordinem ad formas; cum enim partes materiæ sint substantiales, earum distinctio, & diuisio non potest desumi per ordinem ad aliquid accidentale, sed substantiale. Sicut enim à forma provenit quod natura sit totalis, ita quod sit partialis. Sed contra, quia actualis distinctio partium materiæ, est effectus formalis quantitatis, non quia quantitas vt formaliter talis tribuat partes, sed vt præhabita, secundum quam rationem dicit aliquid substantiale, vt alibi dictum est.

36 Occurres 3. confirmationi, quod licet materia actuata per formam prætat modum determinatum essendi, non tamen

men ante dictam aetuationem; tunc enim cum sit entitas imperfecta, & potentialis ad diuersas formas, non potest nec vnā, nec modum vnum sibi determinare. Sed contra, quia materia prima tametsi potentialis sit, & imperfecta subest existentia per suam entitatem in particulari sumptam; ergo per illam postulat modum essendi particularem. Antecedens constat, quia existentia particularis, debet recipi in entitate particulari; & forma particularis, recipi debet in subiecto particulari. Consequenter probatur, quia dicti modi essendi diuidunt modum essendi conuenientem rei suae creaturae, siue increatae; ergo nulla creatura potest respicere illos indifferenter, sicut non potest recipere, sed determinatē vnum, vel alterum. Tum quia non potest materia prima respicere illos modos vt simul habendos, propter impossibilitatem; neque vt habendos diuisiuē propter inaequalitatem, & distantiam in perfectione. Tum etiam quia, forma communicans vnum ex illis modis v.g. esse indiuisibile non potest communicare alterum, scilicet esse diuisibile; ergo signum est hos modos esse impossibiles, ac proinde non poterunt respici ab eadem materia, nec simul, nec diuisiuē. Soluuntur argum. primae sententiae.

37 Primum argum. desumunt ex auctoritate Sanctorum PP. D. Augusti. lib. 12. *confess. cap. 21.* dicit. *Deus fecit materiam communem visibilem, & inuisibilem.* N. S. Pater Damascenus lib. 2. *de fide cap. 3.* habet. *Solus Deus immaterialis est.* Et Boetius lib. 1. *de Trin.* sic fatetur. *Forma simplex subiectum esse non potest.* Angeli autem sunt subiectum accidentium, vt patet. Resp. quod S. Pater August. vt explicat S. Tho. *de spiritualibus creat. art. 1. ad 4.* per materiam communem, non intelligit materiam primam, sed quandam imitatem proportionaliter conuenientem naturae spiritali, & corporali. Vel dic, quod per materiam communem intellexit communiter, non vnicam, sed analogam. Vel communem in gradu en-

tis, substantiae, &c. N. S. P. Damascenus intelligitur simpliciter, quia Deus solus est immaterialis per exclusionem omnis potentialitatis. Boetius sic intelligitur, quod forma simplex nequeat esse subiectum accidentium materialium.

38 Secundum argum. quia ens substantiale diuiditur in duo extrema suae lineae, scilicet in actum purum, qui est Deus & in puram potentiam, quae est materia, prima nostra; sed Angeli non sunt actus purus; ergo debent continere materiam. Cum enim Angeli sint medium quid, debent participare de vtroque extremo. Resp. concedendo maiorem, & distinguendo minorem; non sunt actus purus formaliter, & conceditur; participatiuē, & negatur: quando namque medium est ordinis superioris, participat de extremo perfectissimo, non de imperfectissimo. Vel dic, quod Angeli etiam participant aliquid de materia prima, ratione aliqualis potentialitatis, vt suo loco videbitur.

39 Tertium argum. quia Angeli sunt simul in actu, & potentia respectu suarum operationum; ergo habent diuersas partes secundum vnā quarum sunt in actu, & secundum alteram in potentia; ergo habent materiam. Antecedens constat, quia Angeli efficiunt, & recipiunt suas operationes: receptio conuenit rebus secundum quod sunt in potentia, & efficere, secundum quod sunt in actu. Prima consequenter colligitur ex antecedenti, & secunda ex prima, siquidem substantia quae habet diuersas partes, non potest non habere materiam. Resp. concedendo antecedens, & negando consequenter, si intelligatur de partibus physicis, secus si intelligatur, quod in Angelis distinguantur esse in actu, & esse in potentia.

40 Quartum argum. quia omnis substantia creata distinguitur à creatore; sed creator est vnus; ergo creatura debet esse composita ex duobus, scilicet ex materia, & forma. Resp. concedendo maiorem, & minorem, & negando consequenter, vt enim creatura distinguitur à creatore sufficit; quod

quod non sit omnino vna per exclusionē omnis compositionis, licet possit excludere compositionem ex materia, & forma.

D V B I V M III.

An Angelus componatur ex materia prima spiritali, & forma.

41 **P**er materiam primam spiritua-
lem intelligunt eius auctores
entitatem physicam partialem, omnino
indivisibilem, quantitatis incapacem, quæ
tamen sit pura potentia, & formæ spiri-
tualis receptiva. Prima sententia, est An-
gelos componi hac materia prima, sic A-
lenſis 2. p. q. 20. membro 1. & q. 44. mem-
bro 2. D. Bonau. in 2. diff. 3. art. 1. q. 1. &
2. Ricard. ibid. art. 1. q. 2. & art. 2. q. 1. &
2. Aureol. apud Capreolum in 2. diff. 3.
q. 1. circa primam concl. & alij.

42 Noſtra ſent. ſeq. concl. explica-
tur. *Angelus non componitur ex materia
ſpiritali, & forma.* Sic tradunt omnes
discipuli D. Thomæ hic art. 2. & alij com-
muniter, quos reſertur Salmant. *hic dub. 3.*
Eandem tradunt D. Dionys. cap. 4. de *divin.
nomin.* & cap. 1. & 2. *caleſt. hierarch.* vt
reſtatur S. Tho. *opuſc. 15. cap. 18.* D. Ioan-
Damaf. 2. de *fide* cap. 3. Hugo de S. Viç.
ſuper cap. 4. D. Dionys. de *divin. nomin.* &
alij.

43 Probat 1. quia Angelus eſt ſe-
cundum ſe totum ſpiritalis; ergo eſt ſe-
cundum ſe totum expers cuiuſcumque
materiæ, etiam ſpiritalis. Antecedens
conſtat ex dictis dub. 1. Conſeq. probatur
quia de ratione materiæ primæ, etiam ſi
eſſet ſpiritalis, eſt, quod ſit principium
ſingularitatis, ac proinde, quod illa me-
dia limitet cognolcentem, vt non poſſit
attingere vniuerſale abſtractum, ſed tan-
tum ſingulare; ſed hoc eſt. contra ratio-
nem naturæ Angelicæ; ergo. Maior con-
ſtat, eſt enim de ratione materiæ ſingula-
ritas, determinatio, & limitatio. Minor
probat, quia de ratione rei intellectuæ

lis eſt, vt poſſit media intellectuione at-
tingere vniuerſale, cum ſit proprium illius
obiectum; ergo debet excludere quam-
cunque materiam primam, aliàs illud non
poſſet attingere. Tum quia, ideo homo
attingit vniuerſale, quia ſecundum eam
partem ſecundum quam illud attingit eſt
ſpiritalis, ergo cum Angelus ſit ſecun-
dum ſe totum ſpiritalis, debet ſecundum
ſe totum eſſe expers materiæ.

44 Probat 2. & confirmatur præ-
cedens argum. quia Angeli eo ipſo, quod
ſecundum ſe totos ſunt ſpirituales, inter
omnes creaturas magis appropinquant
Deo; ergo carent omni materia prima
quantumuis ſpiritali. Antecedens tra-
dit D. Dionys. cap. 4. *caleſt. hierarch.* tum
quia participant gradum perfectiſſimum;
vnde ſi Deus vellet producere alias crea-
turas perfectiores, excederent quidem
Angelos quoad ſpecies, non quoad gra-
dum, quia eſſent in eodem gradu intelle-
ctualitatis ſeparatæ à materiæ, ſeu à poten-
tia phyſica, ſed non à potentia metaphy-
ſica. Conſeq. probatur, quia materia pri-
ma etiam ſpiritalis, cum ſit pura poten-
tia, maximè diſtat, maximèque elonga-
tur à primo, & puriſſimo actu, ac proin-
de per illam maximè diſtarent Angeli à
Deo, non magis appropinquarent.

45 Probat 3. quia Angeli ſunt in-
ter omnes creaturas altiſſimi; ergo inter
illas magis participant de ratione eſſendi;
ergo carent quacunque materia prima.
Antecedens conſtat ex dictis. Prima con-
ſeq. etiam liquet, quia quanto aliquid eſt
altius, tanto magis habet de ratione eſ-
ſendi. Secunda conſeq. probatur, quia
creatura quæ magis participat de ratione
eſſendi, magis participat de actu, & eſt
magis remota à potencialitate; nam po-
tiſſima ratio eſſendi eſt actus, ergo, &c.

46 Occurrit 1. primæ rationi conce-
dendo antecedens, & negando conſeq.
ad probationem dices procedere de ma-
teria prima materiali, non ſpiritali; illa
namque eſt radix ſingularitatis, & limita-
tionis principij cognolcentis, non iſta.
Deinde dato, quod materia ſpiritalis ſit
radix

radix indiuiduationis substantiæ spiritua-
lis, non inde sequitur, quod limitaret sub-
stantiam spiritualement, vt solum cognosce-
ret singularia; nam etiam anima rationa-
lis indiuiduatur per ordinem ad materiam
materiam, & tamen adhuc cognoscit
vniuersalia. Ad 2. probationem dici po-
test, non bene sequi, quod id, quod est
secundum vnā partem intellectualem tan-
tum, sit secundum illam partem expers
materiæ; nam pars, vt pars non potest
esse composita ex materia, & forma.

47 Sed contra, quia materia quæcun-
que, etiam spiritualis, eo ipso, quod est
materia, & pura potentia, debet esse ra-
dix indiuiduationis. De ratione namque
puræ potentiæ est, quod non includat
actum, neque per modum transcendentis;
cum enim formalissima ratio materiæ, sit
ratio potentiæ, quicquid in ea imbibitur,
debet sapere rationem potentiæ; sed pu-
ra potentia non potest non esse radix in-
diuiduationis eius in quo est; ergo cum
materia spiritualis, etiam per suos aucto-
res sit pura potentia, non poterit non esse
radix indiuiduationis, & limitationis sub-
stantiæ in qua est. Maior constat. Minor
probat, quia indiuiduatio, in omnium
sententia, cum sit limitatio formæ in sub-
iecto, non potest desumi ab actu, aliā
actus esset radix suæ limitationis, & esset
sui ipsius subiectum; sed debet desumi à
potentiā receptiuā, à subiecto, à materia.
Tum quia prima substantia est illa, quæ
neque est in subiecto, neque de subiecto
dicitur, ac proinde illa pars substantiæ to-
talis erit radix indiuiduationis, quæ ha-
bet rationem potentiæ. Tum etiam quia
negari non potest quia illa materia spiri-
tualis limitaret Angelum ne perciperet
rationes vniuersales, & abstractas; quia
id ipsum debet habere materia spiritualis
respectu substantiæ spiritualis, quod ha-
bet materia materialis respectu substantiæ
materialis; sed hæc impedit prædictam
cognitionem; ergo & illa. Cum enim
vtræque sit potentia, & quod facit mate-
ria materialis faciat qua potentia, sequi-
tur, quod id, quod vni conceditur, de-
beat concedi & alteri.

48 Nec id, quod dicitur de anima
nostra est ad rem, quia anima nostra, &
eius intellectus ita indiuiduantur à nostra
materia, quod materia adhuc per animam
informata non concurrat ad intellectiōem,
sicut concurrat ad sensationes; nam in-
tellectio est eleuata supra materiam, & est
independens ab organo corporeo. At si
daretur materia spiritualis componens
Angelum, taliter indiuiduaret intellectum
illius, quod concurreret ad operationem
ipsius, & sic eum limitaret ne ad rationes
vniuersales extenderetur. Cum enim illa
materia esset spiritualis, posset immedia-
tè afficere omnes potentias Angelicas,
quod nostra facere nequit. Tum quia,
hoc est discrimen inter subiectum spiri-
tuale v. g. substantiam Angeli, vt est ra-
dix indiuiduationis, & limitationis suorū
accidentium spiritualium, & materiam
primam, vt est radix indiuiduandi, & li-
mitandi formam; quod subiectum non,
indiuiduat dicta accidentia per modum
puræ potentiæ, sed per modum potentiæ
admixtæ actualitati; quocirca non omni-
modè, & summè, sed relinquit dictis ac-
cidentibus aliquam amplitudinem ratio-
ne cuius possunt se extendere ad vniuer-
salia; at materia prima indiuiduat, & li-
mitat per modum puræ potentiæ, ac pro-
inde ita limitat formam, & potentias il-
lius, quæ in ipsa immerguntur, vt exten-
di nequeant, nisi ad singularia. Per quæ
paret ad illud, quod in eadem responsio-
ne dicitur contra secundam probationem,
quia licet non repugnet, quod pars sit in-
composita ex materia, & forma; vt est
anima nostra; in præsentī tamen omnino
repugnat, data illa materia spirituali: nam
Angelus ex dicta materia compositus, ef-
set minus spiritualis quam anima nostra,
quæ est pars.

49 Adde 1. quod data illa materia
spirituali sequeretur, quod esset, & non
esset principium indiuiduationis, ac pro-
inde quod limitaret, & non limitaret An-
gelum vt non cognosceret rationes vni-
uersales. Esset principium indiuiduatio-
nis, &c. quia esset principium distinctio-
nis materialis, distinctæ à formali: non.

Y y y

cf-

esset, quia non datur aliquod accidens spirituale, quod à se aliquo modo indiuidetur, quod ut præhabitu sit principium indiuiduationis, &c. Adde 2. dictam materiam fore spirituales, & non fore spirituales. Fore quidem, quia esset principium cognoscendi singularia spiritualia. Non fore verò, quia non posset attingere rationes abstractas, & vniuersales.

50. Occurres 2. secundæ probationi, quod licet materia prima materialis sit substantia magis elongata à Deo inter omnes res substantiales, cum sit pura potentia in ordine infimo substantiæ; tamen materia prima spiritualis, licet in hoc ordine sit pura potentia, non est tamen magis distans à Deo, cum excedat supremas substantias corporeas, tametsi sit infima inter res spirituales. Sed contra, quia licet materia spiritualis non sit magis elongata à Deo in ratione spiritualis, est tamen magis elongata in ratione pure potentiæ; nam secundum hanc rationem magis elongatur à Deo quam substantia corporea.

51. Occurres 3. contra tertiam probationem, quod materia prima spiritualis magis assimilatur Deo quam res corporea, ac proinde hoc modo participat magis de ratione essendi, quam illa. Sed contra, quia in hoc inuoluitur implicantiæ; nam dicta materia qua spiritualis, & assimilata Deo, magis debet participare de ratione essendi; tamen ex qua parte est pura potentia, minus deberet participare; ac proinde neque deberet esse intelligibilis. Intelligibile namque debet participare de actu ut patet. Cum enim intellectio sit quædam commensuratio, & adaptatio actualissima rei intelligibilis, & intellectus, ratione cuius intellectus transformatur in obiectum intelligibile, necesse est, quod sicut intellectio est actus, intelligibile debet aliquo modo participare rationem actus; ut possit intellectus in illud transformari, & fieri ipsum.

52. Sed obijcies 1. contra mox dicta, quod etiam si dicta materia sit pura potentia, tamen adhuc potest esse intelligibilis, &

intellectuana; quod non impedit quominus non magis appropinquet Deo quam accidens, cum sit illo perfectior; neque impedit quin sit magis intelligibilis quam accidens. Quod enim est perfectius accidentis, etiam erit magis intelligibile quam accidens. Tum quia adhuc ut materia prima spiritualis sit intelligibilis, sufficit quod sit actuabilis per formam spirituales, sicut adhuc ut aliquid sit ordinis vegetatiui, & sentiendi, tametsi sit pura potentia in hoc ordine, sufficit, quod actuatur per formam vegetandi, & sentiendi.

53. Resp. quod licet materia prima spiritualis esset perfectior accidente in esse substantiæ, tamen in ratione actualitatis, & immaterialitatis accidens est perfectius dicta materia, & magis appropinquat Deo, & est de se intelligibile, non sic illa materia. Ad aliā probationem dico, quod ex eo, quod dicta materia sit actuabilis, non sequitur, quod habeat aliquam intelligibilitatem ex se, cum ad hoc requiretur, quod non esset pura potentia, sed includeret actum.

54. Obijcies 2. quia D. Thomas aperte docet in hoc art. 2. quod *materia substantiarum spiritualium non sit potentia pura*, ergo vult, quod in substantiis spiritualibus sit materia, sed diuersa à nostra, quæ est potentia pura. Resp. quod sensus D. Thomæ est ut aperte colligitur ex sensu, quod substantia Angelica habeat aliquam potentialitatem, non tamen est pura potentia, nec actus purus, sed actus potentialitati admixtus ut ex se constat.

55. Probatur 4. nostra conclusio, nam vel Angeli constat materia prima spirituali à qua eorum forma est naturaliter separabilis, vel non; neutrum dici potest; ergo. Maior constat. Minor probatur quoad primam partem; nam si Angeli constarent materia prima à qua eorum formæ naturaliter essent separabiles, iam essent corruptibiles naturaliter; quod est omnino falsum ut infra ostendetur. Deinde probatur quoad secundam partem, nam si formæ Angelorum essent naturaliter inseparabiles à sua materia, non essent
for-

De Substantia Angelorum absolutè. 723

formæ per se subsistentes; vt constat in anima rationali.

56 Dices ad hæc, quod Angeli ad hoc vt sint formæ per se subsistentes sufficit, quod possint separari per diuinam potentiam licet naturaliter sint inseparabiles. Sed contra, quia signum indicans formam esse per se subsistentem est naturalis seperabilitas à materia; nam supernaturaliter possunt etiam formæ materiales, vt forma ignis, separari à materia, vt omnes tradunt. Hinc deducitur manifesta implicantia in illa sententia, quia Angeli haberent formas subsistentes, & non subsistentes, vt ex dictis patet. Soluuntur argum. primæ sententiæ.

57 Primum argum. desumunt ex D. Aug. 12. *confess. cap. 20.* vbi explicans illud. *In principio creauit Deus Cælum, & terram*, &c. dicit, quod Deus fecit materiam informem omnis creaturæ, spiritualis, & corporalis; cum autem materia rerum spiritualium non possit esse corporalis, sequitur quod debeat esse spiritualis. Resp. quod Sanctissimus, & doctissimus Pater, solum voluit dicere, quod etiam in Angelis detur aliquid potentiale, non materia propriè.

58 Secundum argum. quod proponit S. Doctor de *Spiritu creat. art. 1.* est; quia Philosophus dicit in 8. *metaphys.* quod si qua substantia est sine materia, erit ens, & vnum, & non habebit causam vt sit ens, & vnum; sed hoc est contra rationem entis creati; ergo nulla datur substantia sine materia. Resp. ex eodem D. Thoma ibidem quod substantia sine materia, est se ipsa ens, & vnum, scilicet à sua forma; vnde solum excludit Philosophus causam formalem, non efficien-tem.

59 Tertium argum. proponit idem S. Doctor loco citato; quia omne, quod est in genere participat principia generis sed substantia spiritualis est in genere substantiæ, ergo debet participare de principiis illius, quæ secundum Philosophum sunt materia, & forma. Resp. quod materia, & forma solum sunt principia substantiæ materialis, non substantiæ vt sic, vt est genus

ad omnem substantiam, vt sic enim est considerationis metaphysicæ, quæ à materia abstrahit.

60 Quattum argum. quia inter formas, aliæ sunt materiales, aliæ spirituales; ergo etiam inter materias, alia erit materialis, alia spiritualis. Antecedens constat. Conseq. probatur, quia actus, & potentia sunt in eodem genere: ergo si datur forma spiritualis, debet etiam dari materia spiritualis. Tum quia constant genere, & differentia, ergo debent habere materiã spiritualem à qua sumatur ratio generica. Tum etiam quia materia spiritualis non impedit quin Angeli sint intellectiui, solum materia materialis hoc impedit, non materia spiritualis. Resp. concedendo antecedens, & negando conseq. Ad 1. probationem dico, quod illud *ex omni actu, & potentia sunt sub eodem genere* intelligitur de actu receptibili, non de actu completo, qui nullam respicit potentiam à qua recipiatur. Ad 2. probationem dico, quod in Angelis genus non desumitur à materia, sed ab eadem substantia, vt intelligitur elongata ab existentia; & differentia desumitur ab eadem substantia vt intelligitur subsistere existentie, vt in Logica dictum est. Ad 3. probationem patet ex dictis, quia ex illa materia spiritali sequeretur, quod Angelus esset, & non esset intellectiuius: & materia illa esset, & non esset intellectiua.

D V B I V M IV.

An numerus Angelorum excedat numerum Specierum materialium.

61 **P**rima sententia tenet, quod Angelorum numerus, non excedat multitudinem specierum materialium creaturarum. Diuersimodè tamen; nam aliqui heretici apud D. Tho. in 2. *dist. 10. art. 1.* dixerunt esse vnicum solum Angelum, qui iuxta varia ministeria, quæ exercet, diuersa habet nomina. Alcazer putauit esse tantum decem Angelos, vt refertur inter illius errores p. 2. *direct. Inquisit. q. 4. a. 5.*
Y y y 2 Rabbi

Rabbi Moyses lib. 2. *Mora* cap. 7. Et Arist. 12. metaphys. cap. 7. & 8. tenent Angelos esse dumtaxat quadraginta septem iuxta numerum motuum coelestium.

62 Vera sententia seq. concl. explicatur. *Numerus Angelorum excedit multitudinem specierum materialium creatarum.* Sic D. Tho. qui infra 12. art. 4. ad 2. explicans illud Danielis 7. *Milia millium ministrabant ei, &c.* Sic satur. *Nec tamen hoc pro tanto dicitur, quia tantus solum sit Angelorum numerus, sed multo maior, quia omnem materialem multitudinem excedit; quod significatur per multiplicationem maximorum numerorum supra se ipsos, &c.* Et sic tradunt Sancti Patres: D. Dionys. Hierony. Anselm. Greg. & alij relati à Salmant. hoc loco, & tenent communiter Theologi.

63 Probatur 1. quia Angeli secundum suam naturam sunt in esse intelligibiles; ergo sunt magis multiplicabiles quam omnes species materiales, ergo de facto eorum magis multiplicati. Antecedens constat, ex supra dictis. Prima consequ. probatur, quia esse multiplicabile, seu multiplicabilitas magis sequitur esse intelligibile, quam esse materiale, sicut intelligibilia sunt magis multiplicata, quam materialia; ergo, &c. Secunda consequ. constat, quia Angeli sunt perpetui, in perpetuis autem non differt esse, & posse.

64 Sed dices, falsum esse, quod sit magis multiplicabile esse intelligibile, quam esse materiale; quia saltem respectu eiusdem rei, & facta collatione inter utrumque esse eiusdem, est magis multiplicabile esse materiale, quam esse intelligibile. Nam species lapidis in intellectu est una, materiale autem illius multiplicatur. Imò etiam si fiat collatio inter esse materiale, & esse intelligibile diversarum rerum; esse materiale magis multiplicatur; ut patet in arena maris, quæ magis multiplicatur, quam anima rationalis, quæ est in esse intelligibili. Est etiam falsa, probatio secundæ consequ. si namque vera esset, sequeretur, quod Angeli de facto essent infiniti, cum enim sint possibiles infiniti, si esse, & posse in perpetuis sunt idem,

ex possibilitate infinitorum sequetur existentia eorum. Resp. negando antecedens, siue fiat comparatio respectu eiusdem, siue respectu diversorum. Respectu eiusdem patet, quia licet species, seu natura lapidis in intellectu sit tantum una secundum esse specificum, tamen secundum esse naturale potest magis multiplicari per intellectum, per imaginationem. Ad illud de arena maris, & animalibus rationalibus, patet, quia ratio nostra procedit de rebus pure intelligibilibus, & quæ multiplicantur, & non ad multiplicationem corporum. Ad illud, quod dicitur contra probationem secundæ consequ. dico, quod illa ratio procedit de potentia connaturali, non possibili. Angeli autem solum possibiliter sunt infiniti.

65 Probatur 2. quia cuilibet generi, cuilibet speciei, & etiam cuilibet individuo naturæ humanæ assignatur in custodiam proprius, & determinatus Angelus; ergo tot sunt Angeli quot sunt species, & quot sunt individua humanæ naturæ. Cōsequ. constat. Antecedens docent Sancti Patres apud Salmant. hoc loco, & probatur sequenti congruentia. Nam Angelorum custodia est quædam executio diuinæ providentiæ; sed hæc potissimè versatur circa illa, quæ perpetuo manent, ut sunt genera, & species; transeuntia namque scilicet individua, ad perpetua ordinantur; ergo cum genera, species, & individua naturæ humanæ, quoad animam sint perpetua, pro illis debent dari Angeli custodes, tanquam executores diuinæ providentiæ circa prædicta.

66 Sed obijciat 1. quia videtur impossibile, quod dentur tot Angeli, quot homines; quia ad minus erunt tot homines beati, quot sunt Angeli damnati, ac proinde plures erunt homines, quam sint Angeli; ergo, &c. Antecedens probatur, quia tot ex hominibus saluabuntur, quot ex Angelis ceciderunt, ut colligitur ex illo psal. 109. *Iudicabit in nationibus, implebit ruinam;* & docent D. Aug. lib. 22. de ciuit. cap. 1. & in *Enchirid.* cap. 26. 61. & 62. D. Ansel. lib. 1. *cur Deus homo* cap. 18. & alij. Tum quia Angeli beati pauciores sunt homi-

minibus damnandis; Angelorum namque beatorum numerus, solum est duplo maior numero Angelorum damnatorum, ut colligitur ex illo Apocal. 12. ubi dicitur, quod Lucifer traxit de cœlo tertiam partem stellarum, idest Angelorum. At numerus hominum damnatorum plus est, quam duplo maior numero hominum beatorum, ut suis ostendit maximus numerus peccatorum, & infidelium. Tum etiam quia, tot sunt homines beati, quot Angeli remanserunt, sed multò plures sunt homines damnandi, quam demones; ergo multò plures sunt homines, quam Angeli. Minor, & consequenter constantior est D. Gregorij hom. 34. in Euang.

67 Resp. negando antecedens, nam Angeli non dantur solum hominibus beatis, sed etiam damnatis. Ad 1. probat. quod Angeli beati sint pauciores hominibus damnatis, patet ex dictis quia Angeli beati dantur ad custodiam non solum hominum beatorum, verum etiam damnatorum. Per quæ patet ad 2. probationem.

68 Obijcies 2. ex Deuter. 32. ubi secundum editionem septuaginta sic legitur. *Constituit terminos gentium, secundum numerum Angelorum Dei*; ubi patenter significatur, quod terminus, seu numerus hominum sit æqualis numero Angelorum. Resp. quod in nostra vulgata sic legitur: *Iuxta numerum Filiorum Israel*, quia filij Israel Angeli vocantur iuxta lectionem Septuaginta, quia legem, & voluntatem Dei, nuntiabant populis, in quibus habitabant: unde sensus illius propositionis est, quod Deus constituit terminos alijs populis, ut tantum spatium relinquerent Filijs Israel, quantum sufficiebat ad eorum habitationem.

69 Probatur 3. quoniam entia perfectiora per se intenta, quo sunt nobiliora, eò sunt in maiori excessu creata; sed Angeli sunt perfectissimi inter omnes species substantiales creatas, & sunt per se intenti, ergo sunt creati in maiori excessu, quam omnes illæ. Minor constat. Maior probatur, quia maxima perfectio vniuersi, quam Deus in illius productione intendit, postulat, ut entia per se intenta, quo

fuerint perfectiora, eò plus multiplicentur, aut saltem in maiori magnitudine, producantur, ut sic vniuersum saltem intensiue sit perfectius. Vnde videmus, quod cum corpora cœlestia sint perfectissima, & per se intenta, sunt creata in magno excessu secundum magnitudinem.

70 Sed dices 1. Illam maiorem esse falsam: nam aurum est perfectius ferro, & gemmæ pretiosæ lapidibus, & tamen non sunt in maiori excessu creata. Deinde inter animalia Elephantus, & Phoenix sunt perfectissima animalia, & tamen non sic multiplicantur vel culices, muscæ, &c. Præterea, corpora viuientia sunt perfectiora corporibus cœlestibus, & tamen ab illis incomparabiliter superantur. Item Astra, & Planetæ sunt corpora distinctæ speciei à suis orbibus, & perfectiora, cum habeant perfectiora accidentia, & virtutes perfectiores, cum tamen excedantur à quantitate suorum orbium. Demum Luna adæquat quantitatem terræ, cum tamen sit illa perfectior.

71 Resp. negando antecedens si rectè intelligatur. Nam maior nostræ rationis, non est sic accipienda, quod semper debeat verificari, hoc enim falsum est, ut ex aliquibus ex dictis instantijs colligitur; sed sensus illius est. quod entia perfectiora per se intenta, ut sunt species à Deo productæ, quò sunt nobiliora, eò sunt in maiori excessu creata, vel secundum magnitudinem, si sint corporea, vel secundum multitudinem, si sint incorporea; nisi, vel natura peculiaris alicuius rei oppositum repositur; vel aliunde hoc impediatur, ex eò, quod reliquæ partes vniuersi, aliquo modo læderentur; vel propter alias causas naturaliter occurrentes. Ad instantiam de natura auri, & gemmarum, dico, quod re vera natura auri, & gemmarum petit, quod in minori quantitate producat, quia aliàs non essent tantæ æstimationis, ex quo boni vniuersi quod ex hoc haberetur, destrueretur. Ad illud de multiplicatione animalium imperfectorum, constat, quia cum hæc sit tantum individualis, est solum per accidens intentæ ab auctore naturæ. Maximè quia horum.

horum animalium multiplicatio defumitur ex alijs causis occurrentibus, vt ex potrefactione, ex certis influentijs procedente. Ad illud quod dicitur de corporibus viuentibus, constat, quia in illis tantam magnitudo non repositur, imò non possent suas operationes exercere. Idem dic de alijs instantijs, quia eorum naturæ non repositur maiorem magnitudinem, sed illam quam habent, alijs non ornarent cælos, sed potius eorum ornatum tollerent.

72 Dices 2. quod ordo vnionis hypostatice, & tres personæ diuinæ excedunt incomparabiliter in dignitate, & perfectione omnes species creatas, & tamen non excedunt illas in numero; ergo ex cò, quod species Angelicæ excedant in perfectione omnes species materiales, non rectè infertur, quod debeant illas in numero excedere. Resp. quod loquendo de vnione hypostatice, non conueniebat, quod multiplicaretur, maxime quia essent solum numero distinctæ, de quò nostra ratio non procedit. Quod dicitur de personis diuinis, non est ad rem, quia dicta ratio procedit de rebus à Deo factis. Tum quia diuinæ personæ aliunde non possunt multiplicari, vt supra obseruauimus. Soluuntur argum. primæ sent.

73 Primum argum est, quia Iob. 2. Apoc. 1. & alibi sæpè dicitur septem esse Angelos, qui astant coram Deo; ergo non excedunt numerum substantiarum materialium. Resp. esse fratim satis vsitatam in sacra scriptura, quod numerus septenarius accipitur pro multitudine indeterminata. Vel dic, quod sint septem Angeli principales, qui astant coram Deo, & de illis loca citata intelligantur.

74 Secundum argum. quia Angeli influere debent in hæc inferiora, ne sint frustra in hoc vniuerso; sed illi qui influunt sunt tantum 47. ergo totidem sunt Angeli, & non plures. Maior constat, quia totum hoc vniuersum est vnum vnitate ordinis, vt Aristot. & D. Thom. docent; hic autem ordo in hoc consistit, quod hæc inferiora, à superioribus regantur, vnde

si aliqui Angeli non agerent in hæc inferiora, non dicerent ordinem ad hoc vniuersum, ac proinde essent frustra. Tum quia ideo cælum empyreum includit in corpora inferiora, ne sit frustra, & præter ordinem vniuersi; ergo &c. Minor probatur, quia Angeli non possunt influere in res corporeas, nisi motum localem; sed teste Arist. 12. *metaphys. cap. 8.* motus orbium cælestium sunt tantum 47. ergo solum totidem erunt Angeli qui illos motus causant.

75 Resp. quod ad hoc vt Angeli non sint frustra, & dicant ordinem ad vniuersum non est necesse, quod omnes immediatè influant in hæc inferiora, sed sufficit, quod supremi influant in medios, & sic deinceps, vt docet Sanctus Doctor *infra q. 66. art. 3. ad 2.* Deinde falsum est, quod docuit Aristoteles quod Angeli solum influant motum incorporea cælestia, cum etiam influant in hæc inferiora, vt aduertit S. Doctor *infra q. 110. art. 1. ad 2.*

76 Terrium argum. quia quantò aliqua sunt vni primo principio propinquiora tantò sunt minoris multitudinis; sicut quantò numerus accedit vnitati, tantò est multitudo minor; sed Angeli sunt Deo propinquiores, quam omnes aliæ species ergo &c. Resp. distinguendo maiorem, & illam concedendo de minori multitudine in sui compositione, & negando de minori multitudine suppositorum. Sic tradit S. Doctor *hic art. 3. ad 2.* Nec valet dicere, quod si maior propinquitas tollit maiorem multitudinem in compositione physica ex materia, & forma, tollit etiam eam quoad pluralitatem suppositorum. Ad hoc enim dicitur, quod propinquitas maior ad Deum tollit quidem compositionem physicam ex materia, & forma, non tamen metaphysicam, ac proinde nec multitudinem suppositorum hac compositione compositorum.

An de facto Angeli differant specie.

77 **P**rima sent. tenet, quod de facto omnes Angeli scilicet numero distinguuntur, ac proinde omnes sunt eiusdem speciei infimæ. Pro hac sententia, referuntur Magnus Albert. 2. p. tract. 2. q. 8. & D. Bonau. in 2. dist. 9. q. 1. art. 1. Secunda sent. tenet, quod dentur plures species Angelorum, & sub quacunque dentur plura individua; sic Gabr. in 2. dist. 3. q. unic. art. 2. concl. 3. Alensis 2. p. q. 30. membro 2. Valentia, & Molina in præfenti.

78 Nostra sententia seq. concl. explicatur. *De facto omnes Angeli specie differunt.* Sic D. Tho. eius discipuli, & illi omnes, qui docent, quod neque de potentia absoluta possunt Angeli numero multiplicari, de quo postea. Hęc conclusio constabit ex infra dicendis. Modo pro illa stabilienda adducemus vnam, vel alteram congruentiam ex D. Tho. de spiritibus creat. ar. 8. & ex 2. cont. Gent. cap. 93.

79 Prima congruentia est, quia illa sola videntur multiplicari secundum numerum in unica specie, quæ sunt corruptibilia, ut sic species quæ in vno solo individuo conservari non potest, conservetur in plurius; unde videmus quod, quæ facilius corrumpuntur, magis multiplicantur; sed Angeli sunt incorruptibiles; ut postea ostendemus; ergo non multiplicantur in eadem specie. Tum quia ideo Sol, Luna, & omnes orbes celestes non multiplicantur, quia sunt incorruptibiles, & eorum naturæ in vno solo individuo conservantur; sed est eadem ratio Angelorum ergo; &c.

80 Sed dices 1. quod etiam anima rationalis est incorruptibilis & tamen plurificatur intra eandem speciem, item dicitur plura accidentia incorruptibilia, & tamen plurificatur ut intellectus, visio beatifica, &c. ergo non recte ex incorruptibilitate inferitur immultiplicatio. Resp. quod recte anima rationalis multiplicatur, quia est forma corporis, ad cuius multipli-

cationem multiplicatur. At Angelus cum nequeat esse forma corporis, non potest ad multiplicationem numericam illius multiplicari. Idem dic de dictis accidentibus, quæ ad multiplicationem substantiarum multiplicantur.

81 Dices 2. nam vel stellæ fixæ sunt inter se, & cum cælo continuæ, vel solum contingunt? Si primum, re vera non distinguuntur specie, sed sunt Cæli partes à reliquis solum distinctæ densitate, ratione cuius habent influendi diversitatem, & tunc licet non ita propriè numero distinguantur, & multiplicentur, cum, tamen incurruptibiles sint. Si dicatur secundum, magis propriè distinguuntur numero tanquam substantiæ completæ, & per se subsistentes. Resp. utrumque esse probabile, quod scilicet sint continuæ, vel contingunt cum cælo, & tamen nihil contra nos. Nam si cælum primum, nec specie nec numero propriè multiplicatur, sed sunt partes eiusdem cæli. Si secundum; distinguuntur specie ad invicem & non tantum numero.

82 Secunda congruentia est quia bonum, & perfectio universi consistit in ordine per se, non in ordine per accidens; ergo suprema pars universi ad quam pertinent Angeli, debet participare perfectionem per se; ergo non debent solo numero multiplicari. Antecedens constat, nam bonum universi est duplex: vnum separatum, quod est Deus, qui est sicut Dux in exercitu, Alterum in ipsiis rebus, & est ordo partium universi, sicut ordo partium exercitus, est bonum illius. Prima consequ. colligitur ex antecedenti; nam suprema pars universi debet magis participare de perfectione, & bono illius, ut constat. Secunda consequentia colligitur ex antecedenti, & ex prima, quia quæ solo numero distinguuntur, non pertinent ad bonum, & perfectionem universi per se, sed tantum per accidens; tum quia in individuo unus speciei non est ordo nisi per accidens; nam sicut ordo, qui est inter species, est formalis, & per se, ita ordo, qui repetitur inter ea, quæ solo numero multiplicantur, est materialis, &

per

per accidens. Tum etiam, quia indiuidua vnus speciei conueniunt in natura, & differunt secundum principia indiuiduantia, & diuersa per accidens: at quæ species differunt ordinem habent per se, & secundum principia essentialia.

83 Sed dices 1. contra hanc congruentiam, quod sicut in vniuerso datur ordo per se, & per accidens; ita in suprema eiusdem vniuersi parte datur ordo per se, & sunt diuersæ species Angelicæ, & ordo per accidens, & sunt diuersa indiuidua earumdem specierum. Resp. quod ordo per accidens cum sit imperfectus non potest competere vniuerso ratione partis, vel partium nobiliorum, & supremarum, sed inferiorum, & ignobiliorum, ac proinde in Angelis reperiri non potest.

84 Dices 2. quia inter indiuidua eiusdem speciei datur ordo per se; ergo, &c. Antecedens probatur, quia Petrus v.g. ita pendet per se à suo Patre, vt non potuerit, naturaliter loquendo, fieri ab alio, & sic de Patre Petri respectu sui Patris, &c. Idem dic de igne productio respectu producentis, &c. Resp. negando antecedens, quia multiplicatio indiuiduorum sub vna, eademque specie non intenditur per se, sed tantum per accidens, vt species possit conseruari, pereunte vno, aut pluribus indiuiduis. Bene verum est, quod ex suppositione huius intentionis datur ordo per se, dependentiæ vnus indiuidui ab alio, vt in obiectione dicitur.

85 Dices 3. quia ex eo, quod Angeli pertineant ad supremam partem vniuersi, non rectè deducitur, quod debeant distinguì specie, & quod dicant ordinem per se, quia quanto aliqua sunt superiora, debent esse propinquiora Deo, in quo nulla est diuersitas, ac proinde tanto minus debent esse diuersæ sed magis diuersa sunt, quæ differunt specie, quam quæ differunt solo numero; ergo. Resp. quod illa propositio. *Quanto aliqua sunt superiora, debent esse propinquiora Deo, in qua nulla est diuersitas, &c.* intelligi debet saluis rebus naturis: Vnde si vna sola natura Deo comparetur, in illa; quod fuerit

maior propinquitas, eò erit minor diuersitas; quod si plures simul conferantur specie diuersæ, non poterit per propinquitatem tolli talis diuersitas. Vnde in natura primi Angeli Deo propinquissima, erit minima diuersitas.

86 Dices 4. quia vegetabilia, sensibilia, & rationalia, scilicet homines, sunt perfectiora quàm cæli, ac proinde sunt perfectior, & superior pars vniuersi; & tamen & inter ipsos homines, interque sensibilia, vt inter Leones, non ponitur ordo per se; ergo ipsi cæli non sunt superior pars vniuersi, nec erit inter illos ordo per se. Resp. quod cæli dicuntur suprema pars vniuersi, ratione influxus illorum in ista inferiora, & in hoc continetur ordo, vniò, & vt ita dicamus concatenatio, &c. Angeli autem cum influant, modo supradicto, in ista inferiora ad supremam vniuersi partem pertinebunt. Soluuntur argum. primæ sententiæ.

87 Primum argum. desumunt ex auctoritate Sanctorum Patrum. Nam D. Athanasius q. 8. ad Antiochum dicit: *Vna & eadem est essentia Angelorum, sicut etiam vna est essentia hominum.* D. Anselm. lib. 2. cur Deus homo cap. 21. sic inquit. *Omnes Angeli sunt vnius naturæ.* Idem tradunt alij. Confirmant ex D. August. in Enchirid. cap. 29. vbi dicit, quod Deus ideo reparauit hominem, quia tota species perierat, non reparauit Angelos, quia tota species illorum non perierat, quod non esset verum si omnes differrent specie; tunc enim tota species Angeli A. Angeli B. &c. periisset. Et S. Ioannes Damasc. lib. 1. in script. cap. 7. dicit. *Intelligendum est, eas, quæ sola indiuidua continent, species infimas vocari, cuiusmodi sunt Angelus, homo, equus, &c.* Resp. quod Sancti Patres nomine speciei, naturæ, aut essentialiæ, non intelligunt speciem infimam, sed subalternam, aut conuenientiam in gradu puræ intellectualitatis. Ad illud, quod dicitur de S. P. Aug. dico, quod non loquitur de natura, & essentialia Angelorum in esse naturæ ipsorum, sed prout ordinantur in beatitudinem, quia hoc mo-

do habent vnum modum tendendi inflexibiliter. Sanctus Ioan. Damasc. loquitur sub dubio, vel in sententia aliorum, non in propria, vt ex contextu colligitur.

88 Secundum argum. quia in Angelis est perfecta dilectio ad inuicem; sed ad hoc requiritur quod sint eiusdem speciei; ergo. Vnde est illud: *Omne animal diligit sibi simile*. Vbi enim non est conuenientia in natura, non potest esse adeo propria, & perfecta dilectio naturalis. Resp. concedendo maiorem, & negando minorem; ibi namque est magis perfecta dilectio, vbi magis respicitur bonum commune, quam particulare; quod ibi contingit, vbi non indiuidua ratio inspicitur, sed ratio specifica.

89 Tertium argum. quia si omnes Angeli distinguenter specie, Angelus inferior non cognosceret superiorem naturaliter, & quidditatiue; hoc videtur falsum; ergo, &c. Maior probatur, nam eo ipso quod Angeli distinguuntur specie, Angelus superior esset essentialiter superior, & excederet in immaterialitate inferiorem, ergo non posset inferior cognoscere connaturaliter superiorem quoad illum saltem excessum in quo non conueniunt. Resp. quod ad hoc vt Angelus inferior cognoscat superiorem, sufficit conuenientia in eodem gradu immaterialitatis, ad quem de materiali se habet ille maior excessus, vt alibi dictum est, & infra sermo redibit.

90 Quartum argum. quia omnes Angeli conueniunt in hoc, quod sint pure intellectiui, seu nature intellectuales complete; sed hæc ratio est atoma; ergo. Minor probatur 1. quia vltra hanc rationem solum superest in Angelis, quod sint magis, aut minus intellectiui; sed hæc ratio solum ponit differentiam accidentalem; ergo. 2. Quia esse magis, aut minus intellectiuium, non est extra intellectualitatem, sed intra; ergo non ponit differentiam specificam. 3. Quia sicut Angeli conueniunt in intellectualitate, ita anime nostræ in rationalitate; ergo sicut anime nostræ non differunt specie in rationali-

tate; ita nec Angeli in intellectualitate. Resp. negando minorem. Ad 1. probationem dico, quod si magis, vel minus intellectiuium cadat supra rationem gradualement immaterialitatis, non arguit differentias specificas. Si verò cadat supra ipsas Angelorum naturas, tunc arguit differentias specificas. Per quæ patet ad 2. probationem. Ad 3. probationem dico, quod anime nostræ habent vnde plurificentur numero, non Angeli, vt postea videbitur.

91 Quintum argum. quia multi homines inveniuntur æquales in beatitudine: non solum paruuli, verum etiam adulti, vt de B. Petro, & Paulo tenet D. Aug. *serm. 5. eorum*. ergo etiam Angeli eorum cultodes erunt æquales in sua perfectione specifica. Consequenter probatur, tum quia sicut maiores Angeli, maioribus officiis deputantur, ita minores minoribus, & æquales æqualibus. Tum etiam quia, omnes Angeli eiusdem ordinis habent idem officium; nam Potestates ordinant ea, quæ sunt ab alijs exequenda, &c. ergo erunt eiusdem speciei. Resp. quod licet multi homines in beatitudine supernaturali sint æquales, non tamen in omnibus naturalibus; & in beatitudine æquali, possunt deputari Angeli inæqualis perfectionis essentialis, per quæ patet ad primam probationem. Ad 2. dico, quod Angelus eiusdem ordinis perfectior, habebit idem officium, sed perfectius.

D V B I V M VI.

An sub eadem specie atoma de potentia ordinaria, possint esse plures Angeli.

92 **N**omine potentie ordinariæ, nil aliud intelligimus, quam eam quæ sequitur directionem diuinæ sapientiæ instituentis ordinem seruandum iuxta exigentiam causarum; & quando effectus non habet causas secundas, iuxta exigentiam ipsius effectus. Potentia autem absoluta est illa, quæ non attendit ad dictam exigentiam, sed præter, vel super exigentiam, & naturam rei. Sensus

Z z z z

ergo

ergo tituli est, an iuxta naturam Angelorum, & seruatō modo dictæ naturæ conueniente possint esse plures Angeli in eadem specie atoma.

93 Prima sententia affirmat. Hanc sequuntur Henricus *quodlibet*. 2. q. 8. Scotus in 2. dist. 3. q. 7. Durand. *ibid.* q. qu. 3. Valq. *hoc loco*. Suarez *dispo.* 5. *metaph.* sec. 2. n. 2. 1. & 28. & alij.

94 Nostra sententia seq. concl. explicatur. *De potentia Dei ordinaria, seu seruata natura, & modo conueniente Angelis, non possunt numero multiplicari sub eadem specie atoma.* Sic D. Tho. hic, & 2. *contr. Gent.* cap. 93. & q. de spir. creat. art. 8. & in 2. dist. 3. q. 1. art. 4. *supra* q. 41. art. 6. *infra* q. 75. art. 7. & alibi, quem sequuntur eius discipuli, quos retinuit, & sequuntur Salmant. *hoc loco*, & tenent alij communiter.

95 Probat 1. repugnat naturæ speciei atomæ Angelorum diuidi in plura indiuidua; ergo saltem per respectum ad potentiam Dei ordinariam non possunt Angeli solo numero multiplicari. Conseq. constat, quia in præsentī idem est aliquid posse fieri per respectum ad legem Dei ordinariam, ac posse fieri iuxta suam naturam, & seruatō modo illi conueniente, ac proinde si semel repugnat naturæ specificæ Angelorum multiplicari, repugnat per respectum ad legem ordinariam. Antecedens probatur, quia natura specifica atoma Angelorum, est forma irreceptibilis in materia, sed repugnat formæ irreceptibili in materia multiplicari ergo. Vnde bene dicit S. Thomas *hic art.* 4. quod si albedo esset separata à subiecto tam actu, quam aptitudine, ut nullo modo diceret habitudinem ad illud, non posset diuidi indiuidualiter.

96 Probat 2. quia indiuidua eiusdem speciei atomæ conueniunt in perfectione intrinsecè spectante ad essentiam specificam, & discriminantur in diuersis modis substantialibus habendi illam; sed vbi natura specifica est per se subsistens, ac proinde tam actu, quam aptitudine separata à subiecto, seu à materia ut sunt Angeli, nō possunt dari plures modi sub-

stantiales habendi illam; ergo nequit tunc indiuidualiter plurificari. Maior constat. Minor probatur, quia ad hoc ut modi habendi naturam plurificentur, requiritur, quod singula indiuidua participant naturam specificam limitatè, id est, non adæquatè, & quantum participari potest, aliā illi modi nō possent inter se esse distincti, & inæquales; sed vbi natura specifica est omnino separata à materia, nihil est à quo oriri possit illa limitatio; nam vnumquodque limitatur per suum oppositū, ut actus per potentiam; ergo vbi non datur potentia receptiua actus, non potest actus limitari.

97 Probat 3. quia esse, seu existentia per se subsistens non potest esse nisi vna numero, ex eo, quod est irrecepta; ergo etiam quævis forma irrecepta erit immultiplicabilis; huiusmodi sunt Angeli, ergo. Antecedens constat, quia ideo natura diuina nequit multiplicari numero, quia eius existentia est irrecepta. Cōseq. bene sequitur ex antecedenti; quocirca bene dicit S. Doctor, quod ob hanc irreceptionem quilibet Angelus habet perfectionem infinitam negativè, ex parte modi habendi suam naturā, scilicet adæquatè, & sine determinatione ad aliquem modum limitatum participandi illam.

98 Probat 4. quia hoc ipso, quod Angelus est forma simplex, per se subsistens, nullum dicens ordinem ad materiā in qua recipiatur, oportet, quod in eo sint idem absque distinctione, ratio specifica, & numerica, seu res, & quodquid est eius; sed hoc stare non potest cum multiplicatione indiuiduali, saltem in ordine ad potentiam ordinariam; ergo. Maior constat, vbi enim ratio specifica, & numerica neque virtute distinguuntur, non potest vnum sine alio multiplicari. Maior probatur, nā hoc quod Angelus sit forma simplex per se subsistens, nullo modo dicens ordinem ad materiam in quam recipiatur, habet vnde indiuiduetur absque additione alterius. Cum enim in hoc casu indiuiduatio non possit desumi à materia, vel ab ordine ad illam, debet desumi ab ipsamet forma secundum quod est irrecepta,

&

& tunc ab eodem sumitur species, & indiuiduatio; & hæc ab illa non distinguitur. Tum quia sicut forma receptibilis in materia, ex hoc habet unde indiuiduetur, ita ex hoc, quod forma est irreceptibilis, non habet unde indiuiduetur. Tum etiam quia ideo compositum ex materia, & forma est hoc, quia neque est in subiecto, neque de subiecto dicitur.

99 Sed contra hæc obiecit 1. quia falsum est, quod forma irreceptibilis in materia non possit diuidi in plura indiuidua. Quod sic ostenditur, quia forma irreceptibilis, quæ est finita, & limitata, limitat, & contrahit rationem genericam; ergo etiam poterit contrahi per indiuidua, ubi enim non repugnant plures differentie specificæ limitantes genus, non repugnabunt plures differentie indiuiduales limitantes speciem. Resp. negando antecedens. Ad probationem etiam negatur antecedens: ratio disparitatis est quia non repugnat formæ subsistenti, & irreceptibili, determinare genus, illudque contrahere, hoc enim est proprium formæ; at diuidi per differentias indiuiduales illi repugnat, cum non à forma, sed à materia sumatur.

100 Obijcit 2. D. Thomam q. unica de spiritualibus creaturis art. 8. ad 4. sic dicentem. *Natura huius Angelus non prohibetur esse in multis ex hoc, quod pertinet ad rationem speciei. sed ex eo, quod pertinet ad rationem indiuidui;* ergo ex mente D. Thomæ non repugnat huic Angelo esse in multis secundum rationem speciei. Resp. mentem D. Thomæ esse, quod huic Angelo secundum rationem speciei, seu secundum rationem vel conceptum inadxquatum specificum, non repugnat esse in multis, bene tamen secundum aliam rationem inadxquam indiuidui. Pro quo nota, quod in hoc Angelo considerari possunt duo munia inadxquata, secundum nostrum imperfectum modum concipiendi. Vnum, est ratio specificæ conueniens in hoc cum ratione specifica materiali; & secundum hoc munus non repugnat ratio multiplicationis, aliàs repugnaret etiam speciei materiali. Aliud

est ratio indiuidui, & secundum hoc illi repugnat ratio multiplicationis. Sicut etiam illi repugnat dicta multiplicatio si Angelus adæquate consideretur.

101 Obijcit 3. quia singularitas est de essentia solus essentie diuine, ut ostendunt N. Complut. in *logica*, sed si in Angelis singularitas identificaretur cum ratione specifica iam esset de essentia creaturæ; ergo. Resp. quod sola natura diuina est singularissima, quia illi repugnat fieri vniuersalem per intellectum, non sic natura Angelica; hæc enim fieri potest vniuersalis per intellectum, ut ostendunt dicti Complut. Soluuntur argum. primæ sententiæ.

102 Primum argum. quia natura specifica in Angelis est à parte rei indiuidua, & singularis per differentiam indiuidualem ab ipsa virtualiter distinctam; ergo quantum est de se est multiplicabilis in pluribus indiuiduis. Conseq. constat, quia ideo negatur ea multiplicatio, quia ratio naturæ, & indiuidui non distinguuntur virtualiter; ergo si sic distinguuntur, multiplicari poterunt de potentia ordinaria. Antecedens probatur. I. Quia natura diuina est indistincta virtualiter à sua singularitate, aut eam in sua essentia includit, quia est infinita, & actus purus; sed essentia Angeli non est talis, ergo, &c. II. Quia ideo essentia diuina est singularissima, quia taliter in suo conceptu includit indiuiduationem, ut non possit concipi vniuersalis; sed natura Angelica potest concipi vniuersalis; ergo. III. Quia essentia diuina caret omni compositione metaphysica, tum ratione infinitaris, tum ratione purissimi actus; ergo. IV. Quia possumus formare conceptum naturæ specificæ Angelicæ in quo non includatur differentia indiuidualis; ac proinde non possunt non distinguui virtualiter. Potest namque quis concipere naturam Angeli quoad omnia prædicata essentialia sine negatione diuisibilitatis in plura eiusdem rationis, ut patet. V. Quia si in Angelis non distingueretur natura specifica, & indiuidualis, non daretur species infima distincta à genere; ergo, &c. Antecedens

probat, quia eo ipso, quod natura Angelici est incommunicabilis, iam non est species, de cuius ratione est, quod sit communicabilis multis. Tum quia species, & indiuiduum opponuntur relativè formaliter, aut fundamentaliter. Tum etiam quia quod ex proprio constitutivo est incommunicabile multis, ac proinde determinatū ad vnum; non potest habere indifferentiam negativam ad plura, quod est de ratione speciei, ergo, &c.

103 Resp. negando antecedens. Ad 1. probationem negatur illa causalitas; nam esse infinitam, & actum purum, non est ratio adæquata identificationis naturæ, & singularitatis, aliàs in Angelis non possent identificari. Ratio namque à priori, & adæquata, est separatio à materia tum actus, tum aptitudine, quæ ratio cum militet & in Deo, & in Angelis, sequitur, quod utrobique natura, & singularitas identificentur. Cum discrimine tamen n. 101. dicto. Ad 2. probationem constat ex modo dictis. Ad 3. probationem, conceditur, quod infinitas, & actualitas purissima Dei est ratio adæquata quare in Deo non detur compositio generis, & differentiar; non tamen est ratio adæquata, identificationis naturæ, & singularitatis, ut ex dictis constat. Ad 4. probationem dico posse nos formare conceptum inadæquatum & sine fundamento in re naturæ specificæ, absque singularitate, non tamen adæquatè; & cum fundamento in re. Ad 5. probationem negatur antecedens. Ad hoc namque ut salvetur ratio specifica requiruntur, & sufficiunt sequentes conditiones. Prima est, quod secundum suum formale constitutivum impo-
ret determinatam, & finitum gradum, entis; & per hanc conditionem excluduntur transcendentia, quæ important, aut communem rationem entis, aut modos illius, seu proprietates communes. Item excluditur natura divina ob suam infinitatem. Secunda est, quod gradus specificus sit formalis, & sufficiens ad constituendam naturam, quæ sit principium radicale potentialium, & operationum; & per hanc excluditur indiuiduum v.g. hu-

manum, quod secundum suum formale constitutivum, non importat naturam, sed modum limitatum habendi illam. Tertia est, quod dictus gradus sit vltimò terminatus formaliter, ita quod natura quam constituit non sit in potentia ad alium gradum formalem; & per hanc excluditur natura generica, quæ est in potentia ut contrahatur per aliàs differentias. Et hæc conditiones reperiuntur in Angelis, ut consideranti constabit. Ad 1. probationem ibidem contentam constat, quia ratio specifica, & individualis non opponuntur in Angelis. Ad 2. dico, quod ad rationem specificam non requiritur illa indifferentia ad plura, sed sufficiunt conditiones assignatæ.

104 Secundum argum. Nam in Angelis datur principium à quo possit sumi multiplicatio individualis, etiam si non detur materia prima; ergo, &c. Antecedens probatur, quia in Angelis datur *esse*, quod se habet ut formale, & datur essentia, quæ se habet ut materiale, sed ubi datur materiale, datur principium multiplicationis; ergo, &c. Resp. negando antecedens: ad probationem dico, quod cum *esse* in creatis sit omnino extra essentiam, non potest esse principium formale, & intrinsecum à quo sumatur unitas, & multiplicatio specifica, ut patet.

105 Tertium argum. quia aliàs non posset de potentia ordinaria dari neque vnicum indiuiduum in aliqua specie Angelica v.g. in specie Gabrielis Archangelis; ergo, &c. Sequela probatur, quia ideo non potest species Angelica multiplicari in plura indiuidua, quia non datur materia; sed hæc ratio probat etiam quod neque possit dari vnum; cum materia non solum sit principium multiplicationis, sed etiam indiuiduationis. Resp. negando sequelam. Ad probationem dico, quod materia est principium & pluralitatis individualis, & etiam indiuiduationis tantum, non tamen illius indiuiduationis, quæ etiam simul est species, absq; distinctione virtuali; hæc enim habetur per hoc, quod forma sit per se completè subsistens, ut rectè advertit S. Doctor de Spirit. creat. art. 9. ad 13.

D V B I V M VII.

*An de potentia absoluta, possint esse plures
Angeli sub eadem specie atomi.*

106 **P**rima sententia affirmat, hanc tradunt auctores duobus precedentibus dubijs relati, & etiam aliqui Thomistæ, vt Ferrar. 2. *contr. Gent. cap. 93.* Bann. *hic*, Capteolus in 2. *diff. 3. q. 1* & alij.

107 Nostra sententia sep. concl. explicatur. *Implicat contradictionem dari plures Angelos sub eadem specie atomi.* Sic expresse tradere videtur S. Doctor *infra q. 75. art. 7. de spirit. creat. q. vnc. art. 8. & supra q. 41. art. 6. Caier. de ente, & essentia cap. 3. q. 9.* Nazar. *hic*, & alij plures, quos referunt, & sequuntur Salmant. *hec loco.* Ratio constat ex dictis dub. precedenti, quod scilicet in Angelis differentia specifica, & indiuidualis non distinguuntur neque virtualiter, ac proinde implicabit multiplicati differentias indiuiduales, nō multiplicati specificis, sed probetur vltterius.

108 Prima ratio, quia Angelus est forma simplex, omnino irreprehensibilis in materia; ergo omnis eius vnitas, & distinctio à sola forma oriri potest; ac proinde implicabit dari in illo distinctionem, & pluralitatem purè indiuidualem. Antecedens constat ex supra dictis. Prima etiam consequ. constat, quia vbi non reperitur nisi forma, oportet, quod vnitas, & distinctio ab illa sola oriatur. Secunda consequ. ostenditur, quia vnitas, & distinctio proveniens à sola forma physice, & vt à prima radice, essentialiter petit, quo sit specifica, & non purè indiuidualis; vnitas namque, & distinctio purè indiuidualis non nisi à materia oriri potest. Sicut enim vnitas, & distinctio proveniens ab albedine, debet esse in ratione albi, ita vnitas, & distinctio proveniens à forma, debet esse formalis.

109 Secunda ratio. In Angelis non datur principium intrinsecum, & connaturale distinctionis indiuiduorum sub eadem specie atomi; ergo implicat, quod

Angeli multiplicentur numero sub eadem specie atomi. Antecedens constat ex dictis. Consequ. probatur nam si posset fieri dicta multiplicatio, oportet, quod Deus posset supplere dictum principium multiplicationis indiuidualis, quod in Angelis deest; sed nequit illud Deus supplere; ergo. Minor probatur, quia huiusmodi principium respectu distinctionis indiuidualis habet se eò proportionali modo, quo causa formalis respectu sui effectus formalis, quia vtrouque est principium intrinsecum; sed Deus nequit supplere defectum causæ formalis; ergo neque dictum principium.

110 Respondent aliqui primæ rationi, quod non omnis vnitas, & distinctio proveniens à forma, est formalis; nam duo actus, duæ formæ, duæ animæ rationales, distinguuntur vt actus, & formæ, & tamen illa distinctio non est formalis, sed materialis; ergo, &c. Sed contra, quia vnitas, & distinctio proveniens à materia, vt tali, non potest esse formalis, & specifica, aliàs effectus posset esse ultra suam causam. Tum quia, licet ratio generica in substantijs materialibus proveniat à materia secundum id, quod dicit de potentialitate, & materialitate; non tamen secundum id, quod dicit de actualitate, & formalitate; ergo signum est, quod distinctio, quæ sumitur à materia vt tali, debet esse materialis; & quæ à forma, formalis, & specifica. Ad illud, quod dicitur de duobus actibus v. g. de duabus animabus rationalibus, constat, quia vnitatem numericam desumunt per ordinem ad materiam.

111 Respondent alij secundæ rationi, quod ex ea solum conuincitur non posse dari distinctionem indiuiduorum per solam voluntatem Dei extrinsecam, sine principio indiuiduationis existente in ipsis; non tamen conuincitur, quod hoc principium sit connaturale, sed sufficit, quod sit intrinsecum, quamuis sit præter, aut supernaturale, quod videtur tradere S. Doctor *opus. 16. §. restat autem.* Sed contra, quia indiuidua distinguuntur inter se, ex sua natura indiuiduali; ergo prin-

principium huius distinctionis debet esse illis connaturale. Tum quia non magis connaturale est generi diuidi in species, & speciebus constitui in proprio esse specifico, & distingui inter se in eo, quam speciei diuidi in indiuidua; & indiuiduis constitui in proprio esse indiuiduali, in eoque inter se distingui; ergo sicut primum non potest suppleri à Deo per differentiā extraneam, & non connaturalem, ita neque secundum. Tum etiam quia ista differentia extranea deberet esse entitatiuè naturalis, cum deberet tribuere effectum naturalem, ergo eò ipso, quod tribueret Angelo esse præter, aut supernaturale, deberet assignari aliqua creatura, cui esset connaturalis; & istam indiuiduaret, non Angelum. Nec illud, quod additur ex D. Thoma, est ad rem; solum enim probat contra Aueroem, quod non detur tantum vnus intellectus communis omnibus, quia iste potest multiplicari ex multiplicatione animarum, quæ ex materia desumitur, & etiam quia causa efficiens scilicet Deus potest illum multiplicare, &c.

112 Alij etiam respondent, quod differentia proueniens à forma est formalis, & specifica, quando oritur ab ea secundum id, quod est formale in ipsa, non quando procedit ab illa secundum id, quod est materiale in ipsa; In Angelis ergo ratio specifica prouenit à forma secundum id, quod dicit de formali, at ratio indiuidualis oritur ab eadem secundum id, quod dicit de materiali, seu secundum hæcceitatem. Sed contra, quia vel forma Angeli physicè accepta, seu secundum, quod est principium indiuiduationis, & distinctionis numericè tantum, dicit aliquid materiale physicum supra se ipsam ut est principium specificationis, vel non? Si hoc secundum; ergo nihil physicum continet, quod sit radix distinctionis materialis. Si primum; ergo in Angelis datur materia prima, quod supra reprobauimus; nam sicut esse formale non potest non oriri à forma; ita esse materiale non potest non oriri à materia.

113 Tandem respondent alij, quod

vnitas, & distinctio numerica in Angelis non sumitur neque à materia, neque à forma, sed à substantia, quæ in ipsis gerit vicem materiæ, quod videtur tradere S. Doctor in 1. diff. 34. q. 1. art. 1. Sed contra, quia licet indiuiduatio in Angelo sumatur à substantia, seu per ordinem, aut quasi ordinem ad illam; tamen quia ipsa substantia est actus, etiam vnitas, quæ ab illa desumitur erit actus, seu forma, ac proinde non poterit esse materialis. D. Thomas loco citato solum dicit, quod in his, quæ carent materia physica indiuiduatio sumitur per ordinem ad substantiam, ex eo, quod dicta indiuiduatio sit formalis. Soluuntur argum. in contrarium.

114 Primum argum. desumunt ex D. Augusti. lib. 3. de libero arbitrio cap. 12. ubi dicit, quod si Deus annihilaret omnes Angelos, posset creare multo plures eiusdem speciei, & gradus. Resp. Sanctissimum Patrem loqui de specie subalterna, & de gradu ordinis, vel hierarchiæ.

115 Secundum argum. quia potest Deus per absolutam potentiam facere, quod natura Gabrielis, quamuis de facto habeat omnem perfectionem sibi debitam recipiat aliam maiorem, etiam substantialiter; sicut hoc modo potest perficere lumen solis; ergo etiam poterit naturam Gabrielis constituere in alio indiuiduo. Antecedens constat, quia in hoc nulla apparet contradictio. Consequ. probatur, quia supposito, quod eadem natura potest esse magis, vel minus perfecta substantialiter, nihil prohibet quin sit in pluribus indiuiduis, ita quod in vno sit magis perfecta, in alio minus. Resp. negando antecedens; vel enim id, quod Angelo adderetur substantialiter diuersum variaret indiuiduationem, & tunc indiuiduaret etiam speciem, cum utraque ratio ab eodem desumatur: vel indiuiduationem non variaret, & tunc nil sequitur contra nos. Ad illud quod de sole dicitur, dico, quod cum lux sit accidens, potest magis intendi intra eandem speciem, & etiam numerum.

Ter-

DV B I V M VIII.

An Angeli sint incorruptibiles ex natura sua.

116 Tertium argum. quia licet de facto Deus creet animas rationales multiplicatas per ordinem ad corpora, tamen posset eas multiplicare sine ordine ad illa; ergo etiam posset hoc modo Angelos multiplicare. Resp. quod si Deus crearet animas sine ordine ad corpora, iam non essent amplius animæ, sed substantiæ completæ, ac proinde Angeli, & tunc solum specie multiplicarentur, & non numero sub eadem specie.

117 Quartum argum. quia omnis natura, quæ producit ab agente actione iterabili, potest secundum numerum pluralificari; sed species Gabrielis sic produciatur à Deo; ergo, &c. Maior constat, quia quoties actio est iterabilis, etiam terminus illius est iterabilis. Minor probatur, quia omnis actio quæ potest interrumpi, potest multiplicari, sed actio productiva naturæ Gabrielis cum sit libera, interrumpi potest; ergo, &c. Resp. concedendo maiorem, & negando minorem, actio namque Dei productiva cum sit immanens, non potest multiplicari, nec interrumpi.

118 Quintum argum. quia D. Thomæ, & nostra sententia videtur repugnare tribus articulis reprobatis ab universitate Parisiensi. Primus est; *dicere quod quia intelligentia non habens materiam, Deus non potest plures eiusdem speciei facere, error.* Secundus: *dicere quod Deus non potest multiplicare individua sub una specie sine materia, error.* Tertius, *quod forma non recipiant divisionem, nisi secundum materiam, error.* In cap. autem ad abolendam, de hæreticis, statuitur, quod illi puniri debeant, qui aliqui asserunt à Sede Apostolica damnatum, & item qui asserunt aliquid damnatum ab Episcopo Diocesano, cum consilio clericorum. Resp. quod illi articuli fuerunt postea reuocati à Stephano Episcopo Parisiensi, anno 1325. & ab Urbano Pontifice in Extravag. *Laudabilis*, quatenus præcipit, quod doctrina D. Thomæ recipiatur ut catholica, & damnat omnes, qui eam damnant ut erroneam.

119 **P**rima sententia tenet, quod Angeli non sint ex sua natura incorruptibiles, licet de facto non corrumpantur, quia licet habeant intrinsecum principium, suæ corruptionis, tamen à Deo ita conservantur, ut non corrumpantur. Sic Alensis 1. p. q. 4. memb. 3. Bonau. in 1. dist. 8. art. 2. q. 2. Ricard. ibid. art. 2. q. 2. Scot. q. 5. & in 4. dist. 49. q. 6. & alij quos sequitur Vasqu. in presenti disp. 182. cap. 2. Quam sententiam à fortiori secuti sunt illi hæretici, qui putarunt in Angelis dari diuersitatem sexus, maris, & fræminæ, & incumbere generationi.

120 Nostra sent. seq. conclusione explicatur. *Angeli ex natura sua sunt incorruptibiles, sine propria, siue impropria corruptione, vel annihilatione.* Sic D. Tho. in presenti art. 5. & ad 3. supra q. 9. art. 2. infra q. 75. art. 6. & 2. contr. Gen. cap. 30. Quem sequuntur eius discipuli, & cæteri expositores quos referunt, & sequuntur Salm. hoc loco.

121 Probatur 1. quia Angeli carent potentia passiva reali ad non esse; ergo de sui natura sunt incorruptibiles. Conseq. constat, quia nihil suapte natura potest esse corruptibile, nisi in ipso sit aliqua potentia passiva ad non esse. Antecedens ostenditur, quia ubi non est materia prima, ibi non est potentia passiva ad non esse; nulla namque potest esse potentia passiva ad non esse, nisi materia prima; sed Angeli, ut constat ex dictis, non habent materiam primam; ergo non habent potentiam passivam ad non esse.

122 Confirmatur, quia ad non esse nulla datur potentia, seu inclinatio primariæ; cum enim non esse sit malum, non potest esse obiectum primarium naturalis inclinationis, sed solum secundarium, & quasi per accidens, in quantum est

est in potentia, seu respicit aliud esse; sed hoc modo sola materia prima est potentia ad non esse; ergo, &c. Maior constat. Minor etiam patet, quia materia non respicit non esse, nisi ratione esse, scilicet alterius formæ substantialis quam respicit; ergo.

123 Sed obijcies 1. quia in Angelis est potentia Logica ad non esse, seu est non repugnantia ut possint à Deo annihilari; sed hæc est vera potentia eis insita ex natura sua; ergo falsum est, quod in Angelis non sit potentia realis ad non esse. Maior constat. Minor probatur, quia non repugnantia rerum possibilem ut sint per diuinam potentiam non est pura denominatione extrinseca ex potentia Dei proueniens in quantum illas respicit, sed est potentia realis realitate essentiae, non existentiae, à natura insita ipsis rebus possibilibus prius natura quam respiciantur ab eadem diuina omnipotentia; ergo etiam non repugnantia ut possint à Deo annihilari, quæ est in ipsidem rebus postquam existunt, debet esse eis insita ex natura sua. Antecedens constat, quia aliàs committeretur circulus vitiosus in explanatione possibilitatis obiectionis rerum factibilium, & diuinæ omnipotentiae factiue illorum; nam diceremus creaturas esse posibles, quia à Deo possunt produci, & Deum posse illas producere, quia sunt producibiles ab illo. Tum quia in Angelo datur non repugnantia ad hoc ut à Deo destruat, & annihiletur; ergo datur aliqua forma connaturalis, & intrinseca ratione cuius potest destrui, & annihilari. Omnis namque negatio debet conuenire ratione aliquius formæ positivæ, & intrinsecæ, ut patet.

124 Resp. concedendo maiorem, & negando minorem. Ad 1. probationem dico, non dari circulum vitiosum, quia Deus ideo est omnipotens à priori, quia potest facere quod non implicat contradictionem; & creaturæ ideo sunt posibles quia non dicunt repugnantiam terminorum. Vnde Angeli non habent aliquam potentiam naturalem ratione cuius sint

annihilabiles ex potentia absoluta Dei, quia non implicat, quod Deus, qui suo concursu omnia conseruat, subtrahat illud, quo sublato Angelus annihilatur. Ad 2. probationem conceditur antecedens & negatur consequens. Ratio est, quia illa non repugnantia Angeli ad annihilationem non fundatur in aliqua potentia naturali ad non essendum, sed in ipsamet natura, quæ indiget ut conseruetur, quod si conseruatio desinat; & natura desinet.

125 Obijcies 2. quia ad hoc ut intelligatur in Angelis potentia passiva ad non esse, sufficit, quod in eo intelligatur habitudo ad esse non omnino indefectibile; sed hæc habitudo intelligitur in Angelo; ergo. Resp. negando maiorem, ad hoc namque ut in Angelo intelligatur potentia passiva ad non esse debet in eo esse habitudo ad esse non omnino indefectibile ex natura sua, quod non reperitur in Angelo, cuius esse est solum defectibile per ordinem ad diuinam omnipotentiam potentem subtrahere suum concursum conseruatium. Quocirca Angelo eo ipso, quod sit, semper debetur esse, tum quia mensuratur ætuo, quod à parte post est incorruptibile; tum etiam quia Angelus respicit esse ut est expletium appetitus quem habet quoad omnia sua substantialia ad essendum; tum denique quia si Angelo non esset debitum semper esse, ex suppositione quod est, eius conseruatio esset miraculosa, quod est falsum; ergo, &c.

126 Probatur 2. conclusio, quia nulla forma per se subsistens est corruptibilis ex natura sua; sed Angelus est forma per se subsistens; ergo non est ex se natura corruptibilis. Minor constat. Maior probatur, quia forma per se subsistens non est corruptibilis per accidens, id est, ad corruptionem alterius, quia non habet ad cuius corruptionem corrumpatur. neque est corruptibilis per se reuelando per se, & immediatè actionem corruptionis, quia omne corruptibile per se, ideo corrumpitur, quia ab aliquo separatur eius existentia, vel forma tribuens illam, vel vtramque sed à forma per se subsistenti,

nc-

De comparat. Angelorum ad corpōra. 737

neque separatur esse, quia est per se subsistens; neque forma tribuens illud, ut patet, ergo &c. Neque forma per se subsistens est corruptibilis corruptione improptia, ut annihilatione, quia desinere per annihilationem à nulla creatura petitur; cum enim annihilation sit actio miraculosa per D. Tho. 1. p. q. 104. art. 4. sequitur, quod à nulla creatura petatur.

127 Sed contra hanc rationem obijciens, quia idem est convenire aliquid alicui per se, & non convenire per accidens; sed omni formæ creatæ convenit per accidens tam existere, quam existere per se; ergo nulli formæ creatæ convenit existere, aut existere per se. Major constat. Minor probatur, quia existere, aut existere per se est prædicatum per accidens omnis creaturæ, ut neque sit de essentia illius, nec fluat ab illa ut passio; nulla namque res, est sibi sufficiens causa ut sit; ergo &c. Tum quia nulla res potest intelligi sub opposito eius, quod sibi convenit; omnis autem creatura potest intelligi sub non esse. Tum etiam quia existentia per se, ad summum potest per se convenire formæ per se subsistenti, quatenus ly *per se* distinguitur contra *per aliud*, inquantum non conveniat medio alio; sed ex hoc non colligitur incorruptibilitas absoluta; ergo &c. Resp. concedo maiorem; & distinguendo minorem: omni formæ creatæ convenit per accidens tam existere, quam existere per se; loquendo absolute, & simpliciter, & conceditur; loquendo physice, & negatur. Existere namque absolute, & simpliciter, & in actu exercito est proprium solius Dei. At existere per se physice est etiam proprium formarum, per se subsistentium, quæ perfectate physica, ex suppositione, quod sint, petunt semper esse. Et per hæc patet ad probationes in contrarium. Solvuntur argum. primæ sententiæ.

128 Primum argum. desumunt ex illo Apost. 1. ad Thimot. 6. *solus Deus habet immortalitatem*; ergo Angeli carent illa, ac proinde erunt corruptibiles. Resp. quod in d. loco Apostoli solum denota-

tur, quod solus Deus habet immortalitatem à se; in quo etiam sensu dicitur Marc. 10. *solus Deus est bonus*, & Rom. 16. *solus Deus est sapiens*. Vel dic, quod solorum verborum sensus sit, quod solus Deus habet omnimodam immortalitatem, tum substantialem, tum accidentalem. Ac Angeli habent immortalem substantialem, non accidentalem, quia à Deo destitui possunt. Vnde immortalitas Angelorum comparata ad immortalitatem Dei, est veluti mortalitas. Eodem modo interpretari debent S. Patres cum videntur tribuere soli Deo immortalitatem.

129 Secundum argum. quia vel Angeli natura sua sunt incorruptibiles respectu divinæ omnipotentiae, vel corruptibiles. Si hoc secundum, habetur intentum. Primum dici non potest, quia Angeli dicuntur corruptibiles per gratiā in Concil. Constantinopolitano 3. sess. 13. Res. quod Angeli sunt incorruptibiles respectu divinæ omnipotentiae ordinariæ, licet sint corruptibiles respectu divinæ omnipotentiae absolute, ut ex dictis constat. Ad illud testimonium Concilij dico, quod Angeli dicuntur incorruptibiles per gratiam, quatenus non sunt tales à se, sed ex Dei gratia, quia potuit illos non creare.

130 Tertium argum. quia solus Deus est ens per se necessarium, reliqua verò contingentia, & indifferentia ad esse, & non esse; cum omnia dependant ex libera Dei voluntate; ergo &c. Resp. distinguendo antecedens: solus Deus est ens per se necessarium, necessitate tum physica, tum logica, & conceditur; necessitate tantum physica, & negatur; quia etiam Angeli ex suppositione quod sunt, sunt necessarij necessitate physica, licet non Logica, cum per potentiam Dei absolutam possint non esse, ut ex dictis constat.

Summa Quaestionis LI.

IN hac quaestione S. Doctor tria pertractat. In 1. art. ostendit, quod Angeli non habent corpora naturaliter sibi unita; ex eo; quod Angeli non sint formae unibiles corpori, sed per se subsistentes. Forma namque intellectualis non unitur corpori propter perfectionem intelligendi, imò potius intellectualitas defumitur per abstractionem à corpore, & quanto magis abstrahitur, eò est perfectior. In 2. art. ostendit, quod Angeli assumunt corpora non substantialiter in unitatem personarum, sed ea sibi uniunt ut motori, quia ea movent, non tantum secundum nostram imaginationem, sed secundum realita-

tem, secundum quam in illis assumptis, & moris apparent, ut videantur à multis; quando autem sic apparent ut à multis videantur, non est imaginario, sed visio. Aliquando tamen non apparent oculis, nec assumunt corpora, sed imaginatione deludunt. In 3. art. ostendit, quod operationes, quas Angeli exercent in corporibus assumptis, non sunt vitales ex parte corporum, sicut loqui, deambulare, videre, quia dicta corpora non informantur ab Angelis vitaliter, sed illis uniuntur ut motori rei motae, unde actus quos in illis exercent, faciunt mediante impulsu, & motu, quae actiones sunt communes uiuentibus, & non uiuentibus, & possunt esse similes moribus vitalibus ex parte effectuum, non ex parte modi vitalis.

DISPUTATIO XLII.

IN QVAEST. LII. D. THOMAE.

De comparatione Angelorum ad corpora.

IN hac q. comparat Angelos ad corpora, non tanquam aliquid à se assumptum, sed tanquam aliquid cui assunt, vel in quo existunt per modum loci. Et in 1. art. inquit, an Angelus sit in loco, & resoluit, quod sit in loco, non eo modo quo corpus, sed æquocè cum illo; quia corpus est in loco per contactum quantitatis, quo loco commensuratur, at Angelus est in loco per contactum virtutis, seu per applicationem virtutis; quia in Angelis non est quantitas molis, sed virtutis. In 2. art. inquit, an Angelus possit esse in pluribus locis? & respondet, quod solum potest esse in uno loco cui sua virtus applicatur; quia cum eius virtus sit finita, non potest nisi ad aliquid finitum applicari, & illud determinatum cui applicatur ei correspon-

det tanquam unus locus, siue sit punctus, siue sit aliquid diuisibile. In 3. art. inquit, an è conuerso, plures Angeli possint esse in eodem loco? & responderet negatiue, quia sunt in loco per applicationem virtutis, tanquam motores, seu continentes locum, non tanquam contenti à loco: continent autem locum tanquam virtutes perfectae; repugnat autem; quod plures causae perfectae producant unum, eundemque effectum. Verum ut ista habeantur fusi, sit.

DUBIUM I.

An Angelus sit in loco, & an propriè.

Nomine loci non intelligimus locum intrinsecum, seu ubicarionem, de hoc enim ex sequentibus patebit. Sed intelligimus locum extrinsecum, & cor-

De comparat. Angelorum ad corpora. 739

& corporeum : an scilicet Angelus sit in prædicto loco ; habeatque suam substantiam unitam, seu indistantem, & præsentem loco ; eo proportionali modo , quo corpora sunt præsentia loco, habentque suam substantiam unitam, seu indistantem ab illo, & in ipso sunt .

3 Prima sententia est, quod Angeli non sunt in loco ; hanc tenuerunt aliqui Philosophi antiqui relati à D. Thoma in 1^æ dist. 37. q. 3. art. 1. Secunda sententia tenet, quod Angelus est propriè, absolute, & simpliciter loquendo in loco . Sic tenent Nazarius in præsentia, Bannes q. seq. art. 1. dub. 2. concl. 3. Suarez lib. 4. de Angelis , & alij.

4 Nostra sententia duabus conclusionibus explicatur . Prima concl. *Angelus est in loco* . Hæc conclusio est communis inter Theologos, eamque docent Sancti Patres, Basilius, Gregorius, Athanas. Damasc. Nazianz. & alij apud Salmant. hoc loco. Desumitur ex sacra scriptura . Apocal. 20. sic scribitur. *Apprehendit draconem serpentem antiquum, qui est diabolus, & satanas, & ligavit eum per annos mille: & misit eum in abyssum, & clausit, & signavit super illum* . Et Tobia 8. dicitur: *Tunc Raphael Angelus apprehendit dæmonium, & reliquit illud in deserto superioris Aegypti* :

5 Sed dices, quod ista loca intelligi possunt de alligatione prout est idem ac impedimentum quo eis non permittitur agere quod volunt. Et quando dicitur in scriptura, quod dæmones expelluntur à corporibus humanis, potest intelligi dicta expulsio ut non sit aliud quam liberatio eorumdem corporum à vexatione dæmonum. Sed contra, quia ex vi alligationis dæmonum ad aliquem locum duo colliguntur. Vnum, quod impediantur ab operando prout libuerit. Alterum, quod ibi detineantur. Deinde in hoc, quod dæmones expellantur ab aliquo corpore humano, duo significantur . Vnum, quod vexent talia corpora . Alterum, quod ibi sint tanquam in loco; ut ex se constat.

6 Deinde probatur concl. ratione. Nam Angelus per suam quantitatem vir-

tutis contingit corpora, locaque corporea, operando intra illorum terminos ; ergo erit in illis . Antecedens constat ; certum namque est Angelos operari immediate in corporibus, & locis, ac inter terminos illorum, hoc autem facere non possunt nisi immediate corpus, & locum contingant per suam quantitatem virtutis quæ est sua virtus operativa. Consequenter probatur, quia sicut quando vnum corpus tangit aliud, siue locum corporeum per suam quantitatem molis, est in illo tanquam in loco, ita quando Angelus tangit corpus, vel locum per quantitatem virtutis, erit in illo tanquam in loco .

7 Confirmatur ; quia ideo Deus est in loco, & in omni loco, seu ubique ; quia per suam quantitatem virtutis tangit omnia loca ; ergo etiam Angelus erit in loco, quando per suam quantitatem virtutis tangit illum . Antecedens constat. Consequenter patet tum ex paritate rationis ; tum quia si aliquid obesset quominus non esset in loco, maxime eius spiritualitas ; hæc non obest in Deo, ubi est longe excellentior, ergo neque obest in Angelis .

8 Sed contra hoc obijcies, quia ex hoc quod Angelus contingat corpora, per suam quantitatem virtutis non sequitur quod sit in loco ; ergo, &c. Antecedens probatur, quia corpus Christi D. in Sacramento altaris immediate contingit per suam quantitatem virtutis species sacramentales sub quibus est, cum eas effectivè conseruet, ex eo quod succedit loco substantia panis, à qua per naturalem resultantiam conseruabantur, & tamen dictum corpus Christi non est sub illis speciebus tanquam in loco; ergo ex hoc, quod Angelus contingat modo dicto corpus, aut locum corporeum, non sequitur, quod sit in illo tanquam in loco. Resp. negando antecedens. Ad probat. transeat maior, minor concedatur, & consequenter. Ratio discriminis est, quia locus debet comparari respectu locati, per modum alicuius extrinseci, species autem sacramentales non comparantur cum corpore Christi per modum alicuius extrinseci, sicut non sic comparabantur cu

substantia panis, in cuius locum succedit. At locus respectu Angeli comparatur per modum alicuius extrinseci, ut patet. Alia differentia assignari potest, quia id, quod est in loco finito, & limitato, limitatur ab illo quoad præsentiam, & existentiam in illo. At Corpus Christi sub speciebus non limitatur, non coarctatur; eum possit esse sub alijs speciebus, & alijs usque in infinitum syncategorematicè. At Angelus finitur, & limitatur à loco in quo est, ut non possit simul esse in alio, ut infra dicitur. Tertiò etiam dici potest, quod præsentia, & existentia in loco, contactusque illius debet esse respectu eiusdem loci, ut locus est, non ut res quædam est. Corpus autem Christi contingit species contactu virtutis ut res quædam sunt, ut scilicet sunt accidentia, & dimensiones substantiæ panis in ipsum conuersæ: tū quia prædictæ species non comparantur per modum alicuius extrinseci limitantis, & finientis Corpus Christi, ut dicebamus: tum etiam, quia ad locum requiritur, quod contactus, & præsentia sit acquisibilis, & deperdibilis per se primò per motum localem, aut per mutationem instantaneam localem; quod in Corpore Christi in Sacramento non accidit, bene tamen in Angelo.

9 Secunda concl. *Angelus est in loco corporeo, non uniuerſe cum corporibus, sed æquiuocè, improprie, abusuè, ac translative.* Sic D. Tho. hic articulo 1. ibi. *Angelo conuenit esse in loco æquiuocè, &c.* Et q. seq. art. 1. dicit: *Esse in loco æquiuocè conuenit corpori, & Angelo.* & alibi, & sic tenent Caiet. in præsentia, Deza, Zumel, & alij, quos referunt, & sequuntur Salm. hoc loco.

10 Probatur concl. Quia esse in loco proprie, & simpliciter, inuoluit aliquas imperfectiones, quæ non possunt Angelis conuenire: ergo Angelus non erit proprie in loco. Antecedens probatur, quia id, quod est in loco proprie, & simpliciter, est in illo tanquam mensuratum ab eo, & per modum alicuius habentis positionem in continuo, & per modum contenti, & circumscripti ab illo; & tandem tanquam aliquid, quod sit totum in toto loco, & pars in parte; sed hæc dicunt imperfectio,

nem incompetentem Angelis, & omnibus substantijs spiritualibus, ergo.

11 Confirmatur, quia esse in loco proprie, & simpliciter, est esse in loco per contactum proprie sumptum, sicut esse in loco metaphoricè est esse in illo per contactum metaphoricum: sed Angelus non potest habere contactum proprium, sed tantum metaphoricum ad locum corporeum; ergo Angelus solum potest esse in loco metaphoricè, non proprie. Maior constat. Minor probatur, quia ea proprie dicuntur se tangere, quotum vltima sunt simul; sed sola res corporea, & quantitate affecta, habet proprie, & absolute vltimum, sicut sola habet proprie, & absolute partes, & indiuisibilia, quibus dictæ partes terminantur, & habent rationem vltimi illarum; ergo.

12 Respondent aduersarij, quod dictæ imperfectiones solū sunt propriæ modi essendi in loco rerum corporearū, non modi abstrahendi à modo essendi proprio corporis, & rei spiritualis. Sicut licet sapientia ut est in creatis est inuoluta imperfectionibus qualitatibus, accidentibus, inhaerentibus: non tamen prout dicitur de Deo, seu non prout dicitur suam rationem formalem abstrahentem à creatis, & increatis. Sed contra, quia quidditas loci, & modus essendi in loco absolute, & simpliciter ex communi modo loquendi, affert prædictas imperfectiones; ergo, &c. Tum quia in exemplo allaro formalissima ratio sapientiae non affert illas imperfectiones, sicut illas affert formalissima ratio essendi in loco, ergo, &c.

13 Primum argum. primæ sententiæ desumitur ex Aristotele 2. de celo cap. 9. ubi dicit, quod illa entia, quæ sunt supra vltimam lationem, non sunt apta ut sint in loco; Idem tradit S. P. August. lib. 83. quæst. 9. 20. quatenus probat Deum non esse alicubi, quia non est corpus. Resp. Arist. & S. P. August. solum velle Deum non esse in loco corporeo proprie, sed improprie, & abusuè.

14 Secundum argum. quia si Angelus esset in loco, vel esset in loco naturali, aut violento; in neutro est; ergo in nullo.

De comparat. Angelorum ad corpora. 741

nullo. Quod non sit in loco naturali probatur, quia substantia spiritualis, nullam habet connaturalitatem, aut proportionem cum loco corporeo; ergo. Quod neque sit in loco violento, constat, quod enim non est in loco naturali, neque in violento esse potest; cum enim locus naturalis, & violentus opponantur, & opposita sint nata fieri circa idem, sequitur, quod ubi non potest esse locus naturalis, neque violentus esse possit. Resp. 1. negando maiorem; Angelus namque propriè neque est in loco naturali, neque violento; diuisio namque loci in naturalem, & violentum, est solum adæquata respectu loci physici addentis qualitates conseruatiuas, aut destructiuas locati; non respectu loci in communi. Hinc dicit Arist. lib. 3. de calo cap. 7. quod Mathematica qua talia non sunt in loco, scilicet naturali, aut violento, quia neque à virtute intrinseca possunt naturaliter moueri ad locum, neque ab extrinseca violententer, aut contra naturam derineri, aut moueri ad illum. Resp. 2. quod Angelus est in loco naturali, quatenus per hoc intelligitur, quod ille sit locus naturalis respectu Angeli, qui est conformis inclinationi elicite illius, & ille dicatur violentus, qui est repugnans prædictæ inclinationi elicite, vt cum Angelus detinetur in aliquo loco ab agente maioris efficacitæ. Voluntas namque potest pati violentiam quoad actus, vel effectus impetratos.

15 Tertium argum. quia Angeli nullo modo subsunt tempori nostro, cum non possit nostrum tempus esse illorum duratio, licet aliquid operentur, quod sit in eodem tempore, & duret, mensurenturque per illud; ergo à pari neque erunt in loco nostro, scilicet corporeo. Resp. 1. transeat antecedens, & negatur consequens. Ratio discriminis est, quia ad hoc quod Angelus dicatur esse in loco corporeo, sufficit, quod illum contingat per quantitatem virtutis. At ad hoc Angelus mensuraretur à tempore nostro deberet ab illo contineri, vel saltem continere illud. Angelus autem, & eius duratio, non conti-

net tempus nostrum, cum sit solius æternitatis proprium continere aliàs durationes. Nec potest Angelus contineri à tempore nostro, alias tempus, & duratio primi mobilis esset superior duratione Angelus, quod est falsum. Resp. 2. negando antecedens si intelligatur abusuè, impropriè, & metaphoricè, & non quoad esse, sed quoad operationes virtualiter transeuntes, adhuc enim non requiritur, quod Angelus dependeat à tempore nostro, sed sufficit, quod illius operatio sit connexa cum effectû mensurato per dictum tempus.

16 Primum argum. secundæ sententiæ desumunt ex S. Doctore; nam in 1. dist. 37. q. 4. art. 1. ad 4. dicit. *Motus localis secundum quod est corporum, non conuenit Angelis nisi metaphoricè; sed æquiuocè loquendo de motu, conuenit ei propriè.* Resp. S. Doctorem loqui de motu Angeli reduplicatiuè, vt est Angeli, ac proinde vt metaphoricè est motus localis, quomodo dicimus, quod corpus reduplicatiuè vt album, est essentialiter album. Sic etiam motus vt metaphoricè talis, est propriè talis.

17 Confirmant dictum argum. ex alio testimonio D. Tho. eadem dist. q. 2. art. 1. ubi loquens de Deo sic fatur. *Si esse in hoc loco sumatur secundum quod corpus in loco esse dicitur, sic non conuenit Deo esse ubique nisi metaphoricè, quia implet locum sicut corpus locatum: non quidem distantia dimensionum, sed causalitate effectuum.* Si autem accipiat esse in loco per modum quo substantia spiritualis in aliquo esse dicitur, sic propriissimè Deo in loco esse conuenit, & ubique, non quidem vt mensuratum loco, sed vt dant loco naturam locandi, & continendi: sicut dicitur esse in homine, in quantum dat homini naturam humanitatis; & in qualibet re esse dicitur, in quantum dat rebus proprium esse, & naturam; quod etiam de Angelis dici debet. Resp. quod mens D. Thomæ est, quod Deo propriissimè conuenit esse in loco eo modo, quo id conuenit substantiæ spirituali, qui est vt sint in loco solum metaphoricè, abusuè, & impropriè.

18 Sed dices hinc deduci, quod absolute, & simpliciter loquendo non sit dicendum, quod Deus sit in loco; sed cum addito, scilicet metaphoricè, & abusive, sed hoc est falsum; ergo. Minor probatur, quia idem est Deum esse immensum, & esse in omni loco; sed Deus propriissimè est immensus; ergo propriissimè est in omni loco. Resp. concedendo maiorem, & negando minorem. Ad probationem dico, quod Deum esse propriissimè immensum, est Deum esse in omni loco metaphoricè, & abusive. Si enim esset in loco propriè, non posset esse immensus; cum esse immensum dicat non capi à loco, & esse in loco propriè, dicat capi, limitari, & coarctari à loco. Quocirca bene dicit S. Doctor, quod Deus est in loco ut continens locum, non ut contentus à loco, quod est esse in loco metaphoricè.

19 Confirmant 2. ex alio testimonio S. Doctoris 3. p. q. 76. art. 5. ubi dicit, quod esse in loco definitivè, vel circumscriptivè est pars eius, quod est esse in loco, ac proinde Angelus, qui est in loco definitivè, erit propriè in loco, aliàs non dixisset B. Doctor, quod esse in loco definitivè, est pars eius, quod est esse in loco. Resp. mentem S. Doctoris esse, quod esse in loco definitivè, est pars æquivoce, & abusive huius, quod est esse in loco, & nil aliud.

20 Secundum argum. quia de Angelo absolute, & simpliciter verificatur, quod est in loco corporeo; ergo erit in illo propriè. Antecedens constat. Consequ. probatur, quia aliàs non posset de eo verificari absolute, & simpliciter, quod sit in loco; nam sicut homo pictus non sit propriè homo, quia est solum metaphoricè talis; ita si Angelus esset solum metaphoricè in loco, non posset dici absolute, & simpliciter quod sit in loco. Resp. concedendo antecedens, & negando consequ. Ad hoc enim ut Angelus dicatur simpliciter in loco, sufficit, quod sit in illo modo proprio ipsius, scilicet metaphoricè. Vel sufficit, quod habeat aliquid ratione cuius possit dici, quod sit

in loco, ut est contactus virtualis. Sicuti ad hoc, quod Deus dicatur absolute irasci sufficit, quod puniat delinquentes, seu quod habeat aliquid ratione, cuius dicatur absolute irasci, & est punitio delinquentis. Per quod patet ad illud de homine picto, quia in eo non est aliquid ratione cuius dicatur absolute, & simpliciter homo. Externa namque accidentia cum sint quid commune, non possunt esse sufficientia ad hoc ut homini picto tribuatur absolute, & simpliciter denominatio hominis.

D V B I V M II.

An substantia Angeli sit ei ratio immediata essendi in loco.

21 **L**icet Angelus sit solum metaphoricè in loco, tamen debet habere aliquid propriè ratione cuius habeat aliquam similitudinem cum corpore existente propriè in loco, ut nu. precedenti dictum est; modo autem querimus quodnam sit illud, an scilicet propria Angeli substantia. Pro quo nota 1. quod sicut substantia corporalis, est ratio radicalis essendi in loco, ita substantia Angeli erit ratio radicalis essendi in loco. Unde solum difficultas est, an etiam sit ratio immediata, & proxima. Nota 2. quod ob duplicem rationem potest aliquod prædicatum competere alicui subiecto, maxime in concreto accepto. Vna se tenet ex parte prædicati, & est ipsum prædicatum in abstracto. Alia se tenet ex parte subiecti, & est id per quod subiectum redditur proximè, & immediate capax prædicati. Sit exemplum: substantia ob duplicem rationem potest dici alba. Vna se tenet ex parte prædicati, & est albedo. Alia ex parte subiecti, & est quantitas sub certa quadam temperie primarum qualitarum; quia substantia non est susceptiva albedinis nisi media quantitate sic disposita. Quare cum esse in loco sit prædicatum concretum, in eo est distinguenda duplex ratio per quam conveniat Angelo. Vna ex parte ipsius prædicati,

De comparat. Angelorum ad corpora. 743

cati, de qua certum est, quod sit ipsum, esse in loco, sumptum in abstracto, siue appelleretur *ubi*, siue existentia, siue presentia in loco, siue quouis alio nomine. Difficultas solum est, quam sit proxima, & immediata ratio ex parte Angeli. Clarius etiam explicari potest, distinguendo duplicem rationem formalem proximam, & immediatè constitutiuam alicuius concreti; vnam per quam concretum formaliter constituitur. Aliam per quam constituitur causaliter, ex eo, quod est proxima ratio causandi rationem formalem constitutiuam. Dubium procedit non de ratione formali constitutiuam Angeli in loco, hæc enim est ipsum esse in loco in abstracto, sed procedit de ratione proxima causaliter, quæ est causa, seu fundamentum vocationis, seu loci in abstracto.

22 Prima sententia est, quod ratio proxima, & immediata per quam Angelus fundat præsentiam ad locum, seu vocationem in illo est propria ipsius substantia. Hanc tenent Ricard. Scotus, Bonau. Gregor. Gabriel, Alensis, Molina, Suarez, Pesantius, Valentia, & alij apud Salm. hoc loco.

23 Nostra sententia seq. concl. explicatur. *Substantia Angeli non est proxima, & immediata ratio essendi in loco.* Hæc conclusionem tuerentur D. Tho. hic art. 1. in 1. diff. 37. q. 3. art. 1. de Potent. q. 3. art. 19. & quodlibet. 1. art. 4. Omnes discipuli eiusdem S. Doctoris, & alij plures, quos referat, & sequuntur Salmant. hoc loco.

24 Probat 1. quia si substantiæ Angelicæ conueniret ratio proxima, & immediata essendi in loco, vel hoc conueniret ob rationem generalem substantiæ, vel ob peculiarem substantiæ Angelicæ; neutrum dici potest; ergo nullo modo illi conuenit. Maior patet. Minor probatur quoad primam partem. Quia, si substantiæ Angelicæ conueniret ratio essendi in loco immediatè secundum rationem generalem substantiæ, conueniret omni substantiæ; sed non conuenit, vt patet in substantia materiali, quæ solum ratione quantitatis est immediatè in loco, ergo. Tum quia substantia, solum debet terminari terminis substantiæ, non termi-

nis accidentalibus loci. Deinde probatur idem antecedens quoad secundam partem quia ratio substantiæ creatæ secundum rationem generalem substantiæ dicit esse per se finitum, & limitatum terminis essentiae, non rationem proximam essendi in loco; ergo hoc idem dicere debet ratio talis substantiæ. Sicut ex hoc quod ratio substantiæ corporeæ non dicit esse in loco immediatè, & proximè, omnis substantia corporea hoc assert; ita quia ratio substantiæ creatæ, vt sic, non dicit esse rationem proximam, & immediatam essendi in loco, hoc debet asserre quælibet substantia particularis.

25 Respondent aduersarij 1. concedendo maiorem, & negando minorem, quoad utramque partem. Et ad probationem primæ partis dicunt, quod etiam substantiæ materiali conuenit esse rationem proximam essendi in loco modo speciali sibi debito, & quod à quantitate habet solum alium modum scilicet essendi in loco circumscriptiuo, qui est proprius quantitatis. Ad secundam probat. dicunt, quod licet finis, & terminus æquiuocè dicatur de fine, & termino essentiae, & loci, tamen id quod est finis, & terminus essentiae, potest secundariò, & consequenter esse proxima ratio finis, & termini loci.

26 Sed contra 1. quia substantia materialis non potest esse proxima ratio essendi in loco, sed hoc habet ratione quantitatis. Ergo substantia Angelica nequit esse proxima ratio essendi in loco ob rationem generalem substantiæ, ac proinde neque secundum rationem specialem. Hæc vltima consequ. constat ex prima, quia rationes generales determinantur, & limitantur per rationes differentiales; & istæ limitat illas ad modos speciales participandi eadem. Prima consequ. colligitur ex antecedenti. Antecedens autem sic probatur, quia id solum potest esse proxima ratio essendi in loco respectu substantiæ corporeæ, quod est ei proxima, ratio contingendi immediatè locum, sed hoc habet substantia materialis ratione quantitatis; ergo.

27 Dices, substantiam materiale habere vim ad hoc vt per se ipsam immedi-

dicere tangat locum, licet per accidens hoc non faciat, impedita quantitate, quæ est effecta. Sed contra, quia implicat, quod substantia materialis habeat per se, esse rationem proximam contingendi locum, & essendi in illo, & quod hoc impediatur à quantitate quæ est effecta; ergo, &c. Antecedens probatur, quia quoties aliquid convenit, alicui rei per se, & ex suis intrinsecis, non potest ab ipsidem intrinsecis oriri impedimentum ad habendum illud, aliàs eadem intrinseca essent sibi ipsis contraria, & repugnantia; sed quantitas oritur ab intrinsecis substantiæ materialis; ergo, &c. Tum quia impedimentum perpetuum, & non auferibile servatis rerum naturis, apertè indicat non esse in re habente tale impedimentum, capacitatem ad illud, ad quod impeditur; sed quantitas est perpetuum impedimentum ne substantia contingat proximè locum, & ne sit immediatè in illo, & est naturaliter inauferibile; ergo substantia non habet capacitatem, ut contingat locum, &c. Tum etiam quia impedimentum quantitatis non solum est naturaliter inauferibile, verum etiam substantia ipsa materialis petit, quod non auferatur; ergo non potest habere proximam, & immediatam capacitatem essendi in loco. Tum denique quia si substantia creata intellectualis esset ratio immediata intelligendi, non haberet intellectum à se distinctum, quia illa esset ratio proxima intelligendi; ergo etiam si substantia materialis esset immediata ratio essendi in loco, non haberet quantitatem quæ sibi esset immediata ratio essendi in eo.

28 Contra 2. eandem primam solutionem, quia corpus Christi D. in Eucharistia non est sibi proxima ratio existendi ibidem ut in loco; & non ob aliam rationem nisi quia est ibi ad modum substantiæ; ergo signum est, quod substantia neque materialis, neque immaterialis est ratio immediata essendi in loco. Maior constat, quia corpus Christi in Eucharistia neque est ibi circumscriptivè, cum non sit per correspondentiam, seu communem suppositionem ad locum, cum nec to-

tum toti, nec partes partibus correspondent, nec indivisibilia indivisibilibus, quæ omnia ad rationem loci circumscriptivè desiderantur. Neque etiam est ibi in loco definitivè, cum ibi non limitetur, nec definiatur ut non possit esse sub alijs, & alijs speciebus.

29 Contra 3. quia substantiæ Angelicæ est magis intrinseca sua prima operatio, quam esse in loco, seu quam actualis ubicatio; sed hoc non obstante substantia Angelica, & quælibet alia creata non est proxima, & immediata ratio operandi; ergo neque erit proxima, & immediata ratio essendi in loco. Tum quia ubicatio est de genere accidentium imperfectorum, & habentium minus de connexionem intrinsecam cum re locata, cum resultet ex aliquo extrinseco; ergo nulla substantia potest esse immediata ratio essendi in loco. Patet consequens, quia substantia tantum potest esse proxima ratio accidentium valde intrinsecorum, ergo. Tum etiam, quia sic se habet proxima ratio essendi in loco, ac essendi in tempore, sed nulla substantia est proxima ratio essendi in tempore; ergo neque erit proxima ratio essendi in loco. Maior constat, quia sicut ubicatio est modus aut realitas intrinseca rei locatæ, resultans ex coaptatione ad locum; ita, quando est realitas quædam accidentaliter resultans ex adiacentia temporis. Minor etiam constat, quia ratio proxima per quam substantia adiacet tempori est ipsum quando, ex eo quod duratio sit accidens superadditum substantiæ.

30 Respondent 2. concedendo maiorem & etiam minorem quoad primam partem, & negando quoad secundam, quia licet substantia Angelica non sit proxima ratio essendi in loco secundum rationem generalem substantiæ, bene tamen secundum rationem specialem substantiæ Angelicæ. Nam licet substantia creata ob rationem generalem substantiæ non dicat proximam rationem essendi in loco, non tamen illam excludit, ac proinde potest contrahi in Angelis per differentiales rationes. Sicut licet animal non dicat rationalitatem,

De comparat. Angelorum ad corpora. 745

tamen quia illam non excludit, sed abstrahit, ideo potest per illam contrahi. Pariformiter, licet quantitas secundum rationem generalem accidentis non dicat rationem proximam essendi in loco, eam tamen dicit secundum rationem specialem.

31. Sed contra, quia implicat, quod substantia maximè completa contrahatur per differentias, vel modos essendi simpliciter, & secundum quid: substantia namque solum per differentias substantiales contrahi potest: sed esse rationem proximam essendi in loco, non est modus essendi simpliciter, sed secundum quid, ut patet, ergo non potest competere substantiæ intra lineam substantiæ, sed solum ratione accidentis. Nec exemplum animalis prodest; quia rationale, & irrationale, sunt differentie per se animalis, & intra lineam substantiæ, non ratio essendi in loco. Nec etiam exemplum quantitatis est ad rem, quia ratio accidentis ut sic, est contrahibilis per suas differentias intra eandem lineam entis secundum quid.

32. Alij 3. respondent, quod si ratio facta aliquid probaret, convinceret etiam, quod potentia executiva Angeli, quæ est eius quantitas virtutis, contingens corpora, non posset esse proxima ratio essendi in loco; nam de eadem quantitate virtutis fieri potest idem argum. quod neque potest esse ratio essendi in loco secundum rationem generalem virtutis operatiuæ; aliàs etiam virtus operatiua propria corporum, esset ratio proxima essendi in loco, cum hoc sit proprium quantitatis: neque secundum rationem specialem quantitatis virtutis Angelicæ, quia ista solum habet limitare rationem illam superiorem ad distinctam rationem operandi, non ad distinctam rationem essendi in loco.

33. Sed contra, quia ut ex dictis nuper precedentibus constat, virtus operatiua dum contrahitur ad esse rationem proximam essendi in loco, non extrahitur extra lineam, & rationem entis secundum quid,

seu accidentis; & substantia si semel contraheretur ad rationem proximam essendi in loco, traheretur, & contraheretur ad modum essendi secundum quid, quod substantiæ conuenire nequit. Ad illud quod dicitur de virtute operatiua corporum, dico, quod quando operantur circa locum possunt dici in loco metaphoricè, sicut hoc modo sunt in loco Angeli, quando circa loca operantur.

34. Probatur 2. conclusio, quia substantia Angeli non potest esse proxima, ratio essendi nunc in maiori loco, nunc in minori, nunc in indiuisibili; ergo non potest esse proxima ratio essendi in loco. Consequenter constat, quia quod in Angelo est ratio essendi in loco, debet etiam esse ratio essendi in maiori, vel minori loco, aut in indiuisibili. Antecedens probatur, quia substantia Angeli semper habet eandem perfectionem substantialem, semperque manet inuariata in suo esse substantiali, ac proinde de se semper habebit esse in eodem loco, iuxta illiud axioma: *idem manens idem, semper facit idem.*

35. Respondet Molina, & alij, concedendo antecedens, loquendo de substantia Angeli secundum se, & precisè sumpta; non verò de illa, ut ab eodem Angelo applicatur ad tantum, vel tantum locum. Eadem namque substantia diuersimodè applicata per actum imperij, & voluntatis Angelicæ, potest esse ratio essendi in maiori, vel minori loco, iuxta beneplacitum eiusdem Angeli.

36. Sed contra, quia cum dicitur, quod substantia, ut diuersimodè applicata per actum imperij, & voluntatis Angelicæ est ratio proxima essendi in maiori, vel minori loco, iuxta beneplacitum eiusdem Angeli; vel est sensus, quod ipsa applicatio est ratio formalis fundandi præsentiam ad maiorem, vel minorem locum, & si hoc dicant incident in sententiam D. Thomæ, & nostram, quod scilicet potentia executiva, & eius operatio est ratio proxima essendi in loco, & in maiori, vel minori &c. Vel certè est sen-

Bbbbb sus

fus, quod dicta applicatio, seu operatio
 est solum causa efficiens presentiae, &
 quod ratio formalis est ipsa substantia
 Angeli, vel certe est sensus, quod illa ap-
 plicatio est solum conditio ad hoc vt ra-
 tio formalis, scilicet substantia Angeli se
 applicet ad maiorem, vel minorem locum.
 Et hoc est falsum, quia non potest Angelus
 per actum imperii sui intellectus, & per li-
 beram suam voluntatem applicationem ap-
 plicare suam substantiam nunc ad ma-
 iorem, nunc ad minorem locum, sed sem-
 per debet illam applicare vt repleat to-
 rum locum, quem replere potest. Et ra-
 tio clara est, quia non est in potestate
 causae efficientis facere, quod causa for-
 malis, quae suum effectum causat per suam
 entitatem inuariabilem, diuersimodè cau-
 set eundem effectum; sed substantia An-
 geli est intrinsecè forma inuariabilis; er-
 go non erit in potestate sui intellectus, &
 voluntatis facere, quod diuersimodè pro-
 ducat praesentiam ad maiorem, & mino-
 rem locum. Maior constat; vnde vide-
 mus, quod calor intensus vt quatuor à
 nulla causa applicatus, potest naturaliter
 producere, nisi calorem vt quatuor; ne-
 que potest fundare nisi proportionatam
 similitudinem. Minor etiam constat.
 Certum namque est substantiam Angeli
 esse inuariabilem in suo esse, ac proinde
 non erit in potestate intellectus, & volun-
 tatis illius variabiliter eam applicare. Vnde
 videmus, quod non est in potestate
 alicuius causae efficientis facere, quod
 quantitas palmaris occupet locum bi-
 palmarem, & si ad hunc debet entendi,
 necessum est, quod fiat additio, vel mu-
 tatio in ipsa quantitate, ac proinde cum
 ipsa Angeli substantia sit in se inuariabi-
 lis, non poterit formaliter magis, aut mi-
 nus extendi in vim dicti imperii, & libere
 applicationis.

37. Dices ad hoc, esse peculiarem
 rationem in substantia Angeli, & esse dis-
 paritatem inter eam, & quantitatem mo-
 lis, quia substantia Angeli inuariata po-
 test maiorem, aut minorem locum occu-
 pare, non quantitatatis molis. Nam sub-

stantia Angeli non est in loco per com-
 mensurationem, sed modo eleuatiore, sci-
 licet tota in toto, & tota in qualibet parte,
 & indiuisibili; ac proinde potest esse ra-
 tio proxima essendi, vel in toto loco sibi
 adequato, vel in parte, aut partibus, & in-
 diuisibili, prout Angelo ipsi libuerit. Vnde
 quoad usum subditur Angeli substan-
 tia, voluntati ipsius applicando illam, mo-
 do toti spatio, inodo parti, modo indiui-
 sibili. Non sic quantitas molis, & sub-
 stantia materialis, quia sunt in loco per
 commensurationem omnimodam, vt pa-
 tet. Hoc explicant duplici exemplo. Pri-
 mum est animae rationalis, quae occupat
 nunc maiorem, nunc minorem locum, ra-
 tione informationis maioris, aut minoris
 materiae. Secundum est corporis Christi
 in Eucharistia, quod quia est totum sub
 totis speciebus, & totum sub qualibet par-
 te, potest esse sub maioribus, aut minori-
 bus dimensionibus.

38. Sed contra, quia ideo quae ita
 v. g. palmaris non potest sine variatione
 esse in maiori loco, sicut nec substantia
 materialis, quia est ratio proxima essen-
 di in loco. Ergo si substantia Angelica
 est ratio proxima essendi in loco, non po-
 terit sine variatione poni in maiori, aut
 minori loco. Antecedens constat, conseq.
 probatur tum ex paritate rationis. Tum
 quia negati non potest, quod si substantia
 Angelica potest poni in maiori loco, non
 proveniat ex maiori perfectione; aliàs
 omnes Angeli possent equalem locum
 occupare; ergo hoc non potest provenire
 ex ipsa applicatione, & usu imperij, & li-
 bere voluntatis. Tum etiam quia ex hoc
 quod Angelus est totus in toto, & totus
 in qualibet parte loci, aut indiuisibili il-
 lius, non sequitur, quod possit se consi-
 tuere in maiori, aut minori loco prout li-
 buerit; ergo. Antecedens probatur, nam
 Deus est totus in toto, & totus in quali-
 bet parte loci, & in omnibus indiuisibili-
 bus, & tamen non potest pro libito poni
 in maiori, & in minori loco, cum non
 possit non esse vbique; ergo. Tum de-
 nique, quia ideo Angelus potest esse in

De comparat. Angelorum ad corpora. 747

maiori, aut minori loco, quia ratio essendi in loco est eius virtus operatiua ad extra, quæ tum in actu primo comparatur ad locum omnino liberè, tum in actu secundo, & in exercitio; sed si substantia Angeli esset ratio proxima essendi in loco, non sic compararetur ad locum; ergo non posset esse in maiori, vel minori, &c.

39. Sed obiecis, quia personalitas Verbi diuini habet ex se vim proximam ad terminandas plures naturas, & tamen quoad usum huius terminationis habet quasi subdi voluntati diuinæ; ergo idem dici debet de substantia Angeli, vt scilicet voluntati illius subdatur quoad terminationem ad maiorem, vel minorem locum. Resp. concedendo antecedens, & negando consequens. Ratio discriminis est, quia Diuina personalitas, & quodcumque attributum per se, & ab intrinseco petit non causare effectum suum ad extra, nisi iuxta præscriptum Diuinæ voluntatis. Vnde Diuina personalitas habet vim ad terminandas plures naturas vsque in infinitum syncategorematicè, hæc tamen vis non potest deduci ad actum nisi prout à Diuina voluntate taxatur ad quot naturas debeat in exercitio extendi. At hoc cessat in substantia Angeli si semel est ratio proxima essendi in loco, quia illum replere deberet secundum totam suam vim, & nõ modo maiorem, modo minorem. Posset quidem dependere à voluntate, quod modo repleret locum adæquatum A. postea alium adæquatum B. & sic deinceps.

40. Nec duo illa exempla ab aduersarijs adducta aliquid euincunt. Non quidem primum, quia anima est determinata vt prius informet minorem materiam in puero, & paulatim maiorem, & maiorem, dum puer crescit; non tamen hoc habet ex voluntate, sed ex sui natura. Nec tunc fit intrinseca variatio in anima, solum in informatione. Ergo cum substantia Angeli non sit per se, & ab intrinseco determinata, vt pro diuersis imponatur sit in diuersis locis, si hõsibi contingat, debet intrinsece variari. Neque secundum, quia ideo corpus Christi

D. potest esse modo sub maioribus, modo sub minoribus dimensionibus, quia quantitas ad hunc usum subditur voluntati consecrantis, volentis consecrare maiorem, vel minorem quantitatem panis. Soluuntur argum. primæ sent.

41. Primum argum. Substantia Angeli est se ipsa quantitas virtutis; ergo est se ipsa in loco, ac proinde se ipsa erit ratio proxima essendi in loco. Consequens constat. Antecedens probatur, quia quælibet perfectio spiritualis siue sit substantia siue accidens, est quantitas virtutis, quia secundum illam dicitur maior, aut melior: in iis autem, quæ non mole magna sunt, idem est maius, quod melius. Resp. distinguendo antecedens. Substantia Angeli est se ipsa quantitas virtutis, hoc est perfectionis, & conceditur: est se ipsa quantitas virtutis, id est operationis, & negatur. Quantitas autem virtutis quæ est ratio essendi in loco, est ista secunda, non prima.

42. Secundum argum. quia substantia materialis est per se, & ratione sui proxima, & immediata ratio essendi in loco; ergo etiam substantia Angeli. Consequens constat ex paritate rationis. Antecedens probatur, quia si Deus ab aqua existente in vase auferret quantitatem, adhuc substantia aquæ maneret in eodem loco, scilicet intra vas. Tum quia si postea Deus suspenderet illud miraculum, & relinqueret aquam suæ naturæ, ex eadem substantia aquæ pullularet quantitas intra vas, ergo illa substantia permanset intra vas. Resp. negando antecedens. Ad 1. probationem dico, quod si Deus auferret quantitatem ab aqua existente in vase, substantia non diceretur esse in vase tanquam in loco. Sicut enim ablata albedine à substantia, non manet in ea ratio disgregandi visum, aut ratio fundandi similitudinem in albedine; ita ablata quantitate, nequit ea substantia esse ratio essendi in loco, neque erit in loco. Ad 2. probationem dico, quod illa substantia aquæ nullibi maneret, solum conseruaret potentiam radicalem, & remotam ad essendum in loco; posita autem

Bbbbb 2 tem

tem de nouo quantitate, poneretur de nouo in loco, scilicet intra vas. Vbi enim recuperaret alia accidentia, etiam vbi-
cationem recuperaret. Idem dicendum est de substantia Angeli, quod scilicet cessante operatione nullibi sit, & solum habebit indistantiam quandam negati-
uam ad omnem locum, quia non magis dicit ordinem propinquitatis, aut indistantiæ ad hunc locum, quam ad illum. Imò hanc suam eminentiam non exigit, neque radicaliter, quod sit alicubi: quod si sit nullibi, & postea operetur, & fiat in loco, non debet se collocare in illo eodē in quo antea erat, quando ab operatione cessauit, vt de aqua dictum est; ratio discriminis est, quia Angelus potest operari vbi voluerit, & ibi per illam operationem, suam substantiam collocabit; non sic aqua vt dictum est, ob suam limitationem. Licet enim substantia materialis ex se non magis petat hunc, quam illum locum; tamen supposito illo miraculo, & supposita quantitate in vase, magis petit, cessante miraculo, esse radicem quantitatis in illo vase, quam aliò.

43 Sed contra hæc arguit Molina, quia intellectus non capit, quod si in Angelo cesset operatio qua contingat locum, sit in rerum natura, & non sit in loco aliquo, sicut nec capit, quod aqua illa sit in rerum natura, & non sit alicubi; ergo. Resp. quod si sequamur ductum imaginationis, difficulter predicta capiemus, quia imaginatio non transcendit continuum, & pro hoc statu intelligimus res spirituales ad modum rerum corporearum, habentium quantitatem. Tamen si voluerimus corrigere imaginationem, facile percipimus, quod substantia Angeli non habet ex se quo sit in loco, sed media operatione, qua locum contingat; nec substantia materialis habet ex se, quod sit in loco, sed media quantitate, qua ablata non erit in loco, ac proinde nullibi erit.

44 Tertium argum. quia substantia secundum se est finita, & limitata, existens in rerum natura, ergo alicubi, vt in loco certo, & determinato. Antecedens

constat. Conseq. probatur; quia quicquid est in rerum natura finitum, & limitatum, debet esse, aut vbique, aut in loco determinato, & certo; non vbique; ergo in loco determinato, & certo. Tum quia substantia Angeli habet finitatem, & limitationem oppositam infinitati diuinæ immensitatis; sed diuina immensitas est vbique; ergo substantia Angeli erit in certo, & determinato loco. Tum etiam quia substantia Angeli semper est in aliquo tempore, siue vero, siue imaginario, siue reali finito, & determinato; non in omni, hoc enim est proprium aternitatis; ergo etiam erit in aliquo loco certo, & determinato non in omni, seu vbique, hoc enim est proprium immensitatis.

45 Resp. distinguendo antecedens: substantia Angeli secundum se, est finita, & limitata, finitate, & limitatione essentiali, & conceditur finitate, & limitatione per terminos loci, & negatur. Ad 1. probationem dico, quod quicquid existit in rerum natura per solam existentiam essentiae, debet esse vel vbique, vel in aliquo loco, & hoc non est verum, bene tamen quod existit in rerum natura existentia locali, quæ sit vel per quantitatem virtutis vt in Deo, & Angelis; vel per quantitatem molis, vt contingit in substantia materiali. Ad 2. probationem patet ex dictis, quia in ordine ad locum operatio Angeli est finita, & limitata, non operatio Dei. Ad 3. probationem dico, quod substantia Angeli se ipsa formaliter non est in tempore, sed solum radicaliter; ratio namque formalis qua Angelus est in tempore, est duratio intrinseca, essentialis illius superaddita; ita, &c.

D V B I U M III.

Quanam sit ratio formalis per quam Angelus est in loco corporeo.

46 DE hac re prima sententia est, quod ratio fundandi proximè vbi-cationem in Angelo, seu ratio formalis per quam Angelus est in loco, non est quantitas virtutis actiue, seu non est con-
tactus

actus virtutis per operationem. Hanc tenent Molina, Valentia, Vasquez, Suarez, & alij in presenti. Secunda sententia est, quod potentia operativa sit ratio formalis essendi in loco in actu primo, in actu tamen secundo non est ipsa operatio, sed applicatio virtutis Angelicæ, quæ applicatio præcedit operationem. Requirit autem hæc sententia quatuor condiciones ad hoc ut illa virtus sit applicata, & antecedenter sit solum applicabilis. Prima est indistantia sitalis Angeli à loco. Secunda, quod Angelus cognoscat practicè opus exercendum in tali loco. Tertia, quod habeat potentiam executivam expeditam ad illud exequendum. Quarta, quod voluntariè eligat hanc præparationem potentie ad exercendum dictum opus. His datis Angelus dicitur in loco incompletè antecedenter ad operationem; completè tamen per ipsam operationem. Sic Caiet. Nazar, & Ripa hoc loco.

47 Nostra sententia seq. concl. explicatur. *Ratio formalis per quam Angelus est in loco in actu primo, est quantitas virtutis Angelicæ, seu est eius virtus proximè operativa. At ratio formalis proxima per quam in actu secundo est in loco, est ipsa operatio.* Explicatur conclusio, quia sicut in corporalibus datur ratio radicalis essendi in loco, & est substantia materialis, seu essentia corporis: datur id, quod est in loco ut quod, & est corpus; datur ratio formalis essendi in loco proximè, & in actu primo, & est quantitas molis; & datur ratio formalis in actu secundo, seu exercitium quantitatatis molis, & est contractus immediatus, quo quantitas tangit ut quo locum, & illi applicatur. Deinde sequitur vbicatio. Ita in Angelis, datur ratio radicalis essendi in loco, & est ipsa substantia Angeli: datur id quod est in loco ut quod, & est ipsa substantia Angeli, ut est in se subsistens: datur ratio formalis essendi in loco, & est virtus operativa illius, & quantitas virtutis: datur ratio formalis in actu secundo, quæ est exercitium dicte virtutis operative; & deinde sequitur vbicatio. Hanc concl. sic explicatam tradit S. Doctor quodlibet 1. art. 4. in 1. diff. 37. q. 3. art.

1. 3. contr. Gent. cap. 68. hic art. 2. & alibi dicens, quod Angelus est in loco per contactum virtutis, qui est per operationem. Sanctum Doctorem sequuntur Capreolus, Ferrar. Zumel, Gonzal. Bannes, & alij plures, quos referunt, & sequuntur Salm.

48 Probatur 1. quia illa est ratio formalis proxima essendi in loco in actu primo in Angelo per quam in actu primo tangit locum; & illa est ratio formalis in actu secundo per quam in exercitio tangit eundem locum; sed illa prior est potentia operativa, & hæc secunda est operatio; ergo, &c. Maior constat à simili in corporalibus. Minor probatur quoad primam partem, quia ratio formalis proxima essendi in loco, debet esse aliqua quantitas residens in loco, sed non est quantitas molis, ergo virtutis, ac proinde eius virtus operativa; nihil enim aliud in Angelo potest esse virtus operativa per quam tangat virtute locum, nisi eius potentia operativa. Deinde probatur secunda pars illius minoris, quia hoc ipso, quod virtus operativa in actu primo est quantitas virtutis ad tangendum corpus in actu primo, ipsa operatio hoc habebit in actu secundo. Tum quia vis tangendi, & contactus ipse actualis debent pertinere ad eundem ordinem, seu lineam per modum actus primi, & secundi. Tum etiam quia in corporalibus quantitas molis ut est ratio proxima tangendi locum est ratio formalis in actu primo, & prout actu tangit, est ratio formalis in actu secundo; ergo etiam in Angelo eadem quantitas virtutis in actu primo, & secundo, erit ratio formalis essendi in loco in actu primo, & secundo respectu. Tum denique quia contactus est tantum duplex scilicet quantitatatis molis, & virtutis, per virtutem operativam ad extra; in Angelis non est contactus per quantitatem molis; ergo per quantitatem virtutis, in actu scilicet primo, & secundo.

49 Confirmatur, quia virtus tactiva loci in Angelo debet esse talis, ut possit esse ratio tangendi nunc maiorem, nunc minorem locum, & nunc indivisibilem; sed sola virtus operativa Angeli potest hoc

hoc habere; ergo hæc sola erit ratio formalis efficiendi in loco, & eius exercitium erit actualis contactus loci. Maior constat Minor probatur, quia sola virtus operativa Angeli est libera in actu primo, & sola illius operatio est libera in actu secundo; ergo hæc solus poterit esse ratio tangendi nunc maiorem, nunc minorem locum, &c. pro beneplacito ipsius Angeli.

50 Respondebis ex doctrina Molinae, Valentia, & aliorum, quod ratio formalis efficiendi in loco, tum in actu primo, tum in actu secundo est ipsamet substantia Angeli quæ in actu primo considerata est ipsa quantitas virtutis tactiva loci, & in actu secundo prout dicit quandam iuxtapositionem ad locum, & ipse contactus loci in actu secundo; illa namque iuxtapositio, est immediata unio, & presentia Angeli ad locum. Cum enim contactus quo Angelus tangit locum sit solum metaphoricus, & abusivus, non requirit actionem, sed sufficit iuxtapositio substantiæ Angelicæ ad locum. Sed contra, quia ut ex præcedentibus constat, substantia Angeli non potest esse immediata, & proxima ratio efficiendi in loco; ergo, &c. Tum quia in Angelis non potest dari alia quantitas virtutis quæ sit proxima ratio tangendi locum, nisi eius virtus operativa; sicut in corporalibus non datur alia, nisi quantitas molis; quod sic probatur, quia id, quod in Angelo potest esse quantitas virtutis ad tangendum locum, debet esse tale, quod habeat aliquam naturalem connexionem, & quasi vniuitatem cum loco, ut vel subordinetur loco, vel sibi subordinetur locum; sed hoc solum potest convenire virtuti operativæ Angeli, ergo &c. Maior patet ex ijs quæ videmus in quantitate molis. Minor etiam liquet, quia ea quæ in Angelis pertinent ad ordinem efficiendi, non habent connexionem, nec vniuitatem cum loco; nec subordinantur loco, nec subordinant sibi locum. At secundum virtutem operativam Angelus connectitur loco, ut subordinetur sibi locum.

51 Denique quia quævis ratio formalis debet pertinere vel ad ordinem efficiendi, vel ad ordinem operandi; ergo si

rationes pertinentes ad ordinem efficiendi non habent connexionem cum loco, nec sibi eum subdunt, debent hæc munia cōcedi formalitati pertinenti ad ordinem operandi. Quare licet contactus quo Angelus tangit locum corporeum sit metaphoricus, & abusivus, debet tamen fundari in potentia operativa per quam nectatur loco, eumque sibi subdat. Nec potest contactus localis salvari in illa iuxtapositione substantiæ, quia ut ex dictis constat iuxtapositio substantiæ ad locum non datur, nisi prius præcedat contactus secundum operationem, fundans dictam iuxtapositionem.

52 Nec valet si ad hæc occurras, non esse inconueniens, quod Angelus secundum suam substantiam, aut secundum eas quæ pertinent ad ordinem efficiendi habeat connexionem cum loco corporeo, ab illoque dependeat, ex eo, quod est obligatus ad efficiendum in aliquo loco, nec possit ab omni loco absolui. Sed contra, quia idem Angelus pro libito potest se absolucere ab omni loco, quia potest omnem operationem suspendere, virtualiter scilicet transcurrentem, qua in loco operetur, sibi que illum subdat; sed hoc non competit substantiæ Angelicæ independentem ab operatione; ergo. Tum quia anima rationalis ratione suæ perfectionis non est obligata corpori, sed potest ab eo absolui; nec illi subordinatur, sed ipsum sibi subordinat; ergo eadem ratione neque Angelus erant obligati loco, sed poterunt à loco absolui; & connexio quam habent cum loco erit eminens, in hoc consistens, quod possint sibi locum subordinare, & de facto ipsum sibi subordinent, cum voluerint; quod ipsi substantiæ Angelicæ non convenit. Antecedens constat. Consequenter probatur, tum ex paritate rationis, tum ex ratione ipsa, quia minore connexionem habent Angeli cum loco, cum ad ipsum tanquam formæ extrinsecæ comparentur, quam anima rationalis cum corpore, quæ ad illud comparatur tanquam forma intrinsecæ.

53 Respondent alij, quod formalis ratio, siue in actu primo, siue in actu secundo in

De comparat. Angelorum ad corpora. 751

in Angelis ad effendum in loco est quidē virtus tactiua loci, vel tangens locum; hæc tamen nec est operatio, nec virtus operatiua, nec aliud pertinens ad ordinem operatiuum, sed ad ordinem effendi. Nam sicut in corporibus vltra substantiam datur quantitas, quæ pertinet ad ordinem effendi, ita in Angelis vltra substantiam, debet dari aliquid pertinens ad ordinem effendi; & hoc dicunt esse modum substantiæ superadditum, qui tribuit Angelis id, quod tribuit quantitas corporibus, quem modum aliqui volunt esse concreatum cum ipsa substantia Angeli; alij verò putant pendere à libera Angeli voluntate, ab illoque produci.

54 Sed contra, quia nulla ratio in Angelo pertinens præcisè ad ordinem effendi, potest esse ratio tangendi locum, corporeum; ergo, &c. Antecedens ostenditur, quia id potest esse ratio tangendi locum, quod potest illum sibi subdere; sed hoc non potest pertinere ad rationem effendi, sed operandi; cum subdere sibi aliud, sit operari in illud; ergo. Tum quia Angelus non est in loco vt ab illo conseruetur, vt sunt corpora, neque vt ab eo perficiatur, sed potius vt perficiatur; ergo est in loco per virtutem operatiuam ex qua aliquid deriuetur, quod locum perficiat. Tum etiam quia anima rationalis in illo priori, in quo intelligitur esse in se, & per se subsistens, & adhuc non concipitur vnita corpori, non intelligitur esse in corpore, quia adhuc deest complementum vnionis, & informationis, in quo anima, & corpus communicant tanquam in communi perfectione; ergo neque Angelus dicetur vnitus loco, quando non datur commune complementum per quod vniamur corpori, scilicet operatio per quam tangit corpus, illudque sibi subdit. Tum denique quia modus præcisè pertinens ad ordinem effendi, non potest esse ratio fundandi præsentiam nunc ad maiorem locum, nunc ad minorem, &c. Quod maxime currit si sit concreatus quia tunc habebit perfectionem indiuisibilem. Neque etiam poterit ad hoc deservire si non sit concreatus, sed liberè à

voluntate productus, quia etsi vbicatio pendeat à libera voluntate, non tamen, ratio fundandi illam; hæc enim necessario conuenit, vt videre est in quantitate respectu vbicationis corporum.

55 Sed dices non videri verum, quod dictum est, quod scilicet Angelus subdat sibi locum, cum potius subdatur loco; nam Angelus participat à loco rationem veluti situs in illo; item participat rationem distantie à polis mundi, & centro terræ, hoc autem est dependere à loco, non locum ab Angelo. Resp. quod secundum id, quod est perfectionis, locus dependet ab Angelo, secundum autem id, quod est imperfectionis, Angelus dependet à loco. Sicut contingit in informatione animæ rationalis, vbi corpus recipit perfectionem, & anima imperfectionem limitationis, &c. Angelus ergo à loco recipit imperfectionem distantie, &c. imò etiam coactionem, qua ita est in illo, vt non possit esse simul in alio. Tamen eum sibi subdit quoad operationem, quæ eum tangit, sibi vnitus, sibi subordinatus, &c.

56 Probatur 2. conclusio, quia illa debet esse in Angelo ratio formalis essendi in loco, quæ est adeo eminens, & eleuata, vt non solum sit ratio tangendi locum, verum etiam ratio per quam, absolui possit à loco quando sibi libuerit, sed hoc solum potest conuenire virtuti operatiuæ in locum; ergo ea solum potest esse ratio tangendi locum, & fundandi vbicationem in illo. Maior probatur, quia sicut forma perfectissima in ratione informandi, debet esse talis vt etiam possit esse ratio absoluendi se ab omni informatione subsistendo per se; ita ratio localitatis perfectissima, debet esse talis vt possit esse ratio absoluendi se ab omni loco. Tum quia cælum empyreum quia perfectissimum est, absoluit à loco secundum se totum, licet sit in loco per accidens ratione partium, in quantum vna pars est quodammodo locus alterius, à quo absolui non potest ratione partium corporearum, & extensarum; ergo Angeli cum sint eleuati supra omnia corpora, poterunt se ab omni loco absolute.

Tum

Tum etiam quia idè corpora inferiora nequeunt absolui à loco, quia pendent à primo corpore, vt à primo continente; sed Angeli non sic pendent; ergo. Minor constat ex dictis, quia nihil est, per quod Angelus tangat corpora, seu loca, vt ab illis absolui possit, nisi eius potentia liberè operatiua ad extra, ergo.

57 Sed obijcies 1. quia si dicta ratio aliquid probaret, conuinceret quod Angelus omnino esset absolendus à loco, nec esset in illo, aliqua ratio essendi in loco. Nam si primum corpus ob suam eminentiam absoluitur à loco secundum se totum, licet non secundum partes, sequitur, quod Angelus qui eminet supra omnia corpora debeat absolui ab omni loco. Resp. negando antecedens, ad probationem dico esse disparem rationem, quia quod primum corpus absoluitur secundum se totum ab omni loco, non derogat perfectioni illius, imò potius denotat maximam illius perfectionem, quod scilicet sit primum, quod influat in cætera, quod illa contineat, quod sibi ea subdat, &c. At in Angelo absolui ab omni loco, vt in nullo esse posset, denotaret imperfectionem, quod scilicet non haberet vnde ageret in corpora, vnde illa sibi subderet, &c.

58 Obijcies 2. quia ex suppositione, quod Angelus existat, habet ex propria natura, quod existat, vel intra, vel extra mundum, ac proinde quod sit præsens alicui loco vèro, vel imaginario; ergo, &c. Si namque Angelus sit intra mundum necesse est, quod sit præsens alicui corpori, aut parti illius; si extra, debet esse præsens spatio imaginario. Resp. quod ex suppositione quod Angelus existat, & operetur in locum, erit in illo, si nihil operetur, erit nullibi vt in loco. Vnde, esse in mundo, & esse extra, non sunt contradictoria, quia datur medium, scilicet esse nullibi.

59 Obijcies 3. quia Angelus ex propria natura habet virtutem actiuam limitatam ad certam partem spatij, aliàs esset infinita; ergo etiam ex propria natura habet, quod eius virtus sit præsens alicui

spatio vèro, aut imaginario. Antecedens constat. Conseq. probatur 1. quia in spatio non potest designari certa sphaera virtutis actiuæ Angeli, nisi supposito, quod talis virtus sit in aliqua parte spatij; aliàs non magis distabit ab vno termino, quam ab alio, & ex consequenti nulla erit ratio cur potius extendi possit ad vnum terminum quam ad alium. 2. Quia respectu cuiuscunque virtutis actiuæ limitatæ actu existentis, potest designari aliquis terminus, sed virtus actiuæ Angeli existentis est limitata per ordinem ad spatium; ergo in spatio potest designari aliquis terminus; sed hoc fieri non potest, nisi sit in aliqua parte spatij; ergo, &c. Resp. quod Angelus ex propria natura habet virtutem limitatam ad certam partem spatij, ex suppositione, quod ibi sit, quia tunc non potest agere nisi intra tantam distantiam. At antecedenter ad præsentiam in loco, non habet formalem, sed tantum radicalem limitationem ad tantum spatium. Per quæ patet ad primam probationem. Ad 2. dico, quod virtus locabilis in Angelo antecedenter ad locationem habet taxationem radicalem, non formalem, vt ex dictis constat.

60 Obijcies 4. quia substantia immaterialis non magis abstrahit à loco, quam à tempore; sed eò ipso quod existit non potest non coexistere alicui temporis; ergo etiam debet coexistere alicui loco. Resp. quod sicut coexistit temporis per durationem superadditam; ita & loco per superadditam vibrationem, in operatione ad extra fundatam.

61 Probatur 3. concl. Deus fundat præsentiam ad omnia loca media sua operatione virtualiter transeunte, ergo etiam Angelus. Conseq. constat, tum ex paritate rationis; tum quia si Angelus posset esse in loco absque operatione, non posset hoc denegari Deo. Antecedens probatur 1. ex illo Psal. 138. *Si ascendero in calum, tu illis es, &c. Etenim illuc manus tua deducet me, & tenebis me dextera tua, vbi assignatur ratio, quare Deus sit vbique, & in cælo, quia in illo operatur. Et Actor. 17. assignat Apostolus rationem, quare*

quare Deus: *Non est longe ab unoquoque nostrum*, quia: *in ipso vivimus, movemur, & sumus*. Secundò, quia illud tradunt Sancti Patres, Hilarius, August. Bernard. Anselm. & alij apud N. Salmant. hoc loco, & D. Tho. ab ipsd. Patribus relatus. Tertiò, quia Deus est in creaturis sicut ens per essentiam in entibus per participationem, sed hoc est operatione quæ illas attingit, ergo. Quartò, quia Deus intimè operatur in omnibus rebus immediatè immédiatione virtutis, & suppositi. Immédiatione quidem virtutis, quia nihil potest habere esse nisi Deus attingat illud. Immédiatione suppositi, quia Deus non operatur per virtutem à se diffusam, quia eius virtus, eiusque operatio est eius substantia. Vnde Dei operatio est tantum transiens virtualiter, & identificatur cum suo esse.

62 Huic rationi occurrunt 1. adversarii negando antecedens. Ad 1. probationem ex sacra Scriptura, & Patribus respondet Valentia *supra q. 8. puncto 1.* quod non omnes conseq. quæ desumuntur ex Scriptura, & Patribus sunt formales. Sed contra quia nullus debet pro libito dicere illationes ex scriptura non esse formales, & inefficaces, nisi sequatur aliquod inconueniens ex sensu formali; quod non currit in nostro casu. Valsq. *10. 1. disp. 28. cap. 4.* dicit, quod in illis locis non assignatur causa, seu ratio essendi in creaturis, sed assignatur causa per quam nos à simili possumus devenire in cognitionem huius veritatis. Sed contra, quia verba scripturæ debent accipi in suo rigore, quod denotatur in illa causali enim: scilicet: *in ipso enim vivimus*. Tum quia *movens, & motum* ex Aristot. oportet esse simul. Ad hoc etiam occurrit Valsq. quod hoc axioma intelligatur tantum de agente corporeo, quia hoc propter suam limitationem non potest operari nisi in corpus coniunctum, aut virtute derivata per spatium continuatum, & sibi coniunctum; non tamen de agente spirituali, præsertim infinitæ virtutis, ut est Deus. Maximè quia in sententia, D. Thomæ Deus potest operari per in-

strumenta à passo distantia, absque eo, quod instrumenta operentur in medio, ac proinde hoc idem concedi potest Deo.

63 Sed contra, quia dictum axioma in omni agente debet verificari, nam sicut forma ut forma ad ponendum suum effectum formalem requirit unionem, & indistantiam cum materia, ita agens principale requirit propinquitatem, & immédiationem cum passo. Tum quia virtus actiua operans connaturali modo, debet esse coniuncta actioni quæ producit effectum, ergo etiam debet esse coniuncta ipsi effectui. Antecedens probatur tum experientia, quia dum ignis calefacit aërem sibi coniguum, calor, & actio calefactiua se contingunt. Tum etiam, quia causalitas cuiuscunque causæ est id, quod tanquam actu secundo proximè, & intrinsecè attingit effectum; id autem quo causa attingit effectum non potest esse ab eadem causa separatum. Deinde virtus quæ agens immediatè, tanquam principio quod concurret ad effectum, debet esse ipsi agenti coniuncta; ergo multò magis erit illi coniuncta causalitas. Demum, quia causalitas causæ efficientis est ipsa datio, & communicatio, quæ agens communicat suam unitatem effectui; ergo debet esse sibi coniuncta; nam non potest aliqua entitas communicari, per id, quod est ab ipsa distans, & separatum. Conseq. constat, quia si actio, quæ est productio effectus, & ipsa datio, & communicatio esse, est coniuncta cum agente, siue per identitatem, siue per inharrentiam, vel per assistentiam, vel propinquitatem, etiam virtus actiua, quæ eidem actioni coniungitur, erit coniuncta cum effectui.

64 Dices ex eodem auctore, quod licet ex actione Dei, aut alterius agentis, quæ ab illa procedit immediatè immédiatione virtutis, & suppositi, colligatur operari non interiecta alia virtute, aut supposito, non tamen operari non interiecta distantia. Sed contra, quia hoc ipso, quod aliquod agens agat immediatè immédiatione virtutis, debet eadem virtute contingere passum; ergo si agat immediatè immédiatione virtutis, & suppositi de-

Cccccc

bet

bet ipsum suppositum contingere passum, ac proinde debet esse simul secundum locum: & cum hoc modo agat Deus, & Angelus respectu corporum, erit in illo tanquam in loco.

65 Dices etiam ex eodem auctore, quod ex nostra ratione solum habetur, quod agens immediatè immediatione virtutis, & suppositi sit in passio, eo modo, quo mouens est in mobili, non tamen sequitur, quod sit in illo tanquam locatum in loco. Sed etiam contra hoc est, quia sicut in rebus corporeis ex contactu secundum quantitatem molis bene sequitur fundamentum ex parte corporis tangendi locum, ad hoc vt in illo sequatur vbiatio, ac proinde vt sit in illo tanquam locatum in loco; ita ex hoc quod Deus, aut Angelus sunt immediatè in aliquo corpore immediatione virtutis, & suppositi, optimè deducitur, quod sint in illo tanquam in loco, cum contactus virtutis sit fundamentum ad essendum in loco respectu Dei, & Angeli, sicut quantitas, vel contactus quantitatis molis respectu corporum.

66 Nec obest illud, quod de instrumentis dicit Vasquez, quia maxima illa Aristotelis procedit de causa principali, non instrumentali. Ratio disoriniis est quia coniunctio causæ cum effectu tunc habetur quando causa operatur modo connaturali; Deus autem semper operatur modo sibi connaturali, ex eo, quod nulla vi, neque propria, neque aliena potest eleuari supra modum operandi sibi connaturalem, ac proinde semper Deus debet agere immediatè immediatione virtutis, & suppositi. At creatura, licet quando operatur vt causa principalis non possit eleuari supra hunc modum operandi per contactum, quia desineret operari vt causa principalis, idem dic de instrumento, quando operatur in virtute agentis creati, qui limitatur iuxta modum naturalem illius. At quando operatur vt instrumentum Dei, potest eleuari supra modum operandi proprium, faciendo, quod instrumentum attingat effectum vbi non contingit, contingit tamen diuina omnipotentia.

67 Occurrit vltimò Suarez. lib. 4. de Angelis cap. 4. dicens esse magnam differentiam inter Deum, & Angelum, quia Deus nō supponit subiectum necessarium ad suam actionem, idē non requirit antecedentem propinquitatem inter ipsum, & effectum, sed potius sequitur. At Angelus, & quæcunque causa creata, necessariò supponit subiectum circa quod operetur, cui prius debet esse præsens vt sua actione illud possit attingere. Idem explicat alio modo, dicens, quod licet Deus non pendeat à mundo, tamen mundus pendet ab ipso; nec Deus est in mundo per relationem ad mundum, sed per relationem mundi ad ipsum, & quia mundus esse non potest, nisi per operationem Dei, idē non potest Deus esse in mundo, si in illo non operetur. At verò Angelus prius natura quam agat in corpus, est illi realiter præsens, nec corpus pendet ab ipso, ac proinde præsentia Angeli ad corpus ex actione Angeli ad ipsum non pendet. Sed contra, quia licet verum sit, quod actio Dei non prærequirit subiectum, & in hoc distinguatur ab actione creaturæ, tamen semper manet ibi aliquid, in quo communicat cum actione creaturæ, scilicet agere immediatè immediatione virtutis, & suppositi, & ex vi istius modi agendi intra eandem creaturam, est in illa tanquā in loco: & sic cum Angelus eodem modo proportionali agat in corpus, erit in illo tanquam in loco. Soluuntur argum. primæ sententiæ.

68 Primum argum. quia Deus non est in loco per suam virtutem operatiuam & per contractum virtutis illi correspondentem, sed per suam immensitatem, quæ est attributum ab omnipotentia distinctum; ergo neque Angelus erit in loco per suam virtutem, &c. Consequenter. Antecedens probatur. Primò, quia sicut omnipotentia datur in Deo ad efficiendum omne possibile, ita immensitas ad replendum omnem locum; ergo sicut omnipotentia, est ratio faciendi omne factibile, ita immensitas erit ratio replendi omne replebile. Secundò, quia, idē æternitas est ratio proxima ambiendi

di omnem durationem, quia dicit infinitatem secundum durationem; & misericordia est ratio subleuandi omnem miseriam, quia est infinita in hac linea; sed etiam immensitas est ratio repleti omnis loci, ergo erit ratio proxima replendi omnem locum. Tertiò, quia in rebus creatis id, quod limitatur in ordine ad locum, quod est quantitas, est id, quo sunt presentes loco definito, & limitatos; ergo etiam in Deo id, quo est illimitatus in ordine ad locum, & est infinitas, seu immensitas, erit id, quo presentes est omnibus rebus. Quartò, quia Deus est in locis imaginariis, & tamen in illis nihil operatur; ergo &c. Maior traditur à Sancto P. Aug. 11. de ciuit. cap. 5. & ab alijs communiter. Tum quia infinitas Dei excedit omnes creaturas dico imaginarias, ergo est in omnibus illis. Tum etiam quia si Deus non esset in locis imaginariis, si in illis aliquid crearet, moueretur eo modo quo anima mouetur informando novas partes. Tum denique, quia Deus non magis se extendit ratione æternitatis ad durationem, quam ratione immensitatis ad amplitudinem locorum, sed ratione æternitatis ambit etiam tempus imaginarium; ergo etiam ratione immensitatis debet esse in omni loco etiã imaginatio.

69 Resp. 1. negando antecedens. Ad 1. probationem dico, quod tam immensitas, quam omnipotentia sunt ratio essendi in loco. Nam omnipotentia est ratio formalis fundamentalis essendi in loco, & correspondet quantitati molis; quæ incorporibus est ratio fundandi vibrationem. At immensitas est ratio formalis, & immediata essendi in loco, & correspondet vibrationi formali fundatæ supra dictam quantitatem molis. Ad 2. probationem, dico, quod sicut æternitas est ratio proxima ambiendi omnem durationem; & ratio quæ hanc fundat, est immutabilitas: ita immensitas est ratio proxima constituens Deum ubique, & ratio fundandi, est ipsa omnipotentia. Ad 3. probat. dico, quod etiam in creatis, quantitas est solum ratio formalis fundamentalis limitandi in ordine ad loca, ra-

tio verò proxima est ipsa vibrationis; & sic in Deo ratio proxima ponens Deum in omni loco illimitatè, radicalis, seu ratio formalis fundamentalis, est omnipotentia. Ad 4. probationem dicendum, Deum non esse in spatijs imaginarijs nisi virtute, quod si ibi aliquid producat, ibi per immensitatem proximè ponetur, vt ex dictis constat & hoc volunt Sancti Patres. Per quæ patet ad primam probat. Ad 2. dico, quod Deus non moueretur, sed poneretur ibi per mutationem factam in creatura. Ad 3. probationem negatur paritas; quia æternitas non ambit durationem ratione operationis, sed illam tangit ratione sui supposita tanquam conditione existentia durationis ambiendæ; & quia tempus imaginarium prout habet rationem cuiusdam realis negationis, quodammodo existit, & dicit suam durationem negatiuam, eo modo quo negatio dicitur existere, idè æternitas dicitur ambire omnem durationem tam realem positiuam, quam realem negatiuam, seu imaginariam. At immensitas non nisi ad loca realia extenditur, quia Deus solum liberè, ratione suæ operationis ad loca extenditur, vt ex dictis colligitur.

70 Sed obijcies t. contra dicta, quia ratio formalis, & proxima fundandi vibrationis, & vibrationis ipsa debent pertinere ad eandem lineam tanquã actus primus, & secundus, sed immensitas quæ est actus secundus, non pertinet ad lineam operatiui, seu omnipotentia; ergo. Resp. negando maiorem; nam ratio fundandi pertinet ad ordinem operatiui, & linea vibrationis pertinet ad lineam immensitatis. Vnde omnipotentia est ratio fundandi formalis, & affert operationem virtualiter transeuntem per quam fit actualis contactus virtualis, ex quibus sequitur vibrationis; quæ est ipsa immensitas, seu pertinet ad lineam immensitatis. Non est autem nouum, quod ratio fundandi pertineat ad diuersam lineam; nam etiam intellectus, est ratio fundandi appetitui, seu voluntatem; & tamen pertinent ad diuersas lineas. Obijcies 1. quia actualis vibrationis

in omni loco, conuenit Deo in tempore, ac proinde per denominationem extrinsecam à locis in quibus est; ergo vbicatio non erit ipsa immensitas, vel aliquid pertinens ad lineam immensitatis. Resp. quod actualitas vbicationis in omni loco semper est in Deo, & quantum est de se semper constituit Deum vbique, non tamen hoc habet in actuali exercitio, sed tunc solum quando ponuntur connotata ad hoc exercitium, vt est actio productiua Dei, tangens loca, & præcedens loca, per hanc actionem producta. Sicut actus Dei creans semper est in Deo, non tamen semper tribuit denominationem creantis, sed tunc solum quando ponuntur connotata.

73. Resp. 2. ad principale argum. quod omnipotentia, & immensitas sunt vnum, & idem attributum, afferens ex parte nostri modo concipiendi duas rationes inadæquatas, scilicet operandi in omni loco illa prior, ista posterior. Vnde adæquate non potest concipi omnipotentia vt est ratio operandi, nisi etiam concipiatur vt ratio essendi, & è contrà.

73. Secundum argum. Angelus potest moueri in vacuo, vbi nihil operatur; ergo erit in loco ratione sui, non ratione operationis. Antecedens probatur, quia corpus potest moueri per vacuum; ergo etiam Angelus, cum sit maioris virtutis. Resp. negando antecedens. Ad probationem conceditur antecedens, & negatur conseq. Ratio discriminis est, quia in corporibus vbicatio resultat ex adiacentia siue loci communis à quo corpus ambitur, siue loci particularis, ac proinde ad hoc vt corpus habeat vbicationem, & moueatur, sufficit, quod sit in loco communi, quamuis in vacuo. At Angelus cum non contineatur in loco communi primi corporis, non potest esse in loco nisi particulari, in quo agit; quod cum in vacuo præstare non possit, sequitur, quod in eo moueri nequeat.

74. Tercium argum. Nam prius est Angelum esse in loco, quam operari in illo; ergo non est in loco per operationem. Consequ. constat, quia prius non

dependet à posteriori. Antecedens probatur 1. quia prius est esse quam operari, ergo prius est esse in loco, quam operari in illo. Secundò, quia virtus actiua, & totum id, quod requiritur ex parte ipsius ad agendum, præsupponitur actioni; sed immediatio ad locum est conditio requisita ex parte Angeli, vt agat tanquam agens immediatum; ergo præsupponitur ad actionem. Maior constat; minor probatur, quia sicut ad actionem absolute sumptam requiritur approximatatio agentis ad passum per ordinem ad spatium: ita ad actionem immediatam, requiritur vnio immediata, quæ est approximatatio, & conditio necessaria ad agendum. Tertiò, quia si non requireretur simulstas ad agendum secundum locum inter agens, & passum immediatè immediatione virtutis, & suppositi, neque esset necessaria in eodem instanti, & posteriori natura; sed hoc est falsum; ergo. Sequela probatur, quia si non præ requireretur in passo, nulla esset ratio quare requireretur; ergo &c. Quarto, quia multoties Angelus distat posituè ab aliquo loco in quem operaturus est vt cum est in cælo vult operari in terra; ergo tunc prius debet appropinquari terræ, & esse in illa, quam in ipsa operetur. Distantia namque positua à passo impedit operationem, nisi diuincatur. Resp. negando antecedens. Ad 1. probationem conceditur antecedens, & negatur conseq. quia esse agentis non est effectus in genere causæ efficientis operationis eiusdem agentis; at esse in loco est effectus operationis agentis, qui est in loco per quantitatem virtutis. Ad 2. probationem dico; rectè procedere in agentibus corporeis, & operantibus per virtutem corpoream; in istis namque prius est esse approximatata passo, quam quod agant in illo. Non sic in agentibus spiritualibus vt Deus, & Angeli; nam in illis quantitas supponitur commensurata loco; in istis virtus actiua non dependet à loco, vt ex dictis constat. Dici etiam potest, quod operatio in genere causæ efficientis & formalis est prior approximatione Angeli ad locum; & in genere causæ materialis

riales dispositione est prior vnio, seu approximatione quam ipsa operatio; exemplo vltimæ dispositionis concomitantis formam, quæ est prior ipsa forma in genere causæ efficientis, & posterior in genere causæ formalis. Ad 3. probationem negatur sequela. Ad probationem dico, quod propinquitas ad locum in agentibus spiritualibus requiritur quidem in eodem instanti tanquam conditio concomitans, & inferens locum, non tanquam illata ex loco; vel dic requiri vt prior in genere causæ materialis, non efficientis. Ad 4. probationem conceditur antecedens, & negatur consequens ad probationem dico, quod distantia politia à passo non impedit operationem, quia per eandem operationem tollitur, & agens est in eodem instanti simul cum passo, sed de hoc dist. seq. dub. 5. dicetur.

75 Quartum argum. quia si Angelus esset in loco per operationem, sequeretur, quod Angelus mouens primam spheram esset in tota illa tanquam in loco, cum agat in totam illam; hoc dici nequit, ergo. Resp. negando sequelam, quia Angelus mouet solum vnā partem, postea aliam succedentem, absque eo quod moueatur à sito in quo est, scilicet in Oriente.

76 Quintum argum. quia anima rationalis suæ naturæ relicta potest esse in loco corporis; & hoc non esset per operationem; ergo &c. Minor probatur r. quia aliàs quando homo moritur, & anima vel descendit ad inferos, vel ascendit ad superos, immutaret totum spatium per quod pertransit, quod videtur incredibile. 2. Quia si anima esset in loco per operationem, frustra diceretur, quod portetur ab Angelis in cælum, aut à demonibus ad inferum; ergo &c. Resp. negando maiorem, solum enim venita corpori habet vim mouendi illud; vnde separata non potest se ipsam mouere. Quare animæ nec portantur in cælis, nec ad inferos; nec ascendunt, nec descendunt, sed in instanti in quo decedunt per mutationem quandam instantaneam, & discretam transiunt, non quidem à loco in lo-

cum, aut per medium, sed à non esse v.g. in cælo, ad esse in illo. Dicit etiam potest valde probabiliter, quod animæ in statu separationis habeant vim ad se ipsas mouendas, & ad inuenda alia corpora, & hoc non connaturalitate formæ, sed connaturalitate status; à virtute diuina, quod tamen non censetur miraculum, cum sibi debeatur ratione status.

77 Sextum argum. quia Angeli sunt creati in cælo, & beati modo sunt in illo, vbi nullam habent actionem virtualiter transeuntem; ergo &c. Resp. Angelos esse in cælo per aliquam operationem virtualiter transeuntem. Cum enim Angeli fuerint in cælo creati, ibique collocati, & non per quantitatem molis, ergo per quantitatem virtutis, quæ alia esse non potest, nisi eorum operatio. Tum quia omnis creatura corporea per Angelos administratur, ergo etiam Cælum Empyreum; ac proinde illis quoad aliquam operationem subdi debet. Quod si inquiras quanam sit hæc operatio? dico, quod erit productio alicuius luminis, vel alicuius huiusmodi. Vel dic, quod influant vim, influendi in corpora inferiora; vel perpetuitatem, & stabilitatem influxus in eadem inferiora.

78 Sed contra hanc solutionem obijcies 1. quia Cælum Empyreum fuit creatum cum tota perfectione sibi necessaria, ergo non potest participare ab Angelis nec lumen, nec proprietatem, aut stabilitatem ad influendum in corpora inferiora. Resp. quod perfectio Cæli Empyrei in hoc maxime consistit, quod ab Angelis illuminetur, recipiatque virtutem influendi in hæc inferiora; sicut perfectio Angelorum inferiorum in hoc maxime attenditur, quod illuminentur à superioribus.

79 Obijcies 2. quia Cælum non recipit necessariò, & inuariabiliter illam illuminationem, perpetuitatem, &c. ad influendum; ergo non est necessaria ad illius perfectionem. Consequens constat, quia quod est alicui necessarium, inuariabiliter habet. Antecedens probatur, quia plures Angeli descendunt ab Empyreo cum

cum veniant ad nos, tunc autem nequeunt operari in illo; ergo &c. Tum quia vel additio luminis, & virtutis ad influendum est simpliciter requisita, vel non? Si primum, quomodo deest, quando Angeli non sunt in Cælo? Si secundum, ergo Angeli non subordinant sibi Empyreum. Resp. quod ex parte Cæli Empyreici illi influxus necessarius, & inuariabiliter recipitur ob subordinationem ad naturam Angelicam. Verum ex parte ipsorum Angelorum, non necessarius, & inuariabiliter causatur, sed iuxta suam Dei providentiam, & ordinem vniuersi. Pro quo nota, quod ille influxus semper, & inuariabiliter causatur, qui semper, & inuariabiliter requiritur ad bonum vniuersi, & licet aliqui Angeli discedant, aliqui tamen semper manent in cælo, à quibus dictus influxus causatur. Vnde quando aliqui descendunt, influxus secundum totam suam quantitatem causatur à remanentibus. Quantum autem ad influxus variabiles, variabiliter etiam causantur.

80 Obijcies 3. quia post diem iudicii omnes Angeli manebunt in Cælo, & tamen non influunt, nec producent dictam influxus perpetuitatem; cum enim tunc cesset motus, etiam influxus cessabunt. Resp. quod cessabunt quidem tunc aliqui influxus, non tamen omnes, quia saltem remanebunt aliquæ mutationes intentionales, quæ perpetuo causabuntur; semper namque lux causabit species intentionales non solum in superis, verum etiam in hæc inferiora; nam Sol, Luna, &c. illuminabunt hunc mundum, &c.

81 Obijcies 4. quia si Angelus potest producere lumen se solo, poterit etiam producere qualitates alteratiuas; sed has non potest; ergo neque illud. Maior probatur, quia lux, seu lumen, continet eminenter qualitates alteratiuas; ergo si Angelus potest producere lumen, etiam qualitates in illa contentas producere poterit. Resp. negando maiorem. Ad probationem dicendum, quod lumen non continet virtualiter qualitates alteratiuas, nisi ex coniunctione ad spe-

cialia corpus. Vnde videmus, quod aliqui lapides habent lucem, non tamen ea lux producit qualitates alteratiuas. Soluuntur argum. secundæ sententiæ.

82 Primum argum. desumunt ex testimonio D. Tho. *quodlibet. 1. art. 4.* ubi videtur dicere, quod Angelus sit in loco; non solum per operationem, verum etiam per applicationem, seu vnionem ad locum sic enim tatur. *Ita tamen, quod per operationem non intelligatur sola motio, sed quacunque unio, qua sua virtute se unit corpori, presidendo, continendo, vel quocunque alio modo, &c.* Resp. bene loqui S. Doctorem, quod Angelus est in loco per operationem non solum produciuiam, sed etiam vniuiam, applicatiuam, &c. corporis, non enim potest Angelus sibi vnire corpus, nisi per actionem virtualiter transeuntem.

83 Secundum argum. quia Angelus antequam operetur actione transeunte ad locum, est illi præsens, quatenus est iam loco proportionatus, & expeditus ad agendum; ergo antequam operetur in loco, est ibi præsens saltem incompletæ. Resp. negando antecedens, si intelligatur de præsentia locali formali, secus si intelligatur de præsentia radicali, qua Angelus antecederet ad operationem intelligitur proportionatus vt posita operatione formaliter sit in loco.

84 Tertium argum. quia ratio formalis essendi in loco, debet esse intrinseca in locato; sed actio transiens non est intrinseca in Angelo, bene tamen applicatio ipsius Angeli ad locum; ergo. Tum quia si actio transiens esset ratio essendi in loco Angelo, Angelus esset in loco modo diuisibili, & extenso; hoc repugnat, ergo & illud. Maior probatur, quia actio illa transiens quippe corpora, & extensa per locum, non potest esse ratio essendi in loco nisi modo extenso; ergo. Resp. concedendo maiorem, & negando minorem; illa namque actio est formaliter immanens, & solum virtualiter transiens. Deinde dici potest, quod licet illa actio esset formaliter transiens, & extensa, adhuc Angelus non esset in loco modo

do extenso, quia illa actio non est ratio formalis essendi in loco, sed exercitium rationis formalis; ratio namque formalis est ipsa potentia operatiua.

85 Quartum argum. quia Angeli custodes nunquam deferunt eos, quos custodiunt, & tamen non semper circa illos operantur; ergo ratio essendi in loco in illis non est operatio. Maior constat, quia Angeli custodes sunt executores diuinæ providentiæ circa homines, quos custodiunt; sed diuina providentia nunquam eos deserit; ergo neque Angeli. Resp. concedendo maiorem, & minorem, & negando consequentiam. Ratio est, quia plus requiritur ad hoc ut Angeli dicantur esse in hominibus quos custodiunt, quam ad hoc ut illos custodire dicantur; ad hoc ut Angeli sint in hominibus quos custodiunt, debent in illis operari. At ad hoc ut custodiant, non est necesse, quod aliquid in illis operentur, sed sufficit, quod in cœlo existentes cognoscant quid circa illos agatur, & possint statim adesse. Sufficeretiam quod imprimant effectum vehementem, qui duret quandiu absunt. Vnde licet Angeli custodes deserant quoad locum eos quos custodiunt, non tamen eos deserunt quoad custodiam.

D V B I V M IV.

Quid sit in Angelis ratio fundandi ubicationem in loco violento, vel praternaturali.

86 **P**rima sententia est, quod Angeli constituantur in loco violento per suam substantiam ita quod substantia Angeli sit illa, quæ contra ipsius Angeli voluntatem in loco violento immediate detinetur. Auctores huius sententiæ relati sunt præcedenti dubio pro prima sententia, quorum fundamenta iam soluta manent ex dictis dubio præcedenti.

87 Nostra sententia sequitur conclusionem explicatur. Ratio formalis fundandi ubicationem Angeli in loco violento, in quo non

se collocat, sed contra suam voluntatem collocatur, est potentia passiva eiusdem Angelus, & exercitium huius rationis formalis, est passio se tenens ex parte Angeli, quæ dictæ potentiæ passivæ correspondet. Sic D. Th. 4. contr. Gent. cap. 90. quodlibet. 2. art. 3. & in 4. dist. 44. q. 3. art. 3. questio 3. & eius discipuli communiter, quos referunt, & sequuntur Salm. hoc loco.

88 Ratio fundamentalis est, quia per id Angelus fundat ubicationem in loco violento, siue praternaturali, per quod passivè tangitur ab eodem loco; sed per potentiam passivam tanquam per rationem formalem in actu primo, & per passionem illi correspondentem tanquam per exercitiū tangitur à loco; ergo, &c. Minor constat. Maior probatur, quia, sicut contactus actius quo Angelus tangit locum, est ei ratio, una cum sua quantitate virtutis, essendi in eodem loco; ita contactus passivus, quo tangitur à loco, una cum sua potentia passiva, erit ratio existendi in loco; hoc enim modo Angelus subditur loco, sicut in primo, subdit sibi locum.

89 Sed obieciēs 1. ex S. Doctore loco citato ex 4. sent. vbi videtur dicere, quod passio, seu alligatio non definit Angelum loco, sed quod antea definiatur, ne alibi operetur, ac proinde non erit in loco violento per alligationem, seu passionem, sed per suam substantiam ibi contra suam voluntatem detentam. Resp. mentem D. Thomæ esse, quod Angelus per alligationem, detentionem, seu passionem loco definitus detineatur, ut sensus sit intransitivus, quatenus ipsa passio ipsum detineat, non detentus supponatur; sicut si dicatur: Albedo reddit album segregatum visus; tunc non est sensus transitivus, sed intransitivus, quia album constituitur segregatum per albedinem.

90 Obieciēs 2. qui vni rei, unica est ratio essendi in loco; ut patet in corporalibus; ergo si Angelus est in loco per quantitatem virtutis, non erit etiam per passionem. Resp. quod vni rei, unica est ratio essendi in loco connaturali. At in in-

con-

connaturali, & violento potest, & debet assignari diuersa ratio. Cum enim sit duplex contactus, actiuus, & passiuus, etiam duplex locus, duplexque ratio formalis assignari debet. Adde, quod virtute diuina etiam corpus potest habere duplicem rationem essendi in loco, vt patet.

91 Obijcies 3. quia dæmones vbicunque sint, etiam in nostro aere patiuntur ab igne inferni, immediatè immediatione virtutis, & suppositi, quia nullum aliud suppositum crucians mediat, & tamen non sunt in illo tanquam in loco; ergo passio non est ratio essendi in loco. Resp. 1. concedendo antecedens, & negando consequens. Ratio est, quia licet Dæmon vbicunque sit patiatur ab igne inferni agente immediatè immediatione virtutis, & suppositi, etiam quando est in nostro aere, ex eo, quod non mediat aliud suppositum crucians, non tamen est Dæmon in inferno per talem passionem quando in nostro aere cruciatur, quia ille ignis non causat illam passionem connaturaliter alligando, & detinendo Dæmonem connaturaliter, illum intra se locando, & sibi propinquum faciendo. Sed eleuatur dictus ignis vt agat in Dæmonem non modo proprio corporis, sed alio modo, cum eleuetur vt agat in distans; ac proinde ille ignis tunc causat passionem in Dæmonem, sed ipsum non alligat, nec locat, nec propinquum facit. Resp. 2. quod dictus Dæmon dum virtute diuina in nostro aere ab igne inferni cruciatur in distans, quia licet tunc non mediet aliud corpus crucians, tamen mediare potest. Sicuti non diceretur in loco si existens in cælo operaretur in distans, quia licet tunc non mediet aliud suppositum in quod operaretur, ac proinde hoc modo diceretur agere immediatè, immediatione virtutis, & suppositi, tamen quia mediare posset, propterea non diceretur tunc esse connaturaliter in loco per operationem; ita, &c. Resp. 3. cum alijs, quod Dæmon vbicunque vadat semper circumdatur virtute diuina ab igne cruciante, ac proinde ratione illius semper censetur in loco violento,

92 Obijcies 4. quod animæ quæ sunt in limbo sunt ibidem tanquam in loco preternaturali, cum non sit decens, & consonus dignitati illarum, & tamen non sunt ibi per potentiam passiuam; Ergo, &c. Minor probatur, quia dictæ animæ nihil ibi patiuntur à loco, cum nullam poenam sensus sustineant; ergo. Resp. negando minorem, quia ibi diuina virtute detinentur, & dictus locus vt instrumentum Dei producit in illis quandam qualitatem spirituales, & intentionales, habentem esse modum transeuntis per quam detinentur, ligantur, & dolo loco vniuntur. Illa tamen alligatio, & detentio non habet rationem mali culpæ, nec mali poenæ, sed mali naturalis, & dissolui peculiari naturæ illarum animarum.

D V B I V M V.

An ex contactu virtutis Angeli ad locum, resultet aliquod vbi, & quale sit.

93 **P**rima sententia est, quod Angelus constituatur in loco per vbi predicamentale, seclusa actione, vel passione. Sic Molina, Bubalus hic, & Suarez disp. 51. metaph. & lib. 4. de Angelis cap. 2. n. 4. & 9.

94 Nostra sententia sequens concluditur. Prima concl. Probabile est, quod in Angelo ex contactu loci resultet vbi aliquo modo distinctum ab eodem contactu, siue illud sit predicamentale, siue non. Hæc conclusio aperte colligitur ex D. Thoma locis dubio precedenti relatis. Nam eo ipso, quod S. Doctor vult Angelum esse in loco, & vult esse ibi per aliquod vbi, cum idem sit esse in loco, & habere vbi. Unde eam tenent eiusdem S. Doctoris discipuli, vt testantur Salm. hoc loco dub. 5.

95 Probatur 1. quia eo proportionali modo debemus philosophari de Angelis circa locum, quo philosophamur de corporibus; sed corpora sunt in loco per vbi distinctum à contactu loci; ergo etiam Angeli. Maior constat, quia Angeli sunt in

in loco per analogiam ad corpora, ac proinde quod de corporibus dicimus, debemus proportionabiliter dicere de Angelis. Minor nota est, & tradunt omnes philosophi post Aristotelem in prædicamento *vbi*.

96 Probatur 2. quia Angelus absolute, & simpliciter est alicubi sicut in loco; ergo per aliquam formam, seu formam; sed hæc non potest esse alia quam *vbi*; ergo, &c. Antecedens constat; nullus namque est, qui dicat Angelum non esse aliquando in loco. Consequenter constat, quia esse in loco, est aliquis effectus formalis, ac proinde debet oriri ab aliqua forma. Minor subsumpta probatur, quia forma tribuens denominationem essendi in loco, non est ipse contactus loci, sed ipsa præsentia ad locum; hæc autem est *vbi*; ergo.

97 Probatur 3. quia probabile est, quod attributum immanitatis in Deo, distinguatur ab attributo omnipotentie; sed in Angelo immanitati correspondet *vbi*; & omnipotentie correspondet virtus operativa, seu tactiva loci; ergo, &c. Sicut enim in Deo immanitas oritur ex omnipotentia; ita in Angelo *vbi* oritur ex virtute tactiva, & exercitio illius scilicet ex tactu. Tum quia contactus virtutis pertinet ad ordinem operandi; & vbiatio pertinet ad ordinem essendi; ergo debent distinguui, ac proinde contactus erit proxima ratio fundandi vbiationem.

98 Sed obijcies 1. quia ut tradit S. Doctor 3. p. q. 76. art. 5. Corpus Christi D. sub speciebus sacramentalibus non habet aliquod *vbi*, quia non est ibi ratio proprie quantitatis, sed potius quantitas est ibi ratione corporis; sed Angeli non sunt in loco ratione quantitatis, scilicet molis, ergo non ratione alicuius *vbi*. Resp. concedendo maiorem, & minorem, & negando consequenter. Ratio discriminis est, quia corpus non est in loco nisi per quantitatem extensam, & per contactum extensum; & Angeli sunt in loco per quantitatem virtutis. Cum autem hæc quantitas virtutis, & tactus illius non sint in corpore Christi in Sacramento, bene tamen in Angelo, sequitur, quod Corpus

Christi in Sacramento non habeat *vbi*, bene tamen Angelus.

99 Obijcies 2. quia ex eo, quod Angelus coexistat temporis nostro non resultat in eo aliquod *quando*, ergo etiam ex eo, quod coexistat loco nostro, non sequitur, quod in eo resultat *vbi*. Resp. transeat antecedens, & negando consequenter. Ratio discriminis est, quia res spirituales dum coexistunt nostro temporis, non sunt simpliciter in tempore; at dum coexistunt loco nostro, dicuntur simpliciter esse in illo.

100 Obijcies 3. quia Angeli extrinsecè mensurantur æquo primi Angeli, & sunt in illo simpliciter. Item visiones beatorum sanctorum mensurantur æternitate participata Christi D. suntque in illa ut in mensura, cui de sui natura subduntur, & tamen ex adiacentia æqui primi Angeli, non resultat in alijs aliquod *quando*, & ex adiacentia visionum beatificatum visioni Christi D. nil in illis resultat; ergo etiam ex adiacentia Angeli ad nostrum locum, non resultabit aliquod *vbi*. Resp. 1. esse probabile, quod ex adiacentia æqui primi Angeli, resultat in Angelis inferioribus aliquod *quando*, & quod ex adiacentia visionum beatorum visioni Christi etiam aliquod *quando* proportionatum resultat. Ista autem quando non ponuntur directè in prædicamento *quando* tanquam contenta in illo, sed potius ut continentia illud. Resp. 2. quod in Angelis inferioribus ex æquo primi Angeli, & idem proportionabiliter dicitur de visionibus beatorum, non relinquatur aliquod *quando* proprie dictum, sed ad summum quoddam *quando* æquivocè, ex eo, quod prædicamentum *quando* solum comprehendat ea accidentia, quæ ex adiacentia primi mobilis relinquuntur in rebus, quæ ab illo mensurantur, ratione cuius mensurationis dicuntur esse in illo. Verum prædicamentum *vbi*, magis latè patet; cum comprehendat locatum quodcumque siue per contactum quantitatis molis, siue virtutis.

101 Obijcies 4. quia ex contactu virtutis quo Deus tangit loca, & ex adiacen-

D d d d d tia

tia illorum non resultat in Deo aliquod *vbi*, ergo neque in Angelis. Resp. concedendo antecedens, & negando consequ. quia repugnat, quod Deo accrescat aliquod *vbi*, non Angelis. Tum quia est in loco vt continens locum, non vt contentus à loco, secus Angeli.

102 Secunda concl. *Probabilius est, quod vbi Angelicum non pertineat ad ordinem essendi, sed operandi, ac proinde quod non distinguatur formaliter ab ipsa operatione, seu contactu virtutis Angelice, sed sit ipse contactus, ut dicitur ordinem transcendentalem ad locum.* Pro quo nota, quod in operatione virtualiter transeunte duplex respectus potest considerari; vnus ad effectum quem in loco producit, alter ad locum ipsum. Primus respectus non constituit *vbi* Angelicum, sed posterior. Operatio Angelica dicit primum respectum, vbi fieri alicuius: secundum autem dicit, vt est fieri dicti effectus in loco, secundum quam considerationem habet, quandam similitudinem cum *vbi* prædicamentali, vt consideranti patebit. Conclusionem sic explicatam tueretur S. Th. & eius discipuli, quos referunt Salm. *hoc loc. dub. 5.*

103 Probatur concl. quia id, quod est improprie tale assert aliquid, quod hæc duo habet. Primum, quod dicat aliquam rationem ab ea distinctam, per ordinem ad quam dicitur tale improprie. Secundum, quod fundet illam rationem improprie, & in ipso reperiatur, propter aliquam similitudinē cum eo, quod habet proprie. Sed Angelus est solum improprie in loco, & improprie illi conuenit vbicatio, & solum ex eo, quod ibi operatur, ergo solum vbicatio dicit illam operationem tanquam rationem fundandi, nō ipsam vbicationem. Maior patet: vnde præta dicuntur ridere ratione ipsius flores, quod proprie conuenit pratis. Minor constat ex dictis.

104 Dices 1. quod ratio fundandi præsentiam localem improprie in Angelo, non est ipsa operatio, sed aliquid specians ad ordinem essendi, scilicet præsentia proprie talis in ordine ad locum, non ipsa vbicatio proprie. Quia vbica-

tio proprie dicitur commensurationem ad locum. At præsentia proprie dicitur, quod totus Angelus sit in toto loco, & totus in qualibet parte. Sed contra, quia quando principium radicale, & proximum pertinet proprie ad ordinem operandi, etiam actus vltimus illis correspondens, debet ad eundem ordinem pertinere. Sed in Angelo principium radicale, & proximum pertinet proprie ad ordinem operandi, ergo etiam actus secundus, & vltimus, scilicet vbicatio, debent ad eundem ordinem pertinere. Tum quia vbicatio Angeli, debet esse talis conditionis, quod res vbicata pendeat per illam à loco, vel è contra locus à re vbicata; sed si *vbi* Angelicum pertineret ad ordinem essendi, non saluaretur ista dependentia; ergo. Maior constat, quia cum *vbi*, & locus sint inter se colligata, oportet, quod vel hic ab illo, vel illud ab isto, pendeat. Minor probatur, quia si vbicatio pertinet ad ordinem essendi, sicut & locus, & res locata, non potest poni illa dependentia, bene tamen si vbicatio pertineat ad ordinem operandi.

105 Dices 2. quia Angelus non magis est vnitus media ista operatione cum loco, quam corpus media quantitate molis cum suo loco; sed in corpore vltra quantitatē molis qua tangit locum datur *vbi*, ergo etiam in Angelo vltra illam operationem qua tangit locum, debet dari *vbi* distinctum quo sit formaliter in loco. Tum quia Angelus operans erga locum non est magis vnitus cum loco, quam corpus Christi D. in Eucharistia, cum speciebus; sed in corpore Christi vltra vnionem datur præsentia ad eandem species; ergo etiam in Angelo, &c. Tum etiam quia immensitas in Deo, qua loco Angelorum correspondet, addit aliquid virtualiter distinctum ab operatione illius erga locum; cum tamen Deus per suam operationem sit magis vnitus loco, quam Angelus; ergo in Angelo debet præsentia addere aliquid distinctum ab illius operatione. Tum denique quia aliās non saluaretur proportio, & similitudo inter vbicationem Angeli, & vbicationem conscriptam corporum. Hæc

De comparat. Angelorum ad corpora. 763

106 Hæc responsio impugnata manet ex dictis, & ex responsione ad singula, magnis impugnata manebit. Dicendum ergo, quod licet Angelus non sit magis vniuersus loco, quam corpus, tamen in corpore resultat *vbi* propriè dictum, quia est in loco propriè dicto; at Angeli præsentia, est præsentia agentis ad passum, ac proinde non debet esse aliquid distinctum ab eiusdem agentis operatione. Ad 1. probationem de corpore Christi dico, quod potest admitti aliquid distinctum ab vniuerso ad species, quia corpus Christi in Eucharistia habet præsentiam propriè dictam, scilicet sacramentalem; non sic Angelus, ut ex dictis constat. Ad 2. probationem dicendum, quod attributum immensitatis, iuxta hunc modum dicendi, non distinguitur ab omnipotentia, sed est eadem omnipotentia, ut in omni loco operatur. Ad 3. probationem dico saluari proportionem in ratione contactus formalis, & virtualis, non in ratione *vbi* distincti resultantis.

107 Tertia conclusio. Si daretur *vbi* in Angelis distinctum ab operatione, non esset prædicamentale. Hanc conclusionem tenet Schola Thomistarum, & alij communiter. Ratio constat ex dictis in tota hac disput. quia Angeli non sunt in loco propriè, sed tantum metaphoricè, & abusiue, ergo *vbi* resultans non potest esse prædicamentale, quod est tale propriè, & simpliciter. Tum quia ratio proxima essendi in loco, & per consequens ipsum *vbi*, non abstrahit à ratione essendi in loco rerum corporearum, & substantiarum separatarum; ergo non potest dici vniuersè de vtraque. Conseq. constat. Antecedens probatur, quia ratio proxima essendi in loco in corporibus, est quædam motus; & ratio proxima essendi in loco in Angelis est operatio, seu qualitas, sed quantitati, & qualitati non datur ratio communis vniuersæ; ergo. Tum etiam quia exercitia dictarum rationum formalium essendi in loco, non possunt cōuenire vniuersè i. g. &c. Antecedens probatur, quia exercitium essendi in loco in Angelis est contactus metaphoricus, seu operatio

formaliter immanens, & virtualiter transiens; & exercitium essendi in loco rerum corporearum, est contactus formalis; sed istis non potest dari ratio superior vniuersa; ergo. Quæ omnia à fortiori currunt loquendo de loco Angelorum violento. Soluuntur argum. primæ sententiæ.

108 Primum argum. est, quia ratio substantiæ prædicamentalis est vniuersa, substantiæ materiali, & spiritali, nam ponuntur in eodem prædicamento; ergo etiam *vbi* prædicamentale erit vniuersum *vbi* materiali, & Angelico. Resp. concedendo antecedens, & negando consequens. Ratio discriminis est, quia ad hoc ut aliquid ponatur in prædicamento substantiæ, sufficit, quod sit substantia completa ex genere, & differentia, quod competit, tam substantiæ materiali, quam spiritali creatæ. At in prædicamento *vbi* non ponitur nisi *vbi* circumscriptum; *vbi* autem Angelicum non est tale. Tum quia proprium est *vbi* prædicamentalis facere, quod res quæ est in loco, ab eo dependeat, & mensuretur, Angelus autem nec à loco dependet, nec ab illo mensuratur.

109 Secundum argum. quia *vbi* Angelicum non est quantitas, nec aliquid accidens, quod per illam insit substantiæ. Neque est qualitas corporalis, ut patet; neque spiritalis, quia in nulla specie qualitatibus collocari potest, ut discurrenti per singulas constabit, tum quia motus localis non tendit per se ad qualitatem, nec qualitas per motum localem acquiritur, bene tamen *vbi* Angelicum; ergo hoc *vbi*, non nisi ad prædicamentum *vbi* pertinebit. Resp. quod *vbi* Angelicum se ipsa est qualitas spiritalis, scilicet Angeli operatio, ac proinde pertinebit ad qualitatis prædicamentum; bene verum est, quod ut fiat sub conceptu vbiationis, non pertinet directè ad aliquid prædicamentum; sub isto namque conceptu est solum quid metaphoricè tale; quod in prædicamentis non ponitur; in prædicamentis namque vera genera, & species collocantur.

110 Tertium argum. quia in Angelis
D d d d a ab-

absolūtē, & simpliciter repetitur motus localis, & actio per quam exercetur, ergo eū dabitur absolūtē, & simpliciter vbiq̃. Antecedens constat. *Consequens* probatur quia motus localis terminatur ad vbi ex re natura distinctū a motu, & operatione per quam exercetur. Resp. distinguendo antecedens: in Angelis datur absolūtē, & simpliciter motus localis proprie dictus, & negatur datur absolūtē, & simpliciter motus localis æquiuocē talis, & conceditur.

DUBIUM VI.

An Angelus sit in loco diuisibili secundum realem præsentiam, & an vbiq̃.

111 **P**rima sententia est; quod Angelus non sit in aliquo loco determinato, sed vbiq̃, aliter tamen, ac Deus; nam Deus est vbiq̃ ex eo, quod est intimē in omnibus rebus per suam essentiam, & potentiam, dans, & conseruans illarum esse. At Angelus solum est in rebus extrinsecē. Sic Durandus in 1. dist. 37.

112 Nostra sententia duabus conclusionibus explicatur. Prima conclusio: Angelus secundum realem præsentiam, potest esse in loco diuisibili. Sic S. Doctor hic art. 3. & in 1. dist. 37. q. 3. art. 2. quem omnes ferē Theologi sequuntur. Ratio fundamentalis est; quia licet indiuisibile quantitas, seu id, quod est indiuisibile ratione sue limitationis, non possit secundum suam realem præsentiam esse præsens toti alicui loco diuisibili; bene tamen indiuisibilis, quod est extra totum genus quantitatis, seu quod est extrinsecē sue perfectioni, sed Angelus est hoc secundo modo indiuisibilis, ergo poterit esse in loco diuisibili. Maior edicitur, quia id, quod est indiuisibile ratione limitationis, est ita limitatum, & circumscriptum, ut nec formaliter, nec virtualiter, nec extrinsecē sit diuisibile, ut constat in puncto, quod est indiuisibile cum negatione irregularitatis, unde habet situm

in continuo, tanquam terminus indiuisibilis illius, siue tanquam cōterminatum, indiuisibile eiūdem. Ceterum id, quod est indiuisibile ratione perfectionis, cum eleuetur supra corpora diuisibilia, & materialia, habet modum essendi æquationem, & perfectionem, consistentem in puritate à materia; & in indiuisibilitate formaliter tali, ita tamen ut præbeat in se diuisibilitatem, quatenus potest coexistere rei diuisibili; illique quodammodo vniri, ac si esset formaliter diuisibile; ut in anima nostra videre licet. Minor etiam constat, quia maioris immaterialitatis, ac proinde indiuisibilitatis est Angelus, quam anima rationalis.

113 Tum quia si Angelus est magis indiuisibilis, quam anima nostra, debet etiam posse vniri modo quodam eleuariori rei diuisibili, quam eadem anima; sed hæc vnio non potest consistere in ratione formæ, cum Angelus sit forma cōpleta, ac proinde alteri inunibilis in hac ratione; ergo in aliqua alia ratione, quæ alia esse nequit, nisi tanquam operantis operato, tanquam locati cū loco, &c. Tum etiam quia licet anima nostra ut est forma corporis, nequeat esse in loco diuisibili ut quod, ut tamen attingit ordinem substantiarum separatarum, ut in statu separationis, potest esse in loco diuisibili ut quod, ergo etiam Angelus.

114 Sed dicēs esse disparē rationem, quia licet *angelus* sit formaliter indiuisibilis, tamen applicatio illius ad corpus diuisibile, scilicet vnio, est corporea, & diuisibilis. At ram Angelus, quatenus applicatio ad locum, est indiuisibilis formaliter; illa namque applicatio, est eius operatio quæ est formaliter indiuisibilis. Resp. quod tunc illa Angeli applicatio, quippe actio formaliter immanens sit formaliter indiuisibilis, ut tamen est virtualiter transiens, est virtualiter diuisibilis, ac proinde sufficiens ut per eam Angelus sit in loco diuisibili.

115 Secunda conclusio: Angelus non est vbiq̃, seu in omni loco. Sic B. Thomas hic art. 3. & in 1. dist. 34. art. 2. & alibi. Cohæret ex sacra scriptura. Isa. 14. dicitur.

Quo-

De comparat. Angelorum ad corpora. 765

Quomodo cecidisti de hololuciferi curasti in terram? In infernum detraberis. Et Luc. 10. scribitur. *Videbam faciem sicut fulgur de celo eadentem.* Nec valet dicere, quod etiam de Deo, de quo constat esse ubique, familia dicantur, nam Gen. 1. dicitur *Descendit autem Dominus, ut videret civitatem, & Turrim.* Et cap. 18. habetur. *Descendam, & videbo, &c.* Nam respondetur, quod non erat ipse Deus qui descendebar, sed Angelus, licet in persona Dei, propter ea dicitur Deus ipse descendere. Tum quia si intelligeretur de Deo dictæ locutiones, deberent intelligi in sensu metaphorico, alias sequeretur absurdum, quod in Angelis non contingit.

116. Probatur concl. quia Angelus est in loco per suam quantitatem virtutis, seu per suam operationem, sed hæc est finita, & limitata; ergo non potest esse ratio essendi ubique, sed in certo, & determinato loco, maiori, aut minori, iuxta maiorem, vel minorem illius perfectionem. Tum quia ideo corpora sunt in certo, & determinato loco, quia ratio essendi in loco respectu illorum est finita, & determinata, scilicet quantitas molis; sed etiam ratio essendi in loco respectu Angelorum est finita, & limitata, ergo, &c. Tum etiam, quia ideo anima nostra informat corpus finitum, & limitatum, quia est finita, & limitata; sed etiam Angelus est huiusmodi, ergo non poterit informare, seu quasi informare, nisi finitum, & determinatum locum. Tum denique quia Deus ideo est ubique, quia eius potentia operativa est infinita; sed potentia operativa Angeli non est infinita; ergo non est ubique. Solvuntur argumenta primæ sententiæ.

117. Primum argum. desumitur ex varijs Sanctorum testimonijs. Nam Sanctus Maximus hom. in natali Sanctorum Tauricorum dicitur animas Sanctorum esse ubique, & omnibus prodesse. D. Hieronymus contra Vigilantium cap. 3. ex illo Apoc. 14. de Virginibus, quod sequuntur Agnum, quocunque ieris, infert, quod earum animæ sint ubique, cum Agnus quæ sequuntur sit ubique; hoc autem à fortiori debet de Angelis, ergo, &c. Resp. quod

dum Sancti Patres dicunt animas beatas, aut Angelos esse ubique, solum dicitur volum, quod tanta est eorum agilitas, vel dos agilitatis, quod omnimode discurrunt per omnia loca, ut auxilium præstent cunctis ipsis. Deinde agnus secundum humanitatem, non est ubique; benedicentem secundum divinitatem.

118. Secundum argum. quia Angelus est in loco per suam quantitatem virtutis, seu per potentiam operativam; sed hæc est indifferens ad omnem locum, & non operandum in illo; ergo poterit Angelus in omnem locum operari. Resp. concedendo maiorem, & minorem, & negando consequ. Ex illa namque indifferentia solum sequitur, quod possit operari in omni loco diuisiue, non collectivè.

119. Tertium argum. Potest dari Angelus operans in toto orbe; ergo iste erit ubique. Tum quia Angelus non uenit totum coelum; est in illo tantum in loco; ergo etiam poterit dari alius per sectionem, qui sit in toto mundo. Resp. quod dato, quod daretur Angelus qui operaretur in toto mundo, adhuc non esset ubique per se loquendo, sed tantum per accidens. Sic veli daretur tantum vnus homo, & vnus Angelus; & Angelus esset in homine, tunc per accidens esset in omni loco. Resp. 2. quod Angelus saltem secundum potentiam ordinariam nec est, nec esse potest in toto mundo. Nam sic existimandum est hunc mundum corporeum fuisse à Deo conditum, ut solum diuinæ omnipotentie totus subdatur.

D V B I V M V VII.

An Angelus possit esse in minori, & minori loco usque in infinitum, & an in puncto.

120. Prima sent. est, quod Angelus semper debet esse in loco sibi adæquato, & nunquam in minori. Sic Valentia hic disp. 4. q. 3. puncto 3. quæ hinc sententiæ cuiusdam Hiberni teste Gregor. in 2. dist. 2. q. 2. ar. 2. & Basolis ibidem q. 4. ar. 1. Secunda sententiæ est, quod Angelus possit esse in solo puncto. Ita Scotus in 2. dist.

dist. 2. quest. 6. §. ad propositum.

121. Nostra sens. seq. concl. expl. ca-
tur. *Angelus potest esse in minori, & minori
loco, usque in infinitum. & etiam in puncto
solum.* Hæc conclusio est D. Tho. hic art.
2. & in 1. dist. 37. qu. 3. art. 2. quem se-
quuntur eius discipuli hoc loco apud Sal.

122. Ratio fundamentalis est, quia
Angelus est in loco per operationem li-
beram, ergo potest se applicare ad totum
spacium, & ad quam partem maluerit, mi-
norem, & maiorem usque in infinitum, ac
proinde etiam in punctum. Antecedens
est certum, certum namque est operatio-
nem Angeli ad extra esse liberam. Con-
seq. bene sequitur ex antecedenti. Tum
quia ex eo, quod Angelus est in loco per
operationem liberam, ita est in illo ut pos-
sit se abstrahere ab omni loco, ut nullibi
sit; ergo etiam poterit, ut ei placuerit se
applicare minori, & minori loco usque in
infinitum, & esse in solo puncto. Antecedens
constat ex dictis supra. Conseq. probatur,
quia si Angelus liberè potest se
eximere ab omni loco, poterit etiam se
eximere ab ista parte, operando in mino-
ri, & minori, &c.

123. Occurrunt aliqui ex Scoto, quod
licet Angelus possit se eximere à loco, ta-
men ex suppositione, quod velit esse in
loco, debet ei assignari certus, & deter-
minatus terminus versus parvitatem, ac
proinde punctus. Sed contra 1. quia An-
gelus est in loco, & non per commensura-
tionem cum illo, nec per subordinationem
ad illum, quia non est illi obligatus; hoc
namque derogat perfectioni, & immate-
rialitati eiusdem; ergo potest esse in mi-
nori, & minori, & etiam in puncto. 2. Quia
Angelus est substantia immaterialis, &
indivisibilis, ac proinde ordinis elevatio-
nis, ratione cuius dominatur toti loco, ac
subinde partibus eius; ergo licet ratione
huius dominij potest prout libuerit, se ap-
plicare toti loco, ita & parti minori, & mi-
nori, &c. 3. Quia Christus D. in Sacra-
mentis potest esse sub minoribus, & mino-
ribus speciebus, quis est ibi modo eleva-
tio, & non commensuratio ad species; er-
go cum etiam Angelus sit in loco non,

commensuratio ad illum, poterit esse in
minori, & minori, &c. 4. Quia Angelus
non est in loco circumscriptivè, sed defi-
nitivè, ad quod tantum requiritur, quod
non sit commensurativè, & quod ita sit hic,
quod non sit alibi; sed hæc verificatur
etiam quando est in minori, & minori par-
te sui spatij adæquari, ergo, &c. 5. Quia
si Angelus non posset esse in minori par-
te, &c. semper deberet esse in maximo, ac
proinde esset obligatus conditionibus lo-
ci, quod constat esse falsum.

124. Occurrunt alij, quod cum An-
gelus sit in loco per operationem, non po-
test esse in minori, & minori usque in in-
finitum, quia quantitas loci potest esse
adeò paucæ, quod non sit capax trans-
mutationis. Quod à fortiori probatur, quod
non possit Angelus esse in solo puncto,
eum non possit in illud agere, nec moue-
re localiter, ut dicunt communiter Philo-
sophi, & Theologi. Sed contra, quia
quantum ad partem loci, cum quælibet
constet materia, & forma; & inexistat
poti, potest diuersis accidentibus constare,
ac proinde ad illa transmutari. Quoad
illud autem, quod de puncto dicitur, di-
co, quod dato, quod Angelus non posset
agere in solo puncto, quin etiam agat in
aliquam partem loci, poterit tamen im-
mediatè agere in solo puncto, & ratione
illius in partem, ita quod in solo puncto
agat immediatè, immediatione virtutis,
& suppositi, & sic tunc Angelus erit in
puncto tanquam in loco, non in parte
eiusdem loci. Potest autem explicari
exemplo globi perfectè sphericæ, quo-
modo possit Angelus agere in punctum,
& in partem loci. Nam si daretur glo-
bus perfectè sphericus tangeret in solo
puncto planum perfectè tale, & tamen si
caderet super illud, totum moueret. Sic
agens Angelus in puncto, posset & par-
tem loci, & totum locum ratione puncti
mouere. Soluuntur argum. primæ sen-
tentiz.

125. Primum argum. est, quia An-
gelus est in loco ratione præsentis sui sub-
stantiæ, quæ secundum suam perfectio-
nem petit locum adæquatum tantæ vel
tantæ

tantæ extensionis; sed perfectio substantiæ Angelicæ semper est eadem, ergo semper eodem modo est in loco. Resp. negando maiorem, ut enim ex dictis constat, ratio essendi in loco in Angelis, non est substantia, sed operatio libera per quâ liberè se applicat loco.

126 Secundum argum. quia non est in potestate Dei esse in minori, & minori loco: non est in potestate corporis tantæ quantitatis, constituere se in minori loco: & non est in potestate animæ rationalis informare maius, aut minus corpus; ergo neque in potestate Angeli informare minorem, aut minorem locum. Resp. quod Deus facta suppositione mundi, non potest esse in minori, vel in minori parte illius; absolute autem potest, quia potest annihilare partem, & partem. Ex suppositione tamen existentie, non potest, aliàs non depederet, & depederet à Deo. Ad illud de corpore constat, quia est in loco ratione cōmensurationis, ut dictū est. Ad illud de anima rationali patet, quia non est in corpore ut in loco, sed ut forma in materia, quod à libera ipsius voluntate non pendet. Soluuntur arg. secundæ sententiæ.

127 primum argum. est, quia si Angelus potest esse in minori, & minori loco diuissuè vsque in infinitum, sequitur, quod si esset in quadrangulo duorum palmarum latitudinis, & longitudinis, posset etiam esse in quadrangulo quatuor palmarum secundum longitudinem, & vnius secundum latitudinem, & sic in infinitum, ac proinde posset esse in infinito spatio; hoc est falsum; ergo &c. Sequela probatur, quia illa longitudo potest extrahi ex illo quadrato, quod replebat iam Angelus; ergo si antea poterat esse in illo, sic & postea. Tum quia ut asserit Euclides, id quod potest esse in vno duorum æqualium, potest esse in altero, nisi repugnet ob figuram; ergo si Angelus potest esse in toto aliquo quadrato duorum palmarum secundum longitudinem, & latitudinem, etiam poterit esse in quadrangulo quatuor palmarum secundum longitudinem, & vnius secundum latitudinem, & sic deinceps. Resp. negando se-

quelam. Ad 1. probationem dico, quod cum virtus operatiua Angeli sit limitata, non solum secundum latitudinem, verum etiam secundum longitudinem, sequitur, quod licet possit agere in totam illam quantitatem duorum palmarum, secundum longitudinem, & latitudinem, non tamen si extendatur secundum latitudinem si fiat extra sphaeram virtutis actiue Angeli. Ad 2. probationem ex Euclide dicendum loqui de quantis quantitate, molis, non virtutis. Nam quanta quantitate molis possunt crescere ad mensuram quadranguli. Non sic virtus operatiua, ut patet.

128 Secundum argum. quia aliàs Angelus esset virtutis infinitæ; hoc est falsum, ergo &c. Sequela probatur, quia ad essendum in loco minori requiritur aliqua virtus actiua, ad essendum in alio minori, requiritur alia, & sic in infinitum. Tum quia maior efficacia visus requiritur ad videndum obiectum minus; ad videndum aliud minus, maior illa, & sic in infinitum; ergo. Resp. negando sequela ad 1. probationem dico, quod cum quantitas virtutis Angelicæ subijciatur eius libertati, potest Angelus eam applicare quo modo voluerit. Ad 2. dico oculum, non applicare suam virtutem liberè, sed necessariò, vnde nil sequitur contra nos.

D V B I V M VIII.

An Angelus possit esse in pluribus locis simul

129 **N**on procedit dubium de pluralitate locorum ad æquatum, cum certum sit non posse Angelum esse in pluribus locis ad æquatis. Procedit ergo dubium de locis inadæquatis, non quomocunque inadæquatis, sed consideratis in pluribus. Item an possit esse in prædictis locis discontinuis, & etiam discontiguis.

130 Prima sententia est, quod Angelus possit esse in pluribus locis, & pluribus, sic aliqui relati à D. Thoma *in 1. dist. 37. q. 3. art. 2.* Secunda sententia tenet, quod Angelus non possit esse simul in pluribus locis inadæquatis inter se distan-

stantibus nisi sit in locis intermedijs, licet illa loca distantia contineantur intra sphaeram Angelicam. Sic Molina, Bualus, Valsq. Valentia, & alij, hoc loco, post aliquos antiquos.

131 Nostra sententia explicatur duabus concl. Prima conclusio. *Angelus non potest esse in pluribus locis, ut pluribus, sed ut constituens unum locum adequatum.* Sic S. Doctor hic art. 2. & in 1. diff. 37. q. 3. art. 2. & alibi, quem eius discipuli sequuntur hoc loco, quos referunt Salmant. hic dub. 8.

132 Probatur 1. quia proprium est Dei, qui attingit ens, ut ens, ut possit illud attingere ut unum, & ut plura: vñs namque, & plura, sunt propriae affectiones entis, ac proinde attingi debent ab eo, cuius proprium est attingere ens, ut ens; sed Angelus non attingit ens, ut ens, ergo non poterit attingere aliqua ut unum, & plura, ac proinde non poterit attingere plura loca, ut plura.

133 Sed dices ex hac ratione solum colligi, quod creatura non possit respicere uniuersum ens, ut unum & plura in ratione entis, non verò hoc determinatum ens, v.g. locum; cum enim intra latitudinē loci, sit unum, & plura, sequitur, quod qui potest attingere rationem loci, poterit etiā attingere eius pluralitatem. Resp. negando antecedens, respicere namq; plura, ut plura in quocunque ordine, & serie, refundit multipliciter in potentia respiciente; nisi aliunde obstat infinitas, ut in Deo.

134 Probatur 2. quia ideo Deus potest esse simul in pluribus locis, ut pluribus; quia potest simul operari plura ut plura; sed Angelus nō potest simul operari plura ut plura; ergo. Sed dices, quod etiā Angelus potest operari plura, ut plura; ergo non est hoc proprium solius Dei; Antecedens probatur, quia potest Angelus simul operari in duobus corporibus, unum illuminando, aliud localiter mouendo; cum enim in hoc casu sint duae actiones omnino diuersae, operabitur plura, ut plura. Resp. negando antecedens. Ad probationem dico, quod illae duae actiones non

sunt plura ut plura, sed ut unum, ut scilicet sunt rationes existendi in diuersis locis inadaequatis, constituentibus unum adaequatum.

135 Probatur 3. quia vnica virtus, particularis, & finita, ad vnicam tantum operationem, & effectum potest terminari; sed virtus Angelica ad essendum in loco, est huiusmodi; ergo &c. Sed dices 1. quod vnica potentia solum vnicum effectum formaliter, seu specificē debet respicere, non tamen unum solum numero, ergo Angelus poterit respicere plura loca numero, licet non plura specie. Tum quia anima rationalis respicit plures potentias specie distinctas, & plures effectus, nam simul audit, videt, &c. Tum etiam quia illa propositio, *vnica potentia solum vnicum effectum attingere potest*, solum verificatur de potētis naturalibus & ad unum determinatis, non de potētis liberis, quae sunt ad opposita indifferentes. Resp. concedendo antecedens, & negando consequ. nam hoc ipso, quod potentia respiciat plura numero, non respicit plura, ut plura, sed ut constituunt unum. Tum quia habere plures actiones ut plures, arguit infinitatem in potentia operativa. Ad illud, quod de anima rationali dicitur, dicendum, quod anima respicit illos plures effectus per diuersas potentias, de quo nulla est difficultas. Difficultas namque est, an vna, eademq; potentia formaliter, possit respicere simul plures operationes, pluresq; effectus, ut plures. Ad illud, quod de potētis liberis dicitur, dico, quod ex hoc, quod potentia est libera, solum sequitur, quod possit agere, & non agere: agere hoc, vel illud, non quod simul plures ut plures actiones exerceat.

136 Dices 2. quia si haec ratio probaret, conuinceret etiam, quod nec diuina potentia posset respicere plura, ut plura, ac proinde, quod neque Deus posset esse in pluribus locis simul, ergo, &c. Antecedens probatur, quia etiam diuina potentia est vnica, respiciens omnes creaturas sub vnica ratione factibiles. Resp. negando antecedens: diuina namq; omnipot-

nipotentia & est vnica, & respicit creaturas vt vnum sunt, & vt sunt plura, respicit eas vt vnum, secundum quod constituunt vnicam collectionem vt vnam; & secundum quod eas respicit illam collectionem vt coalescentem ex pluribus, respicit eas vt plures. Creaturæ namq; dicunt vnitatem, & dicunt pluralitatem, & secundum vtramque rationem à diuina potentia respiciuntur. Cum enim diuina potentia respiciat creaturas sub vniuersali ratione entis, & sub hac ratione contineatur vnum, tum plura; à diuina potentia, vtrumque respici debet.

137 Dices 3. quia si diuina omnipotentia respiceret vnum, & plura, esset vna, & plures; sicut enim ex hoc, quod intellectus diuinus respiciat practicum, & speculatiuum est practicus, & speculatiuus, ita ex hoc, quod omnipotentia respicit vnum & plura, erit vna, & plures. Resp. negando sequelam; ratio discriminis est, quia practicum, & speculatiuum non repugnant simplicitati, & infinitati diuini intellectus, ac esse vnum, & plura repugnant vt patet.

138 Probatur 4. quia si Angelus posset esse simul in pluribus locis, vt pluribus, posset simul elicere plures operationes, vt plures; sed hoc esse nequit; ergo. Maior constat. Minor probatur, quia arguit infinitatem: si enim Angelus posset elicere duas operationes vt duas, posset etiam elicere quatuor, vt quatuor, & sic in infinitum. Hoc argum. vitur S. Doctor ad probandum, quod substantia creata non possit terminare alienam naturam: nam si posset terminare aliam, posset & aliam, vsque in infinitum.

139 Sed dices, quia à virtute finita possunt produci plures actiones vt plures; ergo etiam ab Angelo. Antecedens probatur 1. quia ab intellectu Angelico procedunt plures intellectiones; nam vna causatur à propria essentia tanquam à specie, aliæ à alijs speciebus inditis; & hæ non possunt non esse plures vt plures, cum causentur à principijs adeo diuersis. 2. Quia etiam à voluntate possunt procedere plures volitiones vt plures, vt cum quis vult occidere clericos, & laicos; nam tunc dantur

diuersa obiecta, & causantur diuersi habitus iniustitiae, & irreligiositatis. 3. Quia ab eadem virtute calefactiua procedunt plures calefactiones, nam quando plura ligna calefactur produciuntur diuersæ actiones identificate cum diuersis passionibus, in diuersis subiectis receptis. Resp. negando antecedens. Ad 1. probationem dico, quod dato, quod Angelus habeat simul diuersas operationes, non tamen erunt plures, vt plures, sed erunt ordinate ad vnum, vt infra ad quæst. 58. dicemus. Ad 2. probationem dicendum, quod illæ duæ volitiones non erunt plures vt plures, sed ad vnum finem formaliter, vel virtualiter ordinabuntur. Ad 3. dico, quod illæ calefactiones sunt quidem multe materialiter quatenus identificantur cum diuersis passionibus, & recipiuntur in diuersis subiectis, formaliter tamen sunt vnæ quatenus sub vna ratione produciunt diuersos calores, & inferunt diuersas passionem.

140 Secunda conclusio. *Potes Angelus esse in pluribus locis inadequatis intra sphaeram suæ actiuitatis contentis, licet non sint contigua, aut continua, ac proinde poterit esse in locis extremis, absque eo, quod sit in intermedijs.* Pro hac concludunt Salmant. D. Tho. Caiet. Bann. Nazari. Ripam, Nauarretem, aliosq; Colligitur ex sacra scriptura; nam Angeli missi in Sodomam exciperunt omnes Sodomitæ, etiam in locis distantibus existentes. Et tempore Ezechie vnus, idemque Angelus occidit simul milites plures Senacherib.

141 Ratio fundamentalis est, quia Angelus est in loco ratione potentie suæ operatiuæ, liberè applicatæ; ergo intra latitudinem sui spatij adequati, poterit illam applicare toti spatio, & tunc erit simul in toto illo; vel solum medietati spatij, & tunc erit in illa medietate; vel poterit illam applicare partibus extremis, absq; eo, quod eam applicet intermedijs; & tunc erit in illis, absq; eo, quod sit in istis. Tum quia, vt supra aduertimus, ex eo, quod Angelus est liberè in spatio adequato, potest ab omni illo se subtrahere, & nullibi esse; ergo etiam quia liberè est in singulis

partibus, poterit se subtrahere ab aliquibus, non se subtrahendo ab alijs, ex eo, quod liberè vult operari in illis, & non in istis.

142 Sed occurret quis, quod licet possit Angelus se liberè applicare loco, ab eoque liberè se subtrahere, tamen ex suppositione, quod vult se loco applicare, debet se applicare loco continuo, vel saltem contiguo; quia loca discontigua, & distantia comparantur respectu loci per modum plurium locorum, ut plurium, ac proinde non poterunt tangi ab vnica potentia finita, & limitata. Verum ut hæc responsio clarius impugnetur, notandum est, quod ex diuersis capitibus desumitur vnitas loci circumscriptiui, & definitiui. Nam ad vnitatem loci circumscriptiui, requiritur, quod constet ex pluribus superficiebus, quæ sint contiguae. Ob hanc rationem baculus cuius medietas est in aere, alia in aqua, dicitur esse in vno, eodemque loco, licet superficies ambientes non sint continuæ, sed tantum contiguae; quia non obstantibus illis superficiebus habet eandem lineam distantie ad polos mundi, & centrum terræ. Coeterum vnitas loci definitiui non desumitur ex continuitate, aut contiguitate loci, siue superficieum, sed ex alia eminentiori, & vniuersaliori ratione, scilicet ex eo, quod illa omnia contineantur intra spheram spatij, ad quod potest se extendere id, quod est in loco definitiue, siue actu se extendat, siue non, modo dicta loca sint talis conditionis, & ita situata, quod possint simul possideri. Cum enim res sit in loco definitiue per operationem, sequitur, quod vnitas loci debeat desumi ab operatione, illiusque spheræ.

143 His positis sic impugnatur dicta solutio, quia ad hoc ut plura loca inadæquata loci definitiui constituent vnum, & eundem locum inadæquatum, sufficit, quod omnia illa simul cadere possint sub vna, eademque potentia operatiua, ac subinde sub vnica operatione adæquata; sed loca contenta intra spheram actiuitatis Angelicæ sunt huiusmodi; ergo, &c. *Tertio* quia ex eo, quod plura loca sunt finis, vnabilia in vnum adæquatum, colli-

gimus esse inadæquata; ergo cum possint simul attingi per vnica operationem, constituent Angelum in illis.

144 Verum ut magis dicta responsio impugnetur notandum est aliud discriminè inter locum circumscriptiuium, & definitiuium. Nam prima ratio essendi in loco circumscriptiue, est superficies ambiens, & circumscribens, ex hac enim resultat vbicatio intrinseca locato, cuius effectus formalis est reddere locatum præsens loco. At esse in loco definitiue oritur tantum ex prima ratione ex quantitate virtutis, & contactu eiusdem. Esse namque in loco definitiue, est esse in loco per modum continentis locum, ratio autem continendi locum est virtus operatiua, & exercitium illius, scilicet operatio. Ex quo sequitur duplex aliud discriminè. Primum, quod superficies ambiens, est mensura rei locatæ circumscriptiue; prima namque forma est mensura, in quocunque ordine, ceterorum. Secundum est, quod id, quod est in loco circumscriptiue debet esse in loco iuxta exigentiâ illius, ac proinde debet se illi temperare, & cōmensurare, & habere continuitatem ex continuitate loci. Verum id, quod est in loco definitiue, non debet esse in eo iuxta modum, & naturam ipsius loci corporei, in quo esset potius locus debet repleri iuxta modum quantitatis virtutis locati, ratione cuius tantum prioris formæ alia mensurantur.

145 Hinc sequens ratio formatur contra dictam responsionem, quia Angelus est in loco definitiue, & ita ut prima mensura illius sit eius operatio, & iuxta modum illius trahitur ipse locus, ut Angelo subiiciatur; ergo poterit Angelus esse in partibus extremis absque eo, quod sit in medijs. Antecedens constat ex dictis. Cōsequens probatur, quia si Angelus non posset esse in partibus extremis absque eo, quod esset in intermedijs, iam dependeret a loco, & non locus ab Angelo, & operatione illius. Vnde sicut ob hanc independentiam potest Angelus esse totus in toto, & totus in qualibet parte; ita ob eandem independentiam poterit esse in quibusvis partibus voluerit, modo sint intra spheram spatij suæ actiuitatis. Con-

146 Confirmatur 1. quia ex hoc, quod Corpus Christi D. est in hostia modo eleuatiore, potest esse in partibus extremis designatis Hostia, absq; eo, quod sit in intermedijs; ergo cum etiam Angelus sit in loco modo eleuatiore, & independenti à loco, poterit esse in partibus extremis, absque eo, quod sit in intermedijs. Confirmatur 2. quia Angelus custos, qui praeficitur alicui Regno, vel Prouinciæ potest exequi omnia quæ pertinent ad bonum talis Regni, vel Prouinciæ, quæ sæpe occurrent in locis distantibus, & discontinuis; ergo, &c. Soluuntur argum. primæ sententiæ.

147 Primum argum. quia si Angelus non posset esse in pluribus locis inadæquatis vt pluribus, maximè, quia hoc argueret infinitatem; sed hoc est falsum, ergo. Minor probatur, quia Corpus Christi D. non est infinitum, & tamen de facto est in pluribus locis vt pluribus, scilicet in cælo, & in Eucharistia, imò est in pluribus hostijs inter se distantibus, vt plures sunt. Resp. concedendo maiorem, & negando minorem. Ad probationem dico, esse peculiarem rationem in Corpore Christi, quia in cælo est ratione suæ quantitatis, in hostia, ratione substantiæ, & sic ratione duarum rationum formalium est in duobus locis. Deinde est in pluribus hostijs ratione plurium consecrationum, non ratione vnius.

148 Secundum argum. quia Angelus potest simul producere plura, & plura; ergo potest simul esse in pluribus locis. Antecedens constat ex illo Exod. 14. vbi vnus, & idem Angelus, qui in columna nubis præcedebat populum Israel, causabat simul lucem, & tenebras. Resp. quod licet illi effectus essent diuersi in esse entis, in esse tamen obiecti adæquati virtutis Angelicæ adunabantur. Imò poterant produci per vnā, & eandem actionem. Soluuntur argum. secundæ sent.

149 Primum argum. Deus nequit esse in locis extremis, & distantibus, quin sit in intermedijs, cum tamen omnia illa sint intra sphaeram actiuitatis Dei; ergo

neque Angelus. Tum quia anima nostra etsi perfectissima in modo informandi, non potest informare partes extremas, absque eo, quod informet in intermedijs; ergo neque Angelus poterit esse in partibus extremis loci, quin sit in intermedijs. Tum etiam quia lumen, licet sit qualitas perfecta, non potest illuminare partes extremas sine intermedijs; ergo neque Angelus, &c. Resp. concedendo antecedens, & negando consequens. Ratio discriminis est, quia modus proprius essendi in loco respectu Dei, est, quod sit vbique. Tum quia loca omnia, hoc ipso, quod sunt in rerum natura, dependent à Deo in esse, & conseruari, ac proinde non potest non esse Deus in illis. Si tamen inter locum, & locum nihil mediret, vt si Deus annihilaret aerem intermedium, inter cælum, & terram; Deus & esset in cælo, & in terra, cum non esset in spatio intermedio. At Angelus non potest esse vbique, nec locus in suo conseruari ab illo dependet, ac proinde potest esse in vna sui spatij parte, absque eo, quod sit in alia. Ad 1. probationem dico esse disparē rationem, quia anima est forma corporis, & constituit vnū per se cum illo, ac proinde non potest vnā partem pro libro informare, alia relicta. Tum quia anima informat corpus per modum causæ naturalis, ac proinde, quantum potest; non sic Angelus. Ad 2. probat. dico, quod lumen est quantum, ac proinde debet commenurari loco, non sic Angelus, vt ex dictis liquet.

150 Secundum argum. quia illa plura loca, si comparentur ad distintos Angelos habent rationem plurium per distantiam quam habent inter se, licet sint inadæquata respectu vniuscuiusque illorum; ergo etiam respectu eiusdem. Angeli erunt plura, cum retineant eandem rationem pluralitatis. Tum quia, data sententia, quod Deus possit collocare idem corpus in duobus, & pluribus locis; tunc illa loca erunt plura, & non ob aliam rationem, nisi quia sunt discontinua, & distantia inter se; sed in nostro

casu illa loca sunt discontinua, & distantia inter se; ergo sunt plura, vt plura. Resp. concedendo antecedens, quod scilicet illa loca respectu diuersorum Angelorum, sint plura, & hoc non propter solam distantiam, & discontinuitatem, sed quia operationes per quas in illis collocantur, non possunt habere rationem vnus, cum procedant à diuersis virtutibus Angelorum, deinde negatur consequentia hæc ratio cessat respectu eiusdem Angeli qui per eandem virtutem operatur. Ad probationem patet ex dictis, quia data illa sententia idem corpus in pluribus locis finiretur æque ac in vno, quod tamen implicat.

151 Tertium argum. quia aliàs Angelus haberet simul duplicem præsentiam respectu illorum locorum, eamque solo numero distinctam; hoc dici nequit; ergo. Maior probatur, siquidem dictæ præsentia, non possent identificari, cum respiciant plura loca discontinua; ergo essent duæ. Resp. negando maiorem; nam si Angelus ab initio simul se collocet in illo duplici loco, cum hoc faciat per vnicam actionem extendentem se ad vtrumque locum: tunc cum sit vnica actio per quam ad vtrumque locum extenditur; vnica erit præsentia. Quod si prius vnum; postea alium acquirat distantem, tunc cessat actio qua erat in primo loco, & datur alia qua extenditur ad vtrumque, ac proinde etiam tunc erit vnica præsentia per vnicam actionem.

152 Quartum argum. quia Angelus non potest poni in duplici loco per motum discretum, quia per hunc deferitur terminus à quo, ac proinde primus locus. Nec per motum continuum, ob eandem rationem; ergo nullo modo. Resp. concedendo antecedens, & negando consequentiam, nam datur alius modus, scilicet per mutationem quandam, quæ reducitur ad modum discretum, per quam mobile extendi potest ad aliam partem extremam. Vnde illa mutatio potius vocari debet extensio prioris locationis, quam nouus motus.

153 Quintum argum. quia seque-

tur, quod si sphaera Angeli esset vnus leuæ, posset ille Angelus esse Romæ, & Mediolani, & in alio loco remotissimo, vt si Romæ sit in vna parte leuæ, Mediolani in alia parte, & in alia parte remotissima; in alia, &c. modo nunquam excedat leuam; hoc dici nequit; ergo. Sequela probatur, quia si distantia inter vnam partem, & aliam non impedit quominus non sit in illis, absque eo, quod sit in intermedijs, neque impedit maior, & minor distantia, modo partes simul sumptæ non excedant leuam. Resp. negando sequelam, quia sphaera adiuuitatis in Angelis mensuranda est vt sit vna leuæ continua, in cuius extremitatibus potest Angelus se collocare, absque eo, quod se collocet in intermedijs. Nam debent illæ partes leuæ esse tales, vt possit, si velit in toto spatio simul se collocare.

D V B I U M IX.

An plures Angeli possint esse in eodem loco.

154 **N**on procedit titulus solum de potentia ordinaria, verum etiam de absoluta. Pro quo nota, quod plures Angeli sint in eodem loco. 1. ex eo, quod ibidem operentur vnum, eundemque effectum totalem, per modum v. g. duarum causarum totalium principalium, & eiusdem ordinis particularis. 2. Ex eo, quod producant in eodem corpore, in eademque parte illius plures simul effectus, specie diuersos per modum duarum causarum totalium eiusdem ordinis particularis. 3. Ex eo, quod sint causæ principales, sed partiales. 4. Ex eo, quod sint causæ instrumentales, attingentes eundem effectum in eodem corpore, siue loco. 5. Ex eo, quod vnus sit ibidem actiue, alter passiuè. 6. Ex eo, quod ambo sint in eodem loco passiuè vt in eodem igne, per alligationem, de quibus erunt sequentes conclusiones.

155 Prima concl. *Implicat contradictionem, quod plures Angeli sint simul in eodem loco; etiam materiali per hoc, quod ibi*

De comparat. Angelorum ad corpora. 773

ibi producant eundem effectum per modum duarum causarum principalium totalium, & eiusdem ordinis particularis. Sic S. Doctor hic articulo 3. & in 1. dist. 37. q. 3. art. & tradunt eius discipuli, quatenus dicunt, non posse vnum, & eundem effectum, procedere à duplici causa totali eiusdem ordinis, etiam de potentia Dei absoluta.

156 Probatur 1. quia implicat vnum, & eundem effectum prodire à duabus causis totalibus principalibus, & eiusdem ordinis particularis, ergo etiam implicabit, quod plures Angeli sint simul in eodem loco, ex eo, quod in eo producant vnum, eundemque effectum. Consequenter nota est. Antecedens probatur, quia aliàs ille effectus penderet, & non penderet à duplici illa causa totali. Penderet, vt supponitur, cum ab vtraque habeat esse. Non penderet ab vtraque, quia posset ab vna solum fieri, vt patet. Tum quia in causis materialibus, & formalibus implicat eundem effectum procedere simul à duplici forma, vel materia; ergo etiam hoc implicabit in causis efficientibus. Antecedens probatur in Physicis.

157 Imò hoc implicat etiam per ordinem ad diuinam omnipotentiam, quod plures Angeli producant vnum, eundemque effectum per modum duarum causarum totalium etiam diuersi ordinis, & subordinatarum, eo proportionali modo, quo Deus, & Angelus sunt in vno, eodemque loco, ex eo, quod per modum duarum causarum diuersi ordinis attingunt eundem effectum per vnicam actionem. Ratio est, quia implicat, quod eadem numero actio, quæ est ab isto Angelo, sit ab alio, præterquam à Deo; nam illa operatio per quam Angelus est in loco, est actio intellectus, & voluntatis, istæ autem actiones à solo Deo produci possunt.

158 Probatur 2. quia si duo Angeli essent causæ totales eiusdem effectus, actiones illorum se mutuo impedirent, & non se mutuo impedirent; hoc implicat; ergo. Sequela probatur, nam non se mutuo impedirent, vt supponitur; se mutuo impedirent; quia actio totalis, & eiusdem

ordinis, non admittit confortium alterius, aliàs non esset totalis. Tum quia illæ duæ actiones confunderentur, & non confunderentur; ergo.

159 Sed obijcies, quia si vnus Angelus ignoret quid alius velit facere, non est inconueniens, quod applicet suam virtutem ad operandum in aliquo loco; item quod alius ex eadem ignorantia applicet simul suam virtutem eidem loco, absque eo, quod vnus impediatur alterum. In tali namque casu vnus non impediret alium, quia operaretur debilitando eius virtutem, ex eo, quod nihil cogitet de alio; neque ex eo quod producat in loco aliquam qualitatem per quam reddatur incapax operationis alterius, quia non intendit producere hanc qualitatem impeditiuam; sed solum producere hunc effectum v. g. motum lapidis; ergo non se mutuo impedient. Tum quia vnus Angelus in hoc casu non intendit impedire alium, cum de hoc non cogitet; ergo de facto non impedit. Consequenter probatur, quia cum Angelus operetur per suam voluntatem, id tantum impedit, quod per eandem voluntatem impedire intendit. Tum etiam quia illi duo Angeli non se impediunt in eodem instanti in quo circa locum operantur, aliàs operarentur simul erga illud, producendo eundem effectum. Neque in instanti præcedenti, quia non operantur. Neque in sequenti, quia iam effectus supponitur productus; ergo.

160 Resp. quod in dato casu vnus Angelus impediret alium; nam eò ipso, quod se applicuit vt operetur per modum causæ totalis, iam vult nullum alium operari circa eundem locum. Ad 1. probationem dico, verum esse antecedens de intentione expressa, & formali, non tamen de implicita, & virtuali; qui enim intendit aliquem effectum, intendit virtualiter quicquid requiritur ad positionem illius. Ad 2. probationem dicendum quod vnus Angelus impedit alium in eodem instanti in quo se applicat ad operandum; quod si simul se applicent in eodem instanti, fortior impedit alium; & si sint æqualis virtutis, nullus sequetur effectus.

Se-

161 Secunda concl. *Possunt esse plures Angeli in eodem loco, ex eo, quod in eo producant diuersos effectus secundum speciem, per modum causarum principalium eiusdem ordinis. Bene uerum est, quod tunc dicti Angeli non erunt in eodem loco formaliter, sed materialiter tantum.* Conclusio nem hanc docet S. Doctor art. 3. *huius q. & in 1. dist. 37. q. 3. art. 5.* quem sequuntur Salmant. post eius discipulos. Vnde potest in corpore in quo est anima, esse Angelus, quia inibi sunt secundum diuersas rationes formales. Quod plures Angeli possint esse simul in eodem loco, constat, quia Angeli sunt in loco per operationem; sed possunt plures Angeli causare in eodem loco plures operationes; ergo. Maior constat ex dictis supra. Minor probatur, quia potest vnus Angelus causare motum, & alter lucem. Quod autem non sint in eodem loco formali, sed tantum materiali, probatur, quia tunc Angeli sunt in eodem loco formali, quando sunt in eo per eandem rationem formalem seu per actionem eiusdem rationis, sed in hoc casu non sunt, ergo.

162 Sed obijcies 1. Angeli non possunt esse plures in eodem loco producendo vnum, & eundem effectum, per actiones totales, eiusdem ordinis, & speciei; ergo neque producendo diuersos effectus v.g. motum, & lumen. Antecedens constat. Conseq. probatur, quia licet tunc temporis illi effectus sint diuersi in esse rei, & materialiter, tamen formaliter, ratione connotationis eiusdem virtutis, scilicet potentie operatiue, sunt eiusdem speciei. Nam tametsi illae actiones in esse rei distinguantur specie materiali, tamen formaliter sunt vnum, cum conueniant in hoc, quod vniant Angelum cum loco. Vnde quando Angelus successiue producit in diuersis partibus loci diuersos specie effectus, non discontinuat locum; quia licet illae operationes, & effectus in esse rei sint diuersae speciei, non tamen formaliter, cum conueniant in vna ratione operationis essendi in loco. Resp. concedendo antecedens, & negando conseq.

Ad probationem dico, quod plura accidentia solo numero distincta possunt esse in eodem subiecto materiali, modo subiectum formale quo, sit diuersum. Vnde licet motus alterationis, augmentationis, & localis, sint tria tempora, seu durationes solo numero diuersae, in ratione durationis, tamen quia habent diuersa subiecta quo, possunt esse simul in eodem homine. Patet autem, quod quando plures Angeli producant in eodem loco plures effectus, per plures actiones, quod tunc sint plura, & diuersa specie subiecta quo formaliter, licet possint conuenire in ratione generica essendi in loco.

163 Obijcies 2. quia tunc locus est vnus, & idem formaliter, quando est eadem distantia ad polos mundi, & centrum terrae, sed quando plures Angeli agunt etiam diuersis actionibus in eodem loco, manet eadem distantia ad polos mundi, & centrum terrae, ergo agunt in eodem loco formaliter, & non materialiter tantum; non enim possunt dicti Angeli esse simul, quocunque modo agant, nisi maneant eadem distantia. Tum quia aliud est loqui de ratione formali essendi in loco, aliud de loco ipso, ergo licet multiplicentur in Angelis operationes, seu rationes formales essendi in loco, non tamen multiplicatur locus ipse cum agant in eodem loco sub eadem distantia, &c. Tum etiam quia si Angelus produceret plures effectus specie diuersos in eadem parte successiue, adhuc diceretur esse in eodem loco, quia licet variaretur ratio essendi in loco, non tamen ipse locus; ergo eadem ratione, licet quando Angeli agunt pluribus actionibus, specie distinctis in eodem loco varientur rationes formales, non tamen variatur locus. Tum denique quia si egresso vno Angelo ab hoc corpore, & loco, si iuraretur alius loco illius qui eundem effectum produceret, diceretur succedere formaliter alteri; ergo pariformiter quando duo producant effectum specie diuersum, dicentur esse in eodem loco formaliter.

164 Resp. concedendo maiorem si intelligatur de loco circumscriptiuo, quia iste

iste à distantia defumitur; & negando si intelligatur de loco definitio, quia iste, ut dictum est, non à distantia, sed ab operatione defumitur. Ad 1. probationem dico, quod multiplicatis operationibus, multiplicantur loca definitiua, non circumscriptiua. Ad 2. probationem conceditur antecedens, & negatur consequens. Ratio discriminis est, quia vnus, & idem Angelus successiue operans in eodem corpore, seu loco, est in illo per eandem virtutem, seu quantitatem virtutis, & licet operationes essent diuersæ, essent tamen vnum vnitatem successiouis; at plures Angeli simul ibidem operantes, modo dicto, nec operantur per eandem quantitatem virtutis, nec vnitatem successiouis, ut patet; ergo, &c.

165 Tertia concl. *Possunt plures Angeli esse in eodem loco, si agans in illo pluribus actionibus partialibus. Bene verum est, quod tunc non erunt in eodem loco simpliciter, sed secundum quid, & non formaliter, sed tantum materialiter.* Sic tradunt Salmant. post D. Thomam, & Thomistas. Prima pars constat, quia plures Angeli possunt operari in eodem loco per modum plurium causarum partialium, nam potest vnus producere substantiam motus localis, & alius aliquam illius velocitatem.

166 Secunda pars probatur, quia locus partialis, ut talis, non est locus simpliciter, sed secundum quid; ergo esse in illo, erit esse in eo secundum quid, & non simpliciter. Tum quia actio partialis non est actio simpliciter, sed cum addito, & secundum quid; ergo esse in loco per actionem partialem; erit esse in eo cum addito, & secundum quid, esse, namque in loco definitiue, est esse per operationem; ac proinde qualis erit operatio; talis erit locus. Hæc magis confirmabuntur si noceant sequentia discrimina.

167 Primum discrimen, quod intercedit inter Angelum, qui liberè se constituit in media parte leuæ, cum posset in tota operari, & inter eundem Angelum qui per modum causæ principalis, & partialis ope-

ratur in eodem loco, admittendo alium in eodem loco, & eodem modo operantem est. Quia Angelus operans primo modo, scilicet in media parte leuæ, licet non eliciat totam actionem adæquatam, elicit tamen actionem simpliciter, quia, non desideratur ad sui consistentiam, & modum essendi, quod eliciatur simul ab eodem Angelo, vel ab altero alia actio partialis; sed potest prædicta actio se sola consistere, & inueniri. Coeterum quando uterque Angelus concurrat per modum causæ partialis, ut vnus producat v.g. motum localem, & alter velocitatem, tunc illæ actiones sic temperatæ ita se habent, quod vna indigeat consortio alterius, ac proinde non erunt tales simpliciter, sed cum addito, & secundum quid.

168 Secundum discrimen est, quia dum Angelus potens existere, & operari in tota leuca, operatur in sola medietate illius, tunc si vult se constituere in altera medietate, non est necesse ut eliciat actionem principalem, quæ coniuncta cum præcedenti constituat vnam totalem, sed tunc cessat illa prior, & elicit aliam per quam simul operatur in tota leuca; ex quo colligitur, quod licet illa prior actio non fuerit totalis respectu totius leuæ, fuit tamen simpliciter totalis, non exigens consortio alterius ad sui consistentiam. Verum quando Angeli per modum causæ partialis sunt in eodem loco requiritur consistentia concursus ab utroque Angelo, tanquam à duabus causis partialibus; nec per aduentum posterioris, destruitur prior, sed potius perficitur, & fit potens, ut simul cum posteriori attingat effectum, quem se sola attingere non poterat.

169 Sed obieciēs 1. quia ut tradit S. Doctor hic, Angelus solum est in loco per modum motoris, & continentis perfecti respectu loci; ergo non potest esse in loco partiali. Resp. S. Doctorem loqui de pluribus Angelis, qui sint simpliciter in loco per modum causarum totalium, & de his dicit non posse esse simul in eodem loco.

170 Obieciēs 2. quia operatio partialis

tialis sufficit ad constituendum Angelum simpliciter in loco; ergo Angeli partialiter operantes in loco, sunt simpliciter in illo. Antecedens probatur, quia hoc ipso, quod prædicta operatio procedat ab illis Angelis immediatè, immediatione virtutis, & suppositi, non possunt non esse præsentès eidem loco, cum sint illi immediati secundum suam substantiam. Resp. negando antecedens. Ad probationem dico, quod ad hoc ut Angelus sit in loco simpliciter, non sufficit, quod eius substantia sit præsens loco, ut illi immediata, sed ulterius requiritur, quod ratio illius præsentis, & præsentia ipsa sint talia simpliciter, & non solum cum addito, & secundum quid; in nostro autem casu dicta ratio præsentis est solum talis secundum quid, ut ex dictis constat.

171 Pro coronide huius conclusionis obserua duo: vnum, quod quando dicimus dictas actiones esse parciales, non est sensus, quod sint formaliter parciales, componentes vnam totalem formaliter; nam cum sint formaliter immanentes, & solum virtualiter transeuntes, solum virtualiter possunt esse parciales. Alterum, quod licet circa miraculum possint Angeli esse in eodem loco partialiter, tamen Angeli boni non nisi ex rationabili causa produciunt eundem effectum partialiter, quem vnus solum produci potest, ut cum plures Angeli perduxerunt animam Lazari in sinum Abraham: animam gloriosæ, semperque Virginis in cælum: & cum plures ob reuerentiam humanitatis Christi D. illi ministrabant. Verum dæmones parum decenter eorum naturæ absque causa, plures, & confusè sunt in eodem loco: in eodem corpore; in eadem parte corporis, ut sub eodem digito, vngue, &c.

172 Vltima concl. *Possunt plures Angeli esse in eodem loco agendo in illo tantum instrumenta, & operando in eo immediatè immediatione virtutis, & suppositi; ille tamen locus erit materialis, & secundum quid. Item possunt plures Angeli esse in eodem loco materiali, sed vnus per actionem, alius per passionem, seu alligatio-*

nem. Hanc conclusionem admittunt omnes D. Thomæ discipuli. Quod possint plures Angeli esse in eodem loco instrumentaliter, patet, quia Deus potest plures assumere ad agendum in eodem loco. Quod etiam possit vnus esse in loco actiue, & alius passiuè per alligationem, constat ex dictis; imò possunt plures esse passiuè in eodem loco; possunt namque plures alligari, & detineri virtute diuina ab vno, eodemque loco.

173 Sed obieciēs 1. quia si plures Angeli possunt simul instrumentaliter producere eundem effectum in eodem loco, redderetur infirma ratio supra dicta, quod idem effectus non potest simul produci à duabus causis totalibus eiusdem ordinis; nam ille effectus penderet per se ab illis instrumentis, si quidem totus produci posset ab vno; & non penderet, quia posset produci ab alio. Resp. negando sequelam, quia effectus non pendet simpliciter à causa instrumentaliter, sed solum secundum quid. Non inueniunt autem quod secundum quid idem effectus procedat à pluribus causis.

174 Obieciēs 2. quia operari immediatè immediatione virtutis, & suppositi per modum causæ instrumentalis, non inducit immediatè præsentiam substantiæ, & causæ operantis in illam; ergo malè dictum est posse hoc modo plures Angelos esse in eodem loco. Antecedens probatur, nam Sacerdos consecrans hostiam aliquantulum distans operatur per actionem instrumentariam immediatè, immediatione virtutis, ut patet, & etiam suppositi, quia nullum mediat suppositum in quod operetur; ergo. Resp. quod ad hoc ut Angelus sit in loco non sufficit, quod operetur immediatè immediatione virtutis, & suppositi in quantum quod nec alia virtus, nec aliud suppositum mediet actu, sed quod neque mediare possit, ut ex dictis supra constat.

D V B I V M X.

*An Angelus possit esse sanquam in loco in
essentia alterius Angeli, aut anima
rationalis.*

175 **C**ommunis, & vera sententia, sequenti concl. explicatur. *Angelus sua naturali virtute non potest esse in essentia alterius Angeli, aut anima rationalis sanquam in loco.* Hanc concl. docent omnes Theologi, & Sancti Patres, dum docent, quod solus Deus potest illabi animæ. Nam Angelum illabi in aliquam rem, est esse intra essentiam, seu substantiam illius rei est esse intra terminos eiusdem rei; est descendere ad intima eiusdem rei operando aliquid in illa. Patet autem Angelum nil posse operari in essentia alterius Angeli, nec animæ rationalis. Pro quo nota, duos esse rerum creatarum præcipuos terminos. Vnum proprium corpus, & est superficies qua circumdantur, & terminantur. Alterum substantiarum spiritualium, & dicitur negationem alterius termini prædictam substantiam terminantis, & hoc nihil aliud est, quam esse existentie ipsius: iste tamen terminus est etiam communis rebus corporeis. His positis.

176 Ratio fundamentalis est, quia vnus Angelus non potest operari intra terminos substantiæ, & essentiae alterius Angeli, aut animæ rationalis saltem proprijs viribus; ergo non potest esse in illis tanquam in loco. Conseq. constat ex dictis. Antecedens probatur, quia terminus essentiae Angeli, & animæ rationalis, est existentia; & id, quod est intra hunc terminum, est essentia; sed Angelus nō potest producere essentiam alterius, aut animæ rationalis; ergo &c. Tum quia id, quod operatur in corpore, dum est in illo tanquam in loco, debet esse terminatum terminis corporis; ergo etiam id, quod operatur in alio, Angelo, aut anima rationali, debet esse intra terminum illius, quod aliud esse nequit nisi essentia, quam Angelus operari nequit. Tum etiam quia eodem modo Angelus debet

esse in loco corporeo, ac in spiritali; sed in loco corporeo non est, nisi operando aliquid intra terminos illius; ergo neque erit in loco spiritali nisi operando intra terminos eiusdem.

177 Ex quibus inferitur neque posse Angelum esse in essentia, vt sic dicamus, intellectus, aut voluntatis alterius, aut animæ rationalis. Tum quia illaberetur intrinsecē in dictis potentijs, quod soli Deo conceditur. Tum etiam quia rationes factæ æquē probant de essentia, substantiali Angeli, ac de essentia accidentali, intellectus, & voluntatis, vt intuitu patebit, & tradit S. Doctor in 2. dist. 8. q. vnic. art. 5. in corpore, & ad 3.

178 Obijcies 1. quia secundum scripturam potest Angelus suis viribus relictus esse in anima rationali, vt in loco; ergo etiam in alio Angelo. Antecedens probatur ex illo Ioan. 13. *Post bucellam introiuit in eum Satanas*; sed non introiuit in corpus Iudæ; ergo in animam. Resp. quod diabolus introiuit in animam Iudæ per suum effectum, scilicet peccatum, ad quod seductus fuit; & etiam per effectum malitiæ, vt obseruat S. Doctor ibid. lect. 4. Nec valet dicere non posse hæc saluari cum eo, quod ante ibidem dicitur, scilicet. *Cum diabolus iam misisset in cor, vt traderet eum, &c.* Vnde prius dicitur, quod diabolus misisset; postea dicitur *intrauit*, quod discernit saluari non potest, nisi per *intrare* intelligatur intrare substantialiter. Resp. quod per *ly misere*, intelligitur suggestio. Et per *ly intrare* perfectus consensus.

179 Obijcies 2. quia Angelus potest naturaliter immediate operari in alio Angelo, & etiam in anima rationali; ergo potest esse in illis tanquam in loco. Antecedens probatur, nam Angelus illuminat intellectum alterius inferioris, & etiā nostrum per inspirationes, &c. Sed hæc illuminatio fieri nequit sine reali, & immediata operatione, ergo. Quocirca dicit S. Pater Aug. 1. de ciuit. cap. 16. quod Angeli operantur in nostras intelligentias mitis quibusdam modis. Et S. Thomas in 2. dist. 8. q. 1. art. 5. ad 6. & 7. asserit,

F f f f

rit, quod Angeli boni etiam directe aliquid in intellectum imprimere possunt. Resp. negando antecedens. Ad probationem dico, quod ut ex infra dicendis constabit, ad hoc ut Angelus alium illuminet, non est necesse, quod aliquid in eum operetur. Deinde dato, quod aliquid produceret non adhuc diceretur ibi esse ut in loco, cum nihil operaretur intra terminum intellectus, sed solum produceret ibi aliquid accidens inhærens, & quasi circumstans. Ad illud, quod ex D. Aug. & D. Thoma additur, dico non oqui de operatione immediata Angeli in intellectum nostrum virtute naturali, sed vel virtute diuina, vel loquuntur de operatione mediata circa intellectum, & immediata circa phantasiam.

180 Obijcies 3. quia Angelus mouet localiter animam rationalem; ergo est in ea tanquam in loco. Antecedens constat ex illo Luc. 16. quod Angeli pos-

tauerunt animam Lazari pauperis in Genum Abrahæ. Consequenter probatur, quia Angelus est tanquam in loco in re, quam localiter mouet. Resp. negando antecedens virtute naturali. Dicuntur autem Angeli deferre animas, quia illis affiunt: & boni eam muniant, & præsto sunt contra dæmones.

181 Obijcies 4. quia ut docet S. Doctor 4. contr. gent. cap. 90. per Necromantiam dæmones superiores, vel potestate dæmonum superiorum alligantur inferiores anulis, imaginibus, &c. sed hoc fieri nequit nisi superiores aliquid operentur in inferioribus; ergo. Resp. concedendo maiorem, & negando minorem, quia illa alligatio fit per imperium moraliter ethicæ, ob naturalem subordinationem inferioris ad superiorem, addita iniquæ voluntatis conspersione, in procuranda hominum perniciæ.

DISPUTATIO XLIII.

IN QVAEST. LIII. D. THOMAE.

De motu locali Angelorum.

I AEC q. D. Thomæ habet tres art. in 1. articulo inquit, an Angelus possit moueri localiter: & responderet affirmatiue: modum autem mouendi dicit habere proportionari modo existendi in loco; nam sicut Angelus est in loco per contactum virtutis, ita mouetur per contactum diuersum suæ virtutis ad loca: unde non habent diuisibilitatem ex parte Angeli, sed ex parte locorum, quæ tangit, qui contactus si sint continui ex parte locorum dicitur continuo moueri in loco, si verò sint discreti, ita ut totus locus simul deferatur, & alius acquiratur, motus di-

cetur discretus. In 2. art. inquit, an Angelus moueatur transiendo per medium. Et responderet, quod si mouetur motu continuo, impossibile est, quod transeat ad extremum nisi per medium: si verò mouetur motu discreto, potest moueri de vno ad aliud, non transiendo per medium, quia loci legibus non alligatur, cum Angelus non contineatur à loco, sed potius contineat locum. In 3. articulo querit, an motus Angeli sit in instanti. Et responderet negatiue, siue moueatur motu discreto, siue continuo, eo quod in vno nunc, seu in vno instanti, non possit esse motus, si toto tempore ante mobile quieuit, sed oportet, quod nunc aliter se habeat, quam ante: si verò mouetur.

vetur. Vbi autem sunt plura nunc, est tempus siue discretum, si illa plura instantia non continentur partibus intermedijs; siue continuum; si continentur, ac proinde nullus motus Angeli est instanti. Verum ut hæc plenius habeantur, sit.

D V B I V M I.

An Angelus possit moueri localiter.

2 **P**rima sententia est, quod Angelus non possit moueri localiter, ex eo, quod eius substantia successiue desinat esse præsens vni loco, & successiue sit præsens alteri; sed quia sine hac præsentia successiue, est causa motus, aut alicuius effectus in diuersis locis. Sic Herueus in tract. de motu Angeli, ex eo, patet, quod Angelus secundum suam substantiam non sit in loco. Eandem sententiam tuetur Durand. in 1. dist. 37. in 2. p. dist. ex eo, quia putat Angelum esse vbique, ut supra vidimus.

3 Nostra sententia seq. conclusione explicatur *Angelus verè, & realiter potest localiter moueri.* Sic D. Thomas hic art. 1. & tradunt omnes Sancti Patres, & tradunt omnes Theologi exceptis istis duobus pro prima sent. relatis. Colligitur aperte ex sacra scriptura; nam Gen. 18. referuntur Angeli ascendere, & descendere per scalam. Ioan. 5. refertur Angelus descendens in piscinam. Luc. 8. referuntur demones ingredienti porcos, relinquendo humanum corpus. Luc. 10. refertur Sathan cadens de celo. Idem dicitur Apocal. 12. & alibi.

4 Ratio fundamentalis est, quia anima beata verè, & absolute potest moueri localiter, ergo etiam Angelus beatus, ac subinde quilibet alius. Conseq. constat, Antecedens probatur ex articulo fidei, quo docemur Christum D. secundum animam descendisse ad inferos. Nec valet dicere cum Durando animam Christi D. descendisse ad inferos non secundum suam realem substantiam, sed

secundum duplicem effectum, communicandi scilicet gloriam, & illuminandi animas Sanctorum Patrum, quæ erant in limbo; sicut de Verbo diuino dicitur descendisse de celo dum carnem assumpsit. Et de Spiritu Sancto dicitur, quod descendit super Christum in forma columbæ; cum tamen nec Verbum, nec Spiritus S. possint descendere; cum sint vbique; sed solum dicuntur descendere quoad effectus denuò productos. Resp. quod verba sacra scripturæ debent intelligi in proprio sensu nisi sequatur aliquod absurdum, quod ex descensu animæ non sequitur, sicut sequeretur ex descensu Verbi, & Spiritus S. nam illa non est vbique, bene tamen Verbum, & Spiritus S.

5 Nec etiam valet respondere cum alijs, quod ex descensu animæ Christi D. non bene colligitur, quod Angelus possit localiter moueri; quia descensus illæ animæ Christi, non fuit verus motus localis, quia non fuit à loco in locum, quia peractus fuit instanti. In quo verum, fuit dicere: nonne Christus non est, seu mortuus est, in inferis est; desinit namque anima Christi esse in corpore, & in eodem instanti capit esse in inferis. Sicut in instanti quo iustus moritur, eius anima est in purgatorio si habeat aliquid expiandum, vel in celo, si nihil habeat. Tū quia descensus animæ Christi non fuit à loco per se, ad alium locum; quia anima Christi ante illum descensum non erat in loco per se, sed per accidens ratione corporis. Resp. quod re vera ille descensus licet fuerit propriè descensus, non tamen fuit propriè motus localis. Quia ad descensum propriè, sufficit, quod descendens prius fuerit in loco superiori saltem, per accidens. At ad motum localem requiritur quod prius fuerit in loco per se. Negandum ramen non sequi, quod hinc colligatur Angelum non moueri localiter, quia ille descensus, quod anima non esset prius in loco per se, potest cessare in Angelo, quod etiam de anima diceretur si prius in loco per se supponeretur.

780 Disputatio XLIII. Dubium II.

6 Nec tandem obest si iterum respondendas, quod licet probabile sit quod anima beata possit moveri localiter, non tamen alia, ac proinde solum sequetur, quod Angeli beati possint moveri secundum locum. Nam ad hoc dicitur, quod si anima beata potest moveri localiter, etiam quilibet Angelus poterit sic moveri, cum in linea intellectui sit perfectus, & completus.

7 Sed quæres, an quando Angelus movetur localiter, ille motus sit propriè talis. Resp. negativè, sed tantum æquivocè, metaphoricè & abusive. Sic D. Thomas art. 1. nam motus sequitur locum; sed Angelus est solum in loco modo dicto; ergo. Et isto modo intelligi debent scriptura, & Patres. Solvuntur argum. in contrarium.

8 Primum argum. desumunt ex D. Augusti. lib. 8. de Gen. ad litteram cap. 20. ubi dicit, quod creatura spiritalis, tantum potest mutari per tempora, at corporalis, per tempora, & loca. Resp. mentem sanctissimi Patris tantum esse, quod creatura spiritalis tantum mutari possit per tempora, scilicet per commensurationem ad tempus, non quidem nostrum, sed proprium Angelorum. At creatura corporalis mutatur per tempora, & loca, quia utriusque commensuratur.

9 Secundum argum., quia motus localis est actus existentis in potentia, ergo non potest convenire loco. Antecedens constat. Consequ. probatur, quia Angelus non potest moveri ob sui indigentiam, sed ob indigentiam aliorum, ergo non potest sibi convenire motus, qui est ob indigentiam; aliàs non esset actus existentis in potentia. Resp. quod motus Angelici cuiuslibet per actus intellectus, non potest esse actus existentis in potentia, sed in actu, ac proinde est actus perfectus. Illa autem definitio competit motui proprie dicto, qui sequitur quantitatem formalem, ut patet. Unde verum est, quod Angelus non movetur ob indigentiam, quatenus denotatur, quod non perficiatur a loco, et accedit in corporibus. Potest tamen perfici ex nova aqualitate, quia

applicat suam virtutem ad operandum.

10 Tertium argum., quia motus localis non potest esse sine termino, formaliter à motu distincto, scilicet ubi; sed Angelus non acquirit ubi, ut supra vidimus; ergo. Resp. maiorem esse veram, de motu locali corporum, non de motu æquivocè tali, qui in recto est actio immanens, & solum virtualiter transiens, non exigens intrinsecè terminum, quia illa actio est forma eminens, æquivalens fieri, & factio esse. Bene verum est, quod licet illa actio non habeat terminum intrinsecum exiguum; habet tamen aliquem terminum, scilicet vnicionem corporis ad se, & hoc non secundum quod est operatio, sed secundum quod est exercitium virtutis locatiæ.

DVBIVM II.

Quid sit motus localis Angeli.

11 **D**upliciter Angelus moveri potest, vel motu perfecte, vel motu per euidens. Tunc movetur per se localiter, quando ratione sui moveatur de uno in alium locum. Tunc movetur per accedens; quando movetur ad motum aliquis corporis in quo est, ut cum movetur ad motum anuli in quo daemon alligatur, & de utroque motu est dubium. De quo prima sententia est, quod motus Angeli non consistit in diversis contrariis virtutis, quibus successivè, sine quiete intermedia, contingit discurrere loca. Sic Molina, Suarez, Vasquez, Buhalus, & alii hoc loco.

12 Secunda sententia est Vasquez, qui licet teneat cum præcedenti in hoc, quod dictus motus non consistat in diversis contrariis, addit tamen modum peculiarem defendenti illam, quod facit tribus sequi propositionibus. Prima est, quod ad hoc, ut Angelus sit in loco dupliciter mutatio requiritur: una, quæ vniatur corpori existentem in loco; alia, quæ acquirit novam distantiam à polis mundi; ita quod hæc distantia sit intersecè in corpore existente in loco; & per extrinsecam denominationem in Angelo. Secunda, quod

quod motus localis Angelorum non consistit in prima ex his mutationibus. Tertia quod consistit in secunda.

13 Tertia sententia docet Angelum existentem in aliquo corpore, vt in loco, non moueri localiter ad motum illius per accidens. Sic Scotus in 4. dist. 10. qu. 6. & alij.

14 Nostra sententia sequentib. conclus. explicatur. *Motus localis Angeli quo per se mouetur sunt diuersi contactus quantitatis virtutis, quibus sine quiete intermedia tangit successiue sua operatione, diuersa loca.* Vel est Angelum efficaciter operari in diuersis locis successiue, sine quiete intermedia. Sic S. Doctor hic art. 1. & in 1. dist. 37. qu. 4. artic. 1. & opusc. 15. cap. 18. quem sequuntur eius discipuli quos referunt, & sequuntur Salmant. hic dub. 2.

15 Probatur 1. Angelus est in loco per operationem, seu quatenus in ea operatur, ergo erit successiue in loco quatenus successiue operatur in illo; hæc successiua operatio sunt successiui contactus virtutis; ergo Angelus est in loco successiue per successiua contactus virtutis, hoc autem est moueri localiter; ergo. Motus namque localis in eo consistit, quod Angelus habeat esse successiue in diuersis locis; hoc habet per dictos contactus, ergo.

16 Probatur 2. quia motus successiuius Angeli, est transitus illius de loco in locum, & successiua acquisitio presentie localis; sed ex eo, quod habeat successiue diuersos illos contactus, datur successiuius transitus de loco in locum; ergo motus localis Angeli consistit in his contactibus. Si enim est in loco per operationem, etiam successiue mouebitur per operationem.

17 Secunda concl. *Angelus mouetur per accidens ad motum corporis in quo est tanquam in loco, qui motus ipsi corpori inhaeret, non Angelo.* Sic S. Doctor qu. 51. art. 3. ad. 3. & 3. p. q. 76. art. 6. ad 1. vbi ex illa maxima: *motus nobis, mouentur ea qua sunt in nobis*, infert, quod corpus Christi in Sacramento mouetur per accidens ad motum specierum, & subdit hoc

etiam, procedere in substantijs spiritualibus, quando sunt vnite corporibus.

18 Probatur ista concl. quia motus nobis, mouetur omnia quæ sunt in nobis; ergo moto corpore in quo est Angelus, mouebitur ipse Angelus. Ille autem motus non causabitur effectiue à corpore in Angelo; sed solum mouebitur ad motum eiusdem corporis. Angelus namque ob sui eminentiam supra corpus, non subditur virtuti naturali corporis, sicuti subduntur vestes cum ad motum nostri corporis mouentur; nam motus corporis effectiue causat motum in vestibus, vt patet.

19 Confirmatur, quia ideò Christus D. in Eucharistia mouetur per accidens ad motum specierum, & formaliter per prædictum motum, quia mouetur ad modum substantiæ spiritualis, absque eo, quod species suo motu causet alium motum inherente corpori Christi; ergo multo magis, substantia spiritualis mouebitur per accidens ad motum corporis in quo est, ita tamen, vt non subdatur illi vt principio effectiue immutanti ipsam per aliquid alium motum ipsi impressum, eique inhaerentem.

20 Occurrunt aduersarii, quod illa maxima: *motus nobis*, &c. debet intelligi de his, quæ ita sunt in nobis, vt non sint ordinis superioris; nam ista ad summum mouentur tunc, non per accidens ad motum corporis, sed alio motu per se, quo ipsa se mouent, qui motus concomitanter se habeat ad motum nostrum. Verum antequam hanc responsionem impugnemus nota, quod ad hoc, vt aliquid moueatur per accidens ad motum alterius, non est necesse, quod id, quod mouetur per se, & id, quod mouetur per accidens sint vnita aliqua vnione vtriusque communis, & intrinseca, vt patet in corpore, quod mouetur ad motum nauis; sed sufficit, quod id, quod mouetur per accidens sit in eo, quod mouetur per se, vel tanquam locatum in loco, vt est corpus in nauis; vel sit ibi propter aliquem nexum in genere causæ efficientis, quamuis sit ordinis superioris, modo non sit vbique vt est Deus vt

ut patet in corpore Christi in hostia, quia licet sit ordinis superioris, nihilominus mouetur per accidens ad motum hostiæ, & est ibi per unionem quandam effectiuam quasistentat species, quæ prius subsistebantur in genere causæ materialis à substantia.

21 His positis sic dicta responsio impugnatur, nam ad hoc ut aliquid moueatur per accidens ad motum alterius, non attenditur, quod sit, vel non sit ordinis superioris, sed sufficit, quod sit in eo unio ex dictis modis in notabili positus; sed Angelus est in loco per nexum quandam effectiuum, quia in eo operatur; ergo mouebitur ad motum illius.

22 Occurrunt alii tum ad rationem, tum ad confirmationem. Ad rationem dicunt esse disparem rationem inter rem corpoream existentem in corpore moto, & inter Angelum existentem in eodem corpore, quod corpora, quæ sunt in nobis mouentur ad motum nostri, etiam si non mouerentur efficienter à nobis, quia sunt nobis colligata, ut non possit corpus moueri, quin illa moueantur. At Angelus non est vnitus, & colligatus corpori, sed est ibi quasi per iuxta positionem, ac proinde non sequitur, quod moueatur ad motum corporis. Ad confirmationem dicunt esse disparem rationem inter Angelum, & corpus Christi D. in Eucharistia, quia dictum corpus est sufficienter colligatum cum speciebus; non sic Angelus, qui solum est in corpore per iuxta positionem. Sed contra id, quod ad rationem dicunt, est, quia Angelus quandiu perseverat in corpore moto, ut in loco, habet sufficientem colligationem cum illo; g. &c. Antecedens probatur, quia operatio, qua Angelus est in loco, facit Angelum esse in eo immediatè, & in immediatione virtutis, & suppositi, ut locum sibi subdat, & vniet; ergo non est ibi solum per iuxta positionem. Per quæ patet ad id quod respondent ad confirmationem. Soluuntur argum. primæ sententiæ.

23. Primum argum. est, quia antequam D. Tho. doceat, motum localem Angeli consistere in illis diuersis conta-

ctibus, dicit, quod Angeli motus non commensuratur loco, commensuraretur autem si fieret media operatione transeunte, quæ loco commensuratur. Et in fine corporis docet, posse Angelum moueri discretè, quia potest simul, & sine successione deferre totum, & applicare sese toti alteri; sed hæc dici non possent, si motus Angeli consisteret in diuersis contactibus; ergo. Minor probatur, quia diuisibilitas, & extensio operationis faceret ne simul deferretur, vel acquireret locum. Nec valet dicere, quod D. Thomas non loquatur de contactibus formaliter transeuntibus, isti enim deberent loco commensurari; sed de contactibus virtualiter transeuntibus, qui non afferunt dictam commensurationem. Nam contra est, inquit, quia D. Tho. loquitur de operatione, v. g. de imperio, ut habet effectum in loco, sic autem habet commensurationem cum illo, & affert passionem formaliter transeuntem, & effectum transeuntem, formaliter diuisibilia, & habentia prædictam commensurationem. Resp. admittendo traditam solutionem. Ad impugnationem dico, quod licet motus Angeli afferat passionem diuisibilem, & formaliter transeuntem, & etiam effectum diuisibilem transeuntem; tamen motus Angeli non consistit in illis, sed in actione formaliter immanente, & virtualiter transeunte; quæ nullam dicit commensurationem cum loco: restat.

24. Secundum argum. quia dum Angelus est præsens vni loco, non potest operari in alio, nisi prius sit illi præsens, ergo motus localis Angelicus non potest consistere in illa operatione, vel contactu virtuali successiuo. Antecedens probatur, quia aliàs non posset probari quomodo Angelus operaretur in alio loco, nisi sit prius illi præsens. Conseq. constat, quia motus localis terminatur ad præsentias successiuas; ergo si prius debet Angelus esse præsens antequam opereatur, non poterit locus consistere in operatione, &c. Resp. negando antecedens. Ad probationem dico, quod cum Angelus sit in loco per operationem, prius intelligatur

ope-

operatio quam præsentia; non quidem quomodocumque, sed vt iulens præsentiam.

25 Tertium argum. quia vel Angelus vt est principium operandi circa diuersa loca partialia; est in primo loco, vel nullo; vel in secundo loco. Non primum, quia non moueretur: non secundum, quia neque tunc localiter moueretur: vel tertium, & habetur intentum, quia prius esset in secundo loco, ac proinde non moueretur ad illum per operationem. Resp. quod quâdo Angelus mouetur motu successiuo, est partim in primo loco per operationem in illo, & partim in secundo per nouum contactum illius; ita tamen vt in primo loco, quem deserit, sit vt in desinere, & in secundo sit vt in acquirere, & sic deinceps.

26 Quartum argum. quia Angelus, qui mouet cælum, non mouetur localiter, & tamen operatur in diuersis partibus illius sibi succedentibus, in eodem situ; scilicet in parte Orientis; ergo Angelum moueri localiter non consistit in eo, quod efficienter successiuè operetur in diuersis locis. Resp. quod Angelus mouens cælum non mouetur successiuè, licet successiuè operetur in diuersis partibus illius. Aliud namque est esse in loco successiuè, & aliud est mouere aliquod corpus successiuè. Ad hoc secundum non requiritur variatio situs, bene ad primum.

27 Quintum argum. quia asseretur, quod Angelus moueatur localiter, quia operatur efficienter in diuersis locis successiuè, parum distat à sententia Durandi communiter reiecta, quod Angelus non moueatur secundum rem, seu secundum substantiam, sed solum secundum apparentiam, seu operationem, qua apparet hic, & non alibi, &c. Resp. negando antecedens, quia Durandus non admittit operationem esse rationem essendi in loco, neque operationem successiuam esse rationem essendi in loco successiuo, sed solum esse quoddam signum, quod nos negamus; & dicimus, quod media illa operatione re ipsa Angelus est in loco, & mouetur localiter. Soluitur fundamen-

tum secundæ sententiæ.

28 Fundamentum secundæ sent. est, quia Angelus est spiritalis, & eleuatus supra locum, ac proinde non nisi medio corpore potest esse in loco, & sic requiritur vnio illius ad diuersa corpora, vel saltem ad partes vnus corporis, vt localiter moueatur. Resp. quod adhuc vt Angelus sit in loco, non prærequiritur illa vnio ad corpus. Vnde quando Angelus agit immediatè in locum, & intra terminos eius, est ibidem vt in loco, & quando præcisè agit in corpus, intra terminos eius & non in locum in quo est corpus, tunc non erit in loco corporis, vt in loco, sed solum lo tibiur in ipso corpore. Alia, quæ addit Valsq. pro dictis propositionibus 11. 12. ex dictis manent soluta. Soluuntur argum. tertiæ sent.

29 Primum argum. quia Angelus, quando est in corpore, & corpus mouetur, non mutat locum; ergo non inouetur localiter. Antecedens probatur 1. quia Angelus est in loco per operationem, sed non operatur in alio loco, præterquam in prædicto corpore, vt supponitur, ergo non mutat locum. 2. Quia adhuc vt corpus moueatur per accidens ad motum nauis, debet formaliter mutare omnem locum, & ubi quod ante habebat, & aliud de nouo acquirere; sed Angelus non mutat omnem locum quem ante habebat, ergo non mouetur per accidens ad motum corporis. Resp. 1. quod Angelum moueri localiter per accidens, non est operari in alio loco, sed est poni substantia- liter in corpore moto cui colligatur, & necitur. Resp. 2. negando antecedens. Ad 1. probationem dico, quod licet tunc Angelus non operetur in alio corpore, operatur tamen in alio loco formaliter; quia Angelus prius operabitur in corpus prout erat in prima distantia, postea operatur in idem prout est in alia distantia; & sic variatur operatio formaliter ratione diuersarum distantiarum. Ad 2. probationem dico primo, concedendo maiorem, & minorem, & negando consequ. Ratio disparitatis desumitur ex diuerso modo essendi in loco, quem habet corpus, & Angelus.

gelus. Nam Angelus est in loco definitiue, & per operationem absque aliquo superaddito *vbi*. At corpus est in loco circumscriptiue, & per *vbi* predicamentale. Deinde ratio formalis loci Angelici consistit in hoc, quod in eodem loco perseveret eadem operatio: at ratio formalis loci circumscriptiui, consistit in hoc, quod perseveret eadem distantia. Hinc fit, quod non potest moveri corpus per accidens ad motum navis, nisi mutet locum formaliter. At Angelus moveri poterit absque illa mutatione. Dico secundo, negando minorem, quia tunc Angelus mutat locum formaliter, agendo in corpus sub alia, & alia distantia, vt in secunda solutione argum. est dictum.

30 Secundum argum. quia homo, v. g. mouens lapidem in quo est Angelus, non habet virtutem proportionatam ad mouendum Angelum; ergo non potest moveri Angelus ad motum lapidis; nam inter motum, & mouens debet esse proportio. Resp. quod proportio debet esse inter mouens, & motum per se, non per accidens. Nec valet hinc sequi, quod Angelus in aqua poterit moveri motu alterationis per accidens, si non requiritur proportio. Resp. discrimen esse inter motum localem, & alterationis; quod ille est magis abstractus, & potest conuenire etiam incorruptibilibus. Non sic motus alterationis, vt ex se patet, cum sit valde crassus, & proprius rerum corruptibilium.

31 Tertium argum. quia sequeretur, quod Angelus moueretur, & quiesceret; vt si esset in duobus lapidibus tanquam in locis inadequatis, & in vno moueretur non in alio. Resp. 1. quod ad hoc vt Angelus dicatur moveri per accidens, necesse est, quod totus locus adequatus moueatur; sicut hoc requiritur vt dicatur anima moveri: vnde non dicitur moveri, mota manu. Resp. 2. non esse inconueniens quod eadem res dicatur moveri, & quiescere respectu diuersorum vt patet in corpore Christi D. quod in vna hostia moveri potest; in alia quiescere.

D V B I U M III.

An Angelus moueatur motu continuo, & in quo ille motus consistat.

32 **P**rima sententia est, quod Angelus non possit noueri motu continuo. Sic Herucus in 1. dist. 37. q. 2. art. 3. Vallesius in lib. de sacra Philosophia cap. 43. & alij.

33 Nostra sententia duabus conclusionibus explicatur. Prima concl. *Angelus potest moveri motu continuo*. Sic D. Tho. & alij plures, quos referunt, & sequuntur Salm. hoc loco. Ratio fundamentalis est. Nam Angelus potest esse in loco diuisibili, vt supra vidimus; ergo potest cum paulatim, & per partes deferre, sine interpolatione, & quiete intermedia, & aliu eodem modo acquirere; sed hoc est moueri localiter motu continuo; ergo, &c. Primum entimema constat. Minor sumpta probatur; quia ideo corpus mouetur continuo, quia est in loco diuisibili, & cum paulatim deferat, & alium eodem modo acquirat; sed hoc etiam contingit in Angelo, ergo.

34 Respondent aliqui esse rationem disparem inter transitum corporis, & Angelus, quia in transitu corporis à loco quem paulatim deferat ad locum quem paulatim acquirit, reperitur *formalis extensio*, & pluralitas partium, ac proinde tunc saluatur vera continuitas per desertionem successiuam vnus loci, & acquisitionem successiuam alterius. At in motu Angelus non reperitur formalis extensio, & pluralitas partium. Vnde etiam si Angelus paulatim, & successiue per contactum suæ virtutis deferat vnum locum, & eodem modo acquirat alium, non sequitur, quod eius motus sit continuus.

35 Sed contra, quia licet ex motu corporis successiuo, non inferatur eadem successio in Angelo, quæ sit sicut in corpore, formalis extensio, & afferat pluralitatem partium. Tamen negari non potest, quin inferatur continuitas, & successio proportionalis. Sicut licet ex modo essen-

di in loco diuisibili per contactum quantitatiū, non inferatur idem modus essendi in Angelo, inferitur tamē modus essendi proportionalis, per quantitatem virtutis.

36 Sed obieciēs 1. quia falsò supponitur in ista ratione, quod ad continuitatem motus requiratur, quod terminus à quo deferatur per partes, & eodem modo acquiratur terminus ad quē; hoc enim est falsum; ergo, &c. Minor probatur, quia ut supra vidimus, Angelus potest esse in puncto, at tunc illud non deserit per partes, sed totum: & quando deserit locum, & ponitur in puncto, illud non acquirit per partes. Resp. quod quando Angelus mouetur à puncto, ad partem, non mouetur motu locali continuo; bene verum est, quod statim ac Angelus deserit punctū, & acquirit primā partem illi vicinā, si ab ista ad alias moueatur, mouebitur continuo.

37 Obieciēs 2. falsum supponi in eadem ratione, quod ad motum localem continuum requiratur, quod relinquatur prior locus, & non sufficiat acquisitio continuū noui loci. Nam si Angelus existens in dimidia parte sui loci ad quatuor, v.g. in dimidia parte leuē, & aliam dimidiā per partes acquirit absque eo quod priorem partem deserat, tunc mouebitur localiter continuo, & tamen nō deseret priorem partem leuē; ergo, &c. Resp. quod in dicto casu non est motus localis, sed dilatatio, seu extensio ad maiorem locum, & ad quē pertinet ad motum continuū, licet non sit propriū motus continuus, vt ex dictis constat.

38 Secunda conclusio: Continuitas motus localis Angelici, consistit in diuersis contactibus diuersorum locorum sibi successiue succedentibus. Sic D. Thomas. 1. 1. q. 1. a. 2. ad 3. & alij philosophi apud Salpant. hic dub. 3. eūdem eius discipuli sequuntur. Explicatur conclusio. Nam continuus motus localis Angelicus, non se tenet præcisè ex parte locorum, seu effectuum materialium, aut passionum, quæ ab Angelo causantur, sed se tenet ex parte contactū, seu operationis virtualiter tangentis loca, & producentis in illis effectus successiue; Vnde tunc Angelus mouetur continuo, quando

per partes definit esse, & operari in loco, à quo discedit, & per partes incipit operari, & esse in loco ad quem accedit, vt sic discernatur motus continuus Angeli à motu discreto eiusdem.

39 Probatur 1. quia continuus motus Angelici non potest consistere in hoc, quod vna pars formaliter corresponsdeat vni parti spatij, & altera alteri, vt deur extensio formalis; ergo debet consistere in correspondentiā virtuali, quæ non alio modo potest esse, nisi per dictos contactus. Antecedens constat, aliās continuas motus Angelici non esset talis solum equiuocè respectu corporum, sed vniuocè. Tum quia aliās Angelus esset in loco per commensurationem cū illo, vt sunt corpora. Tum etiam quia cum Angelus sit in loco per operationem formaliter immanentem, & virtualiter transeuntem; etiam hoc modo debet moueri localiter, ac proinde non per correspondentiā, nec per illam formalem extensionem. Consequenter bene colligitur ex antecedenti, nūquamque aliud affigari potest à quo illa continuas motus Angelici desumi possint nisi ex prædictis contactibus.

40 Probatur 2. quia licet contingere possit, quod dicti contactus, quibus Angelus successiue est in loco ad quatuor deinde acquisito, sint diuersæ operationes complere, & distinctæ species in esse entis, non tamen in esse contactus, & in ratione essendi in loco successiue, quia hoc modo distinguuntur solo numero, & partialiter, & idē complere, ac proinde constituent contactum adæquatum, vnum unitate successiōis ergo, &c. Antecedens constat: ad unitatem namque successiōis, sufficit unitas formalis successiōis, non in esse rei. Consequenter ex Antecedenti colligitur ubi enim est continuas contactus, ibi est continuas successiōis in motu, vt patet.

41 Probatur 3. quia Angelus potest moueri continuo, vt in prima conclusione dictum est, & hæc continuas non est per commensurationem ad locum, quæ est propria corporum, sed eleuata, ac proinde per motum dominantem supra locum corporum, eumque sibi actiue subijcitur.

786 Disputatio XLIII. Dubium III.

tem, & continentem; sed hoc non potest esse nisi per dictos contactus virtutis; ergo. Maior constat. Minor etiam constabit consideranti, quod Angelus non aliter potest sibi subdere loca, illisque dominari, nisi per suam operationem per quam illa virtualiter tangit.

42 Probatur 4. quia eo proportionali modo, quo conceditur Angelo diuisibilitas partium respectu loci, & motus localis, & tempori Angelico continuitas, & diuisibilitas partium, debet etiam concedi continuitas, & diuisibilitas motus localis continui, sed diuisibilitas, & continuitas respectu loci, & temporis, est solum virtualis, & non formalis; ergo etiam diuisibilitas, & continuitas dicti motus erit solum virtualis. Maior constat, quia mobile, motus, & tempus debent proportionari. Minor probatur, quoad primam partem, quia cum dicitur, quod Angelus dum mouetur successiue per aliquod spatium, est partim in termino à quo, & partim in termino ad quem, non est sensus, quod Angelus habeat partes; sed sensus est, quod totus Angelus est in termino à quo, & ad quem, quia in Angelo repugnat quouis multiplicitas partium substantialium, ut patet. Probatur quoad secundam partem, scilicet quoad tempus Angelicum continuum, quia licet in tempore Angelico possint esse plures operationes sibi immediate succedentes, amen ut constituant tempus continuum, non est necesse, quod sint inter se continuatæ per aliquem terminum communem, sed sufficit, quod duratio vnius succedat durationi alterius; idem dicendum est in loco.

43 Sed obieciens 3. quia videtur impossibile, quod ista, ratione dictum est, scilicet, quod licet dicti contactus possint esse diuersæ operationes in esse rei, tamen in esse contactuum; in ratione essendi in loco, in ratione successiouis, sint partiales, in completi, & eiusdem speciei; nam in operatione non dantur duæ rationes formales, seu duæ formalitates, quarum una sit ratio producendi effectum, & alia essendi in loco, sed vna tantum; nam operatio formaliter est contactus virtutis, nisi quatenus est operatio; ergo &c. Resp.

quod illæ duæ rationes distinguuntur per modum duorum munerum ex parte nostri modi concipiendi distinctorum; nam illa operatio ut est ratio essendi in loco superaddit rationem quandam abusivam, scilicet similitudinem cum ratione propria essendi in loco.

44 Obieciens 2. hinc fieri rationem essendi in loco esse quid consecutum ad operationem; ergo distinguetur realiter ab illa. Resp. esse quid consecutum per modum muneris, quatenus vnum muneris intelligitur consequi ad aliud; non per modum formalitatis ad formalitatem.

45 Obieciens 3. quia continuitas motus Angelici explicari debet per continuitatem spatij, & non per continuitatem contactuum, seu operationum; ergo male dictum est, quod debeat desumi à continuitate dictorum contactuum. Maior est D. Thomæ hic, art. 2. Resp. Angelicum Doctorem ex utroque desumpsisse continuitatem motus Angelici primo tamen & à priori ex continuitate contactuum; secundò & à posteriori ex continuitate spatij, non quidem in esse rei, sed in esse pertransibilis.

46 Obieciens 4. quia D. Thomas in eodem art. ponit discrimen inter motum continuum, & discretum Angeli, quod in motu discreto non est necessarium pertransire medium, sed potest fieri transitus de extremo ad extremum sine transitu per medium; non sic in motu continuo; ergo male dicitur, quod continuas motus Angelici desumatur quasi à posteriori ex continuitate non in esse rei, sed de esse pertransibilis. Resp. Sanctum doctorem solum velle, quod in motu discreto non pertransiant medium, quia medium est, quia totus ille locus, qui est à termino à quo, usque ad extremam partem terminum ad quem; computatur per modum vnius extremi simul acquirendi, non verò per modum medij, & partis extremæ; ut ex aliquo medio & per aliquod medium deueniendum sit ad partem extremam. Ad in motu continuo debet semper designari aliquod medium per quod ad extremam partem deueniatur, licet Angelus relinquat

quat aliquod aliud medium impertransi-
tum; cum non sit necesse, quod omnia
media in esse rei exerceant rationem me-
dij, quia tunc habebitur continuitas in
in esse pertransibilis, licet non in esse rei
Soluntur argum. in contrarium.

47 Primum argum. est quia D. Tho.
in. 1. dist. 37. q. 4. art. 1. & quodlibet 9.
art. 9. aperte dicit, quod motus Angeli
non potest esse continuus. Resp. S. Do-
ctorem non negare continuitatem virtu-
tis, seu virtualis, supra explicatam, sed
formalem, quæ est per commensurationem
cum loco, ut contingit in motu corpori;
hæc namque continuitas repugnat Ange-
lico motui.

48 Secundum argum. quia si motus
Angelicus esset continuus, vel esset talis
per vnicam operationem vel per plures;
necurum dici potest; ergo. Minor proba-
tur: nam non potest dici, quod sit conti-
nuus per vnicam operationem, quia in
vna solum operatione non potest saluari
diuersas coniunctas. Deinde vnica ope-
ratio, vnico solum instanti discreto men-
suratur. Neque potest consistere in diuer-
sis coniunctis, seu operationibus imme-
diatè, & sine interpolatione succedenti-
bus, quia hæc successio ad summum
constituit vnam vnitatem successionis, mo-
do variantur aliquo termino communi;
hæc autem vno in Angelis non datur, nè
sit ibi extensio propriè dicta. Tum quia
vnica dumtaxat operatio tribuit simul to-
tum effectum formalem passo cui in est;
cum enim sit simplex, & indiuisibilis, non
nisi hoc modo potest suum effectum tri-
buere. Tum etiam quia motus discretus
non potest consistere in vnica tantum
operatione; ergo neque continuus. Ante-
cedens constat. Conseq. probatur, quia
si posset coalescere ex pluribus operatio-
nibus succedentibus, maxime ex illa per quã
discedit a termino a quo, & ex illa per
quam accedit ad terminum ad quem, sed
istæ sunt discretæ, nec habent aliquem
nexum ad inuicem; ergo.

49 Resp. quod potest esse continuus
etiam per vnicam operationem formaliter,
virtualiter tamen multiplicem, quod

contingeret si Angelus veller moueri à
prima parte leuæ, vsque ad vltimam; &
tunc per vnicam operationem virtualiter
multiplicem, quatenus ponit contactus
diuersarum partium, diuersas partes suc-
cessiuè tangit. Et licet vnica operatio
vnico instanti discreto mensuretur, quan-
do est vnica tum formaliter, tum virtualiter,
secus quando est vna formaliter, &
virtualiter multiplex, per diuersos con-
tactus diuersarum partium. Per quæ pa-
tet ad 1. probationem, Ad 2. patet, quia
licet vnica operatio tum formaliter, tum
virtualiter simplex, tribuat simul totum
suum effectum formalem, secus, quando est
virtualiter multiplex, & correspondet
tempori nostro, quatenus successiuè con-
tingit diuersa loca partialia. Deinde po-
test etiam motus continuus Angeli esse
per diuersas operationes, successiuè con-
tingentes diuersa loca, nec tunc debent
aliquem habere nexum communem,
sed sufficit, quod habeant vnitatem suc-
cessionis. Ad 3. probationem dicen-
dum, quod licet motus discretus non
possit consistere in vnica operatione, be-
nè tamen continuus, quia motus discre-
tus non habet partes copulatas aliquo
termino communi, bene tamen discre-
tus, ut patet.

50 Tertium argum. quia Angelus
est immaterialis, ergo non potest moueri
in tempore, ac proinde neque continuè.
Antecedens constat. Conseq. probatur,
quia ex eo probat Aristoteles 4. phys. cap. 8.
quod corpus in vacuo non potest moueri
in tempore, sed in instanti, quia tarditas
motus est à medio, quod nullum est in
vacuo; sed Angelo vtpotè immateriali
nullum potest esse medium retardans;
ergo. Resp. concedendo antecedens, &
negando conseq. Ad probationem dicen-
dum, quod Aristoteles ibidem loqueba-
tur contra aliquos Philosophos, qui vo-
lebant, quod ex sola resistentia medij,
motus continuus desumeretur, quod ta-
men reprobat Aristoteles, cum etiam ex
aliis capitibus desumatur, ut ex eo, quod
mobile non possit esse simul in omnibus
partibus spatij.

D V B I U M I V.

An Angelus possit moueri motu discreto, quid sit, & in quo consistat iste motus.

51 **S** Thomas hic art. 1. definit motum discretum, quod sit *motus non continuus*. Ponitur *motus* loco generis, & vt per illam particulam denotetur eius vnitas, & quod non est purum aggregatum ex pluribus mutationibus non facientibus aliquid vnum, vt est aggregatum plurium motuum successiuorum, & non continuorum, vel plurium mutationum discretarum interruptarum per quietem. Ponitur *non continuus* loco differentie, quia habet rationem oppositam motui continuo. Motus namque continuus tunc est, quando mobile per partes deserit terminum *à quo*, & per partes acquirit terminum *ad quem*. Tunc autem motus est discretus, quando mobile simul deserit terminum *à quo*, ita quod per vltimum esse, desinat esse in illo, & immediatè post, simul acquirat terminum *ad quem*. Quod contingere potest, vel ex eo, quod intra spatium sibi adæquatum est primo in prima parte, & immediatè post in vltima, absque eo, quod sit in intermediis; vel ex eo, quod totus simul est in prima, & deinde in sequentibus partibus, etiam sine quiete intermedia. Ex quibus patet non bene Vasq. & Molinam dixisse motum discretum Angelum non esse aliquo modo vnum, sed purum aggregatum ex mutationibus instantaneis.

52 His positis. Prima sententia est, quod motus Angeli non possit esse discretus. Sic Scotus in 2. dist. 2. *quest. ult. art. ult.* Malonius in 2. dist. 8. disp. 16. Rada 2. p. concl. 3. ad 3. Molina hic, & alii.

53 Nostra sent. seq. concl. explicatur. *Angelus potest moueri motu discreto*. Sic S. Doctor hic art. 1. & 2. & quodlib. 1. art. 5. & alibi, quem omnes eius discipuli sequuntur, & alii communiter.

54 Ratio fundamentalis est, quia Angelus est in loco absque commensura-

tione cum illo, ergo potest deferere per vltimum esse totum aliquem locum, & simul, & non per partes acquirere alium totum; hoc est moueri motu discreto; ergo. Antecedens constat ex dictis supra, quia Angelus ratione sue mobilitatis, & excellentie est in loco modo eleuato, ac proinde non per commensurationem ad locum; aliàs non esset totus in toto, & totus in qualibet parte loci. Consequ. probatur, quia hoc ipso, quod Angelus non commensuretur loco, non debet esse in illo secundum eius existentiam, ac proinde tum continuè, tum discretè poterit per illum moueri. Tum quia non repugnat, quod Angelus moueatur motu successiuo, ergo neque discreto, minus enim repugnat rei indiuisibili, quod simul totum relinquat locum diuisibilem, scilicet totum terminum *à quo*, & simul acquirat totum terminum *ad quem*, quam per partes. Tum etiam quia, ideo mobile extensum non potest simul deferere totum terminum *à quo*, & simul acquirere totum terminum *ad quem*, quia est extensum, sed Angelus est in extensus; g. &c. Tum denique quia Angelus est in loco per operationem, ratione cuius potest pro libito esse in maiori, vel minori loco; ergo, etiam poterit primum locum, per illam, ex toto deferere, & alium ex toto acquirere.

55 Sed obieciēs 1. quia ex hoc, quod totus terminus *à quo* simul deferatur, & immediatè post totus terminus *ad quem* simul acquiratur, non bene colligitur, quod ille motus sit discretus, quia tunc temporis ille motus erit tantum vnus, & idem, cum constet vno dumtaxat termino *à quo*, & vno tantum termino *ad quem*. Resp. quod ex hoc, quod ille motus tunc temporis est quidem vnus, ex vno termino *à quo*, & *ad quem*, non tamen est vnus vnitate cōtinuitatis, sed vnitate discretionis, cum non sit continuus. Tum quia motus continuus, & discretus opponuntur; sed quando totus terminus *à quo* simul deferitur, & totus terminus *ad quem* simul acquiritur, non est motus cōtinuus, cum terminus *à quo* non deferatur per partes

partes, & terminus *ad quem*, non acquiritur per partes; ergo erit discretus.

56 Obijcies 2. quia si per diuinam potentiam vnus corpus, quod esset in celo, diuinitus dimitteretur absque transitu per ignem, & aerem, & in terra collocaretur, defereret totum primum locum, & totum nouum acquireret, & tamen dictum corpus nec moueretur motu continuo, nec discreto; ergo neque Angelus, cum totum primum locum deserit, & alium totum acquirit. Resp. quod tunc esset motus discretus, non ratione unitatis continuationis, sed discretionis.

57 Obijcies 3. contra rationem supra positam, quia in ea necessitas motus successiui, & continui reducitur ad solam extensionem mobilis, quod est falsum; ergo. Minor probatur, quia illa necessitas desumitur etiam ex diuisibilitate, & continuitate medij; ergo. Resp. negando minorem, nam si mobile sit extensum debet motus esse iuxta exigentiam tum mobilis, tum medij. At quando mobile est inextensum, & solum virtualiter, & eminenter diuisibile, tunc primario, & per se necessitas motus successiui, & continui reducitur in mobile.

58 Sed dices, quia punctum est indiuisibile, & tamen si moueretur, eius motus esset continuus, & successiuus, & non nisi ex extensione spatij; ergo. Resp. quod dato, quod punctum posset moueri, tunc haberet correspondentiam illi motus ad partes spatij, non ad spatium, quia punctum est solum formaliter indiuisibile, & non virtualiter diuisibile, at Angelus licet sit formaliter indiuisibilis, est tamen virtualiter, & eminenter diuisibilis, ac proinde potest habere correspondentiam loco diuisibili.

59 Obijcies 4. quia in dicta ratione supponitur, quod mobile æquè primò respiciat omnes partes termini *à quo*, deserendas simul per vltimum esse, & similiter partes termini *ad quem*, simul acquirendas; sed hoc est falsum respectu termini *ad quem*; ergo. Minor probatur, quia in termino *à quo*, iam totus Angelus sup-

ponitur esse, ac proinde potest illum totum simul deserere. Ar terminum *ad quem*, non potest totum simul acquirere; nam cum terminus *à quo*, in quo est Angelus, non æquè distet ab omnibus partibus termini *ad quem*, sequitur, quod Angelus non possit omnes simul acquirere. Resp. concedendo maiorem, & negando minorem, ad probationem dico, quod cū Angelus non dependeat à loco, potest poni simul in toto termino *ad quem*; tamen si non omnes illius partes æquè distent à termino *à quo*, non sic est in mobili extenso.

60 Obijcies 4. quia falsò supponitur, quod acquisitio termini *ad quem* immediato termino *à quo*, constituat vnum motum discretum; ergo &c. Antecedens probatur, quia in illo casu ille esset motus continuus, quia continuè amittitur spatium termini *ad quem*, & acquiritur spatium termini *ad quem*, ita quod hæc spatia sint immediata. Resp. negando antecedens. Ad probationem patet ex dictis, quod ad hoc vt motus sit continuus debet per partes relinquere terminum *à quo*, & per partes acquirere terminum *ad quem*. In motu autem discreto totus terminus *à quo* simul relinquitur, & totus terminus *ad quem* simul acquiritur, ad quod de materiali se habet loci continuitas; modo continetur intra sphaeram actiuitatis Angelicæ.

61 Obijcies 5. quia motus est essentialiter via, & transitus medius inter terminum *à quo*, & *ad quem*; sed si mobile acquirat locum immediatum termino *à quo*, non datur transitus, & via media, ergo tunc non intercedit motus, neque discretus. Resp. quod desertio termini *à quo*, & acquisitio termini *ad quem*, est transitus quidam, & via media inter vtrumque terminum. Sed dices, quod desertio tenet se ex parte termini *à quo*, & acquisitio se tenet ex parte termini *ad quem*, via autem est quid medium, ab vtroque extremo distinctum. Tum quia ideo corruptio vnius formæ substantialis, & generatio alterius sunt duæ mutationes, & non vnus motus, quia ibi sunt quatuor termini, scilicet esse, & postea non esse, formæ

formæ corruptendæ; & non esse, & postea esse formæ generandæ; sed etiam in hoc casu dicti termini inveniuntur, ut patet, ergo. Resp. quod tam acquisitio, quam derelictio, & è contra tenet se ex parte utriusque termini; nam derelictio fit per ordinem ad acquisitionem, & è contra. Ad id, quod dicitur in oppositum, dico, quod non sunt ibi quatuor termini, sed duo tantum, quia derelictio ut constituit motum non est ab esse in illo termino, ad non esse in illo; sed ab esse ultimo in illo loco, ad esse in alio, quia in motu per se requiritur terminus à quo, non in generatione substantiali, quia per accidens se habet ad generationem formæ substantialis, quod alia supponatur.

62 Obiicit 6. quia si Angelus est in loco modo eleuato, & non commensuratus, sequitur, quod sicut ex hac eleuatione potest non moueri continuè per spatium, sed potest ab eo absolui, ita absoluetur ab hoc, ut hic potius agat, quam alibi, sed poterit agere ad quamcumque distantiam. Resp. quod si Angelus sit nullibi, poterit in quocumque loco maluerit se ponere, modo non excedat sphaeram suæ actiuitatis. At quando iam supponitur esse in loco, non potest agere ad quamcumque distantiam, sed ad illam tantum, quæ intra suam sphaeram continetur. Soluuntur argum. primæ sententiæ.

63 Primum argum. quia si Angelus moueri potest motu discreto, vel mouetur sic quando est in termino à quo, vel ad quem, vel quando est in aliqua mora intermedia; nullo ex istis modis moueri potest; ergo nullo modo. Maior constat. Minorem quod non moueatur dum est in termino à quo, vel ad quem, docet S. Doctor in 1. diff. 37. q. 4. art. 1. ad 3. ubi postquam dixit, quod pars motus, non est motus, concludit. *Et ideo nec in A. mouetur, nec in B. licet A. & B. sint partes eius.* Quod neque moueatur in aliqua mora intermedia, probatur, quia est expressum mens S. Doctoris hic art. 2. ad 3. Tum, quia cum illa mora intermedia possit esse instantanea, possit tunc Angelus moueri in instanti. Resp. quod Angelus non mo-

uetur motu discreto, neque in aliqua mora in termedia inter terminum à quo, & ad quem, neque in solo termino à quo, vel ad quem, sed in utroque instanti, in quo, est in utroque termino, quia moueri, est vnum locum deferere, & alium acquirere, quod fit in utroque instanti: in primo, deferitur terminus à quo in secundo acquiritur terminus ad quem, ille deferitur per ultimum esse, iste acquiritur per primum esse, ut postea magis videbitur.

64 Secundum argum. quia de essentia motus est successio cū cōtinuitate, sed hoc non competit motui discreto; ergo. Maior est Aristot. 6. phys. dicens motum esse de genere continuorum. Minor constat ex se. Resp. maiorem esse veram de motu corporum, non de motu rerum spiritualium.

DUBIUM V.

An Angelus possit moueri de extremo in extremum absque eo, quod transeat per medium.

65 **P**rima sententia est, quod motus Angeli discretus non possit esse de extremo ad extremum absque eo, quod transeat per medium. Sic Scorus, Molina, Valentia, & alij quos referunt Salm. hoc loco.

66 Nostra sententia seq. concl. explicatur. *Angelus potest transire de extremo ad extremum, absque eo, quod transeat per medium.* Hanc conclusionem expressè tradit S. Doctor hic art. 2. & in 1. diff. 37. q. 4. art. 2. & ibid. ad Anibald. q. 2. art. 1. ad 4. & quodlibeto 1. art. 5. quem sequuntur eius discipuli, & alij plures, quos referunt, & sequuntur Salmant. hic dub. 5.

67 Probatur 1. quia Angelus est in loco per operationem, siue per applicationem liberam suæ voluntatis ad locum; ergo potest transire de loco ad locum, sine transitu per medium. Antecedens constat ex dictis supra. Conseq. probatur, quia Angelus potest liberè se applicare ad totum suum locum; ergo etiam ad partem, & partes illius, modo sint intra sphaeram suæ actiuitatis. Con-

68 Confirmatur 1. quia Angelus est in loco, & non per commensurationem ad locum ut corpus; ergo licet corpus, quod loco commensuratur, & subditur debeat in suo motu sequi leges loci, ut non possit transire sine medio; non tamen Angelus; alias non subderet sibi locum, sed subderetur loco. Confirmatur 2. quia corpus Christi D. potest desinere esse in parte media hostiæ, & manere in extremis, ut si pars media corrumpatur, & non extreme; & hoc quia ibi habet esse modo eleuationi; ergo etiam Angelus ob eandem rationem.

69 Respondent dictæ rationi, quod etiam homo liberè se applicat loco, & tamen non potest se applicare partibus extremis, quin etiam se applicet intermedijs; ergo hoc idem de Angelo dicendum est. Sed contra, quia licet homo liberè se applicet loco alicui, non tamen potest se exinere ab omni loco, iuxta suum beneplacitum, sicut potest facere Angelus. Tum quia homo cum sit corporeus, debet esse in loco per commensurationem ad locum, non sic Angelus ob suam immaterialitatem. Tum etiam quia ideo anima rationalis non potest non informare omnes partes corporis continuas, quia præstat hunc effectum in genere causæ formalis, & omnino necessariæ; at Angelus est in loco in genere causæ efficientis, & liberæ; ergo poterit quas maluerit partes loci quasi informare. Præterea ideo anima non potest informare partes discontinuas, quia in informatione pendet à corpore; sed Angelus neque in applicatione pendet à loco; ergo, &c. Tum denique quia Angelus est in loco formalizando illum, & tribuendo illi continuitatem, unitatem, & discretionem in esse pertransibilis, non sic corpus, cum dependeat à legibus loci; ergo, &c.

70 Respondent secundæ confirmationi, quod illud exemplum de corpore Christi in hostia non est ad rem, quia illud est miraculosum. Tum quia Corpus Christi in hostia non est localiter, nec ad eam mouetur, nec definit esse in cælo, sicut accidit Angelo. Sed contra, quia

licet modus essendi in hostia sit miraculosus, conuenit tamen ratione eleuationis seu ex modo essendi eleuato in illa; ergo currit, quantum adhuc, eadem ratio in Angelo. Nec obest, quod ibi Christus D. non sit localiter desinendo esse in cælo; quia si ob istum modum eleuatum absq; eo quod sit in loco, potest esse modo dicto in hostia, etiam Angelus ob suam eleuationem poterit esse in loco modo dicto. Tum quia minus est, quod Angelus transeat de parte extrema ad extremam absq; eo, quod sit in media, quàm quod sit in parte extrema, non desinendo esse in altera parte, absque eo, quod sit in media; ergo cum possit hoc secundum, ut ex dictis disp. præcedenti constat, poterit etiam primum.

71 Sed obijces, quia potestas Angeli subtrahendi se ab omni loco, si possit deseruire adhuc vt sit in extremis absque eo, quod sit in intermedijs, maxime quia dum est in vna parte extrema, potest se subtrahere ab omni loco, & postea ponit se in alia parte extrema; sed hic modus se subtrahendi non potest deseruire adhuc vt transeat de loco in locum, sine transitu per medium; ergo, &c. Maior constat, in eamque potestatem se subtrahendi, ratio fundata est. Minor probatur, quia si Angelus se subtrahat ab omni loco, transitus subsecutus non erit de loco in locum, quia dum acquirit secundum locum, non eum acquirit ex loco, sed ex subtractione à loco. Tum quia neque subtractio est motus localis cum sit à loco ad non locum; neque positio in loco, quia est à non loco in locum. Tum etiam quia Angelus non desinet esse in loco per vltimum esse, sed ex eo, quod tollitur forma, aut quasi forma, quæ est in loco. Neque illa desertio est per motum, sed per subtractionem formæ. Tum denique quia sicut ablata quantitate, substantia materialis est nullibi; & ea restituta ponitur in loco, sed tunc hoc fieret sine motu locali, ergo etiam in dicto casu Angeli.

72 Resp. negando maiorem, quia adhuc vt Angelus habeat prædictum transitum, non est necesse vt se subtrahat ab omni loco, sed sufficit, quod possit se sub-

tra-

trahere; seu quod vis ad effundum in locis, sit adeo eleuata, vt non sit obligata loco, ac proinde, quod liberè, & per modum continentis sit in loco, cum id sibi placuerit. Ex quo manent soluta omnia, quæ in argumentis adducuntur.

73 Probatur 2. quia in creaturis purè spiritualibus potentia operatiua, est intellectualis. In distincta ab intellectu, & voluntate, & proinde ipsa operatio erit intelligere, & velle, & per consequens motus localis illarum, qui est earum operatio erit intelligere, & velle, quæ sunt operationes formaliter immanentes, & virtualiter transeuntes; ergo poterunt transire ab extremo ad extremum, & non per medium. Antecedens constat ex alibi dictis. Consequens probatur, quia intellectio, & volitio possunt terminari ad extrema, & absque eo, quod terminent ad media; ergo etiam mouere poterunt ad extrema absque eo, quod moueant per medium.

74 Sed obiecijs 1. quia hinc fieret, quod etiam anima dum est in corpore, posset transire ab extremo ad extremum absque eo, quod transeat per medium; quia eius potentia operatiua non diffinitur ab intellectu, & voluntate, & potest cogitare de extremis absque eo, quod cogitet de medio; hoc est falsum; ergo. Resp. ex D. Tho. hic art. 2. ad 2. negando maiorem, quia licet anima possit cogitare de multis, non potest se applicare multis simul, ob impedimentum corporis. At cum in Angelo intellectio sit perfectissima, & non habeat impedimentum corporis potest ipsam Angelum multis, modo explicatis superius, applicare.

75 Obiecijs 2. quia etiam potentia loco motiua in anima, quæ est intellectus, & voluntas, mouet suum corpus, non minus quam Angelus suam substantiam; & tamen non mouet ab extremo in extremum sine medio; ergo, &c. Resp. concedendo antecedens, & negando consequens, quia corpus non est capax motus discreti, vt in Angelis.

76 Probatur 3. quia inter duo loca extrema, mediant infinita loca, seu indiuisibilia; sed Angelus non potest per illa

omnia transire; ergo debet aliqua penetrare. Maior constat, inter partem namque extremam, & extremam, mediant infinita indiuisibilia. Minor probatur, quia infinitum non potest pertransiri dinumerando, tum autem temporis Angelus sigillatim per omnia illa transiret, quod est quoddam quasi genus dinumerandi.

77 Confirmatur, quia motus discretus Angelicus constat tribus, vel quatuor indiuisibilibus, mensuratis tribus, vel quatuor instantibus discretis successiue, discretè se habentibus; ergo impossibilis est, quod Angelus per ista indiuisibilia transeat dinumerando suo motu infinita illa loca, seu indiuisibilia, ac proinde debet aliqua pertransire, & omnia omittere, vt transeat ab extremo ad extremum. Antecedens constat. Consequens probatur, quia infinitum nequit finita mensura, & eaque non repetita, dinumerari. Tum quia sicut se habet quantitas discreta ad continuam, sic motus discretus ad continuum, & ad spatium per quod fit, sed per viam tem non potest dinumerari quantitas continua v.g. palmaris, & quoad omnes partes, & indiuisibilia; ergo neque per duas, vel tres vnitates motus discreti, poterit motus continuus dinumerari, & ita motus.

78 Sed obiecijs 1. quia loca infinita, seu indiuisibilia, seu diuisibilia mediantia inter duo loca extrema, non sunt loca non communicantia; siue non participantia, sed communicantia, cum constent ex infinitis partibus proportionalibus, & indiuisibilibus eas terminantibus, non aliquotis, quæ sunt finita; ergo non bene adducuntur ad probandum, quod ex eorum infinitate non possit Angelus transire de extremo ad extremum, nisi transeat per medium, partes namque infinitæ participantis, facile possunt pertransiri. Resp. quod loca illa intermedia sunt communicantia inter se, non tamen cum extremis, ac proinde verum est, quod inter loca infinita, non communicantia, cum extremis; & sic cum non sint communicantia cum extremis, vt contingit in motu continuo, non possunt omnia pertransiri, necesse est, ob id, a nobis transi.

Obij.

79 Obijcies 2. quia non bene dicitur quod Angelus non possit omnia illa loca intermedia dinumerare, quia non sunt infinita simpliciter, sed tantum secundum quid, & in potentia, ac proinde possunt dinumerari pertransiendo, vt constat in eodem motu discreto durante per horam, tunc enim dinumerantur pertransiendo omnia instantia horæ temporis primi mobilis, ac proinde etiam dinumerabuntur omnia mutata esse motus prout illi horæ correspondent. Resp. negando antecedens, quia licet illæ partes, vel loca intermedia sint infinita tantum in potentia, tamen adhuc dinumerari non possunt, quia ibi non est prima, & vltima pars, quæ ad dinumerationem requiruntur: vnde, in hoc sensu dicentur infinita simpliciter, cū non cadant sub dinumeratione. Quocirca negandum est, quod illa mutata esse correspondent singulis horæ partibus, quia in hora datur primum, & vltimum, non in talibus locis intermedijs.

80 Obijcies 3. quia dato, quod Angelus non possit omnia dicta loca, siue indiuisibilia, siue diuisibilia dinumerando pertransire, adhuc non sequitur, quod possit transire de extremo in extremum absque eo, quod transeat per medium, ergo &c. Antecedens probatur, quia adhuc superessent duo alij modi. Primus est, quo Angelus in eodem instanti immediato illi in quo est in termino, à quo v. g. in quarta parte vlnæ, collocet se simul in reliquis partibus illius vlnæ, quæ est locus adæquatus illius. Secundus est, quo in tempore immediatè sequenti acquiritur successivè, & per partes tam medium totum, quam partem extremam, cum totum hoc spatium sit, vt supponitur, intra latitudinem sui spatij, & sic vltimum esse Angeli in termino à quo, erit vltimum non esse initiatum prædicti motus: Resp. negando antecedens, data namque infinitate illorum locorum nõ communicantium, & quod Angelus nequeat illa dinumerando pertransire, bene sequitur, vel quod debeat transire de extremo in extremum absque eo quod transeat per medium, vel saltem, quod hoc

possit: deberet quidem, ne dicamus, quod debeat omnia illa loca dinumerare, quod est impossibile: nam eo ipso, quod debeat dari mutatio acquisitiva loci medij, distincta ab acquisitione partis extremæ, sequitur, quod pro singulis partibus intermedijs debeant dari singule mutationes, non vna tantum. Nam ideò debet dari pro toto medio sua mutatio, & acquisitio, quia adhuc vrgent distantia, & extensio actualis, quæ est inter locum medium, & locum extremum; item distantia, seu discontinuatio inter locum extremum, & eum in quo est Angelus; sed hæc etiam vrgent in medijs partialibus; ergo, &c.

81 Quod autem Angelus possit transire ab extremo in extremum sine medio, probatur, nam huius impossibilitas si daretur, vel proueniret ex ordine actuali respectu inter medium, & locum extremum vel ex discontinuatione inter locum extremum, & eum quem Angelus replet, sed ex neutro capite hoc potest prouenire, ergo. Maior constat. Minor probatur, & primò quoad primam partem, nam in motu discreto non attenditur ordo actualis inter medium, & locum extremum, quia in hoc motu non debet Angelus esse prius in medio, quam in extremo, sed prius in vno extremo, postea in alio. Deinde probatur secunda pars, quia discontinuatio locorum ad summum habet oppositionem cum motus continuitate, ex eo, quod idem motus, & mobile non possunt simul esse in partibus discontinuis formaliter, quia debet esse partim in termino à quo, & partim in termino ad quem; non sic in motu discreto, quia mobile in vno instanti per vltimum esse deserit terminum à quo, & in alio simul per primum esse acquirit terminum ad quem. Vnde etiam erit motus discretus si Angelus in instanti A. deserat primam, partem leuicæ, & in alia acquirat simul tres alias partes; cum enim tunc motus nõ sit continuus cum prima pars non deseratur per partes, & alia non acquirantur per partes, sequitur, quod sit motus discretus, & continuus partium erit de materialibus.

H h h h h

triali,

riali, vt ex dictis supra constat.

82 Obijcies 4. contra confirmationem n. 77. positam, quia illæ vnitates, seu indiuisibilia motus discreti, licet sint formaliter indiuisibilia, possunt tamen habere virtuale diuisibilitatem; sicut illam habent instantia temporis discreti, quo mensurantur; & sic possunt esse mensura transitus per illa loca intermedia, licet sint infinita, quia hoc non fit dinumerando, sed per adæquationem huius virtualis extensionis, virtualiter continens infinitas partes proportionales, correspondentes infinitis partibus spatij; ergo. Tum quia non redditur ratio ob quam motus discretus debeat constare indiuisibilibus certis, & finitis, & non infinitis saltem communicantibus.

83 Resp. concedendo antecedens, ex hoc tamen bene sequitur, quod possit Angelus transire de extremo ad extremum abique eo, quod transcat per medium. Bene verum est, quod si illa mutatio per quam transiretur totum medium esset distincta ab ea, per quam acquiritur terminus ad quem, tunc vel ille transitus per loca intermedia deberet fieri dinumerando, quod fieri non potest per tres, vel quatuor partes illius motus discreti, cum non repetantur; vel deberent plura ex illis medijs, imò infinita relinquì impertransita. Neque hinc inferitur terminum ad quem motus discreti esse acquirendum in tempore; quia solum inferitur, quod debeat acquiri in instanti discreto correspondente tempori successiuo. Sicut non sequitur successio aliqua in diuina intellectione ex correspondentiā ad tempus nostrum, quia mensuratur æternitate, quæ tempori nostro æquiualeat, etiam infinito si daretur. Ad probationem constat motum discretum non posse constare infinitis indiuisibilibus discretis, quia iam esset infinitus in actu, quod impleret. Soluuntur argumenta primæ sententiæ.

84 Primum argum. quia si Angelus posset moueri de extremo ad extremum sine medio, hoc idem posset conuenire corpori; hoc est falsum; ergo. Sequela

probat, quia si datur, quod Angelus posset lapidem dum motu discreto moueri, etiam lapis eodem motu mouebitur. Resp. quod corpus mouebitur motu continuo non discreto.

85 Secundum argum. quia ordo præscriptus à superiori agente, seruari debet ab inferiori, quando operatur circa ea, quæ sic ordinata sunt; ergo non potest Angelus transire de extremo ad extremum sine medio. Antecedens constat. Conseq. probatur, quia ordo præfixus à Deo inter partes vniuersi, est ordo situs inter ipsas, qui in hoc consistit, quod à parte extrema, ad extremam transcat per intermedias. Resp. concedendo antecedens, & negando conseq. Ad probationem dico, quod ille ordo situs est in ordine ad corporea, non in ordine ad Angelos, qui per quantitatem virtutis, & eleuatam mouentur.

86 Tertium argum. Angelus non potest transire de præterito ad futurum, nisi per præsens; ergo neque posset transire de loco extremo in extremum, nisi transcat per medium. Antecedens adiuuat omnes, nisi in casu annihilationis, vt si nunc annihilaretur, & in parte futura reproduratur. Conseq. probatur, quia ita est essentialis ordo inter partes temporis, sicut inter partes spatij; ergo, &c. Resp. 1. concedendo antecedens, & negando consequens. Ad probationem dico, esse disparē rationem, quia vt Angelus transcat de præterito ad futurum, est necessaria coexistētia, quæ necessariò conuenit Angelo respectu nostri temporis eo ordine, quo temporis partes succedunt. At vt sit in loco requiritur liber contactus per operationem, quo Angelus pro sua libertate potest se applicare partibus extremis, sine intermedijs. Resp. 2. quod loquendo de tempore Angelico discreto mentiente liberas illius operationes, potest Angelus transire de præterito ad futurum sine transitu per præsens.

87 Quartum argum. Angelus non potest immediatè operari indistans, quin prius operetur in propinquum, aliàs operari posset in quamcunque distantiam; ergo.

go neque poterit transire in locum extremum, nisi prius transeat in propinquum, aliàs posset transire ad locum quantumcunque distantem. Si enim parua distantia non impedit, neque magna impedit. Resp. negando antecedens, modo passum sit intra spheram suæ actiuitatis. Poterit quidem Angelus operari ad quamcunque distantiam si prius se nullibi constituat.

88 Sed contra hoc dices, quia maior virtus desideratur ad motum in locum distantem non acquisito prius loco, quam eo acquisito, sed acquisito loco non potest agere in locum quantumcunque distantem, sed requiritur, quod sit intra spheram suæ actiuitatis; ergo neque poterit hoc facere non acquisito loco, seu quando nullibi est. Maior probatur 1. Quia moueri tunc, non pertransito medio, prouenit ex maiori abstractione à conditionibus rerum materialium. 2. Quia in hoc casu non solum deuinceda est difficultas proueniens ex latitudine loci, ut in alio casu; sed etiam alia proueniens ex eo, quod medium omnino prætermittatur; cum enim Angelus habeat locum limitatum, non potest simul medium, & locum distantem, qui sit extra spheram suæ actiuitatis replere. 3. Quia Angelus nequit se abstrahere ab omni loco ante acquisitionem loci distantis; ergo sicut quando est in termino à quo, non potest transire ad locum distantem, ratione excessus distantie; neque quando non est in termino à quo. Antecedens probatur, quia Angelus nequit se absoluerè à loco in instanti in quo est in termino à quo, aliàs simul esset, & non esset in illo; neq; in alio immediato, quia in eo est in termino ad quem, ergo, &c.

89 Resp. negando maiorem. Ad 1. probationem dico, quod eadem abstractio requiritur ad hoc ut Angelus transeat à loco in quo est; ad aliud extremum, non transeundo per medium, ac ad hoc ut se nullibi constituat, & sic ut possit in quocunque distant operari, & esse; nam qui potest primum, potest & hoc secundum. Ad 2. probationem dico, quod eadem difficultas iisdem viribus est superanda. Nam sphaera actiuitatis metienda

est à loco in quo est. Nam si Angelus nullibi sit, non est vnde distantie sphaera metiatur. Ad 3. probationem negatur antecedens, nam in instanti subsequito ad illud in quo erat in termino à quo, potest se absoluerè ab omni loco.

90 Quintum argum. quia ad motum petitur essentialiter ut ante quodlibet mutatum esse requiratur aliquid moueri, aliquam succursio, ergo quod detur in spatio aliquid medium inter id loci in quo datur hoc mutatum esse, & illud, quod est terminus à quo, ac proinde non poterit Angelus transire de extremo in extremum, &c. Resp. negando antecedens in motu discreto, & concedendo in motu continuo. Ratio discriminis est, quia in motu continuo mutatum esse habet rationem termini, non partis; propterea ante quodlibet mutatum esse debet præire motus, respectu cuius illud mutatum esse sortitur rationem termini. At in motu discreto mutatum esse est pars illius; vnde non est necesse, quod ante mutatum esse in termino ad quem præcedat ipsum moueri, sed sufficit, quod præcedat vltimum esse in termino à quo.

91 Sextum argum. quia dum Angelus est in loco, habet rationem propinquitatis, & distantie ad alia, quæ sunt in loco, & etiam ad polos mundi; ergo non potest transire in distans, non pertransito medio. Antecedens constat. Conseq. probatur, quia quod habet distantiam limitatam, ad alia, & ad polos mundi, debet subdi legibus distantie, quæ in hoc consistunt, quod distans non transeat in distans nisi per propinquum. Resp. transeat antecedens, & negatur conseq. Ad probationem dico procedere in corporibus non ratione distantie, sed ratione distantie prouenientis à quantitate formali.

92 Septimum arg. ex Molina est, quia transitus Angeli de extremo ad extremum quæ ponunt Thomistæ est inintelligibilis, & incredibilis quemq; intellectus, tanq; naturæ lumine repugnantem, respuit; ergo, &c. Respondet Vasquez, quod dato, quod Angelus sit in loco per operationem, facile intelligitur, & explicatur, quomodo

Angeli ponat dictum transitum, modo sensibilia relinquuntur. & altiori modo, scilicet spirituali inuestigetur, & contemplatur, quæ solutio constat ex mille dictis: Simile argumentum proponit Suarez, & similem habet solutionem, nec in re addit ex dictis clara, est amplius immorandote.

D. V. B. I. V. M. VI.

An motus localis, siue continuus, siue discretus, sit in Angelo tanquam in subiecto.

93. Prima sententia est, quod motus localis Angeli, non est intrinsicè, ex eo quod operatio in qua consistit non est solum virtualiter, sed etiam formaliter transiens, & recipitur in subiecto, quod ab Angelo mouetur; Sic Caiet Rada, & alij in præsentia.

94. Nostra sententia seq. concl. explicatur. *Motus localis Angelicus, quo per se mouetur, seu operatio in qua consistit, secundum id, quod offert in recto, est in Angelo ut subiecto, licet commoret passionem, & effectum productum in loco.* Hæc concl. colligitur ex D. Tho. *bie art. 3.* cum tradit Nazar. Bann. & alij relati à Salmant. & constat ex dictis à N. Complut. in lib. de anima disp. 7. à nu. 29. quatenus probant motum esse in mobili.

95. Ratio fundamentalis est, quia de ratione motus est, quod per illum mobile aliter se habeat nunc, ac prius; ergo debet recipi in mobili, aliter nõ se haberet nunc aliter, ac prius. Antecedens constat ex ipsa definitione motus. Conseq. colligitur ex antecedenti: Confirmatur, quia ideo Deus non se habet aliter nunc, ac prius; quando denominetur Dominus, aut creator, ex eo, quod iste sunt denominationes extrinsecæ, desumptæ ex creatura; ergo neque Angelus aliter se habebit nunc ac prius dum per se mouetur per denominationem extrinsecam desumptam ex motu existente in alio subiecto.

96. Respondebis ex doctrina Vasq. esse peculiare motui Angelorum; quod tantum possit consistere in denominatione

ne extrinsecæ, desumptæ ex motu corporis, cui Angelus est vnitus: Sed contra, quia illa, quæ sunt de ratione motus per se vt sic, scilicet mobile aliter se habere nunc, ac prius, debent euiuslibet motui conuenire. Tum quia eadem ratione dici posset Deum mutari simpliciter ratione mutationis corporis cui vnitur. Tum etiam quia, vt Angelus moueatur localiter, non est necesse quod localiter moueat alia, sed sufficit, quod producat v. g. lumen in pluribus locis successiuè; ergo tunc non poterit Angelus denominari extrinsecè motus à motu locali corporum, cum nullus tunc interueniat.

97. Respondebis ex Caiet. quod Angelus solum abusiue, & metaphoricè est in loco, ac proinde non poterit motus in eo recipi. Sed contra, quia ex ista responsione solum sequitur, quod in Angelo non recipiatur motus localis propriè dictus, non metaphoricus, & abusiuis. Tum quia negari non potest, quod in Angelo non detur saltem fundamentum illius motus metaphoricæ. Sicut quia ira in Deo solum metaphoricè ponitur; tæcõ datur illius fundamentum, scilicet peccatorum punizio. Tum etiam quia fundamentum motus Angeli est eius operatio, quæ est in eo formalitè, licet virtualiter transeat.

98. Dices ex eodem Caietano, quod fundamentum dicti motus non est operatio formaliter transiens. Sed contra, quia Angelus est purè spiritualis; ergo eius operatio debet esse spiritualis, ac proinde intellectus, indistincta ab intelligere, & velle. Tum quia ideo homo habet operationes & purè intellectuales, & non intellectuales, quia constat ex anima, & corpore; sed Angelus est purè intellectualis; ergo eius operationes formales erunt purè intellectuales. Tum etiam quia motus Angeli, vt tradit S. Doctor *art. 1. huius q. ad 2.* est actus existentis in actu ad distinctionem motus corporei, qui est actus existentis in potentia; sed solum motus partis intellectus, scilicet intelligere, & velle est existentis in actu; ergo. Tum deniq; quia motus progressiuus animalium quippe vitalis inhaeret illis; ergo etiam motus

An.

Angelicus erit illis inhærens, cum etiam sit vitalis. Solvuntur argu. in contrarium.

99 Primum arg. quia Angelus actiue elicit motum localem, quo moueatur, ergo non potest in illo subiectari. Antecedens constat. Conseq. probatur, quia alias idem esset simul agens, & passum. Cum enim Angelus non habeat multitudinem partium, quarum una sit mouens, & alia mota, vt in animalibus contingit, sequitur, quod si motus in illo reciperetur, esset simul agens, & passum. Resp. concedendo antecedens, & negando conseq. ad probationem, dico, quod idem non est agens, & passum, sed voluntas Angelica vt est in actu per primam volitionem se mouet ad electionem mediorum, & intellectus, vt est in actu per primam cognitionem, quæ est ab auctore nature, se mouet ad alias, vnde intellectus informat, prima cognitione, est agens, & secundum se recipit illam, quam agit.

100 Secundum argum. est, quia vt tradit S. Doctor *hic art. 1. ad 3.* motus existentis in potentia, est propter indigentiam suam; at motus existentis in actu, est propter indigentiam aliterius; sed si motus Angelicus consisteret in operatione immanente, esset propter indigentiam propriam, & non aliterius; ergo, &c. Resp. sensum D. Tho. esse, quod motus existentis in actu, non ordinatur ad terminum, sic ut motus existentis in potentia, ac proinde iste est ob indigentiam sui, scilicet termini proprii, non sic ille, cum non exigat ab intrinseco terminum; non enim Angelus mouetur propter motum, qui eum reddat in potentia ad ulteriorem terminum quo indigeat, ad quem ordinatur, aut propter indigentiam alicuius desiderati ad conseruationem sui esse, sed ob indigentiam aliorum.

101 Tertium argum. quia in Angelo non est potentia receptiua naturalis motus localis; nec potentia obedientialis; ergo nulla. Antecedens quoad primam partem constat, quia si Angelus haberet potentiam naturalem receptiuam motus localis, deberet fundari in inclinatione naturali potius ad hunc motum, quam ad

illum; ad hunc locum potius, quam ad illum; ad hanc partem magis, quam ad illam, sed hanc non habet; ergo, &c. Neq. habet potentiam obedientialem, quia hæc respicit Deum auctorem supernaturalem, ergo. Resp. esse in Angelo potentiam naturalem, ex qua inde aliqua perfectio illi accrescit, ex sua scilicet operatione immanente. Bene verum est, quod respicit libertatem ex qua magis inclinatur in actu ad hunc, quam ad illum locum.

102 Sed dices, hinc sequi motum localem factum versus quamcunq. partem esse Angelo connaturali. Hoc videtur falsum; g. Resp. concedendo maiorem, & negando minorem, quod enim est, ab inclinatione elicitæ Angelici, est etiam ab inclinatione naturalis cum illa, in ista fundetur. Secus dicendum est de motu violento; nam iste cum sit contra inclinationem, elicitam, erit etiam contra naturalem Angelici.

103 Quartum argum. motus localis vt distinguitur à mutatione, connaturaliter petit successionem; sed motus petens successionem non potest esse in Angelo, ergo. Minor probatur, quia quod est indiuisibile, & cærens partibus, non potest esse subiectum accidentis successiui. Resp. distinguendo maiorem: motus localis petit successionem in effectu, & conceditur; in ratione proxima, & formali, & negatur, hæc enim cum sit operatio immanens non potest petere successionem formalem.

104 Quintum argum. Nam ibi debet esse motus Angelici v.g. continuus, vbi est eius duratio; sed duratio non est in Angelo, sed in corpore, ergo, &c. Maior constat. Minor probatur, quia duratio continua dicit extensionem partium durationis; sed hæc non potest esse in Angelo, ergo. Resp. concedendo maiorem, & negando minorem. Ad probationem dico, quod duratio temporis Angelici non est continua per continuitatem vniocam cum nostro tempore, sed æquiuoca, & abusiva.

105 Sextum argum. quia motus, & effectus illius identificantur, cum com-

parentur per modum fieri, & facti esse; sed effectus motus, est in corpore moto; ergo etiam motus. Resp. negando maiorem, solum effectus motus imperfecti, qui est actus existentis in potentia identificatur cum motu, cum comparantur per modum fieri, & facti esse, secus effectus motus perfecti, qui est actus existentis in actu, ut patet.

D V B I V M VII.

An motus localis Angeli, continuus ex parte spatij, possit fieri in instanti.

106 **P**rima sententia tenet, quod motus Angeli continuus ex parte spatij potest fieri in instanti; sic Scotus, Gabriel, Rada, Suarez, Molina, Becanus, & alij, apud Salmant. hoc loco.

107 Nostra sententia sequenti concl. explicatur. *Motus localis Angeli, continuus ex parte spatij, non potest fieri in instanti.* Dicitur continuus ex parte spatij, quia involuit manifestam repugnantiam, quod motus habens intrinsecam successionem, fiat in instanti, etiam in sententia aduersariorum. Sic aperte tenet S. Doctor hic *ars. 3. & in 1. diff. 37. qu. 4. art. 3.* & alibi, quem sequuntur eius discipuli, & alij, quos referunt iidem Salmant. vbi supra.

108 Probat. concl. quia impossibile est, quod spatium per quod fit motus habeat successionem partium, & quod motus quo transiri debet, non habeat proportionalem successionem; ergo implicabit, quod ille motus fiat in instanti. Conseq. tenet. Antecedens probatur, quia mensura, & mensurabile debent esse eiusdem ordinis, ac proinde si mensuratum habet successionem, etiam illius mensura debet eam habere. Tum quia alias motus haberet adæquationem, & non haberet cum illo spatio. Haberet, quia supponitur adæquare totum illud spatium, & correspondere omnibus, & singulis partibus. Non haberet, quia cum fieret in instanti, non haberet partes

quibus corresponderet toti loco sibi adæquato, & paribus eius. Tum etiam quia si Angelus esset in loco sibi adæquato v.g. in vna leuca, & moueretur absque interruptione per maius spatium, quam prædictæ leucæ, tunc esset in maiori loco simul, quam sit ille, quem simul potest replere. Sicut si corpus pedale moueretur instantaneè per columnam tripedalem, tunc enim simul esset in toto locotripedali, ac proinde repletet simul maiorem locum, quam esset sua quantitas. Tum denique, quia spatium vt pertransibile, per medium vt tale, debet habere aliquem ordinem inter medium, & extremum, sed iste ordo debet esse successio- nis; ergo.

109 Confirmatur ex discrimine, quod intercedit inter illuminationem, & motum localem, quia licet motus, & illuminatio conueniant in hoc, quod vtrumque fir in medio, & extremis, tamen lumen per medium diffusum ad extrema, non est vnum, & idem, sed partialiter ratione quantitatis, distinctum, & media vt subordinata luminoso, sunt causæ attingentia luminis vt in parte distantiori: vnde lumen diffundi, non dicit ordinem successionis, sed causalitatis, ac proinde potest fieri in instanti, ex eo, quod ad hanc causalitatem non requiritur ordo prioris, & posterioris secundum successionem. Ceterum dum Angelus transit à termino à quo, ad terminum ad quem per medium, tunc idem Angelus est, qui transit per medium ad extremum, ac proinde medium non est causa transitus Angeli ad extremum; hoc enim ipso, quod idem Angelus sit ille qui transit, non est id, quod transit, & quasi diffunditur, subditum causalitati medij, ac proinde non potest ab eodem medio produci; alias motus Angelicus non esset ordinis elc- uationis, ac proinde Angelum transire per medium, dicit ordinem realis successionis.

110 Respondent aliqui, quod ex nostra ratione solum colligatur, quod in motu Angelico, & spatio, decur ordo successionis, non quidem temporis, sed fen-

cundum prioritatem, & posterioritatem naturæ, & ex nostra consideratione. Sed cōtra, quia negari non potest, quin sit aliquis ordo realis inter partes spatij vt pertransitas medio illo motu, aliàs mobile non diceretur realiter pertransire ad partes posteriores per intermedias, sed solum nostra conceptione, & consideratione, sed iste ordo non est tantum causalitatis, vt dictum est; nec tantum naturæ vt patet; nec extensionis permanentis, quia hæc conuenit spatio secundum se, non vt formaliter pertransiatur; ergo erit successio.

111 Sed dices, quia in motu discreto potest tam medium, quam extremum simul pertransiri sine reali successione prioris, & posterioris; ergo hoc idem contingere poterit in motu successiuo. Antecedens constat. Conseq. probatur ex paritate rationis. Resp. concedendo antecedens, & negando conseq. ratio discriminis est, quia in motu discreto non fit ille transitus ad extremum per mediū formaliter, sed tam medium, quam extremum computantur vt vnicus terminus ad quem; vnde solum materialiter, & in esse rei, est ibi medium. At in motu continuo, medium vt tale formaliter attingitur. Vnde in motu discreto non reperitur ordo successionis, bene in motu continuo.

112 Respondent alij nostræ rationi, quod licet conuincat intentum respectu motus corporei, & proprii corporum, non tamen respectu motus Angelorum, cum enim iste sit eleuatus supra motum corporum non debet ex necessitate afferre successionem. Sed contra, quia quod est de ratione motus continui etiam vt eleuati, debet conuenire motui Angelico; sed de ratione motus continui etiam eleuati est, quod sit per medium vt tale, ac proinde, quod habeat ordinem prioris, & posterioris; ergo. Maior constat. Minor colligitur ex dictis, & ex ipsa motus continui definitione. Tum quia ad rationem motus eleuati, & continui non est necesse, quod si mobile sit in prima ex quatuor partibus v. g. leuæ, debeat pertran-

sire reliquas tres partes, aut primam, & secundam per modum mediij, vt ad vltimam perueniat, sed sufficit, vel quod ex prima, deueniat ad tertiam tanquam ad medium, vt inde ad vltimam transeat; vel quod pars motus correspondens medio, & pars, quæ correspondet vltimæ, sit formaliter diuisibilis, & solum virtualiter diuisibilis: vel denique quod medijs prædictis partibus, aut quasi partibus, sit partim in termino à quo, & partim in termino ad quem; in omnibus tamen requiritur ordo successionis, ergo, &c.

113 Sed dices, quia sicut modus essendi in loco definitiue, ratione eleuationis, solum petit, quod locatum sit in loco definitiue, scilicet totum in toto, & totum in qualibet parte, & diuisibilitas formalis non tenet se ex parte locati, sed loci, & ex parte locati sola diuisibilitas per nostram considerationem se tenet; sic motus continuus eleuatus, & definitiue non dicit continuationem formalem ex parte motus se tenentem, seu intrinsecam motui, sed solum ex parte spatij. Tum quia ideò motus continuus corporis requirit formalem extensionem, quia corpus est in loco, & illi commensuratur; sed Angelus non commensuratur loco, nec spatio; ergo in suo motu non requirit diuisibilitatem; & extensionem. Tum etiam quia ideò corpus dum mouetur per medium, & spatium habet intrinsecam continuationem, quia continetur à loco; sed Angelus continet locum, ergo, &c. Resp. concedendo antecedens, & negatur conseq. Ratio discriminis est, quia Angelus in præsentia permanenti non respicit medium, vt formaliter medium, sed materialiter tantum; at in motu continuo medium respicitur vt medium, ac proinde debet indispensabiliter afferri continuitas. Ad 1. probat. dico, illam causalem maioris non esse veram, quia tamen Angelus non commensuretur loco, eo tamen ipso, quod eius motus est continuus, siue per vnica, siue per plures operationes, debet taliter moueri, vt non sit simul in prima, & vltima parte, vt ex dictis constat.

114 Tandem respondent alij rationi factæ

factæ, quod ex illa solum sequitur, quod in spatio, vt formaliter pertransibili debeat aliquis ordo inueniri, quod scilicet medium habeat se per modum conditionis respectu Angeli, ad extremum, licet non sit vera causa illius, vt contingit in diffusionem lucis per medium; nam lucem diffundendi per medium habet se vt editionem ad hoc vt pertingat ad extremum illuminandum. Sic in motu Angeli. Ex quo non lequitur, quod in motu Angeli debeat dari ordo prioris, & posterioris secundum successionem. Sed contra, quia aliud est, an diffusio luminis, seu an diffusio motus per totum spatium requiratur, quod etiam per medium diffundatur. Et aliud est, an prius, & cum aliquo ordine debeat fieri per medium vt tale, quam per extremum. Ad illud prius non requiritur successio, bene ad hoc posterius: Ceterum illud primum, non est motus continuus, bene tamen hoc secundum. Soluuntur argum. in contrarium.

115 Primum argum. Corpus gloriosum potest se mouere de loco ad locum in instanti ergo etiam Angelus. Antecedens probatur, quia dictum corpus habet requisita ad istum motum; nam ob agilitatem non resistit motori, & ob subtilitatem non patitur resistantiam à passio. Vnde dicit S. P. Aug. lib. 32. de ciuit. cap. ult. *Certe ubi uolet Spiritus, ibi protinus erit corpus.* Resp. negando antecedens. Ad probationem dico, quod successio motus non oritur ex eo, quod mobile patitur resistantiam; nam neque Angelus patitur resistantiam, & tamen non potest moueri in instanti. Bene verum est, quod corpus gloriosum ciusmodi mouetur, sicut & Angelus, & hoc uult S. P. Aug.

116 Secundum argum. quia motus Angelicus nil aliud est, quam intellectio, & uolunt: sed istæ operationes possunt perfici in instanti; ergo, &c. Resp. concedendo maiorem, & minorem, & negando consequ. licet enim dictæ operationes secundum se possint perfici in instanti, non tamen vt sunt ratio essendi in loco per motum continuum, seu per motum medium.

117 Tertium argum. quia Angelus potest moueri tanta velocitate vt nulla sit proportio inter velocitatem prædicti motus, & motus corporum; ergo mouebitur in instanti, aliàs esset aliqua proportio. Antecedens probatur, quia potentia locomotiva Angeli est absque ulla proportionem perfectior potentia locomotiva corporis; sicut puritas Angeli à materia, est incomparabiliter maior corpore. Resp. concedendo antecedens, quia Angelus potest moueri maiori, & maiori velocitate usque in infinitum, non tamen unquam in instanti.

118 Sed contra hanc solutionem dices 1. quod potentia locomotiva Angelica est finita, ergo solum potest moueri velocitate finita, non maiori, & maiori usque in infinitum. Tum quia ideo lumen gloriæ non est principium videndi Deum perfectius, & perfectius usque in infinitum, quia est finitum, & limitatum; ergo, &c. Tum etiam quia ideo diuina omnipotentia est infinita, quia potest attingere effectum perfectiorem, & perfectiorem usque in infinitum, &c. Tum denique quia supremus Angelus non posset moueri celerius alio, quia non posset moueri in instanti. Resp. concedendo antecedens, & negando consequ. nam etiam potentia calefactiua potest producere infinitos calores syn-categorematicè. Ad 1. probationem de lumine gloriæ dico, esse disparem rationem, quia lumen gloriæ est de genere earum rerum, quæ producunt effectus iuxta mensuram intensionis. At potentia loco motiua in Angelis non requirit intensionem vt producat maiorem, vel minorem velocitatem, ita quod hæc semper debeat commensurari cum intensione potentie. Ad 2. probationem dico, quod ideo diuina omnipotentia est infinita, quia potest attingere effectum perfectiorem, & perfectiorem in omni genere entis. At potentia loco motiua Angeli, solum in linea velocitatis potest effectum suum attingere. Ad 3. probationem posset concedi sequela, quia in alijs posset splendere excessus, vt quod habeat maiorem

iorem sphaeram extensionis localis; quod motu discreto possit moueri ad maiorem distantiam. Sicut non est inconueniens dicere, quod omnes sint æque puti ab omni materia physica, licet vnus sit minus potentialis alio. Vel dic, quod etiam in velocitate se excedunt, ex quo tamen non sequitur, quod aliquis possit moueri in instanti.

D V B I V M VIII.

An motus localis discretus Angeli, possit fieri in instanti.

119 **P**rima sententia tenet, quod motus localis discretus Angeli possit fieri in instanti. Sic Scotus, Rada, & omnes alij relati dub. præcedenti pro prima sententia. Nostra sententia sequenti conclusione explicatur. *Motus Angeli discretus non potest esse in instanti.* Sic D. Thomas *hic art. 3. & in 1. dist. 37. q. 4. art. 3.* quem eius discipuli sequuntur.

120 Probatur 1. quia motus discretus constat ex tribus, vel quatuor indiuisibilibus, mensuratis totidem instantibus discretis, seu totidem vnitatibus, sicut quantitas discreta, scilicet numerus; sed dicta indiuisibilia non dicuntur quid permanentes, & vt simul sunt, sed successiue; ergo oportet, quod in tali motu consumetur tempus, & non solum intrans noferum. Maior constat. Minor probatur, quia mobile in quolibet indiuisibili aliter se habet, ac in alio, quod esse nequit si non se haberet successiue.

121 Probatur 2. quia motus discretus est à loco in locum, discreto modo; ergo non potest Angelus hoc motu moueri in instanti. Antecedens constat, quoad primam partem, quia aliàs non esset motus localis: de cuius ratione est, quod sit à terminis positio, in positum; secundum pars ostenditur, quia aliàs non esset motus discretus. Consequenter probatur, quia transitus à termino positio in positum est commutatio vnius loci pro alio, sed hæc inuoluit successionem duorum saltem instantium, quorum vnum sit ter-

minus à quo, aliud, ad quem, aliàs non esset commutatio discreta, & de genere fluentium. Tum quia aliàs idem eilet simul in vtroque loco, & in eo quem deserit, & in eo quem acquirit.

122 Probatur 3. quia in hoc distinguitur motus localis Angelicus à mutatione Angelica, quod ista est à termino priuatiuo, aut negatiuo ad posituum; ille verò est à termino positio in positum; ergo sicut mutatio dicitur derelictionem termini à quo priuatiuo, & acquisitionem termini ad quem posituum; ita motus dicitur derelictionem termini positui, & acquisitionem termini item positui, ac proinde dicitur, quod per vltimum esse derelinquat terminum à quo; ita vt tunc vltimò sit in illo, & quod immediate post non sit in eo, ac subinde successiue.

123 Probatur 4. nam mobile motu discreto incipit moueri dum est in termino à quo per vltimum sui esse in illo, seu incipit moueri in illo nunc, in quo verificatur, quod mobile est vltimò in termino à quo, & immediate post non est in illo, ne simul deat commutatio vnius loci pro alio, & mobile sit in vtroque loco à quo, & ad quem; ergo non potest dari motus discretus in vno instanti, sed dari debet successio vnius instantis ad aliud.

124 Probatur 5. quia licet indiuisibile additum indiuisibili, non faciat maius in quantitate continua, bene tamen in discreta, vt docent Complut. in *Physic. disp. 26. n. 25.* Sed motus discretus Angelicus se habet ad instar quantitatis discrete fluentis; ergo vnum indiuisibile illius additum alteri, faciet maius, maiore successione. In quantitate namque continua, indiuisibile tangit aliud secundum se totum, & sic non facit maius. At indiuisibile quantitatis discrete facit maius, quia non est, quando est aliud, sed immediate post, ac proinde ponit successionem, ac subinde maius in successione. Soluuntur argum. in contrarium.

125 Primum argum. quia motus discretus præcisè consistit in acquisitione termini ad quem; ergo fit in instanti. Con-

liiii seq.

seq. constat, quia hæc acquisitio sit tota simul. Antecedens probatur, tum quia dum Angelus est in termino *à quo*, non mouetur, quia non mutat tunc locum nec tunc aliter se habet, ac prius. Tum, etiam quia Angelus in tali termino quiescit, etiam in instanti terminatiois temporis, in quo fuit in eo; nam quiescens aliquo tempore v.g. horæ, quiescit etiam in instanti terminatiois illius, ac proinde non erit tunc motus. Resp. negando antecedens, ut enim ex dictis constat, motus Angelicus discretus mensuratur utroque instanti, scilicet eo in quo est per ultimum esse suæ præsentis, scilicet in termino *à quo*, & eo in quo incipit esse per primum esse, scilicet in termino *ad quem*. Pro quo nota, quod illa descriptio in termino *à quo* per ultimum esse præsentis Angelice, & instans per quod mensuratur, possunt sumi dupliciter. Primo secundum se, & absolute. Secundò ut dicunt ordinem potentialitatis, & viz ad præsentiam in termino *ad quem*, immediate ponendam. Et ad instans immediate subsequens, ita ut ex illa descriptioe vnus præsentis, & acquisitionis alterius, tanquam ex duplici parte, resuletur vnus, & idem motus; & ex illo duplici instanti, quorum vnum immediate succedit alteri, coalescat aliquod tempus cum ibi sit vnus motus secundum prius, & posterius. Quare licet Angelus in illo instanti termino *à quo*, non incipiat moueri, sumpta descriptio absolute, & secundum se, bene tamen si accipiat, ut dicit prædictum ordinem potentialitatis, & viz, modo explicato.

126. Ad 1. probationem, dico, quod quando Angelus est in termino *à quo*, mouetur initiatiue, non tamen dicitur pro tunc mutare locum, aut quod aliter se habeat ac prius, nisi initiatiue. Ad 2. probationem dicendum, quod cum dicitur, quod quiescens per horam, debet quiescere in instanti terminatiois, facit sensum, ut dub. seq. dicitur, quod motus sumptus pro completa, & actuali acquisitione alterius loci, seu prout dicit rationem formalem motus discreti, habet

quietem in instanti terminatiois, non in instanti initiatiois, prout dicit partem motus discreti.

127. Secundum argum. quia inter illa duo instantia nihil datur medium, quo vniantur; ergo si Angelus mouetur, vel debet moueri in primo instanti, aut in secundo, aut in utroque; non in primo ob rationem dictam; neque in utroque, cum non sint simul, ergo in secundo. Resp. quod Aägelus incipit moueri in primo instanti, non quia tunc detur motus, sed solum pars motus, & hoc modo in utroque instanti mouetur; ad quod sufficit, quod sint simul simulate successiones, quatenus vnum succedit alteri. Quo modo est vna oratio ex similitudine successione partium illius.

D V B I U M I X.

An rationes D. Thomæ art. 3. probent motum localem Angeli non posse fieri in instanti.

128. Prima sententia negat rationes D. Thomæ probare sufficienter quod motus Angelicus non possit fieri in instanti. Sic Molina, Suarez, & alij relictis dub. præcedentis. Nostra sententia sequenti conch. explicatur: Rationes D. Thomæ probant sufficienter, quod motus Angelicus non possit fieri in instanti nostri temporis, sed quod debeat fieri in tempore. Procedit hæc conclusio de quocumque motu Angelico, siue continuo, siue discreto. Et eam tradunt discipuli S. Thomæ & alij, ut testantur Salmant. hoc loco.

129. Prima ratio D. Thomæ est, quia de ratione quietis est, ut quiescens se habeat eodem modo nunc quam prius; ergo quiescens tempore horæ, eodem modo se habet in ultimo instanti ac prius; ergo non potest Angelus moueri localiter in instanti. Antecedens supponit S. Doctor ut perspicuum, ex eo, quod quies definitur ex Arist. 6. Phys. cap. 3. text. 32. quod sit id, quod quiescens eodem modo se habet nunc, ac prius. Sicut enim quod mou-

mouetur non eodem modo se habet nunc ac prius: ita quod quiescit, eodem modo se habet nunc ac prius. Prima consequenter probatur, quia si quiescens non quiesceret etiam in ultimo instanti terminatio horæ, aliter se haberet nunc ac prius, ac proinde non quiesceret, & sic non verificaretur, quod aliter se non haberet nunc ac prius, & sic non verificaretur proportio inter motum, & quietem. Secunda consequenter liquet, quia si Angelus moueretur localiter in instanti, posset quiescere toto tempore antecedenti ad motum, & in ultimo instanti terminatio posset moueri, contra id, quod dictum est, quod quiescens toto tempore vnius horæ, debet etiam quiescere in ultimo instanti terminatio eiusdem horæ.

130. Secunda ratio D. Thomæ, quæ ex eodem art. desumitur, est, quia mutationes instantaneæ, & non requirentes tempus ad hoc ut executioni mandentur, sunt termini alicuius alterius motus; sed motus localis Angelicus non potest esse terminus alicuius alterius motus; ergo non potest esse mutatio instantaneæ, quæ in instanti perficitur, sed debet aliquid tempus consumi in eius executione.

131. Tertia ratio, quæ ex eodem art. depromitur est, quia quies priuatiua non potest esse in instanti, ut ex dicendis constabit: unde si Angelus per horam localiter moueretur vsque ad vltimum instantis exclusiue, non quiesceret priuatiue in eo instanti, quia non se haberet eodem modo ac prius; ergo eadem ratione motus ei oppositus non poterit compleri in instanti, ac proinde quiescens per dictam quietem debet in eodem instanti quiescere quiete negatiua, prædictam quietem priuatiuam terminante. Tum quia de ratione quietis est, quod quiescens eodem modo se habeat in omnibus instantibus illius horæ, aliàs quies non esset terminata.

132. Quarta ratio, quæ in eodem art. insinuat est, quia quies priuatiua necessario est in tempore, ac proinde debet extrinsecè terminari per quietem negatiuam; ergo quiescens in aliquo loco per

totum illud tempus eodem modo se habebit circa locum, etiam in vltimo instanti terminatio eiusdem; ergo non poterit in instanti se mouere, sed in tempore. Vtraque consequenter constat, nam si quiescens in loco non mouetur neque in instanti terminatio, eodem modo se habebit etiam in illo instanti. Antecedens quoque ad primam partem constabit ex solutionibus argum. Secunda pars probatur, quia sicut motus qui est in tempore terminatur termino indiuisibili extrinsecò, scilicet *mutato esse*, ita quies priuatiua, quia est in tempore debet terminari aliquo termino extrinsecò, scilicet quiete negatiua; tum quia hæc est terminus proportionatus illius. Tum etiam quia dictus terminus extrinsecus nequit esse aliquis motus, cum quies non dicat tendentiam ad motum, sed potius sit terminus ad quem motus localis, ac proinde quies negatiua, dicens non motum, debet esse terminus quietis priuatiuæ. Præterea, quia ratio peculiari hoc est verum in quiete opposita motui locali; nam quiescens in loco quiete priuatiua, nihil intrinsecè acquirit pertinens ad locum acquirendum, & sic terminus eius extrinsecus nequit esse motus ad talem locum. Denique quia aliàs quies haberet pro termino *ad quem*, aut *ad quem* aliquem motum, ita quod non daretur primum esse in loco, aut vltimum esse in illo, quod est falsum. Nam si datur primum esse in loco, & in illo non datur quies priuatiua, quia hæc solum potest esse in tempore, sit, quod inter motum præcedentem, qui tunc non est, & inter quietem priuatiuam, ponendam in tempore sequenti, debeat mediare illud negatiuum, scilicet non moueri, seu quies negatiua, hoc enim ad primum esse in illo loco desideratur. Similiter si datur vltimum esse in loco, sequitur, quod inter quietem priuatiuam, quæ non potest esse in illo vltimo esse, & motum subsequutum, debeat etiam mediare illud negatiuum, scilicet non moueri, seu quies negatiua. Soluuntur argumenta contrariorum contra rationes Diu. Thomæ.

133 Primum argum. quia ex definitione quietis, quod scilicet quiescere est eodem modo se habere nunc ac prius, non colligitur eodem modo se habere in instanti succedenti, vel successuro, seu in instanti, quod est terminus temporis mensurantis quietem, sed solum colligitur, quod quiescens debet se habere eodem modo nunc in presenti, & in antecedenti: unde bene poterit in instanti terminatio illius horæ moveri. Deinde non est vniuersaliter verum, quod quiescens debet se eodem modo se habere nunc ac prius. Nam si aliquod mobile moueretur per horam vnā, & per aliam quiescat, tunc in primo instanti secundæ horæ quiesceret, & tamen non eodem modo se haberet nunc ac prius, quia tunc quiesceret cum tamen antea moueretur, vel esset sub mutato esse vltimo prioris motus, sub quo in instanti illo quietis, non est; ergo non est de ratione quietis, quod quiescens eodem modo se habeat nunc, ac prius. Respondetur negando antecedens, quia licet in definitione quietis nō ponatur expressè, nisi quod quiescere est eodem modo se habere nunc ac prius; tamen bene ex hoc inferitur, quod quiescens per horam, debet etiam quiescere in instanti terminatio illius, vt ex dictis, & ex dicendis magis patebit. Ad id, quod additur dico, quod quies priuatiua de qua dicta definitio procedit non potest esse in instanti terminatio motus, sed debet mensurari tempore; cum dicat habere se eodem modo nunc, ac prius; cum hoc tamen statim, quod vltimum terminatum eius possit esse in instanti, cum terminetur per quietem negatiuam; item quies negatiua datur in vltimo terminatio motus, quod importat non motum. Quocirca in illo instanti terminatio primi motus non datur quies priuatiua, sed illud instans est initium extrinsecè prædictæ quietis per secundam horam, cum incipiat per vltimum non esse, ac proinde illud instans non est id in quo mobile mouetur, aut quiescat priuatiue, sed in quo nō

mouetur, seu in quo quiescit negatiue.

134 Secundum argum. contra id, quod in ratione dicebatur, quod sicut id, quod mouetur non eodem modo se habet, ac prius; ita quod quiescit eodem modo se habet ac prius, quia quod quiescit toto tempore vnius horæ non oportet, quod quiescat in instanti terminatio illius, ac proinde nec quod eodem modo se habeat ac prius; quod enim mouetur toto illo tempore, non debet moueri in instanti terminatio illius horæ, ex eo, quod motus per primum, non esse definit in illo instanti. Resp. negando antecedens. Licet enim quod mouetur toto tempore horæ, non moueatur in vltimo instanti terminatio eiusdem horæ, tamen datur in illo motum esse terminans prædictum motum, & correspondens vltimo instanti terminatio eiusdem horæ. Et sic vt seruetur proportio inter motum, & quietem per horam illi oppositam, debet dari aliquid illius quietis, terminans eam quietem priuatiuam, & consistens in quadam quiete negatiua, potens correspondere instanti terminatio horæ.

135 Tertium argum. contra id, quod dicebatur, quod id, quod quiescit toto tempore horæ, debeat etiam quiescere in vltimo instanti terminatio illius, quia si hoc esset verum, fieret quod nulla mutatio, etiam puræ, & simplicis intellectus possit esse in Angelo in instanti, sed quolibet denuo incipiens deberet esse in tempore. Nam hoc ipso, quod Angelus denuo incipiat intelligere aliquid obiectum, iam non intelligebat illud tempore antecedenti, ac proinde tempore antecedenti quiescebat à prædicta intellectione, ac subinde non posset in vltimo instanti v.g. horæ elicere illam, & moueri, siue mutari per ipsam, aliàs non toto tempore præcedenti quiesceret, cum non quiescat in vltimo instanti illius. Resp. negando sequelam, quia ratio nostra procedit solum de quiete opposita motui, qui per se est inter terminos positivos. Ac proinde non omnia quæ dicuntur.

euntur de quiete opposita dicto motui, possunt adaptari quicunque quieti, ut est illa quæ Angelus quiescit à simplici intellectione, hæc enim potest esse etiam in instanti terminatio v. g. horæ præcedentis. Cum enim simplex intellectio non sit virtualiter transiens, non opponitur motui, ac proinde poterit esse in illo instanti terminatio.

136 Quartum argum. quia non obstante proportionem, quæ est inter motum, & quietem, adhuc motus potest mensurari tempore, & quies Angelica, debet necessariò mensurari per instans temporis discreti; ergo quiescens per horam non discretiò quiescet in ultimo instanti, sed in illo poterit moveri. Antecedens constat, quia cum quies duret cū omnimoda vniformitate, oportet, quod mensuretur vnico, & eodem instanti Angelico. Conseq. probatur, quia adhuc ut quies mensuretur instanti Angelico discreti, non est necesse, quod duret in ultimo instanti terminatio horæ, cum in dicto instanti possit esse motus. Tum quia mobile multoties non habet in suo motu terminationum, ut contingit in motu alterationis durante vsque ad introductionem formæ substantialis v. g. ignis. Tunc enim alteratio, & calefactio per accidens manent sine ultimo terminatio, ex eo, quod dum terminari deberent introduci- tur forma substantialis; ergo eadem ratione poterit, saltem per accidens deesse Angelicæ quieti per horam in aliquo loco ultimo terminatio illius, correspondens instanti ultimo terminatio horæ.

137 Resp. dato quod quies Angelica per vnā horam mensurari possit instanti discreti, adhuc nihil sequitur contra rationem D. Thomæ, quia in ea tantum vult, quod quiescens per horam, debet quiescere in ultimo instanti terminatio illius coexistenter ad vltimum instans nostri temporis, licet detur, quod prædicta quies mensuretur intrinsecè per aliam mensuram superiorem etiam instantaneam. Et sic motus oppositus isti quieti non potest perfici in instanti, & cor-

respondenter ad instans nostri temporis. Ad illud, quod dicitur de motu alterationis dicendum, esse disparatè rationem, quia cum motus alterationis subiectetur in toto composito, & hoc in illo instanti deficiat, & euaneseat, etiam ipsa alteratio debet euanesce- re. At in nostro casu non definit subiectum, ac proinde & motus localis, & eius quies per horam debent correspondere vltimo instanti terminatio eiusdem horæ.

138 Quintum argum. quia si Angelus esset in aliqua parte sui loci adæquati per horam posset moveri in vltimo instanti terminatio illius ad acquirendas alias partes, non relinquendo priorem illam partem eiusdem loci adæquati; ergo eadem ratione licet quiescat per horam in prædicta parte, poterit in vltimo instanti terminatio horæ relinquere prædictam partem loci adæquati, & moveri localiter ad aliam partem. Resp. concedendo antecedens, & negando conseq. Ratio discriminis est, quia in casu antecedentis Angelus non se haberet aliter, ac prius respectu loci in quo erat quiescens; sed respectu alterius respectu cuius non erat quiescens. At in casu cōsequenti haberet se aliter respectu loci in quo erat quiescens.

139 Sextum argum. quia ratio D. Tho. non conuincit intentum saltem respectu motus discreti, imò ex ea sequitur, quod dictus motus nunquam possit incipere; ergo, &c. Probatur antecedens, quia si motus discretus posset incipere, inciperet in instanti, nam cum per motum discretum acquiratur locus totus simul, sequitur, quod instantaneè acquiratur; & instantaneè incipere non possit, si ratio D. Thomæ esset efficax, quia eo ipso toto tempore antecedenti Angelus quiesceret & in vltimo instanti terminatio illius inciperet moveri, ac proinde in eodem instanti non quiesceret. Resp. quod dictus motus discretus incipit in instanti temporis discreti Angelici, ad quod non est necessarium ut præcedat tempus Angelicum mensurans quietem Angeli, & terminationem per prædictum instans. Sed dices, quod illi instanti temporis discreti debet

cor.

instans, & quieti antecedenti aliquod tē-
correspondere in nostro tempore aliquod
pus, hoc ipso, quod inceptioni correspon-
deat instans; ergo respectu huius motus
verificabitur, quod quiescens toto tem-
pore antecedenti, non quiescit in ultimo
terminationis illius, cū in illo incipiat mo-
ueri per inceptionem intrinsecam alieni
ius partis eiusdem motus. Tōm quia non
potest dari aliquod instans temporis dis-
creti, quin correspondeat alicui instanti,
vel parti nostri temporis; ergo vel instans
illud discreti mensuratur inceptionem
motus discreti coexistit ultimo instanti
nostri temporis terminatio v. g. vnius
horæ, vel alteri instanti immediato isti
terminanti horam? Non primum, quia
oppositum intendit ratio D. Thomæ; non
secundum, quia in nostro tempore non
dantur duo instantia immediata. Item
vel coexistit parti temporis successui post
instans terminatum horæ; & neq; hoc;
alias illa inceptio motus discreti non es-
set tota simul, cum fieret in tempore. Vel
coexistet instanti terminatio prædicta
partis temporis, & neq; hoc, alias seque-
retur inconueniens intentum in ratione
D. Thomæ.

140 Resp. concedendo antecēdens,
& distinguendo consequens: verificabitur,
quod quiescens toto tempore, non quie-
scat in ultimo instanti per quietem priuati-
uam, transcat eontrarij per quietem nega-
tiuam, dicentem hoc, quod est non mo-
ueri præcisè, negatur conseq. Ad proba-
tionem dico, quod instans discretum,
quod mensurat inceptionem motus dis-
creti, potest coexistere ultimo instanti no-
stri temporis terminationis v. g. vnius horæ.
Nec aliqd. vult S. Doctor; vult namq; so-
lum, quod in illo instanti non possit esse
motus continuus, vel discretus; non ta-
men quod non possit esse pars motus, que
non sit motus, sed initium motus. Deinde
probabile est, quod prædicta inceptio
motus discreti possit per coexistentiam
accidentalem correspondere parti nostri
temporis, licet mensuretur per instans
temporis discreti.

141 Septimum argum. quia licet in

motu continuo vnius horæ detur vltimum
terminatiuū distinctum à partibus motus;
non tamen in motu discreto: f. nam iste
motus constat duobus, vel tribus instan-
tibus, quorum quodlibet est pars illius;
ergo falsum est, quod in dicto motu detur
aliquod terminatiuum distinctum à par-
tibus, quod correspondeat instanti termi-
natio alicuius temporis; ac proinde po-
terit incipere in instanti correspondenti
primo instanti horæ, & durare vsque ad
instans terminatiuum eiusdem horæ ex-
clusiue. Resp. quod licet in motu discre-
to non detur terminatiuum distinctum à
partibus, sicut nec in tempore discreto il-
lum mensurante vt propria mensura, ta-
men re ipsa coexistit, & habet coexistenti-
am accidentalem ad tempus nostrum,
& ad instans terminatiuum illius, sicut &
quies illi opposita.

142 Octauum argum. quia falsū di-
ctum est, quod mutatio instantanea sit
terminus alicuius motus; nam mutatio-
nes intentionales sensuum, & intellectus,
non sunt terminus alicuius motus: Con-
uersio substantialis panis in Corpus Chri-
sti si illam Deus per se faceret instantane-
ne non esset terminus alicuius motus.
Illuminatio medijs est mutatio instantanea
& non est terminus motus, maxime illa
quam fecit Sol in instanti sue creationis.
Generatio substantialis est mutatio instā-
tanea, & non est terminus motus, &c.
Resp. negando antecēdens; quia D. Tho-
mas loquitur de mutationibus instantaneis
corporeis, aut concernentibus aliquod
corporeum; vnde excluduntur mutatio-
nes sensuum, & intellectus. Illuminatio
est terminus motus, eisdē primis, seu quan-
do primò incipit. Generatio est terminus
alterationis, &c.

143 Vltimum argum. quia non bene
inferitur, quod motus sit terminus extrin-
secus quietis priuatiuæ, ex eo, quod hæc
sit in certo aliquo tempore, & in instanti
terminatiuo mensurante illum detur mo-
tus, nam tunc motus, & quies in pertinent
ter se habent, cum quies non sit ibidem
cum ordine ad motum, neq; motus cum
ordine ad quietem. Resp. quod motus nō

De Cognitione Angelorum.

307

se habet impertinenter ad quietem, imò potius hæc per illum terminatur, si semel in ultimo instanti terminatio temporis, mensurantis dictâ quietem datur ille motus; quæ enim necessario mesurantur tē-

pore, ut est quies priuatiua, oportet, quod aliquo termino extrinseco, mesurentur, scilicet tempore, & motu, qui est terminus extrinsecus dictæ quietis priuatiuæ.

S V M M A R I V M

Q V A E S T I O N I S LIV.

De Cognitione Angelorum.

ITEM AEC q. habet quinque articulos. In i. ostendit S. Doctor, quod intelligere Angelum distinguitur ab eius substantia, quia se habet per modum actus secundum, & substantia per modum actus primi: nulla autem substantia creata est ipsemet actus secundus, nec quantum ad esse, nec quantum ad operari, quia careret potencialitate, & esset actus purus. In 2. art. ostendit, quod intelligere Angelum distinguitur ab eius essentia, seu esse, quia omnis operatio si est transiens, non est esse rei, quia exire extra illam. Si est immanens actui, quidem sum operante in, non tamen est esse illius, quia est indifferens ad multa intelligenda, vel volenda, & diuersificatur secundum obiecta, esse autem rei, est vnius speciei determinata. In tertio art. docet quod non solum ipsum intelligere Angelum, sed etiam ipsa potentia intellectiva distinguitur ab eius essentia, seu substantia, eo quod substantia, & potentia operatiua ordinantur ad diuersos actus: substantia ad esse, & potentia operatiua ad operari, & operari, quod est intelligere, differt ab esse; ergo substantia Angelum, quæ est in potentia ad esse, non est idem, quod potentia operatiua. In 4. art. dicit, quod in Angelo non datur duplex intellectus, possibilis, & agens: isti namque duo intellectus distinguuntur, quatenus intellectus possibilis est in potentia ad species intelligibiles, agens

autem, reducit illum in actum, imprimendo illi tales species ex obiectis desumptas. Verum Angelus est intellectus perfectus, respectu eorum, quæ naturaliter cognoscit, ac proinde habet species congenitas, & sic non indiget intellectu agente. In 5. art. dicit, quod in Angelis solum est cognitio intellectiva, quia sensitiva est corporea, Angeli autem sunt purè immateriales, nec habent corpora sibi vnita, ac proinde earent potentijs sensitiuis, quæ indigent organis corporeis. Super ista quæ duo solum dubiola sunt in gratiam aliquorum excitanda.

D V B I V M I.

An rationes D. Thomæ quas ponit in art. 1. & 2. probent sufficienter, quod intelligere Angelum non sit sua substantia.

Prima sententia est, quod D. Thomas non probet efficaciter quod intelligere Angelum non sit sua substantia, sic Vasquez, Valentia, & alij hoc loco. Nostra sententia duabus conclusionibus explicatur. Prima conclusio. Prima ratio D. Thomæ sufficienter probat intelligere Angelum non esse eius substantiam. Sic post D. Thomæ discipulos tenent Salmant. hoc loco. Ratio prima D. Thomæ est, quia solus actus purus, scilicet Deus est sua actualitas, sed Angelus non est actus purus; ergo Angelus non est sua actualitas, seu sua intellectio. Mi-

nor constar, quia cum Angelus afferat compositionem ex essentia, & esse, ex qua desumitur compositio metaphysica, non est actus purus. Maior probatur, quia solus actus purus scilicet Deus, est immissus potentialitati; sed solus actus purus, & immissus potentialitati est sua actualitas; ergo solus Deus est sua actualitas.

3 Responder Valentia, quod ex hoc, quod Angelus sit sua intellectio, non sequitur, quod sit actus purus, quia esset potentia in ordine ad alios actus, v.g. existentiae, & subsistentiae, vel etiam in ordine ad alios intellectiones ordinis naturalis, vel supernaturalis. Sed contra, quia eo ipso, quod virtus intellectiva Angeli excluderet potentialitatem in ordine ad intellectiorem, deberet excludere omnem aliam; ergo, &c. Antecedens ostenditur, quia eo ipso, quod ea quae se habent per modum potentiae, & actus identificantur in vna entitate, patenter sequitur, quod illa entitas vel sit pura potentia, vel purus actus; non pura potentia, vt patet; ergo purus actus. Tum quia, potentialitas, quae conuenit virtuti intellectivae secundum se, tantum est in ordine ad actum suum secundum; ergo si respectu istius non est potentia, neque erit potentia respectu actuum exterorum. Tum etiam quia, quod in aliqua linea attingit à prima potentialitate, usque ad ultimum actum, non potest non esse infinitum, & actus purus in illa linea; sed quod est actus purus in sua linea, à fortiori est in alijs; ergo, &c. Tum denique, quia linea intellectiualitatis est perfectissima, ergo quod in illa est actus purus, erit etiam in alijs. Praeterea, eo ipso, quod substantia Angeli esset sua intellectio, esset sua visio beatifica, ac proinde esset sua natura beatus, quod est contra fidem.

4 Responder deinde Valentia esse implicationem in terminis dicere, quod actus purus sit sua actualitas; nam in hac locutione si formaliter sumitur, fit sensus, quod aliquid actus puri habeat rationem actuantis, & aliquid rationem actuati, ac proinde potentiae, nam actualitas respicit aliquam potentiam. Sed contra, quia

licet illa locutio sumatur in sensu formali non tamen ex illa sequitur aliqua implicancia; non enim est sensus, quod actualitas actus actum purum formaliter, sed virtualiter, in hoc sensu, quod si ab aliquo actuaretur, non esset ab alio, quam ab ipsa actualitate; vt cum dicitur, quod diuinum intelligere est vltima actualitas sui intellectus.

5 Secunda concl. Secunda ratio D. Thomae sufficienter ostendit, quod intelligere Angeli, non est eius substantia. Sic omnes discipuli D. Tho. & Salm. hoc loco. Ratio D. Thomae est, quia si intelligere Angeli esset eius substantia, esset subsistens, & esset tantum vnum; Sed hoc est falsum; ergo, &c. Maior patet. Minor ostenditur, quia intelligere subsistens, & tantum vnum est intelligere diuinum, vt patet; tum quia dictum intelligere esset etiam indistinctum à quolibet intelligere cuiuscumque Angeli.

6 Verum, vt ea, quae contra hanc rationem D. Thomae obijciuntur à Valentia, Vasquez facili negotio soluantur, nota, quod efficacia dictae rationis duobus fundamentis innititur. Primum est, quod omne abstractum si sic subsisteret, non posset esse nisi vnum. Secundum est, quod hoc ipso, quod intelligere Angeli esset subsistens, esset intelligere abstractum, tam à susceptiuo, quam à contrahentio. Primum fundamentum constat, quia abstractum est illud, quod abstrahit à ab omni susceptiuo, quam à contrahentio. à quibus solum poterat multiplicari. Vnde si idea Platonis daretur à parte rei abstracta ab omni contrahentio, & susceptiuo, & esset vt sic subsistens, non esset nisi vna. Et si daretur albedo sic subsistens non esset nisi vna, quia non haberet vnde multiplicaretur.

7 Secundum fundamentum etiam constat, quia intelligere potest considerari dupliciter; primo absolute, seu vniuersaliter sumptum; secundo, vt est tale v.g. Angelicum; & hoc adhuc dupliciter: vno modo secundum id, quod dicit perfectionis simpliciter; alio modo secundum id, quod dicit perfectionis admissum imperfectionibus. Hic non loquitur de intellectu

telligere absolute, quia hoc modo abstrahit ab hoc, quod sit substantia, vel accidens, sed loquimur de intelligere ut talis; secundum id, quod dicit perfectionis; nam esse substantiam est predicatum dicens perfectionem, ac proinde eo ipso, quod de Angelo predicaretur non posset non dicere perfectionem.

7 Hinc corroboratur ratio D. Thomę, quia si intelligere Angeli secundum id, quod dicit perfectionis simpliciter pertingeret ad hoc, quod esset substantia, & per se subsistens, haberet totam perfectionem simpliciter, quę intra lineam intelligere potest contineri: sed intra lineam ipsius intelligere continetur intelligere abstractum ab omni contractiuo, & susceptiuo, ut est intelligere diuinum, ergo hoc contineret. Deinde quando ea quę apud nos non subsistunt, pertingunt ad tantam perfectionem ut per se subsistant, habent omnem perfectionem suę lineę, ut constat de sapientia, misericordia, &c. translata in Deum, ex eo, quod tunc abstrahunt ab omni susceptiuo, & contractiuo. Quod ut melius capias nota, quod res tripliciter se habere possunt ad identitatem. Primo, ut petant identificari in quocunque inueniantur, ut ratio veri, & boni. Secundo, ut petant distingui in quocunque inueniantur, ut albedo, & dulcedo. Tercio ut sint indifferentes ad identitatem, & distinctionem. Quę hoc tertio modo se habent, apud nos distinguuntur, in Deum translata identificantur. Substantia ergo intelligens, & intelligere ex se sunt indifferentia ad identitatem, & distinctionem realem; unde in nobis distinguuntur, non in Deo, ac proinde si intelligere ita crescat in perfectione, ut sit sua substantia, & per se subsistens, erit actus purus, nullam dicens rationem potentię, & actus. Adde, quod id, quod est per se subsistens, non potest specificari ab aliquo extrinseco, quia substantia, & subsistere sunt in se, & per se; unde cum obiectum intellectus sit omne verum, sequitur quod intellectus Angelicus erit omne verum, cum ad se specificetur. His positis.

8 Obijcies 1. quia quando dicitur a D. Tho. quod intelligere subsistens est tantum unum; vel intelligitur de intelligere puro, habente omnem perfectionem, & tunc illa propositio est vera, quia tale intelligere est diuinum, de quo non est hic sermo: vel intelligitur de intelligere tali, scilicet Angelico, & tunc est falsa, quia solum sequitur, quod tale intelligere subsistens sit unum specie, & numero, non quod non possit dari aliud, pręter illud. Tum quia Angelus v. g. Gabriel secundum suam rationem peculiarem, ita crescit ut sit substantia completa, & per se subsistens, & tamen ex hoc non sequitur, quod sit tantum unus secundum speciem, & numerum, non quod substantia Angelica non multiplicetur; ergo &c. Tum etiam quia etiam ex hoc, quod aliquid sit per se subsistens, non sequitur, quod debeat esse tantum unum specie, & numero, ut patet in anima rationali, quę licet sit per se subsistens, tamen multiplicatur.

9 Resp. quod est sermo de intelligere Angelico secundum id, quod dicit perfectionis simpliciter; nam si hoc intelligere secundum rationem ultimam esset per se subsistens, esset tantum unum absolute, & indistinctum ab intelligere diuino, quia esset illimitatum, & infinitum, ut probatum est; ex alia parte esset finitum, cum esset Angelicum; & sic esset, & non esset infinitum. Ad 1. probationem conceditur antecedens, & negatur consequens. Ratio disparitatis est, quia Angelus Gabriel iam est substantia abstracta ab omni contractiuo, & susceptiuo; at intelligere Angelicum est accidens, dicens contractiuum, & susceptiuum, & si semel hoc non dicit, iam erit unum, & diuinum, ut ex dictis constat. Ad secundam probationem patet, quia anima rationalis cum sit substantia incompleta, habet susceptiuum, & contractiuum, ac proinde habet unde multiplicetur.

10 Obijcies 2. quia subsistere per se potest dupliciter alicui convenire. Vno modo formaliter, & hoc non contingit in

præfenti, quia intelligere non fubfiftit ratione fui, fed ratione fubftantiæ cui identificatur. Alio modo identitè, ratione eius cui identificatur, & ex hoc non fequitur, quod fit tantum vnum: ficut fi color fubfifteret identificatus cum albedine, & nigredine, tunc enim non effet vnus, fed cum ipsis multiplicaretur. Refp. quod fi intelligere fubfifteret, ratione fui, & formaliter fubfifteret, tum quia haberet omnem perfectionem fuz lineæ. vt ex dictis conftat; tum etiam quia effet actus purus; tum denique quia non ab alio, fed à fe ipfo fpecificaretur, & haberet in fe omne verum.

11 Obijcies 3. quia illa propofitio: intelligere fubfiftens eft tantum vnum; vel eft vera ratione formæ, & hoc non, aliàs omnia fubfiftentia effent tantum vnum. Vel eft vera ratione materiæ, & tunc assignari debet quare in hac materia fit vera. Refp. quod eft vera ratione formæ in abftractis ab omni fufceptiuo, & receptiuo, & in iftis eft tantum vnum.

12 Obijcies 4. quia illud fubfiftens eft tantum vnum, quod eft ipfum effe, fed intelligere fubfiftens non eft ipfum effe, ficut nec ipsa fubftantia Angeli; ergo, &c. Refp. quod eo ipfo, quod intelligere Angelicum effet idem cum fua fubftantia, effet etiam fuum effe, quia cum effe Angeli fit medium inter fubftantiam, & intelligere, non poffent fubftantia, & intelligere identificari, quin identificarent fuum effe; quoties enim extrema funt idem, non poffit medium effe diuerfum.

13 Obijcies 5. non bene fequi ex eo, quod effe Angeli effet fubfiftens, quod non diftingueretur à Deo; quia ex eo diftingui poffet, quod non effet fuum intelligere, & velle, vt eft diuinum intelligere. Refp. quod in eo cafu intelligere Angelicum, effet idem cum fuo velle; cum enim tunc effet intelligere purum, ambiens omnem fuz lineæ perfectionem, effet radicaliter volitiuum per modum puri actus, &c.

D V B I U M II

An rectè probet S. Doctor in art. 2. quod intelligere Angeli non effit eius effe.

14 **N**egat Valentia hoc loco. Noftre fententia feq. concl. explicatur. Ratio D. Thomæ efficaciter probat, quod intelligere Angeli non effit fuum effe. Sic omnes Difcipuli D. Thomæ hoc loco. Ratio D. Thomæ effit talis, quia effe Angeli effit in vnica, & determinata fpecie atomi; fed intelligere multiplicatur ad multiplicationem obiectorum; ergo effe, & intelligere non funt idem; idem namque non poffit effe determinatum, & indeterminatum fecundum fpeciem. Tum quia effe Angeli effit fimpliciter finitum, & limitatum, at intelligere effit infinitum, ex eo, quod quantum effit ex fe, poffit fe extendere ad omne verum; ergo, &c.

15 Obijcitur 1. quia fubftantia Angeli effit in vnica, & determinata fpecie, & tamen in ordine intellectu non effit potentia refpectu fpecierum intelligibilium; & in hoc ordine non effit determinata, fed poffit determinari per tot fpecies, quot funt fpecies, quotque funt obiecta intelligibilia; & tamen dicta fubftantia identitè fibi has duas rationes; ergo etiam effe Angeli fit in fpecie determinata, & intelligere non, adhuc poterunt identificari. Refp. negando maiorem; fubftantia namq; Angeli effit folum vnica, & determinata fpecies essentialis, nec essentialiter plurificatur, fed tantum accidentaliter ob receptionem diuerfarum fpecierum intelligibilium. At intelligere Angelicum non effit in fpecie atomi, fed fubalterna, & effit diuifibile in plures fpecies essentielles, fecus fubftantia.

16 Obijcitur 2. quia licet ex ratione D. Thomæ habeatur, quod non poffit vnum, & idem fecundum eandem rationem effe determinatum, & indeterminatum, bene tamen fecundum diuerfas rationes virtualiter tales; fic contingit in hoc cafu, ergo, &c. Refp. negando maiorem; nam essentialis rei effit tantum vnica per

De medio cognitionis Angelicæ. 811

per unam rationem formalem specificam & atomam, ac proinde immultiplicabilis formaliter, aut virtualiter per differentia essentiales, sed tantum accidentales. Tū quia in creatis illa solum distinguitur virtualiter formaliter, vel formaliter realiter, & non entitativè, quæ sunt ad eod debilis realitatis, vt solum afferant formalitatem, vt contingit in actione, passione, & motu; sed hoc non contingit in presenti; ergo, &c. Tum etiam quia, quod est causa efficiens duorum, quæ solum formaliter distinguuntur, est causa vtriusque; at substantia Angeli licet sit causa suæ intellectiōnis, non tamen sui esse; ergo. Tum deniq; quia esse Angeli est naturale, intelligere autem potest esse supernaturale: esse est à solo Deo, non sic intelligere.

17 Obijcitur 3. quia non requiritur distinctio virtualis inter aliqua duo, vt vnum sit determinatè speciei, & aliud sit indeterminatum ad plures specificationes, sed sufficit distinctio ex parte nostri modi concipiendi, secundum implicitum, & explicitum, vt patet in ente, & bono: nam adus charitatis vt est ens, est vnus quasi speciei; at vt est bonus est indeterminatus secundum diuersas species boni honesti, vtilis, & delectabilis. Resp. quod ratio D. Tho. procedit de illis, quæ sunt determinata, & indeterminata respectu differentiarum realium, non ex parte nostri modi concipiendi.

18 Obijcitur 4. quia licet idem non possit esse determinatè, & indeterminatè speciei respectu diuersarum causarum, bene tamen quando correspondet vni, & eidem causæ, vt in nostro casu contingit quia in his, quæ correspondent eidem causæ sicut se habet causa ad causam, ita effectus ad effectum; sed forma per quam Angelus est potentia ad esse, & habet vim ad causandum quodammodo illud, est

eademmet, quæ est potentia radicalis ad omne intelligere, & causat illud; ergo esse Angelicum & intelligere illius erunt omnino idem. Resp. quod licet eadem essentia sit radix essendi, & intelligendi, non tamen secundum eandem rationem, quia essentia est ratio totius esse, non autem, est ratio totius intelligere, quia non omnia intelligere potest secundum suam essentiam. Sic D. Tho. d. art. 2. ad 2.

19 Sed dicitur hinc solum haberi, quod esse Angeli non identificetur cum omni intellectiōne; bene tamen cum illa qua se ipsum intelligit. Tum quia essentia Angeli vt natura, non distinguitur à se ipsa, vt est species intelligibilis; ergo neq; esse illius distinguetur ab intelligere ad quod per se primò ordinatur, scilicet ad intelligere quo se ipsum intelligit. Resp. negando antecedens, quia etiam respectu intellectiōnis, qua Angelus se ipsum intelligit, essentia non est secundum eandem rationem principium essendi, & intelligendi: nam secundum propriam rationem est ratio adæquata sui esse, non intellectiōnis, qua Angelus se ipsum intelligit, sed vltèrius requiritur intellectus. Ad probationem conceditur antecedens, & negatur consequ. vt ex dictis constat.

20 Obijcitur 5. quia ita est simpliciter finitum intelligere Angelicum, ac eius esse; nam licet intelligere possit extendi ad omne verum, non tamen ex hoc sequitur infinitas nisi secundum quid; sicut ex hoc, quod esse non limitetur per materiā, sed habeat plenitudinem, & perfectionem suæ speciei, solum sequitur infinitas quædam secundum quid. Resp. quod licet intelligere sit finitum intrinsecè, est tamen simpliciter infinitum ex parte obiecti, quia obiectum illius est omne ens, in quo etiam Deus continetur.

DISPUTATIO XLIV.

IN QVÆST. LV. D. THOMÆ.

De medio cognitionis Angelicæ.



VÆSTIO præfens
tes habet articulos:
in 1. art. docet S. Do-
ctor, quod substantia
Angeli non sufficit ad
representandum tan-
quam species sibi omnia, quia cum sit
finita, & determinata ad certum genus,
& speciem, non potest continere omnia
alia extra se, ac proinde ut intellectus
ea intelligat, requirit representationes,
seu species superadditas. In 2. art. ostendit,
quod ista species in Angelis, non ac-
cipiuntur à rebus, sed illas habent per in-
fluxum, & impressionem Deus eo, quod
Angeli in genere intellectualium sunt
perfectè intellectui; sicut celi sunt per-
fecti in genere corporum. Vnde sicuti
corpora inferiora non totaliter, & adæ-
quatè perficiuntur per unam formam;
sed modo per unam, modo per aliam,
corpora tamen cælestia statim à princi-
pio habent suam perfectionem, ergo etiã
Angeli cum sint perfecti in genere intel-
lectivo, statim à principio habebunt suam
perfectionem, seu formas intelligibiles,
& non eas paulatim ex obiectis adquirēt.
In 3. art. demonstrat, quod species intel-
ligibiles in Angelis superioribus, sunt su-
periores, & universales, quia quando
intellectus est altior, tanto paucioribus
medijs viitur ad cognitionem rerum; vn-
de etiam apud nos apparet, quod qui sunt
intellectu fortiores, ex paucis multa
capere possunt. Er Deus qui habet infinitam
plenitudinem intelligendi, in vno
omnia intelligit. Verum ut hæc plenius
habeantur, sit,

D. V. B. I. V. M. L.

*An Angelus cognoscat omnia per suam es-
sentiam, & an hoc probet sufficienter*

D. Thomas.

Prima sententia est, quod Ange-
lus omnia intelligat per suam es-
sentiam, sic tenent aliqui, qui suppresso
nomine referri solent. Secunda sententia
est, quod ratio D. Thomæ non probet hoc
sufficienter. Sic Valætia in præfenti, & alij.

3 Nostra sententia seq. concl. expli-
catur. *Angelus non potest omnia cognoscere
per suam essentiam, & hoc efficaxiter pro-
bat S. Doctor in hoc art.* Sic tenent omnes
discipuli D. Thomæ, & alij communiter.
Ratio D. Thomæ est, quia id per quod
aliquid intelligitur, debet illud continere
per modum formæ intelligibilis; sed es-
sentia Angeli nequit omnia intelligibilia
continere; ergo nequit Angelus omnia
per suam essentiam intelligere. Maior co-
stat, ex Arist. 11. metaph. tex. 51. & 3.
de anima tex. 15. & ex D. Thoma hic ad
2. quatenus dicunt, quod intellectus in
actu, est intellectum, seu res intellecta in
actu, ac proinde res intellecta debet esse
intra intellectum, non per formam natu-
ralem, sed intelligibilem: essentia autem
Angeli non potest esse forma omnium in-
telligibilium. Tum quia essentia Angeli
non potest perfectè actuare, & explere
potentiam intellectivam ad eò universa-
lem. Ex quibus constat probatio minoris,
quia essentia Angeli nequit omnia in-
telligibilia continere.

4 Confirmatur, quia id eò Deus om-
nia continet, & cognoscit per suam essen-
tiam

nam, quia est infinitus, & non constat genere, & differentia: sed Angelus non est huiusmodi; ergo, &c. Minor constat. Maior probatur, quia cum ens naturale in suo ambitu dicat infinitatem, à solo ente per essentiam, quod non componitur ex genere, & differentia potest contineri, & per se ipsum cognosci. Tum quia differenti à dividit genus, & determinat speciem ut sit certè, & determinatè naturæ, ac proinde, quod constat genere, & differentia, erit certæ, & determinatæ naturæ, habens solum unam sui generis portionem, ac proinde non continebit cetera alia.

5 Respondent 1. quod ad hoc ut essentia Angeli sit forma intelligibilis omnium rerum, non est necesse ut actu contineat illas; nam species lapidis non continet actu ipsum lapidem; quia lapis est substantia, & species lapidis est accidens, accidens autem non continet substantiam. Sed contra, quia species substantiæ, est substantia in esse intelligibili, aliàs non esset similis lapidi, nec ipsum repræsentaret, ut alibi dictum est.

6 Respondent 2. quod licet essentia Angeli debeat continere aliquo modo cognoscibilia, tamen ut repræsentet etiam totum entis ambitum, non indiget infinita perfectione. Nam species intelligibiles superadditæ Angelis repræsentant innumeras naturas, specie distinctas, contentas sub genere v. g. animalis, & tamen non dicunt infinitam perfectionem. Sed contra, quia ad repræsentandum ens in toto suo ambitu etiam naturali, requiritur infinita perfectio, licet non requiratur ad repræsentandum aliquod genus determinatum, & omnes species etiam infinitas sub illo contentas, ex eo, quod perfectio omnium illarum etiam collectivè sit finita. Tum quia licet esse entitativum non sit formale in specie intelligibili, requiritur tamen de materiali; & insuper eius immaterialitas requiritur de formali, ita quod maior immaterialitas requiratur ad repræsentandas plures naturas simul; ergo ad repræsentandas infinitas naturas, ad quas se extendit latitudo ambitus totius entis naturalis, requiratur infinita

immaterialitas. Tum etiam quia essentia Angeli non est instituta ad repræsentandum, uti sunt species intentionales; quæ autem instituta non sunt ad repræsentandum, non repræsentant, quia contineant obiecta, sicut species, sed quia in esse entitativo continent res repræsentatas; sed hoc modo continete infinitas naturas arguit infinitam perfectionem, ut patet, g. &c.

7 Respondent 3. quod ex dicta ratione ad summum habetur, quod essentia Angeli non est forma intelligibilis respectu omnium naturarum, non tamen, quod non sit forma intelligibilis respectu plurimum, & diversarum naturarum, ut contingit in specie intelligibili supremi Angeli. Sed contra, quia essentia Angeli est per se primò instituta ad essendum, & per se subsistendum; ergo non potest præter se ipsam alia repræsentare, aliàs non esset per se primò instituta ut sit Angelo ratio essendi, & subsistendi per se. Sicut enim species intelligibilis ordinata ad repræsentandum aliquam naturam non potest aliam repræsentare; ita, &c. Tum quia in specie duo sunt ex quibus limetur unum est compositio ex genere, & differentia in esse intentionali; alterum est compositio ex genere, & differentia in esse entitativo; ergo sicut, quod est limitatum in esse entitativo non potest fieri alia in hoc esse; ita quod est limitatum in esse intentionali non potest fieri alia in hoc esse; cum ergo essentia Angeli sit huiusmodi, sequitur, quod solum se ipsam potest repræsentare. Tum etiam quia licet in accidenti possit inveniri participatio illius eminentiæ, quæ reperitur in Deo, scilicet continere alia à se secundum propria ipsorum, non tamen in substantia completa, ut est Angelica. Sicut licet in accidentibus possit inveniri participatio Dei, ut est auctor supernaturalis, ac proinde dantur accidentia supernaturalia, non tamen substantia supernaturalis, ut ex alibi dictis constat, & hoc ex eo, quod substantia non potest respicere alia extra se, ergo neque ob eandem rationem poterit repræsentare alia extra se. Tum denique quia est proprium Dei, ut secundum esse entitativum coniunct

aliquid extra se secundum propria ipsius rei contentæ, licet creaturæ contineant alia secundum communia; ergo, &c.

8 Sed dices, quod Deus constituitur per suam Deitatem, & per eam distinguitur, & dipiditur ab omnibus alijs, & tamen continet creaturas, quoad id in quo ab illo distinguuntur, ergo potest aliquid constitui per differentiam constituturiam, & diuisuam generis, & adhuc poterit continere alia inferiora. Tum, quia plures res corporæ continent virtualiter, & eminenter alias res interiores, & eas producant quoad eas rationes in quibus distinguuntur, & ac proinde limitatio, & compositio ex genere, & differentia non prohibebit huiusmodi continentiam.

9 Resp. quod Deus continet omnia, etiam quoad rationes differentiales, quia constituitur Deitate vt includente totam rationem entis per essentiam. At creaturæ constituuntur suis differentijs non includentibus totam rationem entis, sed solum partem. Tum quia Deus dicit entitatem vt abstractam secundum rem, ac proinde excludentem omnem imperfectionem; non sic creaturæ, Tum etiam quia Deitas quantum est de se, non diuidit Deum à quouis alio, sed potius omnia alia sibi identificat, licet alias creaturæ ratione limitationis sint incapaces huius identificationis. Ad probationem dico, quod creaturæ continentes alias virtualiter, illasque producentes, non continent, nec producant ipsas quoad rationes differentiales; sed dicuntur continere virtualiter, quia habent eminenti ratione continere illum gradum in quo conueniunt, & secundum illum producant. Secundum autem rationes secundum quas distinguuntur, producantur, vel à solo Deo, vel ab illa creatura superiori, virtute ipsius Dei. Soluuntur argum. primæ, & secundæ sententiæ.

10 Primum argum. quia non est necessaria continentia obiecti in specie ad hoc vt obiectum cognoscatur, ergo Angelus poterit omnia per suam essentiam

cognoscere, licet in illa non contineatur, ac proinde ratio D. Thomæ, quæ in hoc fundatur, non est efficax. Antecedens probatur, quia Angelus per suam essentiam cognoscit Deum, & tamen in illa non continetur Deitas, seu Deus. Tum quia sufficit aliqua habitudo ad rem cognitam, vt cognoscatur, sed Angelus per suam essentiam habet hanc habitudinem ad res omnes, ergo. Maior constat, quia cognita habitudine, cognoscitur terminus illius. Minor probatur, quia Angelus inferior dicit habitudinem ad superiores à quibus illuminatur, ad inferiores, quos illuminat, ad ceteras creaturas quibus preest, & gubernat, ergo, &c. Resp. negando antecedens loquendo de cognitione distincta, & quidditatiua, scilicet quoad indistinctam, & confusam, quia cognitione cognoscit Angelus Deum, & alia huius vniversi. Ob duplicem autem rationem potest Angelus in sua essentia, attingere non quidditatiuè & Deum, & alia. Prima, quia quoad alia conuenit in communibus, quæ autem conueniunt sunt quodammodo vnum, ac proinde per cognitionem qua cognoscit suam essentiam, seu substantiam scit equum esse ens, substantiam, & viuens, quia quoad ista continetur in eadem essentia Angeli. Secunda, quia per cognitionem suæ essentia fit in actu adhuc vt se applicet ad distinctam & quidditatiuam cognitionem potius huius obiecti, quam illius, ad quod requiritur quod habeat cognitionem confusam, omnium.

11 Sed dices, primam rationem non videri firmam, quia si conuenientia in communibus est ratio in Angelo ad cognoscenda alia confusè, & imperfectè, tunc minus de Deo cognoscet per suam essentiam, quam de alijs rebus, quia minus cum Deo conuenit, quam cum alijs. Resp. concedendo totum ex vi huius conuenientia in communibus; ex alijs tamen capitibus plus Angelus cognoscit de Deo quam de alijs, vt ex hoc, quod est effectus Dei, quod est quædā imago Dei, &c.

12 Secundum argum. quia species Angelica representans aliquam rationem com-

communem, repræsentat omnes rationes particulares sub illa contentas; ergo cum essentia Angeli repræsentet communes rationes entis, repræsentabit etiam omnia alia sub ente contenta. Resp. antecedens esse verum de specie repræsentante, & continente rationem communem; per se primò, non de specie continente; per se primò rationem atomam, & solum ex consequenti rationem communem. Essentia autem Angeli solum in confuso, & modo dicto repræsentat rationes communes.

13 Tertium argum. quia adhuc vt Angelus cognoscat omnia alia, & totum ens, sufficit, quod cognoscat suam essentiam vt est radicaliter intellectiua totius entis, licet non contineat illud; ergo, &c. Antecedens probatur, quia hoc ipso, quod essentia Angeli sit intellectiua totius entis, illa comprehensa, comprehendetur totum ens. Tum quia, hoc ipso, quod omnipotentia sit factiua omnium possibilium, ea comprehensa, illa comprehenduntur; ergo eo ipso, quod essentia Angeli est intellectiua totius entis naturalis, ea comprehensa comprehenduntur omnia entia naturalia. Resp. quod cum entia naturalia non contineantur nisi imperfectè in essentia Angeli, non nisi imperfectè ea comprehensa comprehenduntur. Ad illud, quod dicitur de diuina omnipotentia, constat, quia diuina omnipotentia perfectissime continet omnia factibilia, non sic essentia Angeli.

D V B I V M II.

An Angelus accipiat species rerum corporearum, & sensibilium ab ipsis rebus corporeis, & sensibilibus.

14 Prima sententia duo dicit. Primum, quod etsi Angelus habuerit species infusas in instanti suæ creationis, repræsentantes naturas vniuersales, tamen si eas non haberet, posset propria virtute illas à rebus accipere. Se-

cundum est, Angelos accipere à rebus species singularium, quoad singularitatem, siue differentiam indiuidualem, item quoad actualem existentiam, & quoad rationem secundum quam terminant notitiam intuitiuam. Sic Scotus, Richard. Maior, Marfilus, & alij apud Salm. *hoc loco dub. 2.*

15 Nostra sent. sequenti concl. explicatur. *Angelus non accipit species à rebus.* Sic D. Tho. multis in locis apud Salmant. D. Dionys. Areop. D. Aug. & alij communiter tum ex Patribus, tum ex Theologis. Ratio fundamentalis est, quia modus acquirendi perfectionem est iuxta modum essendi; sed modus essendi Angeli est immaterialis, abstractus, & separatus à sensibilibus; ergo non accipit suam perfectionem, scilicet esse in actu per species à sensibilibus. Maior constat, quia vnumquodque acquirit suam perfectionem iuxta modum proprium essendi. Minor, & consequ. videntur nota, alias Angelus acquireret suam perfectionem per communicationem, & commercium cum rebus sensibilibus, quod est falsum, quia cum modus essendi Angeli non sit cum sensibilibus, neque modus acquirendi perfectionem erit cum illis. Tum quia, idè anima rationalis accipit speciem à sensibilibus, quia habet commercium cum illis; sed Angelus non habet huiusmodi commercium quoad esse; ergo, &c.

16 Occurrunt Scotus, & alij, quod abstractio Angelica supra sensibilia, solum tollit, quod non accipiat species ab ipsis sensibilibus, ministerio sensuum, non tamen, quod sine illis vt ministrantibus eas accipiat, quia non est contra hanc abstractionem accipere species à sensibilibus, vt ab obiecto præcisè. Anima autem nostra quia habet commercium cum corpore, accipit species à sensibilibus non solum vt ab obiecto, verum etià ministerio sensuum. Sed contra, quia, quod perficit pendet ab eo, quod perficitur; sed res superioris ordinis non potest perfici à re inferioris ordinis; ergo Angelus qui est superioris ordinis non poterit perfici à sensibilibus. Dices, ani-

ma nostra est ordinis superioris, & tamen perficitur à sensibilibus. Resp. quod anima nostra qua est forma corporis pertinet ad genus corporis, & sensibilem. Vel dic, quod anima qua intellectualis est, non perficitur immediatè à sensibilibus, sed mediatè, quatenus ex phantasmatibus eruntur species intelligibiles.

17. Deinde impugnatur prædicta solutio, quia immaterialitas Angeli, & modus essendi illius est purè immaterialis, & eleuatissimus; ergo etiam modus acquirendi suam perfectionem debet esse eleuatissimus, ac proinde independens à sensibilibus. Tum quia quo intellectus est perfectior, & abstractior, eo obiectum est abstractius; sed intellectus Angelicus est perfectior humano, qui habet pro obiectuo quidditatem materialem; ergo intellectus Angelicus quippe perfectior habebit obiectum perfectius, & altius, scilicet separatum à quidditate materiali, ac proinde nō acceptum à sensibilibus. Tum etiam quia nequit fieri transitus de extremo ad extremum, nisi per medium; ergo res sensibiles non poterunt fieri intelligibiles, nisi medio phantasmate, ac proinde nisi medijs sensibus, & ministerio illorum, sed hoc esse nequit in Angelis, ut patet; ergo, &c. Hæc minor subsumpta patet. Antecedens constat; natura namque curauit de medijs inter extrema, ut per illa fieret transitus de vno ad aliud. Conseq. probatur, quia phantasma est medium inter species intelligibiles, & res sensibiles.

18. Sed obijcies, quia si phantasma esset medium, vel esset medium ex parte obiecti, & hoc non alijs neque à Deo possent species infundi sine phantasmate. Vel est medium ex parte virtutis intellectiue, & tunc respectu virtutis superioris, qualis est Angelica, poterit non requiri. Resp. requiri vt medium ex parte obiecti naturaliter operantis sui similitudinem, ac proinde poterit à Deo suppleri.

19. Præterea impugnatur dicta Scoti solutio, quia in idem redit, quod intellectus accipiat species à sensibilibus, ut ab

obiecto sensibili, & quod eas accipiat ministerio sensuum; sed etiam per Scotum, non potest Angelus accipere species ministerio sensuum; ergo neque eas accipere poterit à sensibilibus. Maior probatur quia obiectum sensibile non potest se solo producere has species per modum causæ principalis, quia cum sit materiale, nō potest producere species spirituales. Nec intellectus solus potest dictas species erui ex sensibilibus, quia est indifferens ad omnes illas, ac proinde debet determinari per obiecta. Neque ipsa sensibilia possunt se ipsis determinare intellectum, quia nec sunt cum illo naturaliter vnita, nec possunt propria virtute agere in rem purè spiritualemente determinando. Item neque intellectus potest sensibilia determinare, ut eliciat species suas, cum non possit intellectus applicare ad sensibilia suam virtutem.

20. Tandem contra dictam solutionem est, quia substantiæ separatæ non habent corpora naturaliter vnita, ergo nō accipiunt cognitionem intellectuam à sensibilibus. Antecedens constat. Conseq. probatur, quia omnis substantia cognoscitiua, accipiens cognitionem à sensibilibus, habet cognitionem sensitiuam per quam apprehendat sensibilia; ergo, &c.

21. Sed inquires an Angelus saltem supernaturaliter possit accipere species à sensibilibus? Resp. negatiue. Pro quo nota, quod dupliciter contingere potest, quod species accipiantur à sensibilibus. Primò vt intellectus sit agens principale, & patiens, siue intellectus agens, & patiens sint distincti, siue non. Secundò ita vt tantum sit patiens, & obiectum sensibile agens, & principale diffundens. Si enim alio modo species in intellectu Angelico ponantur, non dicentur causari, seu accipi à sensibilibus, sed à Deo causari. Certum est non posse per diuinam potentiam species causari ab obiecto sensibili tanquam ab agente principali, quia res inferioris ordinis non potest esse causa principalis rei superioris, &c. Neque etiam

etiam potest dari in Angelis intellectus agens qui causet dictas species, quia sicut visus nequit eleuari extra suum obiectum, & actum adæquatum, ita nec intellectus agens. Cum enim hic sit essentialiter potentia inferior intellectu Angeli, exiger obiectum determinatum, & determinationem obiectiuam phantasmatis, & actiuam procedentem ab ipso phantasmate, & phantasia, ac proinde nequit eleuari ad actum altiore adæquatum. Soluuntur argum. in contrarium.

22 Primum argum. quia intellectus noster habet efficaciam ad erudendum species ex sensibilibus; ergo etiam Angelicus, qui efficacior est nostro. Tum quia, quæ in inferioribus dicunt perfectionem, debent iure potiori admitti in superioribus; sed eruiere species à sensibilibus dicit perfectionem in nostro intellectu; ergo admitti debet in intellectu Angelico. Resp. concedendo antecedens, & negando consequ. nequid in hoc stat maior efficacia intellectus Angelici supra humanum, quia hoc supponit imperfectiorem, quod non sit ab initio constitutus in actu; quodque non sit omnino spiritualis, sed habeat commercium cum corpore, &c.

23 Secundum argum. quia phantasia ex præceptis speciebus montis, & auri, format aliam montis auri; & intellectus noster ex speciebus generis, & differentie, format speciem representantem naturam atomam: & ex similitudine imaginis, formamus in nobis similitudinem eius cuius est imago; ergo similiter intellectus Angelicus poterit id ipsum facere. Vnde si daretur, quod Angelus desinere esse beatus posset recordari eorum, quæ in essentia diuina vidisset, vt fecit D. Paulus. Resp. negando consequ. quia intellectus noster, & imaginatio possunt ex alijs speciebus alias formare quia tunc potentia imperfecta, & non completè actuata à sui initio, vt est intellectus Angelicus; vnde si intellectus Angelicus desinere videre Deum, non recordaretur corum quæ vidisset, nisi haberet species inditas.

24 Tertium argum. Angeli accipiunt

scientiam ab extrinseco, ergo etiam species. Conseq. constat, quia scientia quæ est per species inditas, non est ab alio. Antecedens probatur ex illo Ephes. 3. Vt innotescat Principatibus, & Potestatibus in caelestibus, per Ecclesiam, multiformis sapientia Dei, ex quo loco inferunt aliqui Sancti Patres, quod Angeli ex Apostolis didicerunt aliqua mysteria gratiæ, saltem quoad particulares circumstantias. Tum quia vnus Angelus illuminat alium, quod nil aliud est, quam accipere cognitionem, & doctrinam ab illo. Respond. 1. quod Angelis innotuerunt aliqua mysteria gratiæ non per Ecclesiam hominum, sed Angelorum, per quam Principatibus, & Potestatibus mundi huius reuelata sunt, vt explicat Ecclesiæ lumen lib. 5. de Gen. ad lit. c. 19. Resp. 2. quod Angeli dicuntur edocti ab Apostolis, non quia ab illis didicerint aliquam scientiam, sed quia Apostolis prædicantibus plenius cognouerunt res quas prædicauerant Prophete, & ipsi reuelauerant, de quo magis constabit ex dicendis infra de illuminatione Angelorum. Ad probationem dico, quod vnus Angelus dicitur docere alium, non quia infundat speciem, vel intendar lumen intellectuale illius, sed quia obiectum cognoscibile per suum lumen, & representabile per suam speciem, proponit magis dearticulatum. Sicut quando vnus homo docet alterum, non causat lumen, nec species, sed obiectum, quod representabatur per species, quas discipulus abstrahit, vel habet apud se, ordinat, explicatque vt facilius cognoscatur.

D V B I V M III.

An Angelus cognoscat res immateriales per species ab illis acceptas.

25 **P**rima sententia est affirmatiua, quam tuerentur Scotus, & alij dubitantes. Nostra sententia sequens concluditur. Angelus cognoscit per species acceptas à rebus immaterialibus, sed per species acceptas à Deo in initio sua creationis. Sic omnes ferè Theologi post D. Dionys. August. Thomam, alioque. Ratio fun-

818 Disputatio XLIV. Dubium III.

damentalis est, quia idem constituendus est ordo, & distinctio inter substantias spirituales, ac inter substantias corporeas, proportionem serva; sed inter substantias corporeas est talis ordo, & distinctio, quod substantiæ superiores, ut sunt corpora, caelestia, habeant suam potentiam expletam totaliter per formam ab instanti suæ creationis; unde materia prima eorum, non accipit successivè ab alijs agentibus novas formas; ergo etiam inter substantias spirituales similis ordo, & distinctio proportionaliter admittendus est, ut superiores scilicet Angeli habeant à primo instanti suæ creationis à Deo suam potentiam, scilicet intellectum, completam, per formas intelligibiles, ut rectè ostendit S. Doctor 2. contra Gent. cap. 96.

26 Occurrunt 1. Scorus, & alij concedendo antecedens, & negando consequens. Rationem disparitatis assignant ex eo, quod qualitates caelestes à nullo agente creato attingi possunt, propterea spectat ad divinam providentiam, eas producere, & perpetuò conservare, item perpetuò conservare illam formam substantialem, & non aliam. Cæterum species intentionales possunt in Angelis produci à causa creata, scilicet ab intellectu agente Angelorum, & obiecto, sicut producuntur in nobis. Imò pertinet ad divinam providentiam, ut non producantur, quia ad divinam providentiam solum pertinet ea producere, quæ ab agente creato produci non possunt. Verum ut hæc, & aliæ solutiones mancant impugnate, nota, non posse negari quin deus aliqua proportio, inter ordinem, & distinctionem substantiarum intellectualium superiorum, & inferiorum, & ordinem, & distinctionem corporum superiorum, & inferiorum. Hæc autem proportio attendi debet ex eo, ex quo attenditur superioritas, & inferioritas. Corpora ergo caelestia eo sunt superiora corporibus sublunaribus, quod sunt magis in actu; unumquodque enim eo est superius, & perfectius alio, quo est magis in actu. Hinc Deus est superior rebus omnibus, quia est actus purus, excludens omnem potentialitatem. Et Angeli

sunt omni corpore superiores, quia sunt magis in actu, & minus habent de potentialitate. Corpora autem caelestia esse magis in actu, consistit in hoc, quod eorum potentia substantialis scilicet materia prima, magis completur per formam, ut non habeat potentiam ad alias formas. His positis sic impugnatur dicta solutio expendendo rationem iam factam, quia, proportio dicta maxime attendi debet, quoad id, secundum quod dicuntur superiora, & inferiora, scilicet ex maiori, & minori actualitate. At in corporibus maior, vel minor actualitas consistit in hoc, quod eorum pura potentia magis vel minus compleatur; & maior celorum actualitas consistit in hoc, quod eorum potentia ab initio omnino compleatur, ut non maneat in potentia ad alias formas. Ergo etiam maior actualitas substantiarum spiritualium superiorum in hoc consistit, quod eorum potentialitas per species intelligibiles compleatur, ut nequeat, saltem secundum communem cursum alias de novo acquirere.

27 Occurrunt 2. quod in dicta ratione non fiat debita comparatio; nam in cælis potentia, scilicet materia prima, est substantialis, & in ordine ad actum substantialem; & in Angelis potentia receptiva specierum est accidentalis. Repugnat autem materiam cæli actuari per plures formas substantiales; non tamen hoc repugnat in potentia accidentali. Sed contra, quia ut dictum est comparatio fit inter dictas potentias in ratione superioritatis, quod sicut superioritas materię celorum petit compleri in primo instanti suæ productionis; ita potentia superior in ordine intelligibilis petit compleri in primo instanti suæ creationis.

28 Occurrit 3. Molina dicens esse discrimen inter potentiam substantialem cæli ad formam substantialem, & potentiam intellectus ad formam accidentalem; quod illa semper debet esse completa, aliàs cæli non essent incorruptibiles; & ista potest successivè per aliam formam, perfici, quia formæ, & substantiæ incorruptibiles possunt hoc modo perfici sci-

sciendo alias, & alias formas accidentales. Sed contra, quia superioritas in corporibus cælestibus non oritur ex incorruptibilitate, sed potius è contra, ex eo, quod corpora cælestia sint magis in actu, modo dicto, oritur, quod sint incorruptibilia. Tum quia ex maiori actualitate substantiæ spiritualis super alias spirituales inferiores, oritur, quod sint intrasmutabiles quoad formas intelligibiles.

29 Sed dices, quod si ratio dicta, aliquid conuinceret, probaret etiã, quod sicut materia cæli à principio habet totum suum esse actuale; ita potentia intellectiva Angeli à principio haberet, totam suã actualitatem, ac proinde semper esset in actuali cognitione omnium, quorum habet species. Item probaret, quod sicut materia cæli est in potentia ad recipiendum aliquem actum accidentalem ab aliquo extrinseco, ut lucem, virtutem infundendi &c. sic intellectus Angelicus esset in potentia ad recipiendam aliquam speciem ab aliquo extrinseco. Demum probaret, quod inter substantias sensitivas inferiores, & superiores daretur similis ordo, cum non sit maior ratio de istis, quam de illis. Resp. quod duo priora inconuenientia non competunt cælis qua ratione sunt corpora superiora, sed qua ratione communicant cum inferioribus, ac proinde illa duo etiam corporibus inferioribus conueniunt. Vltimum inconueniens nihil probat, quia substantiæ sensitivæ nõ pertinent ad diuersos ordines, licet inter illas vna possit esse perfectior alia.

30 Sed quæres, an nostra conclusio sit ita certa, quod oppositum implicet è Resp. affirmatiuè; nam non potest Angelus recipere species, ut intellectus sit agens principale, nam in Angelis non datur intellectus agens, quia iste essentialiter est potentia inferior, petens ut paulatim producat species obiectorum, ac proinde vt non nisi determinatus per obiecta. Tum quia intellectus agens non potest esse realiter, & necessario determinatus ad applicandam suam virtutem ad productionem specierum, quia non est naturaliter colligatus, & vnitus cum ob-

iectis; neque etiam potest se adhuc liberè applicare, quia ad hanc liberam applicationem requiritur cognitio intellectus qualis, & species intelligibilis. Neque potest Angelus recipere prædictas species ita vt obiectum sit causa principalis illarum, & intellectus passiuè se habeat; quia vnus Angelus vi sua, & per virtutem naturalem non potest imitere speciem ad alium Angelum; ergo neque per diuinam potentiam. Antecedens constat ex dictis. Conseq. probatur, quia obiectum per modum obiecti, & per modum causæ principalis obiectiuæ, de qua in præsentia non potest diffundere speciem, nisi ratione suæ entitatis, & perfectionis; ergo neque ratione virtutis diuinitus superaddite, quia quod superaddetur, non pertinebit ad intrinsecam entitatem, ac proinde non reddet illum magis aptum ad hoc vt diffundat speciem in alium Angelum.

31 Dices, quod poterit Angelus non ratione suæ essentia, sed per species rerum spiritualium producere alias similes, ad exemplar, & similitudinem earum in intellectu alterius. Resp. negando antecedens, quia species non est fecunda ad productionem similium, vel etiam inferiorum in alio subiecto; ad summum hoc contingit in virtute obiecti, quando idem obiectum est fecundum. Tum quia intellectus Angelicus habet pro obiecto connaturali vniuersum ens naturale; ergo non potest ob suam vniuersalitatem subordinari tanquam causæ principali, nisi Deo causæ vniuersali totius entis. Soluuntur argum. in contrarium.

32 Primum argum. Angeli habent virtutem naturalem producendi sui similitudines in potentis cognoscitiuis; sed non possunt illas producere in sensu, & intellectu hominis; ergo in intellectu Angelico. Maior constat, quia iuxta sententiam D. Thomæ obiecta corpora, & materialia non producant species intentionales virtute propria, sed virtute intelligentiarum, seu ex virtute substantiarum separatarum, ex eo, quod attingunt ad ordinem ipsarum, & ad modum operandi earum; ergo si corpora producant

species in virtute Angelorum, à fortiori eas producent ipsi Angeli. Minor etiam constat, quia species quas producunt Angeli cum sint spirituales, & independentes à corpore, non possunt esse proportionatæ sensui, & intellectui intelligenti per species quidditatis materialis. Resp. negando maiorem. Ad probationem dico, sensum D. Thomæ esse, quod obiecta in virtute substantiarum separatarum producunt species quantum ad modum, non quantum ad diffusionem; cum enim modus sit perfectiùs, non corruptiùs, habetur ex participatione Angelorum, quorum proprium est (ut sunt agentes completi, & perfecti) eo modo agere.

33 Secundum argu. obiectum sensibile diffundit species ad sensum; ergo etiam obiectum spirituale, & intelligibile poterit diffundere species ad intellectum. Antecedens constat. Consequ. probatur, quia immaterialitas, est ratio cognoscibilitatis, & in tantum obiectum sensibile producit species sensibiles in quantum habet aliquam elevationem, & immaterialitatem, ergo quod est omnino immateriale, erit omnino cognoscibile, ac proinde poterit diffundere species sui. Resp. concedendo antecedens, & negando consequ. Ad probationem dico, quod immaterialitas non attenditur ex hoc, quod obiectum diffundat species; sed ex hoc sumitur, quod sit magis vniuersale se ipso cum potentia, ut ex alibi dictis constat.

D. V. B. I. V. M. IV.

An species Angelica à Deo producta sint proprietas Angelorum, & resultat à substantia eorum.

34 **P**rima sententia est, quod species Angelicæ comparantur cum essentia Angeli, & eius intellectu per modum propriarum passionum, ab illa per naturalem resultantiam profluentium. Sic Cal. q. 9. p. 2. art. 4. & infra q. 79. art. 2. & 3. q. 9. art. 3. Bannes, Nazarij, & alij in præfati.

35 Nostra sententia seq. concl. explicatur. Species Angelica non sunt propriæ passionibus respectu essentie, aut intellectus Angelici, neque ab ipsis emanant per naturalem resultantiam, sed à Deo in intellectu Angelici, in primo creationis instanti sunt producta. Hanc conclusionem tenet D. Thomas, ut rectè expendunt Salm. eamque sequuntur Ferrara 2. contr. Gent. cap. 98. Nauarrete 10. 3. contr. 5. 1. Zumel, in præfati, & alij plures quos referunt, & sequuntur d. Salmant. hoc loco.

36 Probatur 1. quia Angelus non cognoscit omnia per suam essentiam, quæ alias sunt per se primò representabilia per species; ergo species rerum non sunt propriæ passionibus essentie, & intellectus Angeli. Antecedens constat ex dictis dub. 1. nam aliàs non darentur species. Consequ. probatur, quia comprehensa essentia, comprehenduntur proprietates illius; ergo si species rerum essent propriæ proprietates essentie, illa comprehensa, & ipse comprehenderetur, ac proinde cognosceretur in essentia omnia; quæ ab intellectu Angelico cognoscuntur per dictas species. Dixi quod non sunt propriæ proprietates, quia non negamus, quod non sint aliquo modo proprietates Angeli. Tum quia Angeli illas receperunt simul cum natura in instanti creationis. Quo modo iustitia originalis dicitur retori connaturalis posteris si Adam non peccasset, quia omnes cum illa nati fuissent. Tum etiam quia dicuntur connaturalis Angelis propter potentiam suam naturalem ad illas recipiendas; quo modo receptio naturalis lucis, dicitur connaturalis diaphano. Tum denique quia illis sunt debite dictæ species, ex eo quod sunt constituti in summo gradu spiritualitatis.

37 Confirmatur, quia Angelus est in certa, & determinata specie, ergo non continet etiam intelligibiliter omnia alia, ac proinde neque aliorum omnium species erunt proprietates Angelicæ. Antecedens constat. Prima consequ. probatur quia differentia constituit speciem, & diuidens genus, diuidit etiam eandem speciem.

speciem, & naturam ab omnibus alijs, ac proinde faciet, quod non contineat alia, sed excludat, etiam in esse intelligibili, quoties in esse intelligibili habet finitam, & limitatam rationem, limitibus generis, & differentie clausam. Tum quia, quod est in certa specie, ab alijs distincta, non potest esse similitudo alterius, ac proinde neque intelligibiliter illud continere; nam quæ continentur, maxime in esse intelligibili, debent esse quodammodo vnum. Consequenter ultima constat, quia si species intelligibiles dimanarent per modum proprietatum ab Angelo, tunc omnia intelligibilia continerentur intelligibiliter in illo, cum eorum species in eo continerentur.

38 Respondet 1. Nazar. quod species sunt proprietates actuè dimanantes ab intellectu Angelico in esse entitativo, non in esse repræsentativo, ac proinde cognita essentia cognoscuntur dictæ species ut proprietates, non ut repræsentatiuæ sunt, & sic non cognoscuntur obiecta, quia non sunt proprietates in esse repræsentativo. Sed contra; quia lis præcipua huius dubij ex Caiet. est de speciebus intelligibilibus formaliter talibus, ac proinde ut repræsentatiuis; ergo si ut repræsentatiuæ non sunt proprietates, habemus intentum. Tum quia esse entitativum in speciebus non est per se intentum, sed secundariò, ratione ipsius esse repræsentatiui, quod est per se intentum; ergo si in esse repræsentativo non sunt proprietates, neque erunt in esse entitativo; si enim id, quod primariò est in re, non est suæ substantiæ proprietas, neque erit id, quod est secundarium, & per accidens intentum.

39 Respondet 2. Bannes, quod ex hoc, quod Angelus comprehendat essentiam, non sequitur, quod cognoscat species, & illorum obiecta, ex eo, quod essentia Angeli non continet dictas species radicaliter, aut virtualiter. Sed contra, quia aliæ proprietates cognoscuntur distinctè per essentiam, & ea comprehenduntur distinctè comprehenduntur; ergo idem dicendum est de dictis speciebus, si semel

sunt proprietates. Tum quia hoc ipso, quod species sint proprietates dimanantes actuè ab essentia per naturalem resultantiam, continentur in ea, non ut in pura potentia, sed ut in aliquo dicente, actualitatem, ac proinde distinctè, & non confusè; ergo comprehensæ essentia comprehenduntur. Tum etiam quia si essentia solum radicaliter, & virtualiter continet prædictas species, ergo cognoscuntur per eandem tanquam obiectum cognitum, & comprehensum, qui enim cognoscit radicem, cognoscit id, quod continetur in ea: & cognitio quæ primò terminatur ad radicem, terminatur secundariò ad id, quod ab illa dimanat quoad sibi propria.

40 Respondent alij 3. quod ad hoc ut aliquid resulet actuè ab alio per naturalem resultantiam, non est necesse ut contineatur in illo, sed sufficit naturalis colligatio inter utrumque, & quod agens nequeat attingere vnum, nisi prius attingat aliud, & secundum attingat ut corollarium prioris, hoc modo forma ignis resultat ex ultima dispositione ad illum, cum tamen non contineatur ab illa. Sed contra, quia aliud est loqui de naturali resultantia per modum proprietatis, & de resultantia utrumque; ad istam namque non requiritur continentia, bene tamen ad illam; quia de ratione proprietatis est, quod dimanet ab intraneis essentia, & quod essentia habeat rationem causæ formalis illius, & per modum radiciæ se habeat.

41 Alij etiam 4. respondent, quod si ratio, & confirmatio probarent, convincerent etiam, quod intellectus, & voluntas, quæ sunt proprietates Angeli, non dimanarent ab illo, quia Angelus collatus cum istis, est in certa specie, & clauditur limitibus essentialibus generis, & differentie, ac proinde si istos limites coarctant Angelum ne per modum radiciæ contineat species intelligibiles, etiam coarctabunt eum ne per modum radiciæ contineat intellectum, & voluntatem. Sed contra, quia intellectus, & voluntas sunt quidem proprietates, sed magis eleuatæ, & quo-

& quodammodo spectantes ad lineam essentiae Angelicae, quia sine illis species Angelica non est completa intrinsecè, ac proinde ex parte illius se tenent; & sic illi limires limitant quoad species, non quoad intellectum, & voluntatem. Ex quo sequitur maior confirmatio nostrae rationis, & confirmationis, quia ideò proprietates continentur in essentia, quia specialiter modo ex parte naturae se tenent, & ad illam pertinent, sed species non se tenent ex parte essentiae, sed obiecti, ergo non continentur in essentia quoad propria illarum. Sunt enim species veluti lumen obiecti, ac proinde ex parte illius se tenent.

42 Quinto alij respondent, quod limitatio proveniens ex genere, & differentia solum tollit continentiam formalem in esse intelligibili, non continentiam radicalem, & per modum principij radicalis. Sicut enim hoc modo Angeli inferiores continent intelligibiliter superiores, ita poterunt eorum species continere. Sed contra, quia limitatio proveniens ex genere, & differentia, tollit ab Angelo, quod contineat alias naturas in esse entitativo, ergo etiam tollit, quod eas contineat in esse intelligibili. Antecedens constat, quia si illa limitatio tollit continentiam formalem, etiam tollit radicalem, & virtualem, & è contra, hæc enim est perfectior illa. Consequenter probatur, quia ea quæ non sunt per se primò instituta ad representandum, sed ad essendum, ut est essentia Angeli, non continent alia in esse intelligibili, nisi prius contineant in esse entitativo; ac proinde quod limitat in esse entitativo, limitabit etiam in esse intelligibili. Tum quia ideò illa quæ per se primò sunt ordinata ad representandum possunt esse magis ampla in esse representativo, quam in esse entitativo, quia esse entitativum intenditur propter esse intentionale: & in utroque ordine est suum genus, & sua differentia: in hoc ordine minus limitatum, & in illo magis. At in ijs quæ per se primò sunt instituta ad essendum, est tantum unicum limitativum, unaque compositio ex genere, & differ-

rentia, ac proinde nequit continere alia. Tum etiam quia si essentia Angeli contineret in ordine intelligibili per modum principij radicalis obiecta, & species intelligibiles, & fluere per naturalem emanationem ab illa, tunc haberet infinitam vim in ordine intelligibili, imò & in ordine entitativo; hoc est falsum; ergo. Sequela probatur, quia haberet infinitatem in ordine intelligibili, ex eo, quod contineret dictas species, & obiecta secundum rationem generalem entis naturalis, & species à prædicta essentia fluere secundum rationem generalem representativam entis naturalis in sua latitudine. Haberet infinitatem in esse entitativo, cum illud in hoc fundetur. Unde sicut colligimus vim infinitam in Deo, ex eo, quod creet formicam, quia eam attingit sub ratione generalissima entis, ita colligimus infinitatem in essentia Angeli in ordine intelligibili, ex eo, quod continet species secundum generalissimam rationem entis intentionalis.

43 Nec valet dicere cum auctoribus contrarijs solum contineri virtualiter, & ut in principio radicali species obiectorum ut sunt partes uniuersi, seu ut representant partes uniuersi, non sub ratione illa generalissima entis. Sed contra, quia intellectus Angelicus habet vim ad intelligendum omne ens naturale; ergo si semel continet species, debet illas continere secundum quod representant totum illud. Antecedens constat. Consequenter probatur, quia si semel dictæ species fluunt per modum proprietatis ab essentia Angeli, debent finire ut habent sufficientem vim ut representent obiectum dicti intellectus Angelici, quod est tota ratio entis naturalis.

44 Probatur nostra conclusio, quia ex essentia Angeli non possunt per modum propriarum passionum fluere species omnium obiectorum naturalium, nec aliquorum potius quam aliorum; ergo nulla. Prima pars antecedentis constat, quia aliàs dicta essentia esset infinita, ex eo, quod intra latitudinem entis naturalis datur infinita perfectio, quam illæ species repræ-

repræsentarent. Secunda pars antecedentis etiam constat, quia essentia, & intellectus Angelicus respiciunt omne ens naturale; ergo non est vnde magis fluant istæ quam illæ species.

45 Dices pertinere ad diuinam providentiam determinare, quænam species debeant fluere, & quænam non. Sed contra, quia determinatio ad fluxum propriarum passionum debet esse ab intraneis, & non ab extrinsecis; ergo eo ipso, quod illa determinatio est à Deo, signum est non esse fluxum propriarum passionum. Natura namque est determinata ad unum, ac proinde non potest esse id, vnde per naturalem resultantiam dictæ species dimanent, cum non sint determinatæ, sed possunt esse plures.

46 Ad hoc occurrunt, in idem redire, quod hæc determinatio fiat à Deo, & quod fiat ab intraneis; quia fit ex eo, quod hæc obiecta, & non illa, sint partes huius vniuersi: Angelus autem per se, & ab intrinseco habet, quod fit pars vniuersæ, ac proinde ab intrinseco habet, quod ab eo fluant: species huius potius vniuersæ, quam alterius. Sed contra, quia dato, quod Angelus sit pars vniuersæ, & peiat conjunctionem cum illo, & hoc sit sufficiens ad hoc ut illi infunderetur species istæ potius, quam illæ; non tamen est sufficiens ad hoc ut potius istæ, quam aliæ fluant. Nam cum species Angelicæ sint ita eleuata, quod quantum est ex se repræsentent futura contingentia; si semel ab intellectu fluerent, posset dicta futura cognoscere, quod est falsum. Tum quia si Deus nunc produceret aliquam creaturam, pertineret ad ordinem vniuersi, & tamen species illam repræsentans non fluere ab essentia Angelæ, sed à Deo produceretur; ergo ad hoc ut Angelus pertineat ad ordinem vniuersi, vel aliquod obiectum, sufficit, quod eius species à Deo infundatur. Tum etiam quia, quilibet Angelus, quantum est de se, habet potentiam proximam ut sit pars plurium aliorum vniuersorum; ergo vel non debent fluere species huius vniuersi, vel si hæc fluunt, etiam debent fluere species aliorum vniuersorum.

Consequenter constat, quia cum Angelus habeat potentiam proximam ut sit pars aliorum vniuersorum, eum possit omnia illa cognoscere, debet omnium aliorum species habere. Antecedens etiam constat, quia Angelus est naturaliter intellectiuius cuiusvis entis naturalis, sub quo omnia vniuersa continentur; ergo, &c.

47 Probatur 3. quia eodem modo debet actuari substantiæ spirituales superiores, quo actuantur corpora superiora; sed corpora superiora actuantur per suam formam substantialem à solo Deo, & ex plente per illam totam potentialitatem eorum; ergo etiam à solo Deo debent actuati substantiæ superiores per formas intelligibiles, &c.

48 Occurrit ex doctrina aduersario, quod proportio inter substantias superiores, & inferiores debet attendi seruata natura vtriusque; natura autem substantiæ spiritualis superioris est, quod ab ipsa fluant species; non est autem natura corporum superiorum, quod ab ipsum materia pullulet forma substantialis, sed quod à Deo primò producatur. Sicut enim ab anima nostra fluit intellectus agens, qui producat species animæ proportionatas, ita ob maiorem perfectionem substantiæ Angelicæ petitur, quod producantur per emanationem dictæ species: Sed contra, quia sicut in corporibus superioribus materia prima est solum in potentia ad formam substantialem, & illa expletur à solo Deo: ita substantia Angelica est solum in potentia ad formas intelligibiles; ergo etiam à solo Deo debet expleri. Ad illud, quod dicitur de intellectu agente respectu animæ nostræ, dico, quod bene potest intellectus agens fluere ab anima nostra, quia ex hoc non tollitur ab intellectu possibili, quod sit pura potentia in ordine intelligibili, at si ab intellectu Angelico fluerent species, iam ab ipso tolleretur hæc ratio potentie ab ipso.

49 Sed obijcies 1. contra dicta, quia si intellectus Angelicus haberet, quantum est de se, sufficientem virtutem ad artingendum quoduis ens consentum sub

824 Disputatio XLIV. Dubium III.

ambitu totius entis naturalis, sequeretur, quod eius virtus esset infinita; sed hoc est falsum; ergo. Sequela probatur, quia potentia quæ potest attingere aliud, & aliud obiectum perfectius, & perfectius usque in infinitum, debet esse infinita; huiusmodi esset tunc temporis intellectus Angelicus, ergo, &c. Resp. negando sequelam, quia ista potentia est per modum puræ potentie in ordine intelligibili, ac proinde solum dicit infinitam perfectionem in actu potente illam explere.

50 Obijcies 2. non coherere, quod intellectus Angelicus sit potentia completa quantum est de se, & ex vi illorum, quæ ex parte ipsius requiruntur respectu totius entis naturalis, & quod non habeat species in ordine ad totum dictum ens; nam potentie completæ debentur species, & quæ requiruntur ad cognitionem sui obiecti; ergo, &c. Resp. quod intellectus Angelicus dicitur potentia completa, non quia non indigeat speciebus, sed quia ipsi non indiget ut sit eiusdem immaterialitatis cum ente naturali, & toto illius ambitu. Tum quia species magis requiruntur ad exercitum potentie, quam ad ipsam rationem potentie.

51 Obijcies 3. quia si intellectus Angelicus haberet dictam virtutem respectu totius entis naturalis, sequeretur, quod esset in statu violento si non infunderetur species totius entis naturalis ad quod est potentia naturalis, sicut materia cælorum esset in statu violento si non produceretur simul cum sua forma. Resp. negando sequelam, quia licet intellectus Angelicus quantum est de se possit in totum ens naturale, tamen determinatio ad hoc potius, quam ad illud obiectum intelligendum; ad has potius species, quam ad illas, est à Deo, tenente modum quem sibi placuerit, ac proinde non sequitur, quod sit in statu violento si non habeat species omnium obiectorum. Sicut enim in naturalibus non est debitum foeminae, quod foecundetur per quemcunque virum; sic nec debitum est intellectui ut foecundetur per quodecunque obiectum.

52 Obijcies 4. quia si Angelo non debentur istæ species pro quibus euentu potius quam alix, non seruaretur proportio, quæ supra adducta est, quod sicut potentia materię primæ in corporibus superioribus fuit expleta in primo instanti creationis per formam substantialem, sic etiam potentia in ordine intelligibili substantie intellectualis superioris, debuerit in principi creationis earum expleri, ergo, &c. Resp. negando antecedens; ad hoc enim ut dicta potentia in ordine intelligibili expleatur, sufficit, quod in primo instanti recipiat has, non illas species, quas Deus taxauerit, neque est necesse, quod recipiat species totius entis naturalis, sed illas per quas iuxta taxationem Dei, fiat pars vniuersi, &c. Soluuntur argum. in contrarium.

53 Primum argum. desumunt ex D. Th. 9. 64. 1. ubi loquens de cognitione naturali dæmonum, dicit non fuisse sublatam per peccatum, & assignat rationem quia *consequitur ipsam naturam Angelī*, non consequeretur autem ipsam naturam Angelī, nisi species illi deseruienes ad illam consequerentur. Resp. quod illa cognitio dicitur consequi ad ipsam naturam Angelī, quia est consona naturæ illius; & species dicuntur naturales Angelo, quia sunt illi consonæ; unde si Deus per peccatum illas auferret, non ita consonè ad naturam Angelī *ageret*.

54 Secundum argum., quia si Angelus non haberet ab initio suæ productionis dictas species, aut ab eo postea auferrentur, pateretur violentiam, ergo habet illas per naturalem dimanationem. Si enim non essent per naturalem dimanationem, non pateretur violentiam si ab illo auferrentur. Antecedens probatur; quia si Angelus esset sine speciebus, esset mancus, & truncus, ergo &c. Resp. quod tunc Angelus non pateretur violentiam, sed esset in statu præternaturali, violentiamque est contra principium maxime actuum.

55 Tertium argum. quia illæ species essent super naturales, hoc dici nequit, ergo. Maior probatur, quia infunderentur à Deo

à Deo proximè; ex parteque Angeli solum supponerent potentiam passiuam. Resp. quod ille species supponunt potentiam passiuam naturalem, & naturaliter ad illas inclinatum, ac proinde sunt naturales, & à Deo naturæ Angelicæ auctore causatæ.

56 Quartum argum. quia aliàs homo esset Angelo perfectior; ergo, &c. Sequela probatur, quia homo habet potentiam actiuam ad producendas species; Angelus autem habet solum potentiam passiuam. Resp. negando sequelam. Ad probationem dico, quod illa potentia passiuæ Angeli, denotat maiorem perfectionem quam actiuæ hominis; nam illa passiuæ denotat Angelum esse tantæ excellentiæ, ut petat habere species immediatè à Deo receptas, non homo.

57 Quintum argum. quia sequeretur, quod si Deus creasset tantum vnum Angelum, aut etiam vnā solam creaturam cum illo, quod tunc non deberentur illi Angelo species aliarum rerum; hoc est falsum, quia tunc esset nimis coarctare intellectum Angelicum. Resp. concedendo sequelam cum enim tunc Angelus non pertineret ad vniuersum, nec esset pars illius; nec tunc quod cognosceretur, non esset necesse, nec peteret, quod infunderentur plures species, imò si infunderentur, essent superflue.

58 Sextum argum. quia species Angelicæ non sunt à Deo per actionem distinctam ab actione creatiuæ Angeli, ergo sunt per naturalem dimanationem ab eadem essentia Angeli. Consequenter, quia hoc ipso, quod fiunt per actionem creatiuam, & concrecentur, oportet, quod terminus primarius creationis sit ipsa substantia Angeli; & species sine terminus secundarius; terminus autem secundarius dimanat à primario. Antecedens probatur, quia illæ species non fiunt per educationem, quia sunt debite in instanti creationis Angeli. Tum quia, quæ fiunt per educationem, fiunt per actionem per se transmutatiuam materię. Resp. negando antecedens, fiunt enim dictæ species per actionem educationem ex

substantia Angeli; Vnde non sunt debite ex eo, quod substantia Angeli potius reposcat has, & non illas, sed ex eo, quod supposito decreto de conditione huius vniuersi sint illi debite. Hinc est, quod per se petunt fieri per transmutationem naturæ, quatenus potest dari in Angelo carentia omnium illarum, si illum solum Deus conderet, licet de facto non sint productæ per propriam transmutationem, cum sint productæ in eodem instanti, licet non actione creatiuæ, sed educationis.

D V B I V M V.

An Angeli superiores intelligant per species vniuersaliores.

59 **T**ripliciter aliquid potest dici vniuersale: in causando, ut Deus; & cæli, qui plures effectus causant. in prædicando, ut natura abstracta per intellectum: vel in representando; & hoc dupliciter: vno modo quando representat naturam abstractam à suis speciebus, & rationibus differentialibus, ita quod inferiora solum confusè representent. Alio modo quando representat distinctè tam naturam communem, quam inferiorum illius. Titulus procedit de speciebus vniuersalibus in representando, & non de vniuersalitate per quam plura confusè, & indistinctè representantur, sed de illa vniuersalitate per quam multa distinctè representantur quoad ea in quibus distinguuntur.

60 Prima sententia est, quod Angeli specie distincti, seu nobiliores, & perfectiores in essentia, non intelligant per species vniuersaliores. Sic Scotus, Aureolus, Rada, Vasquez, Molina, Arubal, & alij, apud Salmant. hoc loco.

61 Nostra sententia sequi. conclus. explicatur. Angeli quæ sunt in essentia, seu natura superiores, ed per superiores, & vniuersaliores species intelligunt. Sic D. Thome art. 3. in 2. dist. 8. q. 2. art. 2. & alibi, quem sequuntur eius discipuli, & com-

M m m m m mu-

826 Disputatio XLIV. Dubium V.

munitur omnes antiqui Scholastici, & deducitur ex D. Dionys. *cap. 12. celestis hier.* ut ecclē expendunt Salmant. hoc loco.

62 Probatur 1. Deus per vnicam dumtaxat speciem vniuersalissimam intelligit omnia; ergo etiam Angelus quod fuerit perfectior, eō per species vniuersaliores intelliget. Antecedens est certum, Deus namque omnia intelligit per speciem suę essentię. Conseq. probatur, quia Angelus quod est perfectior, eō est Deo similior in modo intelligendi, ac proinde per species vniuersaliores cognoscat.

63 Respondet Scotus, quod similitudo maior Angeli cum Deo non consistit in hoc, quod intelligat per species vniuersaliores, sed in hoc, quod clarius, & distinctius cognoscat. Sed contra, quia si similitudo maior Angeli cum Deo consistit in hoc, quod clarius cognoscat, etiam in hoc consistit, quod cognoscat per species vniuersaliores. Nam species quod est vniuersalior, eō est ordinis superioris, nobilioris, &c. ac proinde clarius repręsentat.

64 Dices, quod perfectio intelligendi cum maiori claritate est principalis, non perfectio intelligendi per vnicam speciem, & sic ex maiori similitudine, & accessu ad Deum, colligitur similitudo in claritate, non hoc, quod est intelligere per species vniuersaliores, quia intelligere per vnicam speciem est perfectio imparticipabilis, non intelligere clarius. Sed contra hoc est, quia dato, quod perfectio intelligendi per vnicam speciem sit imparticipabilis, sicut ratio entis per essentiam, ac proinde non possit participari per accessum, quo modo participantur alię perfectiones diuinę, ut sapientia, &c. poterit tamen participari per recessum ab opposito, sicut ratio entis per essentiam est participalis, per recessum ab opposito, scilicet à nihilitate; unde quod aliquod ens est perfectius, eō magis à nihilitate recedit; ergo per recessum poterit dicta ratio participari, intelligendo per pauciores, & vniuersaliores species.

65 Pręterea impugnatur præcedens solutio, quia homo perspicacioris ingenij per principia vniuersaliora clarius, & facilius intelligit plures conclusiones; ergo hoc idem continget in Angelis. Tum quia intellectus Angelici specie distinguuntur, ergo eorum clarior cognitio debet specie distinguī sed claritas specie distincta dari non potest nisi species sine vniuersaliores; ergo, &c. Hęc minor subsumpta probatur, quia non est vnde dicta claritas specie distincta desumatur, nisi ab speciebus in vniuersalitate diuersis. Si enim sint eiusdem rationis, cum eadem claritate repręsentabunt. Quocirca femina quę non est fecundabilis nisi per semen eiusdem rationis, non producet prolem, nisi eiusdem rationis.

66 Dices, dictas species distinguī essentialiter, non quia vna sit magis vniuersalis, sed quia maiori claritate repręsentat. Sed contra, quia primum, quod inuenitur in specie, est repręsentatio obiecti; ergo illius superioritas per se primò consistit in hac repręsentatione, & vniuersalitate illius, non in claritate. Ex claritate namque non desumitur distinctio specifica, ut constat in lumine glorię. Tum quia tunc datur maior claritas distincta essentialiter, quando datur maior efficacia essentialiter distincta; unde quo principia sunt vniuersaliora, eō sunt efficaciora virtutis, & maioris simplicitatis. Hinc est, quod quod artes, scientię, &c. sunt nobiliores, eo sunt vniuersaliores. Item potentię, habitus, virtutes, quo sunt nobiliores, eō sunt vniuersaliores, & procedunt per principia magis ampla.

67 Nec valet dicere adhuc, quod est diuersa ratio, quia alię virtutes, & potentię non sunt repręsentatiuę obiectorum suorum, sicut species, de cuius ratione est, quod non repręsentet plures naturas, aliās esset vna in esse intelligibili, & plures, & sic esset vna, & non esset vna. Sed contra, quia non est contrariationem species, quod repręsentet plura, cum enim species non sint desumptę ex rebus, sed sint exemplarę à diuina essentia, quę

quæ plures quidditates repræsentat, possunt plures naturas repræsentare. Tum quia quod actus est excellentior, & superior, eò magis se extendit ad plura, sed species sunt actus superiores; ergo se extendent ad plura repræsentanda; idèò namque natura diuina plura repræsentat, quia est actus purissimus; ergo si species sunt actus, etiam plura repræsentabunt.

68 Sed obijcies, quia anima Christi D. habet modum cognoscendi clariorum, & perfectionem per lumen supernaturale; & tamen non intelligit per species vniuersaliores; ergo idem dicendum erit de Angelis. Tum quia vnus beatus clarior, & distinctius videt Deum, & alia in Deo, & non per species vniuersaliores, sed per vnā, eandemque. Tum etiam quia licet inter Angelos detur excessus in perfectione specifica, non tamen ex hoc inferitur, quod sit tantus vt debeant dari species vniuersaliores; nam animalia specie distinguuntur, & tamen non sequitur, quod cognoscant cognitione sensitua per species vniuersaliores. Tum denique si ex perfectione datur maior vniuersalitas in speciebus, deberet etiam dari maior vniuersalitas in obiectis, quod est falsum, cum omnes Angeli habeant idem obiectum.

69 Resp. quod anima Christi D. recepit species iuxta modum suum; non enim anima habet modum intelligendi naturalem ita eleuatum, vt Angeli. Vnde licet per scientiam insulam eleuetur ad modum excellentiorem, & eleuationem cognoscendi Deum quantum ad iudicium, tamen quantum ad apprehensionem, &c. proportionatur illa scientia subiecto, & sic species non sunt vniuersaliores. Ad illud, quod de beatis dicitur, dico quod visiones beatorum sunt eiusdem speciei, ac proinde solum distinguuntur in intentione, & claritate; at intellectiones Angelorum distinguuntur specie, vt ex dictis constat. Vel dic, quod in beatis ipsa essentia diuina vnitur cum magis beato cum maiori vniuersalitate, & cum minori, cum minus beato. Ad illud quod non reddatur ratio illius vniuersalitatis,

dico rationem constare ex dictis, quia, sicut intellectus humanus ob excessum, super potentias cognoscitiuas intelligit per species vniuersaliores, ita ob eandem rationem intellectus superior in Angelis, intelligit per species vniuersaliores. Ad illud, quod de animalibus dicitur, patet ex dictis, quia potentia sensitua quæcunque etiam perfectior non est capax speciei vniuersalioris, cum eius obiectum non possit non esse singulare. Ad vltimum, quod deberet etiam dari obiectum vniuersalius, dico quod hoc non est verum, quia intellectus ex se, est potentia intellectiua, ac proinde ex se habet obiectum vniuersalissimum, maxime cum attendatur respectu eiusdem gradus immaterialitatis. At species cum sint determinationes potentie, possunt repræsentare obiectum magis, aut minus vniuersale.

70 Probatur a. nostra conclusio, quia idèò Deus intelligit omnia per suam essentiam, quia est actus purus in omni genere, & supremus in natura intellectuali; & idèò anima rationalis intelligit per tot species, quot sunt formæ rerum naturalium, quia tenet infimum locum in natura intellectuali; sed Angeli tenent locum medium; ergo neque debent omnia intelligere per suam essentiam vt Deus; neque debent indigere tot speciebus vt anima rationalis.

71 Respondent, quod ratio mediij in Angelo, non consistit in hoc, quod intelligat per species vniuersaliores, sed quod non sit ita actus purus vt Deus; neque ita in potentia vt anima, sed sit partim in actu, & partim in potentia; in actu quoad actum primum; in potentia quoad actum secundum. Sed contra quia negari non potest, quod etiam Angelus non sit medium inter Deum cognoscentem per vnicam speciem, & animam per plures iam dictas; ergo, &c. Tum quia ex eò, quod Angelus est medium quia est partim in actu, & partim in potentia, sequitur, quod debeat habere proportionatas species, ac proinde vniuersaliores; nam modus operandi, sequitur modum essendi, ac

proinde si Angelus habet modum essendi superiorem, & quasi vniuersaliorem; ita proportionatim modum operandi habebit. Soluuntur argum. in contrarium.

72. *Primum argum.* quia non potest dari aliqua natura specifica finita, continens perfectè, sub formaliter, siue virtualiter alias naturas específicas ab ipsa. distinctas; ergo neque poterit dari species perfectè representans plures naturas específicas. Antecedens constat, quia nulla natura creata potest perfectè continere, ex propria limitatioe alias naturas à se distinctas; quocirca bene dicit S. Doctor art. 1. huius q. quod Angelus per suam essentiam potest solum se ipsum, non alia cognoscere. Consequ. probatur, quia, idèò diuina essentia representat alia à se, quia habet vnum obiectum primum in quo cuncta conveniunt, scilicet eandem essentiam diuinā. Tum quia si species est vna, etiam obiectum representatum, debet esse vnum. Item etiam quia species creata respicit obiectum tanquam sui mensuram, à quo suam sumit vnitatem; sed in presenti obiectum non est vnum, sed plures naturae; ergo, &c. Tum denique quia species representans aliquam naturam, est idogrem in ipsa natura in esse intelligibili; non potest autem eadem species esse plures naturas in hoc etiam esse; ergo, &c.

73. Ad hoc argum. respondet Vasquez, quod ad vnitatem speciei sufficit, quod representet plura habentia aliquā attributionem, non vniuocationem. Sed contra, quia plures naturae sub eodem genere, non possunt non habere vniuocationem, & solam attributionem; ergo.

74. *Resp.* 1. distinguendo antecedens non datur vna natura, quae per illam vnicam speciem representetur, vnitatem se tenente ex parte obiecti, & conceditur, non enim datur vnum obiectum quod representatum per illam speciem vniuersaliorem; nec vna ratio formalis sub qua quae se teneat ex parte eiusdem obiecti; non datur vna natura vnitatem se tenente ex parte speciei, & modi eleuationis illius, & negatur. Vel non datur

vnica natura in esse rei, & conceditur in esse intelligibili, & negatur. Naturae namque, quae sunt infra Angelum habent modum eleuationem in specie illius, quam habent in se ipsis; qui modus non est acceptus à rebus, sed ab ipsa specie eleuationis; sicut enim res habent eleuationem vnitatem in diuina essentia, quam habent in se ipsis; ita cum species Angelicae sint ex eadem diuina essentia efformatae, res habebunt in illis vnitatem eleuationem, ratione virtutis representationis eleuationis, ad hoc pertinentis, ut representet plures naturas secundum propria earum, secundum quod conueniunt in illa ratione superiori secundum quam à specie representantur. Deinde negatur consequ. Ad 1. probationem dico, quod essentia diuina ex alio capite habet obiectum vnicum primum in esse rei, ex eo, quod ob suam eminentiam non potest habere pro obiecto primario creaturam. Ad 2. probationem dico, quod quando species est eleuata & non est accepta à rebus, sed exemplata ab essentia diuina, & diuinis exemplaribus, non est necesse, quod habeat vnum obiectum in esse rei, sed sufficit, quod sit vnum vnitatem iam dicta eleuationis. Ad 3. probationem dicendum procedere de speciebus acceptis à rebus, non à diuina essentia, exemplatis. Ad 4. probationem dicitur quod illa species est vna in esse intelligibili, cum illis naturis prout in hoc esse constituunt vnam naturam, quae sic participant diuinam naturam, ut illas vnicè continet, de quo magis infra.

75. Sed obieci 1. quia dictae species prout habent modum essendi eleuatum, sunt certae, & determinatae speciei; nam constant genere, & differentia; ergo dicent vnam tantum naturam indiuisibilem; & non plures. *Resp.* concedendo antecedens, & distinguendo consequens: dicit vnam naturam indiuisibilem in esse intelligibili, & conceditur; in esse, entitativo, & negatur.

76. Obieci 2. quia dicta species intelligibilis, ut representet vnam ex illis naturis, reducitur ad speciem illius; ergo sicut

sicut illa natura non potest cum cæteris naturis repræsentatis confluerere vnicam naturam in esse rei, sic neque in esse intelligibili. Antecedens constat. Consequentia probatur, quia quod ad aliud reducitur, non potest magis extendi quam illud ad quod reducitur; ergo, &c. Resp. negando antecedens, quia cum dictæ species non sint desumptæ ex rebus, non reducuntur ad illas, maxime in esse entitativo, sed potius res ipsæ, seu naturæ reducuntur ad ipsas.

77 Obijcies 3. quia si dictæ species haberent esse, & unitatem per reductionem ad diuinam essentiam, & ad diuinam exemplarij; sequeretur, quod sicut diuina essentia non est ipsas naturas creatas in esse intelligibili, ita nec dictæ species erunt eiusdem naturæ cum rebus repræsentatis. Resp. negando sequelam: ratio discriminis est, quia essentia diuina ratione suæ eminentiæ petit, quod in nullo esse sit aliquid creatum: non sic petunt dictæ species.

78 Obijcies 4. quia si species Angelica representat plures naturas, quia reducitur ad diuinam essentiam, vt habet rationem speciei intelligibilis, & ad diuinam exemplarij, sequeretur, quod esset supernaturalis quoad substantiam. Sequela probatur, quia continere plures naturas secundum propria earum, est proprium essentia diuinæ; ergo species representans hoc, erit supernaturalis, sicut ob hanc rationem gratia est talis. Resp. quod ad hoc vt aliquid sit supernaturale, non sufficit, quod participet aliquid diuinum, sed debet illud participare modo proprio ipsius Dei. Verum dictæ species non representant plura modo proprio ipsius diuinæ essentia, qui est, quod diuina essentia prius repræsentet se ipsam prout est in se, quod non conuenit dictis speciebus.

79 Resp. 2. quod dictæ species representat vnicam naturam, non quidem unitate formali reali; & per modum vnius naturæ singularis in rerum natura existentis; sed unitate præcisè formali, quæ sit obiectum formale, & à quo desumatur ra-

tio formalis sub qua, & hoc modo dictæ species commensurantur suis obiectis, & ab illis specificantur. Quare licet sit eadem natura in specie intelligibili, ac in obiecto per se primo representato, tamen, quia obiectum sub modo essendi entitativo consideratum, habet quodammodo mensuram naturam sub modo essendi intelligibili, ideo non est necesse, quod habeat unitatem per modum naturæ singularis, vt habet natura diuina.

80 Sed obijcies 1. quia ex ista solutione sequeretur, quod non posset dari species, quæ solum repræsentaret duas naturas specificas sub eodem genere, sed deberet repræsentare omnes: hoc est falsum vt constat ex dictis dubiis præced. ergo, &c. Sequela probatur, quia tanta est latitudo representationis speciei, quanta est ratio formalis sui obiecti: sed ratio formalis obiecti dictæ speciei conuenit omnibus speciebus contentis sub genere; ergo, &c. Resp. negando sequelam. Ad probationem dico, quod licet ratio formalis obiectiua sit v. g. natura animalis, non tamen est necesse, quod sit distributa ad omnes species, sed ad illas, quæ sunt actu partes vniuersi, & quarum cognitio spectat ad naturam ipsius Angeli.

81 Obijcies 2. quia ad unitatem potentia cognoscitiuæ non requiritur conuenientia in ratione formali generis immediati; neq; in ratione generis mediati, aliàs potentia visiva cognosceret omnes species contentas sub genere communi ad albedinem, & lumen: neque in ratione vniuersa vt patet in intellectu, cuius obiectum est tota latitudo analogiæ entis; ergo neque ad unitatem speciei intelligibilis requireretur veritas formalis obiecti. Resp. transeat antecedens, & negatur consequens. Ratio discriminis est, quia species petit, quod sit ipsum obiectum in esse intelligibili, per se primo representatum, ac proinde debet habere maiorem unitatem dictum obiectum cum specie, quam habeat cum potentia.

82 Obijcies 3. quia non videtur dicta solutio coherere cum ijs, quæ alibi dicta sunt, quod scilicet species debet esse eius-

eiusdem nature cum natura, vel naturis representatis, si plures representet, sed solum debet esse eiusdem nature cum illa ratione formali primario inspecta; ergo, &c. Resp. 1. quod species solum debet esse eiusdem nature cum obiecto per se primo representato, non cum obiecto secundo, & hoc maxime currit in speciebus à divina essentia exemplatis, sicut etiam videre est in eadem divina essentia. Resp. 2. quod licet species v. g. animalis representet tam obiectum primarium, scilicet naturam animalis, quam secundarium, scilicet inferiora illius, tamen est solum eiusdem nature cum obiecto primario; quia obiecta secundaria formalizantur in esse intelligibili per obiectum primarium; obiectum autem primarium representatur ut per se ipsum, & ut ratione sui formalizat.

83 Obijcies 4. quia istæ species sunt ordinis superioris, ergo non possunt mensurari, nec specificari à natura, seu ratione illa formali ordinis inferioris. Respon. quod dictæ species sunt superiores alijs speciebus inferioris rationis; non tamen sunt superiores ipsis naturis representatis, ex parte forme representatæ, sicut nec superiores ex parte modi essendi, ut mox dicitur.

84 Obijcies 4. quia ratio formalis essendi in loco respectu Angeli non specificatur à loco, ex eo, quod est spiritualis, & ordinis superioris; ergo neque dictæ species cum sint ordinis superioris, specificabuntur à rebus ordinis inferioris. Resp. ex dictis, quod ratio essendi in loco respectu Angeli, est secundum quamecunque rationem superior, non sic dictæ species, quia saltem quoad modum essendi sunt inferiores; nam modus essendi naturalis, est simpliciter perfectior modo essendi intentionali.

85 Obijcies 5. quia natura v. g. animalis, quæ per se primo representatur in sua specie, non continet actu totam naturam suorum inferiorum; ergo non poterit esse ratio formalis representandi, aut cognoscendi distinctè, & clarè eadem inferiora quoad id in quo distinguuntur, sed

ad summum quoad cōmunia. Resp. quod natura animalis dupliciter potest considerari: in abstracto, & in concreto, prout est diffusa, & distributa actu, & in exercitio in omnia sua inferiora; & hoc duplici modo potest à specie representari: species representans naturam animalis in abstracto, non representat distinctè inferiora, sed tantum confusè; at species representans dictam naturam in concreto, representat inferiora distinctè, & clarè. Species autem Angelicæ habent sufficientem immaterialitatem ut representent suas naturas in concreto prout sunt diffuse per sua inferiora à Deo producta per modum partis uniuersi.

86 Obijcies 6. quod ex hoc, quod illa species representet naturam animalis ut diffusam in inferioribus solum sequitur, quod primario representet dictam naturam, & secundario inferiora, & tanquam obiectum secundarium; quia natura animalis etiam in concreto, non est ratio formalis suorum inferiorum quoad ea, in quibus distinguuntur, sed solum quoad ea in quibus adunantur; & sic per istam speciem non poterunt cognosci formaliter prout afferunt ipsorum propria. Resp. quod inferiora ut sunt quid actu contentum sub latitudine animalis actu diffusi, pertinent ad eandem latitudinem, & quasi formalizantur per eandem naturam. Vnde inferiora dicta subsunt illi nature immediate secundum quod conveniunt, & mediatè secundum quod differunt, quia etiam secundum hanc rationem pertinent ad latitudinem nature animalis, & sic per dictam speciem representantur.

87 Resp. 3. quod cum obiectum adæquatum proportionatum intellectus Angelici sit hoc uniuersum, sequitur, quod si detur Angelus qui per unicam speciem cognoscit totum uniuersum, illa species erit una, & representabit totum uniuersum ut est vnum unitate ordinis, & secundario partes non solum quoad id in quo conveniunt, sed etiam quoad id in quo distinguuntur. Ita species quæ representat aliquam partem ha-

habet pro peculiari obiecto hanc partem, & inferiora illius cognoscuntur per dictam speciem, primò secundum id in quo conueniunt, deinde secundum ipsorum propria. Quare licet tunc hoc vniuersum non sit vnum in esse rei, erit tamen vnum in esse obiecti.

88 Secundum argum. quia si Angelus quò perfectior, eò per species vniuersaliores intelligeret, sequeretur quod posset deueniri ad aliquem ex illis, qui per vnicam dumtaxat speciem posset omnia intelligere, ac subinde qui omnia intelligeret per propriam substantiam; hoc supra reprobauimus; ergo, &c. Sequela probatur, ponamus, quod primus Angelus intelligat per duas species, poterit creari alius illo perfectior, qui intelligat tantum per vnam, ac proinde per suam substantiam. Resp. posse Angelum intelligere omnia quæ sub se sunt per vnicam speciem, superadditam non per suam essentiam, quæ alia à se non repræsentat; nam respectu inferiorum conueniunt Angeli vt habeant species vniuersaliores, nò respectu superiorum; & sic respectu quidditatum superiorum tot debet habere species, quot illæ fuerint. Quocirca non potest in Angelo qui modo est superior dari species repræsentans alios se superiores quos Deus crearet.

89 Dices, nos incidere in sententiam Scoti, & aliorum quoad Angelos superiores; nam Angelus infimæ hierarchiæ non intelligit superiores per species vniuersaliores respectu superiorum, sed solum respectu inferiorum. Resp. quod si hoc solum vellet Scotus, illi esset concedendum, sed hoc non vult neque respectu superiorum, cum velit, quod omnes species sint æquales in repræsentando, quod nos etiam respectu superiorum improbamus. Bene verum est, quod species duorum Angelorum infimæ hierarchiæ de Angelo superiori, licet in esse rei, seu ex parte naturæ repræsentatæ sint eiusdem speciei, tamen ex parte modi repræsentandi erunt diuersæ, cum & ipsi Angeli sint diuersi specie, vt constat.

90 Tertium argum. quia datis illis

speciebus vniuersalioribus in repræsentando, non est assignabilis ratio cur species vnus Angeli sint vniuersaliores speciebus alterius Angeli repræsentantes eandem naturam; ergo, &c. Antecedens probatur, nam natura genetica in vtriusque speciebus repræsentata, & mensurans suas species inferiores, non habet aliquid vnde sit magis distributa in decem, quam in viginti, quam in omnia inferiora, sed indifferentem illa respicit; ergo, &c. Resp. negando antecedens. Pro quo nota, quod natura animalis potest considerari vel secundum se, & absolute in genere rei; vel comparata cum hoc intellectu Angelico, & specie intelligibili illius, seu in esse obiecti. Natura animalis primo modo, non habet aliquid, vnde constitatur cum his potius naturis inferioribus, quam cum alijs, bene tamen secundo modo accepta, ex eo, quod intellectus huius Angeli ratione immaterialitatis propriæ, petit speciem sub certa quadam vniuersalitate.

91 Sed dices 1. quia scitem non assignatur ratio ob quam ista species existens in aliquo Angelo, qui non est tantæ perfectionis vt petat vnam solum speciem pro tota natura animalis, & inferiorum eius, repræsentet has potius naturas specificas non illas. Resp. negando antecedens; ratio autem ex hoc reddi potest, quod si intellectus est tantæ perfectionis, vt per vnicam speciem possit simul intelligere centum ex naturis inferioribus, tunc pro omnibus illis dabitur vnica species; sin minus, aut plus dabuntur species iuxta perfectionem, & exigentiam intellectus. Bene verum est, quod ad repræsentandum naturas perfectiores requiretur in specie maior actualitas, perfectioque maior.

92 Dices 2. quia si prædictæ species habent ex parte naturæ genericæ repræsentare dictam vniuersalitatem, & vnitatem, sequeretur, quod omnes species quæ sunt in eodem intellectu repræsentantes tanquam obiectum formale eandem naturam genericam essent eiusdem speciei atomæ, quia haberent idem obiectum formale; sed hoc est falsum, aliàs duo accidentia solo numero distincta essent in-

832 Disputatio XLIV. Dubium V.

eodem subiecto. Resp. quod dictæ species, v. g. duæ existentes in eodem intellectu respectu obiecti adequati sunt eiusdem speciei atomæ, at si considerentur in ordine ad propria obiecta, sunt diuersæ speciei. Sicut duo actus intellectus in ordine ad obiectum adequatum illius, sunt eiusdem speciei, at in ordine ad propria obiecta diuersificantur specie.

93 Dices 3. quod essentia prout in beato est ratio cognoscendi has creaturas possibiles, non illas, non distinguitur specie à se ipsa, ergo neque vna species representans naturam animalis vt est ratio cognoscendi certa inferiora, non distinguitur specie ab alia representante eandem naturam animalis vt est ratio cognoscendi alia inferiora. Resp. concedendo antecedens, & negando consequens. Ratio discriminis est, quia essentia diuina vt est species intelligibilis, non deseruit per se primò, nisi intellectui diuino, nec cum alio intellectu commensuratur, ac proinde, respectu solius intellectus diuini desumitur eius vnitas. At species illæ per se primò deseruiunt intellectui per ordinem ad diuersa obiecta, ac proinde per ordinem ad illa possunt multiplicari.

94 Quartum argum. quia sequeretur, quod aliqua species posset esse infinita; hoc est falsum; ergo, &c. Sequela probatur, quia si potest species representare centum naturas, poterit etiam ducentum, ac subinde omnes naturas sub animali contentas; sed istæ sunt infinitæ;

ergo, &c. Tum quia per hoc, quod species representet vnā naturam non limitatur ab illa, vt eam solum representet, sed poterit representare alteram; & ex hoc quod representet istam, non limitatur quin representet aliam, &c. Tum etiam, quia perfectio in specie ad representandum non est indiuidualis, sed specifica, cum desumatur per ordinem ad obiectum; ergo illa species haberet plures perfectiones específicas in infinitum, quod implicat. Resp. negando sequelam. Ad probationem dico, quod licet detur species representans infinita inferiora, non ob id erit infinita, quia illa representatio non fiet per virtutem certam, & determinatam pro vnaquaque re representata, sed per virtutem incertam, & indeterminatam. Dices quod illa specificatio est certa; ergo, &c. Respondetur aliud esse autem specificatio sit certa, & an virtus, & excessus illius sit certus. Ad aliam probationem. Resp. 1. quod aliud est, an istæ species vniuersales participantur limitatè, & re ipsa sint finitæ in representando; & aliud est, an hæc limitatio proueniat ex naturis representatis. Primum est verum, quia procedunt ab essentia diuina limitatè; non secundum. Resp. 2. speciem limitari à qualibet natura inadæquatè, ab omnibus adæquatè. Ad vltimam probationem dicendum, quod perfectio quam habet species adæquatè est vna, & multiplex inadæquatè.

DISPUTATIO XLV.

IN QVÆST. LV. D. THOMAE.

De cognitione Angelorum ex parte rerum immaterialium.



ISTA q. habet tres articulos, in 1. ostendit, quod Angelus cognoscit se ipsum per se ipsum, sibi sua essentia deferuente pro specie intelligibili, quia est intelligibilis in actu, non in potentia. In 2. art. docet, quod Angelus cognoscat alios, quia cuilibet Angelo impressæ sunt à Deo similitudines tam rerum spiritualium, quam corporalium. In 3. art. dicit, quod Angelus per sua naturalia cognoscit Deum, non quidem videndo eum per essentiam, hoc enim est proprium beatorum; nec cognoscendo solum per cognitionem ab alijs rebus acceptam, ut facimus nos, sed per cognitionem desumptam ex propria substantia, quæ est immediatus Dei effectus. Vnde eadem essentia deferuit Angelo pro specie, immediatè ad se, mediatè ad suam causam, quæ est Deus, ac proinde dicitur cognoscere Deum per se ipsum, & nos in speculo, seu ex aliquo extra videntem. Cæterum ut hæc explicentur sit.

DVBIUM I.

An Angelus se ipsum intelligat per suam essentiam.

Prima sententia tenet, quod Angelus non intelligat se ipsum per suam formam, seu essentiam, sic tenent Marfilus, Scotus, Vasquez, & alij. Nostra sententia sequenti concl. explicatur. Angelus intelligit se ipsum per suam essentiam, unde adhuc ut cognoscat se ipsum

non indiget specie intelligibili superaddita. Sic S. Doctor hic art. 1. Caiet. Bann. Nazar. Ripa, Zunel, & alij plures quos referunt, & sequuntur Salm. hoc loco.

3 Ratio fundamentalis est, quia obiectum vnitum intellectui est causa, siue principium formale intellectiōis; sed essentia Angeli est obiectum intelligibile, vnitum cum intellectu eiusdem, ergo est causa suæ intellectiōis, ac proinde non requiretur species superaddita. Maior constat ex discrimine, quod intercedit inter actionem immanentem, & transeuntem, quod in actione transeunte, materia, in quam actus transit est separata ab agente; at in actione immanente obiectum debet esse vnitum agenti, ut patet in sensibili, quod adhuc ut sentiatur debet esse vnitum sensui; & calor igni, ut sit principium calefactionis. Minor probatur, quia essentia Angeli respectu sui intellectus habet omnes condiciones, quæ requiruntur ad hoc ut vniatur cū suo intellectu: per modum forme intelligibilis, ergo, &c. Antecedens probatur. Prima conditio est, quod sit actu intelligibilis, & hanc habet dicta essentia Angeli ex eo, quod est depurata ab omni materia physica. Secunda conditio, quam etiam habet dicta essentia est, quod est proportionata cum suo intellectu tam in modo essendi, quam operandi. Tertia conditio est, quam etiam habet prædicta essentia Angeli, quod sit intimè unita cum intellectu.

4 Confirmatur 1. quia ideo in visione beata videtur Deus per suam essentiam tanquam per speciem intelligibilem, quia diuina essentia respectu intellectus beati

Nnnn ha-

habet dictas conditiones ; est enim summè immaterialis, summè intelligibilis, sua intelligibilitas. Habet sufficientem proportionem cū intellectu beati per fusi lumine glorię ; est illi intimè vnita per intimum illapsum ; ergo id ipsum dici debet de essentia Angeli ob proportionatam rationē.

5 Confirmatur 2. quia idē anima nostra pro hoc statu non intelligit se per se ipsam tanquam per formam intelligibilem, quia non vnitur cum suo intellectu, vt forma actū intelligibilis ; cum hoc in statu anima dependeat in sui cognitione à sensibus ; ergo ob oppositam rationem Angelus intelliget se per se ipsum.

6 Occurrit primò Vasquez, quod vnio quam habet essentia Angeli cum suo intellectu est tantum vnio subiecti cū suo accidente, & radicis cum sua proprietate siquidem essentia Angeli non subieciatur in suo intellectu, sed intellectus in sua essentia. Sed contra, quia vltra illam vnionem in esse entitatio in ratione subiecti, & radicis, datur inter essentiam Angeli, & eius intellectum vnio in esse intelligibili, quā dicta essentia in hoc esse comparatur cum suo intellectu per modum forme ; ergo, &c. Probatur antecedens, quia in intellectu, & essentia dantur duo ordines, duoque genera entium, scilicet ordo intelligibilis, & ordo naturalis, & in vtroque datur suus actus, suaq; forma ac subinde sua proportionata vnio. Vnio intelligibilis est vnio per identitatem in esse intelligibili, quatenus intellectus sit species, & obiectum, iuxta illud : *intellectus intelligendo fit omnia*. Non sic vnio in esse entitatio. Vnio in esse entitatio fit cum vnua dependentia inter essentiam, & intellectum, vt patet, quia licet intellectus ex vno parte recipiat esse ab essentia, ex alia tamen ipsa essentia determinatur ab intellectu ad tale genus operationum. Ceterum vnio in esse intelligibili non est talis, quia essentia non determinatur ab intellectu, sed potius e contra ; tum quia essentia actiua, est se ipsa intelligibilis. Denum in vnione entitativa intellectus, qui est forma, limitatur à subiecto ; non sic essentia quę in

vnione intelligibili est forma, & non limitatur ab intellectu, sed recipitur ita ampla, ac si in intellectu non reciperetur.

7 Confirmatur, quia essentia diuina vnitur ex duplici capite cum proprio intellectu ; primò tanquam cum vi proxima ad intelligendum. Secundò tanquam species intelligibilis vnione intelligibili ; ergo eodem proportionali modo essentia Angeli debet duplici modo vniri ; vno modo per modum principij radicalis cum suavi proxima ad intelligendum ; alio modo per modum forme intelligibilis in ordine intelligibili.

8 Occurrit 2. idem Vasquez, quod de ratione speciei intelligibilis est, quod quod sit forma inherens, non per se subsistens. Essentia autem Angeli non est inherens, sed subsistens. Sed contra, quia vt bene aduertit S. Doctor in hoc art. 1. nihil refert adhuc quod forma sit principium actionis, quod sit inherens, vel subsistens : non enim, inquit, minus calor calefaceres si eset per se subsistens, quam calefacit inherens ; ergo, &c. Tum quia essentia diuina vnitur cum suo intellectu, iuxta rationem forme intelligibilis, sicut & cum intellectibus beatorum, cum tamen sic per se subsistens. Tum etiam quia idē essentia diuina vnitur cum intellectu beati per modum speciei intelligibilis, quia non tribuit actiuitatem ex parte potentie, sed supponit illam completam per lumen glorię, sed solum tribuit actiuitatem ex parte obiecti ; sed hoc idem currit in essentia Angeli respectu sui intellectus ; ergo &c. Pariformiter, idē subsistentia Verbi potest vniri in ratione subsistentię cum natura humana, quia non tribuit vim vitiuiam se tenentem ex parte nature, sed complet illam, & terminat ; ergo, &c. Pręterea est hoc discrimen inter formam naturalem, & intelligibilem, quod forma naturalis petit esse quod imperfectum & incompletum, ac proinde nequit esse subsistens per modum actus perfecti, & completi. Ceterum forma intelligibilis potest esse actus completus, & perfectus vt constat in essentia diuina, ergo potest esse subsistens. Denum forma naturalis

se tenet ex parte subiecti, & ab illo limitatur, ac proinde nequit esse subsistens per modum actus completi; At forma intelligibilis tenet se ex parte obiecti, & non limitatur à potentia, sed amplè recipitur; ergo potest esse per se subsistens.

9 Occurrit 3. idem Vasquez, quod in dicta ratione supponatur, quod obiectum necessariò concurrat ad cognitionem, ac proinde quando obiectum habebit prædictas condiciones habeat per se ipsum rationem speciei; qui concursus non requiritur; vnde diuina essentia solum concurrat per modum causæ vniuersalis, ac subinde nec essentia Angeli habeat tale cōcursum. Sed contra, quia ex obiecto, & potentia, paritur notitia; est enim cognitio quidam partus, vt in tract. de anima dictum est. Tum quia verbum assumitur suo principio producenti, scilicet obiecto, quod vt relucet in specie impressa; vel prout fungitur officio speciei impressæ concurrat ad productionem eiusdem verbi.

10 Occurrūt alij, falsò supponi, quod obiectum habens prædictas condiciones debeat vniri in ratione speciei intelligibilis, quia ad hanc requiritur indispensabiliter inhzrentia, aut informatio in essentiatione. Vnde obiectum concurrat tunc ad sui cognitionem absque eo, quod fungatur officio speciei intelligibilis. Sed contra, quia hoc ipso, quod obiectum concurrat in ratione obiecti ad sui cognitionem, necesse est, quod vniantur cum intellectu per modum vnus principij in esse intelligibili; sed hæc vnio debet esse in esse intelligibili; ergo &c. Maior constat, quia quones in ordine ad aliquam actionem requiritur concursus duorum, oportet, quod sicut vniantur in actu secundo, sic etiam vniantur in actu primo. Minor probatur, quia talis vnio obiecti cum intellectu est talis quæ determinat, intellectum, actuat, complet, & perficit illum in ordine ad dictam cognitionem, ac proinde in ordine intelligibili.

11 Occurrit vltimò Molina, ex doctrina Scoti, quod ad rationem speciei intelligibilis, non est necesse, quod in-

formet intellectum, seu quod illi tribuat aliquod esse formale; ergo &c. Antecedens sic probat ille, quia licet debeat intellectus determinari ab obiecto, hæc tamen determinatio non est aliquis effectus ab obiecto communicatus intrinsecè ipsi intellectui, sed est sola vnio obiecti cum intellectu, vt ex illis tanquam ex causis partialibus constituitur vna integra causa totalis productiua intellectus. Sed contra, quia vnio obiecti cum intellectu, est vnio non duarum causarum efficientium partialiter, sed est vnio formæ cum potentia, vt rectè ostendit S. Doctor de verit. q. 8. art. 6. in corpore; & art. 7. ad 2. Tum quia intellectio non esset actio immanens saltem respectu vnus principij. Tum etiam quia nisi obiectum vniantur cum intellectu per modum formæ, nõ potest habere influxum vitalem, quod ad actionem immanentem requiritur. Soluuntur argum. primæ sententiæ.

12. Primum argum. desumit Vasq. ex D. Tho. 3. contra Gent. cap. 8. vbi ponit discrimen inter essentiam diuinam, & essentiam substantiæ separata, quod essentia diuina potest esse species intelligibilis; non ista. Et q. 87. art. 1. dicit animam rationalem non se intelligere per suam essentiam, quia est pura potentia in genere intelligibilium; sed etiam Angelus est huiusmodi, cum eius intellectus secundum suam substantiam, nullam habeat speciem; ergo &c. Resp. D. Thomam in 1. testimonio loqui de extrinseco intellectu, eumque quo sola essentia diuina potest vniri, vt in tract. de visione Dei dictum est. Ad 2. testimonium dico, D. Thomam loqui de anima rationali pro hoc statu, in quo est in potentia ad omnia intelligibilia, etiam ad se.

13 Secundum argum. Essentia Angeli non potest actuè concurrere ad sui intellectionem; ergo non potest esse species intelligibilis respectu sui. Consequens constat, quia species intelligibilis concurrat actuè ad intellectionem, vt alibi dictum est. Antecedens probatur, quia nulla substantia creata potest esse immediatè operatiua. Resp. 1. essentiam non

esse immediatè operatiuam in esse naturalis, bene tamen in esse intelligibili, vt de visione Dei vidimus. Resp. 2. quod essentia Angeli solum gerit munus causæ formalis vniuentis obiectum cum potentia, non causæ efficientis, sed hoc munus præstatur ab intellectu, prout oritur ab eadem essentia vt est intelligibilis, de qua re fulius de visione Dei.

14 Tertium argum. quia si Angelus posset se ipsum cognoscere per suam essentiam per modum speciei intelligibilis, posset etiam hoc facere per eandem vt habet rationem verbi; hoc est falsum; ergo. Resp. negando maiorem, habet enim essentia Angeli sufficientem immaterialitatem vt sit species, seu intelligibilis, non tamen vt sit verbum, seu actu intellecta, hoc enim est proprium actus puri, vt ex alibi dictis constat.

15 Quartum argum. quia species intelligibilis insluit vt subordinata intellectui; sed essentia non potest subordinari intellectui; ergo. Minor constat. Maior probatur, quia species concurret per modum principij *quo*, principium autem *quo*, subordinatur principio *quod*. Tum quia aliàs conuersus speciei non esset vitalis, quia species in tantum est vitalis, in quantum subordinatur principio vitali. Respond. quod species quæ sunt accidentia subordinatur intellectui. At species quæ est substantia subordinatur sibi intellectum. Ad 1. probationem dico, quod principium *quo*, quod est accidens subordinatur principio *quod*, at quando est substantia subordinatur sibi principium *quod*, quia tunc principium quod transit in naturam principij *quo*. Ad 2. probationem dico, quod cum species, & intellectus identificentur in esse intelligibili habebit sufficientem vitalitatem; maxime quia complet potentiam vitalem.

D V B I V M II.

An Angelus cognoscat alium per propriam essentiam an per essentia Angeli cogniti.

16 Prima sententia est, quod Angelus cognoscat alium per essen-

tiam ipsius Angeli cogniti. Sic tenuerunt aliqui antiqui, quos refert S. Doctor q. 8. de verit. art. 7. & 2. contra Gent. cap. 98. quam suam antiquitatem, & falsitatem reputant, ab orco reuocauit Molina hoc loco.

17 Nostra sententia duabus concluditur. Prima concluditur. Angelus non cognoscit alium per propriam essentiam tanquam per formam intelligibilem. Sic D. Thom. hic art. 2. & alibi quem sequuntur omnes ferè Theologi, vt testantur Salmant. hoc loco. Ratio fundamentalis est, quia cognitio perfecta, de qua hic sermo procedit, fit per assimilationem; sed vnus Angelus non est similis alteri quoad propria ipsius; ergo &c. Maior constat. Minor probatur, quia Angeli distinguuntur specie, ergo non sunt similes, &c. Tum quia vnus Angelus per suam essentiam non continet alium, ergo non potest per illam cognoscere. Consequenter constat, quia adhuc vt fiat cognitio debet obiectum contineri intra intellectum mediante forma intelligibili, siue distincta, siue indistincta. Antecedens probatur, quia essentia vnus Angeli, non continet essentiam alterius in esse intelligibili, quia hoc est proprium specierum quæ per se primò ordinantur ad representandum, qualis non est essentia Angeli, quæ est per se primò ad essendum. Neque in esse entitativo, & intelligibili, aliàs vna posset producere aliam.

18 Sed obieciens 1. quia Angelus cognoscit per suam essentiam conuenientiam cum alijs in gradu intellectualitatis, ergo etiam propria ipsorum. Consequenter probatur, quia qui perfecte cognoscit illam conuenientiam gradualem, etiam cognoscet perfecte, & quidditatiuè illa quæ conueniunt, ac proinde secundum propria ipsorum. Resp. quod Angelus per suam essentiam solum cognoscit perfecte illam conuenientiam, quoad ea, quæ actu includit, non quoad ea in quæ potest diffundi, scilicet quoad naturas specificas sub illo gradu contentas; nam ille gradus non continet distinctè inferiora, sed in communis & confusè.

19 Obieciens 2. quod licet Angelus non

non
quæ
gnol
ergo
tellic
recur
cogn
super
sentia
scet al
tum
in sue
conf
2
cogn
quæ
The
sequ
mel
quon
21
ad hoc
net ad
rius
intell
vniu
alter
prob
separ
non
22
tia n
illapl
est ill
23
q
nihil
vniu
alia
telli
sum
star
sent
inte
nias
ctui
spec
vnu
sent
non

non cognoscat alios in sua essentia tanquam in specie, poterit tamen illos cognoscere tanquam in obiecto cognito; ergo &c. Antecedens probatur, quia intellectus noster pro hoc statu in speciebus rerum materialium, tanquam in obiecto cognito, cognoscit substantias spirituales superiores; ergo etiam Angelus in sua essentia tanquam in obiecto cognito cognoscet alios Angelos. Resp. hoc argumentum ad summum probare, quod Angelus in sua essentia cognoscat alios imperfecte, confuse, arguitur, non quidditative.

20 Secunda concl. *Vnus Angelus non cognoscit alium, per essentiam cogniti tanquam per speciem intelligibilem.* Sic D. Tho. loc. cit. de verit. & contra Gent. quem sequuntur Caiet. Bann. Nazar. Ripa, Zamel, & alij plures, quos referunt, & sequuntur Salm. hoc loco.

21 Ratio fundamentalis est, quia, adhuc ut essentia vnus Angeli determinet ad sui cognitionem in intellectu alterius, deberet esse illi vnita, seu esse intra intellectum cognoscentem; sed essentia vnus Angeli nequit esse intra intellectum alterius; ergo, &c. Maior constat. Minor probatur, quia proprium est substantie se parare, quod sit ab alia separata, ergo non potest esse intra illam.

22 Confirmatur 1. quia vna substantia non potest esse intra aliam, nisi per illapsum; sed nulla substantia creata potest illabi; ergo, &c. Maior constare videtur, quia vnio in esse intelligibili supponit aliquam vnionem in esse naturali; sed vna substantia creata non potest vniri cu alia in esse naturali, ergo neque in esse intelligibili, illapsus autem fit per descensum in esse naturali. Minor etiam constat, quia ex communi Theologorum consensu, solus Deus potest illabi animae, & intellectui.

23 Confirmatur 2. quia essentia vnus Angeli non est proportionata intellectui alterius ut illi deferuiat tanquam species intelligibilis; ergo non potest vnus Angelus cognoscere alium per essentiam illius. Consequ. constat, quia vbi non est proportio inter cognoscentem, &

cognitum, ibi non potest esse cognitio, saltem perfecta, & quidditativa. Antecedens probatur, nam loquendo de Angelis superioribus respectu inferiorum, sunt improporionati cum sint magis immateriales; & loquendo de Angelis inferioribus respectu superiorum sunt etiam improporionati cum sint minus immateriales.

24 Respondent 1. quod licet non possit substantia vnus Angeli vniri in esse naturali, & entitativo, bene tamen in esse intelligibili, sicut hoc modo vnitur cum proprio intellectu. Sed contra, quia forma creata non potest vniri in esse intelligibili, quin etiam vnatur in esse naturali, vt dicebamus. Nam cum esse intelligibile fundetur in esse entitativo, non poterit dari esse intelligibile, nisi fundatū in esse entitativo. Vnde videmus, quod etiam essentia diuina quando vnitur cum intellectu Beati in esse intelligibili, prius vnitur in esse naturali, & entitativo, non quidem per modum formae naturalis, quia hoc repugnat, sed per intimum illapsum, quae vnio est intimior, quam vnio per inhesionem, aut informationem.

25 Respondent alij ad 1. confirmationem, quod licet sit proprium Dei illabi mentibus tam secundum esse intelligibile, quam secundum esse naturale, non tamen secundum esse praecise intelligibile, hoc enim etiam substantiae Angeli potest conuenire ratione suae immaterialitatis. Sed contra, quia, vt ex dictis constat, esse intelligibile fundatur in esse naturali, sed Angelus non potest vniri per illapsum cum alio Angelo in esse naturali; ergo neque in esse intelligibili.

26 Respondet Suarez lib. 2. de Angelis c. 5. quod intimus illapsus qui est proprius Dei, est ille, quo Deus illabitur mentibus conseruando, & continendo eas in esse, cum domino, & plena potestate super illas; at illabi mentibus per modum speciei intelligibilis tantum, potest etiam conuenire Angelo, hoc enim modo essentia Angeli potest intime penetrare mentem alterius, eam determinando ad speciem actus intellectionis, & vna cum illa conficere eundem actum intellectionis.

Sed

Sed contra, quia ut ex dictis constat, vnio in esse intelligibilis debet esse tanta, ut pertingat ad entitatem, seu intimam identificationem cum re cum qua fit, ergo, &c. Tum quia vnio formæ cum suo actuabili debet esse intrinseca, maxime in esse intelligibili, ubi ordinatur ad hoc, quod intelligens fiat res intellecta in actu; sed hæc vnio non potest fieri nisi per intimum illapsum propriè dictum; ergo. Maior constat, minor probatur, nam vnio intrinseca in ordine intelligibili supponit vnionem intrinsecam in ordine naturali, ut dictum est; sed ista non potest esse per inhaesionem, aut informationem, aut per realem, & intrinsecam terminationem in esse entitativo, cum hoc modo essentia vnus Angeli non se habeat ad intellectum alterius; ergo erit per intimum illapsum in ordine entitativo, quod implicat.

27 Confirmatur 1. quia præter vnionem modo dictas, solum potest dari vnio intrinseca in esse entitativo inter Angelos, quatenus Angelus cognitus est intra terminos alterius, scilicet cognoscentis; sed vnus Angelus non potest esse intra terminos alterius, scilicet essentia, ergo, &c. Minor probatur, quia non potest Angelus esse intra terminos essentia alterius, nisi aliquid efficiat intra eodem terminos; intra terminos autem essentia, scilicet existentia, & subsistentia nil aliud effici potest, nisi ipsa essentia, aut conservatio illius. Confirmatur 2. quia vnio quæ requiritur in esse entitativo ad hoc ut essentia Angeli vniatur cum intellectu alterius, vel est vnio per informationem, vel per inhaesionem, vel terminationem, vel per intimum effectum: non potest esse per informationem, aut inhaesionem, quia essentia vnus Angeli non sic comparatur ad intellectum alterius; ergo neque potest esse per terminationem, quia vna essentia non terminat intrinsecè in esse entitativo intellectum alterius; ergo, &c.

28 Sed contra dicta obijciens 1. quia species intelligibilis vnus Angeli à Deo impressa in intellectu alterius, non vnitur cum illo per intimum illapsum; ergo neque hoc modo vniatur essentia si iunga-

tur officio speciei respectu intellectus alterius. Antecedens constat. Consequ. probatur, quia species præstat, quod debet præstare obiectum, cum sit eiusdem obiecti vicaria. Resp. concedendo antecedens, & negando consequ. Ratio discriminis est, quia dicta species in intellectu alterius, est accidens in esse entitativo; ac proinde vnitur per inhaerentiam: a essentia non potest vniri per inhaerentiam, nec informationem, ac subinde nec per illapsum.

29 Obijciens 2. quia non repugnat, quod substantia vnus Angeli sit intra terminos alterius in esse intelligibili, ergo hoc modo per illapsum. Resp. ex dictis negando antecedens, cum enim non possit esse in ordine naturali qui supponitur, neque etiam esse poterit in ordine intelligibili.

30 Obijciens 3. quia essentia diuina vnitur cum intellectu Beati per intimum illapsum in ordine intelligibili; ergo etiam in hoc ordine vniri poterit essentia Angeli cum intellectu alterius. Resp. ex dictis, quod diuina essentia antequam vniatur cum intellectu Beati in esse intelligibili, prius supponitur vnita in esse entitativo per intimum illapsum, etiam cum intellectu medio lumine gloriæ quod causat.

31 Respondent etiam ad 2. confirmationem num. 2. 3. allatam, falsum esse, quod essentia vnus Angeli non sit proportionata intellectui alterius in ratione formæ intelligibilis, siue excedat, siue excedatur ab illo, sufficit enim, quod conueniant in eodem gradu immaterialitatis, licet differant in modo habendi illam; aliàs essentia diuina non posset vniri cum intellectu beati, cum longè magis excedat illum. Sed contra, quia licet conueniant in eodem gradu immaterialitatis inter speciem, & obiectum sit sufficiens in Angelis ad ponendam cognitionem connaturalem, licet obiectum excedat, aut non excedat, quando species est accidens, non tamen quando species est substantia; quia species quæ est accidens in esse entitativo proportionatur cum intellectu in quo ponitur, licet in esse representatio-

repræsentet obiectum excedens, aut deficiens. At substantia non potest habere istam varietatem, sed semper eodem modo se haberet in quocunque intellectu poneretur. Tum quia sicut Angelus non posset uti speciebus inherentes in intellectu alterius, quia sibi essent improporzionata, ita, &c. Ad illud quod dicitur de essentia diuina, dico, quod proportionatur cum intellectu beati non per conuenientiam in gradu immaterialitatis, sed per conuenientiam in ordine diuino ratione luminis gloriæ. Deinde hoc est proprium essentia diuinæ, quod ratione suæ infinitatis habeat sufficientem proportionem etiam cum intellectu alieno.

32 Probatur 2. nostra conclusio, Compositum ex materia, & forma non potest vniri cum aliquo constituendo illud in actu primo ad agendum; ergo neque forma completa nisi sit sua intelligibilitas ut est Deus. Confirmatur quia in Deo non distinguuntur adhuc virtualiter esse entitatum, & esse intelligibile, secus in creaturis; ergo sola essentia diuina erit pura forma in esse intelligibili, creaturæ vero ad summum erunt concretum, & compositum quoddam coalescens ex forma intelligibili, & ex materia, aut quasi materia; ergo nulla creatura poterit esse forma intelligibilis respectu alieni intellectus. Antecedens constat, ubi enim non est intellectualitas purissima, sed est admixta aliqua potentialitas, non potest non dari aliqua distinctio, ut in creaturis contingit. Tum quia in creaturis esse entitatum potest esse accidens, & esse representatum substantia, & è contra, quod est signum distinctionis. Prima, consequenter etiam constat; nam ubi est distinctio inter esse entitatum, & intelligibile, ibi debet esse compositio, & quoddam concretum; vltima consequenter probatur, quia ut dicebamus, compositum non potest esse forma intelligibilis neque respectu proprii intellectus, hæc enim cum sit actualitas quædam, non potest esse compositum ex actualitate, & potentia.

33 Sed obieci, quod esse entitatum, & intentionale in creaturis distin-

guuntur virtualiter, non realiter, ergo non facient realem compositionem, realeque compositum, ac proinde essentia Angeli poterit esse forma intelligibilis respectu alieni intellectus, sicuti est essentia diuina. Tum quia hæc compositio datur in speciebus quæ sunt accidentia, ut patet. Tum etiam quia persona Verbi est virtualiter composita ex personalitate, & natura diuina, & tamen potest terminare alienam naturam; ergo tamen essentia Angeli sit virtualiter composita ex esse entitatum, & intentionali, poterit terminare alienum intellectum. Resp. transeat antecedens, & negatur consq. sufficit namque compositio virtualis ut essentia Angeli limitetur, ut non possit terminare alienum intellectum, sicut compositio ex genere, & differentia est solum virtualis, & tamen ita coarctat, & limitat rem, ut non extendatur ad alia, seu ut non contineatur alia secundum propria eorum. Forma namque limitata siue per solam virtutalem compositionem, siue ex genere, & differentia, ad vnum dumtaxat subiectum potest extendi. Et licet forma intelligibilis non limitetur à subiecto quantum ad situm esse representatum, quia hoc modo amplè recipitur limitatur tamen secundum esse entitatum, ut non possit extendi ad aliud subiectum. Ad 1. probationem, quod illa compositio detur in speciebus; quæ sunt accidentia, dico ita esse, præterea species, quæ est in intellectu v.g. Gabrielis, non est proportionata intellectui Michælis. Ad 2. probationem dicendum, quod diuina personalitas, & persona secundum id quod affert in recto non distinguuntur neque virtualiter. Tum quia vno non fit in natura, sed in persona, quæ solum in obliquo affert naturam. At essentia Angeli non posset vniri cum aliquo intellectu in esse intentionali, quin etiam vniretur in esse entitatum. Soluuntur argum. primæ sententia.

34 Primum argum. quia essentia cuiuslibet Angeli, est intelligibilis in actu; ergo potest vniri cum alieno intellectu. Antecedens constat, quod enim est omnino

An Angeli inferiores comprehendant superiores.

nino immateriale in actu, est etiam intelligibile in actu. Conseq. probatur 1. quia ex eo - quod essentia Angeli est intelligibilis in actu, potest vniui cum proprio intellectu: ergo etiam cum alieno. 2. Quia non est minus actualis ipsa Angeli essentia, quam species illius quæ est accidens, sed hæc ponitur in alieno intellectu, ergo & illa poni poterit. 3. Quia essentia diuina vniuitur cum alieno intellectu ex eo, quod est intelligibilis; ergo ob eandem rationem poterit hoc præstare essentia Angeli. 4. Quia essentia Angeli est magis proportionata cum intellectu alterius Angeli, quam sit essentia diuina; sed hæc vniuitur, ergo, &c. Resp. essentiam cuiuslibet Angeli respectu proprii intellectus esse actu intelligibilem, non respectu alieni, vt ex dictis constat, per quod patet ad primam probationem. Ad 2. probationem etiam constat ex dictis, nam species in intellectu Angeli cognoscentis, est illi proportionata modo dicto. Ad 3. probat. constat esse peculiare in essentia diuina, ratione suæ infinitatis, vt possit etiam terminare alienum intellectum. Ad 4. prob. dicendum, quod in esse vniuersalis in ratione formæ intelligibilis est magis proportionata essentia diuina, quam essentia Angeli.

35. Secundum argu. quia saltem supernaturaliter vnus Angelus potest vniui cum intellectu alterius; ergo. Probatur 1. Quia nulla apparet repugnantia in ordine ad diuinam omnipotentiam. 2. Quia potest Deus facere, quod vnus Angelus sit alteri intime vnitus. Tertiò, quia potest Deus vnire intellectum Angeli superioris cum essentia inferioris, ergo, &c. Resp. negando antecedens, constat ex dictis pro nostra concl. Ad 2. probationem dico, non posse Deum facere, quod vnus Angelus sit alteri intime vnitus secundum esse entitatum, hoc enim est Dei proprium vt iam tetigimus. Ad 3. probationem dicitur non posse Deum ponere intellectum Angeli superioris in inferiori, cum sit potentia vitalis, inseparabilis à suo principio vitali, &c.

36. Prima sententia tenet, quod Angelus inferior non comprehendat superiorem. Sic Nazar. Suarez, Pefanrius, & alij hoc loco. Nostra sententia seq. concl. explicatur. *Angelus inferior comprehendit superiorem.* Sic S. Doctor, vt optime expendunt Salmah. hoc loco, quam sententiam sequuntur Victoria, Soto, Bann. Gonzal. & alij, quos referunt, & sequuntur dicti Salmant.

37. Probatur 1. quia ad hoc vt cognitio sit comprehensua duo requiruntur: vnum, quod cognitum sit in cognospente connaturaliter, seu quod species intelligibilis per quam cognoscitur sit connaturalis cognoscenti. Alterum quod eadem cognitio connaturaliter recipiatur in cognoscente: sed istæ duæ conditiones reperiuntur in Angelo inferiori cognoscente superiorem; ergo, &c. Maior patet; vnde beatus idem non comprehendit essentiam diuinam, quia vt habet rationem speciei non est omnino connaturalis intellectui creato, etiam perfuso lumine gloriæ; non enim intellectus beati comparatur ad essentiam diuinam per modum virtutis simplicis, sed vt eleuatus, ac proinde ad dictam essentiam comparatur tantquam ad aliquid extraneum. Tum quia cognoscent per formam non omnino connaturalem; & aliquo modo extraneam, ac proinde non recipiens cognitionem omnino connaturaliter, non potest habere eandem cognitionem in summo, sed deficienter, & diminutè, ac proinde non comprehendit eam. Minor etiam patet, quia cum omnes Angeli sint in eodem gradu immaterialitatis, sequitur, quod virtus cognoscitiua, species; & obiectum sint omnino connaturalia, aliàs non essent in eodem gradu immaterialitatis. Tum quia hoc ipso, quod aliquis intellectus sit perfectus, & completus intra ordinem naturæ, vt est intellectus Angelicus, debent omnia pertinere ad ordinem intelligibilem, & esse connaturalia. Oc.

38 Occurrunt 1. quod Angelus superior non est omnino connaturaliter per suam speciem in Angelo inferiori, quia ad hanc connaturalitatem non sufficit convenientia in gradu immaterialitatis, sed requiritur convenientia in modo habendi illum, vel saltem excessus, ut in Angelo superiori respectu inferioris. Sed contra, quia excessus Angeli superioris respectu inferioris se habet de materiali respectu eiusdem Angeli inferioris; ergo, &c. Antecedens probatur, quia ex eo, quod Angelus superior excedat inferiorem in perfectione, non fit, quod species illius in Angelo inferiori habeat aliquem modum præternaturalitatis, ergo erit ille excessus de materiali, & quasi per accidens, ac proinde non tollens connaturalitatem: ubi enim non involuitur aliquis modus præternaturalitatis, non tollitur connaturalitas. Tum quia id, quod est commune communitate rei, aut rationis pluribus, non est sub modo essendi præternaturalis sed essentia Angeli superioris est in esse intelligibili communis communitate rei respectu specierum existentium in intellectibus Angelorum inferiorum; ergo licet inter istas species sit aliqua inæqualitas, non erunt sub modo essendi præternaturali. Maior constat: unde licet natura animalis habeat perfectiorem modum essendi in vno, quam in alio; non ob id admitteretur ibi aliquis modus præternaturalitatis. Minor etiam constat, nam eadem prorsus natura est in omnibus illis speciebus, ac proinde erit communis communitate rei & sic licet in vna habeat esse perfectius quam in alia, ille excessus se habebit de materiali, & per accidens.

39 Tum etiam quia licet natura Angeli superioris habeat duplicem modum essendi, nempe naturalem, & intelligibilem, & inter se sint inæquales, non tamen ob hoc est sub modo essendi præternaturali, quia uterque modus convenit illi naturæ; ergo licet sub modo essendi intelligibilitatis sit aliqua inæqualitas, erit de materiali, & per accidens. Tandem, quia licet in divinis non sit tanta immaterialitas divinatorum attributorum, ac essentiarum,

tamen, quia omnia pertinent ad eundem gradum immaterialitatis, omnia connaturaliter cognoscuntur, ita quia omnes Angeli constituunt eundem gradum immaterialitatis, ideo omnes pertinebunt ad eandem cognitionem connaturalem; & sicut divinus intellectus comprehendit illa omnia, ita & intellectus Angelicus istos omnes.

40 Occurrunt 2. quod ad hoc ut aliquid comprehendatur ab aliquo intellectu non sufficit, quod sit ibidem connaturaliter, sed ulterius requiritur, quod inter omnes modos essendi connaturales, sit ibi sub modo essendi perfectissimo, hoc autem non contingit in essentia Angeli superioris respectu inferioris. Ratio autem quare ad comprehensionem requiratur modus essendi perfectissimus est, quia comprehendere, est esse in intellectu comprehendente perfectissime, ac proinde modo perfectissimo. Sed contra, quia ad comprehensionem requiritur, quod res comprehensa sit incomprehendente modo perfectissimo formali, non materiali, patet autem, quod omnes Angeli sunt eodem modo formali in eorum intellectibus, & solum est varietas in modo essendi materiali: conveniunt in intelligibilitate formali, seu gradualem, differunt in intelligibilitate materiali, & extragraduali quod bene explicat id, quod de divina essentia, & attributis dicebamus.

41 Probatur 2. quia Angelus inferior cognoscit superiorem quoad essentiam, & modos eius in eo formaliter, & eminenter existentes; ergo comprehendit illum. Consequenter constat. Antecedens probatur, quia omnia illa continentur sub ente naturali vniuersaliter sumpto, quod est obiectum proportionatum intellectus Angelici, propterea dicebamus supra, quod Angeli ab instanti suæ creationis receperunt species omnium rerum naturalium pertinentium ad hoc vniuersum.

42 Occurrit Vasquez, quod ad hoc ut vnus Angelus comprehendat alium, requiritur, quod etiam cognoscat actus liberos, cum sint aliquid illius; hos autem cum nullus attingat, sequitur, quod nullus

O o o o o alium.

aliū, etiam inferiorem comprehendat. Sed contra, Angelus inferior antecederet ad suos actus liberos habet certum gradum intelligibilitatis cui debet adæquari virtus intellectiua vt sit comprehensiuā; sed in hoc gradu non continentur actus liberi; ergo non pertinent ad rationem comprehensionis. Minor probatur, quia gradus intelligibilitatis secundum quem attenditur comprehensio, conuenit Angelo necessariō, secundum suam naturam; actus autem liberi, conueniunt contingenter. Patet namque, quod cuilibet creaturæ naturali conuenit certus gradus intelligibilitatis ante suam causalitatem, actuale, & contingenter.

43 Occurrunt alij, quod licet quilibet Angelus cognoscat omnia naturalia alterius, non tamen comprehendit, quia ea cognoscit tantum quoad id, quod formaliter dicunt, non quoad id, quod dicunt virtualiter, & eminenter. Vnde Angelus inferior potest cognoscere effectus naturales contentos in Angelo superiori, in se ipsis, non tamen vt virtualiter in eo continentur; quia in se ipsis habent cognoscibilitatem conuenientem Angelo inferiori, non prout contenti virtualiter in Angelo superiori, quia sic sumpti tantam habent cognoscibilitatem, quantam habet Angelus superior; hæc autem excludit virtutem cognoscitiuam Angeli inferioris. Constat hoc exemplo creaturarum quæ prout in se ipsis possunt proportionari cum aliquo intellectu creato, non prout sunt in Deo. Sed contra, quia quoties lumen attingens effectum in aliqua causa aliā contentum, est talis conditionis, vt possit etiam attingere eandem causam, tunc potest etiam attingere eisdem effectus in causa, & ex vi prædictæ causæ; ergo cum lumen intellectuale cuiuscunque Angeli sit cognoscitiuum tum Angeli, tum effectuum aliā in illo contentorum, cum vtrumque contineatur sub eiusdem obiecto proportionato, sequitur, quod possit etiam attingere eisdem effectus in causa. Antecedens constat: vnde quia attingimus & effectus diuinæ essentia, & illam non attingimus; nec ipsa visa necessitudo vide-

buntur. Tum quia ea quæ Angelus continet eminenter, vt sunt intellectiōes possibili, & aliqui effectus ad extra, solum continentur in eo in consensu, in potentia, non actu, cum solum ea actu contineantur, quorum intellectus est aduatus per species, at hoc non excedit intellectum. Angeli etiam inferioris; ergo. Consequenter constat, quia cognitio illa confusa ab Angelo inferiori haberi potest. Antecedens etiam constat, ex discrimine, quod intercedit inter diuinam essentiam, & Angelum, quia diuina essentia continet suos effectus distincte, per modum actus, & ab intrinseco, quia potentia executiua est ex se ipsa vana cum specie intelligibili, scilicet diuina essentia, Ceterum intellectus Angelicus, qui est eius potentia executiua, non est ab intrinseco vnitus cum speciebus, ac proinde ex cognitione potentia executiua Angeli, solum in consensu possunt dici effectus cognosci.

44 Tandem occurrunt alij dicentes, quod ad comprehensionem Angeli superioris non sufficit, quod cognoscantur omnia, quæ formaliter, & eminenter continet, sed insuper requiritur, quod illa cognoscantur tanta cognitione, quanta cognoscibilia sunt; patet autem quod Angelus inferior non cognoscat superiorem quantum cognoscibilis est. Quod autem requiratur ista adæquatio cognitionis, constat, quia ad comprehensionem requiritur adæquatio inter obiectum, & cognitionem non solum vt nihil lateat cognoscentem, verum etiam vt sit adæquatio obiecti, & cognitionis. Sed contra, quia vt ex dictis constat, in Angelo inferiori est tanta cognitio, quanta est cognoscibilitas formalis Angeli superioris, licet non sit tanta, quanta est cognoscibilitas materialis, & per accidens. Soluuntur argum. in contrarium.

45 Primum argum. quia sequeretur, quod Angeli superiores non cognoscerent perfectius Deum, quam inferiores; hoc est falsum; ergo, &c. Maior constat, quia Deus cognoscitur cognitione naturali solum ex effectibus, & non comprehensione, Angelus autem comprehendit

dit alios. Minor probatur, quia aliàs beatitudo naturalis Angeli non consisteret in cognitione Dei, sed aliorum Angelorum: debet namque beatitudo consistere in cognitione perfectissima. Resp. distinguendo sequelam: non cognoscerent perfectius Deum quam inferiores: in esse rei, & negatur: in esse cognitionis formaliter, & conceditur; quia in esse cognitionis formaliter Angelus cognosceus, & cognitus habent correspondentiam obiectalem, & gradualem, quam non habet cum Deo: in esse tamen rei perfectius cognoscit Angelus Deum, quam alios Angelos, & in hoc consistit eorum naturalis beatitudo.

46 Secundum argum. quia Angelus superior habet maiorem intelligibilitatem, quam inferior intellectualitatem, ergo non datur comprehensio. Consequ. constat, quia ad comprehensionem requiritur ut sit tanta intellectualitas comprehendentis, quanta intelligibilitas obiecti comprehendenti. Antecedens probatur 1. quia tanta est intelligibilitas Angeli supremi, quanta eius intellectualitas; sed hæc excedit Angelum inferiorem; ergo & illa. 2. Quia Angelus superior excedit in entitate inferiorem; ergo etiam in intelligibilitate. 3. Quia tam intellectualitas, quam intelligibilitas ab eadem radice desumuntur, scilicet ex immaterialitate, quæ est maior in Angelo superiori. 4. Quia essentia Angeli superioris habet omnimodam adæquationem cum suo intellectu; ergo superexcedet intellectum Angeli inferioris. 5. Quia ideo essentia diuina est incomprehensibilis etiam ab intellectu perfuso lumine gloriæ, quia ipsum excedit; ergo &c.

47 Resp. distinguendo antecedens: habet maiorem intelligibilitatem materiale, & conceditur; formalem, seu gradualem, & negatur. Intelligibilitas autem materialis licet materialiter excedat, non tamen formaliter, ut fiat sub intelligibilitate formali; & per hæc patet ad cunctas probationes in argumento positas.

48 Tertium argum. quia Angelus

inferior non habet species intelligibiles proportionatas ad comprehendendum. Species intelligibiles Angeli superioris; ergo non comprehendit illum. Consequ. constat, quia non potest Angelus inferior comprehendere superiorem, nisi etiam comprehendat illius species. Antecedens probatur, quia Angelus inferior si haberet speciem representantem speciem Angeli superioris, & per quam comprehenderet illam, oporteret, quod esset ita vniuersalis ut illa: neque potest illam cognoscere per plures, quia illa cognitio esset confusa, non distincta, & perfecta; plures namque species simul non possunt ita perfecte representare v. g. totum vniuersum, sicuti illa vna vniuersalissima; cum non adæquent illam; aliàs non esset perfectius cognoscere per vnicam speciem, quam per plures. Tum quia adhuc ut aliqua species sit comprehensiva alicuius, debet esse eiusdem naturæ in esse intelligibili eum illo; at omnes illæ species non sunt eiusdem naturæ in esse intelligibili cum illa vniuersalissima; ergo, &c.

49 Resp. 1. negando antecedens, ad probationem dico; quod Angelus inferior cognoscet illam speciem vniuersalissimam Angeli superioris per plures species, quæ licet diuisæ non adæquent illam, simul tamen illam adæquant formaliter, licet non adæquent materialiter; unde solum est perfectius cognoscere per vnicam speciem perfectione materiali, non formali. Sicut etiam in obiecto admittimus conuenientiam formalem gradualem, & excessum materiale; ita inter dictas species admittimus conuenientiam formalem, & excessum materiale; & sic species illa vniuersalissima quæ tanquam obiectum quod representatur a pluribus, excedit istas plures materialiter; & conuenit formaliter. Ad illud, quod dicitur, quod illæ species non sunt eiusdem naturæ in esse intelligibili, dico quod sunt eiusdem naturæ quoad illam rationem formalem quam per se primò, & quidditatiuè representant, ut ex dicendis magis patebit.

844 Disputatio XLVI. Dubium III.

50 Sed dices 1. quod adhuc ut species vniuersalissima Angeli superiotis comprehenderetur, deberet cognosci per vnicam cognitionem; sed per illas plures species inferiores non potest haberi vnica cognitio; ergo neque comprehensio. Maior constat, minor probatur, quia si esset vnica cognitio, produceretur vnicum verbum, quod implicat, quia adæquaret illam speciem; imò magis inconuenit dari verbum ita vniuersale sicut est illa species, quam si detur vnica species impressa; illud enim est actualius ista. Resp. concedendo maiorem, & negando minorem; ad probationem dico produci vnicum verbum per illas plures species adunatas. Nec hinc sequitur, quod illud verbum sit ita vniuersale sicut est illa species ab ipso repræsentata. Ratio est, quia vniuersalitas verbi sumitur ex eo, quod obiectum directe repræsentatum, est natura vniuersalis contracta, & diffusa per sua inferiora; at tunc dictum verbum non repræsentat immediatè, & primariò nisi quid atomum, scilicet speciem illam vniuersalem, quæ est atoma, indiuidua, & singularis, licet repræsentet ens diffusum; vnde obiectum verbi non est obiectum dictæ speciei, quia dictum obiectum ut quidditatiuè repræsentabile, est extra repræsentationem dicti verbi; cum tamen sit intra repræsentationem dictæ speciei vniuersalis. Vnde si beati producerent verbum, licet quidditatiuè repræsentaret Deum, deficeret tamen ab immaterialitate Dei, ita &c.

51 Dices 2. quia species est directa, & actiua repræsentatio obiecti; ergo implicat quod cognoscatur quidditatiuè dicta species, quin quidditatiuè cognoscatur obiectum. Resp. concedendo antecedens, & negando consequens. aliud namque est cognoscere quidditatiuè speciem, & aliud est cognoscere obiectum, cuius species est quiddatiua repræsentatio; sicut aliud est cognoscere quidditatiuè ipsam visionem beatam, quod fit per scientiam infusam; & aliud est cognoscere quidditatiuè essentiam diuinam. cuius illa est

scire cognitionem, & aliud obiectum illius.

52 Dices 3. sequi ex dictis posse Angelum inferiorem vti omnibus suis speciebus, & cognoscere, imò, & comprehendere vnica cognitione totum suum obiectum. Resp. concedendo sequelam, quando illæ species ordinantur ad repræsentandum vnicum obiectum ut quod particulare. quia tunc est vsus plurium specierum per modum vnius, non plurium.

53 Resp. 2. negando antecedens, ad probationem dico, quod illa species superior cognoscitur per vnicum tantum, existentem in intellectu Angeli inferioris, quæ licet non sit ita vniuersalis de materiali, de formali tamen conueniet cum illa superiori in eodem gradu immaterialitatis.

54 Resp. 3. quod Angelus inferior non comprehendit species Angeli superioris, licet comprehendat ipsum Angelum superiorem; nec enim ut comprehendatur essentia Angeli, & intellectus illius necesse est, quod cognoscantur species, sed sufficit, quod cognoscatur in ordine ad suum obiectum proportionatum.

55 Sed dices 1. quia, ut dictum est supra, Angelus inferior comprehendit totum ens naturale; sed etiam dictæ species vniuersales continentur intra dictum ordinem, ergo comprehenduntur ab Angelo inferiori. Resp. quod Angelus comprehendit totum ens naturale, prout distinguitur ab ente intelligibili, non ens intelligibile; ex eo quod dicta species superior, nequeat cognosci per vnicam speciem, de quo n. seq.

56 Dices 2. quia tunc aliquid comprehenditur quando de eo cognoscitur quicquid est in illo formaliter, & eminenter, sed illa species potest per plures species hoc modo cognosci; ergo potest comprehendí. Resp. quod ad comprehensionem requiruntur istæ tres conditiones. Prima, quod cognoscens, & cognitum, habeant eundem gradum immaterialitatis. Secunda, quod quicquid habet illam immaterialitatem cadat sub connaturali

conditionis, licet omnes sensus exteriores, & obiecta ipsorum sint in eodem gradu, non tamen possunt omnia à quouis sensu cognosci, vt patet. Tertia, quod cognitio comprehensiuua sit vnica, simplex, & per vnica speciem, quæ conditio cessat in nostro casu, vt patet.

57 Dices 3. non potest comprehendi essentia absque comprehensione accidentium sibi debitorum, vt sunt species; ergo. Resp. antecedens esse verum de accidentibus proprijs, qualia non sunt species, non enim sunt ab Angelis vt illorum passionibus.

58 Dices 4. non bene dictum fuit, quod illa species vniuersalis debeat cognosci per plures species ab Angelo inferiori, cum secundum aliam solutionem. possit cognosci ab Angelo inferiori, absque eo, quod sit tantæ vniuersalitatis ac illa superior. Resp. quod secundum hanc solutionem illa alia relinquenda est, cum illi aduersetur, vt patet.

D V B I V M IV.

Per quid Angelus cognoscat Deum, an per essentiam, an per speciem superadditam.

59 **P**rima sententia tenet, quod Angelus non cognoscat Deum per suam essentiam, sed per speciem superadditam, representantem Deum prout est in se quidditatiuè, abstractiuè tamen. Sic Scotus in 2. distin. 3. q. 9. S. ad questionem, Marsil. in 2. q. 7. art. 1. in 2. p. concl. 8. Rada contr. 8. 2. p. & alij.

60 Nostra sententia duabus concl. explicatur. Prima concl. Angelus non cognoscat Deum cognitione naturali per speciem superadditam illum representantem quidditatiuè, licet abstractiuè. Sic omnes discipuli D. Thomæ & alij plures, vt testatur Salm. hoc loco.

61 Ratio fundamentalis est, quia species representans Deum quidditatiuè, prout est in se, & non ad modum rei creatæ, debet cum ipso conuenire in eodem gradu immaterialitatis, sed repugnat ali-

quid creatum esse in eodem gradu immaterialitatis cum Deo, vt q. 12. visum est, ergo, &c. esset enim illa species actus purus, & non esset: esset creata, & non esset, &c.

62 Confirmatur 1. quia illa species representaret, & non representaret Deum abstractiuè, hoc est talium, ergo, &c. Maior probaret, nam representaret Deum, abstractiuè, vt supponitur, non representaret, quia hoc ipso, quod representaret quidditatiuè, haberetque conuenientiam cum Deo in gradu immaterialitatis, deberet representare intuitiue. Confirmatur 2. quia essentia infinita non potest representari per speciem finitam, si representetur prout est in se, quidditatiuè, & non ad modum rei creatæ; ergo diuina essentia nequit per dictam speciem representari. Antecedens constat, quia res infinita, est improporcionata, & superexcedens respectu speciei finitæ.

63 Sed ad hanc rationem occurret, quod licet species finita non sit proportionata cum ente infinito in esse rei, bene tamen in esse speciei, & obiecti representari; sicut licet intellectus non proportionetur cum Deo, vt sic dicatur, in esse rei, bene tamen in ratione potentie intellectiue, & obiecti intelligibilis, quocirca potest eleuari ad videndum Deum, prout est in se. Sed contra, quia proportio speciei in ratione speciei, & obiecti, debet fundari in proportionem in esse rei, seu in esse entis; seu debet fundari in cōuenientia in natura, non sic proportio in ratione potentie, & obiecti; ergo, &c. Antecedens probatur, quia species representatiua obiecti quidditatiuè debet esse, eiusdem naturæ cum illo in esse intelligibili, vt pluries dictum est, non sic proportio potentie, & obiecti, vt patet. Tum quia proportio speciei, & obiecti quidditatiuè representati, est proportio representatiui simplicis, totalis, & non coalescentis ex duobus scilicet ex representatione, & eleuatione: at proportio potentie, est proportio potentie eleuatæ, non simplicis; ergo illa, non ista dicit conuenientiam in gradu immaterialitatis. Antecedens

846 Disputatio XLVI. Dubium III.

dense constat. Conseq. probatur, quia potentia simplex, & species si nō lex conveniunt cum obiecto in gradu immaterialitatis, non composita; ergo, &c.

64 Dices, quia species finita potest representare infinita; ergo species creata poterit representare Deum. Conseq. constat. Antecedens probatur ex dictis supra, quod species quę in Angelo representat naturam animalis, representat infinitas species sub illa contentas. Resp. negando antecedens; ad probationem dico, quod id quod per se primò representat illa species est natura animalis finita, & limitata, & licet terminetur cognitio ad illas species infinitas, terminatur tamen ad eas ut clausas infra naturam animalis. At si daretur species representans Deum, obiectum illius per se primum esset infinitum. Tum quia illa species Angeli, esset superioris ordinis, & sic posset illas species representare; at in nostro casu esset ordinis inferioris.

65 Secunda concl. *Angelus per suam essentiam tanquam per speciem intelligibilem cognoscit Deum cognitione naturali.* Sic S. Doctor *hic art. 3.* & alibi, quem sequitur eius discipuli, hic, ut Caiet. Bann. Nazar. Ripa, Zumel, & alij, quos referunt, & sequuntur Salmant. hoc loco. Ratio fundamentalis est, quia essentia Angeli est quędam similitudo, & imago Dei; iuxta illud Ezech. 28. *Signaculum similitudinis*; unde est forma actus intelligibilis, & intimè unita per modum speciei intellectui Angelico; ergo poterit esse principium cognoscendi Deum. Tum quia essentia Angeli, inter effectus creatos est valde similis Deo; ergo per ipsam magis, quam per quemcunque alium effectum, creatum naturalem, tanquam per speciem intelligibilem poterit Deus naturali cognitione cognosci.

66 Sed contra hoc est, quia concurrere per modum effectus, est concurrere modo opposito illi, quo influit species intelligibilis: nam concurrere per modum effectus, est concurrere per modum ob-

incogniti. Resp. quod cum essentia Angeli sit effectus Dei excellentissimus habet utrumque, & concurrere per modum obiecti, & per modum speciei: sicut etiam divina essentia venit per modum speciei, & principij cognoscendi creaturas cum suo intellectu, & etiam per modum obiecti, & termini prius cogniti. Soluuntur argum. primę sententię.

67 Primum argum. quia homo in statu innocentie habuit cognitionem aliquo modo distinctam de Deo auctore, & sine naturali; sed hanc non habuit nisi per speciem distinctam; ergo etiam Angelus, eam, imò & perfectiorem habebit per speciem distinctam. Maior patet, ex eo, quod homo in statu innocentie debuit habere cognitionem perfectiorem Dei, quàm in pura natura. Minor etiam patet, quia cognitio ista distincta, & quidditatiua Dei non nisi per speciem intelligibilem haberi potest. Resp. concedendo maiorem, & minorem, & negando consequ. homo namque in statu innocentie solum cognovit Deum perfectus, ex effectibus, non quidditatiue, non per se ipsum, quia anima pro hoc statu non fungitur officio speciei respectu proprii intellectus; at essentia Angeli hoc præstat nō tamen in ordine ad cognitionem quidditatiuam, sed in ordine ad cognitionem in effectu nobilissimo modo explicato.

68 Secundum argum. *quia est possibilis species representans Deum prout est in se, abstractiue*; ergo fuit data Angelis. Antecedens probatur, quia dicta species solum deferuiet ad cognitionem abstractiuam, non intuitivam. Tum quia Apostolus post raptum recordabatur diuinę essentię, & eorum quę viderat in illa; sed hoc fieri nequit nisi per speciem ex visione relictam, & representantem abstractiue; ergo, &c. Resp. negando antecedens, quia illa species nec esset creata, nec increata, ut ex dictis constat. Ad illud, quod dicitur de Apostolo dico, quod non fuit recordatus essentię diuinę, sed aliarum rerum, quas in ea viderat, ac pro-

D. Tho. q. 12. art. 9. ad 2. ubi explicat quomodo potuerint formari dictæ species.

69. Tertium argum. nam Angelus esset similitudo Dei tametsi ab alio produceretur; sed tunc non posset eius essentia deferuire ad Dei cognitionem per modum formæ intelligibilis; ergo neque modo. Maior constat, quia haberet eandem essentiam, ac modo. Minor probatur, quia tunc non magis esset similis Deo, ac ipsum repræsenteret, quam alios Angelos, imò magis esset similis alijs Angelis quam Deo, ut patet. Resp. concedendo maiorem, & minorem, & negando consequ. quia nunc non est utcumque Angelus similitudo Dei, sed deducta à Deo, ut esset us illius; at tunc esset similitudo quasi in prædicatis communibus.

70. Quartum argum. quia cognitio naturalis Dei est eiusdem speciei in singulis Angelis; ergo non potest fieri per propriam essentiam vniuscuiusque, sed per speciem ad id deferuientem. Consequ. constat, quia cum essentia Angelorum differant specie, etiam cognitiones ex illis factæ deberent differre specie: Antecedens probatur, quia cognitio naturalis Dei, est cognitio beatificans Angelos; sed hæc est eiusdem speciei; ergo, &c. Tum quia beatitudo supernaturalis non diuersificatur specie; ergo neque naturalis. Tum quia habent idem obiectum scilicet Deum auctorem naturæ. Resp. negando antecedens. Ad 1. probationem dico esse disparem rationem, quia beatitudo supernaturalis habet idem obiectum formale, & primarium, sit eodem lumine in specie, & per eandem formam intelligibilem. At beatitudo naturalis Angeli per se primò determinatur ad essentiam Angelicam, & inde ad Deum: procedit ex diuerso lumine, & ex diuersa specie. Ad 2. probationem dico, quod dicta beatitudo neque habet Deum auctorem naturæ eodem modo, sed diuerso, quia Deus ut est auctor naturæ, & vltimus finis naturalis diuersimodè attingi potest, & per diuersum medium, scilicet per diuersam essentiam.

D V B I V M V.

*An essentia Angeli concurrat ad intellecti-
nem Dei, non solum ut species, & ra-
tio cognoscendi incognita, sed etiā
ut obiectum, & ratio cogno-
scendi cognita.*

71. Prima sententia est, quod essentia Angeli concurrat ad cognitionem Dei per modum formæ intelligibilis, non ut obiectum, & ratio cognoscendi cognita, sic Nazar. hoc loco, & citat Caiet. & Ferrar. licet explicentur à Bannez.

72. Nostra sent. seq. conclusione explicatur. *Essentia Angeli concurrat ad cognitionem Dei utroque modo, & per modum speciei intelligibilis, & per modum obiecti cogniti.* Primam partem admittunt omnes Thomistæ, & constat ex dictis dub. præcedenti. Secunda pars admittitur à D. Tho. hic art. 3. ut rectè expendunt Salmant. & eam tenent Bannez, Zumel, Hispalensis, & alij quos referunt, & sequuntur Salm. hoc loco. Ratio fundamentalis est, quia essentia diuina non potest esse obiectum, per se primò repræsentatum per essentiam Angeli, sed solum potest esse obiectum secundarium, & mediatum; ergo essentia Angeli non solum concurret per modum speciei intelligibilis, sed etiam per modum obiecti prius cogniti. Consequ. videtur nota, quia obiectum secundarium, & mediatum, non attingitur nisi mediante cognitione primarij; aliàs non attingeretur tanquam obiectum secundarium. Antecedens probatur, quia essentia Angelica per se primò repræsentat se ipsam. Tum quia species repræsentans aliquid ut obiectum per se primum, & immediatum, conuenit cum illo in gradu immaterialitatis; essentia autem Angeli conuenire non potest in gradu immaterialitatis cum Deo. Tum etiam quia species, & obiectum immediatum sunt eiusdem naturæ atomæ in esse intelligibili, quod essentia Angeli respectu Dei conuenire non potest.

73 Verum ad hæc occurrit aliquis, quod licet essentia Angeli representet Deum solum tanquam obiectum secundarium, non tamen ex hoc sequitur, quod debeat concurrere per modum obiecti prius cogniti *ut quod*, sed solum sequitur, quod debeat secundario insuere in cognitionem Dei, & quod ratio sub qua attingitur Deus, sit ipsa essentia Angelica; constat autem, quod ratio *sub qua*, non cognoscatur *ut quod*, ac proinde quod non insuat per modum rationis cognita. Constat exemplo charitatis per se primò terminata ad Deum, & secundario ad proximum; ubi Deus dilectus *ut quod* non est ratio diligendi proximum, quoties proximum diligitur; non enim est necesse, quod Deus sit ratio diligendi proximum per modum rationis prius dilectæ, licet diuina bonitas sit ratio sub qua diligendi proximum, quoties diligitur.

74 Sed contra, quia (quicquid sit de exemplo charitatis, de quo alias) in hoc casu est ratio specialis ob quam non potest Deus cognosci per essentiam Angelicam tanquam per speciem intelligibilem, nisi cognoscatur simul per ipsam tanquam per obiectum cognitum seu tanquam per rationem cognoscendi cognitam. Quia, Deus non potest naturaliter cognosci per propriam speciem, ut supra vidimus; ergo per speciem representantem aliud, scilicet essentiam Angelicam, ac proinde per aliud prius cognitum. Tum quia essentia Angeli deseruit ad cognitionem Dei per modum effectus eiusdem, ac proinde per modum rei prius cognita. Tum etiam quia essentia Angeli insuit in cognitionem Dei per modum creaturæ; ergo per modum rationis cognita; creatura namque nisi ut cognita ducit in cognitionem Dei. Tum denique, quia essentia diuina non insuit in cognitionem crea-

turarum nisi ut cognita; quia illas continet ut causa; ergo contra, quia essentia Angeli continet essentiam diuinam ut effectus, non illam representabit, nisi ut cognita. Soluuntur argum. primæ sententiæ.

75 Primum argum. quia S. Doctor *hic art. 3.* solum dicit, quod Angelus cognoscat Deum per suam essentiam tanquam per similitudinem; ergo non cognoscit tanquam in obiecto prius cognito. Tum quia D. Thomas peculiariter tribuit Angello, quod secundum suam essentiam sit ratio cognoscendi Deum; ergo videtur excludere rationem cognoscendi per modum obiecti prius cogniti, hoc est enim peculiare essentiæ Angelicæ, ut fungatur officio speciei, non obiecti cogniti. Tum etiam quia idem essentia Angeli concurret ad sui cognitionem per modum speciei, quia continet se ipsam intelligibiliter; sed etiam hoc modo continet Deum; ergo, &c. Resp. quod in dicto articulo verumque insinuat, ut constat ex fine corporis. Ad 1. probationem dicendum, esse quidem peculiare, quod essentia Angeli sit ratio cognoscendi Deum, non tamen ob hoc excluditur, quod etiam non cognoscat illum in se ipsa tanquam in obiecto cognito. Ad 2. probationem dico, quod essentia Angeli respectu sui vnitur tanquam obiectum primum, non prius cognitum; at respectu Dei vnitur tanquam obiectum secundarium, supponens primum prius cognitum.

76 Secundum argum. quia essentia Angeli est principium, & species respectu suæ cognitionis qua cognoscit Deum; ergo est ratio cognoscendi incognita. Resp. quod essentia Angeli, & habet hoc, & habet, quod sit obiectum cognitum primum respectu obiecti secundarii.

DISPUTATIO XLVI.

IN QVÆST. XLVI. D. THOMAE.

De cognitione Angelorum respectu rerum immaterialium.

I



VAESTIO præfens habet 5. articulos. In primo art. determinat S. Doctor, quod Angeli cognoscunt res materiales, ex eo, quod superiora continent eminentius inferiora, & perfectius quam sint in se, & sic, cum Angeli sint perfectiores rebus materialibus, debent eas perfectius continere, modo scilicet intelligibili, ac proinde eas perfectissime cognoscere. In 2. art. explicat quomodo Angelus cognoscat singularia materialia, non quod ab illis species accipiat, sed quia species quas Angeli habent sunt exemplata ab ideis diuinis, ubi multo perfectius ista singularia continentur, & causantur, & sic tales species ea repræsentant. In 3. art. ostendit, quod Angelus non cognoscat futura in se ipsis, quia non coexistunt durationi illius, cognoscit tamen in causa, vel determinatè, & certò, si de necessitate ibi continentur, vel per coniecturam si contingenter, & plus, vel minus, secundum quod causæ futurorum, plus, vel minus, penetrantur. In 4. art. ostendit, quod cogitationes cordis non intelliguntur ab Angelis etiam si existant, nisi in suo effectu, vel manifestatione, non in se ipsis; cò quod ea, quæ à sola libera voluntate dependent, sunt extra ordinem naturalium, & à solo Deo intus in voluntate operante, & à voluntate ipsa sunt: ubi ly à solo Deo, excludit non solum aliam causam, sed aliud consortium, vel connexionem cum alijs rebus naturalibus, quam tales cogitationes per se non

habent. Tamen in suis effectibus, & multo melius in sua manifestatione, possunt dictæ cogitationes cognosci, secundum, quod magis, vel minus in effectu significuntur. In 5. articulo determinat, quod Angeli naturali cogitatione non cognoscunt mysteria gratiæ, quia supernaturalia sunt, & ex sola Dei voluntate dependent. Verum cognitione supernaturali, seu visione beata cognoscunt dicta mysteria gratiæ, non tamen omnia, nec omnes æqualiter, sed prout Deus illis manifestat. Ut autem hæc habeantur sit.

D V B I V M I.

An Angeli cognoscant res materiales.

2 **C**ommunis, & vera sententia, quam post D. Thomam, & eius discipulos tradunt plerique Theologi sequitur, explicatur. *Angeli cognoscunt res materiales.* Ratio fundamentalis est, quia talis est ordo in rebus, quod inferiora continentur in superioribus, & quod in inferioribus continetur deficienter, partialiter, ac multipliciter, in superioribus continetur eminenter, simpliciter, & per quendam totalitatem; sed Angeli sunt superiores respectu omnium materialium; ergo omnia materialia debent in illis contineri ad modum ipsorum, scilicet intelligibiliter, ac proinde illa cognoscunt. Unde videmus, quod cum Deus sit primum, & supremum ens, idè in illo sicut in summo rerum vertice, omnia substantialiter præexistunt, & omnia per suam essentiam cognoscit; ergo, &c.

P p p p p

Sed

3 Sed obijcies 1. quia videntur esse proprium Dei ratione suæ eminentiæ, & perfectionis, continere eminenter, vnitè, & perfectissimè, quicquid est in inferioribus, ergo malè hoc tribuitur Angelis. Tum quia sequeretur, quod Angelus posset causare id, quod causant res inferiores, si continet illas eminenter, vt facit Deus. Tum etiam quia dantur in inferioribus plures proprietates, quæ in superioribus non possunt contineri; ergo falsum est, quod ea quæ in inferioribus sunt dispersa contineantur vnitè, & eminenti modo in superioribus. Antecedens constat; nam homo est quid superius, & nobilius cunctis speciebus sub animali contentis, & tamen non continet eminenti modo eorum perfectiones, & proprietates.

4 Huius argumenti solutio dependet ex intelligentia illius axiomatis: *qua sunt dispersa in inferioribus, in superioribus vniuntur*: seu: *qua in inferioribus continentur deficienter, in superioribus continentur eminenter*. Aliqui ergo dicunt 1. quod dictum axioma intelligi debeat solum de prædicatis communibus; & hoc sufficit, ad hoc vt inferatur, quod Angelus cognoscat res materiales; liquidem hoc competit potentij cognoscitiuæ inferioribus, vt prædicatum illis commune.

5 Verum hæc explicatio non satisfacit, quia vel intelligitur de prædicatis communibus præcisè respectu creaturarum inferiorum; & hoc non, quia generare sibi simile, habere esse materiale, & pati ab agente corporeo, vt à causa principali, sunt prædicata communia naturis Angelo inferioribus, cum tamen hæc illi non conueniant. Vel intelligitur de prædicatis communibus naturis inferioribus, & superioribus; & neque hoc, quia quæ sunt communia inferioribus, & superioribus non dicuntur contineri à superioribus; neque hoc superiora dicuntur continere perfectiones inferiorum eminenter, cum vtrobiq; contineantur formaliter.

6 Alij dicunt 2. cum Caietan. quod illud axioma debeat intelligi cum hac li-

mitatione: quantum scilicet fuerit possibile naturæ superiori inspecta ipsius conditione. Vnde quia Deo qui est supremus ens conuenit, quod eminentissimo modo contineat perfectiones rerum inferiorum, tam in esse entitatio, quàm intelligibili, idè vtroque modo eas continet. At quia naturæ creatæ etiam superiori non conuenit, imò repugnat continere res inferiores in esse entitatio, imò & in esse intelligibili secundum suam essentiam; idè illas hoc modo non continet: quia, tamen naturæ supremi gradus conuenit continere inferiora in esse intelligibili per species; idè Angeli sic ea continent. Hæc Caietani intelligentia magis ex sequentibus elucidabitur.

7 Alij ergo 3. dicunt, quod dictum axioma intelligatur non de prædicatis disparatis, ex æquo proprium genus diuisantibus: vt album, & nigrum; corruptibile, & incorruptibile: sed de prædicatis inter se ordinatis, quorum vnum supponit aliud. Vnde quia proprium est gradus sentiendi percipere materialia; idè anima nostra magis vnitè, & eminentiori modo cognoscit. Et quia Angelus dicit eundem gradum, sed magis ab imperfectionibus separatum, idcirco eminentiori modo, & sine imperfectionibus ea cognoscit.

8 Alij demum 4. dicunt, quod dictum axioma intelligitur de natura superiori, tanta superioritate, vt sit immaterialis, & spiritualis simpliciter; hoc enim ipso quod est talis, continebit inferiora per formas illorum eminentiori modo, & magis vnitè in esse intelligibili; & sic cum Angeli sint istiusmodi, continebunt materialia modo perfectissimo, & vnitissimo sibi proprio, scilicet in esse intelligibili.

9 Obijcies 2. quod propria ratio continendi medijs speciebus intelligibilibus alias res, non est superioritas in natura; ergo hoc malè tanquam fundamentum assignatur. Antecedens probatur, quia Angelus inferior continet intelligibilibus, media specie Angelum superiorem; ergo &c. Resp. quod superioritas in natura est ratio continendi alia intelligibilibus; sed

emi-

De Cognitione Angelorum, &c. 851

eminentia, & excessus est respectu naturalium materialium: non respectu ipsorum Angelorum, cum sint intra eundem ordinem; intra quem potest dari aliquis excessus, sed non ordinis, & ordinis inferioris.

D V B I V M II.

An Angelus cognoscat materialia singularia.

10 **P**rima sententia fuit Commentatoris 12. *Metaphysicorum*. 1. qui non solum Angelis verum etiam Deo denegauit cognitionem singularem. Secunda sententia est aliquorum apud D. Thomam hic art. 2. & in 2. dist. 3. q. 1. art. 3. qui dicunt, quod Angeli non cognoscunt singularia immediate in se ipsis, sed in suis causis vniuersalibus, & quasi in confuso, sicut futura eclipsis cognoscitur ab Astrologis.

11 Nostra sententia seq. concl. explicatur. *Angelus cognoscit singularia materialia.* Hæc conclusio tenetur ut certa secundum fidem, & colligitur ex omnibus illis locis sacre Scripturæ, ubi dicitur, quod Angeli sunt administratores, seu habent administrationem, custodiam, & prouidentiam de singularibus; cum non possint hoc habere, nisi habeant illorum cognitionem.

12 Probatur concl. quia quod possunt potentie inferiores, possunt superiores eminentiori modo; sed in homine sensus tum internus, tum externus cognoscit singularia directe, & intellectus cognoscit directe vniuersalia, & indirecte singularia; ergo intellectus Angelicus qui est potentia superior cognoscit modo eminentiori vtrumque scilicet tam vniuersalia, quam singularia. Minor constat exemplo sensus communis, qui ratione superioritatis cognoscit simul, quod alij sensus externi sparsim cognoscunt.

13 Sed dices maiorem videri falsam, siquidem intellectus est superior voluntate; & tamen non potest, quod potest voluntas, scilicet velle, & eligere. Item po-

tentia sensitiva sunt superiores vegetatiuis; & tamen non possunt, quod ista possunt, scilicet nutrire, generare, &c. Item intellectus noster, est superior sensibus, & tamen non potest, quod isti possunt, scilicet cognoscere singularia directe. Resp. quod illa maior non intelligitur de potentia, quæ est superior obiecti dignitate, ut est intellectus respectu voluntatis; sed obiecti vniuersalitate, ut obiectum inferioris claudatur sub obiecto superioris. Vel dices dictam proportionem intelligi de potentijs subordinatis; ut sunt potentia productiua, ad superiorem productiuam; & cognoscitiua, ad cognoscitiuam. Per quæ patet ad 1. & 2. probationem. Ad 3. probationem dicendum, quod etiam noster intellectus in statu separationis cognoscit singularia directe, & pro hoc statu cognoscit altiori modo quæ sensus, quia sensus non penetrat ad essentiam, sed contentatur cognitione accidentium. Imò intellectus noster etiam pro hoc statu cognoscit singularia per species quas ipse de illis formar post cognitionem indirectam. Soluuntur argumenta in oppositum.

14 Primum argum. Intellectus humanus non cognoscit directe singularia materialia; ergo neque intellectus Angelicus. Antecedens constat. Consequ. probatur, quia idem noster intellectus non cognoscit saltem directe singularia materialia, quia sunt materie concreta, non intellectus cum sit immaterialis; sed intellectus Angelicus est magis immaterialis; ergo multo minus potest cognoscere dicta singularia materie concreta. Resp. concedendo antecedens, & negando consequ. Ad probationem dico, quod non idem intellectus noster non cognoscit singularia materialia, quia est immaterialis, sed quia cognoscit per species abstractas ab ipsis singularibus, quæ ratio cessat in Angelis.

15 Secundum argum. quia res materiales siue in singulari, siue in communi, non sunt obiectum proportionarum intellectus Angelici; ergo non potest eas conaturaliter saltem cognoscere. Consequ.

Ppppp 2 con-

constat. Antecedens probatur, quia si res materiales essent obiectum proportionatum intellectus Angelici, deberent esse modificationes substantiarum purè spirituum, conuenientium in eodem gradu immaterialitatis; sed non sunt, nec habet talem conuenientiam in gradu immaterialitatis, ergo. Resp. quod substantiæ, & res materiales sunt obiectum proportionatum intellectus Angelici, non per se primum, sed per se secundum, quatenus ratione substantiarum separataram redduntur obiecta proportionata, sed secundaria. Nam eo ipso, quod intellectus Angelicus per se primò terminetur ad substantias spirituales, est tantæ perfectionis, intellectualitatis, & immaterialitatis, ut possulet, quod ab instanti suæ creationis sibi infundantur species representantes res immateriales tam in communi, quàm in particulari.

D V B I V M III.

An Angelus per eandem speciem cognoscat naturam communem, & indiuidua illius: & an etiam illorum accidentia.

16 **P**rima sententia est Scoti, & aliorum, quod Angelus per eandem speciem non cognoscat naturam communem specificam v.g. humanam, & indiuidua illius. Nostra sententia seq. concl. explicatur. *Angelus per eandem speciem per quam cognoscit v.g. naturam humanam, cognoscit etiam indiuidua illius.* Sic S. Doctor hic art. 2. in corpore, & 3. contra Gent. 2. cap. 100. de verit. q. 8. art. 11. quod libet. 7. art. 3. ad 1. & alibi, quem sequuntur eius discipuli, & alij, quos referunt, & sequuntur Salmant. hoc loco.

17 Probatur concl. nam species Angelicæ non accipiuntur à rebus, sed sunt participationes immediatè diuinæ essentiae, diuinorumq; exemplariorum, sed hæc representant naturam specificam, & illius indiuidua; ergo etiam species Angelicæ ab illis exemplatæ. Effectus namq; debet assimilari suæ causæ quantum fieri potest.

Tum quia, vt dub. præced. dicebamus, quæ in inferioribus sunt disparata, debent esse vnita in superioribus; sed anima nostra sparsim attingit naturam, & indiuidua illius, & per plures species; ergo Angelus per vnica. Tum etiam quia species nostri intellectus idè non representant singularia, quia sunt ab illis abstractæ, desumptæ, & separatæ; at species Angelicæ non sunt sic, vt patet, ergo, &c.

18 Occurrunt 1. aduersarij, quod licet natura diuina ob suam perfectionem, possit representare simul naturam, & indiuidua illius; non tamen species creata tamen infusa; quia licet ista non producat ab obiecto, sed à Deo, sit tamen dependenter ab eodem obiecto tanquam à causa specificante, cui debet commensurari, non minus quam species acquisita quæ ob hoc non representat nisi naturam immediatè, & directè. Sed contra, quia intellectus Angelicus est longè vniuersalior intellectu humano; ergo debet habere species vniuersaliores, extendentes se ad representandum tum naturas, tum indiuidua illarum. Tum quia aliàs non posset saluari superioritas intellectus Angelici supra humanum; quod falsum est, vt ex dictis liquet. Nec refert, quod illæ species specificentur ab obiecto, quia cum hac specificatione optimè saluatur, quod tum naturam, tum eius singularia represententur naturam primariò, singularia secundariò tanquam obiectum secundarij; vel quia omnia representantur sub vna ratione sub qua.

19 Occurrunt 2. quod nostra ratio videtur contra D. Thom. 7. de verit. art. 8. ad 2. vbi dicit, quod Deus per diuersas ideas cognoscit diuersa singularia, & quod in Deo idea naturæ communis distinguitur ab idea singularitatis; & sic neque in Angelis species representans naturam communem representabit singularitates illius. Sed contra, quia D. Thomas solum vult, quod idea naturæ communis distinguatur ratione ab idea singularitatis, prout dicitur idea consideratur vt respiciunt hæc obiecta vt ratione distincta in esse obiecti cognoscibilis, non prout respici-

piunt ea in ratione producibilis, quia, hoc modo respiciuntur per vnam, eandemque ideam. Species autem Angelicæ assimulantur diuinis ideis vt habent rationem exemplarium, seu producibilium, ac proinde vnica species repræsentabit tum naturam communem, tum singularia illius; vnde D. Thomas q. 8. de verit. art. 11. id ipsum aduertit. Tum quia dictæ species Angelicæ eodem modo dicuntur à D. Th. participationes diuinæ essentia, quæ secundum eandem formalissimam rationem vtrumque repræsentat.

20 Sed obieciēs 1. quia sequeretur, quod eadem species repræsentaret omnia singularia materialia, quæ possibiliter continentur sub natura specifica, sed hoc est impossibile; ergo. Maior constat, quia natura specifica æqualiter se habet ad omnia illa, ac proinde non potest assignari ratio quare potius hæc, quàm illa repræsentet. Minor probatur, quia illa sunt infinita, ad hæc autem infinitum lumen requireretur vt possent cognosci. Resp. concedendo maiorem intellectam de indiuiduis contentis in virtute causarum naturalium pertinentium ad hoc vniuersum; hæc enim repræsentantur per diuinam essentiam cum natura specifica, ac proinde non incongruit, quod per dictam speciem repræsententur, cum sit exemplata à diuina essentia. Deinde negatur minor. Ad probationem dico non requiri infinitum lumen, nec infinitam attentionem, sicut nec in specie reperitur infinita vis ad repræsentandum, cum omnia illa indiuidua sint infra naturam communem.

21 Obieciēs 2. quia si vnica species repræsentaret omnia indiuidua naturæ communis etiam possibilia, posset etiam repræsentare omnia accidentia quæ insunt dictis singularibus materialibus, cū hæc omnia repræsententur per diuinam essentiam; sed hoc videtur falsum; ergo. Minor probatur, quia cum illa species sit vniformis quoad suam repræsentationem non poterit tantam varietatem accidentium repræsentare: maximè quia multoties inuoluunt contradictionem, vt cum vnum est mortuum in aliquo tempore, in

alio viuum. Tum quia illa species in esse repræsentatio esset substantia, & accedens, cum vtrumque repræsentet. Tum etiam quia superfluerent species accidentium.

22 Resp. concedendo maiorem, qui enim cognoscit indiuidua, etiam illorum accidentia cognoscere potest siue proueniant à principio necessario, siue contingenti, cum illa accidentia materialia, quando insunt non sint de numero rerum occultarum, sed parentium, & pertinentium ad ordinem vniuersi. Drinde negatur minor. Ad 1. probationem dicendum quod varietas non sit in specie, sed in obiectis. Imò quando species est eminens, potest repræsentare opposita partialia, sed inadæquata; & contradictoria in se, in specie comparantur vt rationes partiales, & inadæquate. Ad 2. probationem dico, quod species est solum eiusdem naturæ cum obiecto per se primò repræsentato. Dicitur etiam potest, quod in esse repræsentatio potest eadem species esse substantia, & accedens. Ad 3. probationem dico 1. accidentia nō habere proprias species, ac proinde illas superfluere. Dico 2. accidentia posse considerari dupliciter, 1. secundum se, & hoc modo habent proprias species per quas cognoscantur. Secundò quatenus sunt modi, & affectiones huius, vel illius substantiæ, & tunc cognoscuntur per speciem substantiæ. Soluuntur argu. primæ sententiæ.

23 Primum argu. quia in rebus materialibus reperitur natura cum suis singularibus, reperitur existentia, duratio, specialisque conditio secundum quam terminant notitiam intuitiuam; sed ista non possunt repræsentari per species naturæ communis; ergo debent aliæ superaddi. Minor probatur, nam singularia, vt cogitationes deorum sunt infinita, quæ per speciem finitam nequeunt repræsentari: Neque possunt repræsentari existentia, & duratio, aliàs Angelus cognosceret futura contingentia. Neque etiam repræsentari potest conditio terminandi cognitionem intuitiuam, quia ista est existentia, & præsentia, quæ si cognosceretur, iam futura

tura contingentia cognoscerentur. Tum quia species mutarentur ex mutatione obiecti quoad futuritionem, & præsentialitatem, quod est falsum, cum species mensurentur xuo, ergo, &c.

24 Resp. concedendo maiorem, & negando minorem. Ad 1. probationem de infinitate singularium, constat ex dictis. Ad 2. & 3. probationem respondent aliqui, quod per speciem repræsentantem naturam communem, non cognoscantur futura contingentia corruptibilia, quæ aliquo modo pendent à voluntate Angelica poiente impedire illorum productionem, sicut nec illorum duratio pro tempore futuro, quoadusque non amittunt rationem futuri, & fiant præsencia. Probatur 1. ex D. Tho. *hic art. 3. ad 1.* dicente, quod Angelus ea non cognoscat, quia non habent actu naturam per quam dictæ speciei assimilentur. 2. Quia dicta futura quoad usque non existant, non sunt partes vniuersi, cum non habeant esse determinatum in suis causis, cum possint impediri. 3. Quia alias Angelus per vires naturæ cognosceret futura contingentia. 4. Quia non habent per quod repræsententur; non in se ipsis, quia non sunt: non in suis causis, quia sunt indifferentes. Tamen statim ac existunt, per dictas species repræsentantur per mutationem factam in obiecto.

25 Melius responderetur cum Furr. Baum. & alijs, quod dicta species repræsentent etiam dicta individua, eorum accidentia, existentiam, & durationem. Hoc tamen modo, ut quando existunt in suis causis repræsententur existentia in actu signato, seu per modum quidditatis, abstrahendo ab illorum exercitio: ut quando existunt repræsententur ut hic, & nunc existentia; & ratione ordinis ad existentiam pertinent ad ordinem vniuersi.

26 Secundum argum. quia ista non possunt coherere cum immutabilitate speciei; ergo &c. Resp. ex dictis totam mutationem refundi in obiectum, non in speciem, nunquam enim speciei superadditur noua vis repræsentandi, sed noua obiecti connotatio.

27 Ad illa quæ pro se adducunt auctores primæ responsionis ad argumentum præcedens respondetur. Ad 1. dico D. Thomam solum velle, quod dicta futura antequam existant, non attingantur ut exercita, sed ut existentia in virtute suarum causarum. Ad 2. patet quomodo pertineant ad ordinem vniuersi, ut conueniant in virtute suarum causarum. Ad 3. dico quod Angeli non cognoscunt futura contingentia, quia licet cognoscant quidditatem dictorum futurorum in suis causis, non tamen ex hoc scit Angelus an re ipsa, & in exercitio sint habitura existentiam. Ad 4. patet, quomodo habeant quo repræsententur, scilicet esse in suis causis modo iam dicto.

D V B I U M IV.

An Angelus per vires sue naturæ certò cognoscat futura contingentia, & libera.

28 **F**utura contingentia libera posse naturaliter cognosci tum ab homine, tum ab Angelo tenuerunt Aui-cena 6. *metaphys. cap. 1.* Cicero 2. *de diuin.* & ex astrologis Ptolomæus, Albamazar, & Abemgazel, quos ex Neotericis sequuntur Tutinus, Ioannes Stalius, & alij, qui ex astrorum dispositione quouesque effectus contingentes, & liberos putant posse prognosticari, & eorum prognosticatione dari veram scientiam, quæ sit naturalis pars astrologiæ.

29 Nostra sententia seq. concl. explicatur. *Angelus non potest per vires sue naturæ certò cognoscere futura contingentia libera.* Colligitur hæc conclusio ex multis sacra scripturæ locis, ubi soli Deus futurorum liberorum cognitio tribuitur. Imò potissimum nostræ fidei testimonium est, quod Prophetæ diuina luce illustrati, nostræ fidei mysteria prædixerunt. Hinc Isa. 47. irridentur consules astrologos. Et act. 9. aliqui astrologi ex prædicatione Apostoli conuersi: *Consulerunt libros, & combusserunt coram omnibus.* Idem tradunt Sancti Patres, & Theologi omnes.

Pro-

30 Probatur conclusio, quia futurum contingens de quo loquimur, solum potest certo cognosci, vel in se, vel in suis causis; sed Angelus non potest per sua naturalia cognoscere nec in se, quandiu non existit, nec in suis causis; ergo nullo modo. Maior constat. Minor ostenditur, quia non potest cognosci certo in se, cum futurum nondum sit in se: neque in suis causis, quia in illis nullam habet determinationem ad existendum; quandiu namque effectus est in suis causis indeterminatis, & indifferenteribus, non potest certo cognosci.

31 Pater Vasquez putat, quod nostra conclusio solum probari possit testimonij sacrae scripturae, & SS. PP. non autem aliqua ratione naturali firma, & à priori; unde ad propositam D. Thomae rationem respondet, quod præter illos duos modos in maiori positos, potest assignari alius, quo dicta futura libera cognoscantur, scilicet in determinatione obiectiua, quam habent ad alteram partem, sicut hoc modo cognoscuntur à Deo, & significatione per propositiones habentes determinatam veritatem, vel falsitatem. Sed contra, quia ut q. 14. vidimus, futura contingentia in signo antecedenti ad determinationem causarum non habent determinatam, & infallibilem futuritionem, aut non futuritionem, ac proinde nec datur illa veritas obiectiua; nec propositiones de illis formatæ sunt determinatè veræ, vel falsæ. Deinde dato, & non concessio, quod daretur illa determinatio obiectiua, adhuc futurum non posset ab Angelis cognosci per vires naturæ, ex eo, quod species illorum non representant dictum futurum, nisi prout habet existentiam in se, non illam determinationem obiectiuam; quia species Angelicæ nil representant, nisi prout pertinet ad ordinem vniuersi; sed determinatio obiectiua non pertinet ad ordinem vniuersi, sed determinatio in se, vel in suis causis. Futurum namque contingens secundum esse obiectiuum non pertinet ad ordinem vniuersi nisi quatenus fundatur in aliquo esse physico, quod ha-

beat esse in se, vel in suis causis; ergo si esse physicum, quod habet futurum in suis causis non est certum, & determinatum, neque illud esse obiectiuum erit tale.

32 Præterea, esse obiectiuum, quod habet futurum in causis secundis ex determinatione primæ, non representatur per species Angelicas; ergo multo minus representabitur esse obiectiuum, si quod esset, antecedens ad determinationem primæ causæ. Consequenter constat. Antecedens probatur, quia determinatio obiectiua, quam habent futura ex determinatione primæ causæ, non sufficit ut futurum constituatur intra ordinem vniuersi; ergo multo minus sufficiet illa ficta ab aduersariis: Angelicæ autem species nil representant, nisi ad ordinem vniuersi pertineat. Antecedens ostenditur, quia ipsa decreta Dei determinantia causas secundas non pertinent ad ordinem vniuersi: tum quia non fundantur in aliqua causa spectante ad ordinem vniuersi, sed fundantur in causa, quæ est supra totum ordinem vniuersi, scilicet in Deo. Tum etiam quia dicta decreta in quibus futurorum determinatio fundatur, non representantur per speciem Angelicam secundum se, neque ut duratione præcedunt eadem futura, sed ad summum quando in executione apparet effectus illorum in causis secundis; g. &c.

33 Respondent alij, quod ex dicta ratione ad summum sequitur, non posse omnia futura prævideri ab Angelis, benè tamen aliqua. Tum quia ex eo, quod duratio Angelica deficit ab æternitate, solum sequitur, quod non habeat totum id, quod habet æternitas, quod est ambire omne tempus, habebit tamen ambire aliquod certum, & determinatum. Tum etiam quia sicut æuum, licet deficiat ab æternitate, tamen participat ab illa, non quod careat principio, sed quod careat fine, & sic ambiet aliquod tempus, non omne. Tum deinde ex eo, quod potentia operatiua creata deficiat à diuina omnipotentia, solum sequitur, quod non possit omne id, quod illa potest, non quod

scat determinationem causæ primæ, quæ determinat secundas. Quia de hac determinatione poterit fieri idem argumentum. Nam vel cognoscitur in se ipsa: & hoc nõ, quia hæc per solam visionem beatam attingitur. Vel in vna quasi causâ, scilicet in diuina voluntate, & neque hoc; quia neque ipsa diuina voluntas potest cognosci in se ipsa nisi in visione beata. Tum quia diuina voluntas vt præit suas liberas determinaciones non est determinata ad illas. Sed contra, quia licet non posset Angelus cognoscere supernaturaliter dicta futura per species illa quidditative repræsentantes, & prout sunt in se ipsis coexistendo illis, sicut scilicet æternitas, & licet diuinum decretum non possit extra visionem beatam in se videri, tamen adhuc illa certò cognoscere potest per reuelationem. Imò poterit etiam illa euidenter cognoscere si cognoscat euidenter dictam reuelationem esse à Deo; tunc enim per euidentem consequentiam deducet illud futurum esse habiturum existentiam pro tempore futuro; vt contingit in prophetis habentibus euidenciam de diuina reuelatione quoad *an est*.

37. Postmodò responderi posset, quod si nostra ratio aliquid conuinceret, etiam probaret, quod Angelus non possit certò cognoscere præterita; nam illa non potest cognoscere in se ipsis, cum iam non sint; nec in suis causis, quia in illis non amplius habent esse, licet illud habuerint. Sed, contra quia res præterita quatuor modis potest se habere ad intellectum Angelicum. Primò, vt cognita fuerit quando existerat, & hoc modo potest eam Angelus cognoscere quia species per illam cognitionem fuit determinata, & hæc cognitio dicitur abstractiua. Secundò vt non fuerit tunc cognita propter inaduercentiam. Tertio vt reliquit aliquod sui vestigium. Quarto vt nullum vestigium reliquerit. Si reliquit vestigium, poterit in illo vt in effectu eam cognoscere. Sed si nullum vestigium, aut determinacionem reliquit.

38. Sed dices, quod licet potentia supremorum corporum fuit primò exple-

ta à Deo, ita intellectus Angelicus, ac proinde non possunt illius species acquirere nouam determinationem, quæ postea maneat; re transacta. Resp. quod ex hoc quod species repræsentat modo indiuiduum, non acquirit noui modum, sed solum nouam connotationem; vnde illa determinatio, est noua quædam connotatio speciei, quæ modo repræsentat rem præsentem, postea præteritam, de quo infra. Soluuntur argum. primæ sententiæ.

39. Primum argum. quia anima nostra potest certò futura contingencia cognoscere; ergo à fortiori id poterit Angelus. Antecedens probatur; tum Sanctorum Patrum testimonijs. S. P. August. *super Gen. ad litt. lib. 12. cap. 13.* dicit, quod animæ humane competit futura prævidere, secundum quod à sensibus corporis abstrahitur. D. Gregor. *lib. 4. dial. cap. 26.* ait, quod animæ vis fuit subtilitate aliqua futura prævidere confirmat ex quodam aduocato, qui mortali vicinis præcognuit, quod esset sepeliendus apud S. Xyrum. Et S. Doctor *q. 85. art. 4. ad 2. c. a. 1. q. 27. a. 1. ad 1. c. Calet. ibid.* distunt hæc fuerit prævisionem ortum dedere ex eo, quod ab anima percipiuntur subriles motus in imaginatione hominis, reliqui ex impressione naturalium causarum; & intellectus possibilis illustratus lumine intellectus agentis, excitatur ad cognoscenda futura, quæ in illo signo representantur; sed istæ impressiones naturalium causarum possunt esse notæ Angelis, magis quam nobis; ergo, &c. Tum quia aliquando causæ terrestres, solent eadem influentiam immittere, vt inde casentur hominis, ex quibus distenditur cognitionem futurorum liberorum, & casualium, sed istæ formæ possunt esse notæ Angelis, ergo. Maior constat ex eo, quod contingit hominibus pincerale, & pistosse *Isa. 40.* quæ provenisse ex naturali, & celesti causa testatur *Calet. 3. c. 9. g. 95. art. 6.* Tum etiam quia sæpe homines in hoc orbe habent celestem fidem infirmitas dominantes; sicut & in inceptione alicuius operis, ex quibus futuri euen-

que est, quod his modis possint dicti actus à quocunque Angelo cognosci.

45 Prima sententia est, quod Angeli quantum est de se, cognoscant cogitationes cordis non ex eo, quod dictæ cogitationes sunt occultæ, sed id eo non cognoscunt illas, quia Deus denegat illis debitum concursus ad illas cognoscendas. Sic Scotus in 2. dist. 9. q. 1. & 2. & in 4. dist. 10. q. 8. ad 3. & alij.

46 Nostra sententia seq. concl. explicatur, *Angeli viribus natura nullo modo cognoscunt cogitationes cordis, sine Angelorum, sive hominum, antequam illis dirigantur, aut manifestentur.* Colligitur hæc conclusio ex illo Ier. 17. *Prænum est cor hominis, & inscrutabile: quis cognoscet illud? Ego Dominus scrutans cor, & probans renes.* Alia sacræ Scripturæ loca, & Patrum videri possunt apud M. Bann. hoc loco, & alios. Vnde merito hanc conclusionem sequuntur cõmuniter Theologi, vt testantur Salmant. hoc eodem loco.

47 Probatur 1. conclusio ratione D. Thomæ hic art. 4. quia cogitationes cordis ab eo solū cognoscuntur à quo fiunt, scilicet manifestatione, & directione; sed solum fiunt ab intellectu, & voluntate, & à solo Deo, cui soli intellectus, & voluntas subduntur; ergo à solo Deo, & ab eliciente cognoscuntur præcisâ reuelatione, directione, aut manifestatione.

48 Hæc ratio D. Thomæ displicet Suarez lib. 2. de Angelis cap. 23. & Vasquez hic, quatenus purat rationem D. Thomæ non ostendere sufficienter dictam conclusionem. Vnde sic obijciunt 1. ex Durando, quia effectus proprii solius Dei, qui ab alio fieri non possunt, postquam facti sunt, naturaliter cognoscuntur, ab Angelo, vt patet de substantia Angeli, animæ, de potentis, habitibus, speciebus infusis. Item cognoscit Angelus ipsam Dei actionem eo modo quo est extra Deum, vt est creatio prout est in creatura. Tum quia actus liberi sunt qualitates, sed hæc cognoscuntur ab Angelis, ergo, &c.

49 Pro intelligentia rationis D. Thomæ, & solutionibus argumentorum, not. 1. quod Deus ita est principium vni-

uersi, vt non sit pars illius: vniuersum, namque est ens per participationem, & Deus est ens per essentiam; ens autem per essentiam, est extra totum genus entis per participationem. Nota 2. quod Deus sic constituit vniuersum, vt causæ vniuersales moueant particulares, & particulares non agant nisi per dependentiam ab vniuersalibus. Quocirca si detur talis causâ particularis, quæ in sui operatione non dependeat ab vniuersalibus, sed à solo Deo, tunc illa operatio erit extra ordinem vniuersi, quia non procedet ab aliqua causâ vniuersali vniuersi, sed à solo Deo, qui est extra ordinem vniuersi. Cum ergo cogitationes cordis soli Deo sint subiectæ, & causæ particulari elicientis sequitur, quod à solo Deo, & à causa eliciente cognosci poterunt. Nam Angeli ea solum naturaliter cognoscunt, quæ ad ordinem vniuersi spectant; cætera sunt illis per se occulta, nisi medio aliquo ordine fiant ordinis vniuersi. Ad argumentum ergo patet, quia ea, quæ ibi recensentur pertinent ad ordinem vniuersi, non cogitationes cordis.

50 Obijciunt 2. quia cognitio non fit per hoc, quod cognoscens agat in re cognitam, sed per hoc quod habeat illius similitudinem; ergo quod Angelus non agat in cor hominis, aut alterius Angeli, non bene, infertur, quod non cognoscit cogitationes cordis. Resp. quod eo ipso quod Angelus non agat in cor alterius, sequitur, quod non cognoscit cogitationes illius, cum neque per Angeli operationem, neque per dependentiam ab alia causa dictæ cogitationes pertineant ad ordinem vniuersi. Verum vt ratio D. Thomæ magis appareat.

51 Obijcies 1. quod si dicta ratio esset efficax, conuinceret etiam, quod dictæ cogitationes cordis, non possent cognosci ab Angelo tamen si illum dirigerent ab habente, hoc est falsum; ergo, &c. Maior probatur, quia per hanc directionem non tollitur, quod solum pendeat à voluntate illas eliciente, & à solo Deo, ac proinde non tribuitur illis quod sint partes vniuersi; vnde dictæ cogitationes ma-

nebunt ita occultæ vt prius. Resp. negando maiorem. Ad probationem dico, quod re vera per illam conditionem non collitur quin sint à Deo, & ab eliciente, vt patet. Nec ponitur, quod sint partes vniuersi, aliàs non solum cognoscerentur ab Angelo ad quem ordinantur, sed etiam ab alijs, quod est falsum. Cognoscitur tamen cogitatio ab illo ad quem ordinatur. Pro quo nota, quod Angelus dupliciter potest aliquid naturaliter cognoscere. Vno modo quia spectat ad ordinem vniuersi. Alio modo quia spectat ad eundem Angelum magis quam ad alium. Angelus namque naturaliter ea cognoscit, quæ ad se spectant: Vnde si Deus vnum tantum Angelum crearet, non pertineret ad ordinem vniuersi, & tamen naturaliter cognosceret se ipsū, & ea omnia quæ ad se spectant. Cum ergo cogitatio cordis alterius Angeli ad se directæ, eo ipso ad se pertineat, sequitur, quod tunc naturaliter à se cognoscatur, non ab alijs. Tum quia sicut Angelus potest cognoscere aliquid nõ pertinens ad ordinem vniuersi, si sibi reueletur à Deo, ita si sibi reueletur, seu manifestetur ab alio. Dici etiam potest, quod eo ipso, quod dicta cogitatio dirigatur ad alium, fiat ex hoc spectans ad ordinem vniuersi, & proinde cognoscatur ab Angelo ad quem dirigitur; non tamen ex hoc sequitur, quod cognoscatur ab alijs, ad quos non dirigitur; quia licet id quod pertinet ad ordinem vniuersi præcise, quia existit, sit notum omnibus Angelis; tamen quod spectat ad ordinem vniuersi non præcise quia existit, sed quia liberè ad illum ordinatur, non cognoscitur nisi ab illo.

52 Obijcies 2. quod ex dicta ratione sequeretur, quod Angelus non cognosceret actus necessarios alterius Angeli, vt est prima intellectio, prima volitio. Item sequeretur quod motus primi mobilis, qui sit ab Angelo, & à Deo, esset alijs ignotus; hæc sunt falsa; ergo, &c. Prima pars constat, quia dicti actus fiunt à solo Deo, & ab Angelo eliciente. Secunda, etiam constat, quia dictus motus fit à solo Deo, & Angelo mouente; ergo si propter

hanc rationem actus liberi nõ cognoscuntur, nisi ordinentur; ita & prædicta. Resp. negando vtramque sequelam. Ad probationem primæ dico, quod actus necessarii se habent instar proprietatum, ac proinde simul cum essentia pertinent ad ordinem vniuersi. Ad probationem secundæ dico, quod ille motus necessariò necitur cum cælo, ac proinde ab omnibus cognoscitur. Tum quia pertinet ad ordinem vniuersi, ex eo, quod est causa aliorum motuum. Tum etiam quia potest esse ab alio Angelo, ac proinde per accidens necitur cum potentia motiua, istius.

53 Obijcies 3. quia sequeretur, quod cogitatio cordis peccaminosa vnius Angeli, esset alijs nota sine directione, quia non esset ordinis superioris, & non esset à Deo. Resp. quod etiam est à Deo quoad materiale peccati, & quoad substantiam.

54 Obijcies 4. quia si Angeli ratione causalitatis, quia habent in hoc vniuerso, pertinent ad illud, ac proinde cognoscuntur ab alijs, sequeretur, quod etiam actus liber voluntatis humanæ, quo hodie eligitur locutio crastina, sit hodie notus cuiuslibet Angeli, cum hodie fiat pars vniuersi, ex hoc, quod hodie habet ordinem causæ respectu locutionis crastinæ; hoc est falsum; ergo, & illud. Resp. negando sequelam, quia sicut futurum, non dicitur pertinere ad ordinem vniuersi, nisi sit in causa determinata; ita nec dictus voluntatis actus cum non habeat firmam radicem ad perseverandum vsq; ad tempus existentie exercitæ.

55 Probat 2. nostra concl. ratione D. Thomæ quam expendit 1. Cor. 2. le 2. Quia nec Angelus bonus, nec malus illabitur menti, nec alterius Angeli, nec humanæ, *vt in ipso corde hominis sit, & intrinsecus operetur, sed hoc solius Dei proprium est*; ergo nullus Angelus cognoscit cogitationes cordis. Antecedens constat. Conseq. sic probatur à S. Doctore: *Cuius ratio accipi potest ex ipso verbo Apostoli, qui dicit, ea ratione spiritum hominis cognoscere, quia in corde hominis latent, quia in ipso homine est; Angelus autem nec bonus, nec*

malus, in ipso corde hominis est. Pro quo citat illud Iob 26. *Ecce in calo testis meus, & in excelsis confitens meus.* Quæ contra hanc rationem obstat possunt, iam soluta sunt.

56 probatur 3. quia voluntas est domina sui actus; ergo illos cui vult occultat, & cui vult manifestat. Antecedens constat. Conseq. probatur, quia si voluntas non posset suos actus occultare, non haberet plenum, perfectumque dominium illorum. Tum quia recta ratio, & recta naturæ intellectualis institutio repositis, quod liberæ cogitationes sint ex se alijs occultæ; vnde apud homines tribuitur imprudentiæ, si indiscretè pandantur. Tum etiam quia iudicamus secundum rectam rationem, esse melius consultum naturæ si sint occultæ, & alijs pro nostra libertate manifestabiles. Tum denique non posset unusquisque sibi quoad plura sufficienter providere, si eius cogitationes essent cuique notæ.

57 Sed obieci ex Durando, quod si libertas esset ratio occultationis, sequeretur, quod actus intellectus non esset ignotus secundum suam entitatem, & substantiam, & solum esset ignotus secundum quod cadit sub electione voluntatis. Tum quia idè actus membrorum sunt secundum se noti Angelo, quia secundum suam substantiam non sunt liberi, sed solum secundum quod cadunt sub imperio voluntatis; ergo, &c. Resp. negando sequelam. Ad utramque probationem dico, quod actus intellectus sunt à solo Deo, & intellectu, nec habent necessariam connectionem cum aliquo pertinente ad ordinem vniuersi, vt habent actus membrorum exteriorum, imò & operationes sensuum interiorum, & appetitus sensitui.

58 Probatur 4. ratione eiusdem D. Tho. 7. 8. de veritate art. 12. quia Angelus naturaliter cognoscit per formas sibi inditas representantes naturas dependentes, vel connexas cum causis naturalibus, seu ad ordinem vniuersi pertinentibus; sed actus cordis à solo Deo eo eliciente dependent; ergo à solo Deo, & eliciente cognosci possunt.

59 Sed contra hanc rationem obieci 1. quia non cohererent inter se, quod ex hoc, quod dicti actus cordis à sola voluntate diuina, vltra elicientem, dependant, non pertineant ad ordinem vniuersi, ac proinde quod non repræsententur per dictas species inditas; & quod repræsententur si ordinentur; ergo, &c. Probatur antecedens, nam vel hæc dependentia debet tollere, quod nulla ratione repræsententur per dictas species, vel si repræsentantur supposita manifestatione, etiam illa non supposita repræsententur. Siquidem hæc est natura specierum inditarum, quod ea quæ postea in actu secundo repræsentantur, prius repræsententur in actu primo, & habitualiter. Tum quia hoc ipso, quod futura contingentia repræsententur quantum est de se per dictas species, etiam repræsentantur omnino in actu, & in exercitio, si ponatur eorum existentia. Vnde quæ non spectabant ad ordinem vniuersi ante existentiam, postea spectant quando existunt. Tum etiam quia, quod dicti actus cordis pendeant modo dicto à sola voluntate diuina, non tollit, quod dum existunt habeant determinationem ad essendum, bene tamen antequam existant; ergo solum tollit, quod antequam existant, non pertineant ad ordinem vniuersi, bene tamen pertinebunt quando existant, ac proinde poterunt tunc naturaliter cognosci. Resp. negando antecedens. Ad 1. probat. etiam negatur antecedens. Nec est verum respectu obiectorum occultorum, quod ea quæ habent existentiam exercitam repræsententur in actu secundo, & quantum est de se, repræsententur etiam in actu primo, vt solum requiritur positio existentie, quia vltra hoc requiritur ordinatio, seu locutio, quæ non requiritur vt repræsententur necessaria, v. g. existentia. Ad 2. probationem dico esse disparatam rationem, quia futura contingentia distincta à cogitationibus liberis, ad hoc vt repræsententur non indigent nisi existentia: at actus liberi indigent etiam dicta manifestatione, vt ex dictis liquet. Ad 3. probationem dico, quod cogita-

tio-

iones cordis quando existunt, determinatè quidem existunt, non tamen adhuc vt partes vniuersi, ac proinde non habent adhuc quod requirunt vt cognoscantur, quandiu non superadditur ordinatio.

60 Obijcies 2. quia si dependentia à sola diuina voluntate, & independentia ab alio est in causa, quod dicti actus cordis sint in se occulti, & improporionati, antequam dirigantur, etiam erit in causa, quod mancant improporionati post directionem; ergo, &c. Antecedens probatur, quia dependentia à voluntate diuina, est quid intrinsecum illis actibus, ordinatio autem, est quid extrinsecum, extrinsecum autem non potest tollere improporionem ortam ex aliquo intrinseco. Tum quia illa ordinatio, seu reuelatio est actus liber eodem modo dependens à prima causa; ergo etiam improporionata, & occulta non minus quam actus reuelatus; actus autem occultus non potest manifestari per alium occultum. Resp. negando antecedens. Ad 1. probationem dico, quod dependentia à diuina voluntate est reuera intrinseca, & reuelatio est quid extrinsecum, tamen illa dependentia intrinseca non reddit actum absolute improporionatum, sed solum quandiu non connotatur illa extrinseca reuelatio, seu manifestatio; ea namque posita, ille actus redditur proportionatus.

61 Probatur 5. alia ratione quam habet idem S. Doctor q. 16. de malo art. 18. quia actus cordis, seu motus voluntatis, dependet ex summo ordine rerum, qui est summum bonum, sed quod cadit sub ordine causæ superioris, non potest cognosci à causa inferiori, sed solum ab ipsa causa superiori mouente, & ab ipsa mota; ergo, &c.

62 Sed obijcies 1. contra hanc rationem, quia plura dantur, quæ solum dependent ex summo ordine rerum, id est ex sola diuina providentia, quæ tamen naturaliter cognoscuntur ab Angelis, vt sunt celi, partes principales vniuersi, miracula, statio solis, retrocessio, &c. Resp. quod ideo ista cognoscuntur, quia semel

posita, pertinent ad ordinem vniuersi, non actus, seu cogitationes cordis.

63 Obijcies 2. quod voluntas non ingreditur summum rerum ordinem, quādo eius actus dependent ab alijs causis vniuersi, vt cum eorum obiecta spectant ad ordinem vniuersi. Resp. quod etiam quando voluntas versatur circa obiecta pertinentia ad ordinem vniuersi in greditur summum rerum ordinem, quia nullo obiectum creatum trahit efficaciter voluntatem, sed solus Deus, vel in virtute Dei, vel ex motione, & determinatione Dei. Soluuntur argum. in contrarium.

64 Primum argum. cogitationes liberae sunt obiectum proportionatum intellectus Angelici; ergo possunt cognosci, nisi denegetur concursus. Antecedens probatur 1. quia dictæ cogitationes non excedunt gradum immaterialitatis Angelicum. 2. Quia ex hoc, quod dictæ cogitationes sint liberae non præergediuntur ordinem naturalem. 3. Quia, quod cognoscitur ab inferioribus, potest cognosci à superioribus; sed Angeli inferiores illas cognoscunt; ergo etiam superiores illas cognoscunt. Resp. negando antecedens, ad primam probationem dico, quod ad hoc vt obiectum sit proportionatum Angelo, etiam requiritur, vltra convenientiam in gradu immaterialitatis, quod pertineat ad ordinem vniuersi, quod in presenti non currit. Ad 2. probationem dicendum, quod dictæ cogitationes cordis vt cognoscantur, vltra hoc, quod non prætergrediuntur ordinem naturalem, requiritur, quod sint determinatæ ad vnum, quod non habent cogitationes liberae. Ad 3. probationem dicitur, quod id quod cognoscitur ab inferiori, cognoscitur etiam à superiori, quando est determinatum ad vnum, secus quando est liberum, hoc enim est occultum.

65 Secundum argum. quia cogitationes cordis sunt qualitates naturales, & eiusdem rationis siue fiant libero modo, siue modo necessarij; ergo secundum suas entita-

itates possunt cognosci. Antecedens constat, quia idem actus potest transire de necessitate in liberum absque mutatione; ergo secundum suam substantiam saltem non est per se occultus. Resp. negando antecedens, nam libertas est quidam modus entitati actus superadditus ratione cuius, cum adest, totus actus & etiam substantia manent occulta.

66 Tertium argum. actus liberi pertinent ad ordinem vniuersi; ergo de se sunt naturaliter noti. Antecedens probatur, quia dicti actus sunt fines naturales potentiarum pertinentium ad ordinem vniuersi; ergo si potentia pertinet ad dictum ordinem, etiam actus illius pertinebunt. Resp. negando antecedens. Ad probationem dico, id esse verum quando cætera sunt paria, quod in presenti non contingit. Vnde videmus, quod voluntas habet modum essendi naturalem, & tamen actus illius possunt habere modum essendi liberum. Tum quia volun-

tas habet pro fine naturalem Deum, & tamen Deus non pertinet ad ordinem vniuersi, sicut ipsa voluntas.

67 Quartum argum. quia alii Angeli superiores egerent reuelatione inferiorum, vt cognoscerent actus liberos eorum; sed hoc est falsum, ergo. Minor probatur, quia superiores docent, & illuminant inferiores, non è contra; manifestare autem suas cogitationes est docere, illuminare, manifestare, &c. Resp. quod Angelus superior docet, illuminat, &c. inferiorem; at inferior solum loquitur, dum suas cogitationes reuelat superiori. Vnde illuminare est manifestare, veritatem vt veritas est; locutio vero, vel reuelatio cognitionis, est solum manifestare veritatem vt volitam, vel vt cognitam; & sic illuminare, & docere se habent ad locutionem vt superius; nam qui illuminat, vel docet loquitur, non è conuerso, de quo disp. vlt.

DISPUTATIO XLVII.

IN QVÆST. LVIII. D. THOMÆ.

De modo cognitionis Angelicæ



VÆSTIO præfens habet 7. articulos. In 1. art. ostendit S. Doctor, quod Angeli in cognitione naturali non procedunt de potentia ad actum, quantum ad acquirendas species, cum eas habeant à suæ creationis exordio: procedunt tamen de actu primo ad actum secundum quantum ad actuale considerationem huius, vel illius obiecti. In 2. art. docet, quod Angelus non intelligit actum vno plura vt plura, sed plura vt vnum, seu vt redacta ad vnā rationem formalem; ea autem dicuntur plura vt plura, quæ à diuersis

speciebus, vt diuersis representantur; & ea dicuntur vt vnum, quæ ad vnā representationem reducuntur. In 3. art. demonstrat, quod Angeli non intelligunt discurrendo, quia in principiis vident conclusiones, ex illis deducibiles, & in illis contentas, & sic eas nec inferunt, nec per consequentiam colligunt. Nos autem, per oppositam rationem discutimus, & per consequentias conclusiones inferimus: In 4. art. dicit, quod Angelus non intelligit componendo, & diuidendo, sicut enim ex eo intellectus discit, quia comparat principium ad conclusiones; ita ex eo componit, quia comparat prædicatum subiecto. Et vtrumque ex eo pro-

quid moueatur secundum eandem partem simul pluribus motibus eiusdem generis & ordinis; ergo etiam repugnabit, quod Angelus simul moueatur pluribus motibus multarum intellectiōnem eiusdem generis, & ordinis. Consequenter constat ex paritate rationis. Antecedens probatur, nam non solum repugnat, quod eadem pars moueatur duobus moribus contrariis; & non solum repugnat, quod eadem forma moueatur pluribus motibus ab eadem simul prouenientibus, ut patet. Sed etiam repugnat, quod idem moueatur motibus eiusdem generis, & ordinis, etiam à diuersis foris prouenientibus; unde nequit idem simul dealbatur, & denigrari, tametsi isti motus proueniant à formis diuersis.

7. Confirmatur 1. quia intellectiōnes diuersæ eiusdem generis, & ordinis comparantur per modum vltimæ actualitatis intellectus, & speciei; ergo non possunt esse plures, ut plures. Antecedens constat. Consequenter probatur, quia non potest vna, & eadem potentia, vna, & eadem forma terminari pluribus actualitatibus vltimis, seu pluribus vltimis terminis: sicut repugnat, quod vltima linea terminetur in eadem parte pluribus punctis; & quod idem corpus terminetur pluribus figuris secundum eandem partem.

8. Confirmatur 2. quia hoc est discrimen inter formas, & actualitates eiusdem generis, & ordinis, & illas quæ sunt diuersi ordinis, quia actualitas, & formæ diuersi ordinis, ita possunt comparari, ut vna sit ratio alterius, ut vna determinet potentiam ad alteram, eamque sibi subordinet, quia non comparantur per modum actus vltimi, unde possunt esse simul. Contrarium formæ, & actualitates eiusdem generis, & ordinis ita comparantur, dum potentia, ut veraque sit vltima; ut vna non subordinetur alteri, nec eam determinet, ergo, &c.

9. Confirmatur 3. quia si intellectus haberet simul plures intellectiōnes, & per illas plura obiecta ut plura intelligeret, fieret plura ut plura; hoc dici nequit; ergo. Maior constat, quia intellectus in-

telligendo fit omnia; & proinde si plura, ut plura intelligit, fiet plura, ut plura. Minor probatur, quia sicut repugnat, quod vnum, & idem fiat plura in esse entitativo, ut quod sit homo, & lapis; ita in esse intelligibili.

10. Nec ea quæ in fauorem solutionis Molinæ adducta sunt, vrgent. Non primum; quia cognitio diuinæ essentiae, & propriæ substantiæ non sunt plura, ut plura, sed plura ut vnum; nam essentia est ratio omnium formarum, cum ex ea omnes velut exemplate deriuentur, ut obferuat S. Doctor q. 8. de veritat. 14. ad 11. Tum quia essentia diuina omnes alias formas sibi subordinat. Tum etiam quia intellectus secundum diuersam rationem respicit suam substantiam, & alias species creatas, & essentiam diuinam; nam hanc respicit per potentiam obedientialem: illam per naturalem.

11. Neque obstat 2. de sensibus; & sensu communi; nam plures sensus; sunt plures potentiae, & sensus communis nunquam intelligit plura ut plura, sed ut vnum; non quia sensus v. g. visus ea componat, ut fiant vnum per se, sed quia ratione sitatus sunt taliter disposita, ut vnum quodammodo efficiant; ut est fasciculus florum. Ad illud de intellectu Angelico vtente simul omnibus speciebus dico, quod talis vsus ordinabitur ad aliquid vnum. Ad vltimum dicendum, quod dato, quod Angelus vtendo vnica specie habeat plures operationes, tunc non erunt plures ut plures, ut patet.

12. Occurrit Vasquez, quia sicut possunt esse plures qualitates eiusdem generis, & ordinis, ut duo contraria in gradibus remissis; & in eodem intellectu sunt plures species rerum etiam oppositarum; ita poterunt esse plures intellectiōnes, &c. Sed contra, quia nec plures qualitates; nec plures species in actu perfecto possunt esse in eodem subiecto, sed in actu imperfecto, & partialiter; ergo, &c. Nam qualitates in gradibus remissis considerantur partialiter ut complentes gradum octauum, ad quem subiectum se extendit; species autem non consentunt in actu com-

pleto quandiu non deseruiunt intellectio-
ni, quæ est ipsarum existentia in esse in-
telligibili. Soluuntur argum. in contra-
rium.

13. Primum argum. quia si Angelus
intelligeret plura per modum vnius, idè
hoc esset quia species intelligibilis repræ-
sentaret plura per modum vnius; sed hæc
ratio est falsa; ergo. Maior constat. Mi-
nor probatur, quia licet species repræsen-
tet plura etiam per modum vnius, tamen
intellectio potest non attendere ad multa,
sed ad rationem vnius; ergo etiam pote-
rit non attendere ad rationem vnius, &
attendere ad multa. Tum quia potest
Angelus per plures intellectiones ad vnũ
ordinatas, intelligere plura ordinata; ergo
etiam per vnicam intellectiõnem poterit
intelligere plura non ordinata. Antece-
dens constat. Conseq. probatur, quia
non est inconueniens, quod id, quod est
vnitum in specie sit sparsum, & multipli-
catum in actibus, & id quod est vnitum
in actibus sit sparsum in obiectis. Vnde
videmus, quod id, quod est vnitum in
potentia, est sparsum, & multiplicatum in
intellectionibus. Resp. negando mino-
rem. Ad 1. probationem conceditur an-
tecedens, & negatur conseq. vt enim pa-
ter ex dictis, intellectus non potest simul
attendere ad multa, vt multa, licet possit
se applicare ad quod vulerit ex illis mul-
tis representatis. Vnde licet intellectus
diuinus non possit nõ se applicare ad om-
nia representata, ob infinitam vim eius-
dem diuini intellectus; & licet intellectus
Angelicus non possit non attendere ad
suam essentiam, & ad ea, quæ cum ea
sunt necessariò connexta; non tamen ad
omnia quæ in alijs speciebus repræsen-
tantur, quia cum istis non habet necessa-
riam connexionem; nec semper est in
actu, sed quando vult, & quomodo vult.
Ad 2. probationem dico, quod siue An-
gelus per vnicam speciem possit cognos-
cere plura, vt per speciem Leonis, equum,
siue non; nunquam intelliget plura, vt
plura.

14. Secundum argum. quia Angelus
mouens cælum, intelligit illud, & eius

motum, & alias res naturales; ergo plu-
ra vt plura. Tum quia Angeli Custodes
sunt in continua cognitione eorum, quos
custodiunt, & simul intelligunt plura alia
naturalia non subordinata hominibus quos
custodiunt; ergo. Tum etiam quia De-
mones sunt in continua cognitione suo-
rum cruciatuum, & simul intelligunt alia
cum illis non colligata. Tum denique
quia idem est intelligere plura vt plura,
ac intelligere per plures species; sed An-
geli intelligunt per plures species; ergo,
&c. Resp. quod Angelus mouens cælum,
cognoscit illud, cognoscit motum illius,
cognoscit suam essentiam, cognoscit alia,
sed omnia vt subordinata saltem sibi, cum
tam motus cæli, quam cælum motum,
&c. pertineant ad Angelum mouentem.
Ad 1. probationem dico, quod illi qui cu-
stodiuntur, censentur aliquid Angelorum
Custodum, & proinde non ponunt in
numero cum ipsis, alie autem cogniti-
ones subordinantur cognitioni essentia.
Idem dic ad 2. probationem, quia cru-
ciatus Daemones sunt aliquid essentie
illorum, & sic vel eos cognoscunt per
propriam essentiam, vel per speciem illi
subordinatam. Ad ult. probationem pa-
ret ex dictis, quod Angeli intelligant per
plures species; sed subordinatas ad ali-
quod vnum cognoscibile.

D V B I V M . II.

An Angelus intelligat differendo

15. **N**on procedit dubium de discursu
improprio, qui est secundum
successionem, vt contingit in succe-
ssione plurium cognitionum distinctarum; iste
namque in omnium sententia in Angelis
reperitur, cum non omnia per species re-
presentata simul intelligant. Sed proce-
dit de discursu propriè dicto, & appella-
tur discursus secundum causalitatem, ad
quem due conditiones requiruntur. Pri-
ma est, quod detur pluralitas cogitatio-
num. Secunda, quod intercedat realis
causalitas prioris intellectiõnis ad posse-
riorem ex ea dependentem. Vnde discursus

re, est ex vno prius cognito, scilicet prioritate naturæ, deuenire in cognitionem alterius prius ignoti. Ex defectu primæ conditionis, videns plura in speculo non discurret, quia omnia vnicæ visioni cognoscit. Ex defectu secundæ, cognoscens primum hominem, & secundum lapidem, non discurret, quia vna cognitio non est alterius causa. Sicut enim tunc corpus mouetur, quando ex actu imperfecto transit ad perfectum; sic intellectus dicitur discurrere, & quasi moueri quando ex vno cognito transit ad aliud cognoscendum, ad quod erat in potentia. His positis.

16 Prima sententia tenet, quod Angeli discurrant etiam circa naturalia, sic Scotus in 2. dist. 7. q. 1. Gregor. Gabriel, & alij ibid. Molina in præfatis, & alij. Secunda sententia docet, quod Angeli discurrant, in his quæ euidenter non cognoscunt, & sunt futura cognoscenda vt talia, cognitiones cordium, & obiecta supernaturalia. Sic Suarez lib. 2. de Angelis cap. 33. Fauet Vasq. disp. 222. cap. 2. & 3. & alij.

17 Nostra sententia sequi conclusionem explicatur. Angeli non intelligunt discurrendo. Sic S. Doctor hic art. 3. de veris. q. 8. art. 15. & multis alijs in locis apud Salmant. hoc loco. D. Thomam sequuntur eius discipuli, Caiet. Nizar. Ban. Ripa, & alij plures, quos referunt, & sequuntur prædicti Salmant.

18 Probatur 1. quia eum ordinem seruant substantiæ spirituales in consecutione suæ perfectionis, quem seruant corpora si prima; sed suprema corpora non consequuntur suam perfectionem per motum vt faciunt corpora inferiora; ergo neque substantiæ spirituales, seu intellectuales consequuntur suam perfectionem intellectualem per motum intellectualem, seu per discursum, sed sine illo. Maior constat, quia substantiæ intellectuales, id est Angeli, quippe separati ab omni materia, sunt supremæ substantiæ inter intellectuales, sicut suprema corpora, sunt suprema inter substantias corporeas, ac proinde debent proportionari in ordine ad habendum suam perfectionem. Minor probatur, quia licet suprema corpora mo-

ueantur, non tamen vt acquirant suam perfectionem, sed vt illa supposita, communicent inferioribus ea, quibus inuigēt.

19 Respondent 1. hanc rationem D. Thomæ esse solum congruentiam. Sed contra, quia primum in vnoquoque genere continet ea, quæ in inferioribus sunt dispersa; ergo si corpora inferiora habent suam perfectionem ex motu, corpora superiora debent illam habere sine motu; ergo cum etiam Angeli sint primum in genere naturæ intellectualis, debent habere suam perfectionem intellectualem sine motu, seu sine discursu, quam natura intellectualis inferior, scilicet homo, habet cum motu, seu discursu. Est namque contra naturam eius, quod est primum in aliquo genere, procedere de imperfecto ad perfectum.

20 Respondent 2. quod licet Angeli à principio receperint species rerum, tamen per illas solum sunt constituti in actu primo, & in potentia ad actualem operationem; ergo sicut non derogat perfectioni Angeli, quod in hac parte procedant de potentia ad actum; ita non derogabit si transiant de imperfecto ad perfectum per dictum motum intellectualem, seu discursum. Sed contra, quia quod intellectus Angelicus sit in potentia per species ad actum, scilicet ad cognitionem, non denotat imperfectionem, cum sit proprium cuiuscunque intellectus creati; alias non esset partim in actu, & partim in potentia, quod esse nequit. At quod intellectus Angelicus sit in potentia, per discursum, denotat imperfectionem incompetentem supremæ substantiæ intellectuali, & propriam infimæ.

21 Respondent 3. quod salum sit, quod suprema corpora non habeant suam perfectionem per motum; nam mediante motu solis illuminantur, & per tale lumen perficiuntur. Tum quia etiam perficiuntur per motum localem, quo mouentur; nam habent potentiam naturalem ad suum motum; & potentia namque naturalis perficitur per receptionem suorum accidentium naturalium. Sed contra, quia ad saluandam vim rationis D. Tho-

ma, sufficit, quod suprema corpora non moueantur motu alterationis, augmentationis, &c. licet illis competat motus localis, qui est valde eleuatus, & perfectior omnibus motibus corporum. Nam si suprema corpora mouerentur, essentque mobilia motu alterationis, & augmentationis, non haberent materiam a principio expletam quoad suam potentialitatem, bene tamen, tamen si sint mobilia motu locali.

22 Probatur 2. quia proprium est Angeli, quod visis principiis, videat simplici intuitu conclusiones; ergo non intelligit per discursum. Consequenter constat. Antecedens probatur, quia Angelus habet intellectum perfectum, & lumen intellectuale forte, ut principia clare percipiat, ac proinde in illis videbit conclusiones.

23 Occurrit 1. Molina, hinc solum concludi, quod Angelus non debeat necessario uti discursu, non tamen per accidens, & pro sua libertate. Nam pro sua libertate potest videre principia, & ibi sistere, & postea per aliam cognitionem deducere conclusiones. Sed contra, quia Angelus non potest pro sua libertate immutare modum naturalem suae cognitionis, hic enim non subditur libertati, sed ex sui natura conuenit Angelo; ergo non poterit ab Angelo immutari. Tum quia ex eo, quod Angelus excedit in gradu immaterialitatis substantias inferiores, non potest intelligere per intellectionem inferiorem, seu gradus inferioris, sed modo suo proprio eleuatiore, sed intelligere per discursum, est modus proprius substantiae inferioris; ergo non potest Angelus pro suo libito intelligere per discursum. Tum etiam quia Angelus superior non potest pro sua voluntate uti speciebus minus immaterialibus Angeli inferioris; ergo multo minus poterit uti discursu proprio ultimarum substantiarum intellectualium, & magis imperfecto, quam sint species minus vniuersales Angeli inferioris. Tum denique quia suprema corpora non possunt habere neque per accidens perfectionem medijs motibus imperfe-

ctioribus; ergo neque substantiae supremae medijs motibus imperfectioribus, scilicet discursibus. Vnde licet sit in potestate voluntatis Angelicae non cognoscere omnia vnicui intuitu, quae relucunt in specie, tamen si velit cognoscere aliquod principium, debet in eo intueri conclusiones. Imò dato, quod possit intueri principium, & ibi sistere, tamen si postea velit intueri conclusiones, non poterit hoc facere deducendo ex illa cognitione aliam, sed hac omissa, debet simul cum principio intueri conclusiones.

24 Occurrit 2. Suarez, solum sequi, quod Angelus non discurrat circa naturalia, non circa supernaturalia, quia circa haec non habet ex se lumen perfectum, sed potentiam obedientialem. Sed contra, quia licet Angelus ex se non habeat lumen perfectum circa supernaturalia, eo tamen ipso quod sibi infundatur, ea sine discursu intelligit, quia supernaturalia non destruunt, sed perficiunt naturalem modum intelligendi. Tum quia gratia confert Angelis, quod sint semper in actu circa finem supernaturalem, quia sunt semper in actu circa finem naturalem; in nobis non tribuit esse semper in actu secundo supernaturali, quia non semper sumus in actu primo circa Deum finem naturalem; & hoc quia supernaturalia perficiunt naturalia, non destruunt; ergo &c. Tum etiam quia lumen supernaturale non est de se discursuum, sed hoc habet ex parte subiecti praesuppositi; ergo cum Angelus non sit etiam per Suarez naturaliter discursiuus; neque per dictum lumen fiet discursiuus. Soluuntur argum. primae sententiae.

25 Primum argum., quia ad discursum sufficit distinctio cognitionum, quarum vna, ex altera causetur; sed hoc reperitur in Angelis; ergo &c. Maior constat, Minor probatur, quia Angelus ex cognitione sui cognoscit Deum; & ex cognitione causae naturalis, cognoscit effectum; sed istae sunt diuersae cognitiones, quia vna est intuitiua, & alia abstractiua, ergo. Tum quia Angeli possunt habere diuersas volitiones, quarum vna causetur

ex

ex alia; ergo, &c. Antecedens probatur, quia Angeli habent intentionem finis, & electionem mediorum; & ex dilectione, necessaria suis, alia diligunt liberè. Resp. negando minorem. Ad primam probationem dico, quod tunc non sunt duæ cognitiones, sed una, & eadem, quæ respectu diuerforum est simul intuitiua, & abstractiua, vt etiam videre licet in visione beata, quæ respectu diuinæ essentiae est intuitiua, & est abstractiua respectu creaturarum non existentium. Ad 3. probat. negatur conseq. quia cognitio fit secundum quod cognitum est in cognoscente, ex cuius imperfectione prouenit, quod non habeat simul omnia intelligibilia naturalia, & quod non feratur in ea vnico intuitu. At voluntas tendit in res prout sunt ad extra, quorum vna potest esse appetibilis vt finis, alia vt medium, &c.

26 Secundum argum. quia in Angelis datur Enbulia, idest virtus consiliatiua, quæ dicit inquisitionem. Item datur admiratio, iuxta illud Isa. 63. *Quis est iste qui venit de Edom*; qui autem est capax admirationis, est etiam capax discursus. Resp. dari in Angelis consilium, sicut & in Deo, quantum ad id, quod dicit certitudinis, non quantum ad discursum. Ad illud de admiratione, dico, quod in nobis admiratio tria dicit, scilicet cognitionem rei occultæ; comparisonem eiusdem cum causa occultâ, & desiderium cognoscendi causâ. At in Angelis est admiratio quoad primum, non quoad duo posteriora.

27 Tertium argum. quia aliàs non esset in Angelis scientia; ergo, &c. sequela probatur, quia cognitio effectuum in causis, & conclusionum in principijs, est cognitio intellectus, seu habitus principiorum, non scientiæ. Tum quia si Angelis sunt notæ conclusiones in suis principijs, iam habebunt habitum principiorum, ac proinde nulla restabit difficultas in ordine ad cognitionem earundem conclusionum, & sic non desiderabitur habitus scientiæ. Resp. quod in Angelis non est scientia tantum, sed scientia, & intelligentia simul eminenter. Cognitio principiorum præcisè pertinet ad habitum

principiorum; at cognitio principiorum, & conclusionum in illis, pertinet ad scientiam; & sic patet ad 1. probationem. Ad 2. dico, quod cognitio principijs in se ipsis, restat difficultas obiectiua pertinet ad scientiam. Soluuntur argum. secundæ sententiæ.

28 Primum argum. quia Angelus circa supernaturalia potest aliquid cognoscere opinando, & per coniecturam; ergo potest discurre. Antecedens docet S. Doctor q. 16. de malo art. 6. vbi dicit, quod dæmon in eis quæ Deus facit supernaturaliter in creaturis, interdum deficit, falsum opinando. Conseq. probatur, quia ibi concurrunt omnia, quæ ad discursum sunt necessaria, scilicet pluralitas actus: vnus euident circa obiectum naturaliter notum; alius obscurus circa obiecta supernaturalia; & causalitas, quia posita illorum actuum distinctio, non potest non esse causalitas inter illos. Tum quia in his potest Angelus vt compositione, & diuisione, quia non cognoscit subiectum ad eam perfectè, vt in eo cognoscat prædicatum; ergo, &c. Tum etiam quia licet discursus non sit perfectio simpliciter simplex, tamen ex suppositione, quod res non possit aliter cognosci, non repugnat Angelo. Resp. concedendo antecedens, & negando conseq. Ad 1. probationem dico, quod ibi non interueniat pluralitas actuum, sed idem actus respectu diuerforum est euident, & obscurus, sicut, vt dicebamus, potest esse intuitiuus, & abstractiuus: deinde dico, quod quories cognitio dæmonum est falsa, toties cognitio principiorum erit falsa, quia non terminatur ad principia, nisi vt continent distinctas conclusiones. Ad 2. probat. parebit ex dicendis dub. seq. Ad 3. dicendum, quod discursus repugnat Angelo; vnde quæ nos intelligimus coniecturando per discursum, Angelus intelligit simplici intuitu coniecturando.

29 Secundum argum. quia Angelus ex cognitione supernaturalium venit in cognitionem naturalium; ergo discurret. Conseq. patet, quia cognitio naturalium, & supernaturalium sunt distinctæ. Anteced-

cedens probatur, quia cognitio naturalis perficitur ex coniunctione ad cognitionē supernaturalem, & extenditur ad id, ad quod non se extendebat. Resp. quod virtus naturalis perficitur quidē ex coniunctione ad supernaturalia; non tamen ex hoc inferitur, quod cognitio naturalis deducatur ex supernaturali.

D V B I V M I I I.

*An Angeli intelligent dividendo,
& componendo.*

30 **P**rima sententia affirmat. Sic Scotus, & alij relati dub. præced. quibus consentit Vasquez *disp.* 223. Molina, & alij. Nostra sententia sequenti concl. explicatur. *Angeli non intelligent componendo, & dividendo.* Sic Sanctus Doctor hic, & alibi sæpē, quem sequuntur eius discipuli hoc loco, quos referunt, & sequuntur Salmant. Ratio fundamentalis est, quia idē intellectus noster intelligit componendo, & dividendo, quia cū sit imperfectus, non potest simul inspicere ad omnia, quæ rei apprehensæ conveniunt; & idē ratiocinatur, quia intellecto principio, non statim videt conclusiones in eo contentas; sed Angelus cū sit speculum purum, & clarissimum, teste D. Dionysio, *de divinis nominibus*, habet lumen intellectuale perfectum; ergo sicut non intelligit ratiocinando, sic neque intelligit componendo, & dividendo.

31 Primum argum. quia Angelus inter dum videtur pluribus speciebus, saltem per modum vnius; ergo intelligit componendo, & dividendo. Antecedens constat ex dictis supra. Conseq. probatur, quia, ut advertebat S. Doctor *supra q. 14. art. 14.* compositio oritur ex pluralitate specierum; ergo. Tum quia quando Angelus videtur pluribus speciebus etiam per modum vnius, non intelligit vnico tantū conceptu, sed pluribus, iuxta pluralitatem specierum: debet namq; conceptus proportionari speciei à qua producitur, ergo intelligit cōponendo, & dividendo. Resp. concedendo antecedens, & negando con-

seq. Ad 1. probationem dico S. Doctorem loqui de intellectu humano, qui propter imperfectionem non format vnum conceptum, ex pluribus speciebus, sed plures componendo, & dividendo. Ad 2. probatur onem dicendum sufficere, quod conceptus proportionetur speciei (ut sic dicamus) totali.

32 Secundum argum. quia Angelus aliquando intelligit extrema diversorum ordinum, naturalis, & supernaturalis; ergo tunc datur duplex conceptus, ac subinde compositio, & diuisio. Antecedens constat. Conseq. probatur, quia conceptus, & res præsentata sunt eiūdem rationis; aliās idem conceptus esset naturalis, & supernaturalis; ergo tunc datur duplex conceptus, ac proinde compositio, & diuisio. Resp. concedendo antecedens, & negando conseq. Ad probationem dico, quod conceptus, seu species, est eiūdem rationis cum obiecto per se primò inspectu, seu representato. Vnde quando Angelus intelligit obiectum supernaturale, quidditatiuē, tunc obiectum erit per se primò representatum, & obiectum naturale secundariò; & quando obiectum supernaturale non cognoscitur quidditatiuē, sed connotatiuē, tunc obiectum naturale erit per se primò representatum, & supernaturale, secundariò; ac proinde eadem cognitione cognoscitur.

33 Tertium argum. nam in intellectu Angeli datur veritas, & falsitas; ergo compositio, & diuisio. Antecedens constat. Conseq. probatur, quia veritas, & falsitas non reperiuntur in simplici apprehensione, quæ est prima intellectus operatio, sed in secunda, quæ est compositio, & diuisio. Resp. concedendo antecedens, & negando conseq. Ad probationem dico, quod illa operationum distinctio, in primam, secundam, &c. reperitur in nobis solum, formaliter loquendo; at in Angelis reperitur virtualiter, & eminen-

Summarium q. 59. D. Thome de voluntate Angelorum.

HÆC quæstio habet 4. articulos. In 1. art. docet S. Doctor dari in Angelis voluntatem, ex eo, quod detur inclinatio confecta ad naturam cognoscentem, regulatamque cognitione, non sensitiva, sed intellectiva, quæ sola in Angelis est. In 2. artic. demonstrat, quod voluntas Angelica distinguatur ab intellectu, & à natura Angeli. A natura quidem, quia prædicata nature constituta intra ipsam includuntur, nec ad aliquid extra se respiciunt, vel ab eo specificantur. At voluntas tendit ad aliquid extra, quia est inclinatio non solum in bonum proprium verum etiam extrinsecum. Ab intellectu autem, quia intellectus cognoscit trahendo res ad se; at voluntas tendendo, & impellendo se ad illas. Est autem diversæ virtutis trahere, & trahi. In 3. art. docet, quod in Angelis datur liberum arbitrium, & multo excellentius quam in nobis, quia in ipsis intellectus est altior, & cum maiori vniuersalitate, & indifferentia respicit obiectum suum, ex indifferentia autem iudicij nascitur libertas in voluntate. In 4. artic. ostendit non dari in Angelis appetitum concupiscibilem, & irascibilem, quia illi sequuntur cognitionem sensitivam, quæ in Angelis non habet locum.

Summarium q. 60. de amore, & dilectione Angelorum.

QUÆSTIO ista habet 5. articulos. In primo ostendit, quod in Angelis est amor naturalis erga aliqua obiecta, ex eo, quod in omni natura datur aliqua inclinatio iuxta modum talis nature, amor autem naturalis, est quædam inclinatio elicitæ, fundata in aliqua innata, ergo, &c. In 2. artic. docet dari etiam in Angelis dilectionem electivam, id est liberam, ex arbitrio procedentem, quia licet debeat voluntas aliqua appetere sicut finem, aliqua tamen sicut media, libere, & electivè; nam media non de necessitate ap-

petuntur, sed propter aliud. In 3. art. demonstrat, quod Angelus se ipsum diligit, tum naturali, tum electiva dilectione. Naturali, in quantum naturali appetitui, aliquid bonum sibi diligit, ut esse, vivere, &c. Electiva, in quantum sibi aliquid bonum vult libere. In 4. art. dicit, Angelum diligere etiam naturali dilectione sicut se ipsum, in quantum convenit speciem in natura. Diligit etiam libere, in quantum ab eo differt in aliquibus. In 5. art. dicit, quod Angelus, & homo plus, & principalius diligit Deum, quam se ipsum; quia inclinatio naturalis plus est ad bonum totale, & vniuersale, quam ad partem; cum magis ex toto dependeat conservatio partis, ideoque naturaliter natura exponit partem pro conservacione totius; & sic cum Deus sit bonum vniuersale, & Angelus pars, plus natura Angeli tendet in Deum, quam in se.

Summarium q. 61. de productione Angelorum in esse nature.

QUATUOR articulos habet ista quæstio. In 1. ostendit S. Doctor, quod Angeli habeant causam sui esse, quia sunt creature, & entia per participationem; solus autem Deus est ens per essentiam, & à se. In 2. artic. dicit, quod Angelus non est productus ab æterno, quia ut fides docet ab æterno nihil productum est, sed omnia in tempore ex nihilo facta sunt. In 3. art. ait, quod Angeli non sunt creati ante mundum corporum, sed cum vniuerso facti sunt, in principio temporis, ex eo, quod sunt pars vniuersi, & vnum faciunt cum ipsa natura corporea, licet contrarium non sit erroneum, præsertim propter auctoritatem Nazianzeni. In 4. art. dicit, quod Angeli fuerunt creati in cælo empyreo, quia si creati sunt cum ordine ad hoc vniuersum, in aliqua eius parte creati debuerunt; & cum sint superiores omni corporali creatura, eique præfidentes, in supremo corpore, quod est cælum empyreum, creati debuerunt; licet etiam dici posset, quod An-

Angeli superiores sunt creati in supremo corpore, & inferiores in inferioribus.

Summarium q. 62. de perfectione Angelorum in esse gratia, & gloria.

NOuem habet articulos ista questio. In 1. articulo docet D. Th. quod Angeli non sunt creati in beatitudine supernaturali, quia hæc non est aliquid naturale, sed est finis superior per merita acquirendus. Fuerunt tamen creati in felicitate naturali. In 2. articulo dicit, quod Angelus indiguit gratia ad convertendum se in Deum supernaturaliter, ex eo, quod inclinatio ad id quod est supra naturam, non potest oriri ab ipsa natura, sed ab aliquo supra naturam; sicut calor non generat carnem ut mouetur ab igne, sed ut mouetur ab anima; motio autem quo natura rationalis mouetur à supernaturali agente, vocatur auxilium gratia. In 3. articulo ostendit, quod Angeli creati sunt in gratia, quæ dicitur semen Dei 1. Ioann. 3. unde sicut alijs creaturis inditæ sunt rationes seminales, ita congruum fuit, quod creaturæ perfectissimæ intellectuali infunderentur rationes seminales effectuum supernaturalium, cum ad illos ordinaretur. In 4. articulo docet, quod Angelus meruit suam beatitudinem, hæc enim ex dono Dei tanquam premium virtutis, habetur, ac proinde debuit Angelus habere gratiam ad illam promerendum. In 5. articulo dicit, quod Angeli habuerunt beatitudinem per unum actum meritorium, quia proprius modus operandi Angelorum est, quod non acquirit suam perfectionem per discursum, seu per multos actus, transiendo de imperfecto, ad perfectum, sed quod illam statim habeat. In 6. articulo ostendit, quod Angeli habuerunt gratiam, & gloriam, iuxta quantitatem suorum naturalium; non quia natura fuerit disposita, vel dispositio ad gratiam, sed quia Deus sua voluntate, & gratia, ita disposuit. Tum quia gratia in modo agendi se accommodat naturæ, ac proinde quanto natura est superior, tanto efficacius operatur, ac subinde gratia intensiori in illam mouebit. In 7. articulo fatetur, quod in Angelis beatis, remanet cognitio, & dilab-

etio naturalis, quia natura per beatitudinem non destruitur, sed saluatur. In art. 8. dicit, quod Angelus beatus non potest peccare, quia nullus attendens ad Deum in sua operatione potest peccare, ex eo, quod peccatum contingit ex defectu, & auersione à regula, quæ est Deus; Beati autem ab hac regula auerti non possunt. In 9. articulo demonstrat, quod Angeli beati non possunt proficere in beatitudine, quia est finis ultimus ultra quem non est progressus.

5 Sed obijcies 1. contra id, quod dicitur in art. 1. quod scilicet Angeli fuerint creati in beatitudine naturali; quia idem Angelus fuit creatus in sua beatitudine naturali, ex eo, quod fuit creatus in omni perfectione debita suæ naturæ; sed etiam homo fuit creatus in omni perfectione debita suæ naturæ; ergo etiam homo fuit creatus in beatitudine naturali. Respond. negando minorem, nam cum homo teneat infimum gradum in natura intellectuali, non debuit ei ex vi creationis beatitudo, sed fufficit, quod datur illi virtus ad illam acquirendam.

6 Obijcies 2. quia ex maiori perfectione naturæ Angelicæ, potius sequitur, quod non debuerit habere beatitudinem ex vi creationis; ergo, &c. Antecedens probatur, quia ex maiori perfectione sequitur, quod debeat habere modum perfectionem habendi beatitudinem; sed habere beatitudinem per proprias vires, est perfectius, quam habere illam concessam, vel datam ab alio; ergo. Tum quia habere beatitudinem ex meritis, est perfectius quam habere illam gratis concessam; ergo etiam erit perfectius habere illam per proprias vires, quam datam, & concessam ab alio. Resp. negando antecedens; nam habere beatitudinem actualement vel debitam naturæ intellectuali, perfectius est, quam illam acquirere per proprias vires; hoc enim denotat maximam naturæ perfectionem, ut constat ex Deo, qui suam beatitudinem habet ex vi suæ naturæ, non acquisitam. Per quod patet ad 1. probationem. Ad 2. dico, quod debet habere beatitudinem ex meritis, sit ali-

aliqua perfectio, tamen dicit esse inuolutam cum defectu maioris perfectionis, scilicet habendi illam ut debitam, & per modum corollarij suæ naturæ.

7 Obijciēs 3. quia Angeli mali non habent beatitudinem naturalem; ergo illam non habuerunt ab initio suæ creationis. Antecedens constat, quia sunt in statu infelicitissimi, & maxima tristitia anguntur. Consequ. probatur, tum quia de ratione beatitudinis, est inamissibilitas, ergo si Angeli mali eam non habent, signum est, quod nunquam habuerunt illam. Tum etiam quia beatitudo naturalis, est terminus naturæ intellectualis, ac proinde dum eam habet, est in termino, ac proinde est incapax merendi, aut demerendi illam, meritum namque est in via, non in termino; sed Angelus per peccatum illam demeruit, ergo ab initio non habuit. Tum denique si beatitudo naturalis esset amissibilis, non esset beatitudo, quia esset cum formidine de amissione, & cum anxietate. Deinde non explet naturale desiderium, sicut supernaturalis explet omne desiderium etiam supernaturale.

8 Resp. 1. concedendo antecedens, & negando consequ. Ad 1. probationem, dico, quod inamissibilitas, est solum de ratione beatitudinis supernaturalis, quæ est talis simpliciter, non de naturali, quæ est talis solum secundum quid. Ad 2. probat. dicendum, non esse contra rationem beatitudinis secundum quid, quod sit terminus secundum quid, ac proinde dum Angelus illam habet, potest facere aliquid per quod illam amittat. Ad 3. probat. dico, quod cum beatitudine secundum quid, potest miseri aliquid timoris, & angoris.

9 Resp. 2. quod beatitudo naturalis potest considerari dupliciter. Primo in abstracto, & secundum se. Secundò ut habet ex diuina ordinatione rationem mediij deficientis in ordine ad beatitudinem supernaturalem in subiecto existere in via. Primo modo, est inamissibilis, sicut

gratia, & charitas patriæ. Secundo modo est amissibilis, cum non constituat hominem simpliciter in termino, sed cum relinquit in via, ac proinde potest hoc modo miseri cum timore, & angore. Per quæ pater ad probationes.

10 Resp. 3. quod ad beatitudinem, supernaturalē pertinet inamissibilitas, exclusio timoris, & qualiscunque mali; non tamen ad beatitudinem naturalem. Illa namque est status omnium bonorum aggregatione perfectus; non ista, ac proinde potuit manere in dæmonibus, nam etiam in dæmonibus dicit cognitionem, ita perfectam tam speculative, quod practice ut sit ratio non peccandi per se directe contra Deum finem naturalem, ac proinde non possunt habere actum voluntatis, quo ab illo per se directe moueantur, bene tamen indirecte deficiendo prius circa finem supernaturalem, ut disp. seq. dicitur, ac proinde deficit à perfecta ratione beatitudinis naturalis.

11 Obijciēs 4. quod in dæmonibus remanserunt naturalia integra; ergo si habuissent beatitudinem ex vi creationis, post peccatum remansissent cum eadem, prorsus beatitudinē naturali. Resp. quod remanserunt pure naturalia integra, ut intellectus, voluntas, species, &c. non verò illa quæ habent admixtum aliquid moralitatis. Vnde dæmones remanserunt cum macula peccati; nec habent cognitionem practicam ita perfectam etiam naturalem, ut ab initio, cum sint aucti a Deo, & conuerſi ad creaturam.

12 Obijciēs 5. quia beatitudo naturalis consistit essentialiter in cognitione; sed hæc nā sit in dæmonibus; ergo. Resp. quod beatitudo naturalis consistit in cognitione tam speculatiua quam practica, hæc autem dicit intrinsece ordinem ad rectitudinem voluntatis, quæ non remansit in dæmonibus, ac proinde nec beatitudo naturalis, nisi imperfecta, & trunca remansit quantum ad cognitionem speculatiuam, non practicam, &c.

DISPUTATIO XLVIII.

IN QVÆST. LXIII. D. THOMAE.

De Angelorum malitia, quoad culpam.

ISTA quæstio continet 9. articulos. In 1. ostendit S. Doctor, quod in Angelis potest esse peccatum, quia non habent sibi inhærentem regulam suæ rectitudinis, quæ est voluntas diuina, à qua pro sua libertate possunt deficere. In 2. art. ostendit, quod in Angelis solum est peccatum superbiæ, & inuidiæ quantum ad affectum, quia affectus substantiæ spiritualis non est ad corporalia directè, sed ad bona spiritualia, in quibus non est peccatum, nisi in quantum in eis appetendus superioris regula non seruatur, quod ad superbiam pertinet, quæ ordini superioris renuit subijci, ex quo sequitur peccatum inuidiæ. Alia tamen peccata esse possunt in dæmonibus secundum reatum, in quantum ad illa inducunt homines. In 3. art. dicit, quod dæmon appetit esse vt Deus, non per æqualitatem naturæ, quia hoc erat impossibile, sed per similitudinem, non quantum ad id in quo Deus debet imitari, sed quantum ad id in quo non est imitabilis, quia voluit habere rationem vltimi finis, non per gratiam, sed per sua naturalia, reuocando in sua naturali felicitate. In 4. art. dicit, quod dæmones non sunt naturaliter mali, sed ex suo libero arbitrio. In 5. dicit, quod hanc culpam non habuit in 1. instanti creationis, quia operatio, quæ incipit cum esse, est à generante; unde non potest esse defectuosa, nisi generans defectuosè moueat, quod non potest esse in Deo. In 6. art. ostendit, quod diabolus post primum instans peccauit. In 7. ostendit, quod Angelus supremus, fuit etiam supremus in peccando, quia habuit maius

motium ad peccandum ex maiori excellentia. In 8. art. ostendit, quod peccatum primi Angeli fuit alijs causa peccandi, non per modum cogendi, sed persuadendi. Hinc dæmones subduntur primo Angelo in pœnæ, cui consenserunt in culpa. In art. 9. ostendit plures Angelos remansisse in bono, quam cecidisse in malo, quia in naturis perfectis, natura in paucioribus deficit, & in pluribus consequitur suum finem; peccatum autem est defectus contra naturam. Verum vt ista plenius habeantur, sit.

D V B I V M I.

An possit dari aliqua creatura impeccabilis ex sui natura.

2. **D**E potentia Dei absoluta procedit dubium, quia loquendo de potentia ordinaria certum est Angelos posse peccare, vt constat ex illo Iob. 4. *Ecce qui seruiunt ei, non sunt stabiles.* Imò de facto peccauerunt, vt constat ex illo 2. Petri 2. *Signum Dei Angelis peccantibus non pepercis.* &c. Diximus ex natura sua, quia non est dubium quin ex dono Dei possit dari creatura impeccabilis.

3. Primâ sententia est, quod possit dari creatura intellectualis ordinata in finem naturalem, & supernaturalem, cui ex natura sua conueniat impeccabilitas respectu vtriusque finis. Sic Scotus in 2. diff. 23. q. unica. Maior ibid. q. 2. Okam in 1. diff. 44. q. unica. Valentia diff. q. 9. 14. puncto 1. Molina, & alij.

4. Nostra sententia seq. concl. explicata.

catur. *Non potest per diuinam potentiam dari natura intellectualis, quæ ex sui natura sit impeccabilis, bene tamen ex dono Dei.* Hanc conclusionem probant Salmant. ex Sanctis Patribus Ambrosio, August. Nysseno, Damasc. Nazianz. Gregor. Illam docet S. Doctor *q. 24. de veritat. 7.* quem sequuntur eius discipuli, & omnes Scholastici, demptis citatis pro prima sententia.

5 Probatur 1. quia nulla voluntas creata potest habere omnem rationem boni; ergo nulla voluntas creata potest esse indefectibilis. Antecedens constat, quia nihil creatum potest esse actus purus, sed necessario debet misceri cum potentialitate, ac proinde cum limitatione in ratione bonitatis. Conseq. etiam constat ex antecedenti, quia adhuc ut voluntas esset indefectibilis in rectitudine suarum operationum, deberet habere in se omnem bonitatem; sed non habet; ergo, &c. Minor patet. Maior probatur, quia idem intellectus creatus deficit, quia non habet in se immobiliter omnem veritatem sed per multas operationes in illam tendit; sed etiam voluntas creata non habet in se immobiliter omnem bonitatem, sed per multiplices operationes in illam tendit; ergo, &c.

6 Confirmatur, quia solus Deus est impermixtus potentialitate, & omnis creatura est permixta, ex eo, quod est ex nihilo; ergo solus Deus est indefectibilis non creatura. Antecedens constat. Conseq. probatur, quia hoc quod est creaturæ esse indefectibilem in rectitudine, siue ordinatione sup. operationis provenit ex eo, quod est ex nihilo, ac proinde ex eius potentialitate.

7 Occurrunt aduersarij dictæ rationi quod adhuc ut creata voluntas operetur indefectibiliter, non est necesse, quod habeat in se omnem bonitatem, ac proinde infinitam perfectionem; nam actiones quas habet voluntas circa bonum absolute, sunt finitæ, & limitatæ perfectionis, nec ut eliciantur requiritur, quod dicta ratio boni insit voluntati, ut patet. Tum quia sequeretur, quod nostra voluntas ha-

beret in se omnem rationem boni, quando operatur indefectibiliter. Si enim ad non deficientium requiritur, quod voluntati insit omnis ratio boni; ut possit aliquando non deficere, ita quando non deficiet, requireretur, quod sibi insit omnis ratio boni.

8 Sed contra, quia non potest creata voluntas tendere indefectibiliter per multifarias operationes in bonum absolute, seu in omni suo ambitu, nisi habeat in se omnes rationes boni; ergo, &c. Antecedens probatur, quia non potest creata voluntas per multifarias operationes tendere in dictum bonum absolute indefectibiliter, nisi habeat in se indefectibiliter, & connaturaliter principia indefectibiliter tendentia in dictum bonum per operationes indefectibiles; sed hoc implicat; ergo, &c. Maior constat. Minor probatur, quia bonum dictum in omni suo ambitu, includit tam bonum naturale, quam supernaturale; sed implicat, quod creata voluntas habeat in se connaturaliter principia indefectibiliter tendentia in bonum supernaturale; ergo, &c. Nam si dareretur dicta principia supernaturalia, connaturaliter conuenientia voluntati, deberent etiam connaturaliter conuenire substantiæ, quæ non posset non esse supernaturalis, cui subinde esset connaturale lumen gloriæ, & visio diuinæ essentia, & sic esset ipsa gratia per essentiam, quod supra disp. 12. improbauimus. Tum quia id, quod est proprium alicuius naturæ, non potest per se, & ab intrinseco, & connaturaliter conuenire alteri; nam aqua non potest ab intrinseco, & connaturaliter calefacere; sed versari circa Deum auctorem supernaturalem per se, ab intrinseco, & connaturaliter, & per operationem indefectibilem, est proprium voluntatis diuinæ, ergo non potest esse proprium voluntatis creatæ.

9 Præterea impugnatur dicta solutio, quia si aliqua indefectibilitas conueniret per se, & ab intrinseco voluntati creatæ, conueniret illi, non ut libertas, ut patet, sed ut natura; sed hoc modo non potest conuenire; ergo nullo modo. Minor pro-

batur, quia voluntas ut natura, non est ab intrinseco determinata, nisi ad proseguendum bonum propriæ naturæ; ergo solum circa hoc erit indefectibilis, non circa bonum absolute per multas actiones proseguendum, nisi in se habeat omnem rationem boni. Per quæ patet ad easquæ in dicta solutione dicuntur. Ad 1. patet, quia si dictæ actiones essent ab intrinseco indefectibiles, deberent supponere omnem rationem boni. Ad 2. etiam patet, quia quando voluntas bene operatur, non ideo bene operatur; quia habeat principium bene operandi indefectibile, sed semper defectibile, saltem circa finem supernaturale.

10 Occurrunt deinde confirmationes posite *nu.* 6. quod ex hoc, quod creatura intellectualis sit ex nihilo, non sequitur, quod sit defectibilis, sed solum sequitur, quod non habeat infinitam perfectionem per essentiam; hæc autem infinitas non requiritur ut sit impeccabilis. Sed contra, quia, ut ex dictis constat, non potest creatura esse indefectibilis nisi habeat in se omnem rationem boni, quod denotat infinitam perfectionem.

11 Sed obijciat 1. quia, ut dub. seq. dicitur, potest dari creatura intellectualis indefectibilis circa Deum finem naturalem, & tamen habet quod contineat omnem rationem boni, neque quod sit infinitæ perfectionis; ergo etiam poterit dari creatura, quæ sit indefectibilis circa Deum finem supernaturalem. Respi. concedendo antecedens, & negando consequens. Ratio discriminis est, quia creatura intellectualis indefectibilis circa Deum finem ultimum naturalem, non esset infinite perfecta, quia ea indefectibilitas desumeretur ex vi propriæ essentiae, quæ ipsam determinaret ad amorem sui rectum, & ordinatum, ac proinde ad amorem Dei finis naturalis in quem se ordinaret indefectibiliter. Ceterum creatura indefectibilis etiam circa bonum supernaturale, deberet esse infinite perfecta, quia deberet habere principium supernaturale, sibi connaturale, quod ipsam determinaret indefectibiliter ad Deum finem supernaturalem.

quod principium deberet continere omnem rationem boni.

12 Obijciat 2. quia creaturam esse ex nihilo, non est ratio sufficiens defectibilitatis; ergo, &c. Antecedens probatur, quia gratia, charitas, & cætera dona supernaturalia possunt esse ex nihilo, & tamen non sunt principia defectibilitatis circa bonum supernaturale, ergo, &c. Tum quia ex hoc, quod creatura est ex nihilo, propinquius videtur deduci, quod habeat in nihilum, quam quod deficiat, aut sit defectibilis in operando; sed ex hoc, quod creatura sit ex nihilo, non sequitur, quod debeat verti in nihilum, sed potest esse stabilis, & ab intrinseco indeficiens in suo esse, ut est Angelus; ergo, &c. Tum etiam quia si produci ex nihilo esset ratio sufficiens defectibilitatis, sequeretur, quod hæc defectibilitas non posset tolli per gratiam: hoc autem est falsum; ergo: Sequela probatur, quia fieri non potest, quod creatura non sit ex nihilo; ergo fieri non potest, quod non maneant defectibiles.

13 Respi. negando antecedens. Ad 1. probationem dico, quod gratia, charitas, &c. cum sint accidentia supernaturalia, possunt esse principium quo indefectibilitatis, licet aliàs sint ex nihilo, ut etiam est gratia consummata, lumen gloriæ &c.: At substantia cum non possit esse supernaturalis, non potest esse indefectibilis circa finem supernaturalem. Accidentia namque supernaturalia mensurantur, & regulantur quoad efficaciam, à substantia cui sunt connaturalia; quæ est substantia divina, licet enim illi inhærere non possint, sunt tamen eiusdem ordinis supernaturalis cum illa. At efficacia substantiæ ab alia non mensuratur, ac proinde illa tribuent indefectibilitatem, non ista; neque accidentia quæ ab illa mensurantur, & sunt omnia accidentia naturalia. Ad 2. probationem dicendum, quod creaturam abire in nihilum non potest esse nisi ex influxu primæ causæ. At defectibilitas non est ex influxu primæ causæ, sed ex intrinsecis ipsius creaturæ. Ad 3. probationem dico, quod gratia non tollit defectibilitatem, sed defectum.

Obij.

14. Obijcies 3. quia licet in creatura intellectuali non possit reperiri omnis ratio boni, tamen est per se, & ab intrinseco determinata ad amandum se, & proprium bonum; ergo erit etiam determinata ad ordinandum se in Deum ut ultimum finem, ex quo omnia eius ratio boni dependet. Resp. transeat antecedens, & negatur consequens, quia non est creatura determinata ad ordinandum se in finem ultimum in particulari, ut est bonum supernaturale, sed est solum determinata ad ordinandum se in bonum in communi, ut ex dictis constat.

15. Probatur 2. nostra conclusio, quia illa sola virtus non potest deficere à rectitudine suæ operationis, quæ est regula suæ operationis; sed sola voluntas diuina est regula suæ operationis; ergo sola voluntas diuina non potest deficere à rectitudine suæ operationis. Maior est perspicua, quia si manus artificis esset ipsa regula, nunquam deficeret. Cum enim operatio debeat esse iuxta modum virtutis operatiuæ, sequitur, quod hoc ipso, quod virtus operatiua est regula suæ operationis, debet dicta operatio exire consona suæ regulæ. Minor est certa, quia cum sola voluntas diuina careat superiore, caret etiam regula à qua regulari debet, & cui debeat subijci. Tum quia sola diuina voluntas non ordinatur ad aliquem finem ultimum; ultimus autem finis est regula voluntatis, & operationum illius.

16. Sed obijcies 1. quia falsum videtur, quod illa virtus, quæ est regula suæ operationis non possit deficere, quia ad hoc ut virtus operatiua sit indefectibilis, sufficit quod vel sit regula suæ operationis vel quod illam habeat congenitam, id est, quod per se, & ab intrinseco sit determinata ad conformandum se cum regula à se distincta; quod non repugnat voluntati creatæ. Vnde noster intellectus non potest errare circa prima principia, ut docet Arist. 1. metaph. cum tamen non sit sua principia, quæ sunt ipsi regula sciendi; sed solum est determinatus ad rectam eorum cognitionem. Item intellectus Angelicus non potest errare circa verum spe-

culatiuum; & tamen non est regula suarum operationum. Similiter voluntas Angeli non potest deficere in primo instanti suæ creationis, & tamen non est regula suarum operationum, sed habet pro regula eorum diuinam voluntatem. Resp. quod re vera illa propositio intelligi debet, prout in argumento dicitur, quod scilicet ad hoc ut voluntas sit indefectibilis sufficit, vel quod sit regula suarum operationum, vel quod habeat illam coniunctam, seu congenitam, seu quod sit ab intrinseco determinata ad se conformandum cum illa. Cum autem voluntas Angeli in ordine ad finem supernaturalem nec sit sua regula, nec habeat illam congenitam, sequitur, quod non sit hoc modo indefectibilis.

17. Ad 1. instantiam de intellectu comparato cum primis principiis dico, quod si prima principia sint naturalia, tunc intellectus ratione sui luminis, erit eorum regula, supposita noticia terminorum, saltem virtualis, ex eo, quod habet determinationem radicalem ad rectè versandum circa illa. Quod si principia sint supernaturalia, tunc non erit eorum regula neque formaliter, neque virtualiter, ac proinde circa ista poterit errare, non circa illa. Ad 2. patet ex modo dictis; quod intellectus Angelicus sit regula saltem virtualis veri speculatiui naturalis, & etiā practici naturalis, non tamen veri supernaturalis, ac proinde circa hoc, non circa illud errare potest. Ad ultimam instantiam patebit ex dicendis infra.

18. Obijcies 2. Quia non videtur legitima illa ratio, quod sola voluntas diuina sit regula suæ operationis; quia non habet superiorem, solaque illa sit ultimus finis; quia hinc sequeretur, quod nulla virtus creata esset regula suæ operationis; sed hoc est falsum; ergo, &c. Sequela constat. Minor probatur, quia habitus virtutum acquiratarum sunt regula suarum operationum, quocirca quoties operationes ipsorum sunt iuxta naturam eorum, toties sunt rectæ. Hinc est, quod nullus potest illis malè uti, ex eo, quod necessitudo inclinet in operationem rectam. Resp.

Resp. negando sequelam; nam ratio illa D. Thomæ non procedit de omnibus virtutibus operatiuis, sed de natura intellectuali, & voluntate, & sensus est, quod inter voluntates, & naturas intellectuales, sola diuina voluntas, diuinæque natura hoc habet ut sit per se, & ab intrinseco sui regula, & omnium suarum operationum; nam etiam voluntas creata, & natura intellectualis creata potest esse regula proxima siue formalis, siue virtualis aliquarum operationum ab ipsa procedentium. Vnde dabilis est voluntas, quæ non possit deficere circa obiectum præcise naturale. Et habitus virtutum acquisitarum possunt inclinare immobiliter ad bonum. Et ratio est, quia operatio particularis ordinatur ad vnum bonum, mediante quo respiciunt Deum, & finem naturalem, ac proinde ad illam, vel illas regulandas sufficit ratio vnius boni, quod cum sit particulare, & naturale, potest esse connaturale alicui creaturæ; at operatio voluntatis in omni ambitu, potest tendere in omne bonum, & per hoc ordinatur ad vltimum finem in se ipso, ac proinde vt includit omnem rationem boni, ad quod regulandum requiritur omnis ratio boni, quæ nulli creaturæ potest esse connaturalis. Soluuntur argum. primæ sententiæ.

19. Primum argum. quia non implicat dari creaturam rationalem, quæ habeat sufficientem vim ex parte intellectus per quam discernat inter bonum, & malum morale, & quæ ex parte voluntatis habeat indifferentiam circa diuersa obiecta bona, cum determinatione ad bonum morale, vt sic, tam respectu finis naturalis, quam supernaturalis; ergo erit impeccabilis respectu vtriusque finis. Consequenter. Antecedens probatur, quia omnia ista secundum gradum finitum important finitam perfectionem, ac proinde poterunt communicari creaturæ. Tum quia, de facto voluntas creata est determinata circa bonum in communi, & indifferens circa bona particularia; ergo non repugnabit, quod sit determinata circa bonum honestum in communi, & indifferens

circa bona honesta particularia. Tum, etiam quia indifferentia ad bonum, & malum morale, non est de conceptu voluntatis liberæ, aliàs etiam voluntas diuina esset talis; neque est de conceptu talis voluntatis, scilicet creatæ, quia sufficit indifferentia ad diuersa bona moralia, non ad bonum, & malum. Præterea sensus est de facto determinatus ad proponendum appetitui obiectum sub ratione boni aut mali sensibilis, & tamen appetitus est determinatus ad prosequendum bonum, & respuendum malum; ergo etiam potest dari intellectus qui proponat voluntati suum obiectum sub ratione boni, aut mali moralis, & quod voluntas sit determinata ad prosequendum bonum morale, & ad respuendum malum. Denique virtus reddens creaturam impeccabilem non debet esse infinita simpliciter; ergo potest creaturæ communicari. Antecedens constat tum in beatis, tum in anima Christi D. quæ est impeccabilis ex coniunctione ad Verbum, cum tamen illa coniunctio non dicat infinitam perfectionem ex parte ipsius naturæ humanæ.

20. Resp. negando antecedens. Ad 1. probationem constat ex dictis requiri infinitam perfectionem, ad hoc vt voluntas respiciat bonum honestum in sua latitudine, seu in toto suo ambitu, in quo reperitur etiam bonum supernaturale. Ad 2. probationem constat ex dictis non esse voluntatem determinatam circa bonum in communi, prout includit etiam bonum supernaturale, bene tamen circa bonum in communi sub ratione proprii commodi, seu circa bonum in communi connaturale. Ad 3. probationem dico, quod licet indifferentia ad bonum, & malum morale non sit de essentia voluntatis liberæ creaturæ, tamen ad eam consequitur, ita quod relicta suæ naturæ sit peccabilis. Ad 4. probationem, dicendum esse disparatam rationem, quia sub bono sensibili non continetur bonum supernaturale, nec ad hoc vt ad finem ordinetur, vt est bonum honestum. Ad vltimam probationem dico 1. quod licet virtus reddens creaturam impeccabilem sit finita, & limitata, non

tamen potest esse connaturalis creaturæ, cum nihil supernaturale possit esse connaturale creaturæ. Dico 2. quod impeccabilitas ex dono Dei, non dicit infinitam perfectionem, bene tamen impeccabilitas tam in ordine naturali, quam supernaturali, quia hæc non datur, nisi in ea contineatur omnis ratio boni, ac proinde nisi sit actus purus, & sua regula operandi in omni operatione.

21 Secundum argum. quia natura spiritualis est nobilior corporali; sed datur natura corporalis cui nullus motus inordinatus accidit, ut patet in cælis; ergo etiam dari poterit natura spiritualis cui nulla accidat inordinatio, ac proinde erit impeccabilis. Tum quia animalia bruta sunt impeccabilia, & immobiliter se habent ad bonum; ergo etiam dari poterit natura intellectualis, cum hæc dicat perfectionem. Resp. concedendo antecedens, & negando consequens. quia naturæ corporales sunt ordinatæ ad bonum particulare per actiones particulares, at natura intellectualis ordinatur ad bonum absolute, ac proinde animalia, & corporalia non deficient, quia sunt in bono particulari stabilita. Per quæ patet ad probationem. Vnde licet impeccabilitas in animalibus sit aliqua perfectio, & peccabilitas in natura intellectuali sit imperfectio, tamen hæc imperfectio, denotat maximam perfectionem, scilicet capacitatem ut cum ultimo fine coniungatur.

D V B I V M II

An per diuinam potentiam possit dari substantia intellectualis creata, quæ circa finem naturalem sit directè impeccabilis.

22 **D**upliciter potest creatura esse peccabilis: circa finem naturalem. Primo directè, & immediatè. Secundo indirectè, mediatè, & ex consequentia. Primo modo tunc est peccabilis, quando potest directè velle aliquid contrarium bono naturæ, & Deo ut fini naturali, ut cum potest, velle mendacium,

furtum, &c. Secundo modo tunc est peccabilis, quando potest directè peccare contra finem supernaturalem, & deinde indirectè, mediatè, & ex consequenti contra finem naturalem, seu contra Deum, ut est finis naturalis. Nam in aliquibus præceptis supernaturalibus inuoluitur, vel supponitur aliquid, quod per dictamen rationis regulatur. Vnde præceptum supernaturale contritionis, supponit hoc dictamen rationis, quod sit dolendum de peccatis. In præcepto prohibente irreuerentiam Sacramento v.g. Eucharistia, inuoluitur præceptum naturale, de non irroganda iniuria auctori naturæ. Præceptum de non committenda simonia, inuoluit præceptum naturale, quod sancta, debeant sanctè tractari, &c. His positis.

23 Prima sententia est, quod non possit dari per diuinam potentiam creatura intellectualis, quæ sit directè impeccabilis circa finem ultimum naturalem. Sic Suarez lib. 3. de Angelis cap. 7. Valquez. Attrubal, Molina, & Granado in præsentia. Secunda sententia tenet, quod possit dari substantia intellectualis creata, quæ sit impeccabilis in ordine ad finem naturalem, quoad ea præcepta, quæ sunt purè de iure naturæ, non tamen quoad ea, quæ non sunt purè de iure naturæ, ut sunt præcepta positiva, quæ Deus pro sua libertate posset imponere dicte creaturæ in ordine ad finem naturalem. Sic Nazari & Bannes in præsentia.

24 Nostra sententia seq. concl. explicatur. *Potest dari creatura intellectualis, quæ sit ab intrinseco, & ex natura sua directè impeccabilis circa finem naturalem.* Vnde potest dari creatura intellectualis non ordinata in finem supernaturalem, quæ in sensu composito huius status, sit per se, & ab intrinseco impeccabilis circa finem naturalem. Sic S. Thomas dub. seq. referend. Cuiusmodi hic, Capocolus in 2. dist. 22. q. 1. m. 3. Ferrar. 3. contra Gent. cap. 109. Durand. in 2. dist. 5. q. 1. n. 16. & dist. 23. q. 1. n. 7. & 8. Vnde Petrus de Ledefma de perfect. Dei q. 6. art. 7. dicit pro hac conclusione stare maiorem partem Thomistarum; idem tenent alij, quos referunt, & se.

sequuntur Salmani. hoc loco.

25 Ratio fundamentalis est, quia ad dictam impeccabilitatem requiruntur, & sufficiunt duæ determinationes. Prima ex parte intellectus, per quam sit determinatus ad considerationem practicam, finis naturalis, saltem quando urget necessitas, & quorumlibet agibilium per se primò, directè, & immediatè versantium circa eundem finem. Secunda ex parte voluntatis, quæ sufficiat ad determinandum ipsam actualem dilectionem ultimi finis naturalis super omnia, & quæ sit sufficiens, & efficax ad excludendas quascunque offensas per se primò, & directè versantes circa illum. Sed potest Deus producere creaturam habentem dictas determinationes; ergo, &c. Minor constat, quia si istæ determinationes essent ordinis supernaturalis non possent connaturaliter concurrere creaturæ, at cum sint ordinis naturalis, nullam involunt contradictionem, quin possint illi connaturaliter concurrere. Maior probatur, quia, datis illis duabus determinationibus, non potest intellectus desistere ab actuali præsentatione practicæ finis; & voluntas non potest cessare ab actuali dilectione eiusdem; ergo, &c.

26 Confirmatur, quia inter corpora, datur aliquod ita perfectum, ut est corpus cæleste, quod est omnino indefectibile in suis naturalibus operationibus; ergo etiam inter substantias saltem dari poterit aliqua, quæ sit indefectibilis in suis operationibus spiritalibus naturalibus. Antecedens constat, quia quod reperitur in inferioribus, debet modo nobiliori reperiri in superioribus.

27 Sed obijciens 1. quia arguit infinitam perfectionem esse semper in actuali consideratione, & in actuali dilectione Dei super omnia, ut est finis naturalis; ergo, &c. Antecedens probatur, quia virtus naturalis finis potest separari ratione suæ potentialitatis, ab actualitate actus secundi; quod enim est potentiale respectu actus secundi, potest manere in potentia respectu illius. Vnde S. Doctor 1. 2. q. 10. art. 1. ad 2. videtur dicere, quod sit

proprium voluntatis diuinæ, esse semper, & incessanter in actu secundo. Resp. distinguendo antecedens: arguit infinitam perfectionem esse semper in actu secundo intelligendi, & volendi, quando intelligis & volens est sua intellectio, & volitio, & conceditur quando non est sua intellectio, & volitio, & negatur; hoc contingit in nostro casu: illud, in solo Deo. D. Thomas solum vult, quod non est necesse, quod omnis morus naturalis sit incessanter, non tamen negat, quin detur aliquis incessanter durans. Vel loquitur S. Doctor de voluntate ut est libertas; nam hoc modo sola voluntas diuina est æterna in suis actibus liberis, non creata. Cum quo stat, quod voluntas creata ut natura, possit incessanter in suis actibus permanere.

28 Obijciens 2. quia nulla creatura, quantumvis excellens, & eleuata potest habere illam duplicem determinationem ergo non potest esse impeccabilis circa ultimum finem naturalem. Antecedens probatur, quia intellectus deberet determinari, & moueri à voluntate ad obgnosendum incessanter ultimum finem; sed hoc non potest ergo. Maior probatur, quia cum intellectus non habeat à se hanc determinationem; neque à lumine gloriæ, debet illam habere à voluntate. Tum, quia morio quantum ad exercitium est à voluntate. Minor constat, quia voluntas de sui natura non est determinata ad exercitium dilectionis. Desinit naturalis, ex eo, quod in tali exercitio potest apparere aliqua ratio mali, ob quam voluntas à dicto exercitio retrahatur. Tum quia solum lumen gloriæ necessitat ad cognitionem practicam, & solummodo Deus clarè vult in quo nulla appareret ratio mali necessitat ad sui dilectionem. Tum etiam quia ad hoc ut dictæ determinationes redderent creaturam impeccabilem non sufficeret in quod esset virtusque determinata ad considerandum finem ultimum naturalem, & omnia agibilia circa ipsum, sed requireretur determinatio ad talem considerationem boni honesti, ut alioquin voluntatem ad virtutem, & ad considerationem supplicij instigandi propter vitium, de.

deterrētis ab illo, taliter, quod hæc consideratio esset efficacior consideratione boni utilis; vel delectabilis inuitantis ad peccatum, & difficilis, ac molesti retardantis à prosecutione virtutis, sed videtur impossibile, quod intellectus non videns clarè Deum finem naturalem hæc habeat, ergo, &c.

29 Resp. negando antecedens. Ad 1. probationem dico, quod illa determinatio intellectus est ab intrinseco, & à se, & voluntas ab intrinseco, & à se supposita tamen cognitione, est determinata ad dilectionem dictam. Solum voluntas quantum ad exercitium mouet, & determinat intellectum in actibus liberis, non in necessarijs. Nec verum est, quod in tali exercitio possit apparere aliqua ratio mali, molesti, aut difficilis; cum enim non habeat libertatem in tali exercitio, nec potentiam ad desistendum, non potest apparere aliqua ex dictis rationibus. Ad 2. probationem dico 1. quod non est necessaria clara visio Dei auctoris naturalis, ad hoc vt incessanter ametur per amorem naturalem, cum in eo nullo appareat ratio mali, aut impedimenti alterius boni maioris, quod in hoc casu non est. Dico 2. quod cum illa cognitio Dei finis naturalis sit adeo perfecta, vt sufficiat ad causandam beatitudinem naturalem; sufficienter afferret determinationem intellectus, ac subinde voluntatis. Ad 3. probationem conceditur maior, & negatur minor, & patet ex dictis; illa namque cognitio est tantæ perfectionis & efficacis, vt efficacius proponat rationes inuitantes ad prosecutionem, quàm retrahentes ab illa.

30 Obijciens 3. quia sequeretur, quod determinatio ad dilectionem Dei esset inseparabilis ab illa creatura; hoc est falsum; ergo, & illud ex quo sequitur. Maior constat ex dictis. Minor probatur, quia quælibet substantia creata intellectualis est peccabilis circa Deum auctorem supernaturalem, & indirectè circa Deum auctorem naturalem; ergo tunc dilectio naturalis separabitur. Resp. nostram conclusionem procedere de impeccabilitate erga Deum finem naturalem directè, & immediatè, non de indirecta, & mediata.

Illam ergo dilectio est inseparabilis per peccabilitatem directam, non per indirectam.

31 Primum argum. primæ sententiæ est, quia Patres absolutè dicunt, quod nulla substantia creata intellectualis, est impeccabilis; ergo, &c. Resp. sensum Patrum esse nullam substantiam esse absolutè impeccabilem, etiam erga Deum auctorem naturæ, quia indirectè etiam hoc modo peccare potest.

32 Secundum argum. quia creatura, intellectualis quantumvis perfectior, non est actus purus; ergo est peccabilis, & defectibilis. Antecedens constat. Consequ. probatur, quia peccatum, & defectus fundatur in potentialitate; sed omnis creatura est admixta potentialitati; ergo est peccabilis. Resp. concedendo antecedens, & negando consequ. Ad probationem dico, quod ex potentialitate sequitur defectibilitas secundum aliquam rationem, non, secundum omnem. Nam etià Angelus est potentia respectu propriæ existentie, & tamen non potest naturaliter separari ab illa.

33 Tertium argum. quia si Angelus esset impeccabilis circa Deum auctorem naturæ, sequeretur, quod posset viribus naturæ cognoscere Deum finem supernaturalem; hoc est falsum, ergo & illud. Sequela probatur, quia cognosceret se esse peccabilem; non contra finem naturalem; ergo contra finem supernaturalem, ac proinde cognosceret dictum finem. Tum quia cognosceret se posse deficere à prima regula, non naturali; ergo supernaturali. Resp. negando sequelam; nam cognoscendo se esse impeccabilem contra Deum finem naturalem, non cognosceret determinatè se esse peccabilem contra finem supernaturalem, sed aliquo modo in communis, ac proinde non cognosceret ex viribus naturæ quomodo in particulari esset peccabilis.

34 Primum argum. secundæ sententiæ est, quia potest Deus creaturæ intellectuali cuiunque imponere præcepta positiva ordinis naturæ, excedentia illius prudentiam, sed tunc posset deficere, ergo, &c. Tum quia nulla est creatura intellectualis, quæ possit apprehendere omnes leges à Deo promulgabiles, omnes

circūstantias agibilibus; ergo poterit tunc delinquere, cum non possit omnes considerare. Resp. negando antecedens: nulum namque potest esse præceptum naturale, quod non posset ab illa creatura observari, & quin de facto observaretur. Ad probationem dico sufficere, quod cognoscantur quando occurrunt.

35 Secundum argum. dictæ creaturæ solum esset connaturalis dilectio Dei super omnia ut opponitur violationi directæ præceptorum naturalium, non indirectæ: ergo neque ut opponitur præceptis positivis à Deo noviter impositis. Resp. concedendo antecedens, & negando consequens, constat ex dictis.

D V B I U M III.

An de facto detur creatura intellectualis qua directè sit impeccabilis circa finem naturalem.

36 **P**rima sententia est, quod Angeli de facto sunt per se primò, directè, & immediatè ex sua natura peccabiles circa finem naturalem, sic tenent auctores pro prima sententia dub. præcedenti citati.

37 Nostra sententia seq. conel. explicatur. *Dantur de facto creatura intellectualis nempe Angeli, qui per se primò, directè, & immediatè sunt impeccabiles ex natura sua, circa finem naturalem præcisè sumptum* Sic D. Tho. hic art. 1. ad 3. & clarius q. 16. de malo art. 3. & art. 5. ad 10. quem sequuntur eius discipuli, Capreolus, Caiet. Ferrar. Durand. Bann. Nazar. & alij quos referunt, & sequuntur Salm. hoc loco dub. 3.

38 Probatur 1. ratione D. Thomæ loco cit. de malo, quia *malum non invenitur in his, qua sunt semper in actu, ut dicitur in 9. metaphys.* sed Angeli, quoad naturalem perfectionem sunt cōditi in actu, licet quoad supernaturalia fuerint in potentia; ergo solum quantum ad ista, non quantum ad illa, poterunt deficere.

39 Respondent aduersarij, quod sicut Angelus non obstat sua actualitate, non producit cum actuali cognitione omnium, quæ connaturaliter potest co-

gnoscere, sed potest cognoscere, & considerare, quod voluerit, ita non producit sub actuali amore, & inseparabili eorum, quæ debet velle, sed potest pro suo libito peccaminosè velle, quod sibi placuerit. Ut clarius hæc solutio impugnetur, nota 1. quod quando S. Doctor dicit, quod quicquid pertinet ad naturalem perfectionem Angelorum, habuerunt à principio, loquitur de illis, quæ pertinent ad constitutionem Angeli in actu primo, ut possit prorumpere in suas operationes naturales, movendo se in eas. Ad hoc autem, ut Angelus sit completè in actu primo respectu cognitionis aliarum rerum, debet esse in actu secundo respectu cognitionis sui, ut sic habeat ab intrinseco unde sufficienter se moveat, & applicet ad cognitionem aliarum rerum.

40 Nota 2. quod ad hoc ut voluntas Angeli sit completa in actu primo, ut possit se movere ad volendum quod libuerit, requiritur ut sit in actu secundo etiam respectu intentionis finis, quia voluntas non nisi ex amore finis movet se ad alia, scilicet media, quod fit per applicationem Dei specialem, & correspondentem ei, ut est auctor particularis voluntatis Angelicæ, ad quem spectat constituere illam completè in actu primo, & tribuere ei omnia principia necessaria ad hoc ut se moveat, & se movendo velit media. Sicut enim intellectus non se movet ad assensum primorum, & universalissimorum principiorum, sed movetur ab auctore naturæ, ut ab agente particulari eiusdem, ac proinde non potest esse fallus. Ita voluntas in prima volitione finis debet moveri ab eodem auctore naturæ. Tum quia movere est agere ex actu præcedenti applicante ad motum; ad hoc enim ut aliquid se moveat, necesse est assignare in eo partem per se motam, distindā à parte mouente; sed respectu primæ volitionis non potest assignari aliud actus applicans ad istum motum; ergo debet moveri ab auctore naturæ.

41 Nota 3. quod ad hoc ut voluntas Angeli sit in actu primo completè respectu volitionis mediorum ordinis naturalis, non sufficit, quod applicetur à Deo spe-

specialiter, ad volendum bonum in communi per modum ultimi finis, sed requiritur quod applicetur specialiter ad volendum ultimum finem in particulari, scilicet Deum ut est finis naturalis, quod constat ex discrimine inter hominem, & Angelum, quia cognitio hominis ratione potentialitatis, incipit ab vniuersalioribus, sicut & voluntas incipit à bono in communi, ac proinde à Deo peculiariter applicatur ad volendum bonum in communi. Ceterum cognitio Angeli ratione maximæ actualitatis reposcit, quod tendat in bonum in particulari, seu in cognitionem ultimi finis in particulari, qui est Deus, aliàs moueretur ad malum, quia intentio alterius ultimi finis non potest non esse peruersa. Illa autem intentio ultimi finis naturalis non potest non esse dilectio super omnia; cum volitio ultimi finis sit super omnia; aliàs voluntas Angeli non esset sufficienter in actu ad volenda omnia media ex vi talis intentionis.

42. His notatis sic impugnatur dicta solutio; nam peccatum nullo modo potest esse in his, quæ sunt semper in actu, sed solum in his, quæ sunt in potentia; sed Angeli semper sunt in actu dilectionis Dei auctoris naturalis super omnia, cui omnino repugnat peccatum; ergo Angeli circa finem naturalem sunt directè, immediatè, & per se impeccabiles. Maior constat, cum enim peccatum afferat carentiam rectitudinis debite in esse, non potest inueniri in his, quæ sunt semper in actu, sed in potentia ad habendam rectitudinem. Minor probatur, quia Angeli produciuntur à Deo cum omnibus requisitis ex parte actus primi in ordine ad suas operationes naturales ad quas se mouent; ita ut semper, & inseparabiliter sint sub prædicto actu; sed adhuc ut sint perfectè constituti in actu primo, debent esse in actu dilectionis Dei super omnia finis naturalis, ut ex dictis constat; ergo, &c.

43. Probatur 2. quia malum non potest esse in his, quæ habent naturam integram, & sanam, sed Angeli habent natu-

ram integram, & sanam; ergo in Angelis non potest esse malum. Maior constat, nam quæ habent naturam integram, & sanam, debent à principio suæ productionis habere tantam actualitatem, ut non sint in potentia ad aliqua, à quibus sunt integra, & sana, sed eorum perfectio debet esse congenita, eorum sanitas, & integritas debet esse connata. Minor ex se constat.

44. Respondent aduersarij, ex hoc solum haberi, quod Angeli habeant suas facultates ita perfectas, integras, & sanas, ut possint expedire, & faciliè non peccare, si velint; non tamen quod sint omnino impeccabiles. Sicut & per oppositum, ex infirmitate hominis nõ sequitur, quod non possit vitare peccata, saltem hoc, & illud, &c. Sed contra, quia hoc ipso, quod integritas, & sanitas naturæ Angelicæ sit tanta, ut exigat omnimodam integritatē, & complementum in omnibus pertinentibus ad actum primum, inter quæ est esse semper in actuali dilectione Dei super omnia, ut est finis naturalis, debet habere non solum impotentiam moralem, sed etiam physicam, aut metaphysicam ad peccandum directè contra Deum ut est finis ultimus naturalis. Tum quia si homo per dona ordinis naturalis constitueretur in statu naturæ integræ, & sanæ, in sensu composito huius status, non posset directè peccare contra finem naturalem; ergo cum Angelus sit ita constitutus, non poterit sic peccare.

45. Probatur 3. quia ideo homo est peccabilis directè contra finem naturalem, quia tamen quoad intellectum, quam quoad voluntatem consideratur per modum potentiae, quia intellectus non habet congenitas species quibus actuetur, nec bonum apprehensum quo voluntas determinetur; tum quia non habet naturam integram, & sanam; sed Angelus hæc omnia habet à principio suæ creationis; ergo, &c.

46. Respondent, quod sicut homo, quia infirmus nõ amittit potentiam physicam, aut metaphysicam, sed solum moralem ad peccandum; ita Angelus quia

sanus non habebit potentiam moralem, ad peccandum, bene tamen physicam, & metaphysicam. Sed contra, quia licet infirmitas hominis non sit tanta ut tollat potentiam physicam, aut metaphysicam seruandi præcepta naturalia, tamen integritas Angeli est tanta ut auferat etiam potentiam physicam, & metaphysicam, ad peccandum; nam infirmitas hominis non auferit voluntatem, quæ est potentia ad non peccandum, ac proinde dicta infirmitas non tollit potentiam physicam, aut metaphysicam. At sanitas Angeli, est tanta ut semper, & incessanter sit ab intrinseco in actu dilectionis Dei super omnia, qui habet tollere etiam impotentiam physicam, & metaphysicam ad peccandum.

47 Probat 4. quia intellectus Angelicus est tantæ perfectionis, & actualitatis ut non possit errare directè circa agibilia in ordine ad finem naturalem, aut circa aliquas eorum circumstantias, ex eo, quod semper considerat finem naturalem, & est determinatus ad considerata omnia agibilia, & omnes circumstantias quoties eorum occasio occurreret; ergo est omnino impeccabilis circa dictum finem. Consequenter constat, quia non potest dari peccatum in voluntate sine aliquo errore intellectus, vel in consideratione. Antecedens probatur, nam in intellectu Angelico non potest esse error supposita sanitate, & integritate illius. Neque potest esse inconsideratio, quia Angelus circa finem naturæ non habuit inconsiderationem, nec potuit illam habere, ex eo, quod per vnicum, & simplicissimum medium, quod semper, & incessanter attingit, scilicet per suam essentiam tanquam per obiectum connaturalissimum, semper, & incessanter cognoscit finem naturæ, ex qua cognitione manet determinatus ad actu considerandum omnia agibilia circa finem, quando eorum currit occasio.

48 Respondent aliqui aduersariorum, quod Angelus non sit semper, & necessario in consideratione sui. Deinde esto hoc esset, non ob id deberet semper aduertere ad Deum, ut est finis naturæ. Et dato,

quod etiam adhuc semper aduerteret, non ob id esset semper in actuali consideratione illius ut est suprema ratio naturæ, gubernans per leges, & dirigens per præcepta in finem naturæ, quod sufficeret, ut posset delinquere.

49 Sed contra, quia quod Angelus semper debeat esse in consideratione sui, constat ex dictis. Tum quia essentia Angeli est obiectum proportionatum, & omnium connaturalissimum sui intellectus, ac proinde determinabit ad sui cognitionem. Tum etiam quia intellectus Beati determinatur ad videndum Deum, quia essentia diuina est obiectum aliquo modo connaturale respectu intellectus pertusi lumine gloriæ; sed non minus est connaturalis essentia Angeli respectu sui intellectus; ergo, &c. Debet etiam intellectus Angelicus esse semper in consideratione Dei finis naturalis, quia Deus ut auctor naturæ, seu ut finis naturalis non potest non considerari per illam cognitionem, quæ est comprehensua essentia Angelicæ, cum sit obiectum cognitum, cum tali fine omnino connexum. Per quæ patet ad vltimum in dicta responsione positum, & patet ex dicendis n. seq.

50 Respondent alij, quod esto Angelus esset semper in actuali consideratione Dei ut etiam est ratio naturæ, gubernans per leges, & dirigens per præcepta, adhuc non sequitur, quod esset impeccabilis directè contra finem naturæ; nam ad hoc desideratur, quod illa consideratio non esset solum speculatiua, sed deberet esse practica, affectiua, & imperatiua actus voluntatis, quo Angelus dirigeret se in dictum finem, & Deum amaret super omnia, &c. Hoc autem non habet Angelus. Sed contra, quia ut ex dictis constat, Angelus est ab intrinseco determinatus ad dirigendum se, & omnia sua in Deum finem naturalem, eumque amandum super omnia; ad hoc autem requiritur practica, affectiua, & imperatiua cognitio; ut patet, ergo, &c. Tum quia cognitio Angeli est comprehensua illius, ac proinde erit tanta quantum est Angelus in ratione obiecti cognoscibilis; An-

Angelus autem est cognoscibilis tam practice quam speculatiue. Tum etiam quia dicta cognitio speculatiua, & practica Angeli, non est supra naturam Angeli, cum possit dari creatura intellectualis cui sit congenita, quæ cum non esset diuersi gradus immaterialitatis, non repugnaret Angelo. Soluuntur argumen. in contrarium.

51 Primum argumen. ex Suarez, est, quia Angelus post lapsum peccat contra præcepta naturalia, suadendo hominibus omnium peccatorum genera, ipsosque odio prosequendo; ergo non est impeccabilis contra legem naturalem, alias non posset ad dicta peccata incitare. Resp. concedendo antecedens, & negando consequens. Intellectum de peccato directè, & per se primò contra Deum autorem naturæ, seu contra legem naturalem; & concedendo si intelligatur concomitanter, aut consequenter; nam ex eo, quod Angeli peccent contra legem supernaturalem, mouentur ad violandum etiam naturalem, & per consequens ad eam violandam ex aliquo motiui dicente ordinem ad supernaturalia, vt ex eò, quod vident se priuatos beatitudine supernaturali; vnde ex affectu prauo erga supernaturalia peccant contra naturalia.

52 Secundum argumen. per quod impugnatur dicta solutio est, quia si Angelus suapte natura esset impeccabilis contra legem naturalem, nullo fine, aut intentione posset moueri ad peccandum contra dictam legem; sed mouetur, ergo, &c. Resp. distinguendo maiorem: nullo motiui inclinante ad delinquendum directè contra dictam legem naturalem, & conceditur: nullo motiui inclinante indirectè, & negatur. Vnde Angelus malus ex prauo affectu, seu motiui erga supernaturalia, mouetur ad delinquendum erga naturalia.

53 Tertium argumen. quia Angeli odio habent Deum, & homines, inuidentque diuinæ providentiæ, & maiestati; quæ sunt contra legem naturalem, & ad hoc mouentur ex eo, quod à Deo cruciantur; sed hoc sufficeret ad peccandum contra legem naturalem, licet non viderent se

priuos beatitudine supernaturali; ergo, &c. Resp. negando maiorem, ex eo, namque peccant, quia cruciantur ob peccatum commissum contra finem supernaturalem, ob quam rationem odio habent Deum, & homines.

54 Quartum argumen. quia non solum possunt demones peccare consequenter contra legem naturalem, ex eò, quod vident se priuos beatitudine supernaturali, sed etiam possunt peccare directè contra eandem legem naturalem, quia ex eò, quod vident se priuos supernaturalibus possunt vti sua libertate, & liberè se mouere ad odium, & inuidiam contra Deum finem naturalem. Resp. negando antecedens: non enim habent libertatem ad peccandum directè contra finem naturalem, vt ex dictis constat, sed solum indirectè, & ex consequenti, vt dictum est.

55 Quintum argumen. quia ex hoc quod Angelus peccet indirectè, & ex consequenti contra legem naturalem, non sequitur, quod re ipsa non peccet contra dictam legem naturalem, & quod tale peccatum nõ habeat duplicem malitiam; vnā contra finem naturalem, aliam contra finem supernaturalem; vt contingit cum quis occidit aliquem ex odio contra finem supernaturalem; ergo &c. Resp. quod re vera peccat contra legem naturalem, sed non solitariè, sed ex consequenti, vt iam dictum est.

56 Quintum argumen. quia si Angelus esset naturaliter determinatus ad nõ peccandum contra finem naturalem, neque posset peccare vt coniungitur fini supernaturali; ergo, &c. Antecedens probatur, quia finis supernaturalis non destruit naturam, sed perficit. Tum quia in demonibus adhuc manet dilectio naturalis Dei vt est bonum vniuersale, vt docet S. Doctor 2. 2. 2. 2. 2. 2. Tum etiam quia si Angelus esset naturaliter determinatus ad diligendum Deum, & habet naturalem, & intrinsecam rectitudinem, sequitur quod non habeat libertatem ad peccandum, quia ex eo, quod habeat libertatē ad peccandum circa finem supernaturalem, non sequi-

sequitur, quod illam habeat circa finem naturalem, & ex eo, quod peccat circa finem supernaturalem, non acquirit libertatem circa naturalem. Tum denique, quia homo in statu innocentie sciebat omnes veritates practicas, & speculativas, & voluntas habebat rectitudinem naturalem, & tamen erat peccabilis contra finem naturalem; ergo etiam Angelus.

57 Resp. negando antecedens. Ad 1. probationem dicendum, quod finis supernaturalis non destruit impeccabilitatem Angeli, sed ille am relinquit, quia semper manet impeccabilis directe contra finem naturalem. Ad 2. probationem dico, quod manet quidem illa dilectio naturalis in Angelo, sed vitata ex peruersitate erga finem supernaturalem. Ad 3. probationem dico, quod non habet libertatem ad peccandum directe, bene tamen ex consequenti. Ad 4. probationem patet disparitas, quia homini etiam in statu innocentie non debetur esse semper in actuali cognitione sui, & Dei auctoris nature, sicut debetur Angelo.

D V B I U M I V.

An primum Angeli peccatum fuerit Superbia.

58 **S**uperbia, vt aduertit S. Doctor 2. 2. q. 162. art. 2. 5. & 6. & in 2. diff. 5. q. 1. art. 3. Tribus modis accipitur. Primo habitualiter, & est quedam inclinabilitas ex nature flexibilitate, vel ex fomate ad superbiam, & hoc modo superbia dicitur initium omnis peccati. Secundo, actualiter, quando quis non subijcitur precipienti, quo modo non est speciale peccatum, sed conditio, seu circumstantia generalis consequens omne peccatum. Tercio accipitur prout est appetitus inordinatus proprię excellentię, & sic est speciale peccatum, vnum ex septem vitij capitalibus. Dubium procedit de superbia hoc tertio modo accepta.

59 Prima sententia dicit, quod Angelus non peccauit peccato superbię pro-

priedictę. Sic Scotus in 2. diff. 6. q. 2 & alij.

60. Nostra sententia seq. concl. explicatur. *Primum peccatum, quod de facto Angelus commisit, fuit superbia.* Colligitur hæc conclusio ex illo Isa. 14. *Determinata est ad inferos superbia tua, &c.* Et ex illo: *Qui dicebas in corde tuo, in calum confisendam, &c.* quæ verba immensam superbię abyssum continere videntur. Colligitur ex cap. 28. Ezech. tradunt sancti Patres, Scholastici, & Theologi communiter, & non desunt, qui oppositam reputent temerariam, quod ego non dico.

61 Probatur 1. quia de actibus liberis Angelorum sentiendum est iuxta ea, quæ ex Sacra Scriptura Patribus, & communi Theologorum consensu habemus, sed ex prædictis habemus; quod primus actus peccaminosus Angelorum fuit superbię, ergo, ita est sentiendum.

62. Probatur 2. quia Angelus primo peccauit ex eo, quod dilexit proprium bonum, propriam excellentiam, propriam perfectionem, propriam beatitudinem naturalem, non ordinando illam in Deum vt vltimum finem supernaturalem, ac proinde non seruando modum à Deo taxatum in dilectione proprię excellentię; imò illum prætermisit, inhærendo eidem bono, vt fini; ergo peccauit peccato superbię. Antecedens constat. Conseq. probatur, quia hoc ipso, quod non seruauit modum à Deo præscriptum in dilectione proprię excellentię, habuit appetitum inordinatum eiusdem, hoc autem est peccatum superbię, ergo. Tum quia hoc ipso, quod prætermisit dictum modum, voluit saltem virtualiter non subijci Deo, vt excellentiori, quod dicit superbiam specialem. Tum etiam quia ex fine sumuntur regula actionis, sed Angelus non solum noluit subijci Deo, sed etiam ex amore, & appetitu huius non subiectionis, appetijt alijs præesse, aliisque regulare, hic autem est proprius appetitus superbię; ergo. Tum denique quia Angelus non solum appetijt eminentiam dignitatis, sed sumpsit illius occasionem ex confide-

de ratione propriæ pulchritudinis, ac proinde peccauit peccato superbiæ, cuius proprium est, non solum appetere inordinatè eminentiam dignitatis, sed quod talis appetitus sumat occasionem ex proprio bono.

63 Sed obijcies 1. quia peccans in omni peccato diligit proprium bonum, & inhæret sibi tanquam vltimo fini, ac proinde vult alia ex se tanquam ex vltimo fine: vult quodammodo non subijci superiori, & alijs præesse, & tamen non peccat peccato speciali superbiæ; ergo etiã si Angelus dilexerit proprium bonum, si-bique vt vltimo fini inhæserit, non ob id peccauit peccato superbiæ. Resp. concedendo antecedens, & negando consequens, quia committens v.g. peccatum luxuriæ, non vult per se auersionem à Deo, non subijci eius regulæ, sed tantum vult delectationem, quam concomitatur auersio, & non subiectio, & solum per accidens ista sunt volita à luxurioso. At Angelus ita voluit propriam excellentiam, quod simul ex parte modi volendi, licet non ex parte rei volitæ, per se voluit auersionem dictam, & non subijci Deo, nec eius regulæ in prosecutione suæ celsitudinis. Et in hoc distinguitur superbia ab alijs peccatis.

64 Obijcies 2. quia vel præesse, & non subijci accipitur tanquam res per se volita, aut tanquam concomitans volitionem. Primum pertinet ad superbiam, non secundum, quod solum fuit in Angelo peccante, quia peccatum Angeli nõ fuit in hoc, quod aliquod malum elegerit, sed ex eo, quod non elegit, vel non appetit bonum, eo modo quo illud velle debebat. Pro solutione huius argumenti, nota, quod non subijci, aut præesse potest sumi dupliciter, primò, vt se teneat explicite ex parte rei volitæ, quia est res volita principaliter, & expressè; vel est modus ex parte rei volitæ principaliter se tenens, & expressè volitus: ita, quod ipsum bonum sit primò volitum, non subiectio autem sit secundariò volita. Secundò vt se teneat principaliter ex parte modi appetendi tantum, & non ex par-

te rei volitæ explicite, aut principaliter, vt contingit, quando quis amat aliquod bonum creatum, non secundum modum regulæ, quam non considerat, nec vult considerare, seu quando quis vult saltem virtualiter non apponere in sua volitione ordinem dictæ regulæ, aut subiectionem, sed vult apponere non subiectionem, non prout se tenet ex parte rei volitæ, sed ex parte modi volendi, & vterque modus pertinet ad superbiam, quia vterque est modus prosecutionis, secus esset si esset modus puræ fugæ, & nolitionis. Per quæ patet ad dictum argumentum; nam velle non subijci, nec sumitur in præsentia tanquam res per se volita, nec tanquam concomitans volitionem, sed tanquam quid se tenens ex parte modi appetendi; non fuit volitum non subijci concomitanter tantum, quia hoc modo pertinet ad omne peccatum; non fuit volitum primariò, seu vt res volita primariò, quia obiectum primariò volitum fuit bonum, rationi consonum, scilicet beatitudo naturalis fuit volitum tanquam modus, quia Angelus voluit illam beatitudinem modo inordinatè, non secundum mensuram à Deo taxatam, quod est velle illam subijciendo, & dirigendo se, & illam in finem supernaturalem, & sic illa non subiectio non fuit res volita nec per modum obiecti, nec aliquo modo expressè, neque vt modus, aut conditio ex parte obiecti principaliter se tenens, aliàs illa volitio esset mala ex parte obiecti, saltem ratione modi illius; sed solum fuit volita ex parte modi volendi, virtualiter tantum, & interpretatiuè, quatenus dictæ volitioni non fuit appositus modus à Deo præfixus, cum posset, & deberet apponi. Vnde illa non subiectio fuit modus se tenens ex parte volitionis, non rei volitæ.

65 Obijcies 3. quia non subijci Deo, & auerti ab eo, non potest esse per se volitum, sed solum per accidens, aut per aliud; ergo non potest fundare peccatum superbiæ propriè dictæ. Conseq. constat, quia peccatum superbiæ propriè dictæ, habet obiectum per se volitum, vt patet. Antecedens probatur, quia modus volendi in

in volitione repertus, solum potest esse, vel quid pertinens ad substantiam eiusdem volitionis, in quantum quod specifica diuersitas volitionis explicatur per diuersos modos volendi; vel potest esse modus intentionis, extensionis, aut continuationis actus; sed isti modi se tenent ex parte rei volitæ; ergo modus ille se tenens ex parte volendi non potest esse per se volitus, sed tantum per accidens. Resp. negando antecedens; non subiectio namque solum per accidens volita, diuagatur per omne peccatum. Et sic licet non subijci Deo, & aucti ab illo, non sit quid per se volitum vt habet rationem mali, aliàs non esset solum modus ex parte volendi, tamen vt dicit illud excellentiæ, quod affert non subijci, est aliquid per se volitum, & non per aliud. Ad probationem dico, quod in illa maiori non numerantur omnes modi volendi: nam non numerantur modus ille quem ponit Apostolus 1. Cor. 4. de illo qui gloriatur de bonis à Deo acceptis, ac si non accepisset. Deinde modus pertinens ad substantiam volitionis, non cadit supra rem volitam, sed supra ipsam volitionem. Ad hoc autem vt actus sit inordinatus sufficit, quod sit inordinatus ex parte modi volendi, vt ex dictis patet.

66 Probatur 3. quia primum Angeli peccatum fuit volitionis, & prosecutionis respectu boni spiritualis; ergo fuit superbiæ. Antecedens constat, quia Angelus non afficitur erga bona temporalia, vt talia, cum non sint suæ naturæ proportionata, bene tamen erga spiritualia, quæ suæ naturæ proportionantur; debuit autem esse volitionis, & prosecutionis, non fugæ, aliàs non esset peccatum propriè superbiæ. Conseq. probatur, quia affectus volitionis, & prosecutionis rerum spiritualium non est peccatum, cum sint bona, ergo solum poterit esse peccatum, in quantum non amantur cum subiectione & seruata regula à Deo præscripta, quod pertinet ad superbiæ.

67 Sed obijcies, contra hanc rationem, quia Angelus non ex eo peccauit peccato superbiæ, quia fuerit actus pro-

secutionis circa proprium bonum spirituale, non seruata regula superioris; ergo &c. Antecedens probatur, quia adhuc vt committatur peccatū superbiæ debet prosequi proprium bonum spirituale, non seruata regula superioris prohibentis excessum superbiæ; non aliorum vitiorum, v. g. intemperantiæ; sed primum Angeli peccatum fuit prosecutionis non seruata, regula superioris prohibentis excessum temperantiæ spiritualis; ergo non peccauit peccato superbiæ. Maior constat. Minor probatur, quia primum Angeli peccatum fuit in hoc, quod se ipsum dilexit inordinatè amore amicitie, realiter distincto ab amore concupiscentiæ, quo suam excellentiam inordinatè appetijt. Inordinata namque concupiscentia, supponit amicitiam inordinatam, sed inordinata amicitia, affert excessum intemperantiæ, vel luxuriæ spiritualis; ergo, &c. Tum quia idè Angelus voluit alijs præesse, quia se ipsum inordinatè dilexit, quod ad superbiæ non spectat, sed ad intemperantiæ, seu amorem proprii, seu luxuriam spirituale. Tum etiam, quia nos volendo bona spiritualia non semper peccamus peccato superbiæ, sed multoties luxuriæ spiritualis ex eo, quod illa appetimus intendendo capere nimiam delectationem ex ipsis, sed hoc contingit Angelis; ergo, &c.

68 Resp. negando antecedens. Ad 1. probationem conceditur maior, & negatur minor; ad cuius probationem, dico, quod ille amor fuit simul amicitie, & concupiscentiæ, quia nō potest dari amor amicitie, sine amore concupiscentiæ indistincto; nam amare, est velle bonum, quod est concupiscere bonum. Vnde idem actus vt terminatur ad personam amatam, est amicitia; vt terminatur ad bonum concupitum, sine distinctum, sue indistinctum, pertinet ad amorem concupiscentiæ. Nec concupiscentia supponit amicitiam, nisi virtualiter, & in ratione finis sui; cum quo tamen stat, quod quando sunt idem actus, vt in præsentī, constituent idem peccatum. Bene verum est, quod ille actus vt dicit præcisè amorem ami-

amicitijs, & delectationem de proprio bono; imò & voluntatem, seu concupiscentiam illius præcisè, non fuit malus, sed prout habuit adiunctam dictam inordinationem.

69 Ad 2. probationem dico, quod prius nostro modo intelligendi, est; Angelum non subijci Deo quam velle alijs præstare, aliisque regulare, cum hoc intelligatur oriri ab amore inordinato inordinatione superbiæ. Ad 2. probationem dicendum, quod homo potest etiam delinquere appetendo rem spirituales cum circumstantia ex se mala ex parte obiecti; non Angelus, vt ex dictis patet, ac proinde non nisi modo dicto potuit Angelus peccare. Soluuntur argum. primæ sententiæ.

70 Primum argum. est, quia primum Angeli peccatum fuit odij Dei; ergo non fuit superbiæ. Antecedens probatur, quia Angelus per primum peccatum fuit peculiariter auersus à Deo, sed hoc pertinet ad odium; ergo, &c. Resp. negando antecedens; ad probationem dico, quod odium consistit in auersione contraria, non priuatiua; auersio autem contraria, seu odium supponit iam priuatiuam, quia nullius rei potest esse odium, nisi quod est dissonum, & contrarium voluntati; Deus autem cum sit optimus, non potest esse contrarius voluntati rectæ; sed non rectæ.

71 Secundum argum. quia Angeli peccatum fuit inuidiæ; ergo non superbiæ. Antecedens docent Basiliius *hom. de inuidia*, Cassian. *cellar. 18. cap. 17* Cyprian. *lib. de bono patientiæ*, & alij. Resp. negando antecedens. Ad probationem dico, quod S. Patres solum volunt, quod dormiones post peccatum superbiæ inter alia, etiam peccauerint peccato inuidiæ. Non potuit autem primum peccatum esse inuidiæ; quia inuidia est dolor alienæ prosperitatis, in quantum est impeditiua alius boni proprii; diuina autem felicitas non potest esse impeditiua nisi boni inordinatè desiderati, ac proinde supponit peccatum per quod voluntas deordinetur.

D V B I V M V.

Quodnam fuerit obiectum excellentiæ, circa quod Angelus superbiuit.

72 Prima sent. est, quod obiectum circa quod Angelus superbiuit, non fuit propria excellentia, nec superbiuit appetendo efficaciter omnimodam æqualitatem cum Deo per appetitum absolutum, & efficacem, sed eam appetendo per inefficacem, conditionatam, seu per simplicem quandam complacentiam, per quam complacere in æqualitate sui cum Deo sub hac conditione ex parte obiecti præcisè se tenente; scilicet si illa æqualitas esset eidem Angelo possibilis. Sic ex antiquis tenent Scotus in 2. dist. 6. Gabr. Maior. & alij ibid. Et ex modernis Suarez *lib. 7. de Angelis cap. 12*. Valquez, Molina, Becanus, & alij hoc loco.

73 Nostra sententia sequens conel. explicatur. *Obiectum excellens circa quod Angelus primo superbiuit, non fuit, nec esse potuit omnimoda æqualitas cum Deo per æquiparantiam.* Sic S. P. Augustinus, Anselmus, D. Thomas multis in locis apud Salu. quem sequuntur eius discipuli, Capreol. Caiet. Molina, Aluarez, & alij quos referunt, & sequuntur dicti Sal. hoc loco dist. 10. dub. 2.

74 Probatur: quoniam Angelus non potuit sibi proponere vt bonum, & conueniens se esse æqualem cum Deo per omnimodam æquiparantiam; ergo non potuit illud appetere. Consequens constat, quod enim voluntati proponi non potest vt bonum, & conueniens, ab illa appeti non potest, aliàs exiret extra latitudinem sui obiecti. Antecedens probatur, quia intellectus Angelicus cognoscit illam æqualitatem esse omnino impossibilem; ergo non potest proponi vt bonum conueniens. Fundamentum namque bonitatis, & conuenientiæ est possibilitas.

75 Occurrunt aduersarij aliqui, quod Angelus per errorem potuit iudicare illam æqualitatem esse sibi possibilem, ac proinde potuit illam vt talem proponere suæ voluntati. Sed contra, quia in

Vuuuu Ange-

Angelis ante peccatum non potuit esse error; ergo, &c. Antecedens probatur, quia error est pena peccati ergo non potuit esse ante peccatum. Tum quia Angelus euidenter cognoscebat, quod non poterat perungere ad omnimodam æqualitatem cum Deo, cum enim se ipsum comprehenderet, euidenter cognoscebat se esse ens per participationem, ac proinde repugnare se esse ens per essentiam. Tum etiam quia Angelus euidenter sciebat hoc etiam repugnare ex parte Dei, quia sciebat, quod ipsum esse per se subsistens, est immultiplicabile, cum non dicat ordinem ad subiectum. Tum denique quia in Angelo ante peccatum nihil erat, quod posset suam cognitionem perturbare; ergo, &c. Nam nec habitum vitiosum habebat, nec passionem, &c.

76 Occurrit 2. Vasquez, quod re vera Angelus non habet iudicium fallum de possibilitate omnimodæ æqualitatis cum Deo, nihilominus potest illam appetere, quia ad huiusmodi appetitum non est necessarium iudicium de possibilitate, sed sufficit, quod per simplicem apprehensionem proponatur hoc obiectum sub ratione possibilis, & tunc nullus interuenit error, qui tantum reperitur in iudicio, non in simplici apprehensione. Sicut non interuenit error cum apprehendimus Deum sub ratione entis corporci.

77 Sed contra, quia voluntas non mouetur ad appetendum per simplicem obiecti apprehensionem, sed requiritur iudicium practicum, & imperium saltem virtuale; ergo, &c. Tum quia ad hoc vt voluntas moueatur, non sufficit, quod obiectum ei proponatur vt bonum absolutè, & secundum se, sed requiritur, quod proponatur vt conueniens volenti; ac proinde debet interuenire collatio illius cum volente, & volentis cum bono; sed hoc non potest esse sine iudicio; ergo, &c. Tū etiam quia aliàs eodem modo proponeret intellectus obiectum voluntati, ac illud proponit phantasia sensui, quod est omnino falsum; nam phantasia non proponit per modum conuenientis, aut disconuenientis, bene tamen intellectus. Tum quia

dato, quod phantasia proponeret sub ratione conuenientis, aut disconuenientis, hoc tamen facit ex instinctu nature, ac intellectus in vim rationum, per earum ponderationem, & examen: quod per simplicem apprehensionem esse non potest.

78 Occurrit Suarez, quem alij sequuntur, quod ex nostra ratione solū colligatur, quod non poneretur Angelus appetere dictam æqualitatem cum Deo, appetitu absoluto, & efficaci, non tamen inefficaci, conditionato, & per simplicem complacentiam; quia ad hunc appetitum habendum, non est necesse, quod hæc equalitas sit absolutè possibilis, sed sufficit, quod licet sit impossibilis absolutè, proponatur tamen vt conueniens conditionatè, quod sine aliquo errore contingere potest.

79 Sed contra, quia licet Angelus possit data conditione æqualitatis possibilis appetere dictam æqualitatem post purificationem, & expletam conditionem, non tamen antequam conditio purificetur, loquendo de actu conditionato ex parte obiecti, nam actus conditionatus ex parte appetentis, de facto non est, sed esset, si poneretur conditio, sed illa conditio nunquam purificabitur; ergo ille actus nunquam dabitur. Minor constat. Maior probatur, quia ex hoc, quod dicatur, quod omnimoda æqualitas cum Deo esset conueniens Angelo, si esset possibilis, non sequitur, quod re vera sit nunc conueniens Angelo, cum non sit possibilis; sed solum sequitur, quod si daretur talis conditio possibilitatis, tunc esset possibilis, & conueniens Angelo; ergo solū sequitur, quod Angelus illam æqualitatem peteret si purificaretur conditio, & foret possibilis. Sicut ad hoc vt visus possit actu, & de presentia videre aliquod obiectum, non sufficit, quod esset coloratum, aut lucidum si daretur hæc, aut illa conditio, sed requiritur, quod de facto sit coloratum; ergo etiam, &c.

80 Sed dices, quod licet id, quod est impossibile, si consideretur sub conditione quod esset possibile, non habeat nunc possibilitatem absolutam, sed solum post puri-

purificatam conditionem, tamen habet nunc possibilitatem conditionatam, ad quam voluntas potest terminari per actum simplicis complacentiæ, qui sit conditionatus ex parte obiecti; imò potest terminari ad illud obiectum per talem complacentiam, includentem virtuales efficaciam, consequentem illud absolute si purificaretur conditio.

81 Sed contra, quia licet possit dari futuritio conditionata distincta à futuritione absoluta, ac proinde omnis possibilitas debet esse absoluta. Nam futurum conditionatum habet veram causam sui esse conditionati, scilicet divinam voluntatem, quæ illud decernit sub certa conditione, si poneretur. At id, quod est simpliciter impossibile, licet addatur conditio, si esset possibile, nunquam fieri possibile, quæcunque possibilitate; omnis namque possibilitas non à conditione, sed à divina omnipotentia ortum habet, sicut omnis futuritio ortum habet à divina voluntate. Tum quia conditio impossibilis, non potest requiri ad veram possibilitatem; sed omnimoda æqualitas cum Deo, est obiectum impossibile, ergo etiam erit impossibilis quæcunque conditio illi appositæ, ac proinde nunquam faciet, quod dictum obiectum habeat aliquam possibilitatem. Tum etiam quia vel illa conditio affertur ab intrinseco ab hoc obiecto, scilicet omnimoda æqualitas cum Deo, vel solum affertur à mente humana, vel Angelica. Non primum, quia illa conditio possibilitatis per locum intrinsecum, destruit illud impossibile. Si secundum, nullam veram ponit possibilitatem, affertentem veram convenientiam cum voluntate Angelica. Tum denique, quia ex hoc, quod divina misericordia concipitur sub conditionibus impossibilibus, & disconvenientibus Deo, non ob id fit disconvenienti Deo; ergo &c.

82 Probatur 2 quia adhuc dato, quod omnimoda æqualitas cum Deo esset aliquo modo possibilis Angelo, adhuc illam non appeteret. Nam si Angelus appetitu prosecutionis appeteret omnimodam æqualitatem cum Deo, appeteret suum

non esse; sed nullus potest appetere dicto appetitu suum non esse; ergo non poterit Angelus appetere dictam æqualitatem cum Deo. Maior constat, quia non potest Angelus manere Angelus, & appetere dictam æqualitatem omnimodam cum Deo, quin amittat esse Angelum: non potest acquirere esse ens per essentiam, nisi amittat esse ens per participationem: non potest euehi ad gradum superiorem, nisi reliquat inferiorem. Minor probatur, quia unusquisque est determinatus ad volendum affectu prosecutionis suum esse, ut nequeat velle oppositum, seu ut nequeat habere actum nolitionis sui non esse. Tum quia unicuique inest naturale desiderium conservationis propriæ esse, cum sit fundamentum omnium aliarum perfectionum. Tum etiam quia quilibet necessariò appetit suam beatitudinem saltem in communi; ergo etiam suum esse sine quo haberi nõ poterit. Tum denique quia affectus prosecutionis, quo quis vult bonum sibi, non potest esse sine volitione sui, cui vult tale bonum, ergo, &c.

83 Occurrunt 1. aduersarij, quod licet sequeretur non esse Angeli, si appeteret omnimodam æqualitatem cum Deo, adhuc tamen poterit cognoscere bonitatem, & convenientiam dictæ æqualitatis, non cognito illo modo, scilicet non esse ipsius, ac proinde poterit proponere illud prius sine isto posteriori. Sed contra, quia Angelus in illo instanti habebat notitiam comprehensionem suæ naturæ, siquæ esse, ac proinde cognoscebat sibi vii enti per participationem, repugnare esse ens per essentiam. Tum quia non potuit Angelus velle dictam æqualitatem nisi sibi, ac proinde ut transferenti ipsum ad gradum ulteriorem, ad esse ens per essentiam, & ut excludentē esse ens per participationem.

84. Occurrunt alij 2. quod licet non possit Angelus appetere dictam æqualitatem appetitu absoluto, & efficaci, absque eo, quod appeteret sui non esse; bene tamen appetitu inefficaci, & conditionato, quia appetitus inefficax est veluti præcisiuus, quia ex coniunctis potest appeti vnũ,

Vuuuu 2 abf.

absque alio; tum quia illa æqualitas appeteretur sub conditione impossibili possibilitatis. Sed contra, quia hoc ipso, quod Angelus appeteret dictam æqualitatem cum Deo appetitu conditionato si esset possibilis, deberet etiam appetere suum non esse sub illa conditione, scilicet enim Angelus, quod non potest sub quacunque conditione habere æqualitatem cum Deo, retinendo suum esse per participationem. Conditiō namque quod etiam retineret suum esse, inuoluit oppositum eius, quod appetitur, & sic non potest Angelus appetere sub conditione dictam æqualitatem, retinendo propriū esse, seu sub alia conditione, quod retineret proprium esse, cum hæc conditiones opponantur. Hæc causalis admittitur à Theologis, vt doctrinalis. Si Spiritus S. realiter non procederet à Filio, non distingueretur realiter ab illo, quia per locum intrinsecum non tollit Spiritum S. secundum id, quod formaliter dicit, scilicet, secundum quod est impulsus procedens per voluntatem. Cæterum dicta causalis per locum intrinsecum destruit esse Angeli, vt patet, ac proinde non potest supponi, quod maneat. Ad illud, quod appetitus conditionatus est præcisius, dico quod non ex hoc potest tendere in impossibile, vt in præsentī contingit.

85 Alij 3. occurrunt, quod licet Angelus seruato modo, & naturali conditione sue cognitionis non possit appetere dictam æqualitatem nisi saltem virtualiter, & implicite velit non esse, bene tamen si hæc naturalis conditio non seruetur, si Deus concurreret ad cognitionem dictæ æqualitatis, & non ad cognitionem destinationis sui esse. Sed contra, quia in primis dubium procedit de Angelo seruato modo cognitionis ipsius. Deinde, tunc non esset motus prosecutionis quo vellet illam æqualitatem sibi, sed esset cognitio dictæ æqualitatis purè speculatiua vt patet.

86 Tandem occurrunt alij, negando minorem nostræ rationis, quia non esse potest appeti, vel tanquam medium ordinatum ad consequendum aliquod bonum, vel consequenter ad appetitionem

eiusdem boni, vel per accidens ex eo, quod esse proprium est impossibile cum illo bono. Quod probant 3. Exemplo damnatorum appetitionem suam non esse, vt liberentur à cruciatibus. 2. Vniōis hypostaticæ, quæ potest appeti à creatura, cum non esse propriæ substantiæ, & existentiæ. 3. Illius qui ignoraret resurrectionem corporum, & appeteret mortem, vt eius anima consequeretur æternam felicitatem. 4. Illius qui vitam profunderet pro exercitio suæ libertatis, vel pro tuenda castitate, vel vt relinqueret sui memoriam. 5. Illius Angeli qui etiam in via D. Thomæ beatitudinem supernaturalem appeteret, vt acquirendam proprijs viribus, qui tunc consequenter appeteret non esse.

87 Sed contra, quia hæc est differentia inter appetitum remotionis, & prosecutionis, quod per appetitum remotionis potest appeti non esse ad remouendas miseria; uō appetitu prosecutionis, in cuius visceribus clauditur, quod appetens velit conseruationem sui esse, & coniunctionem boni desiderati cum illo; sed in nostro casu esset appetitus prosecutionis, vt patet, cum Angeli quando peccarunt non essent in aliqua miseria; ergo &c. Maior probatur, quia in appetitu remotionis, Angelus est terminus à quo, qui in motu non saluatur. At in appetitu prosecutionis Angelus est terminus ad quem, qui in motu saluari debet; ergo &c. Deinde proprium esse secundum se, non potest odio haberi, bene tamen prout coniungitur cum aliqua miseria, vt patet. Et per hæc patet ad 1. exemplum damnatorum. Ad 2. patet quia per appetitum vniōis hypostaticæ non destruitur proprium esse specificum, & essentia, licet destruat proprium esse existentia, de quo non procedit ratio. Ad 3. dico saluari tunc potissimum hominis partem, scilicet animam. Ad 4. dico etiam tuuc saluari potest iam partem gloriosam, & perire corpus ingloriosum. Ad 5. dico, quod beatitudo supernaturalis acquitenda ex proprijs viribus, secundum se considerata, non est impossibilis cum proprio esse, licet

licet ex consequenti sit talis prout affert peccatum.

88 Sed quæres, an dato, quod esset possibilis Angelo dictus appetitus conditionatus ex parte obiecti de omnimoda æqualitate cum Deo, an tunc peccasset primò peccato superbiæ circa dictam æqualitatem. Resp. quod non, secundum communem, & regularem cursum. Ratio est, quia si Angelus potuisset peccare circa dictam æqualitatem, debuisset peccare circa illam tanquam circa vltimum finem, cum superbo modo appetendo; sed hoc nequit esse per affectum simplicem, & inefficacem; ergo. Minor probatur, quia affectus ad vltimum finem vt talem, debet esse efficax, & dilectionis super omnia. Tum quia homines magni ponderis, maximè cum instat grauis necessitas deliberandi, non recurrunt ad obiecta impossibilia, si essent possibilia; ergo neque Angeli, cum tunc instaret maxima necessitas deliberandi. Tum etiam quia æqualitas cum Deo, aut transmutatio in diuinam naturam sub conditione de possibili, non est obiectum per se contrarium rationi, nisi viuetur circumstantia alicuius mali finis; sed hæc dari non potest; quia iste finis non potest esse nisi vt magis diligeret Deum, qui finis prius est; ergo, &c. Quare, quando in scriptura videtur dici, quod Angelus appetiit æqualitatem cum Deo; debet intelligi ex parte modi volendi. Soluuntur argum. in contrarium.

89 Primum argu. quia si ob aliquam rationem Angelus non potuisset superbiæ appetendo omnimodam æqualitatem cum Deo appetiui inefficaci, & conditionato ex parte obiecti, maximè quia ista æqualitas est illi impossibilis; sed hæc ratio est nulla; ergo, &c. Maior patet. Minor probatur, 1. ex Arist. 3. *Ethyc. cap. 2.* vbi dicitur, voluntatem esse impossibilem, non intentionem, & electio. 2. ex D. Tho. 1. 2. q. 3. art. 1. ad 1. vbi ait, quod voluntas incompleta est de impossibili, quæ secundum quosdam voluntas dicitur, quod etiam Angelis concedit q. 16. de malo art. 3. ad 9. Resp. negando minorem. Ad 1. & 2. probationem dico, Aristotelem, & D. Tho-

mam loqui de impossibili ex suppositione & per accidens, non de impossibili simpliciter, & omnibus modis, vt est omnimoda æqualitas cum Deo. Ad testimonium allatum ex q. de malo, dicendum, loqui de actu conditionato conditione se tenente ex parte actus, quod esset si poneretur conditio, vt iam ex dictis constat.

90 Secundum argum. quia intellectus ob suam vniuersalitatem extenditur etiam ab obiectis impossibilibus, ea conditione contemplanda, & iudicando de illorum proprietatibus, & conditionibus sub statu conditionato, deque convenientia, & disconuenientia, &c. sine falsitate, & errore; ergo voluntas poterit in illa tendere, vt sic ab intellectu proposita. Antecedens constat; vnde iudicat, quod si Spiritus S. non procederet à Verbo, non distingueretur ab illo, &c. Conseq. sequitur ex paritate rationis. Resp. concedendo antecedens, quia intellectus extenditur etiam ad non ens; nec ex cognitione tribuit rebus cognitis aliquam veritatem. Et negatur conseq. quia voluntas tendit in res affectu prosecutionis prout sunt in se; ac proinde si non sunt possibiles, & bonæ, non potest in illas tendere.

91 Tertium argu. quia S. P. Aug. simili affectu conditionato tendebat in obiectum impossibile si esset impossibile, cum dicebat. *Si ego possem esse Deus; & tu Augustinus, mallem te esse Deum, &c.* Tum quia iusti multoties appetunt diligere Deum infinitè. Tum etiam quia experimur nos multoties delectari de obiectis impossibilibus sub conditione, quod essent possibilia; ergo, &c. Resp. quod illa conditio S. P. Augustini se tenebat ex parte actus, & sic non erat actus formalis voluntatis, sed interpretatiuus, & virtualis. Eodem modo intelligendi sunt actus illi iustorum. Vel dicendum procedere de infinitate syncategorematicè, vel ex eo, quod putent dictam intentionem dilectionis non repugnare. Ad aliud, dico, quod illa delectatio non est de obiecto cogitato, sed de cogitatione; vel contingit error in intellectu proponendo impossibile, vt possibile.

Quar.

92. *Quantum argum.* quia tum dæmones, tum homines peruersi Deum prosequuntur non solum odio abominationis, sed etiam inimicitiae, quo vellent eum non esse, non solum ut punientem, sed etiam secundum se; & tamen, hoc est impossibile; ergo, &c. Resp. 1. quod homines peruersi possunt appetere non esse Dei, excæcati præcedentibus peccatis, & per errorem: quod etiam de damnatis dici potest. Hoc autem non contingit in primo Angeli peccato. Dicit etiam potest, quod dæmones non prosequuntur Deum odio inimicitiae, sed tantum abominationis, ratione effectuum repugnantium eorum voluntati. Resp. 2. quod dupliciter potest aliquid appeti. Primum per se. Secundò per accidens, seu per modum appetibilis per accidens. Tunc aliquid est appetibile per se, quando est volibile per modum finis, vel medij, habentis rationem vrilis, siue veram, siue apparentem. Tunc autem aliquid est appetibile, vel appetitur per accidens, quando est coniunctum cum aliquo vero, vel apparenti appetibili. Impossibile per se, ut est non esse Dei, non potest appeti per modum appetibilis per se, bene tamen per modum appetibilis per accidens, ex eo, quod est coniunctum, cum aliquo vero, vel apparenti appetibili per se. Dum ergo dæmones appetunt liberari à miseria, simul appetunt non esse Dei, quod est per accidens.

93. Sed petes, quare dæmones possunt appetere non esse Dei per accidens, & Angeli non potuerunt per accidens appetere omnimodam æqualitatem cum Deo? Resp. 1. quia hæc æqualitas sic appetita est obiectum per se, & intrinsecè malum, supponens errorem practicum in intellectu, est enim peruersitas uti fruendis. 2. Quia, quod appetitur per accidens, appetitur ratione alterius, & excitat ratione alterius; nulla autem est debilis excellentia, quæ sit ratio apprehendi dictæ æqualitatem. 3. Quia dicta æqualitas non potest nec per se, nec per accidens ab Angelo appeti appetitu prosecutionis, quia debet appeti non esse appetentis, quod

in appetitu prosecutionis esse non potest, ut pluries diximus.

D V B I V M VI.

An Angelus appetierit vniorem hypostaticam, vel nolle subijci Christo, & dignitati illius.

94. **N**otandum 1. quod secundum commune sententiam, fuit mysterium Incarnationis Angelis reuelatum, ac proinde, quod Christus futurus, simul esset Deus, & homo, caput Angelorum, & hominum; notitia namq; dignitatis capitis, & Domini, faciliter ducebatur ex cognitione huius mysterij. Nec obest, quod iuxta ordinem diuinorum decretorum, Incarnatio Verbi dependebat ab Adami lapsu, nec non à peccato Angelorum malorum, ac proinde non posuit hoc mysterium reuelari, sine reuelatione peccatorum à quibus dependebat, ac proinde Angeli ante peccatum maximè habuissent tristitiam. Nam ad hoc dico, quod in genere causæ finalis, Incarnatio præcedit. In genere causæ materialis, præcedit peccatum; & sic potuit illa reuelari, hoc non reuelato. Notandum 2. esse valde probabile; quod Deus dederit præceptum Angelis, ut adorarent Christum Deumq; ut caput, & Dominum recipere; facta namq; dicta reuelatione, hoc præceptum erat consonum. Imò est valde probabile, quod sine speciali præcepto posituo, sed ex rei natura, & obligatione debuerint Angeli recognoscere Christum; & non appetere illam excellentiam, diuinam ordinatione supposita, nec affectum dominandi.

95. Prima sententia est, quod Angelus primò superbiuit circa vniorem hypostaticam, & eius excellentiam, sic Suarez lib. 7. de malis Angelis cap. 13. post alios quos refert. Secunda sententia est, quod Angelus primò superbiuit circa Christum Dominum ei subijci, illumq; ut Dominum recognoscere. Sic Melchior Flavius lib. de Regno Christi cap. 6. & 31. & alij.

96. Nostra sententia seq. concl. explicatur. *Obiectum excellentia circa quod*
An.

Angelus peccauit. non fuit vnio hypostatica, nec nolle subijci Christo, illumque verum Deum, vnumque Dominum non recognoscere. Est communis inter Theologos, & amque tradunt communiter Sancti Patres, & colligitur ex sacra Scriptura, vt Ezec. 28, vbi satis apertè innuitur, quod obiectum superbiae Angelus, fuit decor, potestas, & cumulus perfectionum, quibus abundabat.

97 Prima pars probatur, quia primū peccatum, primaque superbia Angelus, debuit versari circa vltimum finem illius, tanquam circa obiectum; sed vnio hypostatica, non est vltimus finis Angelus; ergo, &c. Maior cōstabit ex dicendis dub. 8. Tū quia homo in primo peccato deliquit circa finem vltimum; ergo etiam Angelus: Antecedens probatur, quia ibi est primū peccatum, in quo prius inuenitur inordinatio: prius autem inordinatio est circa finem, sicut etiam ordinatio prius est circa finem, quam circa media; ergo, &c.

98 Sed dices 1. quia peccatum potest esse prius circa media, quam circa finem; potest enim quis habere optimum finem, vt dandi eleemosinam, & peccare ex electione mediorum, vt si eligatur furum. Resp. quod illa intentio finis, est bona materialiter, & mala vt est ratio eligendi media mala. Vel dic posse id contingere post primum instans, non in primo, in quo teneret deliberare de fine.

99 Dices 2. quia vnio hypostatica est adeo excellens, vt ad eam ordinetur omnis creatura tanquam ad finem: unde in genere causae finalis, Christus D. est prior cunctis creaturis. Resp. quod vnio hypostatica est finis vltimus quasi extrinsecus, non propriè vltimus adipiscendus, & possidendus, solus namque Deus clarè visus, est huiusmodi.

100 Dices 3. hinc sequi, quod Angelus neque de possibili posset peccare circa vnionem hypostaticam: ergo, &c. Resp. concedendo sequelam secundum communem, ac regularem cursum, vt ex dictis constat.

101 Probatur 2. pars conclusionis, quia nolitio debet esse in virtute volitionis; ergo prius Angelus fuit prosecutus

aliquid obiectum excellens, quàm quod noluerit subijci Christo, aut noluerit eius excellentiam, &c. Conseq. constat. Antecede: s ostenditur, quia cum nolitio respiciat malum, & malum nō respuatur a voluntate nisi ratione boni, quod vult, & cui opponitur, sequitur, quod nolitio mali, supponat volitionem boni. Soluuntur argum. primae sententiae.

102 Primum argum. quia Angelus peccauit ex eo, quod appetijt Deitatem, vt ex sacra scriptura colligitur; sed non appetijt illam volendo destructionem suam, quia iudicabat esse hoc impossibile, ergo appetendo vnionem hypostaticam, per quam ad esse Deum perungere poterat. Resp. distinguendo maiorem: appetijt Deitatem ex parte modi appetendi virtualiter, & interpretatiuè, conceditur; formaliter, & directè, negatur, de quo d. 8.

103 Secundum argum. quia probabile est id, quod dicit D. Bernard. *serm. 27. in Cant.* quod Angelus inuidit, quod homo eleuaretur ad felicitatem aeternam, & tristatus est habere homines locios in tali felicitate; ergo multo probabilius est doluisse, & inuidisse, quod homo, seu natura humana eleuaretur ad vnionem hypostaticam, &c. At inuidia oritur ex superbia, qua inordinatè appetierit eandem vnionem hypostaticam. Resp. negando maiorem subsumptam. Sufficit namque, quod appetierit aliam excellentiam inordinatè, & postea appetierit vnionem hypostaticā, & subinde, doluerit, & inuiderit.

104 Fundamentum secundae sententiae manet solutum ex dictis, quia nolle subijci Christo, non potuit esse primus actus, quia non potuit esse nolitionis, sed profectionis, & non quicunque, sed erga vltimum finem, vt iam dictum est.

D V B I V M VII.

An Angelus peccauerit appetendo tyrannicam potestatem, seu principatum supra creaturas inferiores, maxime intellectuales.

105 **P**rima sententia est, quod obiectum excellens circa quod Angelus superbiuit fuit principatus, & tyrannica potestas super alias creaturas intellectuales inferiores. Sic Molina hic, Becannus, & alij. Nostra sententia sequenti conc. explicatur. *Obiectum circa quod primo Angelus superbiuit, non fuit aliquis principatus, seu tyrannica potestas super alias creaturas intellectuales inferiores.* Sic Sanctus Doctor hic art. 3. quem eius discipuli sequuntur, & alij passim.

106 Probatur 1. quia id, quod est per se, est principium, & causa eius quod per aliud est; sed appetere propriam excellentiam absolutam, est per se respectu voluntatis, & respicere excellentiam respectivam, seu principatum, est per aliud; ergo appetitus principatus est posterior, ac proinde non potuit esse primum obiectum excellens circa quod Angelus superbiuit. Maior constat. Minor suadetur, quia propria perfectio, & excellentia potest esse finis ultimus voluntatis, & excellentia vero respectiva, habet quodammodo rationem medij ad illam absolutam; ergo &c.

107 Probatur 2. quia appetitus principatus & tyrannice potestatis, spectat proprie ad ambitionem, cuius proprium est appetere excellentiam in honoribus, & dignitatibus vel ad presumptionem, quae quis fertur ad immoderatam excellentiam in actionibus, & ministerijs exercendis; sed hæc saltem secundum communem cursum, non possunt esse primum Angeli peccatum; ergo, &c. Maior constat. Minor probatur, quia tam ambitio, quam presumptio oriuntur a superbia, ut docet Sanctus Doctor 2.2 q. 130 & 131. & 132.

108 Probatur 3. quia sicut esse secundum quid supponit esse simpliciter, ob id prius producitur substantia, quam acci-

dens; ita appetitus excellentie simpliciter, est prior appetitui excellentie secundum quid: sed ambitio est appetitus excellentie secundum quid, scilicet in honoribus, & dignitatibus; ergo debet supponere appetitum excellentie simpliciter, scilicet superbiam.

109 Probatur 4. quia primum Angeli peccatum non potuit consistere in expressa volitione alicuius obiecti inhonesti, & per se mali sed tyrannica potestas est huiusmodi; ergo, &c. Minor constat. Maior patet ex dictis supra, quia primum Angeli peccatum, non potuit esse cum errore intellectus, sed solum ex inconsideratione; sed expressa volitio obiecti mali, & inhonesti, non potest esse sine aliquo errore intellectus, proponentis malum sub ratione boni, ergo, &c. Soluuntur argum. in contrarium.

110 Primum argum. desumunt ex illo Ezech. 28. *Elevatum est cor tuum in decore tuo*, hæc autem elevatio in hoc fuit, quod præesse voluit, & hoc videtur velle D. August. 1. *super Gen. ad lit. cap. 23. & 14. de Civit. cap. 11.* Et D. Gregor. 23. *moral. cap. 4.* Resp. quod ex illo Ezech. potius oppositum sequitur, quod scilicet obiectum circa quod per se primo peccavit, fuit proprius decus, & excellentia, ut dub. seq. patebit. D. August. per propriam potestatem intelligit propriam excellentiam. D. Gregor. & alij, solum volunt, quod Angeli mali, etiam circa hoc peccarunt, non tamen primo.

111 Secundum argum. quia Angelus non potuit peccare appetendo propriam excellentiam secundum se, quia hæc est bona, ergo appetitus excellentiam respectivam. Hoc argumentum vocat dubium præsens.

D V B I V M VIII.

*An obiectum circa quod Angelus peccavit,
fuerit sua beatitudo naturalis,
& quomodo.*

112 **P**rima sententia tenet, quod obiectum circa quod Angelus primò superbiuit, non fuit eius beatitudo naturalis. Hanc tenent Suarez *lib. 7. de Angelis cap. 10.* Estius *in 2. dist. 5.* Molina Arubal, Becanus, & alij hoc loco. Secunda sententia est, quod licet propria beatitudo naturalis potuerit esse obiectum, circa quod Angelus primò superbiret, tamen de facto non fuit. Sic Vasquez *in præfenti, Aegidius in 2. dist. 5. q. 1. art. 2.* & alij.

113 Nostra sententia seq. concl. explicatur. *Obiectum circa quod Angelus primò superbiuit, fuit propria excellentia, seu beatitudo naturalis.* Angelus namque inordinato modo suam dilexit beatitudinem, perfectionem, & excellentiam non ordinando illam in beatitudinem supernaturalem, nec illam subdendo Deo ut auctori supernaturali, & obiecto visionis beatificæ. Est autem idem creaturam diligere, seu appetere suam beatitudinem, naturalem, ac diligere suam excellentiam, quia excellentia potissima creaturæ intellectualis, consistit in eius beatitudine. Modus autem delinquendi circa beatitudinem naturalem variè explicatur, licet omnes modi explicandi in idem redeant. Aliqui sic explicant, ex eo, quod Angelus per se voluit suam beatitudinem ex parte modi volendi, seu voluit suam excellentiam naturalem, tanquam sibi omnino sufficientem, non seruato, seu spreto ordine, & mensura à Deo præfixa; & voluit saltem implicitè, & interpretatiuè finem vltimum in sua beatitudine. Iste modus dicendi coincidit cum isto, & communi, quod Angelus modo inordinato dilexit suam beatitudinem, seu excellentiam, non ordinando illam in beatitudinem supernaturalem, iuxta præscriptum Dei, ac proinde superbiè deliquit. Superbia namque

consistit in appetitu propriæ excellentiæ, non seruata regula circa appetitum propriæ excellentiæ. Hæc conclusio explicata colligitur ex illo Ezech. 28. *Elenatum est cor tuum in decore tuo. Plenus sapientia, & perfectus decore, &c.* & sic tradunt communiter S. Patres, D. Thomas, omnes eius discipuli, & alij plures, quos congerunt, & sequuntur Salmant. hoc loco.

114. Probatur 1. quia illud est obiectum circa quod Angelus primò superbiuit, quod est valde excellens, excellentia propria Angeli, sibi que debita, quodque non fuit appetitum modo ordinato, scilicet ipsum subiiciendo fini supernaturali; huiusmodi fuit beatitudo naturalis Angeli; ergo hæc fuit obiectum circa, quod peccauit Angelus. Maior constat, satis namque congruum apparet, quod natura perfectissima, & valde superbiens, asseceretur ad obiectum valde excellens, sibi proprium, non modo debito appetitum. Minor etiam constat, quia beatitudo naturalis est obiectum valde excellens, proprium, & inordinatè appetitum, scilicet non ob beatitudinem supernaturalem.

115. Sed obieciēs 1. contra hanc rationem ex Suarez, quia ex hoc, quod Angelus appetijt inordinatè suam beatitudinem naturalem, non sequitur, quod peccauerit peccato superbiæ, sed pusillanimitatis; ergo, &c. Antecedens probatur, quia spectat ad pusillanimitatem quiescere in minoribus, & non tendere ad magnas, commensurata virtuti à Deo acceptæ, vt tradit S. Doctor 2. 2. q. 133. art. 1. ad 2. Sed hoc contigit Angelo, quia quiescit in beatitudine naturali, & non tendit in beatitudinem supernaturalem ad quam per Dei gratiam habebat commensurationem. Resp. negando antecedens. Ad probationem dico, spectare ad pusillanimitatem non ordinate bonum minus ad maius, perterritus excellentia boni maioris. At spectat ad superbiam non ordinare bonum minus ad maius, quando bonum minus æstimatur virtualiter, & implicitè excellentius, saltem ex parte

X x x x x mo.

modi volendi, amando ipsam beatitudinem naturalem per modum finis ultimi, quod in nostro casu contingit.

116 Obijcies 2. quia ex hoc, quod dicta beatitudo naturalis non fuit volita, ordinatè non sequitur, quod Angelus peccauerit peccato superbiæ, sed omissionis; ergo, &c. Consequ. constat, quia peccatum superbiæ, est peccatum commissionis, non omissionis. Antecedens probatur, quia non ordinare suam beatitudinem naturalem in supernaturalem, est solum peccatum omissionis, non commissionis.

117 Resp. 1. quod dilectio qua Angelus dilexit suam beatitudinem naturalem absque ordinatione in beatitudinem supernaturalem, seu in Deum auctorem supernaturalem non fuit peccatum omissionis, sed commissionis, & superbiæ, quatenus fuit causa omissionis ordinationis in Deum finem supernaturalem; ita, tamen, quod *ly quatenus*, sumatur specificatiuè, ex eo, quod ille actus, qui fuit causa dictæ omissionis fuit commissionis, & superbiæ, licet hoc non habeat ut est causa omissionis; neque ex eo, quod fuerit causa illius ex hoc quod terminetur ad suam beatitudinem præcisè, sed ex eo, quod Angelus diligendo suam beatitudinem naturalem absque ordine ad finem supernaturalem, fuit causa omittendi eandem ordinationem, quam ordinationem tunc distabat charitas ad cuius actum ordinationis, seu charitatis pro tunc tenebatur.

118 Resp. 2. quod omisio illius ordinationis non fuit primum Angeli peccatum, sed signum peccati commissionis superbiæ: non fuit illa omisio, pura omisio ordinationis charitatis in Deum contra præceptum charitatis, quod tunc urgebat; sed fuit omisio ordinationis charitatis, ut est mensura propriæ excellentiæ, secundum quam rationem unam cum dilectione propriæ excellentiæ constituit peccatum commissionis superbiæ.

119 Resp. 3. quod peccatum Angeli fuit commissionis superbiæ, non omissionis, quia Angelus dilexit suam beatitudinem per modum finis ultimi, & ex hoc se-

cutum est, quod non ordinauit illum in vltiorem finem, ut debebat: quando autem materia circa quam versatur actus, est propria excellentia, tunc illam appetere absque propria mensura, est peccatum commissionis superbiæ.

120 Resp. 4. quod illud peccatum non fuit omissionis, sed commissionis, quia fuit per actum posituum sine debita circumstantia, siue omittendo debitam circumstantiam; sicut orare sine debita attentione non est peccatum omissionis, sed commissionis, licet omitatur circumstantia debite attentionis. Sic ergo peccatum Angeli fuit commissionis superbiæ quia amauit suam naturalem beatitudinem, omitendo circumstantiam relationis in Deum. Vnde ut sit peccatum omissionis non oportet attendere an omitatur aliqua circumstantia, v.g. ardentio Missæ, sed an omitatur Missa. Vnde si quis dicat Missam sine vestibus sacris, est peccatum commissionis sacrilegæ.

121 Dices 1. cum Suarez non esse simile exemplum orationis adductum, quia attentio est circumstantia intrinseca orationis, & non per se præcepta, sed ex suppositione, quod quis orare velit, aut debeat. Ceterum relatio amoris naturalis beatitudinis in finem supernaturalem, non est circumstantia necessaria ad bonitatem dictæ naturalis dilectionis, sed aliunde oriebatur ex præcepto generali charitatis Dei, quod erat extrinsecum illi dilectioni naturali, & quid accidentaliter, & contingenter coniunctum pro illo instanti, ac proinde illa omisio non est circumstantia dictæ dilectionis naturalis, nec illam reddit moraliter instam. Resp. hoc argum. solum probare præceptum dilectionis charitatis non esse circumstantiam dictæ dilectionis naturalis secundum se, non tamen ut pro illo instanti erat præfixio quædam, & veluti intimatio, & declaratio, per quam declaratur, & stabilitur ratio, modus, & mensura diligendi propriam excellentiam pro eo instanti; hoc enim modo facit vnum obiectum, in quod tendit Angeli superbia, & ex qua postea sequitur omisio dilectionis, & c.

& relationis dictæ, &c.

122 Dices 2. falsum esse, quod in illo instanti in quo Angelus peccauit, præciperetur actus charitatis, & ordinatio in Deum auctorem supernaturalem, ut est mensura specificatiue propriæ excellentiæ; ergo, &c. Antecedens probatur. 1. Quia per accidens est ad dilectionem charitatis præceptam, quod sit, vel non sit mensura propriæ excellentiæ; quia tamen illa excellentia non esset, adhuc actus charitatis esset eiusdem rationis, quia semper respiceret idem obiectum. 2. Quia illa virtus præcipit, aut elicit mensuram alicuius actus, cui opponitur actus exercitus sine tali mensura, & regula, ut patet in temperantia; sed actus appetendi propriam excellentiam sine debita mensura; non opponitur charitati, sed humilitati; ergo. Aliàs ille appetitus non esset peccatum contra humilitatem; maximè quia charitas ut virtus generalis præscribit mensuram omnibus virtutibus, & in omni malitia, & tamen aliæ transgressiones non opponuntur directe charitati. 3. Quia si Angelus appeteret propriam excellentiam eum mensuram actus charitatis, non ideò eliceret actum humilitatis, quia mensura charitatis non dicitur ab humilitate; ergo appetendo suam excellentiam absque hac mensura non peccabit contra humilitatem; nam contrariorum est eadem ratio, & disciplina. 4. Quia si charitas præciperet amorem propriæ excellentiæ, præciperet etiam de materiali, quod simul eliceretur actus humilitatis; quod est falsum. 5. Quia si tunc Angelus eliceret actum humilitatis, absque actu charitatis, non delinqueret superbiè, nec appeteret propriam excellentiam absque debita mensura; ergo signum est, quod mensura requisita ad appetitum propriæ excellentiæ non est à charitate.

123 Resp. negando antecedens. Ad 1. probationem negatur antecedens; nam charitas in esse rei est mensura propriæ excellentiæ non formaliter, quia formaliter non importatur qua mensura, sed qua est conuersio in Deum, obiectum charitatis. Ad 2. probationem dico, quod ex-

teræ virtutes præcipiunt formaliter mensuram suorum actuum; at charitas præcipit de materiali, opere, & præcepto intinendo quauam mensura seruanda sit in dilectione propriæ excellentiæ. Unde falsum est inde sequi, quod ille actus non opponatur humilitati, sed charitati, si charitas est mensura. Cum enim propria excellentia sit materia superbiæ; actus ille erit contra humilitatē licet eius mensura quasi de materiali, & conueniens materiam superbiæ sit charitas. Ad 3. probationem conceditur antecedens, & negatur consequens. Ratio discriminis est, quia adhuc ut actus sit formaliter talis virtutis, debet formaliter attingere mensuram eiusdem virtutis. At ad hoc ut actus sit alicuius vitij sufficit quod non seruetur medioctas virtutis oppositæ, quia malum ex quocunque defectu. Est autem peculiare in superbia, quod in ea intendatur oppositio ad humilitatem, quam Angelus intendit, hoc ipso, quod sine dicta mensura appetit suam excellentiam. Ad 4. probationem negatur antecedens, quia actus charitatis, propriæ solum excellentiæ, in esse rei, præscribit mensuram. Ad ultimam probationem dico; quod non potuit tunc Angelus in eo instanti in quo urgebat præceptum charitatis, elicere solum actum humilitatis, ut patet.

124 Probatur 2. nostra conclusio, quia obiectum excellens circa quod Angelus peccauit; debuit esse vltimus finis eiusdem; sed beatitudo naturalis fuit vltimus finis Angeli peccantis; ergo hæc fuit obiectum excellens, &c. Minor constat, quia eo ipso, quod Angelus noluit se ipsum dirigere, & subordinare Deo fini supernaturali, debuit sibi asciscere alium finem, qui non potuit esse nisi propria excellentia, siue beatitudo. Maior probatur, quia primum, quod offertur Angelo, non sunt media, sed finis; ergo. Tum quia Angelica voluntas in illo instanti vel rectè se habuit circa finem, vel non. Si rectè, ergo etiam rectè circa media. Si non, neque circa media rectè se habuit. Tum etiam quia ita se habet finis in practicabilibus, sicut principia in specu-

labilibus, sed hæc primò occurrunt; ergo, &c.

125 Sed dices, hinc potius sequi, quod obiectum circa quod peccauit primò, debeat esse beatitudo supernaturalis, cum ista sit finis omnino vltimus; ergo, &c. Resp. quod re ipsa debebat Angelus respicere beatitudinem supernaturalem, sed noluit, & voluit solum finem naturalem, & voluit quiescere voluit.

126 Probatur 3. concl. quia hoc ipso, quod primum Angeli peccatum debuit esse circa finem vltimum, vel debuit appetere solum beatitudinem naturalem, vel solum supernaturalem, vel vtramque; non supernaturalem, neque vtramque simul; ergo naturalem. Maior constat. Minor probatur, quia proprium est superborum magis affici ad propria, & connaturalia bona, quam ad aliena; quo circa superbi vocantur *sibi placentes* 2. Petri 2. Tum quia Angelus habuit maiorem propensionem in suam beatitudinem naturalem, quam in supernaturalem. Tum etiam quia Angelus quando peccauit habuit euidentiam suæ naturalis beatitudinis non supernaturalis.

127 Sed dices, quia non videtur verum, quod proprium sit superborum magis affici ad propria, & connaturalia bona, quam ad alia, quia magis proprium superborum est magis affici ad bona omnium excellentissima, vbiunque illa sint, quia ex istis maior occasio arripitur ad tumescendum, & superbiendum, ergo, &c. Resp. negando antecedens, maxime quando bona propria sunt euidenter nota, & aliena non sic, vt in nostro casu contingit.

128 Probatur 4. quia Angeli in primo instanti suæ libertatis habuerunt præceptum conuertendi se ad Deum finem supernaturalem, ac proinde referendi se, & suam naturalem beatitudinem in eundem finem; sed hoc non fecerunt Angeli mali; ergo defecerunt non referendo se, & suam beatitudinem naturalem in illum finem supernaturalem; ac proinde volendo illum vt vltimum finem. Maior constat, quia creatura intellectualis eleuata in finem supernaturalem, cum primum hoc

cognoscit tenetur se, & omnia sua illi subijcere. Tum quia sicut homo in primo instanti viz tenetur se referre in finem; ita & Angelus, maxime quia via Angeli non fuit nisi vnum instanti. Minor etiam constat, aliàs non peccassent. Tum quia licet præceptum conuersionis, & ordinationis in finem supernaturalem, directe dicat actum charitatis; tamen consequenter, & secundario, apponit modum, & mensuram necessariam seruandam in illo instanti circa appetitum beatitudinis naturalis.

129 Probatur 5. quia hoc ipso, quod Angelus dilexit propriam beatitudinem, sibi ex sua naturali beatitudine prouidentem, illam non ordinando; vt præ erat, in finem supernaturalem, appetijt longè maiorem excellentiam, quam sibi conueniebat, ac proinde voluit non subijci Deo, nec eius regulam seruare; ergo hoc ipso peccauit circa suam beatitudinem naturalem. Imò etiam appetijt quodammodo, saltem radicaliter, quod sua beatitudo naturalis esset vltimus finis, & quod ad illam omnis alia excellentia ordinaretur. Quin imò adeò in se, & in sua naturali beatitudine ex parte modi volendi, complacuit, vt saltem radicaliter voluerit, quod beatitudo supernaturalis subijceretur suæ beatitudini naturali. Adeò etiam creuit demonum superbia, quod voluerit, saltem radicaliter, & ex parte modi volendi, quod eorum beatitudo naturalis transfunderetur ad alios, essetque aliorum regula, & mensura. Quod si voluerint beatitudinem supernaturalem, eam voluerint vt consequendam propriis viribus.

130 Sed dices 1. contra rationem, præcedentem, quia non videtur verum, quod Angelus habuerit præceptum charitatis tanquam mensuram, vltra quam non deberet appetere propriam beatitudinem naturalem; ergo, &c. Antecedens probatur, quia Angelus in primo instanti ordinauit suam beatitudinem naturalem in Deum, per actum charitatis; ergo non urgebat præceptum huius ordinationis in secundo instanti in quo peccauit; cum saltem virtualiter duraret illa prior ordi-

natio. Resp. quod ordinatio in primo instanti non fuit perfecte libera, scilicet tam quoad exercitium, quam quoad specificationem, ut infra dicitur; Angelus namque in primo instanti non se ipsum movit, sed fuit motus à Deo, ac proinde non habuit pro illo instanti præceptum ut se moveret in finem supernaturalem; hoc tamen habuit in secundo instanti, in quo se movere poterat.

131 Dices 2. quod ex hoc, quod Angelus appetijt propriam beatitudinem naturalem sine debita mensura non sequitur quod abiicerit illam; ergo, &c. Antecedens probatur, quia tunc Angelus non fuit conversus ad aliquod bonum appetens impossibile cum dicta mensura, sed fuit volitum bonum verum, compossibile cum illa. Resp. quod licet Angelus obiectivè non abiicerit illam mensuram, ex parte tamen modi volendi censetur radicaliter illam abiicere, eo ipso, quod non fuit operatus secundum illam, & hoc modo est impossibile cum tali beatitudine naturali, sic appetita. Solvuntur argum. primæ sententiæ.

132 Primum argum. est, quia ut fatur 5. Anselmus lib. de casu diaboli; *Id appetijt, ad quod pervenisset, si stetisset.* Sed si stetisset non pervenisset ad beatitudinem naturalem, sed supernaturalem; ergo non illam, sed hanc appetijt. Resp. mentem Sancti Anselmi esse, quod Angelus appetijt beatitudinem naturalem ut finem ultimum, qui non erat, ad quem verè pervenisset si stetisset; si namque stetisset, pervenisset ad verum finem ultimum, ad veram beatitudinem, &c.

133. Secundum argum. quia Angelus appetijt suam beatitudinem necessariò, tam quoad specificationem, quam quoad exercitium; ergo non potuit peccare in appetitione illius. Resp. distinguendo antecedens: appetijt suam beatitudinem necessariò, &c. consideratam secundum se, & conceditur; ut terminatam, vel regulatam ad finem supernaturalem, & negatur; peccavit namque Angelus quia illam non ordinavit ad finem supernaturalem, cum quo non habet necessa-

rium, sed liberam connexionem.

134 Tertium argum. quia intellectus non est falsus, ex eo, quod cognoscat vñi ex coniunctis sine alio, modo non existimet vñum esse sine alio; ergo neque voluntas erit deordinata; si ex coniunctis velit vñum sine alio, nisi appetat habere vñum sine alio; sed Angelus appetijt beatitudinem naturalem sine supernaturali, non tamen appetijt habere illam sine ista; ergo non fuit deordinatus. Resp. concedendo antecedens, & negando consequens. Ratio discriminis desumitur ex diverso modo tendendi istarum potentiarum; nam intellectus speculativus non tendit in res, ut sunt in se à parte rei, sed prout sunt in ipso intellectu; at voluntas tendit in res prout sunt à parte rei, &c. Solvuntur argum. secundæ sententiæ.

135 Primum argum. quia licet ex sacra scriptura, & Patribus satis verosimiliter colligatur, quod Angelus primò peccaverit peccato superbiæ, non tamen ab ipsis determinatè traditur, quodnam fuerit obiectum illius; ergo non datur fundamentum sufficiens ad asserendum, quod fuerit propria excellentia; cum enim sit res facti, & facti liberi, non potest cum sufficiency fundamento affirmari, nisi ex scriptura, & Patribus deducatur. Resp. ex dictis sufficiency colligi, quod obiectum superbiæ Angelicæ fuerit propria excellentia, seu beatitudo.

136. Secundum argum. quia potuit Angelus peccare circa beatitudinem naturalem etiam peccato superbiæ sine eo, quod illam appeteret sine ordine ad supernaturalem; ergo, &c. Antecedens probatur, quia potuit Angelus appetere beatitudinem naturalem, cum displicentia beatitudinis supernaturalis; sed tunc esset peccatum superbiæ, quia esset appetere propriam excellentiam ultra debitum, & mensuram; ergo, &c. Resp. negando antecedens. Ad probationem dico, quod non potest appeti beatitudo naturalis cum displicentia supernaturalis, sine aliquo errore in intellectu, cognoscente, & proponente beatitudinem supernaturalem, sub aliqua ratione mali, ratione cuius displic-

pliceret; hic autem error non potuit tunc esse in Angelo, vt ex dictis supra constat.

D V B I U M IX.

An Angelus etiam superbe deliquerit circa beatitudinem supernaturalem per se primo.

137 **P**rima sententia tenet, quod obiectum excellens circa quod Angelus superbiuit, non fuit beatitudo supernaturalis; vel si fuit, non ideo fuit, quia cum potuerit, & deberit eam appetere, vt habendam ex auxilio gratie, non sic appetiuit, sed quia eam appetiuit vt habendam proprijs viribus. Sic Suarez; Molina; Becanus, & alij, hoc loco.

138 Nostra sententia seq. concl. explicatur. Probabile est, quod Angelus superbiuit simul circa beatitudinem naturalem, & supernaturalem ipsa tamen, quod circa beatitudinem supernaturalem superbiuit ex eo, quod ex parte modi appetendi ipsam appetiuit vt acquirendam viribus proprijs. Probabilis tamen est, quod solum superbiuit circa beatitudinem naturalem. Quod sit probabilius, quod solum superbiuit circa beatitudinem naturalem, constat ex dictis dubio precedenti. Quod sit probabile, quod simul etiam superbiuit circa beatitudinem supernaturalem, colligitur ex sacra scriptura, cum dicitur: *Ascendamus, Exaltabo, Sedebo, similis ero Altissimi*. Quod autem eam appetierit vt acquirendum viribus proprijs, tradit S. Doctor hic art. 3.

139 Probatur concl. quia probabile est, quod illud fuit, vna cum beatitudine naturali obiectum excellens, circa quod Angelus superbiuit, quod est obiectum excellens, appetitum ab Angelo modo inordinato, sed hoc fuit ultra beatitudinem naturalem, beatitudo supernaturalis; ergo, &c. Maior constat. Minor probatur, quia beatitudo supernaturalis, est obiectum valde excelsum; potuit appeti ab Angelo, cum habuerit illius cognitionem etiam in instanti antecedenti. Potuit etiam ap-

peti modo inordinato quia ex parte modi volendi potuit esse volita vt acquirenda, ex proprijs viribus vt quasi complementum, & exornatio beatitudinis naturalis, quae per vires naturales habetur. Tum quia per easdem vires acquiritur finis illius, & complementum, & ornamentum illius. Tum etiam quia sicut deinde appetens beatitudinem naturalem non apponendo modum, & mensuram illi, voluit implicite, virtualiter, & interpretatiue illam sine dicta mensura, seu sine abiectione illius; ita appetens beatitudinem supernaturalem, non apponendo modum illius, scilicet vt habendam ex gratia, conuincitur voluisse illam implicite, & interpretatiue, sine gratia, ac proinde proprijs viribus. Tum denique quia si semel probabile est, quod Angelus in secundo instanti appetiuit suam beatitudinem supernaturalem, conuincitur, quod vel bene, eam petiuit, vel male, non bene; ergo male, seu inordinate, & tanquam complementum beatitudinis naturalis; ac proinde vt acquirendam proprijs viribus.

140 Sed obieciunt, quia non benedicitur, quod Angelus appetiuit beatitudinem supernaturalem inordinato modo ex parte modi volendi, sed quod eam appetiuit vt complementum beatitudinis naturalis; quia velle hoc modo beatitudinem supernaturalem non videtur pertinere ad superbiam; ergo, &c. Probatur antecedens, quia modus superbus appetendi propriam excellentiam, refunditur in maiorem excellentiam appetitam, quam sit illa, quae decet appetentem, sed beatitudo supernaturalis appetita vt complementum naturalis, non est maior, quam sit illa, quae decet Angelum; imò minor, quia sic appetita dependit rationem finis ultimi, ergo, &c. Resp. quod cum Angelus cognouerit beatitudinem supernaturalem vt maiorem, & illam voluerit vt complementum minoris, sequitur, quod modus appetendi fuerit superbissimus.

141 Obieciunt, quia si Angelus appetiuit beatitudinem supernaturalem vt complementum naturalis, sequitur, quod

non solum ex parte modi volendi, sed etiam ex parte rei volite fuerit appetita, vt acquirenda proprijs viribus; ergo, &c. Sequela probatur, quia beatitudo naturalis est obiectum per se primo volitum; ergo etiam eius complementum. Resp. negando sequelam aliam in intellectu Angelis poneretur error ante peccatum, vel saltem in eodem instanti *in quo* peccati. Vnde voluit illam beatitudinem vt complementum ex parte modi volendi, non ex parte rei volite.

142 Obijcies 3. quia Angelus in illo secundo instanti in quo peccauit, nullam habuit obligationem ad appetendam beatitudinem supernaturalem vt habendam ex auxilio gratiæ; ergo non ex hoc peccauit, quod appetijt beatitudinem supernaturalem vt habendum proprijs viribus. Antecedens probatur, quia vt aliquis debet appetat aliquem finem honestum, non est necesse vt expressè cogitet de medijs; ergo, &c. Vnde nos sæpè appetimus beatitudinem supernaturalem, absque eo, quod cogitemus de medijs diuinæ gratiæ, quibus est obtinenda, & non ob id volumus virtualiter ex parte modi volendi acquirere illam ex proprijs viribus. Tum quia hoc ipso quod expressè non appetatur dicta beatitudo vt habenda viribus naturæ, censetur appeti, vt petit acquiri. Tum etiam quia nulla est obligatio appetendi dictam beatitudinem vt est acquisibilis per media, sed potest etiam appeti secundum se, cum hoc modo sit bona.

143 Resp. t. negando antecedens, quicquid enim sit, an tunc haberet præceptum spei, sperandi beatitudinem in illo instanti, habuit tamen præceptum non superbiendi, ac proinde non appetendi beatitudinem vt acquirendam proprijs viribus. Cum enim in illo instanti appetierit beatitudinem naturalem habendam proprijs viribus, potuit etiam sic appetere ex parte modi appetendi beatitudinem supernaturalem, & per hæc patet ad probationes antecedentis.

144 Resp. 2. quod tunc Angelus ha-

buit præceptum spei, per quod debebat appetere beatitudinem supernaturalem vt habendum ex auxilijs diuinæ gratiæ, in eo namque primo instanti ex præcepto connaturali gratiæ, urgebant præcepta fidei, spei, & charitatis; hæc autem præcepta ex motu superbiæ non obseruauit. Quare sicut præceptum charitatis, quod in eo instanti urgebat, de formali, & expressè solum præscribebat amorem Dei super omnia, vt obiectum charitatis, & de materiali, & implicite præscribebat, modum, & regulam diligendi propriam excellentiam. Ita præceptum spei expressè, & formaliter disabat actum sperandi, vt respicit Deum vt obiectum eiusdem; at de materiali præfigebat, & quasi promulgabat modum, & regulam obseruandam in appetitu beatitudinis supernaturalis, vt scilicet appeteretur vt acquirenda viribus gratiæ, quod non fecit, ac proinde superbiè peccauit; appetitus namque propriæ excellentiæ, siue naturalis, siue supernaturalis, pertinet ad superbiam.

145 Obijcies 4. quia potius sequitur, quod Angelus peccauerit peccato presumptionis contra spem, non appetendo beatitudinem vt habendam ex gratia, seu, quod idem est, non appetendo dictam beatitudinem absque illa circumstantia spei; ergo, &c. Antecedens constat, quia appetere beatitudinem supernaturalem vt eo isequentiam proprijs viribus, ad presumptionem spectat. Resp. negando antecedens, loquendo de primo peccato; primo namque peccauit peccato superbiæ appetendo propriam beatitudinem supernaturalem, absque debito modo, & mensura, præscripta à spe, deinde peccauit peccato omissionis a usus spei. Vt autem peccetur peccato commissionis presumptionis, requiritur, quod non solum ex parte modi appetendi, sed ex parte obiecti, appetatur beatitudo habenda proprijs viribus.

146 Sed quæres, an sit probabile iuxta mentem D. Thomæ, quod Angelus primò deliquerit circa solam beatitudinem supernaturalem? Resp. affirmatiuè, quia

q. 16. de malo art. 3. & in 2. dist. 5. q. 1. art. 2. refert istum modum, non exprimendo, an Angelus simul deliquerit circa beatitudinem naturalem. Soluuntur argum. in contrarium.

147 Primum argum. quia si Angelus appetit suam beatitudinem supernaturalem, illam appetisset per modum finis omnino ultimi; ergo non deliquit superbe circa illam. Consequenter constat, quia tunc illam appetisset, ut petit appeti. Antecedens probatur 1. Quia Angelus tunc appetisset dictam beatitudinem ut sibi per fidem proponebatur, sed proponitur ut finis omnino ultimi; ergo, &c. 2. Quia si Angelus tunc appetisset dictam beatitudinem, eam appetisset appetitione supernaturali, & tanquam finem supernaturalem efficaciter dilectum; ergo ut habendum viribus gratiæ, ac proinde non peccasset; appetitus namque finis ultimi est efficax, & supernaturalis. 3. Quia Angelus in illo instanti cognovit per fidem, quod beatitudo supernaturalis est inaccessibilis per vires naturæ. 4. Quia vel Angelus taliter fuit absorptus in cognitione, & appetitione supernaturalis beatitudinis, quod nihil cogitavit de medijs, vel illa cogitavit. Non primum, quia ille modus non videtur consonus naturæ Angeli. Tum quia tunc non esset culpabilis appetitus beatitudinis supernaturalis non acquirendæ viribus gratiæ; cum de hoc non cogitavit Angelus. Tum etiam quia, vel illa inconsideratio fuit invincibilis, & tunc non fuit culpabilis; si vincibilis, iam primum peccatum non fuisset superbe, sed inconsiderationis. Si secundum, cum tunc errare non potuerit, non potuit non iudicare, quod dicta beatitudo solum ex viribus gratiæ potest acquiri.

148 Resp. negando antecedens. Ad 1. probationem dico, quod non fuit practice proposita prout fide cognoscebat, sed per modum complementi beatitudinis naturalis, ex parte modi proponendi, virtualiter, & interpretative, quatenus potuit, & debuit conformare cognitionem practica speculatiue fidei, de acqui-

renda dicta beatitudine viribus gratiæ, & non conformavit; quando autem aliquis potest, & tenetur practice aliquid proponere, & non proponit, interpretatur dari propositionem interpretatiuam, & practica, contrariam illi practice, ex qua poni debebat actus qui amittitur; & idem dic de volitione. Ad 2. probationem dico, negandum esse antecedens, quia tunc beatitudo supernaturalis proponitur per modum cuiusdam boni magni, sub aliqua ratione sub qua naturali, ac proinde non appetitur appetitione supernaturali, nec efficaciter, nec per modum finis omnino ultimi, licet in esse rei sit talis. Ad 3. probationem dico, solum convincere, quod Angelus non appetit dictam beatitudinem ut obiectum volitum, habendam viribus proprijs, sed solum ex parte modi volendi. Ad ultimam probationem dico, quod Angelus per fidem supernaturalem cognovit, quod dicta beatitudo esset solum acquisibilis per vires gratiæ, practice tamen ex parte modi proponendi hoc non cognovit, nec proposuit, ut ex dictis constat. Ad illud quod de inconsideratione dicitur, dico quod inconsideratio illa practica non est peccatum, quandiu peruersio Angeli non accedit, quæ saltem in aliquo genere causæ est prior, licet in alio sit posterior, ut dubio 11. dicitur.

149 Secundum argum. quia si Angelus deliquisset circa beatitudinem supernaturalem ex eo, quod non appetit illam ut habendam ex auxilio gratiæ, sequeretur, quod solum peccasset peccato omissionis; sed hoc est falsum; ergo, &c. Sequela probatur, quia amor beatitudinis simplex, seu absolutus, & precisus à volitione mediorum, non est malus; ergo si est malus, erit talis, non in eo quod agit circa illum, sed in eo quod omittit. Resp. quod illa beatitudo debuit appeti, ut acquirenda ex gratia tanquam ex circumstantia, & sic cum non fuerit appetita cum ista circumstantia, contingit peccatum commissionis, ut ex pluries dictis constat.

D V B I V M X.

An Angelus potuerit primò peccare alio peccato, quam superbia.

150 **P**rima sententia est, quod Angelus potuerit primò peccare peccato alio, vt odij, inuidiæ, &c. Sic tenent aliqui antiqui, & aliqui moderni, quatenus putant rationes D. Thomæ quibus oppositum probat, non esse efficaces. Sic Valentia, Vasquez, & alij hoc loco.

151 Nostra sententia seq. conclusionem explicatur. *Primum peccatum Angeli secundum potentiam physicam, & secundum communem, & regulare cursum, non potest esse nisi superbia.* Sic S. Doctor hic art. 2. dicens. *Primum peccatum Angeli, non potest esse aliud, quam superbia, quem sequuntur eius discipuli, & alij plures, vt testatur Salm. hoc loco.*

152 Probatur concl. quia primum Angeli peccatum debuit consistere in affectu prosecutionis circa bonum spirituale, habens rationem finis vltimi; ergo debuit esse superbiæ. Consequenter constat, quia appetitus prosecutionis bonorum spiritualium, & maximè vltimi finis, non potest esse peccatum, nisi ex eo, quod superioris regula, & modus non seruetur, quod pertinet ad superbiam non subdij superioris, in eo in quo debet subdij. Antecedens probatur quoad omnes partes: quod debeat consistere in affectu prosecutionis, patet, quia bonum est prius quam malum, ac proinde prius est actus prosecutionis, qui in bonum tendit, quam fugæ, qui à malo refugit. Tum quia malum non potest esse finis, vt patet, debet esse bonum spirituale, quia hoc solum est proportionatum voluntati Angelicæ; ergo, &c.

153 Occurrit 1. Valentia, quod primum Angeli peccatum potuit esse omissionis, quia licet nolitio, & fuga, quæ est actus positivus debeat fundari in actu prosecutionis, non tamen ommissio. Sed contra, quia si in Angelo posset esse ali-

qua ommissio, quæ esset primum peccatum maximè illa qua diligeret se, & suam beatitudinem, non ordinando eam in finem supernaturalem, sed hoc est peccatum commissionis; ergo, &c. Maior eoustat, quia ille actus est primus, necessarius secundum suam substantiam, & valde intimus; & ex alia parte tunc urgebat præceptum non diligendi dictam beatitudinem naturalem, nisi ordinando illam in finem supernaturalem. Minor etiam constat, quia dilectio beatitudinis naturalis non ordinando illam in finem supernaturalem est actus prosecutionis, & peccatum commissionis. Tum quia primum Angeli peccatum fuit circa finem vltimum naturalem, non secundum se sumptum, sed ipsum non referendo ad finem supernaturalem, quod non est ommissio, sed commissio.

154 Occurrit 2. Valentia, quod Angelus ex eò peccauit, quia noluit obedire Deo exequendo præceptum sibi impositum v.g. de referendo se, suæque beatitudinem naturalem in Deum, sed voluit se occupare in amanda tantum sua perfectione, vel in aliquo alio per se bono, & sic supponeretur prosecutio, quæ non esset mala, & postea poneretur ommissio mala. Sed contra, quia velle se occupare in alio, quando currit obligatio de alio impossibili est peccatum: peccat namque qui dum tenetur audire sacrum, aliud agit. Tum quia mala electio, est ex mala intentione finis; ergo non potest electio omissionis esse mala, nisi prosecutio ex qua procedit sit mala, licet secundum se sit bona.

155 Occurrunt alij, quod falsum sit, quod obiectum circa quod peccauit Angelus fuerit spirituale, quia potuit etiam peccare circa rem corpoream: nam demones committunt per se ipsos peccatum homicidij: suadent hominibus peccata luxuriæ, gulæ, &c. ac proinde committunt idem peccatum, quod suadent. Tum quia potest Angelus habere hunc actum conditionatum: si possem capere delectationes venetas ex obiectis venereis, caperem illas. Tum etiam quia in demonibus

Yyyyy bus

bus potest esse ira, accidia, &c. constat ex illo Apocal. 12. *Ve terra, & mari; quia descendit diabolus ad vos, habens iram magnam*; ira autem cum sit appetitus vindictæ, potest versari erga corporalia. Sed contra, quia sicut appetitus sensitivus non potest ferri nisi circa conveniens naturæ sensitivæ, ita neque appetitus Angelicus ferri poterit nisi circa convenientia naturæ Angelicæ. Tum quia si Angelus malus peccaret erga corporalia; vel ut sibi volita, & hoc non, cum non sint convenientia, vel ut ea destruat, & tunc non peccat qua corporalia, sed qua communia tum corporalibus, tum spiritualibus. Tum etiam quia nihil potest ferri affectu prosecutionis in impossibile cognitum ut tale, maxime si sit disconveniens, & destructivum suæ naturæ; huiusmodi sunt corporalia respectu Angeli; ergo, &c. Ad 1. instantiam dico, quod demones committunt homicidia ex affectu ad aliquid spirituale, quod plus intendunt. Demones autem suadentes luxuriam non peccant formaliter peccato luxuriæ, quia ad peccandum hoc peccato formaliter, requiritur, quod committens, consumet illud. Unde non peccat ex motu luxuriæ, sed ex alio spirituali. Dicuntur tamen illud committere casualiter, quo modo potest dici eiusdem speciei, &c. Ad 2. dico illum affectum absolutum non posse esse in Angelo circa obiectum impossibile, bene tamen per accidens ad appetitionem alterius. Si tamen haberent illum actum conditionatum venerorum, non committerent peccatum luxuriæ formaliter, cum non possint illud consummare. Ad 3. quod ira non potest esse in demonibus, nisi metaphoricè, quia cum sit passio appetitus, non potest esse, nisi ubi est appetitus. Neque accidia potest esse propriè, quia est tristitia qua homo redditur tardus ad spiritualia propter laborem corporalem, qui in Angelis esse nequit.

156 Sed dices 1. quia ira formaliter, est appetitus vindictæ, & commotionem sanguinis circa cor, solum de materiali importat; ergo ira quantum ad suum formale, & essentiale, potest esse in demoni-

bus, licet non quantum ad materiale. Sicut ex hoc, quod misericordia importet aliquid corporale, seu materiale pro materiali, scilicet compassionem, non ob id relegatur ab Angelis bonis sicut non relegatur à Deo. Resp. quod ira propriè sumitur non solum pro eo, quod formaliter dicit, verum etiam pro eo, quod dicit de materiali; ac proinde ubi utrunque non reperitur, nec ira propriè reperitur. At misericordia, sicut & amor, delectatio, &c. ex communi consensu Theologorum, & Philosophorum, solum sumitur pro eo, quod formaliter dicit, scilicet subleuare miseriam, ac proinde & in Angelis bonis, & in Deo reperitur.

157 Occurrit deinde Vasq. 1. quod licet detur, quod primum Angeli peccatum fuerit actus prosecutionis circa bonum spirituale, non tamen sequitur, quod fuerit superbix, quia non subijci regulæ superioris potius spectat ad peccatum inobedientix, quam superbix. Sed contra, quia hoc ipso, quod primum Angeli peccatum debuit consistere in prosecutione obiecti spiritualis, &c. non secundum mensuram superioris, sed absque subiectione ad illam, oportet quod & modus volendi dictum obiectum sit per modum prosecutionis, & etiam hoc, quod est non subijci diuinæ regulæ; ergo peccatum non fuit inobedientix, sed superbix. Antecedens constat, quia modus volendi debet esse iuxta naturam volitionis, ac proinde cum volitio sit per modum prosecutionis etiam modus volendi erit per modum prosecutionis, & sic quicquid in tali obiecto quoquo modo reperitur, attingetur per modum prosecutionis, aliàs illa non subiectio esset volita tantum per accidens. Conseq. probatur, quia duo tantum sunt vitia versantia circa hoc quod est non subijci Deo, scilicet superbix, & specialis inobedientia, sed inobedientia, versatur circa illud per modum fugæ, & nolitionis: at superbix versatur circa illud per modum prosecutionis; ergo cum Angeli peccatum fuerit prosecutionis tam circa suam beatitudinem, quam circa mensuram illius, sequitur, quod fuerit superbix.

bile, non inobedientiæ.

158 Occurrit 2. Vsq. quod adhuc vt committatur peccatum mortale superbix, non sufficit appetere bonum spirituale, & excellens vltra mensuram, sed requiritur vt appetatur spreta regula, & mensura; sed hoc non contingit in Angelo malos, ergo, &c. Sed contra, quia hoc ipso, quod Angelus in suo primo peccato voluit ex parte modi volendi, non subijci regulæ, sed voluit suam excellentiam supra regulam, censetur etiam velle regulæ contemptum, ac proinde censetur sprenisse regulam. Nam cum primum Angeli peccatum debeat esse tale, vt in eo non seruetur superioris regula, vt est mensura, propriæ excellentiæ, censetur volita, imò spreta subiectio ad Deum, non quidem formaliter, vt est legislator, & præcipiens, sed vt formaliter habet rationem primi excellentis, mensuratæ distribuens vnicuique suam excellentiam, & vt prescribit per modum primi excellentis, mensuram excellentiæ vniuscuiusque. Hoc enim posterius pertinet ad superbiam, illud prius ad inobedientiam.

159 Occurrit 1. alij, quod adhuc vt volitio alicuius boni spiritualis, & excellentis nõ seruata regula diuina, sit peccatum superbix, non sufficit appetere vt-cumque bonum excellens, sed bonum excellens vt tale reduplicatiuè; sed hoc non probat dicta ratio; ergo, &c. Sed contra, quia hoc ipso, quod Angelus noluit illam subiectionem propter bonum suum excellens, debuit illud velle sub ratione excellentiæ, seu qua excellens; tum quia, Angelus ex parte modi volendi noluit ordinare suam beatitudinem naturalem ad supernaturalem, non ob aliam rationem, nisi quia ex parte modi volendi iudicauit illam excellentiorem; ac proinde vt non dignum vt ad illam referretur. Soluuntur argum. primæ sententiæ.

160 Primum argum. in ordine est, quia primum peccatum Angeli potuit esse hæresis infidelitatis, idolatriæ, iniuriæ, odij Dei & proximi, inuidiæ, perditionis, discordiæ, accidiæ, iræ, presumptionis, inanis gloriæ, ambitionis, pusilli-

lanimitatis, aut alterius affectus versantis circa corporea sub aliqua ratione spirituali; omnia namque ista peccata potuit Angelus primo committere. Resp. negando antecedens, nam hæresis, infidelitas, & idolatria includunt nolitionem, quæ presupponit prosecutionem; dicunt namque nolitionem assentiendi reuelatis, vel exhibendi Deo cultum debitum. Idem dic de peccato odij, inuidiæ, pusillanimitatis, discordiæ, &c. de alijs constat ex dictis.

161 Secundum argum. quia si ratio D. Tho. & nostra probaret, suaderet etiã, quod Angelus nunquam posset peccare, nisi peccato superbix; hoc est falsum; ergo, &c. Sequela probatur, quia quoduis peccatum Angeli debet esse circa aliquod spirituale, non seruando debitam regulam; sed hoc sufficit ad peccatum superbix ex dicta ratione; ergo, &c. Resp. negando sequelam, quia licet verum sit, quod omne peccatum oriatur in Angelo à superbia, non tamen omne debet esse superbix. Primum peccatum debuit esse superbix quia versabatur circa finem vltimum, circa quem currunt illæ duæ conditiones, & sufficiunt in argumento positæ; non tamen sufficiunt circa alias materias, quæ non necessario affertur obiectum proprium excellens.

162 Tertium argum. quia ex dicta ratione, & conclusione, solum sequitur non potuisse Angelum per potentiam moralem peccare nisi peccato superbix, non per potentiam physicam; ergo, &c. Antecedens probatur, quia aliàs oppositum repugnaret, quod videtur falsum, siquidem in illo instanti fuit liber ad committendum quoduis peccatum in quocunque signo illius. Resp. negando sequelam. Ad probationem conceditur maior, & negatur minor. Ad cuius probationem dico, quod Angelus in quouis signo à quo, fuit liber ad committendum quoduis peccatum, non tamen in quouis signo in quo; & sic alia peccata potuissent committere dependenter à primo peccato superbix. Ratio clara est, ex dictis, quia primum Angeli peccatum debuit consistere in primo actu necessario, & primo

Yyyy 2 libe.

libero; sed iste fuit ille qui fuit versatus circa propriam excellentiam, vt regulari à Deo tanquam à primo excellenti; ergo. Maior constat. Minor probatur, nam vel ille primus actus fuit peccatum, vel non? si primum, habemus intentum. Si secundum non peccasset Angelus in illo instanti. Cum enim primus actus sit regula aliorum, & constituat voluntatem vt se moueat ad alios, si ille fuisset rectus, non potuissent alij in illo instanti elicit, non esse recti.

D V B I U M X I.

*An ad primum peccatum Angeli debuerit
præcedere aliquis error in intellectu,
vel inconsideratio.*

163 **P**rima sententia est, quod in Angelo ante primum peccatum possit dari aliquis error, sic Aegidius in 2. dist. 5. q. 1. Pelantius relatus à Nazar. hic, & alij. Secunda sententia dicit, quod non sit necesse, quod præcedat aliqua inconsideratio. Sic Henricus, Gabriel, Maior, Okan, Marsilius, Scotus, Rada, Valentia, Molina, Vasquez, & alij apud Salmant. hoc loco.

164 **P**rima sententia duabus conclusionibus explicatur. Prima concl. Non potuit in intellectu Angelico præcedere error ante primum peccatum. Sic S. Doctor hic art. 1. ad 4. 3. contra Gens. cap. 110. & alibi scilicet, quem sequuntur omnes eius discipuli, & alij, quos referunt Salmant. hoc loco disp. 10. dub. 8.

165 **P**robatur concl. quia omnis error, & falsa existimatio procedit ex defectu alicuius principij cognoscendi; sed in Angelo ante peccatum non fuit iste defectus neque ex parte obiectorum naturalium, neque supernaturalium; ergo non præcessit aliquis error. Maior constat, quia error est quædam defectiua operatio intellectus, sicut partus monstruosus, est quædam defectiua operatio nature; vnde dicit Philosophus 6. Ethic. quod falsum, est malum intellectus; sed operatio defectiua procedit ex defectu alicuius principij, sicut partus monstruosus procedit

ex defectu seminis, vt dicitur in 2. Phys. ergo omnis error, & omnis falsa existimatio procedit ex defectu alicuius principij. Minor probatur, quia in Angelo non fuit defectus ex parte principij cognoscendi obiecta naturalia, quia quod respectu alicuius semper est in actu, non potest deficere, sed respectu illius, respectu cuius est in potentia, sed Angelus respectu omnium ad quæ naturaliter eius cognitio se extendit, semper est in actu; ergo respectu horum non potest deficere. Tum quia Angelus non discurrit à principijs ad conclusiones, sed in principijs videt conclusiones; ergo, &c. Vnde sicut in nobis non contingit error circa prima principia, naturaliter nobis cognoscitæ nec in Angelo. Neque fuit in Angelo defectus in principijs cognoscendi obiecta supernaturalia, quia licet respectu horum non sit in actu, sed in potentia, & indigeat confortari lumine superiori, tamen quia ante primum peccatum voluntas Angeli non est deordinata ideo nequit esse defectus ex parte principij cognoscendi dicta obiecta.

166 **R**espondent i. aduersarij negando maiorem, quoad primam partem, & subinde; quo ad posteriorem. Et ad probationem illius dicunt, quod Angelus non est semper in actuali cognitione obiectorum naturalium, aliis quæuis cognitio eorum mensuraretur æuo, sicut mensuratur cognitio propriæ essentia, quia semper est in actuali cognitione illius. Sed contra, quia sensus illius minoris non est, quod Angelus semper sit in actu secundo cognitionis, seu considerationis obiectorum omnium naturalium, sed sensus est, quod Angelus habeat perfectam notitiā omnium naturalium obiectorum per modum habitus, quod est medium quoddam inter esse in actuali consideratione obiectorum obiectorum, & esse in potentia ad illa; sed ex hoc inferitur, quod non possit deficere erga illa, ex carentia defectus principij, ergo, &c. Minor in qua est difficultas, probatur, quia Angelus non vtcunque habet congenitam scientiam habitualement omnium obiectorum naturalium, sed perfectam, & habitualiter extensam.

ad omnia illa, ut exigit perfectio intellectus illius, sed cum hac scientia perfecta nequit stare defectus in principiis cognoscendi dicta obiecta, sicut nec stat enim actuali consideratione eorum; ergo, &c. Unde non solum nos non deficiamus in actuali consideratione scientifica, sed neque in habituili, & habitualiter extensa ad obiecta scientifica. Tum quia hoc ipso, quod nos habeamus habitum primorum principiorum non possumus habere defectum in principiis cognoscendi prima principia, etiam si non simus in actuali consideratione illorum; ergo cum Angelus sit in actuali, & perfecta notitia per modum habitus dictorum obiectorum, non poterit habere defectum cognoscendi in principiis &c. Tum etiam quia error destruit scientiam, sicut hæresis fidem tum æqualem, tum habitalem, nec potest cum illa componere; ergo cum Angelus ante peccatum habeat scientiam dictorum obiectorum naturalium, non potest simul habere errorem.

167 Respondent 2. quod licet ante peccatum non possit in Angelo esse defectus circa principia naturalia, potest tamen esse circa principia supernaturalia, quia Angeli qui in primo instanti sunt boni, possunt in secundo desinere esse boni, & in aliquo priori antequam amittant bonitatem, & ordinationem suæ voluntatis, possunt applicare intellectum ad iudicandum de obiectis supernaturalibus, circa quæ est periculum errandi. Nam sicut voluntas Angelica ex eo quod est ex nihilo; potest in secundo instanti deficere in sua operatione; ergo etiam intellectus. Tum quia non minus disconvenit voluntari Angelicæ defectus suæ operationis, quam intellectui; sed cum voluntate Angelica potest immediatè coniungi operatio peccaminosa; ergo etiam enim intellectu poterit immediatè coniungi error, & non solum mediante peccato.

168 Sed contra, quia quilibet error, etiam circa supernaturalia, est defectus valde disconveniēti intellectui, ob quod ab Arist. & D. Thoma vocatur malum intellectus, sed non est malum culpæ ante

peccatum; ergo poenæ: Sed omne malum poenæ supponit malum culpæ, ut tradit S. P. Aug. lib. 3. de lib. arbitr. cap. 14. Ergo ubi non supponitur culpa, neque poena esse potest. Tum quia sensus circa proprium sensibile, non decipitur per se, sed tantum per accidens; ergo etiam intellectus semper erit verus per se circa proprium obiectum, ad summum erit falsus per accidens ratione passionum, quæ in Angelis non sunt. Tum etiam quia in Adam ante peccatum non fuit deceptio, ut tradit S. Doctor 1. p. q. 94. art. 4. ob perfectionem sui status; ergo neque in Angelo ante peccatum. Tum denique quia dupliciter intelligi potest Angelum errare. Primò iudicando esse falsa, quæ à Deo sunt revelata, dñm sunt sufficenter proposita, & hoc modo errare non potest Angelus ante primum peccatum, quia hoc peccatum esset hæresis, aut infidelitas, quæ cum consistant in nolitōne, debent prius supponere voluntatem depravatam. Tum quia licet fides supponit piam affectionem, ita hæresis affectionem impiam. Secundò, iudicando de obiectis supernaturalibus aliquid, quod à Deo non est revelatum, nec deducitur ex revelatione per evidentem consequentiam, & tunc tale iudicium supponet peccatum temeritatis, & præcipationis de obiecto superexcedenti, absque sufficienti fundamento; & hæc voluntas non potest non supponere illam, per quam malè se habet erga supernaturalia. Nec ea quæ in favorem dictæ solutionis adducuntur, iuvant. Non primum, quia solum probat, quod intellectus errare possit, sed postquam voluntas deficit, non ante. Sicut nec voluntas potest primò deficere circa naturalia, nisi prius deficiat circa supernaturalia, ut supra vidimus. Neque secundum, nam malum culpæ potest immediatè coniungi cum voluntate, non malum poenæ, quod supponit culpam.

169 Secunda conclusio. Ante primum Angeli peccatum debuit præcedere inconsideratio, seu iudicium inconsideratum. Sic S. Thomas hic art. 1 ad 4. 3. contra Gent. cap. 110. q. 16. de malo art. 2. ad 4. & ad 7. & 1. 2. q. 77. art. 2. quem sequuntur eius discipuli

puli, & Salmant. hoc loco.

170 Probatur eoncl. quia omnis defectus ex parte voluntatis supponit aliquem defectum ex parte intellectus; sed non præsupponitur error ad primum Angeli peccatum, nec ignorantia; ergo inconsideratio. Consequenter constat, quia ultra errorem, & ignorantiam non potest assignari alius defectus. Maior probatur, tum ex sympathia, & proportionem inter intellectum, & voluntatem; tum ex eo, quod voluntas est potentia cæca, & sequitur ductum intellectus, & si absque defectu ducatur, erit absque defectu, & si ipsa vult aliquid defectuose, signum est, quod intellectus eam defectuose ducat: tum etiam ex eo, quod non potest dari libertas formalis in voluntate, sine radicali intellectu; tum denique ex eo, quod voluntas utpote appetitus rationalis, fuit ab anima medio intellectu, ac proinde neque poterit in ipsa esse defectus, nisi medio eodem intellectu.

171 Confirmatur, quia defectus intellectus, & voluntatis proportionaliter sibi correspondent; sed in primo peccato defectus voluntatis Angelicæ fuit per hoc, quod dilexit beatitudinem naturalem inordinatè, vel supernaturalem ut habendam proprijs viribus; ergo defectus correspondens ex parte intellectus, debet esse iudicium, seu actus inconsideratus, quo intellectus proposuit voluntati beatitudinem naturalem non considerata regula, vel supernaturalem, non considerata natura illius, quod non nisi viribus gratiæ acquiri possit.

172 Occurrunt aduersarij, quod non sit necessarium, quod præcedat defectus ex parte intellectus, ad hoc ut voluntas deficiat, cum possit voluntas ex industria, & plena consideratione deficere, eligendo bonum aliquod delectabile, honesto postposito, rectæ rationi consentaneo. Hoc probant 1. Quia homo potest deficere ex parte voluntatis absque præiudicio errore, ignorantia, & inconsideratione, ut cum vult aliquod delectabile, de quo certò scit, certòque considerat esse delectabile & esse rationi dissentaneum. 2. Quia li-

cet intellectus proponat voluntati aliquod obiectum inconsideratè, tamen voluntas pro sua libertate semper potest illud respicere, & oppositum amare, aliàs non maneret libera. 3. Quia in articulis Parisiensibus stabilitur, quod existens intellectu in apice rationis, semper voluntas potest in oppositum.

173 Sed contra, quia cum dicitur, quod voluntas potest ex industria primò delinquere eligendo bonum delectabile, vel consideratur tale bonum esse contra diuinam regulam, ut amplectendum hic, & nunc cum omnibus circumstantijs, vel non consideratur? Si hoc secundum, habemus intentum. Si primum, iam præcedit error, quod peius est. Tum quia electio, quæ circa aliquod bonum singulare versatur, consequitur discursum intellectus practici iuxta formalem, siue virtualem, consistentem in duabus præmissis, vna vniuersali, ut bonum est agendum altera particulari, ut hæc actio hic, & nunc est bona, ex quibus sequitur conclusio; ergo est bonum hic, & nunc exercere hanc actionem. Vel tunc minor est vera, aut falsa? Si vera, vel hoc ideo est, quia actio considerata cum omnibus circumstantijs consideratur ab intellectu, & bona iudicatur, & tunc consequens erit bonum; vel quia licet habeat malam circumstantiam, tamen ab intellectu non consideratur, & tunc consequens est malum, cum sequatur minorem inconsideratam, &c.

174 Nec ea, quæ in fauorem dictæ solutionis adducuntur, euincunt. Non primum, quia procedit de intellectu speculativo, non practico. Nam potest quis speculatiuè certò scire hoc esse malum, & fugiendum, & practicè potest non considerare illam circumstantiam malam. Ad 2. dico, voluntatem semper manere liberam; quouies tamen malè operatur, semper præsupponitur defectus in intellectu practico. Ad 3. dico, quod illi articuli fuerunt reuocati quatenus tanguit doctrinam D. Thomæ, ut aliàs notauimus. Soluuntur argum. in contrarium primæ sententiæ.

175 Primum argum. desumunt ex S. Tho.

Tho. in 2. ad Ambros. dist. 5. q. 1. art. 1. ad 2. ubi aperte dicit, quod primum peccatum Angeli præcessit error circa circumstantias eligibilium. Resp. Sanctum Doctorem esse intelligendum non de errore formali, sed de interpretatio.

176 Secundum argum. quia si ob aliquam rationem non posset dari in Angelo error ante primum peccatum, maxime quia est malum poenæ, sed hæc ratio est nulla; ergo, &c. Minor probatur, quia etiam inconsideratio est malum poenæ, & tamen admittitur ante culpam; ergo. Tum quia inconsideratio est fundamentum, & ratio erroris interpretatiui, ergo est malum naturæ Angelicæ; non culpæ, ergo poenæ. Resp. concedendo maiorem, & negando minorem. Ad probationem, dico quod inconsideratio non est malum naturæ Angelicæ, sed est iuxta naturalem Angeli conditionem, ex eo, quod non est semper in actuali consideratione omnium rerum. At error est malum propriè cum sit dispositio quædam positiva, & disconueniens naturæ. Bene verum est, quod licet inconsideratio secundum se, & ut est pura quædam negatio, non sit malum poenæ, tamen si consideretur ut est voluntaria, quatenus cum ea voluntas vult procedere ad opus, ad quod requiritur consideratio, est malum poenæ, & tunc in aliquo genere supponit culpam, scilicet in genere causæ efficientis mouentis, applicantis, &c. de qua infra no. 182.

177 Tertium argum. quia si primum Angelii peccatum non præcessisset aliquis error, sed sola inconsideratio, primum peccatum non fuisset superbiæ formaliter, sed ad summum reductiuè; hoc est contra dicta superius; ergo, &c. Maior probatur, quia sicut ille qui aliquem occidit per ignorantiam culpabilem non peccat formaliter peccato homicidii propriè dicti, sed reductiuè; ita &c. Tum quia peccans per inconsiderationem, peccat solum ex defectu consistente in omissione considerationis; ergo non ex superbia formaliter. Resp. negando maiorem. Ad 1. probationem dico, quod licet occidens aliquem

per ignorantiam non peccet peccato homicidii formaliter, bene tamen qui occidit per inconsiderationem; maxime quando adest consideratio speculatiua hominidii, & solum est defectus considerationis practicæ. In Angelo fuit consideratio speculatiua, quod propria excellentia debebat referri in Deum, & defuit practicæ. Ad 2. probationem respondetur ex dictis, quod inconsideratio non fuit pura omisso considerationis; sed fuit iudicium considerans conuenientiam propriæ excellentiæ modificatum per inconsiderationem practicam ordinationis in finem supernaturalem.

178 Quartum argumentum, quia Angelus in secundo instanti habuit maiorem considerationem, quam in primo, ergo non peccauit ex defectu considerationis. Resp. distinguendo: antecedens: habuit maiorem considerationem, hoc est libertatem magis extensam, & conceditur: habuit maiorem considerationem, hoc est maiorem quasi consultationem, seu penetrationem rerum, & circumstantiarum, & negatur. Habuit ergo Angelus maiorem libertatem in secundo instanti, quia in eo peccare potuit, non in primo. Soluuntur argum. secundæ sententiæ.

179 Primum argum. quia iuxta Sanctos Patres, homo fuit admissus ad poenitentiam, non Angelus, quia homo peccauit ex infirmitate, at Angelus ex malitia; ergo non per inconsiderationem. Resp. Sanctos Patres solum velle, quod tam homo, quam Angelus peccauit ex malitia, sed malitia hominis fuit fundata in infirmitate carnis, non malitia diaboli.

180 Secundum argum. quia eadem est ratio peccati primi hominis, & Angeli, sed peccatum primi hominis non præcessit inconsideratio; ergo neque peccatum Angeli. Maior constat. Minor probatur ex illo Apost. 1. ad Tim. 2. quod Adam non est seductus; Tum quia Angeli mali fuerunt admoniti à bonis de ijs quæ considerare debebant; iuxta illud: *Quis ut Deus*; ergo &c. Resp. negando minorem. Ad 1. probationem dicitur, quod Adam non est seductus, scilicet primò, sed Eva, ut

exponit ibid. S. Doctor. Vel dic eum eodem S. Doctore ibidem, quod malier fuit seducta in vniuersali, credendo, quod serpens dixit. Sed Adam non credidit hoc, sed fuit seductus in particulari, quod scilicet esse mos vxoti gerendus. Ad 2. probationem dico, quod admonitio bonorum Angelorum fuit posterior natura peccato. Vel dic, quod consideratio quam habuerunt Angeli mali, ex admonitione bonorum fuit solum speculatiua, non practica.

181 Tertium argum. quia si ad primum Angeli peccatum debuit precedere inconsideratio, vel illa inconsideratio esset purè negatiua, & merè naturalis? vel priuatiua, culpabilis, & voluntaria? Si primum, actus voluntatis ex illa causatus erit purè naturalis, & inculpabilis. Si secundum, vel est voluntaria, per actum secutum, & regulatum, & hoc non, aliàs defectus intellectus oriretur ab eo, quod est posterius, vel per alium actum præcedentem, & tunc à voluntate esset defectus intellectus. Confirmatur, quia si ad quemlibet defectum voluntatis debet præcedere defectus intellectus, tunc quoties voluntas peccat, dabitur duplex peccatum: vnum quod à voluntate procedit; aliud inconsiderationis, & imprudentiæ.

182 Resp. quod illa inconsideratio est priuatiua, culpabilis, & voluntaria per actum voluntatis regulatum. Vnde actus voluntatis regulatus est prior illa inconsideratione in genere causæ efficientis; & actus intellectus inconsideratus est prior illo in genere causæ formalis, & sic mutua causalitas in diuerso genere causæ saluatur, quod scilicet inconsideratio sit voluntaria, & quod sit causa defectus voluntatis. Potest hoc explicari exemplo primi actus fidei, & piæ affectionis. Nam primus actus fidei, vt aliqui volunt, est prior piæ affectione in genere causæ formalis regulatiuæ; & piæ affectio est prior in genere causæ efficientis, cum voluntas moueat quoad exercitium intellectum, & applicet ad considerationem practicam.

183 Sed dices 1. quod licet in alijs

rebus detur mutua causalitas, non tamen quoad præsens, nam si in præfenti admittetur mutua causalitas sequetur, quod electio voluntatis, esset simpliciter prior iudicio à quo regulatur, sed hoc dici nequit; ergo, &c. Maior probatur, quia electio esset prior in genere causæ efficientis, & iudicium esset prius solum in genere causæ materialis, aut formalis regulatiuæ; genus autem causæ efficientis, est simpliciter prius. Minor constat, quia cum voluntas nō possit eligere nisi iuxta dictum intellectus, ex eo, quod nihil voluit, quin præcognitum, sequitur non posse electionem esse simpliciter posteriorem. Resp. concedendo, quod electio voluntaria est simpliciter prior iudicio à quo regulatur; nam regulatur in genere causæ formalis & quoad specificationem, & mouet quoad exercitium. Et sic dictum iudicium vt est formaliter voluntarium, & culpabile, est simpliciter posterius actu voluntatis, à quo redditur culpabile, & voluntarium.

184 Dices 2. quia iuxta probabilem Caiet. & aliorum sententiam, iudicium intellectus concutrit in genere causæ efficientis ad actum voluntatis; ergo repugnat quod in eodem genere causæ causetur ab actu voluntatis quem causat. Resp. quod dato, & non concesso, quod actus intellectus esset causa efficiens actus voluntatis, adhuc esset simpliciter posterior secundum eam considerationem secundum quam causetur, scilicet secundum rationem voluntarij, culpabilis, &c. Vnde actus intellectus causeret actum voluntatis secundum suam substantiam, & secundum hanc rationem esset simpliciter prior, & actus voluntatis in ratione voluntarij, culpabilis, &c. causeret actum intellectus, & secundum hanc rationem actus voluntatis esset simpliciter prior.

185 Dices 3. quia licet forma, quæ est prior in genere causæ formalis, possit esse posterior in genere causæ materialis, & è contra, quia id, quod est prius illa, non habet hoc præcisè ratione illius esse, quod est effectus eiusdem formæ, sed ratione alterius; vnde materia, quæ in suo gene-

genere est prior forma, ideo est prior, quia hanc prioritatem non habet ratione existentie ab illa accepta. Sed ratione suae potentialitatis, secundum quam est primum subiectum eiusdem formae; sed inconsideratio est defectus culpabilis, & voluntarius praecise quia est effectus voluntatis, ergo non potest esse prior ipso actu voluntatis à quo causatur. Resp. concedendo maiorem, & minorem, & negando consequentiam, quia inconsideratio non est prior actu voluntatis qua voluntaria, & culpabilis, sed qua mouet voluntatem quoad specificationem.

186 Dices 4. nam vel illa inconsideratio est obiectiue mala, vel non? Si primum, ergo iam voluntas vult aliquid malum ex parte obiecti, quod sine errore esse non potest. Si secundum, ergo non potest fieri culpabilis ab actu voluntatis; nam non potest esse culpa in volitione illius defectus, qui non est obiectiue malus. Resp. quod licet illa inconsideratio ut proceditur ad opus cum illa, sit, quantum est ex se, malum cum tunc habeat malitiam ex motione voluntatis, loquendo de formali, & habeat malitiam obiectiua ex se, & actus quo esset volita expressè, esset malus, tamen in nostro casu non est volita expressè, sed tantum virtualiter, interpretatiue, & ex parte modi volendi, ut ex dictis constat.

187 Dices 5. quia illa inconsideratio ut sit voluntaria, debet supponere iudicium quo iudicetur conueniens non considerare diuinam regulam, etiam si procedatur ad opus, seu ad dilectionem propriae excellentiae; hoc non videtur dicendum, ergo, &c. aliàs etiam actus regulatus esset diuersus. Resp. negando maiorem, sed sufficit, quod voluntas velit, & approbet iudicium illud inconsideratum, de beatitudine naturali diligenda, non considerata diuina regula, quae in primo instanti considerabatur, & non continuatur, sed interrumpitur in secundo instanti. Bene verum est, quod hoc iudicium non est expressum, quod sit conueniens exire ad opus absque consideratione regulae, aliàs esset formaliter erroneum, sed est tale solum implicitè, & interpretatiue.

An Angelus in primo instanti sui esse, potuerit peccare.

188 **C**onueniunt omnes, quod de facto Angelus non peccauit in primo instanti sui esse; unde solum de possibili dubium procedit. Prima sententia est, quod Angelus potuerit peccare in primo instanti sui esse, sic veniens ex antiquis Scotus, Gregor. Maior, Basilius, Gabriel, Marfilus, Okam, Palacios, & Henricus; & ex modernis Molina, Valentia, Vasquez, Becanus, & Suarez, quos referunt Salmant. hoc loco *disp. 11. dubio unico*.

189 Nostra sententia sequi conclusionem explicatur. Nullus Angelus potest in primo instanti sui esse peccare. Sic S. Doctor hic art. 5. q. 16. de malo art. 4. in 2. dist. 3. q. 1. art. 1. & alibi, colligitur ex Concil. Brachar. & Lateran. & refertur cap. Firmiter, de summa Trinit. Tradunt Cai. preolus, Herueus, Caiet. Bann. Nazar. Zamel, Ripa, & alij plures quos referunt, & sequuntur Salm. hoc loco.

190 Probatur ratione D. Tho. dicto art. 4. quoniam illa operatio, quae simul incipit cum esse rei, est ab eodem agente à quo est esse; ergo impossibile est Angelum in primo instanti peccare. Consequenter constat, quia si operatio, quae incipit cum esse rei, est ab agente à quo est esse, sequitur, quod cum esse Angeli sit à Deo, etiam illa operatio erit à Deo, ac proinde impossibile est, quod sit peccaminosa. Antecedens ostenditur, quia operatio, quae incipit cum esse rei, est corollarium secutum ex natura illius, ac proinde debet esse ab eodem agente à quo est esse, & cetera corollaria ipsius esse. Tum quia, ideo motus grauium, & leuium est à generante, quia ille motus incipit cum illis, quando producuntur extra suum motum naturalem; ergo, &c. Tum etiam quia si tibi alicuius viuientis, cum primò habet esse inciperet moueri claudicando, tunc illa claudicatio tribueretur generanti; ergo, &c.

191 Respondet 1. Molina, quod illa sola operatio tribuitur generanti, per quam res genita producit ad suam dispositionem naturalem; Angelus autem non producit ad suam naturalem dispositionem, quia Deus non attingit Angelum media dispositione, sed immediate, & sic operationes illius in primo instanti, non tribuuntur Deo.

192 Sed contra 1. quia si pertinet ad auctorem naturæ tribuere naturalem dispositionem effectui producti, quando media dispositione producit, ergo etiam pertinebit ad eundem remouere in primo instanti dispositiones, quæ sunt contra naturam effectus producti, aliàs tribuerentur illi; sed peccatum in primo instanti creationis productum, est contra naturam rei intellectus; ergo pertinebit ad Deum illud pro illo instanti remouere. Vnde pertinet ad generantem grauium, & leuium, non solum illa constituere in suis locis, sed etiam remouere ab ipsis, quæ sunt illis contraria, seu quæ non sunt iuxta naturalem dispositionem.

193 Secundo, quia spectat ad naturalem Angelus dispositionem pro primo instanti, operatio naturalis, qua diligit Deum super omnia ut auctorem naturæ; & ad connaturalem dispositionem gratiæ pertinet diligere Deum super omnia ut auctorem supernaturalem, ergo ad Deum pertinebit pro illo instanti tribuere utrumque amorem, & per consequens remouere omnem actum peccati cum illo impossibilem. Antecedens quoad primam partem constat ex dictis supra, quia Angelus ratione suæ immaterialitatis, & actualitatis constituitur in actu primo per amorem, & cognitionem auctoris naturæ, ut inde possit cognoscere, & velle cætera. Quoad secundam partem constat idem antecedens, quia gratia perficit subiectum iuxta modum se habendi eiusdem; ac proinde sicut Angelus est in actu secundo respectu finis naturalis, debet etiam tunc esse in actu secundo respectu finis supernaturalis.

194 Tertiò, quia homo constituitur in actu primo ad hoc ut se ipsum moueat

moueat ad suas operationes per peculiarem applicationem Dei ad intentionem finis. Vnde quia tunc homo incipit moueri de potentia in actum, & ab vniuersalioribus ad minus vniuersalia, sufficit, quod tunc peculiari ratione applicetur à Deo ad intentionem finis in communi, ut inde se possit applicare ad bona particularia; ergo etiam Angelus ut se moueat, debet in sua prima operatione applicari à Deo, non quidem ad intentionem finis in communi, cum non procedat ab vniuersalioribus, &c. Sed ad intentionem finis in particulari.

195 Sed dices 1. quod peccatum originale est contra naturam hominis, & tamen non remouetur à Deo, sed contrahitur in primo instanti esse hominis; ergo, &c. Resp. concedendo antecedens, & negando consequens. Ratio discriminis est, quia puer contrahit debitum peccati originalis in Adam, ac proinde non spectat ad auctorem naturæ impedire illius contractionem. Anima namque rationalis contrahit peccatum originale ex eo, quod efficitur pars naturæ infectæ, non per propriam operationem, & sic iste effectus reducitur in Adam, non in Deum.

196 Dices 2. dictam rationem videri reprobam à D. Thoma q. 16. de malo art. 4. ubi videtur dicere non pertinere ad auctorem naturæ Angelicæ efficaciter impedire ne in primo instanti resistat influentiae sui auctoris; sed sufficere, quod quantum est ex vi influentiae dictæ ita habeat naturam omnino integram, ut nihil in ea sit diminutum, aut contra integritatem eiusdem naturæ. Resp. D. Thomam solum velle, quod natura Angelica non sit impeccabilis præcisè ex vi actionis Dei, quia actio creatiua præcisè non ponit impeccabilitatem, sed quod solum sit impeccabilis ex eo, quod si peccatum poneretur pro eo instanti, tribueretur Deo.

197 Dices 3. quia si Angelus exigeret ex vi eleuationis ad finem supernaturalem, quod pro primo instanti haberet actum supernaturalem amoris Dei super omnia, deberet semper illum habere; hoc est falsum; ergo. Minor constat, quia ef-

fer

set omnino impeccabilis pro quocunque instanti. Maior probatur, quia Angelus est semper eleuatus; ergo si ex eo, quod est eleuatus, ille amor sibi debetur pro primo instanti, cum semper sit eleuatus, semper debetur. Resp. negando maiorem, sibi enim debetur pro primo instanti, non pro sequentibus. Nam pro primo instanti, debetur vt sit in actu primo potens se mouere liberè ad ceteros actus supernaturales; at continuatio eiusdem actus amoris pro reliquis instantibus cum sit libera, Deus ad illam non concurrit peculiari modo applicando Angelum, sed ipse se mouet, & applicat, ac proinde potest cessare, &c. gratia namque perficit accommodatè ad naturam liberam, &c.

198 Dices 4. quia non videtur consonum naturæ gratiæ Angelicæ, quod sit ei debitus infallibiliter actus amoris Dei super omnia in primo instanti, vt constitutur in actu primo completè; ergo, &c. Antecedens probatur, quia gratia Angelorum, & nostra, sunt eiusdem speciei; sed nostræ non est debitus dictus amor in primo instanti vsus rationis, vt constat in pueris baptizatis; ergo, &c. Resp. negando antecedens. Ad probationem dico, quod licet gratia nostra, & gratia Angelorum sint eiusdem speciei, tamen ratione differentie individualis potest aliquid esse illi debitum, quod non est debitum nostræ. Nam gratia mea magis me inclinât vt diligam parentes meos, quàm tuos. Quare ex hoc, quod Deus eleuet naturam Angelicam à primo instanti ad esse supernaturale, debet secundum communem gratiæ cursum, tribuere ei dona intrinseca, conferendo auxilium vt liberè, licet infallibiliter prorumpat in actum amoris Dei super omnia. At natura humana potest manere eleuata solum extrinsecè, ac proinde tamen habere gratiam habitualem pro primo instanti vsus rationis, non sibi debetur auxilium ad habendum infallibiliter dictum actum amoris.

199 Dices 5. quod posset Deus per potentiam absolutam denegare concursum ad illum amorem, seu posset denega-

re illum amore naturalis debitum titulo conaturalitatis gratiæ Angelicæ, sed posset tunc Angelus delinquere; ergo. Resp. concedendo maiorem, & negando minorem, quia tunc tuebitur Deus res sic disponere, vt peccatum Angelicum pro illo instanti præcaueat; aliàs peccatum tribueretur Deo. Nam sicut si Deus denegat aquæ frigiditatem, tribuitur ei, quod aqua non sit frigida; ita tribueretur Deo peccatum Angeli eleuato, si denegat, quod tunc sibi debetur. Quando dicitur, quod naturæ Angelicæ est debitus amoris actus supernaturalis, accipitur dicta natura vt eleuata reduplicatiuè.

1200 Respondent 2. idem Molina, Valentia, & Becanus, quod licet operatio naturalis incipiens cum esse rei tribuatur auctori eiusdem rei, non tamen operatio libera, vt est actio peccaminosa, imò & operatio vitalis non libera; nam operatio vitalis est illa, quæ est à principio intrinseco mouente se ipsum, ac proinde debet tribui illi qui se mouet; item operatio libera tribuitur voluntati elicienti illam. Tum quia operatio naturæ intellectualis, est propter finem, & est id, per quod operans mouet se in finem; ergo, &c.

201 Sed contra, quia licet operatio libera Angeli non possit elicituè esse ab alio, nisi ab Angelo, & potentiis elicienti illius, potest tamen esse ab alio applicatiuè, & indigere peculiari applicatione alterius; ergo hoc modo potest tribui Deo. Si enim operationes naturales incipientes cum esse tribuuntur auctori ipsius esse, ita & liberæ tunc incipientes. Tum quia prima cogitatio incipiens, cum esse Angeli debet esse specialiter à Deo, vt ab auctore naturæ Angelicæ, & principiorum quibus intelligit, ac proinde absque defectu debita considerationis; ergo etiam operatio libera inde secuta, & incipiens cum eodem esse debet ratione peculiari esse à Deo. Antecedens quoad primam partem probatur, quia cum illa cogitatio præcedat quemlibet actum voluntatis, non potest esse à voluntate applicante, & mouente intellectum quoad exercitium;

ergo debet esse à Deo. Deinde sicut motus corporales reducuntur ratione peculiari in primum motum, ita & motus intellectuales. Deinde probatur secundum partem antecedentem, quod scilicet illa cogitatio debeat esse absque defectu, quia alias ille defectus debet considerari refundere in Deum, ut ex dictis constat. Consequenter videtur legitima, quia qui peculiariter applicat intellectum ad considerationem practicam sine defectu, debet etiam applicare ad volitionem sine defectu ut patet.

202 Sed obijcies 1, quia licet efficacia cogitationis non deroget libertati voluntatis Angelicæ, quando voluntas applicat intellectum ad illam, bene tamen quando forissecus aduenit, sed illa applicatio forissecus aduenit, scilicet à Deo, ergo derogat libertati. Maior probatur, quia cum applicatio ad talem cogitationem forissecus adueniat, non erit liberum illam habere, & ea posita infallibiliter sequeretur actus voluntatis; nec remaneret libertas in voluntate ad eliciendum, & non eliciendum illum. Resp. negando maiorem; siue enim cognitio sit à voluntate applicante, siue à Deo, dummodo proponat obiectum cum indifferentia, scilicet voluntas liberè operabitur, licet hic & tunc infallibiliter eliciat actum ex eo, quod practice iudicetur hanc potius partem esse sequendam quam illam.

203 Obijcies 2. quia sicut prima cogitatio Angeli est à Deo peculiariter applicante, ita prima cogitatio hominis in quouis primo negotio est à Deo peculiariter applicante; sed ex hoc, quod prima cogitatio hominis in quouis primo negotio est à Deo, non sequitur, quod etiam prima volitio in quouis primo negotio sit à Deo, ac proinde moraliter bona; ergo, &c. Maior constat. Minor probatur, quia prima volitio in quouis negotio potest esse peccaminosa. Tunc quia Deus interdum offert nobis cogitationes, ex quibus videtur futurum esse peccatum; quod tamen Deo non imputatur; ergo licet prima cogitatio Angeli, vel hominis sit à Deo, adhuc tamen volitio potest esse

peccatum, & non imputari Deo. Tum, quia Deus potuit determinare intellectum, ut proponeret voluntati obiectum cuius prosecutio sit peccatum, & cuius fugam mereretur; & voluntas posuisset illud prosequi, non fugere; ergo, &c.

204 Resp. concedendo maiorem, & negando minorem. Ad 1. probationem dico, quod nullo modo prima illa volitio potest esse peccaminosa; licet possit esse libera, quia ut ex dictis liquet, nequit esse defectus in voluntate, nisi precedat in intellectu. Ad 2. probationem dico, quod ex primis dictis cogitationibus non potest prauideri peccatum. Per quod patet ad 3. probationem.

205 Obijcies 3, quia, ut diximus dubio precedenti, voluntas applicat intellectum ad illam considerationem, ut est libera, & voluntaria, ac proinde in genere causæ efficientis, licet in genere causæ formalis, & quoad specificationem moueatur ab intellectu; ergo etiam primum iudicium potest esse ex applicatione voluntatis, & sic poterit intercedere peccatum, cum prima illa cogitatio non sit à Deo applicante, sed à voluntate. Resp. concedendo antecedens, & negando consequens, quia in secundo instanti integrum est voluntati applicare intellectum, & ad considerationem, vel ad desistendum ab illo primo iudicio considerato in quo fuit à Deo creatus, non sicut in primo instanti. Quare falsum est, quod in illa solutione dicebatur, quod actio libera non possit esse ex peculiari applicatione Dei; neque illa applicatio tollit quin creatura intellectus moueat se in finem, dum enim mouetur à Deo in finem, etiam se mouet in finem.

206 Respondent alij 3. quod licet operatio incipiens cum esse rei, tribuatur auctori quando oritur à principiis secundum eandem rationem, secundum quam sunt ab illo, secus quando procedit secundum diuersam rationem. Si autem Angelus peccaret in primo instanti non eliceretur ab Angelo, neque à principiis, scilicet intellectu, & voluntate secundum eam rationem secundum quam sunt à Deo,

Deo, ac proinde non tribueretur Deo.

207. Sed contra, quia prima operatio incipiens cum esse, debet esse à principiis secundum eandem rationem, secundum quam sunt à Deo; ergo, &c. Antecedens probatur, quia prima operatio voluntatis Angelice incipiens cum esse illius, procedit à prima cogitatione à Deo immissa, ex illaque inferitur, ergo debet esse à suis principiis secundum eam rationem secundum quam sunt à Deo; nam prout defectuosa non inferitur ex illa cogitatione à Deo immissa; nec illi subordinatur. Tum quia prima operatio cuiuscunque nature explicat principia sue nature; ergo etiam prima operatio Angelica debet explicare sua principia naturalia, ut sunt à nature auctore. Tum quia id quod convenit alicui præter naturam, non potest esse primum, sed debet esse posterius eo, quod est secundum naturam; ac proinde actio peccaminosa non poterit esse prima.

208. Sed contra hæc obijcies 1. quia falsum est, quod prima operatio Angeli, debeat esse ab inclinatione principiorum, & congruè ad illam; ergo, &c. Antecedens probatur, quia aliis asserens Angelum posse peccare in prima operatione, incidere in hæresim Manichæorum, asserentium dari naturam, quæ naturaliter sit mala, ac proinde dari Deum malum; nam eo ipso, quod actio mala esset prima, prodiret ab inclinatione naturali, & esset iuxta illam. Tum quia solum sequitur, quod iuxta inclinationem naturalem deberet prima operatio esse naturalis, non tamen, quod non possit in agentibus liberis produci operatio aliqua, etiam prima, quæ non sit connaturalis.

209. Resp. negando antecedens. Ad 1. probationem dico, quod cum nostra principia non sint de fide, non sequitur, quod qui oppositum tenet sit hæreticus; nisi aliud sentiat. Ad 2. probationem, dicendum, quod ex nostra ratione etiam sequitur, quod prima operatio non solum debet esse iuxta inclinationem nature, sed etiam quod re ipsa debet sic elici, ac proinde quod non possit elici alia, ut pa-

ter ex philosophicis principiis agendi naturalia ab ipso principio essent in statu præter naturam, & id quod est præter naturam, præcederet id, quod est secundum naturam.

210. Obijcies 2. quia ut supra dicebamus, Angelus non potest peccare directe contra finem naturalem, sed solum contra supernaturalem; ergo non potest deduci ex principiis naturalibus, quod operatio illius debeat esse recta; alias operatio supernaturalis recta, esset iuxta inclinationem naturalem. Respond. quod cum dicta propositio sit vniuersalis, debet intelligi per distributionem accomodam; ut quod operatio naturalis recta, sit secundum inclinationem naturalem, & operatio recta supernaturalis, sit secundum inclinationem nature eliciæ, &c.

211. Obijcies 3. quia non videtur verum, quod prima Angeli operatio sit naturalis, id est cum aliqua determinatione ad vnum, ac proinde non posse Angelum in illa delinquere; ergo, &c. Antecedens probatur, quia vel illa operatio est determinata ad vnum ex eo, quod est necessaria quod exercitium, & hoc non, quia sola operatio prima intellectus, non voluntatis, est sic necessaria. Vel quia est necessaria quoad specificationem, & quoad speciem v. g. amoris, non odij; & neque hoc, quia inde non sequitur imperabilitas, quia potest esse multiplex amor sui, & in aliquo potest esse peccatum. Vel quia est necessaria, id est naturalis, seu ex inclinatione nature, & adhuc potest esse peccaminosus cum possit esse inordinatus. Tum quia Angelus in illo instanti potest habere concomitanter cum illa operatione connaturali aliam peccaminosam; ergo, &c.

212. Resp. negando antecedens. Ad 1. probationem dico, quod non solum prima operatio intellectus Angelici est necessaria quoad exercitium, verum etiam prima operatio voluntatis, ut est amor sui, amor Dei auctoris nature, &c. Alij actus naturales, & supernaturales in illo primo instanti, solum sunt necessarii quoad speciem.

cium, ut ex dictis constat, cum quoriam em-
stat, quod nullus actus pro illo instanti sit
peccaminosus, cum nullam supponat in-
considerationem in intellectu. Per que
patet ad 2. probationem, quia hoc ipso,
quod prima operatio est secundum incli-
nationem, ut ex dictis constat, non potest
dari alia cōcomitans peccaminosa, ut iam
habes ex dictis.

213. Respondent alij 4. quod licet
operatio defectuosa incipiens cum esse rei
refundatur in auctorem ipsius esse, quan-
do solus in illam influat, secus tamen si
influat in illam vni cum re producta, quia
tunc defectus non refunditur in Deum,
sed in creaturam; nam etiam in secundo
instanti Deus influat in illam operationem
defectuosa, sed nō qua defectuosa, cum
defectus sit à voluntate Angeli peccātis.

214. Sed contra, quia licet illa ope-
ratio defectuosa esset ab Angelo, tamen
refunderetur etiam in Deum applicatam,
& agentem per modum agentis particu-
laris, ac prout quoad omnes modos, &
& circumstantias in illa inuentas. Tum
quia si illa operatio esset defectuosa re-
funderetur in Deum non tantum cogita-
tionem rectam, sed defectuosam. Tum
etiam quia in Deum refunderetur, quia
non applicuisset voluntatem Angeli ad
operationem connaturalem, sed contrariā.
Tum denique quia cum esset prima, ex-
plicaret inclinationem naturæ, & auctoris
illius, &c.

215. Alij etiam quinto respondent
quod non est verum, quod operatio in-
cipiens cum esse, tribuatur auctori illius;
nam illuminatio solis incipit cum sole, &
tamen non tribuitur auctori illius, sed soli;
Deus namque ad illam solum concurrat ut
causa vniuersalis, non ut agens particu-
laris. Nam quando operatio tribuitur
generanti, semper ei tribuitur, ut patet in
motu gratiarum, & letitiam. Tum quia
operatio sicut & esse refunderetur in au-
ctorem non solum quoad esse, verum
etiam quoad conseruationem illius. Tum
etiam quia prima operatio quam habet
puer in primo instanti vsus rationis mul-
totes est peccaminosa, & tamen non re-

funditur in Deum; ergo, &c.

216. Sed contra, quia etiam illumi-
natio solis procedit ab auctore solis ut à
causa particulari, solum ut dante illam
inclinationem ad illuminandum. Vnde si
sol esset capax peccandi non posset illu-
minationem ut peccaminosam produce-
re in primo instanti, bene tamen in alijs.
Nec verum est, quod quando operatio
tribuitur generanti, semper tribuatur, hoc
enim solum valet in rebus corporeis, ma-
teria, & forma constantibus, ex eo, quod
per primam operationem non sunt apte
naturæ ad se mouendum, ut sunt agentia
intellectualia, quæ postquam sunt facta,
in actu in primo instanti, possunt libere
se mouere quoad exercitium in secundo.
Nec etiam est verum quod secundo loco
dicitur, quod eam operatio, quam conser-
uatio illius refundatur in auctorem natu-
ræ, quia hoc solum verum habet in ijs,
quorum conseruatio, & continuatio non
dependet à libertate. Patet autem, quod
continuatio primæ operationis Angeli li-
beræ quantum ad specificationem tantum
pendet pro secundo instanti à libertate
voluntatis, quæ potest illam discontinua-
re, ut de facto contingit in amore super-
naturali mali Angeli, qui fuit discontinua-
tus. Ad illud de puero perueniente ad
vsum rationis, dico, quod instans vsus
rationis, non est vnus instans physicum,
sed morale constans ex pluribus instanti-
bus, quorum primum correspondet pri-
mo instanti Angelico in quo non potuit
peccare, sicut nec puer, bene tamen in
alijs, de quo in 1.2.

217. Sexto respondent alij, sequi
solum ex vi rationis D. Thomæ, quod
Angelus non possit peccare peccato com-
missionis, non tamen omissionis. Sed con-
tra, quia etiam omisso tribuatur auctori
naturæ. Tum quia etiam omisso suppo-
nit aliquem defectum in cognitione illa
prima; qui esse nequit, ut ex dictis con-
stat. Tum etiam, quia omisso semper
supponit aliquem actum, qui sit causa,
vel occasio: omittendi, ut in 1.2. dicitur.
Aliæ solutiones, quæ ab aduersarijs ad-
duci possunt, ex dictis manent impugnate.

Sol.

Soluuntur argum. primæ sententiæ.

218 Primum argum. nam Angelus in primo instanti habuit totum id, quod requiritur, tum ex parte intellectus, tum ex parte voluntatis ad peccandum; ergo potuit tunc peccare. Antecedens probatur, quia ad peccandum duo requiruntur, ex parte intellectus plena aduertentia, & ex parte voluntatis plena libertas; sed hæc fuerunt in Angelo; ergo, &c. Tum quia Angelus in primo instanti habuit potentiam peccandi; ergo peccare potuit. Tum etiam quia Angelus peccauit in secundo instanti; ergo etiam potuit peccare in primo. Conseq. probatur, quia nil minus habuit in primo instanti, quam in secundo.

219 Resp. negando antecedens, quia in primo instanti nec habuit, nec habere potuit, totum id, quod ad peccandum requiritur; nam ex parte intellectus non habuit cognitionem defectuosam. Nec ex parte voluntatis habuit plenam libertatem, quia in ordine ad finem supernaturalem non erat libera quoad specificationem. Per quæ patet ad 1. probationem. Ad 2. probationem dico, quod in Angelo pro primo instanti fuit potentia ad peccandum, sed non pro illo instanti. Ad 3. probationem conceditur antecedens, & negatur conseq. Ad probationem cuius iam constat ex dictis.

220 Secundum argum. Angelus habuit pro primo instanti libertatem exercitij ad amandum Deum finem supernaturalem; ergo potuit peccare, saltem peccato omissionis. Antecedens constat ex supradictis. Conseq. probatur, quia potuit quoad exercitium omittere dilectionem Dei super omnia, ad quam diuinum præceptum eum obligabat. Tum quia si Angelus tunc non amaret, ut ei præcipitur, delinqueret; ergo cum possit tunc non amare, poterit delinquere.

221 Resp. concedendo antecedens, & negando conseq. Ad 1. probationem dico, quod ex eo, quod est liber quoad exercitium potuit non amare negatiue, non contrariè, prout scilicet non amare opponitur præcepto, seu prout dicit ca-

rentiam amoris debiti. Vel dic, quod Angelus potuit non amare in sensu diuiso, non in sensu composito coniungendo non amorem cum illo instanti. Constat solutio exemplo Christi D. qui potuit non mori priuatiue, non contrariè, prout mors cadebat sub præcepto. Per quæ patet ad 2. probationem.

222 Tertium argum. quia Angelus in primo instanti potuit mereri; ergo etiam peccare. Antecedens admittunt communiter Theologi; conseq. probatur, quia in eo instanti in quo quis mereri potest, potest etiam demereri, ac proinde peccare. Tum quia plus requiritur ad merendum, quam ad demerendum, quia malum ex quocunque defectu, & bonum ex integra causa. Tum etiam quia ad meritum requiritur plenissima libertas cum sit opus valde perfectum, ac proinde valde liberum; plenissima autem libertas dicitur libertatem tam ad merendum, quam ad demerendum.

223 Resp. concedendo antecedens, & negando conseq. Ratio disparitatis est ex D. Tho. 9. 16. de malo art. 4. ad 20. quia meritum ex hoc procedit, quod mens moueatur à Deo, ac peccatum ex hoc quod mens moueatur à se. Tunc Angelus mereri potest, quia liberè mouetur à Deo, & peccare non potest, quia tunc à se moueri non potest. Vel dic cum eodem S. Doct. hic art. 5. ad 3. quod quidquid est in merito, est à Deo, non quidquid est in peccato. Per quæ patet ad 1. probationem. Ad 2. dico plus requiri, ex parte indifferentiæ, ad peccandum, quam ad merendum. Ad merendum sufficit libertas contradictionis, ad peccandum requiritur libertas etiam contrarietatis, quia ut dicebamus, ad peccandum non sufficit omisio priuatiua, sed requiritur contraria. Ex alijs tamen capitibus plus requiritur ad merendum, quam ad peccandum, nam, ad hoc ut actus sit meritorius requiritur quod omnes illius circumstantiæ sint bonæ, at ad hoc ut sit malus, sufficit quicunque defectus. Per quæ patet ad 3. probationem.

D V B I V M XIII.

An Angelus malus lapsus fuerit post primum instans, & bonus deliberat se, & omnia sua in Deum finem supernaturalem retulerit.

224 **N**on procedit dubium de instanti Angelico ut est virtualiter diuisibile, prout potest tandiu durare quandiu durat pars nostri temporis. Sed procedit de instanti Angelico ut precise coexistit instanti nostri temporis, ut sensus sit, an Angelus malus fuerit in gratia, Deumque dilexerit tantum per instans indiuisibile tam formaliter, quam virtualiter, & post illud peccauerit. Et an Angelus bonus post illud instans, se deliberat, & omnia sua in Deum finem supernaturalem retulerit.

225 Prima sententia est, quod Angelus non fuerit lapsus statim post illud instans, sed mansit in gratia per aliquam durationem, mensuratam instanti indiuisibili formaliter, non virtualiter. Sic Nazar. Suarez, Gregor. Gabriel, Molina, & alij apud Salm. *disp. 12 dub. 1. n. 10. & 24.*

226 Nostra sententia duabus concl. explicatur. Prima concl. *Angelus malus mansit in gratia solum per unum instans in diuisibile formaliter, & virtualiter.* Colligitur hæc concl. ex illo Ioann. 3. *Ab initio Angelus peccas.* Et sic tradit S. Doct. *hic art. 6.* & communiter eius discipuli, Salmant. loco cit. & alij neoterici.

227 Probatur concl. quia Angelus per vnum actum meritorium, liberum, tam quoad specificationem, quam quoad exercitiū per quem se ipsum mouit, peruenit ad beatitudinem, ut dub. seq. dicemus, sed si diabolus non statim peccasset post primum instans, sed dilexisset Deum finem supernaturalem sicut in primo instanti, eliciuisset actum meritorium; ergo per illum peruenisset ad beatitudinem, quod cum non peruenierit, signum est, quod in secundo instanti peccauit. Maior constabit ex dicendis dub. seq. Minor probatur, quia si Angelus post primum

instans non statim peccauit, sed per aliquam breuem morulam dilexit Deum, auctorem supernaturalem, ista dilectio est omnibus modis libera, & talis, quod ad illam non applicatur à Deo, sed se ipsum applicuisset; ergo fuisset actus plenè meritorius.

228 Confirmatur 1. ex S. Tho. in hoc *art. 5. ad 3.* quia Angelus habet liberum arbitrium inflexibile post electionem; ergo nisi statim post primum instans in quo naturalem habuit motum ad bonum, peccasset, & sic posuisset impedimentū beatitudinis, fuisset firmatus in bono; sed hoc non fuit; ergo &c. Ille namque amor cum fuisset ex libera electione, posuisset inflexibilitatem in Angelo, & persistentiam in bono, ac proinde nunquam amplius peccasset.

229 Respondent aduersarij, quod Angelus fuit motus à Deo tum pro primo instanti, tum pro illa breui morula, ac proinde illa persistentia in amore illo supernaturali non fuit ex electione, & libera quoad specificationem, & in qua se moueret, & applicaret, ac proinde non inferens inflexibilitatem. Rationem assignant, quia Deus mouet Angelum accommodatè ad suam naturam; modus autem naturæ Angelicæ est, quod illius operatio duret non solum per vnum instans, sed etiam per aliquam morulam.

230 Sed contra, quia licet instans Angelicum possit durare etiam per correspondentiam ad aliquam morulam nostri temporis; non tamen hoc est necesse, quia potest Angelus per sua libertate elicere actum correspondentem solum vni instanti nostri temporis; sed est magis consonum naturæ Angelicæ, quod motio Dei sit solum correspondens vni instanti nostro; ergo, &c. Minor probatur, quia, specialis Dei motio solum de consideratur ad hoc, ut Angelus complete constituatur in actu primo ad se mouendum ex omni moda electione, quæ est ex intentione finis, quæ cum sit prima, debet esse ab auctore naturæ; sed per primum instans constituitur sufficienter in actu primo ad se mouendum; ergo, &c. Tum quia motio

tio specialis Dei: ideo desideratur, ut explicetur, tam naturalis inclinatio principiorum ad recte operandum, quam in illa differentia ad deficiendum; sed ad hoc sufficit applicatio pro primo instanti, ergo, &c. Tum etiam quia specialis motio Dei etiam desideratur ne eliciatur actio defensiva, & refundatur in auctorem naturę sed ad hoc sufficit, quod non intipiat cum esse rei; ergo &c. Soluuntur argum. primę sententię.

231 Primum argu. quia nostra conclusio non videtur consona verbis Ezech. 28. ubi de Lucifero dicitur. *Posuisti in monte sancto Dei, in medio lapidum ignitorum ambulasti perfectus in vijs tuis a die conditionis tuę, donec inuenta est iniquitas in tuis* quę verba denotant aliquam moram nostri temporis, & non quāmcunque, sed factis longam. Tum quia Angeli creati sunt prima die, ut in principio huius tractatus visum est, & in sexta die adhuc erant in gratia, ut colligitur ex illis verbis: *Vidit Deus cuncta, quę feceratis, & erant valde bona*; ergo, &c. Resp. cum D. Thoma hic art. 5. ad 1. quod ex hoc, quod Lucifer dicatur in vijs suis ambulasse, &c. solum denotatur pluralitas æquum inter se subordinatorum, quos habuit in illo instanti. Ad probationem dico, sensum illorum verborum esse, quod in illo sexto die omnia opera Dei erant valde bona, vel à Deo processerant, non quatenus ex malitia voluntatis subiecta mala.

232 Secundum argum. quia est magis connaturale intellectui, & voluntati creare permanere aliquantulum in actu liberè elicitio, quam subito relinquere, & post instantem ad alium transire; ergo, &c. Antecedens probatur, tum quia difficillimū hoc apparet, & indicat nimiam imperfectionem, & mutabilitatem; ergo, &c. Confirmat hoc Suarez 1. quia Deus in primo instanti reuelavit fidem Trinitatis, suęque amore infundit, sed non est verosimile, quod datauerit tantum per vnum instantem; ergo, &c. Confirmat 2. quia licet absolute potuerit relinquere actum primi instantis, & in secundo transire ad alium, tamen hoc non est consentaneum prudenti

modo operandi, ergo, &c. Confirmat 3. quia aliis Deus cum Lucifero, & eius sequacibus valde parce, & quodammodo auare se gessisset, concedendo suam gratiam solum per instans. Resp. negando antecedens, loquendo de actu ad quem à Deo speciali motione mouetur, scilicet loquendo de actu ad quem Angelus se ipsum mouet. Ad probationem, iam constat ex dictis. Ad 1. confirmationem constat ex dictis. Ad 2. confirmationem dico, imprudentiſſimè se gessisse Angelos malos interrompendo amorem illum, & fidem. Ad 3. confirmationem, constat, quod Deus abundantissimè se gessit, quia non ipse abstulit gratiam, quam abundanter conulerat, sed illam peruersè abiecerunt Angeli mali.

233 Tertium argu. proponit Valentia, quia etsi Angelus non peccasset post primum instans, non idcirco eliciuisset in secundo, vel in morula sequenti actum omnino meritorem, neque se ipsum mouisset ergo, &c. Antecedens probat ille, quia potuisset manere omnino otiosus. Resp. negando antecedens. Ad probationem etiam negatur antecedens, cum enim secundum illud instans esset vltimum viz in quo deliberare debebant de vltimo totius vite fine, non porcrant Angeli manere tunc otiosi, ac veluti dormitantes.

234 Quartum argum. quia falsum videtur, quod specialis illa motio, quę Angelus à Deo fuit applicatus ad actum charitatis, durauit solum per instans etiā virtualiter indiuisibile, ergo, &c. Antecedens probatur, quia illa motio in Angelis bonis durauit etiā in secundo instanti, ergo etiam in malis. Antecedens constat, quia actus amoris fuit continuatus in secundo instanti, ergo etiam modo; Tum quia per illam motionem fuit Angelus constitutus in actu primo ad se mouendo, ergo debuit durare etiam in actu secundo, ut in illo se moueret.

235 Resp. negando antecedens. Ad 1. probationem dicendum, quod illa motio etiam in Angelis bonis sub ratione motionis specialis, applicantis specialiter Angelum, durauit solum pro primo

infantis: licet sub ratione motionis generalis duzauerit etiam post illud. Ratio autem quare illa motio. ut est specialis non durauerit post primum infantis est, quia post illud infans Angeli boni operati sunt ex omnimoda electione libera tum quoad ad exercitium, tum quoad specificationem; cum tamen prius esset libera solum quoad exercitium. Vnde in secundo infans ad continuationem illius se mouit, & applicuit, cum prius fuisset applicatus. Ad 2. probationem constat ex modo dictis, quod durauit in ratione motionis generalis licet sub ratione motionis specialis. Illa namque motio prout erat specialis reliquit in Angelis: malis sui virtutem quantum ad sufficientiam, ut possent se mouere ad continuandum illam electionem supernaturalem: ut in bonis reliquit sui virtutem quantum ad efficaciam ad continendum amorem, & non peccandum.

356. Quintum argum. ex Molina, & Vasquez est; quia nec operatio, nec villa alia res potest durare perennitum tantum instans; ergo, & Antecedens probatur, quia in definitione operationis, & cuiuscunque iheret debet dari primum non esse, correspondens primo instanti nostri temporis; ergo cum in nostro tempore non detur duo instantia immediata, sequitur, quod post instans in quo res est, debeat sequi terminus, & deinde instans in quo non fit. Cum enim non esse sit totum finis, non potest non correspondere instanti; Tum quia inquit Vasq. licet indivisibilis nostri temporis, durent tantum, per unicum instans, quia desinunt ad inceptionem partis temporis immediate sequentis, ob speciem rationis; & ordinem interitus; nulla tamen alia res potest sic definire. Tum etiam quia inquit Molina actus quo Angelus peccat in incipit per primum sui esse per correspondentiam ad instans nostri temporis; sed non fuit illud instans in quo fuit in gratia, quia gratia, & peccatum non possunt esse simul, ut ait philosophus. Sic.

37. Resp. negando antecedens: Ad
1. probationem dico, quod idem instans

potest esse primum, & victimam alicuius actionis. Vnde de illa operatione Angelica verum est dicere: nunc est, immediate ante non erat, & nunc est, immediate post non erit. Quocirca licet non, esse operationis Angelicæ sit totum simul potest tamen coexistere, & correspondere parti temporis inadequate, & minori, & minori. Sicut indivisibile correspondet parti minori, & minori in infinitum. Per quæ ad probationem ex Vasquez, quia operatio Angelica potest correspondere instanti, & temporis, & potest durare per tempus, & tantum per instans ratione suæ actualitatis. At instans temporis nostri solum per instans durare potest ratione suæ minimæ actualitatis. Ad aliam probationem ex Molina dicendum, quod quando Angelus habet plures operationes successivæ si prima incipit per correspondentiam ad instans, alia incipiet per correspondentiam ad tempus.

§ 38. *Secunda concl. Angeli boni im-*
mediatè possunt inflantè babuerunt
aditum mortiferum quem elicerunt, non
ex motu à Deo tanquam ab agente, & mo-
uente particulari, sed tanquam à mouente
universali, sed se ipso, ad illam, mouerunt,
ex proinde illud mortuum fuit omnino libe-
rum. Hinc conclusio constat: ex dictis,
pro prima conclusione, est enim eadem
verobique ratio.

D V B I V M XIV.

An. Angeli boni in eodem in flammis suis meriti
corporis, in fœnem elevari Dei, &
multi in eodem in flammis suis demeriti.

[illegible]

Nostre sententia duabus con-
clusionibus explicatur. Primum conch.
Ange-

geli boni non in eodem instanti meruerunt, & Deum viderunt, sed Deum viderunt in instanti sequenti. Hanc concl. docet S. Doctor q. 62. art. 4. & 5. ad 2. in hoc art. 5. quodlib. 9. art. 8. & in 2. dist. 5. q. 2. art. 2. quem sequuntur Capreol. in 2. dist. 4. q. 1. art. 1. Bannes hic, & alij plures, quos referunt, & sequuntur Salmant. hoc loco disp. 12. dub. 2.

241 Probatur ratione D. Tho. dicto art. 5. ad 2. quia Angelus est supra tempus rerum corporalium, ac proinde instantia, quæ ad Angelos pertinent, non accipiuntur nisi secundum successionem actionum ipsorum; sed non potest vnus & idem actus simul esse meritorius, & demeritorius beatitudinis; nec potest idē actus esse meritorius beatitudinis, & ipsa beatitudo; ergo debent esse plures successiue, ac proinde in diuersis instantibus.

242 Responderi Calet. sufficere, quod meritum sit prius præmio natura, non duratione, sicut gratia imperfecta potest solum natura præcedere gratiam imperfectam. Sed contra, quia meritum in ordine ad præmium essentiale claræ visionis Dei, debet oriri à gratia imperfecta secundum statum, ab illa scilicet cuius operatio meritoria regulatur per lumen fidei, secundum se compatibilis cum potentia ad peccandum, sed repugnat, quod gratia sic imperfecta, & meritum ab illa proueniens sit simul cum gratia perfecta; ergo etiam repugnat, quod Angelus in eodem instanti sit simul merens, & beatus, seu in termino meriti. Maior constat ex ijs quæ videntur in nobis, vbi meritum regulatur per fidem, ac proinde fundatur in gratia per fidem regulatam, quæ huius ratione dicitur imperfecta, & admittens potentiam ad peccandum. Minor etiam constare videtur, quia nec lumen fidei est compatibile cum gratia perfecta, & consummata; nec cum beatitudine stare potest potentia peccandi, vt in 1. 2. dicemus.

243 Confirmatur primo quia gratia perfecta, seu beatitudinis est, medio habitu charitatis dilectiua Dei cum omnimoda necessitate, cum immutabilitate, cum inamissibilitate, & cum

roto conatu; at gratia vialis caret istis perfectionibus; sed implicat, quod eadem forma simul, & respectu eiusdem obiecti habeat, & non habeat dictas perfectiones; ergo non potest in eadem duratione esse simul perfecta, & imperfecta radix meriti, & luminis gloriæ, in via, & in termino.

244 Confirmatur 2. meritum est eiusdem rationis dum primò incipit, & continuatur, & est in termino, vt patet in homine, qui est idem qui incipit, & continuatur; sed meritum dum primò incipit potest oriri à gratia imperfecta, ergo etiam dum continuatur, & est in termino suo intrinseco; ergo cum gratia perfecta, & imperfecta nequeant esse simul, neque meritum in termino suo intrinseco poterit esse cum præmio. Tum quia vel meritum vt in suo termino intrinseco procedit voluntate Angelica vt libera tantū quoad exercitium, vel etiam quantum ad specificationem? Si primum dicatur, iam supponeret visionem beatam à qua tolleretur impeccabilitas, seu libertas contrarietatis, seu specificationis. Si secundum, non poterit esse cum visione beata, quia affert peccabilitatem.

245 Secunda conclusio. *Angeli mali damnati sunt in sequenti instanti post peccatum.* Sic tenent communiter Thomistæ, & alij plures, quos referunt, & sequuntur Salmant. hoc loco. Ratio constat ex dictis pro præcedenti conclusione, quia de demerito, & poena essentiali demonum eodem proportionali modo philosophandum est, ac de merito, & præmio essentiali Angelorum bonorum; sed isti non in eadem duratione hæc habuerunt; ergo nec illi. Tum quia nequit Angelus esse simul in via, & extra, cum potentia, & impotentia ad merendum. Item nequit esse simul & non esse sub lumine fidei: habere, & non habere dona supernaturalia, &c. Soluuntur argum. primæ sententiæ.

246 Primum argum. quia in motibus, seu operationibus subitis, seu instantaneis, potest esse simul fieri, & terminus fieri, vt patet in illuminatione, Angeli

creatione, &c. Sed meritum, & demeritum Angelicum potest esse operatio instantanea; ergo cum illis poterunt esse visio beata, aut damnatio, quæ sunt illorum termini. Tum quia in eodem instanti in quo datur actus feruidus charitatis, potest dari augmentum illius per modum præmij, ergo, &c. Resp. quod meritum, & præmium ob rationem generalem possunt esse simul, non tamen ob specialem rationem, quæ procedit inter meritum beatitudinis, & ipsam beatitudinem, ut ex nostris rationibus constat. Deinde præmium non est terminus intrinsecus præmij, nec factum esse illius, ut patet.

247 Secundum argum. quia in eodem instanti in quo peccator ad Deum convertitur, infunditur ei gratia; ergo etiam in eodem instanti in quo Angelus meretur beatitudinem, poterit illam habere. Resp. concedendo antecedens, & negatur consequens, quia beatitudo, & meritum illius procedunt ex principiis impossibilibus, fidei, & luminis gloriæ, gratiæ imperfectæ, & perfectæ.

248 Tertium argum. quia anima rationalis in primo instanti separationis à corpore, quod potest esse primum instant beatitudinis, potest mereri, ut patet in martyre, qui non meretur coronam martyrij ante mortem, ac proinde in eo instanti in quo est beatus. Resp. negando antecedens; in eo namque instanti separationis in quo verum est dicere, homo non est, seu anima non est in corpore, potest esse beatus, & in eo instanti non datur meritum, bene tamen tempore præcedenti. Ad illud de martyrio dico, quod dato, quod martyrium per mortem compleatur, non tamen ob hoc in instanti mortis, in quo martyrium extrinsecè terminatur, datur meritum, sed extrinsecè terminatur.

249 Quartum argum. quia si quis existat in lethali, autritus confitetur, & in instanti terminatio absolutionis moriatur, ita ut primum non esse absolutionis sit primum non esse hominis, tunc in instanti illo separationis animæ infundetur gratia, remittetur peccatum, & merebitur præmium essentiale, & si nihil habeat in

purgatorio luendum, erit simul beatus; ergo idem dici potest de Angelis. Tum quia in termino vig solent animæ iustorum mereri remissionem venialium, & disponere se ad recipiendam augmentum gratiæ, quod in via meruerunt; ergo, &c. Tum etiam quia potest adulus obtinere beatitudinem sine proprio merito; ergo, &c. Antecedens probatur, quia si quis peccatum mortale, quod commisit in instanti vsus rationis confiteatur, & incidat in amentiam antequam Sacerdos proferat formam absolutionis, si perseveret in amentia vsque ad finem vite saluabitur, & non per propria merita, quia ab instanti vsus rationis fuit in amentia, ergo, &c.

250 Resp. 1. quod dato, quod ille homo iustificetur in instanti terminatio absolutionis in quo definit, adhuc non sequitur, quod in illo instanti mereatur gloriam, nec illam habebit ex proprijs meritis, sed ex gratia illa Sacramentali. Resp. 2. quod in tali casu homo ille non iustificaretur, quia subiectum capax Sacramenti est homo, non anima separata. Ad 1. probationem dico, quod disponitur anima, non propriè merentur remissionem venialium, & disponuntur ad augmentum gratiæ, quia hæc non afferant proprietates repugnantes statui animæ separatæ, ut afferre meritum beatitudinis. Deinde dico, quod licet daretur aliquod meritum in statu separationis, nunquam tamen in eadem duratione cum beatitudine. Ad 2. probationem dicendum solum probare, quod per accidens possit homo consequi beatitudinem absq; proprijs meritis, ut contingit in paruulis.

251 Quintum argum. quia instantia Angelica sumuntur per diuersa iudicia intellectus; sed iudicium quod habuerunt Angeli mali de amanda propria excellentia, etiam modo manet in illis, ergo modo manet in illis illud secundum instant in quo multantur. Tum quia Angeli mali in secundo instanti in quo peccauerunt redditi sunt inflexibiles in malo; ergo in eodem manent dammati. Resp. concedendo maiorem, & negando minorem, quia iudicium secundum instantis fuit de amanda.

amanda propria excellentia sine consideratione regulæ. At iudicium damnationis est de amanda propria excellentia vt est contra legem Dei. Ad probationem dico, quod Angeli mali fuerunt inflexibiles etiam in secundo instanti, in quo nondum erant damnati. Benè verum est, quod secundum instans dicitur initium damnationis malorum, & beatitudinis bonorum, non quidem intrinsecum, sed extrinsecum.

D V B I V M XV.

An totum negotium Angelorum duobus instantibus, an tribus sit peractum.

252 **N**Vmerus instantium ex quibus tempus Angelicum desumitur, capitur ex numero operationum spiritalium Angelicarum liberarum, habentium inter se ordinem successione, ita vt vna sit post aliam. Quocirca plures operationes simul existentes in eadem duratione non constituunt plura instantia, sed ad vnum pertinent.

253 Prima sententia est, quod negotium Angelorum quatuor instantibus, siue morulus peractum sit. Duo in quibus omnes fuerunt æquales; ita vt in primo nullus meruerit, sed ex viribus nature operati sunt: in secundo omnes fuerunt in Deum conuersi per gratiam. At in alijs duobus fuerunt inæquales; nam Angeli boni in tertio instanti suum meritum confirmarunt: mali peccauerunt. Et in quarto, boni consecuti sunt beatitudinem, & mali damnationem. Sic Scotus in 2. dist. 5. q. 2. & 2. quem sequuntur eius discipuli communiter.

254 Nostra sententia sequentibus concl. explicatur. Prima conclusio. *Probabile est, quod totum negotium Angelorum bonorum peractum sit duobus dumtaxat instantibus, non tamen totum negotium malorum.* Secunda pars constabit ex dicendis conclusionibus sequentibus. Prima pars colligitur ex S. Tho. q. 62. art. 5. & cā tradunt Nazar. Ban. & alij hoc loco.

255 Probatur concl. quia Angelus

bonus post vnicum actum meritotium statim fuit beatus: ergo totum eius negotium in duobus dumtaxat instantibus peractum fuit. In primo beatitudinem meruit, in secundo, illam recepit. Antecedens constat. Consequenter probatur, quia sicut Angelus habita natura, habuit beatitudinem naturalem; ita habito merito habuit beatitudinem supernaturalem.

256 Respondet 1. Scotus, quod premium debetur secundum legem premii: sed lex Dei premiantis non est, quod qui vnum actum, aut duos fecerit recipiat premium, sed qui perseuerauerit vsque in finem. Sed contra, quia communis lex Dei est, quod cuique deur beatitudo in termino viget, nisi aliud sit impedimentum; sed iuxta naturam Angelorum, eorum, via fuit per instans in quo beatitudinem, meruerunt; ergo, &c.

257 Respondet alij 2. quod si ratio probaret, conuinceret etiam, quod tam boni, quam mali Angeli in secundo instanti fuissent beatitudinem consecuti, cum omnes in primo instanti illam meruerint. Tum quia sequeretur, quod habuissent in primo instanti beatitudinem supernaturalem, cum habuerint tunc naturalem, & gratia perficiat naturam. Sed contra, quia beatitudo debet dari per meritum plenè liberum in quo Angelus semouit, non per meritum semiplenè liberum ad quod fuit applicatus à Deo; sed soli Angeli boni hoc habuerunt, cum illud continuauerint, non mali, qui illud interruperunt. Videtur namque parum consonum nature Angelice, quod habuerint omnes beatitudinem supernaturalem in primo instanti, quia in illo habuerunt beatitudinem naturalem, quia licet Deus tribuerit dona gratuita consonè ad naturalia, tamen seruatis iuribus vtriusque. Constat autem ex dictis, quod beatitudo supernaturalis non possit esse in eodem procerus instanti cum premio, vt postea etiam videbitur.

258 Sed obiecijs 1. quod si Angeli boni tantum per vnum instans habuerunt meritum, non indugerint dono perseuerantie vt consequerentur beatitudinem, su-

supernaturalem, hoc est falsum; ergo, &c. Sequela probatur, quia ad habendum gratiam, & merum solum per instans, non requiritur donum perseverantiæ, sed sufficit ipsa gratia habitualis cum communi auxilio; ergo, &c. Resp. negando sequelam; nam etiam Angeli indiguerunt dono perseverantiæ, cum quia Angeli boni fuerunt incitati ad malum à malis, ut constat ex victoria *Apocal. 12*. Tum quia, licet via Angelorum durauerit tantum per instans, in illo tamen fuit aliqua varietas penes perfectionem, & plenitudinem libertatis, ubi autem est varietas, est indigentia auxilij mouentis immobilis. Tum etiam quia illud vnicum instans fuit virtualiter diuisibile, coexistens tantæ more nostræ durationis, quantæ coexistit tota via Angelorum malorum, quæ per duo instantia discreta perdurauit, ac proinde indiguit dono perseverantiæ.

259 Obijcies 2. quia respectu vnius, & eiusdem instantis sunt impossibiles istæ rationes, quod idem actus sit plene, & non plene liber; quod idem actus sit, & non sit flexibilis, quod egeat, & non egeat dono perseverantiæ; hæc omnia, conuenirent eidem actui; ergo, &c. Resp. quod prædicta sunt impossibilia respectu eiusdem actus prout coexistit eidem instanti indiuisibili tum formaliter, tum virtualiter, secus quando est indiuisibile virtualiter, ut in nostro casu contingit.

260 Obijcies 3. quia adhuc dato, quod illud instans sit virtualiter diuisibile, non possunt vni, & eidem operationi Angelicæ rationes adeo diuersæ pro eodem instanti conuenire; ergo debent multiplicari instantia, aut operationes, aut saltem modi illarum. Consequenter constat. Antecedens probatur, quia vnicum instans Angelicum dicit vnicam operationem indiuisibilem, & inuariabilem, quæ duret tota simul, & vniiformiter, ergo non potest dari in vnicò instanti tanta variatio. Resp. quod illa variatio non est penes aliquid intrinsecum, sed penes extrinsecum, scilicet penes instantia nostri temporis, ac proinde illa variatio non arguit variatio-

nem instantium intrinsecorum.

261 Obijcies 4. quia sequeretur, quod Angelus bonus fuisset beatus beatitudine supernaturali in primo instanti; hoc est falsum ex dictis; ergo, &c. Sequela probatur, quia Angelus, imò & homo, potest continuare actum charitatis vsque ad patriam inclusiue; sed hæc continuatio non multiplicat instantia, licet sit diuersitas statuum illius actus, sicut nec multiplicat continuatio; & diuersitas eiusdem actus penes esse, & non esse perfectè liberum; ergo in eodem instanti poterunt esse, & continuari meritum, & premium, scilicet beatitudo supernaturalis. Resp. negando antecedens, & consequenter. Ad probationem conceditur, quod amor possit continuari vsque ad patriam inclusiue, non tamen sequitur, quod per vñum instans mēsuretur, quia instantia non ab actibus voluntatis desumuntur; sed ab actibus intellectus. Vnde cum ille amor in via regularetur per fidem; & in patria per visionē beatæ, sequitur, quod salte duobus instantibus mensureretur. Ratio autem ob quam instantia sumantur ab actibus intellectus, non voluntatis est, quia intellectus est regulare, & voluntatis regulari, & actus intellectus sunt regula, & actus voluntatis regulati.

262 Obijcies 5. sequi ex dictis, quod Angeli boni nunquam peccare potuissent hoc est falsum; ergo. Sequela probatur, quia non potuerunt peccare in primo instanti, ut supra vidimus, neque in secundo, cum essent beati; ergo. Resp. negando sequelam. Ad probationem dico, quod licet in secundo instanti non potuerint peccare ex eo, quod fuerint beati, tamen quia potuerunt discontinuare operationem quam habuerunt in primo instanti antequam peruenirent ad beatitudinem & habere tria instantia, sicut habuerunt mali, ideo absolute potuerunt peccare; nam si discontinuassent operationem, ut illam discontinuauerunt mali, fuissent duo instantia post primum instans esse, & in secundo potuissent facere, quod mali fecerunt.

263 Obijcies 6. quia omnes Angeli inf-

inferiores fuerunt tentati, & ex illis alij ceciderunt, & alij persisterunt; ergo cum contingerit in secundo instanti nullus porit esse beatus, alijs non potuisset in eo tentari. Resp. concedendo antecedens & negando conseq. nam in illo secundo instanti, & fuerunt tentati, & beati qui persisterunt; prout illud secundum instans correspondet secundo instanti malorum Angelorum, fuerunt tentati; prout illud instans correspondet tertio instanti malorum Angelorum, fuerunt persistentes beati; continuando operationem quam discontinuare potuerunt.

264 Secunda concl. Probabilis est, quod totum negotium bonorum Angelorum fuerit peractum in tribus instantibus. Hanc concl. apertius tradit S. Doctor hic art. 6. ad 3. & ad 4. eam tenent Nazar. Zamel, & alij hoc loco, Capreol. in 2. dist. 4. q. 1. & alij, quos referunt, & sequuntur Salm. hoc loco.

265 Ratio fundamentalis est, quia Angelus ante ademptionem beatitudinis habuit duas operationes successivè se habentes, vel saltem intrinsecam variationem diversorum modorum successivè se habentium respectu eiusdem operationis; ergo illorum negotium in tribus instantibus peractum est. Conseq. constat, quia instantia Angelica multiplicantur ex operationibus, vel modis in antecedenti dictis. Antecedens probatur quoad primam partem, quia quilibet Angelus in primo instanti habuit iudicium quo iudicavit amandam esse ipsam excellentiam, seu beatitudinem cum subordinatione ad Deum finem supernaturalem. Deinde in secundo instanti quando Angeli malè prolapsi sunt, habuerunt boni iudicium de amanda eadem excellentia cum eadem subordinatione, non obstante, quod Lucifer cum suis sequacibus impelleret ad oppositum, sed hæc duo iudicia sunt distincta, ut patet; ergo constituent duo instantia antecedentia ad instans beatitudinis: Secunda pars illius Antecedentis, probatur, quia voluntas Angelica in primo instanti fuit necessaria quoad specificationem, & libera quoad exerci-

tium; at in secundo instanti in quo Angeli peccarunt fuit utroque modo libera; sed isti sunt duo modi libertatis, supponentes duos saltem modos in intellectu; ergo, &c. quod autem libertas sit aliquis modus superadditus dicemus in 1.2.

266 Sed objicitur quia ut dicebamus, idem actus per correspondentiam ad diversa instantia, vel partes, aut morulas nostri temporis potest esse perfectè & imperfectè liber, sicut idem homo potest esse in mensura formaliter indivisibili, & virtualiter divisibili vivus, & mortuus; sedens, & stans, ut patet in nunc æternitatis; ergo modo malè dicimus, quod ex illis diversis modis libertatis inferantur diversa instantia. Resp. concedendo antecedens, & negando conseq. quia respectu mensuræ extrinsecæ, & inadæquatè possunt illa alijs contradictoria verificari, non tamen respectu propriæ mensuræ adæquatæ; cum enim illi modi libertatis sint intrinseci, sequitur, quod respectu eiusdem mensuræ propriæ, scilicet eiusdem instantis, non possunt simul esse.

267 Tertia concl. Totum negotium Angelorum malorum peractum est tribus instantibus. In primo, per actum non plenè liberum meruerunt simul cum Angelis bonis suam beatitudinem supernaturalem. In secundo, plenè libere peccaverunt. In tertio penam æternæ damnationis subierunt. Solvuntur argum. primæ sententia.

268 Primum argum. quia Angeli boni in medio suo vix habuerunt plures actus meritorios, quorum unus esset post alium; ergo dictum medium non est mensuratum unico instanti. Antecedens ostenditur, quia Angeli boni habuerunt in medio vix actus fidei, spei, & charitatis; isti namque actus sunt media necessaria ad salutem in ætultia: Deinde habuerunt actum religionis quo Deum venerati sunt cultu lætitiæ; habuerunt actum humilitatis, quo se subiecerunt Deo, sicut mali per actum superbiæ noluerunt se Deo, cuiusque regulæ subijcere; ergo, &c. Tum quia hoc colligitur ex prælo mā-

gno inter Angelos malos, & bonos peracto, quod contingit in via omnium, vt patet ex verbis Apocal. 12. in eo autem praelio Angeli boni plures actus bonos habuerunt quibus malis resistebant.

269 Resp. negando antecedens. Ad 1. probationem dicendum, quod omnes illi actus fuerunt in eodem instanti, cum non sint inter sese impossibiles, nec petant ordinem successione; nam actus fidei dirigit ad spem, ad amorem, ad actum religionis, & humilitatis. Ad 2. probationem dico, quod cum mali peccarent, & superbo affectu clamarent: *Similis ero Altissimo, super astra Dei exaltabo solum meum*; boni humiliter Deo se subiicientes, hanc vocem emittebant: *Quis sicut Deus*; vnde illud bellum fuit horum affectuum, qui sine multiplicatione instantium potuerunt esse.

270 Secundum argui. quia Angeli experiri debebant omnem operandi modum sibi conuenientem; scilicet operandi per naturam in primo instanti, operandi per gratiam incipiendo, in secundo instan-

ti: continuandi, in tertio, aut recedendo in Angelis malis in tertio: operandi non tendendo, seu quiescendo, in quarto instanti. Resp. negando antecedens, quia in eodem primo instanti, cum essent in gratia, debuerunt operari etiam per gratiam, vt patet.

271 Sed hic quaeret aliquis quantum fuerit mora, & duratio horum instantium. Resp. quod primum instans durauit solum per correspondentiam ad vnum instans temporis nostri, vt ex dictis supra constat. Secundum instans coexistit nostro tempori, quantum autem, incertum est. In hoc vno conueniunt omnes, quod peccauerint Angeli ante lapsum Adami, cum ipsum ad peccandum tentauerint. Tertium instans durauit solum per correspondentiam ad instans nostri temporis, quia licet beatitudo mensuretur aeternitate participata, tamen hic non loquimur de illa, nisi prout importat nouitatem essendi, de qua verificatur; nunc primo est, immediate ante non erat.

DISPUTATIO XLIX.

IN QVÆST. LXIV. D. THOMAE.

De pœnadæmonum, & obstinatione eorum.



QVÆSTIO præfens 4. habet articulos. In primo ostendit S. Doctor, quod intellectus speculatiuus demonum, non est obtenebratus, quia quantum ad naturalem cognitionem, nihil in eis est diminutum; at quantum ad supernaturalem cognitionem mysteriorum fidei, non est totaliter ablati ab eis vis speculatiua, seu speculatiua cognitio, sed est diminuta; verum cognitio affectiua, quæ ad amorem honestum, opusque honestum ducit, est in eis totaliter extincta. In 2. art. ostendit voluntatem dæ-

monum esse in malo obstinatam, vt non possit reuertere ad bonum, & hoc non obstat ex grauitate culparum, sed ex status conditione, sicut sunt extra statum, & post casum, sicut homines post mortem. Tercio minatur autem dæmones per casum viam, quia ex sui natura immobiliter apprehendunt, quando peccatæ se determinant, quia sine discursu agunt. In 3. art. dicit, quod in demonibus est dolor non secundum quod dolor est passio sensibilibus, sed vt dicit renitentiam voluntatis ad sibi contrariam, vt sunt reclusi in igne, ab eo detineri, & impediri. Sec. in 4. art. ostendit, quod locus pœnalis, qui debet

tur

tur dæmonibus ob culpam, est infernus, quo detrudentur omnes post diem iudicii; nunc autem propter exercitium hominum, aliqui sunt in hoc mundo, alij in acre caliginoso, & alij in inferno ad torquendum damnatos, quæ vt fufius habebantur, fit.

D V B I V M I.

Ex quibus capitibus oriatur obſtinatio in dæmonibus.

2 **N**otandum 1. quod obſtinatio nis nomine, intelligimus firmum, & irrevocabile propoſitum, ſeu determinationem immobilem, & inflexibilem voluntatis ad malum vt ſic, relinquens libertatem ad hoc, vel illud malum. Sicut confirmatio in gratia, excludit libertatem ad malum, & bonum; non tamen ad diverſa bona. Et licet obſtinatus in malo, nequeat operari aliquod bonum morale, tamen bonum quod præcipue, excludit, eſt actus quo à ſuo peccato ſeſtat, de illoque præniteat. Vnde titulus præcipue procedit de obſtinatione, prout dicit inflexibilitatem in peccato commiſſo, & impænitentiam de illo, ſive fructuoſam, & ſupernaturalem, ſive inſructuoſam, ſeu naturalem retractationem & diſpicientiam.

3 Notandum ſecundo, quod ex duplici capite poteſt oriri dicta inflexibilitas; primò ex cauſa extrinſeca; ſecundò ex cauſa intrinſeca. Ex cauſa extrinſeca, vt ratione ſtatus damnationis, ratione decretorum Dei, quibus ſtatuit nolle concurrere ad retractationem peccatorum ipſorum damnatorum. Ex cauſa intrinſeca, ex eo, quod voluntas eſt talis nature, quod poſtquam ſemel elegit peccatum, inflexibiliter adhæreat illi, ex eo, quod intellectus ſemel apprehendens, & eligens aliquod malum indeclinabiliter, & inflexibiliter in tali apprehenſione, & iudicio perſiſtat. Quod ſi vtraque cauſa ſimul reperitur, ex vtraque cauſa dicitur illa inflexibilitas procedere. His poſitis.

4 Prima ſententia eſt, quod obſtinatio dæmonum non proveniat ex propria eorum natura, ſeu ex cauſa intrinſeca; neque ex cauſa extrinſeca petita ex intrinſeca. Sic Scotus in 2. diſt. 7. Gabr. & alij ibidem. Molina, Valencia, Vaſqu, Suarez, & alij hoc loco.

5 Noſtra ſent. ſeq. concl. explicatur. Prima concl. Prima, & poſſiſſima radix, ſeu cauſa ex qua provenit obſtinatio dæmonum, eſt propria natura illorum, ex eo, quod intellectus, & voluntas eorum, immobiliter adherant obiecto, quod ſemel deliberaſe, & perſeſe apprehendunt, & eligunt. Sic S. Doct. hic art. 2. in 2. diſt. 7. q. 1. art. 2. & ibid. ad Anibald. q. 16. de malo art. 5. & alibi, quem ſequuntur eius diſcipuli hoc loco, Capreolus dicta diſt. 7. Ferrar. 4. contra Gent. cap. 95. & alij, quos referunt, & ſequuntur Salmant. hic diſt. 13. dub. 1. n. 9.

6 Probat 1. nam Angelus ex natura ſua apprehendit omnino fixè, & immobiliter; ergo etiam fixè, & immobiliter eligit, id quod apprehendit, ac proinde ex hoc oritur prima ratio obſtinationis. Conſeq. conſtat, quia cum voluntas ſua ſua electioe moueatur ab apprehenſione, ſeu iudicio intellectus, oportet, quod electio proportionetur apprehenſioni, cum apprehenſio ſit menſura electionis, & ſic quando apprehenſio eſt firma, etiam electio ex illa ſequuta, debet eſſe firma. Vnde quia in nobis apprehenſio eſt mobilis, etiam electio eſt mobilis. Antecedens probatur, quia proprium eſt apprehendentis ſine diſcurſu, & ſimplici intuitu, omnino fixè, & immobiliter apprehendere; ſicut quia nos apprehendimus per diſcurſum, non fixè, ſed mobiliter apprehendimus. Et quia nos prima principia non per diſcurſum, ſed per ſimplicem intuitum apprehendimus, idè iudicium, quod de illis habemus eſt adeo fixum, & immobile, vt nequeat per oppoſitum iudicium retractari.

7 Reſpondent 1. Vaſq. Suarez, & alij, negando antecedens, quia Angeli poſſunt circa ſupernaturalia diſcurrere. Tum quia probatio illius antecedentis

B b b b b b

red-

reddit non causam pro causa. Tum quia dato, quod Angelus non discurreret, ad huc non esset causa sufficiens ut fixē, & immobiliter apprehenderet, quia licet careret discursu, posset successivē habere plures volubiles cogitationes, quarum una apprehenderet obiectum ut conueniens, alia ut disconueniens, ex eo, quod hinc, & inde possunt apparere diuersa principia ex quibus per simplicem intuitum iudicaret de conuenientia, & postea de disconuenientia eiusdem obiecti. Tum etiam quia stat immobilitas intellectus, cum mobilitate voluntatis; ut contingit in homine qui potest esse certus de aliqua conclusione per discursum, & tamen esse mobilis per voluntatem circa eandem. Tum denique quia est dispar ratio inter apprehensionem qua nos absque discursu apprehendimus prima principia, & apprehensionem qua Angelus cognoscit suum obiectum, seu conclusiones in cognitione suorum principiorum; quia nos sumus determinati quoad specificationem assensus respectu principiorum, non Angeli, ac proinde nos fixē hāremus illis, secus Angeli.

8 Sed contra, quia Angelus quippe pertineans ad supremum gradum immaterialitatis naturæ creatæ, debet esse tantæ perfectionis in apprehendendo ut excludat immutabilitatem in apprehendendo, & eligendo; ergo, &c. Antecedens probatur, quia ista immutabilitas non dicit rationem actus puri; ergo poterit supremæ creaturæ intellectuali conuenire. Tum quia ut docet S. Doctor 4. *contr. Gent. cap. 95.* voluntas creata, & perfecta nō petit ad sui libertatem, quod possit mutari de bona in malam; aut de mala in bonam respectu ultimi finis, sed sufficit, quod sit mutabilis de vno voluto in aliud seruato ordine ad eundem ultimum finem; ex eo quod proprius libertatis actus est eligere, electio autem non est ultimi finis, sed eorum quæ sunt ad finem; ergo &c. Tum etiam quia intellectus Angelicus est medius inter intellectum diuinum, & humanum; sed intellectus diuinus semper apprehendit immo-

biliter, & humanus mobiliter ante, & post electionem; ergo intellectus Angelicus apprehendit mobiliter ante, sed nō post electionem.

9 Nec verum est, quod Angeli discurrant, ac proinde quod assignetur non causa prædictæ immutabilitatis pro causa, quia modus cognoscendi sine discursu est ratio apprehendendi immobiliter, quia ut dicebamus modus cognoscendi immobiliter, & sine discursu pertinet ad supremum gradum creatum immaterialitatis; ergo, &c. Tum quia idē nos possumus nunc vnum, nunc aliud præcedenti oppositum iudicare, quia non possumus simul apprehendere obiectum cū omnibus circumstantiis, & modis, & motibus quæ possunt inducere ad amorem v. g. illius; bene tamen Angelus; vnde circa naturalia non potest argui imprudentiæ, ergo neque circa supernaturalia discurret; Conseq. probatur, quia modus supernaturalis quo per gratiam apprehendit obiectum supernaturale, debet esse iuxta modum naturalem.

10 Nec id, quod de homine dicitur est ad rem, quia ideo homo potest immobiliter apprehendere aliquid per discursum, voluntate mobili manente; quia, immobili manente iudicio speculatio, potest variari practicum, vel ex aliquo motu passionis, vel ex aliquo medio probabiliori nunc secundum apparentiam, vel ex obliuione medij, vel ex inconsideratione eiusdem. At Angelus non sic, quia cum non cognoscit per discursum, semper conclusio sibi in principio offertur. Nec etiam est ad rem quod ultimo loco dicitur, quia etiam Angeli post electionem sunt determinati quoad speciem assensus, vel dissensus ut sumus nos circa principia.

11 Respondent 2. *obj.*, quod licet Angeli sint inflexibiles quoad bonum semel electum, non tamen quo ad malum, quia tendentia in bonum est cum omnibus circumstantiis, secus in malum, cum possit esse ex defectu considerationis, quæ postea adhibita possunt à malo in bonum flecti. Sed contra, quia inconsideratio in

An-

Angelo peccante non tollit, quominus peccatum processerit ex iudicio omnino deliberato: ergo erit inflexibile, siue irrefractabile. Antecedens probatur, quia ad hoc quod iudicium sit plene deliberatum; non requiritur, quod actu, & expressè attendatur ad omnia, quæ circa obiectum possunt considerari, sed hæc duo sufficiunt. Primum est, quod actu, vel virtute attendatur ad illa, ut cuni possit, & debeat facillè ad illa attendi, voluntariè omittitur dicta attentio. Secundum est, quod circa obiectum expressè volumus addit firma, & deliberata sententia, quæ duo faciunt in Angelo, ut patet, cum certum sit apud omnes, quod Angelus peccauit per iudicium omnino deliberatum. Maxime quia Angelus habuit considerationem speculatiuam illius obiecti circa quod deliquit, & omnium circumstantiarum, & modorum illius, licet practicè omiserit considerare illam circumstantiam relationis in finem supernaturalem. Tum quia si semel conceditur Angelo immobilitas circa bonum, debet etiam concedi circa malum, ut constet in nobis.

12 Probatur 2. quia Angelus propter sui excellentiam petit, quod non sit in eo tanta diuersitas potentiæ, ut in nobis; ergo Angelus fixè adhærebit suo obiecto. Antecedens constat. Consequenter probatur, quia si Angelus non tenderet immobiliter in suum obiectum, sed taliter tenderet, quod reineret inclinationem in contrarium, eodem modo tenderet, ac nos; ergo, &c. Tum quia idèd homo non tendit inflexibiliter in suum obiectum, quia in eo dantur passionēs, diuersæ inclinationes diuersarum potentiarum, discursus, &c. Sed hæc cessant in Angelis, ergo, &c. Tum etiam quia semel peccans, & amplectens ut vltimum finem aliquid, quod non est, non potest reuocari ab apprehensione, & iudicio eiusdem finis, nec à volitione illius, per ablationem dispositionis, ex qua ortum duxit; ergo non potest retractari. Consequenter constat. Antecedens probatur, quia idèd anima nostra pro hoc statu potest mutari

per accidens secundum aliquem motum corporis, quia dependet ab aliqua corporis dispositione; unde stante passione iudicat aliquid ut bonum, quod ea cessante iudicat esse malum: sed Angelus non mouetur ex aliqua corporis dispositione, ergo quod semel iudicauit ut bonum, semper iudicabit ut tale.

13 Secunda concl. *Obstinatio dæmonum non solum prouenit ex causa intrinseca iam dicta, sed etiam ex causa extrinseca, scilicet ex conditione status in quo sunt; hæc tamen petit illa prior intrinseca, & ab illa originatur.* Sic S. Doctor hic art. 2. & alijs in locis relatis supra, quem sequuntur eius discipuli, ut testantur Salm. hoc loco. Ratio fundamentalis est, quia hoc ipso quod peccans sit ex propria sua natura obstinatus, ut post primam electionem omnino liberam, non possit flecti in oppositum, oportet, quod statim sit in termino; ergo ex natura sua exigit denegationem auxiliorum, quibus flecti posset à malo. Consequenter constat, quia voluntas, quæ est in termino ratione prauæ electionis, exigit denegationem auxiliorum, quibus à malo flectatur. Antecedens probatur, quia voluntas, quæ post suam electionem non est statim in termino, potest post eandem electionem moueri ad suum finem; & per consequens flecti à malo in bonum. Soluuntur argum. prioris sententiæ.

14 Primum argum. sumunt ex D. Ioan. Damaſco lib. 2. de fide cap. 3. vbi dicit, quod Angelus est liberi arbitrij, & semper mobilis. Deinde ex S. Fulg. lib. de fide ad Petrum cap. 13. vbi dicit tribuendum diuinæ gratiæ, quod homo amissam gratiam recuperet, & quod multo probabilius haberet natura Angelica, &c. Demum ex S. Doctore hic art. 2. ad 3. vbi dicit, quod peccatum Angeli non perseverat quoad opinionem assequendæ excellentiæ. Resp. quod S. Damaſco. solum voluit, quod Angelus sit mutabilis per successionem intellectuum, & volitionum; non per retractionem obiecti semel electi. S. Fulgentius solum dicit, quod si gratia posset esse naturalis ad retractan-

dum peccatum, magis esset naturalis Angelo ratione naturæ nobilioris, quod non est contra nos. S. Thomas solum vult dicere, quod non perseverat quoad opinionem in assequendæ excellentiæ Dei, eo quod sit facta mutatio iudicii, quod erat talis eligibilis, sed cessavit opinio quæ dictum iudicium comitabatur de possibilitate ex parte modi habendi dictam excellentiam Dei.

15 Secundum argum. quia diabolus tenetur conuerti ad Deum, & cessare à peccato; ergo non est inflexibilis. Tum quia diabolus liberè peccat, & liberè in peccato continuatur; ergo non est inflexibilis. Tum etiam quia antequam Angelus per dictam electionem adhereret malo fini, fuit liber ad adherendum bono; sed illa prior electio non abstulit libertatem; ergo, &c. Maior constat. Minor probatur, quia libertas est propria conditio naturæ Angelicæ, ac proinde nec auferri, nec minui potest per electionem liberam eiusdem Angeli. Deinde per dictam electionem non est mutata voluntas Angelicæ; ergo. Tum denique quia ista inflexibilitas non potest oriri ex actu præterito, neque ex habitu superueniente; neque ex natura voluntatis; ergo, &c.

16 Resp. cum D. Tho. q. 16. de malo art. 5. ad 11. quod diabolus dicitur teneri conuerti ad Deum, & cessare à peccato, ratione causæ voluntariæ quam dedit, eò modo, quò, inquit, Angelicus de ebrio dicitur, quod tenetur non peccare, non quidem considerato presenti statu, sed considerata ebrietatis voluntaria causa. Ad 1. probationem dico 1. quod peccatum Angeli, & eius continuatio non est libera in se, sed in sua causa, quod sufficit vt dicatur peccare modo, in continuatione sui peccati. Dico 2. quod sicut actus liberi Dei sunt irretractabiles; ita illud peccatum est liberum in se, scilicet irretractabile, postquam exiit à voluntate. Nec valet quod peccatum sit contra naturam, ac proinde non perpetuum. Nam ad hoc dicitur quod illud solum innaturale non est perpetuum, quod opponitur illi naturali,

quod necessariò causatur ex principiis naturæ, vt est ferri deorsum in lapide.

17 Ad 2. probationem conceditur, quod illa electio non abstulit libertatem voluntatis Angelicæ, tamen posita illa, electione ponitur aliquid ex natura rei impediens ne voluntas possit flecti. Vnde nec aufertur, nec minuitur libertas Angelica per illam inflexibilitatem, sed potius perficitur, quia per illam electionem reducta est ad actum indifferentiam voluntatis quam ante illam habebat ad bonum, & malum. Ad vltimam probationem patet ex dictis, dictam inflexibilitatem oriri ex propria natura Angeli modo explicato.

18 Tertium argum. quia diuina voluntas est immutabilis, & tamen ex variatione obiecti modo vult, quod antea, nolebat; modo odit peccatorem, quem prius diligebat; ergo etiam voluntas Angeli variari poterit ex variatione obiecti. Tum quia damones modo habent verum conscientiam, quod non habebant. Tum etiam quia deum non potest habere nouam cognitionem speculatiuam obiecti quam prius non habebat, cum non sit semper in actuali speculatione; ergo etiam poterit habere nouam cognitionem practicam.

19 Resp. quod sicut Deus ex mutatione obiecti dicitur amare, quod non amabat, &c. ita etiam Angelus; imò potest modo odisse suum peccatum, quod prius amabat, semper tamen illud amabit, ex motiuo quo illud prius amauit, scilicet propriæ excellentiæ, ex sic quantum ad hoc est immutabilis, & inflexibilis. Ad 1. probationem dico, quod vermis conscientiæ facit considerare peccatum vt contrarium etiam iure naturali, non tamen tollit in damnatis voluntariam complacentiam illius. Ad 2. probationem dico, quod practice nihil potest Angelus considerare ex quo deducat iudicium oppositum illius, quod semel habuit. Tum quia verq. simile est, quod Angelus considerauerit omnia circa obiectum circa quod peccauit, quæ considerari possunt.

20 Quartum argum. quia Angeli peccando plures actus elicerunt, & plura pecc.

peccata eorum miserunt; ergo ante vltimum peccatum, cum adhuc essent in via, mutari poterant. Tum quia instans via fuit virtualiter diuisibile, ac proinde poterat correspondere pluribus partibus temporis, & sic ante correspondentiam ad vltimam, poterat retrahere, quod in prima commiserat. Resp. quod plures illi actus, pluraque peccata pertinent adæquate ad vnicum adæquatam instans. Vnde primum peccatum erat ante terminatā viam adæquate, non inadæquate, vltimum autem terminat adæquate viam. Ad hoc autem vt electio sit immutabilis, sufficit, quod sit in instāti, quod intrinsecè terminat viam adæquate; nam extrinsecè terminatur per instans gloriæ, vel damnationis. Per quæ patet ad probationem.

21 Quintum argui. quia de facto Angeli mali mutant iudicium, & voluntatem, quam habuerunt in primo instanti; ergo, &c. Tum quia diabolus primo procurauit mortem Christi, postea procurauit oppolitum, curans per vxorē Pilati ne interficeretur; ergo. Resp. concedendo antecedens, & negando consequens, quia primum illud iudicium non fuit perfectè deliberatum, nos autem loquimur de iudicio perfectè deliberato. Ad probationem dico, quod iudicium diaboli de morte Christi D. non fuit plenè deliberatum, sed tentatorium, propterea illud mutare potuit; non enim diabolus habuit plenam cognitionem diuinitatis Christi D.

D V B I V M II.

An dæmones possint aliquod bonum opus patrare.

22 **P**rima sententia est, quod dæmones non sint ita obstinati in malo, vt non possint elicere aliquod opus bonum morale, quod sit ex omni parte bonū. Sic Scotus in 2. diff. 7. q. 1. Valentia, & omnes illi qui putant Angelos non esse in malo obstinatos.

23 Nostra sententia seq. concl. explicatur: *Obstinatio dæmonum est tanta, vt*

nūquam elicere possint opus morale ex omni capite bonum, quod si aliquando eliciunt aliquod opus ex suo genere bonum moraliter, illud insciunt ex adiuncta mala circumstantia. Sic S. Doctor hic art. 2. ad 5. & alibi sæpe queni sequuntur eius discipuli, quos referunt, & sequuntur Salmant. hoc loco.

24 Ratio fundamentalis est, quia dæmones solum possunt elicere actus circa finem peruersum cui adhæserunt, continuando malam adhesionem in illo, vel circa alia obiecta; sed omnes isti actus sunt moraliter mali; ergo, &c. Nam actus qui tendunt in illum finem peruersum, sunt mali, qui tendunt in continuationem eiusdem, sunt mali; item mali sunt qui tendunt in alia obiecta, quia procedunt ex prima electione mali finis, & superbiæ, iuxta illud: *Superbia eorum, qui se oderunt, ascendit semper.*

25 Occurrit Vasq. huic rationi D. Thomæ, quod si aliquid probaret, conuinceret etiam, quod homo existens in peccato mortali, non posset efficere aliquod opus bonum morale, quia iste habet pro vltimo fine creaturam, & sic omnes actus illius vel erunt circa dictum finem prauum, & isti sunt mali; vel circa alia obiecta, & etiam isti debent participare rationem finis. Tum quia ad hoc vt aliquis actus participet malitiam finis, non sufficit, quod sit ibi concomitanter, sed debet aliquo modo causari à fine; sed non omnes actus dæmonum causantur ab illo fine; ergo, &c. Tum etiam quia, non est necesse, quod ad volitionem boni particularis præcedat volitio boni in communi; ergo neq. erit necesse, quod præcedat volitio finis vltimi particularis.

26 Sed contra, quia ratio D. Tho. non procedit de quacūq. volitione finis vltimi peruersi, sed de adhæsiōe inconuertibili, seu de eo qui inconuertibiliter illi adhæret; nam in isto, omnis actus voluntatis illius, debet esse, vel prauus amor, vel praua adhæsiō, vel aliqua participatio, aut dependentia à prædicto fine. Sicut enim qui inconuertibiliter adhæret fini vltimo bono, habet omnes actus bonos, quia vel erunt volitiones talis finis, vel

vel participationes eiusdem ; ergo etiam, &c.

27 Confirmatur 1. quia hoc ipso, quod dæmon adheret inflexibiliter finis ultimo peruerso, illi adheret vt in termino ; ergo taliter vt nequeat bonum opus perficere . Antecedens constat . Consequ. probatur, quia creatura intellectualis inflexibilis, in termino existens exigit vt sibi denegentur auxilia ad opus bonum præstandum . Confirmatur 2. quia adhesio illa inflexibilis Angeli est quodammodo versa in naturam Angeli, ergo in quouis opere debet illa natura splendere .

28 Nec ea quæ pro se adducit Vassq. illi fauent . Non primum, quia adhesio hominis viatoris, cum non sit adhuc consummata, non est omnino inflexibilis, vt patet . Nec secundum, quia data illa praua adhesione, omnes actus vel ad illam refertentur, vel ab illa pendent . Neque tertium, quia volitio finis cui quis inflexibiliter adheret mouebit ad omnes actus . Soluuntur argum. in contrarium .

29 Primum argumen. quia efficere opus moraliter bonum ordinis naturalis, non excedit facultatem arbitrij Angelici, ergo, &c. Antecedens constat, quia naturalia remanserunt post peccatum integra ; ergo . Resp. non excedere facultatem arbitrij Angelici secundum se, bene tamen post prauam electionem peruersi finis, vbi illa electio quodammodo conuersa est in Angeli naturam .

30 Secundum argum. quia alijs dæmones non essent liberi, cum indifferentia ad bonum, & malum . Resp. negando sequelam, licet enim non habeant indifferentiam ad bonum, & malum, sunt tamen liberi ob indifferentiam ad diuersa mala .

31 Terrium argum. quia damnatus ratione damnationis nihil habet, nisi aut ex diuina voluntate, aut quia æterna pena cruciatur, aut quia semper cogitat de illa, aut quia semper est conuersus ad suum finem vltimum prauum ; sed ex nullo horum sequitur, quod non possit elicere actum bonum, ergo, &c. Resp. ex dictis quod inflexibilitas, quæ desumitur ex per-

uersa conuersione ad finem vltimum, est ratio ob quam nequeat habere actum bonum, cum ratione illius omnes actus sint vel ad talem finem prauum, vel ab illo procedant, &c.

D V B I U M III.

Quomodo dæmones torquentur ab igne .

32 **D**æmones, ceterosque damnatos torqueri ab igne materiali, & corporeo, certum omnino est, vt constat ex illo Mart. 25. *Ite maledicti in ignem æternum, qui parati estis diabolo, &c.* Vnde dicit S. Doctor *Opusc. 2. cap. 179.* quod *pæna ista ignis corporalis est, & omnia quæ in Scriptura de hoc igne inferni dicuntur, ad litteram, & non per metaphoram esse intelligenda .* Dubium ergo non procedit an dæmones ab igne torquantur, sed de modo quo torquentur . Hoc dub. ferè constat ex dictis disp. 42. à n. 86. & fusè de eo agitur 1. 2. ad q. 87. vt autem pro modo aliqua notitia habeatur, breuiter resoluetur .

33 Prima sententia est, quod ignis causet in spiritibus quos torquet aliquid morale, non physicum, seu aliquid perti-nens ad cognitionem, seu apprehensionem, v. g. speciem, quæ apprehendatur ignis vt nocius, licet talis non sit, cum res corporea nequeat nocere spiritui ; eo modo quo in nobis contingit ex phantasia delusa, vel somnante . Alij volunt, quod ille ignis ex eo cruciet, quia excitat apprehensionem amissæ beatitudinis . Alij etiam sentiunt, quod ille ignis diuina virtute producat speciem quæ spiritus vehementissimè applicetur ad cogitandum de illo igne, vel alio simili obiecto nociuo . Et sic omnes isti modi dicendi conueniunt in hoc, quod ille ignis solum obiectiue, non effectiue cruciet .

34 Secunda sententia tenet, quod ille ignis cruciet, physice, causando aliquid physicum in damnatis . Et isti sunt diuisi, nam aliqui volunt, quod ille ignis diuina virtute causet in spiritum qualitatem spiritua-

ritualem dissonam spiritibus, sicut est dissona qualitas dolorifera corporibus, sic Suarez. *hoc loco*, & 10. 4. in 3. p. disp. 46. sect. 2. Alij dicunt, quod eo modo cruciatur spiritus ab igne quo cruciatur anima in corpore; unde spiritus ita cruciatur ab igne ac si essent vnitū corporibus.

35 Nostra sententia sequentibus cōcl. explicatur. Prima conclusio. *Ignis inferni non cruciat solum obiectivē damnatos, sed etiam physicē.* Hanc conclusionem docent omnes Thomistæ. Ratio clara est, quia aliās pœna, seu cruciatus ignis esset solum apparens, phantasticus, & falsus, & quasi somnians. Tum quia aliās Deus torquetet damnatos vel decipiēdo, vel permittendo deceptionem; unde si manifestaret veritatem cessaret cruciatus.

36 Secunda concl. *Ignis inferni torquet damones physicē per alligationem, seu actionem, qua detinentur ne egrediantur quō velint.* Hanc concl. tenent communiter Thomistæ. Habet autem ignis ut instrumentum diuinę virtutis, vim talem ut derineat damnatos in ipso, ut in loco violento, alligando, & detinendo potentiam loco motuam, ut non operetur, extra, ut sic extra egrediantur. Et sic illa alligatio non solum est per modum carceris, detinendo damnatum ne egrediantur, sed etiam est alligatio potentiarum, quoad liberam suarum functionum executionem. Colligitur ex illo Apostoli Thaddæi: *Angelus, qui non seruauerunt suum principatum, vinculis æternis sub caligine reſeruantur.*

37 Sed quæres hic 1. an illa actio alligatiua, producat aliquid an non? Resp. valde probabile esse inter Thomistas, quod illi ignis producat aliquem modū, seu qualitatem, quæ impediatur damnatos ne ab illo egrediantur, & impediatur potētias ab executione suarum functionum, ex qua resultat detentio passiva in loco violento, seu vbi actio violenta, & passiva, & ista qualitas erit afflictiva potentiarum, ipsas quasi aggravando, & impediendo. Cum enim in spiritu non possit dari qualitas contraria corruptiva, sequitur, quod sit qualitas quasi aggravatiua,

impeditiva potentiarum, deturpativa, & afflictiva, ut disconueniens.

38 Sed obieciēs 1. quia qualitas quam ignis ut instrumentum Dei producit in damnatis non potest esse corporea, sed spiritalis; sed qualitas spiritalis non potest esse contristatiua Angeli, cum non possit esse illi repugnans; ergo non potest dari. Maior constat, nam qualitas corporea non potest subiectari permanenti in Angelo, ac proinde non potest esse corporea. Minor etiam constat, quia qualitas spiritalis perficit subiectum, ergo. Resp. concedendo maiorem. Qualitas namque corporea non posset nocere Angelo, cum non sit illi contraria, nec destructiva alicuius. Ad minorem dico, quod licet illa qualitas sit spiritalis, est tamen contristatiua, & afflictiva, non per destructionem alicuius, sed per alligationem, & determinationem potentiarum, ut ex dictis constat. Et licet sit perfectio in se, non tamen subiecto; sicut calor est bonus, & perfectio in se, sed malus, & imperfectio aequi; unde si aqua esset capax contristationis, contristaretur ex receptione caloris. Sed de hac re vide loc. cit. ex 1. 2.

39 Obieciēs 2. quia si probabiliter datur ista qualitas alligatiua potētias damnati ne se moueat, vel operetur circa alias res, sequeretur, quod si ab illo loco moueretur, cessaret illa alligatio, & pœna; hoc non est dicendum; ergo, &c. Resp. quod ignis virtute diuina producit illum effectum etiam in distans, ac proinde nunquam illa pœna cessabit.

40 Obieciēs 3. quia si ignis non aliter torquet damatos, quam per dictam alligationem, & determinationem media illa qualitate detinente, sequeretur, quod esset idem torqueri ab igne, vel à frigore; hoc est falsum; ergo, &c. Sequela probatur, quia ita detinentur potētias damnatorum per qualitatem ab igne productam, quam productam à frigore. Resp. negando sequelam. Ad probationem dico, quod qualitas producta ab igne vno modo impedit operationes; & qualitas producta à frigore, alio modo diuerso.

41 Quæres 2. quam pœna patiantur dam-

damnati Angeli in intellectu? Resp. quod hoc patiuntur, quod ratione sui peccati sunt privati rectitudine iudicii practici de rebus agendis ordinis naturalis. Item sunt privati cognitione, & lumine supernaturali tam speculativo, quàm practico. Ratio est quia nulla gratia supernaturalis remansit in dæmonibus; unde perdidērunt fidem, spem, & alios habitus supernaturales, sic tradunt Thomistæ cum D. Th. hic art. 1.

41 Quæres 3. quam poenam patiantur dæmones in voluntate? Resp. quod patiuntur amissionem omnium habituum supernaturalium simul cum gratia, quæ per peccatum mortale perditur. Pati-

untur obstinationem in malo, ut neque possint poenitere, nec aliquid boni exercere, ut dictum est.

43 Quæres 4. an dolor, & tristitia dæmonum sit tanta, quod excludat omne gaudium? Resp. negativè ex D. Aug. de Gen. ad litt. cap. 10. & D. Th. hic art. 3. sed gaudium illorū est de malo: lætatur enim cum malè faciunt, ut cum inducunt homines ad malum; lætatur de potestate in homines; de illorum perditione. Ratio est, quia gaudium, & tristitia de diversis possunt esse simul. Patiuntur etiam in substantia, quatenus ignis producit in illam virtute diuina qualitatem fœdentem, gratiæ oppositam, ut dictum est.

DISPUTATIO L.

IN QVÆST. CVI. D. THOMÆ.

De illuminatione Angelorum.

POSTQVAM D. Th. in q. 64. egit de poenis dæmonum incipit agere de opere creaturæ corporalis, seu de creatione rerum corporaliū, de creatione materiæ; lucis, firmamenti, de operibus 6. dierum, de anima rationali, de potentijs illius de dominio hominis, in statu innocentie, de immortalitate, de motione Dei, & tandem de motione Angelorum, quæ fit per illuminationem, vbi ostendit, quod vnus Angelus mouet voluntatem alterius, proponendo ei obiectum, quod diligit. Deinde ostendit, quod Angelus inferior non illuminet superiorem, quia habet lumen imperfectius. Demum ostendit, quod Angeli superiores illuminent inferiores, quia sunt in plenissima participatione diuinæ bonitatis, cuius proprium est diffundi, & communicari. Verum ut ista, quæ de Angelorum illuminatione à D. Thoma dicuntur fusiùs habeatur, sit.

D V B I U M I.

An vnus Angelus, alium illumines.

1 Prima sententia est, quod Angelus, alium non illuminet. Sic Durandus in 1. dist. 11 q. 3. circa finem. Nostra sententia seq. concl. explicatur. *Vnus Angelus alium illuminat.* Colligitur hæc concl. ex illo Isa. 63. *Quis est iste, qui venit de Edom. & ex illo Psal. 23. Quis est iste Rex gloria.* Et tradit S. Doctor hic art. 4. & alibi sæpe, omnes eius discipuli, cunctis Scholasticis, vno Durando excepto.

3 Probatur 1. quia non congruit, quod lumen diuinum, quod est perfectissimum, & quod illius cognitio, quæ est perfectissima, & vniuersalissima, diffundatur immediatè, & communicetur ad Angelos inferiores, qui per species, & notitias magis particulares, & dearticulatas cognoscunt, sed quod immediatius fiat ad Angelos superiores, qui per species vni-

vniuersales, & notitias perfectiores intelligunt; ergo, &c.

4 Probatur 2. quia sicut est ordo in hominibus, vt superiores illuminent inferiores. Ad Ephes. 3. ita debet esse inter Angelos, vt superiores illuminent inferiores. Tum quia illuminare nihil aliud est, quam manifestare veritatem; sed Angelus superior manifestat veritatem inferiori quam à Deo accipit; ergo, &c. Maior constat. Minor probatur, quia Angelus superior accipit notiam veritatis in quadam vniuersalitate conceptionis, ad quam intellectus Angeli inferioris non est sufficiens; ergo, &c. Tum etiam, quia ad illuminationem spiritualem duo requiruntur: vnum est manifestatio veritatis ignotæ, alterum est confortatio potentie per lumen ab illuminante receptum; sed hæc duo reperiuntur in Angelis, ergo. Maior patet exemplo illuminationis corporalis. Minor etiam constat, nam Angelus superior cum magis accedat ad Deum oportet, quod ex diuino lumine magis illuminetur, & hoc lumen conforrabit Angelum inferiorem, vt fiat capax percipiendæ veritatis, &c.

5 Obijcies 1. quia falsum est, quod Angeli superiores dearticulent, seu diuidant notitiam communiorē, & vniuersaliorem quam habent, reddendo eam proportionatam intellectibus inferiorum; ergo, &c. Antecedens probatur, quia Angeli superiores intelligunt per species vniuersaliores; ergo non possunt eam cognitionem diuidere, & dearticulare. Resp. negando antecedens. Ad probationem dico, quod licet Angelus intelligere possit per speciem vniuersalem ad quatenus, tamen pro sua libertate potest vt dicta species inadæquatè, & habere notitiam particulatam, & quasi dearticulatam.

6 Obijcies 2. quia sequeretur, quod aliqui Angeli edocerentur, & illuminarentur ab aliquibus hominibus, hoc videtur falsum, & negat S. Doctor de veris. q. 9. art. 1. ad 14. ergo, &c. Sequela probatur, quia plures homines habent pleniorē, & perfectiorē gratiam, quam aliqui saltem Angeli, vt de Beatiss. Vir-

gine dicitur, quæ habuit notitiam plurimum mysteriorum, quæ Angelis erant occulta. Resp. negando antecedens, quia ad illuminationem propriè dictam vltia superabundantem gratiam, & nouitiam requiritur, quod qui debet illuminari non sit alterius status, seu status inferioris. Aduerte, quod dum dicimus Angelum superiorem confortare inferiorem, non intelligimus hoc fieri per impressionem physicam, sed per modum confortationis artificiosæ, seu per modum cuiusdam magisterij. Soluuntur argu. primæ sententiæ.

7 Primum argum. defumitur ex illo Apocal. 21. vbi de Civitate Beatorum dicitur, quod non eget Sole, nec Luna, & quod claritas Dei illuminet eam; vbi glossa dicit, quod claritas Dei illuminat maiores, & minores, ac proinde omnes à solo Deo illuminantur. Resp. quod hoc testimonium procedit de illuminatione beatiitudinis essentialis, in qua à solo Deo beati illuminantur.

8 Secundum argu. quia Angelorum illuminatio spectat ad illorum beatitudinem accidentalem, ergo à solo Deo esse debet, cum pertineat ad largitorem præmij, qui est solus Deus. Resp. quod ad præmium essentialē solus Deus cōcurrit tum obiectiue, tum effectiue. At ad præmium accidentale, potest etiam concurrere creatura, ex diuina tamen ordinatione.

9 Tertium argum. quia intellectus Angeli est nobilior intellectu agente: sed intellectus agens non illuminatur, sed solum illuminat; ergo, &c. Resp. negando consequ. quia intellectus agens non est capax illuminationis, cum non sit cognoscitiuus.

D V B I V M II.

An vnus Angelus illuminet alium per hoc, quod infundat ei physicè aliquid.

10 **P**rima sententia affirmat. Hanc sequuntur auctores dub. sequenti referendi. Nostra sententia seq. conclusionē explicatur. *Vnus Angelus non illuminat alium per hoc quod ei physicè aliquid*
Ccccc in-

infundat. Sic S. Doctor *q. 9. de veris. ar. 1. ad 2.* & alibi sæpè, quem sequuntur omnes eius discipuli & alij plures, quos referunt, & sequuntur Salm. *hic disp. 14. dub. 2.*

11 Probatur 1. quia si Angelus inferior posset illuminari à superiori per impressionem alicuius physici, vel hoc esset lumen intellectuale, vel inensio illius: aut aliquid intentionale, vt noua aliqua species; sed hæc ab Angelo imprimi non possunt, sed à solo Deo; ergo, &c. Maior constat, quia ad habendam aliquam veritatem nil aliud requirit potest, nisi vel lumen, vel species. Minor probatur, nam non potest Angelus superior imprimere lumen in intellectum inferioris: vel enim hoc lumen esset naturale, & hoc à solo Deo cum potentia producit; vel supernaturale, & neque hoc, quia à solo auctore supernaturali produci potest. Neq; potest producere speciem intelligibilem, quia istæ sunt à principio infusæ à Deo.

12 Respondent 1. quod Angelus producit lumen, aut speciem virtutis diuina. Sed contra, quia iam hæc illuminatio esset miraculosa, & ex hoc posset aliquis dicere, quod etiam gratia, & alia dona sunt producta ab Angelo superiori virtute diuina. Tum quia illa illuminatio iam non oriretur ex abundantia luminis, & perfectionis Angeli superioris.

13 Respondent alij, quod Angelus superior non producit in intellectu inferioris nec lumen, nec speciem, sed qualitatem quandam deferuentem per modum dispositionis, ad hoc vt Deus infundat nouum lumen supernaturale, aut intendat præexistens, vt dum quis elicit actum charitatis, disponitur ad intentionem habitus. Sed contra, quia in intellectu nulla alia qualitas ponitur nisi actus, & principia illius, scilicet species, habitus, & lumen, sed Angelus superior nihil horum efficit, vt dictum est, ergo, &c. Tum quia ad cognoscendam aliquam veritatem ignotam, nulla alia dispositio requiritur distincta à lumine; ergo, &c.

14 Alii 3. respondent, quod Angelus superior imprimat aliquam participationem sui luminis per qualitatem quandam

intentionalem ad modum virtutis instrumentalis, & ad modum luminis, quo intellectus agens illuminat phantasmatum. Sed contra, quia si intellectus inferior posset recipere illam qualitatem intentionalem, seu modum instrumentarium ab Angelo superiori, oportet re quod participaret modum intelligendi illius, & quod idem Angelus superior communicaret suum modum intelligendi alteri, sicut intellectus agens communicat phantasmati suam vim illuminandi, & producendi species; sed hoc esse non potest, vt patet, ergo. Deinde sequeretur, quod vnus Angelus intelligeret vt instrumentum alterius, quod repugnat nobilitati, & perfectioni Angelicæ; ergo, &c.

15 Alij etiam 4. respondent, quod Angelus superior solum per suum lumen assistit Angelo inferiori, & confortat adiuvatque ad intelligendum id, de quo illuminatur, & simul cum eo coefficet intellectionem. Sed contra, quia coniunctio Angeli superioris ad inferiorem, confortat quidem modo infra explicando, sed non per impressionem alicuius physici; sed supponit virtutem inferiorem potentem; nam quod est physice impotens ad aliquid, non potest fieri potens, nisi aliquid addatur. Tum quia vnio solum extrinseca, & per assistentiam, non potest coefficere aliquam operationem.

16 Demum alij respondent, quod Angelus superior imprimit in intellectum Angeli inferioris aliquem modum extensionis præcedentis luminis, ratione cuius extendatur ad id, ad quod extendi non poterat. Nam contra est, quia modus extensionis ab illo naturaliter producit, qui potest producere lumen, sed hoc non potest produci ab Angelo superiori, vt ex dictis habes, ergo neque modus extensionis illius. Deinde iste modus, communiter est supernaturalis, cum illuminatio fit de mysterijs fidei; sed iste nequit produci ab Angelo, ergo, &c.

17 Probatur 2. quia Angeli cum sint in supremo naturæ creatæ gradu immaterialitatis, sunt partim in actu, & partim in potentia, sunt partim in actu, quia sem-

per

per habent ea, quæ requiruntur ad actum primum: sunt parim in potentia, quia non semper sunt in actu secundo respectu omnium; ergo non possunt illuminari per impressionem alicuius physici. Antecedens constat ex pluries dictis. Consequenter probatur, quia si semel Angelus habet omnia, quæ requiruntur ad actum primum, non erit necesse illi aliquid imprimere, &c.

18 Sed obijcies, quia licet Angelus sit à Deo productus cum omnibus ad actum primum pertinentibus respectu cognitionis naturalis, non tamen respectu supernaturalis; ergo respectu huius poterit illuminari per receptionem alicuius. Resp. negando antecedens; nam licet supernaturalia non sint debita naturæ, respectu tamen elevationis debentur, unde cum natura Angelica sic eleuata, producta sit, ei debebuntur dona supernaturalia.

19 Obijcies 2. quando primus Angelus illuminatur à Deo, accipit ab eo nouum lumen physicum, ergo id ipsum accipiet Angelus inferior cum à superiori illuminatur. Antecedens probatur, quia proprium est Dei illuminare per infusionem luminis, maxime cum illuminationes fiunt per modum transeuntis. Resp. negando antecedens. Ad probationem dico esse proprium Dei illuminare, non per nouam luminis productionem, sed impressionem, seu applicationem. Quando datur illuminatio per modum transeuntis; fit etiam applicatio per modum transeuntis.

20 Probatur 3. quia Angelus superior, non potest illabi per intimum illapsum in inferiorem; sed si aliquid physicè produceret, illaberetur; ergo nil physicè producere potest. Maior constat. Minor probatur, quia si aliquid physicum produceret deberet esse immediatus immediate tum suppositi, tum virtutis, cum non ageret alio mediante; ergo, &c.

21 Occurrit Suarez, quia illapsum proprius Dei, est ille, qui pergit ad esse, producendo, & conseruando illud; sed Angelus non sic illaberetur; ergo. Tum quia Angelus superior nec operaretur, nec

esset intra terminos alterius. Sed contra, quia si semel Angelus potest hoc posteriori modo illabi, per productionem scilicet alicuius physici, non est cur denegetur ille prior, & proprius Dei; cum ille ex isto sequatur.

D V B I V M III. •

Quomodo fiat dicta illuminatio in Angelis.

22 **V**ariæ sunt de hac re sententiæ. Prima est Scoti, quod illuminatio fiat per hoc, quod Angelus illuminans efficiat actum secundum quo cognoscat Angelus illuminatus rem de qua illuminatur. Alia est Hervæi dicentis, quod illuminatio fiat per intensionem luminis. Gabriel putat, quod Angelus illuminans producat verbum mentis, Marsilius vult, quod producat aliquam dispositionem. Suarez dicit, quod imprimat speciem veritatis cognoscendæ.

23 Nostra sententia sequens conclusi, explicatur *Illuminatio in Angelis fit per hoc, quod Angelus superior per modum cuiusdam magisterij artificiali proponat obiectum; de quo faciendus est illuminatio, & medium proportionatum ad illud capiendum, & intellectui Angeli inferioris.* Explicatur conclusio, quia sicut ars, vt docet S. Doctor q. 117. art. 1. duobus modis concurret; vno modo efficiendo formam, v. g. cathedram; alio non efficiendo, sed coadiuvando naturam, præbendo instrumenta, quibus natura efficiat, quod sine illis efficere non posset, aut saltem non ita bene. Hoc namque est naturæ ingenium, vt licet illi vires non addantur, additis tamen instrumentis, illi; adiuta, potest aliquid efficere, quod prius non effecisset, & hoc modo natura dicitur ab arte confortari. Vnde additis instrumentis medicinz natura recuperat sanitatem, quam alias non recuperasset. Ita Angelorum illuminatio, fit ex eo; quod vires inferiores Angeli illuminandi confortentur ex magisterio artificiali, quo obiectum proponitur ab Angelo superiori. Consistit autem in hoc magisterij arti-

Cccccc 2 ficiū

ficiū, quod veritatem quam Angelus superior à Deo accepit sub ratione quadam communi, diuidit, & quasi masticat, & sic proponit Angelo inferiori. Hanc conclusionem sic explicatam tenent D. Thomas, eius discipuli, & alij plures, quos referunt, & sequuntur Salmant. hoc loc.

24 Probat. concl. quia sicut in illuminatione corporali duo solum reperiuntur scilicet ostensio obiecti, & confortatio potentie, ita & hæc duo debent sufficere in illuminatione intellectuāli, quæ in illo modo magistrali continentur, vt ex dictis constet. Tum quia ad illuminationem Angelicam duo requiruntur; apprehensio, & iudicium; sed vtrumque reperitur in dicto magistrali modo, ergo. Minor probatur, quia ad apprehensionem sufficit ostensio obiecti; ad iudicium ostensio medij, quæ duo sunt in dicta illuminatione.

25 Sed obieciēs 1. quia si illuminatio fieret per dictum magisterium, sequeretur, quod magis tribueretur Angelo inferiori, quam superiori; hoc est falsum; ergo, &c. Sequela probatur, quia sicut ad sanitatem magis concurrit natura, quam medicina per sua instrumenta; ita magis concurrit ad cognitionem veritatis Angelus inferior, quam superior per sua quasi instrumenta. Resp. quod sicut præbere instrumenta ad sanitatem est medicinæ; ita præbere instrumenta ad illuminationem est Angeli superioris, hoc autem est illuminare.

26 Obieciēs 2. quia si illuminatio fieret per dictum magisterium, Angelus superior compleret intellectum Angeli inferioris in actu primo in ordine ad cognitionem veritatis; hoc videtur falsum; ergo, &c. Maior constat, quia per illud magisterium Angelus inferior capit veritatē, quam prius non capisset. Minor etiam constat ex dictis, quia cum Angelus sit in supremo gradu immaterialitatis non potest cōpleri in actu primo nisi à solo Deo. Resp. negando maiorem, vt enim constat ex dictis Angelus superior nil physicum

producit in intellectu inferioris.

27 Obieciēs 3. quia vt docet S. Doctor q. 117. art. 1. diuerso modo Magister in humanis cōfortat intellectum discipuli, quam Angelus superior illuminet inferiorē; ergo non fit per dictum magisterium. Resp. concedendo antecedens, & negando consequ. quia Magister humanus confortat intellectū discipuli mouendo phantasmata, at Angelus superior confortat intellectum inferioris, proponendo immediatē obiectum potentie intellectuæ, & sic patet diuersitas magisterij humani, & Angelici. Soluuntur argu. primæ sententiæ.

28 Primum argum. quia D. Thomas 2. dist. 9. q. 1. art. 2. ad 4. videtur dicere, quod licet Angelus superior non imprimat lumen naturale in Angelum inferiorē, imprimat tamen aliquod lumen supernaturale; ergo, &c. Et infra q. 108. art. 7. videtur docere, quod cognitio Angeli illuminati dependeat à lumine illuminantis, quantum ad conseruationem, quod sine aliqua productione esse nequit. Resp. D. Thomam in primo testimonio solum velle quod Angelus inferior recipiat à superior aliquid morale per modum confortantis, & adiuuantis, vt sic adutus dirigatur, & veluti manuducatur, ac si physicè lumen reciperet. Ad 2. testimonium dico, quod cognitio Angeli inferioris dicitur conseruari lumine Angeli superioris, quia illi innititur tanquam medio, & rationi cognoscendi, ad quod non requiritur physica alicuius rei receptio.

29 Secundum argum. quia si Angelus superior nihil producit in intellectu inferioris, manebit sicut prius, ac proinde non illuminabitur. Resp. quod non manet sicut prius, quia ex dicto magisterio mouetur Angelus inferior ad capiendam veritatem, quam prius non capiebat.

30 Tertium argum. quia si dictum magisterium est veluti instrumentum; ergo Angelus superior est causa principalis, & inferior erit passiuus. Resp. quod erit passiuus.

passum morale, non physicum, cum nihil physicum recipiat.

31 Quartum argum. quia Angelus superior illuminando excitat intellectum inferioris ad cognoscendum id, quod antea non cognoscebat; sed hæc excitatio, non potest fieri sine productione alicuius ergo, &c. Huius argumenti solutio constabit ex dicendis disp. seq. de locutione Angelorum.

D V B I V M IV.

De quibus rebus fiat illuminatio.

32 **C**ommunis sententia sequenti conclusionem explicatur. *Angelorum illuminatio fit de rebus natura, gratia, & gloria.* Sic S. Doctor hic art. 1. ad 2. quem alij sequuntur. Ratio conclusionis ex sequenti congruentia desumitur, quia sicut spectat ad bonum se communicare, ita ad summum bonum spectabit se summè communicare, ergo debet se communicare in ordine naturæ, gratiæ, & gloriæ; sed hoc facit creaturis intellectualibus per illuminationem; ergo, &c. quod autem facit Deus creaturis intellectualibus sibi propinquioribus, debent facere

istæ respectu suorum inferiorum; ergo.

33 Sed obijcies 1. quod potius ad summam bonitatem pertinet, quod se immediatè communicet; ergo, &c. Resp. negando antecedens, spectat namque magis ad ordinem diuinæ bonitatis, quod immediatè se communicet superioribus, & istis medijs inferioribus.

34 Obijcies 2. non coherere hæc cū dictis supra, quod Angeli etiam infimi comprehendant omne ens naturale, qui enim hoc comprehendit, non indiget illuminari de rebus naturalibus. Resp. quod Angeli comprehendunt omne ens naturale, quod est pars vniuersi, & de hoc non illuminantur, bene illuminari possunt de entibus naturalibus non pertinentibus ad vniuersum, vt sunt contingentia, & possibilia.

35 Obijcies 3. quia quilibet Angelus per scientiam infusam videt visionem beatificam alterius; ergo etiam videt omnia, ad quæ se extendit; ac proinde non restabit de quo possit illuminari. Resp. quod videt visionem beatificam alterius & obiectum in conspectu illius, non res in particulari, de quibus superior à Deo illuminatur, & iste illuminare potest inferiores.

DISPUTATIO LI.

IN QVÆST. CVII. D. THOMÆ.

De locutionibus Angelorum.

IN ista quæstione habet S. Doctor 5. articulos. In 1. ostendit, quod vnus Angelus alteri loquatur; manifestando ei suum conceptum; per hoc, quod per voluntatem vult quod eius conceptus sit alteri manifestus. In 2. art. docet quod Angelus inferior potest loqui superiori, tametsi non illuminet illum, quia locutio non semper

fit ad illuminandum, sed etiam ad manifestandum, quod alteri ignotum est. In 3. art. ostendit, quod Angelus etiam Deo loquitur, non quidem manifestando ei secretum, quod nesciat, sed ordinando, seu erigendo se ad ipsum vt ab eo accipiat. In 4. art. dicit; quod locutio Angelica non impeditur distantia, quia fit operatione intellectuali, & ordinatione voluntatis ad alterum, quod à loci distantia non dependet. In 5. articulo dicit, quod locutio

tio

tio vnus Angeli non cognoscitur ab omnibus, quia Angelus loquens potest ordinare suos conceptus ad vnum, non ad alios, & sic respectu illorum erunt occulti vt prius. Cæterum vt quæ necessaria videntur, habeantur, sit.

D V B I V M I.

An vnus Angelus alteri loquatur.

2 **C**ommunis, & vera sententia sequi. conclusione explicatur. *Vnus Angelus alteri loquitur.* Colligitur hæc conclusio ex illo Apost. 1. Cor. 13. *Si linguis hominum loquar, & Angelorum.* Vbi licet per metaphoram Angelorum linguam nominet, supponit tamen esse in illis aliquem locutionis modum; frustra namque poneretur lingua, vbi nulla esset locutio. Et alijs in locis Sacre scripturæ inducuntur Angeli loquentes non solum cum hominibus, sed etiam ad inuicem. Tum quia cum sit certum vnum Angelum illuminare alium, etiam certum erit, quod vnus alteri loquatur, quia vt docet S. Doctor hic art. 2. omnis illuminatio in Angelis est locutio; non tamen omnis locutio est illuminatio. Vnde hanc concl. docent Sancti Patres, omnes Scholastici, & Theologi hoc loco.

3 Ratio fundamentalis est, quia quod potest virtus inferior, potest etiam superior nobiliori modo; sed homo potest suum conceptum alteri manifestare; ergo etiam Angelus. Tum quia spectat ad Angelorum statum, & familiaritatem, vt vnus cognoscat cogitationes internas, ac proinde, quod vnus eas manifestet alteri.

4 Sed obiecijs 1. quia omnis locutio fit per aliquod signum, sed in Angelis non dantur ista signa; ergo, Maior constat, quia in quavis locutione debet esse aliquid quod loquentis conceptum significet audienti. Minor probatur, quia de ratione signi est, quod sit aliquid sensibile, vt constat ex eius definitione communiter tradita. Tum quia in locutione debet esse aliquid, quod excitet audientem, vt loquenti attendat, ergo, &c. Resp. con-

cedendo maiorem, loquendo de signo improprie, & negando minorem; licet enim in Angelis non detur signum proprie; datur tamen improprie, & est species, vel verbum in quo res ad alium ordinatur. Ad probationem dico, quod hoc ipso quod alius Angelus se ad alium conuertat, quodammodo eum excitat.

5 Obijcijs 2. quia modus quo vnus Angelus manifestat alteri suum conceptum, potius pertinet ad visum, quam ad auditum; ergo illi manifestatio dici debet visio, non locutio. Resp. quod licet exterius, visus & auditus differant, interius tamen non differunt; vnde quoad mentem, idem est audire, ac videre, in Angelo tamen dicitur locutio, non auditio, ob similitudinem nam per auditum scientiam ab alijs accipimus; at per locutionem alios docemus; hoc faciunt Angeli quasi per nutus, & signa: species, est signum, ordinatio ad alium est nutus.

D V B I V M II.

In quo consistat locutio Angelica.

6 **D**E hac re variz sunt sententiz, quæ tamen omnes in hoc conueniunt, quod non consistat in hoc, quod Angelus loquens dirigat suum conceptum ad alterum, vt ab eo intelligatur. Sic Scotus, Alensis, Richardus, Suarez, & Molina hoc loco, qui dicunt, quod opposita sententia D. Thomæ est cum intellectu, tum creditu difficilis, quam satis impugnauit supra q. 57. Verum quod non intellexit Molina, intellexit mea Seraphica Mater S. Teresa, n. seq. cienda.

7 Nostra sententia sequi. concl. explicatur. *Locutio Angelica consistit in ipsomet conceptu interno, & actu intellectus Angeli loquentis, secundum quod ordinatur, & dirigetur per voluntatem ipsius ad alterum, vt ei innotescat.* Sic S. Thomas hic art. 1. & alibi sæpe, quem sequuntur eius discipuli, quos referunt, & sequuntur Saluante hoc loco. Simili namque modo loquuntur ad inuicem Angeli, quo loquitur Deus cum beatis in Patria, & cum iustis aliquibus

bus in via, vbi nil aliud intercedit, quam conceptus loquentis, & voluntas quæ vult talem conceptum alteri innotescere. Quod celestis illa veræ virtutis heroides, diuinorum arcanorum Mystra, Mystricæ quæ Theologicæ Pallas, Matriarcha, scilicet nostra Tercia Sanctissima in lib. sua vitæ cap. 27. sic explicuit. *Reuertendo ad istum modum intelligendi, quod mihi videtur est, quod Deus vult, quod anima ista habeat aliquam notitiam de eo, quod sit in celo. Et mihi videtur, quod in celo sine locutione, scilicet corporali, & sine aliquo signo ad extra producto, se intelligant; quod ego nunquam noui, nisi postquam in quodam raptu Deus istum intelligendi modum mihi ostendit. Sic contingit hic, vbi Deus, & anima se mutuo intelligunt, per hoc solum, quod Deus vult, quod anima ipsum intelligat, absque alio artificio, ut sic intelligatur amor istorum duorum amantium. Sic, ut si dua persona se mutuo diligant, se mutuo intelligunt sine locutione, suscipitque, quod se videant. Hæc Laureata nostra Magistra.*

8 Probatur 1. conclusio, quia Angelorum locutio non potest fieri per aliquid physicè productum ad extra ab Angelo loquente; ergo fiet modo in conclusione posito. Antecedens probatur, quia si aliquid produceretur, vel esset corporeum, vel spirituale: non corporeum, ut patet, quia hoc non potest deferuire ad cognitionem spiritualem. Non spirituales, quia ut supra vidimus, aliàs illaberetur intellectui alterius. Tum quia si aliquid ad extra produceretur, periret secretum Angelicum, quia iam manifestaretur in illo signo ad extra producto, quod ab omnibus cognosceretur.

9 Probatur 2. quia id, quod primo mouet quantum ad exercitium intellectus Angelicum est eius voluntas; ergo eo ipso, quod cognitio intellectualis, seu conceptus vnus Angeli per voluntatem applicatur, & ordinatur ad alium ut manifestandus, erit ipsi notus, & manifestus. Antecedens constat. Conseq. probatur, quia intellectus tripliciter se habere potest ad cognitionem, seu conceptum ma-

nifestandum. Primò habitualiter, ut habet solam speciem ad intelligendum. Secundo actualiter, cum iam actu rem considerat; & solum in ordine ad ipsum cognoscentem. Tertiò etiam in ordine ad alium, ut cum suum conceptum alteri manifestat; sed ex eo, quod voluntas mouet intellectum quoad exercitium, idem intellectus transit per applicationem eiusdem voluntatis à statu imperfecto cognitionis, ad statum perfectum in ordine ad se; ergo per applicationem eiusdem voluntatis transibit à statu perfectò cognitionis in ordine ad se, ad statum cognitionis, & manifestationis in ordine ad alium.

10 Confirmatur 1. quia forma naturalis ex motione agentis, est prius in materia in statu imperfecto, scilicet in fieri, deinde transit ad factum esse in ordine ad se, & demum ad alium statum perfectum in ordine ad alia; ergo cum etiam intellectus moueatur à voluntate, poterit transire ab statu imperfecto, scilicet ab actu primo, ad statum perfectum, scilicet ad actum secundum in ordine ad se, & demum in ordine ad alios. Confirmatur, quia cognitio practica Angeli ex applicatione voluntatis producit effectum ad extra, v. g. motionem lapidis; ergo ex eadem motione voluntatis poterit manifestare ad extra, scilicet in alio Angelo, alicuius rei manifestationem, quam in se habet.

11 Sed obijcies 1. quia non bene infertur, quod ex eo, quod intellectus ex motione voluntatis transeat ab statu imperfecto ad perfectum in ordine ad se, quod etiam ex eadem motione, seu applicatione voluntatis transeat ad alios; ergo, &c. Antecedens probatur, quia motio voluntatis in primo transitu, habet effectum productum, non in secundo. Resp. negando antecedens. Ad probationem, dico, quod licet voluntas in secundo transitu non habeat effectum nouum ad extra, conuenit tamen intellectum notificantem, & manifestantem veritatem illi, cui loquitur; tum quia in Angelo loquente vel ponitur nouus actus ex motione volun-

voluntatis, vel saltem nouum connotatum intrinsecum, scilicet noua ordinatio, & directio voluntatis, quæ à loquente connotatur.

12 Obijcies 2. quia ex dicta ratione sequeretur, quod etiam homo posset alteri manifestare suum conceptum per solam voluntatem sine aliquo signo externo; hoc est falsum; ergo, &c. Sequela probatur, quia etiam voluntas hominis mouet proprium intellectum quoad exercitium, & ratione huius transit ad statum perfectum, ex imperfecto. Tum quia, ex eo, quod homo dirigat ad alterum, suum conceptum, talis conceptus efficitur aliquid eius ad quem dirigitur; ergo erit apud illum notus, & manifestus. Tum etiam quia sequeretur, quod actus amoris, vel odij quo vnus Angelus aliū persequitur, non posset latere illum, qui est obiectum illius odij, iste namque affectus pertinet ad eum circa quem versatur.

13 Resp. negando sequelam intellectum respectu alterius hominis; nam respectu Angelus, sufficit illa directio, quam de Angelis diximus. Et sic vt homo loquatur cum Angelo, sufficit, quod ad illum dirigat suos conceptus. Ad 1. & 2. probationem dico, quod in nobis interior mentis conceptus duplici obstaculo clauditur; primum est ipsa voluntas, quæ conceptum intellectus potest retinere, vel ad extra ordinare; & quantum ad hoc, nullus potest videre conceptus mentis alterius, nisi solus Deus, qui vt cognoscat nostras cogitationes, & Angelorum, nulla indiget ordinatione. Secundum obstaculum est grossities corporis, quæ per solam ordinationem voluntatis non tollitur, ac proinde requiritur vterius aliquod signū exterius respectu alterius hominis, quod in Angelo non contingit. Ad 3. probationem dicendum, quod odium, vel amor pertinent ad Angelum qui est obiectum, vt præcisè est obiectum, non tamen sunt aliquid illius, quandiu sibi non manifestantur. Nam respicere obiectum est ratione speciei actus, at esse occultum habet actus ex eo, quod hic, & nunc liberè exer-

cetur interius. Soluuntur argum. primæ sententiæ.

14 Primum argum. est, quia gloss. super illo verb. *Si linguis hominum loquar, & Angelorum*, dicit, quod Angeli loquuntur signis, & nutibus. Resp. ex dictis, quod signum est ipsa species, & nutus, ordinatio ad alium, vt explicat S. Doctor 1. 2. de verit. art. 4. ad 4.

15 Secundum argum. quia D. Tho. hic art. 1. ad 1. dicit, quod sicut per signum sensibile excitatur sensus, ita per aliquam virtutem intelligibilem excitatur mens Angelus ad attendendum, hæc autem virtus est species intelligibilis; ergo imprimit ei speciem intelligibilem. Resp. concedendo antecedens, & negatur consequens, excitat quidem Angelus alium per speciem, seu conceptum, non quidem imprimendo, sed dirigendo, & ordinando, modo explicato.

16 Tertium argum. quia Angelus spectatus in suis tantum naturalibus, potest mentiri alteri Angelo; sed mentiri est aliud manifestare exteriori signo, & aliud habere in mente; ergo Angeli loquuntur signis exterioribus. Resp. negando minorem. Primum quia potest Angelus malus habere duplicem conceptum in mente, & vnum manifestare non alterum. Secundò, quia potest malus Angelus mentiri circa affectiones suæ voluntatis, de quibus potest formare falsum conceptum & alteri manifestare.

17 Quartum argum. quia intellectus vnus Angelus non est sufficienter constitutus in actu primo ad cognoscendum actum liberum alterius antequam moueatur, & excitetur per eius locutionem; ergo Angelus audiens debet aliquid recipere per eius locutionem; ergo Angelus audiens debet aliquid recipere per locutionem Angeliloquentis. Consequens sequitur ex antecedenti, antecedens probatur, tum quia si intellectus vnus Angelus esset secundum se sufficienter constitutus in actu primo ad cognoscendum actus liberos alterius posset pro sub libito cognoscere, independentem ab alterius locutione, & volun-

voluntate, sicut potest ob hanc rationem cognoscere ceteras res naturales. Tum etiam quia vel vnus Angelus habet in se speciem repræsentatiuam conceptus alterius, vel non? Si primum poterit cognoscere independenter ab alterius voluntate. Si secundo, non poterit illum cognoscere, nisi recipiat illam à loquente. Tum denique, quia vnus Angelus non loquitur alteri, nisi alter illi attendat; sed non potest attendere nisi in eo fiat aliqua intrinseca mutatio, ergo per receptionem alicuius, scilicet speciei.

18 Resp. negando antecedens, quia quilibet Angelus habet quicquid requiritur ex parte principij, ad cognoscendum actum liberum alterius. Habet namque lumen, habet speciem, scilicet illam per quam cognoscit alium Angelum; per eandem namque speciem per quam cognoscit Angelum, cognoscit etiam cognitionem illius, modo ad ipsum dirigatur, quæ directio est veluti quædam approximatio actus ad intellectum audientis. Per quæ patet ad primam probationem. Ad 2. dico, quod habet speciem per quam cognoscit actum liberum alterius, in exercitio tamen, vt actu repræsentet, seu in actuali repræsentatione dicta species dependet à voluntate eius, cuius est conceptus. Ad 3. probationem conceditur maior, & negatur minor, eo namque ipso quod Angelus loquens ordinat suum conceptum ad audientem, veluti illi approximatur, & moraliter excitat, vt attendat, &c. Pertinet namque ad suauem Dei prouidentiam, quod dum mouet vnum ad loquendum, moueat alium ad audiendum.

19 Quintum argum. quia dato quod secretum cordis possit post voluntatis ordinationem cognosci ab Angelo, tamen in isto modo manifestandi secretum, non seruatur vera locutio; ergo, &c. Antecedens probatur, quia locutio non est actus voluntatis, sed intellectus. Resp. negando antecedens, nam in nostro casu locutio consistit in actu intellectus, cum sit conceptus illius, prout dicit ordinationem voluntatis.

20 Sextum argum. quia locutio con-

sistit in ipsa significatione, non in re significata; sed in Angelis, ex dictis à nobis, esset res significata, expressa, & ostensa, non significatio; ergo, &c. Resp. negando maiorem; licet enim in nobis respectu aliorum hominum locutio non sit ostensio conceptus, sed consistat in aliquo sensibili significatio conceptus, & rei expressæ, non tamen in Angelis, imò neque in nobis in ordine ad Deum, & Angelos, vbi locutio non consistit in aliquo significatio conceptus, sed in ipsa conceptus ostensione, &c.

21 Septimum argum. quia Angelus loquitur nobis per impressionem alicuius physici, v. g. speciei intelligibilis; ergo, etiam hoc modo loquentur Angeli ad inuicem. Consequenter constat ex paritate rationis. Antecedens probatur, quia plura solent Angeli reuelare hominibus, quorum non habent species. Resp. negando antecedens. Ad probationem dico, satis esse, quod Angelus coordinet species preexistentes in phantasia, vt inde intellectus agens possit alias species abstrahere. Vel sufficit, quod intellectus confortetur per lumen Angelicum, vel diuinum, vt deueniat in cognitionem plurium, quam per se posset. Vel sufficit, quod Deus si voluerit infundat nouas species, non Angelus.

S. Vnicui examinatur aliqua circa articulum 2. 3. 4. & 5. D. Thomæ.

22 **I**N art. 2. vt vidimus in principio huius disputationis docet Sanctus Doctor, quod licet Angelus inferior non illuminet superiorem, illi tamen loquitur dum ea quæ ex sua dependent voluntate, superiori inuiscat. Vt autem hoc planius fiat, & assignetur differentia inter locutionem, & illuminationem, & ratio D. Thomæ intelligatur.

23 Obijcies, Angelus inferior non potest illuminare superiorem; ergo neque potest ei loqui. Antecedens constat ex dictis disp. præcedenti. Consequenter probatur, quia illuminare nihil aliud est, quam loqui; vtrumque enim dicit manifestare
D d d d d alte.

alteri, quod illi erat ignotum; ergo qui nō potest illuminare, neque potest loqui. Resp. concedendo antecedens, & negando conseq. Ad probationem dico, quod inter illuminationem, & locutionem, duplex discrimen intercedit. Primum est, quod illuminatio est de superioribus, & de ijs, quæ à prima veritate dependent, ac proinde solum fieri potest à superiori; at locutio fieri potest de quocunque occulto, etiam si à sola voluntate creata dependeat, ut notat S. Doctor in hoc art. 2. Secundum est, quod illuminatio fit per hoc, quod lumen vnius Angeli confortatur per lumen perfectius alterius ad aliquorum cognitionem; at locutio fit per hoc, quod aliqua prius occulta proponantur ut cognoscenda, & sic omnis illuminatio est locutio, non tamen omnis locutio est illuminatio. Tum quia illuminatio est manifestatio veri quæ verum est, at locutio est locutio tantum.

24 In 3. art. ut vidimus, querit S. Doctor an Angelus Deo loquatur, & affirmatiue respondet, quod, satis ex dictis deducitur; quilibet namque Angelus potest dirigere, & ordinare suum conceptum ad Deum, & ita ad Deum loquitur. Pro quo nota, quod ad hoc ut quis alteri loquatur, non est necesse, quod id de quo fit locutio sit ei occultum cum quo quis loquitur, licet hoc in locutionibus vnius Angeli ad alterum reperitur. Et sic licet Deus cognoscat omnia occulta tum Angelorum, tum hominum, nihilominus tam homo, quam Angelus possunt loqui cum Deo, ut patet.

25 In articulo 4. statuit S. Doctor, quod distantia localis non impediat locutionem, quia in his, quæ sunt omnino abstracta à tempore, & loco, neque diuersitas temporis, neque diuersitas loci aliquid operatur, ac proinde nullum impedimentum præstabit. Tum quia manifestatio mentis Angelicæ, ab eius voluntate dependet, ac proinde potest ad vnum diriigi, non ad alium.

26 S. d. obijcies, quia quilibet Angelus potest per se ipsum cognoscere independentem ab alterius voluntate, id

quod alius necessario cognoscit; sed Angelus ad quem fit locutio, necessario cognoscit conceptum loquentis, ergo, & alius cognoscit. Maior constat, quia necessaria Angelorum sunt omnibus manifesta. Minor probatur, quia si Angelus ad quem fit locutio liberè attenderet, posset pro libito non attendere, & locutionem non percipere; sed hoc est falsum; ergo, &c. Sicut enim apud homines inurbanitatis notam incurreret, qui ad loquentem non attenderet; ita & in Angelis. Tum quia sicut homo in debita distantia positus, non potest non audire loquentem; ita cum in Angelis nulla distantia impediat, ubique fiet auditio. Tum etiam quia locutio inter Angelos fit media aliqua specie, veritatem representante, sed quilibet Angelus independentem à voluntate alterius cognoscit aliorum species; ergo &c. Tum denique quia Angelus non manifestat suum conceptum alteri, nisi per aliquid naturaliter notum; ergo, &c.

27 Resp. concedendo maiorem, & negando minorem. Ad 1. probationem dico, quod potest Angelus non attendere ad loquentem, de facto tamen attendet, ut sit urbanus, & politicus. Ad 2. probationem patet, quod licet homo in distantia sufficienti possit non audire, quantum ad sensum auditus, mente tamen potest non audire, non attendere. Ad 3. probationem dicendum, quod licet Angelus cognoscat species alterius, imò etiam comprehendat, non tamen est necesse, quod cognoscat representationem æqualem, & à libera voluntate alterius pendentem. Ad 4. probationem, dico quod licet Angelus manifestet suum conceptum alteri per id, quod est naturaliter notum, scilicet per speciem, nō tamen hinc sequitur quod ipsa veritas, vel conceptus in ea manifestatus, sit naturaliter notus, cum ea manifestatio non nisi dependentem à libera voluntate fiat.

28 In 5. art. ostendit, quod potest vnus Angelus audire locutionem alterius, absque eo, quod ab alio audiatur. Cum enim hæc locutio fiat per internam,

&

& omnino immanentem operationem, physicè loquendo, & solum manifestetur per directionem voluntariam ad alium, sequitur, quod ille ad quem locutio voluntariè dirigitur, illam percipiet, non alius ad quem non dirigitur. Hinc sequitur, quod si vera esset sententia opposita, quod locutio fiat per aliquid productum in mente audientis, non posset fieri ad quamcunque distantiam, sed ad illam solum, quæ esset intra spheram actiuitatis

Angelice; ite in sequitur, quod difficile saluari posset, quomodo non audiat ab omnibus, præsertim si existant intra eandem spheram actiuitatis. Et hæc de Angelis, & de tota prima parte D. Thomæ ad laudem omnipotentis Dei, Beatissimæ Virginis, & omnium Sanctorum. Siquid est non rectè, aut minus rectè dictum, correctioni Sanctæ Matris Ecclesiæ libenti animo subijcio.

F I N I S

OPERA AB AVCTORE IMPRESSA.

De Sacramentis in 4. partes. *In quarto.*
De Gratia, Iustificatione, & merito tom. 1. *In fol.*
De Censuris tom. 1. *In fol.*
De Iustitia, & Iure to. 1. *In fol.*
In primam partem D. Thomæ to. 1. *In fol.*
In 1. 2. to. 1. *In fol.* Est sub prælo.

OPERA IMPRIMENDA.

De Fide, Spe, & Charitate to. 1. *In fol.*
De Incarnatione tom. 1. *In fol.*
Manuale Concionatorum to. 2. *In fol.*
Responsa varia to. 1. *In fol.*

OPUSCULA PARATA.

Anagogia Christiana, seu explicatio vitæ Christi anagogicè.
Historia B. MARIAE de Victoria.
Oraculum Teresianum, ubi explicantur quatuor puncta à Christo Domino reuelata, &c.
Phyfica consideratio volæ manus.
De triplici Pontificis Corona.
Quare nemo Propheta acceptus est in patria sua, quæ cum alijs dabuntur vita comite.

R E R V M N O T A B I L I V M I N D E X.

Prior nu. Disp. secundus numer. marginalem.



CTV'S liber Dei quid ad-
dat supra necessarium d. 19.
n. 128. cum seq. In quo con-
sistat. 19. 148.

Aeternitatis definitio ex-
plicatur. 10. 2.

An sit formaliter duratio. 10. 8. An dicat
rationem mensura. 10. 17. An esse aeternum
sit proprium Dei. 10. 24. An mensures
visionem beatam. 10. 26. quid sit aeternitas
participata. 10. 28. an mensures gra-
tiam & c. 10. 30. ratio aeternitatis est
immutabilitas. 10. 32.

Amor ut passio quid sit. 20. 2. quodplex.
20. 4. amoris causa. 20. 5. effectus. 20. 6.
cum seq. Amor Dei ad omnia. 20. 10.

Angelus an sit incorporeus. 41. 2. an compo-
situs ex materia eiusdem rationis cum ma-
teria. 41. 21. an ex materia spiritali. 41.
41. Angelorum numerus. 41. 61. an de
facto differant specie. 41. 77. de potentia
ordinaria non possunt esse plures sub ea-
dem specie. 41. 92. an de potentia absolu-
ta. 41. 106. an sint incorruptibiles ex na-
tura. 41. 119.

Angelus an sit in loco. 42. 2. an ratio essendi
in loco sit eius substantia. 42. 21. est in
loco per operationem. 42. 46. per quid sit
in loco violento. 42. 86. an ex contactu
virtutis Angeli ad locum refuset aliquod
ubi. 42. 93. an sit in loco divisibili &
ubi. 42. 111. potest esse in loco minori,
& minori, & in puncto. 42. 120. an in
pluribus locis simul. 42. 129. an plures
Angeli possint esse in eodem loco. 42. 154.
an Angeli possint esse in essentia alterius,
& anime rationalis. 42. 175. Potest mo-

ueri localiter. 43. 2. quid sit motus loca-
lis Angeli. 43. 11. an moueatur motu con-
tinuo. 43. 32. an motu discreto. 43. 51.
an de extremo in extremum. 43. 65. an
motus continuus, & discretus sint subie-
ctiue in Angelo. 43. 93. an motus conti-
nuus ex parte spatij possit fieri in instan-
ti. 43. 106. quid de motu discreto dicen-
dum sit. 43. 119. quid de rationibus D.
Thome. 43. 128. Intelligere Angeli an
sit eius substantia in summa. q. 54. 2. an
sit eius esse. ibid. n. 14.

Angelus non cognoscit omnia per suam es-
sentiam. 44. 2. non accipit species à ma-
terialibus. 44. 14. neque ab immateriali-
bus. 44. 25. species Angeli non sunt pro-
prietas illius. 44. 34. superior intelligit
species uniuersaliores. 44. 59.

Angelus se ipsum intelligit per suam essen-
tiam. 45. 2. non tamen alium. 45. 16. in-
ferior comprehendit superiorem. 45. 36.
cognoscit Deum per suam essentiam. 45.
59. quomodo essentia Angeli concurret ad
cognitionem. 45. 71. cognoscit materialia.
46. 2. etiam singularia materialia. 46.
10. per quam speciem illa cognoscit, si-
cut & accidentia. 46. 16. non cognoscit
futura contingentia libera. 46. 28. neque
cogitationes cordis. 46. 43.

Angelus non potest simul plura, ut plura co-
gnoscere. 47. 2. non discurrit. 47. 17. non
intelligit componendo, & diuidendo.
47. 20.

Angeli peccatum. v. peccatum.

Angelus an appetierit aequalitatem Dei. 48.
22. an unionem hypostaticam. 48. 94. an
potestatem tyrannicam. 48. 105. an pro-
priam

I N D E X

priam beatitudinem. 48.113. *an beatitudinem supernaturalem.* 48.138. *an poteris peccare alio peccato quam superbia.* 48.151. *an primum peccatum processerit aliquis error.* 48.164. *an peccaveris in primo instanti.* 48.189. & 226. cum seq. *quando Angeli boni viderint divinam essentiam, & mali dānati.* 48.240. in quos instantibus sit peccatum negotium Angelorum. 48.254.

Angelorum illuminatio v. illuminatio
Angelorum locutio. v. locutio.

Angeli an fuerint creati in beatitudine naturali in summa. q.62.m.5. cum seq. *An Angeli habeant beatitudinem naturalem.* ibid. n.7.

An sint impeccabiles. v. impeccabilitas.

Appetitus quotuplex. 12.24. cum seq.

Attributum quid sit. 11.21. quotuplex. 11.23. *an divisio in attributa positiva & negativa sit adequata.* 11.25. *an sint essentialia, an extra essentiam.* 11.26. *an sint infinita in sua linea, ubi de transcendencia.* 11.27. *quam perfectionem dicant.* 11.28. *an sint infinita in multitudine.* 11.29. *quomodo ad invicem, & de divina essentia enunciantur.* 11.31. *an dicant distinctionem ex natura rei, &c.* 11.32. *que capiam distinctionis virtualis.* 11.42. *v. Deus.*

B

Beatitudo naturalis Angelorum an sit inamissibilis. in summa q.62.n.7. *De Dei beatitudine que traditur à D. Th.* 26.2. *Boni ratio in quo consistat.* 5.2. in quo ratio boni divini. 5.15. *an perfectum sit appetibile.* 5.12. *an bonum sit passio entis nominaliter.* 5.13. *an recte dividatur in honestum, utile, &c.* 5.22. *aliæ boni divisiones.* 5.26. *quomodo bona honoraria appeti possint.* 5.27. & 28. *quomodo appetantur inaniter.* 5.29. *an appetitus distortum bonorum sit perniciosus.* 5.31. *bonum, & pulchrum quomodo distinguantur.* 6.9. *bonum per essentiam variè accipitur.* 6.11. *v. Deus.* *an bonum sit analog.* *v. Deus.*

Cognitio Angelorum. *v. Angeli.*
Cognitio quos modis dicatur supernaturalis. 12.3. *primum cognitum quod.* 2.29. *v. Deus.*

Cognoscencia an habeant formas aliarum rerum. 14.34. *sunt alia per identitatem.* 14.49.

Concreta quomodo multiplicentur in divinis. 37.14.

Constitutum divine essentie non est ratio natura. 14.76. *est intelligere.* 14.88.

Creatio datur. 40.2. *non fuit ab æterno.* 40.11. *quid sit.* 40.22. *quid addat ex parte Dei.* 40.23. *quid ex parte creatura.* 40.30. *quoniam dicuntur creari.* 40.35. *cum seq. an creatura possit esse causa principalis creationis.* 40.44. *an causa instrumentalis physica.* 40.56.

Creatura an possit esse Deo similis. 4.19. *Creatura possibiles an diligantur à Deo.* 19.84. *an existentes.* 19.93.

D

Dæmonum obstinatio *v. Obstinatio.*
Dæmones an possint aliquod bonum opus pati. 49.22. *quomodo torquantur ab igne.* 49.32.

Deum esse an sit per se notum. 2.7. *an Deus sit primum cognitum.* 2.21. & 31. *an primum cognitum sit ratio entis.* 2.29. *quoniam sit primum cognitum anime separatae, & Angelorum.* 2.36.

Dei an detur ignorantia invincibilis. 2.36. *an dubium.* 2.42. *an Deus sit demonstrabilis, & quoniam sine demonstratione.* 2.44. *cum pluribus seq.*

Differentia inter conceptum quidditativum Dei, & creaturarum. 2.33.

In Deo an sit compositio materiae, & forme. 3.2. *an ex essentia, & esse.* 3.6. *an ex genere, & differentia.* 3.12. *an univocetur cum creaturis.* 3.16. & 20. *Dei simplicitas v. simplicitas.*

An Deus sit perfectus. 4.2. *an in Deo sint*

I N D E X

omnium rerum perfectiones 4.8. v. perfectio . quomodo perfectiones creaturarum sint in Deo . 4.11. an solus Deus sit quid perfectius quam Deus , & univrsus . 4.16. Deo an creatura sit similis . 4.19. Deus est summum bonum . 6.2. quoniam bonitas in Deo reperitur . 6.7. an tam bonitas transcendentalis , quam moralis sit attributum . 6.8. an solus Deus sit bonus per essentiam . 6.10. an Filius , & Spiritus S. sint boni per essentiam . 6.16. an bonum sit analogum . 6.17.

Deus est infinitus . 7.2. & 13. infinitas Dei an sit negatio . 7.10. an sit virtualiter multiplex . 7.11. an sit attributum . 7.12. an aliquid extra Deum possit esse infinitum per essentiam . 7.19.

Deus est in omnibus rebus . 8.2. Dei immensitas ex q no colligatur . 8.5.

Deus est ubique . 8.15. & 30. quomodo in spatijs imaginarijs . 8.20. & 25. Deus est immutabilis . 9.2. esse immutabile est proprium Dei . 9.10. Deus est maximè unus . 11.14. Dei visio . v. visio .

Deus an possit fucere quod oculus corporeus eliciat visionem spiritualem . 12.148. an possit intellectionem , & visionem divina essentia in eo collocare . 12.149.

Deus an sit inaffabilis , seu inominabilis à nobis . 13.2. an à Beatis . 13.6. & 7. nomen proprium Dei qui est . 13.13. quid sibi vult illud . Erie mihi Dominus in Deum . 13.21.

In Deo datur cognitio intellectiva formaliter . 14.2. Deus est summè intelligens , quia est summè immaterialis . 14.8. habet scientiam propriè dictam . 14.20. v. scientia . se ipsum primario intelligi . 14.61. quomodo cognoscatur malum . 14.130. cognoscis futura contingentia . 14.139. an futura libera per suam essentiam , & ideas . 14.150. an in decreto vrsuuro . 14.160. an in comprehensione casuarum . 14.176. an in veritate obiectiva . 14.184. cognoscis in decreto , vel in essentia per decretum determinata . 14.201. etiam in mensura aternitatis . 14.230. cognoscis futurum a disparata . 14.241.

In Deo an sint idea . v. idea .

In Deo an dentur decreta condisionata . 14.250.

Deus an facias ens rationis . 15.33. cum seq. In Deo omnia sunt visa , & in quo consistat visa Dei . v. visa . In Deo sunt virtutes . 19.23. est voluptas creaturarum . 19.46.

Deus an velis alia vrbiecta . 19.51. an velit necessario suam bonitatem . 19.68. non amat creaturas possibiles . 19.84. bene tamen existentes in aliqua temporis differentia . 19.93. Omnia diligit . 20.10. quoniam odio habet . 20.11. An omnia equaliter diligit . 20.12. an magis meliora . 20.13. quid de isto reprobo . 20.15. & quid de innocente , & penitente . 20.14. An dentur actus voluntatis qui dicuntur passionis . 20.16. Deus omnibus promidet . 22.13.

In Deo an detur predestinatio v. predestinatio . an reprobatio v. reprobatio . an voluntas excludendi aliquos à regno ante prauisionem demeritorum v. reprobatio . Deus an possit facere quod praterita non sint praterita . &c. 25.17. an possit facere meliora . 25.29.

Discursus quoniam . 47.15. quia difficilium requirantur . ibid.

Distinctionis virtualis capita . 11.41.

In diuinis an dentur tres res , unitates , &c. 31.12. an detur numerus transcendentis . 31.23. quid in diuinis ponant termini numerales . 31.39.

Donum quomodo dicatur in diuinis . 36.14. an sit proprium Spiritus S. 36.21.

Duratio an conueniat rei existens per instantem . 10.31. quid addat supra existentiam rei durantis . 10.32.

E

Ens rationis an fiat à Deo . 15.33. cum seq. Ens an sit primum cognitum . 2.29.

Entitas quid sit . 20.7.

Essentia , & natura in diuinis non distinguuntur virtualiter , ac proinde essentia non constituitur per rationem naturæ . 14.77. Essentia diuina constituitur per intelligere . 14.88.

Fal-

I N D E X

F

- F** *Alfitas an sit in rebus.* 17. 2. *an in sensibus.* 17. 9. *an intellectu ibid.*
Fidei lumen quomodo concurrat ad assensum Theologia. 1. 29.
Futura quomodo cognoscantur à Deo. 11. 1. *an Deo sint presentia in aternitate.* 14. 215. & 230.

G

- G** *Generatio in communi quid sit, & generatio vinentium.* 27. 45. v. *processio.*

I

- I** *Idea sunt in Deo.* 15. 41. *in quo eorum ratio consistat.* 15. 11. *sunt plures.* 15. 24. *unde sumatur eorum pluralitas.* 15. 31. *quarum rerum idea in Deo reperiuntur.* 15. 41.
Illuminatio datur in Angelis. 50. 22. 51. 22.
Imago reperitur in diuinis. 34. 2. *non conuenit Spiritui S.* 34. 14.
Imaginis conditiones. 34. 3. *quotuplex sit.* 34. 5.
Immenfitas v. Deus. quid importet. 8. 32. *an sit attributum.* 8. 33.
Immutabilitas quomodo explicetur. 9. 11. *est ratio aternitatis.* 10. 33.
Impeccabilitas, seu indefectibilitas dari non potest in natura intellectuali. 48. 4. *potest tamen dari circa finem naturalem.* 48. 23. *quotuplex sit.* *ibid.* 22. *de facto naturalis sunt impeccabiles circa finem naturalem.* 48. 37.
Imperium datur. 23. 34. *cum seq.* *vbi de imperio reflexo.*
Ineffabilitas an sit attributum. 13. 9.
Infinisum. v. *Deus.*
Innocens, an magis diligatur quàm penitens. 20. 14.
Intellectus creatus cū aquali lumine gloria,

an videas clarius Deum. 12. 234. *an possit comprehendere Deum.* 12. 245. *quodnam eius obiectum.* 16. 10.

L

- L** *Audatus an possit latari de laude.* 5. 30.
Libertatem an tollas praedestinationem. 19. 193. *quomodo cohaereat quod in sensu composito non eliciat actum praedestinatum.* 19. 200.
Liber vita quid sit, & qui in eo scribantur. 24. 2. *quare vocetur vita.* 24. 5. *an detur liber mortis.* 24. 6. *quomodo distinguatur à praedestinatione.* 24. 8. *an aliquis deleri possit de libro vita.* 24. 9. *cum seq.*
Locutio an detur in Angelis. 51. 2. *in quo consistat.* 51. 6. *an Angelus Deo loquatur.* 51. 24. *an unus audiat non alij.* 51. 23.
Lumen gloria non concurrat per modum speciei in visione beata. v. *visio.*

M

- P** *Macedo landatur.* 35. 85. *eius tamen sententia impugnatur.* *ibid.*
Misericordia à quo dicatur. 21. 2. *est virtus.* 21. 3. *quot sint opera illius.* 21. 6. *an tollas iniustitiam.* 21. 7. *Misericordia, & iniustitia concurrunt ad omnia opera Dei.* 21. 8.
Missio diuinarum personarum quid sit. 39. 4. *qua persona mittantur.* 39. 12. *quomodo diuidatur.* 39. 27. *quomodo fiat missio inuisibilis.* 39. 36. *an in missione inuisibili etiam persona mittantur.* 39. 49.
Mundus non fuit ab aeterno. 40. 12. *potuit tamen esse.* 40. 17.

N

Nomen proprium Dei, qui est. 13. 13.
an nomen. Deus sit nomen natura .
13. 17. etymologia nominis. Deus. 13. 19.
quibus nominibus Deus nominetur ab
Hebrais. 13. 20. Nomine Trinitatis an
utendum in divinis. 31. 49. Nomina es-
sentialia quomodo predicantur in divinis.
37. 2. nomina concreta quando supponant
pro personis. 37. 22. quid de nominibus
abstractis. 37. 30.
Notio quid sit. 32. 3. an sit in divinis. 32. 10.
quotuplex sit. 32. 20.
Numerus transcendentalis an detur in divi-
nis. 31. 23.

O

Obiectum divina intellectus quodnam
sit. 14. 68. Obiectum intellectus quid
sit. 16. 10.
Obsessio demonum ex quibus capitibus oria-
tur. 49. 2. cum seq.

P

Passiones an sint in Deo. 20. 16.
Pater, & Filius diligunt se. Spiritu S.
36. 3.
Peccatum Angeli fuit superbia. 48. 60. quod-
nam fuerit obiectum dicti peccati. 48. 72.
cum seq.
Perfectio quotuplex. 4. 10. quomodo rerum
perfectioes sint in Deo. 4. 11.
Persona recte definitur. 29. 2. inveniatur in
divinis. 29. 9. eius significatum. 29. 18. an
divina persona habeant proprias substantias.
29. 37. an etiam substantiam substantia
absoluta. 29. 52. an ratio persona sit
univoca tribus personis divinis. 31. 60.
Personae divinae quibus constituentur, &
distinguantur. 38. 2. an proprietates con-
stitutivae divinarum personarum sint ab-
solutae, an relatae. 38. 10. an persona di-
vina mittantur. 39. 4. quamnam mittan-

tur. 39. 12.

Patientes an magis diligatur quam inno-
centes. 20. 14.

Possibilia an intelligantur talia antequam à
Deo cognoscantur. 25. 19.

Potentia an sit in Deo. 25. 2. quomodo divi-
datur. 25. 5. potentia activa Dei an sit sua
essentia. 25. 6. obiectum divine potentia,
quod. 25. 11. an sit ratio possibilium. 25.
15. potentia Dei an possit facere, quod
praeterita non sint talia, &c. 25. 17. verb.
Deus.

Praxis à quo desumatur. 1. 70. notia practi-
tica an regulat praxim. 1. 71.

Prædeterminatio an tollat libertatem. 19. 193.
cum seq. an prædeterminatur materiale pec-
cati. 19. 200. cum seq.

Prædeterminatio putens profundissimum. 23. 1.
est conveniens. 23. 4. datur de facto. 23.
12. est actus intellectus. 23. 19. imperij.
23. 33. an sit pars providentia. 23. 49.
definitiones prædeterminationis explicantur.
23. 59. in quo sit. 23. 64. recensentur om-
nes eius effectus. 23. 72. cum seq. Præde-
terminatorum electio est operis. 23. 134. ope-
ra naturalia an disponant ad prædetermina-
tionem. 23. 207. an opera facta ex gratia
23. 220. an merita puri hominis possint
mereri prædeterminationem alterius. 23.
228.

Premissa naturalis quomodo concurrat ad
conclusionem Theologicam. 1. 57.

Processio datur in divinis. 27. 2. non sunt
actus natura. 27. 24. sunt actus intelli-
gendi, & volendi. 27. 22. non sunt ema-
nationes, sed operationes. 27. 35. pro-
cessio Verbi est generatio. 27. 54. cum plu-
ribus seq. datur etiam processio per volun-
tatem. 27. 93. processio Spiritus S. non est
generatio. 27. 110.

Providentia est in Deo. 22. 2. in quo consist-
stat. ibid. n. omnia illi subduntur. 22.
6. non assert necesse suam rebus promissis.
22. 15.

R

Relationes dantur in Deo. 28. 2. sunt reales. 28. 12. non distinguuntur realiter ab essentia. 28. 25. an ex natura rei. 28. 32. includunt essentiam. 28. 58. an sint de intrinseca ratione essentia. 28. 80. dicunt perfectionem. 28. 89. non tamen secundum esse. ad. 28. 100. an habeant propriam existentiam relativam. 28. 135. an distinguantur realiter ab invicem. 28. 172. sunt tantum quatuor. 28. 191. quid de distinctione spirationis activa à paternitate, & filiatione. 28. 202. Relationes non constituunt personas secundum rationem originum. 38. 24. sed secundum ad. 38. 43.

Reprobatio datur in Deo. 23. 127. in quo consistat. 23. 136. an dicat voluntatem excludendi aliquos à regno ante praevisionem demeritorum. 23. 142. an detur causa reprobationis quoad primam permissionem primi peccati. 23. 156. recensentur effectus reprobationis. 23. à n. 169. usque ad 182.

Tres res an dentur in divinis. 31. 2.

S

Sacra Scriptura sensus. 1. 115. videntes scriptura ad iocum; &c. 1. 122. quos sint illius versiones. 1. 118.

Sapientia quæ. 1. 89. à quo dicatur. 1. 93. quid sit ibid. quomodo sit verum quod. Sapiens dominabitur astris. ibid. conditiones sapientis. 1. 94. quomodo differant sapientia virtutis; & donum Spiritus S. 1. 95.

Scientia an debeat esse evidens. 1. 44. à quo desumat unitatem. 1. 59. quæ sit practica; & quæ speculativa. 1. 64.

Scientia Dei an sit attributum. 14. 29. est causa rerum. 14. 100. quanam sit causa rerum. 14. 105. an sit non solum causa dirigens; sed etiam exequens. 14. 115.

Scientia media est impossibilis ex Sacra Scriptura. 14. 162. non est necessaria ad præ-

destinationem; neque ad prædestinationem liberi consensus voluntatis. 14. 274. est impossibilis cum prædestinatione adultorum. 14. 282. probatur ex alijs capitulis impossibilitas dictæ scientia. 14. 289. sensus Sacra Scriptura. 1. 115.

Sensus compositus quinam. 19. 200.

Simplicitas an sit perfectio simpliciter simplex. 3. 24. an sit attributum. 3. 33. errores circa Dei simplicitatem. 3. 34. an possit communicari. 3. 35.

Spacium imaginarium an detur. 8. 21. an Deus in illis possit moveri. 8.

34. Spiritus S. an procedat à Filio. 35. 2. an si ab illo non procederet; distinguere tur. 35. 39. An procedat à duabus personis. 35. 126. an procedat ex amore omnium; &c. 35. 152. Pater; & Filius diligunt se Spiritu Sancto. 36. 3. effidendum. 36. 21.

Substantia supernaturalis non est dabilis; 12. 170. non potest respicere aliqui à extra. ibid.

Subiecta quot modis accipiat. 1. 102.

T

Termini numerales an ponant aliquid in divinis. 31. 39.

Theologia qualis sit; & ad quæ se extendat. 1. 10. alia naturalis; & alia supernaturalis: alia positiva; & alia Scholastica; quid sint. 1. 3. & 4. quis inveniatur apud Græcos; & quis apud Latinos Theologia Scholastica. 1. 5. quomodo sit ad salutem necessaria. 1. 6. an distinguatur à fide. 1. 14. an sit habitus naturalis; an supernaturalis. 1. 23. an maneat in heretico. 1. 31. an habitus Theologie sit declarativus; an adhefusus. 1. 33. an sit scientia. 1. 34. & 51. quid de Theologia Dei; & beatorum. 1. 41. an nostra Theologia subalteretur Theologia Dei; & beatorum. 1. 48. maturina; an vespertina. ibid. 49.

Manes in patria. 1. 50. an sit scientia practica. 1. 61. est dignior ceteris scientijs. 1. 75. est illis certior. 1. 76. est

I N D E X

sapientia . 1.86. eius obiectum quodnam sit . 1. 100. est argumentativa . 1. 106. probat sua principia . 1. 107. soluit argumenta contra fidei mysteria . 1. 109. an sit equalis certitudinis cum propositione fidei . 1. 110. ex quibus locis procedat . 1. 113. vitur metaphoris . 1. 114.

Trinitatis nomine an sit utendum in diuinis . 31.49.

V

Verbum an procedat ex cognitione omnium , que sunt formaliter , & necessario in Deo . 33. 2. procedit ex cognitione possibilem . 33. 50. non tamen ex cognitione creaturarum futurarum . 33.93. formalissima ratio Verbi est formalissima ratio Filij . 27.82.

Veritas transcendentalis in quo consistat . 16. 3. an sit obiectum intellectus . 16. 16. 10. veritas formalis an sit in intellectu . 16. 12. per qua conformitate consistat . 16. 16. an verum sit prius quam bonum . 16.20.

Visio clara Dei est possibilis . 12. 2. non potest lumine naturali euidenter cognosci . 12. 15. non datur appetitus innatus ad illam . 12. 26. neque elicitus . 12.

25. in visione beata essentia diuina vinitur intellectui per modum speciei intelligibilis . 12.44. an dicta essentia concurrat actiue ad dictam visionem beatam . 12. 65. non est possibilis species impressa creata in dicta visione beata . 12. 81.

hoc probant rationes D. Thome : 12.93. cum sequent. In visione beata non datur verbum productum . 12. 116. Ratio D.

Thome probat impossibilitatem dicti verbi . 12. 126. videri non potest Deus oculis corporeis . 12. 137. cum seq. Vbi plura alia.

Non est possibilis intellectus qui propria virtute possit videre Deum . 12.151.

Non potest dari substantia , aut intellectus cui sit connaturale lumen gloria ad videndum Deum . 11.162.

Lumen gloria in visione beata non con-

currit per modum speciei . 12. 179. hoc lumen disponit ad receptionem diuina essentia . 12. 188. requiritur ad recipiendam dictam visionem beatam . 12. 196. non potest intellectus sine lumine glorie videre . Deum cum solo concursu Dei Dei concomitare . 12. 204. in visione beata non potest essentia diuina vni in ratione luminis . 12. 211. possunt visiones beate esse inaequales . 12. 222. eadem inaequalitas non est essentialis . 12. 226.

Melior intellectus cum aequali lumine non potest clarius videre diuinam essentiam . 12. 245.

Beati vident omnia absoluta que formaliter , & necessario sunt in Deo . 12. 256. non possunt videre essentiam sine personis , nec vnam personam sine alia . 12. 260. non tamen possunt comprehendere Deum . 12.145.

Beati an videant libera Dei decreta . 12. 272. an videant effectus existentes in aliqua differentia temporis . 12. 282. an videant creaturas possibles . 12.289. an vniator possit videre Deum per essentiam . 12. 299. Beata Virgo videt aliquando diuinam essentiam . 12. 303. cum seq. Vbi plura curiosa . Moyses , & Paulus viderunt diuinam essentiam . 12. 308.

Virtutes affectiue sunt in Deo . 19.23.

Vita quarum sit rerum . 18.2. est in Deo , & in quo consistat . 18.5. omnia in Deo sunt vita , & quomodo . 18.11.

Tres unitates an dentur in diuinis . 31. 2. unitas , quid addat supra ens . 11. 2.

Voluntas datur in Deo : 19. 2. est actus purissimus , & non potentia . 19. 12. in ea sunt virtutes affectiue . 19. 23.

Voluntas , seu velle non spectat ad formalissimum constitutum diuina essentia . 19. 34.

Volitio creaturarum datur in Deo . 19. 46. quodnam sit obiectum diuina voluntatis . 19. 51. Diuina voluntas non potuit manare suspensa . 19. 105. diuina voluntas , ut libertas , & ut natura an distinguatur . 19. 118. quid sit volun-

I N D E X

tas antecedens, & quid consequens. 19.
167. & 168. *quomodo voluntas ante-*
cedens sit in Deo. 19. 170. *quid sit vo-*
luntas signi, & beneplaciti. 19. 177.
Voluntas divina prae definit omnes alius cau-
sarum secundarum. 19. 181. *haec prae-*

definitio divina voluntatis non tollit, sed
ponit libertatem. 19. 193. *cum sequen-*
tib.
Voluntas divina prae definit materiale pecca-
ti. 19. 208.

F I N I S

R E G E S T V M

§. §. A B C D E F G H I K L M N O P Q R S T V X Y Z

Aa Bb Cc Dd Ee Ff Gg Hh Ii Kk Ll Mm Nn Oo Pp Qq
Rr Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm Nnn
Ooo Ppp Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee Ffff Gggg Hhhh Iiii Kkkk Llll
Mmmm Nnnn Oooo Pppp Qqqq Rrrr Ssss Tttt Vuuu Xxxx
Yyyy Zzzz.

Aaaaa Bbbbbb Cccccc Dddddd Eeeee Fffff Ggggg Hhhhh Iiiii
Kkkkk Lllll Mmmmm Nnnnn Ooooo Ppppp Qqqqq Rrrrr
Sssss Ttttt Vuuuu Xxxxx Yyyyy Zzzzz.


Aaaaaa Bbbbbbb Ccccccc Ddddddd Eeeeeee.

Omnes sunt Duerniones praeter Eeeeeee. quod est folium simplex.

R O M A E .

Typis Philippi Mariae Mancini . M.DC.LXIV.

SVPERIORVM LICENTIA.



5-2

